



PATROLOGIÆ

CURSUS COMPLETUS,

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,
OMNIUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆCORUM,

QUI AB EVO APOSTOLICO AD ÆTATEM INNOCENTII III (ANN. 1216) PRO LATINIS,
ET AD CONCILII FLORENTINI TEMPORA (ANN. 1439) ET ULTRA PRO GRÆCIS FLORUERUNT:

RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIORA
ECCLESIE SÆCULA,

IUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS, PERQUAM DILIGENTER CASTIGATA; DISSERTATIONIBUS, COMMENTARIIS VARISQUE LECTIONIBUS CONTINENTER ILLUSTRATA; OMNIUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DERENTUR ABSOLUTAS, DETECTIS AUCTA; INDICIBUS ORDINARIIS VEL ETIAM ANALYTICIS, SINGULOS SIVE TOMOS, SIVE AUCTORES ALICUIUS MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLIFICATA;

DUCENTIS ET QUADRAGINTA INDICIBUS SUB OMNI RESPECTU, SCILICET, ALPHABETICO, CHRONOLOGICO, ANALYTICO, ANALOGICO, STATISTICO, SYNTHETICO, ETC., OPERA, RES ET AUCTORES EXHIBENTIBUS, ITA UT NON SOLUM STUDIOSO, SED NEGOTIIS IMPLICATO, ET SI FORTE SINT, PIGRIS ETIAM ET IMPERITIS PATEANT OMNES SS. PATRES, LOCUPLETATA; SED PRÆSENTIM DUOBUS IMMENSIS ET GENERALIBUS INDICIBUS, ALTERO SCILICET RERUM, QUO CONSULTO, QUIDQUID NON SOLUM TALIS TALISVE PATER, VERUM ETIAM UNUSQUISQUE PATRUM, ABSQUE ulla EXCEPTIONE, IN QUOLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ SACRÆ, EX QUO LECTORI COMPERIRE SIT OBIIVM QUINAM PATRES ET IN QUIBUS OPERUM SUPRUM LOCIS SINGULOS SINGULORUM LIBRORUM SCRIPTURÆ VERSUS, A PRIMO GENESIOS USQUE AD NOVISSIMUM APOCALYPSIS, COMMENTATI SINT:

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS, CHARTÆ QUALITAS, INTEGRITAS TEXTUS, CORRECTIONIS PERFECTIO, OPERUM RECUSORUM TUM VARIETAS TUM NUMERUS, FORMA VOLUMINUM PERQUAM COMMODA SIBIQUE IN TOTO PATROLOGIE DECURSU CONSTANTER SIMILIS, PRETII EXIGUITAS, PRÆSENTIMQUE ISTA COLLECTIO UNA, METHODICA ET CHRONOLOGICA, SEXCENTORUM FRAGMENTORUM OPUSCULORUMQUE HACTENUS NIC ILLIC SPARSORUM, VEL ETIAM INEDITORUM, PRIMUM AUTEM IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS. LINGUAS FORMASQUE PERTINENTIBUS, COADUNATORUM, ET EX INNUMERIS OPERIBUS TRADITIONEM CATHOLICAM CONFLANTIBUS, OPUS UNICUM MIRABILITER EFFICIENTIUM.

SERIES LATINA

IN QUÆ PRŒDEUNT PATRES, DOCTORES SCRIPTORESQUE ECCLESIE LATINÆ
A TERTULLIANO AD INNOCENTIIUM III.

ACCURANTE J.-P. MIGNÉ.

Bibliothecæ cleri universæ,

SIVE CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORÆ.

PATROLOGIA, AD INSTAR IPSIUS ECCLESIE, IN DUAS PARTES DIVIDITUR, ALIAM NEMPE LATINAM, ALIAM GRÆCO-LATINAM. AMBÆ PARTES JAM INTEGRE EXARATÆ SUNT. LATINA, 223 VOLUMINIBUS MOLE SUA STANS, 1115 FRANCIS VENIT: GRÆCA DUPLICI EDITIONE TYPIS MANDATA EST. PRIOR GRÆCUM TEXTUM UNA CUM VERSIONE LATINA LATERALI COMPLECTITUR, ET 104 TOMOS IN 109 VOLUMINIBUS, PRO PRIMÆ SERIE, NON EXCEDIT. POSTERIOR VERSIONEM LATINAM TANTUM EXHIBET, IDEOQUE INTRA 55 VOLUMINA RETINETUR. SECUNDA SERIES GRÆCO-LATINA AD 66 VOLUMINA TANTUM ATTINGIT; DUM HUIUS VERSIO MERE LATINA 29 VOLUMINIBUS EST ABSOLUTA. UNUMQUODQUE VOLUMEN GRÆCO-LATINUM 8, UNUMQUODQUE MERE LATINUM 5 FRANCIS SOLUMMODO EMITUR: UTROBIQUE VERO, UT PRETII HUIUS BENEFICIO PRIOR EMITTOR, COLLECTIONEM INTEGRAM, SIVE LATINAM, SIVE GRÆCAM COMPARET NECESSE ERIT; SECUS ENIM CUIUSQUE VOLUMINIS AMPLITUDINEM NECNON ET DIFFICULTATES VARIA PRETIA ÆQUABUNT. IDEO, SI QUIS TANTUM EMAT VEL ET INTEGRE, SED SEORSIM, COLLECTIONEM GRÆCO-LATINAM, VEL EANDEM EX GRÆCO LATINE VERSAM, TUM QUODDQUE VOLUMEN PRO 9 VEL PRO 6 FRANCIS SOLUM OBTINEBIT. ISTE CONDITIONES POSTERIORI PATROLOGIÆ LATINÆ SERIÆ, PATRES AB INNOCENTIO III AD CONCILIIUM TRIDENTINUM EXHIBENTI, APPLICABUNTUR. PATROLOGIA QUÆ MANUSCRIPTIS IN BIBLIOTHECIS ORBIS UNIVERSI QUÆSCIENTIBUS CONSTABIT, NECNON PATROLOGIA ORIENTALIS, CONDITIONIBUS SPECIALIBUS SUBIICIANTUR, ET IN TEMPORE SUO ANNUNTIANTUR, SI TEMPUS EAS TYPIS MANDANDI NOBIS NON DEFUERIT.

PATROLOGIÆ LATINÆ TOMUS CXLV.

S. PETRUS DAMIANUS.

EXCUEBATUR ET VENIT APUD J.-P. MIGNÉ, EDITOREM,
IN VIA DICTA THIBAUD, OLIM D'AMBOISE, PROPE PORTAM LUTETIÆ PARISIORUM VULGO
D'ENFER NOMINATAM, SEU PETIT-MONTROUGE, NUNC VERO INTRA MŒNIA PARISIENSIA.

AVIS IMPORTANT.

D'après une des lois providentielles qui régissent le monde, rarement les œuvres au-dessus de l'ordinaire se font sans contradictions plus ou moins fortes et nombreuses. Les *Ateliers Catholiques* ne pouvaient guère échapper à ce cachet divin de leur utilité. Tantôt on a nié leur existence ou leur importance; tantôt on a dit qu'ils étaient fermés ou qu'ils allaient l'être. Cependant ils poursuivent leur carrière depuis 27 ans, et les productions qui en sortent deviennent de plus en plus graves et soignées : aussi paraît-il certain qu'à moins d'événements qu'aucune prudence humaine ne saurait prévoir ni empêcher, ces Ateliers ne se fermeront que quand la *Bibliothèque du Clergé* sera terminée en ses 2,000 volumes in-4°. Le passé paraît un sûr garant de l'avenir, pour ce qu'il y a à espérer ou à craindre. Cependant, parmi les calomnies auxquelles ils se sont trouvés en butte, il en est deux qui ont été constamment répétées, parce qu'étant plus capitales, leur effet entraînait plus de conséquences. De petits et ignares concurrents se sont donc acharnés, par leur correspondance ou leurs voyageurs, à répéter partout que nos Editions étaient mal corrigées et mal imprimées. Ne pouvant attaquer le fond des Ouvrages, qui, pour la plupart, ne sont que les chefs-d'œuvre du Catholicisme reconnus pour tels dans tous les temps et dans tous les pays, il fallait bien se rejeter sur la forme dans ce qu'elle a de plus sérieux, la correction et l'impression; en effet, les chefs-d'œuvre même n'auraient qu'une demi-valeur, si le texte en était inexact ou illisible.

Il est très-vrai que, dans le principe, un succès inouï dans les fastes de la Typographie ayant forcé l'Editeur de recourir aux mécaniques, afin de marcher plus rapidement et de donner les ouvrages à moindre prix, quatre volumes du double *Cours d'Ecriture sainte et de Théologie* furent tirés avec la correction insuffisante donnée dans les imprimeries à presque tout ce qui s'édite; il est vrai aussi qu'un certain nombre d'autres volumes, appartenant à diverses Publications, furent imprimés ou trop noir ou trop blanc. Mais, depuis ces temps éloignés, les mécaniques ont cédé le travail aux presses à bras, et l'impression qui en sort, sans être du luxe, attendu que le luxe jurerait dans des ouvrages d'une telle nature, est parfaitement convenable sous tous les rapports. Quant à la correction, il est de fait qu'elle n'a jamais été portée si loin dans aucune édition ancienne ou contemporaine. Et comment en serait-il autrement, après toutes les peines et toutes les dépenses que nous subissons pour arriver à purger nos épreuves de toutes fautes? L'habitude, en typographie, même dans les meilleures maisons, est de ne corriger que deux épreuves et d'en conférer une troisième avec la seconde, sans avoir préparé rien le manuscrit de l'auteur.

Dans les *Ateliers Catholiques* la différence est presque incommensurable. Au moyen de correcteurs blanchis sous le harais et dont le coup d'œil typographique est sans pitié pour les fautes, on commence par préparer la copie d'un bout à l'autre sans en excepter un seul mot. On lit ensuite en première épreuve avec la copie ainsi préparée. On lit en seconde de la même manière, mais en collationnant avec la première. On fait la même chose, en tierce, en collationnant avec la seconde. On agit de même en quarte, en collationnant avec la tierce. On renouvelle la même opération en quinte, en collationnant avec la quarte. Ces collationnements ont pour but de voir si aucune des fautes signalées au bureau par MM. les correcteurs, sur la marge des épreuves, n'a échappé à MM. les correcteurs sur le marbre et le métal. Après ces cinq lectures entières contrôlées l'une par l'autre, et en dehors de la préparation ci-dessus mentionnée, vient une révision, et souvent il en vient deux ou trois; puis l'on clique. Le clicage opéré, par conséquent la pureté du texte se trouvant immobilisée, on fait, avec la copie, une nouvelle lecture d'un bout de l'épreuve à l'autre, on se livre à une nouvelle révision, et le tirage n'arrive qu'après ces innombrables précautions.

Aussi y a-t-il à Montrouge des correcteurs de toutes les nations et en plus grand nombre que dans vingt-cinq imprimeries de Paris réunies! Aussi encore, la correction y coûte-t-elle autant que la composition, tandis qu'ailleurs elle ne coûte que le dixième! Aussi enfin, bien que l'assertion puisse paraître téméraire, l'exactitude obtenue par tant de frais et de soins, fait-elle que la plupart des Editions des *Ateliers Catholiques* laissent bien loin derrière elles celles même des célèbres Bénédictins Mabillon et Montfaucon et des célèbres Jésuites Petau et Sirmond. Que l'on compare, en effet, n'importe quelles feuilles de leurs éditions avec celles des nôtres qui leur correspondent, en grec comme en latin, on se convaincra que l'inévitable est une réalité.

D'ailleurs, ces savants éminents, plus préoccupés du sens des textes que de la partie typographique et n'étant point correcteurs de profession, faisaient, non ce que portaient les épreuves, mais ce qui devait s'y trouver, leur haute intelligence suppléant aux fautes de l'édition. De plus les Bénédictins, comme les Jésuites, opéraient presque toujours sur des manuscrits, cause perpétuelle de la multiplicité des fautes, pendant que les *Ateliers Catholiques*, dont le propre est surtout de ressusciter la Tradition, n'opèrent le plus souvent que sur des imprimés.

Le R. P. de Buch, Jésuite Bollandiste de Bruxelles, nous écrivait, il y a quelque temps, n'avoir pu trouver en dix-huit mois d'étude, une seule faute dans notre *Patrologie latine*. M. Denzinger, professeur de Théologie à l'Université de Wurzburg, et M. Reissmann, Vicaire Général de la même ville, nous mandaient, à la date du 19 juillet, n'avoir pu également surprendre une seule faute, soit dans le latin soit dans le grec de notre double *Patrologie*. Enfin, Son Eminence le cardinal Pitra, Bénédictin de Solesmes, et M. Bonetty, directeur des *Annales de philosophie chrétienne*, mis au défi de nous convaincre d'une seule erreur typographique, ont été forcés d'avouer que nous n'avions guère trop présumé de notre parfaite correction. Dans le Clergé se trouvent de bons latinistes et de bons hellénistes, et, ce qui est plus rare, des hommes très-positifs et très-pratiques, eh bien! nous leur promettons une prime de 10 centimes par chaque faute véritable qu'ils découvriront dans n'importe lequel de nos volumes, surtout dans les grecs.

Malgré ce qui précède, l'Editeur des *Cours complets*, sentant de plus en plus l'importance et même la nécessité d'une correction parfaite pour qu'un ouvrage soit véritablement utile et estimable, se livre depuis plus d'un an, et est résolu de se livrer jusqu'à la fin à une opération longue, pénible et coûteuse, savoir, la révision entière et universelle de ses innombrables clichés. Ainsi chacun de ses volumes, au fur et à mesure qu'il les remet sous presse, est corrigé mot pour mot d'un bout à l'autre. Quarante hommes y sont ou y seront occupés pendant 10 ans, et une somme qui ne saurait être moindre d'un demi million de francs est consacrée à cet important contrôle. De cette manière, les Publications des *Ateliers Catholiques*, qui déjà se distinguaient entre toutes par la supériorité de leur correction, n'auront de rivaux, sous ce rapport, dans aucun temps ni dans aucun pays; car quel est l'éditeur qui pourrait et voudrait se livrer APRES COLP à des travaux si gigantesques et d'un prix si exorbitant? Il faut certes être bien pénétré d'une vocation divine à cet effet, pour ne reculer ni devant la peine ni devant la dépense, surtout lorsque l'Europe savante proclame que jamais volumes n'ont été édités avec tant d'exactitude que ceux de la *Bibliothèque universelle du Clergé*. Le présent volume est du nombre de ceux révisés, et tous ceux qui le seront à l'avenir porteront cette note. En conséquence, pour juger les productions des *Ateliers Catholiques* sous le rapport de la correction, il ne faudra prendre que ceux qui porteront en tête l'avis ici tracé. Nous ne reconnaissons que cette édition et celles qui suivront sur nos planches de métal ainsi corrigées. On croyait autrefois que la stéréotypie immobilisait les fautes, attendu qu'un cliché de métal n'est point élastique; pas du tout, il introduit la perfection, car on a trouvé le moyen de le corriger jusqu'à extinction de fautes. L'Hebreu a été revu par M. Drach, le Grec par des Grecs, le Latin et le Français par les premiers correcteurs de la capitale en ces langues.

Nous avons la consolation de pouvoir finir cet avis par les réflexions suivantes : Enfin, notre exemple a fini par ébranler les grandes publications en Italie, en Allemagne, en Belgique et en France, par les *Canons grecs de Rome*, le *Gerdil* de Naples, le *Saint Thomas* de Parme, l'*Encyclopédie religieuse* de Munich, le recueil des *déclarations des rites* de Bruxelles, les *Bollandistes*, le *Suarez* et le *Spicilège* de Paris. Jusqu'ici, on n'avait su réimprimer que des ouvrages de courte haleine. Les in-4°, qu'on s'engloutissait les in-folio, faisaient peur, et on n'osait y toucher, par crainte de se noyer dans ces abîmes sans fond et sans rives; mais on a fini par se risquer à nous imiter. Bien plus, sous notre impulsion, d'autres Editeurs se préparent, sous notre patronage et notre direction, au *Bullaire universel*, à une *Histoire générale des Conciles*, aux *Decisions* de toutes les Congrégations, à une *Biographie* et à une *Histoire universelle* etc., etc. Malheureusement, la plupart des éditions déjà faites ou qui se font, sont sans autorité, parce qu'elles sont sans exactitude; la correction semble en avoir été faite par des aveugles, soit qu'on n'en ait pas senté la gravité, soit qu'on ait reculé devant les frais; mais patience! une reproduction correcte surgira bientôt, à défaut qu'à la lumière des écoles qui se sont faites ou qui se feront encore.

TRADITIO CATHOLICA.

SÆCULUM XI. ANNUS 1072.

S. PETRI DAMIANI

S. R. E. CARDINALIS

EPISCOPI OSTIENSIS, ORDINIS S. BENEDICTI, E CONGREGATIONE FONTIS-AVELLANÆ,

OPERA OMNIA,

COLLECTA PRIMUM AC ARGUMENTIS ET NOTATIONIBUS ILLUSTRATA

STUDIO AC LABORE

DOMNI CONSTANTINI CAJETANI

SYRACUSANI,

ABBATIS SANCTI BARONTIS CONGREGATIONIS CASINENSIS.

ACCESSERE

S. PETRI DAMIANI OPUSCULA NONNULLA

Ab eminentissimo cardinale MAIO

RECENS EDITA.

TOMUS POSTERIOR.

Венеут duo volumina 1⁴ francis gallicis.

EXCUDEBATUR ET VENIT APUD J.-P. MIGNE, EDITOREM,
IN VIA DICTA THIBAUD, OLIM D'AMEOISE. PROPE PORTAM LUTETIÆ PARISIORUM VULGO
D'ENFERI NOMINATAM, SEU PETIT-MONTROUGE, NUNC VERO INTRA MOENIA PARISINA.

TRADITIO CATHOLICA.

SÆCULUM XI. ANNUS 1072.

ELENCHUS

AUCTORUM ET OPERUM QUI IN HOC TOMO CXLV CONTINENTUR.

SANCTUS PETRUS DAMIANUS SANCTÆ ECCLESİÆ ROMANÆ CARDINALIS

OPERUM TOMUS SEU PARS III.

Opuscula.	Cot.	20
Alexandri III diploma de legatione S. Petri Damiani in Gallias.		857
De adventu S. Petri Damiani ad Cluniacensem ecclesiam.		858
Acta synodi in Galliis celebratæ a B. Petro Damiano.		860
Hymnus de gloria paradisi.		861

Additio ad tom. III Operum S. Petri Damiani.

De Gallica protectione S. Petri Damiani.	866
Expositio Canonis missæ.	880
Testimonia Novi Testamenti ex operibus S. Petri Damiani excerpta.	892

OPERUM TOMUS SEU PARS IV.

Carmina sacra et preces.	917
Collectanea in Vetus Testamentum ex operibus S. Petri Damiani.	985

OPERUM SANCTI PETRI DAMIANI

IN EDITIONE CAJETANI

TOMUS TERTIUS

OPUSCULA VARIA COMPLECTENS.

CAJETANI EPISTOLA NUNCUPATORIA.

S. D. N. PAULO V, pontifici maximo, dñmus CONSTANTINUS CAJETANUS, abbas Casinensis S. Barontis, sempiternam felicitatem.

Sacrae litterae et monumenta sanctorum, beatissime Pater, ejus preli ac indolis esse solent, ut si diu in tenebris jacere, silentioque involvi, et oblivione deleri videantur, nihilominus ob eorum famam opinio-nemque sanctitatis, ac coelestis doctrinae praestantiam, lucem in tenebris, linguam in silentio, memoriam in oblivione sempiternam obtineant; in mystico hoc caelo Ecclesiae tanquam solem occultari, nunquam tamen interire potuerunt. Etenim summi pontifices, qui Christianum hunc orbem moderantur, Spiritu Dei acti et impuls, post noctem et occasum, solem ei suum oriri et splendere faciunt: eo tamen gloriosius atque divinius, quo magis id per debile ac exiguum instrumentum operantur. Hoc sane mihi a te contigit, beatissime Pater, quem in hac sacra litterarum monumenta incumbere jussisti, ac perenni munificentiae tuae fonte excitas, ne quid de ejusmodi studio praetermittam, sed mearum lucubrationum labor appareat, et uberem tuam in me gratiam, si non attingere, saltem sequi et odorari videatur. Cum ergo hanc curam et diligentiam in B. Petri Damiani cardinalis, episcopi Ostiensis, opuscula, quae in caliginoso vetustatis sinu latuerant, collocassem, ut ea sparsa collegerim, turbata digesserim, quatuorque in tomos dividerim: post primum et secundum jam editos, tuoque magno, et singulari patrocinio tam benigne susceptos, tertius hic ac penultimus eisdem quoque tenebris erumpens, quasi fratribus eam invidens gloriam, prodit in lucem; et cum diem aspiciat, nihil majus existimat quam dies videre tuos, tecumque vivere et letari. Tu igitur, beatissime Pater, illum accipere et fovere ne desinas, eo maxime quod filii tui partus existat, illius nempe cardinalis de sede apostolica, et repub. Christiana optime meriti: quem adhuc viventem Alexander II ejusdem apostolicae sedis oculum, et firmamentum immobile, jam tunc apostolico calculo sanctita-tem et doctrinam ipsius approbans, scriptis appellavit. Eo enim pietatis et religionis studio deflagrabat, ut eloquio, libris et exemplo, animis virtutes inserere, et vitia extirpare, bonorum mentes augere, et improborum infringere audaciam noverit. Quem non solum in privata, sed in hac etiam communi Ecclesia nunc exhortando, nunc docendo, nunc moderando ac protegendo, nunc operando supra vires naturae proficere, vulgus aspiens, unanimi consensu, uno ore beatum praedicavit.

Benedictinae etiam religionis juvenitatis auctoritas, quae de suo hoc alumno et doctore adeo gloriatur, ut nume-rosa sua antiqua novaque pignora quasi despiciens, unum Petrum Damiani suscipiat, eique quasi unico filio blandiatur; quod eo potissimum antiquae suae familiae splendore excitari, laborumque merita, quae pro Ecclesia semper Romana suscepit, renovari videat. Petri etiam hujus sui nominis, sanctissimi Petri apostolorum principis, qui eandem Benedictinorum gentem per tam multa saecula ad Ecclesiam turbulentis temporibus instaurandam sua in sede constituit, nomen in memoriam reducens. Nam Petrus diaconus discrete commemorat (*Tract. mirac. S. Bened. ex Biblioth. Casinen. ap. me ms.*) Petrum ipsum apostolo-rum principem, cum Ecclesiae suae navem impiorum turbinebus agitatam conspiceret, ad Benedictum tan-quam cum eo accerrimum ipsius vindicem contendisse, et Casini quietam sibi sedem quaesivisse: « Vade, inquit Petrus sanctissimus quibusdam peregrinis sibi occurrentibus, ad fratrem meum Benedictum, ut cum eo passionis meae diem celebrem: variis enim procellis Ecclesia mea deprimitur. » Quis ergo Petro cum Benedicto ex amore fraternitatis et conjuberni communia cuncta esse conspiciens, non eundem Benedi-ctum per suos perpetuis multisque post, sicut et antea, saeculis vices Petri suscepturum non speraret?

Eventus quidem rem ipsam confirmavit : nam ab eo tempore, quo S. Benedictus, instituto choro, alumnos suos in Urbis basilicas ecclesiasque alias introduxit usque ad millesimum centesimum quadragesimum quartum annum, clero ipso tunc creatore et eligente pontifices, continenter summum pontificatum gerere consueverant. Quod si postea serie interrupta nonnulli, ut Sylvester II, Clemens quoque II et alii, non ex clero Romano ad supremam illam dignitatem assumpti fuerint, non est tamen dubium quin ipsi ejusdem Benedictini ordinis professores existerint. Præterea posteriores sexdecim, qui centum annos Dei Ecclesiam gubernarunt, centum fere quindecim prioribus superadditos, hos et illos omnes vel in sanctorum numerum relatos veneramus, vel omnium virtutum genere eminentes suspicimus. Quid referam quot quantosque S. R. E. cardinales habuerit? cum nulli aut pauci fuerint qui ea tempestate ex Benedictinorum claustris ad illam amplitudinem non ascenderint. Taceo innumerabilem hujus sanctæ propaginis per totum terrarum orbem multitudinem. Non memoro quantum Italia, Anglia, Germania, Belgium, Vasconia, Bohemia, Ungaria, Suevia, Gothia, Polonia, Benedictinis tot eo missis apostolis : ac tandem India Occidentalis Bartholomæo Buylt, Tarracoeniensi, Montisferrati monacho (quinquaginta pene annis antequam B. Fr. Xaverius a B. Ignatio illuc mitteretur) primo ab Alexandro VI ad eum apostolo delegato, debeant. Non refero quot per omnem ætatem sexumque martyres aut virgines, quot per omnem gradum confessores, quot per omnes Ecclesias pastores, perque omnes academias insignes doctores adepta fuerit. In Petro tamen Damiani hæc omnia in suos olim divisa singulari Dei beneficio conjuncta et copulata jam videt; et quem in carne viventem tractare non potest, eundem in scriptis spirantem admirari non desinit.

Cum hæc sint potissime causæ, beatissime Pater, quare tanti viri doctrinam hoc in libro contentam non minori quam alios patrocinio pretioque suscipias, ultimam tamen adjiciam, quam etiam tibi gratam fore non dubito. Etenim si a Benedictino capite ad membra transire ac descendere fas est, me ipsum novissimum invenio, non per me ipsum (sentio namque quam sim inutilis et exiguus), sed per majores meos, quos etiam aliud nomen decusque pro sede apostolica gessisse non negarim. Gentilium enim mihi indigno Cajetanorum domus antiquissima, quæ Roma, et Cajeta, cujus principatum ad quingentos fere annos obtinuit, Pisas demigrans, non oblita majorum suorum erga Romanos pontifices observantiæ, ibi eos sancte et intrepide ab imperatorum illius temporis vi et multorum insolentia non semel defensavit, eorumque auctoritatem diu sartam tectamque conservavit. Cujus et meritum magnitudo ex eo colligitur quod ab eo tempore hæc una Cajetana, tot tantisque sedis apostolicæ aucta titulis et honoribus, cæteras fere Pisanæ reipub. familias antecelluit : ter enim, ut alia prætermittam, cardinalitia dignitate perfulsit. Porro ex eadem multo antea Romam sibi patriam incolente nonnullos summum pontificatum obtinuisse, et diversis temporibus complures ad cardinalatum pervenisse, atque etiam tam Romanæ reipub. quam Campaniæ et Patrimonii præfectura donatos esse constat. In quibus Cajetæ duces ac Fundorum, comitesque Ciceanensium, atque Signiæ, necnon et Vicani principes, ipsius gentis soboles, complurium civitatum et oppidorum perpetuo jure fruebantur : idque potissimum Leonardo Aretino, viro gravissimo, cum vetustis Annalibus, quod pro Romanis pontificibus quamplurimos labores subierint, attestantibus.

Verum jam nil amplius tuis antecessoribus collata obsequia commemorans, propitius tuas ad res accedam, quo tuam in me gratiam nunquam minuentem, imo magis augendam fore confido. Noveris, beatissime Pater, Ursinorum familiam genere et rebus gestis nobilissimam, pro tuenda pontificum libertate suam cum meâ sentis ope et virtute strenuam, ut pro sancta sede communem periculi et laboris gloriam compararent, fidem et robur conjunxisse : atque ut hanc pietatis ac virtutis concordiam naturæ viribus confirmarent, mutuis matrimonii nexibus sæpenumero colligasse. Hinc vero hæc duæ plantæ sibi invicem insitæ et connexæ, Cajetana simul et Ursina gentis splendorem nomenque edere inceperunt, inter quæ (ut nunc de posteris Cajetanis taceam) Joannes ille exstitit, Urbis senator amplissimus, etsi patre Ursino natus, a matre tamen Perna Cajetæ ducum, et Gelasio II gentili, Cajetanus appellari voluit, quem etiam sequitur Joannes alter Cajetanus, magni Matthæi Ursini Romanorum senatoris, et Pernæ gentis ejusdem Cajetanae filius, qui divina quadam morum indole Nicolaus III in pontificatu sublimis emicuit. Denique, ut plura quæ generis hujus suppetunt, exempla præteream, Neapoleoni Cajetano ejusdem magni Matthæi filio, quotquot hodie supersunt ex Ursinis principes, originem suam referre debent.

Quamobrem, sanctissime Pater, cum ex Benedictina religione, et meis majoribus totum me apostolicæ sedis agnoverim, eundem me tibi etiam singulari beneficentia tam arcte devinxisti, ut pro nominis tui gloria et dignitate vitam exponere, beneficiorum et hereditatis mihi jure obitigisse crediderim. Deus omnipotens te ad Ecclesiæ suæ firmamentum diutissime servet incolumem.

CAJETANI PRÆFATIO.

Cum duo potissimum sint, studiose Lector, quæ sacri doctoris scripta extollere ac illustrare possunt: alterum vitæ innocentia et integritas, alterum doctrinæ orthodoxæ fides et auctoritas; non dubito quin in Petro Damiani, cardinali sanctissimo et doctissimo, utrumque reperias. Si vitam illius, quam in terris egit, aspicias, cœlestem prorsus et angelicam dixeris, dignamque ideo qua Ecclesia hæc militans ad sui temporis evertenda vitia, errores debellandos, virtutes extruendas, mores instaurandos frueretur. Etenim omnes qui ipsum eloquio, opere et exemplo miranda dicere et patrare viderant, qui ejus admirabilem erga Deum ac homines pietatem, incredibilem sapientiam, cum potentia submissionem, cum opibus ac divitiis abdicatorem, cum fomite carnisque illecebra puritatem conjunctam agnovissent, beatum uno ore prædicantes, atque quemdam fere angelum credentes, ex quamvis suprema hierarchia spiritus iste in terras descenderit, dijudicare non poterant. Si vulgi communi opinione et præconio nescio quid veritatis ac numinis continetur, quid gloriosius et divinius quam unius vices Dei gerentis in terris testimonio commendari? Alexander namque secundus Damianum viventem, suum oculum et immobile sedis Apostolicæ firmamentum per litteras appellavit. Vere quidem oculus, vere Ecclesiæ firmamentum ille dicitur, in quo veluti in firmamento justitiæ immortale lumen, et fixa omnium virtutum sidera lucebant, quæ purpura illum magis pretiosum, Deoque et hominibus spectabilem exhibebant. Lucernam hanc lucidam et ardentem, quæ in Benedictinæ religionis medio latitaret et abscondita contenta erat, Deus Opt. Max. ab excelso gloriæ suæ solio respiciens, in Ecclesiæ suæ candelabro, loco edito et eminenti collocavit; unde conspicua miraculorum et sanctitatis luce claresceret, atque ita sedi apostolicæ subsidium, purpuratis exemplum, pastoribus regulam, tandem viam cæteris salutarem ministraret. Hic Petrus Damiani existit, Lector humanissime, quem si viventem populus ejus cœlestis doctrinæ pabulo recreatus, miraculis stupefactus, vitæque exemplo confirmatus, sanctum et beatum prædicavit, et summus pontifex tali eundem, ut vidisset, encomio illustravit, nihil est quod de ejusdem post obitum sanctitate dubites, atque etiam quo pacto et tempore Petrus Damiani in sanctorum numerum ascriptus fuerit, curiosius inscrueris. Etenim ex tot annorum sæculis nihil usquam invenimus, quam duarum Ecclesiarum Ravennatis et Faventinæ irrefragabile testimonium, cujus vis omnis ac veritas in veteri consuetudine et immemorabili traditione consistit.

In primis sanctissimi viri patria Ravenna sua in civitate universaque diœcesi illum inviolabili festo duplicique officio concelebrat.

Deinde Faventia, ubi obiit et sacrum sui corporis spoliū dereliquit, ex eo jam tempore quo singulari hujus sancti patrocinio Gallorum obsidione liberata fuit, ipsum eundem (quem suis unum ex quatuor protectoribus multo antea susceperat) anniversario cum tribus aliis festo inviolabili celebrare decrevit: atque eadem celebritate et officio veneratur, die nempe 22 Februarii; qui tamen, quod festo S. Petri Antiochenæ cathedræ occupatur, semper in sequentem transferitur. Quo die cum clero religionumque ordinibus et magistratuum comitatu ab Ecclesia Majori usque ad ædem S. Mariæ de Angelis, ubi depositum est corpus, solemniter proceditur.

Præterea singulis fere annis, quibus ordo officii recitandi excluditur, in eo per hæc verba reponitur: *Vicesima tertia die Februarii, Petri Damiani episcopi et confessoris Ravenn. dupl. fuit heri. Quo etiam ordine cum sanctis episcopis confessoribus aliisque cœlitibus ab antiquis temporibus in Litania positus invocatus est. Atque et in vetustissimis eorumdem, Ravennatis præcipue ac Faventinæ Ecclesiarum tabulis, monumentisque Damiani nomen inter sanctos perpetuo connumeratum fuisse, compertum etiam habeo.*

Hujus quoque nostri beatissimi doctoris sanctitatem commendat tumulus ante trecentos fere annos candido ex marmore, loco post majus altare edito et sublimi constructus, hujusmodi inter alia verbis in marmore incisus: *A. D. MCCCLIII, die xiii Aprilis translatus fuit corpus S. Petri Damiani in sancta scriptura doctor. et Ostiensis episcopi, ac apost. sed. legati. Ibidem etiam: Obiit confessor Christi Petrus Damiani, Ostiensis episcopus, et Cardinalis sanctissimus, viii Kal. Martii. Quem tumulum, quamvis antiquissimum, pius ille populus visa ac recenti religione colit, osculatur et amplectitur, suisque in rebus præsens expeditorum auxilium. Unde non immerito votivis tabellis donariisque appensis, ac accensis luminibus nobilitant. Necnon et in sancti hujus viri celebritate, ejus effigies, quæ tumulo inheret, pastoralis induitur ornamēto populi que frequentia visitatur. Hæc omnia authenticis præfatæ utriusque ecclesiæ ac civitatis testimoniis ad me transmissis confirmantur.*

Nec minus erit argumentum complurium religionum fides, qui testatissime et oculate testantur, cum ab hinc fere annis viginti hoc sepulcrum aperiretur, inventum fuisse Petri Damiani corpus incorruptum. Ne vero oculos deceptos fuisse quis existi-

met, ipsimet monachi, qui rem totam curiosius inspexerunt, affirmant, eundem Dei virum parva esse corporis statura : unumque ab eo tunc illi abstraxere brachium, ut hoc cum aliis sanctorum reliquiis ad festorum solemnia altari majori, quemadmodum in hanc usque diem consuevit servatur, exponerent.

Ultimo accedit veterum ac recentiorum auctoritas, qui Petrum hunc nostrum sanctitatis et doctrinae laude conspicuum appellare non dubitant, qui et quoties illius sententiam suis inserere scriptis et concionibus volunt, eundem eo sancti titulo praeconant. Quae omnia si minus sufficere videantur, eadem dubitationis ratio multis in sanctis insurgeret, quos tamen vel privatae, vel communis Ecclesiae consensus celebrat; cum nihil aliud quam vetus consuetudo et traditio pro eorum fide ac testimonio militet.

Quoad vero sancti viri doctrinam attinet, hoc animo Lector infigat, atque eam parem pondere et pretio veterum Patrum monumentis esse non ignoret. Hac enim orthodoxa fides roboratur, religio catholica illustratur, pietas accenditur, humanus error et impietas evanescit, atque in caelum via munitor et ostenditur. Praeterea unice et singulariter commendandus est noster hic doctor, quod inaffectato et simplici stylo copiosa et varia intexere do-

cumenta noverit, ex quibus tanquam ex fontibus diversi scientiae professores utilia ac necessaria haurire poterunt. Quapropter non parum industriae et laboris insumpsimus hasce margaritas suo singulis loco disponere, quas sanctus doctor, prout tempus, locus ratioque postulabat, effundere consueverat. Cum ergo primum opusculorum tomum quae politica continentis politiciis; secundum ubi sacrae loca paginae exponuntur, concionatoribus dedissemus : hunc tertium, qui quasi contentiosam theologiam cum haereticis ac schismaticis agitatam complectitur, theologis scholasticis assignamus. Ne vero qui eruditionis studio delectantur, sua voluptate defraudare videamur, quartum et ultimum, qui diversi generis carmina et sacras preces continet,

viris ipsis eruditissimis asservabimus. Non tamen singuli exacte rem hinc suam eruere posse existiment, quia vir sanctus non ex professo, ut diximus, argumenta haec varia pertractavit, nec tanti viri mens unquam fuit suam velle doctrinam hominum applausui, sed communi potius saluti, Deique gloriae potissimum commendare. Quamobrem nostrum inserviendi omnibus animum, quaeso, gratus ac letus accipias, et viri sanctissimi doctrinam, quam his ejus in scriptis exhibemus, totis viribus assequi, et in ea vitam imitari ne desinas. Vale.

COROLLARIA QUÆDAM

DE VITÆ LAUDE AC SANCTITATE B. PETRI DAMIANI.

I.

Leo IX papa in diplomate ei adhuc viventi concesso.

Leo episcopus, servus servorum Dei.

Apostolicæ sedis competit auctoritati et legaliter ordinata statuere, et Deo semel oblata, ut inconcussa serventur, in posterum providere : ne quod priorum devota Deo pietas inchoat, sequentium pravitas sacrilega, quod absit, temeritate subvertat. Quapropter Eremum quæ dicitur Ocri, in Saxeno videlicet territorio constitutam, tibi, Petre Damiane prior ejusdem Eremiti, tuisque successoribus adjudicamus : et ipsam Eremum in suo statu persistere, et in perpetuum valere decernimus. Nec liceat ulli mortalium, non parvæ, non iniquæ personæ ipsam quandoque Eremum ad sæculi jura redigere, vel alicui prorsus monasterio subjugare. Enim vero predictum locum per semetipsum quidem fieri monasterium, si congruum visum fuerit, non abnuimus ; juri vero alterius monasterii subijci, omnino prohibemus. Non enim ignoramus, quia hujusmodi suppositio plerumque loci est absque dubietate destructio. Sancimus etiam, ut plebem S. Mariæ positam in loco, qui dicitur Vineole, præfata Eremus perpetuo jure possideat. Sed et prædia, si qua nunc

sunt, vel deinceps acquisitura est, absque injusta cujuscunque molestia, quiete et tranquille detineat. Nec ulli hominum liceat in ipsam Eremum per hostilem impetum violenter irrumpere, et servos Dei, qui illic habitaverint, vel expellere, vel deprædationibus infestare ; salvo tamen jure fidelium laicorum, qui ejusdem Eremiti patroni sunt, et eam pro animarum suarum remedio condiderunt. Si quis autem hujus nostri apostolici decreti temerator exstiterit, nisi respiscat atque in omnibus apertus Dei inimicus emendare contemnat, anathematis se vinculis obligandum indubitanter agnoscat.

II.

Alexander II in litteris ad Galliarum præsules apostolicis, de B. Petro Damiani legationem iisdem in partibus obeunte, sic magnifice loquitur.

ALEXANDER episcopus, servus servorum Dei, GERVASIO Remensi archiepiscopo cum suis suffraganeis, si obediunt, salutem et apostolicam benedictionem.

Si quod officii vestri est, exsequeremini, non abbatem, sed maleficum Reginaldum, a Petro Ostiensi episcopo, et a vobis in conciliis justa ratione, ut nobis relatum est, condemnatum, ab ipso sancti Me-

dardi, quod simoniace invasit, cœnobio penitus eliminaretis. Quod si causa cupiditatis, aut amore, vel timore alienius potentis personæ, explere renuistis, hæc omnia Dei omnipotentis timori præpositis, et nullum dispersis monachis solatium regrediendi præbuitis: quapropter ejusdem Rainaldi malitia magis multiplicatur et crescit. Hæc vero illecirco mandare curavimus, quia ex iisdem dispersis monachis quidam ad nos venerunt, fientes et ejulantes; alii litteras direxerunt lamentabiles, justitiam sancti Petri, nostramque consolationem pro tali injustitia requirentes. Unde supradicti Petri, vestramque nostra auctoritate corroboramus sententiam; eundemque Rainaldum et consentaneos ejus anathematizamus; ipsumque cœnobium, quandiu in eo manserit, interdicimus, et ut idem faciatis, vobis mandamus.

III.

ALEXANDER episcopus, servus servorum Dei, charissimo fratri GERVASIO Remensi archiepiscopo salutem et apostolicam benedictionem.

Debitas fraternitati tuæ grates rependimus, quod in ejectione Hy, a nobis damnati, quod Carnotensem Ecclesiam simoniace invasegat, promptum te sollicitumque ostendisti: quodque ut alter dignus et idoneus eidem Ecclesiæ canonice substitueretur, charissimo filio nostro Philippo Francorum regi consilium dedisti. Cui nimirum suisque optimatibus, ut dignas super hoc grates rependas, prudentiam tuam invitamus. Noverit etiam fraternitas tua nos confratrem nostrum Senonensem archiepiscopum admonuisse, quatenus Aurelianensis Ecclesiæ invasorem nostra apostolica auctoritate excommunicet. Claret enim ipsum simoniace episcopatum obtinere, et ad obtegendam reatus sui improbitatem, perjurium in Cabillonensi synodo incurrisse, suaque fraudulentia confratrem nostrum Petrum Ostiensem episcopum, a quo eadem synodus celebrata est, decerpisse. Super hæc etiam ad augmentum criminum suorum litteras apostolatus nostri, quibus ad hæc examinanda vocabatur, omnino refutavit. Quapropter charitatem tuam apostolica auctoritate admonemus, ut præfato Senonensi archiepiscopo in damnatione Aurelianensis invasoris, contempto timore et gratia omnium, te socium et adiutorem adhibeas.

IV.

Desiderius abbas Montis Casini, S. Q. R. E. card., postea vero Victor III papa, in epistola ad eum missa.

Domno PETRO DAMIANI, venerabili episcopo, DESIDERIUS abbas, Dei gratiam et salutem,

Quoniam satis clare innouit quod hoc monasterium S. Benedicti, cui præesse videor, plus omnibus aliis circumquaque fundatis, diligas (cunctis

A fratribus nostris laudantibus et libenter consentientibus), promittimus tibi, venerabilis frater Petre, ego frater Desiderius cum tota congregatione hujus sancti cœnobii, memoriam obitus tui annualiter nos habituros: posteros quoque nostros hoc idem observare fideliter cupientes, sicut consuetudinaliter prædecessorum nostrorum abbatum, qui noviter de hac luce migraverunt, officiosissime celebramus. Satis quippe dignum et honestum nobis videtur, quibus tantam dilectionem impendis, tantam benevolentiam ostendis, aliquid emolumenti rependamus, ut quos ita inæperis amare semper dum vixeris, amor tuus crescat in nobis, dum aliquid devotionis et amoris præter solitum a nobis te speras consecuturum. Si quis autem hujus nostræ pollicitationis violator exstiterit, vel nobiscum viventium, aut succedentium, ante tribunal Christi reus Judicii presentetur (1).

Ego, qui supra Desiderius abbas, subscripsi.

Ego Frater Rainerius subscripsi.

V.

Petri Damiani tumuli, qui, et hodie accensis pie luminibus illustratur, et populi frequentia, qui prostrertim ad capitis sanandas illius contactu cegritudines eo concurrunt, visitatur, inscriptio in marmore excisa. Hujus tamen litteras nunc ibidem ob usum candelarum abolitas, antea vero integras, Hieronymus Rubens, vir doctissimus mihiq; amicissimus, miserat.

A. D. MCCCXLIV. d. e. xii. April. translatus fuit corpus S. Petri Dam. Raven. in sancta Scriptura Doct. et Ostien. Episcopi, ac Apost. Sed. Legati, Ord. S. Benedicti in Eremito S. Crucis Fontis Avellanæ, in præsentem Arcam a Rev. P. D. Matthæo de Callio hic Abb.

Sub eadem arca.

Quinque denis mille tercentis, et quatuor annis, Tertius Aprilis cum decimo fluxerat ortus, Transtulit te clerus doctum in pagina sacra Ostiensis præsul, quem dotat cardinalatus. O Petre Damiane, te Crux in ordine Fontis Avellanæ beat, ut legatus quoque tandem Sedis apostolicæ, petra nunc clauderis ista. Institit abbas Matthæus de Callio natus.

VI.

Inscriptio rotiva, quam ecclesiæ Faventiniæ cathedralis in una suis ex columnis adhuc retinet et conservat ab eo tempore quo Deus sanctorum Savini episc. et mart., Emiliani episc. et conf., Terentii diac. ac Petri Dam. meritis, civitatem illam Gallorum obditione liberavit; eadem civitas ex grati animi argumento, votique officio Petrum Dam. quem una cum eisdem sanctis multo antea patronum susceperat, anniversarios omnes festo inviolabili celebrare constituit.

Imminente civitati ex Gallis periculo cædis, exitii et flammæ, vocit universus populus Faventinus agere non minus solemmniter diebus festis sanctorum Sa-

(1) Juxta sanctam hanc Desiderii abb. ejusque machorum promissionem, Petri Damiani celebrantini viri memoriam singulis annis Casinus recolbat: sic enim in eorumdem Calendario, quod post Martyrologium legitur, notatum vidimus: viii Kal.

Martii obiit venerandæ memoriæ domnus Petrus, Ostiensis episcopus. Qui sane titulus, venerandæ, viris plerumque sanctitate conspicuis dari consueverat, ut ex eodem Casinensi Calendario potissimum constat.

vinī, Amiliani, Terentii et Petri Damiani officium, A si modo omnipotens Deus ruinam averteret. Quod quam diebus Dominicis agi solitum, debitumque sit; fecit. MDXII.

ILLUSTRISS. AC REVERENDISS. D. D.

SCIPIONI S. R. E. CARDINALI BURGHESEO,

MAJORI POENITENTIARIO AC SEDIS APOSTOLICÆ BIBLIOTHECARIO.

DOMN. CONSTANTINUS CAJETANUS, ABBAS CASINENSIS S. BARONTIS, SAL. FL. FEL. Q.

Quemadmodum qui diu in tenebris jacuere, card. B respondeant; tanti id æstimant, ut æque cum sui amplissime, tandem aliquando erumpentes in lucem, subito lucem ipsam intueri non possunt, sed prævio indigent adminiculo, quo ejus intrepidi et inoffensi splendorem sustineant: ita sane huic tertio ex opusculis tomo B. Petri Damiani card. episc. Ostien. evenit, qui quod hactenus in vetustatis caligine situque delituit, ut prodeat in lucem, ac potissimum ut illud tam eminens sanctissimi D. N. Pauli Y tui avunculi lumen aspiciat, tuum, Scipio card. amplissime, præsidium, tuum nomen exposcit, quo suffultus ante ipsius tanti principis conspectum venire non timeat. Etenim probi intelligent, quanta tuo huic nomini virtutum, ac litterarum ornamenta

respondeant; tanti id æstimant, ut æque cum sui nomine auctoris componant. Te igitur quærit, te convenit, te ducem amplectitur ut eo, quo tendit, manu ducere ne graveris, non immemor, idem ei quoque deberi ex officio: cum fetus viri illius existat, cui tecum fraterna aliquando dignitas intercessit, quem sicut et alios, qui in Dei Ecclesia celestii doctrina et pietate floruerunt, adeo sequi et imitari non desinis. Ac me etiam (quæ tanta est tua benignitas) a quo ipse proponitur, non dubito, quin gratiose respicias, tuoque obsequio magis adhibeas. Deus Opt. Max. amplitudinem tuam sua in Ecclesia felicem semper ac sospitem tueatur.

S. PETRI DAMIANI

S. R. E. CARDINALIS

OPUSCULA VARIA.

1-2 OPUSCULUM PRIMUM.

DE FIDE CATHOLICA, AD AMBROSIIUM.

ARGUMENTUM. De Trinitatis essentia, hoc est, de distinctione personarum et unitate substantiæ; et de vera Christi humanitate, et divinitate; de Spiritus sancti processione; de B. Virginis incorrupta virginitate; et denique de totius orthodoxæ fidei mysteriis luculenter disserit: quid credendum sit a fidelibus, quid sentiendum juxta universalis ecclesiæ traditionem, et sanctorum Patrum sententias, demonstrans.

Sanctæ spei dilecto filio AMBROSIO, PETRUS peccator monachus, orthodoxæ fidei veritatem. C tiquorum doctorum vulgatum est paginis, nunc ex ore nostro, velut ex domestico proferatur armario.

Exigis, fili charissime, ut aliquid tibi de catholica fide conscribam: et vel pauca eorum, quæ a Patribus diffusius explicantur, succincte percurram. Speras enim te, sicut perhiles, efficacius instrui, et hoc memoriæ tuæ tenacius inculcari, si quod in au-

Licet enim ex una prodeat tunna, quod miscetur; magis tamen delectat manus vernacula qua præbatur. Et sæpe plus eorum nobis medicamenta proficiunt qui nostri languoris incommodum per assidue familiaritatis contubernium recognoscunt. Nam

quia mihi notissimus es per unanimitatem fraternæ dilectionis affectum, confidis, me illic potissimum malagma salutis apponere, ubi fidei tuæ nervos a certitudinis robore noverim paulo debilius vacillare. Et hoc irreprehensibiliter agis, ut quasi fundamentum fidei inter ipsa novæ conversionis tuæ rudimenta constituas, in quo securi operis, tanquam spiritualis ædificii machina, nunquam lapsura consurgat. Laudanda certe petitio : et quod exigitur, non otiosum, sed apprime est necessarium. Proinde sancta tuæ devotionis instantia, quia rem flagitat justam, non meretur in sua petitione repulsam. Sine fide quippe nec in Christo vivere, nec Deo possumus ulla penitus operatione placere. Quod et apostolica, simul et prophetica testatur auctoritas. Nam Apostoli vox est : « Sine fide impossibile est placere Deo (Hebr. xi). » **3** Per prophetam vero dicitur « Justus autem ex fide vivit : quod si subtraxit se, non placebit animæ meæ (Habac. ii ; Hebr. x). »

Igitur secundum utramque sententiam placere Deo non possumus, nisi rectam veræ fidei regulam teneamus. Fides est origo virtutum, fides bonorum operum fundamentum, fides est totius humanæ salutis exordium. Per cujus semite lineam quisquis caute non graditur, erroris laqueo, necesse est, capiatur. Quapropter si quispiam videatur arripere boni operis institutum, tamen absque recta fide, nullo modo potest ad filiorum Dei pertinere consortium. Et qui non novit ambulare per fidem, nequam pertingere valebit ad speciem : atque, ut brevi cuncta concludam, sine recta fide quis nec justificationis consequitur gratiam, nec vitam promeretur æternam. Jam igitur ad vivum rei, atque ad propositæ materiæ centrum, ipso duce, de quo loquimur, accedamus.

CAPUT PRIMUM.

Quæ credenda sint.

In primis ergo quicumque verus, atque perfectus vult esse catholicus, credat necesse est, in Deum Patrem omnipotentem, cunctorum visibilium, atque invisibilium conditorem. Credat et in Filium ejus unigenitum, Verbum scilicet, virtutem atque sapientiam, per quem creata sunt universa. Qui non creatus, sed ante sæcula genitus ; verus Deus per omnia, sicut Pater, et unus cum Patre substantiæ, quamvis alterius sit personæ. Nec posterior tempore, vel inferior dignitate, vel impotentior est virtute ; sed omnino tantus est genitus, quantus et ille, qui genuit. Et quamquam genitus a Patre Filius asseratur, nullum tamen ei, sicut nec Patri, tempus ascribitur. Nam qui Patrem confitetur æternum, necessarium est, ut et Filium ei perhibeat coæternum. Nimirum qui [quia] Pater ante sæcula semper existit, absque ullo prorsus initio, et Filium semper habuit. Neque enim esse Pater æternaliter potuisset, si Filium æternaliter non haberet. Credat et in Spiritum sanctum, verum utique Deum, ex Patre, simul ac Filio procedentem ; et utrique substantia, potentia, voluntate, atque æternitate semper æqua-

lem. Qui profecto non de Patre procedit in Filium, et de Filio procedit ad sanctificandam creaturam, sicut quidam impie ac pestilenter intelligunt ; sed simul ab utroque procedit. Pater enim talem genuit Filium, ut quemadmodum de se, ita quoque de illo procedat Spiritus veritatis.

Constanter itaque, filii charissime, ac firmiter crede, Patrem, et Filium, et Spiritum sanctum unum esse solum, et verum Deum, omnipotentem, æternum, incommutabilem, impassibilem. Sola est enim incommutabilis, et absque ulla prorsus varietatis alternitate substantia, vel essentia, quæ Deus est. Cui profecto ipsum esse, unde essentia vocabulum trahit, permaxime ac verissime competit. Cui scilicet summæ ac singulari substantiæ nomen illud propriè ac singulariter congruit, quod Græci dicunt, *ou* ; Latine dicitur, est. Unde **4** et Apostolus ait : « Non est in illo est, et non : sed est in illo, est (II Cor. i). » Ipse quoque Dominus ad Moysen : « Ego, inquit, sum, qui sum. Et : Sic dices filiis Israel : qui est, misit me ad vos (Exod. iii). » Quamobrem dum unam, simplicem, atque indivisibilem Dei substantiam dicimus, Trinitatem vero in vocabulis discernamus, unumque confiteamur Deum Patrem, et Filium, et Spiritum sanctum, omnino sciendum est : quia et quique singulus horum Deus, et simul omnes unus est Deus. Singulus quisque horum plena, et perfecta, et æterna substantia : et simul omnes æque simplex et una substantia. Unde non est majus aliquid, vel plenius Pater, et Filius, et Spiritus sanctus simul dicti, quam cum dicitur una quælibet ex eadem sancta Trinitate persona. Omnipotens enim Deus per immensitatem naturæ suæ, totam creaturam suam et implet, et continet : atque ideo totum, quicquid est, implet Pater, totum Filius, totum Spiritus sanctus : quia Pater, et Filius, et Spiritus sanctus naturaliter unus est Deus.

Quocirca, filii mei, cum litanis, vel orationibus te contingit insistere, noli facere, quod quidam simplices magis ignoranter, quam infideliter faciunt, ut nomen Patris, vel Filii, vel Spiritus sancti semel invocet : nomen vero sanctæ Trinitatis tanquam plus aliquid, et ad majorem reverentiam sæpius iteret : ut sicut plus est multitudo sanctorum, quam unus sit Sanctus, ita, quod absit, majus aliquid sit Trinitas tota, quam ejusdem sanctæ Trinitatis una persona. Quod itaque fidelium pietas abjicit, et orthodoxæ fidei regula non admittit. Absque ulla nimirum dubietate credendum est, quod Pater plenus, et perfectus est Deus, Filius plenus et perfectus est Deus ; Spiritus sanctus plenus, et perfectus est Deus. Non tamen tres dii, Pater, et Filius, et Spiritus sanctus, sed unus est Deus plenus atque perfectus. Nec aliquid majus significant tres simul dicti, Pater, et Filius, et Spiritus sanctus, quam quilibet unus, sive Pater, sive Filius, sive Spiritus sanctus singulariter nominetur. Eadem quippe magnitudo est in unaquaque persona singulariter

dicta, quæ est in tota Trinitate communiter nominata: alioquin cum jure dicatur, Pater Deus, Filius Deus, Spiritus sanctus Deus, singulus horum imperfectus esset Deus: si plenior Deus in tribus, quam in una videretur esse persona. Sed absit hoc a pietate fidelium, qui simplici naturæ divinitatis majus, vel minus aliquid non ascribunt.

Cum itaque tantus solus sit Pater, vel solus Filius, vel solus Spiritus sanctus, quantus est simul Pater, et Filius, et Spiritus sanctus, nullo modo triplex dicendus est Deus, quia cum minui nequeat, non est etiam, quo semper eadem illa summæ Trinitatis perfectio crescat. Plenus igitur, atque perfectus Deus, sive Pater singillatim dicatur, sive Filius, sive Spiritus sanctus, et plenus, atque perfectus Deus est simul Pater, et Filius, et Spiritus sanctus: ideoque triplex Deus, non triplex esse dicendus est.

Præterea non est in hac sancta Trinitate gradus temporis, non discretio magnitudinis, non varietas dignitatis. Nihil enim illic est antiquius tempore, nil quod quantitate differat, nil quod honore præcellat: sed tota illa divinitatis essentia ita simpliciter est naturæ, ut exceptis vocabulis quæ proprietatem indicant personarum, quidquid de una persona potest essentialiter dici de tribus etiam valeat indifferenter intelligi. Notandum sane, quod homo non ad unius personæ, sed ad totius Trinitatis sit creatus imaginem. Unde non legitur: Faciam ad imaginem meam, sed: « Faciamus, inquit, hominem ad imaginem nostram (Gen. i). »

CAPUT II.

Hæresis Arii et Sabellii confutatur.

Porro, sicut confundentes Arium, unam eandemque totius Trinitatis esse substantiam confitemur; ita nihilominus et impietatem Sabellii declinantes, tres personas inconfusas et signanter expressas, sub sua cujusque proprietate distinguimus. Non enim, ut hæretica commentatur impietas, ipse Deus Pater, quando vult, Pater est; quando vult, Filius est; quando vult, Spiritus sanctus est: sed unaquæque persona, sic quadam ab aliis proprietate distinguitur, ut Pater semper sit Pater, et nunquam Filius, vel Spiritus sanctus; Filius autem semper sit Filius, et nunquam sit Pater, vel Spiritus sanctus; Spiritus sanctus vero nunquam sit Pater, vel Filius, sed semper Spiritus sanctus. Quamobrem non attendenda est nuda duntaxat diversitas nominum, sed subtiliter distinguenda proprietates personarum.

Pater itaque hoc habet proprium, quod ex omnibus quæcumque sunt, solus est, qui ab alio non est: ac per hoc solus agnoscitur in paternitatis esse persona, non solus est in deitatis essentia. Unigenitus vero Dei Filius hoc proprium habet, quod solus ex solo, id est, a Patre consubstantialiter, et coessentialiter solus est genitus: et hæc Filii proprietates. Spiritus autem sancti proprium est, quod simul a Patre procedit et Filio, et est utriusque Spiritus consubstantialis utique, et cœ-

ternus, ejusdem immensitatis et potentæ, ejusdem voluntatis inseparabilisque naturæ. Quia nequaquam illis in aliquo minor est, a quibus ipse procedit: sed cum illis simul ut revera Deus omnipotens colitur, cum illis æqualiter adoratur. Totus enim manet in Patre, totus in Filio; totus procedit a Patre, totus procedit a Filio. In quibus sic manet, ut semper ab utroque procedat; sic procedit, ut in eis inseparabiliter maneat. Cum quibus scilicet naturalem, et coessentialem habet et unitatis plenitudinem, et plenitudinis unitatem. Et hæc summa illa charitas est, qua genitus a gignente diligitur suumque diligit genitorem. Ideoque non amplius quam tria sunt, et essentialiter indivisa, et tripartita proprietate distincta. Unus diligens eum, qui de illo est; et unus diligens eum, a quo est; et ipsa dilectio, de qua dicitur: « Quia Deus charitas est (I Joan. iv). » Et hæc est summa, ineffabilis et incomprehensibilis Trinitas, non dicam unius Dei, sed unus Deus. Nec unus vertitur, vel mutatur in alterum; sed quod est, sine qualibet mutatione, 6 jugiter permanet illibatum. Ait enim propheta: « Egredietur de ore meo justitiæ verbum, et non revertetur (Isai. xlv). » Quid est « non revertetur? » Ne Sabellianus dicat quia ipse est Pater, qui et Filius est: vel Patripassianus, quando, inquit, vult, Pater est, et quando vult, Filius est. Egressum igitur verbum non revertitur, quia Pater semper Pater est, et Filius semper Filius est.

CAPUT III.

De sacramento Dominicæ Incarnationis.

Credimus etiam, quia Dei Filius, quem ex propria substantia Deus Pater ante sæcula genuit, verum naturæ nostræ hominem induit, ac de maternis visceribus intemerata virginitate processit. Nam qui de Deo Deus, de omnipotente erat omnipotens; non posterior tempore, non inferior majestate, non certe dissimilis gloria, non divisus essentia; idem sempiterni Genitoris unigenitus sempiternus, natus est de Spiritu sancto et virgine Maria. Quia sic assumpsit hominem, ut non permicaret in aliquo deitatem: veram scilicet carnem, et veram sibiimet animam substantialiter cœnivit, ut secundum ipsam humanitatem mortem moriendo destrueret, et diabolum, qui mortis habebat imperium, superaret. Non enim sic intelligenda est illa generatio singulariter admirabilis, et mirabiliter singularis, ut per novitatem creationis proprietates ablata sit generis. Virgine scilicet utero Spiritus sanctus fecunditatem contulit, veritas tamen corporis ex maternæ naturæ conditione processit, quam mox rationalis vitæ spiritus animavit. Condemnamus enim Apollinarem, qui non hominis mentem, sed solam sine ratione animam suscepisse perhibet Salvatorem. Dogmatizat enim, quia sufficere potuit sola divinitas, ut mentem daret, et consilium sapientiæ rationalis infunderet. Quod procul dubio tantumdem est, ac si dicat: Redemptor noster non homo fuit, sed membra duntaxat humani corporis habuit. Animam scilicet et corpus habent

et animalia bruta, sed rationem non habent, quæ A
mentis est propria.

Sed si detestandi sunt Manichæi, qui eum verum corpus habuisse, quod infimum est in homine, denegant: quanto magis isti condemnandi sunt, qui scilicet hoc eum, quod optimum est in homine, non habuisse confirmant? Absit igitur, ut credamus, quod confinxit temeraria cæcitas, et superba loquacitas. Absit, inquam, Dei Filius minus aliquid de humana suscepisse naturam, et vel in carne, vel in anima, vel in sensu assumptum hominem nobis fuisse dissimilem; quem absque sola peccati macula, quæ naturalis non est his, propter quos assumptus est, confiteamur omnino fuisse conformem. Nam ideo Dei mediator, et hominum dicitur: quia sicut verus Deus, ita verus est homo habens eandem cum Patre in divinitate naturam, et in nullo diversam humanitatis cum matre substantiam; habens ex nobis usque ad mortem iniquitatis nostræ pœnam, habens incommutabilem ex Deo Patre 7 justitiam, « qui crucifixus est ex infirmitate nostra, sed vivit ex virtute sua (II Cor. xiii). » Sensit enim participatione humani affectus mortem, quam sponte suscepit; non naturæ suæ potestatem perdens, per quam cuncta vivificat. Ipse scilicet auctor, et opus auctoris, quia ipse se quasi sacerdos sacrificium obtulit; et idem ipse velut hostia suavitatis in cruce pendit. Salva nimirum proprietate utriusque naturæ, et in unam coeunte personam suscepta est a majestate humilitas, a virtute infirmitas, ab æternitate mortalitas: et ad persolvendum conditionis nostræ debitum, naturæ inviolabili natura est unita passibilis: ut unus, idemque mediator Dei et hominum et mori posset ex uno, et mori non posset ex altero.

CAPUT IV.

Quomodo solus Filius carnem suscepit, et mortem subivit.

Sed hic tibi, fili, cogitatio fortassis obrepit, quæ velut ex consequentia rationis objiciat: dum Filius, inquam, unius cum Patre substantiæ, et inseparabilis credatur esse naturæ, quomodo sine Patre Filius, vel humanitatis potuit induere formam, vel solus passionis toleravit injuriam? Quod quia divinum et inaccessible est, quod ex ipsius ineffabilis naturæ manifestis comprehendere nequit iudiciis, a catholicis sæpe doctoribus visibilibus rerum declarationibus exemplis. Unde et beatus loquitur August.: « Aliud est, inquit, anima, aliud ratio; et tamen in anima est ratio: et una quidem est anima, sed aliud anima agit, aliud ratio. Nam anima vivit, et ratio sapit, et ad animam pertinet vita, ad rationem pertinet sapientia; et tamen nec anima sine ratione, nec ratio sine anima. Et cum unum sint, anima sola suscepit vitam, ratio sola suscepit sapientiam. Sic et Pater et Filius, licet unum sint, et unus Deus sit, ad solum Christum pertinet caro, sicut ad solam rationem pertinet sapientia, licet non recedat ab anima. » Ecce iterum aliud præbet exemplum:

In sole calor, et splendor in uno radio sunt, sed calor exsiccat, splendor illuminat; et cum aliud calor agit, aliud splendor, et tamen ab invicem nequeunt separari. Sic et Filius suscepit carnem, et non deseruit Patrem. In cithara quoque cum ars, manus et chorda cooperari non dubitentur, unus tamen sonus auditur. Ita Pater, et Filius, et Spiritus sanctus, simul Christi cooperati sunt humanitatem, sed solus Filius suscepit humanitatem.

Quod si et hoc forte movet, quomodo verum Christi corpus fuit, quod salva virginitate, ex maternis visceribus egredi potuit. Quod in promptu est, oculis adhibe, et ex minimis immensa pendet. Solis radius ita specular penetrat, et ut obicem ejus insensibili subtilitate pertranseat, et tamen ejus soliditatem aliquatenus non infringat: et talis intrinsecus cernitur, qualis videtur extrinsecus. Itaque cum ingreditur, neque cum egreditur dissipat: quia et ingressu, et egressu ejus specular integrum 8 perseverat. Specular itaque non frangit radius solis, et integritatem virginis conservare non potuit nascentis omnipotentia Redemptoris? Nam virginalis integritas sic incorrupta peperit, sicut inviolata concepit. Verus enim, et plenus Deus est, sicut verus, et plenus homo, qui ex ea natus est. Nullumque est in hac anite mendacium, dum invicem connexa sunt, et humilitas hominis, et sublimitas deitatis. Sicut enim Deus non minuit inclinatione, sic homo non consumitur dignitate. C Agit enim utraque natura, quod proprium est, Verbo scilicet operante, quod Verbi est, et carne naturaliter exsequente, quod carnis est. Unum enim horum coruscet miraculis, alterum succumbit injuriis. Sed nec creatura in divinitatem versa, nec in creaturam divinitas est mutata. Ex duabus enim, et in duabus naturis sic mediatoris Dei, et hominum persona consistit, ut postquam Dei Filius factus est homo, nequaquam sicut hæretica blasphematur impietas, vel humanam naturam divinitatis plenitudo consumeret, vel in humanitatis essentiam divinitas demigraret. Nam cum hominem Deus assumpsit, incommutabilis omnino, et impassibilis divina ejus natura permansit. Ex duabus itaque naturis; quoniam utramque indivisibiliter cœnivit; in duabus autem, quoniam incorruptam utramque servavit. Unigenitus enim Dei Filius perfectam hominis animam, carnemque suscipiens, et consubstantialis est Patri in forma Dei, et consubstantialis est matri, in forma servi. Nec quia infirmitatis suscepit humanæ consortium, ideo nostrorum participes factus est delictorum. Assumpsit enim formam servi sine contagione servili, divina non minuit, humana provexit. Assumpta siquidem est de matre Domini natura, non culpa. Nec propria potuit errata contrahere, qui venit aliena mundare. Sic enim in eo cognoscitur humanæ, atque divinæ naturæ proprietas individua permanere; ut cum videamus in eo naturaliter aliud Verbum esse 9

quam carnem, unum tamen Dei Filium, et Verbum profiteamur, et carnem. Est enim verus Deus et verus homo, Deus videlicet, per id, quod, « in principio erat Verbum, et Verbum erat apud Deum, et Deus erat Verbum (Joan. 1); » homo vero per id, quod, « Verbum caro factum est, et habitavit in nobis (Ibid.). » Deus per id, quod, « Omnia per ipsum facta sunt, et sine ipso factum est nihil (Ibid.); » homo per id, quod, « Factus est ex muliere, factus sub lege (Gal. iv.). » Infantia parvuli ostenditur in humilitate cunarum, sublimitas Altissimi declaratur in vocibus angelorum.

CAPUT V.

In Trinitate quomodo distinguantur personæ.

Super hoc præterea summo negotio disputantem, necesse est, et discretam tenere cautelam, et cautam librare substantiam. Distinguere quippe compellimur in divinitate personas, cum divinam non audeamus separare substantiam. Patris enim, et Filii, et Spiritus sancti tres credimus esse personas, cum **9** unam tantum simplicem, ac prorsus inseparabilem confiteamur essentiam. E contra vero duas in Christo integras, atque perfectas divinitatis et humanitatis perhibemus esse substantias, cum solam unam asseramus eum habere personam. Nec fas est dicere, de Patre, et Filio, et Spiritu sancto aliud, cum una sit omnium eademque natura; sed alius tantum, cum non ambigatur in eis personarum esse distantiam. In Christo autem non alius, cum Dei et hominis una tantummodo sit persona; sed aliud dici debet, cum gemina diversæ substantiæ sit natura. E contra Nestorius episcopus, et Eutyches archimandrita cum Dioscoro hac invicem inter se discrepatione compugnant; ut ille Christum purum hominem esse perhibeat, isti vero solam illi naturam divinitatis ascribant. Quos merito sancta Ecclesia a liminibus suis curavit excludere, ut soli foris sine multorum perniciæ compellantur ad invicem litigare. Nos autem sic mysterium Dominicæ incarnationis indubitanter intelligimus, ut quamvis una veraciter persona Dei credatur, et hominis, non tamen una sit in eo natura divinitatis et carnis. Neque in Christo divinitas hoc est quod caro, vel caro hoc esse quod divinitas potuit; sed divinitatis et humanitatis utraque natura incommutabilis, et inconfusa in sua nihilominus proprietate permansit. Humanam itaque substantiam, id est, veram carnem, et rationalem animam a Dei Filio confitemur fuisse susceptam in unitate personæ, non in unitate nature.

Incarnationis ergo Dominicæ sacramentum sicut in Christo personam non fecit duplicem, sic humanæ naturæ susceptionem sanctæ Trinitati non fecit esse communem: permanente duntaxat utriusque proprietate substantiæ, perseverante nihilominus et individua semper unitate personæ. Ad personam quippe Filii tantummodo servilis illa formæ susceptio pertinet, cui tamen nihil divinæ plenitudinis abstulit, nihil inexthaustæ majestatis ademit. Hinc est, quod in uno, eodemque Redemptore nostro et

humanæ naturæ veritas claruit, et divinæ potentis incommutabilitas æterna permansit. In Christo igitur naturarum discretionem dicimus, non personæ; in sancta vero Trinitate personarum confitemur esse distantiam, non naturæ. Quamvis enim ut homo intra unius corpuseuli latuisset angustias, omnium tamen verum ut Deus, regebat et visibilium, et invisibilium creaturas. Nec alius est, per quem creata sunt omnia; alius, qui creatus est homo; idem creator et creatura; idem medicus et medicina: idem sacerdos et hostia. Immensitas quippe divinæ magnitudinis ista est, ut intelligamus eum intra omnia, sed non inclusum; extra omnia, sed non exclusum. Ideo scilicet interior, ut cuncta contineat; ideo exterior, ut omnia incircumscriptæ suæ magnitudinis immensitate concludat. Per id ergo quod exterior est, esse creator ostenditur; per id, quod interior, gubernator, et rector rerum omnium demonstratur.

10 CAPUT VI.

Quomodo Verbum a Patre generetur.

Nonnulli vero dum divinæ generationis indagare mysterium cupiunt, corporalium cogitationum phantasmatibus illuduntur. Nonquid, inquit, omnipotens Deus duxit uxorem, quia genuit prolem? Sed ex nostra possumus infirmitate colligere, quid in arcana divini operis debeamus profunditate pensare. Prius enim in architecti corde consilium nascitur, ut futuræ domus ædificium construatur. Cor ergo **10** quod latet consilium generat, ut domus fabrica per diversa parietum et angulorum lineamenta consurgat. Consilium ergo quasi filius est cordis humani, quod videlicet et ad construendum ædificium in exteriora prorupit, et nihilominus tamen totum in cogitantis corde permansit. Si ergo per consilium quasi cordis filium, domus erigitur fabrica, qualem putamus Dei Filium, Verbum videlicet, per quod creata sunt universa? Cum ergo cor hominis sine matre valeat generare consilium, quanto magis omnipotens Pater de se solo gignere valuit ineffabiliter Verbum? Quod nimirum cum humana membra suscepit, nequaquam paternæ Deitatis arcana deseruit; et cum velamine esse nostræ carnis indutus, virginali utero receptus est, non inclusus. Et quid hoc mirum de Verbo Dei, cum et sermo iste, quem carnis lingua depromimus, ita uber sensibus influat, ut eum cor audientium capiat, sed non includat; nam nisi caperetur, neminem prorsus instrueret; si includeretur, ad alios non veniret.

Multo itaque plenius, et, ut ita loquar, ineffabilis Dei Filius ad nos per Incarnationis mysterium venit, et nihilominus apud Patrem in divinitate permansit. Qui veram carnem ex virginalis uteri visceribus induens, sic utramque voluit unire naturam, ut idem esset homo verus qui veraciter erat Deus: et idem, qui erat homo, esset procul dubio Deus. Talis enim fuit illa susceptio, quæ et Deum hominem faceret, et hominem Deum. Dum ergo formam servi Dei forma suscepit, utrumque Deus, utrumque verus est homo propter acceptum hominem. Quamquam igitur ex-

colentium quisque sanctorum præcipuam a Deo meruerit assequi gratiam, nemo tamen cum Deo in unam potuit convenire personam. Sola vero anima, simul et caro Christi cum Verbo, unus Christus, unus est Filius. Ut itaque beatus Apostolus distantiam poneret inter sanctorum omnium multitudinem, et ipsum sanctorum, ac totius sanctitatis auctorem, ait: « Multifariam, multisque modis olim Deus loquens patribus in prophetis, novissime diebus istis locutus est nobis in Filio, quem constituit hæredem universorum, per quem fecit et sæcula (Hebr. i). » Sed aliud est Deum loqui per cetera prophetarum; aliud per ipsum coæternum sibi, et co:substantiali ante sæcula, Verbum. Aliud est enim Verbum in carne, aliud est Verbum caro factum. Aliud est Deus in homine, aliud Deus homo. Aliud est verbi minister, aliud magister. ¶ Alius filii dicendus est auctor, alius prædicator. Aliud est præterea Spiritum sanctum per Prophetalem suscipere gratiam, aliud eum habere substantialiter per naturam. Quamvis enim Spiritus in Christum per columbinam descenderit speciem (Math. iii), non tamen eum potuit divinitas Redemptoris accipere, quoniam secundum divinitatis essentiam Pater, et Filius, et Spiritus sanctus, unus est Deus.

Constat ergo, quia Spiritum sanctum Christus in anima suscepit humana, non in divinitate, qua videlicet cum cetero Spiritu sancto unus est in natura. Igitur æterna divinitas Filii cum plena humanitate sua, et eadem plena humanitas Filii cum æterna divinitate sua, una est in sancta Trinitate personæ, et hæc non adoptiva, sed propria; non nuncupativa, sed coessentialis, atque perfecta. Et ipse totus in divinitate, atque humanitate sua unigenitus, et verus Dei Filius: idemque totus in divinitate, atque humanitate sua verus est hominis filius, non utique nuncupativus, sicut Hispanica hæresis asserere impia temeritate præsumpsit; perhibens, Dei Filium in divina natura Deum esse verum, in humana nuncupativum, vel adoptivum; ut quasi duæ in Christo videantur esse personæ. Et ipse per divinitatem verus Dei sit Filius, sed in humanitate sit adoptivus. Cum constet utique juxta catholicæ fidei regulam, unigenitum Dei Filium in unitate sui humanam suscepisse naturam, servata quidem utriusque proprietate substantiali, se indivisa prorsus, ac simpliciter permanente unitate personæ: ideoque nec duo Christi, vel duo sunt Filii; sed Deus, et homo, unus Christus, unus est singulariter Filius. Non enim locali motu ad beatam Virginem Verbi divinitas venit, sed ineffabili potentia sue mysterio Dei Filius et verum Matris gænuus implevit; et nihilominus in paternæ divinitatis unitate permansit. Veniens ad nos, ut auferret a nobis quod invenit in nobis: et offerret ipse pro nobis, quod sumpsit ex nobis. Nec enim Verbi divinitas, vel in partes dividi, vel a Patre potuit separari: sed ubique totus, ubique perfectus. Ita non deseruit Patrem, cum descendit ad Virginem, sicut non deseruit mundum, cum victor mortis ascendit

in cælum. Hinc est quod ait: « Nemo ascendit in cælum, nisi qui descendit de cælo, Filius hominis, qui est in cælo (Joan. iii). » In terra sane loquitur, et in cælo se esse fatetur, quia cum de cælo descendit, nihilominus in cælo permansit. Et sicut Filius hominis est, qui de cælo descendisse dicitur, ita Filius Dei est, qui corporeus in carne videtur.

CAPUT VII.

In Christo divina et humana natura sese manifestavit.

In Christo igitur et unitas est personæ, et duæ sunt inconfusa semper, atque distincta proprietate naturæ: una scilicet in eo natura est quæ ducit originem ex utero virginali; altera, quæ sine ullo prorsus initio coæterna est Deo Patri. Una qua vagiebat in cunis; altera est, 12 per quam adorabatur a Magis (Luc. ii; Math. ii). Una qua ætate proficiebat et sapientia; altera, qua Dei virtus ipsa ac Dei est sapientia (I Cor. i). Una, qua post continentie quadragesimalis incediam jejuniis esuriit (Math. iv), altera, cui per subjectionis officium protinus angelica sublimitas ministravit. Una, qua dormiebat in navi, et excitatus est a discipulis (Marc. iv); altera, qua procellarum tempestatibus imperabat, et ventis. Una, qua fuis lacrymis mortuum dehebat amicum; altera, qua animam ejus revocat ab inferno, et quadrivuanum cadaver incolome resuscitat de sepulcro (Joan. xi). Una est, qua tristatur usque ad mortem (Math. xxvi); altera, qua ponendi, et resurrendi animam suam habere se perhibet potestatem (Joan. x). Una, qua tumentia maris, et confragosa volumina siccis potuit calcare vestigiis (Math. xiv); altera, qua fugiens in Ægyptum, sævitiam declinavit Herodis. Una est, qua velut sol in monte transfiguratus effulsit (Math. xvi); altera, per quam recedente visione, sola infirmitatis humane forma remansit (Ibid. i). Una præterea illi natura est, per quam ei dicitur: « Filius meus es tu, ego hodie genui te (Psalm. ii); » altera per quam, alio propheta testante, dictum est: « Servus meus es tu, quia in te glorior (Isa. xlix). » Nam secundum aliud est illa vox, qua dicitur: « Ex utero ante luciferum genui te (Psalm. cix); » et secundum aliud illa: « Parum est, inquit, ut sis mihi servus ad suscitandas tribus Jacob, et fines Israel convertendos (Isa. xlix). » Una igitur est in Christo substantia, vel persona, sed non una substantia, vel natura. Ut quamquam aliud divina, aliud substantia sit humana, in Christo tamen nullo modo alius filius hominis, alius credatur esse filius Dei. Ab ipso quippe Dominicæ Incarnationis exordio et Deus in hominem transit, et homo in Deum; ut et is, qui ex Deo Patre ante sæcula natus est, et vere sit hominis filius, et vere sit homo: et is, qui in fine sæculorum de virgine natus est, et vere sit Dei filius, et verus sit procul dubio Deus.

Duas ergo natiuitates recte confitemur in Christo; unam de Patre sine initio, et sine tempore sempiternam, et coæternam per omnia genitori; alteram de materna substantia sub currículo temporali.

Convenerunt enim sibi in invicem in Christo divinitas, et humana conditio; ut et Verbum caro fieret, et in Deum caro transiret, quatenus unus Emmanuel ex utraque substantia proveniret, qui Dei et hominum idoneus mediator existeret. In quo videlicet naturalia proprii vigoris jura servantur, et sublimitas Deitatis et humilitas carnis. Non ergo alius, sed unus idemque duas operationes exercuit, et utraque operata est forma vel natura cum alterius communione, quod proprium habuit: Divinitate scilicet communicante operibus carnis, et carne communicante operibus divinitatis. Idem itaque Deus, et homo in una subsistentia, vel persona, sed gemina utriusque servata proprietate substantiæ, permanente natura, ut utramque videlicet neque dividat, nec unitio facta confundat. Verbum enim Verbum est, et non caro: et caro caro est, et non Verbum est. Sed una est operatio carnis, et Verbi, quia et una est persona Dei et hominis. Unde Joannes: « Quod fuit, inquit, **13** ab initio, quod audivimus, et vidimus, et perspeximus, et manus nostræ tractaverunt in Verbo vitæ (I Joan. 1). » Cum tamen nisi per sacramentum uniti hominis, Deum nemo valeatcernere, vel quod impossibile est, manibus contrectare. Divinitas enim humanitati sic inseparabiliter est unita, quod eam postquam in unitate personæ semel accepit, ab illa postmodum aliquatenus non recessit. Nam Deus homo factus, de maternis visceribus prodit; Deus homo factus, in crucis ligno pependit. Sed et idem Deus homo secundum solam carnem in sepulcro jacuit, idem Deus homo secundum solam animam ad inferni profunda descendit. Divinitas enim, quæ in conceptione utramque suscepit, in morte quoque ab utraque se suscepti hominis substantia non abjuncta.

Quis est ergo, per quem factus est mundus? Christus Jesus: sed in forma Dei. Quis est, per quem redemptus est mundus? Christus Jesus, sed in forma servi. Quisnam est derelictus in inferno? Christus Jesus, sed in anima sola. Quis resurrecturus triduo jacuit in sepulcro? Christus Jesus, sed in carne sola. Ergo in his singulis Christus, et in omnibus non duo, sed unus est Christus. Ergo unus, idemque gemina vigente natura conspicitur, et quæ sunt utriusque substantiæ naturaliter operatur, et quæque substantia cum communione alterius, quod suum erat, agebat, secundum unicuique videlicet insitam essentialem qualitatem, vel naturalem proprietatem. Sic igitur nos oportet omnia caute perpendere, quatenus et plena humanitas in Deum credatur assumpta, et plena divinitas homini intelligatur unita. Hoc tantummodo ut Deo reddamus quæ Dei sunt: et homini, quæ sunt hominis.

CAPUT VIII.

Quare Spiritus sanctus natus non dicitur ex columba, in cujus specie apparuit.

Quamobrem cum super huiusmodi themate sæpe quæstio ventiletur, non parva distantia est inter illam susceptionem columbæ, in cujus Spiritus sanc-

ctus visus est specie, et tanquam Dei Filius in veritate carnis dignatus est apparere (Matth. 17; Marc. 1). Quidam namque persuadere conati sunt, Dei Filium non fuisse natum ex femina, sicut nec Spiritus sanctus natus est de columba. Non enim, aiunt, columba illa de ovo est nata, cum tamen humanis oculis corporaliter sit conspecta. Quibus nimirum a recte credentibus respondeur: quia illic Spiritum sanctum apparuisse Joanni in columbæ specie legitimus (Joan. 1), ubi et Christum natum fuisse de femina reperimus (Luc. 11). Et non oportet ex parte Evangelio credere, et ex parte non credere. Quod si credimus Evangelio, Spiritum sanctum in columbæ forma conspectum, credamus quoque necesse est, Redemptorem nostrum de virgine fuisse progenitum. **B** Quare autem Spiritus sanctus nequaquam natus ex columba, sicut Christus agnoscitur natus esse de femina? Hæc est procul dubio causa, quia Spiritus sanctus non venit, ut sua columbas apparitione **14** redimeret: sed ut per hanc speciem spiritualem amarem, et innocentiam visibiliter designaret. Dei vero Filius, qui naturam nostram, et lapsam venit erigere, et inveteratam in vitis originalibus renovare, hoc debuit naturaliter et essentialiter in unitate personæ suscipere, quod venit per passionis et resurrectionis suæ mysterium liberare.

Nec tamen hoc dicimus, ut solum Redemptorem nostrum carnem assumpsisse veram, Spiritum vero sanctum speciem fateamur induisse phantasticam.

C Sicut enim non oportuit ut oculos hominum Dei Filius falleret, sic omnino non decuit, ut aliquid Spiritus sanctus mendacio simularet. Nimirum, cum sicut ille est veritas, ita nihilominus et iste sit Spiritus veritatis. Utraque igitur illa corpora, columbinum scilicet, et humanum, ita fuerunt in veritatis essentia, sicut humanis obtutibus sunt conspecta. Sed illa columbe species, peracto, quod immincebat, utilitatis ministerio, desiit: corpus vero Dominicum in susipientis utique Verbi stabili semper unitate permansit. Confitemur ergo necesse est, verum Deum Emmanuelem ex duabus substantiis confuse, atque indivisibiliter existentem: atque ideo beatam Virginem non modo homini, sed et Dei asseramus veraciter Genitricem. Naturaliter enim atque carnaliter genuit carnem factum Dei Verbum. **D** Confitemur etiam Verbum carni secundum substantiam naturaliter congenitum, unumque esse Christum: sed potius cum ipsa carne simul et anima verum Deum et vere unicum, et naturalem Dei Filium, ita ut nequaquam præsumamus asserere assumptum hominem coadorari, vel conglorificari Deo Verbo debere: videlicet tanquam alter veneretur in altero. Hoc enim, eo, superadjectam syllabam persuadet intelligi. Sed una potius ac simplici adoratione colamus Emmanuelem, verum scilicet Deum, et hominem. Quod etiam in Anathematismis B. Cyrilli reperitur insertum: « Nec item dicamus, Deus operatur in homine: ut quasi alius sit, qui exterior cernitur; alius, qui intrinsecus operatur. Sed unum potius ve-

neremur Deum, et qui subjectus est oculis, hominem; et quæ latet interior, majestatem. Ideo quippe mediator est, quoniam idem Deus, et homo verus, habens unam divinitatis cum Patre naturam, et non diversam humanitatis cum Matre substantiam. In utraque scilicet natura idem est Dei Filius, nostra suscipiens, et propria non amittens, in homine hominem renovans, in semetipso semper incommutabilis perseverans. » Secundum formam quippe Dei dictum est: « Ante omnes colles genuit me (*Prov. viii*), » id est, ante omnia tempora, et temporalia; secundum vero formam servi dictum est: « Dominus creavit me in initio viarum suarum (*Ibid.*). » Secundum formam Dei dixit: « Ego sum veritas et vita (*Joan. xiv*); » secundum formam servi: « Ego sum via. (*Ibid.*). » Quod enim « Verbum caro factum est, » non hoc significat, quod in carnem divina sit natura mutata: sed, quod a Verbo in unitate personæ sit caro suscepta. Majestati quippe divinæ corporea de Matre nativitas nil abstulit, nihil contulit, nihil ex ea in aliud permutavit. Incommutabilis nempe substantia sicut nequaquam **15** in diversa converti, sic nec minui potuit, nec augeri.

Igitur utriusque nature cognoscences indicia; et Verbum in homine Christo, et Christum hominem adoramus in Verbo. Verbum enim caro factum in duabus essentialibus unus est Christus; ubi scilicet nihil est utriuslibet naturæ, quod non sit utriusque. Idem est in forma Dei, qui in forma conspicitur servi; idem passibilis in fragilitate nostra, et inviolabilis in virtute divina; idem incorporeus manens, et corpus assumens; idem est qui et paternæ majestatis non divisus est solio, et tamen ab impiis est crucifixus in ligno. Constat enim utramque substantiam in unam concurrere personam: atque ideo unus idemque est super cœli celsitudinem victor mortis ascendens, et usque ad consummationem sæculi universam Ecclesiam non relinquens. Utrique siquidem naturæ in suis utique proprietatibus permanenti, tanta est unitatis facta communio, ut quidquid ibi Dei est, non sit ab homine separatum: et quidquid est hominis, non sit a divinitate divisum. Concepit nimirum in utero virginis, animæ simul et carni ne puncto quidem temporis virtus defuit Verbi: nec ante formata, vel animata est vestis, quam sibi Rex supernus indueret, sed per ipsum, et in ipso cepit illud humani corporis templum, quod sibi Dei Filius essentialiter coniret. Dei quippe Filius in utero virginis concipiendus accessit, ibique donum sui corporis (sicut scriptum est) sapientia fabricavit (*Prov. ix*).

De creatione itaque futuræ sôolis nihil illi erat inceptum, sed post introitum Verbi in unitate sui, novus homo concepit initium. In unam Christi personam gemina conveniente natura, cui et divina virtus inesset ad mirabilia operum, et humanitatis infirmitas ad tolerantiam passionum. Sed utrumque Deus de potestate suscipientis, utrumque homo de humilitate suscepti.

A Cavendum est ergo, ne supparem Patri credamus Filii majestatem, his decepti, quæ ad formam sunt referenda servilem, quam scilicet humanitatis formam, ut ostendat in se Dei Filius non discrete, nec a terius esse personæ, et cum ea simul dicit: « Pater major me est (*Joan. xiv*); » et cum eadem nihilominus dicit: « Ego et Pater unum sumus (*Joan. x*). » Deus utique dicit: « Pater major me est, » sed ex infirmitate nostra: et homo dicit: « Ego et Pater unum sumus; » sed ex virtute divina.

CAPUT IX.

Christus naturam humanam, non personam.

Movet autem, cum Dei Filius nil minus de humanitate, sed totum atque integrum hominem suscepisse credatur, cur unam dumtaxat habere personam Deus homo factus asserit. Nam quomodo totum suscepit hominem, si personam hominis non accepit? Aut si Dei Filius, qui est una in Trinitate persona, cum hominis persona conjungitur, quomodo in unam convenisse personam Dei simul et **16** hominis substantia perhibetur? Quod cum sôlenter inquirerem, et quid hic iniretur a Patribus diligentius indagarem, reperi Alcunium scripsisse ad Carolum imperatorem, quod « Dei Filius non humanam personam suscepit, sed naturam. » Juxta cujus sententiam restat, ut persona Filii humanitatis essentialiter sine humanitatis persona suscepit. Magnus autem Leo Romanæ præsul Ecclesiæ, et doctor uberrimus fidei Christianæ in ejusdam declaratione sermonis his utitur verbis (*Vide Scholia ad calcem Opusculi*): « Hic, ait, mirabilis sacræ Virginis partus vere humanam, vereque divinam unam edidit in prole personam: quia non ita proprietates suas tenuit utraque substantia, ut personarum in eis possit esse discretio. Nec sic creatura in societatem sui Creatoris assumpta est, ut ille habitator, et illa esset habitaculum; sed ita ut naturæ alteri altera misceretur. » Quod nimirum et luculenter est dictum, et cautissima verborum suspensione libratum. Emmanuel enim nobiscum Deus, una semper est in sancta Trinitate persona, quæ sicut nunquam a plenitudine suæ virtutis immui, ita nec potuit per copulam susceptæ humanitatis augeri. Hæc interim exempla propendere volui: tuæ vero relinquatur industria, si quis catholicorum doctorum super hoc elimatus scripserit, invenire.

D Epilogus hic sic nova denuntiat, ut quæ superius dicta sunt comprehendat. Sed quoniam in rebus mysticis ac profundis, rudes audientium animos styli prolixitas hebetat, et sæpe dum illuminare mentem conatur, obscurat; novitati tuæ, fili mi charissime, consulentes, volumus in his te diutius protrahi, ut brevi decursa compendio valeant a te tenacius comprehendere. Quamvis enim vigor in te polleat vivacis ingenii, conversionis autem tuæ prospiciendum est novitati, ne si cervicibus tuis longe disputationis onus imponitur, teneriores adhuc vires ante sub fascē deficiant, quam portare sarcinam discant. Adhuc etiam imbecillitati tuæ nihilo-

minus prospicientes, epilogum in fine subnectimus; A
m, quæ præmissa sunt uberius verbis, nunc in
unum contracta reperias: et quasi non tam repli-
cata, quam addita facilius apprehendas.

Crede igitur, fili, Deum omnipotentem substantia-
liter unum, personaliter trium. Quæ nimirum per-
sonæ quavis sua sint proprietate distinctæ, in suis
tamen operibus nullatenus sunt divise. Et persona-
rum quidem distantiam nunquam clarius manife-
stiusque perpendimus, quam cum baptismum Do-
mini ad memoriam revocamus. Videmus enim, et
tamen proposito divino spectaculo contemur,
apud Jordanici fluminis gurgitem, commendari nobis
divinarum personarum individuum Trinitatem. Nam
cum baptizatus esset Agnus ille, qui tollit peccata
mundi, protinus aperti sunt cæli, et Spiritus san-
ctus super eum in specie columbæ descendit: deinde
vox Patris intonuit: « Hic est, inquit, Filius meus
dilectus, in quo mihi bene complacui (Matth. iii). »
Habemus ergo distinctam perspicue Trinitatem. In
voce Patrem, in homine Filium, in columba Spi-
ritum sanctum.

Hæc itaque sancta Trinitas, sicut in suis vo-
cabulis est distincta, sic in hoc loco quantum
17 ad litteram in sua videtur operatione divisa.
Nec dici potest ut Filius, qui videbatur in forma
servi, sit Pater, aut Spiritus sanctus; aut vox illa
quæ de cælo facta est, sit Filius, vel Spiritus sanctus,
aut columba sit Patris, vel Filii; cum ipsum perhi-
beat Evangelium: « Quia descendit super eum Spi-
ritus sanctus in specie columbæ (Ibid.). » Sed fides
recta, fides vera, non scilicet opinione præsump-
tionis incerta, sed lectionis testimonio roborata; nec
hæretica temeritate fluctivaga, sed apostolica potius
veritate fundata, hoc patenter insinuat, quod quid-
quid divinitus agitur, hoc tota sancta Trinitas in-
separabiliter operatur. Nam cum solus Filius sit
natus ex Maria virgine, solus Filius sit suspensus
in cruce, solus de morte surrexit; ipsum tamen
Incarnationis divinæ mysterium, passionis, ac re-
surrectionis, Pater, simul ac Filius, et Spiritus
sanctus operatus est. Nam quod eum Pater misit,
hoc est, incarnari constituit, dicit Apostolus: « Cum
autem venit plenitudo temporis, misit Deus Filium
suum factum ex muliere, factum sub lege (Gal. iv). »
Misit namque Pater Filium, misit et Spiritus san-
ctus. Quod ipse Filius per prophetam perhibet, di-
cens: « Spiritus Domini super me, eo quod unxit
me, ad annuntiandum mansuetis misit me, ut me-
derer contritis corde, et prædicarem captivis indul-
gentiam, et clausis aperitionem (Isai. lxi). » De Filio
quoque dicit Apostolus: « Quia cum in forma Dei
esset, non rapinam arbitratus est esse se æqualem
Deo, sed semetipsum exinavit, formam servi acci-
piens (Philipp. ii). »

Cum ergo solus sit Filius incarnatus, incarnatio-
nem tamen Filius Pater, et Filius, et Spiritus sanctus
simul est operatus. Passionem quoque Filius Pater
fecit, sicut dicitur: « Qui proprio filio non peper-

cit, sed pro nobis omnibus tradidit illum (Rom. viii). »
Fecit et Filius, sicut dicitur: « Qui me dilexit, et
tradidit semetipsum pro me (Galat. ii). » Fecit etiam
et Spiritus sanctus, de quo scriptum est: « Beni-
gnus est Spiritus sapientiæ, et non liberavit maledic-
tum a labiis suis (Sap. i). » Maledictus vero di-
ctus est Christus quia pependit in cruce, de quo
dicit Apostolus: « Christus ut nos liberaret a ma-
ledicto legis, factus est maledictus (Galat. iii). » Spi-
ritus ergo non liberavit maledictum a labiis suis;
quia passionis mortisque supplicia, quæ per prophe-
tarum ora pædixit, omnia Christum subire per-
misit. Enimvero resurrectionem Filii fecit Pater,
sicut dicitur: « Propter quod illum exaltavit, et
donavit illi nomen, quod est super omne nomen
B (Philipp. ii). »

Resuscitavit ergo Pater Filium, quem a mortuis
excitans, super omnes singulariter exaltavit. Resus-
citavit et semetipsum Christus, si ipse in figura
sui corporis dicit: « Solvite templum hoc, et in
triduo suscitabo illud (Joan. ii). » Porro autem, ut
ipse se evidenter ostendat suæ passionis, ac resur-
rectionis auctorem, una breviter sententia compre-
hendit: « Potestatem, inquit, habeo ponendi ani-
mam meam, et potestatem habeo iterum sumendi
eam (Joan. x). » Quod rursus inculcat dicens: « Nemo
tollit eam a me, sed ego pono eam, et iterum sumo
eam (Ibid.). » Quod autem et Spiritus sanctus
cum Patre et Filio resurrectionis auctor sit, testa-
tur Apostolus, 18 dicens: « Quod si Spiritus ejus,
qui suscitavit Jesum a mortuis, vivificabit
et mortalia corpora vestra propter inhabitantem
C Spiritum ejus in vobis (Rom. viii). »

Nam si nos propter inhabitantem nobis Spiritum
in fine vivificandi sumus, constat quia hoc jam egit
Spiritus sanctus in Ecclesiæ capite, quod est acturus
in corpore.

De miraculis quoque, vel quibuslibet aliis operibus
idem per omnia sentiendum est, ut tota sancta Tri-
nitas illud absque dubio credatur efficere, quidquid
ad unam personam videtur specialiter pertinere.
Virtutes vero, et signa quæ Christus exhibuit, Pater,
et Filius, et Spiritus sanctus, inseparabiliter fecit.
Hinc illud est: « Pater in me manens, ipse facit
opera (Joan. xiv). » Hinc de Spiritu sancto dicit: « Si
in digito Dei ejicio demonia, profecto venit in vos
regnum Dei (Luc. xi). » Hanc igitur incomprehen-
sibilem Trinitatem non brevitas limes includit, non
latitudo localis extendit, nusquam deest, ubique
semper, et inseparabiliter adest. Non in parte ma-
jor, non in parte minor, sed ubique tota, semper
indivisa. Pater a nullo, Filius a Patre solo, Spiritus
sanctus ab utroque. Quem plurimi Græcorum, quia
in Dominicis sermonibus quasi perspicuum reperire
nequeant auctoritatem, arbitrentur a solo Patre, et
non a Filio procedentem (Vide Scholia). Quorum
doctrinam beatus quoque Hieronymus sequens, in
expositione fidei suæ sic ait: « Credimus et in Spi-

ritum sanctum, Deum verum ex Patre procedentem. » Ubi, quia procederet a Filio, tacuit. In symbolo quoque Niceni concilii reperitur : « Credimus et in Spiritum sanctum, qui de Patre procedit proprie; et Deus est verus, sicut Filius. »

CAPUT X.

Quod Spiritus sanctus indubitanter a Filio, sicut et a Patre, procedit.

Nos autem, quia beatorum doctorum Augustini atque Gregorii, aliorumque catholicorum patrum doctrinis instrumur, quod Spiritum sanctum a Patre, simul et a Filio procedentem credere debeamus, ut fides de cætero non compellatur mutare credentium, vel pauca non gravemur apponere testimonia Scripturarum. Spiritum itaque sanctum de Patre, Filioque procedere, et prophetica testantur oracula, et apostolica confitetur auctoritas. Isaias enim de Filio dicit : « Percutiet terram virga oris sui, et spiritu labiorum suorum interficiet impium (*Isai. xi.*). » De quo et Apostolus ait : « Quem interficiet Dominus Jesus Christus spiritu oris sui, et destruet illustratione adventus sui (*II Thess. ii.*). » Quem profecto Spiritum a se procedere perspicue Salvator innuit, cum discipulis præsentibus insufflavit. « Accipite, inquit, Spiritum sanctum (*Joan. xx.*). » Joannes vero in Apocalypsi dicit : « Quia de ore Jesu gladius bis acutus exhibit (*Apoc. i.*). » Spiritus impium, quem illie labiis exsufflavit, ipse est utique gladius, qui hic ex ejus ore procedit. Dicit quoque Pater ad Filium per prophetam : « Spiritus, inquit, meus, qui est **19** in te, et verba mea, quæ posui in te, non recedent de ore tuo, et de ore seminis tui amodo, et usque in sempiternum (*Isai. lix.*). » Et Apostolus ait : « Si quis Spiritum Christi non habet, hic non est ejus (*Rom. viii.*). » Et ad Galatas : « Quoniam, ait, estis illi Dei, misit Deus Spiritum Filii sui in corda vestra clamantem, Abba, Pater (*Gal. iv.*). » Beatus etiam Petrus Spiritum Sanctum Filii, sicut et Patris esse designat, cum ait : « De qua salute exquisierunt, atque scrutati sunt Prophete, qui de futura in vobis gloria prophetaverunt : scrutantes in quod, vel quale tempus significaret, qui in eis erat spiritus Christi, prænuntians eas, quæ in Christo sunt passionem, et posteriores glorias (*I Pet. i.*). » Et Dominus in Evangelio : « Cum venerit, inquit, Paracletus Spiritus veritatis, qui a Patre procedit (*Joan. xv.*). » Nam cum Christus ipse sit veritas, summæ esse procul dubio spiritum docuit, cum cum spiritum veritatis esse perhibuit. Joannes autem dicit : « In hoc intelligimus, quia in eo manemus, et ipse in nobis, quia de Spiritu suo dedit nobis (*I Joan. iv.*). » In libro quoque beati Job legitur : « Et audiet auditionem in terrore vocis ejus, et sonum de ore illius procedentem (*Job xxxvii.*). » Ubi scilicet os Patris intelligendus est ab eodem Filio : Filius; sonus autem ex ejus ore procedens est Spiritus sanctus. Qui nimirum recte sonus appellatur, quoniam et cum sonitu super Apostolos venit, et ex corde, quod replet, in verba mox sanctæ prædicationis erumpit (*Act. ii.*) Quod autem os Patris intel-

ligendus sit utique Filius, et ex hoc ore procedit Spiritus sanctus, testatur Psalmista cum dicit : « Verbo Domini cæli firmati sunt, et spiritu oris ejus omnis virtus eorum (*Psal. xxxv.*). » Nam quod a Patre procedat Spiritus sanctus, exempla propriè superfluum judicamus, quorum copiam per tot Scripturarum paginas exuberare conspicimus, sicut est illud : « Non vos estis, qui loquimini, sed spiritus Patris vestri qui loquitur in vobis (*Math. x.*). » Et in secunda ad Corinthios Epistola dicitur Apostolus : « Qui autem confirmat nos, nobiscum in Christo, et qui unxit nos Deus, et qui signavit nos, et dedit plenum spiritum in cordibus nostris (*II Cor. i.*) » Et ad Thessalonicenses prima : « Itaque qui hæc spernit, non hominem spernit, sed Deum : qui etiam dedit **B** Spiritum suum sanctum in nobis (*I Thess. iv.*). » Porro quod Spiritum sanctum effudit Pater in discipulos, scriptum est in epistola quæ destinatur ad Titum : « Per lavacrum regenerationis, et renovationis Spiritus sancti, quem effudit in nobis abunde per Jesum Christum Salvatorem nostrum (*Tit. ii.*). » Quod autem et Filius eundem effuderit Spiritum, in Actibus scribitur apostolorum. Dicit enim Petrus de Christo : « Dexteræ Dei exaltatus, et promissiones Spiritus sancti accepta a Patre, effudit hoc donum, quod vos videtis, et auditis (*Act. ii.*). » Quod etiam eundem Spiritum et Pater, et Filius simul effudit, utriusque vox per Joëlis oraculum clamat : « Effundam de Spiritu meo super omnem carnem (*Joel ii.*). » Licet autem, sicut præfati sumus, Græcorum plurimi non credant Spiritum sanctum a Filio, sicut a Patre procedere; beatus tamen Athanasius Alexandrinæ sedis episcopus, in libro, quem adversus Arium scripsit, inter cætera sic ait : « Ego, inquit, credo Filium in Patre, et Patrem **20** in Filio : Spiritum quoque Paracletum, qui procedit a Patre et Filii esse, et Patris, quia et a Filio procedit, sicut in Evangelio scriptum est, quod per insufflationem suam dederit discipulis suis Spiritum sanctum dicens : Accipite Spiritum sanctum (*Joan. xx.*). » Sanctus Cyrillus etiam de hac ipsa Spiritus sancti processione contra Nestor ita dicit : « Quamvis enim in sua sit substantia Spiritus ejus : haud dubium quin Patris, ut intelligatur in persona proprietas, juxta id quod Spiritus est, et non Filius, attamen alienus non ab illo. Nam Spiritus appellatus est veritatis, et veritas Christus est. Unde et ab ipso similiter sicut a Deo Patre, procedit. » Et beatus inter multa sic ait Ambrosius : « Non enim quasi ex loco mittitur Spiritus, aut quasi ex loco procedit, quando procedit ex Filio. » Augustinus etiam adversus Maximum [Maximinum] scribit hæreticum : « Queris, inquit, a me si de substantia Patris est Filius, de substantia Patris est etiam Spiritus sanctus, cur unus Filius, et alius non sit Filius? » Moxque subjungit : « Ecce respondeo, sive capias, sive non capias; de Patre est Filius, de Patre est Spiritus sanctus : sed ille genitus est, iste procedens. Ideo ille Filius est Patris, de quo est

genitus; iste autem Spiritus utriusque, quoniam de utroque procedit. » Et paulo post : « Amborum est ergo Spiritus procedendo de ambobus. » Ut ergo nostram concludamus ex ejusdem conspicui doctoris auctoritate sententiam, in illa sancta Trinitate unus Pater, qui solus de seipso essentialiter unicum genuit Filium : et unus Filius, qui de uno Patre solus est essentialiter natus : et unus Spiritus, qui solus essentialiter de Patre Filioque procedit. Sed cum de processione Spiritus ex Patre et Filio videretur simul atque novorum permaxima multitudo concordet, et per omnes fere sacri eloquii paginas exempla sufficienter exuberent, superfluum ducimus hic acervata congerere, cum ipse valeas et ultra quam sufficiant, invenire.

EPILOGUS.

Hæc itaque de fide catholica disputata, fili charissime, satis est congrua, et mihi jam stadium peracti fere cursus emenso, et tibi spiritualis militiæ gymnasium nuper ingresso; sublimitatem quippe tam incomprehensibilis, et incomparabilis materiæ, sicut inter ipsa certaminis rudimenta novus debet miles inquirere; ita nisi is, qui in sacris est attritus et exercitatus eloquii, non debet facile respondere. Ille scilicet, ut rectæ fidei fundamentum ponat, super quod boni operis ædificium construat; iste ut per longe conversationis industriam mysterii celestis arcanum subtiliter cernat. Fides enim et bene operandum est initium, et perfectio consummata virtutum. Sicut de Christo dicit Apostolus : « Quia fundamentum nemo potest ponere præter id quod positum est, quod est Christus Jesus (I Cor. iii). » Quod contra, de eodem per Prophetam dicitur : « Lapidem quem reprobaverunt ædificantes, hic factus est in caput anguli (Psal. cxvii). » Nam qui ad sustentandum tanquam basis ædificii in fundamento supponitur, ipse velut cacumen et cardo supremus Ecclesiæ principatur.

Deus omnipotens, fili carissime, sic pedes tuos in catholica fidei petra constituat, ut et **21** aciem mentis in suæ contemplationis culmen attollat.

Sit nomen Domini benedictum.

SCHOLIA.

Hic, ait, mirabilis sacræ Virginis partus vere humanam, vereque divinam unam edidit in prole personam. Sententia est sancti Leonis (Ser. 3, in Nativit. Domini), pro qua in primis animadvertendum est. Damiani lectionem nonnihil variare a verbis ipsius S. Leonis, qui sic habet : Hic enim mirabilis S. Virginis partus vere humanam, vereque divinam unam edidit prole naturam. » Crediderim tamen sensum esse eundem, et facilioris explanationis causa sancti Leonis sententiam aliis verbis cardium nostrum expressisse : ni potius dixerimus, Damianum in aliud sancti Leonis sic dicentis exemplar incidisse. Quæ vero verba inferius sequuntur ubi sanctus Leo ait : « Sed ita ut naturæ alteri altera misceretur, » nullus aures offendere possunt, cum sanctus Leo catholici dogma-

tis strenuus assertor, tot in sermonibus, ac epistolis et præsertim in Encyclica illa omnium celeberrima ad Flavianum Constantinopolitanum episcopum (LEON. *epist.* 10, al. 12) : Nec enim sic naturam naturæ misceri, ait, ut ambarum fiat confusio, sicut quidam heretici impie dixerunt, sed ut heresim Nestorii confutaret, ea phrasi usus est. Is enim affirmabat (quod etiam sanctus Thomas in part. quæst. 2, art. 6, in corpore scribit) Verbum carnis unum fuisse secundum inhabitationem; ac si Verbum Dei inhabitaret in illo homine, sicut in templo. Quare sanctus Leo id expresse confutans, cum dixisset, « Nec sic creatura in societatem sui Creatoris est assumpta, ut iste habitator, et illa habitaculum esset, » mox subdit : « Sed ita ut naturæ alteri altera misceretur. » id est uniretur; assumpta nimirum natura humana a Verbo ad unionem hypostaticam. Hanc autem sancti Leonis sententiam ita intelligendam esse, ipsemet in adducta superius epistola sic declarat : Salva igitur proprietate utriusque naturæ, et in unam coeunte personam, suscepta est a majestate humilitas; a virtute infirmitas; ab æternitate mortalitas; et ad resolvendum conditionis nostræ debitum, natura inviolabilis naturæ est unita passibili.

22 Pater a nullo, Filius a Patre solo, Spiritus sanctus ab utroque. Plurimi Græcorum, quia in Dominicis sermonibus, quasi perspicuum reperire nequeant auctoritatem, arbitrantur a solo Patre, et non a Filio procedentem. Non possunt Græci, qui contendunt Spiritum sanctum a Filio non procedere, auctoritatibus vel Patrum, vel conciliorum uti, quæ aliquando asserant Spiritum sanctum a Patre procedere : quæ phrasis fortasse reperitur in locis tam concilii Niceni quam Hieronymi, quos noster cardinalis citat. Nam ex Patrum declaratione, disputatione facta et in concilio Lugdunensi sub Gregorio X, et in concilio Florentino sub Eugenio IV, constat ex eo, quod in sacris litteris dicitur, de Spiritu sancto qui a Patre procedit, consequenter sequi eum etiam a Filio procedere; Christus enim explicans seipsum ait : « Omnia quæ habet Pater, mea sunt (Joan. xvi), propterea dixi, quia de meo accipiet, et annuntiabit vobis (Ibid.). » Quo sensu in concilio Florentino citatur Epiphanius in Ancorato, Cyrillus in Epistola ad Nestorium post Dydimum et Athanasium. In litteris vero unionis cap. 6 et 7 omnes doctorum Græcorum phrasès, ubi de sancti Spiritus processione loquuntur, idem significare ostendunt : eos nimirum censuisse Spiritum sanctum, ut a Patre, ita etiam a Filio procedere. Nec ab hac sententia discrepasse sanctum Hieronymum omnino credendum est, quandoquidem suis passim in Opusculis de Spiritu sancti processione, sensu catholico et phrasi Latinis usitata semper loquitur. Unde (ut alia nunc omittam) ad Hebidiam scribens (Hier. *epist.* 150, quæst. 9, prope fin.) : Quando dicit Dominus alium Paracletum mittam vobis (Joan. xiv), et se ostendit esse Paracletum, qui appellatur consolator. Unde Deus Pater hoc censetur nomine, Deus miseracionum et totius consolacionis. Si autem et Pater con-solator, et Filius consolator, et Spiritus sanctus consolator est : et in nomine Patris et Filii et Spiritus sancti, quod intelligitur Deus, baptizantur credentes : quorum unum divinitatis et consolator est nomen, eorum et una natura est. Et paulo post : « Nec sine Spiritu sancto prophetaverunt prophætæ : et Verbo Domini cœli firmati sunt, et Spiritu oris ejus omnis virtus eorum : et quicquid Patris et Filii est, hoc idem et Spiritus sanctus est : et ipse Spiritus sanctus cum mittitur, a Patre et Filio mittitur : in alio atque alio loco Spiritus Dei Patris, et Christi Spiritus appellatur. »

23-24 OPUSCULUM SECUNDUM.

ANTILOGUS CONTRA JUDÆOS, AD HONESTUM VIRUM CLARISSIMUM.

ARGUMENTUM. — Hunc libellum ad consultandos Judæos conscripsit, in quo purimis sacrarum litterarum testimoniis probat ea, quæ ab illis impie negantur, hoc est, Trinitatem personarum in Divina essentia : Christum, quem illi Messiam vocant, Deum et hominem fuisse, cumque jam in mundum venisse : et denique omnia illis subterfugia intercludit, quibus contra Christianos subdole uti possent.

Domino HONESTO clarissimo secundum Ægypti A
hujus tenebras viro, PETRUS ultimus monachorum
servus, perpetuam charitatem in Christo.

Dilectissime, deprecatoria nobis verba per fratrem
nostrum Leonem nuper misisti, quatenus tibi ali-
quid scriberemus, quo saepe decertantium tibi Ju-
dæorum ora rationalibus argumentis obstruere; et
de Christo ad controversiam venientes, evidentissi-
mis posses sacræ Scripturæ testimoniis superare.
Sed si Christi miles esse, et pro eo viriliter pugnare
desideras, contra carnis vitia, contra diaboli ma-
chinas insignis bellator arma potius corripere; hostes
videlicet, qui nunquam moriuntur: quam contra
Judæos, qui jam de terra pene deleti sunt. Verum-
tamen et huic studio ego nequaquam derogo, imo et
vestræ petitioni satisfacere, æquum esse decerno.
Inhonestum quippe est, ut ecclesiasticus vir his,
qui foris sunt, calumniantibus, per ignorantiam
conticescat: et Christianus de Christo reddere ra-
tionem nesciens, inimicis insultantibus victus et
confusus abscedat. Huc accedit, quod saepe hujus
rei noxia imperitia, et cavenda simplicitas non so-
lum audaciam incredulis suggerit, sed etiam erro-
rem et dubietatem in cordibus fidelium gignit.

Et cum hæc scientia ad fidem certe tota pertineat,
fides autem omnium virtutum sit proculdubio fun-
damentum; ubi fundamentum quatitur, tota mox
ædificii fabrica præcipitum ruitura minatur. Scien-
dum tamen est, quia non vanæ gloriæ causa, vel
solo contentionis amore debet Christianus vir ad
hoc certamen accedere: sed ob id potius si se sper-
at aliquid de conversionis gratia apud litigantis
animum posse prodesse. Unde et Paulus ait: « Si
quis vult contentiosus esse; nos hujusmodi consue-
tudinem non habemus (1 Cor. xi). » Et ad Titum:
« Stultas autem quæstiones, et genealogias, et con-
tentiones, et pugnas legis devita: sunt enim inutiles
et vanæ (Tit. iii). » Et cum quis de hoc negotio litem
moveret, admonendus est ut non contumeliæ jurgio,
vel superbiæ typho contententem exasperet: sed
ejus mentem charitate benevola, et patientissima
gravitate demulceat: quatenus lapideum cor, quod
effusa amaritudine deterius poterat obdurescere,
modesta verborum dulcedo ad credendum forsitan
valeat emollire. Hinc est, quod idem Apostolus ad
Timotheum cum prænisset: « Stultas autem et

sine disciplina quæstiones devita (11 Tim. ii); »
protinus addidit: « Servum autem Domini non
oportet litigare, sed mansuetum esse ad omnes, do-
cibilem, patientem, cum omni modestia corripien-
tem eos, qui resistunt, ne quando det illis Deus
pœnitentiam ad cognoscendam veritatem, et resi-
piscant a diaboli laqueis, a quo captivi tenentur, ad
ipsius voluntatem (Ibid.). » Sed cum omnia pene
Veteris Testamenti volumina testimonium Christo
perhibeant, nos postposita verborum multitudine,
pauca et apertiora prophetarum testimonia cura-
mus apponere, quibus tamen contra omnem Judaicæ
pravitatis insaniam, et eorum ventosa commenta
valeas cum Dei adjutorio obtinere victoriam. Et
quia sagitta directius mittitur, si meta, cui infigi
debeat, e diverso primitus opponatur, nos ipsum
confitentem Judæum hic introducimus, ut verbo-
rum nostrorum specula non in ventum effusa inani-
ter defluant, sed ad certam potius materiam jaculata
pertingant.

25 In nomine Domini, incipit ipsa congressio.

Dic igitur, o Judæe (qui dum Trinitatem negas,
et unitatem consequenter ignoras, si Deus, ut asse-
ris, unus est in persona, cui dixit: « Faciamus ho-
minem ad imaginem, et similitudinem nostram? (Gen. i.). » Nam si una esset in deitate persona, non
diceret « faciamus, » sed faciam. Si tres essent
substantiæ, non diceret singulariter « imaginem no-
stram, » sed potius imagines nostras. Dum igitur
« faciamus » asserat trinum, « in aginem nostram »
declaret unum, constat evidentissime Deum essen-
tialiter unum tribus constare personis. Eia, Judæe,
perge per silvas divini eloquii, mecum simul in-
cede, legis tuæ paginas studiose revolve, nunquid in
eis aliquid huic nostræ assertioni reperies discre-
pare? Audi quid tuus Moyses iterum dicat: « Hic
est liber generationis Adam in die qua creavit
Deus hominem, ad imaginem Dei fecit illum: ma-
sculum et feminam creavit eos (Gen. i.). » Quid est,
quod non dicitur, quia Deus creavit hominem ad
imaginem et similitudinem suam: sed Deus creavit
hominem ad imaginem Dei; nisi ut perspicue distin-
guatur persona Patris et Filii? Cui simile est illud,
quod per eundem Moysen iterum dicitur: « De-
scendit autem Dominus ut videret civitatem, et tur-
rim, quam ædificat filii Adam (Gen. xi). » Et paulo

post subditur : « Venite, descendamus, et confundamus ibi linguam eorum (*Gen. xi.*) »

Vides igitur, quia, « descendit Dominus » unam divinitatis declararet essentiam; « venite » autem « descendamus » tres doceat esse personas. Interroga etiam Abraham, quare tres vidit, et unum adoravit? Scriptum quippe est : « Apparuit ei Dominus in convalle Mambre sedenti in ostio tabernaculi sui in ipso fervore diei (*Gen. xviii.*) » ; deinde subditur : « Cumque elevasset oculos suos, apparuerunt ei tres viri stantes prope illum (*Ibid.*) » . Ecce cum præmissum sit, apparuit ei Dominus; ubi causa redditur, non dicitur, apparuit ei vir, sed apparuerunt ei tres viri. Ubi patenter ostenditur, quia is, qui sibi apparuit, et unus in substantia deitatis, et trinus est in personis. Quod ipsius quoque Abraham verba testantur, cum dicit : « Domine, inquit, si inveniri gratiam in oculis tuis, ne transeas servum tuum : sed offeram pauxillum aquæ, et laventur pedes vestri, et requiescite sub arbore (*Ibid.*) » . Cui etiam aptissime congruit illud, quod de Loth scribitur, quia cum eum duo angeli ex Sodomis mox subvertendis educerent, ait ad eos Loth : « Quæso, Domine mi, quia invenit servus tuus gratiam coram te (*Gen. xix.*) » ; ubi etiam paulo post subditur : « Pluit igitur Dominus super Sodomam, et Gomorram sulphur, et ignem a Domino de cælo (*Ibid.*) » . Cum enim Dominus a Domino pluiere dicitur, patet profecto, quia utraque, Patris videlicet et Filii, persona signatur. Hinc est enim, quod ad Moysen dicit : « Ego sum Deus Abraham, Deus Isaac et Deus Jacob. » Quid est enim, quod se trinum solummodo Patrum Deum esse commemorat, et non etiam cæterorum? Nunquid non etiam Deus Enoch? Nunquid non Deus Noe, et aliorum innumerabilium justorum? Quid **26** est, inquam, quod prætermisiss aliis Patribus, trinum se virorum solummodo Deum vocat, nisi ut se, qui unus est in substantia, trinum esse in personis ostendat? Hanc quoque Trinitatem personarum, atque unitatem naturæ propheta Isaias manifeste perdocuit, cum seraphim perhibuit se vidisse clamantia : « Sanctus, Sanctus, Sanctus, Dominus Deus Sabaoth (*Isai. vi.*) » . Ut enim personarum Trinitas monstraretur, tertio sanctus dicitur. Sed ut unam esse substantiam Trinitatis appareat, non Domini Sabaoth, sed Dominus esse perhibetur. Quod David quoque similiter sentiens ait : « Verbo Domini cæli firmati sunt (*Psal. xxxiii.*) » . Verbum enim Domini Filius est Patris.

Sed ut eisdem cælos tota simul Trinitas ostendatur operata, repente de sancti Spiritus divinitate subiungitur : « Et Spiritu oris ejus omnis virtus eorum (*Ibid.*) » . De quo videlicet Spiritu alibi legitur : « Spiritus ejus ornavit cælos (*Job xxvi.*) In alio quoque psalmo idem David ait : « Benedicat nos Deus, Deus noster, benedicat nos Deus (*Psal. lxxvi.*) » . Qui cum tertio dixisset Deum, ut unum hunc esset ostenderet, subdidit : « Et metuant eum omnes

A fines terræ (*Ibid.*) » . Et, ut huic, quam per os David Spiritus sanctus eloquitur, aliam quoque Dei benedictionem similem demonstremus, ad librum Numeri recurramus. Ibi denique scriptum est : « Locutus est Dominus ad Moysen, » dicens : « Loquere Aaron et filiis ejus : Sic benedicetis filiis Israel, et dicetis eis : Benedicat tibi Dominus, et custodiat te; ostendat Dominus faciem suam tibi, et misereatur tui; convertat Dominus vultum suum ad te, et det tibi pacem (*Num. vi.*) » . Et, ut clarescat, quia unus est Deus, ejus nomen trina super populum vocatione repetitur, illico subinfertur : « Lavocabunt nomen meum super filios Israel, et ego benedicam eis. »

B Ecce, o Judæe, dum cuncta pene legis tuæ volumina revolvens percurrimus, unitatem divinæ essentiae, et Trinitatem personarum aptissime reperimus. Et si cuncta, quæ nobis ex tuis libris testimonia suppetunt, ad hoc affirmandum colligere volumus, prius forsitan lingua fatiscente deficiamus, quam exemplorum copia careamus. Sed quoniam **omnis** vestræ partis assertio in hoc præcipue solertes incumbit, ut Christum Deum esse, vel Dei Filium negare contendat, nunc quoque nostræ allegationis articulus hoc itinere directus incedat. Tu autem nolim mihi, ut vester mos est, subdolis tergiversationibus, velut in variarum te formarum monstra convertas, nisi ut lubricus anguis, cum captus fueris, manus evadere gestias, sed cuncta ad intelligendum tuorum sensuum viscera pateant, cor antiquum ignorantiae velamen abjiciat, mentis aures vigilanter intendant. Cum vero mihi obviare non poterit, rationabiliter obticescat; ut, si possibile est, qui mihi, imperito videlicet homini, ad astruendam veritatem suam argumentorum materiam præstat, ipse quoque mentis tuæ tenebris ad credendum sapientiæ suæ lumen infundat.

27 CAPUT PRIMUM.

De Christo, qui est Filius Dei.

Incipiamus igitur, et ejus, de quo loquimur, adjutorium fiducialiter imploremus, dicentes : « Exsurgat Deus, et dissipentur inimici ejus; et fugiant a facie ejus, qui oderunt eum (*Psal. lxxvii.*) » . Deum itaque Patrem omnipotentem Verbum de se ante omnia sæcula genuisse legimus, credimus, et probamus. Quod si tu, Judæe, negare contendis, procul dubio contra ipsum, quem te recolare asseris, Deum pugnare convinceris. Ipse enim dicit : « Eructavit cor meum verbum bonum (*Psal. xlii.*) » . De hoc verbo per prophetam alium dicitur : « Verbum Domini validum, et forte, quis poterit comprehendere illud? » De hoc iterum Isaias loquitur, ubi ait : « Sic erit verbum, quod egredietur de ore meo : non revertetur ad me vacuum, sed faciet quaecumque volui, et prosperabitur in his, ad quæ misi illud. (*Isa. x.*) » Qui utique si de transitorio verbo diceret, non illud ad se reversurum, vel facturum aliquid nuntiaret. Cujus virtute Verbi terra fundata est, et cælum cum suis luminaribus so-

lidatum; et mare in sinu suo diffusum. De quo, ut A
superius dictum est, legitur: « Verbo Domini cœli
firmati sunt (*Psal. xxxi*). » Hoc Verbum de Patre
ante sæcula genitum, in utero Virginis homo fieri
voluit in fine sæculorum. De cujus Verbi incarna-
tione Habacuc loquitur, dicens: « Ante faciem
ejus ibit Verbum, et exhibit in campis (*Habac. iii*). »

Quid autem sit hoc verbum, si solerter inquiri-
tur, paulo post inferius invenitur, cum dicit: « Ego
autem in Domino gloriabor, et gaudebo in Deo Jesu
meo (*Ibid.*). » Unde et Isaïas apertissime clamat,
dicens: « Ecce, inquit, virgo in utero concipiet, et
pariet Filium: et vocabitur nomen ejus Emmanuel,
quod interpretatur nobiscum Deus (*Isai. vii*). » De
quo per eundem prophetam alibi dicitur: « Do-
minus dilexit eum, faciet voluntatem suam in Ba-
bylone, et brachium suum in Chaldæis. Ego, ego
locutus sum, et feci: vocavi eum, adduxi eum, et
directa est via ejus (*Isai. xlviii*). » Et mox ex ipsius
Filii persona subjungitur: « Accedite ad me, et au-
dite hoc: non a principio in abscondito locutus sum:
ex tempore antequam fierent ibi eram: et nunc
Dominus Deus misit me, et spiritus ejus. Hæc dicit
Dominus Deus redemptor sanctus Israel: Ego Do-
minus Deus tuus docens te utilia, gubernans te in
via qua ambulas: utinam attendisses mandata mea, »
et reliqua (*Ibid.*). Audi adhuc etiam Michææ pro-
phetæ testimonium de Christo: « Erit, inquit, in
novissimo dierum præparatus mons domus Domini
in vertice montium, et sublimis super colles, et
fluent ad eum populi, et properabunt gentes multe,
et dicent: Venite, ascendamus ad montem Domini
et ad domum Dei Jacob, et docebit nos de viis
suis, et ibimus in semitis ejus: quia de Sion ex-
ibit lex, et verbum Domini de Hierusalem: et
judicabit inter populos multos, et corripiet gentes
fortes usque in longinquum (*Mich. iv*). » Quod
videlicet Isaïas non modo sub eodem sensu, sed
ejusdem pene syllabis protulit: nec nos ad roba-
randum **28** assertionis nostræ sententiam piget
denuo scribere, quod per ora duorum propheta-
rum Spiritus sanctus voluit geminare. Ait ergo:
« Erit, inquit, in novissimis diebus præparatus mons
domus Domini in vertice montium, et elevabitur
super colles, et fluent ad eum omnes gentes, et ibunt
populi, et dicent: Venite, ascendamus ad montem
Domini, et ad domum Dei Jacob: et docebit nos
vias suas, et ambulabimus in semitis ejus: quia de
Sion exibit lex, et verbum Domini de Hierusalem:
et judicabit gentes, et arguet populos multos (*Isai.*
ii). » ubi et paulo post additur: « Domus Jacob,
venite, et ambulemus in lumine Domini (*Ibid.*). »
Neque enim alter ab altero hanc sententiam mu-
tuatus esse merito creditur, cum uterque propheta
uno tempore, et sub eisdem regibus prophetasse
noscat.

Quod si omnes ii veritatis testes necdum tibi, Ju-
dæe, sufficiunt, audi tuum quoque Baruch dicentem:
« Ille est, inquit, Deus, et non æstimabitur alius

absque illo: qui invenit omnem viam scientiæ, et
dedit eam Jacob puero suo, et Israel dilecto suo.
post hæc in terris visus est, et cum hominibus con-
versatus est (*Baruch. iii*). » Nam si Christus, ut as-
seris, Deus non est, ostende mihi ex tuis libris,
quando post datam legem Jacob, Deus in terra visus
sit, et cum hominibus conversatus. Sed cum inve-
nire non poteris, convictum te in omnibus necesse
est, fatearis.

Sed ne potius meis verbis circumvenire, quam
prophetarum exemplis superare te videar, accedat
etiam Daniel, et testimonium de Christo perhibeat:
« Cum venerit, inquit, Sanctus sanctorum, cessabit
unctio. Dicetis: Nondum venit Sanctus sanctorum,
nondum venit Messias, venturus est autem, ostendite
unctionem (*Dan. vi*): » si autem, quod verum est,
cessavit vestra unctio (non enim jam habetis tem-
plum, non regem, non sacerdotes), agnoscite venisse
Sanctum sanctorum, de quo per Isaïam dicitur:
« Ego sum Deus vocans ab Oriente aveni, et de
terra longinqua virum voluntatis meæ: et locutus
sum, et adducam illud, creavi et faciam illud. Au-
dite me duro corde, qui longe estis a justitia, prope
feci justitiam meam (*Isai. xlv*). » Adhuc autem et
patriarcha Jacob accedat in medium: « Non afe-
retur sceptrum de Juda, et dux de femoribus ejus,
donec veniat qui mittendus est: et ipsa erit expec-
tatio gentium (*Gen. xlix*). »

Si ergo jam per mille annos, et eo amplius sine
rege vixistis, et sub pedibus gentium jacuistis, unde
nunc expectationem gentium expectatis? Ex eo
enim tempore, quo dixistis ad Pilatum, claman-
tes: « Non habemus regem, nisi Cæsarem (*Joan.*
xix); » regem non habuistis: et qui Regem regum
audire noluitis, regnum simul cum patria perdi-
distis. Quod bene Moyses præviderat, cum dicebat:
« Prophetam vobis suscitabit Dominus de fratribus
vestris: omnis anima, quæ non audierit prophetam
illum exterminabitur de populo suo (*Deut. xviii*). »
Et iterum idem Moyses dicit: « Dabit enim tibi
Dominus cor pavidum, et deficientes oculos, et ani-
mam mœrore consumptam, et erit vita tua pendens
ante te: timebis nocte, ac die, et non credes vita-
tue (*Deut. xxviii*). » Quando autem fuit vita tua pen-
dens **29** ante te, nisi tunc cum moventes caput
ante crucem dicebatis: « Alios salvos fecit, seipsum
non potest salvum facere? (*Matth. xxvii*). Si Filius
Dei est, descendat nunc de cruce, et credimus ei
(*Marc. xv; Luc. xxiii*). » Quod manifestissime per
os David ipse Dei Filius loquitur, dicens: « Omnes,
qui videbant me, aspernabantur me, locuti sunt labiis,
et moverunt caput. Speravit in Domino, eripiat
eum, salvum faciat eum, quoniam vult eum (*Psal.*
xxi). » In quo etiam psalmo fixuras clavorum in
manibus suis et pedibus luce clarius ostendit, di-
cens: « Foderunt manus meas et pedes meos:
dinumeraverunt omnia ossa mea (*Ibid.*). » Si nescis,
ille erat bos tuus, Judæe, qui tunc in ara crucis
coram te immolabatur, sed exigentibus tuis meritis,

a te necdum comeditur. De quo Moyses adversum A absconditus, Deus Israel Salvator. » Si ergo Deus est ipse, qui loquitur; Deus cui dicit: « Tu es Deus; » constat profecto, quia Patris ad Filium persona loquitur. Nam et quod non dicitur, simpliciter tu es Deus, sed in te est Deus, et tu es Deus absconditus, humanitatem nostri Redemptoris manifeste designat. In Christo enim Jesu, ut noster ait Apostolus, habitat omnis plenitudo divinitatis corporaliter (*Coloss. 11*). Quod autem dicit: « Labor Ægypti, et negotiatio Æthiopie et Sabaim, viri sublimes ad te transibunt, et te adorabunt » aperte denuntiat ad fidem Christi omnes nationes gentium convertendas. Unde et paulo post subditur: « Convertimini ad me, et salvi eritis, omnes fines terræ; quia ego Deus et non est alius. In memetipsum juravi: egredietur de ore meo justitiæ verbum, et non revertetur; quia mihi curvabunt omnes genu, et jurabit omnis lingua (*Isa. xlv*). » Et mox ipse, qui loquitur Pater manifestum de Filio perhibet testimonium, cum subjungit: « Ergo in Domino dicent: meæ sunt justitiæ, et imperium: Ad eum venient, et confundentur omnes, qui repugnant ei. In Domino justificabitur, et laudabitur omne semen Israel (*Ibid.*). » Cui simile est illud, quod per eundem prophetam alibi dicitur: « Parum est, inquit, ut sis mihi servus ad suscitandas tribus Jacob, et facies Israel convertendas: Dedit te in lucem gentium, ut sis satus mea usque ad extremum terræ (*Isa. xlix*). » Servus autem Christus ideo dicitur, quia servi formam suscepit; unde ex parte humanitatis in psalmo Patrem exorat, dicens: « Custodi animam meam, quoniam sanctus sum: salvum fac servum tuum, Deus meus, sperantem in te (*Psal. lxxxv*). » Quis est enim iste, qui se et sanctum esse constanter affirmat, et salvum se fieri humiliter exorat, nisi ille, quem per Isaiam Dominus venturum esse promittit, dicens: « Prope est justus meus, egressus est Salvator meus? (*Isai. li*). »

Quæ autem sint oves a quibus adjuvari synagoga debuerat, manifeste declaratur, cum subditur: « Filii tui et filiæ tuæ tradantur alteri populo, videntibus oculis tuis, et deficientibus ad conspectum eorum tota die, et non sit fortitudo in manu tua. » Sancti enim apostoli, qui oves per innocentiam dicuntur, Israeliiticæ gentis filii sunt, quia ex eorum progenie originem ducunt. Qui videlicet alteri populo tunc traduntur, cum Judæis persequentibus dicunt: « Vobis oportebat primum loqui verbum Dei; sed quia repellitis illud, et indignos vos iudicatis æternæ vitæ, ecce convertimur ad gentes. Vos autem hæc videntes non vidistis, et audientes non intellexistis (*Act. xiii*). » Quod bene idem Moyses usque hodie vobis impropere, dicens: « Non dedit vobis Dominus cor intelligens et oculos videntes, et aures quæ possent audire usque in præsentem diem (*Deut. xxix*). » Idipsum etiam imprecatur adversum vos dicens: « Percutiat te Deus amentia, et cæcitate, ac furore mentis: et palpes in meridie, sicut palpare solet cæcus in tenebris, et non dirigas vias tuas (*Deut. xxviii*). » Et Isaias: « Audite, inquit, audientes, et nolite intelligere: et videte visionem, et nolite cognoscere. Excæca cor populi hujus, et aures ejus aggravat, et oculos ejus claudat; ne forte videat oculis, et auribus suis audiat, et corde suo intelligat: et convertatur, et sanem eum (*Isai. vi*). »

Vis adhuc aliud Isaiæ testimonium de Christo? « Ego, inquit, suscitavi eum ad justitiam, et omnes vias ejus dirigam: ipse edificabit civitatem meam, et captivitatem meam dimittet, non in pretio, neque in muneribus, dicit Dominus exercituum. Hæc dicit Dominus: Labor Ægypti, negotiatio Æthiopie, et Sabaim; viri sublimes ad te transibunt, et tui erunt, et post te ambulabunt; vincit manibus pergent, et te adorabunt, teque deprecabuntur. Tantum in te est Deus, et non est absque te Deus. **30** Vere tu es Deus absconditus, Deus Israel Salvator (*Isai. xlv*). » Loquere, Judæe, responde, quis est ille, qui dicit: « Ego suscitavi eum ad justitiam? » Sed si nescis, perge, flecte oculos ad finem prioris sententiæ, et vide, quia dicit, « Dominus Deus exercituum. »

Sed jam si nosti, quia Deus loquitur: considera etiam cui loquitur. Descende igitur ad finem sequentis lineæ et vide, quod dicitur: « Tantum in te est Deus, et non est absque te Deus. Vere tu es Deus

absconditus, Deus Israel Salvator. » Si ergo Deus est ipse, qui loquitur; Deus cui dicit: « Tu es Deus; » constat profecto, quia Patris ad Filium persona loquitur. Nam et quod non dicitur, simpliciter tu es Deus, sed in te est Deus, et tu es Deus absconditus, humanitatem nostri Redemptoris manifeste designat. In Christo enim Jesu, ut noster ait Apostolus, habitat omnis plenitudo divinitatis corporaliter (*Coloss. 11*). Quod autem dicit: « Labor Ægypti, et negotiatio Æthiopie et Sabaim, viri sublimes ad te transibunt, et te adorabunt » aperte denuntiat ad fidem Christi omnes nationes gentium convertendas. Unde et paulo post subditur: « Convertimini ad me, et salvi eritis, omnes fines terræ; quia ego Deus et non est alius. In memetipsum juravi: egredietur de ore meo justitiæ verbum, et non revertetur; quia mihi curvabunt omnes genu, et jurabit omnis lingua (*Isa. xlv*). » Et mox ipse, qui loquitur Pater manifestum de Filio perhibet testimonium, cum subjungit: « Ergo in Domino dicent: meæ sunt justitiæ, et imperium: Ad eum venient, et confundentur omnes, qui repugnant ei. In Domino justificabitur, et laudabitur omne semen Israel (*Ibid.*). » Cui simile est illud, quod per eundem prophetam alibi dicitur: « Parum est, inquit, ut sis mihi servus ad suscitandas tribus Jacob, et facies Israel convertendas: Dedit te in lucem gentium, ut sis satus mea usque ad extremum terræ (*Isa. xlix*). » Servus autem Christus ideo dicitur, quia servi formam suscepit; unde ex parte humanitatis in psalmo Patrem exorat, dicens: « Custodi animam meam, quoniam sanctus sum: salvum fac servum tuum, Deus meus, sperantem in te (*Psal. lxxxv*). » Quis est enim iste, qui se et sanctum esse constanter affirmat, et salvum se fieri humiliter exorat, nisi ille, quem per Isaiam Dominus venturum esse promittit, dicens: « Prope est justus meus, egressus est Salvator meus? (*Isai. li*). »

Ecce, ut et humanitatis infirmitas, et divinitatis potentia in uno mediatore Dei, et hominum ostendatur, qui illic sibi met ipsi salutem poposcerat, hic Salvator esse perhibetur. De quo idem Isaias alibi testatur, dicens: « Ecce dies veniunt, dicit Dominus, et suscitabo David germen justum: et regnabit rex, et sapiens erit, et faciet judicium, et justitiam in terra (*Jer. xxxiii*); deinde subjungit: « In diebus illis salvabitur Juda, et Israel habitabit confidenter: et hoc est nomen, quod vocabunt eum, Dominus justus noster (*Ibid.*). » Hic est justus, ad cujus adventum idem propheta testis visceribus æquat, et anhelat, dicens: « Rorate, celi, desuper, et nubes pluant justum; aperiatur terra, et germinet Salvatorem, et justitia oriatur simul; ego Dominus creavi eum (*Isai. xlv*). » Et alibi: « Utinam, **31** inquit, dirumperes cælos, et descenderes: a facie tua montes defluerent, sicut exustio ignis tabescerent, atque arderent igni, ut notum fieret nomen tuum inimicis tuis (*Isai. lxiv*). » Et iterum: « Propter Sion non tacebo, et propter Hierusalem non quiescam, donec egrediat, ut

splendor, justus ejus, et Salvator ejus, ut lampas accendatur (*Isai. lxii*). » De eodem Christi adventu, et Habacuc testimonium perhibet, dicens : « Et respondit Dominus, et dixit ad me : Scribe visum in buxo aperte, ut assequatur, qui legit ea; quia adhuc visio ad tempus; et orietur in fine, et non in vacuum; si tardaverit, sustine eum, quia veniens veniet, et non morabitur (*Habac. ii*). » Ad perhibendum adhuc testimonium Christo propheta quoque Abdias accedat : « Quo modo enim, inquit, bibistis super montem sanctum meum, hibern omnes jugiter; et bibent et absorbebunt, et erunt, quasi non sint; et in monte Sion erit salvatio, et erit sanctus; et possidebit domus Jacob eos, qui se possederant; et erit domus Jacob ignis, et domus Joseph flamma, et domus Esau stipula (*Abd. 16*). » Quid enim per domum Jacob, et Joseph, nisi Ecclesia Christi? Quid per domum Esau debet intelligi, nisi infidelium populi? Domus ergo Jacob, et Joseph ignis facta est; quia sancta Ecclesia igne sancti Spiritus inflammata, ad amorem Dei frigida dudum carnalium corda succendit; et sic a concupiscentia presentis sæculi ad desiderium Creatoris domum Esau velut stipulam concrenavit. De quo videlicet igne in nostro Evangelio Veritas dicit : « Ignem veni mittere in terram, et quid volo, nisi ut ardeat? » (*Luci. xii*.)

CAPUT II.

De Christo, qui est lapis angularis.

Dic mihi hoc etiam, o Judæe, quis est iste lapis, quem Dominus pollicetur se positurum in fundamento? Unde Isaias ait : « Ecce ego mittam in fundamentum Sion lapidem probatum, angularem, pretiosum, in fundamento fundatum (*Isai. xxviii*). » Quis est, inquam, iste lapis, nisi ille, de quo David canit : « Lapidem, quem reprobaverunt aedificantes, hic factus est in caput anguli? » (*Psal. cxviii*). » Quod si lapideum cor tuum lapidem materiale ab Isaiâ dictum existimas, audi quod sequitur : « Super quem qui ceciderit, confringetur : super quem vero ceciderit, conteret eum. » Lapidem enim, qui in fundamento parietis ponitur, non posse super aliquem cadere, liquido comprobatur. Ille est utique lapis ille, quem Daniel vidit abscissum de monte sine manibus (*Dan. ii*); Christus videlicet sine opere complectentium, de incorrupta virgine procreatus. Audi adhuc testimonium, quod idem Isaias de Christo profert, dicens : « Egredietur, inquit, virga de radice Jesse, et flos de radice ejus ascendet, et requiescet super eum spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis, et replebit eum spiritus timoris Domini (*Isai. xi*). » Jam quid apertius eo, quod de Christo David canit in psalmo? Dominus dixit ad me : Filius meus es tu, ego hodie genui te;

32 postula a me, et dabo tibi gentes hæreditatem tuam, et possessionem tuam terminos terre (*Psal. ii*). » Nunquid ipse David Dei Filius dici potuit, aut super solum Israeliticum populi solum constitutus, omnia terrarum regna possedit? Quia ergo David

mortali videlicet regi hæc prophetia convenire posse non cernitur, consequens est ut de Christo Dei Filio indubitanter dicta credatur. De quo, videlicet æterno David, Isaias ait : « Feriam vobiscum pactum sempiternum, misericordias David fidelis. Ecce testem populi dedi eum, ducem, ac præceptorem gentibus. Ecce gentem, quam nesciebas, vocabis; et gentes, quæ non cognoverunt te, ad te current. Propter Dominum Deum tuum, et sanctum Israel, quia glorificavit te (*Isai. lv*). » Nunquid non jam David ex hac luce migraverat, cum hæc propheta dicebat? Quomodo igitur de eo diceretur, quia vocaturus esset gentes, et ad eum gentes concurrerent, qui jam exutus corpore cum mortalibus non maneret? Si igitur hoc prophetice promissionis oraculum nequaquam de eo, qui jam obierat, David dici potuisset cognoscitur, restat ut de eo, qui necdum venerat, prolata fuisse credatur.

Rursum etiam de reprobatione Judæorum, et vocatione gentium manifestissimam per Zachariam Dominus protulit sententiam, dicens : « Non est mihi voluntas in vobis, dicit Dominus exercituum, et munus non suscipiam de manu vestra. Ab ortu enim solis usque ad occiduum magnum est nomen meum in gentibus, et in omni loco sacrificatur et offertur nomini meo oblatio munda; quia magnum est nomen meum in gentibus, dicit Dominus exercituum (*Malach. i*). » Et paulo post : « Et in die illa dicit Dominus exercituum, disperdam nomina idolorum de terra, et non memorabuntur ultra; et spiritum pseudoprophetarum, et spiritum immundum auferam de terra (*Zach. xiii*). » Dic etiam, Judæe, de quo intelligis, dictum fuisse, quod legis : « Deus, iudicium tuum regi da, et justitiam tuam filio regis? » (*Psal. lxxi*). » Quis est iste rex regis filii pater? Numquid David Salomonis? Sed lege per ordinem psalmum et vide quid sequitur : « Et permanebit cum sole, et ante lunam in sæculum sæculi. » Numquid Salomon permanere in sæculum sæculi dici veraciter potuit, qui vix per quadraginta annorum curriculum regni gubernacula tenuit?

Lege adhuc, et continua totum psalmum, et considera quomodo a Salomone reperitur alienus, maxime illic ubi dicitur : « Ex usuris et iniquitate liberabit animas eorum (*Ibid.*). » Nam quomodo Salomon ex iniquitate liberare animas potuit, quia ex justitia, quam primitus cepit, idem ipse ad iniquitatem postmodum declinavit? Illud etiam cui convenit, nisi soli Deo, quod dicitur : « Sit nomen ejus benedictum in sæcula? » Sequitur adhuc psalmus, et dicit : « Et benedicuntur in eo omnes tribus terre, omnes gentes magnificabunt eum. » Hoc idem jam olim Deus promiserat Abraham, dicens : « In semine tuo benedicentur omnes gentes. (*Gen. xxii*). » Et alibi ad David : « Juravit Dominus David veritatem, et non frustrabitur eam. De fructu ventris tui ponam super sedem tuam » (*Psal. cxxxi*). »

33 Et in libro Regum secundo legitur : « Hæc autem sunt verba novissima, quæ dixit David filius Isai :

dixit vir cui constitutum est de Christo Jacob (*II Reg. xxiii*). » In libro Paralipomenon: « Et factum est, inquit, verbum Domini David ad Nathan prophetam, dicens: Vade, et dic servo meo David: Hæc dicit Dominus: Annuntio tibi, quod ædificaturus sit domum tibi Dominus, Cumque impleveris dies tuos, ut vadas ad patres tuos, suscitabo semen tuum post te, quod erit de filiis tuis, et stabiliam regnum ejus; ipse ædificabit mihi domum, et firmabo solum ejus usque in sempiternum. Ego ero ei in patrem, et ipse erit mihi in filium, et misericordiam meam non auferam ab eo, sicut abstuli ab eo, qui ante te fuit, et statum eum in domo mea, et in regno meo usque in sempiternum, et thronus ejus erit firmissimus in perpetuum (*I Par. xvi*). »

CAPUT III.

Refutantur Judæorum errores

Quis autem ita desipiat, quis ita insaniat, ut hæc omnia credat in Salomone fuisse completa? Nam qualiter in Salomone intelligendum est, quod dicitur: « Postquam dormieris cum patribus tuis, suscitabo semen tuum post te, quod erit de filiis tuis, et stabiliam regnum ejus (*II Reg. vii*). » Qualiter, inquam, dici hoc de Salomone potuit, qui non post mortem David natus est, vel regnare cepit, sed adhuc patre vivente regnavit? Quid est ergo quod dicitur: « Postquam dormieris cum patribus tuis, suscitabo semen tuum post te; » nisi quod Christus est in hac promissione signatus, qui non ante mortem David, sed longe post ejus obitum fuerat suscitandus? Qui videlicet ædificaret domum Domini de parietibus non manufactis, sed de lapidibus vivis, et pretiosis, hoc est, sanctis et justis, illud quoque quod subditur: « Fidelis erit domus ejus, et regnum ejus usque in sempiternum coram me (*Ibid.*). » Quis de Salomone dictum intelligat, cum domum ejus alienigenis mulieribus plenam fuisse legat? Quo enim pacto domus Salomonis Deo fidelis exstitit, quæ gentilibus mulieribus, et colentibus idola plena fuit? Ipse etiam ab eis seductus in idololatriam corruit, et bonus initio, proh dolor! malos exitus habuit. Aut quomodo thronus ejus firmissimus in perpetuum jure dicitur, dum constat quia de Salomonis semine rex nusquam hodie reperitur?

Necesse est ergo, Judæe, ut cuncta hæc, quæ Salomoni vides nequaquam posse congruere, Christo fatearis per omnia convenire. De quo etiam Zacharias testatur, dicens: « Hæc dicit Dominus Deus exercituum: Ecce vir oriens nomen ejus, et subter eum oriatur, et ædificabit templum Domino: ipse exstruet templum, et ipse portabit gloriam, et sedabit, et dominabitur super solum suum, et erit sacerdos super solio suo (*Zach. vi*). » Et iterum: « Ecce, inquit, ego adducam servum meum Orientem, quia ecce lapis, quem dedi coram Jesu (*Zach. iii*). » Super lapidem unum septem oculi sunt, quibus videlicet oculis septem sancti Spiritus dona signantur. Quod **34** si necdum te omnia hæc prophetarum exempla convincunt, interroga adhuc octogesim-

um psalmum, et considera manifestum Domini ad David de Christo promissum: « Juravi inquit, David servo meo, usque in æternum præparabo semen tuum; et ædificabo in sæculum sæculi sedem tuam (*Psal. lxxxviii*). » Et paulo post: « Ponam, inquit, in mari manum ejus, et in fluminibus dexteram ejus. Ipse invocabit me, Pater meus es tu, Deus meus, et susceptor salutis meæ; et ego primogenitum ponam illum et excelsum præ regibus terræ; in æternum servabo illi misericordiam meam, et testamentum meum fidele ipsi; et ponam in sæculum semen ejus; et thronum ejus sicut dies cæli. » Et iterum: « Semel juravi in sancto meo si David mentiar, semen ejus in æternum manebit, et thronus ejus sicut sol in conspectu meo, et sicut luna perfecta in æternum, et testis in cælo fidelis. »

Has igitur omnes promissiones ad David factas subtiliter inspicere, et vel regem de David progenie in ejus solio præcedentem ostendere, vel omnia de Christo prædicta, et in ipso completa necessario confiteri. Perge adhuc, et discute alium psalmum. Quis enim est ille, de quo dicitur: « Mater Sion dicit: Homo, et homo factus est in ea, et ipse fundavit eam Altissimus? (*Psal. lxxxvi*). » Quis est iste Altissimus, qui et homo dicitur, et altissimus? Scrutare, inspicere, revolve, si placet, omnes sacri eloquii paginas, et perpende, quia Altissimus ubique de Deo dicitur, nusquam dictum de simplici homine reperitur. Restat ergo ut cum Altissimus, et homo simul jungatur; Deus, et homo una persona dictus intelligatur, de quo mirabiliter dicitur, quia is, qui natus est in ea, hoc est in Sion, ipse fundavit eam. Necesse est quippe prius civitatem fundari, et sic postmodum in ea hominem nasci. Sed quis valet prius urbem construere, et in ea postmodum de ventre matris exire? Quis, inquam, nisi Redemptor noster, qui in his quæ fecit, dignatus est fieri?

Quid ad hæc, Judæe, jam tentabis objicere? Qua inverecunde mentis audaciâ jam clavis, tam apertis, tam divinis poteris assertionibus obviare? Esto, quod blasphemantes dicitis, Christum de se potuisse mendacia fingere; nunquid, et antiquam nasceretur, si Deus non esset, per aliorum ora semetipsum valuit prophetare? Illud etiam qualiter intelligas, audire delectat: « Eructavit cor meum verbum bonum, dico ego opera mea regi (*Psal. xlii*). » Quis est ille rex, cui Deus opera sua dicat. Dicis mihi fortasse: David; sed lege sextum psalmum per ordinem, et sensus intellige veritatem: descende paululum inferius, et interroga non me, sed ipsum Dominum, quis sit rex, cui ipse opera sua dicat. Audi quid prædicto regi Deus ipse loquatur: « Sedes, inquit, tua, Deus, in sæculum sæculi; virga directionis, virga regni tui (*Ibid.*). » Si igitur Deus est ipse, qui loquitur, Deus, ad quem sermo dirigitur; consequens est, ut non temporalis ille David, sed coæternus Patri Filius, qui vere est manu fortis, intelligatur. Illud etiam quod similiter interpretaris in David silentio prætereundum esse non arbitror: « Dixit

Dominus Domino meo : **35** Sede a dextris meis (Psal. cix). » Si enim hoc de David, ut asseris, debet intelligi, illud, quod sequitur, qua ratione David poterit coaptari? « Tecum principium in die virtutis tuæ, in splendoribus sanctorum, ex utero ante Luciferum genui te. » Et iterum : « Juravit Dominus, et non poenitebit eum. Tu es sacerdos in æternum secundum ordinem Melchisedech. » Igitur si sequentia ad intellectum David non vales inflectere, cogeris etiam superiora de Christo, cui apertissime congruunt, dicta firmare. De quo Isaias manifeste pronuntiat, dicens : « In die illa erit radix Jesse, qui stat in signum populorum : ipsum gentes deprecabuntur, et erit sepulcrum ejus gloriosum (Isa. xi). » Radix quippe Jesse in signum stat populorum, quando Christus signaculum crucis imprimit frontibus hominum. Sepulcrum autem ejus in tantum est gloriosum, ut salvo eo, quod redempti per ejus mortem sibi gloriam totis visceribus exhibemus, etiam cum ipsum miraculis coruscantem gloriæ suæ causam ad se omnem mundum provocare cernamus.

CAPUT IV.

Confirmatur Christum vere esse Filium Dei.

Jam vero inter tot prophetarum oracula, inter tot evidentissima sanctorum testimonia, nunquid tu, Jesu fili Sirach, omnino tacebis, et inter ceteros tu quoque testimonium de Christo non proferes? Accedat jam facundissima sapientia tua in medium, et fortiozem Jesum, fontem videlicet paradisi, in orbem terrarum sub evangelistarum figura cum quatuor suis fluminibus introducat : « Legem, inquit, mandavit Moyses in præceptis justitiarum, et hereditate domui Jacob, et Israel promissionis. Posuit David pueri suo excitare regem ex ipso fortissimum in throno honoris sedentem in sempiternum. Qui implet quasi Phison sapientia, et sicut Tigris in diebus novorum : qui implet quasi Euphrates sensum, qui multiplicat quasi Jordanis in tempore messis, qui mittit disciplinam sicut lucem, et assistens quasi Gehon in die vindictæ (Eccli. xxiv). » Ecce, bone Jesu, unum de Christo testimonium, da consequenter et aliud : « In sermone, inquit, ejus siluit ventus, cogitatione sua placavit abyssum, et plantavit illum Dominus Jesus : propter ipsum consummatus est itineris finis, et in sermone ejus consummata sunt omnia (Eccli. xliii). » Multa dicemus et deficiemus verbis. Consummatio autem sermonum ipse est. In omnibus gloriantes, ad quid valebimus? Ipse enim omnipotens super omnia opera sua; terribilis Dominus, et magnus vehementer, et mirabilis potentia ipsius. Glorificantes Dominum quantumcunque poteritis, supervalebit adhuc et admirabilis magnificentia ejus. Benedicentes Dominum, exaltate illum quantum potestis : major est enim laude omni. Exaltantes replemini virtute, ne laboretis : non enim habetis. Quis vidit eum, et enarravit? Et quis magnificavit eum sicut ab initio? Multa abscondita sunt majora his : pauca enim vidimus operum ejus.

36 Quæ videlicet cuncta Redemptori nostro con-

gruere, qui Scripturæ considerat orationem, quis poterit dubitare? Addat adhuc Jesus tertium de Salvatore nostro testimonium, quatenus, ut ita dixerim, in ore duorum, vel trium imo testimoniorum, stet omne verbum. Ait ergo : « Christus purgavit peccata ipsius, et exaltavit in æternum cornu ipsius, et dedit illi testamentum regum, et sedem gloriæ in Israel (Eccli. xlvii). » Si ergo Christus, qui secundum carnem de David originem duxit, ipse David peccata purgavit, ipse cornu David in perpetuum exaltavit, et ei sedem gloriæ contulit; constat profecto, quia filius est David, et ipse est etiam creator David. De David enim dici lector ista considerat, si superioris textus ordinem oculo continuante percurrat.

Non cesset adhuc Isaias perhibere testimonium de Christo : « Ponam, inquit, super his, qui fugerunt de Moab, leonem et reliquias terræ. Emitte agnum, Domine, dominatorem terræ de petra deserti ad montem filiæ Sion (Isai. xvi). » De hac enim gente Moabitarum egressus est Agnus immaculatus, qui tollit peccata mundi, qui dominatur in orbe terrarum. Nam qui leo propter fortitudinem dicitur, ipse agnus propter mansuetudinem perhibetur. Petra autem deserti Ruth intelligitur, quæ deserta prioris morte conjugis, Obed de Bodz genuit, de quorum etiam Christus stirps descendit. Quod autem ergo hic prophetarum dicta permisceo, et nunc hujus testimonia protero, nunc ad illius, quem jam reliqueram, verba recurro, hoc ex tædio agere, vitandæ videlicet satietatis causa, contendo; ne si unius plura simul testimonia congerantur, audientibus fastidium generetur. Per singula quoque testimonia prophetarum nomina ponere studeo, quatenus, si ubi, quid dicatur, fortasse locus inquiratur, ad evitandum calumniam facile reperiat. Rursus igitur Daniel testis accedat, et quid de Christo cognoverit, in medium proferat; sed prius narret quid rex Nabuchodonosor viderit, postquam tres pueros in caminum ignis jactari præcepit : « Ecce, inquit, video viros quatuor solutos ambulantes in medio ignis, et nihil corruptionis in eis, et species quarti similis est Filio Dei (Dan. iii). » Ecce, Judæe, habes Filium Dei, cur ultra negare niteris Filium Dei? Loquere, responde; quid perspicacius, quid manifestius exprimi potuit de Filio Dei, quam dicere Filium Dei? Quod si jam nihil objicere, nullum vales aufugium invenire, da manus, temetipsum victori humiliter trade, victumque te, et superatum funditus confitere. Nunc etiam quid ipse Daniel de Christo, de Filio viderit, dicat : « Aspiciebam in visione noctis, et ecce cum nubibus cœli quasi Filius hominis veniebat, et usque ad dierum antiquum pervenit : et in conspectu ejus obtulerunt eum, et dedit ei potestatem, et honorem, et regnum : et omnes populi, tribus, et linguae ipsi servient. Potestas ejus potestas æterna, quæ non auferetur : et regnum ejus, quod non corrumpetur (Dan. vii). » Et iterum in visione octava idem Daniel : « Scito, inquit, et planta aurem, et animadvertite ab exitu sermonis, ut iterum ædificetur Hierusalem us-

que ad Christum duces hebdomadas septem, **A** **37** et muri in angustia temporum : et post hebdomadas sexaginta occidetur Christus : et non erit ejus populus, qui eum negaturus est (*Dan. ix.*). » Quid apertius, quid expressius de morte Christi dici potest eo, quod dicitur, « occidetur Christus? » Non hic mystica latet figura, non occulta sententia, sed aperta potius, licet de futuris jam nunc narratur historia. Cui etiam Danieli Gabriel angelus paulo superius iterum dicit : « Tu autem animadvertes sermonem, et intellige visionem : septuaginta hebdomadæ abbreviatae sunt super populum tuum, et super urbem sanctam tuam : ut consummetur prævaricatio, et finem accipiat peccatum, et deleatur iniquitas, et adduceatur justitia sempiterna, et impleatur visio, et prophetia, et ungatur Sanctus sanctorum (*Ibid.*). » Quod si de præfinito temporum numero dubitas, lege Tertullianum, et manifeste reperies quadringentos nonaginta annos fuisse a primo anno Darii regis Persarum usque ad excidium Hierusalem, quod factum est per Vespasianum Romani imperii principem. Septingentæ autem hebdomadæ quadringentos nonaginta annos absque ulla dubietate perficiunt. Dicitis autem necdum venisse Christum, et adhuc eum vos expectare venturum. Sed quis ambigat hunc annorum numerum a tempore Danielis esse transactum? cum jam mille quadraginta annos huic summæ superadditos esse non ignorem?

Impudentissimum ergo est, post tam longum tempus, prophetico numero superadditum, futurum adhuc asserere Salvatoris adventum. Nam ipso tempore, quo Dominus agebat inter homines, poterat forsitan malitia Judæorum veritati contradicere, approbans se de expleto tanti temporis spatio dubitare. Nunc autem cum supra præfatum numerum tam multiplicia annorum curricula supercreverint, quis jam de præfixo numero se dicat ambigare cum superaddita tot temporum spatia vix valeat suppatare?

Rursus de passione Christi, et morte ejus Isaias apertissime loquitur, dicens : « Domine, qui credidit auditui nostro, et brachium Domini cui revelatum est? Et ascendit sicut virgultum coram eo, et sicut radix de terra sitiienti : et non est species ei, neque decor; et vidimus eum, et non erat aspectus, et desideravimus eum despectum, et novissimum virorum, virum dolorum, et scientem infirmitatem, et quasi absconditus est vultus ejus, et despectus; unde nec reputavimus eum. Vere languores nostros ipse tulit, et dolores nostros ipse portavit : et nos putavimus eum quasi leprosum, et percussum a Deo, et humiliatum; ipse autem vulneratus est propter iniquitates nostras, attritus est propter scelera nostra; disciplina pacis nostræ super eum, et livore ejus sanati sumus. Omnes nos quasi oves erravimus : unusquisque in viam suam declinavit; et Dominus posuit in eo iniquitatem omnium nostrum. Oblatus est, quia ipse voluit, et non aperuit os suum : sicut ovis ad occisionem ducetur, et quasi agnus coram

tondente se obmutescet, et non aperiet os suum, de angustia et de judicio sublatus est. Generationem ejus quis enarrabit? Quia abscissus est de terra viventium : **38** propter scelus populi mei percussus eum. Et dabit impius pro sepultura, et divitem pro morte sua, eo quod iniquitatem non fecerit, nec dolus fuerit in ore ejus, et Dominus voluit eum conterere in infirmitate. Si posuerit pro peccato animam suam, videbit semen longævum; et voluntas Domini in manu ejus dirigitur, pro eo quod tradidit in morte animam suam, et cum sceleratis deputatus est; et ipse peccata multorum tulit, et pro transgressoribus rogavit, ut non perirent. »

Vis adhuc audire alia atque de morte Christi lucidissima testimonia, et absque ulla prorsus obscuritate prolata? Audi itaque quid Salomon de Judæis contra Christum machinantibus, et de ejus nece tractantibus, asserat : « Dixerunt, inquit, impii apud semetipsos : Venite, circumveniamus justum, quoniam inutilis est nobis, et contrarius est operibus nostris, et improperat nobis peccata legis, et diffamat in nos peccata disciplinæ nostræ. Promittit se scientiam Dei habere, et Filium Dei se nominat. Factus est nobis in traductionem cogitationum animarum nostrarum. Gravis est nobis etiam ad videndum, quoniam dissimilis est aliis vita illius, et insensate sunt viæ ejus. Tanquam nugaces aestimati sumus ab illo, et abstinet se a viis nostris tanquam ab immunditiis, et præfert novissima justorum, et gloriatur patrem se Deum habere. Videamus ergo si sermones illius veri sunt, et tenemus quæ ventura sunt illi, et sciemus quæ erunt novissima illius. Si enim est verus Dei Filius, suscipiet illum, et liberabit eum de manu contrariorum. Contumelia et tormento interrogemus illum, ut sciamus reverentiam ejus. Morte turpissima condemnemus illum; erit enim respectus ex sermonibus illius. Hæc cogitaverunt, et erraverunt : excæcavit enim illos malitia eorum, et nescierunt sacramentum Dei, et neque speraverunt mercedem justitiæ, nec judicaverunt honorem animarum suarum (*Sap. ii.*). » Et Hieremias : « Spiritus, inquit, oris nostri Christus Dominus captus est in peccatis nostris : cui diximus : In umbra tua vivemus in gentibus (*Thren. iv.*). » Et per beatum Job ipse Dominus in passione positus conqueritur, dicens : « Rugæ meæ testimonium dicunt contra me, et suscitatur falsiloquus adversum faciem meam contradicens mihi. Colligit etiam furorem suum in me, et comminans mihi, infremuit contra me dentibus suis : hostis meus terribilissimus oculis me intuitus est. Aperuerunt super me ora sua, exprobrantes percusserunt maxillam meam, satiati sunt pœnis meis. Concluserunt me Deus apud iniquum, et manibus impiorum me tradidit. Circumdedit me lanceis suis, et convolveravit lumbos meos; non pepercit, et effudit in terram viscera mea (*Job xvi.*). » Quæ videlicet omnia a beato Job prorsus extranea, in Christo reperiuntur luce clarius fuisse completa.

Ecce qui post tam perspicuam exemplorum lucem adhuc testimoniis indiget, restat ut ad contemplandum radiantem in meridie solem lucernæ lumen efflagitet. Nam cum tot astrorum cælestium radios coram te, Judæe, videas enitescere, miror, quæ tam densæ tenebræ cæcitatibus locum etiam in vacuis oculorum orbibus **39** valeant obtinere. Hæc enim perspicua lux veritatis illum quoque latere non potuit, qui te et rose cupiditatis caligine oculos cordis amisit, Balaam videlicet, qui dum lucem aliorumve fastidiis prætulit, ipse in tenebris ambulavit. Si ergo, Judæe, ad veritatis viam videntium non vis habere ducatum, saltem cæcus cæcum hunc sequere præ-

A vium. Audi igitur, quid ipse dicat : « Dixit Balaam filius Behor : dixit homo cujus obturatus est oculus : **40** dixit auditor sermonum Dei qui novit doctrinam Altissimi, et visionem Omnipotentis videt, qui cadens apertos habet oculos : Videbo eum, sed non morio : intuebor illum, sed non prope. **ORIETUR STELLA** ex Jacob, et consurget virga de Israel, et percutiet duces Moab, vastabitque omnes filios Seth. Et erit Illuminatio possessio ejus, hæreditas Seir cedet inimicis suis : Israel vero fortiter aget. De Jacob erit qui dominetur, et perdat reliquias civitatis (Num. xxiv). »

Sit nomen Domini benedictum.

41-42 OPUSCULUM TERTIUM.

DIALOGUS INTER JUDEUM REQUIRENTEM, ET CHRISTIANUM E CONTRARIO RESPONDENTEM. AD EUMDEM HONESTUM.

ARGUMENTUM. — Eorundem Judæorum pertinaciam adhuc vehementius coarguit, dum quasdam captiosas questiones, quas frivole in Christianos objiciunt, dissolvit. Pendunt autem omnes ex illo capite, cur si Christus legem non solveret, sed adimplere venisset, legis Mosaicæ ceremoniæ a Christianis negliguntur. Ostendit igitur legis Mosaicæ præcepta, mystica et futurorum præsentia fuisse, ideoque in Christo finem accepisse.

Nunc autem de quibusdam ceremoniis, super quibus sæpe scrupulosissime queritis, et garrulis ambagibus questionum lucem movetis, sub quodam inquisitionis, responsionisque dialogo brevis inter nos contextatur oratio, ut cum tibi fuerit ex omnibus satisfactum, aut compellaris manus dare convictus, aut cum ignominiosa tua recedas infidelitate confusus. Age igitur.

Quæstio 1. Si Christus non venit legem solve-
re, sed implere, cur carne non circumciditur Christianus?

Responsio. Imo jam se ideo Christianus minime circumcidit, quia quod circumcisione prophetabatur, Christus implevit. Exspoliatio quippe vitæ carnalis, quæ in veteri lege fuerat figurata, in Christi jam cernitur resurrectione completa : et quod expectamus in nostra resurrectione futurum, jam in sacri baptismatis mysterio commendatur. Carnalis itaque circumcisio tanquam superflua jure contemnitur, cum jam spiritualis, propter quam significandam illa præcesserat, celebratur.

Quæstio 2. Cur omittit Christianus Sabbatum colere, si Christus non venit legem solve-
re, sed implere?

Responsio. A nobis Sabbatum ideo non servatur, quia quod tunc erat in figura præmissum, per exhibitionem rei jam videmus impletum. In Christo quippe verum spiritualis otii Sabbatum colimus, cum in eo solo spem ponimus, et sic in illo, toto cordis amore ac devotione quiescimus, ut ab omni vitiorum servili opere ac terrenarum rerum ambi-

B tione cessemus. Ad quod Sabbatum celebrandum ipse provocat, dum clamat : « Venite, inquit, ad me, omnes qui laboratis, et onerati estis, et ego reficiam vos. Tollite jugum meum super vos, et discite a me quia mitis sum et humilis corde, et invenietis requiem animabus vestris. » Carnalis ergo Sabbati cultum supervacuum ducimus, cum jam illud verum et salutiferum, propter quod institutum est, celebramus.

Quæstio 3. Si Christus non venit legem solve-
re, sed implere, cur Christianus negligit ciborum differentiam, quæ in lege præcipitur observari?

Responsio. Imo idcirco hæc a Christianis ciborum differentia non admittitur, quoniam a Christo, quod per hanc figurabatur, impletur. Immunditia quippe, quæ tunc cavebatur in cibis, nunc in moribus reprobatur humanis. Sicut enim sancti quique, ac justi transferuntur in corpus Christi : sic ab eo reprobi et iniqui tanquam cibi repelluntur immundi.

Postquam ergo ipsa Veritas, quæ significabatur, advenit : merito significationis umbra cessavit.

Quæstio 4. Si Christus non venit legem solve-
re, sed implere, cur et animalium carnibus sacrificium Deo Christianis non curat offerre?

Responsio. Imo idcirco a Christianis hujusmodi sacrificium non offertur, quia quicquid in illis hostiis typice gerebatur, totum in immolatione Agni, qui tollit peccata mundi (Joan. 1), veraciter adimpletur, et quia omnia illa nil aliud salutis habebant, nisi ut ad hoc nostrum sacrificium unanimiter tenderent, hoc unum omnis ceremoniarum diversitas designa-

ret, postquam hostia singularis illuxit, multiplex A umbra, quæ præcedebat, evanuit. Quis enim nesciat eadem sacrificia potius ad hoc inobedienti populo, ne cum idolis fornicaretur, imposita, quam Deo, tanquam ipse desideraret, oblata?

Quæstio 5. Si Christus non venit legem solvere, sed implere, cur Christianus azymam quam lex præcipit, non observat?

Responsio. Idcirco a Christianis visibilis illa, et corporalis **43** azyma floccipenditur, quoniam expurgato veteris vitæ fermento, nova conspersio spiritualiter adimpletur. Tunc enim erat legis Scriptura præceptum, nunc est testimonium: et postquam id quod significabatur, advenit; hoc quod significabat, interit.

Quæstio 6. Si Christus legem venit implere, cur B Christianus paschalis agni sanguine Pascha non celebrat, cum hoc tantopere lex ipsa decernat?

Responsio. Hic id ipsum respondendum, quod jam superius dictum est; quia postquam verus ille Agnus qui significabatur, advenisse cognoscitur; ille, qui significabat, superfluous judicatur. Cujus utique sanguine non jam ligneas, sive lapideas fores inungimus, sed interioris potius hominis viscera consingnamus.

Quæstio 7. Si non solvit legem Christus, cur lege mandata non celebrat neomeniam Christianus?

Responsio. Propter hoc etiam Christianus celebrare contemnit, quoniam id totum, propter quod olim testamentum est, Christus implevit. Novæ quippe lunæ solennitas novam designat in homine fieri creaturam, de qua dicit Apostolus: « Si qua igitur in Christo nova creatura, vetera transierunt: et ecce facta sunt omnia nova (II Cor. v). »

Quæstio 8. Si Christus non venit legem solvere, cur Christianus illa ablutionum baptismata, quæ lex præcipit, non observat?

Responsio. Ideo hæc Christianæ non merentur observantia cultum, quia tunc umbræ fuerunt futurorum, quorum nunc perspicuum possidemus effectum. Consepulti enim sumus Christo per baptismum in morte (Rom. vi); ut quomodo surrexit Christus a mortuis per gloriam Patris, sic et nos in novitate vitæ ambulemus.

Quæstio 9. Si lex a Christo impleta est, non soluta, quid rationis objicitur, ut a Christianis Scenopægiæ D solennitas non colatur?

Responsio. Tabernaculum Dei societas est populi Christiani, et quoniam illud tabernaculum sanctam præfigurabat Ecclesiam, contemnitur signum, postquam venit, quod fuerat præsignatum. Nec enim diceretur tabernaculum testimonii, nisi attestaretur alicui, quæ declaranda erant suo tempore veritatis. Quod itaque tunc agebatur præcepto figuratum, nunc præsentialiter cernitur testimonio revelatum: et cum jam id, quod figurabatur, aspiciat; quod figurabat, superfluum per omnia judicatur.

Quæstio 10. Si Christus legem solvere noluit, sed implere, quare Christianus septimum remissionis

annum vel etiam veritas, ac sapientia Dei, quæ cum doceat angelos in cælo, homines etiam docere venit in terra: quod prius jusserat carnaliter sub ænigmatibus umbra servari, postmodum discipulis suis spiritualiter mandavit intelligi.

Responsio. Sic enim dies septimus feriatius esse præcipitur, ut æterna per eum requies designetur. Sic et in anno septimo, sic et in Jubilæo, qui per annorum circulum septenario numero septies replicato, et monade superaddita in quinquagenarium ducitur, securâ quippe perpetuæ beatitudinis intimatur. Incipiente quippe Jubilæo, tubis canitur, omnesque ad possessiones proprias revertuntur; quia sicut dicit Apostolus: « Ipse Dominus in jussu, et in voce archangeli, et in tuba Dei descendet de cælo; canet enim tuba, et mortui resurgent incorrupti. » **44** Ad possessiones autem suas unumquemque redire, est corpora sua protinus incorrupta recipere. Tunc revertetur Adam ad antiquam carnis suæ terram, in qua primitus habitaverat: tunc Noe, Abraham, Moysi, cunctisque propria possessio redditur, dum corpus illis incorruptibile reformatur. Redemptor itaque noster, qui discipulis aperuit sensum, ut intelligerent mysteria Scripturarum, noluit Jubilæum, noluit septimum remissionis annum, vel cæteras legalis ritus caeremonias carnaliter observari.

Postquam hæc omnia spiritualiter fecit intelligi, tunc enim mandata legalia veraciter adimplentur, cum juxta spirituales intelligentiam ad quam insinuta sunt, fiunt. Nam tunc erant vacua, umbra scilicet et C imago rei, non ipsa res, cum carnaliter servabantur. Vis audire quomodo erant vacua et vana, et non veritas ipsa, sed veritatis exempla? audi quid in Exodo Dominus ad Moysen dicat: « Eruntque veteres ex utroque latere altaris ad portandum: non solidum, sed inane, et vacuum facies illud, sicut tibi in monte monstratum est (Exod. xxv). » Quod ergo Moyses vidit in monte, sancta Ecclesia est, ipsa rei veritas est. Tabernaculum autem illud in deserto constructum, umbra, et imago ejusdem Ecclesiæ est, ad cujus exemplum factum est. Est scilicet homo, ad cujus imaginem fit sigillum, sed in comparatione vicaria, homo quidem res, et veritas dicitur, cum sigillum similitudo tantum rei, et forma videatur. Postquam ergo venit plenitudo temporis, implevit, dum ea spiritualiter exhibenda mandavit. Unde factum est, ut post adventum Domini terrena illa Hierusalem cum suo templo funditus eversa corrueret, quatenus sola per mundum sancta universalis Ecclesia coruscaret. Sicut enim evangelista refert, quibusdam dicentibus de templo, quod lapidibus bonis et donis exornatum esset, dixit: « Hæc, quæ videtis, venient dies, quibus non relinquetur lapis super lapidem, qui non destruiatur (Matth. xxiv; Marc. xiii; Luc. xxi). » Erat namque Hierusalem urbs illa magna regalis, ubi templum famosissimum Deo fuerat extructum, postea vero quam venit ille, qui erat verum templum Dei, et cælestis Hierusalem cæpit aperire mysteria; deleta est illa terrena, ubi

cœlestis apparuit, et in templo illo non remansit lapis super lapidem. Erat prius pontifex sanguine taurorum, et hircorum, purificans populum: sed ex quo venit verus pontifex, qui sanguine suo purificaret credentes, nusquam est ille pontifex prior, nec ullus ei relictus est locus. Altare fuit prius, sacrificia celebrabantur, sed ut venit verus Agnus, qui se ipsum obtulit hostiam Deo, cuncta illa velut pro tempore posita cessare: propterea sane hoc divina dispensatio procuravit, ut et civitas ipsa et templum, et omnia illa pariter subverterentur, ne quis forte adhuc parvulus, et laciens in fide, si videret illa constare dum sacrificiorum ritum, dum ministrorum ordinem attonitus stupeat, ipso diversarum formarum raperetur intuitu. Sed providens infirmitati nostræ, et videns multiplicari Ecclesiam suam, omnia illa subverti fecit, et penitus auferri, ut sine ulla cunctatione cessantibus umbris, et typicis **45** imaginibus, vetus superesset: et everso materiali templo, Ecclesia per orbem sola regnaret.

Epitologus. Sed jam post tantam testium nubem, Judæe, tibi epilogum faciam, et incipiens ab exordio humanitatis Christi per incrementa temporum usque ad consummationem, prophetica testimonia tibi, si habes, ante oculos ponam, ut quasi sub uno aspectu collecta breviter videas, quæ me diffusæ, et sparsim ponere superius attendebas. Nam quod Dei Filius humanitatem nostram suscepturus esset, testatur Jeremias, dicens: « Faciet, inquit, Dominus novum super terram, et mulier circumdabit virum (*Jer. xxxi*). » Si enim de simplici homine diceret, superfluo poneretur novum, quod ubique in humano genere cernitur usitatum. Quod autem mulier illa Virgo foret, per quam Dei Filius velut per cœlestem portam de sinu Patris ad publicum nostrum exiret, ostendit Ezechiel, qui ait: « Converterit me, inquit, ad viam portæ sanctuarii exterioris, quæ respiciebat ad orientem, et hæc erat clausa; et dixit Dominus ad me: Porta hæc, quam vides, clausa erit, et non aperietur, et vir non transiet per eam, sed semper erit clausa (*Ezech. xliv*). » Beata enim virgo Maria semper est clausa, quia et ante partum, et post partum semper incorrupta. De qua etiam David canit, dicens: « In sole posuit tabernaculum suum, et ipse tanquam sponsus procedens de thalamo suo (*Psal. xvm*). »

Quod autem parvulus futurus esset in substantia humanitatis, ut nos magnos efficeret ex virtute divinitatis, Isaïas perhibet, qui ait: « Parvulus enim natus est nobis, et filius datus est nobis; et factus est principatus super humerum ejus, et vocabitur nomen ejus admirabilis, consiliarius, Deus, fortis, pater futuri sæculi, princeps pacis: multiplicabitur ejus imperium, et pacis non erit finis: super solium David, et super regnum ejus sedebit, ut confirmet illud, et corroboret in judicio, et justitia amodo et usque in sempiternum (*Isa. ix*). » Nam cum eum, quem parvulum ante descriperat, postmodum Deum fortem, et patrem futuri sæculi vocandum esse per-

A hibeat, profecto Deum et hominem clarius manifestat. Et iterum quoque Isaïas ait: « Habitabit, inquit, lupus cum agno, et pardus cum hædo accubabit; vitulus, et leo, et ovis simul morabuntur, et puer parvulus minabit eos (*Isa. xi*). » Nam per sanctæ charitatis viscera lupus cum agno habitabit, quia qui in sæculo raptores fuerunt, cum mansuetis et mitibus in pace conquiescunt, et pardus cum hædo accubat, quia qui peccatorum suorum maculis varius fuit, cum eo, qui se despicit, et peccatorem fatetur, humiliari consentit. Ubi et subditur: « Vitulus et leo, et ovis simul morabuntur; » quia et is, qui per contritum cor ad quotidianum se Deo sacrificium preparat, et alius, qui tanquam leo ex crudelitate sæviebat, et ille qui velut ovis innocentie suæ simplicitate perdurat, in caulis sanctæ Ecclesiæ convenerunt. Quæ videlicet animalia puer parvulus minat, quia is, qui paulo minus ab angelis minoratus est, ne corda nostra terrenis rebus inhærent, per internum desiderium quotidie invisibiliter inflammatur. Qui per charitatem suam, quam nobis tribuit, **46** nos in hoc mundo mentes figere non permittit. Atque hoc ipsum ejus minare, est ad suum nos amorem incessanter accendere, ne cum nos vicissim diligimus, mente in hoc exsilio remaneamus. Hoc quoque, quod ad templum deferendus esset, Malachias propheta denuntiat, dicens: « Hæc dicit Dominus: Ecce ego mitto angelum meum, et præparabit viam ante faciem meam, et statim veniet ad templum suum dominator, quem vos queritis, et angelus testamenti, quem vos vultis. Ecce venit, dicit Dominus exercituum, et quis poterit cogitare diem adventus ejus? » (*Malach. iii*). Quia vero adhuc parvulus in Ægyptum deducendus et reducendus esset, Osee manifestat, cum dicit: « Sicut mane transit, pertransiet rex Israel, quia puer Israel, et dilexi eum, et ex Ægypto vocavi filium meum (*Osee xi*). »

C Quod autem super asinam sedens Jerusalem venturus esset, Zacharias declarat, dicens: « Exsulta satis filia Sion, jubila Iherusalem, ecce Rex tuus venit tibi justus, et salvator: ipse pauper, et ascendens super asinam, et super filium asinæ; et disperdam quadrigam Ephraim, et equum de Jerusalem, et dissipabitur arcus belli: et loquetur pacem gentibus, et potestas ejus a mari usque ad mare, et a flumine usque ad fines terræ (*Zach. ix*). » Quod autem arguturus esset Judæos et eorum malitiam correpturus, Isaïas declarat, cum ait: « Non secundum visionem oculorum judicabit, neque secundum auditum aurium arguet, sed judicabit in justitia pauperes, et arguet in æquitate pro mansuetis terræ, et percutiet terram virga oris sui, et spiritu labiorum suorum interficiet impium, et erit justitia cingulum lumborum ejus, et fides cinctorium renum ejus (*Isa. xi*). » Porro quod in Jordane baptizandus erit Isaïas denuntiat, cum ait: « Exsultet desertum, et exsultent solitudines Jordanis, et populus meus videbit altitudinem Domini et majestatem Domini (*Isa. xxxv*). » Et paulo post: « Et aperiam mon-

libus flumina, et montes dirumpam et terram sitientem sine aqua confundam (*Isa. xli*). » Quod a suo discipulo tradendus esset, testatur ipse Dominus, qui per os David conqueritur, dicens : « Etenim homo pacis mee, in quo sperabam, qui debebat panes meos, magnificavit super me supplantationem (*Psal. xli*). » Et iterum : « Si inimicus, inquit, meus maledixisset mihi, supportassem utique : et si is, qui oderat me, super me magna locutus fuisset, absconderem me utique ab eo : tu vero homo unanimis, dux meus, et notus meus (*Psal. lrv*). » Nam quod argento vendendus esset, Amos perhibet, qui ait : « Super tribus sceleribus Israel, et super quatuor non convertam eum, pro eo quod vendiderit pro argento justum (*Amos ii*). » Quod vero triginta argenteis, Zacharias enumerat, dicens : « Appenderunt, inquit, mercedem meam triginta argenteis (*Zach. xi*). »

Et quia iidem argentei ab Juda post acceptionem projecti sint, hoc etiam idem propheta subtiliter exsequitur, cum subjungit : « Et dixit Dominus ad me : Projice illud ad statuarium, decorum pretium, quo appetitatus sum ab eis. Et tuli triginta argenteos, et projeci illos in domum Domini ad statuarium decorum (*Ibid.*). » Ubi etiam paulo post de Judæorum damnatione subjungitur : « Aspicient, inquit, in me, quem **47** confixerunt, et plangent plantum quasi super unigenitum, et dolebunt, ut doleri solet in morte primogeniti (*Zach. xi*). » Ibi etiam clavorum figuras in manibus Domini manifeste denuntiat, cum ait : Et dicetur : Et quid sunt plagæ istæ in medio manuum tuarum? Et dicet : His plagatus sum in domo eorum, qui diligebant me (*Zach. xiii*). » ubi adhuc additur : « Fraus suscitare super pastorem meum, et super virum coherentem mihi, dicit Dominus exercituum. Percute pastorem, et dispergentur oves (*Ibid.*). » Quod autem in ligno suspendendus esset, Jeremias manifestat, dicens : « Domine, demonstrasti mihi et cognovi, tu ostendisti mihi studia eorum, et ego quasi agnus mansuetus, qui portatur ad victimam. Et non cognovi, quia cogitaverunt super me consilia, dicentes : mittamus lignum in panem ejus, et eradamus eum de terra viventium, et nomen ejus non memoretur amplius (*Jer. xi*). » Quod vestimenta illius sorte divisa sunt, testatur ipse per os David, inquiens : « Diviserunt sibi vestimenta mea, et super vestem meam miserunt sortem (*Psal. xxi*). » Nam quod felle cibandus, aceto potandus esset, per eundem David perhibet, cum ait : « Dederunt in escam meam fel, et in siti mea potaverunt me aceto (*Psal. lxxviii*). » Quia vero conspuendus esset, et lanceis perforandus, Jeremias (?) insinuat, dicens : « Insurrexerunt in me viri iniqui absque misericordia, quæsierunt me interficere, et non pepercerunt in faciem meam spueri, et lanceis suis vulneraverunt me. »

De descensione ejus ad inferos, et ereptione sanctorum per Osee loquitur hoc modo : « De manu, inquit, mortis liberabo eos, de morte redimam eos :

A et ero mors tua, o mors : ero morsus tuus, inferne (*Osee xiii*). » Quod vero tertia die resurrecturus esset, et non alia diei hora nisi diluculo, idem Oseas manifeste clamat, dicens : « Venite, et revertamur ad Dominum, quia ipse cepit, et sanabit nos, percutiet et curabit nos, vivificabit nos post duos dies, in die tertia suscitabit nos; et vivemus in conspectu ejus, sciemus, sequemurque ut cognoscamus Dominum, quasi diluculo præparatus est egressus ejus, et venit quasi imber nobis temporaneus et serotinus terræ (*Osee. vi*). » De lege autem novi Testamenti, quam per mundum diffusurus erat, per Jeremiam pollicetur, dicens : « Ecce venient dies, dicit Dominus, et feriam domui Israel et domui Juda fœdus novum : non secundum pactum, quod pepigi cum patribus vestris in die quando apprehendi manum eorum, ut educerem eos de terra Ægypti : pactum, quod irritum fecerunt, et ego dominatus sum eorum, dicit Dominus. Sed hoc erit pactum, quod feriam cum domo israel post dies illos, dicit Dominus, dabo legem meam in visceribus corum, et in cordibus eorum scriham eam, et ero eis in Deum, et ipsi erunt mihi in populum (*Jer. xxxi*). »

Quod ascendurus esset in cœlum, et super apostolos missurus esset Spiritum sanctum David uno versiculo breviter comprehendit, dicens : « Ascendens in altum captivam duxit captivitatem, dedit dona hominibus (*Psal. lxxvii*; *Eph. iv*). » Ascendens quippe Christus in altum captivam duxit captivitatem, quia corruptionem nostram virtute suæ incorruptionis absorbit; dedit vero dona hominibus, **48** quia effuso desuper Spiritu, diversa discipulis suis cœlestium charismatum dona concessit. Et Joel dicit : « Et erit post hæc, effundam Spiritum meum super omnem carnem, et prophetabunt filii vestri et filiae vestrae, seniores vestri omnia somniant, et juvenes vestri visiones videbunt. Sed et super servos meos et ancillas meas in diebus illis effundam spiritum meum (*Joel. ii*). » De hac eadem effusione Spiritus Isaïas perhibet, dicens : « Noli timere, serve meus Jacob electissime, quem elegi : effundam enim aquam super sitientem, et fluenta super aridam. Effundam spiritum meum super semen tuum, et benedictionem meam super stirpem tuam (*Isa. xlvi*). » De baptismo autem, quem per mundum fieri præceptum erat, per Ezechiel pollicetur dicens : « Effundam, inquit, super vos aquam mundam, et mundabimini ab omnibus inquinamentis vestris, et ab universis idolis vestris mundabo vos (*Ezech. xxxvi*). » Quia vero ipse judicaturus sit mundum, testatur Psalmista, qui postquam præmisit, « Dominus regnavit a ligno; » de eodem Domino, qui a ligno regnavit, in fine subjungit dicens : « Judicabit orbem terræ in æquitate, et populos in veritate sua (*Psal. xcvi*). »

Nunc igitur, Judæe, si sacræ Scripturæ testimonia ad fidem te Christi non attrahunt, si omnia te prophetarum tam perspicua, et clara dicta non flectunt, libet adhuc, postpositis scilicet prophetarum exemplis, sola tecum ratiocinatione contendere.

et unam tecum in calce hujus opusculi quæstionem breviter agitare; quatenus quod tuæ conversioni sit congruum, nihil videatur nostris studiis intentatum. Age igitur, responde mihi, quod gravius peccatum patres vestri perpetrassent noscuntur, unde Dei iram magis accenderent, et ejus in se vindictam aerius provocarent? Murmurationem, iniques, idolatriam, fornicationem. Nam et ego hoc tecum sentio, et hæc tria illorum delicta damnabiliora fuisse perpendo: verumtamen hæc omnia apud misericordem Dei justitiam non irrevocabilem pertulere vindictam. Siquidem ut ad vestrae antiquitatis recurramus historiam, de murmuratione in libro Numeri legitur: « Quia vociferans omnis turba flevit nocte illa, et murmurati sunt contra Moysen et Aaron cuncti filii Israel, dicentes: Utinam mortui essemus in Ægypto, et non in hac vasta solitudine: utinam pereamus, et non inducat nos Dominus in terram istam, ne cadamus gladio, et uxores, ac liberi nostri ducantur captivi. Et dixerunt alter ad alterum: constituamus nobis ducem, et revertamur in Ægyptum (Num. xiv). » Propter hoc tamen, murmurationis videlicet immane peccatum, non amplius quam per quadraginta annos divinæ severitatis in eos vindicta deservit, sicut illis Dominus dixisse legitur: « Filii, inquit, vestri vagi erunt quadraginta annis, et portabunt iniquitates patrum, donec consumantur cadavera vestra in deserto juxta numerum quadraginta dierum, quibus considerastis terram. Annus pro die imputabitur, et quadraginta annis recipietis iniquitates vestras (Ibid.). » Pro vitulo etiam, quem adoraverunt juxta montem Sinai, non amplius quam viginti tria millia hominum novimus fuisse gladiis interempta, sicut in libro Exodi legitur; 49 ait illis Moyses: « Ponat vir gladium super femur suum, et ite, et redite de porta ad portam per medium castrorum, et occidat unusquisque fratrem, et amicum, et proximum suum. Fecerunt filii Levi juxta sermonem Moysi, et ceciderunt in die illa quasi viginti tria millia hominum. Et ait Moyses: Consecratis manus vestras Domino, unusquisque in filio, et fratre suo, ut detur vobis benedictio (Exod. xxxii). »

Pro fornicatione quoque, quam cum Medianitarum filiabus exercuerunt, similiter non plus quam viginti tria millia hominum gladio ceciderunt, sicut in libro Numeri rursus scriptum est: « Cessavitque plaga a filiis Israel, et occisi sunt viginti tria millia hominum (Num. xxv). » Quid ergo est, quod tam brevem vindictam de peccatis patrum vestrorum Deus recepit legitur; vestra autem hæc servitus, et per totum mundum dispersio jam per tot sæcula proteatur. Lege etiam Josephum tuum (De Bell. Jud.), ibi reperies pro vindicta mortis Christi, quam cum Vespasiano Titus exercuit, de populo Judæorum decies centena millia gladiis corruisse, et undecies centena millia ducta fuisse captiva: et post hæc quicunque estis gladio devorante residui, omnium gentium pedibus videmini servitute substrati; nempe patres vestri, quicunque in captivitate ducti sunt, in ipso

A quoque exilio positi, nunquam fuerunt prophetarum consortio penitus destituti, videlicet ut pro peccatis eorum jugiter intercederent, et legem Domini semper eis ad memoriam revocarent, magnamque eis præsentium calamitatum solamen afferrent; dum sibi certum future reversionis ad patriam articulum nuntiarent. Sicut per Zachariam dicitur: « Angelus Domini dixit: Domine exercituum, usquequo non misereberis Jerusalem, et urbium Juda, quibus iratus es? Iste septuagesimus annus est. Et respondit Dominus angelo qui loquebatur in me verba bona, verba consolatoria (Zach. i). » Et per Jeremiam: « Servient, inquit, omnes gentes istæ regi Babylonis septuaginta annis: cumque impleti fuerint anni septuaginta, visitabo super regem Babylonis (Jer. xxi), » et reliqua.

B Patet igitur, quia patres vestri, licet plerumque fuerint divina ultione percussi, refovebantur tamen aliquando impensis consolationibus recreati: vos autem a passione Christi usque hodie in tam longissimis calamitatibus positi, prophetam inter vos alicubi terrarum non cernitis; sed et futura prosperitatis nuntium divinitus vobis missum penitus non auditis. Quæ est ergo hæc vestra tam insanabilis culpa? Unde vobis tam irremediabilis pœna? Unde, inquam, nisi quia Christum Dei Filium occidistis, 50 et post perfectum facinus ad fontem vitæ recurrere nolulistis? Hoc enim profundissimum vestrae iniquitatis baratrum omnium flagitiorum transcendit modum, omnium superat immanitatem criminum. Plane hoc peccatum vestrum Moyses prævidebat, cum adversum vos iratus dicebat: « Congregate ad me omnes majores natu per tribus vestras atque doctores, et loquar audientibus eis sermones istos, et invocabo contra eos cælum, et terram. Novi enim quod post mortem meam inique agitis, et declinabitis cito de via, quam præcepi vobis, et occurrent vobis mala in extremo tempore, quando feceritis malum in conspectu Domini, ut irritetis eum per opera manuum vestrarum (Deut. xxxi). »

C Nunc igitur, Judæe, audi meum consilium, ut Deum, quem iratum habes, possis habere propitium: deponere veteris hominis indumentum, et novæ gratiæ suscipe sacramentum; placeant tibi benedictiones Garizim, ut maledictiones Hebal, (Deut. xii). D possis evadere de ere Judaicæ cæcitatæ errore, et te ad Evangelicæ gratiæ dirige veritatem: esto procul dubio securus de venia, si ad Christi fidem conversus, sacri baptismatis fueris unda perfusus. Sed quoniam apud animum tuum plus forsitan valeo Deum deprecando, quam apud te prædicando, Deus patrum tuorum a corde tuo vetustum ignorantie velamen abjiciat, et depulsis errorum tenebris, nova te cognitionis suæ luce perfundat, qui per prophetam suum pollicetur, dicens: « Si fuerit numerus filiorum Israel velut arena maris, reliquie Israel salvæ fient (Isai. x; Rom. ix). »

Epilogus. Ecce perpendis ipse, charissime frater Honeste, quia dum imbecillitati tuæ consulere studui, non

coloratos rhetoricæ facundię flosculos, non acuta dialecticorum ponere argumenta curavi. Salvo enim eo, quod mihi sæcularis sapientiæ phaleras sequi non libet, quia te etiam negotiis sæcularibus implicatum novi multa non posse perlegere, nolui te prolixis argumentorum distinctionibus onerare. Quapropter dum nuda pene tibi Scripturarum exempla proposui, velut sagittarum fasciculum in pharetram misi. Et quia ex verbis contrariis suggeritur copia respondendi, arma quidem præbui; quo vero te invictum

A effundere debeas, quo clypeum circumvolvere, quia bella necdum imminet, ad plenum docere non potui. Habes igitur coram posita, quæ ad hujusmodi conflictum sunt necessaria. Ut ere paratis, ut expedire decreveris.

Omnipotens Deus, dilectissime frater, ab invisibilium te insidiis hostium misericorditer protegat et immunem te de hujusmodi certamine ad cœlestia regna perducatur. Amen.

Sit nomen Domini benedictum.

51-52 OPUSCULUM QUARTUM.

DISCEPTATIO SYNODALIS INTER REGIS ADVOCATUM ET ROMANÆ ECCLESIAE DEFENSOREM.

ARGUMENTUM. — In hoc libello Romanæ Ecclesiæ defensor et regis Henrici advocatus laltercantes inducuntur. Causa autem eorum altercationis hæc erat: Inoleverat prava consuetudo, ut Romanus pontifex eligi non posset, nisi ab imperatore prius confirmaretur. Cum igitur tunc temporis Henricus III puer esset, et adhuc sub tutela constitutus, sine illius assensu pontifex electus est: quod cum ab Henrici legatis in crimen vocaretur, in hac disputatione cuncta eorum objecta refelluntur, ut paulatim cogatur regius advocatus rationibus convictus, in contrariam transire sententiam. Fingitur autem hæc disceptatio habita coram synodo Episcoporum qui, ut hac de re pronuntiarent, in unum convenerant. Cudalouan antipapam sequentibus verbis combellat S. auctor.

Sed ad hæc gloriaris et jactas: Rex me, et imperatrix mater eligit, ad hunc apicem me regia celsitudo provexit: sed cum hinc aula regia suum tuatur electum, illinc Romana Ecclesia proprium defendat antistitem, jam in solio constitutum; dignum est, ut sanctorum atque prudentium sacerdotum multitudo conveniat: et hanc quæstionem ventilans sub canonici juris auctoritate discernat. Et quoniam in proximo, ut speramus, fiet hinc Osborniense concilium, hic jam ejusdem concilii constituamus velut in quadam tabellæ pictura præludium. Juxta visionem ergo Danielis (*Dan. vii*), patrum throni sint positi, judicium sedeant, libri aperiantur, et solutionis indiga quæstio in medium deducatur. Hinc itaque Romanæ defensor Ecclesiæ suas allegationes inferat: illinc advocatus regius propriæ partis argumenta depromat. Taceat Parma cum suo hæresiarcha, advocatio tantum regia, et Romana invicem obloquatur Ecclesiæ; sanctorum vero sacerdotum erecti sint animi, ut et quæ utrinque dicenda sunt, conferant, et peroratae causæ judicialis sententiæ calculum ponant. Age igitur, defensor apostolicæ sedis incipiat, deinde regius advocatus, quæ sibi videbuntur obtendat.

Defensor Romanæ Ecclesiæ.

Cum Beatitudo vestra, venerabiles patres, super apostolicæ sedis negotio disputat, ad cunctas Ecclesiæ pertinere, quod versatur in manibus, non ignorat. Hæc enim stante, reliquæ stant; sin autem hæc, quæ omnium fundamentum est, et basis obruitur: cæterarum quoque status necesse est collabatur. Omnes autem sive patriarchi cuiuslibet apicem,

B sive metropoleon primatus, aut episcopatum cathedras, vel Ecclesiarum cujusunque ordinis dignitates, sive rex, sive imperator, sive cuiuslibet conditionis homo purus instituit, et (prout voluntas, aut facultas tulit) specialium sibi prærogativarum jura præfixit; Romanam autem Ecclesiam solus ille fundavit, et super petram fidei mox nascentis erexit: Qui beato vitæ æternæ clavigero, terreni, simul et cœlestis imperii jura commisit (*Matth. xvi*). Non ergo quælibet terrena sententia, sed illud Verbum, per quod conditum est cœlum et terra, per quod denique omnia condita sunt elementa, Romanam fundavit Ecclesiam; illius certe privilegio fungitur, illius auctoritate fulcitur. Unde non dubium, quia quisquis cuilibet Ecclesiæ jus suum detraxit, injustitiam facit: qui autem Romanæ Ecclesiæ privilegium ab ipso summo omnium Ecclesiarum capite traditum auferre conatur, hic procul dubio in hæresim labitur. et cum ille notetur injustus, hic est procul dubio dicendus hæreticus. Fidem quippe violat, qui adversus illam agit, quæ mater est fidei, et illi contumax invenitur, qui eam cunctis Ecclesiis prætulisse cognoscitur. Cum: hæc igitur vestra Sanctitas indubitanter agnoscat, vos, qui non quilibet, sed nobiliores, et egregii estis filii Romanæ Ecclesiæ, pietatis viscera circa matrem vestram compatiētes ostendite: ut etrum destrui debeat, sibi met eligendo pontificem, 53 judicate. Mirum quippe est, si quod minoribus Ecclesiis canonicus vigor attribuit, illi soli, quæ caput est omnium, non permisit.

Regius advocatus.

Prolixa declamatio dedit attentionem, benevolen-

tiam, atque docilitatem: et hoc potius juxta consuetudinem fori judicialis, quam secundum regulam concilii synodalis: ubi scilicet non magnopere curare debemus elucubratæ locutionis urbanitatem, sed vivæ potius sententiæ puritatem. Ad querelam ergo coram sanctis sacerdotibus deponendam, sufficiat nobis dicere: quoniam inthronizastis papam sine consensu domini nostri regis, ad injuriam scilicet atque contemptum regiæ majestatis.

Defensor Romanæ Ecclesiæ.

Ordinationem papæ factam diffiteri nec possumus, nec debemus; regis autem injuriam modis omnibus propulsamus. Sed videamus primo, si placet, utrum papa sine rege potuerit fieri, et sic postmodum de regis disputemus injuria.

Regius advocatus.

Certe liquido novimus, quia illi debent pontificem, cum ordinatur, eligere, quos sibi, postquam ordinatus fuerit, canonica decernit auctoritas obedire; papæ vero, quia universalis est pontifex, non modo Romanus populus, sed et Romanus imperator, qui caput est populi, obedientiam debet. Censendum ergo est, ut papam sine capite suo populus eligat, et ei, quem non elegit imperator, obediat. Constat ergo, quia nisi Romani regis assensus accesserit, Romani pontificis electio perfecta non erit.

Defensor Romanæ Ecclesiæ.

Perhibendum est itaque juxta vestræ disputationis articulum, quia neque Stephanus, neque Sixtus, neque Cornelius, non denique Clemens, non Sylvester, non ipse B. Petrus apostolus papali nomine digni sunt, qui ab imperatoribus eorundem tempore electi non sunt.

Regius advocatus.

Gentiles reges non sunt adhibendi ad hujus, de quo loquimur, electionis exemplum; qui quoniam Christianam ignorabant fidem, Christianorum non poterant ordinare pontificem. Cæterum Christiani principes semper Romanos elegere pontifices.

Defensor Romanæ Ecclesiæ.

Qui mentitur in communi colloquio, mendax dicitur, qui autem in præsentia venerabilium sacerdotum falsa protulerit, sacrilegii procul dubio crimen incurrit. Dixisti, 54 Christianos principes, Romanos semper, elegisse pontifices; percurrere mecum ecclesiasticæ antiquitatis historias, Romanorum præsulum catalogum studiosè disquire; et cum perpaucis inveneris in electione sua regium accessisse consensum, confutere te perspicuum protulisse mendacium. Quis enim rex, Antonii filium Damasum Hispanensem? quis Innocentium Innocentii filium Aduanensem? quis denique Zosimum Græcum Ebramii filium elegit? quis præterea Leonem Quiriani filium de Tuscia? quis Hilarium Crispini filium de Sardinia? quis Celestinum Prisci Romani civis filium? quis Bonifacium, quis Anastasium æque Romanos? Denique multos attexerem, nisi fastidium generarem. Sed ne me putes non habentem copiam ab eorum enumeratione defi-

A cere; quis imperatorum elegit Simplicium Tiburtinum? Felicem natione Romanum? quis Gelasium Afrum Valerii filium? quis Symmachum Sardinie provinciæ filium Fortunati? quis Hormisdam filium Justi natione Campanum, Joannem ordine Tuscum; Felicem natione Samnitum, Bonifacium Sigibaldi filium, Mercurium Projecti, Agapitum Cordiani naturæ Romanos? Quis enim regum electioni ejusmodi istorum suum legitur adhibuisse consensum? cum eorum temporibus Romanæ reipublicæ Christiani principes præfuisse legantur, id est, Valentinianus Senior; Valens frater ejus, qui occisus est in pugna Gothica prope Adrianopolim; Gratianus, qui a Maximo tyranno peremptus est; Valentinianus Junior, qui necatus est a comite suo Viennæ; deinde Arca-

B dius, Honorius, Theodosius; Joannes ille, qui apud Ravennam occisus est; Valentinianus tertius, qui in campo Martio est peremptus, Martianus, Leo, Majorianus, Severus, Anthemius, Olybrius, Glycerius, Zeno; Nepos ille, qui in villa sua occisus est juxta Salonas; Augustulus, Anastasius, Justinus, et cæteri Romani imperatores, quos vitandi laciniosi styli causa prætereo. Da mihi ergo eorum, quos enumeravimus, aliquem, vel præsulum requirentem, vel principem assensum in electione præbentem: et ego de manum, ac te perhibeo laureandum: alioquin si dare non poteris, in hoc te convictum per omnia necesse est fatearis. Quod autem B. Gregorio legitur adhibuisse Mauritius imperator assensum, et perpauci alii principes aliis promovendis: hoc dictavet perturbatio temporum, et tempestas horrenda bellorum.

Regius advocatus.

Si mentiri est contra mentem loqui, temerarium est me mendacii tan procaciter argui, qui non utique falsum, sed verum me dixisse putavi: tamen assentior et in hoc superatum me dixisse non abnuo.

Defensor Ecclesiæ.

Ut autem idipsum adhuc manifestius pateat, et te super hac dimicandi materia perdidisse, tibimetipsi clarius innotescat: lege Constantini imperatoris edictum, ubi sedis apostolicæ constituit super omnes in orbe 55 terrarum Ecclesiæ principatum. Nam postquam supra corpus B. Petri basilicam fundator erexit, postquam patriarchium Lateranense in beati Salvatoris honorem construxit, mox per imperialis rescripti seriem Romanæ ecclesiæ constituit dignitatem. Ubi nimirum B. Sylvestro, suisque successoribus obtulit, ut regali more et aurea corona plecterentur in capite, et cæteras regii cultus infulas usurparent (*vide notas ad calcem opusculi*). Verum B. Sylvester ornamenta, quæ sacerdotum congruere judicabat officio, in proprios usus assumpsit: coronam vero, vel cætera, quæ magis ambitiosa quam mystica videbantur, omisit. Cui etiam Constantinus Lateranense palatium, quod æthenus aula regalis exstiterat, perpetuo jure concessit; regnum Italiæ judicandum tradidit. Nam et ipsius regis hæc verba sunt: Unde congruum, inquit,

prospeximus, nostrum imperium, et regni potestatem orientalibus transferri, ac transmutari regionibus, et in Bysantia provincia, in optimo loco nomini nostro civitatem ædificari, et nostrum illic constitui imperium; quoniam ubi principibus sacerdotum, et Christianæ religionis caput ab imperatore cœlesti constitutum est, justum non est, ut illic imperator terrenus habeat potestatem. Audisti, quia terrenus imperator non habet in Romana Ecclesia potestatem: quomodo ergo sine illius arbitrio, qui ibi potestatem non habet, non licet eligi sacerdotem? ipse vero Constantinopolim, velut in secunda Roma, perpetuo regnaturus abscessit. Longe vèro post Theodosius imperator, beati Pauli basilicam cepit, quo defuncto, filius ejus Honorius eandem basilicam ad calcem usque perduxit. Illi quoque Romanæ Ecclesiæ privilegium nihilominus firmaverunt. Quomodo ergo prærogativam sibi in Romani pontificis electione relinquerent qui Romanam Ecclesiam nequaquam sibi studuerunt subdere, sed præferre? non præcipere, sed parere; non præcellere, sed subesse?

Regius advocatus.

Assentior plane, et re actum duco, quod loqueris: sed esto, quod nunc regiæ celsitudo ex antiquorum consuetudine principum hoc sibi allegare non possit: verumtamen tu hoc negare non potes, quod pater domini mei regis piæ memoriæ Henricus imperator factus est patricius Romanorum, a quibus etiam accepit, in electione semper ordinandi pontificis principatum. Huc accedit quod præstantius est, quia Nicolaus papa hoc domino meo regi privilegium, quod ex paterno jam jure successerat, præbuit, et per synodalis insuper decreti paginam confirmavit. Cum ergo privatus quisque a suo decidere jure non debeat, donec ventilato negotio judicialis in eum sententia promulgetur: quo pacto majestas regiæ prærogativam hanc suæ dignitatis amisit, quam et ex apostolicæ sedis liberalitate percepit, et ex paterno imperialis fastigii jure successit? Quo, inquam, modo in Romana Ecclesia dignitatis adeptæ locum sine judicio perdidit, qui Romanam Ecclesiam non offendit?

56 *Defensor Romanæ Ecclesiæ.*

Privilegium invictissimo regi nostro ipsi quoque defendimus, et ut semper plenum, illibatunque possideat, vehementer optamus. Porro autem Romana Ecclesia multo nobilior, atque sublimior, quam mater carnis, mater est regis. Illa siquidem peperit, ut per ejus traducem revertatur in pulverem, ista genuit, ut Christi sine fine regnantis effluat cœlestem. Et cuncti liquido novimus, quia rex, licet ægregiæ indolis, tamen adhuc puer est. Quid ergo auli Romana facit Ecclesiæ, si filio suo, cum adhuc impubes esset, cum adhuc tutore egrot, ipsa tutoris officium subiit, et jus quod illi competeat implevit? Quis enim nesciat, quia sacerdotem eligere puer ignorat? Sæpe mater judicis tribunal irrumptit, testes adsciscit, notarios convocat, sique per asti-

pulationes, et rata, insuper et apicem monumenta omnia bonorum suorum filio jura delegat: interim tamen, usque dum ille ad juvenilis ætatis incrementa perveniat, et rationis capax fiat, illa cuncta dispensat, omnia ordinat: sique quod jam alieni juris est patrimonium ad propriæ disponit provisionis arbitrium. Nunquid ob hoc dicenda est, mulier illa filio suo concessa subtrahere? imo verius perhibetur, ut puto, pietatis studio deservire; quia quæ rudis adhuc filius dilapidare ac prodigere poterat; hæc illa sibi apte disposita, caute retenta, rationabiliter ordinata conservat. Carnalis ergo mater adjuvat filium in rebus terrenis; et mater Ecclesiæ filio suo regi præbere non debet auxilium in spiritualibus donis? Obmutescat ergo plectenda versutia, quæ scilicet hoc damnat, quod prædicare debuerat; illi crimen imponere nititur, quæ pro benefactis gloriæ titulum promeretur. Huc accedit, quia nunquam ob varietatem temporum sæpe mutandus est ordo causarum. Tunc enim quando pontificem Romana sibi præfecit Ecclesia, tantæ simultatis fomes in seditionem cives accenderat, tantus livor, et odium tumultuantis populi corda turbaverat, ut de tam longinquis terrarum spatiis nequaquam regiæ clementiæ præstolari possemus oraculum. Nisi enim quantocius ordinaretur antistes, perniciosus in populo gladius mutui vulneribus deseviret, et non parva Romanorum civium strages fieret.

Regius advocatus.

Obtinde quod vis, argumentare quod placet, dum modo constet, quia nullatenus debuit immutari, quod papa concessit, quod decreto constituit, quod scriptione firmavit.

Defensor Romanæ Ecclesiæ.

Quid mirum si hominis, carnis adhuc fragilitate circumdati, statuta mutantur, quando etiam omnipotens Deus, qui videlicet omnia, quæ futura sunt, novit: ea quoque, quæ a semetipso constituuntur, immutat? **57** Nam ex eo, quod promittit, aliquando aliquid minuit, vel etiam totum subtrahit: aliquando mala minuat, ut non indiget.

Regius advocatus.

Ea, quæ proposuisti, Scripturæ declarentur exemplis. Quid est ergo quod Deus unquam promissit et minuit?

Defensor Romanæ Ecclesiæ.

Si non excidit, reminisci potes, quia dixit Dominus ad Noe: « Non perinebit Spiritus meus in homine in æternum, quia caro est, eruntque di s illius centum viginti annorum (*Gen. vi*). » Sed cum Scriptura commemoret quingentorum tunc annorum exstitisse Noe, quando hæc sibi Dominus loquebatur, sexcentorum vero tunc jam esse, cum cataclysmus erupuit: liquido patet, viginti annos de præscripti numeri spatio fuisse substractos. Vitæ itaque spatium, quod humano generi Deus promissit, imminuit, quia perversitatis eorum reatus excrevit. Judæ quoque per os patriarchæ Jacob promissit Spiritus sanctus, dicens: « Non auferetur sceptrum de

Juda, et dux de femore ejus, donec veniat qui mit-
tendus est (*Gen. XLIX*). » Et tamen nec temporibus
Judicum legitimus viros de tribu Juda semper super
Israel tenuisse ducatum, nec reges ex eadem tribu
principatum tenuisse usque ad Christi reperiuntur
adventum. Constat ergo, quia sæpe Deus omni-
potens, quod homini promisit, imminuit; quoniam ho-
mo, quod Deo debuerat, non implevit.

Regius advocatus.

Doce etiam ubi Deus promisit bonum aliquod, et
efficaciter non implevit.

Defensor Romanæ Ecclesiæ.

Recordare quia dicit Dominus ad Josiam regem
Juda: « Pro eo, inquit, quod vidisti verba voluminis,
et perterritum est cor tuum, et humiliatus es coram
Domino, auditus sermonibus contra locum istum, et
habitatores ejus, et scidisti vestimenta tua, et fle-
vististi coram me: idcirco colligam te ad patres tuos,
et colligeris ad sepulcrum tuum in pace (*IV Reg. XXII*). » Et tamen paulo post Scriptura dicit: « In diebus
ejus ascendit Pharaon Necho [*Necho*] rex Ægypti
contra regem Assyriorum ad flumen Euphratem, et
abiit Josias in occursum ejus, et occisus est in Ma-
gedo [*Mageddo*], cum vidisset eum (*IV Reg. XXIII*). »
Ad Sedechiam quoque regem Juda per Jeremiam
dicitur: « Audi verbum Domini, Sedechia rex Juda:
Hæc dicit Dominus ad te: Non morieris in gladio,
sed in pace morieris, et secundum combustiones
patrum tuorum, regum priorum, qui fuerunt ante
te, sic comburent te: et vae, Domine, plangent te:
quia verbum hoc ego locutus sum, dicit Dominus
(*Jer. XXXIV*). » Quod nimirum quomodo potuerit
fieri, qui seriem scrutatur historiarum, nunquam poterit
invenire. Nam postquam a rege Babylonis semel
est captus, Babyloniamque translatus, ulterius nun-
quam legitur **58** ab ejus vinculis absolutus. Justo
ergo judicio subtrahit Deus homini nonnunquam bona
quæ promisit, cum rebellis homo illius servare
mandata contemnit.

Regius advocatus.

Prosequere etiam quomodo Deus, quod minatus
est, non infligit.

Defensor Romanæ Ecclesiæ.

Nemo, qui limen Ecclesiæ terit, ignorat, quia
Jonas ad Niniven a Domino missus, exclamavit, di-
cens: « Adhuc quadraginta dies, et Ninive subver-
tetur (*Jonæ III*). » Sed quia civitas illa ad Deum
toto est corde conversa, nequaquam juxta minacem
Domini sententiam excidii est eversione deleta. Cum
ergo Deus omnipotens non modo verax, sed et ipsa
sit veritas, inviolato consilii sui manente proposito,
exterioris judicii sui sæpe variat ordinem, juxta
humani sive probi, sive improbi meriti qualitatem;
quatenus et a pravitate correctus, quod Deus juste
minatur, evadat: et prolapsus in culpam, nullatenus,
quæ pollicetur, bona percipiat. Hinc est, quod
per Jeremiam dicit: « Bonas facite vias vestras, et
studia vestra, et audite vocem Domini Dei vestri:
et pœnitebit Dominum mali, quod locutus est adver-

sum vos (*Jer. XXVI*). » Hinc est, quod ad Heli quoque
per virum Dei Dominus ait: « Loquens locutus sum,
ut domus tua, et domus patris tui ministraret in
conspectu meo usque in sempiternum. Nunc autem,
dicit Dominus, absit hoc a me, sed quicumque glori-
ficaverit me, glorificabo eum: qui autem contem-
nunt me, erunt ignobiles (*I Reg. II*). »

Regius advocatus.

Recte plane cuncta, quæ proposueras, perspicuis
roborasti testimoniis Scripturarum; nunc autem
paulisper ad superiora revertere, et juxta tuæ spon-
sionis elogium, de Domini regis injuria rationem
redde.

Defensor Romanæ Ecclesiæ.

Gloriosi regi, nobis eligendo pontificem, absit, ut
B nos intulissemus injuriam, cum ad hoc nos, sicut
superius dictum est, necessitas impulerit, non rap-
pina: ad hoc, inquam, nos invitos attraxit imminens
periculum civilis belli, non lædendi, vel minuendi
livor imperii.

Regius advocatus.

Civile bellum objicis, imminens periculum in tuæ
allegationis defensione prætendis: dicatur etiam, si
placet, quia cælum rueret, terra cædem civium pa-
teretur, perge adhuc addens, quia pontus aresceret,
terra diluvium inundaret, quid mihi omnia hæc,
dum constet, quia quidquid accidet, nullo pacto san-
cti papæ sententiam debuisti infringere, nulla ra-
tione synodalis decreti mysterium licuit **59** violare?
Sicut enim Scriptura perhibet: « Melius est ut oria-
tur scandalum, quam ut veritas relinquantur. » Nam
si hoc bellum timuissent beati martyres, fierent pro-
cul dubio sanctæ militiæ desertores.

Defensor Romanæ Ecclesiæ.

Non ignoras, quod inter omnes sanctos martyres
Petrus et Paulus in apostolici senatus culmine pos-
sident principatum.

Regius advocatus.

Hoc sicut negare sacrilegum est, ita et affirmare
superfluum.

Defensor Romanæ Ecclesiæ.

Eorum sunt nobis tenenda vestigia, eorum forma
nostris est actibus imprimenda, sub eorum magistra
debemus vivere disciplina.

Regius advocatus.

Hoc utique clarum est ac perspicuum. Sed quid
a te portenti, quid præstigii sub hoc funiculo indu-
ctionis alatur, ignoro.

Defensor Romanæ Ecclesiæ.

Tolle præstigium, intellige veritatem: times me
tanquam tibi tendiculas substruentem, audi Paulum
de coapostolo suo Petro veraciter perhibentem:
« Priusquam venirent qui lam a Jacobo, cum gen-
tibus edebat: cum autem venissent, subtrahebat se,
et segregabat, timens eos qui ex circumcisione
erant. » Cernimus ergo Petrum non rigidum, sed dis-
cretum. Timebat enim Judæos, ne per occasionem
gentium a fide recederent Christianorum, et ne per-
deret gregem creditum, boni pastoris est imitatus

exemplum. Factus est enim Judæis tanquam Judæus, ut Judæos lucrificeret. Sic Christus apparuit in forma carnis peccati, ut a peccatis hominem liberaret: et cum legem Moysi non ambigeret abolendam, consulens tamen adhuc rudibus et infirmis fratribus, tenuit ad tempus umbram legis, ut eos quandoque proveheret ad perfecte noscendam plenitudinem veritatis. In hoc ergo B. Petrus discretionis nobis regulam dedit, quatenus aliquando ubi tamen non plurimum noceat, declinemus aliquantulum a tramite rectitudinis, ut consulere valeamus infirmis.

Regius advocatus.

Qui dicis, quod Petrus aliquando legem Judaicam tenuit, cur non etiam dicis, quod in eadem Epistola legitur, nimirum, quia Paulus eum in faciem reprehendit? « In faciem, inquit, ei restitit, quia reprehensibilis erat. » Eique dixit: « Si tu, cum sis Judæus, gentiliti, et non Judaice vivis, quomodo cogis gentes judaizare? » (*Galat. II.*) Cur ergo illud præmisisti? istud quare silentio suppressisti?

60 Defensor Romanæ Ecclesiæ.

Quod Petrus egit compassione misericordiæ, hoc Paulus arguit pro magisterio disciplinæ. Ille quod fecit dispensative, ut infirmis tolleretur scandalum; hoc iste corripuit, ne indiscretus quilibet passim adduceret in exemplum. In Petro discamus, ut periculo simus imminente discreti; in Pauli sermonibus instruiamur, ut sanis rebus vita nostra mire deserviat rectitudini.

Regius advocatus.

Laudo quidem redditam rationem, sed cum duorum apostolorum proposueris magisterium, mirum cur, prætermisso Paulo, solum Petrum adduxeris in exemplum.

Defensor Romanæ Ecclesiæ.

Noli, frater, pueriliter currere, imo noli volare, sed perge; pro gravitate quippe negotii prolatio est quoque moderanda sermonis. Audi etiam consequenter et Paulum, discretionis aureæ lineam nostris oculis opponentem, ejusdem dispensativæ compassionis auctorem. Sicut enim apostolicorum Actuum testatur historia: « Perambulabat Paulus Syriam, et Ciliciam, confirmans Ecclesiās, perveniente in Derben, et Lystram. Et ecce discipulus quidam erat, nomine Timotheus, filius mulieris viduæ fidelis, patre autem gentili (*Act. XVI.*) » Hunc ergo, ut ad compendium veniamus, Apostolus circumcidit, quoniam Judæus, imo Judæis, qui in illis erant regionibus, timuit. Cur itaque circumcidit fidelem hominem non Judæum, qui videlicet incircumcisis erat, sed natione gentilem, nisi discretionis studio deserviret, ne Judæi fideles, in scandalum corruentes, a fide recederent? Hoc etiam nunc ad memoriam redit, quoniam aliquando juxta morem Nazaræorum comam ex voto nutritiv, et postquam navigasset in Syriam, in Cenchris positus, caput juxta legis mandata totondit. Refert adhuc Lucas, sacræ scriptor Historiæ: « Cum venissemus, inquit, Hierosolimam, libenter

A suscepimus nos fratres, et sequenti die Jacobus, et omnes seniores, qui cum eo erant, Evangelio illius comprobato, dixerunt ei: Vides, frater, quot millia sunt Judæi, qui crediderunt in Christum, et ii omnes æmulatores sunt legis. Audierunt autem de te, quod discessionem doceas a Moysē, eorum qui per gentes sunt Judæorum, dicens non debere eos circumcidere filios suos, neque secundum consuetudinem ingredi. Quid ergo est? utique oportet convenire multitudinem: audient enim te supervenisse. Hoc ergo fac, quod tibi dicimus: sunt nobis viri quatuor votum habentes super se: his assumptis, sanctifica te cum ipsis, et impende in eos, ut radant capita, et sciant omnes, quia quæ de te audierunt, falsa sunt, sed ambulas et ipse custodiens legēs. Tunc Paulus, assumptis viris, posteriori die purificatus cum illis intravit in templum, annuntians expletionem 61 dierum purificationis; donec offerretur pro unoquoque eorum oblatio (*Act. XXI, 17-26.*) »

Cur itaque Paulus juxta cæremonias Judæorum caput rasis, nudipedalia exercuit, sacrificia obtulit, et legem destruens, legis præcepta observavit? Cur, inquam, hæc omnia, nisi ut his, qui ex Judæis fideles existerant, scandalum tolleretur? formam suscepit ægritudinis, ut morbos auferret ægrotis; servavit cæremonias legis, de quibus tamen in Epistola sua dicit: « Quæ mihi fuerunt lucra facta sunt detrimenta, et propter Christum arbitror velut stercora (*Philip. III.*) » Circumcidit hominem, et tamen hoc terribiliter clamat: « Dico, inquit, vobis, quia si circumcidamini, Christus nihil vobis proderit (*Gal. V.*) » Quod, quæso, majus peccatum esse poterit, quam Christum perdere, Christianæ religionis regulam violare, Judaicæ legis ritus inducere, novam Evangelii gratiam impugnare? Et tamen hæc apostolus Paulus in superficie fecisse conspicitur, ne in ipsis novæ fidei rudimentis mentes adhuc teneræ scandala paterentur. Quantum namque in exterioribus cernitur, Cerinthus et Ebion nil pene pejus inveniuntur egisse quam Paulus. Qui nimirum in Christum credentes, propter hoc solum a parentibus anathematizati sunt, quia legis cæremonias Christi Evangelio miscuerunt; et sic nova confessi sunt, ut vetera non mutarent. Sed ecce cum dicitur, quoniam Jacobus et omnes seniores hoc Paulo consilium dederunt; omnes ergo discipuli, quod Paulus fecit, pariter fecerunt; unum scilicet in hoc habent meritum, et qui fecit, et qui faciendi dedere consilium.

Si ergo ipsi principes mundi, quorum legibus parent, non modo regna terrarum, sed ultro etiam celsitudo cælorum, non dubitavere perpaucis, qui tunc erant hominibus in tam periculoso negotio condescendere, cur nobis utique parvulis, et infra illorum vestigia longe jacentibus non licuit innumerali Romanæ Urbis multitudini subvenire? Sed quid apostolos loquimur scandalum cavisse debiliū, et noviter conversorum; cum et ipse illorum magister et Dominus, cujus nimirum omnia sæcula substernunt imperio, ad nostræ imitationis exem-

plum, scandalum præcaverit Judæorum? « Simon, A inquit, reges terrarum a quibus accipiunt tributum, a filiis suis, an ab alienis? quo respondente: ab alienis »; præsto subjungit: « Ergo liberi sunt filii. Ut autem non scandalizemus eos, vade ad mare, mitte hamum, et eum piscem, qui prius ascenderit, tolle, et aperto ore ejus invenies staterem: illum sumens, da eis pro me et te (*Matth. xvn.*) » Ad molliendum ergo rigorem rectitudinis ad tenendam virtutem discretionis, si tibi Petrus non sufficit ad exemplum, junge simul et Paulum. Quod si procaci contumaciæ nequeunt uterque sufficere, pudeat te ultra Jesum per dicacitatis ineptiam proslire: « Finis enim legis Christus ad justitiam omni credenti (*Rom. x.*) »

Regis advocatus.

Discretionis virtutem tot Scripturarum testimoniis approbatam improbare non sumus; sed absit, ut ulla virtus sit tam sublimis **62** tamve præcipua, cujus tenendæ studio in anathematis barathrum corrui debemus. Nam cum omne, quod nobis ex divina legē præcipitur, ad hoc procul dubio tendat, ut nos Creatori nostro societas æterna conjungat: si nos ab eo, quod absit, per maledictionis sententiam contingat abscedere, quæ virtus, quæ discretio, quæ, sicut dicitur, pia compassio tam incomparabile damnum nobis poterit compensare? Sane si propter hoc solum virtus appetitur, ut omnipotentis Dei societas acquiratur, qualis jam illa virtus erit, quæ nos a divini contubernii societate repellat?

Defensor Romanæ Ecclesiæ.

Hæc cur prosequaris, quia nobis occulta sunt, evidenter expone.

Regis advocatus.

Synodalis enim decreti pagina, quam cum concilii totius assensu beatus Nicolaus papa constituit, cui propriæ manus articulum indidit, quam tot episcoporum venerandus, celebrisque conventus subscriptione firmavit, anathematis vinculo juxta morem carere non potuit. Unde vos pro compassione, vel condescensione, nescio quam, dicitis furentis populi, nequaquam vosmetipsos deberetis tam inenodabilibus sententiæ nexibus irretire. Ridiculum quippe est, sic obrutum de voragine marini fluctus eruere, ut ipse compellatur ereptor sub undosis procellarum spumantium cumulis remanere.

Defensor Romanæ Ecclesiæ.

Cum hæc inconsultius loqueris, andabatarum adversum me more configis (*vide scholia*), qui nimirum dum clausis semper oculis pugnant, alios quidem vulnerant, sed quomodo semetipsos a vulneribus tueantur, ignorant. Dicis quia nequaquam debemus in anathema corrui, etiam si per hoc valeamus infirmis fratribus subvenire. Ecce vibrasti gladium, tentasti vulnus infligere, sed tibimet ubi clypeum opponeres, non vidisti. Nunquid tibi jam de memoria excidit, quod superius protuli, quoniam B. Paulus in Epistola sua dicit: « Quia si circumcidamini, Christus vobis nil proderit? » (*Gal. v.*) Et tamen,

quod tam districte prohibuit, ipse pro charitate fratrum infirmantium, ne scandalum paterentur, implevit. Quod enim majus, sive deterius poterit quis anathema subire, quam cui negatum est, Christum pro sui reatus damnatione prodesse? Nam cui Christus non prodest, procul dubio anathema est, nihilque est aliud anathema quemlibet fieri, nisi a Christi, in quo benedicuntur omnes gentes, societate repelli. Si ergo Paulus hoc anathema pro charitate fratrum subire non timuit, imo prorsus evasit, cum non qualemcumque hominem, sed Christianum utique discipulum circumcidit; tu, quæso, ubi cordis oculos amisisti, qui, quod Apostolus fecit, non faciendum esse testaris? Ipse enim dicit: « Quæcumque scripta sunt, ad nostram doctrinam scripta sunt (*Rom. xv.*) »

63 *Regis advocatus.*

Verisimile est quia, sicut Paulus coapostolum suum Petrum de judaizandi rediviva usurpatione corripuit; ita nihilominus et in semetipsum, postquam discipulum circumciderat, reprehendit: nec mihi hoc aliter unquam poterit persuaderi, nisi fortassis in ejus verbis aliquatenus valeat inveniri.

Defensor Romanæ Ecclesiæ.

Ut nullus ambiguitatis nævus in tua mente remaneat, ut nulla cor tuum super hoc negotio deinceps caligo confundat, audi quid idem Paulus ad Romanos dicat: « Veritatem dico in Christo, non mentior, testimonium mihi perhibente conscientia mea in Spiritu sancto, quoniam tristitia est mihi magna, et continuus dolor cordi meo; optabam enim ipse anathema esse a Christo pro fratribus meis, qui sunt cognati mei secundum carnem, qui sunt Israelitæ (*Rom. ix.*) » Ecce Paulus, cum non sit sicut nos necessitate coactus, sponte ac voluntarie desiderat anathema esse pro fratribus; et tu mihi proponis anathema timendum, ubi me perspicis, et inevitabili prorsus necessitate fuisse constrictum, et charitatis studio, ne tanta fratrum multitudo corrueret, inclinatum. Audi etiam quid Moyses pro populo Israelitico postulans dicat: « Obsecro, Domine, peccavit populus iste peccatum magnum, fecerunt sibi deos aureos: aut dimitte eis hanc noxam, aut si non facias, dele me de libro tuo quem scripsisti (*Exod. xxxii.*) » Quod nimirum tunc pleniter fiet, cum reprobis in judicio dicit: « Ite, maledicti, in ignem æternum (*Matth. xxv.*) » Ecce hinc Paulus optat anathema pro fratribus fieri; ecce illinc Moyses postulat ex Dei libro pro populi, quem ducebat, charitate deleri, et sola Romana Ecclesia, quæ pietatem, et charitatem toto terrarum orbe specialiter, et principaliter docet, ex imminentibus et jam vibratis undique gladiis filios suos, quos quotidie per sacri baptismatis mysterium generat, liberare non audet? « Maledictus vir, ait Saul, qui comederit panem usque ad vesperam, donec ulciscar me de inimicis meis (*I Reg. xiv.*) » In hoc, sicut legitur, anathema Jonathas cecidit; sed eum ab imminente mortis sententia, charitas, qua pro populo strenue dimicaverat,

liberavit. Vis audire quid etiam de ipso Jesu, totius A juris amittat; et quem auctore Deo votis omnibus benedictionis auctore, idem Apostolus dicat? « Christus, inquit, ut nos liberaret a maledicto legis, factus est maledictum (Gal. iii). » Si ergo ipse auctor benedictionis æternæ, ut nos a vinculo maledictionis absolveret, maledictioni non est dignatus subjacere; si sancti quique vel Novi vel Veteris Testamenti, dum sui capitis imitantur exemplum, et infirmis subvenire fratribus in periculis concupiscunt, et anathematis subire sententiam nulatenu perhorrescunt: cur unum mihi niteris imputare peccatum, et charitatem ad hoc induxisse non perspicis, quæ operit multitudinem peccatorum? (I Pet. iv). Quomodo autem me cujuslibet hominis sententia ligat, quem charitas ipsa, quæ Deus est (I Joan. iv), liberat? Erubescat ergo humani anathematis imputator, cum 64 per charitatis gratiam mecum sit æternæ benedictionis indultor.

Regius advocatus.

Cuicunque in disputatione certanti veritas ipsa defecerit, ineptum est adhuc per ambages atque versutias pertinaciter niti; ridiculum est diutius verbis prolixioribus immorari: de vinculo siquidem anathematis, quo te hactenus arbitrabar astringi, ita te naviter expediti, ut nihil de cætero tibi valeat objici, nil super hoc capitulo rationabiliter possit opponi. Verumtamen adhuc mihi video materiam superesse, quam tibi valeam non sine causa reluctator objicere. Dicitis, quia necessitate constricti, et velut angusti temporis brevi spatio coartati, nequaquam potuistis in electione pontificis expectare consensum regis majestatis, quod profecto frivolum esse perspicuum est. Constat enim tres plus minus menses interim decurrisse ex quo sanctæ memoriæ papa Nicolaus occubuit, usque ad Kalendas Octobris cum iste successit. Videamus ergo si per tam morosam longitudinem, trimestris videlicet spatii, non potuerit ab aula regia pragmaticæ sanctionis vobis apocha reportari.

Defensor Romanæ Ecclesiæ.

Ecce compellis me vulgato sermone depromere quod ob imperialis palatii reverentiam decreveram silentio præterire; sed juxta vestræ scilicet exactio- nis instantiam, jam proferatur in medium opus egregium vestrum, sæculis omnibus inauditum. Rectores enim aulæ regis cum nonnullis Teutonici regni sanctis, ut ita loquar, episcopis conspirantes contra Romanam Ecclesiam, concilium collegistis, quo papam quasi per synodalem sententiam condemnastis, et omnia, quæ ab eo fuerant statuta, cassare incredibili prorsus audacia præsumpsistis: in quo nimirum non dicam iudicio, sed præjudicio, idipsum quoque privilegium, quod regi prædictus papa contulerat, si dicere liceat, vacuastis. Nam dum, quidquid ille constituit, vestra sententia decerente, destruitur; consequenter etiam id, quod ab eo regi præstitum fuerat, aboletur. Sed absit a nobis, ut propter cujuslibet hominis insolentiam rex, qui innocens erat, quantum ad nos, rem sui

juris amittat; et quem auctore Deo votis omnibus præstolamur ad imperiale fastigium, non permittimus ob alienam culpam regis dignitatis incurere detrimentum.

Sed ut totam inauditæ calamitatis nostræ percurramus historiam, Stephanus cardinalis presbyter apostolicæ sedis, vir videlicet tantæ gravitatis et honestatis nitore conspicuus; tantis denique, sicut non obscurum est, virtutum floribus insignitus, cum apostolicis litteris ad aulam regiam missus, ab aulicis administratoribus non est admissus; sed per quinque fere dies, ad B. Petri et apostolicæ sedis injuriam, præ foribus mansit exclusus. Quod ille, utpote vir gravis, et patiens, æquanimiter tulit; legati tamen officium, quo fungebatur, implere non potuit. Clausum itaque, signatumque 65 mysterium concilii, cujus erat gerulus, retulit, quia regis eum præsentari conspectibus curialium plectenda temeritas non permisit. In qua nimirum inopinatæ præsumptionis audacia tanta disputandi videretur inesse materia, ut et Demosthenis eloquentiam vincat, et copiam Tullianæ facultatis excedat. Unde si vellemus injuriam nostram districtius persequi, jure possemus obtendere, quia vos Romanæ Ecclesiæ, vosmetipsos ipso dono privastis, qui scilicet ei præjudicii vestri gratis contumeliam intulistis. Ille quippe foedus amicitie violat, qui gratis amicum per offensionis molestiam pulsat. Nam et Dominus Judæis per Jeremiam ait: « Ecce feriam domui Israel, et domui Juda foedus novum, non secundum pactum quod pepigi cum patribus eorum, pactum quod irritum fecerunt (Jer. xxxi). » Ille ergo irritum reddit beneficii pactum, qui prior violat amicitie sacramentum. Verumtamen Romana Ecclesia non vult exaggerare quod pertulit; sed perseverare cupit in munere quod regio culmini liberaliter prærogavit.

Regius advocatus.

Quod domino nostro regi reverenter ascribis innocentiam, digne facis: quod autem administratoribus aulæ publicæ devolvis e diverso calumniam, videtur injustum. Quidquid enim circa vos in hujusmodi casibus actum est, ad hoc nos regis matris impulit imperiale præceptum, non propriæ libertatis arbitrium.

Defensor Romanæ Ecclesiæ.

Et ego tibi secundum cordis tui duritiam respondebo: dico enim quia Dei omnipotentis obtemperare sermonibus aliquando peccatum est.

Regius advocatus.

Ad hoc, quod asseris, mens humana concutitur, et Christianæ pietatis ferre non valet auditus.

Defensor Romanæ Ecclesiæ.

Quia hoc tantopere miraris, illud etiam consequenter adjicio, quia propter hoc, quod Deo quidam promptus obedivit, funditus periit: alius ob id, quia obtemperare contempsit, ad cumulum gratiæ plenioris ascendit.

Regius advocatus.

Incredibile est valde, quod dicis: verumtamen si voles exemplis approbare quod loqueris, dic quis unquam Deo obedivit, ac propterea perii?

Defensor Romanæ Ecclesiæ.

Non te latet, quia Judæ Iscarioti, qui jam accepto consilio cum traditurus erat, **66** Dominus ait: « Quod facis, fac citius (Joan. xiii). » Postmodum quoque, cum ad ejus osculum accedere præsumpsisset, adjecit: « Amice, ad quid venisti? » subauditur, perforce. Sed quia miser his sermonibus efficaciter obedivit, irrevocabili perii.

Regius advocatus.

Hujus propositionis ratione reddita, redde consequenter alterius, quis scilicet Dei omnipotentis obedientiam sprevit, et propter hoc copiosorem gratiam meruit?

Defensor Romanæ Ecclesiæ.

Si placet hoc in memoriam revoca quod Dominus ad Jeremiam dixit: « Vade ad domum Rechabitarum, et loquere eis, et introduces in domum Domini in unam exedram thesaurorum, et dabis eis bibere vinum (Jer. xxxv). » Et paulo post propheta subjungit: « Et posui coram filiis Rechabitarum scyphos plenos vino, et calices, et dixi ad eos: Bibite vinum; qui responderunt: Non bibemus vinum, quia Jonadab pater noster præcepit nobis, dicens: Non bibetis vinum vos et filii vestri usque in sempiternum. » Unde postmodum Jeremias ait eis: « Hæc dicit Dominus Deus exercituum: Non deficiet vir de stirpe Jonadab filii Rechab, stans in conspectu meo cunctis diebus. » Ecce ille male obediens, perfunctus obedientiæ munere cucurrit ad laqueum: isti feliciter inobedientes, perpetuum Conditoris sui mernere conspectum. Hoc etiam ad hoc valet, quod superius dictum est, quia cum papam sine consensu regis eligimus, non præsto, quod extrinsecus actum est dijudicare, sed potius quo animo, et qua intentione sit factum, deberetis diligenter attendere.

Regius advocatus.

Hæc argumenta nobis domestica sunt, et nunquam deficient, quia de promptuariis proferuntur; semper enim possumus in pravi operis exhibitione delinquere, et quia occulta est ad puræ mentis debemus patrocinium convolare.

Defensor Romanæ Ecclesiæ.

Censesne semper debere juxta rerum, atque verborum superficiem judicari? quid enim juxta verborum strepitum magis est absonum, quam cum Deus Pater, et Filius, et Spiritus sanctus mediatorem Dei et hominum dicitur tradidisse? Ecce Christum tradidit Judas, tradidit et Deus Pater; nunquid non quasi simile factum videtur? Ergone traditor est Judas, et traditor Deus Pater?

Regius advocatus.

Unde probas, quia Pater, et Filius, et Spiritus sanctus tradiderint Salvatorem?

67 *Defensor Romanæ Ecclesiæ.*

Audi Apostolum dicentem: « Qui proprio Filio

A suo non pepercit, sed pro nobis omnibus tradidit illum (Rom. viii). » Cui et Salomon ait: « Cum sis justus, et omnia juste disponas, ipsum quoque, qui non debet puniri, condemnas (Sap. ii). » Quod autem se Filius tradiderit, idem dicit Apostolus: « Qui me dilexit, et tradidit seipsum pro me. » Quod autem et Spiritus sanctus tradiderit Filium Sapientia perhibet, dicens: « Benignus est enim Spiritus sapientiæ, et non liberabit maledictum a labiis suis (Sap. i). » Maledicti apud veteres dicebantur omnes qui pendebant in ligno. Christus autem, ut Apostolus dicit, ut nos liberaret a maledicto, factus est maledictum (Gal. iii). Spiritus vero sanctus non liberavit maledictum a labiis suis, quia quæ per ora prophetarum de Christi passione locutus est, non prohibuit; sed super cum sine diminutione compleri cuncta permisit. Ergo secundum te, qui non de cordis intentione, sed semper ex operis vis superficie judicare: si Pater tradidit Filium, et ipse se tradidit Filius, insuper et Spiritus sanctus, Judas quid mali fecit? Facta est traditio a Patre, facta est a Filio, nec non a Spiritu sancto, facta est et a Juda. Una res a pluribus facta est, sed eadem res in operatoribus discernenda est. Quod enim Deus omnipotens ex charitate, hoc Judas fecit ex pecuniæ acquirendæ cupidine. Quod Deus fecit ad salutis nostræ remedium, hoc ille fecit ad explendum insatiabilis avaritiæ votum. Vides ergo quia non quid homo faciat, debemus attendere; sed quo animo et voluntate faciat, diligenter examinare. Nam si sola duntaxat exteriora perpendimus, invenimus ipsum Dominum Salvatorem et dixisse quod prohibet, et aliter fecisse quam jubet. « Quisquis, ait, dixerit fratri suo, Fatue, reus erit gehennæ ignis (Matth. v): » et tamen ipse resurrectionis suæ die duobus de se dubitative loquentibus ait: « O stulti, et tardj corde ad credendum! (Luc. xxiv). » Dixerat etiam in monte discipulis: « Si quis te percuterit in dexteram maxillam, præbe illi et alteram (Matth. v). » In passione vero positus percutienti se in maxillam puero sacerdotis non modo non alteram præbuit, sed insuper dixit: « Si male locutus sum, exprobra de malo; sin autem bene, cur me cædis? » (Joan. xviii). Et quomodo jam verum erit quod de illo Lucas ait: « Qui cœpit facere, et docere (Act. i) », si quod docuit non implevit? Sed procul dubio intelligendum est hoc eum præcepisse ad præparationem cordis, non ad ostentationem operis. Quomodo enim paratus corde non fuit in maxillam alteram cædi, qui pro hominum salute decreverat toto corpore crucifigi? Paulus etiam palma percussus jussione pontificis, ait: « Percutiet te Deus, paries dealbate (Act. xxiii). » Quod minus intelligentibus videtur in verbo convicium; sed in sensu prophetici tenet oraculi sacramentum. Paries enim dealbatus hypocrisis est, sacerdotalem sub hoc nomine præferens dignitatem, sed occultans intrinsecus luteam malitiæ turpitudinem: nam quod humilitatis fuit, mirabiliter custodivit. Cum enim illi diceretur: « Principi sacerdotum maledicis? » respondit:

« Nescivī, frater, **68** quia princeps esset sacerdos : Scriptum est enim : « Principem populi tui non maledices (*Act. XXIII.*) » Ubi patenter ostenditur, quanta illud tranquillitate dixisset, quod iratus intulisse videbatur. Quibus Scripturarum testimoniis quid aliud edocemur, nisi quia non juxta nuda verba semper debemus sententias judicare : sed quo animo, qua mentis intentione proferantur, inspicere ?

Regius advocatus.

Dubia, quæ proponis, luculenter elucidas per exempla, quæ subijcis : sed quæso te, ut ad superiora paulisper redeas, et cur nos calumnieris, vobis præjudicium intulisse, qui regiæ ditioni parvimus, patenter exponas.

Defensor Romanæ Ecclesiæ.

Recte, plane, ordinabiliter et congruenter, postquam omnis vestræ partis obiectio non rhetoricis argumentis, non coloribus oratoris, non denique dialecticis syllogismis, sed vivæ potius, atque perspicuæ veritatis est ratione purgata : versa vice jam dignum est, ut de vestris excessibus vel breviter disseratur. Enimvero damnatio papæ tam gravis, et inexplicabilis est, ut non humano, sed divino duntaxat sic tractanda judicio. Reges autem nostros cum ætatis infirmitas, tum fragilitas sexus excusat ; quibus utique non reatus ascribitur, sed eorum consiliariis, ut dignum est, imputatur. Omissis itaque perversitatibus cæteris, ut quid ignorante Roma reprobum hominem in Romanum pontificem eligere præsumpsistis ?

Regius advocatus.

Electionem quidem, ut palam est, fecimus : sed longe prius Gerardo comite, aliisque Romanis, ut dicebatur, civibus infatigabiliter insistentibus, ad hoc inducti sumus. Nam et abbas monasterii, quod dicitur Clivus Scauri, non defuit. Non ergo, ut asseris, ignorante Roma, sed præsentē atque petente, Romani pontificis electio facta est.

Defensor Romanæ Ecclesiæ.

In hoc pro me facis, dum Gerardo sub anathemate constituto te communicasse testaris : nam ut de abbate, et aliis interim sileamus, de Gerardo liceat tantummodo dicere, Ecclesiæ hominem non fuisse, et Christi nequaquam pertinuisse fidelibus. Illud enim unum caput anathemati, maledictionique subiacuit omnium fere pontificum, quicumque Romanæ Ecclesiæ suis temporibus præfuerint : demum paulo antequam moreretur, propter ducem, et archiepiscopum Anglorum, quos a beati Petri liminibus redeuntes invasit, spoliavit, et usque ad mille Papiensis monetæ libras appendentia rapuit. Propter hoc itaque in plenaria synodo, papa Nicolao præsentē, excommunicatus est, et extinctis luminaribus sub perpetuo fuit anathemate condemnatus. Perpendat igitur sancta synodus, si illius ejusque complicitum rata jure **69** videatur electio, qui tam terribiliter atque irrevocabiliter est ab Ecclesiæ visceribus evangelica

atque canonica falce præcisus, ut ne in morte quidem ad Christianitatis fuerit titulum reformatus : et sic per eum ordinari Romanam Ecclesiam dignum fuit, qui ejus semper cruentus exstitit inimicus, qui eam semper esset feraliter persecutus. Et quomodo summam debet Ecclesiam ordinare, cui cujuscumque limen Ecclesiæ non licet attingere ? Clamat Dominus ad Israel : « Anathema in medio tui, Israel ; nec poteris stare contra hostes tuos, donec deleatur ex te, qui hoc contaminatus est scelere. » Et hoc quare ? Quoniam Achar filius Charmi de anathemate Jericho ducentos duntaxat argenti siclos, regulamque auream quinquaginta siclorum, et coccineum abstulerat pallium : et ob hanc vilem videlicet summam auctor sceleris non modo lapidatur, sed et lapidum acervis obruitur. Si propter illum hominem, qui duntaxat unum sacrilegium fraude commiserat, Israel ante suorum hostium faciem ruiturus erat : quomodo stabit Ecclesia, si per virum tot criminibus involutum fuerit ordinata ? præsertim cum et talem elegerit, in quem, teste mundo, omnium vitiorum sentina confluit pseudoepiscopum, apostolum Antichristi, adversarium Christi, animam puellarum, mangonem ecclesiarum (2). Quis ergo istorum justo videbitur examine præferendus ? utrum is, quem elegit unus vir perpetuæ maledictionis anathemate condemnatus ; an ille potius, quem cardinales episcopi unanimiter vocaverunt : quem clerus elegit, quem populus expetivit non in extremitate terrarum, sed intra mœnia Romanorum, et in ipsius sedis apostolicæ gremio ?

Regius advocatus.

Tot a te rationibus redditus, possemus fortassis adhibere consensum, si semel emissam deceret regiam majestatem mutare sententiam, principali quippe gloriæ velut inconstantiaævus imprimitur, si quodcumque suæ constitutionis edictum leviter annuletur.

Defensor Romanæ Ecclesiæ.

Quis nesciat rege Deum esse majorem ? Et tamen dicere non erubescit : « Pœnitet me, quod constituerim Saul regem (*I Reg., XV.*) ; » et per Samuellem ei denuntiat dicens : « Projecit te Dominus, ne sis rex super Israel (*Ibid.*). » Si pœnitere se Deus asseruit, qui futura cuncta cognoverat : cur homo suam commutare in melius sententiam erubescat, qui qualis, et ipse quoque sit futurus, ignorat ? Ille de bono factus est malus ; iste videlicet Cadalous, de malo utique, quod jam erat, sit quotidie diaboli more deterior.

Regius advocatus.

Quam inconsulte nunc loqueris, qui diabolum deteriorari posse testaris, qui certe tam malus est, ut deterior esse non possit.

70 *Defensor Romanæ Ecclesiæ.*

Mentior, si quod proposui, Scripturæ testimoniis comprobare non valeo. Nam, Isaia teste, dicebat superbus in mundi principio : « Ascendam

(2) Cadaloum antipapam intelligit.

super altitudinem nubium, similis ero Altissimo A
(*Isai.* XIV.) » Paulus autem dicit : « Qui in fine
mundi veniens, adversatur, et extollitur supra omne,
quod dicitur Deus, aut quod colitur (*II Thess.* II.) »
Quia ergo tunc affectavit Deo se similem esse, in
fine mundi jam deterior factus, vult quasi superior
eminere. Per quod manifeste colligitur, diabolum
adhuc in deteriora posse corrui; quia diabolus
interpretatur *deorsum fluens*. Cadalous a cadendo
dictus, *ruinam populi* sonat, ipsis quoque nomi-
nibus aptissime invicem uterque concordat. Dic
ergo quomodo iste pontifex erit, quem non Romanus
populus, sed unus homo cum suis complicitibus, idem-
que non Romanus, sed suburbanus (2*), et non Eccle-
siæ filius, sed maledictus, et anathematizatus elegit ?
Illene erit tuo iudicio pontifex, qui suam vendidit, B
ut Romanam Ecclesiam obtineret ? qui Romanus
occidit in ore gladii, ut Romanus Pontifex fieret ?
Dicis non debuisse me pontificem sine consensu
Regis eligere, et magnipendendum mihi non fuisse,
ut populus non periret. Ecce hinc B. Augustinus
Hipponensi Ecclesiæ, Valerio vivente, præficitur :
ecce illinc Ambrosius octavo die postquam baptiza-
tus est, perceptis cunctis ecclesiasticis gradibus,
episcopus ordinatur. In quibus utique ob nil aliud
canonicæ auctoritatis ordo deseritur, nisi duntaxat
ut saluti populi consulatur. Et tu mihi dicis, in
servando populo ipsi regi me non debuisse consu-
lere, ut sibi met in dando consensu unius epistolæ
gloria proveniret. Nam unde postmodum Romanus
imperator fieret, si tunc se Romanus populus mu-
tuis vulneribus peremisset ? Porro autem, quia in
constituendò pontifice Romana Ecclesia a charitate
regia non recessit, hoc etiam indicio est, quia cum
in clero suo religiosis viris et sapientibus abunda-
ret, nod de propriis, sed eum, qui regi tanquam
domesticus et familiaris erat, elegit.

Regius advocatus.

Quisquis veritati, postquam patefacta claruerit,
obstinate renititur, Dei omnipotentis adversarius
non immerito iudicatur, cuius adversum se iram
inextinguibiliter provocat, si veritatem, quæ ipse
est (*I Joan.* V), pertinaciter et arroganter impugnat.
Nam ut ipse disputationi tuæ velut epilogum faciam,
cum inter nos questio moveretur, utrum sine regis
assensu Romani pontificis fieri possit electio, recen-
sitis historiarum catalogis, tantam Romanorum
imperatorum atque pontificum copiam coacervasti,
et velut nubem mihi testium opposuisti, ut his con-
spectis ne nutum quidem me adversum te sub hoc
ulterius facere libuisset. De anathemate vero, quod
Nicolaus papa constituit, ubi, ut jam verum fatear,
totam victoriæ vim intentio nostra posuerat, tam
invictis Scripturarum testimoniis, 71 tam lucidis
certe modo beatorum apostolorum, modo ipsius Do-
mini Salvatoris tuæ disputationis assertio se purga-

vit exemplis ; ut nos eatenus ignota doceret, et vos
ab illius sententiæ vinculo potenter absolveret.
Deinde a domini mei regis, quam dicebamus, inju-
ria, quæ scilicet nos adversum vos acrius accende-
bat, tam strenue tua se purgavit oratio, ut evi-
denti clarescat indicio, quia in eo, quod sibi ponti-
ficem populus Romanus elegit, majestati regiæ
potissimum ministravit, nec ei, sicut dicebatur, pri-
vilegium tulit, sed potius roboravit, dum non de
Romana Ecclesia, sed ex aula regia sacerdotem
ad apostolicæ sedis culmen evexit. Postremo de ele-
ctione Parmensis episcopi quid dicemus ? loquar, an
sileam ? Sed, juxta Scripturam, « conceptum sermo-
nem tenere quis possit ? (*Job.* IV.) » Et certe ubi nuda
veritas cernitur, turpis ignominia est, si commento
fallaciæ deservitur. Ipsi plane liquido novimus ana-
thematum esse Gerardum, nec ignoramus ejus
instinctu potissimum hunc episcopum in hoc nego-
tium fuisse plectum. Ut igitur ita loquar, arbor,
quæ de venenata radice anathematis oritur, antequam
perniciosum prorumpat in fructum modis omnibus,
necesse est evellatur, testante Veritate, quæ dicit :
« Omnis arbor, quæ non facit fructum bonum, ex-
cidetur, et in ignem mittetur (*Matth.* VII.) »

Defensor Romanæ Ecclesiæ.

Ecce audivit beatitudo vestra, venerabiles Patres,
quoniam qui inspector est mentium, conföderat nos
in concertatione verborum. Vidit enim nos non ma-
litie causa confligere, sed inveniendæ veritatis stu-
dio deservire, ideoque dignatus est motam inter
nos sopire querelam, et suam nobis inspirare con-
cordiam. Pax enim nostra, quæ fecit utraque unum
(*Ephes.* II), conflavit in eodem sensu corda duo-
rum. Agamus illi gratias, qui prius sagenam (3)
Petro periclitari permisit, et turbine ventorum, et
procellis undarum : sed ecce ut regrediens manum
tetendit, Petrum erexit, ventis imperavit (*Marc.*
IV), et discrimina marina compescuit, confestum
mare, quod in cumulos erigebatur, obruitur, tem-
pestatis procella sedatur, ventorum turbo reprimitur,
et aurea cœli facies serenatur.

Clausula dictionis.

Amodo igitur, dilectissimi, illinc regalis aulæ con-
siliarii, hinc sedis apostolicæ ministri, utraque
pars in hoc uno studio conspiremus elaborantes, ut
summum sacerdotium et Romanum simul confede-
retur imperium ; quatenus humanum genus, quod
per hos duos apices in utraque substantia regitur,
nullis, quod absit, partibus, quod per Cadalum nu-
per factum est, rescindatur : sicque mundi vertices
in perpetuæ charitatis unionem concurrant, ut infe-
riora membra per eorum discordiam non resiliant,
quatenus sicut in uno mediatore Dei, et hominum
hæc duo, regnum scilicet et sacerdotium, divino
sunt conflata mysterio ; ita sublimes istæ duæ perso-
næ 72 tanta sibi met invicem unanimitate jungan-

(2*) Gerardus is est Galerix dominus ; est enim
Galerix oppidulum prope Urbem situm, ideoque subur-
banum appellatum.

(3) *Sagena pro navicula* sæpius usurpata a S.
Doct.

tur, ut quodam mutæ charitatis glutino et rex in Romano pontifice, et Romanus pontifex invenitur in rege; salvo scilicet suo privilegio papæ, quod nemo [nemin] præter eum usurpare permittitur. Cæterum et ipse delinquentes, cum causa dictaverit, forensi lege coerceat, et rex cum suis episcopis super animarum statu, prolata sacrorum canonum auctoritate, decernat. Ille tanquam parens paterno semper jure præmineat; iste velut unicuique ad singularis filius in amoris illius amplexibus requiescat. Attalus plane rex Asiæ et Nicomedes rex Bithyniæ in tantum Romanam rempublicam dilexerunt, ut uterque moriens Romanum populum testamento reliquisset [reliquerit] hæredem. Sanctæ ergo Ecclesiæ principes quam propensiori invicem debent charitate congruere, quibus injunctum est charitatem præcipue Christiano populo prædicare; ut ex eorum, quæ procedat ex pietate concordia, sancta universalis gratuletur Ecclesia, ac gemino utriusque studio Christianæ religionis refloreat disciplina. Verum nos piscatoris nostri navicula ex hiatu scyllæ voraginis trahentes, dum successorem Petri fidei labente vestigio mersum ad littora quieti deducimus, pium Ereptori nostro celeumacantemus:

Te Deum laudamus: Te Dominum confitemur.

Ultio divina, populi Cadaloe ruina,

Te manet, ut diro medium transverberet ictu.

Altipetax Simonem sequeris Simon astra per-

[tentem.

Te quoque Tartareus simul absorbebit hiatus.

Sit nomen Domini benedictum.

SCHOLIA

• Beato Sylvestro (Constantinus imp.) suisque successoribus obtulit, ut regali more, et aurea corona plecteretur in capite, et cæteras regii cultus infulas usurparent. Verum B. Sylvester ornamenta, quæ sacerdotali congruere iudicabat officio, in propriis suis assumpsit. Coronam vero, vel cætera, quæ magis ambitiosa quam mystica videbantur, omisit. • Dum sanctus cardinalis ait, S. Sylvestrum oblata a Magno Constantino principatus insignia repudiasset, ea vero ornamenta sibi desumpsisse, quæ dignitatem pontificiam condecorarent, a vero abhorrere non videtur. Nam quæ fuit ardens ejusdem Constantini ad fidem præcipue Christianam receniter conversi pietas, ut voluisset omnia imperii decora in pontificem summum conferre. Fuit tamen singularis cujusdam prudentiæ in S. Sylvestro ea tantum deligere, quæ spiritualis potestatis culmen, ac fastigium significarent. Id quod etiam habebat cap. *Constantinus* dist. 96, verbis istis: B. Sylvestro et omnibus successoribus ejus de præsentis tradidimus palatium imperii nostri Lateranense; deinde diadema, videlicet coronam capitis nostri, simulque phrygium, nec non et superbumale, videlicet lorum quod imperiale circumdare assolet collum. Et nonnullis interjectis: Ipse vero beatissimus papa super coronam clericatus, quam gerit ad gloriam beatissimi Petri, 73 ipsa ex auro non est passus uti corona; phrygium vero candido nitore splendens, resurrectionem Dominicam designans, ejus sacratissimo vertici manibus nostris imposuimus. Sancti Sylvestri porro mitræ Platina hunc in modum meminit: • Eugenius IV S. Sylvestri mitram, Romam Avenionem delatam, ipsemet ex Vaticano ad Lateranum detulit. • Hujus autem, vel alterius ejusdem S. Sylvestri mitræ me-

dieas, coloris viridis holoserica, et phrygiata, in qua beatissima Virginis in gremio Filium gestantis imago picta, et alatis puerilis, ac stellis circumsepta cernitur, Romæ ad S. Martinum in Montibus inter reliquias honorifice custoditur.

Neque hoc sic intelligas velim, ut pontificalis dignitatis ornamenta tunc primum in Ecclesiam inventa fuerint, quidquid dicant Almonus, atque Siebertus, vel etiam alii (Almon. *Hist. Fr.* l. 1, c. 24; Sieber. *Chron.* ad an. Christi 550). Nam quod Constantinus gentium vanitatem detestatus, B. Sylvestro videtur concessisse, hoc ipsum sanctissimos ejus antecessores ob immanem, atque frequentem aliorum imperatorum persecutionem deposuisse apparet. Jacobus enim Alphaei, cognomento Justus, idemque frater Domini nominatus, a Petro apostolorum principe, ut optime Chrysostomus animadvertit (Chrysost. in *Joan.*, hom. 87), ordinatus Hierosolymorum episcopos, laminam, seu bracteam auream in capite gestare consuevit: ut testatum reliquere Epiphanius, Hieronymus, ac omnes alii fere scriptores ecclesiastici (Epiph. *hæres.* 29 et 78; Hier. *de script. eccl.* in *Jac.* et in *Epist.* ad *Galat.* 11; Epiph. *hæres.* 29). Hujus vero rei hæc affert rationem idem Epiphanius: folium, sive bracteam in capite gestare ipsi licebat, quemadmodum relati fide digni viri Clemens et Eusebius in suis commentariis testati sunt: « Sacerdos itaque est, velut dixi, Jesus Christus in æternum, secundum ordinem Melchisedech: simulque rex juxta ordinem ex supernis, ut transferat sacerdotium simul cum lege: ex semine vero David propter Mariam sedens in throno in æternum, et regni ejus non erit finis. Oportebat enim ipsum nunc transferre ordinem tum sacerdotii, tum regni. » Et quibusdam interjectis: « Largitus est autem sub se constitutis regnum, ut ne diceretur a parvis ad majora procedere: manet enim thronus ipsius, et regi ejus non erit finis: et sedit super thronum David, ita ut regnum David una cum pontificatu transtulerit, ac largitus sit servis suis, hoc est pontificibus catholicæ Ecclesiæ. » Plura de his apud eundem Epiphanium habes. In signum igitur regalis sacerdotii (sic ipsum appellat Petrus [I Petri. ii]) ejusmodi capiti ornamentum gestare consuevisse, non Jacobum tantum, sed et cæteros apostolos, par est credere (Polychr. ep. ap. Euseb. *Hist. lib.* v, c. 23; Hier. *De script. eccl.* in *Polychr.*). Nam etsi hæc de singulis non scribantur, satis tamen ad veritatem rei demonstrandam esse videtur, quod non modo Jacobus, ut vidimus, sed et Joannes 74 Evangelista eo usus est capitis ornamento. Testatur id Polychrates Ephesiorum episcopus ad Victorem papam inter alia ita scribens: « His accedit Joannes, qui supra pectus Domini recubuit, qui sacerdos fuit, qui laminam auream gestavit. Erat autem ejusmodi capitis ornamentum, quod in amplius atque perfectius Christianæ legis sacerdotium translatum est antique legis sacerdotibus olim a Deo concessum. Sic namque sacra Scriptura: « Facies et laminam » de auro purissimo, in qua sculpes opere celatorum sanctum Domino: ligabisque eam vittâ hyacinthinâ, et erit super tiaram imminens fronti » pontificis (*Exod.* xxviii, xxix et xxxix; *Levit.* viii). » Quale autem fuerit capitis ornamentum summi sacerdotis, Josephus exacte describit (*Joseph. Antig.* l. iii, c. 8), monstratque non tantum laminam auream, sed et coronam auream triplici ordine ducta mitram ornatam fuisse: sunt ejus verba: « Porro pileo (ita vocat cydarium, seu mitram communem pariter cæteris sacerdotibus) utebatur, quali cæteri sacerdotes, super quem exstabat alius consutis ex hyacintho variatus: hunc aurea corona triplici ordine circumdabat, in qua spectabantur calculi aurei, quales videmus in herba, quæ apud nos vocatur dacharus: apud Græcos herbarios hyo-

scyamus. » Sed et divina Scriptura pulchre quidem hoc ipsum innuisse videtur sub illis verbis: « Corona aurea super mitram ejus, expressa signo sanctitatis (*Eccli. xlv.*). » Nam cum sacerdotibus aliis uti cydari, seu mitra concessum esset: lamina tamen aurea, ut dicebam, ornari caput, summi tantum pontificis erat peculiare: quod mitræ ornamentum cum tribus aureis coronis intexeretur, corona etiam in sacris Litteris jure merito appellatur (4). Cæterum cum omnia fere Veteris Legis Pontificum ornamenta una cum summo sacerdotio, in Ecclesiæ Romanam jure optimo translata fuerint, illud etiam seitu dignum videtur, quod Bonifacius ejusdem Ecclesiæ pont. max. (præter salutarem Jubilæi, sacramque institutionem centesimo quoque anno

celebrandum) hujusmodi etiam tiaram, quam regnum vulgo appellant, tribus distinctam ornatamque coronis (5) (cum eadem antea tiaram una tantum corona insignitam ejus antecessores deferrent) ad pontificum Romanorum usum primus revocavit. Hic est ille Octavus Bonifacius ex nobili ac vetusta Cajetanorum familia, patre Livifredo equite, matre Alexandri IV nepte, progenitus: qui (ut inter alios Antoninus archiepiscopus Florentinus sanctitate ac doctrina conspicuus testatur) æmulator magnus, et jurium Ecclesiæ conservator, propter sedis apostolicæ patrociniū, adversus ditionis ac bonorum illius detentores animo fortissimo susceptum, et ad finem constanter perductum innumeris malevolorum calumniis se obnoxium reddidit.

(4) S. Petrum tres etiam claves manu tenentem fuisse designatum vetustissima Urbis monumenta me docuerunt.

(5) De tribus Romanorum pontificum coronis M. Antonius Mazatonius libellum conscripsit.

75-76

OPUSCULUM QUINTUM.

ACTUS MEDIOLANI, DE PRIVILEGIO ROMANÆ ECCLESİÆ, AD HILDEBRANDUM
S. R. E. CARDINALEM ARCHIDIACONUM.

ARGUMENTUM. — Hoc opusculum de privilegio Romanæ Ecclesiæ inscribitur: est autem brevis narratio eorum, quæ ipsi sanctissimi doctores in legatione Mediolanensi contigerunt; cum scilicet contra ejusdem Ecclesiæ clericos Nicolaitas pariter et Simoniacos, legatus a sede apostolica missus, non minus castitatis, quam Romanæ Ecclesiæ jura tuenda, suscepisset.

Domino HILDEBRANDO venerabili archidiacono, B
PETRUS peccator monachus, sincerissimæ devotionis affectum.

Privilegium Romanæ Ecclesiæ quantas habeat vires ad servandam canonicæ æquitatis et justitiæ regulam, quantumque vigorem ad disponendam ecclesiastici status contineat disciplinam, solus ille dilucide comprehendit, qui ecclesiasticis consuevit insudare negotiis. Quod utique privilegium, qui inexpertus est, parvipendit, exercitatus amplectitur. Quia sicut arma non curat, quæ certamen ignorat; sic e diverso telis inhianter acquiritur, qui ad reportandos ex more victoriarum titulos animatur. Armis autem privilegium Romanæ Ecclesiæ non incongrue comparaverim, quia dum hæc una per cathedram beati Petri totius Christianæ religionis caput effecta, cunctis in orbe terrarum principetur Ecclesiis, velut dux ante aciem fidelium cuneis fulta, ac specialis prærogativæ auctoritate munita, et Evangelico mucrone veritati resistentium cervicibus obruncat, et ad invictissime dimicandum totam Christi militiam in unius charitatis ac fidei unanimitate conspirat. Hoc tu subtiliter, ut et alia multa perpendens, frequenter a me charitate, quæ superat omnia, postulasti; ut Romanorum pontificum decreta, vel gesta percurrerens, quidquid apostolicæ sedis auctoritati specialiter competere videretur, hinc inde curiosus exciperem, atque in parvi voluminis unionem novæ compilationis arte conflarem. Hanc itaque tuæ petitionis instantiam cum ego negligens floccipenderem, magisque superstitioni quam necessitati obnoxiam D

judicarem; divinitus, ut reor, actum est, ut Mediolanensem urbem, beatissimi Nicolai papæ legatione functus, adirem.

Erat enim inter clerum et populum, propter duas hæreses, Simoniacam videlicet, et Nicolaitarum, satis turbulenta seditio. Nicolaitæ autem dicuntur clerici, qui contra castitatis ecclesiasticæ regulam feminis admiscunt. Qui plane tunc fornicatores fiunt, cum fœdi commercii copulas ineunt; tunc Nicolaitæ jure vocantur cum hanc lethiferam pestem velut ex auctoritate defendunt. Vitium quippe in hæresim vertitur, cum perversi dogmatis assertionem firmatur. Quid plura? nobis digna sedis apostolicæ veneratione receptis, ac negotiis, quæ nos altraxerant, intimatis, post diem alterum factione clericorum repente in populo murmur exoritur, non debere Ambrosianam Ecclesiam Romanis legibus subjacere, nullumque judicandi, vel disponendi jus Romano pontifici in illa sede competere. Nimis indignum, inquit, ut quæ sub progenitoribus nostris semper exstitit libera, ad nostræ confusionis opprobrium nunc alteri, quod absit, Ecclesiæ sit subjecta. Postremo tumultuantium clamor attollitur, ex diversis partibus ad episcopale palatium convenitur: dein tintinnabula perstrepunt, prægrandis aræ tubæ, quæ illic est, tota civitas clangoribus intonatur. Intentabant mihi, ut ita loquar, omnia mortem, et ut ab amicis meis mihi sæpe suggestum est, nonnulli meum sanguinem sitiebant. Angebat autem hujus ignis incendium hoc permaxime, quia congregatis quasi ad synodum totius Ambrosianæ parochiæ cle-

ricis, ego in medio residens, sive potius præsidents, A
reverendissimum Mediolanensem archiepiscopum ad
sinistram; prudentia quoque, ac sanctitate conspicuum
Anselmum Lucensem episcopum posuisse mihi
accusabar ad dexteram. Hinc porro quanta afrementi
77 populo dici potuerint, non necesse est apicibus
tradi, quod nimirum per se valet intelligi. Et re-
vera ipse dominus archiepiscopus mox ut nostræ
est præsessionis admonitus, impiger obtulit, ultro
etiam, ut si ego præciperem, in scabello, quod no-
stris suberat pedibus, sine controversia resideret.
Dicant id non simplici factum intentione, qui volunt;
nos autem non hoc irritationi populi zelantis, ut fer-
tur, adscribimus, sed apostolicæ sedis reverentiæ
deputamus. Ut autem ad compendium veniam,
ascendi pulpitu, ac, sedato vix populo, hujus modi B
sum verbis exorsus.

SERMO.

Noverit charitas vestra, dilectissimi, non me pro
Romanæ Ecclesiæ huc honore venisse, sed vestram
gloriam quærere, vobis salutem et gratiam, quæ in
Christo est, cum ejus auxilio, si permittitis, provi-
dere. Quo enim pacto honore indiget parvuli homi-
nis, quæ laudes atque præconia ex ipsis ore sor-
tita est Salvatoris? Quæ autem provincia per omnia
regna terrarum ab ejus ditione extranea reperitur,
cujus arbitrio ipsum quoque cælum et ligatur et
solvitur? Omnes autem sive patriarchi cujuslibet
apicem, sive metropoleon primatus, aut episcopa-
tuum cathedras, vel Ecclesiarum cujuscumque or-
dinis dignitatem, sive rex, sive imperator, sive cu-
juslibet conditionis homo purus instituit, et prout
voluntas, aut facultas erat, specialium sibi præroga-
tivarum jura præfixit: Romanam autem Ecclesiam
solus ipse fundavit, super petram fidei mox nascentis
erexit (Matth. XVI), qui beato vitæ æternæ Cla-
vigerō terreni simul et cœlestis imperii jura com-
misit. Non ergo quælibet terrena sententia, sed
illud verbum, quo constructum est cælum, et terra:
per quod denique omnia condita sunt elementa, Ro-
manam fundavit Ecclesiam. Illius certe privilegio
fungitur, illius auctoritate fulcitur. Unde non du-
bium, quia quisquis cuilibet Ecclesiæ jus suum de-
trahit, injustitiam facit: qui autem Romanæ Eccle-
siæ privilegium ab ipso summo omnium Ecclesiarum
capite traditum auferre conatur, hic procul
dubio in hæresim labitur: et cum ille notetur in-
justus; hic est dicendus hæreticus. Fidem quippe
violat, qui adversus illam agit, quæ mater est fidei;
et illi contumax invenitur, qui eam cunctis Ecclesiis
prætulisse cognoscitur.

Ut autem, omissis aliis, ad id, quod nunc agitur,
veniamus, non debet ignorare sancta vestra devotio,
quia beati apostolorum principes Petrus et Paulus,
sicut per suum sanguinem Romanam Ecclesiam
consecrarunt; ita mox inter ipsa nascentis fidei
rudimenta hanc Mediolanensem Ecclesiam per suos
discipulos lucrati sunt Christo: Nazarius quippe
martyr insignis, sicut Scripturæ testantur, Petri au-

ctoritate, baptisma a Lino ejus successore suscepti:
qui postmodum cum B. Celso in hac sancta urbe
martyrio coronatus est. Sancti vero martyres Pro-
tasius atque Gervasius beatum Paulum apostolum
magistrum ac præceptorem habuisse noscuntur;
sicut B. Ambrosius et ipse testatur: 78 Isti sunt,
inquit, qui monita mea secuti respuentes prædia et
divitias, secuti sunt Domini nostri vestigia. Sicut ergo
Salvator noster binos ante faciem suam discipulos
misit (Luc. x); ita quodammodo uterque sanctus
apostolus ex magisterio suo in hanc urbem prædica-
tores sanctæ fidei geminos destinavit.

Cum ergo vestræ salutis auctores ex Romanæ
Ecclesiæ prodierint disciplina, consequens est, juxta
æquitatis ordinem, ut Ecclesia Romana mater, Am-
brosiana sit filia. Ut autem hic ordo inter utramque,
Ambrosianam videlicet et apostolicam sedem non
noviter oriri, sed antiquitus tenuisse non dubitetur,
B. Ambrosius cum hanc Nicolaitarum sordem ad
multorum fœtere perniciem in hac urbe doleret,
eamque per se solus coercere non posset, sedis Apo-
stolicæ mox quæsivit auxilium; cui videlicet is, qui
tunc præerat, papa Siricius tres personas, presbyte-
rum, diaconum, et subdiaconum, ad correctionem
ulciscendi hujus sceleris destinavit. Cum his itaque
beatissimus pontifex, quos corrigere non potuit,
velut scatentem vermibus sentinam ex urbis hujus
sagena projecit. Unde et ipse S. Ambrosius in om-
nibus sequi se magistrum sanctam Romanam pro-
fitetur Ecclesiam. Scrutamini itaque Scripturas ve-
stras, et per quod vultis diligenter inquire; et si
non potestis apud vosmetipsos invenire quod loqui-
mur, mendacii arguite: si autem potestis, nolite
veritati resistere, nolite matrem vestram crudeliter
impugnare, sed ex cujus uberibus lac suxistis apo-
stolicæ fidei, ejus semper gaudete solidis doctrinæ
cœlestis dapibus recreari.

Quantum profuerit ratio reddita.

* His itaque rationibus de prærogativa et princi-
pato sedis apostolicæ redditis, populus omnino bene-
volus redditur, et exsecuturum se, quidquid injun-
gerem, unanimiter pollicetur. Tunc nimirum liquido
persensit, in ecclesiasticis causis quantum Romanæ
Ecclesiæ nosse privilegium valeat; quamque hoc
sancta tua prudentia non otiose deponat. Quod uti-
que, Deo annuente, implere studebimus, si tamen
hujus rei gestæ prius ordinem digeramur. Quid mul-
tis moror? Adest clericorum per plurimum ille con-
ventus, communiter, et singillatim quisque perqui-
ritur, vix et tanto numero quispiam promotus ad or-
dinem sine pretio reperitur. Erat enim genuinus,
imo inordinatus ordo, et inevasibilis regula illius
Ecclesiæ, ut quicumque ad quemlibet ordinem, vel
etiam ad episcopatum consecrandus accederet, præ-
fixum prius absque ulla controversia canonem da-
ret. Hic plane quot curis afflictus, quot sim cogita-
tionum stimulis tædiatus, quot denique suspiria ex
imis visceribus traxerim, facunda etiam lingua non
explicat. Tam latæ siquidem diœcesis, tam nobilis

urbis omnes Ecclesias sacris mysteriis profanare, quodammodo Christianæ religionis videbatur versio. Sed et litigiosum erat indulgere paucis, cum fere omnium esset culpa communis, nec legitimum videbatur, diversa in eos prodire sententia, cum esset una omnibus causa. Hoc etiam nostras augmentabat **79** angustias, quia nisi qualemcunque decisionis calculum causa ista susciperet, nisi cum magna hominum strage, furentis populi se jurgia non darent.

De reconciliandis hæreticis.

Tunc inter multas disceptationes processit in medium illa Innocentii papæ sententia, ab antiquioribus inventa, quod a multis peccatur, inultum est. Illa quoque discretio ad memoriam rediit, quam sancti pontifices, et authentici canonum conditores de Donatistis, et Novatianis, ac reliquis, qui apud diversas hæreses ordinati sunt, invenerunt. Id etiam nos non præterit, quod nostræ memorie nonus Leo papa plerosque Simoniacos, et inale promotos tanquam noviter ordinavit. Hæc et alia plurima meditantibus, et invicem conferentibus, illud etiam devenit in manus, quod issignis papa Leo I Januario scripsit episcopo : « Lectis, ait, fraternitatis tuæ litteris, vigorem fidei tuæ, quem olim noveramus, congratulantes tibi, quod ad custodiam gregis Christi pastorem curam vigilanter exsequeris, ne lupi, qui sub specie ovium subintraverunt (*Matth. vii*), bestiali sævitia simplices quosque dilacerent, et non solum ipsi nulla correctione proficiant, sed etiam, quæ sunt sacra corrumpant. Quod ne viperea possit obtinere fallacia, dilectionem tuam duximus commonendam, insinuantes ad animæ periculum pertinere, si quisquam de his, qui a nobis in hæreticorum atque schismaticorum sectam delapsus, et se utcumque hæreticæ communionis contagione macularit respiscens, in communionem catholicam sine professione legitimæ satisfactionis habeatur. Saluberrimum enim, et spiritualis medicinæ utilitate plenissimum est, ut sive presbyteri, sive diaconi, aut cujuslibet ordinis clerici, qui se correctos videri volunt, atque ad catholicam fidem, quam jam pridem amiserant, rursum reverti ambiunt, prius errores suos et ipsos auctores errorum damnatos sine ambiguitate fateantur. Ut sensibus pravis etiam peremptis nulla sperandi supersit occasio, ne ullum membrum talium possit societate violari, cum per omnia illis professio propria cõperit obviare. Circa quoque etiam illam canonum constitutionem præcipimus custodiri, ut in magno habeant beneficio, si adempta sibi omni promotionis spe, in quo inveniuntur, stabilitate perpetua maneant, tamen inventa tuncione non fuerint maculati. Non ob hoc levem apud Dominum noxam incurrit, qui de talibus ad sacros promovendis ordinibus judicavit. Quod si cum grandi examinatione promotio conceditur inculpatis, multo magis non debet licere suspectis. » Idem quoque Leo in hæreticorum receptione Anatolio Constantinopolitano episcopo sic mandavit : « Qui plenis satisfactionibus

A male gesta condemnant, et accusare magis se eligunt, quam tueri, pacis et communionis nostræ unitate lætentur, ita ut digno prius anathemate, quæ contra fidem catholicam sunt recepta, damnentur. Aliter enim in Ecclesia Dei, quæ corpus est Christi, nec rata sunt sacerdotia, nec vera sunt sacrificia, nisi in nostræ proprietate naturæ verus nos pontifex **80** reconciliet, verus immaculati Agni sanguis emundet. Nec aspere igitur communionis nostræ gratia deneganda est, nec temere est largienda. » Idem vero Aquileiensi episcopo scribens, ait : « Damnent apertis promissionibus sui superbi erroris auctores, et quod in doctrina eorum universalis Ecclesia exhorruit, detestentur. Omnia decreta synodalia, quæ ad excisionem Simoniacæ hæreseos apostolicæ sedis confirmavit auctoritas, amplecti se, et in omnibus approbare plenius, et apertis, ac propria manu scriptis protestationibus eloquantur. Illud etiam nos non aufugit, ubi Fulbertus Carnotensis episcopus primati suo super presbytero per pecuniam ordinato, ex auctoritate Toletani concilii tale reperitur dedisse consilium (aliis quippe præmissis hoc intulit). Propterea, inquit, depositum non reordinabis, sed redditis ei suos gradus per instrumenta, et per vestimenta, quæ ad ipsos gradus pertinent, ita dicendo : Reddo tibi gradum ostiarii, et te in illum gradum restituo, et cætera : In nomine Dei Patris, et Filii, et Spiritus sancti. Novissime autem benedictione lætificabitis eum, sic concludendo : Benedictio Dei Patris, et Filii, et Spiritus sancti super te descendat, ut sis restitutus in ordine sacerdotali, et offeras placabiles hostias laudis pro peccatis, atque offensibus populi omnipotenti Deo, cui est honor et gloria in sæcula sæculorum. » Hoc etiam nostram memoriam non pertransiit, quod beatus papa Gregorius neophytis Angelis dispensative ad tempus conjugia canonibus interdicta, permisit. Apostolica etiam illa discretio nobis ad memoriam est reducta, quæ Gentilibus nuper conversis ad fidem, nihil aliud oneris imposuerunt, nisi ut ab immolatis simulacrorum, et sanguine, et suffocato, et fornicatione, se tantummodo custodirent. In arcto itaque positi, quia non poteramus mala illius Ecclesiæ mera canonum auctoritate corrigere, studuimus saltem perversis ejus usibus finem imponere, ac gratiæ promotionis ordinem futuris temporibus providere. Exegimus igitur extunc et deinceps gratiæ promotionis inviolabilem sponsonem, prius per monumenta litterarum, deinde per manum, postremo per Evangelicum sacramentum. Et quidem sponso stylo digesta, ut apud nos habetur, hic simpliciter transcribatur.

Sponso archiepiscopi Mediolanensis.

Wido divina gratia Medolanensis Ecclesiæ archiepiscopus, omnibus Christi fidelibus ejusdem Ecclesiæ clero, et populo æternam salutem in Domino.

Non ignorat sancta devotio vestra, dilectissimi fratres, et filii, quam reproba, quam detestabilis,

Deo odibilis, ignominiosa, atque perversa, omnium-A studiis, in quantum nobis possibilitas fuerit, sub eodem quo supra testimonio arcendos esse promittimus. Quod, ut verius credatur, nos cum nostris clericis propria manu subscribendo firmamus, sigilli quoque nostri formam imprimi iubemus. Insuper hoc addentes ac sub ejusdem sponsoniis vinculo inviolabiliter promittentes, ut neque de abbatibus ordinandis, neque de capellitis, vel quibuslibet ecclesiis investendis, vel ordinandis, sive tradendis, neque 82 de episcopis promovendis, neque de sacrosancto chrismate, neque de consecratione ecclesiarum vel nos, vel nostri familiares aliquid omnino tollamus. Spiritus sanctus, qui sanctorum chrismatum auctor est, nos nostrosque successores ab omni vinculo præfatæ maledictionis eripiat: ita tamen ut hanc saluberrimam constitutionem perseveranter implere concedat, qui cum Patre et Filio vivit in sæcula sæculorum. Amen.

Deo odibilis, ignominiosa, atque perversa, omnium-A studiis, in quantum nobis possibilitas fuerit, sub eodem quo supra testimonio arcendos esse promittimus. Quod, ut verius credatur, nos cum nostris clericis propria manu subscribendo firmamus, sigilli quoque nostri formam imprimi iubemus. Insuper hoc addentes ac sub ejusdem sponsoniis vinculo inviolabiliter promittentes, ut neque de abbatibus ordinandis, neque de capellitis, vel quibuslibet ecclesiis investendis, vel ordinandis, sive tradendis, neque 82 de episcopis promovendis, neque de sacrosancto chrismate, neque de consecratione ecclesiarum vel nos, vel nostri familiares aliquid omnino tollamus. Spiritus sanctus, qui sanctorum chrismatum auctor est, nos nostrosque successores ab omni vinculo præfatæ maledictionis eripiat: ita tamen ut hanc saluberrimam constitutionem perseveranter implere concedat, qui cum Patre et Filio vivit in sæcula sæculorum. Amen.

Quapropter, dilectissimi fratres, in conspectu Dei C omnipotentis, et Filii ejus Christi Jesu, qui iudicaturus est vivos et mortuos, et Spiritus sancti, qui hanc pestem specialiter damnat ac destruit, sub testimonio omnium angelorum cunctorumque sanctorum Dei, præsentem jam dicto domino Petro episcopo, et etiam venerando domino Anselmo Lucensi episcopo, et omnibus vobis, damno, detestor ac reprobam judico hanc perversam, quæ hactenus viguit in hac ecclesia, negotiandi consuetudinem, omnemque Simoniacam hæresim. Insuper obligo non solum me, sed et omnes clericos meos, qui nunc sunt, omnesque successores nostros, et inviolabili nodo firmissimæ promissionis astringo, ut nec ego, nec quisquam successor meus, nec inquisitor; nec Rodolarius, nec aliquis hujusmodi de promovendis ad ecclesiasticos ordines aliquid tollat. Quod si suadente D diabolo, sive aliquis nostrum, qui nunc sumus, sive successorum nostrorum, qui post nos futuri sunt, hujus saluberrimæ promissionis violator exstiterit, et aliquid in conferendis ordinibus tollere pestifera negotiatione præsumperit: dator simul et acceptor cum ipso hæresis hujus auctore Simone perpetuo anathematis vinculo cōstringatur, et a Dei omnipotentis, omniumque sanctorum consortio separatus, cum Juda et Caïpha, cum Dathan et Abiron sub æternæ damnationis atrocitate damnetur. Nicolaitarum quoque hæresim, nihilominus condemnamus, et non modo presbyteros, sed et diaconos, et subdiaconos ab uxorum et concubinarum fædo consortio, nostris

Ego Dei gratia Wido, Mediolanensis Ecclesiæ archiepiscopus, hanc sponsonem a me factam firmavi, roboravi, atque subscripsi. Odaldericus vicedominus, et presbyter subscripsi. Griberius presbyter subscripsi. Arderatus presbyter subscripsi. Atto presbyter subscripsi. Aripandus indigne diaconus subscripsi. Ardericus diaconus subscripsi. Ambrosius diaconus subscripsi. Acto diaconus subscripsi. Adam subdiaconus subscripsi. Lyprandus subdiaconus subscripsi. Landolphus subdiaconus subscripsi. Acto subdiaconus subscripsi, et alii subscripere.

Jusjurandum archiepiscopi.

Postmodum accedens idem archiepiscopus ante sanctum altare, præsentem domino Lucense, juravit in manum meam, dicens: Si hæc, inquit, de Simoniacæ et Nicolaitarum hæresi delenda, et funditus destruenda fideliter non observavero, ab omnipotenti Deo et omnibus sanctis sim excommunicatus, et anathematizatus, et ab omni Christianorum consortio inveniar alienus. Similiter et vicedominus, et cancellarius ejus, et omnes alii qui aderant clerici manus suas in manum meam dederunt, et hæc eadem excommunicationis et anathematis verba dixerunt. Deinde accessit Arnulphus nepos archiepiscopi, honestus videlicet et prudens clericus, cujus unam manum archiepiscopus tenuit, alteram ipse super sanctum Evangelium posuit, et juravit, dicens: Dominus meus Wido archiepiscopus, qui hic est, ab hodie in antea, et quod promisit de castitate clericorum, fideliter observabit: et insuper nunquam consecrabit alicujus ordinis clericum suæ diocesis præter monachos, quem autem promotionem non faciet jurare, quod in hoc breviculo scriptum est. Sic me Deus adjuvet, et ista sancta Evangelia.

Indiculus sacramenti eorum qui promoventur.

Pro suscipiendis ecclesiasticis gradibus, sive per me, sive per submissam personam, seu per quodlibet ingenium, neque dedi, neque promisi, neque per promissiones daturus sum aliquid. Sic me Deus adjuvet, et ista sancta Evangelia.

Pœnitentia archiepiscopi.

Hoc facto dominus archiepiscopus illico in pavimento cum omni humilitate prosternitur, et injungi sibi pœnitentiam pro venalitatibus hujus nefando commercio deprecatur : cujus videlicet sceleris licet in illa Ecclesia non ipse primus extiterit auctor ; non tamen ut debuit, fuerat extirpator. Centum itaque annorum sibi pœnitentiam indicit, **83** redemptionemque ejus taxatam per unumquemque annum pecuniæ quantitate præfixit.

Jusjurandum archiepiscopi et populi non diversum.

Mox majorem ecclesiam simul ingressi, pulpitem ascendimus. Tunc coram copioso populo civitatis, et clero, clericum suum, tactis sacrosanctis Evangeliiis, jurare feci, quod ipse archiepiscopus donec adviret, in quantum posset (excepta sutorum bonorum datione, si nollet) istas duas, Nicolaitarum videlicet ac Simoniacorum hæreses, omni studio totisque viribus sincere ac fideliter extirpare contenderet : ita ut neque presbytero, neque diacono, neque subdiacono, feminam cum gradu simul habere permetteret : a conferendis etiam ecclesiasticis sacramentis venalitatibus omne commercium funditus prohiberet. Id ipsum jusjurandum contra Simoniacos et Nicolaitas permixta pars populi non modo civilis, sed et suburbani jam dederat, quorum videlicet multitudo millenarium, ut fertur, numerum excedebat. His ita gestis, consideratisque sanctorum Patrum sententiis, quos superius memoravimus, aliorumque, quos studio brevitas omisimus, visum est nobis, ut omnes illi clerici, accepta pœnitentia, inter missarum sollempnia reconciliarentur, ornamenta de manu episcopi recipientes, sicut Fulbertum episcopum, supra narravimus, dedisse consilium ; hoc tamen prius, quod infra scriptum est, ante sanctum altare legentes.

Jusjurandum clericorum.

Ego Arialdis dictus diaconus de capella Mediolanensis archiepiscopi hac scriptura, quam manu mea scripsi, profiteor me eam fidem tenere, quam sacrosancta septem concilia evangelica, et apostolica auctoritate firmarunt, et quam beatissimi pontifices Romani ad diversos data prædicatione lucidissimæ veritatis exposuerunt. Anathematizo quoque generaliter omnes hæreses, extollentes se adversus sanctam catholicam et apostolicam Ecclesiam, et specialiter vero atque nominatim Simoniacam hæresim, quæ in ipsam Ecclesiam conatur introducere sacrorum ordinum, sive officiorum maledictam venalitatem : deinde Nicolaitarum æque abominabilem hæresim, quæ impudenter latrat sacri altaris ministros debere, vel posse licenter uti conjugibus, quomodo et laicos : unde quia his diebus hæ duæ hæreses, scilicet Simoniacorum et Nicolaitarum, gravior Ecclesiam Dei vexant et impugnant ; Simoniacos omnes, et Nicolaitas cum dogmatibus, auctoribus sectatoribusque suis æterno anathemate dignos esse pronuntio, jurans per sanctam omousion Trinitatem.

Pœnitentia clericorum.

Pœnitentia autem clericorum talis est. Ii nimirum,

A qui solum constitutæ a diabolo **84** regulæ canonem dederunt, ita ut nonnulli eorum vix peccatum hoc esse cognoscerent, quinque annorum pœnitentiam acceperunt. Hoc modo ut omni tempore, æstate, simul et hieme, duos dies, duabus autem anni Quadragesimis, Natalem videlicet, et sanctum Pascha præcedentibus, tres dies per hebdomadam jejunarent in pane et aqua. Eorum autem, qui plus dederunt, septem annorum est pœnitentia, sub eadem scilicet jejunii quantitate distincta ; postque septennium quandiu vixerint, sextam feriam jejunabunt. Qui autem jejunare facile non potest, unum ex his diebus per omnem hebdomadam redimere licentiam habet, ita ut unum psalterium meditetur, aut medium cum quiquaginta metanois, aut unum pauperem pascat, et lotis pedibus nummum porrigat. Hoc insuper domino archiepiscopo promittente quod omnes orationis causa procul ipse dirigeret, sive videlicet Romam, sive Turonum ; ipse autem archiepiscopus profectorum se ad B. Jacobi venerabilem tumulum, qui est in Hispania, disponebat.

His itaque tali modo reconciliatis, decretum est, ut non mox passim omnibus redderetur officium, sed his duntaxat, qui et litteris eruditi, et casti, et morum gravitate viderentur honesti ; cæteris autem sufficeret, quod sanctæ Ecclesiæ per divinam gratiam essent rursus inserti, a qua eatenus fuerant divinæ sententiæ falce præcisi. Illi etiam ipsi, quibus ministrandi licentia redditur, non ex male mercata veteri ordinatione ad amissum reparantur officium : sed ex illa potius beati apostolorum principis efficacissima auctoritate, qua in beatum Apollinarem repente usus est, dicens : Surge, inquit, accipe Spiritum sanctum, simulque pontificatum.

Ecce omnem discretionis illius ordinem apud Mediolanensem urbem habitum, breviter exposuimus : adhuc tamen utrum sedis apostolicæ judicio placeat, ignoravimus. Nos enim, si quid erravimus, ad Petri magisterium corrigendi libenter accedimus, et retractionis opprobrium non veremur. Hæc est enim illa, ut ita loquar, officina fabrilis cui nimirum is, qui fabri dicebatur filius præsidet, ad cujus regulam omnis merito moneta reducit : ad cujus rectitudinem lineam quidquid uspiam depravatum fuerit, reformatur. Utrum autem ego in reconciliatione illorum erraverim, nescio. Unum autem per omnipotentis Dei clementiam spero, quia post tot jurationum genera, quibus archiepiscopus hæc promissa firmavit, post sacramenta tam multiplicis populi per Evangelium data, post juramenta certe omnium clericorum ante sanctum altare litteris, et proprio ore prolata, utræque istæ hæreses sic in illa Ecclesia sunt per argumenta providæ coercionis attritæ, ut auctore Deo nostris temporibus non sint ad rediviva certamina reparandæ. Apostolica tamen sedes hæc apud se retractanda discutiat : et utrum puncto an lima digna sint, ex auctoritatis suæ censura decernat.

Sit nomen Domini benedictum.

85-86

OPUSCULUM SEXTUM.

LIBER QUI APPELLATUR *GRATISSIMUS*. AD HENRICUM ARCHIEPISCOPUM
RAVENNATEM.

ARGUMENTUM. — In hoc tractatu prolixè ostendit non esse eos, qui a Simoniacis episcopis consecrati sunt, iterum consecrandos: quod multis rationibus et sanctorum Patrum auctoritatibus confirmat. Controversia autem tunc temporis super hac quæstione vertebatur in concilio episcoporum; propterea scribit hoc loco ad archiepiscopum Ravennatem, ut simul cum aliis hoc Romano pontifici persuadeat, ne insontes simul cum noxiis poena afficerentur, depositis scilicet ab ecclesiasticis ordinibus, quos sine ulla negotiatione acceperant.

VERSUS DE SIMONIACIS.

Incudem Simonis fabrilis, et antra monetæ
Damat pestiferas Deus evertendo cathedras:
Nam postea latro per diverticula repit,
Pervia gratuito pastor petit ostia gressu.
Ast ubi mangonum scelerata negotia desunt,
Nec gravem corbonam turget venale talentum.
Non distractor obest, quia non commercia sordent.
Nam quid nummati nequeunt ubi lædere nummi?
Imo quid arboreis manu obsit squalida plantis?
Sæpe salutiferam medicus dedit æger origam,
Mancipites pugilem, cæci genere videntem,
Clenica procerum peperit male fœda venustum,
Nec soboles noxis est addicenda paternis;
Quisque sua premitur, socii nec labe tenetur.

Domino HENRICO venerabili Ravennaticæ sedis B
antistiti, PETRUS vivificæ crucis Christi humillimus
servus, salutem in idipsum.

Qui sacerdotium, auctore Deo, noviter suscepisti,
nullum tibi imprimis offerendum munus, quam quod
de sacerdotibus factum est, congruentius credidi.
De iis itaque, qui gratis sunt a Simoniacis conse-
crati, quanta jam per triennium in tribus Romanis
conciliis fuerit disceptatio, quamque perplexa atque
confusa dubietas: et in iis partibus quotidie venti-
letur, sanctitatem vestram latuisse non arbitror;
præsertim, cum crescente fluctuationis ambiguo;
eatenus sit processum, ut nonnullos constet episco-
pos ab illis ordinatos clericos denuo consecrasse.
Unde mihi plerique fratres quadam præsumptivæ
charitatis instantia familiariter exigunt, et violenta,
ut ita fatear, supplicatione compellunt, ut in tantæ
necessitatis articulo subvenire, vel compendiosum
quid scribendo non pigeat, atque quid mihi super
hac sententia videatur, exponam. Quod quidem
diutius detrectavi, sperans me videlicet a beatissimo
prius apostolicæ sedis antistite licentiam acceptu-
rum: hac siquidem transiturus in proximo fereba-
tur. Sic namque integrum decernebam ecclesiasti-
cam quamlibet tractare materiam, si ab ipso Eccle-
siæ principe tractandi mihi auctoritas aspiraret. Sed
cum mihi recurreret in memoriam, quia jam vene-
rabilis papa in postrema synodo omnes episcopos ex

A divina obtestatione rogaverit, quatenus Dei miseri-
cordiam in commune decernerent; ut quid super
hoc scrupuloso negotio decernendum esset, nutanti-
bus revelaret; ejus me arbitratu obsecundare
prorsus imperio, si vel orando, vel scribendo tam
difficilem nodum de Ecclesia solvere, superna illu-
cescente gratia, potuissem. Quapropter in illum fi-
deliter sperans qui aperit librum, et solvit signa-
cula ejus (*Apoc.* v), solvendæ hujus quæstionis iter
aggrediar; et quia copia dicendi non suppetit, de-
legatæ mihi obedientiæ studio, qui loqui nescio,
nutibus saltem gestire tentabo.

87 CAPUT PRIMUM.

*Quod Christus, etsi per plures sua dona discernat, in
ipso tamen omnis gratiæ plenitudo permaneat.*

Constat plane mediatorem Dei, et hominum Chri-
stum Jesum Ecclesiam suam sic ordinasse ab ipso
redemptionis humanæ primordio; ut et per mini-
stros verbi sui charismatum dona distingueret, et
tamen in seipso omnium gratiarum plenitudinem
principaliter retineret. Nam is qui dicit apostolus:
«Habemus thesaurum istum in vasis fictilibus (*II Cor.*
iv);» idem etiam confitetur: «Quia in pectore
Jesu sunt omnes thesauri sapientiæ absconditi (*Co-*
loss. ii).» Si autem in pectore Jesu omnes thesauri
sunt, et nihil excipitur; quid ergo relinquatur, quod
in vasis hominum fictilibus recondatur? Sed quod
ille totum naturaliter possidet, hoc illi per gratiam
participatione illius juxta mensuras habent. De
illis enim dicitur: «Quia operatur unus atque idem
Spiritus, dividens singulis prout vult (*I Cor.* xii);»
at de unigenito Filio dicit Joannes Baptista: «Non,
inquit, ad mensuram dat Deus Spiritum.» Et ite-
rum: «De plenitudine ejus omnes accepimus
(*Joan.* i).»

Quia ergo ab illo uno fonte omnes justi hauriunt
unde vivant; ad illum necesse est, semper gratias
agendo, recurrant; nec supernæ gratiæ dona ab alio
se posse percipere credant, nisi ipso largiente, a quo
hæc certum est emanare. Qui enim divini luminis
non Deo, sed homini se debitores existimant, tan-
quam a sui fontis irrigatione siccati, necesse est, ut

deficientes arescant; nec in semetipsis valent fluere, A dum ab originali plenitudine fontis obliviscuntur ubertatem suæ vegetationis haurire. Unde non incongrue per Salomonem dicitur: « Omnia, inquit, flumina intrans in mare, et mare non redundat: ad locum unde exeunt, flumina revertuntur, ut iterum fluant (*Eccle. 1.*) » Hunc excursus, atque recursus spiritualium fluminum mystice Lucas evangelista describit, cum ait: « Quia, convocatis Jesus duodecim apostolis, dedit illis virtutem et potestatem super omnia dæmonia, et ut languores curarent, et misit illos prædicare regnum Dei (*Luc. ix.*) » Ecce egressus fluminum; ac postmodum subdit: « Et reversi apostoli narraverunt illi quæcunque fecerunt (*Ibid.*) » Ecce reditum fluminum: « Ad locum ergo, unde exeunt, flumina revertuntur; » quia electi quicquæ illi se debitores esse non ambigunt, a quo videlicet hauserant omne quod spiritualiter fluunt. Unde et Paulus ait: « Divisiones vero gratiarum sunt, idem autem Spiritus; et divisiones ministrationum sunt, idem autem Dominus; et divisiones operationum sunt, idem vero Deus, qui operatur omnia in omnibus. » Nempe cum primum ponat Spiritum, deinde subjungat Dominum, postremo Deum, ostendit sanctam Trinitatem; unum scilicet Deum, omnium gratiarum esse indubitanter auctorem. Ipse enim sua dona distribuit, qui singulorum merita, et operum diversitates occulta provisione discernit.

88 CAPUT II.

Quod sacerdos exterius ministrat, sed Deus invisibiliter consecrat.

Quapropter plena fide credendum est, quod sic ministris suis Christus ecclesiasticæ consecrationis delegat officium, ut tamen apud se omnium ordinum contineat principaliter sacramentum; siquæ servis promovendi conservos ministerium prærogat, ut in neminem ipsum consecrandi jus, virtutemque transfundat. Licet enim pontifices per injunctæ administrationis officium consecrare videantur; sed ille veraciter consecrat, qui Spiritum sanctum invisibiliter dat. Alius namque est, qui orat; alius, qui exaudit. Alter ille, qui petit; alter, qui petitionibus annuit. Quis est enim, qui se Petro et Joanni audeat comparare? Et tamen de ipsis dicitur: « Quia missi Samaritanam, imponentes manus iis, qui baptizati fuerant, oraverunt pro ipsis, et illi acceperunt Spiritum sanctum (*Act. viii.*) » Non ergo eorum largitate, sed ministerio, ac proinde non illis donantibus, sed orantibus, Spiritus sanctus super credentes illapsus est. Uuus est enim sacerdos magnus, unus pontifex summus, qui introivit semel, non in quælibet sancta sanctorum, sed in ipsum cælum, ut appareat vultui Dei pro nobis (*Hebr. ix.*). Ex quo videlicet, tanquam quodam vertice, omne Sacerdotium per Ecclesiæ membra diffunditur; omne, quod sacrum est ineffabiliter propagatur. Unde cum discipulos ad baptizandum misit, non in eos sacramenti virtutem transtulit, sed obedientiam indidit; et non auctores baptismi sed ministros effecit. Nam

cum dicit: « Ite in orbem universum, baptizate omnes in nomine Patris, et Filii, et Spiritus sancti (*Matth. xxviii.*) » evidenter ostendit, quia non ipsi, sed ille procul dubio baptismatis auctor erat, in cuius illi nomine baptizabant. Unde et Joannes Baptista dicit: « Qui me misit baptizare in aqua; ille mihi dixit: Super quem videris Spiritum descendentem, et manentem super eum, hic est, qui baptizat (*Joan. i.*) » Et tamen evangelista Joannes ait: « Quanquam Jesus non baptizaret, sed discipuli ejus. » Ecce Dominus non baptizat, et tamen de illo dicitur: « Hic est, qui baptizat; » quia quisquis baptizandi exhibet ministerium, ille tamen operatur virtutis intimæ sacramentum.

CAPUT III.

Quod sicut unus est, qui baptizat; ita unus idem est, qui principaliter consecrat.

Si quis autem mihi fortassis objiciat, aliud esse baptismum humanæ regenerationis, aliud consecrationis ecclesiasticæ dignitatem; nos quidquid in hac parte de baptismo credimus, totum nihilominus et de consecratione sentimus. Nam cum baptismus totius ecclesiastici sacramenti origo sit, atque primum, sicut baptismus Dei est et non hominis, ita nimirum omnis ecclesiastica consecratio illi specialiter competit, a quo omnium benedictionum plenitudo profluxit. De quo videlicet Apostolus: « Qui benedixit nos, inquit, omni benedictione spirituali in cælestibus (*Ephes. i.*) » Neque enim vel ipse baptismus, vel prorsus aliqua consecratio magnum aliquid diceretur, nisi intuitu Spiritus sancti, qui per exercitia illa tribuitur. Nam, ut dicitur, quid est aqua, nisi aqua? Sed accedit verbum ad elementum, et descendente Spiritu, fit sacramentum.

Cum ergo in utroque sanctificationis genere hoc sit totum atque magnificum, quod sive ab iis, qui baptizantur, sive ab iis, qui consecrantur, Spiritus sanctus accipitur, sicut non humanæ virtuti, vel potestati, sed auctori Deo baptismus adscribitur: ita nihilominus et quælibet ecclesiastica consecratio ad illum per omnia, necesse est, referatur, operante siquidem in utrisque multiformi gratia Dei; et ut illi absolutionem obtineant peccatorum, et isti provehantur ad spiritualium ordines dignitatum. Illi exuti veterem cum actibus erroris, novum induant hominem; isti tanquam sacerdotes Dei induantur justitia. Illi quasi modo geniti infantes rationabiles sine dolo laque concupiscentiæ; isti ut perveniant in mensuram ætatis plenitudinis Christi. Operatur in illis, ut fiant filii adoptionis, in istis autem ut sint ministri et dispensatores ministeriorum Dei. Illi namque per Spiritum renascuntur: isti eodem disponente Spiritu, jam, ut filios Dei generent, præferuntur (*Ephes. iv.; Coloss. iii.; Psal. cxxxix.; I Petr. ii.; Rom. viii., Galat. iv.; I Cor. iv.*).

CAPUT IV.

Quod Dominus cum baptismo simul et sacerdotii jura suscepit.

Sincera igitur atque integra fides habet, quod

sicut baptismus, ita et nihilominus sacerdotalis consecratio, nulla sordentium ministrorum labe polluitur, nullo alieni reatus crimine violatur: sed quantumvis facinorosus, quantislibet sit criminibus involutus ille, qui consecrat; is, qui consecratur, nullo propter hoc sacri muneris detrimento percellitur, nec aliqua cœlestis gratiæ diminutione fraudatur. Non enim ex merito sacerdotis, sed ex officio, quo fungitur, consecrationis mysterium in alterum propagatur: nec expedit in consecratore considerare, qualiter vixit, sed ministerium tantummodo attendendum est, quod accepit. Sicut enim multi sunt, qui baptizandi funguntur officio; et tamen unus est, qui baptizat: ita licet multi sint sacerdotes, unus tamen est, qui propriæ, ac specialiter consecrat. In illa nempe columba, quæ super Dominum post baptismum descendit (*Matth. III; Marc. I; Luc. III; Joan. I*), ipse cum sacramento baptismatis et veri sacerdotii jura suscepit, fuso videlicet super eum oleo exultationis, de quo Psalmista canit (*Psal. XLIV*): « Unxit te, inquit, Deus, Deus tuus oleo lætitiæ præ consortibus tuis. » Probatur autem Redemptor noster cum baptismo simul et sacerdotii suscepisse ministerium: quia baptizatus, mox prædicare, discipulos eligere, novisque cœpit miraculis coruscare, quod eatenus profecto fecisse non legitur, si diligenter Evangelicis textus series recensetur. Hinc est quod sancta Ecclesia ab ipso suo capite hujus normam institutionis arripuit, et fideliter servat; ut ad instar ipsius Domini infra tricennium ad sacerdotium quemlibet non admittat. Nisi enim certa fides haberet, cum baptismo Dominum simul et sacerdotium suscepisse, ut quid tantopere canonica prohiberet auctoritas, ante illius ætatis tempus, quo ipse baptizatus est, quempiam ad sacerdotes infulas aspirare? Imo cur ad accipiendum sacerdotale fastigium Dominicæ ætatis adhiberetur exemplum, si minime crederetur tunc Dominus non sine sacerdotio suscepisse baptismum? Sicut enim baptismum, ita et sacerdotium ex parte humanitatis pro nostra salute suscepit, cujus videlicet utriusque Sacramenti in eo, quod Deus est auctor, et consecrator existit. Ue quo Apostolus dicit: « Ubi præcursor pro nobis introivit secundum ordinem Melchisedech, pontifex factus in æternum (*Heb. VI*). » Nam et ipsi sancti Apostoli non reperiuntur alibi fuisse a Domino consecrati, nisi in perceptione baptismi: qui tamen non aquæ baptismatis manifeste leguntur immersi, sed injunctam potius executi sunt obedientiam baptizandi. Quia nimirum jussi sunt baptizare credentes in nomine Patris, et Filii, et Spiritus sancti. Præterea cum illis dictum sit a Domino: Joannes quidem baptizavit aqua, vos autem baptizabimini Spiritu sancto non post multos hos dies: constat eos tunc perfecti baptismatis, atque omnigenæ simul consecrationis accepisse mysterium, cum super eos Spiritus sanctus venit in diversitate linguarum. Cum ergo in ipso humanæ redemptionis exordio utriusque sacramenti genus, vel a Domino, vel ab apostolis simul

videatur acceptum, claret baptismum sic esse consecrationis ecclesiasticæ fundamentum atque principium: ut qui baptismi principatum tenere cognoscitur, ipse nihilominus consecrationis auctor absque ulla prorsus ambiguitate credatur.

CAPUT V.

Quod nulla sit causa, cum rebaptizari quisque non audeat, cur debeat iterum consecrari.

Quod cum ita sit, quid causæ sit, ego non video, cum baptizatus etiam ab hæretico, non rebaptizetur: cur promotus a Simoniaco, sicut dicitur, vel deponatur, vel denuo consecratur? Si enim baptismus per homicidiam, vel adulterum, vel etiam hæreticum datus, ratus habendus est; nimirum propter illud Evangelicum: « Super quem, inquit, videris Spiritum descendentem, et manentem super eum, hic est, qui baptizat (*Joan. I*); » nil omnino causæ est, cur non et in consecrationibus ad eundem utriusque sacramenti redeamus auctorem, ut æque dicamus: hic est, qui consecrat. Nunquid enim columba illa super mediatorem Dei et hominum cum virtute baptizandi venit, et cum consecrandi virtute non venit? (*Matth. III; Marc. I*.) Quid enim accipit, qui baptizatur, nisi Spiritum sanctum? Et rursum, quid ille, qui consecratur, nisi Spiritum sanctum? Si ergo propterea quis a quocunque flagitioso baptizatus, non rebaptizatur, quia Spiritum sanctum accepisse creditur, non per illius meritum, sed per ejus officium: et non ab illo, sed a Christo, de quo videlicet solo specialiter dicitur: « Hic est qui baptizat (*Joan. I*); » cum et is qui consecratur, non aliud, nisi eundem Spiritum sanctum, et ab ipso utique Christo suscipiat: quæ inter baptizatum atque consecratum sit in hac parte diversitas, penitus non videtur.

Quorum igitur una est causa, eadem debet esse sententia, nisi forte alius esse censendus est Spiritus qui in consecrationibus datur: alius qui in baptismo tribuitur. Sed quis hoc sacrilega temeritate præsumat, cum manifeste clamet Apostolus: « Unus Deus, una fides, unum baptisma (*Eph. IV*). » Et iterum: « Si is, qui venit, alium Christum prædicat, quem non prædicavimus, aut alium Spiritum accepit, quem non accepistis, aut aliud Evangelium, quod non accepistis, recte paterimini (*II Cor. XI*). » Huc accedit, quod sicut canonica testatur auctoritas, idcirco prohibetur rebaptizatio fieri, ne sanctæ Trinitatis nomen, in quo baptizatus est videatur annullari. Quod si hæc est causa cur rebaptizari quisque non debeat, cui manifestius, quam ordinato culibet a Simoniaco congruit, qui non modo in sanctæ Trinitatis nomine consecrat: sed et omnem prorsus ordinem catholicæ consecrationis observat. Simoniacus namque licet perverso commercio efficiatur hæreticus, est tamen fide catholicus; ejusque damnatio magis ex ambitione descendere, quam videatur ad perniciem pertinere. Quamquam et si jaculata in Simonem Petri sententia

diligenter inspicitur, nec ipsa Simonis fides inno-
cens invenitur : « Pecunia, inquit, tua tecum sit in
perditionem, qui donum Dei existimasti pecunia
possideri (Act. viii). » Nam cum dicit, existimasti
donum Dei pecunia possideri, evidenter ostendit
talem tunc fuisse Simonis fidem, ut si pretium da-
ret, non immerito ad facienda miracula Spiritum
sanctum negotiatus acciperet.

CAPUT VI.

Quod ordinatio, si sit catholica, sit etiam rata.

Moderni autem temporis Simoniaci, quia miracu-
lis se clarescere posse non sperant, non Spiritum
sanctum, non ejus dona desiderant : sed obtinendi
principatus ambitione succensi, ad culmen tantum-
modo dignitatis anhelant. Itaque quantum ad fidem
integri sunt, tantum vero ad monetæ fabrilis Simo-
niacæ damnationis laqueis innectuntur. Hujus autem
hæresis duos leguntur auctores, alter sub proph-
etica (IV Reg. v), alter sub apostolica pestilenter
emersisse doctrina (Act. viii) : Glezi nimirum, qui
magister esse vendentium : Simon quoque, qui au-
ctor videtur esse emptorum. Horum igitur sectato-
res sicut non sunt in errore diversi, ita nec in dam-
natione discreti : quibus tamen si catholica fiat
ordinatio, sacræ dignitatis officium, ad quod non
merentes accedunt, perfecte suscipiunt. Ejusdem
namque virtutis est Spiritus sanctus, cum ejus gra-
tia venditur, cujus est et cum gratis datur : nec
propter perversitatis humanæ commercium divina
potentia propriæ potestatis **92** perdit effectum.
Plane et Salvator noster cum venditus esset, et pe-
stilentissimi talenti summa proditoris jam crumena
turgeret, inter ipsas persecutorum manus præci-
sam servo Malcho auriculam reddit (Joan. xviii;
Luc. xxii ; Matth. xxvi ; Marc. xiv ;). Itaque
quantæ super eos virtutis esset, quorum manibus
subjacebat, aperte monstravit. Quod autem flagi-
tanti Herodi miracula non exhibuit, dispensationis
fuit ratio, non defectio potestatis. Erat enim is,
qui optabat, indignus ; nam ei, a quo sperabatur,
non deerat potestatis effectus. Porro et in cruce sus-
pensus postquam spiritum reddidit, dum terra mo-
vetur, dum sol obscuratur, veli insuper facta divi-
sio, scissio lapidum, resurrectio mortuorum ; cun-
cta hæc liquido testantur, quod non inferioris po-
tentiae fuerit inter supplicia positus, quam nunc
videlicet in dextera paternæ gloriæ sublimatus.
Eodem itaque modo etiam de Spiritu sancto creden-
dum est : quia unius virtutis est, et cum venalitati
quodammodo subjacere cernitur, et cum gratuita
manus impositione præbatur. Sicut igitur Redem-
ptor noster dum venderetur, dum pateretur, a sua
non potuit majestate deficere (Joan. xviii), ita etiam
Spiritus sanctus licet amaritudo venalitatis obrep-
at, dispendium tamen pati propriæ virtutis ignorat. Licet
enim sacerdos quilibet videatur operari exterius,
sed ipse Christus, qui verus Sacerdos, et summus
est Pontifex, accedentibus ad diversos exitus sua
dona dispensat. Quæ nimirum aliis quidem ad sa-

lutem, aliis quidem proveniunt ad damnationem.
Id tamen, quod datur, omnino bonum est ; licet
reus sit ille qui accipit. Neque enim bonus me-
dicus venenum propinaret ægroto. Nunquid enim
buccella illa, quam Judæ Dominus porrexit, bona
non fuit ? Sed quod erat causa salutis, illi factum
est materia damnationis : quia instrumentum pacis
non pacatus accepit. Cuncti etiam liquido novimus,
quia mysterium Eucharistiæ, quod de sacrosancto
altari sive justis, sive peccatores accipimus, utique
bonum est. Nec bonus melius, nec malus accipit
pejus. Et tamen dicit Apostolus : Quia indignus
« judicium sibi manducat, et bibit, non dijudicans
corpus Domini (I Cor. xi). » Si ergo et illud corpus
Domini est quod indignus accipit, perspicuum est
B quia res bona malo vertitur in perniciem, quæ bono
utique provisæ est ad salutem : nec tamen res
mala est dicenda, quia nocet ; nec ideo esse sacra-
mentum desiit, quia execrandus accepit : sed po-
tius asserendum est quia indigno eadem res facta
est occasio mortis, quæ bonis procurata est ad re-
medium salutis. Indubitanter igitur credendum est
quod si consecratio cujuslibet ecclesiastici ordinis
intra catholicam fiat Ecclesiam, in unitate videlicet
orthodoxæ fidei, ut in utroque nimirum recta sit
fides ; quidquid bono per bonum traditur, hoc etiam
malo per malum efficaciter exhibetur : quia sacra-
mentum hoc non ministrantis vel ministraturi pen-
det ex merito, sed ex ordine ecclesiasticæ institu-
tionis et invocatione divini nominis. Et quoniam
C sicut unus est, qui baptizat, ita procul dubio unus,
idemque qui consecrat ; hoc est, larga Christi be-
nignitate tribuitur quod is, qui accipit, non meretur.
« Qui enim oriri facit solem suum super **93** bo-
nos et malos, et pluit super justos et injustos
(Matth. v), » quid mirum si imbrem gratiæ suæ et
in arenosum littus effundat ? Quid novum, si etiam
ipsos cæcorum oculos splendoris sui radiis feriat ?
Ut et ipsi merito cantare possint, quod infelix ille
Balaam : « Dixit homo, inquit, cujus obturatus est
oculus : dixit auditor sermonem Dei, qui novit do-
ctrinam Altissimi, et visionem Omnipotentis videt,
qui cadens apertos habet oculos (Num. xxiv). »

CAPUT VII.

*Quod Balaam Simoniacus fuit, et tamen prophetiæ
spiritum non amisit.*

D Ecce, unde hic avaritiæ filius tanta potuit magpa-
lia cernere, et redemptionem mundi longissime post
futuram tam expresse, tam lucide nuntiare, si Spi-
ritus sancti præsentiam non haberet ? Sicut enim
egregius doctor ait : Quis novit quæ sunt hominis,
nisi spiritus hominis, qui in ipso est ? (I Cor. ii). Ita et
quæ Dei sunt, nemo novit nisi Spiritus Dei ; præsertim
cum eadem Scriptura dicat : « Quia irruente in se
Spiritu Dei, assumpta parabola ait (Num. xxiv), »
videlicet quod modo præmisimus ; dicimus, quod per
Simoniacum donum Spiritus sancti non datur. Nun-
quid non in Balaam isto Simoniacæ hæresis jam
tunc viguisse cognoscitur ? Nunquid non sancti Spi-

ritus gratiam vendere conabatur, cum ad promissionem pretii hariolatus sui depromebat oraculum? Sic enim Scriptura testatur quia seniores Moab rogabant eum, « habentes pretium divinationis in manibus (*Num. xxii*). » Et rursus per alios nuntios misit ad eum, inquit, Balac filius Sephor, dicens : « Ne cuncteris venire ad me; paratum habeo honorare te, et quidquid volueris, dabo tibi (*Ibid.*). » Amore quidem pecunia succensus aestuabat, et tamen per eum Spiritus sanctus profunda mysteria loquebatur. Balaam denique, et Balac, uterque Deo manifeste contrarius, uterque Dei populo exstittis probatur infestus, donumque divinæ gratiæ alter emere, alter venditare nihilominus gestiebat : attamen prophetiæ revelationis arcanum, et iste extra meritum protulit, et ille utique indignus audivit : atque, ut magis largitatem divini muneris admiremur, maledicere nitebatur Balaam, et tamen invitus e contrario benedicebat : « Ad benedicendum, inquit, adductus sum, benedictionem prohibere non valeo (*Num. xxiii*). » Chamus quippe divinæ virtutis ori ejus erat innixus, nec poterat aliorum impetum linguæ dirigere, nisi quo Spiritus sanctus præsidens intorsisset. Cum voluntate siquidem lingua pugnabat, et turbulentam salsuginem, quam mens prædamnata conceperat, per oris alveum effluere non valebat. Unde quoniam sicut petebatur, jaculari in populum Dei maledicta non potuit, ad deceptionis se argumenta convertit, ac Madianitidum coram eis offendiculum posuit. Si ergo ille, qui etiam maledicere concupit, nequaquam tamen ut maledicere posset, obtinuit; quid nisi hoc ipsum sentire de Simoniaci valeat, ubi certe mens cum linguæ benedictione concordat? Sed qui prophetiæ dignitatis officio irreverenter abusus est, quo tandem collatæ gratiæ prærogativam **94** fine conclusit? Nam post digestam Israelitici populi victoriam Scriptura mox intulit, dicens : « Balaam quoque filium Beor interfecerunt gladio (*Num. xxxi*). » Sic nimirum sive Simoniaci, seu quilibet criminiosi suscipiendis se ecclesiasticis ministeriis applicant : et donum quidem supernæ gratiæ ex benignitate largitoris accipiunt, et dignum tamen proprii excessus stipendium non evadunt. Hoc enim illis veritum in perniciem, quod dignis provisum est ad salutem. Atque inde illi in æternæ mortis periculum corruunt, unde et alii ad capessenda vitæ præmia vegetius convalescunt. Certe qui illam sacræ Scripturæ paginam, quæ de præfato Balaam loquitur, oculo vigilante percurrit, nullatenus dubitat hunc infelicem virum, ut revera per omnia Simoniacum, excepto quod Simon necdum fuerat, ex quo detestabile illud mutaretur agnomen, et prophetiæ suæ gratiam venale habuisse, et tamen per hunc manifestissime Spiritum sanctum fuisse locutum : atque, quod non minus stupendum est, cum jam cor ejus concupiscentiæ ignibus ureretur, Deus sibi nihilominus per diem, atque per noctem locutus quasi familiariter invenitur. Et ne fortassis idcirco Spiritum sanctum minus habuisse

A credatur, quia per Moysen appellatur hariolus, vigilantem ejusdem historiæ verba percurrere, et eodem Moysæ perspicue testante, reperies : Quia cum vidisset Israel in tentoriis commorantem, protinus in illum Dei Spiritus irruit (*Num. xxiv*), et ut revera prophetam in vaticiniis mox oraculum excitavit. Et hariolus ergo appellatur et propheta est; quia quem ad propheticam dignitatem gratia superna provexerat, obsceno hariolatus nomine propria pravitas deturbabat. Ubi considerandum est, quam profundum sit, atque subtile Dei judicium : imo quam terribilis sit Deus in consiliis super filios hominum (*Psal. lxxv*); cum videlicet miserabilis ille vir neque propter reatus sui nequitiam, gratiam, quam semel acquisierat, perdidit : et tamen propter ipsam gratiam, quam usurpabat, indignus, divinæ ultionis sententiam declinare non potuit. Quid ergo mirum si omnipotens Deus, qui semper est quod est, et mutari non novit, nihilominus adhuc antiqua examinis sui jura custodiat, et eandem assuetæ discretionis regulam teneat; ut quod in Balaam fecit, hodieque in suis similibus non dissimiliter operetur : quatenus et pro largitate clementiæ dona sua indignis, et pro censura justitiæ dignæ eos ultionis animadversione percellat?

CAPUT VIII.

Quod reprobum Saulem cum satellitibus suis propheticus spiritus occupavit.

Illud quoque obscurum non est, quod cum Saul orexisset lictores ad rapiendum David, atque illi juxta fidem historiæ vidissent cum eo prophetarum vaticinantium cuneum, et Samuel stantem super eos, factus est etiam in illis Spiritus Domini, et prophetare cœperunt : cumque Saul secundo et tertio alios, atque alios mitteret, et illos nihilominus propheticus **95** Spiritus invasisset, tandem, ut Scriptura testatur (*I Reg. xix*), iratus ipse Saul abiit in Ramatha : sed antequam pervenisset, factus est etiam super eum Spiritus Dei, et prophetavit tota die nudus cum cæteris coram Samuel. Quid ergo mirum si perversi homines dona Dei, quibus indigni sunt, ad cumulum suæ damnationis accipiant; cum et Sauli isti, quem Deus abjecerat, quem jam demon agitare sæpissime consueverat, non modo Spiritum Dei ad horam suscipere, sed etiam cum suis officiis concessum sit diutius prophetare? Iracundiæ nempe felle commotus, et livoris simul et odii erat ardore succensus : atque, ut non diutius immoretur, Deo vacuus, malo spiritui fuerat irrevocabiliiter mancipatus : tamen cum ad locum chori vaticinantis accessit, repente super eum divinus Spiritus irruit, et velut appositam materiam ignis insiliens occupavit. Non ergo incredibile videri debet, si in sancta Ecclesia, quæ procul dubio thronus Dei, sacrarium est Spiritus sancti, omniumque cœlestium charismatum receptaculum, illud gratiæ sacramentum et indignus accipiat, cui per intentionem, vel vitæ meritum non concordat : nimirum, quia non dantis hominis, vel

accipientis est meritum, sed summi largitoris est beneficium. Non enim legitur : Quia Spiritus, ubi dignum est spirat; sed potius dictum est : « Ubi vult, spirat (Joan. iii) »; ut profecto spiritualis gratia, quæ ex ecclesiastica institutione tribuitur, divinæ potius voluntati, quam humanis meritis ascribitur. Enimvero Spiritus sanctus non pro meritis semper venit, sed pro meritis in quolibet, ad salutem videlicet, semper manet. Hinc est illud quod Veritas dicit : « Si quis, inquit, diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus (Joan. xiv). » Qui enim in dilectorem suum, postquam venturum se esse promisit, mansionem quoque facturum protinus addidit; patet profecto, quia in aliis habitat Deus; in aliis hospitat. Huic etiam illud simile est quod ait : « Super quem, inquit, requiescet Spiritus meus, nisi super humilem, et quietum, et tremulentem sermones meos? » (Isa. LXVI.) Ac si patenter dicat : Et super alios quidem venit, sed super hunc videlicet requiescet, quia dignus est. Nam sicut et ante nos dictum est, Spiritus sanctus sicut conciliatus, et placatus requiem præstat mitibus et humilibus corde; ita contrarius, et adversus immitibus, ac superbis inquietudinem exagitat, quam scilicet inquietudinem sciniphes illæ brevissimæ significabant, sub quibus magi Pharaonis defecerunt, dicentes : « Digitus Dei est hic (Exod. viii); » fatentes sibi adversum esse Spiritum sanctum, qui erat in Moyse. Aptenimirum tertio loco, ubi sciniphum plaga ponitur Spiritus sanctus, qui tertia est in sancta Trinitate persona, inquietis hominibus fuisse contrarius perhibetur. Hanc inquietudinem expertus est Jehu, qui divino zelo ductus, ad ulciscendos quidem Dei inimicos, et præcipue cultores Baal, vehementer incanduit : ipse tamen eos, quos Jeroboam coluerat, deos aureos non reliquit (IV Reg. x).

96 CAPUT IX.

Quid doctores de baptismo, et Dominici corporis Eucharistia sentiant.

(I, q. 1, c. Sic autem, etc. seq. Nonne.) Tria profecto præcipua sacramenta in sancta frequentantur Ecclesia, baptismum videlicet, corporis quoque et sanguinis Dominici salutare mysterium, et ordinatio clericorum. Et de baptismo quidem B. Augustinus in expositione Joannis evangelistæ; de Eucharistia vero Dominici corporis in libro suo Paschasius ita concorditer disputant, ut neque per bonos sacerdotes meliora illa mysteria, neque per malos fieri peiora, testentur. Nimirum sive per fures, sive per adulteros, sive etiam per homicidas hæc sacramenta fiant, nil prorsus ab his, quæ sancti dedicant sacerdotes, mysteriis differant; quod qui prædictis libris operam dedit, enucleatus absolutum esse non ambigit. Super ordinationibus autem clericorum frequens idcirco disputatio non processit, quia duobus illis sacramentis evidenter expositis, hæsitandi de tertio locum dubietas non invenit : nunc autem modum excedens curiositas hominum,

A novam mundo ingerit questionem, et perspicuæ luci plus intendendo, minusque videndo, conatur inferre caliginem. Quomodo, inquit, gratia sancti Spiritus vel per malos datur, vel a malis accipitur? non attendentes, quia gratia sancti Spiritus ipse ordo ecclesiasticæ dignitatis accipitur : quem videlicet sive indignus præbeat, sive indignus accipiat, Spiritus sanctus, qui Ecclesiæ suæ jura disponit, ratum esse decernit. Ut enim ait B. Hieronymus (lib. i adversus Jovinianum) : « Episcopus, presbyter et diaconus non sunt meritum nomina, sed officiorum. » Tanquam si vel tribunus ipse degener sit, vel degenerem quempiam ad militiæ suæ ordinem provehat, ad conservandum tamen militiæ suæ ordinem imperator omne, quod factum est, firmum esse constituit; nec enim tribunus juris statuta convellit, qui ipsum tribunum, quem necdum a proprii ordinis dignitate dejecit, sed dicitur e diverso, ecce Evangelium clamat : « Qui non intrat per ostium, sed ingreditur aliunde, ille fur est et latro (Joan. x). » Est, ut ille, qui aliunde clandestinus irrepsit, furti et latrocinii constanter arguatur; me tamen, qui per ostium intramisit, sui procul dubio criminis participem non efficit. Ille itaque perpetrati sceleris supplicium luat, dummodo me alieni reatus præjudicium non involvat, nec alterius me exhibeat culpa damnabilem, quem propriæ innocentiae puritas reddit immunem. Porro de eo, quod dicitur, quoniam gratiam sancti Spiritus indignus homo accipere nequeat; constat procul dubio, quia corpus Domini, quod in sacris altaribus per sancti sacerdotis dedicatur officium, concepta sancti Spiritus virtute, vivificatur, et sanctificatur; ut nos vivificare valeat, et sanctificare. Sicut in ipsis venerandis missarum secretis dicitur : *Per quem hæc omnia, Domine, semper bona creas, sanctificas, vivificas, benedixisti.* Neque enim aliter vivificare posse creditur nisi per Spiritum sanctum; cum, testante 97 Veritate (Joan. vi), Spiritus sit, qui vivificat. Quæro ergo, cum sanctus sacerdos celeste illud munus, quod virtute sancti Spiritus vivificationem est, et sanctificationem, atque, ut confidenter loquar, ejusdem divini Spiritus gratia veraciter plenum, scelerato forte culibet porrigit, numquid propterea Spiritus sanctus Dominicum corpus deserit, et tanquam D squalorem sordidi vasis nauseatus abscedit? Sed si ita est, quomodo verum est, quod per Apostolum dicitur : Quia indigne percipiens, et iudicium sibi manducat, et bibit, non iudicans corpus Domini? (I Cor. xi.) Si enim abscedente Spiritu, non illud jam corpus Domini, sed simpliciter communis est panis, non incidit in iudicium, qui nullum accipit sacramentum : quod si absurdum videtur et impium propter indigne suscipientes, sanctum Spiritum a Christi corpore separare, non durum videatur malos etiam homines ad dignos meritum exitus Spiritum sanctum posse suscipere. Hinc est quod B. Augustinus (I, q. 1 Multi) in expositione Epistolæ S. Joannis apostoli sic loquitur, dicens : « Habere

baptismus et malus potest, habere prophetiam et A malus potest. » Invenimus Saul regem habuisse prophetiam, qui persequeretur sanctum David, impletus est spiritu prophetiæ, et prophetare cœpit (*I Reg. x, xviii, xix, xxiii*). Accipere sacramentum corporis et sanguinis Domini etiam malus potest. Nam de talibus dictum est : « Qui manducat et bibit indigne, iudicium sibi manducat et bibit (*I Cor. xi*). » Habere nomen Christi et malus potest, id est, Christianus vocari et malus potest ; de quibus dictum est : « Polluebant nomen Dei sui (*Ezech. xxxvi*). » Ergo habere sacramenta omnia et malus potest : habere autem charitatem, et malum esse, non potest. Si juxta tanti doctoris sententiam, omnia sacramenta malus habet, quomodo ridenda fatuitas hominum impudenter blaterat, quia Simoniacus sacramenta non habet? Audiamus quid idem præclarus doctor ex eadem re alibi (q. 11, l. *Quest. novi et vet. Test.*) dicat, ut nimirum quam sententiam in hac, quam venthamus, quæstione tenerit, tanto liquidius, quanto frequentius innotescat. Nam cum de benedictione Isaac in filium (*Gen. xxii*) loqueretur, adjecit : « Justi, inquit, hominis quantum ad conscientiam pertinet, voluntas bona est ; quantum autem ad præscientiam, immunis est ab adversis ; Deus enim solus est, qui de futuris judicat. Ac per hoc Isaac justus, quantum ad præsentem humanitatem dignum est, majorem filium suum benedicendum magis putabat, sed Deus, qui occultorum cognitor est, minorem benedictionem mereri ostendit ; ut in benedictione non hominis ostenderet esse beneficium, sed Dei ; quia officii dignitas est, non hominis meritum, quam Dei sequitur benedictio. Denique dictum a Deo in Numeris ad Moysen et Aaron sacerdotes : Vos ponite nomen meum super filios Israel ; ego Dominus benedicam eis (*Num. vi*) : ut gratiam traditio per ministerium ordinatis transfundat hominibus ; nec voluntas sacerdotis obesse aut prodesse possit, sed meritum benedictionem poscentis. » Quanta autem dignitas sit ordinis sacerdotalis, hinc advertamus (1 q. 1 *Dictum est*) : Dictum est autem de nequissimo Caipha interfecitore Salvatoris inter cætera : « Hoc autem a semetipso non dixit, sed cum esset princeps sacerdotum 98

anni illius, prophetavit (*Joan. xi*) : » per quod ostenditur Spiritum gratiarum non personam sequi, aut dignitatem, sed ordinationem traditionis ; ut quavis aliquis boni meriti sit, non possit benedicere, nisi fuerit ordinatus, ut officium ministerii exhibeat : Dei autem est, effectum tribuere benedictionis. Hæc itaque beati viri (B. Petrus Damianus auctor hujus libri) verba tam plana sunt, tamque perspicua, ut quisquis hæc postquam semel attenderit, pertinaci tamen animo parat adhuc obstinate contendere, non jam Petrum, qui nihil est, sed magnum potius Augustinum convincitur impugnare. Quid enim apertius eo, quod dicitur : Quia in benedictione sacerdotis non hominis est beneficium, sed Dei ; et officii dignitas est, quam Dei sequitur benedictio, non hominis meritum ; postremo Spiritum gratiarum, non personam sequi, aut dignitatem, sed ordinationem traditionis. Et revera quid mea interest, cujus meriti meus sit ordinator, dummodo quod ille forte mercatus est, mihi gratis impertiatur : et quo ipse clandestinus irrepsit ostiatum, me civem exsul, exter domesticum, heredem mercenarius introducat ? Neque enim a quo, sed ad quod provehor, magnipendo. Constat igitur, quia quod duo illa, quæ superius dicta sunt, baptismus videlicet, et salutaris Eucharistiæ sacramentum, neque meliora per bonos, neque deteriora per malos fiunt : ita nihilominus et ordinatio clericorum.

CAPUT X.

Quod Spiritus sanctus non ex merito sacerdotum, sed ex ministerio datur.

Nunquid denique et Caiphas ille dignus fuerat, per quem Spiritus sanctus vivificæ mortis Christi mysterium loqueretur ? Nam cum dixisset : « Expediit ut unus moriatur homo pro populo, ne tota gens pereat (*Joan. xi*) ; » protinus evangelista subjunxit : « Hoc autem a semetipso non dixit, sed cum esset pontifex anni illius prophetavit (*Ibid.*). » Prophetium plane spiritum ad momentum accepit, non ut ipse, quod vaticinabatur, agnosceret ; sed ad hoc potius, ut conspiratores suos ad accelerandam mortem Dominicam avidius incitaret. Nobis nempe, non sibi vidit, et occultum sapientiæ thesaurum, quem ipse ignorabat, aperuit. Nam et a Simoniacis Caiphas iste non prorsus extraneus reperitur, si vigilanter veteris Historiæ series recensetur ; nimirum sicut Eusebius Cæsariensis in Ecclesiastica narrat historia (lib. 1, c. 10, et NICEPH. *Hist. lib. 1, c. 18 et 19*), ut eadem hic quoque verba ponantur : « Legalibus præceptis jam per illud tempus vi, et ambitione cessantibus, nulli quippe pontificatus honor vitæ, vel generis merito reddebatur, ita ut annuis jam successionebus mutarentur ; » deinde, Josepho in testimonium deducto (*Antiq.*, c. 3), per unius quadriennii spatium quatuor pontifices annali quousque sacerdotio perfunctos sibi invicem successisse, testatur : « Valerius, inquit, Gratus, Annæ sacerdotio deturbato, Ismaelem pontificem designavit, filium Baffi : sed et hunc non multo post abiciens, Eleazarum Ananiæ pontificis filium pontificatui subrogavit. Post annum vero etiam hunc arcebat officio, et Simoni cuidam 99 Camphi filio, pontificatus tradidit ministerium, quo non amplius et ipse, quam unius anni spatio perfunctus, Josephum, cui et Caiphas nomen fuit, accepit successorem. » Ecce Caiphas neque gratis, neque legaliter intelligitur sacerdotium suscepisse, nimirum, qui deturbatis aliis, et violenter electis, ipse in locum alienæ dignitatis obrepit ; et tamen prophetiæ spiritum indignus accepit. Unde et B. Hieronymus in Commentario evangelistæ Matthæi (lib. iv, c. 26) : « Moyses, inquit, Deo jubente, præceperat, ut pontifices patribus succederent, et generis series texeretur in sacerdotibus. » Refert Joseph (*Ant.*, l. xviii, c. 8) istum

Caipham unius tantum anni pontificatum ab Herode pretio redemisse. Nam, ut ita loquar, in manu eci positum est lumen, non quod ille conspiceret, sed quod aliis ministraret. Non enim ex merito ille propheticum spiritum, sed ex ministerio, quò fungebatur, accepit. Regnum namque, et sacerdotium a Deo cognoscitur institutum : et ideo licet administratoris persona prorsus inveniatur indigna, officium tamen, quod utique bonum est, competens aliquando gratia comitur. Hinc est enim, quod Nabuchodonosor, postquam tres pueros in caminum misit incendii, quamvis alii plures adessent, solus tamen quantum, cujus species erat similis Filio Dei, conspiciere potuit (*Dan. iii*). Nam Spiritus sanctus oculos mentis ejus aperuisse credendus est, ut, quod alios latebat, solus aspiceret, et quod aspexit, ultro etiam agnovisset. Hinc Pharao somnium vidit, per quod venturæ sterilitati, ne famis impatiens Ægyptus prodigaretur, occurrit (*Gen. xli*). Hinc Abimelech divinæ allocutionis oraculum meruit, et ut Saram viro redderet, ne repente moretur audivit (*Gen. xx*). Reges enim et sacerdotes licet nonnulli eorum reprobi sint per notabilis vitæ meritum, dii tamen et christi dici reperiuntur propter accepti ministerii sacramentum. Hinc est quod servus Hebræus diis applicari ex lege præcipitur, hoc est, sacerdotibus præsentari (*Exod. xxi*). Hinc alibi dicitur : « Ne detrahas diis (*Exod. xxii*), » id est, ne sacerdotibus deroges. Hinc Saul, cum jam divina sententia regalis solii fuisset arce dejectus, nihilominus adhuc christus Domini usque ad obitum dicebatur (*I Reg. xxiv, xxvi*). In lege quoque præcipitur, ut omne primogenitum masculini sexus sanctum Domino vocaretur (*Exod. xiii*). Sed si meritum cujusque diligenter attenditur, nunquid Esau sanctus jure vocabitur? De quo nimirum divina voce dicitur : « Esau odio habui (*Malach. i*; *Rom. ix*). » Nunquid Amnon sanctus erit, qui dum in sororis concubium impudenter exarsit, fratri Absalon gladium ultorem videlicet incestuosi criminis proprio sanguine maledixit? (*II Reg. xiii*.) Nunquid Manasses, nunquid Ochozias recte sancti dici possunt, quorum alter, Scriptura teste, omnem cœli militiam coluit (*IV Reg. xxi*), alter, dum Beelzebub deum Accaron de vitæ diuturnitate consuluit, miserando exitu vitam in perfidiæ suæ desperatione conclusit? (*Ibid. i*.) Aliud namque est ex vitæ meritis sanctum esse, aliud ex ministerio conditionis dici.

100 CAPUT XI.

Non mirum si Spiritus sanctus ab indignis accipitur, cum et Dei Filius sit ab impiis comprehensus.

Et sanctitatis quidem meritum in alium non transfertur, ordo autem ministerii in plures, prout ecclesiastica postulat institutio, propagatur; ubi nimirum non discernendum, quis consecrationis officium habeat, sed quid habeat. Aliud namque est gratiæ sacramentum, aliud ipsa est gratia sacramenti. Siquidem gratiam dat omnipotens Deus etiam per malos, ipsis autem gratiam non nisi per semet-

A ipsum. Sæpe namque Deus, ut dictum est, et illis Spiritum suum ex largitate suæ clementiæ prærogat, quos tamen per meritum prave conversationis ignorat. An non et illi Spiritum Dei indubitanter habuerant, qui venientes ante tribunal Judicis clamabant : « Domine, nonne in nomine tuo prophetavimus, et in nomine tuo dæmonia ejecimus, et in nomine tuo virtutes multas fecimus? » (*Math. vii, 22*). Quibus videlicet illico responderetur : « Discedite a me, operarii iniquitatis, nescio vos (*Ibid.*). » Qui nimirum, dum se et prophetiæ spiritum habuisse testantur, et tamen repulsionis sententiam subeunt, patenter ostenditur, quia in quibusdam neque propter pravitatem vitæ Spiritus sanctus excluditur, neque propter Spiritum sanctum quo irreverenter abusi sunt, vita damnavilis excusatur. Sicut enim, testante Domino : « Nescis unde Spiritus veniat, aut quo vadat (*Joan. iii*), » sic etiam scire non potes, cur aliquando et in reprobos homines veniat, atque per eos suæ voluntatis judicium promat. Nam cum Apostolus dicat : « Quia spiritualis homo judicat omnia, et a nemine judicatur (*I Cor. ii*); » quod videlicet ipsum Spiritum sanctum, si et in pravos non abhorreat arcana quadam, quam ipse novit, discretionem descendere : qui etiam coessentialem et coæternum sibi Dei Filium noluit ex impiorum manibus liberare? Unde per Salomonem dicitur : « Benignus est enim Spiritus sapientiæ, et non liberabit maledictum a labiis suis (*Sap. i*). » Benignus namque Spiritus sanctus congrue dicitur, quia mala meritis bona retribuit, et dignis supplicio gratiæ suæ munus impertit. Quis autem hoc loco maledicti nomine, nisi Redemptor noster debet intelligi, qui ut nos a maledictionis vinculo solveret, ipse non respuit maledictionibus subjacere? Unde et Paulus dicit (*Galat. iii*) : « Christus nos redemit de maledicto legis, factus pro nobis maledictum, quia scriptum est (*Deut. xxi*) : Maledictus omnis, qui pendet in ligno : ut in gentibus benedictio Abraham fieret in Christo Jesu, ut pollicitationem Spiritus accipiamus per fidem. » Benignus ergo Spiritus sanctus non liberavit maledictum a labiis suis : quia cuncta dominicæ passionis mortisque supplicia, quæ de Christo per ora prophetarum ante prædixerat, congruo tempore per exhibitionem operum efficaciter adimplevit.

D Tunc enim quodammodo a suis eum labiis liberaret, si quod de illo prophetiis enuntiaret oraculis, per rerum ordinem non impleset. Ubi notandum, quam profunde, quam mystice simul **101** congruat doctoris utriusque sententia. Quod enim unus dixit, quia spiritus non liberabit maledictum a labiis suis, hoc est, quod alter asseruit ut pollicitationem Spiritus accipiamus per fidem; atque ut ostendat vir sapiens, de quo maledicto loqueretur, præmissa sententia protinus addidit : « Quoniam renum illius testis est Deus, et cordis illius scrutator est verus, et linguæ illius auditor (*Sap. i*). » Quia enim Patris, et Filii inseparabilis et coessentialis est unitas, renum Filii testis, et cordis ejus scruta-

tor jure Pater asseritur : cujus nimirum virtus et sapientia ipse Filius nulla ab eo creditur inæqualitate diversus, nulla probatur abjunctio semotus. Linguae etiam illius auditor est, sicut ipse testatur : « Pater, inquit, gratias ago tibi, quoniam audisti me, ego autem sciebam quia semper me audis (Joan. xi). » Idcirco igitur spiritus non liberavit maledictum a labiis suis, quia Deus testis, atque scrutator est cordis illius, et linguae auditor. Ac si patenter diceret : Ideo Dei Filius passionis supplicia pertulit, quia ipse Filius, cui cum Patre, et eodem Spiritu sancto una voluntas, una est providentia, id fieri pro humani generis salute decrevit. De quo nimirum Apostolus : « Qui dilexit me, inquit, et tradidit semetipsum pro me (Galat. ii). » Ut ergo ad proposita redeamus, quid mirum si Spiritus sanctus aliquando in reprobos veniat, cum et Filius ejusdem cum eo naturæ atque potentiae impiorum se manibus tradidit, et non solum se eorum verberibus affici, sed et inferri sibi mortis atrociam non contempsit?

CAPUT XII.

Quod donum Dei nulla ministrorum contagione polluitur.

Si enim visibilis solis hujus radius nullas caliginose cujuslibet scrobis tenebras patitur, nullis cloacarum sordibus inquinatur; quid mirum si summus et incircumscriptus Spiritus tenebrosa vel sordida quorundam pectora suo splendore perstringat, ipse tamen nihilominus in munditia sua et puritate permaneat? Cujuscunque ergo criminis reus extiterit ille, qui consecrat : nimirum sive superbus, sive luxuriosus, sive homicida, sive etiam Simoniacus; ipse quidem pollutus est, et lethali procul dudio lepra perfusus : sed donum Dei, quod periculum transiit, nullus labe polluitur, nullus contagione foedatur. Purum namque est quod per illum fluit, mundum et liquidum ad terram fertilem transit. Sancta namque Ecclesia hortus deliciarum, et spiritualis est paradisus, charismatum videlicet supernorum fontis irriguus. Ponamus ergo ut mali sacerdotes quodammodo lapidei sint canales : in lapideis autem canalibus aqua nil germinat, donec per eos decurrens, in fecundas se areolas fundat. Licet enim plures reprobos sacerdotes seriatim temporum vices attulerint, videlicet ut et consecrantes et consecrati æque reperiantur indigni; fons tamen ille vivus non restringitur, quominus usque ad finem sæculi per nemus Ecclesiæ profuait : ut non solus ille sacerdotalis ordo, sed et omnes in Christo renati salutis suæ poculum hauriant. **102** Per sacerdotes siquidem baptismus et chrisma tribuitur, et omne ecclesiastici sacramenti ministerium exhibetur. Si ergo sacerdotum pravitas divina posset dona reprimere; illis certe prævaricantibus, necesse erat totum genus humanum a divinis beneficiis resiliire. Quod si illis stantibus, homines munera superna susciperent, labentibus autem nullatenus impetrarent, necessario jam non Deo, sed sacerdotibus utique causam, atque omnem vim propriæ salutis ascriberent; sed absit,

ut mihi obesse valeat minister malus, ubi procul dubio bonus est Dominus, aut malitiosus præco ubi est benevolus iudex. Non enim exhorreat columba, non pauseat sordentium quorumlibet ministerium, dum ille, in quem tota descendit, solus consecrationis teneat principatum. Per hoc enim unitas Ecclesiæ stat, quia Christus apud se consecrandi virtutem tenuit, et in neminem ministrorum consecrationum jura transfudit. Nam si consecratio ex sacerdotis merito, vel virtute procederet, ad Christum profecto nullatenus pertineret. Sed quamvis pontifex manus imponat, et benedictionis verba per injunctum sibi ministerium proferat, Christus est certe, qui consecrat, et arcana majestatis suæ virtute sanctificat. Hinc est quod ad Moysen divina voce præcipitur : « Loquere Aaron, et filiis ejus : sic benedicetis filiis Israel, et dicetis eis : Benedicite tibi Dominus, et custodiat te : ostendat Dominus faciem suam tibi, et misereatur tibi : convertat Dominus vultum suum ad te, et det tibi pacem (Num. vi); » moxque subjungitur : « Invocabunt, inquit, nomen meum super filios Israel, et ego benedicam eis (Ibid.). » Sacerdotum ergo est divinum nomen super eos, qui consecrandi sunt, invocare; sed ipsius Dei proprium est interius benedicere. Ministris plane, exterior consecrationis ordo tribuitur, sed soli Domino ipsius consecrationis efficacia reservatur. Unde est, quod ipse dixit in Exodo : « Ego Dominus, qui sanctifico vos (Exod. xxxi). » Si igitur Dominus est, qui sanctificat, cur timendum ne plectibilis cujusquam servi reatus obsistat?

CAPUT XIII.

Quod sive verbi, sive sacramenti minister, Dei donis non possit obistere.

Conqueritur autem Apostolus, quia quidam falsi fratres propter invidiam, et contentionem Christum prædicarent non sincere (Philip. i). Sed quid ad hæc? Nunquid prohibendos esse decernit? Audi ergo quid sequitur : « Quid enim, inquit, dum omni modo sive per occasionem, sive per veritatem Christus annuntiatur; et in hoc gaudeo, sed et gaudebo (Ibid.). » Porro autem habet Christus ministros verbi, habet ministros nihilominus sacramenti : utriusque profecto munus alios fideles et bonos; alios nequam et perfidos : sed neque a bonis melius, nec a malis accipitur pejus. Ministri siquidem sunt diversi, sed unum est utique quod præbetur. Bonus plane est auctor munerum, et quod dat, nullas contrahit maculas ex obsequio ministrorum. Pura fluit vena, et superfluo leprosa manus propinantis attenditur, ubi clarum, **103** atque perspicuum est, quod hauritur. Quid enim ad momentum rei sive bonus, sive malus sit qui ministrat, dummodo unus idemque semper sit, qui sive verbi, sive sacramenti principalis auctor existit? In exhibendis sane miraculorum signis, vel in prophetiæ oraculis, sive etiam in habendis virtutibus piæ religionis gratia sancti Spiritus minuitur, vel augetur. Sicut a magistro Eli-seus petit, dicens : « Peto, inquit, ut fiat duplex

spiritus tuus in me (*IV Reg. n.*). Quæ nimirum petitio in Elisei miraculis impleta fuisse dignoscitur, in quibus certe et major virtus, quam in Eliæ signis, et duplex numerus invenitur : quod qui eorum historias studiose considerat, non ignorat. At non in officiorum gradibus fit ista diversitas : neque enim alius alio magis est presbyter, sive diaconus, aut quodlibet horum. Illic plane fides atque devotio postulantis attenditur ; hic solummodo ecclesiasticæ institutionis servatur ordo. Audiamus quid de malis prædicatoribus Dominus dicat : « Super cathedram, inquit, Moysi sederunt Scribæ, et Pharisei : omnia quæcunque dixerint vobis, servate et facite ; secundum vero opera eorum nolite facere (*Math. xxiii.*). » Si ergo sacerdotis cujuslibet pravitas non præjudicat verbo, quod per illum audientibus datur ; quo pacto obesse valeat sacramento quod non homine, sed Deo auctore tribuitur ? Uterque nimirum et is qui prædicat, et ille qui consecrat, ministrator est, non donator. Unde fit plerumque ut una quidem sit doctoris lingua, sed non uno modo apud auditorum mentes ejus fructificent verba, dum alterius cor velut glaciale frigore torpeat, alterius vero spiritus auditu verbo mox divini amoris igne fervescat. Unde ergo fit, quod verba, quæ ex uno ore prodeunt, multorumque aures informiter feriunt, non uno modo ad cordium arcana pertingunt ; nisi quia alius est, qui extrinsecus ex officio linguæ ministrat ; alius qui propria virtute voces prædicantis per interiora dispensat ? Sive ergo in erogandis doctrinæ verbis, sive in ecclesiasticis conferendis, nequaquam sacerdos suis virtutibus utitur, sed solum exsequitur adjunctæ administrationis officium, quo potitur : alioquin si ex merito sacerdotis ista procederent, omnem profecto fidem divinæ gratiæ vacuarent.

CAPUT XIV.

Quod de spiritu suo non per se Moyses, sed Deus dedit septuaginta viris.

Neque enim homo dat quod divinum est, sed qui malis bene utitur, unus est Deus, qui sive per bonos, sive etiam per malos solus sua dona largitur : atque ideo divinæ gratiæ donum neque ex malorum administratione minuitur, neque per bonorum executionem prorsus augetur. Quod nimirum manifeste cognoscitur, si ille sacræ tenor historiæ ad memoriam revocetur. Dixit enim Dominus Moysi : « Congrega mihi septuaginta viros de senioribus Israel, quos tu nosti quod senes populi sint, ac magistri, et dices eos ad ostium tabernaculi fœderis, faciesque ibi stare tecum, ut descendam, et loquar tibi : et auferam de spiritu tuo, **104** tradamque eis (*Num. xi.*). » Ubi notandum, quod non ait, auferes de spiritu tuo, tradesque eis ; sed potius, auferam, et tradam ; ut profecto ostenderet, quia non homo homini Spiritum sanctum tradit : sed solus ipse est, qui, prout vult, gratiæ suæ dona distribuit. Unde et paulo post subditur : « Descenditque Dominus per nubem, et locutus est ad eum, auferens de spiritu, qui erat in Moysse, et dans septuaginta viris (*Ibid.*). » De

A spiritu autem Moysi viris dedisse Dominus dicitur ; ut et ordinatores, et ordinatos unum debere spiritum habere perspicuum doceatur : quatenus rectores Ecclesiæ nequaquam inter se diversa sentiant, unde schismata, quod absit, aut hæreses pestilenter emergant ; sed unum omnes concorditer doceant, atque in unitate spiritus unanimiter vivant. Porro autem, sicut septuaginta illi, quos Dominus post apostolos ordinavit (*Luc. x.*), totidemque fere isti, quos cum Moysse sustentare populi onus voluit, typum prætendebant presbyterorum ; ita nihilominus Moyses primum, et post apostoli dignitatem videntur obtinuisse pontificum : et sicut neque illi ab apostolis, neque isti a Moysse Spiritum sanctum accipere potuerunt ; sic etiam de episcopis, cæterisque ecclesiasticæ dignitatis ordinibus procul dubio sentiendum est : nimirum quia unus omnipotens Deus, qui eos per diversos ordinum gradus moderaminis sui dispensatione distinxit ; solus etiam, prout ipse novit, Spiritus sui gratiam in unumquemque diffudit. Neque enim in illa Spiritus datione aliud sibi Moyses arrogare privilegium potuit, quam quod illi vox divina præcepit ; nimirum, ut viros eligeret, eosque ducens ad ostium tabernaculi, cum eis staret : hæc est summa operis Moysi. Quid ergo suæ virtutis in hoc Dei munere Moyses recognoscere potuit, cum insuper et duo ex his, qui descripti fuerant, Scriptura teste, in castris positi, ad tabernaculum non venerunt : et tamen, eo nesciente, æque, ut cæteri, Spiritum perceperunt ? In eo sane, quod de spiritu Moysi tolli dicitur, atque aliis dari, nullum Moyses dispendium sui spiritus pertulisse credendus est ; velut ab ardente lucerna lumen quælibet materia mutuetur, nullo propter hoc lucerna proprii splendoris detrimento minuitur.

CAPUT XV.

Quod ii qui consecrandi accedunt, jam habeant Spiritum sanctum.

Enim vero ad instar septem donorum Spiritus sancti, septem nihilominus sunt ordines ecclesiasticæ dignitatis : quod autem his omnibus gradibus adhuc et alii præferuntur, videlicet ut sint patriarchæ, archiepiscopi, vel episcopi, ab his non tam novus ordo suscipi, quam in eodem ipsi sacerdotio videntur excellentius sublimari. Nam cum sacerdos idcirco dicatur, quia sacrum det, hoc est, quia Deo sacrificium offerat ; quid in Ecclesia sublimius, quid eminentius sacerdotio poterit inveniri, per quod videlicet mysterium Domini corporis et sanguinis probatur offerri ? Licet igitur illi quibusdam privilegiis pro suo quisque **105** ministerio specialiter potiantur, quia tamen id, quod omnibus majus est, commune cum reliquis sacerdotibus habent, cum eis etiam, et ipsi non immerito sacerdotii nomen tenent (*dist. 21, c. Clericos*) ; ad hos nempe gradus cum ministri Ecclesiæ provehantur, non ita credendi sunt Spiritum sanctum noviter ac repente suscipere, ut ipsos tanquam eotenus vacuas domus ille supernus habitator tunc primum incipiat visitare ; sed hoc potius modo, ut

quos jam inhabitat, per ampliorem gratiam ad altioris quoque gradus incrementa perducat; alioquin quomodo quis in subeundis honoribus noviter illum posset accipere, cum et ipsi gradus per morosa temporum intervalla regulariter conferantur (dist. 73, c. *Ordinationes*): et baptismus, cui primitiæ spiritus ascribuntur, longe prius susceptus fuisse videatur? Nam et in apostolis eadem non ambigitur discretio fuisse servata, videlicet ut Spiritum sanctum, quem jam habebant, rursus acciperent; et de gratia ad gratiam suis aucti provecibus aspirarent. Salvo plane mysterio, quod divina providentia primitus occulte in eorum cordibus intelligitur operata, his manifesto munere Spiritum sanctum suscepisse leguntur: primo scilicet tunc cum Dominus insuflavit, et dixit: « Accipite Spiritum sanctum (Joan. xx); » secundo cum super eos in figura linguarum ignis apparuit (Act. ii). Verumtamen et ante hæc tam perspicuæ donationis indicia, inter ipsa videlicet vocationis primordia divinitus inspirati fuisse noscuntur. Nam quomodo possent cuncta, quæ corporaliter intuebantur, abjicere, ac sub unius vocis imperio ad invisibilia festinare, nisi jam interioribus eorum oculis gratia Spiritus sancti infusisset? Unde et Paulus ait: « Qui Spiritum Christi non habet, hic non est ejus (Rom. viii): » quæ nimirum apostolica sententia licet necdum fuerit scripta, jam tamen erat procul dubio vera. Nequaquam ergo ut Christi essent, Christi se discipulati tradidissent, si jam Spiritus ejus primitias non haberent. Munus itaque divinæ largitatis, quod jam fidelibus suis dederat, iterum atque iterum dedit, ut frigida atque arentia corda suum munus iterando, et ferventius accenderent, et affluenter inundarent. Sic nimirum, sic humana natura, quæ longè fuerat noxiæ vetustatis squalore consumpta, ad florem novæ vitæ quibus erat incrementorum processibus reformanda. Si ergo secundum ea, quæ superius comprehensa sunt, non modo in inferiori quolibet gradu quis constitui, sed ne baptizari quidem sine Spiritu sancto potuit; quisquis ad officium sacerdotale provehitur, non noviter Spiritum sanctum, sed ejus utique, quem jam habet, suscipit incrementum. Sicut enim una anima per omnia corporis membra diffunditur; sic uno Dei Spiritu sancto universalis Ecclesia vegetatur. Unde et Paulus Corinthiis dicit: « Sicut enim corpus unum est, et membra habet multa; omnia autem membra corporis eorum sint multa, unum tamen corpus sunt; ita et Christus (! Cor. xii). » Etenim in uno spiritu carnes nos in unum corpus baptizati sumus. At vero zizania eum sit una, omnia quidem membra vivificat, sed non unam, eandemque vim membris omnibus administrat; quibusdam nempe quasi quadam prærogativa concedit, quod aliis non impertit: nam cum **106** cætera membra per eam communiter vivant, oculus ab ea spiritualiter accipit, non solum ut vivat, sed etiam ut videat; auris ut audiat; cor ut sapiat; naris ut olfaciat; lingua ut loquatur;

A cumque eadem anima nullatenus sit directæ, diversa tamen singulis membris injungit officia. Sic etiam Spiritus sanctus dum universis in Christo renatis fidem tribuit, quasi vitam cunctis Ecclesiæ membris infundit, sicut divina voce dicitur: « Justus autem meus ex fide vivit (Heb. x). » Cum ergo nonnullus ad ecclesiasticæ dignitatis ministeria provehit, velut quibusdam superioribus membris specialia dona concedit. Præterea utrum lucidi sibi sint oculi, camuræ [f. sonores] aures, sive etiam nares, anima non discernit; sed sive honesta, sive fœda sint hæc, proprii juris officium cuique distribuit; ut quodam modo non magnipendere videatur, cujusmodi ipsa sint membra, sed loca potius, in quibus sunt naturaliter constituta. Ita quoque Spiritus sanctus ad conferendum spiritualis gratiæ sacramentum non tam vitæ meritum, quam injecti gradus attendit officium; ut non magnopere ad momentum rei hujus atineat, quod Ecclesiæ membra deformiter sint, honeste composita, sed id potius ubi sint posita; et a nobis non tam merita sint considerata, quam loca, præsertim cum Apostolus dicat: « Posuit Deus membra, unumquodque eorum in corpore, sicut voluit (! Cor. xii). » Sed sæpe contingit, ut membra ipsa, quibus potiora sensuum prærogantur officia, deformitati reperiantur obnoxia, cum cætera scilicet conspicua sint venustate decora, quæ nimirum illorum officiis communi simul utilitate participant, cum tamen in se nullum prorsus nævum eorum deformitatis admittant. Unde idem dicit Apostolus: « Quæ inhonesta sunt nostra, abundantius honestatem habent (Ibid.). » Ita profecto clerici quod specialiter habent, non magis sibi quam usui totius Ecclesiæ communiter debent: sicque fit, ut si indigni sint, et privilegium, quo præferuntur, aliis debeant, et reatus quo premuntur iudicium non evadant. Nam si pro se tantummodo ministerium sacerdotale susceperent, non abs re homines de illorum meritis disputarent; sed quoniam pro communi omnium salute gratia illa tribuitur, non attendendum qualibus datur, sed pro quibus datur. Porro autem Veritas dicit: « Ego sum vitis, vos palmites (Joan. xv). » Ex hac vite diversi prodeunt palmites, alii quidem aliquando præcidenti, alii germinandis fructibus perpetuo reservandi; sed qui præcidenti sunt, quandiu falx evangelica, vel canonica non accesserit, quidquid afferunt, a bonorum palmitum fructibus non secernitur, sed indifferenter habetur.

CAPUT XVI.

De nequissimis episcopis, quorum tamen ordinatio rata fuerit.

Hinc est enim, quod omnes ordinationes, quæ a Liberio, hæretico videlicet, et seditioso, sunt factæ, in sui status noscentur immobilitate servatæ (consule scholia ad calcem opusculi). Porro Liberius perfidiæ deceptus errore, Arianiæ hæresi subscripsisse dignoscitur, **107** ac per ejus transgressionem nefandissima scelera sunt commissa: multi quoque

sacerdotes, et clerici per ejus malitiam sunt perempti; residui vero catholici non ab Ecclesiis, sed etiam a locis suis prohibiti. Liberius itaque factus apostata, sex annorum spatia supervixit: quidquid tamen super ordinationibus egit, fixum et ratum in sui vigoris stabilitate permansit. Quid de papa Vigilio dicam? qui nimirum sceleratus et impius, quidquid ordinando constituit, nemo pontificum cassare præsumpsit. Istum denique noveris esse Vigilium qui prius Bonifacio papæ molitus est insidias, quatenus eo vidente, apostolicam sedem sacrilegus obtineret; sed resistente senatu, conatus illicitos et nefarios implere non potuit. Postmodum vero solitis machinationibus Sylverium papam aggressus est apostolica dignitate privare, quod ille mox animadvertens, synodale concilium congregavit, ubi auctoritate Spiritus sancti, et apostolica potestate eum, ut revera Simoniacum et invasorem Ecclesiæ vinculis ablegavit. Vigilium tamen, ut sacrilega mente conceperat, per imperialem potentiam datamque pecuniam et falsorum adminiculo testium prædictum papam Sylverium nequiter condemnavit, monachicis vestibus induit, et ad Pontias in exilium destinavit, sustentans eum pane tribulationis, et aqua angustiae: ibique felix papa ille confessor factus, defunctus ac sepultus est: ad cujus tumulum nonnulli sanabantur infirmi. Vigilius autem dignis anathematis nexibus irretitus, reus insuper homicidii, nefariis ausibus se papam instituit. Sed, o inestimabilem divinæ clementiæ pietatem! Vigilius, qui jam desperatus erat ad culpam, servatur ad penitentiam, Antium scilicet haereticum patriarcham, quem reconciliare spoponderat, inthronizare noluit: propterea longo detrusus exilio dirisque afflictionibus maceratus, factis digna recepit, et sic demum procul a patria expulsus, defunctus quievit in Domino. Ordinationes tamen ejus, ut dictum est, in sua perpetim stabilitate permanserunt. Hæc autem, quæ de Sylverio Vigilioque retulimus, partim in synodali decreto ejusdem Sylverii, partim in pontificali codice digesta leguntur. Si ergo nec tam flagitiosorum pontificum statuta cassantur, quo pacto innocenti homini Simoniaci manus officiant, quem propria sententia non condemnat; quomodo aliena pravitas a divina gratia separat, quem propria vita Deo commendat? Spiritus enim sanctus per eum datur, a quo procul dubio non habetur. Sed ut nostræ imbecillitatis assertio fidem audientibus præbeat, beatus etiam Augustinus (contra Parmenianum l. II, cap. 11) ad medium idoneus suffragator accedat; contra Parmenianum enim Donatistam his alloquitur verbis: Quod autem, inquit, in libro Sapientiæ legitur: Spiritus sanctus disciplinæ effugiet fictum, et auferet se a cogitationibus, quæ sunt sine intellectu (Sap. 1); ita intelligendum est, ut desit saluti ejus, ministerium tamen non deserat, quod per eum salutem operatur aliorum. Unde ait Apostolus: « Si enim volens hoc facio, mercedem habeo; si au-

tem invito, dispensatio mihi credita est (1 Cor. ix). » Ac si dicat: Illis prodest, quibus dispenso; non mihi, qui facio. Ideo quoque **108** doctor egregius in expositione beati Joannis evangelistæ sic loquitur: « Jam vos mundi estis propter verbum, quod locutus sum vobis (Joan. xv). » Quare non ait, mundi estis propter baptismum, quo abluti estis, sed propter verbum, quod locutus sum vobis: nisi quia et in aqua verbum mundat. Detrahe verbum, et quid est aqua, nisi aqua? Accedit verbum ad elementum, et fit sacramentum etiam ipsum tanquam visibile verbum. Nam et hoc utique dixerat, quando discipulorum pedes lavit: « Qui lotus est, non indiget nisi ut pedes lavet, sed est mundus totus (Joan. xiii). » Unde ista tanta virtus aquæ est, ut corpus tangat, et cor abluat nisi faciente verbo? Non quia dicitur, sed quia creditur. Nam et in ipso verbo aliud est sonus transiens, aliud virtus manens, hoc est verbum fidei, quod prædicamus, ait Apostolus: « Quia si confessus fueris in ore tuo, quia Dominus est Jesus, et crederis in corde tuo, quia Deus illum suscitavit a mortuis, salvus eris. Corde enim creditur ad justitiam, ore autem confessio fit ad salutem (Rom. x; Isa. xxviii). » Unde in Actibus apostolorum legitur: « Fide mundans corda eorum (Act. xv). » Et in Epistola sua B. Petrus: « Sic et nos, inquit, baptisma salvos facit, non carnis depositio sordium, sed conscientiæ bonæ interrogatio in Deum (1 Petr. iii); » hoc est verbum fidei, quod prædicamus, quo sine dubio, ut mundare possit, consecratur et baptismus. Christus quippe nobiscum vitis, cum Patre agricola, dilexit Ecclesiam, et semetipsum tradidit pro ea. Lege Apostolum, et vide quid adjungat: « Ut eam sanctificaret, inquit, mundans eam lavacro aquæ in verbo (Ephes. v). » Mundatio igitur fluxæ et labili non tribueretur elemento, nisi adderetur in verbo. Hoc verbum fidei tantum valet in Ecclesia, ut per ipsam credentem, offerentem, benedicentem, tingentem, etiam tantillum mundet infantem, quantumvis nondum valentem corde credere ad justitiam et ore confiteri ad salutem. Totum hoc fit per verbum, de quo Dominus ait: « Jam vos mundi estis propter verbum, quod locutus sum vobis (Joan. xv). » Secundum ergo beati hujus viri sententiam, imo secundum ipsius Redemptoris nostri salutarem doctrinam, sacramenti cujusque mysterium non ex consecrantis est merito, sed in consecrationis est verbo; ut non magnopere perpendatur quid in consecratione per meritum lateat; sed quid in eum, qui consecrandus est, per verba descendat. Idem quoque ipse in expositione decimi psalmi, sic ait: Justus autem quid? Si vos Cæcilianus offendit, Christus quid vobis fecit? Qui traditorem suum, quem diabolum nominavit, qui ante traditionem Domini nec loculis Dominicis fidem potuit exhibere, cum cæteris discipulis ad prædicandum regnum cælorum misit; ut demonstraret dona Dei pervenire ad eos, qui cum fide accipiunt; et si talis sit, per quem accipiunt, qualis Judas fuit.

109 CAPUT XVII.

De Anatolio , et Polychronio , qui post scelerata primordia bene conversi dignos se suis ordinibus ostenderunt.

Cur ergo vana hominum temeritas jaetat, quod innocentis munditiam aliena valeant foedare contagia : et eos negotiatorum crimen obruat, qui contractum penitus negotiationis ignorant, cum hi sæpe, qui male cœperunt, bene consummunt; et sinistra principia ad bonos exitus emendationis vitæ satisfactione proveniant? Sed ut quod sermone proferimus, firmemus exemplo, non obscurum est, quod S. Flaviano Constantinopolitano episcopo ob catholicam finem in exilium destinato, Anatolius, eo vivente, in loco ejus ab hæreticis ordinatus est. Ad quem sanctus papa Leo ita loquitur : Decessore enim tuo beatæ memoriæ Flaviano propter defensionem catholicæ veritatis ejecto, non immerito credebatur, quod ordinatores tui contra sanctorum canonum constituta viderentur sui similem consecrasse : sed affuit misericordia Dei in hoc te dirigens, atque confirmans, ut malis principiis bene uteris, et non te iudicio provectum, sed Dei benignitate monstrares. Quod vere ita accipiendum est, si hanc divini muneris gratiam mala confessione non perdas. Præterea quid et de Polychronio Hierosolymitano videlicet loquar episcopo? Qui profecto sicut in gestis pontificalibus invenitur, dum Jerusalem primam sedem superbus assereret, summumque pontificem se contumaciter perhiberet, in Simoniacæ quoque hæreseos voraginem lapsus est; ita ut nec clericos sine pecunia promoveret, nec ex cujuslibet delatione Ecclesiæ minus quam decem auri libras male mercatus acciperet. Quid plura? Tandem Sixtus Romanæ sedis episcopus collecto concilio, cum septuaginta sex episcopis depulsum propria sede damnavit, eique tria duntaxat Ecclesiæ prædia usufructuario jure constituit. Locum tamen ejus intactum servari præcepit, ordinationem suspendit, et episcopum quemdam, Theodolum nomine, in sede ejus vicarium dereliquit. Post menses autem novem, cum Hierosolymitana civitas famis inopia premere-
tur, Polychronius prædia ipsa, quæ fruenda perceperat, vendidit, eorumque pretium legaliter pauperibus erogavit. Quod cum Sixtus, episcopo accusante, et pium crimen impingente, a Prisco diacono didicisset (ajebat enim, quia Ecclesiæ bona distrahere illi non licuit, quæ ad tempus duntaxat utenda suscepit), sanctus papa gavisus est valde, et mox Valentiniano Augusto pium facinus intimavit. Deinde congregata synodo, Romanus pontifex Valentiniano pariter consistente, tractare cœperunt, quid digne de Polychronio fieret, qui in ipsa dejectionis suæ pauperie cuncta distribuens, evangelicam viduam Redemptoris ore laudatam laudabiliter imitatus esset (*Marc. xii; Luc. xxi*). Competenti itaque censura decretum est : Ut is non viduaret qui viduam victum suum pie largiendo, secutus est. Sic igitur Polychronius, qui digne gradum suum prius superbus, et

A avarus **110** amisit, postmodum largus factus et humilis pristinae sibi dignitatis infulas reparavit. Si ergo Anatolium, qui, ut superius dictum est, et vivente, ac depulso episcopo, et ab hæreticis insuper ordinatus est, sancta conversatio potuit excusare, si Polychronium perspicue Simoniacum una potuit eleemosyna honori pristino restituere, quo pacto dicitur, quia promotus a Simoniaco suscepti honoris fructum nullatenus consequetur?

CAPUT XVIII.

Quod per indignos etiam sacerdotes sæpe exhibentur miracula.

Imo quid mirum, si per malos ministros omnipotens Deus in Ecclesia sua propagari officium sacerdotale permittat, cum per eosdem etiam virtutum signa frequenter exhibeat, non videlicet ob religiosæ vitæ meritum, sed propter acceptum sacerdotalis mysterii sacramentum? Nam, ut ex multis pauca perstringam, Fesulanus episcopus, Raimbaldus nomine, erat manifestissime Simoniacus, quia videlicet non solum ipse per pecuniam pontificatus culmen obtinuit, sed et vix aliquando gratis aut clericos, aut ullas consecravit Ecclesias. Huc accedebat, quod præter alias, unam habebat publice ac familiaris adhærentem, et tanquam legitimæ desponsationis uxorem, quorum filii et filiaæ adhuc plures exstant, et fœderati conjugio, et succrescentibus liberis cumulati. Per hunc itaque talem plura perhibentur exhibita fuisse miracula, ex quibus videlicet unicuique etiam ex aliis, quæ fama divulgavit, probabiliter credat. Rozo namque, qui dicitur magister cantorum, Florentinæ Ecclesiæ presbyter, vir apprime litteralibus studiis eruditus, in magno clericorum suorum conventu, præsentem quoque reverendissimo domino Gerardo suo episcopo, hoc mihi per ordinem retulit : Dæmoniaca, inquit, aliquando ducta est ad nostri episcopatus ecclesiam, forte tunc Inventionis Dominicæ crucis solemnitas agebatur; cum vero ad offertorium perventum esset, quod nimirum dicitur : Veniens vir splendidissimus ad Constantinum; nescio quo casu repente clericis oblivio modulationis obrepit. Protinus illa tanquam in adjutorium lapsis accurrens, in medium festina prosiliit, in organum mox excellentissimæ vocis erupit, et tam naviter, ut omnes mirarentur, suavis melodia regulam tenuit. Adjuratus autem dæmon, ut exiret, respondit, quia a Romulo duntaxat deberet expelli. Hoc audientes miseræ mulieris comites, mox ad Fesulanam properant festinanter Ecclesiam : ibique ante altare B. Romuli divinam misericordiam præstolantur. Sed et illic inquisitus dæmon, respondit se nullatenus egredi, nisi Raimbaldus adveniret episcopus. Cumque præfatus episcopus venire satageret, dicebat interim dæmon : Væ, ecce episcopus nunc ascendit equum, ecce illic in tali loco jam est : ecce ante illam vel illam domum modo pertransit, et illi notantes loca probabant cuncta sic se habere veraciter, sicut mendax spiritus asserbat.

111 Tandem episcopus veniens, invocato Christi nomine, ab obsessio corpore malignum spiritum protinus expulit, et mulierem ad propria liberam incolumemque remisit.

Eodem quoque tempore, cum videlicet Simoniaca pestis per totum corpus Ecclesiæ lethaliter serperet, passimque per omnes gradus ecclesiasticos libere pullularet, Marinus quidam presbyter erat, hujus videlicet Eleuchadii reverendissimi atque honestissimi viri pater, qui monasterio nunc præest beatæ Dei Genitricis semperque Virginis Mariæ, juxta Faventinæ urbis mœnia constituto. Hic itaque hujus, quem prædiximus, Eleuchadii matrem publice tanquam legitimam possidere non reverebatur uxorem. Huic presbytero plane tantam divina dispensatio contulerat gratiam, ut eum sanctificatam a se aquam frugibus per agros aspergeret, non ulterius vermiculorum, non erucarum, non denique locustarum fruges læsura pestis aliqua remaneret, sed mox agmine facto, omnes abscederent, postquam eos aque sanctificatio conspersisset. Aliquando autem ejusdem Marini presbyteri dominus, Jeremias nomine, adversus æmulum suum generis affinitate propinquum, sed voluntate prorsus adversum gravissimæ similitudinis odio laborabat, qui videlicet inter cætera inimicitiarum timens ne etiam venationibus deditum canum suorum sagacitatem hostile præstigium fascinaret, petiit a jam dicto presbytero, ut situlam aquæ plenam per exorcismum sanctificaret, sibi que deferret, quia suis quibusdam usibus satis necessariam judicaret. Cumque ille simplici animo, quod imperatum fuerat, peregisset, Jeremias sapiens quidem ut mala faciat, virtutem vero sacramenti, quia prorsus ignorat, margaritas ante porcos projicere non formidat. Nam sanctificatam aquam cantabro stultus immiscuit, et canibus suis per maleficio, ne incantari possent, ad devorandum obtulit. Sed aliter sentiente divina providentia, in contrarium versa est ejus sententia : malum siquidem, quod male cavere volebat, incurrit : et dum brutis animalibus inconsulte consulere studuit, suam potius animam læsit. Nam ad vescendum canes admissi, eum ad primos impetus avida vix dum ora laxarent, et ferales cibos necdum lingua contingerent, primo naribus odore percepto, protinus in terram omnes mortui corruerunt. Tunc dupliciter ille confusus, nimirum et peccati reus, et facultatis amissæ damno percussus, Marino presbytero omnem rei seriem, prout se habebat veritas, innescit, et tantæ audaciæ, tantique sacrilegii dari sibi poenitentiam flebiliter quærit. Abnegat Marinus tanti criminis sibi met arrogare iudicium, nec aliud semper illud statuere, quibuslibet hinc inde pulsatis precibus acquievit, nisi, ut si poenitentiam veraciter quæreret, ad apostolicæ sedis apicem necessario properaret. Cui tandem ille necessitate compulsus paruit, atque apud Romanam Ecclesiam poenitentiae iudicium, quod flagitabat, accepit.

Alio quoque tempore puellam quamdam quam

idem Marinus presbyter baptizaverat, lupus rapuit, atque in silvarum condensa, saltuumque secreta, multis insequentibus asportavit. **112** Cumque post eam et mater exanimata concurreret, repente Marinum presbyterum sibi met obvium reperit, eique cum magnis ejulatibus flebilis querelæ singultus expressit : Heu, heu, Pater, inquit, nunquam suspicari sic potui, ut miseræ matris infelicio filia, quam de sacro fonte ipse traxisti, cruentis belluis rapina fieret, et cibus facta lupis, ferinæ rapacitatis ingluviem satiare ; cui presbyter ait : Noli timere, mulier, quia si illa veraciter est, quam ego baptizavi, nunquam bestia devorandi eam accipiet potestatem. Deinde audax, ac temerarius hoc etiam insipienter adjecit : Si enim, ego illam lavaero sacri baptismatis ablui, et eam bestia laceraverit, jam non eradam quod Deus regnet in cœlis. Mira res, post quatuor fere horas ultra octo prope modum milliaria inter fruteta silvarum illæsa, et incolumis reperta est, juxta quam et lupus innocens stabat. Et sicut leoni cadaver prophetæ de Samaria redeuntis violare non licuit (*III Reg. xxi*), ita et lupus iste puellam non ausus est lædere ; sed quantum datur intelligi, ultro etiam visus est custodire. In puella itaque nulla penitus læsio est inventa, nisi quod crura ejus, et brachia spinarum ruborumque videbantur aculeis cruentata.

Alius quoque presbyter nuper in his partibus fuit, hujus scilicet reverendissimi viri Gerardi frater, qui nunc præest monasterio S. Donati in suburbio Immolensis oppidi constituto : et presbyter ille communis quidem, ac pene sæcularis erat vitæ, sed tantam a Domino consecutus erat gratiam, ut si quis sibi nuntiaretur a serpente percussus, mox sanctificatam a se aquam nuntianti porrigebat, ut biberet ; qua hausta, tanta profuturæ divinæ virtutis efficacia clarescebat, ut is, qui biberat, tanquam si eum anguis specialiter momordisset, omne vulnerati virus evomeret : et ille, qui percussus fuerat, funditus veneno vacuus, et totis visceribus humore pestifero defæcatis liber et incolumis remearet.

Alius quoque presbyter erat nullius pene momenti, ita ut sæcularis prudentiæ ne tenui quidem calleret ingenio, literas autem vix syllabam ac rustice balbutiret ; aliquando vero gallinam ejus hora vespertina rapuit accipiter, quæ scilicet injuria amarissimo eum felle iracundiæ commovit, et ita plane, ut minaretur sancto, in cuius nomine dedicatam regebat ecclesiam, quia nisi sibi met altile suum, quod perdidit, redderet, nequaquam sibi de cætero ecclesiastica officia celebraret. Et tanquam linguæ vesania non plene sufficeret, manibus est ausus excidere, et ipsum altare virginis verberare aggressus est. Quid plura ? Mane die altero, gallina rediit, et exceptis alis, et capite, omnibus alis deplumata, pennis, nullum læsionis in toto corpore vestigium reportavit, ut liquido monstraretur, quia presbyteri licet insani voces divina pietas omnino non respuit, dum in ejus perniciem devolandi li-

centiam accipiter non accepit. Et quid mirum si divina dispensatio per qualescunque sacerdotes, orthodoxos tamen, miraculorum virtutes ostendat, cum per ipsos quoque hæreticos sæpe signa suæ potentia manifestet? Nam, ut de cæteris **113** sileam, quod in Tripartita historia legitur, non absurdum videtur, si eisdem verbis simpliciter inferatur: « Interea, inquit, incendium in civitate Constantinopolitana factum, paulatim pervenit ad thermas, quæ vocantur Achilleæ, demum ad locum, qui dicitur Pelargus, ita ut Novatianorum comprehenderetur ecclesia. Tunc fertur Paulum eorum episcopum inter flammam restitisse ecclesiæ, supplicanti Deo, ne ecclesia pariter concremaretur. Qui locus ereptus est, et hactenus stat illæsus, in quo loco septima decima die mensis Augusti apud Novatianos collectio celebratur. Hunc itaque locum non solum Christiani, sed et pagani ex tempore venerantur. » Sed hæc virtutum signa, quæ vel per hæreticos, vel per indignos rectæ fidei sacerdotes operatur divina dispensatio, sacerdotes (quia non cuiuslibet eorum merito, sed ministerio conceduntur) nequaquam eos, vel ab his, quæ merentur, suppliciis liberant, vel apud districtum Iudicem perpetrati reatus excusant. Unde enim aucupantur gloriam, in confusionis decidunt ingominiam: et quo magis extolluntur favoribus adulantium, eo proclivius in damnationis æternæ præcipitia demerguntur. Et sæpe tales terribili morte percussi, luce clarius indicant, quam revera reprobi fuerint, qui specie tenus quasi mirabiles apparebant. Nam et is, cujus paulo ante meminimus, Fesulanus episcopus cum tantæ pravitatis esset, ut et laicus ejus frater honestæ ac modestæ vitæ cum eo familiaritatem habere minime dignaretur, signorum tamen adeo virtutibus coruscabat, ut in dedicatione unius duntaxat ecclesiæ quinque coram omni populo dæmoniacos curasse constanter a perhibentibus asseratur. Sed quia non suis, sed alienis miraculis clauit, ad obitum veniens, ultrici ante ignem igniti corporis animadversione signavit. Pabula siquidem perniciosæ uredinis in pede ejus pestilenter exorta, sic totam plantam, tibiam, coxamque cum inguine simul ac genitalibus comprehendit; ut usque ad vitalia serpendo procederet, et velut aridi materiam stipitis viscera ejus interna depascens, occultis eum vaporibus conflagraret, quatenus hic jam primitivus ignis accenderet, quem flamma postmodum nunquam deficiens absorberet. Tam quippe intolerabilis, atque immanissimi languoris nimietate constrictus, nec dignam cognoscitur pœnitentiam suscepisse, nec mulierum a se contubernium, quarum etiam tunc impudenter uti ministerio non verebatur, voluit absentare.

Porro autem cum Redemptor noster dicat, « quia in digito Dei eijceret ipse dæmonia (*Luc. xi.*) » digitus autem Dei procul dubio Spiritus sanctus accipitur; evidenter agnoscitur, quia nunquam dæmones e corporibus hominum nisi per virtutem Spiritus

A sancti expelluntur. Unde liquido manifestum est quia episcopus ille licet indignus, licet fuerit Simoniacus, et illecebrosæ luxuriæ spurcitiâ maculatus, dæmones tamen effugare nullatenus potuisset, si virtutem in se sancti Spiritus non habuisset. Nam et Samson, qui contra legis divinæ præcepta alienigenæ nationis meretricibus utebatur, nunquam tam durissima vincula evadere potuisset, totque **114** hominum millia solus trucidare, nisi eum fortitudo sancti Spiritus roborasset (*Judic. xvi.*). Præterea et propheta ille falsus sine prophetica sancti Spiritus revelatione non fuit, qui fallendi artifex virum Dei Bethel revertentem contra divina præcepta comedere per accurata mendacia persuasit, asserens: « Angelus, inquit, locutus est mihi in sermone Domini, dicens: Reduc eum tecum in domum tuam, ut comedat panem, et bibat aquam (*III Reg. xiii.*) » moxque Scriptura sequitur: « Fefellit eum, inquit, et duxit secum (*Ibid.*) » et paulo post: « Cumque sederent ad mensam, factus est sermo Domini ad prophetam, qui reduxerat eum, et exclamavit (*Ibid.*) » rei videlicet ordinem; quo perimendus erat, quoniam voti Domini inobediens fuerat. Ubi notandum quod, quem fefelisse fratrem Scriptura prius evidenter accusat, ad eundem mox sermonem Domini factum, ac verissimam prophetasæ, indubitanter affirmat. Et certe, si facti hujus ordo diligenter pensatur, deceptor iste procul dubio viri innocentis homicida fuisse convincitur: in talem tamen Spiritus sanctus venire non renuit, et in ipso captiosæ deceptionis articulo, dum curat per mendacium fallere, coactus est per veritatis oraculum prophetare. (*Vide scholia.*) Enimvero quis Heli sacerdotem nesciat reprobum, et tam pro lenitate sua, quam pro liberorum effrenata licentia divinæ animadversionis sententia condemnatum? Ejus tamen benedictione non fuit sterilis uterus Annæ, cui nimirum fecunditatem imprecatus est vulvæ. Ait enim Scriptura: « Benedixit Heli Elcanæ, et uxori ejus, et dixit: Reddat tibi Dominus semen de muliere hac pro fœnore quod commodasti Domino; » moxque subjungit: « Visitavit ergo Dominus Annam, et concepit, et peperit tres filios et duas filias (*I Reg. ii.*) » Hanc itaque benedictionem efficacem reddidit non meritum hominis, sed officium sacerdotis: et quod non habebat causa ministri, virtus exhibuit ministerii.

CAPUT XIX.

Quod sæpe sinistra principia ad felices proveniunt exitus.

Quid denique officiat Simoniacus, si ordinandis manus imponat, cum neque id quod habetur, auferre, neque quod divinitus agetur, prævalet inhibere? Illud siquidem cœlestis gratiæ munus non de mar-supio extrinsecus satagentis, sed de thesauro profertur invisibiliter præsidentis. Nam etsi fur sit ille qui seminat; terra tamen, auctore Deo, vires germinandis frugibus administrat. Licet sordida sit manus, aut leprosa, quæ plantat; mundus certe fructus decerpitur, cum ad maturitatis plenitudinem perve-

nitur. Ex adulterino sæpe conjugio pulchra soboles nascitur, et ex obscena voluptate parentum spectabilis oritur species liberorum. Alios quidem filios Jacob ex legitimis uxoribus genuit, alios ex concubinarum servili conditione suscepit : at cum ad capessendam hereditatem utrique perveniunt, parili inter se distribuendarum sortium jure ceduntur (*Gen. xxx.*). Phares de theristrata et exposita in bivio nascitur (*Gen. xxxviii.*), sed non minimus inter Israelitarum **115** cognationum principes invenitur. Salomon ex ea, quæ fuit Uriæ, cognoscitur habuisse principium (*II Reg. x; I Par. iii.*), qui tamen regalis sceptri tenuit incomparabiliter principatum. Obed certe ex Ruth Moabitide duxit originem, sed egregium regem David, magnum videlicet meruit habere nepotem. Booz quoque Rahab meretrix genuit, qui tamen in regali Dominicæ genealogiæ catalogo meruit numerari (*Matth. i.*). (*Vide scholia.*) Et quid alios memorem? Quandoquidem et ipse Dei mediator, et hominum, de peccatoribus originem duxit, et de fermentata massa sinceritatis azymam absque ulla vetustatis infectione suscepit : imo, ut expressius dicam, ex ipsa carne virginis, quæ de peccato concepta est, caro sine peccato prodiit, quæ ultro etiam carnis peccata delevit.

Quid ergo mirum, si valida manus Domini, atque ad quodcumque voluerit, efficax, hoc faciat in Spiritu, qui vivificat, quod agere probatur etiam in carne, quæ non prodest quidquam? (*Joan. vi.*) Qui enim facit, ut sinistra principia ad faustos proveniant exitus, et hoc in rebus utique terrenis, quomodo credendus est idipsum propensiori dispensatione non agere in spiritualibus sacramentis? Nimirum qui præcipit arborem sordidi plantatoris nescire contagium, cur etiam negetur ab his, qui consecrantur, omnem scelerati consecratoris prorsus habere reatum? Qui manseres cum legitimis, ancillarum filios cum herilibus, in consortium velut nascendæ hereditatis adscivisti, nec aliqua eos ab his inæqualitate discrevit; quid mirum si et eos, qui a pravis sacerdotibus sunt promoti, cum iis simul, qui a bonis ordinati sunt, parili faciat sacerdotalis officii dignitate potiri? Quod plane nequaquam fit per meritum consecrantis, sed per verbum potius Dei vivi, et permanentis. Verbo denique Dei Patris dictum est : « Germinet terra herbam virentem, et facientem semen, et lignum pomiferum faciens fructum juxta genus suum (*Gen. i.*). » Et ecce hoc verbum ita hodie permanet illibatum, ut nequaquam diversitatem agricolarum inietur proventus fructuum, sed juxta uniuscujusque genus proprium semen in herbis, proprium reperitur in pomis. Quod profecto semen rursus terræ committitur, ac postmodum non diversum, sed juxta sui generis speciem præparatur. Si ergo ex verbi divini virtute, terra, quod accipit, ad eandem similitudinem reddit; quid mirum, si sacerdotalis illa benedictio, quæ tanquam semen in accedentis animam jacitur, sacerdotum per afflatum Spiritus sancti invisibiliter operetur, atque ideo non

A jam seminantis imago digne requiratur in fructu, sed sola, ut ita dixerim, seminis similitudo procedat? Dixit etiam animalibus Deus : « Crescite, et multiplicamini (*Ibid.*). » Ex cujus videlicet efficacia verbi, cuncta usque nunc creantur animantia : non certe principaliter nova, sed ex eodem originali semine per traducem propagata.

Cum igitur verba illa, quæ nimirum semel prolata sunt, tam immobiliter vigent, quid ex illis sacerdotalium benedictionum verbis est sentiendum, quæ sacra prorsus, atque divina idcirco semper in promovendis exterioris repetuntur, ut mysterium intrinsecus operentur? Nam cum **116** incantatorum verbis inesse tanta virtus asseratur, ut eis tanquam lapidibus injectis serpens percussa frangatur; quid mirum si sacerdotalis benedictio sacramentum in se virtutis divinæ contineat, unde ille sacerdos, qui admotus est, fiat? Nunquid enim majoris sunt virtutis incantatoria verba, quam illa efficacia prorsus, et mystica, ac divini nominis invocatione sacrata?

CAPUT XX.

Quod per Simoniacum, ut Spiritus sanctus dari baptizando possit, consecrando non possit, ratio non admittit.

Illud sane mirandum, cur tanta stoliditate desipiant, qui Simoniacos baptizare efficaciter posse, consecrare autem nullatenus posse, impudenter affirmant? Et tanquam de hoc jam superius sit breviter disputatum, non abs re videtur adhuc enucleatius disserendum. Ponamus ergo in medium Simoniacum baptizantem, eundem quoque nihilominus consecrantem, et discernamus, si possumus, cur baptismus per eum traditus valeat; cur consecratio in irritum cedat, ac sicut dicitur, sacramenti vires amittat? Ecce is, qui baptizat, post prima fidei rudimenta, quæ catechumenum docuit juxta ecclesiasticæ institutionis morem non orationes super eum dicit, quæ videlicet in hoc ipsum sacerdotali sunt auctoritate compositæ, sicut per exorcismi gratiam malignum hostem, qui eotenus in eo tyrannidem exercebat, expellit, et Spiritum paracletum invocando piis in eum precibus introducit. Sed quid aliud etiam consecrator agit, quam quod orationes nihilominus dicendo canonicas, eundem Spiritum sanctum super eum, qui provehitur, invocet : atque ut in eum descendere dignetur, exorat; nisi quod majus quid per baptizantem agitur, quam id sit, quod per consecratoris officium exhibetur? Plus est enim Spiritum sanctum in eum, in quo nondum fuerat, nova dignatione descendere, quam eum, cui per fidem jam inerat, ad superioris gradum ordinem promovere. Per catechizantis namque, sive baptizantis officium et spiritus immundus expellitur, et in novo homine advenienti Deo habitaculum præparatur; sicut videlicet ejusdem exorcismi verba testantur, quibus per adjurationis imperium ad iniquum spiritum dicitur : *Tu autem effugare, diabole, appropinquabit enim judicium Dei.* In consecrationibus au-

tem non malum, quod jam deletum abesse videbatur, expellitur; sed bonum, quod collatum fuerat, per cumulum gratiæ plenioris augeatur. Credendumne est ergo, ut unus idemque homo, et quod majus est, agere: et quod minus est, non possit implere? At fortassis e contrario dicitur: Quia nulla videtur inesse illis initiandæ fidei rudimentis, quæ nequam adhibentur consecrationis peragendæ mysteriis, ut videlicet sal, quod in neophytos mittitur; aqua, cui baptizandus immergitur; chrisma etiam quo linitur. Sed hæc quidem per se considerata, nuda sunt elementa, nullumque habere noscuntur mysticæ dignitatis arcanum; ad orationem autem sacerdotis, **117** et invocationem divini nominis, virtutis intimæ concipiunt sacramentum.

Non ergo in rebus materialibus, atque terrenis, sed in precibus sacerdotum, et invocatione divinitatis, sive consecrandi, sive baptizandi sacramenta consistunt: quanquam et in consecrationibus sacerdotum sanctificatum oleum videatur nihilominus adhiberi. Cum ergo unus, idemque videlicet Simoniacus utrobique canonicarum orationum ordinem expleat, utrobique nomen divinitatis regulariter invocet, quando per eum in baptismo Spiritus sanctus datur, quomodo in sacerdotali promotione non detur, non rationis penetrat sensus, non humanus discernit intuitus. Sed dicitur e contra: quia Simoniacus, quod non habet, dare non potest.

Age ergo, quid est, quod in faciem catechumeni sacerdos insufflat, dicens: *Exi ab eo, immunde Satana; da honorem Deo vivo et vero, da honorem Spiritui sancto.* Quibus utique verbis patenter ostenditur, quia per illam hominis insufflationem, arcano nimirum divinæ virtutis agente mysterio, et spiritus malus expellitur, et Spiritus sanctus introire dignatur. Quod nimirum totum si ita per insufflationem nihilominus Simoniaci, sicut et per boni sacerdotis impletur officium; cur quod in uno sacramento posse conceditur, posse etiam consequenter in altero denegetur? Nam etsi baptismus, quod absit, venaliter præbeatur, tametsi sacro canoni sit vehementer adversum, nequaquam credendum est plenæ atque perfectæ regenerationis non habuisse mysterium: ideoque is, qui baptismum sub hæc pecuniæ præstatione suscepit, nec digne rebaptizandus asseritur, nec expers divini muneris judicatur. Quod si ad tantæ perviciæ prorumpatur insaniam, ut Simoniacorum etiam baptismus irritus judicetur, hic nostra fatigetur instantia, sed generaliter occurrat omnis catholicæ fidei disciplina, et universalis adversus eum armetur Ecclesia: quia nimirum omnia sanctorum Patrum convellere nititur instituta.

CAPUT XXI.

Quod attendendum sit quid sumitur, non unde sumatur.

At fortassis illud objicitur, quod beatus papa Gregorius de Simoniacorum damnatione testatur, dicens: « Benedictio, inquit, illi in maledictionem

A convertitur, quia ad hoc promovetur, ut hæreticus fiat. » Probamus nempe sententiam, nec ab ea fas ducimus dissentire. Ille siquidem maledictus, ille hæreticus est; qui male, quod bonum erat, accepit. Quod acceptum est autem, in se quidem bonum est, sed accipienti factum est malum: nam et buccella, illa videlicet Judæ porrecta (*Joan. xiii.*), non de bona facta est mala: sed illi facta est malum, qui bonum non bene, quia indigne suscepit: atque ideo si eam dem buccellam Judas alii tradidisset, nullam sacrum munus in se maculam ex dantis culpa contrahere, nullum necesse fuerat in accipientem contagium redundare. Hodieque etiam si de sacrosancto altari Dominicum corpus quilibet indignus accipiat, alique contradat, **118** mundum est præcui dubio quod accipitur, nec divinæ gratiæ munus sordentis ministri labe fœdatur. Et licet pravus quisque sibi iudicium manducet, et bibat (*I Cor. xi.*), illud tamen, quod manducatur et bibitur, gratia Dei est. Gratia enim Dei gustavit mortem, quæ est humanitas Christi. Omnia siquidem munda mundis, contaminatis autem et immundis nihil est mundum (*Tit. i.*).

Si ergo quod mundum est, idipsum est contaminatis immundum, fatendum est, quia sacerdotum, quod bono scilicet causa spiritualis est dignitatis, Simoniacorum factum materia damnationis: ut inde sit iste sacerdos certe catholicus, inde ille veraciter asseratur hæreticus. Nec mirum hoc in spiritualibus fieri, cum et in rebus corporeis facile possit eadem diversitas inveniri. Sæpe enim cibus, qui alterum vegetat, alterum gravat, et ex eodem cure medicinalis antidoto, alius interit, alius convalescit. Porro unus est ignis; qui simul et cæra liquescit, et terra siccatur, et eadem candela, quæ igne consumitur, et qua accedentes utiliter illustrantur, lumenque quod ad suum præbet interitum, inter tenebras videndi nobis factum est instrumentum: quid ergo me interest, quod candela in cineres vertitur, dummodo lumen, quod ab ea mutuatus sum, mihi indeficiens perseveret? Ardeat, ardeat Simoniacus, unde catholicus illustratur: et eodem lumine, quo alii ministrat, ipse ad defectus sui tenebras tendat, quatenus quod ardet, intereat; et quod illuminatum est, vivat. Sacerdotum quippe lumen quærentibus lumen est: æsta vero ambitionis ardentibus, incendium est. B Quod ergo alter possidet ad propriæ defectionis interitum, alter accipit ad salutis augendæ propectum. Samson nempe de ore mortui leonis favum mellis eduxit, et ex arenti mandibula asini, aquis se profluentibus satiavit (*Judic. xiv.*); sed nec aselli in aqua desidiam, nec belluinam gustavit in melle ferociam: utrobique nimirum, quod sumptum est juxta proprietatem suam in ore sapuit. Unde sumptum fuerit, ratio magnopere non discrevit. Quid etiam mirum, si quod fieri in aqua baptismatis cernimus, non dissimile quid fieri de Simoniacis arbitremur? Per eam nos novi in Christo renascimur, cum eadem aqua post expletum opus in cloacam despicabilem effundatur.

CAPUT XXII.

Quod nec Novatiani sint deponendi; nec Ariani denuo baptizandi.

Sed jam sacros canones, quo vacat compendio, perscrutemur: et licet manifesta propositæ questionis crebro non reperiatur inesse sententia, quid tenendum sit, quibusdam rerum collationibus approbemus. Novimus namque Nicæno statutum esse concilio, ut Cathari, qui ad Catholicam revertuntur Ecclesiam, impositionem solummodo manus accipientes, in suis recipiantur ordinibus. Cur hoc, nisi quia illud hæreticorum genus in catholice fidei integritate persisteret, licet in quibusdam aliis superstitionibus oberrarent? Notum namque **119** est, quod Novatus, cujus ii sequebantur errorem, dogmatizaverat, neque bigamis communicare, neque in persecutione lapsis, etiam post poenitentiam, veniam dare oportere. Si ergo et hi, qui jam ab his sunt hæreticis ordinati, nequaquam suo sunt honore privandi, ob id scilicet, quia eorum consecratores in fide non titubant, quid de Simoniacorum ordinationibus sentiendum, qui et omnia fere institutionis ecclesiasticæ jura conservant?

At fortassis objicitur quia Simoniaci nequaquam sunt in fide perfecti, nimirum peccantes in Spiritum sanctum, quem arbitrantur pecuniis coemendum. Ad quod facile respondemus, quia si hæc districtæ censuræ subtilitas teneatur, etiam in Novatianis contra Spiritum sanctum quodammodo culpa perfidia reperitur. Nam cum per Spiritum sanctum, qui est remissio peccatorum, venia poenitentibus concedatur, constat procul dubio quia contra Spiritum sanctum pugnat, qui lapsis per poenitentiam non communicat. Sed aliud est in fide peccare, aliud est a fide recedere. Aliter nempe redarguendus est miles, qui in belli conflictibus enerviter cecidit, aliter ille plectendus, qui abjuratis militiæ sacramentis, ad hostium castra dedititius transfugit. Non eadem servo pœna debetur, qui in domesticis rebus sub domini sui imperio peccat, et illi, qui jugum servitutis excussit, ac jus extraneæ dominationis elegit. Licet enim isti in regula fidei ex aliquo videantur offendere, non tamen eatenus, ut Spiritum sanctum arguendi sint hæretica pravitate negare. Atque ideo cum revertuntur, quoniam peccaverunt, manus illis imponuntur; quia vero minime negaverunt, sacerdotalis gradus officio non privantur. At contra Ariani, qui adversus Spiritum sancti divinitatem manifesta prorsus impietate configunt, ad catholicam fidem redeuntes, in mali accepti ordinis persistere dignitate non possunt. Credunt enim, sicut eorum sacrilega professio manifestat, quod Pater creator sit, Filius creatura, Spiritum vero sanctum creaturam creaturæ damnabiliter asseverant.

Quia igitur virtutem sancti Spiritus in fide non habent, qua videlicet omnis Ecclesiæ dignitatis ordo perficitur, apud eos facta ordinatio canonicis sanctionibus irrita judicatur. Sed non abs re fieri credimus, si quid de iis in suis Decretis Innocentius papa

A reliquerit, hoc etiam sub ejusdem literis inseramus. Arianos, inquit, cæterasque hujusmodi pestes detestamur: quia eorum laicos conversos ad Dominum sub imagine poenitentiae, ac sancti Spiritus sanctificatione per manus impositionem suscipimus: non videtur clericos eorum cum sacerdotio ministerii cuspiani suscipere dignitatem. Quoniam quibus solum baptismum ratum esse permitimus, qui utique in nomine Patris, et Filii, et Spiritus sancti perficitur, nec sanctum Spiritum eos habere ex illo eorum baptismo, illisque mysteriis arbitramur; quoniam cum a catholica fide eorum auctores discederent, perfectionem Spiritus, quam acceperant, amiserunt, nec dare ejus plenitudinem possunt, quæ maxime in ordinationibus operatur; quoniam per impietatis suæ perfidiam potius **120** quam fidem dixerim, perdidit; nec fieri potest, ut eorum profanos sacerdotes dignos Christi honoribus arbitremur, quorum laicos imperfectos, ut dixi, ad sancti Spiritus percipiendam gratiam cum poenitentiae imagine recipiamus. In quibus nimirum decretalibus verbis manifeste datur intelligi, quia in promotionibus clericorum, non immerito fides ordinantis attenditur, ex qua videlicet pendet, ut ordinatio ipsa sive rata, sive irrita judicetur. Quod enim tenet ordinator in fide, accipit ordinatus in munere. Enimvero si Ariani recta fides inesset, etiamsi eos cujuslibet diversæ pravitate error involverit, facta apud eos consecratio non periret. (*Vide schol.*) Ubi notandum, quanta invocationi divini nominis reverentia debeatur, cum et ab eis baptizati, quos tam perfida, ut ita dixerim, fides damnat, rebaptizari tamen omnino non audeant. Nam quia auctores eorum, ut dicitur, fidem rectam non habuerunt ad percipiendam sancti Spiritus gratiam, manus illis imponitur; quia vero in aquam sunt sub invocatione sanctæ Trinitatis immersi, non sunt denuo baptizandi. Cum itaque sola sine fide verba sub hæretica Arianorum superstitione prolata, non audeant irrita judicari, quo pacto Simoniacorum consecratio robur non habeat, in qua cum fide, et cætera observantiæ regularis sacramenta concordant?

CAPUT XXIII.

Quod consecrationis effectus fidei nititur fundamento.

De Donatistis quoque novimus (Ave. contra Cresc. gram., lib. II, c. 9.) Carthaginensi concilio fuisse concessum, ut cum ad unitatem catholicam quilibet eorum redire disponeret, si hoc paci Christianæ prodesse videretur, cum suo reciperetur honore. Sicut autem in generali hærescon enumeratione didicimus, Donatistæ non admodum sunt fidei errore traducti, sed irati potius, quia Cæcilianus quidam contra eorum votum in Carthaginensi inthronizatus sit sede, schisma fecerunt, et ab ecclesiastica communione præcisi sunt: et quanquam certum sit, quod Spiritum sanctum, nisi intra sanctam Ecclesiam catholicam nemo possit accipere: apud eos tamen quilibet ordinatus, si paci hoc consulat, non privatur honore, quia perseverat in fide. Cum ergo

donatista, qui procul dubio schismaticus est, et dono sancti Spiritus probatur alienus, in percepti honoris ordine valeat aliquoties permanere, luce clarius constat, quia consecratio non ordinati, vel ordinatoris est meritum, sed ad utriusque potius fidem totum respicit sacramentum. Alias sive Donatista Donatistam, sive Novatianus Novatianum ad clericatus jura promoveat, quæ est in utrolibet dignitas meritum, ut divinæ gratiæ mysterium vel iste dare, vel iste possit accipere? Sed inter malum, et malum, dantem videlicet, et accipientem, bonum versatur in medio, quod neutrius vitio a sua novit generositate deterri. Nimirum, si leprosus leproso præbet aurum, quod profecto rutilat, nulla scabrosarum manuum est varietate perfusum. Si cæcus cæco lucernam porrigat, **121** lux cæcitatem nesciens, ex bajulorum manibus tenebras non admittit. Quapropter si recta fides adsit, videlicet ut in Patrem, et Filium, et Spiritum sanctum recte credatur, indigni etiam cujuslibet sacerdotis consecratio indifferenter impletur: nec propter indignum ministrantis meritum divinæ gratiæ munus perfectionis suæ patitur detrimentum.

Unde prædictus papa Innocentius, cum de duabus hæresibus, Paulianistis videlicet, et Novatianis communiter disputaret, cur a Paulianistis venientes baptizandos esse decerneret, a Novatianis autem funditus prohiberet, causam his reddidit verbis, dicens: « Quia Paulianistæ, inquit, in nomine Patris, et Filii, et Spiritus sancti minime baptizant, nec apud istos (videlicet Novatianos) de unitate Patris, et Filii, et Spiritus sancti quæstio aliquando mota est. » Et ideo de omnibus segregatis hæc sola electa est, cui istud crederetur concedendum: quia nihil in Patris, et Filii, et Spiritus sancti sacramento peccarent.

Hæc itaque venerabilis Innocentii verba ita definitiva sunt, atque perspicua, ut omnem nostris mentibus scrupulum auferant, nodumque propositæ quæstionis indubitanter absolvant. Si autem per Paulianistas sacramentum idcirco dari non potest, quia fidem sanctæ Trinitatis non habent; per Novatianos autem ideo potest, quia licet alienus hæreticus sint, orthodoxæ tamen fidei plenitudinem tenent: constat profecto quia si fides stat, consecratio robur obtineat: nec actionis labefactatur vitio, quæ fidei nititur fundamento.

CAPUT XXIV.

Quod male ordinati episcopi consecrationis gratiam aliis habeant, sed sibi non habeant.

Esto igitur, concedamus, vel potius asseramus, ut Simoniacus sit hæreticus, sed et Novatianus hæreticus, et Donatista simul hæreticus: sed Simoniacus in Spiritum sanctum peccat, quia donum Dei comparat, et Novatianus certe in eundem Spiritum sanctum peccat, quia lapsus etiam post poenitentiam de ejus remissione desperat; nihilominus etiam Donatista peccat in Spiritum sanctum, qui se ab Ecclesia segregat, extra quam videlicet Spiritus sanctus

A inveniri non potest. Quid ergo causæ est, ut cum illorum ordinatio rata esse decerneretur, istorum frivola judicetur, præsertim cum nos non elaboremus, ut Simoniaci in eo, quem male mercati sunt, honore permaneant: sed id potius ne hi, qui ab eis gratuito ordinati sunt, locum sui gradus amittant? Ubi notandum, quanta sit in eorum, de quibus loquimur, conditione distantia; nimirum cum Donatistæ Donatistas, Novatiani Novatianos eisdem videlicet erroribus irretitos, ad ecclesiastici gradus augmenta promoveant, Simoniaci autem non Simoniacos, sed innocentes potius ordinent et catholicos. Illis denique non hoc solum valeat opponi, quod fuerint ab hæreticis ordinati, verum hoc insuper quod et ipsi fuissent indifferenter hæretici: isti autem nequaquam sunt Simoniacæ hæresi obnoxii, etiam si a Simoniacis **122** omni venalitatis remoto commercio, regulariter sint promoti atque in eisdem Ecclesiis sortiti sunt administrationis officium, ubi et sacri baptismatis percipere mysterium.

Utrum vero tales merito a suis arceantur honoribus, ex B. Leonis facile possumus auctoritate pendere, si decretalem ejus sententiam suis hic verbis non pigeat annotare. Ait enim (dist. 62, c. *Nulla ratio*): « Nulla ratio sinit, ut inter episcopos habeantur, qui nec a clericis sunt electi, nec a plebibus expetiti, nec a provincialibus episcopis cum metropolitani judicio consecrati. Unde cum sæpe quæstio de male accepto honore nascatur, quis ambigat nequaquam ab istis esse tribuendum, quod nec doceatur fuisse collatum? Si qui tamen clerici ab istis pseudoepiscopis in eorum Ecclesiis ordinati sunt, quæ ad proprios episcopos pertinebant, et ordinatio eorum cum consensu et judicio præsentium facta est, potest rata haberi, ita ut in ipsis Ecclesiis perseverent, aliter vana habenda est talis ordinatio. » Ecce authenticè Leonis papæ judicio, quos neque cleri, neque plebis consensus elegit, nec cum metropolitani judicio provincialium episcoporum concordia consecravit, inter episcopos non habentur: et tamen hi, qui ab eis sunt in propriis Ecclesiis judicio præsentium ordinati, nequaquam sunt injuncti gradus honore privandi; videlicet ut is, qui ad episcopatus officium cum tanta usurpatione prorupit, ut adversus eum omnium fere vota concurrant, et sibi, quod accepit, prodesse nil valeat, utpote qui inter episcopos non habetur, et aliis prosit, quatenus qui ab eo promoti sunt, a suis nequaquam arceantur honoribus. Sed quis neget potuisse illic etiam venalitatis intervenire commercium, ubi ad honoris culmen tam obstinata, tam inopportuna fuerit ambitione subreptum? Qui tamen aliis habet, quod sibi non habet: quia videlicet alios consecrare permittitur, cum et ipse inter episcopos non habeatur. Sæpe sterili trunco secundus ramus inseritur, qui nimirum in eo, quod germinat, non trunci, sed propriæ naturæ jura conservat.

CAPUT XXV.

Quod ab impiis sæpe hæreticis ordinati, a suis non removeantur officii.

Quid dicam, quod ex his, qui ab impiissimis sunt hæreticis ordinati ecclesiastica videatur subvenire auctoritas, et in promulgandis super hac disceptatione iudiciis, non tam veterem perfidiam promovendum, quam novam fidem, et respicientiam consideret promotorum? Qui enim decretis pontificum solerter incumbit, non ignorat eundem, cuius supra paulo ante meminimus, Innocentium papam licentiam permisisse, ut omnes, qui ante damnationem Bonosi hæretici ab eo fuerant ordinati, si relicto atque damnato ejus errore, ecclesiasticæ unitati se sociare disponent, in suis honoribus permanerent. Et quidem Bonosus, prout in ejusdem decretis invenitur, Photinianus fuisse dignoscitur. Photiniani autem **123** negant Christum Deum ante sæcula ex Patris substantia genitum exitisse. Ii nimirum, quia cum Judæis Dei Filium negare non metuunt, cum eisdem quoque periclipium non diversæ damnationis incurrunt.

Cum ergo ii, qui non modo a tam pernicioso consecrati referuntur hæretico, sed ejus insuper involuti erroribus, in acceptis permanere gradibus permittuntur; facile deprehenditur, quid de iis, qui a Simoniacis non simoniace sunt provecti, merito iudicetur. Cui non dissimile etiam illud est, quod Anastasius papa de hæretico Acacio decrevit, cuius nimirum decretales sententiæ tam elimate digestæ sunt, nostrisque allegationibus per omnia congruentes, ut etiam si quæ a nobis prolixius exarata sunt, cuncta deessent, ad comprobandum quod in præsentis disputatione versamur, plene sufficient. Quapropter nec nos pigeat de stylo ejus hic aliquando productus recensere, ut quod loquimur, non ex propriis adinventionibus, sed ex Patrum regulis videamur excerpere. Ait namque inter cætera (*Dist. 19, c. 1*) Anastasio imperatori: « Secundum Ecclesiæ, inquit, catholicæ consuetudinem, sacratissimum serenitatis tuæ pectus agnoscat, quod nullum de his, vel quos baptizavit Acacius, vel quos sacerdotes, sive levitas, secundum canones ordinavit, ulla ex nomine Acacii portio læsionis attingat, quo forsitan per iniquum tradita sacramenti gratia minus firma videatur. Nam et baptismus, quod procul sit ab Ecclesia, sive ab adultero, sive a fure fuerit datum, ad percipientem minus pervenit illibatum, quia vox illa, quæ sonuit per columbam, omnem maculam humanæ pollutionis excludit, » quod declaratur cum dicitur: « Hic est, qui baptizat in Spiritu sancto et igne (*Matth. iii*). » Nam si visibilis solis istius radii cum per loca fetidissima transeunt, nulla contactus maculatione inquinantur: multo magis illius, qui istum visibilem fecit, virtus nulla ministerii indignitate contingitur. Nam et Judas, cum fuerit sacrilegus atque fur (*Joan. xii*), quidquid egit inter apostolos pro dignitate commissum, non est reprobatum: et beneficia, per indignum data, nulla ex hoc

A detrimenta senserunt, declarante hoc ipsum Dominum manifestissima voce: « Sederunt, inquit, Scribæ et Pharisei super cathedram Moysi; quæ dicunt vobis, facite; quæ autem faciunt, nolite facere: dicunt enim, et non faciunt (*Matth. xxiii*). »

Quidquid ergo ad hominum provectum quilibet in Ecclesia minister pro officio suo videtur operari, hoc totum contineri implendo divinitatis effectum, ita ille, per quem Christus loquitur, Paulus affirmat: « Ego plantavi: Apollo rigavit, sed Deus incrementum dedit (*I Cor. iii*). » et paulo post idem Anastasius: « Ideo ergo et hic, cuius nomen dicimus esse retinendum: male bona ministrando, sibi tantum nocuit. Nam inviolabile sacramentum, quod per illum datum est, in aliis perfectionem suæ virtutis obtinuit. »

B Ecce vir apostolicus tanquam pro nobis staret, nostram in se causam suscepisse perpenderit, ita ut pene nihil nobis dicendum super hujus questionis materia videatur reliquisse. Eatur ergo et tantæ auctoritati improbe resistatur, nec sufficiet censoribus novis, quod principibus **124** videbatur antiquis; ut dum discretio non tenetur, etiam pietas amittatur. Quidam namque dum sancti, plusquam sunt, videri appetunt, sic corrupta conantur abscondere, ut aggrediantur etiam, quæ sincera sunt lace- rare: utque ad plausus hominum videantur in censura justitiæ districte persistere, non verentur a pietatis tramite crudeliter aberrare.

CAPUT XXVI.

C *Quod ii etiam, quos post damnationem suam ordinavit Acacius, honoribus non priventur.*

Quid isti dicturi sunt, audiant de his quoque, quos post damnationem Acacius ordinavit, quid idem papa decreverit: non enim eos arbitror ista legisse, quod constat ab iis temerario dissonare iudicio. Audiant igitur pietatem apostolicæ sedis, et a duritia proprii emolliantur examinis. Post illa siquidem, quæ præmisimus et ista subjungit: Quod si aliquorum, inquit, in tantum se extendit curiosa suspectio, ut imaginetur prolati a papa Felice iudicio, postea inefficaciter in sacramentis, quæ Acacius usurpavit, egisse: ac proinde oportet eos metuere, qui vel in consecrationibus, vel in baptisate mysteria tradita susceperunt, ne irrita beneficia divina videantur: meminerint in hanc quoque partem similiter tractatum prævalere superiorem, quia non sine usurpatione sacerdotii adjudicati hoc egit, in quo virtutem suam obtinentibus mysteriis in hoc quoque aliis rea sibi persona non nocuit. Nam ad illum pertinuit, quod tuba Davidica ita canitur: « Verumtamen Deus conquassabit capita inimicorum suorum, verticem capilli perambulantium in delictis suis (*Psal. lxxvii*). » Nam superbia semper sibi, non aliis facit ruinam. Quod universa Scripturarum sententia cœlestium testatur auctoritas, sicut etiam per Spiritum sanctum dicitur in Propheta: « Non habitabit in medio domus meæ, qui facit superbiam (*Psal. c*). » Unde cum sibi sacerdotis nomen vindicaverit, condemnatus in ipsius verticem superbiæ tumor inflictus est.

quia non populus, qui in ministeriis donum ipsius A
sistebat, exclusus est; sed anima illa, quæ peccave-
rat, justo iudicio proprie erat obnoxia, quod ubique
numerosa Scripturarum testatur instructio.

Quid iam dicitur ad ista? Quæ adversus hæc po-
terit callere versutia, quæ veritati repugnantibus
suppetere poterunt argumenta? Ecce de una hic
persona specialiter agitur, sed universalis est causa
quæ generaliter definitur: non tamen nos tan-
quam pro hæreticis stantes, ad hoc ipsa præscribi-
mus, ut reliquis sanctorum Patrum sententias, quæ
in eos, eorumque ministerium severius vindicant,
destruamus: sed ideo plane, ut dum, quæ in priori-
bus sanctis fuerit, moderatio discretionis attenditur,
ab his quoque, qui nunc sunt, nequaquam per
immoderatam justitiam limes recti examinis ex-
cedatur: ne iis etiam illud congruere videatur,
quod de quibusdam eorum similibus per Apo-
stolum dicitur: « Quia zelum Dei habent, sed non se-
cundum scientiam (Rom. x). » Qui igitur ab hæretico,
125 eodemque sedis apostolicæ auctoritate dam-
nato, promoti sunt, a sui gradus administratione
non corrumpunt: et qui a Simoniaci non Simoniaci
consecrati sunt, honoris accepti periculum sustine-
bunt? Dura certe sententia, et indiscreti examinis
prorsus inhumana censura: ut quos conscientia red-
dit innocuos illata redarguat pœna plectendos, et in
eos severitas judicialis extendatur, quos præsumpti
piaculi temeritas non accusat. Ubi enim non est ad-
missum crimen, cur inferatur pœnale supplicium?
Ubi non est reatus, cur innocens exhibeatur ut reus? C
Quod præjudicialē censetur etiam in tribunalibus ju-
dicum, cur rectum videatur in sanctorum concilio
sacerdotum? Solent certe pii pontifices ad depositio-
nem unius cujuslibet sacerdotis ex intimis visceribus
suspirium reddere, uberibus lacrymarum rivis tri-
stia ora perfundere, cunctique astantes piæ compas-
sionis coguntur studio condolare.

Ecce nunc tota pene Christi Ecclesia ad unius
sententiæ calculum sacerdotibus destinatur, et ut
tolerabile videatur, sacerdotum populus in commune
deponitur, et risus habetur. Cur non illud saltem
reducitur ad memoriam, quod per Ezechielem divina
vox clamat, dicens: « Anima, quæ peccaverit, ipsa
morietur: pater non portabit iniquitatem filii,
filius non portabit iniquitatem patris: justitia
justi super eum erit, et impietas impii erit su-
per eum. » (Ezech. xviii.) Isti autem fraternæ calamita-
tis avari hoc satagunt, ad hoc enituntur, ut anima,
quæ non peccaverit, intereat: et alieni facinoris in-
nocens, pœnas exsolvat. Anhelant enim, ut filii addi-
cantur iniquitatibus patrum, et justī proscribantur
criminibus impiorum, atque ut manifestius eloquar,
eos, qui Simoniaci non sunt, Simoniacorum pœnis
adjudicant, et pro illorum negotiatione condemnant
qui execrabilis negotii crimen prorsus ignorant.

CAPUT XXVII.

Quod usque ad hoc tempus Simoniaca hæresis viguit.

Quis enim nesciat usque ad hujus Henrici clemen-

lissimi regis imperium, præsulatūque reverendæ
memoriæ Clementis pape, istiusque beatissimi Leon-
is apostolici, quo nunc videlicet præsule, sancta se
gubernari gratulatur Ecclesia, per occidentalia regna
virus Simoniacæ hæreseos lethaliter ebulisse, ita ut
quod passim fiebat licenter admissum, ultoriæ animi-
adversioni nequaquam duceretur obnoxium, et
quod erat fere omnibus consentaneum, pro regula
tenebatur, tanquam legalī sanctione decretum? Quid
ergo commovit, quid peccavit, qui matrem suam
Ecclesiam, in qua nimirum ex aqua et Spiritu sancto
renatus est, simpliciter adiit, atque ubi baptismum,
illic etiam gratiam consecrationis accepit? Suum
quippe non erat, ut de consecratis se persona is-
putare debuerit, propterea quem apud Ecclesiam
suam præsidere in episcopali cathedra reperit, ab eo
ad ordinem promoveri integrum duxit. Quid enim
faceret, cui et nomen dare in professione sacræ mi-
litiæ 126 necessitas imminabat, et migrare tamen
ad aliene diocesis episcopum non licebat? Cur non
antiqua sanctorum Patrum gesta, sive præcepta sub-
tilius pertractantur: ut dum judicii censura depro-
nitur, eadem semper discreti moderaminis linea te-
neatur? Nam et is qui supra, magnificus Leo, omnes
clericos ab hæreticis venientes, in iis quidem, quos
jam adepti sunt, præcepit ordinibus recipi, ad alio-
res autem gradus prohibet promoveri. Cujus de-
creti nos titulum contenti sumus hic breviter adhi-
bere, ad texturam autem mittimus, quibus vacat dif-
fusius illic exarata perlegere: « Quod omnis, inquit
(1, q. 4, c. Si quis hæretice), cujuslibet ordinis clericus,
qui catholicam deserens, hæreticæ communioni
miseuerit se, si ad Ecclesiam reversus fuerit, in eo
gradu, quo erat, sine promotione permaneat. » Po-
namus itaque, ut Simoniaci in nullo a cæteris hære-
ticis differant, atque per schismaticam sectam si-
militer, cum eis ab ecclesiastica communione pro-
cul recedant; in sacerdotio tamen, vel cæteris gra-
dibus quicunque jam ab eis promoti sunt, Leoniano
decernuntur permanere iudicio.

CAPUT XXVIII.

Hic manifeste probatur, quia per simoniacos Spiritus
sanctus acci, ilur.

Sed dicitur e diverso, nec B. papa Gregorius cla-
mat: « Si quis, inquit (II, quæst. 1, Quisquis), ad Si-
moniaccæ hæreseos, vel neophytorum facinus emen-
dandum officii sui consideratione vehementer non
exarserit, cum illo se non dubitet habere portionem. »
a quo hoc piacular flagitium sumpsit exordium. »
Concedimus, inquam, et a sancto viro, quod absit,
non diversa sentimus, nimirum, ut unusquisque fi-
delium ad emendandum pestis utriusque flagitium
pro viribus satagat, atque ut Simoniaci cum neophy-
tis pariter deponantur, recti examinis zelo inarde-
scat. Nos itaque non pro Simoniaciis stamus, quos
nimirum damnandos esse omnis sacri eloquii testa-
tur auctoritas: sed sicut ex sanctorum Patrum mul-
timoda sanctione colligimus, gratis a Simoniaciis
ordinatos, jure in suis ordinibus retinendos esse li-

here profitemur. Itaque qui Gregorium ad suæ probationis indicium devocat (GREG. *Hom. in Evang.*), Gregorianum quoque testimonium admittere reciproca vicissitudine non contemnat, et non qualemque, sed pro ipsa re, ut dicitur, ad vivum tangat, ac litigandi terminum de cætero verbosis inponat. Denique dum in homilia quadam de Simoniaciis loqueretur, adjecit: « Qui namque sunt in templo Dei hodie, qui columbas vendunt, nisi qui in Ecclesia pretium de impositione manus accipiunt, per quam videlicet impositionem Spiritus sanctus cælitus datur? » Ecce si sancti hujus viri auctoritati fides adhibenda decernitur, non est cur disceptationis controversia ulterius protrahatur. Quid enim liquidius, quid apertius, quam quod dicitur, quia videlicet manus impositione, qui venditur Spiritus sanctus, cælitus datur? B

Atque, ut ipsdum adhuc arctius inculcaret, tardioreque sensum plenius eo, quod dicebatur, instrueret, quod manifeste præmiserat, replicare 127 non piguit, dicens: « Columba igitur venditur, quia manus impositio per quam Spiritus sanctus accipitur, ad pretium præbetur. » Si ergo per illam manus impositionem, quæ ad pretium præbetur, Spiritus sanctus accipitur; quid minus sacramenti in Simoniaciis, quam in gratuito promotis sacerdotibus invenitur, nisi quia fonte, quem aliis salubriter influunt, ipsi damnabiliter irrigantur: et viperarum more, dum filios pariunt, ipsi moriuntur? Quid enim mirum, si in ministeriis spiritualibus ex malis ordinatoribus boni ministri fiant, cum et in generatione carnali non dissimile quid sæpe contingat? Certum namque est, quod videntes filii ex cæcis genitoribus prodeant, et gibberos atque debilibus integra membris soboles et proceræ succedat. Plane nec virtus ordinantium eis augmento est, qui per sinistra gradi non metuant: nec rursus eorum pravitatis illis officit, qui per lineam rectæ conversationis incedunt. Quid enim Samueli præjudicasse cognoscitur, quia Heli discipulus fuit? (*I Reg. II, III.*) Aut quid profuit Nicolao, quia apostolica eum electio in gradum leviticæ administrationis assumpsit? Ille siquidem cum Stephano simul impositionem apostolicæ manus accepit et periit (*Act. VI, VII.*); iste in Ophni et Phinees pravitate convixit: et quia propheta Deo fidelis esset, cunctis innovit. Unde par fuerat, ut ii, qui omnes æstuant in commune deponere, illud saltem Innocentii superius memorati, prælata modera-
minis dispensatione servarent. Nam cum de his, qui ab hæreticis ordinati sunt, disputaret, post multa subiunxit, dicens: « Quoties, inquit, a populis, aut a turba peccatur, quia in omnes propter multitudinem non potest vindicari, inultum solet transiri. »

CAPUT XXIX.

Quod qui promoti fuerant a Simoniaciis, miraculis coruscant.

Illud quoque, quod crebrius iterari multis referentibus audio, tacite prætereundum non duco. Quid enim quid nonnullos venerabiles viros, quos constat proculdubio a Simoniaciis ad sacerdotium pro-

ductos, et usque ad obitum novimus offerendis inde-
sumenter sacrificiis instituisse; et nunc perspicue vide-
mus insignibus miraculorum virtutibus coruscare? Nostra quippe ætate beati viri, videlicet, Rondaldus Camarinensis, Anitus Ramibonensis, Guido Pomposianus, Firmanus Firmensis, et quamplures alii sanctæ conversationis studio floruerunt. Super quorum videlicet veneranda cadavera ex sacerdotalis auctoritate concilii sacra altaria sunt erecta, ubi nimirum divina mysteria miraculis exigentibus offeruntur. Evidens ergo clarescit indicium ex eorum manibus sacrificium divino conspectui quam suaviter sit, et acceptum, atque per eos divina dispensatio luce clarius innotescit; quia neminem caligo alicujus perversitatis obnubilat, quem fulgor propriæ religionis et honestatis illustrat: nec reatus obruit promovementum ubi stat puritas et innocentia promotorum.

Sed dum hæc aliquando cum religiosis quibusdam 128 episcopis agerem, ecce nunc in memoriam redit quod Ubertus Ariminensis, reverendissimus videlicet et honestissimus præsul, attulit: « Æquivocus, inquit, prædecessor meus Ubertus episcopus in sacra sedis acquirendæ commercio, teste provincia, nongentas Papiensis monetæ libras appendit, qui tamen postmodum B. Arduinum, per quem omnipotens tot Deus exhibet stupenda miracula, in presbyterum consecravit, quem cum perquisissem e vestigio, utrum beatæ memoriæ vir ab offerendo in sua incolumitate perstiterit, usque ad ultimæ decubationis articulum offerendo salutaribus hostiis sedulum insudasse respondit. » Cum igitur omnes isti quorum supra meminimus, et consecrati a Simoniaciis asserantur, et tamen acceptis usque ad finem vitæ officii permanentes, ita divino examini placuerint ut admirandis eorum meritis miranda testimonia signum perhibeant: constat procul dubio, quia promovendis coemptio non præjudicat, ubi promotus contractus venalitatis ignorat: nec distractoris in eum culpa transfunditur, qui distractionis crimine non tenetur.

Et quidem tolerabile fortassis utcumque videretur, si falsitatis assertio ordinem tantummodo præsentis vitæ confunderet, nisi et præterito sæculo omnem funditus spem atque materiam Christianæ pietatis auferret. Dicunt enim, quod, quæ tunc videbatur Ecclesia, domus erat simplex; quæ credebatur altare, purus lapis erat; sacerdotes, et qui reliquis cernebantur ordinibus constituti, prorsus laici erant, cunctisque spiritualis sacramenti viribus alieni; quod corpus et sanguis Domini credebatur, simpliciter panis erat et vinum; terrena substantia nulli sancti Spiritus virtute suffusa. Cuncta ergo falsa ferebantur, et frivola, et a Christianæ redemptionis veritate penitus remota. Unde consequitur, ut patres nostri, sive hæc falsa fuisse cognoverunt, sive veritatem fuisse, mendacium æstimaverunt, indifferenter omnes inevitabili necessitate perierint. Quid enim prodest periculum nosse quod non datur evadere? Aut quomodo valeat quis ad fontem veritatis attingere, si per devios anfractus gestiat, licet nescius,

oberrare? Solus ergo Simon potuit fluentia restinguere, tanquam obex medius inter Deum, et homines, humanum genus a Creatoris sui consortio seperare? Absit, absit, ut falsus homo rescindat quod verus Deus et homo conföderat. Absit, ut omnes homines obruere, et divina beneficia valeat pervertitas humana delere.

Sed quid, quæso, dicemus de his, quos post negotiationis nefandæ commercium, per quadragenos, vel quinquagenos annos usque hodie aspicimus pontificales infulas obsidere? Nam, ut de eorum prædecessoribus taceamus sive proximis, sive longinquis, quos idem aliunde fures exhibuit, omnes qui istis obrepentibus tunc fuerunt ordinati, vel jam sunt ex hac luce subtracti, vel caliginosæ senectutis obstaculo ab exercendis officiis sunt remoti; unde necesse est, ut in eorum diocesisibus ab his tamen clericis sacra mysteria peragantur, qui ab iis, qui adhuc vivunt, Simoniacis ordinem susceperunt. Quid ergo de iis sentiendum est? Quid fatendum? **129** Nunquidnam sub eis tot millia hominum perire credenda sunt, qui ab eisdem sacramenti gratiam non habentibus, vana sacramenti specie deluduntur? Dicendumne est populo, ut vel aliarum diocesium sacerdotes acquirant, vel ipsi transmigrantes ab iis, qui non a Simoniacis ordinati sunt, sacramenta percipiant? Sed ecce sacri canones vehementer obsistunt, et sine forma pontificis parochiarum limitem transcendentes, a communione repellunt. His igitur quandoque consulti, quod consilium dabimus? Quibus nimirum juxta dispensationis assertionis inertiam nec indigere possint mysteria sacra tradere, nec ad extraneos canonica permittatur auctoritate transire. Ad largissimæ ergo divinæ pietatis injuriam inevitabilis pereundi necessitas illis imponitur, quibus videlicet undique circumclusis nullo salutaris confugii remedio subvenitur. Verum nos diutius persequi ista postponimus, ut quæ auditui saltem pavenda sunt, intelligenda potius, quam legenda sanæ mentis iudicio relinquimus; ut paucis sobrius lector agnoscat, dogmatis hujus auctores quantæ impossibilitatis error involvat.

CAPUT XXX.

Quod rebaptizatio, et reconsecratio par crimen est.

Quia igitur, ut de reconsecrationibus loqueremur, congruenter occurrit, atque id solum huc nostræ lucubratiunculæ demum restat, super hoc etiam themate, vel succinte nos tractare non pigeat. Plane qui sacri cloquii limen consuevit atterere, rebaptizationem et reconsecrationem sub ejusdem examinis didicit lance pensare. Sicut enim rebaptizatus Christum, quem induerat, exuisse convincitur; ita nimirum, et reconsecratus Spiritum sanctum, quem acceperat, evidenter probatur amisisse: et cum summi Verbi atque Paracleti una divinitas, eadem præcudubio credatur essentia, qui unum perdit alterum non habebit; atque ideo sicut nefarium est, si quis per iterationem baptismi Christum a se præsumat expellere: ita nihilominus execrandum,

A si per reconsecrationem Spiritum sanctum non timeat abnegare.

Sed si ex decreto Felicis papæ, ubi nimirum de rebaptizatis loquitur, breve quid apponere non gravemur, illic manifeste possumus colligere quid debeamus etiam de reconsecratione sentire. Inter alia siquidem ita prosequitur (*De consecr. dist. 4, cap. Eos quos*): « Eos, inquit, quos episcopos, presbyteros, vel diaconos fuisse constituerit, et seu optantes forsitan seu coactos lavacri illius unici claruerit fecisse jacturam, et Christum, quem non solum dono regenerationis, verum etiam gratia percepti honoris induerant, exuisse, cum constet neminem ad secundam functionem venire potuisse, nisi se palam Christianum negaverit, et professus fuerit esse paganum, **B** quod cum generaliter sit in omnibus execrandum, multo magis in episcopis, presbyteris et diaconibus auditu saltem dictuque probatur horrendum. Sed quia idem Dominus atque Salvator clementissimus, et neminem vult perire, usque ad exitus **130** sui diem, in pœnitentia, si resipiscunt, jacere conveniat. Nec orationi non modo fidelium, sed nec catechumenorum quidem omnimodis interesse, quibus communio laica in morte redhibenda est. » In quibus profecto verbis illud est solertius intuendum, quia si rebaptizatus idcirco Christum negasse dicendus est, quia post acceptum baptismum se negaverit Christianum; is etiam, qui reconsecrandus accedit, ideo Spiritum sanctum negasse convincitur, quia cum post consecrationem Spiritum sanctum se non accepisse testatur.

C Reconsecratus ergo a rebaptizato nequaquam diversa damnatione dividitur, cum nimirum pari impietatis piaculo sociatur, nisi fortassis et hunc secleratus peccare quis asserat propter hoc, quod Veritas dicit: « Quia qui peccat in Patrem, et Filium, remittitur ei; qui autem peccat in Spiritum sanctum, neque hic remittitur, neque in futuro (*Matth. xii; Luc. xii*). » Et revera si catholicorum edicta pontificum propensiori subtilitate discutimus, invenimus aliquam licentiam in rebaptizatione permissam, quam certe videmus reconsecrationi funditus denegatam (i, quæst. 1, *Quod quidam*; i, q. 1, *Si qui*). Nam si quæ superius dicta sunt memoria non patiamur excidere, animadvertimus a Paulianistis, aliisque hæreticis Spiritum sanctum non habentibus, baptizatos rebaptizari regulariter oportere. Ubi tamen baptismus iterari non dicitur, quia baptismus fuisse immunda prior ablutio non videtur. Reconsecrari autem, a quocunque hæreticorum genere veniant, prorsus nequeunt; quia hoc sacri canones omnino refugiant. Quapropter satis miramur, cur tam prodigiosa quidam cæcitate vesaniant, ut a Simoniacis ordinatos, denuo consecrandos esse decerent. Illud siquidem promulgant super Simoniacorum ordinatione decretum, quod illis etiam absonum probatur hæreticis, qui orthodoxæ fidei ne perexiguum quidem videntur habere vestigium. Hæreticorum nempe alii rectæ fidei sunt, et in suis gradibus recipiendi, alii

recta fide carent, et in suo persistere honore non A debent.

Et quoniam a Simoniacis hæreseos notam propul-
sare non possumus, iurē quibus assignari videantur
hæreticis perspicue discernamus. Aut enim rectam
fidem habere dicendi sunt, sicut Novatiani; aut per-
fidie erroribus detinentur, sicut Paulianistæ, vel
Ariani. Sed si rectæ fidei cum Novatianis sunt, sicut
a Novatianis venientes in suis præcipiuntur honori-
bus recipi, ita etiam ab his ordinati non debent ab
injuncti gradus officio removeri. Quod si cum Arianis,
sive Paulianistis perfidia involvuntur erroribus, sicut
ab illis egressi reconsecrari nullatenus permittuntur,
quod nimirum Innocentius papa omnimodis prohi-
bente, paulo ante didicimus; sic etiam isti, qui a
Simoniacis sunt promoti, nulla possunt ratione denuo
consecrari. Restat igitur, ut sive recte credant, sive
recte non credant, denuo consecrari non debeant.
Necesse est itaque secundum ea quæ dicta sunt, ut a
Simoniacis ordinati, aut catholice dicantur credere,
et in suis debeant officiis permanere; aut perfidia
convincantur obnoxii, et sic quod acceptum est
perdant. Verum quis nesciat, eos non solum in or-
thodoxæ fidei soliditate persistere, sed plerosque eo-
rum insuper, **131** ut revera catholicos per omnia
viros sanctæ conversationis studio, cunctarumque
virtutum honestate florere? Consequitur igitur, ut in
acceptis honoribus iure permaneant, in quibus ni-
mirum cum integritate fidei et conversatio sancta
concordat. Abjiciatur ergo blasphemia temeritas,
ausus illicitus reprimatur, et qui arguunt Christum
rebaptizatos exuere, exsecrentur etiam reconsecratos
pari Spiritum sanctum impietate negare.

CAPUT XXXI.

*Quod sicut rebaptizari, ita et denuo consecrari quisque
non potest.*

Age igitur, qui astruunt quomodolibet consecratos
secundam manus impositionem posse suscipere, non
sua contenti, canonicæ auctoritatis id studeant testi-
monio approbare. Dicant itaque qui sanctorum Pa-
trum ista præsumperint, qui saltem præsumenda
dictaverint? Et cum ad probationis indicium authenti-
ci veterum defecerint apices, necessarios semetipsos
novi dogmatis fateantur auctores. Quod nimirum
cum sanctione doctorum nusquam reperiatur esse
præceptum, invenitur etiam ultro prohibitum. Nam
beatissimus papa Gregorius Joanni episcopo Raven-
natis Ecclesiæ, sicut neminem rebaptizari, ita etiam
nec ipsum denuo consecrari posse, his asseruit ver-
bis (*Regist. lib. II. epist. cap. 32*): « Illud autem,
inquit, quod dicitis, ut is qui ordinatus est iterum
ordinetur, valde ridiculum est, et ab ingenii vestri
consideratione videtur extraneum, nisi forte quod
illud exemplum ad medium deducitur, de quo et ille
iustificatus est, qui tale aliquid fecisse perhibetur.
Absit autem a fraternitate vestra sic sapere. Sicut
autem baptizatus semel, iterum baptizari non debet,
ita consecratus semel in eodem ordine non valet
iterum consecrari. »

His itaque verbis evidenter ostenditur, quia sicut
in rebaptizatione Christus exiit, ita et in recon-
secratione Spiritus sancti gratia qui male proventus
est, evacuatur. Quid enim sacrilega illa consecratio
nisi duplex est depositio? Qua nimirum, dum unus
exsecrabiliter consecratur, uterque iure deponitur.
Unde non immerito in canonibus apostolorum legi-
tur (*Distin. 68, cap. Sicut semel*): « Si quis episco-
pus, aut presbyter, aut diaconus secundam manus
impositionem acceperit ab aliquo, deponatur et ipse,
et qui eum ordinare tentaverit. Nam eos, qui ab hu-
jusmodi baptizati fuerint, vel ordinati, neque fideles,
neque clericos esse possibile est. » Quod si quisquam
objecerit, post depositionem reconciliatum fuisse
Formosum, Romanæ videlicet sedis episcopum, nove-
rit plurimos sacerdotum reconciliatis quidem fuisse,
qui tamen nusquam leguntur in idipsum denuo con-
secrati. Aliud est enim quemlibet per synodalem
sententiam in amissi ordinis iura restitui; aliud per
consecrationis mysterium, quod iterari non potest,
Spiritus sancti gratiam promereri: præsertim cum in
eo, qui deponitur, quanquam dignitatis utendæ
perdat extrinsecus privilegium, manet tamen ni-
hilominus semel adepti ordinis sacramentum; sicut
etiam manente in se sacramento **132** regenerationis,
excommunicatur reus cuiuslibet criminis, nec caret eo-
dem sacramento, etiam si nunquam reconcilietur Deo.

CAPUT XXXII.

*Quod falsum sit, ut quilibet a Simoniaco consecratus,
a laico nihil differat.*

Sed de reconsecrationis impietate, licet nos plura
dixerimus, ne tamen res in dubium pendeat, si et
gestorum quoque auctoritas non accedat, de eccle-
siastica historia (*EUSEB. lib. X, c. 15*) præbeamus
exemplum, ut nonnihil videatur, ut dicitur, quorum-
libet consecratio sacerdotum. Nam ut eadem hic
verba ponantur: Tempore quo apud Alexandriam
Petri martyris diem Alexander episcopus agebat,
cum post expleta solemnia conventuros ad convivium
suum clericos exspectaret, in loco mari vicino videt
eminus puerorum cœtum super oram maris ludum
imitantium, ut fieri solet, episcopum atque ea quæ
in Ecclesiis geri mos est. Sed cum intentu diutino
pueros inspectaret, videt ab his geri quædam etiam
secretiora et mystica. Perturbatus illico vocari ad
se clericos jubet, atque eis quid eminus ipse videret
ostendit. Tum abire eos, et comprehensos ad se
perducere omnes pueros imperat. Cumque adessent,
quis eis ludus, et quid egissent, vel quomodo per-
cunctatur. Illi, ut tales habet ætas, pavidi negare
primo, dein rem gestam per ordinem pandunt, et
baptizatos a se esse quosdam catechumenos confi-
tentur per Athanasium, qui ludi illius puerulus epi-
scopus fuerat simulatus. Tum ille diligenter inqui-
rens ab his qui baptizati dicebantur, quid interro-
gati fuerint, quidve responderint, simul et ab eo,
qui interrogaverat; ubi videt secundum religionis
nostræ ritum cuncta constare, collocutus cum con-
cilio clericorum, statuisset traditur illis, quibus, in-

tegris interrogationibus, et responsionibus, aqua A fuerat infusa, iterari baptismum non debere, sed adimpleri ea quæ a sacerdotibus mos est; Athanasium vero atque eos, quos ludus ille vel presbyteros habere visus fuerat, vel ministros, convocatis parentibus, sub Dei obtestatione tradidit Ecclesiæ nutriendos, et reliqua, quibus videlicet narratur Athanasius revera episcopus factus, sicut a puero fuerat simulatus. Quod nimirum antiquitatis exemplum adversus eos adhibere curavimus, qui consecrationem a Simoniaciis factam nihil esse penitus asserunt, atque ab illis ordinatos, nihil a laicis distare contendunt. Si enim prolium illud, quo videlicet pueri presbyteros se simulaverant, vel ministros, tanti est habitum, ut eos episcopus sub Dei obtestatione parentibus suis traderet Ecclesiæ nutriendos, nec integrum B arbitratu sit eos etiam in seculari ordine permanere, qui se per adumbratæ simulationis speciem confixerant clericos exstitisse; ut illi perhibentur a laicis non distare, quos constat a quibuscunque consecrationis mysterium iuxta morem ecclesiasticum percepisse? Sed illos a laicis sola simulatio segregat, quo pactos istos, qui revera omnia regulariter acceperunt, ab eis nihil differre, falsa hominum 133 vanitas jactat? Quæcunque enim, ut ait Apostolus, scripta sunt, ad nostram doctrinam scripta sunt (Rom. xv). Nam et in Moralibus suis, si recte teneo, beatus reperitur dixisse Gregorius, inter duo pericula Simoniacum constitutum, ut videlicet, sive gregem commissum deserat, sive in male accepto honore permaneat, peccati laqueos evadat: nec utramlibet rem expresse definiens, tantummodo ubi videtur facilius casus, asserit quantumvis enarrandum.

Si itaque Simoniacus, ut dicitur, laicus est, in quo, quæso, inquit, delinquit, si sacerdotalis dignitatis officium deserit? Si sacerdotii sacramentum utuncque non habet, ut quid a pastoralis ministerio cum culpa dividitur, qui debitor per sacramenti vinculum non tenetur? Sed dicite mihi, fratres, cum pace vestra loquar: si Simoniaci, vel ab eis ordinati, a laicis, ut asseritis, nihil differunt, quid est, quod sacri canones Simoniacos in synodali concilio deponendos esse decernunt? Nunquid si laicus sacerdotalis jus usurpasse convincitur, synodali eget causa conventu, ut ille solemniter deponatur? Nunquid non satis erit, si privata qualibet distinctione corripitur, ut vel simplicibus verbis a præsumpta temeritate frangatur? Nunquid post depositionem Simoniacus remedium poenitentiae per manus impositionem suscipere, sæcularem militiam bajulare, conjugem ducere, negotiorum commerciis tuto poterit inservire? Nam si exercitium perdunt, sacramentum tamen ordinationis amittere nequeunt. Itaque cum hæc omnia necessario censentis Simoniaciis non posse congruere, quæ tamen non negatis quibuslibet laicis convenire; fateamini necesse est, alterutra a semetipsis varietate differre, quibus perspicue videtis diversa competere.

CAPUT XXXIII.

Quid Innocentius de reconsecratione censent.

Videamus etiam quid jam memoratus Innocentius papa, licet in transitu, sentire de reconsecratione signaverit. Ait enim in decreto, quod Nahisitano scribit episcopo: Superiori tempore, si tamen recte recordor, memini tam ad dilectionem tuam, quam ad fratres et coepiscopos nostros, Rufum et ceteros, hujusmodi litteras de clericis Nahisensibus transmissis, his videlicet, qui se ante damnationem Bonosi, asserunt ab eodem tam presbyteros, quam diaconos ordinatos, ut si relicto atque damnato ejus errore, vellet Ecclesiæ copulari, libenter reciperentur, ne forte qui essent digni recuperandæ salutis in eodem errore deperirent. Verum nunc in Ravennati urbe mihi constituto, propter Romani populi necessitates creberrimas, Germanius qui se esse asserit presbyterum, atque Lupensius qui se diaconum dicit, multorum talium quasi legationem susceptam prece fusa dolores proprios exprimere gesserunt, asserentes se quidem Ecclesiæ in dilectionis tuæ constitutas parochias retinere; sed tuam communionem non potuisse mereri, ea videlicet ratione, quia Rusticus quidam nomine, iterata ordinatione 134 presbyterium suscepisset, et non levi impedimento sit, dum aut illi dolent hujusmodi hominem in Ecclesia retineri, aut ille sic peccare debere in alios arbitratu, quemadmodum in se agnoscit esse peccatum.

Ecce hic manifeste agnoscitur, quam habuerit Innocentius de reconsecratione sententiam, cum illos satageret in sui episcopi communionem restitui, qui zelo justitiæ dolebant reconsecratum hominem in Ecclesia retineri: illum perhibet arbitrari, quæ sicut episcopus peccare deberet in alios, quemadmodum et in se peccaverat, qui eum denuo consecraret, familiari quippe reprobatorum studio, ejusdem damnationis laqueo, et alios conabatur innectere, quo semetipsam primum non timeret irretire. Unde illi non immerito arbitrabantur hujusmodi tanquam damnabilem prorsus hereticum de Ecclesia repellendum, qui, et sibi non parceret, et aliis periculum provideret.

Ne quis autem nos involuti voluminis arguat, dum admisceri his prolixiora canonum fortassis exempla conqueritur, hanc noverit procul dubio causam; quia nimirum hos cum quibus agimus, ad inspiciendos sacros canones sæpissime suadendo, vel exhortando compellere non valemus; atque idcirco hic apponendas sanctorum Patrum sententias dignum ducimus, ut vel excerptas delicatis ac tenebris eorum oculis opponamus; quatenus dum, quod sentimus in his, quæ a nobis sunt prolata, considerant, auctoritati etiam, cui innotuitur, cedant. Sed ut omnia illis constet provenire confusa, hoc etiam adversus canones agunt, quia cunctos simul gradus in reconsecratione suscipiunt. Unde cum de quodam mihi noto, qui nuper consecratus fuerat, comperissem, fateor, exhorui facinus. Quid plura? Taa-

dem conveni hominem. Nunquid, inquam, jam in te erat aliquid ex his gradibus, quos nuper ab episcopo suscepisti? Nihil prorsus, ait; ut quid enim acciperem, si me habere constaret? Et adjeci: Ergo a laico nihil distabas, imo laicus prorsus eras. Etiam, inquit, purus profecto laicus, ut puta, qui de clerico nihil habuerim. Sed si laicus, inquam, ipso die quo laicus est, ad sacerdotii jura proruperit, tuo quoque judicio sit neophytus, ac perinde procul dubio deponendus. Ad hæc ille confusus erubuit, et conclusionis necessitatem, quia labefactare non potuit, tacendo firmavit. Illud quoque non levioris videtur esse vanæ, quia reconsecratoris novi præfixa canonibus jejunia curant, non Sabbata conferendis sacris officiis dedicata conservant; sed quocumque mense, vel feria munus inordinatæ ordinationis indifferenter usurpant, tanquam prima consecratione hanc secundæ consecrationis licentiam præbeat; ut confusus ordinibus, utpote simul datis, etiam temporum statuta confundat: et hoc in reconsecratione sit licitum, quod ipsi etiam in consecratione omnimodis testantur absurdum.

135 CAPUT XXXIV.

Episcopos alloquitur, ut per eos summæ sedi discretio suggeratur.

Unde, queso vos, o pii pontifices, adversus impium dogma divini sancti zeli fervore concurrite, et emergite: nec primum novæ hæresi unanimiter obviate. « Obstruatur os iniqua loquentium, » et peccatorum manus apostolicæ fidei non quatiat fundamentum. Servetur ecclesiastica in sua puritate doctrina, nec eam vexare permittatur terrena sapientium turbulenta versutia. Surgit inimicus noctu per agrum Christi zizania conspergere: vos in die, quo ambulatis, sanæ doctrinæ sarculo male sata radicibus extirpate (*Math. xiii*). Noctui Allophylus puteos ruderibus implet; in die Isaac evacuare festinet (*Gen. xxv*). Sacrarium Christi nocturnus fur tentat irrumperere; excitetur lingua canum ejus salubriter oblatrare. Quo si ex vestro fortassis ordine quisquam prodeat, qui dogmatizare tam nefanda præsumat; tanto illum durius debetis arguere, quanto et is, qui Ecclesiæ tutor esse debebat, eam nititur oppugnare.

Suggerite igitur domino nostro papæ beatissimo, quatenus sic in reos vigo in ecclesiasticæ severitatis extendat, ut juxta indiscretorum hominum vota, innocentes quosque eadem sententia non involvat. Videtur enim luxuriare judicium, quod in filiorum necem pro paterno fuerit crimine promulgatum, et Simoniacos quidem, ut jam cæperat, divinis animatus viribus, destruat; sed non cotenus, ut eorum ordinationem immoderato quorundam judicio sibi acere permittat. Imo qui vice Petri claves tenet Ecclesiæ (*Math. xvi*), ipse potissimum adversus novum dogma consurgat, et introductores pravitalis dignæ sententiæ jaculatio confodiat: et qui clavum sagenæ regit, quæ piscatoribus est commissa, malos pisces a bonis studeat sub hac dispensatione secer-

are, ut cum eis simul etiam bonos non adiciat reprobare. Dicat ergo hominibus indiscretis, quod paterfamilias dixisse legitur servis: « Ne forte, inquit, colligentes zizania, eradicetis simul cum eis et triticum (*Math. xiii*). » Nimirum ut sic postmodum zizania ad comburendum in fasciculum colligantur, quatenus triticum in horreum congregetur. Nunquid enim beatus apostolus cum Ananiam et Sapphiram (*Act. v*) dignæ animadversionis sententia percussit, in filios quoque, vel necessarios ulciscendum esse decrevit? In ipsum quoque Simonem vibrata sententia, non in eos usque pertransiit, qui aliquid veritatis ab eo potuerunt fortassis exsculpere: nam cum dicitur: « Pecunia tua tecum sit in perditionem (*Act. viii*). » pecunia cum negotiatore percutitur: at ubi deest pecunia, percussio non timetur. Et vos itaque, venerabiles Patres, cum beatissimo summo pontifice, sic cuncta sub discreti examinis æquitate disponite, ut traditam tanti doctoris regulam in vestra quoque videamini censura servare, quatenus in Ecclesiæ corpore sic ferrum, quæ corrupta sunt, sentiant: ut tamen in proprii vigoris robore sincera quæque perzaneant; sic plectibiles puniantur excessus, ut dum reatum **136** severitas legalis persequitur, sua ianocentiæ immunitas reservetur; sic arbor vitata securibus sit obnoxia, ut plantæ ab illa transpositæ, in sui viroris gratia radicibus coalescant.

CAPUT XXXV.

Quid de his, qui gratis a Simoniacis sunt promoti, tandem Leo papa statuerit.

Verumtamen et hoc otiosum esse non credimus, si quid super hoc negotio idem venerabilis Leo papa statuerit, exponamus. Nam cum omnes Simoniacorum ordinationes synodalis vigoris auctoritate cassasset, protinus a Romanorum multitudine sacerdotum magnæ seditionis tumultus exortus est, ita ut non solum ab ipsis, sed a plerisque diceretur episcopis, omnes pene basilicæ sacerdotalibus officiis destitutas, et præcipue missarum solemniam ad subversionem Christianæ religionis et desperationem omnium circumquaque fidelium funditus omittenda. Quid plura? Post longa sane disceptationum hinc inde volumina, tandem suggestum est, reverendæ memoriæ nuper ejusdem sedis episcopum decrevisse Clementem: Ut quicumque a Simoniaco consecratus esset, in ipso ordinationis suæ tempore non ignorans Simoniacum cui se obtulerat promovendum, quadraginta nunc dierum penitentiam ageret, et sic in accepti ordinis officio ministraret. Quam nimirum sententiam protinus venerabilis Leo ratam percensuit, et sub hujusmodi penitentia omnes in acceptis officiis de cætero perseverare mandavit. Nam et nonnullos hodieque conspiciis, qui dum a talibus per diversos gradus fuerant ordinati, ab eodem summo pontifice ad episcopatus apicem sunt proveci. Nec id perperam, quia cum canonica decernat auctoritas (*1. quæst. 1. Si quis episcopus*): « Ut quicumque per pecuniam sacram obtinuerit dignitatem, deiciatur ipse, et ordinator ejus; » patet præcul dubio, quia

simonace ordinatum, ordinatoremque condemnans, hic protinus iudicii metam fixit: nec sententiæ calculum in eum quoque, qui ab huiusmodi promoveri potuisset, extendit. Nam si canonicus huius auctor profectum quemlibet a Simoniacis deiciendum duceret, ipsum ordinatoremque illius notans, consequenter etiam de his, qui ab eo promoveri poterant, non taceret ut nimirum diceret: Deiciatur ipse et ordinator ejus, ac presto subjungeret: « Et quicumque fuerit ordinatus ab eo; » quod profecto quia non dixit, nec nobis etiam sentiendum esse signavit.

CAPUT XXXVI.

Ubi imperator Henricus gloria dignæ laudis attollitur.

Præterea dum venerabilis papæ gesta recolimus, consequenter ratio suadet ut ad considerandum quod magni huius Henrici regis insigne præconium animum transferamus. Post Deum scilicet ipse nos ex insatiabilis ore draconis eripuit, ipse Simoniacæ hæreseos ut **137** revera multiplicis hydræ omnia capita divinæ virtutis muerone truncavit. Qui videlicet ad Christi gloriam non immerito potest dicere: Quotquot an' me venerunt, fures fuerunt et latrones. Nam usque ad sui tempus imperii sacerdotum falsitas inexplēbiles, ut ita fatear, Babylonico Beli præbebat impensas: at postquam hic, auctore Deo, paternum obtinuit principatum, draconteis mox faucibus offam pins injectit, et sic immanem bestiam, quasi Daniel alter exstinxit. Per picem namque, quæ ardet et stringit, non immerito potest amor pecuniæ designari. Qui videlicet sic in camino avari pectoris æstuat, ut ab impendendâ misericordiâ, piæque compassionis largitate constringat. Quid est igitur offam picis in draconis ora projicere, nisi manifeste cum Petro dicere: « Pecunia tua tecum sit in perditionem? » (Act. viii.) Quod profecto princeps iste tunc veraciter protulit, cum cathedras distrahentium columbas evertit (*Matth. xxi*), cum trapezitas expulit, cum in templo Dei fieri venale commercium recusavit. Nec illud etiam ab hac significatione discrepare videtur, quod Daniel cum pice etiam adipem, et pilos admiscuisse, describitur. Quid enim per adipem nisi carnis accipimus voluptatem? Quid per pilos, qui corporibus animalium extra sunt, nisi exterior substantia designatur?

Cum pice ergo rex adipem, pilosque commiscuit, et sic draconem rupit, quia Simoniacum virus omnino detestans, non solum avaritiæ non succubuit, sed ad nullas carnis illecebras, vel exterioris lucri quæstum in dispensanda prorsus ecclesiastica dignitate quæsit. Ut jam perempto draconi de cælo projecto, et in abyso per angelum catena ligato (qui nimirum ante cum Michael pugnaverat, qui tertiam stellarum partem post se traxerat (*Apoc. xxi*) cum Isaia plausibiliter insultemus: « O Lucifer, qui mane oriebaris, quomodo cecidisti de cælo, corruisti in terram, qui vulnerabas gentes? » (*Isa. xiv*.) Usque ad hujus sane tempus Augusti cuncta canonum decreta, quæ super huiusmodi peste

A fuerant a Patribus edita, de multorum memoria longa jam videbantur oblivione deleta. Sed hic tanquam olim insignis ille Josias, mox ut librum legis Domini reperit, vestimenta scidit, condoluit; aras subruit, idola abominanda dejecit, omnesque priorum regum sacrilegas superstitiones evertit (*IV Reg. xxiii*). Et quoniam ipse anteriorum tenere regulam noluit, ut æterni Regis præcepta servaret, hoc sibi non ingrata divina dispensatio contulit, quod plerisque decessoribus suis eatenus non concessit; ut videlicet ad ejus nutum sancta Romana Ecclesia nunc ordinetur, ac præter ejus auctoritatem apostolicæ sedi nemo prorsus eligat sacerdotem. Plane si David propter Philisthæi Goliath stragem, regis filiam in sponsalium sibi fœderare promeruit (*I Reg. xvi*); quid mirum si et imperator iste sanctam Ecclesiam, quæ nimirum summi Regis est filia, Simoni hæresiarchæ, qui veraciter exprobrat aciem Dei viventis, victor accepit?

Atque ut David ex aliqua parte non immerito comparetur, ille aquam de cisterna Bethlehemitica, quæ inter hostiles habebatur cuneos, concupivit; sed cum ab obsequentibus militibus fuisset oblata, bibere nolens, effudit. **138** Unde mox scriptum est: « Libavit eam Domino (*II Reg. xxiii*). » Si igitur in Dei sacrificium versa est aqua contempta, quam pretiosius Deo munus fuisse credendum est, pecunia recusata. Ille nimirum aquam fundendo libavit; iste nihilominus suave Deo sacrificium obtulit, dum non aquam, sed aurum pro ejus amore contempsit. Et quia non defuerunt, qui regalibus solis præditi, commissum regimen administrare se posse diffiderent, si Ecclesiarum venalitatibus publica æraria non augerent; ecce omnipotens Deus, in cujus manu est victoria triumphantium, sceptrâ regnantium, absque hujus acquisitionis inhonestæ stipendiis, fidei famulo suo plerasque nationes exterâs subdidit, tyrannicam adversantium feritatem sub ejus ditione perdomuit, superbiorumque hostium tumētium sibi colla substravit; barbaras debellare per circuitum gentes, et rebelles infideliter subjectorum dedit calcare cervices. Ut liquido pateat, quia victoria de cælo est, et non probatur ex donativis pendere pecuniæ, sed ex supernæ gratiæ descendere largitate.

D Videtur itaque imperator iste Constantino Cæsari adversus catholicæ hostes Ecclesiæ non suppressâ obtinuisse victoriam. Ille nimirum Arianae sectæ dogma orthodoxæ fidei armis attrivit; iste Simoniacæ hæreseos pestes avaritiâ calcando delevit. Ille fidei propugnator obstitit ne Arius unitatem scinderet; hic concupiscentiæ triumphator occurrit ne Simon in Ecclesia pestilentia cathedram possideret. Desudent alii triumphos regum stylo historiæ texere; insignes bellorum titulos, et eorum fortia gesta præconis exquisitæ laudis efferre; mihi videtur victoria ista, quam supra meminimus, longe nobilior, et incomparabiliter gloriosior: ubi nimirum non humanus sanguis effunditur, non militum mu-

tudo minuitur, sed omnis Ecclesia catholica per A
Romani fines imperii circumquaque diffusa de vinculis antiquæ damnationis velut ex horrendo ac profundissimo carcere liberatur; ut per Augustum divinitus erepta, libera Deo possit voce cantare :
« Dirupisti, inquit, Domine, vincula mea, tibi sacrificabo hostiam laudis (Psal. cxv). »

CAPUT XXXVII.

Invehitur scriptor in Simoniacos.

Queror adversum vos, Simoniaci, qui gravem nobis elucubrationis hujus molestiam intulistis. Et quidem nostra defendimus, sed ita duntaxat, ut vos perpetuo condemnemus; sic ea, quæ per vos aguntur, admittimus, ut vos abominabiles, omniumque perditorum extremis dignos supplicitis arbitremur. B
Nimirum Judas Dominum purum hominem credens, vendidit (Math. xxvi); sed mox pretium sanguinis, digna luiturus, abiecit. Vos autem nihil de divinitate sancti Spiritus ambigentes, commercium illi venalitatatis ascribitis, et perpetrati sacrilegii commodum possidetis; quique fueratis ultione plectendi, scelera commissa lucrâmini. Quibus ergo vos merito comparaverim, qui divina munera, non vobis, sed aliis habetis; et quæ illis ad salutis proveniunt cumulum, 139 vobis in judicium perditionemque vertuntur? Judæis plane vos similes video, qui medullitus divinæ legis ignari, Christi fidelibus per orbem ubique facti sunt scriniarii. Apum quoque formam propemodum tenere videmini, quæ dum obducandis faucibus hominum elaborata niella transmittunt, C
ipsæ mox perituræ famis inopia contabescunt.

Denique perpendite, infelices et miseri, quam immanissimo perditionis barathro sitis immersi, quorum non solum mala, mala sunt; sed ipsa etiam bona a vobis facta sunt mala: quibus nimirum benedictio in maledictionem, charismata in hæresim, sacramenta in sacrilegium, honor in contumeliam, propectio versa est in ruinam. Huc accedit, quia et de tot animabus estis reddendæ rationi obnoxii, quod nunc videmini fidelibus esse prælati. Affluite nunc divitiis, constipamini tumescentes obsequentium cuneis, prope est, ut videatis omnes angelorum exercitus adversum vos vehementer iratos, apostolos, martyres, omniumque sanctorum agmina contra vos terribiliter insurgere, et in damnationis vestræ sententiam concordi simul ac parili judicio convenire. Illum quippe habetis offensum, atque ideo consequenter infestum, cujus offensio neque hic remittitur, neque in futuro. Immanitate porro cruenti, ac sceleratissimi criminis vestri adulteros vincitis, homicidas exceditis, raptores, sacrilegos, incestos, parricidas atque omnium pene reorum flagitia superatis. Adhuc parum est: nam si res digna, ut est, existimatione perpenditur, ipsa Judaica perfidia, omnisque prorsus hæretica pravitas vestris excessibus non æquatur. Orta est vobis nox in meridie, tempestas in serenitate, fit vobis cælum ferreum, et terra ænea; quia et ad superna mole nequi-

tiae non assurgitis, et inter homines, quod conscientia teste commissum est, non celatis.

Sane si nunc etiam, sicut Patrum testatur auctoritas (1, q. 4, *Quicunque*), benedictio vobis in maledictionem vertitur, cum benedici sacerdotis ore videmini; quid vobis tunc fiet, cum ipsa vox divina vos maledictos appellat, et reprobat; et a conspectu suo vos judicis furor abjicit, et tortoribus tradit? Tunc profecto discetis, quanti constet transacti honoris amara coemptio, cum jam necesse erit, ut vos tartarus infinite patens absorbeat, et gehennæ crudelis olla concludat. Tunc ossa vestra medullis pinguius irrigata, crepitans stridensque flamma depascet; tunc edax incendium velut eructans de clibano per ora vobis, per oculos, per aures, et nares vaporibus eructare non desinet. Sic, sic dignum erit jam, ut cum illo dexte vestro, hæresiarcha videlicet Simone, participium sortiamini: et quibus non succederat paradisi gratis a Christo promissus, satisfaciatur infernus a diabolo pecunia comparatus. Quanquam et ipso vestri erroris auctore, et pestilentis cathedræ præside vos non incongrue damnabiliores intelligam: ut eum videlicet digne præcedatis in pœna, quem nequiter excessistis in culpa. Ille siquidem cæleste manus duntaxat emere voluit, sed voti compos ad effectum fulminandæ concupiscentiæ non pervenit; vos autem et voluistis 140 et confecistis; accessistis, et irrepistis. Structa est fabrica, prodiit et moneta. Ille denique dum se Deum simulat, canis ostenditur; dum elevatur, obruitur; dum scandere cælum videtur, in tartarum labitur. Consequenter et vos dum petitis alta, corruitis; dum æquales videri cæteris hominibus contenti non estis, divino simul et humano despecti judicio, ad immundorum canum similitudinem festinatis. Verum non nugæ terimus, si ossa arida ad vitam reducere corripiendo, quasi vaticinando tentemus; solummodo orandum est, ut honore deposito, carnes nervosque reinduant, et sic per afflatum sancti Spiritus denuo reviviscant. Sed jam emenso pelago, clavum stringentes, vela submittimus; quia duce Christo litus aspicientes, portui propinquamus.

CAPUT XXXVIII.

Ubi in Ravennatem pontificem peracti operis summa concluditur.

Postremo ad te, Heinricæ venerabilis pater, redeo, et a quo cœpi, jam in ipsius opusculi calce recurro: non hic, queso, elucubratiæ dictionis phalerata discutiat urbanitas, non accuratæ dicacitatis acrimonia requiratur, sed rudis simplicitas, et sermo pauperculus, qui vix queat explicare quod sentit. Proposui enim serias quasdam, ac necessarias res, fratrum meorum cordibus magis utiliter quam luculenter exponere, nec verborum inanum lenociniis aurium illecebris deservire. Non enim ignoratis quia vivacitate sententiarum sermo ex industria cultus evacuat, et dictorum vim splendor elaboratus enervat. Illi sane grandiloquiis et truti-

natis verbis inserviant, qui favorabiles plausus hominum aucupari delenificæ locutionis amœna quadam venustate desudant. Nos autem, qui nudis pedibus ire præcipimur, cothurnati scribere non debemus; quibus censura taciturnitatis indicitur, luxuriantis eloquentiæ laciniosa prolixitas congruere non videtur. Quapropter, charissime, hæc rustica, et rudi stylo composita tuis manibus offero, tanquam delicet vilia ponia; quia tamen res meliora non attulit, ne despicias, quæso. Plane quia, ut ita loquar, unde genus duxi (6), summum conscendis honorem, te potissimum elegi, cui hoc munusculum traderem, et ut revera proprio pastori perexillis ovicula fructum non ventris, sed mentis afferrem.

Novi denique, quia Ecclesia vestra ad instar apostolici senatus non tam numeroso, quam venerando ac mystico sanctorum episcoporum pollet ornata collegio; quorum videlicet studio ita rectam apostolicæ traditionis lineam servat, sic in puritate sincerissimæ fidei immobiliter perseverat, ut omni hæretica pravitate remota, novam illam, quæ sub apostolis fuerat, hodieque repræsentet Ecclesiam, sive etiam sedem fidei ipsam videatur germinare Nicæam. Ex his itaque, quos visum fuerit, sanctitas vestra consciscat, et cum eis simul hoc opus utcumque catholici fidei sanæque doctrinæ congruat, solerter indaget, prudenter examinet. Quod si liber hic venialiter reprehensibilis **141** invenitur, vestra eum prudentia corrigat, et sic etiam beatissimo papæ, si per vos transierit, ut fama dispersit, ostendat; ut quod ex officis inepta compositione despicitur, tanti laboris obsequio commendetur. At si, quod non credimus, sic lituræ usquequaque videatur obnoxius, ut corrigi nequeat, antequam in publicam notitiam proferatur, edax eum flamma consumat. Ut illud hic non incongrue possit aptari, habetis Aaron, et Hur vobiscum, si quid natum fuerit questionis, referetis ad eos. Non enim mihi pudoris est obliterare quod scribo, dum non erubescam libere confiteri quod credo; ut qui notat elinguem, possit compensare fidelem.

Sic nomen Domini benedictum.

CAPUT XXXIX.

Superiori Opusculo superadditum.

Libellum hunc ego rudis et imperitus sub quadam scrupulose ambiguitatis suspensione descripsi, atque ut in calce conspicitur, auctoritatis apostolicæ. Tempore autem Nicolai (7) venerabilis papæ, rursus hæc quæstio mota est, ac diutius ventilata; verum post plurimos certaminum fluctus, post nutantium denique questionum perplexa ac sinuosa volumina, ad hunc tandem judicialis sententiæ limitem res expedita pervenit; ut hactenus a Simoniacis gratuito consecrati, in adeptæ dignitatis honore persistenter; necdum vero promoti, ab illis ad ordinem provehi de cætero licentiam non haberent. Hac scilicet consideratione servata, ut nec pro severitate

(6) Ravennam natale solum, intelligit S. doctor.

(7) Leonis IX cujus epistolam, manu exaratos secuti

A sententiæ totus simul ecclesiasticus ordo corrueret; nec pro remissione elementariæ Simoniacæ pestis in conferendis honorum gradibus vim roboris obtineret, dispensatorio quodam jure; utque est in præteritis ratum, de futuris sit omnino prohibitum. Nos itaque non proprias allegationes pervicaciter astruentes, sed synodalibus decretis humiliter obtemperantes, apostolicæ sedis edictum, vel quod jam promulgatum est, sequimur; vel si quid adhuc eliminatius atque salubrius in posterum statuendum est, obedientiam profitemur. Ut sicut a beatis apostolis Evangelio coruscante, nascentis fidei rudimenta percepimus; ita deinceps ab apostolicis viris traditam omnem vivendi, vel sentiendi regulam teneamus.

B Porro autem Ravennas ille episcopus, cui libellus hic principio missus est, quia nuper promotus, atque ideo mihi erat incognitus, Scripturarum habere scientiam putabatur; sed quoniam ab eo super hac quæstione ne tenuem quidem scintillam solutionis exsculpere potui, auctoritate sedis apostolicæ me contentum esse decrevi: ut quid ei synodalis fuerit censura profixum, hoc mihi procul dubio sit authenticum, hoc certe canonicæ videatur auctoritatis vigore subnixum.

142 SCHOLIA.

« Cæterum et ipse pontifex delinquentes, cum causa dictaverit, forensi lege correat; et rex cum suis episcopis super animarum statu prolata sacrorum canonum auctoritate decernat (Ant. Flor. Chron. p. m, tit. 20, cap. 7, paragr. 4.) » Hoc in loco in manuscriptis colicibus librorum procul dubio oscillantia mendum irrepisse omnino credendum est. Quandoquidem cum sancti doctoris sententia esset, cum summi pontificis, tum regis vel imperatoris munus circa populorum regimen ostendere, non est putandum, ea quæ sunt pontificis attribueri regi voluisse; cum ambæ potestates jure divino ab invicem sint distinctæ, ut patet ex c. Duo sunt, et distinct. 93, cap. Si imperator, et cap. Solite, de majoritat. et obediens. Quamobrem ubi in textu Damiani dicitur, et rex cum suis episcopis, etc., necessario legendum est; (et pontifex cum suis episcopis,) ut cuivis constare potest antecedentia cum subsequentibus accurate conferenti. Sed et textum modo allatum (ut aliquid amplius hic dicamus) corruptum fuisse ex eo potissimum apparet, quod idem ipse Damianus postquam ea protulisset verba, de Romano pontifice statim subiecit: Ille tanquam parens paternum semper jure præemineat; iste velut unicus ac singularis filius in amoris illius amplexibus requiescat.

« Nisi enim certa fides haberet, cum baptismo Dominum simul et sacerdotium suscepisse, » etc. Quoniam certissimum est sacerdotium Christo, ut homini convenire, et illi omnia dona, et charismata in instanti unionis hypostaticæ collata fuisse, non potest sustineri, quod Damianus hoc loco refert Christum in baptismo sacerdotem factum fuisse, nisi forte intelligere voluerit, Christi sacerdotium non quidem in baptismo collatum, sed aliquo modo manifestari cœpisse; sicut theologi verba illa interpretantur: (Et Jesus proficiebat sapientia, et ætate, et gratia apud Deum, et homines [Luc. ii]); non quod

codices, in opusculi principio posuimus.

revera ex parte rei sapientia Christi augetur, quam totam simul acceperat; sed quia crescente rectate, multo magis clarescebat. Sanctus quoque Thomas ait (1. p., q. 22, art. 2 ad 3), ipsam Christi humanam naturam, cum in passione Deo offerretur, novo modo sanctificatam fuisse, scilicet ut hostiam potialitur, quia tamen id, quod omnibus majus est, commune cum reliquis sacerdotibus habent, cum eis etiam et ipsi non immerito sacerdotii nomen tenent. » In hæc verba id animadvertendum censeo, sanctum cardinalem non inficiari episcopatum a presbyteratu jure divino differre, tametsi prima fronte videatur dicere, ob aliqua privilegia, episcopos presbyteris majores esse. Tantum enim discrimen ponitur inter hos et illos, quantum inter subditos et principes. Hinc est, **143** quod S. Ignatius in suis omnibus fere epistolis, principis titulo episcopos sæpe condecorat: unde et ad Trallianos scribit: (Quid enim aliud est episcopus, quam is qui omni principatu et potestate superior est, et quoad hominem licet, pro viribus imitator Christi Dei factus? Quid vero sacerdotium aliud est, quam sacer cætus consiliarii et assessoris episcopo: quid vero diaconi, quam imitatores angelicarum virtutum, quæ purum et inculpatum ministerium illis exhibent; ut S. Stephanus B. Jacobo, Timotheus et Linus Paulo, Anacleto et Clemens Petro. Qui igitur his non obedit, atheus prorsus et impius est, et Christum contemnit, et constitutiones ejus imminuit). Et ad Philadelphenses: (Principes obediunt Cæsari, milites principibus, diaconi presbyteris, sacrorum præfectis presbyteri; diaconi et reliquis clerus una cum populo universo, militibus, et Cæsare, ipsi episcopo pareant; episcopus Christo, ut Christus Patri obediunt. Et hæc ratione per omnia conservabitur unitas). Hoc ipsum confirmat S. Hieronymus, prout habes dist. 55, c. *Ecclesie principes*. Est item expressa sententia Dionysii Areop. De Eccles. hierarch. cap. 5, quibus etiam suffragantur omnes scholastici in 4 sent., dist. 24, et præsertim S. Thom. 2-2, q. 184, art. 6, his adde et canonistas, ut inter alios, cardinalis Turrecremata recenset lib. 1 Summ. eccl., cap. 69. Quare Aetiani hæretici habiti sunt apud Epiphanium hæres. 75, et Augustinum hæres. 55, quia negabant episcopos presbyteris esse superiores.

« Nam et ipsi sancti apostoli non reperiuntur alibi fuisse a Domino consecrati, nisi in perceptione baptismi; qui tamen non aquæ baptismatis manifeste leguntur immersi, sed junctam potius executi sunt obediuntiam baptizandi. » Pro declaratione totius hujus periodi usque ad illius capitis finem, ut confusio evitetur, tria, quæ certissima sunt, de apostolis dicimus: Primum apostolos fuisse baptizatos juxta formam ac modum, quo ipsi postmodum ceteros baptizare jussi sunt, ut S. Aug. (epist. 109) (post Tertullianum lib. de Baptismo) pluribus ostendit. Est autem vetus traditio accepta ex Evodio episcopo Antiocheno, apostolorum successore, apud Nicephorum lib. 11, Hist. cap. 3, Christum manibus suis Petrum tantummodo baptizasse: Petrum porro Andream et filios Zebedæi; hos vero reliquos apostolos: Septuaginta autem illos Petrum et Joannem baptizasse (*Luc. x*). Hoc ipsum colligitur ex c. Quando de consecr. d. 4, et ibi Gl. quibus adduntur cardinalis de Turrecremata, et inter alios etiam multos, Augustinus Triumphus de potest. Eccl., quest. 84, art. 4. Secundo certum est apostolos fuisse consecratos sacerdotes a Christo in ultima cena, cum instituit sacram Eucharistiam illis præcepit, ut eam offerrent in sacrificium per hæc verba: (Hoc facite in meam commemora-

tionem), ut expresse docet conc. Trident. sess. 22, cap. 1. Tercio dico, apostolos fuisse post Resurrectionem a Christo creatos episcopos, cum illis in unum congregatis apparuisset, ut Joannes habet verbis **144** istis: Sicut misit me Pater, et ego mitto vos (*Joan. xx*). Quem locum ita explicant Chrysostomus, Cyrillus Alexandrinus, et Theophylactus atque recentiores multi, tametsi alii opinentur, a Christo solum Petrum episc. ante Ascensionem creatum, post autem sancti Spiritus missionem, Petrum consecrasset episcopum tantummodo Joannem, hosque ambos Jacobum Zebedæi: ac deinceps decretum fuisse, ne ordinetur episcopus nisi a tribus similiter episcopis, ut dicitur in cap. Porro, dist. 66, ac fuscè demonstrant cardinalis a Turrecremata, in c. In novo, dist. 21, art. 3 et summ. Eccl. lib. 11, cap. 54; cardinalis Jacobatus de concil. lib. x, art. 7, atque alii.

« Liberius perfidia deceptus errore, Arianae hæresi subscripsisse dignoscitur. » Quod ait hic Damianus Liberium papam hæreticum fuisse, declaratione indiget, tametsi ille excusari possit, cum alii Patres gravissimi idem censuerint, Athanasius apolog. 2, et epist. ad solitarios, Hilarius contra Constantinum, Hieronymus De scriptoribus ecclesiasticis, Fortunatianus, Notkerus antiquus S. Galli cœnobita in suo Martyrol. ad xviii Kal. Sept. Et revera ipse Liberius in causa fuit, ut de hæresi diffamaretur; quoniam in subscriptione formulæ fidei, quæ probe intellecta catholica erat, quia tamen reticuit vocem consubstantialitatis, qua utitur conc. Niceanum primum, in Arianam perfidiam incidisse vulgo existimatus est. Quem tamen nulla prorsus Arianismi, nec ullius hæresis nota contaminant, vel ex iis potissimum apparet, quæ pro catholica fide contra Constantium imp. sic invictè disserruit, egitque cum eo tam ante suum exilium, ut habes apud Rufinum Hist. Eccl. lib. 1, cap. 21; Socratem lib. 11, c. 29 in fine, et lib. 11, c. 11; Sozomenum lib. 11, cap. 10 et 14; Theodoretum lib. 11, c. 15, 16 et 17, quam post exilium, dum scripsit ad episc. Macedonas; apud Socratem lib. 11, c. 11 et 12. Sed et has in Liberium injurias Aetianorum calumniis commentas fuisse, disertè scribit Sozomenus lib. 11, c. 14. Quod autem Damianus etiam inquit, eundem Liberium excitasse persecutiones in clero, dextre intelligendum est. Is n. decreto Constantii imp. cum ab exilio in Urbem revocaretur, ac clerus illum recipere nollet, eo quod in Oriente moratus damnationi Athanasii subscripsisset, magistratus adversum eundem Romanæ Ecclesiæ clerum persecutionem excitarunt. Quia de re Liberii culpe ascriptum est, quod ejusdem causa factum esse videretur. Cæterum Liberius quantæ laudis ac sanctitatis etiam post obitum æstimatus sit a præstantissimis quibusque viris docent in primis Ambr. l. 111 Comment. de Virg.; Basilicus epist. 74; Epiph. hæres. 75; Beda vero in Martyrologio ad viii Kal. Oct., et Wandelbertus ad ix Kal. ejusdem mensis, Liberii memoriam cum aliis sanctis anniversario die Natali publice recolendam contestantur. Alia præter hæc pro Liberio fuscè ac disertè conscripta præsertim habes apud illusterrimos cardinales, Baronium in Annalibus, et Bellarminum in Controversiis.

« **145** Enimvero quis Heli sacerdotem nesciat reprobum, et tam pro lenitate sua, quam pro liberorum effrenata licentia divinæ animadversionis sententia condemnatum? » Hanc de Heli sententiam nostro cardinali placuisse non mirum est, quandoquidem et illam alexandri summi Tertullianus lib. De pudicit.; Hieronym. lib. 1, adversus Jovinian.; Joan. Chrysost., lib. 11, adversus vituperat. vitæ monast.; Isidorus Pelusiota epist. 370 ad Cyrillum; Innocentius III in cap. Licet Heli, de simonia. Contraria tamen sententia probabilis etiam est. Hanc tuctur Alphonsus Adulesini in lib. 1 Re-

gum, c. 4. Et fortasse hoc ipsum Patres sensere, A quoniam ex eorum verbis nihil amplius colligitur, quam quod Heli ob non increpata filiorum flagitia, eo mortis genere periit.

«Animadvertimus a Paulianistis, aliisque hæreticis Spiritum sanctum non habentibus baptizatos baptizari regulariter.» Quod asserit 146 hoc in loco sanctus doctor, baptizatos a Paulianistis et Cataphrygibus (quorum mentio fit in c. Si quis 1, q. 1) si ad Ecclesiam redissent, ex concilii Nicæni decreto verum est, quoniam neque Christum credebant esse hominem, neque Spiritum sanctum confitebantur; ac proinde cum eorum baptismus in nomine sanctæ Trinitatis non conferretur, merito

ad Ecclesiam catholicam redeuntes baptizandi erant. Non tamen generaliter censendum est baptizatos ab hæreticis rebaptizandos esse, ut Donatistarum hæresis, contra quam sanctus Augustinus strenue decertavit, impie affirmabat. Porro quam vera doctrina sit ab hæreticis etiam baptizatos in forma Ecclesiæ, non esse rebaptizandos, evidenter demonstrant scholastici in 4 sent. dist. 4, quæst. unic., et sanctus Thom. part. III, quæst. 66, art. 9, atque etiam in cap. de Arianis, cap. Ab antiqua, De consecr. dist. 4, quam sententiam cardinem nostrum amplexatum quoque fuisse, ex ejus verbis certissimum redditur.

Sit nomen Domini benedictum.

147-148 OPUSCULUM SEPTIMUM

LIBER GOMORRHIANUS, AD LEONEM IX ROM. PONT.

ARGUMENTUM. — Nefandum et detestabile crimen, in quod Deo dicati sui temporis prolabeantur, deplorat; eosque utpote indignos a sacris ordinibus removendos esse contendit; Leonemque pontificem Romanum implorat, ut tam fæde peccantes sua auctoritate coerceat.

LEONIS IX EPISTOLA,

Qua hic sancti viri libellus confirmatur.

LEO episcopus, servus servorum Dei, dilecto in Christo filio PETRO eremita, æternæ beatitudinis gaudium.

Ad splendidum nitentis pudicitie torum, fili charissime, pio certamine intentionem tuæ mentis pervenisse, libellus; quem contra quadrimodam carnalis contagionis pollutionem, honesto quidem stylo, sed honestiori ratione edidisti, manifestis documentis commendat. Subegisti siquidem carnis barbariem, qui sic exerxisti brachium spiritus adversus libidinis obscenitatem. Exsecrabile quidem vitium, longaque segregans ab auctore virtutum, qui cum sit mundus, nihil admittit immundum; nec de sorte ejus esse poterit, qui sordidis illécebris subiacebit. Clerici vero, de quorum vita spurcissima flebiliter pariterque rationabiliter tua prudentia disputavit, vere, et omnino vere ad funiculum hæreditatis ejus non pertinent, de quo ipsi voluptuosis se oblectationibus submovent; qui si pudice conversarentur, non solum templum Dei sanctum, sed ipsum etiam sanctuarium dicerentur: in quo niveo candore conspicuus ille Dei Agnus immolatur, per quem fæda totius orbis lues lavatur. Tales nimirum clerici etsi non verborum, tamen operum testimonio profitentur, quia non existunt, quod censentur. Quo enim modo clericus potest esse, vel nominari, qui proprio arbitrio non metuit se inquinare? De quolibet, quia sancto furore permotus, quæ tibi videbantur scriptas; oportet, sicut desideras, apostolicam nostram interponamus auctoritatem, quatenus scrupulosam agentibus auferamus dubietatem; et constet omnibus certum nostro judicio placuisse quæcunque continet ipse libellus diabolico igni velut aqua oppositus.

B Igitur ne cænosæ libidinis impunita licentia pervagetur, necesse est apostolicæ severitatis congrua reprehensione refellatur, et tamen aliquod tentamentum in austeritate ponatur.

Ecce omnes illi, qui quavis quatuor generum quæ dicta sunt, fœditate polluantur, prospecta æqualitatis censura, ab omnibus immaculatæ Ecclesiæ gradibus, tam sacrorum canonum quam nostro judicio depelluntur. Sed nos humanius agentes, eos, qui vel propriis manibus, vel invicem inter se egerunt semen, vel etiam qui inter femora profunderunt, et non longo usu, nec cum pluribus, si voluptatem refrenaverint, et digna penitudine probrosa commissa luerint, admitti ad eosdem gradus, in quibus in scelere manentes, non permanentes fuerant, divinæ miserationi confisi, volumus, atque etiam jubemus; ablata aliis spe recuperationis sui ordinis, qui vel per longa tempora secum, sive cum aliis vel cum pluribus, brevi licet tempore, quolibet duorum fœditatis genere, quæ descriperas maculati: vel, quod est horrendum dictu et auditu, in terga prolapsi sunt. Contra quod nostrum apostolicæ sanctionis decretum, si quis ausus fuerit vel judicare vel latrare, ordinis sui se noverit periculo agere. Qui enim non pungit vitium, sed palpat, cum eo qui vitio moritur, ipse quoque mortis reus merito judicatur. Sed, o fili charissime, inenarrabiliter gaudeo, quia exemplo tuæ conversationis instruis, quidquid oratoria facultate docuisti. Plus est enim opere docere, quam voce. Quapropter auctore Deo palmam obtinebis victoriæ, et cum Deo, et Virginis Filio, lætaberis in cælesti mansione tot mercedibus cumulatus, quot ereptis per te a diaboli laqueis fueris constipatus et quodammodo coronatus.

PRÆFATIO.

149 Beatissimo papæ LEONI, PETRUS ultimus monachorum servus, debite venerationis obsequium.

Quoniam apostolica sedes omnium Ecclesiarum mater esse ex ipso Veritatis ore cognoscitur, dignum est, ut si quid uspiam dubitationis emergerit, quod ad animarum videatur pertinere negotium, ad ipsam, velut ad magistram, et quodammodo fontem cælestis sapientiæ recurratur, quatenus ex illo uno capite ecclesiasticæ disciplinæ lumen prodeat, quo discussis ambiguitatum tenebris, totum corpus Ecclesiæ perspicuo veritatis nitore clarescat. Quoddam autem nefandum et ignominiosum valde vitium in nostris partibus inolevit, cui nisi districtæ animadversionis manus quantocius obviet, certum est, quod divini furoris gladius in multorum perniciem immaniter grassaturus impendat. Heu! pudet dicere, pudet tam turpe flagitium sacris auribus intimare; sed si medicus horret virus plagarum, quis curabit adhibere cauterium? Si is, qui curaturus est, nauseat, quis ad incolumitatis statum pectora ægrota reducat? Vitium igitur contra naturam velut cancer ita serpit, ut sacrorum hominum ordinem attingat; et interdum ut cruenta bestia inter ovile Christi cum tantæ libertatis sævit audacia, ut quampluribus multo salubrius fuerit in mundanæ militiæ jugo deprimi, quam sub religionis obtentu tam libere ferro juri diabolicæ tyrannidis mancipari, præsertim cum aliorum scandalo; cum Veritas dicat: « Qui scandalizaverit unum ex his pusillis, expedit ei ut suspendatur mola asinaria in collo ejus, et demergatur in profundum maris (*Matth. xviii*). » Et nisi quantocius sedis apostolicæ vigor occurrat, non est dubium, quin effrenata nequitia cum restringi voluerit, a cursu sui impetu desistere nequeat.

CAPUT PRIMUM.

De diversitate peccantium contra naturam.

Ut autem res vobis tota per ordinem pateat, ex hujus nequitie scelere quatuor diversitates fiunt. Alii siquidem secum, alii aliorum manibus, alii inter femora, alii denique consummato actu contra naturam delinquant; et in his ita per gradus ascenditur, ut quæque posteriori præcedentibus graviora judicentur. Major siquidem poenitentia illis imponitur qui cum aliis cadunt, quam iis qui per semet ipsos, sordescunt; et districtius judicantur qui actum consummant, quam ii qui inter femora coinquantur. Hos itaque corruiendi gradus artifex diaboli machinatione reperit, ut quo altius per eos ascenditur, eo proclivius infelix anima ad gehennalis barathri profunda mergatur.

150 CAPUT II.

Quod inordinata rectorum pietas lapsos ab ordine non compestat.

Hujus sane perditionis obnoxii sæpe largiente divina clementia resipiscunt, atque ad satisfactionem veniunt, et poenitentiae quidem pondus quamlibet grave devote suscipiunt, ecclesiasticum verò ordi-

A nem perdere vehementer perhorrescunt. Quidam namque rectores Ecclesiarum circa hoc vitium humaniores forsitan quam expediat, absolute decernunt propter tres illos gradus, qui superius enumerati sunt, neminem a suo ordine debere deponi: hos autem solummodo non abnuunt degradari, quos ultimo actu cecidisse constiterit. Unde fit, ut qui cum octo, vel etiam decem aliis æque sordidis in hanc nequitiam lapsus esse cognoscitur, nihilominus in suo ordine permanere videatur. Quæ procul dubio impia pietas non vultus amputat, sed ut augeatur, fontem subministrat; non perpetrati illiciti actus prohibet amaritudinem, sed perpetrandi potius tribuit libertatem. Carnalis quippe ejuslibet ordinis homo magis formidat, et expavescit in conspectu hominum despici, quam in superni Judicis examine condemnari; ac per hoc mavult quamlibet districtæ, quamlibet animosæ poenitentiae sustinere laborem, quam sui gradus periculo subiacere: et dum per indiscretam discretionem non timet statum sui honoris amittere, incitatur et in experta præsumere, et in his quæ invite præsumpsit, diutius permanere; atque, ut ita dixerim, dum illic non feritur, ubi acrius dolet, in eo, in quo semel corruit, cænosæ obscenitatis volutabro molliter jacet.

CAPUT III.

Quod usibus immunditiæ dediti, nec ad ordinem provehi, nec persistere debeant jam promoti.

Sed, ut nobis videtur, valde præposterum est, ut consuetudinaliter hac parulenta contagione fœdati, vel ad ordinem provehi, vel in gradu persistere audeant jam promoti. Quia et rationi contrarium, et canonicis Patrum sanctionibus probatur adversum. Hoc autem non ad hoc assero, ut in majestatis vestrae præsentia definitivæ sententiæ calculum proferram, sed ut propriæ opinionis arbitrium pandam. Hoc nempe flagitium inter cætera crimina non immerito deterrimum creditur; quandoquidem illud omnipotens Deus semper uno modo exosum habuisse legitur, et cum reliquis vitis necdum per legale præceptum frena posuerat, jam hoc districtæ ultionis animadversione damnabat. Nam, ut taceamus, quod Sodomam et Gomorram (*Gen. xix*), duas videlicet egregias civitates, omnesque finitimas regiones, misso cœlitus sulphure et igne subvertit; Onan D Judæ filium propter hoc nefarium scelus immatura morte percussit, teste Scriptura, quæ dicit: « Sciens Onan non sibi nasci filios, introiens ad uxorem fratris sui; semen fundebat in terram, ne liberi 151 fratris nomine nascerentur: et idcirco percussit eum Dominus, eo quod rem detestabilem faceret (*Gen. xxxviii*). » In lege quoque dicitur: « Qui dormierit cum masculo coitu femineo, uterque operati sunt nefas, morte moriantur; sanguis eorum sit super eos (*Levit. xx*). »

Quod autem ad ecclesiasticum ordinem promoveri non debeat, qui in illud crimen lapsus est, quod vetus lex præcipit morte damnari, testatur beatus papa Gregorius (lib. x, epist. 13), qui in suis epistolis

Passivo episcopo scribit, dicens : « Bene novit fraternitas vestra, quam longo tempore Aprutium pastoralis sollicitudine sit destitutum : ubi diu quæsimus, qui ordinari debuisset, et nequaquam potuimus invenire; sed quia Importunus mihi suis in moribus, in psalmodiæ studio, in amore orationis valde laudatur, et religiosam vitam agere dicitur; hunc volumus ut fraternitas vestra ad se faciat venire, et de anima sua admoneat, quatenus in bonis studiis crescat : et si nulla ei crimina, quæ per legis sacræ regulam morte multata sunt, obviant; tunc ordinandus est, ut vel monachus, vel a vobis subdiaconus fiat; et post aliquantum temporis, si Deo placuerit, ipse ad pastorem curam debeat promoveri. » Ecce hic aperte colligitur, quia quisvis vir cum viro labitur, quod nimirum scelus, ut supra docuimus, per vetustæ legis sententiam morte multatur, etiamsi honestis moribus polleat, si psalmodiæ studio ferveat, si in amore orationis enitescat, et omnino religiosam vitam sub approbatæ famæ testimonio ducat; reatus quidem indulgentiam plene potest accipere, ad ecclesiasticum vero ordinem nequaquam permittitur aspirare. Nam cum de illo venerabili viro, videlicet Importuno, qui primum tanto fervore laudis attollitur, tot religiosæ, et honestæ vite infulis redimitur, tot virtutum præconiis decoratur; tamen postmodum dicitur : « Si nulla ei crimina, quæ per sacræ legis regulam morte multata sunt, obiciant, tunc ordinandus est. » Patet profecto, quia quem dignum morte crimen abiecerat, quælibet religiosa vita subsequens ad suscipiendum ecclesiastici gradus ordinem non reformat. Nec valet ad obtinendum honoris culmen assurgere, qui in mortalis culpæ barathrum non ambigitur cecidisse. Luce ergo clarius constat, quia quicumque dicto modo lapsus esse convincitur, quod sine dubio mortale crimen est, omnino contra sacræ legis normam, omnino contra divinæ auctoritatis regulam ad ecclesiasticum ordinem promovetur.

CAPUT IV.

Si ecclesiastica necessitas poscat, utrum talibus hoc officium peragere liceat.

Sed fortasse dicitur, necessitas imminet, persona, quæ sacrum in Ecclesia officium peragat, deest; et congrue sententia, quæ prius divina iustitia dictantem depromitur, oblata rerum necessitate molitur. Ad hæc ego compendiose respondeo : Nunquid et necessitas non incuberat, cum pontificalis sedes pastore vacabat? An pro utilitate unius hominis censura delebitur, quæ in destitutione unius populi **152** inconcussa servatur? Et quæ non solvitur ad profectum innumeræ multitudinis, violabitur ob personæ commodum singularis? Sed jam ipse quoque prædicator egregius accedat ad medium, et quid de hoc vitio sentiat expressius innotescat. Ait enim in Epistola ad Ephesios : « Hoc autem scitote intelligentes, quod omnis fornicator, aut immundus, aut avarus, non habet hærelitatem in regno Christi et Dei (*Ephes. v.*). » Si ergo immundus in cælo nec

A qualemcumque habet hærelitatem, qua præsumptione, quo temerario fastu in Ecclesia, quæ nihilominus est regnum Dei, obtineat insuper dignitatem? Nunquid qui divinam legem in facinus cadendo posposuit, ascendendo etiam ad ecclesiasticæ dignitatis officium contemnere non timebit? Et nihil sibi reservat, quia Deum contemnere in omnibus non formidat.

Sed illis profecto hæc lex specialiter est indicta, a quibus exstitit violata, teste Paulo, qui ad Timotheum scribens, ait : « Justo lex non est posita, sed injustis, impiis et peccatoribus, sceleratis et contaminatis, patricidis et matricidis, homicidis, fornicariis, et masculorum concubitoribus, plagiaris, mendacibus, perjuriis, et si quid aliud sanæ doctrinæ adversatur (*1 Tim. i.*). » Dum igitur masculorum concubitoribus, ut ostensum est, lex illa sit posita, ut sacros ordines temerare non audeant, a quibus, rogo, lex ista servabitur, si ab his præcipue, quibus indicta est, continentur? Et si fortasse persona utilis dicitur, justum est, ut quo prudentius ingeniorum studiis viget, eo cautius authenticæ sanctionis mandata conservet. Unusquisque enim quo melius sapit, eo deterius delinquit. Quia inevitabiliter merebitur supplicium qui prudenter, si voluisset, potuit evitare peccatum. Nam ut beatus ait Jacobus : « Scienti bonum, et non facienti, peccatum est illi (*Jac. iv.*). » Et Veritas dicit : « Cui plus committitur, plus ab eo requiritur. » Nam si in erudito quolibet viro ecclesiasticæ disciplinæ ordo confunditur, mirum si ab ignorante servatur. Si enim peritus quisque inordinate ad ordinem ducitur, videtur quodammodo se sequentibus, et, ut ita dicam, simplicioribus erroris semitam sternere, quam ipse aggressus est, tumido superbiæ pede calcare : et non solum judicandus est, quia peccavit; sed etiam quia propriæ præsumptionis exemplo ad æmulationem peccandi et alios invitavit.

CAPUT V.

Quod in reprobum sensum lapsi sunt, qui post hoc vitium habere sacrum ordinem concupiscunt.

Quis enim surda aure prætereat, imo quis non medullitus contremisceat, quod de talibus Apostolus, velut tuba vehemens, intonat, dicens : « Tradidit illos Deus in desideria cordis eorum, in inmunditiam, ut contumeliis afficiant corpora sua in sæculum (*Rom. i.*). » Et paulo post : « Propterea tradidit illos Deus in passionem ignominiæ. Nam femine eorum immutaverunt naturalem usum in eum usum, qui est contra naturam; similiter autem et masculi, **153** relicto naturali usu feminae, exarserunt in desideriis suis in invicem, masculi in masculos turpitudinem operantes : et mercedem, quam oportuit, erroris sui, in semetipsos recipientes : et sicut non probaverunt habere Deum in notitia, tradidit illos Deus in reprobum sensum, ut faciant quæ non conveniunt (*Ibid.*). » Quid est enim quod post tam gravem lapsum tantopere sublimitatem ecclesiastici ordinis ambiunt? Quid opinandum est, quid creden-

dum est, nisi quod eos Deus in reprobum sensum tradidit? Nec ea, quæ illis necessaria sunt, peccatis exigentibus, videre permittit. Quia enim illis occidit sol, ille scilicet, qui ascendit super occasum (*Psal. lxxv*), amissis interioribus oculis, nec considerare prævalent quod gravia sint mala, quæ per immunditiam perpetrarunt; neque quam deterius adhuc sit, quod contra voluntatem Dei inordinate habere concupiscunt; et hoc ex divinæ justitiæ regula consueto more procedit, ut hi qui se hac perditissima sorde commaculant, digna percussu animadversione iudicii, tenebras cæcitatæ incurrant. Sicut de antiquis illis huius fœditatis auctoribus legitur: « Cum justo Loth vim vehementissime facerent, jamque prope essent ut effringerent fores. Et ecce, inquit Scriptura, miserunt manum viri, et introduxerunt ad se Loth, clausuruntque ostium, et eos, qui foris erant percusserunt cæcitate a minimo usque ad maximum, ita ut ostium invenire non possent (*Gen. xix*). Constat autem, quia per illos duos angelos, qui ad B. Loth venisse leguntur, persona Patris, et Filii non incongrue designatur. Quod per hoc evidenter ostenditur, quod ad eos ipse Loth loquens, dicit: « Quæso, Domine mi, quia invenit servus tuus gratiam coram te, et magnificasti misericordiam tuam, quam fecisti mecum, ut salvares animam meam (*Ibid.*). » Qui enim sic duobus quasi uni singulariter loquitur, certum est quia in duabus personis unam substantiam venerat.

Sodomitæ ergo ad angelos conantur violenter irrumpere, cum immundi homines ad Deum tentant per sacri ordinis officia propinquare. Sed hi profecto cæcitate percutiuntur, quia iusto Dei iudicio in tenebras interiores cadunt; ita ut nec ostium invenire prævaleant, quia a Deo peccando divisi, unde ad eum revertuntur ignorant. Qui enim non per humilitatis, sed per arrogantia, et tumoris anfractus ad Deum accedere gestiunt, patet profecto, quia unde ingressione aditus pateat non agnoscunt; vel etiam quia ostium Christus est, sicut ipse dicit: « Ego sum ostium (*Joan. x*). » Qui Christum peccatis exigentibus amittunt, quasi intæ ælestium civium habitaculum non possint, ostium non inveniunt.

In reprobum ergo sensum traditi sunt, quia dum reatus sui pondus in propriæ mentis statera non trutinant, gravissimam plumbi massam, pœnarum inanum levitatem putant. Quod ergo illic dicitur: « Percusserunt eos qui foris erant cæcitate (*Gen. xix*); » hoc Apostolus manifeste declarat, cum dicit: « Tradidit eos Deus in reprobum sensum; » et quod illic subiungitur: « Ut ostium invenire non possent; » hoc etiam patenter exponit, cum ait: « Ut faciant quæ non conveniunt. » Ac si diceret: ut intrare tentent, unde non debent. **154** Qui enim indignus ordine ad sacri altaris officium conatur irrumpere, quid aliud quam relicto januæ limine, per imbecilem parietis obicem nititur introire? Et quia liber pedibus non patet ingressus, hi tales dum sibi spondent ad sacrarium posse perungere, sua præsum-

ptione frustrari coguntur potius in exteriori vestibulo remanere. Et frontem quidem possunt in sacre Scripturæ saxa percutere, sed per divinæ auctoritatis aditum nequaquam permittuntur intrare; atque dum ingredi, quo non sinuntur, attentant, nihil aliud faciunt, quam obiectum parietem inaniter palpant. Quibus non immerito congruit, quod per prophetam dicitur: « Sicut in nocte ita palpabunt in meridie (*Job v*). » Et qui recti aditus limen transcendere æqueunt, pererrando in circuitum insaniam rotante volvuntur. De quibus per Ps Imisiam dicitur: « Deus meus, pone illos ut rotam (*Psal. lxxxviii*). » Et item: « In circuitu impij ambulant (*Psal. xi*). » De quibus etiam Paulus, cum superius memorata loqueretur, paulo post subdit, dicens: « Qui talia agunt, digni sunt morte, non solum qui illa faciunt, sed qui consentiunt facientibus (*Rom. i*). »

Plane qui ad tam terribile apostolicæ invectionis tonitru non expergiscitur, hic profecto non dormiens, sed mortuus congrue iudicatur. Et cum Apostolus non de Judæis utcumque fidelibus, sed de gentilibus, et Deum ignorantibus tanto studio sententiam districtæ animadversionis exaggeret; quid, rogo, dixisset, si tale hoc vulnus in ipso corpore sanctæ Ecclesiæ fetere conspiceret? Præsertim quia dolor, qui compassionis ardor pium is. ud pectus accenderet, si hanc peremptoriam pestem grassari et in sacro ordine didicisset? Audiant desides clericorum, sacerdotumque rectores; audiant, et licet de suo securi sint, alieni reatus se esse participes pertimescant. Illi nimirum, qui ad corrigenda subditorum peccata connivent, et inconsiderato silentio subditis peccandi licentiam præbent. Audiant, inquam, et prudenter intellegant, quia omnes uniformiter digni sunt morte; videlicet non solum qui illa faciunt, sed et qui consentiunt facientibus.

CAPUT VI.

De spiritualibus patribus qui cum filiis suis coinquuntur.

Sed, o scelus inauditum! o facinus toto lacrymarum fonte lugendum! Si hi morte plectendi sunt, qui facientibus ista consentiunt, quod dignum illis poterit excogitari supplicium, qui cum suis spiritualibus filiis hæc mala extrema damnatione puniendi committunt? Quis jam in gregibus reperiri valeat fructus, cum pastor in ventrem diaboli tam profunda sit præcipitatione demersus? Quis jam sub ejus imperio maneat, quem tam hostiliter a Deo extraneum non ignorat? Qui de pœnitente facit pellicem, et quem spiritualiter Deo genuerat filium, ferro diabolica tyrannidis imperio per suæ carnis immunditiam subjungat servum? Si mulierem quis violat, quam de sacro fonte levavit, nunquid non absque ullo cunctationis obstaculo communione privandus esse decernitur, **155** et sacrorum censura canonum per publicam pœnitentiam transire jubetur? Scriptum namque est: Quia major est generatio spiritualis, quam carnalis.

Sequitur ergo, ut eadem sententia digne feriat et qui carnalem filiam perdidit, et qui spiritalem

sacrilega commistione corrumpit; nisi forte in hoc A
utriusque criminis qualitas discernatur, quod
uterque, licet incestuose, naturaliter tamen, quia
cum muliere peccavit; ille autem sacrilegium
commisit in filium, incestus crimen incurrit in
masculum, naturæ jura dissolvit. Et, ut mihi videtur,
tolerabilius est cum pecude, quam cum viro in luxu-
riæ flagitium labi. Quanto videlicet levius judicatur
quemlibet solum perire, quam secum quoque alium
ad interitus perniciem trahere. Miserabilis quippe
conditio est, ubi sic unius ruina pendet ex altero;
ut dum unus exstinguitur, alter in mortem necessa-
rio subsequatur.

CAPUT VII.

*De illis, qui eisdem, cum quibus lapsi sunt, sua crimina B
confitentur.*

Ut autem diabolicæ machinationis argumenta non
lateant, sed quæ in officina veteris malitiæ se-
creto fabricantur, in lucem me pallificante procedant;
illud absconsum iri non patior, quod quidam hujus
veneno criminis satiati, dum quasi ad cor redeunt,
ne reatus ad aliorum notitiam prodeat, inter se in-
vicem confitentur: et dum hominum faciem erube-
scent, qui reatus auctores existunt, ipsi iudices fiunt:
et indiscretam indulgentiam, quam sibi quisque af-
fectat impendi, gaudeat alteri vicaria permutatione
largiri. Unde fit, ut et magnorum criminum pœni-
tentes sint, et tamen nec ora jejuniis paleant, nec
corpora macie contabescant; et dum nullo modo
venter ab immoderata alimentorum perceptione re-
stringitur, in ardorem consuetæ libidinis animus
turpiter inflammatur. Quo fit, ut qui commissa
necdum flevit, adhuc deterius lugenda committat.

Sed legis præceptum est, ut cum quis lepra perfun-
ditur, sacerdotibus ostendatur; tunc autem non
sacerdotibus sed leproso potius ostenditur, cum
immundus immundo peractam communem nequitiam
confitetur. Sed cum confessio utique manifestatio sit,
quid, obsecro, manifestat, qui audienti cognitum
narrat, aut quo pacto confessio illa dicenda est, ubi
nihil a confitente manifestatur, nisi quod jam pridem
ab audiente cognoscitur? Et qui sociali vinculo
peractæ iniquitatis astringitur, qua lege, quo jure
alterum poterit ligare vel solvere? Frustra enim quis
alium solvere nititur, qui et ipse vinculis irretitur. D
Et qui cæco vult fieri dux itineris, necesse est ut
ipse videat, ne sequenti se auctor præcipitationis
fiat, sicut voce Veritatis dicitur, ubi ait: « Si cæcus
cæcum dixerit, ambo in foveam cadunt (*Math.* xv); »
et iterum: « Vides festucam in oculo fratris tui,
trabem autem, quæ in oculo tuo est, non consideras
(*Math.* vi): Hypocrita, ejice primum trabem de
oculo tuo et tunc perspicias, ut educaas festucam de
oculo fratris tui (*Ibid.*). »

156 His evangelicis testimoniis apertissime de-
claratur, quia qui ejusdem reatus tenebris premitur,
frustra alium ad lumen pœnitentiæ revocare conatur;
et dum supra vires suas alium errando perire non

metuit, cum eo simul, qui sequitur, præsentis ruinæ
foveam non evadit.

CAPUT VIII.

*Quod sicut sacrilegus virginis violator, ita quoque
filii spiritualis prostitutor jure sit deponendus.*

Sed jam te ore ad os, quisquis es, carnalis homo,
convenio. Nunquidnam ideo spiritualibus viris con-
fiteri commissa detrectas; quia et ab ecclesiasticæ
gradu cessare formidas? Sed quanto salubrius era
in conspectu hominum temporalem perpeti verecun-
diam, quam ante tribunal superni Judicis æternam
subire vindictam? Dicis forsitan mihi: Si solummo-
do inter femora vir cum viro ceciderit, pœnitentiam
quidem agat, sed pœ humanitatis intuitu irrevoca-
biliter a suo gradu deici non debet. Quæro abs te:
Si quis sacrilege cum virgine periclitatus fuerit,
nunquid in suo gradu tuo judicio permanebit? Sed
non est ambiguum, quin hujusmodi censeas depo-
nendum; consequens igitur est, ut quod de sacra
virgine rationabiliter asseris, de filio spirituali
etiam inevitabiliter fatearis; ac per hoc, quod de
spiritualibus patribus videris asserere, idipsum te,
necesse est, de clericis definire. Hac tamen, ut
dictum est, diversitate servata, quia hoc tanto per-
penditur esse deterius, quanto per identitatem se-
xuum naturæ probatur adversum, et tum in judi-
candis excessibus jure ad delinquentis semper re-
curratur arbitrium, qui masculina femora polluit,
si natura permitteret, quidquid in mulieribus agitur,
totum in masculo per effrenatæ libidinis insaniam
perpetraret, fecit quod potuit: ad hæc usque perve-
niens quæ natura negavit, et illic invicem metam
criminis fixit, ubi naturæ necessitas intransmeabi-
lem facultatis terminum collocavit. Quia ergo eadem
lex est utriusque sexus viris sacris, et clericis,
concludamus necesse est, ut sicut virginis sacrilegus
violator jure deponitur, ita etiam filii spiritualis
prostitutor modis omnibus a suo nihilominus ar-
ceatur officio.

CAPUT IX.

*Quod ejusdem criminis reus sit, et qui cum carnali,
vel baptismatis filia labitur.*

Et ut ad sacros, id est, execrables confessores
adhuc se disputationis sermo retorqueat: si quilibet
canonicus presbyter cum muliere cecidit, cui pœ-
nitentiæ iudicium vel semel indixit, a nemine prorsus
ambiguit, quin synodalis censura iudicii degra-
detur; si autem religiosus cum religioso labitur
cui videlicet vel in danda pœnitentia iudex exstitit
vel in accipiendi iudicatus fuit, nunquid non
dicante iustitia sui ordinis honore carebit? Ita nam-
que vulgata consuetudine dicitur filius pœnitentiæ,
157 sicut filius baptismi. Unde et de B. Marco
evangelista legitur: « Quia Petri est in baptismo
filius. » Et egregius prædicator dicit: « Non enim
visit me Christus baptizare, sed evangelizare (*I
Cor.* i); ipse item dicit: « Quæ est enim gloria mea
ante Dominum? nonne vos? in Christo enim Jesu
per Evangelium ego vos genui (*I. Cor.* iv). » Rursumque

ad Galatas ait : « Filioli mei, quos iterum parturio, donec formetur Christus in vobis (Gal. iv). » Si ergo ille genuit, ille parturit, qui non est missus baptizare, sed evangelizare, ac per hoc poenitentiam provocare, congrue dicitur et ille filius, qui accipit; et ille pater, qui poenitentiam imponit. Jam ergo si superius dicta subtiliter attenduntur, luce clarius constat, quia ejusdem criminis reus est, et qui cum carnali, vel baptismatis filia fornicatur; et is, qui cum filio poenitentiae turpitudinem operatur. Et sicut is, qui cum ea lapsus est, quam carnaliter genuit, vel quam de baptismo suscepit, vel cui poenitentiae judicium posuit; ita etiam qui cum filio poenitentiae per immunditiam labitur, iustum est ab eo cuius administrator est ordine omnimodis segregetur.

CAPUT X.

De apocryphis canonibus, in quibus quicumque confidunt, omnino decipiuntur.

Sed quoniam quaedam nœniæ sacris canonibus reperiuntur admistæ, in quibus perditī homines vanā presumptione confidunt, ex ipsis aliquas hic apponimus, ut non solum eas, sed et omnes alias sibi similes scriptas, ubique repertæ fuerint, falsas et omnino apocryphas liquido demonstremus. Dicitur enim inter cætera : Presbyter non prolato monachi voto, cum puella, vel meretrice peccans, annos duos, et tribus quadragesimis, secunda, quarta, et sexta feria et Sabbato semper cum siccō pane poeniteat; si cum ancilla Dei, aut masculo, addatur jejunium, id est, quinque annos, si in consuetudine est. Similiter diaconi, si monachi non sunt, duos annos; sicut et monachi, qui sine gradu sunt. Paulo post subditur : Clericus cum puella si sine voto monachi, fornicatus fuerit, dimidium annum poeniteat; si canonicus, similiter, si frequenter, duos annos. Item si quis peccaverit, sicut Sodomite, quidam dicunt decem annos poenitentiae : qui in consuetudine habet, amplius plecti debet; si est in gradu, degradetur, et sicut laicus poeniteat. Vir, qui inter femora fornicatus fuerit, uno anno poeniteat; si iteraverit, duobus annis; si autem in terga fornicatus fuerit, tres annos poeniteat; si puer, duos annos poeniteat; si cum pecude fuerit fornicatus vel iumento, decem annos poeniteat. Item, episcopus cum quadrupede peccans, decem annos poeniteat, et gradum amittat; presbyter quinque; diaconus tres; clericus duo : et multa alia mendosa, atque sacrilega versutia diaboli sacris canonibus reperiuntur inserta, quæ nobis magis libet oblitescere, quam scribere; magis conspuere, quam tam vana ludibria schedulis inenclære. Ecce his deliramentis carnales homines confidunt, his velut somniorum portentis fidem attribunt, **158** et vanæ se spei securitate deludunt. Sed videamus, si canonice auctoritati ista conveniant; et utrum tenenda sint, an vitanda, non tam verbis, quam rebus attestantibus innotescant.

CAPUT XI.

Probabilis reprobatio supradictorum canonum.

Igitur, ut ad principium hujus captiosi capituli

A redeamus, dicitur : Quia presbyter non prolato monachi voto, cum puella, vel meretrice peccans, annos duos poeniteat. Et quis tam hebes, quis tam insanus reperiri valeat, qui duorum annorum poenitentiam, deprehensio in fornicatione presbytero, idoneam credat? Si quis enim quantulumcumque scientiam canonice auctoritatis vel summiotenus attigit, ut districtiora iudicia taceamus, quia lapsus in fornicatione presbytero, saltem decem annorum poenitentia decernatur, patenter agnoscit. Hæc autem duorum annorum de fornicatione poenitentia non modo non sacerdotum, sed nec laicorum esse perpenditur, quibus nimirum ex hac ruina ad satisfactionem currentibus, triennium iudicatur. Deinde additur : Si cum ancilla Dei, aut masculo, subandi-

B tur presbyter, peccaverit, addatur jejunium, id est, quinque annorum, si in consuetudine est : similiter diaconi, si monachi non sunt, duobus annis, sicut et monachi qui sine gradu sunt, poeniteant. Unum in capite hujus insensatæ sententiæ, quam expono, aliter video, libenter attendo; nimirum quod dicitur : Si cum ancilla Dei, aut cum masculo. Ecce, o bone vir Sodomita, in ipsa tua scriptura, quam singulariter diligis, quam inhianter amplecteris, quam tibi velut clypeum defensionis opponis, aperte consideras, quia sive cum ancilla Dei quis peccet, sive cum masculo, nihil differt; sed æquale peccatum, par decernitur esse iudicium. Jam nihil est unde necum configere, nihil unde a meis iure possis allegationibus dissentire.

C Sed quis tam vesane desipiat, quis tam profundæ tenebras cæcitatibus incurrat, ut de lapsu cum ancilla Dei, hoc est, sanctimoniali, vel presbytero, quinque; vel diacono, sive monacho, duorum annorum imponendam poenitentiam censeat? Nonne hæc est insidiatrix tenebrarum perentium? Nonne hic est errantium laqueus animarum? Illud autem quis non poterit improbare, quod dicitur : Quia clericus cum puella si sine voto monachi fornicatus fuerit, dimidium annum poeniteat? Et quis ita sacræ Scripturæ scientia polleat, quis ita vel in dialecticæ subtilitatis acumine argumentosus existat, ut tam ex lege legem, tam laudabiliter detestandæ auctoritatis iudicabile præiudicium condemnare præsumat? Unde laico triennium datur, inde clericus dimidio anno **D** poenitere præcipitur? Beati ergo clerici, qui fornicantur, Sodomitarum si arbitrio iudicentur : eadem quippe mensura qua metiuntur aliis, remetiiri cupiunt sibi inmetipsis. Satis iste auctor erroris ad lucrandas diabolo animas avidus exstitit, qui dum monachos perdere studuit, usque **159** ad ordinem clericorum dogma suæ perversitatis extendit; et animarum homicida, dum solâ monachorum mortē stomachum suæ malitiæ gulentibus explere non potuit, satiare se vel ex alio ordine concupivit.

Jam vero quod sequitur, videamus : Si quis peccaverit sicut Sodomitæ, quidam decem annos dicunt poenitentiae; qui in consuetudine habet, amplius plecti debet; si in gradu est, degradetur, et sicut lai-

cus pœniteat. Vir, qui inter femora fornicatus fuerit, uno anno pœniteat; si iteraverit, duobus annis pœniteat; si autem in terga fornicatus fuerit, tribus annis pœniteat. Et cum peccare sicut Sodomitæ, ut ipsi perhibetis, nihil aliud sit, quam fornicari in terga; quid est, quod vestri canones in uno pene versiculo tam multiformes inveniuntur et varii; ut peccantibus sicut Sodomitæ, decennii pondus injungant; in terga vero fornicantibus, quod idem est, infra triennii compendium pœnitentiæ lamenta coerceant? Nonne hæc monstribus merito comparantur, non natura prolatis, sed industria humana compositis, quorum quædam a capitibus equinis incipiunt, et in hircorum ungulas terminantur? Quibus ergo canonibus, quibus Patrum decretis ludibrio ista conveniant, quæ a semetipsis tam dissona, et ultra cornuta fronte resultant? Quæque semetipsa convellunt, quibus auctoritatibus fulciantur? «Omne enim regnum, ait Saluator, in seipsum divisum desolabitur, et domus supra domum cadet, et si Satanas in seipsum divisus est, quomodo stabit doctrina ipsius?» (Luc. xi.) Modo enim iudicium districtioris intendere, modo crudelem videntur quasi misericordiam exhibere: et velut in chimerali monstro hinc minas leonis specie terribiliter intonat, inde vilis capella humiliter beat; et hæc velut variarum diversitate formarum in risum potius excitant, quam ad pœnitentiæ lamenta compungant.

Quibus quoque in errore similia sunt, quæ sequuntur: Qui cum pecude fuerit fornicatus, vel jumento, decem annis pœniteat; item episcopus cum quadrupedibus peccans, decem annis pœniteat, et gradum amittat; presbyter quinque, diaconus tres, clericus duos; cum prius absolute dicat: Quia quicumque cum pecude vel jumento fuerit fornicatus, decem annorum satisfactione multabitur; quomodo consequens est, quod subiungitur: ut presbyter quinque, diacono trium, clerico duorum annorum de pecuali concubitu pœnitentia indicetur? Unde quicumque, hoc est, quilibet etiam laicus et decennalis spatii afflictione stringitur, inde presbytero quinquennium ponitur, id est, dimidium totius pœnitentiæ relaxatur. Quibus, rogo, sacri eloquii paginis hæc frivola insomnia congruunt, quæ semetipsa tam evidenter impugnant? Quis non pendat, quis aperte non videat, quia hæc, et his similia sacris canonibus fraudulenter immista, figmenta sunt diabolica, atque ad decipiendas simplicium animas callidis machinationibus instituta? Sicut enim melli, vel quibuslibet esculentioribus cibis venenum fraudulenter immittitur, ut dum ad comedendum alimentorum suavitas provocat, virus, quod latet, facilius in hominis interiora se transfundat; ita hæc subdola et mendosa

160 commenta sacris inseruntur eloquiis, ut suspicionem effugiant falsitatis; et quodam quasi melle sunt oblinita, dum falsæ pietatis videntur dulcedine saporata. Sed cave ab his, quicumque es, ne te Sirenarum carmen mortifera suavitae demulceat; ne navim tuæ mentis in Scyllæ voraginis profunda de-

mergat: non te sanctorum conciliorum pelagus prolata forsitan austeritate perierat; non te vadiosi syrtes apocryphorum canonum promissa lenitate fluctuum trahant. Sæpe enim navis procellosos fugiens fluctus, dum littoreis propinquaret arenis, naufragium pertulit; et sæpe alta pelagi sulcans, sine jactura oneris, incolumis enavit.

CAPUT XII.

Quod hæc ludibria jure a numero canonum excluduntur, quod certum habere non videantur auctorem.

Verumtamen quis istos canones fabricavit? quis in purpureo Ecclesiæ nemore tam spinosos, tam aculeatos palliuri tribulosis seminare præsumpsit? Constat nimirum, quod omnes authentici canones, aut in venerandis synodalibus conciliis sunt inventi, aut a sanctis Patribus sedis apostolicæ pontificibus promulgati: nec cuiquam soli homini licet canones edere, sed illi tantummodo hoc competit privilegium, qui in B. Petri cathedra cernitur præsidere. Hæc autem, de quibus loquimur, spuria canonum vitulina, et a sacris conciliis noscuntur exclusa, et a decretis Patrum omnino probantur extranea; sequitur ergo, ut nequaquam inter canones habeantur, quæ nec decretalibus Patrum edictis, nec a sacris videntur prodire conciliis. Quidquid enim inter species non annumeratur, a genere procul dubio alienum esse decernitur. Quod si nomen auctoris inquiritur, certum non valet dici, quia nec poterat in variis codicibus uniformiter inveniri. Alibi enim scribitur, Theodorus dicit; alibi, Pœnitentialis Romanus dicit; alibi, Canones apostolorum; aliter hic, aliter titulatur illic: et dum unum habere non merentur auctorem, omnem perdunt sine dubio auctoritatem. Quæ enim sub tot incertis auctoribus nutant, nullum certa auctoritate confirmant. Et necesse est, ut quæ dubietatis caliginem legentibus generant, a luce sacrarum Scripturarum, remota omni dubietate, recedant. Jam vero his scenicis deliramentis, de quibus carnales homines præsumebant, ex numero canonum eliminatis, ac perspicua argumentorum ratione convictis, illos canones apponamus, de quorum fide et auctoritate nulla prorsus ambiguitate diffidimus. In Ancyrano quippe concilio reperitur.

CAPUT XIII.

De his, qui fornicantur irrationabiliter, id est, qui misceantur pecoribus, aut cum masculis polluuntur.

De his qui irrationabiliter versati sunt, sive versantur: quotquot ante vigesimum **161** annum tale crimen commiserunt, quindecim annis exactis in pœnitentia, communionem mereantur orationum; deinde quinquennio in hac communionem durantes, tunc demum oblationis sacramenta contingant. Discutiat autem et vita eorum, qualis tempore pœnitudinis extiterit, et ita misericordiam consequantur. Quod si inexplēbiliter his hæsere criminibus, ad agendum pœnitentiam prolixius tempus insument. Quotquot autem peracta viginti annorum ætate, et uxorem habentes, hoc peccato prolapsi

sunt, viginti quinque annorum pœnitudinem gerentes, A in communionem recipiantur orationum, in qua quinquennio perdurantes, tunc demum oblationis sacramenta percipiant. Quod si qui et uxores habentes, et transcendent quinquagesimum annum ætatis ita deliquerint, ad exitum vitæ communionis gratiam consequantur.

Ecce in ipso hujus venerandæ auctoritatis titulo manifeste perpendimus, quia non solum hi, qui consummato actu contra naturam delinquant; sed et hi, qui quolibet ingenio cum masculis polluuntur, concubitoribus pecorum per omnia comparantur. Si enim ad interjecta verba respicimus, caute et cum magnæ discretionis libramine posita pervidemus, cum dicitur: Qui miscentur pecoribus, aut cum masculis polluuntur. Nam si per hoc, quod dicitur, qui cum masculis polluuntur, eos tantummodo, qui consummato actu contra naturam peccant, exprimere voluisset, nequaquam ei necesse fuisset duo verba proponere, qui cum solo eo, quod est, miscentur, potuisset suæ intentionis dicta complere. Sufficeret quippe ad styli compendium, si totam sententiam uno verbo comprehenderet, dicens: Qui miscentur pecoribus, aut masculis. Miscentur enim uno modo et hi, qui pecora, et hi, qui masculos violant. Sed cum alios misceri pecoribus, alios non misceri, sed pollui cum masculis dicat; patet profecto, quia in fine commatis non de corruptoribus tantummodo masculorum, sed et de quolibet modo pollutoribus sententiam proferat. Notandum autem hujus constitutionis edictum præcipue de laicis institutum, quod facile perpenditur in eo, quod in sequentibus subinfertur: Quotquot autem peracta viginti annorum ætate, et uxorem habentes, hoc peccato prolapsi sunt, viginti quinque annorum pœnitudinem gerentes, in communionem recipiantur orationum, in qua quinquennio perdurantes, tunc demum oblationis sacramenta percipiant.

Si ergo quilibet sæcularis hujus facinorosi reus, peracta viginti quinque annorum pœnitentia, in communionem quidem orationum, necdum autem ad percipienda oblationum sacramenta admittuntur, quo pacto religiosus non solum ad percipienda, sed etiam ad offerenda, et consecranda ipsa sacra mysteria idoneus judicabitur? B Si vix illi permittitur, ut ecclesiam cum aliis oraturus introeat; qualiter isti dabitur, ut ad altare Domini pro aliis intercessurus accedat? Si ille antequam tam prolixum pœnitentiæ spatium transigat, non meretur audire; iste quomodo dignus est sacra missarum solemnita celebrare? Si ille qui minus peccavit, ut puta per latum sæculi iter incedens, 162 indignus est cœlestis Eucharistiæ munus ore percipere; qualiter iste merebitur tam terribile mysterium pollutis manibus contrectare? Videamus adhuc idem Ancyranum concilium, quid ex eodem crimine iterum definierit.

CAPUT XIV.

De his qui in pecudes, vel in masculos aut olim polluti sunt, aut hactenus hoc vitio tabescunt.

Eos qui irrationabiliter vixerunt, et lepra injusti criminis alios polluerunt, præcepit sancta synodus inter eos orare, qui spiritu periclitantur immundo. Plane dum non dicit, qui lepra injusti criminis alios corruerunt, sed polluerunt, quod etiam cum ipsius tituli præfatione concordat, ubi non de corruptis sed de pollutis exorsum est; liquet profecto, quia quocunque modo per ardorem libidinis vir cum viro polluitur, non inter catholicos Christianos, sed inter dæmoniacos orare præcipitur; quatenus si carnales homines ex semetipsis nesciunt pensare quod sunt, ab ipsis saltem valeant eloceri, cum quibus sunt B communi orationis ergastulo deputati.

Et certe satis dignum est, ut qui contra legem naturæ, contra humanæ rationis ordinem, carnem suam per tam fœda commercia dæmonibus tradunt, communem orationis angulum cum dæmoniis sortiantur. Nam cum his malis ipsa penitus humana natura resistat, difficultatem diversi sexus abhorreat, luce clarius constat, quia nunquam tam aversa, tam aliena præsumerent, nisi eos, ut puta vasa iræ apta in interitum, iniqui spiritus pleniter possiderent; sed cum eos possidere incipiant, tunc per omne, quod implent, invasi pectoris tartareum virus suæ malignitatis infundunt, ut jam illa inbiantur appetant, non quæ naturalis motus carnis efflagitet, sed quæ sola diabolica præcipitatio subministret. Nam cum vir in virum ad perpetrandam immunditiam irruit, non est ille naturalis impetus carnis, sed tantum diabolicæ stimulus impulsio. Vigilanter ergo sancti Patres Sodomitæ cum energumenis simul orare sanxerunt, quos eodem diabolico spiritu invasos esse non dubitaverunt. Quomodo ergo per sacerdotalis officii dignitatem inter Deum et populum debet mediator assistere, qui a totius populi congregatione sejunctus, nunquam nisi inter dæmoniacos jubetur orare? Sed quoniam duo ex uno sacro concilio testimonia adhibere curavimus, quid etiam magnus Basilus de eo, de quo nunc agitur, vitio sentiat, inseramus: ut in ore duorum vel trium testium stet omne verbum; ait enim:

CAPUT XV.

De clericis, vel monachis, si fuerint masculorum insectatores.

Clericus, vel monachus adolescentum, vel parvulorum insectator, vel qui osculo, vel qui aliqua occasione turpi deprehensus fuerit, publice verberetur, et coronam amittat, 163 decalysque turpiter sputamentis obliniatur in facie, vinculisque arctatus ferreis, carcerali sex mensibus angustia maceretur, et triduo per hebdomadas singulas ex pane hordeaceo ad vesperam feriat; post hæc aliis sex mensibus sub senioris spiritualis custodia, segregata in curtula degens, operi manuum et orationi sit intentus, vigiliis et orationibus subjectus, et sub custodia semper duorum spiritualium fratrum ambulet,

ulla prava locutione, vel concilio deinceps juvenibus A conjugendus.

Hic carnalis homo studiose perpendat, utrum ecclesiasticis officiis tuto ministrare valeat, quem sacra auctoritas tam ignominiosis, tam turpibus dehonestandum contumeliis judicat; nec ex eo sibi blandiatur, quia neminem corruerit, cum apertissime scriptum videat, quia qui solo osculo, vel aliqua occasione turpi deprehensus fuerit, omnibus illis probrosæ disciplinæ confusionibus merito subiacebit. Quod si osculum tam austeræ ultionis supplicio plectitur, ipsa cum alio contaminatio quid meretur? Ad puniendum namque cui erimini, cui immanissimo sceleri non sufficeret publice verberari, coronam amittere, turpiter decalvari, salivarum spurcitibus obliniri, carceralibus angustis diutius comprimi, ferreis insuper vinculis coartari; postremum quoque hordeaceo pane ferri præcipitur; quia qui factus est sicut equus et mulus (*Psal. xxxi*) congrue non cibo reficitur hominum, sed annona pascitur jumentorum.

Porro si hujus peccati pondus pensare negligimus, in ipso saltem penitentia judicio, quod imponitur, manifestissime declaratur. Quisquis enim canonica censura publicam subire penitentiam cogitur, profecto ecclesiasticis indignis officiis perspicua Patrum sententia judicatur. Unde et beatus papa Siricius inter cætera scripsit, dicens: Illud quoque nos par fuit providere, ut sicut penitentiam agere cuiquam non conceditur clericorum, ita et post penitentiam, ac reconciliationem nulli unquam laico. liceat honorum clericatus adipisci; quia quamvis sint omnium peccatorum contagione mundati, nulla tamen debent gerendorum sacramentorum instrumenta suscipere, qui dudum fuerant vasa vitiorum. Cum ergo hujus peccati obnoxium non solum duram, sed et publicam penitentiam B. Basilus subire præcipiat, penitentem vero clericatus ordinem obtinere Siricius interdicit; manifeste colligitur, quia qui foeda cum maculo libidinosæ immunditiæ sorde polluitur, ecclesiasticis fungi officiis non meretur; nec idonei sunt divinum tractare mysterium, qui, ut dicitur, dudum fuerant vasa vitiorum.

CAPUT XVI.

Nefandæ turpitudinis digna vituperatio.

Hoc sane vitium nulli prorsus est vitio conferendum, quod omnium immanitatem superat vitiorum. Hoc siquidem vitium mors est corporum, interitus est animarum, carnem polluit, mentis lumen extinguit, Spiritum sanctum de templo humani pectoris ejicit, incensorem luxuriæ diabolus introducit, 164 mittit in errorem, subtrahit deceptæ menti funditus veritatem, eunti laqueos præparat, cadenti in puteum, ne egrediatur oppilat, infernum aperit, paradisi januam claudit, cœlestis Jerusalem civem tartaræ Babylonis facit heredem, de stella cœli stipulam exhibet ignis æterni, abscindit membrum Ecclesiæ, et in vorax projicit gehennæ æstuantis incendium. Hoc vitium supernæ patriæ muros conatur

evertere, et rediviva exustæ Sodomæ satagit mœnia reparare. Hoc est enim, quod sobrietatem violat, pudicitiam necat, castitatem jugulat, virginitatem, quæ irrecuperabilis est, spurcissimæ contagionis mucrone trucidat. Omnia fœdat, omnia maculat, omnia polluit; et quantum ad se, nihil purum, nihil a sordibus alienum, nihil mundum esse permittit: « Omnia enim, ut Apostolus ait, munda mundis: contaminatis autem et infidelibus nihil mundum (*Tit. i*). »

Hoc vitium a choro ecclesiastici conventus eliminat, et cum energumenis ac demonio laborantibus orare compellit, a Deo animam separat, et demonibus jungat. Hæc pestilentissima Sodomorum regina suæ tyrannidis legibus obsequentem, hominibus turpem, Deo reddit odibilem; adversus Deum nefanda bella conserere, nequissimi spiritus imperat militiam bajulare; ab angelorum consortio separat, et infelicem animam sub propriæ dominationis jugo a sua nobilitate captivat. Virtutum armis suos milites exuit, omniumque vitiorum jaculis, ut confodiantur, exponit. In Ecclesia humiliat, in foro condemnat, fœdat in secreto, dehonestat in publico, conscientiam rodit ut vermis, carnem exurit ut ignis; anhelat, ut voluptatem expleat; at contra timet ne ad medium veniat, ne in publicum exeat, ne hominibus innotescat. Quem enim ille non timeat, qui et ipsum communis ruinæ participem pavida suspitione formidat? Ne videlicet et ipse qui simul peccat, iudex sceleris per confessionem fiat, dum non modo quia peccaverit, confiteri non audeat, sed etiam cum quo peccavit consequenter adjungat: ut sicut unus in peccato mori, nisi altero moriente non potuit; ita et alter alteri resurgendi occasionem præbeat, cum recurrit. Ardere misera farore libidinis, tremit mens frigida rancore suspitionis, in pectore miseri hominis jam quasi tartareum chaos exæstuat, dum quot cogitationum aculeis pungitur, quodammodo tot penarum supplicii cruciatur. Infelici quippe animæ postquam hic venenatissimus coluber dentes semel infixit, illico sensus adimitur, memoria tollitur, mentis acies obscuratur; fit immemor Dei, obliviscitur etiam sui. Hæc namque pestis fidei fundamentum evacuat, spei robur enervat, charitatis vinculum dissipat, iustitiam tollit, fortitudinem subruit, temperantiam eximit, prudentiæ acumen obtundit.

Et quid amplius dicam? Quandoquidem omnem virtutum cuneum de curia humani cordis expellit, omnemque vitiorum barbariem, velut evulsis portarum repagulis, intronit. Cui scilicet illa, quæ sub specie terrenæ Jerusalem dicitur, Jeremiæ sententia congruenter aptatur: « Maum, inquit, misit hostis ad 165 omnia desiderabilia ejus; quia vidit gentes ingressas sanctuarium suum, de quibus præceperas ne intrarent in Ecclesiam tuam (*Thren. i*). » Nimirum quem hæc atrocissima bestia cruentis semel faucibus devorat, a cunctis bonis operibus quibusdam suis vinculis obligat, per omnia nequissimæ pravitatis abrupta præcipitanter effrenat. Mox nempe

ut quisque in hanc extremæ perditionis abyssum fuerit lapsus, a superna patria exsul efficitur, a Christi corpore separatur, totius Ecclesiæ auctoritate confunditur, omnium sanctorum Patrum iudicio condemnatur, inter homines in terra despicitur, a cœlestium civium contubernio reprobat; sit sibi cœlum ferreum, et terra ænea; neque illuc potest pondere criminis gravatus assurgere; neque hic sua mala ignorantie latibulo diutius occultare: non hic potest gaudere, dum vivit; nec illic sperare, dum deficit, quia et nunc humanæ derisionis opprobrium, et postmodum æternæ damnationis cogitur perferre tormentum. Cui videlicet animæ bene congruit illa prophetice lamentationis vox, qua dicitur: «Vide, Domine, quoniam tribulus, venter meus conturbatus est, subversum est cor meum in memetipsa, quoniam plena sum amaritudine: foris interficit gladius, et domi mors similis est (Thren. i.).»

CAPUT XVII.

Flebilis lamentatio super animam immunditiæ sordibus deditam.

Ego, ego te, infelix anima, desleo, atque ex intimo pectore de tuæ perditionis sorte suspiro. Desleo te, inquam, miserabilis anima immunditiæ sordibus dedita, toto nimirum lacrymarum fonte lugenda. Proh dolor! Quis dabit capiti meo aquam, et oculis meis fontem lacrymarum? (Jer. ix.) Nec inconvenientius hæc flebilis vox me nunc singitante depromitur, quam tunc ex ore prophetico ferebatur. Non enim lapidea turritæ urbis propugnacula, non manufacti templi subversa conquerer ædificia, non vilis vulgi ægina lamentor ad Babylonici regis imperium ducta fuisse captiva; nobilis a me anima plangitur, ad imaginem Dei, et similitudinem condita, et pretiosissimo Christi sanguine comparata, multis clarior ædificiis, cunctis certe terrenæ fabricæ præferenda fastigiis. Insignis igitur animæ lapsus, et templi, in quo Christus habitaverat, lamentor excidium. Oculi mei, plorando deficiente, uberes lacrymarum rivus effundit, continuis fletibus tristia lugubres ora rigate. Deduceant cura propheta oculi mei lacrymas per diem et noctem, et non taceant, quoniam contritione magna contrita est vago filia populi mei, plaga pessima, vehementer (Jer. xiv.). Filia quippe populi mei pessima plaga percussa est; quia anima, quæ sanctæ Ecclesiæ fuerat filia, ab hoste humani generis telo immunditiæ est crudeliter sauciata: et quæ in aula regis æterni lacte sacri eloqui tenere ac mollior enutriebatur; nunc veneno libidinis pestilenter infecta, in sulphureis Gomorrhæ cineribus tumefacta, ac rigida jacere conspicitur. «Qui enim vesecebantur voluptuose, interierunt in viis; qui nutriebantur in 166 croceis, amplexati sunt stercora (Thren. iv.).» Quare? sequitur propheta, et dicit: «Quia major effecta est iniquitas filie populi mei peccato Sodomorum, quæ subversa est in momento (Ibid.).» Iniquitas quippe Christianæ animæ peccatum superat

A Sodomorum, quia unusquisque nunc tanto deterius delinquit, quanto et ipsa evangelicæ gratiæ mandata contemnit; et ne remedium excusatorie tergiversationis inveniat, notitia illum divinæ legis instantanter accusat.

Hæu, hæu, infelix anima! cur non consideras a quantæ dignitatis culmine sis ejecta, quanto splendoris et gloriæ sis decore nudata? Quomodo obtexit caligine in furore suo Dominus filiam Sion, projecit de cœlo in terram inclytam Israel, egressus est a filia Sion omnis decor ejus (Thren. ii. 1.). Ego calamitati tuæ compatiens, et ignominiam tuam amarissime deflens, dico: «Defecerunt præ lacrymis oculi mei, conturbata sunt viscera mea, effusum est in terra jecur meum super contritione filie populi mei (Ibid. n.);» et tu mala tua pensare dissimulans, atque animos a crimine sumens, Sedeo, ais, regina; et vidua non sum! Ego captivitatem tuam miseratus exclamo: Quare Jacob ductus est ut vernaculus, et Israel factus est in prædā? (Jer. ii.) Et tu dicis: Quia dives sum, et locupletatus, et nullius ego. Et nescis quia tu es miser, miserabilis, et pauper, et ærcus, et nudus? (Apoc. iii.)

Perpende, miser, quanta cor tuum obscuritas premit; animadvertite, quam densa te caligo cæcitatis involvat. In virilem sexum furor te libidinis impulit: In tuam te speciem, hoc est, virum in virum, luxuriæ rabies incitavit? Nunquid hircus in hircum aliquando libidine præcipitatus insiliit? Nunquid aries in arietem ardore coitus insanivit? Equus nempe cum equo ad unum præsepe blande et concorditer pascitur, qui visa equa in sensibilitatem luxuriæ protinus efferatur. Nunquam taurus taurum amore coeundi petulanter appetit, nunquam asinus stimulo concumbendi cum asino ruditus emit. Hoc ergo perdit homines perpetrare non metuant, quod ipsa quoque bruta animalia perhorrescunt: quod ab humanæ pravitatis temeritate committitur, irrationabilium pecorum iudicio condemnatur. Dic, vir evirate; responde, homo effeminate, quid in viro quæris, quod in temetipso invenire non possis? quam diversitatem sexuum? quæ varia lineamenta membrorum? quam mollietiam? quam carnalis illecebræ teneritudinem? D Quam lubrici vultus jucunditatem? Terreat te, quæso, vigor masculini aspectus, abhorreat mens tua viriles artus. Naturalis quippe appetitus officium est, ut hoc unusquisque extrinsecus quærat quod intra suæ facultatis claustra reperire non valet. Si ergo te contrectatio masculinæ carnis oblectat, verte manus in te: et scito, quia quidquid apud te non invenis, in alieno corpore in vacuum quæris. Væ tibi, infelix anima! de ejus interitu tristantur angeli, insultant plausibus inimici; facta es præda dæmonum, rapina crudelium, spoliū impiorum: «Aperuerunt super te os suum omnes inimici tui; sibilaverunt, et fremuerunt dentibus, et dixerunt: Devorabimus eam: en ista

est dies, quam expectabamus : invenimus, vidimus (*Thren. II*). »

167 CAPUT XVIII.

Quod ideo anima debet plangi, quia non plangit.

Idcirco ego te, o miserabilis anima, tot lamentationibus defleo, quia te flere non cerno ; idcirco ego pro te humi prostratus jaceo, quia te male erectam post tam gravem lapsum ultro etiam ad fastigium ecclesiastici ordinis contendere video. Ceterum si tu te in humilitate deprimeres, ego de tua restauratione securus, totis in Domino visceribus exultarem ; si contriti cordis digna compunctio pectoris tui arcanam concuteret, ego non immerito ineffabilis lætitiæ tripudio jucundarer. Idcirco ergo maxime flenda es, quia non fles ; ideo alienis doloribus indiges, quia calamitatis tuæ periculum ipsa non doles ; et eo amarioribus fraternæ compassionis es fletibus deploranda, quo nullo perpenderis propriæ tristitiæ mœrore turbata ; ut quid damnationis tuæ pondus pensare dissimulas ? ut quid te modo in peccatorum profunda mergendo, modo in superbiam elevando, iram tibi in die iræ thesaurizare non cessas ? Venit, venit super te maledictio illa, quæ ex ore David in Joab, et in domum ejus est, fuso Abner sanguine, jaculata. Pestis illa Gomorrhiana nunc in habitatione tui corporis vivit, quæ domum Joab crudelis homicidii ultione damnavit. Percussio quippe Abner, ait David : « Mundus ego sum, et regnum meum usque in sempiternum a sanguine Abner filii Ner : et veniat super caput Joab, et super omnem domum patris ejus, nec deficiat de domo Joab Gomorrhianum sustinens (*II Reg. III*). » Pro quo secunda translatio habet : Fluxum seminis sustinens, et leprosus tenens fustum, et cadens gladio, et indigens pane. Lepra quippe perfunditur, qui gravis peccati labe fœdatur. Fusum vero tenere, est virilis vitæ fortia facta relinquere, et femineæ conversationis illecebrosam molliem exhibere. Gladio cadit, qui furem divinæ indignationis incurrit. Pane indiget, quem a perceptione Christi corporis, proprii reatus poena coerceat : Ille est enim panis vivus qui de cœlo descendit (*Joan. VI*).

Si ergo post fluxum seminis leprosus factus præcepto legis extra castra manere compelleris, cur adhuc in eisdem castris etiam honoris primatum obtinere contendis ? Nonquid non Ozias rex cum superbe adolere incensum super altare thymiamatis voluisset, postquam se plaga lepræ cœlitus percussus agnovit, non modo a sacerdotibus de templo expelli patienter tulit ; sed et ipse celeriter egredi festinavit ? Scriptum quippe est : « Cumque respectisset eum Azarias pontifex, et omnes reliqui sacerdotes, viderunt lepram in fronte ejus, et festinato expulerunt eum ; » moxque subjungitur : « Sed et ipse perterritus, acceleravit egredi, eo quod sensisset plagam Domini (*II Paral. XXVI*). »

Si rex corporali lepra percussus, a sacerdotibus de templo ejici non contempsit, tu leprosus in anima, cur tot sanctorum Patrum judicio, a sacris al-

taribus removeri non pateris ? Si ipse dimisso regni dignitatis imperio, habitare **168** in domo privata usque ad obitum non erubuit ; tu cur a sacerdotalis officii confunderis arce descendere, ut in pœnitentiæ sepultura conclusus, te inter vivos studeas quasi mortuum deputare ? Et, ut ad illam Joab mysticam recurramus historiam, si ipse gladio corruisti, quomodo alium per sacerdotalement gratiam suscitabis ? Si ipse exigentibus meritis, indiges pane, id est, a Christi separatus es corpore, quo pacto alium poteris cœlestis mensæ dapibus satiare ? Si tu Ozias lepra es percussus in fronte, hoc est, infamie nota dehonestaris in facie, quomodo alium poteris obducta perpetrati criminis alluvione purgare ? Erubescat ergo tumefacta superbia, nec super se extolli inaniter appetat, quam infra se proprii reatus sarcina non mediocriter gravat ; discat mala sua subtili consideratione perpendere, discat se intra mensuræ suæ metas humiliter cohibere, ne dum id, quod nullo modo prævaleat assequi, arroganter usurpet : hoc etiam quod vera humilitas sperare potuisset, prorsus amittat.

CAPUT XIX.

Quod ruina est populi, officium sacerdotis indigni.

Quid est, quæso, o damnabiles carnales homines, quod tanto ambitionis ardore ecclesiasticæ dignitatis culmen appetitis ? Quid est, quod tanto desiderio vestræ perditionis nexibus Dei populum illaqueare tentatis ? Non vobis sufficit, quia vosmetipsos in alta facinorum præcipitia mergitis, nisi ruinæ vestræ periculo et alios involvatis ? Si enim fortasse quis veniat, ut pro se ad intercedendum nos apud potentem quempiam virum qui sibi iratus, nobis vero esset incognitus, dicat, protinus respondemus : Ad intercedendum venire non possumus, quia familiaritatis ejus notitiam non habemus. Si ergo homo apud hominem, de quo minime præsumit, fieri intercessor erubescit : qua mente apud Deum intercessionis locum pro populo arripit, qui familiarem se ejus gratiæ esse per vitæ meritum nescit ? Aut ab eo quomodo in aliis veniam postulat, qui, utrum sibi sit placatus, ignorat ? Qua in re est adhuc aliud sollicitius formidandum, ne qui placare iram posse creditur, hanc ipse ex proprio reatu mereatur. Cuncti enim liquido novimus, quia cum is qui displicet, ad intercedendum mittitur, irati animus ad deteriora provocatur.

Qui ergo adhuc desideris terrenis astringitur, caveat, ne districti iram Judicis gravius accendens, dum loco delectatur gloriæ, fiat subditis auctor ruinæ. Solenter ergo se quisque metiat, ne locum sacerdotalis officii suscipere audeat, si adhuc in se vitium damnabiliter regnat ; ne is, quem crimen depravat proprium, intercessor fieri appetat pro culpis aliorum. Pareite ergo, pareite, et furorem Dei adversum vos inextinguibiliter accendere formidate, ne quem iniique agendo patenter offenditis, ipsis quoque orationibus acrius irritetis, ac propria ruina contenti, cavete fieri alienæ perdi-

tionis obnoxii; quatenus quo temperantius nunc **A** **169** peccando corruiſis, eo facilius quandoque porrecta manu poenitentiae per Dei misericordiam reſurgatis.

CAPUT XX.

Quod de manibus immundorum nolit Deus accipere sacrificium.

Quod si ipse omnipotens Deus de manibus vestris sacrificium dedignatur accipere, qui vos estis, qui nolenti importune praesumatibus ingerere? Victimae quippe impiorum abominabiles Domino (*Prov. xv*). Sed qui me stomachamini, atque despicitis auscultare scribentem; ipsum saltem audite prophetico vobis ore loquentem: ipsum, inquam, audite concionantem, intonantem, vestra sacrificia respuentem, vestris obsequiis publice reclamantem. Ait enim **B** eximius prophetarum Isaïas, imo Spiritus sanctus per os Isaïae: « Audite, inquit, verbum Domini, principes Sodomorum, percipite auribus legem Dei nostri, populus Gomorrhæ. Quo mihi multitudinem victimarum vestrarum, dicit Dominus? Plenus sum holocausto arietum, et adipe pinguium: et sanguinem vitulorum, et agnorum et hircorum nolui. Cum veneritis ante conspectum meum, quis quaesivit hæc de manibus vestris, ut ambularetis in atriis meis? Ne offeratis ultra sacrificium frustra; incensum abominatio est mihi: neomenias, et Sabbatum, et festivitales alias non feram; iniqui sunt cœtus vestri; Kalendas vestras, et solemnitates vestras odit anima mea; facta sunt mihi molesta, laboravi sustinens. Et cum extenderitis manus vestras, avertam **C** oculos meos a vobis: et cum multiplicaveritis orationem, non exaudiam; manus enim vestrae sanguine plene sunt (*Isa. i*). » Animadvertitis igitur, quia licet omnia vitiorum mala divinæ correctionis sententia communiter feriat, in principes tamen Sodomorum, et populum Gomorrhæ principaliter jaculata descendat; ut si humanæ attestationi credere fortasse dissimulat, quam sit hoc mortale vitium, divino saltem testimonio, litigiosorum temeritas acquiescat.

Si autem ab aliquo nobis opponatur, quod in prophetica locutione subjungitur: « Manus, inquit, vestrae sanguine plene sunt; » ut videlicet in divinæ inventionis oraculo magis homicidium quam carnis immunditiam velit intelligi, noverit in divinis eloquiis omnia peccata sanguinem nuncupari; David attestante, qui ait: « Libera me de sanguinibus, Deus, Deus salutis meæ (*Psal. l*). » Veruntamen si et hujus vitii naturam studeamus solerter inspicere et physicorum dicta ad memoriam revocare, invenimus seminis fluxum ex sanguinis origine procreatum. Sicut enim agitatione ventorum aqua maris in spumam convertitur, ita contractatione genitalium sanguis in hamorem seminis excitatur.

Non ergo a sano intellectu abhorreere merito creditur, si quod dictum est, manus vestrae sanguine plene sunt, de peste immunditiae dictum esse videatur. Et hoc fortasse fuit, quod illa in Joab vindicta non ex alia, quam ex fusi sanguinis culpa processit;

ut qui alienum sanguinem volens effuderat, digna eum poena percelleret, **170** si et sui sanguinis profluvium nolendo toleraret. Sed quia diu disputando ad hoc usque pervenimus, ut et ipsum Dominum immundorum sacrificia reprobantem, et contestatorie prohibentem liquido monstraremus: quid nos peccatores miramur, si ab his in nostra admonitione contemnuntur? Si divinæ vocis imperium parvipendi inerasato reproborum corde conspiciamus; quid mirum si nobis non creditur, qui terra sumus?

CAPUT XXI.

Quod nulla sanctitatis oblatio a Deo suscipitur, quæ immunditiæ sordibus inquinatur.

Jam ergo qui sanctorum Patrum reverenda concilia despicit, qui apostolorum apostolicorumque virorum præcepta contemnit, qui canonicæ sanctionis edicta præterire non metuit, qui ipsius divinæ auctoritatis imperium floccipendit, admonendus est saltem ut diem vocationis suæ ante oculos ponat; et quo gravior peccat, eo durius se judicandum esse non ambigat. Sicut sub specie Babylonis ab angelo dicitur: « Quantum se exaltavit, et in deliciis fuit, tantum date ei tormenta et luctus (*Apoc. xviii*). » Admonendus est, ut consideret, quia quandiu hujus vitii morbo laborare non cessat, etiam si aliquid boni agere cernitur, suscipere tamen præmium non meretur. Nec ulla religio, nulla sane mortificatio, nulla vitæ perfectio oculis superni Judicis digna decernitur, quæ tam turpis immunditiæ sordibus inquinatur.

Ut autem probetur verum esse quod dicitur, venerabilis Bedæ testimonium in medium deducatur: « Qui, inquit, ita eleemosynam tribuit, ut culpam non dimittat, animam non redimit, quam a vitiis non compescit. » Hoc ille eremita suo facto probat, qui cum multis virtutibus cum suo quodam collega deservisset, hæc illi per diabolum injecta cogitatio est: ut quodcumque libidine titillaretur, sic semen detritu genitalis membri egerere deberet, tanquam phlegma de naribus projiceret; qui ob id et dæmonibus moriens, vidente socio, traditus est. Tum idem socius reatum ejus ignorans, sed exercitia virtutum recolens, pene desperavit, dicens: O quis poterit salvus esse? quomodo iste perit? Cui mox angelus astans, dixit: Ne turberis; iste enim, licet multa fecerit, tamen per illud vitium, quod Apostolus vocat immunditiam (*Rom. i*), cuncta fœdavit.

CAPUT XXII.

Quod omnes quatuor illi modi superius enumerati, contra naturam sunt.

Non ergo in eo sibi quisque blandiatur, quia cum alio non corruiſit, si per semetipsum his luxuriantis illecebræ contaminationibus fluit; cum iste infelix eremita qui dæmonibus in mortis articulo traditur, non alium polluisse, sed semetipsum perdidisse per immunditiam doceatur. Sicut enim ex uno vitis **171** cespite diversi palmites prodeunt, ita ex una Sodomitica immunditia, velut venenatissima radice, quatuor illi ramusculi, quos superius enumeravimus,

oriuntur : ut ex quocunque eorum quis pestiferum botryonem carpat, protinus veneno infectus indifferenter intereat. Ex vinea enim Sodomorum vitis eorum, et propagatorum ex Gomorrha : « Uva eorum, uva fellis, et botrus amaritudinis ipsis (*Deut. xxxii*). » Serpens enim iste, quem nostræ disputationis sude frangere nitimur, quadriceps est, et cujuscunque capitis dente momordit, totum mox suæ nequitie virus infundit.

Sive ergo semetipsum quis polluat, sive alium quocunque modo, licet discretione servata, procul dubio tamen Sodomiticum scelus perpetrasse convincitur. Neque enim legitur, quod illi Sodomorum incolæ solummodo alies consummato actu corruerint; sed potius credendum est quod juxta effrenatæ libidinis impetum, diversis modis sint in se, vel in alios turpitudinem operati. Plane si quis venie locus in hujus vitii ruina præberetur, cui propensius remissio indulgenda competeret, quam illi videlicet eremite, qui nesciendo peccavit? qui per simplicitatis imperitiam cecidit? qui sibi hoc licere, velut naturalis officii debitum, aestimavit? Discant miseri, discant se a tam detestabilis vitii peste compescere, lenocinantem libidinis lasciviam viriliter edomare, petulantia carnis incentiva reprimere, terribile diviniæ districtiōis judicii medullitus formidare; ad memoriā semper revocantes illam apostolicæ minationis sententiā, qua dicitur : « Terribile est incidere in manus Dei viventis (*Hebr. x*). » Illud etiam formidolose recolentes, quod propheta minaciter intonat, dicens : « Quia in igne zeli Domini devorabitur omnis terra, et in gladio ejus omnis caro (*Sophon. i*). » Si enim cannales homines divino gladio devorandi sunt, ut quid nunc ipsam carnem damnabiliter diligunt? ut quid carnis voluptatibus enerviter cedunt? Ille nimirum est gladius, quem Dominus per Moysen intentat peccatoribus, dicens : « Exacuam velut fulgur gladium meum (*Deut. xxxii*). » Et iterum : « Gladius, inquit, meus manducabit carnes (*Ibid.*); » id est, furor meus deglutiet in carnis delectatione viventes. Sicut enim ii, qui adversus vitiorum monstra confligit, supernæ virtutis auxilio fulcuntur; ita e diverso carnis immunditiæ dediti, soli divini ultionis judicio reservantur. Unde et Petrus : « Novit, inquit, Dominus pios de tentatione eripere, iniquos vero in die judicii reservare cruciandos : magis autem, qui post carnem in concupiscentia immunditiæ ambulant (*II Petr. ii*). » Quos etiam alibi increpans, ait : « Existimantes, inquit, dei delicias coinquinationes, et maculæ deliciis affluentes, conviviis suis luxuriantes in vobiscum, oculos habentes plenos adulterio, et incessabili delicto (*Ibid.*). »

Nec gloriantur, qui in sacro ordine positi sunt, si execrabiliter vivunt : quia quo altius stantes eminent, eo profundius corruentes jacent : et sicut alios debent nunc in sanæ conversationis vita præcedere, ita postmodum atrociora coguntur supplicia sustinere; quia juxta Petri vocem : « Deus etiam angelis peccantibus non pepercit, sed ru-

dentibus inferni detractos **172** in tartarum tradidit cruciandos, in judicium reservari. Et civitates Sodomorum et Gomorrhæorum in cinerem redigens (*Gen. xix*), eversione damnavit, exemplo eorum qui impie acturi sunt (*II Petr. ii*). » Quid est quod beatus apostolus postquam diabolice damnationis præcipientium retulit, ad Sodomorum quoque, et Gomorrhæorum se mox convertit excidium; nisi ut p. tēter ostenderet, quia qui nunc sunt immunditiæ vitio traditi, simul etiam cum immundis spiritibus æterna sunt ultione dammandi? Et quos nunc ardor Sodomitiæ libidinis vexat, postmodum etiam cum ipso totius iniquitatis auctore flamma perpetuæ combustionis exurat? Cui sententiæ etiam Judas apostolus aptissime concinit, dicens : « Angelos, inquit, qui non observaverunt suum principatum, sed dereliquerunt suum domicilium, in judicium magni diei, vinculis æternis sub caligine servavit : sicut Sodoma et Gomorrha, et finitimæ civitates simili modo ex-fornicate, et abeuntes post carnem alteram, factæ sunt exemplum, ignis æterni pœnam sustinentes (*Juda. 6, 7*). » Patet ergo, quia sicut angeli suum non observantes principatum, tartaræ caliginis mernere supplicium; ita qui a sacri ordinis dignitate, in carnalis vitii voragine corruunt, in perpetuæ damnationis barathrum merito devolvuntur.

Et, ut breviter cuncta concludam, quisquis quolibet eorum modo, quos supra distinximus, nefandæ turpitudinis se contagione fœdaverit, nisi fructuosæ penitentię fuerit satisfactiōe purgatus, nunquam habere Dei gratiam poterit, nunquam Christi corpore et sanguine dignus erit, nunquam cœlestis patriæ limen intrabit, quod apostolus Joannes in Apocalypsi manifeste declarat, qui dum de cœlestis regni gloria loqueretur, addidit, dicens : « Non intrabit in illam aliquis coinquinatus, et faciens abominationem (*Apoc. xxi*). »

CAPUT XXIII.

Exhortatio lapsi in peccato hominis, ut resurgat.

Exsurge, exsurge, queso, expergiscere, o homo, qui miseræ voluptatis sopore deprimeris; revivisce tandem, qui lethali coram inimicis tuis gladio corruisti. Adest apostolus Paulus; audi illum vociferantem, pulsantem, concutientem, clarisque super te vocibus inclamantem : « Exsurge, inquit, qui dormis, et exsurge a mortuis, et exsuscitabit te Christus (*Ephes. v*). » Qui Christum resuscitorem audis, cur de tua resurrectione diffidis? Audi ex ore ipsius : « Qui credit, inquit, in me, etiam si mortuus fuerit, vivet (*Joan. xi*). » Si vita vivificatrix te quærit erigere, tu cur ulterius feras in tua morte jacere? Cave, cave ergo, ne te barathrum desperationis absorbeat. Mens tua fiducialiter ex divina pietate præsumat, ne pro magnitudine criminis impœnitens obdurescat. Non est enim peccatorum desperare, sed impiorum; nec magnitudo criminum in desperationem adducit animam, sed impietas. Si enim tantum diabolus potuit, ut te in hujus vitii profunda submergeret;

quanto magis te virtus Christi poterit ad eum, **173** de quo lapsus es, verticem revocare? « Nunquid qui cecidit, non adjuvatur ut resurgat? » (*Psal. XL.*) Cecidit asinus carnis tuæ in luto sub pondere; est stimulus poenitentiae, qui pungat; est manus spiritus, quæ viriliter extrahat. Samson ille fortissimus, quia male llandienti mulieri secretum sui cordis aperuit, non solum septem crines, quibus virtus alebatur, amisit, sed etiam præda factus Allophylis, oculos perdidit: postmodum vero capillis jam renascentibus, Domini Dei sui auxilium humiliter petiit, templum Dagon stravit, et multo majorem quam prius hostium multitudinem interemit (*Judic. xvi.*).

Si ergo te impudica caro tua mollia suadendo decipit, si septem dona sancti Spiritus abstulisti, si lumen non frontis sed cordis exstinxit, non concidas animo, noli funditus desperare, adhuc te in vires collige, viriliter excute, fortia tentare præsume, et sic per Dei misericordiam de inimicis tuis poteris triumphare. Et certe Philistæi crines Samson potuerunt quidem radere, sed non evellere, quia et iniqui spiritus licet a te charismata sancti Spiritus ad tempus excluderint, nequaquam tamen prævalent divinæ reconciliationis remedium irrecuperabiliter abnegare. Qualiter, obsecro, de largissima Domini valeas misericordia desperare, qui etiam Pharaonem arguit, quia post peccatum ad poenitentiae remedium non confugit? Audi certe quid dicat: « Brachia, inquit, Pharaonis regis Ægypti contrivi, et non est deprecatus ut daretur in eo sanitas, et redderetur ei virtus ad comprehendendum gladium (*Ezech. xxx.*). » Quid dicam Achab regem Israel? qui postquam idola fabricatus est, postquam Naboth Jezrahelitem impie trucidavit, tandem sicut ex parte humiliatus est, ita etiam ex parte est misericordiam consecutus. Teste enim Scriptura, postquam terrorem divinæ comminationis accepit, scidit vestem, et operuit cilicio carnem suam, jejunavitque, et dormivit in sacco et ambulabat demisso capite. Quid itaque post hæc? « Factus est sermo Domini ad Eliam Thesbitem, dicens: Nonne vidisti humiliatum Achab coram me? Quia igitur humiliatus est mei causa, non inducam malum in diebus ejus (*III Reg. xxi.*). » Igitur si et illius poenitentia non despicitur, qui nequaquam perseverasse cognoscitur; cur tu de divinæ miserationis largitate diffidas, si infatigabiliter perseverare contendas? Statue quoque tibi certamen assiduum adversus carnem, armatus semper assiste contra importunam libidinis rabiem. Si luxuriæ flamma in ossibus æstuat, protinus illam memoria perpetui ignis exstinguat; si callidus insidiator lubricam carnis speciem objicit, illico mens ad mortuorum sepulchra oculum dirigat, et quid illic suave tactu, quid delectabile visu reperiatur, solerter attendat.

Consideret itaque quia virus, quod nunc intolerabiliter felet, quod sanies, quæ vermes gignit, et patiscit, quod quidquid pulveris, quidquid ardi cineris illic jacere conspicitur, olim læta caro fuit, quæ huiusmodi passionibus in sua viriditate subjacti. Per-

A pendantur denique nervi rigidi, dentes nudi, ossium, articularumque compago divulsa, omniumque membrorum compositio enormiter dissipata. **174** Sic, sic informis, atque confusæ imaginis monstrum extrahat ab humano corde præstigium. Pensa igitur quam periculosæ vicissitudinis sit permutatio, quod per momentaneam delectionem, qua in puncto semen ejicitur, pœna, quæ sequitur, per millia annorum curricula non finitur. Cogita quam miserum sit, quod per unum membrum, cuius nunc voluptas expletur, totum postmodum corpus simul cum anima atrocissimis flammarum incendiis perpetuo cruciatur. Illis, et huiusmodi impenetrabilibus cogitationum clypeis imminientia mala propelle, præterita per poenitentiam dele. Carnis superbiam jejuniū frangat; mens assidue orationis dapibus saginata pinguescat. Hoc itaque modo præsul spiritus subjectam carnem disciplinæ freno coerceat, et ad supernam Jerusalem quotidie ferventis desiderii gradibus festinare contendant.

CAPUT XXIV.

Quod ad edomandam libidinem satis prosint castitatis præmia contemplari.

Operæ pretium quoque est ut promissa castitatis præmia incessanter aspicias, quorum dulcedine provocatus, quidquid versutia callidi insidiatoris opponitur, libero fidei pede transcendas. Si enim attendatur felicitas, ad quam non sine transitu attingitur, leve sit quod transeundo laboratur, et conductus fossor tædium laboris alleviat, dum mercedem operis, quæ debetur, inbianter exspectat. Perpende ergo quod de militibus castitatis per prophetam dicitur: « Hic dicit Dominus eunuchis, qui custodierint sabbata mea, et elegerint quod volui, et tenuerint fœdus meum: dabo eis in domo mea et in muris meis locum, et nomen melius a filiis et filiabus (*Isa. lvi.*). » Eunuchi quippe sunt, qui insolentes carnis impetus reprimunt, effectumque a se pravæ operationis abscondunt. Plerique autem eorum qui voluptati illecebræ carnalis inserviunt, memoriam sui nominis post se relinquere per posteritatem sololis conspiciunt; et hoc toto mentis affectu idcirco desiderant, quia nequaquam se huic mundo mori funditus deputant, si nominis sui titulum per supersites residuæ prolis germen extendant.

Sed multo clarius multoque felicius hoc ipsum celibes munus accipiunt, ad quod proletarii tam fervidæ ambitionis æstibus inflammantur, quia apud illum eorum memoria semper vivit, qui per æternitatis statum nulla temporum lege pertransit. Nomen igitur eunuchis melius a filiis et filiabus divina voce promittitur, quia memoriam nominis quam filiorum posteritas per breve temporis spatium potuisset extendere, isti merentur absque ullo oblivionis obstaculo in perpetuum possidere: « In memoria, enim, æterna erit justus (*Psal. cxi.*). » Et iterum in Apocalypsi per Joannem dicitur: « Ambulabunt mecum in albis, quia digni sunt, et non delebo nomina eorum de libro vitæ (*Apoc. in.*). » Ubi iterum dicitur:

« Hi sunt qui cum mulieribus non sunt coinquinati ; A virgines enim sunt, qui sequuntur Agnum quocunque ierit (*Apoc. xiv.*) ; » et quod canticum cantant, quod nemo possit dicere, nisi illa centum quadraginta **175** quatuor millia. Singulare quippe canticum Agno virgines cantant, quia cum eo in perpetuum præ cunctis fidelibus, etiam de incorruptione carnis exsultant. Quod videlicet alii iusti dicere nequeunt, licet in eadem beatitudine positi mereantur audire ; quia per charitatem quidem illorum celsitudinem gratanter aspi-ciunt, ad eorum tamen præmia non assurgunt. Qua-propter pensandum est, atque in mente nostra omni studio revolvendum, quantæ dignitatis, quantæque sit excellentiæ illic fieri summum, ubi summa felicitas est esse vel ultimum : illic privilegii celsa conscendere, ubi beatissimum esse patria æquitatis **B** jura servare. Nimirum sicut attestante Veritate, non omnes capiunt verbum hoc in hoc sæculo (*Matth. xix.*) ; sic ad illam egregiæ remunerationis gloriam non omnes perveniunt in futuro.

Hæc, et alia multa hujusmodi, charissime frater, quisquis es, intra mentis tuæ secreta considera, totisque viribus carnem tuam ab omni peste libidinis immunem servare festina, ut, juxta apostolicæ doctrinæ sententiam, scias vas tuum possidere in sanctificatione, et honore, non in passione desiderii ; sicut et gentes, quæ ignorant Deum (*I Thess. iv.*). Si adhuc stas, præcipitum cave : quod si lapsus es, ad uncum poenitentiae, qui ubique præsto est, manum fiducialiter tende ; ut qui non potuisti cum Abraham procul a Sodomis degere, liceat vel cum Loth propinquæ combustionis excidio jamjam urgente, migrare. Quique navi incolumis subire non valueras portum, sufficiat saltem perlati fluctus evasisse naufragium : et qui non meruisti ad littoris sinum sine jactura pertingere, libeat arenis exposito, post periculum alacri voce illud beati Jonæ celestia cantare : « Omnes gurgites tui, et fluctus tui super me transierunt ; et ego dixi : Abiectus sum a conspectu oculorum tuorum, verumtamen rursus video templum sanctum tuum (*Jon. ii.*) . »

CAPUT XXV.

Ubi scriptor probabiliter se excusat.

Si vero in cujuslibet manus libellus iste devenierit, cui conscientia minime suffragante, superius com- **D** prehensa forte displiceant, neque proditorem, delatoremque fratrum criminis arguat, noverit me favorem interni Judicis toto intentionis studio quærere ; pravorum vero odia vel linguas detrahentium non timere. Malo quippe cum Joseph, qui accusavit fratres apud patrem crimine pessimo, in cisternam innocens projici (*Gen. xxxvii.*) ; quam cum Heli, qui filiorum mala vidit, et tacuit, divini furoris ultione mulctari (*I Reg. ii. iv.*). Cum enim per os prophete divina vox terribiliter comminetur, dicens : « Si videris fratrem tuum inique agentem, et non corriperis eum, sanguinem ejus de manu tua requiram (*Ezech. iii.*) ; » quis ego sum, qui in sacro ordine videam tam pestilens facinus inolescere, et velut

homicida alienæ animæ, servata censura silentii, divinæ districtiori audeam ratiocinium expectare ? et illius reatus fieri incipiam debitor, cujus nequaquam auctor exstiteram ? Et cum Scriptura dicat : « Maledictus, qui prohibet **176** gladium suum a sanguine (*Jer. xlviii.*) ; » hortaris me ut gladius linguæ meæ in taciturnitatis theca repositus, et sibiimet pereat, dum offensionis rubiginem contrahit ; et aliis non proficiat, dum culpas prave viventium non configit. Gladium quippe a sanguine prohibere, est correctionis verbum a carnalis vitæ percussione compescere. De quo gladio rursus dicitur : « Ex ore enim gladius ex utraque parte acutus exibat (*Apoc. i.*) . » Qualiter enim proximum meum sicut meipsum diligo, si vultus quo eum non ambigo crudeliter mori, negligenter fero in ejus corde grassari ? videntis ergo vulnera mentium, curare negligam sectione verborum ? Non me ita egregius prædicator docet, qui eo se a proximorum sanguine mundum credidit, quo feriendis eorum vitiiis non pepercit ; dicit enim : « Contestor vos hodierna die, quia mundus sum a - sanguine omnium : non enim subterfugi, quo minus annuntia-rem omne consilium Dei vobis (*Act. xx.*) . » Non ita me Joannes instruxit, qui videlicet angelica admonitione præcipitur : « Qui auditi, dicat : Veni (*Apoc. xxii.*) . » Ut nimirum cui se vox interna insinuat, illuc etiam clamando, alios quo ipse rapitur, trahat ; ne clausas fore etiam vocatus, inveniat, si vocanti vacuus appropinquat.

Sane si me ratum ducis corripientem corripere, et ut ita loquar, præsumptoriæ argutionis arguere, cur non Hieronymum corripis qui contra diversas hæreticorum sectas tam mordaciter disputat ? Cur non Ambrosium laceras, qui in Arianos publice concionatur ? Cur non et Augustinum, qui in Manichæos atque Donatistas tam austerus litigator invehitur ? Dicis mihi : Jure illi, quia contra hæreticos, contra blasphemos ; tu autem non times carpere Christianos.

Ad quod ego sub brevitate respondeo ; quia sicut illi nitebantur egressos et jam errantes ad ovile reducere ; ita etiam nostræ intentionis est, eos, qui qualitercunque intersunt, ne exeant, prohibere. Illi dicebant : « Ex nobis exierunt, sed non erant ex nobis, nam si essent ex nobis, mansissent utique nobiscum (*I Joan. ii.*) . » Et nos dicimus : Nobiscum quidem sunt, sed male. Studeamus ergo si possibile est, ut deinceps bene sint nobiscum. Illud etiam addimus, quia si pessima est blasphemia, nescio, in quo sit melior sodomia. Illa enim facit hominem errare ; ista perire. Illa a Deo animam dividit ; diabolo ista conjungit. Illa de paradiso ejicit ; ista in tartarum mergit. Illa mentis oculos cæcat ; in ruinæ voraginem ista præcipitat. Et si subtiliter indagare satagimus, quod utriusque criminis in statera divini examinis gravior penset, inquisita sacra Scriptura plenius docet. Ubi siquidem filii Israel, qui Deum blasphemantes, idola coluerunt, in captivitatem ducti ; Sodomitæ autem cœlestis ignis, et sulphuris re-

periuntur incendio devorati (*Gen. xix*). Neque ego sanctos doctores idcirco proposui, ut fumigantem torrem clarius præsumam conferre sideribus, quippe qui vix indigno ore tam excellentissimos viros sine offensione commemoro, sed hoc dico, quia quod ipsi vitia corrigendo, et confundendo fecerunt, hoc etiam juniores, ut facerent docuerunt: et si eorum tempore cum tanta impudentiæ libertate hæc pestis fuisset oborta, **177** non dubie credimus, quod proluxa hodie viderentur contra eam volumina codicum exarata.

Nemo me ergo diducet, dum adversus mortale vitium disputo: ubi non opprobrium, sed provectum potius fraternæ salutis inquiri, ne dum corripientem persequitur, delinquenti favere videatur. Sed ut Moyse verbis utar: « Si quis est Domini, jungatur necum (*Exod. xxxii*). » Videlicet ut qui se Dei militem recognoscit, ad confundendum hoc vitium se ferventer accingat, hoc totis viribus expugnare non desinat: et ubicunque fuerit repertum, acutissimis verborum spiculis confodere, et trucidare contendat; quatenus dum captivator densa cuneorum acie circumfunditur, captivus ab his, quibus servierat, vinculis absolvatur; et dum adversus tyrannum consona vox omnium unanimiter clamat, is qui trahebatur, præda fieri furentis monstri protinus erubescat: quique ad mortem se rapi plurimorum testimonio perhibente non dubitat, in semetipsum reversus, ad vitam redire quantocius non pigrescat.

CAPUT XXVI.

Ubi ad dominum papam sermo reflectitur.

Nunc autem ad te, papa beatissime, in ipsius Opusculi calce recurrimus, ad te styli hujus articulum revocamus, ut cui incipientis origo dirigitur, in ipsum merito peracti operis clausula terminetur. Petimus igitur, et humiliter imploramus, ut clementia vestra, si dicere fas est, sacrorum canonum decreta, quæ tamen vobis notissima sunt, solerter inspiciat; spirituales et prudentes viros ad consultum hujus necessariæ investigationis asciscat; nobisque super his capitulis ita respondeat, ut omne de nostro pectore dubietatis scrupulum tollat. Neque hoc dicere idcirco præsumimus, ut ad hoc, Deo auctore, sufficere solam profunditatis vestræ peritiam ignoremus; sed dum sacræ auctoritatis testimonium adhibetur, dum plurimorum consensu et judicio res geritur, perversorum hominum querela, quæ fortassis e diverso mu-

tire non erubesceret, sopiatur. Non enim facile patet querelæ quod multorum judicio constituitur. Sæpe autem sententia, quæ ab uno considerata juris æquitate depromitur, ab aliis præjudicium deputatur.

178 Quatuor igitur hujus vitii diversitatibus, quas superius enumeravimus, diligenter inspectis, dignetur me beatitudo vestra decretali pagina clementer instruere, cui earum obnoxius debeat ab ecclesiastico ordine irtractabiliter adjici; cui vero prælato discretionis intuitu, possit hoc officium misericorditer indulgeri; quod supradictorum modo, et cum quantis lapso liceat cuique in ecclesiastica dignitate persistere; qualiter autem, et cum quantis, si fœdatus fuerit, compellendus est in dicta necessitate cessare. Ut ex eo, quod uni dirigitur; multi eadem laborantes ignorantia, doceantur, quatenus ambiguitatis nostræ caliginem, auctoritatis vestræ lucerna dimoveat; atque, ut ita loquar, apostolicæ sedis ferrum ex agro nutantis conscientiæ totius erroris radicibus germen evellat.

Annuat omnipotens Deus, reverendissime Pater, ut tempore apostolatus vestri, et hujus viii monstrum prorsus intereat, et jacentis Ecclesiæ status undique ad sui vigoris jura resurgat.

SCHOLIA.

Legis præceptum est, ut cum quis lepra perfunditur, sacerdotibus ostendatur: tunc autem non sacerdotibus, sed leproso potius ostenditur, cum immundus immundo peractam communem nequitiam confitetur. De his, quæ hoc in Opusculo scribit B. Damianus, ejus mens potius spectanda quam verba. Neque enim ille significat confessionem ejus, qui sacerdoti complici confitetur, ob potestatis defectum, invalidam esse, si ille justum titulum atque jurisdictionem obtinet; sed vult dicere hujusmodi confessionem fructu carere, ac quodammodo delusoriam esse; quoniam verecundiæ ruborem pœnitens nec sentit, nec ad compunctionem excitari potest ab eo, cujus pravi exempli species ante oculos versatur. Quæ omnia auctor expendit, ut in textu videre est; ubi etiam ait: Confessionem factam complici sacerdoti, non ea severitate fieri ob facilem pœnitentiam condonantis. Quare omnes Summistæ licet confessionem illam validam esse teneant, non tamen laudant, si fiat; nisi in casu extremæ necessitatis. Sic censent Glos. in cap. *Omnes*, 30, quæst. 1; Sylvester verbo *Confessio*, 1, n. 17, atque alii.

Sit nomen Domini benedictum.

179-180 OPUSCULUM OCTAVUM.

DE PARENTELÆ GRADIBUS. AD JOANNEM EPISCOPUM CÆSENATENSEM,
ET D. D. ARCHIDIACONUM RAVENNATEM.

Addita ejusdem argumenti dissertatiuncula alibi ab auctore habita.

ARGUMENTUM. — Contra juris civilis consultos invehitur, qui gradus consanguinitatis ex latere descendendum longissime enumerabant: quos tamen canonica, et divina lex in quarta generatione constituit. Hac illi prava opinione imbuti, non dubitabant asserere, inter pronepotes matrimonium invicem licite contrahi posse. Id quam sit absurdum, quamque catholica Ecclesiæ traditioni contrarium, multis probat, et adversariorum sententiam pluribus rationibus confutat.

Reverendissimis in Christo viris, JOANNI Cæsena-
episcopo, et D. D. archidiacono Ravennati, PETRUS
peccator monachus digni famulatus obsequium.

Ravennam, ut nostis, nuper adii, quam mox periculosi erroris scrupulo turbatam vacillare cognovi. Erat autem de consanguinitatis gradibus plurima disceptatio; atque jam res eo usque processerat, ut sapientes civitatis in unum convenientes, seiscitantibus Florentinorum veredariis, in commune rescriperint, septimam generationem canonica auctoritate præfixam ita debere intelligi, ut numeratis ex uno generis latere quatuor gradibus, atque ex alio trius, jure jam matrimonium posse contrahi videretur. Ad astruendam quoque præposteræ hujus allegationis ineptiam, illud etiam in testimonium deducebant, quod Justinianus suis interserit Institutis (lib. 1, tit. *De Nupt.*, paragr. *Inter eas*): « Sed nec neptem, inquit, fratris, vel sororis ducere quis potest, quamvis in quarto gradu sit. » Ex quibus nimirum verbis inductoria quædam colligebant argumenta dicentes: « Si neptis fratris mei quarto jam a me gradu dividitur, consequenter etiam filius meus quinto, nepos item sexto, pronepos autem meus septem ab ea procul elongatus gradibus invenitur. » Et quidem ego nudis verbis ista dogmatizantibus restiti, ac prout in expeditione licuerat, emergentem, ut ita fatear, hæresim canonice testimonii auctoritatis attrivi: quo tamen vos minime contenti, dignum esse decrevistis, ut quod ore protuleram, apicibus traderem; atque ita non paucis, sed omnibus hoc errore nutantibus, facili compendio responderem.

CAPUT PRIMUM.

Quod inter quos est lex hereditariæ successionis, nulla sunt jura conjugii.

Ego autem vobis, ut in omnibus, etiam in hac parte libenter obtempero; sed huic disputationi nil prorsus adjiciendum video, nisi quod a majoribus traditum esse perpendo. A quibus nimirum ita est undique satisfactum, ut si humilitatis adsit oculus, nihil super hac res sit ulterius inquirendum. Quid enim apertius eo, quod papa Calixtus asseruit, dicens: « Eos autem consanguineos dicimus, quos di-

vinæ, et sæculi leges consanguineos appellant, et in hæreditatem suscipiunt, nec repelli possunt. » Interrogentur igitur qui in tribunalibus judicant, qui causarum negotia dirimunt, qui scrutandis legum decretis insistant, nunquid si propinquiores desint, usque ad septimum gradum agnati sive in hæreditatem, sive in tutelam non admittuntur? in cujus autem hæreditatem ex jure consanguinitatis admitteris, quo pacto velut extraneus ejus conjugium sortiaris? Ut quid etiam tam operosa inter sacros canones figura depingitur, ut non modo supra vel infra, sed ex utroque etiam latere, sex gradibus terminetur, si septima generatio, ut asserunt, tribus hinc enumeratis personis, atque illinc quatuor expleatur? Neque enim conditoribus canonum cavendum fuit, ne tritavus aviæ, quæ nimirum sibi trineptis est; vel filius trinepti, cui et ipse tritavus est, in matrimonio **181** jungeretur. Ipsa namque rerum natura non patitur, ut suprema persona infimæ, etiam si non esset inhibita, copuletur.

Sed quod sancti doctores humanæ consanguinitatis lineam tot gradibus numerant, ad hoc enituntur, ne personæ ex latere venientes usque ad præfixum terminum se invicem jungant, alioquin postquam ad abnepotem, quæ videlicet hinc quarta persona est a filio, et pronepotem, quæ illinc tertia, ex ordine pervenitur, cur ad enumerandas adhuc alias frustra descendit, si nulla eas propinquitate inter se alterutrum pertinere noverunt? Porro satis onerosum esset, atque superfluum in genealogiæ gradibus describendis, illas extrinsecus adhibere personas, quæ nullas inter se affinitatis obtinent consequentias. Sed cum inferiores gradus ab eodem videamus æque denominari, a quo et superiores relationum suarum vocabula sortiuntur, nimirum ut cujus sunt isti, filius, nepos, pronepos, abnepos, idem quoque nihilominus, et illi sint adnepos, trinepos, sicut possumus genitos a progenitore dividere, sic etiam nefas ducimus, ab uno utrinque descendentes congenitos separare. Verbi gratia, sicut trinepos a patre, qui sibi videlicet tritavus est, dici nequit extraneus; sic etiam a trinepte, quæ ab eodem simul e regione descendit, non invenitur alienus.

CAPUT II.

Quod instar humani corporis sex gradibus consanguinitas terminetur.

Sic enim omnes hi gradus ad veterem referuntur originem, ut comœantium secum novam non deserant affinitatem, sed ne res in infinitum prodeat, competens a sanctis doctoribus meta præfigitur, scilicet ut quousque est successione reperire vocabula, doret etiam nihilominus parentela. Unde mos inolevit, ut sub figura humani corporis illa consanguinitatis descriptio pingeretur. Sicut enim corpus hominis sex infra, totidemque supra, qui et ipsi dicuntur ex latere, articulis constat; unde et sexus dicitur, qui in medio est, quasi sextus; quod nimirum a secundis manuum, sive pedum digitis facile est inveniri: ita nimirum et illa successione humanæ figura senis utique superius et inferius, atque in his, qui ex latere veniunt, gradibus terminatur: quanquam ad propensionis cautelæ gratiam, et septima his sit generatio consequenter annu-merata.

Quisquis ergo vult inter eos, qui ab uno ex utraque parte descendunt, usque ad ultimum gradum cognationis jura rescindere, fateantur quoque necesse est, dextera hominis membra membris sinistri lateris minime pertinere; atque ut quod dicimus liquidius elucescat, qui trineptem ab ea, quæ al-
trinsecus est, trinepte, affinitatis vinculo solum judicat, inter digitos, quibus hæc scribo, et sinistræ manus articulos communionem deesse contendat. Sed huic prævæ assertioni reclamatione Apostolus, cum dicit: «Sicut enim corpus unum est, et membra habet multa; omnia autem membra corporis cum **182** sint multa, unum corpus sunt (*I Cor. xii.*).» Sicut ergo multa membra per participationem sui totius simul coeunt, ut unum dicantur irreprehensibiliter corpus; ita nimirum diversæ personæ, quæ ab uno progenitore communiter prodeunt, unum sunt præcui dubio genus.

CAPUT III.

Cur Deus in principio unum solummodo creaverit hominem.

Ideirco autem matrimonii lex tanta magisterii arte sub ecclesiastica disciplina componitur, ut mutux charitatis vineulum inter homines necessario teneatur, videlicet, ut quousque successione ordo protrahitur, vicarius amor proximi ex ipsa germanitatis necessitudine præbeatur. Cum autem deficientibus vocabulis deficit jam genus cognationis, occurrit protinus lex matrimonii, et jamjam longius abeuntem quasi fugientem revocat, et antiquæ dilectionis inter novos homines jura reformat. Nec mirum si in generandis hominibus charitatis consultiur, cum in creandis quoque idipsum Deus rerum omnium conditor, procurasse videatur. Nam cum in ipso naturæ incipientis exordio, ex singulis animantibus non una, sed multa creasset, sicut legitur: «Creavit Deus cete grandia (*Gen. i.*); » et paulo post: «Pro-
ducat, inquit, terra jumenta, et reptilia, et bestias

A terræ secundum species suas (*Ibid.*); » mox hominem, non multos, sed unum condidit, atque ex ejus latere costam, ex qua mulier formaretur, eduxit.

Ut quid enim omnipotens Deus cum ex cæteris animantibus plura creaverit, unum contentus est hominem facere: ex quo nimirum, tanquam deesset materia figulo, muliebrem quoque sexum voluit propagare; nisi ut charitatem hominibus commendaret, et in fraterni amoris eos unitate connecteret, quatenus propriæ origini congruentes, nequaquam diversi resiliunt mente, qui unum probarentur ex corpore? Unde et Paulus ait: «Unum corpus, unus spiritus, sicut vocati estis in una spe vocationis vestræ (*Ephes. iv.*).» Verumtamen cum affinitas generis elongata discedit, humanæ pravitatis vitio quasi submoto fomite amoris flamma frigescit. Ad reparandum ergo mutux charitatis igniculum accurrunt subinde fœdera nuptiarum. Enimvero quia sex ætatibus et mundi tempus evolvitur, et humanitatis vita finitur, ipsa naturæ vis præbet, ut usque ad sexum propinquitatis gradum germanus amor in humanis visceribus sapiat, et quodammodo odorem inter se genuinæ societatis emittat. Ubi autem manus consanguinitatis, quæ captum a se trahelat, deficit, illico matrimonii uncus, quo fugiens revocetur, occurrit.

CAPUT IV.

Quod quibus est jus hereditatis, est et affinitas generis.

C Sed, ut de cæteris sileam, miror saltem legis peritos ita potuisse desipere, ut subjecta **183** figura, oculis videantur in supputandis gradibus caligare. Qui nimirum dum quartum generis gradum octavum faciunt, quid super hæc parte etiam suæ leges definiant, non attendunt. Sed ut ad exitum facilius valeat pervenire quod dicimus, sacros canones cum ipsis mundanis legibus conferamus. Habet autem hoc Meldense concilium: «De affinitate, inquit, sanguinis per gradus cognationis placuit usque septimam generationem observare.» Nam et hereditas rerum per legales definitiones sancitur usque ad septimum gradum prætendere heredum successionem: non enim succederent, nisi eis de propagine cognationis deberetur.

D Secundum hoc igitur sententiæ synodalis edictum, cui competit jus hereditatis, competit etiam propinquitatis generis. Neque enim, ut dicitur, in hereditatem succederent, nisi ad cognationis propaginem pertinerent. At hic forsitan respondetur, quia quod his verbis septem generationes observari præcipitur, nequaquam illis attinet, qui ex latere veniunt: sed ad eos potius, qui recta linea a supreme progenitore descendunt. Sed si hujusmodi personis vel ad succedendum, vel ad conjugandum terminum Scripturæ præfigeret, profecto rem infinitam angustis limitibus coarctaret, Justiniano teste, qui dicit (*Instit. lib. i, tit. De nupt.*, paragr. *Ergo non omnes*): «Inter eas personas, quæ parentum, liberorumve locum

inter se obtinent, nuptiæ contrahi non possunt : vel-
ut inter patrem et filiam, aviam et nepotem, et
usque ad infinitum. » Restat ergo ut intelligamus,
quia in his personis, quæ altrinsecus veniunt, septem
generationes observare debemus.

CAPUT V.

*In legis peritos invehitur, quos et de propriis
legibus convenit.*

Nunc igitur inquiremus, a duobus germanis fra-
tribus descendentes, quoto gradu sibi invicem pos-
sunt in hæreditatem succedere? Vos denuo, iudices,
alloquor, vos de lege vestra convenio : vos, inquam,
legis periti, qui jura scrutamini, qui causas perora-
tis, inquiri : Utrum is, qui sexto loco ab uno fratre
descendit, jure vocetur in hæreditatem illius, qui
ex altero sexta rursus generatione procedit? Sed
certe negari omnino non potest, quin si alter eorum,
quos proposuimus, intestatus moritur, cum nulla
exstet persona propinquior, alter in hæreditatem
ejus legibus admittatur, atque, ut ipsi debeatis ap-
probare quod dicimus, de vestris rursus Institutis
testimonium proferamus. Dicitur enim (lib. III, tit.
De legit. agnat. success., paragr. *Cæterum*) : « Inter
masculos agnationis jure hæreditas, etiam si longis-
simo gradu sint, ultro, citroque capitur. » Et paulo
post : « Masculi vero ad eorum videlicet mulierum
hæreditas, etiam si longissimo gradu sint, admit-
tantur. » Si ergo longissimo gradu non infra, vel
supra; sed ultro citroque hæreditas capitur : et,
sicut præmissum est, non potest quis in hæredita-
tem defuncto succedere, nisi quem constituerit ad
eamdem progeniem pertinere; valde præposterum
est atque confusum, ut ii qui quarto gradu a ger-
manis fratribus prodeunt, jam inter se matrimonium
contrahant; cum ii qui **184** post eos sunt, needum
jus hæreditariæ successionis amittant. Unum quippe
jus alterum tollit, ut videlicet qui potes hæredis jure
succedere, eam nefas sit conjugali tibi fœdere copu-
lare, et e diverso in quam competat jus conjugii,
cessat nomen hæredis.

At fortasse dicitis, quia longissimus gradus, non
incongrue etiam quartus, qui apud vos octavus est,
possit intelligi. Quapropter ad vestros codices, quæ-
so, recurrite, et utrum hoc limite sit contenta pro-
genies, quia forsitan excidit, in memoriam revocate.
Ait namque ubi supra idem Justinianus (lib. III, tit.
De success. cogn., paragr., *Hoc loco*) : « Hoc loco, in-
quit, et illud necessario admonendi sumus, agnatio-
nis quidem jure admitti aliquem ad hæreditatem
etsi decimo gradu sit. » Cum ergo constet, quia in
hæreditatem intestati nullus admittitur, nisi affinita-
tis illi jure jungatur, quo pacto decimus in hæredita-
tem agnationis jure succedit, cum jam quartus, ut
dicitis, cum hujusmodi personis licito matrimonium
contrahit, nimirum tanquam decimus sit propin-
quus, et quartus videatur extraneus? Quod si jam
per hæc, quæ superius comprehensa sunt, constat,
quia ii qui ultro citroque in quarto reperiuntur
gradu, cognati sunt, atque propinqui; audiamus

A etiam quid Romanum censeat de cognatione conci-
lium. « Si quis, inquit, de propria cognatione, vel
quam cognatus habuit, in conjugio duxerit, ana-
thema sit. »

CAPUT VI.

*Quod generationes, quæ utrinque ab uno prodeunt,
debeant simpliciter numerari.*

Debuerant quidem jam hæc pauca sufficere, si ii
cum quibus ago, utpote litibus assueti, scirent in
controversiam pauca movere. Illud itaque sub ocu-
lis revocemus, quod caudicos nostros ex suis legi-
bus nobis objecisse supra retulimus, videlicet quod
neptem fratris, vel sororis ducere quis non potest,
quamvis quarto gradu sit. Cumque in astruendis
propriis allegationibus sapius verba hæc iterarent :
deinde ratiocinando, assumendo, colligendo, multi-
moda cavillationum argumenta componerent; in
arcto positus, hac quæ eo loci occurrere potuit,
voce respondi : Hanc, inquam, supputationem, quæ
fratris, vel sororis neptem a patruo, vel avunculo
magno quarto constituit gradu; filium vero ejusdem
patruus, vel avunculi, sicut dicitis, quinque, nepotem
sexto; pronepotem autem ejus ab eadem quæ præ-
missa est, nepte septimum numerat; forenses qui-
dem leges habere, quia ad id tantopere insistitis,
possunt, sed eam sacri canones non admittunt. Et
revera eas progenies, quæ per diversas lineas ab
uno generis auctore procedunt, nequaquam divina
lex dupliciter numerat : sed licet plures hinc inde
profluant geniti, ab uno tamen genitore, si generaliter
colligantur, sub una reperiuntur generatione concludi.

C Sed quia cum legis peritorum faceta urbanita-
te confligimus, legis peritum quoque in no-
stræ partis testimonium producamus : Moysen
scilicet, non improbandum sane jurisconsultum,
185 sed sive ad deprecandos judicialis sententiæ
calculos, sive etiam in ipsis legibus promulgandis
non vulgariter eruditum. In magistro siquidem disci-
mus, quid de non contemnendæ indolis discipulo
sentiamus. Veniat ergo, et litem inter nos, quæ ver-
satur, de generatione definiat : ait namque de Jo-
seph : « Vixitque centum annos; » deinde sub-
junxit : « Et vidit Ephraim filios usque ad ter-
tiam generationem (*Gen. L*). » Qui nimirum si in
generationibus supputandis cum nostris iudicibus
concordaret, ad Manassem quoque respiciens,
Ephraim progeniem non tertiam, sed sextam po-
tius astruxisset. Nam et mox sequitur, dicens :
« Filii quoque Machir filii Manasse nati sunt in ge-
nibus Joseph (*Ibid.*). » Cum igitur tertiam progenies
Ephraim, itemque tertiam Manasse nequaquam pro-
pter alterutram inter se habitudinem tenditur, sed
simpliciter utrinque tertiam, testante sacro eloquio,
perhibetur; quæ auctoritate, qua novitate doctrinæ
affinitas sic moderna dividitur, ut duorum fratrum
pronepotes octo jam differre inter se gradibus do-
ceantur? Abraham quoque de filiis ejus Ægyptum
postmodum profecturus, eodem Moyse teste, Domi-
nus dicit : « Generatione, inquit, quarta reverten-

tur huc (*Gen. xv.*) » Enim vero si omnes generationes, quæ sub Moyse de Ægypto in terra Chanaan reversæ sunt, juxta sententias nostrorum judicium, vox divina divideret, non generationem quartam, sed millesimam potius, vel ulteriorem certe numerum protulisset. Illud etiam, quod per Psalvistam dicitur : « Memor fuit verbi sancti sui, quod mandavit in mille generationes (*Psal. civ.*) ; » non ad illarum refertur generationum multitudinem, quæ sub uno tempore in hac vita subsistunt : sed ad illas potius, quæ sibi invicem per sæcula proxiora succedunt. Nam si generationes singulorum parentum hoc loco Propheta voluisset intelligi, nullus est dies, quo in populo Dei mille generationes non valeant reperiri : atque illo nihil plus esset mandare verbum in mille generationes, quam dare legem illi populo, ubi essent mille patres. De beato quoque Job legitur : « Quia vidit filios suos, et filios filiorum suorum usque ad quartam generationem (*Job xlii.*) » Nam cum Scriptura non dicat, vidisse scilicet Job filios filii sui, ab uno nimirum progenitore simplicem lineam descendantem : sed filios filiorum suorum, atque eos omnes non ad quartas generationes, sed ad quartam singulariter generationem venisse, co vivente, pronuntiet : patet profecto quia auctoritate divini eloquii, generationes, quæ a fratribus veniunt, non divisæ, sed simpliciter numerantur. De Tobia etiam sic dicitur : « Viditque Tobias quintam generationem filiorum suorum (*Tob. xiv.*) »

Videtis itaque, o iudices, quæ dicuntur : videlicet, et « generationem, » et « filios filiorum suorum. » In filios igitur filiorum plures descendantium lineas consequenter attendite : in generationem autem quæ dicitur, omnes simul tanquam unus successionis ordinem deputate. Idioma siquidem est Scripturæ sacræ, quod diversorum fratrum sic in unum generatio comprehenditur, tanquam si ab uno homine descendentes successionis series contextatur : unde si quæ in sacris voluminibus reperiuntur, velim hic **186** cuncta colligere, ante lux ad occasum, quam exempla perveniant ad effectum. Animadvertitis igitur, o iudices, quia dum male numeratis, numerosos adversum vos reclamantes sacri eloquii testes incurritis : et dum sub colore conjugii incestus sordes inducitis, ecclesiasticæ castitatis munditiam fœdere tentatis. Erubescat ergo terrenæ sapientiæ vanitas, nec in Ecclesiæ nemore errorum auleos spargat ; sed repressa pravi spiritus arrogantia sacræ se auctoritati humiliter subdat : nec protinus credat, quidquid sibi luxuriantis intellectus petulantia lenocinante, suggeritur ; sed quod a sanctis doctoribus definitum est, hoc sacrum intellectum omnimodis arbitretur.

CAPUT VII.

Ubi adversarios inevitabili argumentatione convincit.

Post illam autem vix enatabilem Justiniani sententiam, qua videlicet neptis fratris quarto dicitur esse gradu, quidam promptulus, cerebrosus, ac dicax, scilicet acer ingenio, mordax eloquio, vehe-

mens argumento, Florentinus, puto, verbis me beati Gregorii insolenter urgebat : quibus nimirum præcepit (*Reg. l. ult. ep. 31*) Anglos jam quarta, vel quinta debere generatione conjungi. « Licet, inquit, sanctus ille vir hoc neophytæ genti dispensative concesserit ; tamen si consanguinitas tantopere esset in matrimoniali copulatione cavenda, nequaquam inter tam propinquos conveniendi licentia fuisset indulta : constat utique, quia super hoc conjunctionis articulo temperantius sensit, qui licet rudibus quartæ generationis conjugium non negavit. » Nos autem utramque sententiam, Justiniani scilicet, et Gregorii conferamus : et tanquam duos lapides, qui in nos ex hostili acie jaculati sunt, invicem collidamus, quatenus ex eorum repercussione igniculus exeat, qui eisdem nostris adversariis non dicam cæcipientibus, utpote reverentia servata, iudicibus : tamen lippientibus, et caligantibus lumen ostendit.

Audite igitur, iudices, utriusque doctoris verba diligenter attendite : atque illud tumultuantium murmur, quo in foro, vel tribunalibus assueti estis, hic in Ecclesia fieri prohibete. Litigium nostrum non confusa partium loquacitas augeat, sed intenti cordis ratio sequestra componat. Clamemus ergo simul ad Dominum, atque illi pars utraque dicamus : « Surge, Deus, judica causam tuam (*Psal. lxxiii.*) » Age igitur : Dicit nempe Justinianus vester, ut sæpe superius dictum est : « Quia neptis fratris tui quarto jam a te gradu dividitur, » nimirum tu unus, frater tuus secundus, filius ejus tertius ; neptis autem ejus quarto a te distinguitur gradu. Ergo si ita est, non tam longius fatigemur, utpote qui propius invenire possumus, quod ad hanc rem necessarium judicamus.

Cum igitur tu, sicut dictum est, a filio fratris tui sis tertius, consequenter etiam filia tua ab eodem filio fratris tui quartus est gradus ; salvo scilicet eo, sicut asseritis, quod gradus et generatio idem sit. Quod profecto si verum est, totum illud, quod Gregorius permittit quarta **187** generatione conjungi, nihil est aliud, nisi quia duorum fratrum germanorum, vel duarum sororum filios et filias censet in matrimonio copulari. Sed ubi est, quod idem Gregorius omnino prohibet, ne duorum fratrum vel sororum filius et filia misceantur ? An censendum est, ipse sibi meto exstitisse contrarius, ut quod prohibuit fieri, illico decrevisset impleri ? Sed quis hoc de Gregorio credat, nisi qui alienata mente prorsus insaniat ? Verumtamen ipse Gregorianus stylus ad medium veniat, et utrum sibi meto constet, ex ipso lectionis ordine clarius innotescat (*Reg. l. ult. ep. 31*). Quædam, inquit, terrena lex in Romana republica permittit, ut sive fratris et sororis, seu duorum fratrum germanorum, vel duarum sororum filius et filia misceantur. Sed experimento didicimus, ex tali conjugio sobolem non posse succrescere ; unde necesse est, ut jam quarta, vel quinta generatione fideles licenter sibi jungantur. »

Ecce ipsa scripturæ series comprobatur, quia filii germanorum fratrum, in quarta generatione non

sunt, dum qua illi prohibentur auctoritate connubere; eadem isti, qui in quarta generatione sunt, conceduntur in matrimonii fœdera convenire. Nam si germanorum filii in quarta generatione consisterent, quid esset aliud dicere, filii germanorum fratrum non jungantur, et tertium in quarta generatione homines socientur, nisi tanquam sac sermo procederet: consobrini invicem et non jungantur, et jungantur? Quod utique ridiculosum potius quam authenticum haberetur. Unde et idem venerabilis doctor postquam præmisit: « Necesse est, ut jam quarta, vel quinta generatione fideles licenter sibi jungantur; » protinus intulit: « Nam a secunda, quam prædiximus, omnimodo debet abstineri. » Ecce jam lapides, quos hostilis manus intorserat, vicaria inter se impactione contudimus, scintillas elicuimus, lumen habemus. Ambulemus ergo in lumine Domini, ne nos tenebræ comprehendant (*Joan. xii*). Quod si me fortasse consulitis, qualiter illa Justiniani sententia possit absolvi, nihil nostra interest. Vobis siquidem vestra relinquimus, nec alieni nobis officii peritiam arrogamus. Hoc tantum, quod ad nos attinet, non omitimus, quia non semper ina summis, non munda sacris, non concordant humana divinis. Nam cum ille neptem fratris in quarto gradu asserat constitutam, B. Gregorius, ut in promptu est, duorum fratrum, vel sororum filios et filias, quod utique longinquus est, atque remotius, secundam generationem vocat.

CAPUT VIII.

Quod septima generatio in pronepotibus non habetur.

Hoc etiam non minimo argumento est, septimam, et octavam generationem in fratrum germanorum pronepotibus, ut asseris, non expleri, quia sacri prohibent canones: ut quandiu linea consanguinitatis agnoscitur, vel in memoria retinetur, nullus uxorem de propria cognatione præsumat accipere. Et certe nonnullos hodie in carne viventes aspiciamus, **188** qui se gaudeant nepotum suorum adhuc sobole fecundari. Censetis igitur, ut senior ille, cujus posteritas jam in pronepotes extenditur, cum germano suo æque videlicet proavo conjugii fœdus ineat, et pronepotem illius suo pronepoti in matrimonium tradat. Quod profecto quam sit absurdum, quamque ipsi naturæ videatur horribile, atque contrarium, nulla indiget exaggeratione verborum. Quæ autem progenies tam ignobilis lateat, ut vel inter ipsos propinquos memoria ad proavos non recurrat? præsertim cum etsi ipse utrorumque germanorum pater adhuc vivat, quod etiam ipsum vidimus, omnes illas personas in sua potestate jure possit habere, omnesque legali sententia filios appellare.

Quæ autem rerum est species, si pater inter filios utcumque longinquus matrimonium contrahat: et quibus inter se invicem fratribus ipse pater est, in nuptialem copulam jungat? Videtis igitur jam, quia cum filii sitis Ecclesiæ, ad matris injuriam ritus inducitis Synagogæ: et sub professione nominis Christiani hæresim præcurritis Antichristi. Notum

A namque est, quod Antichristus veniens judaizare homines doceat, et vetusti hominis caeremonias non vis evangelicæ gratiæ legibus anteponat. Vos autem non sic, sed (licet ignorantia caligo ad tempus obrepserit) ad sacri eloquii paginas, velut perspicuum lumen præsto recurrite, proprii sensus errorem cum humilitate deponite, atque ad rectæ intelligentiæ tramitem quantocius repedate: ut qui inter clientium turbas tenetis in gymnasio fernam, non vereamini subire in Ecclesia disciplinam; et qui tanquam docti peroratis in tribunalibus causas, sufficiat vobis sicut docentis in oratorio Christi audire sententias. Honestum quippe est, ut ipsi etiam in mysticis, ac spiritualibus causis se præbeant humiles, qui humanis negotiis consueverant præsidere censores.

B Quocirca quisquis es, qui cognationum gradus enumerare disponis, noli lineam lineæ, ac si licium licio, in longitudine adjiciendo subnectere, sed descendentes hinc inde personas unimodo tantum supputatione concludere: nimirum ut non dicas, quatuor hinc generationes, et quatuor inde, octo generationes sunt; sed potius dic, quia personæ istæ in quarta sibimet generatione consistunt.

CAPUT IX.

Quod juxta præcedentis personæ gradum, communis debet affinitas computari.

Si vero impares sint, nimirum ut iste sexto inveniat gradum, illa septimo, vel deinceps, ad præcedentem gradum, ut mihi videtur, est illico recurrendum: atque illius intuitu decernendum est, in matrimonium tales convenire non posse. Licet enim quis limitem jam cognationis excedat, non expellitur videtur illam ducere, quam adhuc propriæ lineæ mensura coarctat. Expleatur siquidem prius totum undique parentelæ corpus, et sic jam fœdera redeant nuptiarum. Verum si cui super hac sententia fortassis ambigitur, sedes apostolica consulatur. Nos enim honestus ducimus inquirendo **189** cum aliis discere, quam soli nesciendo docere: et in quibus ipsi heremus, firmare alios temerarium judicamus. Verumtamen quia juxta præcedentem lineam gradum debemus generationi calculum ponere, illud etiam datur indicio, quod superius Abraham Dominum promississe retulimus, videlicet: Quod generatione quarta essent filii ejus de servitute Ægypti liberandi (*Gen. xv*). Nam, ut egregias Israelitici generis lineas apponamus, regalem videlicet atque sacerdotalem, Levi progenies tunc erat quarta, sed Judæ generatio jam quinta præcesserat. Cum ergo non longiorem, sed breviorum successionum lineam divina vox posuit, quodammodo, ut conjicimus, regulam nobis in supputandis generum rationibus sua auctoritate præfixit: ut in ea quis progenie cum alio constare censetur, in quo videlicet gradu suæ lineæ superior invenitur.

CAPUT X.

Quod in numerandis gradibus una debeat abundare persona.

Notandum quoque est, quod in cognationum gene-

rationibus numerandis una semper debet abundare persona; nec enim ex una persona potest generatio fieri. Tunc siquidem generatio fit, cum genitus a gignente processerit: atque ut exemplum extrinsecus non queramus, sufficiat hoc, quod adhuc præ manibus tenemus. Levi namque genuit Caath, Caath genuit Amram, Amram genuit Aaron, Aaron genuit Eleazar, Eleazar autem genuit Phinees (*Num. xxvi*). Caath cum patre suo Levi ingressus est Ægyptum; Phinees autem terram repromissionis intravit. Si ergo numeres a Caath ad Phinees, quinque personas invenies; cum, testante divino oraculo, quatuor esse debeant generationes.

Et quia Moyses in Exodo, filios Israel ex Ægypto quinta generatione testatur egressos, Judaicæ quoque tribus ordinem videamus: « Judas scilicet genuit Phares, Phares genuit Esron, Esron genuit Aram, Aram genuit Aminadab, Aminadab genuit Naasson, Naasson genuit Salmon (*Matth. i*). » Phares cum patre suo, videlicet Juda, Ægyptum petiit; Naasson vero princeps tribus Judæ fuisse in deserto describitur: cujus filius Salmon terram repromissionis ingressus est. Si recenseamus igitur a Phares usque ad Salmon, sex quidem personas esse perpendimus, sed juxta Moysen generationes quiaque tantummodo numeramus. Si quem vero moveat, Moysi numerum illi, quem Domini posuerat, non constare, quia alterius est negotii: salvo quidem altiori mysterio, interim scire sufficiat, quia utraque verum esse cognoscitur, si ad diversas tribus, sicut dictum est, referatur.

Id autem quod dicimus, personas plures esse quam gradus, in ipsa quoque canonum figura liquido demonstratur, cum dicitur, quia primo gradu superiori linea continetur, pater, mater; inferiori, filius, filia. Cum ergo pater et filius in uno constituantur gradu, constat procul dubio in consanguinitatis serie et gradibus 190 plures esse personas. Quod autem illic subjungitur, quia his personis nullæ aliæ junguntur, tale est ac si diceret: ex transverso non veniunt. Nam avo et nepoti, qui in secundo sunt gradu, ex transverso vel obliquo veniunt; frater, soror proavo vel pronepoti, similiter ex obliquo veniunt, fratris sororisque filius, filia, atque in hunc modum aliis aliæ. His autem personis, quæ sunt pater et filius, aliæ non junguntur, quia utraque unum faciunt gradum, ac per hoc nullæ aliæ personæ possunt eis similes inveniri. Quod etiam Psalmista testatur, cum dicit: « Fiant nati ejus in interitum, in una generatione deleatur nomen ejus (*Psal. cviii*). » Cujus enim filios imprecatur in interitum fieri, eis devovet nomen una generatione deleri. Quibus profecto verbis manifeste declarat, quod pater et filius non duæ, sed una generatio, unusque sit gradus. Post has autem quot sunt personæ, non sunt procul dubio gradus. Quapropter quisquis in contrahendo conjugio perfecte vult septimam generationem evadere, sicut

A nobis videtur, necessarium sibi est novem utraque personas æqualiter numerare: ocio scilicet, quibus septem generationes fiant; nona sit illa, quæ in matrimonium transeat.

Si quis autem juxta aliam definitionem sexta elegit esse generatione contentus, nos austeritatem novam antiquis canonibus inducere non judicamus. Verumtamen quia alii doctores sextam, alii septimam generationem observandam esse decernunt, hæc in talibus est tenenda discretio: ut si a filiis incipit, in sexta generatione supputatio desinat; si vero a nepotibus, usque ad septimam tendat. Sic nimirum plurimorum sententia reperietur una, quæ in litterarum videbatur inæqualitate diversa.

CAPUT XI.

Quod aliud sit aliquando gradus, aliud generatio.

Illud autem prætereundum non est, quia in his scripturis, quæ de cognationum affinitate loquuntur, non semper gradus pro generatione positus invenitur. Alioquin nequaquam Justinianus, quod superius dictum est, neptem fratris quarto constituerit gradu; præsertim cum et ex quatuor solummodo personis, quatuor generationes fieri omnino non possent: et frater ad fratrem generationem non habeat, utpote quorum neuter alterum gignat. Unde, ut mihi videtur, disputatores illi, quos supra nominavimus, hujus nominis diversitate falluntur: quod videlicet aliquando generationem, aliquando locum solummodo invenitur significare personæ. Tantumdem namque est dicere, neptem fratris esse quarto gradu, tanquam si diceret quarto loco. Qui nimirum litigatores mei si vix dum mitescere nesci, quod tunc moliebantur objicere, non vereantur redivivis adhuc invectionibus iterare, non sine quodam scilicet jurgii tumore dicentes: quid tam prolaxas affinitatum lineas texit, doce etiam si trinepos, ut asseris, ad trineptem e regione descendente jus cognationis habet, quo inter se propinquitatis nomine censebuntur? Nanquid 191 sobrini, sive patruelles, aut amitini? Quod si nullo inter se hujusmodi nomine conferuntur, quo pacto sunt consanguinei, qui nulla a se videntur alterutrum cognominatione relati? Ad quos ego: si de nominibus, inquam, agitur, tale quid sæpius invenitur, ut quibusdam et necessitudo propinquitatis intersit, et affinitatis vocabulum desit.

Atque, ut quod dicimus sacræ auctoritatis testimonio comprobemus, præcipitur in Levitico: « Turpitudinem, inquit, sororis uxoris tuæ, et filiæ ejus non revelabis; filiam filii ejus, et filiam filiæ illius non sumes, ut reveles ignominiam ejus, quia caro illius sunt, et talis coitus incestus est (*Levit. xviii*). » Ecce vitricus a filia privigni utriusque sexus divina voce compescitur, et tamen affinitatis nomen, quo inter se utraque persona cognominari delect, non habetur. Censetisne ergo hujusmodi personas contra divinum

præceptum debere coniungi, cum non inveniatur, A quo propinquitatis possint vocabulo nuncupari? Sed videte quid in fine sententiæ dicitur, quia talis coitus incestus est. In Decretis quoque Innocentii papæ legitur: « Relictam, inquit, patris uxoris suæ, relictam fratris uxoris suæ, relictam filii uxoris suæ, relictam consanguineorum uxoris suæ, usque in tertiam progeniem nemo in uxorem sumat. » Porro autem in omnibus his personis et affinitatis cognomina non reperiuntur, et inter eas tamen contrahi matrimonium prohibetur.

Quod si necdum his acquiescitis, atque adhuc impugnare tentatis, ex vestris profecto exedris munimen arripimus, quod vestris iidem jaculis opponamus. Vester namque Justinianus postquam sex undique cognationum gradus enumerat, mox addit (*Instit.*, lib. III, tit. de grad. cogn. perag.): « Ex his, inquit, palam est intelligere quemadmodum ultiores quoque gradus enumerare debeamus: quippe generata quæque persona gradum adjiciat, ut longe facilius sit respondere quo quisque gradu sit, quam propria cognationis appellatione quemquam denotare. » Si ergo legislator ipse illic consanguinitatis gradus enumerat, ubi nomina deesse testatur, quid mirum si nos eadem facientes, et inter illos esse jus propinquitatis asserimus, quorum videlicet relativa vocabula non habentur? Tanto jam de parentela me dixisse sufficiat, ne pauper stylus modum sibi congruæ brevitatis excedat: quod tamen ut arbitror, si diligenter attenditur, omnis, quæ C super hoc negotio nuper emerserat, querela sopitur.

CAPUT XII.

Excusatio longioris opusculi.

Dixerit me quispiam verbis liberius evagatum, sed mihi tanti est proximorum meorum salus, ut non otiosum credam molorum lignorum pyram accendere, qua basiliscum, licet exiguum, incolumi populo necesse sit interire: nec multa aqua inaniter funditur si scintilla ignis, qua urbs cremanda fuerat, exstinguatur. Vilis plane sagitta pectori bellantis infigitur, sed antequam exeat, multo labore sudatur. Verumtamen qui me laqueos operis arguit, perpendat cum quibus mihi sit in hac disputatione 192 negotium: et mox necessitati deputet, quod verbositati hactenus adseribebat. Necessarium nempe duximus ista conscribere, ne cancer, qui in dies per augmenta serpebat, pestilentius adhuc se per Ecclesiæ viscera dilataret.

Vos autem, serenissimi in Christo, et venerabiles viri, videlicet qui me hoc opus aggredi præcepistis, tantæ perversitatis errori cum omni auctoritate resistite: et ne se per corpus Ecclesiæ iethalis lepra diffundat, viriliter obviate. Castitas nempe quædam specialis est virtus, quæ ab ipso mundi primordio in Dei cultoribus viguit, et pro-

(8) Contrarius videtur sensus hujus loci, cum in textu habeatur: cum viro irreligioso tracta de sanctitate, etc.

cessu temporum paulatim semper excrevit: nunc autem divino jam imminente iudicio, cum suadendi essent homines omnino carnis voluptates abscondere, ultro etiam provocantur incestuosa matrimonia fœderare. Adversus ergo hujusmodi pestes sacerdotalis se auctoritas erigat, et improbræ temeritatis ecclesiasticæ disciplinæ vigor obsistat. Non detur cornu peccatoris, nulla relinquatur audacia vanitati. Vivat adhuc in Ecclesia Christi ille Mosaicus serpens (*Num.* XXI), qui incantatorum colubros sorbeat; vivat, inquam, spiritalis prudentia, quæ carnalis versutiæ venena consumat; ut quos proprii arbitrii libertas effrenata laxaverat, canonicæ severitatis censura compe- B sciat: et quos tanquam celebris famæ tumor inflaverat, redditiæ rationis gravitas premat: quosque fidei unitas congregat, doctrinæ scissura non spargat. Sic sic nimirum vestro studio ad sobrii intellectus concordiam redeant, et jam humiles facti, uno spiritu cum ecclesiastica se pace componant; quatenus et veterenos coluber desinat pravi dogmatis virus effluere, et Ecclesia Christi de cætero integra possit in sui pudoris munditiâ permanere.

DISSERTATIUNCULA

DE GRADIBUS COGNATIONIS.

ARGUMENTUM. — Quemdam presbyterum consulit, quoniam pacto cognationum gradus numerari debeant: non enim adeo tutum sibi videri communem morem (eo scilicet modo numerandi ut prima persona semper abundet) ut ab eo recedere nefas sit, præsertim cum nonnulla Scripturæ loca videantur obstat. Petit igitur, ut in hac dubitatione suam sententiam patefaciat.

Domno S. religioso presbytero, Petrus peccator monachus indissolubile glutinum charitatis.

Admonet viro sapiens: « Cum viro, inquit, religioso tracta de sanitate, et cum justo de justitia (*Ecclesi.* XXXVII, 12) (8). » Qui etiam postmodum dicit. « Cum viro sancto assiduus esto, quemcumque cognoveris observantem timorem Dei (*Ibid.* 15). » Quapropter ego te, venerabilis frater, agnosceus, congruum duxi, non consilia tecum terrena conferre, sed de spiritali potius, et ecclesiastica questione tractare. In opusculo siquidem, ubi de parentelæ 193 gradibus disputavi, inter cetera dixisse me memini: In cognationum, inquam, generationibus numerandis una semper debet abundare persona. Quod etiam approbans, addidi: Neque enim ex una persona potest generatio fieri. Adhibitis etiam testimoniis Scripturarum quibus hoc disputatio definivit, ut cum propinquorum generationes fuerint supputata, una semper persona reperiatur excedere. Verbi gratia: ubi quinque sunt generationes, sex necessario debeant esse personæ. Sic et in cæteris numerum graduum multitudo superet personarum.

Sed per accessum temporis legenti mihi aliquid, et in Scripturis occurrit, quod mutare posse hanc

enumeratæ cognationis regulam persuasit; præsertim cum plerique sæculares huic definitioni feram, atque inhumanam conquerantur inesse duritiam, seseque perhibeant nobis obtemperare non posse, nisi vel nimirum quid acquieverimus ex hujus legis rigore laxare. Hoc quotidie bellum, hoc sine fœdere toleramus obloquium.

CAPUT PRIMUM.

In generationibus supputandis quæ regula servanda.

Videtur itaque nobis infirmitatibus imbecillium sine culpa non posse conscendere [f. condescendere], ut decernamus cognationum simul ac personarum numerum invicem convenire; quatenus quot sunt personæ, totidem quoque dicantur esse generationes. Ut autem hoc non nostra temeritas, sed sanctorum Patrum videatur auctoritas, B. Hieronymus dum solvere nititur questionem Genesis, ubi dicitur: « Qui occidit Cain, septem vindictas exsolvet (Gen. iv), » septem perhibet esse generationes ab Adam usque Lamech, cum tamen non reperiantur nisi totidem, hoc est, septem esse personæ. Et, ut ipsa potissimum tanti doctoris verba ponamus: Majorum, inquit, nostrorum ista sententia est, quod putant in septima generatione Lamech interfectum Cain; moxque subjungit: Adam quippe genuit Cain, Cain genuit Henoch, Henoch genuit Cainan, Cainan genuit Malalehel, Malalehel genuit Mathusalem, Mathusalem genuit Lamech, qui septimus est ab Adam. Et paulo post: Hic quidem, inquit, Cain, quod in septima generatione interfectus sit, et juxta aliam editionem pœnam sui sceleris dederit: ubi nihil obscuri arbitror remansisse. In quibus utique doctissimi viri verbis patenter ostenditur, quia cum ab Adam usque Lamech septem tantummodo sunt personæ, septem nihilominus faciunt generationes. A qua generationum dinumeratione beatus quoque Gregorius non discordat. Nam in expositione B. Job, Enoch septimam perhibet esse generationem, cum sex tantummodo patrum ante illum reperiantur esse personæ. Hæc nimirum beati viri verba sunt (*Moral. x*): « Electis, ait, Henoch in septima generatione nascitur, » quia sui dedicationem gaudii in extremæ retributionis gloria requirunt. Et certe, sicut sacra Geneseos liquido testatur historia: « Adam genuit Seth, Seth genuit Enos, Enos genuit Cainan, Cainan genuit Malalehel, Malalehel **194** genuit Tareth, Tareth genuit Henoch (*Gen. v*). » Sicut ergo per lineam Cain septem solummodo succedentium sibi reperiuntur esse personæ ab Adam usque Lamech; ita quoque per electorum seriem septem duntaxat personæ numerantur ab eodem Adam usque Henoch. Sed sicut in genealogia Cain a beato Hieronymo Lamech septimus est ab Adam, ita B. Gregorius septimam generationem esse testatur.

Si ergo tantorum virorum sequi non abhorreamus exemplum, restat ut tot debeant generationes dici, quot personæ valent in cujuslibet generis successoribus supputari.

CAPUT II.

Quomodo a transmigratione Babylonis ad Christum fuerint generationes quatuordecim.

Addamus adhuc, quod gravioris est ponderis, et inviolabile tenet robur auctoritatis. Matheus enim evangelista postquam generationis Christi lineam texuit, hoc in conclusione subjunxit: « Omnes ergo generationes ab Abraham usque ad David generationes sunt quatuordecim, et a David usque ad transmigrationem Babylonis generationes quatuordecim, et a transmigratione Babylonis usque ad Christum generationes quatuordecim (*Math. i*). » Cum videlicet nulla trium ordinum, qui digesti sunt tessera, plusquam quatuordecim genitorum, sive gignentium inveniatur enumerare personas. Imo si diligenter attenditur, nonnisi tredecim continere personas ordo tertius, qui est et ultimus, invenitur. Super quo nimirum nonnulli doctorum diversa a se invicem sentientes, longis argumentationibus disputant, ut quatuordecim et in hoc, sicut in cæteris habentur ordinibus, esse generationes ostendant. Sanctus quippe Hieronymus duos esse perhibet Jechonias, patrem scilicet et filium; et patrem quidem in fine secundi ordinis, filium asserit positum in capite tertii. At beatus dicit Aug. quia unus Jechonias bis numeratur. Quod si credendum sit, nescio quo pacto sancti evangelistæ vera videri possit assertio, qua dicit, quoniam a transmigratione Babylonis usque ad Christum generationes sunt quatuordecim. Sane sive bis, sive quoties libet, id, quod unum est, numeretur, unum nihilominus permanere cognoscitur. Nam etsi sæpenumero quid dicitur, rei tamen essentia non augetur, nec multiplicatur numerus, licet sermo fuerit iteratus. Timeo plane super utriusque doctoris sententia, quæ mihi dubitas oboriatur, exprimere; ne tam illustribus Ecclesiæ magistris, et assertoribus veritatis videar, quod absit, aliquidatenus succensere.

De illorum itaque venerandis definitionibus ego disputare non audeo, simpliciter tantum quid mihi videatur, expono. Ab eo sane, quod dicitur, post transmigrationem Babylonis Jechonias genuit Salathiel, usque ad illud, Jacob autem genuit Joseph virum Mariæ, tredecim sunt generationes. In Joseph siquidem duodecima, in Maria intelligitur tertia decima. Si enim Maria Joseph, sicut uxor viro, carnali commercio jungeretur, jure una duntaxat in **195** utroque generatio videretur. Sed cum Maria Joseph nullatenus sit conjuncta, generationis vero linea usque ad Joseph per præcedentium seriem sit perducta, repente generatio in Mariam aliternum positam prosilit: et dum a sua reflectitur linea, et in aliam transit, quemdam quasi angulum facit. Ille nimirum ex ea natus est, qui et juxta Apostolum, lapis est angularis (*Ephes. ii*); et sicut Psalmista canit: « Factus est in caput anguli (*Psal. cxvii*). » Nec inconvenienter una in Maria generatio constituitur, quæ generatio illius origo est, cui videlicet a cunctis præcedentibus generationibus militatur.

Porro cum Joseph hinc ex recta propagatæ cognitionis linea pendeat, illinc ex altera ejusdem cognitionis linea Maria descendat; ipse de linea in lineam transitus generationis est mysticæ sacramentum. Nam quia Maria Joseph carne non jungitur, non utraque una est generatio; sed unam Joseph, alteram Maria generationem facit. Plane cum Scripturarum consuetudo non teneat, ut per mulieres cognationis lineam texat, per viros Christi genealogia producitur; in ejus tamen ortu virilis materia non miscetur, ideoque cum ad Joseph perventum est, successionis ordo non ulterius in inferiora deducitur, sed per transversum protinus, et ex latere in virginem derivatur. Sic post carnales generationes fit generatio spiritualis, ut mox sequatur res inaudita prorsus, et singularis. Spiritualis siquidem generatio fit de Joseph in Mariam, singularis de Maria in Christum.

CAPUT III.

Quomodo Ozias genitus a Joram dicatur.

Sed dicis mihi, quisquis es, quomodo inter Joseph et Mariam potest generatio dici, quam videlicet ipse non genuit? Et tu mihi reciproca consulti inquisitione responde: Cur idem beatus evangelista Matthæus, de cujus nunc sententia disputamus, ait inter cætera: « Joram genuit Oziam (*Matth. i.*); » cum nequaquam sit pater Ozie, sed potius Ochoziæ? Quisquis enim quarti libri Regum percurrit historiam, indubitanter agnoscit, quia Joram genuit Ochoziam, Ochozias genuit Joas, Joas genuit Amasiam, Amasias genuit Oziam, qui et alio nomine dicitur Azarias (*IV Reg. xiv.*). Cur igitur Joram non Ochoziam, dicitur genuisse quem genuit; sed potius Oziam, qui jam procul ab illo quintus absistit? Si ergo inter Joram et Oziam esse generatio dicitur, non quod Ozias ab Joram sit genitus, **196** sed quod ab illo per longam continui generis traducem sit productus; quid prohibet inter Mariam et Joseph, qui procul dubio consanguinei sunt, generationem dici per quamdam scilicet vim et mysterium sacramenti? Et si comprehendi non potest, quomodo Christus ex virgine nascitur; quid mirum si

A inter parentes ejus stupenda quædam et admirabilis generatio videatur, cujus videlicet et generatio singularis, et conceptio nova, et natiuitas deprehenditur inaudita? Hæc tamen dicimus salva auctoritate sanctorum doctorum, quos superius memoravimus.

Ut igitur ad ea quæ cœpimus post diverticulum revertamur, in hac generatione Dominica non illa conspicitur regula fuisse servata, quam videlicet alibi præfiximus, ut in supputandis generationibus una provideatur superesse persona: quæ scilicet si illic servaretur, una adhuc addenda persona necessario videretur. In illa quippe cognationum linea trifaria dinumeratione digesta, uniuscujusque tessere quatuordecim tantummodo sunt personæ, sicut et generationes. Nec generationum numerum personarum multitudo videtur excedere, dum nil aliud ibi generationes, quam simplices sint personæ.

Consideranti itaque, et rem diligentius perpendenti patenter occurrit, quod B. evangelista dinumerando cognationis regulam, quam prædiximus, non modo non tenuit, sed et caute vitavit, studiose contempsit, prudenter exclusit. Nam cum in genealogia Domini, certi causa mysterii trifario dispositionis ordine quatuordecim decrevisset generationes attexere, ut unamquamque personam generationem esse monstraret, tres quos superius diximus, Ochoziam videlicet, Joas et Amasiam, de narrationis ordine reges abiecit: et tot personas apponere, quot generationes enumerare contentus fuit. Plane cum sibi personarum multitudo suppeteret, noluit ut persona generationibus superesset; sed ut generationum, ac personarum sibi invicem numerus æqualiter conveniret. Hæc itaque, venerande frater, et ipse pervigil meditare, et cum sapientibus tuis stude conferre, ut aliorum mihi fultus auxilio, certum quid valeas respondere. Rescribe igitur, si in supputandis parentelæ gradibus, vel in eo perseverare debeam, quod ante descripsi; vel usurpare potius quod nuper inveni, ut dum a te mihi multis onerosa dubietas tollitur, a multis tibi per me digna gratiarum actio referatur.

Sit nomen Domini benedictum.

197-198 OPUSCULUM NONUM.

DE ELEMOSYNA. AD MAINARDUM EPISCOPUM URBINATEM.

ARGUMENTUM. — Præ cæteris virtutibus elemosinam potissimum commendat, in cujus laudes hoc Opusculo vir sanctus eloquentiæ laxat habenas, et omnes ingenii sui vires effundit.

Domno MAINARDO Urbinati venerande sanctitatis episcopo, PETRUS peccator monachus salutem in Domino.

Qui sub æstivo meridiatur umbraculo, et tunc in prælio non laborat, et tamen non incongrue de præ-

liis disputat. Non otiose quiescimus, si quiescendo de labore tractamus. Quo scilicet ordine vel dulcior fructus, vel feracior valeat exuberare proventus. Qui regia diversatur in curia, cunctas virium suarum dotes explorat, si quid est unde principalibus oculis

placere plurimum valeat, et in quo se reperit amplius posse, ibi se satagit enixius exercere. Alius siquidem robustior est in bello, alius prudentior in consilio. Ille dum perorat causas, luculenter ac lepide concionatur in publico; iste dum hunc æquare facultie urbanitate non possit, dictandi forte studio, vel etiam aucupio, sive certe venationis arte præcellit; et ut ad nostra veniamus, ait Moyses filiis Israel: « Separate apud vos primitias Domino: omnis voluntarius et prout animi, offerat eas Domino, aurum, argentum, æs, hyacinthum et purpuram, coccumque his tinctum, et byssum, pilos caprarum, et pelles arietum, ligna sethim, et oleum ad luminaria concinnanda (*Exod. xxxv*). » Quæ nimirum, quia omnes omnia non habebant, obtulit unusquisque quod potuit, et in ea re largior fuit, quæ sibiimet exuberantius abundavit, ut dum omnes offerrent quod singuli non haberent, unum multi Domino tabernaculum fabricarent. Nos etiam, qui nunc in hujus vitæ deserto tabernaculum constitimus, ut ingressi terram lac et mel manantem, in illa cælesti Jerusalem templum sub veri Salomonis imperio decedimus: quod nimirum non sit ex insensibilibus quibusque metallis, sed ex lapidibus vivis; et non decusatur rutilantium nitore gemmarum, sed spirituum radiat decore virtutum. Omnium quidem bonorum, Deo largiente, fieri participes possumus, omnia vero possidere æqualiter non valeamus. Nam et sancti Patres, qui nos ad cælestia præcesserunt, licet omnium virtutum ex divina fuerint opitulatione participes, non tamen in omnibus existisse creduntur æquales. Abraham siquidem cæteris fide simul et obedientia præfuit; Isaac nitida monogamie castitas decoravit (*Gen. xxii, xxv*); « Moyses, sicut ait Scriptura, vir mitissimus erat super omnes homines qui morabantur in terra (*Num. xii*); Eliam libertatis auctoritas reddit insignem (*IV Reg. i*); « Phinees zeli fervor, et ultio jure perpetuo constituit in conspectu Domini sacerdotem (*Num. xxv*); Joannem ad recubitus Domini pectoris virginitas exulit (*Joan. xiii*); Petrum vero præcipuus amor in Dominum ad percipienda primi pastoris jura provexit (*Joan. xxi*).

CAPUT PRIMUM.

Quod ex virtutibus una eligenda, cui magis serviamus.

Quamvis ergo unusquisque sanctus omnibus florere virtutibus necessario debeat (neque enim singula quæque vere virtus est, si mista aliis virtutibus non est) una tamen virtus cuique est præ cæteris eligenda, cui mens familiarius inhærendo deserviat, atque ab ejus, ut ita loquar, obsequio non recedat. In cunctis quippe virtutibus æque nos exercere non possumus, sed dum unam arctius custodimus, in hac, quod ex reliquis minus est, adimplemus; et dum hanc indesinenter amplectendo constringimus, quasi totum virtutum corpus unius membri participatione tenemus.

Quam itaque virtutem tibi persuadeo peculiariter

A exsequendam? Nunquid jejunium? Sed continuo respondebis: Si immoderatis corpus meum jejunio attero, imminentibus tot causarum discursionumque laboribus mox succumbo. Si psalmodiæ meditationes indixero, ab **199** orationis, iniquas, assiduitate præpedior, quoniam ad respondendum salutationibus amicorum, ac miscenda colloquia quotidie coactus impellor. Si nudis te, juxta morem apostolorum, pedibus hortor incedere; si duris, instar Joannis, membra tua ciliciis edomare; si denique te in exilium proficisci; si carcerali custodia te jubeam poenitentium more concludi, imminentem præsto causaberis ægritudinem, vel potius non te posse perferre tam duram corporalis incommodi gravitatem.

B Qui ergo membra tui corporis adhuc times affligere, imo quia temetipsum per acrimoniam poenitentiae necdum vales Deo sacrificium exhibere, ad ea, quæso, quæ circa te sunt, manum porrigere, et quia non te, saltem quæ tua sunt, impertire: carnem scilicet incisurus, satis tibi præsto, si tantum capillos attondeo; qui manus obtruncator adveniat, pius est, si unguis duntaxat excrementa præcidat. Quantum distat inter vulnus humanæ carnis et vestis, tantum inter hominem et hominis facultatem. Hoc modo Abraham pecus obtulit (*Gen. xxi*) ut filium conservaret, mactavit arietem ut custodiret hæredem. Hoc modo Michol posuit in lecto simulacrum ut a paternæ vesaniæ gladiis defenderet virum (*I Reg. xix*): et ut David veraciter

C viveret, quasi morientem eum caprina studeat pellucula simulare: « Pellem enim pro pelle, et cuncta quæ habet homo dabit pro anima sua (*Job ii*). » Tu quoque temetipsum propria facultate permuta, et tua fac interim sacrificium, ut ipse postmodum suscipi merearis in holocaustum. Non enim Deus sic accipit oblationem, ut despiciat offerentem: ut qui suæ facultatis oblatores extiterit, secunda cum uxore Manue valeat voce cantare: « Si Dominus, inquit, nos vellet occidere, de manibus nostris holocausta et libamenta non suscepisset (*Judic. xiii*). » Suscipit enim Deus per manus pauperis elemosynam, eamque tibi reconstituit in illa cælestis promptuarii securitate conservat. Unde Dominus in Evangelio: « Thesaurizate, inquit, vobis thesauros in cælo, ubi neque ærgo, neque tineæ demolitur; et ubi fures non effodiunt, nec furantur (*Matth. vi*). » Idcirco plane Deus omnipotens alios paupertate constringit, alios divitiarum copia dilatavit, ut illi habeant unde propria debeant peccata redimere, et isti unde suam valeant inopiam sustentare. Sicut scriptum est: « Redemptio animæ viri, divitiæ suæ (*Prov. xiii*). » Unde et Nabuchodonosor ait Daniel: « Quamobrem, rex, consilium meum placeat tibi, et peccata tua elemosynis redime, et iniquitates tuas misericordiis pauperum, si forsitan ignoret Deus delictis tuis (*Dan. iv*). »

Qui ergo divites sunt, dispensatores potius jubentur esse, quam possessores: et non proprii juris

debet deputare quod habent, quia non ad hoc bona transitoria perceperunt, ut deliciis affluant, vel in propriis hæc usus insumant, sed ut administrationis fungantur officio, dum in commisso permanent villicatu. Quapropter qui stipem pauperibus erogant, aliena reddunt, non sua distribuunt. Unde et Dominus elemosynam præcepturus ait: « Attendite ne justitiam vestram faciatis coram hominibus, ut videamini ab eis (*Matth. vi.*) » Non enim dicit, misericordiam vestram, sed justitiam vestram. Ille quippe facit **200** misericordiam, qui propria tribuit; ille vero justitiam facit, qui quod alienum est, reddit. Unde et Psalmista cum præmisisset: « Dispersit, dedit pauperibus; » non ait, misericordia ejus, sed, « Justitia, inquit, ejus manet in sæculum sæculi (*Psal. cxj.*) »

Cum ergo pauperibus subvenimus, aliena procul dubio reddimus, non nostra præbemus. Verumtamen apud pium iudicem misericordes esse decernimur, cum hæc ipsa, quæ non nostra, sed communia sunt, fideliter dispensamus: et cum juste, quæ aliena sunt, reddimus, apud eum qui cordis intima conspicit, misericordiæ præmio non caremus. At contra, qui nunc pauperibus subvenire contemnunt, in tremendæ discussionis examine non tam accusantur avaritiæ quam rapinæ: nec suorum tenaces sed alienorum potius convincuntur fuisse raptores. Quibus utique summus arbiter dicturus est in iudicio: « Discedit a me, maledicti, in ignem æternum, qui paratos est diabolo et angelis ejus. Esurivi enim, et non dedistis mihi manducare; sitiivi, et non dedistis mihi bibere (*Matth. xxv.*) » Ac si dicat: quia nolulistis ea ministrare conservis, quæ pro illorum refrigerio percepistis, voracis gehennæ vos olla deglutiat, quos per cupiditatis ardorem alienorum honorum rapina condemnat. Et cum alienum a nobis sit, quod in hac vita dispensandum suscepimus; nostra vero sit cœlestis gloria, quam speramus, competenter his illa sententia congruit, quam Dominus in Evangelio dicit: « Qui in alieno fideles non fuistis, quod vestrum est quis dabit vobis? » (*Luc. xvi.*) Ille certe fidelis in alienis exstiterat, qui de se confidenter aiebat: « Benedictio perituri super me veniebat, et cor viduæ consolatus sum: oculus fui cæco, et pes claudis; pater eram pauperum (*Job xxix.*) »

O quam fidelis in alienis exstiterat, et quam firma spe de propriis confidere poterat, cum et alibi se denotando clamabat: « Si negavi, inquit, quod volebant, pauperibus, et oculos viduæ expectare feci; si comedi buccellam meam solus, et non comedit pupillus ex ea; quia ab infantia mea crevit mecum miseratione, et Je utero matris meæ egressa est mecum (*Job xxxi.*) » Ubi adhuc apte subiungit: « Si desepi prætereuntem eo quod non habuerit indumentum, et absque operimento pauperem; si non benedixerint mihi latera ejus, et de velleribus ovium mearum calefactus est (*Ibid.*) » Vide quam longus sit misericordiarum iste catalogus, ut nil

prorsus omittat, quin omnium necessitatum modis occurrat, cunctis egestatum vulneribus velut medendo subveniat.

Porro autem dum indigentibus in necessitate succurrimus, veritatem simul et misericordiam adimplemus. Misericordiam scilicet, dum inopibus pie compatiatur; veritatem vero, id est justitiam, dum non illis nostra, sed quæ sua sunt, ministramus. Hinc est quod in Proverbiorum libro Salomon ait: « Misericordia et veritas non te deserant: circumda eas gutturi tuo, et describe in tabulis cordis tui, et invenies gratiam et disciplinam bonam coram Deo et hominibus (*Prov. iii.*) » Rursumque scriptum est: « Misericordia et veritas præparant bona; in omni opere bono erit abundantia (*Prov. xiv.*) » Et ne pietatis **B 201** opus segnitius ignava decrepescit, sed devotio celeris ac prompta commendet, alibi dicit: « Ne dicas amico tuo, vade et revertere, et cras dabo tibi, cum statim possis dare (*Prov. iii.*) » Tremat enim manus avari cum tribuit: et sicut æger exhorrens amarescentis antidoti differt poculum, sic iste daturus aliquid differt in posterum. Ille siquidem exasperantis potus nauseat amaritudinem; iste si dederit aliquid metuit egestatem: ideoque licet vel in bibendo, vel in præbendo necessitatis tempus immineat, uterque tamen in posterum quod abhorret, interjecta dilatione reservat. Plane largus et liberalis animus facit divitem, pavor atque tenacia reddit egentem. Unde scriptum est: « Substantia divitis urbs fortitudinis, pavor pauperum egestas eorum (*Prov. x.*) » Pavor **C** enim degenerem animum compellit egere, licet divitiarum copiis videatur affluere.

CAPUT II.

Elemosynæ præmium quodnam sit.

Tu autem, dilectissime, noli fratrem tuum in præsentī necessitate despiciere, si Deum tibi desideras in ultimæ necessitatis articulo subvenire: « Beati siquidem misericordes, quoniam ipsi misericordiam consequentur (*Matth. v.*) » Porro si dederis homini pecuniam tuam in fenus, centesimam recipis: si vero pauperibus, secundum divina mandata centuplum consequeris: quod si hoc parum videtur, et vita tibi cumulat æterna. Non ergo melius est te recipere centuplum quam centesima esse contentum? Noli ergo despiciere proximum, si non vis Deo despicibilis apparere. Unde et Salomon ait: « Qui despiciat proximum suum, peccat; qui autem miseretur pauperi, beatus erit (*Prov. xiv.*) » Ubi mox additur: « Qui credit in Domino misericordiam diligit (*Ibid.*) » Plane si is qui credit in Domino misericordiam diligit, dicendus est ille non credere, qui convincitur misericordiam non amare. Cur autem iste non credat, alia ejusdem libri sententia declarat; ait enim: « Feneratur Deo qui miseretur pauperi, et vicissitudinem suam reddet ei. »

Non itaque credit in Domino, qui sua sibi timet bona committere, dum ea non vult indigentibus exhibere. Nam si in Domino veraciter crederet, fenerari sibi tanquam fidei scilicet debitori facultatis suæ

depositum non timeret : de cuius autem fide qui dubitat, eum procul dubio non honorat ; cum scriptum sit : « Honora Dominum de tua substantia (Prov. iii.) » Et alias dicitur : « Qui calumniatur egentem, exprobrat factori ejus : honorat autem eum qui miseretur pauperi (Prov. xiv.) » Et iterum : « Facere misericordiam et iudicium, magis placet Deo quam victimæ (Prov. xxi.) » Eleemosynarius enim quisque misericordiam facit, dum indigentibus in necessitate compatitur ; iudicium vero, dum eis non propria, sed eorum bona largitur. Sed ex his dum alienam in præsentî sustentat inopiam, æternas sibi in futuro divitias parat. Unde scriptum est : « Qui dat pauperi non indigebit : qui despiciat deprecantem, sustinebit penuriam (Prov. xxviii.) » Deponit enim dives quod indigentibus tribuit, et nunc quasi mutæ **202** pecuniæ depositum credit, quod in æterna vita multiplicatis fenoribus recipit. Et qui nunc fit per misericordiam creditor, in retributione postmodum felix erit exactor. Unde scriptum est : « Pauper et creditor obviaverunt sibi, utriusque illuminator est Dominus (Prov. xxix.) » Et de muliere forti, per quam vel sancta universalis Ecclesia, vel unaquæque fidelis et pia intelligitur anima, in Proverbiis dicitur : « Manum suam aperuit inopi, et palmas suas extendit ad pauperem (Prov. xxxi.) » ubi mox apte subjungitur : « Non timebit domui suæ a frigore nivis ; omnes enim domestici ejus vestiti sunt duplicibus (Ibid.) » Quisquis enim nunc operimento geminæ charitatis induitur, tanquam duplici veste contactus nequaquam futuræ nivis frigore constringetur : et quem nunc charitatis ardor inflamat, tunc pœnalis algorem nivis ignorat. De qua videlicet nix futuri supplicii, et per B. Job de reprobo viro dicitur : « Ad nimum calorem transeat ab aquis nivium, et usque ad inferos peccatum illius, obliviscatur ejus misericordia (Job xxiv.) » Dignum quippe est ut qui in hac vita per ardorem concupiscentiæ carnalis exarsit, a calore vero misericordiæ frigidus et constrictus obtorpuit, illic ad calorem nimum transeat ab aquis nivium ; ut sicut hic duabus deliquit offensis, ita geminis crucietur in gehenna suppliciis : et illic ejus versa vice misericordia obliviscatur, qui nequaquam hic misericordiæ memor existisse convincitur. Præmitte ergo tibi, frater, opes tuas, unde postmodum vivas ; præcedant te facultates tuæ, quas in illa semper immortalitate possideas. Memento quod scriptum est : « Dives cum dormierit, nihil secum auferet : aperiet oculos suos, et nihil inveniet ; apprehendet eum quasi aqua inopia, nocte opprimet eum tempestas (Job xxvii.) »

Placeat ergo tibi consilium, quod per Salomonem datur : « Mitte, inquit, panem tuum super transientes aquas, quia post multa tempora recipies illum : da per te septem, necnon et octo, quia ignoras quid mali futurum sit super terram (Eccl. xi.) » Et iterum : « Mane semina semen tuum, et vespere ne cesset manus tua (Ibid.) » Legitur in Genesi : « Quia sevit Isaac in Gerara, et invenit in ipso anno

centuplum (Gen. xxvi.) » Sed quam feliciter seminat, qui dum subsidia indigentibus subministrat, pro avena triticum, pro pugillo chorum, pro grano metit acervum : terrenis plane cœlestia, transitorii mercatur æterna. Dicit Scriptura : « Quis potest dicere : Mundum est cor meum, purus sum a peccato (Prov. xx.) » quis enim gloriabitur castum se habere cor ? Sed eleemosynis solerter insiste, et mundum te ex divina pietate confide. Unde Salvator : « Quod superest, inquit, date eleemosynam, et ecce omnia munda sunt vobis (Luc. xi.) » Sicut enim ardor ignium metalli cujuscunque rubiginem, sic eleemosyna consuevit animæ purgare squalorem. Unde et vir sapiens : « Ignem, ait, ardentem exstinguit aqua, et eleemosyna resistit peccatis (Eccl. iii.) » ubi præsto subjungit : « Et Deus prospector est ejus, qui reddet gratiam, meminit in posterum, et in tempore casus sui inveniet firmamentum (Ibid.) » Deinde subjicit : « Fili, eleemosynam pauperis ne fraudes, et oculos tuos ne transvertas a paupere (Ibid. iv.) » Et rursus : « Animam esurientem **203** ne despexeris, et non exasperes pauperem in inopia sua. Cor inopis ne afflixeris, et non pertrahas datum angustiant (Ibid.) » Et multa alia, quæ vir iste propheticus de præroganda pauperibus pietate contexiit : et Evangelio necdum illucescente, tanquam sacerdos in Ecclesia prolixî sermonis seriem protrahit : quæ nos hic omnia simul exaggeranda non ducimus, ne fastidium legentibus generemus.

CAPUT III.

Quamnam eleemosyna major sit.

Sed cum per omnes sacri eloquii paginas eleemosyna prædicetur, et misericordia cæteris virtutibus antecellat, ac palmam inter opera pietatis obtineat : illa tamen misericordia supereminet, quæ de copia nuper ad inopiam devolutis auxilium præbet. Sunt namque nonnulli, quos honestioris quidem generis ordo nobilitat, sed indigentia rei familiaris angustiat. Plerique etiam equestris prosapiæ titulus adornant, sed domesticæ necessitatis inopia deprinunt : exigente generis dignitate compelluntur spectabilem interesse colloquiis, consensu quidem pariles, longe facultatibus inæquales. Sed licet eos domesticæ paupertatis sollicitudo disruiat, etiam si cogente necessitate ad extrema perveniant, alimenta petere mendicantes ignorant. Eligunt enim potius mori, quam publice mendicare, confunduntur agnoscî, verentur inopiam confiteri : et cum alii suam prædicent egestatem, imo nonnunquam modum exaggerando paupertatis excedant, ut uberioris stipem consolationis accipiant : isti quod patientur, occultando dissimulant, ne turpiter in oculis hominum signum aliquod suæ paupertatis erumpat.

Horum igitur indigentia potius valet intelligi quam videri : magis quibusdam signis erumpentibus conjici, quam manifestis possit indicîs deprehendi. De quibus utique non manifeste, sed occulte pauperibus quanta sit retributio Propheta designat, cum ait : « Beatus, qui intelligit super egenum et

pauperem (*Psal. xl.*). » Super pauperes quippe pauperes et bulgiolos, perasque gestantes, intellectu non indigemus, quos utique manifesta visione conspicimus: super ipsos autem pauperes debemus intrinsecus intelligere, quorum in superficie non possumus miseriam pervidere. « Beatus, enim, qui intelligit super egenum et pauperem; » et quare beatus? « In die, inquit, mala liberabit eum Dominus (*Ibid.*). » Felix ista promissio, ut postmodum in divino liberetur examine, qui nunc subvenit indigentibus in mœrore; tunc a miseria calamitatis eripitur, qui modo miseriam patientibus miseretur.

Sed audiamus adhuc quid Psalmista prosequitur: « Dominus, ait, conservet eum, et vivificet eum, et beatum faciat eum, et emundet in terra animam ejus, et non tradat eum in manus inimici ejus: Dominus opem ferat illi (*Ibid.*). » O quam gloriose mercatur, qui pro misericordia, quam pauperibus exhibet, totius Christianitatis orationem continuum promeretur! Omnis enim universalis Ecclesia toto terrarum orbe diffusa, pro illo Deum quotidie supplicat, **204** quæ videlicet hunc psalmum quotidiana jugiter devotione frequentat. Adde quod hæc oratio nunquam in divinæ clementiæ valet desinire contemptum, quæ videlicet a Spiritu sancto facta est, qui est ipsa remissio peccatorum. Quo enim pacto orationem a semetipso compositam non admittat? Quomodo quod orare docuit, non exaudiat? Beatus ergo, et vere beatus, qui intelligit super egenum et pauperem. Unde Moyses, imo Dominus per Moysen: « Si unus, ait, de fratribus tuis, qui moratur intra portas civitatis tuæ, in terra quam Dominus Deus tuus daturus est tibi, ad pauperem venerit, non obdurabis cor tuum, nec contrahas manum, sed aperies eam pauperi, et dabis mutuum, quo eum indigere prospexeris (*Deut. xv.*). » Et alibi: « Non deerunt pauperes in terra habitationis tuæ, idcirco præcipio tibi, ut aperias manum fratri tuo egeno et pauperi, qui tecum versatur in terra (*Ibid.*). » Scit enim omnipotens Deus, quoniam humana fragilitas pro sola sua justitia nunquam pervenire possit ad vitam, sed semper indigere misericordia: atque ideo per omnes sacrarum paginas Scripturarum eleemosynam laudat, misericordiam prædicat, viscera pietatis exhibenda pauperibus indesinenter inculcat: ut dum homo hominis miseretur, suis etiam meritis a Deo misericordiam consequatur: et dum sustentat propriæ naturæ consortem, sustentantem se habere mereatur auctorem: et quod exhibet proximo, ipse quoque consequatur a Deo. Sicut enim Conditor hominum et omnes electos ad regnum ab ipsa mundi prædestinavit origine, et tamen eos pro ipsius acquisitione regni præcepit infatigabiliter desudare, ut quod gratis a Creatore conceditur, suis homo laboribus assequatur; ita necesse est, ut qui per misericordiam a pio sumus auctore salvandi, ipsi quoque piæ humanitatis impendium non negligamus fratrilus impertiri. Unde Tobias ad filium: « Ex substantia, inquit, tua fac eleemosynam, et noli avertere fa-

ciem tuam ab ullo paupere: ita enim fiet ut nec a te avertatur facies Domini (*Tob. iv.*). » Ubi etiam discretionis modum ponit, et authenticam procul dubio regulam in qualibet possessionis atque substantiæ quantitate præfigit; ait enim: « Quomodo poteris, ita esto misericors; si multum tibi fuerit, abundanter tribue; si exiguum, etiam exiguum libenter impertiri stude (*Ibid.*). »

Cur autem hoc facere debeat, aperit, cum subjungit: « Præmium enim bonum tibi thesaurizas in die necessitatis: quoniam eleemosyna ab omni peccato, et a morte liberat, et non patietur animam ire in tenebras: fiducia magna erit coram summo Deo eleemosyna, omnibus facientibus eam (*Ibid.*). »

CAPUT IV.

B Quod qui eleemosynam vel effectum, vel affectum non præstat, charus Deo esse non potest.

Enimvero ut hujus rei summam brevi complectar eloquio, nunquam Deo charus erit qui vel effectum vel affectum eleemosynæ non habuerit: scilicet ut qui non habet rem, **205** habeat voluntatem: et dum domesticæ facultatis affluentia non exuberat, liberalis animi divitiis non amittat. Nam qui non habet cibum, habet forsitan tectum? non valet esurientem alimentis reficere, valet saltem lassescentem hospitalis humanitatis officio recreare. Memorans semper illud apostolicum: « Caritas fraternitatis maneat in vobis, et hospitalitatem nolite oblivisci (*Hebr. xiii.*) »; per hanc enim placuerunt quidam angelis hospitio receptis. Nonnulli sane dum pauperibus Christi januam cum visceribus claudunt, furandi crimen obijciunt, et dum eis hospitalitatis humanitatem per avaritiam subtrahunt, cleptem suspicari, jacturamque rebus domesticis se formidare confingunt: modo scilicet obesam faciem, modo ora rubentia subsannantes opponunt, et torosa brachia, robustosque lacertos agriculturæ fassionibus idoneos eriminatorum: Deum, qui talibus solatiantur, offendere, qui nimirum possent et alios sui laboris exercitio sustentare. Quibus profecto valde formidandum est, quod in Deuteronomio per Moysen Israelitico populo dictum est: « Ammonites et Moabites etiam post decimam generationem non intrabunt in Ecclesiam Domini in æternum, quia noluerunt vobis occurrere cum pane et aqua in via, quando egressi estis de Ægypto (*Deut. xxiii.*). » Nam si gentes illæ legem utique non habentes, idcirco ab Ecclesia Dei irrevocabiler excluduntur, quoniam inimicis etiam suis per humanitatis officium occurrere neglexerunt; quam terribili sententia digni sunt qui viscera sua ab indigentibus proximis claudunt? qui charitatem fratribus non impendunt? Hi nimirum tant ex sacrosancti baptismatis fonte congeniti, cum his ex utero matris Ecclesiæ sunt egressi: et cum quibus Dominici corporis et sanguinis mensa participant, his cibum, qui in secessum digerendus est, negant.

Et qua conscientia nos ab eleemosynarum erogatione torpemus, qui videlicet in ecclesiastica pace quiescimus, cum et sancti apostoli, qui adversus

totum mundum fuerant velut in bella congressi, in hujus gratiæ studio legantur exstitisse solliciti? Nam si liceret aliis, illi potuissent non inconvenienter ab hac sollicitudine feriari: qui nimirum et ad spargendum novæ fidei sēmen intenti, et in tam acerrimo contra mundi perfidiam laborabant certamine constituti. Sed nullus persecutionis labor ab exhibenda fratribus humanitate compescere, nulla prædicationis instantia potuit eos ab impendenda pauperibus misericordia cohibere. Unde Paulus ad Galatas: « Petrus, inquit, et Jacobus, et Joannes, qui videbantur columnæ esse, dexteras dederunt mihi, et Barnabæ societatis, ut nos evangelizarem in gentibus: ipsi autem in circumcisione, tantum ut operum memores essemus: quod etiam sollicitus fui hoc ipsum facere (*Galat. ii.*) » Ad Corinthios quoque dicit: « De collectis autem, quæ fiunt in sanctos sicut ordinavi Ecclesiæ Galatiæ, ita et vos facite per unam Sabbati: unusquisque vestrum apud se ponat, recondens quod ei bene placuerit, cum autem præsens fuero, quos probaveritis per epistolam, hos mittam perferre gratiam istam in Jerusalem (*I Cor. xvi.*) » Tantaque fuerat erga pauperes in apostolis liberalitas, ut in eorum Actibus legatur: « Qui frangebant 206 circa domos panes, et sumebant cibum cum exultatione et simplicitate cordis collaudantes Dominum (*Act. ii.*) » Circa domos, inquit, non intra domos; quorum scilicet vestigia non sequuntur, qui pransuri pessulos ac repagula foribus clausis obijciunt, vectes seris innectunt: sicque se contra pauperes tanquam adversus circumfusas hostium acies in obsidione præmuniunt.

CAPUT V.

Quod parentum elemosynæ filiorum res crescit.

Gerardus certe de Farvaldo, ex Ravennæ urbis primoribus fuit, quem grandævæ jam et persenilis ætatis olim puerulus vidi: de quo nimirum referri frequenter audivi: quia cum aliquando populus inopia laboraret, adeo ut nonnullos etiam valida fames extingueret, ille cum successura sibi nepotum quoque jam soboles non deesset, accisis frugibus etiam prædia nonnulla distraxit, et alimenta quæ potuit, indigentibus erogavit: ipse quoque tunc patentibus foribus pauperum valletus agmine comedeat, cibisque consumptis adhuc esurians, cum vel sibi, vel illis quid adderet non haberet, eorum compassione lacrymans flebat: cujus hodieque progenies divitiis floret, et plura, quam avita fuerint patrimoniam, possidet.

Waltericus præterea, qui dum adversus hæreticos dimicaret, insignis effectus est martyr, sicut Andreas venerabilis Spoletanæ Ecclesiæ nobis episcopus retulit, dum aliquando domum matris inviseret, pauperulum quemdam præ foribus reperit, qui se conquereretur herbarum fasciculum collegisse, sed sal, unde pulmentum illud condiret, ab eadem matrona percipere nullatenus potuisse. Cumque vir sanctus maternum ingressus hospitium, aliquantulum salis in vasculo reperisset, vehementer iratus, vas cum sale

corripuit, et per plateam ad matris injuriam sparsit dicens: illud non debere comedi prorsus a Christiano, quod per avaritiam negatum est Christo. Sed paulo post diem vas, quod reposuerat vacuum, non sine stupore miraculi, sale repletum est plenum.

Mainfredus quoque marchio, qui in ultimis Liguriæ principatus est finibus, ferventissimo cum uxore sua studio in sustentatione pauperum claruit: de quo nimirum (ut cætera taceam) illud unum celebri solet redolere memoria: quoniam in ipso sacrosanctæ Resurrectionis die cum domus ejus auleis ac blathinis ornatibus tanquam regale palatium resplenderet, copiosi sumptus affluerent, eumque non modica candidatorum turba clientium constiparet, instrui magnifice convivium fecit, et ordinatis per omnes mensas diligenti cura pauperibus, ipse cum suis servis dapifer ministravit: quibus sufficienter impletis, ipse cum suis quod cibum residuum fuerat, quasi privatus accepit: ut Paschalis illa solemnitas in pauperibus entesceret, patremfamilias vero domus privata refectio sustentaret. De quo etiam vir Dei, Dominus meus Leo venerabilis eremita, qui per continuum jam fere vicennium in cellula reclusus audivit, hoc insigne perhibuit: quia cum in præfati marchionis eremo ipse 207 cum nonnullis fratribus habitaret, hanc sibiimet legem uxor ejus indixerat, ut quodcumque sibi necessarium eremitarum nuntius peteret, ipsa protinus aucto fenore geminaret: videlicet cum iste quinque fortassis exigeret solidos, illa decem traderet: cum iste decem, illa viginti continuo numeraret. Sed quoniam oblitus sum, dabito certe, an hoc ipsum, et alibi forte conscripserim. Veruntamen quod ædificationis est, melius est relationibus iterari, quam per silentium oblivione deleri. Cum itaque tam largus ad erogandas indigentibus stipes exstiterit, cum sex, sive septem, si rite teneo, non minima monasteria in proprii juris possessione condiderit, prædiis et ornamentis munifica liberalitate ditaverit, nunquid propterea sibi progenies egena succeditur? Absit. Videmus enim nepotes ejus mirandæ scilicet indolis pueros maximam partem etiam regni Burgundiæ possidere: quorum insuper soror imperatori nostro sponsali cognoscitur jure dotata. Cur ergo timemus Deo redhibere quod contulit, quod et in hac vita nobis, vel nostris hæredibus restituitur, et in illa cælestis regni gloria sub fenore multiplicatæ retributionis augetur?

CAPUT VI.

Quod bonorum temporalium affluentia ex elemosyna oriatur.

Hoc etiam nosse operæ pretium deputo, quod Bernardus marchio, qui homo defunctus est, sæpius referebat: aiebat enim, quia vir quidam in Tentorum finibus, unde videlicet ipse quoque oriundus exstiterat, optimum proprii juris prædium diversorumque proventuum copiis affluenter uberrimum possidebat; habebat autem duodecim filios: cæpit interea cogitare, quid post ejus obitum fieret, si

unius possessionis hæreditatem inter tot divideret coheredes. Dicebat enim : Ego quidem, qui totum hoc solus habeo, sufficienter et pacifice vivo; sed ubi tot divisores emerisint, quis eorum simulates? quis orientia inter illos livoris et odii jurgia sustinebit? Non enim illic esse poterit unitas voluntatis, ubi tam multifaria fuerit diversitas facultatis. Coloni præterea, qui nunc uni parere domino sunt contenti, non sine gravi suæ quietis injuria tot dominorum populo sunt responsuri. Tili ergo, Deus omnipotens, quidquid est, mei juris allodium trado, te solum hæredem meæ possessionis eligo; filios autem meos tibi commendo; fac eis quod in oculis tuis beneplacitum fuerit. Et hoc dicto quantum suum sagittæ profundius alligavit, eamque curvato fortiter arcu, in vasti aeris superiora conjecit. Sed mox sagitta sine quanto in terram relapsa est : ut evidenti monstraretur indicio, quia donum, quod fidei obtulit, clementia divina suscepit. Tunc ille de sui muneris oblatione fidentior et alacrior factus, possessionem suam cuidam Ecclesiæ tradidit, eamque sibi perpetuo jure per stipulationes ac rata firmavit. Brevi vero post hæc filii ejus tanta bonorum affluentium subtundantia præditi, tot prædiorum ac censuum copia sunt magnifice dilatati, ut eorum quisque summam paternæ facultatis excederet, eisque circumflua mundi prosperitas in omnibus arrideret. Sic sic qui investituram quanti de manu patris in cælo recepit, super filios ejus imbrem suæ benedictionis exuberanter influxit. Quod igitur in terra Deo datur, in cælo recipitur : et inde sperandum est præmium quo præcessit munus oblatum. Hinc est quod angelus Domini Cornelio dixit : « Orationes tuæ, et eleemosynæ tuæ ascenderunt in memoriam in conspectu Domini (Act. x). » O felix tale commercium, ubi homo fenerator, et Deus fit omnipotens debitor : et fidenter ei possumus compensationis nostræ debita digna reposeere, si nostris eum satagimus muneribus prævenire.

Nam et tempore Gregorii papæ (ejus nominis sextus), qui Gratianus dicebatur, recolo contigisse quod narro (sicut enim mihi Bonizo, grandævus videlicet vir, rector monasterii sancti Severi juxta urbem veterem constituti, retulit). Scotigenarum rex primævo tunc adolescentiæ flore pubescens, quia pater obiit, ei mox in regalibus fastigiis jura successit; sed cum sollicite consideraret quam fragile sit quidquid in hoc sæculo tunc, quam labile quod supereminet, quam velociter exstinguibile sit omne quod splendet, cum conjugatus jam esset, decrevit regales infulus regni cælestis amore deponere; coronam capitis, purpuram cuculla mutare. Quid plura? simulat orationis studium, aggreditur expeditionis Romanæ procinctum. Apostolicorum itaque liminum devotione completa, ignorat clientium comitatu, monachicum habitum latenter induit, et sic a se mundum cum regno bene semetipsum furatus abiit : qui mox languore percussus, ad extrema peruenit, et usque ad obitum hoc tanquam fœderatæ conventionis elogium inclamare non destitit : Domi-

ne, feci quod præcepisti; adimple quod promisisti. Nimirum in vinea constitutus reposcebat nummum, quia patrisfamilias se noverat implese præceptum; et licet undecima fuisset hora conductus, exigebat requiem post laborem, et expleto reposcebat operatione mercedem. Non ergo dubitemus nunc Deo vel nos, vel nostra præbere, ut ea postmodum tota valeamus auctoritate reposecere. Et dum comedimus, non compellamus egenos parcius ministrando tantquam sobrios ligurire, dum ipsi turritæ lanceis edulium non gravemur absumere : nec eis, sicut a quibusdam fit, cochlearis est adhibenda mensura, cum nobis ollæ, vel cacabi vix sufficiant.

Fulcranus nempe cujusdam Gallicæ regionis episcopus (qui mihi reverendus in Christo Hugo Cluniacensis abbas retulit), dum a suo requireretur æconomus quid sibi parari vellet, aiebat : Juxta numerum convenscentium, prout tibi visum fuerit, præpara : pro me vero solo porcum optimum, pinguem nimis et grandem opipatoribus exhibe, ut ne tenuem quidem lenticulam ex eo quisquam debeat absque mea persona gustare. Discumbens itaque cum convenscentibus ipse pauperibus, totam cum eis omnino viciliam non consumebat, nec cuiquam præter eos vel minimam carnis officulam porrigebat.

209 CAPUT VII.

Eleemosyna defunctis prodest, demonibus invisa.

Klem mihi sanctus abbas iterum retulit quia vir quidam dum orationis studio diversa mundi loca percurreret, impegit in eremum, ubi sanctus quidam frater in cellula morabatur : qui post aliqua peregrinum subtiliter inquisivit, utrum Cluniacense monasterium nosset. Cui subsequenter ex hoc intulit : Queso te, inquit, per charitatem Dei, frater mi, ut si locum illum venerabilem te fortassis adire contigerit, denunties fratribus et abbati, quatenus ab eleemosynarum studio non tepescant, sed pietatis operibus, sicut assueti sunt, perseverant constantia vigilanter interveant. Hic enim gehenna flammis vaporantibus æstuat, et hinc animæ damnatorum, me frequenter audiente, cum magnis ejulatibus, fleuntque stridoribus merguntur in tartarum : sed orationes et eleemosynæ præfati monasterii malignis spiritibus valenter obsistunt, et tanquam prædam ex eorum manibus multos eripiunt. Peregrinus itaque longo post tempore ad mcrasterium venit, et quæ sibi mandata fuerant, fratribus per ordinem nuntiavit.

Illud præterea satis indignamur, quod a quibusdam fieri non ambigimus : ut ipsi videlicet initantur excelsæ mensæ fastigio, pauperes vero qui ab eis aluntur, inter cauum greges in nudo resideant pavimento. Illi utantur mantilibus acu variante depictis, istis alimenta ponantur in gremiis. Gothfredus plane clarissimus dux et marchio mihi perhibuit in propriæ regionis historia contineri, quoniam Carolus imperator quindecim vicibus cum rege Saxonum, qui gentilitatis adhuc detinebatur errore, bellum commisit, quindecies perdidit; tribus vero consertis

postmodum præliis Carolus superavit, eumque potestremo captum victor obtinuit. Aliquando sane dum Carolus idem excelsa, ut assolet, inthronizatus arce discumberet, pauperes vero, quos alebat, solotenus ignobiliter residerent, rex qui remota procul ab imperatore mensa prandebat, talia per nuntium legata direxit : Dum vester, inquit, Christus sese perhibeat in pauperibus recipi, qua fronte persuadetis nostra sibi colla submitti, quem vos ita despiciitis, eique nullam honoris reverentiam exhibetis? Ad quod imperator corde compunctus erubuit : et ex ore gentilis hominis evangelicam prodire sententiam vehementer expavit. Ait enim Dominus : « Quod uni ex minimis meis fecistis, mihi fecistis (*Matth. xxv.*) » Lætatus ergo rex dum a tali correptus, utpote qui necdum fidei rudimenta perceperat, jam fidei fructum, misericordiæ scilicet opera prædicabat.

Illud præterea summopere notandum est, quia pedes lavare pauperibus saluberrimum est. Unde Dominus ait discipulis : « Si ergo Dominus et magister vester lavi vobis pedes, quanto magis vos debetis alter alterius lavare pedes? » (*Joan. xiii.*) Et ut hoc mandatum firmiori adhuc auctoritate statueret, eorumque mentibus hoc arctius inculcaret, adjecit : « Exemplum enim dedi vobis, ut quemadmodum ego feci, ita et vos **210** faciatis (*Ibid.*) » Nam cum pauperum pedes in ejus qui præcepit devotione lavantur, lavantis profecto et anima simul et corpus a peccatis abluitur. Unde et Petrus ait : « Domine, non tantum pedes meos, sed et manus, et caput (*Ibid.*) » Cur itaque Petrus non alia corporis membra eam pedibus præter manus et caput obtulit, nisi quia per hæc, opera corporis et cogitationes mentis expressit? Caput enim pro mente, manus vero pro toties ponitur corporis actione.

Porro Mainardus venerabilis Sylvæ Candidæ episcopus mihi retulit quia Nicolaus papa, piæ memoriæ, qui ante triennium ex hac in Domino luce migravit, nunquam in toto anno prætermittebat diem, quin pedes duodecim pauperibus semper ablueret. Quod si facere per totum non occurreret diem, lucidum pietatis opus explebat in nocte. Sed quoniam de privilegio misericordiæ, et eleemosynarum dignitate plus mihi datur videre quam dicere, in ejus præconium libet breviter exclamare.

CAPUT VIII.

Laus eleemosynæ.

O virtus e.eemosynæ, quæ velut fluentum fontis irrigui, et peccatorum inquinamenta detergis, et æstuantium vitiorum flammam exstinguis! O felix eleemosyna, quæ de gehennæ barathro tenebrarum filios extrahis, et adoptatos luci perpetuæ regnis cœlestibus introducis! Tu de manibus pauperum volas in cœlum, et illic tuis amatoribus paras hospitium. Si vinum es, non coacescis; si panis, non emitis mucorem; si caro, vel piscis, non verteris in putredinem; si vestis præterea, nullam contrahis vetustatem : recens jugiter servaris et nova, et mox ut tuus oblator obierit, ad eum illico multiplicata reverteris. Tu de jacentibus sub criminum squalore conspicuos; tu de damnabilibus sanctos, tu facis de gentilibus Christianos. Quod nimirum Cornelius probat, cujus eleemosynæ ad divini conspectus culmen ascenderant (*Act. x.*).

O dives eleemosyna, quæ tuis amatoribus præoes hereditatem immarecscibilem, et cœlestis curæ dignitatem! O miranda misericordiæ virtus, quæ peccatorum omnium rubiginem purgat, frementium vitiorum incitamenta mortificat, et splendore cœlestis gratiæ tenebrosas hominum mentes illustrat! Hæc Deum facit hominibus debitorem, ut regnum sibi cœlorum non jam quasi quod alienum est, quærant : sed vel uti quod sui juris est, audacter invadant. O felix misericordia, quæ de miseria quidem nasceris, sed veram tuis executoribus beatitudinem parit! Tu negotiatrix omni mangone prudentior, quæ terrenis mercibus cœlestia comparas, et transitoriiis æterna permutas. Felices munditiæ tuæ, in quibus datur hospitium, suscipitur habitaculum, prebetur panis exiguus, recipitur regnum, porrigitur munus, comparatur aula cœlorum.

Inter cæteras ergo virtutes, venerabilis frater, quibus sanctitatis tuæ non ambigimus florere prudentiam, hanc specialiter arripe, in operibus te pietatis exerce, misericordiæ semper visceribus afflue : ut qui nunc Christi pauperibus misereris, a Christo postmodum misericordiam consequaris.

Sit nomen Domini benedictum.

211-212 OPUSCULUM DECIMUM.

DE HORIS CANONICIS. AD T. . . VIRUM CLARISSIMUM.

ARGUMENTUM. — Canonicarum horarum originem, et mysteria declarat, earumque utilitates enumerat. Quapropter hortatur virum quemdam nobilem, ad quem hunc libellum mittit, ut canonicas horas audire, aut ipse recitare non negligat, nullisque occupationibus a tam pio opere avocari se patiat; officium quoque B. Virginis eidem magnopere commendat.

Domno T.... viro clarissimo, PETRUS peccator monachus orationes in Christo.

Dum tecum, dilectissime, in episcopali Ravennæ palatio colloquens, nonnulla tibi vivendi præcepta

suggererem, atque ad religionis studium quibusdam te exhortationibus provocarem, tandem ad hoc processit oratio, ut assererem canonica septem horarum officia ab omnibus Christianis fidelibus Deo quotidie quasi quoddam servitutis pensum debere persolveri. Sed quod tunc lingua decurrente prolatum est, apicibus tradere necessarium duxi; ne quod ad momentum simplicibus verbis audisti, facilius exciderat, sed subjectum oculis per styli currentis articulum memoriæ tenacius inhaerescat.

CAPUT PRIMUM.

Peccatorum effectus.

Septem plane sunt principalia vitia (*Consule scholia ad calcem opusculi*), ex quibus cæteræ vitiorum pestes oriuntur: quæ nimirum sunt superbia, avaritia, vana gloria, ira, invidia, luxuria, tristitia. Hæc itaque, quia causa sunt omnium et origo malorum, sub eodem numero suos habere noscuntur effectus: septem videlicet criminalia peccata, id est, adulterium, homicidium, furtum, perjurium, falsum testimonium, rapinam, et blasphemiam. In quibus videlicet tam certa, tam manifesta mors est animorum; ut quisquis in quolibet horum deprehensus obierit, evadere damnationis æternæ sententiam nullatenus possit. Rursus septem sunt levia, minimaque peccata, in quibus non solum peccator, sed et justus quisque quotidie labitur, etiamsi in excelso jam perfectionis culmine stare videatur. Quæ profecto sunt, cogitatio, ignorantia, inconstantia, necessitas, infirmitas, obliquo, obreptio: per quæ videlicet in quotidiana semper conversatione delinquimus, atque ideo contra peccati vulnera quotidianæ curationis necessario remediis indigemus. Unde scriptum est: « Septies in die cadit justus, et resurgit (*Prov. xxiv*). » Qui nimirum et septies cadere, et tamen justus esse describitur: quia justus esse etiam peccando non desinit, dum non ex proposito, sed ex humanitatis fragilitate delinquit.

Propter hæc igitur septem levia, parvaque peccata, quæ pro fragilitatis humanæ debilitate cavere non possumus, hoc ex magisterio Spiritus sancti a piis Ecclesiæ doctoribus institutum est, ut vota nostra Deo per unumquemque diem septies persolvamus. Hæc sane septem canonicarum horarum officia, quasi septem baptismatum lavacra, in sanctæ Ecclesiæ sunt gremio constituta: ut septem offensionum maculas, quas ex quotidiana vitæ hujus conversatione contrahimus, totidem, ut ita loquar, orationis quotidianæ fluentis expiare curemus; quatenus assiduum corruptibilis vitæ pulverem satisfactionis aura decutiat, et mundanæ conversationis lutum superfuse orationis frequens unda detergat.

CAPUT II.

Horæ autem, e quibus loquimur, sunt hæc: Matutina videlicet, Laudes, quæ inter diluculum incipiendæ sunt et auroram: deinde, Prima, Tertia, Sexta, Nona, Vesperum et Completorium. Dicendum est autem quot psalmos uniuscujusque horæ officium teneat, et cur præscripto numero non in-

fra sit, vel excedat. Matutinum denique quinque laudibus constat, quatuor videlicet psalmis et uno cantico. Et congrue dum diurna lux erumpit, Deo 213 laudes offerimus, quia sub exterioris lucis specie solem justitiæ Christum nostris dilucentem cordibus expectamus, et tanquam advenienti jam sponso tota gaudens atque tripudians occurrit Ecclesia. Sic quinque laudibus, ac si totidem acceptis lampadibus adornata, et velut ultimatæ jam excitationis clamore in cordis aure conceptæ: ecce sponsus venit, exite obviam ei, consequenter illud evangelicum speciatenus impleatur: « Tunc surrexerunt, inquit, omnes virgines illæ, et ornaverunt lampades suas (*Matth. xxv, 25*). »

Quod autem in hujus matutinæ laudis officio canticum quotidie psalmis adjungitur, utriusque vitæ, contemplativæ scilicet et activæ, mysterium redolere videtur. Psalterium quippe, vas videlicet in modum claviculæ factum, per decem cordas plectro pulsante crispatur; canticum vero solo duntaxat organo vocis exprimitur. Quapropter illud, quia manibus indiget, operationem ac per hoc activam denotat vitam; istud vero quia adjubulum pertinet, contemplativam. Et quoniam contemplationi paulisper, et ruptum vix ad momentum insistere possumus, jugiter autem in activæ conversationis administratione versamur; jure pluribus psalmis, unum tantummodo canticum interponimus. Sicut enim a piæ operationis exercitio ad contemplationis culmen ascendimus, et, post speculationis intimæ brevissimum punctum, mox ad ejusdem activæ vitæ ministerium declinamus; nimirum ut contemplatio nostra et ab activa vita incipiat, et in eadem necessario terminetur; sic psalmis canticum nec præponimus, nec omnino supponimus; sed altrinsecus positus hoc semper penultimum collocamus.

Porro autem quia per quatuor totius videlicet anni tempora, corpus nostrum ex quatuor nihilominus compositum elementis, actionis exercitio fatigamus, ideoque quatuor psalmos in hujus matutinalis officii celebratione concinimus. Quia vero in speculationis excessu unum solummodo, quod procul dubio Deus est, querimus, unum aequè canticum non immerito decantamus. Quod autem et Zachariæ canticum in fine synaxis adjicitur, et quia desinente, et imminente jam Novo Testamento factum fuisse cognoscitur, ipso etiam quod dicitur tempore mystice testatur, et noctem præcessisse vitiorum et diem, sicut Apostolus perhibet (*Rom. xiii*), appropinquare virtutum. Et hæc quidem de matutinis laudibus compendiosius prælibata sufficiant.

CAPUT III.

Cur in prima hora recitetur symbolum.

Primæ autem horæ, tertiæ, sextæ et nonæ ternis aequè psalmis continentur officia, sed a modernis primæ horæ congruenter catholica fides additur, quam Athanasius videlicet, Alexandrinus episcopus, divino suggerente Spiritu, sincerissime tradidisse cognoscitur. Nam quia fides fundamentum est, et

origo virtutum, recte canticum fidei primæ horæ conjunctum quodammodo diei totius obtinet **214** principatum. Enimvero trium horarum, tertiæ scilicet, sextæ, vel nonæ officia, ex Danielis prophetæ noscuntur ad nos emanare doctrina : qui nimirum sanctus, sicut ipsius testatur historia, in cœnaculo suo conversus ad Hierusalem tribus horis in die precum vota Domino persolvebat.

Accedit autem tertiæ horæ, quod longe est excellentius, quia in ipsa Redemptor noster, juxta Marcum, legitur crucifixus (*Marc. xv*), eademque diei hora apostolorum pectora mirificis sancti Spiritus recreavit adventus (*Act. ii*). Sexta quoque hora hoc habere privilegium noscitur, quod in ea Petrus supra cœnaculum nihilominus constitutus oravit (*Act. x*), et sub diversorum animalium, reptiliumque figura, omnium salutem gentium mystica revelatione cognovit : eademque hora Salvator noster, sicut alii testantur evangelistæ, reversa in patibulo crucis est pro omnium salute suspensus (*Matth. xxvii*; *Luc. xxiii*).

Verum ne quis forte suspicetur sanctos evangelistas, sicut videntur in verborum prolatione dissidere, ita etiam sensibus a semetipsis invicem dissentire, breviter dicimus; quia Marcus hora tertia crucifixum Dominum linguis asserit Judæorum; cæteri autem evangelistæ sexta hora suspensum perhibent affixione clavorum. Hora siquidem tertia clamavere, dicentes : *Crucifige, crucifige*; ac perinde Judæi crucifixure judicio, quem postmodum milites affixerunt suspendentes in ligno. Nona quoque hora proprii honoris titulo non privatur, dum in ea Dominus consummato passionis sæcæ mysterio, spiritum emisisse describitur.

Hæ igitur horæ, quæ inter cæteras diei horas habentur egregiæ, et sic propriis singulæ privilegiis, tanquam primates in turba specialium dignitatum quodammodo videntur infulus insignitæ, ternarii a se invicem numeri sunt intercapedine sequestratæ; ac perinde dum in earum singulis laudem vota persolvimus, eum nos colere, qui unus in Trinitate permanet, per ipsa quoque temporum curricula demonstramus. Quod autem per hæc quatuor horas non iidem psalmi apud diversos Ecclesiæ ordines deprimuntur; ut nimirum apud clericos quidem octavus decimus post centesimum sub incisionum suarum descriptionibus currat; in monasteriis autem cantica graduum consuetudinem teneant; si rem diligenter inspicimus, congruenter utrumque fieri liquido reperimus. Nam cum prolixus ille psalmus specialiter gradientium iter, non modo per mysticum dirigit sacramentum, sed in ipsa etiam verborum superficie viam frequentius sonet; canticum vero graduum ejusdem viæ gradus, salvo profunditatis suæ mysterio, ipsa etiam perspicui nominis expressione commendat; ad peragendum in Ecclesia Dei currentis officium utrumque perpenditur concorditer institutum. Et quia alterum ab altero intellectus varietate non discrepat, utrumlibet in-

ciem dum cantatur, a recta concordie linea non aberrat. Prima vero monachorum præter Dominicum diem convenienter a capite videtur inchoare psalterii, ut cum libri principio apte concordet diei quoque nascentis origo.

215 CAPUT IV.

Cur a clericis quinque, a monachis quatuor psalmi dicantur.

Vesperum autem non eundem psalmorum modum apud diversos ordines habet : nam apud clericos quidem quinque psalmos amplectitur; apud monachos autem quatuor solis expletur. Neutrum tamen ratione vacare cognoscitur, si dignæ discussionis indagine perquiratur. Nam de quinque vespere psalmis hæc eadem non absurde ratio redditur, quæ et superius absoluta de matutinis habetur. Nam quia humani generis iudex nocte venturus sit, ipso docente cognoscimus (*I Thess. v*), sed qua noctis hora, videlicet utrum media nocte, an galli cantu, an mane veniat, quia perhibente ipso, sicut fur venturus est, ignoramus; recte ergo sicut in matutinis, ita nihilominus in vespertinæ laudis officio, sponsum suum sancta electorum Ecclesia præstolatur, quæ per numerum est quinque prudentum virginum congrua designata : cui nimirum dum quinque psalmos bonis operibus ornata confubilat, accensis quasi totidem lampadibus in ejus occursum lætæbunda festinat. Qui vero quatuor psalmos instituit, ad hoc, nisi fallor, spectasse credendus est, quia sicut quatuor sunt vigiliæ militares, ita nihilominus et quatuor principales noscuntur esse virtutes, justitia scilicet, fortitudo, temperantia atque prudentia. In quibus utique per nocturnam mortalis hujus vitæ caliginem jugiter vigilandum est, et in procinctu spiritualis militiæ, in cujus arma juravimus, pro castris nostris longanimitè standum, et infatigabiliter decertandum. In hoc igitur vespertinæ laudis officio per quatuor quos modulamur psalmos instruimur, ut erga quatuor virtutum custodiam pervigiles excubemus.

Canticum quoque B. Dei Genitricis non incongrue vespertino copulatur officio. Illa siquidem velut emenso jam longo præteriti sæculi die, sub ipso scilicet mundi vesperscentis ocaasu, mox ut lumen æterni Verbi felicitis vulvæ flore concepit, protinus in vocem divinæ laudis erupit : « Magnificat, inquit, anima mea Dominum (*Luc. i*). » Ad instar ergo illius, quæ mater est Christi, et tota universalis Ecclesia, quæ Christianorum utique mater est, quæ et idipsa lumen portat in mente, quod dum gestavit in ventre, advesperascente jam die, digna Deum laude magnificat, ei de collatis beneficiis gratias agens, spiritus ejus in Deo salutaris suo gratulabundus exultat.

CAPUT V.

Cur tres psalmi dicantur a monachis.

Completorum quoque hæc diversitas variat, quod apud monachos quidem tribus, apud clericos autem quatuor psalmis constat. Sed de quatuor psalmis

eadem nihilominus ratio est reddenda, quæ et de vespertinæ laudis officio est superius absoluta: videlicet ut per quadrifidæ psalmodiæ numerum doceamur **216** arripere totidem consequenter arma virtutum: quibus accincti et latrocinantium vitiorum terga perfodere, et hostiles insidiatorum spirituum valeamus impetus propulsare. Huiusmodi nempe enarrat excubias Scriptura, cum dicit: « En lectulum Salomonis sexaginta fortes armati ex fortissimis Israel: unicuique ensis suus super femur propter timores nocturnos (*Cant. iii.*) » Ex debito autem reddendæ rationis super tribus psalmis sancta nos Trinitas expedit; sub cuius nimirum signaculo peractum diem completorium claudit. Sicut enim primæ horæ officium, ut prætaxatum est, S. Trinitatis fidei dedicatur, ita et completorium in ejusdem S. Trinitatis assertionem concluditur, ut cui totius diei cursus militare dignoscitur, in eum peractæ tandem lucis clausula terminetur. Hæc itaque de diurnis horarum officiis succincte perstrinximus, ut ad quid institutæ sint, vel cur sub præfixo psalmodum calculo terminentur, enucleatius pandere. Quisquis itaque septem hæc canonicorum horarum officia, quotidiana Deo devotione persolverit, si a gravibus illis criminibus omnimodis alienus, a levibus quoque septem, quæ superius enumerata sunt, in quantum humana fragilitas patitur, cum Dei subvenientis auxilio temperavit, ab his quæ cavere non potest, ut confidenter dicam, in examine tremendi iudicii absolutus erit; et quia nunc Creatori suo non negligit injuncta suæ servitutis obsequia reddere, tunc libera conscientia cum B. David, atque alacri poterit voce cantare: Septies, inquit, in die laudem dixi tibi, Domine Deus meus, ne perdas me (*Psal. cxviii.*).

CAPUT VI.

Quod continua Ecclesiæ oratio esse debeat.

Et quoniam ad continuæ orationis instantiam excitat nos evangelica tuba, dicens: « Quia oportet semper orare, et nunquam deficere (*Luc. xviii.*) » Et Apostolus: « Sine intermissione, inquit, orate (*I Thess. v.*) » Et hoc non solum die, sed et in nocte præceptum ecclesiasticæ impleat disciplina, diligentissime procuratum est, ut duodenis psalmis nocturnæ vigiliæ transigantur. Durum quippe fuerat, ut ægroti, sive prægnantes, ac quælibet ætatum sexumque diversitas, sicut in die per nocturna quoque horarum intervalla consurgeret, atque ad Ecclesiam festinaret.

Ut ergo laborem Ecclesiæ magistra discretio temperaret, exquisitum, atque altioris consilii dispensatione statutum, ut juxta nocturnarum horarum numerum nihilominus ad vigiliæ duodenis decurreret ordo psalmodum: ut quodammodo tota nox in oratione videretur expensa, dum totidem psalmos orando persolveret, quot videlicet horis et ipsa constaret. Hoc nempe nocturnum designat officium Propheta, cum dicit: « Media nocte surgebam ad confitendum tibi (*Psal. cxviii.*) » Quamquam et hæc omnia, octo

videlicet officia quæ descripta sunt, ita possint æquæ paritate distribui, ut ex his nocti quatuor, quatuor etiam diei competenter videantur aptari; quatenus vesperum, completorium, nocturnum, matutina laus ad noctem; prima vero, tertia, sexta et nona congrue conferantur ad diem. **217** Cui videlicet assertioni ipsa vespere ac primæ videntur astipulari vocabula, dum et vesperum a stella hespero, quæ sub ipso noctis initio clarescit, denominatur; et prima, quod a se dies incipiat, perspicua nihilominus sui nominis expressione testetur. Cumque vespera noctis, prima vero diei pandat initium, consequens est, ut ab altero nocturna, ab altero diurna inchoare perhibeantur officia.

CAPUT VII.

Mensuram refectionis excedentium pœna.

Hæc plane est quadriga duplex, in qua nunc ad cœlestia regna festinans, sancta vectatur Ecclesia: in hac denique quadriga iter diei, noctisque percurrens, illis qui dicti sunt: Currus Dei decem millia multiplex (*Psal. lxxvii.*), jam Deum laudando jungitur, quem postmodum videntur per speciem, eorumque felici consortio perfruetur. De quibus profecto per prophetam dicitur: « Quia non cessabunt nocte ac die clamare, dicentes: Sanctus, sanctus, sanctus, Dominus Deus Sabaoth: Qui est, et qui erat, et qui venturus est omnipotens (*Apoc. iv.*) » Quamquam igitur tota justi vita oratio sit rationabiliter asserenda, tamen et nos infirmi mandatum semper orandi a nobis impleri jure confidimus, si canonica hæc ecclesiasticæ institutionis officia quotidie persolvamus. Apud Gallias autem (ut specialis viri relatione didicimus) religiosi cœnobiolorum Patres videntes plerosque fratrum traditam a B. Benedicto (cap. 39) mensuram refectionis excedere, nec se posse intra præscriptum regularis diarii limitem cohibere, cautum duxerunt, ut constitutis quibusque horarum officiis, et alios adhuc psalmos apponerent; quatenus victus remissioris excessum augmento valeant compensare psalmodum.

At hic forte stomachatus inquis: Quid mihi, quæso, cum regula monachorum? Quid ad me et illa condiscere, quæ non expedit nosse? Sed qui quamlibet suscipit tractare materiam, non illi duntaxat, cui mittit, debet personaliter satisfacere, sed rem ipsam ventilatis undique partibus explicare: ut sic unus edulium, quod concupiscit, inveniat, ne frustratus alter stomacho vacante discedat. Hæc igitur ecclesiasticæ institutionis officia, vir nobilissime et prudentissime, noli unquam qualibet oblivione negligere, noli certum animæ tuæ remedium quantissimè causarum sæcularium occupatus negotiis præterire. Porro si in Ecclesia vel a sacerdote potius audire, securum est; alioquin si vel eques eveheis, vel ruralibus forte, sive quibuscunque laboribus exerceris, inter agendum, inter eundem vectigal Domini, quo censitus es, ea quæ suppetit, merce persolve. Nimirum si sunt psalmi, numerus impæatur: si unus tantum, prout canon postulat, iteretur.

Quod si expers es omnimodo litterarum, sola oratione Dominica poteris implere quod optas. Hæc itaque Christianæ servitutis officia, dilectissime, non obsequium, sed debitum deputa; et non voluntati sed necessitati prorsus ascribe: ut sicut Christianum te profiteri, signum tibi crucis imprimere, nomen Domini **218** quotidie non desinis invocare; ita et hæc aliquando nullis occasionum obicibus audeas præterire

CAPUT VIII.

De viro quodam pio et canonicarum horarum studioso.

Ut autem salutiferis exhortationibus facilius acquiescas, quod in ipso nuper ad vos itinere gradiens didici, brevitè explicabo. In Fanensi namque suburbio, tertio videlicet a mœnibus lapide, vir quidam habitat, et ordine simul et facultate mediocris: qui nimirum casu illic me adesse cognoscens, festinus accessit, et inter cætera castitatis quoque suæ munditiam, quam cum uxore servabat secretius indicavit. Monachus enim quidam ejus utique patruus uxorem illius sibi perhibuit aliquando pertinere, qui tamen præ simplicitate nimia, nonnullos etiam extraneos, propinquos consueverat appellare. Tunc ille verbum hoc lætus arripuit, et deliberans, ait: Melius est denique certæ castitatis nitore clarescere, quam sub incerti semper incestus formidine palpitare. Hic itaque canonicas horas, et ecclesiastica, cum potest non facile omittit officia: consuevit etiam per annorum jam plura curricula ad monasterium S. Paterniani quod prope muros ejusdem urbis positum est, præcipuis festiuitatibus properare, et nocturnas illic audire vigilias. Quod nimirum tam constanter agit, ut nec pluviarum inundatio ventuosa compescere, nec hiemalis possit asperitas retentare. Sæpe autem maligni spiritus eum in ipso itinere, ut terreat, inclamant, et strepitum quidem diæ vocis emittunt, sed cujuslibet corporeæ formæ speciem non ostendunt.

Ante annum autem nocte quadam dum ad prædictum monasterium properaret, ecce lupi simul et canes, furentiumque animalium diversa portenta facto agmine insurrexerunt in eum, et ululantes undique, et oblatrantes rabidis eum aggressi sunt morsibus attricare. At ille vix tandem ex eorum dentibus pallio simul et pileo nudatus evasit. Necdum autem ad vigilias signa sonuerant; cumque pervenisset, clausas adhuc fores monasterii reperisset, ante limen se protinus in oratione prostravit. Diutius autem oratione protracta, tandem surrexit, et quod amiserat pallium simul et pileum juxta se jacere projectum vehementer expavit. Quod nimirum utrum per angelos factum sit; an ipse cruentus prædo diabolus, quod abstulerat, reddidisset invitus, dubitari potest. At non absurde crediderim, ut ipse malignus hostis, quod abstulerat, compulsus sit restituere, atque ad confusionis et ignominie suæ cumulum, ei quem læserat, coactus sit ministrare.

CAPUT IX.

Orationis efficacia quanta.

Alio quoque tempore idem, de quo loquimur, vir ad prædictum monasterium nocturno silentio properabat, ad rivum autem **219** qui interfluebat perveniens (cui scilicet Argilla vocabulum est), quia aquis tunc exrescentibus intumuerat, transvadare non potuit: qui se protinus in orationem dedit, et qua completa, mira res, in ulteriori ripa se transpositum reperit. Hæc autem, vir prudentissime, idcirco tibi referenda per ordinem duximus, ut quanta super eis cura omnipotens Deus invigilet, qui ecclesiasticis occurrunt reverenter officiis, liquido monstraremus. Pudeat ergo prudentiam tuam canonicas horas negligerent omittere, quas et sanctam rusticitatem audis cum tanta gloria celebrare: imo ejus spiritus in amore Dei paulo ferventius inardescit, ad hoc etiam extenditur, ut horas beatæ Dei Genitricis audire quotidie non gravetur. Et quia se occasio præbuit, quid etiam ex hac fraterna relatione didicerim, mihi quidem non pigrum est scribere, si modo te non pigeat audire.

CAPUT X.

Horarum B. Virginis efficacia quanta.

Clericus enim quidam multis erat peccatis obnoxius, et præcipue carnalis illecebræ fetoribus inquinatus: qui tandem languore correptus, atque ad extrema perveniens, tremefactis visceribus expavescere, et accusante conscientia, divinum cœpit judicium medullitus formidare: cumque spem in se nullius boni operis inveniret, totum se protinus ad postulandum B. Mariæ semper virginis auxilium contulit, et sub ejus patrocinium importuna cordis anxietate confugit, hujusmodi fere verbis insistens: Non ignoro, inquit, o beata regina mundi! quia te in multis offendi, et castitatis, atque virginitatis, ejus tu mater es, ego in meo corpore signaculum violavi; innumeris etiam peccatorum sordibus involutus sum, nec dignus inveniri, te totius munditiæ principem pollutis labiis invocare: veruntamen, o janua cœli, fenestra paradisi, vera Mater Dei et hominis, tu mihi testis es, quia septies in die laudem dixi tibi, et quamvis peccator, quamvis indignus, omnibus tamen canonicis horis tuæ laudis obsequium non fraudavi.

Cumque hujusmodi verba clericus protulisset, **220** decumbenti postmodum piissima Dei Genitrix astilit, et blande consolata, peccata sibi dimissa ex largitate divinæ misericordiæ nuntiavit. Quod tamen nos trepidando proferimus, quia utrum juxta relationis fidem vere contigerit, ignoramus. Hoc tamen procul dubio novimus, quia quisquis quotidiana prædictis horis officia in ejus laudibus frequentare studuerit, adjutricem sibi, ac patrocinaturam ipsius Judicis matrem in die necessitatis acquirit. Hanc igitur rudem scriptionculam et inculam, dilectissime, sæpius iterando percurrere, et non qualiter, sed quid dicatur, attende: imo, ut ita loquar, non verborum culmo, vel foliis, sed medulla

potius intelligentiæ delectare. Prædictam horarum obedientiam Deo iugiter exhibe, in reliquis etiam te sanctæ conversationis studiis vigilanter exerce; quatenus si nunc sub leni iugo ejus tanquam servus cervicem cordis attriveris, inter filios postmodum hæreditatis supernæ fusciculum cum gloria sortiaris.

SCHOLIA.

Septem plane sunt principalia vitia, ex quibus cæteræ vitiorum pestes oriuntur, quæ nimirum sunt, superbia, avaritia, vanitas gloria, ira, invidia, luxuria, tristitia. Non est mirandum sanctum cardinalem inter vitia capitalia, gulam non recensuisse, quam ex

anorum doctrina (quod virum doctissimum etiam latere non potuit) commemorare oportebat. Puto tamen gulam non mentis fuisse, quoniam inferius inter levia peccata, in quæ etiam justum quicunque quotidie labi ait, enumerat necessitatem et infirmitatem: sub quibus gulam, quæ ex genere suo non est peccatum morale, contineri constat. Patet vero omnes modos, quibus in gula delinquimus, ex fragilitate oriri, dum prætextu necessitatis voluptas nobis insidiatur; ut aint Joannes Climachus, Grad. 14 et 15; Joannes Cassianus lib. ix cap. 7 De spiritu gastrimargiæ, qui huic sententiæ nostræ favere videtur, dum ait: « Infirmitas carnis ad puritatem cordis non officit, si hæc tantummodo, quæ fragilitas, non quæ voluptas exigit, usurpentur. »

Sit nomen Domini benedictum.

221 222 OPUSCULUM UNDECIMUM

LIBER QUI APPELLATUR, DOMINUS VOBISCUM. AD LEONEM BREMITAM.

ARGUMENTUM. — Leonem miræ sanctitatis eremitam super quadam dubitatione quid sentiendum sit, consulit; an scilicet, ut nonnullis videbatur, cum quis in cella solus officium recitaret, illas particulas, *Dominus vobiscum*, et *Jube, domine, benedicere*, tanquam unius personæ non convenientes, omittere deberet; ipse contra sentire se ait multis rationibus, ad ejus tamen sententiam confugit. Ad extremum in solitudinis laudes effunditur.

Domno LEONI amore supernæ libertatis incluso, **P**ETRUS peccator monachus quidquid servus, et filius.

Non ignorat sanctitatis vestræ prudentia, dilectissime Pater, quia te non qualemcunque complicem, vel amicum; sed te patrem, te doctorem, te magistrum, et dominum electum mihi præ cunctis pene mortalibus habeo; meque tuæ orationis instantia, apud divinas aures misericordiæ locum invenire confido. Et quid amplius dicam? Quandoquidem meum te angelum esse constitui, ut in dubiis rebus quodcunque hæsitanti ac sciscitanti mihi consilium ex tuo ore procederet, ita protinus indubitanter acciperem ac si vox mihi cœlestis oraculi angelitus intonaret: atque ideo si quando scrupulosæ ejuslibet rei mihi subrepat articulus, antequam te consulturus accedam, hoc apud me divinam imploro clementiam; ut te quasi suæ voluntatis organum faciens, tuo mihi ore præcipiat quid me facere in objecta ambiguitate decernat: quam et nunc quoque consuetudinem tenens, hoc a te docendus inquirō, quod a multis sæpe quasi responsurus inquirentibus exigor. Nonnulli enim fratres eremiticæ sectatores vitæ frequenter interrogant, cum singulares in cellulis commorantur, utrum illis liceat dicere, *Dominus vobiscum*; *Jube, domine, benedicere*: atque ipsi, ut sunt soli, juxta morem ecclesiasticum sibi debent respondere. Quidam enim inter se quasi ratiocinantes, dicunt: Nunquidnam a lapidibus, aut tabulis cellulæ petenda est benedictio? aut illis dicendum est, ut Dominus sit cum eis? Quidam autem, si quo modo ecclesiasticæ traditionis ordinem deserant, se

peccare, tanquam qui pensum divini servitii minuunt, pertimescunt. Unde nobis, dum solutio quæritur, ad percussationem potius mens æque nescia provocatur. His itaque questionum vallatus angustiis, ad angelum meum juxta consuetudinem redeo, ad fontem non Tullianæ eloquentiæ, sed divinæ potius sapientiæ trito calle recurro.

CAPUT PRIMUM.

Quod sancta simplicitas, mundi philosophis jure præfertur.

Platonem latentis naturæ secreta remanentem respuo, planetarum circulis metas, astrorumque meatibus calculos alligentem: cuncta etiam sphaerici orbis climata radio distinguente Pythagoram parvipendo: Nichomacum quoque tritum epimeridibus digitos abduco: Euclidem perplexis geometricalium figurarum studiis incurvum æque declino: cunctos sane rhetores cum suis syllogismis et sophisticis cavillationibus indignos hac questione decerno. Tremant gymnici suam jugiter amore sapientiæ nuditatem: quærant peripatetici latentem in profundo puteo veritatem. Ego summam a te quero veritatem, illam videlicet, quæ de terra orta est, non jam in puteo ignobiliter latitantem, sed omni manifestatam mundo, perpetua in cœlis majestate regnantem. Quid enim insanientium poetarum fabulosa commenta? Quid mihi tumentium tragicorum cothurnata discrimina? Desinat jam comicorum turba venena libidinum crepitantibus buccis effluere: cesset satyricorum vulgus suos carnos captivæ distractionis amaris dæpibus onerare: non mihi Tulliani oratores accurata lepidæ urbanitatis trutinant

verba : non Demosthenici rhetores **223** captiosæ suadeæ argumenta versuta component : cedant in suas tenebras omnes terrenæ sapientiæ fecibus delibuti : nil mihi conferant sulphureo caliginosæ doctrinæ splendore cæcati. Christi me simplicitas doceat, vera sapientium rusticitas ambiguitatis meæ vinculum solvat. « Quia, » enim, juxta Pauli vocem, « non cognovit mundus per sapientiam Deum, placuit Deo per stultitiam prædicationis salvos facere credentes (I Cor. i). »

Littera igitur, quæ occidit, abscedat ; spiritus vivificator assistat (II Cor. iii). « Prudentia enim carnis, » ut idem dicit Apostolus, « mors est (Rom. vii) ; » prudentia autem spiritus, vita et pax : quoniam prudentia carnis inimica est Deo ; legi enim Dei non subjicitur, nec enim potest. Si ergo carnis prudentia nequit legi Dei colla submittere, quo pacto suffusa oculis fumo superbæ legem Dei prævalet penetrare ? Age igitur, pater, nodum mihi propositæ quæstionis oculus solve : nec patiaris humilitatis Christi discipulum grandiloqua tumentium philosophorum gymnasia circuire. Dicat mihi angelus meus, quod imperitum dialecticorum vulgus ignorat : dicat sapiens imperitiâ, quod stulta sapientiâ non apprehendit. Hæc igitur, quæ proposita sunt, pater charissime, prudenter edisserere, ut postquam ad divinam perventum est sapientiam, nulli ulterius in hæc quæstionem expediat ventilare.

CAPUT II.

Quare dicitur, JUBE, DOMNE, BENEDICERE.

Sed hujus quæstionis nodum qualitercunque a me prius solvi fortasse præcipies, et sic postmodum proprii intellectus sententiam promes : scholasticorum scilicet more doctorem, qui sciscitantur a pueris ex quacunque propositi thematis difficultate, quid sentiant ; ut docilitatis indolem ex eorum prius prolatione deprehendant. Ego itaque te jubente moror exprimere super hac dubietate, quod sentio, salva scilicet fide : ut vel inepte prolata corrigere, vel guaviter absoluta, tua debeas auctoritate probare. Sed non ab re videtur, si quo studio hæc Ecclesiis in consuetudinem venerint, primo nitamur ostendere : deinde quid nobis, super his quæ proposita sunt, videatur, prout supernæ gratiæ facultas tulerit, expedire. Lecturus namque magnæ humilitatis gratia non a sacerdote, sed ab eo, qui sacerdos jusserit, se postulat benedicere, dicens : *Jube, Domne, benedicere.* Sacerdos autem, ut tantæ humilitati vicem reddat, non subjecto cuiquam benedicendi delegat officium, non per semetipsum benedictionem dare præsumit, sed potius, ut a Deo, qui est super omnia, benedictio prærogetur, exposcit.

CAPUT III.

Unde ortum sit, DOMINUS VOBISCUM.

Id autem quod dicitur, *Dominus vobiscum*, sacerdotis est ad populum salutatio : orat enim ut Dominus sit cum eis ; sicut dignatur **224** dicere per prophetam : « Inhabitabo in illis (Levit. xxvi). » Et Salvator discipulis suis, cunctisque fidelibus : « Ec-

ce, inquit, ego vobiscum sum (Math. xxviii). » Qui nimirum salutationis sermo non modernò humanæ adinventionis arbitrio constitutus : sed ex antiqua sacri eloquii auctoritate probatur assumptus. Ubi si diligenter inquiritur, sapiens singulariter, et pluraliter appositus invenitur. Singulariter, sicut ad beatam Dei Genitricem angelus ait : « Ave, gratia plena, Dominus tecum (Luc. i). » Ad Gedeonem quoque nihilominus angelus ait : « Dominus tecum, virorum fortissime (Judic. vi). » Pluraliter autem, ut in libro Ruth, Booz salutando messoribus suis ait : « Dominus vobiscum (Ruth ii), » et sicut in libro Paralipomenon, propheta a Deo missus invenitur salutasse Asa regem Juda cum exercitu suo victorem de prælio revertentem, quibus ait : « Dominus vobiscum, quia fuistis cum Domino (II Paral. xv). »

Ecclesia ergo salubri salutatione sacerdotis accepta, et ipsa resalutando orat, et orando resalutat : postulans ut sicut ille Dominum esse cum eis optavit, ita et cum eo esse dignetur, dicens : *Et cum spiritu tuo*, id est, cum anima tua sit omnipotens Deus, ut eum digne pro nostra salute possit orare. Et notandum quod non dicit, tecum ; sed, *cum spiritu tuo* : ut totum, quod in ecclesiasticis officiis geritur, spiritualiter fieri pendatur. Et bene cum spiritu hominis esse Deus optatur, quia in mente et spiritu, ad imaginem et similitudinem Dei homo rationalis est conditus, atque ibi divinæ gratiæ et illuminationis est capax.

Sed et illa salutatio episcopalis ad populum, qua dicitur : *Pax vobiscum*, sive, *pax vobis*, non ex humani sensus studio prodiit, sed de sacre Scripturæ similiter auctoritate profluxit. Nam et in Veteri Testamento dixisse Danieli angelus invenitur : « Noli timere, vir desideriorum, pax tibi, confortare, et esto robustus (Dan. x) ; » et in Novo penesemper ita Dominus salutasse discipulos legitur : « Pax vobis (Luc. xxiv, Joan. xx). » Quibus nimirum discipulis eandem salutationis formam commendavit, dicens : « In quacunque domum intraveritis, salutate eam, dicentes : Pax huic domui (Math. x). » Merito ergo apostolorum successores, id est Ecclesiarum præsules, hujus forma salutationis utuntur ; domum scilicet Dei salutantes, ubi omnes oportet esse filios pacis, ut salutatio pacis super eos requiescens, et salutantibus et salutatis possit esse fructuosa.

CAPUT IV.

Quod sicut alia sacra Scriptura non subjacet mutabilitati, ita et DOMINUS VOBISCUM.

Jam igitur ex iis quæ præmissa sunt, patet, quia sicut prophetica scriptura, psalmodumque modulatio, vel etiam evangelica gratia divinitus ad nostram notitiam prodiit ; sic etiam id quod dicitur, *Dominus vobiscum*, non ex humani sensus arbitrio, sed a Veteris Novique Testamenti auctoritate descendit. Sicut ergo divinarum Scripturarum auctoritati nil pro rerum varietate subtrahitur, nil augetur ; sed **225** potius in his ecclesiastica consuetudo servatur : ita nimirum et hæc sacerdotalis salutatio nequaquam

rerum casibus est obnoxia, ut modo proferri, modo A et et ipsi in nobis unum sint, ut mundus credat, quia debeat silentio præteriri; sed etiam si plures desint, illicitum est ut ecclesiastica traditio permute- tur. tu me misisti: et ego claritatem quam dedisti mihi dedi eis, ut sint unum, sicut et nos unum sumus (Joan. xvii.).

CAPUT V.

Quod sancta Ecclesia et una in multis, et tota videatur in singulis.

Ecclesia siquidem Christi tanta charitatis invicem inter se compage connectitur; ut et in pluribus una, et in singulis sit per mysterium tota; adeo ut et omnis universalis Ecclesia non immerito una Christi perhibeatur singulariter sponsa, et unaquæque anima per sacramenti mysterium plena esse credatur Ecclesia. Nam et propheticæ Isaac naribus tota præsens redolebat Ecclesia, cum super unius filii sui persona dicebat: «Ecce odor filii mei, sicut odor agri pleni (Gen. xxvii.).» Et debitor illa mulier, quæ ex præcepto Elisei parum olei quasi semen sparsit, et uberes mox fruges eodem per vascula redundante permessuit (IV Reg. iv), Ecclesiam utique figuravit.

Quod si per sacræ Scripturæ campos diligenter inquiritur, unius viri, vel mulieris persona designari Ecclesiam crebrius invenitur. Licet enim multiplex videatur Ecclesia, propter numerositatem gentium: una tamen, et simplex est, unius fidei, et divinæ regenerationis confederata mysterio. Et quamquam septem mulieres acceperint virum unum, virgo tamen et una celesti illi viro dicitur desponsata (Isa. ly). De qua nimirum Apostolus: «Despondi, inquit, vos uni viro virginem castam exhibere Christo (II Cor. xi.).»

Ex his ergo manifeste colligitur, sicut superius dictum est, quia cum in una hominis persona tota designetur Ecclesia, et ipsa consequenter Ecclesia una dicatur virgo, sancta Ecclesia et in omnibus sit una, et in singulis tota: nimirum in pluribus per fidei unitatem simplex, et in singulis per charitatis glutinum, diversaque dona charismatum multiplex: quia enim ex uno omnes.

CAPUT VI.

Item de unitate universalis Ecclesie.

Sancta namque Ecclesia, licet personarum sit multiplicitate diversa, in unum tamen est sancti Spiritus igne conflata: atque ideo etiam si per corporalem situm partibus videatur dividi, unitatis tamen intimæ sacramentum nullatenus a sua valet integritate corrumpi. «Charitas enim Dei diffusa est in cordibus nostris per Spiritum sanctum, qui datus est nobis (Rom. v.).» Iste itaque Spiritus, qui est procul dubio et unus, et multiplex; unus in maiestatis essentia, multiplex per diversa charismatum dona, dat Ecclesiæ sanctæ, quam replet, ut et in universitate sit una, et in suis partibus tota. Quod nimirum individue unitatis arcanum Veritas commendabat, cum Patri de suis discipulis 226 diceret: «Non, inquit, per his rogo tantum, sed et per eis, qui credituri sunt in me per verbum ipsorum, ut omnes unum sint, sicut tu Pater in me, et ego in te,

Si ergo credentes in Christum unum sunt, ubi-
cunque videatur esse per corporalem speciem mem-
brum, ibi etiam per sacramenti mysterium totum
est corpus. Et quidquid est quod competat toti, quo-
dammodo congruere videtur etiam parti: quatenus
et quod conventus Ecclesiæ communiter sonat, non
absurdum sit, si unus homo singulariter dicat: et
quod ab uno recte depromitur, a pluribus etiam
irreprehensibiliter proferatur. Hinc est enim quod
in conventu positi, recte omnes dicimus: «Inclina,
Domine, aurem tuam, et exaudi me: quoniam ege-
nus et pauper sum ego; custodi animam meam,
quoniam sanctus sum (Psal. lxxxv.).» Et singulariter
constituti, non incongrue decantamus: «Exsultate
Deo adiutori nostro, jubilate Deo Jacob (Psal. lxxx.).»
Nec abs re est, quod multi simul dicimus: «Bene-
dicam Dominum in omni tempore, semper laus ejus
in ore meo (Psal. xxxiii.).» Et soli sæpe plurali voce
proferimus: *Magnificate Dominum mecum, et exal-
temus nomen ejus invicem*: et multa id genus. Quia
nimirum neque hic pluralibus verbis unius personæ
solitudo præjudicat: neque illic multitudo fidelium a
singularitate discordat: quia per virtutem sancti
Spiritus, qui et singulis inest, et omnes replet, et
hic solitudo pluralis, et illic multitudo intelligitur
singularis.

CAPUT VII.

*Quod si DOMINUS VOBISCUM pro singularitate non di-
citur, multa alia necesse est dimitantur.*

Jam vero illi qui dicunt, nunquid lapidibus aut
tabulis cellæ petenda est benedictio? aut illis dicen-
dum est, ut Dominus sit cum eis? Respondeant mihi
et dicant, cur singulares in eisdem cellulis positi
dicunt: «Venite, exsultemus Domino?» (Psal. xciv.).
Dicite mihi, fratres, dicite, quæso, pace vestra lo-
quar, cum soli estis, quos exhortamini? quos ad
divinæ laudis excubias invitatis? cum dicitis: *Ve-
nite, exsultemus Domino*; vel illud: *Regem martyrum
Dominum venite adoremus*? Invitatorum namque hoc
dicitur, et ob id procul dubio, quia per hoc ad Dei
laudes fidelium populus invitatur. Si autem vos a
nullo tunc prorsus audimini, quos ad exultandum
Domino exhortatoriis vocibus excitatis?

Agite, inquam, fratres, dicite adhuc mihi, si non
ad sacramentum respicitis ecclesiasticæ unitatis, sed
ad numerum potius præsentiae corporalis, quibus
dicitis: *Nocte surgentes vigilemus omnes*? Quibus et
illud: *Somno refectis artubus, surgamus omnes ocius*?
Cur certe non omnes hymnos, omnes denique ora-
tiones, quæ nimirum a doctoribus plurali sunt stylo
compositæ, vel silentio prætereunt omittitis, 227
vel ad singularem violententer numerum revocatis?

Jam vero cum ad lectiones venitis, quia nefas du-
citis, nullis adstantibus benedictionem petere, vel
dare, cur Patrum homilias, et concionatorum ser-

mones legis : quibus nimirum cogente lectionis modo, populum alloqui videmini, et velut ad secundam personam, scilicet auditorum, omnia verba vestra dirigitis; atque ut ipsa homiliarum verba ponamus, quibus, quæso, dicitis : *Audite, fratres charissimi, et cætera*; quæ sequuntur, cum ibi fratres nulli sint? Quæ videlicet si vultis ad vestram singularitatem stylo reclamante violenter inflectere, quia id prorsus impossibile est, his omnis necesse jam vobis erit nova dictare. Cur etiam cum ad orationem perventum fuerit, dicitis : *Oremus*; cum nemo illic sit, qui orare vobiscum debeat? quem ad communionem orationis invitatis, qui nullum adesse conspiciat? Cur etiam in explieti officii clausula ex more subiungitis : *Benedicamus Domino*; cum præsto nullus assistat, qui vobiscum Dominum benedicat?

Hæc igitur et alia multa quæ longum est enumerare, perpendite, et ecclesiasticæ traditionis regulam sive soli, sive cum pluribus uniformiter observate. Si enim doctores Ecclesiæ id expedit decernerent, in ecclesiasticis officiis alium singulis, alium multis ordinem tradidissent; sed unum contenti remota diversitate componere, unum nos docuerunt ordinem inviolabili semper observatione tenere. Providerunt enim, quia quidquid in divinis obsequiis a quolibet Ecclesiæ membro reverenter offertur, id etiam fide et devotione cuncto- rum universaliter exhibeatur. Unus est enim Ecclesiæ Spiritus, quo vivificatur unum corpus, quod a Christo videlicet suo capite præservatur. Tota igitur Ecclesia diversorum quidem constat compage membrorum, sed unum est procul dubio corpus, unitus fidei soliditate fundatum, una vivificantis Spiritus virtute perfusum. Unde et Apostolus ait : « Unum corpus, unus spiritus, sicut vocati estis in una spe vocationis vestræ (Ephes. iv). » Dignum ergo est ut quidquid in sacris officiis a quibuscunque fidelibus particulariter agitur, hoc ipsa Ecclesia per unitatem fidei, et charitatis amorem unanimiter agere videatur.

CAPUT VIII.

Quod sacrificium quod altaribus superponitur, a viris simul et mulieribus offeratur.

Hinc est enim, quod in ipsa celebratione missarum cui dicitur : *Memento, Domine, famulorum famularumque tuarum*, paulo post subditur : *Pro quibus tibi offerimus*, vel *qui tibi offerunt hoc sacrificium laudis*. In quibus verbis patenter ostenditur, quod a cunctis fidelibus, non solum viris, sed et mulieribus sacrificium illud laudis offertur, licet ab uno specialiter offerri sacerdote videatur; quia quod ille Deo offerendo manibus tractat, hoc multitudo fidelium intenta mentium devotione commendat. Quod illic quoque declaratur, ubi dicitur : **228** *Hanc igitur oblationem servitutis nostræ, sed et cunctæ familiæ tuæ, quæsumus, Domine, ut placatus accipias*. Quibus verbis, luce clarius constat, quia sacrificium, quod a sacerdote sacris altaribus superponitur, a cuncta Dei familia generaliter offeratur. Hanc autem

A Ecclesiæ unitatem Apostolus manifeste declarat, cum dicit : « Unum corpus, unus panis, multi sumus (I Cor. x). » Tanta est enim Ecclesiæ unitas in Christo, ut unus ubique in toto orbe terrarum sit panis corporis Christi, et unus calix sanguinis ejus. Quoniam sicut divinitas Verbi Dei una est, quæ totum implet mundum : ita licet multis locis, multisque diebus illud corpus consecratur; non sunt tamen multa corpora, sed unum corpus Christi. Et sicut ille panis et sanguis in corpus Christi veraciter transierunt : ita omnes, qui illud in Ecclesia digne percipiunt, unum absque dubio Christi corpus sunt, ipso testante, cum ait : « Qui manducat carnem meam, et bibit sanguinem meum, in me manet, et ego in eo (Joan. vi). »

B Si ergo omnes unum Christi corpus sumus, et licet per corporalem speciem videamur abjungi, spiritu tamen ab invicem separari non possumus, qui in eo manemus; quid noceat, ego non video, si communem Ecclesiæ consuetudinem et singuli teneamus, qui per unitatis individuae sacramentum ab ea nunquam recessimus. Cum enim communia Ecclesiæ verba solus profero, cum ea me esse unum, ac per præsentiam spiritus in ea me veraciter manere demonstro : et si ejus sum veraciter membrum, non inconvenienter adimpleo meæ universitatis officium.

CAPUT IX.

Quod officium membri cujuslibet speciale, toti corpori sit commune.

C Porro in humano corpore aliud oculi, aliud lingua, aliud pedes, aliud manus habent naturaliter proprium. Sed neque manus solæ sibi tangunt, nec sibi pedes incedunt, aut lingua loquitur, vel sibi oculi contemplantur : sed quidquid potest unaquæque pars corporis specialiter agere, hoc probatur omnibus in commune conferre. Et quod unicuique membro singulari jure naturæ conceditur, hoc ab ipso corpore (quod est totum ejus) fieri judicatur : ut non incongrue et pars totius, et totum suæ parti exhibere dicatur officium. Hinc est enim ut et lingua Pauli veraciter dicat : « Laboro in Evangelio Christi usque ad vincula (II Tim. ii); » cum lingua ejus ligata non sit. Nam ut illic sequitur : « Verbum Dei non est alligatum (Ibid.). » Et Petrus ad sepulcrum Christi cum Joanne cucurrerit, cum soli pedes currendi subeant ministerium (Joan. xx). Et Stephanus viderit cælos apertos, cum Videre proprium sit oculorum (Act. vii). Et Isaac filium suum Jacob palpando tetigerit, cum tangendi vel palpandi facultas manibus sit specialiter attributa (Gen. xxvii). Quod ergo membrum quodlibet agere cernitur, hoc ab ipso corpore fieri irreprehensibiliter perhibetur : et e diverso quod corpus facit, multitudo partium cooperando consentit.

229 CAPUT X.

Quod sacerdos, præsens ecclesiastici corporis, totius Ecclesiæ convenienter utitur verbis.

Quid ergo mirum si sacerdos quilibet, qui sine dubio ecclesiastici corporis pars est, vicem salu-

tantis ac resalutantis Ecclesiæ solus expleat, dicens: *A Dominus vobiscum*; subindeque respondens: *Et cum spiritu tuo*: rursusque benedictionem solus petat et reddat; cum per unitatis intimæ sacramentum tota spiritualiter sit Ecclesia, ubi ejusdem fidei ac fraternæ devotionis fuerit una persona? Ubi nimirum unitas fidei, nec in uno solitudine recipit, nec in pluribus scissuram diversitatis admittit. Enim vero quid præjudicat, si ex uno ore vocem diversitas prodeat, quæ et si per plures lingua, una tamen fides alternat? Tota namque Ecclesia (sicut jam dictum est) unum procul dubio corpus est. Nam, teste Apostolo: « *Sicut enim corpus unum est, et membra habet multa, omnia autem membra corporis cum sint multa, unum tamen corpus sunt: ita et Christus. Et enim in uno spiritu omnes nos unum corpus baptizati sumus (I Cor. xii); et alibi: « Cum corpore, inquit, suo, quod est Ecclesia (Coloss. i).* »

Si ergo tota Ecclesia unum Christi corpus est, et nos Ecclesiæ membra sumus; quid obest si corporis nostri, id est, Ecclesiæ: singuli quique verbis utamur, qui cum ea unum veraciter sumus? Nempe si multi unum sumus in Christo, totum nostrum singuli possidemus in ipso: atque ideo, licet remoti procul ab Ecclesia videamur per solitudinem corporum, in ea tamen præsentissimi semper assistimus per unitatis inviolabile sacramentum. Sicque fit, ut quod est omnium, sit etiam singulorum: et quod quibusdam est singulariter speciale, omnibus quoque sit in fidei et charitatis integritate commune; ut et populus recte clamet: « *Miserere mei, Deus, miserere mei (Psal. lvi).* » Et: « *Deus, in adiutorium meum intende; Domine, ad adjuvandum me festina (Psal. lxi).* » Atque unus homo jure pronuntiet: « *Deus misereatur nostri, et benedicat nos (Psal. lxi).* » Quam videlicet fidelium Christi necessitudinem, et communionem sancti Patrès nostri tantæ caritudinis esse debere decrevere, ut hanc symbolum catholicæ professionis apponerent, et frequentandam nobis inter ipsa Christianæ fidei rudimenta mandarent. Nam mox ut dicimus: *Credo in Spiritum sanctum, sanctam Ecclesiam*; protinus addimus: *Sanctorum communionem*; et ubi Deo fidei nostræ testimonium reddimus: ibi etiam communionem Ecclesiæ, quæ cum eo unum est, consequenter adstruamus. Sanctorum siquidem hæc est in fidei unitate communio, ut in unum Deum credentes, uno baptismo sint renati, uno sancto Spiritu confirmati, ad unam vitam æternam sint per gratiam adoptionis adsciti.

Sicut autem homo, Græco eloquio dicitur *Microcosmus*, hoc est, minor mundus, quoniam per materiale essentiam eisdem quatuor elementis homo constat, quibus et universalis hic mundus; ita etiam unusquisque fidelium quasi quædam minor videtur esse Ecclesia, dum **230** salvo unitatis arcane mysterio, etiam cuncta redemptionis humanæ unus homo suscipit sacramenta, quæ ipsi universali Ecclesiæ sunt divinitus attributa. Si ergo unus homo

non ambigitur communia totius Ecclesiæ sacramenta suscipere, cur prohibeatur communia Ecclesiæ solus verba proferre, cum videlicet multo majoris momenti sint Sacramenta quam verba?

CAPUT XI.

Quod populus Israel ad ostendendam societatem altaris exstruxere congeriem.

Quod si quis adhuc his etiam nostris disputationibus calumniator exstiterit, dicens: Utique non debere a singulis usurpari, quæ communi fidelium sunt instituta conventu, ut non tam verbis, quam rationibus acquiescat, exemplum damus quod ex sacri eloquii auctoritate didicimus. Notum namque est, sicut Josue libro testante, narratur: quod filii Ruben, et Gad, et dimidia tribus Manasse redeuntes a filiis Israel de Silo, ut intrarent Galaad terram possessionis suæ, ædificaverunt altare infinitæ magnitudinis in terra Chanaan: cumque iratus graviter populus Israel adversus eos arma corripere, interrogati, cur altare construere præter altare Domini temere præsumpissent? Responderunt, non hoc prævaricationis causa, sed pro futuri testimonii fecisse cautela. « *Ne quando, inquit, dicerent filii vestri filiis nostris: Quid vobis, et Domino Deo Israel? Terminum posuit Dominus inter nos et vos Jordanem fluvium, et idcirco partem non habetis in Domino: et per hanc occasionem avertent filii vestri filios nostros a timore Domini (Jos. xxii).* »

Cur autem historie hujus articulum ad medium deduxerimus, si cui fortasse non pateat, brevier aperimus. Poterat nempe quorundam simplicitas fratrum tentari, ut quodammodo segregatos se a societate fidelium ducerent, si in solitudine positi, etiam communia Ecclesiæ verba depromere in suis orationibus non auderent. Utuntur igitur communibus verbis Ecclesiæ, ut in ecclesiastica se communionē doceant permanere, atque ipsa verba animo satisfaciunt fluctuant, quæ testimonium perhibent præsentis fidelium spirituali. Porro autem illi altare ædificaverunt, non ad usum libaminum, sed ad vicariæ cum Israelitica plebe societatis indicium, sicut et ipsi quasi jam ex persona filiorum suorum dicunt: « *Ecce altare Domini, quod fecerunt patres nostri, non in holocausta, neque in sacrificium, sed in testimonium nostrum ac vestrum (Ibid.).* » Illi nimirum id fecerunt ad testimonium Israeliticæ societatis, nos ista dicimus ob signum ecclesiasticæ veraciter unitatis. Illi ne despicerentur a fratribus suis; nos ne remordeamur a cogitationibus nostris. Illi terreni altaris exstruxere similitudinem; nos spiritualis concordie ostendimus veritatem. Illi ad ostendendum sui generis testimonium; nos ad tenendum novæ regenerationis et fraternæ communionis inviolabile sacramentum.

231 CAPUT XII.

Cur bigamus a sacerdotio omnino repellitur, cum in fornicationem lapsus sæpe in Ordinem revocetur.

Quædam namque sunt in Ecclesia, quæ super-

flua quidem videntur quantum ad humanæ rationis ingenium, divina autem sunt, si ad virtutis intimæ respicias sacramentum. Quis enim non miretur canonicis promulgatum esse sententiis, bigamum quempiam nullatenus posse ad sacerdotium promoveri; in fornicationem vero lapsum etiam sacerdotem, peracta pœnitentia, ad pristini juris officium revocari? De fornicatione siquidem manifesta est apostolica sententia, qua dicitur: « Quia neque fornicarii, neque idolis servientes, neque adulteri regnum Dei possidebunt (I Cor. vi). » De his autem, qui secundas contrahunt nuptias, ita sequitur: « Mulier, inquit, alligata est legi quanto tempore vir ejus vivit; quod si dormierit vir ejus, libera est, cui vult nubat, tantum in Domino (I Cor. vii). » Quibus nimirum utriusque sententiæ verbis aperte monstratur, quia et bigamæ divinæ legis regulam non offendunt, et fornicatores a regno Dei pro suæ carnis intemperantia damnabiliter præciduntur (Hebr. xiii; Ephes. v).

Quid est ergo, quod hi, qui non peccant, de spe sacerdotii funditus corrumpunt: et illi, quos a regno Dei reatus eliminat, ecclesiastici gradus fiduciam, si digne pœnituerint, non amittunt? Nisi quia in his qui secundis nuptiis copulantur, non tam ad peccatum, quam ad Ecclesiæ respicitur sacramentum. Sicut enim Christus, qui est pontifex futurorum bonorum, et verus sacerdos juxta ordinem Melchisedech, qui videlicet obtulit agnum proprii corporis in ara crucis Deo Patri pro salute mundi, vir est unius sponsæ, totius scilicet sanctæ Ecclesiæ, quæ procul dubio virgo est, quia fidei integritatem inviolabiliter servat; ita quilibet sacerdos unius uxoris vir esse præcipitur, ut illius summi sponsi præferre imaginem videatur.

In bigamis itaque non mensura peccati, sed forma potius inquiritur sacramenti, atque in eorum reprobatione, non reatus ulciscitur, sed mystica veri sacerdotii regula custoditur; alioquin quomodo inter crimina non meretur, quod licenter fieri apostolica doctrina permittitur? Sed et sacri canones, eos qui secundas nuptias improbant, intra Novatianorum hæresim notant. Ut ostendamus ergo nos ecclesiasticæ semper unitatis tenere mysterium, irreprehensibiliter utimur, et si non adeo necessaria prolatione verborum.

CAPUT XIII.

Quod si Dominus vobiscum inter duos recte profertur, a solo etiam jure dicatur.

Jam sane et hoc a fratribus meis servata charitate perquiro: si duo simul sint fratres, utrum alter alteri licenter dicat: *Dominus vobiscum*? Nam scilicet quid est, quod ad unam personam pluraliter loquitur, et postposita **232** censura litteratoriæ disciplinæ, ecclesiastica consuetudo tenetur? Quantum enim ad loquendi artem, tecum potius, quam *vobiscum*, ad singularem directus personam sermo decurret. Quod si non licet, ut ad unam personam verbum plurale quis di-

rigat; Dominus tecum, necesse est singulariter dicat. Quod utique quantum a regula Ecclesiasticæ institutionis abhorreat, qui limen terit Ecclesiæ, nullus ignorat. Certum est enim quod neque beatissimus apostolicæ sedis antistes, cum videlicet obsequente ministro privata Deo reddit obsequia, neque quisquam omnino pontificum, vel catholicorum aliquis sacerdotum his verbis ad alterum singulariter utitur.

Si vero venerabilium sacerdotum consuetudo laudatur, ut solus soli recte dicat, *Dominus vobiscum*: et neque sit absonum, neque ab ecclesiastici ordinis censura semotum; quid officit, si et singulariter quis positus id ipsum dicat, dum quantum ad litteras sicut uni minime congruit, ita nec inter duos pluralis ille sermo procedit? Cum ergo ecclesiastica consuetudo tantæ auctoritatis sit, ut sibi omnis artificiosæ eloquentiæ facultas humiliter cedat, nec illi magnopere habeatur verborum cura, sed sensuum, si inter duos illa grammaticalis regula jure despicitur, consequitur etiam ut ab uno irreprehensibiliter contemnatur. Sicut igitur ecclesiasticæ auctoritatis est, ut inter duos recte dicatur, *Dominus vobiscum*: sic eidem auctoritati non est contrarium, si ab eo, qui solus est, æque dicatur ipsum.

Denique et de responsione ejus, quæ est videlicet, *Et cum spiritu tuo*; nec non et de lectoris benedictione singulariter petenda, atque reddenda, idem est nihilominus sentiendum. Non enim hic digne numerus personarum; sed ecclesiasticæ potius unitatis attenditur sacramentum: ubi scilicet nec unitas excludit multitudinem, nec multitudo violat unitatem: quia et unum corpus per multa membra dividitur, et ex diversis membris unum corpus impletur. Nec in unitate corporis membrorum multitudo confunditur, nec in pluralitate membrorum unius corporis integritas violatur.

CAPUT XIV.

Quod populus Israel ecclesiasticæ inter se unitatis regulam tenuit.

Et quid mirum, si de sancta Ecclesia dicitur, quod et multiplex in unitate, et una credatur in multitudine; cum et ille carnalis Israel, quia socius erat genere, jam tunc hujus unitatis videatur inter se regulam tenuisse? Nam et regi Edom nuntios dirigit, qui dicant: « Hæc mandat frater tuus Israël (Num. xx). » Et alibi cum Chanaanæus rex Arath pugnaret adversus Israël, atque sublata ex eo præda victor existeret, testante Scriptura, Israël voto se Domino obligans, ait: « Si tradideris, inquit, populum istum in manum meam, delebo urbes ejus (Ibid. xx). » Quod nimirum et in libro Regum manifeste declarat, cum ab Israelitico populo ad viros Juda, redeunte David in regnum, dicitur: « Decem, inquit, partibus major ego sum **233** apud regem, et primogenitus ego sum, magisque ad me pertinet David, quam ad te; cur mihi fecisti injuriam, et non mihi nuntiatum est priori, ut reducerem regem meum? » (II Reg. xix.)

Si ergo populus ille, pro eo quod ex una stirpe

originem duceret, vel ob id potius, quia unius Dei cultum teneret, tanquam una persona singulariter loquitur, ut in multis se unum esse testetur: quid nimirum si sancta Ecclesia, quæ uno Dei Spiritu sanctificatur, et regitur, unius Fidei et Baptismi sacramentis imbutur ad eandem hæreditatem capessendam per adoptionis gratiam convocatur, tantam inter se habeat communionem, ut et singuli verbis omnium, et omnes verbis uti valeant singulorum? Hinc est etiam, quod divinis insistentes officiis, sæpe in unius sancti veneratione cantamus, quod toti simul Ecclesiæ convenire cognoscimus: quod videlicet qui cantus beatæ Dei Genitricis aliorumque sanctorum diligenter inspicit, indubitanter agnoscit.

CAPUT XV.

Quod quædam festivitates non suo tempore celebrantur.

Ecclesia siquidem Christi, quæ est columna immobilis, quæ regni cælorum claves accepit, nequaquam casibus, numerisve deservit, sed omnium locutionum modos intra suæ legis jura constringit. Nec aucupatur verba, sed animas. Non itaque magnopendit præsentiam corporum, vel articulos temporum, sed ad devotionem potius et unitatem respicit animorum. « Ipsa nempe judicat omnia, et a nemine judicatur (1 Cor. II). » Hinc est enim, quod in sacrosancta solemnitate paschali dicimus: *Deus, qui hodierna die per Unigenitum tuum æternitatis nobis aditum devicta morte reserasti; dum cuncti liquido novimus, quia (juxta calculantium supputationes) Hebræorum Pascha præcedat; circa quod Dominus passus est, et resurrexit; deinde ubi prius quotuslibet Dominicus dies occurrat, Paschalis nobis festivitas illucescit. Nam et in Ascensione Domini et sancto Pentecoste sub eodem sensu dicimus, hodie: cum et istæ festivitates consequenter juxta rationem paschalis temporis disponantur. Decollatio quoque beati Joannis Baptistæ mense Augusto celebratur, cum tamen tempore Dominicæ passionis crucidatus ab Herode fuisse minime dubitetur.*

Eadem quoque ratio est et de festivitate sancti Jacobi, nec non et B. Petri, quæ dicitur a Vinculis. Cum enim Actus apostolici Scriptura dicat: « Quia Herodes, postquam occidit Jacobum fratrem Joannis gladio, videns quia placeret Judæis, apposuit apprehendere et Petrum (Act. XII); » deinde subjungat: « Erant autem dies Azymorum, » atque protinus addat: « Quem cum apprehendisset, misit in carcerem, tradensque quatuor quætionibus militum custodiendum, volens post Pascha producere eum populo (Ibid.); » patet absque dubio, quia alio anni tempore hæc per executionem operum sunt effecta, atque alio postmodum colendis solemnitatibus instituta. Festivitates enim illæ, ut notum est, celebrantur circa 234 metas Julii mensis, quo videlicet tempore neque Pascha celebrasse, neque Azymorum dies ille Hebræorum populus invenitur,

A si tota Testamenti Veteris series recenseatur: sed quia in solemnitate paschali venerari digne non poterant, ad earum cultum aliud tempus est Ecclesiastica dispositione provisorum.

Hæc autem idcirco de sacris solemnitatibus juxta compendium dixerim, ut manifeste clarescat, quia sancta Ecclesia non tam constringitur lege temporum, quam ipsas temporum vices ad suum cohibet nutum. Neque enim sub elementis servit Ecclesia, sed ipsi potius subjecta sunt, et obtemperant elementa. Unde et Magister gentium dicit: « Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura. Omnia enim vestra sunt, vos autem Christi, Christus autem Dei (1 Cor. III). »

B atque, ut ostendat quantæ auctoritatis prærogativa sancta præcellat Ecclesia, rursus ad eosdem Corinthios: « An nescitis, ait, quoniam sancti de hoc mundo judicabunt? Et si a vobis judicabitur hic mundus: indigni estis, qui de minimis judicetis: nescitis quia angelos judicabimus? quanto magis sæcularia? » (1 Cor. VI.)

CAPUT XVI.

Quod in Ecclesia recte alius supplet verba alterius.

Igitur ut ad superiora redeamus, quid mirum si sancta Ecclesia, cui tanta potestas divinitus est concessa, verba sibi famulantia ita ad suum convertat arbitrium, ut vel singuli plurium, vel plures eloquia proferant singulorum? Aut quid obest, si ea, quæ aliis specialiter congruunt, ab aliis proferuntur? Certe non ignoramus, quia cum pueri catechizantur, Sacerdos interrogat: Quid petis? Ubi non puer, sed alius reddit ejus vice responsum, dicens: Fidem et cætera, quæ proprie ad puerum pertinent, alius ejus in persona respondet. Si ergo in ipso regenerationis nostræ mysterio, ubi scilicet totius humane salutis constat origo, recte alius verba reddit alterius: quid prohibet, si et in illis ecclesiasticis salutationibus, vel petendis benedictionibus alter respondendo suppleat locum illius, qui vacat? Nam ut alter pro altero respondere in Ecclesia valeat, non moderna temeritas reperit, sed ab apostolica potius auctoritate descendit. Unde et Paulus ad Corinthios: « Cæterum, inquit, si benedixeris spiritu. quis supplet locum idiotæ? » (1 Cor. XIV.)

Huc accedit, quod si propter absentiam quis personarum timet dicere: *Dominus vobiscum*, vel etiam respondere: *Et cum spiritu tuo*, timeat quoque necesse est, ne dicat: *Oremus*, sed potius, oreum, ne videlicet illos ad orationem videatur invitare, qui desunt: et qui sacrilegium ducit nullis astantibus benedictionem petere, vel dare, caveat etiam in fine lectionis dicere: *Tu autem, Domine, miserere nobis*; sed dicat potius, miserere mihi. Quod si omnino præposterum, omnino videtur absurdum, non vereatur Ecclesiæ verba solus edere, qui ab ea se mente, et spiritu nusquam decernit abesse: 235 et

cujus se proficitur specialiter membrum, non a se a suo corpore divisum asserat prolatione verborum; sed cum Christi Ecclesia est veraciter unum, confidenter expleat suæ universitatis officium, magisque in his Ecclesiastici sacramenti servare virtutem studeat, quam congruentiam domesticæ confabulationis attendat.

CAPUT XVII.

Quod quidquid pene in divinis officiis agitur, sub figuris mysticis disponatur.

Sicut enim superius dictum est, nonnulla in ecclesiasticis observationibus sunt, quæ in superficie quidem frivola videntur et levia; considerata vero subtilius magnæ virtutis reperiuntur gravitate subnixæ. Ut enim pauca perstringamus e plurimis, quis cum sacerdotalia conspiciat indumenta, admiratione dignum inesse illis aliquid credat, nisi quid in eis figuratim innuat, intelligat? At si spiritualis clarescat intuitus, animadverit cur sandalia clericorum pedes quidem a terra dividunt, pedum autem superiora ex parte tegunt, ex parte non tegunt. Considerat etiam, cur poderis usque ad talos defluat, cur superhumeralis ex lini materia semper fiat; perpendit etiam, quid cingulum, quid designat orarium; scrutatur quoque nihilominus, cur in modum crucis sit quadrata dalmatica; cur reliquis indumentis sit superponenda casula, cur etiam manipulus in sinistra parte gestetur, quo nimirum spiritualium potius, quam carnalium oculorum, vel narium pituita detergitur.

Nec illud etiam sine causa decernit fieri, cur diaconus, qui dalmatica non est indutus, casula circumcinctus legat; cur etiam ipsa dalmatica in sinistra sui parte fimbrias habeat. Porro autem nec illa consuetudo inaniter tenuit, quod pallium pontificalibus indumentis apponitur, ut lamina in fronte Pontificis ad decorem et gloriam antiquitus ponebatur: in qua nimirum lamina nomen Domini tetragrammaton scriptum erat (*Exod. xxviii*), quod sanctum Domini vocabatur, paucis quidem litteris constans, sed magni intellectus virtutem interius continens. Sed quid nos infinita persequimur, dum quidquid sub Veteri vel sub Novo Testamento in divinis agitur officiis, totum pene per figuras mysticas et ænigmata fieri videatur? Quid enim tota illa tabernaculi compositio, quid numerus levitarum, quid cæremoniæ sacerdotum, quid denique vel moderni sanctæ Ecclesiæ ritus exigunt, nisi ut virtus in eis spiritualis intelligentiæ requiratur? Atque, ut ita loquar, mysterium latet in ministerio, dum exterioris cultus exercitio arcanum allegoriæ theoriæ comprehenditur sacramentum.

CAPUT XVIII.

Peracti opusculi brevis Epilogus.

Verum his, quæ ab eruditis expositoribus expedita probantur, omissis, id quod tractandum suscepimus, ut enucleatius inlarescat, adhuc breviter replicemus. Lectoribus namque nonnullis vitium arrogantiae familiare est, præsertim si cui

A lepor eloquentiæ suppetit, dum patentes Scripturæ campos effrænâ lingua percurrit; populari favori cor deditum spiritus elationis invadit: et dum alios per recti itineris tramitem dirigit, ipse diviticulum erroneæ confusionis incurrit. Hinc est etiam, quod mensæ lectoribus ex more dicitur: *Auferat a te Deus spiritum elationis*. Ut ergo imminenti forsitan arrogantiae jam in ipso lectionis exordio humilitas apponatur, recte tanta subjectionis arte benedictio petitur, ut lecturo non Sacerdos, sed cui ipse jusserit, benedicat.

Sacerdotalis autem salutatio idcirco fit in Ecclesia, ut se sacerdos pacem habere cum tota plebe fidelium doceat. Præcipit enim in Evangelio Dominus, dicens: « Cum stabitis ad orandum, dimittite, si quid habetis adversus aliquem, ut et Pater vester, qui in cœlis est, dimittat vobis peccata vestra (*Mar. xi*). » Et iterum: « Si offers, inquit, munus tuum ad altare, et ibi recordatus fueris, quia frater tuus habet aliquid adversum te, relinque ibi munus tuum ante altare, et vade prius reconciliari fratri tuo, et tunc veniens offers munus tuum (*Matth. v*). » Sacerdos ergo, ut hoc Dominicum præceptum non solum corde custodiat, sed etiam per exterioris speciem ritus ostendat, antequam Deo fundendæ orationis offerat sacrificium, per mutæ salutationis indicium ostendit se in fraterna charitate unanimiter fœderatum. Quapropter sive præsto sint, sive desint, ipse spiritualibus oculis præsentis attendat, pro quibus orare disponit; nec abesse sibi per spirituale cubiternum credit, quod in oratione secum pariter comprehendit. Obtutus itaque fidei salutationis ejus verba intendit, et accipit quod adesse cominus per spirituales præsentiam cernit. Quisquis ergo frater in cellula singulariter habitat, communia Ecclesiæ verba proferre non timeat, quem videlicet et conventu fidelium, et si locale spatium dividit, cum omnibus tamen unitas fidei in charitate conjungit: qui licet absint per moles corporum, præsto sunt tamen per unitatis ecclesiasticæ sacramentum.

CAPUT XIX.

Laus Eremiticæ vitæ.

Sed inter hæc libet de singularis vitæ meritis pauca perstringere, et quid de præfate vitæ culmine sentiam, laudando potius, quam disputando, breviter intimare. Solitaria sane vita cœlestis doctrinæ schola est, ac divinarum artium disciplina. Illic enim Deus est totum, quod discitur; via, qua tenditur, per quam ad summæ veritatis notitiam pervenitur. Eremitus namque est paradisi deliciarum, ubi tanquam redolentium species pigmentorum, vel rutilantes flores aromatum, sic fragrantia spirant odoramenta virtutum. Ibi siquidem rosæ charitatis igneo rubore flammescunt; ibi lilia castitatis niveo decore candescunt, cum quibus etiam humilitatis violæ, dum imis contentæ sunt, nullis flatibus impelluntur; ibi myrrha perfectæ mortificationis exsudat, et thus assidua orationis indeficienter emanat.

237 Et cur singula quæque commemorem?

Quandoquidem omnia illic sanctarum virtutum germina diversis venusta coloribus rutilant, et perpetuæ viriditatis gratia incomparabiliter vernant. O eremus sanctarum mentium delectatio, et intimi gustus inexhausta dulcedo ! Tu caminus ille Chaldaicus, ubi sancti pueri furentis incendiî vires orationibus reprimunt, et ardore fidei crepitantium contra se flammarum globos exstinguunt ; ubi scilicet et nexus uruntur, et ardorem membra non sentiunt ; quia et peccata solvuntur, et in hymnum divinæ laudis anima provocatur, dicens : « Dirupisti, Domine, vincula mea : tibi sacrificabo hostiani laudis (Dan. iii ; *Psal.* cxv). » Tu fornax, ubi superni Regis vasa formantur, et ad perpetuum nitorem malleo penitentiae percussa, ac lima salutiferæ correctionis erasa, perveniunt : in qua nimirum obsoletæ animæ rubigo consumitur, et scabre peccatorum scorix deponuntur. « Vasa siquidem figuli probat fornax, et homines justos tentatio tribulationis (*Ecclesi.* xxvii). »

O cella negotiorum cœlestium apotheca, in qua videlicet illarum mercium summa reconditur, quibus terræ viventium possessio comparatur ! Felix commercium, ubi pro terrenis cœlestia, in transitoris commutantur æterna. Felices, inquam, nundinæ, ubi venalis æterna vita proponitur, ad quam emendam etiam minimum quid solum sufficit, quod habetur : ubi brevis afflictio carnis emit cœleste convivium, et exiguæ lacrymæ risum pariunt sempernum ; possessio terrena distrahitur, et ad æternæ hæreditatis patrimonium pervenitur. O cella spiritualis exercitii mirabilis officina, in qua certe humana anima Creatoris sui in se restaurat imaginem, et ad suæ redit originis puritatem ! Ubi sensus obtusi ad subtilitatem sui acuminis redeunt, et vitiatæ naturæ azyma sincere reparantur. Tu das, ut jejuniis videantur ora pallentia, et mens divinæ gratiæ sit pinguedine saginata : tu das, ut homo mundo corde Deum conspiciat, qui suis involutus tenebris, seipsum prius ignorabat. Tu hominem ad suum facis redire principium, et de exiliî ejectione ad antiquæ dignitatis revocas celsitudinem. Tu facis, ut homo in mentis arce constitutus, cuncta sub se videat terrena defluere, semetipsum quoque in ipsarum rerum labentium prospiciat decursione transire. O cella sacræ militiæ tabernaculum ; prociunctus triumphatoris exercitus, castra Dei, « turris David, quæ ædificata est cum propugnaculis ; mille clypei pendent ex te, omnis armatura fortium ! » (*Cant.* iv.) Tu campus divini prælii, spiritualis arena certaminis, angelorum spectaculum, palestra fortiter dimicantium luctatorum, ubi spiritus cum carne congregitur, et fortis ab infirmitate non superatur. Tu vallum in expeditione currentium, tu munitio fortium, tu præsidium cedere necessitum pugnatorum. Fremat hostium circumfusa barbaries, accedant vineæ, phalaricis missilia jaculeantur, vibrantium gladiatorum silva densescat ; qui in te sunt, lorica fidei præmuniti sub imperatoris

A sui invicta protectione tripudiant, et de hostium suorum dejectione jam certi triumphant. Quibus nimirum dicitur : « Dominus pugnabit pro vobis, et vos tacebitis (*Exod.* xiv). » Vel si unus est : « Noli, inquit, timere, plures enim, inquit, nobiscum 238 sunt, quam cum illis (*IV Reg.* vi). » O eremus mors victorum, ac procul dubio fomes, et vita virtutum ! Te lex attollit, te prophetia miratur : et quicumque ad perfectionis cumulum pervenerunt, tuum novere præconium. Porro tibi Moyses debet bis acceptæ legis Decalogum (*Exod.* xxiv, 34) ; per te Elias cognovit Domini pertranseuntis excursus (*III Reg.* xix) ; per te Eliseus duplicem magistri sui sortitus est spiritum (*IV Reg.* ii).

Et quid amplius dicam ? Quandoquidem Salvator mundi in ipso redemptionis humanæ primordio præconem suum tibi accolam fecit : quatenus sub ipsa jam sæculi venientis aurora ex te lucifer veritatis erumperet : post quem plenus sol veniens, mundi caliginem splendoris sui radiis illustraret. Tu scala illa Jacob (*Gen.* xxviii), quæ homines vehis ad cœlum, et angelos ad humanum deponis auxilium. Tu via aurea, quæ homines reducis ad patriam. Tu stadium, quod bene currentes provehis ad coronam. O vita eremitica, balneum animarum, mors criminum, purgatorium sordidorum. Tu mentium secreta purificas, squalores diluis scelerum, atque ad angelicæ nitorem munditiæ pervenire animas facis. Cella nempe est conciliabulum Dei et hominum, compitum in carne degentium, et supernorum. Illic siquidem superni cives ad colloquia humana conveniunt, ubi non tam linguæ carnis verba componunt, quam sine vocis strepitu fecunda mentium arcana pateant. Cella namque conscientia est secreti consilii, quod habet cum hominibus Deus. O quam pulchra rerum species, cum frater in cellula constitutus nocturnas peragit psalmodias, et quasi pro divinis castris militares custodit excubias : contemplatur in cœlo cursus siderum, decurrit etiam per os ejus ordo psalmodiarum. Et sicut præcedentes ac subsequentes stellæ ad diem suas vicissitudines alternando perveniunt, ita psalmi, qui ex ore ejus tanquam ex quodam oriente procedunt, ad suum finem paulatim velut parili cum sideribus conviatione decurrunt. Iste suæ servitutis exhibet ministerium ; illæ delegatum sibi exsequuntur officium : iste psallendo intrinsecus ad lucem tendit inaccessibilem, illæ sibi invicem succedendo, ejus exterioribus oculis visibilem reparant diem. Et dum utraque ad suum finem diverso tramite properant, servo Dei quodammodo et ipsa elementa subserviando concordant. Cella siquidem testis est, quando divini amoris igne cor ferveat : et utrum perfectæ devotionis instantia quis Dei faciem quaerat. Novit cum mens hominis cœlestis gratiæ rore perfunditur, et per compunctionis fletum lacrymarum inundantium imbribus irrigatur : ubi et si ex carnis oculis lacrymæ non erumpant, ipsa tamen amaritudo cordis a lacrymarum fluctibus non elongat ; quia quod ex ramo exterioris

incidentiæ non colligitur, in ipsa humidi cordis vi-
rentis semper radice servatur. Sufficit enim si mens
sit flebilis, etiamsi jugiter flere non possit. Cella est
ergastulum, ubi pretiosi lapides poliuntur, quatenus
in structura templi postmodum sine ullo eudentis
mallei sonitu disponantur.

O cella Dominicæ sepulture propemodum æmula,
quæ in peccato mortuos suscipis, et per afflatum
sancti Spiritus Deo reviviscere facis! **239** Tu es
ab hujus vitæ turbida vexatione sepulcrum, sed
coelestis vitæ pandis introitum. Te portum tranquil-
latis inveniunt, qui naufragium mundani fluctus
evadunt. Te potentis medici conclave decernunt,
qui vulnerati in prælio hostiles manus effugiunt.
Mox enim ut in tui culminis umbram perfecto corde
secedit, omnis sauciata animæ livor, omnis certe
interioris hominis plaga curatur. Te Jeremias
aspexerat, cum dicebat: « Bonum est præstolari
cum silentio salutare Domini. Bonum est viro, cum
portaverit jugum ab adolescentia sua: selesit
solitarius, et tacebit, quia levabit se super se
(*Thren. iii.*). » Habitat etenim tuus elevat se super
se, quia Deum esuriens anima a terrenarum se-
rum obtutibus erigit, et in divinæ se contemplationis
arce suspendit, a mundi se actionibus segregat,
atque se in altum coelestis desiderii pennis librat;
cumque illum, qui est super omnia, conspiciere
satagit, semetipsum quoque homo cum reliqua
mundanæ vallis dejectione transcendit. O cella spiri-
tuale prorsus habitaculum, quæ de superbis humi-
les, de gulosis sobrios, de crudelibus pios, de ira-
cundis mites, de odiosis reddis in fraterna charitate
ferventes! Tu otiosæ linguae frenum, tu luxuriosis
renibus nitidæ castitatis adhibes cingulum. Tu facis
ut leves quique ad gravitatem redeant, ut jocos
scurrilitatibus parcant, ut vaniloqui se sub distri-
cta silentii censura constringant. Tu jejuniarum ac
vigiliarum nutrix, tu patientiæ custos, tu purissimæ
simplicitatis magistra, ac omnino fraudulentæ du-
plicis ignara. Tu facis ut vagos quosque Christi
catena coerceat, ut indiscipline moribus a sua se
pravitate peccant. Tu nosti homines ad perfec-
tionis culmen evehere, atque ad consummatæ san-
ctitatis fastigium sublimare. Tu facis ut homo sit
teres atque rotundus, ac nulla semetipso sit inæ-
qualitate diversus. Tu etiam hominem facis lapidem
quadrum, construendis videlicet coelestis Jerusalem
mœnibus aptum: qui nimirum non ex levitate mo-
rum se versatilem præbeat, sed fixus semper in
sanctæ religionis gravitate persistat. Tu homines a
semetipsis extraneos reddis, et vasa vitiorum florere
virtutibus facis. Tu nigra, sed formosa, sicut ta-
bernacula Cedar, sicut pellis Salomonis. Tu lava-
crum tonsarum. Tu sicut piscina in Hesebon. Oculi
tui sicut columbæ super rivos aquarum, quæ lacte
sunt lotæ, et resident juxta fluentia plenissima
(*Cant. i, iv, v, vii*). Tu namque es speculum ani-
marum, ubi se mens humana perspicaciter intuens,
quod minus est, impleat; quod superfluum repri-

mat; quod obliquum est, dirigat; quod deforme,
componat. Tu nuptialis es thalamus, in quo sancti
Spiritus arrha tribuitur, et coelesti Sponso felix ani-
ma fœderatur. Recti diligunt te, et qui te fugiunt,
veritatis luce privati, quo gressus ponere debeant,
non agnoscunt. « Adhæreat lingua mea faucibus
meis, si non meminerio tui, si non proposuero te in
principio lætitiæ meæ (*Psal. cxxxvi*). Illud etiam
de te cum eodem Propheta alacri libet voce can-
tare: « Hæ requies mea in sæculum sæculi: hic
habitabo, quoniam prælegi eam. Quam pulchra es,
et quam decora, charissima, in deliciis (*Psal. cxxxi*;
Cant. vii). » Sub figura **240** tui Rachelem decor
venusti vultus ornavit (*Gen. xx*): et Maria optimam
partem, quæ ab ea nunquam auferetur, elegit (*Luc.*
B *xi*). Tu areola aromatum, fons hortorum, tu ma-
lum punicum. Licet enim nescientibus amara videar-
is in cortice, sed magnum est, quod intrinsecus
latet, cum perventum fuerit ad suavitatem medullæ.
O eremus mundi persequentis effugium, laboran-
tium quies, mœrentium consolatio, ab æstu sæculi
refrigerium, peccandi repudium, libertas anima-
rum! Te David petiit, cum mundi mala perferret;
et cum timidi et tenebrosi cordis tædium sustine-
ret: « Ecce, inquit, elongavi fugiens, et mansi in
solitudine (*Psal. lvi*). »

Et quid alios memorem? Quandoquidem ipse Re-
demptor hominum in exordio te suæ manifestationi-
nis invisere, ac propria te dignatus est habitatione
sacrare. Postquam enim baptismatis aquam, qua
lotus est, lavit, ut Evangelista testatur, statim spi-
ritus expulit eum in desertum: « Et erat in deserto
quadraginta diebus, et quadraginta noctibus: et
tentabatur a satana, eratque cum bestiis (*Marc. i*). »
Debitore ergo se tibi mundus agnoscat, unde præ-
dicaturum, ac miracula facturum suscepisse se
Deum non ignorat. O eremus terribile malignis spi-
ritibus habitaculum! ubi cellæ monachorum, velut
tentoria ordinata castrorum, quasi tures Sion, et
quasi propugnacula Jerusalem eriguntur adversus
Assyrios et contra faciem Damasci; imo cum in
eisdem cellulis uno spiritu diversa gerantur officia,
dum videlicet hic psallitur, illic oratur, in alia scri-
bitur, in aliis vero variis manuum operibus insuda-
tur; quis non hæc divina verba eremo congruere vi-
deat, quibus dicitur: « Quam pulchra tabernacula
tua, Jacob, tentoria tua, Israel: ut valles numerosæ,
ut horti juxta fluvios irrigui, ut tabernacula, quæ
fixit Deus, quasi cedri prope aquas! » (*Num. xxiv*).
Et quid amplius de te dicam, o vita eremitica, vita
benedicta, viridarum animarum, vita sancta, vita
angelica, exedra gemmarum coelestium, curia spiri-
tualium senatorum! Odor tuus cunctorum aroma-
tum fragrantiam superat, sapor tuus super distil-
lantes favos, super omnia mella guttur illuminati
cordis obdulcat: atque ideo quidquid est, quod de
te dicitur, dignitatis tuæ meritis non æquatur;
quia lingua carnis nullatenus exprimere sufficit,
quod de te spiritus invisibiliter sentit, et quod tu

sapis in interiori gustu, atque in medulla cordis, A nunquam pene explicuit corporale organum vocis. Illi te noverunt, qui te diligunt: illi præconia tuæ laudis agnoscunt, qui in tui amoris amplexibus delectabiliter requiescunt.

Cæterum qui hoc ignorant non prævalent cognoscere te; me etiam nihilominus tuæ laudis imparem fateor, sed unum pro certo scio, o vita benedicta, quod de te indubitanter affirmo: quia quisquis in amoris tui desiderio perseverare studuerit, ipse quidem habitator est tuis, sed ejus inhabitator est Deus. Diabolus illi suis temptationibus servit, atque illuc eum tendere, unde ipse dejectus est, gemit. Victor itaque dæmonum, socius efficitur angelorum; exul mundi, hæres est paradisi; abnegator sui, sectator est Christi. Et qui nunc per ejus vestigia graditur, peracto cursu, sine dubio ad 241 societatis ejus gloriam provehetur: atque, ut idipsum sidenter dicam, qui singularem hanc vitam usque ad finem vite suæ pro divino amore tenuerit, de habitaculo carnis egressus, ad ædificationem ineffabilem perveniet, domum non manufactam, æternam in cælis.

CAPUT XX.

Clausula disputationis per apostrophem ad Leonem eremitam.

Ecce, Pater charissime, solvendam tibi quæstio-

nem fraterna pulsatus inquisitione proposui, sed et ipse interim non distuli proferre quod sensi: non videlicet ut alios arrepta doctoris auctoritate docerem, sed tibi potius, quæ imperitiæ meæ haberetur opinio, evidenter exponerem; atque ideo quidquid est prælibatis disputationibus comprehensum, non tam 242 assertionis studio, quam sub quadam tui examinis est suspensione prolatum, nec est definitiva sententia, sed disceptatio rationibus ventilata. Quapropter, charissime, omnibus, quæ a nobis utcumque digesta sunt, diligenter inspectis, vel si prave præsumpta sunt, superducta novacula protinus audenter oblitera: aut si tuis fortasse meritis sanæ doctrinæ sunt congrua, propriæ auctoritatis vigore confirma. Potui quidem quæ latius dicta B sunt, brevius comprehendere; sed libuit, fateor, accepta occasione tuæ dulcedinis alloquium protelare. Libenter enim aromatum diu species teritur, præsertim si et illius odor suavis est cui ministerium exhibetur.

Omnipotens Deus servo suo Leoni occulta inspiratione præcipiat, ut pro me misero tres per singulos dies sive lacrymas, sive gemitus fundat.

Sit nomen Domini benedictum.

243-244 OPUSCULUM DUODECIMUM.

APOLOGETICUM DE CONTEMPTU SÆCULI. AD ALBIZONEM EREMITAM ET PETRUM MONACHUM.

ARGUMENTUM. — In hoc libello miserabilem suo tempore religionis statum quotidie in deterius proludentem, ob monasticæ disciplinæ contemptum, omni animi contentione deplorat. Invehitur in monachos, qui cum mundo se nuntium remisisse profiteantur, mundanis tamen fluctibus, et negotiis irretiti teneantur. Queritur apud eos nullius auctoritatis esse leges, et instituta Patrum: quippe cum pecuniam, quam seorsum habere sub gravissimi sacrilegii poena prohibentur, nihil veriti singuli possideant, et passim quærant. Exaggerat eorumdem levitatem et inconstantiam, quod non in cella, ut debent, permaneant: sed passim ubique evagentur, unde fiat ut in gravissima peccata prolabantur. Detestatur superbiam et arrogantiam, quod speciosis vestibus utantur, quodque sint popularis auræ per fictam probitatem affectatores. Tum externas occupationes et sæcularium negotiorum moles, quibus se implicant, graphice describit, et ante oculos ponit. Tandem concludit eosdem obsecrans, ut si suæ salutis curam habent, omnino se a sæculo subtrahant, et re ipsa, non specietenus, se mundo abdicasse omnibus palam faciant.

CAPUT PRIMUM.

Queritur de monasticæ disciplinæ lapsu.

De contemptu sæculi hujus, fratres charissimi, Albizo videlicet venerabilis eremita, et Petre de mundi rhetore jam Christi philosophe, sæpe, ut nostis, familiari quodam studio disputare soliti, tum de nostra ipsorum imperfectione doluimus, tum etiam de nonnullis hujus sacræ militiæ fratribus per abrupta vagantibus conquesti sumus. Ad tantam quippe faciem quotidie semetipso deterior mundus iste devolvitur, ut non solum cujuslibet sive sæcularis, sive ecclesiasticæ conditionis ordo a statu suo

C collapsus jaceat, sed etiam ipsa monastica disciplina solotenus, ut ita dixerim, reclinata, ab assueta illa celsitudinis suæ perfectione languescat. Perit pudor, honestas evanuit, religio cecidit, et velut facto agmine omnium sanctarum virtutum turba prociul abscessit. Omnes enim quæ sua sunt, quæruunt (Philipp. II), et contempto cælesti desiderio, terram insatiabiliter concupiscunt. Et quia sub ipso mundi fine postmodum inhiare non desinunt, quasi post alta pelagi in littus everti, terram remigio inaniter pulsant, dum adhuc pervicaces navigare festinant. Et cum laborandi finis prociul dubio quies sit,

quibus ultro quiescendi locus offertur, supervacuo A fensionis arte purgabimus? Huc accedit quod illi, laboris studio pœnaliter fatigantur.

CAPUT II.

De monachis, qui ad ea, quæ reliquerant, rever-
tuntur.

Sed esto, ut filii hujus sæculi in fluctivaga sæcu-
larium procellarum inundatione versentur, et nunc
semina, quibus propensius oblectantur, aspergant,
ut non quas voluerint, postmodum fruges metant.
Quid enim mihi, juxta Apostolum, de his qui in
mundo sunt, judicare? (I Cor. v.) Nos autem, qui
mundi abrenuntiationes dicimur, qui terreni fluctus
naufragium evasisse gloriamur, cur ad illud denuo,
velut 245 quodam vertice violenter absorbente rela-
bimur? Cur ad ea, quæ pro divino amore contemps-
imus, retrogradis nitentes gressibus, male æstuant
desiderio recalemus? Cur non veremur illud inho-
nestæ ambitionis importunitate repetere, quod ne-
que terrena jura, neque divinæ legis auctoritas ve-
tuerat possidere? Porro nos fecimus, ut a nobis
juste possessa jam nostra non fierent, et quæ nostri
juris erant, in alienum dominium translata prodirent.
Quod ergo consilium fuit in tam periculosum
nosmetipsos certamen adducere, ut contra omnium
humanarum divinarumque legum decreta, quarum
videlicet pace fruebamur, nunc necesse sit dimicare?
Nos siquidem minime lacesciti ultronea temeritate
bellum movimus, et nunc contra sacræ Scripturæ
sententias configere non timemus.

CAPUT III.

Quod minus peccaverunt Ananias, et Saphira, quam
monachi, qui pecunias habent.

Quis, rôgo, Ananiam et Saphiram rebus propriis
abrenuntiare coegit? (Act. v.) Sed quia partem pecu-
niæ uterque pro sustentanda quasi longa vita re-
tinit, repentinæ mortis sententiam non evasit. Et
quia nequaquam juxta abrenuntiatorum regulam con-
tenti sunt vivere, juxta prævaricatorum animadver-
sionem coacti sunt immaturo exitu infelicitè expi-
rare. Et quidem illi, utpote rudes, et ad fidem denuo
venientes, necdum fortasse ad plenum evangelicæ
præcepta didicerant, necdum sacri novæ doctrinæ
codices ad publicum in commune processerant; at-
tamen qui in ipso fidei tirocinio quodammodo sim-
plicitèr peccaverunt, districto quidem, sed pio judi-
cio, sola, ut credimus, sunt corporum morte multati.
Nos autem, qui cuncta sacri eloquii volumina novi-
mus, qui innumerabilium sanctorum Patrum vitas
atque præcepta post illud aureum apostolorum sæ-
culum existentium, præ oculis assidua discussione
versamus, ante tribunal Christi quid excusationis
obtenere, quod tergiversationis argumentum pote-
rius invenire? Ecce longe nobiliores quæstus, et
lucra quæque terrena non modo reliquimus, sed et
perpetuam eorum abrenuntiationem non homini,
sed Deo potius professi sumus. Si ergo adhuc mar-
supio nostro nummus includitur, si ad interni spe-
ctatoris injuriam quantumlibet pecuniæ reservatur,
quid illi in reddenda ratione dicemus? qua nos de-

vacillante adhuc fide, in nulla videbantur ecclesia-
stica posse sustentatione confidere; nimirum dum in
ipso Christianæ religionis exordio ipsæ quoque
Ecclesiæ necdum fuerant per materiale ædificium
fabricatæ.

Nos autem, qui ubique terrarum tam largissima
ecclesiarum patrimonia cernimus, ut quotidie, dum
mundus imminuta possessione contrahitur, Ecclesia
copiosissime dilatat; si tanquam de futuris ali-
mentis lucrum carnale reponimus, dum nobis in
posterum providendo ditescimus, thesauro fidei nos
vacuos esse monstramus. 246 De quo Apostolus :
« Habemus, inquit, thesaurum istum in vasis fictili-
bus (II Cor. iv.) » Et dum cautionem, quam cum
Christo pepigimus, frangimus, violatæ fidei potius
tormenta metuere, quam præmia possumus de no-
stra conversione sperare. In conventionem etenim
pacti, quod inter duos fit, sponsionis vox ex utraque
parte procedit : ut nimirum uterlibet, qui condita
servaverit, modum deliberati fructus accipiat; e
contra qui transgressus fuerit, jacturam violatæ
sponsionis incurrat.

In pactione autem illa, qua cum Deo nostro con-
venimus, vox nostra hæc procul dubio fuit, quia
Christum sequentes, mundum, et quæque sunt
mundi, abrenuntiare promissimus. Divina autem vox
consequenter ad ista respondit : « Amen, inquit,
dico vobis, quia vos qui secuti estis me, in regene-
ratione cum sederit Filius hominis in sede majesta-
tis suæ, sedebitis et vos super sedes duodecim ju-
dicantes duodecim tribus Israel (Matth. xix.) » Et
hoc quidem, si propositæ sponsionis jura servamus;
alioquin si post terga respiciamus, terribile mæ ora-
culum divinæ comminationis audimus : « Nemo, in-
quit, mittens manum suam ad aratrum, et respi-
ciens retro, aptus est regno Dei (Luc. ix.) » Ecce
audivimus, qui perfectis renuntiatoribus non qualia-
cunque munera promittantur, sed sedes, quibus vi-
delicet præsidebunt judices facti, qui de suis olim
timuerant excessibus judicari. Nimirum decebat, ut
hæc dexteræ Excelsi immutatio fieret, quatenus qui
amore perfectionis pro Christo effecti sunt pauperes,
jam cum ipso divites facti communiter sedeant cœ-
lestis curiæ senatores, sicut scriptum est : « Nobilis
in portis vir ejus, cum sederit cum senatoribus terræ
(Prov. xxxi.). »

CAPUT IV.

Quod monachus nequeat Christum simul et pecunias
possidere.

Qui vero ad ea, quæ reliquit, terrena quælibet
congerendo, revertitur, sicut alienus est a sæculo,
quo se decrevit exuere, ita etiam regno Dei aptus
ultra non est, quod indubitanter acceptum noluit
possidere. Fatuus nimirum viator, nec eo reverti
potest, unde irrevocabiler prodiit, et quo ire dispo-
suerat, non pertinxit. Enimvero cum mundo renun-
tiavimus, proprietatem nostram Deum esse consti-
tuimus : et nos illius proprietates consequenter effecti

sumus, ut et ille esset portio nostra, et nos pecuniariter hæreditas sua. Dicimus enim : « Portio mea, Domine (*Psal. cxviii.*) » Et ille nobis : « Opus manuum mearum tu es, hæreditas mea, Israel (*Isa. xix.*) » Nam de hæreditate terrena scriptum est : « Hæreditas, ad quam in principio festinatur, in novissimis benedictione carebit (*Prov. xx.*) » Si ergo portio nostra ipse omnipotens Deus esse dignatur, quod, rogo, divitiarum genus quispiam valebit acquirere, quod super hunc singularem thesaurum merito debeat cumulare? Thesaurus namque ille huiusmodi est, ut si solus sit, omnes in illo divitiæ valeant veraciter possideri. In pectore namque Jesu omnes thesauri sapientiæ et scientiæ absconditi sunt (*Coloss. ii.*). Si vero alias **247** atque peregrinas divitias super hunc is, qui potitur, constipare voluerit, illico vilis atque ignobilis copiæ deditur omnino consortium; et indigni contubernalis impatiens, dum retineri putatur, amittitur; atque hoc modo ex frustrati avolat manibus possessoris : « Nemo enim potest Deo servire et mammonæ (*Matth. vi.*) »

Quapropter, o monache, vis in tuo loculo recondere Christum? excute prius nummum; neque enim in uno receptaculo congrue sociantur; nam si utrumque simul incluseris, alterum sine altero vacuus possessor invenies. Quanto quippe in egenis mundi lucris copiosior fueris, tanto a veris divitiis ærumnatosus inanesceas. Nummus ergo si est, in aliena protinus iura concedat, ut vacuum tui pectoris arcam Christus inveniat. Magnus nempe hospes in diversorii tui querit angusta descendere, atque idcirco solus vult, et sine consortibus habitare. Quem enim cæli terræque non valet vastitas capere, quo pacto in exiguo tui domatis angulo niteris illi peregrinos ad cohabitandum socios adhibere? Cedat, cedat terrena pecunia, ubi cælestis thesaurus admittitur : « Quæ enim societas lucis ad tenebras? » (*II Cor. vi.*) Quæ conventio Dei ad mammonam iniquitatis? Abjiciatur ergo pecunia, ærugini tineæque et furtis obnoxia. Vacet exedra cordis, quæ cælesti mercimonio possit impleri : « Nolite, inquit, thesaurizare vobis thesauros in terra, ubi ærugo et tinea demolitur, et ubi fures effodiunt et furantur (*Matth. vi.*) »

CAPUT V.

Quod melius est habita retinere quam adjecta repetere.

Periculosior namque est animæ pecunia cum acquiritur, quam cum ultro suppeditans possidetur. In ista siquidem terreno more est justa possessio, in illa vero feralis sæpe regnat ambitio. Salubrius ergo fuerat habita quieto animo possidere, quam abjecta non sine quadam solliciti rancoris anxietate requirere. Pudeat ergo te, o miles Christi, peritura in hoc sæculo facultate ditiſcere, ne in futuro cogaris nudus, et inops perpetuo mendicare. In talis quippe militiæ arma jurasti, quæ nudos et agiles expetit bellatores; onustos autem atque in Deo segnes a castrorum excubiis donativi arcet immunes. Abjurat

A illa malitia sarcinis prægravatum, et turpiter ante tempus merito subrogat expeditum. Non licet illie marsupia pendere nummorum, ubi thecæ tantummodo vibrantium cernuntur armorum. In bellicosa scilicet acie, inerti pecuniæ non tuto servitur, ubi constipatis eumeis assidua dimicatione configitur. Non ille solidorum summam securus enumerat, qui circumfusa hostium multitudine telorum missilia indesinenter expectat. Sæpe namque in talibus dum talentum metalli cuiuslibet trutinatur, improvisa veniens occulti hostis sagitta, stomacho librantis infigitur; sicque fit, ut qui solus sibimet sine rei familiaris adminiculo minime videbatur posse sufficere; jam se et sua repentino casu lugeat irrecuperabiliter amisisse; et qui pauper cum Christo in libertate **248** designatus est vivere, dives absque illo, sed servus pecuniæ compellitur damnaliter interire. Audi, quid divitibus vox divina promittat : « Væ vobis, divites, quia recepistis consolationem vestram (*Luc. vi.*) » Nec te prætereat et hoc, quod Jacobus dicit : « Væ vobis, divites; divitiæ vestræ putrefactæ sunt, vestimenta vestra a tineis comesta sunt, aurum et argentum vestrum æruginavit, et ærugo eorum in testimonium vobis erit, et manducabit carnes vestras, sicut ignis (*Jac. v.*) »

CAPUT VI.

Quod avarus nummicola verius quam Christicola nuncupetur.

Audisti, obsecro, nummicola et monache, quid tibi æstus avaritiæ pariat? Audisti ad quem finem pecunia congesta perducatur? Justum quippe est, cuius nunc mens amore carnis ardet in concupiscentia, illius postmodum et ipsa caro comburatur in pœna. Nunc fornax mentis invisibili concupiscentiæ ardore succenditur, dignum est, ut tunc quoque caro materialis incendii flamma inextinguibiliter deſcatur. Audi adhuc, nummicola : quod autem te nummicolam appello, a qualitate tui operis vocabulum traho, non contumeliæ in te nomen usurpo; nummos enim colis, qui pecuniam diligis. Et cum Dominus per Prophetam dicat : « Vacate et videte, quoniam ego sum Dominus (*Psal. xlv.*) » vacationis quidem cultum, quem Deo debueras, nummis exhibes, circa quorum custodiam vacas. « Ubi enim est thesaurus tuus, ibi est et cor tuum (*Matth. vi.*) » Quocirca sicut qui Christum colit, iure Christicola dicitur; ita et qui nummis per custodiam servit, non immerito nummicola perhibetur. Sed adhuc fortasse proprii cordis sequi arbitrium judicor, si etymologiam nominis hujus sacræ Scripturæ testimoniis non affirmo. Ipsa nempe Veritas dicit : « Non potestis Deo servire et mammonæ (*Matth. vi.*) » ac si aperte dicat : Nemo potest Deum simul et pecunias colere. Quod Apostolus manifestius declarat, cum ait : « Hoc autem scitote, intelligentes, quod omnis fornicator, aut immundus, aut avarus, quod est idolorum servitus, non habet hæreditatem in regno Christi et Dei (*Ephes. v.*) »

Tot ergo criminibus simpliciter enumeratis dum solam avaritiam idolorum asserit servitutem, luce clarius docet avaram non Dei, sed nummorum, ac per hoc dæmoniorum esse cultorem.

Sed dum in exponendo nummicolæ nomen diutius inmoror, ab effundenda ipsa nummorum congerie manum disputationis, imo dissipationis avertō. Facta igitur tibi de proprio nomine satisfactione, nummicola, jam quod dicturus eram vigilanter ausculta. Audi ergo quid de te, tuisque similibus Veritas dicat: « Difficile, inquit, qui divitias habent, intrabunt in regnum cælorum (Matth. xix). » Et hæc quidem sententia de iis, qui divitias juxta morem sæculi possident; cæterum hi, qui rejectis omnibus, denuo ad vomitum sunt relapsi, nisi respiscant, regnum cælorum nulla, vel cum difficultate, possunt fiducia promereri.

249 CAPUT VII.

Quod etiam parva pecunia monachi animam immatuer lædat.

Sed ex isto nummicularum numero cerebrosus quisquam fortasse non deerit, qui mihi ad ista respondeat: Divitiarum me cur mordaciter impetis, quem perexigua summa contentum vix paucos habere obolos cernis? cumque hoc propriæ fragilitati consentio, relevandæ tantummodo futuræ necessitati prospicio; non affluere divitiis quæro. Teste siquidem totius fraternitatis meæ conventu, a filo subtegmis usque ad corrigiam caligæ de monasterii mei facultatibus non accipio: et si propriis me quibuscunque reculis prorsus evacuo, qualiter vivo? Ecce proprietarius noster, sive melius, ut ante, nummicola, paupertatis patrocinio utitur, ut ipse dives irreprehensibiliter videatur; et quibus argumentorum fucis mortale vitium palliat, ut quodammodo sepulcrum fœdis cadaveribus plenum superductæ calcis albore candescat?

Age, frater, si ex nummisterialibus impensis commodum tibi sperare licuisset, nunquid non vestes, quas mox ut præberentur indueres, non autem pecuniæ lucra darentur, quæ loculis famulatura servares? Cur non eodem compendio uteris in his etiam quæ ab extraneis conferuntur? Videlicet ut percepto quolibet munere mox necessaria redimantur, et virus apud te pecuniæ non moretur? Hoc enim modo et indigentia tuæ velox consolatio provehit, et lepra pecuniæ fœdis te maculis non aspergit. Cur autem tibi de exiguitate pecuniæ tanquam securus applaudis, qui tibi sic chalcum, sicut et ipsum assen prohibitum esse non ambigis? Cui vero tota ei cujuslibet universitas intercluditur, excusationis aufugium de minutis non lucratur; et cui totum cessit, pars procul dubio non remansit; præsertim cum hæc sit mentis humanæ natura, ut ita occupetur circa minima, si sit indigens, sicut erga multa, si dives. Sive enim sumptuosa divitiarum inundatione circumfluas, sive tenuissima te rei familiaris angustia premat, sententia illa mutari non potest: « Ubi est thesaurus tuus, ibi est et cor tuum (Matth. vi). »

A Cræsus et Amyclas, diversi quidem possessores, sed non diversas circa hæc, quibus fruuntur, exhibent voluntates. Licet enim ille aureos metiatur, iste millium numeret, discreta quidem facultatum quantitate cæduntur, sed non dissimili circa illa, quæ cuique viritum suppetunt, amore tenentur. Porro si exiguus mus, vel quodcunque reptantium in quamlibet capacissimam tunnam casu deciderat, nunquid non protinus cum securibus hinc inde concurritur, totum, quidquid illud erat, effunditur, cunctisque screantibus, vomitum minante stomacho nauseatur? Si tenuissima veneni stilla pando oleris alieno diffunditur, nonne totum, esculentius licet, edulium prorsus abominabile judicatur?

Si ergo perexigua mala largissima sæpius bona corrumpunt, quo pacto te de lenocinante conscientia jactas, quia minimum est, quod contra professionis tuæ propositum privata proprietate possideas? Nam juxta Apostolum: « Modicum fermentum totam massam corrumpit (I Cor. v). » Et alibi: « Qui modica spernit, paulatim decedit (Eccli. x). » Neque enim primi parentes nostri ex illo prohibito pomo (Genes. iii) frequentibus sunt conviviis crapulati, cujus una tantum leguntur infasta percæptione corrupti; sed non idcirco momentaneæ ultionis perplexi sunt poena, quia diutius non perstiterè transgressores in culpa.

CAPUT VIII.

Qualiter ad veras possit monachus divitias pervenire.

Si ergo, frater, quisquis es, sumptus te delectat acquirere, unde futuræ possis occurrere paupertati, veras providus divitias appete, veræ etiam paupertatis inopiam pertimesce. Illius namque paupertatis intuitu, facillime paupertas ista contemnitur; illarum comparatione divitiarum omnis terrenæ substantiæ copia, tanquam littorea alga despicitur, quæ pedibus conculcatur. Igitur si vere contendis inopiam tædiosissimæ illius paupertatis evadere, stude in agro cordis tui optimarum frugum sationibus insudare. Teste enim Apostolo: « Qui seminat in spiritu, de spiritu metet vitam æternam (Gal. vi). » Et iterum: « Bonum autem facientes non deficiamus; tempore enim suo metemus non deficientes (Ibid.). » Illud summum et unicum granum in novalibus tuæ mentis occulta: quod videlicet cadens in terra mortuum fuit, et multum attulit fructum (Joan. xii). Hoc tibi thesaurus, hoc tibi sit omnigenarum ubertatis frugum. In illo acquirendi flumem constitue, in illo omnem utriusque vitæ fiduciam pone. Dominus enim omnium est, et dives in omnes qui invocant illum (Rom. x).

Enimvero si granum illud competenti cura servare studueris, videbis apothecas interioris cellarii tui, auri, et argenti omniumque divitiarum talentis affluere. Videbis et horrea tua novo proventu segatum incomparabiliter redundare. Illum ergo thesaurum curiosa sollicitudine jugiter excole, circa illum nocturnas diluinasque excubias vigili sedulitate depende. In illo enim uno omnium dives eris, nec

eorum, quæ tibi fuerint necessaria, copia poteris indigere. In illo [quippe possidebis aurum divinæ sapientiæ, argentum ædificatrici eloquentiæ. In illo diversa pallia decora et honestæ conversationis, bis tinctum videlicet coccum geminæ charitatis, coloribus nitidæ castitatis. In illo lyssum patientiæ, flammæum birotinum divini timoris, purpuram regiæ dignitatis. Quia enim muriceo sanguine tingitur, ut in purpureum colorem lana vertatur, quisquis solio recti examinis ita præsidet, ut omnes suæ carnis illecebras, vitiatorumque barbariem violento imperio mortificare festinet, hic rex non immerito dicitur, et spiritualis purpuræ, decore vestitur. In illo diupisticum virentis semper spei, nimirum vocatus in hæreditatem incontaminatam, immarcescibilem, conservatum in cælis (I Pet. i). In illo habebis annulum fidei, armillas perfecti in activa vita operis, dextralia etiam speculatiæ contemplationis. « Læva enim ejus **251** sub capite tuo, et dextera illius amplexabitur te (Cant. ii). »

Et quid tibi plura pollicear? quandoquidem in illo omnium virtutum gemmis, cunctorum perfrueris charismatum margaritis? Nec tibi deerunt omnium mundorum scilicet immundorumque animalium greges, quæ sub virga tuæ transeant disciplinæ. Immunda siquidem vitiatorum armenta sub tuæ ditionis imperio domabuntur; munda vero interioris tui hominis ventrem suavissimæ refectionis dapibus saginabunt. Ovini velleris turba delicatius accurata, dulcis innocentie præbebunt tuis ferculis alimenta. Domesticæ altitium carnes non cessabunt in te divini amoris augere pinguedinem. Universa genera volucrum super mentis tuæ mensam sumptuosius instruent spiritale convivium; at vero taurina cervix superbiæ suppositum tuæ ditionis emugiet jugum. Equinæ luxuriæ effrenata libertas sub te chamati oris mandat insatiabiliter ferrum. Omnes belluæ vitiatorum, universa portenta reptilium tremefacta pavebunt tuæ dominationis imperium. Et hæc quidem omnia in hac vita in tuum cedent ultro peculium, si pretiosum illum ac singularem, quem prædiximus, caute studueris custodire thesaurum.

Cæterum in illa veræ beatitudinis vita quanta tibi, et quam potiora dabuntur, non est, fateor, nostrarum virium disputare, non est nostræ facultatis evolvere. Hoc tantum ad compendiosum inexpli-

cabilis negotii exitum referre sufficiat, quia hoc accepturi sunt, qui mundum perfecte reliquerunt: « Quod oculus non vidit, nec auris audivit, nec in cor hominis ascendit, quæ præparavit Deus diligentibus se (I Cor. ii). »

Hunc ergo thesaurum, Christum videlicet, Deum et Dominum nostrum, qui nobis factus est re-emptor et pretium, ipse promissor et præmium, qui et vita est hominum et perennitas angelorum, hunc, inquam, in exedra tui pectoris diligenti cura reconde. In illum omnem eujuscunque necessitatis sollicitudinem projice. In ipso per assiduæ orationis colloquium delectare. In ipso te vigilibus sanctorum

A cogitationum epulis refice. Ipse tibi sit cibus, ipse nihilominus indumentum. Si contigerit autem, ut etiam ejuspiam commodi exterioris indigeas, nihil hæsites, nihil de ejus fida promissione diffidas, qua pollicetur, dicens: « Primum quærite regnum Dei, et hæc omnia adjicientur vobis (Matth. vi). » Qui enim sitientibus Israeliticæ plebis agminibus ex illo arida metallo rupis uberes aquarum rivos jussit effluere (Exod. xvi), qui esurientibus cælestis manna per annosa temporum potuit spatia ministrare, qui innumeram orthogometrarum multitudinem præcepit in murmurantium castra descendere, uni homuncioni suis jugiter obsequiis insistenti non poterit necessaria providere? Et qui per quadraginta circiter annorum curricula infinitæ illius turbæ vestimenta servavit illasa, difficile sibi est attritis veteribus novas tibi exuvias reparare? Nos certe nos minimæ fidei, compellimus Christum esse tenacem. Nempe pusillanimatorum diffidentia facit pauperem Christum; at plena fides divitem illum et largum in exhibendis expeditur. Satage tantum in his te **252** exercere, quæ jussit, et nulla prorsus ex his maneat dubietas, quæ promisit. Sit securus exactor, ubi ad reddendum promptus est debitor. Sine causa diffidit, ubi ille promissor est, qui nunquam mentitur. Securus creditor graditur, cum simplex veritas promissione tenetur.

Hæc autem de proprietatem habentibus monachis brevi perstringere compendio duximus; nunc autem ad eos, qui equinis vocationibus assidue delectantur, C disputationis articulum transferamus.

CAPUT IX.

De monachis assidue discurrentibus.

Nec reor de vestra excidere potuisse memoria, fratres charissimi, quia sæpenumero de hac quoque monachorum pernicie concordî inter nos familiaritate doluimus: et inquietis fratribus ac vagationis vitio pereuntibus, fraternæ charitatis affectu compassi sumus. Sunt namque nonnulli, quibus dum sæculi militiam bajularent, pertæsum erat sub humanæ servitutis jugo huc illucque discurrere, adeo ut deliberarent ad monasteriale otium libertatis amore transire; nunc autem tanto sunt pestiferæ inquietudinis ardore succensi, ut si quando non præbatur ocaseo dictans longius progredi, tenebroso carceralis custodia videantur horrore concludi: quod procul dubio fieri antiqui hostis non ignoratur astutia. Quos enim adhuc sessor nequissimus equitat, idcirco importunis vagandi calcaribus urget, ut et ipsi ad sæculi vanitatem redeuntes pereant, et alios ab arripiendo tramite veræ salutis avertiant. Sunt enim quamplures in sæculari habitu constituti, qui nisi ad hunc monasticæ institutionis portum, Christo duce, confugiant, aliter se in illis procellosis muræ pelagi fluctibus salvari posse omnino diffidant.

CAPUT X.

Quid laici de monachis secularibus dicant.

Sed cum contemplantur eos qui nuper cuncta quæ mundi sunt, cum magno fervore contemperant,

nunc ad sæcularium negotiorum turbinem inhiante redigi, et in ejusdem, quam evaserant, cænosa volubri facie versari, stupor mirantibus oritur, suspirium ab imis visceribus trahitur, et in eorum mentibus desperatio generatur. In semetipsum namque unusquisque hujusmodi querelam deponit, dicens: Væ, væ, ubi ego propriæ salutis spem posui? Cur autem capitis mei periculo ad ordinem illum transire decrevi? Paulo minus brevi puncto corpus simul et animam perdidici. Pene me in ignem apertis oculis propria voluntate conjeci. Quis enim illo ferventior aliquando monasterium petiit? Quis, ut videbatur, animosiori constantia ad Christi militiam properavit? Nunc autem omnium, quæ promissit, oblitus, in terrenis se negotiis jugiter versat, sæculum tractat, sæculum spirat: et quem mihi mortificationis habitus dissimilem reddidit, mecum mundo non **253** dissimiliter vivit. Plane, ut perspicuum est, mutare corpus exteriorem speciem potuit, sed mens in eo, quo fuerat statu, male fixa permansit. Quid mihi conversionis ejus incentores accusare? In rebus siquidem bellicis solummodo commilitonem perdidici, sed in reliquis terrenis actibus socium non amisi. Mecum certe forenses lites agitatur, mecum in tribunalibus iudicum perorare non cessat, mecum importunus atria principum penetrat, mecum simul eorum auribus consilia terrenæ profunditatis instillat.

Sed qua temeritate socium nuncupare præsumo, quem jam consuetudinaliter socium, sed in cunctis tanquam pedissequa, vix præambulum sequor? Sane tantum a populo gloriam de sua conversione lucratur, ut supervenienti omnes assurgant, quidquid attulerit, velut prophetiæ oraculum credant, et devotionis illi obsequium reverenter exhibeant. Sed videlicet quantum ad carnem, nequaquam infructuosa illius creditur fuisse conversio; quia qui sæcularem vestem non cum mente deposuit, sæcularem pompam callidus permutator plenius acquisivit.

Has itaque, atque hujusmodi murmurationes dum detractatores effundunt, quantis sit occasio preundi in sæculo pervagatio monachorum quis enumerare sufficiat? Facilius enim in sæculari habitu etiam perire deliberant, quam perditorum exempla sequendo, utrumque simul, ut aiunt, sæculum perdant. Et revera non est mirandum, si videntibus hoc scandalum nascitur, quod et Deo, et sacræ auctoritati probatur esse contrarium. Ait enim Apostolus. « Nemo militans Deo, implicat se negotiis sæcularibus, ut ei placeat, cui se probavit (*II Tim. II*). » Et ipse Dominus admonet discipulos suos, dicens: « Cave, ne gravetur corda vestra in crapula, et ebrietate, et curis hujus sæculi (*Luc. XXI*). »

CAPUT XI.

Quod discursio monachi et virtutes expellat, et vitiorum multitudinem introducat.

Ex hac namque inquietudinis venenata radice tot vitiorum propagues oriuntur, ut in quocunque vigere cognoscitur, omni monasticæ perfectionis fructu

A velut arbor arida denudetur. Et tanquam grossi ficulneæ ventis expositi stare nequeunt, sic in illo diversis mundi tentationibus hinc inde perflantibus bonorum operum fructibus permanere non possunt. Hoc namque vitium tantæ violentiæ est, ut postquam sibi in pectore monachi semel imperium vindicaverit, mox ex maxima parte, si inest virtutum chorus, abscedat; nonnulla vitiorum portenta velut ergastulum proprii juris irrumpat. Nam ut pauca referantur e multis, monachus in itinere positus tenere jejuniū nequit, quia hospitalis ei humanitas non permittit; non sapienter psallit, quia obambulantis comitatus eum loquacitas impedit; nocturnia non insistit excubiis, quia secretum deest singularitatis; flectendis genibus non insudat, quia sanctæ devotionis studio labor itineris non concordat; nequaquam sub silentii censura constringitur, quia frequenter emergentibus causis, invitatus etiam per multiloquia diffrenatur.

254 Quid dicam, quia lectioni vel orationi minime vacat, quem extra semetipsum egredi, et terrena quæque tractare immineas potius necessitas dictat? Charitas in eo minuitur, quia mens, quæ tot actionum sæcularium ventos recipit, ab amoris intimi fervore tepescit. Suum quoque castitas mentis dispendium patitur, quia nonnunquam mens concupiscentiæ telo configitur per carnis speciem, quam exterius contemplatur. Robur etiam patientiæ frangitur, quia quodlibet inceptanti dum sæpe contra votum repentini casus emergentes obviant, qui suum accelerabat explicare negotium, non æquanimitè portat: et talia tunc per impatientiam verba profundit, quæ cum ad otium revertitur, ultricibus lacrymis graviter punit. Sobrietatis regula non servatur, quia dum lautioribus cibis convivii apparatus instruitur, dum hospitalis officii sedulitas exhibetur, quia inhumanum putat invitantium precibus non condescendere, delectat etiam ventri sub charitatis specie molliter indulgere. In quo nimirum articulo in mente servi Dei sæpe dubietas oritur, ne videlicet unde sobrietati consulitur, inde quoque hypocrisis (quod abominabile est vitium) serviat. Unde apud quosdam sobrietatis modus omnino contemnitur, ut hypocrisis quoque nota procul abesse videatur. Sed hoc modo in eo, quod discrete agi creditur, discretio non tenetur. Ille enim scit recte discernere, qui virtutem novit a vitio separare: qui autem cum zizaniis simul etiam triticum eradicat, hic procul dubio vim discretionis ignorat. Quisquis ergo solo supernæ remunerationis intuitu sobrietatis limitem non excedit, et hypocrisis sub humilitatis suæ pedibus calcatur, et custodit sobrietatis præmium incunctanter expectat.

Ut autem adhuc quoque de monacho discurren-
dicamus, lacrymarum compunctionem quibus peccata defleat, non habet; quia mens arida, quæ per æstum terrenæ conversationis incedit, dum perfundi rore sancti Spiritus non meretur, arescit: et terrenarum cogitationum cæno plena, quia aquam

capitis interius gratia largiente non concipit, nullas extra se lacrymas fundit. Aliquando fortasse circumfusus auditoribus prædicat, sed repente vana gloria subripit, et quasi ex insidiis prodians, eum, qui aliis medebatur, occidit. Si autem et hoc præcavens, sub silentii se censura constringit, nihil eorum posse perficere, quorum gratia venerat, erubescit. Si morosæ gravitatis, ut dignum esset, speciem servat, valde pertimescit, ne et hic hypocrisis notam simulator incurrat. Si autem a suæ mortificationis rigore quantumlibet se in lenitatem resolvit, hic etiam multo minus securus est, ne videlicet suo exemplo alios destruat. Si quando inter dissidentes sequestræ pacis vult reformare concordiam, si districte veritatem exsequitur, reconciliationis inter eos unitas non conflatur; quod si uti mendaciis acquiescit, peccati laqueos non evadit. Cum vult peccantes arguere, culpam non minimam deputat, tot proximorum suorum adversum se odia concitare. Videre autem, et conticescere, quid aliud arbitratur, nisi prave agentibus consentire? Et hæc quidem ex illis, qui 255 quantolibet calent superni fervoris igniculo. Cæterum frigidi quique, qui spretis divinæ militiæ castris, ad mundanæ vertiginis molam sinistro postliminio revolvuntur, quam iudicabiliter agant, quam inconsiderate vivant, referant qui volunt. Nobis consultius videtur, eos pia compassione deslere, quam execrandæ conversationis gesta conscribere, ne quibus solas compatiendi lacrymas debemus impendere, his videamus censoriis litteris obtreccare.

CAPUT XII.

Quæ mala infelix anima monachi patiat, cum ad inferiora revertitur.

Hoc autem absolute dicimus, quod tantis insidiarum tendiculis hoc tempore mundus ille densatus est, ut quisquis hujus sacri ordinis desiderat innocenter vivere, ab illius processu cautissime se expediat abstinere: cujus videlicet iter si sæpe terit, procuratos insidiarum laqueos non evadit; et tanquam arbor munientis se corticis defensione nudata, nec virtutum fructus afferre, nec vitiorum quasi tendorum scaturientium cariem poterit evitare. Cum vero ad propriæ habitationis claustra revertitur, cominus illum quasi quædam conglobata turba omnium quæ viderat, vel audierat, comitatur, ut tumultuantium negotiorum strepitum, quem illic tolerabat in corpore, multo ingruentius, multoque importunius hic patiat in mente; præcipue si orationi vacare enixius cœperit, ecce phantasmata cogitationum, ecce imagines, quas viderat, rerum, ita ut in quolibet angulo constitutus, videatur sibi ludis theatralibus interesse, vel inter agitates forense litigium residere. Et quidem homo renititur, et quasi circumvolantes muscas abigere a suæ mentis ore conatur. At illæ mox, ut abscedunt, protinus redeunt; illico ut repelluntur, assistant: ut quasi fugitivum suum persequentes capere, et in propriæ servitutis moliantur exercitia revocare. Tunc infelix

A anima discit, quanti sibi constiterit, quod se per latitudinem sæculi inaniter relaxavit. Tabescit enim sicca, obscura, lapidea; in modum namque lapidis obdurata, nec in lacrymarum fluentia prorumpere, nec lumen potest tenebris undique circumfusa videre. Psalmorum quidem mysteriis intendere nititur, sed tanquam lippientibus oculis intolerabili lumine reverberatur. Anhelat virtute, qua potest, ad summa contendere, sed quodam suo pondere prægravata, in imis cogitur humiliata jacere. Cui propheticum illud non inconvenienter aptatur: « In tenebrosis collocavit me quasi mortuos sempiternos, circumædificavit adversum me, ut non egrediar, aggravavit compedem meum, sed et cum clamavero, et rogavero, exclusit orationem meam (Thren. iii). » Mœret, anxius, anhelat; et quia nec ipsam hanc ejus miseriam sibi flere permittit, acriori doloris amaritudine repleta turbatur. Saltem hanc ploratus vocem cum propheta daretur effundere, qua dicitur: « Idcirco, inquit, ego plorans, et oculus meus deducens aquam; quia longe factus est a me consolator, convertens animam meam (Thren. i). » Sed infelix 256 illa anima, cum et se flebilem videat, et tamen flere non possit, quam procul sit a salute, quasi in quemdam lacum devoluta miseriam, longius conspicit. Nimirum cum flere via tantummodo sit, ut peccatorum valeat ad indulgentiam pervenire: ergo cum illa reatum suum plangere nequeat, videtur sibi, quod necdum etiam in viam pedem posuerit, qua pertingere ad indulgentiam possit.

C Hæc simile est, quod ex imperfectorum persona per Prophetam dicitur: « Concupivit anima mea desiderare justificationes tuas in omni tempore (Ps. cxviii). » Qui enim legem Dei, quæ procul dubio justificatio ejus est, omni tempore nondum desiderat, sed jam desiderare concupiscit, jam quidem utcumque minus suspicit, sed nequaquam perfectionis alta conscendit. Fit ergo menti miseræ tam tenebrosa confusio, ut quocumque se verterit, se versari in sæculo videat, cum sæculum sine se esse indubitanter agnoscat. Cum illo itaque est, quod cum ipsa non est; quia scilicet mundum, quem corporali digressionem deseruit, secum per phantasticas imaginationes in mente depingit. Enimvero ista in humana mente calamitas, et peccatum est, et pœna peccati. D Justum quippe est, ut quod quisque volens admisit, patiatur invitus. Nimirum ut qui noluit se intra secretum sui ordinis cohilere, cum potuit, nequaquam sæculo carere potuisset etiam cum reliquit.

Mens igitur humana tantæ egestatis atque penuriæ necessitate constricta dolet, gemit, atque ab imis visceribus suspirium trahit; quia videlicet recessus sui munditiam vagationis vitio perdidit, et se rursus in volutabro sæculi velut sus lutulenta provolvit (Prov. xxvi; II Petr. ii). Tunc se levitatis atque inconstancie mordaciter arguit; se vagam atque fallacem vehementer accusat, et Dei iudicium rectum esse, et æquitatis jura tenere veraciter pro-

bat, dicens cum propheta : « Bonus est Dominus sperantibus in eum, animæ quærenti illum. Bonum est præstolari cum silentio salutare Domini. Bonum est viro cum portaverit jugum ab adolescentia sua : sedebit solus, et tacebit, quia levavit se super se (Thren. iii). » Quæ enim, si secreta diligeret, super semetipsam gauderet evecta, morietur nunc, quia ad publicum exiens, se sub se videt jacere prostratam.

CAPUT XIII.

Quod is qui foras egreditur, cum excommunicatis communicare cogatur.

Est etiam aliud, quod etsi impedimenta deessent, solum sufficere poterat, ut monachos a mundi vagatione compesceret. Quis enim hoc tempore quorumlibet sæcularium possit invenire conventum, ubi non sit hujusmodi, qui pro sui reatus piaculo excommunicationis debeat subire judicium? Jam dudum enim omnia per mundum crimina communiter emergerunt, universa flagitiorum mala nunc vigent, atque eo se diffusius quotidie pullulando dilatant, quo vicinior mundi terminus appropinquat. Quapropter impossibile est monacho, qui ad publicum egreditur, ut non sive cum **257** excommunicatis, sive cum excommunicandis, quod pene tantumdem est, communicare cogatur. Cum homicidis enim, cum perjuris, cum incestuosis, cum incensoribus ædium, cum adulteris loquitur : quibus, etiam si adversus exhorreat, plerumque tamen osculo jungitur, simul etiam communi ferculo, prout necessitas imminet, convivatur, cum contrario Apostolus clamet : « Si is qui frater nominatur, fornicator, aut immundus, aut ebriosus, aut rapax, cum hujusmodi nec cibum sumere (I Cor. v). »

Et certe satis formidolosum est, nimisque contrarium, cum his qui a Deo divisi sunt, habere consortium, præsertim monachis, qui Deo ita sunt peculiari quadam, atque, ut ita loquar, domestica familiaritate conjuncti, ut abjurato sæculo, solis sint divinis obsequiis irrevocabili deputati. Sicut enim ab ipso reproborum capite, ita quoque a membris illius, nisi causa conversionis exegerit, studendum est declinare. Una siquidem hic abominationis repulsa debetur, quibus illic unus igitur, attestante Veritate, paratur, dum ad sinistram positus dicitur : « Ite, maledicti, in ignem æternum, qui paratus est diabolo et angelis ejus (Math. xxv). » Quos ergo ad aliam **D** cernimus patriam tendere, non debemus eis in via noxiæ societatis glutino fœderari, ne quos inordinatus amor associat, simul etiam pœna extremæ ultionis involvat.

CAPUT XIV.

Quod sicut ab excommunicatis, ita etiam ab excommunicandis oporteat declinare.

Enimvero ut enucleatius pateat, quantum bonos pravorum societas lædat, hac possumus perspicua ratione colligere, quia videlicet eorum alii sunt sacerdotali sententia nuper excommunicati, alii tantummodo canonico sanctorum Patrum judicio communione privandi. Sed de his qui nuper excommunicati

sunt, nulli dubium, quin omnis, qui eorum participo utitur, similem damnationis sententiam sortitur. De his autem, qui pro commissis criminibus canonica quidem sunt auctoritate damnandi, nec dum tamen vivis sacerdotum vocibus ab ecclesiastica videntur unitate præcisi, a nonnullis ambigitur, utrum eorum tuto societas admittatur ; sed si rem pensiori subtilitate perpendimus, nullam pene inter eos esse distantiam invenimus. Sive enim a modernis, sive ab antiquis Patribus quis jure damnetur, idem est : nec temporum diversitas solvit, quem eadem perpetrati piaculi causa constringit, et actum varietas judiciali calculo non præjudicat, ubi una limatæ æquitatis regula sententiam dicat.

Sed quod approbare volumus, melius ostendimus, si ipsa excommunicantium Patrum et antiquorum scilicet et novorum verba ponamus. Sacri siquidem canones dicunt : Qui hoc, vel illud fecerit, excommunicatur. Moderni quoque pontifices in jaculanda excommunicationis sententia, eadem fere verba depromunt, dicentes : Ille, qui hæc fecerit, excommunicatur. Quorum igitur sunt eadem verba, eadem nihilominus est intelligenda sententia, **258** et cum præsentium sanctorum pontificum omne judicium ab antiquorum Patrum definitionibus pendeat, nullum isti damnare præsumunt, nisi quos jam ab illis damnatos esse noverunt. Non ergo quemlibet isti noviter damnant, sed jam prolatam majorum sententiam sequendo confirmant. Concludendum est igitur (vide scholia ad calcem opusculi), quia sicut ab his cavendum est, quos moderna synodorum concilia ab ecclesiastica societate repellunt : ita et ab illis nihilominus declinandum, quos antiqui Patres eliminandos esse decernunt.

Hæc itaque causa non minima est, quæ monachum a sæculi excursionibus retrahat, et in sui recessus angulo stabilem reddat, quia valde miserum est a propriis quidem excessibus reprimi, sed alieni reatus maculis inquinari, cum aliis non delinquere, et alieni delicti supplicia sustinere. Malorum namque, cum incaute amicitii jungimur, culpis ligamur. Unde Josaphat qui tot de anteacta vita præconiis attollitur, de Achab regis amicitiiis pene periturus increpatur, cui a Domino per prophetam dicitur : « Impio præbes auxilium, et his qui oderunt Dominum amicitia jungeris, et ideo iram Domini mereris, sed bona opera inventa sunt in te, eo quod absteris lucos de terra Juda (II Par. xix). » Ab illo enim, qui summe rectus est, eo ipso jam discrepat, quo perversorum amicitiiis vita nostra concordat. Quem enim vox illa apostolica non terreat, qua nobis contestans, et a pravorum contubernio revocans, clamat? « Denuntio, inquit, vobis in nomine Domini Jesu, ut subtrahatis vos ab omni fratre ambulante inordinate, et non secundum traditionem quam tradidimus vobis (II Thess. iii). » Si ergo ab his omnibus nosmetipsos debemus caute subtrahere, quos non secundum traditionem apostolicam cernimus ambulare ; quanti in illo sæculari supersunt or-

dine, cum quibus absque periculo valeamus contubernium familiaritatis habere! Porro autem qui apostolica traditione contempta, aliam doctrinam sive dogmatizando, sive vivendo superinducere nituntur, orthodoxi et religiosi viri perfrui consortio non meretur, apostolo quoque Joanne attestante, qui ait: « Si quis venit ad vos, et hanc doctrinam non affert, nolite recipere eum in domo, nec Ave ei dixeritis; qui enim dicit illi Ave, communicat operibus ejus malignis (11 Joan. 13). » Quibus nimirum apostolicæ veritatis instructi sententiis evidentissime comprobamus, quia qui cum sceleratis hominibus carnaliter amicitias jungunt, alieni reatus participes fiunt; et cum illis simul extremæ ultionis coguntur subire judicium, cum quibus tamen in hac vita simul non admisere peccatum.

CAPUT XV.

De monachis qui pretiosis vestibus delectantur.

Hec etiam vitium, quod videlicet jam persecuti sumus, discurrerem monachum familiariter obsidet, quia profecto nunquam sic ad parum valet a se lepram virosæ proprietatis excutere, quin sibi necessarium videatur, quantumlibet apud se occasione tineris 259 retinere. Hinc etiam pretiosarum amor vestium nascitur, ne videlicet in publicum prodians, despicibilis esse videatur. Verumtamen dum exterioris indumenti phalera queritur, cuncta interioris hominis compositio dissipatur. Hæc autem insania falsa, nescio quo pacto, ita perversæ mentis oculos cæcat, ut nec quæ apud homines honestas sit, videat; neque unde apud Deum quis clarius videri possit, attendat. Et revera insania est, et falsa est. Insanum quippe est, occulti arbitri judicium superbiendo contemnere, et humani favoris auram molliori veste captare. Falsum vero est, quia unde oculus superni Spectatoris offendit, inde etiam nihilominus apud humanæ existimationis judicium cadit; et ex qua re hominibus videri clarior appetit, ex ea se quodammodo dentibus publicæ obfectionis exponit; cumque nitor indumenti ad intuentium se oculos provocat, linguas etiam ad carpendum hunc, qui induitur, derogationum spiculis armat. Quis enim monachum mollioribus indutum videat, et non protinus illum divino vacuum spiritu, terrenis potius, quam celestibus inhiare decernat? Quæ enim sit mens ex veste colligitur, et juxta exteriorem cultum quæ sit intentionis species judicatur. Quod nimirum cum evangelica auctoritate concordat, cum dicitur: « A fructibus eorum cognoscetis eos (Math. vii). » Quanquam isti non veniant ad nos cum vestimentis ovium; quandoquidem vestimentum ovium vestis est humilitatis et innocentie, non arrogantie vel rapinæ. Illa autem vestis rapinæ esse non immerito nuncupatur, quæ duarum, vel etiam trium vestium summa coemittitur. Rapinæ namque scelus admittit, qui vanæ gloriæ deditus in sui corporis indumentum solus insumit, unde et fratrem suum secum contegere communiter potuit. Rapinam procul dubio perpetrat, qui vani honoris ardore succensus, duarum impensas

A vestium in unam prodigit, et proximum suum, quem sicut semetipsum amare debuerat, in sua nuditate relinquit.

Sed hoc distat inter istos encenatiatos, videlicet monachos, et illos hypocritas quos Evangelium notat; quia illi, teste Veritate, veniunt ad nos in vestimentis ovium, intrinsecus autem sunt lupi rapaces (Math. vii); isti autem intus vento vanæ gloriæ crepantibus ilibus intumescunt, foris autem in veste rapinæ, sicut probatum est, ac per hoc in veste luporum arroganter incedunt. Itaque cum Dominus de Joanne dicat Judeis: « Quid existis videre? hominem mollioribus vestitum? Ecce qui mollioribus vestuntur, in domibus regum sunt (Math. xi); et profecto monachus, qui nitorem pretiosæ vestis affectat, B non superni Regis, sed mundi hujus militiam bajulat: et licet videatur specie tenus Deo suæ quasi obedientie munus offerre, sed aperte vincitur, humanum captando favorem, vanæ gloriæ veraciter deservire. Porro autem si sub obtentu obedientie licet mollioribus indui, cui potuit hæc remissio liberiori dispensatione concedi, quam B. Joanni, qui præcipue obsequæ donatus officio, venerat corda patrum in filios nova prædicatione convertere, et perfectam plebem Christo Domino præparare (Luc. i)? Nunquid et ipse Dominus providere sibi calceamenta non potuit, 260 cujus gentilis perfidia sola inter se vestimenta divisit? Nam si ei minime calceamenta deessent, de illis etiam sacræ historiæ series non laceret.

CAPUT XVI.

C Quod sicut pretiosa vestis ad iram, ita humilis Deum ad indulgentiam provocat.

Rex Ninive purpura indutus propriæ civitatis excidium meruit; coopertus sacco divini furoris motum contriti cordis humilitate placavit (Jon. iii). Ezechias quoque cultu regio decoratus, terribiles regis Assyriorum minas tremefactus audivit; sed mox ut ipse cilicio tegitur, cilicioque contactos ad prophetam mittere nuntios non erubuit, propinquæ divinæ victoria; et optatæ prosperitatis oraculum reportavit (IV Reg. xix). Quæ nimirum promissio, Scriptura teste, celerem pervenit ad exitum. Nam ecce angelus Domini centum octoginta quinque millia Assyriorum una nocte percussit, deinde ipsum Sennacherib regem uterque filius paricidaliter D quidem, sed digno gladio trucidavit (ibid.).

Vides igitur apud Deum quantum vestis fluxa distet ab aspera. Perpendis, quia quem iratum experiri delicata meruerat, vilis et abjecta vestis iudicem placat; et quem plectibilem illa reddiderat, venia dignum ista commendat. Cujus autem momenti apud Deum vestium sit ornatus, egregius illi prophetarum Isaias evidenter ostendit, qui nimirum ad divinæ jussionis imperium vestimenta deposuit, et per trium annorum spatium nudus, et discalceatus incessit. Erubescat igitur humana superbia, confundatur mens misera vanæ gloriæ peste corrupta, dum illa videlicet organum Dei, templum Spiritus sancti, divinæ justitiæ propalator, non dubitavit publice nudus in-

cenere. Et infelix homo, qui ne ullum quidem meruit A
divinæ familiaritatis indicium, supersticiosum laci-
niosæ vestis affectat ornatum; et dum male coloratæ
vestis fucos induit, lubricis aspiei a semetipso,
superni Speculatoris oculos non vetetur averti. Ita
sane dum indumentum illud arrogantæ sub divina
æstimatione despicitur, is etiam qui induit, con-
sequenter abominabilis judicatur.

Sed esto, videlicet ut Isaia nudus incesserit, nun-
quid tunc cum vestitus ire consueverat, indui molli-
oribus indulgebat? Interrogemus ergo ipsam pro-
pheticæ narrationis historiam, et audiamus quid sibi
vox divina præcipiat: « Locutus est, inquit, Domi-
nus in manu Isaia filii Amos, dicens: Vade, et solve
saccum de lumbis tuis, et calceamenta tolle de pedi-
bus tuis (Isa. xx). » Qui enim non aliud quoddam
vestimenti genus, sed saccum de lumbis auferre præ-
cipitur, profecto quanti sibi vestium litura constiterit,
liquido declaratur. O quanta tunc erant regum, et
principum terræ trielinia deaurata! quot pictis
circumfusa tholis purpurata cubilia! quanta prædi-
vium ornamenta gemmis micantibus insignita! quot
laquearia cedrinis et cypressinis instructa sigillis!
et tamen omnibus spretis, despiciabiliterque contem-
ptis, hunc saccina deformitate contextum dignatus
est omnipotens 261 Deus templum sibi rationale
construere, et per eum quasi organum, secreti sui
mysteria mortalibus revelare.

Discat ergo, discat encaenitatus monachus, quam
male mercatur, quia unde clarus apparere humanis
oculis appetit, hinc procul dubio in superni Judicis
æstimatione sordescit: unde impensius ab homini-
bus honoratur, inde magis a Deo despicitur; cumque
in admirationem sui intuitum oculos provocat, ab
obutibus se divinæ gratiæ contenebratus elongat.

CAPUT XVII.

*De his qui vilitate vestium vulgarem mercantur ap-
plausum.*

Sed quoniam loquendi de vanitate vestium se oc-
casio præbuit, sicut de his qui mollibus delectantur
pauca perstrinximus, ita etiam de illis, qui eodem
quidem laborant morbo, sed diversa feruntur insa-
nia, breviter disseramus. Sunt namque nonnulli,
qui vilium deformitate vestium, favorabilem vulgi
mercantur applausum; et hac jucundius delectatione
pascuntur, si dum pro accuratæ deformitatis indu-
stria videntur obiecti, per effertentium populorum
ora volitant gloriosi. Gaudent de se inquirentium
discussionis fieri; gaudent se, velut mirandum
aliquid, digito demonstrari; qui nimirum de sua
deformitate compositi, de obscuritate conspicui, de
humilitate videri machinantur excelsi. Versuta si-
quidem diabolice calliditatis astutia ad hoc depri-
muntur, ut sublimes appareant; ad hoc deturpantur,
ut oculis intuitum spectabiles entescent.

Porro autem istis cum superioribus diversa qui-
dem summa est, quam expendant; sed unæ sunt
merces, quas concorditer emunt. Vana gloria nem-

pe, quasi quædam negotiandi materia in medio
posita est, ad quam videlicet diversi mercatores
accedunt. Alii vilia indumenta tanquam pretium de
marsupio proferunt, alii redhibere pretiosa contem-
dunt. Sed dum quique pro suis partibus satagunt,
qui viles vestes afferunt, reliquis emptoribus conti-
nuo præferuntur. Qui enim delicatis vestibus utitur,
sicut superior dictum est, sæpe unde captare auri-
ram favoris æstimat, inde latius obrectatorum
morsibus patet; qui vero vilis indumenti extremitate
contentus est (porro de monachis loquor) cujuscun-
que intentionis studio, scilicet sive prave, sive
recte id faciat, sanctitatis illum opinio contuenti-
bus plerumque commendat; et quo in exteriori
habitu deformior quisque conspicitur, eo majori
B sæpe dignus reverentia judicatur.

CAPUT XVIII.

De vera humilitate David.

Verumtamen quisquis ille est, qui de proprii ha-
bitus vilitate supernæ retributionis præmium sperat,
necesse est, ut omnem laudis humanæ favorem sub
pedibus suæ mentis, ac si cænosum lutum calcare
non desinat; qualemque se spectantium obutibus
præbet, 262 talem se intra conscientiæ suæ se-
creta diducet. Unde David cum eum Michol filia
Saul objurgaret, dicens: « Quam gloriosus fuit
hodie rex Israel discooperiens se ante ancillas ser-
vorum suorum, et nudatus est, quasi si nudetur
unus de scurris (II Reg. vi; I Par. xv); » ut osten-
deret, quia eadem humilitas vigeat in mente, quam
pandebat in corpore, non iratus efferebuit, non
elationis verba respondit, sed humiliter dixit: « Vi-
vit Dominus, quia Iudam, et vilior fiam plusquam
factus sum, et ero humilis in oculis meis (ibid.). »
In quibus verbis veræ humilitatis forma proponi-
tur, dum non minus interior, quam exterior humi-
litas demonstratur. Nonnulli enim quo se deformius
in exteriori compositione deiciunt, eo de se intrin-
secus majora decernunt. Qui profecto aliud optant
se in superficie videri, aliud latenter intelligi: et
unde se humiliter in publico depriment, inde in oc-
culto elatius intumescunt. David autem, ut extrin-
secus se humilem præbeat, dicit: « Iudam et vilior
fiam plusquam factus sum. » Ut vero humilita-
tem mentis ostendat, adjungit: « Et ero humilis
in oculis meis; » ac si patenter dicat: Et exterius
humiliabor, ut aliis exemplum salutis exhibeam; et
intus humilis ero, ut in ejusdem salutiferæ humili-
tatis radice et ipse persistam. Qui ergo ita simplici-
ter gradiatur, ut qualem se in deformatione sui ha-
bitus præbet, talem se in opinione videntium esse
desideret, hic profecto Christi improprium veraciter
portat, et crucem post eum mundo mortuus baju-
lat, tantoque in divinis obutibus clarior redditur,
quanto apud humanos oculos despiciabilior judica-
tur, et fructuoso commercio is, quem vestis exterior
fœdat, gratia interiore coruscatur.

CAPUT XIX.

Quod mollia indumenta minus perfecti fastidiant, perfectiores aliquando indifferenter admittant.

Nonnulli etiam sunt, qui rectæ intentionis studio vilibus indumentis diutius assueti, si contingat aliquando, ut quantumlibet mollioribus contegantur, liberæ humilitatis supercilio delignant fastidiant; et sicut alii fœdis, ita isti pretiosis indui vestibus erubescunt; delicatos sane habitus tolerant, despiciabilium asperitate fruuntur; sunt illis omnia corporum ornamenta dedecori, deformitas honestati. Horum quidem Esther speciem tenuerat, cum dicebat: « Tu scis, Domine, necessitatem meam, quod abominer signum superbiæ et gloriæ meæ, quod est super caput meum in diebus ostentationis meæ, et detester illud quasi pannum menstruæ et non portem in diebus silentii mei (*Esther* xiv). » Hi quidem sancti desiderii ardore fervescunt, adhuc tamen adversum passionum suarum tentamenta configunt. Alii autem ad tantæ mortificationis celsitudinem pervenerunt, quod jam ad utraque velut insensibiles facti, sicut vilibus indui consuetudinaliter expetunt, ita etiam ubi res exigit, pretiosa quæque, vel nitida nullatenus perhorrescunt: utraque scilicet uno contemplantes aspectu, quos nimirum **263** mollia non resolvunt, et aspera non affligunt.

Istorum quoque forma Judith fuerat, quæ videlicet cilicis eatenus usa, cum necessitas petiit, diversis se corporeæ venustatis infulis adornavit, sacra testante Scriptura, quæ ait: « Abstulisti a se Judith cilicium, et exiit se vestimentis viduitatis suæ, et lavit corpus suum, et unxit se myrto optimo, et discriminavit crinem capitis sui, et imposuit mitram super caput suum, et induit se vestimentis jucunditatis suæ, induitque sandalia pedibus suis, et assumpsit dextraliola, et lilia, et inauras, et annulos, et omnibus ornamentis suis ornavit se (*Judith* x). » Cum his igitur ornamentis sancta femina et veræ circa se humilitatis custodiam tenuit, et eum, quo locupletata fuerat, paupertatis spiritum non amisit.

CAPUT XX.

Vagatio multis fuit occasio pereundi.

Sed dum ego monachum pretiosis indutum exuere gesto vagantem, quem arripueram, de manu propriæ disputationis amitto: et jam procul elongantem vix aspicio, dum solas mihi in manibus vestes remansisse perpendo. Abiectis itaque vestibus, ipsum perneciter insequamur, nec perfectionis culmen attingere, nec ordinis sui digne poterit munia custodire. Dina quippe Jacob filia, quandiu se intra ta bernacula paterna cohibuit, illibatæ virginittis jura servavit; postquam vero ad videndas mulieres regionis illius egressa, publicum petiit, hostem pro-

A tinus virginitas pertulit, et alienæ libidini turpiter prostituta servivit (*Gen.* xxxiv). Uxor Levitæ de latere montis Ephraim, donec in penetralibus posita curis se domesticis occupavit, conjugalibus thalami pudicitiam custodivit; ducta autem relicta cognationis affectu, patriam parentesque revisit; dehinc rediens multis corruptionibus furiosæ libidinis præda succubuit: et dum in carne periclitantis pudicitie naufragium pertulit, ignominioso vexata ludibrio etiam spiritum exhalavit (*Judic.* xix). Thamar soror Absalon, dum in fraternis laribus simpliciter habitat, intermatæ virginitatis genium servat; cum vero Amnon filio David fraternæ dependit visitationis officium, præceptæ virginitatis plorat incurrisse dispendium (*II Reg.* xiii); et tandem experta quod tutius esset manere, quam progredi, licet sero, secretum otium noxiæ prætulit vagitati.

Et tu igitur si vis animam tuam in suæ virginitatis integritate persistere, si abominandum ducis fœdis et violentis corruptoribus subjacere, secretum appete, recessum singularitatis inquire, aures et oculos a negotiorum secularium vanitate firmiter obstrue, carnalium hominum colloquia destructioni magis, quam ædificationi profutura contemne. Nam juxta Salomonem: « Qui tangit picem, inquinabitur ab ea (*Ecclesi.* xiii). » Inira conscientie ergo tuæ te cubiculum **264** collige. Cunctis domus tuæ foribus, cunctis videlicet sensibus censoriæ disciplinæ repagula, ne quis ingrediatur, appone. Fons enim, cui circumquaque ne effundatur ocluditur, undis ad alta fluentibus elevatur; e contra, qui per plures rivos hinc inde deducitur, mox ut super eum æstus ferventior incubuerit, exsiccat. Denique si deambulanti David in solario domus regis clausæ fores obisterent, in lavantis se Bersabee concupiscentiam nullatenus exarsisset (*II Reg.* xi); sed quia oculum sub custodia disciplinæ non tenuit, ipse quoque post eum in immane hiantis ruinæ barathrum totus in præceps ruit. Lubricatis enim gressibus, totius sui expertus est lapsum, dum solius frenum relaxavit obtutus; cui videlicet illud Jeremiæ aptissime congruit: « Deprædatus est, inquit, oculus meus animam meam (*Thren.* iii). » Si ergo tam sublimis cœli columna propter solam oculorum vagationem gravissime corruit, quid de nobis infirmis et parvulis sentiendum, qui per sæculum discurrantes, nos extra nosmetipsos prorsus educimus; et visum, atque auditum, omnesque sensus nostros hauriendis mundi vanitatibus occupamus?

CAPUT XXI.

Quod Esau vagatio dejecit, Jacob stabilis exaltavit.

Quæ autem distantia sit inter monachos, qui secreti remotionem diligunt: et eos qui se per exteriora diffundunt, in duobus Isaac filius luce clarius edocemur. Scriptum namque est: « Quia factus est Esau vir gnarus venandi, et homo agricola, Jacob autem simplex habitabat in tabernaculis (*Gen.* xxv). » Sed iste prudenter simplex fratris primogenita, et

benedictionem patris, proventus sui cautos exsecutor A comedit et bibit, et abiit, parvipendens quod primogenita vendidisset. »

CAPUT XXII.

In duobus his fratribus patet, quid inter vagos monachos et stabiles distet.

In his igitur duobus fratribus (Gen. xxvii) manifeste deprehenditur quanta inter residentes atque vagabundos monachos esse distantia sentiat. Ille enim nisi se instabilem, et sui prodigum per exteriora diffunderet, nequaquam benedictionis paternæ mysterium unâ cum primogenitis amisisset; iste nisi intra domesticæ se laris septa comprimeret, infra præscriptam subsecutionis suæ limitem junior humiliter desedisset. Ille gnarus et solers a suæ prærogativæ jure dilabatur; iste quietus et simplex, subactis fratribus, singulari privilegio principatur. Alter saltus et lustra peragrans defessus, a primatus sui dignitate dejecitur; alter in conclavi amœno fruens otio, ad capessendam super populos, tribusque monarchiam divinitus sublimatur.

Desinat ergo monachus, quisquis est, cum Esau ex remotioris suæ claustris frequenter erumpere; desinat cum eo sub obedientiæ specie causis se sæcularibus implicare; ne quandoque se cum ipso lugeat divinæ benedictionis extorrem, quem roxiæ vagationis sortitur auctorem. Cum Jacob igitur se domesticum præbeât, cum Jacob in tabernaculis simpliciter vivat, quatenus Deum, qui vere pater est electorum, 266 boni operis vesci dapibus cupientem, non silvestrium ferarum, sed domesticæ gregis apparatione reficiat, quando non de externæ sanctitatis superficie, sed suave sibi de conscientie suæ virtutibus edulium parat. Neque enim Deus hostiarum pelles in sacrificio sibi mandat offerri, sed interiora potius viscerum cum ipsis quoque medullis præcipit exhiberi. Unde et in ostendendo ipso sacrificiorum ritu Moyses præcipit, dicens: « Subtracta pelle, hostiæ artus in frusta concidant (Levit. i); » cui mandato etiam mysticus intellectus inesse deprehenditur, si subtilius indagetur. Pellem namque hostiæ subtrahimus, cum a mentis nostræ oculis superficiem virtutis amovemus. Cujus artus in frusta concidimus, cum distinguentes subtiliter ejus intima, membratimque cogitamus, ut quæ foris sincera videntur et solida, intus non habeant latebrosæ vanitatis vitio cavernosa. David autem pro magno munere medullata se Deo sacrificia oblaturum esse pollicetur, dicens: « Holocausta, inquit, medullata offeram tibi, cum incenso et arietibus (Psal. lxxv). »

Quisquis autem se per negotiorum sæcularium exercitia delectabiliter fundit, holocausti sui medullas cum visceribus subtrahit, et solam victimam pellem Deo, quæ offerri prohibetur, adolere contendit; qui vero suave Deo sacrificium offerre desiderat, recessus petat, interiora sectetur, animam suam integram, illibatamque in propria virginitate

Ut autem supersedeant scutum excusationis opponere, qui sæculum perlustrantes, jactant se obedientie legibus deservire, non ignorent, quia et Esau venatum proficiens, paternis jussionibus paruit; et tamen nec patri cibos offerre, nec optatæ benedictionis meruit primitias obtinere. Quisquis enim rem quæ ad vitium pertinet, consuetudine ductus, propriæ voluntatis instinctu libenter exsequitur, peccat etiam si alienis imperiis specietenus obtemperare videatur. Nam cum dicitur: « Quia Isaac amabat Esau, eo quod de venationibus illius vesceretur (Gen. xxv); » constat nimirum, quia Esau, ut patri cibos studio venationis acquireret, non magis paternæ jussioni per obedientiam paruit, quam inolitæ consuetudini quodammodo tributa persolvit. Qui ergo discurrendo per sæculum propriæ libidini satisfacit, et tamen obedire 265 se majorum jussionibus asserit, noverit Deum non tam coloratis verbositatibus credere, quam de occultis hominum juxta conscientiam judicare.

Notandum autem quod nonnulli quandiu in ipsa vagatione sunt positi, non graviter corrumpunt; revertentes autem quasi quodam negotiorum sæcularium temeto ebrii, in immane præcipitium devolvuntur. Actionum quippe sæcularium fumo suffusi oculos redeunt, atque idcirco propriis liminibus rediit, ubi pedem operis ponere debeant, non attendunt. Quod profecto idem Esau patenter insinuat, qui dum de agro rediens, oppido se conqueritur lassum, damnosum valde pepigit cum fratre commercium; dumque in se immoderatam famis rabiem sævire permisit, magnum primogenitorum decus vili parvæ lenticulæ coctione distraxit (Gen. xxv). Sic nimirum, sic qui exterioribus deditus, semetipsum deseruit, et sua postmodum corpore, non corde in interiora revocatus amisit. Contingit etiam vagationis vitio laborantibus, ut pulveratis interioribus oculis, sicut non præcavent ne in reatus foveam corrumpant, ita etiam postmodum quo ceciderint non advertant: itaque dum admissa quæque considerare subtiliter negligunt, quidquid illud est, quod deliquerant, confuso mentis examine parvipendunt, culicem siquidem non liquantes, etsi camelum glutientes. Cujus quoque cæcitatibus Esau non immunis exstitisse cognoscitur, sicut sacra historia testante perhibetur, ubi postquam dicitur: « Quia juravit Esau, et vendidit primogenita; » deinde subnectit: « Et sic accepto pane et lentis edulio,

custodiat; nec discurrendo per lupanaria sæculi immundis corruptoribus, prostibuli more, subternat. Ut ergo interni sponsi conspectui placeat, non oculos suos stibio cum Jezabele depingat (*IV Reg. ix.*), id est, non se fucis pompæ sæcularis obducatur, sed cum Judith myrto optimo sua membra perungat (*Judith x.*): omnes videlicet mentis suæ sensus immortalis unguine castitatis obliniat, ne in mortem per incontinentiam corruens, in fetore luxuriæ computrescat.

In conclavi igitur sanctæ Ecclesiæ anima se pudica concludat, sicut in æterni Regis thalamo juxta requiescat. Non carnalium propinquorum, non complicitum quorumlibet requirat affectus, sed solius veri Sponsi delectetur amplexibus. Neque enim sine causa scriptum est: « Audi, filia, et vide, et inclina aurem tuam, et obliviscere populum tuum, et domum patris tui, quoniam concupivit Rex speciem tuam (*Psal. xlv.*). » In hujus igitur Sponsi cubiculo anima sancta ab omni sæcularis strepitus turbine dormiat, super hoc suæ virginitatis auctore casti amoris facibus inardescat; cantans nimirum, et dicens: « Introduxit me Rex in cellaria sua, exsultabimus, et etabimur in te (*Cant. i.*). » Et iterum: « Fasciculus myrrhæ dilectus meus mihi, inter ubera mea commemorabitur (*ibid.*). » Si vero cujuslibet occasionis articulus accidat, ut egrediendi necessitas imminere videatur, non mox ad vagandum se leviter prouat, non colloquio consanguinitatis aggliscat, non ad sæculi vanitatem fixis mundo animus incalescat, sed morose ac graviter inter se deliberet, dicens: « Expoliavi me tunica mea, quomodo induar illam? Lavi pedes meos, quomodo inquinabo illos (*Cant. v.*)? »

267 CAPUT XXIII.

Quod aivina dispositio sicut bonis spiritaliæ otium tribuit, sic et pravos diffundi in exteriora permittit.

Si igitur singularis ille Sponsus hoc desiderium animæ sanctæ inesse perspexerit, quia procul dubio princeps est pacis, liberam sibi spiritalis otii requiem tribuit, et omnes emergentium causarum fluctus placida circa illam tranquillitate componit. Hinc est enim quod in Canticis canticorum dicit: « Adjuro vos, filiæ Jerusalem, ne ascitetis, neque evigilare faciatis dilectam, donec ipsa velit (*Cant. viii.*). » Quo contra menti reprobe, negotiisque sæcularibus inliant, sub Babylonis specie per prophetam dicitur: « Descende, sede in pulvere, virgo filia Babylonis, sede in terra, non est solium filiæ Chaldaeorum (*Isa. xlvii.*). » Hoc enim loco humana mens, virgo, non incorrupta, ut arbitror, dicitur, sed infecunda. Et quia Babylon confusio interpretatur, recte infecunda mens Babylonis filia vocatur, quæ in eo quod nequaquam bona opera germinat, dum nullo ordine recte vitæ componitur, quasi confusione matre generatur. Sin autem virgo non infecunda dicitur, sed incorrupta, postquam statum salutis perdidit, ad confusionis suæ cumu-

lum appellatur quod fuit. Cui apte per increpationem dicitur divina voce: « Descende. In alto quippe humanus animus stat, quando supernis retributionibus inhiat. Sed ab hoc statu descendit, cum turpiter victus sese defluentibus mundi desideriis subjecit. Cui bene mox additur: *Sede in pulvere.* Descendens enim in pulvere residet, quia cælestia deserens, terrenis cogitationibus aspersus in infimis vilesceat.

Ubi adhuc ingeminando subjungitur: *Sede in terra.* Ac si aperte exprobrans dicat: Quia cælesti conversatione noluisti te regere, sub temetipso prostratus in terrenis actibus humiliare. Unde et necessario protinus additur: *Non est solium filiæ Chaldaeorum.* Chaldaei namque *feroces* interpretantur. Valde autem feroces sunt, quia voluntates proprias sequentes, nec suis parcere moribus sciunt. Ferocia sunt terrena desideria, quæ non solum contra præcepta Conditoris, sed sæpe etiam contra percussionum verbera duram atque insensibilem mentem reddunt. Sed filia ferocium solum non habet, quia mens, quæ ad amorem mundi ex pravis desideriis nascitur, atque eisdem desideriis obduratur, in eo quod se terrenis concupiscentiis subjecit, sedem judicii amittit, nullique apud se solio præsidet, quia examine discretionis caret: quasi a judicii sui sessione repellitur, quia per exterioris desiderii concupiscentiam vagatur. Liqueat enim, quod mens quæ intus consilii sedem perdidit, foras se per desideria innumerabiliter spargit; et quia agere intellecta dissimulat, cæcatur etiam ut nesciat quid agat: et sæpe justo Dei judicio in sua voluntate relinquitur, et sub ea quæ anxie appetit laboriosa mundi ministeria relaxatur. Unde et apte illic subditur: « Quia ultra non vocaberis mollis, et tenera: tolle molam, et mole farinam (*ibid.*). » **268** Constat nimirum, quod teneræ suæ filia parentes parcant, nec duris atque scurrilibus hanc operibus affligunt.

Omnipotens ergo Deus quasi teneram filiam vocat, quando dilectam uniuscujusque animam a laboriosis hujus mundi servitiis revocat, ne dum exterioribus acibus afficitur, ab internis desideriis induretur. Sed Chaldaeorum filia mollis, et tenera non vocatur, quia mens pravis desideriis dedita in eo, quem anxie appetit, hujus sæculi labore relinquitur: ut foris mundo velut ancilla serviat, quæ intus Deum ut filia nequaquam amat. Unde et molam tollere, ac farinam molere jubetur. Mola in gyro ducitur, et farina profertur. Unaquæque autem mundi hujus actio mola est, quæ dum multas curas congerit, humanas mentes quasi per gyrum vertit; atque ex se quasi farinas projicit, quia seducto cordi semper minutissimas cogitationes gignit. Nonnunquam vero qui quietus alicujus esse meriti credebatur, positus in qualibet actione denudatur. Unde illic protinus subinfertur: « Denuda turpitudinem tuam, discooperi humerum, revela crura, transi flumina (*ibid.*). » In administratione quippe

operis turpitudine denudatur, dum vilis mens, abie-
ctaque in actionis ostentatione cognoscitur; quæ
quieta prius magna putabatur. Numerum mens
discooperit, quando opus suum, quod ignoraba-
tur, ostendit. Crura revelat, quia quibus deside-
riorum passionibus lucris mundi inhiet, manife-
stat. Flumina etiam transit, quia actiones hujus
sæculi, quæ quotidie ad terminum defluunt, in-
desinenter appetit; dumque alia relinquit, alia
sequitur, quasi semper de flumine ad flumen ten-
dit.

Hæc autem diximus, ut mens a solio sanctæ in-
tentionis excussa, et vagationis vitio dedita, in
quo jaceat, monstraremus; quia si ad ea quæ
superna sunt, inhiare cessaverit, sub semetipsam
etiam indesinenter ruit. In alto autem figitur, B
si amorem temporalium deserens, ad spem in-
commutabilis æternitatis ligatur. Nec nos his
verbis illud astruimus, ut monachus pervicaci
proposito in sua jugiter remotione permaneat;
nec aliquando progredi, ubi violenta poposcerit
necessitas, acquiescat; sed hoc potius suademus,
quatenus id tanto parcius, tantoque rarius agat,
quanto scit, quia vagando per sæculum, neque
spiritualiter vivere, neque ad perfectionis cul-
men valeat, etiam si diligenter invigilet, perve-
nire.

CAPUT XXIV.

De eremitis, qui in vagatione sunt positi.

Sed inter omnia hominum a suo proposito de-
viantium genera, illud non mediocriter displicet, C
quod etiam ipsis sanctissimis eremitis quidam
vagus admisti, quos idem pestifera vagationis mor-
bus exagitat: et (si dicere liceat) quasi Vertum-
nus, quoddam scilicet demoniorum genus, vexat.
Vertumni siquidem apud antiquos dicebantur dæ-
mones, quorum instinctu homines in vertigine positi
reddebantur instabiles. Quibus nimirum illi non im-
merito videntur obnoxii, qui solo quadragesimali tem-
pore 269 in cellulis commorantes, toto pene anni
circulo huc illucque discurrent, et sic vitam suam
inaniter spatiando consumunt. Qui nimirum dum-
modo summotenus remotiora sectantes; modo in
publicum crebrius prodeuntes, in utramque se vitam,
contemplativam scilicet et activam, gloriantur exten-
dere, in neutram plenum salutis fructum probantur
afferre: cumque sibi applaudant cum Jacob duarum
conjugum speciali quadam copula federari, depre-
henditur illis propriæ opinionis sententia in contrarium
verti. Quibus nimirum contra consuetudinem
et Rachel lippa, et Lia redditur infecunda; altera
siquidem hebetatione visus obtunditur, altera steri-
litate animadversione feritur; quia videlicet hujus-
modi homines, et per publicum discurrentes, utputa
sinistra opinionis apud populum habiti, nequaquam
possunt spirituales Deo filios gignere, et velut ebrii
de sæculo redeuntes, intima nequeunt penetrare.
Quisquis enim desiderat ad illud inaccessible lumen
acie mentis attingere, necessarium sibi est interiores

A oculos per diuturna vagationis spatia ab omni mun-
danæ actionis labe purgare; ne dum ad summa
speculanda oculos elevat, terrenæ conversationis
pulvis obsistat, et magis tenebras quas relique-
rat, videat, quam lumen ad quod nititur, apprehen-
dat.

CAPUT XXV.

Quod cellam consuetudo dulcem, vagatio reddat horribilem.

Huc accedit, quod iis qui vitam suam sub hac in-
constantia mutationis alternant, eo fit vita remotio-
nis austerior, quo inolita vagandi consuetudine dif-
frabuntur; ita ut eremitica dietricio gravissima re-
sistat; cella ipsa illis videatur horridi. Consuetudo
enim facit monacho cellulam dulcem; vagatio videri
facit horribilem. Vagantibus cellula carcer est, per-
manentibus suave cubiculum; silentium perseve-
rantem monachum vigilem reddit, extrinsecus veni-
entem sopor deprimit, assuetum jejuniis corpus
sobrietas roborat, affluentium epularum fluxus enervat.
Vigilia moderata aciem humanæ mentis exacuit,
geminatio repetiti soporis obtundit. Confabulatio
crebra in mente monachi esurim parit, secreta re-
motio animam in assuetæ continentie rigore custo-
dit. Sæcularium negotiorum relatio animam passio-
nibus desiderii facit obnoxiam; sacri eloquii assidua
meditatio mundo reddit extinctam. Paupertas mo-
nachi securitas est mentis, securitas mater est puri-
tatis. Econtra rerum abundantia aculeos parit solli-
citudinis, sollicitudo radix est anxietatis. Pedes illoti,
manus neglectæ, inculta cæsaries, quasi quadam
anchora est monachi in cella jugiter permanenti;
et diverso accurata delicati corporis compositio for-
mes est; et occasio in publicum prodeundi.

Quisquis ergo vult, ut sibi eremitica vita dulce-
scat, profecto necesse est, ut in ea constanti animo
jugiter perseverare contendat; nec alternet vicibus,
si suave jugum Domini vult portare quietus. Vita
namque eremitica continuata quidem est refrige-
rium, intermissa quoddam 270 videtur esse tor-
mentum. Remotione quoque continua illuminatur
anima, vitia deteguntur, et quidquid hominem de
semetipso latuerat, aperitur. Cum aqua de vivario,
remotis quæ opponebantur, egeritur, pisces in sic-
cum remanentes, humanos patiuntur aspectus: et a
nobis cum terrenæ actionis fluctus elabitur. quidquid
in profundo procellarum emergentium subnatat
consueverat, denudatur. Venator quoque oppilatis
anfractibus, densis circumsepiat saltuum lustra fruti-
cibus, unumque pro multis aditum feris fugacibus
ex arte relinquit; atque illic se vibrata stringendo
venabula in insidiis ponit; sicque compendium sibi
laboriosæ venationis attribuit, dum perniciem fera-
rum vestigia, quæ persequi per infinita nequiverat,
in egressionis solo vestibulo negotioso otio quietus
expectat. Et nos cum vitiis ad pravi operis liberta-
tem prodire nitentibus, terrenæ actionis meatus
occludimus, quasi uno in loco illis insidias ponimus,
quia cum solis cogitationibus jugiter dimicamus.

Sicque vitiorum nostrorum bestialis feritas facile capitur, dum solum cogitationis humanæ pervium singulariter custoditur. Auceps etiam cunctos undique gurgites ramalium densitatibus operit, atque ad unum hauriendæ dulcis aquæ locum confluere volucres præscripta necessitate compellit; dumque solus ille ad bibendum locus exponitur, circumposita muscipularum argumenta felicitis aucupij preventionem ditantur. Ut ergo diversis animi passionibus facile possimus laqueos captionis injicere, obtrusis negotiorum secularium rivalis, adversus solos cogitationum impetus studeamus viriliter decertare, ut dum vitia nostra ab actione deterrita, solis cogitationum fluctuationibus advolant, facile in sanctæ prudentiæ laqueos cadant.

CAPUT XXVI.

Quod sæpe monachus falsa carnalium promissione decipitur.

Notandum autem, quia sæpe servus Dei per hujus mundi membra decipitur, dum ad dirimendas dissidentium lites, vel ad aliqua peragenda, ecclesiasticis scilicet usibus profutura, importunius invitatur: imminens namque periculum multorumque commune discrimen, nisi progrediatur, exaggerant. Quod si accesserit, cuncta ad suæ voluntatis arbitrium, atque ad felices exitus proventura, multipliciter asservant. Antiquus enim hostis videns militem Christi in prociectu sancti certaminis positum, non aliter posse a sui propositi fervore tepescere, machinatur uberioris cujusdam fructus superficiei tenus bonum alumbare, ut dum lucrum majus attenditur, bonum, quod in præsentia est, ad tempus quasi dispensatorie postponatur. Sed qui mendacis mundi consuetudinem frequenter expertus est, prudenter novit et vana suggerentium commenta respuere, et se ab infructuosi laboris exercitio gnaviger custodire. Apud quosdam namque absentes monachi auctoritas gravis est; si autem præsens adfuerit, nullus judicatur esse momenti. Sæpe enim ejusmodi venerabilis viri litteris reverentiæ honor impenditur. **271** qui personæ, si adsit, indevotius exhibetur. Apud sæculares nempe religiosus quisque veluti pictura est. Pictura siquidem si procul assistat, inhianter, et cum aviditate prospicitur; si juxta sit, contemptibilis judicatur. Et spiritualis quisque carnalibus absens quidem timori, præsens autem videtur despectui. Quod et Apostolus sibi met contigisse testatur, cum ait: « Epistolæ graves sunt, et fortes, præsentia autem corporis infirma, et sermo contemptibilis (II Cor. x). » Quos enim Epistolarum fortitudine et gravitate teruerat, his corporali præsentia despicibilis apparebat. Quid autem mirum, si justis quibilibet viris ista contingant, cum et de ipso electorum capite, Redemptore videlicet nostro, non dissimile quid evangelica series asserat? « Herodes, inquit, viso Jesu, gavisus est valde; erat enim cupiens ex multo tempore videre eum, eo quod audierat multa de illo (Luc. xxiii). » Sed videamus hoc tam magnum, tam ætatum desiderium, quod in absentem Dominum

falsitas Herodiana tenuerat, in quem tandem exitum oblata videndi facultate concluderit. Quod nimirum manifeste declaratur, cum paulo inferius subditur: « Sprevit autem eum Herodes cum exercitu suo, et illisit indutum veste alba, et remisit ad Pilatum (ibid.). » Ecce quem vulpes illa malitiosa desideraverat, sprevit: quem videre cupiebat, illisit; et quia vitam non pro vivendi amore quæsivit, remittens eum ad Pilatum, in impietatis suæ morte remansit.

CAPUT XXVII.

Ut monachus se a mundi implicatione custodiat.

Quisquis ergo in prociectu celestis militiæ positus, ad supernæ patriæ municipium properat, studeat male blandientis mundi promissa respuere, abhorreat B se sub qualibet specie actionum secularium laqueis irretire. Habet deputatum sibi propriæ servitutis officium: sufficere sibi credat, si indicat sibi obedientiæ præscriptum munus possit implere. Illud ad memoriam revocet quod scriptum est: « Cave ne in multis sint actus tui (Eccli. xi). » Sæcularibus relinquatur sæcularia jura componere. Satis sit servis Dei perituro huic mundo se mortuos exhibere. Sicut enim absurdum est, bonis mala præferre; ita etiam fatuum, optimum bono inferius judicare. Maria, quia optimam partem elegit, sufficere sibi credidit; nec se ad bona Marthæ, frequens videlicet ministerium, reclinavit (Luc. x). Moyses, quia ab humana conversatione remotus, bis quadragenario dierum numero jejunavit, bis etiam legem Domini digito scriptam suscipere meruit (Exod. xxiv); Aaron autem, qui ad custodiam populi derelictus est, cognoscitur idola fabricatus (Exod. xxxii).

Sic nimirum, sic plerumque contingit, ut qui propria non contentus, alienæ progreditur salutem consulere, sui potius cogatur periculum sustinere; cumque alii, velut inter procellosa naufragia palpitanti, manum porrigit, ipsum quoque præcipient vorax fluctus involvit. Tutius ergo est sub hujus vitæ nocturna caligine, nos **272** in littore positos naufragantibus lumen ingerere, quam ad eos compassionis gratia cum propriæ vitæ periculo pernatare; quatenus ipsi per nos dato recti cursus indicio, sinum tui portus attingant, non autem nos ad eos transfretantes vorago spumosi maris absorbeat. In vertice montis Raphidim Moyses orabat, et duce Josue, Israel in convalle pugnabat. Sed si Moyses in adjutorium populi sui ad campestria descendisset, Amalech procul dubio Israelitarum cædentium terga percuteret. Si ille manus ad corripienda arma deponeret, facta suorum strage, facilem victoriam adversariis triumphantibus præbuisset. Quod nimirum patenter agnoscitur, si ipsa sacræ historiæ series subtiliter attendatur, ubi dicitur: « Quia cum levaret Moyses manus, vincebat Israel; sin autem paululum dimisisset, superabat Amalech (Exod. xvii). » Orantis ergo manus, manus præliantium roborabant; et quia istæ imbelles ad cælum patebant, idcirco illæ dimicantes victoriam cæsis hostibus

obtinebant. Harum quidem fuit pugna, sed istarum non ambigitur fuisse victoria; quia ut illis daretur viacere, istæ meruerunt divinitus impetrare. At contra, Balaam filius Beor, qui ad prælium cum Madianitis egreditur, cum his, quos jugulare decreverat, gladio trucidatur (*Num. xxxi*). Et jure, qui proprio non est contentus officio, discrimini redditur obnoxius alieno. Infelix meruit inter bellantium cuneos hostilibus gladiis confossus occumbere, qui in pace positus per prophetiæ oraculum ipsius belli potuisset exitum renuntiare.

CAPUT XXVIII.

De libertate, et discretione Elisei.

Nequaquam sic Eliseus, qui nimirum Joram regem Israel adversus Moab propterantem, non ad bella secutus est, sed tantum sufficere credidit, quod ei successum belli et adfuturam concisis hostibus victoriam prædixit (*IV Reg. iii*). Sed cur dicimus, quia nequaquam in prælium regis castra secutus sit, cum et Naaman de remotis Syriæ finibus veniente, et ostio domus suæ cum equis, et curribus humiliter assistente, non licen egredi dignum duxit, non jam ut ingrederebatur aperuit: sed per nuntium potius quæ fuerint facienda, mandavit? Et certe Naaman isti multiplex mundanarum dotum suppetebat opia, quibus honorandus esse videretur. Sicut enim testatur historia: « Princeps erat militiæ, vir quoque magnus apud dom'nū suum, et honoratus (*ibid.*). » Per illum enim dedit Dominus salutem Syriæ. Erat insuper, sicut scriptum est, vir fortis et dives. In ipsa etiam expeditione positus, substantiæ facultate non erat omnino vacuus. Tulerat enim secum, sicut legitur, decem talenta argenti, et sex mille aureos, decem nihilominus mutatoria vestimentorum quæ etsi cujusmodi fuerint, Scriptura non dicat, gravibus tamen auri, argentique connumerata ponderibus pretiosa fuisse quis ambigat? Quanti sunt hodie qui monasticæ institutionis professione censentur, quibus si tam potens, tamque famosus vir pro foribus dignaretur assistere, mox etiam **273** festinantes reverenter occurrerent, ut ingrederetur humiliter obsecrarent, et non tam quæ utiliter impleverunt, quam quæ libenter audirentur, assentationis verba proferrent? Qui etiam si tantopere rogarentur, nequaquam suscipere oblata renuerent, præsertim si aliquantulum numerosior alendorum fratrum sibi conventus adesset. Eliseus autem Spiritus sancti discipulus, spe dives, thesauro fidei locuples, licet centum prophetarum filios sub disciplinæ suæ magisterio sustentaret, pecuniam sprevit, munera repulit, et impensæ gratiæ vicem recipere laudabiliter recusavit, ne videlicet quod gratis acceperat, ad dantis injuriam vendere videretur. Venienti autem Naaman nequaquam superbe, sed prudenter non assurrexit, ne videlicet alienigenæ, et de terrena adhuc gloria præsumptis reverentiam exhiberet: nimirum jam tunc apostolicæ dignitatis imaginem præferens, quam Paulus postmodum expressam repræsentat, dicens: « Quandiu sum apo-

stolus gentium, ministerium meum honorificabo (*Rom. xi*). » Nunquid enim minister humilitatis existimandus est, Naaman superbe fixisse pro foribus, qui de monte Carmeli in quo manebat, a femina se passus est pertrahi, et Sunamitem illam non solum comitatus, verum insuper est secutus? Nam cum illa diceret (*IV Reg. iv*): « Vivit Dominus, et vivit anima tua, non dimittam te; » mox sequitur Scriptura, dicens: « Surrexit, et secutus est eam. » Nunquid etiam copiosa munera tumidi fastus supercilio respuit, qui a viro quodam de Balsalica veniente, viles hordeaceos panes charitative suscipere non desepxit?

Sed hic dum prophetæ obstaculum, ne tumidiæ elationis arguatur, apponimus, in nosmetipsos exactioræ questionis aditum aperimus. Potest enim adversus hæc quæ proponimus, quæstio hujusmodi fieri: Si tantus propheta, et panes de manibus offerentis accepit, et exire de eremo feminea supplicatione consensit; qua ratione monachus, vel sæculum frequentare non audeat, vel suscipere munera difficilior acquiescat? Ad quod nos sub compendio respondentes, nequaquam quid accipiendi licentiam monacho prorsus abscondimus, sed quo id temperatis, et cum discretione fiat, cum fraterna devotio postulat, suademus: nimirum ut necessaria quæque, sicut propheta panes quibus indigebat, accipiat, et quæ superflua judicaverit, sicut ille pecuniam, non admittat.

Quod autem Eliseus ad resuscitandum Sunamitis filium, de montana remotione descendit, hujus temporis monachis potius est venerationi habendum, quam imitandum. Liceat sane monacho ad sæculum ex voluntate recurrere, quoties mortuum hominem ad vitam potuerit suscitare. Illud namque propheticum iter omnino cognoscitur, et virtute plenum per resurrectionis humanæ miraculum, et typicum per significationis internæ mysterium. Quid autem significet non otiosum creditur, si breviter apponatur. Sunamitis nempe filium puer ab Eliseo missus cum baculo non resuscitavit: per semetipsum vero Eliseus veniens, seque super mortuum sternens, atque ad ejus membra se colligens, huc illucque deambulans, et in ore mortui septies aspirans, hunc **274** ad redivivam lucem protinus per mysterium compassionis animavit. Auctor siquidem humani generis Deus quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem legis protulit, quasi per puerum virgam misit. Per legem quippe Deus virgam tenuerat, cum dicebat: « Si quis hæc vel illa fecerit, morte moriatur (*Exod. xx, xxi*). »

A peccati igitur morte lex nos suscitare non valuit, sed ad statum vitæ Deus aspirata mansuetudinis gratia clementer erexit. Sed puer cum baculo mortuum suscitare non valuit, quia Paulo attestante: « Nihil ad perfectum adduxit lex (*Hebr. vii*). » Ille autem per semetipsum veniens, et super cadaver se humiliter sternens, ad exæquanda sibi mortui

membra se, collegit: « Quia cum in forma Dei esset, sed non rapinam arbitratus est se esse æqualem Deo, sed semetipsum exinanivit formam servi accipiens, in similitudinem hominum factus, et habitu inventus ut homo (*Philip. II*). » Huc illucque deambulat, quia et Judæam juxta se, et longe positas gentes vocat. Super mortuum septies aspirat, quia ad perceptionem divini muneris gratia septiformis Spiritus in peccati morte jacentes inflamat. Moxque vivens erigitur, quia is, quem terroris virga suscitare non potuit, per amoris spiritum puer ad vitam redit (*IV Reg. IV*).

Quis ergo propheticum discursum jure audeat in exemplum trahere, cujus nimirum constat, quia neque virtutem, neque mysterium possit acquirere? Excubet igitur assidue bellator Christi in prociuncie cælestis militiæ lorica munitus fidei; pro castris sui imperatoris ad dimicandum paratus semper assistat, ne fortassis extra castra vagantem reperiens eum gladius hostilis absumat. Donec Abner commilitonum castris interfuit, adversariorum cuneis terribilis exstitit; postquam vero arma deposuit, rudioris adhuc militis gladio, cæsi nuper Asael penas exsolvit (*II Reg. II*). Uriæ quoque si propriæ domus hospitium placuisset, sententiam procul dubio regiæ indignationis, ac fraudis evaderet. Sed quia extrinsecus in alienis, quam in proprio dormire cubiculo maluit, auctores suæ mortis litteras ad castrorum urbem obsidentium principem reportavit (*II Reg. III*).

CAPUT XXIX.

Quod hoc tempore prædicatio non, sicut olim, sit admodum fructuosa.

Et quidem fuit olim tempus, quo bona annuntiantibus mundus egebat, sed elapsa sunt, ac evoluta tempora, quibus religiosus quisque potuerit secularibus fructuose consulere, et in mente carnalium spiritualia non inutiliter seminare. Nunc infelices quique verba vitæ fabulas deputant, et salutaribus monitis licet aures adhibeant, ea tamen servare declinant. Porro si fidei oculos ad transacta reduci-mus, velut fructuosos ramos in sterilia degenerasse vitulamina, præteritum in hoc præsens sæculum invenimus.

Quis enim non miretur, quod Ninive, spatiosa nimis et incomparabilis civitas, ad vocem unius hominis tam facile a sua pravitate **275** convertitur; et innumerabilis populus, non solum cum parvulis et mulieribus, sed etiam cum jumentis ad penitentiam revocatur (*Jon. III*)? Quis hoc tempore, non dicam infirmæ ætati, vel sexui, sed ipsis etiam viris præsumat jejunia triduana præscribere, ut nec aquam bibere, nec quidquam omnino cibi liceat degustare? Ecce apud gentiles bruta etiam pecora ad prophetæ vocem triduanos cibos levant; cum et ipsi homines sub evangelica disciplina, ultra diem jejuna-re contemnunt. Illi ad penitentiam uno prædicante unanimiter conflunt; isti prædicatorum turbas indesinenter audiunt, et obedire nullatenus

acquiescunt. Quis etiam non obstupescat, quod omnes viri Juda et Benjamin, quicunque uxores alienigenas duxerant, ad prædicationem Esdræ sacerdotis non solum illicita connubia dissolverunt, sed et omnem sobolem quæ ex eis genita fuerat, abjecerunt (*I Esdr. X*)? Quis nesciat quantus virorum amor circa uxores proprias vigeat, quanta circa filios pietas paternum pectus astringat? Quis ignoret ad dissolvendum duplex hujus necessitudinis vinculum, quo mœrore, qua amaritudine se potuerunt viscera humana concutere? Quo vehementissimi doloris incendio paternus affectus, conjugal animus compulsus est æstare? Habentes tamen veram circa Deum pietatem, ad nihilum redegerunt falsæ pietatis imaginem; atque ut essent in spiritu veraciter pii, facti sunt contra carnem et sanguinem laudabiliter rigidi. Armaverunt se contra jura naturæ, ut naturarum Auctori fideliter militarent. Obliti sunt erga filios, quod fuerant genitores, ut veri patris ipsi ascriberentur hæredes; atque ut superne pacis sibi fœdera resarcirent, conjugalis tori copulam resciderunt. Nesciunt servare matrimonii fidem, ubi fides melior ad proprium recalescit auctorem. Quibus utique convenienter aptatur quod per Moysen dicitur: « Qui dixit patri suo et matri suæ, nescio vos; et fratribus suis, ignoro vos, et nescierunt filios suos, si custodierunt eloquium tuum, et pactum tuum servaverunt (*D. ut. XXXIII*). »

Quis, rogo, nunc possit incestuosa conjugia quantumvis instantissima prædicatione rescindere? **C** Quis valeat, non dicam populum, sed vel unum hominem ad illiciti matrimonii repudium provocare? Clamant sacri canones, humanæ in tantum scelus vindicant leges, obsistunt prædicatores Ecclesiæ: et cuncta hæc perditis hominibus velut aniles nœniæ risum potius movent, quam ad corrigendi piaculi lamenta compungant. Ecce insuper hoc anno, sicut nostis, per Romanæ sedis antistitem bis congregatum est synodale concilium, ubi denno omnes incestuosi juxta canonum decreta, ecclesiastica sunt communione privati.

Sed quis ex tot millibus hominum saltem unum vidit ab infasti fœderis abominatione divulsus? Imo ne profundiori juste clamitantis absorberetur biatu, quis eorum post hæc, Ecclesiæ limen terere destitit? Aut quis insuper ista considerans, ab eorum se familiaritate removit? In omnes itaque lethalis læpre contagium serpit, quia nimirum omnes eorum complices apostolicæ excommunicationis nexus astringit. Enimvero quisquis conjugalis prosapiæ **276** titulus insignitur, quisquis male blandientis formæ avita venustate mulcet, præsertim si largioris substantiæ dotibus affluit, vel suberescentis sobolis indoles spem sibi futuræ posteritatis infundit; consultius judicat a Deo manifeste recedere, quam adeo lucrosi matrimonii glutinum disgregare. Si vero his contraria evenierit, atque luxuria calamitatis incommoditate percellatur, ipse vir falsæ consanguinitatis lineam texit, et inaudita

proavorum nomina per multa argumenta conflagit, atque senes quosdam in hujus allegationis testimonium advocat, quos tamen per vitæ terminum sublato e medio non ignorat. Ipse itaque sibi met accusator, et reus crimen impingit, scelus exaggerat, atque administratum, quo ex tam periculoso naufragio enatare possit, inquit.

Eat ergo nunc monachus, salutiferum vitæ suæ otium deserat, vitamque suam sub specie lucrandi anihilet, inania sectando, consumat. Quis enim Simoniacus nostræ commonitionis instinctu sua se aliquando sponte deposuit? Quis alieni juris violenter invasor, paterno solo depulsus in patrimonia sublata restituit? Quis in campo bellicosus armatorum cuneis constipatus, si ex æquo congredi potuit, obstaculo sequestræ pacis ad propria nisi fuso sanguine repedavit? Quis exactor egeno debitori præfixum chirographo fenus indulsit? Quis debitor creditoris hereditibus bonæ fidei jura servavit? Omnia in orbe confusa, cuncta pietatis ac fidei decreta convulsa. A iudicibus iustitia venditur. A legisperitis veritas tenebroso cavillatorie argumentationis colore fuscatur. Venales sunt siquidem leges, et pecunia justificat delinquentes. Aurum nunc ipsis senatoribus præsidens in tribunalibus iudicat, et velut imperator quidam pragmaticæ sanctionis edicta promulgat. Sicut enim rex in secretalibus adytis de regni statu, de rerum summa deliberat; quodammodo sic aurum et latet in occulto, et sententiam depromit in publico. In sudario angusto concluditur, et decisio negotiis calculos iudiciales apponit. Plenumque enim quos causa condemnat, mendax pecunia præmio dignos proccaciter asseverat; e contra, quos conscientia testatur innoxios, statuit impia eorum iudiciis reos. Nummus nempe momenta legibus tribuit, atque ad summum intellectum obscuras sententias falsus interpretator infecti. Nummus eorum iudicium circa divites oleo impietatis emollit; erga pauperes vero ad exercendum vigorem rigidæ animadversionis impellit. Nunc igitur avaritia malorum omnium radix, uberius pullulat, et tanquam virosæ propaginis ramos per totum orbem feralium vitiorum portenta dilatat.

CAPUT XXX

Quod nunc omnia vitiorum monstra feralius vigeant.

Hæc nimirum tempora apostolico denuntiantur oraculo, dum Timotheo futura prædicit: « In novissimis, inquit, diebus erunt tempora periculosa, et erunt homines seipsos amantes, cupidus, elati, superbi, blasphemi, parentibus inobedientes, ingrati, seculi, sine affectione, sine pace, criminales, incontinentes, immites, sine benignitate, proditores, protervi, tumidi, voluptatum amatores magis quam Dei, habentes speciem quidem pietatis, virtutem autem ejus abnegantes (II Tim. iii); » atque his præmissis, illico subiungit: « Et hos devota (ibid.). » Nunquid usque ad mundi hujus terminum Timotheus perventurus erat, cui cum pravitates hominum in novissimis diebus

A futuras Apostolus enumeraret, protinus ut devitaret adject? an potius in unius persona discipuli, illis mandatum hoc communiter indidit, quos adhuc deputatos officio juxta finem sæculi fore prævidit? Igitur dum non dicit: His prædica, his verba vitæ denuntia, sed « hos devota, » profecto modernæ temeritatis insolentiam arguit, atque ab infructuosa tumidos quosque prædicatione compescit.

Quid ad hæc nos monachi dicimus, qui mensuræ nostræ metas excedimus, atque juxta nobis alieni muneris usurpatorie vindicamus? Si Paulus discipulum in hoc ipso specialiter constitutum ab incorrigibilium prædicatione prohibuit, qua nos audaciæ nota corripimur, qui nequaquam nobis delegato prædicationis officio, importune nosmetipsos ingerimus, et nostra salute postposita, alienis quasi profectibus inaniter insudamus?

Cedat ergo, cedat sterilis cura negotii. Superfluum iudicetur infructuosum indulgere labori. In semetipsa mens totis collecta viribus redeat, adversus infatigabiles adversarios pervigil se ad certamen accingat. Charitatis quidem visceribus erga omnes intrinsecus affluat, ad exteriora vero se causa alienæ salutis extendere supervacuum ducat. Ad se venientibus monita salutis impendat, nullius hortatu leviter propriæ quietis lucra postponat. Imperialis edicti pagina veredario discurrere deferatur; bulatæ nobis epochæ ab auctore sedis apostolicæ diriguntur; synodus congregatur, religiosi viri totius concilii summa committitur. Solotenus illico se monachus flectat, honorem sacris litteris reverenter exhibeat; hujus tamen expeditionis munus a se alienum irretractabiliter ducat, reputans intra se: Quid mihi cum regibus terræ? quid mihi cum synodali conventu? Sufficiat mihi peccatis meis flendis insistere; satis mihi sit ne huic mundo mortuum exhibere.

Nolite, quæso, monachi, nolite sub ecclesiastica compassionis specie regum aulas irrumpere; nolite aures principum velut salutaria suggerendo, fastidiosa importunitate pulsare; credite experto, credite in hujus gratiæ studiis non leviter fatigato. Imperatoris namque majestati sæpe quæ suggerenda videbantur expressimus; a summis pontificibus invitati, synodalibus conciliis interfuimus; sed qui hoc tempore ista prosequitur, tanquam si semina crederet arenosis litioribus videatur.

CAPUT XXXI.

Quod in synodo monachus ad episcoporum invidiam libere loqui non audeat.

Sæpe namque in conciliis synodalibus positi, quosdam sibi feraliter consocios præsidere 278 in numero sacerdotum vidimus, non modo sui securos, sed ultro etiam ad aliorum crimina defendenda impudenter accinctos: qui nimirum, ut ferebatur, et cum Simone prius emerant (Act. viii), et cum Giczi postmodum charismatum dona vendiderant (IV Reg. v). Quorum tanta vis erat ad excusandas excusationes in peccatis, ut inter cætera mala, etiam Si-

moniacæ hæreseos non modo defensores; sed videntur potius assertores. Quis ad istorum invidiam monachus mutire præsumeret? Quis ad arguenda crimina, vel iustitiam declarandam, vendicare sibi jus libertatis auderet? Illico sævirent, illico in nos duræ suggillationis arma corripere, et præmisso jurgio, silentium imperarent, inter se scilicet hoc modo invicem conquerentes: Ad concilium hoc iudicaturi convenimus.

Sed, o nova præsumptio! mortuorum sententiis subjacemus, et episcoporum sunt iudices facti, qui legaliter sub eorum fuerant legibus constituti. Quibus aliquando respondetur: Venerabiles Patres, et domini, sicut vobis specialiter prærogatum est iudicare, ita etiam minoribus Ecclesiæ membris competit quod sentiunt in commune conferre; nec ulla canonum auctoritas prohibet iuniores quæ Ecclesiæ ducunt profutura depromere, dum tamen ventilata negotia pontificalis iudicii debeat clausula terminare. Si quando ergo hoc, aut aliquid hujusmodi illis cum humilitate suggeritur, nequaquam patienter admititur: sed quidquid a nobis in synodo dictum est, totum ad invi iam nostram superbo vocabulo iudicium nuncupatur.

Hæc breviter idecirco perstrinxerim, ut in me quilibet inexpertus discat, sibimet etiam a talibus declinare quam diligenter expediat. In uno siquidem prævadante colligitur, utrum a subsequenti exercitu ignotæ aquæ tuto fides habeatur. Protinus se ab impetu proprii cursus institores venalium reprimunt, cum vel unum ex suis redire a nundinis vacuum non distractis mercibus cernunt. Quem ruralibus curis intentum frequenter seges negata delusit, quamplures a sterilibus arvi cultura comperunt. Cum scrutator fluctuum labore frustratus, vacua lassus lina reponat, facile jam nudatos a perlustrandis inopis aquæ finibus revocat. Sic nimirum me, non mihi soli, sed et cunctis fratribus meis talia tentasse sufficiat, ut dum unius labor inutilis fuisse perpenditur, non uni, sed multis a supervacui laboris impendio cautela præbeatur.

CAPUT XXXII.

Quod monachus se a mundo cohibeat, et Dei iudicium suis semper oculis anteponat.

Quisquis ergo monachus perfectionis culmen festinat attingere, intra remotionis suæ se claustra cohibeat, spirituale otium diligit; discurrere vero per sæculum, velut mersare se in lacum sanguinis, perhorrescat. Tot enim criminum magis ac magis in dies mundus contaminatione polluitur, ut quælibet sancta mens sola ejus consideratione fœdetur. **279** Et dum veteribus nova semper augentur, quid aliud agitur, quam Antichristi via procul dubio sternitur, ut jam ultra finem sæculi in mundum veniens, sine offendiculo liber ingrediatur? Et cum illius via nihil aliud prorsus quam nostra sint absque dubio scandala, eadem causa debet vestigia nostra compescere, quæ illi spondet liberis posse gressibus adven-

A Reprimatur ergo quilibet frater nunc in angusto suæ remotionis ergastulo, ut infinitæ magnitudinis domus sibi paretur in cœlo. Jeremias ait: « O Israel, quam magna est domus Dei, et ingens locus possessionis ejus: magnus, et non habet consummationem, excelsus, et immensus! » (*Baruch. iii.*) Nunc se vinculo divini timoris obstringat, ut postmodum jus veræ libertatis obtineat. Requiescens in Christo, reputet nil sibi commune esse cum mundo; ut quod Joannes apostolus jubet, non solum corde, sed et corpore ipso conservet: « Nolite, inquit, diligere mundum, nec ea quæ in mundo sunt. Si quis diligit mundum, non est charitas Patris in eo (*I. Joan. ii.*) » Clarescat servum Christi, nulla mundum affectione cordis diligere, atque ad hoc probandum corporalibus etiam hunc fastidiat gressibus frequentare. Ipsa porro corporalis abstinentia piæ mentis odium comprobeat, ut quo quisque a noxia mundi notitia magis alienatus, eo arctiori Deo familiaritate jungatur. Nunc flebilis, et mœrens defixos in terram oculos teneat, quos ad eum videndum, qui venturus est in nubibus cœli cum potestate magna, et majestate (*Matth. xxiv, 26*), tunc lætus caput attollat, sicut scrip'tum est: « Respicite, et levata capita vestra, quoniam appropinquat redemptio vestra (*Luc. xxi.*) »

O quam ad pronuntiandum brevissima verba, quam ad pertractandum medullitus infinita sententia! videlicet cum reprobi ejulantes tremefactis visceribus dicunt: « O montes, cadite supernos, et colles, operite nos a facie Sedentis in throno (*Luc. xxiii.*) » Cum denique « sol obscurabitur, et luna non dabit lumen suum, et stellæ cadent de cœlo (*Matth. xxiv.*) » Tunc nimirum cum videbit eum omnis oculus, et qui cum pupugerunt, et plangent super se omnes tribus terræ. Quæ autem mens humana concipere, quæ lingua valeat explicare quantum erit tunc electorum gaudium, quam incenarrabilis lætitia beatorum, cum periclitante mundo, ipsi de cætero subjacere periculis desinunt, et venienti immortalī Sponso accensis lampadibus tripudiantes occurrunt! (*Matth. xxv.*) Cum membra mundi ad perferenda tartaræ combustionis supplicia corruunt, ipsi ad percipienda inaccessibilis gloriæ præmia felices assurgunt! Cum illorum vitam repente mors immortalis interceptit, istorum mortalitatem virtute resurrectionis absorptam, incorrupto gloriosa consumit! Hoc cunctis sæculis admirandum singulare spectaculum incessanter sibi mens sancta proponat. Hanc tremendam venturæ discussionis imaginem assidua præ oculis meditatione depingat. Jam se vir electus ad tribunal rapidi Judicis deputet, jam se in examine positum ad reddendam rationem divinis quæstionibus perurgeri formidabiliter penset. Mundo se extraneum reddat, ut Deo propensioris gratiæ largitate familiaris adhæreat. Ille itaque modo mortuus vivat, a **280** terrenis vexationibus se subtrahat, ac velut in sepulcro jam positus, in solo Creatoris sui desiderio suaviter requiescat. Sitque in Deo vita ejus abscondita,

quatenus apparente Christo, et ipse cum eo apparere mereatur in gloria (*Coloss. iii*). Amen.

CAPUT XXXIII.

His scriptor alloquitur venerabiles monachos Petrum et Albionem.

Nunc igitur, fratres charissimi, alter scilicet teres forma cœnobitarum, alter imitandum eremiticæ conversationis exemplum, ad vos styli hujus articulum revoco, ut quibus primordium incipientis intenditur, in eos etiam consequenter peracti opusculi clausula terminetur. Videtis igitur, quam celeriter brevis hæc vita pertranseat, videtis, quia mundus hic vicinum sui terminum indicii jam evidenteribus clamat. Tellus enim genitalibus effeta humoribus, quodammodo invita aratrum tolerat, dum ferre fructus suis cultoribus negat; et velut anilis alvus, dum sanguis in corpore, vulva marcescente, frigescit, etiamsi procreandi studium non defuerit, ad gignendam tamen sobolem non assurgit. Aqua etiam nihilominus sterilitatem patitur, ut jam piscator rebus impendium denegat, dum inopis capturæ quæstus duris per elementum liquidum laboribus non respondet. Nec te, aer olim fecunde, præteream, qui nunc, dum diversis tendicularum argumentis in volucrum captione non provenis, nimirum aucupes casso labore frustratos, ad exercitium rurale remittis; et quos dudum ad sublimia captandis tuis munibus faciebas intentos, jam ut meminerint, cui sustendandæ vitæ adminiculum acceptum referre debeant, alumnæ terræ reddit obnoxios: qui quæ tunc largus quælibet grossiora edulia tuis jubebas deliciis cedere, jam nunc ad te manum retrahens, vilia facis oluscula, velut accuratas epulas, mensas divitum infercire.

Mundus itaque, ut prædictum est, quasi longo lassatus jam senio per cuncta sua membra probabiliter indicat quia cursus sui terminos diutius non elongat. Huc accedit quod homines nunc in juventute senescunt, et juvenili adhuc decore vernante intempestivis canis verticem spargunt. Nimirum quos propria dictat ætas immaturæ venustatis adhuc flore virescere, senex mundus quodam violentæ auctoritatis imperio secum præcipit decrepitos apparere. Quo fit ut sicut cavernosæ arboris poma mox ut prodacta fuerint, ante maturitatem corrumpunt: ita nimirum homines acerbo, ut ita dixerim, exitu priusquam ad ætatis plenitudinem veniant, moriuntur.

Cum itaque mundus præcipientem et famjam protinus præ oculis imminentem sui cursus minetur occasum, homines etiam quotidie immaturo præventi rapiantur interitu, quid restat nisi ut hoc brevi puncto, quo vivimus, lapsura quæque velut jam lapsa despiciere, et ad ea quæ permanent, pleno fervidæ mentis studeamus desiderio festinare? Ecce non levia currentibus præmia proponuntur, et itineris nostri **281** stadium quotidie brevitur. Nulla ergo vitæ præsentis offensivæ nostri cursus iter impediunt, nullas nobis moras carnalis illecebræ torpor inno-

at. Quisque jam ad promissa munera perspicacis fidei oculos dirigat, et a brutis [*ff. abjectis*] ignaviæ vinculis obviantia quæque terrenæ pravitatis obstacula robustæ spei penna transcendat. Ecce enim qui de longinquo vocaverat, manum jam appropinquantibus porrigit; et quasi teneros filios vacillantibus nutantes poplitibus firmat, blandeque ac leniter in gremium suæ charitatis invitat.

Adeamus ergo cum fiducia thronum gloriæ (*Hebr. iv*), arripiamus tantæ insignia pietatis; et quod temeritatis fuerat quærere non promissum, pudoris sit nolle suscipere vel oblatum. Dedignemur jam cœnos hujus mundi lutum sæpius corporaliter terere, cujus amorem Deo inspirante didicimus libero mentis pede calcare. Ab eo itaque, quem non diligit animus, ipse etiam corporeus reprimatur incessus: indignum censeamus visitationis nostræ frequentia, qui de nostra gliscit triumphare ruina. Inimicitia mentis ipsa quoque testetur absentia corporalitis, nec crebro nostros mereatur ille discursus, quorum fœdere consuevit obtutus; solusque in insidiarum suarum foveas incidat, qui nostris assidue gressibus deceptionum laqueos parat. Sic sic frustratas fraudum suarum excubias lugeat, dum nobis in pace quiescentibus nocturnæ nostræ protectionis aditum callidus insidiator explat.

Sufficiat autem nostræ discursioni divini campus eloquii. Per hunc campum jugiter gradiamur, in eo delectabiliter spatiemur. Licet illic liberis gressibus per parilem sacrarum historiarum planitiem currere.

Possumus etiam per mysticæ intelligentiæ profunditatem quodammodo præruptorum illic montium celsitudinem repere. Illic perfruemur fidelium amorum dulci colloquio, illic diversi apparatus, epularumque cœlestium jube convivium. His dapibus inhians fidelis anima, assidue lectionis alimento vegetata robur accipiat, et purissimæ orationis adipe saginata piæquiescat. Relinquatur fames sæculi fastidientibus convivium mundi. Nos autem illas didicimus epulas esurire, quæ et famelicis satietatem assolent cum jucunditate tribuere, et tamen satiatas nesciunt fastidium generare. Quæ nimirum epulæ et mentis nostræ stomachum suaviter replent, et tamen cloacarum secessibus nihil debent. Nihil enim de se prorsus egestionis relinquunt, sed ad præbendas vires **D** per omnium se venarum poros, cunctorumque viscerum penitus interna diffundunt.

282 His itaque cœlestis mensæ dapibus mens intenta inexplēbiliter vacat, his oculus solertiter invigilet; lingua articularis styli verba percurrat; cor, quæ leguntur, intelligat, et mysterii latentis arcana revolvat. Hoc pabulum sacra animalia per assidue retractionis studium jugiter ruminant, quæ nimirum a ventre scientiæ ad memoriæ guttur sapiens iterata meditatione redundent. Has, inquam, dapes mens jejuna semper esuriant, ab his vero nunquam satiata recedat; sed quo magis expletur, eo rursus ad earum appetitum avidius accendatur; sicque omnes sensus nostros circa istas vitales epulas occupa-

mus, ut cunctis causarum secularium negotiis insensibiles facti, vere mortui mundo, soli vivamus Deo; quatenus ipse auctor, et instructor felicissimi hujus ferculi, illis suis convivis nos dignetur ascribere, qui ex ore Veritatis merebuntur audire: « Ego dispono vobis sicut disposuit mihi Pater meus, regnum, ut edatis et bibatis super mensam meam in regno meo (Luc. xxii). »

Omnipotens Deus, qui charitas est (I Joan. iv), fratres charissimi, sancto cordi vestro clementer inspi- ret, ut pro me peccatore dignemini semper orare.

SCHOLIA.

Concludendum est igitur, quia sicut ab his cavendum est, quos moderna synodorum concilia ab ecclesiastica

A societate repellunt; ita et ab illis nihilominus declinandum, quos antiqui Patres eliminandos esse decernunt. Hoc loco beatus Damianus loqui videtur juxta Ecclesiae morem, qui ejus aetate servabatur. Ante concilium enim Constantiense in universum prohibebatur fidelibus participare cum excommunicatis, cap. Cautum est 11, qu. 5. et cap. Cum desideres. Et alibi saepe. Verum in concilio Constantiensi, per Martini V Constitutionem, quae incipit: Ad evitanda multa scandala, quam et Leo X in concilio Lateranensi, sess. 11, confirmavit, eamque refert Martinus Navarrus in Summa, cap. 27, num. 36, cujus adhuc meminit Didacus, Covarr. in cap. Alma mater, l par. Relect. paragr. 2, decretum est, « Licere fidelibus communicare excommunicatis, exceptis duobus, iis videlicet, qui nominatim fuerint denunciati, aut notorii clericorum persecutores. » Juxta hoc decretum, nostri doctoris zelum et sententiam interpretabimur.

Sit nomen Domini benedictum.

283-284 OPUSCULUM DECIMUM TERTIUM.

DE PERFECTIONE MONACHORUM. AD O. . . ABBATEM POMPOSIANUM EJUSQUE CONVENTUM.

ARGUMENTUM. — In hoc libello praeceptoris, ut ita dicam, officio fungitur. Nam cum monachorum sui temporis corruptos mores et instituta deplorasset, eosdem saluberrimis praeceptis ad perfectionem instituit: quid fugere debeant, quid amplecti, ut ad optatum laborum metam, certaminumque palmam pervenire possint, solenter erudit. Et quidem pene totus in eo est, ut eos posthabitis terrenis cupiditatibus, non ob poenarum formidinem, sed sua sponte ad Deum ardentem amandum invitet, et ad ipsam virtutum arcem, charitatem, quasi manu perducatur. Hac regia velut semita patefacta, ad reliquos deinde virtutum calles digreditur, patientiam scilicet, humilitatem, obedientiam, compunctionem, poenitentiam, et contemplationem, quibus tanquam clarissimis gemmis monachi cujusque animus ornatus, non ad externa duntaxat intuentium oculos, sed ad ipsius interni spectatoris conspectum pulcher et formosus apparet. Ubi generatim ad omnes locutus est, tum demum singulatim unumquemque sui officii admonet, abbates, praepositos, ceterosque cujuscunque aetatis ad bene beateque vivendum, juxta praescriptam a majoribus normam informans.

Domno O. . . venerabili abbati, et sancto conventui, PETRUS peccator monachus devotissimae servitutis obsequium.

Pauperculo debitori licet solvere nequeat omne quod debet, excusationi tamen est, id perexiguum offerre quod habet. Saepe nimirum rusticus, qui pecuniam feneratus acceperat, exactori suo olerum duntaxat advexit xenium, et mox cautionis suae chirographo rediit absolutus. Ego itaque, qui beneficiis vestris magna debeo, viles litteras mitto; viles, inquam, mea rusticitate, non suo genere, videlicet quae et divinae voluntatis indices, et veterum novorumque gestorum depositariae sint fideles.

CAPUT PRIMUM.

De remissione fervoris sanctae religionis.

Itaque non ignoratis, fratres mei, quod gemens loquor, ad quantum sancti fervoris lapsus sit, imo proclivius quotidie labi non desinat noster ordo defectum, ut jam omnium pene mandatorum negligen- ter oblitus, sola professionis hujus videamur veste contenti. Sub religionis enim specie saeculariter vivimus, et violato disciplinae genio, dum nos per illecebrarum fluxa dissolvimus, velut a nobilitatis nostrae titulis degenerantes, monachorum nomen inaniter

B possidemus. Ac si spurius puer patris quidem se censerit nomine gaudeat, sed generis sui degenerata conditio legibus hunc ab haereditate repellat. Nam et Ismael et filii Cethurae omnes indifferenter Abrahæ filii dicebantur. Sed cum ad successionum jura perventum est, Isaac legitimo filio tota in integrum haereditas traditur; concubinarum autem filiis tantummodo munera tribuuntur. « Spuria, inquit Salomon, vitulamina non dabunt radices altas (Sap. iv). » Nec vos, quæso, quod loquor, in vestram veritatis injuriam. Nostis enim, quia fomes apte congeritur, ubi scintilla saltem ignis superesse videtur; illic autem quis inaniter sufflat, unde calorem penitus exhalasse considerat? Ego etiam, nisi per Christi gratiam de vobis meliora confiderem, relictis aliis, exhortationis 285 stylo vos etiam prosequi supervacuum judicare.

Quapropter, charissimi, in vires vos, Christo auxiliante, colligite, ejusque militiam, in cujus arma jurastis, non segniter, non enerviter, sed fervide potius ac viriliter bajulate, ut rudimenta conversationis vestrae, quæ adhuc in quodam medullio posita sunt, non ad nihilum, quod absit, per negligentiam redeant, sed per continui fervoris instan-

tiam ad perfectionis culmen excrecant. Mementote quod angelo Sardis Ecclesie dicitur: « Esto vigilans, et confirma cetera, quæ moritura erant; non enim inveni opera tua plena coram Deo meo (Apoc. iii). » Quia enim plena coram Deo ejus opera non invenerat, moritura etiam illa, quæ jam bene gesta fuerant, perhibebat. Si enim quod mortuum in nobis est ad vitam non accenditur, hoc etiam exstinguitur, quod quasi adhuc vivum tenetur. Perdit quippe quod egerat, qui quod faciendum est non consummat. Quid enim prodest si in materno utero formari corpus incipiat, et tamen ad naturalis incrementi plenitudinem non pertingat? Non enim vos latet de qua sobole dicitur: « Mulier cum parit, tristitiam habet, quia venit hora ejus; cum autem peperit puerum, jam non meminit pressuræ propter gaudium, quia natus est homo in mundo (Joan. xvi). »

CAPUT II.

Quod nisi quisque studeat cæpta perficere, ad amorem Dei nequeat pervenire.

Abortivum plane opus Deus non approbat, qui personarum et officiorum, conditionum et ordinum actus in statera providæ discussionis examinat, et diversas habet lances per singulos ordines. An ad trutinanda regis opera stateram habilem non habuerat, eaque actus illius appenderat, cui per manus articulum in pariete describebat: « Regnum tuum appensum est in statera, et inventus es minus habens? (Dan. v.). » Atque idcirco præsto subjunctum est: « Divisum est regnum tuum, et datum Medis et Persis (ibid.). »

Si ergo regnum simul et vitam illis Deus omnipotens abstulit, non ob aliud crimen, nisi quia tam boni operis, quale regem decuerat, in eo plenitudinem non invenit; quid de nobis est sciendum, qui sub professione monastica et scandere perfectionis excelsa promissimus, et adhuc tamen sub torpore desidie in imperfectionis nostræ convalle jacemus? Ut quid homo totis nisibus non satagit implere quod instat? Ob id saltem ne perdat omne quod præterito labore quasierat. Nam quantumlibet itinatis quisque perrexerit, quid, quæso, proficit si ad locum propositum non attingat? Porro, si quispiam regi vehementer infensus, non aliter redire in gratiam possit, nisi centum argenti libras appenderit, certus quia post solum exactionis regis debitum, non solum gratiam, sed et magnæ ejusdam dignitatis erit infulus accepturus; nunquid non fatuus erit si nonaginta novem libras, quæ publicis ærariis illatæ jam fuerant, perire patitur, nisi sola una **286** quæ de ratione remanserat, persolvatur? Nonne melius est ut modicum id quod restat plene solvatur, et gratiam simul cum dignitate homo recipiat, quam et quod datum est, perdat, et, quod terribilius est, in regis indignatione permaneat?

Dedimus, fratres, ut confidenter dicam, dedimus nonaginta libras argenti regi nostro Christo, pro cuius intuitu possessa reliquimus, conjugium sprevimus, esum carniū devitamus, mundi pompas et

A gloriam perhorrescimus, nitorem secularis habitus humili veste mutamus. Magna sunt hæc, ardua sunt, fateor, magnisque supernæ retributionis muneribus compensanda; sed adhuc restat unde præfixum debeat pondus impleri, ut in gazophylacium Regis æterni mereatur admitti. Quæritis quid sit hoc? Occurrit mihi protinus, ut vobis ista respondeam. Obedientia, charitas, gaudium, pax, patientia, cæteræque virtutes, quas gentium prædicator enumerat (Galat. v). Sed volo compendiose perstringere, quomenti vestræ valeat facilis, ac per hoc arcetius inhæerere. Itaque nihil est aliud nisi fervor in Deum et mortificatio in temetipso. Si enim apostolica in nobis sententia viveret, qua dicitur: « Semper mortificationem Jesu in corpore nostro circumferentes

B (II. Cor. iv). » quia carnalis amor non haberet ubi se intra nostra diffunderet, necessario se omnis nostra delectatio in Deum suspensa transferret: et illic noster ignis exiliens viveret, quia intra nos diffundendi se spatium non haberet. Prudens etenim vir, et ad salutis suæ custodiam vehementer intentus, tanta reprimendis vitis sollicitudine semper invigilat, ut perfectæ mortificationis cingulo lumbos suos et renes, ventrem una cum lateribus undique circumstringat. Quod nimirum tunc fit, cum pruriens gula reprimitur; cum lingua procax sub silentio cohibetur; cum auris a detractionibus clauditur; cum oculus aspectare quæ sunt illicita, prohibetur; cum retinetur manus, ne crudeliter feriat, pes ne vagabundus inaniter pergat; cum resistitur cordi, ne prosperis alienæ felicitatis invideat, ne quod suum non est, per avaritiam concenpiscat, ne se ab amore fraterno per iracundiam dividat, ne se super ceteros arroganter extollat, ne titillanti luxuriæ ex delectatione consentiat, ne se vel in mœrorem immoderatus deprimat, vel lætitia lenocinantem resolvat. Quia igitur humana mens penitus vacare non valet, ut cujuslibet rei se amore non occupet, cum hoc virtutum muro undique circumcluditur; qui se circa se nequaquam dilatare permittitur, supra se necesse est rapiatur.

CAPUT III.

Quod necesse sit terram nostri cordis excolere, si de ampla voluntus possessione gaudere.

D Hoc itaque modo cum mens nostra in suo cæperit auctore quiescere, et ex illa jam dulcedinis intimæ suavitate gustare: mox quidquid divinæ legi justificasse contrarium, respuit; quidquid a supernæ justitiæ regula discrepat, abhorrescit. Hinc plane vera mortificatio **287** nascitur; hinc fit, ut homo Redemptoris sui bajulus crucem, mundo mortuus videatur. Itaque jam non fabularum gaudet ineptiis, non otiosus acquiescit diffuere verbis; sed psalmis, hymnis et canticis spiritualibus vacat, remotionem quærit, latibulum expetit; colloquendum officinas, publicum claustra monasterii forum deponat; angulis gaudet, secreta rimatur: et ut liberius conspectui sui Creatoris assistat, in quantum prævalet, etiam colloquia humana declinat.

Hic itaque vir postquam urbes hostium subruit, postquam regum in spelunca latentium colla enscavit et perdidit; postquam maritima, campestria ac montana regna subvertit, quid jam restat, nisi ut repromissionis terram cum triumphatore Josue tranquilla pace possideat? alioquin quid prodest, quod deserentes Ægyptum, diviso mari Rubro transivimus, si in deserto nunc per quadraginta annorum spatia coarctamur, et nec ad ollas carniū redire jam possumus, nec terram lacte melleque manantem jure possessionis intramus? Dormimus, stertimus, et sub ignavia torpore marcemus.

Merito itaque nobis ad opprobrium dicitur, quod septem tribubus necdum possessiones habentibus idem Josue dixisse perhibetur: « Usqueque, inquit, marceitis ignavia, et non intratis ad possidendam terram, quam Dominus Deus patrum vestrorum dedit vobis (*Josue xviii*). » Stultus denique miles est, qui satagit vincere, si non studuerit ante pugnare; nimis delicatus est, si ante nititur obtinere victoriam, quam egrediatur ad pugnā. Frustratur agricola, si antequam desudavit serere, ambiat triturare; cum constet, quia quisquis desiderat frumenta colligere, prius necesse sit frutices simul cum vepribus extirpare. Et revera divina voce peccatori homini dicitur: « Terra tua spinas et tribulos germinabit (*Gen. iii*); » ut autem terra ista valeat esse ferax segetum, patiens sit ante ligonum, et vomerum; quatenus diversis afflictionibus, perfectæque penitentiae disciplinis exulta, velut uberum proventus frugum, sic adornetur omnium fecunditate virtutum.

Ad hanc profecto agriculturam typice impellebat Josue filios Joseph, cum eis de parvæ sortis funiculo conquerentibus, diceret: « Si populus, inquit, multus es, ascende in silvam, et succide tibi spatia in terra Pherezæi, et Raphaim, quia angusta est tibi possessio montis Ephraim (*Josue xvii*). » Nam, ut rem ad id quod propius adjacet, non incongrue referam, in angusta se montis Ephraim possessione cohibuit, qui sola B. Benedicti regula contentus esse decrevit. Sed audi, quomodo te ad montem Josue novus impellat, et ad latiora possessionum spatia festinare præcipiat: « Regulam, inquit, hanc descripsimus, ut hanc observantes aliquatenus, vel honestatem morum, vel initium conversationis nos demonstremus habere. » Ecce mons Ephraim. Sed quoniam angustam hic possessionem esse perpendit, mox ad altiora, simul et latiora transmittit: « Cæterum qui festinant, inquit, ad perfectionem, sunt doctrinæ sanctorum, sive collationes et instituta Patrum, » et cætera: quæ quoniam vobis notissima novimus, hic apponere superfluum judicamus.

288 CAPUT IV.

De his qui Gabaonitarum imitantur exemplum.

Sed, o utinam, quia tepidi atque degeneres nequam ad altiora contendimus, hujus saltem parvi montis angustias naviter sulcaremus; ut nullus in eadem regula mandatorum angulus sub negligentia delitesceret, quem nostri laboris, et exercitii aratrum non

A sulcaret. Nam ubicunque duriora, vel quantumlibet altiora præcepta conspicimus, illuc aratrum nostri sudoris immittere, velut in præruptum montem, vel in vivum lapidem formidamus. Volumus siquidem annumerari inter cuneos militum, sed insignia non curamus habere virtutum. Ad oculos quidem hominum prætendimus honestatis imaginem, sed in conspectu oculi Judicis habere negligimus veritatem. Nonnulli namque (quod sine gemitu dicere nequeo) sic ad novæ religionis transeunt ordinem, ut tamen præteritæ vitæ nunquam deserant vetustatem: hi nimirum Gabaonitæ sunt, non Israelitæ. Notum quippe est, quod Gabaonitæ mortis timore perterriti, ad Israeliticum populum cum fraude et calliditate venerant, ita ut se veteribus vestimentis induerent, pares etiam B siccos, utres, saccos, calceamenta, atque omnia simul inveterata portarent: quibus scilicet, postquam impetrato fœdere vita donatur, consequenter etiam fraus patefacta cognoscitur: quos Josue comperto dolo sub maledictione damnavit, et aquæ gestatores, lignorumque cæsores perpetuo jure constituit (*Jos. ix*).

Qui sunt autem Gabaonitæ, qui ad Israelitas mortis formidinem transeunt, nisi ii qui ad servitutis divinæ militiam non perfectionis amore, sed tremefacti scelerum suorum immanitate confugiunt? Sed eorum nonnulli veste, non mente mutati, siccos panes ad esum portant, quia azyma adhuc sinceritatis et veritatis ignorant (*I Cor. v*). Vetustis vestibus conteguntur, quia in veteri adhuc homine constituti, novum indure nesciunt, qui secundum Deum creatus est in justitia et sanctitate veritatis (*Ephes. iv*). Postremo omnia videntur inveterata, quæ gestant, quia in præteritæ vitæ vitiis perseverant, non obtemperantes præcipienti Apostolo: « Renovamini, inquit, spiritu mentis vestræ (*ibid.*); » nec illa eis sententia congruit, qua dicitur: « Vetera transeunt, et ecce facta sunt omnia nova (*II Cor. v*). » Ad novitatem quippe superficiei venientes, re ipsa in vetustate persistunt, quia emendationem et novam conversationem in suis moribus non ostendunt. Tales itaque maledictione plectuntur, nec ad sortiendam cum Israelitis hæreditatem aliquatenus admittuntur. Non enim ex illorum numero sunt, quibus dicitur: « In hoc vocati estis, ut benedictionem hæreditate possideatis. » Aqua autem insipida est, et ligna dura. Ligna ergo cadere, et aquas vectare jubentur; quia gustus intelligentiæ spiritualis ignari, duris atque insensibilibus exterioris exercitii negotiis occupati. Sic igitur aliquam quidem in exterioribus videntur utilitatem Ecclesiæ serviendo conferre: sed quia serviliter vivunt, hæreditatem inter Israelitas nequeunt possidere.

289 CAPUT V.

De iis qui eorum tenent figuram, qui ad maledicendum constituti sunt in Hebal.

Talium tamen nonnulli si frequenter admoniti fuerint, si eis correctionis severitas adhibetur, si pœna gravis irroganda proponitur, si terror denique

tremendi iudicii intentatur, de servitute ad libertatem veniunt, et ad capessendam cum cæteris jura hæreditariæ possessionis assurgunt. Quorum scilicet typum tribus illæ tenuerunt, quæ et prius præcipiente Moyse, deinde Josue exsequente, ad maledicendum sunt constitutæ. Sic enim Scriptura testatur: « Omnis populus, et omnes majores natu, ducesque ac iudices stabant ex utraque parte arcæ in conspectu sacerdotum qui portabant arcam fœderis Domini, ut advena, ita et indigena: media eorum pars juxta montem Garizim, et media juxta montem Hebal. Porro ii qui stabant juxta Garizim, benedicebant factores legis; qui vero juxta Hebal, maledicebant transgressores legis (*Deut. xi; Jos. vii*). » Quid enim designant isti, qui benedictionis funguntur officio, nisi eos procul dubio, qui non penarum metu, sed spe cœlestium præmiorum, et perfectionis amore, ad servitia divina confugiunt, et jugiter Deum sanctæ conversationis operibus benedicunt? Quid autem illi, qui ad maledicendum positi sunt, nisi eos qui non amore perfectionis æstant, non desiderio gloriæ cœlestis anhelant, sed ad hoc tantum quæ in lege præcepta sunt, servant, ut gehennæ pœnas evadant?

Ad maledicendum itaque missi sunt, ut dum maledicunt, ipsi ad conscientiam redeant, et perpendentes pœnas in Scripturis peccatoribus constitutas, a perversitate peccandi se vel timore compescant. Hinc est plane quod illæ tribus quæ ad benedictionem constitutæ sunt, nobiliores sunt, filii videlicet uxorum; quæ autem ad maledicendum, ignobiles, nupta ancillarum, id est, Gad et Aser, Dan et Nephtalim, inter quos erat Ruben, qui maculaverat torum patris, et Zabulon Lia ultimus.

Notandum autem, quia omnes stetisse circa arcam fœderis referuntur, quia omnes tam nobiles quam ignobiles, ac per hoc sive tepidi, sive in Dei amore ferventes, a sancta Ecclesia non recedunt. Hoc autem a Moyse quidem præceptum, sed longe post Josue est executione completum. Quid per Moysen nisi lex; quid per Josue nisi Evangelium figuratur? Benedictionem ergo iustis debitam, et maledictionem peccatoribus irrogandam, non solum lex vetusta prædixerat, sed evangelicæ novitatis gratia manifestat. Sed quanquam isti sint nobiles, ideoque benedictionis potiuntur officio: ignobiliores illi ac per maledictionis formidinem terreantur; quia tamen adversus hostes non amittere dimicant, quia communi laboris instantia promissam terram sibi vindicare desudant, omnes simul admittuntur ad sortes, et non diverso jure fiunt sibi invicem cohæredes. Verumtamen valde clarius est, ut serventes atque robusti nobilitatem inveniamur titulis insigniri, **290** quam molles in aliquo degeneri compellamur ignobilitate notari.

Fugiamus ergo Hebal, contemnamus multo magis et Gabaoitas, ut neque exterioribus implicatis servilis nos conditio deprimat, neque solo gehennæ timore constrictos inter ignobiles filios desidie torpor

A abducant. Vindicemus virtutum armis hæreditatem nostram, ut possessionis nostræ terminos assidue culturæ sudoribus dilatemus. At fortassis desides quique respondeant, quod filios Joseph tunc dixisse Scriptura commemorat: « Non poterimus, inquit, ad montana conscendere, cum ferreis curribus utamur Chananæi, qui habitant in terra campestri (*Jos. xvii*). » Alta quidem petunt, sed eos, qui in imis habitant, pertimescunt; quia ad arcem nituntur festinare virtutum, sed carnalium vitiorum diffidunt superare posse conflictum; quibus tamen ignobiliter requiescere non conceditur, sed illico respondetur: « Populus multus es, et magnæ fortitudinis, non habebis sortem unam, sed transibis ad montem, et succides tibi, atque purgabis ad habitandum spatia, et poteris ultra procedere (*Jos. xvii*). » Imo ut audaciam timidis præbeat, ipse Deus omnipotens clamat: « Ego sum, inquit, qui delebo eos a facie Israel. » Et Josue cœlestis militiæ bellatores hortatur, ac facilem de hostibus victoriam pollicetur: « Nolite, inquit, timere, nec paveatis: confortamini, et estote robusti; disperdet enim Dominus cunctos hostes vestros, adversum quos dimicatis (*Jos. x*). »

CAPUT VI.

De his qui dum perfectionem in sola conversione constituunt, conversis penitentiam non imponunt.

Præterea, dilectissimi, ut vobis tanquam complicitibus, et unanimibus in Christo familiariter loquar, quamdam in plerisque monasteriis teneri consuetudinem novimus, quam ut vos abdicetis, humiliter **C** suademus. Nonnulli namque rectores fratrum plus tribuunt monasticæ regulæ quam expediat, quibuslibet a sæculo venientibus, etiam si graviter lapsi sunt, aliam penitentiam non imponant, nisi tantum communem monasterii ordinem servare præcipiunt: quod profecto quam sit inconsideratum, quam inhumanum, quam penitus indiseretum, quisquis sapit, intelligit. Hi nimirum auditores suos in Heblitarum ignobilitate constituunt, dum penitentia fervorem tollunt, dum non post solum debitum amore perfectionis ad alta conscendere; sed pœnarum semper terrore constrictos, et cautione fenoris obligatos docent sub degeneris ignaviæ torpore languere; ut non cum his qui juxta Garizim sunt, secure Dominum benedicant, sed circa Hebal potius cum ancillarum filiis maledictionum jacula pertimescant. **D** Qui hæc enim agit, quid distet inter decem millia talenta et centum denarios, non attendit. Nam si jus discretionis inspicitur, unusquisque quo magis gravatur offensis, eo majori gravandus est pondere satisfactionis. Facilius quippe debitor solvitur, qui mutatus est unciam, quam ille qui libram; nec pari **291** emendatione plectendus est qui ovem rapuit, et ille qui bovem.

Nam si diligenter attendimus, ipsos quoque apostolos disciplinæ nostræ principes, et Christiani dogmatis duces, juxta prioris vitæ culpas laborem invenimus inter se invicem habuisse distantiam. Nam Paulus quia se in necē Stephani crudelis admisit

(*Act. vii*), plura quam ceteri, passionum supplicia toleravit (*II Cor. xi*). Petrus autem nuptiarum sordes abluit cruore martyrii. Vide scholia ad *calcem opusculi*; at Joannes, quia virgo eligitur (*Joan. xxi*), ceteris omnibus plus amatur; et quoniam in puerili aetate mundo subtractus graviter non deliquit, non poenas martyrii patiendi, sed suaviter et quiete quasi dormiendo migravit. Et cum prædicator ille egregius dicat: « Ego sum minimus apostolorum, qui non sum dignus vocari apostolus, quoniam persecutus sum Ecclesiam Dei (*I Cor. xv*); » cum corpus suum castiget, servitutique subiciat (*I Cor. ix*); cum quod aliis ipse concedit (*ibid*), de Evangelio nihil accipiat, sed de manuum suarum laboribus vivat; cum ille plus omnibus laboret, et tamen non se comprehendisse formidet (*Philip. iii*): si ille, inquam, inter tam magnifica virtutum opera non confidit adhuc in apostolatu, quid nos infelices et miseri tantum præsumimus de nostræ desidii monachatu? Quisquis sane ad religionis hujus ordinem confugit, finem malis imponit.

Sed quid prodest a peccatorum perpetratione desistere, nisi et hæc ipsa quæ perpetrata sunt, studeat quis districtæ poenitentiae satisfactione delere? Sed quia mihi fortasse non creditur, quid ex hoc in Pastoralis libro perhibeat beatus papa Gregorius, inquiratur, ubi ait: « Admonendos esse qui peccata deserunt, nec tamen plangunt, ne jam relaxatas æstiment culpas, quas etsi agendo non multiplicant, nullis tamen fletibus mundant. » Quæ videlicet tam plena, tam evidenti illic sunt ratione digesta, ut quisquis diligenter illa perlegerit, ex hæc re de cætero dubitare non possit; nos autem hic apponenda non ducimus, quia prolixitatis fastidium devitamus. Et revera quomodo de reatus sui relaxatione securus est, qui ad locum poenitentiae veniens, poenitentiam non observat?

At fortassis objicitur, quia præter id quod commune est, speciale cuiquam venienti de sæculo jejunium in regula non jubetur. Ad quod facile respondemus: quia B. Benedictus sua quidem præcepta monachis edidit, sed judicantes de peccatoribus sacros canones non destruxit, imo omnia catholica scripta firmavit: conversis plane dedit præcepta vivendi; peccatoribus autem poenitentiam non donavit, alioquin murmurare possunt, et juste conqueri tam ii qui in puerili aetate, quam qui a gravibus custoditi ad conversationem veniunt, si eundem vivendi modum tenere cum his qui criminibus gravati sunt, compelluntur. Nam si aliter jejunare nunquam debemus, nec aliam agere poenitentiam, nisi quæ in eadem regula sancta præcipitur, cur illi jussum est (*S. Ben. Reg.*, cap. 53): « Ut jejunium a priore frangatur propter hospites, nisi præcipuus jejunii dies sit? »

Age nunc, lege, percurrere, revolve folia, solerter investiga, et dis ille jejunandi præcipuus, qui hic in transitu dicitur, ostende ubi 292 sancti doctoris auctoritate jubetur; et cum invenire non poteris,

necessario confitere, quia sanctus vir non sola quæ scripsit observare nos voluit, et dum sua conludit, edicta Patrum præcedentium non cassavit. Sed ne me quis temeritatis incessat, tanquam qui sacrum ordinem derogando diducem, atque depretem, nec sanctæ professioni tantum tribuimus, ut et secundicerium apostolici ordinis, et secundum nihilominus fateamur esse baptismum. Sed dico quod dictum est, cum princeps apostolorum quibusdam ad conversionem venire volentibus dicat: « Poenitentiam agite: et baptizetur unusquisque vestrum (*Act. ii*); » qua igitur mente securus est, qui transactas culpas flere negligit, quando ipse summus pastor Ecclesiæ huic etiam sacramento addendam poenam credidit, quod principaliter peccata dimittit? sancta nimirum regula illis est sub tanta discretionis arte disposita, illis specialiter sub tantæ moderationis libamine temperata, qui spontaneo desiderio, et perfectionis amore gratis sæculum deserunt, non propter eos, qui scelerum immanitate deterriti, fugere necessario compelluntur. His, inquam, qui amore veniunt obedientiam, non his qui trahuntur timore gehennæ: desiderantibus scilicet augere gratiam, nec præcipientibus vitare vindictam. Quod in ipso libri principio manifeste colligitur, si ad quem sua verba Spiritus sanctus dirigat, subtiliter attendatur.

Spiritum sanctum dico. Neque enim vir sanctus, tantæque cultor humilitatis protinus ut in verba prorumperet, magisterii cathedram, et præcipue pii patris sibi privilegium usurparet, dicens (*S. BENED. Reg.*, cap. 1): « Ausculta, o fili, præcepta magistri, et inclina aurem cordis tui, et admonitionem pii patris libenter excipe. » Sed ille servum suum propriæ vocis organum fecit, qui similiter in ipso vaticinii incipientis exordio clamare per Isaiam cœpit: « Filios, inquit, exultate, et exaltate (*Isa. i*). »

Videamus ergo cum scribere incipit, quibus verba dirigat, ad quod hominum genus omnem vim securæ elocutionis intendit; ait enim (*S. BENED. Reg.*, cap. 1): « Ad te ergo nunc meus sermo dirigitur, quisquis aberuntians propriis voluntatibus, Domino Christo vero regi militaturus, obedientie fortissima atque præclara arma assumis. » Quantum ergo ex sancti viri verbis colligere possumus, magis ad discendam obedientiam, quam ad peragendam poenitentiam regule hujus schola cognoscitur instituta; non ut sive peccatores; sive justos excludat, vel unum genus hominum respuat; sed quia omnem vim et intentionem ad edocenda obedientiæ præcepta constituat.

Verum dum hæc scribimus, non ignoramus nos quosdam fratres offendere, eos videlicet, qui arbitrantur et absolutionem criminum, et virtutum clausulam in sola duntaxat conversione constare; nobis autem sufficit respondere, quia dum ista proferimus, nulli juxta Apostolum, laqueos injicere volumus, sed ad hoc tantum quod bonum est, prove-

camus (1 Cor. vii). Cur autem hæc tantis protraham, A quia non alienum videtur, exponam. Quidam nempe frater ad nos de monasterio venit, qui quid in laicali vita commiserit 293 confessus est. Porro debebatur illi septuaginta, si recte teneo, annorum poenitentia, sicut nobis ex sacrorum canonum sententia videbatur. Erat autem fere jam septennii in habitu religionis; cumque quæreremus pro his peccatis quantum jam poenitentie peregisset, respondit: Domino quidem abbati se cuncta fuisse confessum, sed eum præter communem monasterii observantiam, nullam sibi poenitentiam indidisse; quia perhibuit solam conversionem pro omnium peccatorum suorum absolutione plene sufficere. Quid dicam? Fateor, res mihi valde displicuit; desepi, horruï, et hominem deceptum esse clamavi: nimirum qui poenitentiam necdum haberet inceptam, quam diversis afflictionum modis jam habere potnerit consummatam.

CAPUT VII.

Quod melius est agere quod ex auctoritate præcipitur, quam quod misericorditer indulgetur.

Vobis autem, charissimi, et hæc et alia multa displiceant, quæ decepti homines, dum se recte agere arbitrantur, ignorant: atque, ut in aliis, quæ non agenda sunt, libera possitis auctoritate corrigere, ipsi cautius evitantes abominanda monstrare. Ut autem ad illud redeam, sancta regula quasi ampla quedam, capax et spatiosa domus facta est ad omnia genera hominum capiendâ, pueros videlicet et senes, fortes et debiles, deliciosos, multimodum inæqualitate diversos. Non ergo debemus vana nosmetipsos securitate decipere, nec omnem clementiam regulæ nostris quasi licenter usibus arrogare. Licet enim via publica cunctis itinerantibus pateat, indiscretus ille viator est, qui totam occupare divaricatis gressibus tentat. Singulorum totus est fons, qui in medio profluit; sed insolenter agit qui totum vindicare propriis usibus concupiscit. Ita nimirum et de remissione sanctæ regulæ dicitur, et hortamur, ut unusquisque frater, qui de sua est salute sollicitus, ad possibilitatis suæ conscientiam redeat, et de remissione regulæ non tam quod licet, quam quod necessitas postulat, in proprios usus assumat. Aliud quippe quod ex auctoritate præcipitur, aliud quod misericorditer indulgetur. Sed quod præcipitur, non sine peccato negligitur; quod autem indultum est, bonum est si dimittitur, non malum est si completur. Sed si ipsius regulæ verba diligenter inspicimus, quod dicere volumus, facilius approbamus. Nam cum dicit alicubi (S. BENED. Reg., c. 41): « Infirmorum condescendentes imbecillitati, credimus minam vini singulis sufficere per dies; quibus autem donat Deus tolerantiam abstinentiæ, propriam se habiuros mercedem sciant. » Quid aliud de vino monachis, quam quod Apostolus de communi amplexu conjugibus dicit? Hoc autem, inquit, dico secundum indulgentiam, non secundum imperium (1 Cor. vii); » ubi mox addit: « Volo autem omnes homi-

nes esse sicut meipsum; sed unusquisque propriam donum habet ex Deo, alius quidem sic, alius vero sic (Ibid.). »

294 Aliud itaque volebat Apostolus, et aliud permittebat. Volebat siquidem omnes homines esse sicut semetipsum, hoc est, conjugalibus negotiis alienos: sed quia id omnibus persuadere non poterat, necessitate coactus, nuptias permittebat; melius esse judicans, ut nuptiarum lecto, velut infirmi jacerent, quam ut in luxuriæ voragine decedentes, cervices effringerent. Sed beatus qui audit Apostolum quod vult præcipientem, non quod non vult ignoscentem. Sic itaque auctor sanctæ regulæ liberto discretionis examine, alia ex auctoritate præcipit, alia propter imbecillitatem fragilium necessitate permittit. Nam cum dicit (S. BENED. Reg., c. 48): « Licet legamus vinum monachorum omnino non esse; » et alibi (cap. 49): « Licet omni tempore vita monachi Quadragesimæ debeat observationem habere, tamen quia paucorum est ista virtus, » et multa similia; quid est aliud quam si dicat: Alta quidem ostendo, sed poplitibus teneris adhuc vos claudicare conspiciens, per plana deduco; si cui autem possibilitatis vigor accesserit, deserat ima quæ invitus indulget, teneat alta quæ volo? Nimirum melius est quidem salvâ animam in Segor, quam sulphureo in Sodomis igne consumi. Melius est enim nubere quam uri (1 Cor. vii). Sed quam gloriosius est ad montânâ conscendere, quam in parvulâ Segor obscura ignobilitate jacere!

C Et ut ad id quod nostrum est redeam, melius certe est in spiritali ordine vel segniter vivere, quam funditus in mundana conversatione perire. Sed quam elegantius est omnia vitiorum portenta festinanter elidere, et ad virtutum culmen æstuanti desiderio festinare, quam sub tempore desidii in sola suscepti ordinis securitate dormire! Ac si promulgator sanctæ regulæ suis auditoribus dicat: « Suscipientes quidem quod indulget, non peccatis, sed non suscipientes, mercedem habetis: admissa siquidem misericordia non incurritis poenam, sed propter Deum dimissa pertingitis ad coronam: et hæc quidem speciali crimine non depressi; alioquin quisquis se meminit illicita perpetrasse, versa nunc vice debet a licitis abstinere: et qui commisit superbe prohibita, debet nunc humiliter abdicare concessa. Plerique enim mollior suaviterque viventes si aliquando suaderent, ut quantumlibet vel parum saltem arctioris viæ arripiant institutum, mox ratiocinium sibi defensionis obtendunt, dum quispiam eorum sic ait: Vivo, inquit, ut jubeor, dum rebus concessis utor, legis meæ mandata conservo: deinde ut tanquam victor de superiori contendere videatur, in audaciam prosilit. Nunquid, inquiens, regula ab his, et hujusmodi, licentiam tollit? Nunquid non mihi hæc et illa concedit? Verum quisquis ista contendit, inter voluntatem, necessitatemque scriptoris discernere necdum didicit: et alia secundum indulgentiam per-

multū, alia secundum imperium præcipi non cognovit.

Hic itaque in deserto moriturus est, quia dum in carnis suæ voluptatibus ignobiliter habitat, ad obtinendam sui juris terram per laborum certamina non desudat; sive cum Rubenitis et Galaaditis antiquam Jordanem transeat, figitur, atque ideo terram lactis et mellis **295** possidere post triumphum cum albis tribubus non meretur, intentionis suæ terminum posuit: et quia adhuc in expeditione positus, jam domi se habitare credit, ad hæreditatis suæ funiculum, ubi vera est requies, et securā tranquillitas, non attingit.

CAPUT VIII.

De vita activa et contemplativa, sub figura Liæ et Rachelis.

Omnis denique nostra conversio, et abrenuntiatio sæculi ad nil aliud, nisi ad requiem tendit; sed hæc requies sic acquiritur, si prius homo diversis certaminum laboribus exercetur, ut, cessante postmodum omni perturbationum strepitu, per gratiam contemplationis transferatur animus ad indagandam speciem veritatis. Sed cum ad hanc requiem, sicut dictum est, non nisi per labores et certamina pervenitur, quomodo quis ad requiem pervenit, qui necdum ad certamina ipsa, quæ in medio sunt constituta, descendit? Quod enim pacto quis valeat aulam ingredi regiam, si eam, quæ præ foribus est, nondum transivit arenam? Qui propaginare non didicit, qui palmitum sarmenta non secuit, qui glebas sarculis nunquam fregit, qui vomeribus novalia non sulcavit, quomodo excussis paleis in horreo frumenta recondere, aut plenis musto canalibus vinaria poterit amovere?

Porro non obscure est quod Laban duas filias habuit, quarum juniorem Jacob in conjugium concupivit, ad cujus tamen amplexus pervenire non potuit, donec majorem ignarus, atque ideo invitatus accepit. Sed quia rem scientibus loquor, non mihi multis elaborandum est verbis. Laban quippe *dealbatio* interpretatur. Quis autem ad Deum convertitur, nisi ut deposita peccatorum nigredine per remissionis gratiam dealbetur? Sicut ipse pollicetur dicens: « Si fuerint peccata vestra quasi vermiculus, tanquam nix dealbabitur (*Isa. i.*). » Quod felix ille peccator postulabat, cum diceret: « Mundabor, lavabis me, et super nivem dealbabor (*Psal. l.*). » Lia interpretatur *laborans*; Rachel, *verbum*, sive *visum principium*. Sed si Scripturam diligenter attendimus, nec uno quidem die servisse Jacob propter Liæ desiderium reperimus, sed per totas illas annorum hebdomadas pro sola Rachel servituti subjacuit; insuper et ipsam Liam ad illius intuitum toleravit. Quis enim ad Deum idcirco convertitur, ut labores et ærumnas, ac tentationum certamina patiat? Omnis enim Deum quærentis intentio hoc sperat, ad hoc spectat, ut ad requiem quandoque perveniat; et in summæ contemplationis gaudio, velut in pulchræ Rachel amplexibus requiescat;

videli et ut per verbum quod audit, scandat ad videndum principium quod quæsit.

Sed necesse est ut hunc diversorum certaminum labor exerceat, antequam ad quietis intimæ suavitatem, quam concupiscit, attingat. Prius servitute deprimitur, ut jure postmodum ad perfectæ libertatis titulos provehatur. Septem vero annis sub dealbationis gratia servit, cum septem ea quæ ad proximi dilectionem **296** pertinent, Decalogi mandata custodit: videlicet ut primo timore constructus, atque ideo servitutis iugo depressus, saltem a vetustæ legis incipiat institutis (*Exod. xx.*), ut nimirum parentes honoret, ut non mæchetur, non occidat, non furetur, non falsum testimonium proferat, non uxorem alterius, non rem proximi concupiscat. Quibus rite servatis, non mox, ut sperabat, ad contemplationis oblectamenta perducitur, ut velut expectata diu Rachel pulchritudine perfueratur; sed Lia sibi per noctem inopinata supponitur, quia inter humanæ hujus ignorantie tenebras tolerantia sibi laboris injungitur. Ex qua tamen jam numerosam sobolem suscipit, quia uberes spirituales lucri per hunc laborem fructus acquirit.

Hanc itaque tolerat, ut ad illam quandoque perveniat, quam perseveranter amat. Suadet ergo ut alios septem annos servire desudet, quia profecto necesse est ut adhuc alia septem præcepta conservet, sed jam aliquanto liberior, non legalia tanquam servus, sed evangelica sicut gener: videlicet ut sit pauper spiritu, sit mitis, luceat, esuriant, sicutque justitiam (*Math. v.*); sit misericors, mundum cor habeat, sit postremo pacificus. Enimvero vellet homo, si fieri posset, nullas quidem laborum molestias agendo, vel patiundo perferre, sed protinus in ipsis sui tirocinii rudimentis ad pulchræ contemplationis delicias pervenire; verumtamen hoc non in terra morientium fit, sed in terra viventium; quod significare videtur illud quod a Jacob dicitur: « Non est, inquit Laban, in loco nostro consuetudinis, ut minores ante tradamus ad nuptias (*Gen. xxix.*). » Nec absurde major appellatur, quæ prior est tempore. Prior est enim in hominis eruditione labor boni operis, quam requies contemplationis. Expletis itaque duabus hebdomadibus, altera videlicet legis antiquæ, altera evangelicæ gratiæ, mox ad diu desideratæ Rachelis pervenitur amplexus; quia quisquis pertingere ad divinæ contemplationis oblectamenta desiderat, prius necesse est ut utriusque Testamenti peragere mandata contendant.

CAPUT IX.

De Zelpha et Bala.

Sed quia electus quisque perfectionis suæ limite non contentus, filios etiam Deo gignere spirituali fecunditate desiderat, postquam conjugale fœdus Jacob cum duabus sororibus inivit, ad propagandum uberius germen sobolis, ancillas quoque ad generandi usum suscipere non refugit (*Gen. xxx.*), atque ut omnia spiritualibus intelligantur redundare mysteriis, ipsa quoque ancillarum nomina sub mysticis

sunt enuntiata figuris. Nam Bala interpretatur *in veterato*. Sane quia intellectum spiritualis substantiæ nudis verbis humana lingua nequit exprimere, quandoque doctrina sapientiæ per quasdam corporeas similitudines audientem nititur informare. De veteri autem vita, et carnalibus sensibus dedita, corporeæ cogitantur imagines: quarum videlicet ad docendum usus assumitur, cum aliquid ex incomprehensibili et incommutabili essentia divinitatis auditur. Rachel itaque mater **297** utcumque filios ex ancilla suscipere, quam omnino steriles permanere; quia doctrina sapientiæ, sive gratia contemplationis, per exteriorum scientiam, vel visibilium rerum formas, auditoribus intimat quiddam de invisibilibus intra arcana mentis occultat; et sic quodammodo per ancillam filios accipit, dum per eam, quæ sub se est, scientiam, spirituales Deo filios parit; Zelpa vero interpretatur *os hians*.

Hæc igitur ancilla illos figurat, quorum in prædicatione evangelicæ fidei os quidem hiat, sed cor non hiat. De quibus videlicet scriptum est: « Populus hi labiis me honorat, cor autem eorum longe est a me (*Math. xv*). » Et de quibus Apostolus: « Qui prædicat, inquit, non furandum, furaris (*Rom. ii*). » Verumtamen ex hac ancilla hæredes futuros alios Lia filios accipit; quia sæpe per tales etiam prædicatores activæ vitæ multos regni filios adoptavit. De quibus Veritas: « Quæ dicunt, inquit, facite; quæ autem faciunt, facere nolite (*Math. xxiii*). » Et Apostolus: « Sive, inquit, occasione, sive Christus veritate annuntietur, et in hoc gaudeo, sed et gaudebo (*Philipp. i*). »

Sed jam sufficiat, quod sacræ mentionem historiæ hucusque protraximus, qui seriatim Scripturas exponere propositum non habemus. Hoc tantum in his considerandum esse perpendimus, quia sicut Jacob Rachelis solius intuitu omnes illas mulieres accepit, ex quibus filios genuit, sic quisquis sub dealbationis gratia constitutus, fructificare Deo spirituali fecunditate desiderat, necesse est ut per omne quod agit; ad contemplationis semper gratiam tendat.

CAPUT X.

De his qui vagationibus dediti, ignorant spirituale conjugium.

Sed quid ad hæc dicimus, cum videamus in domo Laban nonnullos sub tanti torporis atque desidie negligentia vivere, ut neque Rachelis ambient pulchritudinem, neque etiam circa Liæ se videantur exercere laborem? Hi profecto sunt, qui in monasteriis constituti, neque per remotiorem vitam, sive per assiduæ orationis instantiam ad gratiam contemplationis anhelant, neque sub jejuniorum se, diversorumque laborum distractione castigant. Huiusmodi plane vel conjugii omnino liberi, vel ancillarum tantummodo complexibus sunt contenti, quia vel inertis ignaviæ potiuntur otio, vel si quid agunt, non ad hoc tendunt, ut activæ vel contem-

plativæ vitæ perferant fructum, sed ad hoc potius ut proprii arbitrii, suæque voluntatis expleant appetitum.

Hi sunt denique, qui ad quælibet peragenda negotia huc illuc votiva jugiter vagatione discurrunt; et dum quiescere nesciunt, videri velut obedientes volunt: sicque morbum vitii quo laborant, superducto velamine virtutis obumbrant. Hi nimirum non idcirco laboribus atteruntur, ut obediant, sed ideo suis præpositis obedire deliberant, ut laborandi materiam non amittant, otium videlicet tolerant, labore fruuntur; quia vagationem, quietem, molamque negotiorum volvere, suavem deputant voluntatem. Sunt enim quædam animæ paralyticæ **298** quæ se gaudent crebris discursibus agitare.

B Quisquis enim corporeæ paralysis languore constringitur, sæpe ministrorum vexatione concutitur, et sic agitationibus refovetur. Hi certe, spirituales videlicet paralytici, vel solis ancillis dicendi sunt esse conjuncti, atque ideo eorum filii nullatenus ad hæreditatis capessendæ jura perveniunt; vel si liberas habere se putant, non ancillas, ut ita dixerim, propter filias Laban, sed perverso ordine filias sibi met fœderare volunt propter ancillas; quia non ad hoc laborant, ut obediant, sed ad hoc potius obediunt, ut laborent. Nec more Jacob, ad activam, vel contemplativam vitam fructus suorum operum referunt; sed sive de activa quid in sua operatione demonstrent, sive de contemplativa aliquid verbis enuntient, non in his spiritualis utilitatis expetunt **C** fructum, sed propriæ tantummodo voluntatis aucupantur arbitrium.

CAPUT XI.

De monachis qui grammaticam discere gestiunt.

Ut autem cum stomacho loquar, ex istorum numero sunt ii, qui grammaticorum vulgus adeunt, qui, relictis spiritualibus studiis, addiscere terrene artis ineptias concupiscunt: parvipendentes siquidem regulam Benedicti, regulis gaudent vacare Donati. Hi porro fastidientes ecclesiasticæ disciplinæ peritiam, et secularibus studiis inbiantes, quid aliud quam in fidei thalamo conjugem relinquere castam, et ad scenicas videntur descendere prostitutas? Et, ut ita fatear, meretricum lenociniis oblectati dant repudium liberis, ut, violato nuptiali fœdere, socientur ancillis. Deserunt uxores Laban, videlicet filias, et ad lupanares transeunt concubinas; ut merito cum Bala veteres, et cum Zelpa vaniloquia videantur urbanitate dicaces. Sed fortassis obijciunt, quia ad hoc exteriorum artium nugis insudant, ut locupletius ad studia divina proficiant. Jacob certe petitionibus uxorum, concubinarum toleravit amplexum: alioquin qui ex eis nati sunt, nullatenus cum cæteris ad hæreditatis jura concurrerent, si adulterinæ conceptionis infamie subjacerent. Querunt ergo, et auctoritatem Patrum subtiliter consulunt.

Quod si his artibus operam dare monachum sacra Scriptura permittit, dicatur jam quia uxor viro ancillam in usum sobolis tradit. At si Gregorius, Hie-

ronymus, alique doctores sancta hæc funditus abnegant; noverint isti, quia adulterino pellicum amore decepti, velut contra conjugale fœdus sine fœdere pertinaciter pugnant. Nam non solum prohibemur post acceptum sacrum ordinem vanis hujusmodi doctis intendere; sed ex iis quoque hæc ante didicimus, superflua quæque præcipimur detruncare. Unde per Moysen lege decernitur, ut mulieri in bello capte, et in conjugium victoris electæ, corporis superfluitas abscindatur: « Quæ radet, inquit, cesariem, et circumcidet ungues, et deponet vestem in qua capta est, sedensque in domo tua flebit patrem et matrem uno mense; et postea intrabis ad illum, 299 dormiesque cum illa, et erit uxor tua (*Deut. xxi*). » Mulieri quippe cesariem radimus, cum rationali disciplinæ sensus superfluos amputamus; ungues etiam circumcidimus, cum ab ea mortua quæque superstitionum opera descamus. Quæ etiam vestem deponere, in qua est capta, præcipitur, ut superductam fabularum et quorumlibet figmentorum exuat superficiem, ac solidam veræ rationis exhibeat veritatem.

Pater vero et matrem deflet, quia liberalium auctores artium mens nostra mortuos deputat, et eos in errore periisse compatiendo deplorat. Consuetudo autem feminarum est, per unumquemque mensem sui sanguinis effusione purgari: post mensem itaque ad hæc mulierem intrare præcipimur, ut artem cujuslibet disciplinæ omni superstitionum contagio defecata, velut in conjugium sortiamur; quatenus jam Israelitica facta, consequenter in Israelite conjugium transeat, et bene secundam spiritualium operum sobolem reddat. Et hæc omnia illis procul dubio congruunt, qui in sæculari militia liberalium studiorum artibus instruuntur: cæterum quibus non licet etiam cum hospitibus loqui (*S. BERNED. Reg., c. 53*), in quibus videlicet ipse Christus alloquitur, et suscipitur: qui non nisi ad interrogationem os aperire debemus, et cum reficimur, ex ipsa etiam sacra lectione consulere non audemus; quomodo liceat theatralia grammaticorum gymnasia insolenter irrumpere, et velut inter nundinales strepitus vana cum sæcularibus verba conferre? Hæc autem adversus monachos nugis exteriorum artium implicatos diximus, ut eorum vanitas quam procul a liqæ rectitudinis exorbitet, monstraremus.

CAPUT XII.

De laude lacrymarum.

Utro etiam expedit, ut quicunque frater sæculum perfecto corde deseruit, ea ipsa quæ sibi jam nota sunt, si noxia probantur esse, dediscat, et oblivioni perpetuæ, in quantum prævalet, tradat. Nesciat itaque jam disputare de coquis, ignoret esculentiores præferre lautioribus cibis, non jam calleat urbana, vel captiosa verba proferre, non rhetoricos colores in usus tinnulæ declamationis assumere, non denique per sales atque facetias risum cuilibet extorquere. Jejunium amet, necessarium rerum penuriam diligat, aspectus hominum fugiat, sub silentii

A se censura constringat, ab exteriori se negotio subtrahat, os suum ab otiosa confabulatione custodiat, mentis suæ latibulum petat, ubi ad videndam Creatoris sui faciem totis nisibus inardescat: ad lacrymas anhelet, lacrymas a Deo quotidianis precibus flagitet. Lacrymarum quippe maior animam omni labe purificat, et ad proferenda virtutum germina nostri cordis arva fecundat. Sæpe namque miserabilis anima velut sub pruina glacie comas, et foliorum ornamenta deponit, et recedente gratia, ipsa sibiimet derelicta, tota remanet arida, et quasi decidentium florum videtur decore nudata. Sed mox ut lacrymæ ex munere intimi inspectoris eruperint, protinus hæc eadem anima revirescit, torporis ignavi frigore 300 solvitur, et tanquam arbor verna, Austri fomite recalcenscens, redivivo virtutum suarum flore vestitur.

Lacrymæ porro quæ a Deo sunt, divinæ exauditionis tribunal fiducialiter adgunt, et impetrantes præsto quod petunt, de peccatorum nostrorum certa remissione confidunt. Lacrymæ sunt in fœderanda inter Deum et homines pace sequestres, et veraces sunt atque doctissimæ in qualibet humanæ ignorantie dubietate magistræ. Nam dubitantes ex aliquo utrum Deo placeat, necne, nunquam melius certitudinem capimus, quam cum veraciter lacrymantes oramus. Tunc enim quidquid agendum mens nostra decreverit, super hoc rursus ambigere necessarium jam non erit. Lacrymæ porro diluunt omne spurcitiarum in meretricie contagium (*Luc. vi*), et immundis manibus tribuunt (*Math. xxvi*), ut non solum pedem, sed et Domini capitis mereantur tactum. Lacrymæ tribuunt, ut negator apostolus non modo non pereat omnino post lapsum, sed ultro etiam ut super cæteros cælestis curiæ senatores obtineat principatum. Lacrymæ contulerunt, ut David post adulterii simul et homicidii (*II Reg. xii*) profundissimum barathrum non modo regnum cum vita non perderet, sed ultro etiam promissionem hæredis ex se nascituri cum juramento susceptam immobiliter obtineret, qui et regni sui solum, et omnium regna terrarum perpetuo possideret. Lacrymis est concessum, ut morituro mox Ezechie tria annorum lustra ad vitam Deus omnipotens adderet, et insuper se et urbem Hierusalem de regis Assyriorum manibus liberaret (*IV Reg. xx*). Lacrymis certe divina pietas contulit, ut Saram Raguels filiam de vinculo turpis improperii elementer absolveret, et ad digni viri thalamos nuptialiter per angelum fœdere destinaret (*Tob. vii*). Lacrymis impetravit Esther, ut Israeliticum populum Deus de communi periculo perditionis eriperet, et in Aman, quod ipse paraverat, propositi suspensum sententiam retorqueret (*Esther xvi*). Lacrymæ nihilominus contulere Judith, ut et caput abscinderet Holophernis (*Judith xiii*), et intra cubiculum luxuriantis illecebæ florem non amitteret pudicissimæ castitatis.

Quid de centurione Cornelio referam (*Act. x*), qui munere lacrymarum apostolicæ meruit visita-

tionis accessum : moxque deserens gentilitatis erro-
rem, ad Christianæ regenerationis translatus est
novitatem? Quid Susannam memorem (*Dan. xiii*),
quæ mox ut ad lacrymarum patrocinium confugit,
protinus de manibus ad mortem se trahentium rapi-
tur, in falsorum caput testium damnationis sen-
tentia vertitur, et sic per spiritum junioris pueri
sanguis innoxius liberatur? Porro autem si cuncta
lacrymarum percurrere dona vulnero, prius forte
dies claudetur quam exemplorum copia subtrahatur.
Hæc sunt enim, quæ et animam peccatorum
labe purificant, et cor vagum in oratione confirmant.
Hæc sunt, quæ de merore pariunt gaudium; et dum
per oculos carnis erumpunt, ad spem nos supernæ
beatitudinis erigunt. Non enim possunt in sua petitione
contemni, quæ et magnas voces habent in auribus
Creatoris : quas profecto voces ille ad Deum frequen-
ter emiserat, et quid ad obtinendum possent, subtiliter
301 noverat, qui dicebat : « Exaudi orationem
meam, Domine, et deprecationem meam; auribus
percipe lacrymas meas (*Psal. xxxviii*). » Qui enim
non oculis attendi, sed auribus percipi lacrymas pos-
tulat, voces inesse lacrymis manifeste designat.
Lacrymæ nempe cum in conspectu pii iudicis sup-
plicant, nihil hæsitant, sed sic misericordiam tan-
quam rem quamlibet proprii juris sibiomet vindica-
cant, et impetrasse se quod petierant confidenter
exsultant.

O lacrymæ delicæ spirituales, super mæl videlicet
et favum, atque omni nectare dulciores! quæ men-
tes ad Deum erectas jucunda saporis intimi suavitate
reficitis, et arida ac tabescentia corda haustu su-
pernae gratiæ medullitus irrigatis. Terrenarum nam-
que dapum saporis atque dulcedines superficie qui-
dem palati gustantes oblectant, viscera autem interio-
ra non penetrant; sapor vero divinæ contempla-
tionis omnia interiora nostra replet, vegetat, ob-
duleat. Lacrymantes equidem oculi diabolum ter-
rent, et sic lacrymarum erumpentium expavet
impetum; ac si procellosi nimbi grandinem, vel fu-
rentium undique ventorum effugiat tempestatem.
Nam sicut spumosi torrentis cumulus superveniens,
cunctis alveum sordibus purgat; sic lacrymarum
profluentium cursus ex mente flentis et diabolicæ
versutiæ semina, et omnes sordentium vitiorum
pestes eliminat.

CAPUT XIII.

*Quod ex amore Dei compunctio nascitur, et rursum
ex compunctione divinus amor augetur.*

Sed hæc aqua ex igne profluit, ut quisquis affluere
Imbris inundatione desiderat, divini amoris ignem
prius necesse est in camino suæ mentis accendat.
Quod facilius exprimere possumus, si quod in se-
cundo Machabæorum libro perhibetur historialiter
gestum, ad memoriam deducamus. Ait ergo Scri-
ptura : « Cum in Persidem, inquit, ducerentur pa-
tres nostri, sacerdotes, qui tunc Dei cultores erant,
acceptum ignem de altari occulte absconderunt in
valle, ubi erat puteus altus et siccus, et in eo con-

tutati sunt eum, ita ut omnibus ignotus esset locus.
Cum præterissent autem multi anni, placuit Deo ut
mitteretur Nehemias a rege Persidis : hic misit
nepotem sacerdotum illorum; qui absconderant, ad
requirendum ignem, et sicut narraverunt nobis, non
invenerunt ignem, sed aquam crassam (*II Mach. i*). »
In quibus omnibus verbis illud unum spiritualiter
attendendum est : quod in alto et siccò vallis puteo
prius ignis absconditur, et postmodum non ignis,
sed aqua crassa a requirentibus invenitur. Mens
quippe sincera atque perfecta Deum intentione
quærentis non incongrue per puteum vallis altum,
et siccum designatur : quæ nimirum et a fluidis ille-
cebrarum carnalium voluptatibus arida, et terrenæ
concupiscentiæ ruderibus alte defossa, et in veræ
humilitatis est convalle fundata. Huic itaque puteo
sacrificii ignis immittitur, cum in electi cujuslibet
mente divini amoris flamma concipitur, atque ad
cœlestis desiderium pius animus **302** inflammatur.
Sed hic ignis in aquam vertitur, quia ex aqua divini
amoris lacrymarum compunctio generatur.

Et notandum, quod non pura duntaxat aqua, sed
crassa aqua narratur illic fuisse reperta. Quid enim
crassa est aqua, nisi lacrymarum compunctio, di-
vinæ procul dubio gratiæ pinguedine saginata? Qua
videlicet pinguedine saginari Propheta æstuebat;
cum diceret : « Sicut adipe et pinguedine repleatur
anima mea (*Psal. lxi*). » Et per alium prophetam
hæc eadem promittitur crassitudo, cum ait : « De-
lectabitur in crassitudine anima vestra (*Isai. lv*). »
C Hinc iterum dicitur : « Memor sit, inquit, Dominus
omnis sacrificii tui, et holocaustum tuum pingue fiat
(*Psal. xix*). »

Nec prætereundum, quod abscondentes hunc ignem,
contutati quidem fuisse, non autem funditus exstinx-
isse referuntur; quia nimirum ignis divini amoris,
quem in ara nostri cordis accendimus, ut ex aro-
matibus bonorum operum suave Deo sacrificium offe-
ramus in ipso nostræ conversionis initio, intus qui-
dem debet occulte semper ardere, non autem foras
se per vanæ gloriæ flammam expandere. Contutatur
ergo sopitis flammis, non autem vi privatur ardoris,
ut non prorsus intereat, sed sese postmodum mira-
biliter ignis in aquam vertat. Hæc porro aqua, com-
punctio videlicet lacrymarum, non solum nos a
peccatorum contagione purificat, sed etiam, ut ple-
ceant ipsa Deo bona nostra, commendat. Omne
namque bonorum operum sacrificium in conspectu
superni iudicis suavius redditur, si contritiæ mentis
lacrymis aspergatur. Unde illic apte subiungitur :
« Et sacrificia, inquit, quæ imposita erant, jussit
sacerdos Nehemias aspergi aqua ipsa, et ligna quæ
erant superposita (*II Mach. i*). »

Sed cum operum nostrorum sacrificium veræ com-
punctionis aqua perfundimus, mox mentes nostras
splendor irradiat, et quidquid obscurum, quidquid
in eis tenebrosum eatenus latebat, illustrat. Quidam
namque se nobis tunc intimæ lucis radius aperit, et
omnes animæ nostræ latebras, nova fulgoris jucundi

serenitate perfundit. Quapropter illic cum præmittitur: « Quia iussit haurire, et afferre sibi, et sacrificia quæ imposita erant, iussit sacerdos Nehemias aspergi aqua ipsa, et ligna quæ erant supposita; » protinus historiæ series addidit: « Hoc factum est, et tempus adfuit, et sol refusit, qui prius erat in nubilo: et accensus est ignis magnus, ita ut omnes mirarentur (*Ibid.*). »

Audivimus ante, quia aqua pro igne reperta est, nunc e contrario dicitur, quia per asperionem aquæ ignis magnus accensus est. Ergo et ex igne aqua nascitur, et ex aqua ignis invicem procreatur. Quia videlicet ex igne divini amoris gratia compunctionis oritur, et rursus ex compunctione lacrymarum desiderii celestis ardor augetur. Alterum siquidem pendet ex altero et sibimet utrumque invicem præstat, dum et ex amore Dei lacrymarum compunctio profuit, et rursus per lacrymas ad amorem Dei mens nostra ferventius inardescit. In qua autem mente hujus alternitatis reciproca varietas agitur, ab omni procul dubio reatus sui squalore purgatur. Unde illic non incongrue postremo subjungitur: « Appellavit autem 303 Nehemias hunc locum Nephthar, quod interpretatur purificatio. » Locus itaque noster ubi sacrificium offertur: ubi aquæ et ignis, ut dictum est, varietas alternatur, fidelis est anima. Quæ profecto non incongrue purificatio dicitur: quia dum nunc superni amoris igne decoquitur, nunc contriti cordis fleatibus mundatur, velut secundi baptismi fluentis abluatur.

Has autem successionum alternantium vicissitudines, et mutationum spiritualium varietates Isaias profunde inspexerat, cum dicebat: « Orietur, inquit, in tenebris lux tua, et tenebræ tuæ erunt sicut merities; et requiem dabit tibi Dominus semper, et implebit splendoribus animam tuam, et ossa tua liberabit (*Isai. LVIII*). » Ecce ignis in puteo absconditus. Sed audi quomodo ignis hic convertatur in aquam; nam protinus subdit: « Et eris quasi hortus irriguus, et sicut fons aquarum, cujus non deficient aquæ (*Ibid.*). » Postremo, ut noveris, quia hæc rursus aqua in ignem convertitur, et per lacrymarum gratiam divini amoris ardor ferventius excitatur, paulo inferius addidit: « Tunc delectaberis super Domino, et sustollam te super altitudinem terræ (*Ibid.*). »

CAPUT XIV.

De Sylvestro lacrymarum inundatione decepto.

Hic autem quid nobis acciderit, silentio prætergendum esse non ducimus. Nam hucusque scribentibus Dominica festivitas supervenit, emergentibusque negotiis a scriptione diutius exteriorum nos sollicitudo compevit. Tunc juvenculus quidam, Sylvester nomine, qui hæc non quidem me dictante scribebat, sed ut digne me prædicem, tabulis descripta in schedulas transferebat, tanta maligni hostis arte delusus est, ut in lacrymas repente prorumperet, et vix nocte vel die præter horas soporis, et cibi, sese a lacrymarum inundantia cohereret;

vinum autem omnino dimisit, cibo quoque se contentissimo, ac permodico sustentabat; somno etiam summodicus indulgebat. Interea suggerebat illi diabolus, ut remotioris eremi secussum peteret, ubi videlicet vel raro, vel nunquam hominem jam videret: cumque sibi conclusionis copiam præberemus, aiebat se concludi quidem nullatenus velle, talem autem desiderare locum, ubi dum ingrederetur et egrederetur, libere, et solitarius a nemine videretur. Obstabant autem huic obstinationi omnes unanimiter fratres, et tecum hanc, versutiamque diaboli probabiliter asserabant. At ille pernix et obstinatus, dum lacrymis exuberantibus fidem præbet, in voto suo, quod maligno spiritu suggerente conceperat, irrevocabilis permanet. Puto quod antiquus hostis aptum deceptionis suæ nactus articulum, hoc ejus oculis ingerebat, quod in hoc opusculo paulo superius Sylvester ipse conscripserat: ubi dicitur, quia dubitantes ex aliquo, utrum Deo placeat necne, nunquam melius certitudinem capimus quam cum veraciter lacrymantes oramus. Non enim attendit, quod huic versiculo paulo ante præmissum est; quia illæ duntaxat lacrymæ, quæ à Deo sunt, exauditionis 304 tribunal adeunt; non illæ certe quæ a callidi insidiatoris præstigiis suggeruntur.

Hoc etiam oscitante præterit, quod dictum est, veraciter lacrymantes. Non enim veraciter, sed fallaciter lacrymatur, cui per mendacem ab initio spiritum falsus fletus immittitur: nam nec dissimile quod et beatus papa Gregorius in suis Moralibus scribit, dicens: « Sed hæc, inquit, vitia, quæ sub virtutum specie antiquus hostis occultat, valde subtiliter manus compunctionis examinat. Qui enim veraciter intus dolet quæ agenda foris, quæ non agenda sint fortiter prævidet. Si enim nos vis compunctionis in intimis afficit, omnis mox strepitus prævæ suggestionis obmutescit. Et si cor veraciter intus dolat, linguam contra nos vitia non habent. » Ecce hic magnificus doctor, cui et fatuitatis nostræ concordat ineptia, non ait, si cor intus dolet, sed si cor veraciter intus dolet. Ut patenter insinuet alium esse dolorem, quo mens divinitus afflata compungitur; alium quo per insidiatoris fraudem quasi contriti cordis lacrymas imitatur; alias esse lacrymas, quas mendacii, et erroris spiritus simulat; alias autem, quibus veritatis Spiritus animarum squalorem et rubiginem purgat.

Ut igitur ad relationis ordinem redeamus, quia dudum in alia solitudine habitare permissus, semetipsum temerarius absceidit, nec non et ad alia loca vagabundus erravit: ille duntaxat confusus in lacrymis, æquis consiliis nullatenus acquiescebat præbere consensum: nec se aliquatenus decipi posse credebat, quem quotidiana compunctio crebris lacrymarum profluviiis inundabat. Quid plura? ovum certe, quod aspis in pectoris ejus nidulo confovebat, tandem familiarem prorupit in fetum. Nam librum nobis admodum charum, videre ad modicum petiit, cujus quatuor de medio furtim quaterniones absceidit, ac

fibulas ad mensuram stringendi codicis, ne tale quid suspicaremur, accuratissime detruncavit: deinde stimulo conscientiae territum, ne compedibus vinciretur, præ foribus cellule stans, cultello vulnus infligere vel sibi, vel aliis, si quis eum contingeret, minabatur. Tunc liquido patuit huiusmodi lacrymas non de coelesti rore descendere, sed ex tartari sentina sine dubio scaturire. Hoc autem, fratres mei, vobis narrare curavimus, non ut delinquentis fratris exaggeremus infamiam, sed ut vos suspectam semper in ipsis etiam bonis studeatis habere cautelam.

CAPUT XV.

De diversis officiis monasterii; primo de abbate.

Libet hic diversa monasterii officia succincte perstringere, et quid administratoribus eorum quibusque servare conveniat, summotenus expedire. In primis igitur, o venerabilis abba, fac ipse quod præcis, exerce quod prædicas, imple quod mandas; non vita discordet a lingua, non opera videantur a sermone discreta, nec aliud doceat auctoritas præsentis, aliud exhibeat operatio conversantis. Raro autem progressurus egredere, ut semen verbi, **305** quod sparseras, jugiter valeas excolendo rigare. Non itaque hospitem te monasterii frequens discursus exhibeat, sed habitatorem potius, atque domesticum diuturnitas morosæ gravitatis ostendat. Commendet inedia jejunia prædicantem, nec loquentis sententias comedentis fauces impingent. Melius nempe sobrietatem docet manus, cum ad os sub moderamine ducitur, quam si vascantis lingua loquatur. Porro vivida satis, et efficax in discipulorum mentibus prædicatio est: alii os ad mensas impellere, impellentem vero in rigore jejunii permanere. Sic intenta delinquentibus ferulam, ut in te motum iracundiæ sub rigida cohibeas disciplina.

Interim vero dum minaris, dum terroribus culpabilem conculcis, in temetipsum oculos revoca, modum humanæ fragilitatis attende, et temetipsum corripere posse, si censor adesses, subtiliter meditare: nec mireris, si subjectus quispiam forte transgrediens cuncta jussionis tuæ mandata non impleat, cum tanta sit conditionis humanæ fragilitas, ut ipsa etiam corporis tui membra prorsus in omnibus timetibet obtemperare non possint. Ut autem quod dicimus, evidenter eluceat, præcipe oculis tuis, ut eis aecidia non obrepat; corui, ut cogitationum phantasmata non amittat; indica genitalibus pudicitiam, ut aliquando incentiva luxuriæ non tiullent; gulæ sobrietatem, ut alimenta esculentiora non pruriat; postremo toti simul corpori, ut morbis irruentibus non patescat. Et cum liquido probaveris hæc a temetipso exigere fidem, sed penitus impetrare non posse, quid mirum si in his, qui a te personis et moribus disjuncti sunt, perfectam in omnibus nequeas obedientiam reperire? Plane si hæc in te solerti meditatione consideres, fraternæ quoque imbecillitatis excessum æquanimiter feres. Si quid forte patrimonii latioris accesserit, si suppetere copia cernitur, si Dei domus

augeatur, noli tuis mentis, sive studiis arrogare, sed beneficiis duntaxat divinis ascribe. Revoca itaque ante oculos tempora, quando privatus eras, et recole, quia tibi nullatenus ista provenerant.

Constat ergo quia non tibi, sed Christi confertur Ecclesiæ, quod tu sine illo assequi nequivisti. Non mensam fratrum cœnaturus exhorreas, non te convivia privata delectent: et cum quibus tibi est altaris mensa communis, non indignos iudices, qui tibi participant etiam in corporalibus alimentis. Non igitur suspicionem private vescentis absentia generet, unde ad perniciem murmurantium, sive detractum tu quoque fama laboret. Nec magnopere cures quam pretiosum sit quod latrinam compleat, sed id potius unde fraterna charitas in Christo per amoris mutui glutinum coalescat.

Noli monasterii bona prodigere, nec popularis auræ favorem proprium de communi velis utilitate captare. Si enim credimus, quod ditantium Ecclesias peccata solvantur, credendum est etiam procul dubio, quia minuuntur, et dilapidantes eas gravis sacrilegii vinculis innectuntur; et inde sunt isti peccatis obnoxii, unde reperiuntur illi peccatorum nexibus absoluti. Cave dum parentum stiparis obsequiis, **306** dum verbis assentantium suaviter deliniris, ne, quod absit, ipsa in mente tua prælatio, vel impensa reverentia lenocinetur, et quasi dignus sis, qui ad ista perveneris, male demulcens cogitatio blandiatur. Villicus quippe quanto in commissa largiori possessione beatorum, tanto est in reddenda ratione miserior; tantoque debet plura cum reddit, quanto gloriatur ampliora cum accipit. Plane timendum est valde quod dicitur (S. BEN. *Regul.*, c. 2 et 64): « Quia de omnibus sibi commissis animabus rationem redditurus est abbas, addita et suæ animæ ratione. » Pensemus itaque quanto nunc expedit, ut sit timore perterritus, qui in tremendo examine ad sui discussionem venit alienis jam ratiociniis fatigatus; sed quia doctori magis docendum est, quam discendum, hæc illi pauca sufficiant, qui dum sua constitutus sit dicere, aliena forte fastidit audire.

CAPUT XVI.

De priore monasterii.

Prior autem monasterii hoc modo sui prioratus officium naviter administrat, si ab abbatis sui voluntate non discrepat, si omnium fratrum animos, quantum in se est, in ejusdem abbatis sincera dilectione confirmat. Joseph nempe herili præpositus domui (Gen. xxxix), noluit ad ultimum alienæ conjugis in se desiderium trahere, sed in amore viri proprii docuit permanere. Nobilis et ille servus Abraham, ut uxorem domino suo sincera fide provident (Gen. xxiv), omne vir strenuus impensæ humanitatis officium calcat: laboris sui scilicet, ac tanti itineris obliviscitur, ut soli domino suo militet, quidquid in expeditione positus operatur. Sicut enim abbas per omne quod agit ad amorem Christi debet filios provocare; ita etiam prior ne qua, quod absit, zelotypia generetur, in dilectione abbatis sui fratres

student unanimiter confovere. Non itaque circa de-
linquentium culpas se exhibeat nitem, ut abbatem
faciat apparere crudellem; sed sic illo absente prava
quæque redarguat, ut is postmodum rediens velut in
tranquilli portus sinu, sic in spiritualium fratrum
jucundantium lætitia requiescat.

Teneat igitur rigidam in excedentium correptione
censuram, nec patiaris apud se consuetum regularis
propositi tepescere disciplinam. Ille sit ad justitiam
rigidus, ut abbas videri valeat in mansuetudine pius;
ille instet exigere, ut sit quod abbas paterna possit
pietate donare. Moyses quippe ut fidelis famulus
nudæ justitiæ præcepta tradidit; Christus autem ut
vere pius Dominus, austerè legis duritiam tempera-
vit. Aaron vero, qui prævaricanti populo se quasi
tractabilem præbuit, cum eo simul ad sacrilegos ritus
idola fabricavit. Sicut appendebatur velum ante
arcani fœderis, sic prior ad exteriora quæque nego-
tia quasi quoddam sit tegmen abbatis. Ille siquidem
pulveribus de sæculi via surgentibus semper exposi-
tus obviat; iste velut arca Domini in sui fulgoris
munditia jugiter perseveret. Ille tanquam Aaron os
abbatis factus, loquatur ad populum; iste sicut
Moyses, in his quæ ad Deum pertinent, divinis allo-
quis perfruat. Uterque igitur in **307** unitate
spiritus alterutrum concurrentes, talem, si possibile
est, Deo sobolem nutriendi, cui in ius cœlestis hære-
ditatis ascriptæ posteritas nulla succedat.

CAPUT XVII.

De significatore horarum.

Noverit auster significator horarum, quia nulli ma-
gis in monasterio est obliquo fugienda, quam sibi. Si
enim articulum suum cujuslibet synaxis hora, vel
præventa, vel dilata non teneat, omnem procul du-
bio horarum succedentium ordinem turbat. Non ergo
fabulis vacet, non longa cum aliquo colloquia mi-
sceat, non denique quid a sæcularibus agatur inquirat;
sed commissæ sibi curæ semper intentus, semper
providus, semperque sollicitus, volubilis sphaeræ ne-
cessitatem quiescere nescientem, siderum transitum,
et elabentis temporis meditetur semper excursus.
Porro psallendi sibi faciat consuetudinem, si discer-
nendi horas quotidianam habere desiderat notionem:
ut quodcumque solis claritas, sive stellarum varia-
tias nubium densitate non cernitur, illic in quan-
titate psalmodiæ, quam tenuerit, quoddam sibi velut
horologium metiatur. Enimvero mos, ut homines ad
ecclesiam, dum pulsantur tintinnabula, congregentur,
ex antiquæ legis mystica traditione descendit,
jubente Domino Moysi: « Fac tibi, inquit, duas tu-
bas argenteas ductiles, quibus convocare possis
multitudinem, quando movenda sunt castra: cum-
que increpueris tubis, congregabitur ad te omnis
turba ad ostium tabernaculi fœderis (*Num. x.*). » Sic-
ut enim tunc Israelitica plebs cum tubis ad taber-
naculum confluebat, ita etiam nunc fidelium populus
ad ecclesiam, audito tintinnabulorum clangore, fes-
tinat.

Neque hoc discrepat, quod illi dicuntur castra mo-

veri, cum videlicet castra ad bellorum noscantur
pertinere procinctum. Unde et paulo post dicitur:
« Si exieritis de terra vestra contra hostes qui dimi-
cant adversus vos, clangetis ululantibus tubis, et
erit recordatio vestri coram Domino Deo vestro, ut
erudamini de manibus inimicorum vestrorum (*Ibid.*). »
Ad pugnam quippe quasi castra contendimus, cum,
ut ita dicam, psaluri, vel oraturi ad ecclesiam fes-
tinamus. Illic enim tenebrarum principes adversum
nos feraliter dimicant, ut per illusiones phantasma-
tum ab his quæ per labia defluunt, vagabundas
mentes avertant. Et re vera quam pulchra militiæ
species, præcipue nocturnis horis, cum fratres quasi
tubarum clangoribus excitati cuneum faciunt, et
tanquam directa acie properantes, attoniti ad pro-
cinctum divini certaminis concorditer gradiuntur.
Cum videlicet puerorum ala præcedit, juvenum vero
tanquam manipulorum turma subsequitur; post-
rema autem legentes vestigia senes, belli scilicet
robur, ne subsidat aliquis, ne vel hostis
furtivus immergat, totius exercitus terga custo-
diant.

Adde, quod laterna in prima belli fronte præ-
fertur, ut columna ignis per desertum præcedere
populum aptissima similitudine videatur. Sic ni-
mirum, sic centuriæ Christi ad comedendum
cœlestis manna; sic ad obtinendam terram **308**
lacte melleque manantem veræ Israelitiæ properant
legiones. Clangentibus namque tubis ad tabernacu-
lum fœderis properant, ut verbi cœlestis illic epulas
comedant, et sacrificium laudis Deo, ac bonæ volun-
tatis vota persolvant. Unde et ibidem non inconve-
nienter additur: « Si quando, inquit, habebitis epu-
lum ad dies festos et Kalendas, canetis super holo-
caustis, et pacificis victimis; ut sint vobis in re-
cordationem Dei vestri (*Num. x.*). » In his igitur et
hujusmodi verbis significator horarum prudenter
advertat, quam vigilem, quamque sollicitum in as-
signato sibi ministerio esse semper oporteat, ne tan-
tum videlicet opus per ejus incuriam sui ordinis
statuta confundat.

CAPUT XVIII.

De mensæ lectore.

Mensæ lector sollicita consideratione perpendat,
quam distincte, quam aperte, quam denique intelli-
gibiliter legere debeat. Quandoquidem cum refectio-
ne corporum, ille pabulum exhibet animarum.
Dixit Apostolus: « Esca ventri, et venter escis;
Deus autem hunc, et illam destruet (*I Cor. vi.*). »
Per alios igitur offertur esca corporibus, quæ mox
in putredinem vertitur: per hunc divina ministran-
tur eloquia, quæ cœlo etiam terraque transeuntibus,
non transibunt. Sic ergo legendum est, ut dum caro
sua stipe reficitur, anima quoque cœlestibus epulis
saginetur.

Legatur itaque non lectori, sed auditori; nec
aucupetur propriæ rumulose famæ, sed edificati-
oni potius consulat alienæ. Nec curet quid de le-
ctore dici, sed quid de lectione possit intelli-
gi.

Edentibus etiam suggerendum est, ut sic refectionem sobrietas temperet, quatenus commolentium strepitus faucium meatus aurium non obturet. Sic mediatrix inter os et mensam manus scilicet moderata discurret, sic se sub gravitate freno suspensa cohibeat, ut dum terrena per fances esca trahitur, nequaquam a divinis jejunare dapibus esuriens anima compellatur.

CAPUT XIX.

Quanta cellerarium oporteat discretione pollere.

Cellerarius autem, quia quasi pater constitutus est monasterii, debet officium sibi commissum tanta dispensationis arte peragere, ut manum et aperiendo substringat, et stringendo discretus aperiatur; quatenus in eo et parca sit largitas, et parcitas larga. Summopere quippe cavendum est, ne paritatem tenacitas, largitatem effusio mentiat. Sæpe enim vitium virtutis bæ specie palliat, quantoque quasi bonum esse quod malum est cernitur, tanto difficilius emendatur. Bonus autem administrator sic dispensat necessaria corporum, ut salutem etiam consulat animarum; quia et parcendo sobrietatem nutrit, et largiendo murmurationis vitium ne oriatur, obsistit. Sæpe enim (ut vir prudentissimus ait) liberalitate liberalitas perit, **309** videlicet et cum res et non indigentibus indiscrete profunditur, ideoque quid vere indigentibus dandum sit, postmodum non habetur.

Debet itaque negari superfluum nostris, ut supersit unde charitas impendatur extraneis. Nehemias enim ut venientes quosque de gentibus per circuitum in convictum propriæ mensæ suscipiat (*II Esdr. iv.*), gregibus suis parcere inhumanum putat; sicque suis necessitatem stipendiis temperat, ut charitatis officium et in alienos extendat. Tobias cum tanta laboraret inopia, ut uxor ejus texturini operis quæstum conducta susciperet (*Tob. ii.*), hæc ipsa, quæ habebat, adjecit parva dividere, ut concaptivis fratribus qualecunque saltem solatium exhiberet. Peregrinus itaque pietatem a se peregrinari non pertulit, et rebus pauper opulentissimæ charitatis divitias non amisit. Abigail dum magnifici convivii partem subtrahit (*I Reg. xxv.*), a viri jugulo gladium David in ultionem contumelie festinantis avertit; sicque suis cibum bene furata subripuit, quibus utique vitam extraneis ministrando servavit. Paulus etiam monet per unam Sabbati, quod placuerit apud unumquemque reponi, ut Hierosolymam sanctis indigentibus Corinthiorum posset gratia destinari (*I Cor. xvi.*). Sic itaque debemus nostris quotidiani victus stipendia ministrare, ut meminerimus, etiam si facultas suppetat, et extraneis in necessitate succurrere. Sit autem Ecclesiæ dispensator, non acceptor personarum, sed considerator infirmitatum; non captator gratiæ, sed sustentator imbecillitatis alienæ, ut æqualiter indigentibus æqualia tribuat, quos autem fragilitatis diversitas separat, administrationis etiam dispensatio moderata discernat. Sic enim omne scandalorum seminarium tolli-

tur, si singulis quibusque membris, non quod voluntas aubuit, sed quod necessitas expetit, imperiatur.

CAPUT XX.

Admonitio puerorum.

Porro autem, quia totum sancti hujus cœnobii corpus, velut extensis quibusdam fraterni amoris ulnis amplectimur, ratum ducimus, ipsa quoque ætatum momenta distinguere, et tanquam congruentia quædam admonitionum indumenta singulis quibusque membris aptare. Ut igitur ab incipientibus ordiamur: instruendi estis, o pueri, quia nunc ætas vestra cerea est: et sicut teneri adhuc estis in pusillitate membrorum, ita etiam utique flexibiles diversitatibus morum. Quantumque a ramis adhuc Pythagoricæ litteræ procul agitis, tanto faciliores estis, vel in dexteram dirigi, vel in sinistræ partis proclivitate detorqueri. Sed si inter manus signi plastæ vitium lisionis incurrit, nisi præsto corrigitur, postquam ad instar lapidis obdurerit, non medetur. Si virgula ex prima radice succrescens, in obliquum se qualibet occasione retorqueat, ad rectitudinem nunquam remeat, si aliquanto diutius in eadem obliquitate perdurat; et quia ut hostile sit, indigna decernitur, flammis edacibus pabulum deputatur.

Cavete ergo, ne vitium aliquod vestrum cum **310** incremento corporis simul adoleat, ne pravitatis cujuslibet in vobis nodositas obdurescat; sed sitis vasa non in contumeliam, sed in honorem facta, atque in domo Domini in omne opus bonum parata. Plane si vultis adulatorum probitate nitescere: et, quod aliis impossibile est, absque laboris tædio virtutibus abundare, amodo sobrietatis arina corripite, et adversus æstuantes carnis illecebres totis viribus decertate. In ipso jam tirocinii vestri primordio certam vobis victoriam Deo pro vobis stante promittite, et prelato crucis vexillo certamen infœderabile cum adversis spiritibus audenter iniite. Calcate superbiam, frenetur ira, frangatur invidia, teneat silentii lingua censuram, ruminatio Scripturarum gulæ pruritum extinguat; detractorem ut lingua non profert, sic et auris non audiendo condemnet. «Cum detractoribus, ait Salomon, ne commisceatis colloquium, quoniam repente veniet perditio eorum, et ruinam utrorumque quis novit? (*Prov. xxiv.*)» Tam videlicet ejus qui detrahit, quam illius qui arem accommodat detractanti: et quidem non detrahendum, verumtamen peccatum fratris illi, a quo debeat corrigi, non celandum.

Quod nimirum tanto interdum a pueris facilius deprehenditur, quanto in eis vel noscendi, vel deferendi suspicio non habetur. Accusavit Joseph fratres apud patrem crimine pessimo (*Gen. xxxvii*); sed unde illorum tunc pertulit odium, inde postmodum super eos nominationis obtinuit principatum. Achimas et Jonathan, suppositi juxta fontem Rogel latuerunt, regique David, ut a facie Ab-

salon quantocius fugeret, nuntium detulerunt (*I Reg. xvii*): et hoc Abiathan et Sadoch fecere per filios, quod facere non poterant per seipsos. Sæpe siquidem per iuniores culpa delegitur, quæ a maioribus salubriter emendatur. Nolite autem jam grandiusculi de priorum vestrorum perperam forte viventium meritis disputare, et non qua via gradiantur, sed cujus vice fungantur, attendentes, illis in Christo humiliter obedite. Patres enim carnis, ut Apostolus ait, habuimus eruditores, et reverebamur eos, quanto magis obtemperabimus patri spirituum, et vivemus? (*Hebr. xii*.) Samuel namque eductus est ab Heli, quid vocanti se Domino responderet (*I Reg. iii*); et ille, quamvis reprobo sacerdote, quia tamen humiliter paruit, oraculum mox divinæ revelationis accepit. Superbum Saulem nequam spiritus vexat, et ei David obsequi crispando citharam non recusat (*I Reg. xvi*).

Ut libidinis autem valeatis æstus extinguere, irritamenta gulæ tanquam stuppæ, naphthæ, picis, et malleolæ fomitem declinate. Qui enim inter tres abstinentes pueros in camino ignis quartus apparuit (*Dan. iii*), et vobis tanquam ventum roris flantem spiritus sui refrigerium ministrabit. In omnibus igitur crepundias infantie lactantis exuite, et rudimenta tirocinii vestri Domino per ingenuitatis indolem dedicate. Illum sequimini inter tentationum certamina duces, illum querite in prosperitatibus pace custodem. Insuperabilibus igitur virtutum telis accincti, Christo propugnatori vestro unanimiter dicite: «Judica, Domine, nocentes me, expugna impugnantes me; apprehende arma, et scutum, et exsurge in adiutorium mihi (*Psal. xxxiv*).» Ille vos in **311** virum perfectum, in mensuram ætatis plenitudinis suæ perductos, sua faciet virtute victores. Ille vos hostium vestrorum triumphatricibus plantis dabit calcare cervices. Legite etiam epistolam quam Marino fratrueli nostro direximus (9).

CAPUT XXI.

Exhortatio juvenum, vel adolescentium.

Vos autem, ephēbi adolescentes, vos etiam pubescentes juvenes, tanto propensioribus exhortationum auxiliis indigetis, quanto duriora carnalis incendii certamina toleratis. In vos siquidem recto cursu omnis hostilis impetus irruit, vobis omne belli robur incunabit. In vos omnigenum telorum densissimæ grandines, et constipatis adversum vos iniquis spiritibus cum vitis carnis turbulentissimæ vobis ingruunt tempestates. Ferrent, fervent in ossibus bella, et tanquam vagus Vesuvius, vel Ætna vaporati corporis vestri caminus flammarum globos eruat. Unde necesse est, ut quanto acrius impugnaminis ad tutelæ vestræ custodiam, tanto robustius insistatis. Ultro etiam satagendum est, ut jaculis pateant, qui jacula vibrare non cessant, et vulnera sentiant, qui infli-

gere vulnus anhelant. Nam aut fugandum est, aut fugiendum; aut terga vertendum est, aut e contrario terga cedendum. Hujusmodi enim pugna est, ut quicumque non deiecit, ipse deiciatur, et qui gloriose non vicerit, turpiter superetur. Ubique periculum est, dum hostium exercitus circumfunditur, dissidentium eis civium euneus aggregatur; et dum acies ad conferenda bella dirigitur, castrorum aditus a seditiosis civibus aperitur. Vitia quippe quæ intra nos sunt, tentatoribus in tentatione concordant, et vires iniquis spiritibus administrant.

Quapropter, charissimi, sobrietatis, humilitatis, patientiæ, obedientiæ, castitatis, charitatis omniumque virtutum arma corripite, et non pro agris et urbibus, non pro filiis, vel uxoribus, sed pro animabus vestris, quæ omnem affectum necessitudinis superant, dimicite. Præcipue ut ætas vestra vim sentiat, jejunandum vobis est, et orandum; quatenus et jejunium carnis robur edomet, et oratio ad Deum animam leveat. Notandum tamen, quia nonnulli dum peragunt indiscrete jejunium, jejunii non capiunt fructum; et quiddid enim uno die jejunant, altero ad votum se satiando pescant. Sicque fit, ut jejunii dies sequenti militet diei, et dum externa vix hodie esca digeritur, vacuato stomacho crastini apparatus copia comeditur, dumque præter communia singulare aliquid, et lautius queritur, non sine ministrorum tædio cuncta apothecarum secreta curantur. Ille igitur bene jejunat, qui in die refectio-
C nis communibus contentus est alimentis, si videlicet dum non escarum genere discrepat, etiam modum quotidie prandentium non excedat. Nec tamen jejunii nimium tribuentes, obedientiam, quæ aurea ad celum via est, relinquatis.

Dicam non quod aliena relatione cognovi, sed quod oculis vidi. Pomposiæ quidam frater erat, **312** Raimbaldus nomine, frater videlicet Petri reverentissimi viri, qui nunc apud Vincentiam abbatibus officio fungitur. Hic itaque adolescentiam suam crebris consueverat edomare jejunii, et sicut in primis auspiciis famosæ indolis in plerisque specimen dabat. Huic injunctum erat officium, ut cuidam Teutonico ministraret incluso: qui nimirum effosis oculis, et abscissa dextera, juxta ecclesiam positus arduam ducebat vitam. Erat autem regula monasterii, ut nemo claustris egrediens loqueretur. Aliquando autem cum Raimbaldus in capitulo constitutus graviter quereretur, se nequaquam posse pueris imperitis per signa præcipere, ut servo Dei vestes abluerent, et præsertim quæ sibi edulia præpararent, postremo asserens, atque denuntians, quia nisi silentium frangeret, mandata penitus servare non posset: e contra vir sanctus, abbas scilicet Guido, ne silentium solveretur, vehementer obstitere, constanterque in auctoritatis suæ sententia permaneret; demum ad hoc post multa perventum

(9) Est epistola 26 libri vi epistolarum S. doctoris.

est, ut ille præcipere ab administratione cessare, **A** sibi quiescere. Sed, o divinæ ultionis accelerata severitas! vix dum dimidiæ horæ cursus elabitur, et ecce Raimbaldus superposito dolori digito in gutture se esse percussum lacrymabiliter protestatur. Quid plura? Post diem, si rite teneo, tertium satisfactione facta, et accepta sancti Patris benedictione, defunctus est.

Hoc autem, charissimi, domesticum vobis idcirco retulimus, ut memineritis sanctam obedientiam pro confidentia nullius pii operis, sive religionis aliquando negligendam. Estote præterea inter tentationum vestrarum bella solliciti, undique vigiles, undique circumspecti, ut videlicet tentationis hora pertranseat, ne quod in cogitatione suggeritur, protinus opere consummetur. Sæpe enim in sæcularibus præliis uno momento contingit, quod per nulla temporum spatia postmodum valeat emendari. Econtra, qui unius vulneris caverit ictum, brevissimo puncto diuturnæ vitæ lucratur augmentum. Nostis ipsi quod dicimus: sæpe quis in peccati voragine subito labitur, quod per omne vitæ suæ spatium flere necessario compellitur. In omni igitur tentationis articulo solerter est attendendum, ne tentatio ipsa perveniat ad effectum: nam si brevi puncto operatio prava differatur, evaditur: et dum momentaneus ictus, ut ita loquar, effunditur, diu postmodum incolumis vita servatur.

CAPUT XXII.

De novitiis.

Ilī vero, qui ad religionis ordinem noviter convertuntur, admonendi sunt, ut prima contra gulam bella suscipiant; ut dum sobrietatis legibus venter parere compellitur, consequenter etiam in his, quæ sub ventre sunt, flamma libidinis temperetur. Refrenetur lingua non solum a sermonibus otiosis, sed et a fratrum plerumque confabulatione colloquii; ut tanto liberius in orationibus se vel laudibus divinis exerceat, quanto hanc per ambagum vicissitudines **313** inanis verboritas non fatigat. Terat oculus assiduus obtutibus pavementum, mens per æstuantis desiderii machinam suspendatur in cælum. Utraque substantia suam pendat originem, ut et caro quem cernit pulverem se esse non dubitet, et anima ad id erecta quod perdidit, inhiant, atque indefessa semper cupiditate suspiret. Pannosas et hispidas vestes paucitas attenuata conciliet; vilia, ac despecta frigus indumenta commendet. Durum cubile diu dilatus raptimque sopor admissus emolliat. Parvipendit quippe strati mollietatem, qui solam indultæ quietis cogitat quantitatem; nec cum Sardanapalo plumis innatare pensilibus inhiat, qui pervigiles cum Machario noctes ducere in orationibus intentus anhelat. Deseratur publicum, hominum fugiatur aspectus. Scrutentur anguli, remotiorum recessuum abdita penetrentur. Furtivæ quippe orationes vim inferunt cælo, et indulgentiam rapiunt, dum frequenter in tenebris cælesti lumine perfunduntur. Illatis contumeliis non

vox contumeliosa respondeat, sed aut conviciantis amaritudinem modestia respondentis obdulcet; aut si hoc facile obtineri non potest, ne iurgium feraciter effluat, irati linguam silentii saltem censura compescat. Furentibus nempe ventis navis sæpe velificata submergitur; si autem antenna deponitur, omnis nox flatuum impetus necesse est inaniter effundatur. Ictum quippe convicii sagitta non invenit, cum conviciati mens sese in humilitate velut inclinata deponit. Tentet novitius sæpe majora, ut quæ minora sunt reddantur eorum collatione facilia.

Quod dicere gestio tale est. Sæpe aqua turbida, vel tepida hoc studio bibitur, ut contempta vini concupiscentia, perspicua solummodo, vel frigida **B** aqua sufficere iudicetur. Sæpe cantabritius panis apponitur, ut dum communis appetitur, siligineus non quaeratur. Cui post pulvinaria cento non sufficit, quovis sibi met stramine satisfacere poterit, si nudum prius pavementum lateribus terit. Qui post carnes oleum nauseat, ut sobrius liquor faucibus suaviter sapiat, salitis aliquandiu leguminibus vivat. Quem insolita delectat equitandi vectatio, intra cellula se angustias colligat, et claustrum monasterii postmodum forum putat. Qui post gebellinam, martorinamve molliem vervecum fastidium compeditem [*f. compedem*]; si birros induit, utrum a peregrinis, an a domesticis foveatur pellibus, de cætero non discernit. Moyses quippe ut simplici mannae cibo contentus sit, ne cum cæteris Israelitis sedere super ollas carnum concupiscat (*Exod. xvi*), ab omni cibo, vel potu per duplicem quadragenarii cursum in monte jejuna. Filii prophetarum, ut quælibet oluscula non abhorreant, amarissimas colloquentidas in ollam concidere non recusant (*IV Reg. iv*). Daniel dum inter rabidos leonum rictus coactus est degere, perversorum deinceps hominum didicit insidias non timere (*Dan. vi*). Nabuchodonosor dum bruti animalis recordiam tolerat, dum ferarum more, saltum atque silvarum condensa perlustrat, formatur, ne de regalis imperii dignitate superbiat (*Dan. iv*). David cum a proprio filio a regalis solii sublimitate dejecit, ne in Semei extraneum videlicet hominem vindicet, eruditur (*II Reg. xv, xvi*). Isais postquam **314** triennio nudus, et discalceatus incessit, omnino credendum est, quia superfluis postmodum, vel mollibus indui non quaesivit (*Isai. xx*).

Quisquis ergo vult facile sibi ejusque laboris exercitium reddere, aggrediatur intrepidus et altiora tentare; quatenus asperitatem asperitas leiget, et, ut ita loquar, tolerabiles indicentur urticae, paluris vel hirsutis vepribus comparate. Neque hoc dicimus, ut non a minimis quis incipere debeat; sed hoc potius, ut dum difficiliora tentantur, collatione quadam hæc eadem minima levigentur. Studeat etiam hoc novitius, qui ardua tentans angustam iter ingreditur, ut cum gravari ulra vires coeperit, mox ad latitudinem revertatur. Acus quippe si duris vio-

lenter impingitur, nisi ex discretione retrahitur, A necesse est ut coacta frangatur; si autem sutor eam more cerdonum et impellit, et retrahit, facile quidquid soliditatis obstitit penetrabit. Sic et nos in nostræ conversationis initio, dum modo nitimur, modo remittimur, modo per dura, modo per aspera violenter insistimus, modo nos remittendo laxamus, paulatim via panditur, ut omne quod obstitit, ingenue transeat.

CAPUT XXIII.

Vos etiam, sancti senes, præterire non debeo, quos utique tanto necesse est fieri cautiore ad prælium, quanto conspicitis ipsum vobis præliandi terminum jam propinquum. Unde constat, quia si nunc perditis, amisse victoriæ titulos recuperare de cætero non potestis. Nunc igitur ad fortiter agendum B fervens animus incalescat, et senilis ad debellandam vitiorum barbariem robur juvenile concipiat. Jamjam profecto in limine municipii pedem ponitis; jam ad felicissimæ quietis otium mediantibus duntaxat foribus propinquatis.

Abjiciatur ergo desidia, deponatur inertia, et non transacti longi forte laboris memoria retrahat, quos subjectæ pæne jam oculis oblatio mercedis invitat. Rimator auri, quo profundius terræ venas effodit, eo robustius, atque ferventius se ad explendum id operis, quod restat, accingit. Nec tam præteritus labor vires enervat, quam spes thesauri jam jamque propinqui ad egerendi rudis studium provocat. Sine causa jentaculum inhiat, qui pronubus ad convivium nuptiale festinat. Ecce enim tauri evangelici, et altilia occisa, et omnia sunt parata; insuper et vox præconis: «Venite, inquit, ad nuptias (Matth. xxii).» Cur ergo prævenire delicias appetit, qui ad nuptiales dapes epulaturus accedit? Cur ructare ante vult, quam discurrere? Cur porcorum se siliquis satiat, qui ad epulas properat angelorum? Cur se non ab omni nunc voluptatum suarum famelica satietate coerceat, quem summa ac perfecta beatitudo gloriæ cœlestis exspectat? Cur non linguam suam a fabulis nunc, et vana verbositate refrenet, qui Verbum ipsum, per quod facta sunt omnia (Joan. i), præsentissima in perpetuum contemplatione prospiciat? Cur se pro disciplinæ censura ab aspectibus non removeat hominum, qui ad curiam tendit imperatoris æterni et cœlestium senatorum? 315 Cur asperis exhorreat contegi vestimentis, qui stola induendus est immortalitatis?

Non ergo nos pigeat a cunctis mundi delectationibus jejunare, ut omnium deliciarum cœlestium copiis mereamur affluere, ne mens nostra hæreat creaturis, sed ad amplexus potius inhiat Creatoris. Quisquis enim de longinquo veniens alicui liminibus appropinquat, vecordix arguitur, si fabricis intentus ad regis faciem non anhelat; nec a spe fortiter agendi effeti corporis debilitas frangat, quia si spiritus adest cordi, consequenter etiam vires artuum visceribus administrat. Unde et Caleph quia mandata Dei ferventer impleverat, juvenili robore

vegetus aiebat: «Hodie octoginta quinque annorum sum sic valens ut eo valebam tempore, quando ad explorandum missus sum: illius in me temporis fortitudo usque hodie perseverat tam ad bellandum, quam ad gradiendum (Jos. xiv).» Hoc est scilicet tam in resistendo vitiis, quam et per religionis tramitem in bonis operibus augmentandis. Et in Deuteronomio: «Moses inquit, centum et viginti annorum erat quando mortuus est; non caligavit oculus ejus, nec dentes illius moti sunt (Deut. xxxiv).» Hinc est etiam, quod in benedictione Aser ipse dicit: «Ferrum et aes calcamentum ejus; sicut dies juventutis tuæ, ita et senectus tua (Deut. xxxiii).»

Nolite itaque, dilectissimi, velut extinctis jam vitiis jejuniorum, vel vigiliarum, in quantum fas est arma deponere: nolite dum adhuc in stadio curritis, quasi jam securi, deliciis lenocinantibus indulgere. Familiare quippe est senibus jejunare, et licet cibos sæpe debilitas appetat, naturæ voluntas insita cum jejunio et sobrietate concordat. Invitatur Berzellai Galaadites ad requiem: «Veni, inquit David rex, ut requiescas secure mecum in Hierusalem (II Reg. xix).» Sed opponit senectæ stuporem, et excusat epularum regalium voluptatem: «Nunquid, ait, viget sensus mei ad discernendum suave, aut amarum, aut delectare potest servum tuum cibus et potus? vel audire ultra possum vocem cantorum, vel cantatricum?» (Ibid.). Unde perpenditur quam quietus, quam certe bene moratus fuerit iste senex. Quomodo enim non esset rei familiaris, si contingeret, egestate contentus, qui regalis mensæ dapes despiciat invitatus? Quomodo delectaretur otiosa vel risibus apta verba depromere, qui et alienas melodiarum voces castis auribus dedignabatur audire? Et qui illic etiam delectari noluerat, ubi aliquando crisparentur vasa psalmorum, quomodo quiescere potuisset, ubi ludica et saltationes perstreperet histrionum?

Nonnulli plane senum sunt, quod prætereundum non est, qui etiam postquam ad religionis ordinem venerint, ita fabulosis naniis occupantur, ut et sibi sint noxii, et auditoribus videantur esse deliri. Modo enim rerum gestarum lacinias texunt, modo regum antiquorum edicta, vel victorias referunt: sicque diem in nugarum anilium inepta recitatione consumunt. Ita fit, ut per linguam Deo dicam, quam non salutare occupant preces, ridiculose vani, ac superstitiosi recitentur annales: qui nimis dum linguam pestiferis fabularum dapibus satiant, quia jejunio semper est inimica verbositas, 316 etiam ventrem digno sobrietatis moderamine non castigant.

Habemus denique senem, in monasterio scilicet Sitræ, vocabulo Mainardum, quem scilicet adhuc paludatum cum admonuissim, ut monachus fieret, ut verbosus ac mordax semper exsisteret, in typum quodammodo jurgiosæ responsionis erectus: Ecce, inquit, ancillæ meæ quotidiana me sedulitate undi-

que confovent et ministrant, et sic vix utcumque subsistere valeo; quo igitur pacto potero spiritualis instituti iter arripere, qui absque ulla disciplinæ sarcina me ipsum pene nequeo saltem pedibus sustinere? Verumtamen paulo post, quibus adnitentibus nescio, ecce factus est monachus: qui nimirum jam senex et languidus cum tanto fervore cœpit, ut grandævus atque maturis sani scilicet-consilii viris miraculum, juvenulis autem monasterii lubricis atque lascivis fieret in derisum. Qui profecto lace-rantes eum detractionibus, et verbis mordacibus obrodentes, nunquam eum a sui rigore propositi in tantum potuere deflectere, quin adhuc per dies singulos psalteria quatuor expleat, quatuor nihilominus per hebdomadam dies absque ullo cibo et potu tam æstivo, quam hiberno tempore transigat. Hoc tamen adhuc de prisco more servato, ut mensem unum-quemque sic dedicet, quatenus in prima cujusque mensis hebdomada, nisi Dominica die, vel quinta feria, penitus non manducet: est autem jam, nisi fallor, in sacræ conversationis habitu duodennis, et hic quidem in conventu fratrum.

Est autem et alius intra cellulæ septa conclusus, et Leo videlicet Prezensis, quem et in aliis nostræ dictationis opusculis nos breviter adnotasse meminimus: vir videlicet tam decrepitus, ut qui eorum obitus recolit, quos ille parum nascendo præcessit: quibusque simul vivendo consenuit, senex sit. Hic igitur in tam effecti ac tremuli corporis gravitate vinum nisi duabus, vel forte tribus anni præcipuis festivitatis nunquam bibit. Ante horam nonam præter Dominicos dies nunquam comedit; duabus in hebdomada diebus, quando scilicet indulgentius vivit, pulmentum præter unum prorsus aliud non admittit. Sic autem orationis ejus ordo disponitur, ut quotidie sive per æstatem, sive per hiemem unum psalterium cum canticis, et litanis suis ante nocturnas Ecclesiæ vigilas expleat: secundum autem psalterium ab auroræ crepusculo usque ad horam sextam pro defunctis cum novem lectionibus canat, tertium vero psalterium cum *Gloria* iterum cum ipso advesperascens diei fine concludat.

Habet autem hanc gratiam, quam in nullo unquam quantævis perfectionis viro deprehendere potui, videlicet ut psallenti nunquam se cogitatio ingerat: tantaque cordis in eo puritas viget, ut absque ulla resistenti molestia nihil omnino mens cogitet, quod a psallentis ore discordet. Illud etiam valde mirandum, quia nunquam ejus oculos acedixæ tedium deprimit. Adde etiam, quod cum præ senectutis caligine faciem hominis discernere nequeat, litteras discernit et legit; quotidie psalterium bis lectitando percurrit.

317 Hoc quoque stupendum, quia intra cellulam positus, ubi nimirum subobscura lux est, litterarum scripturæ discernit articulum; egressus autem ubi liberior videndi facultas est, apices non agnoscit. Sic autem mihi subtiliter sciscitanti sæpius ipse professus est. Nulla jam carnis certamina tolerat, nulla

A mentis vel ad momentum quidem vagatione laborat. Crucifixus igitur huic mundo jam pene quæ sunt humana non sentit, sed totus azymus, totusque sincerus, ut ita fatear, angelus vivit.

Ecce, dilectissimi, cum multa suppetant, duo tantum exempla proposui, unum communis, solitariæ alterum vitæ. Quibus nimirum manifeste colligitur, quia ubi fervidi spiritus ardor incanduit, senilis ætas a boni operis studio non torpescit: sed sicut serpentem costis duntaxat, non pedibus innitentem, vivax ad currendum spiritus evehit; sic senilia membra per spiritualis militiæ studium divinus amor impellit. Qui enim noudum habemus manentem civitatem, sed futuram inquirimus (*Hebr. xiii*), in qualibet hic ætate sperare requiem non debemus:

B in hujus quippe mundi salo justī laborant, ubi suam reprobi possident requiem. Quam videlicet diversitatem bene corvus ex arca dimissus, et columba significant (*Gen. viii*). Corvus quippe cadaveribus insidens, ad arcæ claustra non rediit; columba autem reversa est, quia ubi pes ejus requiesceret, non invenit. Hic enim ubi pravi quique carnalibus se voluptatibus satiant, sancti viri reperire nequeunt ubi ad quiescendum desiderii sui pedem ponant. Hinc est etiam, quod qui peccasse deprehenditur, quadraginta verberibus affici per legis mandata jubetur (*Deut. xxv*). Quadragenarius quippe numerus totum hoc tempus per mysterium comprehendit, quo sancta Ecclesia, per quatuor partes mundi diffusa sub Decalogo legis vivit. Quadragenario ergo numero delinquentes cædimur, si in hoc tempore pœnitentiæ verberibus castigamur. Debet itaque peccator quisque, sive senex sit, sive juvenis, temporalibus atteri, ut purgatus in judicio valeat inveniri. Eos enim nulla illic animi adversio affligere poterit, quos hic cujuscunque ætatis conditionisve fuerint, perfectæ pœnitentiæ disciplina percussit.

CAPUT XXIV.

Ubi omnes in communi ad charitatis studium provocat.

Nunc autem, fratres charissimi, omnes vos generaliter alloquor; omnes per id, in quo omne flectitur genu (*Philip. ii*), Christi nomen obtestor. In fraterna charitate persistite, in mutui amoris studio adversus antiqui hostis insidias unanimiter conspirate. Tota sanctæ operationis vestræ machina in charitatis se basibus erigat; omne, quod constructis, ædificium, ex vivis virtutum lapidibus sinceræ dilectionis glutino coalescat. Arcam quippe, quæ octo animas inter cataclysmi fluentia continuit, intrinsecus et extrinsecus linri bitumine vox divina præcepit (*Gen. vi*). Sancta scilicet Ecclesia, quæ ad resurrectionis gloriam tendit, sic intus, et extra bitumine finitur: ut et foris blandiatur in fraterna cœdeline, **318** et intus cohæreat in dilectionis mutux veritate. Quisquis enim intus amat, sed foris a fratribus morum inconsona asperitate discordat, intrinsecus quidem bitumen habet, sed extrinsecus non laet. Quisquis vero se specietenus affabilem præbet, ami-

ciatiam simulat, sed in cordis occulto veritatem A amicitia non conservat, damnabiliter intus hiat, cum for. nsecus superducti bituminis simulatione cohareat. Quorum videlicet a diluviali naufragio neuter eripitur, quia duplici charitatis bitumine, ut divinitus præceptum est, non munitur.

Qui autem se et foris præbet amabilem, et intus conservat amantem, foris cum ramis verbi fructus exhibet beneficii; intus alte radicem figit, quia medullitus diligit; hic profecto et intus et extra bitumine linitur (*Gen. vi*), quia duplici charitatis glutino cum proximis fœderatur. Porro autem quia de lignis levigatis prius fieri arca præcipitur, et sic deinceps ut bitumine liniatur; qualiter ligna vestra levigari debeant, et dolabro poenitentiae ac disciplinae poliri utcumque supra descripsimus: nunc ut compactæ fabricæ bitumen accedat, exigente rationis consequentia suademus. Enimvero quandiu mores hominum asperi sunt et inculti, inaniter eis charitatis gluten apponitur, quoniam ab invicem cito dissiliunt, dum in eis politæ moralitatis æquata confœderatio non tenetur.

Estote igitur levigati per spiritualis exercitii disciplinam, estote bituminati per charitatis fraternæ concordiam. Quæ tamen confœderatio congruere perfecte non poterit, nisi cum arca in cubitu consummatur, id est, cum multis unus Christi vice proponitur. Unitas quippe facit, ut multa sibi invicem congruant, ut diversæ hominum voluntates in compage charitatis, et communis solitis unanimi- tate concurrant.

Quapropter, charissimi, si cupitis invicem in Christi charitate congruere, ei, qui vobis Christi vice præest, humiliter ex corde attentius obedite. Non inter vos sit garrulus ille Cham (*Gen. ix*), qui maledicta parentis verenda denuuntiet, qui paternæ offensionis obscena divulget. Qui videlicet in eos duos fratres medius, nec in primitiis numeretur Israelitarum, nec locum mereatur in plenitudine gentium. Non ibi sit, qui contempto pastore, mercenarium quærat, qui voces alienorum audiat, qui in odii fornace discordiæ malleos ludat, qui regnum Israel per schismatis seminarium dividat. Non est, inquit, nobis pars in David, nec hæreditas in filio Isai (*II Reg. xx*). Plane tandiu apes in communi mellific- cant, quandiu sub uno principe perseverant. Grues D

quoque juxta vocabulum tandiu lineatim congruunt, quousque unum sequendo, litterarum utrinque ordinem non confundant. Roma mox ut condita est, duos etiam fratres simul reges habere non potuit: ideoque prima surgentis structuræ mœnia parricidio dedicavit. In Rebecca concipientis utero Jacob et Esau, cum necdum præter materna viscera vestes induunt, jam velut loricati bella committunt (*Gen. xxv*).

Rector itaque fratres tanquam filios amplectatur, et foveat; ut et ipsi tanquam patri a filiis defera- tur. Scitum quippe est illud oratoris Domitii (*Cic. lib. II De orat.*, in præem.): « Cur ergo te, inquit, habeam **319** ut principem, cum tu me non habeas in senatorem? » Non ut hæc spiritualibus sint B taxanda discipulis, sed ut murmurationis occasio tollatur infirmis. Omnes itaque diligat, ut jure ab omnibus diligatur. Sic igitur pastor et oves, dux et militum cætervæ uno spiritu confœderentur (in exercitatione virtutum: ut charitas, quæ Deus est, (*I Joan. iv*) individuae unitatis in eis tenet principatum. Ecce, dilectissimi mihi Patres et domini, ex studio vobis styli currentis articulum reprimam, quia incultum ac rusticum esse, quod scribitur, non ignoro: ut quod absque salis condimento jure despicitur, brevitatis saltem compendio commende- tur. Quæso itaque, ut qui lupinos aliquando post marinas delicias editis, hoc quoque pittacium post sacra volumina utcumque respicere non spernatis.

C

320 SCHOLIA.

*Petrus autem nuptiarum sordes abluit cruore martyrii. Cave putes sanctum doctorem nuptias, quas constat a Christo Domino sacramenti honore condecoratas, ullo modo vituperare; unde et illud Pauli: « Honorabile concubium in omnibus, et torus immaculatus (*Hebr. xiii*). » Sed et ipse beatus Damianus suis in scriptis cum occasio se præbet, laudat nuptias, præsertim lib. v, epist. 11, ad clericos Faventinus. Sordes itaque nuptiarum ille intelligit, quas aliquis vitæ conjugalis occasione contrahit: in qua cum viri rebus divinis minus ferventer vacare soleant, et ob id dicat Apostolus: « Qui autem cum uxore est, sollicitus est quæ sunt mundi, quomodo placeat uxori, et divisus est (*I Cor. vii*). » Cumque crebrius in vana delinquendi offensus incur- rant, non est mirum sordes contrahere, et propter- ea eas expiare teneri.*

Sit nomen Domini benedictum.

321-322

OPUSCULUM DECIMUM QUARTUM.

DE ORDINE EREMITARUM, ET FACULTATIBUS EREMI FONTIS AVELLANI.

ARGUMENTUM. — Ad exemplum, et imitationem posteriorum, regulas, et vivendi instituta, quibus eremitæ Fontis Aveliani suo tempore utebantur, describit, iisque, ut qui post se futuri sunt, utantur, neque ad laxiorem vitæ normam declinent, gravissime obtestatur. Suisque ut in orationibus meminerint post mortem suam, obsecrat.

Cum fervorem sanctæ conversationis vestræ, fra- tres charissimi, diligenter attendo, nullis hoc huma-

nis viribus deputo; sed illi potius, qui operatur in vobis velle et perficere, pro bona voluntate, gra-

tias ago: Ille enim fons est et origo virtutis: ille bonus inspirator est voluntatis. Et quid mirum, si fragilia corporum vestrorum vascula ad portandam post se crucem fortiter roborat, qui cuncta mundi horrea in levibus culmorum aristis mirabiliter tribrat? Et quorum pondere lapidea sæpe ædificia corruunt, ad hæc ferenda volatiles spicarum thezæ, tenuibus mistæ paleis, non succumbunt? Quid mirum, inquam, si debilibus servorum suorum membris vires attribuit, qui in tenuissimis uvarum folliculis omnium ubique regionum vina suspendit: et quod ex tunnis oseose, et cum magno labore compactis sæpius effluit, hoc perexilis corticis, quasi quoddam fidele depositarium sine diminutione custodit: imo quod illinc vel guttatim frequenter effunditur, hic non minuendo, sed augendo potius per quotidiana incrementa servatur?

Quis autem divini operis magnitudinem narrare sufficiat, cum sive in palearum culmis, seu in uvarum botris recondi videat cellaria potentum, promptuaria regum? Videamus in arbore folium sub ipsis pruinis hiemalibus lapsabundum, et consumpto autumnalis clementiæ virore, jamjam pene casurum, ita ut vix ramusculo, cui dependet, inhæreat, sed apertissima levis ruinæ signa præstet: inhorrescunt flabra, venti furentes hic inde concutiunt, brumalis horror crassiaeris rigore densatur: atque, ut magis stupeas, defluentibus reliquis undique foliis terra sternitur, et depositis comis arbor suo decore nudatur; cum illud solum nullo manente permaneat, et velut cohæredum superstes in fraternæ possessionis jura succedat. Quid autem intelligendum in hujus rei consideratione relinquitur, nisi quia nec arboris folium potest cadere, nisi divinum præsumat imperium?

Quid ergo mirum, si, defluente jam ex maxima parte monastico ordine, quosdam servos suos omnipotens Deus in perferendo diversarum tentationum labore corroborat, qui et quæ vult in arboribus folia, cæteris decidentibus, ligat? Unde non immerito scrutator ille divinæ patientiæ B. Job: « Qui facit, inquit, magna, et incomprehensibilia, et mirabilia, quorum non est numerus (Job v). » Quapropter immensas Creatori meo gratias refero, qui me indignum ministerii locum habere voluit in conventu non multorum, sed bonorum, quos mihi necesse sit ad patriam redeundo præcedere; sed gaudendum est, si fraterna possim vestigia parili convatione tenere: ut fructum, qui nequaquam mihi ex spatiosa terra colligitur, uberius videatur angustiæ fertilitatis recompensare provenus.

Volo autem, fratres mei, de vestræ conversationis ordine pauca perstringere, ut quod in vestris nunc vivis operibus legitur, etiam apicibus traditum ad eorum, qui nobis in hoc loco successuri sunt, notitiam transferatur: quatenus et si non contigerit eos ad altiora descendere, eandem saltem vivendi regulam, quam vos tenuisse didicerint, et ipsi studeant fideliter observare: ut qui habitationis fuerint suc-

cessores, sint nihilominus et conversationis hæredes: et quod de regulari observantia sui loci viderint specialiter scriptum, pudeat si de sua fuerit aliquando imitatione deletum. In hoc nempe loco, qui fons Avellani dicitur, plerumque viginti plus-minus monachi per cellulas, sive in assignata cuique obedientia degimus; ut omnes simulcum conversis, et famulis tricenarium quinarium numerum, aut vix, aut breviter excedamus. Vivendi autem regula hoc nostro tempore talis est.

Ab octavis nempe Dominicæ Resurrectionis usque ad diem sanctum Pentecostes, quatuor **323** dies per hebdomadam jejunitis, præter Dominicum vero diem, de cujus reverentia nullus addubitatur, tertia feria, et quinta feria bis in die refectis. Illo enim tempore, ut nostis, non prohibetur monachi auctoritate sacrorum canonum jejunare. Ab octava autem Pentecostes usque ad festivitatem sancti Joannis, quinque diebus observatur sub hac discretione jejunium: ut tertia feria ad horam nonam pulmentum habeatis, quinta vero feria secunda vice refectis. A festivitate vero S. Joannis usque ad Idus Septembris, tertia et quinta feria tenetur bina in die refectio: reliquis vero quatuor diebus servatur solito more jejunium. Ab Idibus vero Septembris usque in Pascha Domini, quinque diebus jejunium sine intermissione tenetur, salvo eo, quod semper infirmioribus fratribus, humorumque inæqualitatem patientibus, prout necesse fuerit, misericorditer subvenitur. Nemo autem me mendacii temerarius arguat, dum me non extraneis loqui, sed his, qui rem perite noverrint, præsentibus hæc narrare considerat: et certe non immerito erubescerem, si inter discipulos veritatis, ipsis scientibus, commento fallaciæ deservirem.

Etsi enim eos, qui postmodum audituri sunt, hujus rei plenitudinem fraudare non debeam, malo tamen ex eo, quod est, salva veritate relinquere; quam id, quod non est, vana persuasionem jactare. Ecce enim de duabus illis quadragesimis, quæ vel Natalem Domini, vel sanctum Pascha præcedunt, licet ego taceam, vos tamen scitis, quia nonnulli hic sunt, qui absque diebus Dominicis, duplex illud quadragesimale spatium totum jejunando transcurrere soleant, exceptis tribus solemnitatibus, S. videlicet Andræ, et sancti Benedicti, et Annuntiationis Dominicæ. Per alias autem festivitates, quæ magnæ quidem, sed adeo non sunt præcipuæ, sive in quadragesimali tempore, sive per totius anni curriculum, cellerarius cum his, qui juxta ecclesiam commorantur, cum duodecim celebrent lectionibus, atque si priori videtur, aliqua illis misericordia refectiois impenditur. Cæterum hi, qui sunt per cellulas constituti, trina lectione contenti, dum foras minime prodeant, jejunium suum ex more conservant.

Jejunare autem illos diximus, qui panem cum sale et aqua percipiunt: ubi autem præter hæc aliquid additur, perfectum jejunium non vocatur. Solebant autem licet quidam et Dominicis diebus

utriusque quadragesimæ coctionibus abstinere, quod nos ob reverentiam sacræ diei prohibere curavimus. Famuli autem, qui nobiscum sunt, per totius anni circulum tribus per hebdomadam diebus tenent ex more jejunium. In illis autem duabus quadragesimis quatuor dies convenienter observant, exceptis his, qui in via longius diriguntur. A vino autem, ut notis, aliquanto tempore continemus; ita ut neque laici, neque extrinsecus venientes, vel etiam in Pascha Domini, aliquid hic, præter aquam biberent; neque vinum hic, nisi pro sacrificio haberetur. Sed quoniam et hic manentes coeperunt ægrotantes deficere, et quidam ad eremum transire cupientes, hujus rigoris observantiam penitus abhorrere; fratres, **324** sive, ut verius dicam, communi imbecillitate dispensatorie condescendentes indulsumus, ut vinum hic servato sobrietatis moderamine biberetur: ut quod cum Joanne non possumus ex toto relinquere, saltem cum Timotheo Pauli discipulo studeamus infirmo stomacho sobrie, et humiliter ministrare (*1. Tim. v*): et qui prorsus abstemii esse non possumus, esse saltem sobrii studeamus. Verumtamen in prædictis duabus quadragesimis consuetudo tenuit, ut neque monachis, neque laicis vini vel etiam piscis perceptio concedatur. Pulmentum quoque in eisdem quadragesimis nunquam sit præter unum, nisi his quatuor festivitatibus, scilicet B. Andree, S. Benedicti, in Dominica Palmarum, et Cæna Domini, quibus nimirum sacratissimis diebus pisces, et vinum cum gratiarum actione percipiuntur.

In Sabbato autem sancto, nec non et vigilia Natalis Domini, ut labor ecclesiastici releveretur officii, totum panem, qui voluerint, comedunt: alium vero cibum sive laici, sive monachi penitus non admittunt. Tres autem solummodo octavæ per annum ita celebrantur, ut jejunare hic nemo cogatur, id est, Dominicæ Resurrectionis, et sanctæ Pentecostes, atque Natalis Domini. Sed quibusdam, quia propter desuetudinem [*f. consuetudinem*] grave est totius hebdomadæ binam continuare refectionem, quandoquidem hoc humiliter expetunt, jejunare aliquantulum pro misericordia conceduntur. Consuetudo est autem fratribus in diebus Dominicis omni tempore, præter quadragesimas duas, duo habere pulmenta; in aliis vero diebus unum solummodo. Et de jejniis quidem ista sufficiant.

In cæteris autem spiritualis exercitii studiis, quæ sit continui fervoris instantia, quæ sollicitudo, quam vigil et operosa frequentia, timeo dicere: ne mihi similibus, desidiosis videlicet, et negligentibus videar onerosus existere, atque eorum in me aliquatenus invidiam concitare: hoc tamen mihi liceat, quia tanta est diligentia in flexionibus genuum, in disciplinis scoparum, et in cæteris hujusmodi, ut cum quilibet pœnitens incertæ mentis metu, injunctam pœnitentiam per hæc remedia implere præcipitur, brevi tempore longa pœnitentia consumatur, salva tamen consuetudine, ut si postmodum vita hominis in longum ducitur, jejunium non relinqua-

tur. Dantur autem ex more tria millia scoparum pro unius anni pœnitentia, sive viginti psalteria, aut viginti quinque missæ.

De psalmodia vero consuetudo est, ut cum duo fratres simul commorantur in cella, duo persolvant in die psalteria, unum pro vivis, alterum pro defunctis. Et illud quidem, quod est vivorum, cum illis dicitur additamentis, quæ beatus Romualdus apposuit; quod vero pro defunctis cum novem lectonibus dicitur, tribus nimirum per quinquagenos psalmos. Qui autem solus moratur, Psalterium quidem vivorum totum per singulos dies adimplet: defunctorum autem sive medium, sive totum, juxta quod virium possibilitas administrat. Horarum autem psalmodia canonica omnino, sicut in monasterio, ita hic per ordinem, tota nihilominus adimpletur.

325 Hoc autem inter cætera præmittendum non est, quia in cellulis continuum tenetur, sicut revera in oratorio, ex more silentium: nec præmittitur, ut illic aliquis vel pro confessione loquatur; excepto si priori visum fuerit, ut novitiis, eorumque institutoribus ad tempus aliquantulum loquendi licentia concedatur. Si quid autem loqui indigent, ad ecclesias prodeuntes, quæque sunt necessaria manifestant.

Illud etiam non minima pars pœnitentiæ est, quod omni tempore, sive æstate, sive hieme, non calecis, non ocreis utuntur in cellulis; sed nudis semper cruribus, et pedibus consuetudo est permanere, exceptis his qui gravi molestia infirmitatis urgentur.

Regulare autem est monasteriis, ut hi qui in viam diriguntur, foris non comedant, si eo die sperant reverti: cui videlicet observantiæ illud etiam apud nos additur: ut sive ipso, sive alio die fuerit quis egressus, jejunus semper ad eremum revertatur.

De cæteris vero monasticæ institutionis observationibus quiddam in regulari, et districto monasterio tenetur, idem etiam hic caute, et solerter nihilominus custoditur: videlicet de promptissima obedientia, ut quodcumque præcipitur, ferventissime peragatur: de non dando, vel accipiendo sine jussione prioris: de proprio non habendo: ut dum sunt in claustro, quod est juxta ecclesiam, sive in festis diebus, sive omnibus incompetentibus horis silentium teneant: ut in capitulo, in oratorio, in refectorio

Regularem consuetudinem non postponant: ut cum hospitibus non loquantur, atque ideo a cellulis usque ad ecclesiam sive venientes, sive redeuntes, a censura silentii non recedant; et multa hujus generis, quæ nimirum nos idcirco enumerare postponimus, quia laciniosi styli fastidium devitamus. Taceo de vilitate spontanea, et asperitate vestium, de duritia, de austeritate cubilium, et de districta censura silentii, de amore perpetuæ inclusionis.

Illud sane cuncta videtur excellere, illud omnibus sancte viventibus digne censetur virtutibus eminere, quod tanta est inter fratres charitas, tanta unitas voluntatum vicarii amoris igne conflata; ut unusquisque se non sibi, sed omnibus natum credat:

quod alienum est, ipse possideat : et quod suum A est, in omnes extenso amore transfundat.

Hoc mihi etiam non mediocriter placet, fratres mei, quia si quis inter vos debiliior apparuerit, mox omnes certatim, quid patiatur, inquiritis, ut se de solito rigore remittere non moretur, instantes, et non solum necessaria quæque suggerere, sed etiam vosmetipsos ad ejus custodiam ultroneos gaudetis offerre.

Illud etiam silentio præteriri dignum esse non ducimus, quia cum frater quispiam ex nostris obierit, unusquisque pro eo septem dies jejuna, septem disciplinas cum millenis scoparum ictibus accipit, septingentas metanœas facit, triginta insuper Psalteria ex more decantat, continuis quoque triginta pro eo diebus missarum solemnia specialiter celebrantur. Hæc igitur hujus loci regula nulla voti varietate postponitur : hæc consuetudo circa defunctos districta **326** prorsus et inviolabili semper observatione tenetur. Si quis autem fortasse novitius, vel quolibet modo morte præventus, injunctam pœnitentiam consummare non potuit, mox ut ad fratrum notitiam res patefacta pervenerit, cum magno fervore tota pœnitentia parili facta inter eos divisione, suscipitur : et quantalibet sit, brevi spatio per diversos afflictionum modos ovariè expletur. Felices nimirum divitiarum charitatis, quæ gratis se non modo viventibus ingerunt, sed et mortuos prosequuntur. Felices, inquam, quæ illic nobis ex aliena bonæ voluntatis ubertate succurrunt, ubi proprii operis supplementa deficiunt : et cum jam districtæ a nobis non habentibus, quidquid debemus, exigitur, ex fraternæ charitatis abundantia debiti nostri libra completur.

Pauca hæc de ea, quæ nunc est, hujus eremi conversatione sufficiant, ut per hæc, quæ breviter annotantur, valeat colligi quid ex his, quæ silentio prætermittuntur, debeat æstimari. Sed ecce, fratres charissimi, dum de vestris virtutibus aliquid vobis præsentibus refero, timeo certe simul et erubesco : timeo scilicet vos offendere ; erubesco, ne videar assentationibus deservire. Sed ad hoc scribendum, teste conscientia, bonæ me intentionis studium provocat, fraternæ salutis amor instigat : quatenus non solum vobis talia scribendo consulere, sed et posteris vestris valeam longius providere. Nimirum, ut et vos ista legentes studeatis ei, quod semel cœpistis, bono operi perseveranter insistere : et illi in his discant, quid de nostra debeant imitatione tenere. Quia enim in hoc loco, nisi divina providentia aliter senserit, non diu post spero me habiturum esse sepulcrum : non minus sum de futura hujus loci religione sollicitus, quam his, quæ sub præsentia versantur, intentus. Unde te, o prior, quicumque mihi quotuslibet in hujus loci administratione successeris, per adventum Domini nostri Jesu Christi, per terrorem divini judicii, te lacrymabiliter obsecro, per nomen te divinæ majestatis obtestor, ut ab hujus observantiæ regula, cum

his qui tibi subditi fuerint, non declines a bono tramite, per quem in hoc loco nunc inceditur, non aberres. Pudeat vos ab illorum nobilitate fieri vivendo degeneres, qui facti estis habitaculo successores. Absit, ut divini obsequii census vestro tempore videatur inamini, qui Deo ex hujus loci reditu solebat ante persolvi : non impar quippe pensum debiti muneris exigit, qui possessionem suam novis agricolis antiqua censitam pensione locavit.

Non ergo vos per spatiosæ viæ latitudinem delectet incedere, qui jubemini per angustam portam, quæ ducit ad vitam, intrare (*Matth. vii*). Stricta namque via est quæ ducit ad cœlum ; ampla autem est, quæ mergit in tartarum. Non itaque ad monasterialem laxitudinem ab eremitica vos libeat distractione descendere : et, relicta lege spiritus, carnis illecebris et lenociniis consentire. Et quidem bona sunt illa, sed ista meliora. Et quid est aliud a melioribus ad bona descendere, nisi ab excelsis ad humilia declinare, a recto cursu post tergum redire, ab ardore spiritus in teporem noxium deferre, atque sic paulatim sublimibus in præcipitium ruere ?

327 Hæc igitur pauca, quæ scripsi, successor mi, sedulus inspicere : atque ad imprimendum formam tuarumque conversationi, quasi quoddam signaculum tene. Nunquam apud te hæc depravetur imago : nunquam tuo tempore hæc salutaris forma per incuriam deteratur ; ne, quod absit, paracharaximus pro nummo moneta degenerante procedat. Et certe non ignoras, quia falsarius trapezita, qui monetam violasse convincitur, plerumque judiciali calculo manus abscissione multatur.

Ut autem ad hæc observanda nullus excusationi pateat locus, juxta id, quod exiguitate loci humilis competeat, studuimus eotenus possessiones acquirere : ut prædictum fratrum numerum possis, nisi exercendis cura defuerit, sustentare. Librorum quoque numerum non minimum dereliquimus, ut fratribus nostris, qui pro nobis orare dignentur, meditando copiam præberemus. Bibliothecam namque omnium Veteris et Novi Testamenti voluminum, licet cursim, ac per hoc non exacte vobis emendare curavimus. Ex passionibus quoque beatorum martyrum ; ex homiliis sanctorum Patrum ; ex commentariis, allegoricis sacræ Scripturæ sententias exponuntur, Gregorii scilicet, Ambrosii, Augustini, Hieronymi, Prosperi, Bedæ, Remigii, etiam et Amalarii, insuper et Haimonis, atque Paschasii, divina gratia nostris allubescere laboribus, plures libros habetis, quibus vacare potestis ; ut sanctæ animæ vestræ non solum oratione crescant, sed et lectione pinguescant. Ex quibus nimirum codicibus nonnullos pro nostra possibilitate correximus ; ut in sacræ disciplinæ studiis intelligentiæ vobis aditum panderemus.

Clastrum quoque juxta ecclesiam construi **328** hæc intentione censuimus ; ut si quem adhuc in solita monasterialis ordinis consuetudo delectat, habeat ubi in præcipuis festivitatibus solemniter ex more procedat : cui et processioni crucem argenteam sa-

tis idoneam procuravimus. Ejusdem quoque intentionis studio, imbecillitati fragilium consulentes, etiam tintinnabula, atque bechinia, diversaque divinæ domus utensilia comparavimus. Calices quoque duos argenteos pulcherrime deauratos hac vobis ratione providimus; ut cum sacra Domini corporis et sanguinis mysteria vultis accipere, stannum, vel vitium quodcumque metallum vestris labiis nequaquam necesse sit adhibere. Conspicua nihilominus sacrosancto altari tegmina, et celebrandis missarum solemnibus pretiosa contulimus ornamenta.

Hæc omnia, fratres, nos non sine labore quaesivimus, ut vobis laboris impendia tolleremus: tantoque liberius se vester animus ad alta sustolleret, quanto minus hunc ad providenda sibi infirma rei

A familiaris inopia non gravaret. Unde rogo, fratres charissimi, quicumque mihi estis in hujus loci sacri habitaculo successuri, ut qui vobis ante consului, quam hujus vitæ haberetis ingressum; vos etiam me pia vicissitudine vestris adjuvetis orationibus jam defunctum; et qui vobis paravi locum religiose vivendi, vos mihi copiam acquiratis indulgentiam promerendi. Ecce, fratres mei, fui quod estis: et emensus sum, quod transitis. Præsto vobis sunt quæ deserui; propinquum est quo perveni. Sic igitur compendium vestræ mortalitatis excurrere; ut elapsis vanis, quæ temporaliter transeunt, ad bona perveniat, quæ his perpetuo mansura succedunt.

Sit nomen Domini benedictum.

B

329-330 OPUSCULUM DECIMUM QUINTUM.

DE SUÆ CONGREGATIONIS INSTITUTIS. AD STEPHANUM MONACHUM.

ARGUMENTUM. — Stephanus cuiusdam qui ex cœnobio ad eremum emigraverat, eremiticæ vitæ, et conversationis præcepta desideranti depromit: nec non eremitarum, quibus ipse præerat, regulas, et vivendi instituta exponit; saluberrima interim monita immiscens, ut rudem adhuc, et hujusmodi viæ rationis inexpertum ad insidias cacadæmonis superandas: dura, et aspera quæque perferenda: et denique ad omnes perfecti eremitæ numeros implendos gradatim perducat.

Charissimo fratri STEPHANO, amore supernæ charitatis incluso, PETRUS ultimus crucis Christi servus, salutem in idipsum.

Honestæ petitionis tuæ, dilectissime fili, vota suscepimus, quibus te per nostræ admonitionis apices eremiticæ vitæ regula postulas informari. Monasteriale quippe latitudinem fugiens, mox fervido spiritu cellula te carceralibus angustiis inclusisti. Non contemnenda plane petitio, nec otiosum, vel ineptum negotium: sed si exsecutor inveniretur idoneus, etiam posteris non mediocriter profuturum. Nos autem, qui in hujus professionis via neminem vivendo præimus, cæteros loquendo præire, velut indices, sive iudices itineris, temerarium judicamus. Præposterum quippe est, si lingua tanquam magisterii super alios arripiat ferulam, cujus adhuc vita flagellis obnoxia exhibet clientelam. Sed qui calcato propriæ voluntatis arbitrio obedire Deo per omnia decrevist, dignum profecto est tuis quoque petitionibus a fraterna charitate non segniter obedire.

Quapropter in angusto positi, dum et tuis desideriis satisfacere cupimus, et tamen propriæ mensuræ metas excedere non audemus, tutum nobis arbitramur, et integrum hujus quidem institutionis præcepta non edere; sufficiat autem, quod in nostra fieri congregatione conspicimus, et experti sumus, simpliciter explicare. Nec tam quid ab eremitis fieri debeat, generali definitione præscribimus, quam quod in hac eremo fiat, cum de loco, tum persona specialiter intimamus. Quod tamen ex charitate le-

C gentibus infructuosum esse non credimus, cum ad perfectionis culmen præcepta quidem moveant, sed exempla compellant.

CAPUT PRIMUM.

De solitaria vitæ laudibus.

Vere, frater, ut dicitur, ipsius rei notam fixisti, cum ad Deum redire non per qualemcumque, sed per auream viam laudabiliter elegisti. Nec ad hoc te prudentia humanitatis impulit, sed divinus procul dubio Spiritus incitavit. Hæc est enim via, quæ inter reliquas ad summa tendentes eminens, et excelsa est. Interim per se currentem jam ponit in patria: et eum, qui adhuc versatur in labore, jam quodammodo recreat, et consolatur in requie. Hæc nimirum via per se commeantium gressus neque spinis sollicitudinum pungit, neque luto negotiorum sæcularium impedit. Porro hæc via spatiosa simul et angusta: sed hoc modo, ut quisquis per eam comite cœlesti desiderio graditur, et propter angustias noxie non impingat, et propter latitudinem a rectitudinis linea non divertat. Nam etsi incipientibus plerumque stricta, vel difficilis videatur, non tamen mox, nisi quod absit, fides desit, inconstanti pusillanimitate deserit: assuetis autem et perfectioni jam propinquantibus, vel hærentibus facilis quidem, et quodammodo lata via videtur eremitica vita. Nunquam tamen a portanda post Jesum cruce deficiunt, dum et proprias voluntates repriment, et adversus cogitationum suarum tentamenta confligunt. Duxisti, frater, uxorem, quam non quidem

cum uxoribus Jacob vel a gignenda sobole sterilitas A
privet, vel a venustate vultus lippitudo **331** dede-
coret; sed illam profecto, quæ sit et cum Lia se-
cunda, et cum Rachele formosa. Nimirum ut et
tibi clarescat obtutus ad videndum principium, et
plurimi nobiles tui fervoris imitentur exemplum.

Hæc profecto est mulier, de qua dicitur : « Quia
fortitudo, et decor est indumentum ejus (*Prov.*
xxxj). » Solitariae nempe conversationis officium
est, ut sic desudet quis in magni operis fortitudine,
quatenus semper sollicitus sit in exhibenda decori
animi puritate. Hæc est, inquam, de qua rursus
dicitur : Quia « manum suam misit ad fortia, et
digni ejus apprehenderunt fusum (*Ibid.*). » Quia
videlicet hujus vitæ idoneus exsecutor sic se per
majora opera ex desiderii fervore dilatat, ut etiam B
cautus quæ sunt minima non relinquat. Hæc plane
utrumque sororum Lazari sibi vindicat dignita-
tem : quia et cum Maria sedens ad vestigia Domini
ejus verbis intendit, et eum Martha eundem Do-
minum diversis sanctarum virtutum epulis reficit
(*Luc.* x).

Sed cur in describendis hujus sanctæ vitæ meritis
diutius immoror? Plane ut compendiosius eloquar,
multæ sunt viæ quibus itur ad Deum; diversi sunt
ordines in universitate fidelium : sed in omnibus
his nulla profecto via est tam recta, tam certa,
tam expedita, atque cunctis supplantatoriæ impa-
tionis offendiculis aliæna; quia et omnes fere occa-
siones, quibus peccari possit, eliminat : et plurima
virtutum, quibus Deo placeat, incrementa conver-
tat : ita ut quodammodo facultates adimat delin-
quendi, et bonis operibus insistendi vim necessi-
tatis imponat. Quod nimirum qui non dignatur
inquirere, in alijs nostræ parvitatjs opusculis valet
expressius invenire. Hujc ergo sanctæ, et, ut vere
fatear, vivificæ vitæ illud non incongruenter apta-
tur, quod per Salomonem dicitur : « Multæ, inquit,
filie congregaverunt divitias, et tu supergressa es
universas (*Prov.* xxxi). »

CAPUT II.

De origine vitæ eremiticæ.

Verumtamen rei ordo postulat, ut antequam ramos
conversationis attingam, ipsam radicis origi-
nem solerter inquiram : et qui hujus institutionis
auctores fuerint, evidenter expediam. Dignum sci-
licet arbitror fontem prius aspicere, ut post secu-
rarius valeam rivos haurire.

Hujus itaque vitæ normam, ut anteriora præ-
teream, in Veteri Testamento Elias cœpit; Eliseus
vero aucto discipulorum collegio dilatavit. In Novo
autem Paulus et Antonius non dissimili ab his
invicem proportionem creduntur. Dum constet juxta
fidem gestorum quod et Paulus in eremo singula-
riter vixit, et plures Antonius in hac professione
discipulos enutrivit. Quanquam et hoc certe non
lateat, quod et Moyses sub ipso tunc promulgatæ
legis initio quadraginta annis populum per deserta
ductaverit (*Exod.* xxiv); totidemque diebus ipse

Redemptor noster, illucescente jam videlicet Evan-
geliij gratia, eremum consecravit. Teste Marco, qui
post enarrationem baptismi, præsto subintulit : « Et
statim Spiritus expulit eum in **332** desertum, et
erat in deserto quadraginta diebus, et quadraginta
noctibus, et tentabatur a Satana, eratque cum be-
stiis (*Marc.* i). » Baptista quoque Joannes hujus
professionis assertor non mediocriter existit, qui
sine humano victu in deserto vivere non humana
virtute decrevit (*Ibid.*).

CAPUT III.

De duplici eremitarum genere.

Quapropter et ex ipsa nascentis hujus institutionis
origine, et posteriorum deinde succedente processu
manifeste colligitur, quod eremitarum ordo biparti-
tus est : quorum videlicet alii cellulas incolunt, alii
passim per eremi deserta gradientes, certas aedes
habere contemnunt. Sed qui per eremum spatiando
discurrunt, anachoretæ; qui vero cellulis contenti
sunt, usitato vocabulo eremitæ dicuntur : quibus ni-
mirum nomen commune factum est speciale. Quan-
quam hujus temporis fratres superbum ducant hoc
sibimet arrogare vocabulum, sed humilitatis causa
pœnitentes se potius gaudeant appellari. Anachore-
tarum autem jam tunc filii Jonadab primitiæ fue-
rant, qui, sicut Jeremias testatur, vinum et siceram
non bibebant (*Jer.* xxxv). Habebant porro in ten-
torijs, et quas nox compulerat, sedes habebant. Hi
denique scribuntur in Psalmo (*Psal.* cxxxvi), quod
primi captivitatem sint sub hujusmodi persecutione
perpessi : quia ab exercitu Chaldæorum vastante
Judæam, urbes sunt introire compulsi. Hac vide-
licet ratione, quod oppida carceres ducerent, et dul-
cis habitaculi requiem deserti solitudinem æstimarent.
Sed nos sanctis anachoretis, qui hoc tempora
aut rari sunt, aut nulli, solam reverentiam exhibe-
mus, ad eremitas autem omnem hujus disputationis
articulum vertimus.

CAPUT IV.

Qua diligentia resistendum carnis ac diaboli tenta- tionibus.

Quisquis igitur cellulam cum diabolo dimicaturus
ingreditur, et in arena spiritualis prælij ferventis
animositate pectoris incitatur, ad hoc totam suæ
mentis intentionem dirigat, ut delectationem carnis,
vel ad momentum quidem jam ultra non sentiat;
sed sibimet, simul et mundo mortuus vivat. Ad to-
lerandas itaque calamitates, atque miseriæ animum
præparet, morti se pro Christo devoteat, diversis
virtutum telis lumbos mentis aecingat; omnia sibi-
met aspera, et dura præponat; ut cum acciderint,
non improvidus enerviter concidat, sed omnia
æquanimitè ferat. Plane sicut fluvius ex sui fontis
origine perexiguus oritur, sed processu longioris de-
clivii, rivis hinc inde confluentibus dilatatur : sic in-
terior noster homo in sanctæ conversationis itinere
tenuis, et velut aridus incipit : paulatim vero per in-
crementa virtutum quasi rivis undique concurrenti-
bus convalescit.

Quisquis ergo nititur annis fluentia restringere, juxta fontis aditum, necesse est satagat obstacula convectare : ut ubi nondum annis, sed **333** adhuc rivulus cernitur, illic obicibus impetis facile reprimatur. Qui ad aulam quoque regiam properare disponit, in ipso demum expeditionis exordio cum paucis egreditur : confluentis autem subinde numerus societatis augetur. Quisquis denique huic struit insidias, non procul a domo, unde egreditur, latitat : ut necdum constipatus multitudine comitantium repentinos impetus non evadat. Tunc autem veraciter ad regem nostrum properantes iter incipimus, cum rudes adhuc, novique tirones in spirituali militia sacramenta juramus. Sed quia necdum spiritualium studiorum agmine circumfundimur, necdum perfectionis virtutibus roboramur ; tunc veteranos hostis ante ipsum egressionis nostræ vestibulum insidias præparat, ibi versutiæ suæ dolos, ibi malignitatis artes et laqueos, ibi deceptionum machinas, et omnia pestifera calliditatis argumenta concinnat : quatenus rivum adhuc tenuem boni operis obstruat, et gradientem, antequam comitantium agmine fulciatur, exstinguat.

Sed inter has jaculorum crebrescentium grandines, inter istas bellorum ingruentium tempestates, Christi miles non formidine contabescat, non fractus labore deficiat ; sed invictæ fidei clypeo præmunitus, quo acriora instantium luctatorum certamina tolerat, eo certius de vicina Dei auxiliantis aspiratione confidat. Nec prorsus addubitet, quia si primæ tentationis articulum illæsus evaserit : paulo post roboratus, et validus, terga veritentibus ac succumbentibus suis adversariis, prævalebit. Idcirco nempe insidiator spiritus totum fel suæ nequitiae circa novitios evomit. Ideo omne virus artificiosæ ac deceptorie calliditatis effundit : quia non ignorat, quoniam si tunc effectum perversi conatus amiserit, opportunitatem ledendi postmodum non habebit. Imo qui supplantare non potuit, ruinæ postmodum turpiter subiacet ; et qui rudi non prævalet, exercitato succumbet.

CAPUT V.

De quiete, silentio, et jejuniis, eremitis præcipue necessariis.

Notandum autem, quia cum omnibus ad æterna festinantibus universæ virtutes animi sint habendæ, solitarie vitæ proposito tria sunt præcipue exteriora videlicet, congrua speciali præ cæteris observatione tenenda : quies scilicet, silentium, atque jejunium : et cætera quidem instrumenta justitiæ in sola plenius devotione, vel habitu ; ista autem in exercitio debent familiari quadam sedulitate versari. Sicut enim sacerdotis est proprium sacrificiis offerendis insistere, doctoris est predicare ; ita nihilominus eremitæ officium est, in jejuniis, silentioque quiescere. Unde non frustra reperitur ab antiquis vitæ hujus institutoribus dictum : *Sede in cella tua, et retine linguam tuam, et ventrem, et salvus eris.* Venter siquidem reprimendus est, ne dum ipse im-

moderate repletur cibis, cætera quæque membra inflat vitiiis. Lingua vero restringitur, quia indisciplinate laxata, supernæ gratiæ vigore animam vacuat, **334** et a statu salutiferi rigoris enervat. Verumtamen modus atque discretio in talibus est adhibenda ; ne quod indifferenter agitur, velut onus importabile, per intolerantiam pusillanimitèr deponatur. Sicut ergo supra promissum, quæ in hac eremo vivendi regula teneatur, breviter explicemus : ut dum hanc quasi quoddam vivendi metrum considerationis tuæ oculis apposeris, sive excedens, sive inferius gradiens, ad hanc sedula intentione recurrens, errare non possis.

CAPUT VI.

Regula jejunii ac refectionis.

B Ab Idibus itaque Septembris usque ad resurrectionem Dominicam, quinque per hebdomadam diebus tenetur hic ex more jejunium. Ab octavis autem Paschalis festivitatis usque ad sextum diem Pentecostes, quatuor tantum per hebdomadam diebus jejunium celebratur. Hac videlicet discretione servata ut propter Dominicum diem, de cujus speciali reverentia nullus addubitat, etiam tertia et quinta feria bis in die reficiant fratres. Illo enim tempore licet aliquanto remissius vivere : tametsi minime prohibeantur monachi auctoritate sacrorum canonum jejunare. Ab octava vero Pentecostes usque ad Nativitatem B. Joannis, tertia quidem feria pulmentum fratribus hora nona tribuitur, quinta vero feria refectio iteratur. Porro a festivitate S. Joannis usque **C** ad Idus Septembris, tertia et quinta feria bina refectio in die teneatur : reliquis vero quatuor diebus jejunium ex more servetur. Salvo videlicet eo, quod si quis inter fratres infirmari conspiciatur, mox illi, prout necesse fuerit, misericorditer subvenitur. In festivitibus duodecim lectionum, quæcunque veniunt ab Idibus Septembris usque ad Resurrectionem Domini, semel tantum reficiant fratres ; exceptis videlicet his solemnitatibus, omnium sanctorum, S. Martini et S. Andreæ, hebdomada Natalis Domini, et uno die Epiphaniæ, et Hypopanti. Quibus minimis diebus iteratur pro more refectio. In cæteris autem festivitibus una tantummodo sint refectioe contenti.

D Notandum autem, quia non omnes, quæ in monasterio, etiam in eremo celebrantur festivitates. Et hæc quæ illic fiunt, plerumque transmutantur, ut aut in tertia, aut in quinta feria celebrentur : exceptis nimirum præcipuis festivitibus, quæ ob reverentiam dignitatis mutari non possunt. Plerasque autem festivitates, quæ non adeo sunt præcipuæ, sive in quadragesimali tempore, sive per totius anni curriculum, cellerarius cum his qui juxta ecclesiam commorantur, cum duodecim celebrent lectionibus : atque si priori videtur, aliqua illis, rarissime tamen, misericordia refectionis impendatur. Cæterum ii qui per diversas sunt cellulas constituti, dum foris minime prodeant, trina lectione contenti, jejunium ex more conservent. Jejunare autem illos dicimus,

qui p nem cum sale et aqua percipiunt. Ubi præter hæc aliud quid additur, in eremo jejuniū non vocatur. Præter autem illis quadragesimis **335** quæ vel N. t. le Domini, vel sanctum Pascha præcedunt, nonnulli fratres hic sunt, qui totam hebdomadam jejunando transcurrunt; et quotidie, exceptis Dominicis, in pane et aqua vivunt. Quidam etiam fratres in utroque quadragesimæ non solum quibusque festivitibus, sed et Dominicis diebus coquinaibus abstinent. Quod nos in Dominicis diebus primo quidem propter excellentiam sanctæ Resurrectionis curavimus prohibere, sed rursus coacti sumus fraterna supplicatione permittere. Vescuntur autem pomis, et herbarum radicibus, ac leguminibus infusis, vel etiam elixis.

Nec illud plane silenter omittimus, quod in quadragesimæ utriusque principio omnes monachi, necnon et laici triduanum jejuniū districte conservant: ita ut qui a percipiendis alimentis omnino se compescere nequeunt, solo tamen pane simul et aqua contenti vivant. Est autem consuetudo fratribus omni tempore duo in Dominicis diebus habere pulmenta, propter duas scilicet quadragesimas superius nominatas: in quibus per omnes, et Dominicas videlicet, et sanctorum festivitates, uno duntaxat probantur esse contenti. Cæteris autem diebus, quibus nimirum temperato jejuniū remissius vivunt, si bis in die comedunt, duo illis pulmenta fiunt, prandentibus unum, cœnatis alterum exhibendum. Sin autem una sit refectio tantum, unum sit nihilominus et pulmentum. Quod autem in Dominicis diebus duo hic fieri solere pulmenta meminimus, constat extra eremiticam regulam idcirco fuisse permissum, quia perraro huc ab extraneis oblationum deferatur xenium. Cæterum ubi locus frequentatur devotione fidelium, cessat procul dubio geminatio pulmentorum.

Unde fit ut in illa eremo, quam auctore Deo in latere Snavicinii montis ipsi construximus, pulmentum præter unum, cunctis æque temporibus penitus ignoretur. A vino autem aliquanto tempore continuimus, ita ut neque laici, neque extrinsecus venientes, vel etiam in Pascha Domini aliquid hic præter aquam liberent: neque vinum hic, nisi pro sacrificio haberetur. Sed quoniam et hic manentes cœperunt ægotando deficere, et quidam ad eremiticam vitam transire cupientes, hujus rigoris observantiam videbantur penitus abhorrere, fraternæ, sive, ut verius dicam, communi imbecillitati dispensatorie condescendentes indulimus, ut vinum servato sobrietatis moderamine biberetur. Ut quod cum Joanne non possumus ex toto relinquere (*Luc. 14*), saltem cum Timotheo Pauli discipulo meminerimus infirmo stomacho parcere, et humiliter ministrare (*1 Tim. v*); et qui prorsus abstemii esse non possumus, esse saltem sobrii studeamus. Verumtamen in prædictis duabus quadragesimis consuetudo tenuit, ut neque monachis, neque laicis vini, vel etiam piscis perceptio concedatur: exceptis his quatuor festivita-

tibus, sancti scilicet Andree, B. Benedicti, et Dominica palmarum, et Cœna Domini: quibus nimirum sacratissimis diebus pisces, et vinum excellentium solemnitate lætitia invitante percipiunt. In Sabbato autem sancto, nec non et vigilia Natalis Domini, ut labor ecclesiastici releveretur officii totum panem, **336** qui voluerint, comedunt: alium vero cibum, sive laici, sive monachi penitus non admittunt. Tres autem solummodo octavæ per annum ita celebrantur, ut jejunare hic nemo cogatur, id est Dominicæ resurrectionis, et sanctæ Pentecostes, atque Natalis Domini. Sed quibusdam, quia propter desuetudinem grave est totius hebdomadæ binam continuare refectioem, quoniam quidem hoc humiliter expelunt, jejunare aliquantulum pro misericordia concedunt: quanquam in octavis Pentecostes et ecclesiastica traditio, et Patrum decernat auctoritas jejunandum. In reliquis vero octavis quarumlibet festivitatum, ecclesiasticum quidem, prout regularis ordo postulat, tenemus officium, tenorem vero consueti jejunii non mutamus.

CAPUT VII.

De servorum disciplina.

Ut autem tota domus Dei sub regulari custodia, et disciplina teneatur, et unumquodque membrum operetur in corpore, juxta suæ proprietatis officium, famuli quoque, qui huic loco deserviunt, ab assignato sibi vivendi ordine non recedunt: qui nimirum per totius annalis spatii cursum tribus per hebdomadam diebus tenent ex more jejuniū. In illis autem duabus quadragesimis quatuor dies jejuniū dedicant, exceptis his, qui in viam longius diriguntur. Porro quocunque prodeant, omni tempore carnibus non vescuntur: proprium etiam aliquid habere nihilominus, sicut et monachi, prohibetur. Nonnulli quoque ad audiendi Psalterii vigiliis maturius surgunt, cum his videlicet fratribus, qui apud ecclesiam commorantur. Promissionem autem ingredientem hanc faciunt: *Ego frater N. promitto obedientiam et perseverantiam omnibus diebus vitæ meæ in hac eremo, quæ est ædificata ad honorem Dei, et sanctæ Crucis; pro timore Domini nostri Jesu Christi, et remedio animæ meæ. Quod si aliquo unquam tempore hinc fugere, vel abire tentavero; liceat servis Dei qui hic fuerint, me plena sui juris auctoritate requirere, et coarctate ac violenter in suum servitium revocare.* Scriptæ ergo huic promissioni signum crucis ipsi præfigunt: et ab aliquo fratre coram omnibus lectam ponunt super altare. Monachi autem nullam promissionem faciunt, præter eam tantum, quæ in monasteriis fieri consuevit: solo duntaxat eremi nomine permutato. Enimvero et monachi et laici introire volentibus, omnia dura et aspera proponuntur: videlicet extremitas, vel etiam nuditas vestium, penuria ciborum, propriæ voluntatis aversio, durissimæ correptionis asperitas, contumeliæ, reprehensionum, laboris, et assiduæ fatigationis instantia. Hæc, et hujusmodi multa, quæ nimirum nos idcirco prosequi, et enumerare negligimus, quia hæc

eandem in monasteriis fieri regulari traditione minimis.

337 CAPUT VIII.

De panis mensura, et spiritualibus exercitiis.

Panis autem eadem in eremo, quæ et in monasterio est mensura, hac tamen discretione servata, ut in diebus quidem refectionis sive singulæ, sive binæ, si totum vult frater comedere, reprehensioni non cogitur subjacere. In diebus vero jejunii, quia unusquisque frater lances habet in cella, illis semper librat, quod sibi met cœnatus apponat. Mensura autem illa hunc habet modum, ut superaddito quadræ dimidio dinidium buccellæ totius appendat: quadra videlicet remanente integra semis. Et ut nulla dubietas super hujusmodi mensura remaneat, novem onicem, vel tria anserum ova libratis lancia tantumdem pensant. Et de jejuniis quidem, et de mensura ciborum ista sufficiant.

In cæteris autem spiritualis exercitii studiis, quæ sit hic continui fervoris instantia, quæ sollicitudo, quam vigil et operosa frequentia, timeo scribere; ne et meipsum forsitan eis cohabitantem, etsi non cooperantem, vana videar elatione jactare. Hoc tantum mihi dicere liceat, quia non parva hic diligentia est in flexionibus genuum, in disciplinis scoparum, et in cæteris hujusmodi: quæ nimirum, frater charissime, quia eorundem hæc satagentium vis vocibus clarius potes addiscere, non expedit hic omnia litteris adnotare.

CAPUT IX.

De psalmodia.

De psalmodia vero hæc consuetudo est, ut cum duo simul commorantur in cella, duo persolvant in die Psalteria: unum pro vivis, alterum pro defunctis. Et illud quidem quod est vivorum, cum illis dicitur additamenti, quæ B. Romualdus apponit, quæ etiam nos non gravemur inserere; ne nos conqueratur forte novitius, quæ sibi magnopere noscenda sunt, præterisse. Decursis plane quinque psalmis, protinus subinfertur: *Gloria tibi, Trinitas, æqualis una Deitas, et ante omne sæculum, et nunc et in perpetuum. Orate pro nobis, omnes sancti Dei, ut digni efficiamur promissionibus Domini Dei nostri Jesu Christi. Pater noster.* His expletis, mox subditur: « Adjutorium nostrum in nomine Domini, qui fecit cælum et terram (Psal. cxxiii). » Et evolutis aliis quinque psalmis, tunc dicitur: *Te Deum Patrem ingenitum, te Spiritum sanctum paracletum, sanctam et individuum Trinitatem, toto corde et ore confitemur, laudamus, atque benedicimus, tibi gloria in sæcula. Amen.* « Domine Deus, in adjutorium meum intende, Domine, ad adjuvandum me festina. Confundantur, et revereantur inimici mei, qui quærent animam meam. Adjutor meus, et liberator meus esto, Domine, ne tardaveris (Psal. lxxix). » *Gloria Patri, et Filio, et Spiritui sancto.* Quo finito rursum dicitur: *Adjutorium nostrum in nomine Domini.*

338 Hæc igitur per quinquenos psalmos alternatim semper adduntur, donec Psalterium cum tribus Domi-

nicalibus, nec non et totius hebdomadæ canticis expleatur. His etiam non neglectis, quæ in fine Psalterii videntur adjecta, videlicet, *Te Deum laudamus; Nunc dimittis, Domine, servum tuum;* duobus symbolis; *Gloria in excelsis Deo; Pater noster,* cum fide catholica; postremo litanie cum orationibus hæc omnia consueto fine concludunt. Psalterium vero pro defunctis cum novem lectionibus dicitur, tribus nimirum per quinquagenos psalmos: qui autem solus moratur frater, Psalterium quidem vivorum totum per singulos dies adimplet; defunctorum autem sive medium, sive totum, juxta quod virium possibilitas administrat. Horarum autem psalmodia canonica omnino sicut in monasterio, ita hic per ordinem nihilominus tota persolvitur.

CAPUT X.

De silentii rigore.

Hoc autem inter cætera prætermittendum non est, quia in cellulis continuum tenetur, sicut revera in oratorio, ex more silentium: nec permittitur, ut illic alter alterum vel pro confessione loquatur, excepto si priori visum fuerit, ut novitiis, eorumque institutoribus ad tempus aliquantulum loquendi licentia concedatur. Si quid autem loqui indigent, ad Ecclesiam prodeunt, quæque sunt necessaria, manifestant. Est enim revera, ut experimento cognovimus, animarum magna destructio, ubi passim fieri colloquium in cella permittitur. Nam dum infirmi quique fratres, qui sub confessionis specie se invicem visitant, brevier expleant quod cœperant, ad alia se mox frivola et otiosa, data semel procaci linguæ libertate dilatant: et obliiti repente quare convenerint, mox fratribus suis, vel etiam prioribus detrahunt: et quos amare sinceriter, et pure debuerant, dente, ut ita loquar, livido mordaciter rodunt. Deinde ad sæcularia transeunt, et quidquid est, quod in uribus agitur, de eo in cellula disputatur. Necdum id ad aures vulgi fama pertulit, unde plerumque monitum jam secreta complevit. Adde, quod absentibus arbitris, quanto reprehensionis securiores sunt, tanto, quidquid linguæ confluerint, liberior fundunt. Sicque fit, ut qui purgandi sese causa conveniant, cumulato linguæ contagio a se invicem sordidiores abscedant.

CAPUT XI.

De monasticæ institutionis observatione.

Illud etiam non minima pars pœnitentiæ est, quod omni tempore sive æstate, sive hieme, non calceis, non ocreis utuntur in cellulis; sed nudis semper cruribus, et pedibus consuetudo est permanere, exceptis his, qui graviori molestia infirmitatis urgentur. Regulari autem est monasteriis (S. BENED. Reg. cap. 54), ut ii, qui in viam diriguntur, foris non comedant, si eo die sperant **339** reverti. Cui videlicet observantiæ illud etiam apud nos additur, ut sive ipso, sive alio die fuerit quis egressus, exceptis præcipuis festivitatis, jejunus semper ad eremum revertatur: sin alias pœnitentia non deerit.

De cæteris vero monasticæ institutionis observa-

tionibus, quidquid in regulari et districto monasterio tenetur, idem etiam hic caute et solerter nihilominus custoditur: videlicet de promptissima obedientia, ut quodcumque præcipitur, humiliter et ferventissime peragatur; de non dando, vel accipiendo sine jussione prioris, de proprio non habendo; ut dum sunt in claustris, quod est juxta ecclesias, sive in festis diebus, sive omnibus incompetentibus horis silentium teneant; ut in capitulo, in oratorio, in refectorio regularem consuetudinem non postponant; ut cum hospitibus non loquantur; atque ideo a cellulis usque ad ecclesias sine venientes, sive redeuntes, a censura silentii non recedant (S. BENED. Reg. cap. 8, 53, 54; 3, 55, 42, 52 et 53): enumerare postponimus, quia laciniosi styli fastidium devitamus.

CAPUT XII.

De pietate erga defunctos.

Illud etiam silentio præteriri dignum esse deducimus, quia cum frater quispiam ex nostris obierit, qui videlicet nobiscum degunt, pro eo unusquisque septem dies jejunit, septem disciplinas cum millenis scoparum ictibus accipit, septingentas metancas facit, triginta insuper Psalteria ex more decantat, et unusquisque sacerdos septem missas illi pro sua persona persolvit, salvo eo, quod continuis quoque triginta diebus pro eo missarum solemnia in conventu communiter celebrantur. Hæc igitur hujus loci regula nulla voti varietate postponitur; hæc consuetudo circa defunctos districta prorsus, et inviolabili semper observatione tenetur.

Si autem quis fortasse novitius, vel quolibet modo inunctam penitentiam morte præveniens consummare non potuit, mox ut ad fratrum notitiam res patefacta pervenerit, cum magno fervore tota penitentia, parili facta inter eos divisione suscipitur: et quantalibet sit, brevi spatio per diversos afflictionis modos ovanter expletur. Pauca igitur de ea, quæ nunc est, hujus eremi conversatione sufficiant: ut per hæc, quæ breviter adnotantur, valeat colligi quid ex his, quæ silentio prætermittuntur, debeat æstimari.

CAPUT XIII.

Adhortatio.

Hæc itaque, dilectissime fili, quæ de fratrum nostrorum tibi conversatione protulimus, diligenter intuenda præ oculis pone; vires etiam tuas velut in statera districtæ examinationis appende: ut sive subidas, sive magis emineas, dum triti metam jugiter contemplaris itineris, per anfractuum divitacula prorsus oberrare non possis. Nam et pictor imaginem 340 compilationis gratia sibi met pro scheda constituit, qui tamen ad mensuram tabulæ, quæ versatur in manibus, omnia redigit, et huic coaptata mutuat operis libramenta componit. Tu etiam nihilominus juxta modum virium, quem tibi cœlestium charismatum Largitor infuderit, hæc tibi sic in exercitium arripe, ut noveris, quantum cogaris ex necessitate minuere, vel quantum hæc in te per accessum gratiæ possis augere. Nonnulli nempe totam

hebdomadam jejunando facile transigunt, quidam vero etiam bidui jejunium molestissime ferunt: sed in his exhibendis non dispar meritum uterque sortitur, et robustus videlicet, qui fortia peragit; et debilis, qui ea, quæ prævalet, minima non relinquit.

Quapropter difficile est definitivam communemque regulam super jejniis constinere, ne cogere videamur vel fortiores a sua perfectione languescere, vel debiles viribus suis majora tentare: *Unusquisque enim proprium donum habet ex Deo, alius sic, alius autem sic.* Nam et apud antiquos Patres nostros, plerosque legimus exstitisse, qui etiam simul in communi congregatione videntes, non communem vivendi regulam tenuerunt. Vires ergo suas unusquisque considerans, non semetipsum inaniter fallat: non se simulata debilitate decipiat: sed prout viderit se posse, sub sobrietatis legibus, et abstinentiæ se rigore constringat.

CAPUT XIV.

De iis qui arctiori vivendi genere se obstrinxerunt.

Porro et inter nos quoque nonnulli fratres sunt, qui longe alia, quam hic scriptum est, via conversationis incedunt, et arctiori se non minimum vivendi lege constringunt. Alii siquidem nullo unquam tempore vinum bibunt, vel acetum quomodolibet hauriunt: alii vero ovis, lacte simul et caseo, suilla quoque pinguedine non vescuntur; plerique mattarum velut mollia strata despiciunt, et papyrinis ad quiescendum contenti sunt storeis, ita ut palearum quoque stramenta subjici prorsus abhorreant: alii asperima quæque cilicia tanquam mollia, ac delicata indumenta contemnunt, et loriceis ad carnem ferreis induuntur. Non deest, qui totius anni tempore per singulos non modo communes, sed etiam festivos, atque Dominicos dies, dimidio sit pane contentus. Hic idem frater per integrum et dimidium circiter annum quinque diebus hebdomadæ cibum non tetigit, solis autem Dominica, et quinta feria comedere contentus fuit. Nunc etiam Dominicus diebus, et quinta feria post horam videlicet nonam sic uno pulmento reficitur, ut secundum prorsus ignoret.

Est etiam qui continentia et sobrietatis amore non modo ponis, sed et capis et porris, cunctis videlicet herbarum acuminibus se decreverit abstinere. Et qui utroque quadragesimali tempore singulis quibusque diebus, aliis geminato pugillo cicoris vivat, quinta vero feria semper, tertia autem raro panem solummodo comedit. Hic etiam lumbos suos ferrea 341 semper catena circumdat, ne quando modum sobriæ refectionis excedat.

Confessus est mihi quidam ex senioribus nostris, quia cum solus in cella comederet, non sibi juxta pruritum famis alimenta citius indulgeret, sed remorando, ac protrahendo, raro videlicet, atque minutius micas potius quam frustra panis in os mitteret, et sic se inter ipsa corporis alimenta durior per inopiam cruciaret: ut ipse etiam cibis

non tam resolveret quam poneret, et refectio potius A videretur esse d'centa defectio, dum non delectando reficeret, sed affligendo potius castigaret. Corrigi adolescentem nostrum indolis adhuc ephæbæ, acriori insuper verbere castigavi, quia cantabricii panis quadra vivebat in die, et ita vix demum, ut ad medium usque relaxaretur, obtinui; qui nimirum tunc ferrea loricatus interula a Dominico die usque in quintam feriam nullum penitus cibum sumpserat, tribus vero reliquis hebdomadæ die'is solo pane vivebat. Habemus inter nos fratrem adhuc ætate juveniculum, et conversione novitium, qui totum implere Psalterium extensis in altum brachiis consuevit; per quinquagenos videlicet psalmos brachia fatigata deponens, sed antequam vel unum productiorem psalmum B decurrere valeat, iterum subrigens. Habemus et alium incurvum jam senem, qui duo Psalteria sub una brachiorum extensione decantat: unum videlicet cum canticis et litanis, multisque orationibus; alterum vero pro defunctis cum novem lectionibus.

Dicam, sed quis sciat, utrum fides assertioni ti-
delissimæ præbeatur? Sed parvipendendum est,
si humana temeritas arguat, quem summa Veritas
falsitatis excusat. Idem senex, Dominicus nomine,
nonnunquam uno die continuato cum nocte, novem
Psalteria meditando decurrit, et interim pene sem-
per utraque manu scopis armata nudum corpus
afficit. Notandum autem, quia dum peragere satagit,
nocte, vel die sibi dormire non vacat, sed aliquando
genua flectens, dum caput terræ deponit, sic nudo
repente somnus obrepit, quo videlicet solo con-
tentus est. Hic mihi aliquando fraterna familiari-
tate conquestus est, quia cum novem sic Psalteria
sepe modulando perficeret, ad decimum nunquam
potuerit pervenire. Novi fratrem, qui se fateretur
toties psallendo genua flectere, quot in se verus
totum Psalterium contineret; cum videlicet
Psalterium quatuor fere millia versuum habere di-
catur, sicut asserunt qui supputandis operam de-
derunt.

Sed et hæc prolixius idcirco non prosequor,
quia et eos, de quibus loquor, offendere timeo;
et illis cohabitare, quibus non cooperor, aliorum-
que narrare fervorem frigidus erubescio. Dignum
autem credo robustis ac perfectioribus viris ista
relinquere: sed et hæc ipsa mitiora quæ superius
scripta sunt, aliquantisper sub modesto discretionis
libramine temperare; ut dum valentiores quique
per altum virtutum pelagum citato fervent remigio
currere, imbecilles etiam littoris vicina secantes,
non compellantur hærenti lembo in arenosis syrtibus
remanere.

342 CAPUT XV.

De eremitarum jejuniis.

Veruntamen ne quod scribimus, prorsus a regulæ
solutum lege nutare videatur, credimus unumquem-
que fratrem in cellula commorantem, nisi omnino

ægrotus sit, ita ut decumbat quidem in lectulo, toto
anni tempore, sive æstate videlicet, sive hieme,
tribus per hebdomadam diebus jejunare in pane et
aqua cum Dei adjutorio facillime posse: et quoniam
Sabbato jejunare etiam canonice traditionis authen-
ticum est, non grave videatur fratri etiam Sabbato
refectionem ad nonam horam usque differre; ut se-
mel quidem ipso die reficiatur, sed tamen vinum
atque pulmentum percipere ex hujus nostræ institu-
tionis indulgentia non vetetur. Et hoc quidem
æstate. Nam ab Idibus Septembris usque ad Paschale
gaudium, quatuor per hebdomadam diebus noverit
jejunandum: sed etsi aliquando tanta debilitas ac-
ciderit, hiberno etiam tempore die Sabbati aut legumi-
nibus infusis, aut herbarum radicebus, sive etiam
pomis solitum licebit aliquantisper temperare jeju-
nium. Ita tamen ut si unum quodlibet horum sumat,
aliud, nisi veræ necessitatis causa dictaverit, non
adiciat. Postremo tamen propter pusillanimes, si hic
necessitas omnino poposcerit, quæ fieri permissa
est in æstate, eadem Sabbatorum discretio servetur
in hieme.

De festivitibus quoque, quæ hiemali tempore
celebrantur, in quibus nos asseruimus semel in die
solere comedere, liceat geminare cibum, sicut mos
est cœnobarum. Porro in duabus quadragesimis,
videlicet, quæ Dominicam Nativitatem, Resurrectio-
nemque præcedunt, tertia quidem feria, et quinta
pulmentum sumat; Dominicis autem diebus et præ-
cipuis festivitibus, addita insuper quinta feria,
etiam vinum bibat. Pulmento autem uno quadrage-
simali tempore contenti sint fratres, quando semel
reficiunt; quando vero refectionem geminant, alte-
rum prædantes, alterum cœnantes accipiant. Reli-
quo autem anni tempore duo semper habeant. Domi-
nicis quoque diebus, et majoribus festivitibus, si
facultas affuerit, etiam tertium non negamus.

CAPUT XVI.

Discretio prælati in moderandis subditis.

Discretionem tamen debiliū in prioris arbitrio
ponimus, nimirum ut ipse possibilitatem uniuscu-
jusque consideret: et prout cuique viderit expedire,
pie illis alimenta dispenset. Nam et nos approbamus,
quod suis sæpe discipulis B. Romualdus dixisse per-
hibetur: Dummodo, inquit, frater quilibet cellam
non deserat, etiam carnes permittatur ex discre-
tione comedere, si tam inevitabilis videatur necessi-
tas imminere. Addebat insuper: Tale enim prope-
modum est de eremo ad monasterium reverti, quale
de monasteriali ordine ad sæculum asportari. Unde
necesse est, ut 343 quicumque eremiticæ præest
fraternitati, robur cujusque diligenter examinet, et
juxta virium facultatem necessaria subministret. Et
quidem si omnes sub unius regulæ mensura vivere
prævalent, optimum est; alioquin si unus, aut for-
tasse plures indigent, quod ii, qui incolentes sunt
necesse non habent, clam videlicet, et occulte sic
infirmis pia exhibeatur humanitas, ut valentes sine
invidiæ stimulo in sui rigoris permaneant disciplina.

Neque enim necesse est, quod uni casus irrogat, illico regulare omnibus fiat : cum et idem frater, qui hodie subveniri sibi per humanitatem postulat, secunda fortassis confortatus hebdomada, ejusdem humanitatis impendia non requirat. Nam et idem B. Romualdus, ut sui consueverunt referre discipuli, sic æstivi temporis hebdomadas alternabat, ut una quidem a Dominica in Dominicam in pane et aqua jejunando transigeret; alterius vero hebdomadæ pulmentum quinta feria manducaret. De conversis quoque quantum jejument, ejusdem prioris provideat diligentia.

CAPUT XVII.

De somni ratione.

De somno quoque non tam dura quibusdam restrictio quam modesta discretio necessaria est. Melius quippe est somnum carni temperata quadam dispensatione concedere, et ferventer postmodum in Dei laudibus excubare, quam summoienus soporatum dissolutis tota die labiis oscitare. Enimvero nuperrimis etiam prædecessoribus nostris consuetudo non erat, ut aliquo tempore dormirent in die; nos autem æstivis diebus dormimus quidem, sed ut indubitanter experti sumus, quidquid proventus in die dormientes amittimus, hoc et maturius nocte surgentes, et expeditius divinis insistentes obsequiis compensamus.

Notandum autem, quia ante nocturnæ synaxis officium, si vel profundior adhuc nox, vel quolibet modo graves videntur esse vigiliæ, repetere acubitum licet : post nocturnum autem omnino non licet. Unde nos, ut hæc regularis observantia posset facilius custodiri, hoc instituimus, ut quotidie signum primitus ad vigiliæ sonet, deinde expleto ex more Psalterio, vel quantum ratio temporis considerata permittit, sonante iterum signo, nocturnale peragatur officium : ut juxta diluculum, quo videlicet tempore gravius incumbit acedia, stantes nos et canonicis inveniat occupatos officiis. Absit enim tunc nos sopori vel ignaviæ cedere, qua videlicet hora constat Redemptorem nostrum destructo mortis imperio surrexisse; ne si tunc dormiamus, quando oriente debet corporeo, etiam interior noster homo lucem debet innociduum expectare, quod absit, irrisio nobis videatur illa congruere : Discipuli ejus nocte venerunt, et nobis dormientibus, furati sunt eum (Matth. xxviii).

Caendum est autem, ne somno quis vel ad momentum quidem incompetentibus horis assentiat. Nam si sedenti quidem, vel etiam stanti frequenter obreperit, postmodum cum dormire voluerit, 344 ab ejus oculis sopor abscedit. Sic nimirum dormitatio vigiliam, et vigilia dormitationem parit : cum et qui dormitat, invitus postmodum vigilet, et rursus qui diutius vigilat, ex necessitate dormitet. Cui similem etiam indiscrete comeditibus sæpe contingit. Hinc namque est, quod nonnulli ridicule delirantes, superfluo conqueruntur se cænare non posse, quod certe ex immoderati

ingluvie prandii manifestum est provenire. Nam si frugalitatis metam in prandio non excederent, vesperinam mensam non tantopere fastidirent. Ut ergo cænare quis valeat, ac mox quiescenti sopor incumbat, et sobrie prandeat, et dormitationis ignaviæ non admittat. Nonnulli autem, quod prætereundum non est, ut nocte securius dormiant, et usque ad satietatem longis profundi soporis stertitionibus intumescant, dum adhuc dies est, psalmodiam anticipare festinant : quibus nimirum districte prohibendum est, ne antequam suo tempore Completorium dicant, psalmos incipiant.

CAPUT XVIII.

De psalmodia privata ac publica, nec non aliis eremitarum exercitiis.

Psalterium autem unusquisque frater quotidie unum decantet, si vero pro defunctis vult addere vel totum Psalterium, vel medium, sive saltem tertiam partem, aut ex toto dimittere, ejusdem fratris relinquatur arbitrio; dum tamen meminerit omnem psalmodiæ ordinem, videntium scilicet et mortuorum, sicut in monasteriis actitur, explorare. Quatuor autem illis diebus, quibus jejunandum esse censuimus, silentium teneant, nisi forte necessitas superveniens aliter imperaverit. In ipsis autem cellulis nunquam loquantur alicui, nisi forte aut omnino morentur inclusi, aut etiam sint juxta monasterium constituti. Sed nec alium cum alio fratre sive de proprio conventu, sive cum extraneo præsumat aliquando simul in cella comedere, vel ad comedendum alios invitare, ubi nimirum non licet etiam confessionem cum alio fratre verbis vulgaribus agere.

Si duo simul fratres in cella cohabitant, unus semper præsit, et alter obediat, juxta communis videlicet prioris imperium : quod si uterlibet eorum novitius est, semel, aut bis in hebdomada post vesperam colloquendi licentiam habeant : at postquam novitius esse desierit, a mutua deinceps colloquutione cessabunt. A cellulis venientes, vel ad easdem redeuntes, sicut superius dictum est, semper silentium teneant. Cum signum sonuerit ad congregandos fratres, quicumque intellexerit, non habeat licentiam, dum se præparat, remorandi in cellula, ultra quam quinque psalmos valeat decantare.

Caveat autem utilis frater, ne res suis necessitatibus deputatas, seu quælibet utensilia deterere præsumat, vel incaute tractare : utpote vestes, ferramenta, vasa, vel his similia. Præsertim libros sanctos ita custodiat, ut nunquam manum super litteras teneat, nunquam fumo nigrescere, vel ignis odorem [f. ardo-rem] 345 permittat. Ponat autem juxta se quæque sibi sunt familiarius necessaria, ut cum usum horum necessitas postulat, ipse ad exhibendum sibi frequentius surgat. Tantopere quippe vagatio est vitanda, ut nec per ipsam cellulam spatiari inaniter liceat. Porro si voluerit, calceis utatur in cellula.

Super metancois vero disciplinis atque palmatis, sive etiam brachiis extendendis in orationibus, ceterisque sancti fervoris exercitiis, nulla fratrem lege constringimus, quin potius suæ committenda provisionis arbitrio judicamus. Sunt enim quibus horum aliqua non conveniunt, atque ideo tutum videtur, atque liberius, ut in talibus magis optio proponatur, quam definitiva regulæ sententia præscribatur. Radant autem caput per menses singulos, exceptis quadragesimis duabus, quæ nimirum sine lavaacro caput transigenda sunt. Balneis vero si fuerint incolumes, non untantur. Hæc itaque nos remoto omni austeritatis rigore, ideo sub tam modestæ discretionis libramine constituimus, ut frater, qui de sua est salute sollicitus, institutionem salutiferam non abhorreat : et tamen si hæc fecerit plenissime de omnipotentis Dei miseratione confidat. Verumtamen hæc regula post nostrum teneat oblitum : nam dum vivimus, assuetum minui, Deo largiente, non patimur institutum.

Illud plane summopere est cavendum, ne sub colore quis eremiticæ vitæ jugum detrectet obedientiæ, imo tanto se arctiori obedientiæ lege constringat, quanto hanc institutionem superexcedere cœnobarum regulam non ignorat. Sæpe enim frater de cella ad cellam jubetur habitaturus abscedere, nec aliquod utensilium, quæ suo etiam ipse labore paraverat, permittitur asportare. Sæpe optantes in remotione quiescere, ad peragendum opus compelluntur exire. Aliquando claves cellarum foribus subtrahuntur, et quam longo tempore nisi per singulos dies Dominicos non redduntur. Aliquando districtam sibi victus continentiam indicentes coguntur remissius vivere ; volentesque reficere, compelluntur e contrario jejunare. Sæpe post sagma-rios frater procul ire præcipitur : sæpe distrahendi vel cœmendi gratia ad nudinas destinatur. Sed hæc et alia quæcumque a priori mandantur, ita patienter, et humiliter sunt servanda, ac si fuerint divinitus imperata. Obedientiæ quippe et bonæ nostræ commendat et negligentia offensas excusat.

Ut ergo nostra sit remotio vel afflictio fructuosa, salutiferæ sit semper obedientiæ sale condita : et quoscunque boni operis vita nostra ramos expandat, in radice semper obedientiæ necesse est coalescat. Enimvero nos omnia hujus institutionis præcepta minutim non describimus, sed multa quæ et passim nobis occurrunt, ex studio præterimus. Quidquid enim in B. Benedicti Regula, quidquid in institutis, sive in collationibus Patrum est dictum, huic competere disciplinæ peritiam ; tamen in unum hic cuncta colligere superfluum judicamus. Huc accedit quod ipsa cellula, et diuturna conversatio perseverantem efficaciter instruit, et per processum temporis rebus aperit **346** quod verbis presterpentibus explicare carnis lingua non possit. Unde nos ex pluribus paucis, eademque breviter perstringendo transcurrimus, majoremque hujus sanctæ disciplinæ peritiam ipsi potissimum cellulæ reservamus. Perseveret enim

tantummodo frater in cella ; illa habitatorem suum omnem vivendi ordinem plenius edocebit.

CAPUT XIX.

De cogitationibus vanis et nocuis non suscipiendis, vel expellendis.

Nunc autem ex his quæ versantur in mente, pro styli compendio breviter disputemus ; ut in spirituali certamine dimicantem adversus cogitationes proprias, et pugnas diversas quasi quibusdam telis insuperabilibus instruamus. In primis igitur, filii, quicunque manus ad configendum paras cum invisibili hoste conserere, satage mentem tuam ab omni suggestionum obrepentium impetu pervigili custodia communire ; et sicut quisquilias, et quæque purgamenta, quæ de operibus manuum tuarum decidunt, in ignem protinus abjicis ; ita nihilominus cogitationum tuarum motus in Deum projice. Et quoniam ipse ignis consumens est (*Hebr. xi.*), illi superflua cordis tui ad consumendum trade ; memorans illud apostolicum : « Omnem sollitudinem vestram proficientes in eum, quoniam ipsi est cura de vobis ; (*I Petr. v.*) » Et Propheta : « Jacta, inquit, cogitatum tuum in Domino, et ipse te enutriet (*Psal. lrv.*) » Unum quippe viriliter decertanti e duobus deesse non poterit : ut videlicet suggestionibus, aut ingredi tentantibus vigil semper obsistas, aut ingressas eliminare contendas. Sed facilius est hostiles impetus in vestibulo frangere, quam admissos extra mœnia propulsare : tutius est arcere præ foribus, quam laribus intromissos in terga compellere.

Pone itaque tentationem quasi serpentem. Serpens nempe si ab ipso aditu præsto repellitur, sama sunt omnia : nil omnino corrumpitur, nil eorum, quæ intus sunt, inquinatur. Si autem semel fuerit admissus, tametsi quavis instantia postmodum cogatur abscedere, de veneno tamen ejus, vel squamis necesse erit aliquid vel perexiguum remanere. Ergo sollicitus esto semper, ut tentationi principio nascenti velut armatus, et expeditus occurras : et parvulos orientium cogitationum motus ad petram, qui est Christus, allidas (*I Cor. x.*). Crede frequenter experto, sæpe certe tentationem quasi deliberrantes admittimus, nobiscum videlicet primitus paciscentes, quod eam quantocius egeremus : sed licet suggestionem illam postmodum per egressum confessionis emittimus, licet poenitentia nosmetipsos afflictione punimus, nescio quo pacto quibusdam pollutionis exclusæ reliquiis diu post carere non possumus ; et justo judicio, qui prius volentes vano phantasmate jactabamur, nolentes postmodum acrioribus mordacis conscientia stimulis pungimur.

347 CAPUT XX.

De gula illecebris fugiendis.

Et quia prima omnium gula adversus insipientes illecebrarum suarum consuevit arma vibrare, adversus hanc bestiam et ipse servidus irruere, continentia te telis accinge. Suadet illa ut modum refectionis excedas ; tu tui corporis frenum tenens ad satiata tem nunquam pervenias : suggerit forte lautiores

cibos appetere; tu post peractum munus, quo cibi reponantur, attende. Si enim digne perpendimus, ejusdem fere vesaniæ est esculentiores epulas inhære, et anergia cum eisdem in cuniculos mergenda depingere: æque nimirum ambitio utraque ridenda est: quia sicut egestionum sordes melius pictura non tergit; ita etiam venter hominis suaves cibos a grossioribus non discernit. Porro autem fauces, et gula callent quidem suavitatem ciborum, sed ea diutius perfrui nequeunt, quia ventri protinus quæque dentibus atrita transmittunt. Sic itaque alternis vicibus et gula, cui cibi sapiunt, ab eis in momento deseritur: et ventri non sapiunt, a quo diutius servantur. Explorat autem diabolus quid nos ad vescendum suavius judicemus: hoc igitur oblato, suadet tenaciam, ut exacuat gulam: nimirum dum hoc nulli dare disponimus, et tempus edendi congruum exspectamus, interim mens nostra crapulæ sit mediatorum, et male exundans lebes escarum.

Ut ergo materiam hujus vexationis amittas, prope quod male servatur: et protinus mens libera, deposito omni quo premebatur, erigitur. Quidam vero cum lautiores cibos non appetant, obtentu tamen levati, levandive jejunii refectionis frenum precipiti libertate relaxant. Sed certum est, quia ciborum illa immoderata perceptio, corpus non tam viribus roborat, quam mole gravat, sensum obtundit, torporein ingerit, somnoleatiam parit; et dum utique ventositatem frequenter efflare compellitur, eor fixum in oratione vel psalmodia tenere, tumor, vel, ut ita fatear, languor incolumis necessario prohibetur. Si itaque vires insumendis alimentis exspectas, nunquam modum temperatæ sobrietatis excedas: quia, quod salubre est corpori, constat etiam corporali amicum inesse virtuti.

CAPUT XXI.

De vestium paupertate, et vilitate amanda.

Vestibus quoque vilibus et paucis esto contentus. Assuesce igitur, ut levi ac perexiguo semper induaris amictu. Quod quidem in initio non sine labore fit, sed procedente consuetudine, dum quasi in naturam vertitur, incommoditas frigoris facile mitigatur. Porro extremitas vestium, ciborumque penuria omnem avaritiam de corde monachi prorsus expellit. Ad quid enim mihi concupiscere quod nec alimentis, nec indumentis accrescat? Igitur et nuditatem pedum, et exiguitatem vestium, lecti duritiam, ciborum asperitatem, **348** aquæ potum, percipiendi pulmentum, et cætera hujusmodi, incipientes quidem non sine quadam formidine perhorrescimus; perseverantes autem, et longanimiter insistentes, facilia prorsus, et tolerabilia deputamus. Asperitatem quippe frequentia mitigat, rigorem consuetudo commendat.

CAPUT XXII.

De nihil pro certo definiendo, et de cogitationibus discernendis.

Hanc etiam tibimet indicere consuetudinem non graveris, ut aggressurum te aliquid, facturumve nunquam pro certo definias: sed potius, si Deo

A placere cognoveris, cum quadam videlicet conditione disponas, omnemque voluntatem tuam a Dei voluntate suspendas. Sic itaque ad agendum aliquid extrinsecus satage, ut supernæ dispositionis arbitrium assidue verseur in mente: quatenus si conatus tuus obviant eujuslibet difficultatis obstaculo frangitur, mens tua protinus ad divinæ providentiæ judicium revertatur. Inter fluctuantes plane cogitationum inundantium impetus, mentem tuam quasi rete constituë: quæ videlicet recta consilia, velut pisces, contineat; et vanas cogitationes effluere, atque elabi, velut repentia quæque abominanda permittat. Discerne cogitationes, et non solum quæ ad mentem veniant, sed etiam unde veniant, vigilantè attende. Animadvertè quod loquor; sæpe namque malignus hostis præterita peccata ad mentem revocat, ut eisdem rursum illecebris delecteris: sæpe divinus Spiritus idipsum facit, ut in fletibus compungaris; et cum una eademque ad diversos exitus tendat, plerumque mens improvida, quid circa se agatur ignorat. Sæpe a bono spiritu bona cogitatio peragendæ videlicet pietatis immittitur, cujus se auctorem calidus insidiator astuta persuasionem mentitur; ne scilicet bonum fiat, quod decepta mens ab adversario suggestum putat. Sæpe dum psallimus, tanquam officiosis cogitationibus a diabolo vehementius oppugnamur; ut dum mens nostra quasi pium quid cogitare se considerat, ab intelligendo, quod psallit, oculos licenter avertat.

C Porro dum psallimus, Deo nostro sacrificium laudis offerimus. Sed huic sacrificio pestilentes spiritus, velut harpyiæ circumvolant, et pravas ingerendo cogitationes tanquam injectis illuc quibusdam stercoribus sedant: aut certe omnino diripiunt, si tentationibus nos infestando, ab oratione compescunt. Sed sicut sacrificia placare Deum, si nobis rapta sunt, nequeunt; ita et quæ fuerint inquinata, auctori munditiæ placere non possunt. Unde pari modo cavendum est, ne vel nos acquiescamus in tentatione, delicere, vel hostis insiliens sacrificium nostrum cogitationis fœdæ contagione valeat inquinare. Sive autem Scripturarum meditationi deditus, sive operi cuipiam sis intentus, frequenter ad orationem recurre, et terræ prostrato corpore, mentem ad cælum erige. Quo fit, ut et cor tentatio deserat, et ab oculis acedia diu sedentibus importuna discedat: verum **349** noli diu prostratus jacere, quia tunc diabolus, tanquam et ipsa mens jaceat, ad tentandum acrius infestare festinat, et mista somno cogitationum phantasmata subministrat. Quotiescunque enim ocellus hostis dormitantis oculis palpitare conspexerit, mox tædioso cordi jaculum prævæ cogitationis indigit. Quia tunc videlicet opportunum nocendi locum callidus insidiator invenit, cum mentem nostram a custodiæ suæ circumspectione languescere per oculi exterioris indicium deprehendit. Sæpe manus ad orationem in modum signi salutaris extendit, ut dum crucis imaginem conaris exprimere

merito apud Crucifixum veniam debeas facilius im-
petrare.

CAPUT XXIII.

Contra omnes tentationes, mortis sepulturæque memoriam multum prodesse.

In omni autem titillantis pugnae certamine, sepulcrum stude semper ad memoriam revocare. Ira fortassis effert animum, dirige protinus oculos ad sepulcrum; mox enim omnis amaritudo deponitur, dum quo furor humanus vergat, mens provida contemplantur. Superbiae spiritus inflat, sepulcrum ad mentem redeat; necessario etiam illic rigida cervicis tumorem premimus: ubi cinerem nos procul dubio pulveremque pensamus. Quid superbis, terra et cinis? Invidiæ faces inflammant, et ad sepulcrum respice; et discis, quia qui tam cito ab hac vita discedimus, frustra bona temporalia aliis invidemus. Incentiva libidinis æstant, sepulcrum doceat quam velociter humani corporis viror arescat, et quam superfluo voluptuosum corruptibili carni cubile substernitur, quam videlicet horrendæ domus requies in proximo præstatur.

Gulae pruritus illecebrat, sepulcro protinus ad mentem reducto, considera: quia dum carnem nostram delicate, vel tenere fovendo distendimus, cibum procul dubio vermium saginamus: eoque fit, ut quo plura comedimus, a pluribus comedamur: dumque ventrem molliter alimus, ingratis convivis pinguia alimenta nullimus.

Avaritiæ stimulus incitat, ad sepulcrum præsto semper recurre, ibique condisce, quia mortalitatis ejus incassum stipendia plura congerimus, qui iter ipsum quod pergitus, tam brevi spatio terminamus. Accedat te, vel somnolentia deprimit, sepulcrum te doceat pro æternis nunc præmiis vigilare, in quo videlicet, te necesse est diutissime sine ulla postmodum remuneratione quiescere, quatenus qui æternam requiem gaudii celestis expectas alacriter, nunc cum propriæ torpore desidii, momentaneo labore confligas.

Vestium te nitor oblectat, ad sepulcrum recurre, atque perpende, quam vesane desipiant, qui exornare vile pulvisculum vestibus ambitiosis anhelant: qui nimirum idcirco lutum auro contegunt, sordibus munditias superponunt: quia quæ vera sunt ornamenta interioris hominis non intelligunt. Vana gloria fortassis elevare te nititur, ad sepulcrum respice, et quo sine omni **350** humana gloria claudatur, attende: « Omnis enim caro fenum, et omnis gloria ejus, quasi flos feni (*Isa. xl.*) » Prurit lingua per ventosa, sive scurrilia verba diffundere, sepulcrum ad mentem redeat, et sicut a criminosa, sic etiam ab otiosa te, vel jocosa nihilominus loquacitate compestat. Illic nimirum perite valebis addiscere, quam districte nos expedit a cunctis hujus vitæ vanitatibus declinare: et ne plura enumerando te diutius protraham, in omni pugnae surgentis articulo hæc te sollicitudo non deserat, ut protinus mentis oculos ad sepulcra contemplanda convertas: quatenus dum te illic immu-

dum abjectumque pulverem esse consideras, cervicem cordis adversus Conditorum in arrogantiam non extollas; dumque te conspicias procul dubio mortuum, jam te pulsantibus vitiis exhibeas velut mortuum. Esto quoque sollicitus, ut cum pravam tibi met cogitationem adesse persenseris, extenso pollice, protinus cor tuum signare festines: quatenus dum in ipsam carnem signum sanctæ crucis imprimitur, continuo interior homo ad dimicandum cum cogitatione perversa totis viribus excitetur. Sicque mens, sublato triumphali vexillo, hostibus suis viriliter obviat: et propriis sedibus, dum adhuc in vestibulo retardatur, exturbet.

CAPUT XXIV.

Quomodo confiteri debeas.

Quod si aliquando consistens in cellula illicitum aliquid cogitando, vel etiam operando, peccaveris, unde te quantumlubet conscientia pavefacta remordeat, non statim confessionis gratia prodeas, vel propositi silentii rigorem frangas; ipsi autem Deo Domino nostro Jesu Christo interim confitere, et futuræ jam confessionis, velut quasdam illi arrhas, in hunc modum trade: « Domine Jesu Christe, æternæ Pontifex, et sanctorum minister (*Hebr. viii.*), ac veri tabernaculi sacerdos juxta ordinem Melchisedech, qui sanctum et immaculatum proprii corporis tui agnum, hostiam salutarem obtulisti Deo Patri in odorem suavitatis pro peccatis nostris, et sic non sine sanguine semel in anno in Sancta sanctorum intrasti, hoc est in ipsum cælum, ut appareas vultui Patris, tibi confiteor quia cecidi in hoc peccatum, quod oculos tuæ majestatis latere non potuit. Unde et propter illud, et propter alia innumerabilia, et gravissima peccata mea non sum dignus infelices oculos meos levare ad cælum, vel ingredi in sanctam Ecclesiam tuam, aut etiam benedictum nomen tuum pollutis labiis meis exprimere. Quapropter lacrymabiliter obsecro immensam clementiam tuam, qui pro peccatoribus mihi quæ similibus mori dignatus es, ut hoc mihi clementer indulgeas, et ad veram fructuosamque penitentiam me pervenire concedas. »

Quod si adhuc etiam quæris, quomodo solus ad horam primam, sive completorium debeas confiteri, sic dicito: « Ego miserimus et infelix confiteor coram Deo, tibi, sancta et gloriosa virgo Maria, et vobis, omnes sancti Dei, mea culpa, peccavi nimis per superbiam, in suggestionem, delectationem, consensu, cogitationem, **351** verbis, et opere. Propterea deprecor te, piissima Dei Genitrix, et vos omnes sancti et electi Dei, ut orare dignemini pro me misero peccatore. Intercedentibus vobis omnibus, misereatur mihi omnipotens Deus, dimittat mihi omnia peccata mea, liberet me ab omni malo, conservet, confirmet, corroboret me in omni opere bono, et absolvat me Deus ab omni vinculo delictorum meorum, et perducat me Christus Dei Filius ad vitam æternam. Amen. »

CAPUT XXV.

De his quæ ad levandum pondus eremiticæ austeritatis valent.

Plane omni conatus instantia, summisque viribus enitere, ut ad lacrymarum gratiam contemplationisque perfectionem possis attingere. Quod nimirum non ad hoc tantummodo proficit, ut in illo beatitudinis regno gradus superior acquiratur: sed ad hoc etiam, ut in hac ipsa vita quam ducis, omnis rigidæ austeritatis horror abscedat; seseque quidquid distractionis, quidquid afflictionis amarum videbatur, in dulcedinem vertat. Cum videlicet amor timori, libertas successerit servituti, tunc necessitas in voluntatem vertitur, et inenarrabili charitatis incendio suave fit et jucundum quidquid eatenus videbatur asperum et durum. Porro Israeliticus ille populus in vastitate eremi constitutus, cum et in Ægyptum jam redire non posset, et adhuc promissam terram, meritis præpedientibus, non intraret; laboris et itineris tædium, diversæque necessitatis inopiam coactus est sustinere (*Exod.*). Sic nimirum, sic quisquis tenebrosam mundi hujus jam latitudinem sprexit; sed adhuc tamen ad perfectionis culmen, torporis astrictus ignavia non aspirat: multas ærumnarum, laborumque molestias necesse est perferat: utpote inter utrumque consistens, et mundanæ prosperitatis qualicumque consolatione non utitur, et tamen adhuc supernæ contemplationis lumine perfui non meretur. A mundo siquidem avertit oculos, quem reliquit; et lumen necdum valet videre, quod quærît; non habet jam de sæculari delectatione quod gaudeat, et spirituales lætitiâ non degustat, ad quam videlicet non ingenuo fervore festinat.

Quapropter, aut ad perfectionem totis nisibus elaborandum est, aut multa calamitatum tentationumque tædia perferenda. Durum sane est regalis curiæ militiam sustinere: at postquam gratiam regis adeptus, ejus cæperis lateri familiaris adherere, cubiculum frequentius ingredi, astare conspectui, mutua miscere colloquia, privatis interesse consiliis; totus mox ille militiæ labor dulcis, et amœnus efficitur, inquietumque negotium quavis quiete suavius deputatur. Nimirum sine labore laboras, siue molestia satagis, sine vexatione discurris.

Festina ergo vitiorum passiones elidere, ut in cubiculum Regis admissus, ei valeas tanquam domesticus adherere; et mentis tuæ acies eo liberius in lucis Auctorem intendat, quo tenebrosa phantasmatum, vanarumque cogitationum **352** caligo non obstat. Sæpe autem dum multiplicitationum obsidione vallamur, divinæ respectu clementiæ repente in contemplationem rapimur. Et sic velut intra diversorium, magnificam Regis gloriam per occultas rimas inspicimus; dum corpore foris posito, ventorum procellas, et pluviarum inundantium turbines sustinemus. Sicque quodammodo solus oculus deliciarum regaliâ voluptate perfruitur, dum membra cætera flabris et cruciati-

A bus exponuntur. Ut ergo levigetur labor itineris, tendendi sunt oculi ad requiem mansionis. Leve nimirum sit omne quod peragimus; si præ oculis meta semper habetur, ad quam festinamus. Illud quoque ad allevandum distractionis eremiticæ pondus non mediocriter proficit: si cibi parcioris inopiam, et potus ariditatem, aliæque nonnulla carni contraria, sibimet quæ ad tempus indicit. Nam cum postmodum ad consuetâ revertitur, consuetudinis regulam, remissionis lassitudinem arbitratur: et collatione quadam facta, lucrum caro non minimum deputat, his aliquid adjecisse, quibus tunc contenta vivebat.

CAPUT XXVI.

Quomodo lacrymarum gratia possit acquiri.

B Sed quia lacrymis insistendum esse docuimus, consequenter etiam quomodo ad ipsam lacrymarum gratiam possit attingi, prout earum largitor infuderit, breviter intinemus. Quisquis ergo non tam arido corde morere, quam et lacrymarum inundantia quæris affluere; non modo te a strepitu negotiorum sæcularium remove, sed a fratri sæpe colloquii mutua te fabulatione compesce: omnes a te mundanæ actionis curas, et sollicitudines amputa, et eas tanquam rudera moles, et meatu obstacula ab obstructi fontis spiramine submovere festina. Sicut enim in caverna terræ de abyso veniens aqua colligitur; sed obicibus oppressa, non effluit; sic in humano corde considerata profunditate divini judicii tristitia nascitur, quæ tamen per fletum lacrymis erumpentibus non emanat; si terrenorum actuum sufflumen obsistat: tristitia quippe lacrymarum materia est: sed ut hujus fontis possit uberius vena profluere, satage cuncta negotii sæcularis obstacula removere, et ut quod frequenter expertus sum, non omittam; ipse quoque spiritualis zelus, disciplina commissorum, correptio delinquentium, sanctæ prædicationis alloquium, hæc, et his similia tametsi sancta sint, et divina prorsus auctoritate mandata, lacrymarum tamen procul dubio noscuntur impedimenta.

Si igitur ad lacrymarum gratiam pia vis intentione pertingere, non solum a terrenis negotiis, sed a quorundam et aliquando spiritualium exercitiorum executionem compesce. Malitiam quoque, iram et odium, et reliquas vitiorum pestes de antro tui cordis elimina; ne si te accusatrix conscientia forte remordeat, mens tua intimi roris vacuefacta madoribus, ariditate formidinis contabescat, dicente Scriptura: «*Arescentibus hominibus præ timore (Luc. xxi.)*». Sanctitatis quippe fiducia, et testis innocentie **353** scientia puram mentem quibusdam cælestis gratiæ rivulis irrigat, et resolvit in lacrymas, duritiâ squalidi cordis emollit, et profluendi meatum fletibus aperit. Sit ergo conscientia tua pura, munda, nitida; sit sincera, azyma, atque ab omni labe nequitiarum spiritualium defæcata: et cum compunctio cordis erumpere properat, obex mordacis conscientie non obsistat; neque cor pavidum dignè for-

midinis algor obstringat, et lacrymarum aqua versa in glaciem non currat: quanquam et metus criminum compunctionem aliquando pariat lacrymarum.

Sed aliud est timor servilis, aliud gratia spiritalis, qua videlicet holocausta medullata Deo super aram contriti cordis offerimus: et pingue sacrificium in odorem suavitatis salubriter adolemus. Quæ nimirum sancti Spiritus gratia si defuerit, licet mentem ad supernam gloriam quis sollevare contendat; licet gehennæ supplicia, vel præterita peccata ad memoriam reducat, vel etiam Dominicæ passionis mysteria recolat; propter hæc tamen omnia lacrymæ non erumpunt, cui mentis arcana peccatis exigentibus obdurescunt. Tu autem, sicut prudens et operosus agricola, agrum tuum inadinesenter exerce, terram tui cordis et corporis vomere sanctæ disciplinæ proscinde, glebas duritiæ minutatim contere, vitiorum vepres extirpare contende; et sic paratus quotidie, tensis in cælum oculis superni imbris inundantiam præstolare. Nam summus Arbiter, ille videlicet occultus inspector, qui stat post parietem nostrum, « respiciens per fenestram, prospiciens per cancellos (*Cant. ii*); » licet ad tempus aquam provida dispensatione contineat: si te sic solerter agentem, ac vigilem esse conspexerit, agrum in proximo uberibus proprii charismatis imbris irrigabit; et ita diversis virtutum floribus ager ornabitur: ut qui eatenus squalidus ac sterilis videbatur, jam proventu exuberantium segetum feraciter cumuletur.

CAPUT XXVII.

De perseverando in eo vitæ modo, quem semel quis arripuerit.

Præterea vitæ modum, quem semel arripueris, perseveranter tene, constanter exsequere, ne scenica, quod absit, a temetipso videaris vertigine discrepare. Nolo igitur male volantis Icarî sequaris exemplum: qui nimirum dum modo summa penetrat, modo dimissis alis in ima declinat, inconstantiæ suæ diffrenata libertas in hiantis eum pelagi profunda præcipitat; ne forte, quod dicitur, multicolorem te nutans mutabilitas reddat; sed uniformem potius status gravitatis exhibeat. Persevera itaque in eo quod cœperis, et rectam consuetudine vitæ lineam tene; ne te novum semper variatæ vitæ diversitas reddat, sed in sanctæ constantiæ fundamento præfixæ regulæ consuetudo stabiliat; ut diuturnæ consuetudinis usus obducat, quod tanquam anarum prorsus, et asperum infirmitas humanæ fragilitatis abhorret. Exhibe te undique virtutum nitore conspicuum, et uniformi, ut ita loquar, veste sanctitatis ornatum, cui videlicet nullus cutis

354 iuslibet vitii pannus videatur assutus. Inhonestum quippe videtur, atque ridiculum, si indutum te veste purpurea, sericis ocreis, calceis deauratis, solum te villosi arietis pileum inter multas ornamentorum infulas exhibeat rusticanum.

Quod dicere gestio, tale est: cum in afflictione jejunii, in censura silentii, in abjectæ vestis asperitate Antonium præbeas; ne in levitate risus, vel

A facietæ dicacitatis urbanitate, Democritum ostendas. « Quis enim consensus templo Dei cum idolis? Quæ societas luci ad tenebras? Deo ad Belial? » (*II Cor. vi.*) « Modicum » enim « fermentum totam massam corrumpit (*I Cor. v.*) » Sic igitur ager animæ tuæ virtutum segetibus floreat, ut nequaquam veprium aculei per incuriam inhorrescant. Sic ex una parte rectitudo videntes ædificet; ut ex altera vitio emergente, velut impacto ariete, quod ædificatum est, non vacillet. Esto itaque gravis incessu, maturus in verbo, piger ad vindictam, velox ad indulgendam pœnitentibus veniam. In omnibus te exhibe consummatæ virtutis exemplum, et, ut dicitur, undique te præbe teretem, atque rotundum: ut malleo nunc disciplinæ contusus, et lima pœnitentiæ, sanctique certaminis expolitus, postmodum sine tinnitu, vel strepitu ponaris in ordine lapidum ignitorum.

CAPUT XXVIII.

Qualis eligi, et qualis esse debeat eremitarum prior.

Quia igitur pro styli compendio qualiter conversari debeat eremita, utcunque descripsimus; qualis etiam esse eremitarum prior expedit, in calce opusculi breviter annectamus. Nec dicendus est ordo præposterus, si is qui officio futurus est primus, in descriptione regulæ ponatur extremus; cum et prius debeat in eodem proposito vivere, quam præesse, omniumque se præbere debeat minimum, qui in regimine videtur esse prælatus. Cavendum itaque est, ne de monasteriali ordine prior eligatur inter eremitas; licet prudens, et doctus, vel regularibus disciplinis videatur instructus. Sed ex ipso proposito spiritualis frater eligatur, qui videlicet jam cœperit eremitice vivere, et experimento didicerit contra spiritalis nequitias dicicare; qui pugnas alieni cordis ex semetipso domesticè colligat, et quod ex ore confitentis audierit, ex propria conscientia, velut trita manus ad prælium, recognoscit.

Stude itaque, prior, ut te contiguus alloquar, quatenus quos prioratus officio superas, si possibile est, quantumlibet etiam vita præcedas. Vivida quippe, et efficax in discipulorum cordibus prædicatio est, aliis alimenta providere, providentem vero in jejuniî rigore persistere. Optime vigilias prædicat, qui post longum psalmodiæ decursum, signum excitandis fratribus pulsat: eloquentissime, dum tacemus, silentium commendamus: fructuose de extremitate vestium disputat, qui se pannorum consissione deformat. Indumentorum vero juxta divitem nitore conspicuus, frustra cum Joanne pilos prædicat camelorum. Ultor injuriæ patientiam 355 non suadet. Qui cumulandis pecuniarum quæstibus inardescit, ignem avaritiæ in alieno pectore non exstinguit. Qui crebra vagatione raptatur, de remorandi censura frivolus disputator habetur. Qui autem cellulam perpetuus incolit, ad stabilitatis præconium de toto corpore linguam facit; et cum ois taceat, muta membra melius, quia et simplicius, clamant.

Vitæ tuæ semper habeto testem, qui et occulta bona tua in fratres ædificatoria debeat relatione transfundere, et famam tuam a sinistra possit suspitione purgare. Per planiora duc gregem tuum; sed excelsa interim discretus ductor ostende: quatenus dum dispensationi tuæ deputant, quod remissius vivunt, et auctoritati Patrum districta, quæ audiunt, ad conscendam perfectionis arcem expeditus accingantur; pudeatque ipsos ignobilitate in imis hebescere, qui per excelsa condiscunt præviis ingenue commesse. Per recta gradientibus te supparem præbe: in delinquentes autem disciplinæ vigorem zelatus exerce. Pro observanda intra conscientiam innocentie puritate, noli virgam deponere disciplinæ: sic tamen correptionis verbum ex labiis proferatur, ut fraterni amoris in pectore dulcedo servetur. Sicut plane capiendis avibus de manu stantis accipiter advolat: sic indignationis vox sine tuæ mentis indignatione procedat. Nam et sagitta, cui indigitur, vulnerat: sanguinem tamen is a quo prodiit arcus ignorat. Notandum tamen, quia fragilis mens ab eremi perseverantia facilius frangitur, etiam si levis injuriæ sumnotenens occasio præbeatur. Nam et gravis sarcina tanto minori deliberatione deponitur, quanto et ipse quodammodo suadere videtur humerus qui gravatur.

Facile igitur ab illorum cohabitatione insceditur, ubi quisque quotidiana frui victus inopia, rarissimam vero copiam tolerare jubetur. Unde temperata disciplinæ arte utendum; ne quos afflictio privata debilitat, injecta duræ correptionis asperitas sternat. Cujuscunque autem fortiter agentis exemplum, siquidem ex tuis est, suppressa persona, profer in medium, si autem extraneus, vocabulum exprimitur. Efficacius enim modernorum cohortantur exempla, quam veterum; et magnæ confusionis pudor est, si cum sanctis viris in una simul ætate viventes, in rectæ conversationis studio eis in aliquo non reperiantur æquales. Quandoquidem illos solâ mentium ingenuitas roborat: istos autem diversorum temporum debilitas non excusat.

CAPUT XXIX.

De venientibus ex sæculo ad eremum.

Si quando de sæculari habitu quis ad eremum converti voluerit, noli, juxta priorum normam, rudimenta monasterii suadere: sed si devotio vera ac sincera patuerit, in eremo, quam flagitat, conversionis aditum præbe. Eo quippe, ut lugens loquar, pleraque devoluta sunt monasteria, ut vitiosiores reperiantur ab eis egressi, quam ii, qui nuper sunt de mundani naufragii fluctibus eruti. Et certe simplici metallo monetæ signum congruenter imprimitur: at postquam falsatus est nummus, difficile est ut ad veritatem monetæ regulæ corrigatur.

Pateat igitur aditus venienti de sæculo, ut imprimatur quodammodo simplici superveniens figura

PATROL. CXLV.

metallo. Ingressus autem cellulam, non statim omnem consuetudinis regulam permittatur implere: sed diu quærat, quod difficulter inventum, charius teneat. Postmodum vero processu temporis omnes sancto desiderio relaxentur habentæ, et quidquid ardui mens spirabat, attinet: ut in ipso fervoris spiritu semitæ sublimioris iter aggrediatur incedere, a qua postmodum pudeat ignobilitate declinare: et initii sui rudimenta pro exemplo semper ante oculos teneat, ut si non eminentiora conscenderit, ab his saltem dilabi, quæ dudum cœperit, erubescat.

CAPUT XXX.

De his qui ex cœnobitica conversatione ad eremum accedunt.

Si autem de regula monasterii sit, qui ad eremum properat, superstitiosas quasdam monasticæ disciplinæ censuras, supervacuos tintinnabulorum clangores, cantilenarum multiplices harmonias, ornamentorum phaleras, et cætera talia, quædam sobriæ reprehensionis arte dijudica, competenter extenua, sine damnatione depretia, inferens illud Apostoli: Quia « in Christo Jesu neque circumcisio aliquid valet, neque præputium, sed nova creatura (Galat. vi.) » Et iterum: Quia « Altissimus non in manufactis habitat (Act. xvii.) » Illud etiam ad Timotheum: « Quia corporalis exercitatio ad modicum utilis est, pietas autem ad omnia utilis est (I Tim. iv.) » His igitur et hujusmodi documentis existimationem monasterialis ordinis quodam modestæ censuræ libramine supprime; ut dum in audientis mente fabrica consuetæ vitæ destruitur, prælatæ solitudinis ædificium construat: et ad standum se de cætero constanter accingat, qui se hactenus jacuisse considerat.

Si vero post peracti laboris diuturna certamina, post edonatas maceratæ carnis illecebras, cum jam se viderit quorundam vitiorum, velut totidem hostium, calcare cervices, cœperit immoderatus transacta despiciere, et ea, quæ præsto sunt, liberiori laude proferre; tunc cœnobilium sunt efferenda præconia, et quæcunque in eorum discipulis aguntur, ad Dei gloriam referenda; ac salutaris obedientiæ perhibenda sunt sacrificia; quatenus dum professio vitæ communis extollitur, de singulari proposito, si qua forte subreperat, arrogantia deponatur. Et nequaquam quasi de perfectioris vitæ privilegio tumeat, dum plerosque in inferiori gradu tanto sublimius incedentes adhuc fortasse non æquat. Admonendus est, ut si quid agendum fortassis immineat, non propterea quorundam more cœnobilium, velociter psallat: et sic de Psalterio ad negotium vice perversa, tanquam de pelago ad litus enatare contendat. Anxietatem quippe spiritus, callidus insidiator immitit: quietum vero et humilem animum, ubi requiescat, princeps pacis inquirat. Respondeat igitur adversario suggerenti fabulosa, dum psallit: dum hoc, quod præ manibus est, officium perago, interim tace; postmodum si quid causa dictaverit, innotesce.

Quod si adhuc pertinacius ingruit, et obfirmatus

insistit, utrumque simul, et id quod mititur, et eum qui miserit maledicat. Adjiciat quoque verbis eum terrere minacibus, dicens: Me, infelix, desere, et tremendum iudicii diem ante oculos pone, in quo videlicet iuste damnandus es, et perpetuis postmodum flammis ultricibus exurendus. Qui nimirum terror plurimum valet ad superandam pugnam, et ad effugiendam versuti insidiatoris astutiam. Hinc est etiam, quod præmissis orationibus exorcismi, semper ex ecclesiastica traditione subiungitur: Qui venturus est iudicare vivos et mortuos, et sæculum per ignem: ut dum malignus spiritus tanta formidine in tentatione percellitur, a creatura Dei terribus expellatur. His et hujusmodi telis commilitones tuos subtiliter instrue, et in acie cum adversariis jûgiter dimicare præviis doce.

CAPUT XXXI.

De patientiæ virtute, illi qui præest maxime necessaria.

Plane cum omnibus debeas florere virtutibus, qui ad virtutis exemplum es super alios constitutus, patientiæ virtuti propensius studeas: omnigenæ adversitatis obstacula per patientiam vince. Patientia te durum lapidem, imo insecabilem præbeat adamantem. Adamantis quippe sigillum formam cæteris lapidibus imprimit: sed vicissim in se nullius soliditatis imaginem prorsus admittit. Mens quoque tua si irruentibus adversis nulla se perturbatione mutaverit, velut alieni in se lapidis imaginem non accipit: imo suum aliis characterem imprimit, dum quidquid adversitatis acciderit, in salutem sibi suavitate mentis, et animi tranquillitate convertit. Aut nunquam, aut raro capitulum cum fratribus celebretur, quo missa metanœa te non accuset; ultro etiam in te scoparum disciplina procedat, humili satis auctoritate deposce. Si vel tuum, vel cujuslibet fratris læsum adversum te animum senseris, noli quiescere, donec studeas vulnus mentis, prout causa dictaverit, vel corripiendo, vel mulcendo, vel etiam satisfaciendo sanare. Idcirco autem super prioris officio diutius verba protrahimus, quia divina gratia præduce, omnem subjectorum perfectionem in ejus pendere magisterio non ambigimus. Quod enim stomachus in humano corpore, hoc propemodum prior est in fratrurn spiritualium congregatione. Sicut enim de stomachi receptaculo vigor et robor per omnia corporis membra diffunditur; ita nimirum de bene administrato **358** præsentis officio omne corpus in charitatis compage degentium vegetatur.

CAPUT XXXII.

Non perfecta et consummata eremiticæ vitæ insti-

tuta, sed leviora quedam hujus conversationis principia in hac regula contineri.

Obsecro autem ne me fratres mei, districtiori quam hic legitur, lege viventes, dissolutionis arguant, et austeritatem eremi temperasse, austerioris forte censuræ quam debeant, suggillationibus reprehendant. Nam cum Israelitæ illi carnales decedentibus Benjamin filiis venialiter parant, unamque ex Israel cecidisse tribum lacrymabiliter gemunt, et amaris fletibus et ululatibus conqueruntur: quid nobis agendum est, cum videamus inter ecclesiasticæ disciplinæ reliquos ordines eremiticæ professionis numerum eatenus imminutum; ut in plerisque terræ provinciis non ambigamus funditus esse deletum? Parcendum est ergo Benjamin, egregius videlicet, ac robustissimis inter Israelitas cæteros bellatoribus; quatenus venialis, et moderata discretio per posteritatis incrementa multiplicet, quos utique agendæ severitas, vel potius humana fragilitas annullavit. Et sic tribuum numerus constet, dum eam, quæ periisse videbatur, austeritas temperata conservet. Nam et illud quoque non exiit, quod sancti apostoli, qui missi fuerant crucem Christi humano generi prædicare omniumque virtutum adoptionis filios documentis imbuere, inter ipsa nascentis fidei rudimenta, hoc solum quibusdam præceperunt gentilibus: ut abstinerent se ab immolatis simulacrorum, et sanguine, et suffocato, et fornicatione (Act. xv, xxi). Imponentes quippe minima, non prohibere majora; ut qui novæ doctrinæ duritia poterant deterri, quandoque ad fortia convalescerent præceptis militioribus invitati; et a parvis, ac levibus, velut pueri adhuc lactentes, inciperent, ut graviora legis divinæ mandata in perfecta postmodum ætate valenter implerent.

Nos etiam, qui spiritalis infantie crepundias teximus, et lactantis adhuc eremitæ, ut ita fatear, incunabula fabricamus; dum debiles quoque, nostrique consimiles per planiora deducimus, expedit præcinctos ab ardui montis ascensu minime prohibemus; quatenus imbecilles adhuc sic lactis liquor enutriat, ut valentes, ac vividos corpulentioris cibi soliditas non repellat. Hoc autem ex divinæ clementiæ bonitate confidimus, quod quisquis illa peragere, quæ in hoc opusculo scripta sunt, augendi proventus intentione studuerit, non lædatur a morte secunda, nec delebitur nomen ejus de libro vitæ, sed Agnus ille, qui eum post se crucis suæ conspicit gestatorem, in cælesti Jerusalem ascribet sibimet procul dubio cohæredem (Apoc. xx, xxi). Amen.

Sit nomen Domini benedictum.

359-360 OPUSCULUM DECIMUM SEXTUM.

RHETORICÆ DECLAMATIONIS INVECTIO IN EPISCOPUM MONACHOS AD SÆCULUM
REVOCANTEM. AD GISLERIUM EPISCOPUM AUXIMANUM.

ARGUMENTUM. — Redarguit quemdam episcopum, qui ausus fuerat asserere monachum religionis habitum semel susceptum posse, propter ægritudinem aut alias causas, deserere; quod quam sit impium, et sacris canonibus conciliorumque statutis contrarium pluribus ostendit, et firmissimis rationibus comprobatur a religionis proposito recedere non licere.

Domno GISLERIO Auximano episcopo, PETRUS ultimus monachorum servus, ferventissimæ devotionis obsequium.

Non vobis illis viris, qui spretio religionis habitu ad sæculum sunt relapsi, sæpe una conquesti, sæpe communi sumus tædio lamentati. Nuper autem cum te corporali valetudine laborante, Romanæ synodo me interesse contingeret, hujus rei notitiam domino papæ suggerere congruum judicavi: ille autem utpote vir sanctissimus, juxta sincerissimæ charitatis viscera, quæ in templo sui pectoris vigent, rem valde perdoluit, et mox congruum immanissimo vulneri remedium adhibere curavit. Itaque quia ad executionem hujus negotii idoneiorem in illis partibus virum nequit addiscere, suas ad te censuit litteras destinare, quatenus prævaricatores illos tu secundum prudentiæ tuæ facundiam convenires, et obedire volentes ad suum propositum revocares; qui vero rebelles existerent, perpetui anathematis sententia ferirentur.

Dominum autem Guidonem Numanum episcopum in prædicto concilio reperi, et quia ille, ut nosti, incitamenta præbere huic vitio dicebatur, fateor peccatum meum, dure illum succensere præsumpsi. Ille nimirum vir dignæ humilitatis, et patientiæ, et non solum sacris eloquiis, sed etiam liberalium artium studiis eruditus, insuggillantem quidem me patienter tulit: objecti vero criminis culpam negando, detestando, Dei testimonium implorando, disertissime propulsavit. Ulro etiam pro me cœpit verborum suorum tela dirigere, qui adversum me falso dicebatur eatenus dimicare. Sed licet venerabilis ille vir innocens repertus sit, ego tamen vibrati jam: jaculi impetum non continui, sed verso nomine aliam huc personam, cum qua confingerem, introduxi: ut nimirum ille se hoc vocabulo notatum non ambigat, quisquis improbe ad hujus controversiæ certamen aspirat. Et licet auctor hujus flagitii nunc manifestus non sit, tamen dum latere ad tempus nititur, immunitatem de fugæ suæ latibulo non lucratur. Sed sic armatus disputationis ordo draconicæ foveæ foramen obsideat, quatenus mox ut emeris, in imminentem gladium subito confringendus impingat.

Quapropter post illam summæ auctoritatis epi-

stolam, hoc etiam opusculum suscipe, et sic revera Benjamin filius utraque manu bicipiti armatus gladio, in constipatos hostes irrumpe, quatenus illa ac si validus vomer ad virosus aconitum radicitus evellendum zizaniati pectoris arva prosiciat. Hoc quasi vilis sarculus subsequens glebas frangat, imo ut exemplum congruentius proferatur, hoc velut orator manifesti criminis reos esse convincat, quos illa auctoritas, velut arbiter præsidens, canonici rigoris censura coerceat. Sed divina gratia præduce, quem aggredi nitimur, in illum protinus invēhamur.

CAPUT PRIMUM.

Quod monacho ægrotanti non liceat ad sæculum reverti.

B Cogor adversum te, venerabilis episcopo Maure, exigente necessitate, non modica scribere: compellor ultra mei ordinis metam **361** sacerdoti, sermonibus non sacerdotalibus obviare; undique coarctor, undique prætor: videlicet et contra episcopum loqui superbum est, et ad talia conticescere, consensus est adhibere. Sed melius est, ut arrogans solus appaream, quam ad multorum perniciem mortale vitium, quod nunc in primis oritur, inoleseat. Magis eligendum est de simplicitate locutionis in episcoporum judicio corripri, quam ante tribunal superni judicis de silentio condemnari. Nempe ante hoc fere biennium dum in angusto cellulæ meæ angulo latitarem, sinistrum quid et mœrore plenum ad me fama discurrente perlatum est: videlicet quod nonnulli perditii homines post Satanam conversi, monachicum habitum sacrilega temeritate desererent, et execrabili apostasia ad sæcularem militiam denuo repederant: qui nimirum in tam profundi criminis barathrum lapsi, tuis ad audendum exhortationibus incitari, tua ad persistendum dicebantur auctoritate fulciri. Ferrebaris enim dicere, quia nisi quis regulariter protractus, et per longa temporum spatia, sicut monastica præcipit regula, sit probatus, si aliter, aut propter ægritudinem, aut quolibet alio modo ad monachicum pervenerit ordinem, liberam redeundi ad sæculum habeat facultatem.

Super ejus rei capitulo tunc temporis brevem tibi epistolam misisse me memini, et ut ab hac pestifera doctrina cessares, debita humilitate sug-

gessi. Nuper autem apud Auximum constitutus, a pluribus didici, quia in tua adhuc nihilominus intentione obstinatissime perseveras, et contra divinæ legis auctoritatem, contra ecclesiasticæ consuetudinis normam, eadem dogmatizare non cessas. Unde satis miror, quo pacto prudens homo, et non omnino a litterarum studiis alienus, tam incautam, tam perversam, tam noxiam possit proferre sententiam; quæ videlicet communi hominum salutis contraria, ad nil aliud nisi ad claudendam cœlestis regni januam peccatoribus procul dubio videtur esse prolata. Dic, rogô, quis hæc sententiam reperit, nisi ille qui primum hominem de paradisi amoenitate deiecit? Quis, inquâ, tam crudele, tam impium promulgavit edictum, nisi is qui Cain fratricidam in desperationis voraginem mersit, et non ad evadendum ruinæ periculum, sed ad profundius corruendum dicere docuit: « Major est iniquitas mea, quam ut veniam merear? » (*Gen. iv.*)

Quæ est enim ista dementia? quæ vesania? quæ crudelitas? Habet homo disponendarum rerum suarum liberam facultatem, ut semetipsum Deo offerat potestatem non habet? Valet hominibus tradere substantiam suam, non habet libertatem Deo reddere animam suam? Licet homini lapsurum animal ab hiantis putei ore propellere, ruituram mox in infernum animam non licet pœnitentiæ remedio liberare? Porro si ipse Deus omnipotens, qui offensus est, paratus est ut recipiat, quis est hic qui volentes currere ab ipso pietatis fonte comescat? Si Creator paratus est ut peccatis ignoscat; quis est iste qui peccatorem converti prohibeat? Quid est enim aliud monachum fieri, quam converti? Sed qui hominem non posse monachicum subire propositum in languore corporis **362** constitutum denegat, profecto non posse converti indubitanter affirmat; quod si semel admittitur, nulli dubium quin pœnitentia, quæ spes est peccatorum, et unicuique salutis humanæ remedium, destruat.

Ecce igitur peccatoris anima perdita, irreparabili busseris (*sic*) janua vitæ damnata, et omnis spes humanæ reparationis evulsa. Sed clamat e diverso divina pietas, dicens: « Quicumque hora peccator conversus fuerit, vita vivet et non morietur (*Ezech. xviii*); » et iterum: « Nolo mortem peccatoris, sed ut convertatur, et vivat (*Ibid. xxxiii*). » Et cum conversus ingenuerit, tunc salvus erit. Et ut canonicæ auctoritatis compendium proferam: Quicumque negat, etiam in ultimo vitæ spiritu, pœnitentiam abolere posse peccata, Novatianus est, non Christianus.

CAPUT II.

Az ægrotus habitum religiosum induere possit.

Dum ergo monachum fieri hoc sit utique converti, et conversionis remedium nulla hora respuit, nullum tempus excludit; constat procul dubio, quia in ægritudine constitutus, sicut converti cum vult, nullius auctoritatis obstaculo præpeditur; ita etiam ut monachus fiat, absque ulla refragatione

recto jure conceditur. Sed cum Jacobus dicat: « Qui converti fecerit peccatorem ab errore viæ suæ, salvabit animam ejus a morte (*Jac. v*): » cujus homicidii reus efficitur, qui peccatori dissuadet e diverso, ne convertatur? Nempe, nisi fallor, illius quod non quandoque morituum corpus occiditur, sed victura in perpetuum anima trucidatur.

At forsitan, inquires, non quidem prohibetur in corporali molestia positus, ad portum monachici ordinis repente confugere, sed licet, si convalescit, ad pristinæ conversationis habitum remeare. Sed clamat, imo reclamât ipsa Veritas tam perspicue falsitati, cum dicit: « Nemo mitiens manum suam ad aratrum, respiciens retro, aptus est regno Dei (*Luc. ix*). » Dignum quippe est, ut sicut quis ad Deum veniens aptus sit regno Dei, sic a Deo recedens, non aptus sit postmodum regno Dei. Ii quippe tales, ut experimento didicimus, non in eadem, in qua primitus fuerant, malorum mensura persistunt; sed postquam ad vomitum redeunt, ad iniquitatum voraginem profundius devolvuntur. Sicut et illi nuperrime contigit, qui tuo, ut fertur, hortatu, sanctæ conversationis habitum deseruit: deinde vix brevi dierum peracto circulo, innocentem hominem suis manibus interemit. In quo videlicet reprobo viro adimpletum cernimus, quod dictum ex ore Veritatis audivimus, nimirum, quia immundus spiritus, qui enim ante reliquerat, postmodum rediens septem alios nequiores se spiritus assumpsit (*Luc. xi*), et cum his omnibus in familiari suo vasculo pestilentius habitavit; fiuntque novissima hominis illius pejora prioribus.

Sane si terrænæ militiæ transfogam non solum mundanæ leges abijcitur, sed etiam sacri canones infames appellant, adeo ut eum etiam ad reddendum in contentione testimonium non **363** recipiant: qui in superni imperatoris arma juraverat, qui chlamydem jam militatæ cœlestis induerat, qui balteum castitatis accinxerat, qui donativum sacri verbi ab ipso militum duce susceperat, quo judicio, quo jure, qua fronte jam potest propriæ professionis castra deserere, et suo vomitu delectatus, ad ea quæ contempserat, quæ abrenuntiaverat, quæ damnaverat, mundi ludibria animam revocare? Fœdus mortale cum mortali paciscimur, et servamus; Deo sponsonem facimus, et fidem frangere non timemus. Homo homini violatæ cautionis tenetur obnoxius; qui auctorem hominum fallere nititur, innocens judicatur? Fallax debitor ab exactore constringitur; qui semetipsum Deo subtrahit, immunis habetur? Nunquid servus venia dignus est, qui violata fide non solum recedit a domino, sed ultro se ejus sociat inimico? Nam quod Deus huic mundo inimicus sit, audi Jacobum dicentem: « Qui vult, inquit, amicus esse sæculi hujus, inimicus Dei constituitur (*Jac. iv*). »

Et ut ad sententiam redeam, conservus, qui hujus effugii incentor efficitur, nunquid non districta Domini animadversionis ultione plectetur; et pœ-

na, quam uterque meruerat, in unum caput congesta retunditur? Præsertim si ejusmodi fraudis ille servus impetitur, qui rectoris loco positus, cæteris præesse videbatur: et qui debebat extraneos ad domini sui servitium trahere, ipse contra domesticos compellat exire: et, ut ita dixerim, cujus erat officium violentos incursantium ferarum impetus ad domini sui gregem compescere, ipse satagat cruentis luporum dentibus simplices ovæ offerre.

CAPUT III.

Prælati perniciosi deplorandi.

Quid ad hæc dicam? Quod dolori meo solamen inveniam? Compellor exclamare, compellor amaritudinem mei cordis effundere, ut videlicet dicam: O tempora, o mores, o ferreum sæculum! Ferreum, inquam, sæculum, in quo aurum in scoriæ vertitur, et argenti speciem villis stanni vena mentitur (*Isa. xx; Ezech. xxi*). In quo projecti sunt lapides sanctuarii in capite omnium platearum (*Thren. iv*), et est sicut populus, sic sacerdos; sicut servus, sic dominus ejus. Nam quis tam inveniri possit elinguis, qui non ad hæc saltem in voce lamentationis erumpat? Quis tam ferreus, quis tam lapideus, cujus cor vulnera ista non sentiat? Pervenit enim gladius usque ad animam. Nimirum mundus se ad finem delapsus ruinis crebrescentibus indicat: et episcopi, qui animas ad Deum trahere importune debuerant, student qualiter homines a Dei servitute recedant? Index jam vicinus appropriat, et præco, ut cives fugiant, elamat? Ante tribunal superni judicis jamjam humani generis summa colligitur, et a sacerdote præcipitur, ut homines ad sæcularia negotia dispergantur? Proh dolor! hucine sacerdotalis ordo redactus est, ut qui constituti sunt mundum sanctæ prædicationis luce perfundere, ipsi potissimum conentur homines perversorum dogmatum tenebris obæscere? Et qui positi sunt **364** de agro Ecclesiæ cunctos errorum vepes evellere, ipsi non vereantur aculeatos erroneæ pravitatis tribulos seminare? Olim cum florens adhuc mundus blandiretur, hominum plurimos ab eo subtraheret docta lingua pastorum: nunc autem cum jam evidentissime se mundus despicabilem indicat, Pastor Ecclesiæ ut ad eum homines revertantur invitat.

Videmus quotidie homines aliena diripere, bellorum studii insudare, egenos opprimere, machinationum tenticulas fraternis gressibus occultare: et ut cuncta mundi mala brevi cingulo locutionis astringam, omnes pene, quæ sua sunt, querere, non quæ Jesu Christi (*Philip. ii*); nos adversus eos nullo zelo charitatis accendimus, nullis correctionibus obviamus, nulla contradictione resistimus. Si autem rarissimus quilibet ex tanta hominum multitudine aut flagellis attritus, aut divinæ inspirationis gratia provocatus, ad Creatorem suum quandoque convertitur, mox ad suasorie assentionis blandimenta convertitur, sacri eloquii flosculos ac pravitatem nostri intellectus inflectimus, et sic divinis jam obsequiis mancipatum ad mundi volutabrum redire

A posse docemus: et sæpe, quod in ipsa litterarum superficie male sentientis error intelligit, subtiliter perscrutata intentio doctoris evertit; æquod in commate recte sentiri putabatur, considerata diligentius continui textus serie, error fuisse convincitur.

Jamjam ipsa Scriptura, quæ de monachis loquitur, procedat in medium, ne noster adversarius conquereatur devictum se esse sola argumentatione verborum. Non mihi dialectica syllogismorum suorum circulos offerat, non rhetorica lepidos deliniquæ suadeat colores infundat, non aliqua sæcularis sapientia phalerata mihi suæ urbanitatis lenocinia suggerat; sola se, et nuda proferat auctoritas Patrum, in quorum pectore omnipotens Deus, velut in tribunali solio præsidentis, sanctionis suæ voluit promulgare decretum; quatenus qui configere nititur, non jam cavillantium verborum commentis, sed ipso potius veritatis oraculo superari videatur: et ut omne tergiversationis undique occuldatum aufugium, ipsos contra se in movenda lite sentiat oratores, quos universus orbis habet et iudices.

CAPUT IV.

Quod sponte suscipitur, sine peccato non deseritur.

Primus itaque magnus Leo suæ auctoritatis figat articulum, et ut revera insuperabilis dux, ipse præferat in prima belli fronte vexillum. Ait enim inter cætera: « Propositum monachi proprio arbitrio, aut voluntate susceptum deseri non potest absque peccato. Quod enim quis vovit Deo, debet reddere. Unde qui relictæ singularitatis professione, ad militiam, vel ad nuptias devolutus est, publicæ poenitentiae satisfactione purgandus est. Quia et si innocens militiæ, et honestum potest esse conjugium; electionem meliorem deseruisse, transgressio est. » Ubi notandum, quod vir disertissimus non ait, ut noster garrit episcopus, propositum **365** monachi longa morositate susceptum. « Sed propositum, inquit, monachi proprio arbitrio, aut voluntate susceptum deseri non potest absque peccato. » Nihil ergo virium temporali reliquit morositati, qui totum spontaneæ tribuit voluntati.

Si igitur propositum hoc negari non potest cum voluntate susceptum, asseratur necesse est, cum peccato relictum. Cui simile est illud etiam, quod de virginibus idem vir eloquentissimus ait: « Puellæ, inquit, quæ non coacto parentum imperio, sed spontaneo judicio virginitalis propositum, atque habitum susceperunt, si postea nuptias eligunt, prævaricantur, etiam si nondum eis gratia consecrationis accesserit: cujus itaque non fraudarentur munere, si in proposito remaneret. » Audis igitur, o episcope, quia nihil momenti morosæ conversioni, nihil ipsi etiam consecrationi tribuitur, sed omne monasticæ perfectionis robur spontaneo judicio reservatur.

Ad confutandas litigatoris nostri calumnias poterat, imo debuerat eminentissimus Leo sufficere, si hic posset facile rigidam cervicem cordis sacræ auctoritatibus inclinare: sed quia iste necdum for-

sitan flectitur, beatus quoque papa Gelasius ad testimonium deducatur; scribit enim inter alia: « Quamobrem quisquis virorum, vel mulierum habitum semel induerit, vel induerunt spontanee religiosum, aut si vir deditur Ecclesiae choro, vel femina fuerit, aut fuit delegata puellarum monasterio, in utroque sexu prævaricator ad propositum invitus reverti cogatur, ut vir detondeatur, et puella monasterium ingrediatur. Si autem quolibet patrocinio desertores permanere voluerint, sacerdotali sententia a Christianorum cœtu habeantur extorres, ut nec locus eis ullus sit communis. » Singula, obsecro, verba subtiliter inspicere, ut in statera mentis appendens, a veritatis statu nequam valeas declinare. Pende ergo quod dicitur: « Quisquis habitum semel induerit spontanee religiosum. » Ecce juxta Gelasiani decreti sententiam, quacunque occasione, etiamsi nulla interveniat mora probationis, quisquis religioso habitu semel induitur, funditus sibi redeundi ad sæculum licentia denegatur.

CAPUT V.

An filii a parentibus Deo dicati, habitum induiti, in religione manere teneantur.

Huic etiam non dissimile cernitur, quod in Chalcedonensi concilio reperitur, ubi qui semel in clero deputati sunt, aut monachorum vitam expetiverunt, statumini neque ad militiam, neque ad dignitatem aliquam venire mundanam, sed hoc tentantes, et non agentes pœnitentiam, quominus redeant ad hoc, quod propter Deum primitus elegerunt, anathematizari.

Toletanum quoque concilium testimoniis nostræ allegationis addat augmentum: « Monachum, inquit, paterna devotio, aut propria professio faciat: Quidquid horum fuerit allegatum tenebit; proinde his ad mundum revertendi **366** recludimus adiutium, et omnes ad sæculum interdicimus regressus. » Rursus in eodem concilio, longe superius, inter alia legitur: « Ideoque si in quolibet minori ætate, vel religionis tonsuram, vel religionis debitam vestem, in utroque sexu filiis, aut unus, aut ambo parentes dederint, certe vel nolentibus, aut nescientibus susceptam, et non mox visam in filiis abdicaverint, vel coram se, vel coram Ecclesia, palamque in conventu eosdem filios talia habere permisierint, ad sæcularem reverti habitum ipsis filiisque quandoque penitus non licebit. Sed convicti, quod tonsuram, aut religiosam vestem aliquando habuerint, mox ad religionis cultum habitumque revocentur, et sub strenua discretionem hujusmodi observantiae inservire cogantur. » (*Vide scholia ad calcem opusculi.*)

Si placet etiam Triburense concilium, quid de monachis propositum relinquentibus decernat, ausculta: « Quicumque, inquit, ex sæcularibus accipientes pœnitentiam se totonderint, et rursus prævaricantes laici facti sunt, comprehensi ab episcopo suo, ad pœnitentiam, ex qua recesserunt, revo-

centur. Quod si aliqui per pœnitentiam irrevocabiles sunt, nec admoniti revertuntur, vere ut apostatæ coram Ecclesia anathematis sententia condemnentur. » Ecce hic expresse docemur, quoniam hæc episcopis cura injungitur, non ut permanentes a monasteriis exire, suadeant, sed potius ut prævaricantes redire compellant. Sed quid ex illis causamur hominibus, qui spontaneo convertuntur arbitrio, cum et illis post tergum redire non liceat, qui tonsurantur inviti?

Unde etiam apud Maguntinense concilium tale promulgatur edictum: « De clericis vero hæc statuimus, ut qui hactenus inventi sunt, sive in canonico, sive in monachico ordine tonsurati, sine eorum voluntate, si liberi sunt, ita permaneant. »

B Sed respondebis forsitan mihi, et contra tot authentica sanctorum Patrum judicia, contra tot venerabilium conciliorum statuta, scutum adhuc vanae defensionis opponens: Esto, inquires, ut qui a parentibus offeruntur, ita permaneant: qui voluntarie convertuntur, ad negotia mundana non redeant: qui inviti etiam tonsurantur, jam saniori consilio perseverare contendant. Nam de tam perspicuis sanctorum Patrum dictis ambigere, quid est aliud, quam nicanantium astrorum globis oppositum apertis oculis nil videre?

Sed dic, rogo, ferendumne est, et non potius liberis vocibus arguendum, cum pravi quilibet monasteriorum rectores, qui nec Deum diligunt, nec lucrum animarum quærere comprobantur, turpis lucri stimulis accensi, ita simplices quosque blanda persuasionem decipiant, ut eos vanis promissionibus illectos, ad monasterium trahant; eritne hujusmodi recta conversio, quam non in possessorem, sed in possessione præcessit inflammata cupido? Ad hæc ego sine cunctatione respondeo, et istis etiam ut a proposito quod cœperunt deviare non liceat, constanter affirmo: et ut argumentationibus propriis ratio non indigeat, rursus ad Maguntinense concilium sermo recurrit: dicit enim post multa: « Constituit sane sacer iste conventus, **367** ut episcopi, sive abbates, qui non ut in fructum animarum, sed in avaritiam, et turpe lucrum inhiantes, quoslibet homines illectos circumveniendo totoderunt, et res eorum tali persuasionem non solum acceperunt, sed potius surripuerunt, pœnitentiæ canonicæ, sive regulari, ut puta turpis lucri sectatores subiaceant. Si vero, qui vanis promissionibus illecti, vel quibuslibet machinationibus persuasi, mentis inopes effecti, rerum suarum domini esse nescientes, commam deposuerunt, in eo, quod cœperunt, perseverare cogantur. »

D Sed quoniam omnis versuti litigatoris machina tunc exacte vincitur, si quidquid ab eo obijci posse perpenditur, velut gravissimis argumentationum arietibus antea refellatur, non erubescens forsitan dicere, quia B. Gregorius hominem de monasterio retrahi, et uxori suæ, etiamsi jam tonsuratus esset, reddi præcepit. Sed et nos tibi non

Immerito respondemus, quia sagitta in lapidem A missa interdum percuit dirigentem : et sæpe incautus miles eodem telo, quo percute adversarium nititur, ipse potius lethaliter vulneratur. Si enim hoc exemplum diligenter inspicias, pro nobis stare cernitur, nostris allegationibus attestari inexpugnabiliter invenitur : et ut quid dicitur ipsa rei manifestatione clarescat, aliquid hic de Gregoriana epistola intermiscere non pigeat : « Agathora, inquit, latrrix præsentium quæstæ est, maritum suum contra voluntatem suam in monasterio Urbici abbatis esse conversum. Quod, quia ad ejusdem abbatis culpam, et invidiam non est dubium pertinere, experientiæ tuæ præcipimus, et diligenti inquisitione discutiat, ne forte cum ejus voluntate conversus sit, vel ipsa se mutare promiserit : et si hoc B repperit, et illum in monasterio permanere provideat, et hanc, sicut promisit, mutari compellat. » Ecce nihil hic de morosa conversione, nihil de diuturnitate probationis inquiritur, sed hoc tantum jubetur, ut si ille cum uxoria voluntate et promissione conversus fuisse convincitur, in eodem perseverare proposito omnimodis compellatur.

Quod autem sequitur : « Si vero nihil horum est, hoc est videlicet, si neque cum voluntate, neque C cum promissione est uxoris conversus, ut reddatur. » Hoc etiam maxime nostris opitulari partibus non est dubium, nimirum dum enumeratis causis, quibus vir uxori reddi præcipitur, nulla de morosa conversione mentio reperitur : quam scilicet longæ conversionis moram si quid momenti, si quid virium vigilantissimus vir habere decerneret, explicatis aliis, nequaquam hanc silentio præteriret : sed quam tacuit, tacendam esse silentio clamante præcepit.

CAPUT VI.

Quæ ætas requiratur in consecrandis virginibus.

Verum qui tam densissimam testium nubem oppositam tuis adventionibus conspicias, ut, *ante more* labrici anguis, huc illicque te vertere conscriptus manu validæ rationis minime possis, fortasse tamen adhuc de his **368** qui in ægritudine positi convertuntur, rationem tibi reddi specialiter quæris ; sed si cuncta, quæ superius dicta sunt, diligenter attendas, perspicuum est, te superfluo de specie illud ambigere, quod de genere cogeris affirmare. Si enim de omnibus non solum sponte, sed etiam coacte conversis, de his etiam qui despiciuntur, conversio rata decernitur ; qualiter in ægrotis ad hoc inenarrabiliter æstuantibus, et cum magno desiderio flagitantibus non eadem præcipue sententia conservetur ?

Nam ut de viris taceam, quibus ad conversionis remedium nulla præjudicat ætas, nullum tempus obsistit, ipsas etiam virgines, quas nisi in præcipuis festivitibus, et post viginti quinque annos ætatis consecrari minime licet, languore tamen correptas et consecrari, et sacrum velamen susci-

testimonium quærimus, B. Gelasius memoriæ primus occurrit, qui ait : « Devotis quoque virginibus nisi aut in Epiphania, aut in albis paschalibus, aut in apostolorum natalitiis sacrum minime velamen imponatur, et non ante viginti quinque annos, nisi forte, sicut de baptismo dictum est, gravi languore correptis, ne sine hoc munere de sæculo exeant, implorantibus non negetur. » Vides ergo, quia illam etiam conversionem, quam infirmare et irritam reddere sanitas poterat, infirmitas roborat, languor excusat ? Et, ut ita loquar, unde conversus corrui, inde conversio convalescit.

Sed si forte calumniaris me exemplum de mulieribus reddidisse, cum tu de viris inquirereres ; nolo te lateat, quod in Verniciensi concilio legitur : « Eadem, inquit, lex erit viro et femine. » Et si quæ dicta sunt, studiosè consideras, ad disputationis vim propensius roborandam hoc non ex necessitate, sed ex tædio fecisse me non ignoras. Plane si cuncta sacræ Scripturæ testimonia, quæ huic assertioni congrua reperiuntur, tentaremus apponere, ante fortasse dies, quam exemplorum copia numerosa deficeret : quorum videlicet idcirco scribere plura postponimus, quia prolixitatis fastidium devitamus. Quapropter impudenter adhuc testimonia requirerem ad ea, quæ superius sunt congesta, remitteremus ; ubi ægrotos pariter et incolumes eadem regula comprehendit, quæ non solum voluntarie, sed etiam violenter conversos, ultro etiam deceptoris machinationibus persuasos in eodem proposito perseverare decernit.

CAPUT VII.

An viduæ velari possint.

Tanta veneratione, tanta custodiæ censura monachicum habitum sancti Patres dignum esse censuerunt, ut pene quocunque modo illum quis semel indueret, relinquendi postmodum licentiam non haberet. Et ut, quod dicimus, testimoniis approbamus, nunquid non sæpissime in sacris canonibus, interdicatur, ut vidua non veletur ? Unde, ut de cæteris sileam, Gelasius ait : « Viduas, inquit, velare pontificum nullus attentet. Hæc tamen, quæ velari **369** etiam a pontifice prohibetur, si quolibet impulsu ipsa sibi signum sacri velamini imposuerit, absque ullo retractatione relinquere ulterius non audebit. » Unde in Aurelianensi concilio legitur : « Viduæ, quæ spontanea voluntate ab altari sacræ conversationis velamen suscipiunt, decrevit synodus in eodem proposito eas permanere. Non enim fas esse decernimus, postquam se Domino semel sub velo consecraverint, iterum eis concedi Spiritui sancto mentiri. » Et idem alibi post multa : « Nos autem auctoritate Patrum suffulti in hoc sacro conventu sancimus, et libere judicamus ; si vidua sponte velamen, quamvis non sacrum, sibi imposuerit, et in Ecclesia inter velatas oblationem Deo obtulerit, velit, nolit, sanctimonie habitum ulterius habere debet, licet sacramento confirmare velit.

eo tenore et ratione velamen sibi imposuisse, ut **A** canonum auctoritate confunditur, nostris etiam rationibus probabiliter superetur : quatenus argumentationum circulus sic undique labia dolosa constringat, ut a tam perversa doctrina necessario in perpetuum conticescat ; ut et de nobis merito dicatur : quia non dedimus cornu peccatori ; et de illo jure cum Psalmista cantetur : « Quoniam obstructum est os loquentium iniqua (*Psal. Lxii*). »

Liquet igitur, quia et illa conversio, quæ legaliter non processit, et fieri omnino non debuit ; tamen propter sacri ordinis reverentiam, postquam facta est, jam non permittitur violari. Si ergo illam conversionem sancti Patres roborant factam, quam et ipsi prohibere futuram ; quid de illa, obsecro, sentiendum est, ad quam venientes adhortationibus provocant, in qua positos obtestantur ut perseverare non desinant ? Sic etiam tu, si quovis pacto subitanea tibi conversio displicebat, ut a sanctorum Patrum norma in nullo te dissidentem ostenderes, poteris forsitan convertendis quidem aliquid de mora conversionis objicere ; conversis autem absit, ut quod irrevocabili actum est, doceas **B** retractare. Et quia sermo se de mulieribus intulit, cur ista de velatis viduis diximus, cum et virgines, quæ nullo adhuc sacro velamine conteguntur, si saltem permanere se in virginali proposito simulaverint, districtè prohibentur, ut nubere non præsumant ? Super quibus Innocentius papa sic scribit : « Hæc vero, quæ necdum sacro velamine tectæ, tamen in proposito virginali semper se simulaverant permanere, licet velatæ non fuerint ; si forte nupsent, revocandæ sunt, et agenda penitentia illis est ; quia sponsio earum a Domino tenebatur. » Nam si Apostolus illas, quæ a proposito viduitatis discesserant dixerat habere damnationem, quia primam fidem irritam fecerunt (*I Tim. v*), quanto magis hæc quæ fidem frangere conatæ sunt ? Et nos etiam, ut venerabilis Innocentii probatissimæ auctoritatis dicta sequamur, si illas Apostolus damnabiles perhibet, quæ solummodo viduitatis propositum dissolverunt ; quid de illis dicendum est, quid utique perhibendum, qui sæculum deserunt, possessiones abiciunt, Creatori suo se ultrones offerunt, alienæ se ditioni submittant, et ut mundo funditus mortui videantur, mortificationis, et sanctitatis habitum induunt ?

Quod autem nunc etiam de feminis loquimur, nequaquam fieri extra lineam propositi operis, arbitramur. Salvo enim eo, quod eadem lex erit viro et feminæ ; idcirco etiam ad muliebrem sexum nostra se extendit oratio, quia vitium, quod male nasci jam in viris aspicimus, pullulare etiam quandoque et in feminas formidamus : et sicut in his ortum invectionis sarculo **370** studemus evellere, ita etiam in illis ne oriri valeat, præcurrimus nascenti auditum opilare ; ut velut male abortivum germen prius cogatur mori, quam valeat nasci ; ante in semetipso marcescat quam in gemmas erumpat.

CAPUT VIII.

Confirmantur supra allata.

Libet nunc animum paulisper ad superiora reducere, et ex his, quæ præmissa sunt, postpositis Patrum exemplis, cum adversario modo propriis assertionibus disputare, ut qui tam gravt, tam multiplici

canonum auctoritate confunditur, nostris etiam rationibus probabiliter superetur : quatenus argumentationum circulus sic undique labia dolosa constringat, ut a tam perversa doctrina necessario in perpetuum conticescat ; ut et de nobis merito dicatur : quia non dedimus cornu peccatori ; et de illo jure cum Psalmista cantetur : « Quoniam obstructum est os loquentium iniqua (*Psal. Lxii*). »

Age ergo, quid est quod dicitur : « Quia nisi qui regulariter protractus, et per annale spatium sit probatus, etiamsi conversus sit per ægritudinem, absolutum relabendi ad sæculum habeat libertatem ? » Nunquid qui hoc de valentibus censuit, idem nihilominus de languentibus judicavit ? Sed quis vel insanæ mentis homo non videat quia quilibet languidus, vel jam morti propinquus hanc observationem prorsus adimplere non valeat ? Si igitur omnes simul homines sanctus Benedictus hac sententia comprehendit ; patet profecto, quia ægris et omnino debilibus, qui ad perferendum non assurgunt, conversionis aditum obseravit. Sed quis ferat hoc de sancto viro suspicari aliquatenus posse, qui non solum ab hac, et ab omni peste hæreticæ pravtatis alienus exstitit, imo Spiritu sancto plenus, tot signis attestantibus evidentissime claruit ? Quis illum ferat per Novatianorum hæresim homines ad desperationem trahere, qui per sacræ doctrinæ sinceritatem tot animas hominum videtur quotidie ad spem æternæ vitæ reducere ? Fateamur ergo necesse est, hujus præcepti normam incolumes tangere ; ad **C** ægrotos autem nullatenus pertinere.

Sed nunquid si absque corporali molestia quisquam ad monachicum ordinem sine probatione devenerit, huic nequaquam redire post tergum noster episcopus prohibebit ? Dic, obsecro, legisti aliquando monasticæ vitæ propositum, secundum esse baptismum ? Sed quia hoc invenire in dictis Patrum perspicuum est, negare licitum jam non est. Non ignoras etiam quia decretali rursus antiquorum sanctione præcipitur, ut ad baptismi gratiam productora temporum intervalla tendantur. Ut enim ecclesiasticæ institutionis ordinem breviter tangam, sicut septem sunt dona Spiritus sancti, ut etiam septem dona baptismi, a primo videlicet pabulo sacri salis, et ingressu Ecclesiæ usque ad confirmationem sancti **D** Spiritus per chrisma ; quæ omnia, sicut frequentius agitur, expedit ut per diuturna temporum spatia compleantur. Sed si quis postposita morosæ interapedinis **371** observantia, ad plenitudinem baptismi repente proruperit ; hunc, rogo, baptismum invalidum judicabis ? Docebis hunc hominem debere totum, quod acceptum est, parvipendere ; et, ut salvus fieri possit, adhuc ad purificationis mysterium properare ? Loquere, responde : censebisne hunc hominem baptismi lavacrum jure posse repetere, qui ad baptismum non indictæ ordinæ præcipitanter ausus est prosilire ? Cur taces ? Nimirum tantopere loquendi avidus non sic obmutesceret, si haberet aliquid quod rationabiliter responderet. Sed non

ambigo, quin constanter affirmes et hunc baptismum adeo ratum esse, et validum, ut quisquis ex illo renascitur, jam procul dubio sacrilegum sit, et omnino nefarium, si ad ejusdem regenerationis sacramentum denuo revocetur. Consequitur ergo, ut quod ex primo baptismo sentire compelleris, hoc etiam de secundo, monachico scilicet instituto, inevitabiliter fatearis. Et sicut prior semel susceptus nullatenus valet repeti, ita etiam secundus nulla potest juris ratione contemni.

Verumtamen dic, obsecro, quis sanctorum, quis antiquorum Patrum sub hac, quam insolenter asseris, probatione conversus est? Nunquid Antonius? Nunquid Paulus? Nunquid Hilarion? Nunquid et ipse sanctus Benedictus, qui ista, sicut tu falleris, videtur præcipere, sub hac probationis observantia ad monachicum legitur ordinem pervenisse? Percurre, quæso, cunctas veridicæ antiquitatis historias, et cum non possis vel unum per tam longa temporum intervalla probatum ostendere, necesse est, ut confitearis te calcetenus superatum, victoris insultationibus merito subjacere. Sane quo pacto cuncta exempla veterum, omnia gesta Patrum arroganti supercilio præteris, et contemptis omnibus, ad unius te sententiæ centrum obstinatus astringis? Nam si illi procul dubio sancti sunt, necessario sunt etiam imitandi. Quod si imitandi non sunt, nec omnino sancti sunt. Cernis, o bone litigator, quorsum vergat hæc tua docta sententia? Cogaris ergo necessario confiteri vel sanctos Patres nostros omnino sanctos non esse, vel eos, qui noviter convertuntur, magnopere probationibus non egere. Erubescat ergo lingua phrenetica, et quæ nescit esse facunda, discat esse vel muta. Nescit aliquid utiliter dicere, sciat saltem sine damno tacere. Serpitem enim sermo iste perversus, ut caueat, qui nisi ab uno membro eisurgio acutissime reprehensionis absconditur, nulli dubium quin ad sana Ecclesiæ membra pestifera dilatetur.

CAPUT IX.

Probatio ad religionem venientium cur exigatur.

Sed ad hæc respondebis fortassis, et dices: Cur ergo probatio ista in communè præcipitur, si non etiam generaliter observetur? et ego abs te quæro: dic mihi, qui præcipit ut sub hac probatione quis ad conversionem veniat, ubi etiam censuit, ut aliter veniens, a monachica institutione recedat? Et cum ostendere hoc minime poteris, competens est ut credas, quia propter vagos homines, et duplices animo dictum est magis cautela consilii, quam auctoritate præcepti. Quod facile dignoscitur, si vel initium sententiæ ipsius, de qua agitur, attente legatur. Dicit enim (S. BEN. Reg., cap. 58): « Noviter qui veniens ad conversionem non tam faciliis tribuatur ingressus, sed, sicut ait Apostolus, probate spiritum, si ex Deo est (I Joan. iv.) » In quibus verbis patenter agnoscitur, quia quisquis ad conversionem divino Spiritu provocatus accesserit, tam morosæ probationis interstitio penitus non

A egebit. Tolle siquidem duplicem spiritum, probatio- nis continuo cessat experimentum. Pulset ille Spiritus, qui dicit: « Ego sto ad ostium, et pulso (Apoc. iii); » si cognoscitur, huic certe nulla mora protrahitur, nulla probatio quæritur, sed pulsanti protinus aperitur. Denique sicut ex apostolico exemplo colligitur, quod illic ponitur: « Probate spiritum, si ex Deo est; » probatio ista magis suscipienti est necessaria, quam venienti: videlicet ut suscipiens internoscere valeat, quo impulsus spiritu suscipiendus accedat. Nec jam probatio expedit, ubi qui probandus est, perspicaciter innotescat. Ibi quippe lucernam accendimus, ubi quod occultum est non videmus; si autem quod latebat aspicitur, lucerna protinus exstinguitur. Sic sic nimirum de cujus mente, quo spiritu ducatur ambigitur, valde necessarium est ut probetur. Ubi autem conscientia manifesta claruerit, probationis exercitium inanescit.

Et cum (teste ejusdem libello regulæ) cuncta pene hujusmodi negotia in abbatis arbitrio et potestate sint constituta, cum quilibet eo modo ad conversionem venerit, sicut illi ab abbate præcipitur; quam impudentem, quam inconsulte, quam infronite quis asserat, ut illa conversio irrita judicetur? Certe eadem regula præcipit, ut abbatis mensa cum peregrinis et hospitibus semper sit. Sed quia modo propter reprimendam quorundam crapulam, et luxuriosa convivia, religiosi cœnobiorum rectores minime faciunt; te iudice, ab officio suo removendi erunt? Qui nimirum dum sancti doctoris intentionem vigilantem aspiciunt, sequi verborum superficiem parvipendunt; dum medullam vivificatoris Spiritus ruminant, occidentis literæ paleas calcant. Sed sicut et hic propter saporem intelligentiæ, literarum corticem postponi non prohibes, ita etiam de conversione monachi eadem necesse est consequenter affirmes.

Sed quoniam ex quadratis argumentationum nostrarum lapidibus inexpugnabile munimen ereximus, consequens est, ut hoc in ipsius calce opusculi quadam syllogismi clave firmiter obseremus. Omnes namque, qui monachicæ professionis habitum susceperunt, aut spontaneo iudicio sunt conversi, aut vi coacti, aut suasoria calliditate decepti; qui autem sponte conversi sunt, vel sub probatione ad monasterium veniunt, vel postposita probationis difficultate prorumpunt. Sed jam superius posita multiplici canonum auctoritate firmatum est, ut quicunque aut sponte conversi sunt, aut coacti, aut etiam decepti, sive probati sunt, sive non probati, excepto si uxoris consensum et promissionem non habuerunt, omnes perseverare in eo, quem acceperunt, monachico ordine omnimodis compellantur. Concludatur ergo necesse est, ut omnes qui monachicæ professionis habitum susceperunt, exceptis his, qui absque uxoria permissione, et promissione conversi sunt, quocumque alio modo ad hoc propositum venerint, in eo, quem ceperunt, ordine compellendi sunt omnimodis permanere.

Ecce, ut opinor, et catholicorum Patrum testimoniis cinctus, et perspicuæ veritatis multimoda ratione vallatus, ita es ex omni parte constrictus, ut tu contra hæc nihil prorsus opponere, nullo pacto ac rediviva te possis ulterius certamina reparare. Quapropter da manus, et confitere te ignorasse quæ dixeris, et tuum tibimet iudicium per omnia displicere, imò adversus ea, quæ incaute protuleras, omni studio retractationis accingere: et ut eos, qui per te in errorem lapsi sunt, auctore Deo, ad rectitudinis viam valeas revocare, vertatur docta manus in prælio, et pro illis stare prudenter studeat, quos oppugnare pertinaciter satagebat; ut de te ad laudem Dei cum Paulo merito possit dici: « Nonne hic est qui expugnabat in Jerusalem omnes, qui invocabant nomen istud? » (Act. ix.)

Parce, quæso, labiis meis, quisquis es venerabilis præsul: et si quid in te asperum blaxteravi, si quid amaræ commotionis effudi, non typum arrogantiae credas, sed zelum justitiæ clementer indulgeas. Ego enim dummodo vel una erroris spina de nemore sanctæ Ecclesiæ mea opera possit evelli, non refugio cuiuslibet in me prave sentientis invidiam provocari. Nec te pudeat errorem tuum junioris fratris redargutione corrigere; dum non ignoras apostolorum minimum ipsi apostolorum principi in faciem restitisse (Galat. ii). Et si forte respondeas, quia Paulus, licet minimus, tamen coapostolus; 374 ego autem non coepiscopus; audi saltem quid Deus hominibus dicat:

A « Venite, inquit, et arguite me (Isa. i). » Si ergo Deus, ut ab hominibus redarguatur, invitat, satis dignum est, ut homo correptus ab homine, zelum fraternæ charitatis æquanimiter ferat.

SCHOLIA.

Si in qualibet minori ætate vel religionis tonsuram, vel religionis debitam vestem, in utroque sexu filius, aut unus, aut ambo parentes dederint, certe vel nolentibus, aut nescientibus susceptam, et non mox visam in filiis, abdicaverint, vel coram se, vel coram Ecclesia, palamque in conventu eosdem filios talia habere permiserint, ad sæcularem reverti habitum ipsi, filiusque quandoque penitus non licebit. Decretum est hoc concilii Toletani x, quod S. doctor pro rei occasione ad hunc locum referre voluit. At dum ille videtur asserere, oblatos monasteriis a parentibus pueros, cum ad annos discretionis pervenerint, teneri postea in illis perseverare; intellige id ex debito reverentiæ quam parentibus, a quibus oblati fuerunt, debent. Sic enim decere videtur, ut in cepta vocatione permaneant: præsertim cum jam sibi veluti habitum et religionis disciplinam paraverint. Nam de rigore neque parentes ad ingrediendam religionem filios obligare possunt: imo et filii jam oblati cum ad annos discretionis pervenerint, ut ad sæculum redeant, reclamare poterunt 10, q. 1, cap. 1. Cum simus, De regular. S. Thomas quodlib. 3, q. 5, et 2-2, q. 189. Cardinalis Turrecremata tract. 125, in Reg. S. Ben. ad cap. 59. Sylvester, verbo Religio, q. 10. Concilium Trid., sess. 25, cap. 15 et deinceps. De hac eadem re plura videas apud S. Bernardum, Epist. 1 ad Robertum nepotem suum.

Sit nomen Domini benedictum.

375-376 OPUSCULUM DECIMUM SEPTIMUM.

DE CÆLIBATU SACERDOTUM. AD NICOLAUM SECUNDUM ROMANUM PONTIFICEM.

ARGUMENTUM. — Publicam ecclesiasticorum virorum lasciviam ac petulantem vivendi licentiam comprimendam esse; quantoque nobiliores sunt qui peccant, eo majore animi ardore, ac libertate reprehendendos, exemplo egregio Phinees, fornicarium illum notum dirumpentis, demonstrat. Quæ res adeo cordi Deo fuit, ut inter cætera ob tantam rem bene gestam, collata dona, quæ in semet Phinees jure optimo promereri voluerit, sempiterni sacerdotii fœdere sit cumulatus. Contra accidere desidiis rectoribus, et flagitiis subditorum conniventibus, Heli sacerdotis admonet casus. Demum acriter in fornicarios sacerdotes atque episcopos, tum validis argumentis, tum sacra auctoritate Scripturæ invectus, Nicolaum summum pontificem hortatur canonica indictione, ut male peccantes coerceat; ne dum nimium pius indulgensque in alios sit, alienam ipse in se transferat penam.

Domno NICOLAO summo pontifici, PETRUS peccator monachus debitæ subjectionis obsequium.

Nuper habens cum nonnullis episcopis ex vestræ majestatis auctoritate colloquium, sanctis eorum fœmoribus volui seras apponere, tentavi genitalibus sacerdotum, ut ita loquar, continentia fibulas adhibere. Sed quoniam hæc est secta, cui ubique contradicitur; aliud quidem quodcumque vestræ constitutionis imperium sub spe perficiendi, fidenter indicimus. Hujus autem capiti nudam saltem promissionem tremulis prolatam labiis difficiliter extorqueamus. Primo, quia fastigium castitatis attingere se posse desperant: deinde quia synodali se plectendos

C esse sententia propter luxuriæ vitium non formidant. Nostris quippe temporibus genuina quodammodo Romanæ Ecclesiæ consuetudo servatur, ut de cæteris quidem ecclesiasticæ disciplinæ studiis examen, prout dignum est, moveat; de clericorum vero libidine propter insultationem secularium dispensatorie conticescat. Quod certe satis correctione dignum est, ne unde vulgus omne conqueritur, inde potissimum a magistris Ecclesiæ in iudicio taceatur. Si enim malum hoc esset occultum, fuerat fortassis utcuque ferendum; sed, ah scelus! omni pudore postposito, pestis hæc in tantam prorupit audaciam, ut per ora populi volitent loca secretantium, nomina a

concupinarum, socerorum quoque vocabula, simul A
et socrum, fratrum denique, et quorumlibet propin-
quorum, et ne quid his assertionibus deesse videatur,
testimonio sunt discursio nuntiorum, effusio mun-
nerum, cachinnantium joca, secreta colloquia;
postremo, ubi omnis dubietas tollitur, ueri tamen-
tes, et pueri vagientes. Ergo præ pudore, nescio
quomodo supprimatur in synodo, quod publice vo-
ciferatur in mundo; ut non modo peccantes, ut di-
gnuin est, notentur infamia; sed et hi quoque,
qui ultores esse debuerant, videantur in culpa.

CAPUT PRIMUM.

Quod Phinees idcirco fœdus æterni meruit sacerdotii,
quia in zelum se extulit ultionis.

Non hic pudor faciem Phinees sacerdotis operuit, qui
nimirum coenitem cum Madianitide Israelitem coram
omni multitudine in locis genitalibus arrepto pugione,
transfodit (*Num. xxv*). Porro autem nos contra divina
mandata personarum acceptores, in minoribus qui-
dem sacerdotibus luxuriæ inquinamenta perse-
quimur (*Deut. x*): in episcopis autem, quod nimis
absurdum est, persilenti tolerantiam veneramur. Sed
ecce hic Phinees divini Spiritus zelo succensus, cum
377 totus pene Israelitarum populus cum filiabus
Moab fornicando corrueret, seseque Beelphegor sa-
cerilegis cæremoniis initiaret, non in despectos
quoque, vel infimos divinæ legis propugnator
insiluit; sed excellentiores et clariore in populo,
quos ad terrendum cæteros trucidaret, elegit;
testante Scriptura quæ dicit: «Erat, inquit, no-
men viri Israelitæ, qui occisus est cum Madiani-
tide, Zambri filius Salai, dux de cognatione, et
tribu Simeonis (*Num. xxv*).» De mulieris quoque
nobilitate, si quæritur, hoc in sequentibus invenit-
ur: «Porro mulier Madianitis, quæ pariter inter-
fecta est, vocabatur Cozbi, filia Sur principis
nobilissimi Madianitarum (*Ibid.*).» Sane post di-
gestam fornicationis et dignæ ultionis historiam,
quid opus fuit Moysi, ut genealogiam fornicatoris
utriusque contexeret; et alterum ducem, alteram
nobilissimi principis filiam fuisse narraret; nisi
ut doceret carnales illecebras in eminentibus per-
sonis acrius persequendas? Hinc est quod et ipse
Dominus, cum omnis Israelitica plebs non dispari
crimine teneretur obnoxia, de populo quidem
tacuit, adversus autem solos principes in furorem
se dignæ animadversionis erexit. Iratus enim ait
Moysi: «Tolle cunctos principes populi, et sus-
pende eos contra solem in patibulis, ut avertatur
furor meus ab Israel (*Ibid.*).» Plane et Moyses
non ad alios, sed ad iudices Israel ait: «Occi-
dat unusquisque proximos suos, qui initiati sunt
Beelphegor (*Ibid.*).» Dum ergo Phinees pro com-
muni fornicatione totius multitudinis ulciscenda,
in eos potissimum qui duces videbantur, insiluit,
principes similiter populi in patibulis suspendi
sententia divina præcepit, Moyses quoque non
quibuslibet infimis, sed iudicibus Israel, ut

proximos suos occiderent, pro vindicta fornic-
ationis injunxit. Quid in his omnibus datur intelli-
gi, nisi quia reatus adulterii in personis clarioribus
debet durius vindicari? Et qui tales commotus
ulciscitur, pacem superni iudicis et gratiam non
modo sibi, sed et populo absque dubio promeretur.
Unde divina vox: «Phinees, inquit, avertit iram
meam a filiis Israel, quia zelo meo commotus est
contra eos, ut non ipse deletem eos in zelo meo
(*Ibid.*).» Ecce audivimus quomodo propter iram
Phinees placata est ira Domini super Israel, audia-
mus etiam nunc qualiter ipse per animi sui com-
motionem, perpetuum sibi cum Domino statuerit
pacem. «Ecce, inquit, do ei pacem fœderis mei, et
erit tam ipsi, quam semini illius pactum sacerdotii
sempiternum, quia zelatus est pro Deo suo, et
expiavit scelus filiorum Israel (*Ibid.*).»
Pacem quippe Dominus illi sui fœderis dedit, quia
sedata omni carnis molestia, vivere illum usque in
finem mundi, in paradisi amœnitate constituit.
Ipse siquidem est, nisi fallor, Elias propheta, qui
videlicet igneis equis et curru, Eliseo suspiciente,
est translatus in cœlum (*IV Reg. ii*). Unde me
quisquis mentiri autumat, divinæ legis interpretem
Hieronymum, qui hoc in Hebraicarum quæstionum
libro testatur, potius reprehendat. Porro autem et
tempore David regis hic Phinees superesse, ac
sacerdotale officium gerere perspicue reperitur, di-
cente Scriptura: «Hi sunt, inquit, Coritæ super
opera ministerii, custodes vestibulorum 378 taber-
naculi, et familie eorum per vices castrorum Do-
mini custodientes introitum. Phinees autem filius
Eleazar, erat dux eorum coram Domino (*I Par. vi*).»
Cui nimirum Phinees nomen est a parentibus indi-
tum, Elias vero agnomen est accidens per eventum.
Elias siquidem interpretatur, Deus Dominus, quod
ex hac sibi occasione impositum fuisse creditur,
quia cum legationis officio fungeretur, missus ab
Israelitico populo ad duas semitribus, Ruben vide-
licet et Gad, et dimidiâ tribum Manasse, quæ
enormis magnitudinis altare construxerant, hoc ab
eis responsum excusationis accepit: «Fortissimus,
inquiunt, Deus Dominus, ipse novit, si prævarica-
tionis animo hoc altare construximus (*Jos. xxii*).»
D Ab his itaque rationem reddendum verbis, Elias
nuncupatus assertit, qui Phinees eatenus diceba-
tur; ut illorum responsum, hujus videatur esse
vocabulum.

Notandum autem, quia sicut in chronicis suis
solertissimus Beda testatur, ab egressu filiorum
Israel ex Ægypto, usque ad Eliæ in cœli culmen
ascensum, sexcentorum viginti annorum supputari
calculus invenitur. Jure ergo qui mœchis repenti-
nam intulit necem, annosæ vitæ sortitus est longi-
tudinem; quique in terris divini zeli est ardore
succensus, congruenter est equis igneis elevatus in
cœlum.

CAPUT II.

Quod Heli ideo perit, quia filiis peccantibus male pius indulsit.

At contra, Heli quia filiorum peccata cognovit, sed eos invectione, qua digni erant, acerrima non corripuit, eisdem filiis a Philisthūm in bello peremptis, ipse quoque de sella retrorsum cecidit, fractisque cervicibus exspiravit (*I Reg. iv*). Quin et arca Domini ab hostibus capta est, et prius quidem quatuor millia, deinde triginta millia virorum sunt, Philisthæo trucidante, prostrata. Et quidem redarguit, et quidem corripuit: sed lenitate et mansuetudine patris, non severitate, vel auctoritate pontificis: « Quare, inquit, facitis res huiusmodi quas ego audio, res pessimas, ab omni populo? Nolite, filii mei; non est enim bona fama quam audio (*Ibid. ii*). » Audierat enim, Scriptura testante, quia « dormiebat cum mulieribus quæ observabant ad ostium tabernaculi (*Ibid.*). » Porro quos inimicos Dei vidit, in perniciem suam filios recognovit: et quos hostili ferire gladio debuit, paternæ blanditiæ lenitate palpavit. Non sic ille fidelis in domo Domini famulus Moyses, magister videlicet ingenui Phinees. Stans enim in porta castrorum, ait: « Si quis est Domini, jungatur mihi. Congregatæ sunt ad eum omnes filii Levi, quibus ait: Hæc dicit Dominus Deus Israel: Ponat gladium vir super femur suum; ite, et redite de porta usque ad portam per medium castrorum: et occidat unusquisque fratrem, et proximum, et amicum suum (*Exod. xxxii*): Cæsis itaque viginti tribus millibus hominum, ait Moyses: « Consecratis manus vestras hodie Domino, unusquisque in filio et fratre suo, ut deur vobis benedictio (*Ibid.*). » Plane sicut benedictione digni sunt, qui culpas corrigit, **379** ita nihilominus maledictioni obnoxii sunt, qui peccantibus blandiuntur, sicut per prophetam dicitur: « Maledictus qui prohibet gladium suum a sanguine (*Hier. xlvii*). » A sanguine quippe gladium suum prohibet, qui se ab inferenda reprobis dignæ sententiæ animadversione coercet. Facti siquidem culpam habet, qui quod potest, negligit emendare. Unde et præfatus Heli vir Dei, qui et Phinees fuisse putatur, ait: « Hæc dicit Dominus: Quare calce abjicitis victimam meam, et munera mea quæ præcepi ut offerrentur in templo, et magis honorasti filios tuos quam me? » (*I Reg. ii*). Si ergo Heli propter duos duntaxat filios, quos non ea qua digni erant invectione corripuit, cum eis simul, et cum tot hominum multitudine perit; qua arbitramur dignos esse sententia, qui in aula ecclesiastica, et solis iudicantium præsidet, et super non ignotis pravorum hominum criminibus tacet? Qui dum dehonestare homines in publico metuunt, ad contumeliam superni iudicis divinæ legis mandata confundunt: et dum perditis hominibus amittendi honoris officium servant, ipsum ecclesiasticæ dignitatis auctorem crudeliter inhonorant. Unde et eidem Heli, qui Deum, suos filios honorando, contempse-

A rat, divina vox ait: « Quicumque glorificaverit me, glorificabo eum; qui autem contemnunt me, erunt ignobiles. » Ubi mox subditur: « Ecce dies veniunt, et præcidam brachium tuum, et brachium domus patris tui (*I Reg. ii*). » Ac si aperte dicat: Quia ego per pastoralis officii dignitatem contra inimicos meos brachium tibi fortitudinis contuli, sed tu ad eorum ultionem illud exerere noluisti; jam brachium a te præcidam, id est, vigorem tibi sacerdotalis culminis auferam: ut qui manceps fueras ad pugnandum pro me, jam nec manum habeas ad tuendum te.

Ponamus plane, quod Ophni, et Phinees episcopi sint; Heli autem metropolitani vicem teneat: quid ergo deterius quis potest agere, quam si luxuriosis episcopis pareat, cum emendare prævaleat? Præsertim cum præfatus Heli Dominus dicat: « Prædixi ei, quod iudicaturus essem domum ejus in æternum, propter iniquitatem, eo quod noverat indigne agere filios suos, et non corripuerit eos; ideo juravi domui Heli, quod non expietur iniquitas domus ejus victimis et muneribus, usque in æternum (*I Reg. iii*). » Si ergo victimis et muneribus omnia crimina diluuntur, sola autem falsa in episcopis pietas veniam non meretur, videat qui eorum dijudicare mala dissimulat, quam duræ sententiæ apud districtum iudicem se obnoxium reddat. Sed quoniam ego summum Ecclesiæ universalis antistitem vel leviter suggillare non audeo, ipsum, qui peccat, breviter alloquar.

CAPUT III.

Contra sacerdotem luxuriam deditum.

Cur, o sacerdos, qui sacrum dare, hoc est sacrificium Deo debes offerre, temetipsum prius maligno spiritui non vereris victimam immolare? Fornicans enim a Christi te membris abscondis, et meretricis corpus efficeris, Apostolo testante, qui ait: « Qui adhæret **380** meretrici, unum corpus efficitur (*I Cor. vi*). » Et iterum: « Tollam, inquit, membra Christi, et faciam membra meretricis (*Ibid.*). » Absit. Quid ergo tibi cum corpore Christi, qui per carnis illecebrosæ luxuriam membrum factus es Antichristi? Quæ enim conventio lucis ad tenebras, aut quæ societas Dei ad Belial? » (*II Cor. vi*). Nunquid ignoras, Dei Filium adeo carnis elegisse munditiam, ut ne quidem pudicitia conjugali, sed de clausula potius incarnatus sit virginali? Et ne hoc sufficere videatur, ut tantummodo virgo sit mater, Ecclesiæ fides est, ut virgo fuerit et is qui simulatus est pater. Si igitur Redemptor noster tantopere dilexit floridi pudoris integritatem, ut non modo de virgineo utero nasceretur, sed etiam a nutricio virgine tractaretur, et hoc cum adhuc parvulus vagiret in cunis, a quibus nunc, obsecro, tractari vult corpus suum, cum jam immensus regnat in cœlis? Si mundis attingi manibus volebat in præsepio positus, quantam corpori suo nunc vult adesse mundiciam jam in paternæ majestatis gloria sublimatus? Plane si pater filiam

suam incestuose corrumpit, mox ab Ecclesia projectus excluditur, communione privatur, et vel in carcerem truditur, vel in exilium destinatur. Quanto ergo deterius ipse abjiciendus es, qui cum filia tua non quideam carnali, quod minus est, sed cum spirituali potius perire non metuis? Omnes quippe Ecclesie tue filii, tui procul dubio filii sunt. Et certe perspicuum est quia spiritualis generatio major est quam carnalis. Porro cum tu sis vir et sponsus Ecclesie tue, quod utique perhiberi et annulus desponsationis, et virga commissionis; omnes qui in ea regenerati sunt per baptismatis sacramentum, tibi quoque nihilominus astringuntur necessitudinē filiorum. Qui ergo cum spirituali filia tua committis incestum, qua conscientia Dominici corporis audes tractare mysterium? Sed fortassis objicias, quia longe antequam tu culmen sis adeptus episcopi, illa sit nata, vel non in episcopo, sed in aliqua sit plebium baptizata; tanquam tu eorum tantummodo, qui nascituri erant, factus sis pater, et omnis parochia tua non sit Ecclesia tua. Enimvero cum Dominus dicat: « Nolite sanctum dare canibus (*Matth. vii.*) », quod de te iudicium erit, qui corpus tuum, quod utique sanctificatum est per consecrationis accessum, non canibus, sed lupanaribus tradis? Et cum omnes ecclesiasticos ordines in te uno habere metuenda mole congestos, omnes procul dubio fœdas, dum te prostibuli permistione commaculas. Polluis itaque in te ostiarium, lectorem, exorcistam, omnesque deinceps sacros ordines, pro quibus omnibus in districto Dei iudicio redditurus es rationem. Ad impositionem manus tue descendit Spiritus sanctus, et tu eam adhibes genitalibus meretricum. Lingue tue obsequitur Deus, et tu non vereris obtemperare dæmonibus? Porro qui in ecclesiastica cerneris dignitate conspicuus, non te erubescis immergere fornicibus scortatorum? Et qui prædicator constitutus es castitatis, non te pudet servum esse libidinis? Veniet, veniet profectio dies, imo nox, quando libido ista tua vertatur in picem, qua se perpetuus ignis in tuis **381** visceribus inextinguibiliter nutriat, et medullas tuas, simul et ossa indefectiva conflagratione depascat! Qui enim flamma libidinis æstuas, qua fronte, qua audacia sacris altaribus appropinquas? Ignoras, quia filii Aaron, Nadab videlicet et Abiu, idcirco cœlesti sunt igne consumpti, quoniam alienum ignem offerre Domino præsumperunt? (*Levit. x; Num. iii.*) Altaria quippe Dominus non alienum, sed ignem duntaxat divini amoris accipiunt. Quisquis igitur carnalis illecebræ ignibus æstuat, et sacris assistere mysteriis non formidat, ille procul dubio divinæ ultionis interim igne consumitur, de quo Scriptura testatur: « Et nunc ignis adversarios consumit (*Hebr. x.*) ». Et sicut nunc æstuantis luxuriæ flamma decoquitur, ita postmodum nunquam finiendis atrocis gehennæ incendiis, necesse est comburatur. Præterea non expavescis, o infelix episcopo, quia dum in luxuriæ voragine corruis, Nicolaitarum hæresim

A incurristi? Nicolaus quippe, unus ex his quos Petrus apostolus diacones consecraverat, dogmatizabat clericos cujuslibet ordinis nuptialibus fœderandos esse conjugiiis. Quod ergo ille docebat verbis, ad hoc tu in cathedra pestilentie sedens, multo deterius invitas exemplis. De quo videlicet scelere, angelo Ephesine Ecclesie divina vox ait: « Odisti facta Nicolaitarum, quæ et ego odi (*Apoc. ii.*) ». Et cum Apostolus dicat: « Omnis fornicator non habet hæreditatem in regno Christi et Dei (*Ephes. v.*) », qui in regno Dei, hoc est, in cœlo, non habes quamlibet hæreditatem, quo pacto in Ecclesia, quæ nihilominus regnum Dei est, orationis obtines dignitatem?

CAPUT IV.

B *Exhortatio ad summum pontificem, ut in episcopos fornicarios canonicum exerat vigorem.*

Tu autem, domine mi, venerabilis papa, qui Christi vice fungeris, qui summo pastori in apostolica dignitate succedis, noli pestem hanc per ignaviam ad incrementa perducere; noli connivendo, et dissimulando grassanti **382** luxuriæ frena laxare. Serpit enim hic morbus ut cancer, et virosa propago ad infinita porrigitur, nisi evangelica falce quod male pullulat amputetur. Absit igitur, ut sanctum cor vestrum signis Heli torpor emolliat, sed potius ad sceleris ultionem ingenui Phinees zelus accendat. Deponantur ii, qui ecclesiasticæ castitatis non verentur fœdere munditiam: et dejecti deterreant, quos male stantes ad turpis luxuriæ contumeliam provocabant. Ad ultionem igitur se canonicus vigor exerat, et petulantium clericorum mala compescat; quatenus et beatitudinis vestræ, quod absit, nævus non obrepit infamiam, et solitus nitor ecclesiasticæ resplendet disciplinæ. Vestra quippe clementia non ignorat, quoniam Achab rex Israel, dum regi Assyriorum Benadad inordinata pietate pépérit, divini adversum se furoris sententiam provocavit; cui nimirum vir Dei ait: « Hæc dicit Dominus: Quia dimisisti virum morte dignum de manu tua, erit anima tua pro anima ejus, et populus tuus pro populo ejus (*III Reg. xx.*) ». Hic ipse quoque vir Dei cum diceret socio suo: « In sermone Domini percutite me; » noluisseque ille percutere, ait: « Quia noluisi audire vocem Domini, ecce recedes a me, et percutiet te leo (*Ibid.*) ». Cumque paululum recessisset ab eo, ut Scriptura testatur, invenit eum leo, atque percussit. Quibus utique sacri eloquii verbis, quid aliud innuitur, quam quia incomposita pietas procul dubio meretur iram Dei, dum non promulgat in reos sub districti juris æquitate censuram? Meritoque debet superni iudicis subire vindictam qui neglexit in subditos exerece disciplinam: illicque leoni, qui circuit quærens quem devoret (*I Petr. v.*), merito traditur, qui ab infligendo penitentiae vulnere per torporis desidiam cohibetur. Sic igitur ingenuus vester spiritus ad tollendum castitatis opprobrium se ferventer accingat, sic se in ultionem Nicolaitæ hæresis strenue ac viriliter erigat, ut

juxta sponsonem Phinees, pacem sui fœderis vobiscum Deus omnipotens statuatur; imo, sicut Eliam, cœsis typice quadringentis quinquaginta sacerdoti-

bus (*III Reg. xviii*), cœlo vos non equis igneis, sed angelis comitantibus introducat.

Sit nomen Domini benedictum.

383-384 OPUSCULUM DECIMUM OCTAVUM.

CONTRA INTEMPERANTES CLERICOS,

Contextum ex tribus aliis beati Damiani de eo argumento dissertationibus.

DISSERTATIO PRIMA.

ARGUMENTUM. — Petro cardinali viro insigni currenti, ut aiunt, stimulos addit, dum in clericorum impudicam vitam longa oratione invecius illum hortatur, ut suscipiat hanc cogitationem dignissimam suæ virtutis; eorumdem scilicet intemperantiæ totis viribus oppugnandæ, ut aliqua ratione, si fieri possit, coerceatur. Quam sit Deo rem gratam facturum, exemplo Phinees et Moysis ostendit. Multis quoque rationibus, et argumentis illum instruit, et ut castitatem tueri, et clericorum possit libidinem sua oratione destruere.

Domno PETRO Lateranensis canonice archipresbytero, PETRUS peccator monachus fraternæ glutinum charitatis.

Tantum valet jaculum, quanta virtus est bellatoris. Nam quantalibet limetur, et exacuatur industria, si brachium vibrantis elangueat insignis victoria; manubias non reportat. At ubi bellator est strenuus, per obtusum quoque gladium cœsis hostibus aliquando fit triumphus. Nam et Goliath insigni munitione gladio, non modo perdidit, sed et percussus occubuit (*I Reg. xvi*). Et Samson cum vili mandibula asini mille de Philistiim viros occidit (*Judic. xv*). Hinc est quod cum Jether primogenitus Gedeonis, gladium timuisset educere, Zebee, et Salmana reges Madiam, dixerunt Gedeoni: « Tu surge, et irruere in nos, quia juxta ætatem robur est hominis (*Ibid. viii*). » Itaque qui contra clericorum luxuriam tanquam tudites jaculum fabrico, in nullius enim melius, quam in tuis manibus pono. Tanto quippe zelo vidi te semper adversus eorum perditos mores medullitus inardescere, ut Phinees, vel Helix judiceris incendio non egere; adeo ut plus in suggillationis tuæ vereantur obloquium, quam ipsum quoque timeant papale decretum. Nam velut egregius canis aulæ regis custos, nocturnos fures claris bauibus impetis, eosque ne libidinis suæ facibus palatium regale comburat, mordicus apprehendit.

CAP. I.— Cur clerici debeant esse casti,

Non te latet quia presbyteris, diaconis, et subdiaconis, tam districtæ, tam rigidæ regula castitatis indicitur, ut omni catholicorum Patrum concurrente judicio, a contrahendis nuptiis funditur abscondantur. Et certe satis est ratione plenissimum, ut post episcopos, in his quoque tribus gradibus, nivens pudicitie candor effloreat, qui nimirum sacris my-

B steris familiarius appropinquant. Nam quia Dominicum corpus in virginalis uteri templo coaluit, nunc etiam a ministris suis continentis pudiciæ munditiam quærit.

Plane sicut concipienti Deificæ Virgini non virile semen influxit, sed virtus sancti Spiritus obumbravit; ita nunc in altari positum sacramentum eadem sancti Spiritus virtus est, quæ vivificat: et necesse est, ut hoc pudica manus, et impolluta contingat. Sed quoniam super hoc themate prolixius jam alibi disputavimus, et primo quidem piæ memoriæ Nicolao papæ, deinde Taurinensi episcopo, postremo etiam comitis Adelaidi, viritum scribentes diversa Scripturarum exempla concessimus: ad illa te, frater venerande, transmittito, illis te velut armis militariis induo: atque ut alter Josue urbem Jericho subvertere nitaris, impello. Superest ergo nunc, ut eosdem clericos ipse paulisper **385** aggrediar; quatenus quod in camino pectoris fervet, ita labiis quasi rimis patentibus evaporet.

Convenio vos, o prolectarii, uxorii, ac mulierum dominantium ditionibus inserviti, ut sancti canonicæ sanctionis jura confunditis, et a sanctis Patribus institutam puritatis ecclesiasticæ regulam violatis? Proh pudor! libidinis vestræ legibus colla submittitis, et promulgata per ora doctorum sancti Spiritus edicta calcatis. Ecce per vos apostolorum labor evertitur, et ædificium, quod doctores Ecclesiæ fundaverunt, liquet quod, vobis impugnantibus, obruatur. Et ita fit, ut lex Ecclesiæ quam clericalis ordo constituisse dignoscitur, per eundem rursus ordinem e contrario destruat. Amnon et Absalon fratres fuerunt, quos unus quidem pater genuit; sed alterum alter exstinguit (*II Reg. iii*). Cain trucidavit Abel (*Gen. iv*), malus scilicet justum; sæpius etiam adulterinus legitimum perimit, sicut Jugurtha, perhibente Crispo (SALLUST., *De bello Jugurth.*), Hiempsal et Adherbal occidit; ita quodammodo spurii fratres legitimos perimunt, cum ii qui se solo nomine clericos præfidentur, sanctorum Patrum judicia destruant. Et tanquam ipsos videntur exstinguere, quorum non metuunt sententias annullare. Quos videlicet apte significare videtur Abimelech filius Jerobaal, quem Scriptura genitum refert de concubina, quam habuerat in Sichem (*Judic. ix*). Hic enim occidit fratres suos filios Jerobaal, septuaginta

viros super lapidem unum. Quid enim per septuaginta viros, nisi prædicatorum Ecclesiæ libra signatur? de quibus ait Lucas evangelista: « Quia designavit Dominus septuaginta; et misit illos binos ante faciem suam in omnem civitatem et locum quo erat ipse venturus (Luc. x). »

Hic etiam prædicantium ordo jam figurabatur in illis, de quibus ad Moysen Dominus ait: « Congrega mihi septuaginta viros de senioribus Israel, quos tu nosti, quod senes populi sint, et magistri, et duces eos ad ostium tabernaculi fœderis (Num. xi). Idem quoque mysticus numerus prædicatoribus convenire tunc indubitanter agnoscitur, cum Israëlitis populus in Elim castra posuisse narratur (Exod. xv); ubi videlicet erant duodecim fontes et septuaginta palmæ. Quid enim per duodecim fontes, nisi sancti designantur apostoli, qui ariditatem cordis humani sanctæ prædicationis non desinunt irrigare fluentis? Quid vero per septuaginta palmas, nisi inferioris gradus debent sacerdotes intelligi, qui constituti sunt per mundum Christi narrare victorias? Palma siquidem consuevit coronare victores; denarius autem numerus in his septenarium ducitur; quia necesse est, ut per septiformis Spiritus sancti gratiam decalogus impleatur.

Nec prætereundum, quod populus ille antequam venerit in Elim, pridiana castrametatus fuerat in Maara (Ibid.). Ubi nimirum cum aqua tam esset amara ut poculum non admitteret, lignum quod Deus ostendit, ingeritur, et protinus obdulcatur. Occidentem quippe litteram veteris legis, quia nemo valebat implere, quasi præ amaritudine salsas aquas horrescebant homines bibere; sed his aquis cum lignum crucis **386** adhibetur, cum Dominicæ passionis series applicatur, mox spiritualis intelligentia cum dulcedine bibitur sacramentum. Sique populus de Mara venit in Elim; amaræ scilicet litteræ spernit horrorem, et ad apostolicos fontes, atque ad palmalis fructus gaudet festinare dulcedinem. Legalem abiiciens servitutem, dulcem expetit evangelicæ gratiæ libertatem.

CAP. II. — *Luxuriosi clerici cum Abimelech comparantur.*

Ut ergo ad id quod cœpimus revertamur, cum per septuaginta viros, quos occidit Abimelech, prædicatorum figurentur Ecclesiæ; quid per eundem Abimelech, qui eorum frater erat, sed spurius, nisi luxuriosi, atque carnales intelligendi sunt clerici, qui catholicorum, sanctorumque pontificum et fratres quidem sunt per acceptum ecclesiasticum ordinem, et tamen spurii judicantur per degeneris vitæ, et ignobilium operum pravitatem? Hi fratres suos occidunt, cum sanctorum Patrum judicia destruunt, cum sanctiones eorum atque decreta perverse vivendo confundunt. Et hæc interfectio fit super lapidem unum. Lapis iste Salvatoris est Ecclesia, de qua per Zachariam dicitur: « Ecce ego adducam servum meum orientem, quia ecce lapis, quem dedi coram Jesu: Super lapidem unum septem oculi sunt

(Zach. iii). » Lapis iste utroque unus aptissime dicitur, ut unitas Ecclesiæ commendetur. De qua sponsus ait in Canticis: « Una est columba mea, una est Genitricis suæ (Cant. vi). »

Quid sunt autem septem oculi super lapidem unum, salvo tamen, si est, altiori mysterio, nisi illi septuaginta viri, hoc est, doctores sancti in ecclesiasticæ pacis unitate conjuncti, septiformis sancti Spiritus charismatibus illustrati? Per hos enim oculos sancta videt Ecclesia, per hos conspicit ubi recti operis pedem ponat, ac per viam mandatorum Dei gradiens, normam rectitudinis non offendant.

Abimelech ergo manzer ac spurius septuaginta legitimus frater super unum lapidem perimit; quando pars [primus] clericorum ab ecclesiasticæ castitatis nobilitate degenerans, obscœnius se luxuriæ legibus subjicit. Et dum sacros canones reprobandos judicat, eorum conditores, sanctos scilicet viros, ac per hoc nobiles, Gedeonis, id est Salvatoris ac Ecclesiæ filios, impia quodammodo crudelitate trucidat. Habent enim adulterinos canones, et quasdam argumentorum cavillantium novitates, quibus oppugnent. Quod videlicet in illa quoque turris Sichimorum obsidione signatur, cum de eodem fraticida per historiæ seriem dicitur: « Abimelech, inquit, audiens viros turris Sichimorum pariter conglobatos, ascendit in montem Selmon cum omni populo suo, et arrepta securi, præcidit arboris ramum, impositumque ferens humero, dixit ad socios: quod me videtis facere, cito facite (Judic. ix). » Deinde sequitur: « Igitur certatim ramos de arboribus præcidentes, sequebantur ducem, quibus circumdantes præsidium succenderunt: atque ita factum est, ut fumo **387** et igne mille hominum necarentur, viri pariter ac mulieres habitatorum turris Sichem (Ibid.). »

Non est hujus loci sacræ figuras historiæ solenter exponere, sufficiat nobis, quantum ad propositum attinet, rem summatenus prælibare. Rami arborum sunt sententiæ Scripturarum, quas dum impudici quique ad allegationis suæ robur violenter inflectunt, fumo, simul et igne numerosas hominum cætervas exstinguunt: fumo scilicet erroris, et igne libidinis; ut deceptas mala discentium mentes, et luxuriæ flamma succendant, et pravi dogmatis caligo confundat. Hæ sunt enim merces, quæ de Sodoma et Gomorrha prodire visæ sunt post excidium: « Abraham, inquit Scriptura (Gen. xix), consurgens mane ubi steterat prius cum Domino, intuitus est Sodomam et Gomorrah, et universam terram regionis illius, viditque ascendentem favillam de terra, quasi fornacis fumum. » Porro autem et dum Thebes cum suis agminibus obsideret oppidum, eundem contra castitatem Abimelech videtur figurasse conflictum. « Erat autem turris excelsa, ut Scriptura testatur, in medio civitatis, ad quam confugerant viri simul ac mulieres, et omnes principes civitatis, clausa firmissime janua, et super turris tectum stantes per propugnacula (Judic. ix). » Civitas uni-

versalis Ecclesia, turris castitatis est eminentia, ad quam confingerant viri simul ac mulieres, fortes scilicet et infirmi, principes etiam civitatis, ordo videlicet clericorum, qui tenet Ecclesiam principatum. Accedens itaque Abimelech juxta turrim, cœpit instantius dinicare, et appropinquans ostio, ignem conabatur apponere.

CAP. III. — *Quam pernicioſa ſit clericorum intemperantia.*

Hoc itaque modo clerici petulantes, et infruniti, turri castitatis moluntur incendium, dum multos ad suæ libidinis, et æstuantis insanie cohortantur exemplum. Ignibus armati turrim castitatis impetunt, dum incesti castos flamma pestiferæ persuasionis accendunt. Sed huic certamini quis finis imponitur? Quos victoriæ titulos hæc pugna sortitur? Ecce, inquit, nulius fragmentum molæ desuper jacens, ilisit capiti Abimelech, et confregit cerebrum ejus. Qui vocavit cito armigerum suum, et ait ad eum: Evagina gladium tuum, et percutite me, ne forte dicatur quod a femina interfectus sum. Qui jussa perficiens, interfecit eum (*Judic. ix.*). Ut autem in his verbis non diutius immoremur, fragmen hoc molæ, quod Abimelech cerebrum fregit, nihil est aliud quam saxum illud, quod Daniel sine manibus abscissum de monte conspexit (*Dan. ii.*); ipse videlicet Dominus, qui de se in Evangelio dicit: « Qui ceciderit super lapidem istum, confringetur; super quem vero ceciderit, conteret eum (*Matth. xxi.*) » Mulier vero de cujus manibus mittitur, sacra lex est, quæ flagitiosis pudicitia contemptoribus, repentinum Christi judicium committitur. De quo per Jeremiam dicitur: « Nunquid non verba mea sunt quasi ignis, dicit Dominus, et **383** quasi malleus contrensus petram? » (*Jer. xxiii.*) Armiger vero Abimelech, diabolus est, qui videlicet omnibus, qui turrim castitatis oppugnant, arma libidinis, et acuta luxuriæ jacula subministrat. De quibus jaculis dicit Apostolus: « In omnibus sumentes scutum fidei, in quo possitis omnia tela nequissimi ignea extinguere (*Ephes. vi.*) » Et propheta: « Ibi, inquit, Assur cum armis suis (*Ezech. xxxii.*) » Quem ergo mulier fragmine molæ percussit, armiger ense peremit; quia castitatis adversarios, quibus Scriptura sacra judicium divinæ animadversionis intentat, diabolus æternæ mortis internecione trucidat; ut quibus fuerat minister in pugna, eorumdem sit postmodum tortor in pœna, quæque illis contra pudicitiam arma suggererat, eadem exigentibus meritis in eorum tunc jugulum vertat.

Eant igitur nunc clerici molles, incesti, atque a genuina sui ordinis nobilitate degeneres; cum Abimelech arma corripiant; legitimos super unum lapidem fratres occidant; turrim Thebes, id est castitatis arcem, expugnare contendant. Omnis tamen eorum conflictus hoc fine concluditur, ut post ictum lapidis, armigeri quoque sui gladio perimantur; quatenus qui super lapidem gladio fratres exstinxerunt,

lapis proterantur, ut gladium non evadant: eosque pondus primo divinæ sententiæ conterat, deinde maligni spiritus pœnalis mucro concidat; quanquam non ignoremus, non absurde significari posse per Jerobaal Christum; per Abimelech Antichristum. Qui nimirum sicut ille concubinae, sic et iste est rejectæ filius synagoga. Per septuaginta vero fratres, quos Abimelech occidisse narratur, septuaginta linguarum gentes, quas Antichristus in sæculi fine persequitur. Sed et nos, ut cœpimus, clericorum adhuc vesaniam prosequamur.

Hi plane tanquam filii Jacob, paternæ quidera prosapiæ titulo decorantur: sed quia spurii atque degeneres, non legitimam ex uxoribus, sed ignobilem potius, quasi ex concubinis originem trahunt. Sicut enim Scriptura dicit: « Spuria vitulina non dabant radices altas (*Sap. iv.*) » Non enim Liæ, sive Rachelis, sed Balæ potius, vel Zelphe ancillarum filii in servili sordidæ conversationis opere comprobantur. Bala siquidem interpretatur, inveterata. Et hi dum carnaliter vivunt, non ex novitate spiritus, sed ex carnali vetusti hominis germine se prodire testantur. Zelphe vero in nostra lingua sonat os hians. Hæc itaque illorum mater recte dicitur, quorum scilicet in prædicationem veritatis os videatur ire, sed cor non ire; de quibus utique scriptum est: « Populus hic labiis me honorat, cor autem eorum longe est a me (*Isa. xxix.*) » Quibus etiam Apostolus quasi personaliter exprobrans, ait: « Qui ergo alium doces, teipsum non doces? Qui prædicas non furandum, furaris? Qui dicis non mœchandam, mœcharis? Qui abominaris idola, sacrilegium facis? Qui in lege gloriaris, per prævaricationem legis Deum inhonoras? Nomen enim Dei per vos blasphematur in gentibus (*Rom. ii.*) » Verbum quippe Dei, quod labiis astruunt, reprobe vivendo convellunt. Et loquentes quidem, de clarissima patriarcharum videntur nobilitate descendere, viventes autem ex ignominiosa fœdi prostibuli comprobantur linea **389** propagari. Abraham plame unum quidem de uxore, plures autem ex concubinis filios genuit, sed eos ab illo procul, dum adviveret, separavit. Non enim fratri fieri poterant cohæredes, qui ancillabantur in germine. Quid itaque Scriptura dicit? « Dedit Abraham cuncta quæ possederat Isaac, filiis autem concubinarum dedit munera (*Gen. xxv.*) » Et quidem dum superesset Abraham, omnes gloriabantur se esse filios Abraham: sed cum in fine totum uni patrimonium contulit, qui revera filii nomen obtineat, qui concubinali notantur infamia, manifeste discrevit. Nunc itaque manzeres clerici inter legitimos Abraham filios communi videntur admistione discurrere, sed postmodum ad hæreditatis consortio repelluntur, qui modo mulieribus quasi perceptis a patre muneribus, delectantur.

CAP. IV. — *Clericorum prævæ objectiones, et earum refutatio.*

Sed dicunt: Nonne dicit Apostolus: « Propter fornicationem unusquisque suam uxorem habeat, et

unaquæque virum suum habeat? Vir uxori debitum reddat, et uxor viro? (*I Cor. vii.*) » Ecce, inquit, hæc apostolica verba generalia sunt: et dum unicuique nubendi licentiam tribuunt, nos excipere non videntur. Ad quod ego: Si per hæc verba conjugalis incontinentiæ passim frena laxantur, episcopis etiam, sive monachis, insuper et abbatibus libertas eadem non negetur. Et quoniam uterque sexus non diversa lege stringitur, etiam sacræ virgines ad inopunda conjugalis copulæ fœdera provocentur. Sed quæ aures ecclesiasticis attritæ doctrinis hoc æquanimiter ferant, et non protinus expavescent immane sacrilegium perhorrescant? At nonnulli super hac quæstione conventi, ad paupertatis illico patrocinium convolant, unde sibi clypeum frivolæ excusationis opponant: Muliebris, inquit, sedulitatis auxilio carere non possumus, quia rei familiaris inopiam sustinemus.

Quibus etiam e contrario respondemus quia ubi angustiora sunt alimenta, ibi minor est alenda familia; et mensa quæ non gravatur eduliis, non est pluribus obeunda convivis. Unde necesse est ut paupertas indiga solitudinis feminarum doceat abdicare consortium, et græges inhianter edentium prohibeat gignere parvulorum.

Verum quia mentis audacia divinis non expavescent appropinquare mysteriis; cum David, antequam panes propositionis attingat, mundum se ac suos jam per triduum a contactu mulierum reverenter excusat? Dixerat enim sibi Abimelech sacerdos: « Non habeo panes laicos, sed tantum panem sanctum. Si mundi sunt pueri, maxime a mulieribus, manducant (*I Reg. xxi.*). » Ubi notandum, quia cum dicit eos qui panem sanctum cogeantur edere maxime a mulieribus mundos esse debere; perspicue docet nullum culpæ contagium, nullum omnino reatum divinis mysteriis esse contrarium, quam est illicita præsertim commistio feminarum. Porro dum tantis apud veteres metus inesset umbræ **390** Dominici corporis, quanta nunc debetur ipsi reverentia veritati? Et si conjugale commercium ab illius panis compescebat accessu, quanto magis ab hoc sacrosancto mysterio removendus est pellicatus? Ah sæculi! Manus, quæ deputate fuerant ad ordinandas in cœlestis mensæ ferculo vitales epulas angelorum, tractare non metuunt obscenitates et spurca contagia mulierum. Ii, qui inter illa terribilia sacramenta choris admiscuntur angelicis, mox tanquam de cœlo ruentes, ad femineæ fœditatis relabuntur amplexus, et velut sues immundæ cœnoscis vermigeæ luxuriæ volutabris immerguntur. « Quorum scilicet ignis non exstinguetur, et vernis non morietur (*Isa. lxxvi.*). » Cœlum aperitur, summa simul in unum et ima concurrunt, et se sordibus quilibet audacter ingerere non veretur. Potestates angelicæ tremantes assistant, inter offerentium manus virtus divina descendit, donum sancti Spiritus influit, pontifex ille, quem adorant angeli, a sui corporis et sanguinis hostia non recedit, et adesse non tre-

pidat, quem tartareæ libidinis æstus inflamat.

Si is, qui nuptialibus non ornabatur induviis, manuum pedumque loris addictus in tenebras projicitur ultionis (*Math. xxi*); quid illi sperandum est, qui cœlestibus tricliniis intronissus, non modo non est spiritalis indumenti decore conspicuus, sed ultro etiam fetet sordentis luxuriæ squalore perfusus? Si ille stridere dentium, et fletu plectitur oculorum, qui cultu vestium, convivantium non oblectat aspectus. quod illi iudicium, qui sæculentus ac luridus. quantum ad seipsum nuptialis edulii munditiam poluit, discumbentium candidatis offendit, ipsumque Regem sordidis manibus attricare presumit? Dathan et Abiron jurgantes contra Moysen et Aaron dehiscens terra deglutiit (*Num. xvi*). Core propter hoc ipsum cum dacentis quinquaginta viris, repentinum de cœlo descendens ignis incendium devoravit, et iste quomodo vivet, qui non hominem, sed hominum tam cruento, tam turpiter offendit Auctorem? Huiusmodi plane clerici legationem mittunt Domino, non quidem strepitu verborum, sed linguis operum et intentione votorum: Nolumus hunc regnare super nos. De quibus utique dicturus est postmodum: « Verumtamen inimicos meos, illos qui noluerunt me regnare super se, adducite, et interficite ante me (*Luc. xix.*). » Pharaonis quippe sibimet præse delectantur imperium, et Deum Israel super se regnare contemnunt. Sed ille eos luto et lateribus opprimit (*Exod. i*) quia lutulentis atque cœnoscis operibus incubare compellit. Quibus operibus admiscuntur et palææ, actiones scilicet inutiles et infecundæ, ac flammis inextinguibilibus deputatæ.

CAP. V. — *Citantur exempla sacræ Scripture.*

Istis præterea prophetico lumbar illud aptissime congruit, de quo Jeremias ait: « Dixit Dominus ad me: Vade, et posside tibi lumbar lineum, et pones illud super lumbos tuos (*Jer. xiii.*). » De quo paulo post: « Surgens, inquit, **391** vade ad Euphraten, et absconde illud ibi in foramine petræ. Quod cum fecisset, et in Euphrate, sicut jussus fuerat, abscondisset, post plurimos dies, ait Dominus ad eum: Surge, vade ad Euphraten, et tolle inde lumbar. Et abiit, inquit, ad Euphraten, et tuli lumbar de loco ubi absconderam illud: et ecce compertuerat, ita ut nulli usui aptum esset. Et ait Dominus: « Sic putrescere faciam superbiam Juda, et superbiam Jerusalem multam, populum istum pessimum, qui nolunt audire verba mea, et ambulant in pravitate cordis sui: et erunt sicut lumbar istud, quod nulli usui aptum est (*Ibid.*). » Quid hic Jeremiæ persona, nisi Dominum? Quid lumbar, nisi ordinem significat clericorum? Omnis Ecclesia vestis est Christi, de cuius sibi membris per prophetam dicitur: « Omnibus his velut ornamento vestieris (*Isa. xlii.*). » Sed sicut lumbar intimum est humano corpori, et acrius adheret quam reliquæ vestes; ita clericalis ordo familiarium divinis agglutinatur obsequiis, quam ceteri homines; sicut illic de Israelitico populo divina vox ait: « Sicut enim adheret lumbar ad lumbos viri,

sic aggrutnavi mihi omnem domum Israel, et omnem domum Juda, dicit Dominus; ut esset mihi in populum, et in nomen, et in laudem, et in gloriam, et non audierunt (*Jer. xiii.*).

Quibus, quæso, tam apte, tam expresse sicut clericis possunt ista congruere, qui nomen Dei, laudem et gloriam specialiter constituti sunt prædicare? Sicut enim Israel et Juda peculiaris erat populus Deo inter omnes gentes terræ, ita nunc clerici specialiter adherent Christo præ cunctis membris Ecclesiæ. Isti nempe sunt lumbar lineum arciori divino corpori familiaritate connexum. Linum siquidem laboriose pervenit ad candorem: et clerici modo litterarum studiis insudando, modo per intervalla temporum quibusdam gratiis ascendendo, difficile promoveantur ad sacri ordinis dignitatem. Alioquin si quis contentiosius astruat hoc juxta Scripturæ seriem historialiter factum, nec spiritualiter intelligendum, quomodo Jeremias potuit inter innumerabiles Assyriorum, Chaldeorumque nationes urbem Jerusalem constipatis agminibus obsidentes, lumbari præcinctus exire, idque in Euphrate, qui tam longe decessit, abscondere? Postmodum quoque profligato decurritur temporis cursu, quo pacto quasi securus rediit, illudque putrefactum, sicut Scriptura testatur, invenit; cum Jerusalem videlicet fossa, vallo, castellis et tam crebra undique esset munitione circumdata? Nam cum aliquando idem propheta ad Anathoth viculum suum in tercio milliario ab urbe situm conaretur exire, in porta protinus capitur, ad principes trahitur, graviter verberatur, et tanquam transfuga, sive patriæ proditor, in carcerem truditur. Quia ergo non consequitur, ut intelligatur historialiter factum, constat procul dubio typicæ figuræ non desse mysterium. Bene ergo per lumbar lineum juxta hæc, quæ superius dicta sunt, chorus exprimitur clericorum.

Quod autem hoc lumbar in Euphraten, hoc est in aquoso loco, et in foramine petrae, id est in obscuritate atque umbra poni jubetur, quid per hoc exprimitur, nisi illa clericorum **392** pars, quæ sub voluptatis umbra, et in fluxu luxuriæ commoratur? De quorum duce in libro Job Dominus dicit: « Sub umbra dormit in secreto calami et locis humentibus. Protegunt umbræ umbram ejus, circumdant eum salices torrentis (*Job xl.*). » Atque ut ostendat quantum cum suis familiaribus in habitatione fluminis delectetur, protinus addidit: « Ecce absorbebit fluvium, et non mirabitur: habet enim fiduciam, quod influat Jordanis in os ejus (*Ibid.*). » Quod autem dicitur fuisse positum in foramine petrae, potest non inconvenienter intelligi intra septa Ecclesiæ. Quasi enim in foramine petrae clerici recluduntur, dum intra Ecclesiæ limina suis excubare ministeriis sedula frequentatione jubentur. Lumbar ergo in humenti loco positum putruit; quia de iis, qui in luxuriæ fluxibus immorantur, propheta testatur: « Computruerunt jumenta in stercore suo (*Joel. i.*). » Jumenta quippe in stercore suo computrescunt,

dum quique carnales et sordidi vitam suam in luxuriæ fetore concludunt. Nulli etiam usui aptum repertum est; quia Dominus ait: « Nemo mittens manum suam ad aratrum, et aspiciens retro, aptus est regno Dei (*Luc. ix.*). » Ac si aperte dicat: Quisquis, dictante sui ordinis regula pudicitiae semel arripit stivam, si postmodum per ardorem libidinis oculos reflectit ad Sodomam; quia jam montana desperat, regno Dei se prorsus inutilem factum esse demonstrat. Ad instar ergo lumbaris in humecto loco positi, clerici computrescunt, dum tumidos crapula, et ebrietate ventres ingurgitant: dum illuvie se libidinis et cœnosæ luxuriæ fluentis inundant. Sicque cunctis usibus redduntur inutiles; quia quo magis videntur in carne virescere, eo deterius marcescentes obsolescunt in squalentis animæ fœditate. De quibus in psalmo: « Corrupti sunt, inquit, et abominabiles facti sunt in voluptatibus suis (*Psal. xiii.*). »

CAP. VI. — Adhortatio ad Petrum cardinalem.

Tu autem, venerabilis frater, his aliisque Scripturarum telis armatus, adversus Madian castra congrederere, Zambrin, et Cosbin, in meritorio turpiter cœnantes, divini verbi pugione transfige, ut pacem fœderis Domini, et jus sacerdotii sempiterni cum Phinees merearis accipere: « Ecce, inquit Dominus, do ei pacem fœderis mei, et erit tam ipsi, quam semini illius pactum sacerdotii sempiternum; quia zelatus est pro Deo suo, et expiavit scelus filiorum Israel (*Num. xxv.*). » Non itaque hostilitas timeatur humana, quæ pace divini fœderis compensatur. Moyses namque quia percussit Ægyptium, profugus mox amisit Ægyptum: unde postmodum velut aucto sœnore, totius Israeliticæ plebis obtinuit principatum: « Vidit enim, ut Scriptura testatur, virum Ægyptium percutientem quemdam de fratribus suis, quem illico percussum abscondit sabulo (*Exod. ii.*). » Tu quoque dum vides Ægyptium, hoc est principem tenebrarum, quemlibet de fratribus tuis, clericalis scilicet ordinis, virga libidinis affligentem; imo quod magis congruit, lethali jaculo truncantem, vibrato protinus verbi gladio in ictum te vulneris **393** exere, eumque qui domesticum seminis tui mulcabat occide, « argue, obscura, increpa in omni patientia, et doctrina (*II Tim. iv.*). » Sed quoniam, sicut idem testatur Apostolus, « erunt nonnulli qui sanam doctrinam non sustinebunt, sed ad sua desideria coacervabunt sibi magistros prurientes auribus, et avertent quidem auditum a veritate, ad fabulas autem convertentur (*Ibid.*). » tu noli cessare, sed age quod sequitur: « Tu vero, ait, vigila, in omnibus labora, opus fac evangelistæ, ministerium tuum imple (*Ibid.*). » Hos itaque modo, quos poteris, attrahe; contumaces autem, et obstinata mente rebelles in obscenitatis suæ fœditate relinque. Hoc est enim Ægyptium in sabulo sepelire. Sabulam quippe arenosa est, et fragili terra, quæ surgentis ædificii continere nequeat fundamentum. Unde non in arca, sed in petra perpetuo non lap-

sura fundatur Ecclesia : « Super hanc, inquit Dominus, petram ædificabo Ecclesiam meam (*Matth. xvi.*) » Fundamentum ergo suum in petra Ecclesiæ collocant quique fixi, ac stabiles in bonis operibus perseverant. De quibus in Evangelio Dominus ait : « Omnis homo, qui audit verba mea hæc, et facit ea, assimilabitur viro sapienti, qui ædificavit domum suam supra petram. Descendit pluvia, et venerunt flumina, et flaverunt venti, et irruerunt in domum illam, et non cecidit : fundata enim erat supra petram (*Matth. vii.*) » Qui vero fragiles sunt atque pulverei, et velut arundo impellentibus carnalis illecebræ flatibus agitati (*Luc. vii.*), arenosi procul dubio sabuli sunt subsidio comparandi. De quibus per Psalmistam dicitur : « Non sic impij, non sic, sed tanquam pulvis, quem projicit ventus a facie terræ (*Psal. i.*) » Et Dominus : B « Omnis, inquit, qui audit verba mea hæc, et non facit ea, similis erit viro stulto, qui ædificavit domum suam supra arenam : et descendit pluvia, et venerunt flumina, et flaverunt venti, et irruerunt in domum illam, et cecidit, et fuit ruina ejus magna (*Matth. vii.*) » Hinc etiam in libro Regum : « Omnia, inquit, vasa, quæ fecit Hiram regi Salomoni in domo Domini, de aurichalco erant, et in campestri regione Jordanis fudit ea rex in argillosa terra (*III Reg. vii.*) » Nam quia vasa illa carnales quosque designant, non ex auro, sed ex aurichalco potius dicuntur esse formata : et ideo non in montibus, sed in campestri regione funduntur ; quia qui per hæc figurantur, non virtutum montana conscendunt, sed in carnalis et luxuriosæ vitæ convalle subsidunt. Nec enim ductiles, sed potius fusiles sunt ; quia non extenduntur crucis et pœnitentiæ malleis, sed libidinum laxantur illecebris, et fluvioribus resolvuntur obscenissimæ voluptatis. Ideoque sicut in Euphrate lumbar est positum, sic ista vasa juxta Jordanem fusa referuntur : et non in solida ac firma terra, quæ basis injectæ contineat fundamentum, sed in argillosa potius et arenosa, quæ repentinum pariat subsidium.

Tu itaque, venerande frater, cum Moyse zelo districtæ correptionis Ægyptium percussorem fratris interfice (*Exod. ii.*), eumque tanquam sabulo in mentibus arenosis absconde ; ut argillosam terrenarum mentium sepulturam mortuus impleat, ibique vermes concupiscentiæ pariat. Eos 394 autem, qui vere Israelitæ sunt, tentationum suarum flagris verberare desistat. Non enim casu accidit, quod caput electorum Dominus in saxo monumento, Ægyptius vero, qui diabolus figurat, sepelitur in sabulo. Diabolus enim qui interpretatur *deorsum fluens*, illos sibi vindicat, qui ad ruinam semper velut arena dissiliunt. Qui autem Christi sunt, constanter in sancti propositi soliditate persistunt. Sepultura vero domus est mortuorum. Et quia diabolus mortuus est, quoniam a Deo, vera scilicet vita, disjunctus est, omnem mentem, quam inhabitat, facit absque dubio sepulturam. Unde per Prophetam dicitur : « Ibi Assur, et sepulcra ejus (*Ezech. xxxi.*) » Ægyptius

ergo sanctæ eloquentiæ tuæ mucrone percussus intereat, eumque sabuli sepultura concludat. ut Israelitica plebs, Pharaone demerso et pudicæ præcedente vexillo, cum triumphalibus hymnis ad terram repromissionis ascendat.

DISSERTATIO SECUNDA.

CONTRA CLERICORUM INTEMPERANTIAM.

ARGUMENTUM. — Vir ecclesiasticus tunc pene labentis disciplinæ vindex acerrimus, castitatisque amator cultorque sanctissimus, totum prope orbem ad eam a clericis oppugnatam defendendam et sublevandam disertissimo ore quasi quodam classico excitare et inflammare conatur. Scribit enim ad episcopum Taurinensem, in cujus ditione tam perniciosi exempli facinus publice tolerari sciebat, ut scandalum hoc ab Ecclesia sua exterminare et amovere contendat : quod ut ei persuadere possit, nihil intentum relinquat. Omnia tam Novi quam Veteris Testamenti exempla et loca congerit et excutit. In clericos quoque ipsos, et eorum pellices, quas ipsi uxores falso appellabant, inculciter et graviter, ut res ipsa postulabat, invehitur. Denique, ut uno verbo absolvam, non committit ut castitati patrocinium defuisse videatur.

Domno CUNIBERTO reverentissimo episcopo, PETRUS peccator monachus devotæ subjectionis obsequium.

Hæc est veræ charitatis et amicitiae regula, ut ita se fratres mutuæ dulcedinis amore confoveant, quatenus si quid in utrovis reprehensibile esset, alter alteri non abscondat. Illa quippe necessitudo probatur utilis et honesta, quæ dum cuncta producit in medium, et quod corrigendum esse corrigat, et quod sanum est mutuo puritatis ac sinceritatis amore custodit. Sicque fit ut dum delinquentis culpa corrigitur, corripienti copiosior gratia cumuletur. Inter nonnullos virtutum flores, venerabilis Pater, quibus tuæ sanctitatis vernat ingenium, unum mihi, fateor, valde displicuit : quod nimirum et tunc me in te vehementer 395 invexit, et nunc styli hujus articulum exarare compellit. Permittis enim, ut Ecclesiæ tuæ clerici, quoscunque sint ordinis, velut jure matrimonij confederentur uxoribus. Quod sane quam ecclesiasticæ munditiæ videatur obscenum, quam canonicæ sit auctoritati contrarium, quam certe cunctis sanctorum Patrum sanctionibus odiosum, absit ut tanta quæ in te est possit ignorare prudentia. Præsertim cum et ipsi clerici tui, alias quidem satis honesti, et litterarum studiis sint decenter instructi. Qui dum ad me confluerent, tanquam chorus angelicus et velut conspicuus Ecclesiæ videbatur enterere senatus.

CAP. I. — Hortatur labentem disciplinam ecclesiasticam et castitatem sublevare.

Postquam latentem pestis hujus eluvium didici, protinus lux in caliginem, et lætitia mihi vertitur in mœrorem, atque ad illud evangelicum illico mens recurrit : « Væ vobis, inquit, Scribæ et Pharisei, qui similes estis sepulcris dealbatis, quæ foris apparent hominibus speciosa, intus autem plena sunt ossibus mortuorum et omni spurcitia (*Matth. xxiii.*) » Quid est, pater, quod tibi soli vigilas : et his, pro

quibus priorem exigendus es rationem, tam inerti A securitate dormitas? In aliis certe quibuscunque personis non exigitur fecunditas castitatis, in episcopo autem inutilis esse castitas jure decernitur, quæ se sic exhibet sterilem, ut aliam non pariat castitatem. Præsertim cum ipse Deus omnipotens per Isaiam : « Nunquid ego, qui alios parere facio, ipse non pariam, dicit Dominus? » (*Isa. lxxvi.*) Ubi notandum, quia dum non alias, sed alios parere facio, dicat, virorum potius ac pastorum Ecclesiæ fœtus expectat. Malus autem pastor cum eodem propheta potest lugendo cantare : « Non parturivi, et non peperivi, et non enutrivivi juvenes, nec ad incrementum perduxivi virgines (*Isa. xxiii.*) » Attende etiam diligenter quod in Levitico legitur : « Omne, inquit, animal, quod vel contritis, vel tunsis, vel sectis ablatisque testiculis est, non offeretis Domino (*Levit. xxii.*) »

Porro si tanto Deus odio habet sterilitatem in animalibus brutis, quæ sibi per sacerdotale ministerium offeruntur, quanto magis hanc aspernatur in sacerdotibus, qui sibi sacrificium offerunt? Nimirum, ut sicut illis fœtus exigitur carnis, ita sacerdotes in alios propagines germinant sanctitatis. Tunc ergo coram divinis obtutibus tua castitas approbatur, si et in clericos tuos propaginata porrigitur. Porro autem sicut olim Deus omnipotens de cunctis tribubus levitas elegit, ut per legales cæremonias Israeliticam regerent plebem : ita etiam in Novo Testamento clericos sibi, tanquam familiares adscivit, quibus ecclesiasticam committeret dignitatem. Dicit enim Moysi : « Applicabis levitas coram tabernaculo fœderis, convocata omni multitudo filiorum Israel. Cumque levitæ fuerint coram Domino, ponent filii Israel manus suas super eos, et offeret Aaron levitas, munus in conspectu Domini a filiis Israel, ut servant in ministerio ejus (*Num. viii.*) » **396** Ubi notandum, quia cum dicit : « Ponent filii Israel manus suas super eos, et offeret Aaron levitas, munus in conspectu Domini a filiis Israel, » evidenter apparet, quia leviticus ordo munus Dei est a populo datum, eique in sacrificium per manum sacerdotis oblatum.

CAP. II. — Clerici cur a populo segregantur.

Quid ergo jam restat, nisi ut ii, qui jam Deo facti sunt sacrificium, et a mundi hujus servilibus sint operibus liberi, et solis divini famulatus vacent obsequiis mancipati? Ut quid enim a populo segregantur, et munus Deo specialiter fiunt, nisi ut divisam a populo vivendi regulam teneant, et cæremoniis divinæ legis jugiter excubantes insistant? Unde et alibi dicit : « Ego tuli levitas a filiis Israel pro omni primogenito, qui aperit vulvam in filiis Israel, eruntque levitæ mei (*Num. iii.*) » Sed cum lex illa fuerit data per servum, evangelica vero gratia sit collata per Dominum : necesse est, ut aliud tunc a levitis Synagogæ, aliud nunc a clericis exigatur Ecclesiæ. Illis siquidem pro qualitate temporis permittebantur jura conjugii : istis vero præcipitur, ut a carnalis

affectus amplexibus penitus sint remoti. Nam quia sola levitica tribus ad sacerdotale ministerium tunc erat electa, necessaria tunc erat propagatio generis ad conservandum sacerdotalis officium dignitatis, sicut in Levitico Dominus : « Virginem, inquit, sacerdos ducet uxorem : viduam, et repudiatam, et sordidam, atque meretricem non accipiet, sed puellam de populo suo; ne commisceat stirpem generis sui vulgo gentis suæ; quia ego Dominus, qui sanctifico eam (*Levit. xxi.*) » Nunc autem quia ex omni populo Christiano passim fit sacerdotalis electio, et in promotione clericorum non distinctio generis, sed prærogativa duntaxat exquiritur sanctitatis; cessant jura conjugii, dum præcedentis aboletur censura mandati, sicut Apostolus ad Hebræos ait : **B** « Reprobatio fit præcedentis mandati propter infirmitatem ejus, et inutilitatem : nihil enim ad perfectum adducit lex (*Hebr. vii.*) » Et paulo post : « Nunc autem Christus tanto melius sortitus est ministerium, quanto et melioris testamenti mediator est. Nam si illud prius culpa vacasset, non utique secundi locus inquireretur (*Hebr. viii.*) » Hoc autem propter illos, qui dicunt, quia si sacerdotes nubere peccatum esset, nequaquam hoc in lege veteri Dominus præcepisset. Sed qui hoc dicunt, procul dubio quid canonica decernat auctoritas aut nesciunt, aut se fallaciter ignorare confingunt. Nos plane, quilibet nimirum apostolicæ sedis æditi, hoc per omnes publice concionamur Ecclesias, ut nemo missas a presbytero, non Evangelium a diacono, non denique Epistolam a subdiacono prorsus audiat, quos misceri feminis non ignorat. Et ne id agere perperam videamur, apponeremus aliquot sententiâ Patrum, nisi prohiberet epistolare compendium. Sed quia nostris verbis fides non aliter adhibetur, eorum pauca saltem ponenda sunt testimonia, ut per hæc quæ nunc **397** occurrunt memoriæ, colligant quanta valeant, si quæsierint, in ipsis codicibus invenire.

In primis itaque, quid apostolus Jacobus super hoc negotio beato Clementi (*Epist. 2.*) scripserit, audiamus : « Ministri, inquit, altaris, presbyteri, sive diaconi ad Dominica tales eligantur officia, qui ante ordinationem conjugem suam reliquerunt. Quod si post ordinationem ministro contigerit propriæ invadere cubile uxoris, sacrarii non intret limina, nec sacrificii portitor fiat, nec altare contingat, nec ab offerentibus holocausti oblationem suscipiat, nec ad Dominici corporis portionem accedat, aquam sacerdotum porrigat manibus, ostia forinsecus claudat, minora gerat officia, urceum sane ad salutarem calicem non suggerat. » Aurelius vero Carthaginensis episcopus inter cætera sic ait (*conc. Carthag. ii, c. 2*) : « Placuit sacros antistites ac Dei sacerdotes, nec non et levitas, vel qui sacramentis divinis inserviunt, continentes esse in omnibus, quo possint simpliciter quod a Deo postulatum impetrare; ut quod apostoli docuerunt, et ipsa servavit antiquitas, nos quoque custodiamus. » Faustinus etiam episcopus

Ecclesiæ Pontianæ [*al.*, Potentinæ] provincie Piceni, legatus Romanæ Ecclesiæ, dixit (*conc. Carth. II, c. 2*): « Placet ut episcopus, presbyter et diaconus, et qui sacramenta contractant, pudicitia custodes, ab uxoribus se abstineant. » Ab universis episcopis dictum est: « Placet, ut in omnibus et ab omnibus pudicitia custodiatur qui altari serviunt. »

In Carthaginensi quoque concilio iterum dicitur (*conc. Carthag. V, c. 5*): « Præterea cum de quorundam clericorum, quamvis lectorum, erga uxores proprias incontinentia referretur; placuit episcopos et presbyteros, et diaconos secundum propria statuta etiam ab uxoribus continere. Quod nisi fecerint, ab ecclesiastico removeantur officio. » In canonicis apostolorum dicitur: « De presbyteris et diaconibus divinarum legum est disciplina, ut incontinentes in officiis talibus positi, omni honore ecclesiastico priventur: nec admittantur ad tale ministerium, quod sola continentia oportet impleri. » Idem qui supra, videlicet Carthaginensis episcopus: « Audivimus, inquit, fratres charissimi, præterea, quod quorundam clericorum, quamvis lectorum, erga uxores proprias incontinentia reservetur; placuit, quod et in diversis conciliis firmatum est, ut subdiaconi, qui sacra mysteria contractant, et diaconi, et presbyteri, sed et episcopi secundum propria statuta etiam ab uxoribus se contineant, ut tanquam non habentes videantur esse. Quod nisi fecerint, ab ecclesiastico removeantur officio. » Cæteros autem clericos ad hoc non cogi, nisi maturiori ætate. Ab universo concilio dictum est: « Quæ vestra sanctitas est iuste moderata, et sancta, et Deo placita sunt, confirmamus. » Sed, ut valeamus evitare fastidium, sufficiat tantum de solis subdiaconis quid statuatur inducere; ut, eorum mensura diligenter inspecta, de superioribus gradibus nemini liceat dubitare.

In decreto quoque Leonis papæ hoc inter cætera reperitur (LEONIS papæ *ep. 82, ad Anast. Thess., c. 4*): « Nam cum extra clericorum ordinem constitutus, nuptiarum societas, et procreantia filiorum studere sibi liberum arbitrium; ad exhibendam tamen perfectæ continentia **398** puritatem, nec subdiaconis quidem connubium carnale conceditur: ut qui habent sint tanquam non habentes; et qui non habent permaneant singulares. » Quod si in hoc ordine, qui quartus est a capite, dignum est custodiri, quanto magis a primo, vel secundo, tertio servandum est, ne aut levitico, aut presbyterali honore, aut episcopali excellentia quisquam idoneus existimetur, qui se a voluptate uxoriam necdum frenasse detegitur?

Sylvester papa in decreto suo (*cap. 8*) sic ait: « Nulli autem subdiaconorum ad nuptias transire permittentes, præcipimus ne aliqua hoc prævaricatione præsumperit. »

In Concilio Nicæno dicitur (*can. apostol. 25*): « Innuptis autem, qui ad clerum proveci sunt, præcipimus, ut si voluerint, uxores accipiant; sed

A lectores, cantoresque tantummodo. » Sed et beatus Gregorius Petro subdiacono mandavit, dicens (GREG. *Reg. lib. I, ep. 42*): « Ante triennium subdiacones omnium Ecclesiarum Ciliciæ prohibiti fuerant, ut more Romanæ Ecclesiæ, suis uxoribus nullatenus miscerentur. Quod mihi durum atque incompetens videtur, ut qui usum ejusdem continentia non invenit, neque castitatem ante proposuit, compellatur a sua uxore separari, atque per hoc, quod absit, deterior cadat. Unde videtur mihi, ut a præsentī die omnibus episcopis dicatur, ut nullum facere subdiaconum præsumant, nisi qui se victurum caste promiserit, quatenus et præterita, quæ per propositum mentis appetita non sunt, violenter non exigantur, et futura caute caveantur. Qui vero post eamdem prohibitionem, quæ ante triennium facta est, continenter cum suis conjugibus vixerunt, laudandi atque remanendi sunt, et ut in bono suo permanent exhortandi. Eos autem qui post prohibitionem factam se a suis uxoribus continere noluerunt, pervenire ad sacrum ordinem nolumus. Quia nullus debet ad ministerium altaris accedere, nisi cujus castitas ante susceptum ministerium fuerit probata. »

CAP. III. — Clericorum inepta defensio.

Sed cur ego ad coacervandos canones ultra progredior, quandoquidem hos ignorare ipsi etiam nequeunt, qui tumida adversus eos cervice confingunt? Aliquando cum me Laudensis Ecclesiæ tauri pingues armata conspiratione vallarent, ac furioso strepitu vituli multi tumultuantes infrederent (*Psal. XXI*), tanquam ructum fellis in os meum evomere, dicentes: « Habemus auctoritatem Triburiensis, si tamen ego nomen teneo, concilii, quæ promotis ad ecclesiasticum ordinem incendi conjugii tribuat facultatem. » Quibus ego respondi: « Concilium, inquam, vestrum, quodcumque vultis, nomen obtineat: sed a me non recipitur, si decretis Romanorum pontificum non concordat. » Avepantur enim quædam quasi canonum adulteria sarmenta, eisque præbent auctoritatem, ut authenticam canonum valeant vacuare virtutem. Sed Salomon dicit: « Quia spuria vitulamina non dabunt radices altas (*Sap. IV*); » distant enim adinventiones hominum a sententiis quæ prolatae sunt per Spiritum **399** sanctum, et qui sacris canonibus repugnare non metuunt, ipsum præcudubio Spiritum, a quo promulgantur, offendunt. Unde Joannes in Apocalypsi: « Si quis, inquit, apposuerit ad hæc, apponet Deus super illum plagas scriptas in libro isto: et si quis diminuerit de verbis libri prophetia: hujus, auferet Deus partem ejus de libro vitæ, et de civitate sancta, et de his quæ scripta sunt in libro isto (*Apoc. XXII*). »

Sed ne quis arguat sacra Scripturæ verba ad arbitrium nostræ voluntatis inflectere, asserens nequaquam hæc ad sacros canones pertinere: audiat quod Anacletus papa, quintus scilicet a B. Petro, de violatoribus canonum dicit: « Violatores, ait, volu-

tarie canonum graviter a sanctis Patribus iudicantur, et a sancto Spiritu, cujus instinctu ac donodietati sunt, damnantur. Quoniam blasphemare Spiritum sanctum non incongrue videntur, qui contra eosdem sanctos canones, non necessitate compulsi, sed libenter, ut præfixum est, aliquid aut proterve agunt, aut loqui præsumunt, aut facere volentibus sponte consentiunt. Talis enim præsumptio manifeste unum genus est blasphemantium Spiritum sanctum : quoniam, ut jam prælibatum est, contra eum agit, cujus jussu et gratia iidem sancti editi sunt canones. »

Cum omnes ergo sancti Patres, qui per Spiritum sanctum canones condiderunt, de servanda clericorum pudicitia non dissona invicem unanimitate concurrant, quid sperandum eis qui Spiritum sanctum, propriæ carnis illecebras adimplendo, blasphemant? Qui nimirum per momentaneæ libidinis fluxum inextinguibile combustionis æternæ mercantur incendium. Nunc in luxuriæ fetore sordescunt : sed tunc flammis ultricibus traditi, in torrente picis et sulphuris rotabuntur. Nunc æstuanti luxuriæ semetipsos exhibent tartarum : tunc in chaos æternæ noctis immersi crucis gehennæ perferent sine fine tormentum. Nunc in semetipsis ignem libidinis nutriunt : tunc indeficientis flammæ incendii medellis suorum viscerum pascent. Et, o nimis infelices et miseri ! servando legem putridæ carnis suæ, quæ vermibus est devoraturis obnoxia, illius jura contemnunt qui de coelo venit, et super angelos regnat. Unde reprobo viro per prophetam Dominus dicit : « Posuisti me post corpus tuum (*Ezech. xxiij.*) » Ac si dicat, Corporis tui libidinem pro lege custodis, et legis meæ mandata contennis. Lex quippe corporis humani divinæ legi contraria est. Unde dicit Apostolus : « Video aliam legem in membris meis repugnantem legi mentis meæ, et captivum me ducentem in lege peccati, quæ est in membris meis (*Rom. vii.*) »

Illi ergo Deum post corpus suum ponunt, qui contemnentes divinæ legis imperium, suarum obtemperant illecebris voluptatum : et dum laxant frena luxuriæ, indictam sibi prævaricationem regulam disciplinæ. Ignorantes quia pro uniuscujusque fugaci voluptate concubitus, mille annorum negotiantur incendium ; ut qui nunc æstuant flamma luxuriæ, tunc comburantur igne vindictæ. Sed qui petulantis illecebræ volutantur in cæno, quam pestiferæ securitatis audacia salutaris Eucharistiæ sese ingerunt sacramento, **400** cum Dominus per Moysen sacerdotibus dicat : « Omnis homo, qui accesserit de stirpe vestra ad ea quæ consecrata sunt, et quæ obtulerunt filii Israel Domino, in quo est immunditia, peribit coram Domino (*Levit. xxi.*) » Deinde sequitur : « Homo de semine Aaron, qui fuerit leprosus, aut patiens fluxum seminis, non vescetur ex his quæ sacrificata sunt mihi, donec sanetur (*Ibid.*) » Quod si illi, qui corporis infirmitate ejuslibet immunditiæ patiebatur illuviem, non licebat oblata comedere ; quo pacto is qui sponte versatur in contaminatione

A luxuriæ, sacramenta Deo valeat offerre? Unde dicitur in Levitico : « Omnis qui habuerit maculam de semine Aaron sacerdotis, non accedat offerre hostias Domino, nec panes Deo suo (*Levit. xxi.*) » Deinde sequitur : « Velum non ingrediatur, nec accedat ad altare : quia maculam habet, et contaminare non debet sanctuarium meum (*Ibid.*) »

CAP. IV. — *Continentia sacerdotum et levitarum ministrantium in veteri lege, quanta.*

Prudens hic lector attendat quam apte apostolica illa Jacobi sententia, quæ superius posita est, cum hac divina lege concordat. Si ergo tunc, quisquis habebat maculam, ingredi sanctuarium non audebat, quisquæ se nunc cum mulieribus polluit, ministrare sacris altaribus qua mente præsumit? Cum profecto tabernaculum illud umbra tantum et instrumentum erat imaginis : « Ecclesia vero, sicut Apostolus ad Timotheum dicit, columna et firmamentum est veritatis (*I Tim. iii.*) » Et sicut ad Hebræos ait : « Umbram habet Lex futurorum bonorum, non ipsam imaginem rerum (*Hebr. x.*) » In illo tamen veteris legis tabernaculo, sive templo, cum ministrabant levitæ, vel sacerdotes, nequaquam suis uxorbussciscabantur. Nam et David, sicut in Paralipomenon libro legitur (*I Paral. xxiij.*), viginti quatuor sacerdotum, totidemque levitarum sortes instituit, qui in cultu templi suas vices agerent, ac per cerimonialium ritus suis temporibus ministrarent. Qui nimirum donec vicis suæ tempus explerent, a reddendo conjugali debito penitus continebant. Quod et **C** Lucas evangelista manifeste declarat, qui cum præmisisset quia Zacharias erat de vice Abia, et quia sacerdotio fungeretur in ordine vicis suæ ante Deum, non multo post ait : « Factum est, ut impleti sunt dies officii ejus, abiit in domum suam ; moxque subiecit : Post hos autem dies concepit Elisabeth uxor ejus (*Luc. i.*) »

Unde perspicue constat quoniam illius temporis sacerdotes prorsus a reddendo conjugali debito servabantur immunes, donec vicis suæ tempus explerent. Imò jugiter morabantur in templo, donec sortis indictæ fungebantur officio. Unde Moyses ad Aaron ait : « Donec ritus sacrificii compleatur, die ac nocte manebitis in tabernaculo, observantes custodias Domini, ne moriamini (*Levit. viij.*) » Nunc autem, cum Scriptura præcipiat ut semper oremus, ministri altaris non habent delegatas vices, dum sine ulla temporis intermissione, ministerii sui continuam exhibent servitutem. Præterea dicit Apostolus : **401** « Vir uxori debitum reddat, et uxor viro. Nolite, inquit, fraudare invicem, nisi forte ex consensu ad tempus, ut vacetis orationi (*I Cor. vii.*) »

Dum ergo conjugale commercium secularibus tollit orare, qua ratione permittit clericis sacris altaribus ministrare? Quod sane tempus invenient, quod debeant vacare conjugio, qui nunquam ab ecclesiasticæ sedulitatis feriantur obsequio? Ad Corinthios namque dicit Apostolus : « Qui sine uxore est, solli-

citus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori (*I Cor. vii.*) » Quisquis ergo divinis mancipatur obsequiis, necesse est ut iis quæ Dei sunt sollicitus semper insistas, ne per carnales affectus animum dividat. Sed quomodo valet esse sollicitus ac semper intentus Auctori, cuius cor conglutinatur uxori? « Nescitis, inquit, quoniam corpora vestra membra Christi sunt? » (*I Cor. vi.*) Et, ut multa præteream, quæ super hoc themate idem dicit Apostolus, ne fastidium generem, illud saltem inferam: « An nescitis, ait, quoniam membra vestra templum est Spiritus sancti qui in vobis est? » (*Ibid.*) De quo templo alibi dicit: « Si quis templum Dei violaverit, disperdet illum Deus (*I Cor. iii.*) » Si ergo non solum anima, sed et ipsum corpus nostrum, quod videtur et palpatur extrinsecus, templum est procul dubio Spiritus sancti; quomodo is, cui prohibetur carnale commercium, non violat templum Dei, dum semetipsum petulantis luxuriæ prostibulum construit; Spiritum sanctum, in quo signatus fuerat, abiecit; et in illius vice spiritum in se libidinis introducit? Et cum idem nobis dicat Apostolus: « Nolite contristare Spiritum sanctum in vobis, in quo signati estis (*Ephes. iv.*) » nonne Spiritum sanctum ad suum contristat interitum, qui eum ex habitaculo sui juris excludit, et ejus hostem, luxuriæ videlicet intronitit auctorem? Cur non ad memoriam revocantur, quoniam filii Aaron, Nadab videlicet et Abiu, dum divino altari alienos ignes inferunt, incendio cœlitus misso protinus exuruntur? « Arreptis, inquit, Nadab et Abiu filii Aaron thuribulis suis, posuerunt ignem et incensum desuper, offerentes coram Domino ignem alienum, quod eis præceptum non erat: egressusque ignis a Domino, devoravit eos, et mortui sunt coram Domino (*Levit. x.*) » Quid est enim alienum ignem Domino sacerdotes offerre, nisi ardore libidinis inflammato sacrosanctis altaribus propinquare?

Et cum Scriptura dicat: « Spiritum nolite extinguere (*I Thess. iii.*) » isti, quantum in se, Spiritum sanctum, qui in eis ardere debebat, extinguunt; et alienum ignem offerunt, dum ad altare Domini flamma libidinis æstuante accedunt. Sed repente super eos ignis divini furoris accenditur, quo terribiliter exuruntur, Scriptura testante, quæ dicit: « Et nunc ignis adversarios consumit (*Hebr. x.*) » Et certe legitimum est, ut quod sordentes sacris altaribus appropinquant, gladio divinæ ultionis intereat, dicente ad Moysen Domino: « Docebitis filios Israel, ut caveant immunditiam, et non moriantur in sordibus suis, cum polluerint tabernaculum meum, quod est inter eos (*Levit. xv.*) » Proh pudor! major a filiis Levi servabatur reverentia Synagogæ, quam nunc a ministris Christi deferatur Ecclesiæ. Illi siquidem 402 sub districti jejunii se castigabant, tabernaculum ingrediendo, censura; isti vero ne castitatis quidem acquiescunt servare munditiam. Dixit enim Dominus ad Aaron: « Vinum et omne

A quod inebriare potest, non bibetis tu, et filii tui, quando intrabitis tabernaculum testimonii, ne auriamini: quia præceptum est sempiternum in generatione vestra, ut habeatis scientiam discernendi inter sanctum et profanum, inter pollutum et mundum (*Levit. x.*) » Sed nunc ministri Ecclesiæ, qui Christum habent magistrum, et hunc crucifixum, non perhorrescunt in voluptatum suarum dulcedine vivere, et quocunque pruritus carnis allexerit, adhinnire, sicut per Jeremiam Dominus ait: « Saturavi eos, et mœchati sunt, et in domo meretricis luxuriabantur. Equi amatores in feminas emissarii facti sunt. Unusquisque ad uxorem proximi sui hinniebat (*Jer. v.*) » Et iterum: « Propheta namque, et sacerdos polluti sunt, et in domo mea invenimus malum eorum, dicit Dominus (*Jer. xxiii.*) » Sed quia nunc desideriorum suorum jucunditates explendo pascuntur, quid eis pro suaviatis hujus hausta dulcedine rependatur, attendant. « Ecce, inquit, ego cibabo eos absinthio, et potabo eos felle. A prophetis enim Jerusalem est egressa pollutio super omnem terram (*Ibid.*) » Nam qui nunc perdit vi-vunt, qui medullas carnalis dulcedinis sugunt, et quodam quasi melle petulantis luxuriæ saginantur; dignum est, ut taxato postmodum pretio, felle simul et absinthio debriantur: ut sicut nunc se voluptatum suarum poculis irrigant, ita tunc repletis felle visceribus amarescant. Illud præterea quam impudentis audaciæ præsumptio est, ut nimirum cum non possint ab obscena contagione cessare, nolint tamen a ministerii sui, qui se indignos exhibent, exsecutione quiescere; cum illis Dominus per Isaiam dicat: « Cum veneritis ante conspectum meum, quis quæsit hæc de manibus vestris, ut ambularetis in atris meis? Ne afferatis ultra sacrificium frustra. Incensum abominatio est mihi (*Isa. i.*) » Per Jeremiam quoque increpans ait: « Ut quid mihi thus de Saba afferitis, et calamus suave olentem de terra longinqua? Holocausta vestra non sunt accepta, et victimæ vestræ non placuerunt mihi (*Jer. vi.*) » Sed et per Malachiam: « O sacerdotes, inquit, qui despiciitis nomen meum, et dixistis in quo desepimus nomen tuum? offertis super altare meum panem pollutum (*Malach. i.*) » Et paulo post: « Ecce ego projiciam vobis brachium, et dispergam super vultum vestrum stercus solemnitatumstrarum vestrarum (*Malach. ii.*) » Kursusque per Isaiam: « Cum extenderitis, ait, manus vestras, avertam oculos meos a vobis: et cum multiplicaveritis orationem, non exaudiam (*Isa. i.*) »

D Quod igitur a Deo ipso protestante repellitur, cur imprudenter offertur? Unde et postmodum dicit: « Iniquitates vestræ dividerunt inter vos et Deum vestrum; et peccata vestra absconderunt faciem eius a vobis, ne exaudiret (*Isa. lix.*) »

403 CAP. V. — Quod clericis intemperantibus melius esset a sacris ordinibus cessare.

Quanto ergo melius, qui ejusmodi sunt, ut sese nunc a sui ordinis administratione compescerent,

quam divini super se furoris gladium provocarent : A fungatur officio, ejusdem tamen ordinis non exiit sacramento. quantoque modestius, ut recedendo Christi altaribus non servirent, quam hæc accedendo polluerent ! Pium est enim credere, quia quisquis nunc peccata propria recognoscens, ac deserens, a suo se ministerio humiliter reprimi, in die judicii, eundem, quo se sponte privaverat, ordinem obtinebit. Quod in libro Esdræ significari videtur, ubi sacerdotum genealogia describitur (II Esdr. vii). Ibi quippe sacra narrat historia, quia quidam sacerdotum quæsierunt scripturam genealogiæ suæ : et quoniam reperire non potuerunt, ejecti sunt de sacerdotio. Illi plane veraciter filii sacerdotum sunt, qui sacerdotaliter vivunt : ii sacerdotalis generis lineam servant, qui vitam suam Deo sacrificium offerunt, ac de sacerdotali se prodire prosapia religiose vivendo testantur. Et dum B sanctorum sacerdotum imitantur exempla, quæ legunt, tunc in sacris eloquiis sacerdotum se filios recognoscunt. At ii qui carnaliter vivunt, et pravorum sequendo vestigia, quasi de secularium generatione descendunt, merito de sacerdotum projiciuntur ordine, quorum se per vitam reprobam nequeunt filios invenire.

Et notandum quod illic sequitur : « Dixit Athesatha eis, ut non comederent de sanctis sanctorum, donec surgeret sacerdos Dei doctus, atque perfectus (Ibid.). » In qua nimirum prohibitionem quid aliud per allegoriæ mysterium debet intelligi, nisi ut is qui indignus est sacerdotio, a percipiendis se sacramentis, et sacerdotalis ordinis administratione comescat, donec Christus in judicio, qui vere sacerdos est doctus atque perfectus, exurgat. Sicut per Psalmistam dicitur : « Terra tremuit et quievit, dum exurgeret in judicio Deus (Psal. lxxv) ; » ut is cujus terroris instinctu, quilibet lapsus hic sua se dignitate sponte privaverat, eum in judicio grata vice restituens, ad amissi ordinis culmen attollat, dicens : « Amice, ascende superius, et tunc sit tibi gloria coram simul discumbentibus (Luc. xiv). »

Sed sunt nonnulli, quod prætereundum non est, qui juxta Apostolum (Ephes. iv) desperantes, semetipsos immunditiæ tradiderunt : nam continentiam funditus desperantes, a suscepti ordinis administratione se reprimunt, sicque se delinquere velut impune confidunt : ac si servus domino suo dicat : quia quod præcipis implere non valeo, ad hostium tuorum castra transfugio, illisque me ad pugnandum contra te deditum trado ; tanquam possit dominum suum placare, quod fugit ; et non possit irritare, quod adversus eum in arma consurgit. Quibus ego constanter, et sine ulla prorsus ambiguitate denuntio, quoniam cassa se ac frivola pollicitatione decipiunt, si non exsequentes officium, officio se exutos esse confidunt. Licet enim a frequentatione, vel executione cesset ordo cujuslibet, vel officium ; in ordinato tamen nihilominus 404 permanet ordinis sacramento. Et sicut vir quispiam, et si cesset ab opere conjugali, nullo modo tamen absolvitur copulatione conjugii ; ita clericus et si sui ordinis non

fungatur officio, ejusdem tamen ordinis non exiit sacramento.

Cavendum est ergo illis, ne super eos veniat formidolosa illa sententia, quæ per Apostolum dicitur : « Impossibile est, inquit, eos qui semel sunt illuminati, gustaverunt etiam donum cœlestis, et participes sunt facti Spiritus sancti : gustaverunt nihilominus bonum Dei verbum, virtutesque sæculi venturi, et prolapsi sunt, rursus renovari ad poenitentiam, rursus crucifigentes sibi metipsos Filium Dei, et ostentui habentes (Hebr. vi). » Ita plane videntur agere, ac si Israelitarum quispiam, volens fornicari cum idolis, dicat : Quia nequeo servare duram ac rigidam Dei legem, ad ritum transibo gentilem ; tanquam recedens a lege non sit debitor legi. Et hoc modo quanquam de servata lege non sit præmio dignus, ultioni tamen de contempta non teneatur obnoxius.

Sed audiamus quid talibus divina severitas in Deuteronomio dicat : « Cumque audierit quisquam verba juramenti hujus, benedicat sibi in corde suo, dicens : Pax erit mihi, et ambulabo in pravitate cordis mei, et assumat ebrius sitientem, et Dominus non ignoret ei, sed tunc quam maxime furor ejus fumet, et zelus contra hominem illum : et sedeant super eum omnia maledicta, quæ scripta sunt in hoc volumine, et deleat nomen ejus sub cœlo, et consummat eum in perditionem ex omnibus tribubus Israel juxta maledictiones quæ in libro legis hujus ac fœderis continentur (Deut. xxix). » Eat ergo clericus, cui muliebris prohibetur admixtio, præbeat sacrilega venerandis altaribus adversione repudium, ut liber, tanquam emissarius equus in luxuriæ proliat appetitum. Sed dum a Deo libertatem accipit, atque ab eo, tanquam absolutus abscedit, maledictionis ejus ac suæ perditionis laqueos non evadit. Cum Psalmista dicat : « Maledicti qui declinant a mandatis tuis (Psal. cxviii). » Et per Ezechielem Dominus ait : « Neque cogitatio mentis vestræ fiet, dicentium : Erimus sicut gentes et sicut cognationes terræ, ut colamus ligna et lapides. Vivo ego, dicit Dominus Deus, quoniam in manu forti, et brachio extento, et in furore effuso regnabo super vos, et educam vos de populis, et congregabo vos de terris, in quibus dispersi estis, et subjiciam vos scepro meo (Ezech. x). »

D CAP. VI. — De duobus presbyteris incontinentibus.

Nostra, ut fertur, contigit ætate, quod narro. In Galliarum partibus penes administrationem ac ditionem ejusdam religiosi abbatis, nomine Benedicti, presbyter habitabat, qui nimirum quanto copia facultatis uberius affluebat, tanto magis religionis et honestatis premebatur inopia. Obviente igitur pellice, viduatus, adiecit iterare conjugium. Quid plura ? Confœderat sibi ; quasi tabularum lege prostibulum, amicorum, atque confinium 405 congregat nuptiali more conventum, epulaturis etiam totius affluentia providet apparatus. Abbas autem, dum decumberet, jamque felicem propinquaret ad exitum, hæc audito, duos ad eum mo-

nachos misit, eique tam impudens scelus sub districtæ censuræ interminatione prohibuit. Ille vero, ut erat conceptæ nequitiae stimulatus instinctu, obtemperare non potuit, sed temeritate plectibili, quidquid nuptialis ordo dictabat implevit. Cunctis itaque perstreptentibus locis, ac lasciviæ deditis, presbyter tanquam bos ad victimam ductus convivium deserit, thalamos non delectionis, sed perditionis ingreditur: et, o terribilis Deus in consiliis super filios hominum! (*Psal. lxxv.*) repentina morte muletatur. Uno siquidem eodemque momento, et semen fudit et animam exhalavit. Sic remunerari debuit, qui de sacrario Domini ad exoletum lupanar suumque volutabrum transire decrevit. Fortassis enim iste, quia sacri altaris non frequentabat accessum, idcirco se impune credidit peccatorem. Sed expertus est quod Apostolus dixerat: « Quia terribile est incidere in manus Dei viventis (*Hebr. x.*) »

Alio quoque tempore, cum papa Stephanus, qui zeli Phinees æmulabatur ardorem (*Num. xxv.*), omnes clericos Romæ, qui post interdictum papæ Leonis incontinentes existerant, de conventu clericorum et choro ecclesiæ præcepisset exire, ut quantum, relictis feminis, per poenitiæ se lamenta corrigerent; tamen quia sancto viro inobedientes fuerant, et de sacrario ad tempus exirent, et celebrandæ missæ licentiam de cætero non sperarent, iuxta canonicam B. Cæciliæ trans Tiberim constitutam presbyter habitabat, quod nec feminam ullo modo acquiescebat abjicere, nec unquam poterat hæc statuta, nisi vana prorsus et frivola judicare. Quadam itaque die, dum incolumis, vegetus, ac robustus existeret, vespertinis horis ad quiescendum se in lecto composuit. Sed repentina divinæ ultionis animadversione percussus, mane repertus est cadaver exanime. Illico præfatæ canonicæ religiosus certe conventus duos ad me clericos direxerunt, quid tali facerent mortuo consulentes. Nos si rem rite tenemus, consilium dedimus, ut eum quidem, quia presbyter fuerat, penes ecclesiam sepelirent: sed nullum sibi vel hymnorum, vel psalmodiæ officium redderent; quatenus et incestis terror accresceret, et castitatis gloria germinantius pullularet. Et certe dignum videtur, ut mortuus, iuxta prophetam, sepulchrum possideat asini qui dum viveret humana contempsit lege constringi. Sicut de Joakim filio Josiæ rege Juda per Jeremiam dicitur: « Sepultura asini sepeliatur putrefactus, et projectus extra portas Jerusalem (*Jer. xxii.*) » Enimvero cui militaris est character impressus, quocunque transfugiat, militiæ suæ, cui juratus fuerat, secum semper signaculum portat, et quocunque inusti sibi stigmatis vibicem conspicit, desertorem se militiæ, reumque transfugii recognoscit. Sic etiam clericus, cum signaculo Spiritus sancti, quod in die suæ consecrationis accepit, probatur ad lupanaria spurca descendere, nec illud de se ulla poterit occasione delere, quantum et illic illud accipiat signum, de quo in Apocalypsi Joannes 406 ait: « Faciet omnes passillos et

magnum habere characterem bestię in dextra manu aut in frontibus suis (*Apoc. xiii.*) » Sed quid cum characterē bestię signo illi, de quo dicitur: « Quia hi, qui erant super montem Sion cum Agno, habebant nomen ejus scriptum in frontibus suis? » (*Apoc. xiv.*) « Quid enim luci ad tenebras? aut quæ societas Christi ad Belial? Qui consensus templo Dei cum idolis? » (*II Cor. vi.*)

CAP. VII. — *Contra pellices clericorum scriptor invenitur.*

Interea et vos alloquor, o lepores clericorum, pulpamenta diaboli, projectio paradisi, virus mentium, gladius animarum, aconita bibentium, toxica convivarum, materia peccandi, occasio pereundi. Vos, inquam, alloquor gynæceæ hostis antiqui, upupæ, ululæ, noctuæ, lupæ, sanguisugæ, Affer, affer sine cessatione dicentes (*Prov. xxx.*) Venite itaque, audite me, scorta, prostibula, savia, volutabra porcorum pinguium; cubilia spirituum immundorum, nymphae, sirenae, lamiae, dianæ, et si quid adhuc portenti, si quid prodigii reperitur, nomini vestro competere judicetur. Vos enim estis demonum victimæ ad æternæ mortis succidium destinatæ. Ex vobis enim diabolus, tanquam delicatis dapibus pascitur, vestræ libidinis exuberantia saginatur. « Habitat enim, juxta Scripturam, in secreto calami, et in locis humentibus (*Job. xl.*) » Vos estis vasa iræ, et furoris Domini, reposita in diem ultionis. Vos tigrides impiæ, quarum nesciunt, præter humanum sanguinem, cruenta ora sitire. Vos harpyiæ, quæ sacrificium Domini circumvolantes arripitis, eosque, qui Deo oblati fuerant, crudeliter devoratis. Nam et lænas vos non incongrue dixerim, quæ belluarum more, jubar attollitis, et incautos homines ad suæ perditionis interitum eruentis amplexibus harpaxatis. Vos sirenae, atque charybdides, quæ dum suavem deceptionis editis cantum, inevasibile struitis, salo vorante, naufragium. Vos viperæ furiosæ, quæ præ impatientis ardore libidinis Christum, qui caput est clericorum, vestris amatoribus detruncatis. Nam sicut Madianitides olim per phalaratæ vestis ornatum ad suum provocabant Israelitarum corda concubitus (*Num. xxv.*), ita vos accurati cultus, sive fucati vultus illecebræ infelices homines de sacrosancti altaris ministerio, quo fangebantur, avellit, ut in lubrico vestri amoris glutino suffocetis. Et sicut Madianitides illæ a se pellectis suadebant idola colere, sic et vos istos post signum crucis impressum quodammodo bestię compellitis imaginem adorare. Qui profecto vobiscum simul, nisi forte respiscunt, illud Apocalypsis elogium non evadunt: « Si quis, inquit, adoraverit bestiam et imaginem ejus, et acceperit characterem in fronte sua, aut in manu sua, et hic biberit de vino iræ Dei, quod mixtum est mero in calice iræ ipsius, cruciabitur in igne et sulphure in conspectu angelorum sanctorum, et ante conspectum Agni, et fumus tormentorum eorum ascendet in sæcula sæculorum, nec habebunt requiem die ac nocte (*Apoc. xiv.*) »

Porro autem sicut Adam, inter omnia 407 para-
disi poma, illud duntaxat quod Deus vetuerat
concupivit : sic a vobis ex universa humani generis
multitudine illi tantummodo sunt electi, qui penitus
ab omni muliebris affectus sunt confederatione pro-
hibiti. Per vos contra turrem David Damasci facies
clinicat, dum antiquus hostis per vos invadere
castitatis ecclesiasticæ cacumen anhelat. Vos plane
non immerito, fatear, dipsades vel cerastes, quæ
miseris et incautis hominibus sic sanguinem sugi-
tis, ut lethale virus eorum visceribus influatis.
Unde ad illarum numerum pertinentes, de quibus
Moyses Israelitarum principibus ait : « Cur feminas
reservastis? Nonne istæ sunt quæ deceperunt filios
Israel ad suggestionem Balaam, et prævaricari fe-
cerunt vos in Domino super peccato Phlogor? (Num.
xxxi.) » Equæ enim mentis audacia non perhor-
rescitis contrectare manus sacrosancto chrismate,
vel oleo delibutas, sive etiam evangelicis, vel aposto-
licis paginis assuetas? Dicit de maligno hoste
Scriptura, quia esca ejus electa. Per vos ergo dia-
holus electam escam devorat, dum sanctiora mem-
bra Ecclesiæ, suggestionis ac delectationis velut
utriusque mole dentibus atterit; et dum vobis
jungit eos, in sua viscera quasi trahendo con-
vertit.

In plenaria plane synodo sanctæ memoriæ Leo
papa constituit, ut quæcunque damnabiles feminæ
intra Romana mœnia reperirentur presbyteris pro-
stitutæ, extunc et deinceps Lateranensi palatio ad-
judicaretur ancillæ. Quod videlicet salutare statu-
tum æquitatis justitiæque plenissimum, nos etiam
per omnes Ecclesias propagandum esse decerni-
mus : quatenus percepto prius apostolicæ sedis
edicto, unusquisque episcopus Ecclesiæ suæ vindicet
famulas, quas in sua parochiaprehenderit sa-
cilega presbyteris admistione substratas. Æquitatis
scilicet jure, ut quæ sacris altaribus rapuisse servo-
rum Dei convincuntur obsequium, ipsæ hoc saltem
episcopo per divinitus capitis sui supplicant famu-
latum. Sed quid ego loquens vobis ultra progrediar?
potius ipse Deus omnipotens quid vobis per Jere-
miam loquatur, attendite : « Audite, inquit, mu-
lieres, verbum Domini, et assumant aures vestræ
sermonem oris mei : docete filias vestras lamen-
tum, et unaquæque proximam suam planetum, quia
ascendit mors per fenestras vestras, ingressa est
domos vestras, dispergere parvulos de foris, juvenes
de plateis. Et cadet morticinium hominis, quasi ster-
cus, super faciem regionis, et quasi fœnum post
tergum metentis, et non est qui colligat (Jer. ix) »
Imo audiat unaquæque quid sibi per eundem pro-
phetam idem Dominus singulariter dicat : « Quia
oblita es mei, et confusa es in mendacio, et ego nu-
davi femora tua contra faciem tuam, et apparuit
ignominia tua, adulteria tua, et hiniuit tuus, scelus
fornicationis tuæ super colles, in agro vidi abomi-
nationes tuas (Jer. xiii). » Timeat itaque, et medu-
litus contremiscat, ne super eam illa maledictio ve-

niat, quam immundis mulieribus per Moysen Deus
iniquitatis ultor intentat : « His, inquit, maledictio-
nibus subjacebis : Det te Deus in maledictionem
exemplumque cunctorum in populo suo; putrescere
faciat femur tuum, et tumens uterus tuus disrumpat-
ur. Ingrediantur aquæ maledictæ 408 in ventrem
tuum, et utero tumescente putrescat femur (Num.
v). » Perpendat etiam, quia hæc delectatio carnis,
qua nunc fruitur, illam sibi parit amaritudinem,
de qua in Apocalypsi Joannes ait : « Quia hi, qui
missi sunt in stagnum ignis ardentis, commanduca-
verunt linguas suas præ dolore, et blasphemaverunt
Deum cœli et terræ in doloribus et vulneribus suis
(Apoc. xvi). » Sed ego dum productioris styli laci-
niam fugio, velut ex magno animositatis gurgite vix
tenuam scintillam in jumentorum austri armenta
distillo.

Postremo tamen audite me, muscipulæ clericorum,
si, quod vobis clausum est, regnum vultis recuperare
cœlorum, repudiate quantocius detestanda consortia,
et sub dignæ satisfactionis ac poenitentiae vos reprimite
disciplina. Veniat inter vos sancta discordia,
quæ suscitet et accendat in vobis salutaris odii
fomitentem; et odiosam Deo violet charitatem. Nolite
vasa Deo sacra in vasa contumeliæ vertere. Nolite
hæc exemplo Baltassar usui vestræ delectationis
aptare (Dan. v); ne repente zelus Dei super vos in
iracundiæ se furore succendat, et vibratus indigna-
tionis suæ gladius utrumque confodiat. Novi certe
presbyterum, qui pellicis suæ morienti ac poenitu-
dinem flagitanti districtè prohibuit, seseque pro ea
poenitentiae debita solummodo absolute spopondit.
Illa utpote sacerdoti et litteris erudito homini facile
credidit, sicut se in tartarum cum massa plumbea,
quam Zacharias propheta testatur (Zach. v), im-
mersit. Subdolos ergo deceptores, tanquam serpen-
tinum virus abjicite, et vos velut e cruentis leonum
dentibus erui festinate.

Nec vos terreat, quod forte, non dicam fidei, sed
perfidiae vos annulus subarrhavit : quod rata et
monimenta dotalia notarius quasi matrimonii jure
conscripsit; quod juramentum ad confirmandam
quodammodo conjugii copulam utrinque processit.
Totum hoc, quod videlicet apud alios est conjugii
firmamentum, inter vos vanum judicatur et frivo-
lum. Nam cum Scriptura dicat : « A Deo datur viro
uxor (Prov. xix) : » et Dominus in Evangelio : « Omnis
arbor, quam non plantavit Pater meus cœlestis,
eradicabitur (Matth. xv) : » nullo stabilitatis niuitur
fundamento quod omnipotentis Dei reluctatur im-
perio. In vos quippe redundat, quod Isaias propheta
denuntiat : Pro eo, inquit, quod eleventur sunt filie
Sion, et ambulaverunt extento collo, et nitibus ocu-
lorum ibant, et plandeabant, ambulabant pedibus suis,
et composito gradu incedebant, decalvabit Dominus
verticem filiarum Sion, et Dominus crinem earum
nudabit. In illa ille auferet Dominus ornamentum
calceamentorum, et lunulas, et torques, et montia, et
armillas, et mitras, et discriminalia, et veriscelidas, et

marennulas, et olfactoriola, et inaures, et annulos, et gemmas in fronte pendentes, et mutatoria, et pallia, et lintheamina, et acus, et specula, et sindones, et vittas, et theristra: et erit pro suavi odore fetor, et pro zona funiculus, et pro crispanti crine calvitium, et pro fascia pectorali cilicium; pulcherrimi quoque viri tui gladio cadent, et fortes tui in prælio (Isa. iii). Unde ne vos **409** cum viris, quos pulcherrimos arbitramini, divini furoris gladio corrumpatis, extenta colla depone, oculorum nutus et plausus abjicite, eique vos, qui ultor est criminum, humiliter subjugate. Porro si ad Deum vultis incunctanti fide recurrere, plenam vobis paratus est veniam indulgere: cum fornicanti cuilibet animæ per prophetam dicat: « Si recedens mulier duxit virum alterum, nunquid vir ejus revertetur ad eam ultra? Nunquid non polluta, et contaminata deputabitur mulier illa: Tu autem contaminata es cum amatoribus multis: tamen revertere ad me, dicit Dominus (Jer. iii). » Felix tale commercium, quia cum impudicos clericos a vestra copulatione divellitis, plaudentibus angelis cœlestis sponsi thalamos introitis. « Gaudium est » enim « eis super peccatorum pœnitentiam agente (Luc. xv). » Et per prophetam: « Revertimini ad me, et ego revertar ad vos, dicit Dominus (Malach. iii). »

CAP. VIII. — *Quod is culpandus sit, qui negligit emendare quod potest.*

Sed ut ad eum, cui cœptus est, styli currentis reflectatur articulus, cum apostolica sit illa sententia qua dicitur: « Quia non modo talia facientibus, sed et consentientibus par pœna debetur (Rom. i); » valde tibi cavendum est, venerabilis pater, qui quamvis temetipsum præbeas vernantis pudicitiae candore conspicuum, permittis tamen, ut in clero tuo, tanquam cruenta illa Jezabel, obtineat luxuria principatum; de qua nimirum angelo Thyatiræ Ecclesiæ dicitur: « Habeo adversum te pauca: quod permittis mulierem Jezabel, quæ se dicit prophetam, docere, et seducis servos meos fornicari (Apoc. ii). » Authentica certe est illa sententia, qua dicitur: « Facti culpam habet, qui quod potest negligit emendare. » Quid enim profuit Heli, quia in luxuriam ipse non corruit, sed fornicantes filios paternam quidem pietate, non autem sacerdotali auctoritate corripuit? (I Reg. ii.) Lege, pater, epistolam, quam de episcoporum incontinentia piæ memoriæ Nicolao papæ direximus, et quidquid illic hujusmodi repperis scriptum, ad te nihilominus intellige destinatum. Verumtamen age, quæso, si videres monachum fornicantem, nonne protinus stomacho nauseante screares, cœlum terramque vociferando confunderes, exurendum præterea a flammis ultricibus inelamares? Et tamen liquido novimus, quia non diversam pœnitentiæ mensuram monacho atque diacono canonica præfigit auctoritas.

Cum ergo una peccati sit in utroque mensura, cur habeatur in peccatore diversitas, ut videlicet hunc æquanimitè toleremus, imo etiam sibiimet amabilius applaudamus, illum vero dignum suspensio judicemus? An personam accipimus, et contra legis

A edictum diversum in sacculo pondus habemus? « Non habebis, inquit Moyses, in sacculo diversa pondera, majus et minus: nec erit in domo tua modius major et minor (Deut. xxv). » An et adversus Evangelium **410** facimus, culicem liquantes et camelum glutientes? (Math. xxiii.) Nempè quanto major est presbyter monacho in dignitatis ecclesiasticæ privilegio, tanto deterior est in peccato. Nam cum monachis de populo nil pertineat, sacerdotibus jussu est populi peccata portare. Sicut Moyses ad Aaron dicit: « Cur non comedistis hostiam in loco sancto, qui sanctorum est, et data est vobis, ut portetis iniquitatem multitudinis, et rogetis pro ea in conspectu Domini? » (Levit. x.) Sane quomodo nunc aliena possunt peccata portare, quoniam oculi semper intendunt ad uteros tumentes et pueros vagigentes?

Sed quia nonnulli eorum sunt, qui dum mala committunt, etiam viperini dogmatis hæc assertione defendunt, non ignorent, quoniam damnabilis hæreseos laqueis innectuntur. Qui nimirum dum corruunt, impudici; dum defendere nituntur, merito judicantur hæretici. Unde et clerici uxorati Nicolaitæ vocantur, quoniam a quodam Nicolao, qui hanc dogmatizavit hæresim, hujusmodi vocabulum sortiuntur. Sed nunc accedit, ut hoc insigne vocabulum novum, si prævalent, accipiat incrementum: ut qui hactenus dicti sunt Nicolaitæ, amodo vocationem et Cadalaïtæ. Sperant enim, quia si Cadalous, qui ad hoc gehennaliter æstuat, universali Ecclesiæ Antichristi vice præsederit, ad eorum votum luxuriæ frena laxabit. Super quo nimirum etiam mihi idem ejus fautores insultant, eumque non esse mortuum juxta cujusdam a me facti versiculi prophetiam exprobrantes, obtreçant. Dixeram enim inter cætera: Non ego te fallo, cæpto morieris in anno. Sed ut me comprobent non fuisse mentium, audiant admirabilem divinæ dispositionis eventum. Cadalous siquidem ipso festivitatis die sanctorum apostolorum Simonis et Judæ, quasi in papam, Deo reprobande ac repellente, fuit electus, eodemque vertente anno, in prædictorum apostolorum vigiliis, ab omnibus Teutonicis et Italicis episcopis, ac metropolitanis, qui cum rege tunc aderant, damnatus est et depositus. Quamobrem, juxta Ezechielem prophetam, sinum boum pro stercoribus humanis Deus sibi quodam modo contulit, dum carnis interitum honoris ruina mutavit (Ezech. iv). Tunc quippe mortuus est in honore, cum honos synodali judicio perdidit dignitatem. Nunc autem non dicam biathanatus, sed potius millemortuus toto terrarum orbe deridetur, exploditur, maledicitur, anathematizatur.

Audiant igitur hoc insultores mei, et dum divinæ dispensationis perspexerint ordinem, me mendacii non accusent. Tu autem, vir Domini, gladium Phinees zelo fervidus arripe, ut Israelitam eum Cozbin Madianitide coeuntem acuto valeas pugione transfodere (Num. xxv). Cum Samuele quoque te in ultionis spiritum constanter accinge, et ad confusio-

nem Saul, Agag pinguissimum in frustra concide (I Reg. xv). Elias etiam tibi productum de pharetra Domini gladium porrigat, et de sacerdotibus ac prophetis Baal, ductis ad torrentem Cison, ne quidem unus evadat (III Reg. xviii). Nam et Moyses, quia pro amore Israelite cuiusdam, percussus sabulo abscondit **411** Ægyptium (Exod. ii), totius Israel obtinere meruit principatum. Atque ut illam magis victoriam memoremus, quæ ad castitatis pertinet sacramentum, David quia ducenta præputia Philistinorum fervidus bellator abscedit, protinus in conjugium Michol filiam Saul regis accepit (I Reg. xviii). Nam quia Saul centum tantummodo petiit, sed ducenta genero deferente suscepit; ille regi Israel præputia geminata comportat, qui Deo non solum corporis, sed et cordis pudicitiam immolat. Adonias filius Aggith, quia illicitum petiit, Bersabee interveniente, conjugium, Salomone promulgante iudicium, fuso cruore purgavit incestum (III Reg. ii).

Memento itaque, quod tibi ideam Salomon dicit: « Fili mi, si sponderis pro amico tuo, defixisti apud extraneum animam tuam. Illaqueatus es verbis oris tui et captus propriis sermonibus tuis. Fac ergo quod dico tibi, fili mi, et temetipsum libera, quia incidisti in manus proximi tui: discurre, festina, suscita animum tuum, ne dederis somnum oculis tuis, nec dormitis palpebræ tuæ (Prov. vi). » Tunc enim apud amicum tuum propriis illaqueatus es verbis, cum te Dei populum regere promissisti. Nec illud obliviscaris, quod per Jeremiam dicitur: « Male dictus homo, qui prohibet gladium suum a sanguine (Jer. xlviii). » Ille quippe gladium compescit a sanguine, qui peccata delinquentium negligit vindicare. Sed ne forte timeas pro castris pudicitiae stare, et contra frementes luxuriæ cuneos castitatis arma corripere, audi quid tibi per Ezechielem vox divina promittat: « Ecce, inquit, dedi faciem tuam valentorem faciebz eorum, et frontem tuam duriorum frontibus eorum, ut adamantem, et ut silicem dedi faciem tuam: ne timeas neque metuas a facie eorum (Ezech. iii). » Per Salomonem quoque tibi dicitur: « Ne paveas repentino terrore irruentes tibi potentias impiorum. Dominus enim erit in latere tuo, et custodiet pedem tuum, ne capiaris (Prov. m). » Et iterum: « Omnis sermo Dei ignitus clypeus est sperantibus in se (Prov. xxx). » Quod si impossibilitatem fortassis opponis, et sicut mihi in os dixeras, ad hoc te sufficere posse diffidis, audi quid tibi per eundem Salomonem Sapientia vera respondeat: « Erue eos qui ducentur ad mortem, et qui trahuntur ad interitum liberare ne cesses. Si dixeris, vires non suppetunt; qui inspector est cordis, ipse intelligit, et observatorem animæ tuæ nihil fallit, reddeque homini juxta opera sua (Prov. xxiv). »

Sic ergo te, venerande pater, in hoc castitatis, libidinisque congressu constanter accinge. Sic viriato spiritus gladio grassanti in Ecclesia tua luxu-

ria lethale vulnus inflige, ut manubias ac spolia de manu eruenti prædonis strenuus valeas bellator eripere, et ad ipsum castitatis auctorem peractæ victoriæ merearis insignia reportare.

412 DISSERTATIO TERTIA.

CONTRA CLERICOS INTemperantes.

Ad Adelaidem Subalpinorum ducissam.

ARGUMENTUM. — Qua de causa scripserat ad Taurinensem episcopum, scribit nunc ad Adelaidem principem feminam, quæ Subalpinorum gentes et Sabaudia regionem, marito mortuo, administrabat: nimirum, ut clericorum in sua ditione degentium libidinem coerceat, pellicesque eos habere nequaquam patiat; iustitiam quoque et pietatem in ecclesiis, præsertim in monasterium Fructuariense, cuius laudes fuse enarrat, plurimum ei commendat.

ADELAIDI excellentissimæ duci, PETRUS peccator monachus orationis instantiam.

Quidquid de castitatis injuria, quam eadem regina virtutum a clericis patitur, venerabili Taurinensi episcopo scripsi, tibi scribendum ante decreveram, nisi eorundem clericorum insuggillantium calumniam formidarem. Expostularent enim, ac dicerent: Ecce, quam impie, quam inhumane parat nos iste confundere, qui non cum episcopis, non cum ecclesiasticis viris super nostro negotio caute vult ac modeste disserere; sed quod in sacrario tractandum erat, non veretur feminis publicare. Hoc itaque metuens, personam mutavi: et quod tibi conceperam, illi potius destinavi. Ille tamen unius Ecclesiæ cathedram tenet: in ditione vero tua, quæ in duorum regnorum, Italiae scilicet et Burgundiæ, porrigitur non breve confinium, plures episcopantur antistites. Ideoque non indignum videbatur, ut tibi potissimum de clericorum incontinentia scriberem, cui videlicet ad corrigendum idoneam sentio non deesse virtutem. Præsertim quod ad laudem Dei dixerim, cum virile robur femine regnet in pectore: et diti or sis bona voluntate quam terrena potestate. Unde quia, juxta poetæ gentilis eloquium (10),

Opus est huic tutore, quem defensorem paro;

hortor et peto, ut tu domno jungaris episcopo; quatenus mutæ virtutis fulti munimine, furcantis in Christum luxuriæ valeatis aciem debellare.

D CAP. I. — Hortatur Adelaidem, clericorum incontinentium libidinem coercere.

Sed dum vos confælerare ad prælium contra diabolum studeo, illud mihi bellum in memoriam revocatur, quod Debbora prophetes uxor Lapidioth, cum Barac filio Abinoem habuisse contra Sisaram ducem exercitus reperitur. De illa quippe legitur: « Quia iudicabat populum, ascendebantque ad eam filii Israel **413** in omne iudicium (Judic. iv). » Ad hujus exemplum tu quoque sine virili regis auxilio regni pondus sustines: et ad te confluent qui litibus suis imponere legalis sententiæ calculum concupiscunt. Sed satage, ut sicut illa, et tu quoque habites sub

palma, inter Rama et Bethel. Rama siquidem interpretatur, *excelsa*; Bethel, *domus Dei*. Habita ergo et tu sub palma, semperque super te crucis Christi contemplare victoriam: sede etiam inter Rama et Bethel, ut non solo, hoc est terrenis, inhæares: sed cum apostolis in cœnaculo, et cum Anna sancta vidua converseris semper in templo. De qua dicit evangelista; « Quia non discedebat de templo, jejuniis et orationibus serviens nocte ac die (*Luc. ii.*) » Et quia Debbora interpretatur *apis*, tu quoque mellifica, et divinæ laudis dulcedinem in tuis labiis jugiter versa. « Quam dulcia, inquit, faucibus meis eloquia tua, super mel et iavum ori meo (*Psal. cxviii.*) »

Certe, ut multa præteream, tanquam ex quodam mellis favo visa est mihi hæc stilla defluere, cum hoc veræ humilitatis verbum de tuo contigit ore prodire: Quid mirum, pater, si Deus omnipotens mihi vilissimæ ancillæ suæ quantulamcunque conferre dignatus est inter homines potestatem, qui contemptibili cuilibet herbæ mirabilem aliquando præbet inesse virtutem? Ostendisti ergo te apem, dum favi distillas ex ore dulcedinem, sicut scriptum est: « Quia de ore prudentis procedit mel, dulcedo mellis sub lingua ejus, favi distillant labia ejus (*Prov. xvi.*) » Sisara vero, *exclusio gaudii* interpretatur, quod profecto vocabulum inimico humani generis aptissime congruit, qui primum hominem a paradisi gaudio, quo fruebatur, exclusit. (*Gen. iii.*) Sed quia non est hujus temporis immorari in enodandis allegoriæ mysteriis, dixit Debbora ad Barac: « Præcepit tibi Dominus Deus Israel, vade, et deduc exercitum in montem Thabor, tollesque tecum decem millia pugnatorum de filiis Nephthalim, et de filiis Zabulon; ego autem adducam ad te in locum torrentis Cison Sisaram principem exercitus Jabin, et currus ejus, atque omnem multitudinem, et tradam eos in manu tua. Dixitque ad eam Barac: Si veneris mecum, vadam: si nolueris venire, non pergam. Quæ dixit ad eum: Ibo, quidem tecum, sed in hac vice tibi victoria non reputabitur: quia in manu mulieris tradetur Sisara (*Judic. iv.*) » Quæ nimirum nuda historię verba succincte transcurrimus, ne si figuras exponendo diutius immoremur, tardium legentibus ingeramus. Hoc tantum ex his dixisse sufficiat, quia Barac *coruscatio* interpretatur. Coruscatio vero habet quidem lucem, sed non diutius permanentem; mox enim ut incipit, desinit. Ita sunt nonnulli retores Ecclesiarum, qui quodammodo tunc coruscare incipiunt, cum ad corrigenda mala subjectionum, quasi zelo se ultionis accendunt: sed protinus extinguuntur, quia qualibet adversitate fracti, vel torpore desidie resoluti, cito deficiunt. Unde et ille Barac desidis ac resoluti pastoris figuram gerens, aiebat ad Debboram: « Si veneris mecum, vadam: si nolueris venire, non pergam. »

Quapropter sicut vir ille cum femina, Barac videlicet cum Debbora, mutuis se fulciantes auxiliis, contra Sisaram prælium susceperunt, eumque cum

A suis agminibus, et nongentis falcatis curribus funditus debellarunt; ita et vos, tu scilicet et Taurinensis episcopus, contra Sisaram, luxuriæ ducem, arma corripite: eumque in filios Israel, hoc est in clericos Ecclesiæ, dominantem, mucrone pudicitie jugulate; quatenus et episcopus, imo omnes episcopi, qui in administrationis tuæ finibus commorantur sacerdotali clericos disciplina coerceant, et tu firmiter feminas vigorem terrenæ potestatis extendas. Tres quippe tantummodo feminas Deus novit: quæ his plures sunt, in ejus adhuc notitiam non venerunt. Novit enim virgines cum Maria, viduas cum Anna, conjuges cum Susanna.

Cap. II. — Quod concubinae a templis sint arcendæ.

Illorum vero clericorum feminas, qui matrimonia nequeunt legali jure contrahere, non conjuges, sed concubinas potius, sive prostibula congrue possumus appellare; ideoque quia a Deo non merentur agnosci, de templo Dei merito censetur excludi. Nam, si soror Aaron Maria, quæ Moysi levi sermone detraxit, mox lepra perfunditur, septemque diebus a tabernaculo removetur (*Num. xii.*), quo jure istæ ingredi permittentur Ecclesiam, quæ eidem Ecclesiæ sordes libidinis inferunt, vasa Domini in proprios usus asciscunt: et, ut apertius loquar, ministros altaris propriæ luxuriæ ministrare compellant?

Age ergo, esto virago Domini: et quasi Debbora cum Barac, hoc est, conjunctis simul episcopis, Sisaram ad internecionem usque persequere. Et sicut C Jahel uxor Haber, tabernaculi sui clavum super Sisaræ cerebrum posuit, malleoque percussit, et tempus utrumque transfixit, ita tu signo crucis diaboli verticem transode, auctoremque luxuriæ, qui clericos a cœlestibus gaudiis excludit, elide. Talis enim victoria Deum valde lætificat, qui aliquando per feminas gloriosior laude triumphat. Judith quippe continentie vidualis exemplum, dum deauratos ostroque nitentes Holofernis thalamos sprexit, fortioribus armis in mente præcincta, etiam caput ebrui audent, impresso pugione, truncavit (*Judith xiii.*). Quæ etiam, ut hanc meruisset a Domino percipere fortitudinem, diffidentem ac timidum antea corripuerat sacerdotem, Oziam scilicet, qui Deo quinque dierum præfixerat terminum, ea qua dignus erat austeritate redarguit, dicens: « Non est iste sermo, qui misericordiam provocet, sed potius qui iram excitet, et furorem accendat. Possistis vos tempus miserationis Domini, et in arbitrium vestrum diem constituistis ei? » (*Judith xviii.*) Esther dum pro salute populi sui morti se viriliter objicit, Aman Israelitarum sanguinem avide sitientem suspensio interire compellit (*Esther xiii.*). Mulier sapiens, quæ debebat in Abela, caput Sebe filii Boethi, ad Joab militiæ principem projecit abscessum: et sic imminens obsidionis avertit a civitate periculum (*II Reg. xx.*). Altera mulier in Thebes fragmen mole de propugnaculo turris immer-

brumque simul obtrivit (*Judic. ix.*). Abigail uxor A Nabal a domo sua cedis interitum removet, dum viri sui contemnendo stultitiam, irascenti David xenium præbet (*I Reg. xxv.*) Tu quoque a domo tua et ab his quibus præcines regionibus, gladium poteris divini furoris avertere, si etiam episcopis negligentibus, luxuriam in ipsa ecclesiastici cultus arce subnixam, elaboraveris expugnare. Hoc enim videtur fieri nunc in finibus Christianorum, quod factum legitur in segetibus Philistinorum. Nam sicut vetus narrat Historia : « Cepit Samson trecentas vulpes, caudasque earum junxit ad caudas, et faces ligavit in medio : quas igne succendens dimisit, ut huc illucque discurrerent; quæ statim perrexerunt in segetes Philistinorum. Quibus succensis, confortatæ jam fruges et adhuc stantes in stipula, concremata sunt in tantum, ut vineas quoque et oliveta flamma consumeret (*Judic. xv.*) »

CAP. III. — Quod hæretici, ac mali sacerdotes vulpibus sint similes.

Hæc plane historia, licet principaliter designat hæreticos, qui quasi trecentenario numero continentur, quia sanctæ Trinitatis fidem verbotenus confitentur; sed dum sub velamento orthodoxæ fidei in prima sermonis sui fronte se palliant, ignem pravæ doctrinæ in posterioribus, quo fruges omnium bonorum operum exurantur, occultant. Quamvis, inquam, per has vulpes designentur hæretici, his tamen inconcontinentes clerici cum suis pellicibus possunt non inconvenienter aptari : qui quasi solutis pedibus gradiuntur, dum honestatis aliquando speciem simulant prætendunt. Sed cum accensis facibus combinantur in caudis : quia quasi postposito, et, in quantum valent, occulto igne impudici conglutinantur amoris. Hæ itaque vulpecule, igne interveniente, conjunctæ, et libidinis facibus combinate, omnia Philistinorum sata consumunt; quia spirituales fructus Ecclesiæ destruunt, et quantum ad se, bona opera fidelis populi, divinæ indignationis igne succendunt, de quo igne mystice per Psalmistam dicitur : « Tradidit grandini jumenta eorum, et possessiones eorum igni (*Psal. lxxvii.*) » Quoniam sicut boni sacerdotes Deo quorumlibet fidelium oblationes et vota commendant; ita plerumque qui sacris altaribus indigni sunt, horribiliter gravant. Quod autem mali sacerdotes vulpibus comparentur, Ezechiel quoque propheta testatur, dicens : « Quasi vulpes in desertis propheta tui erant, Israel (*Ezech. xiii.*) » Et de clericis quidem interim ista sufficiat.

De ecclesiis autem, quæ tibi adjacent, admonerem, ne more pravorum quorumlibet divitum, earum bona minueres; sed cum te præsentem, plures nobiscum colloquerentur episcopi monasteriorumque rectores : nullus eorum fuit, qui vel a te, vel a tuis procuratoribus ullam sibi molestiam conquereretur inferri, præter 416 Augustensem duntaxat episcopum : qui tamen non a te sibi de suis aliquid imminutum,

sed conquestus est potius Ecclesiæ suæ nihil ex tua liberalitate collatum. Felix, inquam, dives hoc tempore, cui suppres convicane hoc solum valent crimen inferre. In Fructuariensi certe monasterio, ubi per decem fere dies hospitium tenui, quam humanus quamque suavis tuus principatus esset Ecclesiis, evidenter agnovi : ubi nimirum illa securi sub tuæ protectionis umbraculo, Deo deserviant fratres, ac si sub maternis alis pulli confoveantur implumes. Et quam convenienter illi loco Fructuariæ est nomen impositum, quod non humani sensus industria, sed divina credimus dispositione provisum.

Nam quia Ephraim interpretatur *fecunditas*; ille procul dubio mons est Ephraim, ubi nimirum veri Israelite consistunt. Qui dum arva mentium assiduis sacre Scripturæ sententiis, quasi quibusdam lignibus excolunt, uberis illic spiritualium segetum proventus erumpunt, qui cælestibus horreis angelitus inferantur. Ille, inquam, vere mons est Ephraim, ubi robur exercitus, ubi fortium cuneus bellatorum. Ibi contra diabolium assidue geritur infœderabile bellum, et cominus in arma congreditur, hinc agmen Israelitarum, illinc exercitus Chaldæorum. Illic Agag pinguisimus per manum sobrietatis in frusta conciditur (*I Reg. xv.*); et Eglon rex Moab transfixo femore, castitatis gladio trucidatur (*Judic. iii.*). Qui Eglon interpretatur *vitulus mæroris*, ut victimam significet perditionis. Illic Madianitarum reges, Zebec et Salmata, veri Gedeonis gladio perimuntur (*Judic. viii.*); illic in Goliath, superbiæ caput abscinditur (*I Reg. xvii.*); in Saul inobedientia reprobatur (*I Reg. xv.*); in Achitofel' fraus cum omni sacrilega duplicitate suspenditur (*II Reg. xvii.*); in Achan filio Charmi, super avaritiam ingens lapidum congeries cumulat (*Jos. vi.*). Ibi Jesus, non ille Benun, veraciter Amorrhæorum superat reges, suosque milites facit eorum calcare cervices (*Jos. xi.*). Illic plane Beseleel de lignis setim, qui putrescere nesciunt, Deo Israel arcam fabricat, tabernaculum construit, aureum cum septem lucernis candelabrum erigit; mystica quoque auro, gemmisque nientia sacerdotum ornamenta componit (*Exod. xxxii.*). Ibi Salomon templum Domino ex lapidibus pretiosis ædificat, tantumque latomis et cæmentariis silentium imperat, ut non ibi malleum, non securim, non ferramentum aliquid tinnire permittat (*III Reg. vi.*). Ibi Zorobabel filius Salathiel, et Josue filius Josedech, cum cætera multitudine virtutum armis accincti, sic Hierusalem muros instaurant, ut tamen adversus hostium cuneos opus impedire volentium, pugnare non desinant. Utroque igitur solerter intenti, utroque parati, dum una manus exercetur ad murum, altera vibratum tenet jagiter gladium : et dum hinc ædificii structura perficitur, illinc ingruentium hostium barbaries propulsatur (*I Esdr. iii.*; *II Esdr. iv.*).

Et quid amplius eloquar? Nisi quia illa est officina fabrilis, in qua mulieris evangelicæ (*Luc. xxi.*)

drachma quotidie malleis disciplinae regularis extunditur, et sic ad sui Conditoris imaginem (*Gen. 1*), ad quam principio condita fuerat, reformatur. Et revera illic mundanæ machinæ faber, cui 417 videlicet, evangelista Marco testante, dicebat: « Unde huic hæc omnia, et quæ est sapientia quæ data est illi, et virtutes tales, quæ per manus ejus efficiuntur? Nonne iste est fabri filius et Mariæ, frater Jacobi, et Joseph, et Judæ, et Simonis? » (*Marc. vi.*) Ille, inquam, fabri filius, qui et ipse nihilominus faber, illic propriis manibus agit at folles, servos scilicet suos, rerum temporalium mole penitus vacuos, et ab omni terreni amoris humore siccatos. De quo fabro per Isaia divina vox ait: « Ecce ego creavi fabrum sufflantem in ignem prunas, et proferentem vas in opus suum (*Isai lvi.*) » Unde et Jeremias: « Omnes, inquit, isti principes declinant, ambulantes fraudulentè: æs et ferrum, universi corrupti sunt; defecit sufflatorium; in igne consumptum est plumbum, frustra confavit confiator, malitiæ enim eorum non sunt consumptæ: argentum reprobum vocate eos, quia Dominus projecit illos (*Jer. vi.*) »

Per hos itaque vim Spiritus sancti efflat, ut eorum verbis, vel exemplis in amore Conditoris sui frigida corda fervescent. Illic plane Jesus sæpe ad discipulos suos januis clausis ingreditur (*Luc. xxiv; Joan. xx*): quibus non modo per salutationem pacis præbet alloquium, sed etiam per insufflationem sancti Spiritus influit sacramentum. In illo cœnaculo Pascha quotidie cum eisdem discipulis celebrat: et dum virtutem mystici sermonis erucat, eos ad ardorem suæ dilectionis inflammat. Operæ pretium est cernere, quomodo examen apud Domini per alvearium suum jugiter huc illucque discurrant, ac diversis officiis occupatæ, quod illis junctum est, certatim implere contendant. Onera siquidem diversa comportant, mella constipant, illudque nectar includunt, unde tavi miri dulcoris, et gratiæ summi Regis ferculis apponantur. Illic in conspectu David regis Israel sacerdotes, et levitæ, simul et Nathinæi, nablis, tubis, cinaris [cyniris], et citharis, cunctisque musicorum generibus concrepant (*I Par. xv*), ac mystici carminis organa modulantes, excubiarum suarum vices alternant, dicentes: « Confortemini Domino, quoniam bonus, quoniam in æternum misericordia ejus (*Psal. cxxxv*). » Omnipotentem Deum precor, o Fructuaria, ut ante me de vinculo carnis hujus absolvat, quam te ab eo in quo te vidi, religionis statu dejectam, veraciter audire permittat.

De cætero, venerabilis soror, contende semper de bonis ad meliora conscendere: et sicut per Apostolum prohiberis in incerto divitiarum sperare; (*I Tim. vi*) ita etiam noli ex divinæ clementiæ pietate diffidere. Et quia te novi de iterata conjugii geminatione suspectam; tentatus a Sadducæis Dominus de muliere, quæ septem fuerat fratribus nupta, cui foret illorum in resurrectione præ ceteris judicanda, sic

respondit: « In resurrectione neque nubent, neque nubentur, sed erunt sicut angeli Dei in cælo (*Matth. xxii; Luc. xx*). » Nam, si multiviræ ad regnum Dei nullatenus pertinerent, nequaquam hic Veritas responderet: Erunt sicut angeli in cælo; sed potius diceret: Quia erunt sicut maligni spiritus in inferno. In hoc itaque Salvatoris verbo manifeste colligitur, quia si religiosa duntaxat vita non desit, a regno cœlorum frequentati conjugii pluralitas non excludit. Jesus enim talis est sponsus, ut quancunque 418 suæ charitatis ulnis amplectitur, protinus in ea floridæ castitatis munditia reparetur. Et hæc loquor, non ut adhibeam multinubis adhuc futuris audaciam; sed, ut jam factis, spei, vel penitentiae non subtraham medicinam.

B Cap. IV. — Quoa zelus ac pietas in iudice moderate esse debeant.

Esto circa delinquentes quadam librati examinis arte discreta; ut nec ad vindictam præcipitanter inferveas, nec ad parcendum sis omnino remissa; quatenus nec ad ulciscendum immoderatus te zelus accendat, nec nimia pietas ab excercendæ te disciplinæ vigore cohibeat. Sane quia mox, ut infertur injuria, perturbatur animus, vix rectum illico valet promulgare iudicium. Sicut enim intuitus visum aqua, dum quiescit, admittit; si turbatur, obtundit; sic humanus animus in ipso perturbationis articulo inoffensam recti iudicii regulam, et lineam non attendit. Unde necesse est, ut in posterum sententia differatur, quatenus, æquata justitiæ lance, iudicium, quod perterbata nequiverat, mens quieta suspendat. In quo plane non minimum ad ædificationem pertinet intueri, rex David quam quietus, quam gravis in promulgatione iudicii fuerit, et discretus. Qui nimirum Joab et Semei se graviter offensentes, donec vixit, et in eo ira, vel furor locum habere potuit, æquanimiter toleravit; cum vero jam propinquaret ad obitum, et nullis olim sopitiæ iracundiæ stimulis urgeretur, præcepit filio, ut post mortem suam in illos vindicaret: tunc videlicet cum eum humanis jam rebus exemptum, offensentium pœna delectare non posset. « Tu, inquit, nosti, quæ fecerit mihi Joab filius Sarviæ: quæ fecerit duobus principibus exercitus Israel, Abner filio Ner, et Amasæ filio Jether, quos occidit, et effudit sanguinem belli in pace (*III Reg. ii*). » Et paulo post: « Facies ergo juxta sapientiam tuam, et non deduces canitiem ejus pacifice ad inferos. » De Semei vero ait: « Habes quod apud te Semei filium Gera, filii gemini de Bahurim, qui maledixit mihi maledictione pessima, quando ibam ad castra. » Et paucis interpositis, addidit: « Deduces canos ejus cum sanguine ad infernum (*Ibid.*). » Ubi notandum, quam laudabilis hujus viri fuerit, et admiranda discretio; quia quando viri potuit irasci, noluit vindicare, deficiente vero jam omni furoris et iræ materia, ne præteriret omnino justitiam, ultionis exeruit disciplinam. Cum enim ultor non habet aliquid de suo, tunc recto deponitur vindicta iudicio. Unde David non pascabatur

vindicta, quia nec cruciatur injuria : non cum zelus fecit immoderatus accensum, nec pietas reddidit inordinata remissum. Sic sie illatam discretus ultor injuriam, et non remissus indulsit, et non saviens vindicavit. Tu quoque, venerabilis soror, et domina, hujus imitare sancti regis exemplum, ut pietatis simul atque justitiæ nunquam deseras institutum. Ita tamen, ut juxta apostolicum præceptum, superexaltet misericordia **419** judicium (*Jac. ii*) ; et sic omnis judicii tui calculus ad omnipotentis Dei gloriam tendat ; quatenus expleto commissi villicatus officio, is qui tuum tenet nunc in suis manibus spiritum, de terreno te ad cælestis gloriæ provehat principatum.

A Monasterium præterea Fructuariense, tanquam vere thalamum Jesu, tuæ magis ac magis commende eustodiæ : cui quæso, ita pervigiles tuitionis tuæ depende semper excubias, **420** ut per te cælestis ille sponsus tuus in eo suaviter requiescat. Omnipotens Deus te ac tuos regiæ scilicet indolis, filios benedicat, eosque non modo ad ætatis, sed etiam sanctitatis incrementa perducatur. Dominus autem Adraldus Bre-metensis rector cœnobii, vir videlicet religiosus et prudens, ex me per te officiosissime salutetur. Qui si vult, ut sibi quoque aliquid scribam, scribendo præcipiat.

Sit nomen Domini benedictum.

421-422 OPUSCULUM DECIMUM NONUM.

DE ABDICATIONE EPISCOPATUS. AD NICOLAUM II ROM. PONT.

ARGUMENTUM. — Orat pontificem summum, suppliciterque obsecrat, ut sibi episcopatus onus deponere permittat : causas præcipuas affert, quod senior sit, et ideo quieti magis quam laboribus idoneus ; quod illud laboriosum munus non sponte, sed coactus susceperit, et denique quod propter sua peccata, ut ipse inquit, indignus sit qui in tam excelso honoris et dignitatis fastigio sedeatur. Licere autem, si ita tempus aut ratio postulet, episcopatu se abdicare, plurimis sanctorum virorum et exemplis et auctoritatis bus comprobatur. In fine Deum precatur, ut eam pontifici mentem det, qua suis votis satisfaciatur.

Domino suo NICOLAO universali papæ, PETRUS peccator monachus servitutem.

Sacrarium Spiritus sancti vestrum pectus agnoscit, quia nisi me tunc necessitas apostolica sedis impelleret, et antiqua, quam jamdudum circa vos habueram, charitas invitaret, post sanctæ memoriæ domini Stephani, vestri quidem decessoris, mei autem persecutoris, obitum, ego a me protinus episcopatum non canonice traditum, sed violenter injectum funditus absidissem. Meministis enim, domine mi, quot querelas coram vobis sæpe deposui, quot gemitus, quot denique profunda suspiria ex imis visceribus traxi, quoties etiam uberibus lacrymis tristitia ora rigavi. Verumtamen apud vos tunc non obtinui missionem, quia Romanæ Ecclesiæ, quæ ruinam minari videbatur, id utilitas non poscebat. Nunc autem te in sagena Petri clavum regente, sub tranquilla pace tota Christi gratulatur Ecclesia. Ventorum quippe se turbines reprimunt, procellarum spumantium volumina conquiescunt, mitescunt maria, totaque videtur cœli serenitas innovata. Cum igitur sub sancto pontificatu vestro jucunda pace universalis Ecclesia potitur, canis meis, et grandævæ jamjam senectuti, quæso, requies non negetur. Quapropter ob remissionem omnium peccatorum meorum, quæ nequiter perpetravi, cedo jure episcopatus, et per hunc annulum (virgam enim tulistis) desperata deinceps omni repetendi querela, renuntio : utrumque etiam vobis monasterium reddo : et, ut quiescendi municipium veterano et emerito militi perveniatur, imploro.

CAPUT PRIMUM.

Probat exemplis posse dimitti episcopatum.

Hic mihi fortassis objicitur, semel acceptum dimitti regimen non licere. Ad quod breviter dico quod sentio ; quia plerique pontificatus jura non deserunt, et de sinistris sunt ; quotquot autem legimus recta intentione dimisisse, certa spes est eos de æterna cum Christo societate gaudere. Neque tamen hæc dicimus, ut passim deseri episcopatum liceat, nisi videlicet id fieri necessitas, sive rationalis quælibet causa deprecatur.

Enimvero B. Valerius episcopus dum sibi providet successorem, magnum Augustinum Hipponensi Ecclesiæ inthronizat antistitem.

C Lucidus Ficoclenis episcopus dum propinquum sibi obitum imminere cognoscit, ad cœnobialis portum convolat ordinis, ac sacerdotalis infulas dignitatis monachicis mutat induviis. Et, ut noveris quid sibi conversio ista contulerit, sicut authentica registri testatur historia, sub ipso migrantis obitu Spiritus sancti gratia letissimum refulcebat in vultu. Cui nimirum, et antequam moreretur, beatus apostolus Andreas apparuit, et qua hora migraturus esset ex corpore nuntiavit.

D Quid B. Adelbertum martyrem dicam ? Qui nimirum quoniam Bohemiensis Ecclesiæ postposuit cathedram, monachum induens, triumphalem martyrii meruit invenire coronam.

Utque ex industria de cæteris sileam, quidam sanctus penitens, cujus me ad præsens vocabulum **423** fugit, apud Gallias iam ante septennium fere

episcopatu dimisso, tandem angelo visitante præcipitur, ut ad episcopatum redeat; sed recusat, donec admonente eodem angelo, beatus advenit sub celebritate Remigius. Sic itaque ne deceptio potuisset forte subripere, etiam tuta formidans, humano cessit imperio, qui ad angelicum prius oraculum rigidus stetit.

Episcopus etiam ille Sabinensis, qui solum pontificale deseruit, et Farfense monasterium, construxit; quam nobilis in Christo vir fuerit, testis est antiqua traditio, quæ sanctitatis ejus insignia celebrat; testis moderna devotio, quæ piam ejus memoriam in benedictione frequentat. Quanti scilicet et prius, et postmodum in eadem sede usque ad vitæ terminum perduraverunt, et tam operosum fructum Deo nullatenus attulerunt.

Nec te, felix Bonite, præteream, qui hac duntaxat occasione percepta, quoniam de manu regis, laici videlicet hominis, traditionem Ecclesiæ te suscepisse contigerat, cathedram contempsisti, atque ad remotioris vitæ custodiam te protinus contulisti.

Venerabilis quoque Gaudentius Apsarensis episcopus, cujus ego familiaritatis dulcedinem merui, per quem Deus jam non ignobile miraculum fecerat, episcopatum dimisit, et de Sclavonico regno navigans, littoribus Anconitanæ urbis applicuit, a qua non longe post biennium feliciter obiit.

Nam et Paulinus Nolanæ præsul Ecclesiæ, ut quærenti filium viduæ subveniret, ministerium pontificale deposuit, seseque tyranno cuidam tanquam vile mancipium subjugavit.

In ecclesiastica porro, quam Romanus quidam scriniarius scribit, historia, legisse mememini, Martyrium Antiochenum episcopum propter dissidentis inobedientiam populi, cathedram dimisisse, ubi sic dicitur: Rediens, inquit, Martyrius Antiochiam, et inveniens populos dissidentes, Zenonemque his faventem, coram Ecclesia abrenuntiavit episcopatu, dicens: Clero non subdito, et populo dissidenti, et Ecclesiæ squalentī abrenuntio, servans mihimet sacerdotii dignitatem. Ubi etiam illud invenitur insertum, quod Appio quidam patricius, qui imperante impio Anastasio, in Nicæna civitate presbyter fuerat per violentiam consecratus, quoniam prudens erat, ex decreto piissimi imperatoris Justinī, qui Anastasio in sceptrā successerat, factus est præfectus prætorii. Sic nimirum, sic imperiali fuit pietate correctum, quod sub tyrannica fuerat tempestate præsumptum. Quod profecto idcirco referendum duxi, ut quoniam et ipse violenter attractus sum, hinc valeat colligi, quid etiam super me digne debeat ex antiquæ auctoritatis imitatione decerni. Quanquam et alterius videatur esse negotii definire, utrum hoc, quod ille de presbytero præfectus prætorii factus est, auctoritati, an præjudicio debeat imputari.

424 CAPUT II.

Quid de dimittendo episcopatu B. Gregorius sentiat.

Porro autem beatus papa Gregorius, si necessitas

videretur exigere, nullatenus prohibebat episcopos ab injuncta sibi dignitate cessare. Cujus registri tantummodo titulum nobis sufficiat adnotare, ne judicemur epistolam laciniosa prolixitate distendere. Ait enim is qui registri volumen explicuit (*lib. IX, ep. 41*): Pontificibus, inquit, voluntarie suis renuntiantibus sedibus successores Gregorius nullo modo denegabat, eosque postmodum de redditibus relictæ Ecclesiæ sufficienter nutriendos esse censebat; et reliqua, quæ illic latius subnectuntur. Hinc est enim, quod idem præsul insignis de episcopo primæ Justinianæ, qui capitis ægritudinem patiebatur, hanc promulgat prolata disceptatione sententiam: Si vero, inquit, reverentissimus Joannes fortasse pro molestia sua petierit, ut ab episcopatus honore debeat vacare, eo petitionem scripto dante, concedendum est.

Porro et B. Hieronymus, dum de otioso Ecclesiæ rectore tractaret, adjecit: Illico, inquit, indignantis Domini responsione ferietur: « Serve nequam, quare non dedisti pecuniam meam ad mensam, ut ego veniens, cum usuris exegissem illam? » (*Luc. XIX.*) Quod doctor protinus exponens, ait: Id est, deposuisses ad altare, quod ferre non poteras. Dum enim tu ignavus negotiatori denarium tenes, alterius locum, qui pecuniam duplicare poterat, occupasti.

Quid referam Lugdunensem episcopum, vita et vocabulo Justum, qui commissum sibi pontificatus officium et laudabiliter rexit, et non sine laude deseruit? Plane abreptitius quidam in tantam furiosæ mentis prorupit insaniam, ut obvios quosque violentus impeteret, verberum collisione macret, plerisque membra præcideret, mortem postremo nonnullis inferret. Hic aliquando plurimis insectantibus, Ecclesiæ fores irrupit, seque tueri cæpit. Nam tunc eum necessitas edocebat ad cor redire, cum jam cogebatur a vita discedere; ecce sacerdos sanctus concitus ad ista prosiliit; et Ecclesiæ confugium petenti se defensor objecit. Il vero, quorum propinquii vel extinctio fuerant, vel truncati, vehementer instabant, et reum ad supplicia importuna constipatione quærebant. Quid plura? Tandem ad hoc perventum est, ut pius pontifex satisfactione suscepta ne reus mortis morti succumberet, quasi pro satisfactione victoriæ, eorum hunc manibus tradidisset [*f. traderet*]; sed mox ut in eorum potestatem devenit, exstinctus interiit. Protinus vir Dei tanquam si ipse hujus homicidii auctor esset, pavefactus intremuit, Ecclesiam dimisit, et in Ægypti partibus postmodum eremiticam vitam duxit. Hoc nimirum ita litteris tradidi, ut servus Dei dominus Stephanus, qui vestrīs assistit aspectibus, intimavit.

Petrus etiam archiepiscopus Ravennatem dimisit Ecclesiam, cui mox adhuc superstiti Honestus, primo videlicet Ottone habenas imperii gubernante, successit.

425 Enimvero et insignis ille Gregorius Nazianzenus, qui ab historiographis Deiloquus appellatur,

Constantinopolitanam Ecclesiam contempsisse, im-
perante religioso, atque catholico principe Theodosio,
traditur. Quod si nobis forte non creditur, ipsius hic
historiæ verba ponantur : Sancta, inquit, synodus
Gregorio Deiloquo episcopatum Constantinopoleos
roboravit, et hunc invitum in throno locavit, utpote
multum laborantem, et urbem a læsione hæreseon
liberantem. Cumque didicisset quosdam ex Ægypto
sapientissimus et beatissimus iste huic rei invidere,
compositorio sermone ostenso, spontanee a throno
regnantis urbis abscessit. Quo thronum refutante,
Nectarium imperator, et synodus provehit. Hæc
porro non nostra, sed ipsius historiæ verba sunt.

CAPUT III.

*Quod animæ gehennæ supplicii traditæ, Dominicis
diebus refrigerio potiuntur.*

Illud etiam, quod Humberti archiepiscopi, summæ
videlicet auctoritatis viri, narratione cognovi, silen-
tium tradendum esse non arbitror. Nam cum a nibus
reverteretur Apuliæ, asserebat in regionibus quæ
Puteolis adjacent, inter aquas nigras et fetidas, pro-
montorium eminere saxosum et scrupulum. Ex qui-
bus videlicet exhalantibus aquis consueto more
tetricæ videntur aviculæ repente consurgere, et
a vespertina Sabbati hora usque ad ortum secundæ
feriæ, solitæ sunt humanis aspectibus apparere. Quo
indulti temporis spatio videntur hinc inde per mon-
tem velut solutæ vinculis libere spatari. Alas exten-
dunt, plumas rostro prosequente depectunt, et in
quantum datur intelligi, concessa ad tempus refrige-
rii se tranquillitate resolvunt. Quæ profecto vo-
lucres nec unquam videntur vesci, nec quolibet au-
cupis valent ingenio capi.

Dilucescente igitur matutina secundæ feriæ hora,
ecce magnus ad instar vulturis corvus post præfatas
aviculas incipit concava gutture graviter crocitare.
Illæ protinus sese aquis immergentes abscondunt,
nec ultra videndas se humanis oculis offerunt, donec
advesperascente jam Sabbati die, de sulphurei sta-
gni voragine rursus emergunt. Unde nonnulli perhi-
bent eas hominum esse animas ultricibus gehennæ
supplicii deputatas. Quæ nimirum reliquo totius
hebdomadæ tempore cruciantur, Dominico autem
die cum adjacentibus ultro citroque noctibus, pro
Dominicæ resurrectionis gloria, refrigerio potiuntur.
Cui scilicet assertioni etiam Prudentius nobilis ver-
sificator in hymnorum suorum opusculis attestatur.
Sed cum hæc de aviculis, et corvo inter aquas ni-
gras aliquando apparentibus, aliquando se abscon-
dentibus, in pagina digessim, religiosos Casinen-
sis monasterii abbas Desiderius advenit, seseque
rem sic habere funditus abnegavit. Cumque illum,
et Humbertum, meum videlicet relatorem, in mutua
colloquia deduxissem, Humbertus ait : Ego quidem
hujus allegationis testimonium non defendo, verum-
tamen hoc simpliciter retuli, 426 quod ab accolis

illius audiivi. Sed quoniam personæ istæ, Desiderius
videlicet et Humbertus, tantæ auctoritatis sint ut
neutri eorum fides debeat denegari, ego quoque,
quod scripsi, proaciter non affirmo, sed utrum ve-
rum sit necne, legentium inquisitioni relinquendum
esse decerno.

Ut igitur illud inferam, propter quod ista præmisi,
episcopus, qui tamen, si recte teneo, Capræis
præerat, vidit majorem Benedictum papam, qui jam
obierat, nigro equo quasi corporaliter insidentem.
Cumque illum ceptum iter carpere cerneret, Heus,
inquit, nonne tu es papa Benedictus, quem defunctum
liquido novimus ? Ipse, inquit, infelix ego sum. Et
ille : Quomodo tibi est, Pater ? Gravibus, ait, tormen-
tis afficior, spe tamen, si adjutorium præbeatur, de
B mea recuperatione non privor ; sed perge, quæso,
ad fratrem meum Joannem, qui nunc apostolicam
occupat sedem, eique mea functus legatione denun-
tia, ut illam potissimum summam, quæ in tali theca
reconditur, in pauperes pro mea salute distribuat ;
siquæ me redimendum esse, quondamcunque tamen
hoc decrevit miseratio divina, cognoscat. Nam cæte-
ra, quæ pro me sunt indigentibus tradita, mihi
nihil penitus profuerunt, quia de rapinis sunt et
injustitiis acquisita. His igitur auditis, episcopum
Romam impiger adiit, Joanni papæ defuncti fratris
verba narravit, episcopalis mox sarcinæ pondus
abjecit, monachum induit, eoque modo salutem sibi
ex aliena calamitate providit.

De æquivoco quoque ejusdem Benedicti papæ (11)
atque nepote, qui post eum tertius, Joanni secun-
C dus in Romanæ sedis invasione successit, idem mihi
narravit Humbertus ; quia vassus quidam dum iter
ageret, accidit ut juxta molendinum equo insidens
pertransiret ; ecce repente monstrum immane
conspexit, quo viso subito eum terror invasit, et
stupefactus intremuit. Videbatur autem monstrum
illud in aures duntaxat aselli caudamque desinere,
cætera ursus erat. Cumque viator ad hoc portentum
territus obrigesceret, fugamque præcipitem formido-
losus iniret, informe prodigium humanæ vocis verba
formavit : Noli, inquit, o vir, expavescere ; homi-
nem me olim fuisse, sicut et ipse nunc es, procul
dubio crede ; sed quia bestialiter vixi, post vitæ
finem bestiæ perferre speciem merui. Porro cum
ille perquireret, quis fuisset : Ego, ait, ille solo
D nomine Benedictus fui, qui nuper apostolicæ sedis
apicem indignus obtinui. Inquisitis autem, quid jam
retributionis haberet : Nunc quidem, inquit, usque
ad iudicii diem per dumosa, atque squalentia, per
sulphurea loca, et fetores exhalantia, atque incen-
dis conflagrata, rapior et pertrahor ; post extre-
mum vero iudicium, corpus meum simul et animam
irremediabilis cruciatus, et gehennalis barathri me
irrevocabilis olla deglutiet, ita ut nulla mihi recu-
perationis spes in posterum restet. Post hæc vero,
et hujusmodi verba disparuit. Sed cum ego, cur ille
in hac specie conspectus sit, indaginem quæro, non

(11) Ejus nominis undecimi.

desse mysterium ab eo quod visum est, depre-
hendo. Nam quia miserabilis ille ab ipso funesti
pontificatus sui primordio 427 usque ad finem
vitæ in luxuriæ cæno versatus est, non incongrue
visus est, et ab auribus incipere, et in caudam asini
terminare. Asinus quippe luxuriosum est animal,
sicut propheta designat cum de carnis immunditiæ
deditis ait: « Ut carnes asinorum, carnes eorum
(Ezech. XXIII). » Quod autem per cætera membra
ursi tenebat speciem, vitam in omnibus docetur du-
xisse carnalem. Nam, sicut a physicis traditur, ursus
cum parit, non catulum, juxta consuetudinem be-
stiarum, sed frustum carnis effundit: mox quod
effusum est, crebrius lingendo et lambendo compo-
nit, sicque ad sui similitudinem lingua formante,
prodit (PLIN. lib. VIII, cap. 36). Jure igitur qui
luxuriose, et carnaliter vixit, in asini simul et ursi
figura comparuit. Cui nimirum quis non videat
quanto melius fuerat, ut episcopatum deserens,
pœnitentiam ageret, quam in eo usque ad vitæ ter-
minum perseverans, veram vitam funditus perdi-
disse?

CAPUT IV.

*De monacho, qui damnatus in inferno, postea libe-
ratus est.*

Sed quia hoc triste prætulimus, aliud pietatis divi-
næ miraculum, quod nimirum lætos habuit exitus
ex ejusdem Humberti narrationibus subnectamus.

In monasterio, inquit, B. Silvestri, quod in Urbi-
nale constitutum est territorio, quidam monachus
obiit, et ab incipiente gallicinii nocturnalis articulo,
usque ad secundam diem horam cadaver exanimæ,
lotum juxta morem, atque constrictum, fratribus
circumquaque psallentibus, in feretro jacuit. Cumque
transactis jam missarum ex majori parte solemnibus,
Agnus Dei, juxta regulam diceretur, ecce repente,
qui mortuus jacebat in medio, anima redeunte,
surrexit. Stupefacti sunt fratres, et nova nimis
admiratione perterriti: nimirum quem funeris officium
persolventes extulerant, nunc vitalem spiritum
recepisse videbant. At cum propius accessissent,
verbaque ex ore illius audire avidius inhiarent: Ah
scelus! ille maledicta, et contumelias in Deum
cœpit effundere, benedictum Salvatoris nomen im-
pie blasphemare, vivificæ crucis signum, ut oscula-
retur, oblatum, sacrilego ore conspuere; intemera-
tam quoque Dei Genitricem ignominiosis non time-
bat opprobriis lacerare. Ut quid, inquiens, pro me
psallitis, vel sacrificiorum hostias offerre tentatis?
Ego enim in ipsa flammantis tartari profunda de-
scendi, ibique me meus magister, et dominus Lucifer
irrevocabiler deputavit; coronam plane suam
aëream inextinguibili semper ardore candentem,
mihi in capite posuit: ejusdem quoque metalli chla-
myde me, qua induebatur ipse, vestivit. Erat autem
chlamys tam longa, ut talo tenus flueret; tam fer-
venter ignita, ut liquefacta guttas emittere videretur.
Cumque fratres eum, ut pœnitentiam ageret,

atque ut occulta sua in medium proferret, unanimi-
ter hortarentur, ille anathematizabat et blasphemaba-
bat: et non solum pœnitentiæ remedium, sed et
omnia redemptionis nostræ mysteria ore rabido
atque 428 sacrilego condemnabat. Monachi vero
ad semper victricia orationis arma pio studio recur-
rentes cœperunt, abjectis indumentis, corpora sua
scopis allidere, pugnis pectora tundere, psalmodiæ
adque omnium, quibus valebant, precum generibus
insudare. Cunctis itaque fratribus in luctuosis ora-
tionibus et jejuniis constitutis, ac sub divinæ pietatis
expectatione suspensis, tandem supernæ virtutis
splendor emicuit. Ecce enim desperatus ille, et vo-
ragine maris hiantis absorptus, ad superficiem rediit:
Dei quippe Salvatoris omnipotentiam laudat,
nequissimis Satanæ ludificationibus abrenuntiat,
crucem adorat, pœnitentiam flagitat. Confessus est
autem, quia post renuntiationem sæculi, in forni-
cationem cecidit, quàm tamen eolenus nulli penitus
per confessionis indicium patefecit. Laudans igitur,
et benedicens Deum usque in diem alterum vixit,
sicque Creatori suo mirabiliter restitutus, in sancta
de hoc sæculo confessione migravit. Sic nimirum
ternæ orationis fructus effloruit, quæ videlicet oratio
ex ipsis gehennæ visceribus prædam rapuit, et de
flammarum stipula in structura supernæ Hierusalem
lapidem vivum posuit. Hæc mihi Humbertus archi-
episcopus retulit, cujus nimirum verba velut apo-
stolica videntur veritate fundata.

CAPUT V.

Quod episcopus sit arduum munus.

Si ergo ille, qui in monachatu ceciderat, quique
de sola sua anima rationem debebat, tam terribili
meruit sententia condemnari; qua mente securus
est quilibet mei similis indignus episcopus, qui nimirum
tot est animarum reus, quot per ejus negligentiam,
seu prava exempla depereunt? Cum constet
fuisse nonnullos, pro levi etiam quolibet impedimen-
to, episcopali regimine sponte nudatos, ex quibus
hic unum sufficiat inseri, quem profecto in ea, quam
Cassiodorus de Græco in Latinum transfert, historia
promptum est reperire, cujus hic historiæ nuda
duntaxat verba conscribimus, ut dubietatis scrupulum
ambigentibus auferamus.

Silvanus, inquit, rhetor fuit prius Troili sophistæ
discipulus, et ad perfectum Christianus, vitamque
monachicam diligens. Is enim doctofis pallio uti
despexit. Quem post hæc Atticus episcopus compre-
hendens, episcopum Philippopoleos ordinavit. At
ille tribus annis in Thracia degens, nec frigora ferre
valens, cum haberet corpus valde debile atque
subtile, rogavit Atticum ut eum in locum alium
constitueret, dicens, non ob aliam causam, nisi propter
frigus ea se loca vitare. Cumque alter pro eo fuisset
ordinatus, mansit Silvanus Constantinopoli, vitam
monachicam perfecte custodiens; tantumque sine
ulla fuit arrogantia, ut plerumque in tanta multi-
tudine civitatis cum soleis despectus procederet.

Quodam vero tempore prætereunte, Trojanæ præsul Ecclesiæ moritur, Trojanique venerunt petentes episcopum. Cumque cogitaret Atticus, quem ordinare deberet, subito contigit ad eum salutandum 429 venire Silvanum. At ille videns eum, mox cogitare cessavit. Tunc ad Silvanum: Non habes, inquit, ulterius occasionem, pro qua ecclesiasticas curas possis effugere. Troja namque non habet frigus, sed ecce apparatus est tuo corpori opportunus a Deo locus; præpara ergo temetipsum, et ad Trojam continuo proficiscere. Migrat ergo Silvanus.

Verum si quis hunc fortasse temeritatis accuset, eumque pro solo frigore commissum regimen contempsisse, atque pro corporis commoditate ad aliud demigrasse condemnet, audiat post hæc insigne per eum claruisse miraculum, et sic saltem livido reprehensionis morsu lacerare desinat justum. Sic enim subjungit historia: Quo facto, miraculum quod inter manus ejus accesserit enarrabo. Navis maxima, quæ grandes columnas devexit, nuper in littore Trojano fabricabatur; cumque eam ad mare ducere voluissent, multis funibus, atque populo trahente, nullatenus movebatur. Quod dum plurimis diebus ageretur, suspicati sunt navem a dæmonio retineri. Tunc ad Silvanum venientes episcopum, rogaverunt eum, ut in eo loco daret orationem, credentes hoc modo [*deest ibi posse, vel aliquid ejusmodi*] trahi navem. At ille humili sermone dicebat se esse peccatorem, asserens hoc opus alicujus esse justum, non suum. Quem dum rogassent, venit ad littus, factaque oratione, tetigit unum funem, jubens ut insisterent operi cum labore. Tunc illis breviter impellentibus, cursim navis ad mare processit. Hoc miraculum reverentiam illius viri cunctos fecit habere provinciales. Enimvero si episcopatum dimittendo, atque ad alium commigrando Silvanus iste peccasset, non in ostensa signi virtute mirabilis, sed reatu potius miserabilis videretur. Virtus ergo miraculi testimonium perhibuit sanctitati. Porro autem, si episcopatum, ut dicitur, nulla licet ratione dimittere, quid est, quod tot sancti pontifices per historiarum passim quæque volumina reperiuntur de suis se Ecclesiis ad alias transtulisse, cum profecto suas ante relinquerent quam ad reliquas transmigrarent? Quorum plerique cum commissum regimen spernerent, ad aliud se transituros adhuc funditus ignorabant.

Et certe ipsa ratio docet minus esse cum simpliciter ab episcopatu desistitur, quam cum ex uno ad alium transmigratur. Non igitur ab eo me cohibebit moderna versutia, ad quod venerabilium Patrum cohortantur exempla. Enimvero, si beatus ille Silvanus propter solum corporis frigus episcopatum sine reprehensione deseruit; cur ego, spreto pastoralis regimine, transgressionis arguar, qui quotidie curarum secularium negotiis irretitus, a divini amoris fervore tepesco, et lethiferum torpentis animæ frigus incurro? dicente Scriptura: « Sicut frigidam facit cisterna aquam, sic frigidam facit

Amalitia animam (*Jer. vi.*) » Memini enim sæpe me ita divini amoris igne succensum, ut optarem protinus claustra carnis effringere, et quasi de cæno solutus, et carceralibus tenebris, ad æternitatis lumen medullitus anhelare. Erat enim mihi tunc, sicut per prophetam Dominus pollicetur, cor carneum, sive ut mihi videbatur, cereum (*Ezech. xi*). Quod nimirum desiderii cœlestis afflatus 430 flamma liquesceret, et uberibus lacrymis flebilis frequenter ora rigaret. Horrebam audire, quanto magis ore proferre, quicquid non provocabat ad Christum, omnesque nugas sive gænas verborum sæcularium velut rictus caumi, sive morsus serpentium deputabam. Sæpe cernebam præsentissimo mentis intuitu Christum clavis affixum, in cruce pendentem, avidusque suscipiebam stillantem supposito ore cruorem. Porro si nitar apicibus tradere quicquid mihi contemplari dabatur, vel de sacratissima nostri Redemptoris humanitate, vel de illa cœlestis gloriæ inenarrabili specie, ante dies elaboratur quam rei series digeratur. Nunc autem durus et saxeus, dum negotiis jugiter exterioribus attorror, in compunctionis intimæ lacrymas non resolvor. Enimvero sæpe manum meo pectori superpono, et animarum medico quasi purulentum vulnus ostendo, clamitans, et intima supplicatione vociferans: Qui cavernas, inquam, tartareas divinitatis tuæ radiis illustrasti, cordis hujus tenebras dimove, ac veritatis tuæ luce serenus infulge. Sed clamanti secus viam cæco Jesus aliquando stat (*Matth. xx; Luc. xviii*), lumenque reformat; aliquando pertransit, tanquam desidiose clamantem non audiat; sicque miser cæcus in sua nihilominus cæcitate perdurat. Ego, ego, proli doler! tanquam alter Samson (*Judic. xvi*) septiformis Spiritus sancti dona, quasi septem crines, amisisse me defleo; et effossis oculis non frontis, sed cordis, curarum sæcularium molam volvo. Ego ille Sedechias, cui rex Babylonicus prius filios interficiens, bonorum operum fructus abstulit (*IV Reg. xxv*): postmodum oculus eruit, dum contemplationis intimæ luce privavit. Si igitur sanctus ille vir, Silvanus scilicet, propter solam corporis incommoditatem non cunctatus est dimittere Thraciam: cur ego non descram pro cavendis tot animæ vulneribus Romam? Quanquam et ipsi corpori meo non sit prorsus innoxia, utpote ferax febrium nec vagarum. Unde et tetra stichon hoc olim protulisse me memini:

VERSUS DE ROMA.

Roma vorax hominum, domat ardua colla virorum: Roma ferax febrium, necis est uberrima frugum. Romanæ febres stabili iure fideles: Quem semel invadunt, vix a vivente recedunt.

Animæ igitur, simul et corporis adversitate detentus, revertatur fugitivus ad dominum suum, spretis porcis, et siliquis, ad patris osculum filius redeat (*Luc. xv*): ad vires Samson pristinas, capillis renascentibus, incalcescat (*Judic. xvi*), qua-

tenuis stolam primam, quam amiserat, induat, et A sui temporis puniretur, qui tam juste, tam decenter, tam honeste vixisset, audivit: Quia propter quamdam prædii possessionem Metensis Ecclesiæ, quam beato Stephano proavus ejus abstulerat, cui videlicet iste jam decimus in hæreditate successit, omnes isti non diverso supplicio deputati sunt; et sicut eos ad peccandum non dispar avaritiæ culpa conjunxit, ita nihilominus ad perferendas atrocis pœnas incendii commune supplicium copulavit.

CAPUT VI.

De simoniaco episcopo, qui non poterat nominare Spiritum sanctum.

Interea illud etiam, quod Hildebrando Romanæ Ecclesiæ archidiacono referente, didicimus, 431 his inserere operæ pretium judicamus. Nam cum adhuc subdiaconatus duntaxat fungeretur officio a Victore papa apocrisiarius ad Gallias destinatus, synodum congregavit, in qua videlicet sex episcopos diversis criminibus involutos, ex apostolicæ sedis auctoritate deposuit; inter quos quidam erat episcopus, qui quoniam per simoniacam hæresim ad episcopatus culmen irrepserat, Spiritum sanctum verbis exprimere, quibuscunque tentaret nisibus, non valebat. Et quidem Patrem et Filium expedite satis, ac facile proferebat; ad Spiritum vero sanctum cum pervenisset, mox lingua balbutiens tandem rigida remanebat. Merito siquidem Spiritum sanctum dum emit, amisit; ut qui exclusus erat ab anima, procul esset etiam consequenter a lingua. Hac igitur difficultate convictus, episcopale decaravit officium. Sed absit ut hunc sanctorum virorum catalogo dignum iudicem, qui pro Christi amore pontificales infulas dimiserunt.

Porro autem, quia prudentissimi illius viri semel incidit mentio, aliud etiam insigne quod retulit, etiam si non magnopere ad propositum thema pertineat, non silebo. Nam dum de prædiis Ecclesiarum injuste possessis, sub præsentia vestrae conspectu, venerande papa, in Aretina concionaretur Ecclesia, intulit congruenter exemplum: In Teutonicis, inquit, partibus comes quidam dives ac præpotens, sed quod in illo hominum ordine prodigium est reperiri, bonæ opinionis et innocentis vitæ, prout humanum erat de ejus æstimatione judicium, ante decennium fere defunctus est. Post cujus obitum quidam religiosus vir per spiritum ad inferna descendit; præfatumque comitem in supremo gradu cujusdam scalæ positum vidit. Aiebat namque, quia scala illa inter stridentes et crepitantes ultrices incendii flammam videbatur erecta, atque ad suscipiendos omnes, qui ex eadem comitum genealogia descenderent, constituta. Erat autem tetrum chaos, et immane barathrum infinite patens, atque in profunda demersum, unde scala producta surgebat. Hoc igitur ordine succedentium sibimet series texebatur, ut cum quis eorum novus accederet, primum interius scalæ gradum teneret, is autem qui illic repertus erat, alique omnes ad proximorum sibi gradum ima descenderent. Cumque alii atque alii ex eodem genere homines post carnis obitum ad præfatam scalam per temporum intervalla confluerent, alii protinus cedentes inevitabilis necessitate judicii ad inferiora migrabant. Plane dum vir qui hæc contemplabatur, causam hujus horrendæ damnationis inquireret, et præsertim cur ille comes

432 et subtiliter caveant, ne dum se redditibus satiant alienis, edaces postmodum flammam depascant medullis suis. Quia igitur nos non tam districtæ scribentium regulæ quam ædificationi fraternæ cupimus deservire, rem velut ab intentione propositi operis extraneam apposuimus; ut quodammodo fluctivagum quid, ne oblivio funditus raperet, styli funiculo stringeremus. Nam cum quis piscaturus egreditur, si casus attulerit feram repente vel volucrem, capit, etiamsi nil de venatione vel aucupio proposuerit. Præterea, ut nostris assertionibus etiam evangelica non desit auctoritas, filium ejus resuscitaturus aggreditur, mulieri fluxum sanguinis patienti (Matth. ix), velut absque ea quam coeperat, intentione medetur. Quid igitur mirum, si scribentes aliquando quod cœptum est intermittimus, nec omitimus; illud videlicet insequentes, quod nihilominus ad ædificationem pertinere senimus? Quanquam et hoc a nostro proposito non abhorreat, quia si ille propter unam Ecclesiæ possessionunculam periit; quid de illo sentiendum est, qui sub nomine episcopi totam Ecclesiam, cum indigne præsideat, non dimittit? Jam itaque post diverticulum, ad propositum revertamur.

Quid etiam de beato Milesio martyre in Tripartita referatur historia non silebo; quod nimirum, ut uberiorem legentibus præbeat fidem, eosdem apices styli currentis apponam. Tunc etiam, ait, episcopus, Milesius nomine, martyrio coronatus est. Qui primum quidem militabat apud Persas, postea vero relicta militia, conversationem zelatus est apostolicam. Dicitur enim, quia dum in civitate Persica episcopus fuerit ordinatus, multa sæpe sit passus, et plagatus, atque tractus, sed virili mente cuncta sustinuit. Cumque nulli potuisset illic suadere ut Christianus fieret, graviter ferens, maledixit civitati, et exinde discessit. Post paucum vero tempus primatibus ejusdem loci in regem peccantibus, superveniens exercitus cum trecentis elephantis civitatem subvertit, et velut desolatam regionem arantes seminibus tradiderunt. Milesius autem episcopus solummodo pram circumferens quæ sacrum codicem evangeliorum habebat, perrexit orationem facturum ad Hierosolymam, et inde in Ægyptum, ut videret monachos ibidem conversantes. Qualis igitur iste sanctus, et miraculorum fuerit operator, Syri sunt testes qui ejus actus vitamque scripserunt. Ecce hic, qui commissi regiminis jura postposuit, non modo nullum reatus crimen incurrit, ultro

etiam ut miraculorum virtutes operaretur obtinuit. A

CAPUT VII.

De Arnulpho Metensi episcopo.

Sane dum historiarum latitudinem tanquam cœli faciem curioso perlustramus intuitu, beatus Arnulphus, Ecclesiæ videlicet Metensis episcopus, velut aureum nobis sidus occurrit; qui et ignorantiae nostræ tenebras per exempli sui radios abigit, et nostris allegationibus inexpugnabiliter **433** robor attribuit, atque omnem super hoc capitulo nodum dubietatis absolvit. Hic profecto, sicut veridica fratrum relatione didicimus, qui descriptam ejus se lectitasse testantur historiam, in Lotharico regno non procul a Flandria, ducatus gerebat officium. Hic præterea Pippini pater, et Caroli magni regum avus fuit. Cumque divini Spiritus ardore succensus, uxoris affectus filiorumque postponeret, ac mundanæ gloriæ pompas glorificæ Christi paupertatem mutaret, ad eremum properans, contigit ut per fluvium, qui Mosella dicitur, transitum viator haberet. Sed cum jam medium fere superjecti pontis attingeret, ubi torrentis alveus profundior decurrebat, illic annulum suum sub hac fœderis conditione projecit: Cum ego, inquit, annulum hunc recepero de spumosis fluctibus erutum, tunc me procul dubio confidam omnium peccatorum meorum nexibus absolutum; moxque eremum petiit, ubi non parvo tempore sibi ac mundo mortuus vixit. Interea, defuncto, qui tunc fuerat, Ecclesiæ Metensis antistite, beatum Arnulphum ad pastoralis jura regiminis dispensatio divina provexit; dumque esu carniū, prout in eremo desueverat, in Ecclesia nihilominus abstinere, piscis aliquando sibi elatus est in xenium, quem coquus exenterans, in ilibus ejus annulum reperit, eumque mox domino suo lætābundus offerre curavit. Quem beatus episcopus ut aspexit, illico recognovit: et non tam vibrantis metalli miratus est venam, quam quia propitiatione divina reatus sui consecutus est veniam; quodque vim admirationis exaggerat, bidui iter est a ponte unde projectus est annulus usque ad locum ubi piscis venerabili fuit episcopo præsentatus. Tunc vir Dei quo a peccatis est absolutus, hinc magis est sub divino terrore constrictus: et eo se arbitratur amplius debitorem, quo circa se videt majorem supernæ clementiæ bonitatem. Eligens igitur sibi successorē, rursus eremum petiit, ibique pastoralis cura deposita, usque ad felicem obitum vixit. Insignis itaque vir quod fecit, nos utique ut faceremus edocuit.

Præterea vix adhuc quindecim emensi sunt dies, ex quo vidi Arnulphum venerabilem virum sponte sua ecclesiastici regiminis administratione nudatum. In cisterna siquidem Apula civitate cathedram obtinuerat, quam reliquit, ac duobus ferreis circulis non parvi ponderis pectus, ventremque constrinxit, quibus affligi fere jam a septennio non cessavit; vino vel nunquam, vel raro utitur, crebris quoque jeju-

niis maceratur. Hic tantus vir ad abrenuntiationem episcopatus non me minus exhortatus est verbo quam provocabat exemplo.

Porro autem Hildulphus Treverensis archiepiscopus, quantæ sanctitatis, quamque mirificæ vitæ vir fuerit, spatiosus Occidens non ignorat. Qui nimirum, ut gestorum illius testatur historia, Jacob Leuchæ urbis, quæ nunc Tullus vocatur, obsecravit episcopum, ut sibi congruum ad habitandum provideret solitudinis locum. Prius itaque sibi successorē elegit, deinde monasterium construens, per monasticæ disciplinæ lineam districtus incescit. Ubi nimirum tot per eum facta miracula luce clarius **434** perhibent, quia vir domini episcopatum dimittens, non modo reatus maculam non incurrit, verum etiam Deo suavitatis sacrificium obtulit.

Quid referam Deodatum supernæ sanctitatis virum, ejusdem scilicet Ecclesiæ Treverensis episcopum? Quia, sicut authentica tradit historia, a Giraldo ejusdem Leuchæ sanctissimo præsule in saltu Vosagi locum obtinuit, in quo renuntians sæculo, laudabiliter conversatus, monasteria statuit atque post diutinam in Christi agone militiam vitæ senatum laureatus intravit.

Quid Gondebertum, præclarissimum videlicet archiepiscopum Senonum? Hic plane cœlesti desiderio æstuans, commissam dimisit Ecclesiam, et in loco qui Grandiavium dicitur cœnobium Senonense construxit, quod scilicet ex relictæ Ecclesiæ vocabulo denominavit. Decreveram quidem vicenarium non excedere numerum, sed quod præ oculis est, latere non patior.

Postremo igitur, ut omissis cæteris, ad domesticum recurramus exemplum, Lambertus venerandæ memoriæ, qui ante vos Florentinæ præsul Ecclesiæ tertius præfuit, spreto pontificatus officio, monasticæ disciplinæ subjecit. Cujus nimirum quam splendida fama ora hominum compleat, quam suavis odor opinionis mentium nares aspergat, vestræ quoque beatitudinis sublimitas non ignorat.

Beatus quoque Nonnus martyr, qui et Hippolytus, memoriæ nostræ non prætereundus occurrit. Qui nimirum postquam triginta millia Saracenorum ad Christi fidem efficacissima prædicatione convertit, postquam beatam quoque Pelagiam de lupanaribus ad Ecclesiæ pudicitiam provocavit, postquam denique nonnullis sanctarum expositionum libros luculenter explicuit, tandem episcopatum deseruit; de Antiochenis partibus, unde erat oriundus, abcessit, Romanos fines appetiit. Cumque beata Aurea apud Ostiam civitatem, saxo cervicibus alligato, in marinis fluctibus martyrium consummasset, B. Nonnus sanctum cadaver pia devotione collegit, et cum omni diligentia tumulavit. Quem mox idem persecutor qui dicebatur Ulpius, juxta Tiberis alveum in foveam aquis plenam mergi præcepit, cujus postmodum corpus, consummato triumphali martyrio, in civitate quæ Portus dicitur christiana devotio sepelivit. Illico audita est vox velut infantium, per unam fere horam clamantium, *Deo gratias*. Qui ergo talem vitæ

meruit clausulam, liquido patuit, quia episcopatum A dum me pariter verberarent. Ut sciatis autem quia deserens coram Deo non incurrit offensam.

Nostris quoque temporibus Pennensis episcopus pontificalem cathedram sponte deseruit, seseque illi qui sibi successit sincera admodum devotione substravit. Nam et ipse mihi successor ejus retulit, tanta illum sibimet obedientia et humilitate subiectum, ac si se nunquam meminerit super aliquos obtinuisse primatum.

Nostra nihilominus ætate Liutolphus Callensis episcopus episcopali se dignitate dejecit, successori, qui nunc superest, Ecclesiam tradidit; sicque sibi, si tamen non defuit animus, liberam facultatem ad agendam poenitentiam 435 procuravit. Felix scilicet ille, qui sic conditionem vite suæ in hac mortalitate disponit, ut ei liceat poenitendo plangere quod deliquit. Felix, inquam, qui procul a se providus abjicit quidquid illud est quod in viam sibi veritatis obsistit. Quidquid enim in hac vita commissimus, aut hic juxta peccati mensuram per flagella corrigitur, aut futuris procul dubio supplicii reservatur.

CAPUT VIII.

De converso, qui a SS. Andrea et Gregorio verberatus est.

Quocirca non abs re est, si quod fida fratrum relatione cognovimus, hic etiam breviter inseramus. In monasterio namque, quod Clivus Scauri dicitur, quodque beatus Gregorius infra Romanæ urbis mœnia condidit, puer quidam a parentibus, ut Deo deinceps militaret, oblatus est. Qui postmodum cum jam adolesceret, de monasterio egressus ad sæculum rediit, uxoremque sibi nuptiali fœdere copulavit: deinde cum jam ad juvenilem pervenisset ætatem, divina sententia repente est percussus in gutture, cœpitque ingravescente languoris molestia morti propinquare: tandem male fugitivus, ut ad monasterium reportaretur, expetiit; ibique poenitentiam de suis pravitatibus, habitumque monachatus accepit. Cumque uxor ejus cum nonnullis aliis lecto jacentis assisteret, cœpit ille graviter gemere, ululatus emittere; et tanquam phrenesim pateretur, inordinata vociferatione garrire. Percunctantibus autem eis, cur non ille quiesceret: Nonne, inquit, cernitis beatum Andream apostolum, sanctumque Gregorium acerrimis me suis verberibus unanimiter flagellantes? Ululans itaque rursus, ac flebiles voces emittens, paululum respirabat, atque dicebat: Modo me verberaverunt, propterea quia monasterium dimisi uxoremque suscepi. Iterumque post fletus atque rugitus, ad momentum quiescens, aiebat: Modo me castigaverunt, quia pauperibus mendicantibus, maximeque Scotigenis, non modo nihil dedi, sed eos etiam, quod flagitiosum est, frequenter irrisi. Rursus ingeminans stridores et gemitus, asserebat quoniam sex nummos a quadam vidua paupercula mutuos accepi, et reddere nolui; quot pedum passibus illa laboravit, dum eos ad me veniendo requireret, tot ergo nunc ictus de sanctorum manibus pertuli,

nón mentior, perendie hora sexta de hoc sæculo migraturus sum.

Erat porro tunc sexta feria; nocte vero, qua Dominicus illucescebat dies, qui dicitur de Ramis palmarum, de lecto, cunctis mirantibus, non segnis exiliens, scapulare atque cilicium quæ juxta se erant repente corripuit, moxque ecclesiam beati Andreae attonitus ac festinus intravit: ubi strato compositus, his qui aderant fratribus ait: Ecce sanctorum verberibus flagellatus, ita de corpore purificatus egredior, sicut ex fonte baptismatis mundus exivi. Inter missarum igitur sacrosancta solemnia, Dominica vix passione perlecta, hora 436 quæ prædixerat, Deo spiritum reddidit. Nudato autem ad lavandum ex more cadavere, sic vibices ac stigmata in ejus membris undique videbantur, ac si corpus ejus materialibus fuisset virgis allisum.

Sed quid mirum, si sancti Dei, qui judicaturi sunt mundum, in homine qui rationis erat capax, insecti sunt culpam, quandoquidem et de bruto animali, ut ibidem didicimus, expetiere vindictam? Nam in eodem monasterio crypta est, quæ B. Gregorii dicitur, ubi videlicet et fons ejus perspicuis ac frigidis redundat aquis, unde bibebat, et lapideum cubile adhuc cernitur, ubi æstivo tempore quiescebat. Quam aliquando cryptam prægnans canicula casu ingressa est, sive ut æstuans biberet, sive potius ut eo loci parturiret. Sed necdum ad aquas usque pertingens, mox ut præfato lectulo propinquavit, moriens corruit. Quanta ergo formidine pensanda sunt homini divina judicia, quando et in animalia ratione carentia tam terribilem Deus exerit disciplinam? Si enim ne simplicem quidem aquam hujus sancti loci noluit omnipotens Deus ut insons canicula tangeret, qua putamus molestia tolerat, cum perversus quilibet ad percipiendum corpus ejus et sanguinem sacris altaribus appropinquat? Sed cum pravus quisque Deum reprobis suis actibus exacerbat, et stimulat, non illi protinus irrogat patientia divina vindictam, quem tamen perpetuam reservat ad poenam.

CAPUT IX.

De Pandulpho et Joanne principibus in inferno damnatis.

Porro dum styli hujus exaro dictator articulum, ecce Desiderius religiosus Casinensis monasterii abbas accedit. Qui nimirum, sicut beato Danieli cognatione jungitur nominis, sic cum ab illo non separat assertio veritatis. Hic itaque mihi aliquid narrat, quod ipsa ratio persuadet ut scribam. Servus, inquit, Dei Neapolitanæ regionis in prærupta rupe, juxta viam publicam, solitarius habitabat. Qui nimirum dum nocturno tempore psalleret, et fenestram cellulæ horarum explorator aperiret, ecce videt multos nigros homines tanquam Æthiopes iter carpere, et longo tractu onustos feno sagmarios comminare. Cumque eos curiosus inquireret, qui essent, ejusque rei gratia hæc jumentorum pabula devectarent: Maligni, inquit, spiritus sumus, et paramus non pabula

pecoribus alendis, sed fomenta potius ignium hominibus comburendis. Præstolamur enim in proximo principem Capuæ Pandulphum, qui jam decumbit; et Joannem magistrum militum Neapolitanæ civitatis, qui adhuc incolumis vivit. Illico vir Dei præfatum Joannem impiger adiit, quæ viderat quæque audierat fideliter cuncta narravit. Per idem tempus imperator Otto secundus, adversus Saracenos præliaturus, Calabriam festinabat. His igitur auditis, Joannes ait: Modo nos necesse est imperatori reverenter occurrere, et cum eo simul de hujus terræ statu provida consideratione tractare. Porro post imperatoris abscessum spondeo **437** quoniam et sæculum deseram, et monachici ordinis habitum sumam.

Ut autem probaret utrum verum esset quod ille narrabat, nuntium protinus ad mœnia Capuana direxit, qui veniens Pandulphum jam mortuum reperit. Ipse quoque magister militum Joannes, antequam illas partes imperator attingeret, vix diebus quindecim supervixit. Quo mortuo, mons Vesuvius, unde videlicet gehenna frequenter eruat, in flammæ erupit; ut liquido probaretur quia fenum quod a dæmonibus parabatur, nil aliud fuit nisi ignis truci incendii, qui pravis ac reprobis hominibus debebatur. Nam quandocunque in illis partibus reprobis dives moritur, ignis erumpere de prædicto monte videtur, tantaque sulphureæ resinæ congeries ex ipso Vesuvio protinus fluit, ut torrentem faciat, atque decurrente impetu in mare descendat. Ubi scilicet corporaliter videri potest, quod in Apocalypsi Joannis de reprobis dicitur: « Quia præs illorum erit in stagno ardenti igne, et sulphure, quod est mors secunda (Apoc. xxi, 8). »

Enimvero et Salernitanus princeps illius videlicet Guaimarii æque principis, qui ante non plurimos annos pro multis violentiis atque tyrannicis oppressionibus suorum gladiis interemptus est, avus, cum procul aspexisset quadam die de prædicto monte Vesuvio piceas atque sulphureas repente flammæ erumpere, protinus ait: Procul dubio sceleratus aliquis dives in proximo moriturus est atque ad inferos descensurus. Sed, o cæca mens reprobi hominis, imo terribile super nos iudicium Conditoris! superveniente siquidem proxima nocte, dum securus cum meretrice concumberet, expiravit. Quem illa, ut postmodum referebat, quid contigisset ignorans, diutius pertulit, et vix tandem a se non hominem, sed cadaver exanime prostituta, dejecit.

CAPUT X.

De presbytero qui in Vesuvio monte perit.

Quidam præterea in Neapolitanis partibus presbyter volens certius, quod non licebat, addiscere, illuc, ubi gehennale barathrum ferventius eructabat, præsumptoria decrevit audacia propinquare. Missarum igitur solemnia celebravit, sicque infultus, velut armatus, iter arripuit: sed dum ultra quam solebant homines temerarius accessit, redire non valens postmodum non apparuit.

Alius quoque presbyter matrem suam Beneventi

A reliquerat ægotantem, cumque per Neapolitanos fines domino suo comitatum præberet, exundantibus flammis intendens, clamorem lugentis audivit, quem suæ matris esse procul dubio recognovit. Notavit horam, et tunc evidentissimè comperit matrem fuisse defunctam.

Ut igitur ad superiora redeamus, sufficiat jam his duodenos sanctos enumerasse pontifices, qui divini amoris igne ferventes ab ecclesiastica decreverunt administratione desistere, ut terrenis actibus expediti, Deo possent arctius atque familiarius inhærere. Hi nimirum venerandi **438** præsules, tanquam revera viginti quatuor seniores, procidunt ante Sedentem in throno, et adorant viventem in sæcula sæculorum, mittentes coronas suas ante thronum Domini (Apoc. iv). Coronas nempe suas ante Domini thronum mittunt, dum ornamenta propriæ dignitatis pro ejus amore deponunt. Ad eorum quoque similitudinem phialas aureas habent plenas odorem, quæ sunt orationes sanctorum; quia, ut puriores Deo valeant orationes in odorem suavitatis offerre, cunctis se mundi hujus student actibus segregare.

Plane nisi longioris styli fastidium devitarem, beatum quoque Athanasium his non inconvenienter apponerem. Qui videlicet sub Ariano rege Constantio Ecclesiam deserens, ergastulo se ejusdam sanctæ mulieris immersit, ibique geminato triennio, præter cohabitricem suam, cunctis ignotis mortalibus latuit. Poteram et beatissimum his connumerare Martinum; qui ius episcopalis officii velut ex quadam parte deseruit, dum tribus fere lustris ante obitum suum, ut Deo familiaris viveret, a conciliis se synodalibus funditus absentavit.

Beatum quoque Gaudiosum non incongrue superaddiderem, qui dum Abitunensis Ecclesiæ, quæ videlicet Africanæ diocesis est, cathedram obtineret, Wandalis Africam devastantibus, cum S. Quodvult-deo ac cæteris præsulibus fugit, et in Parthenope civitate monasterium condidit. Si ergo ille fugit ut Wandalarum evaderet gladios, quanto magis ego laqueos æternæ mortis effugere debeo?

Sergius etiam metropolita Damasci non inconvenienter his posset annecti, qui Ecclesiam suam pro Christi amore deseruit, et Romam peregrinus advenit; reprensione beatorum Bonifacii et Alexii basilicam sacerdotalibus pene officiis destitutam, Benedictum Romanæ sedis antistitem adiit, atque ut se monasterialem ibi permitteret regulam constituere, precibus impetravit. Ubi nimirum longo post tempore religiose degens vitam finivit.

Beatus quoque Gregorius, sicut in registri ejus reperitur Historia, tribus episcopis, primæ scilicet Justinianæ, Ariminensi, et tertio cuidam pro sola capitis ægritudine, suas deserendi Ecclesiæ liberam facultatem dedit eisque reservato de relictis Ecclesiis necessario stipendio, successores substituere non negavit. Quod videlicet qui epistolas Anatolio Constantinopolitano subdiacono, Marinianno Ravenatæ atque Ætherio, episcopis missas legerit, dubitare non poterit.

CAPUT XI.

De tribus aliis episcopis Ecclesias suas itidem deserentibus.

Ecce dum illis viginti quatuor episcopis, quos superius enumeravimus, tres istos, qui auctore B. Gregorio suas dimiserunt Ecclesias, copulamus: beatos præterea Gaudiosum atque Quodvultdeum, Sergium quoque Damascenum metropolitam his omnibus superaddimus, triginta procul dubio, qui pro divino amore suis renuntiaverunt sedibus, episcopos 439 invenimus. Dicat mihi perscrutator veterum, dicat historiarum, vel annalium quilibet indagator, tot sanctis patribus pastorem custodiam deserentibus quis unquam apostolicæ sedis pontifex obstitit? Quis eorum⁴ quemlibet vel per legationis apices reprehendit, vel per synodalem sententiam condemnavit? Dicat, inquam, vel cum nullatenus possit invenire quid asserat, procacem linguam suam dentibus mordeat, non me injustis detractionibus rodant.

An non et minor Benedictus papa (12), quem supra retulimus, apostolici se culminis administratione privavit, successoremque sibi Gregorium (13), qui Gratianus dicebatur, in Romana sede constituit? Super quibus præsentem Henrico imperatore, cum disceptaret postmodum synodale concilium, quia venalitas intervenerat, depositus est qui suscepit; non excommunicatus est qui deseruit.

Porro autem et B. Benedictum instar magni cuiusdam pontificis, possumus ad exemplum imitationis inducere, qui videlicet commissum non ambigit regimen dimisisse.

Leo quoque Nonantulanus abbas ad memoriam rediit, qui dum clericalem adhuc speciem gereret, jamque devotione peracta, ab Hierosolymis remeasset, sic vitam suam instituit, ut nil aliud præter unum duntaxat asinum possideret. Cum hoc quotidie saltus, et pascua circumquaque perlustrans, materiam congregaret, quibus ad requisita naturæ necessaria fratribus anitergia ministraret. Peracto itaque glorifico hujusmodi opere manuum, psalterioque cum ipsa simul exercitatione decurso, protinus ad offerenda Deo sacra mysteria non sine multis lacrymis sanctus presbyter accedebat. Post-

(12) Hujus nominis nonus.

A modum vero ad monasterii regimen violententer tractus, aiebat (quod infelix frequenter et ipse deploro) Jesum, inquam, per pedes tenui, et nunc miser et cæcus sæculi molas volvo. Vixque peracto biennio, in manu Ottonis, qui tunc imperii sceptrum regebat, pastorem 440 baculum reddidit: deinde apud sanctum Bonifacium intra Romana mœnia perseverans, ex omni, quod sibi vitæ hujus residuum fuit, nil aliud, quam æternæ vitæ sibi stipendium procuravit. Ad cujus postmodum sepulturam cæcus veniens, luci præstigiæ asseritur restitutus.

Verum ne copia deficiente pontificum, ad exempla minus congrua convolasse notemur abbatum, ut non diversum nomen apponam, Leo Ravennas archiepiscopus, mox ut paralysis ejus ora constrinxit, cathedram sprexit, sicque privatus fere quadriennio supervixit. Cui videlicet Fridericus, tertio Ottone feliciter imperante, successit, eique non inopes, quibus aleretur, possessiones Ecclesiæ delegavit.

Horum igitur, aliorumque Patrum auctoritate suffultus, episcopatu simul et monasteriis in sanctis manibus vestris irretractabiliter abrenuntio, omneque jus a me movendæ in posterum quæstionis ac repetitionis abscondo; et quia pro innumeris peccatis meis non sum dignus in ecclesiastica dignitate persistere, det mihi divina misericordia per sanctas orationes vestras, venerabilis pater, eo ipso vitæ quod restat in luctu et poenitentia permanere. Confiteor enim, quia criminosus simul et vitiosus ad honorem hæc, et non sine reprehensione perveni, et in eo reprehensibiliter vixi: ideoque mihi tutum visum est, ut ipse me potius sponte deponerem, quam ante tribunal tremendi judicis in conspectu omnium angelorum et hominum, depositionis sententiam sub æterna damnatione subirem. Sed jam ista sufficiant: Omnipotens Deus, qui incomprehensibili dispensationis suæ consilio, et me ab obtinendi regiminis ambitione dejecit, et vos ad ecclesiastici subminis summa provexit, sancto cordi vestro cujus est inhabitator, inspiret talia mihi per sacras litteras mandata dirigere, quæ meis votis meisque valeant desideriis concordare.

Sit nomen Domini benedictum.

D (13) Hujus nominis sextum.

441-442

OPUSCULUM VICESIMUM.

APOLOGETICUS OB DIMISSUM EPISCOPATUM.

ARGUMENTUM. — Excusat se B. Petrus Dam. apud pontificem, quod tenuitatis suæ conscius, episcopatu se abdicavit; ne quis autem illi hoc inconstantiae ascriberet (non enim licet semel susceptum deponere regimen), breviter respondet, et multorum Patrum exemplis, qui delato episcopatu uti noluerunt, ostendit magis tutum cepisse consilium tanto onere se levandi: rem præterea arduam, maximeque laboriosam aliis præesse, et episcopatus fungi munere declarat.

Dilectissimo apostolicæ sedis electo, et virgæ Assur HILDEBRANDO, PETRUS peccator monachus servitutem,

Ferunt, qui in rimandis rerum desudavere naturis, hoc lyncibus naturaliter insitum, quia cum post

terga respiciunt, protinus illum qui præcesserit A obliviscuntur. Continuo videlicet, et mens simul perdit quæ oculus videre desiderit. Et cum hæc bellua tanto visus acumine ferarum genus omne præcellat, ut et lapideos penetrare parietes valeat, hoc laborat vitio ; quia quodcunque illud est, a quo semel oculos avertit, ad memoriam postmodum non reducit. Quorum videlicet animalium quamdam vobis esse similitudinem dicerem, nisi me magnitudinis vestræ reverentia prohiberet. Mirum est enim, quia tam acuta prudentia, imo, quod longe gloriosius est, tam sincera et ferventissima charitas, quæ me suscipit affectuose præsentem, nunquam sive per stylum, sive per verbum visitare dignetur absentem. Porro quoniam a vobis scripta non mereor, si mihi cum aliis negotium ageretur, dicerem ; quia illa, quam B Apostolus dicit, charitatis epistola non est apud vos in tabulis cordis carnalibus scripta (II Cor. iii), sed imis, ut aiunt, ceris erasa. Sed dum attendo quid loquar, considerandum est nihilominus quibus loquar. Quapropter dum uti loquendi libertate non audeo, ori digitum superpono. Querela igitur expositulationis hucusque producta, in quod propensius scatet animus, breviter inferam.

CAPUT PRIMUM.

Quod Petrus Damianus duorum episcopatum curam habuerit.

Benedicta omnipotens dispensatio conditoris, quia ad vos nuper ascendens duorum episcopatum, unius regendi, alterius visitandi mole depressus, prærupta C Alpium juga transmisi, moxque sarcina tribulationis abjecta, exoneratus et liber, ad dilectam solitudinem tanquam fugitivus postliminio repedavi. Libet itaque sub quadam mehtis energia, quasi diu stipitibus attritos agitare pedes, durisque catenis edomitas sublevare cervices, illudque propheticum alacriter decantare : « Dirupisti, Domine, vincula mea : tibi sacrificabo hostiam laudis (Psal. cxv, 17). » Nostis plane, tumque tenetis hæc in me projecta fuisse onera, non suscepta ; et, ut ita loquar, retiaculum non ingressus sum, sed violenter opertus. Quapropter occasione nacta, pondus libenter abjeci, quod ultroneus ante non subii. Et quia vos apostolica sedes, vos Romana estis Ecclesia, ad deponendum reddendumque quod bajulare nequiveram, integrum mihi visum est non adire fabricam lapidum ; sed eos potius, in quibus viget ipsius Ecclesiæ sacramentum. Sub persecutione quippe Judaica ubicunque erant apostoli illic esse primitiva dicebatur Ecclesia. Nunc etiam cum Simon ille, veterinosus videlicet trapezita, maleos et incudem reparat, cum Romanam urbem velut officinam sibi per monetarios pestiferæ negotiationis usurpat, quo vos Petrus vobiscum fugiens attrahit, illic esse Romanam Ecclesiam omnibus indubitanter ostendit. Unde 443 ego cum ecclesiasticum vobis regimen renuntiare disposui, non erravi ; quia Romanæ, quæ vos estis Ecclesiæ, quod suum erat

digne restitui : et ut vobis me confessum esse confitear, pro hac refutatione centum annorum poenitentia mihi est consequenter injuncta ; per illa nimirum remedia, quæ monasticis sunt regulis instituta. Quod si parum videtur, vos etiam superaddite : ultro etiam et carcerali, si placet, custodiæ mancipate. Post tot quippe vagationis et noxiæ libertatis excessus, quid restat, nisi ut me religionis atque silentii censura coerceat ? Sed hic forte blandus ille tyrannus, qui mihi Neroniana semper pietate condoluit, qui me colaphizando demulsit, qui me certe aquilino, ut ita loquar, ungue palpavit, hanc querulus erumpet in vocem : Ecce latibulum petit, et sub colore poenitentiae, Romæ subterfugere quærit accessum ; lucrari machinatur de inobedientia otium, et cæteris in bella ruentibus hic sibi degeneris umbræ quærit opacum (14). Sed hoc ego sancto Satanæ meo respondeo, quod filii Ruben et Gad Moysi ductori suo respondisse noscuntur : « Nos, inquit, armati, et accincti pergemus ad prælium ante filios Israel, donec introducamus eos ad loca sua ; parvuli nostri, et quidquid habere possumus erunt in urbibus muratis propter habitatorum insidias ; non revertemur in domos nostras usquequo possideant filii Israel hæreditatem suam, nec quidquam quæremus trans Jordannem, quia jam habemus possessionem nostram in orientali ejus plaga (Num. xxxii). » Hoc itaque modo comitaturus quidem vos, arma corripio, sed vobis duce Christo, post bella victoribus, mox recedo. Hoc igitur dicam electo Domini, quod Berzelai quoque Galaatides descendens de Rogelim David locutus est regi : « Paululum procedam famulus tuus ab Jordane tecum ; obsecro ut revertar servus tuus, et moriar in civitate mea (II Reg. xix). »

CAPUT II.

Quod episcopatus deponi possit aliquando.

Hic mihi fortassis objicitur, semel acceptum dimitti regimen non licere. Ad quod breviter dico quod sentio ; quia plerique pontificatus jura non deserunt, et de sinistris sunt : quotquot autem legimus recta intentione dimisisse, certa spes est eos de æterna cum Christo societate gaudere. Neque hoc dicimus, ut passim deseri episcopatum liceat, nisi videlicet id fieri necessitas magna compellat. Enimvero beatus Valerius dum sibi providet successorem, magnum Augustinum Hipponensi Ecclesiæ inthronizat antistitem. Lucidus Ficoclenensis episcopus dum propinquum sibi obitum imminere cognoscit, ad cœnobialis portum convolat ordinis, ac sacerdotalis infulas dignitatis monachicis mutat induvii : et ut noveris quid sibi conversio ista contulerit, sicut authentica Registri testatur historia, sub ipso migrantis obitu Spiritus sancti gratia lætissimo relucebat in vultu. Cui nimirum et antequam moreretur, beatus apostolus Andreas apparuit ; et qua hora migraturus esset ex corpore, nuntiavit.

444 Quid beatum Adelbertum martyrem dicam ?

(14) Hildebrandum S. R. E. Archid. tacite intelligit.

Qui nimirum quoniam Bohemiensis Ecclesiæ postposuit cathedram, monachum induens, triumphalem martyrii meruit invenire coronam? Utque ex industria de cæteris sileam, quidam sanctus pœnitens, cujus me ad præsens vocabulum fugit, jam ante septennium fere episcopatu dimisso, tandem angelo visitante præcipitur, ut ad episcopatum redeat; sed recusat, donec admonente eodem angelo, beatus advenit sub celeritate Remigius. Sic itaque ne deceptio potuisset forte subripere, etiam tuta formidans, humano cessit imperio, qui ad angelicum prius oraculum rigidus stetit.

Episcopus etiam ille Sabinensis, qui solum pontificale deseruit, et Farfense monasterium, contempta sacerdotali dignitate, construxit, quam nobilis in Christo vir fuerit testis est antiqua traditio, quæ sanctitatis ejus insignia celebrat; testis moderna devotio, quæ piam ejus memoriam in benedictione frequentat. Quanti scilicet et prius et postmodum in eadem sede usque ad vitæ terminum perduraverunt, et tam operosum fructum Deo nullatenus attulerunt.

Nec te, felix Bonite, præteream, qui hæc duntaxat occasione percepta, quoniam de manu regis, laici videlicet hominis, traditionem Ecclesiæ te suscepisse contigerat, cathedram contempsisti, atque ad remotioris vitæ custodiam te protinus contulisti. Quid, rogo, iste faceret, si tormenta, quibus nostri cruciantur episcopi, et ipse perferret? Si scutatorum et lanceatorum turmæ post equitantis terga confluerent? Si eum tanquam gentilis militiæ ducem in propectu positum armati undique manipuli constiparent? Et quem decuerat reverenter incedere cum choro psallentium, audire cogeretur hinc inde prestreptentium tinnitus armorum? Unde fit, ut modo pontificem non comitentur, ut dignum est, diversi clericorum ordines; sed castra potius, et armati telis vibrantibus bellatores. Pensemus etiam quale hoc sit, quia hæc nonnulli et inviti perferunt; et tamen eos, quos tolerant, prædiis ac facultatibus Ecclesiæ, velint nolint, charius emunt. Quotidie regales epulæ, quotidie apparatus, quotidie nuptiale convivium, et unde refrigerare debuerant indigentes, rubentium tabularum recreant gestatores. Et cum episcopus dispensator, et promus debeat esse pauperum, ad eorum mensam affluentibus deliciis, alieni ructant; cum et illi, quorum est tota substantia, procul exclusi, famis inopia contabescant.

CAPUT III.

Contra ecclesiastici peculii dilapidatores.

Inter omnia porro hæc mala illud excedit, et diabolicam propemodum videtur æquare nequitiam, quia prædiis in militiam profligatis, omnique possessione terrarum, insuper etiam et decimæ, ac plebes adduntur in beneficium sæcularibus. Quæ profecto liberalitas inhonesta, et indigentibus adimit

unde vivat: et diœcesanos etiam deterret, ut decimas non persolvant. Una scilicet res et illis subtrahit 445 corporale subsidium, et istis periculum providet animarum. Quod totum in male munifici caput redundare, nulli dubium est; si tamen eum ad hoc propria vanitas trahat, non necessitas antiqua compellat. Et quidem plurima suppetunt, quæ de episcoporum multiplicibus ærumnis apponerem, nisi me epistolaris compendii regula prohiberet.

Sed, o facinus! adeo me sola sedes apostolica cruciat, ut ab his omnibus me dicendis avertat. In qua nimirum sede, cum admirari soleamus reverendæ majestatis antistitem, nunc despicibilis personæ cernimus Mintionem (15). Hæc venerabilis ille vir expertus fuerat, Petrus videlicet Apsarensis [Ausarensis *uti in sup. op. corr.*] episcopus; qui episcopatum dimisit, et de Slavonico regno Italiam navigans, littoribus Anconitanæ urbis applicuit. Hic mihi, dum totius circa se regni reverentiam conquestus exponeret, ac molestæ inquietudinis tædia numeraret, inter cætera unum intulit, quod vos latere non patior. Quidam, inquit, degener quidem moribus, sed majorum titulis insignitus, sui generis consanguineam nuptial sibi fœdere copulavit. Quid plura? Prohibitus perstitit, excommunicatus adhæsit, totumque ecclesiasticæ censuræ vigorem, nugarum puerilium fabulas deputavit. Cui certe hoc ad divinæ indignationis indicium contigit, ut panes de nuptialibus mensis in plateas ante canum ora projecti minime tangerentur. Insuper, o divinæ amadversionis pavenda severitas! dum rigidus stat, dum præceptis se sacerdotalibus non humiliat, qui vigilare sibi ad salutem noluisset, in cubiculo dormientem repente de cœlestibus irruens fulgur extinxit. Sic divini furoris expertus est moriendo sententiam, qui vulnere suo dum viveret adhibere contempserat medicinam. Hoc autem diximus, ut quam sanctæ auctoritatis vir ille fuerit, qui episcopatum deseruit, monstraremus.

Sed dum ista prosequimur, illud etiam nobis consequenter occurrit, quod et ipse nobis nuper, venerabilis Hildebrande, dixisti: et quamquam non magnopere hujus videatur esse negotii, quod versatur in manibus, tamen dum quomodolibet hoc apicibus tradimus, ne vorago funditus oblivionis absorbeat, quasi rem fluctivagam paxillulis alligamus. Ut enim te retulisse memini, hæc tibi, ut ejusdem verba ponamus, Novariensis Ecclesiæ narravit episcopus. Cum, inquit, in Tentonicorum partibus cuidam episcopo conviator incederem, et imminente jamjam refectionis hora, ille quid mihi quasi decenter apponeret non haberet, æstare cœpit et anxie querere unde mihi posset in itinere positus, subvenire. Cumque hioc indigentia stringeret, illinc charitas animum dilataret, in arcto positus quid prorsus ageret ignorabat; cum ecce repente grues, ut litteram invicem congruentes exprimunt, parili

serie quasi diversa utrinque sub uno duce castra componunt, super verticem nobis turmatim volitare cœperunt. Tunc episcopus in fervore fidei constanter erectus, ait : Domine, præcipe unam de grui-
bus istis ad nos dejici, ut servus tuus de benedictionis tuæ munere satisfaciatur charitati. Mira exauditionis divi-
cæ celeritas ! vix verbum ore depromitur, protinus **446** non parvi corporis grus terra tenus ante ora nostra demergitur; sicque fides, quæ per dilectionem operabatur, impletur. Hæc tibi referenti continuo percunctatus, aio : Eratne spiritualis ille episcopus ? Tu, ut nescio, quo pacto didiceras, carni propriæ vivere hominem, respondisti, ut liquido pateat, non vitæ rectitudinem, sed fidem charitati conjunctam hanc obtinuisse virtutem.

Addidisti etiam, quia beato Leone (16) sedis apostolicæ præsule referente, cognoveras, æque carnalis et inconsideratæ conversationis episcopum extitisse, qui tantam extra meritum gratiam a Domino fuerat consecutus, ut virtutes ac signa frequenter ostenderet; ultro etiam cum magnæ auctoritatis imperio ex obsessis corporibus dæmones effugaret. Inter quæ nimirum signa virtutum, et illud aliquando contigit, ut eodem sanctæ memoriæ Leone præ-
sente, dæmoniacus astitisset; cumque præfatus episcopus nequitia spiritum abire præciperet, ille autem quibusdam verbis pervicacis superbiam resul-
taret, tandem per nomen Christi terribiliter adju-
ratus, reniti ultra non potuit. Cumque caput miseri hominis huc illucque concuteret, capillos in altum pavendo quodam horrore subrigeret, os quasi ad evomendum quibusdam conatibus aperiret, protinus se objecit episcopus : Nequaquam, inquit, per os egredieris, ut niteris; omnino frustrabitur quod moliris, per posteriora te exire præcipio : nam oris tibi aditum non permitto. Per sordidos igitur meatus, immunde habitator, egredere, et fœda post te, ut dignus es, vestigia derelinque. Vix verba compleverat, et continuo nequissimus spiritus fluxu ventris ejectus est.

CAPUT IV.

Episcopi cujusdam misericordiam in pauperem miraculo Deus remuneratur.

Alius item episcopus, ut et ipse dixisti, oppido sitiens, vinum sibi afferri præcepit. Cumque pincerna totum quod erat in vasculo funditus exhausisset in poculum, et episcopo detulisset, ecce pauper importunus illud sibi dari precibus flagitabat, dicens, quia præ ariditate nimia nisi biberet, cominus exspiraret. Econtra minister asserbat, et nil se in vase residuum reliquisse, et in eo loco vinum aliud reperiri nullatenus posse. In his igitur fortis episcopus angustia deprehensus, et cum hinc videret sitim differre non posset, illinc autem se bibere, alio periclitante, impium judicaret, avertit se a se,

fratrique laboranti in necessitate succurrit. Præcepit igitur pauperi vinum dari; sed jam quo magis spes bibendi omnino defecerat, eo sitis episcopi atrocius sæviebat. Mandavit itaque ministro, ut vinarium vas requireret; si forte aliquam consolationis stillam, vel perexiguam reperiret. Qui diutius abnegans, nihilque se reservasse constanter affirmans, tandem non spe erectus, sed imperio magis oppressus, paruit; et vas, quod vacuum reliquerat, vino plenum, nimirum admiratus, invenit.

Abbas quidam, ut mihi relatum est, suavis **447** edulii concupiscentia ductus, naupredam sibi præcepit acquiri. Cumque ministri dicerent, hoc genus eo loci difficile posse reperiri, exiitque qui diceret, unam tantum in venalibus naupredam se vidisse propositam, nullo pacto minus quam viginti nummorum Papiensium solidis coemendam. Jussit abbas numerari pecuniam. Coquorum autem diligenter perfunctus, et laute decoctus abbat pascis apponitur; sed antequam tangeretur, ecce pauper ad januam hoc potissimum sibi dari quod abbati esset appositum anxie postulabat. Mox, ut erat, integrum piscem, nihil hæsitans vir Domini, mittit ad pauperem. Illico pauper, qui videbatur cum ipsa paropside plena pisce, in sublime se extulit; et librata manu, velut exenium portans, cælum cunctis videntibus penetravit. Unde liquido comprobatur, quia quod indigentibus datur, Deo transmittitur, et quod in sinu pauperum occultamus, in cælo reponimus.

Illud etiam, quod nunc addimus, quanquam non sit miraculum, ab ædificatione tamen, cui famulatur omne quod scribimus, non est alienum. Episcopus quidam naupredam sibi parari præceperat, qui paulo post dum inter ipsa missarum solemnia sacris altaribus devotus assisteret, ecce naupredæ memoria illecebrosi gustus eum tentavit affectu. Ille, ut erat insignis animi, talia se pati posse in obtutibus occultis, et omnipotentis inspectoris erubuit, expletisque regressus officiis, febricitum animæ piscem pauperi tradendum esse mandavit. Sic profecto canicula voluptatis, quæ sub mensa corporis, utnunque poluisset vivere, ad sancta sanctorum impudenter irrumpens, poenitentia fuste mactata, meruit interire.

Pauper quidam paterfamilias unum duntaxat nummum in loco possidebat, quem ad emendum aliquid, quod cum pane comederet, expendere gestiebat. Cumque siccus et aridus a lautioribus alimentis, hoc diu negotium in mente versaret, interim pauper advenit, misericordiam postulavit. Ille hærens animo, velut in quodam erat meditullio constitutus. Nam si daret, carni metuebat afflictæ; si retineret, culpam incurrere formidabat denegatæ misericordiæ. Tandem vicit spiritus carnem, et evangelicam imitatus viduam, sub pauperis specie bono debitori Deo suam fenerat quantitatem (Marc.

xii; *Luc.* xxi). Redit domum, panis, qui solebat, apponitur. Pauper quidem mensa, sed bona spe dives erat conscientia. Damnum siquidem carnis compensabat lucro pietatis; cum ecce vir quidam ignotus, et quem antea nunquam viderat, festinus et anxius ligatus linteis in manu ejus viginti denariorum solidos posuit, dicensque sibi a Domino suo missos, tanquam qui ab eo expectaretur, incunctanter abscessit. Cumque hic attonitus vellet inquirere, ille disparuit.

CAPUT V.

Damianus ob ætatis gravitatem episcopatus labores refugit.

Idcirco autem nomina hominum non appono, quoniam ordo peractæ rei facilius hæsit animo; nomina vero, curis aliis intervenientibus, fateor, intercepit oblivio. Nec magnopere curamus videri aucupes nominum, dummodo non excidat series et ordo gestorum; quanquam et hæc eadem gesta, quæ scribimus, quia in transitu audire nos configit, utrum inoffensam fidei lineam teneant, certum per omnia non habemus. Ne igitur sine nominibus digesta narratio nares fastidiosus lectoribus contrahat, a talibus interim supersedeo. Et certe salubrius est, ut omissis omnibus, ad me redeam, me defleam, me jugiter meis oculis anteponam. Ecce enim jam oculi caligant, et solito amplius phlegmatis humores abundant. Rugæ subeunt, et dentium ruina gingivæ minantur. Caput denique, quod canis hactenus spargebatur, cigneo jam albore nivescit; vox raurit, virtus deficit; et, heu pro dolor! sola in me vitiorum radix ignorat penitus senectutem. Enimvero quotidie mortem præ oculis teneo, et jam tribunali tremendi judicis quodammodo præsentatus assisto. Jam sub quadam mentis imaginatione perversi spiritus truci vultu, exhorrenda specie me sub extremo spiritu palpitantem terribiliter impetunt, jam sancti angeli blandi, ac nivei, quasi qui auxiliantur, accedunt.

Quiddam porro non longe antehac evenisse comperi, quod dum mihi sæpe movet mentem, solet exaggerare formidinem. Quidam namque pœnitens sub peregrino habitu in nostris partibus exsulabat: qui perquisitus, quæ eum exsiliarii culpa compelleret: Cum convicaneo meo, inquit, ad ligna cædenda pergebam, et ecce trabalis magnitudinis serpens duobus attollens squamosa colla capitibus, sinuosis flexibus obrepebat. Qui nos ut eo ambulantes aspexit, continuo scintillans oculis, et tanquam linguæ exacuens ora trisulcis, in nos impetum fecit. Cui protinus conviator meus librata securi, unum caput abscidit, moxque ferramentum ex ejus manibus cecidit. Protinus serpens in furoris rabiem implacabiliter efferatus, in sublime se erigit, quod solum remanserat caput attollit, auctoremque proprii vulneris mordicus apprehendit; quem mox ut invasit, sinuosis eum spiris implicuit et involvit, totumque hominem suis viribus vindicans, in sub-

terraneæ specus latebras asportavit. Sed dum trahe-
retur ille, quod solum poterat, me flagitat, in me
clamosas voces ingemina, ut vel ipse sibi promptus
adjutor accurrerem; vel securim, quæ in meis erat
manibus, porrigere festinarem. Ego autem infelix
et degener, ultricibus flammis obnoxius, et ipse
potius a serpentibus merito devorandus, væ mihi
homicidæ! contremui; et cum manibus esset agen-
dum, causa dictante, non pedibus, fugam paravi;
ideoque a sacerdotibus injunctum mihi hoc exsilium
patior, meque ut revera mortis illius auctorem de-
flere compellor.

Quæ nimirum gemendæ calamitatis historia
ita totum cor meum tremefacit et concutit,
ut immensam cordis mei formidinem, nec sty-
lo tradere, nec valeam sermone proferre. Me-
ditor enim sæpe, ecce, homo, et bestia, duo
pariter in spelunca. Non mediator intervenit,
non ereptor accedit, ferinum sane cor pietas
non emollit; præsertim cum rabidæ voracitati
hoc etiam superadditur, ut illatæ contumeliæ gravis
ultio compensetur. Quæso, quæ rei hujus tunc spes
cies erat, imo quæ mens miseri hominisi esse poterat,
cum præda factus esset hosti nescio misereri; cum
evadendi spes nulla superesset, sed potius cruentis
dentibus in escam traditus, ferinam protinus inglu-
viam satiaret? Hujus ergo formidolosi casus speciem
in mea sæpe mente depingo, moxque draconem
illum totius crudelitatis auctorem, quomodo rapiat
ac devoret animas, pavidâ consideratione pertracto,
illum sæpe vesiculum repetens, quem Propheta
cantabat: « Ne quando, inquit, rapiat ut leo ani-
mam meam; dum non est qui redimat, neque qui
salvum faciat (*Psal.* vii). » Tam brevis scriptura
quam longam formidandi materiam sanis mentibus
præbet!

Porro autem et ante annum in non longinqua ab
hac regione villa contigisse dicitur, quod quidam
agricola vix erumpente crepusculo, mature surrexit,
enormis draconem magnitudinis vidit, quem quia
lignum putavit, mox se super eum ad sedendum
quasi in trabe composuit. Commota protinus bestia
caput attollit, hominem cruento ore pervadit, sicque
viventem sub momento rabida voracitate deglutiit,
et ut corda nostra gravior adhuc formido concutiat,
atque ad metuenda super nos divina judicia pervigil
nos sollicitudo compellat; plerumque videmus ho-
nestioribus ac juste viventibus viris ista contingere,
cum econtra carnales et incompositi videantur ho-
mines, ut supra meminimus, etiam virtutibus cor-
ruscare.

Nam, ut non diutius immorer, quidam ab Hiero-
solymis rediens, hoc sibi suisque comitibus conti-
gisse narravit; quia cum itineris labore defessi, se-
cus viam nocte quiescerent, repente leo terribilis
dormientibus supervenit. Presbyter autem piæ opi-
nionis, et honestæ vitæ, qui etiam quater jam a
Dominicæ sepulturæ visitatione redierat, sociis undi-
que circumfusus medius quiescebat. Irruens igitur
immanis bestia, neminem ex his qui sibi prius occur-

rerant, tetigit; sed cæteros supersiliens, et tanquam A
projecta ligna contemnens, solum presbyterum signanter appetiit, præcipitanter invasit, cæterisque leonibus, qui non procul aberant, prædam suam cruentus venator exposuit. Quem clamitantem, et sociis audientibus horribiliter mugientem, subito devoraverunt; et e vestigio conviatores ejus usque ad turrim, in quam tremefacti conscenderant, sunt secuti. Quod utique infirmis mentibus satis videtur esse terribile, ut merentes præmia virga coerceat, et super eos qui digni sunt gratia cœlestis invigilet disciplina.

CAPUT VI.

Quod servus Dei civitatem conflagramdam prædicat, sibi ipsi vero non consult.

Illud etiam non dissimili dignum videtur esse formidine, quod religioso quodam Pisanæ diocesis abbate referente, cognovi (*Vide scholia ad calcem opusculi*). Aiebat plane quia proxima hac ætate transacta contigit, 450 ut esset in quadam Teutonorum urbe servus Dei sanctæ conversationis, et bonæ famæ, qui juxta monasterium in cellula morabatur. Huic sane revelatum est, quia nisi populus per pœnitentiam quantocius se a sua pravitate compesceret, infra triginta dies tota eorum civitas incendio subjaceret. Qui nimirum visionis suæ mysterium non solum episcopo civitatis innouit, sed et per omnem populum sine mora divulgare curavit. Illi autem in pravitate suæ malitia perdurantes, virum Dei arbitrati sunt delirare, et intentatas Dei C
minas omnino parvipendentes, dedignati sunt sua facta corrigere. Porro vir Dei pretiosiora quæque monasterii jubet in recessus abditos conveyi, ubi possent ab ignibus illibata servari.

Quid verbis immoror? Tandem lugubris ille dies advenit, et a septem urbis regionibus ultor ignis exoritur. Et ecce monachi ad servi Dei cellulam anxie prouunt, eumque imminente periculo, non segniter exire deposcunt. Ille autem recusat omnino, divinoque judicio cuncta committens, quid Deo de se placeat immotus exspectat. Ignis ergo globis in astra furentibus, cuncta occupat, conversa pervadit et non modo cætera quæque succendit, sed et monasterium, heu! tædet dicere, ipsumque servum Dei cum tota sua cellula conflavit. Quod profecto Dei D
judicium non tam discutendum est quam timendum. Quis enim humanæ mentis intuitus divinorum judiciorum penetrare valet abyssum, cum sit utique terribilis in consiliis super filios hominum? (*Psal. Lxv.*) Quis enim credere potuisset, ut is, qui per revelationem meruit agnoscere perituræ urbis excidium, semetipsum ignoraret flammis simul atrocibus exurendum? Hæc igitur et his similia cum mente considero, cum subtili meditatione pertracto, dum quid mihi adhuc immineat, nescio; tremefactis certe totis visceribus obstupesco; moxque ad lacrymas redeo, et si fletus aliquando præ cordis durtia non erumpit, mens tamen ipsa mœrore gravius contabescit. Perpendo sæpe quale sit insatiabilibus sub-

A jacere draconibus, inimicis infœderabilibus interesse, in morte vivere, in ignibus habitare. Illud etiam, quomodo ad cruciandos impios hoc præ cæteris electum sit elementum, ut cum favilla dissiliens, in quolibet membro, vel ad momentum tolerari non possit, ultrices flammæ miseros homines hinc egredientes absorbeant, et infinite patens vorax gehenna concludat. Ex quibus nimirum plura supeditat animus eloqui, nisi me prohiberet epistolare compendium diutius immorari. Ex qua tamen occasione quiddam nunc redit in mentem, quod non piget breviter adnotare.

Duo viri de primoribus Faventinæ civitatis ex hoc sæculo ante non parvum tempus egressi, cuidam diacono simul apparuer per visum, qui nimirum B
ferreis casulis in more sacerdotum talotenus ad ima defluentibus videbantur induti. Percunctatus autem diaconus, utrumne, inquit, vós, qui in illa vita estis, jugiter Dominum benedicitis? Responderunt: Nos, qui apud inferos æterno igne cruciamur, nunquam benedicimus Dominum. Plane, quod sollicitudinis meæ pondus accumulatur, et frater ille, cuius ante meminimus, ut conjici potest, tunc 451 stabat, cum revelationis præsigium meruit; tunc in aliqua forte culpa jacebat, cum discrimen incurrit. In lubrico siquidem positi, repente prolabor; et nunc mundi sub momento temporis inquiamur.

Unde et illud nunc ad memoriam redit, quod in Beneventana olim urbe constitutum audire me contigit. Princeps denique ejusdem civitatis presbyterum habebat sanctæ conversationis virum, et in divinis officiis, ac præcipue in solemnitate missarum indesinenter assiduus. Qui dum quotidie sacris mysteriis reverenter insisteret, angelus Domini ex consuetudine veniebat, et vidente principe, sacramentum Dominici corporis ex offerentis manibus assumebat. Sed, o ruinalis vitæ hujus lubrica et incerta conditio! nam qui angelicis fruebatur mundis obsequiis, in fedæ luxuriæ voraginem repente prolapsus est. Quid plura? Peragendi sacri mysterii tempus advenit, presbyter consuetudine foris exigente compellitur; sed graviter intus, conscientia remordente, torquetur; ornatur, accedit, trepidat, palpat, tamen offerre præsumit. Ecce angelus, ut assuetus fuerat, venit, et inspectante principe, spongiam infectam aqua super caput illius expressit, totumque corpus ejus tergendò purgavit. Expletis autem mysteriis, eandem spongiam rursus expressit, omnesque sordes, atque squalores quos ex corpore illius ante contraxerat, membris ejus omnibus iterum superfudit. Hoc viso princeps admiratus obstupuit, presbyterumque semotis omnibus secreta convenit. Inquisitus itaque presbyter, si noviter aliquid criminis admisisset, primo quidem quasi perhorrescens facinus, abnegat; deinde male sibi conscius, ac principis auctoritate compulsus, tandem corruisse se nocte præterita in quamdam ejusdem principis cubiculariam confitetur.

In eadem rursus urbe vidi monachum cui nomen

erat Madelinus, qui nimirum juxta monasterium Adegens in cellula, inclusus, sive solitarius dicebatur. Hic mihi retulit, quia in sacrosancto paschali Sabbato, Resurrectionem præcedente Dominicam, in Ecclesia, quam frequentare consueverat, quatuordecim plus minus lampades adornavit, et aqua supposita præter unam, omnibus oleum superfudit. Cumque cæteris satisfactum esset, sed deficiente oleo, una remaneret; petivit ab abbate, sed impetrare non potuit. Tandem in fide non hesitans, aqua lampadem implevit, lumen adhibuit, quæ profecto per totam noctem cum cæteris nihilominus radiavit; et cum naturale sit aquæ ut ignem semper exstinguat, illa fovebat. Tunc abbas advocatus in testimonium, signum virtutis admiratus expavit, seseque oleum non dedisse confusus erubuit. Porro et alias quasdam monachus ille dicebatur ostendisse virtutes. Sed væ illi! clausis oculis securus incedit, et versuti hostis laqueos non attendit. Nam postmodum hic in luxuriæ voraginem corruit, et qui eatenus magnæ reverentiæ principi, ac civibus fuerat habitus, publice virgis cæsus, et sub inhonesto ludibrio turpiter asseritur decalvatus,

452 CAPUT VII.

Quod res sit maxime ardua aliis præsse.

Hæc idcirco dixerim, ut liquido pateat, quia in hoc vitæ mortalis itinere gradientibus multæ supponuntur insidiæ, diversa occultus hostis scandala contigit, multa viscaria struit, plures laqueos atque tendiculas nostris quotidie gressibus anteposit. Dicant ergo mihi, qui volunt episcopare, plebibus te regendis expone. Sed qui meipsum nequeo inter tot gladios ac tela protegere; quo pacto et alios possum ex captiosis latentium insidiarum laqueis expedire? Deponenda est ergo sarcina, quam bajulare non possum; meliusque est pondus abjicere, quam cum detrimento Domini, cujus sum servus, fractis cervicibus interire. Sufficiat nunc ad testimonium hoc solum beati Hieronymi, quod, necdum hora transacta, sub oculis habuisse me memini. Dum enim de otioso Ecclesiæ pastore tractaret, adjecit: « Illico, inquit, indignantis Domini responsione ferietur: Serve nequam, quare non dedisti pecuniam ad mensam, et ego veniens cum usuris utique exegissem illam? » (*Luc. xix.*) Quod idem doctor protinus exponens, ait, id est, deposuisses ad altare quod ferre non poteras. Dum enim tu ignavus negotiator denarium tenes, alterius locum, qui pecuniam duplicare poterat, occupasti. Hoc ego sancti viri consilium, fateor, libenter arripui; et onus, cui succumbere compellebar, abjeci. Imo pecuniam, quam duplicare non poteram, negotiator ignavus ad altare deposui.

Fuit, fuit olim, sed jam elapsus est tempus, ut modestiæ pudor, mortificationis insigne, digna severitas, et sacerdotalis genii valeat censura servari. Nam ut me solum digne coarguam, videtis ipsi quia protinus, ut ad vos venio; ecce sales, ecce faciliæ,

lepores, urbanitates, dicacitates, volumina quaestionum, omnesque verborum inanum pestes insolenter erumpunt, quæ nos, non jam sacerdotes, sed potius oratores; ac rhetores, sive, quod inhonestum est, scurras ostendunt. Mox enim, ut verba censerimus, paulatim quædam lenocinia confabulationis alternæ subreptim, quæ omnem animi rigorem indecenter emolliant, et severitatis robur in excussum risum, et turpia joca dissolvant. Hinc est, quod mens extra se sparsa confunditur, acies cordis obtunditur, lux divini amoris exstinguitur, terror in alios, et reverentia sacerdotalis amittitur; et quod periculosius est, recte vivendi linea, quæ aliis ad exemplum proponenda fuerat, non tenetur.

Quod si nos, vel pudore, vel metu in hæc declinare contemnimus, mox inhumani, rigidi et quos Hyrcanæ genuerint tigres saxei judicamur (*PLIN. lib. viii. c. 2*). Reprimo calamum. Nam, ut turpiores atexantur ineptiæ, pudore suffundor, videlicet venatus, aucupium, alearum insuper furie, vel scacchorum, quæ nimirum de toto quidem sacerdote exhibent minimum; sed præcipue oculos, manus, et linguam, quasi minimum verum simul efficiunt, sicque conditos, et qui suavis sapiant, cibos daemonum mensis apponunt. **453** Hic plane, si quid mihi de venerabili Florentinæ sedis episcopo contigerit, recolo alienum esse ab ædificatione non credo.

Dum aliquando sibi essem comes itineris, vespertinum tandem subeuntes hospitium, ego ne in presbyteri cellam semovi; is autem in spatiosa domo cum commeantium turba resedit. Mane atem facto, a meo mihi agasone significatum est, quod prædictus episcopus ludo præfuerit scacchorum. Quod profecto verbum, velut sagitta, ex meum acutissime pupugit, et indignationis vulnù infixit. Hora autem, quæ mihi videbatur electa, conveni hominem, et acriter invehor. Hoc igitur initium sermonis arripiens, aio: Librata manu viras exero, plagas infigere quero si sit qui terga sulciat. Et ille, inferatur, inquit, culpa, non recusabit poenitentia. Rectene, inquam, tuique erat officii, vespere in scacchorum vanitate colludere, et maum Dominici corporis oblatricem, linguam inter Deum et populum mediatricem, sacrilegi ludibrii contaminatione fedare? Præsertim cum canonicæ decernat auctoritas, ut aleatores episcopi deponantur. Et quid prodest ei, quem efficaciter auctoritas damnat, etiam si judicium extrinsecus non accedat? Ille utem ex diversitate nominum, defensionis sibi faciens scutum, ait: aliud scacchum esse, aliud aleam. Aleas ergo auctoritas illa prohibuit, scacchos vero tacendo concessit. Ad quod ego: Scacchum, inquam, scriptura non ponit; sed utriusque ludi genus aleæ nomine comprehendit.

Quapropter dum alea prohibetur, et nminatim de scaccho nihil dicitur, constat procul dubi utrumque genus uno vocabulo comprehensum, vius sententiæ auctoritate damnatum. Tunc ille, ita mitis est animi, perspicacis ingenii, redditus ratioibus humiliter acquievit, culpam nullatenus iterandam certa

pollicitatione constituit, injungi sibi pœnitentiam postulavit. Cui mox præcepi ut ter psalterium meditando percurreret, ac duodecim pauperum pedes sub totidem numismatum erogatione eorumque recreatione avaret. Hac scilicet ratione perspecta, ut quoniam hæc culpa cum manibus potissimum, et sermone committitur, lavando pauperum pedes, suas potius a culpæ contagio manus ablueret; et imprimens alienis vestigiis ora, pacem sibi cum Domino, quem per flendos jocos offenderat, reformaret. Hoc autem disimus, 454 ut quam inhonestum, quam absurdum, quam denique fœdum sit hoc in sacerdote libidinum, ex alterius emendatione nocatur.

Prætera, dilectissimi, ut ad id redeam pro quo scribere ista proposui, nolite mihi de cætero esse molesti, ut quietis portum, in quem a Christo per vos gubernante relapsus sum, deseram, et spumantes procellarum cumulos, confragosa volumina, Scyllæam vovinem denuo sulcare contendam (17). Quamvis enimque miser, et ille sit sanctus; quia tamen par mihi quodammodo cum Samuele sit causa (Reg. viii, 16), non dispar promatur super utrumque sententia ille siquidem principatus deseruit dignitatem, David tamen unxit in principem. Nos etiam ad ejus exemplum, apostolicæ sedis, auctore Deo, cupimus pontificem ordinare, ac protinus a proprii pontificatus arce recedere.

(17) Atudit ad munus cardin. ep. Ost.

Ecce, dilectissimi, dum uberius vobis alloqui verba protraxi, epistolaris regulam brevitatatis offendi. Si quis igitur me laciniosæ ælitis prolixitatis arguat, arguat potius impatientem silentii charitatem: nec ignoret, quia illic est succincta prolixitas, ubi sic styli currentis scriptor extendit articulum, ut tamen totum pleni pectoris non explicet votum. Stephanum quoque, quem inter primos in mente gestamus amicos, in epistolæ calce subnectimus, utque memoris non sit immemor obsecramus. Ille miserum Petrum de manibus eruat Hildebrandi, ad cujus imperium magno Petro patuit carcer Herodis.

SCHOLIA.

Illud etiam non dissimili dignum videtur esse formine quod religioso quodam Pisanæ diocesis abbate, etc. id quod hoc loco sanctus cardinalis narrat de quodam Dei servo incluso, qui et prævidera incendium, quo in cella sua exustus est, hoc ipsum mihi videtur quod Marianus Scotus hæc verbis expressit (Chron. l. iii, ætat. vi, sub ann. 1053): « Podelbr-na civitas cum duobus monasteriis feria sexta ante Palmas igne consumuntur. » In monasterio autem erat Paternus nomine, monachus Scotus, multisque annis inclusus, qui etiam combustionem præauntiabat, in sua cella ambiens martyrum, combustus est. Feria secunda post octavas Paschæ, exiens de Colonia, causa orationis eundem locum visitari, ob bona quæ narrantur de ejus sepulcro.

Sit nomen Domini benedictum.

OPUSCULUM VICESIMUM PRIMUM.

DE FUGA DIGNITATUM ECCLESIASTICARUM.

ARGUMENTUM. — Monachum quemdam, quod abbatibus se dignitate abdicasset, ut prudentem vehementer commemat: gravissimasque molestias, curas, sollicitudines, negotiorum moles, et pericula, quibus eorum qui monasteriis præsunt, vita referta est, sic ei ante oculos ponit, ut huiusmodi dignitates non modo non appetendas, sed etiam quam maxime fugiendas esse, apertissime et verissime concludat. Superesse tamen eidem monacho non minoris negotii provinciam scribit, ut tentationes sibi a dæmone infligendas, qui, ut cum in pulcherrimi facti pœnitentiam adducat, omnia conaturus esset) propulsare posset et superare. Proinde itum mot, ut fortiter se accingat ad hostis impetus excipiendos, ne si contra fecerit in ambitionis fluctus rursus relabi necesse sit.

Domn B. religiosissimo abbati, PETRUS peccator C baris, ne domus Dei bona diriperent; istos autem, monachis debitæ servitutis obsequium.

Charissime Pater, dignas auctori bonorum Deo gratias efere, qui te per suum spiritum docuit periculo hoc tempore aridam virgam vanæ prælationis abicere, et ad privatam animæ tuæ custodiam exeditis gressibus festinare. Nunc vere meus abbas esse cœpisti, cum præesse alibi destisti. Ecce de jugo multigenæ servitutis ereptus, ingenuæ libertati es per Dei misericordiam restitutus. Servum enim tesacularium, servum te esse necesse fuerat etiam ronachorum. Illorum siquidem, ne monasterium æderent; istorum vero, ne tibi conspiratæ factioniscandalum generarent. Illos nempe vere-

ne domesticæ seditionis adversum te machinas concinarent. Et dum unum caput tot dominis subditur, infelix anima multiplici quodammodo catena constringitur ne Creatoris sui vestigia prosequatur. Dic, Pater, dic, inquam, videlicet ut expertus: quis potest hoc ferreo sæculo monasterium sine sui capitis periculo regere? imo quis potest cum abbate, simul et monachum possidere? Mox enim, ut quis abbas fieri incipit, monachus esse desistit: et quicunque abbatizandi culmen efflagitat, nihil est aliud, nisi quod monachum velut importabile pondus querit abicere, et ne apostata videatur, sub fucato se vult colore regiminis palliare. Vide-

licet ut possit latere peccatum, praelationis quæ-
ritur argumentum; et vitiosa cutis pastoralis of-
ficii superducitur, ut perversæ mentis plaga cum
virosi puris fetoribus occultetur. Quibus nimirum
apte congruit illud evangelicum: « Væ vobis, in-
quit, quia similes estis sepulcris dealbatis, quæ for-
is quidem apparent hominibus speciosa; intus
autem plena sunt ossibus mortuorum, et omni spur-
citia (Matth. XXIII). »

CAPUT PRIMUM.

Quod animarum rectorum miserâ sit conditio.

Præcipitur monacho ut moriatur mundo, sed qua
ratione hoc abbas adimplet, qui tot curarum tu-
multibus premitur, tot negotiorum sæcularium per-
plexionibus innodatur? qui diem loquendo, et di-
versa tractando continuat, noctem consiliando di-
midiat? qui cum aliis complere non curat, atque
ad explendum primæ synaxis officium, solis ortum
semper anticipat: et cum conventus fratrum silen-
tium communiter solvit, ille inter eos numquam sa-
livam virginem portat? Nec ad proferendum jam
cœlestem sermonem idonea supplet lingua, quæ
prius est tam prolaxis terrenæ locutionis ambagibus
dissoluta.

Porro cum monachus jubeatur in hoc mundo nihil
appetere, nil prorsus ambire; quid de monacho ille
abbas habet, quem videmus velut ætænis eructan-
tem flammis, avaritiæ facibus 457 inardescere,
prædiorum confinia dilatare, pecunias hinc inde cum
tanta aviditate colligere, ad aliena conquirenda totis
desideriis anhelare? cui quidquid est, nihil est, nisi
et hoc studuerit invenire quod deest; cui monaste-
rium fit hospitium, equinum vero dorsum quotidia-
num est habitaculum; chirothecæ, calcaria, scutica,
pidrisigulæ, et si quæ alia equitanti sunt utensilia,
nunquam otioso situ neglecta marcescunt, cum sacer-
dotalia ornamenta, quibus sacris altaribus deservitur,
sæpe a tineis comesta reperiantur. Quæ enim fora,
quæ tribunalia inveniri possunt abbatibus vacua? quæ
curia, quæ cubilia principum ferratis abbatum virgis
non aspicimur effossa? Aulicum limen jugiter ab-
batum vestigiis teritur, et eorum querelæ vel jurgia
importune regum auribus ingeruntur. Non eos effu-
giunt castra bellantium, sed sub sequestræ pacis
specie, inter ipsos galeatorum cuneos discerpi, et
comprimi sæpe videas cucullatos. Qui vult nosse
quid actum sit apud forense negotium, non prætoriam
judicium, sed diversoria potius perquirat abbatum;
quidquid in sæculo agitur, ab eis velut a magistris
negotiorum sæcularium requiratur. Sed cum Domi-
nus dicat: « Cavete, inquit, ne graventur corda ve-
stra in crapula, et ebrietate, et curis hujus sæculi
(Luc. XXI). » Et iterum: « Nemo potest duobus do-
minis servire (Matth. VI; Luc. XVI). » Apostolus
etiam concorditer clamat: « Nemo militans Deo,
implicat se sæcularibus negotiis, ut ei placeat cui
se probavit (II Tim. II). » Quisquis tot terrenis actio-
nibus plenum monasterii regimen ultroque appetit,

A quid aliud creditur agere, nisi quod velut jam lassus
Christi militiam exsecratur ulterius bajulare? et dum
jugum Christi, quod utique suave est (Matth. XI),
tenera cervice portare detrectat, ad refectionis ejus
convivium non aspirat. Quæ nimirum reffectio his
ab ipso Veritatis ore promittitur, qui sub ejus levi
onere non lassantur: « Venite, inquit, ad me, qui
laboratis, et onerati estis, et ego vos reficiam
(Ibid.). »

Cæterum qui ante missionem militare vult solvere
cingulum, ad supernæ patriæ non meretur attingere
municipatum; et cui gravis est pugna, nunquam illi
victoriæ poterit provenire corona. Ille præcipue, qui
ut laborem militiæ fugiat, ad ejusdem militiæ ducu-
tum inhianter anhelat; dumque dux belli esse hu-
manis oculis cernitur, in conspectu occulti arbitri
maleficus transfuga judicatur. Fugit enim qui, ut
revera pugnandi valeat vitare periculum, simulat se
antesignani vice specietenus portare vexillum: et
qui inter cætervas militum non poterat ire, vel ulti-
mus principandis desiderio jam in præcedenti cornu
cernitur principilus. Infelix non illud ad memoriam
revocans, quod per os B. Benedicti Spiritus sanctus
terribiliter clamat (B. BENED. Reg., c. 2): « Qui
suscipit animas regendas, præparet se ad rationem
reddendam. » Et iterum: « Sciat, inquit, abbas de
omnibus judiciis suis æquissimo judici Deo se ratio-
nem redditurum. » Quietiam alibi: « Sciat abbas culpæ
pastoris incumbere, quidquid minus utilitatis in
omnibus paterfamilias poterit invenire. Qui enim ju-
dex fieri vult animarum, nescit quam durum, quam
districtum cogatur expectare 458 judicium. » Ut
enim Scriptura dicit: « Durissimum judicium his
qui præsumunt, fiet (Sap. VI). »

CAPUT II.

*Quod præsidendi ars facile discitur, sed difficile
impletur.*

Unum autem in istis novellis abbatibus video,
quod vehementer admiror. Qui enim per decem
annos, vel eo amplius sub alterius regimine consti-
tutus, nunquam ad hanc potuit pervenire scientiam,
ut perfecte monachus videretur: nunc ipso die, quo
in praelatione constituitur, ita præsentis induit
speciem. ita dominantis exprimit majestatem, ut non
nuper electum, sed natum dicas abbatem. Fit rep-
tente severus in vultu, imperiosus in voce, ad cor-
ripiendum acer, ad judicandum promptus. Ipse si
offenderit, jam omnino satisfactionis ignarus, dedi-
gnatur accumbere, nisi in octogona sella, ita præpa-
rata ac si senatoria curulis in curia. Pro suæ volun-
tatis arbitrio hæc præcipit fieri, illa contestatorie
interdicit, ligat, solvit, admovet, removet: et in his
omnibus nequaquam a nobis junioribus [f. senioribus]
consilium quærit; sed sibi ipsi sufficiens, velut pro-
priæ vetustatis jura disponit. Devotis quidem, et
subditis pollicetur gratiam, repugnantibus autem
phalarica spirat animadversione vindictam; ut po-
tius videatur in præfectoriis fascibus agere, quam

ecclesiasticæ humilitatis officio deservire. Nauseant fauces ejus communia nobiscum alimenta percipere, necesse est coquis plura atque diversa uni cuidam ventri edulia præparare. Nam grossus cibus, qui ex communi fratrum lebetè depromitur, indignum pituitæ teneri, et delicatissimi hominis judicatur. Nuper egressus dormitorium, quiescere non potest, nisi secretum habeat, et singulare cubiculum. Licet juvenculus, licet validus corpore, nescit incedere, si desit baculus, quo se debeat sustentare.

In his itaque, et aliis pluribus quæ persequi longum est, ita subito magister efficitur, ut in tota præsidendi regula, velut antiquus quidam Pater, nihil offendere videatur. Quam docte, quam imperiose novit cuncta, velut quadam majestatis auctoritate præcipere, qui diutissime subditis nunquam sapuit suis præceptoribus obedire! Præsidendi siquidem artem docibilem dixerim, quæ tam facile discitur; ut quilibet etiam ad alia vecors, hanc mox ut inceperit, magister in ea peritissimus approbetur: et, ut arctius teneatur, non solum sui notitiam quanto citius præstat, sed etiam obediendi artem, quæ a se diversa est, ex alumni sui memoria prorsus obli- terat. Quamplurima itaque monasteriorum rectoribus imminet, per quæ vel lenocinante ipsa immunitatis licentia, sponte corrunt: vel mundanæ perturbationis necessitate coacti, etiam nolentes offendunt.

Sed esto, ut eos nulla sæcularium molestia feriat, omnis undique mundani fluctus procella quiescat, quis valeat intestinæ seditionis mala perferre, et sola monachorum lædia sustinere? Quis tot et tam variis voluntatibus satisfaciatur? Quis semetipsum per tam diversa formarum 459 monstra componat? Decernunt siquidem suum præpositum debere spiritaliter vivere, cogunt tamen per totum diem causarum sæcularium negotiis insudare; ne videlicet ecclesiastica bona depereant, ne domum Dei, quod absit, ab incolumitatis suæ statu declinare contingat: et tolerabilius ferunt, si per abbatis absentiam cuncta regularis institutionis disciplina dilabatur, quam ut ecclesiasticæ utilitatis commodum dispendia patiatur. Si delinquentium vitia districtæ animadversionis judicio corrigit, impius; si circa eos remissius agit, zelo Dei creditur alienus; si silenti se aliquando censura constringit, dicitur, quia cum pastor obmutescit, gregem lupo invadit. Paulo lib-erius loquar. Qua fronte aliis silere præcipiatur, cuius garrula lingua continua verborum torrentium? Cum jejuna, laudis humanæ favorem captare dicitur; cum comedit, suo pater, alieno ventri esse vitricus perhibetur. Lautiori veste contactus, vanam gloriam querere; extremitate et vilitate contentus, fertur monasterium deturpare. Prædicationis sermo si in longum protrahitur, concipitur, fastiditur: et magis somnum dicitur provocare, quam ædificationi posse congruere. Si autem locutio brevis fiat; quod in suo, inquit, non studuit vase recondere, non valet aliis propinare; et fons, qui in occulti meatu sui venis arescit, uberes rivos per fistulas non effundit.

Unum est, quod super abbate suo monachi magni- pendunt, et summis præconiorum laudibus efferrunt, videlicet, si apud potentes sæculi valeat; si nocendi, et adjuvandi liberam facultatem habeat; si loqui in turba, et proprias causas agere non erubescat. Hinc est quod hoc nostro tempore monachi neminem sibi præesse volunt, nisi et validi corporis statura pro- cerum, et claris proavorum titulis insignitum. Sit licet sanctus, sit omnium virtutum nitore conspi- cuus; illis tamen naturæ muneribus carens, si An- tonius deducatur, consona omnium voce indignus electione decernitur. Adde etiam, quia nullum sibi rectorem dari, nisi de propriæ congregationis nu- mero patiuntur; alias, etiam si prodigiorum virtuti- bus enitescat, illis obsistentibus ad capessendæ præ- lationis officium non aspirat. Metuunt enim, ne alios sibi aliquando præferat; pavescent, ne de consuetu- dine, in qua jam inveterati sunt, iste aliquid emen- dare præsumat; ne, quod absit, mortificationem doceat, ne vana superstitione, eos jejuna compellat, ne extremitatem diligit, ne nova præcipiat; ne eos, quod cunctis intolerabilius est, a propria fortassis voluntate compescat. Sic sic videlicet maluit de sui quæmpiam suini gregis custodia dignum, quam ex- trinsecus venientem in omni religiosæ vitæ et san- ctitatis consummatione perfectum. Ille, ille nimirum nunc abbas extollitur, ille dignus percepti honoris infula judicatur, qui novit agrorum fundos exten- dere, turrita domorum culmina fabricare, copiam terrenæ facultatis acquirere, sibi commissis non tam necessaria quam et superflua ministrare. Porro si curando talia, animarum cura postponitur: dicitur, quia inter præcipua multa bona, levis quælibet culpa misericorditer indulgetur. Omnes siquidem possunt animæ suæ 460 utilitati consulere: non omnibus datum est, tam ardua, tam necessaria providere. Facile locus tribuitur veniæ, ubi hoc intuitu minora negligimus, ut ad majora studiosius accingamur.

Quod si abbas ab exterioribus temperans, spiritua- libus se studiis mancipaverit, gemitur, suspiratur et unusquisque ex domesticæ facultatis jactura con- queritur. Ecce, inquit, domus sancta destruitur, possessio nostra minuitur, et per unius incuriam tot virorum commoda ad nihilum rediguntur. Fiat ratiocinium, ponamus calculum, postquam ille super nos infausto auspicio jus indignæ potestatis accepit; quot, et qualia ornamenta Ecclesiæ superaddidit? Quot prædiorum mansos acquisivit? Ubi denique possessionis nostræ terminos ampliavit? Plane si res diligenter inquiritur, locus hic suo tempore non modo non auctus, sed in multis potius cernitur im- minutus. His itaque et hujusmodi calamitatum sti- mulis abbates sæpe perculti, et subjectorum mali- tia conturbati, nec quietam prævalent vitam agere, nec lucrandis animabus, prout eorum dictat officium, desudare. Sed dum nos talia quorundam abbatum, sive monachorum pravitatibus loquimur, nemo nos simul cum eis etiam religiosos atque honestos carpere suspicetur. Quippe quorum vestigia humiliter osculantes amplectimur, et in eis Chri-

stum, prout dignum est, adoramus. Illos etiam ipsos A nequaquam livido detractiois dente corrodimus, sed eorum potius fraterna compassione plectendis moribus condolemus; qui nimirum per dissolutæ conversationis incuriam, non solum nobis scandalum generant, sed ipsis etiam sæcularibus detrahendi, et detestandi sacrum ordinem, materiam subministrant.

Quapropter, dilectissime, satis laudabiliter, et prudenter egisti, videlicet ut infecundi laboris gravissimum pondus abjiceres, et levigatis cervicibus ad fructuosæ quietis otium convolaras. Hoc tibi consilium non caro vel sanguis attribuit, sed divina potius miseratio cœlitus inspiravit. Quandoquidem nunc vacat, et de propria salute propensiori fieri cura sollicitum, et de tot animarum non reddenda multiplici ratione securum. Verumtamen quoniam veteranos humani generis inimicus, qui mille artes nocendi movet, mentes servorum Dei pulsare non desinit, et illatis diversis tentationibus quiescere non permittit; expedit te tanto sollicitius circa propriam custodiam vigilare, quanto licet ab alienæ provisionis cura desistere. Locum quippe mutasti, sed non hostem: et quocunque pergas, corruptionis tuæ tecum, velis, nolis, sarcinam portas; ex qua necesse est spinas, et tribulos incessanter emergere, in quibus extirpandis expédiat te infatigabiliter exercere. Desunt homines, qui tibi machinentur linguarum suarum sagittas infligere; adsunt invisibiles inimici, qui adversum te numquam desinant ferociter dimicare. Illi sane poterant tecum sopitis querelis facili reconciliatione componi; isti nesciunt quandoque homini pace composita federari. Illi adversum te nulla norunt, nisi exteriora arma corripere; isti in ipsis mentis tuæ mœnibus impie sæviunt, 461 in ipsa tui pectoris urbe confligunt. Et, ut ita congressio periculosior videatur, in ipsa carne tuâ quædam quasi perfidos tibi commilitones inveniunt, quos in augmentum suæ partis adsciscunt. In tuis laribus vivit, unde hostibus tuis robur accrescit; et vitiū monstrum, cum inimicorum adversum nos spirituum bella consurgunt, illis sociata constipatis nos cuneis feraliter premunt.

CAPUT III.

Quibus artibus dæmon impugnet eos qui se a prælatis D turis abdicaverunt.

Stude ergo, dilectissime, per sanctæ conversationis instantiam sic in anteriora contendere, ut nesciat mens tua post tergum oculos revocare. Illud apostolicum semper in memoria teneatur, quo dicitur: « Quæ retro oblitus, in ea, quæ anteriora sunt, extendens me, sequor ad braviū supernæ vocationis (Philipp. III). » Sint pedes tui, sicut per Ezechielem de sacris animalibus dicitur, « pedes recti (Ezech. 1): » nimirum qui sic noverint angustum iter, quod semel arreptum est, carpere, ut ad eam quæ relicta est, retrogradis gressibus dedignentur se latitudinem retorquere. Nonnulli enim post depositum sui priora-

tus officium, tantis tentationum fluctibus æstuant: ut violentissima pugna se capere in eorum corde vix possit. Proponunt namque sibi maligni spiritus qualia et quam multiplicia animarum lucra Deo potuissent acquirere, si patienter in eo, quo fuerant, voluissent ordine permanere. Quam plures enim, inquit, ex sæculari habitu ad servitutem Christi tua exhortatione concurrerunt, ipsi etiam qui relictī sunt facile se a suis pravitatibus cohiberent. Sed hæc bona vagitas abstulit, vitium instabilitatis exclusit. Numquid tibi soli natus es, ut nullum de te proximi tui solatium sentiant; nulli ex te, velut ex sterili arbore (Matth. XXI), ac per hoc ignibus debita, fructus erumpant? Servus ille, qui in sudario talentum herile reposuit (Luc. XIX), districtæ animadversionis B sententiam non evasit, et ex eo incautus in damnationis periculum cecidit, unde quasi cæcus sibi providere putavit. Alii dedisti mercedem tuam, projecisti a te perpetuæ remunerationis acquirendæ materiam.

Inter hæc etiam ad memoriam revocant hujus mundi bona, quibus erat ante circumfluitus; exaggerant paupertatis inopiam, in qua nunc cernitur infelicitate constitutus; et, ut murum mentis impactus tentationis aries acrius feriat, additur. Perpende ergo, quanto melius sit cum Deo omnibus etiam temporalibus bonis affluere, quam contra Deum omni subsidio sustentatoriæ 462 necessitatis egere: quia Deum non timuisti, temetipsum deiciendo et dehonorestando, contemnere, propriis saltem usibus debueras temporalia hujus vitæ stipendia procurare. Modo etiam falsus amor eorum fratrum, quorum devoto fuerat usus obsequio, latenter immittitur; modo livor in eos qui adversati fuerunt non modicus excitatur. Istos dolet, quia se conqueruntur ab eo, in quem speraverant, remansisse deceptos; illos autem, quia se gloriantur de suæ præsumptionis excessibus impunitos. Istos putat de sua dejectione tabescere, illos velut inimicos suis casibus insultare. Istos opinatur a suis æmulis comprimi, illos mœret in superbæ cornibus arroganter extolli. Hæc et alia multa cogitationum phantasmata nequissimi spiritus humanis mentibus ingerunt, his nimirum quæ nequaquam se forti prospectionis custodia circumcludunt. Hinc est quod nonnullos cernimus præposituræ cum magno prius fervore desedere [decedere], postmodum vero ad eundem vomitum importunæ ambitionis instantia festinare; et multiplicium tentationum vallati densitate, vel ad concupita deveniunt, vel a sancti operis quo incanduerunt fervore tepescunt.

Tu autem, dilectissime, juxta prudentiam tuam virtutum armis fortis præliator accingere, contra hostis versuti insidias semper in acie paratus assiste, vanam hujus mundi gloriam despice, terrenæ felicitatis blandimenta contemne, quicquid in sæculo aridet, tanquam ludificatoriæ imaginationis somnium deputa, ad verum illam cœlestis patriæ beatitudinem cor erectum totis visceribus inardescat. Cum pugna crescit, cum tentationum strepitus ingruit, protinus

ad hunc portum mens læta confugiat, et velut in A eligis, cum eo simul immortalibus divitiis in æterni
quadam munitionis arce delectabiliter requiescat, regni gloria perfruaris; et inter electos abbates te
ut fiat quod per Psalmistam dicitur: « Abscondes jubeat in resurrectione constitui, pro cujus amore
eos in addito vultus tui a conturbatione hominum, in hac vita de abbatum te ordine dejecisti. Ecce,
protege eos in tabernaculo tuo a contradictione dilectissime Pater, amoris tui dulcedine provocatus,
linguarum (Psal. XXX). » Proposita igitur inertis tor- dum plura tibi scribere studui, epistolaris modum
poris ignavia, omnium virtutum studiis prudenter brevitatis excessi; sed rogo omnipotentem Domi-
invigila, in eo quod cepisti immobiliter persevera- num, ut et hæc tibi rustica et imperita verba pro-
Nec monasterium reliquisse pœniteat, sed sero te ficiant, et in eorum recompensatione tua pro servo
potius expectatum conscientia reprehendat, quate- tuo orare sanctitas non desistat.
nus qui nunc pauper esse cum Christo temporaliter

Sit nomen Domini benedictum.

463-464 OPUSCULUM VICESIMUM SECUNDUM.

CONTRA CLERICOS AULICOS, UT AD DIGNITATES PROVEHANTUR.

ARGUMENTUM. — Invehitur in clericos qui, ut episcopatus sibi possint et dignitates ecclesiasticas comparare, sæcularium principum se famulatos adducunt. Docet autem illos non idcirco ab infando Simonie crimine immunes esse, quod pecunia ad eas scelestas emptiones conficiendas non utantur, imo multo magis ea culpa irretitos teneri, quia scilicet seipsos, quod majus est, vendunt, ut sacerdotia adipiscantur. Principibus quoque cavendum esse ait, ne dum improbis et flagitiosis hominibus Ecclesiarum gubernacula committunt, aliena peccata in se transferant; quod pluribus exaggerat, multisque rationibus confirmat.

Domno BONIFACIO reverendissimo episcopo, PETRUS B regni oriundus ad regie dignitatis apicem promo-
vetur, si denique ex ejusdem fundi accolis quispiam
vetur, si denique ex ejusdem fundi accolis quispiam
vetur, si denique ex ejusdem fundi accolis quispiam

Admonet vir Sapiens: « Cum emptore, inquit, tracta de venditione, cum viro livido de gratiis agendis, cum impio de pietate, cum honesto de honestate (Eccli. XXXVII). » Quibus etiam ante præmiserat: « Cum viro religioso tracta de sanctitate, et cum justo de justitia (Ibid.). » De sacerdotibus ergo nulli congruentius sermo dirigitur quam sacerdoti. Cum itaque, venerabilis pater, de modernis episcopis mihi perplura displiceant, illud intolerabilis arbitror, qui nonnulli dum honores ecclesiasticos ætneis vaporibus æstuantius ambiunt, in clientelam potentium tanquam servos se dedititios obscene substernunt. Ecclesiastica quippe deserunt, dum Ecclesias concupiscunt; et ut tyrannidem arripiant super cives, ut ita dixerim, dedignantur esse concives: militiam fugiunt, ut militibus præferantur; et dum non erubescunt templo Dei mutare palatium, de religione canonica in ordinem transeunt laicorum. Virtutum arma deponunt, procinctum spiritualis militiæ deserunt, castra transfugiunt, militare cingulum solvunt. Dedignantur cum cæteris stipendii percipere donativum, ad solius anhelant dictaturæ vel imperii principatum. Qui nimirum dum non per Ecclesiæ ingrediuntur ostium, sed per sæculare posticum, non pastores ovium, sed fures et latrones fiunt: Veritate perhibente, quæ ait: « Qui non intrat per ostium in ovile ovium, ille fur est, et latro (Joan. X). » Porro si non ex aliena, sed ex eadem militia militum tribunus eligitur, si sæpius ejusdem

CAPUT PRIMUM.
De clericis obsequio sæcularium principum deditis.

Sed quis ferat illi ecclesiastica jure committi, qui ut ecclesiam nanciscatur, ecclesiam deserit, et designatur obsequium dependere propriæ, ut sibi regimen arroget alienæ? Præterea cum de viro justo propheta perhibeat: « Quia excutit manus suas ab omni munere (Isa. XXXIII); » quis eum a munerum valeat præstatione defendere, qui et semetipsum alienæ servitutis imperio dedere, et in diuturnæ expeditionis impensas facultates suas convincitur profligare? Prophetica plane illa sententia sic exponitur, ut tria dicantur esse munerum genera, scilicet munus a manu, munus ab obsequio, munus a lingua (18). Et munus quidem a manu pecunia, munus ab obsequio obedientia subjectionis, munus a lingua favor assentationis.

465 Sed si rite considerentur hæc tria munerum genera, in eo quod medium ponitur, et primum, simul et tertium continetur. In obedientia quippe

subjectionis, et munus a manu, quod est pecunia, A cunias necessario prodigunt, et delinificis patronos suos adulationibus lingere non omittunt. Nequaquam ergo diffiteantur se dedisse pecuniam, qui praelationis ambitione principibus exhibent clientelam. Qui nimirum dominationis desiderio serviunt; et ut divitiis affluant, cum facultatibus suis, et semetipsos expendunt. Humiliantur, ut postmodum impune superbiant, se pedissequos exhibent, ut præcedant; laboribus atteruntur, ut gaudeant; affliguntur inopia, ut nuptialis edulii continua postmodum epulatione turgescant; et velut proposita venalitatibus mensa, feoderando servitium, mercantur imperium. Amant enim primos recubitus in cenis, et primas cathedras in synagogis, et salutationes in foro, et vocari ab hominibus rabbi (*Matth. XXIII.*).

Jam vero quis ambigat eum, cum datur occasio, favorabilibus dominum suum verbis oblinere, ut eum blanda possit adulatione mulcere? Utque ejus animum capiat, quod sibi magis placeat, callidis observator explorat. Oculis gliscit, gestibus innuit, B festivitatem sereni cordis ore præterdit. Pendet ad nutum, ut sic herile præceptum, tanquam per Sibyllinum os Phœbi præstoletur oraculum. Ire jubetur, evolat; stare præcipitur, silicem repræsentat. Si dominus fervet, iste sudat; si ille æstum, hic cauma conqueritur. At si vel leviter frigeat, hic necesse est tremefactus visceribus obtorpescat. Si ille dormire vult, hic acciditur; si satur est, hic ructare compellitur. Sicque non suus nil aliud loquitur, nisi quod illi placere suspicatur. Sicut de quibusdam non dissimilibus per Isaiam dicitur: « Qui dicunt videntibus, nolite videre, et aspicientibus, nolite aspicere nobis ea quæ recta sunt: loquimini nobis placentia, videte nobis errores, auferte a me viam, declinate a me semitam, cesset a facie mea sanctus C Israel (*Isa. XXX.*) » Et hoc iste modo juxta Psalmistam dum oleum male blandientis assentionis exaggerat, mentem illius, quæ caput est cogitationis, impinguat. « Oleum, inquit, peccatoris non impinguet caput meum (*Psal. CXL.*) » Et Salomon ait: « Fili mi, si te lactaverint peccatores, ne acquiescas eis (*Prov. I.*) » Peccatores etenim lactant, cum vel perpetranda mala blandimentis inferunt, vel perpetrata laudibus extollunt.

Quibus nimirum Scripturæ testimoniis patenter ostenditur, quia quisquis adulatur, generale peccatoris nomen per auxesin specialiter promeretur. Et cum Psalmista dicat: Quia « laudatur peccator in desideriis animæ suæ (*Psal. X.*) »; et qui iniqua gerit, benedicitur; et is qui laudat, et qui sponte laudatur, non dispari reatus obligatione constringitur.

CAPUT II.

Quod adulatio in clericis sit simonia.

Hoc ergo genus muneris cæteris muneribus et deterius est ad peccandum, et gravius ad persolvendum. Quoniam illa utraque sine isto possunt facile reperiri, hoc autem sine duobus illis vel vix vel nunquam valet impleri. Nam venditoribus Ecclesiarum, si avari sunt, sufficit pecunia cum appenditur: si gloriosi, solus adulationis favor aliquando vice 466 pretii compensatur. Qui vero se mundi principibus pro nanciscendis honoribus tradunt, et pe-

Dent alii insensibilis metalli summam, trutinent solidæ pecuniæ quantitatem, numerentur æra, vasa ponderentur anaglypha. Dent, inquam, alii nummos; isti dant pretium semetipsos. Annon est pretium sedulum subjectionis obsequium? Nam ut de spiritali convertamur ad carnale conjugium, nunquid Jacob, qui vicennali pro uxoribus ætate servivit, dicendus est pretium non dedisse, quia Laban socero suo pecuniam non appendit? Sed audi, Scriptura teste, quid ejus utræque conquerantur uxores: « Nunquid, inquit, habemus residui quidquam in facultatibus, et in hæreditate domus patris nostri? » moxque subjicit: « Nonne quasi alienas reputavit nos, et vendidit, comeditque pretium nostrum (*Gen. XXXI.*)? » cum profecto Jacob nullam pro uxoribus pecuniam dederit, nisi duntaxat quia soceri pecora custodivit. Dumque apud eum opilionis officio fungitur, géminali filiarum ejus copulam promeretur. Vis itaque pretium ex ore Jacob ipsius audire? « Die, inquit, noctuque, æstu urebar et gelu; fugiebat somnus ab oculis meis; sic per viginti annos servivi tibi in domo tua (*Ibid.*) » David quoque non aliud Sauli pro filia pretium dedit, nisi quia duntaxat ejus militiam bajulavit. Unde leviro suo Isboseth per nuntios dicit: « Redde uxorem meam Michol, quam despondi mihi centum præputiis Philisthiim (*II Reg. III.*) » Laboris quippe sui victoriam dotem deputat, quam et Saul velut quamdam pecuniam sponsalium vice suscepit. Sic, inquit, loquimini ad David: « Non habet necesse rex sponsalia, nisi tantum centum præputia Philistinorum, ut fiat ultio de inimicis regis (*II Reg. III.*) ».

Sicut ergo Laban filias vendidit, pretiumque comedit, non quia recondidit pecuniæ lucrum, sed quia laboriosæ servitutis percepit impendium; et sicut Saul nupturæ filiæ non auri, vel argenti dona quæsit, sed laborem belli, vel insigne triumphi, vice dotis accepit: sic ille necessario Ecclesiæ venditor esse convincitur, qui subjectionis obsequium de male sperata ejus largitione mereatur. Et cum is qui pretium accepit,asseratur Ecclesiam vendere; iste congruentius dicitur venditare; quia venale commercium, quod ille semel iniit, hic longa, ut ita loquar, ac diuturna negotiatione protrahit. Et,

infelix clericus, quot servitia **467** fucatæ humili-A
tatis exhibuit, quasi tot pecuniarum summas ap-
pendit. Qui nimirum assentionibus suis dum au-
cupatur nomen episcopi, larvam induit parasiti. Et
dum spirat ambitione pontificem, scenicum exhibet
histrionem; atque ideo hic non simplex, sed omni-
gena dicendus est Simoniacus, quia quidquid est,
per quod Ecclesia vendi potuit, hic triplici venali-
tate commisit. Nec gloriatur metalli se non dedisse
pecuniam, qui, quod pretiosius habebat, semet-
ipsum venalem præbuit: qui naufragio se tam duri
labore immerisit, et in huius expeditionis sumptus
nonnihil ex propriis facultatibus profligavit.

Ponamus, verbi gratia, duos clericos centenas
nummorum libras non dispari peculio possidentes,
quorum alter curiam regis adeat, sensimque in **B**
propriis usus, quod in sudario laet, insumat; alter
cum Jacob in tabernaculis maneat, nec alutam ære
turgentem follegere compellat. Utrique postmodum
uno die sua cuique delegetur Ecclesia: et hic qui-
dem totum æs, quod crumena servabat, in sacrile-
gii pretium funestus negotiator effundat; alter vero
quia servivit in curia, nil noviter tribuat, sed ad
percipiendum Ecclesiæ villicatum tanquam gratuitus
mercator accedat. Quis horum, quæso, charius emit
Ecclesiam? Numquid non ille, qui licet patrono nil
dederit, tot ærumnis et laboribus pressus quidquid
habebat, in tam gravis et diuturnæ expeditionis
sumptus expendit; et iste vilis, qui sine labore
suam venditori pecuniam numeravit? Nam perspicua
ratio persuadet, quia plurius emit Ecclesiam, qui sua
omnia cum laboribus perdidit; quam is, qui quietus
et otiosus præfixæ quantitatis pacta persolvit.

Porro cum et forensibus legibus cautum sit, ut
curialis quisque funditus arceatur a clero; iste de
Ecclesia migravit ad curiam. Et, heu prodigiosa
vesania! ut præferatur clericis, qui de clerico effi-
citur curialis: factus est servus mundi, ut jus Do-
mini, imo cathedram pestilentiae ursurpet in domo
Dei. Qui si semel investituram de manu largitoris
acceperit, vel quolibet prorsus ingenio culmen regi-
minis adeptus ascenderit, mox ut sibi fautores in-
veniat, larga de facultatibus Ecclesiæ dona dispen-
sat.

CAPUT III.

De episcopo quodam Bononiensi.

Nostris certe temporibus Bononiensis Ecclesiæ
quidam præsedet episcopus, eo scilicet modo, quo
diximus, curialis: qui nimirum postquam latissima
ecclesiastici juris prædia in suburbio constituta
distraxit, subsequenter obmutuit. Sicque fere per
septennium donec advixit, paralyticus et elinguis
elanguit. Iuste scilicet, superno dispensante iudicio,
ut qui linguam suam fecerat negotii feralis interpre-
tem, cum ipsa quoque prorsus amitteret totius elo-
quii facultatem. Quilibet itaque curialis episcopus
hos muneribus attrahit, illis beneficia latiora con-
cedit; sic a quibus non erat electus, eligitur; et ut
sibi de Simone nihil desit, ipsam electionem sacri-

lega venalitate mercatur. **468** Verumtamen in hoc
sui sceleris turpitudinem palliat, quia sub colore
fidelitatis ecclesiasticæ municipes per iurjurandi
sacramenta confirmat; cum nemo deterius Eccle-
siam lædat, quam iidem ipsi infidi fideles, qui ejus
diripere facultates anhelant; cum illis ergo munera
tribuit, cum sub nomine velut Ecclesiæ sibi potissi-
mum jurare compellit, non Ecclesiæ consulit, sed
sibi quicquid possidendi culminis aditum pandit. Sive
ergo ante consecrationem hoc, sive postquam con-
secratus est, faciat, valde sibi timendum est, non
pro Ecclesiæ utilitate, sed pro sua potius confirma-
tione, sacri loci bona dilapidat, in voraginem se
Simoniacæ hæreseos, dum extolli conatur, immer-
gat: et hinc perniciose coram divinis obtutibus
corruat, unde se inter homines arroganter exaltat.
Sicut scriptum est: « Dejecisti eos dum allevarentur
(Psal. LXXII). »

Sed et hoc prætereundum non est, quia sicut is,
qui regiminis apicem inivit assequitur, si quid illic
asperum, si quid patiatur adversum, ad cumulum
sibi provenit meritorum: et pro tribulatione, quam
tolerat, non incassum exaltationis æternæ præ-
mium sperat. Sic ille, qui ultioneus ambit, vel im-
portunus ingeritur, vix pro adversitate, quam in
regimine patitur, præmium consequetur. Ad se ita-
que quod patitur referat; sibi que omne, quod lace-
ratur, ascribat. Labores, quos sustinet, honoribus
recompenset, fructumque laborum potius in adeptæ
dignitate constituat, quam de futuri muneris retri-
butione præsumat, Domino de talibus attestante:
« Quia receperunt mercedem suam (Matth. vi). »
Nam sibi ipse conscivit, unde mens ejus tot casibus
concussa succumbit. Enimvero, qui ad ministerium
terrenæ dispensationis coactus attrahitur, cum in
exsecutionibus ejus adversa pertulerit; laboris sui
præmio non carebit. At si villicatus pretio, vel pre-
ciis oblinetur, erubescit pro laboribus suis com-
modum retributionis exigere, qui se laborandi ma-
teriam meminit importunis anxietatibus extorsisse.

Hæc itaque diximus, ut non sibi gloriantur Simo-
niacam deesse venalitatem, qui famulando principibus
ecclesiasticam adepti sunt dignitatem. Nec sibi re-
gulam gratuitæ promotionis applaudant, cum se
redemisse, quod possidetur, duris laboribus non
ignorant.

CAPUT IV.

*Quod peccata episcopi non recte ordinati in promotoris
caput redeunt.*

Principibus quoque, et quibuslibet ordinatoribus
ecclesiarum summo opere cavendum est, ne sacra
loca, non considerato divino iudicio, sed pro arbi-
trio et ab libito, præbeant, ne ad suam confusio-
nem divinæ legis ordinem, sacrorum canonum sta-
tuta confundant. Nam quisquis Ecclesiam Dei non
regulariter, sed potentialiter ordinat, in promoventis
caput omnia illius, qui promotus est, mala redun-
dant. Unde prædicator egregius cum dixisset: « Ma-
nus cito nemini imposueris (I Tim. v); » præsto

subjunxit : « Nec communicaveris peccatis **469A** alienis (*Ibid.*). » Alienis quippe peccatis communicare convincitur, quisquis indignum, et improbum atque ideo cupidum ad regimen provehere non veretur. Et cum Ecclesia Christi non habens maculam, neque rugam, reproba cujuslibet ordinatione foedatur, in ordinatis animam omnis illa lethifera, contagionis lepra transfunditur.

Romanorum nempe tradit historia (PAULUS DIACON. *Hist. Rom. ad Eutrop.* lib. II, in princip.) quia potentibus Gothis ut eis imperator Valens episcopos destinaret, a quibus Christianæ fidei rudimenta susciperent; ille doctores ad eos non orthodoxos, sed Ariani dogmatis misit, rudemque populum, quibus involutus erat, erroribus, implicavit. Sed, o prædicandam, vereque laudabilem divini examinis æquitatem! Nam cum Gothi jam ab Hunnorum agminibus ex antiquis sedibus fuissent violenter ejecti, et citra Danubium, intra Romanos scilicet fines, a Valente sine ulla fœderis pactione benigne suscepti; divino tamen judicio postmodum contra Valentem in arma consurgunt, ejusque exercitum accerrima cæde prosternunt. Quibus cognitis Valens egressus Antiochia, contra Gothos innumeris vallatus agminibus, properat: sera ductus penitentia, sanctos quosque revocari de exiliis imperat; mox tamen committit et perdit. Nam ad primum Gothorum impetum Romanorum equitum acies perturbantur, nudatosque pedites deserunt. Qui mox equitatu hostium septi, ac sagittarum nubibus obruti, dum hoc illicque velut amentes palando diffugiunt, hostilibus gladiis funditus perimuntur; ipse quoque imperator sagitta sauciatus, equo delabitur; in villissimam tegetem, milite gestante, defertur; sicque supervenientibus Gothis, ignibus atrociter concremat. Justo quippe Dei judicio ab eisdem consumptus est flamma vindictæ, quos ipse percusserat igne perfidiæ. Sic, juxta Scripturæ sententiam, egressus est ignis de rhamno, et devoravit cedrum Libani (*Judic.* IX).

Sed et per hoc exemplum, quod nunc de Scriptura posuimus, illud etiam non inconvenienter occurrit, quod ibidem in libro Judicum positum memoramus. Nam dum hoc ferreo sæculo, et ii qui regimine digni sunt, fugiant; et illi, qui merito reprobandi sunt, irreverenter accedant; hoc agi videtur per operationis effectum, quod illic legitur per allegoriæ mysterium. Ait enim: Quia « stetit Joathan in vertice montis Garizim, elevataque voce clamavit: Audite me, viri Sichem, ita ut audiat vos Deus: Ierunt ligna, ut ungerent super se regem, dixeruntque olivæ: Impera nobis. Quæ respondit: Numquid possum deserere pinguedinem meam, quam et dii utuntur? Dixeruntque ligna ad arborem ficum: Veni, et super nos regnum accipe. Quæ respondit eis: Numquid possum dulcedinem meam deserere, fructusque suavissimos et ire, ut inter cætera ligna promovear? Locuta sunt quoque ligna et ad vitem: Veni, et impera nobis. Quæ respondit: Num possum deserere

vinum meum, quod lætificat Deum et homines, et inter ligna cætera promoveri? » Deinde Scriptura subjungit: « Dixeruntque omnia **470** ligna ad rhamnum: Veni, et impera nobis. Qui respondit eis: Si vere regem me vobis constituitis, venite, et sub umbra mea requiescite (*Ibid.*). »

Longum est, si dicamus Gedeonem typum tenere Salvatoris (*Judic.* VIII), per plurimas ejus uxores, diversas debere nationes intelligi, quæ sibi cohæserent per fidem. Per septuaginta filios, totidem linguarum populos. Per concubinam, Synagagam. Per Abimelech, antichristum, qui Synagogæ filius erit. Unde et in Apocalypsi his qui credituri sunt, dicitur: « Qui dicunt se Judæos esse, et non sunt, sed sunt synagoga Satanæ (*Apoc.* II). » Et sicut ille peremit septuaginta fratres; sic iste persecuturus est omnes, quæ sibi non consentiunt, nationes. His, inquam, omissis, quæ longioris styli videntur egere tractatu, in quantum patitur epistolare compendium, ita duntaxat cæptæ disputationi congruere videatur, prolixæ historiæ figuram succincte perstringimus.

Quid ergo per Joathan, qui interpretatur consummatus, sive perfectus, nisi sanctum et doctum quempiam prædicatorem debemus accipere? Hic in montem Garizim ascendit et voce magna clamavit (*Deut.* XXVII). Prius ascendit, et postmodum clamavit. Ante consurgit in montem, et sic elevat vocem. Quia nisi doctor virtutum prius culmen ascendit, inaniter clamat. Sicut per Isaiam dicitur: « Super montem excelsum ascende tu, qui evangelizas Sion: exalta in fortitudine vocem tuam, qui evangelizas Jerusalem (*Isa.* XL). » Per Garizim autem sancta designatur Ecclesia, quæ est virtutum omnium schola, et cœlestium segetum ubertate fecunda. Hic est enim mons, qui dandis per Moysen benedictionibus deputatus est: et Ecclesia mons benedictionis est, cujus filiis per apostolum dicitur: « In hoc vocati estis, ut benedictionem hæreditate possideatis (*I. Petr.* III). » Hanc hæreditatem a vidua matre suscepimus, pro qua vir ejus mori dignatus est; de qua et per Psalmistam dicitur: « Viduum ejus benedicens benedicam (*Psal.* CXXXI). » Et congrue Garizim, qui interpretatur *divisio*, vel *advena*, sanctam figurat Ecclesiam; quoniam Ecclesia gentium, quæ prius exstitit funditus a Dei lege divisa, in prima vocatione facta est advena, jamque per incrementum gratiæ facta est omnino domestica. Unde jam firmiter radicatis, et velut in urbe compositis Paulus ait: « Jam non estis hospites, et advenæ; sed estis cives Sanctorum, et domestici Dei (*Ephes.* II). »

Sed ut omittentes plurima, quod propositum est, transiliendo celeriter percurramus, ligna silvæ sunt homines vani, et infructuosi, ac flammis ultricibus merito suæ sterilitatis obnoxii: « Omnis enim arbor, quæ non facit fructum bonum, excidetur, et in ignem mittetur (*Matth.* III). » Qui vero per olivam, quæ et signum pacis ostendit, oleique pinguedinem fundit, nisi illi designantur, qui Spiritus sancti pinguedine delibuti evangelizando pacem, reconcili-

hiant homines Creatori? « Quam, inquit, speciosi A est, terrenis hominibus, atque carnalibus nullatenus pedes evangelizantium pacem (Rom. X) ! » Ficus autem sacræ legis imaginem tenet, unde et in Evangelio dicitur : Quia « quidam paterfamilias plantavit vineam, in qua scilicet plantavit et ficum. Vineam, » quippe 471 « Domini Sabaoth domus est Israel (Matth. XXI; Isa. V) : » In qua nimirum plantavit divina manus Decalogum legis. Sed hæc ficus priorem populum quasi grossos suos, aridos scilicet et inutiles protulit, et abiecit; novum vero Christianæ fidei germen ad maturitatem internæ pinguedinis, suavitatemque perduxit. De quibus Jeremias ait : « Video ficus, ficus bonas, bonas valde et malas, malas valde, quæ comedi non possunt, eo quod sint malæ (Jer. XXIV). »

Per ficus ergo illi possunt non inconvenienter intelligi, qui sacræ legis eruditione sunt sufficienter instructi. Vitis etiam ipsam pene videtur significare quod ficus. Dicit enim Dominus : « Ego sum vitis vera, et vos palmites (Joan. XV). » Et quia de palmitibus fiunt vites, quid mirum si et sancti doctores asserantur vites, ut quod Salvator mundi per naturam, hoc illi gloriantur habere per gratiam? Qui nimirum dum triumphum Dominicæ passionis prædicare non cessant, quasi per doctrinæ suæ botros arentia corda nostra vino beati cruoris inebriant. De hoc vino per Jacob super Salvatore nostro allegorice dicitur : « Lavabit in vino stolam suam, et in sanguine pallium suum (Gen. XLIX). » Stola Christi fuit in apostolis, et cæteris credentibus Synagoga; cujus etiam pallium gentilis est populus. De quibus sibi per prophetam dicitur : « Vivo ego, dicit Dominus, quia his omnibus velut ornameto vestieris (Isa. XLIX). » Hos itaque Christus in sanguine uvæ lavit, quem de semetipso contritus in prælio [f. prælo] crucis expressit. Unde et Joannes ait : « Qui dilexit nos, et lavit nos a peccatis nostris in sanguine suo (Apoc. I). » Cum igitur oliva, ficus, ac vitis, hoc est, spirituales viri lignis præesse silvestribus, id

B acquiescant; offert se rhamnus, et ab eis consuevitur : et eadem vel pravæ conversationis exemplo, 472 vel erronei dogmatis incendio consumpturus. Rhamnus enim spinis crebrescentibus horret, per quem scilicet quilibet perversus invenitur, qui sic peccatorum tanquam veprium asperitate densatur. Unde et primo homini dictum est : « Terra tua spinas et tribulos germinabit tibi (Gen. III); » id est, corpus tuum aculeatis vitiis punctioribus subiacebit. Et per prophetam Dominus : « Spinis, inquit, peccatorum suorum circumdederunt me (Thren. III). » Lignis itaque petentibus regem, id est, pravis quibusque carnaliter eligentibus præselem; rhamnus accedit in medium, quilibet videlicet reprobis, qui et ignem damnationis in se ex eorum pravitatibus augeat, et eos perverse vivendi, vel docendi reciproca combustionem consumat. Unde et illic dicitur : « Egrediatur ignis ex eo, ut consumat habitatores Sichem, et oppidum Mello, egrediaturque ignis de viris Sichem, et de oppido Mello, et devoret Abimelech (Judic. IX). » Hæc autem Joathan constitutus in vertice montis eloquitur; qui per sanctos in Ecclesia prædicatores addiscimus, quomodo quibusque perversis ac reprobis yana petentibus resistamus.

Ecce, venerabilis frater, unam duntaxat Epistolam petisti, sed insuper et alteram recepisti. Ipse quoque versa vice deponco; ut dum integra nostræ dilectionis una dirigitur, ad nos etiam juxta vetustæ disputationis ethicos gemina revertatur. Quod si te de curialibus episcopis adhuc latius audire delectat, ejusdem thematis epistolam (19), quam concardinalibus tuis olim misi, te videre non pigeat. Illud etiam in epistolæ calce subnecto, ut amodo, et deinceps, sicut ii, qui Ecclesiæ militando promoti sunt, vocantur ex more pontifices; ita qui famulando principibus fiunt, dicantur a curia curiales.

Sit nomen Domini benedictum.

(19) Epistola 4 libri II.

473-474 OPUSCULUM VICESIMUM TERTIUM.

DE BREVITATÆ VITÆ PONTIFICUM ROMANORUM, ET DIVINÆ PROVIDENTIAE.

ARGUMENTUM. — Alexandro summo pontif. ex Mantuano patrum conventu redeunti has litteras obviam mittit, in quibus eidem sciscitanti rationem reddit, cur pontificum Romanorum vita brevis plerumque et angusta sit. Deinde in admirationem divinæ providentiæ et bonitatis effunditur, a qua tot tantaque beneficia in humanum genus profecta sint, et quotidie profisciscantur, quæque omnia hominis gratia creaverit, hominisque imperio subjecerit. Hortatur ergo mortales, ut cum tot res propter se conditas contemplantur, Deo Opt. Max. inexhausto beneficentiæ fonti immortales gratias agant; et terrenis his voluptatibus contemptis, ad vera gaudia quæ in cælo pie sancteque viventibus parata sunt, omni animi contentione terantur.

Domno ALEXANDRO summæ sedis antistiti, PETRUS peccator monachus servitatem.

Quia redeuntem te, venerabilis pater, a Mantuano concilio, finitimis jam audio partibus propin-

quare; congruum judicavi exenio litterarum tibi, A
quo videlicet dono potissimum delectaris, occurrere.
Sed et mox, ut ad vos impiger iter arriperem, dul-
cis fama percivit. Jacob siquidem, de quo Scriptura
dicit, quia « simplex habitabat in tabernaculis (Gen.
XXV), » idcirco terrenis placandum esse fratrem mu-
neribus duxit, quia sola duntaxat eum diligere ter-
rena cognovit. Ego quoque, qui cum Jacob domi
simpliciter habitavi, quia tibi plus spiritualia, quam
carnalia quæque placere non ambigo, spirituali faci-
ciem tuam munere placare contendo. Quanquam
cum David fugeret a facie Absalon, magis sibi pro-
fuerit Chusai Arachites qui in Jerusalem rediit,
quam Ethai, qui videlicet a fugiente David indivi-
duus assecla non recessit (II Reg. xv). Idem quoque
David legem constituit in Israel, ut æqua sit pars B
descendentis ad prælium, et remanentis ad sarcina-
nas (I Reg. xxx): et potentius jovit Israeliticum
populum Moyses in Rhaphidim, dum velut otiosus
oraret, quam Josue, licet irruentibus Amalecitis,
terribiliter armatus, occurreret. Quod perspicue per-
hibet Scriptura, cum dicit: « Quia cum levaret manus
Moyses, vincebat Israel; sin autem paululum
remisisset, superabat Amalech. » Sed nullum munus
cuiquam congruentius datur, quam id, quod ab eo
ipso, cui datur, exigitur.

CAPUT PRIMUM.

Cur Romanorum pontificum vita brevis sit.

Aliquando certe, si rite teneo, a me sollicite re-
quisitis, quæ mihi causa videretur, cur apostolicæ
sedis antistes nunquam diutius vivat, sed intra
breve temporis spatium diem claudat extremum,
adeo ut post B. Petrum apostolum, qui per quinque
circiter annorum lustra præsedet, nemo postmodum
Romanorum pontificum hoc spatium præsulatus
æquaverit; modernis imo temporibus vix quispiam
in prædictæ sedis culmen evehitur qui metam qua-
tuor, vel ut multum, quinque transcendat annorum.
Quod considerantibus prodigialis, ut ita loquar,
stupor oboritur, quoniam hæc breviter vivendi ne-
cessitas, quantum ad nostram notitiam, in nulla
alia totius orbis Ecclesia reperitur. Sed in quantum
mortalibus divinæ dispensationis revelatur arca-
num, videtur nobis, quia idcirco hoc iudicii celestis
ordo disponit, ut humano generi metum mortis in-
cutiat; et quam despicienda sit temporalis vitæ
gloria, in ipso gloriæ principatu evidenter ostendat,
quatenus dum præcipuus hominum tam angusti
temporis compendio moritur, tremefactus quisque
ad præstolandi sui obitus custodiam provocetur, et
arbor humani generis, dum cacumen ac verticem
suum tam facile corruisse considerat, statu con-
cussa formidinis, in suis undique ramusculis contrem-
iscat.

475 Sed quispiam fortassis objiciat, cur et re-
gibus hæc eadem vivendi brevis non occurrat?
Nam et Octavianus Augustus, quo imperante, Sal-
vator mundi de Virgine nasci, et David rex de cu-

jus stirpe dignatus est propagari; alter quinquaginta sex, alter quadraginta annorum curricula in
regali fastigio floruerunt: post quos, et alii videli-
cet utriusque regni principes, etsi minuscule, non
tamen ad instar Romanorum pontificum, brevissima
regnaverunt temporum quantitate. Ad quod facile
respondetur; quia cum unus omni mundo papa
præsideat, reges autem plurimos in orbe terrarum
sua cujusque regni meta concludat, quia quilibet
imperator ad papæ vestigia corruit, tanquam rex
regum, et princeps imperatorum, cunctos in carne
videntes honore ac dignitate præcellit. Unde quo-
libet rege defuncto, administratione ejus regnum
tantummodo, cui præerat, destituitur; cum vero
sedis apostolicæ pontifex moritur, universus tan-
quam communi patre mundus orbatur. Quid enim
Africa de regibus Asiæ, aut quid Æthiopia de prin-
cipibus sentit Hesperiae? Nam, sive moriantur, sive
vivant, quia procul a se remoti sunt, utrumque in-
differenter ignorant.

Est et aliud, cum mors cujuslibet regis non
magnopere sit terrori; quoniam sæculares principes,
qui turbis popularibus præsent, sæpe gladiis peri-
muntur. Nam, ut de multis paucos adhibeam, Caius
Claudius, Nero, Galba, Otho, Vitellius, omnes isti
imperatores per continuum sunt seriem unius post
alterum principati, et excepto Claudio, cuncti sunt,
vel suis, vel hostilibus gladiis interempti. Postmo-
dum quoque, sicut Romana tradit historia, Macri-
nus, Antoninus, Alexander, Maximus, Gordianus,
Decius, Gallus, Volusianus: omnes hi seriatim sibi-
met per continuum ordinem succedentes, gladio
trucidante, prostrati sunt. Sæculares ergo prin-
cipes, quia diversæ mortis casibus exponuntur, cor
audientium exitu non atteritur; papæ vero vita, quia
sola naturalis obitus lege concluditur, ejus ex hac
vita transitus sine gravi formidine non auditur.
Porro, quia terreni principes regni sui quisque, ut
dictum est, limitibus includuntur, causa non est cur
per alienas mundi provincias eorum obitus diffun-
datur; papa vero, quia solus est omnium Ecclesia-
rum universalis episcopus, cum luce privatur, mors
ejus per ampla terrarum regna diffunditur. Et sicut
sol, quia solus lucet, si eclipsim forte sustineat,
præsto, necesse est ut tenebras totus ubique mun-
dus incurrat; sic papa cum ex hac vita recedit,
illico, quia unus in mundo est, longinqua regnorum
spatia mortis ejus fama percurrit; et consequens
est, ut quos tam sublimis, singularisque personæ
casus obturbat, propriæ quoque vocationis exitum
tremefactis visceribus expavescent. Ubi notandum,
quam velit omnipotens Deus Romani pontificis vitam
hominibus in ædificatione prodesse, cujus etiam
mortem decrevit saluti gentium ministrare. Quanto
studio debet lucris animarum, dum advivit, insi-
stere, cujus etiam mors providetur ad Creatorem
suum animas hominum revocare, ut dum se patre n
orbis esse 476 considerat, ab inculcanda tot filii
hæreditate desidia non torpescat.

CAPUT II.

*Prædicantur divinæ bonitatis et beneficentiæ
munera.*

Hic libet aciem mentis paulisper attollere, et quanta divinitus homini gratia prærogetur, breviter indagare; cui nimirum per divini muneris institutionem elementa cuncta deserviunt, et non modo cælum et terra, aer et aqua, sed et quæque in eis sunt, in humanæ utilitatis administratione concurrunt. Primo quidem sibi famulantur quatuor elementa, quæ diximus, quia ex eis constat; deinde quia quidquid habent, illi extrinsecus administrant. In humore quippe terræ radix herbarum et arborum coalescit, quas postmodum in usus hominum ad naturalis mensuræ celsitudinem porrigit. Ipsa quoque agrestis herba in carne animalium vertitur; animalium vero carnibus hominum viscera vegetantur. Animalia quoque ipsa dum vivunt, diversis humanæ servitutis deputantur obsequiis: nimirum, ut alia sese insidentibus vehiculum præbeant; alia commendandis, proferendisque seminibus arva prosciendant; alia nobis non modo lactis profluant copiam, sed et velut evangelicæ subjecta doctrinæ, duas tunicas dividant (*Luc. III.*), dum se pellibus, nos velleribus tegunt. Sed quia nos in singulis immorari non sinit epistolare compendium, quæ vix posset etiam prolixitas enumerare librorum, sufficiat nobis brevis illa Psalmistæ conclusio, qua dicitur: « Omnia subjectisti sub pedibus ejus, oves, et boves universas, insuper et pecora campi; volucres cæli, et pisces maris, qui perambulant semitas maris (*Psal. VIII.*) »

Et hoc est inter cætera valde mirabile, quoniam ab humanæ subjectionis imperio, nec volatus aves, nec fortitudo leones, nec velocitas tigrides, nec proceritatis enormitas eripit elephantēs. Leoni plane tantus inest terror, ut cum rugitus emitit, multa protinus animalia, quæ illius impetum poterant celeritate cursu evadere, compellantur omnino deficere, et gressus suos stupefacta et attonita cohibere. Leo tamen ab homine capitur, et tanquam debilis cattus caveis inseritur. Tigris quoque, quæ lingua Parthica dicitur *sagitta*, uno cursu stadia octingenta transmittit, integro vero die totum mundum ab ortu usque ad occasum dicitur transire (*vide Scholia ad calcem opusculi*); hæc tamen, quæ tam incredibiliter currit, aliquando venantium laqueos non evadit. Sed cum miranda quælibet animalia virtutum hominum sint subjecta, etiam minima, vel immunda humanæ saluti probantur utilia. Quid enim vilis cimex? tamen si sanguisuga faucibus hæserit, fumo illius excepto, statim evomit, et difficultas urinæ hujus appositione laxatur. Quid etiam, juxta legem, immundius vulture? Tot tamen in eo sunt medicamenta, quot membra (*PLIN.* lib. XXIX, cap. 4, 6). Vide certe grandævæ jam ætatis episcopum, qui etiam ad fidem Christi convertisse non pauca gentilium millia dicebatur: Hic perhibeat, quia dum per Æthiopiam 477 trans-

A iit, magni draconis carnes, fame fauces obdulcante, comedit, ut etiam juxta litteram illud Psalmistæ videatur impleri: « Tu confregisti caput draconis magni, et dedisti eum in escam populo Æthiopum (*Psal. LXXIII.*) »

CAPUT III.

Temporum varietates describuntur.

Sed cum Deus omnipotens homini cuncta subdidit, hoc etiam non minus mirabile est, quod ipsa quoque sibi tempora tam pulchra qualitatum varietate distinguit: videlicet, ut prius brumalis aliorum semina commendata novalibus occultat; deinde veris elementia multiplices germinum fetus mundum parturire compellat; mox æstivum cauma segetes torreat; postremo pluvialis autumnus et palmitibus uvas, et arboribus quoque turgentia poma decerpit. Sed nec ipsæ quoque proventus arborum vel agrorum omnipotens Conditor in unam quodammodo congeriem coacervat, sed diversa diversis temporibus vel agenda, vel edenda dispensat. Nam si eodem tempore cuncta ad vescendum poma concurrerent, et fastidium congesta vescentibus gignerent, et simul consumpta de copia inopiam generarent. Sed nunc ita diversis sunt variata temporibus, ut dum illa comeduntur, hæc maturescant, et dum alia consumpta pertranseunt, alia mox maturata succedant. Fruges quoque si colligendæ simul ingruerent, laboribus non ferendis agricolæ prægravarent; sed dum variis temporum dispensantur articulis, et proventus copia non minuitur, et labor hominum levigatur. Nam quod segetum alia sint serotina, etiam Moyses perhibet Pharaoni. Postquam enim grando percussit Ægyptum: « Linum, inquit, et hordeum læsum est, eo quod hordeum esset virens, et linum jam folliculos germinaret; triticum autem, et far non sunt læsa, quia serotina erant (*Exod. V.*) » De primitivis etiam pomis paulo post dicit: « Devorata est igitur herba terræ, et quidquid pomorum in arboribus fuit, quæ grando dimiserat (*Exod. X.*) »

Cum igitur soli homini maria simul et flumina; paludes et stagna cum innumeris piscium compellantur servire generibus; aer cum avibus simul et imbris; terra cum pecoribus, cunctisque germinibus: hæc tamen interim velut parva postponimus, majora perpendamus. Omittamus igitur, quod hujus mundi conditio tanta moderationis arte disponitur, ut aer et ignis, duo videlicet masculini generis elementa præsideant; alia vero duo, quæ feminei sunt generis, aqua simul et terra subsident; et hoc quasi bino conjugio procreatur quidquid apud nos ex qualibet originali materia prodire conspicitur. Taceamus etiam, quod tota cæli machina usibus hominum ita mirabiliter serviat, ut contra septem planetarum globos perpetuo rotata circumacta configat; quatenus dum illæ petunt ortum, ista vergat jugiter ad occasum. Illas tamen secum vi suæ magnitudinis attrahat, easque suos circulos per zodiacum spatio temporis, quod cuique præfigitur, explere compellat. In quo videlicet universali 478 mundi certamine

non parvum spiritualis figuræ mysterium deprehen- A
ditur, si quæ sit in homine, minori videlicet mundo,
concertatio perpendatur. Quid enim sphaera cœli,
quæ planetas includit, nisi corpus designat huma-
num, quod rationalem animam contegit? Quæ vide-
licet anima quasi septenario planetarum numero
continetur, dum totidem sancti Spiritus donis im-
buitur.

Et quid est quod sphaera labitur ad occasum,
econtra planetæ concorditer enituntur ad ortum,
nisi hoc quod Apostolus dicit: « Quia caro concu-
piscit adversus spiritum, spiritus autem adversus
carnem? (Galat. v.) » Nunquid non quasi sphaeram
contra planetas pugnare conqueritur, cum de carnis
et animæ suæ controversia lamentatur, dicens:
« Video aliam legem in membris meis repugnantem B
legi mentis meæ? (Rom. vii.) » Et tanquam sphaera
post se planetas trahat, protinus addidit: « Et cap-
tivum me ducentem in lege peccati, quæ est in
membris meis? » Planetæ igitur septem enituntur
ad ortum, cum anima rationalis instinctu sancti Spi-
ritus incitata redire conatur ad Deum, quem rerum
omnium constat esse principium. Sphaera vero pro-
labitur ad occasum, cum caro, neglectis superioribus,
gravatur in ima vitiorum. Unde scriptum est: « Cor-
pus quod corrumpitur aggravat animam, et depri-
mit terrena inhabitatio sensum multa cogitantem
(Sap. ix.) »

Sed hæc nos diutius prosequi epistolæ brevis
non permittit. Quid dicam, quod eadem cœlestis
sphaeræ machina sic se in semetipsam semper, et C
non in exteriora devolvat, ut in unius hemisphaerii
sui revolutione diem, in revolutione vero alterius
expleat noctem? Et hoc modo dum una revolutio
totius sphaeræ cœlestis absolvitur, viginti quatuor
horarum numerus impletur, quibus videlicet unus
dies cum sua nocte perficitur. Hoc itaque modo
dum cœlum militat homini, et dies solis radiis illu-
stratur, et nox lunæ, stellarumque nutantium varie-
tate depingitur. Sed hæc quia corporaliter aspicun-
tur, omittimus, ad majora nunc et invisibilia venia-
mus.

CAPUT IV.

*Quod angeli per totum mundum discurrant in auxi-
lium hominum.*

Porro autem qui divinarum Scripturarum vacat elo-
quiis, non ignorat, quia per hunc mundum cœlestium
virtutum quotidie multitudo discurret, quæ nobis
auxilii manus in certamine porrigit. De quibus per
Danielem dicitur: « Milia millium ministrabant ei,
et decies centena millia assistebant ei (Dan. vii.) »
Ad hoc enim Deo ministrant, ut nos ab iniquorum
spirituum impugnationibus protegant. Unde et Paulus
ait: « Sunt administratorii spiritus in ministerio
missi propter eos, qui hæreditatem capiunt salu-
tis (Hebr. i.) » Neque enim versutiæ tam callidi,
tam exercitati hostis posset fragilitas humana re-
sistere, nisi eos a tentationibus electorum virtus
angelica propulsaret. Unde unicuique nostrum a die

baptismatis usque ad 479 obitum delegatus est
angelus, qui et viriliter decertantem a tentatione
custodiat, et auxilium præbere in bonis operibus
non desistat. Daremus exempla, nisi cerneremus
frequentatione notissima. Hic notandum, cum Deus
homini tantam præroget gratiam, quantam Deus
ab homine patiatur injuriam; deputat Deus virtutes
angelicas humanæ custodiæ; et infelix homo, relicta
munditia et puritate virtutum, squaloribus se polluit,
ac sordibus vitiorum. Nam cum in exhalantis ac co-
enosæ luxuriæ fetore provolvitur; cum vermescentis
avaritiæ sordibus inquinatur; cum denique ad instar
Ægyptiorum fluminum homicidalis anima in odii
sanguinem vertitur (Exod. vii); postremo cum velut
in cloacam stercorem corruens, multiplicis nequitiae
fæcibus involuta fœdatur: hunc angelus fetorem, et
inhonestam purulentiae nauseam invitus satis, et
graviter tolerat, etsi cœlestis imperii lege constri-
ctus, obedientiam non omittit. In angelorum quippe
conspectu nil sordidum, nil fetet obscenum, nisi vi-
tium et peccatum. Et sic nostri reatus exhorrent, et
abominantur illuvium; sicut homo compellitur ad
exhalantis latrinæ screare fetorem. Unde quotidie
ante tribunal æterni Judicis de commissi sui pravi-
tate conqueritur; et quia gravem ferat injuriam, illius
obscena dinumerans, profitetur. Nam si rex potens
cuilibet de suis principibus impuberis filii velit
delegare custodiam: et ille postmodum in furorem
versus insaniam, salivæ se fluentibus, nariumque mu-
coribus obnatis, et vel in ignem se phrenetica teme-
ritate projiciat, vel certe in squalentis cœni voluta-
brum sordidæ suis se more provolvat, nonne protin-
us ille deposcet, et reconsignare depositum, et
papatis abjicere famulatum? Quanto magis ergo cre-
dendum est, quod angelica illa sublimitas et lar-
gitorem bonorum omnium Deum de conspicua
sanctorum conversatione glorificat, et in ejus con-
spectu perversorum hominum scelera subtiliter
enumerando condemnat? Huc accedit, quia in die
judicii eorum sunt nequitiae testes, qui si recte vixis-
sent, eorum fierent defensores. Hoc itaque modo
male agentibus vertitur in perniciem, quod recte vi-
ventibus provisum est ad salutem; quia sancti angeli,
qui deputati sunt justis in adiutorium, perditionis
in reprobos exaggerant incrementum. Felices ergo,
qui justè vivunt; quia dum malignis spiritibus infea-
derabiliter oblectantur, angelicæ fortitudinis auxilio
muniuntur. Adde etiam, quod et ipsi spiritus iniqui
profectus nostri sunt obsequio deputati. Nam dum
tentamur, et non succumbimus; dum impetimur, et
prævalemus; dum oppugnat certe violentus hostis,
et non expugnat, futuræ nobis retributionis pondus
accumulat: et dum laborem certaminis irrogat,
victoriæ nobis materiam subministrat.

CAPUT V.

Quod omnia homini servantur, etiam infernus.

Ecce dum raptim celeriterque cuncta perstringi-
mus, usibus hominum ministrare 480 concorditer
omnia reperimus, cœlum scilicet, terram pariter et

infernum. Hic præsumptionis nos fortasse quis arguat, si authentica Scripturæ sententia non occurrat. Sed ecce Paulus Corinthiis dicit : « Omnia enim vestra sunt, sive Paulus, sive Apollo, sive Cephas, sive hic mundus, sive vita, sive mors, sive præsentia, sive futura. Omnia enim vestra sunt, vos autem Christi, Christus autem Dei (I Cor. iii). » Sed tunc omnia sunt veraciter hominis, si ipse homo sit veraciter homo. Est enim qui solo nomine sit homo, est qui reipsa et veritate sit homo.

Audi Salomonem : « Finem, inquit, loquendi omnes pariter audiamus : Deum time, et mandata ejus observa : hoc est enim omnis homo (Eccl. xii). » Quis est autem finis loquendi, nisi ille, de quo dicit Apostolus : « Finis enim legis ad justitiam Christus omni credenti » (Rom. x). » Finis quippe legis ad justitiam Christus est ; quia quidquid, sive vetus, sive nova lex loquitur, ad illum sine dubitatione refertur. Ad justitiam vero non otiose dicitur, quia divinæ legis sermo justificat, et animam a sordibus mundat, sicut discipulis Veritas ait : « Jam vos mundi estis propter sermonem, quem locutus sum vobis (Joan. xv). » Deum vero timere, est cuncta, quæ Deus prohibet, exsecrando et abominando contemnere. Mandata illius observare est, omnia, quæ præcipit, operibus exercere.

Ille ergo Deum timet, qui satagit cavere quod prohibet. Ille mandata ejus observat, qui studet implere quod imperat. Deum ergo time, et mandata illius observa : hoc est enim omnis homo. Ac si perspicue dicat : Qui non studuerit cavere prohibita, qui neglexerit implere præcepta ; quia ratione caret, vocabulum quidem hominis habet, sed hominis esse non habet ; quia non veraciter utitur virtute nominis, quo censetur. Ille nimirum se credat veraciter hominem, qui hominum recognoscit Auctorem : alioquin qui ignorat, ignorabitur (I Cor. xiv). Quid autem sine his sit homo, perspicue definit Scriptura, cum dicit : « Stellæ non sunt mundæ in conspectu ejus (Job. xxv) ; » quanto magis homo putredo, et filius hominis vermis ? Unde et Abraham cum ad summæ colloctionis culmen attollitur, cum divinæ familiaritatis gratiam peculiariter promeretur, hujus humilitatis recordatione deprimitur, cum dicit : « Loquar ad Dominum meum, cum sim pulvis, et cinis ? (Gen. xviii). »

Nam et apud Græcos hæc teneri consuetudo per-

Ahibetur, ut cum imperator quis in dignitate creatur, mox ut imperialibus fuerit infulis redimitus, coronæ, simul ac sceptri gloria decoratus, cum denique procerum vallatur obsequiis, cum excipitur modulanti-bus psallentium choris, quidam sibi præsto fit ob-vius, qui videlicet una manu vasculum plenum mor-tuorum ossibus ac pulveribus offert ; in alia vero stuppam lini subtiliter pexam, ac pilis pensilibus mollior demollitum, qui protinus ignis adhibetur, et repente in ictu oculi flamma subito vorante, consu-mitur : ut in altero debeat considerare quod est, in altero valeat videre quod habet. In cineribus siquid-
B 481 em se cinerem recognoscit, in stuppâ jam colligit in die judicii quam subito mundus ardebit ; quatenus dum se, simul ac sua tam vana, tam floccipendenda

considerat, de imperialis culminis ascenso fasti-gio nullatenus insolescat ; et dum possessor, at-que possessio subjacere communi omnium casui non ambigitur, jam quasi de singulari dignitatis apice, qui ad summa provectus est, non infletur.

Pulchrum ergo mundanæ conditionis ordinem homo consideret, et dum suis usibus omnia cernit attribui, non sibi, sed suo referat gratias Conditori ; lenocinantem mundi gloriam sub judicii sui calcibus deprimat, virorem cinis aridum jam pulverem credat, diem suæ vocationis tanquam speculum suis semper obtutibus anteponat, districtum ultimæ dis-cussionis judicium contremiscat : quatenus dum nunc Creatoris sui legibus subditur, qui inter crea-juras, quæ terrenæ sunt, videtur insignis, in celesti quoque gloria veraciter sit sublimis.

482 SCHOLIA.

Tigris, quoque, quæ lingua Parthica dicitur Sa-gitta, uno cursu stadia octingenta, integro vero die lotum mundum, etc. Hæc nisi per hyperbolem dicta accipias, omnino fabulosa sunt. Celeritate quidem tanta illa est, ut usque ad sua tempora eam nunquam fuisse captam scripserat M. Varro lib. i. De ling. Lat. Capi tamen interdum testatur Plutarchus in comment. de Herodoti malignitate. Itaque sicut velocitas cursus quorundam hominum comparari solet cum animantibus velocissimis (ut II Reg. ii : « Porro Asael cursor velocissimus fuit, quasi unus de capreis quæ morantur in silvis »), sic velocitatis ipsorum animalium, quæ summum gradum veloci-tatis tenent, per hyperbolem interitum exprimi con-suevit. Tigridis ejusque mysticæ significationis me-minit sanctus cardinalis epist. 18, lib. ii.

Sit nomen Domini benedictum.

OPUSCULUM VICESIMUM QUARTUM.

CONTRA CLERICOS REGULARES PROPRIETARIOS.

ARGUMENTUM. — Detestatur prius pertinaciæ vitium, quo nihil aut Deo magis invisum, aut rebus humanis fieri possit perniciosius, utpote cum ex ea tanquam ex fonte dissensionum, discordiarumque semina in Ecclesiis deriventur, in nonnullos clericos accerrime iavehitur, qui cum Ecclesiarum fructibus in commune alerentur, pecuniam præterea, et alia bona seorsum possidebant : idque sibi per leges licitum esse facere pertinaciter asserabant. Hos igitur validissimis rationibus redarguit, et manifeste probat clericos ex genere eorum qui canonici appellantur, proprium, aut privatum nihil posse habere : sed debere eos cum primum sacris initiantur, universa bona aut pauperibus tradere, aut in commune conferre. Quapropter orat pontificem max, ut quod humana et divina jura cogunt, id etiam clericos facere, sua ipse auctoritate et jurisdictione compellat.

Domno ALEXANDRO beatissimo pæpæ, PETRUS pec-cator monachus servitutem,

Quantum ad nostræ intelligentiæ modulum, ve-nerabilis pater, nullum in humano genere malum

perniciosisior est criminis, quam defensio pravitatis. Unde David ait : « Non declines cor meum in verba mala, ad excusandas excusationes in peccatis (*Psal. CXL.*) » Offensio quippe Dei meretur iram, excusatio provocat ad vindictam. Hoc plane vitium, sicut ex radice humani generis prodiit, quotidie pullulat, et tanquam per erumpentes arboris ramos germinare non cessat. Consultus enim Adam, cur ex interdicto pomo comederit : « Mulier, inquit, quam dedisti mihi sociam, dedit mihi de ligno, et comedi (*Gen. III.*) » Mulier etiam, cur hoc fecerit inquisita, « Serpens, ait, decepit me, et comedi (*Ibid.*) » Ac si uterque in conditore oblique crimen intorqueat ; eumque, a quo redarguuntur, incessat, dicentes : Non nobis, sed tibi procul dubio debet hic reatus ascribi, qui et conjugem viro junxisti, et serpentem in paradiso inter homines vivere decrevisti. Quorum utriusque tanquam primischolus ille discipulus erat, qui de Abel Domino requirenti respondit : « Nunquid custos fratris mei sum ego ? » (*Gen. IV.*) Hoc sane præcavebat David vitium, cum dicebat : « Non me demergat tempestas aquæ, neque absorbeat me profundum, neque urgeat super me puteus os suum (*Psal. LXVIII.*) » Nam cum peccat homo, quasi in puteum labitur ; cum vero peccata defendit, os putei super eum ne pateat egressus, urgetur. Corruit ergo in puteum homo cum peccat, claudit vero sibi os putei dum excusat. Ex hac porro defensione, vel excusatione criminis hæresis nascitur. Hæresis enim interpretatur *electio*. Et dum quod eligit, quis defendere nititur, relicto veritatis tramite, quia per abrupta perversi dogmatis rapitur, in hæresim necesse est prolabatur. Hoc autem inter peccatorem et hæreticum distat : quia peccator est qui delinquit, hæreticus autem qui peccatum per pravam dogma defendit. Nos autem, quia magistros habemus sanctos apostolos, et apostolicos viros, non debemus quod nobis videtur eligere ; neque quod semel electum est obstinate et pervicaciter defendere ; sed his duntaxat, quæ a probatis Ecclesiæ doctoribus definita sunt, fidem irretractabiliter adhibere.

CAPUT PRIMUM.

Oppugnat verbis sancti Augustini pertinaciam clericorum.

Hæc idcirco præmisimus, quia dolemus nonnullos sanctos fratres, canonici videlicet ordinis, in tam effraenis prorupisse libertatis audaciam, ut non modo sibi jus habendæ pecuniæ vindicent, sed et hanc sibi ex regulari auctoritate competere pertinaciter asseverent. Ad quos probabiliter revincendos, possemus quidem plurima Scripturarum et Veteris et Novi Testamenti exempla congerere ; si priores nostri Patres ac doctores Ecclesiæ super hoc themate funditus siluissent. Sed superfluum est nos vilibus sarculis illic glebas efringere, ubi tam strenui cultores terræ viventium acutissimo linguæ suæ vomere reperiuntur arva sulcasse. Prior igitur

Augustinus accedat in testimonium, et utrum Canonicus habere proprium debeat, evidentissima sui examinis auctoritate decernat. Ait enim in sermone, qui titulatur De moribus clericorum : « Me, inquit, hoc noverit charitas vestra dixisse fratribus meis, qui mecum manent, ut quicumque habet aliquid, aut vendat, et eroget pauperibus, aut donet, aut commune illud faciat. Ecclesiam habeat, per quam nos Deus pascit. Et dedi dilationem usque ad Epiphaniam propter eos, qui vel cum fratribus suis non dividerunt, vel dividerunt quidem quæ habent apud fratres suos, sed nondum de rebus suis aliqua id egerunt ; quia expectabatur ætas legitima. Faciant inde quod volunt, dum tamen sint pauperes mecum, simul expectemus misericordiam Dei. Si autem nolunt, qui forte nolunt, certe ego sum qui statueram, sicut nostis, nullum ordinare clericum, nisi qui mecum velit manere ; ut si vellet desciscere a proposito, recte illi tollerem clericatum, quia desereret sanctæ societatis promissum, certumque consortium. Ecce in conspectu Dei, et vestro, muto consilium ; qui volunt habere aliquid proprium, quibus non sufficit Deus et Ecclesia ejus, maneant ubi volunt et ubi possunt ; non eis aufero clericatum, sed nolo habere hypocritas. Malum quippe est talem fore, malum est cadere a proposito, sed pejus est simulare propositum. Ecce dico cadit, qui societatem communis vitæ jam susceptam, quæ laudatur in apostolorum Actibus (*Act. IV.*) deserit ; bono suo cadit, a professione sancta cadit. Observet Judicem, sed Deum, non me. » Et paulo post : « Qui mecum manere vult, si paratus est pasci a Deo per Ecclesiam ipsius, non habere aliquid proprium ; sed aut erogare pauperibus, aut in commune mittere, maneat mecum : qui hoc non vult, habeat libertatem : sed videat utrum habere possit felicitatis æternitatem. »

In secundo quoque ejusdem operis sermone sic ait : « Quisquis cum hypocrisi vixerit, quisquis inventus fuerit habens proprium, non illi permitto, ut inde faciat testamentum, sed delebo de tabula clericorum. Interpellat contra me mille concilia, naviget contra me quo voluerit, sit certe ubi potuerit. Adjuvabit me Dominus ; ut ubi ego episcopus sum, ille clericus esse non possit. »

Nimius fortasse fuerim in protelando beati hujus doctoris exemplo. Sed utinam vel ipsi præbeatur fides, dum nostris verbis omnino subtrahitur. In quibus profecto sancti viri verbis evidenter ostenditur : Quia clericus, qui pecuniam possidet, ipse Christi possessio, vel hæreditas esse, vel Deum hæreditate possidere non potest. Quod tamen non de clericis omnibus dicimus, sed de his specialiter, qui canonico **486** censentur nomine, et vivunt in congregatione. Ipsi enim, quia Deus offertur, terrena possessio prohibetur. Sicut ipse Dominus ad Aaron in Numero loquitur, dicens : « In terra eorum nihil possidebitis nec habebitis partem inter eos. Ego pars, et hæreditas tua in medio filiorum Israel (*Num. XVIII.*) »

CAPUT II.

Idem facit verbis D. Hieronymi.

Sed si cui ad tollendam pecuniam de clericis sola tanti doctoris auctoritas, necdum fortasse sufficiat, quid etiam beatus inveniat super hoc decrevisse Hieronymus, non negligenter attendat. Ad Heliodorum namque episcopum inter cætera sic ait : « Animadverte, frater, non licet tibi quidquam de tuis habere rebus. » Omnis, inquit Dominus, qui non renuntiaverit omnibus quæ possidet, non potest meus esse discipulus (Luc. XIV). » Cur timido animo Christianus es ? respice cum Petro relictum rete (Matth. IV), respice surgentem de telonio publicanum statim apostolum (Matth. IX). » Filius hominis non habet ubi caput reclinet (Matth. VIII ; Luc. IX) ; » et tu amplos porticus, et ingentia lectorum spatia metiris ? Hæreditatem expectas sæculi ? Cohæres Christi esse non potes. Et non longè post Dominum ausculta dicentem : « Si vis perfectus esse, vade, et vende omnia tua, et da pauperibus, et veni, sequere me (Matth. XIX). » Tu autem perfectum te esse pollicitus es. Nam cum delicta mundi militia te castrasti propter regna cælorum, quid aliud, quam perfectam sectatus es vitam ? Perfectus autem servus Christi nihil præter Christum habet : aut si præter Christum habet quid, perfectus non est : et si perfectus non est, cum se perfectum fore Deo pollicitus sis ante, mentitus est. « Omnis autem, qui mentitur, occidit animam (Sap. I). »

« Igitur ut concludam, si perfectus es, cur bona paterna desideras ? Si perfectus non es, Deum fefellisti. Divinis Evangelium vocibus intonat : « Non potestis duobus dominis servire (Matth. VI) ; » et audet quisquam Christum mendacem facere, Mammonæ et Domino serviendo ? Vociferatur ille sæpe : « Si quis vult post me venire, abneget semetipsum sibi, et tollat crucem suam, et sequatur me (Matth. XVI) ; » et ego onustus auro arbitror me Christum sequi ? » Ad Nepotianum quoque presbyterum post multa subinfert : « Igitur clericus, qui Christi servit Ecclesiæ, interpretetur primo vocabulum suum ; et nominis definitione prælata, nitatur esse quod dicitur. Si enim *κλῆρος* Græce, Latine *sors* appellatur, propterea vocantur clerici, quia de sorte sunt Domini : vel quia ipse Dominus sors, id est, pars clericorum est. Et quia vel ipse pars Domini est, vel Dominum partem habet, talem se exhibere debet, ut et ipse possideat Dominum, et ipse possideatur a Domino. Qui Dominum possidet, et cum Propheta dicit : « Pars mea Dominus (Psal. LXXI), » nihil extra Dominum habere potest. Quod si quidpiam aliud habuerit præter Dominum, pars ejus non erit Dominus. Verbi gratia : Si aurum, si argentum, si possessiones, si variam suppellectilem, cum istis partibus Dominus pars ejus fieri non dignatur. Si autem **487** ego pars Domini sum, et funiculus hæreditatis ejus, nec accipio partes in cæteris tribus, sed quasi levita, et sacerdos vivo de decimis, et altari serviens, altaris oblatione sustentor, habens victum

A et vestitum, his contentus ero, et nudam crucem nudus sequar. »

Beatus etiam Prosper cum proprietatem pecunie clericis prohiberet, sententiam deprompsit, dicens : « Quia non potest ibi esse unitas voluntatum, ubi fuerit diversitas facultatum. » Ecce ad condemnandum, et funditus abolendam canonicorum pecuniam, tres non qualescunque, sed inexpugnabiles in testimonium doctores adduximus : ut in ore duorum vel trium testimonium stet omne verbum (Matth. XVIII).

CAPUT III.

Canonicorum defensio quam frivola.

Sed cum hæc illis objicimus, ipsi regulæ suæ libram nobis protinus offerunt ; ad regulæ suæ auctoritatem redeunt : eaque sibi proprietatis peculium concedente, pati se præjudicium conqueuntur. Quam nimirum regulam nos nec funditus improbamus, nec auctoritatem illi omnino tribuimus. Probamus enim in quantum sanctis Ecclesiæ doctoribus consonat : abjicimus autem, atque conspuimus, in quantum authenticis eorum institutionibus non concordat.

Sed jam ipsa illorum regula deducatur ad medium, et utrum indifferenter tota, an caute, atque suspecte ex parte duntaxat suscipi debeat, in una saltem paginula discernamus. Hoc plane in quadam ejus periocha reperitur : « Sanctorum, inquit, Patrum sententia docet clericos non divitiarum sectatores esse, nec res Ecclesiarum inofficiose accipere debere. Qui enim Ecclesiæ servant, et ea, quibus opus est, non habent ; aut libenter accipiunt, aut exigunt, nimis carnaliter sapiunt. Indignum quippe est, si fidelis, et operosa devotio clericorum, propter stipendium sæculare præmia sempiterna contemnat ; ut quod accipiat, inde rationem reddat, et peccatis alienis sua multiplicet peccata. Unde necesse est, imo utile clericis, in ecclesiasticis accipiendis sumptibus, suum vitare periculum. Proinde tam de suis quam de Ecclesiæ facultatibus non plus accipiant aut exigant quam oportet, id est, accipiant cibum, et potum, et vestimentum, et his contenti sint : ne, plus accipientes, pauperes gravare videantur non sine grandi peccato : et non accipiant unde pauper victurus erat. » Ecce in his verbis hæc regula, ubi scilicet clericis cibo et potu, ac veste contentos esse debere promulgat, et nobiscum, et cum totius Ecclesiæ auctoritate concordat. Quod autem illico sequitur, prorsus absurdum, ineptum videtur, ac frivolum : « Si vero, inquit, qui nec suis rebus abundant, nec Ecclesiæ habent possessiones, et magnam utilitatem Ecclesiæ conferunt, accipiant in canonica congregatione victum, et vestimentum, et eleemosynarum partes. » Quia de talibus in libro Prosperi dicitur : « Clerici, quos voluntas, aut natiuitas pauperes fecit, in congregatione viventes necessaria **488** vitæ accipiant. » Prius itaque dat victum et vestimentum, deinde divisoires constituit eleemosynarum. Illud scilicet ad necessarium vitæ subsidium ; hoc ad infarciendam congeriem sæculorum ;

illud ut corporaliter vivant, hoc ut aeternae mortis A
pabulum nutriant.

Consideranda sunt etiam ipsa reptantium portenta verborum, et ignominiosae atque confusae locutionis opprobrium. Nam cum prae misisset, ut clerici susciperent cum victu et vestitu etiam partes eleemosynarum; quasi reddit causam quare hoc: quia de talibus, inquit, in libro Prosperi dicitur: « Clerici, quos voluntas aut nativitas pauperes fecit, in congregatione viventes, necessaria vitae accipiant. »

Dic, Tullianae reformator eloquentiae, dic, nove Demosthenes, quia dicit Prosper, ut clerici necessaria vitae percipiant, ideo praecepit ut praeter victus et vestimenta, per singulas etiam personas eleemosynas dividant? Ut juxta tuam interpretationem, necessaria vitae suscipere, hoc sit, victu vestique perceptis, eleemosynas dissipare? Quam bene faciunt clerici, qui te praecisus efferunt, qui tam gravia atque importabilia tuae legis edicta laetis visceribus amplectuntur! Et revera satis gravia sunt et importabilia, quae promulgas, cum a maximo usque ad minimum; id est, etiam si duorum vel trium sit annorum in clero puerulus; quinque sibi libras vini et quatuor panis, ut non ad vomitum, sed ad exenterationem repleatur, accumulas. Et ut plena discretionis tuae virtus appareat, hoc praecipis, ut etiam si semel in die reficitur, haec panis et vini mensura nullatenus minuat; ut si juxta sobrietatis tuae metam refectionis frena laxentur, non jam ructare, sed crepare venter, et ilia compellantur. Plane praeter nonnullas sanctorum Patrum sententias, quae in eodem libello reperiuntur, appositae de cetero sicut in litteris stylus horret incultus, sic in plerisque sententiis devius corrigendus est intellectus. Nescivit enim invenire quod scriberet, nescivit scribere si quas etiam ineptias invenisset. Istos amant flores eloquentiae, qui spinosis moribus adversantur ecclesiasticae disciplinae.

CAPUT IV.

Convincit rationibus.

Enimvero cum sancti Patres in clericalis peculii condemnatione non dissonent, sed in districta prohibenda ac funditis auferenda clericis pecunia uno spiritu, uno simul ore concordent; unde tamen haec hauserint, accedamus ad fontem, et profluentis rivi principalem repetamus originem. Et quanquam nefas sit de tantorum virorum disputare sententia, non vereamur tamen eorum, hoc est, magistrorum nostrorum adire doctores, ut ab illis etiam nos mereamur instrui, a quibus et nostri sunt doctores instructi, quatenus cum fons patuerit unde puritatis rivus oboritur, foedantis et obloquents audaciae temeritas refellatur. Constat itaque, et perspicuum est, quod canonicorum regula ab apostolicae vitae norma prodierit; et dum spiritualis quisque conventus rectam sui. 489 tenet ordinis disciplinam, teneram quodammodo lactantis Ecclesiae imitatur infantiam.

Audiamus ergo quam conversationem, quem vivendi ordinem sub apostolis noviter ad fidem veniens tenebat Ecclesia: « Multitudinis, ut Lucas ait (Act. IV), credentium erat cor unum, et anima una, nec quisquam eorum, quae possidebat aliquid, suum esse dicebat: sed erant illis omnia communia. » Ecce ubi non erat diversitas rerum, vigeat unitas voluntatum. Nimirum ubi non est divisio census, in unionem charitatis plurimarum mentium conflatur affectus. Illic enim mens a mente dividitur, ubi facultatum communio non tenetur: et ubi possessionum diversa proprietas, ibi mens possidentium non est una. At ubi circumstantia quaelibet communiter possidentur, diversorum mentes in una voluntate concurrunt: quia unde invicem litigare debent non inveniunt. Quisquis ergo clericus proprietatis conatur habere peculium, non valet apostolorum tenere vestigia: quia non erit illi cum fratribus cor unum et anima una. Cum Juda siquidem loculos atque pecuniam habere potest, unanimatem vero puramque concordiam cum Apostolis habere non potest (Joan. XII). De quorum videlicet regula in eorum Actibus legitur: Quia, « quotquot possessores agrorum, aut domorum erant, vendentes afferebant pretia eorum, quae vendebant et ponebant ante pedes apostolorum (Act. IV): » ubi mox additur: « Dividebatur autem singulis, prout cuique opus erat (Ibid.). »

Sed age jam, clerice, qui recondendae tibi pecuniae licentiam vindicas, qui jus habendae proprietatis usurpas, responde, quaeso, cujus sunt facultates ex quibus tibi licet habere peculium? Tuae videlicet sunt, an Ecclesiae? Sed si tuas tibi licet usurpare pecunias, quomodo posuisti eas ad pedes apostolorum? Si Ecclesiae bona sunt, quae recondis, cur propria contempsisti? Porro si quid tibi de propriis reservasti, audi Apostolum terribiliter objurgantem: « Cur, inquit, tentavit Satanās cor tuum, mentiri te Spiritui sancto, ut fraudares de pretio agri? Nonne manens tibi manebat, et venundatum in tua erat potestate? Quare posuisti in corde tuo hanc rem? Non es mentitus hominibus, sed Deo (Ib. V). » Quod si non propria possidere, sed Ecclesiae conaris bona dividere, quae scilicet communis est tibi cum fratribus; die ergo, Jesu magister, dic fratri meo ut dividat tecum haereditatem.

Et notandum, quod evangelista praemisit: « Ait quidam ei de turba (Luc. XII). » Tu itaque non ut levita, vel clericus, sed ut de turba vulgaris, et laicus, roga Jesum, ut tibi cum fratre tuo jubeat haereditatem dividi. Cui protinus ille respondeat: « Homo, quis me constituit judicem, aut divisorem super vos? (Ibid.). » Moxque subjungat: « Videte, et cavete ab omni avaritia, quia non in abundantia cujusquam vita ejus est ex his quae possidet (Ibid.). » Vis ergo dividere? Non habebis Jesum judicem, aut divisorem, sed schismaticus potius divisionis ultorem. « Qui non est, inquit, tecum, adversus me est: et qui non colligit tecum, dispergit (Ibid. XI). » Porro autem si tibi licet habere pecuniam, nullam

melius, quam tuam. Quod si quæ tua fuerant, pos-
sides, quid ergo ad religionis ordinem veniens **490**
reliquisti? Imo reversus ad vomitum (*Prov. xxvi*;
II Pet. ii), et aratrum deserens, dum in terga refle-
ctis intuitum, ultra non eris idoneus regno cælorum
(*Luc. ix*). Sin autem ecclesiastica tibi liceat bona
recondere, videris auxisse divitias, non sprevisse;
ut magis pecuniæ quæstum, quam religionis am-
bias institutum; et non tam sanctitatis culmen
voluisses descendere, quam acervos pecuniæ cū-
mulare. An prærogabitur clericis, quod non per-
misit Christus apostolis? Nam cum eos ad prædi-
candum mitteret, sicut Marcus ait, præcepit eis, ne
quid tollerent in via, nisi virgam tantum, non pe-
ram, non panem, neque in zonis æs (*Marc. vi*).
tibi vero ad æris, hoc est pecuniæ receptaculum,
non dicam zona, sed utinam arca sufficiat. Et cum
Apostolus avaritiam idolorum nomet servitutem
(*Col. iii*); quomodo tu Christum colis, qui idolum
in pecunia veneraris? Quæ est enim partici-
patio iustitiæ cum iniquitate? aut quæ societas luci
ad tenebras? Quæ autem conventio Christi ad Be-
lial? Aut quæ pars fidelis cum infideli? (*II Cor. vi*).
Quis autem consensus templo Dei cum idolis?

Plane cum tu contra tui ordinis institutum re-
condis in arca pecuniam, et confidis in incerto
divitiarum, qui in solo Deo spem tuam ponere
debuisti (ubi enim thesaurus tuus, ibi est procul
dubio et cor tuum (*Matth. vi*), non jam jure Christi-
cola dicendus es, sed nummicola. Et cum de Levitis
Dominus dicat: «Ego sum hæreditas eorum (*Num.*
xviii; *Deut. xviii*):» et tu psallendo respondeas:
«Portio mea Dominus (*Psal. lxxii*);» ecce si ordi-
nem tuum teneas, si abominanda pecuniæ lucra
contemnas, et tu hæreditas Dei, et Deus est hære-
ditas tua. Sed totum hoc sacramentum in adul-
terium vertitur, dum infelix clericus pecuniæ servus
efficitur, cui nimirum tanquam Deo per sedulitatem
custodiæ famulatur. Ipse enim ab ea, quam possi-
det, pecunia possidetur; dum in ea cor figere,
eique pervigili deservire custodia, avaritia domi-
nante, compellitur. Projiciam ergo Christum de
arca pectoris mei, et loco ejus pecuniam constipa-
bo? Certe tam nobilis pecunia Christus est, ut con-
sortium aspernetur omnino peculii, nec cum sorde
pecuniæ se patiatur includi. Ut ergo Christus pec-
toris tui loculum impleat, æreus ab eo nummus
abscedat; ut Christus animæ tuæ suum caracte-
rem imprimat, vile didrachma Cæsaris imaginem
præferens evanescat.

CAPUT V.

Quæ mala ex peculo oriantur inter canonicos.

Peculii denique proprietas facit, ut clerici sui
pontificis dedignentur imperium; ut disciplinæ, vel
obedientiæ veram libertatem deserant, et turpi
fœdissimæ deditiōis opprobrio sæcularibus colla
submittant. Cum Dominus Moysi dicat: «Applica
tribum Levi, et fac stare in conspectu Aaron sacer-

A dotes, ut ministrent ei, et excubent, et observent
quidquid ad cultum pertinet multitudinis, totam
tabernaculo testimonii, et custodiant vasa taber-
naculi servientes in ministerium ejus: dabisque
dono levitas Aaron, et filiis ejus, quibus **491** tra-
diti sunt a filiis Israel (*Num. iii*).» Aaron quippe,
et filios ejus, quis ambigat jus habuisse pontificum?
Tribum vero Levi quis nesciat prætulisse ordinem
clericorum? Levitæ ergo Aaron, et filii ejus a filiis
Israel dono traduntur, cum ex omni Christiano po-
pulo clericalis ordo in excubias ecclesiasticæ cultus
assumitur: et ut assistant, atque ministrent suis
pontificibus, offeruntur. Sed quisquis servus est
mammonæ, ritus abhorret ecclesiasticæ disci-
plinæ.

Nec prætereundum est, quod illic præsto sub-
jungitur: «Ego, ait Dominus, tuli Levitas a filiis
Israel, pro omni primogenito, qui aperit vulvam in
filiis Israel, eruntque Levitæ mei (*Ibid.*);» ut liquido
pateat, clericorum ordinem Dei omnipotentis esse
peculium, sicut et ipse Deus specialis est hæreditas
clericorum. Et quantæ vecordiae, quantæque vesa-
niæ est, si ab eo, cui Deus offertur, eo contempto
terrenæ facultatis commodum requiratur? Cui Deus
in hæreditate non sufficit, qui eum satiare possit,
ignorat; quia mentis ejus oculum furiosa cupiditas
cæcat.

Et certe qui talis est, quoniam pro amore pecu-
niæ suum violat ordinem, indignus est procul dubio
ut ecclesiasticam obtineat dignitatem. Unde et Sal-
omon ait: «Sicut qui mittit lapidem in acervum
Mercurii, ita qui tribuit insipienti honorem (*Prov.*
xxvi).» Nam quia apud gentiles Mercurius deus
sacelli [*scilicet* lucelli], sive pecuniæ dicebatur, acervus
Mercurii cumulus atque congeries est nummorum.
Et quia nummo regula monetalis imprimitur; quid
per nummorum designatur acervum, nisi regula-
rium, ac veræ sanctitatis imaginem præferentium
concio clericorum? Quid vero per lapidem, nisi
duram, stolidam, et insensibilem illius mentem
accipimus, qui dum Deum esse indubitata fide non
credit, spem suam in terrena qualibet possessione
constituit? De quo per Prophetam dicitur: «Dixit
insipiens in corde suo: Non est Deus (*Psal. xiii*).»
Huic autem insipienti tunc honor tribuitur, cum ad
ecclesiastici gradus apicem quispiam non Deo, sed
pecuniæ deditus promovetur. Sed sicut nummorum
dissipatur acervus, si desuper lapis immititur;
ita per indigni sive lapidei pastoris accessum
quasi constipatus ordo destruitur regulariter gra-
dientium, et in charitate obedientium clericorum.
Gravatur enim mali pastoris umbraculo, et tanquam
nummorum cœlestium cumulus, tartarei lapidis
mole diruitur.

Stulto igitur, et insipienti denegandus est honor
ecclesiasticus, ne sanctorum clericorum tanquam
nummorum spiritualium mergatur acervus. De quo
videlicet stulto paulo superius idem Salomon ait:
«Clandus pedibus, et iniquitatem bibens, qui mittit
verba per nuntium stultum (*Prov. xxvi*).» Quibus

nimirum verbis quid aliud videtur expressum, nisi A ut carnaliter sapienti, ac per hoc stulto cuilibet non committatur prædicationis officium? De sanctis enim prædicatoribus dicitur: « Quam speciosi pedes evangelizantium pacem, evangelizantium bona! » (Isai. LII; Rom. X.) Itaque quilibet ordinator Ecclesiæ si dignos et idoneos in dignitate constituit, quasi pedibus rectis incedit. Per eos enim verbum spargendo 492 circumquaque discurrit: et quod per semetipsum non valet agere, per illos satagit efficaciter adimplere. Sin autem carnales quosque ac reprobos ordinare præsumat, hic claudus pedibus ambulat. Qui etiam iniquitatem bibere dicitur; quia dum verba sanctæ prædicationis per stultum nuntium mittit, et contra Apostolum, cito manus imponit (I Tim. V), peccatis communicat alienis. Nam B et si prudenter quisque loquatur, si tamen non agit ipse quod loquitur, in spirituali claudus itinere non immerito iudicatur. Unde et illic apte subiungitur: « Quomodo pulchras frustra habet claudus tibias, sic indecens est in ore stultorum parabola (Prov. XXVI). » Pulchris plane innititur tibiis, qui luculentum nitet claritate sermonis. Sed dum sine bonis operibus accuratum deprimit eloquium, velut sine gressu promovet recta crura verborum. Quasi pulchras ergo habet tibias ad videndum, sed non utiles ad gradiendum, qui podagricis vitiorum laqueis innodatus, ipse quidem turpiter claudicat, dum alios, ut agiler gradiantur, invitat. In istorum ergo stultorum ore indecens est parabola; quia dum spiritualiter sonant, et carnaliter vitiant, C eorum vita cum labiis non concordat. Quos nimirum honesta loquentes, sed inhoneste viventes prædicatio recta non liberat, sed mordax conscientia vehementer accusat. Unde illic non incongrue subditur: « Quomodo si spina nascatur in manu temulenti, sic parabola in ore stultorum (Ibid.). » Spina quippe in manu temulenti nascitur cum illi, qui hujus vitæ amore est ebrius, reprehensionis in mente aculeus generatur. In ore itaque stultorum parabola quasi spina est; quia dum aliud loquuntur, aliud agunt, mens eorum in semetipsa aliquando redarguitur, et quodam quasi spinæ pungentis aculeo perforatur. Velut spina certe male viventis et bene dicentis conscientia pungit, dum in eo, quod extrinsecus loquitur, quodam pudoris atque D formidinis stimulo intrinsecus sauciatur.

CAPUT VI.

Ad prædicationis officium qui sint idonei.

Ut ergo ad eos, a quibus cœperat, sermo recurrat,

clericus, qui captus est amore pecuniæ, nequaquam idoneus est ad ministranda verba doctrinæ. Quod etiam in eo, quod superius proposuimus, apostolico declaratur exemplo: Nam cum Scriptura præmittat: « Multitudinis credentium erat cor unum, et anima una; » moxque subiunxit: « Nec quisquam eorum, quæ possidebat, aliquid suum esse dicebat; sed erant illis omnia communia; » protinus addidit: « Et virtute magna reddebant apostoli testimonium resurrectionis Jesu Christi Domini nostri, et gratia magna erat in omnibus illis; » deinde subinfert: « Nec enim quisquam egens erat inter illos (Act. IV). »

Quid autem sibi vult, quod hujus sacræ scriptor historiæ, dum de continentia loquitur apostolica et communi vita, repente quasi materiam interrumpit, et ad enarrandum prædicationis constantiam tanquam mutato stylo prosilit, dicens: Et virtute magna reddebant apostoli 493 testimonium resurrectionis? Cur uni materiæ aliam interpolat, qui cœptam persequi et continuare debuerat; nisi, ut patenter ostendat, quia illi duntaxat idonei sunt ad prædicationis officium, qui nullum terrenæ facultatis possident lucrum: et dum aliquid singulare non habent, communiter omnia possident? Nihil scilicet habentes, et omnia possidentes (II Cor. VI). Ii nimirum, dum nullis terrenarum rerum præpediuntur obstaculis, expediti stant pro Dominicis castris in campo certaminis; et quia rebus exuti, solis virtutum armis accincti, gladio spiritus, adversus vitiorum dimicant acies, idonei bellatores sunt oblectantium hostium obtruncare cervices. Cui nimirum bello impares sunt, 494 et enerviter cedunt, qui communibus non contenti, peculii singularis ambiunt proprietate gravari. Hinc est, quod in Deuteronomio gradientibus ad prælium dicitur: « Quisquis est homo, qui plantavit vineam, et necdum fecit eam esse communem, et de qua vesci omnibus liceat, vadat et revertatur in domum suam, ne forte moriatur in bello, et alius homo ejus fungatur officio (Deut. XX). »

Sed jam, venerabilis pater, incultæ disputationis protraxisse sermonem hucusque sufficiat: verumtamen ut hæc apud inobedientium clericorum, imo nummularum rebellionem efficaciter valeant, sanctus apostolatus vestri vigor impellat.

Sit nomen Domini benedictum.

495-496

OPUSCULUM VICESIMUM QUINTUM.

DE DIGNITATE SACERDOTII.

ARGUMENTUM. — Hic totus in eo est, ut ostendat quæ sit dignitas sacerdotis, quod officium, quanta sit ei, qui tam sublime munus sustineat, præstanda innocentia : et quam sit non modo crimen, sed etiam criminis suspicio fugienda. In principio autem, quod oblitus eram dicere, gratias agit eidem, quod multa munera ad se misisset.

Domno A. Venerabili archiepiscopo, PETRUS peccator monachus plenissimæ devotionis affectum.

Cum patriarcha Jacob filio suo Joseph dicat : « Benedictiones patris tui confortatæ sunt benedictionibus patrum ejus (*Gen. XLIX*) ; » ego congrue possum dicere : quia benedictiones patris mei, non patrum, sed ejusdem patris mei, sunt benedictionibus confortatæ. Tot quippe benedictiones fuerunt, quas mihi liberalitas vestra direxit, ut una commendasset alteram, et sequentes eas, quæ præcesserant, prout Scriptura loquitur, confortarent. Porro autem si David gratiarum promeruit actiones, cum de manubiis, quas Amalecitis abstulerat, senioribus Juda dona transmitteret, dicens : « Accipite benedictionem de præda hostium Domini (*I Reg. xxx*) : » quanto potiores ego gratias debeo, qui benedictiones accepti non cruentatas manibus hostium Domini, sed sanctificatas, atque depromptas e sanctuario Domini ! Verum ut ab occasione corporalium munerum ad spiritualium benedictionum se sermo dirigat sacramentum ; cum apostolus hoc in magna felicitate constituat, quod dicit : « In hoc vocati estis ut benedictionem hæreditate possideatis (*I Petr. III*) ; » quanta vobis, hoc est, summis Ecclesiæ sacerdotibus est dignitas prærogata, ut benedictionem non modo vobis exhibitam possidere, sed possitis etiam aliis tradere ! Et non qualemcunque, sed etiam episcopalem, per quam scilicet, vestri juris est ordinare pontificem ; et cum non parvi terroris sit atque formidinis esse vel inferioris ordinis sacerdotem, nimirum ipsi quoque lege præcipitur, ut populi portet iniquitatem (*Num. XVIII*) ; quam pavendum est ac tremefactis visceribus formidandum, omnibus nunc in ecclesiastica dignitate præcellere, quos æque necesse est, et ante omnes in tremendi iudicis examine respondere ! Unde sollicitè considerandum est, ut quem ad obtinendas ecclesiastici culminis infulas summi sacerdotii sublimitas elevat, celsitudo quoque laudabilis et arduæ conversationis attollat ; et sicut per acceptæ dignitatis sublime fastigium cæteris eminet, sic eum præ cæteris vita supereminens, et spiritualium morum splendor exornet. Unde per Moysen dicitur : « Pontifex, id est, sacerdos maximus inter fratres suos, super cujus caput fusus est unctio oleum, et cujus manus in sacerdotio consecratæ sunt, vestitusque est sanctis vestibus, caput suum non discooperiet, vestimenta non scindet, et ad omnem mortuum non ingreditur

A omnino : super patre quoque suo, et matre non contaminabitur, neque egredietur de sanctis, ne polluat sanctuarium Domini, quia oleum sanctæ unctionis Dei sui super eum est (*Levit. XXI*). » Oleo quippe caput sacerdotis inungitur, cum mens ejus sancti Spiritus pinguedine saginatur. Cujus etiam manus idem oleum consecrat, cum bonæ voluntatis studium, quod sacerdos versat in mente, et visibiliter ostendit in opere.

CAPUT PRIMUM.

Quid sit sacerdotem de sanctis egredi.

Sancti plane sacerdotis est, et quæ sancta sunt, cogitare ; et quæ mente conceperit, etiam in operibus evidenter exprimere : alioquin quid prodest bonum aliquod cogitare, nisi solerter invigilet hoc ipsum et in operatione perficere ?

Elaborandum est ergo sacerdoti, ut et caput illius consecratum sit per piæ voluntatis intuitum, et manus ejus spiritualis olei sint charismate delibetæ per evidens sanctæ operationis indicium. Qui etiam vestitus sanctis vestibus dicitur, quia dignum est, ut sacerdos pietatis 497 atque justitiæ semper induitiis adornetur, sicut scriptum est : « Sacerdotes tui induant justitiam (*Psal. CXXXI*). » Cui præcipitur, ut caput suum non discooperiat, id est, ut cor suum hujus mundi desideriis non expandat, sed occultum semper in adipiscendi regni cælestis intentione custodiat. Jubetur etiam vestimenta non scindere, videlicet, ut sic semper honestatis ac piæ conversationis veste contextus incedat ; ne, quod absit, hanc perversi cujuslibet operis interpretatione disruptat. Prohibetur insuper et ad mortuum ingredi ; nimirum ut studeat a malis, quibus anima moritur, pedem caute subtrahere, sessequæ ab operibus mortuis pervigili sollicitudine custodire. De quibus dicit Apostolus : « Christus eripuit nos ab operibus mortuis ad serviendum Deo viventi (*Hebr. IX*). » Subjungitur etiam, ut super patre et matre non contaminetur, id est, ut neque mundi negotiis, neque mortalibus hujus vitæ desiderio polluat. Unde bene subjungitur, de sanctis non egredietur, ne polluat sanctuarium meum. De sanctis enim sacerdos egreditur, cum neglectis animarum curis per desideria terrena vagatur. De sanctis egreditur, cum ecclesiastica disciplina postposita, transeuntium causarum negotiis immoderatus implicatur. Ubi

mox apte subjungitur : « Ne polluat sanctuarium A meum. » Sanctuarium quippe polluitur, cum sacerdos quilibet per terrena desideria sparsus, causisque secularibus dissolutus, sacrosanctis altaribus audacter assistere non veretur; cum videlicet sit, quod per prophetam dicitur : « Et erit sicut populus, sic sacerdos (Isa. XXIV). » Quamobrem ut Ecclesia Christi in sua vigere munditia valeat, et obsceno male ministrantium contagio non sordescat, illic adhuc apte subjungitur : « Virginem ducet uxorem, non viduam, non repudiatam, et sordidam, atque meretricem non accipiet, sed puellam de populo suo, ne commisceat stirpem generis sui vulgo gentis suæ; quia ego Dominus, qui sanctifico eum (Levit. XXI). » Sacerdotis uxor vita ejus, et conversatio non inconvenienter accipitur; quæ scilicet esse virgo B præcipitur, ubi ab immundi spiritus obsoleta luxuria, qui violator est animarum, immunis et incorrupta servetur. Non sit vidua, sed cælesti sponso felici sit fœdere copulata. Repudiata quoque, ac sordida, vel etiam esse meretrix interdicitur, ne videlicet, si spurca libidinis, ac luxuriantium vitiorum contaminatione polluitur, ab eodem animarum sponso ferali divortio separetur. Huic sordidæ uxori Apostolus libellum repudiij dederat, cum dicebat : « Quæ mihi fuerunt lucra, hæc arbitratus sum propter Christum detrimenta; propter quem omnia detrimentum feci, et arbitror velut stercora (Philip. III). » Ac si dicat : Uxorem illam sordidam ac meretricem, cui copulatus in Jûdaismo fueram, per divortium desero, eamque repudiij interveniente libello tanquam stercus abjicio. Ex hujusmodi quippe sacerdotis uxore non tales liberi procreantur, qui Deo sacrificium offerant, sed potius qui severitatem, et ultionem divinæ animadversionis incurrant. Hinc est, quod cum ad Osee prophetam divina voce dicatur : « Vade, sume tibi uxorem fornicationum, quia fornicans fornicabitur terra a Domino. » Ille, sicut Scriptura testatur, « abiit, et accepit Gomer, filiam 493 Debelaim; et concepit, et peperit filium. Et dixit Dominus ad Osee : Voca nomen ejus Jezrahel (Osee I). » Quod utique nomen, quamvis prosperum significare videatur, in eo quod interpretatur semen Dei; hic tamen vindictam Dei et furorem sonat, cum protinus subinfertur : « Quoniam adhuc modicum, et visitabo sanguinem Jezrahel super domum Jehu, et requiescere faciam regnum domus Israel, et in illa die conteram arcum Israel, in valle Jezrahel (Ibid.). » Quod autem hic per Jezrahel, non salus, sive prosperitas, sed Dei potius ira signatur, etiam in hoc innuitur, cum protinus subinfertur : « Concepit adhuc, et peperit filiam, et dixit Dominus : Voca nomen ejus : Absque misericordia, quia non addam ultra misereri domui Israel, sed oblivione obliviscar eorum. Cumque peperisset et tertium, ait : Voca nomen ejus : Non populus meus; quia vos non populus meus; et ego non ero vester Deus. » In quibus utique nominibus filiorum fornicariæ mulieris evidentè addiscimus, quia quisquis immundæ vitæ velut uxori vir jungitur, ejusque male blandientis amplexibus

oblectatur, nequit ex ea liberos, qui Deo placeant, gignere; quia nec potest ex amara radice dulcis fructus afferri : « Non enim potest arbor malâ fructus bonos facere (Matth. VI). » Unde cavendum est sacerdoti, ne sordidam, aut meretricem ducat uxorem, sed castâ semper, atque pudicâ conversationis exhibeat honestatem. Ex qua nimirum non spurios, sed legitimos valeat filios gignere, dum studet ingenuos bonorum operum fructus, divina largiente gratia, germinare. Necesse est ergo ut sacerdotalem sacerdos ducat uxorem, ex qua responsuram paterno generi procreet sobolem. Unde et illic congruè subditur : « Non commisceat stirpem generis sui vulgo gentis suæ (Levit. XXI). » Sacerdos etenim generis sui stirpem vulgo suæ gentis associat, cum vulgariter vivens a populo per clarioris vitæ meritum non discordat : cum denique per latam et spatiosam viam mundanæ conversationis incedit, seseque per morum spiritualium honestatem a turbis vulgaribus non secernit. Ut autem sacerdos dignam generi suo sobolem procreet, ipse quoque a patrum suorum, sanctorum videlicet præcedentium sacerdotum, vestigiis non aberret : ne, si ab eorum insigni prosapia ignobiliter vivendo degenerat, jus sacerdotalis officii, quo videlicet indigne fungebatur, amittat.

CAPUT II.

Quod nobilitas sacerdotum sit vita sancta.

Hinc est, quod in libro Esdræ, cum præmissum sit, de filiis sacerdotum filii Hobia, filii Accos, filii Berzellai, qui accepit de filiabus Berzellai Galaaditis uxorem, et vocatum est nomen eorum, protinus additur : « Ii quæsierunt scripturam genealogiæ suæ, et non inveniunt, et ejecti sunt de sacerdotio (I Esdr. II). » Plane qui genealogiæ suæ scripturam non inveniunt, de sacerdotio repelluntur; quia qui se per ignobilitatem sæcularis vitæ ab ingenuo præcedentium patrum stemmate degenerasse considerant, dignum profecto est ut eos a sacerdotio 499 censuræ canonicæ vigor expellat. Nobilem ergo necesse est esse Ecclesiæ sacerdotem, ut qui minister est Domini, erubescat se servum esse peccati. Ad quam nobilitatem nos ille provexit, de quo Apostolus ait : « Qui eripuit nos de potestate tenebrarum, et transtulit in regnum filii dilectionis suæ, servitutemque peccati illius a nobis cruoer abstersit (Coloss. I); » de quo per Joannem dicitur : « Qui dilexit nos, et lavit nos a peccatis nostris in sanguine suo (Apoc. I). » Hanc autem munditiam, ut sacerdos in se valeat præ cæteris possidere, stigma sanguinis Christi studeat in se signanter exprimere; sicut dicit Apostolus : « Ego stigmata Jesu semper in corpore meo porto (Gal. VI). » Unde et in lege præceptum est, ut sanguine arietis immolati, langeretur extremum auriculæ dexteræ summi sacerdotis, similiter et manus dexteræ, et pedis (Levit. XIV). Ut hinc itaque se sermo celer expediat, in auricula sacerdos arietis immolati sanguinem portat, cum eum

passionis Christi mysterium inbianter audire de-
lectat. Dextera quoque ejus idem sanguis illinitur,
cum id, quod studiosus auditor intelligit, efficaciter
operatur : dexter etiam pes eodem cruore signatur,
cum vita sacerdotis adversus tentamenta diaboli
passionis Christi recordatione munitur ; ut sicut
potestatem accepit, super serpentes, et scorpiones
incedat : morsus tamen eorum, et invalidi furoris
venena non metuat ; sive certe, quia pes est corpo-
ris terminus, quid per hoc, nisi boni operis desi-
gnatur extremum ? Nimirum, ut omne bonum, quod
incipimus, perseveranter etiam usque ad felicem
terminum perducamus. Hinc est, quod Israelitico
populo divina vox ait : « Si audieris, inquit, vocem
Domini Dei tui, ut facias atque custodias mandata
ejus, faciet te Dominus Deus tuus excelsiorem cun-
ctis gentibus (*Deut. xxvii*). In quibus utique verbis
patenter exprimitur, quod figuratur in membris :
« Si audieris, inquit, vocem Domini Dei tui, » ecce
sanguis arietis immolati rubet in aure sacerdotis.
Quod vero sequitur, « ut facias, » ecce manus ope-
rantis. Quod autem postremo subiungitur, « atque
custodias mandata ejus, » ecce perseverantia boni
operis. Nihil enim prodest cuiquam bonum opus
incipere, nisi studeat etiam usque, dum perficiat,
custodire.

Et notandum, quod dextera tantum auricula, ma-
nus et pes sacerdotis illo sanguine liniri præcipitur ;
quo videlicet sic semper dextera conversationis ac
fidei rectitudinem in omnibus teneat, ut exorbitanti-
bus a via vestigiis, anfractus sinistræ devius non
incurrat. Sive certe sic semper Dominicæ passionis
sacramentum pro dextro teneat, ut tanquam sinistra
prorsus ac vilia cuncta mundi hujus blandimenta
contemnat. Enimvero quia sacerdos dux, et antesi-
gnanus est exercitus Domini, his titulorum insignibus
jubetur adornatus incedere, seseque sequentibus
ecclesiasticæ militiæ cuneis sanguinis et crucis
Christi debeat vexilla præferre. Hoc figurabat Za-
charias propheta cum diceret : « In die illa erit, quod
super frenum equi est, sanctum Domino (*Zach. xiv*). »
Porro autem ante Salvatoris adventum quid genus
humanum, nisi velut infrenis equus erat, quod
ubique per voluptatum suarum campos libertas
infrunita raptabat ? Sed ori ejus frenum Redemptor
nostrum adhibuit, cum sanctum Evangelium, quo vi-
delicet omnia petulantis lasciviæ vitia compescun-
tur, objecit. Super hoc autem frenum sanctum Do-
mini, hoc est, crux ponitur, quia cuncta sancti Evan-
gelii præcepta crucem spirant et, ut crux post
Christum portetur, invitant.

CAPUT III.

*Quod sacerdoti vel minima criminis suspicio sit
fugienda.*

Id ipsum signabat et lamina illa aurea, quam sum-
mus sacerdos in gloriam et decorem gerebat in ca-
pite, cui videlicet nomen Domini tetragrammaton
erat inscriptum (*Exod. xxviii*). Sicut enim quatuor

crucis cornua quadrifidi orbis partes amplectentia.
Hanc sacerdos portabat in gloriam et decorem ; quo-
niam et Apostolus dicit : « Mihi autem absit gloriari
nisi in cruce Domini nostri Jesu Christi (*Gal. vi*). »
Poriet ergo laminam auream sacerdos in capite, ut
crucem Christi jugiter verset in mente. Sanctum
quoque Domini freno equi sui consequenter adhi-
beat, ut carnem suam cum vitilis et concupiscentiis
crucifigat. Tunc enim sacerdos et laminam auream
capiti, et sanctum Domini freno adhibet equi ; cum
ad crucem Christi mentis intuitum dirigit, et corpus
suum velut ferocem equum, ab omni lascivientium
vitiis libertate compescit. Propter hoc sane, ge-
minum crucis portandæ mysterium scriptum est,
quoniam et Elias (*IV Reg. i*), et Joannes Baptista
zonas pelliceas habebat circa lumbos suos (*Matth. i*).
De Salvatore vero nostro Joannes in Apocalypsi
dicit : « Quoniam habebat zonam auream circa
mamillas suas (*Apoc. i*). » Constat autem, quia inter
utramque mamillam cor hominis constituitur. Unde
sponsa dicit in Canticis : « Dilectus meus inter ubera
mea commorabitur (*Cant. i*) ; » hoc est in corde meo
jugiter requiescet. Quid est ergo pelliceis zonis,
quod videlicet ex mortuis animalibus fiunt, lumbos, ubi li-
bido permaxime viget, accingere ; nisi omnes carna-
lium passionum illicitos motus ac fomites per afflic-
tionem corporis undique refrenare ? Et quid est
circa mamillas auream habere zonam ; nisi et adversus
ingrumentum cogitationum importuna phantasmata,
sollicita semper in vigilare custodia ? Lumbos ergo pel-
licea zona præcingimus, cum carnis lasciviam per in-
edie continentiam coercemus. Auream vero zonam
circa mamillas habemus, cum adversus infestantium
cogitationum impetus infederabili certamine dimica-
mus. Tunc itaque fiet quod illic sequitur ; mox
enim ut sanctum Domini super frenum equi futurum
propheta præmisit, præsto subiunxit : « Et erunt lebe-
tes in domo Domini, quasi phialæ coram altari, et
erit omnis lebes in Hierusalem, et in Juda sanctifica-
tione Domino exercituum (*Zach. xiv*). » Lebetes plane
in phialas verti ; et zonam auream circa mamillas
haberi præcipiebat Dominus in Evangelio, cum di-
cebat : « Caveate ne gravetur corda vestra in cra-
pula et ebrietate, et curis hujus sæculi (*Luc. xxi*) : »
in crapula scilicet, et ebrietate lebetes ; in curis hujus sæ-
culi zonam habendam circa mamillas intellige.
Lebetes plane illorum erant pectora, qui suspira-
bant pisces Ægypti, qui nauseantes manna, esurie-
bant pepones, inhiabant cæpas et allia. An lebetes
non erant, qui ferventes clamabant, quia « sedebamus
super ollas carniū ? » (*Epod. xvi*). Illa quippe corda
lebetes sunt, in quibus edacitas regnat, et per cupi-
ditatis æstum excoquantur edulia et copia diversa
ciborum. Sed hi lebetes convertuntur in phialas, et
sunt coram altari, ac sanctificati Domino, cum
Sanctum Domini equis freno superponitur, cum de-
nique zona aurea mamillis interioribus adhibetur.
Tunc nimirum lebetes et ollæ carniū convertun-
tur in phialas aureas, videlicet plenas odoramento-

rum, quæ sunt orationes sanctorum (*Apoc.* v). Et a istæ ponuntur coram altari phialæ quæ prius dum lebetes essent, potius versabantur in nidore culinæ.

502 Tunc autem mens sacerdotis est phiala aurea, atque odorem spirituum aromatum plena, cum orationibus ac piis operibus est vigilanter intenta. Et hæc phiala coram altari esse dicitur, quia omne, quod cogitat, Deo sacrarium offerre non cessat. Et tunc lebes iste sanctificatus est Domino, atque ideo consecrationis gratiam, quam ipse intus

ex munere summi largitoris accepit, merito jam, et in alios adhibita manus impositione transfundit. Sed ego, quasi qui loquor, oblitus, dum sermonem diutius protraho, metam compendii epistolaris excedo. Jam igitur ista sufficiant, tantum ut qui a benedictione coeperam, verbum in benedictione concludam.

Dextera Dei, venerabilis pater, suis te benedictionibus repleat; et grege comitante commisso regnis cœlestibus introducat.

Sit nomen Domini benedictum.

503-504

OPUSCULUM VICESIMUM SEXTUM.

CONTRA INSCITIAM ET INCURIAM CLERICORUM.

ARGUMENTUM. — Sacerdotum inscitiam, imperitiamque singularem, in sacris quoque rebus incuriam, et negligentiam, seu potius contemptum religionis graviter detestatur: et hæc omnia quam sint tam ipsis sacerdotibus, quam reliquorum hominum ordinibus, quorum salus illis commissa est, perniciosa, diserte ostendit: itemque quam cauti debeant esse episcopi in talibus ad ecclesiasticas dignitates promovendis; ne peccata eorumdem ad ipsos redundent. Quod in extrema parte episcopo, ad quem scribit, et diligenter commendat.

Domno V. reverentissimo episcopo PETRUS pecca-B (*I Petr.* v). » Sacerdotes ergo, qui Dei legitima tor et monachus.

Quia te, vir reverentissime, sacerdotii culmen in Ecclesia tenere conspicio, inesse quoque tibi sacerdotalementem animum fiducialiter credo, dolorem cordis mei, qui me de sacerdotibus cruciat, tibi potissimum communicare decerno. Per episcopalis enim torporis ignaviam ita nunc presbyteri litterarum reperiuntur expertes, ut non modo eorum, quæ legunt, intelligentiam non attingant, sed syllabatim quoque vix ipsa decurrentis articuli elementa balbutiant. Et quid jam pro populo in suis precibus supplicat, qui quod loquitur ipse velut alienus ignorat? Scriptum est enim: « *Qui ignorat ignorabitur* » (*I Cor.* xiv). » Et cum Apostolus obsequium nostrum rationabile esse præcipiat (*Rom.* xii), quomodo illic rationabile erit obsequium, ubi is, qui offert, oblationis suæ non concipit intellectum? Cumque Deus omnipotens in offerentibus mentium magis vota consideret, quam strepitum vocis attendat; quid in suis obtinere precibus valeat, qui quod nescit, implorat? Quibus quid aliud evenire putandum est, nisi quod illis sacerdotibus contigerit, quos post captivitatem Israelitici populi rex Assyriorum in urbibus Samariæ constituerat, et divini cultus caeremonias ignorabant? Nam cum nescirent Deum juxta legalium mandatorum observantiam colere, leonum eos rabies perimebat. Scripturæ siquidem hæc verba sunt: « Nuntiatumque est regi Assyriorum, gentes quas transtulisti, et habitare fecisti in civitatibus Samariæ, ignorant legitimam Dei terræ; et immisit in eos Dominus leones, et ecce interficiunt eos, eo quod ignorent ritum Dei terræ » (*IV Reg.* xvii). » Petrus autem dicit: « Quia diabolus, tanquam leo rugiens, circuit quærens quem devoret

nesciunt, leonum dentibus exponuntur; quia nimirum illos malignorum spirituum rabies devorat, qui sacrificiorum cultui temerariis ausibus insistentes, qualiter Deus rite colatur, ignorant. Sicque funguntur officio sacerdotum, ut sacerdotalis officii nesciant sacramentum. Et sicut per illorum imperitiam factum est, quod Scriptura testatur: « Unaquæque, inquit, gens fabricata est Deum suum, posueruntque eos in fanis excelsis, quæ fecerunt Samaritæ; gens et gens in urbibus suis, in quibus habitabant » (*IV Reg.* xvii). » Ita nunc per pseudosacerdotum ignorantiam, qui docere Dei populum nesciunt, fieri dolemus: ut scilicet alii quorum Deus venter est, et terrena sapiunt, luxuriam colant (*Phlip.* iii); alii avaritiam, quæ est idolorum servitus, venerentur (*Coloss.* iii); alii rapinis, alii perjuris, alii homicidiis, alii veneficiis sacrilega devotione deserviant; et sic diversis criminibus, tanquam simulacris, et sculptilibus obsequium servitutis impendant. Unusquisque cujus opus facit, illius et servus appellatur, de quibus dicit Apostolus: « Quia tradidit illos Deus in desideria cordis eorum, in immunditiam, ut contumeliis afficiant corpora sua in semetipsis, qui commutaverunt veritatem Dei in mendacium, et coluerunt, et servierunt creaturæ potius quam Creatori » (*Rom.* i). » Qui nimirum per fidem, quam tenent, Ecclesiæ parietibus includuntur, sed per reprobæ vitæ meritum, extrinsecus sunt. « Confitentur enim se nosse Deum, factis autem negant » (*Tit.* i). » Fidei quippe verba prætendunt, sed impietatis operibus inhiant. Unde et illic legitur: « Fuerunt igitur gentes istæ timentes quidem Deum, sed nihilominus et idolis suis servientes » (*IV Reg.* xvii). » Quos utique

redarguit Veritas ipsa, cum dicit: « Nemo potest A censura coerceat, vel sub pudicæ quodammodo locutionis moderamine sobria verba depromat.

505 CAPUT PRIMUM.

Quod imperiti non sunt ad sacerdotium promovendi.

Cum ergo per sacerdotum vecordium imperitiam plebs indocta depereat, par fuerat, ut episcopalis gravitas a talium se promotione suspenderet, nec alienos excessus in se temeraria præcipitatione transferret; præsertim cum Timotheo Apostolus dicat: « Manus cito nemini imposueris, neque communicaveris peccatis alienis (I Tim. v). » Quisquis enim vel turpiter lapsus, vel divinæ legis ignarum ad sacrum prohibet ordinem, ejus se peccatis involvit, cui peccandi materiam tradit: et non modo his se, quibus ille jam involutus est criminibus obli- B gat, sed his etiam, quæ commissurus est, per anticipationem obnoxium parat.

Est aliud, quod mihi de sacerdotibus sæcularis ordinis displicet; quia sicut sæcularibus mista regionariæ civilitatis habitatione collimant, ita nihilominus plerique ab eorum conversatione et inconditis moribus non discordant; curis sæcularibus indifferenter inserviunt, ab otiosi se sermonis ineptiis non compescunt; imo per lites et jurgia frequenter a proximorum suorum charitate resiliunt, et cum livoris, vel cujuslibet terrenæ concupiscentiæ flammam in suis pectoribus fervere non nesciunt, venerandis tamen altaribus se impudenter ingerunt, et ab offerendi sacrosancti libaminis ministerio non recedunt. Non attendentes, quod filii Aaron idcirco cœlestis ignis incendio concremati sunt, quia alienum ignem offerre in Dei sacrificio præsumperunt: « Arreptis, inquit Scriptura, Nadab et Abiu, filii Aaron, thuribus suis, posuerunt ignem, et incensum desuper, offerentes coram Domino ignem alienum, quod eis præceptum non erat (Levit. x); » moxque subjungit: « Et egressus ignis a Domino devoravit eos, et mortui sunt coram Domino (Ibid.). » Nam cum ad offerendum Deo terribilis sacramenti libamen accedimus, cavendum valde est, ne alienum ignem, hoc est, libidinis flammam, vel cujuscumque vitii fomitem, inter salutare hostias deferamus. Sed ille potius ignis in nostrarum mentium thuribus ardeat, illa cor nostrum divini amoris flamma succendant, quam Dei spiritus per invisibilem gratiam nostris visceribus administrat. Admonendi sunt itaque qui sacris altaribus ministrare disponunt, ut non modo cor ab æstuantium passionum igne custodiant, sed etiam linguam, quæ inter Deum et nos quodammodo mediatrix est, a supervacui sermonis levitate compe- scant. Petrus enim (Matth. xxvi; Marc. xiv; Luc. xxi; Joan. xviii), quia rem suam, linguam scilicet, deliquisse cognovit, ejus inter se et Deum tanquam mediatrix habere patrocinium recusavit; sed dum amare flevit, reconciliationis suæ spem in lacrymarum interventione constituit, et oculis, quibus non peccaverat, veniam impetravit. Sit ergo usque ad missarum peragenda mysteria saliva linguæ nostræ virgo vel casta, ut vel se sub virginali taciturnitatis

est, quod nonnulli circa sacri altaris utensilia tantæ negligentiae sunt, et tam seguis incuriæ, ut stanneos, vel etiam supparis cujuscumque metalli calices longo situ scabredinis inhorrescere patienter aspiciant; in squalido linteo Dominicum corpus offerant et involvant; et quod non dignaretur potens quilibet, qui tamen vermibus est, propriis adhibere labiis, in hoc isti corpus non verentur imponere Salvatoris. Quid porro de conscissis ac putrescentibus sacrorum altarium prandei, quid de diversis vasis ad ecclesiastica ministeria necessariis, quid denique de sacerdotalibus eloquar indumentis? Quid postremo de codicibus dicam, in quibus nimirum hæc ipsa quoque legere inoffense non possumus, quæ tenaci adhuc memoria reservamus? Quæ nimirum omnia, oculis subjecta cernentibus, et levibus excutiantur, et sapientes provocant ad lamentum. Unde primæ dignitatis sacerdotibus valde cavendum est, et terribiliter formidandum, ne quod ab illis, qui videntur subesse, delinquitur; ab his qui potioris sunt gradus, et quibus hæc corrigenda sunt, requiratur. Nullus plane mortalium, ut existimo, majus aliquid in divinis peragit sacramentis, quam ipsi quoque qui sæculares sunt ordinis sacerdotes. Esto siquidem, quod patriarchæ, vel metropolitæ quilibet, et episcopi consecrent, divinum chrisma conficiant, et cætera, quæ suis specialiter competunt privilegiis experimenta percurrant. Sed neque episcopus, neque chrisma, neque aliud quid in ecclesiasticis sacramentis majus quam corpus et sanguis est Salvatoris. Ea ergo, quæ potiora et sublimiora sunt in Ecclesia, presbyteri cum pontificali dignitate participant. Et quamvis suis quique limitibus jubeantur esse contenti, iidem ipsi qui sunt in quibusdam suppare, in excellentioribus rebus inve- niuntur æquales.

CAPUT II.

Quod nullus gravius peccat quam presbyter malus, vel imperitus.

Nullus igitur gravius convincitur peccare quam presbyter, qui vel per imperitiam, vel reprobam vitam, dum indigne ministrat, quantum ad se salutaris victimæ sacramenta contaminat. Regi plane, vel sublimiori cuique personæ si quis per vitium detractionis obloquitur, vel etiam in diripienda, sive demolienda rerum suarum facultate grassatur, facile redit in gratiam, si digne satisfaciens emendat offensam. At si manibus excedit, si in ejus personam audacter prosilit, si hostiliter irruit, quia non pecuniaria, sed criminalis est causa, nihil ab eo aliud exigitur, quam vindicta: et non jam inter eos de reparatione sequestræ pacis agitur, sed de sola duntaxat augendi fenoris ultione tractatur. Ita nimirum aliud est in Deum per diversos modos humanæ fragilitatis excedere, aliud in sacrosancti corporis ejus et sanguinis oblatione peccare. Sicut aliud est

promulgata regiae legis edicta negligere, aliud ipsum A
 speculiter regem vibrato propriæ 507 manus
 jaculo sauciare. Multis nempe sceleribus plebs
 Israelitica se frequenter immiscuit, sed nunquam
 se tam crudeliter polluit, quam tunc cum Dominum
 crucifixit. Et certe qui Dominicum corpus pollutis
 tractare manibus non veretur, crucifigentium Jesum
 particeps esse convincitur. Quibus nimirum expa-
 vescenda nimis est apostolica illa sententia, qua
 dicitur : « Impossibile est eos, qui semel sunt illumi-
 nati, gustaverunt etiam donum cœlestis, et participes
 facti sunt Spiritus sancti, gustaverunt nihilominus
 bonum Dei verbum, virtutesque sæculi vèhturi, et
 prolapsi sunt, rursus renovari ad penitentiam, rur-
 sum crucifigentes sibi metipsos Filium Dei, et ostentui
 habentes (*Hebr. vi.*) A nullo plane Deus omnipotens B
 majoris injuriæ præjudicium tolerat, imo deterius ne-
 mo peccat, quam sacerdos, qui prohibentibus cano-
 nibus indigne sacrificat. Aliter in quocunque modo
 peccantes quasi Dominum in rebus ejus offendimus;
 indigne vero sacrificantes, velut in personam ejus
 manus injicere non timemus, cum scriptum sit:
 « Si peccaverit vir in virum, placari ei potest Deus :
 si autem in Deum peccaverit vir, quis orabit pro eo ? »
 (*I Reg. ii.*) Eant ergo nunc presbyteri, et pro lucris
 hujus vitæ sacris se altaribus ingerant, pro suo
 suæque consanguinitatis affectu ex fidelium oblatione
 ditescant; non videlicet ut pupillis ac viduis ali-
 menta provideant, non ut subsidia peregrinantibus
 subministrant, sed ut sibi, vel suis turpia lucra
 convectent. Eant, inquam, et se suosque duntaxat C
 demissi sui acquisitione reficiant, ut postmodum
 medullis suis ignis æterni voraginem pascant. Quantæ
 scilicet damnationis est eos, qui peccata populi co-
 medere prohibentur, ex acquisitis rebus non codices
 emere, non ornamenta, vel utensilia suis Ecclesiis
 providere, sed in necessitatis, vel necessitudinis
 sumptus cuncta prodigere? Præsertim cum hæc
 idcirco sacerdotibus conferantur, ut ipsi pro populo
 precibus ac votis insistere, ejusque debeant peccata
 portare. Hinc est quod Eleazar et Themar, filiis
 Aaron, Moyses ait : « Cur non comeditis hostiam pro
 peccato in loco sancto, qui Sancta sanctorum est, et
 data est vobis, ut portetis iniquitatem multitudinis,
 et rogetis pro ea in conspectu Domini ? (*Levit. x.*) »
 Sed cum passus sit Dominus in cruce pro salute D
 mundi, nunc maciatur in altari pro unus commode
 et facultate presbyteri. Tunc crucifixus est pro totius
 populi multitudine, nunc quasi pro unius homini-
 cionis utilitate salutaris hostia videtur offerri. Isti
 plane sanctorum Patrum, qui dum in sacerdotali
 ordine floruerunt non legitimi filii, sed potius dicendi
 sunt manzeres, atque ideo non immerito inter eorum
 non connumerantur hæredes. Illi siquidem, juxta
 Hieremiam, nutriebantur in croceis; isti, proh do-
 lor ! amplexati sunt stercora (*Thren. iv.*)

CAPUT III.

Quis sit vere sacerdos.

Hic plane jure fungitur sacerdotio, qui regu-

lis non obviat Patrum, qui paternum non vio-
 lat institutum, unde Moyses ait : 508 « Offerat si-
 milam calidam in odorem suavissimum Domino
 sacerdos, qui patri jure successerit (*Levit. vi.*) »
 Ille quippe sacerdos patri jure succedit, qui sancto-
 rum Patrum ingenuitatem in conspiciendis operibus
 exprimit, qui majorum suorum prosperam per spū-
 riaræ conversationis ignominiam non confundit; alio-
 quin quisquis ille est, qui velut a titulis probavorum,
 et clara generositate degenerat, qui se non legiti-
 mum, sed adulterinum vel extraneum alienis mori-
 bus repræsentat, ejiciendum se de sacerdotio evi-
 denter indicat. Unde et in libro Esdræ de quibusdam
 dicitur : « Quia quæsierunt scripturam genealogiæ
 suæ, et non invenerunt, ideoque ejecti sunt de sa-
 cerdotio (*I Esdr. ii.*) ; » quibus et hoc protinus inter-
 dictum est, ut non comederent de sanctis sancto-
 rum. Sicut ergo illi, qui ingenuitatem venerabilium
 Patrum sanctæ conversationis honestate conservant,
 in dignitate sacerdotalis officii merito perseverant :
 sic e diverso qui a præcedentium Patrum degene-
 rant meritis, dignum est, ut etiam paternæ priven-
 tur officio dignitatis. Et qui facti sunt a Patrum
 suorum claritate dissimiles, in paterno non man-
 neant officio sacerdotes; et nullatenus in eorum jura
 succedant, a quorum nobili ingenuitate degenerant.
 Quos omnes velut ab una persona per Osee prophe-
 tam Dominus reprobatur, dicens : « Quia scientiam
 repulisti, repellam te, ne sacerdotio fungaris mihi;
 et oblitus es legis Dei tui, obliviscar et ego filiorum
 tuorum; et secundum multitudinem eorum sic pecca-
 verunt mihi, gloriam eorum in ignominiam commu-
 tabo, peccata populi mei comedent, et ad iniquita-
 tem eorum sublevabunt animas eorum; et erit sicut
 populus, sic sacerdos; et visitabo super eum vias
 ejus, et cogitationes ejus reddam ei (*Osee iv.*) »
 Nolo tot eorum enumerare flagitia, quæ vel in obla-
 tione mysterii, vel inter ipsa quoque regenerationis
 humanæ perpetrant sacramenta : videlicet in scruti-
 niis, in symbolis atque in baptismalis lavacri sacra-
 mento. Omitto panem in salutare hostias conver-
 tendum, qui nonnunquam ante fit mucidus, quam
 sanctificetur oblatus : ipsum quoque mysterium non
 intra dies octo consumitur, sed plerumque ad omni-
 potentis Dei injuriam in mensem tertium reserva-
 tur. Præterea quod aliquando aqua vino in eucha-
 ristia non miscetur, et sic quodammodo per erro-
 rem occulti schismatis a Christo populus separatur.
 Hæc, et his similia tædet ultra protendere, ne dum
 diutius ista prosequimur, Christianæ religionis
 opprobrium texere videamur.

CAPUT IV.

*Quod episcopi vigilantes esse debent in coercendis
 clericorum flagitiis.*

Unde satagendum est sanctis episcopis, ut his
 malis, quæ in necem Christiani populi grassantur,
 occurrant; et apostolorum opera per pseudosacer-
 dotes, qui modo sunt, destrui non permittant, nec
 tam arduum Christi patientur perire laborem propter

augendam in terreno quæstu paucorum hominum fa-
cultatem. Interim quod mens scatet, suppressere volo,
509 nec valeo : scintillam zelus excutit, dum ca-
minum conscientiae dolor incendit. Quid enim erit
de quolibet supremæ damnationis episcopo, qui
lapso cuique presbytero tollit lucrum, et sacrifi-
candi reddit officium ? Iste jam non communicat
peccatis alienis, sed auctor existit : imo tanquam
Judas Iscariotes, tradit impiis manibus Salvatorem
propter vilis pecuniæ quantitatem ; Christum venali
commercio distrahit, et pro amore pecuniæ tradit
auctorem vitæ. Et iste protinus omnium criminum
reus, pro quibus ille fuerat sacerdotalibus infulis
exuendus.

Ut ergo stylus ad hoc, unde digressus est, redeat,
videtur nobis, si placeat, hoc episcopis utendum esse
consilio, ut indignos ac turpiter lapsos administra-
tione suspendant ; super eos autem, qui permanse-
rint, idoneos a latere suo viros, qui eos debeant
frequenter invisere, et custodire constituent. Cui
simile rex etiam Assyriorum fecit, cum sacerdotem
ad instruendos cæteros Samariam destinavit : « Du-
cite, » inquit, « illic unum de sacerdotibus, quos inde
captivos adduxistis, ut habitet cum eis, et doceat
eos legitimam Dei terræ (IV Reg. XVII). » Qui nimi-
rum sacerdos, sicut Scriptura prosequitur, habitavit
in Bethel, et docebat quomodo colerent Dominum.
In Bethel ergo, hoc est, in domo Dei, dignum est
potiorem quempiam præsidere, qui sacerdotalis of-
ficii regulis cæteros possit imbuere. Nam valde ti-
mendum est, quod per Moysen dicitur : « Anima,
quæ peccaverit per ignorantiam de hostia et de
universis mandatis 510 Domini, quæ præcepit, ut

non fierent, quidpiam fecerit ; si sacerdos, qui est
unctus, peccaverit, delinquere faciens populum, of-
feret pro peccato suo vitulum immaculatum Domino
(Levit. IV). » Ex quibus verbis illud formidolose no-
tandum est, quod ait : « Si sacerdos, qui unctus est,
peccaverit, delinquere faciens populum ; » quia
nimirum sacerdos, qui legem Dei nesciendo delin-
quit, suis etiam populum in peccatis involvit, et
quos doctus relevare potuerat, secum simul per im-
peritiam gravat.

Tu vero, venerande vir, quem et vita præclarum,
et doctrina conspicuum : et quod his præstantius
est, spiritualis zeli fervor reddit accensum, sic aliis
juniorum memineris delegare custodiam, ut et ipse
frequenter huc illucque discurrere non omittas.
Faciens quod hortatur Salomon in Proverbiis :
« Discurre, festina, suscita amicum tuum, ne de-
deris somnum oculis tuis, ne dormitent palpebræ
tuæ (Prov. VI). » Illud quoque non excidat, quod
postmodum dicit : « Erue eos, qui ducuntur ad
mortem, et qui trahuntur ad interitum liberare non
cesses (Prov. XXIV). » Ubi scilicet et excusatio
tollitur, cum subjungit : « Si dixeris : Vires non
suppetunt, qui inspector est cordis, ipse intelligit
(Ibid.). » Sic ergo super commissum gregem insignis
pastor invigila, ut et ignavos opiliones ab eorum
cura removæas, et ipse cum David insurgentium
ursorum atque leonum rictus infringas (I Reg. XVII) :
sive etiam cum Abraham postquam cæsis Amalecitis
fratrem tuum Loth de jugo captivitatis eduxeris
(Gen. XIV), ad Melchisedech regem justitiæ cum
triumphali gloria revertaris.

Sit nomen Domini benedictum.

511-512

OPUSCULUM VICESIMUM SEPTIMUM.

DE COMMUNI VITA CANONICORUM. AD CLERICOS FANENSIS ECCLESIE.

ARGUMENTUM. — Orta dissensione inter Fanenses Ecclesiæ canonicos, aliis in commune bonis Ecclesiæ
collatis, aliis seorsim sibi vivere volentibus, scribit ad eos, hortaturque ut deposita omni contentione,
apostolorum et primitivæ Ecclesiæ morem sequantur ; canonici non tam nomine, quam re esse velint.
Quod multis etiam rationibus eis persuadere conatur, non posse enim inter eos esse unionem animorum,
inter quos non est facultatum ; ac multa alia in eandem sententiam perscribit.

Sanctis in Christo fratribus Fanensis Ecclesiæ D
clericis PETRUS peccator monachus salutem.

Diu est, dilectissimi, quod in his paribus fama
vulgavit, non parvæ simultatis inter vos emersisse
discordiam, ob id videlicet, quia nonnulli vestrum
aggrederentur in canonica regularitate vivere, ple-
rique autem non acquiescerent, volentes tantum
apud se in suis proprietatibus habitare. Quod qui-
dem non miramur, quia rarum non est, sed dole-
mus potius, quia inhonestum est. Satis enim videtur
absurdum, ut clerici qui prætendat in ordine spe-
ciem, et sæcularium teneat vivendo conversationem :
et quem a laicorum turbis professionis conditio se-

parat, turpe est si vel domestica conversatio, vel
peculii abominanda proprietates laicum esse convin-
cat. Quid enim illius poterit concupiscentiam sa-
tiare, cui non potest ipse Deus in possessione suffi-
cere ? Clericus quippe, sicut juxta sui etymologiam
vocabuli, ipse sors Dei est, ita nihilominus et Deus
omnipotens ejus esse portio perhibetur. Unde et
Jeremias ait : « Pars mea, Dominus, dixit anima
mea : propterea expectabo eum (Thren. III). » Et
alibi Deus : Opus, inquit, « manuum mearum tu-
es, hereditas mea Israel (Isa. XIX). » Si igitur cle-
ricus Dei est portio, et Deus portio ejus, non levem
Creatori suo contumeliam videtur inferre, qui super

hoc singulare talentum terrenam æstuat pecuniam accumulare. Nam et in libro Numeri de Levitis Deus Moysi præcipit, dicens: « Tolles Levitas mihi pro omni primogenito filiorum Israel: Ego sum Dominus; et pecora eorum pro universis primogenitis pecorum filiorum Israel (*Num. iii.*) » Et iterum: « Tolle Levitas pro primogenitis filiorum Israel, et pecora Levitarum pro pecoribus eorum; eruntque Levitæ mei. Ego sum Dominus; in præceptis meis ambulent (*Ibid.*) » Ac si manifestius dicat: sicut eos mihi in proprium jus specialiter vindico, sic mihi jugiter deservire absque omni terrenæ conversationis subjectione decerno; nec eos velut servos jugo negotiorum secularium patior ignobiliter subijci, qui meis obsequiis dediti, libertatis ingenuæ sunt titulo decorati.

CAPUT PRIMUM.

Quod clerici non habent proprietatem rerum, quas possident.

Et notandum quod non solum Levitas, sed levitarum etiam pecora Dominus sua esse testatur; ut perspicue doceat, quod ii qui ecclesiasticis mancipantur obsequiis, Deo debent non modo suæ sedulitatis et laboris impendium, sed etiam proprietatem quoque earum, quas possident, facultatum: sciantque se, simul et sua juris esse non proprii, sed divini. Hoc autem tempore clericis, quod de quibusdam loquor, parum videtur, si sua Deo, vivendo carnaliter, subtrahant; nisi etiam ab ecclesiasticæ procuracionis excubiis per angustias et nundinarum stationes habitando secedant. Nimirum suavius judicantes, si capponum tabernaculi olfaciant, quam si divini sacrarii quotidie limen terant, magisque delectat eos textricum gynæcea conspiciere, quam cœlestis eloquii paginis incubare. Pauper plane Samuel (*I Reg. i.*) post ablactationem nequaquam domum cum parentibus remeant, sed circa templi ministerium jugiter perseverat. Joannes, ut innocentis vitæ munditiam teneat, ad squalentis eremi solitudinem tenera adhuc ætate festinat (*Matth. iii; Marc. i; Luc. iii*): illicque gratiam prophetice prædicationis accepit, quam in turbis popularibus degens, promereri non potuit. Nunc autem contra, ii qui divinis sunt cæremoniis mancipati, Ecclesiæ sacraria remota contemnunt, habitare vero inter forensis strepitus murmura concupiscunt.

Sed audiamus quid de metandis levitarum castris auctoritas divina præcipiat, sicque possumus juræ perpendere, ubi potissimum clerici debeant habitare. « Tribum, inquit, Levi noli numerare, neque pones summam eorum cum filiis Israel; sed constitue eos super tabernaculum testimonii, et cuncta vasa ejus, et quidquid ad cæremonias pertinet: ipsi portabunt tabernaculum et omnia utensilia ejus, et erit in ministerio, ac per gyrum tabernaculi metabuntur (*Num. i.*) » Et paulo post, cum præmisisset: « Metabuntur autem castra filii Israel unusquisque per turmas, et cuneos, atque exercitum suum (*Ibid.*) »; præsto subjunxit: « Porro Levitæ per gyrum tabernaculi

A figant tentoria (*Ibid.*). » Si igitur ex præcepto Domini Levitæ castra sua juxta tabernaculum figunt, nec secedere tabernaculo, vel inter turbas habere hospitium permittuntur; cur nunc clerici juxta divinæ constitutionis edictum abhorreant apud Ecclesiam degere, ut tanto liberius, quanto quietius, in sacri eloquii valeant meditatione vacare? et saltem hoc præstent Ecclesiæ, quam evangelicæ gratiæ splendor illustrat, quod illi deferebant tabernaculo, quod sub ignorantiae tenebris ænigmatum figuræ velabant. Et certe valde præposterum est, si illa nunc denegetur reverentia veritati, quæ tunc adumbratæ deferebatur imagini. Nam quod illud tabernaculum non ipsa veritas, sed potius fuerit veritatis exemplar, testatur Dominus, dum præcipit Moysi: B « Vide, inquit, omnia facito secundum quod tibi monstratum est in monte (*Exod. xxv; Hebr. viii.*) » Quod ergo Moyses vidit in monte, veritas nostra fuit; quod Israelitis tabernaculum fecit, imago fuit tantummodo veritatis. Ministri tunc tabernaculi comedebant manna procul dubio morituri; in Ecclesia vero Christi sacramenta percipimus, in æternitate victuri. De qua videlicet Ecclesia dicit Paulus: « Quia est tabernaculum verum, quod fixit Deus, et non homo (*Hebr. viii.*) » Porro autem templum Salomonis quam juges, quamque sollicitas ministrorum habuisse legatur excubias, quia vos ignorare non credimus, scribere superfluum judicamus. Quis enim illud præsertim libri Paralipomenon perspicue non advertat, quia constituit Salomon juxta dispositionem patris sui David officia sacerdotum in ministeriis suis, et Levitas in ordine suo, ut laudarent et ministrarent coram sacerdotibus juxta ritum uniuscujusque diei, et janitores in divisionibus suis per portam et portam? (*II Paral. viii.*)

514 CAPUT II.

Quod is nequeat dici canonicus, qui non sit regularis.

Si igitur illi, qui ex mandato legis conjugalibus erant copulis obligati, tantæ sedulitatis excubias suis sanctuariis exhibebant; quid nunc faciendum est clericis, qui videlicet castitatis munditia præditi, a cunctis sunt carnalis commercii vinculis absoluti? Plane quo pacto quis valeat dici canonicus, nisi sit regularis? quomodo monachus, nisi juxta vim sui nominis sit etiam singularis? Volunt siquidem canonicum, hoc est, regulare nomen habere, sed non regulariter vivere. Ambiant communia Ecclesiæ dona dividere, asperrant autem apud Ecclesiam communiter se habere. Enimvero non est hæc primitivæ Ecclesiæ forma, satis exorbitat ab institutionis apostolicæ disciplina: quibus nimirum erat cor unum, et anima una, et vendebant agros ponebantque pretia ad pedes apostolorum, et dividebant singulis prout cuique opus erat: nec quisquam eorum, quæ possidebat, aliquid suum esse dicebat, sed erant illis omnia communia (*Act. ii.*). At contra, filius prodigus dixit patri: « Da mihi portionem

quæ me contingit; » et sic dissipavit omnia bona sua a tate, in Deo manet (*Joan. IV*); non minus impro-
 cum meretricibus. Hic profecto electorum repro- bandus est, qui excidit a charitate, quam qui errat
 borumque lineæ discernuntur, quia nimirum isti, a fide. Si quis enim totam legem observaverit, offen-
 quæ sibi sunt propria, gaudent cum aliis habere da autem in uno, hoc est, in charitate, factus est
 communia; illi autem sicut a charitatis glutino omnium reus (*Jac. II*): ac per hoc etiam perfidiam
 scindunt mentes, ita nihilominus communes a fra- probatur obnoxius. Plane si juxta Petri vocem dia-
 tribus dividunt facultates. Ubi vero divisio rerum, bolus, tanquam leo rugiens circuit, quærens quem
 ibi procul dubio non est unitas animorum. Charitas devoret (*I Petr. v*); qui fraterni consortii caulas
 quippe communionem facit; avaritia divisionem. deserit, ultroneus se cruentæ belluæ morsibus tra-
 Unde et Lucas dicit: « Ait quidam de turba ad dit. Bucula namque in armento compascens, lupi
 Jesum (non de magnis scilicet, sed de turba erat, non timet incursum; cum vero solivaga præsumit
 quia fetentis avaritiæ squalore sordebat): Mag- silvarum lustra percurrere, ferarum compellitur
 ister, inquit, dic fratri meo, ut dividat mecum hæ- ingluviem satiare. Turmatim anseres volitantes ac-
 reditatem. » Cumque respondisset: « Homo, quis cipitrem parvipendunt; aliquando qui defuerit,
 me constituit iudicem et divisorem inter vos? » rostro perfossum, ex unguibus non evadit. Apes in
 protinus intulit his, qui astabant: « Videte, et ca- alvearibus congregatæ mellificant, et quandiu in unum
 vete ab omni avaritiâ, quia non in abundantia cujus- coeunt, ex eorum laboribus dulces favi regibus
 quam vita ejus est ex his quæ possidet (*Luc. XII*). » apponuntur: at si dissiliunt, ac relicto duce vaga-
 Quibus profecto verbis patenter Veritas indicat, bundæ pervolitant, famis necesse est inopia conta-
 quia nonnulli idcirco dividere communia gestiunt; bescant. Hostium vallatus insidiis, si cum eo quo
 quia cupiditatis et avaritiæ facibus inardescunt. constipatur, abstiterit, hostilibus se jaculis præda
 Ananias et Saphira, non quia communia dividunt, factus exponit. Ecclesia nempe Christi, sicut pro-
 sed quoniam retentum aliquid de propriis commune phetica testantur oracula, castra Dei sunt (*Gen.*
 non faciunt, corporeæ mortis sententia percellun- xxxii): in quæ videlicet hostilis impetus non irrum-
 tur (*Act. v*). Judas quia non fuit denariorum cum pit, donec virtutum armis accincti, in compage cha-
 cæteris communione contentus, in traditionis vora- ritalis, et in unitate spiritus Christi milites conglo-
 ginem corruens, de communione cecidit apostolatus bantur. A quibus nimirum quisquis infelicitis Achan
 (*Matth. XXVI*; *Luc. XXII*: *Joan. XVIII*). Lot dimi- imitator, aureæ regulæ vel argenti cupiditate divi-
 teus Abrahæ dispartita possessione consortium, duris ditur, veri Josue, ac communi totius populi senten-
 servire compellitur vinculis barbarorum (*Gen. XIII*, tia lapidatur (*Jos. VII*).

515 CAPUT III.

Quod monachi discurrerent, non monachi dicendi sunt, sed gyrovagi.

In monachico sane ordine, quos in claustris sub abbatis imperio regulariter manere conspicimus, consequenter utique monachos appellamus; quos autem proprium possidere, indifferenter huc illucque discurrere, solutos legibus juxta propriæ voluntatis arbitrium diffuere cernimus, non monachorum, sed gyrovagorum potius, vel *Sarabaitarum* dignos vocabulo judicamus. Sunt itaque Sarabaitæ monachorum, sunt etiam clericorum. Dicit autem Dominus: « Qui non est mecum, adversum me est; et qui non colligit mecum, spargit (*Matth. XII*; *Luc. XI*). » Isti nempe qui cum Deo in fraterna charitate non colligunt, dum marsupium mentium per discordiam scindunt, virtutum fruges, si quæ sunt, quasi per foramen spargentes, amittunt. Unde et propheta de stulto viro dicit: « Quia congregavit divitias, et dimisit eas in sacculum pertusum (*Aggæi I*). »

Porro non illi soli schismatici sunt dicendi, qui fidei unitatem dividunt; sed ii etiam, qui se per elationis vel avaritiæ vitium a fraterna charitate divellant. Nec enim major est fides quam charitas. Nam cum Deus ipse sit charitas, et qui manet in chari-

Quapropter obsecro sanctitatem vestram, charis- simi; expulso Pharisæorum fermento (*Matth. XVI*), nativitatis vestræ domos cum Abraham patriarcha relinquit (*Gen. XII*), in uno vos cœnaculo cum Apostolis 516 apud Ecclesiam congregat (*Act. II*): propria quæque cum Barnaba et Stephano (*Act. IV*), veris scilicet abrenuntiatoribus, in commune conferte, ut in fraterna vos unanimiter viventes, Spiritus sanctus merito dignetur invisere. Vos enim sal terræ; sed sicut Veritas dicit: « Si sal evanuerit, in quo condietur? » (*Matth. V*). Exiguo quippe salis multa dulcescunt, et parvo clericorum numero totius Christianæ plebis eruditur et instruitur multitudo. Sicut enim episcopi duodecim apostolorum noscuntur obtinere primatum, ita et sacerdotes Ecclesiæ septuaginta discipulorum ordinem representant. Quod profecto mansio illa Israelitici populi in Helim figurate designat (*Num. xxxiii*). Ibi nimirum duodecim profuebant apostolici fontes, qui divini verbi imbribus arentia hominum corda perfunderent. Ibi septuaginta virebant palme, totidem videlicet discipuli, qui mundo diabolicæ tyrannidis servitute depresso, victoriæ Christi palmas inferrent. Illi siquidem fontes palmarum arbores irrigant, qui sacri pontifices verbis affluunt, unde cæteri sacerdotes Ecclesiæ in spe cœlestium præmiorum sine cessatione virescunt: qui nimirum decuplato septenario numero, hoc significare videntur, ut per septiformis gratiæ Spiritum legis Decalogus impleatur. Istos itaque septuaginta discipulos cum

binos ante faciem suam Dominus mitteret, et eos, qui alios docturi erant, ut et ipsi irreprehensibiliter viverent, admoneret, in ipso docendi principio tanquam permaxime necessarium ac principale prae-misit, ut pecuniarum lucra contemnerent, avaritiæ sordes abjicerent, proprietatis peculium non haberent. « Nolite, inquit, portare sacculum, neque peram, neque calceamenta (*Luc. X*). » Per Marcum quoque prohibet, ut neque panem, neque æs in zonis haberent, neque duabus tunicis induti, sed sandaliis calceati, virgam tantummodo gestantes incederet (*Marc. VI*). Cur autem hoc factum est? Nunquid propter illos tantum? Sed esto, ut propter illos sit factum; quare autem scriptum, propter nos? « Quæcunque enim scripta sunt, ad nostram doctrinam scripta sunt (*Rom. XV*). » Cur itaque hæc in Ecclesia legimus, nisi [ut] hæc ipsa, quæ leguntur, operibus impleamus? Præsertim ii qui per succedentium vicissitudines temporum eorum funguntur officio, eorum procul dubio necesse est consentur exemplo. Possidere igitur terrenum aliquid prædicatoribus suis prohibet Deus, ut qui constituti sunt in auditorum cordibus concupiscentiarum æstus exstinguere, ipsi sibi-met caveant ad aliorum perniciem ambitionis et avaritiæ frena laxare. Huc accedit, quod sæpe ex occasione itineris, obvianti forma muliebri, libidinis flammam concipit minister altaris. Nam dum a propriis ad Ecclesiam iter terit, et reditus; repente malignus spiritus laqueos præparat, feminæ viscarum tendit, et vultum aspicit lubricum, quem deceptus intuetur, opponit. Sed quisquis vel avaritiæ flamma, vel libidinis æstuat, qua fronte, qua conscientia divinis altaribus appropinquat? Hinc est enim, quod filii Aaron divino sunt igne consumpti, quia alienum ignem offerre Domino præsumpserunt. Scriptum quippe est: « Arreptisque Nadab et Abiu, filii Aaron, thuribus suis, posuerunt ignem et incensum desuper, offerentes coram Domino ignem alienum, quod eis præceptum non erat: egressusque ignis a Domino devoravit eos, et mortui sunt coram Domino (*Levit. X*). » Altaria quippe Domini non alienum, sed ignem duntaxat divini amoris accipiunt. De quo videlicet ipse dicit: « Ignem veni mittere in terram, et quid volo, nisi ut ardeat? (*Luc. XII*). » Quisquis igitur terrenæ, vel carnalis concupiscentiæ flamma in thuribulo sui pectoris æstuat, et sacris assistere mysteriis non formidat, ille procul dubio divini ultionis interim igne consumitur, de quo Scriptura testatur: « Et nunc, inquit, ignis adversarios consumit (*Hebr. x*). » Enim vero nimis impossibile est, fratres mei, ut is, qui rerum familiarium curis opprimitur, qui simul habitando et colloquendo turbis quotidie popularibus admiscetur, mundo corde sanctis valeat interesse mysteriis. In quibus videlicet terribilibus sacramentis cælum aperitur, et virtutes angelicæ simul cum hominibus diversantur. Quantæ ergo munditiæ debent esse clerici, quam nitidi, quam denique a cunctis negotiorum sæcularium fetoribus alieni? Qui videlicet velut contubernales et condomestici angelo-

rum consortio perfruuntur, et sacramentorum cœlestium Deo cooperatores et dispensatores existunt.

CAPUT IV.

Quod boni malorum societate pervertuntur.

Neque hoc nos de solis sacerdotibus loquimur, sed de omnibus clericis, qui sacris altaribus in quolibet gradu ministerii sui jura dependunt. Nam etiamsi mundus sit quis in se, malorum nonnunquam societate polluitur. Quid utique si aliquibus non contingeret, nequaquam propheta conquerens gemisset: « Væ, inquit, mihi, quia vir pollutus labiis ego sum, quoniam in medio populi polluta labia habentis ego habito (*Isa. VI*). » Qui nimirum idcirco se pollutum labiis asserebat, quia inter eos, qui polluti erant labiis, habitabat. Idipsum plane et Moyses in terra Madian pertulisse cognoscitur, si cur eum occidere voluerit Dominus, subtiliter indagetur. Scriptum quippe est: « Cumque esset in itinere in diversorio Moyses, occurrit ei Dominus, et volebat occidere eum (*Exod. IV*). » Mirum valde cur eum repente Dominus occidere voluisse describitur, quem assecrtem sibi jam et symmysten familiariter fecerat; cui consilii sui ac voluntatis arcana pandiderat, et nunc in executione suæ obedientiæ dirigebat. Sed procul dubio datur intelligi, quia quantumlibet contagii maculam ex diuturna Madianitarum cohabitatione contraxerat, atque idcirco terrore ac negligentiae correctione purgandus erat, qui corrigendis aliis cœlestium mandatorum bajulus accedebat. Quod scilicet uxor ejus Sephora prudenter intellexit, de qua Scriptura protinus addidit: « Tulit illico Sephora acutissimam petram, et circumcidit præputium filii sui (*Exod. IV*). » Absurdum quippe fuerat, si videretur gentilis in filio, qui Israelita erat in semetipso. Qui ergo alios ad rectitudinem viam debet instruere, valde cavendum est ne ipse, quod absit, in aliquo videatur errare. Hinc est etiam quod Israeliticus populus ad ulciscendum scelus Belamin [Benjamin] zelo rectitudinis inflammatur, et tamen idem populus Belamin gladiis ante prosternitur (*Jud. XX*). Quem enim non moveat, quod Dominus bis interrogatus, bis ad ineundum contra Belamin prælium dedit assensum; et tamen in primo certamine viginti duo millia de Israelitis, in secundo vero decem et octo millia ceciderunt? Quid igitur in his intelligendum est, quid sentiendum, nisi quia prius curandi sunt a tumore proprii vulneris, qui auferre morbos alienæ gestiunt pravitas? ut ipsi jam mundi per ultionem suimet veniant, qui aliorum percutere prava festinant; sicut in Evangelio dicitur: « Qui sine peccato est vestrum, prius in illam lapidem mittat (*Joan. VIII*). » Unde recte cum illi Deum consulentes, dicerent: « Quis in exercitu nostro princeps certaminis contra filios Belamin [Benjamin]? » Respondit: « Judas sit dux vester (*Jud. XX*); » quia enim Judas confessio interpretatur, recte dux illius belli Judas constituitur. Ut nimirum

prius per confessionem propria studeant errata corrigere, qui aliis volunt errorem confitentibus subvenire.

CAPUT V.

Quod communio vitæ unionem spiritus et rectitudinem pariat.

Quapropter, charissimi, si vultis in populo Dei, quibus ad exemplum præpositi estis, inter quos lucetis quasi luminaria in mundo, verbum vitæ continentes; si vultis, inquam, inter eos animarum lucra conquirere, si errantes ad religionis libet rectitudinem provocare, in vobismetipsis prius, si qua sunt, obliqua dirigite, et ad scholam Christi simul convenientes, in communione vitæ et unionem spiritus concorditer permanete. Non inter vos divisio sit domorum, non scissura mentium, non diversitas facultatum. Mementote semper, quia de sectis lapidibus altare reprobatur Deus: « Si enim levaveris, inquit, super eum cultrum tuum polluetur (*Exod. XX.*) » Secti quippe lapides sunt, qui fraternæ societatis consortium respuunt; qui vivere cum fratribus, et conversari concorditer nolunt. Tales autem Christus in suo non recipit corpore, quos a membrorum suorum sectos iudicat unitate. De illis porro lapidibus altare est potius fabricandum, quibus Petrus dicit apostolus: « Et ipsi tanquam lapides vivi superædificamini domus spirituales (*I Petr. II.*) » Cui videlicet domui ille fundamentum est, præter quod non potest aliud poni (*I Cor. III.*); ille summus, qui factus est in caput anguli (*Psal. CXVII.*). Præterea nunquid otiose præcipit Dominus: « Nolite, inquit, thesaurizare vobis thesauros in terra, ubi ærugo, et tinea demolitur, et ubi fures effodiunt, et furantur? » (*Matth. VI.*) Quis, quæso, hujus mandati

assentientiam teneat si hanc clericus non observat? Nunquid conjugati, qui filios nutriunt, qui Deo decimas ex ipsius auctoritate persolvunt? « Qui enim offert, ut Paulus ait, necesse est eum aliquid habere quod offerat (*Hebr. VIII.*) » Deinde quomodo poterit in choro quis psallentium constitutus, cor fixum in oratione tenere, qui de loculis et 519 capsidilibus, ne audax advolet manus, excogitat? de apothecis, et horreis, ne furibus famulentur, addubitatur? ne non seræ minus fideles obstant, atque de furum semper obrepentium irruptione formidat? Ego autem forsitan mentior, sed nunquid Veritas poterit mentiri, quæ dicit: « Ubi est thesaurus tuus, ibi est et cor tuum. » (*Matth. VI; Luc. XII.*) Et forte tolerabilius censeretur, si in suis penetralibus officia divina peragerent, ac non longius laborantes, ibi Deum quærerent, ubi peculia custodirent; ut cum illis diceretur: « Ubi est thesaurus tuus, ibi est et cor tuum; » non incongrue subderetur: ubi est etiam Deus tuus.

520 Sed quoniam res hæc non ridenda est, sed dolenda, obsecro vos, dilectissimi mihi fratres, et domini, nolite, quæ suggerimus, parvipendere, sed in schola vos Christi sub disciplina sancti Spiritus congregare; quatenus ipse nobiscum nunc, et usque ad consummationem sæculi (*Matth. XXVIII.*), sicut est pollicitus, maneat, et ad Patris sui gloriam felici postmodum vos remuneratione perducatur. Quibusdam forte displiceam, quia dum alios intra regularis vitæ limitem compescere gestio, ipse modum compendii epistolari excedo. Sed optime compensatur, si arguitur imperitiæ scriptor, dummodo proficiat sapienter auditor.

Sit nomen Domini benedictum.

521-522

OPUSCULUM VICESIMUM OCTAVUM.

APOLOGETICUS MONACHORUM ADVERSUS CANONICOS.

ARGUMENTUM. — Queruntur monachi, quod a cœtu totius Ecclesiæ per canonicos exclusi fuerint, cum ipsi ab apostolis, imo a prophetis suam traxerint originem. Severe quemdam arguunt, qui ausus est dicere: A monachis Ecclesiæ sacramenta nullo pacto esse ministranda. Denique exemplo sanctorum Augustini, Hieronymi, Athanasii et decreto Bonifacii papæ IV probant ligandi et solvendi potestatem monachos habere.

Cunctis amantissimis clericis ac canonicis, omnesD unanimitè monachi.

Multum, fratres charissimi, si digni estis audire, miramur, quomodo vel ob quam causam conamini nos a consortio et unitate universalis Ecclesiæ separare: cum constet a monachis, non a canonicis universalem Ecclesiam fundatam, gubernatam et a diverso errore cribratam. Apostoli nempe fundatores, et rectores Ecclesiæ nostrorum, non vestro more vivebant, ut Lucas evangelista in Actibus apostolorum refert (*Act. I.*): et Philo disertissimus Judæorum, in libris quos in laudem nostrorum con-

scripsit, primitivos Christianos monachos, non canonicos vocat; et habitacula eorum monasteria nuncupat ac quamplurima dicit, eos laudabilia egisse, et conscripsisse. Certe nostri, non vestri ordinis Moyses et Elias fuere (*Exod. III; III Reg. XVII.*), eremum qui incolere: nostri auctores græges prophetarum cum quibus reprobos Saul sæpe cantavit (*I Reg. XVI.*). Longum est paginas Veteris Testamenti revolvere, veniamus ad Novum, quod supra reliquimus. Apostolos certe, et successores eorum, si irreverberatis oculis paginas Novi Instrumenti percipitis, monachico non canonico more vi-

vere invenietis, eisque potestatem ligandi atque A
solvendi (*Matth. XVIII*) concessam a Domino procul
dubio reperietis. Quod si ita est, imo quia ita est,
cur nos ab hoc privilegio separare conamini? Nesci-
tis, quia quibus dixit Apostolus: Mortui enim estis,
scilicet mundo (*Coloss. III*): eisdem dixit in alia
Epistola: Nescitis, quia angelos judicabimus, quanto
magis sæcularia! (*I Cor. VI*.) Ergo si, sicut vos di-
citis, mundo mortui sumus, scilicet vitii et peccatis,
non erubescimus, quia idem Apostolus dicit: « Si
autem mortui sumus cum Christo, credimus quia
simul resurgemus cum ipso (*II Tim. II*; *Rom. VI*); »
itemque: « Mihi vivere Christus est, et mori lu-
crum (*Philipp. I*); » et in alio loco: « Vivo autem,
non jam ego, vivit vero in me Christus (*Gal. II*). »
Sed ne turbarentur, qui se toties mortuos audissent, B
ait: « Nescitis quia angelos judicabimus, quanto
magis sæcularia! » (*I Cor. VI*.) Ecce nostra liber-
tas. Quare? quia idem Apostolus dicit: « Ubi spi-
ritus Domini, ibi libertas (*II Cor. III*). » Væ ergo
nobis et vobis, si mortui non fuimus mundo. Si
igitur mortui sumus mundo, et vivimus Deo, pro-
babimus vos per omnia esse mentitos; quia dicitis:
Nos ob hoc, quod mortui sumus mundo, non posse
dispensare ecclesiastica. Sed quid vos extollitis? Re-
colite principia nostra, et vestra; et ex auctoritate Pa-
trum, cui plus competat, collyriato lumine perjudicet.

CAPUT PRIMUM.

Conquestio monachorum de canonicis.

Contra vos itaque multum conquerimur, quia qui- C
dam vestrorum ausus fuit temerario ore dicere: A
monachis nullo modo communionem esse recipien-
dam; insuper etiam suscipientes excommunicavit,
et in opprobrium nostrum, imo in condemnationem
suam et illorum recomunicare præcepit. Sed quid
contra illum? Scimus, quia pene idiota est, et mul-
torum criminum reus; ideoque juxta Salomonem,
vitamus stulto respondere juxta stultitiam suam, ne
similes ei efficiamur (*Prov. XXVI*). Sed, ne videamur
succubuisse, respondere volumus stulto, ut idem Salo-
mon admonet, juxta stultitiam suam, ne sapiens sibi
esse videatur (*Ibid.*): et patenter ostendimus eum
in reprobatorum sectam miserabiliter corruisse.
Sed non mirum, si odium fraternum hoc promeruit;
cum Joannes 523 Apostolus intonet, dicens: « Qui odit
fratrem suum, in tenebris est, et in tenebris ambulat, D
et nescit quo eat; quoniam tenebræ obcæcaverunt
oculos ejus (*I Joan. II*). » Sed ne longius toxica illius
veneni serpent, manifeste ostendimus antecessori-
bus nostris præ omnibus clericis, hæc sacramenta
licita fuisse contingere, et dispensare; sicut in vita
B. Martini legitur, quod de vino a quodam anacho-
reta consecrato, a maximis et venerabilibus viris
pro benedictione expetebatur: ante cujus fores sæpe
et episcopi, et comites benedictionis gratia perno-
ctarunt. Telephorus denique apostolicus ex anacho-
retis fuisse comprobatur; Dionysius etiam, et Adeo-
datus, ac Stephanus nuper defunctus, ex monachis
fuisse leguntur, qui tamen apostolicam sedem glo-

riosissime gubernarunt. Gregorius ex monasterio
raptus, ac violenter infulatus, non solum suas pro-
tulit, sed etiam dispositiones aliorum meliorare
studuit. Num etiam Martinum Turonensem omit-
tendum putatis, cui astanti sacramento divino glo-
bus igneus apparuit? Forsan ex istorum manibus
quia monachi fuerant, percipere sacramenta divina
quisquam insanus prohibuit? Absit. Facessat ergo
insana et proterva doctrina, et sanctorum Patrum
sequatur auctoritas, quæ etiam ex cujuscunque sa-
cerdotis manibus sacramenta divina, non solum
percipere, sed etiam dedignantes suscipere ab eccle-
sia separat, si tamen sacerdotes rectæ fidei fuerint.
Sufficient ista contradicentibus.

CAPUT II.

Quod sacramentorum administratio monachis præ omnibus clericis licita fuerit.

Sed quia nimis periculosum est obmutescere velle,
introducimus et alios testes, Basilium scilicet,
Athanasium, et Augustinum, nec non et Hierony-
mum sacræ legis interpretem, Marinianum quoque
Ravennatem episcopum, et Augustinum Anglorum
præsulem, quos nulli dubium est monachos fuisse.
Nunquidnam Romanipræsules, quos prædiximus, vel
isti, quos nunc retulimus, quia monachi fuerunt,
minus laudabiles habiti sunt? Non utique. Forsitan
episcopos, presbyteros, diacones non ordinarunt,
quis insanus audeat dicere? An forsitan peniten-
tiam criminosis non imposuerunt, et absolutionem,
ut competeat, benignissime non addidere? Utique
facere potuerunt.

Nunc igitur requirite sancta octo concilia, 524 et
maxime sextum, et septimum concilium; ibique in-
venietis monachis licitum fuisse disputare, absque
ullo scrupulo in conspectu concilii super omnes qui
aderant. Sed jam sufficient.

Veniamus ad consecrationem, quam, dispensante
Deo, per episcopos accepimus. Nunquid nos aliter,
quam canonici consecramur, quis insipiens audeat
dicere? Nemo. Nam utrisque in commune benedi-
ctionem a Domino infundi episcopus obnixè deprecatur.
Et dum consecrat sigillatim, obnixè deprecatur cunctis
sacerdotibus, dicens: Consecrentur, Domine, manus
istæ, ut quidquid benedixerint, benedicta sint, et
quidquid consecraverint, consecrata sint. Ecce
communis benedictio. Unde ergo divortium? Lon-
gum est ista prosequi,

Videamus nostrorum, vestrorumque vestimento-
rum figuram. Agite utrumque. Prophetæ et apostoli
nostro an vestro vestitu usi sunt? Forsitan dicetis,
nostro. Et ubi est illud, quod de Elia legitur: « Vir
pilosus, et zona pellicea accinctus renibus (*IV
Reg. I*); » et de ipso, et similibus Paulus dicit:
« Circueiunt in melotis, et in pellicibus caprinis
(*Hebr. XI*); » et de Joanne Baptista, Joannes evan-
gelista: « Zona, inquit, pellicina circa lumbos ejus
(*Matth. III*; *Marc. I*); » Petro quoque angelus imperat:
« Præcinge te, et calcea te caligas tuas (*Act. XII*); »
de Pauli quoque zona Agabus dixit: « Virum cujus

hæc zona est, Judæi in Hierusalem alligabunt, et A tradent in manus gentium (Act. XXI.) » Horum. ergo Patrum indumenta nullatenus nominatim Scriptura poneret, nisi eis brevius privatum; et si nobis credere non vultis, saltem illius litteræ credite. Nam nos, eo doctore, hanc paginam exaravimus. Igitur non solum prædictos Patres in vestitu sequimur, sed insuper sublimissimam cælorum curiam, quod vobis durum est audire. Seraphim scilicet, quis dubitet sex alas habere? dicente Scriptura: « Sex alæ uni, et sex alæ alteri (Isa. VI.) » Enimvero et nos sex alis velamur, videlicet duabus in capite, et duabus B dextera lævaque, et duabus ante et retro. Si autem hæc incredibilia vobis videntur, perquirite quod Bonifacius in nostrorum tuitione consuevit: et si adhuc contraire vultis, morum vestrorum ac vestimentorum auctores ex auctoritate Patrum edicite: et quod nobis opponitis, testimoniis probate; et si vita comes fuerit, altiora quam diximus, juvante Deo, dicenda sperate.

Sit nomen Domini benedictum.

525-526 DECRETUM BONIFACII PAPÆ.

Quod monachi presbyterii honore decorati potestatem habent ligandi et solvendi. (Ab auctoritate Bonifacii IV, Pont. Max. 16, qu. 1, ap. Decr. Grat.)

« Sunt nonnulli nullo dogmate fulti, audacissime quidem, zelo magis amaritudinis quam dilectionis inflammati, asserentes monachos, quia mundo mortui sunt et Deo vivunt, sacerdotalis officii potentia indignos; neque penitentiam, neque Christianitatem largiri, neque absentem posse per sacerdotalis officii divinitus sibi injunctam potestatem, sed omnino labuntur. Nam si ex hac causa veteres æmuli vera prædicarent, apostolicæ compar sedis beatissimi Gregorius monachico cultu pollens, ad summum nullatenus apicem conscenderet, cui quidem hæc ligandi solvendi que potestas a Deo summa conceditur: Augustinus quoque ejusdem sanctissimi Gregorii discipulus, Anglorum prædicator egregius: et Pannoniensis Martinus beatissimus, cujus sanctitatis famam longe lateque diffusam totus personat mundus; alii quoque quamplurimi viri sanctissimi, pretiosissimo monachorum habitu fulgentes, nequaquam annulo pontificali subarrharentur. Sed quia monachi fuerunt, prædictis uti prohibentur? Neque enim B. Benedictus monachorum præceptor almificus, hujus rei aliquo modo fuit interdictor; sed eos secularium negotiorum edixit expertes fore tantummodo (S. BENED. Reg., cap. 4). Quod quidem apostolicis documentis et omnium sanctorum Patrum institutis, non solum monachis, sed etiam canonicis maximo perire imperatur. « Nemo enim militans Deo implicat

ase negotiis secularibus (II Tim. II.) » Nos vero tantorum Patrum instituti exemplis, quibus est periculosissimum refragari, credimus a sacerdotibus monachis ligandi solvendi que officium, angelus operante, digne administrari, si eos digne contigerit hoc ministerio sublimari. Quod incunctanter affirmat quisquis statum monachorum et habitum potestatemque evidenter considerat. Verbi gratia, angelus Græce, Latine nuntius sonat. Sacerdotes igitur, monachi atque canonici, qui quotidie Dei præcepta populo nuntiant, angeli vocantur, ratione non incongrua. Sed unusquisque angelicus ordo, quanto claritatem Dei viciniori contemplatur, tanto majori virtute ejus divinitati adhaerens, sine dubio roboratur: eorum cherubim ordo eximius prædicator, quorum figuram monachorum cultus competenter habere comprobatur. Nam uti cherubim, ita monachi sex alis velantur. Duabus quidem in capucio, quo caput tegitur; aliis vero duabus, quibus pedes teguntur, verisimilibus demonstratur assertionibus. Illud vero cucullæ, quod brachiis ostenditur, alias duas alas esse dicimus, et id tandem, quod dicitur, sex alarum numerum certissime impleri asseritur. Decertantes igitur monasticæ professionis presbyteros sacerdotalis potentia arceri officio omni modo præcipimus, ut ab hujusmodi nefandis ausibus reprimantur in posterum, quia quanto quisque est celsior, tanto est et in his potentior.

« Episcopus debet canere missam in ordinatione presbyteri, similiter et abbas in ordinatione monachi; quia remissio peccatorum est. Propter hoc relinquunt rex regnum, et summus pontifex pontificatum, episcopus episcopatum, comes comitatum, et multi divites utriusque sexus suas possessiones in sæculo, et veniunt in monasterium ad serviendum Deo. Absit ut monachus vivens sub regula vel abbate, subijcitur aliis hominibus. Nefas est dicere: Monachus non habet potestatem ligandi atque solvendi, ut quidam dicunt, quia mortui sunt. Vere mortui sunt huic sæculo, sicut sancti apostoli fuerunt. Nunquid sancti apostoli non habuerunt potestatem ligandi et solvendi, ex quibus unus dicebat: « Si enim mortui sumus cum Christo, credimus quia simul vivemus cum eo? » (Rom. VI.) Quis melius potest dicere, solvere vel ligare peccantem, quam qui solutus est a Deo a peccatis? Quis melius valet animas dare Deo, quam ille qui proximus est ei? Qui dentes hujusmodi stridunt circa monachos, infelices sunt, et verba eorum vana. Sed audite cur talia dicunt. Lex enim dicit: Si quis clericus in adulterio vel in aliquo crimine fuerit deprehensus, aut ipse confessus, aut ab aliis revictus, juxta concilia trecentorum decem et octo Patrum, ad honorem non potest redire, nisi per dignam penitentiam. Ex qua re multa ira et invidia inflammati circa monachos, vel circa catholicos viros die noctue optant insidias invenire. qualiter possint eos injuste illaqueare. Qui enim sua peccata nullatenus valent purgare, quomodo possunt aliena dimittere? Nunquid potest cæcus cæcum ducere? Itaque

qui res vel honores Ecclesiae subtrahere voluerit, et sequi Deum, qui dicit: « Venite ad me, omnes, anathema sit. Quid ultra dicam? Convertimini et videte quia nil melius est quam relinquere saeculum et ego vos requiescere faciam (*Matth. XI*). »

Sit nomen Domini benedictum.

527-528

OPUSCULUM VICESIMUM NONUM.

DE VILI VESTITU ECCLESIASTICORUM.

ARGUMENTUM. — Mainardo abbati qui pretiosioribus vestibus indui consueverat, ostendit quam sit ecclesiasticis viris, et praesertim monachis indecorum vestimentorum speciositatem appetere. Multa quoque ex sacris litteris deprompta exempla adducit, ex quibus manifeste probat Deo huiusmodi vestium pompam invisam esse: cum omnes sancti tam Veteris quam Novi Testamenti, et ipse etiam Christus, viliori vestitu uti non erubuerint.

Domno MAINARDO fratri charissimo, PETRUS pectorator monachus salutem in Domino.

Tentatis et competenter adhibitis omnibus medicinae generibus, si languidus obeat, non est unde medicum scientia reprehendat. Fecit enim omne quod potuit, qui cuncta quae decent Archigenem, curationum argumenta persolvit. Dum is ergo qui febricitat moritur, qui curandi munus impleverat criminæ non tenetur. Nam, quod suum erat, industriam artis exhibuit, atque ideo calumniæ non patebit. Diu jam, frater, est, ex quo tibi pretiosarum vestium aestus incanduit, et, ut ita loquar, ambitionis tuae viscera tanquam lethifera febris ardor excoxit. Ego autem tibi velut medicus, licet imperitus, et oleum lenis atque suavis admonitionis adhibui, et austeræ correptionis vinum frequenter infudi. Nec Scripturarum tibi defuere pigmenta, quarum sententias dum exponere studui, velut aromaticas tibi species pindere [pandere] non cessavi. Et quoniam ego cum cæteris fratribus, vilibus coram te fuimus contenti semper exuviis, dum feci prius ipse quod monui, quasi prius antidotum bibi: sicque te adhibendum quod propinaveram provocavi. Sed et cauterium postremo adustionis impressi, dum nitore vestium ignes tartareos minitans, intentavi. Annon adustionis ferrum divitibus imprimebat Jacobus, cum et hic vestes tineis, et illic carnes incendiis obnoxias perhibebat, dicens: « Agite nunc, divites, et plorate, ululantes in miseriis vestris, quæ advenient vobis. Divitiæ vestrae putrefactæ sunt, et vestimenta vestra a tineis comesta sunt, aurum et argentum vestrum æruginavit, et ærugo eorum in testimonium vobis erit, et manducabit carnes vestras sicut ignis (*Jac. V*). » Metallum quippe, quod nunc per avaritiam possidetur, tunc in laminas vertitur: et caro, quæ nunc fucatis vestibus adornatur, flamma postmodum stridentem perfricat. Annon medicinale ferramentum, ambitioni vestium etiam Salvator apposuit, cum divitem bysso ac purpura decoratum flammis infernalibus ardere perhibuit? (*Luc. XVI*). Scriptura quippe teste, nihil aliud in hoc divite reprehenditur, nisi quia sub nitore vestium etiam sine misericordia legitur splendide convivatus. Quamquam

Bel in ipso indumenti cultioris ornatu, sine dubio vanæ gloriæ deprehenditur appetitus. Nemo quippe illic anhelat pretiosis vestibus indui, ubi alienus eum aspectus nequeat intueri. Sed ad hoc quisque cultioribus indumentis enitescere concupiscit, ut se mirantium nitidulus oblectat aspectum, ut alienorum pascat illecebras oculorum; sed dum mulcet oculos extrinsecus intuentium, interni iudicis offendit obtutum.

CAPUT PRIMUM.

Quibus vestibus S. Ecclesia delectetur.

Solent plane potentes sæculi phaleratis obsequentiis induviis delectari, praesertim si metatores hostipitii sint mirabiles, si praeambuli quique diversi cultus specie videantur insignes. Sed videamus metatorem Christi Joannem, attendamus regis egregium præcursorem: qui nimirum praeivit eum in spiritu et virtute Eliæ (*Luc. I*), ut converteret corda patrum in filios, et incredulos ad prudentiam justorum. Perpendamus itaque, imperator. De terræ, quibus prævii metatoris sui vestibus delectetur; sed, Evangelio testante, cognoscimus quia vestimentum ejus pilis inhorruerat camelorum cœli et quo Salvator: « Quid, inquit, existis in deserto videre? hominem mollibus vestitum? Ecce qui mollibus vestiuntur in domibus regum sunt (*Matth. III; XI; Luc. VII*). » Ac si manifeste perhibeat, quia non cœlestis, sed terreni regis digni decernuntur obsequiis, qui ad vanæ gloriæ nitorem accuratis ornari gestiunt indumentis. Mollibus quippe vestibus regalis aula; asperis et incultis delectatur Ecclesia. « Omnis enim gloria ejus filiae regum ab intus (*Psal. XLIV*). » Ecclesia siquidem, vel quæque fidelis anima, quæ et ipsa sanctorum apostolorum est filia, non extrinsecus enitescere, sed ornata gaudet in occulti iudicis obtutibus apparere. Nec oblectatur fucata pulchritudine vestium, sed rutilantium gloriatur varietate virtutum. De qua etiam varietate Scriptura prosequitur: « In fimbriis aureis circumamicta varietate (*Ibid.*). » Vis audire varietatem vestium, quæ cœlestis sponsi delectat aspectus? Anima certe niveæ castitatis candore conspicua, ante Dei omnipotentis oculos spiritali bysso, sive colloquio

videtur induta: hæc etiam dum flamma fervida^A charitatis igitur, dirotini, sive his tincti crocci rubore perfunditur; cum vero vel ab hoc sæculo funditus mortificari, vel consummari per martyrium avide concupiscit; tunc velut concilii sanguine tingitur sicque regalis purpuræ speciem imitatur. Sed nec diu pistici quoque viror abesse credendus est, quia dum mens amœna semper virentis pascuæ gaudia firmiter sperat, velut in smaragdinei decoris specie immarcescibiliter vernat. Unde et per Petrum dicitur: « Quia regeneravit nos Deus in spem vivam per resurrectionem Jesu Christi in hæreditatem incorruptibilem, et incontaminatam, et immarcescibilem conservatam in cœlis (I Petr. I). » His plane vestibus animam Dominus se induisse testatur, cum per Ezechielem loquitur, dicens: « Vestivi te discoloribus; et calceavi te hyacintho, et cinxi te bysso, et indui te subtilibus, et ornavi te ornamento (Ezech. XVI). » Hunc denique cultum, hunc indumentum spiritualis ornatum idem Petrus etiam a mulieribus exigit, cum eis lenocinantis ac lupanariæ compositionis phaleras interdicit: « Quam sit, inquit, non extrinsecus capillatura, aut circumdatio auri vel argenti, aut indumenti, vestimentorumque cultus; sed qui absconditus est cordis homo in incorruptibilitate quieti et modesti spiritus, qui est in conspectu Dei locuples (I Petr. III). » Invisibilem quippe sponsum invisibilis oblectat ornatus, et cum sanctam animam conspiciit entere virtutibus, in ejus illico volat amplexus; cui dixit: « Pulchra es, amica mea, suavis et decora, sicut Hierusalem (Cant. VI). » Sicut Hierusalem, ait, non sicut Babylon, quam vidit Joannes circumdatam purpura et croco, et inauratam auro, lapide pretioso, et margaritis: habentem poculum in manu sua plenum abominatione, et immunditia fornicationis ejus (Apoc. XVII). Babylonem sane diabolus, Hierusalem inhabitat Christus. Ille luxuriantis amictus vanitate reficitur; hic asperis et humilibus, si cordis non desit humilitas, delectatur. Auctorem porro superbiæ sæpe nitor vestium provocat, asperitas autem Christum, ut humiliato cuilibet misereatur, invitat. Nam, sicut sacra Regum testatur historia: « Rex Israel, et Josaphat rex Juda, 530 sedebat unusquisque in solio suo, vestiti cultu regio in area, juxta portam Samariæ, et universi prophætæ in eorum conspectu mendacia prophetabant (III Reg. XXII). » Auctor quippe mendacii fucati cultus delectabatur illecebris, et adumbrati decoris aspectu per ora prophetantium officinas fabricaverat falsitatis. At contra, cum idem Achab comminantis Eliæ dura, prout dignus erat, verba perciperet, ac impendentem suis cervicibus divini furoris gladium terribus formidaret, Scriptura teste: « Scidit vestem suam, et operuit cilicio carnem suam, jejunavitque et dormivit in sacco, et ambulabat demisso capite. Factusque est sermo Domini ad Eliam Thesbiten, dicens: Nonne vidisti Achab humiliatum coram me? Quia igitur humiliatus est mei causa, non inducam malum in diebus ejus (III Reg. XXI). »

CAPUT II.

Indui vestibus splendidis quam animæ perniciosum et Deo odibile.

Ecce Achab imperiali purpura decoratur, et reprobo spiritu fallente, decipitur; cilicium induit, et gladium divini furoris averit; regalibus infulis redimitus, laqueo deceptionis impingitur; sacco contextus, dilata ultionis indulgentiam promeretur. Eat ergo monachus vanæ gloriæ deditus, et toga radiante conspicuus, nitore vestium aspectantium pascat illecebras oculorum; sed dum vestibus fulget iniquorum spirituum deceptionibus patet: divinæ præterea indignationis adversum se sententiam provocat, dum solis exterioribus deditus, oculos hominum, ut se admirentur invitat; tantoque despicabilium, Deo superbius reprobante, contemnitur, quanto coram oculis intuentium cultioribus induviis amicitur. At contra Job, qui nudus in terram corruit, qui profluentem saniem testa radit, dum in sterquilinio putrefactus, ac scaturiens vermibus etiam ab uxore despicitur, divinæ consolationis alloquium promeretur (Job. I, II, XXXVIII). Nec enim Deus corporalis contagii nauseat sordes, ubi mundi cordis invenit puritatem. Præterea, quid est quod Apostolus ait: « Habentes alimenta, et quibus tegamur, his contenti simus? » (I Tim. VI). Cur enim cum dicit, *habentes alimenta*, non protinus addidit, et vestes? sed tandemmodo cum præmittit, *habentes alimenta*, præsto subjungit, et quibus tegamur. Cur hoc, nisi ut perspicue doceat, nos debere tam despicabilibus operimentis indui, quæ digna non sint vestium vocabulo nuncupari? Enimvero David rex nudus, ac solo contentus Ephod, coram arca Domini publice subsiliens saltat (II Reg. VI). Isaias evangelicus propheta triennio nudus, et discalceatus coram viris et mulieribus ambulat (Isa. XX); et monachus, qui vitæ carnalis professus est sepulturam, nitidulæ vestis adhuc pompas anhelat? Quanquam idem Isaias, et antequam nudus incederet, non molli quolibet mulcebat amictu, sed cilicio tegebatur. Nisi enim cilicio contextus incederet, nequaquam sibi vox divina jussisset: « Solve saccum de lumbis tuis (Ibid.). » Esau plane vestes valde bonas, ut Scriptura perhibet, venaturus domi retinuit; sed his alter indutus, primatum paternæ 531 benedictionis accepit (Gen. XXVII). Jacob namque, qui quasi sub Evangelica doctrina prius non duas tunicas habuit (Matth. X), simodum etiam vestimentum, simul et alimentum postmodum in oratione quaesivit: « Si fuerit, inquit, Deus mecum, et custodierit me in via, per quam ego ambulo, et dederit mihi panem ad vescendum, et vestimentum ad induendum, erit mihi Dominus in Deum (Gen. XXVIII). » Igitur qui duplices honoris gratia vestes habebat, obruitur; qui simplici contentus erat, eleemosynis divinæ gloriæ sublimatur. Herodes quoque, sicut in Actibus apostolorum legitur, dum indutus veste regia, conspicuus cernitur (Act. XII); dum ei concionanti ad populum, Dei voces habere, non hominis

acclamatur, protinus angelo feriente percuitur; et A quia, vane gloriæ ceditus, delatam sibi in Deum transferre gloriam non novit, repentino superveniente iudicio consumptus a vermibus, exspiravit. Sic nimirum, sic divino dignus est iudicio deijci, qui coram oculis hominum de nitore cultioris habitus ambit arroganter extolli. Nam et ipse Conditor angelorum dum in præsepio vagiens reclinatur (*Luc. 11*), non ostro, vel togis rutilantibus obsitus, sed vilibus legitur panniculis obvolutus. Erubescat ergo terrena superbia, confundatur et obstupescat arrogantia redempti hominis, ubi mox erumpentibus radiis, exorti coruscant humilitas Redemptoris. Nam et sub ipso salutifero passionis articulo, Herodes eum alba veste induit, eumque mox ad Pilatum sub hac irrisione remisit (*Luc. xxiii*). Et cum Apostolus dicat: « Exeamus ad eum extra castra, improprium ejus portantes (*Hebr. xiii*). » Improprium Christi portare nolle convincitur, qui dyscolis indui vestibus arrogantia tumidus dedignatur. A se denique mortui pro nobis Salvatoris abijcit improprium, quisquis in mortificationis ordine constitutus, album vel ignobile quodlibet despiciat indumentum.

CAPUT III.

Dissuadet pretiosarum vestium appetitum.

Tu itaque, dilectissime, jamjam velut purulentam morbi lethalis illaviem evome, et pretiosarum vestium appetitum ab stomacho languidæ mentis expelle. Non levis quippe languor est animæ, de superstitioso corporalis amictus nitore gaudere. Gratiam siquidem sancti Spiritus, in qua delectetur, exclusit, qui se per exterioris ornatus desiderium spargit; cuius utique si sentiret in mente dulcedinem, nequaquam corporis cultus supervacuam concupisceret vanitatem: quod evitandum vir Sapiens admonet, dicens: « In vestitu ne glorieris unquam, et in die honoris tui ne extollaris (*Eccli. xi*). » Illius ergo vestis concupisce nitorem, qua coram oculis Dei perpetuo polleas, non qua fallacis 522 ac frivolæ hujus vitæ momenta transcurras. Nunc itaque sordidis utere, quorum squalorem indeficuo valeas candore mutare. De quo videlicet utriusque generis indumento per Zachariam dicitur: « Jesus, inquit, erat indutus vestibus sordidis, et stabant ante faciem ejus angeli. Qui respondit, et ait ad eos qui stabant contra se, dicens: Auferte vestimenta sordida ab eo; et dixit ad eum: Ecce, abstuli a te iniquitatem tuam et indui te mutatoris;

et dixit: Ponite cidarim mundam super caput ejus (*Zach. iii*). » Quid enim per Jesum, sacerdotem videlicet magnum, nisi Mediator Dei et hominum debet intelligi? Plane sicut per Zorobabel filium Salathiel, qui de regali Judæ stirpe processerat, et Jesum filium Josedech, qui jus sacerdotalis administrabat officii, Israeliticus populus post septuaginta annos jugum Babylonice captivitatis evasit, templumque Hierusalem, quod dirutum fuerat, redidit novitate construxit; ita numerus electorum, post hujus vitæ tempora, quæ septenaria dierum repetitione decurrunt, per Jesum Christum, qui verus rex est, et sacerdos, de servitute hujus mortalitatis eripitur, et in cælesti Hierusalem templum Dei, quod est sancta Ecclesia, renovatur. De qua nimirum servitute dicit Apostolus: « Nam et ipsa creatura liberabitur a servitute corruptionis in libertatem gloriæ filiorum Dei (*Rom. viii*). » Tunc itaque Jesus non corpore suo, quod est Ecclesia, sordida vestimenta deponit, tunc honoris ac gloriæ regimen assumit; quia omnis electorum chorus a lugubri squalore temporalis tristitiæ liberatur, et immortalitatis stola in illo splendore sempiternæ felicitatis induitur. Quod etiam in psalmo dedicandæ domus apertissime canit Ecclesia: « Convertisti, inquit, planctum meum in gaudium mihi; consci-distis sacrum meum, et præcinxisti me lætitia, aut cantem tibi gloria mea, et non pungar (*Psal. xxix*). » Cidaris etiam munda in ejus capite ponitur, quia felicitatis æternæ gloria coronatur. Hujus itaque beatæ vestis intuitu, dilectissime frater, lenocinatio quæque corruptibilis indumenti blandimenta contemne, ludieras ac fluitantes nitentis habitus lacinias despice; contentus extremis ac vilibus, sub sanctæ regulæ te lege cōstringe. Noli altum sapere, sed time (*Rom. xi*); ultimum in spiritualibus nuptiis accubitum pete, humilitatis injuriam perhorresce; si quando negligenter obreperit, per poenitentiam corrige. Memento itaque, quod per Salomonem dicitur: « Si ascenderit super te spiritus potestatem habentis, locum tuum ne dimiseris (*Eccle. x*). » Ac si aperte dicat: Si tentatoris spiritum contra te in aliquo prævalere consideras, humilitatem poenitentiam non relinquant. Gloriosius igitur deputa veste alba cum Christo humiliter contegi (*Luc. xxiii*), quam cum superbo et purpurato divite, flammis ultricibus irrecuperabiliter sepeliri (*Luc. xvi*).

Sit nomen Domini benedictum.

533-534 OPUSCULUM TRICESIMUM.

DE SACRAMENTIS PER IMPROBOS ADMINISTRATIS.

ARGUMENTUM. — Florentinos cum suo episcopo dissidentes, propterea quod illum de Simonia suspectum habebant, ad concordiam revocare nititur, purgans se quod, cum Florentiæ esset, cum illo communicasset. Non enim æquum fuisse ait ut episcopum sine causa damnaret, præsertim cum crimen quod ei obieiebatur non probaretur. Graviter quoque in quosdam monachos invehitur, qui episcopi ejusdem communionem avversabantur, et in tantam audaciam pervenerant, ut neque baptismum, neque aliud sacramentum ab eo collatum, valere affirmarent, quod hic confutat. Demum hortatur Florentinos, ut si quid contra episcopum suum habent, ad pontificem Romanum deferant, ad quem spectat de hujusmodi rebus sententiam ferre; interim tamen eidem communicent.

Dilectis in Christo civibus Florentinis, PETRUS A (I Tim. III), columna, et firmamentum veritatis. Et peccator monachus fraternæ charitatis obsequium.

Nuper, ut recolitis, dilectissimi, ad vos venientes, laboriose studimus inter episcopum vestrum vosque componere, et amicitiae, quæ recissa fuerat, foedera reformantes, in vos spiritum sequestra pace condare. Sed quoniam adjuvandi apud vos prædicti Sacerdotis intuitu plura protulimus, quæ sinistra scilicet interpretatione perverti, et a turbis valent vulgaribus vitari, ne et nos indigna notemur infamia, et illi, quod absit! mendacii crimen incurrant, quod ore coram vobis frequenter expressimus, etiam styli currentis articulo commendamus, ut quod audistis ore prolatum, videatis etiam apicibus exaratum, et in verba nostra commentari, vel ab his discrepare, mendax quisque non audeat, dum in nobis, et manus scribens, et lingua loquens, indisona sibi met unitate concordant. Anathematizamus itaque et irrecuperabiliter condemnamus Simoniacam hæresim, primam omnium hæreseorum ex imis diaboli visceribus erumpentem, seseque adversus nascentis Ecclesiæ regulam exitaliter extollentem. Quæ nimirum adhuc ex ipso diaboli felle progreditur, et in perditionis filios pestilentissime derivatur. Cujus scilicet auctori per Petrum dicitur: In felle amaritudinis, et in obligatione peccati video te esse (Act. VIII). Quia vero fel columba non habet, Spiritus autem sanctus in columbæ specie super Dominum venit (Matth. III), isque amaritudine fellis intumuit, columbini spiritus capax esse non potuit. Quapropter omnes hujus nefandæ hæreseos peste corruptos, hæreticos esse indubitanter asserimus, eosque damnabiles atque a suis arcendos honoribus, juxta sacrorum canonum sententias, judicamus.

CAPUT PRIMUM.

An Ecclesiæ Sacramenta per malos conferri possint.

Verumtamen tantam gratiæ plenitudinem sanctæ Ecclesiæ inesse confidimus, ut in ea procul dubio, et per malos bona, et per inquinatos munda, et per execrabiles sacramenta conferri posse credamus. Hæc est vere corpus Christi, et juxta Apostolum

hæc non noviter ex nostra temeritate decernimus, sed ex sanctorum catholicorum Patrum auctoritate jam decreta firmamus. Quod in libello quoque, cui *Gratissimus* nomen indidimus (20), multis Novi ac Veteris Instrumenti testimoniis approbatur. Sed condemnatis omnino Simoniaciis, ac indubitanter inter hæreticos deputatis, sicut in præfato libro digessimus, licet eorum sacramenta ex authentica canonum possent sanctione defendi, ut eos tamen magis ac magis synodalis censura confunderet, constitutum est in Romano, 535 sanctæ memoriæ Nicolao præsidente, concilio (*Decret. Nic. PP. ap. Grat. I, qu. I, cap. De cætero*): ut quicumque per eos eatenus fuissent in enjuslibet ecclesiastici gradus dignitate promoti, in percepti honoris ministerio permanerent; et tunc vero, et deinceps quicumque se pateretur a Simoniaco provehi, nil penitus ex ea deberet promotione lucrari, et sic ministrandi jura deponeret, tanquam si hæc nullatenus percepisset. Hæc itaque ratione jam non modo Simoniacos reprobamus, sed et per eos exhibita sacramenta contemnimus. Hæc itaque, si oblit non estis, omnia me vivis vocibus proferentem frequenter audistis. Non enim alia scribimus, quam quæ locuti sumus. Si ergo ego et vos de Simoniaciis, eorumque reprobandis in posterum consecrationibus una sententia utique congruimus, cur adhuc invicem litigamus? Est plane super episcopo vestro quæstio, quem videlicet nonnulli vestrum opinantur venaliter irrepisse, nonnulli vero gratis, et per ostium introisse, constant animi libertate confirmant. Illi turbulentis jurando conviciis, quod opinantur allegant; isti quod scire fatentur, crimen injectum refellendo, propulsant. Et quis ego sum, qui inter hos compugnantium globos signum manus mittam, et tam ferale scelus homini antequam canonice probetur ascribam? Nam licet error semper sit et ubique vitandus, tolerabilis tamen est si quis justificet peccatorem, quam si præjudicet innocentem. Synodus annualiter imminet, sedes apostolica cunctis

adeuntibus patet. Romanam ergo pulset Ecclesiam A
quisquis se justam adversus episcopum habere calumniam sperat. Nec enim nos homunciones exigui in andronarium angulis reddere possumus irritum, quod in ipso summo totius mundi cardine non ambigimus institutum. Cernitis itaque me simpliciter hæc sola conscribere, quæ me præsentem audistis ore proferre. Erubescat ergo fabricator quisque mendacii, qui dum me vidi in causa nutantis controversiæ non leviter judicantem, impudenter elatrat Simoniacæ hæreseos existere defensorem. His igitur paucis rationem me vobis reddidisse sufficiat, ne longior stylus fatigari vos nimia prolixitate compellat.

Hinc ad commonachos meos articulum transfero, a quibus profecto procedere notam hanc jurgandi B
materiam non ignoro. Dicunt enim quia ab hujusmodi sacerdotibus nec chrisma confici, nec ecclesia dedicari, nec clericalia jura conferri, nec missarum ullo unquam tempore potuerunt solemnia celebrari. Et tam hæc impudenter allegant, ut anno homo compuleretur in tribus plebibus sine conspersione chrismatis catechumenos baptizari. Sed cum Christus procul dubio denominetur a chrismate, nil aliud tollunt baptismo, nisi Christum, qui chrismatis subtrahunt sacramentum. Et certe si me forte non fugit, nulla unquam hæresis in tantam prorupit audaciam, ut baptismi lavacro chrisma, hoc est, ut a Christiano Christum dividere præsumpsisset. Quod si, contempta propria, ab alia Ecclesia furtive delatum chrisma credatur, sicut a quodam scilicet C
eorum fautore configitur, ecce, quantum ad illos pertinet, in spiritualibus rebus committitur adulterium, et in sacrilegium vertitur sacramentum, nimirum 536 dum propriæ Ecclesiæ chrisma projicitur, et ab aliena clandestinæ fraudis ingenio subrogatur. Beatus denique papa Gregorius in supremo ultimæ homiliæ versiculo sic ait: « Sed hæc omnipotens Deus, qui per me in vestris auribus loquitur, per se in vestris mentibus loquatur. »

Cum igitur hoc librum suum fine concludit, omnipotentem Deum cuncta quæ in eo scripta sunt per se locutum evidenter ostendit. Hic itaque, per quem talis inhabitator eloquitur, in homilia de sacerdotibus facta (hom. 17), per impositionem D
manus Simoniaci Spiritum sanctum cœlitus dari manifestissime confitetur. « Qui namque, inquit, sunt in templo Dei hodie, qui columbas vendunt, nisi qui in Ecclesia pretium de impositione manus accipiunt? » per quam videlicet impositionem Spiritus sanctus cœlitus datur. Ubi adhuc eandem sententiam replicat, et tanquam tardioribus vel adhuc dubitantibus rursus inculcat dicens: « Columba ergo venditur, quia manus impositio, per quam Spiritus sanctus accipitur, ad pretium præbetur. » Sed quia de his in libro nostro multa conscripsimus, hic in talibus non diutius immoramur. solummodo qui legit intelligat.

CAPUT II.

Quod Spiritus sanctus per improbi ministerium dare potest sua charismata.

Præterea major est Ecclesia quam Ramatha, major est Christus quam Samuel. Si ergo in Saul, quem malus exagitare spiritus consueverat, cum venisset in Ramatha, ubi Samuel cum David prophetabat, spiritus insiluit, ita ut se vestimenis exueret, et nudus tota die ac nocte, cum cæteris concinens prophetaret (I Reg. xvi et xix); quid mirum, si Spiritus sanctus in Ecclesia super quemlibet reprobum veniat, et non per ejus meritum, sed per ejus ministerium in alios charismatis sui dona transfundat? Si, inquam, divinus Spiritus illum repente corripuit (I Reg. x), atque ab eo, per tam diuturni temporis spatium non recessit, qui vas erat omnino diaboli, eumque nequitia spiritus non clam, sed aperte per corpus simul et animam possidebat; quid novum, si cloacam reprobi cujuslibet hominia splendor ille cœlestis irradiat, quem tamen nullum squaloris obsceni contagium fœdat? Sed nunc cur ista prosequimur, cum consecrationem Simoniacis nuper fuisse prohibitam superius præfati sumus? Plane quia iidem ipsi qui baptismum fieri sine chrismate docuerunt, adhuc adversus eos qui ante syæodum gratis a Simoniacis ordinati sunt sufflant, eosque cum suis ordinatoribus esse hæreticos dogmatizant, eorumque missas et omnia per eos facta mysteria blasphemant, anathematizant, conspungunt, abijciunt, et explodunt, eorumque benedictionibus terribiliter maledicunt, cum dicat Apostolus: « Quia maledicti regnum Dei non possidebunt (I Cor. vi). » Et in suis maledictionibus illud Malachiæ prophætæ testimonium adhibent, quo dicitur: « Maledicam benedictionibus vestris (Malach. ii), » non attendentes quod Dominus in libro Numeri de sacerdotibus ait: « Invocabunt 537 nomen meum super filios Israel, et ego benedicam eis (Num. vi). » Sacerdos quippe Dominum super hominem verbis invocatur: sed ipse super eum Dominus benedictionem efficaciter format. Effectus itaque benedictionis non in merito sacerdotis constat, sed hunc invocatio divini nominis administrat, ut quod ex ore sonat hominis, virtus impleat Creatoris, et per indigni sæpe hominis ministerium divina virtus suum veraciter efficiat sacramentum. Sed fatui et imperiti quilibet homines in hoc prophetæ verbo caligantes errant, nescientes scilicet quæ loquuntur, vel de quibus affirmant. In sacris quippe Scripturis ita maledictio aliquando pro sterilitate, sicut et benedictio pro rerum temporalium ponitur ubertate. De qua nimirum benedictione in libro Regum dicitur: « Benedixit Dominus Obededon et omnem domum ejus. Nuntiatumque est regi David, quia benedixit Dominus Obededon, et omnia ejus propter arcam Domini; dixitque: Ibo, et reducam arcam cum benedictione in domum meam (II Reg. vi). » Unde cum Psalmista præmitteret: « Viduam ejus benedicens benedicam (Psal. cxxxi); »

ut ostenderet de qua benedictione diceret, protinus addit: « Pauperes ejus saturabo panibus (*Ib.*) » Et alibi: « Benedixit eis, et multiplicati sunt nimis (*Ps. cvi.*) » Ubi patenter ostenditur quia benedixit, hoc est, multiplicavit. Cui simile est quod filii Joseph dixerunt ad Josue: « Quare dedisti mihi possessionem sortis, et funiculi unius; cum sim tantæ multitudinis, et benedixit mihi Dominus? (*Jos. xvii.*) » Benedictio igitur aliquando multitudinem, aliquando significat ubertatem. At contra, contentienti mandata cuilibet reprobo per Moysen dicitur: « Maledictum horreum tuum, et maledictæ reliquæ tuæ; maledictus fructus ventris tui, et fructus terræ tuæ (*Deut. xxxviii.*) » unde paulo post: « Mittet Dominus super te famem et esuriam (*Ibid.*) » Quamobrem et in hoc Malachiae testimonio, ut non intelligamus maledictionis vel anathematis jaculum intorqueri, sed famis et inopiæ supplicium intentari, præmittit, dicens: « Si nolueritis, inquit, ponere super cor ut detis gloriam nomini meo, mittam in vos egestatem; » moxque subiungitur: « Et maledicam benedictionibus vestris (*Malach. ii.*) » Cum ergo egestatem præmittit, quid maledictionibus intelligi velit, luce clarius innoscit. Ac si dicat: Si contempseritis præcepta mea, in vestris cordibus ponentes, quod præcipue pertimescitis, sub egestatis vos et inopiæ faciam penuria suspirare; ut ipsa vos terræ vestre sterilitas feriat, dum in proferendis bonorum operum frugibus vitium vos sterilitatis accusat: et inopia vos cruciet corporum, qui videlicet alimenta negligitis animarum. Et, ut hoc ejusdem prophætæ verbis adhuc clarius approbemus, longe postmodum dicit: « Gens tota, inferte omnem decimam in horreum meum, et sit cibis in domo mea: et probate me super hoc, dicit Dominus, si non aperuero vobis cataractas cæli, et effudero vobis benedictionem usque ad abundantiam (*Malach. iii.*) » Porro si maledictionem anathematis illic Dominus voluisset intelligi, non diceret: « Maledicam benedictionibus vestris; » sed potius: Maledicam vobis, qui scilicet benedicere non merentes audetis.

Et ut quod dicimus etiam ex Evangelio manifestissime comprobemus, nil aliud scilicet dixisse Dominus legitur, nisi hoc solum: « Jam non amplius in æternum quisquam fructum ex te nanduct (*Matth. xxi.*) » Quæ nimirum verba Petrus maledictionem appellavit, cum ei postmodum dixit: « Rabbi, ecce filicne cui maledixisti aruit (*Marc. xi.*) » Talis enim maledictio primo homini data est, cui dictum est: « Maledicta terra in opere tuo, quæ spinas et tribulos germinabit tibi (*Gen. iii.*) » Sed et ista sterilitatis maledictio benedictionem ubertatis excludit, sicut in Pharaonis somnio vaccæ vaccas, et spicæ devorant spicas (*Gen. xli.*)

CAPUT III.

Quo quæ sacerdotes lucrant, sacramenta blasphemant.

Sicut ergo hic præcepta servantibus non aliam quam benedictionem promittit abundantiam; ita illic

non servantibus e contrario maledictionem minatur inopia: alioquin vero quo pacto Deus omnipotens sacerdotali malediceret benedictioni, quam virtus sui consecrat nominis? Cum enim, sicut superius dictum est, super quem nomen Domini invocatur, indubitanter ab ipso Domino benedicitur, quomodo consequens est ut eam benedictionem Dominus maledicat, per quam ipse hominem per invocationem sui nominis benedicit? Hinc est quod auctoritas canonum (*Can. apost. 46, et dist. 32, cap. Præter, paragr. Sciendum sententialiter*) etiam a pestilentioribus hæreticis baptizatos prohibet iterum baptizari; ne videlicet nomen Dei, quod invocatum est super illos, videatur annullari, vel in irritum duci. Quisquis præterea dum sacerdotes quoslibet obtreactionibus lacerat, eorum nihilominus et sacramenta blasphemat. Quid etiam beatus Judas apostolus de blasphemantibus in Epistola sua loquatur, attendat: Nam cum præmisisset de quibusdam qui dominationem spernunt, majestatem autem blasphemant, præsto subiunxit: « Cum Michael, inquit, angelus, cum diabolo disputans, altercaretur de Moysi corpore, non est ausus iudicium inferre blasphemie, sed dixit: Imperet tibi Dominus (*Jud. 9.*) » Si ergo summus angelus in diabolum blasphemie iudicium non præsumpsit inferre: quomodo non pavescit homo sacramenta, quæ virtute sancti Spiritus plena sunt, irridere? Nam cum Veritas dicat: « Qui peccat in Spiritum sanctum, non remittetur ei, neque hic, nec in futuro (*Matth. xii.*) » timendum valde est ne illum ab eis constet offendi, sine quo peccatorum offensio nequeat relaxari.

Sed cur de sola sacerdotum sive sacramentorum obtreactione conquerimus, cum ab eis omnia pene dilacerari, omnia conspui, omnia dicantur irrisione publica subsanuari? Non est, inquit, papa, non rex, non archiepiscopus, neque sacerdos. Unde factum est, sicut dicitur, ut mille circiter homines h's nugis naniisque decepti, sine sacramento Dominici corporis et sanguinis ex hoc mundo recesserint. Opinantur enim per hujus temporis sacerdotes nullam in sacramentis posse fieri veritatem; sed et quamplures reperiuntur Ecclesias quas non modo suis ingressibus indignas ducunt, sed nec salutationis quidem obsequio idoneas arbitrantur. Nam et salutare despicunt, quas ut mille dedicatas ab indignis nescio quibus episcopis suspiciant. Enimvero, ut Lucas narrat, ait Paulus: « Cæsarem appello (*Act. xxv.*) » Cui Festus: « Cæsarem, inquit, appellasti, ad Cæsarem ibis (*Ibid.*) » Est ne scelerator papa quam Nero? Credimus monachos istos sanctiores esse quam Paulum? Cur ergo Paulus, qui tertii cæli tribunal ante conscenderat (*II Cor. xii.*), Neroniano conpectui non sit dignatus assistere; quis est monachus qui, pro suæ sanctitatis arrogantia, sedis apostolicæ debeat iudicium reprobare? ubi scilicet non hominis meritum, sed ecclesiasticæ dignitatis attenditur institutum. Ipsi quippe in angiportuum angulis judicant, et synodalia jura detrectant, diju-

dicant monachos, clericalia cuncta corrodunt, et solis A laevis, qui videlicet acris ac mordacius insequendi sunt, parcut. Vident monachum incedentem; aspice, inquit, unum scapulare. Presbyterum, vel Episcopum abire prospiciunt, barbaris se videre fatentur. A quibus etiam si benedictio quaeritur, nullatenus respondetur; protinus avertunt oculos, asserentes scilicet eos, quibus respondeatur, indignos.

CAPUT IV.

Cur Judaei in Christum male affecti.

Nos etiam si cum peccatoribus communicamus, et simul vescimur, obrectationum mox sale conspergimur, laceramur, parique cum illis sententia damnationis involvimur: imo nos, nos, inquam, et pessimi sumus qui eorum indigni judicamur alloqui, qui eorum sociale contubernium non meremur. Sed haec non monachorum est regula, sed superstitio Phariseorum: «Murmurabant, inquit evangelista, Scribae et Pharisei, dicentes: Quia hic peccatores recipit, et manducat cum illis (Luc. xv).» Et haec est radix et tota materia unde feralis in Dominum furor Judaici livoris incanduit; hinc in mortem ejus viperini fellis malitia conspiravit: nimirum quia se putabant legalium caeremoniarum esse custodes, Dominum autem arguebant amicum publicanorum, et Sabbata violentem. Delectat me cum Domino meo hanc perferre calumniam, et malo cum illo in domo Levi carnaliter vivere, quam in tabernaculis peccatorum (Psal. lxxxiii), hoc es, cum sanctis Deo repugnantibus, habitare. Qui nimirum, sprete regula Christianorum, stoicorum dogma sequuntur (Cicero, Parad.), dum esse prorsus aequalia omnia peccata definiunt. Nos autem inter David sanctum, reprobique Saullem, Jonathan medium constituimus; qui licet Saullem veritatis 540 ac Fidei sinceritate transcendat, David tamen merita pietatemque non aequat. Admonendi sunt itaque fratres nostri ne nimis justi, nimis sint sapientes. De quorum primo Salomon: «Noli, inquit, esse nimium justus (Eccle. vii); de secundo dicit Apostolus: «Noli plus sapere quam oportet sapere, sed sapere ad sobrietatem (Rom. xii).» Mala sapientia, quam caligo erroris obnubilat; bona simplicitas, quae a catholicae

fidei tramite non declinat. Odiosa sanctitas, quae in haeresim illabitur; et dum per triti itineris ductum designatur incedere, per anfractus et ruinosos devia compellitur oberrare. Nimia certe immunditia in heretica contagione illuvium Novatianos, qui et Cathari dicuntur, immersit; nimia sanctitas Luciferianos, tanquam perniciosos palmites, ab ecclesiastici corporis unitate praecidit. Qui dum prohibent non licere quod licet, ac per hoc jactant se defensores esse iustitiae, hostes adjudicantur Ecclesiae, ut sibi met extrinsecus, velut ranæ in paludibus, garriant, qui dum inessent, importune vociferantes, omnia confundebant. Huiusmodi quippe genus hominum ranis sive locustis merito comparatur; quia, sicut Aegyptum illa tunc animalia percusserunt, ita per hos nunc vastatur Ecclesia. Nam de locustis Scriptura dicit: «Quia operuerunt universam superficiem terrae, vastantes omnia;» moxque subiungitur: «Devorata est igitur herba terrae, et quidquid pomorum in arboribus fuit (Exod. x).» Locustae siquidem universam terrae superficiem vastant, et herbas cum pomis arborum devorant; cum detractores quilibet, vel infirma nostra, quasi herbas humilium, vel, sicut fructus arborum, opera perfectorum dilacerando corrodunt, et livido mordacis invidiae dente consumunt. Contra quos dicit Apostolus: «Capite nos, neminem laesimus, neminem corrumpimus, neminem circumvenimus (II Cor. vii).» Et alibi exprobrans ait: «Invicem mordetis? invicem laeditis? Videte ne ab invicem consumamini (Gal. v).» C Sed cum nos, in sacro videlicet ordine constituti, deberemus esse venatores Dei, sicut per Jeremiam dicitur: «Mittam venatores meos, et venabuntur (Jer. xvi);» nos relictæ praeda secularium, nudatis dentibus, invicem ringimus: et quasi rabidae caniculæ mutuis nos morsibus laceramus. Reprimatur jam praesumptio timida, exaequet se fratribus sanctitas onerosa. Qui vult esse sanctus, sit sibi coram Deo; nec per arrogantiam fratri praeferatur infirmo. Catulus itaque, cuius erat officium extraneos pellere, nequaquam, contemptis illis, aggrediatur domesticos lacerare, ne qui quietus poterat dormire sub tecto, exclusus foribus compellatur naubare [f. cubare] sub dio (21).

(21) Finis hujus epist. videtur imperfectus.

Sit nomen Domini benedictum.

541 542 OPUSCULUM TRICESIMUM PRIMUM.

CONTRA PHILARGYRIAM ET MUNERUM CUPIDITATEM.

ARGUMENTUM. — Avaritiae vitium, et praecipue in accipiendis muneribus, gravissime detestatur: cardinalesque episcopos hortatur ut illud ab universa Ecclesia et sacerdotum mentibus, si fieri potest, evelire et exterminare conentur. Prudenter autem hoc admonet vir sanctissimus. Videbat enim omnes fere clades et æruinas quibus illa tempestate Christiana resp. premebatur atque adeo vexabatur, ex avaritiae fonte derivatas esse; cuius teterimam pestem si principes Ecclesia opprimeret, facile deinde futurum apparebat, ut in toto catholico orbe aboleretur.

Cardinalibus episcopis apostolicae sedis PETRUS peccator monachus salutem in Domino.

Sicut verba praesentibus indicia sensuum, sic inter absentes litterae sunt instrumenta animarum. Bella-

toriae artis industria, sicut in bello discitur, ut in pace postmodum doceatur; sic aliquando, dum docetur in otio, cautius exercetur in bello. In conflictu sedis apostolicæ, in quo vos adhuc unanimiter desudatis, concertator et ipse pugnavi. Sed ecce cum militari cingulo sim solutus, et in municipii pace compositus, libet jam docere quod didici.

CAPUT PRIMUM.

Quod iudices ne gratis quidem accipere possunt dona.

Inter omnes itaque vitorum circumfremementum acies, inter densissimas jaculorum ingruentium more grandinum tempestates, adversus avaritiam vobis est attentius vigilandum, ejusque sagittis semper opponendus est clypeus. Qui nimirum ad hoc præcipitanter anhelat, ut lethale miseris vulnus infligat; princi, io tamen ut obtutum non frontis, sed cordis exstinguat. Unde vir Sapiens ait: « Xenia et dona excæcant oculos iudicum, et quasi mutus in ore avertit correptiones eorum (Eccli. xx; Deut. xvi). » Armat enim muneribus adventantes, et per eos expugnat ac cæcat eorum corda, qui suggerendi locum apud aures obtinent principales, de quibus per Isaïam Dominus conqueritur, dicens: « Principes tui infideles, socii furum, omnes diligunt munera, sequuntur retributiones (Isa. i). » Dicat aliquis: Ego quidem nihil quæro, sed si quid gratis offertur, accipere non recuso. Ecce hic non notantur ii qui munera quærant, sed qui tantummodo diligunt. Qui etiam socii furum non immerito dicuntur, quia dum furtiva dona suscipiunt, etiam a comministris suis et sôdâlibus deprehendi velut in furti crimine perhorrescunt. Et notandum quod dicitur: « Sequuntur retributiones; » quia quamvis munificis suis auxilium quod postulantur impendant, reatus tamen maculas non evadunt; quia dum beneficii sui talionem recipiunt, fructus æternæ mercedis amittunt. De quibus et paulo post dicit: « Heu! consolabor super hostibus meis, et vindicabor de inimicis meis (Ibid.). » Filii plane Samuelis nullum aliud crimen habuisse leguntur, nisi quia munera dilexerunt, et quia paternæ munditiæ non sequebantur exemplum; irrecuperabiliter amiserunt plebis Israelitiæ principatum. Et notandum, quia dum de illis Scriptura dicit: « Declinaverunt post avaritiam, acceperunt munera, » protinus intulit: « perverterunt iudicium (I Reg. viii). » Vicinum quippe est atque contiguum, ut post munus acceptum, pervertatur etiam corrupto censore iudicium. O quam mundam Samuel frontem habebat a muneribus, cum dicebat: « Conversatus coram vobis ab adolescentia mea usque ad diem hanc, ecce præsto sum, loquimini de me coram Domino et coram Christo ejus; utrum bovem cujusquam tulerim, an asinum, si quempiam calumniatus sum, si oppressi aliquem, si de manu cujusquam munus accepi; et contemnâ illud hodie, restituamque vobis (I Reg. xii). » Unde et in lege præcipitur: **543** « Ne accipias munera, quæ excæcant etiam prudentes, et subvertunt verba iustorum (Exod.

A xxiii). » Et in Deuteronomio non dissimile: « Non accipies, inquit, personam, nec munera; quia munera excæcant oculos sapientum, et mutant verba iustorum (Deut. xvi). » Quam aversus a suscipiendis muneribus erat Abraham, cum regi Sodomorum Bara obsistebat, dicens: « Levo manum meam ad Dominum Deum excelsum, possessorem cæli et terræ, quod a filo subtegmis usque ad corrigiam caligæ non accipiam ex omnibus quæ tua sunt (Gen. xiv). » Quam mundus a susceptis muneribus Moyses erat, qui scientem omnia Dominum in testimonium deducebat: « Tu, inquit, scis quod ne asellum quidem unquam acceperim ab eis, nec afflaxerim quempiam eorum (Num. xvi). » Nam ubi muneribus inhiatur, consequens est ut, sicut iudex hunc accepta mercede justificat, sic illum qui nil dedit affligat. Unde per Isaïam dicitur: « Væ, qui justificatis impium pro muneribus, et iustitiam iusti aufertis ab eo! (Isa. v). » Quibus illico vindictam, quæ illis debetur, intemat, cum subdit: « Propter hoc, sicut devorat stipulam lingua ignis, et flammæ calor exurit, sic radix eorum quasi favilla erit, et germen eorum ut pulvis ascendet (Ibid.). » De quibus idem propheta alibi conqueritur dicens: « Omnes in viam suam declinaverunt, unus quisque ad avaritiâ suam a summo usque ad novissimum (Isa. lvi). » Avaritia plane Dei omnipotentis adversum se iracundiam provocat; et cor quod possidet, vanis semper cogitationibus vexat. Hinc est quod de avaro conqueritur populo, dicens: « Propter iniquitatem avaritiæ ejus iratus sum, et percussi eum, et abscondi, et indignatus sum, et abiit vagus in via cordis sui (Isa. lvn). »

CAPUT II.

Quod fructus ex divitiis capitul, si dispensentur pauperibus.

Nulla sane putredo vulneris in Dei naribus intolerabilis fetet, quam stercus avaritiæ. Et cupidus quisque dum sordentis pecuniæ quæstus accumulât, vertens exedram in latrinam, quasi molem stercoris coarcevat. Hinc est quod per Ezechielem dicitur: « Argentum eorum foras projicietur, et aurum eorum in sterquilinum erit; argentum eorum et aurum non valebit liberare eos in die furoris Domini (Ezech. vii). » et alibi scriptum est: « Væ ei, qui multiplicat non sua, usquequo, et aggravat contra se densum lutum! » (Habac. ii.) Avaro sane contra se densum lutum aggravare, est terrena lucra cum peccati pondere cumulare. Habacue etiam propheta: « Væ, inquit, qui congregat avaritiâ malam domui suæ! ut sit in excelso nidus ejus, et liberari se putat in die mali (Ibid.). » Porro sicut ignem ligna non satiant, sic æstus avaritiæ pecunia cumulata non sedat. Sed sicut flamma fomentis extollitur, ita nihilominus avaritia, dum lucra cumulantur, augetur. Unde et Ecclesiastes: « Avarus, inquit, non impletur pecunia; et qui amat divitias, fructus non capiet ex eis (Eccl. v). » Fructus quippe ex illis caperet, si eas bene spargere non amando voluisset,

quia vero recte diligat, hic utique sine fructu derelinquit, **544** ubi et sequitur : « Ubi sunt multae opes, multi sunt qui comedunt eas (*Eccle. v.*). » Et quid prodest possessori, nisi quod cernit divitias oculis suis? De quibus idem Salomon ait : « Divitiæ conservatæ in malam domini sui. Pereunt enim in afflictione pessima; generabit filium, qui in summa egestate erit (*Ibid.*). » Et ut ostendat quam infideles sint divitiæ possidenti, mox subiicit : « Sicut egressus est nudus de utero matris suæ, sic revertetur, et nihil auferet secum de labore suo. Miserabilis prorsus infirmitas ! quomodo venit, sic revertetur. Quid ergo prodest quod laboravit in ventum cunctis diebus vitæ suæ ? etc. » (*Ibid.*) An idcirco forte lucra congerimus, ut possessiones ac prædia redimamus? Sed quid prodest confinia proprii juris extendere, cum hæc vitæ nostræ nequeant angustias protelare? Unde vir sapiens ait : « Noli attendere ad possessiones iniquas, et ne dixeris : Est mihi sufficiens vita; nihil enim proderit in tempore vindictæ (*Eccle. v.*). » Nam et Isaias ait : « Væ, qui conjungitis domum ad domum, et agrum agro copulatis usque ad terminum loci ! nunquid habitabitis in medio terræ soli vos ? » (*Isa. v.*) Ac si aperte dicat : Quousque vos extenditis, qui in communi mundo degere sine consortibus non potestis? Adjacentes quidem atque contiguos premitis; sed contra quos vos valatis extendere, semper invenitis. Unde scriptum est : « Qui querit ditari, non erit innocens (*Prov. xxviii.*). » Et alibi dicitur : « Avaro nihil est scelestius. Quid superbis terra et cinis? Nihil est iniquius quam amare pecuniam (*Eccle. x.*). » Dura certe et nimis formidolosa sententia. Si enim nihil est avaro scelestius, nihil iniquius; non ergo melior parricidis, non præfertur incestis, æquatur hæreticis, assimilatur idololatriis. Unde et Apostolus dicit : « Avaritia quæ est idolorum servitus (*Coloss. iii.*). » Sit ergo quilibet castus, sit sobrius, sit indigentibus alendis intentus, hospitalitati deditus, jejundet, vigilet, diem nocti psallendo continuet; si tamen avarus est, totum perdit; ita ut inter omnium criminum reos nequiorem se invenire non possit : « Nihil est enim, sicut dicitur, avaro scelestius, nihil iniquius quam amare pecuniam (*Eccle. x.*). » Quid ergo proderit non occidere? non mœchari? non rapere? non denique perjurare? immūnemque te prorsus a cunctis criminibus custodire? dummodo si a te avaritia non expellitur, nihil te nequius, nihil scelestius reperitur.

CAPUT III.

Quid sit avaritia.

Eat ergo avarus, parietes Ecclesiæ construat, studio prædicationis insistas, dissidentes in pace confœderet, titubantes in catholicæ fidei veritate confirmet, offerendis quotidie sacrificiis sit intentus, a negotiis sæcularibus sit remotus; donec tamen in eo ardor avaritiæ non exstinguitur, omnis flos virtutum ejus exurit, et nullas eo criminosior invenitur. Enimvero postquam Scriptura posuit, avaro

A nihil esse scelestius, ne quis in hoc verbo, quod est avarus, dubietatis scrupulus posset emergere, vigilantè addidit: nihil iniquius quam amare pecuniam. Igitur avarum esse nihil **545** est aliud, quam amare pecuniam. Amatur enim acquisita pecunia, amatur nihilominus acquirenda. Avaritia quippe quasi biceps est coluber; utroque consuevit ore mordere, utroque pestiferum virus infundere; dum aut aliena res quaeritur, aut habita delectabiliter possidetur. De illo sane qui utroque hujus serpentis ore deglutitur, scriptum est : « Viro cupido et tenaci, sine ratione est substantia; et homini livido ad quid aurum? injuste aliis congregat, et in bonis illius alius luxuriabitur (*Eccle. xiv.*). » Sunt præterea qui totis ad appendenda aliena B desiderii inardescunt; sed hæc postquam adepti sunt, præcipitanter effundunt. Sunt qui ad aliena quidem acquirenda non inhiant, sed quæ sua sunt, tenaci custodia tanquam Cereris sacra conservant. Terrerimum autem genus est eorum qui et aliena turpiter ambiunt, et quæ jam sui juris sunt sordida tenacitate custodiunt. Pejores scilicet draconibus Babylonæ, qui, licet infinitam auri argenteique dicentium servare congeriem, nulli tamen propriam diripiunt facultatem : et contenti quasi propriis rebus, non inhiant alienis. Porro autem quid mihi congregare divitias, quas neque huc quispiam, dum ingrederetur, advenit; neque comitari poterunt de sæculo recedentem? Unde dicit Apostolus : « Nihil inutilius in hunc mundum, haud dubium quia nec auferre quid possumus; habentes autem alimenta, et quibus tegamur, his contenti simus. Nam qui volunt divites fieri, incidunt in tentationem et laqueum diaboli, et desideria multa inutilia et nociva, quæ mergunt homines in interitum et perditionem. Radix enim omnium malorum est cupiditas, quam quidam appetentes, erraverunt a fide, et inseruerunt se doloribus multis (*I Tim. vi.*). »

CAPUT IV.

Quam sit perniciosum divitiis appetere.

Quid ergo mirum quod superius diximus, avaro nihil esse scelestius, cum dicatur omnium malorum radix esse cupiditas? In quo enim radix est omnium malorum, ille consequenter omnium malorum reus esse convincitur; quia quorum habet in sui pectoris agro radicem, non potest venenatam vitare propagationem. Nec prætereundum quod ait : « Quam quidam appetentes, erraverunt a fide (*Ibid.*). » Nimirum, sicut proditor Salvatoris, qui, ut exiguae summæ perciperet quantitatem, sub venalitate distraxit rerum omnium Conditorum, et, pro vilis amore pecuniæ, auctorem tradidit vitæ (*Matth. xxvi.*) Sicut enim Balaam filius Beor (*Num. xxii.*), qui, dum ad pecuniæ quæ offerebatur inhiat quæstum, Dei fide contempta, de Israelitici populi dedit ruina consilium. Hunc plane quidam non contemnendæ auctoritatis viri tradunt (*vide scholia ad calcem opusculi*). Helin fuisse Buziten de progenie scilicet Buz, qui secundus filius fuit Nachor fratris Abraham. Qui videlicet Helin in li-

bro B. Job ejus amicus dicitur exstitisse (*Job xxxii*); A quoniam propheta fuerat, et spiritalis gratiæ revelatione pollebat; sed dum avaritiæ paulatim declinasset in vitium, de propheta factus ariolus, de ariolo conversus prohibetur in magum. Ecce quid utilitatis conferat **546** avaritia; quæ dum fidem hominibus tollit, prophetam vertit in magum, et ex apostolici culminis apice mergit in tartarum. Nunquid et Giezi a fide non erraverat, qui, dum argentum Naaman offerretem perciperet, domini sui spiritum suspicabatur absentem? Sed ait Eliseus: « Nonne cor meum in præsentem erat, quando reversus est homo de curru suo in occursum tibi? » (*IV Reg. v.*) Ubi caute considerandum est quia, si ille multatus est qui pretium tulit de virtute prophetæ, quo pacto quis audeat vendere iudicium papæ? « Accepisti, inquit Eliseus, argentum et vestes, ut emas oliveta et vineas, oves et boves, servos et ancillas; sed et lepra Naaman adhærebit tibi et semini tuo in sempiternum (*Ibid.*). »

Duo plane simoniacæ hæreseos reperiuntur auctores, unus in Veteri Testamento, alter in Novo, quæ etiam duo simoniacorum genera perferunt, venditum scilicet, et ementum. Giezi siquidem donum sancti Spiritus vendidit (*IV Reg. v.*), Simon Magus comparare tentavit (*Act. viii*). Nec ille solummodo dicendus est simoniacus, qui dat vel accipit de sacris ordinibus pretium; sed et qui vendit synodum, qui distrahit sacerdotale iudicium. Sed fortasse aliquis dicat: Et ille ergo qui pro synodali sententia quidquam tribuit, simoniacum crimen incurrit? Non hoc dixerim; quia neque Naaman deliquit, dum fraudulento servo pro mundatoris sui reverentia munus obtulit. Aliud quippe est, quamlibet causæ suæ desiderare iustitiam, aliud canonicam, quæ per Spiritum sanctum constituta est, venalem habere censuram. Et qua conscientia de promulgando judicialis sententiæ calculo pretium sumimus; cum ille, cui patrocinium venale præbemus, aut iuste, aut contendat injuste? Quod si iuste litigat, veritatem procul dubio vendimus; si vero injuste, contra veritatem, quæ Christus est, impudentis audaciæ temeritate pugnamus. Hinc est quod in lege præcipitur: « Iuste quod iustum est, exsequeris (*Deut. xvi.*). » Injuste quippe quod iustum est exsequitur quisquis ad defensionem iustitiæ non virtutis æmulatione, sed amore præmii temporalis excitatur. Nam injuste quod iustum est exsequi jure dicitur qui iustitiam quam præfendit, venundare non veretur. At ille quod iustum est iuste probatur exsequi, qui in asseritione iustitiæ nil aliud præter solam iustitiam querit.

CAPUT V.

Quod simoniaci sunt non solum qui paciscuntur, sed etiam qui pecuniam non pactam postulant.

Et quia sunt nonnulli qui vel antequam consecrationis exhibeant ministerium, vel ante decusum

causæ negotium, nullum pacti sunt commodum; postmodum vero tanquam a debitoribus exigunt, et extorquendis remunerationibus vehementer insistant; hi se Giezi non dubitent crimen incurrrere (*IV Reg. viii*), qui, postquam Naaman curatus est, jamque reverens, de dono S. Spiritus ausus est pecuniam postulare. Et sicut ille non alia quam lepræ plaga percussus est, quæ homines removebat a castris; **547** sic iste non levi, sed illius labe perfunditur criminis quod ab Ecclesiæ separat sacramentis.

Vidi plane, dum episcopalis apicis officio fungeretur (**22**), quendam de fratribus nostris, nomen quidem supprimo, vitium noto, qui sic subsultabat atque gliscibat, dum præfixum synodalis concilii tempus insisteret, ac si trituræ sive vindemiales proventus articulus immineret. Accingebat enim se muneribus colligendis, ad quos utique præcidentes non aciem ferri, sed falcem excubebat eloqui, qui etiam hujus fraudis habere pseudo dicebatur apostolos, qui nimirum pecunias hinc inde corraderent, easque marsupiiis jam evomentibus infarcirent. Si quis autem mihi forte succenseat, quod consecratorum meum tam mordaciter reprehendam, Joannem corripiat et Matthæum (*Joan. xii, xiii, et, xviii; Matth. xxvi*), qui dum sacræ prosequuntur historiæ veritatem, coapostolum suum pecuniis inhiantem sacrilegum perhibent traditorem. Sperantes autem hujusmodi quæstus hostis antiquus sæpe deludit, ut eis nullatenus impleat quod promisit. Sicut enim aucupes accipitrem ad escam carnis blandiens provocat, sed mox ut manu tenuerit, carnem subtrahit, lora pedes astringit; ita diabolus primo quidem pollicetur lucrum, quod postmodum subtrahens, peccati duntaxat injicit laqueum. Hoc itaque modo qui muneribus inhiat, tanquam mus, dum escam corrrodere nititur, tendicula suffocatur. Quod nimirum egregie præcavit insignis ille Fabricius, quem dum Pyrrhus Epirotarum rex, adversus imperium Romanæ reipublicæ dimicans, esse pauperem comperisset, sollicitare cepit, quartamque regni sui partem sibi, si ad se transfugeret, compromisit. Quod ille dignatus abhorruit, et, quovis gloriosior rege, in sua paupertate permansit. Hoc itaque Christianus, qui avarus est, audiat, sique gentilitatem suam et gentilis hominis Evangelium erubescat. Et sæpe sub hac intentione munus accipitur, ut, si munificus reperitur esse culpabilis, augugium iustitiæ non lucretur. Quod facile quidem promitti, sed difficile valet impleri. Acceptis quippe muneribus, si contra datorem quid agere volumus, mox in ore nostro verba mollescent, locutionis acumen obtunditur, lingua quadam pudoris erubescencia præpeditur. Mens quippe percepti muneris conscia, debilitat judicialis censure vigorem, reprimit eloquentiæ libertatem. Nam et si iudicii recitudo funditus non adimitur, iudicandi tamen auctoritas enervatur. Nonnulli vero hanc circa se reperiuntur habere custodiam, ut judicialis adhuc causæ pendente negotio nil etiam ab

(22) Quod non vere sanctus doctor episcopatu se abdicavit, licet voluerit, alibi dicitur.

offerente suscipiant; sopitis vero litibus, gratis oblata non spernant. Sed, emergentibus causis, sepe contigit ut, quod se putaverant gratis accepisse, in aliis cogantur negotiis compensare; fluvique periculum, quod se speraverant reliquisse post tergum, insperate coram se reperiunt enatandum. Hoc est ergo tutum et integrum, ut, juxta prophetam: « Excutiamus manus nostras ab omni munere; » et nocendi sive juvandi servemus nobis ingentiam libertatem, ut non litigemus sub servitute pecuniæ, sed servianus in libertate justitiæ. Si quis forte domesticæ facultatis conqueratur angustias, audiat **548** attente quod scriptum est: « Propter inopiam multi deliquerunt, et qui quærit locupletari, avertit oculum suum (*Eccli. xxv.*). » Si ergo illi delinquant qui rei familiaris inopiam perferunt, qui ea quoque quæ victui sunt necessaria, sibi met deesse conspiciunt; si, inquam, et isti peccant, dum acquirendis rebus non superfluis sed necessariis æstuant; quod illis iudicium qui ad hoc ditari moliantur ut effluant? ut diversas metallorum species et obnoxia tinea vestimenta recondant? Quibus terribiliter intonans Jacobus comminatur apostolus: « Agite, inquit, nunc divites, et plorate ululantes in miseris quæ advenient vobis (*Jac. v.*). » Quibus præmissis, et causam præsto subjungit: « Divitiæ vestræ putrefactæ sunt, vestimenta vestra a tineis comesta sunt, aurum et argentum vestrum æruginavit, et ærugo eorum in testimonium vobis erit, et manducabit carnes vestras sicut ignis; thesaurizastis enim vobis iram in novissimis diebus (*Ibid.*). »

CAPUT VI.

Quod divitiæ non appetantur ad indigentiam, sed ad luxum.

Porro autem qui ejusmodi sunt, non ad hoc conqueruntur inopiam ut indigentiam naturæ necessitatum sustentaculis fulciant; sed ut turritæ dapibus lauces Indica pigmenta redeant, ut in crystallinis vasculis adulterata melle vina flavescant. Ad hoc certe ditari cupiunt ut, quocunque deveniunt, præsto cubiculum operosis et mirabiliter textis cortinarum phaleris induant, sique parietes domus ab oculis intuentium tanquam spelendum cadaver obvolvant. Mox etiam tapetis prodigiosas imagines præferentibus sedilia sternunt, peripetasmata laquearibus, ne quid occiduum delabatur, opponunt; deinde clientium turba dividitur. Alii siquidem domino suo reverenter assistunt, nutumque ejus si quid forte jubeatur, curiosa nimis, velut rimatores siderum, observatione custodiunt. Alii Marthæ ministerio dediti, velut hirundines, inquieti per diversa discurrunt. Inter has autem deliræ ambitionis insanias, quid sibi dorsalia quaerunt, quæ a suis conspici dominis non merentur? Grave quippe dispendium sui patientur ornatus, dum in occipitio vel cervicibus oculi non erumpunt. Et quam utile divitiarum genus, quod dum nullum usum præter solam habeat pulchritudinem, specie tamen sua nequeat pascere possidentem! Alienorum nempe duntaxat oculorum

A famulatur illecebris, dum non ad aspectum, sed post tergum sui appenditur possessoris. Cui non dissimilis et illa creditur esse dementia, dum lectulus tam operosis decussatur impendiis, ut ornamentum sacrosancti cujuslibet, vel etiam ipsius apostolici præcellat altaris. Et quam videtur absurdum ut stratus ille diligentius excolatur, ubi corruptibilis caro soperis quiete resolvitur, quam ara crucis, in qua videlicet hostia Domini corporis immolatur. Hoc ergo modo cum sobrietas soleat commendare pontifices, effusis nunc opibus facti sunt helleboones. Regalis itaque purpura (*vide scholia ad calcem opusculi*), quia unicolor est vilipenditur, **549** pallia vero diversis fucata nitorebus ad sublimis lectuli deputantur ornatum. Et cum domesticis murices nostris aspectibus sordeant, transmarinorum pelles, quia magno pretio coemuntur, oblectant. Ovium itaque, simul et agnorum despicuntur exuviae, ermellini, gebellini, martores exquisuntur, et vulpes. Cum illa scilicet in sacris honorentur eloquiis, et vel Ecclesiae, vel personam expriment Salvatoris: « Oves, inquit, mea vocem meam audiunt (*Joan. x.*); » et: « Ecce Agnus Dei, ecce qui tollit peccata mundi (*Joan. i.*). » De istis vero vel taceatur omnino, et indigna sint quæ Scriptura commemoret; vel, si eorum reperitur ulla memoria, sinistram probantur habere figuram. Sicut est illud: « Vulpes foveas habent, Filius autem hominis non habet ubi caput suum reclinet (*Matth. viii; Luc. ix.*). » Ecce non reclinatur in vulpeculis Christianus; dormit sub vulpinis pellibus Christianus. Respuat animalia Redemptoris mundi vocabulo decorata; filius suum deputat ornamentum, quæ figuras innuunt reproborum. Sed divites isti non mediocri percelluntur obstaculo, quia, dum phaleratis atque depictis se ludicibus contegunt, vix, vix illis! apertis oculis dormire non possunt. Invidendum est ergo Regulo dudum consuli Romanorum (*Eutrop. Histor. lib. ii, in fine*), cui Carthaginenses, dum in reipublice constanter amore persisteret, oculorum palpebras præciderunt. Et revera ad quid decor iste pulchritudinis, si non aspicitur? Ad quid certe rerum tam speciosa varietas, si hac intentus animus non paseatur? Præclarum videlicet hoc divitiarum est genus, quo dum utitur, nequeat aspicere; dum aspicitur, usum præbere non possit. Tædet cætera vanitatis attexere, non ridenda, sed gemenda ridicula; fastidium est tot ambitionis ac prodigiosæ vesaniæ dinumerare portenta. Papales scilicet infulas gemmis micantibus aureisque bracteolis per diversa loca corruptas. Imperiales equos, qui, dum pernices gressus arcuatis cervicibus glomerant, sessoris sui manus loris innexas indomita ferocitate fatigant. Omitto annulos enormibus adhibitis margaritis. Prætereo virgas, non jam auro gemmisque conspicuas, sed sepultas. Nunquam certe vidisse me memini pontificales baculos tam continuo radiantis metalli nitore contextos, sicut erant qui ab Esculano atque Transensi gestabantur episcopis. Uterque tamē

alter in Apulis finibus, Nicolao præsidente; alter in A Lateranensi Ecclesia, coram Alexandro, Romanis scilicet pontificibus, sunt dejecti. Nec eis profuit quod pontifices ligneis, auratis, usi sunt baculis; dum sacerdotii meritum non nitor efficiat vestium, sed spiritualium norma virtutum; et non incantia margarita vel gemmæ, sed mores aurei deceant sacerdotem. Sicut enim vera sacerdotis humilitas Deum sibi conciliat, et cætera ejus bona commendat; sic arrogantis tumor et vanitatis ambitio divinæ adversum se indignationis iracundiam provocat, et contra bonum quod aliquando forsitan operatus est pugnat. Unde per Isaiam Dominus dicit: « Nunquid super his non indignabor? » (Isa. LVII.) Super montem quippe sublimem sacerdos ascendit, cum sese in superbie fastum per quasdam adulterini decoris insolentias erigit. Et cum anima 550 sacerdotis tanquam sponsa Christo spiritualis sit conjugii fœdere copulata; si sic exteriori ambiat cultum, ut interiorem postponat ornatum, quodammodo viri sui toro introducit adulterum. Unde vox divina præsto subjungit: « Quia juxta me, ait, te discooperuisti, et suscepisti adulterum (Ibid.). » O quam acerbis doloris est, si, cum maritus est præsens, tunc introducatur adulter; et in thalamo quo recubat sponsus, rivalis admittatur incestus! Unde protinus additur: « Dilatasti cubile tuum, et pepigisti cum eis, dilexisti stratum eorum in manu aperta. » Et ne de ornatu vel deliciis taceat, illico subjicit: « Et ornasti te regio unguento, et multiplicasti pigmenta tua (Ibid.). » Postquam vero confudit arrogantiam superborum et luxuriose viventium, mox spiritum consolatur humilium et salubriter afflictorum: « Auferte, inquit, offendicula populi mei, quia hæc dicit Dominus excelsus et sublimis, habitans æternitatem in excelso, et in sancto habitans, et cum contrito et humiliato spiritu, ut vivificet spiritum humilium, et vivificet cor contritorum (Ibid. vii.). » Cor denique sacerdotis Dei templum, Christi debet esse sacrarium, non certe, sicut legitur, spelunca latronum (Matth. xxi), vel sordentis pecuniæ receptaculum. Hoc enim unaquæque mens in divino deputatur examine, quod versat per concupiscentiam in cogitatione. Fornicationem inaginat, vel adulterium, lupanar efficitur meretricum: effusionem sanguinis meditat, et odium, campus est frementium bellatorum: ciborum et suavium epularum versat quis in cogitatione delicias; quid aliud in conspectu Dei videtur, nisi cacabus sive lebes in quo cibus excoquitur? Controversias tractat atque litigium; quid aliud quam tribunal judicis aspiciat, sive forum? Unde cum Dominus ad Ezechielem diceret: « Ingredere, et vide abominationes pessimas, quas isti faciunt hic; » præsto subjungit: « Et ingressus vidi, et ecce omnis similitudo reptilium et animalium, abominatio, et universa idola domus Israel depicta erant in pariete in circuitu per totum (Ezech. viii.). » Quod enim versatur in mente, tanquam depictum cernitur

in pariete. Et mens ipsa earum rerum imagines contrahit, quas sedula meditatione revolvit; et tanquam diversis actionum imaginibus pingitur, prout vana vel utilia meditatur. Ac si quispiam micantia nunc astra suspiciat, nunc declinet oculos in latrinam, modo miretur radiantis auri fulgorem, modo scabram ferri contempletur æruginem; sic, sic humana mens dum terrena meditat, et infima, procul dubio terra conspicitur; cum vero quæ pietatis sunt tractat, cum divina cogitat atque cælestia, merito cælum, templum Dei videtur, atque sacrarium.

CAPUT VII.

Quod Romana Ecclesia sedes sit apostolorum.

Nunc præterea Romana Ecclesia, quæ sedes est B apostolorum, antiquam debet imitari curiam Romanorum. Sicut enim tunc terrenus ille senatus ad hoc communicabat omne 551 consilium, in hoc dirigebat et subtiliter exercebat communis industriæ studium, ut cunctarum gentium multitudo Romano subderetur imperio; ita nunc apostolicæ sedis astitit, qui spiritales sunt universalis Ecclesiæ senatores, huic soli studio debent solerter insistere, ut humanum genus veri imperatoris Christi valeant legibus subjugare. Et sicut tunc Romanorum consules ex diversis mundi partibus reportabant, peracta hostium cæde, victorias; sic isti nunc animas hominum de manu diaboli debent liberare captivas. Ad hos quippe victoriarum titulos, ad hos debent semper inhære triumphos; videlicet ut antiquo prædoni animarum pereunantium manibus rapere, et regi suo Christo signa gaudeant victricia reportare. Hunc porro conflictum David signavit, cum Rabbath civitatem victor obtinuit. Rabbath quippe multitudo vel grandis interpretatur, quod non inconvenienter universitatem hujus mundi significare cognoscitur. David itaque Rabbath obtinuit civitatem (II Reg. xi), cum suis legibus Christus grandem et copiosam hujus mundi subdidit multitudinem. Coronam vero de capite regis illius David abstulit, sibi, sicut Scriptura testatur, imposuit, quod tunc versus David Christus implevit, cum mundi sapientes, quibus quodammodo diabolus ornabatur, eripuit, et in sui decoris et gloriæ diadema convertit. Multitudo quippe fidelium non modo Christi, sed et doctoris cujusque corona perhibetur, cujus predicatione convertitur. Sicut Paulus Philippensibus ait: « Itaque, fratres mei charissimi, gaudium meum et corona mea, sic state in Domino (Philipp. iv.). » Sed et prædam, juxta Scripturam, asportavit multam valde. Præda quippe de Rabbath tollitur, cum ex hoc mundo quique fideles atque devoti ad Dei omnipotentis obsequium convertuntur. Vos, inquam, o sancti pontifices, vos potissimum hujusmodi debetis esse prædones; qui quotidie desudetis animas hominum de manibus reprobi possessoris eripere, et triumphales regi vestro David manubias reportare. Nec tamen sufficit, cum diabolo raptus ad Deum quisque pia

devotione convertitur, nisi mox etiam a status sui duritia quasi crebro sanctæ prædicationis malleo conteratur. Unde per Jeremiam: « Nunquid non verba mea sunt quasi ignis, dicit Dominus: et quasi malleus conterens petram? » (Jer. xxiii.) Verba quippe Domini quasi ignis sunt, quia frigus expellunt, calorem mentibus ingerunt; malleus autem sunt, quoniam obstinationis et pervaciæ duritiam molliunt. Congruè ergo sacra subnectit historia: « Populum quoque ejus adducens servavit, et circumegit super eos ferrata carpenta; divisitque cultris, et transduxit in typo laterum (II Reg. xii). » Quid enim per ferrata carpenta, quod utique genus est curruum, nisi fortem atque inexpugnabilem quadrigam sanctorum evangelistarum, ac per hoc omnium divinarum Scripturarum intelligere debemus eloquium? Nam, prout alibi jam diximus, vile quidem ferrum, tamen edomat omne metallum. Sicut ferrum metallis omnibus dominatur; sic evangelica doctrina duras mentes emollire cognoscitur. Quid est ergo super captos homines ferrata carpenta circumagere, nisi sacre **552** Scripturæ rotis humanarum mentium aream triturrare? ut in eis sermo divinus et victorum reluctantium glebas obterat, et eas ad suscipiendas mandatorum cælestium segetes complanare et exæquare contendat. Et quid est, eos cultris dividere, nisi peccatorum hominum conscientiam ad confessionem divini verbi prædicationibus aperire? De quo verbo dicit Apostolus: « Gladium spiritus, quod est verbum Dei (Ephes. vi). » Tunc enim tanquam spiritualibus cultris homo dividitur, cum ad detegendas animæ suæ plagas divini verbi gladio desecatur. Cur autem eos in typum laterum transduxisse narratur, nisi quia lateres et terreni sunt et decocti? Tunc enim peccator in typum lateris vertitur, cum ad prædicationis vocem, sancti Spiritus ardorem concipit, et, veraciter humiliatus, terram se ac lutum esse perpendit. Sic itaque quisque conversus ac poenitens in lateris formatur imaginem, cum et humiliatur ex suæ fragilitatis luto, et quasi rubescit sive flammescit in amore divino, ut, dum se terrenum pulverem pensat, cor suum ad referendas Deo gratias, qui se revocavit, accendat. Unde et Adam interpretatur *terra rubra*, ut ex primi parentis nomine quisque condiscat vel quid originaliter sit, vel quid cum actualiter esse conveniat. Ad hos itaque [triumphos] sacerdotes Ecclesiarum, ad istas sancti pontifices debuerant anhelare victorias, non sumptuosas epularum ferculis, non resolvi lenocinanti petulantia voluptatis. Post mundi quippe nascentis exordium per mille ferme ante sexcentos annos humanum genus sine vini poculo et esu carnum vixit; nec tamen quispiam, quem Scriptura commemoret, usque ad obitum languore contabuit.

CAPUT VIII.

Epilogus, et opusculi conclusio.

Sed ut jam, quæ supra latius comprehensa sunt, brevis epilogi fine concludam: et cotis funcius

A officio, dum ipse non incidam, incidentis aciem ferri magis ac magis exacuum; evellatur a corde nostro radicatus avaritia, concurrentibus scilicet omnium Scripturarum testimoniis evidenter condemnata: et cum Achan filio Charmi, quasi tot Patrum sententiis, quot lapidibus obruta (Jos. vii). Non accipiendis muneribus delectemur, ne in occultis censoris examine a sacerdotum, quod absit! deiciamur ordine, sicut filii Samuelis ob hoc judicialis amiserunt culminis dignitatem. Non vendamus synodum, nec synodale decretum redigamus ad pretii quantitatem, ne sacri concilii Spiritum sanctorum distrahere videamur auctorem. Sæcularis pompæ facessat ambitio, moderetur nitor et insolentia vestium, epularum, ac potuum ingurgitatio temperetur. In manus pauperum nostra pecunia transeat; quæ per avaritiam turserat, per misericordiam exhausta jam crumena follescat. Nostræ divitiæ nosterque thesaurus lucra sint animarum, et in arca nostri pectoris pretiosa recondantur talenta virtutum. In hæc etiam ara principaliter sacrificium offeramus, et, profligatis quæ circa nos sunt, demum **553** nosmetipsos Deo viventes hostias immolemus; quatenus qui sacerdotes in oculis hominum cernimur, in obtutibus etiam oculi Judicis veri sacerdotii jure fungamur.

SCHOLIA.

Regalis itaque purpura quia unicolor est, vilipenditur; pallia vero diversis fucata nitoribus, ad sublimis lectuli deputantur ornatum. Ex hoc loco facile colligitur multo ante quam recentiores aliquot affirmant, purpuram S. R. E. cardinalium habitum fuisse, nec eorum duntaxat, qui ex clericorum ordine ad tam sublime fastigium evehebantur, sed etiam monachorum e S. P. Benedicti claustris ad eam dignitatem assumptorum. Constat enim eos ad quos Petrus Dam. scribit, monachos fuisse ex sancti Benedicti familia, quibus tamen ita loquitur: « Et cum domestici murices nostris aspectibus sordeant, transmarinorum pelles, quia magno pretio coemuntur, oblectant. » Qui arbitror, ut dicebam, longe antiquiorem purpuræ usum inter S. R. E. præsules fuisse, quam recentiores aliqui existiment. Et quidem si in hisce rebus argumentum valet a picturis desumptum, purpuræ usum non modo in clericis, sed etiam in monachis fuisse antiquissimum probat etiam auctor libri beato Desiderio abbati et cardinali prope annum Domini 1060 dedicati, et ex bibliotheca Casinensi cum aliis multis in Vaticanam translatis: **D** in cujus fronte, ipse, inquam, Desiderius monachus et abbas sacri monasterii Casinensis, ac tituli S. Cæcilie presbyter cardinalis duplici veste, stricta una, talari altera, et quasi consulari purpurea utraque, vittaque aurea in singulis extremis vitæ ornata inspicitur. Nec est, dubitandum quin vivente Desiderio ea pictura facta sit; nam præterquam quod versus, qui libri principio ab anonymo illo Casinensi ejusdem libri scriptore præfiguntur, ipsum tanquam præsentem alloquuntur: id etiam præterea ostendit, quod Desiderius ad capitis tergum quadratam habet tabellam, quæ indicium ea tempestate viventis esse solere, per vetusta Urbis monumenta, quorum nos multa observavimus, demonstrant: et Joannes diaconus cardinalis in Vita S. Gregor. lib. iv, cap. 84, testatur. Amplius, sicut cardinales in locum senatus antiqui succedere, ita multo antea quam hi recentiores opinantur, a Romanis pontificibus eos purpura donatos fuisse verisimillimum fit. Sed, et cum di-

cant Innocentium IV anno Christi 1244 statuisset ut cardinales equo in publicum vecti, galero rubro uterentur; et Paulum II anno Dom. 1464 suo Decreto mandasse ut cardinalium galeri ex serico coccineo fierent, quibus etiam panno ejusdem 554 coloris dono datis, equi vel mulæ eorum, dum equitarent, ut sternerentur voluisset; mirum videtur quomodo alii historici scribant cardinales tempore Clementis VI circa annum Christi 1353 et 1358 panno purpureo, tam ipsos, quam ipsorum equos indutos, ac perornatos fuisse, ut de cardinali Egidio Albornotio testatum reliquit illius ætatis scriptor Matthæus Vilaranus Chron. Florent., lib. III, cap. 54, et lib. VII, cap. 100, et assertor vite beati Petri de Lucemburgo cardinalis creati ad annum 1386, tametsi a pseudo-papa non solum galeri rubei, sed et cappe rubeæ duobus in locis salis aperte meminit. Verum ut hoc loco illud etiam non prætereamus, abbates etiam Benedictini ordinis quosdam dignitatis commonstrande gratia (licet eorum monachi nigris vestibus induti incederent) violaceo usos esse; ut constat antiquissimo monasterii Farsensis registro, ex quo manifeste apparet quique ac triginta fere numero abbates ad Supponem, qui anno Domini 1040 vixit, his vestibus indutos monasterium rexisse. Quem violaceum colorem abbatibus, et maxime Romæ degentibus, quive sacro illustrissimorum cardinalium consistorio, ac summo pontifici præsto adesse, et quasi a latere esse conseruant, et temporum, bel-

lorum ac cæterorum hujusmodi injurias hominum, que malitiam ademisse facile creditum est. Nec hoc quidem mirum, cum Benedictini ordinis professoribus ex sanctissimi sui patris regula quocunque uti colore permissum fuerit. Quapropter cum cardinalitia vel quavis alia dignitate fulgebant, ut purpuream vel violaceam chlamydem gestarent, dispensatione summi pontificis (ut alterius instituti sectatores, quibus aliter innui cautum est regula) non indigebant. Quamvis vero S. P. Benedictus suis cum monachis in veste nigra incederet, generatim tamen hæc præcipit: « De quarum rerum omnium colore, aut grossitudine non censeantur monachi; sed quales inveniri possunt in provincia, in qua habitant. » Unde Paulus Diaconus Casinensis apposite hunc locum ita explicat: « Non debent monachi causare, si pedules albi fuerint, et tunica fusca, id est, si pedules alterius coloris fuerint, et alterius tunica atque alterius cucule. » Et Ferriolus, Smaragdo abbate referente: « Colorem etiam, inquit, in his album vel nimis rufum, per quem sæpe species corporis ad perniciem suam videntibus commendatur, vitet. » Hæc Ferriolus, qui quasi ex consilio ejusmodi monachos admonerat. Quibus inspectis manifeste constat monachos in claustris degentes, si omnis coloris indumento tegi poterant, majore jure Ecclesiæ proceres constitutos, injussu et impune purpureis vel violaceis vestibus insigniri posse quasi dubitat?

Sit nomen Domini benedictum.

555 556 OPUSCULUM TRICESIMUM SECUNDUM.

DE QUADRAGESIMA ET QUADRAGINTA DUABUS HEBRÆORUM MANSIONIBUS.

ARGUMENTUM. — Occasione ejusdem qui per quadraginta dies, non modo tunc cum ab Ecclesia sancitum est, sed aliis etiam anni temporibus, cibis lautioribus abstinebat, quadragenarii hujus numeri mysteria et quasdam quasi prærogativas ex sacris litteris colligit. Deinde quadraginta duo loca, in quibus morati sunt paulisper Hebræi antequam ad destinata sibi divinitus arva pervenirent, mystice interpretatur; ita ut per ea virtutum quibusdam gradibus ad perfectionem et felicitatem tendentem, Christiani hominis vitam occulte significari luce clarius ostendat.

Reverentissimo fratri HILDEBRANDO, PETRUS peccator monachus intimæ dilectionis affectum.

Quod ego simul et tu, venerabilis frater, vicaria nuper interlocutione contulimus, non otiosum vel superfluum ducimus si per titularis etiam styli seriem digeratur. Dixi siquidem, si oblitus non es, nosse me servum Dei, qui, præter illas Quadragesimas, quæ scilicet a Patribus institutæ, suisque limitibus per anni circulum sunt præfixæ, alias occulte carinas [f. cartinas] celebrat, quibus scilicet illices carnalium passionum appetitus frangat, ac prurientes æstuantis illecebræ concupiscentias crucifigat. Modo quippe per quadraginta dierum spatium piscibus abstinet, modo se vel a pomorum, vel etiam olerum, quæ sibi met aptiora sunt, perceptione coercet. Aliquando siquidem cerasorum primitias comedit, aliquando peponum, aliquando ficum vel uvaram, vel quidquid illud est quod delicatus sapit. Sed mox ut gula provocatur, ut comedat, disciplina protinus adhibetur, ne desiderata contingat; et quia quod ardor edendi jam gustaverat, avidius concu-

piscit, ille protinus frenum abstinentiæ faucibus injicit; non utique condemnans cibos quos Deus creavit ad percipiendum cum gratiarum actione fidelibus; nec ignorans quia omnis creatura Dei bona, et nihil rejiciendum quod cum gratiarum actione percipitur (I Tim. IV). Cum omnia scilicet comedere prius incipiat, quanquam esus ille magis ad cruciatum quam ad oblectationis emolumenta proficiat. In hac igitur abstinencia gulæ frangitur appetitus, concupiscentiæ fervor exstinguitur, non Dei, quod absit! creatura damnatur: et in hoc uberior mercedis fructus acquiritur, quod hæc quasi vilium rerum abstinencia non famosa, vel celebris, [sed] et palam geritur, et tamen velut occulta nescitur. Quem videlicet, fratres, si quis cur hoc vel illo cibo non utatur, inquirat; respondet illico quia suis infirmitatibus hunc noxium non ignorat. Quod tamen iste de languoribus animæ loquitur, hoc ille de incommoditate corporis arbitratur. Et hanc per singulos illos cibos abstinenciam quadrageno semper dierum circulo tenere consuevit.

CAPUT PRIMUM.

Quod in rebus despicabilibus gravior est abstinentia.

Ipsæ quoque mihi, nuper confessus es quoniam ideo te funditis a porcorum sive cæparum perceptione compescis, quia videlicet his acuminibus uberius delectaris. In his itaque despicabilibus rebus et gravior abstinentia, et minor est gloria. Facilius enim carne, quam sale quis abstinet; gravior est abjicere fructus arborum, quam aspersas patinis fragrantias pigmentorum. Quanquam et parentes nostros de paradiso pomum projecit (*Gen. iii*), non pigmentum. Quia non est in culpa quod plures emi, sed quod possit avidius concupisci. Sed potiorum rerum abstinentia plausu favoris attollitur, vilium vero contemptus dignus præconio non videtur. Unde fit ut quod minoris est honoris in publico, majoris gloriæ pondus habeat in occulto. Sic ut ait prædicator egregius: « Quod **557** momentaneum, inquit, et leve est tribulationis nostræ, supra modum in sublimitate æternam gloriæ pondus operatur in nobis (*II Cor. iv*). » Enimvero mihi videtur servus ille Dei, quem diximus, de sancti Spiritus hoc infusione concipere, quod semper vult de Quadragesima in Quadragesimam per varias succedentis abstinentiæ vicissitudines currere, et nunquam velit a proposita sacraei hujus numeri linea declinare. Hic est enim numerus, quo cælum cataclysmus aperuit; cum, abolitis iniquitatum sordibus, mundi faciem divina pietas innovavit (*Gen. vii*). Per hujus numeri continentiam Moyses scripta digito Dei legis mandata promeruit (*Exod. xxiv*): per hanc et Elias usque ad montem Dei Horreb infelicia gressuum agilitate pervenit (*III Reg. xix*). Accedit huic numero longe clarior gloria, cum et ipse Dominus et quadraginta diebus jejunavit in deserto (*Matth. iv*; *Marc. i*; *Luc. iv*), et totidem horis postmodum jacere dignatus est in sepulcro. Post Resurrectionem quoque quadraginta diebus cum discipulis degit donec ad majestatis paternæ consessum victor ascendit (*Act. i*).

Quod ergo frater illo hujus sacri numeri mysterio delectabiliter pascitur, ut intra metam ejus per salutaris semper abstinentiæ vicissitudines transferatur, divini procul dubio Spiritus promovetur instinctu, ut, dum intra quadragenarii numeri modum jugiter graditur, ex Ægypto cum Israelitis ad patriam se propere testetur. Per hunc enim numerum Israeliticus populus terram repromissionis ingressus est (*Num. xiv*; *Deut. xxix*; *Jos. v*). Et, o quam profundi, quamque admirabilis altitudinis mysterii! quia per quam sacramenti lineam Deus est conversus ad homines, per hanc homo reversus est ad auctorem. In egressione quippe filiorum Israel ex Ægypto quadraginta duæ sunt mansiones, et adventus Domini Salvatoris in mundum per quadraginta duas nihilominus generationes inducitur, quas videlicet evangelista Matthæus enumerat, dicens: « Ab Abraham usque ad David generationes quatuordecim, a David usque ad transmigrationem Babylonis gene-

A rationes quatuordecim, a transmigratione Babylonis usque ad Christum generationes quatuordecim (*Matth. i*). » Ipso ergo numero Dominus in Ægypti hujus ima descendit, quo populus Israel ad terram repromissionis ascendit. Descendit, inquam, ille, ut iste ascenderet. Ille servitutis induit formam (*Philip. ii*), ut iste de servitutis eigastulo liber exiret. Et observantur Moyses posuit, dicens: « Ascenderunt filii Israel cum virtute sua (*Exod. xiii*). » Quæ est enim electorum virtus, nisi Christus, qui est virtus Dei? (*I Cor. i*.) Qui ergo ascendit, cum ipso ascendit qui ad nos non necessitate, sed dignatione descendit; ut illud verum esse non dubitetur, quod per Apostolum dicitur: « Qui descendit, ipse est et qui ascendit super omnes cælos, ut adimpleret omnia (*Ephes. iv*). »

CAPUT II.

Contra eos qui litteraliter tantum sacram Scripturam intelligunt.

Sed quia nos ex occasione prædicti fratris in materiam hujus disputationis incidimus, **558** non otiosum credimus si in ea paulo diutius immoremur; præsertim cum nonnulli, divinæ rationis ignari, frivolum conquerantur atque superfium ut in Ecclesia legatur istarum descriptio mansionum. Arbitrantur enim hæc scire vel legere nil penitus utilitatis afferre: putantes quod rem tantummodo gestam narret historia, et hanc cum ipsa tunc vetustate transisse, neque nunc ad nostram aliquatenus notitiam pertinere. Sed si subtiliter ipsa Scripturæ verba perpendimus, quam extremæ dimentia sit hoc dicere, luce clarius invenimus. At enim historica series: « Et hæc mansiones filio um Israel, ex quo exierunt de terra Ægypti cum virtute sua in manu Moysi et Aaron; » moxque subiit: « Et scripsit Moyses projectiones eorum per verbum Domini (*Num. xxxiii*). »

Audistis quia scripsit hæc Moyses per verbum Domini? Et quis hoc audeat dicere? imo quis temerario præsumat ore garrere ut quod Domino jubente conscribitur, nil utilitatis, nulla conferat emolumenta salutis? Aggrediar ergo, frater mi, si tibi onerosum non est, mansionum illarum figuras summam ac succincte perstringere, et quod ex dictis Patrum indagare potuerim, compendiosis verbis breviter annotare, ut querelosus quispiam ex gustu micarum labentium colligat quam nectaris dapibus pleni ferculi mensa refundat.

Notandum autem quoniam omnis ille discursus, ut quidquid illi gestum historialiter legitur, totum in nobis per mysterium spiritualis intellectus impletur. Quod enim tunc visibiliter gestum est, nobis per spirituales intelligentiam congruit, nostro temporis vetus illud sæculum militavit. Hæc enim, ut ait Apostolus, « in figura contingebat illis (*I Cor. x*). » Nos enim de fornace Ægyptiæ servitutis egredimur, et terram repromissionis ingredi per plurima mansionum loca, hoc est, per diversa virtutum incrementa conamur. Sed quoniam absque

tribu sola Levi, Patrum pene omnium cadavera prostrata sunt in deserto, ad terram autem illam filii tantummodo pervenerunt, expedit ut vetus homo noster intreat, et novus, qui secundum Deum creatus sit (*Ephes. iv.*), ad obtinendam terram viventium convalescat. Quod autem tribus Levi cum cæteris in deserto non perit, hinc manifeste colligitur, quia, postquam omnium Israelitarum numerus a viginti annis et supra, Moysæ supputante, descriptus est, præsto subjunctum est: « Levi tæ autem in tribubus familiarum suarum non sunt numerati cum eis (*Num. ii.*). » Dicit enim Dominus ad Moysen: « Tribum Levi noli numerare, neque ponas summam eorum cum filiis Israel (*Num. i.*). » Postmodum vero Scriptura dicit: « Hic est numerus filiorum Israel, qui descriptus est a Moysæ et Eleazaro sacerdote, inter quos nullus fuit eorum qui antea numerati sunt a Moysæ et Aaron in monte Sinai (*Num. xxvi.*). » Prædixerat enim Dominus quod omnes morentur in solitudine. Quibus videlicet historiæ verbis patenter ostenditur quia, cæteris in deserto prostratis, ad repromissionis terram Levi tribus incolumis et illibata pervenit. Quisquis ergo se potuerit in sacerdotum, vel Levitarum ordine constituere; quisquis noluerit cum reliquis hominibus in terra sortem hæreditariæ **559** portionis acquirere, sed solum cum tribu Levi contentus sit Dominum possidere, iste profecto in hujus mundi deserto non moritur, sed terram repromissionis ingredi vivus et incolumis promeretur. Qui ad promissiones ergo Patrum pervenire desiderat, hæreditatis in terra funiculum cum tribu Levi possidere contemnat. Nam qui se pro terrenis in terram dejecit, qui sese, ubi cum amaritudine Pascha celebrandum est, ac velociter transeundum, diutius gaudere confidit: « Anima, inquit, habes multa bona reposita in annos multos, requiesce, comede, bibe, epulare; non sine causa meretur audire: Stulte, hac nocte repetent animam tuam a te; quæ autem parasti, cujus erunt? » Ille itaque non die, sed nocte perimitur, sicut primogenita Ægyptiorum. Nimirum qui non sprevit Ægyptum, sed obsequium præbuit rectoribus tenebrarum, qui et ipsi nocte animam ejus repetunt; quoniam odit lucem, nec justitiæ consecutus est veritatem. Sed dum vagantius ad exteriora progredimur, jam quasi præmissæ sponsonis obliti, nunc ad Israelitarum mansiones, in quibus aliquantulum immoratos nos esse promissimus, jam quodam, ut ita loquar, postliminio redeamus.

CAPUT III.

Quod descensio Christi ad nos fuerit per quadraginta duo gradus.

Itaque, sicut dictum est, in quadraginta duabus mansionibus pervenerunt filii Israel usque ad principium capiendæ hæreditatis (*Num. xxxiii.*). Principium vero capiendæ hæreditatis fuit, ubi Ruben et Gad et dimidia tribus Manasse accipiunt terram Galaad in possessionem. Porro autem, sicut illi

A ascenderunt per quadraginta duas mansiones, ita Salvator noster in Ægyptum mundi hujus descendit per totidem patres. Quod si jam intelligimus quantum sacramenti numerus iste contineat, humanæ scilicet ascensionis, et divinæ descensionis, incipiamus jam per ea quæ descendit Christus ascendere; et primam nobis eam mansionem, quam ipse novissimam habuit, edificare. Si quis enim ad nos per loca quælibet veniat, ut mox rediens per loca nos eadem ducat; ubi desinit ille, nos iter incipimus, et ubi ille cæperat, nos finimus. Prima scilicet Christi generatio cæpit ab Abraham, ultima vero velut postrema mansio terminavit in Virginem. Et quoniam Abraham interpretatur, *pater excelsus*, nos hoc iter incipimus a Virginis partu, ut peragantes sequentia deinceps mansionum loca, postremo ad Deum, Patrem videlicet perveniamus excelsum. Partus ergo Virginis nobis ex Ægypto exire volentibus in primis occurrit, cum, Verbum Dei carnem factum in hunc mundum venisse credentes, relictis omnibus caducis et transitoris, in illo solo requiescimus, in illo nostræ quietis et spei habitaculum collocamus. Post hæc jam si perficere, et ad singulos quosque fidei et virtutum gradus ascendere nitimur, tandiu debemus immorari, donec valeant virtutes in consuetudinem verti. Et tunc non quasi transcurrere spiritualis vitæ deserta conspiciuntur, **560** sed mansionem facere, vel etiam habitare in ipsis virtutum profectibus judicamur. Nam qui bonum opus non perseveraturus incipit, quasi viam propterandam transcurrit, qui vero in ea quam semel arripuit, permanet sanctitate, illi quodammodo ædificat mansionem. Et notandum quia cum ire, et manere, ac per hoc iter, et mansio a se sint penitus dissona, nec sibimet invicem congruant, utrumque tamen in illo Israelitico pro-cinctu convenisse Scriptura confirmat, ut illi per desertum et iter habuisse dicantur et mansiones. Quia nimirum nos, qui terram viventium intrare contendimus, et manere debemus per fixum professionis nostræ propositum, et ire semper per meliorandæ conversationis et cumulandi profectus argumentum.

In primis ergo proficiscuntur filii Israel de Ramese. Ramese, sicut nonnullis videtur, in nostra lingua, *commotio turbida*, vel *commotio lineæ* dicitur. In quo datur intelligi quod omnia quæ mundi sunt, in commotionibus et perturbationibus constituta, et corruptela, quam lineæ designat, probantur obnozia. In quibus utique non oportet animam residere, sed incontinenter exire. Quidam vero Ramese interpretari *commotionem*, vel *tonitruum* putaverunt. Quod utique nobis aptari non incongrue poterit, quia, dum ad prædicationem evangelicæ tubæ commoti fuerimus, velut ad tonitruum cælestium nubium excitati, ex Ægypto mundi hujus eximus. Exierunt autem illi mense primo, quinta-decima luna, in ipso scilicet plenilunio, ac veris exordio. Et nos cum summæ lucis radiis illustra-

mur, cum in nobis bonæ voluntatis flores erumpunt, cum omnia renouantur, cum prava denique nostrorum cordium superni solis fomite recalescunt, tunc ex Ægypti tenebris egredi festinamus.

Secunda mansio fit in Sochot. Sochot autem interpretatur *tabernacula*. Primus igitur animæ profectus est ut terrenis se commotionibus dividat, sibi que tanquam peregrinæ et incolæ non habitaculum figat, sed exilii tabernaculum struat; lugens cum Propheta: «Heu me, quia incolatus meus prolongatus est!» (Psal. cxix.)

Deinde veniunt in Ethan, sive, ut Septuaginta interpretes dicunt, Butan, quæ est in extremis finibus solitudinis. Ethan *fortitudinem* sonat. Qui ergo jam pro Deo peregrinantur in mundo, qui se incolas et exsules recognoscunt, necesse est ut quanto magis se præbent in terrenis actibus debiles, tanto sint in humilitate ac patientia fortiores. Butan autem *vallis* interpretatur, quod ab eodem sensu nequaquam discrepat. Oportet enim ut quisquis ad terram viventium properat, ad perferenda tentationum jacula in humilitatis et patientiæ convalle persistat.

Inde profecti sunt in Phiahiroth, quæ respicit Beelphegor, et castrametati sunt ante Magdalum. Phiahiroth interpretari dicitur, *os nobilitum*, per quod exprimitur lingua doctorum. In convalle quippe patientiæ constitutus, quo gravius vel persecutionum vel carnalium tentationum flagellis atteritur, eo magis necesse est ut ei ab eo nobilium, id est, a sanctorum doctorum exhortationibus succurrat. Si **561** vero non Phiahiroth sed Osiraath proferendum est, ut alia testatur editio, sciendum est quod Iraath, *vicus* interpretatur. Ad os ergo, hoc est, ad primum vici hujus venit ingressum, quod significat novæ conversationis initium. Unde non ad urbem, sed ad vicum veniunt; quia necesse est ut novitii quique interim se intra suburbanæ vitæ cohibeant modum, nec præcipitanter adhuc audeant senatoriæ perfectionis attentare fastigium. Unde bene dicitur quoniam Arioth respicit Beelsephon (Num. xxxiii). Beelsephon siquidem interpretatur *ascensio speculæ*, sive *turris*. A parvis enim ad magna conscenditur. Non enim hæc mansio fuit in ipsa specula, sed respiciebat speculam. Quia novitius quisque, et si ad speculativam vitam jam per desiderium tendat, necdum tamen ad speculativæ perfectionis culmen aspirat. Quamobrem illic apte subiungitur: «Et castrametati sunt ad Magdalum (Ibid.).» Madgalus *magnificentia* dicitur. Noviter enim quis ad Dei servitium veniens, ascensionem speculæ, et magnificentiam jam quidem in conspectu suo per intentionem tenet, sed per effectum virtutis necdum possidet. Quia licet spe contemplationis ac perfectionis jam pascatur et nutriatur, necdum tamen consummatae munditiæ vel supernæ gratiæ nitore perfruitur. Ut si Beelsephor interpretatur, *dominus Aquilonis*, sicut a quibusdam dicitur, quid

A per hunc Aquilonis dominum, nisi antiquus hostia exprimitur, qui frigidus et ab amore Dei alienis cordibus principatur? Ante hunc ergo, id est contra hunc castrametatur, cum adversus eum infœderabili dimicatione configimus.

Inde profecti per mare Rubrum venerunt in Mara, quæ interpretatur, *amaritudo*. Rectus scilicet ordo est ut qui ad terram properant melle manantem, in deserto vitæ hujus laboris et tentationis amaritudinem hauriant; et per disciplinæ præsentis asperitatem perveniunt ad remunerationis internæ dulcedinem. Unde dicit Apostolus: «Omnis, inquit, disciplina in præsentem quidem non videtur esse gaudii, sed mœroris; post autem fructum pacatissimum exercitatis per eam reddit justitiæ (Hebr. xii).» In procinctu siquidem spiritualis militiæ constitutis, modo amara dulcibus, modo dulcia miscentur amaris; ut per hæc experiatur humana conditio et quid a se patiatur infirmitatis, et quid a Deo debeat sperare virtutis. Sicut eidem populo dicitur: «Affixi te, et cibavi te manna in deserto, nesciebant patres tui, donec dignosceretur quid esset in corde tuo (Deut. vin).»

CAPUT IV.

Quod apostoli sint duces populi Christiani.

Unde sequitur quia, profecti de Mara, venerunt in Elim, ubi duodecim erant fontes aquarum, et septuaginta palmæ. Vides post tentationis amaritudinem ad quantam deveniunt et dulcium pomorum et aquarum profluentium amœnitatem. Per tentationis itaque pugnam, perducuntur ad palmas, et per sitis intolerandam penuriam, ad irriguum veniunt aquarum viventium affluentiam. Animarum **562** quippe medicus omnipotens Deus sic omnia ordinate dispensat, ut, tanquam melle pigmentis infuso, et tristibus læta, et lætis tristia misceat; quatenus mens infirma et aliquando percussa nunquam de prosperitate superbiat, et aliquando refota, in adversitatibus non succumbat. Elim præterea interpretatur *arietes*, qui nimirum sunt gregum sequentium duces. Qui vero sunt duces rationalis gregis, hoc est, populi Christiani, nisi sancti apostoli? Hi nimirum sunt duodecim fontes ariditatem mentium doctrinæ cælestis fluvioribus irrigantes. Verum quia non illos duodecim duntaxat apostolos Salvator noster elegit, sed et alios septuaginta constituit; idcirco non solum duodecim fontes, sed et septuaginta describuntur illic arbores fuisse palmarum. Nam et ipsi apostoli nominantur, sicut et in beati Pauli verbis agnoscitur. Cum enim de Resurrectione Salvatoris ageret: «Visus est, inquit, Cephæ, et post hæc illis undecim, deinde apparuit apostolis omnibus (I Cor. xv).» Ex quibus verbis manifeste colligitur quod, præter illos duodecim, et alii discipuli non inconvenienter apostoli nominentur.

Sed egressi de Elim, juxta mare Rubrum fixere tentoria. Nota, quia non mare rursus ingrediuntur, sed juxta mare tabernaculum figunt: ut mare tantum et procellarum cumulos procul aspiciant, ne-

quamquam tamen motus ejus et impetus pertimescant. Nos etiam post tentationum fluctus, post undisoni maris formidolosa naufragia, eadem saepe mala quæ pertulimus, ante oculos ponimus : ut jam, velut in littore constituti, dignas ereptori nostro Deo gratias referamus.

Profecti quoque de mari Rubro applicuerunt in desertum Sin. Sin interpretatur, *rubus*, sive *tentatio*. Incipit ergo Christi militi jam prosperitatis spes arridere, et collocutionis divinæ verba promittere. De Rubo siquidem Dominus apparuit, et Moysi ad filios Israel perferre mandata præcepit (*Exod. iii*). Illie ergo tibi datur sperandæ clementiæ signum. Sed non otiose Sin etiam tentatio dicitur. Solet etiam sæpius et in visionibus intervenire tentatio, dum nonnumquam spiritus iniquitatis transfiguratur se in angelum Iici (*I Cor. xi*). Et ideo subtiliter est agendum, ut discernantur genera visionum. Sicut et Jesu Nave cum angelum cerneret, et tentationes aliquando hujusmodi visionibus inesse nullatenus dubitaret, protinus ab eo qui apparebat, requisivit, dicens : « Noster es, an adversariorum? » (*Jos. v.*) » Nam et per Apostolum discretio spirituum inter dona sancti Spiritus enumeratur (*I Cor. xii*). Quod autem Sin etiam *odium* interpretari dicitur, neque hoc quidem a spirituali exorbitat intellectu. Quisquis enim pervenit ad visionem vel allocutionem Dei, confestim concepit odium mundi.

CAPUT V.

Quod languores animæ sint vitia, mors vero peccata criminalia.

Sed et inde progressi, venerunt in Depthca : sive ut alia translatio perhibet, Raphaca (*Exod. xii*). **563** Depthca denique *pulsatio* dicitur. Et nos postquam pertingimus ad Ecclesiam, quam videlicet Rubus ille significat, ubi Dei meretur homo colloquium, ubi visio conspiciat angelorum, tunc incipimus petere, querere, ac regi cælestis arcana pulsare, Domino præcipiente et pollicente, qui dicit : « Pulsate, et aperietur vobis » (*Matth. vii*; *Luc. xi*). » Si vero Raphaca quis malit admittere, quæ *sanitas* dicitur : hoc nomen animæ dudum languidæ, sed jam per donum sanctæ Ecclesiæ languoris nexibus absolutæ convenienter aptatur. Hæc est enim anima cui dicitur : « Benedic, anima, mea Domino, et omnia interiora mea nomini sancto ejus » (*Psal. cii*). » Quem, quæso, Dominum? Qui sanat, inquit, omnes languores tuos, qui redimit de interitu vitam tuam. Languor scilicet animæ vitia sunt, mors animæ peccata criminalia sunt. « Peccatum enim cum consummatum fuerit, generat mortem » (*Jac. i*). »

Deinde veniunt in Halus. Halus interpretatur, *labores*, sive *fermentum*. Et certe sanitatem labores sequuntur, quoniam ad nil aliud sanitatem sancta debet anima concupiscere, nisi ut labores pro Deo valeat pressurasque perferre. Ideo nempe socrus Petri de febre convalescit, ut Domino per sedulitatis obsequium ministraret (*Matth. viii*; *Marc. i*). Ideo

A per Ananiam sanatus est Paulus (*Act. ix*), ut continuis postmodum laboribus insudaret. Hinc est quod eidem Ananiæ de illo dictum est : « Ego enim ostendam illi quanta oporteat eum pro nomine meo pati » (*Ibid.*). » Quod autem Halus etiam fermentum interpretari dicitur, et hinc nobis congruè significationis intellectus offertur. Hæc est enim fermentum illud quod tollens mulier commiscuit in farinæ massis tribus, donec fermentaretur totum (*Luc. xiii*), id est, sanctum Evangelium. In hac siquidem solitudine populus murmuravit, et manna simul et coturnices accepit. Et cum non modo fermentum, sed et manna sacrum significet Evangelium, miro modo hæc simul in decima mansione conveniunt : ut post legis præmissæ decalogum, panis Evangelii succedere videatur.

B Posthæc veniunt in Raphidin. Interpretatur itaque Raphidin *laus judicii*. Et certe satis congrue, ut et labor antecedit laudem, et laus proveniat post laborem. Verum non cujuscunque rei, sed laus judicii, [quæ *add.*] videlicet de rationis judicio prodeat, non laus quæ de superbiæ vanitate procedat. « Spiritualis enim homo judicat omnia, et a nemine judicatur » (*I Cor. ii*). » Reperiuntur et aliæ horum nominum interpretationes; sed si cuncta, quæ nobis in hac materia suggerunt, amplectimur, jam non servabitur epistolæ ordo compendii, sed onerosi consurgit enormitas libri. Israelitarum ergo mansiones succincte transcurramus, non ut earum scrutemur arcana cubicalia, sed ut in earum nominibus, tanquam exteriora parietum simpliciter ostendamus.

C Deinde veniunt in desertum Sinai. Sin, quam superius diximus, et Sinai, unum non ambigitur esse desertum; sed Sin dicitur ipsa planities. Sinai vero ratio est in eadem supereminens solitudine, in quo nimirum Dominus legis edicta promulgat, et Moyses tabernaculum fabricat (*Exod. xx*, etc.). Et hoc aptissime congruit, ut postquam rationalis anima rectum ac per **564** hoc laudabile cœperit habere iudicium, tunc in se Deo suo construat tabernaculum, et digna jam Creatoris alloquio, cœlestium percipiat mysteria mandatorum.

D Post hæc profecti sunt ad sepulcra concupiscentiæ, ubi scilicet pulcher ordo contextitur. Nam cum felix anima suo sit tabernaculum Creatori, cum mandatis divinæ legis intenta jam cœperit cœlestia contemplari; mox æstuantium vitiorum ardor exstinguitur, et omnis carnalis illecebræ concupiscentia sepelitur; ut non jam caro se adversus spiritum moveat, non adversus carnem spiritus concupiscat (*Gal. v*).

Inde transitur in Aseroth, quod interpretatur, *atria perfecta*, vel *beatitudo*. Et, o quam pulcher ordo mysterii, quam decora series spiritualis incrementi! ut postquam sepelieris concupiscentias carnis, præsto pervenias ad atrium perfectionis et præmium beatitudinis. Felix anima, quæ nullis jam vitiis carnis urgetur, quia mox ad beatitudinem percipiendæ remunerationis ingreditur!

Post hæc venerunt in Rethma, sive Pharam. Re-

thma, ut opinamur, interpretatur, *visio consummata*; A Pharam vero, *visibile os*. In quibus quid aliud intelligitur, nisi ut sancta quælibet anima post sepultas jam carnis concupiscentias, perducta jam ad atrium perfectionis, secunda de præmio beatitudinis ad consummatam mox Dei visionem veniat, ejusque visibile os, hoc est, præsentem Dei speciem cernat? Nunc enim videmus eum, sicut dicit Apostolus, in speculo, et in ænigmate; tunc autem facie ad faciem (I Cor. xiii) : et nunc cognosco ex parte, tunc autem cognoscam, sicut et cognitus sum. Quæ tamen omnia, quia sancti quilibet in carne constituti, habere nequeunt pleniter in re, jam habent in spe, quam scilicet spem jam firmissimam tenent; quia Spiritum sanctum, qui eos in viæ hujus laboribus roborat, pignus habent. Unde et illa interpretatio, qua *Rethma sonitus*, sive *juniperus* dicitur, non incongrua judicatur. Ferunt enim lignum hoc ignem in se longo tempore conservare (PLIN. lib. xvi, cap. 25); adeo ut si prunæ ejus fuerint cineribus adoptæ, usque ad annum ignitæ perveniant. Quia ergo Spiritus sanctus, sicut legitur, scientiam habet vocis (Sap. i), et in apostolos missus est in specie ignis (Act. ii); hæc interpretatio, qua *Rethma sonitus* vel *juniperus* dicitur, aptissime Spiritui sancto convenire videtur.

Hinc itaque digressi, castrametati sunt in Remon Phares, quod apud nos, *excelsa intercisio* dicitur. Nam cum animæ redeuntis ad Deum intellectus augetur, mox ei datur perfecta notitia, quam scilicet excelsæ atque sublimiter novit et terrena a cælestibus inter- C cidere, et caduca quælibet ac transitoria a perpetuis separare. Si vero Remon Phares, ut alibi reperitur, mali punici divisio dicitur, per hoc præcul dubio sancta designatur Ecclesia, quæ tanquam multa grana uno cortice contegit, dum omnem credentium turbam inseparabili catholicæ fidei unitate conehidit.

Deinde transeunt in Lebna, quod interpretatur, *dealbatio*. Non autem ignoramus dealbationem aliquando pro crimine poni, sicut dicuntur monumenta dealbata, et paries dealbatus, 565 sed hic illa dealbatio debet intelligi de qua per Isaiam dicitur: « Si fuerint peccata vestra ut coecinum, quasi nix dealbabuntur : et si fuerint rubra quasi vermiculus, ut lana alba erunt (Isa. i). » Et in psalmo : « Nive dealbabuntur in Selmon (Psal. lxxvii). » Et in Apocalypsi : Capilli Jesu tanquam lana alba referuntur (Apoc. i). » Quapropter hic dealbatio convenienter intelligitur de veræ lucis splendore prodire, et de summæ visionis claritate descendere. Quod si Lebna, ut quidam dicunt, in laterem vertitur, in quo videlicet opere Israeliticus in Ægypto populus coactus est laborare; hoc datur intelligi, quia sicut illi post tam sublimia loca rursus in laterem veniunt; ita nos quandiu in hujus mundi deserto peregrinamur, necessitate compellimur aliquando a summis ad ima descendere, et a spiritualibus ad terrenæ actionis opera transmigrare.

Post hæc veniunt in Ressa, quod in *frenos* verti-

tur, et non incongrue. Si enim post perfectionis culmen ad opera lutulenta descendimus, disciplinæ nexibus, et poenitentiae loris infrenandi sumus, ne vagemur per abrupta præcipientes, sed cito redeamus ad consuetæ munditiæ puritatem. Interpretatur etiam Ressa *visibilis*, sive *laudabilis tentatio*. Quavis enim mens ejuslibet justi viri, jam ad alta proficiat, tentatione tamen adhuc in ima deprimitur, ne per tumorem superbiæ de virtutibus extollatur. Stimulus enim tentationis ad custodiam adhibetur humilitatis. Unde dicit Apostolus : « Ne magnitudo revelationum extollat me, datus est mihi stimulus carnis meæ angelus Satana, qui me colaphizet (II Cor. xii). » Hæc ergo tentatio visibilis est, quia manifesta; laudabilis, quia salutifera.

B

CAPUT VI.

Quod caro in tentatione subjicienda spiritui.

Inde progressi veniunt in Ceelatha, quod interpretatur, *ecclesia*; ut videlicet instabiles quique, qui se per vitiorem abrupta præcipienter impellunt, sacræ Scripturæ frenis ad Ecclesiam retrahantur; sive quod alia tenet editio, Machebat, quod est *principatus virgæ*. Quod utrumque potestatem videtur exprimere. Carni quippe, quæ tentatur, necesse est ut presidens spiritus principetur. Ut cum illa abjiciat pugnam, iste quasi desuper intentet minaciter virgam, dum rigidi terroris adhibet disciplinam.

Exinde venit in montem Sepher, sive Sephar, quod *tubicinatio* appellatur. Tuba signum est belli. Equus enim Dei odoratur bellum, et cum audierit buccinam, dicit, yah (Job xxxix); et miles Christi eum se persenserit vitiorem ingruentium tentatione vallatum, virtutum prolium arma corripit, procedit ad prælium; et cominus in bella congregitur, ne degeneri torpore solutus, ab adversariis facile perimatur, et tunc poterit gloriosius tuba canere, hoc est, ad spirituale certamen et alios provocare.

Unde illic dicitur, quia inde profecti venerunt in Harada, sive quod alibi dicitur, in 566 Charadath, quod in nostra lingua sonat, *idoneus effectus*; ut ipse nimirum jam prædicator factus, merito valeat eum Apostolo dicere : « Qui idoneos nos fecit ministris novi testamenti (II Cor. iii). »

Sed et inde proficiscentes, veniunt in Maceloth, quod interpretatur, *ab initio*. Quisquis enim ad perfectionis summam contendit, omnium rerum contemplatur initium, dum cuncta viscerum suorum vota convertit ad Deum. Et dum cor ad auctorem suum jugiter dirigit, a rerum omnium initio non recedit. Vel si Maceloth, ut quidam sentiunt, dicatur esse conventus, per hoc Ecclesia intelligitur, in qua videlicet a cunctis fidelibus convenitur. Unde canitur : « Ecce quam bonum, et quam jucundum habitare fratres in unum (Psal. cxxxvii). »

Deinde venit in Tharath, vel, sicut alibi legitur, in Caath, quod est *patientia*, vel *confirmatio*. Quisquis enim desiderat terram viventium per præsentis vitæ labores ingredi, necesse est eum ad toleranda mundi pericula per patientiam confirmari.

Vel si Thahath, ut a quibusdam dicitur, vertitur in A lat, inquam, cum illud evangelicum servat : ' Ut ne pavorem, dicatur unicuique certanti, vel jam forte per divinam gratiam triumphanti : ' Noli altum sapere, sed time (Rom. xi). ' »

Sed inde profecti veniunt in Thare, quod Græce quidem *ecstasis* interpretatur, in nostra vero lingua dicitur *contemplatio*. Consequens est enim, ut quisquis antea probetur per patientiam, proinde ad contemplationis perveniat gratiam; et qui prius in tribulatione deprimitur, postmodum ad visionis intimæ lætitiæ sustollatur. Sin autem Thare, sicut quidam putant, astutia, vel malitia debet intelligi, hoc ad Ecclesiarum præpositos non immerito videtur posse referri; ut ipsi suis auditoribus timeant, qui in tentationum tribulatione laborant. Astutia enim, et malitia illius cavenda est, de quo dicitur : ' Quoniam adversarius noster tanquam leo rugiens circuit, quærens quem devoret (I Petr. v). ' »

Deinde procedunt in Methca, vel, sicut alibi legitur, Maathica, quod interpretatur, *mors nova*. Nunquam tam perfecte diabolica cavetur astutia, quam si Christo commemorur; ut tanquam insensibiles ad hostis callidi tentamenta reddamur. Quam novam mortem contemplatio parit, quæ scilicet et mundum nobis, et nos mundo mortuos efficit. Quod si Methca, ut quibusdam placet, in dulcedinem vertitur; quid mirum, si de contemplatione ad dulcedinem veniatur, cum ipsa contemplatio nil aliud sit, quam ineffabilis et immensa dulcedo ?

Post hæc venit in Hesmona, quæ *festinatio* dicitur. Nam postquam pertingimus ad dulcedinem contemplationis, moram non ferimus tarditatis. O quam moleste moram patiebatur ille, qui dicebat : ' Utinam dirumperes cælos, et descenderes, et liquescerent montes a facie tua (Isa. lxiv). ' Quam graviter hanc moram ferebat ille, qui dicebat : ' Cupio dissolvi, et esse cum Christo (Philip. i). ' multo magis melius. Sin autem a Senna dicatur quod ossa significat, hoc ad robur constantiæ pertinet. Quod necesse est, ut Christi amator habeat, ne per amorem nimium impatiens fiat.

567 Hinc jam transitur in Moseroth, quod significare putatur, *excludens*. Anima quippe, quæ ad perfectum sponsi sui amorem pervenit, tentationes a se callidi corruptoris excludit. Unde et Apostolus : ' Nolite, inquit, locum dare diabolo (Ephes. iv). ' Quod si Moseroth, juxta quosdam interpretatur *vincula*, sanus per omnia, et congruus intellectus elucet. Nimirum sancta quælibet anima, quæ cœlesti sponso in amore conjungitur, necesse est ut ei assiduus Scripturarum meditationibus, quasi quibusdam vinculis insolubilibus connectatur. De quibus vinculis Christo per Isaiam dicitur : ' Viri sublimes ad te transibunt, et tui erunt, et post te ambulabunt colligati vinculis (Isa. xlv). ' »

Unde non immerito jam venit in Banaeim, quod significat *fontes*, vel *excolationes*, id est, ubi divinarum Scripturarum fontes anima bibit, et excolat, hoc est, subtiliter tractat, et ruminat. Exco-

lat, inquam, cum illud evangelicum servat : ' Ut ne unus quidem apex, aut unum iota de lege prætereat, quin omnia fiant (Math. v). Si vero Beneiaacan, sicut quidam dieunt, transfertur in filios necessitatis, sive stridoris, hoc significat, quia quisquis divinis eloquiis eruditus est, et affluenter instructus, necesse est ut post se et alios trahat, ac filios gignat. Quibus nimirum dum fletus, et stridoris dentium minaciter objicit, quodammodo necessitatem eis, ut ad Deum convertantur, imponit. Ii sunt ergo filii necessitatis, vel stridoris, de quibus et prophetice canitur : ' Afferte Domino, filii Dei, afferte Domino filios arietum (Psal. xxviii). ' »

CAPUT VII.

Quare tentatio virtuti admiscetur.

B Post hæc ascendunt in montem Gadgad, quod interpretatur, *nuntius*, vel *accinctio*, vel certe *concisio*. Quibus enim verba Dei annuntiamus, eos procul dubio commonere debemus, ut et se virtutum armis accingant, et invisibilium hostium spiritualibus gladiis terga concident. Quod dum eos agere non segnius edocemus, cum eis simul ad montana conscendimus. Quod si Gadgad, ut quidam putant, tentamenta significat; datur intelligi, quoniam his, qui ad cœlestem patriam tendunt, tentationes desse non possunt. Et sæpe tentatio virtutibus admiscetur, ut laborioso Christi militi merces uberior acquiratur.

Et quia per mala tentationum ad præmiorum bona transitur, congrue sequitur, quoniam inde profecti venerunt in Jetebatha, sive, ut alibi legitur, Jathbatha, quod interpretatur, *bonitas*, sive *bonum*. Ergo per experimenta tentationum ad bonitatem, quæ procul dubio Christus est, pervenitur.

Inde profecti sunt in Ebrona, quod *transitus* appellatur. Animo quippe transeunda sunt omnia; et in eum solum debes obtutum mentis infigere, cum quo sine transitu valeas permanere.

Post hæc veniunt in Asiongaber, quod interpretatur, *consilia viri*. Postquam enim nos in Christum omnino projicimus, postquam in eum omnem carnis nostri fiduciam collocamus, esse **568** pueri sensibus ulterius non debemus, imitantes Apostolum, qui dicit : ' Cum autem factus sum vir, evacuavi quæ erant parvuli (I Cor. xiii). ' Et iterum : **D** ' Nolite pueri effici sensibus (I Cor. xiv). ' »

Sed quoniam qui apponit scientiam, apponit dolorem, iterum veniunt in desertum Sin, quæ est Cades. Sin autem tentationem interpretari, jam superius diximus. Sicut enim vas aureum, vel argenteum sæpe malleus percutit, sæpe lima hinc inde poliendo circumdat, ut clarius fiat (Eccl. x); sic iterata tentatio, constantis, et non cedentis animæ rubiginem purgat. Vas enim figuli probat fornax, et homines justos tentatio tribulationis (Eccl. xxvii). Et quia Cades, *fructificatio sancta* dicitur, vides quoniam tentationum sulcos sancta fructificatio subsequatur.

Sed et hinc applicuerunt in montem Hor, in ex-

tremis finibus Edom. Hor, *montanus* interpretatur. Quisquis enim tentatus non labitur, sed de tentatione fructificat, consequens est ut ad montem, qui Christus est, victor ascendat. Hic est enim mons ille coagulatus, mons pinguis (*Psal. lxxvii*), de quo per prophetam dicitur: « Erit in novissimis diebus præparatus mons domus Domini in vertice montium, et elevabitur super colles, et fluent ad eum omnes gentes (*Isa. ii*). » Hic mons dicitur montanus, quia ubi Christus, ibi et procul dubio Christianus. « Ubi sum, inquit, ego, illic et minister meus erit (*Joan. xii*). »

Deinde veniunt in Salmona, quod interpretatur, *umbra portionis*. Et merito postquam in montem, qui est Christus, ascendimus, vitiorum fugientes ardorem, sub defensionis ejus umbraculo residemus. De qua videlicet umbra per Jeremiam dicitur: « Spiritus oris nostri Christus Dominus, captus est in peccatis nostris, cui diximus: In umbra tua vivemus in gentibus (*Thren. iv*): » et angelus ad Mariam: « Virtus, inquit, Altissimi obumbrabit tibi (*Luc. i*). » Salmona etiam, ut alicubi reperitur, imaguncula dicitur: quod utique loco illi non absurde congruit, dum ibi æneus ille serpens appensus sit (*Num. xxi*; *Joan. iii*), qui crucifixi representat imaginem Salvatoris.

CAPUT VIII.

Quod oris parcimonia transitus sit in Phinon.

Fit præterea transitus in Phinon, quod interpretatur *os*, vel *oris parcimonia*. Et os quidem, quia mox ut passionis Christi sacramenta cognoscimus, quod corde credimus, ore pronuntiamus; sicut scriptum est: « Credi, propter quod locutus sum (*Psal. cxv*). » Et Apostolus: « Corde creditur ad justitiam, ore autem confessio fit ad salutem (*Rom. x*). » Oris vero parcimonia dicitur; quia dum tam profunda redemptionis humanæ mysteria penetrare non possumus, quasi ori nostro digitum superponimus, ut divinitatis Christi celsitudinem majoribus relinquentes, de sola tantum ejus cruce tractemus. Sicut dicit Apostolus: « Nihil judicavi me scire inter vos, nisi Christum Jesum, et hunc crucifixum (*I Cor. ii*). »

Post hæc profecti sunt in Oboth, quod utique vertitur in *magos*, sive *pythones*. Propter quod datur intelligi, quia post imaginem Dei, quæ in cordis ratione concipitur, post 569 acceptam fidem, quæ oris confessione profertur; consurgunt adversum nos hæretici, errorem venenate perfidiae dogmatizantes, tanquam pythones, et magi malefica incantationum carmina conspergentes.

Hinc transitur in Gebarim, quæ est in finibus Moabitum. Gebarim significat acervos lapidum transeuntium. Isti porro sunt lapides vivi, sancti scilicet, ex quibus non modo Hierusalem superna constituitur, sed et præsens Ecclesia tanquam margaritis coruscantibus adornatur. Qui merito trans-euntes dicuntur, quia terrena quelibet, ac transitoria mente calcant, atque ad celestia transire

A festinant. Si vero non Gebarim, sed Gai dicatur, quod alia testatur editio, et hoc ab intellectu trans-euntium non aberrat. Gai siquidem interpretatur, *chaos*. Dicit autem Abraham diviti: « Quia inter nos, et vos, chaos magnum firmatum est (*Luc. xvi*). » Ad illum ergo sancti semper transire desiderant, ut in ejus sinu, sicut et beatus ille Lazarus, feliciter requiescant.

Unde satis apte consequitur, ut post chaos pythorum atque magorum, quod est tenebrosa caliditas hæreticorum, præsto veniant in Dibongad, quod significare dicitur, *apiarium tentationum*. Apes enim ore mella ferunt, sed aculeis pungunt; sic et hæretici, verbis quidem manifeste blandimenta prætendunt, sed quasi post se erroris aculeos contereunt. Primo distillant ore dulcedinem, sed postmodum spargunt aculeatæ falsitatis errorem. Unde Propheta conqueritur, dicens: « Circumdederunt me sicut apes, et exarserunt sicut ignis in spinis (*Psal. cxvii*). »

Inde profecti sunt in Helmondeblathaim, quod vertitur in contemptum palatarum, hoc est, ficuum, sive contemptus opprobrii. Ficus autem deliciosus est fructus, per quod intelligitur necessarium esse, ut qui jam donis cœlestibus appropinquant, cuncta carnalis illecebræ blandimenta contemnant. Quod si contemptus opprobrii magis admittit, per hoc indubitanter instruimur, ut si quando vel hæreticorum, vel reproborum quorumlibet deonestamur injuriis, non turbemur. Per quod scilicet utrumque salubriter edoceamur, ut nos nec inhonesti contemptus irrisio moveat, nec ulla terrenæ dulcedinis oblectamenta resolvant, quatenus de hoc mundo valeamus dicere cum Propheta: « Sicut tenebræ ejus, ita et lumen ejus (*Psal. cxxxviii*). »

Inde commigrant ad montes Abarim contra Nabo. Abarim, *transitus*; Nabo, *abscessio* interpretatur, ubi scilicet anima, quasi per omnes itineris mansiones, ita per cunctas fuerit progressa virtutes; quia jam ad culmen perfectionis ascendit, mente mox transit ex hoc sæculo, et abscedit. Quæ nimirum, etsi adhuc manere videatur in mundo, in carne tamen, non secundum carnem ambulans (*Rom. vii*), jam recessit a mundo. Sicut de Enoch dicitur: « Et non inveniebatur, quia transtulit illum Deus (*Gen. v*). » Ita quisquis sanctitate perfectus, et mundo jam mortuus pertransiit mundum, et habitat in regione virtutum.

Postrema vero mansio est in campestribus Moab super Jordanem contra Jericho. Ad hoc enim tam longi itineris transitus agitur, ad hoc 570 tot æruminis, ac laboribus per vastam hujus mundi solitudinem inspiratur, ut applicemus ad Jordanem, hoc est, accedamus ad inexhaustam cœlestis sapientiæ plenitudinem. Juxta quam peregrinationis nostræ tabernaculum construentes, ejus fluentis a cunctis novæ Ægypti squaloribus properemus abluere, ut purificati terram repromissionis valeamus intrare, ut simus, sicut de sponsa in Canticis dicitur:

« Oculi ejus sicut columbæ super rivos aquarum, quæ lacte sunt lotæ, et resident juxta fluentia plenissima (*Cant. v.*) » Et notandum quod profectio ista non in montibus, sed in campestribus desinit; quoniam sancti quique quanto celsiori perfectione sunt præditi, tanto majori sunt humilitate fundati. Qui etiam contra Jericho mansiones ædificant, quoniam adversus mundum, qui per eam designatur, infœderabiliter pugnant. Quibus dicitur : « Si de mundo fuissetis, mundus quod suum erat diligeret; sed quia de mundo non estis, propterea odit vos mundus (*Joan. xv.*) »

CAPUT IX.

Epilogi et opusculi conclusio.

Hæc tibi, venerabilis frater, de Israeliticis mansionibus summam, rapinamque transcurramus; profundiora vero mysteria vacationi tuæ, quæ liberior est, reservamus. Inquirendi quidem, vel intelligendi dedimus occasionem, non autem plenæ contulimus intelligentiæ facultatem. Et nos quidem earumdem mansionum tantummodo quasi januas aperuimus, tuæ prudentiæ sit eas ingredi, earumque mysteria velut occulta thesauri cœlestis talenta rimari. Mihi autem duntaxat obtinuisse sufficiat, ut fatuus quisque nesciens quæ loquatur, vel de quibus affirmat, non ulterius garriat hæc nihil utilitatis afferre; sed mysticis allegoriarum spiritualium sacramentis non dubitet omnia redundare. Nos itaque post metata tot mansionum castra, post tam longæ profectionis ærumnas, Aaron et Moyse jam defunctis, hoc est, veteri sacerdotio ac lege solutis, sub Josue duce terram evangelicæ repromissionis sumus ingressi. Terram, inquam, lacte ac melle manantem, hoc est, humanitatis Christi atque divinitatis mysteria profluentem; quibus utique jam nil aliud restat, nisi ut in Hierusalem pectoris nostri construamus Domino templum, ita decore virtutum tanquam auri et argenti, omniumque gemmarum varietate conspicuum. In cujus scilicet templi vestibulo duas erigamus hinc inde columnas ad Salomonis exemplum, ponentes et catenulas in earumdem capitibus columnarum. Sicut enim Scriptura testatur : « Unam co-

lumnam a dextris, et alteram posuit a sinistris; » ubi mox sequitur : « Eam, quæ a dextris erat, vocavit Jachim, » hoc est, *firmitas* : « et quæ ad lævam, Booz (*II Paral. iii.*) » hoc est, *in robore*.

Quid enim per columnam, quæ a dextris erat, et vocatur firmitas, debet intelligi, nisi dilectio Dei? Et quid per eam, quæ a sinistris est, et vocatur in robore, nisi dilectio proximi? Aliud est enim firmitas, hoc est ipsum **571** robur, aliud in robore; quoniam aliud est diligere ipsum Deum, aliud diligere proximum in Deo. In dilectione quippe proximi mensura ponitur; Deum vero diligere sine ulla prorsus mensura jubemus. In vestibulo ergo templi columnam, quæ firmitas vocatur, erigimus, cum in hac præsentī Ecclesia, quæ cœlestis illius Ecclesiæ vestibulum est, Deum totis viribus firmiter, et constanter amamus. Ipsa quippe dilectio, sicut Joannes Evangelista perhibet, Deus est (*I Joan. iv.*). Et de Deo Propheta psallit : « Tu es Deus meus, et fortitudo mea (*Psal. xlii.*) » Columnam vero, quæ vocatur in robore, in sinistra ejusdem vestibuli parte statuimus, cum proximum nostrum in Deo, sicut nosmetipsos amamus. Ubi notandum, quod Scriptura prosequitur : « Nec non et quasi catenulas in oraculo, et **572** superposuit eas capitibus columnarum (*II Par. iii.*) » In nostræ quippe mentis oraculo capitibus columnarum catenulas superponimus, quibus scilicet utramque columnam sibi in vicem connectamus; quia nec Deum sine proximo, nec proximum vere diligimus sine Deo. **C** Quod utique templum tu, venerabilis frater, optime potes, Deo manum præbente, construere, qui mutuatis es ab Ægyptiis aurea vasa, et argentea cum vestibus pretiosis (*Exod. xi.*). Thesaurum quippe tollit Ægyptiis, unde Deo tabernaculum construat, qui poetas, ac philosophos legit, quibus ad penetranda mysteria cœlestis eloqui subtilius convallescat. Ipse tabernaculum hoc in nostra dignetur mente construere, qui destructum sui corporis templum triduo potuit spatio reformare.

Sit nomen Domini benedictum.

573-574 OPUSCULUM TRICESIMUM TERTIUM.

DE BONO SUFFRAGIORUM ET VARIIS MIRACULIS, PRÆSERTIM B. VIRGINIS.

ARGUMENTUM. — Desiderius Casinensis abbas B. Petro Damiano per internuntium comminatus fuerat illum, nisi ad suum monasterium visendum quamprimum accederet, orationum suffragia, si se vivente decederet, a Casinensibus monachis non habiturum. Qua comminatione permotus scribit ad eundem in præsentia, ut eam revocet, itinerisque difficultatem causatur; poenæ quoque, quam sibi comminatus fuerat, gravitatem exaggerat. Ad ultimum cum obedientiæ virtutem collaudasset, se obtemperaturum illi non obscure præsert.

Archangelo monachorum DESIDERIO PETRUS peccator monachus servitutum.

Non ignorare te patior, venerande Pater, quia Guidunculus ille, puer videlicet noster, acrem mœ-

Droris aculeum meis visceribus intulit; cum id, quod mihi minatus es, per ordinem nuntiavi. Dixisse siquidem te retulit, quia nisi Casinense monasterium, quod utique nobiliter regis. inviserem; orationem

sancti loci, si te vivente defungerer, non haberem. **A** Quæ videlicet minæ cum eas ad mentem revoco; non ut acus pungunt, sed conti potius more, vel spiculi, viscera nostra transfodiunt. Geminæ siquidem necessitatis undique coarctor obstaculis. Nam et propinqui obitus me reddit ætas matura suspectum, et tibi sanctorum oratione fraudari, non leve periculum. Veniens itaque medullitis pertimesco, ne dum monasterium quæro, extra monasterium moriar. Mors enim licet aliis sit incerta, procul dubio tamen senibus est propinqua. Ætas enim cui non succeditur, faciem vitæ proximum comminatur. Non veniens autem nihilominus pæveo, ne si fratribus, quibus intersum, inseparabiliter hæream, uberioris, et incomparabiliter subventionis [sanctoris *vel quid simile f.*] auxilium conventus amittam. In utriusque igitur periculi meditullio constitutus, quid mihi potius sit agendum, ad liquidum non discerno, dum e duobus quidquid elegero, suspicionis ambiguae laqueum non evado.

CAPUT PRIMUM.

Quod somniis non sit credendum.

Hic ad memoriam redit, quod sicut Gellius ait, Alexander somniavit, ne somniis crederet. Ubi quidquid eligat Alexander, hoc disceptatio fine concluditur, ut illi, quod viderat, somnio non credatur. Nam si somniis iure creditur, somnium illud, quod asserit non credendum esse mentitur. Quod si nequam debet somniis credi, consequitur etiam, ut nec illis fides debeat adhiberi. Cui non dissimile quid et in sacro reperitur eloquio, cum dicitur: « Ego dixi in excessu mentis meæ, omnis homo mendax (Psalm. cxv); » cui nimirum responderi potest: Si omnis, et tu; falsaque jam erit sententia, quam mendax ipse protulisti. Si vero ipse non mendax, vera jam sententia non erit; quia dum tu es verax, non omnis homo cognoscitur esse mendax. Verum ne ad instar gentilium scripturarum sacra quoque Scriptura calumniæ pateat, sed ipsa se potius propria auctoritate defendat; notandum est, quod præmittitur: Ego dixi in excessu mentis meæ. Per excessum igitur mentis et semetipsum transiit, cum de qualitate hominis definiuit. Ac si perspicue dicat: De falsitate omnium hominum inde veram sententiam protuli, unde ego ipse supra hominem fui. In tantum vero et ipse mendax, in quantum homo. In tantum autem omnino non mendax, in quantum per excessum mentis supra hominem ad summa contemplanda conscendi.

Sed cum quindecim fere dierum medium nos iter absente, par fuerat, ut quod seni præcipis, ipse prior experireris, valens scilicet ætate, prævalidus robore: insuper adde, quia et abundas vehiculis, et constipantium ministrorum obsequiis. Fertur et Phalaris hujus prætendisse legis exemplum, qui nimirum cum licet regnum in tyrannidem verteret, et exquisitis **575** quosque nocentes supplicii atrociter laniet, faber quidam æreum sibi taurum obtulit, atque ut in eum igne candentem damnatili quique

projicerentur, iastruxit. Placere quippe sibi de crudelitate potissimum credidit, quem et inferendis semper suppliciis inhiantem, et inhumanæ cognovit crudelitatis auctorem. Præsertim quia dum quisque projectus in bestiam voces emitteret, taurus quodammodo videretur naribus, et ore mugire. At ille munifico suo, quæ merebatur, dona redhibuit: Amice, inquit, de collato quidem munere gratias ago; sed volo, et inevitabiliter impero, ut quod me docuisti, prior experiaris. Protinus igitur projectus in taurum, quod inferri aliis docuit, prior ipse probavit. Et poenæ factus est auctor, qui poenalis labyrinthi fuerat ante conditor. Age igitur et ipse quæ præcipis, et juvenis ad senem propera, qui senem, ut ad te gradiatur, invitas. Verumtamen, nunc serie **B** loquar, si per tam longinqui itineris ductum, B. Benedicti Patris nostri limen attingere licuisset, ego non parvæ mercedis cumulum deputarem. Et certum teneo, quia si in illius peregrinationis itinere me obire coningeret, non tam proprii reatus me gravaret exitium, quam illius attolleret dignitas meritum.

CAPUT II.

Exemplum stupendum de Basso Aniciensi.

Hanc itaque spem meam illud etiam roborat, quod mihi vir religiosus, et prudens ante quintum fere diem Stephanus apostolicæ sedis cardinalis presbyter intimavit. Ait enim, quia Bassus quidam, Burgundio genere, Aniciensis episcopatus, Ecclesiam Dei Genitricis, semperque virginis insigni titulo decoratam, quæ vocatur in Podio, orationis gratia devotus adiit, et peractis orationibus, ac devotione completa, redire cœpit ad propria. Cumque venisset ad pagum quemdam, in quo cella cujusdam monasterii, cujus me vocabulum fugit, a religiosis fratribus incolebatur, languore correptus cecidit, ægrotavit, et obiit: dehinc cum jam lotum, atque ex more linteis obvolutum in medio jaceret cadaver exanime, ac pia fidelium circa feretrum custodia pernoctaret, in tempesto jam fere noctis emenso, ac gallicinio propinquante, qui mortuus jacebat, repente prosilivit et sic omnes undique circumstantes admirationis stupor, et intolerabilis horror invasit. Tunc ille magni clamoris animadversione vociferans, tremens; et horribiliter expavescens rogare cœpit astantes, ut psalmodiæ, piisque votis valenter insisterent, quatenus tetros nequitæ spiritus, qui per angulos, ac parietes domus undique videbantur, sanctis orationibus effugarent. Cumque fusi ad Deum precibus, more fumi, vento perflati dæmones evanuiscent; ille, terrore deposito, et securitatis animatus audacia, quod sibi in occulto contigit, publice coram omnibus enarravit. Egreddenti, inquit, mihi de corpore duo protinus angeli splendide claritatis occurrunt, qui me secum ducere in superiora ceperunt; sed ecce me nigrantes dæmonum **576** turmæ, velut phalanges Æthiopum undique circumfundunt; me tanquam sui juris hominem acri nimis et importuna vehementer exactione repossunt. Noster, in-

quint, hic homo est, sub nostris ditionibus vixit, A nostris obtemperare legibus non omisit. Semper enim illi lex carnis inviguit; legem vero spiritus funditus ignoravit. At contra beati angeli responderunt: Non, inquit, diffitemur fuisse [vestrum *f. add.*], dum in propriis viveret. Non enim licet resistere veritati; sed quia nunc in obsequio reginæ cœlestis, dominæ nostræ, defunctus est, nequaquam impietati vestræ pro vitæ suæ reatibus subiacebit, qui vitam suam pio fine conclusit. Nec ad æterni iudicis poterit perire conspectum, qui Genitricis ejus sibi providit auxilium. Ad hæc illi: Cum Deus, aiunt, procul dubio justus sit iudex, nunquam, quod nostrum est, auferet, nec adversum nos præjudicialiteraget, cum injustitiam prorsus ignoret. Cumque vim angelis inferre tentarent, angeli vero levius, B

atque remissius jam cognita veritate, resisterent; adfuturum tamen sibi continuo profutentur auxilium, et Dei Genitricis celerem comminatur accursum. Sed cum hinc isti modesta circa me tuitione contenderent, illi e diverso ad repositendum sui juris hominem furiosius, ac truculentius ebullirent; ecce velut ignem fulgur, repentinus radiantis corusci splendor illuxit, cunctisque mirantibus cœlorum regina angelicis vallata reverenter obsequiis, Dei Mater advenit. Tunc reprobi spiritus licet ad primum tantæ gloriæ terrerentur adventum, eorumque nimius splendor reverberaret obtutum, tamen illatam sibi conquarunt injuriam, et angelicæ violentiæ protestantur ex propria possessione rapinam dicentes: Quia si Deus est justus, nunquam de manibus nostris auferet impium. Quibus e diverso B. Virgo respondit: Licet hic homo, ut assertitis, vestra per pravitatem operis possessio fuerit, et impie sive carnaliter vixerit, nunquam tamen piissimus et clementissimus Filius meus, ac Dominus patietur eum vestris fieri crudelitatibus subditum, quem sub mei famulus obsequio cernit in peregrinatione defunctum: præsertim cum iste confessus peccata sua sacerdotibus fuerit, iudiciumque pœnitendo, ac ingemiscendo perceperit, quanquam subita morte præventus implere nequiverit. Ad hæc illi quasi nacta occasione victoriæ tripudiantes, et velut insultantes obijciunt: Cum tu sis, inquit, mater veritatis, et æternæ justitiæ, num ignorare potes, quoniam hoc tam immane tamque cruentum facinus perpetravit, quod nulli tamen unquam per vocem confessionis innotuit? quoddam scilicet grave scelus a me commissum nomine tenus inclamabant. Quod peccatum cum beata Virgo, licet ab auctoribus mendacii veraciter recognovisset, modeste paulisper obituit, et quodammodo veritati reverentiam præbuit. At reparato rursus eloquio: Verum quidem, inquit, est quod obijcitis; sed quoniam apud misericordem Dominum meum ac Filium misericordia superexaltat ex more iudicium (*Jac. 11*), eumque non tam delectat pœna peccantium, quam remissio peccatorum, me confestim intuens ait: Ad corpus, homo, 577 præsto regredere. Scelus hoc, quod ab iniquis tibi

jure objectum est, sacerdoti coram vicinæ hujus cellulæ monachis confitere; eosque ex meæ auctoritatis jussione deposce, ut penitentiam modum, qui tibi injunctus fuerit, ipsi suscipiant, et implere pro tua mox obeuntis absolutione contendant; quo peracto ad me protinus sine dilatione revertere. Hic enim ego non desino te, donec redeas, expectare. Cumque per ordinem hæc ille narrasset, pœnitentiam sibi inditam sancti fratres cum pro charitate illius, tum pro deificæ virginis obedientia suscepissent, mox lætus et hilaris, velut obdormiens obiit. Et sic vera esse quæ vivens dixerat, moriens approbavit. Ego quoque si ad vos contendens, beati itineris viator obiero, S. Benedicti præsidium nequaquam mihi defuturum esse confido.

CAPUT III.

B. Virgo præbendam clerico sui devoto ablatam restitui jubet.

Idem præterea Stephanus alium mihi retulit, quod tamen non adeo certum tenebat, sicut aliud, quod supra digessimus. Audisse, inquit, me memini, quia clericus quidam fatuus erat, nauci, frivolus et ineptus. Huc accedit, quia nullam religionis dotem, nullam canonicæ disciplinæ gravitatis, sive modestiæ videbatur habere virtutem: inter hos tamen emortuos inutilis vitæ cineres hic perexigui fomitis tenuis vivebat igniculus, ut ante sacrosanctum altare quotidie beatæ Dei Genitricis accederet, et reverenter verticem curvans, angelicum hunc atque evangelicum versiculum decantaret: « Ave Maria, gratia plena, Dominus tecum: benedicta tu in mulieribus (*Luc. 1*). » Cum itaque tantæ fatuitatis ineptiam novus deprehendisset episcopus, ab inutili persona utilitatem Ecclesiæ detineri indignum duxit; eique præbendam, quam a nuper elato suo decessore perceperat, abstulit. Sed cum hunc rei familiaris egestas opprimeret, et præter hoc aliud quid unde posset vivere, non haberet, nocturno silentio pia Dei Genitrix episcopo, dum dormiret, apparuit; quam scilicet præcedebat vir in una manu ardentem faculam, in altera ferulam portans. Cui mox B. Virgo præcepit, ut episcopum delinquentem aliquantis ferulæ quam gerebat, verberibus castigaret: Cur, inquit, capellano meo, qui mihi quotidianas impendebat excubias, stipem Ecclesiæ, quam non ipse contuleras, abstulisti? Moxque sacerdos tremefactus evigilans, clerico beneficium reddidit, et quem ignotum Deo forte crediderat, jam quasi charum propensius honoravit. Si igitur ille unum duntaxat laudis canendo versiculum, corporei victus alimenta promeruit; quam fideliter altaria sperabant, qui beatæ reginæ mundi quotidiana horarum omnium vota persolvunt? Unde pulcher etiam mos in nonnullis Ecclesiis inolevit, ut specialiter ad ejus honorem per omne Sabbatum missarum celebrentur officia, nisi forte festivitas, vel feria quadragesimalis ob-sistat. Nos etiam eremis, sive monasteriis, quorum videlicet ad 578 Christi gloriam ministri sumus, tres per hebdomadas singulas dies sanctis assignatos

habemus, ad quorum scilicet honorem missis specialiter celebramus. Et ne pro litu, sed ratione dietante id videamur audere, [scias, *vel quid simile add. f.*] quod secundum virorum illustrium pias opiniones, atque sententias, quælibet animæ defunctorum in diebus Dominicis requiescunt atque a suppliciis feriantur; secunda vero feria ad ea, quibus assignata sunt poenarum ergastula revertuntur. Idcirco ipso potissimum die angelis missarum honores impenditur, ut et mortuis, et morituris patrocinalis eorum defensio procuretur; sexta quoque feria vivificæ cruci non inconvenienter ascribitur, quæ scilicet dies pendens in cruce Domini glorioso sanguine purpuratur. Qua die omnes fratres nostri, quos utique monasterialis ordo connectit, hoc etiam ad cumulum propriæ salutis adjiciunt, ut et se mactent in capitulo vicaria collisione scoparum, et insuper celebrent in pane et aqua jejunium. Asseverantes quia in hoc cruci vere communicamus, in hoc procul dubio Christo commorimur, si hoc eodem die, quo ipse passus est, nos etiam carnem nostram per mediæ cruciamenta mactemus.

Addunt etiam, quia cum per quinque millium circiter annorum prolixa curricula totum genus humanum ferro diaboli fuerit iugo depressum, et hoc potissimum die per crucis insigne vexillum sit triumphaliter absolutum; dignum profecto est, ut huic diei, quæ videlicet omnium ætatum nexus abrupti, caro nostra quasi cujusdam tributum canonem solvat, per quam de captivitatibus suis compedibus absoluta tripudiat. Aiunt etiam, quia cum in die tremendis examinis arbiter æternus illuxerit, angelicis undique constipatus obsequiis, cunctis etiam elementis tantæ majestatis horrore permotis, præsto beata crux ulnis advehetur angelorum, et ante curatorem statuatur ora mortalium, non jam auro, vel margaritis ornata, sed rutilantior sole, cunctisque sideribus ex virtute divina. Tunc itaque quam sincero corde, et libera conscientia ante sublime solum flammivomi tribunalis assistit, qui servitutis suæ pensum persolvisse se vivificæ cruci, per quam de servo diaboli liber effectus est, recognoscit! His, et aliis argumentationibus sancti fratres sexta feria jejunandum esse definiunt: et sic crucifixo Domino se quoque crucifixos ostendunt. Et quid grave, si Christianus quilibet unum anime suæ diem per hebdomadam tribuit, ad quod agendum pro corporis incolumitate servanda dieta quoque medicinalis impellat? Nam Cæsar Augustus, sub quo Salvator ex Virgine dignatus est nasci, sicut quædam tradit historia, usus consilio medicorum, uno semper abstinere per hebdomadam die; ut alleviato corpore potuisset vegetus, et incolumis permanere. Ad honorem quoque sanctæ crucis eodem die missas celebrant, ut sibi patrociniis crucis in die necessitatis acquirant.

579 CAPUT IV.

Sabbatum cur B. Virgini sit dicatum.

Sabbatum enimvero, quod requies interpretatur,

A quo videlicet die Deus requievisse legitur, satis congrue beatissimæ Virgini dedicatur. Quam nimirum sibi Sapientia domum ædificavit (*Prov. ix*), atque in ea per humilitatis assumptæ mysterium, velut in sacratissimo lectulo requievit. Cui profecto condignus honor impenditur, exhibentibus procul dubio certæ defensionis auxilium providetur.

Quocirca quod fratris mei Damiani tunc archipresbyteri, deinde monachi relatione didici, nisi me fallat obliviosa memoria, fideliter narro. Alter enim frater meus, Marinus nomine, laicus quidem habitu, sed timoratus spiritu, ingravescente pulmonis ac pectoris valetudine, tandem ad extrema pervenit. Interea cujusdam diei jam illucescente diluculo, repente cœpit quasi cuilibet adventanti gratulabundus aggliscere, jucundanter hilarescere, et festiva serenitate vultus alacriter assultare: mox et in verba prorumpens, cum magno animadversionis impulsu circumsedentes alloquitur: Levate, inquit, levate, ac domina: meæ reverenter assurgite; deinde aliorum mutata vocis eloquium dirigens, aiebat: Et quid est, domina mea, regina cœli et terræ, quia visitare dignata es pauperulum servum tuum? Benedic me, domina mea, et ne patiaris in tenebras ire, cui lucem tantæ præsentia contulisti. Cum igitur hujusmodi sermones impleisset; ecce Damianus, qui scilicet illi, sicut et mihi erat germanitate conjunctus, persolutis Deo nocturnis officiis, ab Ecclesia redit. Quid circa fratrem languidum ageret, inquit. Ille vero certum se quidem de vicina morte testatur, sed adversus assidentes probrosa redargutione conqueritur. Heu, heu! frater, inquit, quam ignaros, quam imperitos, atque irreverentes habemus, et sine disciplina domesticos; et tu, vir strenue Bonizo (erat enim illic inter eos dives quidam hujus vocabuli, ille negotiator), quomodo sedere potuisti ad reginæ cœlestis adventum? Venit regina mundi, et vos assurgere neglexistis? Venit mater imperatoris æterni, et vos ejus præsentiam ignobilem deputastis? Ad quod Bonizo: Deliras, inquit, adhuc, et ægritudine dementatus hæc vana profundis; aut verum est forte quod loqueris? Nobis certe vana hæc videntur et frivola. Ad hoc ille: Num ignoratis, ait, quia languor iste, quem patior, nunquam alienare mentes ægotantium consuevit? Firmiter igitur et absque ulla prorsus ambiguitate cognoscite, quoniam angelicis comitata vestigiis beata Redemptoris nostri me mater invisit, hilaritatem mihi sereni vultus ostendit: benedixit me, et protinus abiit. Cumque paulo post ille defunctus esset, senex quidam presbyter, Severus nomine, qui nimirum spiritualis ejus pater existerat retulit; quoniam longe ante eum vegetus adhuc et sanitate floreret incolumis, depositis nudatus exuviis, collo corrigiam quæ eingebarur innexuit: altari se beatæ Dei Genetricis, velut servile 580 mancipium, tradidit: mox se quasi servum malum coram domina sua fecit verberibus affici, dicens: Domina mea gloriosa, virginalis munditiæ speculum, et omnium norma virtutum, quam ego te miser, et

infelix offendi per obscenam carnis meae putredinem, A
et eam, cuius tu mater, et auctor es, violavi mei
corporis castitatem; nunc itaque, quod solum re-
medii superest, me tibi famulum trado, tuæ ditionis
impero substrati corporis colla submitto. Flecte
rebellem, suscipe contumacem; nec tua pietas
reputet delinquentem cuius intemerata virginitas
peperit veræ pietatis auctorem. Per istud ergo mu-
nusculum servitutis meæ tibi tunc offero censum, et
amodo, ac deinceps quoad vixero, certi canonis ap-
pendam annualem tributum. Quamdā ergo pecuniæ
summam in altaris credidit posuit, et sic de miseri-
cordia, quam quæsierat confusus, abscessit. Non
igitur fortassis hanc, sed huiusmodi frater meus de
fratre narravit historiam, cuius etsi præ oblivione
verba non teneo, saltem in quantum mihi possibile
est, a relatis quadam similitudine non recedo. Con-
fessionis igitur iste versiculus ad relata, vel refe-
renda mihi cuncta proficiat; meque in quibus igno-
ranter oborro, coram supernis obtutibus excusabi-
lem reddat.

CAPUT V.

*Quod orationes et suffragia sint alimenta defun-
ctorum.*

Ut igitur superioribus et inferiora conjungam,
noli, noli, pie pater, in minarum quas intentasti,
perseverare sententia; noli ægrotanti filio, sive
viventi, sive post obitum, orationis tuæ subtrahere
medicinam. Porro autem, quia infelix ego dum
vivo, præ desidie torpore non semino, post obitum
meum, si supervixeris, de manibus tuis alimoniam
C spero; quatenus oblationis tuæ sacramentum animæ
meæ vertatur in epulum, et orationis tuæ sacrificium
mihi vitale sit alimentum. Et quid mirum, si sacræ
oblationis hostia refectio creditur esse defunctis,
cum in alimenta vertatur aliquando viventibus etiam
in periculis constitutis? Nam venerabilis senex Pe-
trus sacerdos, et monachus, qui jam septuaginta
ferme annos sub jure Nonantulani monasterii reli-
giose vixit, nunc etiam in hac eremo vitam ducit
angelicam, mihi sæpe narravit, quod ipse quoque fra-
trum a Comani lacus confinio venientium relatione
cognovit. Ait enim, quia latomi quidam apud Clav-
ennam montem de saxea terræ vena lebates ex-
sculpserant, et expleto labore, jam egressi redire
parabant. Quorum unus dum ferramentum quoddam
D se per oblivionem reliquisse cognovit, in concavam
montis scrobem jacturam suam recollecturus im-
mersit. Sed ecce post se pars specus in minima
concidit, eumque lapidea rudium moles eatenus,
ut nequaquam reverti posset, inclusit. Cumque
collaboratorem ejus crebris effossionibus socii at-
tenderent, ut vel dilaceratum, atque contritum
extincti cadaver educerent, jamque omnis eo-
rum labor in cassum cederet, tandem defessi, ac
581 funditus desperantes ad propria repedarunt.
Postmodum vero necdum libentis anni prorsus evo-
luto circulo, amici, vel affines ejus quodam intimi
fervoris instinctu animantur, ut eum sollicitius quæ-

rant, quatenus ex ejus ossibus, vel extrema quædam
valeant reperire vestigia. Cum diversis itaque man-
ten- fossoriis adeunt, hinc inde scrutantur, et curio-
sius obeuntes rimæ latentis aditum quærunt. Egestis
itaque non sine gravi labore rudibus, adhuc fœ-
dientes anhelant, et excavati montis adhuc viscera
penetrant. Cum ecce hominem, quem vix mortuum
reperire se posse sperabant, repente sanum, et in-
columem cernunt, eumque velut e sepulcro cum
hymnis et laudibus exsultationis educunt. Cumque
requireretur quo modo sine alimentis tam longo
tempore vivere potuisset, respondens: Ex quo, in-
quit, in illa scrobis angusta sum caverna conclusus,
quotidie mihi brevis avicula columbæ similis advo-
lavit, et in ore suo nivei mihi panis oblationculam
B detulit. Quo videlicet cibo ita totis visceribus obdu-
catus sum et refectus, ut regalibus, imo cœlestibus
me deliciis arbitrarer impletum. Solo autem uno die,
quoniam ad me dapifera mea consueta non venit,
intolerabilis me famis inopia cruciavit. Uxor enim
ejus quotidie fecerat pro ejus anima sacramentum
hostiæ salutaris offerri, uno autem die inhorrescente
brumalis inclementia temporis, attingere limen Ec-
clesiæ supersedit. Quapropter illis muuo conferen-
tibus liquido patuit, eum illo die signanter inedia
tabefactum, quo pro ipso non fuerat sacrificium
laudis oblatum.

CAPUT VI.

*Exemplum mulieris, quæ defuncti viri animam ele-
mosyna redimere conabatur.*

Sed nec illud silentio dignum duco, quod Atto
piæ memoriæ Auximanus civis, prudens videlicet,
et honestus vir, me præsentē, narravit. Mulier, inquit,
quædam obeunte viro, vidua remanens, in quodam
presbytero magnam spem de præfati viri sui salute
posuerat, eique per domesticam famulam crebræ
satis oblationis xenia dirigebat. Per eam semper
obsecrans, ut defuncti sui dignaretur habere memo-
riam: quod ille non difficile promittebat; verumta-
men avarus et tenax nunquam benedictionem mu-
liericulæ, vel ex his quæ ipsa detulerat, porrigebat.
Unde factum est, ut eam tam crebri jam tæderet
initeris, et accusaret intra se tenaciam sacerdotis.

Post multa quadam die per eandem piorum mu-
nerum bajulam misit eadem matrona presbytero
gallinam coctam, subcinericium panem et vasculum
vini. Igitur dum illa casu tunc solito propensius esu-
raret, et querelam cordis, cogitationisque tumultus
illa adversus presbyterum sustineret, huc illuc om-
nia undique circumspiciens, in remotioris secessus
angulum cantu divertit, ipsaque sibi discumbens,
pariter et assistens, quæque portabat inhiante uni-
versa consumpsit. Mulier igitur cibo potuque refe-
cta, mox lætitia cordis exsultans, caput terræ pro-
stravit: deinde se subrigens, ad cœlum manus 582
extendit, et in vocem hujus orationis erupit: «Deus,
inquit, omnipotens, qui das escam omni carni (Psal.
cxxxv), » sicut caro mea relecta est hoc cibo corpo-

reo, ita per misericordiam tuam hodie et anima domini mei satietur in paradiso.

Regressa igitur ad dominam suam mulier, quid responsum sit a sacerdote requirit; illa vero gratias egisse, et circa defunctum vigilantiam promississe testatur. Proxima nocte per visum adest vir, uxori de pridianis muneribus gratias egit. Cumque solertius inquireret quid circa se dispositionis esset, utrum scilicet eum pœna constringeret, an ei quævis, utinam, prosperitas arderet, respondit : Quæ heri male mihi fuit, sed et inter cætera meæ calamitatis incommoda gravius me fames afflixit. Heri vero, te præbente convivium, splendide refeci; ac funditus fame consumpta, largis alimentorum dapibus abundavi. Et his dictis præsto disparuit. Cumque mulier evigilasset, ac de viri sui verbis sollicitè pertractare cœpisset, non mediocriter mirabatur, cur ille dixerit hesternum se tantummodo ab ea percepisse convivium, quandoquidem illa sacerdoti frequentissime direxisset xenium. Igitur altiori pertractans viri verba consilio, intellexit non sine mysterio esse quod dixerat. Vocans autem famulum, districte cœpit inquirere de xenio quid egisset, vel quid presbyter respondisset. Cumque illa terrore concussa, modo hæc, modo illa confingeret : ut veritate suppressa, per ambages et commenta quadam non procedentia palpitaret; domina vero fidem non adhibens, dura prorsus et aspera minaciter intentaret. Illa demum necessitate constricta, tandem quod in re erat, aperuit; et se, quæ delulerat, comedissee, et pro domino suo preces fuisse confessa est.

CAPUT VII.

Quod fructuosior est elemosyna pauperibus data, quam oblatio a sacerdote carnali celebrata.

Hoc igitur ita, ut factum est, quantocius per populi ora depromitur, et celebri per regiones relatione vulgatur : multorumque testimonio definitum est, quod utilior est, et fructuosior elemosyna pauperum, quam quælibet oblatio tradita manibus carnaliter viventium sacerdotum; quandoquidem defunctus ille, et quod presbytero datum est, ignoravit; et quod a paupercula muliere perceptum est, solenne convivium sensit. Elemosyna quippe animas hominum in tenebras ire non petitur, terrenisque manuscubus sidere regna mercatur. Unde nonnulla in nostris partibus monasteria præclaram nuper institutionis normam sibi indiderunt, ut præter cætera pietatis opera, etiam tres pauperes cum privata mensa juxta se abbas habeat, eisque singulis mensuram cibi quem quis habet frater apponat (S. BENED. Reg., cap. 46) Nam cum regularis norma præcipiat, ut abbatis mensa semper sit cum hospitibus, hoc modo noviter utrumque completur; ut et abbatis mensa non superbis sæculi, sed sanctis hospitibus hæreat, et ipse convesci fratribus non omitat. Enimvero, **583** ut copiosiora in pauperes alimenta proficiant, dantur in monasteriis, et eremis decimæ quorumque proventuum, et non modo pecorum, sed et ornicum, pariter et ovorum. Devotioni quoque defun-

ctorum hoc noviter superaddunt, ut charioribus quibuscunque defunctis octavas semper anniversarias faciant; et non uno tantum depositionis die, sed per octo dædam [hebdomadam] potius annualis sibi memorie vota persolvant. Et suggero atque humiliter peto, ut ipse notum hoc eorum, quæ prædiximus, arripas institutum : nec a minimis fratribus mutuari dederis exemplum. Melius est certe doctoribus a discipulis discere, quam superbe, quæ recta sunt, ignorare. Honestius est majori, ut quæ nescit addiscat, quam quæ dicenda sunt, nesciat. O gloriosa virtus humilitatis! per quam homo vere discipulus efficitur Salvatoris. « Discite, inquit, a me, quia mitis sum, et humilis corde (Math. xi). » Hæc est enim virtus, per quam suave Deo sacrificium, et magister impensi laboris instantiam, et discipulus suam exhibet clientelam.

A venerabilis plane Cluniacensis cœnobii fratribus didicisse me contigit insignia duo sanctæ humilitatis exempla, quorum unum non mediocriter quoque prælatos, alterum valet ædificare subjectos. Marcuardus certe ejusdem rector Ecclesiæ Maiolum sibi met substituit, et grandævæ jam senectuti suæ quietis otium procuravit. Hic itaque dum privatus in infirmorum maneret ædícula, quadam advesperascente die caseum petiit, quem cellerarius plurius, ut fieri solet, intentus, non modo non dedit, sed et duris insuper ministrum ejus responsionibus fregit. Conquestus est abbatum turbam, nec posse se tot dominorum perferre molestiam. Quo senex audito, non mediocriter scandalum pertulit, et quia lumen oculorum prorsus amiserat, dolor in ejus corde tenacius hæsit. Nam quo cæcus a visibus vacat, eo quidquid audierit, in corde subtilius versat; et quia per exteriora quæque non spargitur, interiori zeli stimulo truculentius inflammatur. Mane vero facto, ministro suo, ut sese ad manum in capitulo duceret, jussit. Adductus autem, talibus abbatem aggressus est verbis : Frater, inquit, Maiole, non ego te super me, ut me persequeris imposui : nec ut tanquam emptor mancipio dominareris; sed ut revera patri filius compatereris, elegi. Et post hujusmodi multa propemodum commotus adjecit : Esne, quæso, meus monachus? Quo respondente : Sum, tuumque me non magis fuisse, quam et nunc esse profiteor. Et ille : Si meus, inquit, es monachus, protinus cede sedi, et locum, quem ante teneras, repele. Quo Maiolus audito, repente surrexit, et humilem locum, prout jussus fuerat, expetivit. Marcuardus itaque quasi postliminio reversus, vacantem occupat sedem, cellarium, cui fuerat infensus, accusat, quem mox terræ prostratum durius corripit, tandemque modum penitentiae qui sibi videbatur, injungit. Perfunctus itaque tam longi tribunatus officio, præsto de thronizatus assistit : Maiolo, ut ad suam sedem redeat, præcipit. Ille confestim nil cunctatus obedit.

584 CAPUT VIII.

Quod magna vis sit obedientiæ.

In hoc igitur sancto viro evidenter ostenditur, et

veræ virtus obedientiæ, et monachicæ mortificatio A disciplinæ. Vere in eo cernitur et imperialis patientiæ dignitas, et apostolicæ humilitatis regnare majestas. Jussus enim prioratus officium abdicere, non contempsit, jussus recipere, patienter et humiliter obedit: utroque sibimet mortuus, et consummatæ obedientiæ loro constrictus, dum alienis omnino se substravit imperiis, nulla proprii sensus in se vivere vota permisit. Sed quoniam tantæ beati viri humilitas sterilis esse non potuit, quod prius de Spiritus sancti rore radix ipsa concepit, prorummentium ramorum germen pullulando diffudit.

Vir itaque Domini venturus aliquando Romam, præcipit cuidam fratri, ut secum pergeret, quia sicut rogatus fuerat eum, in monasterio S. Pauli priorem constituere decrevisset, ille nonnulla difficultatis obstacula reluctatus opposuit, et modo hoc, modo illud, tandem obstinatus obedire contempsit. Maiolus autem inobedientiam fratris æquanimiter tulit, eoque relicto itinere, quo decreverat, comineavit. Cumque frater in monasterio per inobedientiam remansisset, et reliqui fratres in eum vehementer inveherent, ac tam obstinate duritiæ pervereciam unanimiter increparent, tandem in cor reversus, adversus propriam voluntatem in arma congregitur, salutaris obedientiæ telis accingitur, et mox supernæ gratiæ fervore succensus, beati viri vestigia perneciter comitatur. Sed dum ille nesciens cæpto itinere graditur; hic vero post eum festinanter accelerat, et anxius ac repentinus anhelat. Mox ad quemdam fluvium pervenit, cujus vir Domini jam vada transierat, et super ripam adhuc alteram consistebat.

Cum itaque monachus in citeriori se fluminis crepidine figeret, quoniam absente navigio transitum non haberet, videns procul astare magistrum, quod solum potuit, præsto corruens in terram se humiliter stravit; et quia veniam deprecans, per oris or-

ganum forte non posset audire clamorem, de toto corpore linguam fecit. Quod dum eminus Maiolus aspexit, quid hoc esset, incunctanter agnovit, moxque misso remigio transferri ad se monachum fecit. Quem præsto vir Dei ad quid venisset, inquit: at ille simul et de præteritis veniam deprecatur, et impleturum se de cæteris quidquid injungeret, pollicetur. Tunc ille: Vis, inquit, absque dubio pœnitentiam? Quo respondente: Volo; protinus addidit: Huic igitur osculum præbe. Nam casu tuberosæ cutis illic leprosus astabat. Ille confestim in ejus osculum ruit, moxque lepra mundati corporis prorsus evanuit. Sic sancta obedientia fructum suæ humilitatis invenit, dum non modo veniam se corrigendo promeruit, sed et signum insuper tam perspicuæ virtutis ostendit. Et cui superbia pene potuit apostaticam inferre perneciem, humilitas dedit apostolicam exhibere virtutem.

585 Hæc omnia, venerabilis Pater, non sine magno timore describimus, ne vel per oblivionem propriam, vel per infidæ relationis audaciam a veritatis linea quantumlibet declinemus. Quamobrem næ nos non constanter astruimus; sed quia velut sub hoc relationis ordine ad nostram fuerint perlata notitia, opinamur.

Verum quisquis obedientiam prædicat, illi summo cavendum est, ut eum nota rebellis inobedientiæ non inurat. Nam ubi distat **586** opus a labiis, fœdatur nomen auctoris. Quoniam qui idipsum quod ore statuit factis oppugnat, legem procul dubio destruit quam promulgat. Quapropter ipsum obedientiæ deprecor et humilitatis auctorem, ut in proximo dignetur a me hujus infamiæ probra repellere, meque permittat hunc Prophetæ versiculum in Casinensis cœnobii foribus decantare: Propter hoc sciet populus meus nomen meum in die illa, quia ego ipse qui loquebar ecce adsum (Isa. LI, 6).

Sit nomen Domini benedictum.

OPUSCULUM TRICESIMUM QUARTUM.

DE VARIIS MIRACULOSIS NARRATIONIBUS, ADDITA SIMILI DISPUTATIONE DE VARIIS APPARITIONIBUS ET MIRACULIS.

ARGUMENTUM. — Hoc opusculum totum exemplis admirandis refertum est, quæ uno nomine miracula appellantur, quæ magnam vim ad inflammandos animos ad virtutem, a vitiosisq; deterrendos habere, certissime constat.

Domno DESIDERIO archangelo monachorum, ac cæteris sanctis fratribus, PETRUS peccator monachus devotissimi famulatus obsequium.

Cum in meo pectore tuæ charitatis ardor inextinguibiliter serveat, meque circa tui memoriam tepescere non permittat, mihi nuper aliquid in memoriam venit, quod me mittendæ tibi legationis admonuit. Nam dum in tui contemplatione sedulus habitarem, et angelico fratrum, sanctoque conventui,

D sic in cordis obtutibus velut corporaliter interestem, inter alia multa repente tuarum recordatus sum litterarum, quas tu quidem sub interrogatione misisti; sed his ego synodali præpedita instantia adhuc non respondi. Et hæc in illis, si reminisci valeo, continebantur epistolæ: quia zelotypa quædam mulier habens virum ex adulterii fraude suspectum, qualiter eum sibi vindicare posset proprio toro contentum, a vicina petiit muliere consilium. Que ni-

mirum perversa, et ultricibus flammis evidenter obnoxia, hoc eam sacrilégium venenata serpentis antiqui suadela perdocuit, ut corpus Dominicum quasi communicatura perciperet, quod caute reservans, viro suo postmodum non sine quibusdam maleficiis propinare. Quod videlicet a sacerdote perceptum, et usque dum occasio præberetur palliolo reservatum, non sine magno dedit stupore miraculum. Hæc enim particula Domini corporis inventa est usque ad medietatem in carnem esse conversam, altera vero medietas panis speciem non mutavit. Itaque si rite reminiscor, hoc proposuisti, deinde quid portenderet, inquisisti. Super quæ quæstione, quia non necesse est diutius immorari, brevi compendio quid mihi videatur expediā. Nam idcirco Deus omnipotens sacrosanctum illud mysterium in carnis speciem vertit, ut perfidiam reprobæ mulieris argueret, dum visibilem Domini corporis ostenderet veritatem : quatenus quæ purum panem, ut videbatur, ante credebatur, veræ carnis speciem cerneret, sicquæ sacrilegam cœpti sceleris audaciam suo ipsa iudicio condemnaret. Quod autem medietas sic remansit, ad evidentiore iudicii testimonium proficit, ut dum in una eademque substantia hinc panis, illinc carnis adesse consideras speciem, in utroque veræ carnis verique panis indifferenter intelligas veritatem, quia et ipse est panis qui de cœlo descendit (Joan. vi), et ipsa nihilominus caro quæ de virginalis uteri materia prodiiit.

Nam et vester ille finitimus piæ recordationis Amalphitanus episcopus, nomen nescio, Stephano Romano Pontifici, me præsentē, sub iurejurando sæpe testatus est quia cum aliquando ad mensam Domini sacrificaturus accederet, sed super sacramento Domini corporis incredulus hesitaret, in ipsa confractione salutaris hostiæ, rubra prorsus ac perfecta caro inter ejus manus apparuit, ita ut etiam digitos illius cruentaret, sicque sacerdoti omnem scrupulum dubietatis auferret. Ubi notandum quam sit immane periculum indignis manibus attræctare tam terribile sacramentum. Sed quid de sacramentis ipsis eloquimur, cum etiam super eos aliquando, qui ex eorum vasis offendant, terribiles fieri sententias videamus?

CAPUT PRIMUM.

Terribile exemplum Arnaldi episcopi Aretini calicem Dominicum alienantis, et ab Ecclesia subtrahentis.

Arnaldum certe Aretinæ sedis episcopum tu quoque familiariter agnovisti. De hoc mihi Martinus eremita, magnæ scilicet opinionis vir ac celeberrimæ famæ, narravit 589. Quia ex quodam sui juris monasterio calicem aureum abstulit, et quibusdam imminentiis necessariis alienavit : cui nimirum calici nobilis ac devota mulier, quæ eum sanctis obtulerat, anathematis titulum, ne ab aliquo tolleretur, provide fecit insculpi. Interea cuidam fratri sopore depresso, videre contigit quendam lacum nimii caloris ardore ferventem,

et piceos, sulphureosque fetores non sine tetri fumi voluminibus exhalantem. Circa quem lacum teterimi quidam velut Æthiopes, nigris similiter equis, sed excelsis instar turrium, insidebant. Intus autem innumerabilia crudelium tortorum monstra ; damnantorum vero videbantur horribilia, ac diversa supplicia. Inter quos subito contigit, ut etiam Arnaldum videret episcopum, quem videlicet in illis prænimietate caloris exundantibus aquis cervicetenus immersum, terribiles duo Æthiopes constringebant, quorum alter sartagine ferream, alter calicem aureum in manibus habere videbatur ; sed iste cum sartagine calicem replebat aqua, et ille labiis episcopi protinus eundem calicem apponebat, eumque funditus ebibere compellebat. Sic itaque nunquam cessabant, et ille poculum labiis hiantis immergere, et iste coactus indesinenter haurire. Quid multis immoror? Hanc visionem audivit episcopus, ut monasterio restituat calicem, ab amicis omnino suggeritur. Ille sub fortassis ambiguo reddere pollicetur. Sed dum res in crastinando differtur, imo dum circa salutem suam ille non vigilat, celestis super eum sententia non dormitat. Nam et B. Petrus de his, quæ fictis verbis in avaritia negotiantur, ait : « Quibus iudicium jam olim non cessat, perditio eorum non dormitat (1 Petr. ii). » Quadam itaque die, tertia propinquante jam hora, in castelli, ubi erat, crepidinem, sellam præcepit afferri, ut surgentis calorem solis exciperet, ac matutinis frigoris reliquias propulsaret. Cumque residenti domesticis suis, servi, atque contubernales assisterent ; et ille securus, hilaris ac jucundus, faceta cum eis, et urbana verba misceret ; subito repentinus dolor in ejus verticem tanquam gladius irruit ; eumque morior, morior exclamare coegit. Mox bajulantibus necessariis deferitur ad lectulum : mysterium sacrosanctæ communionis accepit ac spiritum protinus exhalavit. Timeat ergo quisquis vel ecclesiastici mysterii utensilia distrahit, vel tremendi anathematis elogium parvipendit ; ne dum quasi securus ambulat, latentis eum iudicii laqueus comprehendat. Heu miserabilis valde, et infelix humana conditio ! Certe præfatus episcopus licet in hoc sibi negligentiae torpor obrepserit, alias tamen acutus erat, ingeniosus et cautus, tantæque facundiae, ut dum expeditissime in verbis decurreret, circumciseus labiis dici non immerito potuisset. Sed cum Apostolus dicat : « Prudentia carnis mors est ; prudentia spiritus vita et pax (Rom. viii) : » quid prodest, si quispiam sæculi hujus prudentia calleat, si ingenii vivacis obtutibus abditâ comprehendat, si versuta calliditate, tanquam Proteus, in varia se formarum monstra convertat?

590 CAPUT II.

Aliud terribile exemplum Tedaldi episcopi.

Interea sub hujus occasione sermonis, illud in memoriam redit, quod olim Tetaldus episcopus prædecessor istius, in festivitate beati Donati constitutus in pulpito, sermoni, quo concionabatur, adje-

cit. In Longobardiæ, inquit, finibus unde originem duco, vir erat versipellis ingenii, et acutissimæ subtilitatis, duplex animo, sermone lepidus, concinendis fabricandisque commentis doctus, in reperiendis ac variandis consiliis vehementer astutus. Nunquam erigebat brachia contra torrentem, sed ex quocunque latere mundani turbinis eum aura proflaret; ille protinus aptum calliditatis, atque versutiæ pallium opponebat. Accidit autem, ut hunc post obitum quidam frater nocturna visione conspiceret. Lacus erat igneus; qui flammivomis vaporabat incendiis, et crepitantibus ignium globis terribilem cernentibus incutebat horrorem; quem lacum trabalis enormitatis videbantur obsidere dracones, varique serpentium genera, hinc inde per circuitum spatari. Vir autem ille quem diximus, in ipsa flammarum stridentium voragine concitatus, tentabat quidem effugere, sed obstantibus bestis, dolebat aditum non pateri. Modo scilicet ex hac parte fugam parabat; sed ecce serpens obvisus aderat. Per aliam partem erumpere satagebat, sed ecce rursus alia bestia laxo gutture stridens iter occludebat. Ille rursus et alia ad evadendum loca tentabat, sed insurgentibus bestiis, omnino meatus aufugii non patebat. Porro autem cum Veritas dicat: « Eadem mensura qua mensi fueritis remetietur vobis (Matth. vii; Marc. iv); » hoc illi justo Dei iudicio contingebat. Sicut enim ille per carnalis astutiæ vanitatem, ex quibuslibet huius sæculi se noverat laqueis expedire; ita postmodum versa vice nullo valebat ingenio supplicium, quo cruciabatur, evadere. Qui nimirum si prudentiam, qua callebat, in divinis studuisset exercere mandatis, non cremaretur inter rabida ora serpentium, sed gauderet potius inter agmina beatorum.

CAPUT III.

Aliud exemplum cuiusdam non dantis honorem loco sacro.

Unum plane contigit in nostris partibus de quodam carnaliter sapiente, quod dignum non est silentio præterire. Fanensis quidam primarius civitatis, Hugo nomine, ipsa nocte, quæ peracta Paræscve, sacrosanctum Sabbatum Dominicæ sepulture præcedit, cum armis et armatis ingressus ecclesiam, in qua divinis vacabatur officiis, perosum sibi violenter hominem cepit, ac vinculis crudeliter mancipavit. Quem quia nova præsumpsit, novo Deus omnipotens supplicio condemnavit. Nam cum sensum mentis, in quantum mihi videtur, integrum teneat, omnes eum tanquam vesanum, exinanitum, atque dementem conspuunt, alijciunt, et exprobrant. **591** Halitus quippe ejus, juxta querelam B. Job uxor exhorret (Job xix), eumque velut arreptitum nurus expodit, ad mensam, sive colloquium filius non admittit, avertunt oculos famuli, dedignantur amici, clientes, milites, affines atque propinqui: episcopus etiam civitatis, et, ut compendiose cuncta complectar, omnis clerus et populus jam fere per duodenum arbitrantur cum mentis impotem et vesanum,

A nullumque cum eo tanquam energumeno dignantur habere consortium. Porro cum dives sit, et exuberans domus ejus, fluunt pannosæ et illotæ vestes, horret inculta cæsaries, caput ejus diuturni sudoris fetet injuria, corpus totum per longam sordet incuriam. Hic plane, cum me adesse cognosceret, me concius adit, mala quæ patiebatur exposuit, querelam de suis sobrio sermone digessit, et (quantum ex tenore verborum ejus colligere potui) rationabiliter declamavit. Itaque conveni filium, episcopum quoque ac de civitate quamplurimos, et subtiliter inquisivi, quid inordinatum, quid delirum, quid ineptum in illo conspicerent, pro quo illi vesaniam imputarent. A quibus utique nihil aliud, et ne unum quidem certi signi verbum addiscere potui, nisi hoc tantum, quia demens est: quod omnes ore consono unanimitè afferebant. Cumque ego dicerem: Quomodo id scitis, quibusve indicis eum insanire conjicitis? Nihil aliud inventientes, id ipsum denuo replicabant: Demens est. Quod mihi videtur profundum atque admirabile Dei omnipotentis esse iudicium, ut qui prudens, et sciens sponte desipuisse cognoscitur, prudens et sciens opinione vesaniæ puniatur: et qui sponte factus est furiosus, demens ab omni populo iudicetur invitus. Merito contra votum adjudicatur insanienti, qui voluntate propria conatus est insanire. Enimvero si veraciter fureret, eo minus miser esset, quo despectus sui mala, quæ patitur, ignoraret. Non est itaque sicut mortuus sæculi (Psal. cxlii), qui non sentit; sed sicut mortuus est inferni, qui jugiter moritur, et mortem ipsam sentire non desinit. Salvo nempe illo terribili in mundi fine iudicio, nunc etiam omnipotens Deus non modo crudelia quælibet facta, sed et superba, sive sacrilega, prout dignum est, ulciscitur verba. Vindicavit siquidem, quod Balthassar sacra vasa temulentus indigne tractavit (Dan. v); nec dimisit inultum, quod Nabuchodonosor arroganter elata verba deprompsit: « Nonne, inquit, hæc est Babylon magna, quam ego ædificavi in domum regni, in robore fortitudinis mee, et in gloria decoris mei? » (Dan. iv.) Et ecce sicut propheta testatur, cum adhuc sermo esset in ore regis, vox de cælo ruit: « Tibi dicitur, Nabuchodonosor rex, regnum transit a te, et ab hominibus te ejicient, et, cum bestiis, atque feris erit habitatio tua (Ibid.). » Punivit præterea Dominus Sedechiam regem Juda, qui per reprobos actus Dei mandatum contempsit (II Par. xxxvi). Ultus est etiam Ananiam prophetam, non quia malum fecit, sed quia mendacium protulit. Cui Jeremias: « Non, inquit, misit te Dominus, et tu confidere fecisti populum istum in mendacio, idcirco hæc dicit Dominus: Ecce mittam te a facie terræ: hoc anno morieris (Jer. xxviii). »

592 CAPUT IV.

Clerici pugnacis, insolentis et blasphemii cades.

Novis [Nostris f.] quoque temporibus accidit, ut in Burgundia regno quidam clericus esset superbus nimis ac tumidus: et non modo carnali vitæ sæcu-

lariter deditus, sed et contra suum ordinem terribiliter bellicosus. Hic itaque cum ecclesiam B. Mauricii multis inclytam prædiis, suis ditionibus usurparet; potens autem quidam e diverso sui juris esse, non sine magna livoris atque certaminis animositate contenderet, tandem belli dies utroque paciscente statuitur, et a multis hinc inde frementium armorum agminibus convenitur. Potens autem ille, quem diximus, nuntium ad hostilia castra direxit, qui et apparatus belli solerti speculatione perpenderet, ac sibi celeriter nuntiaret. Forte tunc clericus missam cum his, qui dimicaturi erant, suis fautoribus audiebat. Cumque ad Evangelium veniretur, in fine lectum est: « Omnis qui se exaltat, humiliabitur; et qui se humiliat, exaltabitur (Matth. xxiii; Luc. xiv, xviii). » Illico clericus in hanc sacrilegam vocem protervus erupit: Hæc, inquit, sententia vera non est; nam si ego me meis adversariis humiliter inclinasset, hodie tot possessionum atque clientium copias non haberem. Reversus autem nuntius domino suo fideliter retulit, non modo quod in bellici procinctus apparatu conspexit, sed hoc etiam quod in ore clerici tumide loquentis audivit. Tunc ille plaudens in Domino laetus efficitur, atque ad spem procul dubio obtinendæ victoriæ milites cohortatur. Conglobatis itaque diversorum cuneis armorum, ex utraque parte pugna committitur, vires viribus opponuntur, depressa telorum silva deponitur, et humanis indicta corporibus arma grassantur. Habebat autem clericus equam, quam videlicet præliaturi ascenderat, tantæ velocitatis ac roboris, ut nullus sibi videretur equus, aut mulus ad dimicandum posse præferri. Casu, imo Deo disponente, contigerat, quod præcedenti nocte jumentum illud stabulo solum abscederet, acervumque salis inveniens, ex eo plurimum comederet. Clericus itaque dum in acie constitutus super aquæ rivulum deveniret, ibique cominus adversantium armis arma conferret, jumentum, ut erat assumpti salis copia sitibundum, frenum de manu rectoris violentè extorsit, suisque totum viribus vindicavit, ac præsto caput in aquam ad libendum inhianter immerisit. Ille vero, dum ea manu, qua scutum tenebat, cum jumento configit, hostilibus jaculis faciem coactus exponit: et ecce repente gladius os ejus fulminis more transfixit, talique vir reprobos vitam suam sine conclusit. O quam congrue in illa pertulit corporis parte vindictam, qua nigri fellis in Dominum vomerat blasphemiam! Et cum Propheta de talibus dicat: « Filii hominum, dentes eorum arma, et sagittæ, et lingua eorum gladius acutus (Psal. Lvi); » qui linguam suam et dentes adversus Deum gladii more vibravit, digne per eadem membra materialis gladii pœnas exsolvit. **593** Isti plane contigit quod Dominus in Evangelio dicit: « Quia super decem et octo homines turris Siloe cecidit, et occidit eos (Luc. xiii). » Quem verò mystice turris illa significat, nisi illum cui Psalmista decantat: « Deduxisti me, quia factus es spes mea, turris fortitudinis a

A facie inimici? » (Psal. lx.) Huic enim expositioni ipsum quoque Siloe nomen adgaudet. Siloe siquidem interpretatur, *missus*. Haud dubium quin sit ille, qui dicit: « Qui me misit, mecum est (Joan. viii). » Et ibi cæcus a nativitate lumen accipit ab eo qui ait: Ego sum lux mundi (Joan. viii). » De casu istius turris alibi *super figura* dicitur lapidis: « Omnis qui ceciderit, super illum confringetur; supra quem vero ceciderit, conteret eum (Matth. xxi). » Super hanc turrin, sive lapidem, cadit homo, atque confringitur, cum per fragilitatem aliquam peccat; sed ejus super se ruina conteritur, cum superbe blasphemat. Turris ergo Siloe super hunc clericum cecidit, et sicut blasphemando meruerat, omnino contrivit.

CAPUT V.

Quod Deus nullum peccatum impunitum relinquit.

Et quid mirum, si gravia nos peccata tormentis addicant, cum subtile Dei judicium impunita etiam minima non relinquat? Imo quid novum, si reprobæ locutionis sacrilegium damnat, cum ipsa quoque laudis suæ præconia, nisi digne sint deprompta, contemnat? Adraldi nempe prudentis et religiosi viri, qui Bremetensi præminet monasterio, didici relatione quod scribo, quod etiam inditum litteris esse dicebat. Clericus, inquit, Coloniensis Ecclesiæ vadum fluminis transibat, et ecce beatus Severinus ejusdem Ecclesiæ nuper episcopus, equi ejus habenas apprehendit, eumque retinens, sistit. Cumque ille in stupore versus, et graviter admiratus, cur illic tam clarus et tam celebris famæ vir moraretur inquireret: Da mihi, ait, manum tuam, et quæ circa me sunt, non auditu discæ, sed tactu. Cumque datam manum fluctibus episcopus impressisset, tantus eam ardor absorbit, ut undique carnes ejus resolutæ diffunderent, et ossa nuda vix hærentibus articulis remanerent. Ad quem clericus, [cum adde] nomen, inquit, tuum in tanta benedictione sit apud nos, et fama tua consonis totius Ecclesiæ præconiis celebretur, cur te pestilens hæc vorago constringit, tantoque, prohi dolor! incendio cruciaris? Ad quem sanctus episcopus: Nihil, ait, aliud in me remansit ultione plectendum, præter hoc tantum, quia dum, in aula regia constitutus, imperialibus me consiliis vehementer implicui, canonicæ synaxis officia per distincta horarum spatia non persolvi. Mane quippe simul omnia coacervans, tota die negotiis ingruentibus securâ libertate vacabam. Ob hæc itaque negligentiam horarum, ardoris hujus fero supplicium. Tu vero omnipotentis Dei clementiam humiliter implora, ut nanum tuam in salutis pristinæ restituat statum. Quod cum factum fuisset: Vade, inquit, filii, obsecra fratres nostros Ecclesiæ clericos, et alios spirituales **594** viros, ut pro me preces fundant, indigentibus subsidia conferant, sacrificiorum votis insistant. His enim peractis, ego mox de vinculo pœnæ hujus indubitanter expediar, et expectantibus me beatorum civium choris lætus adjungar. Quod certe magnam nobis debet inferre formidinem,

quia cum sanctum virum, uni culpæ duntaxat obnoxium, tam intolerabilis purgatorii poena constrinxerit, væ, væ, quæ mihi, meisque similibus est inferenda sententia, quos tot reatum prolixitas gravat?

CAPUT VI.

Quod Dei laudes fœdis cogitationibus non sint inquinandæ.

Distinguenda sunt ego per momenta temporum ecclesiasticæ institutionis officia, et sub magna divini timoris, ac reverentiæ dicenda sunt disciplina, ne dum psallimus, fructum spiritus cum carnis desidia misceamus. Quid enim prodest, hostiam Deo laudis offerre, et per torporem negligentia fœdis sese cogitationibus inquinare? Hanc porro boni, malique misturam locus ille significat evangelicus, ubi dicitur: Quia docente Domino, aderant quidam ipso in tempore nuntiantes illi de Galileis (*Luc. xiii*), quorum sanguinem Pilatus miscuit cum sacrificiis eorum. Nam quia Pilatus, os malleatoris interpretatur, quid per hunc, nisi diabolum debemus intelligere, qui paratus est semper homines offensionum ictibus verberare? Unde et virgam super humeros hominum tenere dicitur per Prophetam: « Virgam, inquit, humeri ejus superasti, sicut in die Madian' (*Isa. ix*). » Quid vero sanguis, nisi peccata? Quid sacrificia, nisi rectas, et acceptabiles Deo significant actiones? Pilatus ergo Galilæorum sanguinem cum sacrificiis miscuit, quia malignus spiritus vel orationes nostras pravis cogitationibus polluit, vel opera bona peccati cujuslibet attaminatione corrumpit, ut sanguis sacrificium polluat; dum reatus offensio oblatam Deo recti operis victimam fœdat. Unde scriptum est: « Quia cum Abraham Deo sacrificium de pecoribus, ac volucris devotus offerret, descenderunt volucres super cadavera, et abiebat eas Abraham (*Gen. xv*). » Quid enim expriment volucres, nisi reprobos spiritus per aera volitantes? volucres ergo a sacrificio nostro repellimus, eum operum nostrorum victimas a malignis spiritibus eas fœdare tentantibus, provide custodimus.

Idem sane, quem prædiximus, Adraldus, dum in Burgundia regno mihi conviator incederet: In hoc, inquit, loco per quem nunc transitum habemus, aliquot contigit, quod si dicimus, non videtur otiosum. Frater quidam nostri cœnobii (haud dubium quin Cluniacensis) piæ mentis, et recte conversationis vir, hinc aliquando transibat; et ecce crinitus quidam, quasi ex Hierosolymitana peregrinatione deveniens, palmam ferebat in manu. Cumque peregrinus, et monachus invicem obvii sese aliternus pertransissent, ait ille: Completorium in lecto, nec salus est, nec profectus. Quod frater audiens, admiratus expavit, ac repente post terga respiciens, eum videre non potuit. **595** Mox enim ut verbum protulit, omnino disparuit. Ille vero ad conscientiam mox reversus invenit, quia pridiano vespere lassus de via redierat, et fessa in lectulum membra projiciens, jacendo canonicas horas compleverat. Utrum ille angelus fuerit, an revera, sicut videbatur,

A homo, Dei ducimus relinquendum esse judicio.

In hac etiam eremo fontis Avellani, ubi nunc habito, prior quidam fuerat, nomine Joannes, qui lentis quibusdam infirmitatibus macilentus videbatur semper et gracilis. Hac itaque sui corporis imbecillitate confusus, sæpe jacens in lecto completorium decurrebat. Accidit autem ut dæmoniachus quidam non procul abesset, qui multa hominum secreta, et obscenos actus impudens propalaret. Cumque præfatus Joannes dæmonem exire præciperet, et quibusdam exorcismi quæstionibus flagellaret: Tunc, ait, ille es, qui sub cotto quotidie completorium insurras, et modo me quasi sanctus ejicere, et juris mei vasculum de meo vis dominio liberare? Hoc audito, frater erubuit, quia rei veritatem etiam per mendacii recognovit auctorem.

Alter etiam eremita, qui vocabatur Joannes de Anso, cum ei, ut egrederetur vehementer insisteret, ac divini nominis adjurium crebrius intentaret: Nunquid oblitus es, ait, hac tibi nocte quid fecerim? Nam, si non excidit, certus es quia dum ego me in apri silvestris effigiem verti, tu me quasi venator insectabar. Sed qui videbar aper, subito speciem venustæ mulieris assumpsi, atque in osculum tuum ruens, ut semen effunderes, cum gloria triumphavi. Cum itaque reprobis spiritus de fratre delinquente per soporis energiam se gloriatur habuisse triumphum; quanto putamus eum gaudere tripudio super his, qui labuntur in adulterium, vel incestum? Unde sæpe Deus omnipotens terribile exhibet etiam in hac vita judicium, nec tamen miseri homines desinunt iterare plectendum.

Nam Robertus Gallorum rex, avus istius Philippi, qui in paterni juris sceptris successit, propinquum sibi copulavit uxorem, ex qua suscepit filium, anserinum per omnia collum, et caput habentem. Quos etiam, virum scilicet et uxorem. omnes fere Galliarum episcopi, communi simul excommunicare sententia. Cujus sacerdotalis edicti tantus omnem undique populum terror invasit, ut ab ejus universi societate recederent, nec præter duos sibi servulos ad necessarij victus obsequium remanerent: qui tamen et ipsi omnia vasa, in quibus rex edebat, vel bibebat, percepto cibo, abominabilia judicantes, pabulum ignibus exhibebant. His tandem rex coactus angustis, ad sanum consilium rediens, divertit incestum, iniitque legale connubium.

CAPUT VII.

Quod non sunt commatres ducendæ uxores.

Sed et Otto rex Teutonicorum, qui postmodum imperator creatus est Romanorum, Adalaidem Italianæ reginam, quæ sibi commater **596** exstiterat, suscepit in conjugem. Quem filius ejus Almficus, qui Maguntia præsidebat pastor Ecclesiæ, cepit constanter arguere, et scelestum luridumque conjugium publice condemnare. Pater autem vehementer iratus, eum comprehendi præcepit, et carcerali mox custodie mancipavit; quem per annale circiter spatium carcer inclusit, sed a correctione linguam ter-

roris vinculum non ligavit. Cum vero pater eum quadragesimali decurrente jejunio, de custodia de- crevisset educere, antequam psalterium expleret, quod aureis exarabat apicibus, recusavit exire. Verumtamen dum exivit, zelo sacerdotalis accensus auctoritatis, non quievit, sed mox in patrem jaculum publicæ excommunicationis intorsit. O vere dignum regio genere sacerdotem, qui in causa Dei non imperiale fastidium, non paternum recognovit affectum; sed dum paternam ac regiam auctoritatem in solo Deo constituit, hunc hominem ejus legibus resistantem, a se prorsus extraneum deputavit. Dixit autem patri: Tu arbitraris me adversum te insolenter agere, te vero præjudicium sustinere: cito prænosces, quia die sancto Pentecostes uterque simul astabimus ante Deum, ibique ventilabitur inter nos, librata justitiæ lance, litigium. Ibi luce clarius apparebit quis nostrum æquitatis lineam teneat, quis Dei legibus contradicat. Factumque est, ipso, qui dictus est, sacrosanctæ solemnitis die, ut dum præfatus Augustus imperialibus infulis redimitus, multorumque pontificum choris, sive procerum val- latus agminibus, missarum solemnitis interesset, repente super eum veniente judicio, repertus sit mortuus. Episcopus autem in Domino jam quie- rat. Sic sic qui de incesto conjugio contempsit inter homines judicari, ad tribunal æterni judicis coactus est pertrahi; et qui subjectum sibi dedignatus est audire pontificem, terribilem super se non potuit evadere majestatem.

Hæc ego, venerabilis pater, et alia quamplurima, non sine magnæ formidinis angore conscribo; ne videlicet, vel relatores mei meræ veritatis semitam non tenerint, vel ipse quoque relationum in quo- libet immemor oblivione deliquerim. Verumtamen teste conscientia, non hæc mentiendi voto, sed ædifi- cationis affectu, prout melius possum, narrata re- colere, satago schedulis adnotare. Si quid mihi ta- men in his oblivioni obrepserit, imo quidquid humanæ conditionis infirmitate deliqui antequam nexibus hujus carnis absolvar, divina mihi pietas tuis oratio- nibus in memoriam revocet, ac digne lugere permit- tat; ne viventi mihi pœnitendum quid manere pos- sit occultum, quod morientis sit oculis ingerendum.

Horno abbas Cluniacensis, cum ad suum me mo- nasterium perduxisset, frater quidam senex in infir- morum domo, ingravescente totius corporis tumore, languabat. Hic porro, cum abbatibus comperisset adesse præsentiam, lætus effectus, divinam cœpit implorare clementiam: Domine, inquit, quem nullum latet occultum, quæso, si quid reatus in me est, quod non sim hucusque confessus, tu mihi misericorditer in memoria revoca, quatenus abbati meo dum præsens 597 est, pure confitear; atque ab eo, qui jus hoc in me præ cæteris habet, judicatus absolvat. Hoc dicto, hujusmodi vox auribus ejus insonuit: Certe est, certe est aliquid in te, quod confessus adhuc non es. Cumque ille vocem solam audiret, sed a quo procederet, non videret, orando subjanzit: Ex-

A prime, domine, manifeste quid hoc sit, ut confes- sus corrigam quod erravi. Porro vox eadem pecca- tum quoddam [sicut quærebat] signanter expressit, quod ille a se commissum illico recognovit, et abbati festinanter ascito, facta confessione, purgavit, pau- cisque post diebus in sancta pace defunctus est.

CAPUT VIII.

Terribile exemplum cujusdam hominis desperati, ac interficientis seipsum.

Non talem sortitus est finem clericus ille, de quo mihi idem Hugo Cluniacensis monasterii rector fida relatione narravit: Religiosus, inquit, quidam episcopus in expeditione positus, cum venisset ad ripam ejusdam fluminis, substitit, ibique lassus recreare spiritum cœpit. Cumque illic tranquille B quiesceret, audit vocem de fluminis alveo pro- deuntem, et hæc verba clarius exprimentem: Hora venit, homo non venit. His auditis episcop- us sollicitus redditur: et recogitans hoc sine mysterio esse non posse, adventum rei solerti cus- todia præstolatur. Sed dum attentus explorator expectat, dumque hæc et illa recogitat, ecce qui- dam clericus agillime properabat, equumque cal- caribus atterens, amnem transire quantocius festi- nabat. Admonuit autem suos episcopus, ut obvios se venientem festinanter objicerent, eumque a sui cursus impetu retinerent. Cumque ille perneciter properans, flumen aggrediretur præcipitanter in- vadere, ac sine mora transire; illique contra vio- lenter obsterent, et gradum figere compulissent, C ait: Quiescite, quæso, dimittite me, recedite; quia jussio regis urget. Non est res, quæ deferri possit in posterum. Mysterium regis instat, inevitabilis necessitas imperat. Quid plura? Sanctus episcopus eum violentissime retentum, supervenientem nocte secum habere coegit hospitium. Sed, o misera ho- minis ac lugenda conditio, quæ facilius valet sibi consciscere mala cum desunt, quam vitare cum imminet! Episcopo scilicet cum suis gravi sopore depresso, ille vas aquæ in hospitio reperit, in quod caput immergens, suis ipse tortor effectus, se fera- liter enecavit. Sed sicut iste, licet occulto, districto tamen Dei judicio, carnis interitum pertulit; ita per ejus piam clementiam mortem animæ simul et cor- poris alter evasit.

CAPUT IX.

Votifragus infirmitate corripitur, ut respiscat.

Nam quod nunc dicturus sum, et ex relatione jam dicti Cluniacensis abbatis, 598 et ex ore illius, cui res ipsa contigerat, frequentius audi- vi. Adolescents quidam erat in finibus Aquitanicæ, qui cum cœvis suis juvenalibus de animalum suarum cœpit salute tractare. Deliberatione præmissa, tan- dem statuunt, ac unanimi invicem confederatione proponunt, et mundani cultus pompas abjicere, et ad monasticæ conversationis ordinem commigrare. Sed dum res adhuc suspensa differtur, dum rerum ordo multiplici varietate concutitur; ipse quoque tener adolescentis animus fixus in suo propòitu

non tenetur. Quid multa? Mutata penitus mente desponsavit uxorem. Cumque per processum temporis mens ejus et memoriam sancti propositi paulatim de se prorsus eraderet, et sub prætextu conjugii ad explendam carnalis illecebræ voluptatem impatientius bulliret, divina super eum vigilante clementia, subito languore percussus est, ac paulo post ad extrema pervenit. Necessarii igitur, ac propinquis de jam quasi defuncti disputantibus sepultura, dum in medio positus videretur cadaver exanimæ, vixque tenuis quidam motus in ejus pectore palpitaret; ecce duo teterrimi ac trucidis vultus Æthiopes eum (ut sibi videbatur) tanquam leones rugientes invadunt, rapaci ferocitate corripunt, de corpore violenter evellunt, mox pedes ejus, et brachia duris alligant nexibus, sicque velut hædum in phalanga pendulum alter post alterum bajulare cœperunt. Quos autem dolores, et torsiones ipse pertulerit, quantum, et qualia viderit, vel audierit, per quamplurima eum loca vectaverint, perlongum est non tantum stylo dirigere, sed simplicibus quoque verbis ex ore per ordinem referentis audire. Hoc tantum hic inferre sufficiat, quia dum per obscuræ caliginis eum loca portarent; ecce B. Petrus apostolus splendidus et coruscans occurrît, eumque de portantium humeris raptum, nexibus, quibus angebatur, absolvit. Illi mox relicta præda stridentibus dentibus, et ejulantes abscedunt, factumque sibi præjudicium flebiles conqueruntur. Beatus autem apostolus adolescentem ad Cluniaci monasterium secum duxit, eique forinsecus posito, sese, donec reverteretur, expectare præcepit. Ego, inquit, meum monasterium ingrediens visito, ac per circuitum cuncta perlustrans, quid agatur, attendo: deinde ad te, consideratis omnibus, redeo. Sed mox ut iste relictus est solus, ecce crudeliore et acriores iidem revertuntur Æthiopes, et non jam per manus et pedes, sed per genitalia ipsa corripunt, eumque sic non sine gravissimo illius dolore suspendunt. Nam velut si rostro passer accipitris, vel aquilinis unguibus columba rapiatur implumis; sic a reprobis illis spiritibus miser iste corripitur, trahitur libratus, per verenda suspenditur, et quasi recuperata præda, quæ fuerat perdita, longius asportatur; cum ecce beatus Petrus radianti nimis, ac terribili splendore conspicuus, se tanquam fulmen injectit, rapinam suam quasi per impetum violenti spiritus apprehendit, et clavibus quas manu gestabat, raptiores nequissimos acerrime verberavit. Mox illum ad domum propriam usque perduxit, reddensque spiritum corpori, utramque salutis substantiam reformavit. Nam ille protinus convalescens, 599 domui suæ sine cunctatione disposuit, atque ad Cluniacense monasterium properans, sanctæ conversationis habitum fervida satis devotione suscepit. Sic itaque divinæ militiæ transfuga, dum paterni verberis disciplina cœlitus eruditur, de manu cruenti prædonis eripitur, et ovis oberrans ad proprii pastoris mapalia revocatur.

A Sed jam se reprimens calamus cohibeat stylum, ne regulam brevitatís excedat epistolare compendium.

Scribite, si placet distichon istud in refectorio, sub pedibus apostolorum.

Ignit apostolicum linguarum flamma senatum.
Germinat et varias quasi vox fecunda loquelas.

DISPUTATIO

DE VARIIS APPARITIONIBUS ET MIRACULIS.

ARGUMENTUM. — Archiepiscopo, utpote qui talibus rebus audiendis magnopere delectabatur, nuntiat canonicos Velitrensis Ecclesiæ, cui ipse præerat, emersisse tandem aliquando, et se ad bonam, ut dicitur, frugem recepisse, eosque juxta præscriptam sibi disciplinam, non ut ante coactos, sed sponte et libenter vitam instituere. Affert deinde nonnulla exempla, et mira, quæ multis contigerunt, ex quibus non parva utilitas percipi potest.

Domno A. venerabili archiepiscopo, Petrus peccator monachus plenissimæ devotionis affectum.

Quia novi sanctam mentem tuam, venerabilis Pater, præcipue de hominum salute gaudere, adeo ut cum animarum te contigit audire profectum, velut ad dulcium epularum aggliscas, ac delecteris edulium.

Refero tibi de canonicis nostris, sanctæ videlicet Velitrensis Ecclesiæ, quia qui sub multis laboribus nostris atque sudoribus incorrigibiles videbantur, jam per divinam gratiam resipiscunt, et per canonicæ regulæ tramitem non jam coacti, sed gaudentes incedunt. Unusquisque præterea eorum quadragesimali tempore quotidie psalterium cœplet; tribus per hebdomadam diebus omnes vino et pulmento communiter abstinent; tantumque districtæ conversationis videntur habere fervorem, ut per totam Quadragesimam, quæ est ante Pascha: et illam, quæ Nativitatem Domini nostri Jesu Christi consuetudinaliter antecedit, tribus in hebdomada diebus unusquisque se in capitulo coram fratribus exuat, et propria peccata confessus, dura corrigiarum scutica perferat disciplinam. In quo videlicet sanctæ conversationis indicio potes manifeste colligere, quid de cæteris vitæ modis, et observationibus debeas æstimare. Et, o disciplina salutifera, nimirum carnis afflictio! in qua dum corpus ad humanum 600 nudatur aspectum, ante Dei oculos coruscantibus indumentis apparet ornatum. Porro vix dum mensis emensus est quo res contigit ista quam refero.

CAP. PRIMUM. Baruncii eremitæ sanctitas.

Baruncius plane mihi frater unanims, et in amoris præcipui dulcedine singularis, non in eremo, sed in villa quadam eremo subjecta, dum opus ageret necessarium, languorum incurrit extremum. Qui dum sibi imminenter cognosceret obitum, fratribus, qui sibi sedulitatis officium exhibebant, poenitentiam sibi proposuit injungi: qui dum tres, vel ut multum, quatuor psalmos, utpote sancto, et

innocenti viro, sufficere judicarent; ille petiit, ut A decem sibi annorum pœnitentiam traderent, quam illico peragendam fratribus, qui morabantur in eremo, quantocius delegarent. Nocte igitur insecta, dum quique per cellas constituti post galcinium nudati, corporalibus disciplinis insisterent, festinarentque fratres pœnitentiam, antequam ille moreretur, implere; Lamberto fratri, qui sibi sedulus assistebat, Barucius ait: Cur, inquit, te non præparas, et sicut cæteri fratres indumentis ecclesiasticis non adornas? Omnes enim de eremo fratres usque modo mihi visibiles astiterunt, albis nimirum ac resplendentibus stolis induti, et velut in choro psallentes micantium vestium candore conspicui. Compulsi ergo illum, ut ad eorum indueretur exemplum. Ubi notandum, quia dum fratres illi nudati corporalibus disciplinis essent ab ipso procul intenti, ei, ut ita loquar, non jam carnalibus, sed spiritualibus oculis decoro cultu videbantur induti. Is plane, qui mihi hoc retulit, venerabilis pater Liutprandus aliud etiam mihi consequenter innotuit, quod ab audientium ædificatione non vacat.

Initio, inquit, illius Quadragesimæ, quæ Nativitatem Dominicam ex ecclesiastica institutione præcedit, tanta mihi subito molestia repentini languoris incubuit; ut vix pedibus constanter insisterem, nedum possem regulam quotidianæ conversationis implere. Cumque tenebrosis atque confusis cogitationibus fluctans, jejunium funditus desperarem, ac de quotidiana deinceps ciborum remissione decernerem, subito lenis mihi sopor obrepit, et super codicem, cui videlicet intus eram, caput paululum reclinavi. Tunc mihi visum est, quod tota cella plena esset fumo, et insuper quamplures illic essent homines, qui clamoris ac mutuis inter se vociferarentur colloquiis: cum ecce sanctus frater Juventius, qui in eadem eremo laudabiliter conversatur, repente cellulæ fores irrupit, et zelo severissimæ animadversionis homines exturbavit, ac sine mora violenter propellens exclusit. Num, inquit, hujus eremi non est inviolabilis regula, ut colloquium fieri in cella quisque non audeat, sed ingredientium labia silentii protinus censura compescat? Moxque manutergium repente corripuit, omnemque fumi chaos, tetramque congeriem, qua cella replebatur, abiecit. Quo facto, protinus exsoporatus 601 evigilo, mentemque meam ab omni fumigantium cogitationum caligine liberam, non sine magna cordis lætitiâ recognosco. Tunc itaque omnino tentationis atque languoris expulso, tantæ virtutis in me robur ac fortitudinem reperi, ut per totam illam Quadragesimam usque ad Dominicam Nativitatem vix aliquando vel leviter esurirem: et ne uno quidem die præter panem et aquam, nisi fallor, alia quælibet alimenta requirerem.

CAP. II. — *Parisiensis episcopi intemperantia divinitus punitur.*

Et, o utinam sic Albuino [Alberico f.] Parisiensis Ecclesiæ contigisset episcopo. Cui nimirum dum septimi, si rite teneo, mensis jejunium celebraret; et profligato jam jejunii biduo, ad Sabbatum pervenisset, singularis ferus venatione captus, offertur. Mox ille in concupiscentiam lethalis edulii pestilenter illectus exarsit, jejunium in alteram hebdomadam transferendum esse decrevit: et confestim coquis, ut porcum accuratus coquerent, imperavit. Illo itaque die gulæ suæ perfecti homo miserabilis appetitum, octavo autem, proximo videlicet Sabbato, diem clausit extremum. Et hoc certe digne commemorat, qui de Ecclesiæ sacrario quasi sepulcra concupiscentiæ fecit in deserto (*Num. xi*). Quid autem mirum, si illic, ubi tam aperta est culpa, manifeste est irrogata vindicta, cum sæpe miserabilem rei videamus eventum, et tamen ignoremus supernæ dispositionis causa latente mysterium?

Leo plane dudum Puteolanus episcopus, nunc autem nobilis eremita, nuper mihi et fratribus retulit, quia cum dæmoniacus quidam esset in monasterio, quod apud Parhenopen est in beati Agnelli confessoris honorem constructum, in hominem prope astantem repentinus insiluit, eumque rabido furore percutiens, protinus interfecit. Et, o quis profunda Dei judicia penetrare sufficiat! Mox enim, ut innocentem hominem furibundus exstinxit, confestim a dæmonio liberatus, et menti suæ ac rationi pristinæ restitutus, nunquam de cætero passionis illius molestiam pertulit. Inquisitis autem cur hoc facinus perpetraverit: Hominem, inquit, non vidi, sed nigrum canem, qui me mordicus apprehendere satagebat, sicut mihi videbatur, occidi. In hoc igitur occulto dispositionis effectu causa non claruit, cur videlicet vel ille repentino dignus fuerit vulnere perimi; vel iste meruerit a dæmonio liberari. Cum et ille, quantum ad humanum spectat arbitrium, innocenter occisus; et iste, quantum ad exterioris reatus speciem, videatur ultione plectendus. Et quid mirum, si merita nobis aliena non pateant; cum et ipsi sæpe, quod fecimus, per oblivionis hebetudinem ignoremus?

602 CAP. III. — *B. virgo Maria in suæ festivitatis Assumptione innumeros liberat a penis Purgatorii.*

Religiosus plane presbyter Joannes rem mihi retulit ante paucos annos Romæ contigisse, quam narro. In Assumptione scilicet beatæ Dei genitricis Mariæ, cum nocturno tempore Romanus populus juxta morem orationibus et litanis insisteret, et accensis luminibus diversarum regionum ecclesias perlustraret; mulier quædam in basilica, quæ est ad honorem ejusdem beatæ Virginis, in Capitulo [Capitolio vel Campitello f.] constituta, commatrem suam vidit, quæ scilicet ab anno fere fuerat jam defuncta. Cumque per multitudinem confluentium ad ejus attingere non potuisset alloquium, studuit eam in tali ejusdam angiportus articulo præstolari; ut dubium non esset, quod egressa basilicam, ab ea dās

elinare non posset. Hanc itaque transeuntem protinus inquisivit : Num, inquit, tu commater mea es, Marozia videlicet, quæ dudum defuncta es? Hoc illi vocabulum fuerat, dum adiveret. Quæ respondente : Ipsa sum. Et quomodo, inquit, tibi nunc est? Ait : Usque hodie non levis me pœna constrinxit, quia videlicet per lasciviam petulantiam illecebras cum coetaneis me puellis in tenera ætate fodavi; et hoc ipsum, proh dolor! oblivioni quodammodo tradens, sacerdoti quidem confessa fui, sed iudicium non accepi. Verum hodie regina mundi pro nobis preces fudit, meque cum multis aliis de locis pœnalibus liberavit, tantaque multitudo per interventionem ejus hodie est de tormentis erepta, ut numerum totius Romanæ plebis excedat; unde sacra eidem dominæ nostræ gloriose dicata passim loca visitamus, actionesque sibi gratiarum pro tantis misericordie beneficiis alacres exhibemus. Cumque super hoc commater illius ambigeret, nec fidem facile sermonibus adhiberet, subjunxit : Ut experiaris, inquit, pro certo verum esse quod loquor, scias te transacto hoc anno, in hac eadem festivitate procul dubio morituram. Quod si, quod fieri non potest, ulterius vixeris, me protulisse mendacium liquido comprobabis. Et his dictis, ab oculis ejus evanuit. Mox illa cœcium induit, et de obitu suo sollicita, quæ audierat, vivere cautius cœpit. Quid plura? Peracto fere anno pridianis cœpit ægrotare vigiliis? in ipso vero festivitatis die vitam, sicut et demonstratum fuerat, terminavit. Ubi notandum, et non leviter expavescendum, quia de peracta culpa, quam præfata mulier oblivioni tradiderat, usque ad interventionem intemeratæ Dei Genitricis supplicia perferbat.

CAP. IV — *Sanctorum apparitio pulcherrima Romæ in ecclesia sanctæ Cæcilie.*

Rainaldus quoque Cumanus episcopus mihi narravit, quod et ab Humberto venerabili sanctæ Rufinæ quondam episcopo se didicisse perhibuit. Presbyterum, inquit, nocturno 603 silentio quiescentem, compater suus, qui defunctus fuerat, in visione clamavit, dicens : Veni, vide spectaculum, quod judicare non poteris otiosum. Duxit ergo illum ad basilicam beatæ Cæcilie, in cujus videlicet atrio videbantur Agnes, Agatha, eademque Cæcilia, multarumque beatarum virginum chorus, mirabili cultus et habitus nitore conspicuus. Hæ nimirum parabant quendam magnificam sedem, cæteris hinc inde subselliis eminentem, et ecce B. virgo Maria cum Petro, et Paulo atque David, ac non parvis martyrum diversorumque sanctorum vallata turmis micantibus venit, seseque in ea, quæ parata erat, sede composuit. Porro autem dum in illo tam sancto conventu silentium fieret, omnesque reverenter astarent, ecce mulier quædam, licet paupercula, pelliceo tamen indumento decenter ornata, ad intemeratæ Virginis vestigia corruit, eamque ut Joanni patricio jam defuncto miseretur, oravit. Cumque hoc ipsum mulier ter obsecrando repeteret, nec responsum aliquod impetrare posset, adjecit : Nosti, inquit, domina mea, regina mundi; ego sum mi-
era

A illa, quæ in atrio basilicæ tuæ majoris nuda et tremula jacere consueveram. Ille vero mox ut aspexit, pia mihi miseratione condolevit, et pellem hanc super me, quæ videlicet erat indutus, injecit. Tunc beata Dei Genitrix : Homo, inquit, ille, de quo rogas, multa flagitiorum mole depressus est; duo tamen hæc habuit, ut et indigentibus pius, et magna sacris locis exstisset humilitate devotus. Frequentem enim oleum propriis cervicibus deferebat, et lucernis Ecclesiæ meæ fomitem ministrabat. Cumque super hoc eidem patricio et cæteri sancti testimonium perhiberent, eumque idipsum et suis ecclesiis egisse simul assererent; illico regina mundi præcepit, ut patricius ille duceretur ad medium; et ecce multitudo demonum præfatum Joannem trahunt, pœnalibus B undique loris astrictum, et ambientium cætarum squaloribus vehementer attritum. Tunc eum domina nostra jussit absolvi, et sanctorum cœtibus aggregari; vincula vero, quibus ille fuerat absolutus, alteri homini, qui in hac adhuc vita manebat, præcepit innectenda repenti. Tunc conventus ille sanctorum solutus est, et unusquisque in diversa contendens, ab aspectu cernentis evanuit. Beatus vero Petrus apostolus ad ecclesiam suam venit, cui protinus omnium successorum suorum, pontificum videlicet Romanorum, chorus infusus ac festinus occurrit : ipse quoque beatus Petrus cum eatenus videretur indutus Hebraicis vestibus, sicut in picturis ubique conspiciunt, tunc et phrygium suscepit in capite; et sicut cæteri, sacerdotalibus infusus est C ornatus in corpore. Tunc responsorium illud, quod dicitur : Tu es pastor ovium; meloditis atque mellifluis cœperunt intonare clamoribus; sicque illum usque ad sacerdotalis chori 604 consistorium duxerunt. Quo perveniens, ipse apostolorum princeps nocturnum est exorsus officium, dicens : Domine, labia mea aperies; deinde tres psalmos, totidemque lectiones ac responsoria, quæ in apostolorum natalitiis recensentur, canonico more persolvit. Omnibus itaque per ordinem rite decursis, matutinis quoque laudibus consequenter expletis, ejusdem ecclesiæ tintinnabulum sonuit, et continuo presbyter, qui hæc videbat, evigilans, somnium terminavit.

Præterea item, qui supra, mihi narravit episcopus, D quia monachus quidam quotidie dum ante sanctum altare beatæ Mariæ semper virginis pertransiret, illam ex more percurreret antiphonam, quæ sic incipit : Gaude, Dei Genitrix virgo immaculata; gaude, quæ gaudium ab angelo suscepisti; gaude, quæ genuisti æterni luminis claritatem; gaude, mater; gaude, sancta Dei Genitrix virgo. Tu sola mater inupta. Te laudat omnis factura. Genitrix lucis, intercede pro nobis. Quam videlicet antiphonam dum quadam die pertransiens diceret, audivit vocem ex eodem altario procedentem : Gaudium mihi annuntiasti, gaudium tibi eveniet.

CAP. V. — *Officium mortuorum quotidie persolvens in celeste regnum introducitur.*

Sed et idem mihi narravit episcopus, quia frat-

quidam non quotidiano, non certe solemnī sancto-
rum, sed solo utebatur, et delectabatur officio de-
functorum. Cumque conditionis humanæ debitum
solvens tribunali superni Iudicis astitisset; cœpit
turba demonum vehementer hoc illi crimen impin-
gere, quod ecclesiasticæ institutionis regulam
negligens, per assuetæ synaxis officia vota Deo red-
dere contempsisset. Tunc beata regina mundi sem-
per virgo Maria, et omnes sanctorum chori cum ea
valenter occurrunt, seseque ad illius auxilium con-
corditer interponunt. Hic, inquiunt, noster capella-
nus ac minister exstitit: quodque defunctorum
semper exsequiis libenter interfuit, nobis omnibus
procul dubio ministravit. Absit igitur, ut in imbio-

rum manus iste deveniat, qui piis erga nos, dum
advererit, studiis insudabat. Sic itaque beate Vir-
ginis precibus, omniumque supplicatione sanctorum,
in eorum meruit transire consortium. Ignorabat
tamen hujus rei relator episcopus, utrum ille frater
ad nos reversus, an aliis in hac vita degentibus ista
retulerit.

Hæc tibi, venerabilis frater, familiariter scribo,
quia velut suavis epulis, sic in tua, quæcunque
sit, allocutione delector: et mens mea continuo
lætatur, et gliscit, cum aliquid, quod tibi congrue
scribatur, occurrit.

Sit nomen Domini benedictum.

605-606 OPUSCULUM TRICESIMUM QUINTUM.

DE PICTURIS PRINCIPUM APOSTOLORUM

ARGUMENTUM. — Causam affert cur Paulus apostolus ad dexteram, Petrus vero ad sinistram in picturis ex-
primantur, idcirco scilicet, quia Paulus esset ex tribu Benjamin, qui Latine, *filius dexteræ* interpretatur;
probatque hujusmodi nomen aptissime illi convenire. Multas quoque ejusdem Pauli prerogativas adducit.
Tum denuo exponit cur Hierosolymitana Ecclesia, cum in ea Christus passus fuerit, non sit caput om-
nium Ecclesiarum.

Domno DESIDERIO sanctæ conversionis [conversa-
tionis] abbati, religioso conventui, PETRUS peccata-
tor monachus in Domino servitatem.

Ut domnum Martinum ad vos iter arripere didici,
notario protinus, ut exciperet, imperavi. Sed quo-
niam per totum quadragesimalem circulum tecum,
venerabilis pater, familiariter degens, quæque con-
ferenda videbantur, viva voce contulimus, et quæ
communicanda erant, sive tractanda, sæpius inti-
mavimus; jam quid novi ad te scribi valeat, non
invenio, dum quidquid necessarium esse poterat,
frequentius iteratum alterutra confabulatione per-
pendo. Quid igitur faciam? Nunquid qui loqui
cœperam, deficiente materia, stolidè contices-
cam?

CAPUT PRIMUM.

*Cur Petrus ad sinistram, et Paulus ad dextram in
picturis collocentur.*

Sed dum armatam penna, atque ad scribendum ex
more libratam manum scriptoris aspicio, materia
mihī dulcis offertur, de qua ad disputandum mea
mens alacriter provocetur. Per istam siquidem
notarii dextram repente mihī illud occurrit, quod
ipse a me, quæstione proposita, sæpenumero requi-
sisti: Cur videlicet in imaginibus picturarum per
universas adjacentes Romæ provincias, Petrus qui
primus est, ad sinistram; coapostolatus autem ejus
Paulus constituitur ad dextram; cum juxta vulgarem
sensem hoc rerum ordo deponat, ut Petrus, qui
senatus apostolicus princeps est, dextrum Domini la-
tus; Paulus vero, qui junior est, sinistrum jure
possideat? Sed durum est valde, ut opinemur, quia

B tam egregium, tamque famosum apostolicæ dispo-
sitionis ordinem inconsulte, atque inconsiderate
devota Deo ac religiosa vetustas admiserit. Neque
enim credendum est, ut Constantinus imperator,
imo papa Silvester; atque post eos principes et sa-
cerdotes in ecclesiasticæ disciplinæ littera pervigiles
atque solertes, hunc ordinem tantorum principum
negligendum ducerent, si correctione dignum aliqua-
tenus æstimarent. Ne ergo sanctæ hujus historiæ
ordo inordinatus appareat, quod nobis videtur, san-
ctitati vestræ breviter innotescat.

Paulum plane de tribu Benjamin exstitisse quis
ambigit? Benjamin autem Hebraice, Latine *filius
dexteræ* nuncupatur. Quid ergo mirum est, si ad
dexteram constituitur, qui vocabulum dexteræ ex
C paterno jure sortitur? Enim vero, ut vetus illa beato
Paulo liquido congruere videatur historia, non sine
causa Scriptura dicit: « Quia egrediente anima
Rachel præ dolore, et imminente jam morte, vocavit
nomen filii sui, Benoni, id est *filius doloris mei*
(Gen. xxxv). » Pater vero appellavit eum Benjamin,
id est, *filius dexteræ*. Per Rachel namque, quæ ovis,
vel visum principium dicitur, Ecclesia non immerite
designatur. Quæ nimirum et ad instar ovis innocen-
ter vivit, et per studium contemplationis ad videndam
Redemptoris sui speciem medullitis inardescit. Qui
de se requiritibus Judæis ait: « Ego principium,
qui et loquor vobis (Joan. vin). » Benjamin igitur
nascente, Rachel mater emoritur; dum appropin-
quante ad lucem novæ regenerationis Saulo, perse-
cutionibus Ecclesia per eum crudeliter impugnatur.
Sicut Lucas in Actibus apostolorum: « Saulus, inquit,

devastabat Ecclesiam, per domos intrans, et trahens A
viro, et mulieres tradebat **607** in custodiam (Act.
viii). » Congruè itaque Rachel Benoni, id est, *filium*
doloris mei vocat : quem Jacob Benjamin, id est, *filium*
dexteræ nuncupat; quia Paulus, qui matris Eccle-
siæ dolor exstitit, qui eam quodammodo, dum
nascetur, inipugnando peremit, a Deo Patre *filius*
dexteræ est vocatus, cum per eum divina potentia
adversus gentes quasi per fortem suam dexteram
dimicavit, verborum jacula valenter intorsit, salubres
cordium plagas intulit, et per eum devictis atque
prostratis hostibus, cum gloria triumphavit. Hinc est
quod idem Paulus ad Galatas ait : « Cum autem
complacuit ei, qui me segregavit ex utero matris
meæ, et vocavit per gratiam suam, ut revelaret
filium suum in me, et evangelizarem eum in gentibus, B
continuo non acquievi carni et sanguini (Gal. i). »
Non ergo immerito *filius dexteræ* Paulus vocatur, per
quem omnis gentium multitudo, quæ ad dexteram
Dei ponenda est, ad fidei sacramenta colligitur.
Accinctus siquidem verbo Dei, quod est gladius Spi-
ritus (Ephes. vi), hodieque usque ad finem sæculi
adversus omnium vitiorum, iniquorumque spirituum
rabiem dimicat, et tanquam fulminea Christi manus,
vibratis cælestis eloquii gladiis, rigidas resistendum
Deo cervicibus obtruncat. Recte igitur Paulus dextri
juxta Redemptorem lateris obtinet dignitatem, qui
divinæ dexteræ non ambigitur exercere virtutem.
An non quodammodo dextera Dei adversus diabolum
dimicantem se fatetur esse, cum dicit : « Ego autem
sic curro, non quasi in incertum : sic pugno, non
quasi aerem verberans ? » (I Cor. ix.)

CAPUT II.

Pauli prærogativæ enarrantur.

Paulus ad cælum tertium raptus ascendit (II Cor.
xii), ubi etiam arcana verba, quæ hominibus loqui
non licet, audit. Quis autem nesciat, quia vita ter-
rena dicit sinistram, cælestis autem significat dexte-
ram, sicut sponsa dicit in Canticis : « Læva ejus sub
capite meo, et dextera illius amplexabitur me ? »
(Cant. ii.) Læva namque esse sub capite dicitur,
quia præsens vita apud electum quemlibet sub
mente, quæ procul dubio cogitationum caput est,
despecta calcatur. Dextera vero Dei sponsa amplexari
perhibetur, quia dum fidelis et sancta anima
æstanti sui Creatoris igne succenditur, velut divinis
quibusdam amplexibus undique confovetur. Qui ergo
carnis adhuc fragilitate circumdatus, ad cælestem
vitam ascendisse cognoscitur, recte *filius dexteræ*
nuncupatur. Hunc dexteræ Filium Deus omnipotens
tanquam propriam dexteram per totam mundi latitu-
dinem semper extendit, et per eam adoptionis popu-
los ad fidei unitatem colligit. Hanc dexteram summus
agricola per Ecclesiæ suæ aream versat, et per eam
spirituales segetes ventilat, ut purgata mystici fru-
menti grana horreis cælestibus introducatur. Hanc
dexteram suam Deus huc illucque procul extendit,
dum ad colligendas in fidei sacramento gentes Paulus
toto terrarum orbe discurret. Ipse quippe quam va-

lida charitate flagrat, tam nimia ex locis ad loca se
vagatione permutat. **603** Transire ad alia ex aliis
appetit, quia ipsius eum, quem implet, stimulus
charitatis impellit. Longe namque a Romanis positus
scribit : « Memoriam vestri facio semper in orationi-
bus meis, obsecrans, si quo modo tantem aliquando
prosperum iter habeam in voluntate Dei veniendi ad
vos. Desidero enim videre vos (Rom. i). » Retentus
Ephesi, Corinthiis scribit : « Ecce tertio hoc parat-
us sum venire ad vos (II Cor. xii). » Rursum
Ephesi commorans, Galatis loquitur, dicens : « Vel-
lem me esse apud vos modo, et mutare vocem meam
(Gal. iv). » Romæ quoque custodia carceris clausus,
quia ire per semetipsum ad Philippenses non per-
mittitur, transmittere se discipulum pollicetur, di-
cens : « Spero in Dominum Jesum, Timotheum cito
me mittere ad vos; ut ego bono animo sim, cognitis
quæ circa vos sunt (Philip. ii). » Constrictus etiam
vinculis atque Ephesi retentus, Colossensibus scri-
bit : « Nam et si corpore absens sum, sed spiritu
vobiscum sum (Coloss. ii). » Ecce cor apostolicum
quanto fraterni amoris igne deconquitur, quanto ad
desudandum pro salute gentium desiderio coarctatur!
Hic corpore tenetur; illic spiritu ducitur : et paterni
amoris affectum presentibus impendit, absentibus
porrigit. Coram positus exhibet opera, audientibus
exprimit vocem. Efficaciter præsens eis, cum quibus
non erat : nec tamen illis absens, cum quibus erat.
Cujus amorem melius cognoscimus, si ejus adhuc ad
Corinthios verba pensamus. Ait enim : « Veniam ad
vos cum Macedoniam pertransiero; nam Macedoniam
pertransibo, apud vos autem forsitan manebo, vel
etiam hiemabo (I Cor. xvi). » Quid est, quod tam
anxie per tot loca partitur, nisi quod circa omnes
una charitate constringitur? Charitas enim, quæ di-
visa unire consuevit, unum cor Pauli dividi per
multa compellit. Quod tamen tanto ardentius in Deo
colligit, quanto latius per sancta desideria spargit.
Predicando igitur Paulus vult simul omnia dicere,
amando vult simul omnes videre; quia et in carne
permanendo vult omnibus vivere, et de carne trans-
cundo per sacrificium fidei vult omnibus prodesse.
Nec mirum si prædicator egregius in fraterna chari-
tate ferventius æstuat, si præ cunctis mortalibus in
eo copia veræ dilectionis abundat; cum fons vitæ
qui eum vas electionis appellat (Act. ix), in eum se
decreverit abundanter influere, eumque dignatus sit
sacramentorum suorum fluentis incomparabiliter
irrigare. Hinc est quod ait : « An experimentum
queritis ejus qui in me loquitur Christus ? » (II
Cor. xiii.)

CAPUT III.

Paulus præ cæteris omnibus privilegio admirabili est insignitus.

Hoc plane Salvator mundi B. Paulo per sin-
gularis gratiæ privilegium contulit, qui nulli mor-
taliū post Incarnationis suæ mysterium præro-
gavit. Nam postquam beata illa atque divina Redem-
ptoris humanitas ad paternæ majestatis est evecta

consensum, ut non jam hominibus corporaliter interresset, sed cœli potius virtutibus præsideret, non per magistrum, sed specialiter per se ipsum scilicet efficaciter **609** docuit, omniumque sibi gestorum suorum mysteria delegavit; ut non modo præcessorum suorum magisterio nullatenus indigeret, sed eos insuper omnis cœlestis sapientiæ profunditate præcelleret. Unde et ipse primus apostolorum Petrus ejus admiratur sapientiam, dicens: « Charissimus frater noster Paulus, secundum datam sibi sapientiam scripsit vobis; sicut et in omnibus epistolis, loquens in eis de his, in quibus sunt quædam difficilia intellectu, quæ inducti et instabiles depravant (*II Petr. iii.*) » Quod autem in discendis evangelicæ doctrinæ mysteriis non magistrum quemlibet hominem, sed Deum specialiter habuerit præceptorem, testatur ipse, qui in principio Epistolæ suæ ad Galatas loquitur, dicens: « Paulus apostolus non ab hominibus, neque per hominem; sed per Jesum Christum et Deum Patrem, qui suscitavit eum a mortuis (*Gal. i.*) » Fons enim æternæ vitæ velut immensus torrens totum se simul in vas suæ electionis immergit, qui in cæteros apostolos per longa temporum intervalla, sapientiæ suæ fluentia profudit. Et paulo post: « Notum enim vobis facio, fratres, Evangelium quod evangelizatum est a me, quia non est secundum hominem; neque enim ego ab homine accepi illud, neque didici, sed per revelationem Domini nostri Jesu Christi (*Ibid.*) » Quod ergo Petrum Dominus per multa argumenta adhuc mortalit edocuit, hoc totum repente beato Paulo constitutus jam in gloria paternæ majestatis exhibuit. Ac si doctor quispiam dum privatus est, discipulos doceat, postquam vero ad obtinendam regalis imperii sceptram conscendit, remotis clientium classibus, unum inter multos egregium, quem nobilior instruat, elegit.

Ut ergo ad id unde cœpit sermo recurrat, cum B Petrus ad dexteram ponitur, primatus ejus, quem inter cæteros est sortitus apostolos, honoratur. Cum vero Paulus ejusdem dextri lateris occupat locum, in Benjamin, cujus est filius, mystice figuræ redolet sacramentum. Quanquam et hoc non a mysterio vacet, quod B. Petrus Domini lateris sinistram tenet. Per illum siquidem activa vita signatur. Et sicut contemplativa vita per dexteram, sic actualis exprimitur per sinistram. Quod autem per B. Petrum præsens vita, hoc est activa, figuretur, in hoc præcipue demonstratur, quod sicut evangelica frequentissime testatur historia, et Petrus Dominum plus omnibus condiscipulis diligit (*Joan. xx.*); et Dominus non Petro, sed Joanni potius prærogativam specialis omnino dilectionis impendat (*Joan. xiii.*). Per Joannem quippe contemplativa, per Petrum vero, sicut dictum est, activa vita signatur. Quia sancti omnes in hac vita ad similitudinem Petri, Deum plus amant, et quasi minus amantur; dum duras propter eum laborum molestias perferunt; mortali tamen adhuc carne circumdati, ad amplexus ejus dulcedinem non pertingunt. Illi vero qui jam cum Deo sunt, in hoc

eum quodammodo minus amant, et magis amantur; dum et pro eo nullos laborum turbines sentiunt, et tamen intimæ familiaritatis ejus oblectationibus perfrauntur. Non ergo mirum, si B. Petrus aliquando partem videatur tenere sinistram, qui **610** et activæ vitæ continet ex scripturarum auctoritate figuram.

CAPUT IV.

Cur B. Paulus propriam non habeat cathedram.

Unum vero in B. Paulo videtur egregium, quia cum omnes apostoli distributi terrarum regionibus, proprias obtineant cathedras; iste, dum nullam speciditer teneat, videtur aliquatenus communiter omnibus præsidere. (*Vide scholia ad calcem opusculi.*) Plane quia ipse toto terrarum orbe universalem fundavit Ecclesiam, dignum est, ut sicut in omnibus fidei semen sparsit, sic etiam in omnibus jus teneat præsentis. Dicit enim ad Corinthios: « Gratia Dei sum id quod sum; et gratia ejus in me vacua non fuit, sed abundantius illis omnibus laboravi; non ego autem, sed gratia Dei mecum (*I Cor. xv.*) » Ad Romanos autem: « Habeo, inquit, gloriam in Christo Jesu ad Deum, in obedientia gentium: verbo et factis, in virtute signorum, et prodigiorum, in virtute Spiritus sancti; ita ut ab Hierusalem per circuitum usque ad Illyricum repleverim Evangelio Christi. Sic autem hoc prædicavi Evangelium, non ubi nominatus est Christus, ne super alienum fundamentum edificarem; sed sicut scriptum est: Quibus non est annuntiatum de eo, videbunt; et qui non audierunt, intelligent (*Rom. xv.*; *Isa. lii.*). Hæc est igitur causa cur Paulus nullam specialiter cathedram teneat, quia si audemus summis minorâ cœferre, ad instar Christi, salvo cæterorum apostolorum jure, videtur omnibus Ecclesiis præsidere.

Porro autem quantum ad vulgarem pertinet sensum, quoniam Hierosolymis passus est Dominus, universis Ecclesiis non Romana, sed Hierosolymitana potius præesse deberet Ecclesia; verumtamen cum ex auctoritate canonum, Romana Ecclesia primum teneat locum, Alexandrina secundum, Antiochena tertium, Constantinopolitana quartum, Hierosolymitana jam quintum: constat Dominum Salvatorem non uni cuilibet cathedræ speciali jure præesse, sed cunctis unum pastorem universaliter præsidere. D Liqueat ergo Ecclesiarum ordinem esse dispositum juxta privilegium Petri, non secundum incomparabilem excellentiam Redemptoris. Quia quod omnes apostoli juxta mensuram suam obtinent per gratiam collati muneris, hoc totum possidet Christus per naturalis imperium majestatis. Quamdam ergo, si dici liceat, cum Christo similitudinem Paulus tenet, dum non uni duntaxat Ecclesiæ, sed omnibus præsidet. Non igitur sine causa B. Paulus dextrum in picturis obtinet latus, dum id non modo deposcat propensior fructuum cumulus, sed et figuralem intelligentiæ sacramentum. Gliscit adhuc animus super hoc themate plura conscribere, sed litterarum bajulus, qui ad vos properare festinat, dum potius vel-

let volare, quam currere, non me permittit saltem A minimas ad scribendum moras habere. Clementia vobis, dilectissimi, divina præcipiat, ut pro me orare sancta vestra fraternitas non desistat.

611 SCHOLIA.

Plane quia ipse (Paulus) toto terrarum orbe universalem fundavit Ecclesiam, dignum est, ut sicut in omnibus fidei semen sparsit, sic etiam in omnibus ius teneat presidentis. In hac Epistola beatus Petrus Damianus plus nimio videtur tribuere Paulo: tametsi enim vera sunt, quæ refert de ipsius Apostoli rebus gestis, sunt tamen caute intelligenda; quoniam totius orbis pastor, et princeps Petrus duntaxat est, non Paulus. Quamobrem verum quidem est elogium, quod ipsi Ecclesia tribuit, dum ait: prædicator in universo mundo; « verum est quod idem affirmat: (Instantia mea quotidiana, sollicitudo omnium Ecclesiarum (II Cor. xi). » Sed tamen illum tantum honorem, quem prima specie cardinalis Damianus sancto Paulo defert, sancto Petro magis congruere **612**

certissimum est, de quo Magnus Leo (*epist. ad Anast. Thess.*): « Inter beatissimos apostolos, inquit, in similitudine honoris, fuit quædam discretio potestatis; et cum omnium par esset electio, uni tamen datum est, ut cæteris præmineret: de qua forma, episcoporum quoque est orta distinctio. » Sanctus Joannes Chrysostomus (*hom. 87 in Joan.*): Quid tandem aliis omissis, de his duntaxat Petrum affatur? os erat apostolorum, et princeps, et vertex ipsius cælus; propterea et Paulus eum præter alios visurus ascendit. Itaque Damianum juxta magni Gregorii mentem intelligemus (*Greg. in lib. I Reg., cap. 4*), ut quod attinet ad apostolicum munus Evangelii prædicandi, atque peccata solvendi, æque omnes apostolos, nedum Paulum, in universum mundum missos esse existimemus, cum quadam tamen subordinatione Petri, qui gregi universali præfectus est, ut multis docet sanctus Cyprianus de unit. Eccles., et epist. 55 ad Cornelium papam.

Sit nomen Domini benedictum.

613-614 OPUSCULUM TRICESIMUM SEXTUM.

DE DIVINA OMNIPOTENTIA IN REPARATIONE CORRUPTÆ, ET FACTIS INFECTIS REDDENDIS.

ARGUMENTUM. — De Dei omnipotentia, æternitate, infinitate, providentia, cæterisque hujusmodi altissimis obscurissimisque questionibus, luculenter et coglose disserit contra eos qui divinæ potentie quasi terminum constituere audebant, asserentes Deum facta infecta reddere non posse. Quod falsum esse verissimis rationibus probat. Denum benevolentiam et amorem suum erga Casinense monasterium Desiderio abbati pluribus patefacit, et velut in pictura ante oculos ponit.

Domno DESIDERIO Casinensis monasterii reverentissimo rectori, et universo sancto conventui, PETRUS peccator monachus pacis osculum in Spiritu sancto.

CAPUT PRIMUM.

Quod Deus multa potest quæ non vult.

Qui solus de marini fluctus procellis eripitur, dum sagenam adhuc inter rupes et scopulos, inter minaces atque intumescentes undarum cumulos periclitari considerat, inhumanus est, si laborantes in discrimine socios non deplorat. Ego itaque episcopatu dimisso, me quidem velut arenis expositum gaudeo; sed te ventis atque turbibus atteri, ac inter hiantes pelagi fluctuare voragines, non sine fraterna compassione suspiro. Errat, pater, errat, qui confidit se simul et monachum esse, et curie deservire. Quam male mercatur, qui monachorum præsumit claustra deserere, ut mundi valeat militiam bajulare! Undis erutus sanus est piscis, non ut sibi vivat, sed ut alios pascat. Vocamur, attrahimur; sed ut vivamus aliis, moriamur nobis; amat venator cervum, sed ut sibi faciat cibum; persequitur capras, lepuseulos insectatur; sed, ut ipse bene sit, illa nihil sint. Amant et homines nos, sed non nobis; sibimet diligunt, in suas nos vertere delicias concupiscunt. Quos nimirum dum in exteriora prosequi-

mur, quid aliud quam monacho nostro, qui latebat intrinsecus, repudium damus? Mox enim ad summa tendentis vitæ status evertitur, rigor enervatur discipline, atque silentii censura dissolvitur, et ad effluendum quidquid libido suggesserit, ora laxantur. Unde processit, et quod nunc occurrit memorie: utrum Deus possit reparare virginem post ruinam. Nam dum aliquando, ut meminisse potes, uterque discumberemus ad mensam, illudque B. Hieronymi sermocinantibus deveniret in medium; audenter, ait, loquor: cum omnia possit Deus, suscitare virginem non potest post ruinam. Valet quidem liberare a pœna, sed non valet coronare corruptam. Ego licet pavidus, utpote, qui disputare de tanti viri testimonio facile non auderem, unanimi tamen patri, tibi videlicet, dixi pure quod sensi. Hæc, inquam, fateor, nunquam potuit mihi placere sententia. Non enim a quo dicatur, sed quid dicatur attendo. Nimis scilicet inhonestum videtur, ut illi, qui omnia potest, nisi sub altioris intelligentie sacramento, tam leviter impossibilitas ascribatur. Tu autem e contrario respondisti: ratum esse, quod dictum est, et satis authenticum, Deum videlicet non posse suscitare virginem post ruinam. Deinde longis atque prolixis argumentationibus multa percurrens, ad hoc tandem definitionis tuæ clausulam.

perduxisti, ut diceret: Deum non ob aliud hoc non posse, nisi quia non vult. Ad quod ego: Si nihil, inquam, potest Deus eorum, quæ non vult: nihil autem, nisi quod vult, facit; ergo nihil omnino potest eorum facere, quæ non facit. Consequens est itaque, ut libere fateamur, Deum hodie idcirco non pluisse, quia non potest; idcirco languidos non erigere, quia non potest; ideo non occidere injustos, ideo non ex eorum oppressionibus liberare sanctos. Hæc, et alia multa idcirco Deus non facit, quia non vult, et quia non vult, non potest; sequitur **615** ergo, ut quidquid Deus non facit, facere omnino non possit. Quod profecto tam videtur absurdum, tamque ridiculum, ut non modo omnipotenti Deo nequeat assertio ista congruere, sed ne fragili quidem homini valeat convenire. Multa siquidem sunt quæ nos non facimus, et tamen facere possumus. Si quando tamen tale quid in mysticis et allegoricis contingat nos reperire scripturis, caute potius et reverenter accipiendum est, quam juxta litteras audacter et libere proferendum. Sic est illud, quod Loth properanti Segor ab angelo dicitur: « Festina igitur, inquit, et salvare ibi, quia non potero facere quidquam, donec ingrediaris illuc (*Gen. xix*). » Et: « Pœnitet me fecisse hominem (*Gen. vi*). » Et quia Deus præcavens in futurum, tactus sit dolore cordis intrinsecus, et multa id generis. Si quid igitur tale divinis paginis reperitur insertum, non mox passim procaci ac præsumptiva vulgari debet audacia, sed sub modesta sobrii sermonis proferendum est disciplina; quia si hoc diffunditur in vulgus, ut Deus in aliquo, quod dici nefas est, impotens asseratur, illico plebs indocta confunditur, et Christiana fides non sine magno animarum discrimine perturbatur.

Illo plane modo dicitur Deus non posse aliquid, quo et nescire: videlicet quidquid malum est, sicut non potest agere, ita nescit agere. Non enim potest, aut sic mentiri, vel pejorare, vel injustum aliquid facere, quamquam per prophetam dicat: « Ego Dominus formans lucem, et creans tenebras: faciens pacem, et creans malum (*Isai. xlv*). » Quod autem dicit in Evangelio: « De die autem illo, vel hora nemo scit, neque angeli in cælo, neque Filius, nisi Pater (*Matth. xxiv*; *Marc. xiii*); » hoc procul dubio intelligendum est, quod discipulus hoc tantummodo nesciat, qui sibi nil prorsus ignorat. Cum enim Jesus, Verbum videlicet Patris, tempora cuncta condiderit, omnia siquidem per ipsum facta sunt (*Joan. i*); quæ consequentia, qui totum novit, diem judicii, partem videlicet temporis, ignoravit? Sed super eodem Salvatore scribit Apostolus: « In quo sunt omnes thesauri sapientiæ et scientiæ absconditi (*Coloss. ii*). » Cur autem absconditi, nisi quia non palam omnibus manifestæ. Nam de eodem judicii die post Resurrectionem rursus a discipulis inquisitus, ait: « Non est vestrum nosse tempora, vel momenta, quæ Pater posuit in sua potestate (*Act. i*). » Ac si dicat: Non vobis hoc expedit nosse, qua-

tenuis dubietatis ista suspensio in operibus pietatis vos magis, ac magis semper exerceat, et ab omni, si qua possit obrepere, vanitate compescat. Scit ergo sibi, quod nescit apostolis. Quod in hoc procul dubio probat, cum Patrem, cum quo videlicet unum est, hoc nosse denuntiat: « Ego enim, ait, et Pater unum sumus (*Joan. x*). » Sic enim juxta verbi sonum, asserit se quasi nescire, quod Pater; sicut aliquando significatur quodammodo non habere, quod Pater. Unde est et quod dicit Apostolus: « Cum tradiderit regnum Deo, et Patri (*I Cor. xv*); » tanquam regnum donec ipse tenuerat, Pater non habebat; et cum Patri tradiderit, ipse non teneat. Cum tradere regnum Deo Patri, nihil aliud sit juxta sobrium intellectum, nisi perducere credentes ad contemplandam speciem Dei Patris. Tunc **616** quippe Deo Patri regnum a Filio traditur, cum per mediatorum Dei et hominum in contemplationem divinitatis æternæ fidelium multitudo transferetur: id est, ut jam necessaria non sit dispensatio similitudinum per angelos, et principatus, et potestates, et virtutes: ex quarum persona non inconvenienter intelligitur dici in Canticis canticorum ad sponsam: « Similitudines auri faciemus tibi cum distinctionibus argenti quoad usque rex in accubitu suo est (*Cant. i*); » id est, quoad usque Christus in secreto suo est. Quoniam vita nostra abscondita est cum Christo in Deo: « Cum Christus, inquit, apparuerit vita nostra, tunc et vos apparebitis cum ipso in gloria (*Coloss. iii*). » Quod antequam fiat, videmus nunc per speculum in ænigmate. hoc est, in similitudinibus; tunc autem facie ad faciem (*I Cor. xiii*). Hæc enim nobis contemplatio promittitur actionum omnium finis, atque æterna perfectio gaudiorum. « Filii enim Dei sumus, et nondum apparuit quod erimus. Scimus quia cum apparuerit, similes ei erimus; quoniam videbimus eum sicuti est (*I Joan. iii*). » Quod enim dixit famulo suo Moysi: « Ego sum, qui sum (*Exod. iii*). » Et: « Dices itaque filiis Israel: Qui est, misit me ad vos: » hoc contemplabimur, cum videbimus eum in æternum. Ita quippe ait: « Ille est autem vita æterna, ut cognoscant te unum verum Deum, et quem misisti Jesum Christum (*Joan. xvi*). » hoc fiet, cum venerit Dominus, et illuminaverit abscondita tenebrarum (*I Cor. iv*), cum tenebræ mortalitatis. hujus corruptionisque transierint. Tunc erit mane nostrum, de quo in psalmo dicitur: « Mane astabo tibi, et videbo (*Psal. v*). » De hæc contemplatione intelligitur dictum, cum tradiderit regnum Deo et Patri (*I Cor. xv*), id est, cum perduxerit justos, in quibus nunc ex fide viventibus regnat mediator Dei et hominum homo Christus Jesus ad contemplationem Dei Patris (*I Tim. ii*). Multa denique talia reperiuntur in sententiis Scripturarum, quæ si juxta litterarum superficialiter contenti sumus accipere, non nobis poterunt lumen veritatis infundere, sed tenebrarum potius caliginem parturire. Hoc ergo quod dicitur, Deum non posse malum aliquid vel nescire; non referea-

dum est ad ignorantiam, vel impossibilitatem, sed **A** ad voluntatis perpetuæ rectitudinem. Quia enim malum non vult, recte dicitur, quia neque scit, neque potest aliquid malum. Cæterum quicquid vult, indubitanter et potest, testante Scriptura : « Tu autem dominator virtutis cum tranquillitate iudicas, et cum magna reverentia disponis nos : Subest enim tibi, cum volueris, posse (*Sap. xi*). »

CAPUT II.

Quod voluntas Dei omnibus rebus causa est ut existant.

Voluntas quippe Dei omnium rerum, sive visibilium, sive invisibilium causa est, ut existant; adeo ut condita quæque, antequam ad formarum suarum visibiles procederent species, jam veraciter atque essentialiter viverent in sui officis voluntate : « Quod factum est, ait Joannes, in ipso vita erat (*Joan. i*). » Et idem in Apocalypsi, viginti quatuor seniores dixisse testatur : « Dignus es, Domine Deus noster, accipere **617** gloriam, et honorem, et virtutem; quia tu creasti omnia, et propter voluntatem tuam erant, et creata sunt (*Apoc. iv*). » Prius dicitur, quia erant, et postmodum fuisse creata. Quia quæ foris expressa sunt per conditionem operis, jam intus erant in providentia et consilio Conditoris. Porro autem sicut voluntas Dei causa est, ut quæ nondum sunt condita, originaliter fiant; ita nihilominus efficax causa est, ut quæ sunt perditæ, ad status sui ordinem redeant. « Nunquid enim voluntatis meæ est mors impij, dicit Dominus? Sed volo ut convertatur et vivat (*Ezech. xviii*). »

Ut ergo ad id, quod prælibatum est, sermo recurrat, quid præjudicat Deo suscitare posse virginem post ruinam? Nunquid ideo non potest, quia non vult; et ideo non vult, quia malum est; sicut dictum est, mentiri, et pejerare, et injustum quid facere, Deum nec velle, nec posse? Sed absit, ut malum sit de violata, virginem fieri; imo sicut malum est virginem violari, ita violatam redire in virginem procul dubio bonum esset, si divinæ dispositionis ordo concederet, v. g. hominem post lapsum mortis subire vindictam; licet justo Dei iudicio malum fuit. Mortem enim Deus non fecit (*Sap. i*), cum ipse potius sit mors mortis (sicut per Oseam prophetam dicit : « Ero mors tua, o mors [*Osee xiii*; *I Cor. xv*]). » Jam vero saltem post redemptionis nostræ mysterium, hominem immortalem fieri certe bonum esset, si sententiam semel prolata clementia divina dissolveret. Neque enim hoc omnipotens Deus ideo, vel nolle, vel posse dicendus est, quia malum est, hominem videlicet fieri immortalem; sed justo suo iudicio, nostræque salutis augmento, quod ipse novit, tantum de vindicta redempti hominis voluit superesse. Hoc itaque modo malum est post stuprum virginem esse corruptam; bonum autem esset si virginitatis Deus signaculum in ea reformaret. Sed licet Deus hoc nullatenus faciat, sive ut virginem terreat, quatenus creatur amittere quod postmodum nequeat repa-

re; sive dictante æquitate justitiæ, ut quod tanquam vile quid per carnis blandimenta projecti, id instaurare etiam per poenitentiae lamenta non possit : sive certe, ut dum in se ruinæ suæ signa superesse considerat, acrioribus afflictionis suæ remediis indesinenter insistat. Sive igitur his, sive aliis supernæ providentiæ causis, ad integritatem pristinam violata virgo non redeat : nequaquam tamen omnipotens Deus dicendus est hoc non posse, sed potius nolle, ut servetur arbitrium æquissimæ voluntati, non autem ascribatur, quod absit, impotentia majestati. Quod enim malum est, non potest facere Deus, quia nec potest etiam velle; quod tamen nequaquam referendum est ad impossibilitatem, sed ad naturalem potius clementiæ singularis bonitatem. **B** Quod vero bonum est, velle potest, et facere, tametsi quodam cautelæ suæ, vel provisionis intuitu, quædam bona, aut raro faciat, aut nunquam faciat. Alioquin poterat dici ante Salvatoris adventum, quia Deus creare non posset ex utero Virginis Filium. Nimirum, quod nunquam fecerat, sed ne quidem nisi semel facturus erat. Tamenetsi nunquam faceret, et velle, et facere poterat, **618** quia bonum erat. Virginem itaque suscitare post ruinam, quomodo non possit Deus, cum procul dubio et ille omnipotens sit, et hoc bonum sit?

CAPUT III.

Quod absque dubio Deus post lapsum reparare virginem possit.

Virginem sane suscitari post lapsum duobus intelligitur modis : aut scilicet juxta meritum plenitudinem, aut juxta carnis integritatem. Videamus itaque an utrumque valeat Deus. Juxta meritum namque plebem fidelium virginem appellat Apostolus, cum Corinthiis dicit : « Despondi enim vos uni viro, virginem castam exhibere Christo (*II Cor. xi*). » Neque enim in illo Dei populo solummodo virgines erant, sed multæ conjugijs obligatæ, vel post virginitatis dispendium continentes. Et Dominus per prophetam : « Si vir, inquit, dimiserit uxorem suam, et illa recedens duxerit virum alterum, nunquid revertetur ad eam ultra? Nunquid non contaminata et polluta vocabitur mulier? Tu autem fornicata es cum amatoribus multis; tamen revertere ad me, dicit Dominus (*Jer. iii*). » Reversio plane ista ad Dominum, quantum ad qualitatem meritum pertinet, hoc est, de corrupta integram fieri, de prostituta virginem reparari. Cur rursus idem sponsus loquitur : « Et omnium peccatorum tuorum jam memor non ero (*Jer. xxxi*). » In carnalis siquidem sponsione complexus viri, corruptio carnis, foedus amoris, dispendium castitatis, virginem se plerumque thalamis nuptialibus tradit, quæ polluta recedit. Et contra, cui cælestis sponsus adhæserit, protinus abluit maculas turpitudinis, et ad florem revocat redolentissimæ castitatis. De prostibulo virginem, de corruptione reddit integritatem.

Unde est, quod plerosque novimus utriusque

sexus homines post abominabiles voluptatis illecebras, ad tantam religiosæ vitæ pervenisse munditiam, ut non modo castos atque pudicos quoslibet in sanctitate præcederent; sed et non contemnenda multarum virginum merita superarent. Quibus non jam sola prioris meriti mensura rependitur, sed procul dubio cum remissione reatus etiam cumulus superadditæ mercedis augetur. Ecce probatum, ut opinor, est, juxta meritum posse Deum suscitare virginem post ruinam: juxta carnem vero quis etiam resanæ mentis addubitet eum videlicet, qui erigit elisos, solvit compeditos (*Psal. cxlv*), qui postremo corat omnem languorem et omnem infirmitatem (*Matth. iv*), clausulam non posse reparare virginem? Enimvero qui corpus ipsum de tenuissimis seminis liquore compegit, in humanæ formæ speciem per varia membrorum lineamenta distinxit, ad summam necdum existentem condidit creaturam, existentem jam non poterit recuperare vitiatam? Fateor plane, fateor, nullumque timens cavillatoria contentiois obloquium constanter affirmo; quia valet omnipotens Deus multitudinem quamlibet virginem redde, incorruptionisque signaculum in ipsa ejus carne, sicut ex matris egressa est utero, reparare. **619** Hæc autem dixi, non ut B. Hieronymo, qui pio studio locutus est, detrahā; sed ut eos, qui ex verborum illius occasione, Deum astruunt impotentem, invicta fidei ratione refellam.

CAPUT IV.

Quomodo possit fieri, ut quod factum est, non sit factum.

Ad illud postremo, quod in hac disputandi materia plures objiciunt, sub sanctitatis tuæ judicio video respondendum. Aiunt enim: Si Deus, ut asseris, in omnibus omnipotens est, nunquid potest hoc agere, ut quæ facta sunt, facta non fuerint? Potest certe facta quæque destruere, ut jam non sint; sed videri non potest, quo pacto possit efficere, ut quæ facta sunt, facta non fuerint. Potest quippe fieri, ut amodo, et deinceps Roma non sit; sed ut antiquitas non fuerit condita, quomodo possit fieri, nulla capit opinio. Inspirante Deo responsurus sum ad hæc: in primis exactorem meum verbis Salomonis admonendum video, quibus ait: «Majora te ne quæsieris, et altiora te ne scrutatus fueris (*Eccli. iii*).» Deinde dicendum, quia quod Deus facit, aliquid est: quod Deus non facit, nihil est: «Omnia enim per ipsum facta sunt, et sine ipso factum est nihil (*Joan. i*).» De quo nimirum alibi scriptum est: «Qui fecit quæ futura sunt (*Eccli. iii*).» Juxta quod et illud: «Qui vivit in æternum, creavit omnia simul (*Eccli. xvin*).» Et Apostolus: «Qui fecit, inquit, ea quæ non sunt (*Rom. iv*).» Omnia plane hæc testimonia Scripturarum testantur Deum fecisse quod non erat; non destruxisse quod erat; condidisse futura, non abolevisse præterita. Quamquam et saepe legatur Deus aliquid evertisse, ut melius aliquid procuraret; sicut mundum per aquæ dilu-

vium (*Gen. vii*), Pentapolim per ignis incendium (*Gen. xix*), quibus nimirum sic abstulit esse, et futurum esse, ut nequaquam abstulerit et fuisse. Quanquam si ad pravorum hominum merita, qui tunc deleti sunt, soleriter inspicias, quoniam vanitates et inania sectati sunt, ut non ad esse, sed ad nihilum tenderent, eos merito non fuisse decernas. Hinc est, quod eos in afflictione spiritus conqueri, Scriptura testatur: «Exiguim, inquit, et cum tædio est tempus vitæ nostræ, et non est refrigerium in fine hominis, et non est qui agnitus sit reversus ab inferis; quia ex nihilo nati sumus, et post hæc erimus quasi non fuerimus. Erimus, inquit, tanquam si non fuerimus; quia et nunc quando videbantur esse, ad nihilum potius pertinebant, quam ad verum esse (*Sap. ii*). Ego, ait, sum qui sum; et hæc dices filiis Israel: Qui est, misit me ad vos (*Exod. iii*).» Qui enim ab illo, qui vere est, recedit, necesse est ut non sit; quia ad nihilum tendit. Hinc est, quod iterum gementes dicunt: «Exstinctus cinis erit corpus nostrum, et spiritus diffundetur tanquam mollis aer; transiet vita nostra tanquam vestigia nubes, et sicut nebula dissolvetur quæ fugata est a radio solis; nomen nostrum oblivionem accipiet, et pertenuis umbræ transitus est tempus nostrum (*Sap. ii*).» Unde et propheta: «Omnes, inquit, gentes quasi non sint, sic sunt coram eo: et quasi nihilum et inane reputatæ sunt ei (*Isa. xl*).»

620 Et Salomon ait: «Tanquam momentum stateræ, sic ante te est orbis terrarum, et tanquam gutta roris antelucani (*Sap. xi*).» Et innumera talia reperiuntur in Scripturis, quibus impii homines, aut tenuissimis, aut vilissimis comparentur rebus, aut nihil esse dicantur, etiam tunc, cum potentes esse videntur. Unde et David: «Vidi, inquit, impium superexaltatum et elevatum sicut cedros Libani; et transivi, et ecce non erat (*Psal. xxxvi*).» Tunc enim et cum divitiis intumescunt, et cum se super alios arroganter extollunt, cum denique inferiores per tyrannidis violentiam opprimunt; tunc, inquam, eo verius nihil sunt, quo ab eo, qui vere et summe est, procul sunt.

CAPUT V.

De futuris contingentibus et philosophiæ usu in sacris disputationibus.

Sed quid sibi volunt vani quilibet homines et sacrilegi dognatis inductores, qui dum aliis questionum suarum tendiculas struunt, quod in eas ipsi ante præcipientes corruant, non attendunt; et dum simpliciter gradientibus scandala frivole inquisitionis objiciunt, ipsi potius in lapidem offensionis impingunt. Nunquid, inquit, potest Deus hoc agere, ut postquam scmel aliquid factum est, factum non fuerit? tanquam si impossibilitas ista non solis videatur provenire præteritis, et non in presentibus similiter inveniat temporibus, et futuris. Nam et quidquid nunc est, quandiu est, non esse impossibile est. Item, quod futurum est, non futurum esse

impossibile est : quanquam nonnulla sunt, quæ A
videlicet æqualiter possunt evenire, et non evenire :
sicut est, ne hodie equitare, et non equitare ; ami-
cum videre, vel non videre ; pluere, vel aerem se-
renum esse. Quæ scilicet, et his similia hujus sæculi
sapientes consueverunt ad utrumlibet appellare ;
quia solent æque et contingere, et non contingere.
Sed hæc ad utrumlibet magis dicuntur juxta varia-
bilem naturam rerum, quam juxta consequentiam
dictionum. Secundum naturalem namque variæ vi-
cissitudinis ordinem potest fieri, ut hodie pluat ;
potest et fieri, ut non pluat. Sed quantum ad con-
sequentiam disserendi, si futurum est ut pluat,
necesse est omnino ut pluat ; ac per hoc prorsus
impossibile est ut non pluat. Quod ergo dicitur
de præteritis hoc consequitur nihilominus de re-
bus presentibus et futuris : nimirum, ut sicut
omne quod fuit, fuisse necesse est, ita, et omne
quod est, quandiu est, necesse sit esse : et omne
quod futurum est, necesse sit futurum esse. Atque
ideo quantum ad ordinem disserendi, quidquid fuit,
impossibile sit non fuisse ; et quidquid est, impos-
sibile sit non esse ; et quidquid futurum est, impos-
sibile sit futurum non esse. Videat ergo imperite
sapientium, et vana quærentium cæca temeritas ;
quia si hæc quæ ad artem pertinent disserendi, ad
Deum praviter referant ; jam non tantum in præ-
teritis, sed in presentibus ac futuris, eum impo-
tentem penitus, et invalidum reddant. Qui nimi-
rum, quia necdum didicerunt elementa verborum,
621 per obscuras argumentorum suorum caligines
amittunt claræ fidei fundamentum ; et ignorantes
adhuc, quod a pueris tractatur in scholis, querelæ
suarum calumnias divinis ingerunt sacramentis.
Et quia inter rudimenta discentium vel artis hu-
manæ nullam apprehendere peritiam, curiositatis
suarum nubilo perturbant puritatis ecclesiasticæ disci-
plinam. Hæc plane quæ ex dialecticorum, vel rheto-
rum prodeunt argumentis, non facile divinæ virtutis
sunt aptanda mysteriis ; et quæ ad hoc inventasunt,
ut in syllogismorum instrumenta proficiant, vel
clausulas dictionum, absit, ut sacris legibus se per-
tinaciter inferant et divinæ virtuti conclusionis suæ
necessitates opponant. Quæ tamen artis humanæ
peritia, si quando tractandis sacris eloquiis adhibe-
tur, non debet jus mysteriis sibi temerè arroganter
arripere ; sed velut ancilla domine quodam famula-
tus obsequio subservire, ne si præcedit, oberret, et
dum exteriorum verborum sequitur consequentias,
intimæ virtutis lumen et rectum veritatis tramitem
perdat. Quis enim manifeste non videat, quia si ar-
gumentationibus istis, ut sese ordo verborum habet,
fides adhibetur, divina virtus in temporum quibus-
que momentis impotens ostendatur ? Nam juxta fri-
volæ quæstionis obloquium, non prævalet Deus agere,
ut vel dudum quæ facta sunt, facta non fuerint ; vel
e diverso, quæ facta non sunt, facta fuerint ; vel
quæ nunc sunt, quandiu sunt, non sint ; vel quæ
factura sunt, futura non sint ; vel e contra quæ futura

non sunt, futura sint. De qua nimirum quæstione
veteres liberalium artium discussores, non modo
gentiles, sed et fidei Christianæ participes prolixius
tractaverunt ; sed nemo illorum in hanc ausus est
prosilire vesaniam, ut Deo notam impossibilitatis
ascriberet, et præsertim si Christianus fuit, de illius
omnipotentia dubitaret ; sed ita de consequentia
necessitatis vel impossibilitatis juxta miram solius
artis disputare virtutem, ut nullam in his confi-
ctibus Dei facerent mentionem. Isti autem, qui anti-
quam quæstionem noviter afferunt, dum aliorum ge-
stium nosse, quam capiunt, potius aciem suæ men-
tis obtundunt ; quia ipsum lucis auctorem offendere
non pavescunt. Hæc igitur quæstio, quoniam non
ad discutiendam majestatis divinæ potentiam, sed
B potius ad artis dialecticæ probatur pertinere per-
itiam ; et non ad virtutem, vel materiam rerum, sed
ad modum et ordinem disserendi, et consequentiam
verborum, non habet locum in Ecclesiæ sacramen-
tis, quæ a parvis scholaribus ventilatur in scholis.
Non enim ad fidei regulam, vel morum pertinet ho-
nestatem ; sed ad loquendi copiam, verborumque
nitorem. Quamobrem sufficiat nobis brevi compen-
dio fidem defendere, quam tēnemus ; sapientibus
autem hujus sæculi, quæ sua sunt, cedimus. Ha-
beant, qui volunt, litteram occidentem, dummodo
per Dei misericordiam spiritus a nobis vivificatus
non recedat (II Cor. ii).

622 CAPUT VI.

*Quod Deus intra præsentie suæ spatio, omnia simul,
et tempora, et loca concludat.*

Constat itaque Deum omnipotentem sic omnia
secula in æternæ sapientiæ suæ thesauro conclu-
dere, ut nec ad se quid accedere, nec a se quidquam
per temporum momenta valeat transire. In illa igitur
ineffabili suæ majestatis arce persistens, sic
omnia in præsentie suæ constituta conspectu, uno
ac simplici contemplatur intuitu, ut sibi nunquam
penitus vel præterita transeant, vel futura succe-
dant. Cui dum semper esse atque idem esse est per
æternitatem ; dum omne, quod labitur, circumscri-
bit, intra semetipsum omnium cursus temporum,
claudit. Et sicut intra se sine transitu cohibet omnia
tempora, ita nihilominus intra se sine spatiis uni-
versa continet loca. Hinc est plane quod ait : « Cæ-
lum et terram ego impleo (Jer. xxiii). » Hinc est quod
Sapientia illius dicit : « Gyrum cæli circui vi sola
(Eccli. xxiv). » De qua et Salomon ait : « Quia cum
sit una, omnia potest, et permanens in se, innovat
omnia (Sap. vii). » Et idem alibi : « Si cælum et
cæli colorum te capere non possunt : quanto magis
domus hæc, quam ædificavi tibi ! » (II Paral. vi.)
De cujus etiam Spiritu scriptum est : « Spiritus Do-
mini replevit orbem terrarum, et hoc quod continet
omnia (Sap. i). » De quo rursus dicitur : « Quia
omnium est artifex, omnem habet virtutem, omnia
prospiciens (Sap. vii). » Et Dominus per prophetam
dicit : « Cælum mihi sedes est, terra autem scabellum
pedum meorum (Isa. lxi). » Rursumque de eo

scriptum est : « Cælum metitur palmo, et omnem A
terram pugillo concludit (Isa. xl.). » Sedi
quippe, cui præsides, interior et superior manet.
Nam per id cælum palmo metiens, et terram pugillo
concludens, ostenditur quod ipse sit circumquaque
cunctis rebus, quas creavit, exterior. Id namque quod
interius concluditur, a concludente exterius conti-
nuitur. Per sedem ergo, cui præsides, esse interius,
et supra perpenditur; per pugillum vero, quo conti-
net, esse exterius, subterque signatur. Quia enim
ipse manet intra omnia, ipse extra omnia, ipse su-
per omnia, ipse infra omnia, et superior est per
potentiam, et inferior est per sustentationem, et
exterior per magnitudinem, et interior per subtilita-
tem. Ubi ergo sit aliquid absque eo, qui cum per
molem corporis nusquam est, per incircumscriptam
substantiam nusquam deest? De quo ait Apostolus :
« Quia in ipso constant omnia. » Et rursus : « Quo-
niam ex ipso, et per ipsum, et in ipso sunt omnia
(Coloss. i.). » Est enim, ut ita dixerim, locus illo-
calis, qui sic in se continet omnia loca, ut non
moveatur ipse per loca : et cum omnia simul im-
pleat, non per partes sui occupat partes loci, sed
totus ubique est, nec per ampliora loca diffusior,
nec per angustiora contrahitur, nec altior in excel-
sis, nec plus humiliatus in infimis, non major in
magnis, non minor in minimis; sed unus, idemque
simplex et æqualis ubique, nulla indigens creatura,
sed eo indiget omnis creatura. Nam et antequam
virtutes angelicas condidisset antequam tempus
623 temporale aliquid exstisset, plenas, atque
perfectas immortalitatis divitias et gloriæ possi-
debat. Ad creandum igitur, quod non erat, non
solitudinis eum, vel alienius inopiæ necessitas im-
pulsit, sed sola propriæ clementiæ bonitas provo-
cavit. Nec beatitudinē ejus rerum conditio conferre
aliquid potuit, cum ita per se, et in se sit plenus
atque perfectus; ut nec existente creatura, sibi ali-
quid accedat, nec ea pereunte decedat. « Omnia
siquidem flumina inrant in mare, et mare non re-
dundat (Eccle. i.). »

CAPUT VII.

*De Dei simplici, et una, distincta tamen omnium
rerum scientia, et providentia.*

Est plane Deo sicut coæternum omnia posse, sic
et omnia nosse, idemque semper existere. In illo ita-
que summo rerum cardine naturarum omnium jura
dispensans, sic omnia tempora, præterita videlicet,
præsentia et futura, intra suæ provisionis arcana
complectitur, ut nec novum aliquid sibi penitus ac-
cedat; nec aliquid ab eo per cursus momenta rece-
dat; sed nec diversis obtutibus diversa considerat,
ut cum intendit præteritis, vacet a præsentibus, vel
futuris; vel cursus cum præsentia, sive futura con-
siderat, oculos a præsentibus avertat; sed uno dun-
taxat ac simplici præsentissimæ majestatis intuitu,
simul omnia comprehendit. Neque hoc confuse, at-
que inexplicite, sed omnia discernit, atque juxta
proprietatem suam quæque distinguit. Plane qui in

theatro residet, non simul omnia videt; quia cum
intendit aciem ante se, non videt post se; qui autem
non in theatro, sed super theatrum excelsior su-
pereminet, totius undique interiorem theatri ambi-
tum uno comprehendit aspectu; ita omnipotens
Deus, quia omnibus, quæ voluntur, incomparabili-
ter supereminet, omnia simul suis subjecta conspec-
tibus præsentialiter videt. Et, ut quod loquimur,
non modo vivax ingenium capiat, sed et deses quili-
bet facile comprehendat, major nobis varietas est in
hoc tam brevissimo temporis puncto, quo dicimus
cælum, quam cum Deo sit simul inspicere infinita
omnium spatia sæculorum. Nam cum hujus particu-
læ prima dicitur syllaba, remanet adhuc secunda;
et cum secunda sonat, jam prima pertransiit. Deus
autem uno atque ineffabili suæ contemplationis ictu
simul omnia conspiciat, et conspiciendo distinguit.
Omnia circumdando penetrat, et penetrando cir-
cumdat. Hinc est, quod Petrus ait apostolus :
« Unum hoc non lateat vos, charissimi, quia unus
dies apud Deum, sicut mille anni, et mille anni,
sicut dies unus (II Petr. iii.). » Et quia millenarius
numerus perfectus est, mille annos posuit pro lon-
gitudine, et prolixitate omnium sæculorum. Unde
et Psalmista : « Mille, inquit, anni ante oculos
tuos, tanquam dies hesternæ, quæ præterit (Psal.
lxxxix.); » quia quicquid a nobis futurum expecta-
tur, jam Deo per omnia notum, quasi præteritum
esse decernitur. Est enim, sicut ipse de se dicit :
« Alpha et Omega, initium et finis (Apoc. i.). »
Et per prophetam : « Ante me non est formatus
Deus, 624 et post me non erit (Isa. xliii.). »
Enim vero, quia in supremo rerum vertice ineffa-
biliter supereminens, quasi quodam profunditatis
et æterni consilii sui circulo non modo cuncta tem-
porum spatia, sed et loca, et universas amplectitur
creaturas, et hæc omnia uno contemplationis ictu,
ac simplici semper aspectu intuitu; non immerito
solus potens, solus æternus, solus dicitur immorta-
lis. Unde et Apostolus : « Regi, inquit, sæculorum
immortalis et invisibili, soli Deo honor et gloria (I
Tim. i.). » Et idem : « Beatus, et solus potens Rex
regum, et Dominus dominantium, qui solus habet
immortalitatem, et lucem habitat inaccessibilem,
quem nemo hominum vidit, nec videre potest (I
Tim. vi.); » nam et angelica virtus, licet potens sit,
non tamen a se, sed ab illo est : licet immortalis sit,
sumque beatum vivere nullo prorsus fine conclu-
dat; tamen quia et loca mutat, et tempora, non
coæterna suo dicenda est Creatori, quia naturaliter
atque essentialiter est ipsa potentia, ipsa immorta-
litas, ipsa æternitas. Unde et Moyses : « Dominus,
inquit, regnabit in æternum, et ultra (Exod. xv.). »
Nam et angelica beatitudo juxta conditionis suæ
modum non immerito videtur æterna, quæ nulli
prorsus termino probatur obnoxia. Et merito dicitur,
quia in æternum vivit, quia beate vivere nun-
quam desinit. Sed ille non solum in æternum, sed
in æternum regnat, et ultra, qui cuncta sæculorum

volumina intra provisionis suæ continet sinum: et non tanquam præterita, vel futura, sed ut revera præsentia, suoque subiecta conspectui, perspicacissimo comprehendit intuitu; qui suæ ditionis imperio regit omnia, cujus legibus obtemperant universa, qui omnes creaturas ad nutum sui disponit arbitrii; omnibus vivendi moderatur, atque temperat ordinem, omnium formas distinguit, ac species, omnibus, prout vult, congruas virium tribuit facultates; a quo, et per quem est quidquid est, sine quo quidquid est procul dubio nihil est.

CAPUT VIII.

De Dei æternitate.

Omnipotentī itaque Deo non est heri, vel cras, sed hodie sempiternum, cui nihil defluit, nihil accedit; qui nihil est varium, nihil a se diversum. Illud hodie æternitas est incommutabilis, indefectiva, inaccessibleis, cui videlicet nihil addi, nihil valet imminui: et omnia quæ apud nos elabendo discurrunt, aut per temporum vicissitudines se variant, apud illum hodie stant et immobiliter perseverant. In illo scilicet hodie dies ille adhuc immobilis est, in quo mundus iste sumpsit originem; in illo jam, et ille nihilominus est, quo iudicandus est per æterni iudicii æquitatem. Neque enim in ære lucem, quæ sine accessu, ea, quæ elegit, et illustrat: et sine recessu ea, quæ respuit, deserit, defectus mutabilitatis venit; quia in semetipso permanens immutabilis, mutabilia cuncta disponit. Sicque in se transiētia condidit, ut apud se quæ condita sunt, transire nequaquam possint. Nec tempus intus in conspectu ejus defluit, quod apud nos foris per 625 exteriora decurrit. Unde sit ut in æternitate ejus omnia fixa permaneant, quæ non fixa extrinsecus sæculorum volumina indesinenter emanant. Deo quippe dies una est æternitas sua, quam videlicet diem, nec fine claudi, nec initio videt aperiri Psalmista, cum dicit: «Melior est dies una in atriis tuis super millia (Psal. lxxxi).» Quidest ergo, quod ille non valeat de præteritis omnibus vel futuris, qui videlicet omnia facta, vel facienda sine ullo transitu defigit, et statuit in suæ præsentia maiestatis? Cui profecto et illud tempus intransibiliter adest, quod ea quæ facta sunt antecessit, et illud quo cuncta deinceps futura concludit. Hinc est enim quod in his quæ propheticis spiritu dicta sunt in Scripturis, sæpe reperiantur præterita pro futuris poni, et longe post agenda velut jam transacta narrari. Unde est quod passurus per prophetam Dominus ait: «Corpus meum dedi percutientibus, et genas meas vellentibus, faciem meam non averti ab increpantibus et conspuentibus in me (Isa. l.).» Resurrecturus autem: «Resurrexi et adhuc sum tecum (Psal. cxxxviii).» De ascensuro quoque atque Spiritus sancti dona misuro dicitur: «Ascendens in altum, captivam duxit captivitatem, dedit dona hominibus (Psal. lxxvi),» quia videlicet in oculis illius sapientiæ, unde ista manabant, omnia tempora simul stant, futura atque præterita, ut revera præsentia, fixa atque

A immobilia semper assistunt. Et tantundem est: «Dederunt in escam meam fel (Psal. lxxviii),» quantum et dabant; et idem est: «Foderunt manus meas et pedes meos (Psal. xxi),» quod fodient.

Jam itaque veniant supervacue quæstiones auctores, imo qui perversorum dogmatum nituntur esse cultores, et dicant: Nunquid potest Deus agere, ut quæ facta sunt facta non fuerint? Quibus ego prima fronte respondeo, quia hoc non est, quia divinæ bonitatis est de nihilo aliquid agere, non de aliquo potius nihil efficere; cum utique scriptum sit: «Omnia per ipsum facta sunt, et sine ipso factum est nihil (Joan. i).» Ego probare volo quod Deus de nihilo faciat aliquid; tu ostendere niteris quod de aliquo faciat nihil. Sed jam, quæso, cuncta simul B remove: omnes pestiferi langorinis humores sub unius conamine excreatus effunde, ut multiplici morbo unius antidoti sufficiat haustu occurrere, nec ad curationem tui pluribus compellamur confectio-num generibus indigere. Age ergo, dic, quæso: Potest facere Deus de præteritis, ut quod factum est non fuerit factum; vel de præsentī, quod nunc est, quandiu est, ut non sit; vel ut omnino quod futurum est, ut futurum non sit; vel rursus hæc omnia per contrarium? Quæ nobis profecto execrationi potius videntur esse tradenda quam stylo. Dic mihi, versutæ quæstionis objector, credis etiam tu quia quidquid Deus facit bonum est, atque adeo aliquid est, et quidquid ille non facit nihil est? Audi Scripturam: «Vidit, inquit, Deus cuncta quæ fecerat, et erant valde bona (Gen. i).» Et illud: «Sine ipso factum est nihil (Joan. i).» Sed quia hoc negare non potes, assentior, inquis. Tu itaque dum quæris unam eandemque rem et fuisse, et non fuisse; esse, et non esse; futuram esse, et futuram non esse; niteris profecto quæque facta vel facienda 626 confundere, et inter esse et non esse nutantia demonstrare. Quod certe rerum natura non habet. Nihil enim simul potest esse et non esse; sed quod in rerum natura non est, procul dubio nihil est. Quæris ergo a Deo, durus exactor, ut faciat quod suum non est, hoc est nihil. Sed ecce evangelista contra te stat, dicens: *Quia sine ipso factum est nihil*; Deus adhuc non didicit facere nihil. Tu eum doce, et præcipe ut tibi faciat nihil. Adhuc peto, D respondeas: Credis, quæso, et quod Prophetæ canit, cui scilicet omnia Scripturarum testimonia concinunt: «Omnia, inquit, quæ voluit Dominus, fecit in cælo et in terra, in mari et in omnibus abyssis?» (Psal. cxxxiv.) Sed hoc etiam a te negari non posse manifestum est.

Cum ergo Deus omnia possit, cur addubitas Deum hoc non posse, ut aliquid simul sit et non sit, si hoc fieri bonum est? Porro si inutile est, res quaslibet inter esse et non esse confundi, Deus autem non inutilia, sed bona omnia fecit; imo si malum est, ac per hoc nihil est. Hoc Deus omnino non facit: «Quia sine ipso factum est nihil (Joan. i).» Huc accedit, quia voluntas summi et omnipotentis opti-

cis tam efficax causa est omnibus rebus existendi, vel non existendi, ut quod ille vult esse, non possit non esse, et quod non vult esse, non valeat esse. Virtus quippe Dei fecit ut quod constituit esse, jam non valeat non fuisse; et quod constituit fuisse, quandiu est, non valeat non esse; et quod constituit esse futurum, jam non valeat futurum non esse. Unde ergo Dei virtus potentior et mirabilior esse perpenditur, inde a stulte sapientibus in suo posse invalida iudicetur? Sic enim quidquid est, ab ipso est. Ipse rebus hanc vim existentiae contulit, ut postquam semel existerint, non exstiterisse non possint.

CAPUT IX.

Quod mala dicenda sunt potius non esse quam existere.

Mala autem quaelibet, sicut sunt iniquitates et scelera, etiam cum videntur esse, non sunt, quia a Deo non sunt, ac propterea nihil sunt; quia videlicet Deus omnino non fecit, sine quo factum est nihil (Jean. 1). Quapropter si quid boni factum est ab hominibus, perdere suum esse et fuisse non potest, quia opus Dei est, etiamsi per homines factum est. Unde propheta dicit: « Omnia enim opera nostra operatus es in nobis (Isa. xxvi). » Omnia quippe bona et Dei sunt et nostra, quoniam ille operatur in nobis, qui effectum tribuit operandi. Et Salomon: « In manu illius, inquit, et nos, et sermones nostri, et omnis sapientia, et operum scientia, et disciplina (Sap. vii). » In illo etiam, sicut ait Apostolus, « vivimus, movemur et sumus (Act. xvii). » Quod si malum factum est, etiam tunc nihil erat, cum esse videbatur. Hinc est quod ipsos malitiae ac pravitatis auctores apud inferos conqueri Scriptura testatur: *Transierunt, inquit, omnia illa tanquam umbra, et tanquam nuntius praecurrens, et tanquam navis, quae pertransiit fluctuantem aquam, cujus cum pertransierit vestigium non est invenire neque* 627 *semitam carinae illius in fluctibus (Sap. v). Semita namque in fluctibus facta mox deficit. Unde rursus dicunt: « Aut tanquam avis quae transvolat in aere, non ullum invenitur itineris illius argumentum. » Tertium quoque non dissimile his rursus apponitur: « Aut tanquam sagitta emissa in locum destinatum, divisus aer continuo in se reclusus est, et ignoratur transitus illius (Ibid.). » Vestigium certe navis, et avis, et sagittae transitus mox sunt, illico recluduntur; sic quilibet iniqui, mox ut incipiunt, praesto deficiunt. Unde subjungunt: « Sic et nos nati continuo desivimus esse; » imo ipso momento quo videntur esse, non sunt, quia ab illo qui vere est longe sunt. Quo contra de viro justo dicitur: « Consummatus in brevi, explevit tempora multa, quia placita erant Domino opera illius (Sap. iv). » De illis autem: « Dejecisti eos dum allevarentur (Psal. lxxii). » Non ait, postquam allevati sunt, sed, dum allevarentur, quia per hoc inanescent, per quod intumescunt; inde corrumpunt, unde sublimes sunt. Non itaque hoc asserendum est, quod post-*

quam ad extrema deveniunt, tunc nihil fiant, sed tunc procul dubio sunt nihil, cum videntur aliquid. Nihil apud testimonium veritatis, aliquid in umbra caliginis. Adhuc fortassis epulabatur ille splendide (Luc. xvi), fulciebatur cuneis obsequentium, ambiebatur agminibus bellatorum, quem propheta superexaltatum et elevatum vidit (Isa. xxxvi): et mox ad contemplanda summa pertransiens, quem magnum aliquid forte crediderat, nihil esse cognovit. Hinc est enim quod scriptum est: « Quoniam spes impii tanquam lanugo est, quae a vento tollitur; et tanquam spuma gracilis, quae a procella dispergitur; et tanquam fumus, qui a vento diffusus est; et tanquam memoria hospitii unius diei praetereuntis (Sap. v). » Nam qui tot momentaneorum rerum exempla concessit, non tam vile quid esse omnem reproborum gloriam, quam nihil esse signavit. Mala ergo etiam cum videntur esse, non sunt; et ab eo qui vere et summe est procul sunt. Bona autem, id est ea quae bonus artifex condidit, quae ut tu quisquis es, quæris, esse simul et non esse non possunt, quia in rerum natura, quam rationalis artifex esse constituit, alternitas ista non invenit locum. Quia enim inter esse et non esse confundi malum est, ac potius nihil est, idcirco a bono Creatore, qui bona omnia fecit, alternitatis ista confusio facta non est. In malis autem potest utnunc videri hæc confusio: alternitas, quæ certe videntur esse, et non sunt, atque ideo quasi sunt, et non sunt. Sunt quidem in superficie coloris, non autem in iudicio veritatis: C *quantum et ipsis malis non possumus hanc diversitatem exacte concedere, ut simul sint et non sint, quia videntur esse, sed non sunt, atque ideo verius dicuntur semper non esse, quam esse et non esse.*

CAPUT X.

Quod omnia Deus potest, sive faciat sive non faciat.

Manifestum est igitur alternitatem istam, de qua queritur, scilicet, utrum possit 628 aliquid fuisse simul et non fuisse; esse, et non esse; futurum esse, et futurum non esse, naturis existentium rerum nulla posse ratione congruere; ad solas autem verborum pugnas, quæ de disserendi ac ratiocinandi sunt consequentis pertinere. Quamobrem indubitabili fide credendum est, Deum omnia posse, sive faciat, sive non faciat. Nam quod malum est, potius debet dici nihil, quam aliquid, atque ideo nihil præjudicat, si dicamus Deum omnia posse, licet mala omnia non possit; cum mala non intra omnia, sed extra omnia potius debeant supputari. Hinc est, quod sæpe divina virtus armatos dialecticorum syllogismos, eorumque versutias destruit; et quæ apud eos necessaria jam atque inevitabilia iudicantur, omnium philosophorum argumenta confundit. Audi syllogismum: Si lignum ardet, profecto uritur; sed ardet, ergo et uritur. Sed ecce Moyses vidit rubrum ardere, et non comburi (Exod. iii). Rursus, si lignum præcisum est, non fructificat, sed præcisum est, ergo non fructificat. Sed ecce virga Aaron in tabernaculo, contra naturæ ordinem repe-

ritur amigdalas protulisse (*Num. xvi*). Alioquin quid est tot in Ægypto Pharaoni magnalia, ac signa portendere; filiorum Israel catervas Ægyptiis pereuntibus, per divisum mare transferre (*Exod. vii, xiv*), largissima fluentia ex aridisaxi rupe producere (*Exod. xvi*; *Psal. lxxvii*), et Jerichontina mœnia non armis frementibus, sed tubis clangentibus, dissipare? (*Josue vi*.) Postremo, quod in stuporem omnium sæculorum, solem in cœlo ad imperium Josue per unius diei spatium sistere (*Jos. x*); per Ezechiam vero decem ad orientem lineis revocare (*IV Reg. xx*, *Isa. xxxviii*); circa tres pueros furentis incendii vires extinguere, circa Daniele mero cruentos leonum rictus, et rabida ora refrenare? (*Dan. iii, vi*.) Quid, inquam, hæc omnia sunt, nisi frivola sapientum hujus mundi sensa confundere, et contra naturæ consuetudinem divinæ virtutis gloriam mortalibus revelare? Veniant dialectici, sive potius, ut putantur, hæretici, ipsi viderint; veniant, inquam, verba trutinantes, questiones suas buccis concretantibus ventilantes, proponentes, assumentes, et ut illis videtur inevitabilia concludentes, ac dicant: si peperit, concubuit; sed peperit, ergo concubuit. Nunquid hoc ante redemptionis humanæ mysterium non videbatur inexpugnabilis rporis argumentum? Et quidem poterat Deus, et fetare virginem ante ruinam, et reparare virginem post ruinam. Utrumque scilicet bonum erat, sed licet eatenus neutrum fecerat, utrumque tamen posse facere credendus erat. Et certe mirabilius est, et valde præcellentius virginem incorruptam manere post partum, quam corruptam ad virginalē decus redire post lapsum; quia et majus est, quælibet clausis januis ingredi, quam eas, quæ patuerint, januas claudi. Si ergo natus ex Virgine Redemptor noster (*Isa. vii*; *Math. i*; *Luc. ii*), quod majus est, et longe præstantius, fecit; quod minus est, corruptam quælibet redintegrare non poterit? Potuit Deus homo ex utero virginali, salva virginitate, procedere; non poterit violatæ virginitatis dispendium reparare? Quomodo ergo restauratur homicida, ut post dignam poenitentiam jam non sit homicida? Quomodo fur, quomodo perjurus? quomodo raptor? quomodo omnium certe **629** criminum rei postquam se veraciter corrigunt, jam non sunt, qui fuerunt? Unde scriptum est: *Verte impios, et non erunt*. Sed dicis: Fateor, inquam, quia corrupta quælibet post poenitentiam jam non est quæ fuit, ut videlicet fornicationis subeat notam: verumtamen ad veritatis jam non revertitur gloriam. Et ego e contra respondeo quia qui potuit ex materno utero illæsa virginitate procedere, valet etiam, si vult, in violatæ quælibet virginitatis signaculum reformare.

CAPUT XI.

Quod naturæ conditor naturæ sit etiam immutator.

Proponatur adhuc superstitiosæ questionis obloquium: videatur etiam, ex qua sit radice productum, quatenus ne præcipiti raptu uberes sinceræ fidei fruges obruat, sed hiatu terræ dignus cum ipso

A fonte rivus arescat. Ad affirmandum namque quod Deus nequeat virginem reparare post lapsum, quasi consequenter adiciunt: Nunquid hoc potest Deus agere, ut quod factum est non fuerit? Tanquam si semel constet ut si fuerit virgo corrupta, jam nequeat fieri ut rursus sit integra. Quod certe quantum ad naturam verum est, statque sententia; factum quoque aliquid fuisse, et factum non fuisse, unum idemque inveniri non potest. Contraria quippe invicem sunt, adeo ut si unum sit, alterum esse non possit. Nam quod fuit non potest vere dici quia non fuit; et e diverso, quod non fuit, non recte dicitur quia fuit. Quæ enim contraria sunt in u.o eodemque subjecto congruere nequeunt. Hæc porro impossibilitas recte quidem dicitur, si ad naturæ referatur inopiam: absit autem, ut ad maiestatem sit applicanda divinam. Qui enim naturæ dedit originem, facile, cum vult, naturæ tollit necessitatem. Nam qui rebus præsidet conditis, legibus non subjacet conditoris: et qui naturam condidit, naturalem ordinem ad suæ deditiois arbitrium vertit: quicumque creata quælibet dominanti naturæ subesse constituit, suæ dominationis imperio naturæ obsequentis obedientiam reservavit. Consideranti plane liquido patet quoniam ab ipso mundi nascentis exordio rerum conditor in quid voluit naturæ jura mutavit, imo ipsam naturam, ut ita dixerim, quodammodo contra naturam mutavit. Nunquid enim non contra naturam est mundum ex nihilo fieri: unde et a philosophis dicitur (*Amist. i Phys. text. C 34*): « Quia nihil ex nihilo fit; » animalia non ex animalibus, sed ex stolidis elementis, solo jussu imperio creari; dormientem hominem costam perdere, nec dolere; de solo viro feminam sine femina fieri, et in una costa omnia hominis membra distinguui; mutuo se nudos aspicere, et non modo non erubescere, sed nequidem nosse (*Gen. ii*); et multa alia quæ persequi longum est. Quid ergo mirum est si is qui naturæ legem dedit et ordinem, super eandem naturam sui nutus exerceat ditionem, ut ei naturæ necessitas non rebellis obstat, si ejus substrata legibus, velut ancilla deserviat? Ipsa quippe rerum natura habet naturam **630** suam, Dei scilicet voluntatem, ut sicut illius leges quælibet creata conservant, sic illa cum jubetur sui juris oblitâ, divinæ voluntati reverenter obediat. Quid est enim, hodieque quod cernimus, quoniam Salamandra in ignibus vivit, et non modo læsionem adustione non patitur, sed tanquam fomentis insuper vegetatur? Quidam quoque vermiculi in ferventissimis aquis et nascuntur et vivunt. Quid est quod palea tam frigida est, ut obrutas diutissime nives servet; calida, ut poma quælibet acerba maturet? Quid est, quod ignis cum ipse sit lucidus, quælibet si fuerint ab eo adusta, nigrescunt; et cum ipse resplendeat, quidquid et ambit et lambit, pulcherrimas decolorat? Verumtamen lapides igne candente percocci, et ipsi sunt candidi; et quamvis ille magis rubeat, illi flammis albescent; luci tamen congruit album, tenebris ni-

grum. Cumque ignis in lignis ardeat, lapides conquat, contrarios habet in non contrariis rebus effectus. Licet enim sint lapides, et ligna diversa. constat tamen non esse contraria, sicut album et nigrum, quorum in lapidibus unum, in lignis exhibet alterum. Illos enim clarificat, hæc offuscat, dum in illis omnino deficeret, nisi in istis viveret. Cur etiam in carbonibus tanta infirmitas, ut ictu levisimo frangantur, pressu facillimo conterantur; et tanta firmitas, ut nullo humore corruptantur, nulla prorsus ætate vincantur, usque adeo, ut eos substernere soleant, qui limites figunt, quatenus litigantes eorum ostensione convincant, si qui post annosa ac diuturna temporum curricula fixum lapidem limitem non esse contendunt? Quis enim eos infossos humide foveæ, ubi ligna putrescerent, tandiu durare incorruptibiliter posset, nisi rerum ille corruptor ignis efficeret? Calx quoque conceptum ignem atque sopitum sic occultissime servat, ut nemo tangendo sentiat, sed cum exstinguitur, tunc accenditur, et sentitur: ut enim calx vim oculi ignis expellat, aqua perfunditur; et cum ante frigida sit, ante fervescit, unde ferventia cuncta frigescunt. In si non aqua, sed oleum, quod utique fomes est ignis, adhibetur, nulla ejus infusione calor vel minimus excitatur.

Quid ergo mirum, si omnipotens Deus in magnis magnus ostenditur, cum etiam in minimis atque extremis quibusque rebus tam mirabiliter operetur? Quid enim vilis pelle colubri? si tamen oleo fervescere decoquitur, mire per eam dolor aurium mitigatur. Quid inferius cimice? Si sanguisuga faucibus læserit, fumo ejus excepto, statim evomitur; urinae quoque difficultas hujus appositione laxatur. Quid de adamante referam, qui non igne, non ferro dididit, ulque alia vi, nisi dumtaxat hircino sanguine non secatur? Quid est quod magnetem lapidem mirabilem ferri facit esse raptorem? Qui tamen si adamas juxta ponitur, non modo jam ferrum nullatenus rapit, sed et si jam rapuerat, ut ei appropinquaverit, mox remittit; tanquam si lapis lapidem timeat, et velut ante conspectum majoris potentiae vires proprias perdat. Nec latet asbeston Arcadiae lapidem propterea sic vocari, quod accensus semel jam non posset 631 exstingui. Pyrites etiam lapis, qui in Perside reperitur, cur ab igne nomen accepit, nisi quia tenentis manum, si vehementius prematur, auri? In eadem rursus Perside lapis gignitur, qui selenites vocatur, cujus candor interior cum luna crescit, eademque postmodum ad defectum tendente, decrescit. Quid est præterea, quod Agrigentinum Siciliae sal cogit, cum admotum igni fuerit, fluere; cum vero in aquam mittitur, velut in ignibus crepitare? Quid est quod apud Garamantas efficit quemdam fontem tam frigidum diebus, ut non bibatur; tam fervidum noctibus, ut non tangatur? Quis in Epiro alium fontem ita mirabilem præbuit, ut cum sit contrectantibus frigidus, in eo tamen facies, ut in cæteris exstinguuntur accense, sed non

A ut in cæteris accenduntur extinctæ? Quis in Ægypto hujusmodi sicum constituit, cujus lignum, cum in fluenta projicitur, non ad lignorum consuetudinem potius enatet, sed in profunda mergatur; quodque est mirabilis, postquam in uno aliquando manserit, inde ad aquæ superficiem rursus emergit, quando scilicet madefactum humoris pondere debuit prægravari? Quid est quod in arvis Sodomæ poma gignuntur, quæ ad maturitatis quidem speciem usque perveniunt; sed morsu, pressu tentata, in fumum, vel favillam corio fatiscente, evanescent? Quid etiam quod in Cappadociae finibus equæ ex vento concipiunt, iidemque fetus nonnisi ad triennium usque vivunt? Unde Thilon Indiae insula, hujusmodi vires habet, ut omnes in ea rami arborum nunquam nudentur tegmine foliorum? Unde et terra illa occiduis partibus hanc consecuta est dignitatem, ut ex arborum ramis volucres prodeant, et ad pomorum similitudinem animati atque pennati fructus erumpant? Sicut enim referunt, qui se vidisse testantur, paulatim incidit pendulum quid ex ramo suspendi, deinde in imaginem volucris speciemque formari: postremo quantumcumque plumæcens, hiatus rostri sese ab arbore dividit, sicque novus aeris habitator ante pene discit volare, quam vivere. Enimvero quis tot virtutis divinx magnalia, quæ contra communem naturæ ordinem fiunt, enumerare sufficiat? Qui nimirum non humanis disentienda sunt argumentis, sed virtuti potius relinquenda sunt Creatoris. Quid ergo mirum si is, qui naturalia rerum omnium jura disposuit, et ipsum naturæ ordinem ad arbitrium efficacissimæ suæ voluntatis inflectit, ut qui matrem virginem nascendo servaverat, violatam quamlibet si voluerit integram reddat? Æquale neipæ fuit Deo, et prius Enoch, et Eliam in carne retinere viventes; et post Lazarum ac viduæ filium de sepulcris educere resurgentes.

CAPUT XII.

De palatio Romuli et philosopho corruentibus.

Nescio si legitur, sed a nonnullis intra Romanae mœnia celebri fama vulgatur, quod videlicet Romulus, qui conditor Urbis asseritur, constructo palatio, cujus parietina, 632 licet semirata, ex magis adhuc parte cernuntur, in hanc vocem, quasi de firmamento operis confusus eruperit: Certum est, inquit, et immo: ille fixum, quia nisi virgo pepererit, domus ista non corruet. Sicque, si tamen verum est quod asseritur, ex gentilis hominis lingua, sicut rei probavit eventus, egressa est prophetia. Nam nocte, qua Salvator ad redemptionem nostram ex virginali alvo processit, sicut dicitur, palatium corruit. Utrumque nimirum et virginem parere; et ædificium ruere, homini Deum ignoranti, impossibile videbatur. At qui utrumque semper potuit, sed diu intra prudentiæ suæ secreta continuit, utrumque cum voluit, per effectum operis congruo tempore declaravit. Illud plane stupendum est, quod nunc homines in Ecclesiæ gremio non modo renati, sed etiam nati, tam audacter, tam impudenter omnipo-

renti Deo calumniam impossibilitatis objiciunt, et A protinus absorbere terreni subsecivii voragine non pavesunt. Erubescat jam lingua phrenetica, et quæ nescit esse facunda, discat esse vel muta. Nescit ædificationis augmenta depromere, sciat saltem sine fidei destructione tacere. Alioquin abscondat sibi ferro præputium per vindictam, non sibi frenum adhibeat per silentii disciplinam. Ventilent quæstiones suas qui volunt, juxta modum et ordinem disserendi, dum vero per ambages suas et scholaris infantæ nantias contumeliam non inferant Creatori; scientiæ impossibilitatem istam in ipsa rerum esse natura, et verborum ex arte procedentium consequentia, non ad virtutem pertinere divinam, nihilque divinæ majestatis evadere posse potentiam; ut dicatur juxta solius naturæ ordinem, verborumque conditionem, si est aliquid, quandiu est, non potest non esse; et si fuit, non potest non fuisse; et si futurum est, non potest non esse futurum. Alioquin contra ipsius naturalis proprietatis ordinem, existendique materiam, quid est quod Deus non possit evertere? quid est quod Deus non valeat nova conditione creare? Discatiant itaque juxta modulum suum litterarum duntaxat, quibus adhuc indigent, elementa; nec altiora se usurpent divina mysteria. Philosophus quidam (23), dum siderum cursus, stellarumque meatus nocturno tempore rimaretur, in limosum repente lapsus est puteum. Cujus casum poetata est Iambi, quæ illius erat ancilla, dicens: Dominus meus ignorabat id quod sub pedibus ejus jacebat vile lutum, et investigare tentabat arcana cælorum. Ex cujus nimirum vocabulo, Iambicum metrum nomen accepit. Animadvertant hoc, qui modum suæ capacitatis excedunt, et ad ea, quæ super se sunt, superbe tentanda præsumunt; nedum adversus Deum quid loquuntur, ignorant, incaute se, insipienterque locutos, etiam per illatam sibi dignæ ultionis sententiam, discant.

633 CAPUT XIII.

De his, qui Dominum blasphemantes lepra perfusi sunt.

Prudentis et honorati apud sæculum ejusdam diaconi didici narratione, quod refero: In Bononiæ paribus, inquit, duo quidam viri, qui et amicitia invicem fœdere, et compaternitatis, si rite recolo, necessitudine tenebantur, in convivio discumbebant, quibus in mensam allatus est gallus. Quod videlicet pulmentum unus illorum arrepto cultello, ut mos est, in frustra desecuit, tritum quoque piper cum liquamine superfludit. Quo facto, alter protinus ait: Profecto compater, sic explicuisti gallum, ut ipse sanctus Petrus, etiamsi velit, redintegrare non possit. Cui mox intulit ille: Plane non modo B. Petrus; sed et si ipse Christus imperet, gallus hic perpetuo non resurget. Ad hanc vocem repente gallus vivus,

et plumis undique coopertus exsiluit, alas percussit, et cecinit, plumas concussit, totumque liquamen super eos, qui convalescebant, aspersit. Illico sacrilegium blasphemæ temeritatis digna pœna sequitur ultionis. Nam et in aspersione piperis, lepra percussi sunt. Quam videlicet plagam non modo ipsi usque ad obitum pertulerunt, sed et posteris suis in omnes generationes, velut quoddam hæreditarium, reliquerunt. Unde factum est, ut in famulatum subacti sint sanctæ Bononiensis Ecclesiæ, quæ videlicet B. Petri apostoli est insignita vocabulo. Quorum progenies, ut relator asseruit, huc usque leprosa hoc illationis canone censita est: ut ex operibus manuum suarum inferant Ecclesiæ capisteria. Sic, sic nimirum duplici pœnæ, lepræ, simul et servitutis B addicti suppliciiis, instruunt alios, ut jam temere de divina potentia non loquantur. Et gallus (Matth. xxvi) qui dudum arguerat Petrum in terra negantem, tunc probavit Petrum cum eo, quem negaverat, in cælo regnantem. Et forte non sine divino judicio, hujusmodi canonis illatione sunt multati, ut sicut triticum a quisquilis, capisterio ventilante, discernitur; ita per discretionis magisterium discant et quæ velut quisquilias vitando repellere, et quæ quasi ad victus utilitatem debeant verba proferre. Nam perversi quilibet homines, dum quid cor suggererit, agunt: dum quidquid lingua prurit, inconsulte ac procaciter effluunt; si eis aliquando flagella non obviant, Deum vel non esse, vel humana non curare autumant. « Dixit enim insipiens in corde suo: Non est Deus (Psal. xiii). » Et iterum: « Quomodo scit Deus, et si est scientia in excelsis? » (Psal. lxxii.) Ideoque nonnulli in ipso momento pravi operis, vel e vestigio postquam nequiter agunt, motum divini furoris incurrunt, quatenus et ipsi supernæ patientiæ diutius non illudant; et ceteri ab agendo similia se per animadversionis eorum exemplis compescant.

634 CAPUT XIV.

De illo quem adulterio commissio, malignus spiritus interemit.

Enimvero cum apud Parmensē oppidum degerem, ibique liberalium artium studiis insudarem, quidam me contigit nosse, quod non inutile videtur ad posteriorum notitiam styli currentis articulo tradere. D Ad Occidentem sane prædictæ urbis est quædam extra muros sita basilica, gemino beatorum martyrum Gervasii et Protasii titulo decorata. Nocte quadam, quæ videlicet eorumdem martyrum natalitia præcedebat, vir quidam maturius surrexit, bovesque suos in pascua remotiora deduxit: cui convicius quidam, flamma nequissimæ libidinis inflammatus insidiatus est, ut ejus uxorem polluere moliretur. Eadem igitur nocte callidus ad domum ejus explorator accessit, et occasione reperta, non diutius postquam iste cum pascendis animalibus abiit, ille

(23) Taletem hunc nonnulli fuisse autumant.

febricitare se diabolica machinatione confingens, in lectum uxoris illius vir simulatus intravit. Cumque velut frigescens intremere, dentium stridores emitteret, crebrius singultiret, infelix mulier, tanquam agrotanti viro compatiens, cœpit illum ulnis astringere, lodice contegere, et quibus valebat impendiis confovere. At ille, ut dolorem mente conceperat, peperit iniquitatem; violat itaque alienum torum, sibi que procurat interitum, moxque concitus abiit. Sed ecce, vix brevi temporis elapso spatio, maritus redit, stratum repetit. Cui protinus uxor expostulans, et vehementer exprobrans, ait : Optime poteris hodie sanctorum martyrum, quæ tibi tam contigua est, Ecclesiam ingredi; et cum cæteris Christianis divinis interesse mysteriis! Cumque vir attonitus quid illa loqueretur inquireret, eventumque rei sicut contigerat per ordinem cognovisset, uterque se deprehendentes irrisos, ac turpissima ludificatione delusos, intolerabili doloris angustia consternati sunt. Interea dum populus ad Ecclesiam hinc inde conflueret, ut nocturnæ laudis officium devotus audiret, tandem et illi, resumpto spiritu, nihilominus convenerunt, atque omni verecundiæ rubore postposito, querelam suam coram omnibus deposuerunt, præsertim mulier laceros crines evelens, et uberibus lacrymis ora tristia perfundens, lugubres emittebat ululatus in cœlum : « Domine, tu, inquit, corda hominum nosti, tu conscientiæ meæ testis es; quia ego hac sanctissima nocte etiam proprii thalami viriles amplexus abhorruî, alieno præsertim misceri viro me penitus ignoravi; te oro, Domine, non aspicias peccata mea, sed placeat coram te ut sanctorum tuorum ulciscaris injuriam. In conspectu ergo populi tui nunc ostende virtutem, et ad gloriam sanctissimi nominis tui prode meæ proditiōnis auctorem. Producat in medium, et immanitatem crudelissimi sceleris de sua fraudis aufugio non lucretur. » Cumque multa his similia mulier amaro spiritu non clam, sed vociferando profunderet, et populus, ei pro mœrorē compatiens, idem votis et precibus **635** divinam clementiam imploraret; auctor sceleris, ubi latebat, dæmoniaco spiritu repente corripitur, et in furorem nimium atque vesaniam rabidus effertur. Moxque in Ecclesiam, populo obstupescente, noviter prosiilit, omnesque in sui admirationem, semetipsum laniando ac discerpendo, convertit. Dans fremitus et rugitus, propriis se manibus crudeliter lacerabat, modo velut volans in alta prosiilians, modo se cum gravissimo impetu in ima demergens, modo in parietem caput incutiens, modo se in pavementum insaniendo prosternens, omnia viscera sua miserabiliter conqussabat. Hoc itaque modo malignus spiritus eum collidere non cessavit, donec infelicem animam, coram populo qui aderat, de corpore illius evulsit. Videntes autem qui aderant, immensam auctori Deo justitiæ gloriam referunt; qui et impune non passus est abire peccantem, et innocentem consolatus est mulierem. Quando autem hoc mihi relatum forte di-

cebatur, adhuc videri saxa quibus impegerat, sanie illius et cruore rubentia. Porro autem et hic forte credebatur Deum vel nescire quod occulte committitur, vel nequaquam posse ut de scelera committentibus ulciscatur, dicens in corde suo : « Non videbit Dominus, nec intelliget Deus Jacob (Psal. xciii). » Sed sive Dei mandata calcando, sive Deum detractionibus stimulando, quis arroganter excedat, non levis est criminis; et in paucis, sive prava committentibus, sive superba loquentibus, quos repente divina sententia percuit, quid cæteri, qui velut immunes videntur, ad horam mereantur, ostendit. Desinat, oro, jam desinat quisquis ponit os suum in cœlo, ut lingua ejus transeat super terram (Psal. lxxii). Quod profecto tale est, qui sic Deum derogationibus lacerat, ut et contra servum ejus de illius impossibilitate configat.

CAPUT XV.

Concludit asserendum esse Deum posse facta infecta facere.

Quando igitur quæstio ista proponitur, ut dicatur : Quomodo potest Deus hoc agere ut quod factum fuit factum non fuerit? Respondeat sanæ fidei frater quia quod factum est, si malum fuit, non aliquid, sed nihil fuit : ac propterea non fuisse dicendum est, quia materiam existendi non habuit, quod rerum artifex ut fieret non mandavit. Quod si bonum fuit quod factum est, a Deo utique factum est. « Dixit enim, et facta sunt, mandavit, et creata sunt (Psal. xxxiii, cxlviii). Omnia enim per ipsum facta sunt, et sine ipso factum est nihil (Joan. i). » Atque ideo tale est quod dicitur : Quomodo facere Deus potest ut quod factum fuit factum non fuerit? Ac si dicatur : Potest Deus agere ut, quod fecit ipse, non fecerit? Nimirum ut, quod fecit Deus, non fecerit Deus. Ideo conspuendus est qui hoc asserit, et non responsio dignus, sed ad cautiorum potius destinandus; ad confutandos tamen improbos et dicaces, memoriæ commendanda sunt quæ superius dicta sunt : quæ nimirum nos omittimus **636** hic etiam succincte perstringere, ne legenti fastidium valeat styli prolixitas generare. Non enim librum, sed epistolam edere proposuimus. Inter cætera tamen illud unum quod a nobis dictum est, memoria nostræ non excidat; quoniam Creatori omnium Deo omnia posse coæternum est, sicut et omnia nosse, quodque intra sapientiæ suæ sinum sic omnia tempora, præterita scilicet, præsentia, et futura concludit, figit, ac perenniter sistit, ut neque novum aliquid ad se patiatur accedere, nec a se quidquam prætereundo transire. Verumtamen quæ est illa virtus, quæ potestas, qua potest Deus omnia? quæ sapientia, qua novit omnia? Inquiramus Apostolum. « Christus, inquit, Dei est virtus, et Dei sapientia (I Cor. i). » Ibi sane vera æternitas, vera est immortalitas : ibi æternum illud hodie, quod nunquam transit : ibi præsens sempiternum, illudque hodiernum, quod tanta jugiter stabilitate defigitur, ut transire nesciat, nec se aliquando in præteritum

veritat. Ad revincendam ergo dicacium hominum impudentiam, quibus adhuc propositæ quæstionis absolutio superius facta non sufficit, non inepte possumus dicere quia potest Deus facere in illa invariabili et constantissima semper æternitate sua, ut quod factum fuerat, apud hoc transire nostrum, factum non sit; scilicet ut dicamus: Roma, quæ antiquitus condita est, *potest* Deus agere ut condita non fuerit. Hoc quod dicimus, *potest*, præsentis videlicet temporis, congrue dicitur quantum pertinet ad immobilem Dei omnipotentis æternitatem; sed quantum ad nos, ubi continuata mobilitas, et perpes est transitus, ut mos est, *potuit*, convenientius diceremus, ut ita intelligamus hoc quod dicitur: Potest Deus facere, ut Roma non fuerit condita, hoc scilicet secundum eum apud quem non est transmutatio nec vicissitudinis obumbratio (Jac. 1). Quod nimirum apud nos ita sonat, *potuit* Deus. Quantum enim ad æternitatem suam, quidquid potuit Deus, hoc etiam et potest; quia præsens ejus in præteritum nunquam ei veritur: ejus hodie non in cras, vel in aliquod temporis vicissitudine permutatur; sed sicut ipse semper est quod est, ita quidquid illi adest, semper adest. Quapropter sicut rite possumus dicere: Potuit Deus ut Roma, antequam facta fuisset, facta non fuerit; ita nihilominus possumus et congrue dicere: Potest Deus ut Roma, etiam postquam facta est, facta non fuerit. Potuit secundum nos, potest secundum se. Illud enim posse, quod habebat Deus antequam Roma fieret, immutabile semper apud æternitatem Dei et intransibile perseverat. Et ut de quacunque re possumus dicere quia potuit eam Deus, valeamus etiam nihilominus dicere quia potest eam Deus; quia posse ejus, quod sibi utique coæternum est, fixum semper atque immobile est. *Potuisse* enim Dei, apud nos est tantummodo; apud ipsum autem non *potuisse*, sed immotum, constans atque invariabile *posse* semper est. Quodcumque enim potuit Deus, indubitanter et potest; apud quem nimirum, sicut non est *esse* et *fuisse*, sed sempiternum *esse*; ita consequenter non est *potuisse* et *posse*, sed immobile semper et perpetuum *posse*. Sicut enim non **637** ait: « Ego sum qui fui et sum: » sed potius, « ego sum qui sum: et qui est, misit me ad vos (Exod. iii); » ita procul dubio consequens est ut dicat: Non ego sum qui potui et possum; sed, qui immobiliter et æternaliter possum. Illud enim posse, quod apud Deum erat ante sæcula, illud est hodie; et illud posse, quod sibi est hodie, erat nihilominus ante sæcula; et fixum atque immobile per omnia quæ futura sunt, sæcula, æternaliter perseverat. Sicut ergo potuit Deus, antequam quæque facta essent, ut non fierent; ita nihilominus potest et nunc ut quæ facta sunt non fuissent. Illud enim posse, quod tunc habebat, nec immutatum est, nec ablatum; sed sicut ipse semper est quod est, ita et posse Dei mutari non potest. Ipse est enim qui per Prophetam dicit: « Ego Deus, et non

mutor (Malach. iii). » Et in Evangelio: « Antequam Abraham fieret, ego sum (Joan. viii). » Non enim mutatur juxta conditionem nostram de futurum esse in esse, vel de esse in fuisse; sed semper idem est, et semper est quod est.

Sicut ergo Deus unus idemque semper est, ita apud eum omnia posse, indefectivum atque impertransibile semper adest. Et sicut veraciter et absque ulla penitus contradictione dicimus quia hoc nunc et semper Deus hoc est quod erat ante sæcula, ita nihilominus veraciter dicimus quia hoc nunc et semper potest Deus quod poterat ante sæcula. Si ergo per omnia potest Deus quidquid ab initio potuit ante rerum conditionem, ut quæ nunc facta sunt nullatenus fierent; potest igitur ut facta minime fuissent. Posse siquidem ejus fixum est et æternum, ut quidquid unquam potuit, semper possit, nec varietas temporum apud æternitatem ullum vicissitudinis invenit locum; sed sicut idem semper quod in principio erat, sic etiam totum potest quidquid ante sæcula poterat. Propositæ igitur disputationi adhibenda est clausula: Si itaque omnia posse coæternum est Deo, potest igitur Deus ut quæ facta sunt facta non fuerint. Sed omnia posse coæternum est Deo; potest igitur Deus ut quæ facta sunt facta non fuerint. Constanter igitur et fideliter asserendum est quia Deus, sicut omnipotens dicitur, ita prorsus sine ulla exceptione omnia veraciter potest, sive in his quæ facta sunt, sive in his quæ facta non sunt, ut illud Esther elogium velut inviolabile ponatur in opusculi conclusione signaculum: « Domine, rex omnipotens, in ditione tua cuncta sunt posita, et non est qui possit tuæ resistere voluntati. Tu enim fecisti cælum et terram, et quidquid cæli ambitu continetur; Dominus omnium tu es, nec est qui resistat majestati tuæ (Esther xiii). »

CAPUT XVI.

Testatur charitatem suam erga fratres monasterii Casinensis, et virilem eorum virtutem commendat.

Verumtamen quæstio ista, licet adversus Deum inaniter opponatur, habet alias latebras; continet adhuc obscuros sinus atque recessus: nos subtilius adhuc rimari idcirco desistimus, **638** quia volumus vitam extendimus, qui propositum epistolare compendium. Præsertim dum super hac disputandi materia non aliud attingere decernimus, nisi ut ex impotentia Dei devolutam super nos calumniam veritatis allegationibus repellamus. Sed dum ista præseribimus, quo cor ferventius æstuat, cohibere silentio, ut saltem scintilla non effluat, non valemus. Igitur ut jam omnes communiter alloquar, nolo vos lateat, venerabiles fratres mei, quia ex quo gloriosi cœnobii vestri limen excessi, vos jugiter præ oculis habui, intimæ dilectionis visceribus astrinxi, atque, ut ita fatear, redeunti a Casino sacratissimo idem contigit quod mulieri quæ revertebatur a Silo tabernaculo (I Reg. i), ut nimirum vultus mei non sint amplius in diversa mutati: vobiscum sane præsen-

tialiter habito, vobis semper assisto. Alioquin si A propterea non sum vobiscum quia corporalibus oculis vos non intueor, ergo nec ipsi oculi sunt in capite, quia caput cernere nequeunt; vel ipsi sibi met oculi absentes sunt, quia nec quisquam se, nec uterque se invicem possunt mutua contemplatione conspiciere. Beati siquidem qui vobiscum vivunt, beati qui inter vos et in sanctis operibus vestris moriuntur. Pia nimirum fide credendum est quia scala illa quæ de Casino monte olim in cœlum videbatur erecta, adhuc palliis strata, lampadibusque corascat (S. GREG. lib. II *Dialog.* c. 37). Sicut tunc excepit ducem, ita nunc exercitum transmittit ad cœlestia subseqentem; nec ab ejus glorioso tramite exorbitant declinantes jam defuncti, cujus, dum in hoc exsilio viverent, vestigia sunt secuti. Hoc est B intimi fervoris incendium illud quod mihi inextinguibiliter flagrat in corde, hæc perpes fabula quæ meo versatur in ore. Inter cæteros autem virtutum flores quos in illo agro pleno, cui benedixit Dominus (*Gen.* xxvii), reperi, fateor, hoc mihi non mediocriter placuit quod ibi scholas puerorum, qui sæpe rigorem sanctitatis enervant, non inveni; sed omnes aut senes, cum quibus utique nobilis vir sedebat in portis Ecclesiæ (*Prov.* xxxi), aut juvenili vivendi decore lætantes. Qui nimirum, ut filii prophetarum, idonei sunt ad Eliam per desertia quærendum (*IV Reg.* ii); aut certe adolescentiæ adhuc flore vernantes, qui, juxta apostolum Joannem (*I Joan.* ii), vicere malignum. Ecce quod nunc occurrit fidem ad consolationem divini mei Petri, qui C olim civis fuerat Capuanus, nunc in militia est æterni Regis ascriptus.

CAPUT XVII.

De puero clausis foribus intrinso.

Puerulus quidam, ætate quinquennis, Hubaldi scilicet nobilissimi viri, qui mecum degit in eremo, filius, in meo monasterio factus fuerat monachus. Ille aliquando intempestæ noctis silentio, quiescentibus fratribus, sive egressus, sive sublatus sit, nescio. Sed cum pistor in pistrino jaceret, interrupto ad horam somno, vestem, quæ sibi cominus adjacebat, sibi met voluit superponere, ut frigus arceret. Extendens itaque brachium, dormientem juxta se reperit puerum. Repente, stupefactus 639 et valde perterritus, festinus exsurgit, lucernam accendit, D totamque domum sollicita curiositate circueiens, om-

nes aditus clausos et obseratos invenit. Mane autem facta, non parva admiratio inter fratres versabatur: nimirum puer, qui, remota omni dubietate, præterito vespere in strato suo ipsis videntibus quievisset, qualiter in pistrinum clausis januis ingredi potuisset. Et quidem de apostolis legitur, cum educendi essent de custodia publica: « Quia veniens angelus Domini, per noctem aperiens januas carceris, et educens eos, dixit: Ite, et stantes loquimini in templo plebi, omnia verba vitæ hujus (*Act.* v). » De Petro autem rursus legitur: « Quia cum præcederet eum angelus de carcere ad portam ferream, ultro aperta est eis (*Act.* xii). » De Paulo etiam: « Quia subito terræ motus factus est magnus, ita ut moverentur fundamenta carceris, et confestim aperta sunt ostia omnia, et universorum vincula soluta sunt (*Act.* xvi). » Porro autem cum beatos apostolos etiam angeli de custodiis non educerent, nisi prius januas aperirent, mirum est valde quomodo puer vel magicis artibus hominum, vel præstigiis immundorum spirituum, clausam undique domum, non apertis foribus, ingredi potuit. Nam et ipse 640 puer sollicitè requisitus, hoc addebat quia quidam homines eum assumentes, ad magnum convivium deduxerunt, ubi videlicet omnes epularum delicie videbantur, eumque manducare fecerunt. Referebat etiam quod eum usque ad castellum quod supereminet monasterio deferentes, super ipsum tintinnabulum quod juxta basilicam in excelso dependet imposuerunt.

Hoc autem idcirco duximus describendum, ut unusquisque nostrum, dum et ipsos pueros, qui peccare necdum noverunt, maligni hostis subjacere insidiis considerat, ipse quoque quod patitur æquanimitè ferat. Illatas nempe a maligno hoste molestias cum quantal debent portare patientia peccatores, cum illorum aliquando fraudes et ipsi perferant innocentes? Ergo frater ille quem Deus visitat in tribulationibus hortor ut gaudeat, et tentationis impactæ malleo animæ suæ purgari rubiginem fiducialiter credat. Non enim est, ut ipse diabolus fingit terrendo, futuræ damnationis indicium, sed æternæ salutis potius argumentum. Spiritus sanctus, qui est lumen æternum et remissio peccatorum, omnes vos illuminet et absolvat, sedulamque mei memoriam in sanctis orationibus vestris vos habere præcipiat.

Sit nomen Domini benedictum.

641-642 OPUSCULUM TRICESIMUM SEPTIMUM.

DE VARIIS SACRIS QUÆSTIONIBUS, JUNCTA ALIA EJUSDEM ARGUMENTI TRACTATIONE PRIOREM CONSEQUENTE.

ARGUMENTUM. — Quæstiones quasdam ab Alberico, ex Casinensi monacho S. R. E. cardinale, sibi propositas discutit: tum, sumpta occasione, loca nonnulla in sacris litteris et earum interpretibus obscura declarat.

ALBERICO venerando fratri, PETRUS peccator mortuus salutem in Domino.

Vetus narrat historia quia cum filii Joseph, Ephraim scilicet et Manasse, latiora possessionis

exigerent spatia, hoc acceperunt, Josue præcipiente, A carent morti, promulgando sententiam, isti punirent irrogando vindictam.

DUBITATIO III.

Addis etiam : Cur filii David sacerdotes fuisse dicuntur, qui nullam cum filiis Aaron consanguinitatem, nisi sicut cæteræ tribus, habuisse noscuntur ? Sed sciendum quia, dum sacerdotes venerabiles ac magistri constituuntur **643** in populo, aliquando nomine sacerdotum designantur principes vel doctores. Sicut alibi reperitur : Irararites erat sacerdotes David, id est, magister ; ita quoque cum dicitur : « Filii autem David erant sacerdotes (II Reg. viii), » sic intelligendum est ac si dicat quia magistri erant fratrum suorum, vel certe principes inter cæteros, sicut habet antiqua translatio. Nam ubi nova dicitur editio : « filii David erant sacerdotes, » in veteri legitur : « filii autem David principes erant aulæ regie. »

DUBITATIO IV.

Sic igitur humus cælestis eloquii propriæ subtilitatis est sarrienda lignonibus, ut non ab alienis manibus alimenta præstolatus esurias, sed, uberis proventus copiam proprio labore convectans, mox in spiritualium deliciarum affluentia delectabiliter vivas ; interim tamen, dum tuæ desunt fruges, nostra tibi, non dicam horreum, non certe, quod minus est, tunna, sed perexilis saltem bati mensura succurrat, nostrisque segetulis saltem utcumque tua temperetur egestas. Est enim quiddam medium inter splendide vivere, ac famis inopia funditus interire. Vis itaque ut non modo quod queris edisseram, sed et apicibus tradam ; quatenus sic ignorantia pereat, ut deinceps oblivio non obrepat.

QUÆSTIO I.

Age igitur. Quid est, inquis, quod dicitur : « Filii unius anni erat Saul, cum regnare cepisset ; duobus autem annis regnavit super Israel ? » (I Reg. xiii.) Hoc nonnulli intelligi sic arbitrantur : Quia regi Saul in exordio regni sui filius erat anniculus, qui teneram adhuc unius anni vagiebat infantiam, scilicet Isboseth, et hic duobus annis post mortem patris regnavit super Israel. Sed quoniam hic a doctioribus viris sensus exploditur, a nobis etiam alius inquiratur : quod ita B. Hieronymus docet intelligi, quoniam sic erat innocens, tanquam puer unius anni cum regnare cepit, et duobus annis in ejusdem innocentie simplicitate permansit. Sed qui tunc erat ex humilitate filius, postmodum per superbiam factus est servus.

DUBITATIO II.

Queris etiam qui erant Cerethi et Phelethi, qui bellatores dicuntur fuisse David ? (I Reg. xxx ; II Reg. viii.) Legitur in libro Numeri dixisse Dominum Moysi : « Congrega mihi septuaginta viros de senioribus Israel, quos tu nosti quod senes populi sint ac magistri ; et duces eos ad ostium tabernaculi fœderis, faciesque ibi stare tecum, et auferam de spiritu tuo, tradamque eis, ut sustentent tecum onus populi, et non tu solus graveris (Num. xi). Ex istorum itaque stirpe duæ processerunt cognationes (I Par. xviii), quarum una Cerethi, altera dicebatur Phelethi. Et Cerethi quidem, dans judicium ; Phelethi, puniens interpretatur : ut quos illi adju-

Illud præterea te non intelligere perhibes, quod scriptum est : « Tertium quoque fuit bellum in Gob contra Philisthæos, in quo percussit Adeodatus filius Saltus polymitarius Bethlehemitæ Goliath Gethuim (II Reg. xxi). » Quod nimirum facile valet intelligi. Nam Gob interpretatur lacus. Et sicut periclitatur qui in lacum leonum mittitur, sic David quasi leonis se dentibus tradidit, cum in rabiem Goliath se præliaturus immersit. Idem David Adeodatus jure dicitur, quoniam a Deo est electus in regnum. Qui etiam filius Saltus vocatur, quia de pascuis saltuum, ubi oves alebat, eductus agnoscitur. Nec sine causa idem David polymitarius dicitur, quia mater ejus de genere Beselehel exstitit, qui tabernaculum fœderis in deserto construxit, in quo etiam nonnulla polymitaria operatione contextuit. Bethlehemitæ quoque non incongrue dicitur, quia de Noemi duxit originem, et de Bethlehem fuerant tempore famis egressæ, atque ad eandem Bethlehem sunt reflorentes postmodum uberitate reductæ. Quod autem Adeodatus cum omnibus suis his adjectivis ipse procul dubio sit David, sequentia declarant, ubi dicitur : « Ii quatuor nati sunt de Arapha in Geth, et ceciderunt in manum David et servorum ejus (II Reg. xxi). » Sane quid etiam per hæc mystice significetur, exponerem, nisi quod perspicuum est, epistolaris mihi D brevis prohiberet. Juxta mysticum scilicet intellectum, hæc omnia referuntur ad Christum. Ipse enim Adeodatus est, de quo et per Isaiam dicitur : « Puer natus est nobis, filius datus est nobis (Isai. ix). » Qui filius Saltus non incongrue dicitur, quoniam ex Judæis secundum carnem nasci dignatus est, qui dum nullum fructum spiritualis germinis attulerunt, velut agrestes arbores non in horto plantatæ, sed in saltu natæ, steriles exstiterunt. Unde legitur, « Vox clamantis in deserto (Isa. xl), » hoc est in infructuoso Judæorum populo.

Polymitarius quoque Redemptor noster merito dicitur, quia velut texitrini operis studio vacat, dum et se suis fidelibus induit, et ex illis justitiæ vesti-

menta contexit. De suis quippe vestibus per Apostolum dicitur : « Ut exhiberet sibi gloriosam Ecclesiam, non habentem maculam neque rugam (*Ephes. v.*) » Et per Prophetam : « Omnibus his velut ornameto vestieris (*Isai. xlix.*) » De Christi vero fidelibus Psalmista canit : « Sacerdotes tui induantur iustitiam. » Et per Ezechielem Dominus inproperat animæ quam spiritualibus indumentis decenter ornavit, sed eum ipsa mœchæ sordibus polluta deseruit : « Vestivi te, inquit, 644 discoloribus, et calceavi te hyacintho, et cinxi te bysso, et indui te subtilibus, et ornavi te ornameto, » et paulo post : « Et vestita es bysso, et polymito, et multis coloribus (*Ezech. xvi.*) » Quid ergo mirum si Redemptor noster Polymitaris dicitur, qui virtutis decore polymito induit animam, quam sponsali jure sortitur ? Ipse enim Dei sapientia, de qua per Salomonem dicitur : « Quia quæsitv lanam et linum, et operata est consilio manuum suarum (*Prov. xxxi.*) » Cujus digiti apprehenderunt fusum, cujus omnes domestici vestiti sunt duplicibus; cujus etiam caro stragula vestis facta est in passione. Sed eadem byssus et regalis purpura indumentum illius est in resurrectione. Qui etiam Bethlehemites jure vocatur, quia in Bethlehem de Virgine natus agnoscitur. Quod autem dicitur quia tertium bellum fuit in Gob, hoc intelligitur quia verus David Salvator Israel, ante legem, et sub lege, ac postmodum in evangelica gratia fideles semper bellatores habuit, per quos contra Philisthaeos, id est, adversus malignos spiritus dimicavit. Ad hoc itaque tertium bellum David venit in Gob, qui interpretatur lacus, quia Redemptor noster, dum velut forti armato fortior supervenit (*Luc. xi.*), ipse per se etiam usque ad inferna descendit. Unde per Psalmistam dicit : « Posuerunt me in lacu inferiori, in tenebris, et umbra mortis (*Psal. lxxxvii.*) » Illic percussit Goliath Gethæum, quia dum electorum animas de gehennæ claustris eripuit, antiquum hostem, qui super eos tyrannidem exercebat, lethali vulnerare sauciavit.

DUBITATIO V.

Quæris etiam cur in Scripturis sacris sit ista diversitas, ut in libro Regum legatur David redemisse aream Ornam Jebusæi (*II Reg. xxiv.*), simul et boves qui offerendi erant in holocaustum, siclis argenti tantummodo quinquaginta; cum in Paralipomenon pro sola area dedisse narretur auri sexcentos siclos? (*II Par. iii.*) Sed sciendum est procul dubio, quia in libro Regum boves tantummodo quinquaginta siclis argenti comparasse David legitur; quanti vero aream comparaverit, illic omnino siletur. Paralipomenon vero liber de bobus e contrario tacet, sed emptam sexcentis auri siclis aream perhibet. Quod facile pervidetur, si in utroque libro ipsa verborum series diligenter attenditur. Nam in libro Regum hic est ordo verborum : « Emit ergo David aream, et boves argenti siclis quinquaginta (*Ibid.*). » Ubi sic distinguendum est, ut prius Scriptura dicat : Emit David aream, nec exprimat quanti; deinde sequatur,

et boves argenti siclis quinquaginta. In libro vero Paralipomenon ita legitur : « Dedit ergo David Ornan pro loco siclos auri justissimi ponderis sexcentos, et edificavit ibi altare Domino (*I Par. xxi.*) » Sic igitur utraq; sibimet Scriptura divisit, ut illa boum, ista solius areæ numeret pretium. Res itaque, quibus pretii mensura præfigitur, discrepant; sed Scripturæ sanctæ sibimet invicem non repugnant.

645 DUBITATIO VI.

Illud præterea consulendum putasti, quod legitur : Fuit autem ibi prælium dispersum super faciem omnis terræ, et multo plures erant quos consumperat saltus de populo, quam ii quos voraverat gladius (*II Reg. xviii.*). De qua sententia in libro Hebraicarum quæstionum hæc B. Hieronymi verba sunt : « Saltum hunc, inquit, qui plures consumpsisse quam gladius vorasse legitur, bestias ferocissimas, quæ in saltu erant, Hebræi autem, a quibus plures consumpti quam a gladio vorati fuerint. » Verum hic, ut dicitur, Hebræorum fuit intellectus; nobis autem videtur quia vesani quique et infruñti, qui cum Absalon perduelliones existerant, Deo deserente cæcati, arbutis occurrentibus impingebant; atque ideo dicatur quia plures ceciderint saltu consumente perempti, quam ii qui gladio fuerint trucidante vorati. Quod ita debere intelligi non ambigitur, si ipsa styli consequentia, vel superficie tenus attendatur. Nam postquam præmittit : « Multo plures erant quos saltus consumperat de populo, quam ii quos voraverat gladius in die illa; » præsto subjungit : « Accidit autem ut occurreret Absalon servis David sedens in mulo : cumque ingressus fuisset mulus subter condensam quercum et magnam, adhæsit caput ejus quercui; et, illo suspensio inter cælum et terram, mulus cui insederat pertransiit (*II Reg. xviii.*) »

DUBITATIO VII.

Illud præterea, quod inquiris, quid factum sit de area Domini et tabernaculo fœderis, quæ fabrefacta sunt in deserto. Sicut hujus rei pene nil officit ignorantia, ita vix aliquid utilitatis probatur conferre notitia : verumtamen, sicut Scripturæ tradit auctoritas, in monte Abarim, ubi Moyses sepultus agnoscitur (*Deut. xxxiv.*), tabernaculum simul cum area, nec non et altare incensi reconditum Jeremiæ prophetæ manibus inventum. Quod evidenti declaratur indicio, si secundi libri Machabæorum diligenter attendatur exordium : « Erat, inquit, in ipsa scriptura, quomodo tabernaculum et arcam jussit propheta, divino responso ad se facto, comitari secum, usquequo exiit in montem in quem Moyses ascendit et vidit Dei claritatem; et veniens ibi Jeremias invenit locum speluncæ, et tabernaculum et arcam, et altare incensi intulit illuc, et ostium obstruxit (*II Mach. ii.*) » Hæc igitur tria sacramenta, sicut dictum est, Jeremias in præfato Abarim monte recondidit. Si quid autem ex his aliud postmodum factum fuerit, aut certe si intacta perman-

seriat, quia nusquam Scriptura commemorat, nostra A quoque disquirere curiositas non præsumat.

DUBITATIO VIII.

Illud etiam Isaïæ, quod tibi petis exponi : « Propter scelus populi mei percussit eum, et dabit impium pro sepultura, et divitem pro morte sua (*Isai. LIII*). » ut nobis videtur, tale est. Pater 646 omnipotens Filium propter populi sui peccata percussit, quia illum, ut nostra peccata deleteret, crucis patibulum subire constituit. Ad hoc enim est Filius a Patre traditus, ut servus fieret absolutus; sicut Apostolus : « Qui proprio, inquit, Filio non pepercit, sed pro nobis omnibus tradidit illum (*Rom. vii*). » Ad hoc innocens vulneribus est percussus, ut peccator exsulset a suorum vulnere livore sanatus. Sicut per eundem Isaïam dicitur : « Ipse autem vulneratus est propter iniquitates nostras, attritus est propter scelera nostra, cuius livore sanati sumus (*Isai. LIII*). » Sed Redemptor noster pro duobus populis, gentili videlicet et Judaico pati dignatus est, quorum alter impius, alter dives merito dicebatur. Et gentilis quidem populus impius erat, quia idolis serviens pietatem divini cultus ignorabat. Hæc autem pietas Græce dicitur, *θεοφιλέτα*; Judaicus vero populus dives exstiterat; quia, dum Sabbata, circumcisionem, neomenias, omnesque cæremonias divinæ legis accepit, tanquam copiosis thesauri cælestis divitiis abundavit. Quibus exuberare divitiis Corinthios jam conversos Paulus exultabat, cum diceret : « Gratias ago Deo meo semper pro vobis in gratia Dei, quæ data est vobis in Christo Jesu; quia in omnibus divites facti estis in illo, in omni verbo, et in omni scientia, ita ut nihil vobis desit in ulla gratia (*I Cor. i*). » Salvator ergo noster, pro morte quam in se suscepit, duos de morte resuscitatos Patri populos reddidit, gentilem scilicet, qui dæmonibus olim impie serviebat, et Judaicum, qui, quamvis occidentem litteram tenens, et vivificantem spiritum nesciens, divinæ tamen legis divitiis possidebat.

DUBITATIO IX.

Postremo quod queris illud Jeremiæ prophete quid sit : « Ex ore Altissimi non egredientur nec bona, nec mala (*Thren. iii*). » famosa questio est pene totius Ecclesiæ. A plurimis enim quæritur, et celebris currit per ora multorum. Sed, eo largiente qui aperit librum et solvit signacula ejus (*Apoc. v*), hæc facile questio solvitur, si non ex nobis, sed ex illo confidentia præsumat. Omnipotens Pater, et innocentem Filium impiorum manibus tradidit, et tamen a recto justitiæ tramite non recessit; quoniam inde justitiam reflorescere constituit, unde illum ad tempus injustitiæ subjacere permisit. Sicut in libro Sapientiæ legitur : « Cum sis, inquit, justus, juste omnia disponis (*Sap. xii*). » ipsum quoque qui non debet puniri, condemnas. Pater itaque Filium mortem subire permisit, verumtamen ut eum perimerent, peremptoribus non præcepit; alioquin inculpabiles exstiterissent dum ministerium impietatis ascriberent pietatis auctori.

Potestatem ergo Deus Christi persecutoribus præbuit, sed ut eum persequentes occiderent non mandavit. Unde illic præmittit propheta, dicens : « Ut perverteret hominem in judicio suo, Dominus ignoravit (*Thren. iii*). » Perverteret quippe Dominus in judicio hominem, si condemnari præciperet innocentem. Sed aliud est condemnare, aliud a condemnationis supplicio non eripere; aliud in conatus sacrilegos furentes impellere, aliud nequaquam accepti furoris insaniam refrenare. 647 Unde illie non ignorando, sed reprobando subjungitur : « Quis est iste qui dixit ut fieret, Dominus non jubente? (*Ibid.*) » Domino dicit non jubente, non tamen prohibente. Non ergo persecutoribus Deus ut Salvatorem nostrum crucifigerent jussit, quia nihil in eo quod puniendum esset invenit. Non tamen ne crucifigeretur inhibuit, quia, pro mundi salute passurum, nullatenus eum ex impiorum manibus liberavit. Unde bene mox additur : « Ex ore Altissimi non egredientur nec bona, nec mala (*Ibid.*). » Bona quippe procederent, si eum de supplicio quod irrogabatur eriperet; mala vero, si crimen in eo qui suppliciis adjudicandus fuerit reperiret. In passione ergo Christi ex ore Altissimi nec bona egrediuntur, nec mala, quia Pater eum nec ex potestate liberat, nec ex legis æquitate condemnat; quia licet non reperiat peccatorem, pro salute tamen mundi in passione positum non eripit innocentem. Nullis videt peccatis obnoxium, nec tamen reddit impiorum manibus absolutum, ut dum subit innocens penam, qui peccator est reveratur ad veniam. Et dum unus, qui non debet, solvit omnium debita, omnes, qui sub originali vetustæ cautionis fenore tenebantur astricti, rescissi chirographi reddantur legibus absoluti.

DUBITATIO X.

In hoc etiam, quod tu non interrogas, ego sæpius dubitavi, cur David Joab et Semei, quibus iratus erat, dum adverberet, clementer indulset; moriens autem Salomoni, sibimet in scepra regia succedenti, perdendos esse mandavit : « Tu, inquit, nosti quæ fecerit mihi Joab filius Sarviæ, quæ fecerit duobus principibus exercitus Israel, Abner filio Ner, et Amasæ filio Jether, quos occidit, et effudit sanguinem belli in pace. » Atque paulo post addidit : « Facies ergo juxta sapientiam tuam, et non deduces cantientem ejus pacifice ad inferos (*III Reg. ii*). » De Semei quoque sic ait : « Habes et Semei apud te filium Gera filii Gemini de Bahurim, qui maledixit mihi maledictione pessima, quando ibam ad castra; » deinde quibusdam interpositis addidit : « Deducesque canos ejus cum sanguine ad infernum (*Ibid.*). » Quid est enim quod eos David moriens damnat quibus vivendo peperceraat, cum profecto rationis ordo deprecatur ut in perduelliones vel quoslibet inimicos vivens sententiam ultionis exsereret, moriens autem eis misericorditer indulgeret?

Sed sciendum est quia per regnum David, qui

tot persecutionibus et ærumnis attritus, tot adversitatibus et inopiis cum suis commilitonibus est afflictus, hoc præsens sæculum designatur, in quo cum suis membris Christus affligitur, multisque tribulationibus Ecclesia laceratur. Regnum vero Salomonis, qui divitiis et gloria cuncta regaliū dignitatum jura transcendit, omnia principalis imperii fastigia superavit, futuræ vitæ denuntiat gloriam, in qua Christus vere pacificus æterna cum suis quiete perfruitur, ac cœlestis convivii dapibus solemniter epulatur.

Unus igitur, idemque Redemptor noster, et **648** nunc David est, et tunc Salomon erit; quia et modo tanquam manu fortis per membra sua contra diabolum pugnare non desinit: et tunc, sopita prorsus omni carnis et spiritus controversia, cum corpore suo, quod est Ecclesia, ut revera pacificus, æterna tranquillitate regnabit. Nunc in electis suis, quasi David calamitatum fascibus premittitur, persecutionum ac diversis adversitatum pressuris urgetur, tribulationibus et ærumnis atteritur; postmodum tanquam Salomon exuberanti divitiarum immortalium copia potietur. Nunc David, a facie Absalon fugiens, decem concubinas in domo relinquit (*II Reg. xv*), quas Absalon per incestum turpiter fœdat; quia Redemptor noster dum ejectus de civitate Judaica in desertum gentium properat, relinquit in domo legis Judæos, non viriliter incedentes, sed muliebri conversatione viventes. Qui nimirum per decem concubinas non incongrue figurantur, qui, dum enerviter decem legis præcepta custodiunt, non castum matrimonii merentur ascendere thalamum; sed, absque fidei cohærentes anulo, sortiuntur pro conjugio pellicatum. Quas Absalon lascivius polluit, quia malignus spiritus reprobos impiorum animas, quasi prostituendo corrumpit. De quibus scriptum est: « Quia David postmodum non est ingressus ad eas, sed erant clausæ usque in diem mortis suæ in viduitate viventes (*II Reg. xx*). » Perdiderunt enim virum, de quo per Isaiam dicitur: « Quoniam acceperunt septem mulieres virum unum (*Isai. iv*). » de quibus et per Salomonem dicitur: « Quia septingentæ sunt reginæ (*24*). » Acceperunt itaque septem, quæ amiserunt decem. Cœlestem quippe sponsum sancta sibi confœderavit Ecclesia, septiformi scilicet Spiritus dono repleta. Quem sponsum synagoga, quæ Decalogi mandata perceperat, perdidit, viduamque permansit, quia, dum in domo consueti ritus et legalium caeremoniarum immobiliter persistit, cum rege David in deserta gentilium exire contempsit.

David ergo vivens tolerat quos in fine condempnat, quia Judex humani generis Christus, quem ille signabat, illis nunc misericorditer parcat, quibus in fine sæculi sententiam justæ damnationis infligit. David itaque misericordiam prærogat; Salomon

justitiam indicat. Quia unus idemque Redemptor noster, et nunc quasi David reproborum privitates æquanimiter tolerat, et postmodum tanquam Salomon in gloria sua veniens eos quasi vibrato judicii sui mucrone trucidat. Hæc alternitas divini examinis frequenter in eisdem David sermonibus invenitur, sicut ille: « Misericordiam, inquit, et judicium cantabo tibi, Domine (*Psal. c*). » Et: « Misericordiam et veritatem diligit Deus (*Psal. lxxxiii*). Misericordia et veritas obviaverunt sibi (*Psal. lxxxiv*). » Sic itaque dum misericordia veritati, quasi David præponitur Salomoni, ut quos pie David per misericordiam sustinet, Salomon per judicium juste condemnet. Et notandum quod per Joab, qui suis homicidium manibus perpetravit, illi designantur qui mala faciunt: per Semei vero, qui regi tantummodo maledixerat, illi figurati sunt qui prava loquuntur. Nam et ii qui nequiter agunt, et illi qui sermonibus reprobis ac falsis insistant, in extremæ discussionis examine procul dubio damnabuntur, sicut **649** idem ait: « Odisti omnes qui operantur iniquitatem; perdes eos qui loquuntur mendacium (*Psal. v*). » Sed ne jam fortassis epistolaris compendii linien excedat, calamo silentium imperamus, ne et ipsi redarguamur indociles, dum te docere nitimur quæstiones.

ARGUMENTATIO ALIA

DE VARIIS SACRIS QUÆSTIONIBUS.

C ARGUMENTUM. — Idem fere argumentum est hujus argumentationis, quod superioris: duas enim alias ab eodem Alberico rogatas quæstiones enodat beatus Petrus Damianus.

ALBERICO fratri charissimo, PETRUS peccator monachus salutem.

DUBITATIO I.

Dubitare te perhibes, dilectissime, cur non modo Scripturæ Veteris Testamenti, sed et plerique doctores Ecclesie, decem mensibus asserunt hominem in materno utero coalescere, nec intra novem mensium spatium fateantur exire. De quibus, ne per multa vagemur, sufficit si unum duntaxat apponamus exemplum. Ait enim in libro Sapientiæ Salomon: « Sum quidem et ego mortalis homo similis omnibus, et ex genere terreno illius qui prior factus est, in ventre matris figuratus sum caro; decem mensium tempore coagulatus sum in sanguine ex semine hominis et delectamento somnii convenientis, et ego natus accepi communem aerem (*Sap. vii*); » cum et beatus Joannes Baptista, et ipse auctor et institutor naturæ Christus, sic intra novennarium nati fuerint mensium cursum, ut ex decimo mense ne tenuissimum quidem attigerint atomum. Nam Joannes quidem conceptus est, sicut scribitur, viii Kal. Octobris, et natus est viii Kalendarum Julii. Salvator autem noster conceptus est in utero

(24) III Reg. xi. Hoc non per Salomonem dictum est, sed per Scripturam de Salomone. Per Salomonem

nem autem dicitur: sexaginta sunt reginæ et octoginta concubinae (*Cant. vi*).

virginali viii Kalendarum Aprilis, et natus est ad salutem mundi viii Kalendarum Januarii. In quibus p̄nimirum utrisque conceptionibus et nativitatibus, servi scilicet ac Domini, sic novem menses reperiuntur impleti, ut decimi nullatenus videantur incepti; quamquam si diligenter tempus utrumque perpenditur, duobus diebus diutius quam Joannes intra materna viscera mansisse Dominus invenitur. Cum igitur plerique homines intra novem mensium cursum absque ulla prorsus ambiguitate nascantur; quid est quod per decem menses in utero coagulari a doctoribus prohibentur?

Sed in quantum nobis datur intelligi, menses apud veteres triginta tantummodo dierum numero supputabantur; ista vero regula, quæ nunc tenetur, ut alii menses triginta contineant dies, alii triginta unum, ab illius Romuli, qui Romanam urbem condidit, institutione descendit. Romulus enim cum acris, sed agrestis **650** esset ingenii, dum coepti ac novi statum ordinaret imperii, illum diem cujusque mensis constituebat initium, in quo novæ lunæ conspiceret ortum; ut ille potissimum dies Kalendas efficeret, quo nova luna primitus illuxisset. Sed quia modo tardius, modo celerius luna videri solet, contigit ut cum tardius apparuit, præcedens mensis plures, cum vero celerius, dies acciperet pauciores. Unde factum est ut alii menses triginta unum, alii triginta dies tantummodo sortirentur. Quæ videlicet regula nunc in supputatione mensium, ut conjicimus, apud nos ex illius institutione tenetur.

Sed quoniam hanc gentilis hominis regulam, ut nobis videtur, veteres sancti non tenuerant, tricenos solummodo dies singulis quibusque mensibus ascribebant. Unde sufficiat nobis, ut unus doctoris inseramus exemplum. Beatus loquitur Augustinus (lib. iv *De Trinit.*, cap. 5; et lib. lxxxiii *Quæst.*, quæst. 56): quadraginta et sex annis ædificatum est templum hoc, et tu in triduo illud reædificas? (*Joan. ii.*) Qui videlicet numerus si per senarium ducitur, omne tempus quo Dominus in matris utero mansit impletur. Nam quadragies sexies seni, ducenti septuaginta sex dies fiunt, qui dierum numerus complet novem menses, et sex dies; qui videlicet tanquam decem menses parientibus feminis imputantur. In quibus nimirum verbis indubitanter ostenditur quod triginta solummodo dies quibusque mensibus ascribuntur. Triginta quippe si novies multiplicentur, ducenti septuaginta fiunt. In ducentis ergo septuaginta tricenarius numerus novies invenitur, qui juxta beati doctoris hujus testimonium, novem menses fiunt; quinque vero dies qui residui sunt, pro decimo mense accipiuntur. Cum igitur apud nos septem menses sint quorum unusquisque triginta unum dies habeat, aliquanti dies apud veteres de novem mensibus superabant; quos utique, partem pro toto ponentes, pro decimo mense computabant. Cum ergo minores erant menses quantitate, plures dicebantur in dinumeratione; ut quos nunc dicimus novem, tunc, parte pro toto posita, dicerentur de-

cem. Hæc interim tibi solutio super proposita questione sufficiat, donec potiorum te a sapientibus audire contingat.

DUBITATIO II.

De die passionis et resurrectionis Christi.

Dubietas etiam de passione ac resurrectione Dominica, quæ videlicet hoc anno ita per omnia veniunt, sicut tunc specialiter cum Dominus est crucifixus. Inquiris enim utrum raro, an crebro sic veniant. Alii siquidem se nunquam hoc vidisse, alii sæpius hoc in vita sua contigisse confirmant; tu vero, qui veritatis studeas esse discipulus, tantæ varietati times adhibere fidem, ne scilicet in compugnantium sententiarum traducaris errorem.

Sed novis quoniam, in quantum ex traditione præcedentium scriptorum colligere possumus, hic Dominicæ passionis articulus, ex eo tempore quo Dominus est in cruce suspensus, **651** nunquam ita rursus evenit nisi semel, et nunc secundo repetitur. Post passionem quippe Domini quingentesimo trigesimo tertio anno paschalis solemnitas eodem mense, et die, et luna, eodemque concurrente, qui primus quintus est, contigit, quibus primo novæ Dominicæ resurrectionis anno contigerat; et hoc anno similiter fit, ut in unum cuncta concurrant. Sicut enim tunc cum Dominus pateretur, et mensis erat Martius, et dies a Kalendis Aprilis octavus, feria erat sexta, et luna decima quarta; ita per omnia, et quingentesimo trigesimo tertio anno postmodum contigit, et hoc anno, qui millesimus sexagesimus quintus est, similiter venit. Composuerunt autem paschalem eursum quatuor eruditi viri, Hippolytus, Eusebius, Theophilus et Prosper: post quos Victorius natione Aquitanus, scrupulosissimus videlicet calculator, rogatus a sancto Hilario urbis Romæ episcopo, rem diligentius instauravit, eundemque eursum cautissima satis indagatione composuit.

Prodixit itaque annorum series usque ad annos quingentos triginta duos: ita ut quingentesimo trigesimo tertio anno, solemnitas paschalis incipiat, eodem scilicet mense, die, feria, et luna, eodemque concurrente, quibus primo anno Dominicæ passionis ac resurrectionis illuxerat. Hoc etiam anno, in quo nunc vivimus, ad eundem ordinem Dominica passio, quæ postridie celebranda est, redire videmus. Dum igitur **652** annus iste primum illum Dominicæ passionis ac resurrectionis ordinem renovat, procul dubio, cum illa, quam diximus, Victorii calculatione concordat. Interim vero, dum res valeat enucleatius discuti, hæc, charissime frater, uterque simul solutione contenti.

Hoc tamen nolo te lateat quoniam, hoc præsentis paschali solemnitate peracta, nonagesimo quinto anno similiter Pascha veniet, omnibus his in unum convenientibus, mense videlicet, die, feria, et luna, et quinto concurrente, qui tamen bissextus est, et epacta, et versu cycli decemnovennalis. Post quintum concurrentem bissextum, ducentesimo quadra-

gesimo septimo anno, similiter paschalis solemnitas ventura est; et postmodum tribus vicibus fiet ut Pascha per ordinem nonagesimo quinto anno simili modo semper eveniat, eisdem omnibus, quæ supradicta, simul convenientibus. Sed in isto quinto concurrente, qui nunc est, nunquam paschalem festivitatem evenire contigit, ab ipsa prima passione Dominica, nisi duntaxat eam solam quam Victorius posuit, et nunc secundo repetitur, et nunquam dein-

A ceps ventura est, ut omnia illa simul congruant, hoc est mensis, dies, feria, et luna, epacta, eodemque versu cycli decemnovennalis, nisi similiter quingentesimo trigesimo tertio anno. Sed cum jam sæculum hoc suo sit fine claudendum, superfluum est per longæ calculationis ephemeridas producere volumina sæculorum.

Sit nomen Domini benedictum.

653-654 OPUSCULUM TRICESIMUM OCTAVUM.

CONTRA ERROREM GRÆCORUM DE PROCESSIONE SPIRITUS SANCTI.

ARGUMENTUM. — Ad patriarcham ... scribens, contra Græcorum hæresim disputat, qui Spiritum sanctum a Patre tantum, non a Filio procedere, impie affirmabant. Hanc opinionem luculente redarguit, contrariumque verum esse firmissimis rationibus et auctoritatibus probat. Idcirco autem ad patriarcham illum de hac re scribit, quia, ut hæc ipsa quæstio sibi enuclearetur, a pontifice Romano postulaverat.

Domno L. beatissimo patriarchæ, PETRUS peccator B monachus servitutum.

Religiosus episcopus Popiliensis Ecclesiæ mihi retulit quoniam ex ore dominici reverendissimi patriarchæ Gradensis audivit, quæstionem vos catholice fidei valde necessariam apostolicæ sedi sacris insertam litteris destinasse, atque ut a sanctissimo papa Alexandro invictis Scripturarum testimoniis evidentissime solveretur, sacerdotalis officii vigilantia postulasse: cur videlicet Spiritus sanctus apud Latinos a Patre dicatur Filioque procedere, cum apud Græcos a solo procedere Patre credatur? De qua nimirum quæstione quod sentio, auxiliante ipso Spiritu sancto de quo agitur, aperire præsumo. Non quod mihi super hoc negotio vel a vobis aliquid sit injunctum, vel ab auctoritate ipsius Romani pontificis fuerit imperatum. Nam quo pacto summum negotium imperito homini dignaretur injungere, qui tot sanctis ac peritissimis viris secum jugiter conversantibus non ambigitur abundare? Sed quia, licet ignarus sim, et inutilis servus in domo Domini mei Jesu, illis etiam eis obsequiis importunum me libet ingerere, ad quæ nemo me dignatus est provocare.

CAPUT PRIMUM.

De auctoritate Romani pontificis.

Laudabilis plane sanctitatis vestræ prudentia, et digni favoris est attollenda præconiis, quæ solvendam sancti Spiritus quæstionem, non ad alium quempiam, sed ad Petrum specialiter [attulit], quem cœlestis sapientiæ et potentiæ claves accepisse indubitanter agnoscit. Nec decebat tantæ dignitatis, et sapientiæ virum ab alio mysterii cœlestis arcana requirere, nisi ab illo potissimum quem non caro potuit vel sanguis instruere, sed cui Deus ipse per se sua secreta dignatus est aperire. « Beatus es, inquit, Simon Barjona, quia caro et sanguis non revelavit tibi,

sed Pater meus qui est in cœlis (Matth. xvi). » Hunc enim præ cæteris mortalibus de toto terrarum orbe Conditor orbis elegit, cui cathedram magisterii principaliter in Ecclesia tenere perpetuo privilegii jure concessit; ut quisquis divinum aliquid ac profundum nosse desiderat, ad hujus præceptoris oraculum doctrinamque recurrit; nec illi humiliter offerre quod solvendum est erubescat, etiamsi et ipse quod queritur non ignorat. Nunquid enim angelus de cœlo veniens nesciebat docere Cornelium, quem videlicet, ut quid sibi agendum esset addisceret, destinavit ad Petrum? « Mitte, inquit, viros Joppen, et accersi Simonem qui cognominatur Petrus. Hic hospitatur apud Simonem quemdam coriarium, cui est domus juxta mare; hic dicet tibi quid te oporteat facere (Act. x). » Poterat plane sanctus angelus hominem docere gentilem quid sibi competere ad salutem; sed hujus usurpare nolebat officium, cujus docendi noverat fuisse commissum.

Quid ergo mirum si sacerdos, licet sanctitate conspicuus, licet eloquiis divinis vehementer instructus, ad apostolorum principis magisterium misit, ad quem etiam angelus docendi gratia primitias gentium Cornelium destinavit? Pauli etiam ad Galatas hæc verba sunt: « Paulus apostolus neque ab hominibus, neque per hominem, sed per Jesum Christum, et Deum Patrem, qui suscitavit eum a mortuis (Gal. i). » Hic itaque, qui non ab hominibus, sed ab ipso Christo, et Deo Patre fuerat factus apostolus, 655 atque ab auctore sapientiæ sufficienter instructus, ad Petri tamen magisterium venit, et non id transcurso, sed per plurimos dies apud eum in cœlesti schola permansit. « Veni, inquit, Hierosolymam videre Petrum, et mansi apud eum dies quindecim (Ibid.). » Per mysticum scilicet heddomadis et ogdoadis numerum, Veteris Instrumenti, simul ac Novi didicit sacramentum.

Dignum ergo fuit ut ad sedem illius vestra sancta A prudentia solvendam dirigeret quæstionem, ad quem et ignarus fidei vir angelicus mittitur: et a quo apostolus etiam, qui jam a Deo instructus fuerat, plenius eruditur. Et quia per Moysen dicitur: « Habetis Aaron et Ur vobiscum; si quid natum fuerit quæstionis, referetis ad eos (*Exod. xxiv.*) »

Adsit utinam Aaron, id est, mons fortitudinis Christus; adsit et Ur, ignis ille videlicet, qui est ipse, de quo scribimus, Spiritus sanctus, ut per nos etiam, minimum videlicet Romanæ Ecclesiæ membrum, quod nonnullos latet, aperiat, et hujus quæstionis nodum quasi quoddam mystici libri signaculum clavis David Christus absolvat.

CAPUT II.

Quæ sit origo Græcorum erroris.

In primis ergo dicamunde ignorantie istius oritur origo, ut et Græci fere omnes, et Latinorum quidam perhibeant Spiritum sanctum non a Filio, sed a solo Patre procedere. Hoc enim ex Dominicis autumant verbis, quibus ait: « Non enim vos estis qui loquimini: sed spiritus Patris vestri, qui loquitur in vobis (*Matth. x.*) » Et iterum: « Ecce ego mitto promissum Patris mei in vos (*Luc. xxiv.*) » Et illud: « Cum venerit Paracletus, quem ego mitto vobis a Patre, Spiritum veritatis, qui a Patre procedit, ille testimonium perhibebit de me (*Joan. xv.*) » De quo rursum ait: « Ego rogabo Patrem, et alium Paracletum dabit vobis, ut maneant vobiscum in æternum, Spiritum veritatis (*Joan. xiv.*) » Et alibi dicit: « Paracletus autem Spiritus sanctus, quem mittet Pater in nomine meo, ille vos docebit omnia (*Ibid.*) » Et iterum: « Si ergo vos, cum sitis mali, nostis bona data dare filiis vestris, quanto magis Pater vester de cælo dabit Spiritum bonum petentibus se? » (*Matth. vii.*)

His itaque et hujusmodi non solum evangelicis, sed et aliis Scripturarum testimoniis asserunt Spiritum sanctum nequaquam a Filio, sed a solo tantum Patre procedere. Nam et apud Latinæ linguæ Doctores sæpe tale quid reperitur, quod huic sententiæ congruere videatur. Beatus plane Hieronymus in expositione fidei, quam ad Alypium et Augustinum episcopos mittit, inter cætera sit ait: « Credimus et in Spiritum sanctum Dominum verum ex Patre procedentem, æqualem per omnia Patri et Filio. » Augustinus etiam adversus Maximum hæreticum inventus, ait: « De Patre est Filius, de Patre est Spiritus sanctus. » Beatus etiam Leo papa in argentea tabula, quæ ante sacratissimum corpus beati Pauli apostoli videtur erecta, inter cæteras suæ fidei symbolas ait: « Et in Spiritum sanctum Dominum, et vivificatorem, 636 ex Patre procedentem, cum Patre, et Filio coadorandum et glorificandum. » In Nicæni quoque concilii symbolo dicitur: « Credimus et in Spiritum sanctum, qui de Patre procedit proprie, et Deus est verus sicut Filios; » et aliquanto post: « Quodque et Spiritum sanctum verum Deum invenimus in

Scriptura, et de Patre proprie procedere, et cum Patre et Filio semper esse. » Et iterum: « De Patre, inquit, Filius, et Spiritus sanctus proprie et vere de Patre procedit. »

Veruntamen hæc et alia hujusmodi testimonia Scripturarum, sive sanctorum verba doctorum, non præjudicant catholicæ fidei, qua Spiritum sanctum sicut a Patre credimus, ita nihilominus et a Filio procedere perhibemus. Nam cum vel ipse Dominus, vel sancti quoque doctores Ecclesiæ, Spiritum sanctum a Patre procedere concorditer asserant, nusquam tamen perhibent, quod a Filio non procedat; imo cum dicitur Spiritus sanctus a Patre procedere, a Filio quoque procedere credi necesse est, quia Pater et Filius unius ejusdemque substantiæ B procul dubio est. Nam cum Filius dicat: « Ego et Pater unum sumus (*Joan. x.*) » quomodo potest Spiritus sanctus ab eo quod unum est, et procedere, et non procedere?

Sed res ineffabilis, quæ nullo valet humanæ rationis ingenio concipi, nullo potest mentis intuitu vel consideratione discerni, ex divinorum duntaxat eloquiorum debet sentiis colligi. Nam, sicut ait Apostolus: « Spiritus sanctus omnia scrutatur, etiam profunda Dei. Quis enim scit hominum quæ sunt hominis, nisi spiritus hominis, qui in ipso est? Ita et quæ Dei sunt, nemo cognovit, nisi Spiritus Dei. Nos autem spiritum hujus mundi non accepimus, sed spiritum qui ex Deo est, ut sciamus quæ a Deo donata sunt nobis, quæ et loquimur non in doctis humanæ sapientiæ verbis, sed in doctrina spiritus C (*I Cor. ii.*) » Enimvero quomodo Pater ineffabiliter Filium gignat, quomodo Spiritus sanctus a Patre, vel utroque procedat, qualiter intuitus humanus attingeret, nisi per organa prophetarum vel per incarnatum Verbum suum Deus omnipotens hoc mortalibus revelaret? « Est enim fides, sicut dicit Apostolus, sperandarum substantiarum rerum, argumentum non apparentium (*Hebr. xi.*) » Stat enim Joannis illa sententia, qua dicit: « Charissimi, nunc filii Dei sumus, et nondum apparuit quid erimus; scimus quoniam, cum apparuerit, similes ei erimus, quoniam videbimus eum sicut est (*I Joan. iii.*) » Ad comprehendendum ergo summum et ineffabile veræ fidei sacramentum, non humanæ opinionis sequamur indaginem, sed solam amplectamur cælestis eloquii D veritatem, ut hoc potissimum de Deo credatur, quod divinitus; et in his quæ summa et incomprehensibilis Veritas perhibet, fidei nostræ constantia non vacillet.

CAPUT III.

Quod Spiritus sanctus a Patre simul et Filio procedat.

Porro autem quod a Patre procedat Spiritus sanctus, nulla neque apud Græcos, 657 neque apud Latinos quæstio est: nec res testimoniis indiget, cum hoc ipsum, et ea quæ supra posuimus, evidenter exempla declarent. Quod autem a Patre procedat, simul et a Filio, unde scilicet quæstio est.

evangelica nos docet auctoritas , cum Dominus A dicit : « Paracletus autem Spiritus sanctus, quem mittet Pater in nomine meo, ille vos docebit omnia (Joan. xiv). » Et alibi : « Cum venerit Paracletus, quem ego mittam vobis a Patre (Joan. xv). » Cum ergo Paracletum et Pater mittat in nomine Filii, et Filius mittat a Patre; patet profecto , quia sicut ab utroque, qui procul dubio unum sunt, mittitur, ita nihilominus et ab utroque procedit. Et qui sæpe Spiritus Veritatis dicitur, cum utique Christus sit Veritas, qui Spiritus est Veritatis, Spiritus est procul dubio Filii. Unde et alibi dicit : « Ille me clarificabit, quia de meo accipiet (Joan. xvi). » De meo scilicet accipiet, quia et in me est. Unde et in Isaia vox Patris ad Filium : « Spiritus meus, inquit, qui est in te, et verba mea, quæ posui in ore tuo , non recedent de ore tuo, et de ore seminis tui usque in æternum (Isai. lxi). » Ipse nimirum Spiritus est illa virtus quæ de illo exibat, sicut in Evangelio legitur, et sanabat omnes (Luc. vi).

Et iterum de muliere fluxu sanguinis liberata : « Ego novi virtutem de me exisse (Luc. viii). » Unde et Apostolus ad Galatas : « Quoniam, inquit, estis filii Dei, misit Deus Spiritum Filii sui in corda vestra clamantem, Abba Pater (Gal. iv). » Et alibi : « Qui Spiritum Christi non habet, hic non est ejus (Rom. viii). Ecce hic, cum dicit Apostolus : « Spiritus Filii sui, vel Spiritus Christi, nunquid addit et Patris, ut dicat, Spiritus Christi et Patris. Nunquid quia, prætermisso Patris vocabulo, Spiritus Filii dicitur, jure consequitur ut Patris esse Spiritus denegetur? idem quoque Apostolus ad Philippenses ait : « Scio enim quia hoc mihi proveniet in salutem per vestram orationem, et subministrationem Spiritus Jesu Christi (Philip. i). » Hinc est quod Sapientia Dei, quæ procul dubio Christus est, dicit : « Spiritus meus super mel dulcis, et hæreditas mea super mel et favum (Eccli. xxiv). »

Sicut ergo cum Filii, vel Christi Spiritus dicitur, non statim consequitur ut eum possimus a Patre disjungere; ita cum dicitur, Spiritus Patris, non cum possumus a Filio separare. Beatus etiam Petrus ait : « De qua salute exquisierunt atque scrutati sunt Prophetæ, qui de futura in nobis gloria prophetaverunt, scrutantes in quod vel quale tempus significaret quia in eis erat Spiritus Christi, prænuntians eas quæ in Christo sunt passionem, et posteriores glorias (I Petr. i). » Quod autem eundem Spiritum Filium in discipulos miserit, idem Petrus in Actibus apostolorum perhibet, dicens : « Dextra igitur Dei exaltatus, et promissione Spiritus sancti accepta a Patre, effudit hoc donum, quod vos videtis et auditis (Act. ii). » Hinc est quod, cum resurrexisset a mortuis, et apparuisset discipulis, ut eum de se procedere patenter ostenderet, insufflavit, et ait : « Accipite Spiritum sanctum (Joan. xx). »

Nec sane putandum est quod flatus ille corporeus, qui tunc aerem percussit, Spiritus sanctus fuerit, sed per congruam hanc significationem 658

nienter ostensum est quod Spiritus sanctus procedit ab ipso. Isaïas quoque cum de Filio Dei loqueretur, adiecit : « Percutiet terram virga oris sui, et spiritu laborum suorum interficiet impium (Isai. xi). » Cui sententiæ concinens Paulus in Epistola ad Thessalonicenses ait : « Tunc revelabitur ille iniquus, quem Dominus Jesus interficiet spiritu oris sui, et destruet illustratione adventus sui (II Thess. ii). » Quod etiam in libro beati Job mystice designatur, cum dicitur : « Audiet auditionem in terrore vocis ejus, et sonum de ore illius procedentem (Job xxxvii). » Os denique Patris in hoc loco intelligitur Filius, per quem videlicet nobis divinæ legis sanctio promulgatur; sonus vero de illius ore procedens, Spiritus sanctus est, qui, a Filio veniens, mirabiliter sonuit, cum super apostolos repente sonitu in linguarum varietate descendit. « Factus est, inquit, repente de cælo sonus tanquam adventantis spiritus vehementis (Act. ii). » Hic nempe sonus, qui de ore Christi prodiit, ipse est procul dubio gladius bis acutus, quem Joannes in Apocalypsi ex eisdem labiis exire conspexit (Apoc. i). De quo et per Psalmistam dicitur : « Verbo Domini cæli firmati sunt, et spiritu oris ejus omnis virtus eorum (Psalm. xxxii). » Quia ergo, sicut dictum est, os Patris Filius est, Spiritus oris Dei nil aliud intelligendus, quam Spiritus Christi.

CAPUT IV.

Amovet dubitationem, quæ nasci poterat.

Quod si queritur, cum de substantia Patris sit C Filius, de substantia Patris sit nihilominus et Spiritus sanctus, cur unus Filius, et alius non sit Filius? non incongrue respondetur : De Patre est Filius, de Patre est Spiritus sanctus; sed ille genitus est, iste procedens, ideoque ille Filius est Patris, de quo et genitus est; iste autem Spiritus utriusque, quoniam de utroque procedit. Verumtamen et illa generatio, et ista processio non modo ineffabilis, sed et prorsus incomprehensibilis est. Sed in his quæ nostræ mentis acie penetrare non possumus, illis per quos Spiritus sanctus locutus est, fidem certam, tanquam si res nostris subjaceret obtutibus, adhibemus. Et quanquam nobis ignota sint arcane profunditatis occulta mysteria, non tamen dubitamus in eo quod Dominus loquitur : non ambigimus in eo quoque D quod in prophetarum vaticiniis invenitur.

CAPUT V.

Amovet aliam dubitationem.

Sed hic mihi fortassis objicit : Non intelligitis Evangelium, nescitis quid sibi velint oracula prophetarum, quæ scilicet aliud sæpe prætendunt in litterarum superficie, aliud continent in spiritualis intelligentiæ veritate. Ad quod nos facile respondemus quia fuere quamplures apostolici et catholici viri, de quorum scilicet approbata pietate et sanctitate per ostensa multarum signa virtutum nil omnino remansit ambiguum. Hi nimirum orthodoxam 659 fidem verbis simplicibus exposuerunt, et litteris exaratam ad posteritatis memoriam relique-

runt. Illorum plane fuit ex apostolicis et prophetici-
sententiis ista discutere; nobis autem nil aliud
restat, nisi præfixis duntaxat eorum definitionibus
obedire. Illis nempe vis necessitatis incubuit, ut
hæc subtiliter ac diligenter inquirerent, et certam
fidei regulam definirent; nobis autem ea tantum via
gradiendum est per quam videlicet nostri præces-
sere majores.

Quod ergo illi tunc ex evangelicis ac prophetici-
vetiam apostolicis fontibus inhiante hauserunt,
hoc nobis propinantes in posteris fideliter transu-
derunt, dicente Psalmista: « In ecclesiis benedicite
Deo Domino de fontibus Israel (*Psal. lxxvi*); » et
nos puritatem fidei, quæ per eos in nobis tanquam
per veritatis rivulos influit, secure jam et absque
ullo timore percipimus: et tanquam ab ipsa princi-
ali divini fontis origine, nos hanc haurire gaude-
mus. Audiamus ergo quid de processione Spiritus
sancti in sexto libro de Fide, quem ad Gratianum
imperatorem mittit, beatus dicat Ambrosius. « Non
enim, ait, quasi ex loco mittitur Spiritus, aut quasi
ex loco procedit, quando procedit a Filio. » Et paulo
post: « Spiritus sanctus cum procedit a Patre exit
a Filio; » nec immerito ab utroque procedit, cum
in utroque æqualiter sit, sicut in octavo ejusdem
operis libro idem dicit Ambrosius: « Pater in Filio,
et Filius in Patre; ita Dei Spiritus in Patre et in
Filio. » Augustinus autem cum, per totum fere li-
brum quem de sancta Trinitate composuit, innum-
merabiliter asserat quod Spiritus sanctus de Patre
simul Filioque procedat, tamen unam saltem ejus
sententiam ponimus, ne prorsus eum negligenter
præterisse videamur. « In illa, inquit, sancta Trini-
tate unus est Pater, qui solus de se ipso essentialiter
unum Filium genuit, et unus Filius, qui de uno
Patre solus est essentialiter natus: et unus Spiritus
sanctus, qui solus essentialiter de Patre Filioque
procedit. » Hieronymus quoque hoc scripsisse fer-
tur: « Spiritus, qui a Patre Filioque procedit,
Patri Filioque coæternus et per omnia coequalis
est. Hæc est sancta Trinitas, id est, Pater, et Filius,
et Spiritus sanctus; una est deitas et potentia, una
essentia, id est, Pater, qui genuit, Filius, qui est
genitus, et Spiritus sanctus, qui ex Patre Filioque
procedit. » Quamvis hoc in expositione fidei ejus, vide-
let illa quam legimus, nequeat inveniri. B. etiam
papa Gregorius in confessionis suæ Symbolo sic ait:
« Credo Patrem ingentum, Filium genitum, Spiritum
vero sanctum nec genitum, nec ingentum, sed
coæternum, de Patre et Filio procedentem. »

Quod si ab his forte qui Græce tantum sciunt,
Latine non norunt, e diverso dicatur non sibi suffi-
cere Romani doctores eloquii; nisi Græci quoque
sermonis Patres adhibemus, audiant quid beatus
perhibeat Athanasius in libro quem adversus Arium
scripsit: « Ego, inquit, credo Filium in Patre, et
Patrem in Filio, Spiritum quoque paracletum, qui
procedit a Patre, et Filii esse et Patris; quia et a
Filio procedit, sicut in Evangelio scriptum est quod

A per insufflationem suam dedit **660** discipulis Spiritum sanctum (*Joan. xx*). » B. etiam Cyrillus de hac
eadem Spiritus processione contra Nestorium sic ait:
« Quamvis enim in sua sit substantia Spiritus ejus,
et intelligatur in persona proprietates, juxta id quod
Spiritus est, et non Filius, attamen alienus non est
ab illo. Nam Spiritus appellatus est Veritatis, et
Veritas Christus est. Unde et ab isto similiter, sicut
et a Deo procedit. »

CAPUT VI.

Aliam item amovet dubitationem.

Sed adhuc fortassis inquiritur, cum Spiritus de
Patre procedat et Filio, cur idem Filius dixerit
quia de Patre procedit? Quid enim causæ fuit ut
non diceret: de Patre et me procedit, sed potius diceret:
Spiritus qui a Patre procedit? Cur hoc eum
fecisse putamus, nisi quod solet referre id etiam
quod suum est, ad eum de quo ipse est? De Patre
quippe est Filius, et a quo habet ut ipse sit Deus,
ab illo nihilominus habet ut a se quoque procedat
Spiritus sanctus. Unde est quod alibi dicit: « Mea
doctrina non est mea, sed ejus qui misit me (*Joan. vii*). » Si igitur hic aperte cognoscitur suam esse
doctrinam, quam tamen non suam dixit esse, sed
Patris; quanto magis illic intelligendum est et de
ipso procedere Spiritum sanctum, ubi sic ait, *de
Patre procedit*, ut nequaquam diceret *de me non
procedit*? Huic et illud est simile, quod alibi dicit:
« Qui in me credit, non in me credit, sed in eum
qui me misit (*Joan. xii*). » Quid enim sibi vult, quod
ait: « Qui in me credit, non in me credit? » Quo-
modo in ipsum, quomodo non in ipsum? Quomodo
tam contrarium, tamque per compungantia sibi
verba intelligetur adversum. « Qui in me credit non
in me credit, sed in eum qui me misit: » nisi sic
intelligatur, qui in me credit, non in hoc quod vi-
det credit; ut spes nostra non in creatura sit, sed
in illo qui creaturam suscepit; quatenus unum se
esse cum eo mortalibus innotesceret, atque ad se
simul cum eo contemplandum humana corda munda-
ret? Ita cum dicit: « Mea doctrina non est mea, »
non parvam mentibus caliginem generat, nisi car-
nem a spiritu dispensativæ rationis ordo discernat.
Non enim dixit: ista doctrina non est mea; sed:
D Mea doctrina non est mea. Quam dixit suam, eam-
dem dixit non suam. Quomodo sane istud verum
est, nisi secundum aliud suam dixerit, secundum
aliud non suam? Secundum formam Dei, suam; se-
cundum formam servi, non suam? Cum enim dicit:
non est mea, sed ejus qui misit me, ad ipsum Ver-
bum, quod in carne latebat, nostræ mentis intuitum
provocat, ut eum a Patre simul unum esse cogno-
scat. Doctrina enim Patris est Verbum Patris, qui
est unicus Filius. Quod ergo dictum est: « Doctrina
mea, non est mea; » sic intelligendum est, ac si
dicat: ego non sum a me ipso, sed ab illo qui me
misit:

661 CAPUT VII.

Quomodo dicatur Spiritus sanctus a Patre proprie procedere, in Nicæno symbolo.

Cum ergo doctrinam suam, quam simul cum Patre dictat esse non suam, sed Patris esse perhibeat; quid mirum si Spiritum sanctum dicat de Patre procedere, a quo scilicet habebat idem Filius, ut etiam de ipso procederet? Unde cum in Nicæni concilii symbolo, quod superius memoravimus, Spiritus sanctus non simpliciter dicatur a Patre procedere, sed addatur proprie: Et in Spiritum, inquit, sanctum, qui de Patre procedit proprie: hæc proprietas non ideo datur Patri, ut Spiritus sanctus de solo ipso procedat; sed quia ab ipso datum est Filio ut etiam ex ipso procedat. Unde et Augustinus in libro de sancta Trinitate: « Non frustra, inquit, in hac Trinitate non dicitur Verbum Dei, nisi Filius; nec donum Dei, nisi Spiritus sanctus; nec de quo genitus est Verbum, et de quo procedit principaliter Spiritus sanctus, nisi Deus Pater. » Moxque subiungit: « Ideo addidi principaliter quia et de Filio Spiritus sanctus procedere reperitur: sed hoc quoque illi Pater dedit, non jam existenti, et nondum habenti, sed quidquid unigenito Verbo dedit, gignendo dedit. » Non ergo turbetur fides, cum audit Spiritum sanctum proprie sive principaliter a Patre procedere; quoniam ab illo datur Filio ut ab ipso procedat, a quo et ipse ineffabili atque incomprehensibili generatione procedit; sicut ipse qui est Patris sapientia per Salomonem dicit: « Ego ex ore Altissimi prodigi (Eccli. xxiv). » Et in Evangelio: « Ego enim ex Deo processi, et veni (Joan. viii). » Illud 662 præterea summo opere cavendum est ne, dum asserimus

A quod de Patre Filius habeat ut Paracletus a se procedat, credamus etiam quod Spiritus sanctus de Patre procedat ad sanctificationem nostram. Absit enim hoc credi! ne quasi diversitas graduum videatur in simplici, atque incomprehensibili divinitate disponi, cum Scriptura dicat: « Ne ascendas per gradus ad altare meum (Exod. xx). »

Sed absque ulla dubitatione credendum est quod Spiritus sanctus simul ab utroque procedat; quamvis hoc Filio Pater dederit, ut, quemadmodum a se, ita nihilominus et ab illo procedat. Spiritus enim sanctus ineffabilis quædam est Patris Filique communio; atque ideo videtur hoc vocabulum obtinere, quia Patri simul ac Filio non ambigitur hæc appellatio convenire. Nam hoc ipse proprie dicitur, quod illi communiter appellantur; quoniam et Pater Spiritus, et Filius Spiritus; Pater sanctus, et Filius sanctus: et sicut utrique ejus vocabulum indifferenter congruit, sic ipse simul ab utroque procedit.

Possemus adhuc nonnulla Scripturarum exempla congerere, nec impossibile esset nostris allegationibus egregios catholicæ fidei defensores cum suis argumentationibus adhibere; sed, quia lege prohibemur juxta altare memoris arbuta conserere (Judic. vi), nolimus poma Spiritus opacis prolixæ locutionis foliis operire. Sanctitas ergo tua, venerabilis pater, licet cœlestis eloquii pabulo pleniter ubertimque refecta, tamen magis ac magis adhuc veritatis esuriens, non dignetur interim hoc pauperculi hominis perexile jentaculum, gustatura postmodum de manibus Domini nostri papæ, tanquam per Habacuc prophetam, in eo per angelum, regalium delicias epularum (Dan. xiv).

Sit nomen Domini benedictum.

663-664 OPUSCULUM TRICESIMUM NONUM.

CONTRA SEDENTES TEMPORE DIVINI OFFICII.

ARGUMENTUM. — Commendat archiepiscopi Bisuntini disciplinam et ordinem quibus in sua Ecclesia utebatur. Illud autem præcipue laudat quod tumulum sibi vivo posuerat, ut scilicet supremum vitæ diem semper ante oculos haberet. Unum tamen correctione dignum, dum in ejus hospitio esset, se vidisse, quod tum clericis, tum ii qui sacris non sunt initiati, dum eadem sacra peragerentur, iis sedentes interessent: id non esse neque ex præscripta disciplina, neque ex dignitate, aperte demonstrat.

Domno V. reverentissimo archiepiscopo, Petrus D quod dextrum tenet latus Ecclesiæ, non omisi, ubi candidus clericorum tuorum cœtus, tanquam chorus nitet angelicus. Illic enim velut in cœlestis Athenæ gymnasio sacram Scripturarum erudiuntur eloquiis; illic veræ philosophiæ solerter incumbunt studiis, seseque sub regularibus exercent quotidie disciplinis.

CAPUT PRIMUM.

De archiepiscopi Bisuntini magnificentia, et clericorum avaritia.

Non ignoras, venerabilis pater, quoniam dum a te receptus hospitio tuis interfui, sic omnia velut in quadam animi mei tabella depinxi, ut nulla de cætero valeant oblivione deleri. Teneo scilicet claustrum post absidam Ecclesiæ, tuo duntaxat habitaculo dedicatum, ubi tam private, tam remote studio potes orationis ac lectionis insistere, ut eremitica videaris solitudine non egere. Alterum quoque claustrum,

Nec illud excedit quia, præter istas, duas alias noviter canonicas uno simul eodemque tempore construis: unam scilicet cum ecclesia sanctæ Mariæ Magdalenæ, alteram vero cum ecclesia, si rite teneo, sancti Laurentii. Et cum tua non sit dives ecclesia, mirum est qualiter tam operosis tamque magnificis

sit intenta structuris, et tam profusis quotidie sufficere possit impendiis.

Illud autem, fateor, mihi prae omnibus placuit, quia sepulcrum tuum mihi tunc ostendisti, a te velut hodie suscipiendum, accuratissime preparatum: ubi tanquam vespillonum merces, quini nummorum solidi per quatuor altrinsecus angulos in sudario sunt ligati: ut inter exsequias funeris, in ipso quoque pietatis opere sepultoribus tuis videatur remuneratio non deesse; in quo nimirum patriarchae Abraham tenere videris exemplum, qui, cum Saram uxorem suam sepelire satageret (*Gen. xxiii*), et omnes filii Seth electa quæque sepulcra sua sibi gratis offerrent, gratuita contempsit, ab Ephron filio Seor speluncam duplicem comparavit. Nam et in ipso quaternario numero quodammodo cerneris ejus imitatus exemplum; sicut enim quadringentis siclis argenti redemit ille speluncam, sic et tu quaternis quinque solidis aliquo modo videris emere sepulturam.

Hic notandum quam detestanda sit avaritia clericorum qui de sepulturis Ecclesiae commodum sperant, cum hoc etiam ignorantes Deum gentiles abhorreant. Illi respuunt pecuniam, cum offertur; isti impudenter exigunt, etiam cum negatur. Illi contemnentes Abraham pretium, dicunt: « In electis sepulchris nostris sepeli mortuum tuum, nullusque te poterit prohibere; » isti gentilium suppares aiunt: « Appende pecuniam, et suscipe sepulturam (*Gen. xxiii*). » Tu autem, venerabilis pater, sapienti mihi videris usus esse consilio, cum sepulturam tibi adhuc vivens et valens fieri decrevisti. Nam si quando deceptrix hæc vita blanditur, si forte mens lenocinante fastigio cujuslibet dignitatis extollitur, mox ut ad expectantem se talem domum quæ oculis dirigit, pulverem se, sicut est, cineremque perpendit. Hinc est quod per Salomouem dicitur: « Quid necesse est homini majora se querere, cum ignoret quid conducatur sibi in vita sua, numero dierum peregrinationis suæ, et temporis quod velut umbra præterit? » (*Eccle. vii*). **665** Nec illicites utilitatum motus prævalent carnes in luxurie fluxa resolvere, dum mens cogitur scaturientes vermes ac profluentem ex eisdem carnibus saniem cogitare. Unde et idem Salomon: « Melius est, inquit, ire ad domum luctus, quam ad domum convivii (*Ibid.*). » In illa enim finis cunctorum admonetur hominum, et vivens cogitat quid futurum sit.

Sed ii qui radicem cordis in arenosa tenent hujus sæculi delectatione plantatam, si sibi mundus erridet, si jucunditas eos suavis ac tranquilla demulcet, tanquam fel vel absinthium memoriam procul dubio mortis abhorrent. Unde vir sapiens ait: « O mors, quam amara est memoria tua homini pacem habenti in substantiis suis, viro quieto, et cui justitiæ directæ sunt in omnibus, et adhuc valenti capere cibum! » (*Eccle. xli*). At si quem tædiosis calamitatis infortunium prægravat, si languor assiduus vel inopia rei familiaris angustat, illi mors dulcis efficitur; atque ut volaces

A gressus acceleret, exoratur. Unde dicit ille, qui supra: « O mors, bonum est judicium tuum homini indigenti; et qui minoratur viribus defecta ætate (*Ibid.*). » Cum profecto finem suum homo nequam pro varietatibus hujus vitæ debeat perhorrescere vel optare, sed ad hoc tantum si vel propriæ vel fraternæ saluti perpenditur eadem mors vel vita prodesse. Quod in se declarat ille qui dicit: « Coarctor autem es duobus, desiderium habens dissolvere et esse cum Christo, multo magis melius; permanere autem in carne necessarium est propter vos (*Philipp. i*). » Hinc et beatus Petrus auditoribus suis aiebat: « Justum arbitrator, quandiu sum in hoc tabernaculo, suscitare vos in commonitionem. Certus enim sum quod velox est depositio tabernaculi mei (*II Petr. i*). » In verbis plane suis bonus pastor ostendit quia non sibi, sed discipulis et vivere volebat et mori. Nam paulo post dicit: « Dabo autem operam et frequenter habere vos post obitum meum, ut horum memoriam faciatis. » Placet itaque mihi sepultura tua, quam tibi velut memoriæ signum ante oculos posuisti; ut, dum illa conspicitur, florentis male hujus vitæ tibi viror arescat, ac de futuris cogitare mens in se collecta solerter incipiat. Quo scilicet postquam homo pervenerit, illud procul dubio invenit quod mutare nullatenus possit. Unde et Salomon admonet, dicens: « Semper memorare novissima tua, et in æternum non peccabis (*Eccle. vii*). »

CAPUT II.

C Quod clericos, dum divina celebrantur officia, sedere, prava consuetudo est.

Unum præterea torporis ac desidii signum in ecclesia tua vidi, quod et tunc, prout expeditionis dictabat hora, corripui, et nunc apicibus tradere non superfluum duco. Plerique siquidem ibi clericorum resident, dum vel canonica horarum celebrantur officia, vel etiam ipsa missarum offeruntur terribilia sacramenta. Cujus torporis ignaviam per Galliarum partes nonnullis inesse etiam monachis deprehendi: quod profecto prava consuetudinis vitium et correctione dignum, et de stadio militantis **666** Ecclesiæ, in his quæ incolumes sunt, constat penitus eradendum. De qua scilicet in Canticis legitur: « Quid videbis in Salumite, nisi choros castrostrum? » (*Cant. vii*). Et iterum: « Sicut turris David colum tuum, quæ ædificata est cum propugnaculis suis; mille clypei pendent ex ea, omnis armatura fortium (*Cant. iv*). »

Nam cum ubique nobis adversus nequitiam spiritus immineat infœderabile bellum, ferventius ingruit in modulatione psalmodum; et cum oramus, tunc velut in acie contra malignorum hostium tentamenta configimus, ut nobis omnino necesse sit aut superantibus enerviter cedere, aut corruentibus in Domino plausibiliter insultare. Qui cum corpora nostra marcida sessione contemplantur hebescere, de ruina quoque interioris hominis illico sperant se victoriam obtinere. De quibus per Isaiam dicitur:

« Ponam illum in manu eorum qui te humiliaverunt, et dixerunt animæ tuæ: Incarcerare, ut trans-eamus (*Isai. li*). » Ubi, post incurvationem animæ, etiam de corporis incurvatione protinus additur: « Et possi ut terram corpus tuum, et quasi viam transeuntibus. » Utraque nimirum substantia, anima scilicet et corpus, in nobis sic unitæ sunt, ut plerumque una solerter agente, vigeat altera; et dum hæc resoluta negligenter oscitat, illa quoque dormitantis ignaviæ languore torpescat. Josue certe cum vidisset angelum evaginatam tenentem gladium, ait: « Quid Dominus meus loquitur ad servum suum? » (*Jos. v*.) cui nil aliud ille præcepit, nil prorsus ut exsequeretur injunxit, nisi tantum hoc: « Solve, inquit, calceamentum de pedibus tuis; » quare subjunxit: « Locus enim, in quo stas, sanctus est. »

Cum ergo loco illi, propterea quia sanctus erat, debebatur sanctitas pedum, cur ecclesia, quæ nihilo-minus sanctus est locus, non mereatur saltem stantium reverentiam clericorum? Moysi quoque dicitur: « Ne appropies huc; solve calceamentum de pedibus tuis. Locus enim in quo stas, terra sancta est (*Exod. in*). » Ut quid enim hæc antiquis Patribus divinitus imperata per sacras paginas legimus, nisi ut sanctis locis nos reverentiam debere credamus? An minus sacer est locus in quo per mysterium vivificæ passionis Christi corpus offertur, quam ille ubi per suum Deus angelum loquebatur? In Deuteronomio quoque legitur quia dixit Dominus Moysi: « Tu sta hic mecum, ut loquar tibi omnia mandata et cæremonias atque judicia (*Deut. v*). » Non ait, sede, vel recumbe; sed, sta mecum, ut scilicet stando discat quod sedendo postmodum doceat.

Nunc itaque dum in procinctu sumus, vult Deus nos sibi ministrantes assistere, ut cum eo postmodum mereamur in municipii tranquillitate sedere. Porro autem si cui tanta suppeteret munerum copia, ut, donec officium superesset, præbere dona singulis non cessaret; is quoque gradum figeret, cujus articulos languor chiragricus innodaret. Corporis ergo morituri stans susciperet commodum, animæ vero perpetuo regnatūræ sedendo despiciat ornamentum. Si regi, vel terreno cuilibet optimati suæ ditionis, officia reverenter assistant; cum ante terribilem majestatis divinæ conspectum laudum præconia jubilamus, qua præsumptionis **667** audacia sedere præsumimus? Dicit Daniel: « Millia millium ministrabant ei, et decies centena millia assistebant ei (*Dan. vii*). » Ecce, dum innumerabilem angelorum alii Deo ministrare (*Apoc. v*), alii dicuntur assistere, nullus eorum hic reperitur in subsellio residere.

CAPUT III.

Quod angeli contra homines in ecclesia sedentes indignantur.

Cui ergo virtutes angelicæ tremantes assistant, terreæ et corruptibiles homines astare despiciunt!

Et cum ecclesiasticis illis officiis rite credatur angelicam semper adesse præsentiam, dicente Scriptura: « In conspectu angelorum psallam tibi (*Psal. cxxxvii*). » nostramque vigilantiam sive desidiam non modo diligenter attendere, sed et superno judici cuncta per ordinem nuntiare; quanto putamus adversus nos zelo moventur, dum in conspectu illius nos irreverenter sedere conspicunt, cui scilicet ipsi tremantes assistant? Nam et Zacharias sacerdos cum incensum poneret, non sedentem, sed stantem juxta altare angelum vidit. Apparuit illi, ait evangelista, angelus Domini stans a dextris altaris incensi (*Luc. i*). » Dicit in Apocalypsi beatus Joannes: « Vidi turbam magnam, quam dinumerare nemo poterat, ex omnibus gentibus, et tribubus, et populis, et linguis, stantes ante thronum. » Stantes atque ante, non sedentes. Et paulo post: « Omnes, inquit, angeli stabant in circuitu throni, et seniorum (*Apoc. vii*). » Isaias cum præmisisset: « Vidi Dominum sedentem super solium excelsum, et elevatum, et ea quæ sub ipso erant replebant templum; » protinus addidit: « Seraphim stabant subter illum (*Isai. vi*). » Ecce ubi Seraphim sedere non audent, sedet homo luteus, et tanquam pannus menstruatæ luridus et immundus? Ubi virtutes cælorum sibi sedilia non usurpant, illic homo tanquam communi ac domestico perfruitur otio, qui se pulverem esse et cinerem non ignorat? Ingreditur rex nuptiale convivium, et invenit hominem non modo forsasse nuptiales induvias non habentem, sed et, contra illius convivii regulam, ignobiliter residentem; quid aliud jubere putandus est, nisi ut ligatis ille manibus et pedibus illico mergatur in tenebras? (*Math. xxii*). Enimvero de sedente Eli sacerdote dicit Scriptura: « Quia cecidit de sella retrorsum, juxta ostium, et fractis cervicibus mortuus est (*I Reg. iv*). » Sedebat et Balthassar rex Babylonis, cum in superficie parietis aulae regie articulus sibi scribentis apparuit, qui suam suorumque stragem instare nocte prima, Medis ac Persis imminentibus, nuntiavit (*Dan. v*).

Requiescebant Zebæe et Salmana reges Madian cum exercitu suo, cum super eos tanquam securos Gedeon irruit, eosque gladiis grassantibus trucidavit (*Judic. vii*). Discumbebant nihilominus Amalecitis super faciem terræ, cum illos repente David invasit, eosque a vespera usque in vespem diei alterius percutere non cessavit (*I Reg. xxx*). At contra Elias dicit: « Vivit Dominus exercituum, ante cujus conspectum sto (*III Reg. xvi*). » Sto, inquit, non sedeo, non oscito, non marcesco; **668** cui etiam a Domino dicitur: « Egredere, et sta in monte coram Domino (*III Reg. xix*). » Non ait, sede, sed sta coram Domino. Nunquid et David atque illi septem chori cum eo sedebant coram arca Domini, et non potius, sicut Scriptura testatur, ac subsiliebat totis viribus ante Dominum? » (*II Reg. vi*). Sicque ducebant arcam in jubilo, et clangore buccine.

Nota quoque quod ait Dominus Moysi : « Applica tribum Levi, et fac stare in conspectu Aaron sacerdotis, ut ministrent ei, et excubent, et observent quidquid ad cultum pertinet multitudinis coram tabernaculo testimonii (*Num. iii*). » Non ait : sed deant, oscitent, et dormitent ; sed fac stare, ut ministrent, excubent, et observent. Moyses in monte per quadraginta dies et totidem noctes, nunquam vel ad momentum quidem sedit, nulla cibi vel potus alimenta percepit, sed jejunos Domino jugiter astitit et tu, qui quotidiana te refecione sustentas, brevi saltem spatio gravaris ante tui Conditoris astare præsentiam ? Sic enim in Exodo legitur : « Stetit ergo ibi cum Domino Moyses quadraginta dies et noctes, panem non comedit, et aquam non bibit, et scripsit in tabulis verba fœderis decem (*Exod. xxxiv*). » Hodieque nonnulli fratres, dum laudibus divinis insistunt, non sunt solo standi labore contenti, satagentes insuper et per alia sui corporis exercitia fatigari.

Nam, ut de cæteris sileam, quidam frater, Gezo nomine, nunc a nostro non procul habitaculo disparat, sexagenaria jam circiter ætate grandævus, qui totum psalterium genua flectendo decurrit, hoc scilicet modo ut unum expleat versum dum pavimento prosternitur; alterum dum protinus elevatur. Sic itaque per totum psalterii cursum una semper fit metacea per geminos versus.

Alius quoque nobiscum fuit, ætate provecior, qui jure Dominicus vocabatur. Hic mihi confessus est, sæpe se mille fecisse metaneas per singulos dies, dum tamen ferrea lorica jugiter esset indutus ad carnem. Sed qui talia querit audire curet opuscula nostra percurrere.

CAPUT IV.

Quod laici quoque in ecclesia inter divina officia sedere non debent.

Nunc autem sufficit mihi sanctitati vestræ suggerere ut hoc ignobilis negligentiae vitium in sua prius Ecclesia corrigat, deinde per cæterarum palmites tanquam falcem salutiferæ correptionis extendat. Districte quippe prohibendum est non modo clericis, sed et laicis utriusque sexus, ut nisi, sicut mos est, inter nocturni lectiones officii, alias dum divinis hymnis insistitur, nemo sedeat, nisi, corporis eum valetudo compellat. Plerosque nempe vidimus non modo sacri, sed et sæcularis ordinis viros, qui sic inter quælibet ecclesiasticæ synaxis officia status sui viribus sunt contenti, ut nec podio, nec adjacenti prorsus ulli materiæ dignentur inniti. Qui nimirum quo laboriosius in conspectu supernæ majestatis se conspicientis assistunt, et suaviorem dulcedinem intimæ quietis **669** acquirunt; quan-

tumque difficilior sui corporis gravedinem tolerant, tanto copiosius eos ad Deum meritum levat.

Porro autem, sicut Eutropii testatur historia, Varro consul quoniam apud Cannas, dum adversus Annibalem confligeret, perdidit, nunquam postmodum usque ad vitæ suæ terminum recubans cibum sumpsit. Quod si faciunt hoc ethnici ut famæ suæ nomen extendant, quid agendum est Christianis ut in cœlesti sibi gloria sedes acquirant? Enimvero si dignus in Deum nobis fervor inesset, par fuerat nos inter divinæ laudis excubias non modo non sedere, sed et manibus in alta porrectis incessabiliter psallere. Sicut hortatur nos Psalmista, cum dicit : « In noctibus extollite manus vestras in sancta, et benedicite Dominum (*Psal. cxxxiii*). » Et Apostolus ad B Timotheum : « Volo, inquit, viros orare in omni loco, levantes puras manus sine ira et disceptatione (*I Tim. ii*). » Nam et præclarus Ecclesiæ doctor Ambrosius beatos martyres Gervasium et Protasium extensis manibus semper orantes se vidisse testatur. In cujus verbis datur intelligi quoniam et ipse non aliter tunc orabat episcopus, quanquam ipse vitandæ gloriæ causa non exprimat. Verisimile quippe est ut cum quo simul orant, nequaquam ab eo in orationis qualitate, dissintiant : alioquin si aliter orabat Ambrosius, ad hoc sibi **670** ille modus orationis ostenditur, ut ad hanc orandi regulam deinceps informetur. Cui cum beatus Paulus de præfatis martyribus diceret, quorum corpora in eodem loco inveniens, signanter addidit : in quo stas et oras. Stabat quippe sacerdos egregius cum orabat, non ad instar istorum sedebat, et otiosa tractabat. Præterea cum idem dicat Apostolus : « Qui sunt administratorii Spiritus in ministerium missi propter eos qui hæreditatem capiunt salutis (*Hebr. i*). » Ubi credenda est frequentius angelica beatitudo discurrere, quam in Ecclesia, ubi novit Dei populum, propter quem scilicet mittitur, convenire? Et qui potentiori cultu personæ festinanter assurgimus, qua præsumptionis audacia sedere eorum virtutibus angelicis non timemus?

Tu autem, dilectissime, quia in occiduis partibus inter sacerdotes insignis es ac celebris famæ, ubique, in quantum potes, et hoc ignominiosæ sessionis opprobrium destrue, et cætera quæ villicutis sacerdotalis officii competunt, non segnitè implere contende : argue, obsecra, inerepa, atque, ut idem monet Apostolus, « vigila, in omnibus labora, opus fac evangelistæ, ministerium tuum imple (*I Tim. iv*). » ut, cum necesse fuerit conspectui summi pastoris assistere, copiosum ac dignum tanto nomine fructum de peracto valeas ministerio consignare.

Sit nomen Domini benedictum.

671-672 OPUSCULUM QUADRAGESIMUM.

DE FRENANDA IRA ET SIMULTATIBUS EXSTIRPANDIS.

ARGUMENTUM. — Gratulatur V. episcopo, quod a gravi quodam morbo Dei gratia convaluisset. Hinc sumpta occasione eundem hortatur, ut iracundiam cohibeat; odii et simultatum semina, si quæ sunt in animo suo, penitus evellat; et denique ut, juxta evangelicæ legis præceptum, inimicis suis omnes injurias et offensas condonet.

Domno V. reverentissimo episcopo PETRUS peccator monachus salutem in Domino.

CAPUT PRIMUM.

Infirmittas a Deo cur mittantur.

Vere divinæ dispositionis ordo laudabilis, quia dum serat, curat; dum percuit, erudit; medetur, dum vulnus infligit. Ad hoc enim te, venerande Pater, divina severitas corporalis molestiæ verberibus cinxit, ut tanquam docilem puerum a levitate compesceret; idcirco te malleo disciplinæ percussit, ut vas utile in domo Domini a scabrescentis scorix vel superductæ rubiginis squalore purgaret. Hinc est quod de incorrigibilibus et indisciplinatis per prophetam dicitur: « Percussisti eos, et non doluerunt; attrivisti, et noluerunt accipere disciplinam (Jerem. v). » Et iterum: « Frustra conflavit conflator; malitiæ eorum non sunt consumptæ (Jerem. vi). » De quibus et alibi per prophetam divina vox ait: « Omnis domus Israel mihi versa est in scoriā (Ezech. xxi). » Tunc enim domus Israel in scoriā vertitur, cum divina peccator animadversione percussus, vel in desperationis voragine labitur, vel contra justæ sævientis imperium per impatientiam effertur. At contra, quasi manente metallo, scoria sub divinis percussionebus avolat, cum quilibet pœnitens superno verberē vapulans, et resforescentium candore virtutum ac resplendentis vitæ nitore clarescit. Quod utique per respectum divinæ gratiæ in te perspicue videmus impletum, cum et inimicos omnes in gratiam recepisti, et sic ab interiori prius valetudine convalescens, etiam corpore factus incolumis, Ecclesiæ gaudium reddidisti. Unde cum David non ingrata Deo debes voce cantare: « Castigans castigavit me Dominus, et mortu non tradidit me (Psal. cxvii). » Et cum Jona: « Cum angustiaretur in me anima mea, Domini recordatus sum, ut veniat ad te oratio mea ad templum sanctum tuum (Jon. ii). » Dehinc gratiarum actiones cum eodem propheta hoc potissimum debes fine concludere: « Ego autem in voce laudis immolabo tibi; quæcunque vovi reddam pro salute mea Domino (Ibid.). » Nos etiam, qui te velut amissum recipere, Deo largiente, meruimus, offeramus ei sacrificium nostrorum vitulorum laborum; et cum filia Raguel Sara dicamus: « Benedictum est nomen tuum, Deus Patrum nostrorum, qui cum iratus fueris, misericordiam facis, et

in tempore tribulationis peccata dimittis his qui invocant te (Tob. iii). » Sequestri plane functus officio frequenter institeram, ut cum inimicis tuis rediviva pace componeres, ut osoribus tuis te injuste lædenti-bus sacerdotaliter indulgeres; sed animi tui motus, quos homo blandiens lenire non potuit, austeritas divina perdomuit; et, ut ita loquar, iram tuam irascendo placavit. Sævis scilicet in te voluit, ut sævitiam tolleret: spiritum ultionis effudit, ut mansuetudinis in te spiritum reformaret.

CAPUT II.

Quod per iram sapientia deperdat.

Quanto plane studio vitium iracundiæ sit vitandum, nunc prudentiæ tuæ liquido valet probare judicium. Nam qui tunc tibi videbantur amari, tuæque familiaritatis accessu prorsus indigni, dulcissima nunc eorum affabilitate perfrueris, teque in eos secure projiciens, quodammodo jucundis amicitæ constrictus amplexibus delectaris. Tunc enim merito dicebas: « Turbatus est præ ira oculus meus (Psal. vi). » nunc autem alacri potes voce cantare: « Justitiæ Domini rectæ, lætificantes corda, præceptum Domini lucidum, illuminans oculos (Psal. xvi). » Præceptum quippe Domini charitas est. « Hoc est, inquit, præceptum meum, ut diligatis invicem (Joan. xiii). » Hoc sane præceptum oculis cordis illuminat, sicut e contrario livor et odium cæcat. « Quisquis enim, sicut ait Joannes, odit fratrem suum, in tenebris est, et in tenebris ambulat, et nescit quo eat, quia tenebræ excæcaverunt oculos ejus (Joan. i). » Quo contra, Dominus ait: « Ego lux in hunc mundum veni; et omnis qui credit in me, in tenebris non manet (Joan. xii). » Enimvero si omnis qui credit in Christum non manet in tenebris, et omnis qui odit fratrem suum, juxta Joannis vocem, in tenebris est; ille profecto non credere in Christum manifeste convincitur, qui feralis odii tenebris excæcat.

Ex hujus igitur apostolicæ et evangelicæ sententiæ ratione colligitur quia quisquis odii cæcitate percussus, inter Christi fideles superfluo numeratur; et quicumque est odiosus, necessario sequitur, ut sit etiam infidelis et in Deum non habeat fidem, qui circa proximum divinitus institutam amisit charitatem. Illa siquidem solummodo vera fides dicitur, quæ per dilectionem operatur (Gal. v). Excludatur igitur ab electorum mentibus iracundia, quæ odium

generat, quæ nimirum cordis oculos, quos per semetipsam turbat; per virulentam sobolem deterius cæcat; et iracundus quisque se veraciter perimit, dum læsionem proximi vel, quod atrocius est, mortem sitit. Unde scriptum est: « Virum stultum interficit iracundia, et parvulum occidit invidia (Job v). » Porro cum scriptum sit: « Tu autem, Domine, cum tranquillitate iudicas (Sap. xii); » quoties turbulentos animi motus sub mansuetudinis vigore restringimus, ad conditoris nostri similitudinem redire conamur. Nam dum quietem mentis ira diverberat, dilaniatam quodammodo scissamque perturbat, ut sibimetipsi non congruat, ac formam intimæ similitudinis velut aqua fluctuante confundit; et dum cor fluidum iracundia permovet, tanquam undæ fluctuantis imago propriæ origini non respondet. Per iram denique sapientia perditur, ut quid, quoque ordine agendum sit, ignoretur. Unde scriptum est: « Ira in sinu stulti requiescit (Eccl. vii). » De qua alibi legitur: « Ira perdit etiam prudentes; » quia videlicet confusus animus, etiamsi valeat quod subtiliter intelligere, lethalis vitii mole depressus non valet explere. Porro autem qui consuevit frequenter irasci, iustitiam nunquam poterit operari. Mentiri me fortasse quis diceret, si apostolus in epistola non scripsisset: « Ira viri iustitiam Dei non operatur (Jac. i). » Nam dum perturbata mens iudicium suæ rationis exasperat, non quod Deus præcipit, sed quod furor suggerit rectum putat.

Quanta sane sit iracundiæ pestis, in hoc patenter exprimitur, cum nobis iracundi hominis societas prohibetur; et quasi per antiquæ scripturæ sententiam quadam jam, ut ita fatear, excommunicatione percussit, dum a proximorum suorum contubernio separatur. Ait enim Salomon: « Noli esse assiduus cum homine iracundo, ne discas semitas ejus, et sumas scandalum animæ tuæ (Prov. xxii). » Et iterum: « Melius est, inquit, sedere in angulo domatis, quam cum muliere litigiosa et in domo communi (Prov. xxi). » Unde **674** qui se ex humana ratione non temperat, necesse est ut solus bestialiter vivat. Per iram sane concordia rumpitur, unde cohabitantium sæpe societas violatur. Sicut scriptum est: « Vir animosus parit rixas, et vir iracundus effodit peccata (Prov. xxix). » Peccata nempe iracundus perhibetur effodere, quia malos etiam, quos ad furoris insaniam provocat, cogit ut deteriores per impatientiam fiant.

CAPUT III.

Quod ira Spiritum sanctum excludat.

Per iram præterea lux veritatis amittitur, et obtenebratæ mentis obtutibus inoccidui solis radii occultantur. Unde dicit Apostolus: « Sol non occidat super iracundiam vestram (Ephes. iv). » Nam cum iracundia menti confusionis tenebras incutit, huic Deus illico radium suæ cognitionis abscondit. Per iram certe sancti Spiritus splendor excluditur, cujus scilicet habitaculum fieri mens improba non meretur. Unde per prophetam dicitur: « Super quem requie-

scet spiritus meus, nisi super humilem et quietum, et trementem sermones meos? » (Isai. lxi.) Nam cum humilem dixit, quietum consequenter addidit, quia dum ira menti quietem simul et humilitatem subtrahit, suam sancto Spiritui protinus habitationem claudit; dumque se per furoris insaniam elevat, ne ad se Spiritus sanctus introeat, semetipsum mens velut oberatis foribus damnat. Et sciendum quod ira sæpe tranquillitatis mentita colorem, superficiem quietis obtendit, dum in furoris indignationem aperte non prosilit: sed interim, dum intra mentem velut in clibano vehementius æstuat, licet extrinsecus taceat, elamosas intra forum conscientie voces format. Unde per Salomonem dicitur: « Præstolatio impiorum furor (Prov. xi). » Et Sapiens quidam ait: « Cogitationes iracundi vipereæ sunt generationes, mentem comedunt matrem suam. » Tradunt autem physici quod anima hominis tripartita sit. Est enim, ut aiunt, rationalis, irascibilis, concupiscibilis.

Non ergo sine magno labore compescitur, quæ non per accensum oritur, sed naturaliter insita perhibetur. Verumtamen adversus hoc vitium, sicut nec adversus concupiscentiam, nequaquam debemus desperare victoriam. Natura quippe nostra, cui scilicet ista dicuntur originaliter insita, ex primi quidem parentis est transgressione corrupta, sed ad statum incolunitatis pristinæ per nostri Redemptoris est gratiam reformata. Et licet lex carnis cum spiritus lege confligit, facile mens nostra vetustatis suæ tenebras superat, si in eo quem renovata concepit vigore cœlestis gratiæ perseverat. Unde dicit Apostolus: « Lex enim spiritus vitæ in Christo Jesu liberavit me a lege peccati et mortis (Rom. vii); » ubi mox additur: « Nam quod impossibile erat legi, in quo infirmabatur per carnem: Deus Filium suum misit in similitudinem carnis peccati, et de peccato damnavit peccatum in carne, ut iustificatio legis impleretur in nobis (Ibid.). » Porro si ira vel concupiscentia, quæ nobis dicuntur naturaliter insitæ, per vigorem spiritus superari non possent, nequaquam idem prædicator **675** egregius impossibilia præcepisset. Ait enim: « Nunc autem deponite et vos omnia, iram, indignationem (Coloss. iii). » Ad Ephesios quoque: « Omnis, inquit, amaritudo, et ira, et indignatio, et clamor, et blasphemia tollatur a vobis cum omni malitia (Ephes. iv). » De concupiscentia vero superfluum est exempla proponere, quam et lex antiqua vetat, et omnis sacrarum Scripturarum censura condemnat.

Superari ergo per divinam gratiam possunt quæ superari per divina mandata jubentur. Quid igitur ira deterius, quæ nimirum de felle antiqui draconis evomitur, et ut re vera lethale virus in furiosi ejuspiam corde grassatur? « Ira » siquidem, sicut scriptum est, « demonium habet (Prov. xxvii). » Quod etiam experimento dignoscimus, si Saul irascentis historiam per ordinem perpendamus. Ait enim Scriptura: « Quia cum mulieres Israelitarum

ludentes in sistris, et lœtitiæ tympanis canerent, A percussit Saul mille, et David decem millia; iratus est Saul nimis, et displicuit in oculis ejus iste sermo. » Deinde subinfert : « Post diem autem alterum invasit spiritus Dei malus Saul, et prophetabat in medio domus suæ (1 Reg. xviii). » Ecce liquido videmus quod scriptum legimus, iram scilicet habere dæmonium. In Saul enim cor ira præcessit, et mox nequitiae spiritum introduxit: dehinc abreptitium suum in zelum vesani furoris accendit, ac ad perimendum David, quem sanctus inhabitabat Spiritus, incitavit. Nam, teste Scriptura : « Tenebat Saul lanceam et misit eam, putans quod configere posset David cum pariete (Ibid.). » Fremebat enim in vasculo suo auctor iracundiæ spiritus, eumque adversus innocentem feralis invidiæ facibus inflammabat.

CAPUT IV.

Exemplum presbyteri propter iracundiam diabolo mancipati.

Cui propemodum consimile quid in Urbinati territorio jam fere a decennio contigit, quod ad nostram profecto notitiam; ipsa potius rei præsentia quam fama vulgante, pervenit. Advesperascente quippe jam die, in duorum quorundam presbyterorum cordibus sol inocciduum occidebat, eosque adversum se mutuis injuriarum jurgiorumque conviciis auctor discordiæ spiritus accendebat. Cumque presbyter compresbyterum probrosis contumeliarum irrisio-
nibus laceraret, et alter alterum multo mordacitatis sale maledictorumque relationibus conspersisset, unus eorum minaciter intonans, et dentibus stridens, correpta lancea iter arripuit, atque ad domum suam longius constitutum, furibundis prope-
rare gressibus cepit. Sed cum illum jam superveniens caligo noctis obnuberet, cor etiam interiores tenebræ perniciosius possiderent, ecce quinque nigri equites cum caballis æque nigrantibus obviant, eique is qui major inter eos videbatur insultat : Sæpe, inquit, institi, ut te mihi subderes, ut in clientelam meorum contubernialium devenires.

Toties itaque subterfugiens, jam non poteris jugum meæ ditionis evadere. Videbatur enim nobilis quidam esse, Romanus nomine, 676 qui frequenter um sollicitaverat, ut sibi subditus fieret. Presbyter itaque nimii terroris horrore percussus, ad præcipientis imperium manus utrasque composuit, atque illius manus dedititiorum more deosculans, se velut in herilis fidei tuitione commisit. Cui videlicet rei congruit quod Salomon ait : « Manus in manu non erit innocens malus (Prov. xi). » Quem protinus ille percunctans : Scis, inquit, qui sim? Ille præsto respondens ait : Nonne tu es dominus meus Romanus? At ille : Absit, absit; sed ego sum, inquit, diabolus, cui tu nunc commissus es, et individua deinceps societate constrictus.

Sta igitur in fide, et serva quod pollicitus es; et post hujusmodi verba vel gesta præsto disparuit. Tunc ille tremefactus, confusus atque perterritus, ad domum non sine magno trepidationis horrore

pervenit : paulo post ad episcopum suum sanctæ memoriæ, Teuzonem nomine, me quoque præsentis, pœnitentiæ flagitator accessit. Cui mox sacerdotalis officio dignitatis adempto, cum æstivum tunc cauma fervesceret, et secundarum messium tempus instaret, juxta carinæ (f. canonum) regulam, inclusionem custodiæ carceralis indiximus : annorum pœnitentiam competenti moderatione præfiximus : atque tunc spem certæ recuperationis absque dubio convalesceret, adhortati omnes sumus. In quo nimirum facto manifeste perpenditur, quoniam iracundus dum zelo immoderati furoris accenditur, juxta Scripturæ testimonium, a dæmonio possidetur. Nunquid enim iracundus dæmonio vexante non agitur, qui nonnunquam ad plectendum ejuslibet non lædentis, quia

B potius sibimet obsequens, innocentem permovetur? Ulro enim dum libero mentis judicio caret, erga res etiam insensibiles vindictam ultoriæ animadversio-
nis exercet. Quod utique Cyrus rex Persidis egisse deprehenditur, sicut Herodotus antiquæ scriptor historiæ proficitur. Qui dum militum vallatus agminibus, Gnydem fluvium transvadaret, unus regionum equitum candore formaque præcellens, dum per rapacem caldorem, ubi offensi vado vortices attollebantur, ingreditur, undarum procellis præcipitanter irruentibus, naufragus absorbetur. Tunc rex ira permotus, ulcisci in animum statuit, contestans eum qui præclarum voraverat equitem, ita permeabilem relinquendum, ut vix aliquando posset attingere genua feminarum. Annum igitur, ut conjicitur, totum
C in hoc ridiculo labore perpetuat, ac reum majestatis fluvium dum multis utrinque fossis aperuit, quasi totidem per latera vulneribus sauciavit : per quadringentos scilicet et sexaginta rivulos aquas fluminis subdivisit; sic, sic velut inimici sui sanguinem perfluere compulit, et divitem venam, in quam tyrannus infremuit, paupertate multavit.

CAPUT V.

Quod ira hominem reddit amentem.

Cernis itaque, qualiter ira reddit amentem, quæ dum exsequitur quod impatientia suggerit, semetipsam ridentibus pabulum subsannationis 677 exponit. Per omne quippe vitium quod ab hominibus perpetratur, diversis utique modis misero cordi veterinosi hostis vires infunditur. In iracundiæ vero peste, tota sua viscera serpens concutit, omnem felis amaritudinem evomens fundit; adeo ut prudentem mentis expertem, rationabilem furiosum, callentem ingenio reddat insanum. Alienat enim miseros, et velut abreptios insanire compellit. Quod sane licet omnibus Christianis sit omnino prohibitum, permaxime tamen sacerdotibus est cavendum. Nam cum veritas cunctis fidelibus in commune præcipiatur, ut dissens quisque munus suum ante altare deserat, nec illud antequam læso fratri reconcilietur, offerre præsumat (Matth. v), quanto propensius id agendum est sacerdoti, qui videlicet non metalli pondus, non corruptibilem margaritam, non certe manupulos segetum, sed vitalis eucha-

ristiæ oblaturus est sacramentum! Et cum illa singularis hostia pro inimicis principio sit oblata, Apostolo testante qui ait: « Cum inimici essemus, reconciliati sumus Deo per mortem filii ejus (Rom. v.) » qua mente sacerdos ad tam terribile sacramentum, qua temeritatis audacia mensæ cœlestis præsumit adire convivium, si dum reconciliationis mysterium celebrat, fratri suo reconciliari contemnat? Inimicus offert hostiam, quæ inimicitias solvit, ad mysterium pacis impacatus accedit; cum majus sit sacrificium peccanti dimittere quam laudis hostias immolare; et placabilior sit Deo bonæ voluntatis holocaustum quam exterioris victimæ sacramentum.

Unde non otiosum credimus si his verbis inseritur quod celebri a nonnullis relatione vulgatur. Vir quidam, ut dicitur, potentiorum se hominem interfecit, **B** a cuius etiam filio, more sæculi, non legibus Evangelii, multas bellorum molestias pertulit: paterni scilicet ultor interitus, et strages anhelabat hominum, et frequentum reportabat manubias rapinarum. Inter has igitur homicidia deprehensus angustias, imperiale decrevit adire vestigium, si quod forte tot calamitatibus posset reperire solatium. Quo comperto, paterni sanguinis ultor insequitur, eumque, sive ut tribunalium lege constringat, sive ut repente gladiis opprimat, impiger comitatur. In Teutonicis vero partibus tunc imperator agebat.

Cum itaque procedens modeste, quasi securus incederet, subsequens autem celerius properaret, tandem contigit ut sibi invicem propinquantes, in mutuos uterque dicerentur aspectus. Sed cum is **C** qui homicidii reus erat, vix quatuor vel quinque comitum fuleiretur auxilio; interfecit vero filius triginta ferme cingeretur obsequiis armatorum, quæ nonem suum cohortatur ut fugiat. Ille se conspicuus de persequentium manibus avolare non posse, animæ patrocinium petiit, ad humilitatis umbraculum confugium fecit. Projectis igitur armis, brachiis etiam in modum crucis extensis, solo prosternitur, et vel miserentium veniam, vel ictus ferientium præstolatur. At ille jam victor ad reverentiam crucis manum reprimendo compescuit, ultro etiam ne ab aliquo feriretur inhibuit: postremo pacem integram faciens, ad honorem sanctæ vivificæ cruceis, **678** non modo vitam, sed et paternæ necis donavit offensam.

Ilac igitur insigni peracta victoria, quam scilicet non tam alterius quam sui, et, ut ita fatear, non tam hostis quam proprii cordis victor exstierat, ad regis curiam, quia non procul erat, accessit: sed mox ut ecclesiam oraturus ingreditur, res miramini-umque stupenda, Salvatoris imago, quæ in cruce videtur expressa, tribus eum vicibus inclinato capite visa est salutare. O quam gloriosum et insigne præconium, ut ab auctore misericordiæ mereretur reverenter accipi, qui propter ejus reverentiam omiserat vindicari; et ab eo recipere salvationis honorem, pro quo saluti contrariam postposuit ultionem. Quod protinus imperator audiens, honorifica eum et affectuosa, prout decebat, affabilitate suscepit, et

A copiosa munerum liberalitate ditavit. O si vir ille sacerdotalis ordinis officio fungeretur, quam confidenter ad offerendum Deo munus potuisset accedere! Quo contra, quisquis in corde iræ vel odii confusiones agglomerat, et tempus ultoriæ retributionis expectat, quam perniciose, quam noxie sacris altaribus appropinquat! Hominibus quippe vertitur in incendium, quod ad refrigerii provisum est augmentum.

CAPUT VI.

Prodigium quod contigit presbytero Salernitano missam celebranti.

Unde fortasse contigit quod cuidam suo presbytero venerabilis Alfano Salernitanus archiepiscopus nuper evenisse perhibuit: qui nimirum presbyter ad cumulandos pecuniæ questus non mediocriter a viduis et senorum captabit usuras, et de cætero carnali conversatione vivebat. Hic aliquando dum missarum celebraret officium, inter ipsam Dominici corporis fractionem, tres repente favillæ ignis ex ipso cœlesti sacramento prodeuntibus emicuerunt, et in pectus sacrificantis terribiliter inmeperunt: quod nimirum quid esse potuerit subtiliter inquirentis prudentia iudicabit.

Illud etiam silentio prætereundum esse non arbitror, quod idem Salernitanæ rector Ecclesiæ, et religiosissimus, ac veracissimus Casinensis monasterii abbas Desiderius, uno mihi, ut ita loquar, ore dixerunt; quoniam episcopus, cujus me ad præsens vocabulum fugit, dum in quodam castro consecraturus esset Ecclesiam, ab eo qui Beneventanæ tunc erat electus Ecclesiæ, beati Barbatii confessoris reliquias petiit. Qui nimirum fraternis acquiescens votis, sacras mundissimæ bustiæ reliquias intulit, sigillum competenter expressit, et statuto die per fidelem quemdam monachum arcana petenti dona transmisit. Sed mox ut soluto sigillo capsidile recluditur, inane prorsus et vacuum reperitur. Miratur gerulus deesse reliquias, quas credebat inclusas; dolet episcopus a spei suæ se suspensione frustrari; verumtamen, ingruente proposito, dedicatur ecclesia. Redit nuntius, vacuum, ut credebatur, capsidile reportans. Sed ecce, dum graditur, sentit quod intra bastiam aliquid agitur: mox aperit vasculum, **679** totum venerabilium reliquiarum, sicut allaturus acceperat, inesse reperit sacramentum; **B** post paululum vero et præfata ecclesia est omnino destructa, et totum nihilominus castrum in quo fuerat constituta: quod sane an ex merito sacerdotis evenierit, an quolibet alio divino iudicio, nobis ad liquidum patere non potuit.

CAPUT VII.

Votum solvere contemnens infelicitate perit.

Illud etiam nunc ad memoriam reddit, quod præfatus Salernitanus archiepiscopus cuidam ex suis civibus evenisse perhibuit. In maris denique tempestate deprehensus, futurum se monachum affectuosa sponsione devovit: sed naufragio erutus, votum solvere vitæ hujus amore contempsit. Expleto vero anno, ipso die quo votum Domino suæ conser-

vationis obtulerat, Kalendis scilicet Januarii, dum A hinc inde discurreret, cum ludentibus et cachinantibus pueris choros duceret, et frivola quædam ac scurrilia verba noaret [f. boaret], subito lapis de tectio super eum cecidit, et obrivit. Sic infelix ille, qui mundum deserere contempsit ultroneus, amisit invitus; et fallacem carnis dulcedinem perdidit, qui amando carnem mentitus est veritati.

Huic itaque contigit quod scriptum est: « Ante ruinam exaltatur cor (*Prov. xvi*). » Et illud Apostoli: « Horribile est incidere in manus Dei viventis (*Hebr. x*). » Quod si ira Dei viventis cunctis peccantibus est timenda, illi certe est obnoxius ac terribilissimus formidanda, qui laborat impatientiæ vitio. Qui dum in pectore suo stomachantis animi turbinem versat, motum divini furoris in se per suam iracundiam provocat. Quid enim justius quam ut ira mereatur iram? vindicta pariat alterutram talione vindictam? Unde vir sapiens ait: « Qui vindicari vult, a Deo inveniet vindictam, et peccata illius servans reservabit (*Eccli. xxiii*). » Quo contra salubriter admonet, dicens: « Relinque proximo tuo nocenti te, ut tunc deprecanti tibi peccata solvantur (*Ibid.*): » ubi mox quasi argumentando subjungit: « Homo homini servat iram, et a Deo querit medelam? In hominem similem sibi non habet misericordiam, et de peccatis suis deprecatur? » (*Ibid.*) Adhuc etiam velut indignando subinfert: « Ipse dum caro sit, reservat iram, et propitiationem petit a Deo? » (*Ibid.*) Et tanquam pro iracundia fusa oratio exaudiri non valeat, donec in iracundia perseverat, convenienter adjecit: « Quis exorabit pro delictis illius? » (*Ibid.*)

Et quia cum ante oculos nostros mors celerius ventura reducit, protinus iracundiæ tumor necesse est reprimatur, apte subnectit: « Memento novissimorum, et desine inimicari; memorare timorem Domini, et non irascaris proximo (*Ibid.*). » Reprimatur igitur iracundiæ furor in corde, ut nunquam prorumpere possit in vocem. Sicut et in Ecclesiaste dicitur: « Aufer iram de corde tuo, et amove malitiam a carne tua (*Eccli. xi*). » Iræ quippe tanquam rapaci atque præcipiti cuidam fluvio, Dominus trium obstaculorum sufflumen opposuit. In quibus utique furoris impetum disciplinæ loro cohibendum esse mandavit. 680 Primum scilicet in corde, secundum in gutture, postremam oppositionis metam præfixit in voce: « Omnis, inquit, qui irascitur fratri suo, reus erit iulicio; » hic opposuit obicem cordis: « Qui autem dixerit racha, reus erit concilio; » ecce obstaculum gutturis: « Qui autem fatue, reus erit gehennæ ignis (*Math. v*); » ecce obstaculum vocis. Hæ sunt igitur oppositiones, et quasi quædam crates, et rudera celestis imperii, quibus iracundiæ ac furoris impetus premitur; et ne quasi rapax fluvius obviantia quæque subvertat, sub disciplinæ rationalis iudicio cohibetur. Sit ergo mens nostra non quasi vitrum, quod ad primum percussio- nis ictum impatiens fragitur, sed pretiosi potius

vena metalli, quæ sub mallej confusione purgatur. Esset plane vitrum cunctis metallorum fulgoribus longe præstantius, si primis ictibus præsto non cederet, si nativi soliditate roboris percussio- nis injuriam toleraret. Sed quia citius frangitur, inter cæteras metallorum species suppar et contemptibilis judicatur. Vitrum scilicet ex arena fit per humanæ artis industriam, ideoque compellitur ingeni- tatis servare naturam.

CAPUT VIII.

Vitri condendi egregius artifex quod a Tiberio imp. premium reportaverit.

Verumtamen tradit historia, quia faber quidam sub Tiberio Cæsare tale quoddam excogitaverit temperamentum, quo vitrum ductile fieret atque flexibile, et juxta naturam cujusque metalli, ad ferientis ictum infractum ac solidum permaneret. Qui dum aule regie foribus fuisset admissus, porrexit imperatori phialam, hoc, quod excogitaverat, artificio temperatam. Quam rex indignatus subito projecit in pavementum: quæ nimirum phiala nullatenus est confracta, sed ad similitudinem vasis ænei vel argentei reperta est ex quodam latere complicata. Faber autem protinus phialam de pavimento levavit, vasculum de sinu protulit, et vas non scissura col- lissum, sed oblique retortum, metalli more correat. Hoc facto Cæsar admiratus, dixit artifice: Estne quisquam alius præter te, qui hanc vitrorum sciât efficere condituram? Jurat faber neminem esse super terram præter se solum, qui hujus artis comprehendat ingenium. Quo Cæsar audito, præcepit eum protinus decollari; nimirum reputans, quia si hujus artis exquisita subtilitas in communem hominum notitiam deveniret, aurum conspiceretur ut lutum, omniumque vilesceret species metallorum: et revera si tam fragilis vitro natura deesset, videlicet ut ductilis effecta, ictus ferientis admitteret, cujus unquam metalli fulgor perspicaciam vitreæ claritatis æquaret? Ut igitur ad propositum revertamur, sicut vitrum fragilis natura depretiat et soliditatis robur cætera metalla commendat; ita per iracundiam tota virtutum structura collabatur, et per imperialis patientiæ majestatem nitentium gemmarum splendore coruscum Deo in nobis habitaculum fabricatur. Sicut enim illa virtutes eradicat, sic ista congerminat.

D

681 CAPUT IX.

Beatus Petrus Damianus ad iracundiam pronus quomodo moderetur.

Porro autem et me, qui hæc utcumque conscribo, naturalis iracundiæ conspersio stimulat, ac sæpe levissima qualibet offensus concussa mee quietis ar- cana perturbat; ut in me plerumque, quod vix est acu vel spina leviter punctum, phalarico telo mihi videatur esse perfoßum. Levem virgam iudico tan- ream, tolerans colaphum suspiro plumbatam. Sed hec intrinsicus, quantum vero ad opus, dicat ira quod vult, frendeat, frenat, dentibus strideat: in omnibus his quæ mihi interius suggerit, in quantum negare potuero, meum extrinsecus adiutorium non

habebit: licet inflata turgcat, sufflet, furiat, sæviat, A non omnino delere: possum lenire, non prorsus extingui. Faciat in me unusquisque quod vult, mihi necesse est intra memetipsum patientiam querere, nec debeat fructum ex alienæ virtutis mercede sperare. Nam ubi desunt bella quæ provocent, non offertur victoria quæ coronetur. Incassum clypei tegmen opponitur, ubi facili vel mucronis acies non vibratur. Si flamma jocularis emoritur, metalli puritas non probatur; ita me non aliena mansuetudo faciet patientem, sed intra me debent erigi propugnacula turrium, quæ procul abijciant ac propellant ingruentium turbines jaeulorum.

Dum ego itaque sævienti iræ penitus hæc auxilia denego, necesse est ut mox velut sine pabulo flamma flaccet, aut prorsus intreat, aut tanquam ventus inoffenso aere inaniter transeat, dum obstaculum deest in quod præcipitanter impingat. In semetipsam scilicet infracta reliditur, dum materia fomitis, in qua se valeat exercere, frustratur. Hoc enim respondet iræ, quod titillanti luxurie. Aliquando me libido succendit, inflammat, viscera concutit, genitalia subrigit; sed in his omnibus faciat ipsa suis viribus contenta, quod potest; nam meæ cooperationis auxilium habere non potest. Clamat iracundie furor, audio; astuat libidinis ardor, sentio; sed nec illis clamoribus auxilii manum porrigo, nec istis furentibus flammis pabuli fomitibus subministro; illis opem ulciscendo non fero, illis per effectum libidinis non insufflo. Hoc itaque modo necesse est ut iræ furor inaniter evolet ac deficiat, et ardor libidinis sese, dum materiæ fomes non ministratur, extinguat. Naturam quippe possum ex ratione compescere,

non omnino delere: possum lenire, non prorsus extingui. Faciat in me unusquisque quod vult, mihi necesse est intra memetipsum patientiam querere, nec debeat fructum ex alienæ virtutis mercede sperare. Nam ubi desunt bella quæ provocent, non offertur victoria quæ coronetur. Incassum clypei tegmen opponitur, ubi facili vel mucronis acies non vibratur. Si flamma jocularis emoritur, metalli puritas non probatur; ita me non aliena mansuetudo faciet patientem, sed intra me debent erigi propugnacula turrium, quæ procul abijciant ac propellant ingruentium turbines jaeulorum.

Hæc tibi, venerabilis Pater, imperite dictavi, non ut te doceam, qui es, auctore Deo, doctor Ecclesiæ; sed ut turbulentis mihi quæ similibus possem sub allocationis tuæ occasione prodesse. Nec tamen vereor ne sancta prudentia tua moleste ferat, si quid sibi junior quisque suggerere cum humilitate præsumat, cum non ignoret hominibus prophetica Dominum voce divisisse: « Venite et arguite me (Isai. 1). » Et Moysen Domini Symmystem ex Jethro, gentilis videlicet hominis, ore patienter audivisse: « Stulto labore consumeris (Exod. xviii). »

Omnipotens Deus, qui te, venerande vir, nobis incolumem reddidit, et vitiorum omnium te faciat evitare squalorem, et tanquam ex cocto per ignem vasculo suo spiritualium virtutum ingerat claritatem.

Sit nomen Domini benedictum.

683 684 OPUSCULUM QUADRAGESIMUM PRIMUM.

DE TEMPORE CELEBRANDI NUPTIAS.

ARGUMENTUM. — Totus est in confutandis quibusdam qui asserere non erubescant nuptias tempore quadragesimalis jejunii contractas, dummodo copula non intercedat, validas esse, et ideo non debere dissolvi. Ostendit igitur nuptias consensu, non concubitu, contrahi.

Dominus V. et P., religiosis Faventinæ Ecclesiæ clericis, PETRUS peccator monachus fraternæ charitatis obsequium.

CAPUT PRIMUM.

Tempus celebrandi nuptias ex sacris canonibus.

Conquesta est mihi vestra fraternitas, quod quidam ecclesiasticæ disciplinæ ordinem confundentes, et juxta prophetam, Deum ponentes post corpus suum (Ezech. xxiii), quadragesimali jejunio matrimonium contrahunt; sed ut canonum sententiam subterfugiant, uxore ducta et celebratis nuptiis, solum coagubium defuisse contendunt. Accedit adhuc vestræ querelæ, quod gravius est, quia nonnulli, qui specietenus spirituales videntur, et Scripturarum sibi scientiam vindicant, illos excusare nituntur. Nam cum canonum decernat auctoritas ut quicunque a Septuagesima usque ad octavas Paschæ, tribusque hebdomadibus ante festivitatem sancti Joannis, ab Adventu quoque Domini usque post Epiphaniam, nuptias celebraverint, separentur; illi in solo nuptiali concubitu nuptialia jura constituunt, eosque

perhibent dividi non debere, qui dilato duntaxat carnali commercio, prædictis temporibus foederantur. C Quod nimirum quam absurdum, quamque sit frivolum, quisquis utcumque sacri eloquii limen terit, facile deprehendit. Si enim jure in concubitu constare nuptiæ perhibentur, quid est quod sacri canones prohibent ut absque publicis nuptiis nunquam matrimonium copuletur? Nunquid hoc volunt, ut vir uxori publice misceatur? Cumque hoc adeo sit inhonestum et pudore plenissimum, ut in totius humani generis tam prolixis ætatibus nemo unquam præter duos homines id attentasse legatur, Paridem videlicet, et quemdam philosophum; quomodo fieri canonica censura præcipit quod effraenata quoque luxuria gentilis populi turpissimum judicavit? Porro si nuptiarum celebritas in solo carnali commercio constituitur, quid est quod secundas contrahere nuptias viduata quoque persona permittitur; a tertiis vero vel quartis auctoritate canonica prohibetur? D Nunquid postquam vir uxori secunda vice conjungitur, jam redire ad torum suum ulterius, quod omni-

no ridiculum est, denegatur? Enim vero si concubitus nuptiæ sunt; quoties vir mulieri admiscetur, toties procul dubio nuptias celebrare vincitur.

Quapropter si carnale negotium quis centies iteraverit, non modo multiatque, contra canonicam regulam, sed et centinubi crimen incurrit. Quod qui præsumit astruere, sine dubio creditur insanire. Concubitus quippe, qui tamen jure permittitur, non nuptiæ, sed res est potius nuptiarum. « Non enim, » juxta Leonis papæ sententiam, « omnis mulier viro juncta uxor est viri; quia nec omnis filius hæres est patris. » Et paulo post: « Non dubium est, inquit, eam mulierem non pertinere ad matrimonium, in qua docetur nuptiale non fuisse mysterium. » In cujus itaque verbis liquido perpendere possumus, quia aliud nuptiale mysterium, aliud carnale est sacrilegium. Quod enim canonicè fit, sacramentum est; quod autem contra canones usurpatur est, sacrilegium est. Ex ratione quippe temporis agitur ut una eademque res sive salubris, sive noxia judicetur. Quisquis enim inhorrescente hieme vites putat, vineam dissipat. Qui æstate seminat, frumenta profligat. Tunc denique suscipiendis seminibus apta tellus efficitur, si congruo tempore sarriatur. Qui sub nivali turbine cæmentarios conducit, ruinam construit. Qui succosa verni temporis ligna succidit, ut domatium parietes erigat, ut laquearium **635** tabulata compingat, supervacui se laboris vexatione fatigat. Et ut ad sacramenta veniamus, qui præter statuta tempora clericos ordinat, non eos utique provehit, sed offensivissimum obstaculum, nec de cætero provehantur, opponit. Qui passim, nec certo tempore chrismatis vel baptismi sacramenta celebrat, non tam opifex sacramenti quam reus dicitur sacrilegii.

CAPUT II.

Contra pervertentes tempora.

Cum ergo ipsa ecclesiastica sacramenta suorum temporum vicissitudines quærunt, vigoremque suum ex deputati temporis congruitate concipiunt, quo pacto sola matrimonia vires habere poterunt, si temporum statuta confundunt? Ut enim Salomon ait: « Omnia tempora habent et suis spatiis transeunt universa sub cælo (Eccl. iii). » Et paulo post: « Tempus flendi et tempus ridendi, tempus plangendi et tempus saltandi, tempus amplexandi et tempus longe fieri ab amplexibus (Ibid.). » Qui ergo flendi tempore saltant, et ridet: qui tunc amplexantur, quando longe fieri ab amplexibus debent, sicut apud eos temporis ordo pervertitur, sic eis jure voluptas in amaritudinem, gaudium in mœrorem, in confusionem gloria, in prostibulum thalamus permuat. Cum enim legibus cautum sit, ut tempore messium vel vindemiarum nequaquam causarum litigia ventilentur, ne forensia negotia dirimantur, et temporum ratio fert, ut quidquid tunc in tribunalibus judicium definitur, irritum censeatur; quomodo quadragesimale tempus nuptias non evacuat, quas canonum auctoritas damnat? Nunquid minorē

vim canones sacri continent, quam pragmaticæ sanctiones? Dicitur nuptiarum summam esse concubitum, qui nimirum si desit, nuptiale dici non posse mysterium.

Ergo et beata virgo Maria viro, secundum eos, carnaliter nupsit, quæ juxta Evangelii fidem sponso suo Joseph nuptiali fœderatione convenit: « Ante, inquit, quam convenirent, inventa est in utero habens de Spiritu sancto (Matth. i). » Sed quia nuptiarum vocabulum patenter evangelista non exprimit, ideoque nuptias celebrasse B. Virgo mihi perhibenti fortasse non creditur. Expositorum aliquis, prout occurrit, in testimonium deducatur. Ait nempe Beda in expositione Matthæi: « Notandum, inquit, in primis in eo quod ait: Antequam convenirent; verba conveniendi non ipsum concubitum, sed nuptiarum, quæ præcedere solent, tempus insinuant, quando ea quæ prius sponsa fuerat, conjux esse incipit. Ergo antequam convenirent, dicit: Antequam nuptiarum solemnia rite celebrarent, inventa est in utero habens de Spiritu sancto. Siquidem memorato ordine postea convenerunt, quando Joseph ad præceptum angeli accepit conjugem suam. » Ambrosius quoque: « Non te, inquit, moveat, quod frequenter Scriptura conjugem dicit: non virginittatis ereptio, sed conjugii testificatio, nuptiarum celebratio declaratur. »

Cum ergo luce clarius constat, quia beata Dei Genitrix virgo non nupsit; et tamen juxta **636** Scripturæ sententiam, absque dubio nuptias celebravit; quomodo dicitur, ubi concubitus definit, nuptias dici non posse? Nos autem e diverso libere profitemur, et concubitum posse sine nuptiis fieri, et sine concubitu recte nuptias appellari. Sunt enim aliquando nuptiæ cælibes, sunt quæ digne dicantur nuptiæ virginales. In quibus videlicet sic uxor viro dotali fœdere jungitur, ut prelato ecclesiæ thalami desiderio, carnali nullatenus misceatur (*vide scholia ad calcem opusculi*). Ex quarum scilicet genere nuptiarum B. Joannes evangelista substractus a Domino traditur, qui nimirum cum virgo permanserit, nihilominus tamen nuptiæ vocatæ sunt, quas contempsit. Ad quod etiam nuptiarum genus, beatus Apostolus auditores suos videtur invitare, cum ait: « De quibus scripsistis mihi, bonum est homini mulierem non tangere; propter fornicationem autem unusquisque suam uxorem habeat, et unaquæque mulier suum virum habeat (I Cor. vii). » Cum mulierem non tangere bonum esse primo perhibeat; deinde propter fornicationem uxorem habere unumquemque decernat, ad cælibes procul dubio nuptias diseret doctor invitat, ut si laqueum fornicationis duntaxat evadere possumus, carnale commercium in nuptiis non quæramus. Nuptiarum plane societas ab initio propter gignendam sobolem et propagandam posteritatem non ambigitur instituta.

CAPUT III.

Nuptiæ ad quid institutæ.

Quantum ergo ad antiquitatem sæculi, intentio

nuptiarum est procreatio filiorum. Attamen sicut solo vomere terra proscinditur, sed, ut hoc fieri possit, cætera necessaria membra aratris alexuntur; soli nervi in citharis atque hujusmodi musicis vasis aptantur ad cantum, sed ut aptari possint, insunt et cætera in compagibus organorum, quæ a canentibus non percutiuntur; ita et huic intentioni, propagandæ videlicet sobolis, adduntur et alia, cum propter conjugalis matrimonii sacramentum, tum propter speciem honestatis, conventus videlicet pronuberum, convivii celeberrimus apparatus, dona sponsalia, tabularum detailum instrumenta, et si qua sunt alia. Quæ videlicet omnia simul juncta nuptiæ vocantur. Et hæc antiquitas, ut prædictum est, ad propagandam tantummodo sobolem; nunc autem adpropascente jam mundo et illius coruscante doctrina, qui de virgine virgo est, ad evitandam spectat procul dubio fornicationem. Tunc enim, salvo altiori mysterio, dicebatur: « Maledictus vir qui non habuerit semen in Israel! » Nunc autem dicitur: « Viri, diligite uxores vestras sicut Christus Ecclesiam (Ephes. v). » Et Apostolus: « Tempus est, inquit, ut qui habent uxores, tanquam non habentes sint. » Et iterum: « Volo vos omnes esse, sicut ego (Cor. vii). » Enim vero qui, sicut superius diximus, uxorem ducendam prædicat, et non tangendam, non exculpere prolem, sed fornicationis videtur oppitare voraginem; nec tumescentem uterum, infantiumque balatum, sed immaculatum cubile, et conjugalis continentiæ desiderat calibatam. Qui nimirum cum **687** dicit: « Si se non continent, nubant (I Cor. vii); » et alibi: « Revertimini in idipsum, nec tentet vos Satanas propter incontinentiam vestram (Ibid.); » patenter ostendit quia mutux inter conjuges castitatis est avidus; admisionem vero carnis permittit invitus.

Constat ergo per hæc, quæ superius comprehensa sunt, quia quisquis sine concubitu fieri posse nuptias denegat, adversus Apostolum, per quem Christus loquitur, contumaciter pugnat. Qui et omnes homines vult sicut semetipsum continenter vivere; et tamen admonet unumquemque suam uxorem, ne in fornicationem labatur, habere. Erubescant ergo stulte sapientes, et sapiendo vecordes, qui pervicaciter asserunt virum a femina dividi non debere, quam non invicem concubitu quadragesimali tempore duxit uxorem. Qui videlicet ad tantam quandoque prorupere vesaniam, ut eam quoque, quæ ipso sancto die Parasceve, quo Dominus crucifixus est, a viro furata cognoscitur, abnegent refingendam; et dum impudenter astruunt quasi legale connubium, sacrilegum roborant versutis allegationibus pellicatum. Quippe cum Dominus pateretur crucis affixionem; ille versabat in mente sordis [sordidam] luxurie voluptatem. Et cum Redemptori suo totis orbis, ut re vera capiti membra, commoveretur; ille subantibus libidinis turpitudinem meditatur. Quid ætate mea hoc Dominicæ crucis die contigerit, succincte perstringam. Apud Ravennam sane urbem

A multa animalia in macello sunt a libripendibus caesa, quæ communi senatus consulto, et præcipue Martini venerabilis eremitæ decreto, omnia canibus sunt projecta. Quid igitur facerent zelum Dei habentes, si novam nuptiam transire in sponsalium cererent, si amicorum turbas, relicta crucis adoratione, nuptiales choras ducere comperissent?

CAPUT IV.

Pœna celebrantium nuptias quadragesimali tempore.

Sed dicite mihi, o novæ assertionis auctores, si casu obreperit homini, ut intra quadragesimalis observantiæ cursum uxor se carnaliter jungat, salvo conjugio, penitentiam illis impositis; an eos ab invicem solutis tabulis interveniente divortio separatis? Sed ecce, canonica decernit auctoritas, B ut quisquis eo tempore cum conjugæ labitur, quadraginta duntaxat dierum penitentia reformetur. Quo igitur pacto in solo concubitu consistere nuptias dicitis, et utrumque idem esse contra totius sacri eloquii sententiam judicatis? cum videlicet censura canonica nuptias illicitis temporibus institutas remoto omni scrupulo dividat; concubitum vero sola parvæ penitudinis animadversione percellat? Dicite, inquam, mihi, cum pace vestra loquor, si in solo concubitu nuptiæ constare dicentibus sunt, cur nuptiæ contra legum mandata contractæ, usque ad divortium condemnantur; concubitus vero levis tantummodo penitentiae mensura præfigitur? Si enim utraque unum sunt, sicut non diversa sunt in peccato, ita nec dispari debent subiacere iudicio, **688** et quorum est eadem causa, una utriusque debet esse censura.

Porro autem, quid est hoc etiam quod canonica sanctione præcipitur, ut virgines, quæ se non custodiunt, si eosdem qui eas violaverint maritos acceperint, eo quod solas violaverint nuptias, post unius anni penitentiam reconcilientur? Si enim nihil aliud sunt nuptiæ quam concubitus, cur dicuntur nuptias violasse virgines prostitute, quæ profecto concubitum non violaverunt, sed potius impleverunt? Enim vero si solo concubitu nuptialia jura complentur, jam non damnantur fœda prostibula, imo meritoria coronentur, et olidi fornices ædes sint nuptiales. Huccine tandem philosophorum nostrorum argumentatione perventum est, ut ejusdem sententiæ et nuptiales tabulae, et obscenarum pellicum voluptates? Idem lupanaris videatur esse volutabrum, quod cubile immaculatum?

D Et, ut cum stomacho loquar, tantumdem furtivus videatur valere concubitus, quantum publica ac per hoc honesta celebritas nuptiarum? Confundatur ergo versuta calliditas, nec quæ veritas segregat, multiplicitate verborum jungere se posse confidat. Reprimatur etiam plectenda presumptio, ne quod temerariis ausibus nunc latenter inchoat, per conveniendi vitium passim postmodum inoleascit. Dirimantur infausta conjugia, et in sui vigoris statu ecclesiastica permaneat disciplina. Rescindatur quod contra legum scita contractum est, ne cancer, qui

nunc oritur, male serpendo pullulet, et ab uno se per ecclesiastici corporis membra dilatat. Sic itaque nunc temeraria presumptioni sacerdotalis auctoritas obviat, ut Christiana religio non, quod absit, vento doctrinæ circumferatur et fluctuet (*Ephes. iv.*), sed in apostolicæ traditionis regula immobiliter perseveret.

SCHOLIA.

Ex quarum scilicet genere nuptiarum beatus Joannes evangelista subtractus a Domino traditur. Fucrum itaque non modo hic noster sanctus cardinalis, sed et alii qui asseverarent, sponsum nuptiarum quæ factæ sunt in Cana Galilæe Joannem hunc ipsum evangelistam fuisse, et a Christo ad sui sequelam vocatum, sponsæ nuntium remisisse. Quam rei quoque existimationem ex antiquis historicis acceptam, duo in primis Bedæ Benedictinæ item religionis decora sanctitate ac doctrina celeberrimi (Bedæ nempe venerabilis, et Rupertus abbas), aperte satis confirmant. Et quidem Bedæ testimonium nongenitos ante annos litteris consignatum de Joanne hoc est (*Bedæ, homil. de S. Joan.*): « Sed hunc præ omnibus diligit, quia virgo electus ab ipso, virgo in ævum permansit. Tradunt namque historia, quod eum de nuptiis volentem nubere vocaverit; et propterea, quem a carnali voluptate retraxerat, potiore sui amoris dulcedine donavit. » Ruperti vero, qui Damiani tempora attingit, verba sunt (*Rupert. in Joan. lib. II, in fin.*): « Joannem evangelistam relictis nuptiis (ipsius enim istas fuisse nuptias, opinio fere omnium est, ipsum Dominum sequi cepisse arbitramur. Tradunt namque historie quod eum de nuptiis volentem nubere vocaverit).

689 Eadem quoque veritas duobus vetustissimis prologis Evangelio secundum Joannem præfixis, quorum alter tribuitur Hieronymo, et alter Augustino, comprobatur. Illius textus est series: « Joannem de nuptiis volentem nubere vocavit Dominus. » Hujus porro prologi auctorem fuisse Hieronymum, sanctum Thomam inter alios asseruisse, Sebastianus Barradius animadvertit (*BARRAD. in Evang. tom. II, lib. III, cap. 1.*). « Hanc opinionem, ait Barradius, sequitur divus Thomas (2-2, quæst. 186, art. 4), et dum exponit prologum illum divo Hieronymo ascriptum, eamque putat esse D. Hieronymi sententiam. » Alterius vero prologi attestatio talis est: « Iste siquidem est Joannes, quem Dominus de fluctivaga nuptiarum tempestate vocavit, et cui matrem virginem virginem commendavit. » Hunc etiam prologum Augustino ascribi debere, Baronius (ut alios nunc missos faciam) ultro fatetur (*Annal. tom. I, ad an. Chr. 51*). Ait enim: « Augustinus in præfatione in Joannem evangelistam hæc habet: Iste siquidem est Joannes. » Et ætera modo relata: quæ cum viderit ille, nihilominus hanc de Joannis nuptiis sententiam omnino explodendam esse contendit, vocatque commentitiam, nuper excogitatam atque ridiculam; Augustini autem testimonium interpretatus, sic Augustinum ait dixisse vocatum a nuptiis, non quod cum uxorem duxisset, eam reliquerit, sed quod eam prorsus non acceperit, prout idem Augustinus in fine ejusdem operis testatur, cum his utitur verbis (*in Joan. tract. ult. prope finem*): « Plus amatum, quod neque uxorem duxerit, et ab inenitæ retate castissimus fuerit. »

Ita Baronius ex Augustino. Verum tanti viri pæce affirmare non dubitaverim, hæc Augustini verba magis favere sanctissimis Patribus Bedæ, Damiano, Ruperto, Thomæ, Bonaventuræ, cæterisque quam sibi; atque dum Augustinus, vel etiam alii iniquunt, Joannem evangelistam non duxisse uxorem; tantum est, ac si cum uxore eum non vixisse, vel non cohabitasse. Præterea Damiani opinionem ve-

ritati esse conformem, et alii multi docent scriptores et sanctitate et litteris præclarissimi, angelicus doctor (S. Thom. 2-2, q. 186, art. 4, ad 1): « Ne alicui spes perveniendi ad perfectionem tolleretur, assumpsit ad perfectionis statum etiam illos quos invenit matrimonio junctos. Non autem poterat absque injuria fieri, quod viri uxores desererent: sicut absque injuria fiebat, quod omnes divitias derelinquerent. Et ideo Petrum, quem invenit matrimonio junctum, non separavit ab uxore, Joannem tamen volentem nubere a nuptiis revocavit. » Seraphicus doctor (S. Bonav. in *vita Christ.* c. 20, p. II opusc.): « Quamvis dubium sit, cujus fuerint nuptiæ in Cana Galilæe, sicut magister in historia scholastica tangit, nos tamen meditemur fuisse Joannis evangelistæ, quod habetur in prologo super Joanne, ubi Hieronymus affirmare hoc videtur. » Sanctus Antoninus Florentiæ archiepiscopus (*Chron.* p. I, c. 3, tit. 5, § 6, et p. III *Summ.*, tit. 1, c. 2 in princ.): « Celebratis autem nuptiis in Cana Galilæe, quæ communiter dicuntur fuisse Joannis evangelistæ, etc., quibuscum etiam interjectis: « Joanne autem non consummato matrimonio virgo secutus est Christum. » Hisce tante auctoritatis viris addas Nicolaum Lyranum (*in c. II Joan.*) de sacris litteris optime meritum, qui trecentos ante annos non tantum prologum illum in Joannem fuisse Hieronymi exponendo 690 confirmavit, verum etiam superiorum Patrum sententiæ sic astipulatus est: « Dicitur etiam communiter, quod istæ nuptiæ fuerint Joannis evangelistæ, a quibus cum Christus vocavit ante consummationem matrimonii per copulam carnis. Ex hoc in Ecclesia observatur quod ante carnalem copulam potest licite alter conjugum intrare religionem; hoc autem videtur per dictum Hieronymi in prologo, ubi dicitur quod Christus vocavit eum de nuptiis nubere volentem. Ex quo videtur quod nuptiæ fuerint suæ, quia Christus non legitur in aliis nuptiis fuisse. Hoc etiam videtur per hoc quod mater Jesu erat ibi tanquam in nuptiis nepotis sui. Non enim est verisimile quod ipsa venisset, nisi multum attinisset sibi, sicut

ivit ad Elisabeth cognatam suam, festinanter tamen, ut habetur (*Luc. I*); quia secundum quod dicit Ambrosius, non libenter stabat in publico, sed magis in orationis secreto. » Eidem sententiæ subscribunt et alii permulti gravissima auctoritatis et doctrinæ viri, Thomas de Vio, card. Cajetanus in cap. II Joannis, Dominicus Soto 4 sent., dist. 17, quæst. 1, art. 4, qui non alia quam SS. Hieronymi et Augustini auctoritate fretus, ex hoc Christi facto concludit posse alterum conjugum, rato et non consummato matrimonio, etiam altero invito religionem ingredi. Dionysius carthusianus, cujus sunt verba (*in c. II Joan.*): « Hieronymus enim sentit, quod sponsus fuit Joannes evangelista, filius sororis beatissimæ Virginis. » Joannes Major qui sic habet (*in c. II Joan.*): « Joannes Zebedei hæc nuptias contraxisse putatur, ita Hieronymus et Augustinus existimant, a quorum sententiis nisi patenti ratione vallatum contraire pudet. » Sylvester Prierius, qui sic ait (*in Evang. Domin. I post Oct. Epiph.*): « Sciendum est quod tenetur communiter, quod istæ nuptiæ fuerint Joannis evangelistæ; » quod videtur sonare dictum Hieronymi in prologo. Robertus Carazolus, episcopus Aquinas, De sancto- rum laudibus serm. 53, Hugo de Prato serm. 18, Dom. I post octavam Epiphaniæ; Michael de Palatio, enarrat. I, in cap. 2; Jo. Thomas Turgillus tom. I, in idem Evangelium; Joannes Osorius tom. I Concion. in cap. II Joan., et (ut alios prætermittam) Philippus Diez tom. III conc. Domini. 2 post Epiphaniæ, in hisce etiam recentioribus nostris temporibus scribens: « Communiter (ait de hujusmodi nuptiis) habentur fuisse sancti Joannis evangelistæ, ex quibus eum sanctissimus Salvator mundi vocavit. » Itaque cum hæc de Joannis nuptiis existi-

matio tantæ auctoritatis innititur testificationibus, talesque habeat patronos, quos credibile est non fatili traditione persuasos; et quod ex vetustis historiis desumptum Beda et Rupertus affirmant, quod illis receptis et antiquis prologis confirmetur, quod a sexcentis annis ad hæc nostra tempora communis habita fuerit, revera cur tam facili negotio emmentitia, nuper excogitata atque ridicula credatur, non video. Quod autem Nicephorus testatur (*Hist. l. viii, c. 30*) harum nuptiarum sponsum fuisse Simonem Cananæum, cum ejus opinio infirma habeat fundamenta, nec antiquos sectatores, præter illum, merito a doctis quibusque scriptoribus exploditur. Et eo maxime, quod cum recenscat ejusmodi nuptias, non tamen ab 691 iis esse abstractum affirmat, « Helena, ait ille, Constantini imperatoris mater, in Cana Galilææ (ubi Simonis Cananæi nuptiæ celebratæ sunt) sacram ædem ædificavit. »

A Unde Alexandri III sententia (*cap. Verum. De convers. conjugat.*), qua ex nuptiis vocatus assertit sponsus, de Joanne, quem a Christo vocatum fuisse scriptores testantur, potius intelligenda videtur. « Verum, ait ille, post consensum legitimum de præsentī, licitum est alteri, altero etiam repugante, eligere monasterium » 692 (sicut sancti quidam de nuptiis vocati fuerunt), « dummodo carnalis commissio non intervenerit inter eos. » Cardinalis quoque Baronius postquam dixisset (*Annal. ad an. Chr. 51*): « Qua in re potius Nicephoro assentiendum esset affirmanti fuisse ejusmodi nuptias Simonis Cananæi; » statim subjecit: « Cæterum et Nathanael erat e Cana, Galilææ oppido, » ut tradit Hieronymus (*De locis Hebr.*) « posito in Galilææ gentium. »

Sit nomen Domini benedictum.

693-694 OPUSCULUM QUADRAGESIMUM SECUNDUM.

DE FIDE DEO OBSTRACTA NON FALLENDÆ; ADDITA ALIA EJUSDEM ARGUMENTI DISSERTATIONE.

ARGUMENTUM. — Dum Mediolani sanctus doctor ad corrigenda clericorum illius Ecclesiæ vitia ab apostolica sede legatus versaretur, aderat ei præcipuus adjutor Landolphus quidam, vir et generis nobilitate, et litterarum cognitione non vulgaris; quique ad eam rem ex sententia perficiendam non mediocre studium, auctoritatemque afferebat. Is concitata ab iisdem clericis populari seditione, cum uterque ad exitum furentibus plebis animis deponeretur, vovit se ubi primum ex tam atroci tempestate evasisset, rebus humanis valere jussis, ad religionis portum convolaturum. Quod tamen dexteritate et Damiani facundia, sedata populi seditione, voti compos effectus, præstare negligebat. Scribit igitur ad eum, et enumeratis multorum exemplis, qui graves Deo non servatæ fidei pœnas persolverant, hortatur, ut fidem non homini, sed Deo obstrictam fallere reformidet.

LANDOLPHO clerico et senatorii generis, et peritiæ litteralis nitore conspicuo, PETRUS peccator monachus salutem.

Præstolatus sum, et eertum tenni, ut juxta conditum, sacri ordinis arripere institutum. Sed quia te rex Ægypti luti et lateris servitio non oppressit (*Exod. i, v*): quia a procinctu suæ militiæ satrapis insistentibus non abiecit, sed potius cum Levita illo de latere montis Ephraim blandiens socer Bethlehemitæ retinuit, filiæque suæ amore devinctum, multis sermonum atque refectionum suavitatibus delinivit (*Judic. xvii et xix*); quod non homini, sed Deo spoponderas, humana non persolvisti temeritate.

CAPUT PRIMUM.

Quod nulla excusatione licet non implere votum.

Obsecro, mi frater, quid prudentia tua valet excusationis obtinere? quid argumentatur, ut ei liceat quod, Christo iudice et angelis testibus, promiserat, non implere? cum Dominus per Moysen dicat: « Si quis virorum voverit Domino, aut se constrinxerit juramento, non faciet irritum verbum; sed omne quod promisit, implebit (*Num. xxx*). » An forte hoc purgat mendacium, idoneumque videtur in defensione perflugium, quod Mediolanensis civitas tunc in seditionem versa, repentinum utique nostrum minabatur interitum? Et quod necessitas intulit, si voluntatis desit arbitrium, non manebit? Sed canonica decernit auctoritas, ut si vidua pietatis violentiam peritescens, sacrum velamen quasi non per-

severantiam [perseverantia] suscipiat, ab eo quod semel iniit proposito non recedat.

Abstine ergo ut virum timor absolvat, qui feminas etiam in iudicio non excusat; præsertim cum me denuntiant, ne hujusmodi te voto pro timore mortis constringeres, nisi etiam consequenter per vivi operis efficaciam promissa impleres; tu te divinæ sententiæ devotasti, si datæ sponsionis aliquando mysterium violares. Dicam quod super non dissimili re nuper apud nos accidisse cognoscitur.

CAPUT II.

Arduinus damnatus, quod monasticum habitum, ut voverat, non suscepisset.

Vir quidam, Arduinus nomine, famosæ prudentiæ, genere clarus, divitiis opulentus, certa mihi devotione spoponderat, quod si ante non posset, saltem expleto decennio, ad monasterium B. Vincentii, quod videlicet in Urbinati constitutum est territorio, monasticum suscepturus habitum declinaret. Tandem termino conditæ pactiōnis exacto, cum ego huic assiduus exactor insisterem; ille inde cedendo, blandiendo, verbis quidem bonum omne promitteret, ipsius autem conversionis effectum quibusdam tergiversationibus protelaret; rector quoque jam dicti monasterii illius favebat votis, dissuadebatque converti, ejus nimirum 695 perneccessariis sustentabatur auxiliis. Interea languore corporis irruente decubuit, peccata confessus, iudicio sacerdotis absolvitur, pauperibus et ecclesiis multa largitur, in tantum, ut cunctis quasi bene compositis, assistentes

sui cognatos et affines sub hac obtestatione constringeret; « Obsecro, inquit, per charitatem, quæ Deus est (1 *Joan.* iv), nemo me reddi huic mortali vitæ deprecatur; ne quod absit, imparatum postmodum mors improvisa reperiatur. » Aliquanto autem post ejus obitum tempore, prædicto abbati vir ille per visum nocturnæ quietis apparuit. Videbatur autem quod in spatiosa quadam campi planitie imperator, si recte teneo, vel quælibet excelsa potestas, cum totius regni primoribus et copioso moraretur exercitu. Cumque ille stupefactus huc illucque oculis deduceret, ecce Arduinus a quibusdam tanquam custodibus celeriter ducebatur. Heus, inquit, siste gradum, fige pedem, quiesce paulisper, mihi non loqueris, Arduine?

Age, frater, quid tibi est? lætari an pateris? adest pœna vel gloria? Cui tristis et flebilis: Cur, ait, me de gloria consulis, qui jugibus pœnis afflictor, et ne ad momentum quidem respirare permittor? Ad quem abbas: Quid tibi, inquit, B. Vincentius, num tibi nunc in necessitate non succurrit, cui ad collatorandum suæ domus administratoribus tam sedulo decertasti? Cui mox ille subjunxit: Sanctus, ait, Vincentius diu me suum fecit sperare colloquium; sed quia dudum fatigatus, hoc obtinere non merui, spem hanc, omnino jam frustratus, amisi. Ubi solerter attendendum quam recta sit linea divinæ justitiæ, imo quam artifex apud Deum mensura vindictæ. Ille siquidem dum adhuc viveret, convertendum se in monasterio beati martyris et promittebat, et differebat; nunc autem ad ejusdem martyris venire colloquium, et quæ ex promissione sperabat, et tamen nullatenus impetrabat. Dignumque fuit, ut abbas potissimum hanc cerneret visionem, qui ne converteretur, illi obstitit.

Alius etiam æque notus militi, atque civis in Ravennati urbe pollebat, et legis peritia strenuus, et grammaticorum regulis competenter instructus. Hic mecum fidedictor instituit, ut si ego, simul et ipse relinqueret sæculum. Quid plura? Tandem ego ad conversionem veniens, ut sponsio redderetur exegi, sed obtinere non potui. Ille quippe me gaudento præmisit, suaque vestigia subsistens, artificiose represit. Non diebus vero multis postmodum, dum hunc adversus levirum suum furentis animi livor accenderet, gladio repente percussa manus ejus obrigit; sicque stupefacta mansit ac rigida deinceps, ut bajulo suo magis esset oneri quam virtuti. Jam itaque inutilis factus, mundum, dum abuteretur, abiecit; et non jam manceps, sed cum Benjamin totus dexter (*Gen.* xxxv), in sancta usque ad obitum conversatione permansit.

CAPUT III.

Episcopus percussus in gutture, quod pauperculæ porcum abstulisset, religioni se dedit.

Interea Joannes quoque Commiacensis episcopus ad memoriam reddit, qui dum conversionem suam per longa temporum intervalla differret, aliquando contigit ut in fundo suo, quem in saltus possi-

debat territorio, moraretur. Illic itaque constitutus, pauperculæ cuidam viduæ porcum, quem velut spem sui victus alebat, præcepit auferri, suisque ferculis profuturum, non segnius præparari. Emittit preces illa, fletus fundit ac genitus, sibi quæ diligentiae suæ reddi postulat detrimentum. Sed suo ventri magis quam illi pius episcopus dum propriis providet mensis, mandatum parvipendit auctoris, qui per prophetam dicit: « Subvenite oppresso, judicate pupillo, defendite viduam (*Isai.* i). » Sed qui absens credebatur instituendo præceptum, præsentem esse se docuit inferendo judicium. Nam episcopus, dum lacrymas viduæ, suæ facit delicias gulæ, mox percussus in gutture, vulnus incurrit, quod nullis medicorum studiis, donec vixit, evasit.

Hoc itaque præpeditus incommodo, cum jam juxta Scripturam, sola vexatio intellectum daret auditui (*Isa.* xxviii), tandem sanis consiliis acquievit, et episcopales infulas monachica professione mutavit, atque in Pomposiano cœnobio, quod in B. Mariæ semper virginis est honore constructum, longis post temporibus vixit. Usque tamen ad obitum tanta læsi gutturis laboravit molestia, ut nisi cum magna difficultate trahere alimenta non posset; adeo ut ad geminam semper mensam succedentium sibi fratrum in refectone discumberet, vixque tantum cibi caperet, unde recreare stomachum potuisset.

Sed dum hujus episcopi reminiscimus, sub hac occasione quid etiam Clusino episcopo contigerit, scribere provocamur. In ipsa plane quarta feria, quæ initium Quadragesimæ dicitur, fecit convivium sumptuosius dapibus insitui, et balneum præparari, accitisque militibus, et obsequentium turbis lautum diem deduxit, et velut advenienti nuptæ, Quadragesimæ cum nuptiali convivio gratulabundus occurrit. Ubi hoc tantum dissonabat a regula, quia cum adhuc livescerent in capitibus cineres, æstuabant ingurgitati mero et distenti dapibus ventres. Sed, o vigilans super nos divina clementia! incolumis tunc, atque vegeti vultum episcopi paralysis repente corripuit, ejusque faciem inhonestam visu atque ora distorsit; per plures etiam annos, quibus postmodum supervixit, hoc in se divinæ animadversionis insigne portavit.

CAPUT IV.

Adamus Sempronienensis episcopus inopinato moritur, quod religionis ingressum distulisset.

Nam et Adam Semproniensem episcopum præteribo, qui se monachum fieri sæpe promiserat; sed semper excusationes quibusdam quasi rationibus coloratas obtendere satagebat. Aliquando mitius febriculis, me vocavit ad se; cui nimirum, ut monachus fieret, cum ego violenter insisterem, velle se perhibebat; et tamen ut per quasdam verborum ejus rimas erumpere videbatur, rem differre tentabat. Postremo quod apud me magis obtinuit, ait: Ego quidem, pater, quicquid præcipis, incunctanter obtempero; verumtamen nolo te lateat, quia mox ut ego factus fuero monachus, prædis quoque atque

rapinis hæc procul dubio patebit Ecclesia; insuper et possessiones ejus, et prædia scelesti homines ralicities extirpabunt. Hoc ergo audiens, dum delusus Ecclesie tam periclitanti, proh dolor! animæ non prævidi. Recedens igitur sibi, suisque mandatum dedi, ut si languor aliquatenus ingravesceret, aut mihi per judicem protinus innotescerent, aut illum ad monasterium non longe positum deferrent.

Porro autem postquam ego recessi, frater ejus hæc mihi per nuntium delegavit: Dominus quidem meus, ut speramus, per divinam clementiam convalescet; verumtamen hortor ut revertaris ad eum, hoc scilicet ordine, ut videlicet Dominico die propius accedendo ad cœnobium B. Vincentii, quod ab episcopatu vix quinque lapidibus distat, requiescas. Secunda vero feria maturius surgens, ac matutinas laudes suaviter equitando persolvens, ac nos diluculo nondum plenius descente pertingas; et post hæc venire te, quæso, non pigeat. Nam si veneris, tui labor itineris compensatio congrua non privabitur. Hoc ultimum ego audiens, illico nauseatus exhorruui, et tanquam mihi spes daretur munerum, pro pecunia quæstu ire me funditus abnegavi; conscientia teste non mentior, ipsum quoque non leviter conviciatus sum, velut inhonestæ legationis aucorem. Rursus tamen me in memetipso recolligens, timere cœpi, ne si hic homo ex hac vita transiret, me postmodum conscientia negligentæ redarguens cruciaret. Quid verbis immoror? Tandem parui, cunctaque sicut ille mandaverat per ordinem servans, cum vix dum aurora prorumperet, ecclesiæ lumen accedendi [f. limen accessi]. Sed ecce cum omnes hinc inde perstreperent, fletus et ejulatus emitterent, vix duobus assistentibus pueris, intra cubiculum cadaver episcopi jacebat exanime. In quo nimirum casu, ac summo studio perpendendum quanta adversus incautos hujus vitæ dilectores calida machinatoris insidietur astutia. Accurate scilicet et argute illud mihi temporis punctum per ora mittentium constituit ut venirem, quod episcopi mors inopinata præcederet, ut et illius me præveniret occasus, et meos frustraretur adventus. Quid ergo prodest quod dum ad conversionis gratiam provocamur, clypeum nobis excusationis semper opponimus, et tanquam Deus interne non videat, necessitatum non urgentium fabricam compilamus? Nam cum parvas quaslibet res nobis injuste sublatis districte dijudicet; credendum est quod hominem si bene subtrahi, pretiosam scilicet substantiam, æquanimitè ferret?

CAPUT V.

Christi providentia erga eleemosynarum furem.

Dicam quod mihi Guarimptos senex, vir videlicet honestissimus, apprime litteris eruditus ac medicus, retulit: Quidam, inquit, alienum suum furtive subripuit, et caveæ clandestinus inclusit. Vir tamen ille pietatis operibus intentus consueverat esse, et præcipue humanitatem peregrinis et hospitibus sedulus exhibebat. 698 Interea adest dives Jesus in

A effligie pauperis, et tanquam prolixo jam crine deformis egebat arte tonsoris. Ille protinus reverenter assurgens, inter cætera officiosæ humanitatis impendia cœpit illum forcipibus attondere; sed dum tornat ac satagit, ecce reperit duos in occipitio sub crinibus oculos latitantes. Expavit homo, stupensque contremuit, et quid vellet esse quod cerneret pavidus inquisivit; cui mox ille: Ego, inquit, Jesus vocor, qui undique cuncta contempler; et isti sunt oculi, quibus etiam suum vidi, quem nuper in cavea conclusisti; moxque disparuit. Ille protinus ad cor rediens, et divinam circa se clementiam recognovit, et quod inique præsumperat satisfactione purgavit. Sed qui tibi tam unânimi fraternæ gratiæ familiaritate conjungor, obsecro, non te pigeat minimum quid audire quod loquor. In hoc enim copiosior gratia puræ ac non suspectæ charitatis ostenditur, si quidquid venit in mentem, non tam urbane quam simpliciter proferam.

CAPUT VI.

Pambonis Romani furtum furto divinitus punitum.

Certe vir quidam, nomine Pambo, clarus quidem genere, sed tenuis facultate, Romæ constitutus, in uno mecum versabatur hospicio, cum Henricus pie memorie rex, coronam suscepit imperii. In ipsis autem vigiliis Dominicæ Nativitatis, propinquæ jam nocti imminuentibus tenebris, non parvus porcorum grex per longam nudinarum porticum ducebatur. Tunc præfatus Pambo inter opaca venalium unum et porcis irruens arparavit, fauces ne grunniret obstrinxit; sicque gratulabundus ad socios, ut in crastinum pararetur, abduxit. Illucescente itaque sacrosancta solemnitate, suo fruitur scelere, et satiat exultat de sui criminis impunitate. Putabat enim fortasse, quod hoc non attenderet Deus; sed subsequente proxima nocte, didici quia super eum divina retributio vigilavit. Nam dum equum suum male custodiens obdormiret, subito fur habenam, quam ille suis innexuerat manibus, astute subduxit, equumque cum freno sumit, et sellam transposuit. Evigilans itaque subtili se sensit multatum judicio, quia ex eadem manu qua porcum rapuerat, aucto fenore caballum sibi subreptum esse cognovit. Sed quamvis in hoc homine e vestigio sit ultio secuta post culpam, non mirum quod a quibusdam reprobis aliquando poena differtur, suisque sceleribus diutius perfruuntur. Sicut enim Scriptura testatur, « Ducunt in bonis dies suos, et in puncto ad inferna descendunt (Job XXI). »

CAPUT VII.

Clericus luxuriosus cum pellice incendio perit.

Memini plane, quia cum apud Parmensē oppidum liberalium artium studiis docendus insisterem, dum adhuc videlicet in ipso adolescentiæ flore, et nova pubertas indueret 699 faciem, et æstus libidinis accenderet carnem, clericus quidam, Zeuzolinus nomine, pellicem suam juxta meum habebat hospitium, ut aiunt, aspectu lubricam et inhonesto satis decore venustam. Hic itaque nitidulus, et semper ornatus

atque conspicuus incedebat, ita ut caput ejus nunquam nisi gibellinica pellis obtegeret, indumenta carbasina, atque niventia siligio per artem fullonis inficeret, calcens postremo ad aquilini rostri speciem non falleret. Erat illi præterea vox gracilis, suavis ac tinuula, adeo ut in ecclesia modulans audientium corda mulceret, et astantium in se plebis ora converteret. Affluebat uterque deliciis, rubebant ora flammantia; quotidie cachinnis invicem atque ludibriis, oculorum nutibus et scurrilitatis illecebris festivis applaudebant.

His ergo furis ac perditis moribus, quia corpore contiguus aderam, mente longinquus esse non poteram. Quid dicam? quia dum hæc cernerem, titillantis luxuriæ molestias pertuli, cum etiam postquam ad erenum veni, ejusdem lenocinii memoria me sæpius colaphizare non destitit; sæpe, fateor, mihi malignus hostis hoc schema proposuit, et illos esse felices ac beatissimos, qui tam jucunde viverent, persuadere tentavit. Sed hujus beatitudinis initium diximus, consequenter etiam quo fine concluderint attexamus. Nam dum per quinque fere annorum lustra in hac luxuriosa voluptate vixissent, ante annum, cum commune ipsius urbis flagraret incendium, in una domo reperti, uterque simul igne consumpti sunt. Sic sic nimirum flamma libidinis ignem meruit combustionis; et quid dulcis vita contulerit, amarus, proh dolor! exitus demonstravit.

Sed ut ad reos redeam, qui conversionem suam et pollicentur, et fallunt, presbyter quidam Maurus nomine, ante annos paucos se mihi devote commisit, neque certum, quia monachus in eremo fieret, reddidit; paulo post mutatum est cor ejus, ac fœdus quod pro me cum Deo pepigerat, violavit. Sed ut cæcitas mentis erumperet in superficiem carnis, et caligo quæ latebat liquido pingeretur in fronte, in ejus oculo repente vulnus oboritur, quod eum, donec advixit, inhonesta deformitate fœdavit. Postmodum vero dum orationis studio Romam pergeret, annemque tenuis admodum gurgitis transvaderet, cum cæteri omnes vadum illasi transmearent, solus equus illius subito sine sessore repertus est. Requiritur igitur eum, dum per alveum fluminis huc illucque discurrunt, undis hunc obrutum exanime cadaver inveniunt. Hoc itaque modo dum sancto proposito vagationis suæ quisquilias prætulit, utriusque laboris meritum delusus amisit.

Verum ego dum dulcedine tuæ charitatis illectus, sermonem diutius protraho, non clam me est, quod modum jam compendii epistolæ excedo. Porro autem non ego te peritum rudis admonere, non de Scripturis exempla propono, sed tanquam rusticus res tantum domesticas retuli; ut quotidianis stomachi dapibus, hebetem vilibus ad edendum siliquis, vel herbis virentibus excitarem. Ad itaque tui remitto mentis armarium, ubi certe plurimæ conduntur paginæ Scripturarum. Illic prudentia tua solerter inquirat, quid melius sit, an ut perso-

luto conversionis tuæ debito, in solis judicantium sedes; vel non soluto, ante tribunal æquissimi judicis rationem redditurus assistas (*Rom. xiv*). Unum scio, quia si a mundi vanitatis ulla posses ratione converti, fieres procul dubio os Dei, præco Christi, tuba cœlestis eloquii, destructor diaboli, ædificii fundator æterni; esses postremo lumen Ecclesiæ, ac murus inexpugnabilis militiæ Christianæ.

DISSERTATIO ALTERA,

DE SERVANDA FIDE DEO PRÆSTITA,

ARGUMENTUM. — *Attone* quemdam professione juriconsultum, qui cum Deo se dicatum reliquum vitæ in monasterio æcurum verbis conceptis pollicitus esset, fidem impie præstare recusabat; perjuriumque suum cavillationibus quibusdam (ut hujusmodi solent homines) et captiosis argumentorum laqueis defendere nitebatur; a tam nefario facinore deterrere conatur et culpæ magnitudine, et pœnæ ante oculos proposita.

ATTONI CAUSIDICO PETRUS peccator monachus salutem in Domino.

Constat te, vir illustris, domini Mainardi abbatís manibus sponte commissum, et pro cœlesti desiderio monachicum devovisse propositum: nunc autem mente mutata, sicut dicitur, non modo votum violare disponis, sed et id fieri posse per multas argumentorum versutias cavillaris. Hinc est, quod eundem abbatem hoc conspuisse jurgio stomachatus assereris: Ostende, inquires, mihi authenticæ Scripturæ sententiam, qua me, vel mundo digne calumniis abstractum, vel monasticæ regulæ jure fatearis obnoxium. Ut igitur legis perito viro in primis de forensi jure respondeam, Romanis legibus cautum est, ut quod semel a dante conceditur, nullo modo revocetur.

CAPUT PRIMUM.

Quod Dei vota ac promissa violare nefas sit.

Cum ergo hæc apud homines jubeatur forma servari, quanto magis apud Deum debet inviolabiliter custodiri! Homo itaque non amittit quod semel accepit: Deus autem possessionis suæ jure fraudabitur? Terrenæ militiæ duces, eos sibi qui militiam professi sunt, vindicant; nos in divini procinctus arma juramus, characterem nobis militiæ cœlestis imprimimus, et notam nobis inurere transfugii non timemus? Dedisti Deo non aurum, non equum, non denique alienum, quod extra te, sed temetipsum, et nunc subtrahere niteris? Quam ergo meream vice tui Domino permutabis? Quam enim commutationem dabit homo pro anima sua? (*Matth. xvi*) Quamquam Moyses in lege præcipiat: « Homo, inquit, qui votum fecerit et sponderit Deo animam suam, subæstinatione **701** dabit pretium (*Levit. xxvii*). » Ubi solerter attendendum est quod paulo inferius subinfertur: « Omne quod Domino consecratur, sive homo fuerit, sive animal, sive ager, non vendi, nec redimi poterit; quicquid enim semel fuerit consecratum, sanctum sanctorum erit Domino (*Ibid.*). » Audi etiam,

fili mi, quam terribilem in te sententiam vir sapientis manifeste depromat : « Initium, ait, superbiæ hominis, apostatare a Deo, quoniam ab eo qui fecit illum recessit cor ejus; quoniam initium omnis peccati est superbia : qui tenuerit illam, adimpletur maledictis, et subvertet eum in finem (Eccli. x). »

Ergo, frater mi, juxta consilium ejusdem sapientis : « Convertere ad Dominum, et relinque peccata tua, precare ante faciem Dei, et minue offensacula (Ibid.). » Ubi præsto subjungit : « Revertere ad Dominum, et avertere ab injustitia tua; et nimis odito execrationem, et cognosce justitias et judicia Dei, et sis in sorte propositionis et orationis altissimi Dei (Ibid.). » Illud etiam ejusdem viri te non prætereant : « Non impediari orare semper, et non verearis usque ad mortem justificari; quoniam merces Domini manet in æternum (Eccli. xviii). » Illud etiam non obliviscaris : « Non tardes converti ad Dominum, et ne differas de die in diem; subito enim veniet ira illius, et in tempore vindictæ disperdet te (Eccli. v). » Ecclesiastes etiam dicit : « Memento Creatoris tui in diebus juventutis tuæ, antequam veniat tempus afflictionis tuæ, et appropinquent anni de quibus dicas : Non mihi placent (Eccli. xii). »

CAPUT II.

Quod qui vota non perficit, Deum videtur irridere.

Obtulistis temetipsum Deo, et factus refuga subtraxistis? Deum puerum, et te facis ovum. Nam dum te sibi prius oblatum conaris, quasi ludendo subducere, videris eum velle velut puerum obgannire. « Nolite errare; Deus non irridetur. Quæ enim seminaverit homo, hæc metet (Gal. vi). » Deludis autorem, offensis mendacio veritatem. Porro cum Deus sit procul dubio Veritas, nullo magis offenditur viro quam mendacio. Audi itaque quid in Deuteronomio per Moysen Dominus dicat : « Cum votum voveris Domino Deo tuo, non tardabis reddere; quia requirit illud Dominus Deus tuus; et si moratus fueris, reputabitur tibi in peccatum : si nolueris polliceri, absque peccato eris; quod autem semel egressum est de labiis tuis, observabis, et facies sicut promisisti Domino Deo tuo, et propria voluntate, et ore tuo locutus es (Deut. xxii). » Imo perpende insuper, et hæc quam formidolosa sententia sit, quam per Evangelium Dominus intonat, dicens : « Nemo mittens manum suam ad aratrum, et respiciens retro, aptus est regno Dei (Luc. ix). » Spondidisti, et sponsonem violare non metuis? Vovisti, et votum solvere negligis? cum Psalmista dicat : « Vovete et reddite (Psalm. lxxv). » Salomon etiam in Proverbiis : « Fili mi, inquit, si sponderis pro amico tuo, defixisti apud extraneum manum tuam; illaqueatus es verbis oris tui, et captus propriis sermonibus tuis (Prov. vi). »

702 Si ergo manum suam apud extraneum ille defigit, et reddendæ pro eo rationi sese obnoxium facit, qui pro amico sponderit, quanto magis tu ratiocinium Deo debes, qui non pro alieno vel ex-

traneo spondidisti, sed temetipsum Deo specialiter obtulisti! Corpisti quidem divini amoris igne fervescere, cum te decrevisti militiæ cœlestis obsequio mancipare : ardere scilicet per spiritum cœpisti, sed per degenerem carnis ignaviam tepuisti. Unde per Apocalypsim Joannis sententia hæc in te divina dirigitur, cum torpens animus tuus a sancto proposito revocatur : « Utinam frigidus esses aut calidus; sed quia tepidus es, et nec frigidus, neque calidus, incipiam te evomere ex ore meo (Apoc. iii). » Sane præterquam cibus evomitur, nulli prorsus usui congruus judicatur. Tu vero et in corpus Christi tanquam suave refectionis epulum trajecisti, dum observandis ejus excubiis te per astipulationis et commissionis judicium tradidisti; nunc autem, proh dolor! quasi fastiditus evomeris, dum votum sponsonis refringere ac violare conaris; non attendens quod in libro Numeri per Moysen Dominus ait : « Si quis virorum votum Domino voverit, aut se constrinxerit juramento, non faciet irritum verbum suum; sed omne quod promisit, implebit (Num. xxx). » Et quidem in conspectu hominum laicus es per paludamenti ac sæcularis habitus speciem; sed in Dei omnipotentis obtutibus a monacho cecidisti per violatam sacri propositi sponsonem. Coram hominibus stare conspiceris, sed in conspectu Domini cecidisti. Nam quod tibi fuerat ante commissionem licitum, de cætero tibi licere non poterit, dum a melioris propositi deliberatione succumbis.

CAPUT III.

Bona opera fidem frangentium Deo minus placent.

Sed quia mihi forte non credis, meisque sermonibus fidem adhibere contemnis, beatus saltem tibi Gregorius papa sufficiat, qui hoc in tertia expositionis homilia super Ezechielem, per hæc eadem quæ supponimus, verba declarat : « Sunt, ait, nonnulli qui bona quidem quæ noverunt operantur, atque hæc operantes, meliora deliberant; sed retractantes meliora, quæ deliberaverant immutant. Et quidem bona agunt quæ cœperunt; sed a melioribus, quæ deliberaverant, succumbunt. » Hi nimirum ante humana judicia stare videntur in opere, sed ante omnipotentis Dei oculos ceciderunt in deliberatione. Unde fit plerumque, ut et bonum opus eorum minus placeat Deo; quia cum per mentis deliberationem in meliori gradu inconstanter ponitur, hoc ipsum cogitationis inconstantia accusat.

Sed quia perfecti quique magna se discretionis subtilitate conspiciunt, ne ad deteriora unquam vel in opere, vel in cogitatione delabantur; et quantum quotidie proficiunt, incessanter pensant, recte de his dicitur : « Non revertebantur, cum incederent; sed unumquodque ante faciem suam gradiebatur (Ezech. i). » Tu autem te, mi frater, e contra retrogradum exhibes, dum **703** non cum sanctis animalibus ante faciem tuam graderis, sed ridiculose post tergum redire conaris. Nec illud advertis quod per Isaiam Dominus dicit : « Væ genti peccatrici, populo

gravi iniquitate; semini nequam, filiis sceleratis: A dereliquerunt Dominum, blasphemaverunt sanctum Israel, abalienati sunt retrorsum (*Isai. i.*). » De quibus Jeremias: « Facti sunt retrorsum, et non ante (*Jer. vii.*) »

Perpende ergo, quia qui retrorsum abalienantur in semine nequam, et inter sceleratos filios ponuntur: illos scilicet, qui non cum benedictione dignis in hæreditatis jura succedunt, quibus dictum est: « In hoc vocati estis, ut benedictionem hæreditate possideatis (*I Petr. iii.*) » sed cum eis potius, qui sententiam perpetuæ maledictionis incurrunt, quibus utique dicitur: « Maledicti qui declinant a mandatis tuis (*Psal. cxviii.*) » Expedire te cœpisti, frater, de laqueis hujus perniciosi ac deceptoris mundi, et festinare ad dulcedinem Dei; nunc disponis a Deo recedere, et mundi te rursus laqueis implicare? Contra quod Petrus ait: « Si enim refugientes coinquinationes mundi in cognitionem Domini nostri et Salvatoris Jesu Christi, his rursus implicati superantur, facta sunt eis posteriora deteriora prioribus (*II Petr. ii.*) » Melius enim erat illis non cognoscere viam justitiæ, quam post agnitionem, retrorsum converti ab eo quod illis traditum est sancto mandato. Contigit enim eis illud vere proverbium: « Canis reversus ad suum vomitum, et sus lota in volutabro lutī (*Prov. xxvi.*) »

Porro sicut per prophetam dicitur: « Quam durum et amarum est dereliquisse te Dominum Deum tuum (*Jer. ii.*) » Iterumque de te tuisque similibus: « Me, inquit, dereliquerunt fontem aquæ vivæ, et foderunt sibi cisternas, cisternas dissipatas, quæ continere non valent aquas (*Ibid.*) » Quos contra Paulus admonet, dicens: « Videte, fratres, ne forte sit in aliquo vestrum cor malum incredulitatis, discedendi a Deo vivo et vero (*Hebr. iii.*) » A Deo plane non receditur gradibus pedum, sed pravorum perpetrationibus operum. Et cum a celisioris propositi sublimitate corrui, tunc a Deo, qui est vertex et cardo honorum omnium, infelix anima separatur. Non sufficit tibi, quia sacri ordinis sponsionem violata fide conaris infringere, nisi et ejusdem perversæ defensionis audaciam velis, et in alios frivolis quibusdam argumentationibus propagare. Dogmatizas enim, ut arbitror, quia licet quispiam manibus se committat abbatibus, et sacrum polliceatur subire propositum, non prohibeatur hujusmodi sponsionis violare promissum. Ex quibus profecto assertionibus hæresis oritur, nisi conatus iste tunc quantocius reprimatur. Neque enim mox ut quis in hæresim labitur, jure protinus hæretici vocabulo denotatur; sed ille duntaxat hæreticus merito dicendus est qui tuetur errorem, qui defendit abominabilis perfidiæ præfavitatem. Præterea, nec abs re esse credimus, si vel pauca de sacris canonibus exempla ponamus; quatenus ex diversis auctoritatibus evidenter appareat, quatenus aversioni 704 tunc reluctantis justitiæ murus obstat; ut oberrantibus instantaneæ tue vestigiis nullum pateat prorsus auxilium; sed quocumque te ver-

teris, auctoritatis te lora cohibeant, pravisque conatibus concorditer atque ideo valenter obstant. Et dum per anfractus oberrare contendis, obicibus undique circumpositis, invitatus ad recti tramitis lineam revertaris. Attende igitur quid statuerit Chalcedonense concilium (*Act. xv, can. 7*): (Qui monachorum, inquit, vitam expetiverunt, statimius, neque ad militiam, neque ad dignitatem aliquam venire mundanam. Sed hoc tentantes, et non agentes penitentiam, quominus redeant ad hoc, quod propter Dominum primitus elegerunt, anathematizari.)

CAPUT IV.

Conciliorum decretis religiosæ vitæ propositum relinquentes damnantur.

B Audi nihilominus et Leonis papæ decretum (*Leonis pp. epist. 90, ad Rusticum Narb. ep. apud Grat. 20, q. 3, Propositum*) «: Propositum monachi proprio arbitrio aut voluntate susceptum, deseri non potest absque peccato. »

Quod enim quis vovit Deo debet reddere. Unde quæ relicta singularitatis professione, ad militiam vel ad nuptias devolutus est, publicæ penitentiae satisfactione purgandus est; quia et si innocens militia, et honestum esse potest conjugium, electionem tamen meliorem deseruisse transgressio est. Monachi plane propositum proprio tunc arbitrio suscepisti, cum ad monachicum te transiturum ordinem spopondisti.

C Hinc est, quod egregius ille vir non ait, quod induit quis non debet exuere; sed potius ait, quod vovit Deo debet reddere. Ut evidenter edoceat, quoniam et votere, est suscipere; et votum frangere, procul dubio sacrum propositum violare. Hinc est, quod postmodum non dicit, sacrum habitum deseruisse; sed, electionem, inquit, meliorem deseruisse, transgressio est. Hinc est etiam, quod in Toletano concilio reperitur (*Conc. Tol. vi, can. 48*): (Monachum autem paterna devotio, aut propria professio facit, quidquid horum fuerit, allegatum [f. alligatum] tenebit. Proinde his ad mundum revertendi recludimus aditum,) et omnes ad sæculum interdictum regressus.)

D Sed jam ab his supersedendum est, ne dum propositionem nostram pluribus nitimur Scripturarum testimoniis allegare, videamur in epistolari compendio lacinias texere. His igitur tantisper instructus exemplis diligenter attende, quam plectibilis sit excessus sponsionem sacri ordinis violare. Quamobrem, dilectissime fili, venenata male blandientium contemne consilia; perniciose, vel potius mortifera suadentium ridendam perhorresce veniam, et a sibilis antiqui serpentis aures obtura. Sacrum, sicut pollicitus es, non tardes adire propositum; ut non cum his qui apostati sunt subruaris, quod absit, in pœnam, sed cum his potius qui apostolicam tenuere doctrinam, porrigente manum Christo, quandoque proveharis ad gloriam.

705-706 OPUSCULUM QUADRAGESIMUM TERTIUM.

DE LAUDE FLAGELLORUM ET, UT LOQUUNTUR, DISCIPLINÆ.

ARGUMENTUM. — Intermissam a cœnobii Casinensis monachis singulis diebus, qui Sabbatum præcedunt, verberibus in conspectu omnium corpus afflicti consuetudinem revocandam esse, multis rationibus conatur ostendere.

Sanctis fratribus in Casini montis cœlesti schola A per ora quorundam, tanquam per vasorum suorum degentibus, PETRUS peccator monachus servitutum organa, vobis concrepat, dicens: Jejunio quidem non penitus improbandum est corpus atterere, sed turpe nimis et inhonestum est ante tot fratrum in-

tuentium oculos membra nudare. Et unde vox ista procedit, nisi ab illo qui parentes generis nostri nuditatem erubescere compulsi? (*Gen. iii.*) Ante vocem quippe serpentis, ait Scriptura: Erat uterque nudus, Adam scilicet et uxor ejus, et non erubescabant. At postquam eis venenata consilia callidi draconis instillavit astutia, protinus scriptum est: « Cumque cognovissent se esse nudos, consueverunt folia ficus, et fecerunt sibi perizomata (*Gen. iii.*) » Audenter dicam, dilectissimi fratres mei, quia quisquis, ut compatiatur Christo, nudari vestibus erubescit, hic procul dubio serpentis verba audivit; et quia de sua nuditate confunditur, instar primi parentis, a divinis, ut ita loquar, aspectibus occultatur: « Vocem, inquit, tuam audivi in paradiso, et timui eo quod essem nudus, et abscondi me (*Ibid.*) » Et revera sine dubio celatur a facie Dei qui portare dedignatur improprium Christi, cum Apostolus dicat: « Exeamus igitur extra castra ad eum, improprium ejus portantes (*Hebr. xiii.*) »

B nudari vestibus erubescit, hic procul dubio serpentis verba audivit; et quia de sua nuditate confunditur, instar primi parentis, a divinis, ut ita loquar, aspectibus occultatur: « Vocem, inquit, tuam audivi in paradiso, et timui eo quod essem nudus, et abscondi me (*Ibid.*) » Et revera sine dubio celatur a facie Dei qui portare dedignatur improprium Christi, cum Apostolus dicat: « Exeamus igitur extra castra ad eum, improprium ejus portantes (*Hebr. xiii.*) »

C Humilis ergo frater extra castra cum Paulo simul egreditur, et portare Salvatoris improprium non veretur; superbus autem et arrogans 707 quisque peti cum primo parente latibulum, ut omnia cernentis Dei vitet aspectum; nimirum ex illis est quibus dicitur: « Discedite a me, operarii iniquitatis, quia nescio vos (*Luc. xiii.*) » Nescio, inquit, quia vos fugientes a me non vidi, hoc est, elationis vestræ superbiam reprobaui.

CAPUT PRIMUM.

Dæmonis astutia quanta.

Sed sciendum est quod humani generis inimicus, dum totum sacrificium non valet de manibus offerentium rapere, more quasi harpyiæ, partem saltem quamlibet conatur auferre. Hinc est, quod cum Abraham Deo sacrificium ex diversis animalibus obtulisset, scriptum est: « Quoniam descenderunt volucres super cadavera, et abigebat eas Abraham (*Gen. xv.*) » Super mactata quippe cadavera descendunt volucres, dum ad rapiendum sacrificium afflictorum corporum nostrorum, aeræ se præcipient potestates; ut vel totum de manibus litantium rapiant, vel partem præruptam [*f. præceptam*] quasi de manibus sibi victoriæ triumphalis applaudant.

Hinc est, quod auctor antiquæ superbiæ spiritus

CAPUT II.

Qui dicantur celari a facie Dei.

Porro cum in initio salutaris hujus observantiæ unusquisque vestrum et disciplinam nudus acciperet, et nuditatis ignominiam non timeret; quis vos postmodum fascinavit et Christi passionem, quæ mundi decus, et salus est hominum, erubescere docuit? Absit autem ut vobis, dominis videlicet meis, illud inferre præsumam, quod Galatis Apostolus ait: « Sic, inquit, stulti estis, ut cum spiritu cœperitis, nunc carne consummimini (*Gal. iii.*) » Illud tamen audacter dicam, quod Corinthiis exprobrans, dicit: « Quia libenter suffertis insipientes, cum sitis ipsi sapientes. Sustinetis enim si quis vos in servitutem redigit, si

quis devorat, si quis accipit, si quis extollitur, si quis in faciem vos cædit (*I Cor. xi.*) » Quæ mirum omnia ad doctrinam perversa dogmatizantium pertinere quis ambigit? Porro autem, sicut dixit Deus ad Adam: « Quis enim indicavit tibi quod nudus esses, nisi quod ex ligno de quo tibi præceperam ne comederes comedisti? » (*Gen. iii.*) ita vobis non immerito valeat cum jurgio severitatis intendi: Quis ad hoc vos induxit ut crucis Christi portare contumeliam timeretis, nisi quia verba cuiuspiam male suadentis audistis?

Hinc est etiam quod, a me sollicite perquisiti quod erat in causa, simpliciter mihi respondistis quæ videlicet piæ memoriæ Stephanus cardinalis hoc insugillando derisit, ac, velut indignam rem conspuens et execrando despiciens, ne ulterius fieret penitus interdixit. Nec mirum, cum Apostolus dicat: « Verbum crucis pereuntibus quidem stultitia est; his autem qui salvi fiunt, id est nobis, virtus Dei est (*I Cor. i.*) » Domnum plane Stephanum cum credam per Christi gratiam nonnullis floruisse virtutibus, morbo tamen elationis laborasse, prout fervor juventutis impelleret, dicebatur: et, forte iusto Dei omnipotentis exigente iudicio, factum est ut propter hujus verbi piculum obitum incurreret repentinum. Brevi quippe temporis spatio postquam hæc vobis verba locutus est, accepit antidotum. Festivitate vero B. Scholasticæ virginis invitante, quasi vegetus et jam incolumis ad nocturnum surrexit officium, eodemque die prior ipse, deinde germanus ejus junior repente defuncti, atque altera die pariter sunt sepulti.

Et credi forsitan digne potest hoc divina fuisse moderatione dispositum ut venerabilis ille frater in ejus potissimum virginis die iudicium improvisæ mortis incurreret, contra cujus monasterium incauti sermonis arrogantiam protulisset; quatenus ob hanc culpam animam illius læsio nulla contingeret, pro qua momentaneæ mortis poenam caro ejus tam subito **708** corruens pertulisset. Sæpe namque sic divinæ justitiæ misericordia permiscetur, ut in hac vita peccator dignam perpetrati sceleris recipiat vicem, quatenus illie æternæ damnationis fugiat ultionem; et hic eum finiendi supplicii poena percellat, ut illie ultionem quæ nunquam finitur evadat.

CAPUT III.

Fabri dignum supplicium divino iudicio constitutum.

Hic plane ad memoriam redit quod mihi nuper Petrus de Burgo, vir videlicet clarissimus, retulit: Faber est, inquit, in regione quæ Pilonicum dicitur, artis malleatorum apprimè peritus, et in fabricandis maxime lanceis atque sagittis circumquaque notissimus: spretis scilicet ferramentis et utensilibus quæ congrua sunt necessitatibus hominum, illa delectabatur acuire quæ infingendis sunt apta vulneribus et cædibus bellatorum; ita ut non jam parvus eorum numerus esset qui per ejus inevasibiles

PATROL. CXLV.

A gladios in certamine corruissent. Hic cum aliquando non graviter sauciatus in pectore cecidisset, quoniam procul erat a propriis, in aliena receptus domo decubuit: ubi tandiu vulnusculum medicinalis industriæ sedulitate curavit, donec resumptis aliquantulum viribus, in melius de languore convaleuit. Misso atque ab uxore sua vehiculo, ut rediret ad propria lætus, quidam præsto surrexit; sed, dignum stupore miraculum! totum cum armo brachium in lectulo dereliquit; atque, ut rem audias inauditam, nullam tunc doloris molestiam sensit, sed sic sua tanquam aliena miratus, et se repente debilem reperit, et convulsam a se brachium eminus jacere conspexit. Justo nimirum Dei iudicio factum est ut repente brachium perderet quo videlicet repentinae mortis ministra tela crudeliter fabricasset, et ubi vulnus non pertulit, ibi se vulneratum invenit, qui sæpe quamplurimos per feralis artis ingenium improvise vulnere sauciavit.

CAPUT IV.

Terribilis iudicii comminatio.

Utergo ad id quod exorsum est sermo recurrat, quisquis disciplinam suscipere pro nuditate sui corporis erubescit, procul dubio cum Adam Dei deambulantis in paradiso fugit aspectum, et crucifixi Christi convincitur ridere [*f. irridere*] supplicium; nec eum sequitur qui, ut nos liberaret a maledicto, ipse factus est maledictum (*Gal. iii.*); sed illum potius imitatur qui omnes de sublimi videt, et ipse princeps est super omnes filios superbæ (*Job xli.*). Ille nimirum indutus est gloria, de quo per prophetam dicitur: « Omnis lapis pretiosus indumentum tuum (*Ezech. xlviii.*) »; sed propter elati tumoris arrogantiam in confusionem corrui sempiternam. Iste vero est ejus et persecutores et sectatores unum concorditer profitentur opprobrium. Illi siquidem insidiantes dicunt: « Morte turpissima condemnemus eum (*Sap. ii.*) »; isti vero poenitentes clamant: « Nos putavimus **709** eum quasi leprosum et percussam a Deo et humiliatum (*Isa. lxi.*) » Quibus utique verbis supra jam propheta præmiserat: « Non erat ei neque species neque decor: et vidimus eum, et non erat aspectus; et desideravimus eum despectum, et novissimum virorum, virum dolorem, et scientem infirmitatem, et quasi absconditus est vultus ejus et despectus; unde nec reputavimus eum (*Ibid.*) ».

Dic ergo, quisquis es qui Christi passionem superbus irrides, qui, cum eo nudari flagellari que despiciens, nuditatem ejus et cuncta supplicia tanquam nugæ ac nœnias et quædam somniorum deliramenta subsannas; quid facies cum eum, qui publice nudatus est et in cruce suspensus, videris in majestatis suæ decore conspicuum, angelicis agminibus undique constipatum, incomparabilis splendoris immensitate circumdatum, et super omnia visibilia et invisibilia ineffabiliter gloriosum? Quid, inquam, facies, cum eum, cujus nunc ignominiam despicias, aspexeris in igneo tribunalis excelsi

sōlo presidentem, et omne genus humanum æquitas examine terribiliter iudicantem? Tunc sol obscurabitur, luna tenebris involvetur, stellæ de cœlo cadent, fundamenta montium contremiscent, cœli tristibus radiis coruscabunt, terra simul et aer flammis in excelsa furentibus cremabuntur, et elementa pariter omnia confundentur (*Matth. xxiv*); et tu ornate, tu molliter et decenter indute, intra ista quid facies? Qua fronte, qua præsumptionis audacia illius gloriam participare sperabis, cuius portare contumeliam et ignominiam despexisti?

CAPUT V.

Quod Christi vulnera sunt sensuum nostrorum medicamenta.

Quis te delicatum atque tenellum aggregabit collegio martyrum, in quorum corporibus videbuntur in gloria universæ non modo virgarum vibices, sed et innumerabilem vulnerum cicatrices? Christus crucis non erubuit turpitudinem; et tu putidæ carnis tuæ vermibus devorandæ confunderis nuditate. Ille nudatur, cæditur, necitur vinculis, oblinitur sputis, quinquepartito vulnere illius caro perfoditur, ut nos a vitiis, quæ in nos per quinque sensus ingrediuntur, irruptione curemur; et tu lascivus, tu unctus, tu petulculus ac tenellus, non vis thesaurum carnis tuæ hominibus detegi, ne mortalis vel terrena, quod absit! sed magnum quid debeat æstimari? Paulus apostolus ter virgis in publico cæditur, nec veretur; quinquies quadragenas una minus in iudicio accipit, et lætatur; præterea gaudere se dicit in frigore et nuditate (*II Cor. xi*). Petrus cum coapostolis omnibus flagellatur, atteritur in concilio Phariseorum; et omnes gloriantur atque tripudiant, quia dignatus est eos Jesus pro suo nomine contumelias pati (*Act. v*). David propriis indumentis exutus, et Ephod lineo præinctus, ante arcam Domini totis viribus saltat; et non suam sed Dei gloriam querens, atque a regalis genii gravitate declinans, in Dei omnipotentis honore conjubilat. Cui Michol: « Quam **710** gloriosus, inquit, hodie fuit rex Israel, discooperiens se ante ancillas servorum suorum! et nudatus est, quasi si nudetur unus de scurris (*II Reg. vi*). » Superbi scilicet regis filia humilitatem viri portare non potuit, atque idcirco nuditatis, quæ Domino ministrabat, gloriam non cognovit.

Talem ergo merentur habere magistram qui carnem suam coram fratribus perhibent non esse nudandam. Et quoniam isti, arescentes in radice superbix, nunquam spiritualem germinant fructum, his merito congruit quod de illa quoque Scriptura testatur, dicens: « Igitur Michol filia Saul non est natus filius usque in diem mortis suæ (*Ibid.*). » Nam et isti merito deberent a vobis cum austeritate repelli, sicut illam David suis responsionibus fregit: « Vivit Dominus, ait, quia ludam ante Dominum, et vilis fiam plusquam factus sum, et ero humilis in oculis meis (*Ibid.*). » Cui scilicet Michol simul cum

A suis discipulis deliciose viventibus quodammodo per Isaiam Dominus dicit. « Et nunc audite hæc, delicata et habitans confidenter, quæ dicis in corde tuo: Ego sum, et non est præter me amplius, non sededo vidua, et non videbo sterilitatem; venient tibi hæc duo subito in una die, sterilitas et viduitas (*Isa. xlvii*). » David plane, ut nudus incederet, sanctus qui in eo erat Spiritus impulit; Michol vero paternus ille possessor, ut eum insolenter argueret, incitavit. De quo videlicet possessore dicitur: « Quia insiluit spiritus Domini malus in Saul (*I Reg. x*). » Ideoque sine ulla dubitatione credendum est quia divinus eum Spiritus provocat qui ad honorem crucis Christi se humiliter nudat, et ille superbi Saul spiritu in arrogantiam tumoris attollitur, qui se, ut crucifixo Christo participet, exuere dedignatur. Quæ profecto superbia sic eum ab ipso humilitatis auctore divisit, ut ne Samuel quidem sibi veniam impetrare poterit.

Egregium prophetarum Isaiam publice coram omni populo nudum incedere Dominus imperat, et monachus, qui, ut ita loquar, unius stateris impar est, nudari coram paucis fratribus erubescit: « Vade, inquit, solve saccum de lumbis tuis, et calceamenta tolle de pedibus tuis; » moxque subiectum est: « Et fecit sic, vadens nudus et discalceatus (*Isa. xx*). » Et notandum quia non molle carbasinum, non stamineum delicatum; sed, ait, solve saccum de lumbis tuis. Ut ex vestis molliæ colligas quam delicate, quam molliter vixerint quoscunque etiam sam lege veteri Spiritus veritatis implevit. Reges igitur ac prophætæ, imo Salvator, pariter et apostoli nequaquam veriti sunt nudari, cum id ordo persecutionis expetiti; et tu, quasi dominicus delicatus, times nudus aspicere, ne te contingat oculis videntium fasciari! Et revera fratres tui pulli sunt corvorum qui Domini sui portare gloriantur opprobrium; tu, sicut dicitur, filius gallinæ albæ, gaudes ornatus ac nitidulus apparere. Sed dum corvorum contemnis superbiendo nigredinem, lepræ, quam lex antiqua denuntiat, incurris alborem.

711 CAPUT VI.

Corporis nostri vilitas ac fetor.

Age, frater, quid est caro ista, quam videlicet tam diligenti cura vestibus contegis, et tanquam regiam sobolem molliter nutris? Nonne massa putredinis? nonne vermis, pulvis ac cinis? Nec iste, qui nunc est, a sapiente viro attenditur, sed potius dignum est ut sanies, virus, fetor, et obscenæ corruptionis illavies, quæ postmodum futura est, perpendatur. Quas ergo gratias tibi referent vermes, qui voraturi sunt carnes quas molliter ac suaviter enutristi? Age, inquam, cur passus est Christus? An ut proprios reatus ablueret, et excessus sui commissi deleret? Sed audi Petrum de illo dicentem: « Qui peccatum non fecit, nec dolus inventus est in ore ejus (*I Petr. ii*). » Ad quid ergo passus est? Adhuc Petrus ipse respondet: « Christus, ait, passus est pro nobis, vobis relinquens

exemplum ut sequamini vestigia ejus (*I Petr. II*). » A
Christus ergo primo passus est, quem protinus apostoli sunt secuti, quorum et nos vestigia præcipimur imitari, sicut unus eorum dicit : « Imitatores mei estote, sicut et ego Christi (*I Cor. XI*). » Ad quid ergo Christum legimus passum, nisi ut ejus e vestigio prosequamur exemplum?

Obsecro itaque vos, dilectissimi, aures vestras a serpentinis perversa loquentium sibilis claudite, easque in simplicitate pauperis et crucifixi Christi Jesu virgines custodite; aureum Babylonis poculum, et calicem iræ Dei, qui vobis blande porrigitur, ab ore vestro repellite; pestifera superborum et adulterantium verbum Dei venena vitate. De quibus ad Timotheum Apostolus dicit : « Profana et vaniloquia devita : multum enim proficiunt ad impietatem; et sermo eorum ut cancer serpit (*II Tim. II*). » Ne vobis et mihi, quod absit ! gemina formido contingat, quam Apostolus diversis ponit in locis : « Vobis quidem timeo ne, sicut serpens Evam seduxit astutia sua, ita corrumpantur sensus vestri, et excidant a simplicitate quæ est in Christo Jesu; mihi autem illud timeo ne sine causa laboraverim in vobis (*Gen. III; II Cor. XI; Gal. IV*). » De illis etiam dicit : **712** « Nam ejusmodi pseudoapostoli sunt operarii subdoli, transfigurantes se in apostolos Christi, quorum finis erit secundum opera eorum (*II Cor. XI*). » Non ergo mens sancta participare crucem Christi in verberibus metuat, non ejus contumeliam in nuditate corporis erubescat, cum ipse dicat : « Qui me erubuerit et
C meos sermones, hunc Filius hominis erubescet, cum venerit in majestate sua, et Patris, et sanctorum angelorum (*Luc. IX*). » Nunquam plane de sui corporis nuditate confunditur qui clara mentis acie

lutaræ præmia retributionis contempletur, nec perhorrescit plagarum sub momento volante asperitatem qui provide considerat eam quæ sibi compensanda est suavitatis æternæ dulcedinem.

O quam jucundum ! o quam insigne spectaculum ! cum supernus Judex de cælo prospectat, et homo semetipsum in inferioribus pro suis delictis mittat ! Ubi reus ipse, in pectoris sui tribunalibus prædens, trifarium tenet officium; in corde se constituit judicem, reum in corpore, manibus se gaudet exhibere tortorem; ac si Deo sanctus pœnitens dicat : Non opus est, Domine, ut officio tuo me punire præcipias; non expedit ut ipse me justi examinis ultione percellas; ipse mihi manus injicio, ipse de me vindictam capio, vicemque meis peccatis reldo.

B Et hoc est profecto quod Petrus apostolus admonet, dicens : « Nemo vestrum patiatur quasi homicida, aut fur, aut maledicus, aut alienorum appetitor; si autem ut Christianus, non erubescat (*I Petr. IV*). » Enimvero ubi hoc fit, demones fugiunt, et quod ad Christi gloriam eorumque sit ignominiam, cernere perhorrescunt. Huic econtra spectaculo assistunt angeli, qui gaudent de peccatore converso (*Luc. XV*); et hoc Deo gaudentes annuntiant, cum jam invisibilis Judex id ipsum per se delectabiliter cernat. Hæc est hostia quæ viva mactatur, ad Deum per angelos oblata deferitur; et sic humani corporis victima illi unico sacrificio quod in ara crucis oblatum est, invisibiliter permiscetur; et sic in uno thesauro sacrificium omne reconditur, videlicet et quod unumquodque membrum, et quod caput omnium obtulit electorum.

Sit nomen Domini benedictum.

713-714 OPUSCULUM QUADRAGESIMUM QUARTUM.

DE DECEM ÆGYPTI PLAGIS, ATQUE DECALOGO.

ARGUMENTUM. — Perniciosa quædam et teterrima vitia, quæ ab omnibus, et præcipue ab iis qui arctius vitæ institutum arripuerunt, evitanda esse, per Ægypti plagas indicari; iis, tanquam antidota, quæ in Decalogo continentur præcepta singula singulis ex diametro opponi docet.

Dilectissimo fratri JOANNI jam non Laudensi, ideo-
que laudabili viro, PETRUS peccator monachus vater-
ternæ dilectionis affectum.

Contempsisti nuper, fili, Pharaonem, et superbi regis ac opprimentis Ægypti simul abominatus es servitum; necesse est ergo nunc ut, gradiens per desertum, multa tentationum genera subeas, sitis ac famis inopiam perferas, et sic per ærumnosa pericula diversæque calamitatis angustias ad terram repositionis attingas. Oportet ergo te ad montem Sinai cum Hebraico populo festinare, et illic divinæ legis mandata percipere, ut, his tanquam telis ac lo-

Drica munitus, et insurgentium hostium jacula respuas et ingruentibus quibuslibet adversitatum casibus non succumbas. Sed hæc lex data est populo quinquagesimo die postquam egressi sunt ex Ægypto. Quinquagesimus autem numerus pœnitentiæ dedicatur, sicut per multa Scripturarum argumenta colligitur. Quod et Jubilæus significat annus, et quinquagesimus ille psalmus, quem David pœnitendo descripsit. Et sicut illi in Evangelio debitorum, quorum alter quingentos, alter debebat quinquaginta denarios (*Luc. VII*); ita quoque qui debebat centum cados olei, quinquaginta scribere jussus est

(*Luc. xvi*). Quæ videlicet omnia pœnitentiæ odora-
menta salubriter spirant, si non desint nares intel-
ligentiæ, quæ mysterii fragrantiam sagaciter attra-
hant. Ut ergo dignus sis divinæ legis edicta susci-
pere, te per pœnitentiam corrige, præteriti reatus
nequitiam confitere; et sic, intra pœnitentiæ nume-
rum currens, ex confessione peccati pervenies ad
montem Dei. Et hoc aptissime congruit quod mons
ille Sinai dicitur, quod *rubus* interpretatur. Per
rubum sane, qui spinis undique cingitur, peccato-
rum nostrorum, quæ Dominum pungunt, asperitas
designatur. Unde per Jeremiam dicitur: « Spinis
peccatorum suorum circumdedit me populus hic
(*Thren. iii*). » Et in Apocalypsi legitur: « Quia vi-
debit eum omnis oculus, et qui eum pupugerunt;
et plangent se super se omnes tribus terræ (*Apoc.*
i). » Hic itaque mons sanctam præfiguratur Ecclesiam,
in qua fit et confessio simul et remissio peccato-
rum. Nam Moyses in rubo Dominum vidit, qui vidi-
licet rubus Ecclesiam, in qua Dominus videtur, ex-
pressit. Unde et idem Moyses cum peteret, dicens:
« Si inveni gratiam ante te, ostende mihi temet-
ipsum manifeste, ut videam te (*Exod. xxxiii*). » Cui
respondum est ut supra petram staret, et inde Do-
mini posteriora conspiceret. Petra nimirum illa
fides est, super quam Ecclesia catholica construi-
tur, unde Dominus videtur.

CAPUT PRIMUM.

Quod divina lex sit medicamentum plagarum.

Ab hoc ergo monte necessarium est medicamenta
suscipere, quæ te valeant ab eo quem in Ægypto
contraxeras languore sanare. Quid enim plagæ
quæ in Ægypto factæ sunt, nisi vulnera? et quid
lex illa cœlestis, nisi eorundem fuit vulnere medi-
cina? Debet enim per confessionem peccator elu-
vium sui reatus evomere, et sic pœnitentiæ pocu-
lum de vasculo divinæ legis haurire. Hic enim sor-
betur antidotus, ut animæ languentis ægritudine sane-
tur. Porro autem animæ carnalibus illecebris disso-
lutæ per voluptatum suarum campos et prata
discurrunt, et, tanquam effrenes equi, per lenocinan-
tis petulantie blandimenta lascivium. Cohortantur
enim se vicissim, sicut liber Sapientiæ testatur, et
dicunt: « Venite, et fruamur bonis quæ sunt, et
utamur creatura tanquam in juventute celeriter;
vino pretioso et **715** unguentis nos impleamus,
et non prætereant nos flos temporis; coronemus nos
rosis, antequam marcescant; nullum pratum sit
quod non pertranseat luxuria nostra, nemo nostrum
sit exorsor luxuriæ nostræ; ubique relinquamus
signa lætitiæ (*Sap. ii*). » Isti nimirum lascivientes
et himnientes equi quanto pinguioris arvinæ sunt
robore validi, tanto intrinsecus deterioris morbi
noscantur ægritudine dissoluti; et cum illis frenum
divinæ legis adhibetur, quid aliud quam nexus ac
vinculum putrescentibus membris apponitur; ut
quod dehiscere prorsus ac fluere cœperat, præcep-
torum cœlestium retinaculis astringatur? Hinc
est quod evangelicus ille Samaritanus approprians

illi qui vulneratus a latronibus fuerat, alligavit vul-
nera ejus, infundens oleum et vinum (*Luc. x*). Hinc
est quod per Ezechielem pollicetur, dicens: « Quod
perierat requiram, et quod abiectum fuerat rede-
cam, et quod contractum fuerat alligabo, et quod
infirmum fuerat consolidabo (*Ezech. xxxiv*). » Plagæ
igitur factæ sunt in Ægypto, quia humanæ animæ
vulnera infliguntur in mundo. Necesse est ergo ut
vulnerati quique ad montem Sinai, hoc est ad Ec-
clesiam, veniant, ut eorum vulnera præceptorum
cœlestium nexu astringant. Nam quot plagæ fue-
rant, tot præcepta sunt divinitus promulgata, ut
quot sunt vulnera cordis ægroti, totidem sint me-
dicamenta quæ illis valeant adhiberi.

CAPUT II.

De divinæ legis promulgatione.

Sed antequam de plagarum ac legalium manda-
torum concordia numero disputemus, dicendum est
quia, sicut quinquagesimo die, postquam paschalis
agnus occisus est (*Exod. xii, xix, xx*), Hebraicus
populus legitur accepisse Decalogum; ita nihilomi-
nus a resurrectione Domini quinquagesimo similiter
die Spiritus sanctus super apostolos visus est in va-
rietate linguarum (*Act. ii*). Illic digito Dei lex per-
hibetur fuisse descripta, et Spiritus sanctus, qui die
Pentecostes discipulis datus est, digitus Dei dicitur,
sicut ipse Dominus ait: « Si in digito Dei ejicio
dæmonia, profecto pervenit in vos regnum Dei (*Luc.*
xi). » Audit illic populus voces atque tonitrua clan-
goremque buccinæ perstreptentem; aspiciit lampades
et fulgura montemque fumantem. In vocibus
nempe et tonitruis ac tubæ clangoribus vehementes
clamor est prædicantium, in lampadibus autem
atque fulguribus claritas miraculorum. Quæ scilicet
omnia sancti Spiritus sunt virtute completa; quo
flagrantes apostoli in varietatibus intonuerunt lingua-
rum, et radiarunt splendore virtutum. Quod autem
Dominus in igne simul ac fumo descendit, mystice
docet quia, sicut fideles radio suæ cognitionis illumi-
nat, sic infidelium oculos quasi per fumigantes te-
nebras erroris obscurat. Hinc est quod Dominus in
Evangelio dicit: « Ego in hunc mundum veni, ut
qui non vident, videant, et qui vident, cæci fiant
(*Joan. ix*). » Et per Isaiam dicitur: « Succensa est
quasi ignis impietas, veprem et spinam vorabit;
et succendetur in densitate saltus, et convolvitur
superbia fumi (*Isa. ix*). » Sed **716** quoniam epi-
stolari compendio hæc sacramenta non congruunt,
quæ prolixis etiam voluminibus explicari vix pos-
sunt, redeamus ad plagas Ægypti et mandata legis;
et videamus hinc nostra vulnera, illinc medicamenta
cœlestia sub eodem numero contineri; ut quot sunt
morbi, totidem apponantur antidoti; quatenus, dum
suum cuique vulneri malagma salutis apponitur, ra-
tionalis anima mox ad statum incolunitatis pristinæ
per omnia reformetur. Porro autem cum per lasci-
viæ fluxum resolvitur anima, divinæ legis indiget
ligatura. Et cum mandatorum cœlestium vinculis

alligatur, ad robur optatæ salutis per objecta vulneribus fomenta reductur.

CAPUT III.

De prima plaga.

Age igitur, prima plaga est cum aquæ vertuntur in sanguinem (*Exod. vii*). Porro autem istæ plagæ non sunt nisi in Ægypto, id est in corde tenebroso et caligine cæcitatibus oppresso. Cui scilicet aquæ vertuntur in sanguinem, cum cæca mens, quantum ad se, confundit ac violat rectæ fidei puritatem. Sicut enim per aquam omnes de visceribus terræ segetes prodeunt, sic ex fide spiritualia proferuntur alimenta virtutum. Tunc igitur aqua in sanguinem vertitur, cum cæcitate perfidiæ cor insipiens obscuratur. Sicut de quibusdam dicit Apostolus: « Quia cum cognovissent Dominum, non sicut Dominum glorificaverunt, aut gratias egerunt, sed evanuerunt in cogitationibus suis, et obscuratum est insipiens cor eorum (*Rom. i*). » Cui primæ plagæ, hoc est pestilentissimo vulnere, mox adhibetur primi medicinæ præcepti: « Audi, Israel, Dominus Deus tuus Deus unus est (*Deut. vi*). » Hoc est enim medicinale vinculum quo perfidiæ vulnus debeat colligari, ut, hoc audiens, unum solummodo Deum colas, et in plures deos marcescentis perfidiæ putredinem non effundas. Et, justo Dei iudicio, juxta litteram factum est ut illius fluvii sanguine potarentur Ægyptii in quo primitus pueri necabantur Hebræi.

CAPUT IV.

De secunda plaga.

Secunda vero plaga ranarum est abundantia (*Exod. viii*). Rana clamoribus est animal, et in limosis vociferatur ex more paludibus. Cui similes iudicantur hæretici ac philosophi, qui, velut super paludes limosas, hoc est inter turbas squalore perfidiæ sordidas, vanis adversus Christum vociferantur obloquiis; et, dum per argumenta fallaciæ non desinunt importunis garrere clamoribus, inane quidem in auribus tædium, sed nullum mentibus vivendi afferunt cibum. Cui morbo, qui videlicet in anima lethaliter sævit, secundum præceptum tanquam poculum salutis occurrit. Secundum autem præceptum est: « Non assumes nomen Domini Dei tui in vanum (*Exod. xx*). » In vanum namque Christi nomen **717** assumit qui eum non Creatorem, sed tantummodo creaturam credit. Vanitati enim creatura subjecta est. Et ideo tales homines sunt procul dubio vani, quia, veritatem Dei commutantes in mendacium, fidem adhibent vanitati.

CAPUT V.

De tertia plaga.

Tertia vero plaga ciniphes sunt (*Exod. viii*). Hoc autem animal tam minutum est ac perexiguum, ut, dum se per aerem librat, et huc illucque vagabundis infractibus instabiliter volat, visum cernere volentis effugiat. In corpore tamen nostro cum sederit, pungit: adeo ut cum eas nequeas videre dum volant, compellaris sentire cum stimulant; et, dum circumvolantes, seseque importunius ingerentes, vultus

nostros infestare non desinunt, volentes quiescere non permittunt. Quamobrem hæc plaga vagationis et inquietudinis vitium manifeste designat. Quo videlicet morbo quidam laborantes inutiliter huc illucque discurrunt, et, velut malis Vertumnis obnoxii, per impatientiam non quiescunt. Sed quoniam ciniphes istæ perexiguae sunt et noxiæ, ut non tam pondus videantur habere quam morsus, qui vitio vagationis inserviunt, quod per ciniphes designatur, leve quidem arbitrantur esse peccatum, sed non levi reatus perfodiuntur aculeo. Non aggravat pondus, sed penetrat morsus; quia quanto vitium hoc levius deputant, tanto major necesse est ut peccati stimulus animæ languentis inferiora transfigat. Huic itaque languori tertii præcepti obviat medicina, cum dicitur: « Memento ut diem Sabbati sanctifices (*Exod. xx; Deut. v*). » Sabbatum, id est requies. Ubi est sanctificatio Sabbati, ibi procul dubio spiritus Dei. Unde scriptum est: « Super quem requiescet spiritus meus, nix super humilem et quietum, et tremement sermones meos? » (*Isa. lxxvi*). Pensanda sunt verba, quia si Spiritus sanctus requiescit tantummodo super quietum, ergo deserit inquietum. Enimvero, sicut secundum præceptum refertur ad Filium, ita hoc tertium pertinet ad Spiritum sanctum, qui nihilominus tertia est in sancta Trinitate persona. Nam et illam tertiam plagam Spiritui sancto incautiores ascribunt, cum et ipsi ciniphes excitare non possunt, dicentes ad Pharaonem: « Dignus Dei est hic (*Exod. viii*). » Ad colendum hoc Sabbatum, discipulum suum provocabat Apostolus, cum dicebat:

« Attende lectioni et doctrinæ (*I Tim. iv*). » Et alibi: « Orate sine intermissione (*I Thess. v*). » Ad hujus Sabbati cultum Dominus nos provocat per Prophetam, cum dicit: « Vacate, et videte, quoniam ego sum Dominus (*Psal. xlv*). » Ac si dicat: Spirituale sabbatum colite, vagationis inquietudinem devitate, ut per Spiritus sancti gratiam fixos, non vos ciniphes inquietent, sed spiritualis sabbati cultura sanctificet. Notandum præterea quoniam tria duntaxat ista præcepta in una descripta sunt tabula; alia vero septem continebantur in altera. Ista siquidem ad charitatem Dei; illa vero ad amorem pertinent proximi. Et ideo non amplius quam duæ sunt tabulæ, quia geminæ sunt charitatis impressiones **718** distinctæ. Triæ plane præcepta in una tabula, septem vero descripta fuisse in alia, ex hoc maxime colligitur quod beatus Apostolus ad Ephesios ait: « Filii, obedite parentibus vestris in Domino, hoc enim iustum est (*Ephes. vi*). » Honora patrem et matrem, quod est mandatum primum in promissione, ut bene sit tibi, et sis longævus super terram. Cur autem primum hoc mandatum dicitur, nisi quod in principio secunda tabulæ positum est? Quod etiam in promissione dicitur, quia quod in aliis præceptis non invenitur, hoc præceptum longævitas promissio sequitur. Premisso nimirum hoc quod dicitur: Honora patrem et matrem, ut bene sit tibi, et sis longævus super terram. Hoc ergo præceptum,

quod quartum est in generali numero mandatorum, A in secunda tabula ponitur primum.

CAPUT VI.

De quarta plaga.

Cui contraria est quarta plaga, hoc est onomyia, quæ dicitur musca canina (*Exod. viii*). Nihil enim tam caninum est quam ignorare parentes, et illis qui nos genuerunt, reverentiam non deferre. Eos etiam tanquam muscæ circumvolantes canini noires exagitant, qui, dum deferre parentibus nesciunt, per levitatis inconstantiam a naturali gravitate recedunt; eosque tanquam caninæ muscæ dilacerant, dum se contra genitores suos quasi ringentes et oblatrantes per impatientiam vexant. Ut hæc ergo plaga curetur, digna parentibus reverentia deferatur.

CAPUT VII.

De quinta plaga.

Quinta plaga mors pecorum est (*Exod. ix*). Omnes enim qui, spreto conjugali toro, alienarum se mulierum fœditatibus pollunt, et per obscenæ libidinis passim fluxa resolvunt, quid aliud quam brutâ dicenda sunt pecora, atque a ratione spiritualis intelligentiæ penitus aliena? Facti sunt enim, « sicut equus et mulus, quibus non est intellectus (*Psal. cxxx*). » Et per Jeremiam dicitur: « Satiavi eos, et mœchati sunt, et in domo meretricis luxuriabantur; equi amatores in feminas emissarii facti sunt, unusquisque ad uxorem proximi sui hinniebat (*Jer. v*). » Hæc ergo pecora necesse est ut funditus exstincta depereant, nisi divinæ legis medicamen accurrat. Dicitur ergo: « Non mœchaberis (*Exod. xx*). » Hoc itaque quintum præceptum quintæ plagæ tanquam medicinalis nexus opponitur, ut, dum proprio toro quisque contentus esse compellitur, nequaquam in extraneos carnis amplexus intemperantiæ diffrenatæ libidinis extendatur.

CAPUT VIII.

De sexta plaga.

Sexta plaga sunt vulnera, et vesicæ turgentes atque ferventes (*Exod. ix*). In vulneribus scilicet **719** arguitur dolosa odientium ac purulenta malitia; in vesicis, tumens et inflata superbia; in fervore, ardens ira et inflammati furoris insaniam. Sunt enim animæ quædam homicidales, in quibus hæc pestes oriuntur et accerrime sæviunt; easque, nisi humanum sanguinem fundant, quiescere non permittunt. Huic itaque furenti morbo et immaniter æventi sextum præceptum tanquam medicina cœlestis occurrit, quo dicitur: « Non occides (*Exod. xx*). » Ut hoc quilibet audiens, exortam male voluntatis in semetipso perniciem reprimat, nec extrinsecus ad offundendi cruoris effectum conceptum malitiæ conscientiæ virus erumpat.

CAPUT IX.

De septima plaga.

Post hæc plaga grandinis ponitur, ubi scilicet grando et ignis pariter ferebantur (*Exod. ix*). Porro autem duo hæc contraria sunt, frigus in grandine, calor in igne; sic qui aliena furantur, et a fraterna

charitate sunt frigidi, et ardore cupiditatis accensi. Ubi etiam fulgura atque tonitrua mista fuisse cum grandine perhibentur. Quid autem per fulgura et tonitrua, nisi pavor intolerabilis designatur? Et hoc furibus familiare est, ut primo capi, deinde puniri tremefactis visceribus paveant, nec tamen a semel conceptæ nequitiae perpetratione quiescant. Istæ nimirum pestes, hoc est, grando, ignis, fulgura, simul atque tonitrua, eorum corda qui clam algida diripiunt, tanquam quædam arva, devastant: et, si qua sunt, omnes bonæ voluntatis fruges, et germina dissipant. Huic itaque pessimo vulnere septimi succurrit medicina mandati, cum dicitur: « Non furaberis (*Exod. xx*). » Ut hoc quisque cognoscens, cordis sui segetes hac multiplici peste non perdat, sed bonorum B operum frugibus animæ suæ cellarium repleat, implens illud apostolicum: « Qui furabatur, jam non furetur; sed laboret manibus suis, ut habeat unde tribuat necessitatem patientibus (*Ephes. iv*). »

CAPUT X.

De octava plaga.

Octava autem plaga locustæ sunt (*Exod. x*). Per hæc animalia, quæ segetum germina destruant et pestifero fruges ore corrodunt, qui possunt melius designari quam ii qui fratribus detrahunt, et falsum illis crimen opponunt [imponunt]. Nam quasi alienæ segetis germina devorant, dum fratrum suorum non modo bona supprimunt, quæ prædicare debuerunt, sed ultro etiam nota eos falsi reatus infamant. Rudent itaque, quia non modo eorum vera bona per invidentiam contegunt, sed eis etiam stigma fictæ pravitatis inurunt. An isti tanquam locustæ non rodunt, quibus per Apostolum dicitur: « Si mordetis et comeditis invicem, videte, ne ab invicem consumamini? » (*Gal. v*). Huic itaque plagæ mandatum illud competenter opponitur, quo dictum est: « Non falsum testimonium dices (*Exod. xx*). » Ut videlicet falsus quisque testis, **720** qui non erit impunitus, ab alienæ vitæ morsu se reprimat, locustinos dentes abjieciat, et virentia segetis alienæ germina non abrodant.

CAPUT XI.

De nona plaga.

Jam nona plaga est densitas tenebrarum (*Exod. x*). Nemo magis in interioribus tenebras labitur, quam is qui conjugalis thalami violat fidem, et alienam invadere querit uxorem. Sed has tenebras, quas nique cor luxuriæ deditum tolerat, divinæ legis splendor illustrat, cum dicitur: « Non concupisces uxorem proximi tui (*Exod. xx*). » Ubi notandum quia non dicit, non tolles sive non pollues, sed, quod plus est, non concupisces uxorem proximi tui. Superius certe dictum est, non mœchaberis; hic dicitur, non concupisces uxorem proximi tui. Ergo de re una duo videntur esse mandata. Illic enim mœchiæ alienum torum violentis effectus; hic etiam violare volentis prohibetur affectus. Illic spurcus et illicitus condemnatur adulteri coitus; hic etiam adulterinæ concupiscentiæ compescitur appetitus. Et

revera ipsa concupiscentia violandi alieni matrimonii adulterium est, sicut Dominus ait: « Qui viderit uxorem alterius ad concupiscendum eam, jam mœchatus est eam in corde suo (*Matth. v.*) » Non ergo quispiam alienam concupiscat uxorem, ne palpabilem tenebrarum patiat in corde caliginem. Quam et si forte jam patitur, corruscantem radium mandati legalis admittat, et sic tenebras conscientiae cœcutientis abiciat.

CAPUT XII.

De decima plaga.

Postremo decima plaga est mors primogenitorum (*Exod. xi.*). Duos filios habet homo, nimirum cum facit opus quod ad hanc pertinet vitam, et cum spirituale quid operatur quod ad vitam tendit æternam. Sed spiritualis fructus, quasi primogenitus noster, in nostris operibus debet obtinere primum. Unde et Dominus: « Primum, inquit, quærite regnum Dei, et hæc omnia adjicientur vobis (*Matth. vi; Luc. xii.*) » Ac si dicat: Gignite spirituales fructus, qui vester sit utique primogenitus; qui vero ad hujus vitam pertinet necessaria, sit in hæreditate secundus. Huic enim primogenito cum Jacob debetur benedictio (*Gen. xxvii.*). de Esau vero ejusque similibus Scriptura dicit: « Hæreditas, ad quam in principio festinatur, in novissimo benedictione carebit (*Prov. xx.*) » De his duobus liberis in Deuteronomio per figuram dicitur: « Si habuerit homo uxores duas, unam dilectam, et alteram odiosam, generitque ex eis liberos, et fuerit filius odiosæ primogenitus, volueritque substantiam inter filios suos dividere, non poterit filium dilectæ facere primogenitum, et præferre filio odiosæ: sed filium odiosæ agnoscat primogenitum, dabitque ei de his quæ habuerit cuncta duplicia; iste est enim principium liberorum ejus, et huic debentur primogenita (*Deut. xxi.*) » De quibus omnibus verbum illud hic duntaxat ducimus exponendum, **721** quod uxor dilecta sit vita mollis, deliciosa, carnalis; odiosa autem uxor est vita spiritualis, utpote rigida, districta, et omnino carnalium delectationum illecebris inimica. Hujus ergo filio primogenita debentur, quia spiritualis vitæ fructus illum habere meretur in præmium, qui est, juxta Joannem, « Primogenitus mortuorum, et princeps regum terræ; qui dilexit nos, et lavit nos a peccatis nostris in sanguine suo (*Apoc. i.*) » Sed hic primogenitus, id est spiritualis fructus, illi procul dubio moritur, qui, suis non contentus, alienis rebus intendit; quod fraterni juris est appetit, et bona proximi succensis avaritiæ facibus concupiscit. Sed decimum legis præceptum est: « Non concupisces rem proximi tui (*Exod. xx.*) » Hoc igitur ille mandatum diligenter

A audiat, ne primogenitum perdat, ut de primogenito suo gaudeat, et nequaquam quod alienum est concupiscat.

CAPUT XIII.

Divinorum præceptorum emolumenta et præconia.

Hæc sunt, fili charissime, divinæ legis edicta: ab his omnia Scripturæ sacræ prodeunt instrumenta, his omnibus sanctæ religionis innititur disciplina. Hæc certe fluentium vulnerum vincula, hæc salubris est animarum languentium medicina. Has plæpe omnes plagas, quas in Ægypto pertulimus, imo cunctos interiorum ægritudinum morbos, quos in planitie sæcularis vitæ concepimus, apud montem Sinai (*Exod. xix.*), hoc est, in sublimitate sacri propositi, curare debemus. In his itaque semper esto, hæc sedulus meditare: et, ut ita loquar, hæc pigmenta vel species in pisanario mentis tuæ jugiter tere. Ex hac igitur aromatum cella **722** non ex eas; sed hic omnes animæ tuæ latebras curiosius inspicere; cuncta viscerum tuorum arcana scrutare; medicamenta vulneribus, prout cuique apta perspexeris, adhibere, et incolunitatem postquam semel adeptus fueris, pervigili satage solertia custodire. Nam pejor est recidiva quam febris; et, sicut medici perhibent, diæta non minus est observanda quam cura; videlicet ut alimenta quæ sunt contraria caveas; et quidquid noxium, quidquid acceptis antidotis probatur adversum, tanquam virus lethale contemnas. Hoc est plane decachordum illud psalterium; quod crebra plectri jubemur impulsionem percutere, hoc est, sanctis operibus quasi tot chordas quot sunt mandata, crispare. His itaque bene compositis, cum Moyse montana conscende, districtioris vitæ fastigium arripe, ut cum eo simul merearis audire: « Vade, et dic eis: Revertimini in tentoria vestra; tu vero sta hic, et loquar tibi omnia mandata, et cæremonias, atque judicia (*Deut. v.*) » Tu quoque dans mundo repudium, cum Domino jugiter permane, et in ejus conspectu promptus assiste. Neque enim dicit: Sede hic, vel recumbe mecum; sed, sta hic mecum. Ut intelligas ipsum spirituale otium in laboris exercitio constitutum. Sta igitur in monte cum Domino, ut infæderabile bellum cum spiritibus nequitie jugiter conseras, ut illices passionum carnalium petulantias non enerviter frangas. Sic itaque adversus ingruentium vitiorum barbariem dimica, ut rebelles cum Josue victor obtineas reges (*Jos. x.*), ipseque te jubeat victricibus plantis eorum calcare cervices; quatenus, hostium manibus opulentus, et victoriarum titulis insignitus, terram reprimissionis triumphator attingas, imo cum veris Israelitis terram viventium hæreditate semper munere possideas.

Sii nomen Domini benedictum.

723-724 OPUSCULUM QUADRAGESIMUM QUINTUM.

DE SANCTA SIMPLICITATE SCIENTIÆ INFLANTI ANTEPONENDA.

ARGUMENTUM.—Consolatur AripRANDUM monachum, qui ingenium liberalibus disciplinis in sæculo non excoluerit : ostenditque sciendi cupiditatem originem esse malorum omnium ; scientiam ipsam, præsertim a Christianis virtutibus abijunctam, professoribus perniciosam, aliis inutilem ; contra vero sanctam simplicitatem securam esse ac perutilem. Proinde illum hortatur ut, si velit aliquid utiliter sapere, ad Deum per contemplationem rerum divinarum accedat.

Sanctæ spei filio AripRANDO, PETRUS peccator ARum, non licet, quæso, pastori, ut censoriam super monachum paternæ dilectionis affectum.

Nimis ingratus esse servus, si postquam tela vel gladios ab herili liberalitate percepit, eisdem mox armis accinctus, adversus dominum suum protinus in bella consurgit : perduellionis reus est miles qui, ditatus imperialibus donis, asserit aptius sibi convenire coronam quam subjectionis vel obedientiæ clientelam. Confiteris te, fili mi, frequentius impugnari, et infestantium cogitationum perferre caliginem, quia cum docile cor ac facillimum habeas ad discendum, ante veri luminis aditum requisisti quam cæcam philosophorum sapientiam disceres : ante ad eremum pervolasti, sequens vestigia piscatorum, quam liberalium artium non diem studiis sed stultitiis insudares.

CAPUT PRIMUM.

Scientiæ cupiditas quam perniciosa.

Hanc ergo querelam a te clementia divina commiserit, quæ et tibi subtilioris ingenii gratias prærogavit. Nimirum si inter ipsa tuæ rudimenta militiæ veteranos hostis eodem te genere certaminis impetit, quo scilicet et in ipso mundi nascentis initio primos parentes humani generis superavit. Hæc enim prima serpentis verba sunt ad mulierem, his sibilis draco terribissimus in cor eius venena stillavit : « Scit Deus, inquit, quod in quocunque die comederis ex eo ; » haud dubium quin poma, « aperient oculi vestri : » et, « eritis sicut dii, scientes bonum et malum (Gen. iii). » Ecce, frater, vis grammaticam discere ? discere Deum pluraliter declinare. Artifex enim doctus, dum artem obedientiæ noviter condidit, ad colendos etiam plurimos deos inauditam mundo declinationis regulam introducit. Porro, qui vitiorum omnium catervas moliebat ut inducere, cupiditatem scientiæ quasi ducem exercitus posuit, sicque post eam infelici mundo cunctas iniquitatum turmas movit. Quid ergo mirum si in Evæ filium idipsum adhuc jaculum vibrat quod in eandem Evam antiquus olim hostis intorserat ? Expertus quippe non potest desperare successum, dum eandem filiis incertis pugnam qua super parentes nostros dudum se neminis obtinuisse victoriam.

Sed cum Redemptor noster pastor utique sit, non quidem canum vel luporum ferarumve frendentium, sed ovium, et non tantum ovium sed et agno-

rum, non licet, quæso, pastori, ut censoriam super gregem suum virgulam teneat, eumque vel mensæ vel pascuæ pro voluntate decernat ? Nam et Dominus in legalibus cæremoniis modo boves, modo vitulos, modo arietes, modo agnos anniculos præcipit immolari.

CAPUT II.

Cur Deus alios juvenes, alios senes ad se vocet.

Dum ergo de grege suo faciat possessor quisque quod velit, quo pacto non licuit Creatori tuo te velut agnum tenerrimum mensæ refectionis apponere, reliquumque gregem in exterioris adhuc vitæ pascuis reservare : ut te jam intra propria viscera speciali quadam familiaritate trahat, dum alios interim suis temporibus convertendos moderamine piæ dispensationis expectat ? Samuel namque puerulus tanquam tener agniculus cum tribus farinæ modis et amphora vini, mensæ Domini, ut 725 ita loquar, apponitur, dum Heli sacerdoti, et templo Dei, quod erat in Silo, a parentibus dedicatur (I Reg. i). Joannes Baptista non solum ipse agnus, sed Agnum prædicaturus qui tollit peccata mundi, de grege sacerdotalis domus eligitur, et in deserta contendit (Luc. ii; Joan. i, etc.) ; ut eo Dominus, velut epulo suavisedulii, delectabiliter saginetur. Non enim homines ad procinctum spiritualis militiæ pro suo duntaxat alleguntur arbitrio ; sed is qui eos, ut ad se convertantur, inspirat, singula super eos ætatem ac temporum momenta dispensat ; ut alios ad se trahat incrementa jam senectute maturos, alios juvenis incrementi vigore robustos ; istos tollat primo pubescentis adolescentiæ decore vernantes, illos autem ab ipso pueritiæ lactantis exordio, velut de nido pullos inducat implumes. Achias sane præ nimia jam senectute caligat, sed uxorem Jeroboam eminus adventantem prophetalis oculi serenitate prospectat : « Ingredere, inquit, uxor Jeroboam, cur aliam te esse simulas ? Ego autem missus sum ad te durus nuntius (III Reg. xiv). » Ezechiel tricennali viget ætate, cum, juxta Chobar fluvium constitutus, ad dispensandum prophetiæ gratiæ promoveatur officium (Ezech. i). David vixitum primo florentis adolescentiæ decore pubescens, de post fetantes paternæ subjectionis eligitur, et ad crispandum spiritualis allegoriæ psalterium, atque ad obtinendum regalis sceptri fastigium promoveatur (I Reg. xvi).

Jeremiæ dictum est : « Priusquam te formarem in utero, novi te; et antequam exires de vulva, sanctificavi te; et prophetam in gentibus dedi te (*Jer. i.*) » Et quid plures enumerem? Qui enim Eleazarum præ senili algore jam frigidum, triumphali martyrii fervore succendit (*II Mach. vi.*), ipse teneros adhuc B. Felicitatis filios invicte fidei constantia roboravit.

CAPUT III.

Cur Deus per viros idiotas ac simplices mundum instituit.

Sed forte dicas: Multos lucrificarem, si gratia prædicationis affluerem, si copiam scientiæ literalis haberem. Et ego respondeo quoniam et Eleazarus multos potuisset ab idololatria revocare, si viveret (*II Mach. vi.*); Machabæi et innumerabiles Christi martyres plurimos ad agonem fidei firmare potuissent, si persecutionis illatæ differre supplicia decrevissent; sed quoniam ad pœnarum perferenda tormenta efficacius edificaverunt martyrizando quam prædicando, postponentes verbum, reliquere sequentibus imitationis exemplum. Tu quoque valentius provocas videntes te properare post Christum, quam promovere potueras audientes quolibet multiplicitate verborum. Nec enim Deus omnipotens nostra grammatica indiget, ut post se homines trahat, cum in ipso humanæ redemptionis exordio, cum magis videretur utique necessariam ad conspergenda novæ fidei semina, non miserit philosophos et oratores, sed simplices potius ac piscatores. Unde legitur quia Samson maxillam asini quæ jacebat arripuit, et in ea mille Philisthæos occidit (*Judic. xv.*). Quid est enim per jacentem asini maxillam mille viros occidere, nisi per linguas humilium **726** atque simplicium perfectum non credentium numerum a pravitatis suæ stata dejicere, atque ad humilitatem Christi per sanctæ prædicationis officium inclinare? Nam quia Samson interpretatur *sol*, postquam mundo sol iste resplenduit, postquam miraculorum atque signorum suorum per orbem terrarum radios sparsit, omnium mox sibi resistendum colla perdomuit, eosque a superbiæ vitæ suæ rigore prostravit.

CAPUT IV.

Quid in concionatore requiratur.

Tu quoque, fili mi, ut prædicandi sortiaris officium, imitare vel asini, de quo dictum est, vel etiam ovis exemplum. Quæ nimirum cum vivit, tarpiter beat [balat], mortua vero in instrumentis musicis suaviter cantat: sic et qui carnaliter vivunt, balare cum ovibus inaniter possunt, naviter explere prædicatoris officium nequeunt. Dicit etiam Propheta: « Laudate Dominum in tympano et choro (*Psal. ct.*) » Corium quippe non sonat, nisi siccum relinquens humor abscedat. Si ergo vis ut tympanum vel chorda tua clarum in auditorum cordibus sonitum reddat, omnis à te vitæ carnalis humor evaneat, mens tua ab omni fluxu luxuriæ pruriens arescat. Nam et frigus concretum pectori, vocem

A intercipere consuevit. Si vis ergo Dei verbum claris vocibus intonare, cave ne divini amoris in te flamma tepescat, ne tibi principis in Aquilone sedentis (*Isai. xiv.*) algor obrepat. Hoc denique frigus jam tunc ille conceperat qui deambulanti Domino ad auram paradisi post meridiem, raucis quodammodo vocibus respondebat: « Audi, inquit, vocem tuam, et timui, eo quod nudus essem, et abscondi me (*Gen. iii.*) » Porro quia meridianus ab illo jam fervor abierat, aura quoque frigoris est alumna. Huc accedebat quia et illum jam innocentia sublata nudaverat. Hæc omnia quid aliqd innuunt, quam quia illius viscera extincti amoris algor obstrinxerat, atque ideo vox illius in auribus Domini raucum sonabat? Hoc frigore jam et Heli sacerdos constrictionibus obtorperat, qui filiis suis aiebat: « Non est hæc bona, filii mei, fama, quam ego audio, ut transgredi faciatis populum Domini (*I Reg. ii.*) » Nam quia prædicatoris hujus guttur ab amore Domini algor occluserat, ideo vox ejus quodammodo raucens, in filiorum suorum cordibus efficaciter non sonabat. Si vis ergo vocem habere vel in prædicationibus intonantem, vel in orationibus efficacem, satage semper ut te divinus fervor accendat, ne vocem tuam torpor frigoris intercipiat. Frigida quippe mentis oratio vel prædication non admittitur, et tanquam vox raucens non auditur. Ab hoc plane frigore Abraham alienus exstiterat, de quo Scriptura pronuntiat: « Quoniam apparuit ei Dominus in convalle Mambræ, sedenti in ostio tabernaculi sui in ipso fervore diei (*Gen. xviii.*) » Et sponsus ille cœlestis, sicut in Canticis dicitur, pascit et cubat in meridie (*Cant. i.*). Enimvero cum te cordis acumen permovet ad querelam, quid aliud agis quam adversus Deum per eadem quæ Deus contulit arma confligis? Et cum ingratum esse Deo non parvi sitis criminis, **727** formidolose tibi cavendum est ne inde contra Deum prosilias in tyrannidem, unde gratiarum illi debueras actionem; et dum scientiam, quæ inflat, immoderatius flagitas, charitatem, quæ ædificat (*I Cor. viii.*), insipienter offendas. Quid enim scis utrum dispensator meritorum omnipotens Deus ad hoc tibi subtilioris ingenii perspicaciam agilitatemque contulerit, ut jam tibi quodammodo signum futuræ remunerationis ostenderet; et occidentem illam scientiam, quam pro illius amore sprevisi, vivacis mentis acumine compensaret? Nam cum littere oriantur ex sensu, non sensus procedat ex litteris, cui sensus incolumis est litteras non requirit. In litterario quippe ludo, ubi pueri prima articulatæ vocis elementa suscipiunt, alii quidem abecedarii, alii syllabarii, quidam vero nominarii, nonnulli etiam calculatores appellantur; et hæc nomina cum audimus, ex ipsis continuo quis sit in pueris profectus agnoscimus.

CAPUT V.

Quomodo Spiritus sancti nos doceat.

Cui vero per donum sancti Spiritus intellectus aperitur, quia per conceptum vigorem vivacis inge-

nii cuncta facile comprehendit, his ad discendum gradibus magnopere non egebit. Sicut de tribus illis pueris dicitur : « Quia dedit illis scientiam et disciplinam in omni libro et sapientia, Danieli autem dedit intelligentiam omnium visionum et somniorum ; ita ut Babyloniorum sapientes ad eorum prudentiam non attingerent, eosque magi, harioli, vel aruspices in mysteriorum cœlestium revelationibus non æquarent (*Dan. i.*) »

Sed et, veteribus omissis, ad modernos iterum veniamus. Beatus Benedictus ad litterarum studia mittitur, sed mox ad sapientem Christi stultitiam revocatur ; et, quia scholam pia rusticitate mutavit, hoc descriptum reliquit in capisterio mulierculæ, quod de se mundi sapientes exprimere nequeunt in mensa geometricæ vel astronomicæ disciplinæ. Litteras et Martinus ignorat ; sed hic fatuus et imperitus perditas trium mortuorum animas ab inferis revocat. Antonius non rhetoricatur, sed toto conspiciens orbe, litteris, ut ita loquar, vitalibus legitur. Hilarion Platonem et Pythagoras projicit, unoque contentus Evangelio, in sepulchrali se cellulæ antro concludit ; sed ecce daemonibus imperat, quem philosophorum studia non exornant. Quæ si tu quoque apud sæculum, ut efflagitas, didicisses, fortassis hodie Dominus intra sortis suæ funiculum non haberet. Est enim sapientia de qua scriptum est : « Nam per sapientiam sanati sunt quicunque placuerunt tibi, Domine, ab initio (*Sap. ix.*) » Et est sapientia, de qua dicitur : « Non est hæc sapientia desursum descendens, sed terrena, animalis, diabolica (*Jac. iii.*) » Et, o quantis hæc ipsa terrena et animalis sapientia non concessit iter prosperum, ut videlicet ante corruerent in periculum mortis quam fruerentur optatis !

728 CAPUT VII.

Quod humana sapientia multis periculis subiacet.

Gualterus plane, magistri mei, scilicet Ivonis, socius fuit, qui per triginta ferme annos ita per occiduos fines sapientiam persecutus est, ut de regnis ad regna contenderet : et non modo Teutonum, Gallorum, sed et Saracenorum quoque Hispaniensium urbes, oppida simul atque provincias penetraret ; sed mox ut, studiis toto, ut ita loquar, orbe corrasis, exsilium habitatione mutavit, et jam velut in pace compositus docere pueros cœpit, æmuli sui, cujusdam videlicet alterius sapientis necessariis vel fautores, eum simpliciter gradientem ex insidiis occiderunt : qui confossus gladiis, non sacerdotes, ut mihi relatum arbitror, petiit ; non de transactis confessionem vel pœnitundinem gessit ; sed usque ad ultimum spiritum hoc solum inclamare non desit : Heu quale damnum ! Si quid autem vel de confessione facienda vel aliud quid dicebatur, ille jam alienatus hoc solummodo repetebat : Heu quale damnum ! Hic itaque velut arachne inextricabilia, ut sibi videbatur, subtegmis filia contextuit ; sed mox ut ea ventus ultimæ necessitatis impulit, protinus in nihilum omnia dissipavit. Anni quippe no-

A stri, testante Propneta, sicut aranea meditabuntur (*Psal. LXXXIX.*)

Ugo, Parmensis Ecclesiæ clericus, quot utilitatum dotes habuerit, non enumero, quia laciniosi styli devito fastidium. Hic tantæ fuit ambitionis in artium studiis, ut astrolabium sibi de clarissimo provideret argento, ut, dum spiraret ad episcopale fastigium, Conradi imperatoris se constituit capellanum : a quo dum revertitur regis pollicitationibus cumulatus, et de consequenda dignitate pene non dubius, incidit in latrones. Presbyter enim quidam in Teutonicis partibus, qui laicum habebat assecclam, pascentes equos illius tentavit invadere. Cui dum ille sese impiger objecisset, presbyter eum lancea confodiens, interemit, et tunc liquido deprehendit nil fuisse B quod didicid, dum simul amisit et irridentis vitæ dulcedinem et concupiti culminis dignitatem.

CAPUT VII.

De mundanæ sapientiæ effectibus.

Præterea sæpe contingit ut nonnulli carnaliter sapientes et diutius vivant, et nunquam valeant invenire quod optant. In sapientiæ quippe suæ vanitate confisi, dum sperant facile cuncta suppetere, arbitrantur utique se religionis testimonio non egere ; et dum inanem sapientiam jactant, insipienter vivere non formidant. Quamobrem a se conspicientibus eorum actus exploditur, vita conspuitur, conversatio deridetur, fama polluitur, testimonium condemnatur ; ideoque qui proposuerant ad votum C carnis vivere, in contrarium versa sententiâ, sæpe compelluntur egere, cum e diverso quique simplices et quieti rebus exuberent necessariis 729. Unde per isaïam Dominus dicit : « Pro eo quod vocavi, et non respondistis ; locutus sum, et non audistis ; et faciebatis malum in oculis meis ; et quæ nolui elegistis : propter hoc ecce servi mei comedent, et vos esurietis : ecce servi mei bibent, et vos sitiatis ; ecce servi mei letabuntur, et vos confundemini ; ecce servi mei laudabunt præ exultatione cordis, et vos clamabitis præ dolore, et præ contritione spiritus ululabitis (*Isa. lxy.*) »

Hodieque certe in Romana urbe frater advivit, ortus de summis proceribus Galliarum, cujus nomen taceo, quia fratris ignominiam perhorresco. Cui nescio an aliquid utilitatis desit. Tot siquidem D exteriorum bonorum floribus enitescit : nobilis ut imperator ; pulcher aspectu quodammodo, sicut Tullius loquitur ; ut Virgilius poetatur ; tuba vehemens in Ecclesia ; perspicax et acutus est in lege divina ; scholasticæ disputans, quasi descripta libri verba percurrit ; vulgariter loquens, Romanæ urbanitatis regulam non offendit. Quid de monachico prosequar ordine ? quid de regularis magisterio disciplinæ ? In quorum videlicet notitia ita convaluit ut hæc docere naviter possit ; sed ejus, proh dolor ! talis est vita, ut eum alteri nullus invidet, ad se introducere nemo deponat ; et, ut rem non diutius protraham, stulto sapienti monasterialis ad habitandum janua clauditur : cujus passim rusticis et

imperitis ac dyscolis aditus non negatur. Unde A recte vir sapiens ait : « Melior est homo cui deficit sapientia, et deficiens sensu in timore, quam qui abundat sensu, et transgreditur legem Altissimi (Eccli. xix). »

Quod etiam in Domino meo Leone probatur incluso. Posuimus enim stulte peritum, apponamus etiam sapienter indoctum. Hic plane Leo (cum præter psalmos, aut nescio quid tenuissimum et extremum) litteras non didicerit, grammaticos quoslibet ac mundi philosophos in Scripturarum notitia et consiliorum spiritualium profunditate præcellit : ut quicumque ad illud de quovis animæ negotio consulentes accedimus, suscipientes ab eo verbum, ita confidimus ac si prophetici spiritus oraculum reportemus. Sed quoniam et tibi apprine notus est, et opusculis nostris frequenter insertus, sufficiat unum hic verbum proponere quod nuper ab ejus ore quasi negligenter cecidit, sed a me negligenter audiri non potuit. Nam cum inter cætera spiritualiter vivendi capitula solerter inquirerem : Utrum ille post solum nocturnæ synaxis officium posset dormire si vellet, hoc se funditus nescire perhibuit. Cumque idipsum ego sæpius iterarem, et an ille circa diluculum dormiret perquirerem, respondit ille se hoc omnimodis ignorare, quia nunquam penitus expertus esset. Subjuxit etiam se suis assuetum cogitationibus respondere : Acciditur, inquit, cor, palpitent oculi, os per crebra balaustia gannire non cesset, caput etiam nutet et in ima devertat; sed quia hæc omnia me perimere nequeunt, ad consentiendum hujus temporis somno nullatenus superabunt. Nam et nos super hac re distichum feceramus, quod hic inserere otiosum esse non ducimus :

730 Non canonem solvit, qui psallens nocte re-
[dormit :

Ne tamen hoc passim ponat caput ante synaxim. Sed heu me miserum! hoc inter me et domum Leonem, quod inter fortissimum David et delirum evenit histrionem. Ille siquidem viribus fortia fecerat, iste sola voce triumphalia ejus gesta decantat. Ille nimirum se Deo novit per somni mactare conflictum; nos versiculos facinus ad similitudinem puerorum. Et quale, quæso, est effectum viribus ac tenuissimi corporis hominem jam per septuaginta fere annos in monastico habitu degere, et adhuc utrum diurnæ lucis erumpente crepusculo dormire valeat, ignorare? Hic itaque prudens, hic vere dicendus est sapiens, qui, dum mundum calcibus abiecit, ipsum mundi principem philosophando deludit.

CAPUT VIII.

Quod ad Deum accedentes humanis disciplinis non indigent.

Quocirca, dilectissime fili, noli hujusmodi sapientiam quærere, quæ tibi simul cum reprobis et gentilibus valeat convenire. Quis enim accendit lucernam, ut videat solem? quis scolacibus utitur ut stellarum micantium videat claritatem? Ita qui

Deum vel sanctos ejus sincero quærît intuitu, non indiget peregrina luce ut veram conspiciat lucem. Ipsa quippe vera sapientia se quærentibus aperit, et, sine adulterinæ lucis auxilio inoccidæ se fulgor ostendit. Unde scriptum est : « Clara est semper, et nunquam marcescet sapientia; et facile videtur ab his qui diligunt illam; et invenitur ab his qui quærunt illam : præoccupat eos qui se concupiscunt, ut illis se prior ostendat (Sap. vi). » Illam ergo sapientiam quære, illam totis visceribus ardentè amplectere, ex qua non modo valeas sapere, sed et vivere, ac per eam sine fine gaudere. In Deo igitur, qui vera est sapientia, quærendi et intelligendi finem constituæ : hunc assiduus meditare, in eo jugiter requiesce. Cui scilicet in eodem Sapientiæ libro dicitur : B « Nosse enim te, consummata justitia est; et scire justitiam et virtutem tuam, radix est immortalitatis (Sap. xv). » In illo igitur desige totum tuæ mentis obtutum, ab illo sapientiæ fonte sume sitibundi pectoris haustum, ut in visceribus tuis illius vitalis poculi vigore concepto, et ipse cœlestis gratiæ maddore jugiter vireas, et in alios distillantia fontis irrigui fluentia transfundas. Et quæso ut hoc per te quandoque Deus omnipotens exhibeat fratribus tuis quod per Isaiam promisit pauperibus suis : « Egeni, inquit, et pauperes quærunt aquas, et non sunt; lingua eorum siti aruit. Ego Dominus exaudiam eos, Deus Israel non derelinquam eos (Isa. xli). » Ubi mox sequitur : « Aperiam in supinis collibus flumina, et in medio camporum fontes; ponam desertum in stagnum æquarum, et terram iniviam in rivos aquarum (Ibid.). »

Quoniam igitur, fili charissime, temetipsum velut agnum tenerrimum obtulisti, et hoc dæmones **731** per aera volitantes incursant, ut vel ex manibus tuis oblata diripiant, vel injecta pravæ cogitationis illuvione corrumpant; tu cum Abraham imminentes ad impetum volucres abige, ut holocaustum tuum immaculatum et integrum valeas custodire (Gen. xi). Ex eorum quippe pharetra procul dubio toxicata cogitationis hujus sagitta depromitur, ut litterarum studia remanentibus in sæculo cœvis tuis inideas, et in hoc eos cautos ac providos, te vero deceptum et fatum credas, utpote, si hoc et ipse fecisses, quasi gratiorem tunc hostiam Deo tuæ conversionis offerres : sed hoc totum Deo veraciter obtulisti quidquid, ad meliorem ac manentem substantiam properans, pro amore illius acquirere contempsisti. Melius est autem totum simul offerre, quam particulariter dispensare. Sicut enim melius est ovem dare quam fructus ovis, ita laudabilius est totam artem Deo simul offerre, quam fructus artis. Julianus Cæsar et Donatus martyr uno tempore didicerunt. Et ille quidem permansit in studiis, hic secutus est vestigia veritatis. Sed ille in sapientia sua tam feliciter floruit, ut octo libros contra Galileos (sic enim Christianos vel apostolos vocat) et Evangelium scriberet; Donatus autem desipuit, ut cœleste fastigium cum triumphalis martyrii glo-

ria penetraret. Joannes evangelista apud sæculum pene nil didicit, sed, spretis oratorum dialecticorumque versutiis, ad simplicem Jesu stultitiam puerulus commigravit. Hic tamen dum per libri sui principium summæ lucis mysterium terribiliter intonat, illico philosophorum cæca subtilitas in tenebrosa studiorum suorum profunditate caligat. Præterea beatus papa Gregorius artis grammaticæ disciplinam eatenus in suis **732** laudat epistolis, ut eam congruere deneget Christianis (GREG. MAG. *Reg. lib. ix.*, epist. 45). Hieronymus ad tribunalia tremenda pertrahitur, flagris atrocioribus verberatur: cui tamen non aliud quam Ciceroniani nominis erimen impingitur. Devotatur ille hac se prorsus ultione plectendum si sæculares libros ulterius legeret, ac si Christum per apostaticæ perfidiæ sacrilegium deneget. Dicebatur enim illi: « Ciceronianus es, non Christianus. » Et ille: « Si sæculares, inquit, codices ulterius legero, te negavi (HERON. *epist. 22 de custodia virgin.*). » Honesta satis et utilis sapientia! nimirum, quæ cum Christi negatione confertur, quæ hæreticæ perfidiæ comparatur; ut idem valeat

A eam legere, quod Deum negare. Si ergo is qui terrenum illud dogma didicerat, ab ejus compescitur usu; quanto magis qui necdum expertus est, ab ejus prohibetur accessu? Si ille cohibetur a notis, quanto cautius iste reprimendus est a discendis? Discumbis, frater, ad mensam Dei, sufficiant tibi dapes cœlestis eloquii. Abjice lolium, quod in vesaniam comedentium mentes inebriat; suscipe frumentum, quod esurientium animas sobria refectione confirmat. Nec fauces animæ tuæ vitalis escæ fastidiant alimentum, sed procul abjiciant falsitatis ineptias et quisquilias vanitatum. Omnipotens Deus, dulcissime fili, doctrina te suæ legis erudiat, ut cor tuum veræ sapientiæ luce perfundat; te de manibus tuis viventis hostiæ suscipiat holocaustum, et ad spirituum provehat incrementa virtutum; te semper in se manere concedat, et invicem ipse in tuis visceribus delectabiliter requiescat, ut, sicut est ipse pollicitus, tanquam palmes in vite, nunquam desinas pii operis germina pullulare. Amen.

Sit nomen Domini benedictum.

733-734 OPUSCULUM QUADRAGESIMUM SEXTUM.

DE FERENDA ÆQUANIMITER CORREPTIONE.

ARGUMENTUM. — Aripandum tironem in militia spirituali laudat quod adolescens ad eremum se contulerit, monetque illum ut exemplo Christi Domini regularem disciplinam non deserat; proinde æquo animo ferat non modo seniorum verum etiam juniorum correptiones, quæ ad animi labes abluendas sui aliorumque profectum plurimi faciunt: multa ex occasione dicit de bono correptionis, et cur, et an sine culpa sanctus Paulus sanctum Petrum oburgaverit.

ARIPRANDO fratri charissimo PETRUS peccator monachus paternæ dilectionis affectum.

Exigis, dilectissime fili, ut tibi aliquid scribam, et qui, me dictante, frequenter aliis scriptas, ut tibi quoque aliquid scribatur imploras. Sed unde scriptori congruentius incipiam scribere, quam a scribendi ipsius mystica dignitate? In te quippe, qui scribis, tres sunt digiti, et una manus; cui vero scribis, tres sunt personæ, et unus Deus. Cum igitur ex diversis apicibus continuum ducis articulum, ad illum semper unum tua dirigatur intentio, ejus in temetipso per quandam similitudinem conspicis sacramentum. Et quia, dum in scholarum adhuc gymnasio inter adolescentulis ageres, et ephebi vultus florem necdum pubis ulla vel tenuis lanugo vestiret, fervor te sancti Spiritus incitavit ut non monasteriale propositum, sed eremi potius arripere institutum: cave ne, per ætatis adhuc imbecillitatem obtutum, sancti loci regulam violes; ne rigorem atque severitatem beatæ conversationis enerves; ne mutari velis solitam severitatis consuetudinem; ne peregrinæ adinventiois præsumas superinducere novitatem. Nam et ipse qui magister est angelorum in cœlo, morem in terra tenuit quem invenit;

nec designatus est terrenam servare consuetudinem, qui venerat exhibere cœlestem. Nam, ut infinita præteream, cur sibi caput ac pedes unguento conspergi muliebri ministerio passus est, nisi quia Palæstinæ atque Judaicæ regionis mos erat ut ejus accolæ crebrius ungerentur? Hinc est enim quod ait: « Tu autem cum jejunas, unge caput tuum (Matth. vi). » Et quid mirum si Dominus in vita servaverit morem patriæ, quem et sepulturæ suæ sacrosanctis exsequiis non dedignatus est custodire? Sic enim Joannes refert: « Joseph ab Arimathia et Nicodemus acceperunt corpus Jesu, et ligaverunt illud linteis cum aromatibus, sicut mos Judæis est sepelire (Joan. xix; Matth. xxvii). » Cum ergo is qui est ipsa sapientia, per quam cuncta sunt condita, in his etiam rebus quæ nullius pene videntur esse momenti, traditionem hominum servare non respuit; quantæ præsumptionis est, si disciplinæ quis regulam frangat, quam a sanctis Patribus traditam non ignorat?

CAPUT PRIMUM.

Correptiones æquo animo ferentium emolumenta.

Inter cætera igitur sanctæ conversationis insignia, quæ videlicet et in aliis florere consideras, et tu

ipse, divina suffragante clementia, jam irreprehensibiliter servas, unum præ cæteris cave ne correptiones aliquando graviter feras, ne qualibet occasione redargui a tuis quoque junioribus erubescas. Quod videlicet hujus loci tam familiare est atque nativum, ut qui corripitur [corruptus], fugit, nobiscum habitare non possit. Ad hoc enim homo de sæculo magisterio regularis discipline submittitur, ut rubiginem quam de mundo lenocinante contraxerat asperæ correptionis lima detergat. Unde est quod Sapientia loquitur in Proverbiis : « Convertimini ad correptionem meam; in proferam vobis spiritum meum (Prov. i). » Non enim dixit, ad blanditias meas; sed : « Convertimini, inquit, ad correptionem meam. » Unde quibusdam corripit dedignantibus ait : « Mane exsurgens, et non invenient me; eo quod exosum habuerint disciplinam; et timorem Domini non susceperint, nec acquieverint consilio meo, et detraxerint universæ correptioni meæ (Ibid.). » Hinc admonet dicens : « Disciplinam Domini, filii mi, ne abicias, nec deficias cum ab ipso corripieris : quem enim diligit **735** Dominus, corripit; et quasi pater in filio complaceat sibi (Prov. iii). » Jure scilicet non hominis, sed Domini, correptio dicitur, cum in amore Christi a proximo in proximum quælibet severitas irrogatur; et nimis a sapientia deviat qui superfluum cor divinis increpationibus non inclinat. Unde et idem Salomon ait : « Qui diligit disciplinam, diligit sapientiam; qui autem odit increpationes, insipiens est (Prov. xi). » Quapropter idem insipiens in Proverbiorum libro conqueritur, dicens : « Cur detestatus sum disciplinam, et increpationibus non acquievit cor meum, nec audiui vocem docentium me, et magistris non inclinavi aurem meam? » (Prov. v.) At contra quisquis increpationibus æquanimiter acquiescit, de catalogo sapientum non recedit. Unde scriptum est : « Auris quæ audit increpationem vitæ, in medio sapientium commorabitur; qui vero abiecit disciplinam, despiciet animam suam (Prov. xv). » Vitrici denique privignis indulgent; patres dura plerumque verbera propriis pignoribus adhibent. Illi nimirum odientem pascunt; isti vero diligentes erudiunt et affligunt. Unde scriptum est : « Qui pareit virgæ, odit filium suum; qui autem diligit illum, instanter erudit (Prov. xiii). » Et alibi : « Melior est manifesta correptio, quam amor absconditus. Meliora sunt vulnera diligentis, quam fraudulenta oscula odientis (Prov. xxvii). » Iterum scriptum est : « Erudi filium tuum, ne desperes » ad interfectionem ejus ne ponas manum [animam] tuam (Prov. xix). » Ad interfectionem quippe filii paterna manus ponitur, cum in eum quem nequiter agerem conspicis, non modo non invehitur, sed ejus insuper plectendis actibus delectatur; et plausibilibus non veretur verbis extollere, quem duris debuerat verberibus coercere.

CAPUT II.

Quod sapientis est amare correptionem, stulti odisse.

Quisquis ergo sapiens est, austeritatis illatæ duritiam animæ suæ vulneribus deputat medicinam. Unde scriptum est : « Si corripueris sapientem, intelliget disciplinam (Prov. xix); » et iterum : « Plus proficit correptio apud prudentem, quam plaga apud stultum (Prov. xvii). » De quo etiam prudenter dicitur : « Qui patiens est, multa gubernatur prudentia; qui autem impatiens est, exaltat stultitiam suam (Prov. xiv). » Stultitiam quippe suam exaltat impatiens, quia quo per impatientiam suam a quibuslibet frequentius lædatur, eo quotidianis contra eos jurgiis atrocius efferatur. Unde legitur : « Semper jurgia queri inialis; angelus autem **B** crudelis mittitur contra eum (Prov. xvi). » Crudelis angelus contra querentem jurgia mittitur, quia dignum est ut mentem in qua crudelitas habitat, crudelis possessor invadat; quia, sicut dicit Apostolus : Ira dæmonium habet. Unde illic, mox ut crudelem mitti contra impatientem docuit, præsto subjunxit : « Expedi magis ursæ occurrere, raptis fetibus, quam fatuo confidenti sibi in stultitia sua (Ibid.). » De hoc fatuo et impatienti scriptum est : « Noli esse amicus homini iracundo, neque ambules eum **736** viro furioso, ne forte discas semitas ejus, et sumas scandalum animæ tuæ (Prov. xxii). » Porro sicut æger qui non capit antidotum moritur, ita qui non potest corripri, nequit ab animæ suæ languoribus relevari. Unde rursus per Salomonem dicitur : « Noli subtrahere a puero disciplinam; si enim percusseris eum virga, non morietur; tu virga percutes eum, et animam ejus de inferno liberabis (Prov. xxiii). » Vis audire quid illis imminet qui respuant corripit qui dedignantur a senioribus obijurgari? « Viro, inquit, qui corripientem dura cervice contemnit, repentinus ei superveniet interitus, et eum sanitas non sequetur (Prov. xxix). » Ubi et paulo post subditur : « Erudi filium tuum, et refrigerabit te, et dabit delicias animæ tuæ (Ibid.). » Enimvero equo adhuc indomito pes in subtile percutitur, ut postmodum clavis affligi ferrum sibi suppedanem patiatur. Rudi quoque tauro circulus lentæ vitæ innectitur, ut assuetus hoc procul dubio discat, quatenus jugum postmodum detrectare non audeat. Sic junior quique frater etiam tunc objurgandus est cum non peccat, ut disciplinam veræ correptionis postmodum æquanimiter ferat. Quo contra de non correpto scriptum est : « Qui delicate a pueritia nutrit servum suum, postea illum sentiet contumacem (Prov. xxix). » De quo videlicet servo vir sapiens ait : « Cibaria, et virga, et onus asino; panis, et disciplina, et opus servo (Eccli. xxxiii). »

CAPUT III.

Quod impatientibus correptiones sunt quasi gladii.

Nec ob id tibi, fili charissime, tot Scripturarum testimonia coacervo ut sanctæ indolis tuæ moribus hæc judicem expedire; sed hoc potius ut cœvis tuis ex tua valeam occasione consulere. Non enim

vas Jerichontinis plenum aquis nobis allatum est, quas ego scilicet instar Elisei (*IV Reg. II*), cœlestis sapientiæ sale conspergerem, et sic eas amaritudine defecarem. Sed nec ollam te plenam colloquintidis [colocynthidis] præbui, cujus amarissimum gustum trita divini verbi farina in dulcedinem verteret, sicque prophetarum filiis comestibilem exhiberet. Non enim arundo visa es in deserto vento agitata (*Matth. XI*), sed illa potius quæ mel protulit, unde præcursor Domini Joannes vixit. Advexisti, frater, alvearium favis distillantibus plenum; præbui tibi nobis agrum non ligonibus sarciendum, sed plenis jam falcibus desecandum; non scilicet paliuris ac vepribus inhorrescentem, sed exuberantium messium decore flaventem. Quo contra, de negligente ac fatuo vir sapiens dicit: **B** Per agrum hominis pigri transivi, et per vineam stulti, et ecce urticae omnia repleverant (*Prov. XXIV*). Impatientibus sane correptiones quasi gladii sunt, sed si volunt ut hi gladii vertantur in falces, hirsuta vitiorum suorum dumeta, quibus horrent, permulentur in messes. Unde propheta cum præmisisset de Salvatore nostro, quia « iudicabit gentes, et arguet populos multos », protinus addit: « Et confabunt gladios suos in vomeres, et lanceas suas in falces (*Isa. II*). » Nimirum congruus ordo, dum primum quidem peccator arguitur: deinde gladii in vomeres, et **737** lanceæ conflantur in falces. Nam dum impatientis quispiam per disciplinam mitior factus, tanquam planus ager increpationis cultro proscinditur, deinde suavi semine sanctæ prædicationis aspergitur, et sic demum secunda bonorum operum fruge vestitur: huic scilicet et gladii facti sunt vomeres, et lanceæ convertuntur in falces. Quia qui reprehendi prius tanquam gladio perfodi devitabat, nunc et vomerum sacræ doctrinæ libenter sustinet, ut fruges ferat; et falcem supernæ missionis expectat, ut horrei cœlestis promptuarium repleat.

CAPUT IV.

Quod in religiosis conventibus ad regularem disciplinam necessaria est correptio.

Spiritualis plane quisque conventus, si fraterni zeli frequentî correptione non utitur, Israeliticæ plebis mystica laborat inopia: quæ videlicet, incipiente Saul regis imperio, fabrum ferrarium non habebat. Dicit enim Scriptura: « Quia faber ferrarius non inveniebatur in omni terra Israel (*I Reg. XII*). » Porro sicut ferrum reliqua metalla fortiter edonat, ita correptionis malleus vitia delinquentium reprimat, et quasi cudendo rigidæ mentis duritiam frangit. Hinc est quod de ipso fabrorum spiritualium principe per Isaiam dicitur: « Ecce ego creavi fabrum sufflantem in igne prunam, et proferentem vas in opus suum (*Isa. LV*). » De ferro quoque Ecclesiastes dicit: « Si retivum fuerit ferrum, et hoc non ut prius, sed hebetatum erit, multo labore exacuetur, post industriam sequitur sapientia (*Eccle. X*). » Sed Philisthæi de terra Israel fabros ferrarios tollunt, cum maligni spiritus, falsæ pietatis

obtentu, zelum correptionis de fratrum labiis auferunt. Unde et illic subditur: « Caverant enim Philisthæi ne forte facerent Hebræi gladium aut lanceam (*I Reg. XII*). » Unde paulo post: « Retusæ itaque erant acies vomerum, et ligonum, et tridentum, et securium, usque ad stimulum corrigendum (*Ibid.*). » Dum Philisthæi timent gladios, tollunt fabros; ut, dum armorum fabricatura compescitur, non sit etiam qui cætera exercendi laboris utensilia fabricetur, Apostolo quippe testante: « Gladius spiritus est verbum Dei (*Ephes. VI*). » Hunc gladium quia perversi timent spiritus, fabros de terra Israel auferunt, dum eos qui redarguere delinquentium errata debuerant, a tenenda censuræ disciplina compescunt; et hac negligentiae dissolutione contingit ut in servorum Dei quibusque conventibus non modo sacræ prædicationis sermo cesset audiri, sed et honestarum artium exercitia desinant frequentari. Nam quia districta magisterii eos disciplina non reprimat, propriis voluntatibus dediti, scribere nesciunt; artis honestæ vel manuum exercitia nulla condiscunt, cum Apostolus dicat: « Qui non laborat, non manducet (*II Thess. III*). » Quæ nimirum cum sibi sint necessaria, sæculares viros, vel etiam reprobos adeunt, quoniam hæc apud se reperire non possunt. Unde illic dicitur: « Descendebat ergo omnis Israel ad Philistiim, ut exaceret unusquisque vocem suam, et ligonem, et securum, et sarculum (*I Reg. XII*). » Israel ergo ad Philisthæos non ascendit, sed descendit, ut utensilia suæ **738** necessitatis exacuat, cum sancti ordinis viri ad sæcularium ina declinant, ut ab eis sibi commodum cujuslibet utilitatis acquirant. Vides ergo quia si de sacro conventu correptionum censura subtrahitur, disciplinæ vigor funditus enervatur, et religio tota destruitur; quia, dum unusquisque propriæ sequitur voluntatis arbitrium, ad sæcularia rediens, spiritualis observantia violat institutum. Unde quisquis est cui regularis vitæ fervor inæstuat, correptiones libenter amplectitur; et, tunc etiam cum innocens est, suis reprehensionibus delectatur. Non ut eum conscientia peccasse remordeat, sed quoniam hoc prodesse cæteris audientibus sperat, ut unde ipse, innocens et mundus, arguitur, alii, vel lapsi vel lapsuri, forte corrigantur.

CAPUT V.

Cur beatus Paulus beatum Petrum reprehenderit.

Unde nunc ad memoriam redit quod Paulus, sicut ad Galatas scribit, beatum Petrum coapostolum increpavit; sed ei, quem velut discordando redarguit, votis interioribus concordavit: « Cum venisset, inquit, Petrus Antiochiam, in faciem ei restitui, quia reprehensibilis videbatur. Prius enim quam venirent quidam a Jacobo, cum gentibus edebant; cum autem venissent, subtrahabat et segregabat se, timens eos qui ex circumcissione erant (*Gal. II*). » Ubi mox additur: « Et simulationi ejus consenserunt cæteri Judæi, ita ut et Barnabas duceretur ab eis in illam simulationem (*Ibid.*). » O quam dura superficie

tenuis verba, et, si solis attendantur in syllabis, ab apostolici culminis gravitate funditus aliena! Reprehensibilis est Petrus, cui ad reprehendendum et ad corrigendum commissa sunt omnia regna terrarum (*Matth. xvi*). In faciem ei resistitur, ad cuius imperium janua regni celestis Christi fidelibus aperitur; simulationis auctor asseritur, qui primus est in prædicationis veritatis; et, ut copiosior adhuc exaggerari valeat injuria, diligenter attende quid sequitur: « Sed cum vidissem quod non recte ambularent in veritate Evangelii, dixi Cephæ coram omnibus: Si tu, cum Judæus sis, gentiliter vivis, et non Judaice, quomodo gentes cogis Judaizare? » (*Gal. ii.*) Quid est hoc, beate Paule, quod priorem tuum increpationibus laceras, objurgationibus exacerbas? Quo pacto non vereris eum ante hominum ora confundere, cui speciali jure concessum est universali totius orbis Ecclesiæ præsidere? An fortassis excidit quod vos communis utriusque doctor instruxit? « Si peccaverit, inquit, in te frater tuus, corripere eum inter te et ipsum solum; sin autem te non audierit, adhibe duos vel tres testes (*Matth. xviii*). » Tu vero non private conventum, non clam coram testibus allocutum, sed palam omnibus arguis, et insuper ad posteritatis venturæ notitiam, quod gravius est, hoc te fecisse conscribis. An et illud oblitus es quod Timotheo ipse jussisti: « Senem ne increpaveris, sed obsecra ut patrem? » (*I Tim. v.*) Sed in eo quod B. Petrum Paulus coram omnibus manifeste redarguit, foris quidem contradictor apparuit, sed **739** cordis ejus vota complevit. Gentiles enim venientes ad fidem non audebat Petrus, eis præsentibus qui ex circumcisione crediderant, in convescendi societate recipere, ne videlicet illi scandalum sustinerent, et mox a fide adhuc tenera sub hac occasione recederent. Et ideo qui cum gentibus edere consueverat, quibusdam a Jacobo venientibus, ab eorum se consortio subtrahebat: timens scilicet ex circumcisione credentibus, ne, si eum convescerentibus cernerent, perfidie periculum sustinerent. Nam quia Petrus ita per omnia sentiebat ut Paulus, gentes scilicet observare ritus Judaicos non debere, qui Actus apostolorum legit dubitare non poterit: imo hujus sententiæ primus auctor Petrus inter apostolos indubitanter invenitur, cujus nunc a Paulo quasi prævaricator arguitur. Ait enim: « Nunc ergo quid tentatis Deum, imponere jugum super cervices discipulorum, quod neque patres nostri, neque nos por-

tare potuimus? sed per gratiam Domini Jesu Christi credimus salvari, quemadmodum et illi (*Act. xv*). » Volebat ergo Petrus permaxime coram omnibus argui, gaudebat objurgantis invectione confundi, ut id quod invitus agebat correptus omitteret, et in eo quod solus attentare timuerat, socium inveniret. Paulus ergo Petro cum restiit, eique procul dubio intrinsecus concordavit, quem extrinsecus arguit; alioquin, quomodo Paulus in alio condemnari quod ipse non dissimili necessitate compulsus egisset? Nam propter Judæos, qui legis observantiam et veteres ritus tenendos esse perhibebant, et Timotheum, gentilis videlicet hominis filium, circumcidit: et ipse, votum solvens, sibi metipsi caput rasi, et sacrificium juxta veteris legis cæremonias obtulit.

B (*Act. xvi, xxi*).

740 CAPUT VI.

An beatus Paulus peccaverit beatum Petrum objurgans.

In hoc ergo quod Petrum corripere visus est, obsecundatus est, non adversatus; et non adversus eum, sicut Porphyrius opinatur, superbe pugnavit, sed humiliter ministravit. Hæc nimirum Pauli correptionis ministerium fuit obedientiæ, non objurgatio disciplinæ; non temeritas invectionis, sed unanimis concordia voluntatis. Tu itaque, dilectissime, cum super qualibet occasione corripieris, etiam si te deliquisse nequaquam conscientia reprehendat, quod objectum est, libenter amplectere, culpabilem te coram fratribus tuis humiliter confitere. Quod nimirum et illis erit imitationis exemplum, et tibi proveniet in augmenta virtutum. Memento quod per Salomonem dicitur: « Melius est a sapiente corripi, quam stultorum adulatione decipi (*Eccle. vii*). » Talis ergo sit voluntas tua ut is etiam qui te forte durius arguet, cum tui cordis intentione concordet; et in eo quod in te asper invehitur, morigeretur potius quam oblectetur. Presentibus itaque conversatio tua luceat, absentibus fama in benedictione redeat. Esto, quod superius diximus, ager et exuberans copia segetum et spirans odorantibus pigmentorum, ut in te quoque delectetur omnipotens Deus, et dicat: « Ecce odor filii mei, sicut odor agri pleni, cui benedixit Deus (*Gen. xxviii*). » Ut quoniam Aripandus ipse vocaris, ares (*ἀραιά*) autem virtus dicitur, tanquam ager uberrimus centeni feras fructus acervum, et Deo prandium merearis offerre virtutum.

Sit nomen Domini benedictum.

741-742 OPUSCULUM QUADRAGESIMUM SEPTIMUM.

DE CASTITATE ET MEDIIS EAM TUENDI.

ARGUMENTUM. — Damiano nepoti inter cæteras virtutes castitatem præcipue commendat: quam ut facilius tueatur, quotidie ut Dominicum corpus percipiat suadet. Deinde contra insidias dæmonis illum instruit. Postremo, ut se priori commendat, petit: quem de hospitalitate servanda admonet.

DAMIANO charissimo filio PETRUS peccator monachus paternæ dilectionis affectum.

Quia litterarum gerulus anxie parat exire, non possum, quæ mittenda sunt, eliminata styli digestionis

conscribere; teque volo ut potius veri consideres sensum, quam aucuperis lenocinia phalerata verborum. Interim itaque, dum præsto rescribere nequeo, sufficiat hoc tibi simpliciter scribi, quod Timotheo velut æquævo per epistolam Apostolus præcipit: « Dum venio, inquit, attende lectioni, exhortationi, atque doctrinæ (I Tim. IV): » Cai nimirum jam et ista præmiserat: « Exemplum esto fidelium in verbo, in conversatione, in charitate, in fide, in castitate (Ibid.). »

CAPUT PRIMUM.

Quod castitatis virtus junioribus difficilior sit.

Et ut de cæteris virtutibus quæ nunc per epistolam enumeratæ sunt interim taceam, castitatem, quam ultimam posui, non in membris tantummodo studeas servare corporeis, sed hæc eadem permaxime regnet ac vigeat in visceribus cordis. Nulla quippe virtus est quæ in adolescentiæ flore graviora certamina perferat, quam videlicet velut in camino surgentis incendii, titillantibus illecebræ genuinis ardor impugnat. Sed cum super hoc themate nobis uberius disputare non liceat, quia præ nimia celeritate non vacat, quid mihi imperatrix, Agnes olim scilicet aureo quidem diademate coronata, nunc autem multo felicius et incomparabiliter eminentius in regis æterni thalamo collocata, hesterno jam vespertini temporis elabente crepusculo, retulit, hic annotare succincte raptimque non pigeat, et apud animum tuum, non tam laciniosa loquendi prolixitas quam insignis exempli dignitas convalescat. Porro dum præfata Christi sponsa, et B. Petri filia, in omnium dispositione virtutum delectabiliter pascitur, in tractanda tamen castitatis pudicitique munditia propensius immoratur. Unde factum est ut, dum nonnulla de salute animarum mutuis confabularemur eloquiis, et præcipue quasi quosdam versaremur in manibus vernantis flosculos castitatis, illa hoc in medium protulit: Postquam imperator, inquit, Otto regnum Italiæ Berengario victor eripuit (25), captas illico duas ejus filias in Teutonicas partes exsilio transmigravit. Quæ nimirum, dum venusti vultus specie et insigni corporum pulchritudine regum referrent generis dignitatem, cœperunt multi regni proceres Adelaidi Augustæ vehementer insistere, ut tam elegantis formæ decus totali sibi mereretur copula sociare. Quæ nimirum puellæ dum omnes procos æqua prorsus dedignatione contemnerent, et mortale conjugium sanctæ superbie supercilio fastidirent, una illarum duos pulcinos suis uberibus supposuit, et tandiu inter vestem et carnem, donec omnino putrescerent, occultavit. Cumque conspiceret homines ad suum venire colloquium, laxabat occulte vestem, et naribus colloquendum gaudebat exhalare fetorem. Cumque colloquentes ei hanc quotidie narium paterentur injuriam, tandem cessavit delusa sollicitudo querentium, et virgo Christi, per simulatam carnis alienæ putredinem, inviolabilem sui cor-

poris servavit integritatem. Unde factum est ut utraq; postmodum sorores eligerent sanctimoniale propositum, et usque ad finem vite monachicum servarent irreprehensibiliter institutum.

743 CAPUT II.

Quod frequens eucharistiæ susceptio in præsidium castitatis.

Quamobrem pudeat, vel, o fili, vitio libidinis enerviter, vel in cogitatione succumbere, de quo cernis infirmiore et fragilem sexum cum tanta gloria triumphare: et, ut frementem bestiam valeas, ut ita loquar, ex agro tui juris expellere, satago te, frater, jam quotidie Domini corporis et sanguinis perceptione munire. Videat oculus hostis labia tua Christi rubore rubentia, quæ terribus perhorrescat, et mox in tenebrarum suarum latibula pavescendo diffugiat. Quod enim tu per visibilem panis ac vini speciem suscipis, ille, velit, nolit, Domini corporis ac sanguinis intelligit veritatem.

Porro autem eadem mihi tunc venerabilis regina narravit quod nuper in Vormaciensi ecclesia, dum longiori per negligentiam te tempore eucharistiæ reservata fuisset in luxurie, sola postmodum illic caro fuerit reperia. Ita dum curiosus in eam multorum visus intenderet, nil aliud quam veram ac solitam carnem procul dubio judicaret.

Rainaldus etiam venerabilis Cumanæ Ecclesiæ pontifex dum adesset, quod sibi paulo ante contigerat, veridicus enarrator exposuit: Presbyter, inquit, in ecclesia cui, Deo auctore, deservio, hodieque nisi fallor advit, qui tam parvam ac tenuem in litterarum habet doctrinam notitiam, ut aperte quoque scriptiois articulum syllabatum vix valeat legere; nimia tamen paupertate constrictus, utcumque missarum cogitur solemnia celebrare. Hic aliquando dum sacri muneris eucharistiam detulisset ægroto, ubi erat utique deses ac negligens, aliquantulum Domini sanguinis remansit in calice. Quod cum ille in ecclesiam rediens comperisset, sed fastidio præpeditus noluisse accipere, mox calicem lavit, et in labrum marmoreum in quo erat aqua sanctificata, projecit. Et, o magnum divinæ virtutis indicium! illam labri partem quam id quod effusus est de calice, contigit, in sanguineum roborem repente convertit, ubi scilicet duæ majores guttæ sanguinis exprimuntur; sed neque illæ, neque aliæ quæ juxta videntur esse minusculæ, nullo possunt studio vel ablui vel abstergi, quo rubor impressi sanguinis aliquatenus valeat aboleri. Cum ergo purpureus ille cruor tam tenaciter hæserit in vase lapideo, quantum putamus - jus sibi potestatis vindicantem virtus illa cælestis in pectore Christiano? His itaque cælestibus sacramentis, fili charissime, te frequentius munire non differas, quibus videlicet diabolicæ versutiæ et subdolæ machinationis argumenta repellas. Præcinctus erigere, constanter atque robustus sta semper in acie, nec

ignores indolentem adversarium contra te infatigabiliter dimicare.

744 CAPUT III.

Diabolus transfiguratur se in angelum lucis, ut monachum decipiat.

Interea dum hæc loquor, et illud nunc ad memoriam redit, quod Hildebrandus Romanæ Ecclesiæ archidiaconus, eisdem quæ superius memorati sunt et episcopo præsentibus retulit: Duos, inquit, sanctos monachos vidi, et non mediocrem apud eos locum familiaritatis obtinui; qui nimirum singulis morabantur in cellulis, apud monasterium quod in loco constructum est qui dicitur Aquisgrani, quorum videlicet alter, qui majoris videbatur esse simplicitatis, Marinus; alter autem Romanus vocabatur proprio nomine. Sed Marinus vix ulla dies erat in qua diabolus vel per speciem aliquam non aspiceret, vel per somnium non audiret, adeo ut antiquis hostis sibi sæpe compsalteret, simulque eum eo divinæ laudis officia celebraret. Aliquando vero tenebrarum auctor se transfiguravit in angelum lucis, eique quasi legem dictando mandavit: Cave, inquit, quia qui angelum Dei et aspiciere et alioqui meruisti, indignum est ut de cætero cum hominibus loquaris. Protinus ille, tanquam mandatum divinitus accepisset, a fratribus se funditus collocazione removit, seque sub rigida silentii censura constrinxit. Cui cum frater Romanus primo, deinde abbas monasterii, ut sibi loqueretur vehementer insisteret, et ille prædantis labii (suppl. responsum vel quid simile) non mitteret; abbas, fores cellulæ violentè irrupens, dignis indiscretum fratrem verberibus castigavit, et sic ad reddendum sermonis officium compulit. Cui mox admonendum subjunxit: Idcirco, inquit, antiquos adversarius, bonorum semper operum inimicus, silentium tibi tentavit imponere, ut et te fructum fraternæ ædificationis amitteres, et illi qui a te sublevandi erant tuæ consolationis auxilium non haberent. Sic itaque frater, quia non malitia, sed ex simplicitate peccaverat, ad mentem quantocius rediit, et, contempta suggestionē diaboli, admonitionibus pii patris humiliter acquievit.

Sed dum te, fili mi, ad evacuandas antiqui hostis insidias provo, quid præfata regina retulerit audisse ex ore beati Leonis noni Romanæ Ecclesiæ pontificis, non omitto. Ait itaque prædictus papa: Amita mea, sanctimonialis effecta, in quodam virorum erat monasterio constituta; ibique in propria degens cellula cum quadam pygmæa, id est brevis staturæ femina, quotidianæ laudis officia patienter et humiliter persolvebat.

CAPUT IV.

Quod diabolus signo crucis cognoscitur.

Quadam vero nocte cum ante nocturnæ synaxis [articulum, vel horam vel aliquid simile] maturius surrexisset, comitemque suam more solito sæpius inclamasset; illaque, gravi sopore depressa, nullatenus responderet, tandem in iram commota, quid diceret non attendit: Diabole, inquit, surge. 745

Ad quam vocem præsto diabolus, ejus quæ dormiebat effligem representans, accessit; et mutuos reddendo versiculos, psallere simul cœpit; cumque ad illum psalterii locum modulatione continua pervenissent ubi dicitur: « Exsurgat Deus, et dissipentur inimici ejus, et fugiant a facie ejus qui oderunt eum: sicut deficit fumus, deficiant (Psal. LXVII), » et reliqua: hic illico malignus spiritus substituit, et hos exprimere versiculos non præsumpsit. Hoc sancta mulier cum apud se miraretur, expavit; et, quod erat, non inaniter suspicans, signum sibi sanctæ crucis imposuit, statimque malignus hostis evanuit; et quis esset qui sanctæ mulieri psallendū comēderat, se fraudulenter occultando monstravit. Huic etiam venerabili matronæ nocturnis horis nequam spiritus cadaver ejusdam hominis, qui pro suis sceleribus appensus fuerat, attulit; et, ut illi terrorem inculceret, hujusmodi sibi, ut ita loquar, xenium procuravit. Quæ mox abbati loci fratrumque conventui quid sibi nequissimus hostis fecisset innouit; atque ut pro illo misero fratres omnes in commune preces effunderent, obnoxii [i. e. obnoxii] precibus impetravit. Postmodum vero euidam divinitus revelatum est, per orationes fratrum illum misericordiam consecutum. Sic itaque deceptus hostis antiquus, qui dum viventi machinatur illudera, jacturam cogitur de mortuo sustinere.

CAPUT V.

Christianæ charitatis exemplum.

Ad hoc igitur et hujusmodi diabolicæ tentationis tibi proponunt exempla, ut et ipse contra hostis callidi deceptoris insidias solerter evigiles; et, dum te delectat aliorum cum hoste luctantium audire victorias, ipse te per languidi corporis ignaviam non remittas. Sed jam ista sufficiant. Commenda me fratribus, domno priori ecce nostra parte humiliter sugere ut a fervore solito pietatis et misericordiæ non tepescat, sed susceptionibus hospitem et subsidii egenorum, in quantum res domestica patitur, insistere non omittat. Sed et illi conveniens exemplum profero, quod huic rei, quam sibi suader gestio, non mediocriter profuturum esse confido. Nam et eadem Agnes regina quæ supra inquit etiam quia vir quidam in Alemanniæ partibus avia saltum, prærupta montium, opaca sylvarum venandi studio peragrabat. Hic itaque dum anxius huc illucque discurrit, et sollicitus curiositatis indagine ferarum lustra perquirat, invenit duas mulieres, matrem scilicet ac filiam, per illos hiemalium cumulos pruinarum et profunda nivium rudera miserabiliter oberantes. Qui protinus misericordia ductus, comiti suo qui eum solum sequebatur, ait: Levemus in equis has feminas, singuli singulam, et ad hominum habitacula devehamus, quia vel oberantium forte luporum sunt morsibus exponendæ, vel vi nimii algoris sunt procul dubio morituræ. Quod comes penitus abnegat, et hanc se ferre posse stomachatur injuriam. Cui dominus: Ego, inquit, si tu fastidis, solus utramque leva, et hanc quam dicis injuriam

alacriter sustinebo. Cumque unam **746** post se, et alteram, in medio residens, poneret ante se : tandem socius mente compunctus atque confusus, domino suo cessit unam, et ipse ad subvehendum corripuit alteram. Sic igitur eas per difficillima loca et longos anfractus non sine gravi periculo detulerunt, donec scilicet molendinum casu obvium reperirent, ibique eas deponerent. Adjecit etiam dominus ut uni earum vestem traderet, qua vim frigoris aliquatenus temperaret. Illic aliquanto post tempore factus est monachus, et deinceps, ingravescente molestia, ad extrema perductus est. Tunc fratribus, qui astant, cum magna cepit animadversione clamare, dicens : Videtis innumerabilem dæmonum turbam, quæ me undique circumvallat, neque terribilibus oculis intueri et impugnare non cessat? Cumque continuis orationibus et psalmodiæ fratres insisterent, ille tamen nihilominus tremefactus visceribus formidaret, tandem ille qui sibi, sicut dictum est, in veneratione comes exstiterat, assistens propius exclamavit : Nonne vides quod mulier illa quam tecum simul ad aquimolum devectavi, vestimentum illud quod sibi tunc dedi tenens in manibus, ventilat, et omnes in hac domo dæmones violenter exturbat? Paulo post, ecce, Deo gratias, ejecti sunt, et a meis obtutibus, mulieris hujus impulsu, prorsus evanuerunt. Sic igitur ille sub bonæ spei securitate defunctus est, et misericordiæ fructus, quos vivus exhibuit, oblatos sibi, dum moreretur, invenit. Nam sæpe contingit ut inter multas carnalium actionum tenebras unum boni operis lumen erumpat, quod hominem ad bonum finem portumque perducat.

CAPUT VI.

Per unum opus bonum Dei pietas peccatores salvat.

Unde non otiosum arbitror si et id quod Stephanus ejusdem reginæ capellanus, vir videlicet honestus et prudens, enarravit, attexo. Ait enim quod Stedelandus imperator Galliciæ retulit, quod tunc ad unius notitiam, alio postmodum referente, pervenit : Tres, inquit, meretrices erant, obscenis lupanarium foeditatibus deditæ, et, ut ita loquar, omni

A transeunti turpi lenocinio prostitutæ, sed cum regio illa communi Saracenorum et Christianorum esset habitatione permixta, illæ se Christianis quidem turpiter exponebant; Saracenorum vero consortia unditus abdicabant. Cumque se dolerent illi in hoc fædo negotio despici, suæque genti conquererentur injuriam irrogari, tandem eas ad tribunal præsidis pertrahunt, et ut suis quoque, sicut Christianis, in luxuriæ permixtione consentiant, vehementer insistant. Sed dum scelus hoc apud eas, modo terrores, modo blanditias intentantes, aliquatenus obtinere non possent, prolata sententia præsidis, adjudicatæ uni mortis. Quid plura? Protinus spiculatores accedunt, nudis cervicibus vibratos pugiones incutiunt; sed ne supremam quidem cutem incidere, cassatis ictibus, possunt. Interea dum et istæ mori alacriter **747** volunt, et illi occidere nequeunt, carcerali custodia mancipantur. Nocte vero uni earum, quæ quasi superior erat cæteris, Salvator apparuit, eique dixit : Noli timere, hodie certamini vestro finem imponam, vosque cum corona martyrii in gloriæ meæ amœnitate suscipiam. Sequenti vero die ad tribunalia judicis delucuntur, inquisitione facta, eadem nihilominus sententia perseverat; idem est qui fuerat animus; et Agarenorum, sicut prius, per omnia detestantur amplexus. Protinus ergo carnifices, quoniam in cervicibus earum nil se posse probaverant, earum guttur gladio defecant [desecant], **748** et sic de meretricibus martyres efficiunt. Sed quoniam longius quam incipiendo decreverat, jam stylus iste perducitur, cohibendus est calamus, et epistolaris compendii ponendus est modus. Tandem divinæ pietatis imploro clementiam, ut inter cætera virtutum et totius sanctæ religionis insignia, inviolabile tibi servandæ pudicitie robur infundat, et vasculum tui corporis in sanctificatione et honore custodiat; quatenus is qui dicit in Canticis : « Ego flos campi, ego lilium convallium (Cant. ii); » sicut pro te dignatus est fieri filius Virginis, sic etiam vernare te faciat floribus castitatis.

Sit nomen Domini benedictum.

749-750 OPUSCULUM QUADRAGESIMUM OCTAVUM.

DE SPIRITUALIBUS DELICHS.

ARGUMENTUM. — Honestum monachum edacitatis et ciborum delectu plus justo studiosiorem, spiritualium dulcedine epularum ante oculos posita, ad terrenarum dapium contemptum, et cælestium deliciarum meditationem et amorem perducere conatur.

HONESTO fratri PETRUS peccator monachus salutem.

CAPUT PRIMUM.

De Jubileo, ejusque mysteriis.

Qui coactus in arma progreditur, impulsus tamen ter præliatur, corrigit ignominiosæ trepidatio-

D nis opprobrium, dum obtinet ex virtute triumphum. At si et invitus incipit, et mox occurrentibus adversariis corde pavido terga vertit, etiam si fugiens hostilia tela contemperit, nota tamen degeneris infamie non carebit. Tu quoque, frater, in quantum datur intelligi, non utroneus in militia spiritualis

arma jurasti; et postquam, dato nomine, tirocinii sacramenta professus es, nil insigne, nil forte, nil certe dignum laude gessisti; sed, ex Ægypto progressus, ciborum ac potuum cepisti murmurare penuriam, cunctas Ægypti delicias suspirare (*Exod. xvi*), cum illo carnali conquerens Israel: « Utinam mortui essemus per manum Domini in Ægypto, quando sedebamus super ollas carnum, et comedebamus panes in saturitate! » (*Dan. iii*). Misit ergo te rex Babylonis in caminum ignis ardentem, sed videre non potuit Dei Filium tecum inter globos flammarum æstuantium incedentem. Stuppæ, naphthæ, picis ac malleolæ congeriem persecutor intulit; sed divina virtus hujus erga te vires incendii non exstinxit (*Ibid.*). Porro de flamma illa dicitur: Quod erupit, et erecta est super fornacem cubitis quadraginta novem. Non enim ad quinquagenarium numerum, id est usque ad mystici Jubilæi, potuit pertingere sacramentum. Jubilæus enim annus requietionis est, ignis ergo ille carnalis concupiscentiæ non ad requiem pertinet, sed scandala potius generat, dum reprobam mentem titillantibus illecebris æstuantem vexat atque perturbat. Non enim ad illum quinquagesimi diei pertinet ignem, de quo dicitur: « Totus autem mons Sinai fumabat, eo quod descendisset Dominus super eum in igne, et ascenderet fumus ex eo quasi de fornace (*Exod. xix*). » Sed nec illi congruit qui, quinquagesimo nihilominus die, post Dominicæ resurrectionis gloriam super apostolos in linguarum varietate descendit (*Act. ii*). Uterque igitur ignis iste descendit, quia nimirum de cælo venit. Ille autem non descendisse, sed ascendisse legitur, ut de carnalis concupiscentiæ petulantia procedere videatur.

CAPUT II.

Quid fuerit manna, et quid significet.

Noli, frater, noli gulæ vel carnis deservire libidini, qui te militem spondidisti sobrietatis auctori. Pudeat te carnalium voluptatum esse vernaculum, nec collum tuum ingenio Christi jugo submissum, vinculis subjecias barbarorum. Non Eglon rex Moab sub sua te ditione possideat (*Judic. iii*), sed tecum simul Aoth illum inopinato pugione transfodiat. Nec Agag rex Amalech, cum terreno Israel sub suo te imperio comprimat (*I Reg. xv*), sed cum Samuel coram te per artus in frusta concidat. Non te destructor ille Hierusalem delectet (*I Reg. xxi*), qui profecto, quoniam illecebrarum suggerit oblectamenta, carnalium super coquos habere dicitur principatum. Si te dulce quid manducare delectat, divinum illud ac mysticum manna in cordis tui palato sapiat, de quo dicitur: « Quia gustus ejus erat quasi similitudo cum melle (*Exod. xvi*). » Similia scilicet ista de grano frumenti fit, quod in terram cadens, ac mortuum, multum attulit fructum (*Johan. xxi*). Sed hæc similia melle conspergitur, quia humanitas Redemptoris plena est dulcedine deitatis. Deus enim erat in Christo, mundum reconcilians sibi (*II Cor. v*). Vel certe mel in similia, dulcedo est spiritualis in

littera. Hinc est quod ex eodem **751** manna Hebraicus ille populus turtulas sibi conficisse describitur: « Frangebat, inquit, populus illud mola, sive terebat in mortario, coquens in olla, et faciens ex eo turtulas saporis, quasi panis oleati (*Num. xi*). » Turtula plane nisi prius aperitur, gustari non valet quod intra ejus septa reconditur. Oracula nempe prophetarum quasi quedam turtulæ sunt, quæ sub quadam quasi carnalium theca verborum spiritualis intelligentiæ contegunt sacramentum. Hanc turtulam aperire non poterat, cui per Isaïam dicebatur: « Lege librum istum. Et respondit: Non possum. Signatus est enim (*Isai. xxix*). » Hanc sibi turtulam ednuchus ille reserari petiit, cum Philippo dicenti sibi: « Putasne intelligis quæ legis? » Respondit: « Et quomodo possum, nisi aliquis ostenderit mihi? » (*Act. viii*). Ac si dicat: Turtulam quidem istam in manibus teneo, sed non possum ex ea comedere, nisi eam docta manus aperiat, et medullam mihi spiritus, qui in palea litteræ latet, exponat. Hanc per semetipsos aperire non poterant, de quibus Jeremias aiebat: « Parvuli petierunt panem, et non erat qui frangeret eis (*Thren. iv*). »

Hoc ergo manna, dilectissime, hunc vitalis alimentum cibum in meditationis tuæ mortario subtiliter pinse, in fervidi amoris olla jugiter excoque, ut ex hoc animæ tuæ viscera valeas velut a ruinæ cælestis adipis saginare. Hoc intimæ refectionis edulium cordis tui fauces obducat, hoc animum tuum ad illud cæleste convivium provocat. Hic denique cibus in gustu mentis tuæ delectabiliter sapiat, hic te ad esuriendam supernæ refectionis alimenta succendat.

CAPUT III.

Quod in solo Deo est sanctorum spes et requies.

Repressa igitur diversorum aviditate ciborum, unus duntaxat esuriatur, unus omni desiderio flagitetur: « Unam, inquit, petii a Domino, hanc requiram (*Psal. xxvi*). » Hæc est enim unitas illa quæ quadraginta novem surgentis flammæ cubitis decrat (*Dan. ii*); quia carnalis appetitus, dum per multa raptatus oberrat, non habet unum illud, causam videlicet finemque gaudendi, in quo delectabiliter requiescat. Jubilæus autem hac unitate concluditur, quia in solo Creatoris amore omnis sanctorum spes et intentio ponitur, in eo tota eorum requies collocatur. Per omne quod agunt, ad illum tendunt, et in eo, tanquam in Jubilæo, a cunctis mundi vanitatibus requiescunt. Enimvero sicut septimus dies, qui per omnem celebratur hebdomadam, vel certe septimus quietis annus, qui per omne nihilominus septennium celebratur, hujus temporis significant requiem, qua sancti solum Deum diligunt, et in eo a cunctis mundi perturbationibus requiescunt; ita per Jubilæum, quinquagesimum videlicet annum, illa ultima requies designatur, qua videlicet electi omnes secunda semper atque interminabili requie perfruuntur. In hac enim vita sola cujuslibet sancti viri anima Deo per vim certæ spei ac puræ dilectionis innititur: nam caro multis adversitatum calamitatibus pertur-

Eatur. 752 Unaquæque nimirum hebdomada Sabbatum dierum, septennium vero Sabbatum habebat annorum; Jubilæus autem erat Sabbatum Sabbatorum. Ex septies enim septem quadraginta novem summa perficitur, cui superaddita monade, quinquagenarius numerus, qui est Jubilæus, impletur. In quo nimirum numero sicut septies septem dicimus, sic in intellectu nostro requiem animarum videlicet et corporum geminamus. In Jubilæo quippe nostræ quietis, hoc est in illa vita felicitatis æternæ, sic electus quisque non solum animæ, sed et corporis immutabili quiete perfruitur, ut nulla jam in utralibet substantia cujuslibet turbinis incommo-ditate vexetur. In Jubilæo tubis clangitur (*Levit. xxv*), et ad possessiones suas unusquisque revertitur; quociam, sicut dicit Apostolus, ipse Dominus in jussu, et in voce archangeli, et in tuba Dei descendit de cælo: et mortui qui in Christo sunt, resurgent (*I Thes. iv*). Quid est enim in voce archangeli et in Dei tuba descendere; nisi quodammodo consonantibus tubarum clangoribus intonare? Et quid est mortuos qui in Christo sunt, resurgere, nisi ad possessiones suas unumquemque redire? Tunc enim Abraham, tunc Moyses, tunc certe Pilatus, tunc Herodes, tunc justus quisque, sive peccator, ad possessionum suarum jura revertitur; cum carne, quam ad tempus deposuerat, reinduitur: ut cum ipso suo corpore unusquisque recipiat quod meretur. Habent præterea nunc reprobi utriusque substantiæ quodammodo requiem, quia et animarum suarum et corporum perficiunt voluptatem, ut nimirum concupiscentiæ flamma, quæ tanquam ex camino Chaldaico, æstuanti eorum mente, progreditur, ad septies septem (*Dan. in*), hoc est ad quadraginta novem, consurgere videatur; sed quoniam ad unitatem, quæ Deus est, ex mentis intentione non tendunt, ad beati Jubilæi plenitudinem non perveniunt.

CAPUT IV.

Quomodo Deus in nobis quiescat.

Sed qui Jubilæum Deo, hoc est requiem, querimus, et ipsi Jubilæum Deo in nobis exhibere debemus. In cujus enim corde Deus in hac vita requiescere non permittitur, ei postmodum cælestis vitæ requiem non largitur. Nunquid enim in nobis Jubilæi quodammodo quietem non expetit, cum per Isaiam dicitur: « Super quem requiescet Spiritus meus, nisi super humilem et quietum, et tremementem sermones meos? » (*Isai. lxxvi*.) Nunquid et columba illa, quæ tunc eundem Spiritum præsignabat, requiem non quærebat? De qua legitur: « Quia cum non invenisset ubi requiesceret pes ejus, reversa est ad Noë in arcam (*Gen. viii*). » Columba quippe requiem in mundi periclitantis aqua non invenit, quia Spiritus sanctus in his qui cum mundo deperunt nullatenus requiescit. Ad arcam vero, in qua erant octo animæ, columba revertitur; quia in illis sanctus Spiritus habitare dignatur in quibus per lavacrum baptismatis certa spes est beatæ resurrectionis. Unde scriptum est: « Spiritus Dei ferebatur super aquas (*Gen. i*). »

An non se Dominus apud nos requiem pollicetur habere, **753** cum dicit: « Si quis diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus? » (*Joan. xiv*.) Hanc apud quemquam non se reperisse requiem conqueritur, dicens: « Vulpes foveas habent, et volucres cæli nidos; Filius hominis non habet ubi caput suum reclinet (*Luc. ix*). » Quisquis ergo in corde suo cujuslibet malitiæ venena concepit, festinet de pectoris sui fovea vulpes excutere, ut in eo Dei Filius caput suum merito debeat reclinare. O tu quisquis es, cor tuum, spelæum scilicet vulpium, in arcanum castæ meditationis verte mortarium: in quo videlicet manna cælestis eloquii non desinas subtiliter terere, ut oleatus ex eo panis tibi valeat provenire. Panis enim oleatus sacræ Scripturæ est intellectus, Spiritus sancti suavitate conditus. Hæc tibi, frater charissime, Spiritus influat [infundat]; hic a te cum Samson torporis atque desidiæ nexum abjiciat, atque ad fortiter cum hoste certandum ferventer accendat (*Judic. xvi*).

In desperatis quidem rebus gloriosum est fortiter agere; insignis præconii est eum qui corruerit in ruinam, inopinatam reportare victoriam. Marcellus nempe Romanorum consul, dum in manus Gallorum improvidus incidisset, et, armatis hostibus undique circumfusis, auxilii prorsus auditus non pateret, in Vitromarum [Virdomarum] regem illorum tanquam fulmen ferventissimus irruit: eoque perempto, plurimas quoque cum collega suo, Marco videlicet Scipione, hostium copias interemit. Quid ergo mirum si quod adversus hominem fuisse per humanam fortitudinem constat, nunc contra diabolum per virtutem sancti Spiritus fiat? Excusatur ergo, charissime frater, a te degener hujus inolitū torporis ignavia, viriliter manus arma corripiat, et intortis oppugnantium jaculis **754** clypeum intimæ circumspectionis opponat. Nec te cum Isio-seth in inguine percussuri latrunculi reperiant in lectulo somniantem (*II Reg. iv*), sed potius cum David Philistinorum agmina sentiant insuperabiliter obloquentem (*II Reg. n*). Ut ergo hanc, auctore Deo, merearis obtinere victoriam, non ultra cum carnali illo Israel immurmurans dicas: « Anima nostra arida est, nihil aliud respiciunt oculi nostri nisi manna (*Num. xi*); » sed potius lætus et alacer cum Propheta decantes: « Quam dulcissima faucibus meis eloquia tua, super mel et favum ori meo! » (*Psal. cxviii*.) Aviditas ergo carnalis deliciæ menti nostræ stomachum vegetare non desinat. Illæ siquidem carnales epulæ nihil aliud quam vermem enutrient; istæ vero mori hominem non permittunt, sed in æterni viroris amoenitate custodiunt. Illæ sui avidos in igne cum divite gutta aquæ sitire compellant (*Luc. xvi*); istæ cum Daniele secreta nobis mysterii cælestis aperiant (*Dan. ix*). De illis vero: « Escavestri, et venter escis; Deus autem hunc et illas destruet (*I Cor. vi*). » De istis autem dicitur: « Favus distillans labia tua, sponsa; mel et lac sub lin-

gna tua (*Cant. iv.*). » Et iterum : « Fons hortorum. A prudentiam tuam dirigo, rogans ut illam non per-
pauere aquarum viventium, quæ fiant impetu de
Libano (*Ibid.*). »

De pretiosarum vero vestium vanitate, ejus
morbo diceris laborare, non scribo; quia stylum
ultra producere, sicut ipse perpendis, charta defi-
ciente, non valco. Ad epistolam ergo quam venera-
bili abbati tuo Mainardo super hoc themate scripsi,

perfunctoria celeritate transcurras, sed vigilanter in
ea quæ momenti sunt attendas. Omnipotens Deus,
dilectissime frater, carnalis sensus in te vires eva-
cuet, et mentem tuam in spiritualis desiderii soli-
ditate confirmet.

Sit nomen Domini benedictum.

755-756 OPUSCULUM QUADRAGESIMUM NONUM.

DE PERFECTA MONACHI INFORMATIONE.

ARGUMENTUM. — Sanctus doctor fratriuoli suo Classensi monacho salutem dicit, eumque adversus demonis
insidias salutaribus armat monitis. Omnium primum monet ut corporis in eo mundities, temperantia in
victu, orationis studium, animi demissio, obedientiæ virtus eniteat. Deinde rogat muliebrem convictum
evitet, nullisque verborum fucis in congressionibus utatur. Iterum orat affinitum amorem restringat, ne
munus aliquod ambiat, de aliorum fama ne detrahat, per morbi simulationem sui rationem haberi ne
cupiat. Postremo illi suadet ne reprehensiones ad aures admittat, lapsus agnoscat, paucosque e multis,
eosque spectatæ virtutis imitetur.

PETRUS peccator monachus MARINO puerulo salu- B
tem in Domino.

CAPUT PRIMUM.

Quæ cura tuende castitatis habenda sit.

Fudis tiro facile in prima belli congressione pro-
sternitur, nisi, adhibito prius campidoctoris officio,
diligentius informetur. Tu autem, qui nuper in di-
vine militiæ sacramenta jurasti, qui in professione
sancti propositi inter pueriles alas nomen delidisti,
inter ipsa castrorum spiritualium rudimenta cogno-
sceris tanto propensius salutaribus monitis indigere,
quanto non terrenam, sed divinam potius militiam
adorsus es bajulare. De qua nimirum dicit Aposto-
lus : « In carne enim ambulantes, non secundum
carnem militamus. Nam arma militiæ nostræ, non
carnalia, sed potentia Deo sunt (*II Cor. x.*). »

Porro autem quia consanguinitatis mihi necessitu-
dine jungeris, fratriuolis quippe es, arbitror tuæ sa-
luti curam eo mihi periculosius impendere, quo te-
nera tua adhuc ætas, alienæ opis indiga, id videatur
et ex debito quoque propinquitatis exigere. Nam
cum Apostolus censet eum qui ad episcopatus api-
cem promovetur, filios habere debere subditos cum
omni castitate (*I Tim. iii.*), atque in catalogo virtutum
sacerdotis, etiam filiorum pudicitiam et obedientiam
ponat; tu mihi, licet non sis filius, a mea tamen cura
non merito judicaris extraneus, cui germana videris
affinitate propinquus; præsertim cum et ipse tibi
monachicum tradiderim habitum, non sine causa
me a consultationibus tuis diffiteri absolutum.
Primo omnium, dilectissime fili, castitatem servare
vigilanti solertia satage, et omne crimen lethifere
pollutionis excludere, ut scias, juxta Apostolum, vas
tuum possidere in sanctificatione et honore (*I Thess.*
iv.). Hæc est enim sanctimoniam, sine qua nemo
videbit Deum. Servetur munda corporis tui tunica,
et in tanti regis nuptiis nullo petulantis luxurie re-
periatur squalore fœdata.

CAPUT II.

Quod sobrietas est castitatis præsidium.

Sit ergo tibi castitas semper in corpore, sit sem-
per in mente; quatenus sic lilia indisciplinata, car-
nis velut exarata terræ cultura candescant, ut
radix quoque in sui viroris gratia inconvulsa per-
maneant. Carnis titillat illecebra, surgunt libidinis
lucuntia, ad apostolica mox tela prosiliens (*Ephes.*
vi.), evangelicum quoque gladium bellator ser-
vidus arripe; et frementes cuneos hostiumque bar-
bariem, duce Christo, facile poteris obruturare.
Unum est ut sobrietas quotidie tibi comes sit in-
dividua, nec aliquando a tuo sit collegio, gula pru-
riente, divulsa. Ubi enim viscerum pori ciborum
repleti sunt, suum illic procul dubio robur sibi vin-
dicat flamma libidinis. Hæc enim pestis ariditate
repellitur, et ubi efferi corporis humor deficit,
hæc etiam arescendo marcescit. Plane ut ignis
aquæ, sic luxuria inimica est frigori, atque ideo
ubi genuinum carnis ardorem ciborum fomenta
destituunt, fervor quoque luxuriæ necesse est ex-
stinguatur. Nolo ergo cibis lautioribus inhiere : 757
nolo vino affluenter indulgeas, sive de ejus coloris
saporisve distantia aliquando disputare præsumas.
Hoc tenuis laqueus horror exasperat, illud venachoricæ
debilitatis enervat; istud porrothasiam rubet, illud au-
tem aureo Mareotidis decore flavescit; prohibetur le-
citio; nauseanti vappa est; baptismus irrepsit : exspe-
ctavi quidem vinum, sed huic aquæ perexiguam viam
videatur admistum; huic sane vino Amineæ quidem
vitæ plurimum contulit, sed Rhetica propemodum
superare contendit. Noli itaque callere quid Arigitis,
quid Rhodia sapiat; quem suavitatis aerorem cum
purpureis Preciis Psythiisque componat. Hæc enim
omnia gula philosophantis sunt argumenta, et in-
gurgitationis abominandæ materia. In sumendis ergo
alimentis parcitas asperitatem mitiget, vulgaritatem
delibatio castigata commendet. Nec sufficit in escu-

lentioribus cibis cohibere crapulam, nisi et in ipsius grossioribus noverit quis tenere mensuram. Sic enim vulgari quolibet cibo crapulantis aliquando gulæ culpa committitur, sicut et in deformi scortio coeundi voluptas expletur. Qui vero consuevit ventrem brevi panis aridi mensura conficere, non facile de inadipatis novit eduljis judicare. Qui timet aquam ad satietatem bibere, mulsi se potionibus ingurgitare non quarit. Si vis ergo inter delicias sub sobrietatis legibus vivere, cave quoque inter ipsa simplicia alimenta edacitatis frena laxare. Suavem vero cibum cur debeamus expetere? qui, quantislibet apparetur impendiis, et antequam in os intret, nobis non sapit; et postquam, flumine glutiente, trajectur, venter, cui ille est, non discernit. Totius autem nostræ voluptatis iter, cui tanta ambitione servimus, brevissima unius palmi summa concluditur. Qui enim Christum desiderat, et ipso pane vescitur, nimirum qui de cælo descendit (*Joan. vi.*), de quam pretiosis cibis stercus conficiat magnopere non discernit. Quidquid ergo non sentitur post gulam, idem tibi sit quod panis et olera. Nam si gula non sibi thesaurizat, sed ventri; cur ipsa quid quasi delicatius eligit, quod venter idem indifferenter admittit?

CAPUT III.

Quod mortis cogitatio turpes abigit motus.

Ut ergo non sentiat pudicitia periclitata naufragium, inter fluctuantis hujus vite discrimina sobrietas magistra tui corporis teneat clavum. Abigendis quoque cogitationibus sollicitis semper invigila, quia non enixius expedit carnem ab illecebrosa titillatione reprimere, quam mentem quoque a turpium cogitationum phantasmate custodire. Novi fratrem in Christo, qui districtam hanc mentis suæ regulam jugi ac pervigili servat intuitu; ut quotiescunque libidinis suggestio subrepat, mox cogitationi suæ, velut expeditus ad proficiscendum, dicat: Eamus, inquit, ad circum; illico omnia cœmeteria ac sepulchra imaginando perlustrans, putrescentium virus sanieque cadaverum, scatentes quoque vermes et fetentium jus carniis curioso rimatur intuitu: cumque **753** considerat quia olim carnes illæ, in sua viriditate florentes, his subjacere molestiis, corpus etiam suum paulo post futurum esse non ambigit quod illas esse jam cernit. Pendendum dat luxuriæ, qui præbet oculum corruptelæ; nec est libidini diversorium, in qua versatur mente sepulchrum. O quoties ille frater candentem cultrum et vomerem, quasi cauterium quoddam, genitalibus impressit? ita ut, crepitante quodammodo præfixæ carnis incendio, ad nares usque fumus per enargiam exhalare videretur.

Cum necessitatis aliquando casus exegerit ut tuum femine colloquium negare non possis, limis semper oculis, et velut aliorum intentus, absentem tui præsentiam exhibe: longinquus alloquere, confabulator absiste, terræque defixis obtutibus, neque pallentem neque rubentem ejus faciem possis judicare. Beatus aliquando Romualdus rediens a Sibyllæ

A comitissæ colloquio, comitanti fertur callide dixisse discipulo: Quam elegantis, ait, et venusti vultus femina, nisi, proh dolor! unius oculi dispendio laboraret! Cui discipulus: Absit! magister, inquit, sicut decora certe facies, ita quoque oculi, prout sagaciter deprehendi, nihilominus incolumes vigent. Quem magister acerrima protinus animadversione corripiens: Et quis te, inquit, in faciem feminarum respicere docuit? Tunc ille circumventum se esse respiciens, poenitentia ductus erubuit, et de cætero cautiorem se fore obstinatissima pollicitatione devovit. Versutus namque adversarius pictor est, sed qui facile quidem possit ad memoriam visa reducere, vix autem in parietibus mentis nostræ ignotarum nobis specierum lineamenta formare. Si vis itaque ad perfectionis fastigium proveli, amodo necesse est in cunctis virtutum studiis exorceri: videlicet dum ætas tua cerea est, dum mores teneri in quamlibet partem valent indifferenter adduci. Cum ipsis ergo corporalibus incrementis cœva virtutum exercitia coalescant, ut consuetudo leviget quod debilitas humana fragilitatis abhorret. Nunc itaque exiguò cibo exigua nihilominus se intestinorum mensura coarctet; ut dum ipsa viriditate sua vasculi sinus attrahitur, modica postmodum annonæ mensura facile repleatur.

CAPUT IV.

Quod silentium est loquendi magister.

Assuescat lingua sub taciturnitatis se cohibere censura, et tacendo discat quod loquendo postmodum graviter proferat, ne, si nunc districtum negligit custodire silentium, loquendi postmodum nequeat frenare pruritum. Lentescant nunc genua crebris attrita metaceis, imo cætera membra diversis exercitationibus edometur, ne quorundam more durus postmodum stare videaris et rigidus; et manumundulus, ut aiunt, quasi sacra Cereris oblaturus. Esto sollicitus ad exhibendum sedulitatis officium, et promptus semper ad obsequia delata respuere, ipse satage omnibus ministrare. Aliquid parari vel afferri præcipitur, repente consurge, et festinus accelera, ut jubentis vox **759** in te potissimum fuisse directa videatur. Illud autem te præcipue et sub districta prorsus animadversione præmoneo, ne quorumlibet te fratrum offendant privata jejunia. Novi enim quorundam mihi similium vita. Nonnulli namque aliis jejunantibus tanto livoris atque invidiæ felle torquentur, ut illorum salutem sibi met in perniciem vertant, et, ut ita loquar, per alieni profectus scalam ipsi in præcipitium corruant. Non, inquit, licet agere nisi quod communis monasterii regula vel majorum cohortantur exempla. Quibus nimirum facile respondetur quia si regula a regendo dicitur, potius ad restrictionem jejunii quam ad dissolutionem vel ventris pertinere videtur ingluviem; atque ideo illi inter eos non immerito majores sunt judicandi eorumque exempla sectanda, qui, per angustam ingredientiæ portam, sub sobrietatis legibus et artiori crucis Christi noscuntur

vivere disciplina. Quapropter, cum de vocabulo A
regulæ conflictus oboritur, illi magis debent ad je-
junium provocari quam isti ab arrepti propositi
rigore compesci. Correlationes autem, quamlibet du-
ras sive multiplices, noli abhorreere, sed libenter
complexectere. Sicut enim aurum vel argentum ad
claritatis speciem, lima poliente, perducitur; ita et
anima nostra, correctionibus erasa, a peccatorum
sonorum vel a rubiginoso quodam squalore purga-
tur. Cave etiam ne, quorumdam exemplo, dum obe-
dire detrectas, in negligentem, quod absit! præpositum
calumniam querula mordacitate devolvās. Sam-
uel ergo ad memoriam redeat, qui desidem inerte-
temque magistrum tam patienter, tam humiliter
coluit, ut intempestæ noctis silentio ter vocatus ac-
curreret, totiesque interrupti saporis excubias non
doleret. Poterat enim modo velut expositulanti obji-
cere: Cur, inquires, non vereris extraneo tanta
auctoritate præcipere, qui segnis es filiis imperare?
qui tamen, Scriptura testè, non timuit, non querulus
sugillavit; sed ad jubentis imperium perneciter
pervolans, simpliciter ait: « Ecce ego, vocasti enim
me (I Reg. iii). »

CAPUT V.

Quod peccati remedium est confessio.

Peccasti aliquando? Non est enim homo qui non
peccet; et forte in notitiam venit quia prima post
navfragium tabula est culpam simpliciter confiteri;
prompta confessio faciem pariat veniam; ne, si de-
fensio falsitatis accesserit, quod acu fortasse fuerat
tenuiter punctum, lata videatur cuspe perforatum. C
Hinc est enim quod, cum David perpetrati reatus
arguitur, mox ut in vocem confessionis erupit, di-
cens: « Peccavi Domino (II Reg. xii), » lex ore
prophetae protinus audivit: « Dominus transtulit
peccatum tuum; non morieris. » Et quia se occasio
præbuit, hoc etiam te fraudari non patiar, quia non-
nulli, a pueris in religionis ordine constituti, sola
inobedientia superbiæ mista depereunt; cum in sæ-
culo plurimi, post inhumanum criminum perpetrata
flagitia, per humilitatis studium indulgentiam pro-
merentur. Ecce enim David adulterium homici-
diumque commisit (II Reg. xi): Saul vero 760 Sam-
ueli inobediens exstitit (I Reg. xiii). Sed quid,
quod ille, nullo interveniente, vel in puncto veniam
meruit; alterum vero nec propria confessio, nec
prophetae tam lugubris et amara atque proluxa
supplicatio reconciliavit? Plane si Scripturæ series
utrobique discutatur, copiosior Saul quam David
in verbis poenitentiae reperitur. Iste siquidem dun-
taxat id, quod præmissum est: « Peccavi Domino; »
ille autem: « Peccavi, inquit, quia prævaricatus sum
sermone Domini et verba tua, timeus populum, et
obediens voci eorum (I Reg. xv). » atque id ipsum
postmodum repetens, ait: « Peccavi (Ibid.). »
Accessit autem et longanimis valde Samuelis oratio,
de quo videlicet dicitur: « Contristatusque est Sam-
uel, et clamavit ad Dominum tota nocte illa; » sed
divina voce responsum est: « Usquequo, ait, tu lu-

ges Saul, cum ego projecerim eam, ne regnet super
Israel? » (I Reg. xvi.)

CAPUT VI.

Cur Davidis confessio veniam meruit, non Saulis.

Quid est ergo quod alterius poenitentia pie sus-
cepta; alterius autem sub districtæ severitatis est
examine reprobatâ? nisi quod ille scelus inoba-
dientia, spiritu superbiæ, parvipendens, nequaquam
pleno corde poenituit; hic autem pauca quidem pro-
tulit, sed ejus viscera divini timoris gladio transfixa
veri luctus amaritudo replevit. Hæc, quæso, consi-
derare non negligent qui, cum inobedientiæ obe-
diant, de graviorum se immunitate criminum pro-
caciter jactant. Quorum profecto nonnullos sæpe
videmus ad agendæ confessionis iudicium frequen-
tare, solo se devote prosternere, tinnulis se et accu-
ratis verbis magis facite quam humiliter accusare;
atque ideo nunquam eorum mores ad idoneæ cor-
reptionis emolumenta procedere, quia videlicet cum
Saul ore poenitent, corde tument.

Cum incolumis vigeas, noli sponte languere.
Advertisne quid loquor? Illud namque mihi in ple-
risque monasteriis non mediocriter displicet, quod
nonnulli vegeto corpore, quique prorsus medicinalis
industriæ non indigeant, hodie vaporandam Nemi-
tori venam præbent; cras sibi met hîrudines adhi-
bent; diversa perendie medicaminum construunt
artificia. Interea similago commolitur, placenta
examussim fabrefactæ tepescentibus tantum cineri-
bus excoquantur; luminum sinus sive et marium
perscrutantur; macellum quoque vacare, quia piscis
pelagi profunda petierat, non meretur. Imo infe-
lix infortunium creditur si piscosus ager steri-
lis invenitur, ubi nimirum et necessitas ubertate
et ubertas parit inopiam. Interea quodcun-
que sive terræ sive maris animal ad victimam duc-
citur, peritus coquus necesse est perquirat, qui
videlicet ignibus tanto discretionis libramine mode-
retur, quatenus artificii et magistra temperie ad ossa
perveniat, et tamen superficiem carniū non com-
burat, tanquam quibusdam præstigiis videatur va-
por et transiliens exteriora non tangere et pene-
trans ad interiora transire. Quid plura? discumbentes
tandem, 761 imo jacentes, stomacho nauseante,
liguriunt, et edaci fastidio vix imperant ut probent
D esse vera quæ fingunt.

Ad locum porro regiminis nunquam ambitiosus
anheles, dum, in proximo digressurus, diem pro-
priae vocationis ignores. In eodem plane Classensi
cœnobio quod nunc incolis, ætate nostra quidam
monachus vicem prioris obtinuit, qui abbas idem
fieri ardentissime concupivit; sed dum satagit,
dum conciliabula cogit, dum fabricat, et versutis
malleos infatigabiliter versat, in languorem deci-
dens ad extrema perductus est; dehinc in phre-
nim repente conversus, quod sciens mente concepe-
rat, ore nesciens effluebat. Ecce, inquit, in proximo
comprehendam, mihi dabitur monasterium, adest
virga; accipiam, et prævalebo. Inter hæc igitur

verba defunctus, sinistram de se fratribus spem A reliquit.

CAPUT VII.

Exemplum Zeuzidis in pingenda Venere.

Negligentes denique negligenter aspice, studiosos autem circa animam suam ac vigilantes vigilantiter attende. Illud siquidem, ne aliena mala curiose dijudices; hoc autem, ut temetipsum ad bonorum exemplar æmulatione sanctæ imitationis informes. Proponere itaque tibi aliquos, egregios videlicet fratres, ex totius conventu cœnobii, quorum recta vestigia tuto valeas imitari: et ut facilius possis aspirare quo ducor, exemplum tibi de veteribus dabo. Heracleotes Zeuxis (CICERO, l. II *De inventione*) magno a Crotoniatis conductus est pretio, ut Dianæ simulacrum insigne depingeret, et ejus imaginem ad probatissimam B suæ artis industriam sine comparatione formaret. Poposcit autem omnes urbis virgines in uno spectaculo colligi, ut futuri elegantiam operis ex earum posset specie mutuari. Sed quia pudicas et honestas virgines in publicum prodire fas non erat, earum fratres ducti sunt ad palestram, ut ex eorum pictor decore colligeret quid de sororum venustiori nimirum pulchritudine judicaret. Sed quoniam natura non omnes uni pulchritudinis dotes attribuit, ut quod uni menbro præerogatur, alii sæpe dematur; eoque fit, ut unum idemque hominis corpus, quod hic formositate præminet, illic deformitate laborat; ex omni illo puerorum examine quinque duntaxat pictor elegit, quos ad compilandam consueque pulchritudinis elegantiam præ oculis habuit. Sed quorsum hæc tam longa narratione protrahitur? Nimirum ut et tu ex pluribus paucos eligas, ad quorum normam interioris hominis pulchritudinem effigiare contendas. Verbi causa, sicut ille ab alio relucentes oculos, ab alio subductas aures, ab hoc denique lacteas ac rubore suffusas mutuatus est genas; ita nihilominus etiam tu ab alio promptam obedientiam, ab alio ferventissimam charitatem, ab isto pernoctationis excubias, ab illo diurni silentii disce censuram; quatenus, sicut ille diversorum corporum habitudines ad unius simulacri speciem transtulit, sic et tu ex variis sanctorum virorum virtutibus unius in te veri Dei restaures imaginem, ut ad eundem 762 postmodum feliciter cognoscendum revertaris autorem.

CAPUT VIII.

Quod cordis duplicitas fugienda sit.

Cave duplicitatem; esto simplex (I Cor. v), ut quod lingua depromitur, mente versetur. Azyma namque soliditate statuitur, fermentum cavernis scaturescentibus vitatur. In azyma veritas et sinceritas; in fermento malitia est et nequitia. Qui simpliciter gradiens, azymus est, novum hominem induit; qui ex duplicitate fermentum est, in vetustatis errore permansit, ac per hoc ad novitatis gratiam non pervenit. Quid enim prodest Christianum verbo tenus se profiteri, et re ipsa antichristianum esse?

Totus esto semper in prophetis, totus in Evangeliiis; occupa cor tuum undique diversis sacrae Scripturae sententiis, ut nulla ejus pars vacet admittendis cogitationum insaniam phantasias. Quod si sermo fortassis horret incultus, et mel Dei in cordis tui fauce non sapiat: « Quam dulcia enim, ait Propheta, faucibus meis eloquia tua, Domine, super mel et favum! » (Psal. cxviii.) ora, jejuna, atque omnes a te illecebras terrenæ delectationis absconde, ut quod non ex se, sed ex te videtur insipidum, in tuo possit ore dulcescere. Pueri namque illi qui se regis decreverant epulis abstinere, omnium librorum sapientiam et scientiam grata meruerunt talione recipere. Danieli quoque, quia censuræ hujus auctor existerat, hoc est insuper additum ut visionum omnium atque somniorum notitiam perciperet (Dan. i). Digno videlicet retributionis divinæ commercio, ut qui se a carnalis edulii voluptate reprimerent, ad spiritualis intelligentiæ dapes mentis ora laxarent. Arescat igitur caro, ut mens saginata pinguescat.

CAPUT IX.

S. Romualdi consilium ut sobrietatem servemus, et hypocrisim fugiamus.

Gibi qui esculentiores sunt excludantur, ut intestina bella arbiter oculus inspiciat, et pro stercoris esca, cœlestis alimenti nobis suavitates apponat. Nec ineptus applices quod sæpe suis discipulis vir Domini Romualdus aiebat: « Fratres, inquit, cum in quorumlibet conventu [vos] reficiitis, intente ad cibum cæteris, in ipso refectionis initio parete: et cum jam illis ex parte satisfactum fuerit, vos inchoate, quatenus et hypocrisis notam possitis evadere et sobrietatis regulam sine offensione servare. Porro autem vidi Pompeios monachum apprime divinæ legis [scientia] et disciplinis regularibus eruditum, qui, ut ferebatur, hoc cum assidente sibi fratre parili conventionem pepigerat, ut apposita cuique vini, sicut mos est, personaliter obba, uterque quotidie utriuslibet mensura contentus esset. Nimirum ut ex eo quod uni competeret, duo se sub sobrietatis moderamine sustentarent; cum vero socius ille deesset, in ipso æstatis ardore, qui nimirum eo 763 loci ferventur incumbit, eo usque in propria obba vinum accescere permittebat, ut scaturescentes in ea vernens sæpius reperiret. Martinus itaque decalvatus, hoc quippe ei vocabulum erat, ad extrema perveniens, cum ejus totum corpus hydrops humerum immaniter intumesceret, omnes nos, qui lectulo videbamur assistere, petiit ut eum dignaremur scopis singillatim quilibet verberare. Cumque sic in fide perfecta et sancta fuisset confessione defunctus, euidam postmodum fratri in visione apparuit. Erat autem in ejusdam splendidissimæ regionis vernanti et florido nemore, candida decoratus stola, et fulgido præclarus aspectu; recumbat autem in lectulo tegumentis insignibus et mirificis adornato, de quo videlicet hucusque sufficiat,

re, dum historiam teximus, epistolaris compendii A
limites excedamus.

CAPUT X.

Quod sermo de rebus sæcularibus monachos dedecet.

Decreveram quidem jam calamo imperare silentium; sed quem longa siti videmus escere, peravarum est illi cyathum propinare. Cave itaque, fili charissime, ne quando, intra claustrum monasterii constitutus, de sæcularibus negotiis colloquia cum sæcularibus misceas: et sicut referre, ita nihilominus et audire contemnas. Illico plane indignatio sancta respondeat, et pii zeli fervor erumpentes mox inconditi sermonis ineptias frangat: « Quæ, inquires, est participatio justitiæ cum iniquitate? aut quæ societas lucis ad tenebras? » (11 Cor. vi.) Et revera quid monacho cum sæcularibus naniis? Quid mihi perstreptentium juridicorum fora, aribunalia iudicium, aulas regum, intra monasteriorum septa pertrahere? Quid mortuo homini narrare de præliis, dorales tabulas inter tales, divorio interveniente, rescissas; illos titulis efferre natalium, infamare alios novitate cerdonum? His itaque et hujusmodi nugis inaniter occupari, quid, quæso est, nisi a perspicuo fonte divinæ laudis fauces avertere, et cænosi luti spurcitiis ore versare? Unde non immerito per Jeremiam Dominus conqueritur, dicens: « Duo mala fecit populus meus, me dereliquerunt, fontem aquæ vivæ, et foderunt sibi cisternas, cisternas dissipatas, quæ continere non valent aquas (Jer. ii.) ». Enimvero ipsam claustrum tui fabricam respice: ecce enim quadrifida est, ut nimirum ipse loci situs evidenter edoceat, quod undique te a mundana conversationis strepitu semotum esse conveniat. Porro satis indecens est et inhonestum, ac per omnia probatur absurdum, ut quod in tabernis consuevit quis eructare caponum, quod passim versatur inter gynæceæ textitricum, in sanctorum choro locum invenire valeat monachorum. Sane ubi prophetas et apostolos aliqui me desiderantes aspicio, ubi Christum suum mihi pendentem Evangelium cernō, ego relictis illis, inquiram si nuper Adriam transfretantes adhuc applicuerunt naves? quanti sal vaneat? utrum annonæ modium taxema carius vendat? Facessat igitur ab ore militis Christi omnis vani **764** rumoris ineptia; et lingua quæ immaculati agni, imo summi Verbi rubet sanguine, dedignetur otiosi sermonis sese fecibus inquinare. Noli cuiquam detrahare, sed ne tu aures quidem dignum ducas detraherentibus applicare. Cum detractoribus, ait Salomon, ne commiscearis; quoniam repente venit perditio eorum, et ruinam utrorumque quis novit? tam videlicet illius qui detrahit, quam ejus qui aures accommodat detrahenti. Ipse potius, si ratio postulat, peracti sceleris argue, durus invellere, non verens præsentem austerius increpare; absentem autem non laceres, nec apud alios livido dente commordeas. Sæpe enim, nescio quo pacto, severius argumentem

aquantius sustinemus, quem vel summatenus accusantem perferre non possumus. Exige tibi ut animus tuus ex abbatis jugiter animo pendeat, et nunquam proprii cordis arbitrium, sed ejus humiliter sequaris semper imperium. Ora itaque Deum ut per eum tibi, velut organum scilicet suæ veritatis, aperiat quid tibi agendum esse pro sui beneplaciti dispositione decernat.

CAPUT XI.

Quod Christiana nobilitas ex Christo, non ex avis petenda est.

Noli phaleratam aliquando proavorum lineam texere, ut de vana te velis alieni nominis generositate jactare. Plane qui hæres Dei, et cohaeres est Christi, omnem terreni stemmatis prosapiam superat. Verumtamen esse Christianum magnum est, non videri vel dici; et ille plus sæpe placeat mundo, qui displicet Deo. Quorundam sane versuta calliditas, quasi derogando, majorum suorum nomen exaggerant; et, ut potentes atque magnifici fuisse videantur, superbia eos vel crudelitatis arguunt. Tenes quod dico? Accuso Achillem multi sanguinis reum, ut tu intelligas bellorum studio strenuum. Arguo Italice pervasionis Annibalem, ut tu audacem non dubites, et robustum. Memineris frequenter orandum ut, corpore terræ prostrato, mens erigatur ad coelum. Ventre vacuo sapius dormi; sitim te ad lectulum comitantem sopor mitiget. Moderata vigilia puræ orationis est causa, indiscreta autem et otiosa loquendi sit sæpe materia; quia cui palpitantibus oculis, oscitantibus labiis legere aut orare non licet, aliquando vacare fabulis libet. Quapropter sero lectulum pete, ad vigiliis moderatius surge. Præveniat siquidem somnus accubitum, non accubitus somnum; ut quo difficilior necessitas dilata conceditur, a fessis membris aridius rapiatur. Interea rumusculos, et gloriosas, et palantes adulatōres, tanquam serpentini morsus venena devita, et velut abjecta theriaca protinus audiant: « Avertantur statim erubescētes, qui dicunt mihi: Euge, euge! » (Psal. lxxix) Nihil medioeri in te contentus sum, fili; totum summum, totum perfectum est quod in te sentire desidero. Deposita igitur omnis inertiae et torporis ignavia, adversus temetipsum ipse congregare, tecum dimica, tecum pugna: et, arripito evangelicæ disciplinæ **765** mucrone, omnes circumfremementum visiorum cervices obtrunca; dura quæque et aspera pro Christi semper amore perferens, virtutis exercitum crede. Quidquid carni voluptuosum videtur et blandum, ut revera diaboli viscarium, perhorresce. Quisquis enim in monachica regula carnis se sperat blanditias invenire, velut ex arido ligno succum conatur exprimere. Scurrilia quæque, urbanitates, sales, facetias leporesque verborum a labiis tuis tanquam gentilitatis quoddam præputium circumcide. Piscatorum namque sumus discipuli, non oratorum, ut ex ore Christiani non latinitas Tullii, sed simplicitas resonet Christi. Omnes **766** voluntates

proprias frange, undique te cum apostolo Christi A mortificatione præcinge; undique impressa tibi stigmata crucis ostende, ut quo nunc ætius iudicati vestigia sequeris, eo post sublimius iudicantis consortio perfruaris. Omnes autem sanctos fratres monasterii tui mea vice salutem, charissimos autem

mibi fratres, Boninum et Petrum, si solito more videris aliquando excelsius canere, hoc distichon meo nomine in eorum manibus pone:

Qui Philomelinis depromitis organa fibris,
Infusa vox cordis modulis bene concinat oris.

Sit nomen Domini benedictum.

767-768 OPUSCULUM QUINQUAGESIMUM.

INSTITUTIO MONIALIS. AD BLANCAM EX COMITISSA SANCTIMONIALEM.

ARGUMENTUM.—Blancam nobilissimam feminam, quæ divitiis, liberis et charissimis rebus quibusque relictis, in monasterium Deo servituri secesserat, prudentissimis præcepis et salutaribus monitis instruit, quid fugiendum ei sit, quid appetendum, quasi digito commonstrans. Ac primum quidem rudem adhuc et inexpertum spiritualium certaminum bellatricem, tanquam telo acerrimo, præmunit; dum eam hortatur ut paupertatem et angustias et tribulationes, quæ Deo militantibus perferendæ sunt, fortiter excipiat; et ita sibi persuaadat Deo dilectos variis in hoc mundo turbinibus tantisper exagitari, donec in felicissimæ patriæ portum ingressi, æterna tranquillitate fruantur. Tum vero eandem ad perfectionem statum perducere cupiens, ad Deum amandum tota mentis contentione invitat. Deinde ad præcavendas demonis insidias, mortis contemplationis ei clypeum demonstrat. Adhuc validioribus armis eam induit, dum extremi iudicii imaginem ex sacra Scriptura penitentialibus depromptam ante oculos, proponit, et ut assidue meditetur, inflammatur. Postremo, timoris præsidio satis et abunde vallatum ratus, per amoris viam rursus in patriam reducit ad felicitatem illius sempiternæ contemplationis, quam nec oculus vidit, nec auris audivit, nec in cor hominis ascendit.

BLANCE olim comitissæ, nunc cœlesti Sponso conjunctæ, PETRUS peccator monachus jubæum cordis in Spiritu sancto.

CAPUT PRIMUM.

Blancam angustias et paupertatem fortiter excipere hortatur.

Ad regales nuptias epulaturus accedo, thalamos auro gemmisque radiantibus adornatos videre desidero; nuptialibus saginari dapibus avidissime concupisco. Undique igitur mystica deferantur xenia; prophetica simul et apostolica non desint tam excellentibus nuptiis ornamenta. Evangelicus itaque noster Isaias jam procedat ad medium, et munificus exhibeat quod paravit, ornatum videlicet calceamentorum, lunulas, torques atque monilia, armillas et mitras, discriminatæ et pericellidas, mureculas et olfactoriola, inanes et annulos et gemmas in fronte pendentes, mutatoria et pallia et lintamina, acus et specula et sindones, vittas atque theristra. Hæc igitur omnia spiritualibus conferenda sunt nuptiis, ac novæ sponsæ diligenter aptanda; quo verè Sponsi placere possit obtutibus. His nimirum infulis venustata, hac ornamentorum erat varietate composita regina illa, quam Psalmista contemplatus, aiebat: «Astitit regina a dextris tuis in vestitu deaurato, circumamicta varietate (Psal. xlv).» Nuptiæ factæ sunt in Cana Galiliæ: et sicut Evangelista testatur, vocatus est Jesus ad nuptias cum discipulis suis (Joan. ii); sed tanquam pronubus, non ut sponsus; quasi pransurus, non ut nupturus. Iste vero nuptiæ tanto illas privilegio superant, ut hic Jesus jure credatur non amicus esse, sed sponsus. Et quoniam qui adhæret Domino (I Cor. vi) unus spiritus est, sponsus iste non modo sponsæ jungitur, sed unitur, atque ex hac copula non cor-

ruptio nascitur, sed integritatis potius clausula reparatur. Illic Jesus aquam convertit in vinum; hic idem Jesus et vinum semetipsum fecit et cibum. Cibum videlicet, quia ipse est panis vivus qui de cœlo descendit (Joan. vi); vinum vero quod lætificat cor hominis (Psal. ciii); Spiritus ejus est de quo iterum dicit: «Poculum tuum inebrians, 769 quam præclarum est!» (Psal. xxii.) Spiritus enim Dei hominum mentes inebriat, ut, tanquam a suis sensibus alienati, divitiis hujus mundi, honores et gloriam respuant, ad subeunda vero pro Deo quæque dura vel aspera flammantibus desideriis inardescant. Hoc musto decubriati fuerant quibus Judæi vere dementes ac furiosi dicebant: «Musto pleni sunt isti (Act. ii).» Hoc musto plenus erat vir ille de filiis prophetarum, quem ad ungendum Hieu regem miserat Eliseus, de quo dixerunt vesane sapientes ad eum: «Quid venit insanus iste ad te?» (IV Reg. ix.) Quid autem mirum si hi, qui puri sunt homines, cum Spiritu divino replentur, ab hujus mundi sapientibus, atque ideo vere desipientibus, judicentur insani? cum et ipse qui magister est angelorum dictus sit habuisse dæmonium (Joan. viii.); imo, ut Marcus evangelista testatur, astimatus sit etiam fuisse phreneticus. «Venit, inquit, domum, et convenit iterum turba, ita ut non posset nec panem manducare; et cum audissent sui, exierunt tenere eum: dicebant enim, quoniam in furorem versus est (Marc. iii).» Hanc sancti Spiritus ebrietatem et tu, o venerabilis domina, sana mente conceperas cum sæculum relinquere decrevisti: et, velut columbæ simplicis alas excutens, ad innocentium atque simplicium nidulum convolasti, tunc dicens: «Quis dabit mihi pennas sicut columbæ, et volabo, et requiescam?» (Psal.

LIV.) Nunc etiam secure decantans : « Ecce clon-
gavi fugiens, et mansi in solitudine, expectans
eum, qui me salvam faciat a pusillanimitate spiritus,
et tempestate (Psal. LIV.) » Hæc te nimirum ebrietas
impulit ampla satis atque uberimis fecunda pro-
ventibus jura continere, munita turriura atque
castrorum propugnacula declinare, dulcium propin-
quorum necessitudinem ac vernaculorum affectus
abjicere, quodque horum omnium permaximum est,
unicum filium, eumque ephebum adhuc atque im-
puberem, sine conjugalis solatio fœderis abdicare,
et, quæ constipatis vallata clientum cuneis solebas
incedere, jam didicisti in angulo monasterii cum
pauperibus Spiritus sancti mulieribus humiliter
residere. Hæc te sobria, ut ita loquar, ebrietas do-
cuit ut pro carbasinis lanea, pro purpureis atque
nitidulis pulla ac despicabilia eligeres indumenta.
Hæc te persuasit ebrietas ut siligineas pollines ac
fercula dapibus referta postponeres, atque ad libræ
pensilem te mensuram panis cibarii cohiberes. Hæc
te plane perita et fœdica ebrietas incitavit ut, cum
primo adolescentiæ flore frueris, viro obeunte re-
lictæ, non tam claris tamque magnificis precis an-
nuceres, non, ut omnia videbantur hortari, thalamos
iterares; sed, soli jam Christo victuram, mundo te
mortuum exhiberes. Enimvero, tanquam perita ne-
gotiatrice nundinis intenta venalibus, projecisti mun-
dum, ut acquirerer cœlum; prævenisti mortem, ut
sententiam moris evaderes; elegisti pauperiem,
ut ditariarum non pereuntium copiam possideres.

770 CAPUT II.

*Quod aliquando justi ab injustis idcirco permi-
tuntur affligi, ut statuunt ad Deum vel ex necessi-
tate converti.*

Atqui, ut mirabilior tua videatur esse conversio,
non te mundus a se repulit, sed solus ardor divini
Spiritus incitavit. Enimvero, sicut providentia di-
vina disposuit ad educendum de Ægypto Israeliticum
populum (Exod. III), tunc est Moyses missus, cum
jam Pharaos ad opprimendum illum duris operibus fue-
rat excitatus, quatenus Israelitarum mentes Ægypto
deformiter inhærentes, alius dum vocaret, quasi
traheret; alius velut impelleret, dum saviret, ut dum
plebs in servitio turpiter figitur, vel malis impulsa,
vel bonis provocata moveatur. Hoc etiam in populo
Dei frequentius agitur, cum, prædicatis cœlesti-
bus præmiis, savire in electos reprobi permittuntur;
ut ei, vocati, ad terram promissionis, exire negli-
gimus, pressuris saltem sævientibus impellamur. At-
que hæc Ægyptus, vita videlicet præsens, quæ nos
oppressit blandiens, adjuvat premens; quatenus,
quæ, dum foveret, iugo nos servitutis attriverat,
libertatis viam, dum affligit, ostendat. Hæc itaque
causa est quod ab injustis justi sinuntur affligi, ut,
dum futura audiunt bona quæ diligunt, patiantur
etiam mala præsentia quæ perhorrescunt, atque ad
faciliorem exitum, dum amor provocat, cruciatus
impellat. Tibi autem cum vitæ hujus undique pro-
speritas arderet, non te mundus, qui blandiebatur,

impulit; sed speciosus forma præ filiis hominum
(Psal. XLIV) Christus ad suæ dotationis amplexum
per afflatum sancti Spiritus provocavit : « Surge,
inquit, amica mea, sponsa mea, et veni : columba mea
in foraminibus petræ, in caverna maceræ : ostende
mihi faciem tuam, sonet vox tua in auribus meis :
vox enim tua dulcis, et facies tua decora (Cant. II.) »
Anima quippe sancta jure Christi amica et sponsa
vocatur, quia illi per fidem dilectionemque con-
jungitur. Sed hæc sponsa quasi adhuc jacet, dum
in mundanis actionibus implicatur; tunc surgit, cum
ad procinctum divinæ servitutis erigitur. Ac si di-
cat: Quæ in secularis vitæ mollietie jaces, jam surge,
atque ad familiare contubernium meæ contempla-
tionis erigere. « Columba mea in foraminibus pe-
træ. » Si, juxta Apostolum, petra Christus est
(I Cor. x), foramina petræ vulnera sunt Redempto-
ris, quæ profecto non casu quinque sunt, lanceæ
scilicet et clavorum; sed quia nos fuimus quin-
que sensuum vulneribus sauciati, per has quinque
plagas salutis sumus perpetue restituti. Istæ siquid-
em portæ erant per quas die Sabbati propheta, ne
inferrentur onera gravia, prohibebat. In his ergo
foraminibus Dei columba consisit, quia sancta
qualibet anima totam propriæ salutis spem in sui
Redemptoris passione constituit. Ibi velut ab acci-
pitris incursu defenditur, quia a cunctis maligno-
rum spirituum insidiis custoditur. Ibi plane nidifi-
cat, quia illic fetus honorum operum conservat. De
hac petra per Psalmistam dicitur : « Montes excelsi
cervix, petra refugium 771 herinaceis (Psal. cmi.) »
Quid enim hoc loco per montes, nisi altæ Scriptu-
rarum intelligendæ sunt profunditates? Hi nimirum
qui jam dare contemplationis saltus noverunt, altos
sententiarum divinarum vertices quasi cacumina
montana conscendunt. Ad quæ profecto cacumina
quia infirmi pertingere nequeunt, recte illic subdi-
tur : « Petra refugium herinaceis. » Quia videlicet
invalidos quosque non intelligentia sublimis exer-
cet, sed sola in Christo fides humiliter continet.
Quod autem illic additur : « In cavernæ maceræ ; »
solent ex lapidibus maceræ fieri, ad custodiam vi-
nearum, sicut per Isaiam dicitur : « Vineæ facta
est dilecto meo in cornu in loco uberi, et maceria
circumedit et circumfodit eam (Isai. v.) » Quid
ergo per maceriam lapidum, nisi præsidium et
excubias intelligimus angelorum? Quibus videlicet
anima in certamine posita, dum vallatur atque
circundatur, a cunctis adversantium spirituum
tentationibus custoditur. Porro quod sequitur :
« Ostende mihi faciem tuam ; » tunc anima cœlesti
Sponso faciem suam ostendere dicitur, cum ejus
speciem internis obtutibus quasi revelata facie
contemplatur. « Sonet, inquit, vox tua in auribus
meis : vox enim tua dulcis, et facies tua decora. »
O quam suave commercium, ino quam inenarrabilis
dulcedo in humanis visceribus oritur! cum Creator
et creatura alternis in se invicem affectibus delectantur,
sicut per Prophetam dicitur : « Suavis sit

ei laudatio mea, ego vero delectabor in Domino
(*Psal. ciii.*)

CAPUT III.

*Quod quisque contemptor sæculi ad hoc debet semper
eniti, ut perveniat ad amorem Dei.*

Et hæc est summa ejuslibet sanctæ animæ mundi
nexus expeditæ atque hic tota versari debet in-
sentio, ut ad amorem Dei per omnium suorum
operum incrementa contendat, et quandoque in
veri Sponsi delectabiliter amplexibus requiescat.
Sicut enim quis ad hoc ecclesiasticis gradibus ini-
tiatur ut ad sacerdotii culmen attingat, vel potius,
ut teā dicamus, ad hoc virgo dotatione subarrhatur
ut nubat, ita nimirum omnes sæculum relinquentes
ad hoc debent semper eniti ut auctori suo valeant
arctius in amore conjungi. Alioquin quid proderat
jugum Ægyptiacæ servitutis abrumperé, Rubrum
mare transire, si terram lactis ac mellis irriguam
nunquam daretur intrare? Lac quippe fructus est
carnis, mel habetur de supernis. Et quia Redemptor
noster de cœlo veniens carnem suscepit ex virgine,
hæc est terra illa viventium, ad quam debemus
intentis semper amoris gressibus festinare. Hunc
Sponsum, venerabilis soror, veræ charitatis ulnis
amplectere, super hoc fugiter delectare, inquam, in
Domino, et dabit tibi petitiones cordis tui (*Psal.*
xxxvi.). Hujus corpus et sanguinem etiam ore
carnis crebrius suscipe, ut hanc ejus vocem merito
possis audire: «Favus distillans labia tua, sponsa,
mel et lac sub lingua tua (*Cant. iv.*).» Terre-
tur enim adversarius, cum Christiani labia
Christi videt ex ore rubentia. Agnosce enim
772 præsto suæ perditionis indicium, et divinæ vi-
ctoriæ, qua captivatus est et obrutus, non tolerat
instrumentum. Christus ergo per mysterium suum
tibi videatur in ore, et Christus per sui amoris incen-
dium tibi vivat semper in corde, ut congruat etiam
tibi quod sponsa dicit in Canticis: «Fasciculus
myrrhæ, dilectus meus mihi, inter ubera mea com-
morabitur (*Cant. i.*).» Quid enim per myrrham, ama-
rissimam videlicet aromatis speciem, qua etiam
defunctorum cadavera condiuntur, nisi Christi passio
designatur? Quid aliud inter ubera, nisi locus cordis
agnoscitur? Quisquis igitur amore continuo Christum
in arcano sui cordis amplectitur, quisquis imitandi
gratia passionis mysterium jugiter meditatatur, huic
profecto myrrhæ fasciculus Christus efficitur, atque,
juxta Scripturæ sacre sententiam, inter ejus ubera
commoratur. Unde et idem Sponsus ad sponsam:
«Pone me, ait, ut signaculum super cor tuum, ut
signaculum super brachium tuum (*Cant. viii.*).» Sape
nos, ob rei memoriam quam oblivioni tradere no-
lumus, digito nostro vel brachio signum aliquod in-
nodamus; ut, dum signum frequenter attenditur, res,
quam intercipere potuisset oblitio, jugiter in me-
moria teneatur. Quisquis autem Christum quasi
amat, sed operari bona dissimulat, jam quodammodo
sponsum super cor signaculum posuit, sed super
brachium omnino non posuit. Quisque vero bonis

operibus videtur intentus, sed a divini amoris torpet
faciendo frigidus; jam iste sanctiatis imaginem
super brachium posuit, sed adhuc in corde Christi
signaculum non expressit. Ut ergo sancta anima
Christi characterē utrobique signetur, eum in corde
suo signaculum ponat, ut amoris ejus facibus medul-
litus inardescat. Ponat etiam consequenter in bra-
chio, ut piis operibus valenter insistat. Signaculum
Paulus in corpore suo, velut in brachio, Jesum po-
suerat, cum dicebat: «Ego stigmata Jesu in corpore
meo porto (*Gal. vi.*).» Signaculum super cor Jesum
posuerat, cum alibi gratulabundus aiebat: «Mihi
autem absit gloriari, nisi in cruce Domini nostri Jesu
Christi, per quem mihi mundus crucifixus est, et
ego mundus (*Ibid.*).» Cujus sane stigmata expressa
B gerebat in corpore, ejus se signaculum habere glo-
riabatur in mente. Porro autem et ipse cœlestis
Sponsus, electum quemque suum sibi signaculum
ponit, eumque grata vice, tanquam de memoria
deletur, attendit. Juxta quod Zorobabel duci Judææ
pollicetur, dicens: «In illa die suscipiam te, Zoro-
babel serve meus, et ponam te sicut signaculum in
conspectu meo (*Aggæi. ii.*).» Econtra, de quodam re-
probo rege Dominus dicit: «Si fuerit Jechonias, filius
Joachim regis Juda, annulus dexter in manu mea,
inde evellam eum (*Jer. xxii.*).»

CAPUT IV.

*Exhortatio, ut in cœlestis Sponsi semper amplexibus
requiescat.*

Ad hanc ergo tu, venerabilis soror, assidue vicis-
situdinem satage, ut et cœlestis Sponsus per amoris
sui gratiam te semper accipiat, et tu ab eo (quod
absit!) per amorem quorumlibet temporalium oculo-
los non avertas; **773** quatenus et ille te subtiliter
intueas, nullamque offensionis illavici deprehenden-
dens, dicat: «Tota pulchra es, amica mea, et macu-
la non est in te (*Cant. iv.*).» et tu, ejus amore
inenarrabiliter æstuans, hoc intima voce depromas:
«Dilectus meus candidus et rubicundus, electus ex
millibus; caput ejus aurum optimum, guttur illius
suavissimum, et totus desiderabilis (*Cant. v.*).» Dile-
ctus siquidem candidus virginitate, rubicundus est
passione. Candidus, quia dicit: «Ego lilium con-
valliū (*Cant. ii.*).» Rubicundus, de quo Joannes
dicit: «Qui lavit nos a peccatis nostris in sanguine
suo (*Apoc. ii.*).» Electus ex millibus; de quo Salomon:
«Virum, inquit, de mille numis reperi (*Eccle.*
vi.).» Millenarius quippe numerus totius humani
generis est intelligenda perfectio, in quo Salvator
tanquam passer est unicus in ædificio (*Psal. ci.*).
Caput ejus aurum optimum, quia caput Christi
Deus (*i Cor. xi.*); qui nimirum, sicut aurum metal-
lis, ita, licet incomparabiliter, omnibus supereminet
creaturis. Cujus guttur suavissimum dicitur,
quia suorum melliflua suavitate verborum mentes
audientium obdulcantur. «Quam dulcia, inquit, fau-
cibus meis eloquia tua! super mel et favum ori
meo (*Psal. cxviii.*).» Totus etiam desiderabilis, quia
in eum, testante Petro, desiderant angeli prospicere

(I Petr. 4); vel quia humanitatis ejus mysterium, A omne desiderium accendit in mentibus electorum, ut eos videlicet non modo resurrectionis gloria provocet, sed ad imitationis exemplum ipsa quoque ignominia passionis invitet. In hoc igitur sponso tuo, veneranda soror, assidue delectare, in hoc omnia cordis tui vota constituē, in hujus semper amplexibus ab omni sopita mundi turbine requiesce.

CAPUT V.

Ad cautelam provocat, ut contra tentationis insidias sit semper accincta.

Sed interim, dum amplecteris sponsum, cave solum adversariam: adhuc enim in salo versaris, nec dum portus statione perfrueris. Prociñctus enim iste castrorum non quietis est municipium; via est ista, non patria; ambulamus, et non habitamus. B Tentatio enim est vita hominis super terram (Job vii). Quapropter si tentationum bella desunt, gaude quidem, noli tamen nimium securā confidere; sed adversus repentinos et inopinatos insidiatorum hostium impetus te vigilanter accinge. Sæpe namque nonnulli ad Deum de mundo conversi, in ipso suæ inchoationis aditu, pacatissimā carnis tranquillitatem cogitationumque percipiunt; procedente vero tempore, duris tentationum probationibus fatigantur. Quod utique fieri divina dispensatione cognoscitur, ne in ipso suæ novitatis initio tentationum asperitate frangantur. Nam si eos adhuc teneros ac intimi confictus ignaros amaritudo tentationis exciperet, ad ea scilicet a quibus necdum longe dedisserant, facile remearent. Unde scriptum est: C « Cum emisisset Pharaō populum, non eos deduxit Dominus per viam ferreā Philistiim, quæ vicina est, reputans ne forte pœniteret eum si vidisset adversum se bella consurgere, et reverteretur in Ægyptum (Exod. xiii). » Ex Ægypto itaque 774 recedentibus, e vicino pugna subtrahitur; quia derelinquentibus sæculum quædam pacis tranquillitas datur, ne, in ipsa teneritudinis novitate turbati atque conterriti ad ea quæ contemperant revertantur. Prius ergo securitatis suavitate mulcentur, prius pacis quiete nutriuntur; post cognitā vero dulcedinem, tanto jam tolerabilis tentationum certamina sustinent, quanto in Deo altius agnovere quod ament. Tu ergo sic in his quæ forte nunc prosperantur exultes, ut ab his quæ posterius imminēt non dormites. Esto igitur cauta et undique circumspecta; sique te præbe pervigilem ut nunquam te hostes inveniant oscitantem. Conföderanda sunt quippe adversum te et prosapia generis et flos ætatis, venustas formæ et memoria facultatis abjectæ. Ad evitanda sane istorum tela certaminum, nullus mihi videtur validior clypeus quam meditatio mortis ac extremi terror examinis.

CAPUT VI.

De anima, cum egreditur, quibus dolorum anxietatibus coarctetur.

Pensandum quippe est, cum jam peccatrix anima a vinculis incipit carnis absolvi, quam amaro terrore

concutitur, quantis mordacis conscientie stimulis laceratur. Recolit velita quæ commisit; videt mandata quæ negligenter implere contempsit. Dolet indulta poenitentiae tempora sese inaniter percepisse; plorat immobilem districtæ ultionis articulum inevitabiliter imminere. Manere satagit, ire compellitur; recuperare vult perditā, non auditur. Post terga respiciens, lotius transactæ vitæ cursum velut unum brevissimum deputat itineris passum; ante se oculos dirigit, et infinitæ perennitatis spatia deprehendit. Plorat itaque, quia intra tam breve spatium acquirere lætitiā potuit omnium sæculorum; deflet etiam, se propter tam brevis illecebræ voluptatem, inenarrabilem perpetuæ suavitatis amissis dulcedinem. Erubescit, quia, propter illam substantiam quæ vermibus erat obnoxia, illam neglexit quæ choris erat angelicis inserenda. Jam radios mentis attollit, et cum divitiarum immortalium gloriam contemplantur, eam propter vitæ hujus inopiam perdidisse confunditur. Cumque sub se reflectit oculos ad hujus mundi convallem tetranque caliginem, super se miratur æterni luminis claritatem, liquido comprehendit quia nox erat et tenebræ quod amavit. O si redivivum poenitentiae tempus mereri potuisset, quam duræ conversationis [conversionis] iter arripere! qualia et quanta promitteret! quantis se devotionum vinculis innodaret! Interea, dum hebescentes oculi contabescunt, dum pectus palpitāt, ræcum guttur anhelat, dentes paulatim nigrescunt et quædam velut æruginem contrahunt; pallescunt C ora, membra cuncta rigescunt; dum hæc itaque et hujusmodi tanquam vicinæ morti præcedentia famulantur officia, adsunt omnia gesta simul et verba. Nec etiam ipsæ cogitationes desunt, et cuncta hæc amarum adversus auctorem testimonium reddunt. Coacervant omnia ante respicientis 775 oculos, et quæ conspicere refugit, coactus et invitatus attendit. Adest præterea hinc horrenda dæmonum turba, illinc virtus angelica. In illo, qui medius est, liquido deprehenditur qui parti iure possessio vindicetur. Nam si pietatis in eo videntur insignia, invitationis angelicæ blanditiis oblinitur, atque harmonicæ melodiae dulcedine ut exeat provocatur; quod si eum sinistræ parti meritorum nigredo et fœditatis squallor adjudicet, intolerabili mox terrore concutitur. D repentinus impetus violentia perturbatur, præcipitanter invaditur, ac de miseræ carnis ergastulo violenter evellitur, ut ad æterna supplicia jam cum amaritudine pertrahatur. Jam vero, post egressionem de corpore, quis explicare valeat quot armatæ iniquorum spirituum acies in insidiis lateant, quot frementes cunei feralibus telis instructi iter obsideant, et, ne transire libera possit anima, velut militari more constipatæ legiones, oppugnant? Hæc et hujusmodi frequenter in corde versare, quid est aliud quam lenocinantia vitæ hujus blandimenta respuere, mundo repudium dare, illicites motus carnis elidere, solumque perfectionis adipiscendæ propositum indeclinabiliter custodire?

CAPUT VII.

Sententiæ Scripturarum de die iudicii.

His addendus est etiam extremi terror iudicii, ut illius amaritudine valeat mundi hujus falsa dulcedo contemni. Ad evitandas namque diabolicæ pugnae molestias valenter assurgimus, si necessitatis ultimæ periculum provide pertractemus. Nam si repentinus ille atque terribilis adventus Christi digne perpenditur, quid erit in mundo ubi mens humana vel desipiens delectetur? Ille nempe dies est ad quem omnis præcedentium sæculorum intentio ac summa colligitur, cui cuncta sacrarum Scripturarum volumina famulantur, de quo beatus Petrus, ut audientium corda digno terrore concuteret: « Adveniet, inquit, dies Domini sicut fur, in quo cæli magno impetu transient, elementa verò calore solventur (*II Petr. iii.*) » Unde et mox subdidit: « Cum hæc omnia igitur dissolvenda sint, quales oportet esse vos, in sanctis conversationibus et pietatibus expectantes, et properantes in adventum diei Domini, per quem cæli ardentes solventur, elementa vero ignis ardore tabescent? » (*Ibid.*) De quo et Judas dicit apostolus: « Ecce venit Dominus in sanctis millibus suis facere iudicium contra omnes, redarguere omnes impios de omnibus operibus impietatis eorum, quibus impie egerunt, et de omnibus duris quas locuti sunt contra eum peccatores impii (*Jud. i.*) » De hoc et Joannes in Apocalypsi: « Ecce venit cum nubibus, et videbit eum omnis oculus, et qui eum pupugerunt, et plangent se super se omnes tribus terræ (*Apoc. i.*) » Et Malachias ait: « Ecce venit Dominus exercituum, et quis poterit cogitare diem adventus ejus, et quis stabit ad videndum eum? » (*Mal. iii.*) Et paulo post: « Ecce dies venit, succensa quasi caminus, et erunt omnes superbi et omnes facientes impietatem sicut stipula, et inflammabit eos dies **776** veniens, quæ non relinquet eis radicem et germinem (*Mal. iv.*) » Et per alium prophetam dicitur: « Adhuc unum modicum est, et ego commovebo cælum et terram, et mare, et aridam, et movebo omnes gentes, et venit desideratus cunctis gentibus (*Aggæi viii.*) » Item alius: « Juxta est dies Domini magnus, juxta, et velox nimis; vox diei Domini amara, tribulabitur ibi fortis, dies iræ, dies illa, dies tribulationis et angustiae, dies calamitatis et miserie, dies nebulae et turbinis, dies tubae et clangoris (*Sophon. i.*) » Ubi notandum, tremendi diem iudicii, quam proxime, quamque perneciter adventare propheta considerat, ad cujus agilitatem expressius inculcandam tot accelerandi nomina coacervat: ubi scilicet ad auxesim dictionis, bis ponit *juxta*, deinde *velox*, et *nimis*, ut liquido doceat quia oculis fidei id jam videtur in limine, quod infidelibus et caecis corde putatur procul abesse: et isti jam tribunalibus iudicis quodammodo tremantes assistunt, quem illi per diuturnæ longinquitatis absentiam parvipendunt. De hoc ultimæ et irremediabilis necessitatis die præconatur Isaias, dicens: « Ecce dies Domini venit crudelis, et indignatione plenus,

A et iræ furorisque, ad deponendam terram in solitudine, et peccatores ejus conterendos ex ea; quoniam stellæ et splendor earum non expandent lumen suum, obtenebratus est sol in ortu suo, et luna non splendet in lumine suo; et visitabo super orbem mala, et contra impios iniquitates eorum (*Isai. xiii.*) » Et iterum: « Ecce, ait, validus et fortis Dominus sicut impetus grandinis, turbo confringens, sicut impetus aquarum multarum inundantium et emissarum super terram (*Isai. xxviii.*) » Idem alibi: « Ecce nomen Domini venit de longinquo: ardens furor ejus et gravis ad portandum, labia ejus repleta sunt indignatione, et lingua ejus quasi ignis devorans, et spiritus ejus velut torrens inundans ad perdendas gentes in nihilum (*Isai. xxx.*) » Qui rursus ait: « Eritque repente confestim a Domino exercituum, visitabitur in tonitruo et commotione terræ, et voce magna turbinis et tempestatis, et flamma ignis devorantis (*Isai. xxxi.*) » De quo videlicet igne Petrus ait: « Cæli autem qui nunc sunt, et terra, eodem verbo repositi sunt, igni reservati in die iudicii et perditionis impiorum hominum (*II Petr. iii.*) » De hoc et propheta dicit: « Auditam faciet Dominus gloriam vocis suæ, et terrorem brachii sui ostendet in comminatione furoris et flammæ ignis devorantis (*Isai. xxx.*) » De hac etiam ultione tremenda per Moysen Dominus dicit: « Gladius meus manducabit carnes (*Deut. xxxii.*) » De hac Jeremias ait: « Gladius Domini devorabit ab extremo terræ usque ad extremum ejus, non est pax universæ carni (*Jer. xii.*) »

G
D
Gladius enim devorare terram dicitur, et pax universæ carni deesse perhibetur, quia quisquis nunc carnaliter conversatur, vel terrena immole-ratus ambire vincitur, ultimæ districtiōnis necesse est gladio perimatur. De quo nimirum gladio per Ezechielem Dominus dicit: « Egredietur gladius meus de vagina sua ad omnem carnem ab Austro usque ad Aquilonem; ut sciat omnis caro quia ego Dominus eduxi gladium meum de vagina sua irrevocabilem (*Ezech. xxi.*) » De hoc utique gladio et Amos propheta dicit: « In gladio morientur omnes peccatores populi mei, qui **777** dicunt, non appropinquabit, et non veniet super nos malum (*Amos. ix.*) » Hic divini iudicii terror interiores Nahum propheta aures turbaverat, cum dicebat: « Vox flagelli, et vox impetus rotæ, et equi frementis, et quadrigæ ferventis, et equitis ascendentis, et micantis gladii, et fulgurantis hastæ, et multitudinis interfectæ, et gravis ruinae, nec est finis cadaverum (*Nahum. m.*) » Enimvero de divino iudicio quid viderit Daniel, manifeste describit, dicens: « Aspiciebam, donec throni positi sunt, et antiquus dierum sedit, vestimentum ejus quasi nix candidum, et capilli ejus quasi lana munda; thronus ejus flamma ignis, rotæ ejus ignis accensus; fluvius igneus rapidusque egrediebatur a facie ejus (*Dan. vii.*) » Et paulo post: « Iudicium sedit, et libri aperti sunt (*Ibid.*) » Qui nimirum libri, ipsi intelligendi sunt: sancti, quorum nunc meritum

ab eis per custodiam humilitatis absconditur, et tanquam volumen codicis, ne legatur, involvitur. Tunc autem, ad eorum gloriam, universorum oculis aperitur; ut in eis prævaricatores tanquam per digestæ scriptiōnis articulum legant divinæ legis mandata, quæ, dum adiverent, servare contempserant. Illic jam compelluntur et legere, qui hic per arrogantiae fastum verba Dei dedignabantur audire. Illic jugum Domini leve, et onus ejus suave mitibus (*Math. xi*) et patientibus fuisse considerant, quod hic superbæ suæ cervicibus intolerabile judicabant. Illic superbum omne confunditur, et quidquid elevatum fuerat, sub tantæ majestatis indignatione curvatur. Unde per Isaiam dicitur: « Oculi sublimes hominis humiliati sunt, et incurvabitur altitudo virorum. Exaltabitur autem Dominus solus in die illa; quia dies Domini super omnem superbum et excelsum et super omnem arrogantem, et humiliabitur; et super omnes cedros Libani sublimes et erectas, et super omnes quercus Basan, et super omnes montes excelsos, et super omnes colles elevatos, et super omnem turrim excelsam, et super omnem murum munitum, et super omnes naves Tharsis, et super omne quod visu pulchrum est; et incurvabitur sublimitas hominum, et humiliabitur altitudo virorum, et elevabitur Dominus solus in die illa, et idola penitus conterentur; et introibunt in speluncas petrarum et in voragines terræ a facie formidinis Domini et a gloria majestatis ejus, cum surrexerit percutere terram (*Isai. ii*). » Quæ nimirum verba seriatiim fortassis exponerem, nisi epistolaris compendii regulam excedere devitarem. Illud dumtaxat summatenus video perstringendum, quia rebus insensibilibus dies divini judicii dicitur imminere; sed per figuram rerum ratione carentium, stoliditas intelligitur hominum reproborum. Cedri quippe Libani sublimes et erectæ, potentes sunt hujus sæculi, per excellentiam quidem terrenæ sublimitatis elati, sed bonorum operum fructibus infecundi. Quercus autem fructus quidem proferunt, sed non quibus homo reficitur; sed unde sues aluntur. Sues autem immundi intelligendi sunt spiritus, qui spurcis sordentium hominum operibus saginantur. Porro montes excelsi et colles elevati, superbi quique sunt, quasi per aggestum tumidæ cogitationis in alta porrecti; sed frumento, quo valles studiorum frugibus alieni. Jam vero turris excelsa et murus munitus illos insinuat qui, cum peccatores sint, in quadam se velut innocentiae arce constituunt, seseque defensionis clypeo contegentes, reprehensorum suorum jacula ad se pertingere non permittunt. Tharsis autem *exploratio gaudii* dicitur. Quisquis enim, in hoc sæculo, unde gaudere possit explorat, huic superveniens dies Domini, quibus perpetualliter amarescat, mœroris atque tristitiæ molestias irrigat. Venit etiam dies Domini non super omne quod pulchrum est, sed super omne quod visu pulchrum est; quia ille divini judicii

A pondere premitur, qui intrinsecus quidem victiorum latenter ingruentium deformitate confunditur, foris autem quadam adumbratæ virtutis vel potius honestatis pulchritudine palliatur. Sed cum plurima suppetant, nos enucleatius exponere ista postponimus, quia prolixioris styli laciniam devitamus. Exempla quoque de divini terrore judicii plura his supersedemus inserere, quia cum huic tremendo examini omnis eloquii cælestis intentio militet, nos in exaggeratione ejus elaborare diutius non oportet. Ad hoc enim pleniter intimandum, etiam si cætera cuncta deessent, sola illa Veritatis verba sufficerent, quibus ait: « Erunt dies illi tribulationis tales quales non fuerunt ab initio creaturæ quam condidit Deus, usque nunc, neque fient B (*Marc. xiii*). »

CAPUT VIII.

Hic admonetur ne sub pietatis specie ad sæculum revertatur.

Tu autem, domina mea, domina, inquam, mea, imo et regina, Domino meo, cælesti scilicet regi, per annulum vivæ fidei et arham sancti Spiritus desponsata: tu itaque hæc et his similia, quæ de divini furoris et indignationis amaritudine leguntur mundi amatoribus imminere, crebrius perlege, subtiliter meditare; ut hoc velut amara confectionis antidoto sibilos antiqui serpentis ejusque lethale virus possis evadere. In memetipso quippe frequenter expertus sum quia, cum visceribus meis hujus cogitationis amaritudo diffunditur, a cunctis male blandientis mundi, ut ita loquar, humoribus, mentis meæ stomachus exsiccatur. Sæpe enim malignus spiritus, velut avis in ramo arboris, sic in lingua ponitur adulantis, et tanquam per organum vasis, in vas virus effluit, quod lethaliter in audientis interiora transfudit. Tu autem obtura aures malesuavis cantibus Sirenarum, et Scyllææ voraginis prudenter evade naufragium; sicque cor tuum in sancto proposito terror judicii ligat, ut nequaquam hoc ventus assentatorii favoris evellat. Antiquus enim ille seductor, qui dudum Evæ per serpentem versutiæ suæ virus invomuit (*Gen. iii*), adhuc fortassis et tibi tanquam filię morem servans, per aliud suum vasculum sibilabit: Revertere, inquit, domum sub ipso sacræ professionis habitu, rege familiam, expone pie vivendi formam, tene super filium ejusque coævus gravitatis ac modestiæ disciplinam, provide lapsuro non absonam legibus 779 sponsam, nec resilire permittas sibi obsequentium clientelam. Hæc igitur fabricans nequitiae spiritus non curat quia te ad sæculum retrahat veste, dum modo confidat quod per sæculares actus tibi principetur in mente.

CAPUT IX.

De monacho, qui de eremo ad cænobium rediens, per immunditiam lapsus interiit.

Porro autem, cum plurima suppetant, id potissimum, quod nobis ante paucos dies contigit, referre congruum judicamus. Monachus quidam simplicis

naturæ humilisque modestiæ nobis aliquando cohabitaturus adhæsit, ac per octennium fere nobiscum in eremo non solum caste, sed, juxta fratrum quoque omnium testimonium, laudabiliter vixit; et, quoniam scribendi peritus exstitit, non pauca nobis librorum volumina pollicubilibiter exaravit. Nuper autem, cum obeso vegetus corpore ac robustior solito videretur, cœpit obstinate deponere ut ad suum permitteretur monasterium remeare. Quod nimirum malignus cordi ejus intulit adversarius, ut perspicue postmodum ipsius rei declaravit eventus. Nam mox, ut, juxta petitionem, ad suum monasterium est reversus, cum alio quodam monacho dierum malorum sene, litteris æque perito, atque librario, per femoralis fluxus egestionem cecidit; sicque omne quod mundus diutius vixerat, repentina sceleratissimi criminis contagione foedavit; neve sine vindicta tam plectibilis culpa transiret, ægritudine mox irruente, decubuit, paucisque deinceps diebus ex hac vita confusus et confusus exivit. Sic, sic igitur, qui stat videat ne cadat (*I Cor. x*). Et ei solo præcepto, cum uxore Loth, post terga respicere non veretur, conspecto saltem salis statunculo (*Gen. xix*), ac Deo desuper vindice terreatur.

CAPUT X.

De sepultura Sophiæ marchionissæ et ejus fetore intolerabili.

At fortassis econtra dicitur quia corpusculum tuum gracile nimis et delicatum, ab ipsis lactantis infantie rudimentis esculentissimis ac pene regalibus fuit epulis mollior enutritum; nec sororum potes nunc mensulis esse contenta, quæ magnificis olim fueras ferculis assueta; sed nec olere quidem, vel communibus cum eis uti potes edulis, quæ marinas exquisitasque delicias Indici assueveras inferre pigmentis. His itaque male blandientibus suadelis, imo litis melle sagittis ex diabolica pharetra manifeste vibratis, tu discipula Crucifixi prudenter occurre, easque a te conditionis tuæ sedula consideratione repelle. Perpende igitur quia caro, quæ nunc accaratis dapibus enutritur, paulo post vermibus scaturire compellitur; ipsaque tunc fit esca rodentium, quæ nunc delectabiliter saginatur jucunditate ciborum, ac tanto graviorem exhalat putrefacta fetorem, quanto graviorem exhalat putrefacta fetorem, quanto graviorem sibi procuravit **780** educata molliem. Ecce, dum ista conscribis, Sophia nobis ad memoriam redit, duorum scilicet marchionum, Uguzonis soror, Rainerii filia, quæ ante hoc fere sexennium, dum sana adhuc esset et incolomis, abbatem monasterii sancti Christophori martyris ut sibi sepulturam construeret petiit; illoque renitente, eamque delirare perhibente, difficiliter impetravit. Factumque intra monachorum claustra sepulcrum mox ut ingressa conspexit, nescio quo judicio, in ægritudinem corruit, ac paulo post abortiit, et obiit. Cujus profecto tumulus cum esset gypseus, artificiosisque cæmentariorum studiis undique communis, tantam fetoris illuviem per continuū circiter anni circulum exha-

A lavit, ut tolerari vix posset, nec fratres quiescere in tota illius claustrum medietate permitteret. Et cum multa circumquaque sepulcra subsiderent, eademque minora satis impendia percepissent, nullum, præter hoc solum, molestias naribus ingerebat, ut luce clarius innotesceret quoniam humana caro quanto tenerius ac mollius educatur, tanto deterius in putredinem ac nauseam vertitur. Enimvero fratres cum me cur id fieret inquisissent, quod videbatur, exposui: Hoc, inquam, ut opinor, ad salutem vestram divinitus agitur, ut in illo uno corpore quod tam plebrium venustumque vidistis, quid etiam de cæteris mulieribus in tentatione luxuriæ sentiri debeat, liquido colligatis; quoniam caro illa et tunc putredo veraciter erat cum ad se spectandam lubricos intuentium oculos provocabat, quid enim tunc fuerit, nunc evidentem ostendit. Et quælibet hominis caro, quæ nunc vivere conspicitur, nequaquam de se post obitum putredinem generat; sed, quæ semper fuerat, tunc se tantummodo putredinem manifeste declarat.

CAPUT XI.

De Veneti ducis uxore, quæ prius nimium delicata, deinum toto corpore computruit.

Sed, ad id quod asserimus roborandum, congruum est ut etiam de viva carne proferamus exemplum. Veracis itaque et honesti viri didici relatione quod narro. Dux Venetiarum Constantinopolitanæ urbis civem habebat uxorem, quæ nimirum tam tenere, **C** tam delicate vivebat, et non modo superstitiosa, sed artificiosa, ut ita loquar, sese jucunditate mulcebat, ut etiam communibus se aquis designaretur abluere; sed ejus servi rorem cœli satagebant undecunque colligere, ex quo sibi laboriosum satis balneum procurarent. Cibos quoque suos manibus non tangebant, sed ab eunuchis ejus alimenta quæque minutius concidebantur in frusta; quæ mox illa quibusdam fasciculis aureis atque bidentibus ori suo, liguriens, adhibebat. Ejus porro cubiculum tot thymiamatum, aromatatumque generibus redolebat, ut et nobis narrare tantum dedecus feteat, et auditor forte non credat. Sed omnipotenti Deo quantum hujus femine fuerit exosa superbia, manifesta docuit ulciscendo censura. **D** Vibrato quippe super eam divini mucrone **781** iudicii, corpus ejus omne computruit, ita ut membra corporis undique cuncta marcescerent; totumque cubiculum intolerabili prorsus fetore complerent; nec quispiam tantam perferre narium injuriam potuit, non cosmeta, non servulus, vix una duntaxat ancilla, non sine speciei redolentis auxilio, in ejus obsequii sedulitate permansit. Eadem tamen raptim accedebat, et protinus fugiens abcedebat. Diutius igitur hoc languore decocta et miserabiliter cruciata, amicis quoque lætantibus, diem clausit extremum. Quid ergo sit caro, doceat ipsa caro; quodque perhibet mortua, testatur et viva.

CAPUT XII.

De supplicis damnatorum.

Sed, o utinam qui ejusmodi sunt, sic pœna temporalis afficeret, ut non eos etiam tartarus expectaret! Illic enim, juxta quantitatem gaudii retribuitur mensura tormenti; quantoque hic altius per jactantiam tumoris extollitur, tanto illic voracis incendii barathro profundius absorbetur. Unde est quod de perversa anima sub Babylonis specie dicitur: «Quantum se exaltavit, et in deliciis fuit, tantum date illi tormenta et luctus (Apoc. XVIII).» Et alibi: «Potentes poterent tormenta patientur, et fortior erit cruciatio (Sap. VI).» Nam et ipsæ carnales illecebræ, vel cætera vitia, quæ hic pravo homines inflammabant, illic in picem resinamque vertuntur, et ultricibus plammis vires tribuunt. Plane sicut Scriptura dicit (Job. x), illic est umbra mortis, quæ profecto nihil est aliud nisi obscuritas divisionis [visionis]; quia damnatus quisque cum æterno igne succenditur, ab interno lumine tenebratur. Natura vero ignis est ut ex se ipso et lucem exhibeat et ardorem, sed transactorum illa ultrix flamma vitiorum habet ardorem, non habet penitus lucem. Unde est quod de illo, quem a se repellit, Veritas dicit: «Ligate illi manus et pedes et mitte eum in tenebras exteriores (Matth. XXII).» Si ignis itaque, qui reprobos cruciat, lumen habere potuisset, is, qui repellitur, nequaquam mitti in tenebras diceretur. Hic etiam Psalmista ait: «Super eos cecidit ignis, et non viderunt solem (Psal. LVI).» Ignis enim super impios cadit; sed sol, igne cadente, non cernitur, quia illos, quos gehennæ flamma devorat, a visione veri luminis cæcat, ut et foris eos dolor combustionis cruciet, et intus pœna cæcitat obscurat; quatenus qui auctori suo corpore et corde deliquerunt, simul corpore et corde puniantur; et utrobique pœnam sentiant, qui, dum hic viverent, pravis suis delectationibus ex utroque serviebant. Unde bene per prophetam dicitur: «Descenderunt ad infernum cum armis suis (Ezech. XXXII).» Arma quippe peccatorum sunt membra corporis, quibus perversa desideria, quæ concipiunt, exsequuntur. Unde recte per Paulum dicitur: «Neque exhibeatis membra vestra, arma iniquitatis peccato (Rom. VI).» Cum armis vero descendere ad infernum, est cum ipsis quoque membris, quibus desideria voluptatis expleverunt, æterni judicii tormenta tolerare, ut 782 tunc eos undique dolor absorbeat, qui nunc suis delectationibus subditi, undique contra justitiam juste judicantis pugnant. Quæ tamen supplicia in se demersos et ultra vires cruciant, et eis vitæ subsidium extinguendo servant: ut sic vitam terminus finiat, quatenus semper sine termino cruciatus vivat; quia et ad finem per tormenta prope- rat, et sine fine deficiens durat. Fit ergo miseris mors sine morte, finis sine fine, defectus sine defectu; quia et mors vivit, et finis semper incipit, et deficere defectus nescit. Eant ergo nunc luxuriæ

Adediti, et ad propriæ carnis arbitrium vivant, ut anima postmodum et carne simul intereat; nunc medullas mundanæ dulcedinis sorbeant, ut repleti tunc perpetui cruciatus absinthio totis visceribus amarescant (Job. XXI). Necesse quippe est ut illic dentibus strideant, qui hic edacitate gaudebant; illic ab eis irremediabiliter plangitur, a quibus hic votuptuose ridetur: quique hic olfaciunt nidores aromatum, et acredinem inhiant pigmentorum, illic eos et sulphureus fetor excruciat, et terra piceæ fumi caligo circumdat. «Ducunt enim in bonis dies suos, et in puncto ad inferna descendunt (Ibid.).»

CAPUT XIII.

Quod monachus frigidus vilis alga; monachus autem fervidus, vitis est fructuosa.

Verum hæc illis exaggeranda sunt mentibus, quæ post terga relictam Ægyptum repetunt, quæ sedere super ollas carnum ignobiliter concupiscunt (Exod. XVI), ut his cogitationum fluctibus terrorumque procillis quodammodo mare Rubrum fiat, quod eis in medio, ne revertantur, obsistat. Tu autem, veneranda soror, quæ scilicet evangelicæ quadrigæ ac rotarum cœlestium animalia sequeris, quorum sunt pedes recti (Ezech. I), quæque, cum ambulat, non revertuntur; nequaquam, ut pro certo confidimus, Loth sequeris uxorem (Gen. XIX), sed Annæ potius imitaberis stabilita virtutem, cujus scilicet vultus non sunt amplius in diversa mutati (I Reg. I). Et quoniam quod ab adulatore laudatur, ab ecclesiastica auctoritate contemnitur, utramque hanc perpende sententiam. «Laudatur peccator in desideriis suis, et qui inique egerit, benedicitur (Psal. X);» hoc adulantis est. «Maledicti, qui declinant a mandatis tuis (Psal. CXVIII);» hæc Ecclesiæ vox est. Quod autem in reprobos, juxta quantitatem criminis, æqua sit etiam mensura maledictionis, testatur propheta David, qui nimirum in Judam Iscariotem triginta maledictiones intulit, sicut ille Dominum triginta argenteis sacrilega venalitate distraxit. Quarum videlicet sicut prima est: «Constitue super eum peccatorem;» sic extrema est illa: «Operiantur sicut diploide confusione sua (Psal. CVIII);» quas si quis per psalmi seriem subtiliter quærat, certum est quoniam non eas ullo citrove reperiat. In serie Scripturarum disce consequenter et ordinem rerum. Prius enim lex scribitur, deinde historia textitur Judicum, postremo liber ponitur Regum; quoniam hic divinæ legis mandata perficimus, postmodum ad judicium venimus; ad extremum, si causa non 783 dissonat, cum Christo sine fine regnamus. Hi proventus afferendi sunt segetum, qui cœlestibus horreis inferantur. Vitis plane si sit ferax uvarum, cuncta præcellit arbusta silvarum; sin vero sit sterilis, cæteris judicatur abjectior ac vilior esse virgultus. Unde est, quod ad prophetam divina vox ait: «Fili hominis, quid fiet ligno vitis ex omnibus lignis nemorum quæ sunt inter

ligna silvarum? nunquid tolletur de ea lignum, Anox illa præcedens Dominicam diem et B. Michaelis festivitatem. Cumque facto mane ad prædictum senem frater ille venisset, timensque ne de indiscretionem redargueretur, quod egerat, per ordinem retulisset; hac ille voce respondit: Noli, frater, pusillanimus esse, vel pro hac tua, quæ nunc est, infirmitate diffidere; potens est enim Deus ex imis te ad altiora provehere, et tanquam lacteolæ tuæ conversationis infantiam ad juvenilis roboris incrementa firmare. Et adjiciens ait: Nos etiam primo pedetentim cœpimus, sensimque ad quod nos divina pietas perducere voluit, licet imbecilles ac fragiles, educti sumus. Sicque factum est ut non eum de immoderato fervore, sicut ille timebat, argueret; sed ne desperationi succumberet, tanquam **B** qui minimum quid egerit, animum refoveret. Hujus itaque sancti senis exemplo faciendæ disciplinæ, mos adeo in nostris partibus inolevit, ut non modo viri, sed et nobiles mulieres hoc purgatorii genus inhiant arripere. Nam et relicta Tethaldi, sublimis utique generis et non infimæ dignitatis, mihi aliquando retulit, per præfixam hujus disciplinæ regulam centum annorum se poenitentiam peregissee.

CAPUT XIV.

Quod Dominicus duodecim simul psalteria cum disciplina cantavit, et tertium decimum cœpit.

Utinam daretur tibi nunc dominum meum videre Dominicum, qui quod nos imperitæ linguæ conamur officio, ipse te efficaciori luculentissimæ vitæ doceret et informaret exemplo. Hic denique a tribus jam circiter annorum lustris lorica ferrea vestitur ad carnem, duobus autem ferreis circulis in corpore cingitur, duobus item per brachiorum **C** amos arcatur. Sed quia de illo in aliis nostris opusculis jam plura digessimus, nunc quod vix ante sex dies ad nos veniens retulit proferamus. Ait itaque: Contigit me nosse quod scriperis novem me uno die psalteria decantasse cum corporalibus disciplinis: quod certe cum audivi, tremefactus expavi, et conscientia remordente congeniui; væ, inquam, mihi, ecce hoc de me, nesciente me, scriptum est; et tamen utrum hoc a me fieri potuisset ignoro. Ergo rursus experiar, et an hoc implere potuerim indubitanter agnoscam. Quarta igitur feria me vestibis exui, et armata scopis utraque manu, totam noctem duendo pervigilem, psallere ac me verberare non destiti, donec die altero, decursis duodecim ex more psalteriis, die tertio decimo ad psalmum: « Beati quorum (Psal. xxxi), » usque reptavi. Porro, quod nobis durum sæpe videtur et asperum, quam ille puerile deputat ac despectum, uno doceamus exemplo. Frater **784** quidam cum se scoparum ictibus nimis abhorreret atterere, atque ut ipse sibimet plagas inferret atque perferret, gravissimum judicaret; tandem tamen domini Dominici crebrius insistenti adhortationibus acquievit, ac per modulationem totius psalterii, et insuper quinquaginta psalmorum, sibimet disciplinam inferre propriis manibus non cessavit. Erat autem

CAPUT XV.

De cœlestis Hierusalem beatitudine sempiterna.

Tu itaque libenter audi semper facta bonorum, vel si imitari potes, cumulum tibi perpetuæ retributionis acquirant; vel si impossibilia sunt, uberius te in humilitate custodiant. Erigatur spiritus ad ea quæ promittuntur in patria, ut exsiliens parvipendat quidquid asperitatis horret in via. Cum pondus auri radiantis attenditur, labor itineris levigatur. Ubi loco præmii corona proponitur, stadii cursus alacriter transilitur. Perpende igitur quam beatus sit qui, cum tanta reproborum multitudo repellitur, ipse ad nuptiale convivium ingredi, cum splendida electorum societate, mereatur; quantæ dignitatis sit adesse semper obtulibus Conditoris, contemplari præsentissimæ speciem Veritatis; facie ad faciem Deum cernere, choris angelicis interesse: ubi sic præsentibus quique gaudiis sunt repleti, ut de futura nunquam sint adversitate solliciti: ubi dum quieta mens incircumscripti luminis amoenitate perfruitur, de suorum quoque concivium præmiis inenarrabiliter gratulatur. Illic vitæ fontem et sitientes hauriunt, et haurientes sitiunt; quia ibi non potest, vel aviditas passionum gignere, vel satiety fastidire. Ex eo plane, quod auctori vitæ semper assistant, omnem vim beatitudinis trahunt. Hinc floridæ juventutis æterna viriditas, hinc venustas est pulchritudinis, et indeficiens vigor incolumitatis. Ex illo ita- **785** que æternitatis fonte percipiunt, ut æternaliter vivant, ineffabiliter gaudeant: et, quod est longe præstantius, ad ejusdem Conditoris similitudinem convalescant. Sicut enim Joannes evangelista testatur: « Cum apparuerit, similes ei erimus, quoniam videbimus eum sicuti est (I Joan. iii). » Tunc mors absorpta est in victoria (I Cor. xv); omnisque humanæ naturæ funditus corruit corruptela. De hac

porro civitate sanctus ille Tobias aiebat: « Portæ Hierusalem ex sapphiro et smaragdo ædificabuntur; et ex lapide pretioso omnis circuitus murorum ejus; ex lapide candido et mundo omnes plateæ ejus sternerentur; et per vicos ejus alleluia cantabitur (*Tob. XIII*). » De hac et Joannes ait: « Quia singulæ portæ ejus erant ex singulis margaritis, et platea civitatis aurum mundum, tanquam vitrum perlucidum (*Apoc. XXI*). » De qua etiam mox adjecit: « Quia non eget sole, neque luna; sed claritas Dei illuminabit eam. et lucerna ejus est agnus (*Ibid.*). » Ibi præterea natura humana, quæ vitiata fuerat, cunctis passionum squaloribus defæcata tripudiat, et azyma facta, in suæ puritatis atque sinceritatis munditia perseverat. Cum spiritu siquidem, et caro spiritualis facta, concordat; ac totus homo sui Conditoris arbitrio in nullo penitus dissonat. Tunc impletur quod sponsæ sponsus eloquitur: « Veni, sponsa mea, tempus putationis advenit (*Cant. II*). » Surculus enim cum putatur, remanente quod utile est, abscinditur quod superfluum est. Sic ex humana natura manet quidem omne quod Conditor fecit; tollitur autem quod diabolus addidit. Illic arcana singulorum patent oculis omnium. Illic omnium mentes in mutui amoris unione conflatae, nulla invicem varietate dissentiunt; sed in communi voluntatis studio omnes unanimiter fœderantur. Apud nos, cum una festivitas colitur, altera non habetur; illic autem omnium solemnitas semper est coærcata lætitia, quia illi præsentibus assistunt, qui solemnitas sunt procul dubio causa. Deest illic ignorantia, deest impossibilitas; quia in 786 Sapientia, cui uniti sunt, cuncta sciunt; in Omnipotente omnia possunt. Illic revelata facie contuebimur, quomodo Pater ineffabiliter Filium gignat, quomodo Spiritus sanctus ex

Autroque procedat. Illic videbimus quomodo is, qui nusquam deest, non per partes, sed totus ubique est, quomodo etiam fieri possit, ut et intendat singulis tanquam vacet ab universis; intendat universis tanquam vacet a singulis; quomodo is, qui cœlestibus præeminet, abyssi fundamenta sustentet; qui mundi intima penetrat, quomodo exteriora cuncta circumdat. Illic odoris suavitas cunctorum excedit vires aromatum, omnem superat fragrantiam pigmentorum. Illic beatorum aures harmonicae dulcedinis organa melodia permulcent. Illic pratis jucunda satis amœnitate vernantibus, candentia lilia nunquam decidunt, roseque purpureæ cum croceis floribus non marcescunt. Et certe de illa cœlestis Hierusalem beatitudine sempiterna incomparabiliter plus est in re quam mens possit humana concipere; plus mente concipitur quam ullis sermonibus explicetur. Quid ergo plura de illis beatorum civium gaudiis eloqui? Quandoquidem eorum felicissimæ voluntati cuncta prorsus elementa deserviunt, et cuncta ad eorum nutum, omnia ad eorum vertuntur arbitrium. Vera quippe est sententia illa qua dicitur: « Omnia quæcunque voluit Dominus, fecit in cœlo et in terra; in mari et in omnibus abyssis (*Psal. CXXXIV*). » Et quod de capite dicitur, de membris quoque illius dignum est ut credatur. His te gaudiis, venerabilis soror, Deus omnipotens introducat, ipseque tibi sit præmium, cum assumit, qui factus est pretium, cum redemit. Commenda me Moysi, et Aaron ducibus tuis, sanctis videlicet Vitali et Rodolpho presbyteris tuis, sanctis videlicet 787 C quia idcirco, contra morem epistolæ, titulos inseruimus, ut inelamati atque prolixi styli duplex fastidium levaremus.

Sit nomen Domini benedictum.

(26) De Vitali et Rodolpho vide epistolam 14, libri v.

787-788

OPUSCULUM QUINQUAGESIMUM PRIMUM.

DE VITA EREMITICA, ET PROBATIS EREMITIS.

ARGUMENTUM. — Teuzonem monachum, mox sanctitate insignem, qui ab abbate dissentiens, e monasterio discesserat, et ipsum sanctum doctorem, qui una cum eodem abbate ut eos invicem reconciliaret, ad se venerat, post multas contumelias, tandem e cella expulit, mansuetudinem et modestiam traducere conatur; dum ei tantæ superbiae causas et fontes exponit: nimirum, quod sub nullius disciplina, sed tanquam sibi ipsi præceptor, monastica vitæ institutum sectatus; quodque, cum eremiti profiteretur, in media tamen urbe et sæcularium multitudine vitam traderet. Igitur, ne singulare vivendi genus sequatur, admonet: quod quam perniciosum sit, monachorum quorundam tristi exitu probat. Discretionis quoque freno cohibendas esse monachorum actiones ostendit. Ac denum, ne de seipso tam præclare sentiens, alios contemnat, virtutes ei quorundam ante oculos ponit, qui tamen modestissimi erant, nec ut ille, se efferebant. Tandem ut ei humilitatis exemplum præbeat, veniam ab illo petit, si quid asperius fortasse a se dictum videatur.

Domno TEUZONI eremitæ PETRUS peccator monachus stringat. Nam dum sibimet quasi ex virtute patientiæ consulit, lapso fratri salutiferæ correptionis manum porrigere parvipendit; dumque patientiæ immoderate deservit, imminutæ charitatis sententiam non evadit. Non enim dicit Dominus: Si peccaverit

Minus se proximum amare convincitur, qui perlatæ læsionis injuriam sic in auctorem expostulare dissimulat, ut omnino se sub silentii censura con-

stringat. Nam dum sibimet quasi ex virtute patientiæ consulit, lapso fratri salutiferæ correptionis manum porrigere parvipendit; dumque patientiæ immoderate deservit, imminutæ charitatis sententiam non evadit. Non enim dicit Dominus: Si peccaverit

in te quis, patere et tace; sed, si peccaverit in te, inquit, frater tuus, vade et corripe eum, ut videlicet correptus ad cor redeat, et corrigens quod erravit, ad ejus, unde pessundatus fuerat, rursus charitatis celsitudinem convalescat. Sunt siquidem duo, lapsus et læsus. Charitas ergo, quæ inter utrumque diducat, sic debet justitiæ lances appendere, sic inconcusso examine æquitatis inter eos jura servare, quatenus non modo enixius studeat, ne læsus, quod absit, per impatentiam corruat, quam ut per satisfactionis dignæ commercium, et is quoque qui lapsus est, surgat.

CAPUT PRIMUM.

Albizo et B. Petrus Damianus cum quanta sunt difficultate intra limen admissi.

Per longiora te ignotarum regionum loca, per præcipitia montium, per saxosa Alpium prærupta quævisimus, tandem ad januam pertingentes post multa precum quidem nostrarum, tuarum autem volumina altercationum, cum jam lapsus pene dediceret spiritus, vix demum tanquam importuni capitis homines admissi sumus (dominus enim mihi tunc Albizo adhærebat); intenti autem et non mediocriter avidi ædificationis documenta suscipere, protinus in ipso mutuæ collocutionis exordio coacti sumus iurgiosis quibusdam contentionibus deservire; et qui gestiebamus de spirituali certamine subtilia quædam et occulta discutere, vix tandem sufficimus perplexas quæstiones atque inutiles arroganter objectas, ineptæ videlicet litis materiam propulsare: quippe conveneramus Eliam, vel Paulum videre in eremo humiliter latitantem, citra spem reperimus quodammodo Xenocratem in gymnasio grandiloque **789** proponentem: imo quibus mens erat imitationis gratia agnum conspicerem mitem, ferocem potius taurum incurramus cornibus immaniter ventilantem. Inter ipsas tamen quæstionum contentionumque densissimas grandines, prout licuerat, mitis ille prædicator ad memoriam recurrebat, dicens: « Stultas, inquit, et sine disciplina quæstiones devita, sciens quia generant lites; servum autem Domini non oportet litigare, sed mansuetum esse ad omnes (II Tim. 10). » Et iterum: « Noli verbis contendere: nihil enim utile est, nisi ad subversionem audientium (Ibid.). » Illud quoque non prorsus exciderat: « Profana autem et vana eloquia devita: multum enim proficiunt ad impietatem (Ibid.). » Hæc, et hujusmodi nobis tacite conferentibus, illud etiam cum eodem Apostolo, clamoso quodam silentio, conscientia respondebat: « Si quis, inquam, vult contentiosus esse, nos hujusmodi consuetudinem non habemus (I Cor. XI). » Quid plura? Tandem cum in arcto positi multiplicium objectionum vallaremur angustiis, ubi ratiocinandi copia suppetere desiit, ad sanctorum mox exempla confugimus, ut illis saltem fides habeatur quorum auctoritas ad probationem cujuscunque negotii incunctanter admittitur. Cumque super quodam disceptationis articulo sanctus Romualdus in testimonium duceretur, præsto quæsi-

tum est utrum ipse Romualdus aut tunc exstiterit sanctus, vel nunc sit in paradiso receptus. Et licet contra fidem totius Ecclesiæ nostrarum provinciarum hæc de sancto viro quæstio moveretur: ad astruendam tamen partis nostræ sententiam, illos in testimonium sanctos adscivimus, quorum celeberrima et vetus opinio etiam apud plebeios quoslibet et ignaros mutare non possit: Leonem videlicet, atque Gregorium, clarissimos olim Romanæ sedis antistites, quorum quidem alter authentica canonum decreta promulgat; alter Ecclesiam perspicuis ac profundis cœlestis eloquentiæ fontibus irrigat. Sed his nominatis, tantumdem est. Nam et super his nihilo minus quæstio geminatur: Quo pacto quis certum teneat, utrum et isti tales fuerint, quibus sine retractatione debeat fides accommodari, sive etiam digni sint intra sanctorum catalogum percenseri.

CAPUT II.

Rursus uterque quam inhoneste fuerint eliminati.

Cumque hæc et alia plura in sermocinationis decursu impudenter effluerent, quæ non modo illum fructum ædificationis, ad quem gliscibamus, afferrent, sed supervacuam potius terminabilium quæstionum caliginem generarent; tandem recolentes illud quo dicitur: « Verbum abbreviatum faciet Dominus (Isai. X), » quasi de spumosi maris procellosis turbibus emergentes, ad tui portus sinum applicare studuimus, dum de charitate, in qua nulla quæstio videbatur, adorsi sumus. Erat quippe inter te et abbatem tui monasterii non ferenda simultas et inveterata discordia. Ille igitur utpote vir mitis, ac simplicis animi, sponsonibus suis cuncta dignæ satisfactionis et humilitatis jura transcendit, **790** et nos sequestri fœderis inter se et te exsecutores instituit. Verum nos dum alienis amicitii inconsulte consulimus, in implacabile odium proprii capitis devoluti sumus: quin potius in oblatrantis Charybdis latus incidimus, qui nos Scyllææ voraginis naufragium evasisse credebamus: dehinc paucis quasi rationibus irrationabiliter redditus, et cum iurgio et timore impatientem effusus, ad trabale scilicet odium non evellendum, sed enixius radicandum; tandem per semicinctia correpti, violentè excludimur, et præ damnatis foribus familiare colloquium ulterius non meremur. Digna nimirum ultione multati, ut qui in commendandæ charitatis crimen incidimus, et quod in homicidas durum est, perpetuo digni odio censeremur. Verumtamen ne de his leviter ridere videamur, quæ piis mentibus fraterna sunt compassionem legenda, inhonestæ confusionis historiam hucusque contexuisse sufficiat.

CAPUT III.

Quod monachis in urbe morantibus arrogantia tumor obrepit.

Nunc unde tibi hujus origo morbidæ tabis obrepserit, tantummodo te si sit possibile audire patienter, ego non gravabor exponere. Nulla siquidem disciplina, ut dicitur, monasticæ institutionis attritus, sub nulla majorum custodia maceratus, in ipso con-

versionis novæ tirocinio adhuc durus et rigidus, A hujus propositi iter arripieris, ante cæpisti docere quam discere, prius depromere quam legum mandata servare. Huc accedit quod eremiticam vitam non in eremo, sed intra populosæ urbis mœnia ducere decrevisti; ubi nimirum quidquid a tam magnifici nominis auctore præcipitur, sic arripitur, tanquam si a sibyllino aditu vaticinii oraculum reportetur. Sed, quæso, si monachus es, quid tibi cum urbibus? Si eremita, quid tibi cum civium cuneis? Quid enim cellæ, vel fora strepentia, vel turrita conferunt propugnacula? Enim vero qui, tanquam deficientibus silvis, solitudinem in urbibus quærant, quid aliud credendum est, nisi quod solitariae vitæ non perfectionem, sed favorem potius et gloriam aucupantur? Illic igitur, captato vulgi favore, circumfluis, quid tibi mens vel improvisa dictaverit, proprio judicio lex habetur; quidquid præceps lingua decurrit, sententia deputatur. Nec te metiris iuxta testimonium propriæ conscientiæ, sed secundum opinionem potius assentatrici turbæ, apud quam videlicet venalis pallor in vultu, et auditum nomen jejunii stuporem mentibus ingerit. Vinum namque in urbe nescire, prodigium est; in eremo bibere, satis ignobile. Oleum in eremo magnæ deliciæ; in populo autem, qui saltem arvina non vescitur, abstinentiæ palma donatur. Cilicium in eremo vestimentum, in urbe spectaculum. Cruribus pedibusque nudatis incedere in eremo quidem regula, in foro autem afflictio cernitur indiscreta. In eremo stratum molle juncus est, vel papyrus, inter cives applauditur centone contentus. Quod enim illic conversatio rara mirabile reddit, hic societas 791 fraterna commune. Ac per hoc quod illic præconio laudis attollitur, hic generaliter in laudem gloriam non meretur.

CAPUT IV.

De abstinentia quorundam fratrum.

Sed, o utinam præsens adesses, et quid in his silvis ab ignotis atque despectis agatur, oculo judicante, perpenderes! Tamen ut se, si fortassis inest tumor arrogantiae, deprimat, vel breviter aliquid te de illorum conversationibus erudire non pigeat. Nam, ut omittam de continua frugalitate, et penuria vestium, de rigore silentii, de jugi instantia remotionis, nonnulli apud nos sunt qui, inter cætera distractionis impendia, tanta censura a vini perceptio- D ne se cohibent, ut jam pene per decennium, ne in paschalis quidem festis, de prædicto liquore gustaverint; quorum videlicet alii sunt juvenili adhuc flore vernantes, alii jam ad venerandæ senectutis maturiora vergentes, alii etiam uris et aceto se nihilominus privant; plerique autem saginis, ovis, et caseo tanquam carnibus abstinent.

CAPUT V.

De Martino Storaci.

Quendam habemus in cellula rusticum idiotam, vix quinquaginta psalmos utcumque balbutientem, eosdem tamen per dies singulos, subjectis semper litanis, septies iterantem. Qui jam per tria ferme

lustra non prodiit, sed neque capillos totondit, neque barbam rasit. Hoc siquidem et ipsi crines evidente asserunt, qui jamjam forte prolixiores illo talotenus fluunt. Quanquam nos hoc distractionis genus minime probemus. Hujus itaque continuo tenore talis est vita, ut tribus per hebdomadam diebus nil penitus comedat, tribus autem quamdam mensuram panis cum aqua percipiat; Dominicis autem et præcipuis festis non quidem pulmentum, sive liquamen aliquod, sed quamdam sibi frixuram quasi edulium præparat. Quam sane vidisse, et non tetigisse, propemodum refectionem ducimus; gustasse autem, vel etiam offecisse, partem pœnitentiæ deputamus. Porro autem duo in ejus cellula serpentes jam per plures annos, ut fertur, familiariter spatiantur. Qui etiam, ut ipse fatetur, dum ille solo prostratus litaniarum votis insistit, circa caput ejus hinc inde blanda mites allusione decurrunt; et virosi morsus oblitii, tanquam patrifamilias domus, clientelam devotæ sedulitatis impendunt. Ecce, et venenatæ bestię inter se in exhibendo monachis obsequio concordant, cum videlicet ipsi monachi viperina invicem a se, proh dolor! immanitate resiliant. Mirum, quod tantum fetorem eo loci, nunquam querulus, tolerat: mirum, quod lutulentam ad bibendum aquam per tot dies in dolio velut sentinam servat, mutiora numquam lavat, vestes nunquam mutat, nisi eucharistiæ percepturus: quas tamen mox exiit, et ad id munus propter munditiam in 792 tuto reponit. Nisi post solis occasum nunquam accipit cibum, servata tamen diebus Dominicis reverentia, in quibus videlicet circa sextam horam, unam ex his quæ pro sacramentis fiunt, oblatiunculam percipit, et sic propter regulam jejunium solvit. (S. BENED. Reg. c. 38 et 41.) Quid autem de inopinatis ejus vigiliis dixerim? quandoquidem mihi ipse retulerit; die quidem, inquit, nullo tempore quietem membris indulgeo; vespere autem psallens et orans, tunc demum sopori viscera fatigata concedo, cum jam nocturnæ synaxis articulum propinquantem cognosco, quatenus nox, ut corpus sopor irruens, totis viribus occupat, repente illum, quasi tintinnabulum feriens, ab audacis violentiæ invasione depellat. Sæpe rogatus ut pro necessitatibus ecclesiasticis, vel fœderanda pace procederem, cum mihi detrimentum esse pernoscerem, licet alius proveniret, hunc fratrem ea fide consului, ut illi divina gratia dignaretur infundere quid mihi decerneret expedire. Protinus sancta simplicitas ad id quod propositum erat, compendiosæ responsionis clausulam fixit. Quid, inquit, candelæ prodest, si aliis luceat, dum se interim edax flamma consumat? Hoc responsum, fatcor, lætus arripui, et tanquam divinitus datum, salva tantummodo charitate et obedientia servare decrevi.

CAPUT VI.

De Leone Sitriæ, et aliis tribus monachis.

Sed dum in unius viri virtutibus enumerandis prolixius immoror, ab aliis vel summotenus perstrin-

gendis, longa mora prodiente, retardor; veniam au-
tem ad dominum meum Leonem, et vere Leonem,
qui antiquum draconem, caput scilicet, auctoremque
malitiæ, continuus ad bellum concertationibus pro-
vocat; et ab ipso impuberis adolescentiæ tirocinio
usque ad provectam jam senectutem, tanquam con-
sertis cominus armis, adversus illum infatigabiliter
pugnat. Vere, inquam, Leo, qui et mundum pervigil
dormit, et divinæ contemplationis quodammodo so-
poratus intendit. Quid ultra de hoc viro dicendum
est, quam quod videmus illum et mundo mortuum
et cruci Christo confixum? Hic nempe perfectæ mor-
tificationis est norma, hic singularis vitæ regula,
hic ad perfectionis apicem festinantibus inimitabilis
disciplina. Quidquid fere restrictionis, quidquid
continentiæ superius dictum est, in hoc viro conse-
quenter intellige; præcipue tamen in eo charitatem,
humilitatem et mansuetudinem venerare. Sermo
denique ejus dulcis ad instar mellis solatur mæstos,
docet incisos, concordat iratos. Quis enim corre-
ptionis illius austeritate deterritus non redire dispo-
suit? Imo quis quantalibet ingruentium tentationum
pressus caligine sine consolatione recessit? Bene
siquidem currentibus blandum, delinquentibus
se præbet austerum. Sed hoc modo, ut et blan-
ditiam in auctoritatem austeritas erigat, et eandem
austeritatem blanda rursus mansuetudo compescat.
Rigor autem abstinentiæ in eo tantus est, ut in
ejus facie imago potius quam viventis hominis
793 corpulentia videatur. Percutantii olim
mihi, quod possem invenire solatium, quia tamen
exiguæ mensuræ panis mihi inter ipsa jejunia vide-
retur; tale dedit præsto consilium: Aliis, inquit,
diebus medietatem tibi mensuræ illius appone, die
autem illa, qua relaxare aliquid de consuetæ regulæ
censura voveris, totam tibi summam præfixæ quan-
tatis indulge; et tunc sufficiens erit raro census,
quod nunc modicum videtur indifferenter oblatum.
Hoc autem in tantæ angustię necessitate remedium,
utcumque ex consulenti merito placuit; sed curiosa
meæ edacitatis intentio, fateor, non quod præstola-
batur, audivit. Nuper etiam mihi inter familiaria
mutuæ collocutionis verba subintulit: Frater,
inquit, mi, faciant alii magna quadam, prout gratia
illis divina præstiterit; infirmitati autem meæ non
erubescio sufficere, si per dies singulos duos annos
poenitentia possit implere. Aliquando autem, dum
me tentationibus resistere prudenter instrueret,
quod suum erat, alii contigisse narravit. Novi,
inquit, fratrem quem, dum fornicationis spiritus
graviter fatigaret et ille crebris orationibus vehe-
menter insisteret, tandem nocte quadam super
stratum quiescenti angelus Dei cominus astitit, et
arrepto ferro testiculos ejus abscidit. Cumque ille
vigilare se crederet, sed nuntius auctoritate pressus,
quid ageretur inquirere non auderet, tantam dolo-
ris vim in genitalibus pertulit, ac si revera materiale
chirurgium partem corporis secuisset. Ab eo itaque
tempore frater ille non modo hujusmodi passionibus
non subjacuit, sed et tanquam carne præmorta,

in se libidinis stimulum sensit.
Sciscitanti autem mihi quis ille fuerit frater,
Nihil mea interesse respondit. Longe vero post,
cum jam oblivio potuisset obrepere, inter cætera
conveni hominem: Nunquid non, inquam, mi
pater, tale aliquid tibi accidisse professus es? Tunc
ille ex improviso conventus, quod dixisse se credidit,
negandum esse non duxit. Sed cur ego in singulis
immoror, qui tantam virorum illustrium densitatem
mihi imminere contempler? Præterea igitur domi-
num meum Lupum, veræ videlicet mansuetudinis
agnum. Qui profecto et antequam se carceri, quem
pro æterna libertate nunc incolit, perpetim inclusis-
set, per trium circiter annorum continuata curri-
cula vinum non bibit, nullumque sibi pulmenti
B liquamen indulsit. Transeo Petrum, qui nullum
cubilis in cella sua patitur superesse vestigium, sed
nudum jugiter terit, sive hiberno, sive æstivo tem-
pore, pavimentum. Leonem quoque non numero, qui
lumbos suos super nudum ferrea semper catena
circumdat, ne sobrietatis limitem supergressio im-
moderatæ refectionis excedat.

CAPUT VII.

De Leone eremita Præzensi.

Sed ecce Leo rursus alius occurrit, qui, jam pene
emensæ senectutis oblitus, annosum diu vivendo
senium gerit; et licet emeritus miles divini procin-
ctus castra tirocinali, ut ita fatear, fervore custodit.
Qui nimirum inter 794 cætera dōna virtutum, sic
vigilariū studio præeminet, ut nulla totius anni,
vel perexigua nocte, prius a fratribus ad nocturnale
conveniatur officium, quam ille psalterium morose
habeat, decantando cum suis litanis, impletum;
postmodum vero, juxta morem eremi, psalterium
pro defunctis exsolvit. Porro autem cum jam, ut
fert opinio, centum quadraginta ætatis annos ex-
cedat, postquam se constanter inclusit, hac etiam
lege constrinxit, ut quotidie se scopis gravioribus
atterat; nullo etiam die nisi celebrioribus festis,
circa vesperam tantum, comedendi consuetudinem
solvat. In omni lamen vita sua nunquam sanguinem
minuit, nunquam antidotum sumpsit. Illud quoque
prætereundum non est, quia sic oleo lætitiæ gratia
illum divina perunxit, ut nec senilis gravitas tristitia
sibi ora contrahere, nec vita remotior in ejus vultu
potuerit rigidum quid vel asperum generare; sed
semper hilaris, semper lætus, semper occurrit
urbana quadam serenitate festivus.

CAPUT VIII.

De Dominico Loricato.

Sed cur ergo sanctos commemorando viros, di-
versa passim loca perlustro? quandoquidem intra
limen, et præ manibus teneo, ad cujus digne effe-
renda præconia impar viribus non assurgo. Certe
cellulis altrinsecus constitutis, solo basilicæ me-
diantibus interstitio, ego illeque dividimur; cujus si
virtutibus enumerandis invigilo, ante dies elabitur
quam scribendi materia deficere posse videatur. Do-

minicum dico, doctorem videlicet, et dominum A et meum; cujus quidem lingua rustica est, sed vita artificiosa satis et lepida, quæ sane vita satis utilis ad ædificationem vivis operibus prædicat, quam sterilis quorundam lingua, quæ accurata phaleratæ urbanitatis verba inania trutinat. Longe jam annorum elabente circulo, ferrea ad carnem lorica præcinctus, infœderabilem pugnam cum iniquis spiritibus conserit; semper paratus ad prælium, non solum corde, sed et corpore præmunitus, adversus hostiles acies fervidus bellator incedit. Hanc autem continuæ vitæ consuetudinem indifferenter habet, ut vix dies ulla prætereat, quin duo psalteria modulando utraque manu scopis armata, nudum corpus allidat, et hoc remissioni quidem tempore. Nam quadragesimalibus circulis, sive cum penitentiam peragendam habet (crebro enim centum annorum penitentiam suscipit), tunc per dies singulos dum se scoparum tusionibus afficit, ad minus tria psalteria meditando persolvit. Centum autem annorum penitentia; sicut ipso auctore didicimus, sic expletur. Porro cum trium scoparum millia unum penitentia; annum apud nos regulariter expleant, decem autem psalmorum modulatio, ut sæpe probatum est, mille scopas admittat; dum centum quinquaginta psalmis constare psalterium non ambigitur, quinque annorum penitentia in hujus psalterii disciplina recte supputantibus invenitur. Sed sive quinque vices ducas, sive viginti quinquies, centum fiunt. Consequitur ergo, 795 ut qui viginti psalteria cum disciplina decantat, centum annorum penitentiam se peregrisse confidat. Quanquam et in hoc plerosque noster Dominicus superet; quia cum nonnulli unam manum in disciplinis agendis exercent, iste ut revera Benjamin filius [filius Gera filii Jemini] contra rebelles carnis illecebras utraque manu infatigabiliter pugnat (Judic. iii). Hanc autem centum annorum penitentiam, ut mihi ipse professus est, facile sex diebus ex more consummat.

CAPUT IX.

De ratione disciplinæ.

Memini quoque quia cujusdam Quadragesimæ imminuentis initio mille annos imponi sibi per nos ad penitentiam petiit: quos certe omnes ferme antequam jejunii tempus transigeretur explevit. Si cui autem hoc penitentialis disciplinæ genus, quia durum, videatur etiam fortasse superfluum, et quod ipse facere negligit, fieri etiam nolit: quid mihi peccatori super hac sententia videatur, paucis absolvam (27). Devotio sancta fidelium cum se pro peccatorum suorum memoria verberibus afficit, communicare se sui Redemptoris passionibus credit. Nam et ipse Salvator noster, Evangelio teste, flagellis cæsus est (Marc. xv; Joan. xix); et apostoli in conspectu concilii verberibus sunt affecti (Act. v);

et Paulus quinquies quadragenas una minus, accepit (II Cor. xi). Quod etiam innumeri martyres duris subjacere verberibus; cui vacat eorum historias legere, non poterit ignorare. Ab illis ergo et hunc penitentia; modum nos suscepisse gaudemus, a quibus nimirum omnium studiorum spiritualium instrumenta didicimus. Porro si jejunia, vigiliæ, nuditatem, cilicia, genuum flexiones, et cætera his similia, idcirco remedia penitentia; constitutumus, ut per hæc vitiorum illecebras deprimamus, et delectationibus carnis e diverso amaritudinem apponamus: quæ inter hæc congruentius dici penitentia potest, quam cum se peccator nudum sui iudicis conspectui representat, et deprehensorum more latronum, ipsam quæ peccaverat, carnem verberando castigat? Huc accedit quod nonnullos legimus post culpam in extasi ad iudicium raptos, hanc exsolvisse vindictam (HIERONYM. epist. 22 ad Eustoch.). Credendumne ergo est quin hunc penitentia; modum, quem Deus ipse a nolentibus exigit, a devotis et ultro offerentibus suscipere contemnat? Hæc per excessum commendandæ disciplinæ gratia diximus, ut teneris et delicatis monachis detrahendi audaciam tolleremus. Nunc ad Dominicum, de quo cœperat, sermo recurat. Enim vero cum hunc jam et incurva senectus deprimat, et crebris insuper languoribus contabescat, mirum unde illi tantus fervor incendat, ut in spiritualibus exercitiis semper invictum, semper infatigabilem se reddat. Nam ut, ipso referente, cognovi, sæpe duo psalteria cum disciplinis stando continuat, ita ut neque interim sedeat, neque vel ad momentum a percussionebus incredibili mentis fervore quiescat. Inquirenti mihi aliquando, utrum posset cum ferreæ vestis pondere aliantisper genuum flexibus insudare; sub hac mihi dedit obscuritate responsum: 796 Cum incolumitas mihi vota respondet, quandoque per omnes totius psalterii quindenos psalmos centies genua flectere consuevi. Quod quidem tunc non diligenter attendi, postmodum vero quod dictum fuerat, mente revolvens, a depresso homine mille metaceas in uno psalterio fieri admiratus expavi. Quadam die post vesperam, cellulam meam ingressus: Magister, inquit (hoc enim indigno vocabulo me ex humilitate compellat), hodie feci quod hactenus me fecisse non memini, octo nempe psalteria inter diem et noctem modulariter explevi. Videbatur autem tunc totus vultus ejus ita scopis attritus, ac sulcantibus quibusdam vibicibus livefactus, tanquam si pila fuerit, pisanarum more, contusus. Psalmodia sane illi idcirco tam facile provenit, quia non tam verbo, ut ipse asserit, lingua perstreptente revolvit, quam sensum mentis vivacitate percurrit. Aliquando a me remotus habitabat; cumque ad me ingressum quibus tunc se vitæ legibus ageret inquisissem, respondit se carnaliter vivere, et quintis semper feriis cum Dominicis diebus a solito se abstinentiæ rigore laxare. Requisitus

utrum pulmento quolibet, ovis vel caseo vesceretur: A
negavit. Rursus si piscibus aut pomis? Pisces, ait,
et poma, si qua sunt, ægotantibus præbeo, quorum
non minimam multitudinem jacere in nostris par-
tibus ingeroisco. Cumque illum durus exactor in
angusto concluderem, dicens: Unde ergo illis diebus
remissus vivis, si nihil eorum comedis quæ necesse
sit vel ignibus decoqui, vel in arboribus inveniri?
respondit: In fenculo, inquit, cum pane libenter
vescor. Mox nimirum perite cognovi quam carnaliter
homo viveret, qui suas delicias in fenculo consti-
tuisset. Habet plane uberem lacrymarum gratiam,
sed alternam. Cum enim reclusus sub districto se
silentio reprimi, mox, ut voluerit, affluenter plan-
git: at si colloquio frequentetur, fletum se amisisse
conqueritur. Nam et ego illi sæpe penuriam meâ B
tarditatis impropero, dicens: Heu! inquam, mi pater,
istæ tuæ lacrymæ infecundæ sunt, quæ alias
orando lacrymas parere nequeunt. Optarem namque,
quod consequens est, nimirum, ut sicut tu mihi
pater es, ita nihilominus et tuæ lacrymæ mearum
quoque lacrymarum fierent genitrices.

CAPUT X.

Tenendæ discretionis admonitio necessaria.

Possem tibi adhuc multa quidem, et alia non igno-
bilia de his, qui nobis noti sunt, fratribus scri-
bere, si non magnopere luxuriantis styli fastidium de-
vitarem. Vereor etiam ne pagina hæc in manus eorum
de quibus loquitur veniat; et eorum animos, qui lau- C
dari in hac vita laudabiliter exsecrantur, offendat.
Hæc autem idcirco tibi exempla proposui, ut dum ma-
jora fortassis aliorum bona consideras, tua diducies;
et tumorem singularitatis obiciens, cum multis te
aliis in sacræ militiæ stadio currere non ignores. Mox
ut dicuntur ea Job, quæ proprias vires excedant, proti-
us ad penitentiam patrocinium convolat (Job. XXIX),
797 ita ut etiam oro tu digitum superponat, di-
cens: « Leviter locutus sum (Ib. XXXIX). » Postquam
certe audivit Elias septem millia virorum ante
Baal genua non flexisse, didicit jam non de singu-
laritate tumescere, dum plures innocentie suæ con-
sortes haberet. Et ii sane, quorum superius men-
tionem feci, non clari, non famosi, non certe vulgi
opinionem notabiles; sed despicabiles et pannosi ita
se bonis omnibus inferiores judicant, ut etiam no-
bis se, nostrique similibus quolibet conversionis
indicio non præponant. Nobis autem scilicet con-
verscentes non dedignantur communi mensa partici-
pare, imo tanquam suppres omne nobis charitatis
officium familiariter exhibent. Tu quoque si recte,
si discrete, si fructuose per viam vis vere religio-
nis incedere, sis tibi metipsi sis austerus et rigidus,
ut aliis videaris hilaris et remissus; sic intra te-
metipsum studeas in rectitudinis arce præcellere,
ut noveris te et infirmis fratribus misericorditer
inclinare; sic in tribunalis mentis tuæ justitiæ frena
disponere, ut tamen delinquentibus non obdurescas,
venialiter indulgendo. Sit in corde mœror, in vultu

lætitia; in fratris adventu caro tua sentiat refrige-
rium, nec multum timeas, si solitæ servitutis non
impleas pensum. Pulsante cellulam tuam fratre pro-
tinus tristes rugæ discedant, contracta se ora re-
solvant, serena facies occurrat, festina frons læti-
tiam præferat. Peccatum in te mortis periculum
deputa, in aliis fragilitatem conditionis appella. De-
cerne alium ferula dignum, unde te scorpionibus
arbitraris obnoxium. Non sis justior justo; et
qui times peccata committere, non dubites veniam
peccantibus impertire. Non est illa recta justitia,
quæ in desperationis foveam mentes pertrahit alie-
nas. Non est medicina laudabilis, quæ sic putrida
resecat, ut simul etiam sana corrumpat. Noxius
ignis est, qui sic nititur vepres exurere, ut insiliat
etiam domos globis furentibus conflagrare. Enim
vero, qui aliorum vitia ex more libenter caprit,
peccati maculam non evadet, quia licet zelo justitiæ
ferveat, aliquando necesse est ut in laqueos de-
tractionis impingat. Plane, nisi multum nostra nobis
vita splenderet, non tantopere nostris oculis
aliena conversatio displiceret. Si districti circa nos
essemus, ut dignum est, iudices, non tam rigidos
experiretur aliena culpa censores; in alios scilicet
disciplinæ nostræ vigor extenditur, dum circa exces-
sus proprios sola pietatis et mansuetudinis jura ser-
vantur. Sed quorsum ista? Quia diceris omnes fratres
tuos tam austeri, tam superciliosi dijudicare sen-
tentia, ut per totius anni circulum nonnisi semel,
et tunc non a tui monasterii sacerdotibus, sed
aliunde quæsis, divina percipias sacramenta. Dico
quod dicis: Quis hunc presbyterum ordinavit?
Respondetur, ille episcopus. Et ipsum, ais, ad
episcopatus officium qualiter, aut quis promovit?
Papa scilicet; qualiter autem, ipsi viderint; mox-
que subjungis: Esto tandem quod papa gratis
episcopum consecravit; nunquid et papa ipse ad
apostolicæ sedis apicem gratis ascendit? Hac igitur
interminabilium questionum perniciose caligine,
quantum in te est, sæculum omne confundis, et
velut mare, de temetipso tempestatem 798 geae-
rans, nec ipse quiescis, nec alios vivere in tran-
quillitate permittis. His enim et hujusmodi ineptis
hæitationibus hæreses sæpe et schismata pestilen-
ter emergunt, quæ incautas hominum animas a
catholica unitate præcitant. Ut enim verbis te
apostolicis alloquar: « Tu quis es, qui judicas alie-
num servum? Suo enim domino stat, aut cadit,
stabit autem: potens est enim Deus statuere illum
(Rom. XIV). » Non omnes qui in prætorio sunt, pro-
mendei judiciales calculos archisterium sortiuntur;
neque omnes qui sunt intra Ecclesiam, claves Ec-
clesiæ suscepervnt. Cum ad aliena judicanda quis
arroganter extenditur, ad ea profecto considerata
quæ sua sunt, obtusior invenitur. Tunc enim socia-
lis vitæ congruenter est ordo dispositus, si unus-
quisque proprii juris limite sit contentus: ubi au-
tem alter alterius terminum supergreditur, omnis
profecto recte vivendi linea necesse est confundatur.
Sufficiat ergo nobis considerare quæ nostra sunt,

ne dum aliena immoderate persequimur, a nostri laboris fructu et digna mercede vacuamur. « Qui enim totam legem servaverit, offendat autem in uno, factus est omnium reus (Jac. II). » Et Paulus: « Modicum, inquit, fermentum totam massam corrumpit (I Cor. V). »

CAPUT XI.

De monacho flumine enecato.

Vidi nempe monachum eremitam vitam districte satis et rigide perferentem: qui nimirum et vultu pallidus, et corpore vehementer afflictus, fixis in terram oculis, mundo mortuus videbatur; vinum quoque per undecennium non gustaverat. Sed, o terribile Dei iudicium, et profundum summæ distractionis abyssum! Tædet dicere. Hic aliquando in phrenesim decidens, atque in belluini furoris rabiem immaniter efferatus, ex manibus in diversa nitentium, et vinculis quibus nectebatur se repente proripuit: et ubi plurimus rotabatur vortex, in spumosi fluminis voraginem mersus interiiit. Sed quanquam quovis mortis articulo meritum suum cuique perire non possit, ad hoc tamen ista præmisimus, ut in quibuslibet nostris bonis operibus nunquam pertinaciter confidamus; sed metuentes semper quid superna de nobis sententia statuatur, de his qui nobiscum sunt, iudicare mens nostra temere non præsumat; et si enim videmus in præsentia quo gradimur, ignoramus tamen quo cursus noster fine claudatur. Palet via quæ teritur; sed occultum est quo pervenitur.

CAPUT XII.

De monacho qui diaboli patrociniûm quæsit.

Et quia se occasio præbuit, terribile nihilominus et alterius monachi casum prætereundum esse non ducimus, etsi non magnopere huic opusculo congruere videamus. In Perusino monasterio, sancti videlicet Salvatoris, cui nuper et ipse præfui, quidam monachus paulo ante fuerat, nomine Guinizo, astutus nimis **799** et callidus, sæcularibus argumentis ac litigijs contentionibus vehementer intentus. Hic itaque dum et in mutandis abbatibus et fratribus perturbandis æstuans non quiesceret, ad hoc usque pervenit, ut diaboli ad superandos æmulos patrociniûm quæreretur et ejus se ditioni etiam corporaliter manciparet: cui tamen seductor spiritus exigenti ante promisit, quod tertio, priusquam moreretur, die, suum sibi exitum nuntiaret. Credidit infelix, et diu postmodum vivens, ista sub hac deceptorie securitate permansit: tandem in ægritudine lapsus adeo fidejussor iniquus, et perendianum, sicut sponderat, obitum innotescit. Protinus advocatis ille fratribus, cuncta hæc quæ cum nequissimo pepigerat, per ordinem narrat. Cumque illi instarent, dicentes: Esto confessus, age pœnitentiam; repente ille obdormiebat, et sive pulsantibus, sive clamantibus, evigilare non poterat; si non illi obticescerent, vel aliud quid præter pœnitentiam loqui vellent, mox ille expectatus, invicem loquebatur; sed rursus audito

nomine pœnitentiæ, obrigescebat in sensibus sopore correptus, donec horrendæ morti traditus, ad eum cui deditionem fecerat est infelicitè devolutus. Postmodum vere per plures noctes nigra canum turba non cessabat sepulturæ ejus assistere, et quasi depositum custodire, ita ut non minimo videntes horrore concuterent. Heu quam perniciores spiritus contumax et litigiosus in monacho! Hic enim, quia temporalem habere pacem cum suis fratribus noluit, æternæ pacis gaudium, in tartarum demersus, amisit. Hoc autem et si præsentî stylo usquequaque non congruat, idcirco tamen inter hæc apicibus mandare curavimus, ut rem memorabilem, ne oblivio tolleretur, quasi ad paxillum funiculo stringeremus; atque hic quisquis inquietus ediscat ad quem **B** finem his animosa perducatur.

CAPUT XIII.

De patientia monachi excæcati.

Inter omnia igitur quæ divina nobis sunt lege mandata, nihil est monacho propensius enitendum, quam ut patientiam in omnibus habeat, qua videlicet alienæ pravitatis injuriam æquanimiter ferat. Hæc plane virtus ad perfectionis culmen monachum provehit, et terribilem in Dei hostibus dimicantem animum facit. Hæc omnium vitiorum victoriam tribuit, et contra furentes mundi præcipientes impetus humanam mentem insuperabilem reddit. Et quid amplius dicam? Quandoquidem quidquid de rigore abstinentiæ, quidquid de quacunque corporis afflictione superius dictum est, vel dici potuit, pene nihil sit, si ipsa virtutum nutrix patientia desit, Apostolo testante, qui ait: « Corporalis, inquit, exercitatio ad modicum utilis est; patientia autem ad omnia utilis est (I Tim. IV). » Adolescentem me in Faventina urbe propter litterarum studia constitutum audire contigit quod enarro. Inter duos sibi met convivaneos obortis invicem simultatibus, alterius oculos alter effodit. Cæcus itaque postquam se mundo nimium inutilem vidit, monasterium **800** petiit. Postmodum vero cum et ipse illator injuriæ languore correptus, conversionis habitum anxie quæreretur, sed ad idem monasterium deferri, propter illum quem creduliter attraxeratur, incongruum judicaret, monachis super hac re secreto maussantibus, tandem fama negotii ad acutiores videlicet non videntis pervenit auditum. Cumque ille, quod imminebat pleuius didicisset, cepit mox obnixè deposcere, et quibus valebat precibus instantissime flagitare, ut illum fratres cum omni charitate susci- **D** perent, semetipsum insuper custodem scilicet, ac ministrum ejus obsequiis insudare juberent. Importunis sane insistens precibus, tandem obtinuit, et ei quem carnis lumine videre non poterat, perspicuo charitatis oculo ministrabat. Decumbenti itaque sedulûs minister assistere, tegminibus confovere, necessaria quæque porrigere, percipiendis etiam alimentis suasorie provocare. Nam et ad digestionis occultum, ut dicebatur, sæpe se ferre et referre gaudebat ægrotum. Sic nimirum, sic qui geminum

lumen carnis amiserat, charitate simul et patientia, A
quasi duobus in animæ facie oculis resplendebat.

CAPUT XIV.

*Ubi scriptor ea quæ dicta sunt, humili satisfactione
concludit.*

Superiora tibi, Teuzo pater, ex epistola propo-
sui, ut desinas de singularitate tumescere; istud
autem ideo, ut discas juniorum fratrum etiam of-
fensas, si forte contigerint, æquanimiter tolerare;
nimirum quod moribus tuis duxi maxime necessa-
rium, hoc in disputativæ narrationis ordine servavi
consequenter extremum. Jam igitur ab illa rigida
nimis et torosa mentis tuæ animositate compesce,
teque in patientia cum fratribus tuis et blanda cha-
ritate compone. Quisquis enim per feralitatem ami-
cis suis contubernalibus non concordat, ferarum
more solus necesse est ut bestialiter vivat. Qui ergo
Redemptoris tuis discipulus non dignatur existere,
discat se mitem proximis suis et humilem exhibere:
« Discite a me, inquit, quia mitis sum et
humilis corde (Matth. XI). » Qui denique sancti
Spiritus templum esse desiderat, ut id ipsum repe-
tam, ab humilitate simul et quiete mansuetudinis
non recedat. Ait enim: « Super quem requiescet
Spiritus meus, nisi super humilem et quietum? » (Isa.
LXVI). Non igitur eorum animos verborum quæ-
stionibus pulses, non eos tanquam torvæ cer-
vicitis taurus cornibus ventiles; ne dum a te fu-
gitur, illud in tui opprobrium jaculetur, quod de
bove cornupeta antiquitus dicebatur:

Fenum habet in cornu (28).

Tranquillum ergo te et quietum cunctis videntibus
exhibe; et præcipue his qui ex Deo sunt, omni te
obedientia et humilitate subterne, ut qui in te
Christum quærunt, Christum consequenter invenient;
et in mansuetudine quam exterius viderint, ipsum
auctorem mansuetudinis altius in mentis tuæ solio

præsidere deprehendant. Plane si pectus tuum arca
Dei est, sicut profecto dignum est, non in eo sola
sit virga quæ feriat, sed et manna, quod in fra-
ternæ 801 mentis palato dulcescat; nec in eo zelus
sit amaritudinis, qui deterreat, sed zelus potius
charitatis, qui salubriter corrigat. Sicque correptionis
aculeus vulnus delinquentium pungat, ut et man-
suetudinis oleum leniori quodam fomento demulceat.
Verum nos dum ædificationis fraternæ studio arden-
ter insistimus, modum epistolæ supergressi sumus;
ideoque etiam titulos contra morem epistolæ singulis
quibusque periculis congruenter affiximus, ne laci-
niosi styli satietatem lectoris animo gignere videretur.

Nunc igitur, dilectissime mi pater et domine, pe-
dibus tuis me protinus [f. prostratus] advolvo, fu-
sisque lacrymis veniam humiliter peto: videlicet ut
ori meo clementer indulgeas, et me, qui tibi au-
dacter insuggillare præsumpsi a charitatis tuæ dul-
cedine non repellas, dummodo nempe hæc quæ su-
perius comprehensa sunt, salubriter admittantur.
Ego non abnuo satisfactionis 802 gratia, et nudas
ferulæ vestræ scapulas subdere, et de cætero pater-
nis sanctitatis vestræ legibus reverenter obtemperare.
Spero autem quod et hæc mea vobis non erit in-
fructuosa correptio; quia dum menti vestræ tam
scilicet gravi, tam maturæ, tam certe sanctæ ama-
rum forte sapit, quod ausu junioris arguitur, in vo-
bismetipsis liquido potestis addiscere, quid vobis
dura loquentibus, de alieno debeatis corde sentire.
Rogo autem, venerabilis pater, ut pro me peccatore
semper orare digneris. Quia autem faciem vestram
ulterius in hac vita visurum me esse non spero, di-
vinam depono clementiam, ut, soluto militiæ cin-
gulo, sic nos in mutuos representet aspectus, qua-
tenus et unum supernæ videlicet Hierusalem ascri-
batur emeritis municipium, et socialis in utrumque
procedat recompensatio meritum.

Sit nomen Domini benedictum.

(28) De poetis hoc dici fingit Horatius serm. I, sat. 4.

803-804 OPUSCULUM QUINQUAGESIMUM SECUNDUM.

DE BONO RELIGIOSI STATUS ET VARIARUM ANIMANTIIUM TROPOLOGIA.

ARGUMENTUM. — Hac epistola, cum in ipso statim exordio depravatos hominum mores, et calamitosum
suorum temporum statum deplorasset, illorum felicitatem extollit qui, tempestates sæculi fugientes, ad
tutissimum religionis portum confugerunt. Quo in genere Casinenses monachos præcipue admiratur:
montem ipsum Casinum arce Noetica non dubitans comparare. quæ diluvii tempore omnis generis ani-
mantium refugium fuisset. Hinc, occasione arrepta, ad animantium naturas proprietatesque describendas
digreditur, quas (quemadmodum facit apud Græcos Epiphanius) ad hominis mores et utilitatem mire
traducit atque accommodat.

Domno DESIDERIO archangelo monachorum, sancto-
que conventui, PETRUS peccator monachus servitutem.

Qui sæculum reliquistis, quas ereptori vestro Deo
gratias debeatis, is perite considerat, qui mundi
furentis flagitia non ignorat. Pudor enim, et ho-
nestas periit; et dum ecclesiastici vigoris sensim di-
sciplina collabitur, inundans vitiorum ac pravitatum
omnium in dies pestis augetur. Ut illum pro-
pheticum nostro potissimum tempore videatur im-
pleri: « Non est, inquit, veritas, non est miseri-

cordia, et non est scientia Dei in terra. Maledictum, A et mendacium, et homicidium, et furtum, et adulterium inundaverunt (*Osee IV*). » Et quia hæc non modo principalis censura non reprimat, sed fieri cum favorabilis assensus exultatione permittit; et ex eo risus excutitur, cui non modo gemitus, sed et furor et impatientia debebatur; recte per eundem prophetam postmodum dicitur: « In malitia sua lætificaverunt regem, et in mendaciis suis principes: omnes adulterantes, quasi clibanus succensi sunt a coquente (*Osee VII*). » Et quoniam ardor avaritiæ, sive luxuriæ, prius tanquam laquearia domus atque tigilla principes corripit, deinde per subjectos sese velut per planiora diffundit; paulo post addidit: « Omnes calefacti sunt quasi clibanus, et devoraverunt iudices suos; omnes reges eorum ceciderunt, non est B in eis qui clamet ad me (*Ibid.*). »

Et quia bonos principes malus populus non metretur, atque ideo totus mundus velut unum corpus continuata criminum contaminatione perfunditur, divina vox per prophetam exprobrat, dicens: « Ubi est rex tuus, Israel, maxime nunc salvet te in omnibus urbibus tuis; et iudices tui, de quibus dixisti: Da mihi regem et principes (*Osee XIII*). » Ubi et præsto subjungitur: « Dabo tibi regem in furore meo, et auferam in indignatione mea (*Ibid.*). » Unde fit ut dum mundi principes non jura, sed lucra conservant, subjectos quoque proclives in malum nulla legalium sanctionum censura refrenet. Hoc mundus nostro tempore patitur, quod per Isaiam C dicitur: « Omne caput languidum et omne cor mœrens; a planta pedis usque ad verticem non est in eo sanitas (*Isa. I*). »

CAPUT PRIMUM.

Quod religiosi quasi oves sunt de lupi faucibus ereptæ.

Quamobrem summopere curandum vobis est, dilectissimi, ut immensas Deo gratias jugiter referatis, qui videlicet hoc tempore de mundo estis electi, quod constat in eo quempiam difficile posse salvari. Implestis enim quod per Zachariam, Domino vociferante, præcipitur: « O, o, fugite de terra Aquilonis (*Zach. II*). » Et rursum: « O Sion, fuge, quæ habitas apud filiam Babylonis (*Ibid.*). » Quibus nimirum Veritas dicit: « Ego vos elegi de mundo; et quia de mundo D non estis, propterea odit vos mundus (*Joan. XV*). » Nam velut si ferox bestia pecus invalidum mordicus apprehendat, pastor autem, vel unum membrum de faucibus furiose deglutientis educat; ita vos Christus de ore cruentis prædonis 805 eripuit, dum, pereunte mundo, in obsequium vos sui famulatus allegit. Hinc est quod per Amos prophetam dicitur: « Quomodo si eruat pastor de ore leonis duo crura, aut extremum auriculæ, sic eruentur filii Israel, qui habitant in Samaria (*Amos III*). » Sic itaque per exuberantioris gratiæ munus non ambigitur vobis fuisse collatum, quod per eundem prophetam alibi dicitur: « Plui super civitatem unam, et super civitatem alteram non plui. Pars una completa est, et pars super

quam non plui, aruit (*Amos IV*). » Corda quippe terrena atque carnalia velut æstu squalentia diuturnæ siccitatis arrescunt, quæ fluentia supernæ gratiæ compunctionis imbris non infundunt. De qua videlicet terra divina vox ait: « Mandabo nubibus ne pluant super eam imbres (*Isa. V*). » At contra de mente illa, quæ Dominum veraciter sitit, quæ fontem sapientiæ indeficienti desiderio concupiscit, per Isaiam dicitur: « Effundam enim aquas super sitientem, et fluentia super aridam. Effundam spiritum meum super semen tuum, et benedictionem meam super stirpem tuam, et germinabis in te herbas, quasi salices juxta præterfluentes aquas (*Isa. XLIV*). »

CAPUT II.

Quod monasteria vivaria sunt animarum.

Cum ergo vos omnipotens Deus mundo subtraxit ac sub monastica sibi disciplina servire constituit, quid aliud fecisse cernitur, quam velut olim in catadysmo, de multis pereuntibus vos paucos elegit, ac in bituminatæ arcæ latibulum (*Gen. VI*), ut viveretis, induxit? Claustrum quippe monasterii vivarium est animarum. Ibi quippe vivunt pisces, qui juxta legis edicta pennulas habent; atque ut in corpus Christi transferantur, Israelitarum mensis deliciis præbent. Pisces quippe qui squamarum pennulas habent, dare saltus etiam super aquas solent. Quid ergo pennatis piscibus nisi electæ animæ figurantur, quæ profecto solæ in cœlestis Ecclesiæ corpus transeunt; quia modo virtutum pennulis fultæ, saltus dare per cœleste desiderium sitiunt, ut superna per contemplationem appetant, quamvis in semetipsas iterum ex mortali carne relabantur? Claustrum itaque monasterii utrum gurgustium, sive vivarium piscium solummodo, sicut dictum est; an etiam captabulum cœlestium pecorum vel certe aviarii volucrum per spiritalem intelligentiam rectius possumus appellare? Hanc denique triplicem animalium speciem ponit Psalmista cum dicit: « Pecora campi, volucres cœli, et pisces maris (*Psal. VIII*). » Hanc et Osee propheta commemorat cum ait: « In bestias agri, et in volucres cœli, sed et in pisces maris congregabuntur (*Osee VI*). » Quo igitur horum trium vocabulo cœnobium rectius exprimeretur? Sed ut liquido cernitur, universa hæc tria vocabula claustro monasterii procul dubio congruunt, dum in eo unanimi et indivisa charitatis igne conflata spiritualium animalium diversitas continetur. Ibi quippe spirituales, sicut dictum est, vivunt pisces, sacrarum Scripturarum fluentis jugiter innatantes. Nisi enim esset spiritale gurgustium, ubi non terreni, sed 806 cœlestes pisces spiritaliter viverent, nequaquam Domini ad B. Job de typica Behemoth pelle dixisset: « Nunquid implebis sageman pelle ejus, et gurgustium piscium capite illius? » (*Job XI*). Ibi pecora agri illius, scilicet de quo per Jacob dicitur: « Ecce odor filii mei, sicut odor agri pleni, cui benedixit Dominus (*Gen. XXVII*). » De pecoribus autem, ipsis electis scilicet in sanctæ charitatis unanimitate viventibus, Isaias ait: « Habitat lupus cum agno,

et pardus cum hædo accubabit; vitulus et leo et ovis simul morabuntur (*Isa. XI*). • Nam per sanctæ charitatis viscera, lupus cum agno habitat; quia ii qui in sæculo raptores fuerunt, cum mansueti ac mitibus in pace conquiescunt. Et pardus cum hædo accubat, quia is qui peccatorum suorum maculis varius fuit, cum eo qui se despiciat ac peccatorem fatetur humiliari consentit. Vitulus autem, et leo, et ovis pariter commorantur; quia et is qui per contritum cor ad quotidianum se Deo sacrificium præparat; et alius qui tanquam leo ex crudelitate sæviebat; et alter, qui velut ovis innocentie suæ simplicitate perdurat, in caulis sanctæ Ecclesiæ convenerunt. Ibi quoque cœli sunt volucres; ii nimirum qui virtutum plumis sese in ardua sublevant, ac terrena quælibet, et sub se transire de suæ mentis arce prospectant. Dumque per terrena repere sub carnali concupiscentiæ iugo despiciunt, libertatem aeris petunt, seseque ad cœlestia, librata mentis contemplatione, suspendunt. De quibus nimirum volucribus Dominus in Evangelio loquitur, cum granum sinapis in arborem crevisse testatur: « Cum autem creverit, inquit, majus est omnibus oli-
 bus, et fit arbor, ita ut volucres cœli veniant, et habitent in ramis ejus (*Matth. XIII*). » Nec mirum si et pecoribus agri, et volucribus cœli ac piscibus maris, homo per figuram spiritalis intelligentiæ comparetur, cum et ipse homo, propter quem scilicet cætera creata sunt, omnis creatura dicatur: « Euntes, inquit, in mundum universum, prædicate Evangelium omni creaturæ (*Marc. XVI*). » Nam et naturales actus pecorum per spirituales intelligentiam reperiuntur in moribus hominum; sicut et in hominibus aliquid invenitur, quod ad officia pertineat angelorum. Rerum quippe conditor omnipotens Deus, sicut terrena quæque ad usum hominum condidit; sic etiam per ipsas naturarum vires, et necessarios motus, quos brutis animalibus indidit, hominem salubriter informare curavit. Ut in ipsis pecoribus homo possit addiscere quid imitari debeat, quid cavere, quid ab eis mutuari salubriter valeat, quid rite condemnat: quatenus dum a rebus quoque ratione carentibus homo rationalis instruitur, ad auctorem suum per viam sapientiæ caute semper et inoffenso tramite gradiatur. Sed ut liquidius valeat elucere quod loquimur, non gravemur aliquis hic animalium naturas apponere; et qualiter humanis congruant moribus, strictim, ac prout epistolæ brevis patitur, breviter intimare. Nec tamen ut experti simus hujusmodi nobis peritiam arrogamus; sed id duntaxat quod ab his qui rimandis rerum insudavere naturis, nobis est traditum indiscusse et irretractabiliter judicamus nostris opusculis inserendum.

807 CAPUT III.

De natura leonis.

Leo itaque, cum sit fortissimus bestiarum, ac, Scriptura teste, nullius pavescat occursum (*Prov. XXX*), videtur etiam naturalis habere quodammodo subtilitatis ingenium. Nam cum a venatoribus quæ-

ritur, eorum protinus odore concepto, ut persequen-
 tium se deludat indaginem, versutæ struit fraudu-
 lentæ novitatem. Caudam quippe per terram trahens,
 vestigia sua, dum graditur, operit; sicque venan-
 tium laqueos, ne capiatur, evadit. Venatores plane
 hominum iniqui sunt spiritus, qui nimirum venato-
 rum more carnes quærunt, dum quoslibet homines,
 ut carnaliter vivant, immaniter persequuntur. Sed
 quisquis ad illum leonem pertinet, de quo per Jacob
 dicitur: « Catulus leonis Juda, venatoris odorem
 concipit, quia versuti hostis insidias deprehendit
 (*Gen. XLIX*). » Cujus videlicet odorem argute conce-
 perat, qui dicebat: « Non ignoramus astutias ejus
 (*II Cor. II*). » Illis econtrario ignorantibus, de qui-
 bus Joannes dicit: « Qui non cognoverunt altitudi-
 nem Satanæ (*Apoc. II*). » Hic etiam vestigia sua
 cauda, quæ postrema pars est corporis, operit; quia
 vitæ veteris pravtatem tegmine novæ conversa-
 tionis abscondit, sicut dicitur: « Beati quorum remis-
 sæ sunt iniquitates, et quorum tecta sunt peccata (*Psal.*
XXXI). » Et alibi: « Remisisti iniquitatem plebi tuæ;
 operuisti omnia peccata eorum (*Psal. LXXXIV*). » Sic
 igitur impressa vestigia cauda leonis operit, cum
 veterem vitam posterioris rectitudinis tegumentum
 obducit (*Prov. XXVIII*). Ad hoc etiam pertinet, quod
 idem leo cibum fastidit hesternum, et escæ propriæ
 reliquias aversatur. Et tu, o homo, eo quo satius
 fueras, prorsus abhorre peccatum, ne tanquam can-
 nis reverti videaris ad vomitum (*II Petr. II*). Adde
 quia leo apertis oculis dormit; sic et tu, sic quiesce
 sopitus a mundo, ut pervigiles semper oculos ha-
 bere perseveres in Domino. Sic dicitur: « Ego
 dormio, et cor meum vigilat (*Cant. V*). » Leonem
 mortuum parit catulum, qui profecto per triduum
 mortuus perseverat, donec tertia die pater ejus adve-
 niens, in faciem ejus insufflat, sicque viventem ce-
 leriter excitat. Contemplativa quoque te vita ab hoc
 mundo mortuum pariat, cui Pater omnipotens spiri-
 tum suæ vivificationis immitat. Et hoc modo, qui
 catulum leonis de tribu Juda die tertia suscitaverat;
 te quoque inter fidei, spei et charitatis triduum,
 non mundo, sed sibi viventem reddat, ut libera cum
 Apostolo valeas voce cantare: « Vivo autem, jam
 non ego, vivit vero in me Christus (*Galat. II*). »

CAPUT IV.

De athalopo.

Athalopum [antaplon vel aptalon] quoque acer-
 rimum nimis et violentum est animal, adeo ut nec
 illi venator accedere, nec persecutor quisquam au-
 deat propinquare. Habet autem longa cornua in
 serræ similitudinem figurata, quibus nimirum præ-
 grandia valeat arbusta secare, terræque deponere.
 Cum vero sitierit, veniens ad Euphratem 808 bi-
 bit: prope quem videlicet fluvium frutex quidam
 nascitur, qui *Gericine* vocabulo nuncupatur, habens
 virgulta subtilia atque prolixa. Veniens itaque au-
 thalopus ad Gericinam, dum ludere lasciviens ten-
 tat, cornua sua virgultis crebrescentibus obligat.
 Cum vero diutius pugnans, sese nullatenus valet

educere, magnis incipit vocibus exclamare. His ex-
 citatus clamoribus venator occurrit, eumque dum
 propriis nexibus arctatur, occidit. Tu, serve Dei,
 qui duobus es Testamentis admonitus, quasi totidem
 cornibus invicte munitus, quibus nimirum et temet-
 ipsum inviolabili valeas tuitione protegere, et ad-
 versantes spiritus robustissime ventilare; postquam
 Deum, fontem scilicet vivum, laudabiliter sitire
 coepisti, postquam magni Euphratis, id est celestis
 eloqui fluentia bibisti, noli jam causarum sæcularium
 vacare negotiis; noli te, velut petulcum animal,
 voluptatum carnalium irretire virgultis; ne dum te
 hæc suis nexibus obligant, repente nequissimus
 adversarius impetat ac lethale vulnus tanquam im-
 probus venator infligat. Excitat enim venatorem
 vox clamoris, cum te accendit flamma libidinis. **B**
 Nulla quippe vox criminum sonorius elevatur in
 cælum, de qua ad Abraham dicitur: « Clamor So-
 domorum et Gomorrhæorum multiplicatus est, et
 peccatum eorum aggravatum est nimis; descendam
 et videbo utrum clamorem, qui venit ad me, opere
 conpleverint (*Gen. XVIII.*) » Sed ut vires amittant
 incentiva libidinum, declinanda est procul dubio
 societas feminarum.

CAPUT V.

Quod feminarum aspectus est fugiendus.

In quodam nempe monte Orientis, lapides sunt
 igniferi, qui masculus et femina nuncupantur, et
 quondam *Pyroboli*. Qui nimirum cum a se invicem
 procul sunt, non accenduntur; si vero femina appropin-
 quaverit masculo, protinus ex eis ignis egreditur;
 ita ut omnia quæ circa montem sunt flammis va-
 porantibus exurantur. Ab ipsius ergo lapidibus edo-
 cemur, ut si consumi libidinis incendio nolumus,
 muliebris aspectus speciem declinemus, ne de con-
 specta forma flamma prosiliat, quæ in nobis non
 montis, sed mentis fruteta pervadat.

Ad extinguendum itaque libidinis incentivum
 operæ prelium est ut etiam castoris imitemur exem-
 plum. Cujus scilicet testiculi medicinalibus curis
 sunt permaxime necessarii. Castor itaque cum se
 videt a venatore propter genitalia persequi, hæc
 mordicus abscindit, et ante venatoris faciem projici-
 cit. Sic illico venator abscedit, dum id propter quod
 eum persequeretur extorsit. Si vero contigerit ut
 alter eum rursus venator inveniat, eumque acrius et
 instantius persequens, evadendi aditum jamjam
 penitus desperare compellat, in arcto situs, in
 os se venatoris erigit, sibi deesse virilia, pro-
 pter quæ perurgetur, ostendit. Sic sic ab in-
 sectantis venabulo liberatur, dum ostendit sibi
 deesse quod queritur. Tu quoque si vis casses
 intimi venatoris eludere, solerter a te stude ti-
 llantes illecebrosæ libidinis fomites amputare.
809 Præcide a pectore tuo omne luxuriandi propo-
 situm, et sic quasi radicem luxuriæ verenda repel-
 lis, dum libidinis actum cum ipsa penitus voluntate
 deponis. Et dum malignus spiritus tanquam im-
 probus venator telis adversum te luxuriæ dimicat,

Atu in vires te protinus erige, ac deesse tibi luxuriandi materiam testones ostende, dicens illi: Cur me persequeris? Cur me propter rem quæ in me jam non est irretire conaris? En ego verenda non habeo, dum, amputato luxuriæ seminario, castitatis propositum inviolabiliter servo. Dicit enim mihi per Isaïam Dominus meus: « Non dicat eunuchus: Ecce ego lignum aridum, quia hæc dicit Dominus eunuchis qui custodierint Sabbata mea, et elegerint quæ volui et tenuerint fœdus meum: dabo eis in domo mea, et in muris meis locum, et nomen melius a filiis et filiabus (*Isa. LIV.*) » Ego siquidem ex ipsis sum, de quibus per semetipsum in Evangelio dicit: « Sunt eunuchi qui se castraverunt propter regnum celorum (*Matth. XIX.*) » Hoc itaque modo sollicitè cavendum est, ne versutus hostis tentationum suarum aculeis corda nostra transfigat, et castitatis, sive cujuslibet boni operis fructum, astutæ fraudis arte decerpit.

CAPUT VI.

De herinaceo.

Hujus autem figuram etiam herinaceus repræsentat, qui nimirum dum toto corpore spinis sit obsitus, vindemiarum tempore ingreditur vineam, et quam meliorem viderit occupat uvam. Quam mox tam violenter exagitat, ut omnia ejus in humum grana prosternat; indeque descendens, tandiu super eadem grana provolvitur, donec spinarum ejus aculeis omnia transfigantur. Sic undique onustus remeat, atque hæc filiis suis alimenta comportat. **C**
 Custodienda est ergo boni operis vinea, ne super eam antiquus hostis ascendat, et spiritualium virtutum turgentia ac per hoc matura grana deiciat; deinde tentationum suarum aculeis insuat, eaque bestii terræ, hoc est, adversariis potestatibus cibum tendat. Sicque labefactatus atque frustratus a laboribus suis homo, id quod in Canticis legitur gemebundus exclamet: « Posuerunt me custodem in vineis, vineam meam non custodivi (*Cant. I.*) » Sicut enim ab hericio botrus exiit acinis; sic a diabolo incautus quilibet homo nudatur operibus bonis. Mille formis enim et callidus nequitiae spiritus novæ semper artis præstigias struit, ut possit non modo nudare, sed et funditus devorare quos decipit.

CAPUT VII.

De vulpecula.

Cujus utique vulpecula quoque præbet imaginem, quæ dum se mortuum tingit, mortem volucris veraciter ingerit. Nam dum esurit, et anxie requirit quod comedat non occurrit, quærit ubi sit rubra terra; et dum reperit, toto corpore in ea provolvitur, ut **810** quasi caro nuda et cruenta videatur: mox sese in terram quasi mortuam projicit, flatum intra se reprimat, ut non respiret. Dumque hoc modo cruenta videatur et turgida, ab incautis volucris non indubitate extincta. Descendunt itaque ut eam comedant; sed illa repente prosiliens arripit, easque veraciter devorat, quas

ad se devorandam fallaciter invitabat. Hujus itaque A
deceptor antiquus specimen exprimit, qui carnalia
lucra quærentibus se quasi mortuum fingit, illisque
opera sua, tanquam membra sua quibus vescantur,
exponit : « Manifesta enim sunt opera carnis, quæ
sunt, sicut dicit Apostolus, fornicatio, immunditia,
luxuria, avaritia, idolorum servitus, veneficia, ini-
micitiae, contentiones, æmulationes, iræ, rixæ, dis-
ensiones, sectæ, invidia, homicidia, ebrietates,
comessationes (*Gal. v.*) » Hæc plane sunt iniqui
spiritus viscera, hæc reproborum et carnaliter vi-
ventium quotidiana sunt alimenta. Ad hæc dum per-
diti quique velut esurientes inhiant, eos malignus
spiritus tanquam volucres vulpis dolosa deglutit,
eosque in sui corporis viscera trajicit. De quibus
nimium per Prophetam dicitur : « Introibunt in
inferiora terræ, tradentur in manus gladii, partes
vulpium erunt (*Psal. LXIX.*) » Hujus vulpis pars erat
Herodes, qui capitis sui nomine censebatur, cum
Dominus aiebat : « Ite, dicite vulpi illi (*Luc. XIX.*) »
Hæc vulpis in Scriba illo, velut in scrobis suæ fovea
latitabat, qui ex ore Veritatis audiebat : « Vulpes
foveas habent (*Matth. VIII; Luc. IX.*) » Hujus vulpis
fetus et illi sunt, scilicet hæretici, de quibus in
Canticis dicitur : « Capite nobis vulpes parvulas,
quæ demoliuntur vineas (*Cant. III.*) »

CAPUT VIII.

De polyto.

Et quid mirum si regna diaboli in dolosa videan-
tur callere vulpecula, cum et in piscibus non in-
ferior artificiosæ fraudis reperiatur astutia? ut dum
cunctis animantibus homo præponitur, per hæc
etiam, quibus præest, cavere pericula moneatur.
Polypus quippe petram in vadosis littoribus invenit,
cui se miro modo constrictus affigit, ejusque colo-
rem ac speciem induit. Obductus itaque terga in
similitudinem saxi, plurimos piscium sine ulla suspi-
cione fraudis allapsos intercipit; et dum scopulum
simpliciter opinantur, casibus eos furtivæ artis oc-
cludit. Talibus igitur argumentis sponte veniens
rapina decipitur; et dum non metuit fraudem, igno-
rat ultimi naufragii vitare voraginem. Sed quid pe-
træ, nisi Christus? quid polypus, nisi homo dolosus
et perversus, atque ob id hæreticus? Hic affigitur
petræ, et saxei mentitur schema coloris; quia, sicut
magister ejus, se transfiguravit in angelum lucis
(*II Cor. XI.*). Adhæret petræ, quia etsi non per ope-
rationem, saltem per professionem sanctæ copu-
latur Ecclesiæ, et velut incautos pisces arripiens
devorat, dum hebetes quosque ac simplices perfidi-
æ suæ erroribus implicat. Unde et Apostolus ait :
« Sustinetis enim si quis vos devorat, si quis vos
decipit (*Ibid.*) » Verumtamen in hujusmodi versuti-
is et fraudibus animalium aliquando salutaris alle-
goriæprehenditur sacramentum.

811 CAPUT IX.

De hydro et crocodilo.

Hydrus enim animal est habitans in gurgitibus
fluminum, crocodilis feraliter inimicum. Hic ita-

que cum viderit crocoditum aperto ore in crepidine
fluminis dormientem, provolvitur in limo luti, ut
faucibus illius lubrico corpore facilius possit illabi.
Tunc in os crocodili dormientis perneciter insilit,
quem ille desubitans repente deglutit. Hydrus vero
viscera ejus cuncta dilaniat, donec, eo jam prorsus
extincto, de cadavere illius vivus et victor erum-
pat. Quid hic crocodilus, nisi figuram tenet mortis
et tartari? quid hydrus, nisi victoriam innuit Salva-
toris? Limo igitur hydrus obvolvitur, dum Redem-
ptor noster humanæ carnis luto vestitur. Hic ven-
trem ingreditur crocodili, quia Dominus claustra
penetravit inferni. Hic demolitur intima viscerum;
et Dominus mortis evertit imperium. Ille corrosio
ac penetrato cadavere post victoriam redit, quia
Salvator noster postquam infernum moriendo mo-
mordit, cum triumphali de sepulcro gloria resur-
rexit. Unde morti per prophetam [Apostolum] vic-
tor insultat : « Ubi est, inquit, o mors, victoria
tua? ubi est stimulus tuus? » (*I Cor. XV.*) Et ite-
rum : « O mors, ero mors tua; morsus tuus ero,
inferne (*Osee XIII.*) »

CAPUT X.

De charadrio.

Charadrium quoque figuram nostri Salvatoris
exprimere non ambigimus, si mirabilem ejus natu-
ram non sine admiratione pensamus. Est igitur
hoc volatile totum album, nec ulla nigredinis macu-
la reperitur in plumis. Quisquis autem est in ægri-
tudine constitutus, per præsentiam hujus volucris
valet absque dubietate colligere utrum se in proxi-
mo convalescere, an imminente mortis articulo
necesse sit interire. Nam si infirmitas est ad mor-
tem, mox ut ægrotum viderit, protinus oculos suos
avertit, eumque ultra non respicit. Et sic indicium
datur, quoniam ex incommoditate concepta languis
moritur. Alioquin si languidus ille victurus est,
præsto charadrius obtutum suum in ejus ora defigit,
ac intra se omnem illius ægritudinem concipit :
deinde contra solis ardorem impiger evolat, ægroti
valetudinem soli se obijciendo comburit, ac per
aerem volitando dispergit. Mirabile visu! extemplo
se languidus erigit, et defecatus omni passionum
gravamine convalescit. Quod Redemptori nostro
volucris hujus figura conveniat, luce clarius ratio
manifestat. Instar quippe charadrii candidus est
Christus, quia nulla criminis apparuit macula deni-
gratus. « Quippe qui peccatum non fecit, nec dolus
inventus est in ore ejus (*I Petr. II; Isa. LIII.*) »
De quo et sponsa dicit in Canticis : « Dilectus meus
candidus et rubicundus (*Cant. V.*) » Virginitate vi-
delicet et innocentia candidus, martyrii sanguine
rubicundus. Qui nimium ad infirmum Israël popu-
lum pius visitator advenit, 812 sed faciem suam
ab eo (quoniam perfidiæ et incredulitatis morbo
moriebatur) avertit : ad gentilem vero populum,
æque scilicet languidum cum respexit, pietatis in
eum oculos clementer infixit, in semetipsum ejus
ægritudinem transtulit, eumque saluti pristinae re-

formavit. « Vere enim, sicut per Isaiam dicitur, A languores nostros ipse tulit, et peccata nostra ipse portavit. Et nos putavimus eum quasi leprosum, et percussum a Deo et humiliatum; ipse autem vulneratus est propter iniquitates nostras, attritus est propter scelera nostra. Disciplina pacis nostræ super eum, et livore ejus sanati sumus (Isa. LIII). » Ægritudinem vero per aerem volitando dispersit, quia potestates aereas suis viribus debellavit. Ad ardorem solis ascendit, ac vim languoris exussit, quoniam ad Patrem rediens, qui est sol justitiæ, mortemque deglutiens, ascendit in altum, captivam duxit captivitatem, dedit dona hominibus (Psal. LXXII; Ephes. IV).

CAPUT XI.

De phoenix.

Sed et phoenix, volatile scilicet, quod in Indiæ vel Arabiæ partibus habitat, eundem Redemptorem nostrum simul ac resurrectione designat. Ipse enim dicit: « Potestatem habeo ponendi animam meam, et potestatem habeo iterum sumendi eam (Joan. X). » Hæc igitur avis mox ut quingentos vitæ suæ annos impleverit, ligna Libani montis ingreditur, et per alas utrasque diversis aromatum odoribus oneratur. Hoc itaque sacerdos civilis Heliopoleos quibusdam significationum indicibus deprehendit, et mox coacervatis sarmentis atque ramusculis congeriem struit; super quam videlicet struem phoenix aromatibus onusta descendit, seseque supposito sarmentorum igne comburit. Alia vero die sacerdos accedit, ligna quæ composuerat exusta reperit: quorum cineres curiose perscrutans, invenit vermiculum valde pertennem, sed eximii odoris suavitatem flagrantem: secundo die rediens, reperit eum aviculam per plumas et alarum remigia figurantem: tertio demum die sacerdos adveniens, videt perfectam et integri status astare phoenixem. Phoenix itaque alas refertas aromatum suavitatem deposuit; quia Redemptor noster de cælo cum gemino ad nos utriusque testamenti odore descendit, dicens: « Non veni legem solvere, sed implere (Matth. v). Omnis, inquit, Scriba doctus in regno cælorum, similis est homini patrifamilias, qui profert de thesauro suo nova et vetera (Matth. XIII). » Qui nimirum prius reperitur esse vermiculus; ille profecto qui dicit: « Ego autem sum vermis, et non homo (Psal. XXI). » Ille, inquam, quem vermis ille signabat, qui matutinus exsurgens hederam super caput Jonæ positam dente percussit, et arescere compulsi (Jonæ IV). Præcedente quippe velut matutino sole, Evangelicæ gratiæ Dominus, synagogam, ut revera sterilem hederam districtæ sententiæ suæ dente præcidit, ac marcescentem prorsus et aridam reddidit. Deinde phoenix plume-facta et in aerem alarum remigiis armata sustollitur; quia victor mortis Dominus ad Patris usque **813** consessum conjubilantibus undique supernis virtutibus elevatur. De quo per Psalmistam dicitur: « Qui ascendit super cherubim, et volavit: volavit

super pennas ventorum (Psal. XVII). » Enimvero et nobis pro modulo nostro pennæ sunt insitæ, virtutes scilicet spirituales, quibus si viriliter utimur, ad cælestia sublevamur; sin autem ex desidii torpore deponimus, necesse est ut in subripiendum vitiorum profunda mergamur.

CAPUT XII.

De sarra sive serra.

Hujus rei typum tenet sarra [serra], marina scilicet bellua quæ, cum proluxas habeat pennas, mox ut viderit navem velificantem, alarum et ipsa præcincta remigiis, contendit velificare post navem. Sed vix per quadraginta stadia in hujus certaminis labore persistens deficit, et sic defessa, alas inter discrimina marina deponit. Fluctu itaque vorante compellitur ut ad locum unde remigare cœperat, iterum relabatur. Navis plane, quæ velificat, sanctam Ecclesiam, vel unamquamque fidelem animam signat. Quæ nimirum ligno crucis evecta, spumantes fluctivagi mundi procellas evitat, virtutumque remigio ad portum perpetuæ quietis anhelat. Sed hanc sarra dum persequitur, deficit; quia mollis et dissoluta quælibet anima fervide quidem incipit, sed in labore lassescens ad perfectionis littus, quod subire decreverat, non pertingit. Sunt enim aliqui, qui dum alios ire per honestæ vitæ tramitem cernunt, pio desiderio provocati post eos iter arripiunt. Sed dum vel nimii laboris, vel inundantibus ejuslibet adversitatibus fluctibus obruantur, protinus a labore deficiunt; et sic ad similitudinem sarrae, unde velificare cœperant, relabuntur. De quibus utique scriptum est: « Væ his qui periderunt sustinentiam (Eccli. II). » Et vir sapiens: « Est amicus socius mensæ, et non permanet in die necessitatis (Eccli. VI). » Sed talibus rectores Ecclesiarum impigra debent exhortatione succurrere, ac inter ipsa sævientis procellæ discrimina fluctuantis valido prædicationum brachio roborare, ut eos naufragari pelago sorbente prohibeant, dum ad perseverantiæ robur inconcussa constantiæ radice confirmant.

CAPUT XIII.

De echino.

Quod echinus etiam, brevis videlicet pisciculus, innuit, qui naves ingentes plenis currentes velis immobiliter sistit. Mirum certe quomodo piscis perexiguus corpore, tam enormem carabi molem valeat inconcusse compescere, ut tanquam fixa radicibus videatur hærare. Echinus ergo figit in fluctibus navem; rector Ecclesiæ non confirmet animas temptationum inundationibus fluctuantis? Sicut illi, qui dudum vestigiis in pelago titubantibus, cœperat mergi, sed ereptoris meruit dextera sustentari, dictum est: « Et tu aliquando conversus confirma fratres tuos (Luc. XXII). » Ergo præsules **814** animarum solerter invigilent, ne quos de casibus sæculi semel eripiant, rursus eos raptor invadat, rursus ad vomitum redire compellat.

CAPUT XIV.

De tigride, et quid mystice per eam intelligendum.

Cujus utique rei per quamdam similitudinem tigris indicio est, quæ, sicut astringitur, ubi vacuum raptae sobolis cubile reperit, pernix illico vestigiis raptoris insistit. At ille quanquam equi fugacis agilitate præcurrat, agrioris tamen feræ quodam quasi volatu se præverti posse non dubitat: cumque nullum sibi patere suffugium conspicit, hujusmodi technam captriosa fraude molitur, ubi feram sibi contiguum deprehendit, globosam de vitro sphaeram ante illius oculos projicit; at illa respiciens velut e speculo proprii corporis imagine luditur, et sobolem suspicatur. Retentat igitur cursum, dum amplecti desiderat fœtum: sed ecce dum inani se frustratam specie comperit, totis ad comprehendendum equitem viribus fundit: sed dum stimulis ire velocior imminet fugienti, ille sphaeram sequentis obtutibus alteram obijcit: nec tamen sedulitatem matris memoria fraudis excludit. Nam tigris quasi lactatura prolem cassam versat imaginem. Hoc itaque modo et tigris orbatur, et ultio de venatore non sumitur. Ut autem hoc ad usus ecclesiasticos non incongrue transferatur, quid venator, nisi prædicator? Unde per prophetam dicitur: « Mittam eis multos venatores, et venabuntur eos de omni monte et de omni colle (Jer. XVI). » Et quid hic tigris, nisi diabolus debet intelligi? Tigridi itaque catulum rapimus, cum de mundo, qui est cubile diaboli, conversum quemlibet hominem ad sanctitatis habitum provocamus. Cum ergo spiritalem post nos tigridem currere per tentationum suarum argumenta sentimus, vitream illi sphaeram obijcimus, dum fragiles sibi homines, ubi suam imaginem videant, demonstramus. Suos autem sibi demonstrare, est ab ejus pestifera visione nostros abscondere. In suis autem hostis antiquus suam cernit imaginem, in quibus utique reperit propriæ nequitiae pravitatem. De his nempe vitreis hominibus, ejusque imaginem refundentibus, in Apocalypsi dicitur: « Si quis adoraverit bestiam et imaginem ejus, et acceperit characterem in fronte sua et in manu sua (Apoc. XIV), » et reliqua. Studeamus igitur a tigride catulos custodire, quos tulimus; ut a ferinis cruentæ bestiae uberibus rapti, lacte quotidie cœlestis eloquii non desinamus recreari, ne, quod absit, illud nobis valeat obijci, quod Phariseis dictum est: « Væ vobis, qui circuitis mare, et aridam, ut faciatis unum proselytum; et cum factus fuerit, facitis eum filium gehennæ duplo quam vos (Matth. XXIII); » sed id potius, quod de se Veritas Patri dicit: « Quia quos dedisti mihi, non perdi ex eis quemquam (Joan. XVIII). » De quo et Joannes dicit: « Qui cum dilexisset suos, in finem dilexit eos (Joan. XIII). »

815 CAPUT XV.

De pellicano, et quid figurat.

Quanto denique suos amore dilexerit, per naturæ suæ vim etiam pelicanus ostendit. Hic enim ales, sicut tradunt illi qui rimandis animalium insudavere naturis, natos suos incomparabiliter diligit, sed di-

Agnam ei vicem ingrata soboles non rependit. Ejus quippe filii mox ut incipiunt crescere, utrumque parentem adorantur unanimiter impugnare, qui re-percutientes eos, quia disciplinæ modum tenere nesciunt, quodammodo eruditionis ferulam in gladios vertunt, dum nimis verberibus filios interficiunt; tertia vero die super mortuos mater incumbit, latus suum rostro percutions aperit, unde super extinctos maternus cruor instillat, qui protinus eos ad vitam incolumes suscitât. Quæ nimirum res non tam figura, quam evangelica videtur historia. Per Isaiam namque Conditor hominum manifeste conqueritur: « Filios, inquit, genui, et exaltavi, ipsi vero spreverunt me (Isa. I). » Qui etiam percussus est ab eisdem reprobis filiis, sicut pelicanus a pullis suis, sicut per aliam scripturam dicit: « Insurrexerunt in me viri iniqui absque misericordia, quaesierunt me interficere, et non pepercerunt in faciem meam spueri, et lanceis suis vulneraverunt me. »

Pelicanus autem suos pullos repercutiens perimit, quia Deus perversum populum gravi captivitatibus atque bellorum clade percussit. Sicut ei per prophetam dicitur: « Percussisti eos, nec doluerunt; attrivisti eos, et noluerunt accipere disciplinam (Jer. V). » Sed ingratis filiis bonum pro malo redditur, cum ad vitam materno sanguine revocantur. Sapientia quippe Dei, mater scilicet omnium viventium, in cruce pendens latus aperuit, sicque peremptos ad vitam sacrosancti sanguinis sui profluvio revocavit. Sed sicut avis hujus, quam dicimus, fetus duritiam exprimit ingratae sobolis: sic e diverso upupa figuram exhibet pietatis. Ut sicut in uno reperit mens discreta quod spernat, sic in altero Christiana pietas quid imitetur addiscat.

CAPUT XVI.

De upupa, aquila et fulica.

Hæ siquidem volucres cum senili gravantur ætate, ut jam nec volare valeant nec videre, filii parentibus suis pio compatientes affectu, vetustas sibi penas evellunt, et eorum oculos alis propriis confonent, ac totum corpus undique velut obliniendo ac pal-pando demulcent; donec toto corpore renovati, plumis undique reflorentibus, adolescant. Sic per piæ prolis obsequium tanquam primo pubescentes flore, et visum recipiunt et volatum.

Sed quid miramur upupam misericordiæ viscera parentibus exhibentem, cum videamus et fulicam in alieni quoque generis fetum maternam extendere pietatem? Sicut enim a naturarum scrutatoribus perhibetur, aquila, quæ 816 regina dicitur avium, pullos suos coruscantibus solis radiis obijcit, atque in aeris vastitate libratos, pio teneros ungue suspendit. Quisquis autem illorum intrepidam oculorum aciem inoffenso tuendi vigore conservat, hunc mater ad propagandum regii decus generis idoneum judicat. Si quis autem lumina sua solis radio perstrictus inflexerit, velut degener, et indignus tam excellenti nobilitate projicitur; et tanquam exhæredatus ac spurius inter filios non habetur. Et qui

per infirmitatem luminis ab ingenuitate destituitur, A generis hereditatem quodammodo inter ingenuos filios non sortitur. Sed aequilinum hunc pullum a genuine prosapia sublimitate dejectum plebeia quædam avis, fulica videlicet, quæ Græce dicitur *φάνα*, velut adoptivum suscipit, et tanquam naturale inter proprios fetus clementer enutrit. Et hoc modo quem aquila crudeliter paternæ fecit hereditatis exsortem, ista sibi quasi maternæ pietatis intuitu suis adoptavit filiis cohæredem.

CAPUT XVII.

De vulturibus et mustela.

Ut igitur arma virtutum in spiritali certamine constituti etiam a volucris mutuemur, sicut humanam, imo Christianam obstupescimus in fulica pietatem, sic etiam altius admiremur secundam in vulturibus virginitatem. Perhibentur enim vultures cæterarum avium more concubitus nullatenus indulgere, sed absque ulla prorsus masculini sexus admistione concipere; ut, si ad castitatis habendæ munditiam humana nos exempla non provocant, saltem de virginitate vulturum prodiens pudor impellat; nec tantum eos, qui ex hac fuerint stupenda singularitate progeniti, brevis vitæ finis angustat, cum usque ad centum annos longæva se eorum vita producat.

Apes etiam sicut sunt immunes a coitu, ita etiam nullatenus corrumpuntur in partu; et sicut in conceptu sexus sexui non miscetur, sic in edendis fetibus nequaquam virginalis integritas violatur. Non enim vulva, sed, ut ita loquar, bucca sobolem procreant, et illibatæ prorsus et integræ ab omni corruptelæ contagio perseverant. Nam ore filios e foliis legunt, et sic successuræ posteritatis examen emittunt.

Sed cur nos virginitatis secundæ miraculum in volatilibus tantum prædicemus, cum in vilibus quoque reptilibus conceptum, simul et partum non levius admiremur? *Mustela* quippe, sicut physici perhibent, per os quidem concipit, sed per aurem parit. Cui profecto, si dignum ducimus immundis ac minusculis rebus humana conferre, congrue forsitan quosdam fratres minus quidem jejunantes, sed humiliter obediens, possumus coaptare. Per oris quippe conceptum intelligimus cibum, sicut Veritas dicit: « Omne, quod in os intrat, in ventrem vadit, et in secessum emittitur (*Matth. xv*). » Per aures vero partum signatur obedientia, sicut scriptum est: « Populus, quem non cognovi, servivit mihi, obauditu auris obedit mihi (*Psal. xvi*). » Sunt namque nonnulli fratres, qui vel præ valetudine corporis, vel mentis fragilitate jejunare vix **817** possunt, sed ad executionem obedientiæ, quæcunque illis injunguntur, ferventer se accingunt; et quo validius robur per alimenta percipiunt, eo gravioris obedientiæ labores ferunt. Per os ergo cibum tanquam semen delectabiliter edendo concipiunt, cujus cibi fructum cum labore per obedientiam tanquam per aurem parturientes emittunt. Semen ergo quod per os in-

trat, per aurem egreditur; quia, ut ita fatear, conceptus escæ fractum parit obedientiæ; et quem cibus edendo velut concipiendo delectat, labor obedientiæ quasi parturiendo fatigat.

Aspis autem e contra, quoniam incantationibus aures obturat, obstinate mentis inobedientiam signat. Nam cum eam ad os speluncæ marsus, ut egrediat, incantat, illa protinus unam aurem terræ strictius imprimit, alteri caudam velut impenetrabile sufflamen opponit. Sicque dum vox venefici aurium ejus interiora non penetrat, illa in cavea sua immobilis perseverat. Hujus porro serpentis multorum pravitas hominum imitatur exemplum, qui, dum hic terrena diligunt, illic in posterioris vitæ longevitate non confidunt, quasi terram et caudam auribus B suis, ne vox prædicationis ingrediatur, eponunt.

CAPUT XVIII.

De ascida et alcyone.

Sed sicut aspis eos exprimit qui cor in terrenis ac temporalibus figunt, sic ascida [asida] figurat eos, qui spem suam in cælestibus ponunt. Est enim animal pennatum quidem, sed volare non valens; est etiam naturaliter obliviosum ac memoriæ viribus vacuum; et ideo nunquam parit, nisi cum in astra prospiciens vergilias jam surgere in superiori cognoverit. Æstivo itaque tempore, juxta Junium scilicet mensem, parit, et in solis fervore confidens ova sua sabulo vel arenis abscondit, ut, dum mater sui fetus obliviscitur et locum depositæ sebolis intercipit prorsus oblivio, calor solis et clementia simul aeris ova confoveant, ac velut ad maternæ sedulitatis accubitus fetus erumpat. Obstetricante igitur sole, nascuntur ascidæ pulli, velut ipsa matro desuper accubante confoti. Hæc itaque volucris, dum oblivionis propriæ conscia de se paritura diffidit, ad cælum prius oculos erigit, ut fetibus suis aeris clementia suppleat, quod materna stoliditas negat. Nos etiam, ut ex nobis boni operis germen erumpat, non hæsitemus favorem divini Spiritus de cælestibus flagitare, ut cordibus nostris, quæ propria fatuitas hebetat, ipse vires edendæ salutiferæ prolis infundat.

Avis etiam, quæ alcyon dicitur, in edendis fetibus mirabilis perhibetur. Et sicut illa, quam diximus, æstivum querit in edendo calorem; sic ista brumalem eligit non sine marinis litoribus hiemem. Brumali quippe tempore in arena marini litoris ova deponit, cum, videlicet procellarum impetus ferventius in cumulos elevatur, ac litoribus validior fluctus illiditur. Sed, o supernæ dispositionis stupendum valde miraculum! mox ut alcyon super litoreas arenas **818** ova deposuerit, quantumlibet undosus, quantalibet sit tempestate concussus, placida pontus tranquillitate mitescit. Elationes fluctuum concidunt, et omnes furentium ventorum turbines conquiescunt; et donec avis hæc ova sua confovet, mare tranquillum et quietum jacet. Septem porro diebus editis ovis incumbit; septem quoque, postquam nati sunt, pullos enutrit. Hoc enim brevissimi spatio temporis adolescunt, a farumque remigiis volare pu-

bescentes incipiunt. His itaque quatuordecim diebus tempus serenum, mare tranquillum, et nulla prorsus efflantium stridet ventorum procella. Cujus profecto typum sancta tenet Ecclesia, quæ per septenarium numerum et fovet et nutrit; quia quos per septiformis gratiæ Spiritus in baptismo ad fidem parit, per ejusdem Spiritus dona ad sanctæ operationis incrementa perducit. Sed in exponendo volucris hujus partu postponimus moram terere, ne et ipsi videamur fastidium legentibus parturire. Hoc ergo ideo non exponendo transcurrimus, ut tantummodo legentibus sit miraculum, sed ut altius considerantibus fiat spiritalis intelligentiæ sacramentum.

CAPUT XIX.

De columbis, ibide et hyena.

Columbarum quoque non vulgare quoddam præbet natura miraculum. Est enim in Indiæ finibus arbor, Græce peredixion [peridexion] vocatur, cujus utique fructus nimis est dulcis et valde suavis. In hujus igitur arboris gratia columbæ non modice delectantur, cujus nimirum eas fructus reficit et umbra defendit. Teterrimus enim draco ferali eas immanitate persequitur, et cruenti gutturis barathro inhiantē absorbere molitur. Sed sicut columbæ draconem, ita nihilominus draco formidat eam, quam prædiximus, arborem: sed præcipue timet umbram, ita ut si umbra fuerit a parte arboris dextra, ille licet procul fugiat ad sinistram; quod si umbra cernitur in sinistra, ille vertatur ad dextram. Donec ergo columbæ sub arboris illius umbraculo fuerint commoratae, nullis eas crudelis bestia valet insidiis lædere; aliquin si procul eas invenerit, sine ullo contradictionis obstaculo repentinus invadit. Nos plane quibus simplicitas columbina præcipitur, necesse est ad sacrarum Scripturarum arborem fugere, si cruentam draconis intimi rabiem volumus evitare.

Sed quem draco signat, eundem et ibis nihilominus indicat. Est enim volatile luridum, et immundum, et obsceno fetentium sordium squalore pollutum. Nam morticinis semper cadaveribus vescitur, et prope littora sive maris, sive stagnorum, sive fluminum jugiter commoratur. Querit enim si quid putridum, sive corruptum ab aquis cadaver ejicitur, ut illo, quia se timet fluctibus credere, satiatur; et quia, natate nesciens, nequaquam se gurgitibus audet immergere, quibuslibet immunditiis fluctu vomente projectis aviditatis sæ rabiem contentus est satiare. Sed quem ales iste designat, qui famis rabie fluctum extrema circumdat, **819** nisi illum de quo Petrus ait: « Quoniam adversarius noster diabolus, tanquam leo rugiens, circumit, quærens quem devoret? » (*I Petr. v.*) Quid aquis ejecta cadavera piscium, nisi putrida ac marcida significant corda carnaliter viventium reproborum? De quibus dicit Apostolus: quia « sunt homines reprobi, naufragi circa fidem (*I Tim. i.*) ». Mare quippe violentia corpora retinet, cadavera projici; in fluentis

A quoque Scripturarum hi permanere possunt, qui Deo vivunt; quisquis autem a fide vel rectis operibus moritur, corruptus ac fetidus a Christi corpore, quod est Ecclesia, necesse est vomatur, dicente Scriptura: « Quia tepidus es, incipiam te evomere ex ore meo (*Apoc. iii.*) ».

Enimvero, quia ab eo, quod ante conceperat, calore tepescit, quasi de viro, qui fuerat, sese in feminam vertit, et hic hyenæ merito comparatur, quæ nonnunquam de masculo in feminam, aliquando de femina in masculum commutatur, atque ideo immundum animal dicitur, et ob id humanis esibus prohibetur, de qua per Jeremiam dicitur: « Spelunca hyenæ hæreditas mea facta est mihi (*Jer. xii.*) ».

CAPUT XX.

De panthera.

B Huic panthera per diversitatem naturæ videtur omnino contraria, quod animal calore quidem varium, sed specie pulchrum et simplicitatis gratia mansuetum, soli tantum draconi probatur esse contrarium. Hæc itaque panthera cum diversis se venationibus refecerit, mox in suo spelæo se recipiens dormit: post triduum vero relecta sopore consurgens magnum emittit cum clamore rugitum, cum quo simul rugit tam miræ suavitatis atque flagrantiae odor egreditur, ut omnes pigmentorum vel aromatum species vincere videatur. Omnes autem bestiæ saltuum, ad quas odor ille pertingit, ad eam protinus conflunt, ac tantæ suavitatis spiramine delectantur; solus autem draco, cum vocem ejus audierit, nimio terrore contrahitur, ac subterraneis illico specubus occultatur, ibique vim tanti odoris nullatenus ferens rigidus obstupescit, et effectus viribus ac prorsus inanitis tanquam mortuus deficit. Cætera vero animalia, quoniam jucundæ suavitatis odore pascuntur, redolentis pantheræ, quocunque pergat, vestigia non relinquunt. Quantis expositionis flosculis hæc posset exuberare materia, qui sacris vacat eloquiis non ignorat. Sed nos hinc quanto citius expediri volumus, quoniam ad alia festinamus. Panthera plane *omnia capiens* interpretatur, quod illi congruere non ambigimus, qui dicit: « Si exaltatus fuero a terra, omnia traham ad meipsum (*Joan. xii.*) ». Varia est, et Christus omnium gentium est varietate vestitus. Et quoniam panthera pulchra est, ab ipso non dissonat, de quo scriptum est: « Speciosus forma præ filiis hominum, diffusa est gratia in labiis tuis (*Psal. xlv.*) ». Et sponsa in Canticis: « Ecce, inquit, tu pulcher es, dilecte mi, et decorus (*Cant. i.*) ». Quod vero mansuetum est animal, et de Christo per Isaiam dicitur: « Gaude, et lætare, filia Sion, prædica, **820** filia Iherusalem, quoniam rex tuus venit mansuetus et salvans (*Isa. lxi.*) ». Qui dum dicit: « Ego cibum habeo manducare, quem vos nescitis (*Joan. iv.*) »; tanquam quibusdam venationibus satius est primitiis electorum. Ipse, qui dormivit in morte per triduum, postmodum emisit rugitum apostolicæ prædicationis, et per silvas omnium gentium fragrantiam spiritalis diffudit odoris. « In om-

nem enim terram exivit sonus eorum, et in fines orbis terræ verba eorum (*Psal. xviii*). » Qui etiam dicit: « Deo autem gratias, qui dedit nobis victoriam in Christo Jesu Domino nostro; et odorem notitiæ suæ manifestavit per nos in omni loco, quia Christi bonus odor sumus Deo in iis qui salvi fiunt, et in iis qui pereunt; aliis quidem odor mortis in mortem, aliis odor vitæ ad vitam (*II Cor. ii*). » Hic est igitur odor spiritualis gratiæ, hæc fragrantia salutis humanæ quam panthera cœlestis eructat, ut ad se feras silvarum, hoc est, gentium multitudinem trahat. Solus autem draco in subterraneæ scrobis voraginem mergitur, quia veterinosus hostis qui, juxta Joannem, dicitur diabolus et Satanas, de cœlo projectus, atque in abyssos est supernæ sententiæ catena ligatus (*Apoc. xx*).

CAPUT XXI.

De salamandra, dorcade et lynce.

Salamandra quoque, licet exigua, mirabilem fertur habere naturam, adeo ut si casu aliquando in igne mergitur, omnis ignea vis tanquam inundantis aquæ profluvio protinus exstinguatur. Et ut quid per hoc figuretur, eluceat, humilitas patientiæ reprimat flammivomum hominem a fervore vindictæ.

Dorcas etiam, quæ Latine caprea dicitur, non inutile conversationi nostræ naturæ propriæ præbet exemplum. Hæc habitans in cæcuminibus montium vim habet non modo subtiliter videndi, sed et mirabiliter discernendi; ita ut in longinquis ac procul remotis regionibus homines videat, et venatores an viatores sint sagaciter deprehendat. Nos quoque, si terrena deserentes excelsa mentis arce subnitimur, ad discernendos spiritus, si ex Deo sint, per divinitus impensam discretionis gratiam sublevamur; utrum scilicet tanquam viatores nos ad patriam dirigant, an sicut venatores ad substratos tentationum suarum laqueos et objectos insidiarum casses impellant.

Lynx quoque tam incomparabile visus acumen habet, ut non modo quodlibet corpus solidum, sed et lapideos parietes penetret. Quod nimirum hoc modo probatur, quia si lynx ex una parietis parte consistit, caro vero altrinsecus ponitur, tanquam nihil intersit, ad eam protinus inhiat atque, ut sibi præbeatur, anhelat. Si ergo mutum pecus tam vivax intuitus acumen habet, humanæ mentis intima Deus omnipotens quanto profundius videt? « Vivus est enim sermo Dei, et efficax, et penetrabilior omni gladio accipiti; pertingens usque ad divisionem animæ ac spiritus, compagum quoque et medullarum, et discretor cogitationum et intentionum cordis, et nulla creatura est **821** invisibilis in conspectu Dei: omnia autem nuda et aperta sunt oculis ejus (*Hebr. iv*). »

CAPUT XXII.

De natura serpentum.

Sed et in serpentibus quoque nonnulla naturalis astutia reperitur indicia, quæ non inutiliter ad nostræ conversationis trahuntur exempla. Serpens enim cum senuerit, et oculi ejus cœperint caligare,

per circulum quadraginta dierum totidemque nocium nullo prorsus cibo reficitur, sed jugis inedia continentia inaceratur. Sic nimirum quo magis macilenta corpus ejus ariditate constringitur, tanto pellis ejus squamosa laxatur; et dum caro a sua corpulentia deficit, pellis effeta follescit: deinde vel hiatum duræ terræ vel scissuram lapidis querit, ac per illius angustias se suffulciens transit, sicque pellem penitus cum senectute deponit; mox itaque fit novus, cui simul et virtus reparatur et visus. Nos etiam si aliquando a juvenili sancti desiderii fervore tepescimus, et dissolutæ vitæ senio caligamus, per arcæ penitentiae transeamus angustias, ut, dum veterem exterioris concupiscentiæ deponimus pellem, ad pristinam redeamus interioris hominis novitatem. Est et alia

B natura serpentis, quia cum bibere concupiscit ante venenum evomit, hausta vero sufficienter aqua, ad locum ubi vomuerat redit, vomitumque resumit.

Presbyter quidam retulit quia sub oculis ejus serpens in lapide vomuit, deinde festinus ad fontem bibiturus irrepsit, sed dum ille peteret fontem, revolvit presbyter lapidem; reversus autem serpens, dum venenum, quod resumeret, non invenit, huc illucque perquirens, protinus exspiravit. Nos etiam, cum cœlestis eloquii fluentia desideramus haurire, per conatum puræ confessionis omnia vitiorum et lapsuum venena debemus evomere. Sed absit ut revertamur ad vomitum; quia non per terram cum serpentibus repere, sed ad ea quæ sursum sunt (*Coloss. iii*) præcipimur festinare. Illud est præterea ingenuum ac valde nobilius in serpente, quod dicitur quia fugit hominem nudum, aggregitur mordere vestitum. Ac si fortis quisque bellator invadat armatum, vereatur inermem. Non vis ergo timere diabolum? terrenarum rerum te vestibus exue. Vestitus es? cingentem colubrum perhorresce. Vis ad serpentis exemplum novus fieri, et languentis animæ senectutem in pubescentis adolescentiæ refluere decorem? jejuna cum serpente per quadragenarii temporis circulum, hoc est, a carnalibus desideriis tempera per omnem hujus vitæ decursum. Nam et idem serpens quanta sit jejunii virtus ostendit, quia mox ut sputum jejuni hominis gustat, protinus interemptus exspirat. Non ergo, serve Dei, te pigeat jejunare, ut moriatur ille qui te cibo turgidum nititur deglutiens absorbere. Serpens præterea totum corpus icibus verberantis exponit, solum caput abscondit. Tu quoque in persecutionibus constitutus Christum intra mentis arcana reconde; corpus vero tuum, si res exigit, persequentium manibus trade.

822 Esse quoque viperarum genus creditur, quod si hominem mordeat, totum corpus ejus in virum vertat. Propterea quoddam aliud esse viperinum genus asserit tam acris veneni, ut si quæ avis super illud volare contigerit, exhalantis virtute fectoris exemplo moriens corrumpat. Quæ videlicet hac coeundi, vel pariendi consuetudine naturali potiuntur imperio, ut masculus in os feminæ caput impingat, quod illa præ nimii amoris impatientia mor-

dendo præcidat ac præsto deglutiatur. Ex cuius capitis oculis duo catuli procreantur, qui partus tempore materna latéra utrinque corrodunt, et sic alitris secus simul occidentes et nascentes erumpunt. Qui nimirum ante sunt parricide quam filii; et ideo nunquam præter duos valet hujus generis excedens aliquid inveniri.

Est etiam, sicut fertur, aliud genus quod dicitur jaculum, quod volando repente hominem penetrat, et ita pertransit, tanquam nil sibi prorsus obstaret. Ad instruendam quippe humanam naturam pius Conditor diversas brutis animalibus vires, et astutiam contulit, ut ex belluinæ quoque sagacitatis indagine non contemnenda in nostros actus valeamus exempla transferre.

CAPUT XXIII.

De onagro, elephante, unicorni, aquila et formica.

Quis enim docuit onagram, ut in æquinoctialis mensis Martii perpendiculo per duodenas horas diei, simul et noctis totidem rugitus emittat? et velut per naturalis horologii organum, horarum momenta distinguat? Per singulas enim horas sive diei sive noctis semel rugit, ac per hoc æquinoctialis libræ adesse tempus ostendit.

Quis docuit elephantem perpetuam diligere castitatem? Qui tamen cum naturæ coactus imperio vertens caput post se, quasi nolendo et naseando, coierit, et concipiens semel femina ad concubitum non reveritur. Illa vero dum draconem, qui sibi feraliter insidiatur, tremefacta formidat, non alibi, sed in aqua parit, quæ ad ubera ejus usque pertingat. Nam si extra aquam peperit, draco catulum ejus repente devoraturus invadit.

Quis hanc ingenuitatem unicorni contulit, ut dedigneretur viribus vinci, humilitatis arte patiatur se facile superari? Nunquam scilicet a venatoribus capitur, nisi prius in virginis gremio reclinetur.

Quis hoc medicinæ genus aquilæ tradidit, quæ cum senuerit, et gravari cœperint alæ ejus, atque oculi caligare, tunc quærît fontem aque, contra quem posita volat usque ad circulum solis, illicque in puriori ætheris vastitate librata, ad vaporem solis et alas incendit, et caliginem oculorum prorsus exurit, moxque descendens tribus in fontem vicibus mergitur, et sic alarum vigor et oculorum acies multo melius quam juvenus attulerat, renovantur?

Quis, quæso, formicam ad hoc tritrandi genus instituit, ut segetum grana discernat, et **823** ignobilia respuens, elegantioris frugem generis eligat? Acervum quippe segetis diligenter explorat, et hordeum quidem tanquam jumentorum pabula quodam modo fastidians, aspernatur; ubi vero triticeum reperit granum, libenter amplectitur. Hæc etiam venturæ serenitatis tempus quibusdam deprehendit indicis, et cum cellaria sua aerio cernit humore madescere, propriis humeris repositas victui suo fruges exportat, et damna domestica præcavens, torrentibus eas radiis solis exsiccet; et tanquam

non sufficiat, eadem ore proprio grana præcidit, ne videlicet per hiemalis inclementiam imbris iterum turgeant, et negata spe victus in herbas erumpant.

CAPUT XXIV.

De vipera, accipitre, serpente et ursa.

Quis etiam viperam docuit ut, cum cupiditas coitus incitat, ad litus illico properans murenæ maritimæ copulam petat? Hac igitur sibilis suam testificante præsentiam, continuo murena progreditur, et venenatæ bestię alterius elementi miscetur.

Quis accipitribus hujusmodi legis jura præfixit, ut ubi nidificant, per amplum hinc inde circuitum nullis omnino rapinis insistant, et cum ab eis ubique locorum nisi bello non vivitur, illic ubi victores hostium manubias conferunt, pax tranquilla servetur? At ubi fetus suos jam plumescentes volare posse deprehendunt, pedibus eos ac rostro nidis eliminant; et tanquam emancipatos legibus a sua præcul cohabitatione propulsant; ut sic a tenero jam instituantur ad prædam, nec in segnitie se, sperantes a parentibus alimenta, resolvant, sed ab ipso primi volatus exordio crebris rapinarum violentiis assuescant.

Ubi præterea ursa didicit, cum partus edat informes, natos suos lingente lingua per varia membrorum lineamenta distinguere, ac more figuli in naturalis effigiem generis, imaginemque formare? In quo quis medicinalis artis instrumenta perdocuit, quæ ei vires herbarum et curationis fomenta dictavit? Nam si quando ictibus gravissimæ cædis afficitur, vel etiam jaculis perfossa sauciatur, herbæ, cui Græcæ *φλόμος* nomen est, vulnera subjicit, et sic solo tactu omnes ulcerum dolores excludit, et ad incolumitatem pristinam convalescit. Serpens quoque, quod nos superius fugerat, si cæcitatem patitur, esu feniculi luci pristina reformatur. Mox igitur, ubi oculos sibi sentit obduci, notum petit præsto remedium, nec spei suæ frustratur effectus.

CAPUT XXV.

De testudine et variis animalium medicinis.

Testudo visceribus pasta serpentis, cum venenum suis quoque sentit visceribus serpere, organum sibi protinus ad remedium non negligit adhibere. Vulpis etiam dolosa cum mortem sibi senserit imminere, ex sudante pinus **824** sibi resina medetur, talique remedio in longioris vitæ spatia protelatur. Nam et ipsa animalia, quæ sibi met adhibent a rebus exterioribus medicinam, in suis quoque visceribus medendi probantur habere materiam. De carnibus viperæ, quæ tyros dicitur, non modo thiacia conficitur, sed et diversa medendi remedia providentur. Segmenta eboris in medelas varias assumuntur. Fel hyenæ restituit oculis claritatem, ejus stercus similiter et canum vulnera curare noscitur. Omnis etiam ægra fera, si canis ebibit sanguinem, recuperat sanitatem. Nam et fimus hominis ad quanta curationum medicamenta proficiat, Galenus enarrat.

*Struthio, camelus, ranæ, cameleontes, græci, cicônæ, fel aquilæ, sanguis accipitris, stercus et carnes hirundinis, quibus morbis afferant medicinam, ille potest dicere cui propositum est de curationibus corporum disputare. Perhibent physici quia pellis colubri, quam deponit, si oleo fervente decoquitur, mire per eam dolor aurium mitigatur. Cimices nescientibus nullius videntur utilitatis, sed si sanguisuga faucibus hæserit, fumo illius excepto, statim evomitur; insuper, et difficultas urinæ cimis appositione laxatur. Præterea porcorum, anserum, gallinarum fasianorumque pinguedines, quot in se medicamenta continent, medici non ignorant. Pavonis simus podagræ noscitur mitigare fervorem. Æger leo si simiam devoraverit, mox de valetudine convalescit. Leopardus, si agrestis capræ sanguinem hauriat, vim languoris evitat. Ursus æger formicas vorat. Cervus languidus olæ ramusculos, ut sanetur, efflagitat. Cur autem hæc omnia potens rerum Conditor naturis animalium indidit, nisi quia diversa per hæc homini vitæ hujus emolumenta providit? Ut dum creaturæ, quæ subjectæ sunt homini, sese invicem fulciunt, ad utilitatem ejus qui prælatus est omnibus omnia referantur. Et dum in operibus suis bonitatem miratur opificis, ipse non hæret conditis, sed aspectum desideret Conditoris. Omnes plane naturas animalium, quas supra perstrinximus, si quis elaboret solerter inspicere, utiliter poterit in humanæ conversionis exempla transferre, ut qualiter homo vivat, ab ipsa quoque rationis ignara pecorum natura discat. Nam, ut Apostolus ait: *C* « Non est Deo cura de bobus (*I Cor. ix.*); » sed dum in brutis animalibus aliquid insigne conspicitur, homo protinus, ut quidquid illud est ad sui considerationem retorqueat, admonetur.*

CAPUT XXVI.

De lupo et ove.

Quid est enim quod lupo, si tuo fuerit præventus aspectu, non valet effugere; si te ille prævenierit, vocem tibi probatur auferre? Et ut magis stupeas, si obmutueris, tuum solvis amictum, et illico recuperas verbum. Quod si lupo in te forte repentinus insurgit, arripe petram, et protinus fugit. Quæ autem est petra, nisi Christus? (*I Cor. x*) quem profecto, si, sicut dignum est, arripis, lupum spiritualis nequitie, qui te persequitur, effugabis; et ut **§25** hinc incunctanter expediat, solve amictum tuum per confessionem, ut non mutus, sed eloquens serenæ prædicationis habeas libertatem, Scriptura testante: « Dic tu iniquitates tuas, ut justificeris (*Isa. xlii.*). » Quis, quod docuit ovem, ut hiemis inopiam timeat, atque ideo velut insatiabilis autumnali tempore herbas inexplabiliter carpat? Avidius enim solito tunc pabulum rapit, herbamque non nesciens defuturam, sese, dum licet, uberius facit, ut quasi futuræ præparetur inopiæ et victus sui lucra reponat, antequam virens herba deficiat. Sed nec illud est sine causa quod elephas formidabilis tauris murem timeat. Leo, rex ferarum, pavescit exiguum

scorpionem; qui, videlicet leo, et veneno serpentis et aculeo perimitur scorpionis. Et quis non miretur quod leo, qui comantes cervicæ tauros excutit, qui sublato pectore terribilia feris ora superbus attollit, perexigui scorpionis aculeum pertimescit? Quis etiam admiratione ducat indignum quod elephas, qui turrita castra tot loriceis plena militibus portat, unius arboris ictu depressus occumbat? Nam qui triginta duos armatos, vel plures, et cum turribus ad instar urbium desuper eminentibus. sustinendo non cedit, ad casum unius arboris corrui. Cui videlicet arbori frequenter innixus vel constans figat, vel in soporem se quiescendo relaxat. Nonnulli quoque has instrunt propter ebur insidias ut arborem, quam elephas innitendo frequentat, ex altera parte usque ad medium B fere candant, et sic arbor ad tam enormis molem corporis corrui. Sed, dum quasdam animalium naturas ad ædificationem vestram, fratres mei, diligentius enumerando prosequimur, nequaquam obvisandum est quia non librum, sed epistolam adortus sumus: quamobrem currentis articuli colubenda libertas, frenanda voluntas est; quatenus sic ædificationi charitas serviat, ut tamen modum suum epistolaris compendii sobrietas non excedat. Monasterium itaque vestrum, dilectissimi, quidam paradus est, in quo videlicet omnipotens Conditor, dum diversos hominum mores posuit, quasi tria animalium genera terrenum, natatile ac volatile creavit. Hæc est illa vetus mysticæ significationis area, in qua cunctorum animalium species includuntur. Hoc est denique vas illud, quod quatuor manicis submitti de cælo vidit Petrus in terram, in quo erant omnia quadrupeda et serpentina terræ et volatilia cæli. Sed cum illic dicitur: « Surge, Petre, macta et manduca (*Act. x*); » credimus per misericordiam Christi quoniam hæc animalia, quæ vos estis, et ab hoc sæculo sunt divini verbi mucrone concisa et in Redemptoris sui corpus perfectæ charitatis ardore conflata.

CAPUT XXVII.

De vaniloquiū temeritate frenanda.

Sed valde cavendum est, quia ne dum in littorea statione quiescitis, sed in procellarum adhuc turbulentis laboratis, ne flabrum ab ore vestro vani spiritus effluat, qui hujus ignis flammam exstinguat. Flatus enim et aliquando flammam elicit et aliquando flammam exstinguit **§26** atque, ut ita dixerim, quasi sufflat. Homo, cum sacræ doctrinæ mysteria prædicat, sufflat, et cum otiosis fabulis vacat; sed, sicut per ædificationis verba ad amorem Dei cor audientis in flammam, sic agit ut a supernis desiderijs per otiosa verba frigescat. Sed flatus iste, quem diximus forte ridiculus deputabitur, nisi sacræ Scripturæ testimoniis approbetur. Audi itaque de salubri flatu quid per Isaiam Dominus dicit: « Non in æternum litigabo, neque usque ad finem irascar; quia spiritus a facie mea egredietur, et flatum ego faciam (*Isa. lxi.*). » Audi sub aliis syllabis de malo spiritu quid Paulus dicat: « Profana et vaniloqua verba devota; multum enim proficiunt ad impietatem, et sermo

eorum serpit ut cancer (*II Tim. II.*). » Audi rursus per Isaiam bene sufflantem : « Ecce, inquit, ego creavi fabrum sufflantem in igne prunas, et profertentem vas in opus suum (*Isa. LIV.*) ; » ac praeſto de mutilibus vasis, quæ scilicet in contumeliam per otiosa verba formantur, adjungitur : « Et ego creavi interfectorem ad disperdendum ; omne vas quod fictum est, contra te non dirigitur (*Ibid.*). » Quid autem istud vas quod ab interfectore dispergitur, apertissime declaratur cum praeſto subjungitur : « Et omnem linguam resistantem tibi in iudicio iudicabis (*Ibid.*). » Quid est autem quod hic Isaias ait : « Omnem linguam resistantem tibi in iudicio iudicabis ? » nisi hoc, quod in Evangelio Veritas dicit : « De omni verbo otioso, quod locuti fuerint homines, reddent rationem in die iudicii (*Matth. XII.*). » Fateor, fratres mei, nil fere in monasteriis agitur, unde mea mens terribilius super monachos imminere Dei iudicium suspicetur. Nam continuo meatus impulsu, quasi torrens per decliva dexera procedens, eorum lingua decurrit, et cum tintinnabulum sonat, sic illis est tanquam si repentinum protinus ictu eorum caput illidat. Quod tamen de quibusdam, absit autem ut de omnibus dicam. Quia vero præcipit regula ut a Pascha usque ad Kaledas Octobris mane exeuntes a prima usque ad horam pene quartam laborent quod necessarium fuerit, ab hora autem quarta usque ad horam sextam lectioni vacent, his omnibus horis laborandi ac legendi studium quidam postponentes abutuntur in fabulis, et quidquid laboribus et lectionibus debent totum vaniloquis sermonibus exhibent. Vir etenim sanctus, qui regulam condidit, nunquam mutaret horam nisi propter continuandi laboris instantiam (*S. BEN. Reg. c. 48.*), nec quartam pro tertia poneret nisi necessario laboris exercitio provideret. Sed profecto et illi operarii sunt iniquitatis, qui linguarum manus exercent in sermonibus otiosis. Nonquid enim manum lingua non habet, cum Scriptura perhibeat : « Quia mors et vita in manu lingue ? » (*Prov. XVII.*) Et quam inhonestum est ut, in hoc munere quo creaturis omnibus homo præponitur, ipse largitor ab homine frequentius offendantur ? Et cum naturis reliquis homo præsedat easque suæ ditionis legibus subdat, quanti pudoris est, ut carunculam tenuem, quam inter fauces includit, edomare non possit ? Unde et Iacobus dicit : « Omnis natura bestiarum et volucrum domabilis est ; linguam autem nullus hominum domare potest (*Jac. III.*). » Nullius quippe frena doctoris coercere valent linguam se cohibere nolentis : alioquin si pulsatur et nititur, quod optat **827** procul dubio consequetur. Porro quod animalia cuncta humane ditioni subdantur, loquens ad Noe vox divina testatur : « Terror, inquit, vester ac tremor sit super cuncta animalia terræ, et super omnes volucres cœli cum universis quæ moventur super terram ; omnes pisces maris manui vestræ traditi sunt (*Gen. IX.*). » Nam ut ab homine etiam serpentes edomari propensius admiremur : Plinius immanissimam serpentium aspidem a quodam patre-

A familias in Ægypto testatur edomitam, et quotidie de caverna sua ad mensam illius egredi solitam, ut perciperet escam. Marcellinus etiam comes scribit mansuetam tigridem Anastasio principi ab India destinatam. Hoc igitur exemplo congrue dicit apostolus : « Omnia siquidem ferarum genera in lingua reperiuntur (*Jac. III.*). » Ibi quippe est levitas volucrum, ibi feracitas bestiarum, ibi fraus virulenta serpentium. Volatiles enim sunt, qui proferunt in cœlum os suum, et quorum os locutum est vanitatem (*Psal. CXLIII.*), quasi volucrum levitatem ; feroces autem bestię sunt, qui exacuerunt ut gladium linguas suas (*Psal. LXXII.*) ; serpentes postremo sunt, de quibus dictum est quia, « venenum aspidum sub labiis eorum (*Psal. XLII.*). » Ubi ergo supervacuis vacatur ineptiis, et quasi symbola congeruntur verbis otiosis, apud intrinsecus auscultantem non sermones hominum, sed quasi multigena decernitur vociferatio bestiarum. Ipse nimirum est, de quo in Canticis dicitur : « Dilectus meus respicit per fenestram, respicit per cancellos (*Cant. II.*). » Et ipse per prophetam : « Attendi, inquit, et auscultavi ; nemo quod bonum est loquitur (*Jer. VII.*). »

CAPUT XXVIII.

De cancro et ostreo.

Sed ut noster sermo ab ea quam semel cepit materia non recedat, et loquentium vitia per non loquentium animalium prosequatur exempla ; nunquam hostis fauces hydrus ingreditur, nisi cum crocodilus oscitans invenitur. Nam si clausum os teneat, insidians impetum non formidat. Aulhalopus cum exclamat, ad summum ignarus interitum gladios venatoris invitat, quod donec obtineat, persequentis industriam fugacis cursus opinionem delusit. Atque ut hoc inferam, quod cancer ostreo, facit plerumque diabolus monacho. Cancer enim, quoniam ostreis vescitur delectabiliter eorumque carnibus tanquam epulis saginatur, operæ pretium est audire quas illis struat insidias. Nam, cum avide sit appetens cibi, est argute prospiciens et periculi, quoniam, cum sit difficilis, est et periculosa venatio. Difficilis quidem, quoniam esca carnis interior validioribus testis includitur ; periculosa vero, quia si chelas cancer immiserit, relabente protinus testarum diptycho inaccessibiliter coarctatur. Quid ergo faciat, ut valeat obtinere quod flagitat ? Quo pacto desiderii sui vota perficiat, nisi ad exquisitæ se fraudis argumenta convertat ? Igitur solenter explorat si quando ostreum in locis ab omni vento remotis se contra radios solis aperiat ; tunc ergo calculum clandestinus incursator immittit, et conclusionem ostrei interjectum **828** sufflaminis impedit ; sicque hiantia claustra reprensus tuto jam chelas ingerit et viscera ostrei interna decerpit. Quid igitur ostreum congruentius videatur significare quam monachum ? Qui nimirum vivit, dum sub silentii censura concluditur ; perit autem, cum ad loquendum immoderatus aperitur : ad instar scilicet ostrei qui, cum non hiat, integer animam servat ; cum vero effrenate proloquitur, vitæ visce-

ribus vacuatur. Quid enim designat calculus, qui ostreae, ne recludatur, injicitur, nisi duritiam consuetudinis, qua quisque ne sese ad poenitentiam emolliat induratur? Nam quasi quidem lapillus pravae consuetudinis obstat, ne is, qui fabularum vacat ineptiis, a sua se vanitate recludat. Quid autem est per figuram cancer, qui post se naturaliter graditur, nisi apostata spiritus, qui, postquam semel a Conditor recessit, in posteriora relabi nunquam desit? Unde et diabolus interpretatur *deorsum fluens*, quod sicut de sanctis animalibus dicitur, quoniam erant pedes eorum recti (*Ezech. 1*); ita diaboli ejusque sequacibus pedes in posteriora sunt semper obliqui.

CAPUT XXIX.

De simia, et quo pacto simia capi possit.

Et quia se sermo de pedibus intulit, sicut venator simiam, sic plerumque versutus insidiator illaqueat animam. Et quidem non scriptum reperi, sed ex ore perhibentis audivi, quoniam qui simiam querit capere vivam prius sibimet punice coloris calceos consuit, quibus et soles de plumbo subnectit; cum vero simiam eminens aspiciet, ea cernente, pedibus suis calceos rubris aequè corrigis illigat, eamque hoc modo quid postmodum faciat, quasi doctor informat; deinde latenter solvens ibidem calceos deserit seseque prope locum callidis explorator abscondit. Simia vero post venatoris, ut opinatur, abscessum, humani actus aemula relictos calceos suis quoque pedibus injicit ac ligulis fortiter stringit; sed ecce venator de suo protinus latibulo prosilit, discipulamque suam proptis irretitam vinculis capit. Sic saepe malignus spiritus per vasculum suum quemlibet videlicet improbum ac protervum docet innocentes homines peccatorum vinculis irretiri, ut ad mala, quae coram intuitibus exhibet, eos ipse quasi dux et magister invitet, et dum pravum aemulus sequitur, suis ipse laqueis capiatur.

Sed et illud nunc subsequenter occurrit, quod mihi dominus Alexander papa necdum emenso, ut ita loquar, mense narravit. Ait enim quia nuper comes Gulielmus in Liguria partibus habitans marem habebat simiae, qui vulgo maimo dicitur, cum quo et uxor ejus, ut erat impudica prorsus ac petulans, lascivius jocabatur. Nam et ego duos ejus filios vidi, quos de episcopo quodam plectibilibus lupa pepererat; cujus episcopi nos exprimere nomen omittimus, quia notare quemlibet infamia non gaudemus. Cum igitur petulant feræ mulier saepe colluderet, ulnis astringeret, amplexibus demulceret, sed et ille nihilominus quædam libidinis signa prætenderet atque ad nudam illius carnem pertingere quibusdam gestibus anhelaret, dixit ei cubicularia sua: Permite, si placeat, quid vult agere, ut liquido pateat quid nititur attentare. Quid plura? permisit, et quod turpe dictu est, cum femina fera concubuit; deinde consuetudo tenuit, et commercium inauditi sceleris inolevit. Quadam vero die dum se comes uxori conjugali more

misceret, maimo protinus, tanquam zelotypo concitatus spiritu, super utrumque prosiliit; virum velut rivalem brachiis et acutis unguibus arpaavit, mordicus apprehendit et irrecoverabiliter laceravit. Sic itaque comes extinctus est. Innocens igitur homo dum fidem thalami servat uxori, dum animal suum quotidianis alit impenditis, nil ab utroque suspicatur adversi, nimirum qui clementiam præbebat officii. Sed, ah scelus! et femina turpiter jus conjugii violat, et bestia in jugulum domini gladium vibrat.

Enimvero nuper allatus est præfato papæ, et simul et nobis grandiusculus quidam puer; et si jam, ut dicitur, viceannalis, tamen prorsus elinguis et maimoni forma consimilis, ita ut eodem vocabulo nuncupetur. Unde sinistra posset oriri suspicio, si hujusmodi, non jam dicam ferinus, sed ferale portentum paterna tunc aleretur in domo.

CAPUT XXX.

De celo.

Sed dum de turpi infidelitate mulieris eloquimur, cetus etiam ille marinus nobis in memoriam revocatur qui nimirum super enorme corpus sabulum portat, ac terga sua super undas elevat, ut tanquam insula fluctus marinos excedat. Hanc igitur incunctanter insulam esse credentes remiges applicant, paxillos figunt, navim sistant, focos instruunt, sed bellua mox ut ignis sentit ardorem, illico mergitur in profundum et navem simul ac nautas vorat ferale naufragium. Nam et Gerardus, noster videlicet monachus, retulit in Normandiæ littoribus captam se vidisse balenam, de cujus lingue carnibus quatuordecim sagmarii sunt non leviter onerati. Sed ut ad aliud redeam unde digressus sum, quid mirum, si fidem in bellua nauta non reperit, quam et vir in uxore propria non invenit? Quid mirum, si bestia muta insulam mentia procellis immergitur, cum et mulier violata fide conjugii et ferinis amplexibus exponatur? Quid enim tam nostrum, et tam proprii juris in hoc mundo, cui varii casus possit deesse suspicio?

Nostris quippe temporibus audivi contigisse quod narro. Piscator quidam parvulum in lembi sui prora filium suum posuit, ac in fluenta progrediens congrum proluxæ magnitudinis cepit. Lætus itaque prædam projecit in navim, ita ut caput ejus contra puerum verteret, puer autem e regione sederet. Sed cum piscator intentus remigio redire contenderet, et alacris de prosperæ fortunæ successu sollicitudinem non haberet, pavefactus puer in piscis aspectu lugubris exclamavit: Ita me respicit, jam me bestia devorabit. Cui pater alludens: Tu, inquit, eum devorabis, non ipse te. Cumque puer idipsum secundo repeteret, sed ejus verba pater ineptias deputaret, tandem piscis sublatus in aerem puerum violenter impetiit, eumque repente corripiens aquis se cum rapina sua raptor immersit ac neuter ultra comparuit.

CAPUT XXXI.

Brevis opusculi conclusio.

Ecce, fratres mei, quæ est in hoc mundo tam securæ possessio, in quam nos tuto projicere; quidnam juris est nostri, quod non debeamus tanquam rotam volubilem deputare? Hanc rotam Salomon docet esse cavendam, et Creatoris semper adesse debere memoriam. Qui cum diceret: « Memento Creatoris tui in diebus juventutis tuæ, antequam veniat tempus afflictionis tuæ; » paulo post addidit: « et confringatur rota super cisternam, et revertatur pulvis in

terram suam, unde erat (*Eccle. xii*). » Caveamus igitur in qualibet instabili possessione confidere, vel fallacis insulæ sabulo tanquam imperiti remiges applicare. Adeamus igitur Christum, tutissimum videlicet navigantibus portum, et de marino discrimine liberati, fide prorsus ac certæ quietis aufugium illum tantummodo personæ lingua loquentium, qui disponit et ordinat naturalia jura mutorum, ut in omnibus creaturis sola prædicetur virtus ac potentia Creatoris.

Sit nomen Domini benedictum.

331-332 OPUSCULUM QUINQUAGESIMUM TERTIUM

DE PATIENTIA IN INSECTATIONE IMPROBORUM.

ARGUMENTUM. — Dominicum Loricatum corporis mortificatione admirabilem monet, ne improborum hominum illatis molestiis alio cum suis denigraret, sed sacre Scripturæ præceptis edoctus sanctorumque exemplis confirmatus, res adversas, in quas Deus servos incidere permittit, æquo animo ferat, ut se bonis operibus exercens et mala tolerans verum Christi membrum agnoscat.

Domno DOMINICO et cæteris fratribus qui in sua B tus autem, dum perdit sanguinem, recuperat san-
viciis montis eremo commemorantur, PETRUS peccator
monachus ultimam servitutem in Domino.

CAPUT PRIMUM.

Quod patientia sit regina virtutum.

Scriptistis mihi, dilectissimi, quia tantus perversorum ac violentorum hominum vos livor infestat, quod nisi vobis ego raptim celeriterque succurram, vos loco ceditis aliumque vobis, qui rapinis his atque molestiis non sit obnoxius, providebitis. Quæ me, fateor, audita legatio graviter perculit, et plus me vestra pusillanimitas quam hostilis contristavit adversitas. Nam cum assidue videamini divinis insistere paginis, mirum est quomodo vobis adhuc ignota sit patientia regina virtutum, cui nimirum euncta deserviunt volumina Scripturarum: « Quæcunque enim, ut Apostolus ait, scripta sunt, ad nostram doctrinam scripta sunt (*Rom. xv*). » Quare ad nostram doctrinam? Nunquid ut syllogismorum calleamus tendiculas struere, ut tonantia et accurata verba rhetoricæ copiæ coloribus venustare et harmonicæ suavitatis organa melosque distinguere, ut astrorum mathematicorum signa, ut amenti, noscimus radio designare? Non plane ad hæc indaganda sacris Scripturis instruimur, sed per eas potius ad exempla patientiæ provocamus. Unde mox sequitur: « Ut per patientiam et consolationem Scripturam apem habeamus (*Ibid.*). » Eadem namque Scriptura, quæ nos ad tenendam patientiam erudit, spe etiam consolationis attollit, quia, cum narrat electi Dei quot sint supplicia pressurasque perpassi, indicat etiam quæ per hæc sint præmia consecuti. Medicus plane sanguisugæ tumentibus ægroti membris apponit virusque simul cum sanguine ab intimis visceribus sorbere permittit; diverse tamen intentionis est medicus et hirudo. Illa siquidem nil aliud gestit, nisi ut sanguinem bibat; iste ad hoc tendit, ut languidus convalescat. Illa satiatur et moritur; ægro-

Quod ex tribulationibus nobis medicina præparatur.

Si ergo venenum veneno novit homo depellere, C
quanto magis mirabilis prævalet Deus ex alienis contritionibus nobis utilia providere? Omnia quippe sanctorum gesta quid aliud narrant, nisi pressuras atque certamina, quæ de perversorum quorumlibet hominum infestatione pertulerunt? Ipse quoque Redemptor noster servilem formam, quam ex intemice Virgine suscepit, non ante regnis cælestibus intulit quam omnia, quæ Scriptura testatur, irrisio-
num atque pœnarum tormenta percurrit. Quid ergo novum, si peccator homo rerum, quæ extra se sunt, sustineat amissionem, cum ille, qui peccare nunquam potuit, in suo corpore 332
petulerit crucem? (*I Petr. ii*). Necdum sane, juxta Apostolum, usque ad sanguinem restitistis (*Hebr. xii*). Sed, o
utinam hoc saltem de vobis posset dici, quod ille
quibusdam bene patientibus dixit: « Rapinam bono-
rum vestrorum cum gaudio suscepistis (*Hebr. x*). »
Hinc est, quod et alius dicit apostolus: « Omne
gaudium existimate, fratres, cum in tentationes
varias incideritis (*Jac. i*). »

Duo scilicet sunt, quæ si vigilanter attendimus, facile violentorum quorumlibet insolentias injuriarumque molestias superamus: præcepta videlicet

et exempla; quia et Scripturæ sanctæ nos ad penitentiam cohortantur, et electi quique, quidquid a furiosis diaboli membris inferri potuit, æquanimitè pertulerunt. Nam, quod divinis admonitionibus, et præcedentium exemplis adjuti, de profundo nobis illatæ tribulationis eripimur, recte in Jeremia propheta de puteo prodeunte, signatur. Projecerant quippe eum, sicut Scriptura testatur (*Jer. xxxviii*), in lacum, in quo non erat aqua, sed lutum: qui postmodum, ut levetur, funes ad eum et panni veteres deponuntur. Quid enim funibus, nisi præcepta Dominica figurantur? quæ quia nos in mala operatione positos, et vincunt, et eripiunt, quasi ligant et trahunt, coarctant et levant. Sed ne ligatus his funibus, dum trahitur, incidatur, simul etiam panni veteres deponuntur, quia ne divina præcepta nos terreat, antiquorum Patrum nos exempla confortant, ut ex eorum nos comparatione facere præsumamus, quod ex nostra imbecillitate formidamus.

CAPUT III.

Quod gaudendum sit in adversis, timendum in prosperis.

Si ergo nos de hoc profundo tribulantis vitæ levare festinamus, ligemur funibus, id est præceptis Dominicis astringamur. Intersint etiam panni veteres, cum quibus melius teneantur funes, id est, præcedentium confortemur exemplis, ne infirmos nos ac timidos præcepta subtilia vulnerent, dum levant. Quasi quosdam pannos veteres Paulus apostolus subiungebat, cum ad sublevandos discipulos præceptis suis spiritualibus exempla veterum commendaret, dicens: « Justi ludibria et verbera experti; insuper et vincula et carceres; lapidati sunt, secti sunt, tentati sunt, in occasione gladii mortui sunt (*Hebr. xi*). » Et paulo post: « Habentes itaque tantam impositam nubem testium, deponentes omne pondus, et circumstans nos peccatum, per patientiam curramus ad propositum nobis certamen (*Hebr. xii*). » Et iterum: « Mementote præpositorum vestrorum qui vobis locuti sunt verbum Dei, quorum influentes exitum conversationis imitamini fidem (*Hebr. xiii*). » Superius videlicet, dum spiritualia præcepta loqueretur, quasi fines miserat, postmodum vero memorans exempla majorum, quasi veteres pannos adhibebat. Enimvero servus Dei tunc debet timere, cum temporale quid percipit; tunc gaudere, cum perdit; quia, cui propositum est cælestia scandere, expeditius procul dubio vacuus quam gradiatur onustus.

834 CAPUT IV.

Quod inter religiosos viros amicitia sine muneribus comparanda est.

Dico vobis quod mihi nuper acciderit: Mediolanensem urbem domini Nicolai papæ legatione functus adivi; ibi dum essem, abbas sancti Simpliciani vasculum mihi argenteum loco muneris misit, quod dum oblatum repente vidissem, primo quidem aspernatus abhorruì, et cur ille mihi munus offerret, subtiliter inquisivi. Suspiciatus quippe sum, ne ille negotium fortassis haberet: atque ideo me antici-

pando præveniens, muneribus occuparet. Mos quippe est apud nos, ministros videlicet apostolicæ sedis, ab his, quorum adhuc negotium pendet, nihil prorsus accipere; ab his autem, qui omnino quieti sunt, si dare voluerint, non abjicere; et hæc regula nostrum omnium, sed illorum duntaxat est, qui meliuscule se ab aviditate colodiunt. Quid plura? Convenitur ad commune colloquium, cur donum sit largitus, inquiritur; utrum causam habeat, sciscitatur. Undique quietus ex omni reperitur parte securus, ita ut re ipsa respondere videretur: In medio populi mei habito; adhuc tamen quæsivi utrum, dum ad ecclesiasticos gradus ascenderet, sive cum monasterii regimen suscepisset, venalitatis forte commercium irrepsisse cognosceret. Cumque hæc omnia ille funditus abnegasset, et non pro talibus se dedisse munus astrueret, sed ob hoc solum, ut in nostram amicitiam aditum sibi reperiret; respondi ut, quod sum erat tollens, amicitiam nostram non more sæcularium mercede redimere; sed, quod inter fratres est legitimum gratuito possideret. Inter hæc tamen, ut vobis in aure loquar, mens mea talis erat, ut post etiam districtè requirens, nihil in eo noxium reperi, si ille mihi ad ingerendum munus importunus existeret, ejus mihi violentia nullatenus displiceret. Volebam siquidem vim mihi fieri, et velut invitus ad vota compelli. Cumque ille ad recipiendum, quod semel dederat, se prorsus averteret, et ne aurem quidem petitionibus inclinaret, ego jam securus et audacior factus, durius, ut sua reciperet, ingerebam.

Interea dies elabitur. Cumque peculiaribus psalmis vocationis meditator insisterem, cepit me conscientia acrius remordere, et quasi sub quodam ratiocinio convenire. Si ille, ut videtur, bonus est vir, tu innocenti homini suam voluisti pecuniam tollere, cum illi capitulum non obsistat, in quo tuum necesse sit auxilium expectare. Porro si negotium habet, indignum est, te sancto fratri linguam tuam venalem facere, quæ tanquam utriusque communis sibi quodque debet, ut tibi, gratuito ministrare. Cumque hæc adversum me pugna perseveranter ingrueret, jamque ego clamorem cogitationum remordentium non perferrem; descendente crepusculo, mox ad hominem properans, manicavi, eique tabescentis conscientie vulnus aperui. Cumque uterque nostrum hinc inde invicem confingerent, et ille se, quod semel dederat, non recipere; ego me assererem non tenere; 835 tandem amicæ contentioni hunc ego terminum posui: duo, inquam, mihi nova sunt monasteria, unum ad calcem jam, Deo auxiliante, perductum; alterum vero, necdum episcopali dedicatione firmatum: sanctorum itaque locorum, si placeat, participium suscipe, atque, ut tibi libet, quod animæ tuæ proficere debeat, donum pro benedictione trans mitte. Hoc igitur argumentum cupiditatis meæ turpitudinem palliavi, et tanquam non accipiens astutus accepi: postmodum vero ad eremum rediens, cellulam quidem festinus intravi, sed per memetipsum intrare vix potui; et qui extra mo ir-

ordinate sum fusus, justo iudicio in me sum postmodum, ut ita loquar, satis difficulter ingressus. Inter cetera vero, tanta animum meum muneris illius caligo confudit, et tanquam vermīs scatens mea corrodere viscera non cessavit, ut, teste conscientia, mallem me lepra percussum quam illo munere sauciū. Attendebam porro illinc tantam fratris liberalitatem quæ mihi nihil debebat, et obtulit; hinc meam avaritiam, quæ, quod per officium non merebatur, accepit. Trædebat me tunc oblitum, quod pervirum Sapientem dicitur: « Non sit porrecta manus tua ad accipiendum, et ad dandum collecta (Eccli. iv.) » Et cum, juxta Apostolum, beatius sit magis dare quam accipere (Act. xx); illum jure beatum, me miserum deputabam. Heu me, inquam, cum a suscipiendis muneribus excutiendam manum Scriptura præcipiat (Isa. xxxiii); quomodo tu manum excutis, ut abjicias; quam potius incutis, ut accipias; stringis, ut rapias; retrahis, ut possidendā recondas? Et revera avaritia **836** in manu susipientis viscus est, quæ quidquid apponitur, excuti non permittit; sed more piscis hæere compellit. Quid igitur? Rixam mentis meæ ultra non perferens, sancto fratri munus suum remittere studui. Deinde, Deo auxiliante, dum vixero contra sordes munerum jam cau-

tius vigilabo. Ecce, quod superius dixi, quia servus Dei tunc debet timere, cum temporale quid percipit; tunc gaudere, cum perdit. Amodo itaque neque pro specie monasterii construendi, neque pro necessitate servorum Dei, tenebo quasi materiam honestatis, ubi valeam vires exercere cupidinis. Tanquam qui castitatis anhelat solvere cingulum, ut quasi sibi hæredes provideat, init copulas nuptiarum, et sub nomine propagandi germinis famulatur illecebris voluptatis; ita nonnulli, dum esse nequeunt Christi, vel apostolorum nuditate contenti, gaudent sive regimine, sive quibuslibet exercitiis implicari; ut dum propriæ satisfaciunt avaritiæ, necessitati videantur pii operis deservire. Nos autem, dilectissimi, gaudeamus semper et illatas nobis injurias æquanimiter ferre, et nocentibus insuper utilia ministrare. Sit manus nostra ad suscipiendum cauta atque suspecta; ad erogandum vero pro possibilitate benigna. Sit mens in prosperis timida, sit in adversitate secunda, cumque bona facit et tolerat, tunc se procul dubio numerari inter Christi membra confidat. Quisquis enim recte vivens flagellis atteritur, sicut Christi nunc in utroque vestigia sequitur, ita postmodum ejus consortio non privatur.

Sit nomen Domini benedictum.

837-838 OPUSCULUM QUINQUAGESIMUM QUARTUM.

DE JEJUNIO SABBATI.

ARGUMENTUM. — Monachos ad jejunandum Sabbato, in sepulture Christi honorem, hilariter et devotè, sicut tribus aliis per hebdomadam diebus solebant, cohortatur; utilitates ejusdem jejunii, et meritum ante oculos proponens.

Sanctis fratribus in Gamugni eremo constitutis, **C** Petrus peccator monachus pacis osculum in Spiritu sancto.

CAPUT PRIMUM.

Quod omnia servant in hoc mundo ad usum hominis.

Pensualium conductores ædium, vel procuratores agrorum, dum dominis suis placere desiderabiliter ambiunt, exactionem canones minui, villicatus sui tempore, non permittunt; nos etiam, quibus non quarumlibet rerum, sed animarum vestrarum est commissa custodia, valde pertimescimus, si frugum vestrarum redditus, qui dominicis inferebatur horreis, sub nostra cura minuitur, si sanctæ servitutis vestræ pensum per nostram, quod absit, cōnventionem non impletur. Quidquid enim in hoc mundo laboratur, in usus proficit hominis, solus autem animarum fructus usibus deservit auctoris. Eo ergo formidolosius divinum cogimur expectare iudicium, quod rationem debemus, non de segetibus in secessum mox cuniculos digerendis; sed de animabus potius, quæ sui representant imaginem Conditoris. Non plane ad ratiocinium ducimur de novalibus, quæ vomeribus sunt, et cultris obnoxie; sed de rationa-

libus terris quæ suscipiendis sunt cœlestis eloquii seminibus excolendæ. Sicut ergo nobis timendum est, qui circa vestram jubemur invigilare custodiam, ita et vos cum magna lætitia cordis, ad propositam sanctis laboribus vestris debetis anhelare coronam, nec minuere quod cœpistis; sed pendus levigare, prospiciendo quod tenditis. Inter cæteros autem flores sanctæ vestræ conversationis et studia pietatis suggero charitati vestræ ut quatuor per hebdomadam diebus consueta jejunii regula teneatur, et præcipue Sabbatum, quod in quorundam mente jamjam vacillat, nisi a debilibus, non solvatur. Novi plane, quod trium dierum sine pugna, et discrepatione jejunia transiguntur; Sabbato autem mens infirma et tepida paulatim incipit in quodam abstinendi, vel **D** edendi medullis nutare, et tanquam in bivio constituta, quo potissime egressum vertat, ambigere, moxque a suo rigore resolvitur, mensas, patinas, calices et quidquid edulis competit, meditatur. Corpore se debilem simulat, quæ sit edendi suavis crebris in cogitationibus versat; seseque peragendis superventuræ noctis sufficere posse desperat. Interea veterinosus ille gula prurientis incensor accendit,

reficiendi libidinem ingerit, venenum pestiferæ delectationis infundit, auream discretionis edocet semitam, indiscretionis astruit summopere cavendam esse ruinam; melius esse cum sobrietate comedere, quam edendi rabiem duplicata fame nutrire. Accurate namque hunc suæ calliditatis hamum seductor antiquus in filios injicit, qui olim ad capiendos parentes humani generis inescavit (*Gen. iii*). Aculeo gulæ transfixos parentes nostros attraxerat, gulæ adhuc aditum ad capiendos non callidus explorator observat. Adhibet adhuc et quoslibet assentatores ac placentarios incitat; ut hoc extrinsecus dicant, quod ille interius seminat, quatenus miser homo inter tot balistas et machinas, inter tot telorum turbines et missillium tempestates facile corruiat; adversum quem videlicet et linguarum obsidio et cogitationum seditio conspirantes unanimiter pugnant. Præterea nec omittendum quod eadem pugna de tertia feria infirmis mentibus oritur utroque quadragesimali tempore, cum quinque diebus per hebdomadam jejunatur, quæ fit de Sabbatis, cæteris anni temporibus, quando videlicet intra quatuor dies jejunii summa concluditur. Malignus quippe hostis, quia quadragesimale Sabbatum apud servos Dei temerare non sufficit, tertiam saltem feriam violare contendit; cum autem hujus diei rigor amittitur, ad expugnandum Sabbatum protinus **839** ille transfertur; ut et antiquus adversarius ab inferendo certamine nunquam desinat, et Dei famulus occasionem victoriæ nunquam perdat.

CAPUT II.

Cur tres dies in hebdomada apud monachos jejunare institutum sit.

Vos autem, dilectissimi, regulam a Patribus traditam, a vobis etiam per longa jam tempora custoditam, sine causa nolite dimittere; saluberrimo cultui vivificæ etiam sepulturæ Dominicæ jejunium copulate. Enimvero tres isti dies, tres per mysterium continent temporum diversitates, sexta feria, Sabbatum et Dominica dies, ideoque istos inter cæteros dies præcipue observare debemus: duos in carnis castigatione, tertium in spiritualis lætitiæ jucunditate. Sexta quippe feria Dominus in cruce pendit, Sabbato in sepulcro quievit, die vero Dominica resurrexit. Quasi enim sexta feria est tota hæc vita, in qua nunc tanquam morientes vivimus, in qua crucem quotidie post Jesum portare jubemur; Sabbatum autem, quod utique requies interpretatur, illud significat spatium quod est a die, qua morimur, usque ad resurrectionis diem quo videlicet ad tribunal æterni iudicis resumptis corporibus præsentamur; dies vero Dominicus illa post iudicium æternitas erit, quæ lucis et gloriæ terminum non habebit. In hujus ergo defluentis temporis Sabbato unusquisque nostrum suum corpus affligat, ut in illo postmodum suaviter requiescat. In hoc fervens spiritus carnis suæ blandimenta mortificet, ut in illo feliciter epulaturus exsulet. Hic ad Domini sepulturam cum sanctis mulieribus legeat, ut illic

A ejus, qui de morte resurrexit, gloriam cernat. Lugubres oculi, pallida ora, demissi vultus, inculta cæsaries, signa sint nos esse discipulos crucifixi, vel in sepulcro jacentis, ut qui nunc cum apostolis lugentes et jejunantes affligimur, eis postmodum in mellis et piscis assi convivio sociemur (*Luc. xxiv*). Ut autem qui fructus, quæve sit utilitas septima feria jejunandi, non tam verbis quam rebus eluceat; non abs re credimus, si etiam de nostris opusculis ad ædificationem vestram breve aliquid mutuemur.

CAPUT III.

Miraculum quo jejunium Sabbati approbatum est.

Nam quod dicturus sum, ibi jam scripsisse me memini, ubi de octo quondam jejuniis disputavi: mox, inquam, ut ista conscripseram, quid mihi casu vel potius divino nutu nosse contigerit, non celabo. Senior quidam frater, qui jam triginta fere annis eremitica cellula usus fuerat, ad me venit, et soli visionem, quæ sibi acciderat, patefecit. Sæpe, inquit, magister, in te simultatis et iræ stimulum peruli, quia diem Sabbati tantopere ut jejunaretur instabas; interea concupivi Hierosolymam pergere; cumque hoc in dies desiderio ferventius æstuarem, dormienti mihi Dominica **840** nocte astitit in visione splendidus quidam clericus, et dixit: Frater Joannes, sic enim vocabatur, vis venire Hierosolymam? Cui cum velle me respondissem, protinus me illic per somnium duxit, multaque sanctorum sepulcra circumiens, quodque cujus esset specialiter designavit; tandem ad sepulcrum Domini eodem duce perveni, et ecce post sepulcrum stabat quidam clericus serena facie, et pulcher aspectu, cervicatenus stola candida decenter ornatus, qui dixit mihi: Tu nudius tertius vivificam crucem, hesternò quoque die sepulturam Dominicam, dum jejunasti, veraciter adorasti. Ex hoc, remoto omni scrupulo dubietatis, agnosce, quia et sexta feria crucem, et Sabbato sepulcrum Christi verissime celebras et adoras, si prædictos dies orando et psallendo jejunas. Quo videlicet instructus oraculo, et scandalum, quod adversum te, Pater, habueram, perdidisti, et deinceps Sabbatum non minori devotione, quam sextam feriam, si facultas suppetat, jejunavi. **D** [jejunabo]. Hæc mihi sanctus frater retulit, cum hæc quæ scribimus et tunc omnino nesciret, et adhuc prorsus ignoret. Hoc autem rescribere non piguit, ut si opusculum illud vobis occurrere non contingat, hoc saltem fraternitatis vestræ notitiam non evadat.

CAPUT IV.

Majorum negligentia exemplo etiam posteris nacet.

Cavendum est itaque, dilectissimi, ne nostro tempore sancta vita ista tepe scat, sensimque se imminuendo, quod absit, omnino deficiat. Novimus enim de magna olim et ardua vix jam tennes superesse reliquias; et sicut, quod a majoribus est omissum, non reparatur a nobis; ita quod apud nos per negligentiam deperit, nequaquam successorum nostro-

rum posteritas instaurabit, ut verum sit illud Horatii A
(Lib. iii. Carm., od. 6.).

Ætas parentum, pejor avis, tulit
Nos nequiores, mox daturos
Progeniem vitiosiore.

Sic utique rei erimus non modo nostræ negligentiae, sed et alienæ vitæ; dum et ipsi lacessendo deficiamus, et defectus causam posteris generamus. Nam cum eorum deses vita notabitur, ad nos præsto recurrent, nos sibi clypeum defensionis opponent; ut qui fuimus præcessores in vita, simus consequenter auctores in culpa. Neque enim meliores sumus, inquit, quam patres nostri; quod invenimus, arripimus; quod didicimus, hoc et tenemus. Sicque erimus alieni torporis apostoli, et non doctrinæ, sed oblivionis magistri; non duces ad victoriam, sed præcessores ad fugam. Mementote quod scriptum est: « Væ his qui perdidērunt sustinentiam (Eccli. ii). » Et: « Ego, inquit, dispono vobis, sicut disposuit mihi Pater meus regnum (Luc. xxi). » Quare? Non utique quia cœpisti, sed: « Vos estis, ait, qui permansistis mecum in tentationibus meis (Ibid.). » Quamobrem, dilectissimi, hoc ab ætate nostra præcidamus opprobrium; et virtutis insigne, quod a patribus nostris accepimus, illibatum et integrum fideliter in filios transfundamus. Si vita eremitica minuenda est, per alios incipiat minui; nec nos inveniamur in hujus 841 fraudis sacrilegio primi; ne cum patres nostri, hujus videlicet propositi fundatores, pervenient ad coronam, nos, ipsis accusantibus et acriter insistentibus, compellamur ultionis C subire sententiam. Nam cum illi beatorum martyrum sint imitati cum multo sudore certamina, nos de solis martyrum solemnibus disputamus; et qui non interfuimus præliis, de peractis gliscimus gaudere triumphis.

CAPUT V.

Quod vita nostra Sabbatum est ultimæ resurrectionis.

Tota plane vita ista quodammodo Sabbatum est illius ultimæ resurrectionis, et quasi profestum nunc, atque vigiliis colimus, ad quam suspiramus, solemnitalis æternæ. Sed qui ad nuptias properat, vel epulas cujuslibet magnæ festivitatis expectat, ad anticipandum præcedentis horæ jentaculum non anhelat. Nos ad illud refectionis æternæ nuptiale convivium invitati, festinare jam cœpimus; et adhuc molliter ac deliciose viventes, velut horam edendi 842 legitimam prævenimus. Quid prændenti cum tumulto? Quid epulis cum sepulcro? Si sepulturam Domini cum discipulis, non cum militibus custodimus, afferamus misturam myrrhæ et aloes (Joan. xix), non cacabos et lebetes. In illis siquidem amaritudo mentium, in istis autem sunt illecebriæ voluptatum. Ad sepulturam sane debemus pectora tundere, non dapibus ventres inflare; debemus mœsta lacrymis ora perfundere, non epotandis calicibus indulgere; non ingurgitari mero, sed potum cum fletibus temperare (Psal. ci). Nec tamen hæc inconsultius, et sic absque discretionem statuimus, ut humanitatem debilibus, et valetudinem laborantibus denegemus. Verumtamen sic sibi discretionem is qui infirmatur, indulgeat, ut salubrem consuetudinis regulam, cum convalescerit, non omittat. Sic ipse remissius vivat, ut is qui incolomis est, in continentia suæ nihilominus rigore permaneat. Non igitur, dilectissimi, graveur Sabbati servare jejuniū; ut dum nunc sub castigatione corporum Redemptori nostro consepelimur in morte, et ipsi resurgentes cum ipso postmodum epulemur in cœlestis gloriæ claritate (Rom. vi).

Sit nomen Domini benedictum.

843-844 OPUSCULUM QUINQUAGESIMUM QUINTUM.

DE CELEBRANDIS VIGILIIS.

ARGUMENTUM. — Monachos suos ad celebrandas octo festivitatum vigiliis, quas per indevolutionem et abusum a perisque suorum temporum negligi conqueritur, hac epistola adhortatur; cum rationes, quæ in contrarium facere videbantur, ab hominibus parum piis allatas, facile diluisset.

Sanctis fratribus in eremo constitutis, PETRUS D junia, quæ videlicet hactenus in antiqua progenitorum nostrorum traditione coluimus, nunc quibusdam,

Naturaliter autem hoc morbo humana laborat infirmitas, ut ex continentia rigore facile corruat; ad virtutum vero statum disciplinamque vivendi difficulter assurgat. Unde fit ut cum districtum quid pro Deo arripere nitimur, soli viam laboris necesse est, vix aliquo comitante, carpamus; quod si nos quantumlibet ad voluptatis fluxa remittimus, ultroneos præsto ad imitandum nos quamplures socios invenimus. Hoc, dilectissimi fratres, idcirco conquerimur, quia pleraque per annalem circulum veneranda je-

novas vel sectas introducentibus, passim negligi, et in prandiorum epulas mutata dolemus. Quæ nimirum hic enumerare otiosum esse non ducimus; ita ut etiam rationes singulorum, cur omitti non debeant, prout epistolæ compendium patitur, afferamus.

CAPUT PRIMUM.

Cur in vigiliis Assumptionis beatæ Virginis et B. Joannis Baptistæ natali jejunamus.

Age igitur, cur Assumptionis beatæ Mariæ semper

Virginis jejuniis non sunt celebrandæ vigiliæ? quam videlicet consuetudinem usque ad nos, imo usque nunc procul dubio novimus et antiquitus tenuisse? An quia Dei Genitrix ex hac vita per martyrium non transivit? Sed si hæc est ratio cur jejunari non debeat; ergo nativitas beati præcursoris Christi sine causa jejuni prævenitur, quando scilicet non hinc puer propheta migrasse per gladium, sed huc potius agnoscerit venisse per uterum. At si rei dignitas vigilanter inspicitur, idcirco utraque hæc festivitas digne præmissis est excipienda jejuniis; quia et B. Virgo molestiam carnis moriens pertulit, et B. Joannes per conditionem nascendi ex materni visceribus vagiendo ac plorando processit. Merito illis per jejunia pridiana compatimur, ut illucescentibus eorum solemnibus, communi cum eis lætitia perfruamur; ut mœrore simul cum illis afflicti, simul epulemur, etiam gaudio feriat. At fortasse dicitur, quia B. Virgo, quæ sine dolore vitæ auctorem edidit, dolorem moriendo non sensit? Sed quia auctoritate eam quæ divinetur in corpore non doluisse morientem, cujus animam pertransierit gladius adhuc etiam in carne manentem? (*Luc. 11.*) Præsertim cum et ipse mediator Dei et hominum moriturus dicat: « Tristis est anima mea usque ad mortem (*Matth. xxvi.*) » De quo et Petrus: « Quem Deus, inquit, suscitavit a mortuis, solutis doloribus inferni (*Marc. xiv; Act. 11.*) » Sed sive moriens dolorem non senserit, quod Deus utique potuit; sive senserit, quod permisit: unde, quæso, iste est prædicator epularum, et salutaris abstinentiæ inimicus, nisi ex eorum numero, de quibus Apostolus conqueritur, dicens: « Multi enim ambulat, quos sæpe dicebam vobis, nunc autem et flens dico, inimicos crucis Christi, quorum finis interitus, et quorum Deus venter est, et gloria in confusione ipsorum, qui terrena sapiunt (*Philipp. 111.*) » Moyses et Aaron mortis debita persolverent, mensurno [*f. menstruo*] dierum spatio sigillatim quisque ab Israëlita plebe deplangitur (*Num. xx; Deut. xxxiv.*) Defunctum quoque Jacob tota Ægyptus lugubri septuaginta dierum lamentatione prosequitur (*Gen. 1.*) Tu obeunti Genitrici Dei, uno saltem die, refugis compati, ut inter ejus solennia merito debeas gloriarī?

Porro de Nativitate Salvatoris non minus inhonestum quid et indecens agitur, cum in ejus vigiliis a nonnullis etsi tantum cœnetur, vino tamen et diversis coctionum apparatus indulgetur. Plane autem panis ille ad hoc de cœlo **845** descendit (*Joan. vi.*) ut jam communis cibus sit etiam hominum, qui eatenus specialis tantum fuerat angelorum; satis absurdum est, si refectione cœlitus erumpente divina, locum præsto non præbeant alimenta terrena. Et tunc vini sæculenti ingurgitatio mentium nares obtundit, cum jam odor cœlestis gratiæ melliflua suavitate respirat. Nam et amicum suum quisque, quem de longinquo venientem unice videre desiderat, non epulis vacans, sed alacriter jejunus expectat. Quamquam enim partus ille singularis doloris tædium

A omnino nescierit, partui tamen dolor familiariter est conjunctus, testante Veritate quæ ait: « Mulier cum parit tristitiam habet, quia venit hora ejus; cum autem pepererit puerum, jam non meminit pressuræ propter gaudium, quia natus est homo in mundum (*Joan. xvi.*) » Unde non immerito tota sancta Ecclesia, sicut morienti Christo commoritur, cum resurgente consurgit, cum cœlos ascendente conscendit; ita quodammodo cum beata ejus Genitrice patiente comparturit, simulque quasi parturiens in vigiliis mœret, ut puerperio salutis effuso cum ea simul in sancta Nativitate conjubilet, quatenus ad tante solemnitatis gloriam non modo spiritali tripudio mens gliscat, sed et ipsa caro quæ afflicta fuerat refrigerium sensura congaudeat, juxta illud B Prophetæ: « Sitivit in te, inquit, anima mea; quam multipliciter et caro mea! » (*Psal. lxxi.*)

CAPUT II.

Aliquorum abusus in mulcenda voce, ut melius cantant.

Nonnulli plane, quod prætereundum non est, spiritualis militiæ fratres sub hac occasione in prædictis vigiliis victitant, ut ad personandas ecclesiastici melodias officii robustius convalescant. Sed si non tam humanas quam divinas aures cupimus ex vocum nostrarum quantumlibet accurata suavitate mulcere, corporis nostri tympanum celsius intonabit siccum, quam liquore vini vel olei pinguedine delibutum. Meliusque est ut pro labore jejunii cantilena sævis sobrio discretionis moderamine temperetur, quam ut pro superstitionis canendi, sæcularibus a spirituali ordine dissolutionis præbeatur exemplum. Plane, cum tam longum Quadragesimæ spatium, quod a Patribus est præfixum, Nativitati Domini militare cognoscitur, mirum est quomodo tam præclara festivitas solo vigiliarum suarum honore privetur. Porro autem quomodo non erubescimus, quia, ut jam dictum est, nativitatem servi, beati videlicet Joannis Baptistæ, aquam bibendo præcurrimus; in vigiliis vero Dominicæ Nativitatis vina incontinententer olemus? Præsertim cum dies ille præ cunctis anni diebus, et æstivo caumate fervidus et spatio sit prolixus; iste vero et brevis sit et humectus. Et certe si vigiliarum placet instantia, liberius vigilemus abstemii, quam vini soporantis ebrietate gravati.

D Epiphaniarum quoque vigiliis ob magnitudinem solemnitatis, in qua videlicet tot in unum sacramenta concurrunt, dignum est jejunare: **846** licet ii, quibus aliter suaderi potest, non prohibeantur cum liquaminibus et vina percipere. Illic, ut arlitor, stomachabitur vite mollioris assertor, illic rugas contrahet fumantis edulii disputator, clamitans ut peregrina jejunia noviter introducere, quæ nulla Patrum valeam auctoritate firmare. Sed ut non cum eo lutum diutius teram, sed hinc me incunctanter expediam, dicat mihi cur beatus Gregorius in ordinatione missarum specialem hujus diei missam posuit, et vigiliarum Epiphaniæ nomine titulavit? Cur itaque vigiliis nominat, in quibus ciborum liberta-

tem censura jejunii non castigat? Et cum vigiliarum missæ semper hora nona ex ecclesiastica consuetudine celebrentur, ut nimirum ad subsequentis diei videantur solemnia pertinere; cur hæc vigiliarum missa dicatur, quæ hora tertia scilicet ante prandium celebrata, nequaquam sequenti diei militare conspiciatur? Perquirant igitur manducatores nostri totius annalis circuli singulos dies, et cum nusquam reperint vigilias dici, in quibus missæ debeant absque jejuniis celebrari, necessario fateantur, in vigiliis Epiphaniæ cum celebratione missarum, celebrandum quoque, remota omni dubietate, jejunium.

CAPUT III.

Cur in Sabbato ex beati Silvestri sententia jejunandum.

Præterea, de paschali quoque Sabbato quod Dominicæ resurrectionis gloriam antecedit, perspicua ratio est, quia districte debeat jejunari. Nam si auctori vitæ mortuo ac sepulto ut revera ejus membra compatimur, si in discipulorum collegio constituti una cum apostolis lamentamur, turpe est si nos pleno ructemus ferculo cum ille, quem flevimus, adhuc jaceat in sepulcro. Apostoli siquidem, Scriptura testante, tandiu mortuo Domino compatiuntur in luctu, quousque resurgens post triduum, novo lætificarentur aspectu (*Matth. xxviii; Marc. xvi; Luc. xxiv; Joan. xx*). Sed nos, ut ab hujus controversiæ molestia feriemur, advocatum ventris ad B. Silvestri testimonia definitiva transmittimus: ejus utique verbis si fides adhibetur, cuncta protinus inter nos jurgia conquiescunt. Silvestri siquidem verba sunt: Si omnis, inquit, dies Dominicus causa resurrectionis Domini tenetur et colitur, justum est ut omnis Sabbatorum dies causa sepulchræ jejunii suscipiatur instantia; ut flentes cum apostolis de morte Domini, gaudere cum eis de resurrectione mereamur. Et rursus: Si omnis Dominicus dies resurrectionis creditur gloria decoratus, omnis qui antecedit eum, dies Sabbati sepulchræ jejuniis mancipandus est, ut merito gaudeat de resurrectione, qui de morte ploraverit. Quibus profecto verbis, tam planis ac propter tardos multipliciter inculcatis, nihil a me adjiciendum aliud video, nisi hoc tantum: quia si sanctus ille vir propter illud unum Dominicæ sepulchræ Sabbatum, omnia totius anni Sabbata jejunio dicanda percenset; dum illud unum, quod principale est atque præcipuum, in epulas solvit, qualiter ab eo in reliqua, forma, vel exemplar abstinentiæ transferetur? **847** Constanter igitur asserendum est, quia sicut dies Parasceve sextas totius anni ferias districtioris censura præcedit, sicut Resurrectionis dies solemnitatis gloria reliquos dies Dominicos antecellit; ita quoque et Sabbatum, quod inter utrumque constitit, plusquam cætera Sabbata sub abstinentiæ rigore necesse est observari. Sicut enim Parasceve crucis dies doloris, sic et Sabbatum sepulchræ dies agnoscitur et mæroris. Quod si pro labore de longinquo ad baptismi lavacra concurrentium, vel diversorum debilitate fragilium eodem die apud quosdam usus inolevit aliquantulum indulgen-

tius vivere, spiritualibus hoc ferendum est, non sequendum; ne si tunc isti sumendis dapibus vacent, cum adhuc apostoli omnes plorant, ab eorum se cætu, quod absit, exsortes ostendant.

CAPUT IV.

Cur in vigilia resurrectionis Domini Gloria in excelsis Deo canatur.

Nec nobis objiciatur quod tunc in missarum solemnibus Gloria in excelsis Deo canitur: hoc quippe pro baptizandis agitur, ut nimirum illicescere jam resurrectionis gloria, in morte Domini baptizari videantur (*Rom. vi*); ideoque missa, quæ intra ipsum diem prohibetur, nocte celebrari præcipitur. Ut nimirum in quodam medullio, hinc mortis Christi, inde resurrectionis, generalis baptismi constituitur salutare mysterium. In baptismi siquidem sacramento, ad imitationem Christi et morimur et resurgimus. Morimur, dum in aquam mergimur; resurgimus, dum lavamur. Unde dicit Apostolus: « Quicunque baptizati sumus in Christo Jesu, in morte ipsius baptizati sumus. Consepuliti enim sumus cum illo per baptismum in morte, ut quomodo surrexit Christus per gloriam Patris, ita et nos in novitate vitæ ambulemus (*Rom. vi*). » Ad hoc plane in salutare lavacrum mergimur, ut peccatis omnibus moriamur; ad hoc erigimur, ut consurgentes Christo, soli justitiæ de cætero jam vivere debeamus, sicut idem dicit Apostolus: « Jesus Christus mortuus est propter delicta nostra, et resurrexit propter justificationem nostram (*Ibid.*). » Unde et eadem missa simul videtur esse quodammodo quadragesimalis atque paschalis; dum postquam alleluia canitur, mox etiam tractus, qui Quadragesimæ proprius est, adhibetur. Quod si Pascha omnino completum esse post missam, adversario pervicaciter adnitente, persistitur; nos in luctum non ultra protrahimur; hoc tamen pacto, ut esus carniuin laicis protinus invadatur. Nec enim causa est cur libertas paschalis cibi differatur in posterum, cum Pascha, sicut dicitur, sit omnino completum. Quod si ecclesiasticæ disciplinæ perspicue videtur adversum, fateatur necesse est adversarius, illum sepulchræ Dominicæ diem, non Pascha, sed Paschæ potius esse vigilias, ac per hoc ex vigiliarum saltem regula jejunio mancipandum.

848 CAPUT V.

Quod Sabbati jejunium cælesti visione celebratum est.

Mox ut ista conscriperam, quid mihi casu, vel potius divino nutu nosse contigerit, non celabo. Senior quidam frater, qui jam a triginta fere annis eremitica cellula usus fuerat, ad me venit, et soli visionem quæ sibi acciderat, patefecit. Sæpe, inquit, magister, in te simulantis et iræ stimulum pertuli, quia diem Sabbati tantopere ut jejunaretur instabas; interea concupivi Hierosolymam pergere, cumque hoc in dies desiderio ferventius æstuares, dormienti mihi Dominica nocte constitit in visione splendidus quidam clericus, et dixit: Frater Joannes, sic enim vocabatur, vis venire Hierosolymam? Cui cum velle me respondissem, protinus me illic per somnium

duxit, multaque sanctorum sepulcra circumiens, A quodque ejus esset specialiter designavit; tandem ad sepulcrum Domini eodem duce perveni, et ecce post sepulcrum stabat quidam clericus serena facie, et pulcher aspectu, cervicetenus stola candida decenter ornatus, qui dixit mihi: Tu nudius tertius vivificam crucem, hesterno quoque die sepulturam Dominicam, dum jejunasti, veraciter adorasti. Ex hoc, remoto omni scrupulo dubietatis, agnosce, quia et sexta feria crucem, et Sabbato sepulcrum Christi verissime celebras et adoras, si praedictos dies orando et psallendo jejunas. Quo videlicet instructus oraculo, et scandalum quod adversum te, Pater, habueram, perdi; et deinceps Sabbatum non minori devotione quam sextam feriam, si facultas suppetat, jejunavi [jejunabo]. Hæc mihi sanctus frater retulit, cum hæc quæ scribis et tunc omnino nesciret, et adhuc prorsus ignoret.

Enimvero de litanía majore turpiter a nonnullis, et manifestissime contra canonum sententias agit; quia in ea per occasionem beati Marci, ejus eodem die festivitatis est, non tenetur. Sed quia conspiratoribus ventris nostra prorsus assertio ludibrium dicitur, ut subterfugium desit, ipsa canonica auctoritas simpliciter inferatur. At enim Maguntiensis concilium (*cap. 5*): Placuit nobis, ut litanía major observanda sit a cunctis Christianis uno die, septimo Kalendas Maii, sicut in Romana Ecclesia constitutum reperimus; et sicut sancti Patres nostri constituerunt: non equitandum, non pretiosis vestibus induti; sed cinere aspersi et cilicio induti jejunemus, nisi C infirmitas impederit. At si cui adhuc ista auctoritas forte non sufficit, sufficiat sedes apostolica, sufficiat et ampla Roma, quæ hoc jejunium non modo decretalis paginæ promulgatione corroborat, sed et viva annuali veneratione conservat. Ubi notandum quia geminæ festivitati, sancti videlicet Marci, atque Pentecostes, intra cujus spatium sæpius dies conclusitur, jejunium sancti Patres prævalere sanxerunt; ita tamen ut ecclesiasticum nihiliominus officium solemniter impleatur.

Unde et illud gravior ferimus, quia plerique 849 fratres, dum jejunare in beatorum apostolorum Philippi et Jacobi vigiliis perhorrescunt, solemnitatem Pentecostes in excusationem suæ dissolutionis opponunt, dicentes non debere quemquam sub jejuniorum tunc censura constringi, cum tempus dietet paschalibus potius gaudiis epulari. Quibus succincte ac breviter ego respondeo quoniam, si sic inimica sunt invicem et festivitates Ecclesiæ et ecclesiasticæ jejunia disciplinæ, ut simul celebrari non possint, ergo nec litaníæ majores, quarum supra meminimus, neque tres illi Rogationum dies ante ascensionem Domini, nec vigiliæ Pentecostes poterunt jejunio mancipari. Et ne hoc parum videatur, etiam jejunium illud tollitur quod post adventum sancti Spiritus in eadem hebdomada fieri a sanctis Patribus concorditer est institutum. Et quia, sicut dicitur, cum solemnitate jejunium convenire non

potest, et apud quorundam examen sub festivitatis præsentia jejunium vires non habet, sed semper festivitas prævalet, auferantur igitur de octavis B. Joannis Baptistæ vigiliæ apostolorum Petri et Pauli; de octavis quoque Laurentii martyris vigiliæ B. Mariæ virginis eradantur; in Quadragesimæ etiam majoribus quibusque festivitatis refectio geminetur. Quod si hoc ecclesiasticæ regulæ non admittunt, et mundus, qui sub apostolicæ traditionis institutione jam senuit, neotericis nequaquam dogmatibus acquievit, fatendum est festivitates, nisi præcipue sint, non præjudicare jejunii, ut, suo cuique jure servato, et ecclesiasticum pro solemnitate peragatur officium et castigatio corporalis suum non deserat institutum. Unde constat quia quisquis duorum tam venerabilium apostolorum, Jacobi videlicet et Philippi, vigiliis jejunare detrectat, non ad hoc amore festivitatis inducitur, sed juxta rhetoricantis gulæ suæ consilium molliiter vivendi suavitate mulceatur.

CAPUT VI.

Quomodo B. Jacobus apostolus mortuus sit.

Præterea et beati Jacobi, qui frater est evangelistæ Joannis, plerique vigiliis parvipendunt, et irreverenter ac inconsiderate transiliunt. Et hoc ideo fortasse præsumitur, quia non suo tempore eadem festivitas celebratur. Sicut enim in Actibus apostolorum, Luca testante, didicimus, circa paschale tempus B. Jacobus ad Herode est interemptus. Nam cum præmisisset: « Quia occidit Herodes fratrem Joannis gladio; » paulo post intulit: « Erat autem dies Azymorum (*Act. xii*). » Circa idem vero tempus B. Petrus ante a vinculis absolutus, quo iste Jacobus paulo ante Herodiano fuerat gladio detruncatus. Et quia intra festa paschalia utraque festivitas absolute ac libere celebrari non poterat, in aliud necessario tempus ex antiquorum Patrum est discretionem translata. Quod si propter hoc solemnissimus ille dies vigiliarum suarum debet honore privari, ergo nec ipsa festivitas debet coli. At si festivitas hæc apostolica pro necessitate paschali in tempus aliud digne transponitur, 850 dignum quippe est ut suæ etiam vigiliæ inseparabiliter comitentur. Absoluta siquidem est auctoritas canonum, quæ generaliter præcipit omnes apostolorum vigiliis celebrari. Quod si adversarius adhuc in suæ allegationis instantia pervicax invenitur, illud etiam inferam quia, si propterea festivitas illa, quoniam mutatur tempore, jure suo privatur honore, ergo nec paschalis magna solemnitas honoranda jam erit, quæ videlicet non fixam temporis certitudinem, sed plenilunii potius sequitur rationem. Ecclesiastica siquidem fides habet, quia octavo Kalendas Aprilis Redemptor noster est crucifixus, quo videlicet die et in virginali utero fuerat ante conceptus. Quod si hanc temporis rationem sequi volumus, sexto Kalendas ejusdem mensis per singulos annos resurrectionem Dominicam necesse est celebremus. Quod profecto ideo non fit, quia dignum est quartam decimam lunam cum Azymitarum prius Pascha transmittere, ut ad novum Pascha

valeamus sicut ex umbra legis ad veritatis gratiam pervenire.

CAPUT VII:

Cur B. Joannis Baptistæ Decollatio vigiliam non habeat.

Eant ergo sanctorum vigiliarum hostes et jejuniorum venerabilium destructores, ac dogmatizent paschali solemnitati reverentiam non servandam, ut, quoniam variatur tempore, devotione fidelium et assueti cultus careat dignitate, et quod de Pascha male senserint, consequenter et de Ascensione, ac Pentecoste necessario fateantur. Quod si nobis objecerint, Decollationem sancti Joannis idcirco non habere vigiliam, quia de tempore passionis Domini, quo videlicet S. Baptista peremptus est, in Augustum mensem ex more transfertur, respondemus non propter mutationem festivitatis hoc fieri, sed quoniam cum vigiliis sanctam nativitatem ejus exceperimus, ne popularis gravetur infirmitas, in ejusdem decollatione sola unius diei solemnitate contenti sumus.

Postremo de beati quoque Bartholomæi vigiliis, quas nonnulli jam violare paulatim incipiunt, non diversa sententia est. Quo nimirum die aliquando abbas quidam, non infimis comitantibus viris, de longinquis finibus ad nos in eremo degentes pransus et cœnaturus advenit; alia vero die, festivitatis scilicet apostolicæ, rogatus, ut digressurus jentaculum caperet, renuit nullisque precibus acquievit. Sed, o digna restituens divina sententia! sive in cœnobium sanctimonialium, quod tunc visitavit, sive apud aliquem sæcularium ad quoscunque trans-

misit, per totam diem illam ne vini quidem vestigium potuit invenire, sicque divina dispensatione coactus est jejunii debitum in ipsa festivitate persolvere, ejus non timuit vigiliam contra ecclesiasticæ institutionis regulam temerare; et, ut ita loquar, luit in festo quod deliquerat in profesto.

Hæc igitur, dilectissimi, de octo vigiliis examusim suo tempore celebrandis sanctitati vestræ illimato stylo conscripta direximus, et **851** ut vos ad ea corrigenda quæ nunc insolenter emergunt viriliter accingamini, ut revera Christi milites, adhortamur. Teneatur itaque per vos ecclesiasticæ genium disciplinæ, paternæ traditionis norma permaneat, religionis status a sua dignitate non corruat, vigor ecclesiasticus non mollescat. Enimvero non ambigo scripturam hanc, si in eorum manus venerit, quibus sunt perosa jejunia, turpiter conspuendam. Ab his scilicet, quibus tumet uncta cutis atque nitidula, qui sobrietati dum infoderabiles pugnas inferunt, rubentia pingues ora **852** flammescunt. Mihi autem nullius amore, vel odio rectum licet occultare quod sentio; et qui Julianum Cæsarem octo adversus Evangelium Christi scripsisse volumina non ignoro, ab his etiam qui evangelicæ sunt disciplinæ contrarii, scriptunculam meam verbis mordacibus lacerari nullatenus erubesco. Dicant enim illi cum antiquis obsonatoribus suis: « Manducemus et bibamus, cras enim moriemur (*Isa. xxi*); » et nos cum servis Christi respondeamus: « Jejunemus et sacras vigiliam celebremus, ut in festivitate cœlesti sine fine victuri feliciter epulemur. »

Sit nomen Domini benedictum.

853-854 OPUSCULUM QUINQUAGESIMUM SEXTUM.

DE FLUXA MUNDI GLORIA ET SÆCULI DESPECTIONE.

ARGUMENTUM. — Agnetem imperatricem Romam non superbo apparatu, sed cultu infra privatæ femine personam dejecto ingredientem, ad præsepe Christi Domini visendum, reginæ Sabe comparat, quæ regiam Salomonis magnificentissime ingressa est. Eandem præterea laudat quod regales pompas mirifice contempserit. Deinde exemplo Romanorum regum ac externorum fluxas esse mundi dignitates et multis calamitatibus obnoxias aperte demonstrat. Acriter reprehendit eos qui nobilitate et divitiis gloriantur, cum mortalium omnium idem sit ortus atque occasus.

Scuto bonæ voluntatis Dei coronatæ AGNETI imperatrici, PETRUS peccator monachus servitatem.

CAPUT PRIMUM.

Agnetis imperatricis cum regina Saba comparatio.

Regina Saba venit in Hierusalem audire sapientiam Salomonis (*III Reg. x; II Paral. ix*); imperatrix Agnes Romam adiit addiscere stultitiam Piscatoris. Nam sicut Paulus ait: « Quia non cognovit mundus per sapientiam Deum, placuit Deo per stultitiam prædicationis salvos facere credentes (*I Cor. i*). » Illa, sicut sacra testatur Hystoria, ingressa est cum multo comitatu et divitiis, camelis quoque portantibus aromata, et aurum infinitum nimis et gemmas pre-

tiosas; ista vero cum Hermisinde cognata sua, non dispari sancti Spiritus fervore succensa, tanquam Maria Magdalena cum altera Maria veniunt ad sepulcrum (*Matth. xxviii; Marc. xvi; Luc. xxiv; Joan. xx*), non ut pedes ejus fluentis irrigent lacrymarum. Non enim jam quaerunt viventem cum mortuis, sed adorantes tenent vestigia resurgentis. Carnalis plane Salomon reginæ Sabe questionum nodos et mysteria reseravit enigmatum; nostra vero regina nil sibi solvi proposuit, nisi suorum vincula peccatorum. Salomon namque, qui fuit figura Christi et quadam velut imago, sive prophetia, personam nostri Salva-

toris expressit. De illo quippe dicitur « quia locutus est tria millia parabolarum, et fuerunt carmina illius quinque millia; » ubi præsto subjungitur : quia « disputavit etiam super lignis, a cedro, quæ est in Libano usque ad hyssopum, quæ egreditur de pariete, et disseruit de jumentis, et de volueribus, et reptilibus et piscibus (*III Reg. iv.*) » Quæ scilicet Redemptori nostro non ambigit cuncta congruere, cui vacat hæc diligent! consideratione tractare. Ipse nimirum tria millia parabolarum est locutus, qui et mystica Patrum præcedentium facta, et per allegorica prophetarum oracula, vel etiam per coruscantis Evangelii documenta, dum sub velamine pene cuncta disseruit, quasi tria millia in verbis suis parabolarum numeravit. Unde et in Evangelio Matthæus ait : « Hæc omnia locutus est Jesus in parabolis ad turbas, et sine parabolis non loquebatur eis (*Matth. xiii.*) » Cujus etiam carmina quinque millia sunt, quia chorus virginum, quæ sub quinario numero describuntur, ante thronum ejus, sicut Joannes in Apocalypsi dicit (*Apoc. xiv.*) canticum novum jugiter modulatur; vel quia quinque sunt vulnera Domini corporis, quibus per universum orbem triumphalis ejus victoria prædicatur, sub eodem numero carmina supputantur, sub quo tenentur et vulnera, per quæ victoria singularis laudis æternæ gloriam promeretur. Unde cum in Canticis dicitur : « Surge, amica mea, sponsa mea, et veni, columba mea, in foraminibus petrae, et in caverna maceræ; » proptinus additur : « Ostende mihi faciem tuam, sonet vox tua in auribus meis, quia vox tua dulcis (*Cant. n.*) » Sane quia non hæc exacte tractamus, sed succincte celementerque transcurramus, sufficit dicere quia cum petra sit Christus, foramina petrae procul **855** dubio sunt Domini corporis cicatrices. Sed cum post hujus petrae foramina dulcis vox sponsæ in sponsi auribus sonare præcipitur; quid aliud quam quinque vulneribus sub eodem quinario numero carmina laudum reddere pia quelibet anima, vel sancta universalis Ecclesia commonetur, ut ejusdem quodammodo numeri carmina referat, quot pro se suscepta vulnera non ignorat; illique cunctos sui corporis sensus dedit, quem totidem pro se sauciatur vulneribus videt? Quinque nimirum nostrorum sensuum vulnera, illis quinque Domini corporis cicatricibus sunt sanata. Quod autem Salomon super lignis a cedro, quæ est in Libano, usque ad hyssopum, quæ egreditur de pariete, disputasse dicitur, hic necessario ad spirituales remittitur intellectum, cum nullatenus stare valeat superficies litterarum. Hyssopus enim nequaquam de parietibus egredi, sed de saxosis cernitur montibus germinare. Paries itaque noster ipsa mortalitatis nostræ conditio est, quæ nos a contemplatione conditoris, velut abdita domus obstaculum dividit, et in ima proclivis declinare compellit. « Corpus enim quod corruptum, aggravat animam, et deprimit terrena inhabitatio sensum multa cogitantem (*Sap. ix.*) » Ex hoc ergo pariete hyssopus egreditur, quia de fragilitate nostræ mortalitatis erumpit, quod semper necesse est ferro pœ-

nitentiæ resecari. Hyssopo nimirum purificantur intima viscerum, per quam non incongrue designatur confessio peccatorum.

CAPUT II.

Christi et Salomonis sapientia comparatur.

Disputavit igitur noster Salomon super lignis, hominibus videlicet intra germinantibus Ecclesiæ nemora radicatis a cedro, quæ est in Libano, usque ad hyssopum, quæ egreditur de pariete, id est ab ipsis eminentibus sanctis nitore justitiæ candidatis usque ad peccatores et lapsos atque a penitentiae dummodo lamenta conversos. Hinc est quod sequitur : « Disseruit et de jumentis, » sanctorum scilicet adiutoribus, catholicis viris, « et de volueribus, » hominibus nimirum per sancta desideria ad superna suspensis; « et de reptilibus et piscibus, » hoc est de his qui peccus concupiscentiæ per terram trahunt, et qui per sæcularium negotiorum fluentia vagantur. Dicitur etiam quod præcedebat sapientiæ Salomonis sapientiam omnium Orientalium et Ægyptiorum, quia nimirum Redemptor noster superat intellectum et angelorum et hominum. Habebat ille quadraginta millia præsepia equorum currilium et duodecim millia equestrium. Quid per quaternarium numerum, nisi quadriga præstruitur evangelistarum? Et quid per duodenarium, nisi senatus exprimitur apostolorum? Per doctrinam quippe evangelicam et apostolicam vectatur Dominus per universam latitudinem orbis terrarum. « Currus enim Dei decem millibus multiplex, millia letantium, Dominus in eis, in Sina in sancto (*Psal. lxxvii.*) » Nam quia Sina *mandatum* interpretatur, constat in eis tantummodo vectari Dominum, ubi sit celestium observatio mandatorum.

Notandum autem quia sicut regnum David, **856** qui tot pressuris attritus. Dominum designat in mortalis adhuc vitæ stadio laborantem, sic Salomonis istius incomparabilis gloria præfiguratur eundem Dominum post mundi finem in paterni culminis maiestate regnantem. Unde illic dicitur quia non erat argentum, nec ullius pretii putabatur in diebus Salomonis. Quod nimirum quomodo juxta litteram stabit, ut credi valeat tempore Salomonis argentum vel penitus non fuisse, ac per hoc omnino de terra delictum, vel nullius perexilis saltem pretii constituisse? Nam si nullius erat pretii, sicut dicitur, ergo mille talenta argenti ne unus quidem poterunt ergo appendio supputari. Quod sane credi, quam frivolum, quam videatur ineptum, ipse revincit textus, et ordo verborum, qui postquam præmittit : « Non erat argentum, nec ullius pretii putabatur in diebus Salomonis; » præsto subjungit : « quia classis regis per mare cum classe Iiram semel per tres annos ibant Tharsis, deferens inde aurum et argentum (*III Reg. x.*) » Cur enim per tot marina discrimina metallum hoc classis illa deferret, quod pretium penitus non haberet? Et paulo post dicitur quia « offerebantur ei vasa aurea et argentea (*Ibid.*) » Deinde subinfertur quia « egrediebatur quadriga ex Ægypto sexcentis siclis argenti, et equis centum quinquaginta

(III Reg. x.) » Non ergo pretio carebat argentum, A puram sacco et manus quæ in modum columbæ [columnæ] gestare consueverat sceptrum, atrita jam erat portare psalterium. Revera, quia, « omnis gloria filie regum ab intus (Psal. xlii) : » vernantium decor ille gemmarum, et coruscantium auro vestium cultus, jam ad interiora migraverant, et in occultis speculatoris obtutibus interior sponsæ species relucebat. Cui sponsus : « Tota, inquit, pulchra es, amica mea, et macula non est in te (Cant. iv). » Et iterum : « Pulchra es, amica mea, suavis et decora (Cant. vi). » Delicatum porro cervicem illam, ex qua cum bracteolis aureis et rutilantibus margaritis dudum murena pendebat, nunc margo lævæ vestis exasperat. Unde ministri cœlestis illius sponsi tibi blandiuntur et dicunt : « Murenulas aureas faciemus tibi vermiculatas argento (Cant. i). » Et sponsus adhuc : « Coronaberis, inquit, de capite Amanæ, de vertice Sanir et Hermon, de cubilibus leonum, de montibus pardorum (Cant. iv). » Amanæ siquidem mons Ciliciæ dicitur, qui et Taurus a compluribus appellatur. Sanir et Hermon terræ Juliciæ montes sunt, in quibus leones et pardi habitare creduntur.

CAPUT III.

Amovet objectionem.

Sed forte quis asserat Scripturæ verba nos ad nostrum intellectum violententer inflectere; et quod Salomon de se videtur asserere, ad Salvatorem perhibeat specialiter per omnia pertinere. Dicat itaque hujus objectionis assertor qua Salomoni valeat ratione competere quod quasi de se dicit : « Deus enim dedit mihi horum quæ sunt scientiam veram ut sciam dispositionem orbis terrarum et virtutes elementorum, initium et consummationem et mediocritatem temporum, vicissitudinum permutationes et commutationes hominum, anni cursus et stellarum dispositiones, naturas animalium et iras bestiarum, vim ventorum et cogitationes hominum, et quæcumque sunt absconsa et improvisa didici (Sap. vii). » Nam ut de cæteris interim sileamus, quomodo nosse potuit hominum cogitationes, cum ipse Deo alibi dicat : « Tu solus nosti corda omnium filiorum hominum ? » (III Reg. viii.) Sed quis et absconsa omnia et

857 improvisa didicit, nisi Redemptor noster, in cujus pectore sunt omnes thesauri sapientiæ et scientiæ absconditi? (Col. ii.) Qui profecto per humanitatem didicit quod per divinitatem naturaliter novit.

Ad hunc ergo Salomonem tu nuper, o regina, venisti, non ut illa Sabæorum, in corribus, equitibus et elephantis, sed in lacrymis potius, gemitibus et lamentis. Tu ergo veraciter es regina Saba. Saba siquidem interpretatur humilis, vel campestris. Et bene campestris. In campum quippe certaminis descendisti, ut manus manibus conseras; et pro castris Christi stans, non enerviter cum hoste configas. Venisti, inquam, non ut anigmatum tibi mysteria scrupulosa dissolveret; sed ut per simplicis clavicularii sui ministerium regni cœlestis aditum reseraret. Venisti humilis ad humilem, pauper ad pauperem; et quasi cum perornatis et incultis gregum pastoribus adorare venisti puerum in præsepio vagientem (Luc. ii). Vidisse nempe tunc te, et quæ circa te, mirandum valde spectaculum, et imitandum Salvatoris erat ædificationis exemplum. Vestis enim pulla et lævæ. Is cui insidebas, non dicam equus, sed potius burno, vel burricus, vix mensuram desidii excedebat aselli. Mutaveras enim coronam vel, pur-

B ciemus tibi vermiculatas argento (Cant. i). » Et sponsus adhuc : « Coronaberis, inquit, de capite Amanæ, de vertice Sanir et Hermon, de cubilibus leonum, de montibus pardorum (Cant. iv). » Amanæ siquidem mons Ciliciæ dicitur, qui et Taurus a compluribus appellatur. Sanir et Hermon terræ Juliciæ montes sunt, in quibus leones et pardi habitare creduntur.

CAPUT IV.

Quod per bona exempla coronæ gloriæ nobis cumulatur.

Per hos ergo montes, reges et principes diversæque mundi hujus intelligendæ sunt potestates, quæ velut montes sese in superbiæ culmen attollunt, et malignis spiritibus tanquam pardis atque leonibus habitaculum ferunt. De his tu ergo montibus coronaberis, quia quotquot mundi principes ac potentes ad Deum per tuum convertuntur exemplum, pro his omnibus æternæ gloriæ tibi cumulabitur præmium; eris quoque non modo coronata, sed et ipsa corona, propheta attestante, qui 858 ait : « Et eris corona gloriæ in manu Domini, et diadema regni in manu Dei tui (Isa. lxi). »

Amisisti, regina, virum post quem dedignata es thalamos iterare, vel proci cujuslibet fœdus admittere, nisi qui priorem virum excellentioris gloriæ dignitate transcenderet. Quid igitur faceres? Vir ille tuus imperator exstitit, regiæ dignitatis apicem tenuit, et quod in hominibus singulare est, Romani imperii monarchiam dispensavit. Quia igitur in tantæ celsitudinis arce præminuit, eo superior quispian in humano genere reperiri non potuit. Quæ ergo in terris idoneum et qui tuis placeret oculis invenire non poteris virum, in cœlestis sponsi provolasti violentem amplexus. Violenter inquam : « Regnum quippe cœlorum vim patitur, et violenti diripiunt illud (Matth. xi). » O beata ista superbia, o beata mentis elatio, et omnibus digna præconiis, quæ dum carnalis thalami jura contempsit, in dotalium regis æterni gloriosa transivit. Carnalis plane vir virginitatis arcana corrumpit, sponsus autem ille cœlestis eas etiam quæ sibi violatas associat, in virginale decus illico sine difficultate reformat, ut nimirum contracti squaloris inquinamenta deponat, et velut

aridae prius arbusculæ denuo comantes in pristini decoris gratiam revirescant. Porro autem cum carnali viro nuptura exornatur, mox apud affines et notos undique pecunia quæsitæ congeritur, et quidquid valet acquiri, sæculis illico, vel obsignandis capsilibus infarcitur, ut quo magis ad virum nulli onerata deproperat et eo gloriosius appareat, et ille propensius in ejus amore sedulus infervescat. Tu contra, ut nuptialia cum cœlesti sponso fœdera contrahas, regalibus ærarij congeriem prodigis, radiantia quæque cum auro vel argento margarita dispergis; aulæa tua blattina, vel potius deaurata, templorum laquearibus appenduntur, ornamenta regalia sacris famulantur altaribus. Nullis, ut ita fatear, parcitur rebus, et hoc solum indigentibus, vel Ecclesiis non confertur quod extra tui juris peculium reperitur; cuncta projicis, cuncta dilapidas, ut ad sponsi cœlestis amplexus exonerata prorsus, imo nuda pervenias.

CAPUT V.

Bona magnorum virorum et mulierum exempla quantum valeant.

Hæc autem non propter te, venerabilis imperatrix, edissero, quam et his verbis potius offendere pertimesco, sed ob id potius, ut dum tuæ virtutis insigne utcumque depromitur, non parva legentibus ædificatio procuretur. Ubi enim tanta sublimitas pro sui conditoris amore, ad pavimentum usque deicitur, quæ cervix superbix protinus a sui rigoris erecta tentigine non flectatur? Quæ tumidæ cujuslibet mentis inflatio præsto non folleat, cum tantæ gloriæ principem nunc velut despiciabile mancipium cernat? Quis præterea rerum transeuntium pertimescat inopiam, cum spontaneam videat in ea muliere pauperiem, quam tot utique regnis paulo ante conspexerat imperantem? Aut quis inculti habitus injuriam **859** perhorrescat, cum aureo subtegmini, et regalibus pompis a regia majestate vile stamen prælatum esse considerat?

Veniam ad mensam et ad famelicam, ut ita loquar, epularum affluentium ubertatem. Quale, rogo, est congestam ante te struem lancum et rendentium carum epulas per mensas circumquaque transmittere, et carnum ne ipsam quidem pinguedinem aliquatenus degustare? contrectare manibus dapes, et eas in ore non sapere? imo ipsum panem, vel quælibet incultioris apparatus edulia cum timore summotenus ligurire? Unde mihi sæpe conquesta es, eatenus edendi te non posse cohibere pruinigenam, ut ex his quæ apposita cerneres, non aliquid tibi quandoque immoderatus indulgeres. Hinc sæpius lacrymæ, hinc gemitus, hinc et profunda suspiria. Lugebas enim quia quantavis disciplinæ cautela, cujuslibet distinctionis instantia naturam funditus superare non posses. Sed, sicut et tunc forte non tacui, jejunium tuum, regina, multiplex est. Nos enim aliquando jejunamus a cibis, sed tu jejunas a purpura, jeunas a corona atque a tot et tam magnificis imperialis gloriæ pompis. His enim abstinere, non imme-

A rito jejunium nuncupatur, quibus utique mei s quæque carnalis delectabiliter pascitur. Nam si simplex aqua a Davide projecta, Scriptura teste, in sacrificium vertitur (*II Reg. xxi*); tot rerum honorumque contemptus quantam apud Deum gloriam promeretur? O quam gravis est, quamque laudabilis abstinencia, assuetam juvenulam a virili jejunare complexu! nunquid et hoc grave jejunium non est, ut quæ consueveras istos in honorum culmen attollere, illos insolenter usa dignitate privare, nunc reclus contenta domesticis, aspectus hominum fugias; et in orationis ac psalmodiæ sedula modulatione persistas? Nam quia fueras olim Susanna cum viro (*Dan. xiii*), merito nunc facta es Anna post virum (*I Reg. i*); et quia tunc conjugalem pudicitiam immaculate servaveras, nunc cum filia Phannuel, quod *templum Dei* dicitur, in ecclesia jugiter perseveras (*Luc. ii*). Hinc est quod a me per venerabilem Rainaldum Cumanum episcopum, requisisti utrum liceret homini inter ipsum debiti naturalis egerium [ipsam egeriem], aliquid ruminare psalmodiarum. Ad quod ego, quod ad tempus occurrebat, exposui, quoniam et sanctum Job Deus omnipotens visitavit in sterquilino constitutum (*Job xx, xxxvii*), et beata martyr Agnes, ejus et tu æquivoca es, in obsoletis et sordidis lupanarium locis angelum simul et angelicum reperit indumentum. Nam et Apostolus ubique nos præcipit orare, cum dicit: « Volo ergo viros orare in omni loco, levantes puras manus sine ira et disceptatione (*I Tim. ii*), » quam hæc magis eo loci versanda sunt in cordes quam sint explicanda sermone. Hoc ego, quamquam silentio dignum fuerit et nequaquam per multorum ora vulgandum, idcirco dixerim, ut liquido legentibus innotescat quantus sancto pectori tuo divini amoris ardor incandescat, ut ne ad breve quidem punctum a divinis obticere laudibus acquiescat. Quid ad hæc dicent qui de ecclesia non oratorium sed locutorium, et non oraculum, sed conciliabulum faciunt, ac per hoc in ea domo sæcularia verba permiscant, **860** quæ duntaxat ob hoc constructa dignoscitur, ut in ea prorsus a negotiis sæcularis actione vacetur?

Sed ut hi qui ad apostolorum limina confluant, sanctæ devotionis tuæ salubriter imitentur exemplum, sub arcana quoque B. Petri confessione ante sacrum altare me sedere fecisti, ac per lugubres gemitus et amara suspiria ab ipsa quinquennis infantie tenera adhuc, et nuper ablactata levitate corpisti; et tanquam illic ipse B. Apostolus corporalis præderet, quidquid subtile vel minutum in humanitatis tuæ potuit titillare visceribus, quidquid in cogitationibus vanum, quidquid præterea subrepere potuit in sermone superfluum, fidelibus est relationibus evolutum. Ad quod mihi visum est, ut nil aliud confidenti penitentiae pondus injungerem, nisi ut illud divinæ legationis elogium iterarem: Age quod agis; operare quod operaris. Vel illud quod his qui Thiatyræ erant per angelum mittitur: « Non mittam

super vos alius pondus; tantum id quod habetis, tenete (*Apoc. ii*). » Nam, Deo teste, ne unum quidem diem jejunii, vel cujuslibet afflictionis indidi, sed ut in cœptis solummodo sanctis perseverares operibus imperavi.

CAPUT VI.

Qua animi puritate sanctorum reliquæ venerandæ.

Et utinam a quibusdam homicidis, vel diversorum criminum reis, illi gemitus, illi fletus in confessione prorumperent, sic tabescentes et acerrimo dolore transfixæ mentis spiritus fremeret, sic male sibi conscia pectora singulirent, sicut illic plangebant vel inanium phantasmata cogitationum, vel quarumlibet periculum ineptiæ levitatum. Hoc provocentur exemplo, qui ad veneranda sanctorum corpora pia devotione festinant. Illic itaque proprii reatus morbos, quasi noxios humores et ægritudines evomant, hi qui per conatus puræ confessionis egestius penitentia salutis ardidotum sumant. Illic baptismum penitentia statuant, in quem per iudicium officii sacerdotalis immersi, vetusti hominis indumenta deponant jamque novi de veteribus vivant. Tu autem, domina mea, nam quia te Redemptoris mei sponsam esse non ambigo, meam te vocare dominam nullatenus erubesco, domina, inquam, mea, fige pedem in radice perseverantiæ, et in amorem illius, ad quem per manus sacerdotum et pauperum quotidie cuncta transmittis, medullitus inflammare, ut illud tibi jure contingat quod in lege præcipitur, videlicet ut qui captam in bello mulierem forte diligere et eamque suscipere voluisset uxorem, prius ejus cæsariem raderet unguesque præcideret, ac vestem, in qua capta erat, auferret (*Deut. xxi*); sique ad ingenuitatem Israelitidis ex more prosilientem jure sibi matrimonii copularet. Jam igitur ungues tui cum cæsarie cœpere præcidi; jam vestis qua tegebaris, auferri: quia quidquid in tui cultus ornatus pulchrum, quidquid in facultatibus pretiosum, te velut ambire, vel comere in exterioribus cernitur, **361** in pietatis opera quotidie profigatur. Restat ergo ad intimam sponsi tui jam pervenire dulcedinem, et suavissimam illam confederati spiritus unitatem: « Qui enim adhæret Domino, unus cum eo spiritus est (*I Cor. vi*). » videlicet, ut ille divini amoris sapor tuis visceribus influat, illa suavitatis intimæ flamma tui pectoris arcana succendat, quam et miser mundus et mens quæque carnalis ignorat, ut illud Canticorum ardentem exclames: « Guttur dilecti mei suavissimum, et totus desiderabilis (*Cant. v*). » et ille tibi vicissitudine grata respondet: « Favus distillans labia tua, sponsa; mel et lac sub lingua tua, et odor vestimentorum tuorum, sicut odor thuris (*Cant. iv*). » Nec turberis si qua te fortassis adversitas feriat, ob id enim fit, ut internus ille dispositor ad hanc te dulcedinem trahat. Nam et mater cum ab lactare vult filium, aliquando fel uberibus adhibet, ut dum aspernat ille quod horret, compellatur ad alimentum se transferre quod roborat. Israeliticum quoque populum idcirco rex

A Ægypti percellere ac lacerare permittitur (*Exod. v*), ut ad reprimissionis arva contendere festinantius provocetur.

CAPUT VII.

Exempla regum ac ducum, qui mundi felicitatem infelicissimo exitu perdidērunt.

Porro ut de te sileam, quæ talione vicaria et odisti mundum et perosa jam exploderis mundo, nunquid et ipsis regibus, a quibus mundus iste diligitur et quibus captiosa fraude blanditur, non quantocius in amaritudinem vertitur ut nimirum hodie, qui ex hostibus victoria signa reportet, triumphalis cum gloria pompa præcedat, et cras illum ignobiliter terga vertentem, hostilis mucro transfodiat? Baltassar nempe ipso die quo vasa templi Domini jam temulentus concubinarum labiis fedare præsumpsit, Medorum gladiis, Dario victoriam obtinente, subjacuit (*Dan. v*). Galba Romanus imperator quatuor tantummodo mensibus imperavit, et in Romæ foro gladio percussus occubuit. Taceo Neronem, prætereo Ottonem, quos a semetipsis interfectos Romanæ reipublicæ testantur historiae. Nonne Vitellius interemptus est a cubibus Vespasiani? Nonne et Pertinax occisus est a militibus prætorianis? Macrinus, Antoninus, Alexander, Philippus, Gallienus, nonne cuncti hi imperatores militaris impetus gladios pertulerunt? Domitianus prætereā suorum conjuratione confossus est. Probus [Charus], dum castra supra Tigridem haberet, celesti fulmine repente peremptus est. Sed qui vult plenius nosse, seriatim Romanæ antiquitatis percurrat historias, ibique liquide videbit quam pauci reipublicæ principes communi morte defecerint. Nam et Gordianus, et Philippus, Decius, Gallus, Volusianus, Gallienus, Quinctilius, Aurelianus, Numerianus, Licinius, Constans, Constantinus Junior, Julianus Apostata, Valens, Gratianus, Valentinianus Junior, Joannes, Valentinianus tertius, Majorianus, Anthemius, Nepos, omnes isti Romani imperii rectores, nonne vel in otio **362** seditiosa suorum sunt fraude necati, vel in prociuctu hostilibus perierunt gladiis interempti? Sed et quibusdam quid profuit quod eorum in hoc sæculo prolixius annosa vita duravit? Nam, ut infinita præteream, Valerianus imperator in Mesopotamia cum Sapore, Persarum rege, prælium commisit et perdidit; quem ille protinus captum irrevocabilis custodiae vinculis mancipavit; quoniam nimirum, sicut tradit historia, ignobili apud Parthos servitute consenuit; et quoad vixit, huic probrosæ addictus est poenæ, ut ejusdem provinciae rex, incurvato eo, pedem cervicibus ejus imprimeret et sic in equum arrogantia timidus assiliret. Quis est enim, cui se fortuna non transferat, et modo de adversis in prospera, modo de prosperis in adversa scenica se varietate convertat? Quanta plane gloria, quantus suorum favor arrisit Annibaldi, cum apud Cannas Paulum Æmilium cum tot Romanorum militum agminibus stravisset? cum denique tres aureorum annulorum modios, quos equitum Romanorum, senatorum et militum detraherat mani-

Ius, Carthaginiem destinavit? Plurimas etiam Italiae A sibi civitates subdidit, adeo ut jam Romani cives Italiam relinquere deerevissent, et statum labentis imperii succedus desperarent. Sed quam in contrarium successus iste conversus est, cum Mago frater ejus a Scipione apud Carthaginiem Hispaniae capitur, Asdrubalis alterius fratris caput mucrone desectum ante ipsius Annibalis castra projicitur, ipse deinceps post inevasibile fugae periculum, ut veneno se perimat imminente necessitate compellitur? Quam in contrarium versa est et illius eximii fortuna Pompeii, qui post tot triumphos clarasque victorias, quas diverso terrarum orbe confecit, postquam viginti duos reges in solo orientali climate superavit, villis Achillae gladio detruncatus occubuit? Caesar etiam, quem victoriae cupidum totus occiduus orbis B satiari non poterat, cui velut quidam contradictionis obex, ut ita loquar, importunus et arrogans Oceanus obsistebat, cujus ora flammantia innumerebilia strages gentium non complebant, senatores intra curiam gladios pertulit, a quibus utique viginti duabus plagis confossus interiiit.

CAPUT VIII.

Exempla mulierum, quarum gaudia mors occupavit.

Nunquid et mulieres ab hujus mundanae deceptionis rotali vertigine reperiuntur immunes? Cleopatra nempe magnifice toti dominabatur Aegypto, quod videlicet regnum centum millia villarum includere perhibetur. Huc accessit quod Antonius, qui Orienti simul imperabat et Asiae, Octavianus Augusti sororem repudio sprexit, et hanc sibi infastis auspiciis in matrimonium copulavit. Verum ad quem finem tam gloriosi tamque magnifici conjuges pervenerunt? Antonius siquidem ab Augusto apud Actium navali praelio superatus in Aegyptum fugit, ibique desperatis rebus ipse sibi mortem propria deliberatione conscivit. Sed et Cleopatra postmodum, non dissimili necessitate 863 coacta, in pretiosum viri sui sepulcrum se sponte projecit, aspidemque propriis uberibus adhibens, dum et illa sanguinem sugeret, et haec in se venena contraheret, expiravit. Semiramis etiam post obitum viri sui, quot strages dederit, quot sibi regna subdidit, quo denique sine defecerit liquido veterum testantur annales. Cum ergo fallax hujus mundi felicitas tot mundi calamitatibus sit obnoxia, cum potentia temporalis tot casibus varianda subjaceat, et rerum ordo sese velut scenicae vertiginis aternitate confundat, quis sanæ mentis a rebus tam frivolis tamque fugacibus animum non avertat? Nam ut et ipsa, quæ tibi sunt notissima, non præteream, cum quanta gloria papa Victor, et vir tuus imperator Henricus, uterque vir sanctæ memorie, tunc erant et ætate virentes et dignitate florentes, cum luna serenissimo terram fulgore perfundens, eclipsin passa, repente contabuit, et rutili splendoris speculum ignobili, non dicam pallore, sed obscuritate mutavit. Quod profecto, sicut in proximo patuit, nihil aliud quam vicinum utriusque principis interitum præsignavit. Nam co-

dem anno uterque defunctus est. Quod autem postmodum, ante hoc ferme biennium, luna in sanguinem versa est, quia sanguis peccata significat: « Libera me, inquit David, de sanguinibus, Deus (Psalm. 1), » in quantum mihi videtur, nil aliud nisi sanctam significavit Ecclesiam, Cadaloici sceleris sanguine cruentandam. Cadalous enim millies anathematizatus, dum pro venaliter acquirenda Romana Ecclesia infinitas per populos pecunias spargit, corda hominum per avaritiam in æris speciem velut in sanguinem vertit. Sicque dum pestilentes homines metalli hujus non desinunt habere rubedinem, splendor Ecclesiae quodammodo vertitur in cruorem. Cor enim quod cupid ejus ante Dei oculos speciem induit. Sed hæc alias.

CAPUT IX.

Quod idem sit omnium mortalium initium ac finis.

Ut igitur ad id unde digressus sum redeam, omnes homines, sive potentes, sive sint inopes, eandem sortiuntur originem, nec dissimilem habitum sunt finem. Inter hos autem duos limites est quædam vitæ diversitas, ut alii se gloriantur esse spectabiles, alii se doleant indigentes. Sed hæc humanæ vitæ varietas, momentanea temporum brevitate concluditur, ut et elati quique diutius de sua prosperitate non gaudeant, et inglorii suæ dejectionis incommodum festinanter evadant. Quod est ergo principium nostrum et qui finis, quæ, sicut dictum est, variare non possumus; sed omnes in commune C mortales hæc indifferenter possidemus? Sed audi sapientem virum in libro 864 Sapientiæ perhibentem: « Sum, inquit, et ego mortalis homo, similis hominibus, et ex genere terreno illius qui prior factus est, et in ventre matris figuratus sum caro, decem mensium tempore coagulatus sum in sanguine ex semine hominis, et delectamento somnii convalescentis, et ego natus accepi communem aerem, et in similiter factam decidi terram, et primam vocem similem omnibus emisi plorans, in involutem nutritus sum et curis magnis (Sap. vii). » Nemo enim ex regibus aliud habuit nativitatis initium. Ubi et protinus additur: « Unus ergo introitus est omnibus ad vitam, et similis exitus (Ibid.). » Si ergo unus, quod dicitur, ad vitam introitus et similis exitus diligenter attenditur, varietas illa quæ versatur in medio, necesse est ut tanquam volax fugacis somnii vanitas contemnatur. Hoc etiam quod præmissum est: « Decem mensium tempore coagulatus sum in sanguine, ex semine hominis, et delectamento somnii convenientis; si non pigeat vigilantem advertere, quæ mens hæc audiens, typho valeat arrogantie superbiere? Et quis continuo non compellatur sese nosse putredinem, dum tam obscuram ortus sui considerat fedditatem? dicens intra se: « Quid superbis, terra et cinis? (Eccl. x). » Quod etiam post exitum tuum, futurum est primo vermis, deinde pulvis. Erubescat ergo cordis elati superbia, et qui se considerat inter ortum et obitum

communī cum cæteris naturæ lege constringi, desinat de sublimioris gloriæ singularitate jactari.

CAPUT X.

Ad perseverantiam exhortando perorat.

Tu autem, venerabilis domina, quæ e cœno terrenæ superbix ad sublime veræ humilitatis fastigium conscendisti, ita constanter in ejus arce persiste; sic in eam, quam per spem semel ingressa es, terra viventium, perseverantiæ pedem immobiliter fige, ut in sæcularis viæ lubricum non libeat ulterius declinare. Nam quæ dudum terreni fueras uxor imperatoris, nunc per sanctæ professionis dotem sponsa facta es Redemptoris. Sic igitur ei te in vera cordis humilitate substerne, sic illi glutino fervidæ

A charitatis unire, ut cum mystica illa sponsa congruenti valeas voce cantare: « Inveni quem diligit anima mea, tenui eum, nec dimittam (*Cant. II*). » et illud: « Dilectus meus inter ubera mea commorabitur (*Ibid. I*). » Ut quoniam cor hominis inter ubera situm latitat, continuus sponsi tui amor a cordis tui visceribus non recedat; et cui nunc sancta anima tuo in amore conjungitur, nequaquam de cætero a dulcedinis ejus complexibus evellatur, quatenus illud in te Isaïæ vaticinium solemniter impleatur: « Gaudebit sponsus super sponsam, et gaudebit super te Deus tuus (*Isa. LXII*). »

Sit nomen Domini benedictum.

865-866 OPUSCULUM QUINQUAGESIMUM SEPTIMUM.

DE PRINCIPIS OFFICIO IN COERCITIONE IMPROBORUM, ADDITA-ALIA EJUSDEM ARGUMENTI DISSERTATIONE.

ARGUMENTUM. — Ejusdem Gothifredi ducis lenitatem in puniendis criminibus reprehendit, ostenditque quantum nimia benignitate principum in populos damni redundet. Augeri profecto, non reprimi improborum audaciam; resque humanas susque deque misceri, nisi peccata paribus poenis coerceantur.

GOTHIFREDO excellentissimo duci, PETRUS peccator monachus salutem in Domino.

Qui pigmentata quotidie bibit, ac melle condita, aliquando longa dulcedine gustus ejus offenditur, et in austeritate vilis vappæ jucundius delectatur. Et certe per Salomonem dicitur, quia: « Qui mel multum comedit, non est ei bonum. » Inter adipati quoque juris edulia videntes herbæ fastidium reprimunt, et nauseantis ad vomitum peccatoris arcana componunt. Tu sane, vir eminentissime, quodammodo multa quotidie percipis, et nectareo sapore conspersa, dum tibi unusquisque ad votum loquitur, nec aliud quidquam suggerere nititur, nisi quod tuis auribus blandiatur. Quidquid tibi plane dicendum est, prius accurate componitur, et quasi fabrilis instrumenti studio cuditur, ac politur: videlicet quidquid illud est, substrata potius humilitas suggerat, quam libera loquentis auctoritas dicat. Et o infelix, et deceptionis semper obnoxium mundanæ fastigium dignitatis! quia cum cæteris dicant homines illa quæ sentiunt; potentibus sæculi fucati sermonis argumenta componunt; et eos qui se aliis exhibent puros, divites compelluntur semper habere suspectos. Dum ergo mundani quilibet homines excellentiæ tuæ pocula tantummodo mellita propinant, id enim solummodo suggerunt, quod tibi placitum esse perpendunt, inter dulces quotidianæ assentationis illecebras non debet molestie ferri meorum amaritudo sermonum, tanquam inter suaves epulas aliquando placet agrestium viror herbarum.

CAPUT PRIMUM.

Quod justitiæ rigor regna conservet.

Quod ergo vivis tibi sæpe sermonibus pretuli, hoc

B nunc per epistolam replico. Fateor sane, multum mihi displicet, quia monarchiam hanc, in qua pene centum millia degunt hominum, tanquam rusticum quemdam viculum negligis; eamque duci, per quem regi et administrari debeat, non committis. Ex omnibus quippe, quibus nunc per regiminis officium præmines, districto judici ratiocinium debes; et quanto nunc gloriosius est in obtinenda dignitate fastigium, tanto durius erit in reddenda ratione judicium. Transfer ergo pondus in alterum, ut quod propriis non potes cervicibus ferre, per alium valeas, communicato labore, portare.

Illu! etiam mihi non mediocriter displicet, quia in plectendis flagitiis et temerariis iniquorum hominum ausibus coercendis, remissior cerneris esse quam debeas; et dum peccatoribus parcis, augere peccata convincis. Enervato quippe rigore justitiæ, status everitur disciplina; et dum ultioris severitatis censura reprimitur, temeraria delinquendi licentia relaxatur. Inordinata sane pietas nutrit impietatem; et timida manus medici, vulnus auget ægroti. Facit enim exuberare putredinem, dum non secando, sed palpando quotidie superducit vulnuscule cicatricem. Pharmacopola denique, qui mollihus unguentis non permiscet acridinem, tumöribus exsiccandis nullam potest adhibere virtutem. Non omnia membra Ecclesiæ uno funguntur officio. Aliud nempe sacerdoti, aliud competit judici. Ille siquidem visceribus debet pietatis **867** affluere, et in maternæ misericordiæ gremio sub exuberantibus doctrinæ semper uberibus filios confovere. Istius autem officium est, ut reos puniat, et ex eorum manibus eripiat innocentes; ut vigorem rectitudinis et justitiæ

teneat, et a zelo sanctionum legalium non tepescat; A
ut ab æquitatis linea non declinet; ut legitimi vigoris
genium non enervet. Meminerit etiam semper quod
per Apostolum dicitur: « Vis non timere potestatem?
fac bonum, et habebis laudem ex illa. Dei enim
minister est tibi in bonum. Si autem malum feceris,
time, non enim sine causa gladium portat (*Rom.
xiii.*). » In quibus utique verbis [datur, *vel aliquid
simile*] intelligi, aliud esse gladium principis, aliud
infalum sacerdotis. Non enim ad hoc præcingeris
gladio, ut violentorum mala debeas palpare, vel un-
gere; sed ut ea studeas vibrati mucronis ictibus
obtruncare. Hinc est quod sequitur: « Dei enim
minister est vindex in iram ei, qui male agit
(*Ibid.*). »

CAPUT II.

*Quod iudex, qui male agentes non punit, diaboli
minister est.*

Si ergo Dei minister est, qui mala facientes in
iram vindicat; diaboli procul dubio minister est, qui
criminosos ac reprobos suaviter palpat. Et sicut Deo
præbet obsequium qui perversos ulciscitur; sic mi-
nister est adversarii, qui perpetrantibus iniqua blan-
ditur. Necesse est, ut contrahat mucro rubiginem,
qui semper in theca reconditus, nunquam exercet
ultionem. Scaber ensis efficitur, qui dum cohibetur
semper a vulnere, non limatur. Quo contra, per
Ezechielem dicitur: « Gladius exacutus est et lima-
tus; ut cædat victimas, exacutus est; ut splendeat,
limatus est (*Ezech. xxi.*). » Distat plane tribunal
iudicis a cathedra sacerdotis. Ille nimirum ad hoc
gladium portat, ut eum in ultione iniuste viventium
exerat: iste baculo tantum contentus est innocentiae,
ut quietus et placidus teneat custodiam disciplinæ.
Quamquam et sacerdos si immoderate circa sub-
jectos pietate resolvitur, et ipse sententia divini furo-
ris non immerito condemnatur. Nam sacerdos erat
Heli, de quo dictum est ad Samuelem: « Eo quod
noverat indigne agere filios suos, et non corripuerit
eos, idcirco iuravi domui Heli quod non expietur
iniquitas domus ejus victimis et muneribus, usque in
æternum (*I Reg. iii.*). » Errat ergo iudex, si causas at-
que negotia jurgantium dirimere negligat; maximam
diei partem missarum solemnibus, et orationibus in-
sistendo consumat. Sed ecce illic dicitur, quia nec
ipsius quidem sacerdotis iniquitas expiari poterit
victimis et muneribus usque in æternum, eo quod
Heli vitia non coercuerit filiorum.

CAPUT III.

Quod iniquos castigare est Deo sacrificium.

Et perpende quale est, quod victimæ simul ac
munera, quæ peccata principaliter abluunt, habitam
erga subjectos negligentiam expiare non possunt.
Multi nempe falsæ pietatis **868** errore decepti,
unde se Deo placere insipienter autumant, inde ad-
versus eum crudeliter pugnant; et ex eo merentur
iram, unde se adepturos opinati sunt gratiam; et
dum aliis veniam falsæ pietatis impertiunt, ipsi mo-

tum divinæ indignationis incurrunt. Vir namque de
filiis prophetarum dixit ad socium, ut se perceret: ut
quem quoniam ille ferire contempsit, protinus a
leone percussus interiiit (*III Reg. xx.*). Placere se
Deo de pietate sua arbitratus est Achab, cum Bena-
dab regem Syriæ non modo vocavit fratrem, sed et
in curru proprio sibi dignatus est assessorem. Sed
audi quid indiscreta pietas mereatur audire: « Quia
dimisisti, inquit Dominus, virum dignum morte de
manu tua, erit anima tua pro anima ejus, et populus
tuus pro populo ejus (*Ibid.*). » Saul Agag regem
Amalech non occidit, sed captum peracta victoria
conservavit, et pro hac misericordia digne remun-
eratus audit: « Pro eo quod abjecisti sermonem
Domini, abjecit te Dominus, ne sis rex (*I Reg. xv.*). »
B Pius exstitit populus erga mulieres Madianitarum,
sed ait illis Moyses: « Cur feminas reservastis? Ergo
cunctos interfecisti, quidquid generis est masculini,
etiam parvulos; et mulieres, quæ novcrunt viros in
coitu, jugulate (*Num. xxxi.*). » Idem quoque Moyses,
postquam fabricatus esset vitulus in Oreb, ait filiis
Levi: « Occidat unusquisque fratrem, et amicum, et
proximum suum (*Exod. xxxii.*). » Et postquam viginti
tria millia hominum cæsa sunt, ait: « Consecrastis
hodie manus vestras Domino, unusquisque in filio et
fratre suo, ut detur vobis benedictio (*Ibid.*). » Ama-
lecites ille, qui gloriatur se peremisse Saul, dum se
non galeam, sed diadema de capite bellantis abstu-
lisse confingit, gladio David percussus, occubuit
(*I Reg. i.*). Interfectores etiam Isboseth, dum caput
illius, quæ loco muneris offerunt David, gladium non
evadunt (*II Reg. iv.*); et quem speraverant muneri
gratias redhibentem, commissi potius homicidii ex-
periantur ultorem. Petrus etiam Ananias et Saphi-
ræ mendacium non inultum abire permisit (*Act. v.*);
sed eos oris gladio feriens, aliorum ne simile quid
forte præsumerent, corda perterrituit. Paulus quoque,
dum excessibus coercere discipulos nititur, virga
delinquentibus comminatur (*I Cor. iv.*). Salvator
etiam noster, qui tanquam mitis agnus apparuit,
mox ut Petro cæli terræque jura commisit, pro-
tinus eum dura redargutione corripuit: « Vade,
inquit, post me, Satana, scandalum es mihi; quia
non sapis quæ Dei sunt: sed ea, quæ hominum
(*Matth. xvi; Marc. viii.*). » Quid est ergo quod sancti
D viri toties in delinquentes reperiuntur inveci, vel
correctione verborum, vel ultionibus operum, nisi,
ut manifeste clarescat, quia in hac mortalitate recte
non vivitur, si blandis ac mollibus asperitas non mi-
scetur? Nam ubi penitus disciplina postponitur, ubi
districta legitimi vigoris censura reprimatur, necesse
est ut prona semper ad malum fragilitatis humane
conditio ad illicita relaxetur. Et in eum procul dubio
tota subjectorum culpa redundat, qui eos, ne præci-
pitanter excederent, sub disciplinæ loro cohibere de-
buerat. Inordinata nempe pietas principis, quid est
aliud, quam confusio plebis? Nam dum ille a mode-
randa regiminis habena reprimatur, subjecti quique,
velut effrenes equi, per abrupta raptantur. Agere nunci-

rum licet omne **869** quodlibet, et nunc liquido cernitur quod sæpe dictum in libro Judicum reperitur: « In diebus illis non erat rex in Israel, sed unusquisque quod sibi rectum videbatur agebat (*Judic. xyn*). » Et illud quod tempore Achab impiissimi regis dictum est per Michæam: « Non habent Dominum isti; revertatur igitur unusquisque in domum suam in pace (*III Reg. xxii*). » De tempore quoque Saul dicitur: « Quia retusæ erant acies vomerum, et ligonum, et tridentium et securium usque ad stimulum corrigendum (*I Reg. xiii*). » Retusæ quippe sunt acies utensilium, cum zelus ac fervor extinguitur magistrorum, nec stimulus est, qui pungat, cum deest qui delinquentium peccata corripiat. Hunc pungentem se Paulus stimulum sentire cœperat, cum vox illi divina dicebat: « Durum est tibi contra stimulum calcitrare (*Act. ix*). »

CAPUT IV.

Quod regum consiliarii non solum pii, sed etiam prudentes esse debent.

Enimvero quod dicturus sum non mihi stylus historiæ tradidit, sed comes Ubaldus, vir videlicet disertus ac prudens, nudo duntaxat sermone narravit. Theodosius, inquit, imperator cum religioso quodam eremita consueverat habere colloquium, cujus videlicet obtemperabat imperator imperiis, et conscientiæ sibi latentis arcana pandebat. Servus itaque Dei, ut erat simplex, purus ac mundanæ propemodum pravitatis ignarus, Augustum districtè permonuit ut erga delinquentes pius existeret, ut a reorum ultionibus abstineret, et qui sibi deposceret a superno iudice veniam, ipse non exigeret a fratre vindictam, nimirum cum ipse iudex dicat: « In qua mensura mensi fueritis, eadem remetietur vobis (*Matth. vi*). » Imperator itaque fidem sancti viri monitis adhibens, cœpit flagitiosos et quibusque nocentibus impune commissa remittere, sacrilegis ac lege plectendis venialiter indulgere, cunctis etiam aliena jura temere pervadentibus debita relaxare. Ad hæc regni proceres conqueruntur, regalis mysterii [ministerii] tractatores ruinam mundi periclitantis expostulant, et per fas ac nefas cuncta confundi, nisi per æquitatem justitiæ rebus humanis celerius occurratur, affirmant. Lamentantur denique per superstitiones hujus ac frivole pietatis ignaviæ passim rapinas ac violentias fieri, legum scita dissolvi et ad audenda plectibilia quæque vel noxia perversorum nequitiis hominum per concessæ libertatis audaciam concitari. Hæc imperator querula suggestionē permotus, ad hominem Dei veredarium destinat, consilium flagitat, quid sibi a murmurantibus objicit exponit, quid potissimum sit ipse factururus inquiri. Hæc vir Dei solerti examinatione discutiens mutandamque sui consilii sententiam recognoscens, ore quidem siluit, quadam vero mystici operis significatione respondit. Aspiciente siquidem pragmatica legationis bajulo, caput undique pexuit, et quidquid in gremium demolitum est vel effusum, in ignem sine mora projecit; moxque corripiciens

A sarculum, ingreditur hortulum, quæque noxia demolitur, steriles herbas extirpat, circumcirca sariens, **870** virentia excolit et communit. oluscula. Illas igitur eradicat, ut radicibus evulsis arescant; istas vero fovet et excolit, ut per adulti germinis incrementa proficiant. His itaque mystica significatione peractis, in eadem silentii censura persistens, innuit nuntio ut ad suum dominum redeat, eique quæ viderat per ordinem innoscescat. Qui nimirum non sine quadam animi stomachantis indignatione reversus, murmurare cœpit, et conqueri, quia non missus esset ad sani capitis hominem, sed ad vesanum potius, ac dementem: Sperabam, inquit, ut decurrentibus me verbis instrueret, et juxta inquisitionis meæ seriem, per apertæ responsionis alloquium ex omnibus informaret. Ille autem velut alienatæ mentis ac furiosus, modo incultam capitis cæsariem pectere; modo correpto per hortulum suum cœpit ligone sarrire; tanquam ego lendes ejus pedunculos magnipenderem, vel ruralis industriæ magisterium flagitarem. Tunc imperator, quod dicebatur diligenter auscultans, et altiori consilio quod factum fuerat, mente pertractans, ait hoc non esse ridiculum, sed mysterium; atque id sibi quod quæsierat evidentibus indicis indubitanter expressum: Servus, inquit, Dei nobis melius agendo quam loquendo respondit, et genuino suæ operationis oraculo, nodum unius nostræ quæstionis absolvit.

CAPUT V.

Principis officium quodnam sit.

Quid enim apertius eo, quod verticem pexuit, et mox in ignem detersa projecit? ac si diceret: Per multimodæ divisionis pectinem, hoc est per legitimæ discussionis ac discretionis examen, et noxia quæque dispereant, et quæ bona sunt abjectis malis purificata remaneant. Eandem porro sententiam per hortuli quoque voluit iterare culturam, ut sicut ille noxias cum suis cespitibus herbas evulsit, bonum autem olus, ut uberius germinaret, excoluit; ita nos, quasi per discretum libratæ justitiæ sarculum, et elaboremus reprobos radicibus extirpare, et bonos ut Deo fructificent in tranquilla pace componere. Hoc illi qui aderant audientes, quod velut anilium nugarum deputaverant ante ridiculum, venerari cœperunt, et revera spiritualis ac profundæ sapientiæ sacramentum. Tunc imperator, hoc tanquam propheticò confirmatus oraculo, violentias injuste viventium cepit ulcisci, reatus ac scelera districta jurisdictionis animadversione percutere, a nefariis ausibus improbos cohibere, et per auctoritatem imperialis potentie perversorum corda terrificans, in pace cuncta componere. Sic itaque mundus, qui perire cœperat per ignaviæ, ad æquitatis atque justitiæ refloruit disciplinam. Hoc autem ego, non ut constanter verum fuisse perhibeam, retuli; sed quod mihi cursorio sermone relatatum est, in quantum non intercepto oblivio, prælibavi. Verumtamen nunquam hoc usque ad nos

antiquitas, fama vulgante, transmitteret, si non ad A
ædificationis exemplum prodesse posteris credi-
disset.

871 Vix plane quinquennio ante meæ nativitat
exortum, humanis rebus exemptus est tertius Otto,
qui imperialis apicis dignitate pollucibiliter floruit,
et Romanam rempublicam strenue gubernavit. Hic
itaque cum vicennialis adolescentiæ vix adhuc ex-
cessisset ætatem, inter insignia multa et præclara
quæ gessit tribus regni proceribus atque comitibus
oculos eruit, Rodulpho videlicet, Raimundo et Ari-
mundo. In quo nimirum conspicuo decore justitiæ,
sic omnium aliena diripientium viscera tremefecit,
sic totum regnum in securitatis et pacis tranquilli-
tate composuit, ut omnes fere intra compendii sui
limitem se formidolose reprimere, nec juris prop-
rii terminos per insolentiam transilirent. Unde per
ora populi hæc se præconii fama diffuderat; in evul-
sione sex oculorum unum pacatum est regnum. Tres
facti sunt cæci, et omni populo quietis optatæ
lumen infulsit. Tu quoque, vir magnifice, sancto-
rum tibi principum, et legalia jura servantium
exempla propone; noxiæ pietatis imaginem a te
procul exclude, et erga populum, qui tibi commis-
sus est, satage semper justitiam custodire. Scriptum
est enim: « Beati qui custodiunt judicium, et faci-
unt justitiam in omni tempore (Psal. cv). » Et
Salomon: « Diligite, inquit, justitiam, qui judicatis
terram (Sap. 1). » Sic ergo rectitudinis zelo semper
accensus, incede nunc per justitiæ transitum, ut non
judicandus, sed remunerandus, ad ipsum quando-
que justitiæ revertaris auctorem.

ALIA DISSERTATIO.

DE EODEM PRINCIPIS OFFICIO IN IMIIS COERCENDIS.

ARGUMENTUM. — Nimiam mansuetudinem et lenita-
tem fugiendam eidem Gothifredo inculcat, admo-
nens illum, videat etiam atque etiam, ne dum
paucis sceleratis parcit, bonos omnes perdat. Ut
hoc ei facilius persuadeat, exemplum Hugonis
ducis, qui ante illum totius fere Italiæ gubernacula
administraverat, adducit, ejusque severitatem col-
laudat.

GOTHFREDO præcellentissimo marchioni, PETRUS
peccator monachus salutem.

Sæpe nuntius post nuntium mittitur, ut res, quæ
nimis est necessaria, importunis saltem precibus in-
petretur. Nam et evangelicus ille iudex extra Evan-
gelium vivens (Luc. xviii), qui non Deum, non ho-
minem reverebatur, tædio tandem et indefessa
mulieris instantia victus agnoscitur. Tu vero, quem
et inter homines pudor honestæ vitæ spectabilem et
apud Deum castus reddit timor insignem, petitioni-
bus meis repulsam non debes ingerere, quem utique
non adversarium conquerentem, sed tibi potius
aspicis utilia suggerentem. Scripsi tibi nuper episto-
lam de servando rigore justitiæ, quam nunc **872**
apicibus quidem gemino, sed a proposita semel ma-
teria non recedo.

CAPUT PRIMUM.

Quod justitiæ rigor bonis ac malis utilis est.

Tene igitur, vir eminentissime, stateram æqui-
libraminis, examen intra trutinam cohabe, pariles
legalium sectionum lances præ oculis semper ap-
pende. Sed hic forte illud Salomonis objicies: « Noli
esse nimium justus (Eccl. vii). » Et ego tibi econtra
respondeo: Noli esse nimium pius. Sicut enim sub
immoderata justitia pusillanimitas frangitur, ita sub
pietate nimia male liber animus ad insolentiam pro-
caciter effrenatur. Nunquid enim illic indiscreta
pietas non prohibetur: « Percute filium tuum virga,
et liberabis animam ejus a morte? » (Prov. xxiii.) Et
iterum: « Qui parcit virge, odit filium suum (Prov.
xiii). » Et alibi: « Qui diligit filium suum, assiduat
illi flagella (Eccl. xxx). » Et idem: « Equus indo-
mitus evadit durus, et filius remissus evadit præceps.
Lacta filium tuum, et paventem te faciet; lude cum
eo, et contristabit te. Non corrideas illi, ne doleas,
et in novissimo obstupescant dentes tui (Ibid.). » Si
ergo pater disciplinam et flagellum debet unico filio,
quanto magis princeps populo, ne tanta effrenatæ
libertatis audacia pereat multitudo? Unde scriptum
est: « Rex insipiens perdet populum suum, et civi-
tates inhabitabuntur per sensum prudentum (Eccl.
x). » Ut ergo populus, qui tibi subjectus est, ex justi
regiminis observatione salvetur, necesse est ut ipse
in tribunali examine constitutus, quæ sunt justa de-
cernas; et eos insuper quos per provincias dirigis, ut
legis edicta districte prosequantur, instituas. Unde
vir sapiens cum præmisisset: « Iudex sapiens judica-
bit populum suum, et principatus sensati stabilis
erit; » protinus addidit: « Secundum iudicem populi,
sic et ministri ejus; et qualis est rector civitatis, ta-
les et inhabitantes in ea (Ibid.). » Quidplane sanctius?
Quid Deo charius? Quid certe in Christiana religione
præstantius, quam judicare justitiam, et illicitis
ausibus per legitimi rigoris occurrere disciplinam?
In quo nimirum et nocentibus præstatetur et patienti-
bus. Illis scilicet, ut violentiæ piaculum non incur-
runt; istis autem, ut discrimen ingerendæ calamita-
tis evadant. Illis, ut contenti propriis, aliena non
rapiant; istis, ut defensi puræ tuitionis umbraculo,
propria non amittant. Illis, ne lædendo proximos,
divini furoris in se gladium provocent; istis, ut a
nefandorum nequitia liberati, gratias semper agen-
tes, in júbilo divinæ laudis exsultent. Quod utique
suavius sacrificium Deo valet offerri, quam de vio-
lentorum manibus pupillos eripere, viduas defen-
sare, oppressos erigere, spoliatos et abjectos in
amissos proprii juris titulos reformare? Hinc enim
scriptum est: « In iudicando esto pupillis misericors,
ut pater, et pro viro matri illorum; et eris tu velut
filius Altissimi obediens, et miserebitur tui magis,
quam mater (Eccl. iv). » Quid ergo majus? Quid in hu-
manis operibus excellentius, quam id, pro quo mortalis
homo et Dei filius fiat: et Deus **873** illi non pa-
ternæ, sed quod majus est, viscera maternæ pietatis
impendat? Ut qui stans pro pupillis et viduis advar-

sus impiorum nequitiis dimicat, ipse tanquam lacteola soboles sub confoventibus se divina pietatis uberibus requiescat.

CAPUT II.

Sacræ Scripturæ, ac SS. Patrum de plectendis iniquis concors sententia.

In ulciscendis plane ac legali severitate plectendis excessibus iniquorum, omnes sibimet unanimiter concinunt, et in unius sententiæ decreta concurrunt, et Patres videlicet legis antiquæ, et sancti doctores Ecclesiæ. In lege namque scriptum est : « Maleficos ne patiaris vivere (Exod. xxii). » Et Apostolus inter multa : « Sive regi quasi præcellenti, sive ducibus tanquam ab eo missis ad vindictam malefactorum, laudem vero bonorum (1 Petr. ii). » Beatus Augustinus ait : « Quæ est vanitas uni parcere, et omnes in discrimen adducere? Polluantur enim omnes, uno peccante. » Et Hieronymus : « Qui percutit malos, inquit, in eo quod mali sunt, et habet causam interfectionis, ut percutiat pessimos, minister Dei est. » Item alibi : « Homicidas et sacrilegos punire, non est effusio sanguinis. » Et beatus ait Ambrosius : « Hostem ferire victoria est, reum æquitas, innocentem homicidium. » Quod profecto sancti de inferenda impiis ultione non dicerent, nisi corporale supplicium etiam animabus eorum aliquatenus crederent profuturum. De quo nimirum, omissis interrim aliis, quid Cyrillus Hierosolymitanus episcopus senserit, breviter inseramus : « Mors, inquit, quæ pœnæ causa inferitur pro peccato, purgatio est peccati ipsius, pro quo jubetur inferri. » Absolvitur ergo peccatum per pœnam mortis; nec superest aliquid, quod pro hoc crimine iudicii dies, et pœna æterni ignis inveniat. Ubi quis accipit peccatum, et habet illud secum, nec aliquo supplicio pœnæ diluitur, transit etiam cum eo post mortem, et quia temporalia hic non persolvit, expendet æterna supplicia. Vides ergo quanto gravius sit accipere peccatum, quam morte multari? Ille enim mors pro vindicta datur et apud justum iudicem non iudicatur bis in idipsum. Ubi autem non est solum vindicta peccatum, manet æternis ignibus extinguendum. Quibus utique sancti viri verbis indubitanter assertur, quia per temporalem pœnam reus absolvitur et per immunitatem æterni supplicii cruciatibus reservatur.

CAPUT III.

Hugonis ducis Tusciæ prudentia in renuntiando ducatu.

Ut autem domesticum tibi, vel, ut ita loquar, vernaculum præbeamus exemplum, nemo melius occurrat, quam gloriosæ memoriæ Hugo dux et marchio, qui eum, quo tu nunc fingeris, obtinuit principatum. Obtinuit, inquam, utramque monarchiam [f. marchiam], et quam Tyrrenum videlicet, et quam mare Adriaticum alluit. Sed cum pendere, quia 874 propter improbitatem injuste viventium, strenue regere utramque non posset, ultionæ renuntiationis arbitrio, cessit imperatori monarchiam Camie-

rini cum Spoletano ducatu; juri vero proprio Tusciam reservavit. Hujus tempore Capuanus princeps, si rite rem teneo, dum manibus chirothecæ vellet adducere, hi qui adversus eum conspiraverant, ei protinus quasi subservientes, occurrunt, manus ejus utrasque complodunt; et mox evaginatis gladiis, eum confodientes, interimunt. Quod mox, ut incomparabilium virtutum viro, Hugoni videlicet marchioni, qui dictus est, patenter innouit, nil moratus Capuanam urbem numerosis exercituum legionibus circumfudit : eamque tandiu bellicis armatorum copiis expugnare non destitit, donec ex ea victoriam caperet et interfectores domini sui digno necis supplicio trucidaret. De quo nimirum et alia tota virtutum insignia referuntur, ut prolixitate temporum splendida nominis ejus fama aboleri nullatenus valeat; sed quasi virens semper ac florens, in ore hominum solemniter vivat. E quibus et nos scribere nonnulla possumus, quæ forent edificationi procerum profutura; sed quia dum nobis dicerentur, singula gestorum verba notare negleximus, ne quod absit, aliquo fallamur in verbo, scribenda hæc aliis delegamus. Breve tamen, quod audiui de puerili ejus ætate, non taceo. Obertus [Uberty, et Albertus etiam] marchio pater ejus Hugonis regis naturalis filius exstitit; qui nimirum Guillelmus [Willam] majoris Bonifacii marchionis filiam, conjugali sibi fœdere copulavit. Ille non multo post indignationem primi Ottonis imperatoris incurrit, ac subinde relicta conjuge, Pannoniam profugus exsulavit. Qui cum longo post tempore resumptus, in gratiam rediit, matrem cum grandiuſcula jam prole reprensens, admiratus expavit. Negat homo se genuisse, quem conspicit, et zelotypice permotus invidia, fœtæ mulieris obscenum crimen intendit; nequaquam se tam insperatæ rei perhibet conscium; diffidetur se conceptionis hujus nosse mysterium, nec posse fieri ut se asserat patrem qui prægnantem non reliquit uxorem.

CAPUT IV.

Guillæ matris Hugonis innocentia jucundo miraculo declaratur.

Ad hoc tandem res diutius ventilata protrahitur, ut non aliter, quam per actæ orificationis indicium tam gravis obiecto sopiatur. Hoc igitur ex utraque parte convenit, ut in vasta quadam amplissimæ domus area conventus religiosarum fieret personarum. Quibus nimirum in subselliis suis undique consistentibus, puer solus in medio poneretur; et si patrem, quem nunquam antea viderat, adiens peteret, ab omni procul dubio matrem suspicione purgaret. Quid plura? Conveniunt pontifices, adsunt cum monachis et abbatibus inferioris etiam ordinis sacerdotes; fletur, gemitur, suspiratur, ad cælum oculos erigunt, pugnis pectora mœsta contundunt, profuentibus lacrymis tristitia ora perfundunt. Dimissus itaque puer in 875 medio sine papate, vel gerula, cœpit ire; et cum pater sederet inter vulgus, nec ab aliis videretur ulla subsellii varietate distinctus; contemptis omnibus, puer ad eum signanter acces-

sit eique tanquam notissima familiaritate blanditus adhaesit. Sic itaque liberavit matrem, dum divino provocatus instinctu, petiit genitorem. Hoc igitur modo matri confusio tollitur, patri filius redditur, et utriusque parentis affectus erga se invicem in communi sobole reformatur. Omnes ergo qui aderant, tanto stupefacti miraculo, votiva mentis conjubilatione et dignas auctori Deo gratias referentes, exsultant.

Hic præterea sæpe dum equitaret, comitum cuneos post se dimittere consueverat, et vel solus, vel uno contentus assecla, longius præcedebat; et tunc agricolas, vel opiliones his compellabat affatibus. Quid vobis, inquit, videtur de marchione isto, quem dicunt? Nunquid non crudelis et impius, pauperes opprimit, terram dissipat et cuncta ditionis suæ bona profligat? Ad quod illi : Absit, aiunt, absit; falsum est penitus, o homo, quod loqueris. Non est enim potestas talis super terram, quæ sic violentiis et rapinis absteineat, quæ in tanta pace et securitate subjectum sibi populum regat. Vivat optamus, vivat illa potestas ad refugium pauperum, prospere, floreat ad omnium custodiam subjectorum. Quod ille audiens, exsultabat in Domino. Unde sæpe dicebat : In tanta volo semper erga subjectos, et præcipue rusticos, mansuetudine vivere, ut annona, quæ caballum mei rodentis ore delabatur, a rusticorum porcellis e vestigio colligatur. Porro autem cum de se quid diceretur inquireret, quid aliud, quam nostri Redemptoris imitabat exemplum? qui nimirum cum omnia procul dubio nosset, a discipulis tamen, veluti nescius, inquirebat : « Quem dicunt homines esse Filium hominis? » (*Math. xvi.*) Cui cum illi diversas hominum opiniones exprimerent, addidit : « Vos autem quem me esse dicitis? » Scilicet ut rex angelorum formam daret rectoribus hominum, quatenus non quid in os eorum assentatorie dicatur attendant; sed quod eorum testimonium apud absentes habeatur inquirant. Sicque quod in se reprehensibile ex eorum fama deprehenderint corrigant : ad exsequenda vero bona, quæ de se dicere cognoverint, avidius invalescant.

CAPUT V.

Hugonis ducis mors.

Ut autem præfati marchionis etiam finem breviter perstringamus; cum in extremæ valetudinis languore decumberet, et totius regni lumen extinguere, non parva diversorum ordinum multitudo deæret; venerabilis quidam **876** episcopus, cujus me ad præsens vocabulum fugit, hoc in ligno, quod in igne tunc ardebat, expressum per quædam litterarum vestigia deprehendit. Hugo marchio quinquaginta annis vixit. Cumque hoc quasi faustum

A omen ii qui aderant crederent, signumque hoc esse recuperandæ salutis, erectis in spem cordibus, autemarent, paulo post ipse defunctus est.

Hic præterea sex [septem] monasteria in sui juris possessione construxit, quæ non modo prædiis ac mancipiis, sed et aureis, et argenteis vasis, diversis etiam ecclesiasticis ornamentis, copiosa liberalitate ditavit. In quorum uno, venerabili videlicet ac religioso, quod ad honorem Dei genitricis est in Florentina urbe constructum, jacet cadaver ejus humatum. Cujus obitum cum Augustus, qui tunc habenas Romani regebat imperii, Otto videlicet tertius agnovisset, quia quondam adversus eum stimulo mordebatur invidia, protinus in hanc vocem congratulandus erupit : « Laqueus contritus est, et nos liberati sumus (*Psal. cxxiii.*) » Sed paulo post, eodem scilicet anno et ipse defunctus est. Sic itaque suam improvidus pertulit, qui de morte alterius nequiter exsultavit, non attendens id quod vir sapiens ait : « Noli de mortuo inimico gaudere, sciens quod omnes morimur (*Eccli. viii.*) »

Sed et aliud adnectere non otiosum credimus, quod inter sanctos ejusdem cœnobii monachos celebri redolere memoria frequenter audivimus. Aiunt enim, quia præfatus marchio Marino abbati, qui monasterium illud tunc regebat, per speciem nocturnæ visionis apparuit; atque, ut corpus suum in supinum juxta consuetudinem volveret, quod in os reclinatum jacebat, admonuit. Quibus profecto visionibus abbas fidem præbens, probare rem voluit, et honesti viri corpus pronum, et in faciem jacens, sicut sibi revelatum erat, inveniens, reverenter, ut decebat, in latus alterum supinavit. Nec mirum plane, si vir iste sepulturæ consuetudinem petiit, quam et ipse circa se caput electorum omnium voluit exhiberi. Dicit enim evangelista Joannes : Quia, « Joseph et Nicodemus acceperunt corpus Jesu, et ligaverunt illud linteis cum aromatibus, sicut mos Judeis est sepelire (*Joan. xix.*) » Hunc tibi prædecessorem tuum, vir eminentissime, quasi speculum statue, aliorumque tibi qui pravitates hominum per rigorem justitiæ represserunt, exempla propone. Eripe de violentorum manibus innocentes; superborum, et contra statuta viventium, erectas frange cervices. Experiantur te reprobi principem, non irrideant sacerdotem. Nectentium fruticum radices evele, ut fructuosa plantaria possint comas erigere. Sic igitur in agro Domini, qui tibi ad excolendum commissus est, sarculum legitimi vigoris exerce, ut et superni horreis proventum centesimi fructus inferre, et dignæ remunerationis nummum ab eo qui te conduit merearis accipere.

Sit nomen Domini benedictum.

877 878 OPUSCULUM QUINQUAGESIMUM OCTAVUM.

DE VERA FELICITATE AC SAPIENTIA.

ARGUMENTUM. — Quam longissime inter se distent vera et fucata felicitas ostendit : itemque quantum humanarum scientiarum vanitates abhorreant ii qui divinæ Sapientiæ dulcedine capiuntur. Proinde hortatur illum ad quem scribit, ut si omnino profanis litteris divitiisque et cæteris, quæ falso a mortaliis bona appellantur, nuntium remittere non potest; saltem illis, tanquam ancillis et pedissequis, utatur ad veram sapientiam felicitatemque assequendam.

Prudentissimo viro BONIFACIO, PETRUS peccator A
monachus indissolubile cingulum charitatis.

Non ignoro, frater, quia cum mea epistola sæcularium manibus traditur, mox eloquentiæ nitor curiose perquiritur; quam consequens sit dispositionis ordo, tractatur : utrum rhetoriæ facultatis color eluceat, an sententias argumenta dialecticæ subtilitatis involvant; quæritur etiam utrum cægorici, an potius hypothetici, quæ proposita sunt, per allegationes inevitabiles astruant syllogismi.

CAPUT PRIMUM.

Humana eloquentia quam parvi fit a viris sanctis.

Sed hæc et huiusmodi phalerata ludibria ii qui spiritu Dei vivunt, ut revera frivola et vana contemnunt; et, sicut Apostolus ait, arbitrantur ut stercora (*Philip. III*). Qui etiam locutum se esse discipulis perhibet, non humanæ sapientiæ verbis, ut non evacuetur crux Christi (*I Cor. I*). Et quam pulchra, quam utilis, quam honesta locutio, quæ dum auctorem suum vento vanæ gloriæ per arrogantiam inflat, crucem Christi, quæ est mundi salus, evacuat ! Tu itaque, dilectissime, in nostris litteris noli pruriem mordacis eloquii sperare salsuginem, noli accuratæ urbanitatis quærere venustatem; ovina tibi simplicitas placeat, quæ ad Deum provocat; non serpentina calliditas, quæ lethale virus instillat. « Erat, inquit, Scriptura, serpens callidior cunctis animantibus terræ (*Gen. III*). » Nam et Dominus, qui inter semen mulieris atque serpentis, infederabiles inimicitias posuit, non serpentium, sed pastorem se esse ovium nominavit, et non ait : Serpentes mei; sed « oves, inquit, meæ vocem meam audiunt; et ego agnosco eas, et vitam æternam do eis (*Joan. X*). » Porro sapientes sæculi despicibilem indicant simplicitatem servorum Dei. Hinc est, quod Moyses dicit : « Illicitum est Ægyptiis comedere cum Hebræis, et profanum putant huiusmodi convivium (*Gen. XLII*). » Cur autem hoc ? Declarat alibi, cum ait : « Detestantur, inquit, Ægyptii omnes pastores ovium (*Gen. XLVI*). » Sicut enim Veritas dicit : « Filii huius sæculi prudentiores filiis lucis in generatione sua sunt (*Luc. XVI*). » Et ideo serpentina illis calliditas placet, puritatem vero ovinæ simplicitatis abhorrent. Sed ait Dominus Petro : « Si diligis me, pasce oves meas, pasce agnos meos (*Joan. XXI*). » Nunquid dicit : Pasce vulpecu-

las meas, pasce dracones meos ? Hoc autem idcirco dixerim, dilectissime, ut et tu caveas horridam serpentis astutiam, et sancta prudentia tua inter faitutem et calliditatem sit medie temperata. Unde et Jacobus cum serpentinam excluderet sapientiam, dicens : « Non est ista sapientia desursum descendens, sed terrena, animalis, diabolica (*Jac. III*). » paulo post quam sapientiam habere debeamus, subiungit : « Quæ autem, inquit, desursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia et fructibus bonis, iudicans sine simulatione (*Ibid.*). » Hinc et Paulus ait : « Non plus sapere, quam oportet sapere, sed sapere ad sobrietatem (*Rom. XII*). » De immoderata quippe sapientia per Isaiam dicitur : « Peribit sapientia a sapientibus ejus, et intellectus prudentium ejus abscondetur. Væ qui profundi estis corde, ut a Domino abscondatis consilium, quorum sunt in tenebris opera, et dicunt : Quis videt nos ? et quis novit nos ? » (*Isa. XLIX*.) Per eundem quæque prophetam talis sapientia deridetur : « Ubi est, inquit, litteratus ? ubi legis verba ponderans ? Ubi doctor parvulorum ? populum imprudentem non videbis, 879 populum alti sermonis ; ita ut non possis intelligere disertitudinem lingue ejus, in quo nulla est sapientia (*Isa. XXXIII*). »

CAPUT II.

Discrimen inter sapientiam spiritualem et terrenam.

Quid autem distet inter spiritualem sapientiam terrenamque prudentiam, alibi discernit cum dicit : « Quia non cognovit mundus per sapientiam Deum, placuit Deo per stultitiam predicationis salvos facere credentes (*I Cor. I*). » et iterum : « Prudentia hujus mundi inimica est Deo : legi enim Dei non subijcitur; nec enim potest (*Rom. VIII*). » Hinc est quod, sicut in libro Genesis dicitur, quinque reges, qui subesse noluerunt Chodorlahomor, a quatuor regibus superati sunt (*Gen. XIV*). Et ubi ? in valle Silvestri, quæ nunc est mare Salis. Qui sunt enim quatuor reges, nisi quatuor virtutes quas Scriptura sacra nominat principales ? Quid vero per quinque reges, nisi totidem sensus corporis, ac per eos exterior scientia designatur ? Sicut autem illæ quatuor virtutes velut ex originali matris suæ, rationis scilicet fonte, procedunt; sic isti in terrenæ sapien-

tiae vanitate, velut in convalle salsuginis, immorantur, ibique a suis hostibus sunt prostrati; quia dignum est, ut in anima omnis spiritualis sapientia vincat, et carnalis prudentiae calliditas pereat. Hinc et de David legitur: Quia « fecit sibi nomen cum reverteretur capta Syria, in valle salinarum, cæsis duodecim millibus (*II Reg. viii*). » Verus enim David Christus, fortis scilicet viribus et pulcher aspectu, in valle salinarum duodecim millia hominum stravit, quia per apostolos suos de salsa, imo falsa hujus mundi sapientia triumphavit. Qui enim duodecim spiritualis pradii bellatores habuit, quasi totidem per eos hominum millia trucidavit, dum stulte sapientes a frivole sapientie vanitate convertit. Quorum videlicet bellatorum unus ad Corinthios dicit: « In carne enim ambulantes, non secundum carnem militamus: nam arma militie nostræ non carnalia sunt, sed potentia Deo, ad destructionem munitionum, consilia corporis destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi (*II Cor. x*). »

CAPUT III.

Sapientie cælestis, et terrenæ prudentie effectus.

Porro autem sicut cælestis sapientia cælestes facit et legitimos Ecclesie filios; ita terrena prudentia terrenos reddit et spurios. De quibus per Baruch dicitur: « Filii quoque Agar, qui exquisierunt prudentiam quæ de terra est, negotiatores terræ, et Themani, et fabulatores, et exquisitores prudentiæ, viam sapientiæ nescierunt, neque meminerunt seminarum ejus (*Baruch. iii*). » Sæcularem ergo prudentiam assequi cupientes et spiritualem sapientiam contemnentes, filii sunt Agar, non Saræ; et manzeres **880** facti Ismaelitarum jure censendi sunt, non Israelitæ. Et quoniam Agar, advena interpretatur, ii non sunt sapientiæ filii, sed advenæ, et peregrini. Nec ex illis sunt, quibus aiebat Apostolus: « Jam non estis hospites et advenæ, sed estis cives sanctorum, et domestici Dei (*Ephes. ii*). » Tu autem, dilectissime, ut ejusdem te prophetæ sermonibus alloquar, disce ubi sit prudentia. Hæc enim in Deo sunt essentialiter constituta, atque ab eo sunt procul dubio requirenda. Sed quia tu in sæculo non imum obtines locum, nec potes prorsus effugere, ut aut sæcularis eloquii cum colloquentibus verba non conferas, aut aliquando de litteratoriæ disciplinæ studiis aliquid non attingas, hæc tibi discretionem utendum est; ut in sæcularibus quidem te velut hebentem reddas, in spiritualibus vero studiis omnes tuæ mentis nervos exerceas, in illis te præbeas negligentem, in his autem omnino vivacem. Quia ergo a temetipso hoc obtinere non potes, ut in mundalis executione negotii omnino careas serpentis astutia; vel hoc satage, ut terrenam prudentiam tuam sapientia spiritualis absorbeat, eamque velut in sui corporis arcana convertat. Sicut de maleficus Pharaonis Scriptura proloquitur: « Projecerunt, inquit, singuli virgas suas, quæ versæ sunt in dracones,

A sed devoravit virga Aaron virgas eorum (*Exod. vii*). » Virga quippe Aaron maleficorum virgas absorbit; quia sapientia Christi, quam illa signabat, omnes hujus mundi sapientias annullavit, mundique sapientes sui corporis, quod est Ecclesia, visceribus convivit. Absurdum præterea est et satis inhonestum, ut eadem prudentia eademque subtilitas rebus adhibeatur humanis quæ spiritualibus impenditur et divinis. Hinc est, quod Moysi Dominus ait: « Sume tibi aromata, stactem et onycha, galbanum boni odoris, et thyrs lucidissimum, faciesque thymiam compositum opere unguentarii, mistum diligenter et purum (*Exod. xxx*). » Thymiam quippe ex aromatibus compositum facimus, cum in altari boni operis virtutum multiplicitate redolemus. **B** Quod mistum et purum fit; quia quanto virtus virtuti jungitur, tanto incensum boni operis sincerius exhibetur. Ubi et bene subjungitur: « Cumque in tenuissimum pulverem universa contuderis, pones ex eo coram testimonio tabernaculi (*Ibid.*). » In tenuissimum pulverem aromata universa conterimus; cum bona nostra quasi in pila cordis occulta discussione tundimus, et si veraciter bona sint, subtiliter retractamus. Aromata ergo in pulverem redigere, est virtutes recogitando terere, et usque ad subtilitatem oculi examinis revocare.

CAPUT IV.

Nostra studia sint ut soli Deo placeamus.

Et notandum quod de eodem pulvere dicitur: « Pones ex eo coram testimonio tabernaculi: » quia tunc nimirum bona nostra veraciter in conspectu superni judicis placeant, cum hæc mens subtilius recogitando, conterit, et quasi de aromatibus pulverem reddit. Nec grossum durumque sit bonum, quod agitur, ne si hoc arcta retractionis manus non comminuat **881** odorem de se subtilius non aspergat. Hoc plane studium, tantaque subtilitatis instantia non rebus est adhibenda terrenis, sed ad hoc tantum habenda est, ut placere videamus obtutibus Creatoris: nec ut in sæculo videamur insignes, sed ut coram Deo in nostra simus examinatione prudentes. Unde illic additur: « Talem compositionem non facietis in usus vestros, quia sanctum est Domino; » moxque subjungitur: « Homo quicumque fecerit simile, ut odore illius perfruat, peribit de populis suis (*Exod. xxx*). » Quisquis ergo, sive litterarum sæcularium disciplinis, sive rebus quibusque terrenis hoc studium exhibet, quod ad placendum Deo examinationi duntaxat intimæ principaliter debetur, merito perit, quia thymiam, quod soli Deo debuit, rebus temporalibus et caducis impendit. Enimvero quod de scientia loquimur, hoc ipsum ex delectatione hujus vitæ necesse est fateamur. Dignum quippe fuerat, ut terrena prudentia in nobis prorsus aresceret, et spiritualis solummodo sapientia in nobis refloreret, sicut Apostolus admonet, dicens: « Si consurrexistis cum Christo, quæ sursum sunt quaerite, ubi Christus est in dextera Dei sedens; quæ sursum sunt sapite, non quæ super terram (*Coloss. iii*). » Dignum

anhilominus fuerat ut hæc vita in nostro corde non viveret, sed nobis prorsus emortua nequaquam mortuos delectaret, sicut idem dicit Apostolus : « Consepulti enim sumus cum illo per baptismum in morte, ut quomodo surrexit Christus per gloriam Patris, ita et nos in novitate vitæ ambulemus (*Rom. vi*). » Sed quia hæc nonnullis præsertim sæcularibus impossibilia sunt, et perfectionis utriusque fastigium assequi plene non possunt, admonendi sunt, ut quæ non possunt exacte contemnere, secundo saltem loco ea conentur habere.

CAPUT V.

Sæculares viri quomodo se habere debent in amore rerum terrenarum et spiritualium.

Et quoniam hæc vita plerisque sæculares tanquam uxor substracta delectat, elaborandum est, ut licet eam nequeant præ infirmitate mentis, ut dignum est, odire; nequaquam tamen aggrediantur illam immoderate diligere, ut si necdum prævalent ei repudiare libellum, pudeat tamen ad comparationem æternæ vitæ amoris illi præbere primatum. Unde et in lege præcipitur : « Si habuerit, inquit, homo uxores duas, unam dilectam et alteram odiosam, genueritque ex eis liberos, et fuerit filius odiosæ primogenitus, volueritque substantiam inter filios dividere, non poterit filium dilectæ tacere primogenitum, et præferre filio odiosæ, sed filium odiosæ agnoscat primogenitum, dabitque ei de his quæ habuerit cuncta duplicia : iste enim principium liberorum ejus, et huic debentur primogenita (*Deut. xxi*). » Duæ scilicet hominis uxores, virtus sunt et voluptas; livoris et odii inter se invicem velut quadam zelotypia dissidentes. Et voluptas quidem ad hanc vitam, virtus ad æternam pertinet gloriam. Illa plane dilecta est, quia virum suum, **882** hoc est fragilen ejusque spiritum, malesuada jucunditate demulcet : ista vero dicitur odiosa, quia per arctam et angustam viam homines ire constituit, et aspera semper ac dura proponit. Sed filius odiosæ nobis primogenitus est; quia virtutem conditor noster nobis originaliter indidit, voluptas autem, et quælibet carnalis illecebra ex vicio nostræ pravitatis emersit. Sed quia non est istius temporis per singula verba hujus præcepti figuram enucleanter exponere, sufficiat hoc ad compendium dicere ut si non possumus dilectam uxorem, quæ nobis procul dubio noxia est, a thalami nostri societate repellere, studeamus saltem odiosam, quæ sobria est, et honesta, in primogeniti dignitate præferre : quatenus si nobis difficile est quantalibetque saltem hujus vitæ dulcedinem non sentire, prærogetur tamen domini palma virtuti, relinquatur servitus voluptati. Illius filius in primogeniti dignitate præcellat; istius autem filius in subsequela ordinis, et sub disciplinæ semper refrenatione supersistat.

Vis fortassis addiscere qui uxoris dilectæ sunt filii? Paulus inquirat apostolus : « Manifesta sunt, inquit, opera carnis, quæ sunt fornicatio, immunditia, luxuria, idolorum servitus, veneficia, inimicitie, contentiones, æmulationes, iræ, rixæ, dissen-

siones, sectæ, invidiæ, homicidia, ebrietates, comessationes, et his similia, quæ prædico vobis, sicut prædixi, quoniam qui talia agunt, regnum Dei non consequentur (*Galat. v*). » Vis enim consequenter audire, quæ sit soboles odiosæ? Ausculta quod subdidit : « Fructus autem spiritus est charitas, gaudium, pax, patientia, benignitas, longanimitas, mansuetudo, fides, modestia, continentia, castitas (*Ibid.*). » Hic ergo filius tanquam primogenitus duplicia debet habere substantiæ, videlicet, ut fructus spiritus corpus, simul et animam regat : atque utriusque substantiæ, interioris scilicet et exterioris hominis jura possideat.

CAPUT VI.

Quod virtutis amor principatum tenere debet in corde.

Si ergo tibi difficile est ut una sis uxore contentus, nec prævalet dilectæ, quæ odio habenda est, repudii præbere libellum; fac saltem ut odiosa, quæ totis viribus amplectenda est, in domo cordis tui dignitatis obtineat principatum. Illa vero, quæ nunc male diligitur, tandiu novissimum teneat locum, donec fœditatis suæ merito sensim veniat in fastidium, de fastidio funditus vertatur in odium. Filius odiosæ tibi sit primogenitus, eique deferatur obsequium a cæterorum multitudine liberorum. Hinc est quod Josue subversa Jericho imprecatus est, dicens : « Maledictus vir coram Domino, qui suscitaverit, et edificaverit civitatem Jericho, in primogenito suo fundamenta illius jaceat, et novissimo liberorum ponat portas ejus (*Jos. vi*). » Nam quia per Jericho, quæ in lunam vertitur, hæc vita signatur, ille civitatem Jericho in primogenito suo suscitavit, qui bona præsentis vitæ principaliter amat. Et quia Veritas in Evangelio præcipit : « Primum querite regnum Dei, et **883** hæc omnia adjicientur vobis (*Matth. vi*). » merito maledictione damnatur quisquis ab hoc præcepto declinare convincitur, propheta attestante, qui ait : « Maledicti qui declinant a mandatis tuis (*Psal. cxviii*). » At contra, ille portas Jericho ponit in novissimo liberorum, qui sic utitur temporalibus bonis, ut hæc non cum amore possideat, sed ad cœlestis gloriæ præmium medullitus inardescat. Qui cœlestibus in amore suo terrena supponit, transitoria floccipendit. Hoc itaque faciens, et odiosæ uxoris filium, juxta mandata legis, efficit primogenitum, et secundum Josue sententiam, portas Jericho in novissimo suscitavit liberorum. Quo contra, Cain in primogenito suo Henoch condidit civitatem (*Gen. iv*), quia futuram non sperabat hæreditatem; et quia se quasi in Jericho hujus sæculi præpropere dedicavit, elogium perpetuæ maledictionis incurrit. Unde scriptum est : « Hæreditas, ad quam festinat in principio, in novissimo benedictione carebit (*Prov. xx*). »

Tu itaque, dilectissime, si necdum solius spiritualis vitæ, velut unius uxoris thalami, vales esse contentus, sed adhuc male blandientis terrenæ conversationis illecebra teneris astrictus, in domo cordis tui, tanquam primogenitus, amor æternæ vitæ præ-

cellat : et tanquam suppar atque repressa temporarium rerum cura **834** subserviat. Sicut in Canticis legitur : « Læva ejus sub capite meo, et dextera illius amplexabitur me (*Cant. ii et viii*). » Læva quippe subesse capiti dicitur, cum præsens vita a mente, quæ cogitationum caput est, despecta calcatur. Dextera vero amplexibus stringitur, qui solius æternæ vitæ desideris undique delectatur. Plane quæ et Salomon ait : « Da partem septem, necnon et octo (*Eccle. xi*) » ; sic præsentem vitam, quæ per septenarium numerum designatur, excurrit, ut jam in amore futuræ, quæ per octonarium resurrectionis exprimit gloriam, totis studeas visceribus habitare. Illi perfunctoriam

A atque volaticam exhibe curam; in hac perseverantem atque perpetuam, sicut æterna est, indeficua dilectionis fige sententiam. Porro quod de transitoria vita dicimus, hoc et de exteriori prudentia consequenter admonemus : nimirum ut in animo tuo et temporalis vita, et scientia sæcularis, tanquam mentis calce depressa, subsidat. Amor autem æternæ vitæ, et spiritualis studium sapientiæ, velut in summa cordis tui constitutus arce præcellat; quatenus dum fragilem hanc vitam cum sua sapientia despicias, repleti divino Spiritu, qui ad æternam te provocet gloriam, felici vicissitudine merearis.

Sit nomen Domini benedictum.

835-836 OPUSCULUM QUINQUAGESIMUM NONUM.

DE NOVISSIMIS ET ANTICHRISTO.

ARGUMENTUM. — Ostendit primo difficile esse loqui de rebus novissimis; deinde utilem esse earum meditationem ad res humanas despiciendas; tertio disputat de Antichristi regno et morte; denique de quindecim signis, quæ ex sancto Hieronymo diem judicii præcedent.

Dilecto fratri ADÆ PETRUS peccator monachus humilis in Domino salutem.

CAPUT PRIMUM.

De rebus novissimis loqui difficile est.

Quod me, frater charissime, quid ante mundi creationem fuerit, quid post judicium de mundo futurum sit, discutis, de ipso quoque judicio solerter inquiris, tu quidem religiose, et prudenter agis; verum me ad incognita pertrahis et quæ necdum didici, docere compellis. Quæris plane quod nescio; exis quod ignoro. Nam et Isaias ait: Priora annuntiate mihi, et novissima quæ futura sunt, et dicam quia dii estis (*Isa. xli*). aperte volens exprimere neminem posse quid ante mundum fuerit, vel post eum futurum sit, enarrare. Fructuosum est tamen inquiri, licet res absolute nequeat explicari. Humana quippe mens hujusmodi naturæ est, ut cogitationibus vacare non possit; aut enim se exercet in seriis, aut delectatur in vanis; et donec utilia meditatur, ab ingruentium tentationum irruptione defenditur. Nec pravitas habet susurrandi locum, ubi mens utilibus rebus intenta strictum tenet cum sobria cogitatione consilium. Igitur operæ pretium est et satis utile cogitare quam breve sit spatium transitorii temporis ad comparisonem ejus jugiter permanentis. Nam si conferre illud volumus immensæ magnitudinis spatium quo Deus exstitit ante mundi hujus originem, illud quoque, quod post ejusdem mundi permanensurum est finem, cum hoc tantillo tempore, quod est ab initio mundi usque ad finem mundi, minor est hæc comparatio, quam si pugillum aquæ in mare projicias, vel si mensuram cubiti cum toto terrarum spatio conferre contendas. Nam et immensitas maris, et spatium terræ finita sunt, sicut et pugillus aquæ, et mensura cubiti; quamvis illa ma-

B jora, ista sint incomparabiliter minima. Ideoque facilius comparari possunt finita finitis, quam ea quæ finem habent iis quæ nullo possunt fine concludi. Nam quia Deus est alpha et omega, principium et finis (*Apoc. xxi*), sicut sine initio semper exstitit, ita finem habere non poterit. Mundus autem iste ab ipso suæ creationis exordio, nec dum septem millia annorum implese, cognoscitur. Et quis sciat quam breve futurum sit temporis spatium, usque quo Deus judicaturus est mundum? Quomodo ergo comparari possunt septem millia, vel etiam decem millia annorum, interminabili divinitatis essentia, quæ nec originem potuit habere, nec finem?

CAPUT II.

Novissima meditari quam utile sit.

C Cum hæc igitur et hujusmodi pervigili meditatione discutimus, dum hæc simpliciter in cogitatione versamus, non parvus nostræ mentis profectus acquiritur; quia dum meditatur æterna, liquido conspicit quam despicienda sint temporalia. Dum igitur mens rationalis hæc cogitat, additur etiam ut semetipsam non cum tempore transituram, sed sine fine victuram esse perpenderit. Considerat itaque se hujusmodi esse naturæ, ut necessario aut perpetuis potiatum præmiis, aut suppliciis crucietur æternis. Hæc itaque sedula meditatione discutere, sed et diem judicii sollicite præcavere, non parvus est fructus: in quo videlicet die cui semel bene successerit, ultra non corrueat; et cui se res in sinistram verterit, de cætero non consurgat. Quod itaque de die judicii quæris et Antichristo, lege librum beati Augustini De civitate Dei, et Expositionem sancti Hieronymi in Daniele prophetam, Apocalypsim quoque cum commentariis suis: in quibus utique sufficientem tibi notitiam hujus materiæ poteris in-

venire. Sicut enim et authentica prius Scriptura designat, et postmodum superveniens expositorum stylus elucidat, tribus annis et semis Antichristus regnabit; et interficietur ab eo Enoch et Elia, ipsum Antichristum, et maximam membrorum ejus partem Michael archangelus interficiet. Cui non **887** est contrarium quod per Apostolum dicitur: « Quia Dominus Jesus Christus interficiet illum spiritu oris sui, et destruet illustratione adventus sui (II Thess. II). » Nam sive per se, sive per angelicum Christus enim perimat ministerium, ab eo potissimum pestis iniqua destruitur, cujus virtute ac potentia superatur. Enimvero, sicut a doctoribus traditur, in monte Oliveti, in papillone ac solio suo eum Dominus perimet; in illo videlicet loco contra quem, videntibus apostolis, in cœlum victor ascendit. Unde Isaias ait: « Præcipitavit Dominus in sancto monte faciem dominatoris tenebrarum, et eum qui dominatur cunctis populis (Isa. xxv). » De quo per Daniele dicitur: « Sermonem contra Excelsum loquetur, et sanctos Altissimi conteret; et putabit quod possit mutare tempora et leges; et tradentur in manu ejus usque ad tempus, et tempora, et dimidium temporis (Dan. vii). » Unde colligitur Antichristum tribus annis et dimidio regnaturum. Tempus enim annus est, tempora duo anni sunt. Tribus igitur annis et dimidio regnaturus, deinde divini furoris gladio est perimendus; ut et tyrannus omnino dispareat, et vero regi creatura se universa prosternat. Unde et idem Daniel: « Judicium quippe sedebit, ut auferatur potentia, et conteratur, et dispareat usque in finem. Regnum autem, et potestas, et magnitudo regni, quæ est subter omne cœlum, datur populo sanctorum Altissimi, cujus est regnum sempiternum; et omnes gentes servient ei, atque obedient. »

CAPUT III.

A morte Antichristi, ad Christi Domini adventum, quot dies intererunt.

Porro post mortem Antichristi quadraginta quinque dies erunt residui usque ad adventum Christi, in quibus et persecutio cessabit, et magna pax, ac tranquillitas erit, ut intra hujus temporis spatium et justi quique, si quid persecutionis articulo titubaverant, poenitentiam agant, et ministri diaboli in torporis atque desidie securitate dissolvantur: sicut in diebus Noe plantabunt, et ædificabunt; celebrabunt convivia, et contrahent matrimonia; eisque studio frivola vanitatis intentis subito perveniet interitus (Matth. xxiv; Luc. xvii). Quod autem quæris, utrum prius hic mundus ardeat, et post judicium fiat, evidenti majorum sententia definitum est, judicium præcedere, et sic mundi conflagrationem subsequi. Peracto quippe judicio, repente ignis crumpens tantum aeris spatium occupabit, quantum aqua dum cataclysmus invaderet ascendit. Qui videlicet ignis ardebit terram, et crassitudinem aeris, et sic purgabit electos. Sed quæ de die judicii in epistola quam

ad Blancam scripsimus comitissam (29) testimonia Scripturarum nonnulla concessimus; tanta quoque ejusdem thematis apud expositores sacri eloqui sunt, ut intra epistolare compendium nequeat coartari, ad eorum te exuberantia fluentia dirigimus, et omissis arentibus rivulis, de fontibus Israelitæ bibere suademus.

888 CAPUT IV.

Signa præcedentia judicii diem ex S. Hieronymi sententia.

Illud tamen quod de quindecim signis totidem dierum diem judicii præcedentium beatum Hieronymum referre didicimus, hic eisdem verbis inserere non superfluum judicamus. Quibus profecto verbis sicut nec auctoritatis robur adscribimus, ita nec fidem penitus denegamus. Res ergo sicut ad nos pervenit, hujus stylo se simpliciter inserat, ut antiquis etiam Hebræorum populis, qui divini judicii terror increverit, ex eorum paginis innotescat. Signum, inquit, primi diei: Maria omnia in altitudinem exaltabuntur quindecim cubitorum supra montes excelsos orbis terræ, non affluentia, sed sicut muri æquora stabunt. Signum secundi diei: Omnia æquora prosternentur in imum profundum, ita ut vix quant ab humanis obtutibus conspici. Signum tertii diei: Maria omnia redigentur in pristinum statum, qualiter ab exordio creata fuerant. Signum quarti diei: Belluæ omnes, et omnia quæ moventur in aquis marinis, congregabuntur super pelagus, more contentionis, invicem mugientes et rugientes; nescientque homines quid cantent, vel quid cogitent, sed tantum scit Deus, cui omnia vivunt, officio gerendi. Hæc quatuor signa pelagi sunt, et tria sequentia signa aeris, et ætheris sunt. Signum quinti diei: Omnia volatilia cœli concionabuntur in campis, unumquodque genus in ordine suo; eadem volucres invicem colloquentes et plorantes erunt, non gustantes, neque bibentes, adventum judicis timentes. Signum sexti diei: Flumina ignea ab occasu solis surgent, contra faciem firmamenti, usque ad ortum currentia. Signum septimi diei: Errantia sidera, et stationaria spargent ex se igneas comas, qualiter in cometis apparet, orbi, et ejus habitatoribus. Signum octavi diei: Terræmotus erit magnus, ita ut nullus homo stare possit, aut nullum animal, sed solo sternerentur omnia. Signum noni diei: Omnes lapides tam parvi quam magni scinduntur in quatuor partes, et unaquæque pars collidet alteram partem, nescietque ullus homo sonum illum, nisi solus Deus. Signum decimi diei: Omnia ligna silvarum, et olera herbarum sanguineum fluent rorem. Signum undecimi diei: Omnes montes, et colles, et omnia ædificia humana arte constructa, in pulverem redigentur. Signum duodecimi diei: Omnia animalia terræ de silvis et montibus venient ad campos rugientia et mugientia, non gustantia et non bibentia. Signum decimiertii diei: Omnia abortu solis sepulcra usque

ad occasum patebunt, cadaveribus surgentibus, usque ad horam iudicii. Signum decimi quarti diei : Omne humanum genus, quod inventum fuerit, de habitaculis et de locis in quibus erunt velociter abscedent, non intelligentes neque loquentes; sed discurrent (30) Opusc. hujus finis videtur imperfectus.

rent ut amentes. Signum decimi quinti diei : Vini homines morientur, ut resurgant cum mortuis longe ante defunctis (30).

Sit nomen Domini benedictum.

889-890 OPUSCULUM SEXAGESIMUM.

EXPOSITIO MYSTICA HISTORIARUM LIBRI GENESEOS.

CAPUT PRIMUM.

Dixit Deus : FIAT LUX, prima die.

Qualiter valeat homo consummari et quomodo debeat perfici, liber hic succincte perstringit, prout ex mundi creationis ordine reperiri datur. Quia enim homo microcosmus, hoc est minor mundus esse dicitur, necesse est ut ad suæ plenitudinis incrementa contendens ipsam mundanæ conditionis speciem imitetur, et, sicut visibilis atque corporeus hic mundus per suarum partium molem et magnitudinem consummatus est, sic et homo noster interior ad sui plenitudinem paulatim perveniat per augmenta virtutum. De qua spirituali plenitudine dicit Apostolus : « Donec occurramus omnes in virum perfectum, in mensuram ætatis plenitudinis Christi. » Tunc autem in homine dicitur ut *fiat lux*, cum datur ei ut illuminatio sibi credulitatis insulgeat; prima quippe mentis lux fides est. Unde jam fidelibus Ephesiis bene dicit Apostolus : « Fuistis aliquando tenebræ, nunc autem lux in Domino; » et hoc est primum in lege præceptum : « Audi, Israel : Dominus Deus tuus unus est. » Tunc autem in homine primus dies fit, cum novus ad fidem venit.

CAPUT II.

De firmamento et divisione aquarum.

Secunda die fecit Deus firmamentum, et divisiones aquarum, quarum aliæ ad inferiora defluerent, aliæ in superioribus remanerent. Quid autem firmamentum nisi robor est Scripturarum? Unde legitur quod cælum in die iudicii plicabitur sicut liber. Quid autem sunt aquæ inferiores, nisi hominum multitudines, juxta illud Apocalypsis : « Aquæ multæ, populi multi; » Quid vero superiores, nisi chori sunt angelorum? de quibus in psalmo dicitur : « Et aquæ omnes, quæ super cælos sunt, laudent nomen Domini. » Angeli enim Scripturarum cælum super se non habent, sed sub se, quia non egent ut verbum Dei legentes audiant, qui ipsum Deum præsentem clare conspiciunt et in ejus semper amore flammescunt. Cum igitur homo per firmamentum, hoc est, per celestis eloquii documentum, jam incipit dividere inferiores aquas a superioribus, id est, carnalia a spiritualibus, terrena a celestibus separare; tunc in eo secundus fit dies, quia non modo fidei lumen, sed etiam rerum incipit habere discretionem.

CAPUT III.

B De aquarum congregatione in locum unum sub cælo.

Facta igitur divisione aquarum, hoc est, inter terrena et cælestia, necesse est ut humana mens hæc eadem terrena minutius dividat, et sic reprobos homines, hujus terrenæ sapientiæ salsugine prurientes, a justis, fontem fidei sitientibus, tanquam ab arida mare, discernat. Infideles enim sive carnales quilibet a maris tentationum fluctibus quatiuntur, et tanquam procellarum cupiditatum et arrogantiae tempestatibus intumescunt; sancti vero quique ac justi velut arida Deum sitiunt, et tanquam ferax terra virentes bonorum operum fructus germinare contendunt. Ideoque cum dixisset Deus : « Et appareat arida, » eodem die itidem præcipit : « Germinet terra herbam virentem facientem semen, et lignum pomiferum, faciens fructum. » Quisquis ergo hoc solerter exsequitur, quisquis hoc subtiliter meditatur, huic procul dubio tertius jam dies exoritur. Unusquisque ergo se ab amara carnaliter sapientium salsugine dividat, fontem vitæ Dominum, factus arida, divinæ gratiæ fontem medullitis sitiat, bonorum fructuum germina proferat, ut sibi dies tertius illucescat.

CAPUT IV.

De luminaribus quarta die factis in firmamento cæli.

His ita positus et salubriter ordinatis, anima hominis, quasi dimotis vitiolorum tenebris, radiare incipit nitore virtutum. Quid vero est quod prius germinat terra et protius creantur luminaria, nisi quia, prodeunte boni operis germine, lux in anima copiosior **891** oritur, ut imitari valeat sui vestigia Redemptoris? Acceleret ergo mens humana spiritualium segetum germinare proventum, ut utilitatibus divinæ lucis radiis illustretur, quatenus, dum quarti diei luce perfruitur, etiam ad contemplanda cælestia, more spiritualium volucrum, rapiatur.

CAPUT V.

Quod quinta die pisces et aves creati sunt.

Quinta die creati sunt pisces, per quos designantur, qui baptismatis sacramentum percipiunt, sicut, per volucres, illi qui virtutum penis ad cælestia se contemplanda suspendunt. Quintum ergo diem cum volucris habet quisquis mundi amore contempto quasi dedignatur cœnum calcare terrenum, ac per contemplationis gratiam ad celestis gloriæ

se provehit appetitum. Hic igitur non jam in terra graditur, sed per aerem volat, quia terrena quæque despiciens ad cœlestia sitibundus anhelat, juxta illud psalmi : « Sitivit anima mea ad Deum, fontem vivum. » Hic ergo quasi perfectus vir ad sui Conditoris merito formatur imaginem, qui tantam nimirum charismatum spiritualium possidet dignitatem, ut non jam solum quorumlibet normam præcipiatur tenere sanctorum, sed et ipsum Dei, in quantum fas est, imitari conetur exemplum, sicut dicit Apostolus : « Estote imitatores mei sicut filii charissimi, et ambulate in dilectione, sicut Christus dilexit vos. » Differentia quippe magna erat inter Paulum, qui Christum imitabatur, et eos quos provocabat ad imitandum seipsum, dicens : « Imitatores mei estote, sicut et ego Christi. »

CAPUT VI.

De sexto die.

Sexto die creatus est homo ad sui imaginem et similitudinem Creatoris. Quod utique sicut tunc factum est per humanæ conditionis exordium, ita nunc agitur per instaurationis intimæ sacramentum. Hic præterea inter omnia, scilicet aquæ simul et terræ animantia, quasi monarchiam accipit, et quemdam sublimioris excellentiæ primatum, quia vir quisque perfectus ac virtutibus consummatus novit de singulis rectum proferre judicium, sicut ait Apostolus : « Spiritualis homo judicat omnia; ipse autem a nemine judicatur. » Hunc itaque Deus omnipotens perfectum virum, munda scilicet mortuum sibi que viventem, suum constituit thronum ac per eum sæpe justitiæ suæ promulgat edictum. Hinc est etiam quod ordo ille angelicus, per quem frequentius judicia sua decernit omnipotens Deus, thronus vocatur, quia in eis summus sedet arbiter, cum judicia per eos æquitatis exerceat. Perfectum itaque virum Deus suum constituit solum, ut in eo suaviter requiescat. Unde et per Prophetam : « Super quem, inquit, requiescet spiritus meus, nisi super humilem et mansuetum, et trementem **892** sermones meos? » Et notandum quod per unumquemque diem dicitur : « Factum est vespere et mane, dies » talis. Vespere scilicet ipsa boni operis perfectio est; mane vero lux mentis. Nam cum opus bonum ad perfectionem pervenit, tunc in operantis mente lux gratiæ spiritualis exoritur, ut dum lucidum opus foris exsequitur, intrinsecus ipsa gratia spiritus illustratur.

CAPUT VII.

Quod Sabbato, consummatis omnibus, requievit Deus.

Sic itaque pervenitur ad Sabbatum, in quo Deus et ipse consummatis omnibus requiescit, et hominem requiescere præcipit : hoc itaque modo et homo fit Dei Sabbatum, et Deus Sabbatum hominis fit, quia ipse homo in Deo requiescit, et Deus in eo. « Manete in me, et ego in vobis, dicit Dominus; » ipse quippe nobis intemporale tempus et illocalis est locus. Illocalis scilicet, quia loco non circumscribitur; intemporalis vero, quia nunquam finitur.

Tempus itaque nobis est Deus, dum dicit in Evangelio Joannis : « Nonne duodecim sunt horæ diei? » Se scilicet diem, duodecim autem horas totidem dicit apostolos. Locus vero illic indubitanter exprimitur ubi propheta David, cum præmisisset : « Tu autem idem ipse es, et anni tui non deficient, » protinus addidit : « Filii servorum tuorum habitabunt ibi, » haud dubium quin in te. Fecit itaque Deus cælum et terram; tamen requievisse non dicitur. Fecit germinantia terræ et luminaria cæli; et requievisse non dicitur. Fecit omnia quæ pascuntur in terris et quæ moventur in aquis; et in omnibus nunquam legitur requievisse. Sed plasmato ad imaginem suam homine, Sabbatum protinus quietis illuxit, et sic humanitatis Conditor requievit. Et cum ipse per prophetam Isaiam dicat : « Cælum mihi sedes est, terra autem scabellum pedum meorum, » quod in illorum creatione non dicitur, in sola hominis conditione quievisse perhibetur. Et ut magis magisque præclaram hujus diei septimi stupreas dignitatem, dicit Scriptura quod benedixit Deus diei septimo et sanctificavit illum, quia in ipso cessavit ab universo opere suo; quod in cæteris diebus fecisse nullo modo reperitur. Quid enim est Deo Sabbatum sanctificare, nisi templum sibi met in sancti atque perfecti viri mente struere? Sicut ait Apostolus ad Corinthios : Templum Dei sanctum est, quod estis vos, et Spiritus sanctus habitat in vobis. Porro autem, sicut de Sabbato diximus, ita quoque ratio exigit ut de templo dicamus quia et Deus templum hominis, et homo est templum Dei, sicut in Apocalypsi Joannes ait : « Templum non vidi in ea, Dominus enim Deus omnipotens templum illius est, et Agnus. » Templum itaque hominis Deus, templum Dei dicitur homo; hoc hominis templum spiritualis est paradisi, mens scilicet sancta, mens perfecta, mens munda, atque ad sui Conditoris imaginem signanter expressa. Hæc, inquam, mens, sive rationalis anima jure dicitur paradisi, quæ et cœlestium charismatum est **893** fluentis irrigua et tanquam fertilium arborum vel herbarum sic virentibus sanctarum virtutum vernat germinibus adornata; fons enim ille sive fluvius qui illic dicitur egredi de loco voluptatis ad irrigandum paradisi, quique dividitur in quatuor capita, ratio mentis est, ex qua velut originali fonte quatuor virtutes, justitia videlicet, fortitudo, prudentia simul ac temperantia, quasi totidem salutiferi gurgites, proflunt, qui terram nostri cordis fertilem reddunt. Lignum vero vitæ ipsa bonorum omnium mater est sapientia, de qua et Salomon ait : « Lignum vitæ est his qui apprehendent eam; et qui tenuerit eam, beatus. » Lignum vero scientiæ boni et mali transgressio est legis indictæ experimentumque miseriæ, sed quia nobis propositum non est exponere cuncta per ordinem, sufficiant hæc succincte, quæ huic negotio competunt, prælibasse.

CAPUT VIII.

Immisit Dominus soporem in Adam.

Ad hoc Dei virtus exinanita est ut infirma nostra firmaret; ad hoc Dei sublimitas inclinata est ut dejectos erigeret; ad hoc vita mori dignata est ut mortis imperium destruens ad vitam mortuos revocaret: quod nimirum et in ipso generis humani declaratur exordio. Scriptum est enim: « Quia immisit Dominus soporem in Adam, cumque obdormisset, tulit unam de costis ejus, et replevit carnem pro ea, et edificavit Dominus Deus costam, quam tulerat de Adam, in mulierem. » Super quo cum loqueretur Apostolus, dicens: « Relinquet homo patrem & matrem suam, et adhærebit uxori suæ, et erunt duo in carne una, » præsto subiunxit: « Sacramentum hoc magnum est; ego autem dico in Christo et in Ecclesia. » Et vere magnæ virtutis indicium mirandæ profunditatis est sacramentum. Per Adam siquidem Christus, per Evam designatur Ecclesia. Quid est autem quod prius Adam Deus soporavit, deinde costam ex ejus latere, unde mulier formaretur, eduxit, nisi quia prius Redemptor in morte dormivit, sique de latere ejus in Ecclesiæ sacramentum sanguis et aqua profluxit? Translata est Eva de viri latere dormientis, exivit et Ecclesia de latere Christi in cruce pendentis. Sed quid est quod omnipotens Conditor, cum mulierem de viro, id est, fragilem sexum de fortiori propagare disponderet, non viri carnem, sed os potius ad faciendam feminam sibi voluit materiam exhibere? Potuit enim Deus homini carnem subtrahere, unde femina formaretur, et hoc certe congruentius videretur; fiebat enim sexus debiliior, qui nimirum consequentius de carnis infirmitate quam ex ossis procederet fortitudine. Et, ut magis stupeas divini operis sacramentum, non pro osse os reddidit; sed carne potius, quod in viri corpore vacabat, implevit. Unde Scriptura cum dicit: « Tulit unam de costis ejus, » mox addit: « Et replevit carnem pro ea: » poterat nempe ad mulierem plasmandam carnem viro detrahere; poterat os et ossis dispendium immutato corpore restaurare, sed os tulit, et carnem reddidit. **894** Sic fragilem de virtute formavit; debilis itaque factus homo Adam, ut fortis fieret Eva. Infirmatus est Christus, ut roboraretur Ecclesia; illius enim infirmitas, nostra est fortitudo, et ad hoc ille nostram pertulit infirmitatem, ut ad suam nos statueret fortitudinem, « Quod infirmum Dei, » ut ait Apostolus, « fortius est hominibus, » et alibi: « Nam si crucifixus est Christus ex infirmitate, sed vivit ex virtute Dei. » Nam etsi nos infirmi sumus in illo, sed vivimus cum eo ex virtute Dei. Enimvero sæculi hujus homines, qui bellorum ambiunt virtute clarescere, qui per ora vulgi suas optant victorias celebrare, cum ingressuri sunt prælium, in corpore suo quod infirmum est et molle subjiciunt, quod durum est atque ad penetrandum difficile superponunt; lorice quippe ferreis induunt, et carnem, quæ facile cedit ictui, custodire contendunt, ut illud

Adurum ac forte, quod foris est, defendat molle quod intus est. Redemptor noster, cum mundi hujus et nimium pugnaturus ingrederetur, ad debellandas iniquas aeris nequitiis fortis præliator armatur; quia novum debebat instruere prælium, novum induit genus armorum; videlicet ut quoa infirmum est superponeret, et quod robustum est occultaret; lorice siquidem inbecille carnis induit, et insuperabilem divinitatis fortitudinem occultavit. Sic per carnem diabolus a secundo homine perdidit, qui per carnem dudum primum hominem superavit, eundemque nunc ruinæ facta est causa, quæ victoriæ fuerat de primo parente materia.

CAPUT IX.

Quod, deambulante Domino in paradiso, Adam, quia nudus esset, se abscondit.

Frigus concretum pectori vocem interrompere consuevit, hoc denique frigus jam tunc ille conceperat, qui, deambulante Domino ad auram paradisi post meridiem, raucis quodammodo vocibus respondebat: « Audivi vocem tuam, et timui, eo quod nudus essem, et abscondi me. » Porro quia meridianus ab illo jam fervor abierat, aura, quæ frigoris est alumna, huc accedebat, quia et illum jam innocentia sublata nudaverat. Hæc omnia quid aliud innunt, quam quia illius viscera extincti amoris albor obstrinxerat, atque ideo vox illius in auribus Domini raucum sonabat? Ab hoc plane frigore Abraham alienus exstiterat, de quo Scriptura pronuntiat: « Quoniam apparuit ei Dominus in ipso fervore diei, » et Sponsus ille cælestis, sicut in Canticis legitur: « Pascit et cubat in meridie. »

CAPUT X.

De Cain septuplum ultio dabitur, de Lamech septuagies septies.

Ut beatus Lucas expiari nos a nostris sceleribus per adventum nostri Salvatoris ostendat, ab evangelicæ narrationis exordio, sed a baptismo duntaxat et Christi cognatione ordinem ejus inchoat, quem per septuaginta **895** septem cognationis gradus ascendendo describit, quod et in libro Geneseos evidenter ostenditur, ubi Lamech uxoribus suis dixisse narratur: « Septuplum ultio dabitur de Cain, de Lamech vero septuagies septies. » Ultio quippe de Lamech septuagies septies danda dicitur, quia septuaginta septem homines de femoribus ejus perhibentur egressi ac postmodum diluvio vorante repperunt absorpti. Sed quia Lamech *percutiens* sive *percussus* exprimitur, quid per hunc nisi primus parens humani generis figuratur? Qui nimirum et peccati telum, quo primus ipse percussus interiit, universæ quoque successuræ posteritati vulnus inflixit. De hoc ergo Lamech septuagies septies ultio data est, quia peccatum, quod primus homo contraxit, per septuaginta septem generationes in humano genere viguit usque ad Christum; peccatum siquidem originale permansit, quod ipse per baptismi sacramenta delevit, ubi videlicet de illo dicitur: « Ecce Agnus Dei, ecce qui tollit peccata mundi. »

CAPUT XI.

Fac tibi arcam de lignis lævigatis, et bitumine lines intrinsecus et extrinsecus.

Arcam, quæ octo animas inter cataclysmi fluente continuit, intrinsecus et extrinsecus liniri bitumine vox divina præcepit; sancta scilicet Ecclesia, quæ ad resurrectionis gloriam tendit, sic intus et extra bitumine linitur, ut et foris blandiatur in fraterna dilectione, et intus cohæreat in dulcedinis mutuae veritate. Quisquis enim intus amat, sed foris fratribus morum inconsona asperitate discordat, intrinsecus quidem bitumen habet, sed extrinsecus non habet; quisquis vero se specie tenus affabilem præbens amicitiam simulat, sed in cordis occulto veritatem amicitiae non servat, damnablem intus hiat, cum forinsecus superducti bituminis simulatione cohæreat. Quorum videlicet a diluviali naufragio neuter eripitur, quia duplici charitatis bitumine, ut divinitus præceptum est, minime munitur; qui autem se et foris præbet amabilem, et intus conservat amantem, foris cum ramis verbi fructus exhibet beneficii, intus altam radicem figit, quia medullitus diligit. Hic profecto et intus et extra bitumine linitur, quia duplici charitatis glutino cum proximis fœderatur. Porro autem quia de lignis lævigatis prius arca fieri præcipitur et sic deinceps ut bitumine linitur, per hoc aperte nobis innuitur ut ligna nostra, duri videlicet, inculi et asperi mores, prius expoliri debeant per spiritualis exercitii disciplinam, ut compactæ dehinc fabricæ bitumen accedat; quandiu enim hominum mores asperi sunt et inculi, inaniter eis charitatis gluten apponitur, quia ab invicem cito dissiliunt, dum in eis politæ moralitatis æquata confœderatio non tenetur.

896 CAPUT XII.

De mensura arcae diluvii.

Crucis mysterium arca illa continuit, cujus longitudinem trecentorum fuisse cubitorum Scriptura definit. Qui videlicet numerus in *thau* littera, quæ crucis exprimit speciem, continetur. Porro sicut Noe cum suis per aquam lignumque salvatur, sic et Christi familia aqua salvatur et ligno, dum et baptismo salutis abluitur, et vivificæ crucis impressione signatur.

Quæ videlicet arca, ut in sacramento Christi humani corporis videatur æquiparare mensuram, trecentos habuisse cubitos in longitudine, triginta vero in altitudine perhibetur. Trecenti namque quinquagenarium numerum sexies, et tricenarium in se decies includunt; et humani corporis longitudo a capitis vertice usque ad pedes sexies tantum habet, quantum latitudo, quæ est a dextera usque ad sinistram; et decies tantum quantum altitudo, quæ est ante et retro. Sic nimirum arca in trecentenario longitudinis suæ numero speciem crucis, et in totius suæ dimensionis altitudine figuram tenet Dominici corporis. Et sicut animæ septem donantur Noe, ut per lignum salventur in aquis diluvii, sic septem Ecclesiæ septiformi Spiritu repletæ salvantur in Christo per lignum crucis et aquam baptismatis.

A Per lignum nempe nos servituti suæ princeps superbæ subdidit, et per lignum nos humilitatis auctor Christus Dominus in libertatis titulum revocavit.

CAPUT XIII.

Quod cubitis quindecim altior fuit aqua diluvii super omnes montes.

Quindenarius numerus, quia ex septem et octo constat, mysterium in se continet beatæ quietis et futuræ resurrectionis; Deus enim, initio mundi conditi, septimo die requievit, et octavo die, cum mundum redimeret, resurrexit. Utriusque numeri hujus sacramentum continetur specialiter in baptismo, ubi scilicet novi de vetustate resurgimus, et deinceps quiescere a mundani strepitus perturbatione jubemur. Hoc denique septimæ quietis et octavæ resurrectionis mysterium non intelligunt qui vel gloriæ mundanæ jactantia, vel terrenæ sapientiæ vanitibus intumescent. Unde apte hic dicitur quia « quindecim cubitis altior fuit aqua super omnes montes quos operuerat. » Montes scilicet, superbos significant et elatos. Altum ergo atque profundum resurrectionis et quietis intimæ sacramentum omnem transcendit intellectum alta sapientium superbiorum.

CAPUT XIV.

Quod diluvium cœpit minui post centum et quinquaginta dies.

« Reversæ sunt aquæ de terra euntes et redeuntes, et cœperunt minui post centum 897 et quinquaginta dies. » Quoniam in regenerationis nostræ mysterio septima requies cum octava resurrectione conjungitur, bene in Genesis libro dicitur: « Quia reversæ sunt aquæ de terra, et cœperunt minui post centum et quinquaginta dies; » septuaginta namque, qui a septem, et octoginta qui ab octo dinumerantur, simul juncti centum quinquaginta fiunt.

CAPUT XV.

Quod arca requievit mense septimo.

Requievit arca mense septimo, vigesimo septimo die mensis, super montes Armeniæ. Quæ nimirum septuagenarii requies bene in baptismo commendatur, quod videlicet per diluvium illud figuratum esse dignoscitur; in quo novi de Adam vetustate resurgentes deinceps quiescere a mundani strepitus perturbatione jubemur.

CAPUT XVI.

De corvo et columba ex arca dimissis.

In hujus quippe mundi salo justī laborant, ubi suam reprobi possident requiem. Quam diversitatem bene corvus et columba ex arca dimissi significant; corvus enim, cadaveribus insidens, ad arce claustra non rediit; columba vero reversa est, quia ubi pes ejus requisieret non invenit. Hic enim, ubi pravi quique carnalibus se voluptatibus satiant, sancti viri reperire nequeunt ubi ad quiescendum desiderii sui pedem ponant.

CAPUT XVII.

Quod dimisit iterum Noe columbam ex arca.

Cum mundi crimina diluvio quodam expiarentur effuso, futuri muneris columba similitudinem pro-

tulit, cum per olivæ ramum pacem terris redditam A
nuntiavit. Ait enim Scriptura: « Expectatis autem
septem diebus aliis, rursum dimisit Noe columbam
ex arca; at illa venit ad eum portans ramum olivæ
virentibus foliis in ore suo. » In emissionem ac re-
versionem columbæ septenarius numerus ponitur,
quia Spiritus sanctus, qui in mundi principio fereba-
tur super aquas, jam vesperscente sæculo sanctam
replevit Ecclesiam.

CAPUT XVIII.

Venite, faciamus civitatem.

« Cum proficiscerentur de oriente in occidentem,
invenerunt campum in terra Sennaar et habitave-
runt ibi in eo. » Cum Christus vero sit Oriens, pro-
pheta testante Zacharia, qui ait: « Ecce vir, Oriens
nomen ejus; » de oriente veniunt, qui a Christi
consortio, male vivendo, vel proximos lacerando
recedunt. Sennaar autem interpretatur *excussio*
dentium, sive *fetor eorum*. In campo ergo Sennaar
habitavit, qui non constituti in arca virtutum, 898
sed potius in valle vitiorum, dentes excutiunt, ut
proximos suos detractionibus mordeant et quasi
rodant, et fetores emittunt, dum in cœnosæ con-
versationis squaloribus computrescunt. Sed eorum
dentes Deus excutit, dum perversorum quorumlibet
facta simul et verba confundit: unde et illic dicitur:
« Idcirco vocatum est nomen ejus Babel, quia ibi
confusum est labium universæ terræ, et dispersit
eos Dominus super faciem cunctarum regionum. »
Recte ergo dicitur, quia illi homines et vanæ gloriæ
captatores, nimirum dicentes ad alterutrum: « Ve-
nite, faciamus nobis civitatem et turrim, » etc.,
habitaverunt in campo Sennaar, quod apud nos,
sicut dictum est, sonat *excussio dentium*, vel *fetor*
eorum; quoniam perversi quique, dum contra di-
vinæ legis mandata superbiunt, dum adversus Deum
cervicem cordis arroganter erigunt, et proximis
damnabiliter detrahunt, ipsi proclivius in obscenæ
vitæ sterquilinio volutantur. Et de excussione qui-
dem dentium in psalmo dicitur: « Dentes pecca-
torum contrivisti. » Item: « Deus conteret dentes
eorum in ore ipsorum, molas leonum confriget
Dominus. » De fetore quoque eorum legitur: « Com-
putruerunt jumenta in stercore suo. » Item in Thre-
nis: « Qui nutriebantur in croceis, amplexati sunt
stercora. » Item Isaïæ III: « Erit pro suavi odore fe-
tor. » Quisquis enim vult ædificium fundare quod
facile ruinæ non sit obnoxium, necesse est eum
non lateres et bitumen habere, quæ repente dissil-
liant, sed lapides potius et saxa, quæ parietes con-
jungant, et calcis ac sabuli cœmentum, quod ipsos
parietes inviolata lapidum compago firmiter-
que constringat. Quod ergo jam dicti Babylonii la-
teres pro saxis et bitumen pro cœmento habebant,
carnalis vitæ significatur ædificium, ad vim ven-
torum vel impetum fluminum quantocius obruen-
dum.

CAPUT XIX.

*De quinque regibus Sodomæ et Gomorrhæ, qui a
quatuor regibus interfecti sunt.*

Prudentia hujus mundi inimica est Deo; legi enim
Dei non subicitur, nec enim potest. Hinc est quod
sicut in libro Genesis quinque reges, qui subesse
noluerunt Chodorlahomor, a quatuor regibus su-
perati sunt. Et ubi? In valle vestri, quæ nunc
dicitur mare Salis. Qui sunt enim quatuor reges,
nisi quatuor virtutes quas Scriptura sacra nomi-
nat principales? Quid vero per quinque reges, nisi
totidem sensus corporis, ac per eos exterior scien-
tia designatur? Sicut autem illæ quatuor virtutes
velut ex originali matris suæ, rationis scilicet,
fonte procedunt, sic isti in terrenæ sapientiæ va-
nitate velut in convalle salsuginis immorantur, ibi-
que a suis hostibus sunt prostrati, quia dignum est
ut in anima hominis spiritualis sapientia vincat, et
carnalis prudentiæ calliditas pereat. Hinc et de
David legitur: « Quia fecit sibi nomen, cum rever-
teretur capta Syria in valle Salinarum, cæsis duo-
decim millibus. »

899 CAPUT XX.

*Quod Abraham cum Deo sacrificavit, pecora divisit,
aves non.*

« Qui tollens, inquit Scriptura, universa hæc, di-
visit ea per medium, et utrasque partes circa se
altrinsecus posuit, aves autem non divisit. » Ter-
rena quidem animalia contra se et altrinsecus op-
ponuntur, quia terreni quique contra proximos
C jurgiis et contentionibus sæviunt, vel certe oculis
adversus eos odiorum fomitus inardescunt. At
contra, qui sese in altum desiderii cœlestis pluma
sustollunt, dum sacrificium Deo semetipsos offerunt,
a mutux dilectionis glutino non recedunt.

CAPUT XXI.

*Abraham volucres descendentes super sacrificia
abigebat.*

Maligni spiritus vel orationes nostras pravus
cogitationibus, vel opera bona peccati ejuslibet
contaminatione corrumpere nituntur. Unde scriptum
est quia, cum Abraham Deo sacrificium de peco-
ribus ac volucribus devotus offerret, descenderunt
volucres super cadavera, et abigebat eas Abraham.
Quid enim expriment volucres, nisi reprobos spi-
ritus per aera volitantes? Volucres ergo a sacrificio
nostro repellimus, cum orationum seu operum
D nostrorum victimas a malignis spiritibus eas sedare
tentantibus provide custodimus.

CAPUT XXII.

*Cum sol occumberet, sopor irruit super Abraham,
et horror magnus invasit eum.*

Cum sol occumberet, sopor irruit super Abraham,
et horror magnus et tenebrosus invasit eum. Solis
occubitus mundi designat occasum; horror vero
magnus et tenebrosus vitiorum figurat criminum-
que caliginem, quæ quotidie pestilenter perhor-
rescunt per æstuantem reproborum hominum pra-
vitatem. Unde et illic paulo post additur: « Cum

ergo occubisset sol, facta est caligo tenebrosa, et apparuit clibanus fumans. » Sicut enim fumus ex igne clibanii vaporantis egreditur, ita vitiorum omnium flagitiorumque caligo de camino aestuantis avaritiæ generatur, sicut dicit Apostolus: « Quia radix omnium malorum avaritia est. » Et hoc circa finem diei, hoc est circa finem mundi, fumans ergo clibanus tenebrosam caliginem generat, quia caminus avaritiæ, qui in pectoribus hominum pravorum aestuat, multis diversitatum tenebris mundum pestilenter obscurat. An non mentes infelicium cæcat, quæ scilicet et fidem tollit, et omnium virtutum in eorum cordibus lumen exstinguit? Unde eum illud præmisisset Apostolus, præterea subiunxit: « Quam, videlicet avaritiam, quidam appetentes erraverunt a fide, et inseruerunt se doloribus multis; » multis quippe doloribus se inserunt, dum propter temporalia luera infœderabili a se invicem similitate **900** dissiliunt, et plerumque, dum pro corporalibus in arma concurrunt, corporibus animas exuunt. Qui vero solis cœlestibus inardescunt, pro doloribus oblectationibus potiuntur, quia in fraternæ charitatis dulcedine unanimiter vivunt. Hinc est quod illo sacrificio vespertino, quod tunc Abraham obtulit, pecora quidem terrena ab invicem sequestrata composuit, sed volatilia non adiunxit. Unde Scriptura: « Qui tollens, inquit, universa hæc, divisit ea per medium, et utrasque partes alitrinsecus contra se posuit, aves autem non divisit. »

CAPUT XXIII.

Descendum, et video an clamorem qui venit ad me opere compleverint.

Si Creatoris nostri facta vigilanter attendimus, ad credenda quolibet mala fidem adhibere facile non debemus; ipse enim, cujus oculis nuda et aperta sunt omnia, non dedignatus est, cum loqueretur ad Abraham super Sodomorum clamore qui ad eum venerat, dicere: « Descendam, et video utrum clamorem qui venit ad me opere compleverint. An non est ita, ut sciam? » Quod profecto ad nil aliud dictum videtur, nisi ut humana deceptor ignorantia sine experimentis audita non credere, incognita non leviter iudicare, nec ante sententiam promovere quam rem dubiam testimoniis approbare.

CAPUT XXIV.

Quod Sodomitæ, dum conarentur ad angelos violenter irumpere, cecitate percussus sunt.

« Et ecce, inquit Scriptura, miserunt manum viri, et introduxerunt ad se Loth, clausuruntque ostium, et eos qui foris erant percusserunt cecitate a minimo usque ad maximum, ita ut ostium invenire non possent. » Sodomitæ nempe violenter ad angelos conantur irumpere, cum immundi homines ad Deum tentant per sacri ordinis officia propinquare. Sed ibi profecto cecitate percuntur, quia justo Dei iudicio in tenebras interiores cadunt; ita ut nec ostium invenire prævaleant, quia, a Deo divisi peccando, unde ad eum revertantur ignorant. Qui enim non per humilitatis iter, sed

A per arrogantiae vel tumoris anfractus ad Deum accedere gestiunt, patet profecto quia unde ingressio- nis aditus pateat non agnoscunt. Sed quia ostium Christus est, sicut ipse dicit: « Ego sum ostium, » et qui Christum exigentibus peccatis amittunt, qua intrare cœlestium civium habitaculum possint, ostium non inveniunt. In reprobum autem sensum traditi sunt, quia, dum reatus sui pondus in propria mentis statera subtili consideratione non trutinant, gravissimam plumbi massam pennarum inani levitatem putant. Quod ergo illie dicitur: « Percusserunt eos qui foris erant cecitate, » hoc Apostolus manifeste declarat, cum dicit: « Tradidit eos Deus in reprobum sensum. » Et quod illie subiungitur: « Ut ostium invenire non possint, » hoc iste patenter exponit, cum ait: « Ut faciant **901** quæ non conveniunt, » ac si diceret, ut intrare tentent unde non debent.

CAPUT XXV.

Quod Abraham unicum sibi filium sacrificandum Deo obtulit.

Abraham dum immolare Deo filium suum voluit, cuncta pene per ordinem passionis Christi sacramenta signavit. Sicut Abraham, qui pater excelsus dicitur, unicum et dilectum filium Deo offerre non dubitavit, ita et summus Pater unigenitum Filium pro nobis omnibus tradidit. Et sicut Isaac ipse sibi ligna portavit quibus erat imponendus, ita quoque Christus crucis suæ passionis gestavit in humeris lignum, in quo erat pro nostra salute passurus. Deo autem servi illi procul dimissi Judæos significant, qui, cum serviliter viverent et carnaliter saperent, non intellexerunt altissimam humilitatem Christi, atque ideo non ascenderunt in montem, locum videlicet sacrificii. Cur autem duo servi, nisi quia, peccante Salomone, ex una Israeliica plebe duo facti sunt populi? quibus utique sæpe per prophetam dicitur: « Adversatrix Israel, et prævaricatrix Juda. » Asinus autem ille quo utebatur Abraham tunc, insensata erat stultitia Judæorum. Illa plane bruta stultitia portabat omnia sacramenta; quæ tamen quod ferret, velut irrationale animal, ignorabat. Jam vero quid est quod dictum est eis: « Expectate hic cum asino; postquam autem adoraverimus, revertemur ad vos? » Audi Apostolum: « Cæcitas, inquit, ex parte in Israel facta est, ut plenitudo gentium intraret, et sic omnis Israel salvus fieret. » Quid est enim quod dicitur: « Cæcitas in Israel facta ex parte? » Hoc est videlicet: « Expectate hic cum asino, ut plenitudo gentium intraret » hoc est, « postquam adoraverimus; » ubi videlicet sacrificium Dominicæ passionis impletum per omnes gentes fuerit prædicatum. Quod autem sequitur: « Et sic omnis Israel salvus fieret, » hoc est, revertemur ad vos. Quid est autem quod aries inter vespres hærens cornibus invenitur, qui pro Isaac immolatus offertur? Crux nempe cornua habet; duo siquidem ligna invicem compinguntur, et sic crucis speciem reddunt; hinc est enim quod de Christo scriptum est: « Cornua sunt in manibus ejus. »

Ilærens ergo cornibus aries, Christus est crucifixus inter aculeatas et vulnificas Judæorum iniquitates. Sicut ipse per Jeremiam conqueritur, dicens : « Spinis peccatorum suorum circumdedit me populus hic. » Peracto sacrificio, dicitur Abrahæ : « In semine tuo benedicentur omnes gentes. » Et postquam Dominus dixit : « Foderunt manus meas et pedes meos, » paulo post in eodem psalmo subiecit : « Reminiscuntur, et convertentur ad Dominum universi fines terræ, et adorabunt in conspectu ejus omnes patriæ gentium. Quoniam Domini est regnum, et ipse dominabitur gentium. » Oblato itaque Abraham filio, et pro ariete immolato, appellavit nomen loci illius, « Dominus videt, » quia Dominus noster, postquam in ara crucis oblatu mortis nostræ debitum solvit, videndum se deinceps fidelium suorum obtutibus præbuit, **902** ut nimirum redempti omnes illum jam per fidem inveniant, qui eatenus fidei oculis non habebant.

CAPUT XXVI.

De Lia et Rachel uxoris Jacob.

Porro non est obscurum quod Laban duas filias habuit, quarum juniorem Jacob in conjugium copulavit, ad cujus tamen amplexus pervenire non potuit, donec majorem ignarus atque ille invitatus accepit. Sed quia rem scientibus loquor, non mihi multis elaborandum est verbis. Laban quippe *dealbatio* interpretatur. Quis autem ad Deum convertitur, nisi ut, deposita peccatorum nigredine, per remissionis gratiam dealbetur? sicut ipse pollicetur, dicens : « Si fuerint peccata vestra ut coccinum, quasi nix dealbabitur. » Quod felix ille peccator postulabat, cum diceret : « Mundabor, lavabis me, et super nivem dealbor. » Lia interpretatur, *laborans*; Rachel, *verbum* sive *principium*. Sed, si Scripturam diligenter attendimus, nec uno quidem die servisse Jacob propter Liæ desiderium reperimus, sed per totas illas annorum hebdomadas pro sola Rachel servituti subjacuit. Insuper et ipsam Liam ad illius intuitum toleravit. Quis enim ad Deum ideoque convertitur, ut labores et ærumnas ac tentationum certamina patiar? Omnis enim Deum quærentis intentio hoc sperat, ad hoc spectat, ut ad requiem quandoque perveniat, et in summæ contemplationis gaudio, velut in pulchræ Rachel amplexibus, requiescat, videlicet ut per verbum quod audit ascendat ad videndum principium quod quæsit. Sed necesse est ut hunc diversorum certaminum labor exerceat antequam ad quietis intimæ suavitatem, quam concupiscit, attingat. Prius servitute deprimitur, ut jure postmodum ad perfectæ libertatis titulos provehatur. Septem vero annis sub dealbationis gratia servit, cum septem ea quæ ad proximi dilectionem pertineat Decalogi mandata custodit, videlicet ut primo timore constrictus atque ideo servitutis iugo depressus saltem a vetustæ legis incipiat institutis, ut nimirum parentes honoret, ut non mœchetur, non occidat, non furetur, non falsum testimonium proferat, non uxorem alterius, nec

rem proximi concupiscat. Quibus rite servatis, non mox, ut sperabat, ad contemplationis oblectamenta perducitur, ut velut expectatæ diu Rachel pulchritudine perfruat, sed Lia sibi per noctem inopinato supponitur, quia inter humanæ hujus ignorantie tenebras tolerantia sibi laboris iungitur; ex qua tamen jam numerosas sobolem suscipit, quia uberes spiritualis luci per hunc laborem fructus acquirit. Hanc itaque tolerat, ut ad illam quandoque perveniat quamperseveranter amat. Suadetur ergo ut per alios septem annos servire desudet, quia profecto necesse est ut adhuc alia septem præcepta observet, sed jam aliquanto liberior, non legalia tanquam servus, sed evangelica sicut gener, videlicet ut sit pauper spiritu, sit mitis, luceat, esuriat sitiisque **B** justitiam, sit misericors, mundum cor habeat, sit postremo pacificus. **903** Enimvero vellet homo, si fieri posset, nullas laborum molestias agendo perferre, sed protinus in ipsius sui tirocinii rudimentis ad pulchræ contemplationis delicias pervenire; verumtamen hoc non in terra morientium fit, sed in terra viventium. Quod significare videtur illud quod ad Jacob dicitur : « Non est, inquit Laban, in loco nostro consuetudinis, ut minores ante tradamus nuptias. » Nec absurde major appellatur, quæ prior est tempore. Prius est enim in Domini eruditione labor boni operis quam requies contemplationis. Expletis itaque duabus, altera videlicet legis antiquæ, altera evangelicæ gratiæ, mox ad diu desideratæ Rachel pervenitur amplexus, quia quisquis pertingere **C** ad divinæ contemplationis oblectamenta desiderat, prius necesse est ut utriusque Testamenti peragere mandata contendant.

CAPUT XXVII.

De Bala et Zelpha.

Sed quia electus quisque, perfectionis suæ limite non contentus, filios etiam Deo gignere speciali fecunditate desiderat, postquam conjugale fœdus Jacob cum duabus sororibus inivit, ad propagandum uberius germen sobolis ancillas quoque ad generandi usum suscipere non refugit; atque, ut omnia spiritualibus intelligantur redundare mysteriis, ipsa quoque ancillarum nomina sub mysticis sunt prænuntiata figuris. Nam Bala interpretatur *inveterata*; **D** sane quia intellectum spiritualis substantiæ nudis verbis humana lingua nequit exprimere, quandoque doctrina sapientiæ per quasdam corporeas similitudines audientem nititur informare. De veteri autem vita et carnalibus sensibus dedita corporeæ cogitantur imagines, quarum videlicet ad docendum usus assumitur, cum aliquid ex incomprehensibili et incommutabili essentia divinitatis auditur. Rachel itaque maluit utcumque filios ex ancilla suscipere quam omnino sterili permanere, quia doctrina sapientiæ, sive gratia contemplationis, per anteriorem scientiam, vel visibilibus rerum formas auditoribus intimat quiddid de visibilibus intra arcana occultat; et sic quodammodo per ancillam filios accipit, dum per eam, quæ sub se est, scientiam spirituales Deo filios

parit. Zelpha vero interpretatur *os hians*. Hæc igitur A ancilla illos figurat quorum, in prædicatione evangelicæ fidei, os quidem hiat, sed cor non hiat. De quibus videlicet scriptum est: « Populus hic labiis me honorat, cor autem eorum longe est a me; » et de quibus Apostolus: « Qui prædicas, inquit, non furandus, furaris; » verumtamen ex hæc ancilla cohærens futuris alios Lia filios accepit, quia sæpe per tales prædicatores activa vita multos regni filios adoptavit. De quibus Veritas dicit: « Quæ dicunt, facite; quæ autem faciunt, facere nolite; » et Apostolus: « Sive, inquit, ex occasione, sive ex veritate Christus annuntiatur, et in hoc gaudeo, sed et gaudebo. » Hoc autem in his considerandum esse perpendimus, quia, sicut Jacob solius Rachelis intuitu omnes illas mulieres accepit ex quibus filios genuit, sic quisquis, sub dealbationis gratia 904 constitutus, fructificare Deo spirituali fecunditate desiderat, necesse est ut per omne quod agit ad contemplationis gratiam semper tendat.

CAPUT XXVIII.

Quod Rachel nomen filii sui Benjamin vocavit.

Egrediente anima, Rachel præ dolore, et imminente jam morte, vocavit nomen filii sui Benoni, id est, *filius doloris mei*; pater vero appellavit eum Benjamin, id est *filius dexteræ*. Per Rachel enim Ecclesia non immerito designatur, quæ nimirum et ad instar ovis innocenter vivit, et per studium contemplationis ad videndam Redemptoris sui speciem medullitis inardescit, qui de se requirentibus Judæis ait: « Ego principium, qui et loquor vobis. » Per Benjamin C vero, quo nascente mater emoritur Rachel, designatur Paulus, quem de hac stirpe exstitisse nemo est qui dubitet. Et Benjamin bene nascente, mater emori dicitur, quia, appropinquante ad lucem novæ regenerationis Saulo, persecutionibus Ecclesia per eum graviter impugnatur. Sicut Lucas in Actibus apostolorum: « Saulus, inquit, devastabat Ecclesiam, per domos intrans, et trahens viros ac mulieres, tradebat in custodiam. » Congruè itaque Rachel Benoni, id est, filium doloris nostri vocat, quem Jacob Benjamin, id est, filium dexteræ nuncupat, quia Paulus, qui matris Ecclesiæ dolor exstiterat, qui eam quodammodo, dum nasceretur, impugnando peremit, a Deo Patre filius dexteræ est appellatus, dum per eum divina potentia adversus gentes, quasi per fortem D suam dexteram, dimicavit, verborum jacula valenter intorsit, salubres cordium plagas intulit, et per eum, devictis atque prostratis hostibus, cum gloria triumphavit. Hinc est quod idem Paulus ad Galatas ait: « Cum placuit autem ei qui me segregavit ex utero matris meæ et vocavit per gratiam suam, ut revelaret Filium suum in me, ut evangelizarem eum gentibus, continuo non acquievi carni et sanguini. » Non ergo immerito filius dexteræ Paulus vocatur, per quem omnis gentium multitudo, quæ ad dexteram Dei ponenda est, ad fidei sacramenta colligitur.

CAPUT XXIX.

Quod Onan invenit aquas calidas in solitudine, dum pasceret asinos patris sui.

Iste est Onan qui invenit aquas calidas in solitudine, dum pasceret asinos Sebeon patris sui. Hoc p'ane quantum ad litteram videtur frivolum. Quid enim ad sacram Scripturam pertinet ut referat quia custos asinorum aquas reperit in deserto? Sed ubi in sacris litteris nulla videtur utilitas, ad spiritualementem intelligentiam necesse est ut mens recurrat. Quid est enim per figuram, Onan in solitudine patris asinos pascere, nisi spiritualementem quæpiam virum, cui Deus Pater est, simplices fratres sub disciplinæ remotioris studio custodire? Et quid

905 est aquas calidas invenire, nisi in compunctionis lacrymas, quæ de fervore sancti Spiritus effluuntur, erumpere? Nam et ipsa interpretatio nominum hujus figuræ non refugit intellectum. Onan siquidem *dolor tristitiæ eorum*, sive *mussitatio* vel *murmuratio* interpretatur. Quisquis enim veræ compunctionis tristatur dolore, quasi sub quadam querula musitatione adversum pravitatem vitæ suæ murmurare compellitur. Ipse quippe in æquitate principaliter stat, qui a justitiæ rectitudine nulla necessitate coactus exhorbitat. Onan ergo dum patris sui Sebeon asinos pasceret, aquas calidas reperit, quia quisquis se per vitæ rectitudinem Deo filium exhibet, ac de peccatis suis medullitis dolet, dum se reddit in pervigili fratrum cura sollicitum, divino munere percipit gratiam lacrymarum. Nam et beata illa peccatrix prius pedes Domini unguento perunxit, postmodum alabastrum unguenti pretiosi super caput recubentis effudit. Caput Christi Deus: pedes Christi servi Dei. Sicut enim illa, dum humanitati Christi dependit obsequium, ad divinitatis attingere meruit intellectum, sic doctor Ecclesiæ, dum membra custodit, contemplandæ divinitatis gratiam percipit.

CAPUT XXX.

Descendit Judas in Thamna ad tendendas oves.

Descendit Judas in Thamna ad tendendas oves cum Hira opilione gregis sui Odolamitæ. Thamnas autem *deficiens* interpretatur; per quam videlicet synagoga, in qua reges et prophætæ defecerant, simul et unctio, donec veniret cui repositum erat, ostenditur. Unde etiam per Prophetam dicitur: « Cum venerit sanctus sanctorum, cessabit unctio. » Quid itaque per Judam, qui ad tendendas oves in Thamna venit, nisi Redemptor noster intelligitur, 906 qui ut oves, quæ perierant domus Israel, exoneraret peccatis, ad Synagoga venisse cognoscitur? Unde sponsus ad sponsam in Canticis: « Dentes tui sicut grex tonsarum, quæ ascenderunt de lavacro. » Venit itaque Judas ad tendendas oves, non quidem solus, sed cum pastore suo Odolamite, cui nomen erat Hiras. Quid per Odolamitem, nisi Joannem intelligimus? Interpretatur autem Odolamitis *testimonium in aqua*. Cum hoc plane testimonio venit Dominus ad aquas baptismatis, habens quidem

maius te timonium Joannis, sed, propter infirmas A oves, hoc testimonio uti dignatus est in aqua. Unde cum videret eum ad Jordanis fluentia propinquantem, protinus exclamans ait : « Ecce Agnus Dei, ecce qui tollit peccata mundi. » Et Evangelista dicit : « Testimonium perhibuit Joannes, dicens : Quia vidi Spiritum descendentem tanquam columbam de cœlo et manentem super eum, et ego nesciebam eum, sed qui misit me baptizare in aqua, ille mihi dixit : Super quem videris Spiritum descendentem et manentem super eum, hic est qui baptizat in Spiritu sancto. » Cui sane visioni et nomen pastoris illius aptissime congruit. Interpretatur enim Hiras, *fratris mei visio*. Erat quippe Dominus frater Joannis, non modo

secundum semen Abramæ, sed et juxta cognitionem Mariæ et Elisabeth. Vidit itaque Joannes fratrem suum adhuc clausum in utero, vidit in baptismo, vidit oculo carnis hominem, vidit in spiritu majestatem. Unde utriusque hujus hominis interpretationem, Hiras videlicet, quod est *fratris mei visio*, et Odolamites, quod sonat *testimonium in aqua*, idem Joannes sub unius sententiæ versiculo comprehendit, dicens : « Ego vidi, et testimonium perhibui, quia hic est Filius Dei. » Veniente ergo Juda ad oves tendendas, Thamar mutat habitum, quia mutat spirituale vocabulum. Thamar quippe *commutans* interpretatur; nam de Synagoga fit Ecclesia.

Sit nomen Domini benedictum.

ALEXANDRI II

DIPLOMA

DE LEGATIONE S. PETRI DAMIANI IN GALLIAS.

907-908 ALEXANDER, *servus servorum Dei, G. B. Remensi, R. Senonensi, B. Turonensi, M. Bituricensi, T. Burdigalensi archiepiscopis, salutem et apostolicam benedictionem.*

Non ignorat sancta vestra fraternitas, dilectissimi, quod ex auctoritate sedis apostolicæ, cui nos indignos clementia divina præfecit, totius universalis Ecclesiæ regendus ac disponendus nobis status incumbit. *Quoniam igitur, pluribus Ecclesiarum negotiis occupati, ad vos ipsi venire non possumus, talem vobis virum destinare curavimus, quo nimirum post nos major in Romana Ecclesia auctoritas non habetur : Petrum videlicet Damianum, Ostiensem episcopum : qui nimirum et noster est oculus et apostolicæ sedis immobile firmamentum.* Huic itaque vicem nostram pleno jure commisimus, ut quidquid in illis partibus, C Deo auxiliante, statuerit, ita ratum teneatur et fir-

mum, ac si speciali nostri examinis fuerit sententia promulgatum. Quapropter venerabilem sanctitatem vestram fraterna charitate monemus, et insuper apostolica vobis auctoritate præcipimus ut talem tantumque virum, tanquam nostram personam, digna studeatis devotione suscipere, ejusque sententiis atque judiciis propter B. Petri, apostolorum principis, reverentiam humiliter obedire. Quisquis enim fastu superbiæ, quod absit! inflatus, illius judicio contradictor vel adversator exstiterit, usque ad dignam satisfactionem, nostram vel Romanæ Ecclesiæ gratiam non habebit. Quia vero cum ad vos Girelmum misimus, adhuc adventum præfati domini Petri nos impetrare posse nullatenus speraremus, volumus ut si quid apud vos Girelmus cœpit, ad domini Petri magisterium veniat, et per ejus manum quidquid agendum est fiat.

De hac ipsa sanctissimi cardinalis Galliarum legatione si plura scire desideras, lege ejusdem Oper. tom. I, lib. vi, epist. 2, 4 et 5. Nobis insuper non est visum omittendum quod narrat anonymus monachus Cluniacensis, B. Petri Damiani coætaneus, in tractatu Miraculorum S. Hugonis abbatis Cluniacensis, prope finem. CAJETAN. — Narrationem ipsam legationis habes infra, cum aliis S. Petri Damiani opusculis nuper ab eminentissimo cardinali Maio primum vulgatis. EDIT. PATROL.

909 910 *De adventu Petri Damiani, Ostiensis Episcopi, ad Cluniacensem ecclesiam : et qualiter B. Hugo indiscretæ ejus reprehensioni congruo et sufficienti satisfecerit responso.*

Tempore quodam necesse fuit sancto viro pro D tuendis filiis ad Ecclesiam matrem recurrere, et Romanæ sedis patrocinium advocare. Quapropter urbis illius refugium petens magno labore et difficultate a latere papæ avulsum Dominum Petrum, Ostiensem videlicet episcopum, cognomento Damianum obtinuit : ut sibi daretur pro magno Petro præliaturus, et adversarios prostraturus mirabili sua prudentia atque facundia. Erat namque vir ille abstinentiæ singularis usu, et ferreorum vinculorum nexu undi-

que sic attritus, ut vix posset inveniri modus quo ejus corporis imbecillitas foveretur, ad equitandi onus grave utcumque tolerandum ; et, quia levi plerumque scandalo offendi poterat, necesse habebat sæpe satisfactione placari. Ad quam rem venerabilis Hugo ita se inclinabat, ut ejus animum reformaret ad tranquillitatem, ac si alter Martinus esset, qui nihil putaret indignum, quod humilitas agendum suaderet. Cum ergo venisset Cluniacum alter ille Gregorius per eloquentiæ ubertatem, non tamen per

apostolicæ vitæ aequalitatem, vidissetque humanitatem et disciplinam, virgamque et baculum contulisset, cœpit hærare ac stupere, qualiter sancti esse, aut sanctos institutores habere possent, qui tantis abundarent bonis : et rursum quomodo non sancti esse possent, aut perire, qui tam devote sustinerent tam grave pondus laboris, et custodiam monasticæ disciplinæ. Aliquando sane jejunantibus ciborum copiam, aliquando mirabatur hanc jejunantibus deesse gratiam, quam illos habere videbat. Verumtamen si fieri posset, sicut ipse dicebat, ut utraque virtus obedientiæ et abstinentiæ sociaretur in eis; tum profecto nihil apostolicæ defuturum perfectioni. Quia de re conveniens domnum abbatem obsecrabat ut a sanguine duabus saltem feriis se suspenderent, qui in cæteris tam perfecti essent ut anachoretis nihil deberent. Cui venerandus Hugo, discretionis custos egregius : « Si, inquit, Pater charissime, vultis nobis augere coronam mercedis per additamentum

A jejunii, tentate prius nobiscum pondus laboris, vel per octo dierum spatium, et deinceps æstimabitis quid adiciendum censere debeatis. Nam quando non gustaveritis pulmentum, nescire poteritis quid exigit condimentum salis; et si non adhibueritis saltem minimum digitum vestrum, nequaquam judicare de onere fraterno discrete, ac digne valebitis. » Quibus ille auditis sentiens fascis hujusmodi gravitatem suis viribus importabilem, cessavit a petitione ingravandi ponderis, et semetipsum cœpit percutere, unde alios ferire voluit, quia sagittam ad eos sine suo vulnere nequivit dirigere, intelligens magnum esse pensum illud, ac debere sufficere quod apprehendere ipse non posset, qui in tanto videbatur stare virtutum culmine. Eruditus itaque, præsul B multo eruditior rediit quam venit, magnumque thesaurum fugiendæ inanis gloriæ et capessendæ veræ humilitatis eorum reportavit.

ACTA SYNODI

911-912 In Galliis celebratæ a B. Petro Damiano cardinali episcopo Ostensi, apostolicæ sedis legato, Alexandri II jussione.

Synodalis diffinitio inter domnum Hugonem abbatem Cluniacensem, et domnum Droconem episcopum Matisconensem.

In nomine sanctæ et indivisæ Trinitatis.

Temporibus domni Alexandri papæ universalis et summi pontificis, necnon regnante Henrico imperatoris filio Henrico, rege vero Francorum Philippo, an. ab Incarn. Dom. 1063, novum quid Cluniacensi monasterio contigit, quod ad posteritatis memoriam schedulæ duximus adnotare. Droco scilicet, reverendissimus Ecclesiæ Matisconensis episcopus, domesticorum suorum et præcipue clericorum suorum suasionem plectectus, et, ut ita fatear, eis jugiter insufflantibus igne diri fomitis inflammatus, super idem monasterium tentabat jus potestatis arripere, locumque sibi dominationis quantumcunque contra sedis apostolicæ privilegia vindicare. Vallatus plane cuneis mili-um, stipatus agminibus armatorum, velut predicandi gratia, vel etiam judicii synodalis obtentu, ad B. Maioli confessoris Christi basilicam usque pervenit, sed resistendum sibi infactus obstaculo, intrare non potuit. Hoc itaque tentabat, ut jugum monasterio novæ usurpationis induceret, siquæ postmodum ex occasione quodammodo superductæ litigaret consuetudinis. Tunc Hugo venerabilis abbas ejusdem cœnobii, nimirum non modo religiosus, sed et cautus et prudens, ut revera possessor ingenuus, jugum hoc degeneris servitutis exhorruit, et tanquam lepræ male consuetudinis noviter obrepenti medicamento contradictionis occurrit, caputque quod moliebatur ingredi vivacioris ingenii pede contrivit. Romanam itaque synodum impiger adiit, querelam suam coram sancto concilio fidelis relator exposuit, novo periculo sancti loci ruinam procul dubio minitanti, ut obviaret, oravit. Cumque sini-

C strum nuntium, eorum maxime qui sanius sapiebant, corda percelleret, et tantæ religionis tanquam celebris fanæ locum, ne quantumlibet a libertatis suæ statu corrueret, piæ compassionis studio formidarent, inter cæteros Petrus Damianus Ostiensis episcopus se protinus obtulit, seseque ad subveniendum monasterio, per tam longi, tam asperi, tam duri itineris pericula destinavit. Enimvero apud Cabilonensem civitatem ex auctoritate apostolicæ sedis synodum congregavit, nonnulla, quæ perperam videbantur esse consumpta, canonice sanctionis vigore correxit; quæque potuit, juxta ecclesiasticæ disciplinæ regulam, servanda constituit, causamque Cluniacensem monasterii, pro qua præsertim componenda devenerat, divina auxiliante clementia optimo judicialis calculi fine conclusit. Nam in conspectu totius sancti concilii lectum est monimentum quod comes ille Willelmus, primus loci fundator, et oblator, instituit, ubi videlicet propter [corr. præter. Mai.] Romanum pontificem, nullum jus, nullum dominium cuicunque mortalium, vel cuilibet prorsus Ecclesiæ dereliquit. Lecta quoque nihilominus sunt sedis apostolicæ privilegia de tuitione, munitione, ac præfati monasterii perpetua libertate per succedentium sibi Romanorum pontificum vicissitudines instituta. Inquisiti sunt omnes episcopi, si privilegia quæ audierant, rata decernerent; omnes uno ore concorder laudaverunt, atque ut perpetuo servanda atque illibata permaneant, communi judicio decreverunt. Et, tanquam non hoc judicium sub præconii communis acclamatione sufficeret, viritum unusquisque consulitur, ipse quoque Matisconensis inquiritur :

qui nimirum non minus quam ceteri omnes episcopi A rata privilegia et inviolabili ac perpetuo jure servanda libere cunctis audientibus proficitur. Et quia in eisdem privilegiis hoc inter cetera sub anathematis intentione cautum est, ne cuilibet episcoporum liceat in præfati cœnobii monachos excommunicationis promulgare sententiam; episcopus autem non absolute (sic se **913-914** funditus excusabat) excommunicationis jaculum intulit, sed ita, ut perhibebat, ira commotus, ait : « Si qui sunt mei juris in illo monasterio, quos mihi liceat excommunicare, illos excommunico. » Cum igitur in hac excommunicationis prædictum episcopum, licet ignorantem, contra privilegia Romanæ Ecclesiæ quomodolibet egisse convinceret; ille autem privilegiorum tenorem ac seriem se legisse vel agnovisse constantissimo B propulsaret; tandem, sancto decernente concilio, ad hunc decisionis finem causa perducta est, ut præfatus episcopus propria manu super sanctis Evangelii superposita juraret, sicque sedis apostolicæ legato sanctoque concilio satisfaceret.

Indiculum sacramenti.

Audiat, inquit (*scilicet Matic. episcopus*), dominus Petrus Ostiensis episcopus, et omnis sancta synodus, quia eo die quo Cluniacum commotus adveni, non in contemptu sive despectu sedis apostolicæ, vel domni Alexandri Romani pontificis hoc egi, et privilegiorum tenorem ac seriem, quæ modo in nostris auribus lecta sunt, tunc ad liquidum non cognovi, sic me Deus adjuvet, et ista sancta Evangelia. Post eum quoque quatuor Ecclesiæ ejusdem clerici in conspectu omnium accesserunt, et iurejurando, quod ille juraverat, super eadem Evangelia firmaverunt. Duo autem de septenario numero, qui ad jurandum a sancto concilio præfixus fuerat, non

petente Maticensi, sed donante domino Ostiensi episcopo remanserunt. Illico præfatus Maticensis episcopus pavimento prostratus veniam petiit, seseque peccasse confessus, septem dierum poenitentiam in pane et aqua jejunaturus accepit. Postera autem die, eodem sancto residente concilio, clericis suis vesane ac procaciter insistentibus, idem episcopus petiit ut suæ quoque Ecclesiæ privilegium quod a papa dudum Agapito constitutum fuerat, legeretur. In quo nimirum nihil pene præter jus atque consuetudinem uniuscujusque Ecclesiæ videbatur peculiariter insitum, sed quod omnibus locis sanctis communi dignoscitur jure concessum: videlicet ut ne vel ea quæ sui juris jam erant vel deinceps futura erant, quispiam violentus invaderet, sed sua omnia B rector Ecclesiæ in pacis ac tranquillitatis otio possideret. Hoc itaque privilegium omnes episcopi in tanto concilio sine causa lectum esse dicentes, unanimiter decreverunt nihil hoc præjudicare privilegiis monasterii, quæ pridie coram omnibus lecta fuerant: nihil minuire de his quæ in illis legebantur ab apostolicæ sedis liberalitate concessa. Sic itaque per synodales concilium perpetua monasterii libertate firmata, sanctumque locum soli subjacere Romanæ Ecclesiæ communi sanctorum episcoporum decernentes sententia, mox inter episcopum et abbatem omnis controversiæ querela sopitur, omnis animositatis atque dissidii scissura componitur, et inter utrumque spiritualem videlicet virum firma pax charitatis glutino reformatur. Hæc igitur per C ordinem brevi sermone digessimus, ut purissimæ relationis rivum, quem nostris temporibus hausimus, in posteros etiam per veritatis alveum fideli poculo transfundamus.

915-916 HYMNUS DE GLORIA PARADISI

Petri Damiani, cardinalis Ostiensis, ex dictis beati Augustini.

1. Ad perennis vitæ fontem mens sitivit arida,
Claustra carnis præsto frangi clausa quarit anima.
Gliscit, ambit, eluctatur exsul frui patria,
Dum pressuris ac ærumnis se gemit obnoxiam;
Quam amisit cum deliquit, contemplatur gloriam.
Præsens malum augeat boni perditum memoriam.
2. Nam quis proinat, summæ pacis quanta sit lætitia?
Ubi vivis margaritis surgunt ædificia.
Auro celsa micant tecta, radiant triclinia;
Solis gemmis pretiosis hæc structura necitur.
Auro mundo tanquam vitro urbis via sternitur:
Abest l'mus, deest fimus, lues nulla cernitur.
Hiems horrens, æstas torrens illic nunquam sæviunt.
Flos perpetuus rosarum ver agit perpetuum.
3. Candent lilia, rubescit crocus, sudat balsamum.
Virent prata, vernant sata, rivi mellis influunt,
Figaretur spirat odor, liquor et aromatum;

- D Pendent poma floridorum non lapsura nemorum,
Non alternat luna vices, sol, vel cursus siderum;
Agnus est felix urbis lumen innociduum.
Nox et tempus desunt ei, diem fert continuum.
Nam et sancti quoque velut sol præclarus rutilant,
4. Post triumphum coronati mutuo conjubant,
Et prostrati pugnas hostis jam securi numerant;
Omni labe defecati, carnis bella nesciunt.
Caro facta spiritualis, et mens unum sentiunt.
Pace multa perfruentes, scandala non perferunt;
Mutabilibus exuti, repetunt originem,
Et præsentem veritatis contemplantur speciem,
5. Hinc vitalem vivi fontis hauriunt dulcedinem.
Inde statum semper iidem exeuntes capiunt;
Clari, vividique, jucundi, nullis patent casibus;
Absunt morbi semper sanis, senectus juvenibus,
Hinc perenne tenent esse, nam transire transit:

Inde virent, vigent, florent, corruptela corrui, . . .

917-918 Immortalitatis vigor, mortis jus absor-
[buit.

Qui scientem cuncta sciunt, qui nescire nequeunt;
Nam et pectoris arcana penetrant alterutrum.

6. Unum volunt, unum nolunt, unitas est mentium;

Licet cuique sit diversum pro labore meritum;

Charitas hæc suum facit, quod amat in altero;

Proprium sic singulorum commune fit omnium.

Ubi corpus, illic jure congregantur Aquilæ,

Quo cum angelis et sanctis recreentur animæ.

Uno pane vivunt cives utriusque patriæ.

Avidi et semper pleni, quod habent desiderant.

Non satiety fastidit, neque fames cruciat:

A Inhiantes semper edunt, et edentes inhiant.

7. Novas semper harmonias vox melodia concerepat

Et in jubilo prolata mulcent aures organa;

Digna per quem sunt victores regi dant præconia.

Felix cœli quæ præsentem regem cernit anima,

Et sub sedē spectat alta, orbis volvi machinam,

Solem, lunam, et globosa cum planetis sidera.

Christe, palma bellatorum, hoc in municipium

Introduc me post solum militare cingulum,

Fac consortem donativi beatorum civium.

Præbe vires inexhausto laboranti prælio;

Ut quietem post præcinctum debeas emerito:

Teque merear potiri sine fine præmio. Amen.

Finis tomi tertii Operum B. Petri Damiani.

ADDITIO AD TOMUM III OPERUM S. PETRI DAMIANI.

DE SEQUENTIBUS OPUSCULIS

MAI MONITUM.

(*Scriptorum veterum Collectio nova*, tom. VI, præf. pag. xxxiii, et pag. 193-244.)

Operum S. Petri Damiani, quem nuper Leo XII P. M. inter sanctæ Ecclesiæ doctores decreto suo retulit, illa cumulatissima editio est, quam in quatuor digestam tomos Constantinus Cajetanus monachus olim adornavit, et nuperius Venetiis anno 1743 recensam habemus. Atqui hæc editio: cum ego ad codices Vaticanos conferrem, deprehendi nonnulla partim S. doctoris opuscula, partim vero de ipso scripta, quæ summam Cajetani diligentiam fugerunt. Sunt autem 1. S. Petri Damiani *Iter Gallicum* in cœvo ferme codice ab ejus sodali et itineris socio scriptum; quem plane suspicarer Joannem esse monachum, S. Petri extremis vitæ annis individuum comitem; sed quia in Vita quam edidit sancti viri, nullam itineris Gallici mentionem intulit, vix puto eum tam fuisse obliviosum ut saltem suæ lucubrationis non meminisset. Porro ejus itineris præterquam quod in editione Operum S. Petri memoria est, rei certe a Cluniacensi abbate adversus monasterium Lemovicense ano 1065 gestæ (quo anno et Petrus ivit in Galliam et de re illa questionem habuit) narratio exstat contemporalis apud Baluzium in *Miscellaneis*, ed. nov. tom. I, p. 123, ubi paulo iniquius a Cluniacensibus actum videtur; unde Petri Damiani elucescit æquitas, qui adversarios quidem a vi inferenda scandalisque prohibuit; cæterum de ipso controversiæ jure sententiam ferre ampliavit (p. 216). 2. *Expositio canonis missæ* in reginæ Sueciæ codice conservata; qui commentarius, præter nomen auctoris bis inscriptum, ipsa sua dignitate genuinum se probat. 3. *Collectanea ex Novo Testamento*, de S. Petri scriptis ab ejus discipulo deflorata; quæ quidem exstitisse inscriptio vetus docebat, sed Cajetanus diu quesita non reperit, quamquam ea duobus Vaticanæ bibliothecæ codicibus continebantur. 4. Denique in iisdem codicibus *epistolæ aliquot vel fragmenta earum*. His ego omnibus lucem diutius haud invindendam putavi. Trithemius cap. 335 librum quoque Petri nostri *De meditatione mortis* cum ejus initio *pensandum est*, in serie Operum numerat; sed deceptum esse Trithemium ut peculiare scriptum putaret, docuit me Vaticanus codex 373, in quo æque seorsum scribitur; etsi reapse nihil est aliud quam opusculi quinquagesimi editi ad Blancam comitissam capitulum sextum. Codex item Vaticanus Urbinas 165 Petro Damiano inscribit sermonem *De Asalone*, qui sane in editionibus Petri non legitur, ejusque fetus verissimus credi potest; sed tamen jamdiu editus sub aliorum auctorum nominibus exstat, ejusque Ballerini in tomo I Operum S. Leonis inter sermones additos rationem habent. Cæteroquin quod Casimirus Oudinus in Commentario suo De scriptoribus eccl. tom. II, ubi de nostro disserit, Cajetani editoris fidem suspectam habet, quasi is multo plura S. Petro Damiano scripta attribuerit quam veritas fortasse patitur, et aliorum varios fetus huic supposuerit, id omne contra est; etenim codices Vaticani, qui multi sunt, cum editione Cajetani prorsus conspirant. Quare virum religiosissimum et editorem apprime fidelem inique Oudinum accusat.

DE GALLICA PROFECTIONE

DOMNI PETRI DAMIANI

ET EJUS ULTRAMONTANO ITINERE (31).

PROLOGUS.

1. Catholicae fidei fundamento balbutiens solidata rusticitas, facundæ sibi urbanitatis quodammodo participat præmia, et inculti sermonis conscriptio, luculentæ scripturæ mercedis sibi vindicat participium, quia ejus doctrina excelsos Scripturarum montes cum cervis nequit ascendere, tutum sibi cum ericiis in humili petra valet refugium præparare. Balbutiat igitur nostra rusticitas, quandoquidem mihi non adest facunda urbanitas, et, si polito sermone perorare nequeo, qualicunque modo audeam vel mutire.

Explicit prologus.

2. Ad multorum itaque ædificationem credimus profuturum, si fides litterarum tradatur apicibus qualiter vir reverentissimus Petrus Damianus, Ostiensis episcopus, pro pace Cluniacensis monasterii se ipsum postposuit, et pro illius sanctæ congregationis quiete se morti ultroneus tradidit. Cluniacense siquidem monasterium ab ipso suæ foundationis initio, ita nativa et secunda libertate constat esse liberrimum, ut, præter Romanum pontificem, nulli ecclesiasticæ vel sæculari personæ debeat esse subpositum; divina scilicet disponente elementia, ut quo alicujus terrenæ subjectionis pondere levigatur, eo divinæ servitutis plenius mancipetur, et quo mundanæ factioni non reperitur obnoxium, eo monasticæ professionis pensum valeat integrum exhibere. Vere nobilis et ingenua Christi servitus, quæ terrenæ servitutis nullum patitur contubernium! Quandiu enim sub Pharaone luti et palearum pre-

A mebatur angariis, nullum Deo sacrificium Israeliticus populus legitur obtulisse. Divinis namque Moyses vocibus intonabat: *Dimitte*, inquit Dominus, *populum meum, ut sacrificet mihi in deserto*. Exeat igitur de Ægypto, ut divinæ servitutis possit exhibere ministerium; nulla enim conventio Christi cum Belial, nulla societas luci ad tenebras. Pharaonem vero, verberibus castigatus, ut abiret populus acquievit; sed ut a suæ potestatis dominio per integrum triduum separaretur, cruda superbia tumidus refutabatur, quia inimicus ille, qui per Pharaonem intelligitur, non vult nos per integrum triduum ab eo separari. Aut enim operatione, aut locutione, aut etiam cogitatione, lutei operis ædificia, et si non igni obnoxia, semper ut construamus imperat. Sed Israelis liberator, Ægypti servitute deposita, Pharaonis imperio derelicto, vult nos triduo ab eo separari, et in solitudine illa sibi sacrificari, in qua prophetarum ille eximius, qui, in regali aula positus, et ex potestate Pharaonis exutus, manens dicebat: *Ecce elongavi fugiens, manui in solitudine*.

3. Venerabilis itaque illa Cluniacensis congregatio, in qua nihil servitutis sibi vindicat Ægyptus, nullum de triduo Pharaonem sibi retinet diem, quanto a jugo terrenæ dominationis est libera, tanto melius vivit devota. Sed antiquus ille totius sanctitatis inimicus, hujus loci sanctæ invidens libertati, quendam contra eum episcopum suis stimulis incitavit. Droco (32) siquidem, Matisconensis ecclesiæ præsul, in præfate venerabili monasterio, illicitæ sibi potestatis jus quoddam tentabat arripere, et indebitæ

sequenti, quam ex alio et recente vaticano codice edimus.

CLUNIACI DESCRIPTIO.

(31) Prodit hoc opusculum ex antiquo codice Vaticano 4920, cujus recens quoque apographum in Ottoboniano codice 944 vidi. Auctorem constat fuisse sancti viri socium in expeditione. De hoc itinere suo loquitur ipse Petrus Damianus in epist. ad Cluniacensem abbatem Hugonem lib. vi, 1. Item ep. 4. Porro in editione Operum sancti viri per Cajetanum, tom. IV, p. 459 sqq. leguntur ejus legationis documenta, Alexandri scilicet II papæ litteræ, decretum synodi Cabilonensis, et narratio brevis quedam rei Cluniaci gestæ. Legationem hanc peractam fuisse anno 1063 constat ex actis synodi. Senem fuisse eo anno Petrum, cognoscimus ex hoc opusculo, quæ res confirmat opinionem, natum fuisse Petrum ante ceptum Christi annum millesimum. Superfuit autem usque ad annum 1072, quo anno obiit die Februarii 22.

(32) Ad hoc quasi nomen alludens aiebat Cluniacensis Petrus lib. vi, ep. 5: vos dracones per me nexibus expediti. Porro Cluniacum diocesi Matisconensi (Macon) contineri satis patet ex notitia

Cluniacum in Æduis Galliarum Celtica, id est in Burgundia, oppidum est, Matiscone civitate millibus passuum sex, Cabilone viginti, Lugduno viginti quatuor distans. Oppidum ipsum dioceseos est quidem Matisconensis, sed per exemptionem abbati Cluniacensi tam in temporalibus quam in spiritualibus subest. In hoc oppido Guelmus cognomento Pius, Aquitania dux et Pictavorum comes, cum virili prole careret, monasterium quod Cluniacense dicitur inchoavit, cui Brunonem moribus et doctrina clarum abbatem præfecit anno Domini 894. Hoc monasterium, deinde actum et locupletatum, multos protulit viros magnos, inter quos Odonem, Odilonem, Mailum, Hugonem, sanctorum numero ascriptos. Tum Othonem monachum, prædicti Hugonis discipulum, mox episcopum Ostiensem, et denuo Urbanum hujus nominis secundum pontificem maximum, qui,

sibi censuræ ferulam super ejusdem loci monachos A moderari. Ad tantam itaque furoris audaciam episcopus ille devenit, ut, armata manu militum constipatus, quasi temerarius invasor, ad monasterium usque pervenisset, antiquam hujus loci libertatem superbo pede conculcans, et, apostolicæ sedis privilegia pro nihilo ducens, ecclesiam S. Maioli quæ contigua est monasterio et plures ipsius monasterii monachos inconsulto anathemate prægravavit.

4. Tunc venerabilis Hugo, ejusdem monasterii pater (33), hujus præsumptionis novitate non potuit non dolere; pastorali locum intuens providentia et a suæ nobilitatis statu non parum deficere, et totius congregationis animos insolito mœrore turbare; sed ne hujus pravitate lepra quasi pro consuetudine, velut importunus cancer inserperet, et B tantæ sanctitatis locus degeneris consuetudinis postmodum laboraret infamia, monasticæ disciplinæ se munivit consilio, quo et ab hujus molestiæ novitate monasterium nobiliter defensavit, et sæcularis potentie vindicta ejus sanctitatem non offuscavit. Vir itaque ille, qui non solum religione, sed et pastoralis prudentia incedit valde munitus, cujus etiam angelica facies interioris hominis indicat sanctitatem, in præfatæ tempestatis turbine constitutus, apostolicæ sedis decrevit adire concilium; et ut ex hujus perturbationis gurgite ad quietæ stationis portum perveniret incolumis, solam sancti Petri festinavit intrare naviculam. Tunc coram sancto concilio, prout erat facundus orator, fida et honesta proclamatione, ita suæ incommoditatis querelam deposuit et istius negotii causam, prout evenerat, peroravit, ut ad misericordiam et auxilium corda audientium provocaret. Omnes nempe qui hujus loci sanctitatem vel visu proprio vel fama nuntiante cognoverant, ex tam sinistro rumore turbabantur, et novam illius episcopi factionem publice detestabantur. Et ne tantæ sanctitatis tantæque libertatis locus a suæ libertatis tramite vel parum deficeret, piæ compassionis intuitu cœperunt singuli cogitare qua ratione, quove modo, sancto loco potuisset consuli,

isidem fere temporibus, quibus Cisterciensis ordo initium habuit, multa monasteria et prioratus suæ professionis divi Benedicti in meliorem vivendi formam redigens, Cluniacensi monasterio addixit, Cluniacensemque ordinem nominari voluit, multisque et admirandis ornamentis et plus quam episcopali- bus abbatem Cluniacensem insignivit. Nam et chrisma consecrat, et baptismum ordinesque sacros omnibus in sua ditione et ordine constitutis confert, regnum ante se præmittit, pontificis instar, multis episcopali- bus mitris hinc inde vallatum, pallium etiam more metropolitanorum gestat, et pileum ut cardinales insignibus suis imponit, sequæ cardinalem presbyterum natum, tituli sanctæ Cæciliæ, litteris inscribit, quod sibi et successoribus a Gelasio secundo pontifice concessum, et a Callisto item secundo approbatum asseverat, et pleraque alia quæ longum esset enarrare. Nam consecrando abbati sceptrum ducale et ensis justitiæ insigne exhibetur, et celebrato sceptrum præfertur, ex Callisti pontificis antea Burgundiæ comitis munere, et ruber pileus, quali cardinales utuntur, non præfertur modo sed et altari imponitur. Ex suis monachis quatuor asse-

et huic maxime consuetudinis vitio valeret obviari. Nullus tamen eorum quos dictante justitia auctoritas commendabat, et quibus hujus causæ decisio canonice compete- bat, tam longi itineris, tam laboriosæ protectionis laborem profitebatur se velle suscipere.

5. Tunc venerabilis Petrus Damianus Ostiensis episcopus, cui, pro suæ sanctitatis reverentia, et affecta sui corporis debilitate, et reverenda suorum temporum maturitate, nec papa nec episcoporum vel cardinalium quilibet non dicam præcipere, sed etiam suggerere præsumebat, inter cæteros se protinus obtulit, atque in die belli pro domo Israel ex adverso se militatibus opposuit. Hoc siquidem divina providentia credimus procuratum. Nam, sicut postmodum ipsius rei eventus docuit, nullus præter summæ sedis episcopum, istius causæ negotium ad competentem potuisset finem perducere, nisi illius sanctitatis prudentia et ejus facunda et incomparabilis interveniret eloquentia; quem quidem non tantum pro apostolicæ sedis reverentia quantum pro ejus sanctitatis reverenda præsentia tota Gallia venerabatur. Vir itaque iste mirandus et imitandus sponte tunc gravis obedientiæ pondus subiit, qui quondam celebris obedientiæ munus invitatus suscepit. Ad episcopalis namque culminis dignitatem vocatus, excusationes prætendit plurimas, se indignum, moribus inornatum, virtutibus vacuum atque huic officio imparem se esse clamitabat; ad Galliæ vero protectionis laborem, nulla excusatione præmissa, non vocatus accessit. Veræ quidem obedientiæ ista sunt documenta salubria, ut et dignitatis obedientiam invitus aliquis subeat, et vilis obedientiæ pondus libens suscipiat. Istius namque viri discretæ obedientia duorum celestis curiæ militum facta procul dubio imitatur. Moyses quippe ut Israelitico præisset populo est jussus a Domino; Paulus vero ut Hierosolymam pergeret divinitus est admonitus. Illi ut dignitatis honorem suscipere imperatur; iste ut adversitatis sarcinam acciperet admonetur. Sed ille, cui dignitas imponebatur, faciundæ loqua-

runt se habuisse pontifices, Gregorium VII, Victor- em III, Urbanum II, et Pascalem II, qui etiam in eo monasterio sepultus est. Protulit idem monasterium et alios viros cum litteris tum vitæ sanctitate claros, inter quos Petrum et Renerium abbates, quorum de theologia præclara scripta exstant, et ipsorum corpora multis coruscant miraculis. Habet Cluniacensis abbas in temporalibus plurima et ditissima oppida sibi subdita, et barones innumeros vasallos, qui ipsius mandatis parent; estque Matisconis civitatis comes et baro; in spiritualibus vero 16 monasteria, quorum abbates mitram gestant, incredibiliæque prioratum numerum in diversis Christiani orbis regionibus; succedunt hæres decedentibus tam abbatibus quam prioribus et cæteris monachis sui ordinis, et primi anni proventus quorumcunque beneficiorum percipit.

Hæc ad historiarum præteritorum temporum pertinent; nunc enim Cluniaci monasterium nullum est. Ed.

(33) Ad hunc exstant S. Petri D. litteræ. Item hujus hortatu vitam S. Odilonis se scripsisse narrat Petrus.

citatis occasione præmissa, et impeditoris lingue A allegatione deposita, tanti regiminis gloriam fugiens expavit; iste, cui tanti laboris pondus præcipiebatur, non solum non respuit, sed etiam quid sibi Hierosolymis eveniret, per prophetam Agabum recognoscens, mentis puritate confusus, ita gaudens dicebat: *Ego autem non solum alligari, sed etiam mori paratus sum pro nomine Christi; non enim facio pretiosorem animam meam quam me.* Ecce, vir iste in episcopatus fugiendo culmine novus Moses nobis declaratur; in votivo vero labore longi itineris, alter, doctor gentium, Paulus Ecclesiæ representatur.

DE INCEPTIONE ITINERIS.

6. Interea sanctæ peregrinationis labor incipitur, et via duri itineris festinatur; et quia charitas non quæ sua sunt querit, sed quæ Jesu Christi, monasteria noviter ab eo plantata irrigatori Christo committens, et omnes eremos quas vel fecerat vel suo patrocinio gubernabat, deserens, monachorum quoque agmina quæ ipse ad ingenuum Christi servitutem adduxerat, derelinquens, ultramontanum iter tribus tantum discipulis comitantibus festinus arripuit. Et quia fortis est ut mors dilectio, non eum Jovianæ Alpes, non Joviana pericula terruerunt, non etiam terrarum invia, non multa et mortifera præcipitia, non insuper ceynei capitis aspectus, non debile et macilentum corpus, non eum grandævæ senectutis pondus ab itinere removerunt. Cadaloium etiam prævidendū furorem, qui veluti orbata tigris ejus sanguinem anxie stitebat; contra quem Cadaloium, Parmensem scilicet episcopum, qui tunc papæ nomen et ejus insignia adulter usurpabat, librum præsul iste conscripserat, in quo deridendam ejus vesaniam, et suam nefandam apostasiam Scripturarum testimoniis condemnavit. Ipsius quoque perversi nominis interpretationem, et quid in hujus presumptionis exitu latitabat, ita prophetico prompsit elogio (34), quod divina inspiratione credimus conscripsisse, quia quod scripserat, postmodum vidimus evenisse (35). Inter cetera quoque quæ de illius canina rabie luculento sermone descripserat, eximie profunditatis et miræ pulchritudinis versus ipse composuit; quos ob istius laudem et illius ignominiam hic exarare studuimus (36).

7. His igitur verborum telis ille vulneratus, imo Scripturarum aggeribus vivus humatus, compita, diverticula, itineri quæque pervia, per suos satellites observabat, quatenus vel eum occiderent, vel suis obtutibus vivum repræsentarent. Sed ille prudens, quasi reo confidens, itineris diversa pericula, et illius fortivæ insidias, sanctæ superbæ pede parvi pendens calcavit. Nimirum illius fultus erat auxilio,

(34) In opusculo inscripto disceptatio synodalis, tom. III, p. 34, ait Petrus: Cadaloium a cadendo dictus, ruinam populi sonat; Pressius lib. I, ep. 20: prima pars hujus nominis manifeste denuntiat casum, secunda populum; laos siquidem populus.

(35) Rem habes apud Petrum in opusculo 18, tom. III, p. 206. Item epist. lib. I, 20. Invectiones autem

qui suo fideli famulo sic promisit: *Ego ante te ibo, et gloriosos terras humiliabo.* Ipsa etiam Joviana jam dicta et sæpe dicenda pericula, quæ vix unquam constat fuisse pervia, quæ etiam mortis ruinam transeuntibus semper minantur, nullius, ut dicitur, Marronis (37) subvectus auxilio, non pedetentim, ut mos est illius itineris, perrexisse, sed potius vidimus eucorripisse. Sed qualiter vir iste in tam duro itinere sese habuerit utilimum esset, si ejus pace potuisset fieri, quædam de ejus continentia scribere, pro illorum saltem ædificatione qui, arrepta occasione alicujus itineris, statim silentii jura confringunt, consueti jejunii regulam deserunt, psalmodia quoque et totius pene monasticæ disciplinæ censuram quasi licenter confundunt. Sed quia ejus sanctitatis offensam incurere timeo, melius est suæ licentiæ lumen adhuc sub silentio tegere, quam ejus indignatione super candelabrum ponere. Sed obedire oportet Deo magis quam hominibus, et ejus offensam magis quam alicujus mortalis convenit perhorrescere. Veritatis enim ore ita jubetur: *Luceat lux vestra coram hominibus, ut videant vestra bona opera, et glorificent Patrem vestrum qui in cælis est.* Quædam ergo illius, quasi communia et minime abscondi debentia, ita succincte scribamus quatenus nullius rumoris navo, nullius laudis macula, ejus sanctitas offuscetur, et audientium pia devotio melioretur, et Christus per eum glorificetur.

QUALITER DOMNUS PETRUS SE HABUERIT IN GALlico ITINERE.

8. In ipso namque æstivo tempore, quo dies plus solito protelantur et gulosis monachis quasi sine termino esse videntur, ita suæ operationis ordinem retinebat, ut nec psalmodiæ vel vigiliarum consuetudinem prætermitteret, nec jejuniorum vel silentii censuram postponeret. Qualiter autem nos qui suo lateri jugiter adhæseramus, in suo jejunio, ut putabatur, decepit, non possum, quia nec debeo, reticere. Apud Gallos namque ista universalis viget consuetudo ut vinaria vasecula intrinsecus prius pice perfundant, et servanda vina sic in ea postmodum recondant; quæ illius terræ indigenæ quasi quodam pigmento dicunt esse condita, sed adventantes plurimi nauseantes respunt quasi pice corrupta. Nobis hujusmodi vinum pruritus gulæ citius commendavit; ille vero fideli, ut putabamus, deceptione ita exhorruit ut nec etiam convivio, in quo aderat, interesse voluerit. Sic per totam Galliam districti jejunii tenuit censuram, quia nequaquam precibus impetrare potuimus ut vel parvam ipse hujus vini sumeret sorbitunculam. Aqua vero illius patriæ vix alicubi ad bibendum habilis invenitur. Pisces quoque et accuratos cibos occasione qualibet penitus respuebat. Sic

acerbissimæ Petri in Cadaloium passim in ejus scriptis leguntur.

(36) Exstant hæc carmina inter cetera P. Damiani edita tom. IV, p. 46. Itaque hio ea prætermittimus.

(37) Marrones Alpium incolæ quidam, ut docet Cangius in Glossario.

quidem et æstivi caloris ardorem sustinebat per diem, et vigiliarum per noctem non deserebat laborem. Sed non sine admiratione intueri valeo, cum vir iste ad synodale militaturus properabat prælium, et pro ereptione multorum solus pugnaturus accesserat, ut vires sibi sero subtrahebat; et ut prædicationis sibi tribueret copiam, continua macerabat corpus inedia, et ne alicujus reprehensionis notaretur macula, prius in suæ operationis pagina legerat quæ aliis melius quia duplicius prædicabat. Castigabat, ut Apostolus, corpus servituti subdendo, ne forte ipse aliis prædicans inveniretur reprobus.

9. Comparetur nunc istius viri sancta militia illius victoriæ pugnaeque, quæ sub Gedeon fuisse describitur. Gedeon contra Madianitas dimicasse legitur, sed milites, quos aquam fluminis hausisse flexis genibus conspexit, a bellorum procinctu protinus removit; quos vero recto genu aquam bibere viderat, secum ad prælium insolitis armis muniens duxit. Nam, ut illic dicitur, non consuetæ bellicæ artis munitione eos armavit, sed in dextera tubas, in sinistra contra hostium multitudinem lagenam tenuerunt; et sic, Dei omnipotentis dispositione, his armorum generibus hostes territi ad fugæ patrociniū se protinus converterunt. Sic vir iste hellicus et sub ecclesiastico campidocore nutritus, sub duce suo Jesu pergens ad prælium, aquam fluminis flexo poplite minime sumpsit, quia doctrinam sapientiæ, quam de Scripturarum fluvio situbendo pectore mirabiliter hausit, recta ejus operatio nobilitavit. Illorum enim militum consortium miles iste jam spreverat, quibus Paulus dicebat: *Dissolutas manus et genua debilia roborate*. Nunquam enim debilitate operum spiritualis hausit fluentia doctrina. Dexteram vero suam tuba, sinistram autem lagenam munivit, quia prædicationis officium, quæ per tubam intelligitur, fervidus exercebat; corporis vero fragilitatem, quæ in lagenam significatur, quasi pro nihilo ducens, parvi pendebat. In dextera igitur tubam, in sinistra ferebat lagenam, quia sinistra vitæ prosperitatem respuens ad dexteræ vitæ gaudia medullitis anhelabat. Unde et huic bene congruere cernitur quod electorum voce dicitur: *Læva ejus sub capite meo, et dextera illius amplexabitur me*; quia prosperitatem lævæ, quæ in præsentī vitā subsistit, mentis intentione calcabat; totum se in gremio æternæ beatitudinis, quæ per dexteram accipitur, collocabat. Erat igitur, ut Salomon dicit: *Longitudo dierum in dextera ejus, in sinistra vero illius divitiæ et gloria*. Incedebat ergo miles iste taliter armatus: erat in dextera ejus, ut dicitur, ignea lex; erat canorus et terribilis tubæ sonitus, parvi pendebat corpus, roborabat spiritum, attenuabat carnem, saginabat mentem, exteriorem hominem castigabat, interiorem viribus roborabat, nullius timoris vel amoris intuitu suæ prædicationis lucernam exstinguebat, quia, ut

A Dominus ait: *Nemo accendit lucernam et ponit eam sub modio, sed super candelabrum*. Non enim pro temporali commodo lumen prædicationis est descendendum, sed super candelabrum potius ponendum, quatenus semper supra curam corporis vigeat gratia prædicationis.

10. His igitur virtutum telis vir iste vallatus, ubique se occasio præbuerat, divini verbi semen spargebat, et virtutum arbores in terra humani cordis plantabat, quas postmodum fecundis exhortationibus irrigabat. Quandocunque episcopus, abbas aut alicujus conditionis homo, delicta reverentiæ causa ad eum confluxerat, semper suæ sapientiæ recedebat sale conditus, sanctæ prædicationis medicamine fatus, fraterna admonitione delinquitur, atque in omnibus ita melioratus quod valde antea non venisse tristabatur. Sic quidem secundo labore itineris, qui ad unius monasterii salutem fervidus anhelabat, multorum infirmitatibus obiter providebat. In hoc nempe summum magistrum nobilis discipulus imitabatur. Salvator quippe mundi pro archisynagogi filiae resuscitatione pergebat, sed in ipso itinere a fluxus sanguine quandam femiā suæ vestis medicamine liberavit; et dum sui corporis præsentia illam suscitare dignatus est, prius istam sola simbria liberare voluit.

DE DOMNO ADRALDO BREMETENSI ABBATE.

11. Adhærebat præterea nostro comitatu quidam venerabilis abbas, Adraldus nomine (58), qui quondam sanctæ vestis habitum Cluniaco sumperat monasterio, et cujusdam ejus monasterii, Paterniaci nomine, prioratus aliquantum rexerat. Vir quippe valde litterarum studiis eruditus et liberalium artium peritia exornatus, religiosus in opere, facundus mirabiliter in sermone, celebrem et regalem tunc temporis abbatiam, Bremetensem scilicet, pastoralī providentiā gubernabat. Qui quidem in primo suæ cognitionis limine quasi austerus et inconveniens judicatur; sed, postquam in ejus familiaritatis aula cœperis residere, tunc subito, quasi alteratus, benignus, prudens, tractabilis invenitur. Sed inter plurima istius viri dona virtutum, est quædam quæ hominibus illum valde commendat et in multorum devota dilectione validius solidat. Non enim ad instar Cluniacensis munificentia, neque alicujus suæ patriæ viri, sed quasi nobis natura italicus munificus et largus semper habetur. Hoc namque nostrorum famulorum ora testantur, quos non hædinis, non ovinis, sed vulpinis pellibus textit. Quamquam mea, ut dicitur, impediēte fortuna, tenacem Gallicæ morem in me solo servavit; sed non debeo hujus viri tacere præconia, tametsi mihi nulla contulerit præmia.

Postquam vir iste nostri itineris cœpit fieri particeps et totius nostræ convenientiæ commune cœpit habere consortium, cuncta, quæ agenda erant qui Bremetensi præminet monasterio, didici relatione.

(58) De hoc homine Petrus ipse Damianus in opusc. xxxiv, 5, sic: Adraldi prudentis et religiosi viri,

ejus consilio credebantur ejusque dispositioni omnia tradebantur. Ipse quoque Cluniacensis abbas ita in ejus viri prudentia confidebat ut nullius rei negotium sine ejus consilio agere disponderet. Tandem post æstivos sudores, post maximos et multos labores, post multa et diversa pericula, post immania montium et Alpium præcipitia, ad expectantem nos venimus Cluniacum. De apparatu autem processionis et summa devotione nostræ receptionis super vacuum est scribere, cum eum jam devotis manibus præsentem suscipiebant, quem pro illius monasterii libertate diu jam advenisse multis precibus flagitabant. Tunc communi consilio cœpimus quærere quid super vocandis ad synodum episcopis statui deberet. Nam episcopus ille ejus temerario ausu istius causæ negotium agebatur, prout habet sæcularis astutia, postquam nostrum fama nuntiantem cognovit adventum, quia non illius terræ erat indigena, quo futurum concilium occasione quadam vitare potuisset, apud suos longius properans latitabat. Sed nequivit fugæ patrocinio Cabillonensi non interesse concilio. Synodalis tamque terminus ita provide statuitur quod longinquæ et remotiores præsules naviter interesse potuerint. Tunc ex apostolicæ sedis auctoritate communitarie ad episcopos diriguntur epistolæ, debitam Romano pontifici obedientiam imperantes, et inobedientiæ vindictam canonice intentantes, locum quoque et diem futuri concilii nuntiantes.

LAUS CLUNIACENSIS CONGREGATIONIS EJUSQUE ABBATIS.

12. Interea octo dierum spatio mansimus Cluniaco. Veraciter ibi multos reperi Paulos, plurimos vidi Antonios, qui etsi solitudinis habitationem non incolunt, anachoritarum præmium imitatione operum non amittunt. Cum enim illius congregationis ordinem accurate cœpi perspicere, et mutua dilectionis inter eos manere benevolentiam et monasticam omnium causarum pollere convenientiam, statim ad illius primitivæ Ecclesiæ mens recurrit familiam, de cujus laude ita Lucas loquitur: *Multitudinis credentium erat cor unum et anima una, et erant illis omnia communia*. Ad instar enim illius primitivæ familie, dicam potius celestis patriæ, non est ibi alienigena metus inopie, non pondus alienigenæ miseriæ: ibi charitas regnat, spirituale gaudium ibi tripudiat, pax cunctos necit, omnes patientia tolerat, longanimitas illos modificat, spes erigit, fides solidat, interius et exterius castitas mundat, devota illos obedientia purgat, sanctæ et monasticæ consuetudinis ordo inconcusse servatur, vividæ mortificatio et regularis ibi districtio semper habetur. Quid de claustrî custodia vel taciturnitatis opus est censura describere, cum nec etiam, præter alicujus rei necessitatem, infra ipsum claustrum ausus est aliquis spatiari, nec sine interrogatione os ad loquendum audet ullo modo aperire? In vestium vero vilitate atque lectorum extremis te nullo modo patris Benedicti transgrediuntur præceptum. Divinæ quoque

A servitutis officia ita apud eos provide distinguuntur atque pia ex industria protelantur, ut nec longiora dici aliquid spatium a divino vacare possit officio; ita enim in ecclesiasticis atteruntur officiis ut vix claustrensi et honesta locutione, nisi signis, possit alter alteri aliquid intimare; quæ quidem ita cauta et necessaria omnibus in locis facta deprehenduntur ut nullius levitatis, nullius reprehensionis valeant macula denotari. De ciborum vero vel vestium æqualitate, de pia infirmorum compassione atque omnium causarum congrua distributione scribere supersedeo, cum nec ipse abbas vel sospitate vigens, vel infirmitate gravatus, aliquam sibi cameram vel aliud quid præcipuum consuetus sit vindicare.

13. O nobilis et Israelitica Christi familia, quæ B degenerem Egypti deserens servitutem, et mare Rubrum submersis hostibus incolumis pertransiit, et superbam Jericho, Domini circumferens arcam, devicit! Importunum quoque Nabuzardan, intestinum scilicet hostem ratione moderantiæ stravit, et petulantem Holofernum quasi nova Judith funditus jugulavit. Nunc cunctis regibus superatis, hostibus quasi quadam reponissionis terra utitur, de qua ad veram lacte et melle manantem operibus currere festinat. Est quoque illius loci larga pauperum elemosyna, hospitum et adventantium summa diligentia; nullus enim pauper famelicus vel immunis inde recedit; nullus supervenientium insalutatus suscipitur, vel inhonoratus abire permittitur. Sed hujus sanctæ operationis fluvius ex illo fonte profluit, C quem in sacro pectore abbatis Spiritus sancti gratia propinavit. Ex illo enim purissimo fonte hauriunt quod sic abundanter fluunt, et in illius operis et exhortationis bibliotheca legunt qualiter monastice vivant, qualiter divinæ operationis ordinem custodiant. Est enim sua humilitate amabilis, moribus cunctis tractabilis et serena sui vultus proceritate omnibus notabilis. Quem Deus omnipotens ita suo timore subditum, et amore fervidum, et virtutum floribus voluit esse conspicuum, ut illius Ecclesiæ pastorale ipsi committeret officium. Dicerem etiam adhuc de extrariæ et secularis rei hujus loci abundantia, sine qua præsens vita minime quempiam transire patitur, quomodo cunctæ lapideæ officinæ monastico disposite sunt ordine; quomodo ecclesia D maxima et arcuata, plurimis munita altaribus, sanctorum reliquiis non modice condita, thesauro plurimo et diverso ditissima; quomodo claustrum ingens et ipsa sui pulchritudine ad inhabitandum se quasi monachos invitare videtur, quomodo sufficiens est dormitorium, et præ continuo trium lucernarum lumine aliquid unquam nocivum in eo peragi quasi ab eo prohibetur; quomodo refectorium nulla superstitutione depictum, sed sancta extremitate constructum, largum refectibus fratribus præbet concessum; quomodo per cunctas officinas ubicunque aqua necessaria quæritur, per occultos meatus statim mirabiliter sponte diffuit. Hæc et alia de prædicto monasterio dicerem, sed quia Lemovicensem

laborem hujus descriptionis stylus exarare festinat, A laboris intuitu talia scribere devitat.

DE LEMOVICENSI LABORE.

14. In Lemovicensi namque civitate celebre, devotissimum atque ditissimum in honore sancti Martialis quoddam est monasterium, quod Cluniacensis abbas noviter acquisierat; sed quia illius loci monachi sibi non obtinebant, maxima in eo tunc temporis discordia versabatur. Hujus namque acquisitionis intuitu, et ejusdem abbatis odio, prout erant sæculares monachi, a monasterio recedentes, per ejus cellulas hospitari cæperunt, et monasterium hostiliter impugnabant et monachorum, quos ibi de Cluniaco posuerat, sanguinem sibiiebant. Ad tantam quoque vesanæ mentis audaciam monachi ipsi properant, ut burgum, in quo monasterium est, concremarent, et cuncta, quæ circa monasterium fuerant, ignibus devastarent, et nisi Romana auctoritas interveniret et ex apostolica sede reverenda sibi persona succurreret, videbatur locus pessumdari. Quid super hoc negotio abbas faceret ignorabat, quo se verteret nesciebat, hujus itineris pondus nobis suggerere verecundans timebat, causam perfici aliter posse minime sperabat. Tandem erupit in vocem quod scatebat in mente, et quo ille doluerat ut medicaretur oravit. Hoc ipse abbas rogabat, hoc tota congregatio precibus flagitabat.

15. Tunc noster Ostiensis episcopus hunc sibi laborem superimponere paululum hesitavit et vix posse perficere credidit. Sed quia pro salute ejus monasterii venerat, citius acquievit, et in suis membris circumquaque positus ipsi auxiliari disposuit. Sed ante ipsius projectionis initium, cunctis cum fratribus in capitulo residens, peracto sermone, totus in terra prosternitur, et ut sibi auxiliarentur, multis requisivit precibus, gyrovagum, sarabaitam (39) et, ut consueverat, se miserum monachum clamitabat. Inter hæc tanta ipsi cælitus lacrymarum tribuitur copia, quod omnes a fundo cordis longa traxere suspiria, et unusquisque sibimet displicens sic proclamabat: O bone Jesu, si homo iste, quem ultra homines credimus, sic ubertim lacrymans tiraet, quid nos faciemus aridi et ad ejus comparationem virtutibus alieni? Nam sicut abbas, me astante, postmodum retulit, multum istæ lacrymæ omnibus profuerunt, audientium melioraverunt animos et mentes prospectantium solidaverunt. Tunc abbas communi fratrum consilio statuit ut abhinc pro ejus amore semper unus pauper pasceretur et vestiretur, et unus semper pro eo psalmus in communi cantaretur; et, denunciato sibi ejus obitu, semper in suo anniversario solemnem in conventu missam celebrare, festivam corporum refectionem fratribus præparare, et quidquid a mensa remanserit, pro ejus animæ salute pauperibus statuit erogare (40). Sic omnium fratrum societate muniti et pacis osculo confirmati, ad sanctum devenimus Martialem. Interea

(39) Sarabaita, monachus vagus et exlex. Vide Cangii Glossarium.

A nostri adventus rumor monachorum, qui monasterium infestabant, corda concusserat et eos circumquaque per diverticula fecerat latitare. Sed mox, ut venimus, illis litteræ destinantur quatenus Romanæ sedis legato se repræsentarent et allegationem hujus negotii, si justam sperarent, sine alicujus contrarietatis suspitione justitiæ ratione defenderent; alioquin sub imperio abbatis deinceps viverent. Sed quia pristinæ factionis vermis eorum viscera corrodebat, et Cluniacensem ordinem omnino suscipere renuebant, ad denuntiatum ratiocinium venire spreverunt, illum sibi præesse abbatem penitus interdixerunt. Tunc illius civitatis episcopo comiteque consulto, ad hujus definitionis calculum res ista pertrahitur. In hujus namque episcopatus ecclesiæ, quam B devota frequentia populorum repleverat, illorum contumacem absentiam coram omnibus præsul iste narraverat qualiter apostolicæ sedis legato reverentiam et abbati debitam obedientiam recusabant. Tunc apostolica auctoritate, populo collaudante, præcepit ut nisi illa hostilis audacia a monasterii et monachorum læsione cessaret, excommunicationi procul dubio subjacerent. Super hoc vero quod abbati obedire nolebant, definitivam distulit proferre sententiam. Isto igitur negotio taliter definito et monasterio in tranquillitate jam posito, ne a divinæ servitutis officio pars nostri itineris aliqua vacaret, redeundo venimus Sylvaniacum.

DE CONSECRATIONE ECCLESIE, ET SANCTI ODILONIS CORPORE COMMUTATO.

C 16. Silvaniacum nempe mercationum frequentia dives et locus est famosissimus, sanctorum vero corporibus valde devotissimus. Quoddam namque in eo constructum est monasterium, in quo beatorum Christi confessorum Maioli scilicet et Odilonis corpora conquescent. Quod quidem monasterium episcopali adhuc benedictione minime ad plenum confirmatum fuerat. Interim synodalis terminus imminabat. Tunc multis intervenientibus episcopis et innumerabili populorum frequentia, magna cum veneratione ecclesiæ consecrata, et beati Odilonis corpore commutato et altari suo nomini consignato, Cabillonensis Ecclesiæ præsul summa cum devotione nos honorifice suscepit.

DE CONGREGATA SYNODO.

D 17. Interea synodus congregatur, vocati præsules adsunt, non modica turba hominum devote festinat. Matisconensis quoque episcopus non dubius aut seguis occurrit; in sua namque prudentia (est enim litteris et sermone potens) et quorundam episcoporum quasi conspiratione confusus, hujus causæ amicabilem transactionem respiciens, ad synodalem conflictum quasi triumphaturus fervidus bellator occurrit. Pene enim omnes episcopi, qui tunc aderant, præter archiepiscopum Bysuntinum venerabilem scilicet et eloquentissimum virum, Cluniacensi monasterio invadebant ejusque causam, quantum caute

(40) Rem hanc commemorat ipse Petrus epist. l. vi, 2 et 4.

poterant, conculcabant, et ut hujus negotii magis A infortunium quam triumphum abbas incurreret, occultis machinationibus fabricabant. Nam unusquisque causam suam in iudicio agi credebatur, cum coepiscopi negotium Romana discussio ventilabat, quia si abbati hujus rei victoria proveniret, quilibet episcoporum illi amplius resistere non auderet. Hujus igitur cautela studio constipati, illum adjuvaturi, ut obsisteret incitabant. Sed noster Romanus belligerator horum machinatione et non parvi pendenda conspiratione præloctus, sic postmodum hujus causæ peroravit negotium, ut quos ille occultos jam tenebat adjuutores, apertos postmodum suæ causæ habuerit contradic- tores. Nam in Cabillonensis ecclesia cuncto residente concilio, postquam, ut Romana synodi consuetudo deposcit, predicationis verbum finivit, tale rhetorice locutionis exorsus est præcimum, quod inten- tos simul et benevolos faceret auditores.

RHETORICÆ LOCUTIONIS PRÆCIMIUM.

18. Ad vestræ, inquit, fraternitatis auxilium Ro- mana nos delegavit auctoritas, et quasi ad charissimos fratres nostra communis mater destinavit Ecclesia. Vestra namque sibi debita sancta fidelitate confisa, quam etiam in nonnullis suis negotiis experta est profuisse, quidquid in istis partibus injuriæ patitur, vestra nos adjuvante providentia, sibi ut emendetur exoptat. Per nos siquidem coram vestra sanctitate Romana lamentatur Ecclesia, quod multorum hominum insolentia multas inter vos quotidie patitur contumelias. Verumtamen inter cætera quæ sibi evenisse considerat, unum quid novum et in- speratum eam non modicum perturbavit. Cum enim hujus sinistri rumoris fama totius Romani concilii noviter percelleret auditus, omnes pariter in mærorem simul et admirationem conversi sunt. Cumque diu protracta deliberatione, quem, qualem et quantum pro tante rei præsumptione destinare deberent, nos demum mittere decreverunt. In hoc namque quantum super hoc Romana dolet Ecclesia, fratres mei, perpendite, quia non subdiaconum, non diaconum, non cardinalium quemlibet (41) mittere procuravit.

49. Tunc episcopi omnes ex præmissa verborum dulcedine valde benevoli, et ex causæ exaggeratione non parum intenti, expectabant ut jam causa illa exponeretur, pro qua tantus et talis homo a Lateranensi curia devenisset. Mox autem, ut suis verbis illorum benevolam audientiam adesse conspexit, sic cepit enarrare propositum: Cluniacense monasterium Romanæ curiæ esse subditum nullus vestrum, fratres, ignorat, et quod nulli alii personæ præter Romanum pontificem in eodem monasterio jus ali- quod pertinet nullus addubitatur, quod quidem supra omnia sibi pertinentia diligit monasteria; multis quoque apostolicæ sedis privilegiis constat esse mun- itum. Quæ omnia dominus Matisconensis episcopus

parvipendens illud subjugare suæque citioni sub- mittere quasi temerarius studet invasor. Tunc ille, quia jam suæ nequitie caput attritum et mentis rigorem jam pene sensit emortuum, coram cuncto concilio causam narraturus assurgit. Mox ex utraque parte causa exponitur, et utriusque partis allegatio ventilatur. Romanæ Ecclesiæ lecta sunt privilegia contra quæ episcopus egisse accusatur; causa defenditur, culpa imponitur, controversia meritis partium examinatur. Tandem post multas contentiones, post utriusque partis varias objectiones, quia episcopus contra privilegia se non egisse purgare non poterat, ad hujus decisionis calculum res ista perducitur. Interrogantur episcopi, si apostolicæ sedis rata decernerent privilegia et in suo tenore, quæ lecta sunt, sine lesione durantia. Omnes rata et in- concussa manere definitiva sententiâ decreverunt. Tunc ipse Matisconensis episcopus cum quinque ejusdem Ecclesiæ clericis propria manu juravit (42), quia quod contra monasterium se egisse recolebat, neque ad injuriam apostolicæ sedis, neque ipsius papæ fecerat, neque adhuc privilegiorum tenorem ad liquidum noverat. Tali modo inter domnum episcopum et abbatem hujus causæ negotium constat esse sopitum et plenæ definitioni traditum. Pacis inter eos fœdera collocantur, simultatis jurgia propelluntur. In eadem quoque synodo quedam sunt eccle- siastica censura correctæ, quædam canonicæ sanc- tionis vigore statuta, et dum pro unius causæ in- tituto synodus congregata fuisse decernitur, multis postmodum causis constat fuisse proficuum.

DE REVERSIONE.

20. Interea redeundi amor occurrit, repetendū itineris labor incumbit. Licentia petitur, sed licentia protelatur. Ipse enim abbas cum suis tractare cepit quomodo tanti labor itineris alicujus muneris compensatione levigaretur; sciebat enim hunc hominem pecuniam non amare, munera spernere, solius pietatis intuitu tantum sumpsisse laborem. Talia igitur decrevit offerre munera, quæ non ipsi, sed per eum Deo transmitteret, ut, dum sibi nollet, Deo saltem tribueret. Capellam enim argenteam deauratam, cum sacris vasis et vestibus, palliis et utensilibus obtulit. Accipe, inquit, magister, istam sacram vestem et sancta vasa, quæ Deo omnipotenti tribuimus et divino ritu mancanda per te tuis sanctis locis transmittimus. Tunc in prima fronte receptionis quasi palliata locutione deceptus, munera per se Deo tradita non est aspernatus. Interim dies transit; peractis necessariis, membra quieti dedimus. Interea diversarum cogitationum conflictus animum rapuere illius. Cogitabat ne sub hujus receptionis specie vitium aliquod latitaret, ne quod pro futuræ mercedis intuitu laboraverat, terreno munere deperiret, et fructus, quos maturos manducare debuerat, obstu- mirum et noster est oculus et apostolicæ sedis im- mobile firmitatem.

(42) Exstat hujus jurisjurandi formula in editione Operum S. Petri D. tom. III, p. 911.

(41) Innotuit v. r. sanctus Alexandri papæ litteras ad presules Gallie in quibus aiebat: «Talem vobis virum destinare curavimus, qui nimirum post nos major in Romana Ecclesia auctoritas non habetur, Petrum videlicet Damianum Ostiensem episcopum, qui ni-

pescentibus dentibus acerbos ipse consumeret. Cogitabat quia beatus est dare quam accipere; et: *Beatus qui subtrahit manus suas ab omni munere*. Hæc et alia sancto mentis examine trutinans compensabat. Mane autem facto, me primum adesse præcepit. Tunc sibi dilecti Baruntii memoriam, prout sapius consueverat, cœpit habere. O, inquit, si ille charissimus frater noster adesset Baruntius (43), salutiferi consilii nobis propinasset poculum! Nunquam enim mihi ut acciperem persuasit, imo ut terrena spernerem semper suggestit. Munera ista, quæ tali velamento nobis deferuntur, non esse accipienda recogito; iustitiam enim Dei occasione qualibet vendere timeo; terrenarum rerum negotiator esse non debeo. Quid tibi super hoc videatur edicto. Postquam vero hujus mihi consilii asum tribuit, non solum, quia voluerat, laudavi, sed ut faceret multis precibus postulavi, et quod pauperem Christum pauperes

(43) S. Petrus D. in disputatione De variis apparitionibus et miraculis cap. 1, ait: Baruntius plane mihi frater unanims et in amoris præcipui dulcedine

A sequi debemus, sanctis ejus auribus inculcavi. De quo quidem consilio suæ paternitatis amor in me nasci, vel potius, ut puto, cœpit augeri, quanquam hactenus nec ad mei vel alicujus notitiam amor ipse pervenerit; quasi enim quodam gelu adhuc in gemma constrictus, nec ad fructuum maturitatem, nec ad floris teneritudinem, nec etiam ad frondium viriditatem erupit. Tandem ne æternæ retributionis fructus aliquo nobis munere deperiret, et temporalis oblatio præmium æternum consumeret, reuente et contradicente abbate, prædicta munera eidem dimissimus, et hujusmodi pondere nos onerare penitus renuimus, nihilque ab eo, præter nobis necessaria, et quæ itineris prolixitas requirebat, nos accepisse recoelo. Sic officii salutationis ex utraque parte exhibitis, levigati et alacres ad dilecti fontis solitudinem rediimus Avellani (44).

singularis, etc.

(44) Anno 1063 die 5, ante Kal. Novembris. Confer. Petri D. epist. lib. vi, 5.

EXPOSITIO CANONIS MISSÆ (45)

SECUNDUM PETRUM DAMIANI (46).

1. Qui pridie quam pateretur. Ecce, cum nunc ad summum sacramenti virtutem accedamus, deficit lingua, sermo disparet, superatur ingenium, opprimitur intellectus. Quis enim novit ordinem cœli et ponat rationem ejus in terra? Sed pulsemus ad ostium, si forte clavis aperire dignetur, ut accommodet nobis tres panes, qui maxime nobiscum erunt in hoc convivio necessarii. Fides enim petit et accipit; spes quærit et invenit; charitas pulsat et aperit; petit et accipit vitam; quærit et invenit viam; pulsat et aperit veritatem: Is enim via est, veritas et vita. Qui pridie, xv luna prima mensis, quæ tunc exstitit sexta feria, passus est Dominus, et prædicta nocte, videlicet xiv luna prima mensis ad vespas, ut legis figuras impleret, post typicum pascha corporis et sanguinis sui sacramentum instituit, et calicem tradidit frequentandum. Sic enim fuerat præfiguratum in Exodo: *Decima die primi mensis tollat unusquisque agnum per domos et familias, et servabit eum usque ad xiv diem mensis hujus, immolabitque eum universa*

multitudo filiorum Israel ad vesperam. Et sumunt de sanguine ac ponent super utrumque postem in superliminariibus domorum, in quibus comederunt illum. Et edent carnes nocte illa assas igni, et azymos panes cum lactucis agrestibus. Et post pauca: *Est enim Phase, id est transitus Domini. Transitum istum Joannes determinat dicens: Ante diem Paschæ sciens Jesus quia venit hora ut transeat de hoc mundo ad Patrem, cum dilexisset suos, in finem dilexit eos. Et facta cœna, complevit ea quæ fuerant figurata. Ægyptus est mundus; externinator, diabolus; agnus, Christus; sanguis agni, passio Christi; domus animarum, corpora; familiæ domus, cogitationes cordis. Hoc sanguine tingimur per passionis fidem; illo tingimur per passionis imitationem, signum crucis intus et foris opposentes contra adversarias potestates. Denique carnes agni comedimus cum in sacrificio corpus Christi suscipimus, et azymos panes, id est sincera opera, cum lactucis agrestibus, id est cum amaritudine.*

(45) Egregium hoc opusculum in editione Operum S. Petri Damiani per Const. Cajetanum curata desideratur, neque id Trithemius aliive seu vetustiores seu recentiores bibliographi novisse videntur. Exstat tamen in Vaticano regio codice 524 cum recitato a nobis titulo, quum initio, tum etiam in fine opusculi scribitur. Unus Montfauconius, biblioth. mss., p. 16 et 68, memorat hoc S. Petri D. scriptum ex indice codicum senatoris Petavii, quos plerosque omnes in reginæ Svecæ bibliothecam, nunc Vaticanam, transivisse scimus. Existimo igitur nostrum

codicem 524 ipsum esse Petavianum, nota tantummodo immutata numerali. Opusculum quid in commendatione mea non indiget, tum ob auctoris gloriosum nomen, tum propter recomditam theologiam et religiosæ pietatis sensus eximios.

(46) Damiani non Damianum habet codex, et quidem scimus Petrum dictum Damiani, in fratris benivoli gratiam. Attamen sodalis Petri in descriptione itineris gallic. n. 2, aliique auctores scribunt Damianus.

2. *Accipit panem.* Ideo panem et vinum in sacrificium corporis et sanguinis sui Christus instituit, quod sicut præ cæteris cibis corporalibus panis et vinum reficiunt, ita corpus et sanguis Christi præ cæteris cibis et potibus spiritualibus interiorum hominum reficiunt et saginant. Unde, *caro mea vere est cibus, et sanguis meus vere est potus.* Quia vero Christus accepit panem et calicem in sanctas ac venerabiles manus suas; et sacerdos exemplo Christi carnem et sanguinem in manus accipiens, utrumque per se benedixit crucis signaculo. Panis fermentatus non debet offerri in sacrificium, tum ratione facti, tum ratione mysterii. Sic legitur in Exodo. Fermentum etiam corruptionem significat, teste Apostolo: *modicum fermentum totam massam corrumpit.* Græci tamen in suo pertinaces errore de fermento conficiunt. *Elevatis oculis in cælum.* Hæc quidem verba nullus evangelista describit. Quis ergo tantæ præsumptionis exstitit ut audacia ut hæc de se exponat? Sane istam formam ab ipso Christo acceperunt apostoli, et ab ipsis Ecclesia. Multa quidem tam de verbis quam de factis prætermiserunt evangelistæ, quæ tamen apostoli suppleverunt; possunt tamen hæc ex aliis locis Evangelii comprobari. Joannes enim Lazari suscitationem describens testatur quod *Jesus elevatis sursum oculis dixit: Pater, gratias ago tibi quoniam audisti me.* Item alibi: *Et sublevis in cælum oculis dixit: Pater, clarifica Filium tuum.* Sed sicut in cælum oculos levavit ad Patrem, cum animam Lazari revocaret ad corpus, quanto magis credendum est quod tunc oculos ad Patrem in cælum levaverit, cum panem et vinum in corpus proprium commutabat? *Gratias agens.* Hinc quoque colligitur unde sacrificium laudis. Gratias agebat non pro se, sed pro redemptione hominum sic futura.

3. *Benedixit.* Quidam dixerunt quod Christus confecit cum benedixit, litteram construens hoc ordine: *accepit panem et benedixit;* subaudiendum est, *aitens: Hoc est corpus meum.* Prius ergo illa protulit, ut eis vim conficiendi tribueret; deinde protulit eadem, ut apostolos formam conficiendi doceret. Sane dici potest quod Christus virtute divina confecerit corpus ea forma expressa sub qua posteri benedicerent; ipse namque per se virtute propria benedixit; nos autem ex illa virtute quam edidit nobis. Cum ergo sacerdos illa Christi verba pronuntiat: *Hoc est corpus meum, hic est sanguis meus,* panis et vinum in carnem et sanguinem convertitur illa Verbi virtute qua *Verbum caro factum est et habitavit in nobis;* qua *dixit et facta sunt;* qua feminam in statuam mutavit; qua virgam convertit in colubrum; qua fontes mutavit in sanguinem; qua aquam commutavit in vinum. Nam si verbum Eliæ potuit ignem de cælo deponere, verbum Christi non poterit panem in carnem mutare? Quis hoc audeat putare de eo cui nullum verbum est impossibile, per quem omnia facta sunt, sine quo factum est nihil? Certe magis est creare quod non est quam mutare

A quod est: ac longe majus est quod non est de nihilo creare quam quod est in aliud transmutare. Si dixerit aliquis: Certus sum ego omnino quod valeat, non sum certus quod velit; si dubitat ergo quod, cum Christus accepisset panem, benedixit, *hoc est corpus meum,* Veritas hoc dicit, et ideo verum est omnino. Et alibi: *Nisi manducaveritis carnem Filii hominis et biberitis ejus sanguinem, non habebitis vitam in vobis.* Et ad majorem veritatis expressionem adjunxit: *Caro mea vere est cibus, et sanguis meus vere est potus.*

4. Ego vero qui vitam æternam habere desidero, carnem Christi veraciter comedo et sanguinem ejus veraciter bibo, illam utique carnem quam traxit de Virgine, et illum sanguinem quem effudit in cruce. Sicut et vidua Sarephitana quotidie comedeat, et B non diminueretur farina de hydia, et oleum de se cytho; sic universa Ecclesia quotidie sumit, et nunquam consumit carnem et sanguinem Domini nostri Jesu Christi. Verum an partes in partes, an totum in totum transeat, novit ille qui facit; ego quod residuum est igne comburo, nam credere jubetur, distinguere prohibemur. Sed quia instat quærentis improbitas, salva fide concedemus quod talis panis in tale corpus commutatur, nec pars in partem. Reor tamen, salva fidei majestate, quod, ubi panis est consecratus, totus est Christus in tota specie panis, totus sub singulis partibus, totus in magno, totus in parvo, totus in integro, totus in fracto. Scio tamen quod dicitur a quibusdam: *Quandiu species integra est, sub totali specie totale corpus existit; ubi vero dividitur, in singulis divisionibus incipit esse totum, sicut in speculo, dum est integrum, una tantum apparet insipientis imago; sed, ipso fracto, tot apparent imagines quot sunt fracturæ.* Quæritur utrum corpus Dominicum sit locale, utrum faciat localem distantiam, utrum dici debeat quod jacet aut sedet aut stat; sed et alia multa circa præsentem articulum intelligi possent, quæ melius intacta volo relinquere quam temere definire; nam *bestia quæ tetigerit montem lapidabitur.* Tutius est in talibus citra rationem subsistere quam ultra rationem excedere, ne forte, quod absit, ossa regis Idumææ redigantur in cinerem.

5. *Fregit.* Solet a multis inquiri, sed a paucis intelligi, quid frangitur ibi, quid a mure corroditur, quid inde crematur cum sacramentum concrematur. D Responsio. Sicut miraculose convertitur substantia in corpus Dominicum et incipit esse sub sacramento; sic quodammodo miraculose revertitur, cum ipsum ibi desinit esse. Et non valet ibi locus a conjugatis, hic est calor, sapor, qualitas et quantitas, cum nihil ab alterutro sit coloratum aut saporatum, quid æquale miraculum? Quippe vincit naturam, et legi detrahit dispensatio; nec debueris quærere naturam in gratia, nec consuetudinem in miraculo. Sane natura Dei est Trinitas, videlicet Pater, et Filius, et Spiritus sanctus. In hypostasi Filii et trinitas substantiarum, videlicet deitas, corpus et anima; in sacramento corporis Christi est trinitas specierum, videlicet panis, vinum, et aqua. In natura Dei non est

accidens in substantia, ~~hæc~~ substantia sub accidente; A in hypostasi Filii est accidens in substantia, et substantia sub accidente. Dicamus ergo ad primum quod forma panis frangitur et atteritur, sed corpus Christi sumitur et comeditur, ea quæ notant corruptionem, ad formam panis referentes; ea vero quæ notant acceptionem, ad corpus Christi.

6. *Dedit.* Queritur utrum corpus suum in cœna dederit mortale an immortale, passibile an impassibile? Sufficere credo si dicatur: tale dedit quale voluit; potest tamen concedi, salva fide, quod tale dedit quale tunc habuit, mortale videlicet et passibile, non tamen quod posset pati sub sacramento, sed quia sub sacramento poterat pati, passibilis credebatur nec lædebatur. *Discipulis.* Solet dubitari an Judas acceperit. Quod videtur, cum dicat: *Bibite ex hoc omnes.* Sed queritur qua ratione medicus salutaris medicinam dabat ægroto, quam ei sciebat mortiferam? Ad hoc scilicet dabat, ut suo doceretur exemplo quod sacerdos non debet ulli communionem negare, cujus crimen, etsi sibi sit notum, non tamen Ecclesiæ, ne forte non sit corrector, sed proditor. *Accipite et manducate.* Non est intelligendum quod sumptum corpus de manu Domini sibi discipuli administrarent, sed qui consecravit, idem et ministravit. Fortassis adhuc cogitatio pulsant animum, querens quid fiat de corpore Christi postquam fuit sumptum et comestum? Christus de ore transit ad cor; melius est ut procedat in mentem quam descendat in ventrem. Cibus hic non carnis, sed animæ venit et comeditur, non ut consumatur; ut gustetur, non ut incorporetur; ore comeditur, sed non in stomacho digeritur; reficit animum, non effluit in secessum. Quod si forte secessus aut vomitus post solam Eucharistiæ comestionem eveniret, in hoc species ad proprietatem sensui famulatur, quæ quantum ad nos servat per omnia corruptibilis cibi similitudinem, sed quantum ad se non amittit inviolabilis corporis veritatem. Species quidem corroditur et maculatur, sed veritas nunquam corrumpitur aut coinquinatur. Siquando tale quid videris, nihil time illi; sed esto sollicitus tibi, ne tu forte lædaris, si male credideris.

7. *Hoc est corpus meum.* Queritur quid demonstret sacerdos per hoc pronomen *hoc*? Si panem, panem nunquam congruit esse corpus Christi, sed demonstrat corpus Christi; sed quando proferitur ipsum pronomen, nondum est transsubstantiatio. Respondetur, quod sacerdos non demonstrat, cum illis verbis non utatur enuntiative sed recitative, quemadmodum cum ait: *Ego sum vitis vera, ego lux mundi, et multa alia. Simili modo.* Sub utraque specie scilicet panis et vini utrumque, id est corpus et sanguis, consecratur; neutra tamen superfluit, ut ostendatur quod Christus totam humanam naturam assumpsit, ut totam redimeret; panis enim refertur ad corpus, vinum ad animam. *Postquam cœnatum est.* Post cœnam dedit hoc sacramentum, ut ultimum testatoris mandatum arctius memoriæ commendaret.

Non ideo tamen est calumniandum Ecclesiæ quod a jejunis accipitur; placuit enim Spiritui sancto ut in honorem tanti sacramenti primum os Christiani intraret. *Accipiens et hunc præclarum calicem.* Continens metonymice ponitur pro contento. *Hic est calix sanguinis mei, novi et æterni testamenti,* id est firmatio novæ æternæ promissionis. Queritur utrum aqua cum vino convertatur in sanguinem? Dicitur enim quod aqua significat populum, et vino miscetur, ut Christo populus admistus significetur. Dico aquam transire in vinum, cum multo vino modicum infundatur aquæ. Queritur an vanum sit quod geritur, si forte aqua prætermittatur? Dico, si ignorantia vel oblivione aquam prætermisit aliquis, graviter puniatur; non tamen sit etiam irritum sacramentum. B Tribus ex causis sacramentum corporis et sanguinis sui sub alia specie sumendum instituit: ad augendum meritum, ad fovendum sensum et ad vitandum ridiculum; ad augendum meritum, quia aliud ibi cernitur, et aliud creditur; ad fovendum sensum, ne abhorreret animus quod cerneret oculus; ad vitandum ridiculum, ne insultaret paganus si id ageret Christianus. *Mysterium fidei.* Mysterium dicitur, quia aliud cernitur, aliud creditur. *Qui pro multis effundetur in remissionem peccatorum.* Pro solis destinatis effusus est quoad efficaciam; pro omnibus quoad sufficientiam.

8. *Hæc quotiescunque feceritis.* Non possumus exire de Ægypto nisi celebrando Phase; ergo ut devastante angelo protegamur, agnum edamus. Sed quoties? Augustinus dicit: Quotidie sumere nec laudo nec vituperio. De Zachæo et centurione legimus: Alter gaudens suscepit Christum in domo sua; alter, *Domine, non sum dignus ut intres sub tectum meum.* Non alter alteri se præposuit. Faciat unusquisque quod pium crediderit esse faciendum; hortor tamen omnibus diebus Dominicis esse sumendum, si tamen mens non sit in affectu peccandi. *In mei memoriam facietis.* Si quis peregre proficiscens, aliquod pignus ei quem diligit relinquit, ut quoties illud aspexerit, illius debeat amicitias memorare, is profecto sine fletu ac desiderio nequit illud aspicere. *Unde et memores.* Quia Dominus ipse præceperat ut hoc in sui memoriam faceremus, idcirco tria commemoranda proponit Ecclesia, scilicet passionem, resurrectionem, ascensionem; quorum primum pullulat charitatem, secundum roborat fidem, tertium lætificat spem. Quid in nobis magis charitatem accendat quam quod proprio suo Filio non pepercit Deus, sed pro nobis omnibus tradidit illum? Quid in nobis magis fidem confirmet, quam quod Christus surrexit a mortuis, primitiæ dormientium et resurrectionis mortuorum? *Sicut in Adam omnes moriuntur, ita in Christo omnes vivificabuntur.* Quid magis in nobis amplifcet spem quam quod Christus ascendens in altum captivam duxit captivitatem, dedit dona hominibus, ut ubi est ille, illic sit et minister ejus? Quia vero dicit se memorem Dominicæ passionis, statim acerbiorum ipsius passionis commemorat

[partem], recolens in quinque crucibus quinque plagas. Deinde per tres partes Dominicæ passionis prosequitur, sicut subsequenter ex ipso declarabitur. Abhinc igitur usque dum corporale desuper calicem removelur, Domini passio commemoratur. Nam ut dicit sacerdos, *hostiam puram, hostiam sanctam, hostiam immaculatam, panem sanctum vitæ æternæ, et calicem salutis perpetuæ*, unum crucis signaculum imprimitur super oblatam, significans illa viventis petreæ foramina, in quibus residet immaculata columba fructuose nidificans. Tres autem cruces facit pariter super oblatam et calicem, quoniam in tribus verbis primis utraque species intelligitur; nunquam autem in crucis signaculo panis separatur a calice, nisi cum separatim nominatur.

9. Hic oritur non prætereunda silentio quæstio, quare super hostiam benedictam et plenissime consecratam adhuc benedictionis signum exprimitur? Imo talia sunt quædam subiecta in canone, quæ videntur innuere, quod nondum sit consecratio consummata. In canone siquidem aliud verba significant, aliud signa portendunt (47). Verba namque principaliter spectant ad Eucharistiam consecrandam, signa vero principaliter pertinent ad historiam recolendam. Hoc capitulum qui pridie quam paterebatur in fine canonis subijci debuisset, quoniam in eo consecratio consummatur; sed quoniam impedisset ordinem historię, quasi quadam necessitate compulsus capitulum illud quasi cor canonis, ita in medio collocavit, ut quæ sequuntur intelligantur præcedere, secundum illam figuram qua sæpe fit, ut quæ ratione succedunt intellectu præcedant. Vel potius, ut tam literæ quam historię suus ordo servetur, dicatur quod signa pertinent ad historiam recolendam, verba ad consecrata hoc modo; nos tui primi, videlicet sacerdotes, sed et plebs tua sancta, scilicet populus Christianus; nam populus agit voto, sacerdotes peragunt mysterio.

10. Offerimus præclaræ majestati tuæ, id est præcæteris claræ; nam si *justi fulgebunt sicut sol in regno Patris*, quanto clarius divina majestas præfulget! De tuis donis, id est de fructibus segetum, quantum ad panem qui est consecratus in carnem. Ac datis, id est de fructibus arborum, quantum ad vinum quod est consecratum in sanguinem. De istis, inquam, et de illis offerimus *hostiam puram, hostiam sanctam, hostiam immaculatam*, id est Eucharistiam innumera ab omni culpa originali, veniali et criminali; vel puram quantum ad cogitationem, sanctam quantum ad locutionem, immaculatam quantum ad operationem, quia *peccatum non fecit, nec inventus est dolus in ore ejus*. Hoc est *panem sanctum*, id est sanctificantem, dantem *vitæ æternæ*, quan-

tum ad stolam carnis; et *calicem salutis perpetuæ*, quantum ad stolam animæ. Supra quæ *propitius ac sereno vultu*, id est respectu placabili digneris *respicere*; non quod vultus ejus mutetur aliquando, sed tunc Deus vultum suum super nos illuminat et serenat, cum misericordiam suam super nos exhibet et declarat (48), secundum illud psalmi: *Illuminet vultum suum super nos et miseretur nostri*. Sicuti accepta habere dignatus es munera Abel, etc. Adverbium istud sicuti similitudinem innuit, non exprimit quantitatem; multo quidem acceptius est hoc sacrificium quam quod obtulit Abel, Abraham, Melchisedech; valet enim res plus quam umbra, veritas quam figura. Offeramus ergo sicut Abel, qui cor suum obtulit, et se totum Deo subdidit, et ideo dicit: *Respexit Deus ad Abel et ad munera ejus*, sed prius respexit ad Abel quam ad munera. Sacrificium offeramus, arietinam proterviam, feriatem taurinam, hircinamque libidinem jugulantes, juxta illud psalmi: *Holocausta medullata offeram tibi cum incenso arietum, offeram tibi boves cum hircis*. Sanctum sacrificium, immaculatam hostiam. Hoc addidit in canone Leo papa.

11. *Supplices te rogamus*. Post cœnam exiti Jesus in montem Oliveti, et progressus pusillum procidit in faciem suam orans. Ideo sacerdos inclinans se orat. Tunc accessit traditor et osculatus est eum; quod repræsentat sacerdos per osculum altaris. Et quia Jesus factus in agonia prolisius orabat, tertio dicens eundem sermonem: sacerdos facit tres cruces, primam et secundam distincte super oblatam et calicem dicens: *Sacrificium Filii tui corpus et sanguinem sumpserimus*; tertiam se ipsum signando in facie cum dicit: *Omni benedictione cœlesti et gratia repleamur*. Quia factus est sudor ejus sicuti guttæ sanguinis decurrentis in terram, forte propter sudorem corporis crucem imprimit super corpus, propter guttas sanguinis crucem imprimit super sanguinem; quia procidit in faciem, crucem imprimit in faciem. Vel per duas cruces quas facit sacerdos super corpus et sanguinem, designantur vincula et flagella, quibus elicitus est sanguis, cujus livore sanati sumus; per crucem quam facit sibi in facie, recolitur illud quod expuebant in faciem ejus, et palmas in faciem dabant et velabant faciem.

12. *Jube hæc perferri*. Tantæ sunt profunditatis hæc verba ut intellectus humanus vix sufficiat penetrare; nam et beatus Gregorius, tanti secreti interpres (49), de hora immolationis ineffabiliter loquens: Quis, inquam, fidelium habere dubium possit in ipsa immolationis hora ad sacerdotis vocem cœlos aperiri, in illo mysterio choros angelo-

(47) Cod., alia verba significant, alia verba protendunt.

(48) Hic S. Petrus sine dubio respicit ad Flori diancon expositionem canonis. Videsis biblioth. PP. Lugdun., tom. XV, p. 77. G. Vicissim Petrum hoc loco imitatus videtur interpres anonymus cano-

nis missæ, sæculo xv typis impressus, quem lego in codice Palatino 607. Dissidet vero ubique expositio Canonis, auctore Odone Cameracensi, quæ impressa legitur bibl. præd. tom. XXI.

(49) Hic quoque imitatur Florum Petrus, et interdum alibi.

rum adesse, summis ima sociari, terram cœlestibus A hingi, unum et idem ex visibilibus et invisibilibus fieri? Et alibi dicit: Uno eodemque tempore ac momento et in cœlos rapitur ministerio angelorum consecratum corpus Christi, et ante oculos sacerdotis videtur in altari, salvo tamen oculo cœlestis sacraculi sacramento. Possunt verba, licet simplicius, tamen securius hic intelligi, *jube hæc, id est vota fidelium, videlicet supplicationes et preces, perferri per manus sancti angeli tui*, hoc est per ministerium angelorum, secundum illud quod ait angelus ad Tobiam: *Quando orabas cum lacrymis, ego obtuli orationem tuam Domino.* — *In sublime altare tuum*, hoc est in conspectum divinæ majestatis tuæ. Porro sicut beatus Augustinus determinat, non dicitur angelus orationes nostras offerre Domino, quia tunc primo noverit Deus quod volumus, quia Deus novit omnia antequam fiant, sed quia necesse habet rationalis creatura temporales causas ad eternitatem referre, sive petendo quæ gratiosæ fiant, sive consulendo quæ faciat, ut quod Deo jubente implendum esse cognoverit, vel evidenter vel latentèr reportet. Hinc etiam evidenter apparèt quod angeli in sacrificio semper assistant.

15. *Memento, Domine.* Orat pia mater Ecclesia non solum pro vivis, sed etiam pro defunctis, et eos sacræ intercessionè oblationis commendat sanctis; sive quia sanguis iste pretiosus, qui pro multis effusus est in remissionem peccatorum, non solum ad salutem viventium, sed etiam ad absolutionem [valeat] defunctorum. *Qui cum signo fidei.* Non quod ibi sit fides, quia fides et spes evacuabuntur, sed signum fidei pro charactere christianitatis accipitur quod fideles ab infidelibus discernuntur. *Et dormiunt in somno pacis.* Secundum illud: *In pace in idipsum dormiam.* Sacra Scriptura appellat dormientes, ut ait Apostolus: *Nolumus vos ignorare de dormientibus.* Et Dominus in Evangelio: *Lazarus amicus noster dormit.* Propitiare, Domine, et omnibus in Christo quiescentibus. In hoc loco sacerdos, quorum maluerit, debet agere memoriam specialem. *Locum refrigerii*, in quo non est ardor peccatorum. *Lucis*, in quo non est obscuritas tenebrarum. *Et pacis*, in quo non est confictus penarum. *Nobis quoque peccatoribus.* Nam si dixerimus quod peccatum non habemus, nosmet ipsos seducimus, et veritas in nobis non est. Cum Joanne, Stephano, Matthia, Barnaba. In hac secunda commemoratione sanctorum ex magna parte supplentur quæ de præmissis sanctis jubebantur. Sed quaeritur quare Joannes repetitur, et quare Stephanus sociatur Joanni, et quare præmittitur Matthia et Barnabæ? Sane Joannes in prima commemoratione cum aliis disponitur propter apostolatam; in hac commemoratione repetitur et cum Stephano sociatur propter privilegium cœlibatus, virgines enim sunt. Propterea cæteris præmittitur virginitas et maxime commendatur, quia Christus in cruce matrem Virginem virgini commendavit. Stephani vero virginitas ex eo maxime deputatur,

quod deputatus est ab apostolis ad ministerium viduarum; et ideo in hoc quod feminis est præpositus, testem meruit sincerissimæ castitatis. Posset tamen non evangelista, sed Baptista Joannes intelligi; nec obstat quod præmittitur tum apostolis tum etiam martyribus, cum Baptista merito inter martyres possit numerari. *Non estimator meriti.* Non secundum exigentiam meritum retribuit, sed citra condignum puniendo, et supra condignum remunerando.

14. *Per quem hæc omnia, Domine, semper bona creas.* Nam omnia per ipsum facta sunt et vidit Deus cuncta quæ fecerat, et erant valde bona. *Creas, ergo* condendo naturam; *sanctificas*, consecrando naturam; *vivificas*, transsubstantiando creaturam; et *benedicis*, accumulando gratiam. Est autem simplex providentiæ demonstratio. *Hæc enim omnia, id est* panem, vinum et aquam, *semper bona creas*, secundum causas primordiales, *sanctificas*, secundum causas sacramentales; *vivificas*, ut transeant in carnem et sanguinem; et *benedicis*, ut conferant unitatem et charitatem; *per ipsum*, tanquam per mediatorem; *cum ipso*, tanquam coequali; *in ipso*, tanquam consubstantiali; in Patre quippe notatur auctoritas, in Filio æqualitas, in Spiritu sancto coævititas. Auctoritas in Patre propter principium; æqualitas in Filio propter medium; coævititas in Spiritu sancto propter consortium. Sexta feria crucifixus est Dominus hora tertia linguis Judeorum, quod narrat Marcus; sexta, manibus gentilium, quod narrat Joannes; et circa horam nonam *inclinato capite, emisit spiritum.* Ad recolendam ergo crucifixionem, quæ hora tertia facta est linguis Judeorum ter clamantium: *Crucifige*, et rursus: *Tolle, tolle, crucifige*, sacerdos facit tres cruces super oblatam et calicem, cum dicit *sanctificas, vivificas, benedicis.* Ad recolendam vero crucifixionem, quæ post intervallum trium horarum facta est manibus gentilium, facit item tres cruces cum hostia, dicendo super calicem: *per ipsum, et cum ipso, et in ipso.* Postmodum vero ad designandam divisionem carnis et animæ Domini morientis, facit duas cruces in ore calicis, cum dicit: *Tibi Deo Patri omnipotentis in unitate Spiritus sancti, Deus.* Dum enim in Christo tres sint unitæ substantiæ, divinitatis ad corpus, divinitatis ad animam, et animæ ad corpus divinum ab anima, propterea non tribus crucibus, sed duabus mors Domini designatur.

15. Sacerdos etiam super mensam altaris manus extendit, quia Christus super aram crucis manus expandit. Subtilius tamen ac profundius hæc possumus figurare; tres quippe cruces significant tres cruciatus quos Christus in cruce sustinuit, videlicet passionem, propassionem et compassionem; passionem in corpore, propassionem in mente, compassionem in corde. De passione dicit propheta. *O vos, qui transitis per viam, attendite et videte si est*, etc. Etiam: *Foderunt manus meas et pedes meos.* De propassione mentis Dominus inquit: *Tri-*

sis est anima mea; et item : Cœpit Jesus pavere et A cedere. De compassione cordis pro crucifixoribus oravit : Pater, ignosce illis. Ideo vero sacerdos facit has cruces cum hostia super calicem, quia Christus hujusmodi cruciatus in corpore super patibulum [pertulit] ; per calicem enim passio designatur : secundum (50) illud : *Pater, si fieri potest, transeat a me calix iste*. Duæ vero cruces, quas facit in latere calicis, designant duo sacramenta, quæ de latere Domini profluxerunt, videlicet aqua regenerationis et sanguis redemptionis. Corporale desuper calicem removetur, quia velum templi scissum est, secundum quod de eo scriptum erat, haec nunc erat clausum, et lignum missum est in aquis Marath, et dulcorata sunt. Tunc exaltatum parumper sacramentum de altari sacerdos deponit ipse et diaconus, quia venit Joseph ab Arimathia, venit et Nicodemus, et impetratum a Pilato corpus Jesu sepelierunt. Et quia advolvitur saxum magnum ad ostium monumenti, diaconus super os calicis corporale reponit. Quia nunc factus est in pace locus ejus, diaconus mensam altaris osculatur. Quia factus est principatus super humerum ejus, diaconus manum pontificis osculatur.

46. Sacrificium igitur septem vicibus signatur in canone; prima vice ter, ubi dicitur, *hæc dona, hæc munera, hæc sancta sacrificia illibata* propter ternam Christi traditionem, quæ facta est de eo a Juda et a Judeis. Secunda vice quinquies, ubi dicitur : *quam oblationem tu, Deus, digneris facere benedictam, ascriptam et ratam, ut fiat corpus et sanguis* ; propter quinque partes venditoris, sed et venditi et emptorum, videlicet sacerdotum, Scribarum et Phariseorum. Tertia vice bis, ubi dicitur, *accipiens panem, benedixit et fregit. Similiter et hunc præclarum calicem, gratias agens, benedixit, propter benedictionem panis qui transsubstantiatur in carnem, et vini quod transsubstantiatur in sanguinem*. Quarta vice quinquies, ubi dicitur : *hostiam puram, hostiam sanctam, hostiam immaculatam, panem sanctum vitæ æternæ et calicem salutis perpetuæ*, propter quinque Domini plagas. Quinta vice bis, ubi dicitur, *sacrosanctum corpus et sanguinem*, propter vincula in quibus ligatum est corpus, et flagella quibus elisus est sanguis. Sexta vice ter, ubi dicitur, *sanctificas, vivificas, benedixis*, propter crucifixionem quæ facta est hora tertia linguis Judæorum clamantium ter : *Crucifige*. Septima vice quinquies, ubi dicitur, *per ipsum, et cum ipso, et in ipso, tibi Deo patri omnipotenti in unitate Spiritus sancti*, ter super calicem propter tres cruciatus quos Christus sustinuit, passionis, propassionis et compassionis; et bis in latere calicis propter aquam et sanguinem qui de latere Christi profluxerunt. Inter has septem vices sacrificium signatur duabus vicibus bis, et tribus vicibus quinquies, et duabus vicibus ter; simul omnibus quin-

quies quinquies, quæ sunt simul 25. Qui numerus per se ductus semper in se ipsum reducitur; nam quinquies quinquies sunt 25; quinquies 25 sunt 125: 125 quinquies sunt 625; et ita semper abundat quinarium numerus et in se ipsum reducitur, si ducatur in infinitum, quamlibet cum multiplices. Eucharistie sacramentum semper idem est sacrificium.

17. Non solum autem crucis impressio, verum etiam vocis expressio quæ gesta sunt juxta crucem insinuant. Sacerdos enim voce paululum expressa, percusso pectore, silentium interrumpit, representans contritionem et confessionem latronis; vel etiam exultatione vocis, et tuncione pectoris exprimitur illud, quod *centurio et qui cum eo erant, visis iis quæ fiebant, timuerunt valde dicentes : Vere Filius Dei erat iste; et percutientes pectora revertebantur*. Quia vero *Jesus clamans voce magna emisit spiritum*, levat sacerdos vocem dicendo, *per omnia secula seculorum*. Videlicet quia mulieres lamentabantur *flentes Dominum*, chorus quasi lamentando respondet, *amen*. Jesus voce magna clamabat : *Pater, in manus tuas commendo spiritum meum*; et ideo sacerdos elevata voce pronuntiat : *Pater noster, qui es in cælis*. Hanc orationem post canonem beatus Gregorius censuit recitari super hostiam; hæc enim oratio cæteris omnibus multis rationibus antecedit, scilicet auctoritate doctoris, bonitate sermonis, sufficientia petitionis, fecunditate mysteriorum. Sunt hic septem petitiones quæ adaptantur septem donis, septem virtutibus, septem beatitudinibus, contra septem vitia capitalia. Homo enim est ægrotus, Dominus est medicus; vitia sunt languores, petitiones sunt planetus, dona sunt antidota, virtutes sunt sanitates, beatitudines sunt gaudia felicitatis. Quod sequitur secreta silentium, quietem significat Dominicæ sepulture. In Sabbato Christus secundum carnem quievit in sepulcro; secundum animam descendit ad inferos, ut fortiori superveniens fortem spoliaret armatum. *Libera nos, quæsumus, Domine*. Hæc oratio dicitur embolismus (51), et est expositio novissimæ petitionis orationis Dominicæ. Post passionis tristitiam ad resurrectionis gaudium pervenit, secundum illud : *Ad vesperum demorabitur fletus; ad matutinum letitia*.

18. Diaconus et subdiaconus portant patenam, quam sacerdos accipiens osculatur, et cum ea signum crucis sibi facit in faciem. Hi tam numero quam obsequio stantes illas mulieres significant, scilicet Mariam Magdalenam et Mariam Jacobi et Salome, quæ portantes patenam, id est cor patens latitudine charitatis, in obsequium sepulture emergunt aromata. Hanc ergo patenam, id est cor amplam latitudine charitatis, sacerdos accipit, id est Christus acceptat. Quia vero crucifixus ardenti desiderio querebatur, juxta quod inquit angelus mulieribus : *Scio quod Jesum queritis crucifixum;*

(50) Cod., *super*.

(51) Sic et anonymus palatinus, qui addit : *id est superexcrecentia, eo quod nihil in ea petitur quod in*

precedenti Dominica oratione petatum non sit; nec tamen superfluit, quia est expositio et repetitio septimæ petitionis.

ideo crux cum patena imprimatur in facie; statimque sacerdos osculatur patenam, ostendens quod Christus confestim implevit desiderium mulierum; mox enim occurrit eis dicens : *Avete*. Tunc sacerdos frangit hostiam in tres partes; et duabus extra calicem reservatis, cum alia signum crucis facit super calicem, et alta voce dicendo : *Pax Domini sit semper vobiscum*, particulam hostiæ in calicem dimittit. Sacerdos igitur hostiam frangit, ut in fractione panis Deum cognoscamus, sicut illi discipuli in Emmaus. Conjunctio panis et vini significat unionem carnis et animæ in resurrectione Christi denuo supervenientem. Ideo ter signum producitur cum hostia super calice, quia virtus Trinitatis animam crucifixi reduxit ad carnem. Ideo etiam fiunt tres cruces super os calicis, quia tres mulieres querebant crucifixum ad ostium monumenti; de quo diaconus removet corporale, designans quod *angelus Domini revolvit lapidem ab ostio monumenti*. Quid autem illæ partes

A significat, Sergius papa determinat, dicens : *Triforme est corpus Christi; pars oblata in calicem missa corpus Christi, quod jam resurrexit, demonstrat; pars comesta, corpus ambulans adhuc super terram; pars in altari usque ad finem missæ remanens, corpus jacens in sepulcro, quia usque in finem sæculi corpora sanctorum in sepulcris erunt.* *Pax Domini sit semper vobiscum*. Hoc significat quod stetit Jesus in medio discipulorum, et dixit eis : *Pax vobis*. Quia vero statim dedit eis potestatem remittendi peccata; *quorum*, inquit, *remiseritis peccata, etc.*, idcirco chorus clamat ad ipsum : *Agnus Dei, qui tollis peccata mundi, miserere nobis*. Et ne loquamur pacem, et non habeamus in corde, Innocentius pacis osculum dari decrevit et omnibus datur, ut constet populum ad omnia, quæ mysterio aguntur et in Ecclesia celebrantur, suum præbuisse consensum.

Explicit Expositio Canonis missæ secundum beatum Petrum Damiani.

TESTIMONIA NOVI TESTAMENTI

QUE

De opusculis beati Petri Damiani quidam ejus discipulus excerpere curavit (52).

TESTIMONIA EX EVANGELIIS.

EX MATTHÆO.

CAPITULA SECUNDUM MATTHÆUM.

1. *Quod in genealogia Domini reprehensibiles solum mulieres interponuntur, et quod Matthæus descendendo xi generationes enumerat, cum Lucas lxxvii ascendendo describat. — 2. Vos estis sal terræ; si sal exaverit, in quo condietur? — 3. Non potest arbor mala fructus bonos facere. — 4. Inter natos mulierum non surrexit major Joanne Baptista. — 5. Colligite primum zizania, et alligate in fasciculos ad comburendum.*

I. IN EXPOSITIONE EJUSDEM EVANGELII SEU IN SERMONE DE SANCTO LUCA (53).

Illud vero quosdam movere non irrationabiliter potest cur sanctus evangelista reprehensibiles solummodo mulieres in Christi genealogia interponere studuit, sanctas vero et absque ulla contradictione laudabiles silentio præterivit. Sed hoc idcirco fa-

C etum est ut, dum Redemptor noster de peccatoribus natus esse describitur, pro peccatoribus de colo ad pœnam descendisse credatur; descendit quippe, ut peccata nostra ipse portaret; ascendit vero, ut divinitatis suæ nos participes faceret, sicut per Apostolum dicitur, quia mortuus est propter peccata nostra, et resurrexit propter justificationem nostram. Hinc est enim quod Matthæus descendendo per Salomonem, cujus matrem concupiscendo David peccavit, xl generationes enumerat; cum Lucas ascendendo per Mathan, per cujus nominis prophetam peccatum David expiavit, lxx et vii generationes describat. Per Matthæum quippe signatur, quia idcirco Dei Filius ad nos peccatores descendit, ut mortalitatis nostræ particeps fieret; per Lucam vero innuitur quia idcirco post resurrectionem ad

(52) In editione Operum S. doctoris Petri Damiani per Const. Cajetanum curata, exstant quidem collectanea testimoniorum ex Veteri Testamento, quanquam fine carentia; sed collectanea ex Novo desiderantur, quia super re sic loquitur prædictus editor tom. IV, pag. 138 : *Admonendum te putamus, lector optime, hujusmodi collectanea ex Operibus S. Petri Damiani excerpta, magna cum diligentia a nobis fuisse conquesta; sed tam in Vetus duntaxat Testamentum, eaque imperfecta, ut apparet, quæ nunc in lucem damus, fuisse inventa. Nam expositiones Novi Testamenti, quas etiam, ut vetus inscriptio indicat, idem auctor, S. doctoris discipulus, compila-*

vit, reperiri minime potuerunt. Sed certe Cajetanus diligentiam suam in hoc opere vestigando extra Vaticanam bibliothecam exprompsit; nam hujus vetus codex 4950, cujus est recens apographum Ottobon. 982, utraque collectanea tam ex Veteri quam ex Novo Testamento continet. Placet igitur Operum tanti doctoris editionem hoc etiam scripto cumulare.

(53) Sermo de S. Luca, in quo partim leguntur sequentia, exstat in ed. tom. II, p. 279. Sed expositio sive in Matthæum sive in Lucam S. Petri Damiani, si forte exstitit, nulla edita habetur.

Patrem ascendit, ut nos divinitatis suæ consortes elliceret; sicut per egregium prædicatorem dicitur: *Quod autem ascendit, quid est, nisi quia descendit primum in inferiores partes terræ? Qui descendit, ipse est et qui ascendit super omnes cælos, ut adimpleret omnia.* Per numerum autem quem Matthæus ordinat, susceptio laboriosæ mortalitatis; per illum vero quem Lucas posuit, humanæ exprimitur abolitio pravitatis. Per quadragenarium quippe numerum labor exprimitur, quo videlicet Christus in corpore suo, quod est Ecclesia, per diversa vitæ hujus tempora fatigatur. Hinc est quod Moyses et Elias 40 dierum continuavere jejunium; sed et ipse Dominus sub eodem numero abstinent perceptione ciborum.

Per Moysen itaque lex, per Eliam prophetia, per Christum vero Novi Testamenti patenter intelligitur gratia. Per afflictionem ergo legis, prophetiæ simul et gratiæ labor innuitur universalis Ecclesiæ per universa mortalis hujus vitæ sæcula fatigatæ. Hinc est quod filii Israël, ærumnis atque laboribus diutina peregrinationis attriti post 40 annos terram sunt promissionis ingressi; quia videlicet omnes electi post emensum hujus peregrinationis excursus, mox hæreditario jure terram viventium possidebunt. Per septuagenarium vero numerum, quem Lucas posuit, remissio peccatorum exprimitur, sicut ipse Dominus in Evangelio testatur. Cum enim Petrus interrogaret dicens: *Domine, quoties peccaverit in me frater meus, dimittam ei usque septies?* respondit: *Non dico tibi usque septies, sed usque septuagies septies.* Congrue autem per septuagenarium numerum peccatorum remissio designatur, quia ab undenario et septenario nascitur: undecim namque si septies multiplicentur, 77 numerum faciunt. Denarius autem numerus perfectus esse dignoscitur, per quem et Decalogus designatur. Sed si denarius est perfectus, restat necessario ut sit undenarius imperfectus. Quid est autem peccatum, nisi transgressio legis? Si ergo per denarium lex intelligitur, recte per undenarium legis transgressio figuratur; septenario vero numero tota sæculi hujus universitas continetur, quia septem diebus omnis decursus vitæ præsentis evolvitur. Per undenarium ergo septies multiplicatum cuncta nostra peccata ad septuagesimum septimum deducuntur numerum, in quo vera omnium fit remissio peccatorum. Unde eleganter a Christo et baptismo hæc secundum Lucam series inchoatur, et in Dei Patris persona finitur. In baptismo enim Christi omnium nobis peccatorum remissio provenit per Spiritum sanctum qui super baptizatum Dominum in specie columbæ descendit. Sic per Christum redempti, et per Spiritus sancti gratiam abluti, reconciliamur Deo Patri. Quos utriusque evangelistæ sensus beatus Paulus una sententia comprehendit dicens: Misit Deus Filium suum in similitudinem carnis peccati, et de peccato

A damnavit peccatum in carne. Cum enim dicit, misit Deus Filium suum in similitudinem carnis peccati, peccatorum nostrorum susceptionem manifeste declarat, quam ostendit Matthæus cum descendendo xl generationes enumerat. Cum vero sequitur, et de peccato damnavit peccatum in carne, expiationem omnium nostrorum criminum indicat, quam Lucas exprimit, cum ascendendo lxxvii generationes describit.

II. IN SERMONE SYNODALI TERTIO (54).

Vos estis sal terræ. Plurimus plane cibus sub una mole congeritur qui tamen exiguo sale conditur; et multus est populus Christianus, ad cuius comparationem perexiguus est numerus sacerdotum; sed dum populi multitudo sacerdotalis eloquii sale conspergitur, cælestis sapientiæ sapor in eorum cordibus gignitur, et gustus mentis humanæ in delectatione cælestium suaviter obducitur. In quo cavendum est valde quod dicitur: *Si sal evanuerit, in quo conditur?* Nam cum sacerdotis cor ab amore supernæ dulcedinis evanescit, amarescit illico per salsuginem terrenæ concupiscentiæ, ideoque jam non poterit aliena corda salire.

III. IN EPISTOLA AD GEBIZONEM.

(Ed. tom. I, pag. 192.)

Non potest arbor mala fructus bonos facere. Arbor sane voluntas intelligenda est, non persona; nam eadem persona hominis et bona operari valet et mala, sicut ex eadem terra et ficus profertur et spina. Sed sicut mala arbor nunquam bona germinat poma, ita de superba voluntate, quæ procul dubio mala est, nunquam mera vel incontaminata præcedit humilitas; et sicut radice lesa, totius arboris rami consequenter arescunt, sic ex mente superba, si quid boni operis ad tempus virescere cernitur, velut humore convallis exhausto, in prærupti saxi ariditate seccatur.

IV. IN SERMONE DE SANCTO JOANNE BAPTISTA.

(Ed. tom. II, pag. 116 seqq.)

Inter natos mulierum non surrexit major Joanne Baptista. Excluit itaque majorem, non negavit æqualem. Hinc est quod ad Zachariam angelus dicit: *Ipse præcedet ante illum in sapientia et virtute Eliæ.* Par ergo Eliæ Joannes videtur, in cuius sapientia et virtute venturus asseritur, præsertim cum et alibi ipsa Veritas dicat: *Eliæ jam venit, et non cognoverunt eum, sed fecerunt in eum quodcumque voluerunt; et si vultis scire, Joannes ipse est Eliæ.* Sed ecce e diverso illud occurrit, quod Eliseus duplicem Eliæ spiritum, juxta modum suæ petitionis, accepit. *Obsecro, inquit, ut fiat spiritus tuus duplex in me.* Quod si Eliam Eliseus dupliciter accepit, æqualem Eliæ Joannem quomodo superat, quo inter natos mulierum major nemo surrexit? Veruntamen ut solvatur quæstio, ponderandus est sensus, ut quod durum in verbis exterioribus sonat, de pia intentione procedere discretio sobrie sentientis intelligat.

Durum quippe sonuit quod Eliseus duplicem magistri spiritum petiit, cum non sit discipulus super magistrum; sed ex pura mente petitio ista processit, quia non terrenum aliquid, sed spiritualem gratiam postulavit; unde et Elias quasi subindignatus, incauta discipuli verba redarguit, cum ait : *Rem difficilem postulasti*; simplicitatem vero pie intentionis aspiciens præsto subjungit : *Attamen si videris me, quando tollar a te, erit quod petisti*; non videlicet dupliciter, quam incautus sermo profudit, sed donum queritis, quod humili ac sincera mens intentione quesivit. Hoc itaque modo nequaquam Joannem superat Eliseus, sicut nec major est quam Elias. Verumtamen si sacra historia tenorem inspicimus diligenter, uberiores sive clariorem Eliseum quam Eliam in miraculorum fuisse virtutibus invenimus. Ille puerum vivens defunctum puerum vitæ restituit, iste jam mortuus mortuum suscitavit. Illo prophetante hydria farinae et lecythus olei non defecit, iste obsessæ et afflictæ civitati protinus in diem alterum incredibiles hostilium castrorum cepias obtulit, atque, ut in brevi cuncta concludam, Elias 12, Eliseus, ut Scripturæ veritas tradit, 25 miraculorum signis enituit, quæ, videlicet quia fastidium devitamus, hic enumerare postponimus.

Quomodo ergo hujus me nodo questionis expediam, ut prolata de magnitudine Joannis non vacillet sententia veritatis, qua dicitur in natis mulierum non esse majorem Joanne Baptista? Nam si major est Eliseus quam Elias, ergo major est et Joanne, quod fieri impossibile est. Sed notandum quod aliud est magnum quid agere in signis miraculorum, aliud magnum esse in excellentia meritum; nam si de miraculis agitur, nullum fecisse miraculum Joannes in Scripturarum paginis invenitur. Sed nunquid propter hoc infimus erit omnium sanctorum, quia nulla traditur signa fecisse virtutum? Eliseus ergo major est quam Elias in exhibitione signorum, quem tamen nequaquam superat in cumulo meritum. Ita et Joannes par quidem est Elias, quia sicut ille præco futurus est Judicis, ita et hic præcursor factus est Redemptoris; sed major Elias, quia quem demonstravit, etiam baptizavit. Joannes itaque humanorum limes est meritum; quantumcumque enim apostolice senatus excellit auctoritas, quantumcumque vel patriarcharum fides in divina agnitione proficiat, vel prophetarum miracula ad reseranda arcana mysteria convalescant, quantumlibet certe cumeletur triumphantum gloria martyrum, quantumvis effloreat vernans pudicitia virginum, vel in verbo vitæ se exerceat lingua doctorum, citra metam Joannis omnia cohibentur, nihilque virtutis humanæ, nihil religionis, nihil perfectionis ultra progreditur.

V. IN SERMONE DE SANCTO STEPHANO PAPA.

(Ed. tom. II, pag. 184.)

Colligite primum zizania, et alligate fasciculos ad comburendum. Pensanda sunt diligenter verba Veritatis ac cum timore quibus dicitur : Alligate fasci-

culos ad comburendum zizania; quippe fasciculi alligantur, quia in illo perpetuæ damnationis incendio, homicidæ cum homicidis, adulteri cum adulteris, perjuri cum perjuri, incestuosi cum incestuosis, non diverso pœnalis tormentorum genere constringuntur; illic eos infinite pœnæ patens gehennæ harathrum devorat, qui his se arroganter in superbæ cornibus extollebant; illic eorum carnes atque medullas saginis irriguas crepitans flamma depascet, qui hic arserè deliciis et æstuantis expleverunt illecebras voluptatis. Bene itaque dicuntur fasciculi alligari, quia nequaquam eos tunc separat diversitas ultionis, quos hic similitudo sociaverat pravitatis; et qui nunc eisdem criminibus sunt obnoxii ejusdem supplicii postmodum tenentur animadversione constricti. De quibus omnibus alibi sub unius personæ specie dicitur : *Ligatis manibus et pedibus, mittite illum in tenebras exteriores.* Illic membra ligantur ad pœnam, quæ hic soluta ac libera ferebantur ad culpam; vel tunc digne constringenda sunt in suppliciis, quæ nunc male ligata sunt a pietatis operibus peragendis; illic animæ reproborum cum corporibus simul inextinguibili cruciantur incendio, sicut hic in executione pravi operis jungebantur. Unde et per prophetam dicitur : *Descenderunt ad infernum cum armis suis*; arma quippe peccantium membra sunt corporis, quibus reprobi homines diaboli militant et ejus imperio perverse vivendo ministrant. Simul ergo cum animabus et corpora in æterna morte damnantur, quæ simul in pravi operis perpetratione vixerunt; de quibus propheta dicit : *Ibi Assur et sepulcra ejus.*

EX MARCO.

I. IN SERMONE DE SANCTO MARCO.

(Ed. tom. II, pag. 64.)

Quisquis Evangelium beati Marci subtili meditatione considerat, et alta, ut dignum est, indagatione pertractat, rudibus quidem et non accuratis descriptum verbis, sed uberrimis inveniet cælestis intelligentiæ redundare mysteriis. Est plane styli brevitate succinctum, sed profunda mysterii spiritualis ubertate diffusum. Perscrutantes namque omnes fere paginas Scripturarum, invenire vix possumus Spiritum veritatis cautius vel circumspectius per alium quemlibet quam per os beati Marci fuisse locutum, adeo ut ipsa descriptionis series et ordo verborum magnum contineat sacramentum. Quod ut facilius eluceat, in ipso libri ejus exordio nos breviter intimare non pigeat. Primum namque miraculum ponit, quo Dominus demonem per os hominis clamantem tacere præcepit, eumque protinus expulit. *Obmutescere*, inquit, *et exi ab homine.* Secundum miraculum est, quo fabricentem socrum Petri depulso typi calore sanavit. Tertium est, quo leprosum tetigit et purgavit. Quartum quoque est, quo paralyticum grabatum tollere et abire præcepit. Qui videlicet ordo, si diligenti cura perpenditur, manifeste docet quanta magisterii arte Spiritus sanctus scribentis calamum tenuit, et ad declarandum redem-

pitionis humanæ mysterium, quasi per quamdam lineam, omnia dispensavit. In dejectione namque primi hominis principio diabolus locutus est ac polum vetitum comedi persuasit. Deinde mulier, quia in delectionis concupiscentiam corrui, velut æstuantis ardorem febris incurrit. Adam vero postquam de fructu ligni male consentiendo gustavit, omnium mox vitiorum lepra perfusus, postremo et tanquam paralyticus a cunctis bonis operibus est interioris hominis languore constrictus. Quia ergo Filius Dei, sicut Joannes dicit apostolus, destruere venit opera diaboli, per eandem viam persecutus est mortem qua illa ingressa fuerat in orbem terrarum; et ubi fuscum est perditionis nostræ venenum, animarum medicus salutis objecit antidotum; atque unde mortem hostis callidus introduxit, per eundem tramitem Redemptor noster redeuntis vitæ primordia reformavit: quatenus et diabolus, qui in ruinam nostram locutus fuerat, jamjam tacere compelleret, et Evam a febribus æstuantis concupiscentiæ liberaret; a viro non modo lepram vitiorum scelerumque detergeret, sed eundem quoque eatenus paralyticum ad exercenda pietatis opera validum liberumque laxaret. Sicut ergo in illis hominibus totum perit genus humanum, sic in istis a Salvatore curatis est superioris figuræ mysterio salutis pristina restitutum. In capitulo igitur Evangelii hujus libri studiosus lector addiscat, sequentis styli series quam profunda, quam mystica charismatum sacramenta contineat. Nec mirum, cum liber ille non plus Marci quam Petri perhibeat apostoli; quiddid enim iste scripsit, ex ore beati magistri callidus, ut ita dixerim, explorator audivit.

II. IN EODEM SERMONE.

(Ed. tom. II, pag. 66.)

De eo quod Marcus in quibusdam verbis ab aliis dissonat, sed intellectu spirituali consonat.

Porro autem nonnulla reperiuntur, quæ sic sunt a beato Marco digesta, ut reliquis evangelistis videantur esse contraria. Quæ tamen si sagacius perscrutentur, et cæteris consona, et sincerissimæ fidei reperiuntur veritate fundata. Sicut est, quod cæteri hora sexta, hic asserit hora tertia Dominum crucifixum; quæ profecto diversitas ita dirimitur, ut quoniam hora tertia tumuluati sunt: *crucifige, crucifige*, eadem hora Dominum lingua crucifixit Judæorum, quem hora sexta corporaliter clavi confixere gentilium. Illi itaque juxta corporalem, ut ita loquar, rei gestæ loquuntur historiam, iste spirituales protulit de furiosa Judæorum crudelitate sententiam. Illi præterea referunt ante galli cantum ter a Petro Dominum fuisse negatum; iste qui hoc ex ore scilicet ipsius negantis audivit, non antequam gallus cantaret, sed antequam bis cantaret, negationem hanc factam esse perscripsit. Quod profecto juxta fidem rei veraciter contigisse, sicut Marcus asserit, indubitanter agnoscitur. Quod autem

(85) Ad Honestum monachum epistola sen opusculum exstat in ed. tom. III, p. 377, sed ibi hic Pe-

alii evangelistæ dicunt, ita debet intelligi, ut trina illa negatio ante galli quidem cantum fuerit cæpta, sed postquam semel cecinit, sit expleta, ut, quoniam in Scripturis pars solet poni pro toto, id quod per Matthæum dicitur: *Antequam gallus cantet, ter me negabis*, sic intelligatur tanquam diceret, ter mihi negaturus, antequam gallus cantet incipies, sed eandem negationem, postquam semel cantaveris, antequam cantare bis adiciat, consummabis. Sic itaque et quod Marcus ait: *Priusquam gallus cantet bis*, et quod alii dicunt: *Antequam gallus cantet, ter me negabis*, licet verbis videantur exterioribus dissonare, congruentissima reperiuntur intentione congruere.

EX LUCA.

CAPITULA SECUNDUM LUCAM.

1. Quod Lucas solus inter cæteros evangelistas tria cantica describat. — 2. Ecce enim, ut facta est vox salutationis tuæ in auribus meis, exsultavit in gaudio infans in utero meo. — 3. Reversi sunt autem LXXII cum gaudio dicentes: Domine, etiam demonia subijciuntur nobis in nomine tuo. — 4. De eo quod, docente Domino, nuntiatur quia Pilatus Galilæorum sanguinem cum sacrificiis immiscuerit.

I. IN EPISTOLA AD HONESTUM MONACHUM (55).

Beatus Lucas, qui vituli speciem representat, quia videlicet vitulus in sacrificium mactari consuebat, solus inter cæteros evangelistas tria describere cantica reperitur; primum Zachariæ, secundum Mariæ, tertium Simeonis; et cum nullus evangelistarum alius proprio stylo canticum inseruerit, iste duntaxat, qui formam in se legalis hostiæ solus exprimit, cantica diversa describit; primo quidem sacerdotis, deinde Virginis, postremo justis senis; ut per hoc ostendatur quoniam illi præ cæteris in excellentia canendi debetur officium qui semetipsum jam Deo veraciter obtulit holocaustum. Canat ergo siccus et aridus, non qui deliciis fluit humectus et uvidus. Ovis plane vivens balat, mortua cantat; arida chorda clarum, humida sonum reddit obtusum. Cavendum est ergo de sæculo venientibus, et terribiliter formidandum, ne dum mundanæ conversationis laqueos fugiunt, molles et fluxæ vitæ nexibus deterius innectantur, qui etsi Deo boni aliquid offerant, sacrificantis oblatio non suscipitur, nisi et is qui offert, quibusdam, ut ita loquar, devotionis suæ manibus offeratur. Hinc est quod Cain inaniter offerebat, quia semetipsum prius offerre neglexerat.

II. IN SERMONE DE NATIVITATE SANCTI JOHANNIS BAPTISTÆ.

(Ed. tom. II, pag. 354.)

Ecce, inquit Elisabeth, ut facta est vox salutationis tuæ in auribus meis, exsultavit in gaudio infans in utero meo. Spiritus enim sanctus, qui cum antequam vitales auras carperet animavit, ipsum quoque materni pudoris hospitium, in quo debebat implevit, unde cum nesciret possit hominibus verba depromere, potuit exsultando latentem in tri tractus non legitur, quanquam hujus argumentum ab illius opusculi proposito non abhorret.

utero virginis regem cœli maternis visceribus nuntiare. Ubi querendum est quomodo fieri potuit ut in eum Spiritus sanctus sua dona diffunderet, cum iuxta ritum conditionis humanæ adhuc in iniquitatibus conceptus existeret, et necdum originalis peccati vinculum percepta legalis observantiæ circumcissione solvisset; cum per Moysen divina vox dicat : *Masculus, cujus præputii caro circumcisa non fuerit, peribit anima illa de populo suo, quia pactum meum irritum fecit.* Sed notandum est quia Spiritus sancti gratia lege non stringitur, necessitatis vinculo non tenetur; sed sicut ubi vult spirat, sic et quibus vult gratis sua dona dispensat. Nam et Cornelium centurionem, antequam baptismi suscipere lavacrum, inspavit, et in quosdam adhuc gentiles, loquente Petro, non solum, ut Scriptura testatur, cecidit, sed etiam ut linguis loquerentur, instruxit. Quid ergo mirum, si beatum Joannem ante legalis mandati quodcumque remedium Spiritus sanctus implevit, quem ipsius legis et prophetarum ac totius veteris testimonii litem quemdam atque, ut ita loquar, intransmeabilem terminum providentia divina constituit? *Lex enim et prophetæ, ut Veritas ait, usque ad Joannem.* Joannes enim iste cum Domino circumcissione non eguit, sed eum supra legem, supra humanæ conditionis ordinem electio divina provexit. Cui etiam tanti honoris collata est gloria ut natiuitati ejus ipsa Dei Genitrix interesset, ejusque principium latens in utero mundi Conditor sua præsentia dedicaret. Testatur hoc Lucas evangelista cum dicit : *Mansit autem Maria cum illa, videlicet Elisabeth, quasi mensibus tribus, et reversa est in domum suam.* A conceptione quippe Domini usque ad natiuitatem beati Joannis tres menses sunt. Nolebat itaque Maria discedere, donec grandævæ puerperæ ministerium sedulitatis impenderet, et quæ gestabat in aula sui corporis regem, cerneret antequam præconem.

III. IN EPISTOLA AD GEBIZONEM.

(Ed. tom. II, pag. 192.)

Reversi sunt autem LXXII cum gaudio dicentes : Domine, et dæmonia subjiciuntur nobis in nomine tuo. Quid ad hæc ille qui cordis attendit arcana respondit? *Videbam, inquit, Satanam sicut fulgur de cælo cadentem;* ac si dicat : Videte ne dum nequitie spiritus vestris subduntur imperiis, mentes vestræ jugo premantur elationis, quia si Satanæ per superbiam cœlum perdidit quod tenebat, homo superbiens nequaquam valet invenire quod sperat.

IV. IN EPISTOLA AD DESIDERIUM ABBATEM QUÆ TITULATUR

De quibusdam miraculis

(Ed. tom. III, pag. 587.)

Quid prodest hostiam Deo laudis offerre, et per torporem negligentie sædis eam cogitationibus inquinare? Hanc porro boni malique misturam locus ille significat evangelicus ubi dicitur quia, docente Domino, aderant quidam ipso in tempore nuntiantes illi de Galilæis, quorum sanguinem Pilatus miscuit cum sacrificiis eorum. Nam quia Pilatus *os malleatoris* interpretatur, quid per hunc nisi diabolum de-

bemus intelligere, qui paratus est semper homines offensionum ictibus verberare? Unde et virgam super humeros hominum tenere dicitur per prophetam, *Virgam, inquit, humeri ejus superasti, sicut in die Madian.* Quid vero sanguis, nisi peccata? quid sacrificia, nisi recias et acceptabiles Deo significant actiones? Pilatus ergo Galilæorum sanguinem cum sacrificiis miscuit, quia malignus spiritus vel orationes nostras pravis cogitationibus polluit, vel opera bona peccati cujuslibet attaminatione corrumpit, ut sanguis sacrificium polluat, dum reatus offensus oblatam Deo recti operis victimam fœdat. Unde scriptum est, quia cum Abraham Deo sacrificium de pecoribus ac volucris devotus offerret, *descenderunt volucres super cadavera, et abiebat eas Abraham.* Quid enim expriment volucres, nisi malignos spiritus per aera volitantes? Volucres ergo a sacrificio nostro repellimus, cum operum nostrorum victimas a malignis spiritibus eas fœdare tentantibus provide custodimus.

EX JOANNE.

I. IN SERMONE DE EXALTATIONE SANCTÆ CRUCIS.

(Ed. tom. I, pag. 245.)

Quadraginta et sex annis edificatum est templum hoc, et tu triduo illud reedificas? Sex nempe diebus omnipotens Deus omnia sua opera condidit, et sexto die hominem ad suam imaginem similitudinemque formavit. Sexta quoque ætate sæculi, Filius Dei factus est filius hominis, ut nos reformaret ad imaginem Dei. Sexta insuper feria ipse Dominus passus est, ut ea nimirum die homo fieret ejus morte redemptus, quo dudum fuerat ipsius operatione plasmatus. Eodem porro die de costa viri formata est Eva, quo de latere Christi per aquam et sanguinem exivit Ecclesia. Videamus itaque quomodo per eundem senarium numerum Dominici corporis templum divinæ providentiæ sit arte constructum. Templum sane illud Hierusalem per 46. annorum curricula fuerat fabricatum; unde et a Judæis Domino dicitur : *Quadraginta et sex annis, etc.* Qui videlicet numerus, si per senarium ducitur, omne tempus quo Dominus in matris utero mansit impletur. Nam quadragies sexies seni 275 dies fiunt, qui dierum numerus complet novem menses et sex dies, qui videlicet tanquam decem menses parientibus feminis imputantur, non quia omnes mulieres ad sextam diem post nonum mensem pariturae perveniant, sed quia tot diebus ad partum perducta ipsa perfectio Dominici corporis comperitur, sicut a majoribus traditur et firma auctoritate Ecclesiæ custoditur. Octavo namque Kalendas Aprilis conceptus creditur, quo et passus; eo videlicet die sepultus est in monumento novo, ubi nec ante nec post quisquam est positus mortuorum, quo conceptus est in utero Virginis, ubi constat nullum seminaum fuisse mortalium; natus autem traditur octavo Kalendas Januarii. Ab ipso ergo conceptionis die usque ad diem natiuitatis 275 reperiuntur dies, qui senarium numerum quadragies sexies continent.

Quo igitur numero lapideum illud templum antiquius est ædificatum, eodem quoque numero et templum Domini corporis per senarium est perfectum, hac tantummodo discretionem servata, quod in constitutione templi annorum numerus ponitur, in ædificatione vero corporis Domini dierum calculus supputatur. Annorum igitur numerus templi illius antiqui, si per senarium ducitur, omnes dies, quibus mansit Dominus in virgineo ventre, complentur. Coniuncto itaque numero quo Deus opera sua fecit cum illo quo templum est conditum, Domini corpus efficitur, ut nobis detur intelligi quia per illud divinitatis templum, quod in Virginis utero constructum est, universa sunt Dei opera restaurata, sicut dicit Apostolus, quia *proposuit Deus in dispensatione plenitudinis temporum instaurare omnia in Christo, quæ in cælis et in terris sunt in ipso*. Sed hoc corporis templum, quod per senarium numerum fieri divina providentia voluit, tribus horis Iudaica impietate resolutum, triduo reædificavit, sicut ipse dicit: *Solvite templum hoc, et post triduum reædificabo illud*. Hoc autem, inquit evangelista, dicebat de templo corporis sui. Nec mirum, si quod per senarium factum est, per ternarium sit solum, per ternarium quoque rursus reædificatum, cum et ipse senarius sicut ex ternario crescit, ita nihilominus et in ternarium resolvatur; unus enim, duo et tres, sex fiunt, et reciproce dimidium senarii, tres sunt, tertia pars duo, sexta unum; qui videlicet numerus idcirco perfectus dicitur, quia sic ex suis partibus constat. Uno plane die integro et duabus noctibus in sepulcro Dominus jacuit, quia una sui corporis morte a duabus nos, animæ videlicet et corporis, mortibus liberavit. Et recte per diem mors Domini designatur, quia nos ad lucem reducitur; nostra autem mors utraque per noctem, quæ nimirum nobis ex peccato debetur. Totum autem triduum in humanæ salutis expenditur evidentissime sacramentum; nam sexta feria passus, Sabbato in sepulcro quievit, die Dominico resurrexit. Tota autem hæc vita nobis sexta feria est, quia videlicet crucem post Dominum bajulare jubemur. A die autem exitus nostri usque ad iudicium, quasi sabbatum ducitur, quia interim beata requie animæ perfruuntur; in resurrectione autem corporum, paschalis nobis oritur dies, qui nullo fine concluditur, sed perpetuæ iucunditate

A lætitiæ feriat. Ut ergo ad hanc Dominicam per sabbatum valeamus congruenter attingere, necesse est nos nunc crucem post Jesum bajulantes sextam jugiter feriam celebrare. Alioquin si prapostero ordine nunc sub carnis lege viventes, quasi Dominicam ducimus, procul dubio postmodum non gaudium gaudio, sed tribulatione mutamus. Hinc est enim quod Dominus sicut 40 diebus in eremo vixit, totidemque post resurrectionem cum discipulis fuit, ita etiam ab ipso sææ mortis articulo usque ad diluculum resurrectionis 40 horas habuit. Sicut igitur illorum dierum numerus, ita nihilominus et horarum, quas diximus totius vitæ nostræ tempus exprimitur; ut sicut ille quadragenario horarum numero mortuus mansit, ita et nos illi commortui, B quandiu hic vivimus, in carnis semper mortificatione vivamus.

II. IN SERMONE DE VIRGINIBUS.

(Ed. tom. II, pag. 364.)

Non ad mensuram dat Deus spiritum. Movere potest, cur Joannes Baptista perhibeat, quia non ad mensuram dat Deus spiritum, cum Paulus e contrario dicat: *Unicuique nostrum data est gratia secundum mensuram donationis Christi*. Quomodo ergo non ad mensuram, et quomodo secundum mensuram? Sed quod Joannes asserit non ad mensuram spiritum dari, de Redemptore nostro procul dubio debet intelligi, in quo videlicet *habitat omnis plenitudo divinitatis corporaliter*; quod patenter agnoscitur, si ipsa textus evangelici series attendatur. Nam cum præmisisset non ad mensuram dat Deus spiritum, protinus intulit: *Pater diligit Filium, et omnia dedit in manu ejus*. Unde et alibi dicit: *Nos de plenitudine ejus accepimus*. Concordat ergo cum Psalmista Joannes, quia huic iste mensuram tollit, quem ille unctum præ consortibus asserit. Quod autem Apostolus mensuram ponit, hoc de quibusque fidelibus vult intelligi; juxta mensuram namque spiritus inest cuique mensura virtutis atque constantiæ, ut vel vitiis attentantibus in pace resistat, vel in certamine constitutus insuperabilia tormenta percurrat. Samson quippe, donec vires habuit, insuperabilis fuit, et qui septiformis habet D gratiæ Spiritum, invictum se præbet, ingruente quorumlibet tempestate bellorum.

EX ACTIBUS APOSTOLORUM.

IN EPISTOLA AD ALEXANDRUM PAPAM DE AUFERENDA CANONICORUM PECUNIA.

(Ed. tom. III, pag. 483.)

Qui captus est amore pecuniæ, nequaquam idoneus est ad ministranda verba doctrinæ: quod bene in eo quod superius proposuimus apostolico declaratur exemplo. Nam cum Scriptura præmittat: *Multitudinis credentium erat cor unum et anima una;*

moxque subjungat: *Nec quisquam eorum quæ possidebat, aliquid suum esse dicebat, sed erant illis omnia communia*, protinus addidit: *Et virtute magna reddebant apostoli testimonium resurrectionis Jesu Christi Domini nostri, et gratia magna erat in omnibus illis*. Deinde subinfert: *Nec enim quisquam egenus erat inter illos*. Quid ergo sibi vult, quod hujus sacræ scriptor historiæ, dum de continentia loquitur apo-

stolica et communi vitæ, repente quasi materiam interrumpit, et ad enarrandam prædicationis constantiam, tanquam mutato stylo prosilit dicens : *Et virtute magna reddebant apostoli testimonium resurrectionis?* Cur uni materiæ aliam interpolat, qui cœptam persequi et continuare debuerat, nisi ut patenter ostendat quia illi duntaxat idonei sunt ad prædicationis officium, qui nullum terrenæ facultatis possident lucrum, et, dum aliquid singulare non habent, communiter omnia possident, nihil scilicet habentes et omnia possidentes? Hi nimirum, dum nullis terrenarum rerum præpediuntur obstaculis, expediti stant pro Dominicis castris in campo certa-

minis; et quia rebus exuti solis virtutibus armis accincti, gladio spiritus adversus vitiorum dimicant acies, idonei bellatores sunt obluquantium hostium obtruncare cervicēs: cui nimirum bello impares sunt, et enerviter cedunt, qui communibus non contenti, peculi singulari ambiunt proprietate gravari. Hinc est quod in Deuteronomio gradientibus ad prælium dicitur: *Quisquis est homo qui plantavit vineam, et necdum fecit eam esse communem et de qua vesci omnibus liceat, vadat et revertatur ad domum suam, ne forte moriatur in bello, et alius homo ejus fungatur officio.*

EX EPISTOLIS JOANNIS.

IN EPISTOLA AD ALEXANDRUM PAPAM, UBI CONQUERITUR B-
DE INSOLENTIA MALORUM HOMINUM.

(Ed. tom. I, pag. 33.)

Omne quod est in mundo concupiscentia carnis, et concupiscentia oculorum, et superbia vitæ. Concupiscentia scilicet carnis ad corporis voluptatem, concupiscentia oculorum ad visibilibus rerum pertinet pulchritudinem; superbia vero vitæ terreni honoris atque fastigii exprimit sublimitatem. Per hæc

enim primus homo tentatus agnoscitur, sicut Scriptura testatur: *Vidit, inquit, mulier quod bonum esset lignum ad vescendum, ecce concupiscentia carnis; deinde sequitur: et pulchrum oculis aspectuque delectabile, ecce superbia oculorum; per oculos enim superbire convincitur quisquis in his quæ Deus prohibet delectatur; superbia vero vitæ fuit, cum mulier eadem ex ore serpentis libenter audivit: Eritis sicut dii scientes bonum et malum.*

EX APOCALYPSI.

I. IN SERMONE DE NATIVITATE SANCTÆ MARIE.

(Ed. tom. II, pag. 219.)

Non cuiquam sufficit ad capessenda præmia solus pudor virgineus, nisi et altis fuerit ditatus virtutibus. Joanni quippe in Apocalypsi per angelum dicitur: *Illi sunt qui cum mulieribus non sunt coinquinati, virgines enim sunt et sequuntur Agnum quocunque ierit. Agnus enim noster, ille videlicet qui tollit peccata mundi, charitatem habuit, quia pro salute hominum præprium sanguinem fudit; gratia humilitatis eminebat, quia humiliavit semetipsum usque ad mortem, mortem autem crucis; patientiam servavit, quia cum malediceretur non maledicebat, cum pateretur non comminabatur; mundanæ dignitatis altitudinem sprexit, quia sicut per Joannem dicitur, cum vellent illum regem constituere; montis latibulum petiit; inimicos dilexit, pro quibus et in cruce positus exoravit dicens: Pater, ignosce illis quia nesciunt quid faciunt. Ille itaque Agnum quocunque ierit sequitur qui non sola virginitate ejus vestigia, sed per omnes quoque virtutum semitas in quantum valet imitatur. Ille Agnum sequitur in perventionis requie qui illum imitari studuit in itineris adversitate. Illa namque virginitas perfecta est quæ reliquis virtutibus cingitur, quæ vera mentis humilitate conditur, quæ non solum illibatam se servat in carne, sed etiam pudicam custodit in ore. Unde et beata virgo Maria, audito angelicæ legationis mysterio, solitum modesti silentii rigorem tenuit, et si ipsa intra se discutere posset qualis esset illa saluatio, verbum inquirere*

C superfluum deputavit. Sed mox tacendo audire meruit quod interrogando inquirere non præsumpsit; ait enim angelus ei: *Ne timeas, Maria, invenisti enim gratiam apud Dominum; ecce concipies in utero, et paries filium, et vocabitur nomen ejus Jesus.*

II IN EODEM SERMONE.

(Ibid.)

Habebat in vestimento et in femore suo scriptum: *Rex regum et Dominus dominantium.* Vestimentum quippe Christi nihil est aliud nisi corpus quod sumpsit ex virgine. Per femur vero propagatio carnis fit. Qui ergo per propagationem generis humani in mundum hunc venit ex Virgine, et per incarnationis suæ mysterium quia Rex esset et Dominus cunctis gentibus indicavit, in vestimento et in femore scriptum habuit: *Rex regum et Dominus dominantium;* unde enim mundo innotuit, ibi scientiam suæ majestatis inscripsit.

III. IN SERMONE DE SANCTO BARTHOLOMÆO.

(Ed. tom. II, page 206.)

Singulæ portæ erant ex singulis margaritis. Margaritæ illæ pretiosæ, quas beatus Joannes se conspexisse pronuntiat, ex quibus etiam celestis Hierusalem portas perhibet esse constructas, sancti apostoli sunt; ipsi nimirum portæ, ipsi sunt nihilominus margaritæ, quia, dum signis atque prodigiis quosdam divini splendoris radios mittunt, ad supernæ Hierusalem gloriam conversis ad fidem geribus aditum pendunt; et quicunque salvatur, per hos quasi portas ad vitam viator ingreditur. Que-

rum mysticam tenere figuram et lapides illi qui, dum jubente Moysi, rationali summi sacerdotis leguntur impressi. Hoc itaque rationale sacerdos ferebat in pectore, cum ingrederetur sanctum sanctorum. Præceptum est ergo ut in eo ponerentur duo-

A decim lapides, terni per quaternos angulos inclusi auro, quia nimirum sancti apostoli per quadrifidum orbem de Trinitate, quæ, Deus est, prædicaverunt catholicæ fidei veritatem.

EX EPISTOLIS PAULI.

EX EPISTOLA AD CORINTHIOS.

I. IN SERMONE DE SANCTO BARBATHANO.

(Ed. tom. II, pag. 351.)

Linguae in signum sunt non fidelibus, sed infidelibus. Sed dum ista dicimus, questionem nobis oriri non sine aliqua difficultate videmus; si enim signa propter infideles data esse dicuntur, quid est hoc quod Redemptor noster in patria sua propter incredulitatem hominum vix paucas virtutes facere potuisse perhibetur? Sicut enim Marcus evangelista testatur: *Multi audientes admirabantur in doctrina ejus dicentes: Unde huic hæc omnia? et quæ est sapientia quæ data est illi, et virtutes tales quæ per manus ejus efficiuntur? Nonne hic est fabri filius et Mariæ, frater Jacobi et Joseph et Judæ et Simonis? nonne et sorores ejus nobiscum sunt? et scandalizabantur in illo.* Unde et paulo post subditur: *Et non poterat ibi virtutem ullam facere, nisi paucos infirmos impositis manibus curavit, et mirabatur incredulitatem illorum.* Quid est hoc, fratres, quia Paulus affirmat signa pro infidelibus data, Marcus asserit propter infideles fuisse subtracta? Nunquid contrarias inter se invicem proferre sententias possunt, qui uno spiritu pleni sunt? Sed notandum est quia in ipsis infidelibus erat quidam diversitatis modus; par quidem error fuerat omnium non credentium, sed magna diversitas meritorum; aliud est enim si sola quis fallitur ignorantia, aliud si adjuncta quoque esset malitia. Ignorantia Paulus peccaverat qui dicebat: *Qui prius fui blasphemus et persecutor et injuriosus, sed idem misericordiam consecutus sum quia ignorans feci;* per malitiam Judas peccavit, et ideo nequaquam venire ad indulgentiam meruit. Pro illis ergo infidelibus signa data sunt, quos divina providentia misericorditer salvare decreverat; propter illorum vero subtracta sunt, quos ab electorum sorte, exigentibus eorum meritis, strictæ severitatis justitia repellebat.

II. IN EPISTOLA AD ABB. DESIDERIUM, UBI DE REPARATIONE VIRGINIS DISPUTAT.

(Ed. tom. III, pag. 615.)

Cum tradiderit regnum Deo et Patri. Hoc juxta verbi sonum quodammodo significare videtur, tanquam regnum donec Filius tenuerat, Pater non habebat, et cum Patri tradiderit, ipse non teneat; cum tradere regnum Deo Patri, nihil aliud sit, juxta sobrium intellectum, nisi perducere credentes ad contemplandam speciem Dei Patris; tunc quippe Deo Patri regnum a Filio traditur, cum per Mediatorem Dei et hominum in contemplationem divinitatis æternæ fidelium multitudo transfertur, id est,

ut jam necessaria non sit dispensatio similitudinum per angelos, et principatus, et potestates, et virtutes. Ex quarum persona non inconvenienter intelligitur dici in Canticis canticorum ad sponsam: *Similitudines auri faciemus tibi cum distinctionibus argenti, quoad regem rex in recubito suo est, id est quoadusque Christus in secreto suo est, quia vita nostra abscondita est cum Christo in Deo; cum Christus, inquit, apparuerit, vita vestra, tunc et vos apparebitis cum illo in gloria.* Quod antequam fiat, videmus nunc per speculum in ænigmatæ, hoc est in similitudinibus, tunc autem facie ad faciem. Hæc nimirum nobis contemplatio promittitur, actionum omnium finis atque æterna perfectio gaudiorum; filii enim sumus, et nondum apparuit quid erimus; scimus quia cum apparuerit, similes ei erimus, quia videbimus eum sicuti est. Ita quippe ait: *Hæc est autem vita æterna ut cognoscant te unum verum Deum; et quem misisti Jesum Christum.* Hoc fiet cum venerit Dominus et illuminaverit abscondita tenebrarum. Cum tenebræ mortalitatis hujus corruptionisque transierint, tunc erit mane nostrum, de quo in psalmo dicitur: *Mane astabo tibi et videbo.* De hac contemplatione intelligitur dictum cum tradiderit regnum Deo et Patri, id est cum perduxerit justos, in quibus nunc ex fide viventibus regnat, mediator Dei et hominum, homo Christus Jesus ad contemplationem Dei Patris.

III. IN EPISTOLA AD PETRUM MONACHUM.

(Ed. tom. I, pag. 219.)

Paulus gloriatur quia ter virgis cæsus est, et quia quinques quadragenas una minus accepit. Præceperat enim Moyses ut quem judices dignum viderent plagis, verberari facerent pro mensura peccati, ita duntaxat ut quadragenarium numerum non excederent. Quadragenarius siquidem numerus humanæ vitæ significat cursum, qui videlicet numerus, dum quis vapulat, excedi prohibetur, quia quisquis in hac vita perfectam egerit poenitentiam, nullam postmodum pro suis excessibus sentiet poenam. Porro ternarius propter mysterium sanctæ Trinitatis ad fidem; quinquarius autem propter quinque sensus nostros pertinet ad operationem; quia quisquis cum peccat, vel errat in fide, vel delinquit in opere, dignum fuit ut Paulus, qui utrobique peccaverat, ad perfectæ purgationis officium ter virgis et quinques ureretur verberum quadragenis. Quod autem dicitur una minus, hæc est procul dubio quoniam Judeorum judices unum decreverunt ictum de 40 minuere, ut dum ad legalem calculum non perlingerent, cum contra præceptum legis excedere

nullatenus possent et, dum citra persisterent, ulte- A rius non transirent.

EX EPISTOLIS AD TIMOTHEUM.

I. IN EPISTOLA AD CARDINALES EPISCOPOS DE DIGNITATE ROMANÆ ECCLESIE.

(Ed. tom. I, pag. 51.)

Qui episcopatum desiderat, bonum opus desiderat. Hic evidenter ostenditur nihil aliud esse pontificem quam boni operis sectatorem. Non enim dixit bonam dignitatem, vel bonum honorem desiderat, sed qui episcopatum desiderat, bonum opus desiderat: ac si dicat, qui ad episcopatum anhelat possidendum sine opere bono, inane vult nomen induere sine rei ipsius veritate. Non ergo constat episcopatus bractearum circumfluentium phaleris, non denique in glomeratis constipantium militum cuneis, sed in honestate mo- B rum et sanctarum exercitatione virtutum. Mox subiungit: *Oportet episcopum irreprehensibilem esse.* Hic tantæ vult esse perfectionis episcopum ut pene extra naturam loquatur Apostolus. Quis enim in carne constitutus, tam caute vivet, tam se sollicitè undique circumspiciat ut reprehendi aliquando nequeat? Væ his qui et reprehensibiliter vivunt, et locum irreprehensibiliter vivendi adhuc reprehensibilibus concupiscunt! Ex his nimirum sunt qui, obliviscentes affectum cognationis et patriæ, sequuntur castra regum per ignota et barbara regna terrarum, et ad hoc eos impellit pereuntium ambitio dignitatum, quod extorquere non potuit cælestium promissio præmiorum.

II. IN EPISTOLA AD V. (56) EPISCOPUM, UBI DICITUR DE EPISTOLA TRANSMUNDI, QUÆ EPISCOPI HUIUS FUISSET SIGILLO SIGNATA.

Sunt quidam insipientes qui dicunt quia Redemptor noster nequaquam sit pro salute ac redemptione omnium hominum crucifixus; quibus nos pro tempore breviter respondemus quoniam contra vulnus originalis peccati, quo in Adam necessariae morti corrupta cunctorum hominum natura succubuit et omnium concupiscentiarum morbus insolenter erupit, verum, et potens ac singulare remedium mors nostri Salvatoris occurrit; qui nimirum liber a mortis debito, et solus absque peccato, pro peccatoribus mori voluit, et nequaquam debitor pro nobis mortis debitum solvit. Quantum ergo ad magnitudinem et potentiam pretii, et quantum ad humani generis pertinet causam, sanguis Christi redemptio totius est mundi. Verumtamen qui sæculum hoc sine fide Christi et regenerationis sacramento pertrans-eunt redemptionis huius participes esse non possunt. Cum itaque propter unam omnium naturam et unam omnium causam a Redemptore nostro in veritate susceptam omnes recte dicantur esse redempti, et tamen propter improbitatem suam non omnes a captivitate sint eruti, procul dubio redemptionis proprietas ad illos specialiter pertinet de quibus princeps huius mundi missus est foras, ut jam non vasa

diaboli, sed membra sint Christi. Nullus enim est ex omnibus hominibus, ejus natura in Domino nostro suscepta non fuerit; quamvis ille natus sit in similitudine carnis peccati, omnis autem homo nascitur in carne peccati. Deus ergo, Dei Filius, mortalitatis humanæ particeps absque peccato hoc peccatoribus mortalibus contulit, ut qui natiuitatis ejus participes exstiterint, vinculum peccati simul ac mortis evaderent.

Sicut itaque non sufficit hominum renovationi natum fuisse hominem Christum, nisi in ipso de eodem de quo ortus est, spiritu renascantur; ita non sufficit hominum redemptioni crucifixum esse Dominum Jesum Christum, nisi commoriantur ei et conseque- liantur baptismo. Poculum quippe immortalitatis, B quod confectum est de infirmitate nostra et virtute divina, habet quidem in se ut omnibus prosit, sed si non bibitur, non medetur. Qui dicit ergo quod non pro totius mundi redemptione Salvator sit crucifixus, non ad sacram virtutem, sed ad insanabilem respicit infidelium ac perditorum hominum vanitatem. Quantum ergo ad hoc spectat, quod Dei Filius communem nostram et naturam suscepit et causam, quantum etiam pertinet ad ejusdem pretii virtutem atque potentiam, Salvator noster jure pro totius mundi redemptione dicitur crucifixus. Sed, quia plurimis in impietate manentibus mors Christi nullatenus profuit, ab istis mundi redemptio merito dicitur aliena, quæ sanctorum atque electorum Dei specialis perhibetur et propria, nec humani meriti prærogativa, C sed sola Salvatoris est gratia. Apostolus enim præcepit ut pro omnibus hominibus supplicetur, quod scilicet in cunctis Ecclesiis regulariter custoditur; ex quibus utique, quod multi pereunt, pereuntium procul dubio meritum; quod multi salvantur, salvantis est donum. Ut enim reus damnetur, inculpabilis Dei iustitia est; ut autem reus justificetur, incomprehensibilis divinæ clementiæ gratia est. Nam et quamplures exstitisse noscuntur qui dicerent quod ideo quibusdam Evangelii prædicatio subtrahatur, ne percepta Dei prædicatione salventur. Sed si probari potest quod, ex quo Evangelium coruscare per mundum cœpit, nemo prorsus exstiterit, cui Christi gratia nuntiata non fuerit, non recte dicitur quibusdam tacitum quod ostenditur omnibus prædicatum; D alioquin si reperiri possunt homines, quibus Evangelium nuntiatum non fuerit, non potest dici sine iudicio Dei factum. Quod tamen nefas est ideo ab homine reprehendi, quia non valet humana scientia comprehendere. Quamobrem rectum iudicii tenemus examen, si nec adversus Dei statuta conquerimur, quos deserit meritis deseri; ejusque misericordiæ gratias agimus, quæ liberat immeritis liberari, qui nimirum et ipsi in impietatis suæ obstinatione persisterent, nisi per propensorem dispensationis intimæ gratiam eis Mediator Dei et hominum subveniret, ejus profecto sacratissimus sanguis sic in humanæ salutis

(56) Nonnullæ exstant S. Petri D. epistolæ, tum etiam opuscula ad V. episcopum; in quibus tamen prolixus hic tractus, nisi fallor, non legitur.

sacramenta profudit, ut omnes ad gratiam festinantes ablueret, fermentum vetus in sinceritatis azyma generationis gratiam seculum innovaret.

DE FRAGMENTO ET EPISTOLA SEQUENTI MAHI MONITUM.

Fragmentum sequens non exstat in epistola B. Petri Damiani edita ad Henricum archiepiscopum Ravennatem, neque in opusculo ad eundem, nisi forte meus aberravit oculus. Sumi ergo videtur ex alia quæ non exstat epistola ad eundem. Quanquam vero hic locus ad Collectanea ex Novo Testamento pertinere non videtur, nihilominus a me libenter editur, tum quia in codice continenter scribitur, tum quia doctrinam de azymis continet idoneam explicandæ S. doctoris sententiæ, quam in Canonis expositione num. 2, dixit. Ibi enim Petrus Latine Ecclesiæ sententiam de azymis tuetur contra Græcos, qui non dogmatist, sed historici facti, ut controversiæ demonstrant, errore fermentatum azymo præferunt. Hic autem Petrus utriusque speciei valorem recte asserit. — Nec quidem S. Petri Damiani ad Bucconem epistola, quam subijcimus, in ejus operibus editis apparere videtur.

DE FERMENTATO AN POSSIT OFFERRI.

In epistola ad Henricum Ravennatem archiepiscopum.

Sicut enim nihil interest in sacrificio vinum offeramus an mustum, ita prout mihi videtur idem est vel fermentatum offerre vel azymum; panis enim ille vivus qui de cælo descendit, sicut per frumenti speciem, ita nihilominus voluit etiam significare per vitem. Nisi, inquit, gratum frumenti cadens in terram mortuum fuerit, ipsum solum manet. Et rursus: Ego sum vitis vera. Sufficiat ergo mihi duntaxat offerre vel quod ex frumento conficitur, vel quod ex vite producit, nec incuriosus inquiri utrum panis in massa crudus servatus sit usque dum potuerit fermentari, vel etiam mustum eo usque sit in tinna reconditum, donec in vini potuerit transire vocabulum. Sed quia nobis hic non est de his disputare propositum, hæc aliis tractanda relinquimus.

BUCCONI FILIO KARISSIMO PETRUS.

Consulendum me duxit dilectio tua utrum boni an mali angeli sint per quos omnipotens Deus peccata delinquentium feriat, et sive repentinæ mortis, sive quilibet infortunii soleat irrogare vindictam. Ad quod profecto facilis patet et aperta responsio; nam si sacra Scriptura diligenter attenditur, per utrumque diversorum spirituum genus ultio fieri, prout summus decreverit Arbiter, invenitur. Ut autem in re perspicua succinctus sermo non hæreat, Sodoma per bonos angelos est subversa; nam si fuissent contrariæ fortitudines, eos beatus Loth nec adorasset, nec reverenter, ut legitur, hospitio suscepisset. Obsecro, ait, domini, declinate in domum pueri vestri, et manete ibi. Ille quoque angelus, qui septuaginta millia virorum, David populum numerante, percussit, procul dubio bonus fuit. De quo Scriptura sic refert: Angelus, inquit, Domini præcepit Gad ut diceret David, et ascenderet, extrueret altare Domino Deo in area Ornan Jebusei. Neque enim altare fieri reprobatus spiritus Prophetæ præciperet, et ille devotus humiliter obediret. Porro autem et illi angeli sancti erant, qui sicut in secundo Machabæorum libro dicitur: Heliodorum sacri templi molientem auferre pecunias percusserunt, eumque terribilibus plagis affectum ac cæcitate multatum tanquam mortuum reddiderunt. De quibus nimirum, sicut Scriptura prosequitur, apparuit illis, inquit, quidam

B equus terribilem habens sessorem, optimis operimentis adornatum; isque cum impetu Heliodoro priores calces elisit, qui autem ei insidebat videbatur arma habere aurea. Alii etiam apparuerunt duo juvenes, virtute decori, optimi gloria, speciosique amicti; qui circumsteterunt eum, et ex utraque parte flagellabant sine intermissione, multis plagis verberantes. Subito autem Heliodorus concidit in terram eumque multa caligine circumfusus rapuerunt, atque in sella gestatoria impositum ejecerunt.

Quod autem per reprobos etiam spiritus flagella sua Deus hominibus inferat, Scriptura sæpius manifestat; nam et spiritus malus regem Saul invaserat, qui vesano eum furore vexabat; et Satan beatum Job non solum in corpore, sed et in filiorum percussit orbitate. Dæmon etiam Asmodæus, sicut sacre historię series astruit, septem Saræ Raguelis filiæ viros occidit. Unde scriptum est quia immisit in eos indignationem, et iram et inmissiones per angelos malos. Constat ergo quia per utrosque, bonos scilicet ac malos, angelos de nobis divinæ justitiæ motus ulciscitur, sicut his et pluribus aliis sacri eloquii testimoniis approbatur. Sed quia omnes hujusmodi vindictæ et animadversiones divinæ sententiæ angelicis administrantur obsequiis, in solius est Dei omnipotentis arbitrio, quando per bonos, quando per malos angelos fiant. Nam ut non per longinqua divagemur exempla: beata Cæcilia boni angeli est comminata furorem, et beata martyr Agnes mali angeli factam perhibet ultionem. Illa quippe Valeriano sponso denuntiat: Angelum Dei habeo amatorem, qui nimio zelo custodit corpus meum; hic, si vel leviter senserit quod tu me polluto amore contingas, statim circa te furorem suum exagitat et amittes florem gratissimæ tuæ juventutis. Ista vero dicit præfecto de filio ejus ab iniquo spiritu præfocato: ille inquit, ejus voluntatem volebat perficere, ipse in eum potestatem accepit. Manifesta igitur Novi ac Veteris Instrumenti auctoritate colligitur quod vindicta divinæ animadversionis non modo per malos, sed per bonos etiam angelos exhibetur. Nam et paterfamilias quispiam et feras capit et fures expellit, aliquando per catulos, aliquando per domesticos viros.

OPERUM S. PETRI DAMIANI

IN EDITIONE CAJETANI

TOMUS QUARTUS

COMPLECTENS

CARMINA SACRA ET PRECES.

PRIVILEGIUM PAULI PAPÆ V.

PAULUS papa V dilecto filio **CONSTANTINO CAJETANO**, Syracusano, monacho sancti Nicolai de Arena Catanensis, congregationis Casinensis, ordinis sancti Benedicti.

Dilecte fili, salutem et apostolicam benedictionem. Cum tu, sicut accepimus, Opera B. Petri Damiani S. R. E. cardinalis, episcopi Ostiensis, editurus sis, quæ non sine ecclesiasticarum litterarum detrimento in tenebris varie disiecta jacebant, tuaque laudabili opera, labore et diligentia, una cum aliis compluribus ecclesiasticorum scriptorum monumentis ex multis bibliothecis acquisita et collecta fuerunt, et idecirco fel. record. Clemens VIII prædecessor noster, studio bene merendi de republica Christiana et apostolica sede, cujus nobilis pars egregius hic doctor exstiterat, Romam te vocaverat; nunc vero, aspirante divina gratia, primus tomus absolutus sit, ac tres reliquos te editurum propediem speres; nos, qui doctas piorum et eruditorum hominum lucubrationes complecti pastorali charitate tenemur et studia hujusmodi promoveri in Domino exoptamus, ut tam primus horum Operum tomus jam typis excusus, quam cæteri cum exceduntur, sinceri et emendati prodeant, neque cujusquam incuria aut fraude adulterari vel labefactari possint, MOTU PROPRIO, ET EX CERTA NOSTRA SCIENTIA, omnibus et singulis Christi fidelibus, præsertim librorum impressoribus, ac bibliopolis quovis nomine nuncupatis, tam in Urbe et in universa ditione et locis S. R. E. mediate vel immediate subjectis: sub quingentorum ducatorum auri, cameræ apostolicæ applicandorum, nec non amissionis librorum atque typorum, quam etiam in tota Italia, et extra eam ubivis gentium et locorum constitutis, sub excommunicationis majoris lætæ sententiæ pœnis ipso facto absque alia declara-

tionem incurrendis, auctoritate apostolica, tenore præsentium interdicens et inhibemus: ne per quindecim annos a data præsentium computandos, primum tomum Operum B. Petri Damiani a te editum, et alios singulos a te edendos, dummodo omnes a magistro sacri palatii approbati sint, per totidem annorum spatium ab uniuscujusque eorum editione numerandum, absque tua licentia imprimere, aliove titulo vel forma, quovis prætextu mutatos, vel alio quocunque idiomate versos edere, vel sic editos vendere, seu venales habere audeant vel præsumant. Mandantes universis et singulis venerabilibus fratribus nostris patriarchis, archiepiscopis, episcopis et aliis locorum ordinariis, legatis, vicelegatis, gubernatoribus, potestatibus, et aliis officialibus, ut quando et quoties per te vel tuo nomine fuerint requisiti, præmissa contra inobedientes exsequantur et observari faciant, invocato ad hoc, si opus fuerit, auxilio brachii sæcularis. Non obstantibus constitutionibus et ordinationibus apostolicis, ac statutis et consuetudinibus, juramento, confirmatione apostolica, vel quavis firmitate alia roboratis; privilegii quoque, indultis et litteris apostolicis, quibuscumque personis quomodolibet concessis et confirmatis. Quibus omnibus illorum tenores, ac si ad verbum insererentur, præsentibus pro expressis habentes, pro hac vice duntaxat derogamus, cæterisque contrariis quibuscunque. Volumus autem ut præsentium litterarum exemplis, etiam in ipsis voluminibus impressis, eadem ubique fides habeatur, quæ ipsis præsentibus haberetur, si forent exhibitæ vel ostensæ. Datum Romæ apud S. Marcum, sub annulo Piscatoris, die XVII Augusti 1606, pontificatus nostri anno secundo.

Scipio COBELLUTIUS.

ELOGIUM DE S. PETRO DAMIANO.

Bernardus, sive potius Bertoldus, presbyter Constantiensis, in libro De vitanda excommunicatorum communione.

Petrus Damiani, piæ memoriæ, cardinalis episcopus sanctæ Romanæ Ecclesiæ, ALTER HIERONYMUS IN NOSTRO TEMPORE. Hæc Bernardus, qui idem affert

A testimonium cap. x sui alterius libri *Decretorum*, apud nos ms. Eminentissimus quoque cardinalis Baronius eadem veterum scriptorum auctoritate ductus, egregium eundem nostrum doctorem convellere solebat Hieronymum Juniorem.

DE FESTO DIE S. PETRI DAMIANI.

DOMINI CONSTANTINI CAJETANI PRÆMONITO.

Festus dies sancti Petri Damiani ab immemorabili tempore solemnî ritu quotannis celebratur tum Ravennæ, tum per omnes alias Flaminie regionis civitates et loca quorum ecclesiæ eidem Ravennati subsunt metropolitano. Unde quotannis etiam ab earumdem civitatum præsulibus in Ordine divini officii typis impresso, inter sanctos alios cœlestium spirituum Albo ascriptos, doctor idem egregius recensetur. Et quidem ibi sic habetur: *Kalendarium sanctæ metropolitane archiepiscopalis ecclesiæ Ravennæ, ejusque diocesis, eminentissimi et reverendissimi domini, D. Aloysii S. R. E. cardinalis Capponii, ejusdem sanctæ Ravennatis Ecclesiæ archiepiscopi jussu editum.* Atque in eodem *Kalendario* sub vicesima tertia die mensis Februarii ita decernitur: *Petri Damiani episcopi et confessoris Ravennatis, duplex, fuit heri. In primo nocturno, Laudemus, In secundo nocturno, Beati Patris, ut in Communi confessorum pontificum. In tertio nocturno, Vigilate, ut in eodem Communi, nona lectio, et commemoratio feriæ. Oratio pro sancto: Exaudi: Vesperæ de præcedenti, commemoratio sequentis.* His accedit *Kalendarium Faventinæ Ecclesiæ*, sub hisce verbis: *Ordo divini officii recitandi, missasque celebrandi juxta ritum Breviarii et Missalis Romani, in Ecclesia et diocesi Faventina, eminentissimi domini D. Francisci, S. R. E. presbyteri cardinalis, tituli sancti Marcelli, ejusdem civitatis episcopi jussu editus. At-*

B que in eodem, sub eadem qua supra die vicesima tertia mensis Februarii, hoc etiam modo decernitur: *Petri Damiani episcopi et confessoris, ac Faventinæ protectoris, Duplex majus. Lectiones primi nocturni: Fidelis sermo. Secundi: Beati Patris. Tertii: Vigilate, cum cæteris de communi confessorum pontificum. Nona lectio homilia et commemoratio feræ: In officio nihil sit de vigilia sancti Matthiæ. Color albus. Missa: Sacerdotes. Secunda oratio feræ, cujus evangelium legitur in fine. Teriæ, de vigilia Sancti Matthiæ præfatio Quadragesimal. In secundis vespers commemoratio feræ. Fit processio in civitate ex voto. Hæc ex Ravennate et Faventina Ecclesiis, ut et in cæteris ejusdem provinciæ ecclesiarum *Kalendaris*, quæ nos brevitatis causa nunc præterimus, de divinis honoribus tam in officio ecclesiastico quam sacrosancto missæ sacrificio Petri Damiani ultro exhibitis, a tempore cujus memoria non exstat. Quod non sine auctoritate Romani pontificis factum fuisse nullo pacto dubitari potest. Qua de re eundem Petrum Damiani ab eodem Romano pontifice sanctorum numero ascriptum existisse tum ex his quæ modo diximus, tum ex aliis quæ tomo tertio egregii ejusdem doctoris *Operum* prælibavimus, tum denique ex multis aliis argumentis quæ in eandem rem adducere possumus, jure optimo, ut concludamus, operæ pretium est.*

TESTIMONIA INSIGNIA

De laudabili S. Petri Damiani Operum defatigatione a domno Constantino Cajetano abbate præstila.

Cæsar Baronius presbyter cardinalis tit. SS. martyrum Nerei et Achillei, sedis apostolicæ bibliothecarius, tomo XI *Annal. ecclesiast. ad an. Chr. 1072.*

Sic Deus in hoc deploratissimo sæculo, cum excrevisset ad Ecclesiam obruendam diluvium carnis, dedit mundo tantum virum, qui austerissimæ vitæ

D exemplo verbique prædicatione et scriptis, excicaret tantam putredinem, pariterque pugnaret adversus simoniacam hæresim, quæ ubique locorum grassabatur impune. Quod autem pertinet ad scripta, hic ea cuncta recensere non innotamur, cum modo (1604) apud nos, mandato beatissimi

domini nostri Clementis, papæ octavi, laborat dominus Constantinus Cajetanus, Siculus, monachus Casinensis congregationis, ut viri sanctissimi scriptorum monumenta undique collecta, prelo subjiciat; quod propediem spero fore. In his enim pervestigandis et exemplaribus pluribus, hinc inde perlatis, magno studio corrigendis, studio indefesso laborat; a quo et ejusdem Petri Vitam accipies uberius scriptam.

Robertus Bellarminus presbyter cardinalis tit. S. Mariæ in Via, in libro De scriptoribus ecclesiasticis, sub an. Ch. 1660.

Petrus Damiani (sic à fratris sui Damiani nomine

vocalus) Ravennas, monachus fuit ordinis S. Benedicti, ac deinde S. R. E. cardinalis, episcopus Ostiensis. Vixit temporibus Gregorii VI et successorum ejus usque ad Gregorium VII, ad quos omnes epistolas dedit. Vir fuit valde sanctus et devotus, et præcipue poenitentiae et austeræ vitæ amator ardentissimus. *Pauloque post* : Obiit in apostolica legatione, anno Domini 1072. Scripsit epistolas plurimas et sermones permultos : quæ duo opera typis nuper (anno 1606 et 1608) mandavit Romæ domnus Constantinus Cajetanus, ordinis S. Benedicti monachus.

CONSTANTINI CAJETANI

EPISTOLA AD D. FRANCISCUM ET D. ANTONIUM BARBERINOS PRINCIPES.

Petit ut eorum auspiciis liber suus summo pontifici offeratur.

Sanctissimi Domini nostri Urbani VIII fratris filius, S. R. E. cardinalibus, D. FRANCISCO, sedis apostolicæ vicecancellario ac Romani apostolicique collegii Gregoriani protectori; nec non D. ANTONIO S. R. E. camerario, et utriusque signaturæ ac sacræ congregationis de Propaganda Fide præfecto, Barberinis principibus, domnus Constantinus CAJETANUS abbas, salutem et felicitatem.

Sancti Petri Damiani cardinalis, episcopi Ostiensis, quartum librorum volumen, quod in lucem editur, vobis sese exhibet, cardinales eminentissimi: ut per vos sanctissimo D. Urbano VIII patrio vestro offeratur. Neque enim supremæ inter homines po-

testatis fastigium et magnitudinem satis intelligit, qui ante illum sine duce audet importunus irrumperere. Licet enim liber ipse auctoris sui nomine, viri nempe doctrina et sanctitate clarissimi, ac rerum quæ in eo continentur pondere et utilitate satis per se gratiosus futurus sit apud eum qui fautor est litterarum et sanctitatis assertor, aliquid tamen commendationis et gratiæ ex utriusque splendore nominis atque auctoritatis amplitudine sperat sibi accessurum: ita ut, vobis præeuntibus, alacrior magisque fidens ante maximi pontificis conspectum appareat. Deus optimus maximus vos ad Ecclesiæ suæ utilitatem diutissime servet incolumes.

CAJETANI EPISTOLA NUNCUPATORIA

AD URBANUM PAPAM VIII.

Sancto Domino nostro URBANO VIII, pontifici maximo, CONSTANTINUS CAJETANUS abbas sempiternam felicitatem.

Quartus jam et ultimus, beatissime Pater, S. Petri Damiani cardinalis, episcopi Ostiensis, tomus publici juris efficitur: sed tamen consuetam tantæ majestati præstat reverentiam: neque ante in populi conspectum prodire sustinuit, quam Urbanum in Petri cathedra sedentem supplex veneraretur. Quod certe factum nemo, ut arbitror, non magnopere laudabit. Ubi enim nobilium ingeniorum partus lucis incunabula felicius quam in sedis apostolicæ penetralibus sortiantur? In illis nimirum penetralibus, unde gentes a criminibus expiatura vox mittitur, ubi cælestis oraculi arcana patefunt, ubi perennis thesauri dona dispensantur, ubi denique mortis antidotus et vitæ pharmacum propinantur. Quod nomen chartis, ut ita dicam, victuris

Illustrius præponatur, quam quod resonat in ore populorum, publica decorat monumenta, privata honestat ornamenta, et inter sacrosancta mysteria sacerdotum voce deprimatur? Quis non speret sibi tam augusti sideris luce præeunte, tempestates omnes atque omnia monstra navigantibus infesta facile cessura, quousque ad illum beatæ vitæ portum, quem pie viventibus Conditoris nostri immensa bonitas et omnipotens sapientia præparavit, victrix laborum pietas, et triumphatrix periculorum animi fortitudo perducatur? Sed hæc in aliorum libris justius essent præfanda, qui in sedis apostolicæ clientelam novi recentisque venerunt. Petri enim Damiani, egregii doctoris Benedictini erga Romanam Ecclesiam fides eximia, ac pietas pene singularis, mea commendatione non indiget: siquidem tam ex ejus scriptis (quorum maxima jam parte, summis duobus Pontificibus, Clemente VIII et Paulo V mandanti-

bus, homines per nos fruuntur) quam ex vitæ ac rerum gestarum præclaris facinoribus, nota satis ac testata posteris remanserunt; adeo ut ab illustribus ejus temporis ALTER HIERONYMUS merito dictus fuerit. Nimirum vir sanctissimus non degeneravit a majoribus suis (de ordinis Benedicti Patribus loquor) quorum studia, labores, vigiliæ et excellens in omni laudum genere virtus, quantos omni tempore fructus Christianæ reipublicæ attulerit, aliquantisper fortasse hoc loco commemorarem, nisi publicis essent consignata monumentis, ita ut eorum memoria in benedictione futura sit penes omnem posteritatem. Pulcherrimarum namque operum, quæ magnus patriarcha Benedictus ejusque alumni pro Christi gloria et communi hominum utilitate perfecerunt, non solum exemplis, sed etiam vestigiis, plena est omnis Ecclesia sanctorum. Quo magis æquum esse et rationi consentaneum puto, me, qui eandem religionem profiteor, totis viribus eniti ut non dissimilem exhibeam erga Romanam Ecclesiam, cæterarum Ecclesiarum principem ac parentem, obsequii ac pietatis ardorem. Cum enim omnibus a majorum suorum virtute degenerare turpe sit, tum illis potissimum id omni ignominia deformius esse debet, qui in sanctæ religionis studio gloriosi certaminis cursum conficere statuerunt: quibus illa proposita est expeditissima ratio vincendi, retro oculos nunquam flectere, nec in medio deficientium lassitudinem imitari, sed strenue præeuntem fortiter hæreere vestigiis. Quamvis mihi etiam domestica exempla majorum, a quibus in sæculo originem

duco, possint addere faces, ut ita dicam, et stimulos ad bene currendum. Sed enim quid attinet vetera, et quæ mihi cum aliis communia sunt, enarrare; cum singularis affectus et observantiæ in Romanum pontificem proprias ac peculiare causas habeam? Tua enim beneficentia, beatissime Pater, quod in me contulit, ut post maximos illos optimosque pontifices, antecessores tuos, Clementem VIII, Leonem XI, Paulum V et Gregorium XV, quibus a sacri litterarum monumentis inservivi, tibi inservirem, jure suo postulat exigitque, ut totum me pro tua amplitudine, honore ac dignitate devoteam, atque ad hujus sacrosanctæ sedis decus existimationemque omnia mea studia, curas, cogitationes convertam. Illud duntaxat addere non verebor. Quemadmodum potuit antehac sanctitas tuæ antiquæ, cum ordinis mei, tum majorum meorum erga sedem apostolicam, devotionis et observantiæ specimen in me uno haud obscure recognoscere; ita si vita mihi suppetet, afflabitque, ut facit, incredibilis tuæ istius benignitatis aura, magis magisque posthac recognituram.

Interim ultimum hunc illius clarissimi olim et sanctissimi cardinalis episcopi, et Petri Damiani tomum, qui jam, Deo auspice, a me cum tribus aliis a tenebris atque oblivione vindicatus est, at tuo munere publica luce fruatur, hilari fronte accipe; et quæ soles humanitate, complectere. Deus omnipotens salvam diu florentemque Christianæ reipublicæ sanctitatem tuam conservet, ejusdemque vota cæptaque omnia secundet.

B. PETRI DAMIANI

S. R. E. CARDINALIS

CARMINA SACRA ET PRECES.

1-2.—I. Oratio ad Deum Patrem.

Rogo te, immensa pietas, Deus Pater omnipotens, ne perdas me creaturam tuam ad tui similitudinem conditam ac pio Filii tui Domini mei Jesu Christi cruore redemptam. Porrigere mihi manum tuam, Domine Deus meus, et eripe me de profundissimo laeu iniquitatum mearum. Erige lapsum, solve compeditum, illumina cæcū, sana me mille malignorum spirituum vulneribus sauciātum. Heu me miserum, heu me perditum, heu me indeficienti lacrymarum fonte lugendum! qui dum spurcissimæ carnis meæ legibus vixi, nunquam te de me gaudere permisi, sed semper de reprobræ vitæ meæ flagitiis ad amaritudinem provocavi. Sed scio, Domine, quia in voluntate tua cuncta sunt posita, et non est qui possit tuæ resistere voluntati (*Esther* xiii). Si enim decreveris salvare nos, continuo liberabimur,

Produci, Domine, de saxeæ cordis mei duritia lacrymarum abundantiam, qui de rupe deserti largissimam fluentissimæque copiam prodire jussisti (*Exod.* xvii; *Nūm.* xx; *Psal.* lxxvii). Domine Jesu Christe, si tu es lux vera, et ego colo te, cur pateris in tenebris esse me? Væ mihi, lumen adoro, et tenebras perfero; veritati deservio, et per inanium cogitationum figmenta deludor. Domine, qui cavernas tartari divinitatis tuæ radiis illustrasti, qui densas *Ægypti* tenebras Moysis famuli tui precibus effugasti (*Exod.* x); respice chaos istud, et tenebrosū mei cordis infernum visitationis tuæ luce perfunde, ut animam, quam tu dignatus es, lux æterna, redimere, tenebrarum auctor nequeat in obscuritatis suæ caligine possidere. Qui illuminasti cæcū a nativitate, illumina me (*Joan.* ix). Qui leprosos mundasti, purifica me. Qui Lazarum de sepulcro suscitasti, resuscita

me vitis fetidum, et perversæ consuetudinis mole depressum (*Joan. xi*). Qui Daniele in lacu a leonum morsibus custodisti, eripe me (*Dan. xiv*). Qui tres pueros de camini æstantis incendio liberasti, libera me (*Dan. iii*). Qui liberasti Israel de oppressione Pharaonis, libera me (*Exod. xii et xiii*). Qui liberasti David de manibus Golizæ et Saulis, libera me (*I Reg. xvi*). Qui eduxisti Petrum de carcere Herodis, libera me (*Act. xii*). Domine benedicte, gloriose, piissime, vides, et ipse conscientia meæ testis es, quia volo mala mea cum cuncta respicere sanctisque tuis jussionibus, ut dignum est, obedire; sed quia nequeo ex me, spero in te. Non enim invenio in carne mea bonum. Et revera, Domine, quis unquam sanctorum ex se virtutem vel sanctitatem habere potuit? quis perse, sine auxilio, perfectionis culmen ascendit? Certe, Domine, non Petrus, non Paulus, non martyr, non apostolus, non denique ipsi angeli, non cherubim aut seraphim, nisi a te percepissent, donum aliquod habere potuissent.

Si ergo ipsæ virtutes cælorum nihil habent a **3** se, sed omnia perceperunt a te, quid ergo boni a me, qui sum stercus et vermis, pulvis et cinis, poteris expectare, nisi quod ipse digneris infundere? Tu enim es Pater luminum, a quo omne datum optimum omneque donum perfectum (*Jac. i*). Tu es, a quo bona cuncta procedunt. Tu fons vitæ. Tu auctor salutis æternæ. Sicut enim terræ non a se ipsa, sed de cælo semper lumen infunditur; sic anima mea sicut terra sine aqua tibi (*Psal. cxlii*), tenebrosa squalet semper et arida, nisi tuæ gratiæ rore perfusa tui splendoris radio fuerit illustrata. Et quidem inquiri apud me, Domine, ut tibi de meis aliquid offeram, sed, cum omnia mei pectoris arcana revolvō, nihil ibi nisi tenebras video, nihil omnino nisi vitiorum tribulos et spinas invenio. Vide ergo, Domine, miseriam meam, vide tantæ paupertatis inopiam, mihiq; compunctionis gratiam tribue, quæ animæ meæ rubiginem tergere tamque cruenta meorum criminum valeat inquinamenta lavare. Expelle, Domine, frigus hoc atque torporem de meo pectore, et flammam in me dulcissimæ tuæ charitatis accende. Nunquid enim, Domine, immensam tuæ pietatis abundantiam mea valebūt iniquitas vincere, quam totius mundi non potuerunt crimina superare? Nam cum totus pene mundus esset idololatriæ deditus, quis te rogare præsumeret, ut quem cæli non capiunt utri virginalis angustias habitaturus inviseres, mortalitatis nostræ membra susciperes, mortis atrocissimæ tormenta perferres, ut inimicos tuos a mortis debitæ supplicio liberares?

Si ergo, clementissime et piissime Domine, misericordiæ tuæ magnitudinem totius mundi flagitia non vicerunt, unius canis mortui peccata quantumlibet gravia superabunt? Absit hoc a te, Domine. Absit a te, qui dixisti: Nolo mortem peccatoris (*Ezech. xvm, xxxiii*). Quid est ergo quod dicis? Gaudium

esse angelis Dei super uno peccatore pœnitentiam agente? (*Luc. xv*). Quid est quod de te Propheta dicit: Quia miserationes tuæ sunt super omnia opera tua? (*Psal. cxliv*). Nonne tu, Domine, permisisti te ab illa spurcissima et fœdissima muliere contingi, quæ fluxu erat sanguinis cruentata? (*Matth. ix; Luc. viii*). Cujus præsumptionis audaciam non modo nullatenus condemnasti, sed ut salutem quoque cum ipsa vestimenti fimbria raperet, indulsisti. Nonne tu, mitissime Domine, cum multivira illa Samaritana loqui dignatus es? (*Joan. iv*) sive, quod majus est, nonquid non cum Chananæa, quæ adorabat idola, colloquium miscuisti? (*Matth. xv*). Ejus insuper filiam a dæmonio maternis precibus liberasti? Hanc circa me, quæso, Domine, mirandæ pietatis tuæ regulam exhibe; extinctum animæ meæ infelicis igniculum his olei tui fomitibus reaccende. Non Pauli, non Petri misericordiam quæro, quia dum alter ignorantia, alter timore peccavit, facile uterque veniam obtinuit. Illud mihi, piissime Domine, misericordiæ tuæ genus indulge, illud animæ meæ languenti, vel jamjam potius morienti, suavisimæ medicinæ tuæ poculum porrige, quod latroni in cruce pendenti misericors obtulisti, eumque absorptum ex deglutientis mortis faucibus eduxisti (*Luc. xxi*). Illud tuæ misericordiæ genus quæro, quod deprehense in adulterio præbuiisti (*Joan. viii*); quod peccatrici in domo Simonis contulisti (*Luc. vii*); quæ dum pedes tuos **4** crinibus tersit, animam suam a peccatorum sorde purgavit. Hoc modo trabe me ad te, Salvator meus, accende me, purifica me. Implantant amore tuo omnia viscera mea, ut benedicat tibi anima mea, et descendat super me misericordia tua. Ad hoc enim te Pater omnipotens misit in terras, ut salvos facias peccatores, qui tecum et cum Spiritu sancto vivit et regnat Deus in sæcula sæculorum. Amen.

II. Oratio ad Deum Filium.

Recordare, Domine Jesu Christe, quia non auro, vel argento, sed proprii sanguinis tui me pretio redempisti (*I Petr. i*); et cum tu sis fons patens domus David in ablutione peccatoris et menstruatæ, ego solus, Domine, tantæ pietatis expertus ero, et extra redemptionis tuæ lineam remanebo? Heu me, piissime Domine, permittes me cum regenerationis tuæ tunica, quam mihi dedisti, cum vexillo sanctæ crucis, quam mihi in fronte pinxisti, in manus venire diaboli, et cum ipsis tuis insignibus æternis incendiis cruciari? Scio, Domine, quia tantæ pietatis es, si ego perfecte convertor ad te, quod tu statim recipies me. Sed quia tantæ fragilitatis et ignorantiae sum ut ipsa conversio per me sine te digne fieri non possit, tu me converte, Deus salutaris meus, tu illumina animam meam, tu dirige, tu in me flammam tuæ dilectionis accende. Et forsitan, justissime et piissime Domine, tanta sunt peccata mea, (57) ut nulla mea pœnitentia ad hæc plangenda ejus acceptatione, satisfaciunt, ut theologi pluribus docent.

(57) Intelligi opera nostra ex naturæ viribus satisfacere non posse: nam supposita Dei gratia et

sufficiat; ecce corpus meum, per quod te miser **A** Orate pro me misero et funditus perduto, domini mei, offendi, tu, qui es animarum medicus, verbera, flagella; sive lepra, sive quibuscunque doloribus tibi visum fuerit, durissime percutere. Tua plane creatura sum, conditor meus; tu me tuis cinge flagellis, nec tradas me in manus inimici mei; aut si eousque mea processit iniquitas ut in hac non possit vita deleri, præcipe usque ad diem iudicii tui ultræbus me poenis affligi, ut tunc saltem extremus omnium electorum tuorum merear inveniri. Absit enim a me ut postulem gloriam. Sufficit mihi, ut tantummodo pœnas evadam.

Sed quoniam preces meæ, tam sordido ore prolatae, ad te non merentur ascendere, te rogo, beata virgo Maria, templum Dei vivi, aula Regis æterni, sacrarium Spiritus sancti, benedicta inter mulieres; **B** Substantialis tibi Spiritus tuus infelicem hanc arbutulam arescentem jam comisque nudatam dignetur invisere, faciet eam protinus revirescere! nec impotens erit eam virtutum floribus ac vernantium fructuum decore vestire. Veni, Domine Jesu, veni, dulcis habitator in me. Odor tuus omnia vincit aromata, suavitas tua favos et omnia mella transcendit. Veni, obsecro, totumque me tuo juri sic vindica; ut nullam in partem de cætero se tyrannus habere cognoscat, sed dedica me undique templum tuum, quia tu es Deus et Dominus meus, qui cum Patre et Spiritu sancto vivis et regnas in sæcula sæculorum. Amen.

III. Oratio ad Deum Spiritum sanctum.

Spiritus sancte Deus, omnipotens, coessentialis et coæternæ summo Patri ac Filio, ineffabiliter ab utroque procedens, cordi meo dignanter illabere, et nequitiae meæ tenebras mirificus illustrator expelle; ut sicut Dei Verbum virginalis potuit uterus te superveniente concipere; ita et ego per auxilium gratiae tuæ, **C** 6 eundem meæ salutis Auctorem valeam semper in mente portare. Tu enim, Domine, lux es mentium, tu virtus cordium, tu vita es animarum. Tu largitus es sanctis apostolis ut ad plenum redemptionis humanæ sacramenta cognoscerent et fidei regulam inoffenso veritatis limite prædicarent. Tu dedisti beatis martyribus sanctæ libertatis audaciam, ut et mundi principes non metuerent et exquisita pœnarum genera constantissima longanimitate transirent. Tu locutus es in prophetis, tu in patriarchis **D** fidei fundamenta constituisti. Tu sanctis omnibus et velle et posse, omniumque virtutum flores, quibus cœlestia scanderent, præbui. Et ego, peccator infelix, quomodo sine te salvus fieri valeo, qui scilicet absque te, quid saltem orare debeam, non agnosco? Prefecto, Domine, si tu recedis, anima mea non vivit. Sicut enim substracta anima, corpus emoritur; sic te recedente, ipsa protinus anima, necesse est exstinguatur (58). Sentio, sentio, Domine, quia cum per occultam gratiam tuus aliquando vigor accedit, meus illico spiritus convalescit. Cum vero te peccatis meis exigentibus subtrahis infelix anima mea

(58) Id est, vita spirituali privetur.

protinus arefacta contabescit et corrui; nec ut in studio puræ orationis exerceatur assurgit. Descende ergo in me, vivificator æternæ, meque pectoris glaciem flamma tuæ caritatis accende. Præbe capiti meo aquam, et saxeam cordis mei resolve duritiam; super hoc scilicet elementum, Domine, et ante mundi originem ferebaris (*Gen. 1*); et nunc ad purificationem animarum in vivifica fontis fluentia descendis. Veni ergo in me cum aqua compunctionis, et potum mihi da in lacrymis in mensura. Væ mihi misero peccatori, qui et innumerabilia quotidie flenda committo, et tamen flere non valeo! Imber ergo gratiæ tuæ, Domine, di tillet in me, ut anima mea, quæ a vitæ fonte recedens aruerat, per tuæ visitationis afflatum noviter revivescat. Paratum cor meum, paratum cor meum. Ecce, Domine, omnes sensus tibi mei cordis aperio, arcana pectoris laxo, tuæque dignationis accessum inhiante expecto.

Habet certe oculus carnis lumen suum, visibilem scilicet solem; sed te interior homo meus expectat, qui lumen es animarum. Qui illuminasti cæcum a nativitate (*Joan. ix*), illumina me. Qui resuscitasti Lazarum (*Joan. xi*), vivifica me. Heu, heu, infelix anima, cum tu sis vita corporis, ipsa mortua jacens, vivificatorem tuum habere Spiritum non mereris. Mortua tibi, vivis alii; ipsaque in tenebris constituta, exteriori substantiæ lumen attribuis; sed videre non vales, quia non proprium lumen habes. Veni tu, obsecro, Spiritus veritatis, et omnes errorum tenebras a me potenter expelle. Judica, Domine, nocentes me, et expugna impugnantes me; apprehende arma et scutum, et exurge in adiutorium mihi (*Psal. cxiv*). Tupurificator et vivificator Spiritus, omnipotens æternæ Deus, ignis consumens es. Tu Spiritus iudicii, tu Spiritus ardoris. Corripe itaque cor meum, et omnium culparum vitiolorumque rubiginem virtute tui ardoris exerge, et inimicum tibi nequitiae spiritum a cunctis meis sensibus prorsus excludere. Exsurgat Deus, et dissipentur inimici ejus, et fugiant a facie ejus, qui oderunt eum. Sicut deficit fumus, deficiant; sicut fluit cera a facie ignis, sic pereant peccatores a facie Dei (*Psal. lxxvii*). Veni, quæso, veni, benedice Spiritus veritatis, et omnes meorum viscerum venas intus scrutator ingredere. Tolle quicquid fermentatum, quicquid visiosum, quicquid reperis noxiæ vetustatis peste corruptum; neque fac azymum ac tuæ munditiæ puritate sincerum. Redde me mortuum mihi, viventem tibi. Mortifica in me omnes fomites carnalium voluptatum, excoque me ad purum, et non solum vitis, sed et mundo me redde prorsus extinctum. Veni, obsecro, Spiritus benedictionis æternæ, omnesque mei pectoris latebras inenarrabili tuæ dulcedinis suavitate perfunde. Anima mea ad tuum liquescat adventum, cœlestem virtutem per te renovata concipiat. Ad sui vigoris originem redeat atque in amorem tuum succens visceribus inardescat. Benedic, anima mea, Domine, et omnia interiora mea nomen sanctum ejus (*Psal. cii*). Uberem gratiæ tuæ benedictionem, Domine, anima mea suscipiat; et, ut tibi medullatas

hostias offerat, ineffabili tuæ dulcedinis adipe saginata pinguescat. Illumina me, lux veritatis, accende me, purifica me. Tu enim es largitor charismatum, tu auctor sanctificationum, et omnium remissio peccatorum. Tu virtutes angelicas ad amorem tuum indesinenter inflamas; tuæ charitatis incendio cherubim et seraphim incomparabiliter æstuant. Tu me, Domine, tibi totum vindica, totum posside, nullamque in me partem a te vacare permitte: sed solus in me vivas, meque tibi soli vivere facias, qui vivis et gloriaris in Trinitate perfecta unus et verus Deus per omnia sæcula sæculorum, Amen.

IV. Ad sanctam Trinitatem orationes.

Te adoro, te colo, te glorifico, te magnifico. Benedicte, omnipotens, Pater, et Filius, et Spiritus sanctus, trinus et unus Deus. Adjuva me, Domine, absolve me, purifica me, munda me, Rex meus et Deus meus. Da mihi iustitiam, fortitudinem, temperantiam et prudentiam. Da mihi perfectam fidem, spem et charitatem. Concede mihi Spiritum sapientiæ, et intellectus, consilii, et fortitudinis, scientiæ, et pietatis, et timoris tui. Da mihi irriguum inferius et irriguum superius. Da mihi benedictionem de rore cœli et de pinguedine terræ. Mollifica, Domine, lapideum cor meum. Da mihi compunctionem et contritionem cordis, ut desleam innumerabilia peccata mea. Domine, non sum dignus ut intrem in ecclesiam tuam. Indignus sum levare infelices oculos meos ad cœlum, vel exprimere nomen tuum benedictum per labia mea; sed tu, qui creasti me sicut vis et sicut scis, miserere mei, Domine, Deus meus.

V. Secunda oratio.

Miserere, Domine, omnibus amicis meis, et propinquis, et omnibus benefactoribus meis, et omnibus qui orant te pro me, et omnibus qui rogant me orare pro se. Da eis poenitentiam et fructuosam, mortifica in eis omnia vitia, et fac eos florere virtutibus tuis. Fac eos, Domine, sic per omnia vivere, ut majestati tuæ valeant de bona sua conversatione placere. Miserere, Deus, pontificibus, regibus, potestatibus et omni populo Christiano. Sancta Maria, ora pro eis omnibus. Omnes sancti et sanctæ Dei, orate pro eis. Miserere, Domine, omnibus benefactoribus meis defunctis, et pro quibuscunque orare debitor sum; et omnes fideles tuos absolve, et da eis partem et societatem cum sanctis tuis. Sancta virgo Maria, ora pro omnibus; omnes sancti et sanctæ Dei, orate pro eis omnibus.

VI. Tertia oratio.

Te adoro unum in trinitate, et trinum in unitate, benedicte, omnipotens, Pater, et Filius, et Spiritus sanctus. Miserere mihi miserrimo peccatori, clementissime, Deus meus, et miserere omnibus fidelibus tuis vivis et defunctis. Sancta virgo Maria, mater Dei et hominis, templum Dei vivi, virgo ante partum et virgo post partum, exaltata super choros

angelorum, ora pro nobis omnibus. Sancte Michael, A princeps militiæ cœlestis, sancte Gabriel, fœderator cœlestium nuptiarum, sancte Raphael, medicina Dei, orate pro nobis. S. Joannes Baptista, ora pro nobis. S. Petre, qui habes claves regni cœlorum, S. Paule, S. Andrea, S. Joannes evangelista, orate pro nobis omnibus. S. Stephane, S. Apollinaris, S. Laurenti, orate pro nobis omnibus. S. Silvester, S. Martine, S. Benedicte, venerabilis pater noster, orate pro nobis omnibus. Sancta Agatha, S. Agnes, S. Cæcilia, orate pro nobis omnibus. Omnes sancti angeli et archangeli, throni et dominationes, principatus, potestates, virtutes, cherubim, et seraphim, omnes sancti patriarchæ et prophætæ, apostoli, martyres, confessores, virgines, anachoretæ, viduæ, omnes sancti et sanctæ Dei, orate pro nobis omnibus fide- B libus Christi vivis et defunctis. *Pater noster.*

VII. *Hem, orationes de sancta Trinitate.*

Deus, cujus munere et trinitatem in personis, et unitatem in divina substantia confitemur, concede propitiis ut, hæc fidei lorica muniti, a cunctis mereamur adversitatibus liberari. Per Dominum.

VIII. *Alia.*

Concede, quæsumus, omnipotens Deus, ut qui sanctæ Trinitatis unam confitemur essentiam; sicut nunc ambulamus, te ducente, per fidem; sic aliquando, te suscipiente, perducamur ad speciem. Per.

IX. *Alia.*

Deus, qui nos et sine confusione trinitatem, et C sine divisione substantiam tuæ majestatis credere docuisti, largire supplicibus, ut super hoc catholicæ fidei fundamentum surgat 9 in nobis sanctarum structura virtutum. Per Dominum.

X. *Alia.*

Deus, qui nobis sanctæ Trinitatis mysterium revelasti, tribue, quæsumus, ut qui jam ex fide vivimus, per boni operis augmenta crescamus. Per Dominum nostrum.

XI. *De annuntiatione Domini.*

Ecce parat clausam Regis prænuntius aulam.

XII. *De nativitate Domini.*

Natus ab æterno prodit de Virginis alvo.

XIII. *De oblatione Domini.*

Non capitur coelis, Simeon quem strigit in ulnis. D

XIV. *De baptismo Domini.*

En fluvius fontem mundum lavat, unda, lavantem Ablue, Jordanis, a quo magis ipse lavaris.

XV. *De transfiguratione Domini.*

Hinc Deus ostendit quod carnis tegmine clausit.

XVI. *Ubi pueri dicunt Hosanna.*

Astra, polus, terræ, metuunt quem portat asella. Voce Deo magna cœtus depremit hosanna.

XVII. *De cœna Domini.*

Qui caput est justis vestigia tergit alumnis. Quod vetuit parti, Petrus vult solvere toti.

XVIII. *De patena.*

Esum perpetuæ pariunt hæc fercula vitæ.

XIX. *Ubi Judas Dominum tradit.*

Falsa ferox blando lupo oscula porrigit Agno.

XX. *Ubi Christus rogat Patrem.*

Patrem, Christe, rogas, cum quo simul omnia donæ,

XXI. *Dominus dicit discipulis suis: Vigilate.*

Quos sopor oppressit, vigillum Rex surgere jussit.

XXII et XXIII. *Orationes die Veneris sancto in crucis adoratione dicendæ.*

(59)... inflicto ad eum respiceret, et venenum exitiale evaderet, optatæ salutis vitam adipisceretur, significans te ipsum futura longe post curricula pro tui salute plasmatis crucis patibulo extollendum, ut quos diabolus armis invidiæ captivaverat, tua desiderabilis passio ad patriam revocaret. Concede tam mihi misero 10 et peccatori quam omnibus tuo cruore mercatis, qui hodie sanctam passionem tuam supplices venerantur lignumque vitæ adorant, ut diabolicas insidias te adjuvante vincamus, et æternæ vitæ participes effici mereamur, qui cum Patre et Spiritu sancto vivis et regnas Deus per omnia sæcula sæculorum. Amen.

XXIV. *In tertia genuflexione.*

Domine Jesu Christe, qui nos per passionem sanctæ crucis hodierna die de diabolica servitute liberasti, ut quo die hominem condideras, eodem et reformares, exaudi me miserum et peccatorem coram hoc signaculo sanctæ crucis tue confitentem et deprecantem, ut hujus venerabilis et vitalis signi tuitione munitus, et hostis nequissimi ignita tela repellere et ab inflicto evacuari vulneribus, et ad vitam æternam valeam pervenire, per te, Domine Jesu Christe, qui cum Patre et Spiritu sancto vivis et regnas Deus in sæcula sæculorum. Amen.

XXV. *De S. cruce orationes aliæ.*

Dum crucem dilectissimi Filii tui, omnipotens Pater, adoro, pateat mihi cœlum, obsecro ut et oratio mea pervenire possit ad te, et tua descendat misericordia super me. Hæc enim hostia singularis, piissime Domine, in odorem tibi suavitatis oblata, et tuam circa nos justitiam mitigat, et, tanquam pii thuris incendium de thuribulo sacratissimæ passionis evaporaans, humanarum mentium nares obdulcat. O inenarrabilis victima, quæ et cautionem maledicti veteris abolavit, et signaculum nobis æternæ benedictionis impressit. O sacrificium veræ placationis et laudis, quod et antiquæ transgressionis inimicitias abstulit, et inter cœlum et terram fœdus æternæ concordæ reformavit. Per hoc, Domine, tuæ virtutis insigne vexillum miseram me tui gregis oviculam de eruentis leonis faucibus eripe, ut victus atque contritus a te super me nequeat triumphare. Reduce me ad pascuæ tuæ semper amœna virentia, nec abjicias servum, pro quo tradere dignatus es Filium, qui tecum et cum Spiritu sancto vivit et regnat Deus in sæcula sæculorum. Amen.

XXVI. Oratio.

Mediator Dei et hominum, Domine Jesu Christe, qui veram carnem ex intemeratis beatæ Mariæ visceribus suscepisti, quique pro salute nostra ipsum Agnum immaculati tui corporis obtulisti Deo Patri super aram crucis in odorem suavitatis, atque, ut antiquæ prævaricationis virus evomeret, temetipsum fecisti humano generi medicinam; absolve me nimis infelicem et miserum, innumeris peccatorum vinculis obligatum. Ecce ante ipsum, Domine, vivificæ crucis tuæ me prosterno vexillum, novumque et inauditum victoriæ tuæ supplex adoro triumphum. Tu enim sacerdos et hostia; tu redemptor et pretium. Libet, piissime Domine, tanquam sub recenti tuæ passionis **11** articulo te in crucis supplicio videre pendentem. Libet pretiosissimum sanguinem in ore meo suscipere distillantem. O beata scilicet hostia, quæ et tartarea septa dirumpit, et cœlestis regni januam fidelibus aperit. O pretii nostri pondus in crucis statera libratum, quo debiti nostri chirographum antiquus exactor deplorat excisum. Video te interioribus oculis, Redemptor meus, crucis clavis affixum. Video te novis vulneribus sauciatus. Audio te latroni clara voce dicentem : Hodie mecum eris in paradiso (*Luc. xxiii*). Per istud itaque salutiferæ tuæ passionis ac mortis imploro mysterium; per hoc, inquam, redemptionis nostræ lacrymabiliter obsecro sacramentum. Noll me, sicut mereor, ab electorum tuorum societate dividere, sed in paradisi gloria cum ipsomet beato latrone constitue. Tu, Domine, animam meam hujus sanctæ crucis impressione consigna, tu me hujus virtute purifica. Per hanc me totum undique juri tuo sic vindica, ut nulla prorsus adversarii valeat in me portio reperiri, quatenus te ad judicium veniente, cum hoc in cœlo divinæ virtutis insigne claruerit, ego hoc stigmatè signatus inveniar, ut crucifixo configuratus in pœna, consors fieri merear resurgētis in gloria, qui vivis et regnas cum Deo Patre in unitate Spiritus sancti per omnia sæcula sæculorum. Amen.

XXVII. Oratio.

Si pietatem tuam, mitissime Deus, humanam mensuram habere cognoscerem, ego tam immanissima scelorum mole depressus funditus desperarem. Sed dum immolari pro me tam potentem hostiam video, quomodo me desperare debeam, non attendo. Nam si agnus ille paschalis, brutum scilicet animal, populum Israel a plaga mortis potuit liberare (*Exod. xii*); quāto magis illius sacratissimus sanguis, qui Conditor est angelorum, quantaslibet animæ meæ sordes valet abluere? Tu, piissime Domine Jesu Christe, velut species aromatica refoles in mortario passionis attrita, ut nobis miseris et peccatorum morbo languentibus fieres medicina. Tu tanquam botrus ille terræ lactis et mellis (*Num. xiii*) irriguæ calcatus es in prelo crucis, ut nobis æternæ salutis poculum propinares et arentia corda nostra sancti Spiritus inundatione perfunderes. Tu, Domine, per quinque plagas sacratissimi corporis tui sanasti omnia vulnera, quæ nobis inflicta sunt per

A quinque sensus corporis nostri. Tu Patri victima suavitatis et nobis factus es pretium redemptionis. Adoro, Domine, crucem tuam; adoro vivificam mortem tuam. Abluat, obsecro, sanguis tuus sordes animæ meæ, nec ulterius teneat exactor obnoxium pro quo tam sublime pretium est solutum. Sit iste victoriæ tuæ titulus, Domine, in anima mea, semper erectus, ut nullum in possessione tua jus sibi vindicet invasor antiquus, sed hoc prospecto, præsto defugiat et velut fumus ad accessum tui Spiritus evanescat; ut hæreditatem tuam, quam proprio mercatus es sanguine, per continuam digneris gratiam possidere; cui sis per misericordiam tuam et protector invictus et inhabitator assiduus, qui **12** cum Deo Patre et Spiritu sancto vivis et regnas per omnia sæcula sæculorum. Amen.

XXVIII. Oratio.

Domine Jesu Christe, Fili Dei vivi, gratias agimus immensæ tuæ pietati, qui cum in forma Deesses, pro nobis temetipsum humiliasti, factus obediens usque ad mortem, mortem autem crucis. Deprecamur te, Domine, ut quibus tantam contulisti gratiam, veram peccatorum tribuas indulgentiam. Custodi in nobis operæ misericordiæ tuæ, ne pereant quos redemit dextera tua. Sana languores populi tui et da gloriam nomini tuo. Rogo etiam te, Domine piissime, ut me miserum ac fragilem a tua non repellas gratia, et qui hucusque longe a tua voluntate vitiosus discessi, deinceps per ineffabilem misericordiam tuam emendatus tuæ placeam feliciter majestati. Depelle a me, Domine, quidquid noxium, quidquid ineptum, quidquid vitiosum, quidquid tuæ voluntati est contrarium. Concede mihi, Domine, ut mala mea hic, dum vivo, digne defleam, et acceptabilis sit pœnitentia mea in conspectu tuo. Tribue mihi veram fidem, spem firmam, charitatem non fictam. Sit in me fixa humilitas, sobria vita, vera scientia, fortitudo, prudentia, justitia, temperantia, cursus rectus, finis perfectus, te præstante, Deus noster, qui cum Patre, etc.

XXIX. Oratio.

Domine Jesu Christe Nazarene, rex angelorum et sanctorum omnium, qui eras ante sæcula in divinitatis essentia cum Deo Patre unigenitus Filius; in plenitudine autem temporis exinanitus formam servilis corporis ex Maria virgine accipiens, in similitudine hominis factus et habitu inventus ut homo. Verum utique hominem in Deo vero assumens, humiliatus et obediens factus usque ad mortem, mortem autem crucis, redemisti nos tuo sancto sanguine pretioso. Agnus immaculatus surgens a mortuis, ascendens in cœlum, sedes ad dexteram Dei Patris omnipotentis. Quem adorant angeli, et ego infelix peccator te suppliciter adoro, confitens peccata mea, et deprecans ut, sicut me participem sacramentorum mortis et redemptionis tuæ per crucem fecisti, ita per virtutem hujus sacrosanctæ crucis, omnia in me vitia et peccata extinguas et perimas, et contra omnes spirituales nequicias et antiqui hostis insidias, ejusdem sacrosanctæ crucis vir-

tute invocata, victricia tela efficias; et consurgente me tecum in novitate spiritus et gloriæ, ad ea, quæ sursum sunt, cum sanctis et electis tuis ad dexteram tuam positis, pertingere concedas ipse idemque Jesu Christe, Deus immortalis, qui cum Deo Patre et Spiritu sancto vivis et regnas per infinita sæcula sæculorum. Amen.

XXX. Oratio.

Domine Jesu Christe, Fili Dei vivi, gloriosissime Conditor mundi, qui cum sis splendor **13** gloria, coæternus et æqualis Patri sanctoque Spiritui, ideo dignatus es carnem immaculatam ex Virgine sumere, et innocentes ac gloriosas tuas palmas in crucis patibulo permisisti configi ut claustra dissipares inferni et humanum genus liberares de morte. Miserere mihi misero, Domine, oppresso gravi facinorum pondere multarumque nequitiarum sordibus inquinato. Noli me relinquere, piissime Domine, sed indulge misericorditer, quod impie gessi, et quæ negligenter feci. Exaudi me, quæso, clementissime ac misericordissime Jesu, Deus bone et benigne, prostratum ante adorandam gloriosissimam tuam crucem, ut in his sanctis diebus et semper tibi merear assistere mundus, et tuis jugiter placere conspectibus, quatenus liberatus a malis omnibus, tuo sim semper adjutorio consolatus, Christe Domine, Salvator mundi, qui vivis et regnas in sæcula sæculorum. Amen.

XXXI. Oratio.

Christe, qui pro nobis patibulum crucis et mortem subiisti, ut a nobis expelleres mortis potestatem, et sanguinis tui nos pretio liberares, miserere mihi humillimo servo tuo, et omnium meorum mihi veniam tribue peccatorum, et me coram adoranda tua cruce prostratum in his sanctis diebus, et jugiter ab omnibus malis eripe, bonisque tuis misericorditer refice, qui cum Deo Patre et Spiritu sancto vivis et regnas per immensa sæcula sæculorum. Amen.

XXXII. Oratio.

Deus, qui ligno pereuntem hominem per lignum reparasti in melius, quæsumus, ut virtus hujus triumphalis ligni morte et sanguine tuo ditati, cui tota devotione colla submittimus, et vitia in nobis universa mortificet, et contra omnia adversa nos muniat, qui vivis et regnas cum Patre et Spiritu sancto Deus per omnia sæcula sæculorum. Amen.

XXXIII. Oratio.

Domine Jesu Christe, qui es et qui eras Deus cum Patre ante sæcula genitus, Deus ex Deo vero, conceptus de Spiritu sancto, et natus homo in fine sæculorum de virgine semper Maria, qui obediens Patri usque ad mortem, mortem autem crucis, redemisti nos tuo sancto et pretioso sanguine, et destructo mortis imperio, omnibus in te credentibus cœlestis gloriæ aditum reserasti, te Deum verum, et Dominum meum suppliciter adoro, sedentem ad dexteram Dei Patris omnipotentis, deprecando infinitam et ineffabilem misericordiam tuam, ut per virtutem

A hujus salutaris signi redemptionis nostræ redimas me miserum et dignum morte peccatorem, ab omnibus criminibus et facinoribus meis, et libera me ab omnibus malis præteritis, præsentibus et futuris, et mortifica in me omnia vitia spiritualium et carnalium nequitiarum, et fac me resurgere in **14** virtute gratiæ et gloriæ tuæ; et quæ sursum sunt, cœlestia desiderare et quærere, et ad æternæ beatitudinis gloriam feliciter pervenire, præstante tua immensa clementia, Domine Jesu Christe, Deus et Dominus noster, qui cum Deo Patre et Spiritu sancto in unitate deitatis omnia creando regis, vivificas et gubernas per immortalia sæcula sæculorum. Amen.

XXXIV. Litanæ.

B Christe, audi nos, in. Pater de cœlis, Deus, miserere nobis. Fili Redemptor mundi, Deus, miserere nobis. Spiritus sancte, Deus, miserere nobis. Sancta Trinitas, unus Deus, miserere nobis. Sancta Dei Genitrix, semper intemerata, virgo Maria, et omnia sancta seraphim et cherubim, intercedite pro nobis et pro omnibus vivis et defunctis fidelibus....

XXXV. Hymnus de S. cruce.

Ad nocturnum.

Crux orbis salus perditæ,
Perempti vita sæculi,
Quam victa tremunt tartara
Cœli verentur agmina.

In te dum vita moritur,
Mortis catena solvitur,
Ægypti jęgo liberi
Veræ sunt lucis filii.

Te ponit Juxæ omnium,
Cum judicatur, solium;
Jam tum hædos ab ovibus
Segregat in latronibus.

Tu mundi ludis principem,
Dum punis impassibilem,
Reos offerre solita
Quem nunc das, aufert spolia.

In te mactatur victima,
Quæ mundi purgat crimina,
Tibi talentum creditur,
Adæ quod solvit debitum.

Nos, vitæ signum, protege:
Quos Rex triumphat gloriæ:
Per te ad regnum provehat,
Quos servitute liberat.

Sit Patri laus ingenito,
Sit decus Unigenito,
Sit utriusque parili
Majestas summa Flamini.

XXXVI. Ad laudes.

Crux mundi benedictio,
Spes et certa redemptio,
Olim gehennæ bajula,
Nunc clara cœli janua,
In te levatur hostia,

Ad se qui traxit omnia,
Quam mundi princeps impetit
Suumque nihil invenit.

Tuæ legis articulus
Vetus cassat chirographum,
Antiqua perit servitus,
Vera libertas redditur.

Odoris tui copia
Cuncta vincit aromata,
15 Tui dulcedo nectaris
Replet arcana pectoris.

Per crucem, Christe, quasumus,
Ad vitæ transfer præmium,
Quos ligni fixus stipite,
Dignatus es redimere.

Sit Patri laus ingenito,
Sit decus Unigenito,
Sit utriusque parili
Majestas summa Flauini.

XXXVII. *Paractericum carmen de S. cruce.*

Unica spes hominum, crux o venerabile signum,
Omnibus esto salus, unica spes hominum.
Bajula tu pretii, quod mundi debita solvit,
Quo meruit redimi, bajula tu pretii.

Unica spes hominum, crux o venerabile signum,
Omnibus esto salus, unica spes hominum.
Tartara victa tuis spoliis cessere triumphis;
Lugent vexillis tartara victa tuis.

Pandis et astra piis, proprio quos stigmate signas;
Das requiem fessis, pandis et astra piis.

Unica spes hominum, crux o venerabile signum, **C**
Omnibus esto salus, unica spes hominum.

Chirographum vetiti pepigit quod cautio ligni,
Diluis et pomi chirographum vetiti.

Lux, honor, imperium, laus, gloria, doxa per ævum
Sit tibi, trine Deus, lux, honor, imperium.

Unica spes hominum, crux o venerabile signum,
Omnibus esto salus, unica spes hominum.

XXXVIII. *De S. cruce.*

Omnibus est una spes hæc metuenda figura,
Cernite librata pretium pendere statera,
Quod mundum redimit protoplasti debita solvit.
Cruce est vita mihi, mors inimice tibi.
XXXIX. Item, de S. cruce, duobus invicem inimicis.
Ecce rubet Christi crux sanguine tincta recenti,
Hæc cælum terris confederat, infima summis :
Hæc jubet in vobis, ut lux oriatur amoris,
Lutibus sedatis succedant oscula pacis.

XL. *Rhythmus paschalis.*

Paschalis festi gaudium
Mundi replet ambitum,
Cælum, tellus, ac maria
Læta promant carmina,
Et alleluia consonis
Modulantur organis.

Solus ululet tartarus
Rapta præda vacuus,
Fractos vectes, et ferrea
Strata plorent mœnia,

A Quæ subruit Rex gloriæ
Cum laude victoriae.

Stupenda lex mysterii,
Novum genus prelii,
Ligatus nexos liberat,
Mortuus vivificat;

16 Dumque vita perimitur,
Mortis mors efficitur.

Statera crucis pendulum
Mundi librat pretium,
Quod dum exactor petiit
Jus antiquum perdidit,
Escam glutire nititur,
Sed hamo transfigitur.

B Composuit chirographum
Protoplastus hominum,
Quod Christus post in alia
Solvit ligni tabula;
Quæ primus Adam scripserat,
Secundus obliterat.

Cum Auctor vite moritur,
Orbis et commoritur;
Sol radios operuit;
Lugens terra tremuit;
Templi velum dividitur,
Vis saxorum scinditur.

Brevi sepulcro clauditur,
Qui cælo non capitur.
Præda vallatus divite,
Victo mortis principe
Triumphalis potentia
Surgit die tertia.

Reddite Christum vigiles
Quem servastis milites,
Vel mortuum ostendite,
Vel in vivum credite,
Cur gratis vera dicitis,
Empti falsa singitis?

Mox intonat angelicus
Sermo mulieribus,
Apostolis ut dulcia
Hæc deferrent nuntia :
In Galilæam pergite,
Ibi Christum cernite.

D Jam regis Ægyptiaci
Servitute liberi,
Post maris Rubri transitum,
Novum demus centicum,
Mortis soluti legibus,
Christo consurreximus.

Colite, novi populi,
Rite Pascha Domini,
Paschalis Agni sanguine
Postes domus tingite;
Fermentum vetus pellite,
Azyma comedite.

Totus, Christe, visceribus
Tibi laudes reddimus :
Qui resurgens a mortuis,

Ultra jam non moreris.
Sic Patri laus et parili
Decus omne Flamini. Amen.

XLl. De ascensione Domini.

Ima Deus petiit, sed non excelsa reliquit;
Est ibi quo tendit, permanet unde venit.

XLII. Hymnus in ascensione Domini. Ad laudes.

Clara polorum culmina
Læta mirentur lumina,
17 Quæ penetrat Rex gloriæ
Cum triumpho victoriæ.

Qui moriturus venerat,
Perempta morte remeat
Victor ad astra nobilis,
Raptis gehennæ spoliis.

Acclivis ut erigeret,
Venditus ut redimeret,
Spretis errantem pascuis
Ovem reportat pascuis.

Jam, caro, lutum despice,
Cælum, tellus, ingredi :
Nam membris via sternitur
Quo caput ire cernitur.

Jesu, decus angelicum,
Dulcedo, desiderium,
Et nos totis visceribus
Te fac ambire, quæsumus.

Da nobis in te vivere,
Ad te cor nostrum dirige,
Accendat nostra pectora
Tuus amor in sæcula.

XLIII. Ubi Spiritus sanctus descendit super apostolos.

Ignit apostolicum linguarum flamma senatum,
Germinal et varias quasi vox fecunda loquelas.

**XLIV. In annuntiatione beatissimæ virginis Mariæ.
Hymnus. Ad nocturnum.**

Terrena cuncta jubilent,
Astra laudibus intonent,
Virginis ante thalamum
Laudes alternent dragmatum.

Hæc Virgo Verbo gravida
Fit paradisi janua,
Quæ Deum mundo reddidit
Cælum nobis aperuit.

Felix ista puerpera,
Evæ lege liberrima,
Concepta sine masculo,
Peperit absque genuit.

Dives Mariæ gremium
Mundi gestavit pretium,
Quo gloriamur redimī,
Soluti iugo debiti.

Quam Patris implet Filius
Sanctus obumbrat Spiritus;
Cælum fiunt castissima
Sacra puellæ viscera.

Sit tibi laus, Altissime,
Qui natus es ex Virgine,
Sit honor ineffabili
Patri sanctoque Flamini. Amen.

A

XLV. Ad laudes.

Aurora velut fulgida,
Ad cœli meat culmina,
Ut sol Maria splendida,
Tanquam luna pulcherrima.

Regina mundi hodie
Thronum conscendit gloriæ,
Illum enixa filium,
Qui est ante Luciferum.

18 Assumpta super angelos
Excedit et archangelos;
Cuncta sanctorum merita
Transcendit una femina.

Quem foverat in gremio,
Locarat in præsepio,
Nunc regem super omnia
Patris videt in gloria.

Pro nobis, Virgo virginum,
Tuum deposce Filium,
Per quam nostra suscepit
Ut sua nobis præbeat.

Sit tibi laus, Altissime,
Qui natus es ex Virgine,
Sit honor ineffabili
Patri, sanctoque Flamini. Amen.

B

**XLVI. In eadem annuntiatione beatissimæ virginis
Mariæ. Ad missam, Præfatio.**

Per Christum Dominum nostrum. Qui intemeratæ
Genitrici, gratia plenæ, per archangeli Gabrielis
oraculum, hodierna die salutaris adventus sui pate-
fecit arcanum; quique vernantis vulvæ flore con-
ceptus, fermentum vetus in azymam vertit, quia
hominem induens, humanæ naturæ originaliter vi-
tiate contagia non contraxit. Loricam nempe sibi
de nostra fragilitate composuit, in qua exsultans ut
gigas, et potens ac fortis in prælio, potestates aereas
debellavit. Infirmæ se carnis obtexit velamine, qui
erat omnipotens in perennis essentia majestate;
dumque se humanæ naturæ Verbum Patris univit;
in virginalis alvi thalamo cœlestis Sponsus sanctam
sibimet Ecclesiam fœderavit, pro cujus amore an-
gustias materni non dedignatus est uteri, qui in-
finita latitudine non capitur cœli. Quem laudant an-
geli.

**XLVII. In assumptione ipsius sanctissimæ Virginis,
Hymnus ad vespas.**

D

Gaudium mundi, nova stella cœu,
Procreans Solem, pariens Parentem,
Da manus lapsis, fer opem caducis,
Virgo Maria.

Te Deo factam liquet esse scalam,
Qua tenens summum, petit altus imum,
Nos ad excelsi remeare cœli
Culmina dona.

Te beatorum chorus angelorum,
Te sacri vates et apostolorum
Ordo prælatam sibi cernit unam
Post Deitatem.

Aula cœlestis speciosa Regis,
Fulta septenis sophiæ columbis :

Quem nequit totus cohibere mundus
Clausis in alvo.

Quem tremunt cœli, metuunt abyssi,
Fluminum guttæ, maris et procellæ,
Laudat occasus, veneratur ortus,
Stringis in ulnis.

Lacte nutritur cibus angelorum,
Fertur innuptæ gremio puellæ
Qui sua late ditione terræ
Pondera librat.

19 Sic decus summo sine fine Christo,
Sancta quem virgo genuit Maria :
Qui Patri compar, Flaminique sancto,
Regnat in ævum. Amen.

XI.VIII. *Ad honorem sanctæ Mariæ virginis. Officium
quotidianis diebus. Ad vesperas. Hymnus.*

Sidus, Maria, splendidum,
Te laudat omne sæculum,
Ex qua sub mundi vespere,
Sol ortus est justitiæ.

Da cor tenebris eripi,
Da vera luce perfui,
Quæ noctem vitæ veteris
Novis illustret meritis.

Per te purgemur vitis,
Solvamur culpæ vinculis ;
Mens vulsis spinis eruta
Virtutum ferat germina.

Sit tibi laus, Altissime
Qui natus es ex Virgine ;
Sit honor ineffabili
Patri sanctoque Flamini. Amen.

XLIX. *Lectiones ad matutinum. Lectio prima.*

Beata Dei genitrix, virgo Maria, templum Dei
vivi, aula Regis æterni, sacrarium Spiritus sancti.
Tu virga de radice Jesse. Tu cedrus in Libano. Tu
rosa purpurea in Jericho. Tu cypressus in monte
Sion, quæ singulari privilegio meritorum, sicut
nescis in hominibus comparem, ita nihilominus et
angelicam superas dignitatem. Cui novo et inaudito
miraculo datum est ut Verbum, quod ante sæcula
Deus genuit, fieret filius tuus, et homo, quem tu in
fine sæculi genuisti, verus atque perfectus esset
Filius Dei.

L. *Lectio secunda.*

O gloriosa puerpera, in qua sola reperitur fe-
cunda virginitas, quæ sic ex intemeratis visceribus
Filius protulisti ut illibatæ pudicitie integritas cre-
sceret, non libido virginalis clausulæ signaculum
violaret. Tibi Spiritus sanctus, dum conciperes,
obumbravit, non ut ipse, quod absit, in sacratis-
simo utero tuo fieret pro semine sobolis, sed usus
est potius virtute ac potentia Creatoris. De te sum-
mus pontifex noster sui corporis hostiam sumpsit,
quam in ara crucis pro totius mundi salute sacrifici-
um obtulit. Tu lux oriens Nazareth, tu gloria Hie-
rusalem, tu lætitia Israel, tu decus mundi, tu nobi-
litas populi Christiani.

LI. *Lectio tertia.*

O Regina mundi, scala cœli, thronus Dei, janua

A paradisi, audi preces pauperum, ne despicias gemitus
miserorum. Inferantur a te vota nostra atque
suspiria conspectui Redemptoris, ut quæ nostris
excluduntur meritis, per te locum apud aures di-
vinæ obtineant pietatis. Dele peccata, relaxa faci-
nora, erige lapsos, **20** solve compeditos. Per te
succidantur vepres et germina vitiorum, præbeantur
flores et ornamenta virtutum. Placa precibus Judi-
cem, quem genuisti singulari puerperio Salvatorem,
ut qui per te factus est particeps humanitatis
nostræ, per te quoque nos consortes efficiat di-
vinitatis suæ. Qui cum Deo Patre, et Spiritu
sancto vivit et regnat in sæcula sæculorum. Amen.

LII. *Hymnus ad primam.*

Beata Dei genitrix,
Nitor humani generis :
Per quam de servis liberi
Lucisque sumus filii.
Fac tuum nobis Filium
Pia prece propitium ;
Quem graviter offendimus,
Tu mitem redde, quesumus.
Sit tibi laus, Altissime,
Qui natus es ex Virgine :
Sit honor ineffabili
Patri, sanctoque Flamini. Amen.

LIII. *Hymnus ad tertiam.*

Maria, decus hominum,
Regis æterni solium,
Septem columnis edita
Domus a sapientia.
Tu nos venturo Judici
Commenda prece supplici :
Tuis intentos laudibus
Mitis cernat ac placidus.
Sit tibi laus, Altissime,
Qui natus es ex Virgine :
Sit honor ineffabili
Patri, sanctoque Flamini. Amen.

LIV. *Hymnus ad sextam.*

Maria templum Domini,
Dei mater et hominis,
Tunc vere Virgo virginum,
Cum peperisti Filium.

Da nobis hunc in fervido
Mentis gestare gremio ;
Ex tua carne genitus,
Nostris regnet in sensibus.

Sit tibi laus, Altissime,
Qui natus es ex Virgine :
Sit honor ineffabili
Patri, sanctoque Flamini. Amen.

LV. *Hymnus ad nonam.*

O singularis femina,
Sola Virgo puerpera,
Præclara vitæ janua,
Qua cœli patent atria.

Tu nos culparum nexibus,
Sacris absolve precibus :

Tua promentes merita
Ad cœli transfer prœmia.

Sit tibi laus, Altissime,
Qui natus es ex Virgine;
Sit honor ineffabili
Patri, sanctoque Flamini. Amen.

21 LVI. *Hymnus ad completorium.*

Maria, Virgo regia,
David stirpe progenita,
Non tam paterna nobilis
Quam dignitate sobolis.

Tu, nos avulsos veteri,
Complanta novo germine;
Per te sit genus hominum
Regale sacerdotium.

Sit tibi laus, Altissime,
Qui natus es ex Virgine;
Sit honor ineffabili

Patri, sanctoque Flamini. Amen.

LVII. *Iste orationes dicantur per horas diei.*

Deus, qui Filium tuum ad nos per Virginem dignatus es mittere, da nobis ad te, suffragantibus ejusdem B. Mariæ precibus, jugiter festinare. Per eundem Dominum.

LVIII. *Alia.*

Deus, qui humanæ substantiæ veritatem de virginalis uteri materia suscepisti, da nobis beatæ Genitricis tuæ precibus ita degenerem exuere vetustatem, ut te novæ generationis induamus Auctorem. Qui cum Patre.

LIX. *Alia.*

Concede nos, quæsumus, omnipotens Deus, B. Mariæ semper Virginis precibus sublevari, per cujus ineffabilem partum procurasti salutis humanæ remedium. Per Dominum.

LX. *Alia.*

Deus, qui vitiatæ stirpis originem per virginalis uteri reparas dignitatem, concede propitius, ut quos proprii reatus moles gravat, intercessio beatæ Dei Genitricis attollat. Per Dominum.

LXI. *Rhythmus de S. Mariæ virgine.*

O genitrix æterni,
Virgo Maria, Verbi,
Quæ vox, quæ lingua carnis
Par erit tuæ laudis?

Tu nova maris stella,
Celsa poli fenestra,
Scâla quæ cœlum terris,
Jungis ina supernis.

Immensum concepisti,
Parentem peperisti,
Fit Factor et factura,
Creans et creatura.

Quem mundus ferre nequit
Totum vulva concepit;
Quo circuitur æther,
Puellæ clausit venter.

Servi forma indutus,
Divina non exutus,

PATROL. CXLV.

A

Suscipit quidem tua,
Sed non amisit sua.

22 Oritur ortus rerum,
Fit antiquus diem;
Orbis origo cœpit,
Factus ex his quæ fecit.

Concepit fecundavit,
Natus non violavit,
Intravit et exivit,
Sed clausam dereliquit.

Tu Aaron es virgo,
Fecunda, licet sicca,
Quæ germen protulisti,
Sed Virgo permansisti.

Te rubus prælucebat,
Qui ardens non ardebat:
Quæ sine æstu mentis
Fructum dedisti ventris.

Et ante partum Virgo,
Sed post virginum Virgo;
Crevit in ortu prolis
Integritas pudoris.

Est angelorum cibus
Tuo lacte nutritus;
Qui mari præbet undas
Papillæ sugit guttas.

Geris in sinu prolem
Qui terræ librat molem;
Foves a quo foveris,
Servas a quo tueris.

Blandire, Mater, charo,
Qui te creavit, Nato;
Oscula grata fuge,
Fasciis membra cinge.

Amplere cœlestem,
Quem genuisti Regem,
Cui servit sol et luna,
Et omnis creatura.

Chori virtutum tremunt
Quem viles panni tegunt:
Pavet cœlum et terra
Quem bajulat puella.

Vagat in sinu matris,
Regnat in throno Patris:
Legem matris observat,
Mundi jura gubernat.

Tu fontis fons viventis
Oriens orientis;
Liber ille signatus
Victori viro datus.

Tu porta templi clausa,
Superni Regis aula;
Ærarium talenti,
Per quod sumus redempti.

Hortus deliciarum
Odor suavitatum;
Tu ager ille plenus,
Cui benedixit Deus.

Ex te botrus egressus,

B

C

D

Qui, crucis prælo pressus,
Vino rigat arentes
Sancti Spiritus mentes.
Es et terra cœlestis
Ferax lactis et mellis :
Ex qua Veritas orta
Tollit errorum dogma.

Arcem nobilitatis
De prolis stirpe trahis.
Filia quidem regum,
Sed Mater Regis regum.

23 Salve, jam Virgo feta,
Ave, gratia plena :
Nostrum ave digneris,
Ut illud Gabrielis.

Ille, dum te salutât,
Evæ nomen commutat;
Reduc nos, Virgo sancta,
Unde est nequam lapsa.

Tu solve quod debemus
Averte quod timeamus,
Impetra quod optamus,
Perfice quod speramus.

Sit laus Trinitati,
Sit decus Unitati,
Cui lex et ordo rerum
Per omne patet ævum. Amen.

LXX. Rhythmus de eadem sanctissimâ Virgine.

Quis est hic qui pulsât ad ostium,
Noctis rumpens somnum?
Me vocat, o virginum pulcherrima,
Soror, conjux, gemma splendidissima!
Cito surgens aperi, dulcissima.

Ego sum summi Regis Filius,
Primus, et novissimus;
Qui de cœlis in has veni tenebras,
Liberare captivorum animas;
Passus mortem et multas injurias.

Mox ego dereliqui lectulum,
Cucurri ad pessulum :
Ut dilecto tota domus pateat,
Et mens mea plenissima videat,
Quem videre maxime desiderat.

At ille jam inde transierat.
Ostium reliquerat.
Quid ergo, miserima, quid facerem?
Lacrymando sum secuta juvenem,
Manus cujus plasmaverunt hominem.

Vigiles urbis invenerunt me,
Exspoliaverunt me,
Abstulerunt et dederunt pallium,
Cantaverunt mihi novum canticum,
Quo in Regis inducar palatium. Amen.

LXIII. Rhythmus super salutatione angelica.

Ave, David filia, sancta mundo nata,
Virgo prudens, sobria, Joseph desponsata,
Ad salutem omnium in exemplum data,
Supernorum civium consors jam probata.

Maria, miseria per te terminatur

A Et misericordia per te revocatur;
Per te navigantibus stella maris datur,
Lumen viæ panditur, portus demonstratur.

Gratia te reddidit cunctis gratiosam,
Te vestivit lilio, sparsit in te rosam,
Te virtutum floribus fecit speciosam.
Intus et exterius totam luminosam.

Plena medicamine, abundans unguentis,
Terge sordes criminum, plagam sana mentis
Hujus tui supplicis in te confidentis,
Et hos sacros rhythmos eorum te psallentis.

Dominus Rex omnium ex te sibi fecit
Cellam pigmentariam, quam cunctis præfecit :
In qua miras species Salvator confecit,
Quibus omnes dulciter electos refecit.

B Tecum tota Trinitas facit mansionem,
24 Pater, Verbum, Spiritus fixit sessionem;
Propter quod nunc largius ad devotionem
Teipsam fidelibus præbes lectionem.

Benedicta, benedic te benedicientes,
Fac in tuis laudibus sint proficientes,
Infige dulcedinem in tuorum mentes,
Ut in bonis actibus semper sint ferventes.

Tu in mulieribus optima figura,
Quæ Regis es gloriæ Mater, Virgo pura,
Quo probaris dignior omni creatura,
Hoc agente Domino singulari cura.

Et benedictus Deus, qui cuncta creavit,
Qui matris in utero te sanctificavit;
Benedictus filius, quem tuus portavit

C Virginalis uterus, quem ipse formavit.

Fructus tuus, domina, fructus est cœlorum.
Quo pascuntur angeli, cœtusque sanctorum:
Christi meditatio cibus est eorum
Qui per viam ambulant ejus mandatorum.

Ventris habitaculum Rex regum intravit
Cujus tabernaculum sibi dedicavit :
Condens ibi gladium, per quem hostem stravit
Et manna dulcissimum, quo fideles pavit.

Tui sapor germinis nostrum est solamen :
Per te vitæ sumpsimus æternæ libamen,
Quam det nobis Dominus per tuum juvenem,
Qui vivit in sæcula sæculorum. Amen.

LXIV. Ad eandem sanctissimam Virginem.

Versus contra tempus nubilosum.

D O mater, o dominatrix, præcipe dictu,
Ne devastemur, ne lapidemur grandinis ictu.
Est tibi latus pontificatus, mater ab ævo;
Ergo precamur, ne moriamur turbine sævo.
Turbida leni, daque sereni temporis usum :
Redde serenam sidus anæonum, nube reclusum.
Virgo, rogamus, ne pereamus peste, vel ira;
Tetra diescant, atque quiescant fulgura dira.

LXV. Paractericum Carmen de eadem sanctissimâ Virgine.

Scala, thronusque Dei, nitor orbis, janua cœli,
Mater, ave Christi, scala thronusque Dei;
Tu nova stella maris, qua lux est reddita terris,
Ortus et es solis, tu nova stella maris.

Concipis absque viro, tu sola puerpera Virgo, A
 Quæ Verbum verbò concipis absque viro.
 Tartara quod metuunt, tellus pavet, astra verentur,
 Pectoris antra ferunt, tartari quod metuunt.
 Virgine vita redit homini, quem virgo pereimit;
 Mors nece victa perit, Virgine vita redit.

Tu super astra leva, petimus, quod subruit Eva;
 Illa gravat culpa, tu super astra leva.

Gloria summa Patri, genitæ sit gloria Proli,
 Flamme cum parili, gloria summa Patri. Amen.

LXVI. *Missæ de S. Daniele propheta.*

Oratio.

Deus, qui antiquis patribus novæ gratiæ myste-
 rium revelasti, præsta, quæsumus, ut Ecclesia tua
 Danielis foveatur auxiliis, ejus prophetis est ædi-
 ficata doctrinis. Per Dominum. B

25 LXVII. *Alia oratio.*

Deus, qui per utriusque Testamenti patres unius
 Ecclesiæ tuæ fundamenta constituis, da nobis B.
 Danielis patrocinio protegi, ejus sumus mysticis re-
 velationibus salubriter instituti. Per Dominum.

LXVIII. *Secreta.*

Deus, qui Susannam per B. Danielis judicium libe-
 rasti, hæc munera propitius respice, atque ejus pre-
 cibus venerandis ab omni nos adversitate defende.
 Per Dominum.

LXIX. *Postcommunio.*

Deus, qui per Habacuc prophetam B. Danieli pran-
 dium destinasti, ipso interveniente, concede ut quæ
 de cœlestis mensa percepimus sinceris mentibus illi-
 bata serveamus. Per Dominum. C

LXX. *De S. Joanne Baptista.*

Prævia materno Verbum vox sentit in alvo.

LXXI. *De S. Petro apostolo.*

Sperne maris navem, cœli, Petre, suscipe clavem;
 Fluctibus et spretis, portum mihi redde quietis,

LXXII. *De S. Petro apostolo hymnus.*

Senatus apostolici

Princeps et præco Domini,

Pastor prime fidelium,

Custodi gregem creditum.

Per pascua virentia,

Nos verbi fruge recrea :

Refectas oves prævius

Caulis infer cœlestibus.

Supernæ claves januæ

Tibi, Petre, sunt traditæ,

Tuisque patent legibus

Terrena cum cœlestibus.

Tu petram veræ fidei,

Tu basim ædificii

Fundas, in qua catholica

Fixa surgit Ecclesia.

Umbra tua, dum graderis,

Fit medicina languidis;

Textrinis usa vestium

Sprevit Tabithæ feretrum.

Catena vinctum gemina

Virtus solvit angelica,

Veste sumpta cum caligis

Patescunt fores carceris.

Sit Patri laus ingenito,

Sit decus Unigenito,

Sit utriusque parili

Majestas summa Flamini. Amen.

LXXIII. *De S. Paulo apostolo.*

Mellifluis omnem Paulus rigat imbribus orbem.

26 LXXIV. *De S. Paulo apostolo. Hymnus.*

Paule, doctor egregie,

Tuba clangens Ecclesiæ,

Nubes volans ac tonitrum

Per amplum mundi circumlum.

Nobis potenter intona

Ruraque cordis irriga;

Cœlestis imbre gratiæ

Mentes virescant aridæ.

O magnum Pauli meritum,

Cœlum conscendit tertium,

Audit verba mysterii,

Quæ nullis audet eloqui.

Dum Verbi spargit semina,

Seges surgit uberrima;

Sic cœli replent horreum

Bonorum fruges operum.

Micantis more lampadis,

Perfundit orbem radiis,

Fugat errorum tenebras,

Ut sola regnet veritas.

Sit Patri laus ingenito,

Sit decus Unigenito,

Sit utriusque parili

Majestas summa Flamini. Amen.

LXXV. *De S. Andrea apostolo. Hymn.*

Captator olim piscium,

Jam nunc piscator hominum,

Tuis, Andrea, retibus

Mundi nos rape fluctibus.

Germanus Petri corpore,

Nec mortis dispar ordine :

Quos una caro genuit,

Cruce cœlo fratres edidit.

O germen vere nobile!

O par corona gloriæ!

Ecclesiæ patres pii,

Crucis sunt æque filii.

Ad Jesum fratri prævius,

Indexque vitæ strenuus,

Et nobis esto miseris

Beati dux itineris.

Sit Patri laus ingenito,

Sit decus Unigenito,

Sit utriusque parili

Majestas summa Flamini. Amen.

LXXVI. *Divisio.*

Andræ festum colitur,

Lux clara piis oritur,

Per quem tenebras deserunt,

Ad verum lumen redeunt.

Ægeas in apostolum
Minaci frendet spiritu :
Per quem Achaia: populum
Cernit ire post Dominum.

Nescit minas pavescere,
Nequit tormentis cedere,
Flammantis ardor fidei
Non sentit vim supplicii.

Crucis vinctus patibulo,
Lætus pendebat biduo :
In ipsa morte positi
Vitæ manat eloquium.

27 Luce delapsa cœlitis
Repete circumfunditur,
Qui sic obire meruit
Lucis Auctorem petiit.
Sit Patri laus ingenito,
Sit decus Unigenito,
Sit utriusque parili
Majestas summa Flamini. Amen.

LXXVII. De S. Joanne apost. et evang. Hymnus. Ad vesp̄as.

Virginis virgo venerande custos,
Magnus æterni logotheta Verbi,
Dele servorum facinus tuorum,
Sancte Joannes.

Tu patrem carnis subito relinquis,
Sicque cœlestem sequeris Parentem,
Piscibus spretis hominum juberis
Claudere turbam.

Fonte prorumpens fluvius perenni
Curris arentis satiator orbis,
Hausit ex pleno modo quod propinat
Pectore pectus.

Tu decus mundi, jubar atque cœli,
Impetra nostris veniam ruinis :
Da sacramentum penetrare summum,
Quod docuisti.

Patris arcanum speculando Verbum,
Tollis errorem fidei per orbem,
Nos ad æternam speciem fruendam,
Dux bone, transfer.

Laus honor Patri, parilique Proli,
Una majestas, eadem potestas,
Cum quibus sanctus simul implet omnem
Spiritus orbem. Amen.

LXXVIII. Ad nocturnum.

Fidelis plebs cum angelis
Festivis plaudat gaudiis,
Nativitati Domini
Occurrit laus apostoli.

Dilectus hic præ cæteris,
Apud Magistrum tenuit
Ob virginalē meritum
Amoris privilegium.

Hausit ex Christi pectore
Fluenta sapientiæ :
Hinc arva cordis irrigat,
Et Verbum Patris insonat.

A

Hic in cruce positus
Matrem commendat Dominus,
Fit mater Virgo virgini,
Quem fovet vice filii.
Te pronis, alme, cordibus,
Cœli senator, poscimus,
Da Verbi vultum cernere,
Quo verbum doces credere.
Sit Patri laus ingenito,
Sit decus Unigenito,
Sit utriusque parili
Majestas summa Flamini. Amen.

LXXIX. Ad laudes.

Magna Joannis merita
Sancta promat Ecclesia,
28 Quam tenebris evacuat,
Vitæ verbis irradiat.

Hujus cor in sublimibus
Sanctis suspendit Spiritus,
Ut profunde latentia
Cernat alta mysteria.

Et illa felix aquila
Ad escam volat avida .
Quæ cœli cives vegetat,
Et nos in via recreat.

Hic in choro tot millium
Primum tenet virginum ;
Fit Agno sic pedissequus,
Ut matris individuus.

Sit Patri laus ingenito,
Sit decus Unigenito,
Sit utriusque parili
Majestas summa Flamini. Amen.

C

LXXX. Missa in festo S. Bartholomæi apostoli. Oratio.

Deus, qui Ecclesiam tuam in apostolicis voluisti consistere fundamentis, da nobis, quæsumus, B. Bartholomæi precibus et in recta fide persistere, et piis semper operibus abundare. Per Dominum.

LXXXI.

Precibus B. Bartholomæi apostoli tui, Domine, quæsumus, hoc tibi munus oblatum vitale nobis perforce sacramentum. Per.

LXXXII.

D Quæsumus, omnipotens Deus, ut donum cœlestē, quod sumpsimus, intercedente B. Bartholomæo apostolo tuo, non nobis ad judicium, sed ad salutis æternæ proveniat incrementum. Per.

LXXXIII.

Da, quæsumus, Ecclesiæ tuæ, misericors Deus, ut quæ B. Bartholomæi apostoli tui est ædificata doctrinis, ejus etiam continuis protegatur auxiliis. Per Dominum.

LXXXIV.

Concede, quæsumus, omnipotens Deus, ut Ecclesiæ tuæ B. Bartholomæi apostoli gaudeat suffulta præstidiis, ejus etiam magnificis informatur exemplis. Per.

LXXXV

Quæsumus, omnipotens Deus, ut B. Bartholomæi

apostoli tui nunquam nobis desit auxilium, cujus
quotidie non cessamus venerabilem honorare trium-
phum. Per.

LXXXVI. *Missa in translatione S. Matthæi apostoli.*
Oratio.

Deus, cujus nutu per diversa terrarum loca ipsa
quoque sanctorum corpora disponuntur, tribue,
quæsumus, ut qui B. Matthæi apostoli tui transla-
tionem colimus, ipsi etiam a pravitate nostra ad pie
vivendi rectitudinem transferamur. Per.

29 LXXXVII.

Hæc hostia, quæsumus, Domine, vincula nostri
reatus absolvat, et intercedente B. Matthæo apostolo
tuo donum nobis gratiæ celestis acquirat. Per.

LXXXVIII.

Praesta, quæsumus, omnipotens Deus, ut qui cœ-
lestia dona percepimus, intercedente B. Matthæo
apostolo tuo, per hæc ad æternæ refectionis esuriam
provocemur. Per.

LXXXIX. *Missæ de S. Barnabæ apostolo.*

Oratio.

Deus, qui B. Barnabam apostolis tuis in prædi-
catione sociasti, ad ejus nos, quæsumus, tribue
pervenire consortium, cujus gloriosum gaudemus
celebrare triumphum. Per.

XC.

Obolata munera, quæsumus, Domine, tua benedi-
ctione sanctifica, quæ te, donante, illa nos flamma
tuæ dilectionis accendat, per quam B. Barnabas
omnia sui corporis tormenta devicit. Per.

XCi. *Postcommunio.*

Cœlestis mensæ dapibus recreati, quæsumus,
omnipotens Deus, ut, intercedente B. Barnabæ apo-
stolo tuo, quod ore percepimus sincera mente ser-
vemus. Per.

XCII. *Oratio ad vespæras.*

Deus, qui B. Barnabæ apostolo tuo post adustæ
carnis incendia cœlestis gloriæ refrigerium tribuisti,
æstus in nobis, quæsumus, passionum carnalium
reprime, et corda nostra gratiæ tuæ rore perfunde. Per.

XCIII. *Versus de gestis apostolorum.*

Continet hoc corpus Christus, quos lumina pandit

Sal mundi pariter esse sacra Dei.

Omnia falsorum, per quos, signata deorum,

Ecclesia fulget, diruta valde jacent.

Elegit mundo Dominus, quos ante Creator

Secula prænoscent esse Dei Soboles.

Pectora replevit quorum pia Spiritus almus

Dans variis linguis alta tonare Dei.

Transferri montes, solvendi jure ligandi

Terris, ac tribuit his pietate polis.

Istorum imperio fugiunt dæmonia sæva,

Corpora functorum vel rediviva vigent.

Mentibus his sacris dans intima cernere cordis

Cœlitus et fieri mira patrante Deo.

Hos vocitant cœlos, vates, nubesque volantes,

Arida qui sancto dogmate corda rigant.

Languores varios depellunt fame solo

Corporis; ast animæ per pietatis opom.

A Lector apostolicas bene prudens perlege palmas,

Credere ne dubites quas tenet alma fides.

Istorum fines nescit, qui negligit istos,

Qualiter æthereæ regna beata tenent.

Cœtus apostolicus Domini præcepta sequendo,

Per fidei dogma clarus in orbe nitet.

30 Hic codex retinet Petrum, Paulumque beatos,

Et geminos Jacobos, Bartholomæumque Thomam,

Andream sanctum, Simonem, Thadæumque Philip-

[pum,

Evangelistas quatuor et proceres,

Matthiam, pariter Barnabam regia vasa.

Hi lapides nitidi fulgent in stemmate Christi,

Climata per mundi quos venerare licet.

B Una fides tenuit, quos nunc tenet alma corœa,

Una quidem Christo gloria semper habet.

Martyria decus, confessorumque beatum

Ex his incipiunt virgineusque pudor.

Christicolæ cuncti, hos semper celebrate patronos

Tempore solenni, voce canente Deo.

Cum quibus adveniens Juxæ in limine sæcli

Reddere læta bonis, tristia rite malis,

Omnipotens Dominus donet consortia nobis

Omnibus in sanctis luce perenne frui.

XCIV. *Unde supra.*

Spiritus alme, veni, perfuso dindyma nostro,

Ad nostrum votum, Spiritus alme, veni.

C Tempia dicata tibi valeam quo extollere digne,

Laudibus exaltem templa dicata tibi.

Quæ sine fine tenent cœlorum gaudia celsa,

Gloria cum meritis quæ sine fine tenent.

Ore Dei sobolem prophetarum rite prophetæ,

Promitt apostolicus ore Dei sobolem.

Virginis hic genitus purgavit crimina mundi,

Tartara contrivit Virginis hic genitus.

Damna poli Dominus restaurat mire perempta,

Sanguine restituit damna poli Dominus.

Rex pius ipse pius præcepit mergere lymphis;

Vexit ad alta poli Rex pius ipse pius.

Semina parva Sator: cumulavit fructibus amplis,

Centuplicare dedit semina parva Sator.

Effera corda nitent istorum famine * sanctorum,

D Per varios flores effera corda nitent.

Lilia mista rosos violæque per... flagrant,

Sancta renitent lilia mista rosos.

Aurea regna poli dispensat Christus ubique,

Discipulis tribuit aurea regna poli.

Primitus alma fides per Petrum clarior exstat,

Ejus odore nitet primitus alma fides.

Roma beata, nites, Petri de corpore sancti,

Dogmate quoque suo, Roma beata, nites.

Ampla tropæa crucis pro Christo pertulit ille,

Vertice versus abijt ampla tropæa crucis.

Splendet ubique potens Paulus, mirabilis actor,

Abscissus capite splendet, ubique potens.

O veneranda nimis Petri Paulique decore,

Romula, quos retines, o veneranda nimis

Facta salutis agens Jacobus per cuncta necatur, A
 Galliciae recubans, facta salutis agens.
 Idola caeca colens, Armenia nec non
 Vertitur ad Christum idola caeca colens.
 Excoriate, nites in mundo, Bartholomæe,
 Vertice præcisus, excoriate, nites.
 Optima gesta canens Macedonia, rite Matthæus,
 In Persis passus, optima gesta canens.
 In cruce, Petre, tuus Germanus prædicat orbem,
 Achaïam salvans in cruce, Petre, tuus.
 Eripit ille Simon crucifixus fame Salens,
 Ægyptum simul eripit ille Simon.
 Millia multa virum Thaddæus contulit ardens,
 Pontus et Armenia millia multa virum.
 Dogmata multa tulit Thomas transfossus in orbe,
 Persis et Medis dogmata multa tulit
 31 Se super astra ferens purgavit schisma, Joannes,
 Quem tenet Ephesus se super astra ferens.
 Tactus amore Dei lapidatur nempe Philippus,
 Cum vertit Gallos, tactus amore Dei.
 Jacobe, ecce nites, Domini sanctissime frater,
 Præcipitatus abis, Jacobe, ecce nites,
 Inter apostolicos numeraris sorte, Matthia,
 Judæam salvans inter apostolicos.
 Uritur igne Dei Barnabas, dogmata damnat,
 Dumque crematus obit, uritur igne Dei.
 Quam speciose micas, Alexandria, sanguine Marci,
 Constantina simul, quam speciose micas?
 Te renitendo nitet fulgens Bithinia, Luca,
 Urbs quoque regalis te renitendo nitet.
 Carmina parva dedit famulus pro munere supplex, C
 Parvus, iners, tenuis, carmina parva dedit.
 Numen, apostolicum dignanter suscipe munus,
 Vota precesque pias, Numen, apostolicum.
 XCV. *Rhythmus de S. Vincentio martyre.*
 Cælum, terra, pontus, æthra,
 Pariter elementa
 Cuncta promant triumphalem
 Summi Regis gloriam.
 Qui leonis rugientis.
 Rabiem per robustum
 Bellatorem, mox victorem
 Conculcavit Vincentium.
 Sævi nempe Daciani
 Sprevit iram judicis,
 Truces minas et furorem,
 Ceu susurros culicis :
 Vincla, flagra, carcerales
 Tenebras, ipsæ plagæ vulnerantur.
 Mortes mortibus adduntur;
 Sed domus supra firmam fixa petram
 Nequit sterni vi ventorum, vel flaminum.
 Fame corpus maceratum
 Cernitur velut epulis
 Nutritum sumptuosius,
 Ac cibis regalibus,
 Angelorum quippe cibus
 Reficit ventrem mentis
 Se quærentis, quæ nil sitit

Præter Deum, vel esurit.
 Sævire, fremit, efferratur
 Mox cruenta bestia;
 Fervet, frendet, movet cuncta
 Tormentorum genera :
 Ferrum, ignes, testulas, equuleum,
 Torquet, torret, et compages
 Dividit articularum,
 Imprimat ignitarum laminarum
 Sectis membris cæcus furor cauterium.
 Christi miles premit vires
 Viribus cordis, et igne
 Carnis ignes exstinguebat,
 Sancto plenus Spiritu.
 Cæsus flagris, fossus plagis
 Jubilat, desides horret
 Tortores, solam timet
 Levitatem carnificum.
 Bella fremunt, hostes cædunt,
 Hæc est lex victoriæ;
 Pugna surgit, palma crescit,
 Et coronæ gloria.
 Clarus Christi triumphator,
 32 Curiam summi cœli purpuratus
 Introivit, comitatus niveo
 Splendidorum angelorum
 Dulce carmen modulante collegio.
 Mox in latos corpus agros
 Jacitur insepultum,
 Pavent canes, tremunt aves
 Propius accedere.
 Cives, arvum fert thesaurum nobilem :
 Non prædones, non latrones, ut occultent,
 Valent illud effodere.
 Nam vesanus Dacianus
 Suit hunc herunculo,
 Velut in parricidal
 Reum claudat culeo,
 Et marinis jubet mergi fluctibus :
 Nequit pontus sacrum pondus cohibere,
 Sed ad litus cœlitus gubernatum deportatur,
 Et festinos prævenit velox remiges.
 Nunc serenum victor cælum,
 O beate coronate,
 Post triumphum
 Martyr invictissime.
 In æterni luce regni
 Radians lapis vivus,
 Clarum sidus cum ignitis
 Angelorum agminibus.
 Post sudorem et laborem,
 Post peractum stadium,
 Tribuente justo Rege,
 Fert promissum bravium.
 Trabeatus stola candidissima
 Solis ardor, lunæ candor
 Tux cædunt claritati;
 Omnia superantur,
 Quæ mirandum sui præsent

In hoc orbe spectaculum.

Rector cœli, Nate Dei, petimus,

Leva mersos, solve nexos,

Magni sancti meritis Vincentii.

Tu quos multæ præmunt culpæ suscita,

Fige nostra sursum corda,

Qui nil ament præter cœlestia.

Da terrenis in extremis

Cœli celsa scandere,

Quos misertus redemisti

Pretioso sanguine,

Qui per ævum jura rerum ordinas.

Rex immensus et æternus,

Cujus nutum cuncta tremunt condita,

Qui cum Patre, Spirituque sancto

Regnas infinita per sæcula. Amen.

XCVI. De S. Vitale martyre.

Hymnus ad laudes.

Insigne decus martyrum,

Astrum Vitalis aureum

Per gloriam certaminis

Urbem perfundit radiis.

Ense præcinctus fidei,

Christi succurrit militi :

Dum lapso manum porrigit,

Hostem calcare docuit.

Equuleo suspenditur,

Sed pœna parvipenditur,

Amoris ardor intimi

Non sentit vim supplicii.

33 Terræ mersus infoditur,

Sed super astra tollitur :

Obruitur rudibus,

Radiat in cœlestibus.

Nos, martyr invictissime,

Da post ruinam vincere,

Digneque post victoriam

Ad cœli transfer gloriam.

Sit Patri laus ingenito,

Sit decus Unigenito,

Sit utriusque parili

Majestas summa Flaminii. Amen.

XCVII. In festivitate S. Anthimi. Hymnus.

Insigne decus martyrum

Laus nostra promat Anthimum,

Cujus testantur omnia

Elementa victoriam.

Furores calcat principum,

Manus ridet carnificum,

Fundatæ robur fidei

Non quassat vis supplicii.

Post carcerum custodias,

Post verberum victorias,

Saxo victus suspenditur

Et sic in fluctus mergitur.

Sed o felicem naufragum!

Mox clarum cernit angelum,

Deponit præsto vinculum,

Liber redit hospitium.

A

Caput cæsus interiit,

Sed victor astra petit;

Dum mortis fert atrociam,

Vitæ mercatur gloriam.

Magni votorum laudibus

Dignus est martyr Anthimus,

Qui signis et mirificis

Tot claruit prodigiis.

Hic Piniani languidam

Carnem, simul et animam,

Cunctis morborum nexibus

Sacris absolvit precibus.

Vesana dæmon furia

Quendam vexat in vulnera;

Pacis hostis expellitur,

Sic mens pacata redditur.

Te, martyr alme, poscimus

Cordis orisque vocibus,

Ut nos tremendo Judici

Commendes prece supplici.

Sit Patri laus ingenito,

Sit decus Unigenito,

Sit utriusque parili

Majestas summa Flaminii. Amen.

XCVIII. In solemnitate S. Ursicini. Hymnus.

Dulce martyr eximius

Festum præbet Ursicinus,

Quo victus victor exstitit,

Et clarus astra petit.

Nam pœnas post horrificas

Carnis pavet infirmitas,

Sed mox ad cor revertitur,

Et lætus in se cœditur :

Dignæ raptor erubuit

Rapinæ cum succubuit,

34 Et hoste lapso perdidit,

Qui stanti vulnus intulit.

Et nos inter certamina,

Martyr insignis, adjuva;

Da dissidentes fidere

Victosque rursum vincere.

Sic, animarum medicus,

Affer opem languentibus;

Haustu cœlestis gratiæ

Ægræ curantur animæ.

Sit Patri laus ingenito,

Sit decus Unigenito,

Sit utriusque parili

Majestas summa Flaminii. Amen.

XCIX. Missa sanctorum septem Dormientium.

Oratio.

Deus, qui in beatis martyribus tuis Maximiano, Malcho, Martiniano, Dionysio, Joanne, Serapione et Constantino, futuræ resurrectionis primitias suscitasti, da nobis sic a mundi perturbatione quiescere, ut ad cœlestem vitam mereamur de terræ pulvere vigilare. Per.

C.

Munera populi tui, quesumus, Domine, beatorum

martyrum tuorum intercessione sanctifica, ac nos A
etiam per hæc a peccatorum maculis clementer
emunda. Per.

CL.

Cœlestis mensæ dapibus recreati, quæsumus,
omnipotens Deus, ut nullis nos permittas erroribus
decipi, quos per gloriosos septem martyres de beata
resurrectionis gloria confirmasti. Per.

CII. De S. Apollinare episcopo et martyre. Ad vesp.
responsorium.

Ait B. Petrus apostolus Apollinari discipulo suo :
Eia. Vers. Surge. Vers. Ecce enim eruditus es
de omnibus, quæ fecit Jesus. Et perge. Vers. Multi-
tudo enim populi illic moratur. Prædica. Vers.
Constat enim apud te, quod vere sit Dei Filius. Et
ne for. Vers. Hodie splendidus martyr Apollinaris
victor penetravit cœlum ; gaudentes socii, canite : Eia.

CIII. Hymnus ad vespertas.

Consul æterni trabeate regni,
Mente devota petimus, labora
Curiam cœli reserare plebi,
Apollinaris.

Janitor summi pius hoc olympi
Annuat tanti famulis alumni,
Qui tuas gaudent resonare laudes
Dulcibus hymnis.

Intimis pressam tenebris Ravennam
Dæmonumque vanis inhiando sacris,
Clarus Eois veniens ab oris
Lucifer intrans.

Cæcus orbatu puer Irenæi
Te probat dextrum rutilare sidus,
Qui patri cordis, sobolique frontis
Lumina pandis.

35 Nil potest ægræ medicina Theclæ,
Nil profanorum numerus deorum ;
Tu cor ad cœlum facis, atque lætum
Tollere vultum.

Læta Classensis monet ora civis
Viribus sacræ reserata linguæ,
Patris æternum reserata Verbum
Verba fatentur.

Morte defunctam duplici puellam
Reddis utrique miserando vitæ ;
Flatus hinc carnem, Deus inde mentem
Protinus implet.

Gloriam Patri referamus illi,
Fanta qui dignis tribuit ministris,
Sit decus Nato, Flaminiq; sancto
Omne per ævum. Amen.

CIV. Ad nocturnum.

Chorus exsulet cœlitum,
Turba plaudat fidelium,
Apollinaris passio
Mundi sit exsultatio :

Cum morte carnis interit.
Sancto exutus corpore,
Stola vestitur gloriæ,
Carnis exiit ergastulum,
Cœli scandit palatium.

Exsulta jam, metropolis
Ravenna vere nobilis :
Quod Roma in clavigero,
Tu habes in discipulo.

Te, summe præsul, poscimus
Cordis orisque vocibus,
Ut nos venturo Judici
Commendes prece supplici.

Gloria sit ingenito
Patri, et Unigenito,
Sancto simul Spiritui,
Deo indivisibili. Amen.

CV. In natali S. Apollinaris. Missa. Introitus.

Surge, accipe Spiritum sanctum, simulque ponti-
ficatum, et perge ad urbem, quæ vocatur Ravenna;
B prædica ejusdem nomen Jesu, et ne formidaveris.
Psal. Mittat Dominus Jesus Christus angelum suum
qui præparet iter tuum, et quæ postulaveris annuat tibi.

CVI-CVII. Oratio.

Deus, qui nos per B. Apollinarem martyrem
tuum atque pontificem apostolicis voluisti docu-
mentis imbui, da nobis, quæsumus, et illa
servare quæ docuit, et ad hoc pertingere quod pro-
misit. Per.

CVIII.

Deus, qui B. Apollinarem, pro confessione tui no-
minis prunis impositum, suavitatis hostiam suscepi-
sti, da nobis, quæsumus, et pio devotionis incensum
tibi semper offerre, et contriti cordis hostias immo-
lare. Per.

C.

CIX.

Mittat Dominus noster angelum suum, qui præpa-
ret iter tuum, et quæ postulaveris annuat. **36** Vers.
Ponens Petrus manum super caput B. Apollinaris,
dixit illi : Alleluia.

CX.

Obsecramus suppliciter, Christe, Patris gloria, lux
mundi vera, porrige lapsis famulis dexteram, stare
qua valeant contra callidi hostis certamina, favente
nobis tua clementia. Vers. Deus, qui operaris cum
Petro magistro meo, operare et mecum, ut clarifice-
tur nomen tuum.

CXI.

Clara nobilis præconia Apollinaris cœlica martyris
D lætis promant vocibus agmina.

Omnis et orbis quadrua dramatum dulce melos
resonent climata.

Exsulet merito nimis alumna tam egregii civis
Antiochia.

Plaudat præcipue felix Ravenna, sacro ejus cruore
purpurata.

O virtus nova, vinci nescia; o turris David invi-
cissima, cuncta pro nihilo reputans tormentorum
genera!

Alta viscerum ridens vulnera, dura verberum
spernens stigmata, aqua refrigerat fervida membra
flammis torrida.

Carcerales hinc tenebras, longa ferens exsilia, famis
quoque pertulit inopiam, sustinuit equulei suspendia.

Catenarum mox vincula sacra vinciunt brachia, A
contundere non timet os rabida cum lapide carni-
cis insania.

Eviscerans claustra tartarea, exanimem patritii
suscitavit filiam.

Quis referat quot cæcorum lumina, quot languida
divinitus reparavit corpora?

Petimus, Ecclesiæ radians sidus, et lucerna ponti-
ficum nitida martyrumque gemma,

Pectora nostra prece sedula vitis emunda, virtuti-
bus robora, cor in astra leva,

Et Christum nos cernere fac in sæcula. Amen.

CXII.

Dicebat B. Apollinaris vicario: Securus esto, quia
manibus meis thura non ponam dæmoniis, sed in
Domino meo Jesu Christo incensum offeram laudis B
et suavitatis. *Vers.* Sacrificium me ipsum offero pro
salute filiorum meorum, quos...

CXIII.

Sanctifica, Domine, nos venerando hoc mysterio
cunctis celeberrimo, sanguine quos redemisti pius
proprio; eripe, protege nos ab hoste callido, tuo
forti brachio, omnia condita qui regis altissimo cum
Patre rerum Domino. Acquisivi. Quapropter securus.
Vers. Dirupisti, Domine, vincula mea, tibi sacrifi-
cabo hostiam laudis. Et sua...

CXIV.

Æterne Deus, qui apostolis tuis in assertionem ve-
ritatis per omnem mundi latitudinem vicarios subro-
gasti; ex quibus B. Apollinari clavicularii tui disci-
pulo tantam gratiam contulisti, ut Ecclesiam tuam C
supra novæ fidei construeret fundamentum, et bruta
corda gentilium ad tuæ legis dirigeret institutum;
cui etiam te 37 donante, concessum est, ut patientia
ditatus simul et gloria, et horrenda pœnarum tor-
menta contemneret, et stupendis signorum virtuti-
bus coruscaret: decoratus itaque jure sacerdotii una
cum triumpho martyrii et semetipsum tibi hostiam
suavitatis obtulit, et uberes de semine suæ prædica-
tionis exortas horreis tuis animarum fruges invexit.
Per Christum Dominum.

CXV.

Ego dispono vobis, sicut disposuit mihi Pater meus,
regnum, ut edatis et bibatis super mensam in regno
meo.

CXVI.

Deus, qui nobis salutis æternæ dignatus es pignus
impendere, da nobis, quæsumus, intercedente B. Apol-
linare martyre tuo, ad ejusdem veritatis plenitudi-
nem pervenire. Per.

CXVII. *De S. Rufino martyre. Hymnus.*

Magnum Rufini meritum,

Turba canat fideliū,

Quo mundi victor exstitit,

Et liber astra petiit.

Bellator invictissimus

Præbet ora lapidibus;

Sed verbis grando lapidum

Non indidit silentium.

Plumbatis inde cæditur,
Janjam obisse creditur;
Sed qui putatur mortuus
Surgit in arma promptius.

Detruditur in clibanum
Furentem flammis ignium;
Caminus sed incendii
Fit nemo refrigerii.

Nam flammis crepitantibus
Clarus immersit angelus,
Ad cujus mox imperium
Perdit vires incendium.

CXVIII.

Certat martyr egregius,
Ut leo vinci nescius;
Cuncta pœnarum genera
Mente calcat intrepida.

Saxum collo suspenditur,
Sic fluctibus immergitur;
Quem aqua Christo genuit,
Per hanc ad ipsum pervenit.

Nunc carnis liber onere
Rubro vestitur pondere,
Corona plexus capite
De pretioso lapide.

Te, martyr alme, petimus
Mentis pronæ visceribus,
Nos tua solvant merita,
Quos nostra gravant debita.
Sit Patri laus ingenito,
Sit decus Unigenito,
Sit utriusque parili
Maiestas summa Flamini. Amen.

CXIX. *De SS. Donato et Hilariano. Hymnus.*

Gloriam clari canimus triumphi,
Quo polum victor petiit Donatus,
38 Compar et pœnæ simul et coronæ,
Hilarianus.

Hi velut binæ radiant lucernæ,
Orbis et terras remouent tenebras,
Dum tonant verbis, rutilantque signis
Prodigiorum.

Dæmones captis spoliant rapinis,
Quos precum duris cruciant flagellis,
Robur ægrotis, reparantque cæcis
Lumen utrumque.

Mensibus clauso tribus et sepulcro
Prodit in fossam mulier talentum,
Functa sic vivo tribuit marito,
Ne moreretur.

Fragmen obtriti calicis priorem
Surgit in formam, pereunte parva
Parte, sed nullus liquor inde stillat,
Res nova mundo.

Quæsumus, celsi proceres Olympi,
Nos simul vestris precibus paternis
Erigat lapsos, solidetque fractos
Dextera Christi.

Laus, honor Patri, parilique Proli
Una majestas, eadem potestas,
Cum quibus sanctus simul implet omnem
Spiritus orbem. Amen.

CXX.

Donate, sidus aureum,
Martyr et proles martyrum,
Sed quos ad fidem prævens,
Martyrio præcederis.

Nobis, præsul egregie,
Decus et lux Ecclesiæ,
Tibi festa colentibus
Sacris succurre precibus.

Qui das trimestri mortuæ
Viva verba depromere,
Resuscita per Spiritum
Sepultos mole criminum.

Vita, luce, et moribus
Hilarianus monachus,
Jure functus hospitii
Fit censor et martyrii.

Vos, claræ mundi lampades,
Cœlique vivi lapides,
Nos infelices meritis
Vestris ascite præmiis.

Sit Patri laus ingenito,
Sit decus Unigenito,
Sit utriusque parili
Majestas summa Flamini. Amen.

CXXI. *De S. Donato episcopo et martyre. Sequentia.* C

Auratis Domini citharis
Laudet, et in cymbalis
Cum Tuscia Italia,
Nobilis monarchia,
Sanctorum domicilium
Quam sacrat Aritium.

In qua lucerna præsum,
Via, forma, speculum,
Donatus martyr inclytam
Obtinet basilicam,
Servat et Januarium
Cœli sidus aureum.

39 Quem non humana studia
Non linguæ faecundia,
Digne valet extollere
Pro merito gloriæ.
Nam quæ perferre potuit,
Quis referre poterit?

Caminum per continuum
Vaporatur triduum,
Ut quo crematur longius,
Cremet post velocius;
Hunc martyr dum ingreditur
Nec capillus læditur.

Solante mox angelico
Gaudet contubernio;
Dum globi strident ignei
Crescit ardor fidei:
Sic flamma desiderii

A

Perit vis incendii.

Victor ab igne trahitur,
Ad tribunal rapitur,
Consultur, impetitur,
Eadem vox redditur;
Nam fixa super stabilem
Domus viget lapidem.

Cum caro pœnis cingitur,
Mens in astra figitur,
Tormenta reddunt levia
Visa illic præmia.
Sic pœnas mille mortium
Dulce credit otium.

Sævæ manus carnificum
Nervos vellunt viscerum,
Compages laxa solvitur,
Postquam nexus tollitur
Fit diversus exitus,
Multiplex interitus.

Hinc traditur ferocibus
Belluarum morsibus;
Feræ sed indomabilem
Reponentes rabiem,
Dimissa colla cœlitus
Sacris flectunt precibus.

O Lucifer Hesperia,
O decus Ecclesiæ,
Quis tua possit omnia
Promere præconia?
Non hoc implere nitimur,
Sed gaudento vincimur.

Te pronis ergo mentibus
Supplices petimus,
Nos culpæ nostræ debitis
Tuis solve meritis,
Et electorum cœlitibus
Sacris junge precibus.

Sit laus Patri ingenito,
Sit decus Unigenito,
Sit utriusque parili
Decus omne Flamini:
Cujus una potentia
Cuncta regit sæcula. Amen.

CXXII. *De S. Fidele martyre. Hymnus.*

Magna Fidelis merita
Sancta promit Ecclesia,
Qui morte mortem perdidit,
Et victor astra petiit.

40 Abjecto carnis onere
Stola vestitur gloriæ,
Tersis ab ore lacrymis,
Veris potitur gaudiis.

Ut ense cæsus moritur,
Sæva tempestas oritur,
Sic intentatur impiis
Vindicta justis Judicis.
Quemdam ex carnificibus
Malus invadit spiritus,
Mox sacræ gloriæ jungitur,

D

Dira pestis excluditur.

Cordis, orisque precibus
Te, martyr alme, petimus,
Nos tua per vestigia
Ad vitæ ducas præmia.

Sit Patri laus ingenito,
Sit decus Unigenito,
Sit utriusque parili
Majestas summa Flamin. Amen.

CXXIII. De S. Gregorio papa. Hymnus.

Anglorum jam apostolus,
Nunc angelorum socius,
Ut tunc, Gregori, gentibus,
Succurre jam credentibus.
Tu largas opum copias,
Omnemque mundi gloriam
Spernis, ut inops inopem
Jesum sequaris principem.

Videtur egens naufragus,
Dum stipem petit angelus,
Tu munus jam post geminum
Præbes et vas argenteum.

Ex hoc te Christus tempore

Suæ præfert Ecclesiæ,
Sic Petri gradum percipis,
Cujus et normam sequeris.

O pontifex egregie,
Lux et decus Ecclesiæ,
Non sinas in periculis,
Quos tot mandatis instruis.

Mella cor obdulcantia
Tua distillant labia,
Flagrantum vim aromatum
Tuum vincit eloquium.

Scripturæ sacræ mystica
Mire solvis ænigmata,
Theorica mysteria
Te docet ipsa Veritas.

Tu nactus apostolicam
Vicem, simul et gloriam,
Nos solve culpæ nexibus,
Redde polorum sedibus.

Sit Patri laus ingenito,
Sit decus Unigenito,
Sit utriusque parili
Majestas summa Flamin. Amen.

**CXXIV. De S. Benedicto abbate. Hymnus,
ad vespas.**

Gemma cœlestis pretiosa Regis,
Norma justorum, via monachorum,
Nos ab immundi, Benedicite, mundi
Subtrahe cœno.

Tu solum spernens, cor in astra figens
Cogis hæredes fieri parentes,

41 Vas Deo plenum reparare fractum
Promeruisti.

Magnus in parvis eremita membris,
Vincis etatem, superas laborem,
Areta districtæ rudimenta vitæ

A

Fervidus implex.

Strage saxorum puerum sepulchrum,
Mox ut orasti, prece suscitasti,
Sensus hinc carni, caro sanitati
Redditur æque.

Jure sub blandæ specie columbæ
Nesciam fellis animam sororis
Summa stellati penetrare cœli
Culina cernis.

Ipsæ post, clarum referens triumphum
Celsa devicto petis astra mundo;
Luce flammantem radiante cellam
Pallia sternunt.

Laus, honor Patri, parilique Proli
Una majestas, eadem potestas,

B Cum quibus sanctus simul implet omnem
Spiritus orbem. Amen.

CXXV. Ad nocturnum.

Signifer invictissime,
Sacræque dux militiæ,
Nos, Benedicite, valido
Precum defende brachio.

His armis execrabilem
Leonis vince rabiem,
Quibus olim teterrimam
Pellis ab ore merulam.

Urticæ junctæ vepribus,
Vulnus curant vulneribus,
Flammata mens divinitus
Ignes exstinguit ignibus.

C

Crucem mittens ut laudem,
Veneni frangis calicem,
Non valet mortis vasculum
Vitæ ferre signaculum.

Frater, quem tunc nequissimus
Vagum raptabat spiritus,
Dum tua virga cæditur,
Stabilitati redditur.

Sit Patri laus ingenito,
Sit decus Unigenito,
Sit utriusque parili
Majestas summa Flamin. Amen.

CXXVI. Ad laudes.

Aurora surgit aurea
Festa restaurans annua,
Cum Benedictus arduum
Cœli scandit palatium.

Quanta in summis accipit.
Qui sic in imis claruit,
Cujus micant prodigia
Per ampla mundi climata.

Ejus carentum gratia
Tellus vomit cadavera,
Devotis unda liquida
Sicca lambit vestigia.

Totius orbis ambitum
Per Solis videt radium,
Mens in Auctore posita;
Subjecta cernit omnia.

D

42 Te, Pater alme, petimus

Pronae mentis visceribus,

Ut cœlum des ascendere,

Quos terram doces spernere.

Sit Patri laus ingenito,

Sit decus Unigenito,

Sit utriusque parili

Majestas summa Flamini. Amen.

CXXVII. Epitaphium Lodoici sancti presbyteri.

Vir Domini clauso jacet hoc Lodoicus in antro,

Cui sine carnificum fit nece martyrium.

Vinum respuerat, panem non prorsus edebat,

Hebdomas binum, sic dabat una cibum.

Ordine diverso pictor fuit atque sacerdos;

Obtulit ex æquo munus utrumque Deo.

Lux oriens urbi, lux omni claruit orbi

Arsit et incendit, ivit et ire dedit.

Ecclesiæ speculum, vivus lapis, hostia, templum,

Nos precibus releva quos mala nostra gravant.

CXXVIII. In natali confessorum pontificum. Hymnus.

Sacri pontificis annus emicat natalis,

Celebrans plebs pia gaudeat, et keto

Resonet pe-lore carmina Christo,

Qui regit omnia.

Hic spernens proprii gaudia corporis

Longum sustinuit martyrium crucis,

Torturam gravius vulnere pertulit,

Qui tortor suus exstitit.

Sacræ militiæ signifer inclytus

Virtutum fuerat forma sequentibus,

Accendens validis pectora vocibus,

Præclaris quoque moribus.

Bis senos lapides pectore detulit,

Bis tinctæ tunicæ tegmine splenduit:

Cui tintinnabula dulciter obstrepunt

Mala punica defluunt.

Ipsius precibus, Conditor omnium,

Demersos releva pondere criminum.

Cui laus, imperium, summaque gloria

Sit per omnia sæcula. Amen.

CXXIX. Ad laudes.

Christe sanctorum gloria,

Certantium victoria,

Nos confessoris precibus

Culparum solve nexibus.

Fac nos imitabilia

Ejus sequi vestigia,

Tu sis commune præmium,

Qui factus es et pretium.

Nam hic in imo positus

Celsis præstabat moribus,

Humilis erat ordine,

Claro sublimis opere.

Intenta mens cœlestibus

Mundanos horret strepitus,

Nil jam delectat anxiam,

Quod non ducit ad patriam.

A

Accensus illuc spiritus

Totis anhelat nisibus,

Jam cernit in ænigmate

Lumen inaccessible.

43 Sit Patri laus ingenito,

Sit decus Unigenito,

Sit utriusque parili

Majestas summa Flamini. Amen.

CXXX. De omnibus sanctis. Versus (60).

Edidit nomina eorum in mundo sortitos,

Quorum imbuir per singula bimos trimosque,

Ilos pariter sæcli doctrina medelam,

Nec non divina præstaverat gratia gratis;

Utque possint febris putres explodere pestes

Atque salutiferam morbis impendere curam,

B Artubus horrendas pellentes corpora des.

Et mutos, claudos, surdosque repertos,

Luscos, ac strambos, qui sævis verba loquelis

Fantes corrumunt, et quidquid debile fertur,

Cœlitus instaurant Christo donante salutem;

Sicque lucem carnis trudent medicamine spurcæ.

Nec tamen eximio virtutum munere dites;

Auri fallentis gestant marsupia farsas,

Et loculos nummi calcant, ut tetra venena,

Omnia donante gratis pro stirpe superna.

Princeps interea mundi, qui sceptrata gerebat,

Martyres edictis multabat trucibus atrox.

Tum sanctos pelagi gurgite merserat fratres

In pontum, fretos virtute Tonantis,

Algidis et vitreis mitescant æquora frustis,

C Dum dicto citius sanctos ad littora vectant.

Sic compressa salis sacra virtute potestas,

Turgida fluctivagis sopivit cœrula campis,

Dextera dum Patris portum patefecit immundus,

Impius id quod cernens vexilla tropæi,

Altera Gorgoneis molitur damna venenis;

Nam truculenta ferox flammarum pabula teret,

Et sacramentorum fornacem fomite farcit,

In quam fragrantem sacros detrudere jussit,

Ut rogus insontes prunarum torre cremaret

Artus, quos dudum turgescens gurgite pontus

Mergere nequibat limpharum fluctibus atris.

Sic facula flammæ fornacis fomite friget

Ut miles Christi neglecto turbine flammæ

Redderet ingentes pro vita sospite grates;

D Cen Salamandra rogis solet insultare focorum,

Quamvis congerie glomerentur forte rogorum,

Tunc crucis in patulum cognitur scandere robur,

Atque pharetrarum densas sufferre sagittas.

Mox Sator æternus, qui sancto jure triumphat,

Spicula tortorum confregit dira reorum.

Exin martyrii sumpserunt sarta cruenta

Ad convexa poli migrantes culmina celsi.

CXXXI. De annuntiatione Virginis.

Ecce parat clausam Regi prænuntius aulam.

CXXXII. De nativitate Domini.

Natus ab æterno prodit de Virginis alvo.

(60) Corruptione laborant omnino insanabili. Hos tamen sic exhibent editio princeps, Parisiensis et ejus recursio Bassani data.

CXXXIII. *De cæna Domini.*

Qui caput est justis vestigia tergit alumnis.
Quod vetuit [f. voluit] parti, Petrus vult solvere toti.

CXXXIV. *De baptismo Domini.*

En fluvius fontem; mundum lavat unda lavantem :
Alhuc, Jordanis, a quo magis ipse lavaris.

CXXXV. *De S. Joanne Baptista.*

Prævia materna Verbum vox sentit in alvo.

CXXXVI. *De oblatione Domini.*

Nunc capitur cælis Simeon quem stringit in ulnis.

CXXXVII. *Ubi pueri dicunt : Hosanna.*

Astra, polus, terra metuunt, quem portat asella :
Voce Deo magna cœtus deponit Hosanna.

CXXXVIII. *Transfiguratio Domini.*

Hic Deus ostendit quod carnis tegmine clausit.

CXXXIX. *Dominus dicit discipulis suis : Vigilate.*

Quos sopor oppressit vigilum Rex surgere jussit.

CXL. *Ubi Judas Dominum tradit.*

Falsa ferox blando lupus oscula porrigit Agno.

CXLI. *De patena.*

Esum perpetuæ pariunt hæc fercula vitæ.

CXLI. *Ubi Christus rogat Patrem.*

Patrem, Christe, rogas, cum quo simul omnia donas.

CXLII. *De ascensione Domini.*

Ima Deus petiit, sed non excelsa reliquit:

Est ibi quo tendit; permanet unde venit.

CXLIV. *Ubi Spiritus sanctus descendit super apostolos.*

Ignit apostolicum linguarum flamma senatum,
Germinat et varias quasi vox secunda loquelas.

CXLV. *De S. Petro.*

Sperne maris navem, cæli, Petre, suscipe clavem ;
Fluctibus et spretis portum mihi redde quietis.

CXLVI. *De S. Paulo.*

Mellifluis omnem Paulus rigat imbribus orbem.

CXLVII. *De illo qui moratur in odio.*

Qui manet in tenebris, nescit vestigia pacis;
Collyrium relevet, cum te glaucoma perurget.
Acre suave creat, tegmen male tecta revelat;
Nox reparat lucem, dolor aufert saepe dolorem.

CXLVIII. *De illo qui placet duobus inimicis.*

Dum placet utrique, perdit Metecus utrumque.

CXLIX. *De Hildebrando.*

Vivere vis Romæ, clara deponito voce :

Plus Domino papæ quam domno pareo papæ.

CL. *De eodem Hildebrando.*

Qui rabies: tygridum domat ora cruenta leonum
Te nunc usque lupum mihi mitem vertat in agnum.

CLI. *De illo qui omnia timet, vel nihil timet.*

Nil metuens, et cuncta timens, ridendus uterque :
Hic timet, ille jacet, medius discrimine pollet.

CLII. *De virga Moysi.*

Virga vorat magicos in se reparanda chelydros.

CLIII. *De arca Noe.*

Arca dat Ecclesiam; baptismatis unda figuram.

Quod melius est ut scribaris rex in ferro, quam servus
in auro.

Elige Rex ferro quam scribi servus in auro;
Clarior in casula rex est quam servus in aula.

A 45 CLIV. *De illo qui prius donat, et postea reposcit.*

Fœdus amicitiae violat sua dona reposcens,
Unca manus retrahit quod prius ampla dedit.

Qui repetit donum merito mox perdit amicum,
Munere de vestro gaudia digna fero.

Quam vana hujus mundi sunt bona.

Cum cineres regum videamus et ossa parentum

Acida pulvisculis congesta jacere sepulcris,

Quo libet carni vigor aut possessio menti?

CLV. *Domnus papa sine me rem incipiebat, et mecum complere volebat; sicque mecum dicebat : Sicut erat in principio; cum mecum non dixisset : Gloria Patri.*

Sicut erat damno, quia nunquam Gloria canto,

Qui caput abrasit caudam quoque jure vorabat :

Ossibus ora terat qui sorbuit ante medullas.

CLVI. *Illis hoc dicitur qui falsam pacem faciunt.*

Ut valeant, oris jungantur et oscula cordis ;

Pax dirimit litem, capiunt cum jurgia finem.

CLVII. *Quod saepe amicus videtur irasci, et inimicus fraudulenter blandiri.*

Sæviti amor justis, livor blanditur iniqui,

Est amor immitis, dulcis furor, ira fidelis :

Sunt etiam blandi sub ovina pelle tyranni.

Sic et amica patres reddit censura feroces.

CLVIII. *Ad papam Alexandrum admonitio.*

Sedis apostolicæ qui vult retinere vigorem

Æqua libret rigidæ pondera justitiæ:

Juris enim pariles nescit suspendere lances

Quem favor inflectit, spes vel avara trahit.

Muneribus plenæ cui laxant ora crumenæ,

Justitia vacuum perdit inops animam.

Cæli Roma seras tenet, et regit orbis habenas ;

His qui plura petit, ditior esse nequit.

CLIX. *Hoc servus Dei facere debet.*

Multa quidem tollo, sed fratribus omnia trado :

Aufero divitibus, præbeo pauperibus.

CLX. *Pransum dicimus : Edent pauperes. Silentium solventes dicimus : Pretiosa in conspectu Domini.*

Sicut Edent, mensas; reddit Pretiosa, loquelas.

Insipiens in corde suo : Non est Deus, inquit.

CLXI. *De odio.*

Ut lita pestifero perimit catapulta veneno,

Sic animas hominum perdit edax odium.

CLXII. *Qui castratus est non debet episcopari.*

Qui nequit abscondi non debet honore potiri.

D CLXIII. *De Romanis febribus.*

Roma vorax hominum, domat ardua colla virorum,

Roma ferax febriam necis est uberrima frugum,

Romanæ febres stabili sunt jure fideles.

CLXIV. *Quod qui ignorat legem vitiorum nequit evitare perniciem.*

Qui jus ignorat vitiorum peste laborat,

Virtutum vitium, fas putat illicitum.

46 Non sit securus qui iudicis ore solutus,

Sunt a lege poli, dissona jura fori.

Arbiter internus ligat hunc quem solvit apertus,

Nec fugit esse, nec videt acta Deus.

CLXV. *De triduo jejunio.*

Quam triduana gravem soleat illidere calcem

Hic rudis ignorat, stomachum qui sedulus inflat, A
Crebris efflantem reprimit qui fistula ventrem,
Etque fabri follem vacuat spiramen utrumque.

CLXVI. *Cadaloo non pastori, sed antiquo draconi.*

Desinit esse reus qui punit flendo reatum,
Sacrilegat coeptam geminata superbia culpam,
Cæde necans Urbem, nunc auro destruis orbem.
Heu! gladio ferri gladius truculentior auri;
Is animam penetrat, carnem fons (cod. Vat., foris,
[Mat.] ille cruentat,

Vimque tenet jaculi radiantis vena metalli.
Nil differt ferro, perimatur quisque vel auro.
Quid juvat an fulvis furvisque quis occidat armis?
Hos homicida vibras miseros et utrosque trucas.
E cælo rueras, sed adhuc draco lubrice sufflas,
Ore vomens rabiem tetrum diffundis odorem:
Fractus adhuc reptas, et flammæ naribus efflas;
Squamæ colla tumes, strages et prælia frendes.
Desinat horrenda squamis attollere colla,
Ut populus vivat, vitam mala bestia perdat;
Torva draconteas reprimat jam vipera cristas (cod.

[Vat., chelas, Mat.],

Te superaggestus lapidum tumuletur acervus,
Ruder erit lapidum concors sententia Patrum,
Hæc scrobis atra (cod. Vat., antra, Mat.) lues tu-
[mido ne gutture suffles,

Mille vorax hominum crepet insatiabile monstrum.
Te super inferni sua claudant ora cavernæ,
Ne reditus pateat, mors mundi bella quiescant.
Fumea vita volat, seds improvisa propinquat (61).
Imminet expleti præpes tibi terminus ævi
Non ego te fallo, cæpto morieris in anno.

CLXVII. *Cuidam fratri, cui jejuniæ et vigiliæ
in nauseam venerant.*

Agrigentinum Siculis sal gignitur oris;
Quod fluit in flammis, crepitat si mergitur unis.
Qui naturales trahit in contraria leges,
Congruit Auctori quantum sibi dissidet uni.

CLXVIII. *Quod quidam benefactis offenduntur,
offensione placantur.*

Officium stimulat quosdam, percussio præcat,
Os in corde suo, cor ponit in ore nabaldus.

CLXIX. *De dente et lente.*

Littera mutetur, quod edebat rursus edetur.

CLXX. *Quod caro sine prædicatione prorum; it
in silvæ viitorum.*

Silvescit vitilis caro verbi libera, cultris
Virescent steriles, sarriente ligone, novales.
Novimus Annibalem, luscumque fuisse Neronem,
Quem ramex etiam pressit, cum sceptrâ levarent.

CLXXI. *De baculo rectoris.*

Suscipe diversum moderaminis arte bacillum:
Quos feretrum pupugit cornu pietate reducit.

47 CLXXII. *De Ecclesia Romana ab antipapa
invasa luctus.*

Heu! sedes apostolica
Orbis olim gloria:

Nunc, prob dolor! efficeris
Officina Simonis.

Terunt incudem mallei,
Nummi sunt tartarei:
Justo Dei judicio,
Fit ista conditio.

Ut quisquis apostolica:e
Sedem semel comparat,
Redimere non desinat,
Donec male pereat.

Cathedram pestilentia:
Pressus anathemate,
Tenes cum sacerdotibus
Christi peremptoribus.

Fit tibi terra ferrea,
Cæli sedes ænea;

B Diligenter igitur intende, quod dico.

CLXXIII. *De miseria humanæ conditionis.*

Proh dolor! infelix humanæ stirpis origo
Per traducem carnis fit adhuc obnoxia mortis;
Et miseros gignit, quos vite limite claudit.
Qui non uxorem nisi prolis tangit amore,
Etsi mirandus, non omnibus est imitandus;
Non sine membellis valet esse refectio membris.
Sæpe novercalis fit mens materna pupillis
Legeque perversa gravis est de matre noverca.

CLXXIV. *De eo qui prædicat justum et dimittit
impium.*

Fundit aquam fluviis vecors sitientibus hortis.

CLXXV. *Laus eleemosynæ.*

C Fenerat ille Deo qui sumptum præbet egeno,
Reddere promisit, qui non mendacia novit;
Solvitur expletum graviori fenore lucrum;
Pro modico magnum, pro cæno redditur aurum;
Sic hemina cadum, lucratur dragma talentum,
Sic obolus regnum, cyathus mercatur olympum,
Cœlica terrenis redhibentur, fixa caducis.
Ignes unda necat, lapsus eleemosyna purgat.
Est aqua mors flammæ, mors est eleemosyna culpæ,
Nec replet irriguis lacrymarum corda fluentis.
Hæc vitilis vacuat, virtutum floribus ornat.
Hæc redimunt ipsum pietatis viscera Christum.

CLXXVI. *Avaro diviti.*

Qui cedros solidis scit contignare cypressis,
Fundamenta struit nullis obnoxia flabris:
Ditior es cæno quam sis, Pactole, fluente:
Unda levat cumulum, flavescit arena metallum,
Lama tulit fruges, rupes prærupta cacumen.
His vitam regimus, procul hoc astare videmus,
In vidua dives Deus est, in divite pauper.

CLXXVII. *Viro superbo.*

Mens scatet in veras causa perhibente loquelas,
Vere licet rubeat, nunquam rosa pulchra perannat,
Qui stat presto callit, ceu flos caro lapsa putrescit.
Vita volans hominis decurrit more fluenti.
48 Te patulum vento folium pendere memento,

(61) Codex Vaticanus caret tribus postremis versibus, quos consulto fortasse noster auctor omisit

ob vaticinium litteraliter non impletum, de quo disserit ipse Petrus tom. III, pag. 206. Mai.

Turgida colla suis subigit mors improba plantis.
 Vivere qui patitur felici morte fructur,
 Qui fruitur vita mortem patietur amaram.
 Vita brevis prohibet ne longum vivere spes.
 Vive memor mortis, quo semper vivere possis.
 Totus vive Deo, totus tibi mortuus esto.
 Vita parit mortem, mors vitam parva perennem.
 Qui sibi nunc vivit semper moriendo peribit.
 In se qui moritur, hunc vita beata sequetur.
 Sic requies fesso redhibetur vita preempto.

CLXXVIII. *Livido obtrectatori.*

Esse foret panem melius quam rodere fratrem,
 Corporis una cibus, animæ res altera virus.
 Rosus non moritur, rodens homicida tenetur.
 Non alios caprea, te cernas lumine talpæ.
 Non mihi des vultum, promptus tibi vertere tergum,
 Ne facies speculum, cum sis tibi mantica factus,
 Polypus hærenti de se non fetet olenti.
 Lyncea lux radios in viscera figit acutos,
 Cum se non videat, penetrat procul omne quod astat;
 Obtusæ oces acuunt, non cedere possunt,
 Nec sibi, sed vario parent sua jura metallo,
 Scabra polire lima novit, non ipsa poliri,
 Prava manet sentum scorium, dum levigat aurum.
 Nam scabiosa carnis titulo fit digna fidelis,
 Si rictu rabido vernam cum jure lacescit.
 Qui quod vult dicit, quod non vult sæpius audit.
 Non habet os lingua, frangi facit ossa sed ipsa
 Unaque diversis parit informia membris.
 Pone malum lingua, quam vibras more sagittæ,
 Ne gladii conto referantur saxa lapillo.

CLXXIX. *Duobus inimicis, ut ad pacem redeant.*

Hamat amor varios, scindit discordia junctos;
 Non ibi lux pacis ubi fit divisio cordis;
 Pax docet ignaros, discordia cæcat acutos.
 Non status est rebus, fortunæ vertitur ordo,
 Cervici rigidae mors improvisa minatur.
 Turgida colla suis subigit febris ignea plantis,
 Ac domat indomitos divino jure solutos;
 Qui tumuere Deo coguntur cedere morbo;
 Quod dant languori veræ vetuere salutem.
 Vultu sæpe truce, flammæ velut ore vomente,
 Oraque terribilem frendentia verba tonantem
 Funda perexiguo stravil contorta lapillo.

CLXXX. *Cur idem scriptum bis mittitur.*

Jure notatur idem, qui sæpe rescribit eidem;
 Non tamen absurdum, cum res habet ipsa recursum,
 Indiga verborum dum sit geminatio rerum.
 Insimulat vicem carminibus non reddentem.
 Disticha tot misit quod flumina sunt paradisi,
 Fonte sed ex vestro nec mihi stilla fluit.
 Nunc igitur scriptis totidem nisi scripta remittis,
 Implebit vacuum penna retusa thecam.

CLXXXI. *De quibusdam antidotis.*

Mors aloen æquat, copulat sapor unus utramque,
 His quoque tu parilem pigra sortiris acrorem
 Serapi; non cunctis fatear præstare venenis.

A CLXXII. *Quod qui sumit munus debet vicem reddere.*

Alterutrum charos componit munus amicos,
 Si gerulus referat, si dator accipiat.

49 CLXXXIII. *Quibus benedictio de coclearibus mittitur.*

Dent alii fulvum trutina librante metallum;
 Sed mundus vivit, quia ligno Vita pendit:
 Sic modicum magno lignum pretiosius auro.

CLXXXIV. *Ponticali dextera coclearibus mittuntur.*
 Magna perexiguum munus aurea suscipe lignum.
 Nolo datum trutines, sed dantis viscera libres:
 Audeo quod parti non est, præsumere toti;
 Carmina quot scripsi, totidem tibi ligna polvi,
 Chartula venalis, donantur cætera gratis.

B CLXXXV. *Quibus benedictio de coclearibus mittitur.*

Marmoribus latomi fabri dant signa metallis,
 Sandapilas inopes compungunt vespilliones,
 Nec nos signa ducum ferimus, sed signa colonum.

CLXXXVI. *Amicum terret.*
 Quod digitis scribo, totidem tibi carmina mitto,
 Aspera vox: Ite; nimium jucunda: Venite:
 Congregat hæc agnos, vox altera dissipat hædos;
 Perpensæ voces poterunt componere mores.

CLXXXVII. *Ad inimicum.*
 Si regni requiem cupimus, metuamus et ignem;
 Inter bella silent leges, in pace loquuntur.
 Tempus adest belli, venient sua tempora legi;
 Sic lis obtineat, ne pax post bellica perdat;
 Ne vincere foro, qui tentas vincere campo.

C CLXXXVIII. *Discretio inter levem et gravem.*
 Horrens præcipientem noli te ferre limacem,
 Cum gravitate levis, sis levitate gravis.
 Si gravis incessus, nec jam quasi compele nexus,
 Nil vitio vitium cedere proficuum.

CLXXXIX. *Quo melius sit agricolæ laboranti quam domino præstanti.*
 Bella ciet dominus, proscindit rura colonus;
 Ille patet jaculis, hic frugum gaudet acervis.

CXC. *De his qui non se, sed alios carpunt.*
 Po'ypus hærenti de se non fetet olenti:
 Sunt sua qui palpant, aliena piacula damnant.
 CXCI. *Quod esuriens et sitiens vile quodlibet libenter sumit.*

D Fauces atra fames herbas commendat agrestes,
 Ilasibilem densam reddit sitis ignea vappam.
 Esuriens comedit, vacuo satius ore ligurit.

CXCII. *De illo, qui gloriatur in altitudine vocis.*
 Voce satis celsa vocalis rudit asella,
 Dulce melos placidis format vox cygnea bombis.

CXCIII. *De monachis, qui loricas induunt ad carnem.*
 Hamatæ vestes præbent inamabile tegmen:
 Vestes hamatæ gemina sunt peste perosæ;
 Ossa premit pondus, constringit viscera frigus.

50 CXCIV. *De Hildebrando, qui parvæ quid in statuaturæ, sed magnæ videtur esse prudentiæ.*

Parva tigris missas æquat properando sagittas,
 Vile quidem ferrum, tamen edomat omne metallum;
 Sed trahit hoc validus sua post vestigia magnæ;

Hunc qui cuncta domat Sisyphei mensura coaretat,
Quemque tremunt multi, nolens mihi subditur uni.

CXCV. *De papa et Hildebrando.*

Papam rite colo, sed te prostratus adoro :
Tu facis hunc dominum; te facit iste deum.

CXCVI. *De Romano archidiacono, qui mihi medium piscem misit.*

Non mirum Petrus si sit mihi semper egenus,
Cum generent medios flumina pisciculos.

CXCVII. *Urbano gratulatur, qui Romæ factus est pauper episcopus.*

Quod sibi Bethsaide, nunc est mihi Petrus in Urbe :
Hoc cum scepra tenet, quod erat cum retia neret :
Semper lina lavat, pelagi mihi cærule sulcat,
Me premit in terris, qui prorsus egebat in undis;
Me siliquis recreat, modicus quem piscis alebat.

CXCVIII. *De illo qui filium habet.*

Cum superest soboles, vivunt de morte parentes,
Et velut una caro viret in radice propago.
CXCI. *Ut hi qui prædicant invicem non discordent.*
Non sapiens stulto, non bos societur asello,
Qui divina docent a se non prorsus aberrant.

CC. *De stercore turdi fit viscus unde turdus ipse capitur.*

Podice digeritur pede quo turdela tenetur.

CCI. *Illi, cui ego prolixam misi epistolam, et ipse mihi parvam.*

Non obolus solidum, non æquat libra talentum,
Plane minor modio cedit et iste choro.

Non licet exiguum compenset epistola librum,
Contrutinet lances pendula libra pares.

CCII. *De Florentia, in qua papa Stephanus obiit, et Nicolaus papa ex eadem processit.*

Parva virum magnæ debet Florentia Romæ;
Quæ tenet extinctum, cogatur reddere vivum :
Sic nova Bethlæis lux mundo fulsit ab oris.

CCIII. *De illo qui semetipsum subjugat, ut reum recipiat.*

Nil sibi prorsus emit qui se sub fenore vendit.

CCIV. *Quod Roma mundo præfuit, donec legibus obedivit.*

Præfuit Urbs orbi, fuerat diu subdita legi;
Justitiæ spretis regnum contraxit habenis.

CCV. *Quod plerique casti sint tenaces.*

Vix opibus largum videas et corpore castum.

CCVI. *De illo qui, nutritus Aretii, Pomposiæ abbas fuit.*

Qui solet insipidis ventrem satiare lupinis,
Guttur nunc epulas ructat turgente marinas.

51 CCVII. *De domno Umberto archiepiscopo, qui sedebat ad dexteram papæ, et ego ad sinistram.*

Fortior hædinam, tu sedem tollis ovinam,
Lævus habet dextram, dexter quandoque sinistram.

CCVIII. *Super secularibus elegidia.*

Lugeo vos, miseri, quibus est mens dedita carni;
Cælum despicitis, quæstus bona summa putatis.
Quid vos hortor ego, quid vos optare monebo?
Nunc male jucundas mundi sorbete medullas,
Extæ replete cibis, artus onerate saginis,
Ne pereant vermes macie vos semper edentes,
Fontibus irriguas gelidis extendite villas.
Non numerus nummis, non sit mensura metallis.

A Post erit angustum possessio vestra sepulcrum.

At quos spes fulvo ditat pretiosior auro,
Quorum divitiæ veræ sunt præmia vitæ
Quas far non temerat, nec edax male tremula sulcat,
Vana repentinis obnoxia lucra ruinis

Spernite, lapsuro cedant sua munera mundo :

Sufficient Christi famulis patrimonia cœli,

Pectoris eximium fidei tegat arca talentum,

Sit stadium rutilas virtutum condere gemmas,

Et male nascentes vitiorum vellere sentes :

Turbida fluctivagi vitæ negotia mundi,

Incubet eloquiis jugiter mens libera sacris,

Jam modice gustet mel, quo post plena redundet,

Ad sua sic nostra redeat primordia forma.

Hæc tumulentur opes, isti quærantur honores,

B His homo jure potens, his fit per sæcula dives.

CCIX. *Contra Cluniacensem abbatem, qui eum in Galliam duxit.*

Mors mea grandævam perimis, Cluniace, senectam,

Efficis ut non sim, dum pelis ut bene sim,

Ut tibi mella fluant, epulæ pigmenta rubescant,

Amplaque conditos præbeat olla cibos.

Scabra fit ut nostris desint vel cantabra mensis,

Dum tibi servo dapes, me manet atra fames.

CCX. *Versus pauperis.*

Ulceribus vacuus, sed paupertate repletus,

Lazarus ecce venit, qui micis vivere quærit.

Absunt ora canum, non desunt rostra pedonum;

Illæ cutem lambunt, hæc membra scatentia rodunt.

CCXI. *De triduo jejunio.*

C Quam triduana gravem soleas illidere calcem,

Sæpius expertis scit mens exercita bellis.

CCXII. *Qui dicit quod vult, audit quod non vult.*

Qui quod vult dicit, quod non vult sæpius audit;

Qui quod amat loquitur, quod odit perferre meretur.

CCXIII. *Epitaphium Petri Damiani.*

Quod nunc es, fuimus; es, quod sumus, ipse futurus.

His sit nulla fides, quæ peritura vides.

Frivola sinceris præcurrunt somnia veris,

Succedunt brevibus sæcula temporibus.

Vive memor mortis, quo semper vivere possis.

Quidquid adest, transit; quod manet ecce venit.

Quam bene providit qui te, male munde, reliquit,

Mente prius carni quam tibi carne mori.

Cœlica terrenis præfer, mansura caducis.

D Mens repetat proprium libera principium.

52 Spiritus alta petat, quo prodit fonte recurat,

Sub se despiciat, quidquid in ima gravat.

Sis memor, oro, mei; cineres pius aspice Petri.

Cum prece, cum gemitis dic : Sibi parce, Deus.

CCXIV. *Demoniis epitaphium.*

Ariminum, luge, lacrymarum flumina funale,

Laus tua Benno fuit, proh dolor! ecce ruit;

Benno decus regni, Romanæ gloria gentis,

Ipse pater patriæ, lux erat Italiæ.

Hunc scietis miseri durum sensere superbi :

Lapsos restituit, turgida corda premit;

Fit leo pugnanti frendens, tener agnus inermi,

Hinc semper justus perstitit, inde pius.

Hic fides dum jura colit, dum cedere nescit,

Firma tenens rigida pondera justitiæ.

Reticolæ jugulus pravorum pertulit ictus :

Per quem pax viguit, bellica sors periiit.

Obscuro, tam diram, sapientes, flete ruinam,

Et pia pro socio fundite vota Deo.

CCXV. *Quod vermis eris, et a verme voraberis*

Ejus, homo, quod-eris, datus es ut ore voreris;

Cur, cinis et vermis, tumida cervice superbis?

CCXVI. *Ad penitentiam provocat.*

Cum cruor excrescit nemitorem vena requirit,

Vulnus et incolumem facit, affert plaga salutem,

Mens fluidum generat, pia quod confessio purgat;

Sic animæ sanguis per venam profluit oris.

Egere lethifero violat quod viscera tabo :

Esto vomax proprii salubri conamine morbi,

Ut mentis stomachus relevetur mole reatus.

CCXVII. *Versus de Simoniacis.*

Incute Simonis fabrilis, et antra monetæ

Damnat pestiferas Deus evertendo cathedras :

Nam postica latro per diverticula repit,

Pervia gratuito pastor petit ostia gressu.

Ast ubi mangonum sclerata negotia desunt,

Nec grave carbonam turget venale talentum,

Non distractor obest, quia non commercia sordent;

Nam quid nummati, nequeunt ubi lædere nummi?

Imo quid arboreis manus obsit squalida plantis?

Sæpe salutiferam medicus dedit æger oryzam,

Municipes pugilem, cæci genuere violentem,

Clinica procerum peperit male fœda venustum

Nec soboles noxis est addicenda paternis.

Quisque sua premitur, socii nec labe tenetur.

CCXVIII. *Adversus Simoniacos rhythmus.*

Mundi turba turbulenta,

Error, et divisio,

Hæresis Simoniana,

Zelum, et ambitio,

In lamentum nos compellunt

Styli sub officio.

Exarentur ergo cuncta

Strictim a principio,

Ex quo summæ sedis præsul,

Sancto doctus Spiritu,

Scelestorum probra cæpit

Emendare liquido.

Cujus vox erat, ut patris

Corrigentis filios;

Ut Apostoli vox erat

Mitis ad Corinthios :

53 Sic se mitem exhibebat

Erga coepiscopos.

Scitis, fratres, vos pastorum

Suscepisse regimen;

Hinc vos decet, ut doctores,

Primum recte vivere,

Obsecrare, increpare,

Postmodum arguere.

Non elatos, non inflatos.

Non ex vino turgidos.

PATROL. CXLV.

A

Non in veste pretiosa,

Sed virtute fulgidos,

Sine causa non lædentes

Castos atque sobrios.

Sint in promptu gesta Patrum,

Sintque sancti canones;

Cibis vestris recreentur

Debiles ac pauperes;

Orphanorum mater plorans

Ante vos non clamitet.

Cedant equi phalerati,

Cedant cæci rabulæ,

Cedant canes venatores

Ac mimorum fabulæ,

Et accipitres rapaces

Nec non aves garrulæ.

B

Ad hæc, Simonis leprosum

Exsecrate hæresim,

Sacerdotum simul atque

Scelus adulterii,

Laicorum dominatus

Cedat ab Ecclesiis.

Ecce papæ gloriosi

Monita Gregorii,

Ecce verba summæ sedis

Præsulis catholici,

Quibus irruunt in eum

Gives Babylonici.

Illicque Cæsaris exarsit

Ira in Ecclesia,

C

Inde tumuit in eum

Præsulum superbia,

Sacerdotem populorum

Furit ab Ecclesia.

Ex quo Simon contra Petrum

Turrim struxit magiæ,

Inde cecidit percussus

Angulari lapide,

Contra cujus ictum plane

Nihil est durabile.

Quorum rex est alter Christus,

Alter est Leviathan;

Ille vitæ, iste mortis

Regnat super agmina :

Ergo quorum quis sit victor

Nemo sanus ambigit.

D

Resipiscant inde cuncti,

Et ad corda redeant,

Qui non pure, non sincere,

Sed mente malevola,

Sacerdotem populorum

Rodunt atque lacerant.

Illi vero, quos cibavit

Fides apostolica,

Solidentur, et fundentur

Petri petra solida,

Ut post pugnam consequantur

Pleniter victoriam Amen.

54 CCXIX. *Damiano exhortatio, ut monachus fiat.* A
 Omnipotens, agamus, doce, ut quod fecit agamus.
 Desunt jura tori, teritur si semita Christi.
 Jam pater es, soboli spatium largire sequenti,
 Ut tua contiguis pateant vestigia plantis,
 Et seges erumpat, dum non quod protulit obstat,
 Subdita maternis torpens vitulina ramis.
 Præsto fluunt veteres ad florum germina frondes,
 Herbaque sectricem vocat orto semine falcem.
 Incipiens igitur terreno cespite velli
 Transplantare polo, spes hinc animata virescat:
 Sic radix cordis cœli se transferat arvis,
 Et non lapsurus prorumpat in arbore fructus.

CCXX. *Rhythmus pœnitentis monachi.*

Quis infelici fletus aquam capiti,
 Quis lacrymarum fontem dabit oculis?
 Flendo, pupillæ tenebras obducite,
 Væ mihi lapso!

Non guttæ maris, non arenæ litoris,
 Æquantur meis scelorum flagitiis,
 Excedunt stellas pluviasque numero,
 Pondere montes.

Nam quibus non sim vitilis obnoxius,
 Qui pravis semper deservivi moribus?
 Deo solutus, carnis vixi legibus,
 Fluxus in ima.

Sprevi præcepta, ausus sum prohibita,
 Plures everti prava per judicia:
 Noxius mihi, aliis inutilis,
 Auctor utrinque.

Non cœlum dignus oculis aspicere,
 Non Dei nomen labiis exprimere;
 Prohibet ædis sacræ limen terere
 Culpa remordens.

Nunc quoque sæcris deditus obsequiis
 Veteris vitæ stimulos illecebris:
 Ut fugitivum repetunt in famulum
 Jura tyranni.

Conor in fletu, riget cor lapideum,
 Precibus insto, vagus abit spiritus,
 Lumen inquirō, tenebræ phantasmatum
 Protinus adsunt.

Efferum ira, tumidum superbia,
 Edacem gula, vanum cenodoxia,
 Omnium frendens criminum barbaries
 Subdere tentat.

Sæpe resisto, armaque corripio,
 Mihi congressus, necum ipse dimico,
 Sed legi carnis lex dum cedit spiritus,
 Præda fit hosti.

Sæpe divino igne cor accenditur,
 Sequē transcendens mens in alta rapitur,
 Sed genitricis corruptelæ labitur
 Pondere pressa.

Lux inaccessa micat, ut per rimulas,
 Cui mens intenta sitienter inhians,
 Cujus obtutus ecce carnis obviens
 Umbra retundit.

Hostis antiqui telis mille sauciam

Ploro peremptam in peccatis animam:
 Qui vacuasti mortis jura mortuus;
 Per te resurgat.

Palma justorum, spesque pœnitentium,
 Da, Christe, manum, et profundis erutum
 Solve peccatis, hinc ab imminentibus
 Eripe noxis.

55 Tu peccatricis lacrymas non respicis:
 Tu publicanum pœnitentem recipis:
 Vitam latroni jam in morte posito
 Te dare spondes.

Per hæc, te quæso, pietatis viscera,
 Et me de vinculis tot culparum libera:
 Mereor iram, effunde clementiam,
 Fons pietatis.

B Da tuis semper obsequar imperiis,
 Sicque supernis dignum redde præmiis,
 Qui Patri compar, sanctoque Spiritui,
 Cuncta gubernas. Amen.

CCXXI. *De abbatum miseria rhythmus.*

Luget, plorat, lamentatur
 Sancta nunc Ecclesia,
 Cum suorum tantam videt
 Abbatum miseriam,
 Et eorum contemplatur
 Diversa pericula.

Nullus pene abbas modo
 Valet esse monachus,
 Dum diversum et nocivum
 Sustinet negotium:
 Et, quod velit sustinere,
 Velut iniquus patitur.

C Monachorum, tanquam servas,
 Intus fert superbiam,
 Et multarum foris rerum
 Sustinet molestiam;
 Hanc abbat's collum portat
 Servitutem geminam.

Spiritualiter abbatem
 Volunt fratres vivere,
 Et per causas sæculares
 Cogunt illum pergere.
 Per tam itaque diversa
 Quis valet incedere?

E Nam dum equitat, mox esse
 Dicitur vagatio;
 Ejus namque hebetudo
 Est claustralis statio;
 Quidquid miser facit,
 Semper est detractio.

Delinquentes dum emendat,
 Omnes clamant impium;
 Si quandoque illis parcit,
 Dicunt esse tepidum.

Quis portare, rogo, valet
 Vulgus tam ambiguum?
 Phinees si imitatur,
 Fugit, vel expellitur:
 Si Eli, tunc irridetur

Atque parvipenditur;
 Odiosus est, si fervens;
 Et vilis, si tepidus,
 Valet forsā emendare
 Facta, si sint levia;
 Et quæ duas tantum pōcant
 Vel unam veniam;
 Graviora quæ sunt abbas
 Supprimit, ne pereat.
 Nam si velit de immundo
 Quidquam loqui vitio,
 Monachorum intestina
 Oritur seditio,
 Et occulte statim ejus
 Tractatur perditio.

56 Si quandoque vel jejuna-
 Vel tenet silentium :
 Vanæ laudi mox abbatem
 Dicunt esse deditum ;
 Et si loquitur, vel mandat,
 Velut fur reprehenditur.
 Si sermonem facit abbas,

Denotatur garrulus :
 Et si tacens nil exponit,
 Denotatur fatuus;
 Huc se vertat illuc pergat,
 Semper erit anxius.

Intus, foris, si contingat
 Quælibet adversitas,
 Hoc incuriæ abbatis
 Fratres omnes depuunt :
 Illum rodunt, et perrodunt
 Et appellant bestiam.

Domus sancta si non crescat,
 In abbatem invehunt:
 Si crescat, mox abbatem
 Velut hostes expetunt;
 Ut incudem, sic abbatem
 Simul omnes feriunt.

O beatum tale caput,
 Quod a membris roditur !
 Bonus pastor, quem depascunt
 Sevi dentes ovium !
 Felix pater, filiorum
 Morsus timet omnium !

Istud malum monachorum
 Intus abbas tolerat,
 Sæcularium et foris
 Simul portat onera,
 Anxiatur et tristatur;
 Quod sic premant omnia.

Noctem namque, curis pressus,
 Verbosus dimidiat,
 Et auroram, ut loquatur
 Sæpius anticipat;
 Totum diem in loquendo
 Postmodum continuat.

Hæc et alia prælatus
 Sustinet quamplurima ;

A Sæculares foris pungunt,
 Intus fratres vulnerant ;
 Illi corpus prosequuntur,
 Hi corrodunt viscera.
 Dic, prælate, rogo, chare,
 Quæ est ista dignitas ?
 Intus dolor, foris labor;
 Hinc inde calamitas,
 Corpus, fateor, iis malis
 Perditur et anima.

Quis abbatum, rogo, valet
 Ferreo nunc tempore,
 Inter tot calamitates
 Virgas ferre fertiles ?
 Prælatorum certe modo
 Sunt honores steriles.

B His honoribus, abbates
 Venerandi, cedite ;
 Grave pondus et inane
 Ultro jam abjicite ;
 Et de cætero quieti
 Ac securi vivite.

57 CCXXII. *De omnibus ordinibus omnium hominum in hoc sæculo viventium rubrica.*

Episcopi, attendite,
 Dei verba discernite ;
 Vobis præcepit Dominus
 Pro vestris mori ovibus.

C Si bona, quæ loquimini,
 Operibus feceritis,
 Exempla bona dabitis
 Vestris commissis filiis.

Presbyteri, diaconi,
 Qui fertis vasa Domini,
 Estote semper nitidi
 In conspectu Altissimi.

Qui vult esse canonicus,
 Sit bonus et idoneus,
 Obediat episcopo,
 Ut seniori inclyto.

Ad matutinum veniat,
 Cum signum horæ resonat ;
 Postposita pigritia
 Festinet ad officia.

D Plebani recte audiant
 Quod sancti patres clamitant ;
 Ut acquisita prædia
 Relinquant in Ecclesia.

Magister doctus litteris
 Flagella det discipulis :
 Ut, docti ab infantia,
 Doctrinam bene sapiant.

Scriptores recta linea
 Veraces scribant litteras,
 Distinctiones proprias
 Usque in finem complcant.

Illitteratus clericus
 Elationi deditus,
 Despiciens mysteria,

Ut stulta jacet bestia.
 Discurrit per basilicam
 Pro vanitate nimia;
 In loco si permanserit,
 Cervicæ torta respicit;
 Verba Dei non nuntiat,
 Privatim semper mussitat;
 Et recitat parabolas
 Inanes atque vacuas.
 Abbates semper vigilant,
 Ab omni namque crimine,
 Non pro mundi astutia
 Sancta relinquunt studia.
 Non potest esse monachus
 Qui vagus est, improvidus:
 Si vivit sine regula,
 Peribit morte pessima.
 Deo devoti monachi,
 Servate legem optime,
 Viventes casto corpore,
 Terrena cuncta spernite
 Potestas est in populo
 A summo data Domino
 Et cum fide.....
 Qui sacramenta fecerant.
 Pro nullo malo merito,
 Vel placitato pretio,
 Aut aliqua amicitia,
 Vertat vera judicia.
 Judex sedens in placito
58 Non speret de lucratio,
 Sed Deum recte timeat,
 Et legem cito finiat.
 Testes, pro nullo munere
 Falsa loqui præsumite,
 Sed vera verba dicite
 Præsentem vero Principe.
 Veraces sint notarii,
 Tenendo fidem animi:
 Nec unquam pro denariis
 Falsa scribant in chartulis.
 Castaldiones populi,
 Et omnes vicedomini,
 Ne torqueant justitiam,
 Nec manducent servitia.
 Tenentes ministeria,
 Cum malis non convenient,
 Recte tamen deserviant,
 Ne bona perdant merita.
 Advocatores placita
 Ne fraudulent arte aliqua;
 Relaxent cordis vitia,
 Et exquirant judicia.
 Nullus consiliarius,
 Aut auricularius,
 Propter mundana prospera,
 Se confidat in gloria.
 Missus prudenter sapiat
 Enarrare missatica,

A
 Ne stupefactus publice
 Verbum dicat inutile.
 Nutritus atque sapiens,
 Timens Deum veraciter,
 Amandus est a Domino,
 Laudandus est a populo.
 Receptor celans vitia,
 Ut falsa canit fistula,
 Ridendo verba dudum
 In corde male seminat.
 Hypocrita se simulans
 Multa abscondit vitia,
 Vultum demonstrat placidum,
 In corde portat gladium.
 Ebriosi miserrimi
 Infremunt ut phrenetici,
 Mentis perdunt memoriam,
 Nihil boni excogitant.
 Audite etiam, laici,
 Qui Christo famulamini:
 Pro ullo unquam crimine,
 Pastores non despiciat;
 Operibus perficite,
 In cordibus describite.
 Antequam mors adveniat,
 Deo donate decimas:
 Securi hinc exipitis,
 Et cælum possidebitis.
 Uxores vero diligite,
 Natos vestros corripite;
 Sed vos ancillas regite,
 Opus eis impendite.
 Qui timet Deum omnium
 Non juret per negotium:
 Nec pro concupiscentia
 Ullius fraudet pretia.
 Duces cum beneficiis
 Ad invicem convenient,
 Deo cum fide serviant.
59 Miles ad pugnam peragrans
 Deum in mente teneat:
 Fillones semper caveant
 Ne dicant plus quam audiant:
 Placentes per mendacium
 Peccatum agunt maximum;
 Viles apparent sæculo,
 Et sunt in vituperio.
 Potestas mundet vitia,
 Furta et latrocinia;
 Ut cæteri, perterriti
 Timeant pœnam consequi.
 Conjugatæ feminae,
 Tenete fidem provide;
 Domos vestras disponite,
 Ad templum Dei currite.
 Mutate vestem, viduæ,
 In castitate vivite:
 Luxuriantes fugite,
 Ne possint vos decipere.

B**C****D**

Puellæ se custodiant
Ab omni vana gloria,
Ne juventute fervida
Cadant in adulteria.

Meretrices, convertite,
Veniam vobis quærite :
Qui semper solet parcere
Expectat vos quotidie.

Servi, cum recto animo
Vestro servite domino :
Ancillæ et utiliter
Deserviant similiter.

In prosperis lætitiâ,
In adversis tristitiâ
Supra modum non habeat
Ulla fidelis anima.

Qui vivitis in sæculo,
Omnes, servite Domino,
Ut juti sua dextera
Regnetis super æthera.
CCXXIII. *De die mortis rhythmus.*

Gravi me terrore pulsas,
Vitæ dies ultima,
Mœret cor, solvuntur renes,
Læsa tremunt viscera,
Tui speciem dum sibi
Mens depingit anxia.

Quis enim pavendum illud
Explicet spectaculum,
Cum, dimenso vitæ cursu,
Carnis ægræ nexibus
Anima luctatur solvi,
Propinquans ad exitum?

Perit sensus, lingua riget,
Resolvuntur oculi,
Pectus palpitat, anhelat
Raucum guttur hominis,
Stupent membra, pallent ora,
Decor abit corporis.

Ecce diversorum partes
Confluunt spirituum :
Hinc angelicæ virtutes,
Illinc turba dæmonum ;
Illi propius accedunt,
Quo invitat meritum.

Præsto sunt et cogitatus,
Verba, cursus, opera ;
60 Et præ oculis nolentis
Glomerantur omnia :
Illuc tendat, huc se vertat,
Coram videt posita.

Torquet ipsa reum suum
Mordax conscientia,
Plorat acta corrigendi
Deduxisse tempora ;
Plena luctu, caret fructu
Sera poenitentia.

Falsa tunc dulcedo carnis
In amarum vertitur,

A Quando brevem voluptatem,
Perpes poena sequitur :
Jam quod magnum credebatur.
Nil fuisse cernitur.

Atque mens in summæ lucis
Gloriam sustollitur,
Aspernatur lutum carnis,
Quo mersa provolvitur,
Et ut carcerali nexu
Lætabunda solvitur.

Sed egressa durum iter
Experitur anima,
Qua incursant furiosa
Diræ pestis agmina,
Et diversa suis locis
Instruunt certamina.

B Nam hic incentores gulæ,
Illic avaritiæ,
Alibi fautores iræ,
Alibi superbiæ ;
Vitii cujusque globus
Suas parat acies.

Jam si cedat una turma,
Mox insurgit altera :
Omnis ars tentatur belli,
Omnis pugnæ machina,
Ne ab hostium pudore
Sic evadat anima.

C O quam torva bellatorum
Monstra sunt feralium ;
Tetri, truces, truculenti
Flammæ efflant naribus,
Dracontea tument colla,
Virus stillant faucibus.

Serpentinis armant spiris
Manus doctas præliis,
His oppugnant adventantes
Telis velut ferreis :
His, quos attrahunt, æternis
Mancipant incendiis.

Quæso, Christe, Rex invictæ,
Tu succurre misero,
Sub extremæ mortis hora,
Cum jussus abiero :
Nullum in me jus tyranno
Præbeatur impio.

D Cadat princeps tenebrarum,
Cadat pars tartarea :
Pastor, ovem jam redemptam
Tunc reduc ad patriam,
Ubi te videndi causa
Perfuat in sæcula. Amen.

61 CCXXIV. *In eos qui de regis ultione securi sunt,
sed Christum evadere nequeunt. Rhythmus.*

Jucundantur, et lætantur
Simul omnes reprobi,
Qui regis adventum prius
Expectabant terribi,
Fremunt, cedunt, intumescunt,

Et insultant miseris.

Quique sunt lugendi totis

Laeymarum fontibus,

In superbiæ sublimes

Extolluntur cornibus,

Phrenesin robur putantes,

Sanis rident flentibus.

Sed quid juvat, o perversi,

O gehennæ filii!

Non vitare, sed mutare

Tribunal iudicii?

Sub mortali rege tuti

Christum non evaditis.

Ecce veniet ut fulgur,

Minax ac terribilis,

Solis ardor, lunæ candor

Involventur tenebris,

Ima terræ petent stellæ,

Cœli vulsæ cardine.

Terra funditus ardebit,

Cœli tremement climata,

Elementa turbabuntur,

Rugient tonitrua,

Ignei micant corusci,

Crebra cadunt fulmina.

In furore venientis

Fit tempestas valida,

Tota mundi tremefacta

Conquassatur machina,

Æstuantis flammæ globus

Vastum perflat aera.

Tunc qui eum pupugerunt

Cernunt omnes impii,

Throno igneo subnixum

Specie terribili,

Rogant montes, orant colles,

Postulantes obrui.

Mox occulta singulorum

Cunctis patent cordium,

Verba, facta, mens videtur,

Velut corpus solidum,

Et amarum in auctores

Reddunt testimonium.

Ipsi spiritus iniqui

Probra, quæ suggesserant,

Longis exarata tomis

Relegentes explicant,

Loca, tempora gestorum,

Et modos enumerant.

Irascuntur cuncta pravis

Angelorum agmina,

Adversantur elementa,

Cælum, terra, inanima,

Omnis rerum creatura

Imminet contraria.

Ecce caput iniquorum,

Ferox illa bestia,

Sub cunctorum denudata

62 Trahitur præsentia :

A

Patent artes, furta, doli,

Fraudes et ingenia.

CCXXV. *Hucusque de adventu; hinc de pœnis inferni.*

O quam dira, quam horrenda

Voce. Iudex intonat,

Cum paratis mergi flammis

Maledictos imperat;

Mox deglutiens viventes

Stygis olla devorat.

Vaporantur infelices

Intus, et extrinsecus;

Crepitantes strident flammæ,

Velut ardens clibanus :

Ore, naribus, et ipsis

Profluunt luminibus.

B

Immortalis mors occidit,

Nec omnino perimit :

Ignis urit, non consumit,

Nec defectum recipit :

Vita moritur, mors vivit;

Finis semper incipit.

Rediviva septem plagæ

Renovant supplicia,

Fumus, fetor, albor, ardor,

Fames, sitis ignea,

Vermes nunquam satiantur.

Qui corrodunt viscera.

Illic dolor, cruciatus,

Fletus, stridor dentium,

Adsunt fremitus leonum,

Sibili serpentium :

Quibus mixti confunduntur

Ululatus flentium.

C

Molis trabæ dracones

Laxa pandunt guttura,

Quorum oculi sagittas

Jaculantur igneas;

Caudæ chelas scorpionum

Plantæ produnt viperas.

Tendunt quidem ad non esse,

Sed non esse desinunt :

Vivant morti, volunt mori,

Sed omnino nequeunt :

Qui male vixere, vitam

Pro tormento perferunt.

D

Hæc præ oculis, vesani,

Formidantes ponite,

Hæc subtili pertractantes

Studio revolvite,

Et pravorum vinclis morum

Colla mentis solvite.

Nam paratus est conversis

Indulgere veniam,

Qui perversis adhuc premit

Vindictæ sententiam.

Salus, honor pio Regi

Per æterna sæcula. Amen.

CCXXVI. *De gloria paradisi. Rhythmus.*

Ad perennis vite fontem

Mens sitivit arida,
 Claustra carnis præsto frangi
 Clausa quærit anima :
 Gliscit, ambit, eluctatur
 Exsul frui patria.

63 Dum pressuris ac ærumnis
 Se gemit obnoxiam,
 Quam amisit, cum deliquit,
 Contemplatur gloriam.
 Præsens malum auget boni
 Perditi memoriam.

Nam quis promat summæ pacis
 Quanta sit lætitia,
 Ubi vivis margaritis
 Surgunt ædificia,
 Auro celsa micant tecta,
 Radiant triclinia!

Solis gemmis pretiosis
 Hæc structura nectitur,
 Auro mundo tanquam vitro
 Urbis via sternitur :
 Abest limus, deest finis,
 Lues nulla cernitur.

Hiems horrens, æstas torrens
 Illic nunquam sæviunt :
 Flos purpureus rosarum
 Ver agit perpetuum :
 Candent lilia, rubescit
 Crocus, sudat balsamum.

Virent prata, vernant sata,
 Rivi mellis influunt,
 Pigmentorum spirat odor,
 Liquor et aromatum,
 Pendent poma floridorum
 Non lapsura nemorum.

Non alternat luna vices,
 Sol, vel cursus siderum :
 Agnus est felicitis Urbis
 Lumen innociduum ;
 Nox et tempus desunt ei,
 Diem fert continuum.

Nam et sancti quique, velut
 Sol præclarus, rutilant.
 Post triumphum coronati
 Mutuo conjubilant,
 Et prostrati pugnas hostis
 Jam securi numerant.

Omni labe defæcati
 Carnis bella nesciunt,
 Caro facta spiritalis
 Et mens, unum sentiunt :
 Pace multa perfruentes
 Scandala non perferunt.

Mutabilibus exuti
 Repetunt originem,
 Et præsentem veritatis
 Contemplantur speciem,
 Hinc vitalem vivi fontis

A

Hauriunt dulcedinem.

Inde statum semper iidem
 Existendi capiunt,
 Clari, vividi, jucundi,
64 Nullis patent casibus :
 Absunt morbi, semper sanis
 Senectus juvenibus.

Hinc perenne tenent esse,
 Nam transire transit :
 Inde virent vigent, florent,
 Corruptela corrui,
 Immortalitatis vigor
 Mortis jus absorbit.

Qui scientem cuncta sciunt,
 Qui nescire nequeunt ;
 Nam et pectoris arcana
 Penetrant alterutrum :
 Unum volunt, unum nolunt,
 Unitas est mentium.

Licet cuique sit diversum
 Pro labore meritum,
 Charitas hæc suum facit
 Quod amat in altero :
 Proprium sic singulorum
 Commune fit omnium.

Ubi corpus, illuc jure
 Congregantur aquilæ,
 Quo cum angelis et sanctis
 Recreentur animæ :
 Uno pane vivunt cives
 Utriusque patriæ.

Avidi, et semper pleni,
 Quod habent desiderant :
 Non satietas fastidit,
 Neque fames cruciat :
 Inhiantes semper edunt,
 Et edentes inhiant.

Novas semper harmonias
 Vox meloda concrepat,
 Et, in jubilum prolata,
 Mulcent aures organa ;
 Digna, per quem sunt victores,
 Regi dant præconia.

Felix cœli quæ præsentem
 Regem cernit anima,
 Et sub sede spectat alta
 Orbis volvi machinam,
 Solem, lunam, et globosa
 Cum planetis sidera.

Christe, palma bellatorum,
 Hoc in municipium :
 Introduc me post solum
 Militare cingulum :
 Fac consortem donativi
 Beatorum civium.
 Præbe vires inexhausto
 Laboranti prælio :

B

C

D

Ut quietem post præcinctum
Debeas emerito :
Teque merear potiri
Sine line præmio. Amen.

CCXXVII. *Rhythmus in mortem Widonis* (62).

Audistis quiddam noviter
Accidisse perniter,
Widonem illustrissimum
Mortis solvisse debitum.

Proprii sui militis
Circumdatus insidijs,
Dum hostis captum tenuit,
Capiti plexus corruit.

Dum equo cœpit ruere
Secundo fossus vulnere,
Ut duo purgent vulnera
Mentis et carnis vilia.

Ne daretur dæmonibus
Cruciandus diutius,
Datur suorum manibus,
Ut moriatur citius.

Christe, qui jam non iudicas,
Nec damnas in perpetuum,
Sit Widoni remedium,
Quod hic tulit supplicium.

Prosit ei, piissime,
Quod studuit invisere
Loca persacratissima
Digna tui præsentia.

Præsepe tuum cernere
Quid est, nisi te credere
Natum ibi de Virgine
Verum lumen de lumine?

Gloriosum inspicere
Tuum sepulcrum, Domine,
Quid est, ni vere credere
Te surrexisse ex inde?

Dum mons Olivæ scanditur,
Cœlos redisse crederis :
Parce Widoni, Domine,

A Tunc cum iudex redieris.
Hic semel atque iterum
Tuum petiit tumulum,
Deliberabat tertio
Indulto sibi termino.

Hoc in affectu habuit,
Si in effectu non potuit,
Pari repende munere,
Gratis largitor gratie.

Locum beatæ Virginis
Toto orbe clarissimum
Supplex frequenter adiit,
Excoluit ut potuit.

Apostolorum grandia
Sæpe querens suffragia,
Ut spero, plas quam vices
Romam venit et quinquies.

Quos adiutores petiit,
Advocatos constituit,
Eisque dum superfuit
Suaque se vi contulit.

Dicit de eo aliquis :
Nimium fuit fragilis;
Et ego dico plurimum
Deum esse propitium.

Sinistrum quid de aliquo
Ego dicere nequeo,
Huius scripsi itinera,
Quæ sunt in parte dextera.

Si cui placet legere,
Et vult juste discernere,
Non respiciunt tartara,
Sed ad sanctorum gaudia.

Qui vult ad plenum discere
Tanti mali notitiam,
Primum debet cognoscere
Aubertinam nequitiam.

Hic pertractavit perdere
Duos sub uno tempore
Seniores quos habuit,

B

C

D

(62) Edidit Amaduzzi *Anecdota litteraria*, tom. IV, pag. 434, de eo sic præfatus pag. 421 : « Ad sæculum xi spectare censeo rhythmum quemdam, quem ego jam 12 abhinc annis exscripti ex cod. ms. membranaceo in-4º, qui in sacrario S. Fortunati Tuderiti asservatur. Quanquam hic codex S. Petri Chrysologi sermones exhibeat, rhythmus tamen ab ipso abjudicandus omnino videtur, tum quia haud ab eo unquam concinnatos versus novem, tum quia ab ingenio sæculi v, circa, cujus dimidium Chrysologus vixit, prorsus abesse pateat. Quare non admodum ambigimus hunc rhythmum Petro Damiano tribuere, atque id sane tribus potissimum causis suffragantibus. Harum prima est, forte amannensem in ea fuisse sententia ut Petri Damiani, civis Ravennatis, rhythmum eundem habere auctorem censuerit ac habuerant sermones Petri Ravennatis (sic enim in codice inscribuntur), id est S. Petri Chrysologi episcopi Ravennatis Ecclesiæ, ut illum proinde hisce adungere non dubitaverit. Altera in eo est quod huiusmodi rhythmum genus Damiano familiare comperiam, ejusque ætati omnino conveniens. Tertia demum ea est quod in

rhythmo memoratum videam Widonem quemdam sive Guidonem, virum illustrem, cujus culpis Deum propitium exorat, quemque haud diversum arbitror ab eo qui fuit comes Forocornelensis, cujusque in binis ejusdem epistolis mentio fit; siquidem in prima (*epist. 7, lib. iv*) narretur visio Raineri presbyteri, qua, ut illorum temporum ferebat simplicitas, sibi expectari visus sit Guido comes, post feriam quartam, in eo suppliciorum loco in quo Hildebrandus comes Tusciæ et Lotharius comes alter detinebantur; in altera (*epist. 19, lib. vi*) vero pisces designentur sibi ab eo donati, et ex Faventina urbe delati, ut eorum sibi per plurimos dies edulium non deesset. An vero Guido hic Corneliensis comes idem sit cum Guidone huius synchrono, qui in charta Faventinæ concordie (*hanc vide ad calcem tomi vel partis I Opp. S. Petri Damiani*) vocatur clarissimus comes, ubi et Ermellina ejus serenissima conjux insuper habetur, quique alibi etiam memoratur, ego quidem in tanta rerum obscuritate quidquam definire non ausim, licet tamen mihi admodum verosimile videatur.

Falso, ut vere patuit.

Unus, qui non superfuit,

Cum audivit, indoluit

Occubuisse socium

Natura sibi proximum.

Patrator tanti sceleris

Sub umbra falsi militis

Promisit his aliquando

Manibus et perjurio.

A

Ut fidem eis congruam,

Si et pacem continuam

Servaret omni tempore,

Dum viveret in corpore.

Si firma stent hæc fœda

Deus, qui novit omnia,

Ipse scit, ipse judicet,

Ut sibi placet, vindicet.

Et exsultabit lingua mea justitiam tuam, Deus.

Finis tomī quarti et ultimi Operum B. Petri Damiani, S. R. E. cardinalis, episcopi Ostiensis, ex ordine S. P. Benedicti, doctoris disertissimi ac sanctissimi.

COLLECTANEA IN VETUS TESTAMENTUM

EX OPUSCULIS

B. PETRI DAMIANI

AB ANONYMO ILLIUS DISCIPULO EXCERPTA

CURA ET STUDIO

DOMNI CONSTANTINI CAJETANI

EX MS. CODICE SUE BIBLIOTHECÆ ANICIANÆ PRIMUM EVULGATA.

65-70 CAJETANI PRÆFATIO.

Hæbent hoc, lector optime, catholicorum Patrum B scripta præcipuum, quod in iis, tanquam in amoenissimis hortis, sacrarum flores passim redolent Scripturarum: in quibus postea colligendis, et in ordinem redigendis, posterorum non sine laude exercentur ingenia. Sic ex Augustino doctore gravissimo ac sanctissimo, Beda noster, vir etiam non minus religione quam doctrina insignis ac sanctitate clarus, Epistolas Pauli interpretatus, quæ ille sparsim multis in locis dixerat, miro ordine in unum volumen conegessit. Non aliter S. Paterius, episcopus Brixiensis, et Aluphus etiam monachus, ambo Benedictini, quæ ex Magni Gregorii scriptis quæ ad sacrarum litterarum explicationem pertinebant, selegerant, in posterorum gratiam promulgarunt. Taceo reliquos, qui pari cura et non dissimili industria idem ex aliorum operibus præstiterunt. Horum igitur exemplum secutus quidem S. Petri Damiani discipulus, et in ejus scriptis multum, ut apparet, versatus, ex iis quemdam quasi centonem locorum sacræ Scripturæ contexnit et elaboravit. Hoc autem opus, ut ex inscriptione liquet, Damiano abbati, ipsius sanctissimi cardinalis episcopi Damiani ex sorore nepoti, ad quem duæ exstant ejus-

dem beatissimi avunculi epistolæ, direxit. Hic est ille Damianus abbas cujus, ut opinor, S. Brunus, ex abbate cænobii Casinensis episcopus Signinus (initio suorum in Apocalypsim Commentariorum, quæ ante aliquot annos in vetustissimo codice Langobardis literis scripto, apud Horatiam de Valle J. C. ac de me deque Romanæ antiquitate optime meritum, vidisse me scio) honorifice meminit, ejusque rogatu se Commentaria scripsisse in Isaiam prophetam commemorat; alteri tamen monasterio, quam Fontis Avelani, ipsum præfuisse necesse est, quandoquidem qui illius caput erat, et, ut ita dicam, cænobiarcha, non abbatis sed prioris nomine vocabatur: eumque morem non solum vivente S. Petro Damiano servatum fuisse ex ejus scriptis apparet, sed etiam apud posteros perdurasse, auctor Vitæ S. Ubaldi episcopi Eugubini, Theobaldus ejus successor, ejusdem monasterii prior, patenter ostendit. Præterquam quod ex scriptis monumentis cænobii Nonantulani, in agro Mutinensi exstructi, Damianum hunc nostrum ejusdem monasterii fuisse abbatem, animadvertimus, atque etiam S. R. E. cardinalem; 71-72 ut Rangerius, scriptor Vitæ S. Anselmi episcopi Lucensis, ejusque in spiri-

tualibus filius, dum ejusdem obitus parentalia describit, testatur : « Aderat, inquit, Magalonensis episcopus, nomine Godefredus, et Benedictus Mutinensis episcopus, atque Aribertus Regensis episcopus, et ejusdem civitatis episcopus, scilicet Montuanus, Ubaldu vocatus : sed et Damianus cardinalis Romanæ Ecclesiæ, qui et abbas Nonantulanensis cœnobii. Hi omnes ad audiendam ejus sapientiam, ad capiendum ipsius consilium, sicut sæpe ipsi ac cæteri catholici consueverant, advenierunt. » Hæc Rangerius : qui cum id accidisse testetur anno Christi millesimo octogesimo, ac mensibus novem post felicissimum Gregorii papæ VII transitum, haud quidem dubium erit Damianum abbatem istum S. R. E. cardinalem creatum fuisse ab eodem Gregorio summo pontifice ; atque et in primis ob eximiam, qua sanctissimum illius avunculum prosequebatur, benevolentiam, gratissimam memoriam, apostolicas virtutes atque in-

gentia in Romanam Ecclesiam merita. Hæc breviter dixisse volui, ut quis iste Damianus abbas fuerit, aliquo modo innotesceret.

Sed enim scriptoris hujus, qui opus istud ex S. Petri Damiani libris deprompsit, nomen etsi codices non expriment, nihilominus maximam habere hunc illius laboris utilitatem, ex eo præsertim patet quod dum ex singulis quibusque sanctissimi cardinalis opusculis testimonia in medium affert, ejusdem utpote discipulus, tanquam testis oculatus, ea ipsa opuscula de quibus forsitan dubitare posset, tantum doctorem conscripsisse, constanti fide nobis aperiret. Verum et hoc quod in præsentia damus in lucem, et alia quæ, Deo auspice, edenda paramus, tuis, lector, studiis non inutilia nec ingrata fore speramus. Vale, et me Christo Domino tuis precibus commenda.

IN NOMINE SANCTÆ ET INDIVIDUÆ TRINITATIS.

INCIPIT LIBER

TESTIMONIORUM VETERIS AC NOVI TESTAMENTI

quæ de schedulis reverendi Petri Damiani quidam suus discipulus excerpere studiose curavit.

70-74 INCIPIT PROLOGUS.

Domino suo et Patri, domno DAMIANO, reverendo C abba, ultimus monachorum servus, sincere devotionis obsequium.

Dum vestra nuper industria beatæ recordationis Patris nostri, Petri episcopi, avunculi vestri acta, velut quibusdam nectareis epulis oblectata, crebra meditatione percurrerem, insigne in eis reperi, quod utilitate quam maxima redundare persensî. Dum itaque vir illustris arrogantem illorum eloquentiam temnendam duceret, qui singulis ingenii famam captantes, quidquid fingunt multiplici gestiunt opacitate densare, modo videlicet sententiarum perplexione, modo dictionibus inusitatis summopere nitentes obstruere, ne quilibet, quæ dicunt, intellectus capere, vel absque improbi laboris conatu illorum sufficientia intima penetrare queat : ipse vero contra, cunctis viam legentibus pandere ac enucleare cupiens, altiora quæque complanare, seu obscuriora non modo rationibus, verum etiam Scripturarum exemplis dilucidare instantissime satagebat. Porro autem si quid tulisset, quod minus forte peritis notandum foret, earundem testimoniis Scripturarum velut jactis anchoris fortiter ambiens, ne cuilibet ultra fluctuare valeret, immobili stabilitate figebat, atque adversus omnes impugnantium impetus insuperabiliter mu-

niens, omnem insidiandi aditum obturabat, ut nulli prorsus jaculo pervius patere posset accessus. Quam denique Scripturarum futuram adeo in suis tenere conservaret actis, ut verbis etiam, quæ prolatis jam rationibus clausa undique et inconcussa consistent, eam nonnunquam adhibendam decerneret. Ut sicuti urbs quælibet post vallorum ambitum, post impetrabile fortium murorum munimentum, sublimium distinguitur adhuc constructionibus mœnium, non tam videlicet ob necessariæ munitionis fortitudinem quam ob inhiandæ pulchritudinis decorem : ita quoque is pleraque Scripturarum solius ornatus gratia suis sæpe gestis inseruisse videatur ; seu forte, quod non absurde æstimari potest, ut, occasione super eis disserendi taliter admissa, ejus sermocinatione claresceret, quia existerent introrsus secunda quæ forinsecus patebant inania. Nemo sane qui Scripturarum limina terit, ambigere permittitur, quod hæc, tam frequenter illius actis adhibita, plurimum sæpe mystici sacriæ intellectus occultarent, quæ, nisi reserata fuissent, æ magis obstruere quam illustrare valerent. Quorum itaque interiora luciflua dissertationis manu penetrando discutens, atque abdita quæque suis e penetralibus funditus eruens, clariora luce patefacta reddebat. Quibus dum sola plerumque rationis verba

non vi loreretur satisfacere, alia rursus testimonia de lucebantur in medium, quæ cum sui quoque intellectum sive sub allegoriarum typo, sive sub cuiuslibet mysterii sæpe tegerent arcano, in suam iterum declarationem eundem laborare cogebant; sicque divina provisione gestum est ut plura sacræ paginæ abstrusa, illius opera evidentissime reserata, perspicuæ nobis intelligentiæ nitore resplendant. Dum solers itaque vir diligentiæ memorata Scripturæ sacræ testimonia tam eleganti considerasset enodatione disserta, dignum fore valdeque perutile censui, quatenus ex codicibus illis excerpta in singulare proprii voluminis corpus redigerentur, ne inter tot scilicet voluminosa condensa laterent detrimenta incognita. Qua plane consideratione quanquam non parum universis in quorum manus olim hæc ventura erant præstiterit, illis tamen præcipue consuluisse cernitur quibus plura legere non conceditur; ut, dum ad capeSSendam operis totius plenitudinem hi tales nequeunt consurgere, his saltem modicis intenti nequaquam valeant illustri tanti viri doctrina prorsus esurire jejuni; et qui minus sufficient de vasti gurgitis alveo fertilem capacis agena prædam educere, non eos pigeat vel tenuis hami seta ex parvo isto sine seorsum, tanquam in suo alveo reducto, faciliem capturam suspendere, qua sua refectionis mensuram sufficientibus possint dapibus infarcire. Hujus ergo rei negotium vestra mihi sanctitas injungere dignata est; non sane quod mei sensus eam lateret inopia, sed ideo forte magis quoniam id ipsum, quod iuxta propriam me capacitatem valere putavi, fideliter prosecuturum fore speravi; quippe nec immerito, quia dudum me functum agnoverat quadam dilectionis ejusdem Patris prerogativa sola ipsius pietate gratuita. Unde et egomet, licet ariditatis meæ **75** non immemor idoneum me fore nequaquam ad istud adverterem, oneri tamen huic obedientiæ humerum nulla subducere excusationem tentavi; non eundem quia temerarie de propriæ facultatis præsumerem viribus, sed quando et obedientiæ, qua gestiebam vestræ parere jussioni, ac sapiedicti Patris meritis, cujus nimirum præconio deesse non poterat quidquid in hoc mihi opere proveniret, obnix me suffragandum sperabam. Huc accedit quod idem ipsum opus, cujus esset difficultatis, nondum clarebat, dum eo solum videlicet ordine præfata suaderet excipere testimonia, quo ita suis reperirentur in schedulis. At vero postquam, jam parte sic decursa, consulto advertissem quod cæpto tenore magis operis ordo confunderetur quam claresceret, quique lectorem magis ad soporem quam ad meditandum excipere posset, ratus sum longe satius fructuosum me quantalibet difficultatis laborem arripere, quam infructuosam illam amplectendo facilitatem sectari. Relicta igitur cæpti tenoris prosecutione, qua vetera novis, hagiographa, seu regum acta commiscebantur prophetis, ea sic denuo ordinare aggressus sum, ut unaquæque testimonia per suos libros componendo distinguerem, quatenus quisquis ea studiosius requi-

re velit, eodem valeat ordine singula reperire, quo suis sunt sita codicibus; istiusque diligentie nec ipsi quoque prælibatis incidentibus abnegans, simplicem modo eorum textum cæteris interserui, ne si ea cum suis ibi expositionibus ponerem, mihi metum laboris geminarem, et lectori fastidium incurrerem, cum eadem repeteret quæ jam se superius legisse cognosceret. Præterea sic eadem prætitulatione studui, ut quæ singula schedarum suarum loca teneant, nominatim expresserim. Ast tamen caveat lector ne, dum in cuiuspiam titulo legerit in epistola ad personam illam, sive in sermonem illius sancti, et in una epistola, unove sermone minime forsitan requisita reperit, prope me mendacii redarguendum censeat, cum et ad unam personam illius plures sint epistolæ, et in unius sancti præconio plures nihilominus elimati sermones. Quocirca quæ inveniantur in his, repertienda non dubitetur in aliis; quamquam et super hoc plerumque valeat in ipsis prætitulationibus edocere. Hoc quoque attendendum quia, dum nonnulla diversis **76** locis sita repererim, atque alibi latius, alibi compendiosius exposita, vel etiam styli permutatone, seu ordinis, licet sub eodem intellectu, tamen aliquatenus disparata; aliquoties, quæ competere videantur, altrinsecus elegi, et in unius sententiæ formam deducta composui. Aliquoties vero utramque expositionem, cum res videlicet exposceret, sicut ibi comperi, ita nihilominus hic integram sigillatim apposui. Porro nec istud præterendum quoniam quibusdam sententiis tam congruentia illic proposita reperi, quæ suis in præfationibus hic minime deberent mutari; quibusdam vero non modo ex aliquanto longius præfatis, verum etiam ex subsequentibus, quæ forent aptanda, sumere necesse habui; aliis denique noviter solum edita coaptare cogebam. Nec tamen quis super hoc mirandum ducat, dum istarum præcedentia sententiarum nequaquam passim ad ipsas tanquam necessario subsecuturas spectaverint, licet rationem eas introducendi præstiterint. Unde non necessarium fuisse perpenditur ut quælibet his ubique sententiis hærerent, quæ suis hic aptari prælocationibus possent. Sed jam cum extremis propinquo, mea ad te, Pater, verba convertio, ut, cui militanti primæ, jure quoque famulentur ultima. In primis itaque veniam super erratis, quibus in hoc forsitan videor deliquisse negotio, submisce coram vestre sanctitatis magnitudine imploro; quam simul quodque mihi cum hoc fenore largiri depono, quatenus quæ corrigenda sunt nullatenus incorrecta relinquat; ne quid extra de cætero manus inveniat quod mei cum insultatione decerpatur. Nequaquam enim reor sic me cucurrisse ut per omnia irreprehensibilis usqueunque reperiar. In quibus ergo quandoque redarguendus appareo, propriæ, ipsemet confitens, imperitiæ deputare quam procaciter defendere malo. Si quid vero, quod forte placeat, gesserim, obedientiæ vestræ sanctitati exhibitæ, ejusdemque sæpe recolendi patris meritis, post Deum, cui principaliter cuncta, quæ ipse distribuit, dona reddenda sunt, de-

votus attribuo. Apud eujus, quæso, majestatis clementiam, vestra me pietas suis dignis orationibus commendare dignetur. Quod sane mercedis a cunctis quoque quibus hoc meum forte studium clum profuerit, humili supplicatione deponco.

Explicit Prologus.

77-78 INCIPIUNT CAPITULA LIBRI GENESIS.

1. Dixit Deus : Fiat lux, die prima.
2. Quod secunda die fecit firmamentum et divisiones aquarum.
3. Congregentur aquæ quæ sub cælo sunt in locum unum, et appareat arida.
4. Quod quarto die facta sunt luminaria in firmamento cæli.
5. Quod quinto die pisces et volucres sint creati.
6. Quod sexto die creatus est homo.
7. Quod Sabbato Dominus, consummatis omnibus, requievit et hominem requiescere præcepit.
8. Inmisit Dominus soporem in Adam; cumque obdormisset, tulit unam de costis ejus, etc.
9. Quod deambulante Domino in paradiso, Adam, quia nudus esset, se abscondit.
10. Quod de Cain septuplum ultio dabitur; de Lamech autem septuagies septies.
11. Fac tibi arcam de lignis lævigatis, et bitumine linies intrinsecus et extrinsecus.
12. De mensura arcæ diluvii.
13. Quindecim cubitis altior fuit aqua super omnes montes, quos operauerat.
14. Quod diluvium post centum quinquaginta dies cæpi imminui.
15. Requievit arca mense septimo, xxvii die mensis, super montes Armeniæ.
16. De corvo et columba ex arca dimissis.
17. Expectatis autem septem diebus aliis, rursum dimisit Noe columbam ex arca.
18. Venite, faciamus nobis civitatem, et turrim cujus culmen pertingat ad cælum.
19. De quinque regibus, Sodome scilicet et Gomorrhæ et cæterarum subversarum urbium, qui a quatuor sunt regibus superati.
20. Quod Abraham, cum Domino sacrificium offerret, pecora per medium divisit, aves vero non divisit.
21. Quod Abraham volucres super sacrificium descendentes abigebat.
22. Cumque sol occumberet, sopor irruit super Abraham, et horror magnus et tenebrosus invasit eum.
23. Descendam, et videbo utrum clamorem, qui venit ad me, opere compleverint, an non est ita, ut sciam.
24. Quod Sodomitæ, dum conarentur ad angelos violenter irrumpere, cæcitate percussi sunt.
25. Quod Abraham unicum sibi filium sacrificandum Deo obtulit.
26. De Lia et Rachel, uxoribus Jacob.
27. De Bala et Zelpha ancillis.
28. Quod Rachel nomen filii sui Benoni vocavit; pater vero appellavit eum Benjamin.
29. Iste est Ana, qui invenit aquas calidas in solitudine, dum pasceret asinos Sebeon patris sui.
30. Descendit Judas in Thamma ad tendendas oves, cum Hira optilone gregis sui Odolamite.
31. Jussit Joseph ministris ut implerent saccos fratrum tritico, et reponerent pecuniam singulorum in saccis suis; in Benjamin vero sacco scyphum quoque cum pecunia includerent.

Finiunt capitula.

INCIPIUNT TESTIMONIA LIBRI GENESIS.

CAPUT PRIMUM.

In epistole ad Hildebrandum et Stephanum cardinales in qua docet qualiter rationalis anima ad perfectionem veniat.

Qualiter homo valeat consummari, quomodo debeat perfici, libet succincte perstringere, prout in ipso mundana creationis datur ordine reperiri. Nam quia homo microcosmus, hoc est, minor mundus asseritur, necesse est ut, ad suæ plenitudinis incrementa contendens, ipsam mundanæ conditionis speciem imitetur, ut, sicut visibilis atque corporeus hic mundus per suarum molem ac multitudinem consummatus est partium, sic et homo noster interior paulatim ad sui plenitudinem veniat per augmenta virtutum. De qua nimirum plenitudine speciali dicit Apostolus : « Donec occurramus omnes in virum perfectum, in mensuram ætatis plenitudinis Christi (Ephes. iv). » Age igitur, dixit Deus : « Fiat Lux (Gen. i). » Tunc autem in homine dicitur ut lux fiat, cum datur ut illuminatio sibi credulitatis in-

B fulgeat. Prima quippe mentis lux, fides est. Unde jam fidelibus dicit Apostolus : « Fuistis aliquando tenebræ, nunc autem lux in Domino (Ephes. v). » Et hoc est primum in lege præceptum : « Audi, Israel : Dominus Deus tuus Deus unus est (Deut. vi). » Tunc itaque in homine prima dies fit, cum novus ad fidem venit.

CAPUT II.

In eadem epistola.

Secundo die fecit Deus firmamentum, quod est cælum, fecitque divisiones aquarum, ut aliæ per inferiora defluerent, aliæ in superioribus remanerent. Quid autem firmamentum, nisi robur est Scripturarum? Unde legitur : « Quia cælum in die iudicii plicabitur sicut liber (Isa. xxxiv). » Quid autem aquæ inferiores, nisi multitudines hominum? quid superiores, nisi chori sunt angelorum? Angeli enim Scripturarum 79 cælum non habent super se, sed sub se; quia non egent ut verbum Dei legentes audiant, quia ipsum Dominum præsentem manifesto

conspiciunt, et in ejus semper amore flammescunt. A Cum igitur homo per firmamentum, hoc est, per cœlestis eloquii documentum, iam incipit inferiores aquas superioresque videre, id est, carnalia a spiritualibus, terrena a cœlestibus separare, tum in eo secundus fit dies : quia non modo fidei lucem, sed et rerum incipit habere discretionem.

CAPUT III.

In eadem epistola.

Deinde dixit Deus : « Congregentur aquæ quæ sub cœlo sunt, in unum locum, et appareat arida (*Gen. 1.*) » Facta igitur divisione inter terrena, sicut dictum est, atque cœlestia, necesse est ut humana mens hæc eadem terrena adhuc inter se minutius dividat, et sic reprobos homines, hujus terrenæ sapientiæ salsugine prurientes, a justis, fontem fidei sitientibus, tanquam ab arida mare, discernat. Infideles enim, sive carnales, quilibet amaritis tentationum fluctibus quatuntur, et tanquam procellosis cupiditatum vel arrogantia tempestatibus intumescunt. Sancti verò quæ ac justi, velut arida, Dominum sitiunt, et tanquam ferax terra virentes bonorum operum fructus germinare contendunt. Ideoque præcepit Deus ut eodem die germinaret terra herbam virentem, facientem semen, et lignum pomiferum, faciens fructum (*Gen. 1.*). Quisquis ergo hoc solerter exsequitur, quisquis hoc subtiliter meditatur, huic procul dubio tertius jam dies exoritur. Unusquisque ergo se ab amara carnaliter sapientium salsugine dividat; fontem vitæ Dominum, factus arida, medullius sitiat; bonorum fructuum germina proferat, ut sibi dies tertius illucescat.

CAPUT IV.

In eadem epistola.

His enim ita compositis et salubriter ordinatis, anima hominis, quasi dimotis atque sopitis tenebris vitiorum, incipit radiare nitore virtutum. Atque ideo dicitur quia quarto die facta sunt luminaria in firmamento cœli (*Gen. 1.*). Quid est enim quia prius germinat terra et protinus luminaria sunt creata, nisi quod, prodeunte germine boni operis, lux in anima copiosior oritur, ut imitari valeat sui vestigia Redemptoris? Acceleret ergo terra mentis humanæ spiritualium segetum germinare proventum, ut utilantibus intimæ lucis radiis illustretur, quatenus, dum quarti die luce perfruitur, etiam ad contemplananda cœlestia more spiritualium volucrum rapiatur.

80 CAPUT V.

In eadem epistola.

Unde est quod in quinta die creati sunt pisces, per quos designantur hi qui baptismatis sacramenta suscipiunt; volucres etiam, quæ significant eos qui virtutum pennis ad cœlestia se contemplananda suspendunt. Quintum ergo diem cum volucris habet quisquis, sæculi hujus amore contempto, quasi dignatur cœnum calcare terrenum, ac per contemplationis gratiam ad cœlestis gloriæ se provehit appetitum. Hic itaque jam non in terra graditur, sed

per aerem volat, quia, terrena quæque despiciens, ad cœlestia sitibundus anhelat : « Sitiit, inquit, anima mea ad Deum vivum; quando veniam, et apparebo ante faciem Dei (*Psal. xli.*)? » Hic ergo quasi vir perfectus ad Conditoris merito formatur imaginem; nimirum qui tantam spiritualium charismatum possidet dignitatem, ut non jam solummodo quorumlibet normam præcipiatur tenere sanctorum, sed et ipsum, in quantum fas est, imitari conetur exemplum; sicut dicit Apostolus : « Estote imitatores Dei, sicut filii charissimi, et ambulate in dilectione, sicut et Christus dilexit nos (*Ephes. v.*) » Differentia quippe erat inter Paulum, qui imitabatur Christum, et eos quos vocabat ad imitandum seipsum : « Imitatores, inquit, mei estote, sicut et ego Christi (*I Cor. xi.*) »

CAPUT VI.

In eadem epistola.

Unde sexta die creatus est homo ad sui similitudinem Creatoris. Quod utique sicut tunc factum est per humanæ conditionis exordium, ita nunc agitur per restaurationis intimæ sacramentum. Hic præterea inter omnia terræ, aquæ, similiter et aeris animalia quasi monarchiam accipit, et quemdam sublimioris excellentiæ principatum; quia vir quisque perfectus, ac virtutibus consummatus, novit de singulis rectum proferre judicium, sicut Apostolus ait : « Spirituadus autem judicat omnia, ipse autem a nemine judicatur (*I Cor. ii.*) » Hunc itaque Deus omnipotens perfectum virum, mundo scilicet mortuum sibi que viventem, suum constituit thronum, ac per eum sæpe justitiæ suæ promulgat edictum. Hinc est et quod ordo ille angelicus, per quem frequentius judicia sua decernit omnipotens Deus, Thronus vocatur; quia in eis summus arbiter præsidet, cum judicia per eos æquitatis exercet. Perfectum itaque virum Deus suum constituit solum, ut in eo suaviter requiescat. Unde per Prophetam : « Super quem, inquit, requiescit Spiritus meus, nisi super humilem, et mansuetum, et trementem sermones meos? » (*Isa. lxxvi.*) Et notandum quod per unumquemque diem dicitur : « Factum est vespere, et mane. » Vespere scilicet, ipsa boni operis est perfectio; mane vero lux mentis. Nam cum bonum opus pervenit ad perfectionem, tunc in **81** operantis mente lux gratiæ spiritualis exoritur; ut, dum lucidum opus foris exsequitur, intrinsecus ipsa gratia Spiritus illustretur.

CAPUT VII.

In eadem epistola.

Sic itaque pervenitur ad Sabbatum, in quo Deus et ipse consummatis omnibus requiescit, et hominem requiescere præcipit. Hoc itaque modo et homo fit Sabbatum Dei, et Deus Sabbatum hominis, cum et ipse in Deo, et Deus requiescit in eo. « Manete, inquit, in me, et ego in vobis (*Joan. xv.*) » Ipse quippe nobis et intemporale tempus, et illocalis est locus. Illocalis scilicet quia non circumscribitur; intemporalis, quia nunquam finitur. Tempus itaque

nobis est, dum dicit : « Nonne duodecim horæ sunt diei ? » (*Joan. xi*) Se scilicet diem; duodecim autem horas, totidem dicit apostolos. Locus vero illic indubitanter exprimitur, ubi Propheta, cum præmisisset : « Tu autem idem ipse es, et anni tui non deficient, » protinus addidit : « Filii servorum tuorum habitabunt (*Psal. ci*) ; » ibi haud dubium, quando in te. Fecit itaque Deus cælum et terram; et requievisse non dicitur. Fecit omnia quæ pascuntur in terris, et quæ moventur in aquis; et in omnibus his nunquam legitur requievisse : sed, plasmato ad imaginem suam homine, Sabbatum protinus quietis illuxit, et sic universitatis Conditor requievit. Et cum ipse per prophetam dicat : « Cælum mihi sedes est, terra autem scabellum pedum meorum (*Isa. lxi*) , » quod in illorum conditione non dicitur, in sola hominis conditione quievisse perhibetur. Et ut magis ac magis insignem hujus diei stupeas dignitatem, dicit Scriptura : « Quia benedixit Deus diei septimo, et sanctificavit illum, quia ipse cessaverat ab universo opere suo (*Gen. ii*) ; » quod in cæteris diebus fecisse nullo modo reperitur. Quid est enim Deo Sabbatum sanctificare, nisi templum sibi in sancti atque perfecti viri mente construere ? Sicut et Apostolus : « Templum, ait, Dei sanctum est, quod estis vos, et Spiritus sanctus habitat in vobis (*I Cor. iii*). » Porro autem, sicut de Sabbato diximus, ita quoque ratio exigit ut de templo dicamus quia et Deus templum hominis, et homo est templum Dei; sicut in Apocalypsi Joannes ait : « Templum non vidi in ea : Deus enim omnipotens templum illius est et Agnus (*Apoc. xxi*). » Templum itaque hominis Deus; templum Dei fit homo. Hoc hominis templum, spiritualis est paradisi : mens scilicet sancta, mens perfecta, mens munda, atque ad sui Conditoris imaginem signanter expressa. Hæc, inquam, mens, sive rationalis anima, jure dicitur paradisi, quæ et cælestium charismatum est fluentis irrigua, et tanquam fertilium arborum vel herbarum, sic virentibus sanctarum virtutum vernal germinibus adornata. Fons enim ille sive fluvius, qui illic dicitur egredi de loco voluptatis ad irrigandum paradisi, quique dividitur in quatuor capita, ratio mentis est, ex qua velut originali fonte quatuor virtutes, justitia videlicet, fortitudo prudentia, similiter **82** et temperantia, quasi totidem salutiferi gurgites profluunt, qui terram nostri cordis fertilem reddunt. Lignum vero vitæ, ipsa bonorum mater est sapientia; de qua et Salomon ait : « Lignum vitæ est his qui apprehenderint eam, et qui tenuerint eam, beatos (*Prov. iii*). » Lignum vero scientiæ boni et mali, transgressio inde legis indictæ experimentumque miseræ. Sed quia nobis propositum non est exponere cuncta per ordinem, sufficiat hic succincte quæ huic negotio competunt prælibasse.

CAPUT VIII.

In sermone de S. Columba.

Ad hoc Dei virtus exinanita est, ut infirma nostra

A firmaret; ad hoc sublimitas inclinata est, ut dejectos erigeret; ad hoc vita mori dignata est, ut mortis imperium destruens ad vitam mortuos revocaret. Quod nimirum etiam in ipso generis humani declaratur exordio. Scriptum est enim : « Quia misit Dominus soporem in Adam; cunque obdormisset, tulit unam de costis ejus, et replevit carnem pro ea; et ædificavit Dominus Deus costam, quam tulerat de Adam, in mulierem (*Gen. ii*). » Super quo cum loqueretur Apostolus, dicens : « Relinquet homo patrem, et matrem suam, et adhærebit uxori suæ, et erunt duo in carne una, » præsto subjunxit : « Sacramentum hoc magnum est; ego autem dico in Christo et in Ecclesia (*Ephes. v*). » Et vere magnæ virtutis iudicium, B mirandæ profunditatis est sacramentum. Per Adam siquidem Christus, per Evam designatur Ecclesia. Quid est autem quod prius Adam Dominus soporavit, deinde costam ex ejus latere, unde mulier formaretur, eduxit, nisi quia prius Redemptor noster in morte dormivit, siquæ de latere ejus in Ecclesiæ sacramentum sanguis et aqua profluxit? Translata est Eva de viri latere dormientis, exivit Ecclesia de latere Christi in cruce pendentis. Sed quid est quod omnipotens Conditor, cum mulierem de viro, id est, fragilem sexum de fortiore propagare disponderet, non viri carnem, sed os potius ad faciendam feminam sibi voluit materiam exhibere? Potuit enim Deus homini carnem detrahere, unde femina formaretur, et hoc certe congruentius videretur; C fiebat enim sexus debiliior, qui nimirum consequentius de carnis infirmitate quam ex ossis procederet fortitudine : et, ut magis stupeas divini operis sacramentum, non pro osse os redditur, sed carne potius, quod in viri corpore vacabat, implevit. Unde Scriptura, cum dicit : « Tulit unam de costis ejus, » mox addit : « et replevit carnem pro ea (*Gen. ii*). » Poterat nempe ad mulierem plasmandam carnem viro detrāhere, poterat osse ossis dispendium immutajato corpore restaurare; sed os tulit, et carnem reddidit, siquæ fragilem de virtute formavit. Debilis itaque factus est Adam, ut fortis fieret Eva : infirmatus est Christus, ut roboraretur Ecclesia; illius enim infirmitas, nostra est fortitudo, et ad hoc ille nostram per ulit infirmitatem, D ut ad suam nos statueret fortitudinem. « Quod **83** infirmum est Dei, ait Apostolus, fortius est hominibus (*I Cor. i*) » Et alibi : « Nam si crucifixus est Christus ex infirmitate, sed vivit ex virtute Dei. » Nam et si nos infirmi sumus in illo, sed vivimus in eo ex virtute Dei (*II Cor. xiii*). » Enimvero sæculi hujus homines, qui bellorum ambiunt virtute clarescere, qui per ora vulgi suas optant victorias celebrari, cum ingressuri sunt prælium, in corpore suo quod infirmum est et molle, subjiciunt; quod durum est atque ad penetrandum difficile, superponunt : lorice quippe se ferreis induunt, et carnem, quæ facile cedit ictui, custodire contendant; ut illud durum ac forte, quod foris est, defendat molle, quod

intus est. Redemptor autem noster cum hujusmodi A
campum pugnaturus ingreditur, cum ad debellandas
aeris hujus nequitiis fortis præliator armatur, quia
novum debebat instituire prælium, novum induit
genus armorum: videlicet ut quod infirmum est
superponeret, et quod robustum est occultaret. Lo-
ricam siquidem imbecillæ carnis induit, et insupe-
rabilem divinitatis fortitudinem occultavit. Sic, sic
per carnem diabolus a secundo homine perdidit, qui
per carnem dudum primum hominem superavit; ea-
demque sibi nunc ruinæ facta est causa, quæ vic-
torix fuerat de primo parente materia.

CAPUT IX.

In epistola ad Aripandum, in qua hortatur ut, Dei
servus, sæcularibus non studeat literis.

Frigus conceptum pectore vocem intercipere con-
suevit. Hoc denique Frigus jam tunc ille conceperat,
qui deambulanti Domino ad auram paradisi post
meridiem raucis quodammodo vocibus respondebat:
«Audiui, inquit, vocem tuam, et timui, eo quod nudus
essem, et abscondi me (Gen. iii).» Porro, quia meri-
dianus ab illo jam fervor abierat, aura, quæ frigo-
ris est alumna, huc accedebat; quia et illum jam in-
nocentia sublata nudaverat. Hæc omnia quid aliud
innuunt quam quod illius viscera extincti amoris
algor obstrinxerat, atque ideo vox illius in auri-
bus Domini raucum sonabat? Ab hoc plane frigore
Abraham alienus exstiterat, de quo Scriptura pro-
nuntiat: «Quoniam apparuit ei Dominus in ipso
fervore diei (Gen. xviii);» et Sponsus ille cælestis,
sicut in Canticis legitur: «Pascit et cubat in meri-
die (Cant. i).»

CAPUT X.

In sermone S. Lucæ.

Et beatus Lucas, ut expiari nos a nostris scele-
ribus per adventum nostri Salvatoris ostendat, non
ab evangelicæ narrationis exordio, sed a baptismo
duntaxat Christi cognationis ordinem inchoat;
quem per LXXVII cognationum gradus ascendendo
describit. Quod etiam in libro Geneseos evidenter
ostenditur, ubi Lamech uxoris suis dixisse nar-
ratur: «Septuplum ultio dabitur de Cain (Gen. iv);»
de Lamech **84** vero septuagies septies danda dicitur,
quia LXXVII hominis de femoribus ejus perhibentur
egressi, ac postmodum diluvio vorante referuntur
absorpti. Sed quia Lamech *percutiens* sive *percussus*
exprimitur, quid per hoc, nisi primus parens hu-
mani generis figuratur? qui nimirum peccati telum,
quo primus ipse percussus interiit, universo quoque
generi successuræ posteritatis infixit. De hoc ergo
Lamech septuagies septies ultio data est, quia pec-
catum, quod primus homo contraxit, per LXXVII ge-
nerationes in humano genere vixit usque ad Chri-
stum, siquidem peccatum originale permansit, quod
ipse per baptismi sui, unde Lucas incipit, sacra-
menta delevit: ubi videlicet de illo dicitur: «Ecce
Agnus Dei, ecce qui tollit peccata mundi (Joan. i).»

CAPUT XI.

In libro de perfectione monachorum.

Arcam, quæ octo animas inter cataclysmi stenta
continuit, intrinsecus et extrinsecus liniiri bitumine
vox divina præcepit. Sancta scilicet Ecclesia, quæ
ad resurrectionis gloriam tendit, sic intra et extra
bitumine liniitur, ut et foris blandiatur in fraterna ad-
cedine, et intus cohæreat in dilectionis mutux ver-
itate. Quisquis enim intus amat, sed foris a fratri-
bus morum inconsona asperitate discordat, intrin-
secus quidem bitumen habet, sed extrinsecus non
habet. Quisquis vero se specie tenus affabilem præ-
bet, amicitiam simulat, sed in cordis occulto verita-
tem amicitix non conservat, damnabiliter intus
hiat, cum forinsecus superducti bituminis simula-
tione cohæreat. Quorum videlicet a diluviali nau-
fragio neuter eripitur, quia duplici charitatis bitu-
mine, ut divinitus præceptum est, non munitur.
Qui autem et se foris præbet amabilem et intus
conservat amorem, foris cum ramis verbi fructus
exhibet beneficii, intus altam radicem figit, quia
medullitus diligit; hic profecto et intus et extra bi-
tumine liniitur, quia duplici charitatis glutino cum
proximis fœderatur. Porro autem quia de lignis læ-
vigatis prius fieri arca præcipitur, et sic deinceps
ut bitumine liniatur, per hoc aperte nobis innuitur
ut ligna nostra, duri videlicet mores et inculti, prius
debeant poliri per spiritualis exercitii disciplinam,
ut compactæ dehinc fabricæ bitumen accedat. Enim-
vero quandiu mores hominum asperi sunt et inculti,
inaniter eis charitatis gluten apponitur, quoniam
ab invicem cito dissiliunt, dum in eis politæ morta-
litalis æquata confœderatio non tenetur.

CAPUT XII.

In sermone de exaltatione sanctæ crucis.

Crucis mysterium illa in se diluvii arca continuit,
cujus longitudinem trecentorum fuisse cubitorum
Scriptura definit. Qui videlicet numerus in *Thau*
littera, quæ crucis exprimit speciem, continetur.
Porro sicut Noe cum suis per aquam lignumque
salvatur, **85** sic et Christi familia aqua salvatur
et ligno, dum et baptismo salutis abluitur, et vivi-
ficæ crucis impressione signatur. Quæ videlicet
arca, ut in sacramento Christi humani corporis
videatur æquiparare mensuram, trecentos habuisse
cubitos in longitudine, quinquaginta in latitudine,
triginta vero in altitudine perhibetur. Trecenti
namque quinquagenarium numerum sexies, et tri-
cenarium in se decies includunt; et humani corpo-
ris longitudo, a vertice videlicet usque ad pedes,
sexies tantum habet, quam latitudo quæ est ad
dexteram usque ad sinistram, et decies tantum
quam altitudo quæ est ante et retro. Sic nimirum
arca et in trecentenario longitudinis suæ numero
speciem crucis, et in totius suæ dimensionis habi-
tudine figuram tenet Domini corporis; et, sicut
septem animæ donantur Noe, ut per lignum salven-
tur in undis, sic septem Ecclesie septiformi Spiritu

repletæ salvantur in Christo per lignum crucis et A
aquam baptismatis. Per lignum nempe nos servituti
princeps superbiæ subdidit; per lignum hoc humi-
lilitatis Auctor in libertatis titulos revocavit.

CAPUT XIII.

In sermone de sancto P.

« Quindecim cubitis altior fuit aqua super omnes
montes, quos operuerat (*Gen. vii.*). » Quindenarius
plane numerus, quia ex septem constat et octo,
mysterium in se continet beatæ quietis et futuræ
resurrectionis, quoniam omnipotens Deus et octavo
die cum mundum conderet, requievit, et octavo cum
redimeret, resurrexit; virtusque hujus numeri sacra-
mentum continet specialiter in baptismo, ubi scilicet
et novi de vetustate resurgimus, et deinceps
quiescere a mundani strepitus perturbatione ju-
bemur. Hoc denique septimæ quietis et octavæ
resurrectionis mysterium non intelligunt qui vel
gloriæ mundanæ jactantia, vel terrenæ sapientiæ
vanitatibus intumescunt. Unde aperte hic dicitur
quia « quindecim cubitis altior fuit aqua super
omnes montes, quos operuerat; » montes scilicet,
superbos significant et elatos. Altum ergo atque
profundum resurrectionis et quietis intimæ sacra-
mentum omnem transcendit intellectum sapientium
superborum.

CAPUT XIV

In eodem sermone.

« Reverse sunt aquæ super terram euntes et
redeuntes, et cœperunt minui post centum quin-
quaginta dies (*Gen. viii.*). » Quoniam in generationis
nostræ mysterio septima requies cum octava resur-
rectionis conjungitur, bene in Genesis libro dicitur
quia reversæ fuerunt aquæ de terra, et cœpe-
runt minui post centum quinquaginta dies. Septina-
ginta namque, quia septem, et octoginta, qui ab octo
dinumerantur, simul juncti, centum quinquaginta
faciunt.

86 CAPUT XV.

In eodem sermone.

« Requievit arca, mense septimo, vicesima sep-
tima die mēsis, super montes Armeniæ (*Gen. viii.*). »
quia nimirum septenarii requies bene in baptismo
commendatur. Quod videlicet per diluvium illud
figuratum esse dignoscitur, in quo, novi de vetustate
resurgentes, deinceps quiescere a mundani strepitus
perturbatione jubemur.

CAPUT XVI.

In libro de perfectione monachorum.

In hujus quippe mundi salo justī laborant, ubi
suam reprobi possident requiem. Quam videlicet
diversitatem bene corvus ex arca dimissus, et col-
umba significant. « Corvus » quippe « cadaveribus in-
sidens ad arcæ claustra non rediit; columba autem
reversa est, quia ubi pes ejus requiesceret non
invenit (*Gen. viii.*). » Hic enim ubi pravi quique
carnalibus se voluptatibus satiant, sancti viri repe-
rire nequeunt ubi ad quiescendum desiderii sui
pedem ponant.

CAPUT XVII.

In sermone in cœna Domini.

Dum mundi crimina diluvio quondam expiaren-
tur effuso, futuri numeris columba similitudinem
prætulit, cum per olivæ ramum pacem terris red-
ditam nuntiavit. Ait enim Scriptura: « Exspectatis
enim septem diebus aliis, rursum dimisit Noe
columbam ex arca: at illa venit ad eum ad vespe-
ram, portans ramum olivæ virentibus foliis in ore suo
(*Gen. viii.*). » In emissionē ac reversionē columbæ
septenarius numerus ponitur, quia septem esse procul
dubio Spiritus sancti dona noscuntur. Vespertina
vero hora ad arcem columba revertitur, quia Spi-
ritus sanctus, qui in mundi principio ferebatur super
aquas, jam vesperscente sæculo sanctam replevit
Ecclesiam.

CAPUT XVIII.

*In epistola ad Hirmisindin sanctimonialē; in qua
dicitur quod ædificium humanæ superbiæ cito
destruitur.*

« Cum profiscerentur de Oriente, invenerunt
campum in terra Sennaar, et habitaverunt in eo,
dixitque alter ad proximum suum: Venite, facia-
mus lateres, et coquamus eos igni: habueruntque la-
teres pro saxis, et bitumen pro cœmento (*Gen. xi.*). »
Porro autem cum Christus vere sit Oriens, propheta
testante, qui ait: « Ecce vir, Oriens nomen ejus
(*Zach. vi.*). » de Oriente veniunt qui a Christi con-
sortio, male vivendo, vel proximos lacerando, rece-
dunt. Sennaar interpretatur *excussio dentium*, sive
fætor eorum. In campo igitur Sennaar habitant qui,
non constituti in arce virtutum, sed potius in con-
valle vitiorum, et dentes excutiant, ut proximos
suos 87 detractionibus quasi mordicus rodant, et
fætores emittunt, dum in cænose conversationis
squaloribus computrescunt. Sed eorum dentes Deus
omnipotens excutit, dum perversorum quorumlibet et
facta similiter et verba confundit. Unde et illic dicitur:
« Idcirco vocatum est nomen ejus Babel (*Gen.
xi.*); » quia ibi confusum est labium, universæ terræ,
et ideo dispersit eos Dominus super facie cæterarum
regionum. Recte ergo dicitur, quia superbi illi ho-
mines ac vanæ gloriæ captatores, nimirum dicentes
ad alterutrum: Venite, faciamus nobis civitatem,
et turrim, cujus culmen pertingat ad cælum, et cele-
bremus nomen nostrum, antequam dividamur in
universas terras; et habitaverunt in campo Sennaar:
quod apud nos, sicut dictum est, sonat excussio
dentium, vel fætor eorum. Quoniam perversi qui-
que, dum contra divinæ legis mandata superbiunt,
dum adversus Dominum cervicem cordis arrogan-
ter attollunt, et proximis nonnumquam damnableiter
detrahunt, et ipsi proclivius in obscenæ vitæ sterqui-
linio volutantur. Et de excussione quidem dentium
per David dicitur: « Tu percussisti omnes adversantes
mibi sine causa; dentes peccatorum contrivisti
(*Psal. iii.*). » Et alibi: « Deus conteret dentes eorum
in ore ipsorum, molas leonum confringet Dominus
(*Psal. lvi.*). » De fetore quoque eorum alius

propheta dicit : « Computruere jumenta in stercore suo (Joel. I). » Et Isaias : « Erit, inquit, pro suavi odore fetor (Isa. III). » Enimvero quisquis vult ædificium condere quod facile ruinâ non sit obnoxium, necesse est eum non lateres et bitumen habere, quæ repente dissiliant ; sed lapides potius ac saxa, quæ parietes erigant, et calcis ac sabuli cæmentum, quod ipsos parietes inviolata lapidum compage constringat. Quod ergo jam dicti Babylonii lateres pro saxis et bitumen habuerant pro cæmento, carnalis vitæ significat ædificium, ad vim ventorum vel impetum fluminum quantocius obruendum.

CAPUT XIX.

In epistola ad Bonifacium Causidicum ; ubi dicitur ut exteriori prudentiæ spiritualis sapientiæ præferatur.

« Prudentia hujus mundi inimica est Deo : legi enim Dei non subjicitur nec enim potest (Rom. VIII). » Hinc est quod, sicut in libro Genesis dicitur quod quinque reges, qui subesse noluerunt Chodorlahomor, a quatuor regibus superati sunt, et ubi ? in valle Silvestri, quæ nunc est mare salis (Gen. XIV). Qui sunt enim quatuor reges, nisi quatuor virtutes, quas Scriptura sacra nominat principales ? Quid vero per quinque reges, nisi totidem sensus corporis, ac per eos exterior scientia designatur ? Sicut autem illæ quatuor virtutes velut ex originali matris suæ, rationis scilicet, fonte procedunt ; sic istæ in terrenæ sapientiæ vanitate, velut in convalle saluginis immorantur, ibique a suis hostibus sunt prostrati, quia dignum est ut in anima hominis spiritualis sapientia vincat et carnalis prudentia caliditas pereat. Hinc et de David legitur quia fecit sibi nomen **88** cum reverteretur, capta Syria, in valle Salinarum cæsis duodecim millibus (II Reg. I).

CAPUT XX.

In epistola ad Alexandrum papam.

« Qui tollens », inquit Scriptura, « universa hæc, divisit ea per medium, et utriusque partes contra se altrinsecus posuit ; aves autem non divisit (Gen. XV). » Terrena quidem animalia contra se et altrinsecus opponuntur ; quia terreni quique contra proximos jurgiis et contentionibus sæviunt, vel certe occultis adversus eos odiorum fomitibus inardescunt. At contra, qui sese in altum cœlestis desiderii pluma sustollunt, dum sacrificium Deo semetipsos offerunt, a mutuae dilectionis glutino non recedunt.

CAPUT XXI.

In epistola ad Desiderium abbatem Casinensem.

Maligni spiritus, vel orationes nostras pravis cogitationibus polluerent, vel opera bona peccati cujuslibet attaminatione corrumpere nituntur. Unde scriptum est quia, « cum Abraham Deo sacrificium de pecoribus et volucris devotus offerret, descenderunt volucres super cadavera, et abiebat eas Abraham (Gen. XV). » Quid enim expriment volucres, nisi reprobos spiritus per aera volitantes ? Volucres ergo a sacrificio nostro repellimus, cum ora-

tionem, seu operum nostrorum victimas, a malignis spiritibus eos fœdare tentantibus, provide custodimus.

CAPUT XXII.

Ad Alexandrum papam ; ubi conqueritur de insolentia pravorum hominum.

« Cum sol occumberet, sopor irruit super Abraham, et horror magnus et tenebrosus invasit eum (Gen. XV). » Solis occubitus mundi designat casum ; horror vero magnus et tenebrosus vitiorum figurat criminum caliginem : quæ quotidie pestilenter inhorrescunt per æstuantem reproborum hominum pravitatem. Unde et illic paulo post additur : « Cum ergo occubisset sol, facta est caligo tenebrosa, et apparuit clibanus fumans. » Sicut enim fumus ex Bigne clibanis vaporantis egreditur, ita vitiorum omnium flagitiorumque caligo de camino æstuantis avaritiæ generatur. Sicut dixit Apostolus : « Quia radix omnium malorum avaritia est (I Tim. VI). » Et hoc circa finem diei, hoc est, circa terminum mundi. Fumans ergo clibanus tenebrosam caliginem generat, quia caminus avaritiæ, qui in pravorum hominum pectoribus æstuat, multis perversitatum tenebris mundum pestilenter obscurat. An non mentes infelicio cæcat [deest luxuria, cupiditas aut quid simile, aut avaritia], quæ scilicet et fidem tollit, et omnium virtutum in eorum cordibus lumen exstinguit ? Unde, cum illud præmisisset Apostolus, præsto subintulit : « Quam videlicet avaritiam quidam appetentes erraverunt **89** a fide, et inseruerunt se doloribus multis (I Tim. VI). » Multo quippe se doloribus inserunt, dum propter temporalia lucra infederabili a se invicem similitate dissiliunt ; et plerumque, dum pro corporalibus in arma concurrunt, corporibus animas exuunt. Qui vero solis cœlestibus inardescunt, pro doloribus, oblectationibus potiuntur, quia in fraternæ charitatis dulcedine unanimiter vivunt. Hinc est quod in illo sacrificio vespertino, quod tunc Abraham obtulit, pecora quidem terrena ab invicem sequestrata posuit, sed volatilia non adjunxit. Unde Scriptura : « Qui tollens, inquit, universa hæc, divisit ea per medium, et utriusque partes altrinsecus contra se posuit ; aves autem non divisit (Gen. XV). »

CAPUT XXIII.

In epistola ad Leonem papam, ubi accusatum se esse conqueritur.

Si Creatoris nostri facta vigilanter attendamus, ad credenda cujuslibet mala fidem adhibere facile non debemus ; ipse enim, cujus oculis nuda et aperta sunt omnia, non designatus est, cum loqueretur ad Abraham super Sodomorum clamore, qui ad eum venerat dicere : « Descendam, et videbo utrum clamorem, qui venit ad me, opere compleverint ; an non est ita, ut sciam ? » (Gen. XI.) Quod profecto ad nil aliud dictum videtur, nisi ut humana deoat ignorancia, sine experimentis audita non credere, incognita non leviter judicare, nec ante sententiam promovere quam rem dubiam testimoniis approbare.

CAPUT XXIV.

In libro Gomorrhiano.

« Et ecce, » inquit Scriptura, « miserunt manum viri, et introduxerunt ad se Loth, clausuruntque ostium; et eos, qui foris erant, percusserunt cæcitate a minimo usque ad maximum, ita ut ostium invenire non possent (*Gen. XIX.*) » Sodomitæ namque ad angelos conantur violenter irrumpere, cum immundi homines ad Dominum tentant per sacri ordinis officia propinquare. Sed ii profecto cæcitate percipiuntur; quia iusto Dei iudicio in tenebras interiores cadunt, ita ut nec ostium invenire prævaleant, quia a Deo peccando divisi, unde ad eum revertantur, ignorant. Qui enim non per humilitatis iter, sed per arrogantiae et tumoris anfractus ad Dominum accedere gestiunt, patet profecto, quia unde ingressiois aditus pateat, non agnoscent. Vel quia ostium Christus est, sicut ipse dicit: « Ego sum ostium (*Joan. X.*) » Qui Christum exigentibus peccatis amittunt, quasi intrare cælestium civium habitaculum possint, ostium non inveniunt. In reprobum ergo sensum traditi sunt, quia, dum reatus sui pondus in propriæ mentis statera subtili consideratione non trutinant, gravissimum plumbi massam pennarum inanum levitatem putant. Quod ergo illic dicitur: « Percusserunt eos, qui foris erant, cæcitate; » hoc **90** Apostolus manifeste declarat, cum dicit: « Tradidit eos Deus in reprobum sensum. » Et quod illic subiungitur: « Ut ostium invenire non possent; » hoc iste patenter exponit, cum ait: « Ut faciant quæ non conveniunt (*Rom. 1.*) »; ac si diceret, ut intrare tentent, unde non debent.

CAPUT XXV.

In sermone de inventione sanctæ crucis.

Abraham dum immolare Deo filium voluit, cuncta pene per ordinem passionis Christi sacramenta signavit. Sicut enim Abraham, qui pater excelsus dicitur, unicum et dilectum filium offerre Deo non dubitavit; ita et summus Pater unigenitum Filium pro nobis omnibus tradidit. Et sicut Isaac ipse sibi ligna portavit, quibus erat imponendus (*Gen. XXII.*); ita quoque Christus crucis sæ gestavit in humeris lignum, in quo erat pro nostra salute passurus. Duo autem servi illi procul dimissi Judæos significant; qui cum serviliter viverent et carnaliter saperent, non intellexerunt altissimam humilitatem Christi, atque ideo ascenderunt in montem, locum videlicet sacrificii. Cur autem duo servi, nisi quia, peccante Salomone, ex una Israelitica plebe duo facti sunt populi? (*III Reg. XI.*) Quibus utique sæpe per Prophetam dicitur: « Adversatrix Israel et prævaricatrix Juda (*Jer. III.*) » Asinus autem ille, quo tunc utebatur Abraham, insensata erat stultitia Judæorum; illa plane bruta stultitia omnia sacramenta portabat; quæ tamen quod ferret, velut irrationale animal ignorabat. Jam vero quid est quod dictum eis est: « Expectate hic cum asino; postquam autem adoraverimus, revertemur ad vos? (*Gen. XXII.*) » Audi Apostolum: « Cæcitas, inquit, ex parte in

A Israel facta est, ut plenitudo gentium intraret et sic omnis Israel salvus fieret (*Rom. XI.*) » Quid est enim quod dicitur: « Cæcitas ex parte in Israel facta est? » hoc est videlicet, « expectate hic cum asino, ut plenitudo gentium intraret: » hoc est, postquam adoraverimus, ubi videlicet sacrificium Dominicæ crucis impletum, per omnes gentes fuerit prædicatum. Quod autem sequitur: « Et sic omnis Israel salvus fieret; » hoc est, revertemur ad vos. Quid est autem quod aries inter vepres hærens cornibus invenitur, qui pro Isaac immolatus offertur? Crux nempe cornua habet; duo siquidem ligna invicem compinguntur, et sic crucis speciem reddunt: hinc est enim quod de Christo scriptum est: « Cornua sunt in manibus ejus (*Habac. III.*) » Hærens ergo cornibus aries, Christus est crucifixus inter aculeas et vulnificas Judæorum iniquitates. Sicut ipse per Jeremiam conqueritur, dicens: « Spinis peccatorum suorum circumdedit me populus meus hic. » Peracto sacrificio dicitur Abraham: « In semine tuo benedicentur omnes gentes (*Gen. XXII.*) » Et postquam Dominus dicit: « Foderunt manus meas et pedes meos; » paulo post in eodem psalmo subiect: « Remissionem et convertentur ad Dominum universi fines terræ, et adorabunt in conspectu ejus omnes patriæ gentium: Quoniam Domini est regnum, et ipse dominabitur gentium (*Psal. XXI.*) » Oblato itaque Abraham filio, et **91** pro eo ariete immolato, appellavit nomen loci illius: « Dominus videt. » Quia Redemptor noster, postquam in ara crucis oblatum, mortis nostræ debitum solvit, videndum se deinceps fidelium suorum obtutibus præbuit, ut nimirum redempti omnes illum jam per fidem videant, qui eatenus fidei oculos non habebant.

CAPUT XXVI.

De Lia et Rachel, in libro De perfectione monachorum.

Porro non est obscurum quod Laban duas filias habuit, quarum juniorem Jacob in conjugium concupivit; ad cujus tamen amplexus pervenire non potuit, donec majorem ignarus atque adeo invitatus accepit (*Gen. XXIX.*). Sed quia rem scientibus loquor, non mihi multis elaborandum est verbis. Laban quippe *dealbatio* interpretatur; quis autem ad Dominum convertitur, nisi ut deposita peccatorum nigredine per remissionis gratiam dealbetur? Sicut ipse pollicetur, dicens: « Si fuerint peccata vestra quasi vermiculus, tanquam nix dealbabuntur (*Isa. I.*) » Quod felix ille peccator postulabat, cum diceret: « Mundabor, lavabis me, et super nivem dealbabor (*Psal. L.*) » Lia interpretatur *laborans*: Rachel, *verbum*, sive *visum principium*. Sed si Scripturam diligenter attendimus, nec uno quidem die servisse Jacob propter Liæ desiderium reperimus; sed per totas illas annorum hebdomadas pro sola Rachel servituti subjacuit; insuper et ipsam Liam ad illius intuitum toleravit. Quis enim ad Dominum idcirco convertitur, ut labores, et ærumnas, ac tentationum certamina patiat? Omnis enim Dominum querentis intentio hoc sperat, ad hoc spectat,

ut ad requiem quandoque perveniat ; et in summæ A contemplationis gaudio, velut in pulchræ Rachel amplexibus requiescat, videlicet ut per verbum quod audit, ascendat ad videndum principium quod quæsit. Sed necesse est ut hunc diversorum certaminum labor exerceat, antequam ad quietis intimæ suavitatem, quam concupiscit, attingat. Prius servitutē deprimitur, ut iure postmodum ad perfectæ libertatis titulos provehatur. Septem vero annis sub dealbationis gratia servit, cum septem ea, quæ ad proximi dilectionem pertinent, Decalogi mandata custodit; videlicet ut primo timore constrictus, atque ideo servitutis iugo depressus, saltem a vetustæ legis incipit institutis; ut nimirum parentes honoret, ut non mœchetur, non occidat, non furetur, non falsum testimonium proferat, (non uxorem) B alterius, non rem proximi concupiscat (*Exod. XX*).

Quibus rite servatis, non mox, ut sperabat, ad contemplationis oblectamenta perducitur, ut velut expectata diu Rachel pulchritudine perfruat, sed Lia sibi per noctem inopinate supponitur; quia inter humanæ hujus ignorantie tenebras tolerantia sibi laboris injungitur, ex qua tamen jam numerosam sobolem suscipit; quia uberes spiritualis lucri per hunc laborem fructus acquirit. Hanc itaque tolerando, ad illam quandoque 92 perveniet, quam perseveranter amat. Suadet ergo, ut alios septem annos servire desudet; quia profecto necesse est, ut adhuc alia septem præcepta conservet, sed jam aliquando liberior, non legalia tanquam servus, sed evangelica sicut gener, videlicet ut sit pauper spiritu, sit mitis, lugeat, esuriat, sitiaturque iustitiam, sit misericors, mundum cor habeat, sit postremo pacificus (*Matth. v*). Enimvero, vellet homo, si fieri posset, nullas laboris molestias agendo, vel patiendo perferre, sed protinus in ipsis suis tirocinii rudimentis ad pulchræ contemplationis delicias pervenire; verumtamen hoc non in terra morientium fit, sed in terra viventium. Quod significare videtur illud, quod ad Jacob dicitur: « Non est, inquit Laban, in loco nostro consuetudinis, ut minores ante tradamus ad nuptias (*Gen. XXIX*); » nec absurde major appellatur, quæ prior est tempore. Prior est enim in hominis eruditione labor boni operis quam requies contemplationis. Expletis itaque duabus hebdomadibus, altera videlicet legis antiquæ, altera evangelicæ gratiæ, mox ad diu desideratæ Rachelis D pervenit amplexus; quia quisquis pertingere ad divinæ contemplationis oblectamenta desiderat, prius necesse est utriusque Testamenti peragere mandata contendat.

CAPUT XXVII.

De Bala et Zelpha, in eodem libro.

Sed quia electus quisque perfectionis suæ limite non contentus, filios etiam Deo gignere spirituali fecunditate desiderat, postquam conjugale fœdus Jacob cum duabus sororibus iniit, ad propagandum uberius germen sobolis ancillas quoque ad generandi usum suscipere non refugit (*Gen. xxx*);

atque ut omnia spiritualibus intelligantur redundare mysteriis, ipsarum quoque ancillarum nomina sub mysticis sunt pronuntiata figuris. Nam Bala interpretatur *inveterata*. Sane quia intellectum spiritualis substantiæ nudis verbis humana lingua nequit exprimere, quandoque doctrina sapientiæ per quasdam corporeas similitudines audientem nititur informare. De veteri autem vita et carnalibus sensibus dedita, corporeæ cogitantur imagines; quarum videlicet ad docendum usus assumitur, cum aliquid ex incomprehensibili et incommutabili essentia divinitatis auditur. Rachel itaque maluit utcumque filios ex ancilla suscipere, quam omnino sterili permanere. Quia doctrina sapientiæ sive gratia contemplationis per exteriorum scientiam vel visibilibus rerum formas auditoribus intimat quidquid de visibilibus intra arcana mentis occultat; et sic quodammodo per ancillam filios accipit, dum per eam, quæ sub se est scientiam, spirituales Deo filios parit. Zelpha vero interpretatur *os hians*. Hæc igitur ancilla illos figurat, quorum in predicatione evangelicæ fidei os quidem hiat, sed cor non hiat; de quibus videlicet scriptum est: « Populus hic labiis me honorat, cor autem eorum longe est a me (*Matth. xv*); » 93 et de quibus Apostolus: « Qui prædicas, inquit, non furandum, furaris (*Rom. II*). » Verumtamen ex hac ancilla hæredes futuros alios Lia filios accepit; quia sæpe etiam per tales prædicatores activa vita multos regni filios adoptavit; de quibus Veritas: « Quæ dicunt, inquit, facite: quæ autem faciunt, facere nolite (*Matth. xxiii*). » Et Apostolus: « Sive, inquit, occasione, sive Christus veritate annuntietur, et in hoc gaudeo, sed et gaudeo (*Philip. I*). » Hoc autem in his considerandum esse perpendimus: Quia sicut Jacob solius Rachelis intuitu omnes illas mulieres accepit, ex quibus filios genuit; sic quisquis sub dealbationis gratia constitutus, fructificare Deo spirituali fecunditate desiderat, necesse est ut per omnia quæ agit ad contemplationis semper gratiam tendat.

CAPUT XXVIII.

In epistola ad Desiderium abbatem, ubi dicitur: Cur Paulus ad dexteram, Petrus ad sinistram in pictura ponatur.

D « Egreddente anima Rachel præ dolore, et imminente jam morte, vocavit nomen filii sui Benoni, id est filius doloris mei; pater vero appellavit eum Benjamin, id est filius dexteræ (*Gen. xxxv*). » Per Rachel namque, quæ ovis vel *visum principium* dicitur, Ecclesia non immerito designatur. Quæ nimirum et ad instar ovis innocenter vivit, et per studium contemplationis ad videndam Redemptoris sui speciem medullitus inardescit. Qui de se requirentibus Judeis ait: « Ego principium, qui et loquor vobis (*Joan. viii*). » Per Benjamin vero, qui nascente, Rachel mater emoritur, designatur Paulus, quem de ejus stirpe exstitisse nemo dubitat. Et bene Benjamin nascente, mater emori dicitur, quia appropinquante ad lucem novæ regenerationis Saulo, persecutio-

nibus Ecclesia per eum graviter impugnatur; sicut A illa dum humanitati Christi dependit obsequium, ad divinitatis attingere meruit intellectum. Sic nimirum, sic doctor Ecclesiæ, dum Christi membra custodit, contemplandæ divinitatis gratiam percipit.

CAPUT XXX.

In sermone de S. Joanne Baptista.

« Descendit Judas in Thamnias ad tendendas oves cum Hira opilione gregis sui Odollamite (*Gen. xxxviii.*) » Thamnias autem *deficiens* interpretatur; per quam videlicet Synagoga, in qua reges et prophetæ defecerant; simul et unctio, donec veniret, cui repositum erat, ostenderetur. Unde et per prophetam dicitur: « Cum venerit Sanctus sanctorum, cessabit unctio (*Dan. xi.*) » Quid itaque per Judam, qui ad tendendas oves in Thamnias venit, nisi Redemptor noster intelligitur, qui ut oves quæ perierant domus Israel exoneraret peccatis, ad Synagoga venisse cognoscitur? Unde et sponsus ad sponsam in Canticis: « Dentes tui sicut grex tonsarum, quæ ascenderunt de lavacro (*Cant. iv.*) »

95 Venit itaque Judas ad tendendas oves, non quidem solus, sed cum pastore suo Odollamite, cui nomen erat Hiras. Quem per Odollamitem intelligimus nisi Joannem? Interpretatur autem Odollamites *testimonium in aqua*; cum hoc plane testimonio venit Dominus ad aquam baptismatis, habens quidem testimonium majus Joanne, sed propter infirmas oves hoc testimonio uti dignatus est in aqua. Unde cum videret eum ad Jordanis fluentem propinquantem, protinus exclamans, ait: « Ecce agnus Dei, ecce qui tollit peccata mundi (*Joan. i.*) » Et evangelista dicit: « Testimonium perhibuit Joannes dicens: Quia vidi Spiritum descendentem tanquam columbam de celo, et manentem super eum; et ego nesciebam eum; sed qui misit me baptizare in aqua, ille mihi dixit: Super quem videris Spiritum descendentem et manentem super eum, hic est qui baptizat in Spiritu sancto (*Ibid.*) » Cui scilicet visioni etiam nomen pastoris illius aptissime congruit; interpretatur enim Hiras *fratris mei visio*. Erat quippe Dominus frater Joannis, non modo secundum semen Abraham, sed etiam juxta cognitionem Mariæ et Elisabeth. Vidit itaque Joannes fratrem suum adhuc clausum in utero; vidit in baptismo; vidit oculis carnis hominem; vidit in spiritu majestatem. Unde et utriusque hujus nominis interpretationem, Hiras videlicet, quod est fratris mei visio; et Odollamitis, quod sonat *testimonium in aqua*, idem Joannes sub unius sententiæ versiculo comprehendit, dicens: « Et ego vidi, et testimonium perhibui, quia hic est Filius Dei (*Ibid.*) ».

94 CAPUT XXIX.

Ad Desiderium abbatem, ut vacet studio contemplandi.

« Isle est Ana, qui invenit aquas calidas in solitudine, dum pasceret asinos Sebeon patris sui (*Gen. xxvi.*) » Hoc plane, quantum ad litteram, vanum videtur et frivolum. Quid enim ad sacram Scripturam pertinet, ut referat, quia custos asinorum aquas reperit in deserto? Sed ubi in litteris nulla videtur utilitas, ad spirituales intelligentiam necesse est mens recurat. Quid est enim per figuram, Ana in solitudine patris sui asinos pascere, nisi spirituales quempiam virum, qui Deus pater est, simplices fratres sub disciplina remotioris studio custodire? et quid est, aquas calidas invenire, nisi in compunctionis lacrymas, quæ de fervore sancti Spiritus eliciuntur, erumpere? Nam et ipsa interpretatio nominum hujus figuræ non refugit intellectum. Onan siquidem *dolor*, vel *tristitia eorum*, sive *etiam munitio*, vel *murmuratio* interpretatur. Quisquis enim vere compunctionis dolore tristatur, quasi sub quadam querula munitatione adversum pravitatem vitæ suæ murmurare compellitur. Sebeon autem interpretatur *stans in æquitate*; quod Deo congruere nemo prorsus ignorat. Ipse quippe in æquitate principaliter stat, qui a justitiæ rectitudine nulla necessitate coactus exorbitat. Onan ergo dum patris sui Sebeon asinos in solitudine pascit, aquas calidas reperit; quia quisquis se per vitæ rectitudinem Deo filium exhibet, ac de peccatis suis medullitus dolet, dum se reddit in pervigili fratrum cura sollicitum, divino munere percipit gratiam lacrymarum. Nam et beata illa peccatrix prius pedes Domino unguento perunxit, postmodum etiam alabastrum unguenti pretiosi super caput recumbentis effudit (*Matth. xxvi*; *Marc. xiv*; *Joan. xii.*) Caput Christi Deus; pedes Christi, servi Dei. Sicut enim

Veniente igitur Juda ad oves tendendas, Thamar mutat habitum, quia mutat spirituale vocabulum. Thamar quippe *commutans* interpretatur, nam de Synagoga fit Ecclesia. Sed juxta litteram, idem nomen amaritudinis manet, non illius in qua Domino fel ad bibendum miles obtulit (*Matth. xxvii.*) sed ejus potius in qua Petrus post lapsum amare flevit (*Ibid.*). Judas autem *confessio* dicitur. Thamar ergo

cum Juda dormiens, protinus concipit, quia cum A confessioni amaritudo miscetur ad proferendos pœnitentiæ fructus, sancta mox Ecclesia fecundatur. Unde et Joannes : « Facite, inquit, fructus dignos pœnitentiæ (*Joan. III.*) » Qui nimirum pœnitentiæ fructus in Hierusalem primus erupit, sicque postmodum per omnem mundi latitudinem pullulavit. Hinc Veritas dicit : « Oportebat Christum pati et resurgere a mortuis die tertia, et prædicari in nomine ejus pœnitentiam et remissionem peccatorum in omnes gentes, incipiendo ab Hierusalem (*Luc. XXIV.*) » Nam et ipse meretricis habitus confessionem significat peccatorum, sive quia Thamar ex duobus corruptis componitur verbis, thamna scilicet, quod *deficiens* dicitur, et mara, quod est *amaritudo*. Bene in ea amaritudo deficit, cum fecunda facta de sterili, dulcem novi germinis sobole procreavit. B Thamar igitur a non cognoscente fetatur, quia sancta Ecclesia quantum ad gentilitatem in primordio, dum novæ fidei semen accipit, non agnoscitur. Unde et canitur : « Populus, quem non cognovi, servivit mihi (*Psal. XVII.*) » Et Isaias : « Ecce, ait, gentem quam nesciebas vocabis, et gentes quæ 96 te non cognoverunt, ad te current (*Isa. LV.*) » Porro autem, quod illi hædus per eumdem Odollamitem mittitur, quid nisi per Joannem facta peccatorum exprobratio designatur? Quasi enim hædum meretrici portitor afferebat, cum properanti ad baptismi lavacrum turbæ per increpationem dicebat : « Genimina viperarum, quis ostendit vobis fugere ab ira ventura? » (*Matth. III.*) Requirebat autem Hiras Odollamites a Thamar anulum, armillam et baculum. Per anulum, signaculum fidei; per armillam, labor operis; per baculum vero designatur requies spei. Quasi enim fidei anulum requirebat, cum diceret : « Qui credit in Filium Dei, habet vitam æternam : qui autem incredulus est Christo Filio, non videbit vitam, sed ira Dei manet super ipsum (*Joan. III.*) » An non etiam ad anulum pertinebat, cum diceret : « Qui habet sponsam, sponsus est? » (*Ibid.*) » Armillam vero laboris exagebat, cum diceret : « Pœnitentiam agite (*Matth. III.*) » Baculi quoque requiem, cum præsto subjungeret : « Appropinquavit enim regnum cœlorum (*Ibid.*) » Ac si perspicue loqueretur : Nolite sub injunctæ vobis pœnitentiæ labore lassessere, sed potius firma spe de regni cœlestis appropinquatione animum roborate.

Quæsivit autem eam Judas in bivio, sed invenire non potuit; quia quæ in publico, juxta Prophetam, et sub omni ligno frondoso fuerat prostituta (*Jer. III.*), jam se in domo paterna, sub Christi videlicet constrinxerat disciplina; nec eam peccati reperit exprobratio, quam confessionis mutaverat amaritudo. Viduitatis se vestibus induit, quia præter cœlestem Sponsum, qui pro ea mortuus est, alterum non admittit. Quod autem gemini apparuerunt in utero, duo sunt populi in Ecclesiæ gremio per sancti Spiritus gratiam generati. In ipsa vero effusione nascentium, unus manum protulit, et ligato coccino, mox retraxit, sicque ante se nascendi alteri aditum

patefecit. Quia nimirum Judaicus populus, qui ad lucem Spiritus nasci primitus cœpit, ostendit opera sua prophetarum præcedentium, et ipsius Domini cruore polluta. Unde et Zara *oriens* interpretatur; quia Hebraicus ille populus prior ortus est ad litteram legis, sed posterior factus est ad suscipiendam gratiam Evangelii. Hoc itaque modo retraxit manum, qui nasci jam per Spiritum cœperat populus Judæorum; et mox prorupit ac factus est primogenitus populus gentium, scilicet ut, juxta sententiam Veritatis, futuri essent novissimi qui erant primi, et primi fierent qui erant novissimi. Bene igitur Phares *divisionis* nomen accepit. Unde et obstetrix eo nascente clamavit : « Quare divisa est propter te maceria? » (*Gen. XXXVIII.*) Omne quippe genus humanum, quasi distorta silvarum virgulta, adversus venientem in carne Dominum maceriam fecerat, et ne ad peragendum mysterium redemptionis ingrederetur, unanimiter obstitabat. Unde et Paulus : « Nos, inquit, prædicamus Christum crucifixum, Judæis quidem scandalum, gentibus autem stultitiam (*I Cor. I.*) » Sed gentilis populus hanc divisit quasi nascendo maceriam, cum per Cornelium centurionem aliosque (*Act. X.*), primitias fidei, baptismi suscipiens lavacrum, sub Christi titulum convolvit. Hanc alternitatem nascendi 97 considerabat beatus Joannes, cum Judæorum turbis undique confluentibus diceret : « Ne cœperitis dicere : Patrem habemus Abraham; dico enim vobis, quia potens est Deus de lapidibus istis suscitare filios Abrahamæ (*Marc. III.*) » Ac si patenter dicat : Gentiles populi, qui lapides sunt quia lapides colunt, primogeniti vobis fient ad regenerationis et novæ gratiæ sacramentum; quorum vos per legales cœremonias videbaminus tenuisse primatum.

CAPUT XXXI.

In sermone de S. Luca evangelista.

« Jussit Joseph ministris, ut implerent saccos tritico, et reponerent pecunias singulorum in saccis suis (*Gen. XLIV.*) » Quæ namque sunt fruges quas Joseph fratribus contulit, nisi evangelica apostolicaque doctrina, unde videlicet esuriens populus vivat, unde grex Christi viventia salutis alimenta decerpant? Hæc illa plane est pecunia, quam in ore sacci præcepit imponi; hæc pecunia nunc in Ecclesiæ mensa proponitur, ut usura postmodum a negotiatoribus requiratur. Sed et Benjamin hoc etiam præ cæteris addit, ut sacco ejus etiam scyphus cum pecunia reponatur (*Ibid.*). Quem enim Joseph per mysterium indicat, nisi Redemptorem nostrum, quem suo jam tunc ille mysterio præfigurabat? Ait enim Scriptura : « Quia vertit nomen illius Pharao, et vocavit eum lingua Ægyptiaca, Salvatorem mundi (*Gen. XLI.*) » Quid per fratres, nisi sancti designantur apostoli? Quid per Benjamin, nisi Paulus, qui de tribu Benjamin originem duxit? Omnes ergo fratres fruges prædicationis accipiunt, quas serere per mundum debeant, et pecuniam, quam ad usuræ lucrum in fidei mensa proponant. Soli vero Benjamin etiam scyphus adjicitur, ut per Paulum, quem ille signabat,

non tabernaculi cyathus gentibus, sed amplum et A patulum verbi poculum propinetur. Hinc est enim quod ait : « Os nostrum patet ad vos, o Corinthii, cor nostrum dilatatum est, non angustiamini in nobis (II Cor. VI). » Ac si dicat : Quia me vobis verbi potum per uberem scyphum large videtis influere, et vos sitibundi cordis ad hauriendum ora, laxate, ut decurrens unda non inaniter fluat, sed capacia vasa, in quæ transfundantur, inveniatur. De quo videlicet potu per Isaiam Dominus dicit : « Glorificabit me bestia agri, dracones et struthiones, quia dedi in deserto aquas, flumina in invio, ut darem potum populo meo, electo meo (Isa. XLIII). » Scyphum itaque evangelicæ prædicationis, in Benjamin datus est Paulo, ut ipse desertum gentilitatis specialiter excolat et ariditatem ejus largo sanctæ prædicationis imbre B perfundat. De quo scilicet imbre scriptum est : « Qui operit cælum nubibus et parat terræ pluviam (Psal. CXLVI). »

CAPUT XXXII.

In Sermone de S. Vitale.

Si inveni, » inquit Jacob, « gratiam in conspectu tuo, pone manum sub femore meo, et facies mihi misericordiam et veritatem, ut non 98 sepelias me in Ægypto, sed dormiam cum patribus meis, etc. (Gen. XLVII). » Quid est hoc, fratres mei, quid sibi vult a tanto viro tam anxia sepeliendi corporis sollicitudo ? Si enim hoc ex humana consuetudine metiamur, profecto nihil dignum tanta propheticæ mentis excellentia reperimus. Ubique enim corpus hu- C manum sepeliatur, non ideo vel minus perfecta, vel minus gloriosa ejus resurrectio futura procul dubio creditur; sed si mystici sacramenti profunditas in hujus dubietatis caligine requiratur, perspicuum lumen intelligentiæ ipsi qui invenerit oriatur. Cadavera quippe mortuorum peccata significant utrumque viventium. Sicut enim post contactum corporum mortuorum lex præcipit homines purificari (Num. XIX), ita etiam post perpetratiorem delictorum jube- mur per penitentiam ablui. Hinc nimirum illa sententia dicta est : « Qui baptizatur a mortuo et iterum tangit illum, quid proficit lavatio ejus ? » (Eccli. XXXIV.) Baptizatur quippe a mortuo, qui mundatur flitibus a peccato, sed post baptismum mortuum tangit, qui culpam post lacrymas repetit. Sed se- D pultura mortuorum remissionem significat peccatorum. Unde per Prophetam dicitur : « Beati quorum remissæ sunt iniquitates, et quorum tecta sunt peccata (Psal. XXXI). » Ubi ergo sepelienda erant cada- vera patriarcharum, nisi in illa terra ubi erat cruci- figendus cujus sanguine facta est remissio peccato- rum ?

CAPUT XXXIII.

In sermone de inventione sanctæ crucis.

« Lavabit in vino stolam suam, et in sanguine uvæ pallium suum (Gen. XLIX). » Stola Christi et pallium multitudo est gentium, quas tunc Dominus induit, quando sibi eas per gratiam redemptionis adjunxit, sicut per Prophetam pollicetur, dicens : « Vivo ego, dicit Dominus, nisi hos omnes induam sicut vestimentum (Isa. XLIX). » Stola ergo suam Dominus in vino, et pallium in sanguine uvæ lavit quando, sicut botrus, in crucis ligno pependit; tunc enim ex latere ejus sanguis et aqua profluxit; sed aqua nos abluit, sanguis redemit, nimirum ut exhiberet sibi sponsam non habentem maculam neque rugam (Ephes. V).

CAPUT XXXIV.

In sermone de S. Eleucadio.

« Pulchriores sunt oculi ejus vino, » inquit Jacob ad filium de Christo, « et dentes ejus lacte candidiores (Gen. XLIX). » Oculi nempe Christi Apostoli et Evangelistæ sunt, qui universo corpori sanctæ Ecclesiæ lumen sapientiæ præstiterunt, quorum doctrina, dum rigorem atque duritiam priscae legis emollit, quodam modo austeritatem vini veteris eorum pulchritudo præcellit. Evangelica quippe præcepta mandatis Veteris Testamenti longe sunt clariora. Dentes vero sancti prædicatores sunt, qui conversos homines a pravorum societate præcidiunt eosque in Christi corpus, tanquam in sua membra suscipiendo, quasi mandando trajiciunt. Porro, nomine lactis, doctrina legis innuitur, quæ carnalem 99 populum lactis poculo tanquam parvulos alere videbatur. Quorum nimirum lacte candidiores sunt doctores Ecclesiæ, quia fortem et solidum verbi cibum et ipsi comedunt, et aliis tradunt; de quibus ad Hebræos dicit Apostolus : « Perfectiorum est solidus cibus (Hebr. II). » Et bene candidi esse dicuntur doctores Ecclesiæ, quia et a pravitate macula liberi et conspicuæ conversationis videntur operibus clari. Quapropter cavendum est, fratres mei, ne qua nos vitiorum nigredo dedecoret, qui candidos in Christi militia duces habemus. Periculose nimirum 100 rerum species fluctuant, ubi cum ducibus subsequentis exercitus insignia non concordant. Beati siquidem patres nostri promptos se exhibebant ad perferenda supplicia; nos autem, dum a proximo lædimur, compescamus saltem animos vindicta. Moyses nempe ad ultionis indicium descendens de monte, cornutus apparuit (Gen. XXXIV); super Dominum autem in mansuetudinis Spiritu columba descendit (Matth. III). Illi decreverunt pro Christo propria cuncta contemnere; nos autem discamus saltem quæ aliena sunt non ambire.

Finiant testimonia libri Genesis.

INCIPIUNT CAPITULA LIBRI EXODI.

1. De urbibus tabernaculorum Phithon. et Ramesse, quas Pharaon luto et palea construxit.
2. De virga Moysi in serpentem conversa.
3. Unde supra.
4. De manu Moysi, quæeducta de sinu apparuit leprosa.

5. Cum esset Moyses in itinere, occurrit ei Dominus, et volebat eum interficere.
6. Projecerunt malefici Pharaonis in terram virgas suas, quæ versæ sunt in dracones, sed devoravit eas virga Aaron.
7. De decem plagis Ægypti: 1, de aquis in sanguinem versis; 2, de plaga ranarum; 3, de ciniphe; 4, de muscis; 5, de nece animalium; 6, de ulceribus et vesicis; 7, de grandine et tonitruis et igne; 8, de plaga locustarum; 9 de tenebris; 10, de primogenitorum interfectionibus.
8. Postulet vir ab amico suo, et mulier a vicina sua vasa argentea et aurea et vestes.
9. Sument de sanguine agni, et ponent super utrumque postem.
10. Cum emisisset Pharaon populum, non eos deduxit Dominus per viam terræ Philistiim, quæ vicina erat, ne si bella in via consurgerent, pœniteret eum et reverteretur in Ægyptum.
11. Sumpsit Maria prophetissa soror Aaron tympanum in manu.
12. De aquis amaris, quæ ligni, quod ostendit Dominus Moysi, admistione, sunt in dulcedinem versæ.
13. De XII aquarum fontibus et LXX palmis in Helim.
14. Quod sexta die duplex mensura jubebatur de manna colligi.
15. Quod filii Israel, cum vidissent manna, dicebant: Manhu, id est, Quid est hoc?
16. Quod manna in crastinum reservatum putrescebat.
17. Quod pugnante Israel contra Amalech, Moyses habens virgam in manu brachia erexit.
18. Quod Dominus in monte Sinai populo suo per Moysen legem dedit.
19. Altare de terra facietis mihi.
20. Non ædificabitis mihi altare de sectis lapidibus.
21. Facies bases argenteas, et tabulas deauratas desuper eriges.
22. Facies columnas quatuor et bases earum vestitas argento.
23. Ut in rationali, quod sacerdos ferebat in pectore, XII pretiosi lapides ponerentur, terni per quaternos angulos inclusi auro.
24. Arrapiens Moyses vitulum aureum igne combussit et usque ad pulverem contrivit; et in aquam spargens potum populo dedit.
25. Quod Moyses XXIII millia hominum ob culpam conflati vituli perimere fecit.
26. Ecce locus apud me, stabis super petram, cumque transierit gloria mea, videbis posteriora mea.
27. Fecit Moyses in tabernaculo VII lucernas cum emunctoriis suis et vasa.

Finiunt capitula.

101-102 INCIPIUNT TESTIMONIA LIBRI EXODI.

CAPUT PRIMUM.

In epistola ad Hermisindem sanctimoniale, ubi dicitur quod ædificium humanæ superbix cito destruitur.

Urbes illæ tabernaculorum, quas Pharaon luto paleaque construxit, nimirum luto, quod inquinat, palea, quæ destinatur ad flammam, Phithon et Ramesses sunt non sine mysterio nuncupate; Phithon siquidem interpretatur *os abyssi*, vel *subito*. Quisquis enim, juxta Pauli sententiam, supra fundamentum, quod est Christus Jesus, ligna, fenum, stipulam nunc ædificat, quale cujusque opus sit, ignis probabit (I Cor. III); et quo magis in altum hæc carnalis vitæ structura subrigitur, tanto proclivius, veluti in abyssi voraginem mersa, subito dissipatur. Unde scriptum est: « Ducunt in bonis dies suos, et in puncto ad inferna descendunt (Job. XXI). » Bene ergo dicitur et *os abyssi* et subito, quia de carnalis vitæ, quæ per eum innuitur, culmine non segnit, sed cito corruiat; et illud est *os abyssi* quod ascensus videbatur esse fastigii, Propheta testante qui ait: *Dejecisti eos, dum allevarentur (Psal. LXXII).* Ramesses vero pabulum dicitur, vel tinea. Pabulum namque diaboli sunt omnes reprobi, quibus ille tanquam lupus ovibus vescitur, eorumque pernicie velut epulis saginatur. De quibus etiam per David dicitur: « Sicut oves in inferno positi sunt, et mors depascet eos. (Psal. XLVIII). »

CAPUT II.

In epistola ad Hermisindem, ubi dicitur quod ædificium humanæ superbix cito labatur.

« Dixit Dominus ad Moysen: Projice virgam, quam in manu gestas, in terram; et projecit, et factus est

A serpens. Expavit illico Moyses et fugit. Et ait illi Dominus: Apprehende caudam illius, et apprehendit, factaque est iterum virga (Exod. IV). » Cuncti liquido novimus quia serpens suasit homini mortem; ergo mors a serpente. Quis autem virga, nisi Christus? de quo propheta dicit: Quia « egredietur virga de radice Jesse (Isa. II). » Virga itaque in serpentem, Christus in mortem. Moyses autem expavit et fugit, quia suspensus in cruce, sive moriente Domino, omnis ille apostolorum numerus tremefactus expavit, et a certæ spei ac firmæ fidei soliditate recessit. Quia vero cauda extrema pars est corporis, quid, nisi finem Dominicæ significat passionis? Moyses igitur caudam apprehendit et nihil in virga ultra serpentis apparuit, quia, completo Dominicæ passionis crucisque mysterio, et fidelis quisque tunc ad fidem redit, et Christus, consumpta morte, idipsum in se quod fuerat per resurrectionis gloriam reparavit.

CAPUT III.

In sermone de S. Columba.

« Dixit Dominus ad Moysen: Quid est quod tenes in manu tua? Respondit: Virgam. Ait: Projice eam in terram, etc. (Exod. IV). » Quis per Moysen, nisi Judaicus populus: et quid per virgam, nisi potestas divinitatis? et quid per serpentem, nisi mortalitas nostri Redemptoris exprimitur? Quia enim per serpentem mors, recte mortalis in serpentem; vel certe, cum scriptum sit: « Estote prudentes sicut serpentes (Matth. X), » quia ipsa summa prudentia, id est Dei Sapientia, incarnari dignata est, recte ejus mortalitas in serpente figuratur. Unde et in Evangelio

de passione sua loquitur, dicens : « Sicut exaltavit A
Moyses serpentem in eremo, ita exaltari oportet
Filium hominis (Joan. III). » Moyses ergo virgam te-
nuit, quia Judaicus populus ante Redemptoris ad-
ventum in divina potestate confusus est ; sed virgam
in terram projecit, quia idem populus per patriar-
chas ac prophetas Dominum incarnandum esse nun-
tiavit. Virga ergo in colubrum vertitur, quia Redem-
ptor noster Deus in se permanens mortalis inter
homines factus est : sed Moyses colubrum conspiciens
pertimuit et fugit, quia Judaicus populus, dum Red-
emptorem humani generis talem vidit Dominum,
credere quasi formidolosus expavit. Cui jubetur ut
colubrum cauda teneat, quia perfidus ille populus,
qui modo credere recusat, in extrema parte Domi-
nici corporis, id est, posteriori tempore sanctæ Ec-
clesiæ, videlicet in fine mundi, sese ad fidem recol-
ligit. Et colubrum cauda tenet, quia eum, quem
mortalem ante deseperat, Redemptorem suum in
ultima jam parte Ecclesiæ confitetur. Sed mox ser-
pens in virgam redit, quia statim ut Judaicus populus
in Redemptorem nostrum crediderit, idem Redemptor
ad judicium in potestate suæ divinitatis apparebit, ut
ei jam serpens virga sit, quia is qui in terra homo de-
spectus est, de cælo veniens super angelos videbitur
Deus. Sicut ergo Dominus et sine lepra leprosus, et
sine veneno serpens per mysterium dicitur, ita nihi-
lominus et sine fatuitate stultus, et sine imbecillitate
perhibetur infirmus, quia nimirum sic se nostræ
infirmiati componit atque contemperat, ut et cum
dicantibus certet et cum patientibus similiter sup-
plicia toleret.

CAPUT IV.

In eodem sermone.

« Mitte, inquit Dominus, manum in sinum tuum.
Qui, cum misisset in sinum, protulit leprosam instar
nivis. Retrahe, ait, manum in sinum tuum ; retraxit
et protulit iterum, et erat similis carni reliquæ (Exod.
IV). » Quid hoc loco per manum Moysi designatur,
nisi Filius Dei? Unde dicitur in psalmo : « Fiat manus
tua, ut salvet me (Psal. CXVIII) ; » ac si diceret :
Fiat ille, per **103** quem facta sunt omnia, ut, dum
ille creatur, creatura a reatus sui contagio liberetur.
Hæc manus in sinu Patris est, sicut Joannes Baptis-
ta dicit : « Filius, qui est in sinu Patris, ipse enar-
ravit (Joan. I). » Sed manus hæc cum de sinu pro-
lata est, hoc est, cum per mysterium incarnationis
apparuit, peccatorem eum et tanquam sceleris lepra
perfundum is, unde processerat, populus æstimavit.
Unde dicit Isaias : « Et nos putavimus eum quasi
leprosum, et percussum a Deo, et humiliatum (Isa.
LIII). » Sed manus hæc cum in sinum rediit, lepram
prorsus amisit, quia Redemptor noster, postquam
ad Patrem, calcato mortis imperio, rediit, jam in fine
sæculi non peccator homo, sed vere Deus et homo
Judæis omnibus apparebit.

CAPUT V.

In epistola ad canonicos Fanenses.

« Cumque esset in itinere in diversorio Moyses,

occurrit ei Dominus et volebat occidere eum (Exod.
IV). » Mirum valde, cur eum repente Dominus occi-
dere voluisse describitur, quem assecraret sibi jam
et symmystem familiariter fecerat, cui consilii sui ac
voluntatis arcana panderat, et nunc in executione
suar obediencia dirigebat. Sed procul dubio datur
intelligi quia quantamlibet contagii maculam ex diu-
turna Madianitarum cohabitatione contraxerat, atque
idecirco terrore ac negligentiae correctione purgandus
erat, qui corrigendis aliis cælestium mandatorum
bajulus accedebat. Quod scilicet uxor ejus Sephora
prudenter intellexit de qua Scriptura protinus ad-
didit : « Tulit illico Sephora acutissimam petram, et
circumcidit præputium filii sui (Ibid.). » Absurdum
quippe fuerat, si videretur gentilis in filio qui Israe-
lita erat in semetipso. Qui erga alios ad rectitudinis
viam debet instruere, valde cavendum est ne ipse,
quod absit, in aliquo videatur errare. Hinc est enim
quod Israeliticus populus ad ulciscendum scel-
lus Benjamin zelo rectitudinis inflammatur, et tamen
idem populus Benjamin gladiis ante prosternitur
(Jud. XX).

CAPUT VI.

In epistola ad Bonifacium, ubi dicitur ut exteriori
prudentiæ spiritualis sapientia præferatur.

« Projecerunt malefici Pharaonis in terram virgas
suas, quæ versæ sunt in dracones : sed devoravit
virga Aaron virgas eorum (Exod. VII). » Virga quippe
Aaron maleficorum absorbit virgas, quia sapientia
Christi, quam illa signabat, omnes hujus mundi
sapientias annullavit, mundique sapientes sui corpo-
ris, quod est Ecclesia, visceribus counivit. Terrenam
itaque sapientiam nostram sapientia spiritualis ab-
sorbeat eamque velut in sui corporis arcana con-
vertat. Absurdum namque est et satis inhonestum
ut eadem prudentia eademque subtilitas rebus ad-
hibeatur humanis quæ spiritualibus impenditur et
divinis.

104 CAPUT VII.

De decem plagis Ægypti, in epistola ad discipulum
Joannem.

Plagæ autem factæ in Ægypto, quia humanæ
animæ in mundo infiguntur vulnera. Unde quot
plagæ fuerant tot præcepta sunt divinitus promul-
gata, ut, quot sunt vulnera cordis ægroti, totidem
sint medicamenta quæ illi valeant adhiberi.

Age igitur : prima plagæ est cum aquæ vertuntur
in sanguinem (Exod. VII). Porro autem istæ plagæ
non fiunt nisi in Ægypto, id est, in corde tenebroso
et caligine cæcitatibus oppresso. Cui scilicet aquæ con-
vertuntur in sanguinem, cum cæca mens, quantum
ad se, confundit ac violat rectæ fidei puritatem ;
sicut enim per aquam omnes de visceribus terræ se-
getes prodeunt, sic ex fide spiritualia proferuntur
alimenta virtutum. Tunc igitur aqua in sanguinem
vertitur, cum cæcitate perfidiæ cor insipiens obscu-
ratur. Sicut de quibusdam dicit Apostolus : « Quia
cum cognovissent Dominum, non sicut Dominum
glorificaverunt, aut gratias egerunt, sed evanuerunt

in cogitationibus suis; et obscuratum est insipiens a cor eorum (*Rom. i.*). » Cui primæ plagæ, hoc est, pestilentissimo vulneri, mox adhibetur primæ medicinæ præcepti : « Audi, Israel, Dominus Deus tuus Deus unus est (*Deut. vi.*) » Hoc est enim medicinale vinculum, quo perfidiæ vulnus debeat alligari, ut hoc audiens unum solummodo Deum colas et in plures Deos marcescentis perfidiæ putredinem non effundas. Et justo Dei iudicio, juxta litem factum est ut illius fluvii sanguine potarentur Ægyptii, in quo primitus pueri necabantur Hebræi.

Secunda vero plaga, ranarum est abundantia (*Exod. viii.*). Rana clamosum est animal, et in limosis vociferatur ex more paludibus; cui similes judicantur hæretici ac philosophi, qui velut super paludes limosas, hoc est inter turbas squalore perfidiae sordidas, vanis adversus Christum vociferantur obloquiis, et, dum per argumenta fallaciæ non desinunt importunis garrire clamoribus, inane quidem in auribus tædium, sed nullum mentibus vivendi afferunt cibum. Cui morbo, qui videlicet in anima lethaliter sævit, secundum præceptum tanquam poculum salutis occurrit. Secundum autem præceptum est : « Non assumes nomen Domini Dei tui in vanum (*Exod. xx.*) » In vanum namque Christi nomen assumit qui eum non Creatorem, sed tantummodo creaturam credit : « Vanitati enim creatura subjecta est (*Rom. viii.*) » Et ideo tales homines sunt procul dubio vani, quia veritatem Dei commutantes in mendacium, fidem adhibent vanitati.

Tertia vero plaga ciniphes sunt (*Exod. viii.*). Hoc autem animal tam minutum est ac perexiguum ut dum se per aerem librat et huc illucque vagabundis anfractibus instabiliter volat, visum cernere volentes effugiat; in corpore tamen nostro dum sederit, pungit, adeo ut, cum eas nequeas videre dum volant, compelleris sentire dum stimulant; et dum circumvolantes seseque importunius ingerentes vultus nostros infestare non desinunt volentes, quiescere non permittunt.

105 Quamobrem hæc plaga vagationis et inquietudinis vitium manifeste designat. Quo videlicet morbo quidam laborantes inutiliter huc illucque discurrent, et velut malis vertumnis obnoxii per impatientiam non quiescunt. Sed quoniam ciniphes istæ perexiguae sunt et noxiæ, ut non tam pondus videantur habere quam morsus, qui vitio vagationis inserviunt. quod per ciniphes designatur, leve quidem arbitrantur esse peccatum, sed non levi reatus fodiuntur aculeo. Non aggravat pondus, sed penetrat morsus, quia, quanto vitium hoc levius deputant, tanto majore necesse est ut peccati stimulus animæ languentis interiora transfigat. Huic itaque languori tertiæ præcepti obviat medicina, cum dicitur : « Memento ut diem Sabbati sanctifices (*Exod. xx et xxxi, Deuter. i.*) » sabbatum, id est requies. Ubi est sanctificatio sabbati, ibi procul dubio Spiritus Dei. Unde scriptum est : « Super quem requiescet Spiritus meus, nisi super humilem et quietum et trementem sermones meos ? » (*Isa. lxi.*) Pensanda sunt verba quia si Spiritus sanctus requiescit tantummodo su-

per quietum, ergo deserit inquietum. Enimvero, sicut secundum præceptum refertur ad Filium, ita hoc tertium pertinet ad Spiritum sanctum, qui nihilominus tertia est in sancta Trinitate persona. Nam et illam tertiam plagam Spiritui sancto incantatores ascribunt, cum et ipsi ciniphes excitare non possunt, dicentes ad Pharaonem : « Digitus Dei est hic (*Exod. viii.*) » Ad colendum hoc sabbatum discipulum suum provocabat Apostolus, cum dicebat : « Attende lectioni et doctrinæ (*I Tim. i.*) » Et alibi : « Orate sine intermissione (*I Thess. v.*) » Ad hujus sabbati cultum Dominus nos provocat per prophetam, cum dicit : « Vacate et videte, quoniam ego sum Dominus (*Psal. xlv.*) » Ac si dicat : Spirituale sabbatum colite, vagationis inquietudinem devitate; ut per Spiritus sancti gratiam fixos, non vos ciniphes inquietent, sed spiritualis sabbati cultura sanctificet. Notandum præterea quoniam tria duntaxat ista præcepta in una descripta sunt tabula; alia vero septem continebantur in altera. Ista siquidem ad charitatem Dei, illa vero ad amorem pertinent proximi. Et idcirco non amplius quam duæ sunt tabulae, quia geminæ sunt charitatis impressione distinctæ. Tria plane præcepta in una tabula, septem vero descripta fuisse in alia ex hoc maxime colligitur quod B. Apostolus ad Ephesios ait : « Filii, obedite parentibus vestris in Domino, hoc enim justum est. Honora patrem et matrem; quod est mandatum primum in promissione, ut bene sit tibi et sis longævus super terram (*Ephes. vi.*) » Cur autem primum hoc mandatum dicitur, nisi quod in principio secundæ tabulae positum est ? Quod etiam in promissione dicitur, quia quod in aliis præceptis non invenitur, hoc præceptum longævitatæ promissio sequitur, præmisso nimirum hoc quod dicitur : Honora patrem et matrem, ut bene sit tibi et sis longævus super terram. Hoc ergo præceptum, quod quantum est in generali numero mandatum, in secunda tabula ponitur primum.

Cui contraria est quarta plaga, hoc est, cynomyia quæ dicitur *musca canina* (*Exod. viii.*). Nihil enim tam caninum est quam ignorare parentes et illis qui nos genuerunt, reverentiam non deferre. **106** Eos etiam tanquam muscæ circumvolantes canini mores exagitant, qui, dum deferre parentibus nesciunt, per levitatis inconstantiam a naturali gravitate recedunt, eosque tanquam caninæ muscæ dilacerant, dum se contra genitores suos, quasi ringentes et oblatrantes, per impatientiam vexant. Ut hæc ergo plaga curetur, digna parentibus reverentia deferatur.

Quinta plaga mors peccatorum est (*Exod. ix.*). Omnes enim qui spreto conjugali toro alienarum semulorum fœditatibus polluant et per obscenæ libidinis passim fluxa resolvunt, quid aliud quam bruta dicendi sunt pecora atque a ratione spiritualis intelligentiæ penitus aliena ? « Facti sunt enim sicut equus, et mulus, quibus non est intellectus (*Psal. cxxi.*) » Et per Jeremiam dicitur : « Saturavi eos et mœchati sunt, et in domo meretricis luxuriabantur; equi

amatores in feminas emissarii facti sunt, unusquisque A non rodunt, quibus per Apostolum dicitur : « Si mordetis et comeditis invicem, videte ne ab invicem consumamini ? » (*Gal. v.*) Huic itaque plagæ mandatum illuc competenter opponitur, quo dictum est : « Non falsum testimonium dices (*Exod. xx.*) » Ut videlicet falsus quisque testis, qui non erit impunitus, ab alienæ vitæ morsu se reprimat, locustinos dentes abjiciat et virentia segetis alienæ germina non abrodāt.

Sexta plaga sunt vulnera et vesicæ turgentes atque ferventes (*Exod. ix.*) In vulneribus scilicet arguitur dolosa odientium ac purulenta malitia ; in vesicis tumens et inflata superbia ; in fervore, æstuans et inflammati furoris insania. Sunt enim animæ quædam homicidæ, in quibus hæ pestes oriuntur et accerrime sæviunt, easque, nisi humanum sanguinem fundant, quiescere non permittunt. Huic itaque furenti morbo et immaniter sævientī, sextum præceptum tanquam medicina celestis occurrit, quo dicitur : « Non occides (*Exod. xx.*) ; » ut hoc quilibet audiens exortam malæ voluntatis in semetipso perniciem reprimat, nec extrinsecus ad effundendi cruoris effectum conceptum malitiosæ conscientiæ virus erumpat.

Post hæc plaga grandinis ponitur, ubi scilicet grando et ignis pariter ferebantur (*Exod. ix.*) Porro autem duo hæc contraria sunt, frigus in grandine, calor in igne. Sic qui aliena furantur, et a fraterna charitate sunt frigidi, et ardore cupiditatis accensi. Ubi etiam fulgura atque tonitrua mista fuisse cum grandine perhibentur. Quid autem per tonitrua et fulgura, nisi pavor intolerabilis designatur ? Et hoc furibus familiare est ut, primo capi, deinde puniri, tremefactis visceribus paveant ; nec tamen a semel conceptæ nequitiae perpetratione quiescant. Istæ nimirum pestes, hoc est, grando, ignis, fulgura, simul atque tonitrua, eorum corda qui clam aliena diripiunt, tanquam quædam arva devastant, et si qua sunt, omnia bonæ voluntatis fruges et germina dissipant. Huic itaque pessimo vulnere septimi succurrit medicina mandati, cum dicitur : « Non furaberis (*Exod. xx.*) ; » ut hoc quisque cognoscens, cordis sui segetes hac multiplici peste non perdat, sed bonorum operum frugibus animæ suæ cellarium repleat, implens illud apostolicum : « Qui furabatur, jan non 107 furetur, sed laboret manibus suis, ut habeat unde tribuat necessitatē patientibus (*Ephes. iv.*) »

Octava autem plaga locustæ sunt (*Exod. x.*) Per hæc animalia, quæ segetum germina destruunt et pestifero fruges ore corrodunt, qui possunt melius designari quam hi qui fratribus detrahunt et falsum illis crimen opponunt ? Nam quasi alienæ segetis germen devorant, dum fratrum suorum non modo bona supprimunt quæ prædicare debuerant, sed ultimo etiam nota eos falsi reatus inflammant. Rodunt itaque, quia non modo eorum verba bona per invidentiam contegunt, sed eis etiam stigma fictæ pravitatis inurunt. An isti tanquam locustæ B Jam nona plaga est densitas tenebrarum (*Exod. x.*) Nemo magis in interiores tenebras labitur quam is qui conjugalis thalami violat fidem et alienam invadere quærit uxorem. Sed has tenebras quas utique cor luxuriæ deditum tolerat, divinæ legis splendor illustrat, cum dicitur : « Non concupisces uxorem proximi tui (*Exod. xxi.*) » Ubi notandum quia non dicitur, non tolles ; sive, non pollues, sed quo plus est, « non concupisces uxorem proximi tui. » Superior dictum est : « Non mœchaberis : » hic dicitur : « Non concupisces uxorem proximi tui. » ergo de re una duo videntur esse mandata : illic enim mœchiæ alienum torum violentis effectus ; hic etiam violare volentis prohibetur affectus. Illic spurcus et illicitus condemnatur adulterii coitus ; hic etiam adulterinæ concupiscentiæ compescitur appetitus. Et revera ipsa concupiscentia violandi alieni matrimonii adulterium est, sicut Dominus ait : « Qui viderit uxorem alterius ad concupiscendum eam, jam mœchatus est in corde suo (*Matth. vi.*) » Non ergo quispiam alienam concupiscat uxorem, ne palpabili tenebrarum patiatur in corde caliginem, quam etsi forte jam patitur, coruscantem radium mandati legalis admittat et sic tenebras conscientiæ cæcuentis abjiciat.

Postremo decima plaga est mors primogenitorum (*Exod. xxi.*) Duos filios habet homo, nimirum cum facit opus quod ad hanc pertinet vitam, et cum spirituale quod operatur quod ad vitam tendit æternam. Sed spiritualis fructus, quasi primogenitus noster, in nostris operibus debet obtinere primatum. Unde et Dominus : « Primum, inquit, quærite regnum Dei, et hæc omnia adjicientur vobis (*Matth. vi.*) » Ac si dicat : Gignite spiritualem fructum, qui vester sit utique primogenitus ; qui vero ad hujus vitæ pertinet necessaria, sit in hereditate secundus, huic enim primogenito cum Jacob debetur benedictio (*Gen. xxvii.*) ; de Esau vero ejusque similibus Scriptura dicit : « Hæreditas, ad quam in principio festinavit, in novissimo benedictione carebit (*Prov. xx.*) » De his duobus liberis in Deuteronomio per figuram dicitur : « Si habuerit homo uxores duas, unam dilectam 108 et alteram odiosam, genueritque ex eis liberos, et fuerit filius odiosæ primogenitus, volueritque substantiam inter filios suos dividere, non poterit filium dilectæ facere primogenitum, et præferre filio odiosæ, sed filium odiosæ agnoscat primogenitum dabitque ei de his quæ habuerit cuncta duplicia ; iste enim principium liberorum ejus, et hic debentur primogenita (*Deut. xxi.*) » De quibus omnibus verbum illud hic duntaxat ducimus exponendum,

quod uxor dilecta sit vita mollis, deliciosa, carnalis; A odiosa autem uxor est vita spiritualis, ut pote rigida, districta et omnium carnalium delectationum illecebris inimica. Hujus ergo filio primogenita debentur, quia spiritualis vitæ fructus illum habere meretur in premium qui est, juxta Joannem, « primogenitus mortuorum, et princeps regum terræ, qui dilexit nos et lavit nos a peccatis nostris in sanguine suo (Apoc. 1). » Sed hic primogenitus, id est, spiritualis fructus illi procul dubio moritur, qui suis non contentus, alienis rebus intendit; quod fraterni juris est appetit, et bona proximi succensus avaritiæ facibus concupiscit. Sed decimum Legis præceptum est: « Non concupisces rem proximi tui (Exod. xx). » Hoc igitur ille mandatum diligenter audiat, ne primogenitum perdat, ut de primogenito suo gaudeat, B nequaquam quod alienum est concupiscat.

CAPUT VIII.

In sermone S. Eleuchadii.

« Postulet vir ab amico suo, ait Dominus, et mulier a vicina sua, vasa argentea, et aurea, et vestes; dabit autem Dominus gratiam populo suo coram Ægyptiis (Exod. xii). » In quo videlicet, ne diutius petimur, mystice aurum et argentum cum vestibus petimus, unde Domino tabernaculum fabricemus, cum mundanos poetas ac philosophos legimus, ut in divinis eloquiis luculentius proficere valeamus; sive etiam, quod perspicacius est, aurum et argentum, animæ sunt pretiosæ, quæ cum vestibus simul, id est, suis corporibus populo Dei se copulant, ut tenebrosus hoc sæculum, velut Ægyptum, deserant et terram promissam perpetuæ felicitatis acquirant.

CAPUT IX.

In sermone de inventionē sanctæ crucis.

« Sument de sanguine agni et ponent super utrumque postem (Exod. xii). » Quid est, quod Israelitica plebs postibus domorum de sanguine agni jubetur imponere, nisi ut nos præfiguret crucem Christi, qui verus est agnus, in fronte portare? Ad vesperam siquidem immolabatur agnus, et in vespera mundi passus est Christus. Liniuntur utique postes, ne vastator angelus audeat inferre perniciem, et nos crucis vexillum in corde gestamus et fronte, ne repentinus hostis veniens valeat auferre salutem, unde et securi canimus: « Signatum est super nos lumen D vultus tui, Domine (Psal. iv). »

109 CAPUT X.

In Epistola ad Blancam comitissam.

« Cum emisisset Pharao populum, non eos deduxit Dominus per viam terræ Philistiim, quæ vicina est, reputans ne forte poneretur cum, si vidisset adversum se bella consurgere, et reverteretur in Ægyptum (Exod. xiii). » Ex Ægypto itaque recedentibus, e vicino pugna subtrahitur, quia derelinquentibus sæculum quædam pacis tranquillitas datur; ne in ipsa suæ teneritudinis novitate turbati atque conterriti ad ea quæ contemperant revertantur. Prius ergo securitatis suavitate mulcentur, prius pacis quiete

nutriuntur. Post cognitum vero dulcedinem tanto jam tolerabilius tentationum certamina sustinent quanto in Deo altius agnovere quod ament.

CAPUT XI.

In sermone de inventionē sanctæ crucis.

« Sumpsit autem Maria prophetes, soror Aaron, tympanum in manu (Exod. xv). » Nos quoque rubro jam mari transmissio et hoste demerso tympanum cum Maria ferre debemus. Quid est autem tympanum portare? Audi Dominum dicentem: « Qui vult, inquit, venire post me, abneget semetipsum, et tollat crucem suam et sequatur me (Luc. viii). » Qui enim carnem suam cum vitis et concupiscentiis crucifigit, qui membra sua, quæ sunt super terram, abstinendo mortificat (Galat. v), ille vere cum Maria tympanum portat, quia semetipsum a noxiis terrenæ voluptatis humoribus aridum servat.

CAPUT XII.

In eodem sermone.

Præterea et illud non inconvenienter occurrit. Quod videlicet Israeliticus populus in Mara adversus Moysen murmurat, vociferans scilicet non se posse reperire quod bibat (Exod. xv). Tunc ostendit Moysi Dominus lignum, quod cum ille misisset in amarissimas aquas, in dulcedinem protinus sunt conversæ. Quid enim amaræ illæ aquæ, nisi occidentis litteræ, et duræ atque insipidæ legis speciem tenent? Scriptum est enim: « Constituit populo suo Dominus legem et judicia, et tentavit eum (Ibid.). » Et alibi: C « Ego dedi eis præcepta non bona et judicia, in quibus non vivent (Ezech. xx). » Cui tamen legi si confessio crucis et Dominicæ passionis mysterium copulatur, protinus quod amarum fuerat in spiritalis intelligentiæ dulcedinem vertitur.

CAPUT XIII.

In eodem sermone.

Notandum autem juxta veritatem historiæ, quod, aqua in dulcedinem versa, subinde populus venit in Helim, ubi erant duodecim fontes aquarum et septuaginta palmæ. Quid 110 enim duodecim fontes, nisi duodecim sunt apostoli (Matth. x), quos Dominus ad hoc constituit ut arida et squalentia humani generis pectora suæ prædicationis inundationibus irrigarent? Quid vero septuaginta palmarum arbores, nisi totidem sunt discipuli, quos ante faciem suam idcirco misit (Luc. x), ut per eos victoriæ suæ palmas mundus agnosceret? Et certe satis congrue videtur consequentium rerum ordo dispositus ut primo populus duceretur ad litteram legis, a qua nimirum, dum amara fuit, transire non potuit. At postquam est per lignum vitæ dulcis effecta et intelligi spiritualiter cœpit, illico Dei populus de Veteri Testamento ad Apostolicos fontes et palmarum arbores, id est, ad Evangelii gratiam transiit. Et bene post acceptum Decalogum septuplus prædicatorum numerus constituitur, quia per septiformem sancti Spiritus gratiam omne mandatum divinæ legis impletur. Nec immerito plane prædicatores crucis pal-

marum videntur nomine designari, dum et ipsa crux A rietur (*Isa. xvi.*), » ut ignem igne cupiditatis accendat, et vermis ex verme procedat. Quanquam et sic valeat non inconvenienter intelligi, quia sicut ipse Christus, qui dicit : « Ego sum vermis, et non homo (*Psal. cxi.*) » provenit aliis in ruinam, aliis in resurrectionem; ita nihilominus verbum ejus fit manna mellisque dulcedo fidelibus; infidelibus autem et prave viventibus vermis fit, non videlicet qui animam reficiens alat, non qui conscientiam terendo ac minitando remordeat.

CAPUT XIV.

In sermone de S. Eleuchadio.

« Die sexta parent, ait Dominus, quod inferant, et sit duplum quam colligere solebant per singulos dies (*Exod. xvi.*). » Sexto die duplex mensura colligi jubebatur, ut ex eo in Sabbatum medietas servaretur. Porro autem sexta dies sexta mundi ætas intelligitur, in qua nunc sumus. In hac ergo die duplum pro venturo Sabbato colligit, qui pro gloriæ cœlestis intuitu, ubi perpes Sabbatum et vera est requies, verbum Dei et audit et facit. In hac duplum recondit qui et bene vivit, et aliis exemplum salutis ostendit; sive, quod expeditus est, duplicem mensuram colligit qui tantum in bona operatione desudat, unde et hic Conditori suo ejus anima placeat, et cum eo postmodum perpetualiter vivat. Quod igitur reponebatur pro Sabbato corrumpi non poterat; quia bona opera, quæ pro desiderio supernæ quietis fiunt, perpetuo manebunt.

CAPUT XV.

In epistola ad fratres Chuniacenses.

« Cum vidissent filii Israel manna datum, dixerunt ad invicem : Manhu ? quod significat, quid est hoc ? Quibus ait Moyses : Iste est panis, quem dedit vobis Dominus ad vescendum (*Exod. xvi.*). » Illi ergo C manna, id est, quid est hoc, veraciter comedunt qui, dum legunt, vel audiunt, divini verbi mysterium solerter inquirunt : qui nimirum intra literalis paleæ thecam, dulcem intelligentiæ spiritualis ambiunt enucleare medullam. His certe quid est hoc veraciter vescitur, qui in assidua Scripturæ sacræ solerter inquisitione versatur. Quasi enim quæstionem 111 quamdam, et quid est hoc avido cordis ore comedimus, cum ad penetranda mysteria Scripturarum vigilanter insistimus, cum epulas cœlestis eloquii subtiliter ruminamus.

CAPUT XVI.

In sermone de S. Eleuchadio.
(Serm. 6.)

Præsenti necessitati hodierna cura sufficiat, nec diem crastinum sollicitudinis rancor anticipet. Israeli- ticus sane populus, sicut sacra testatur historia, cum manna colligeret, scaturiebat verbibus atque computrescebat, si quis infideliter agens, ex eo in crastinum reservaret (*Exod. xvi.*). Sic nimirum quisquis ardore cupiditatis accensus, ut tanquam corpori suo alimenta provideat, terrenam sibi substantiam thesaurizat, huic ille vermis ebullit, qui conscientiam fodiat et arcana pectoris rodât. Enimvero ii sollicitudinum vermes, quos avaritia generat, illos denuo vermes parant, de quibus scriptum est : « Ignis eorum non exstinguetur et vermis non mor- D

CAPUT XVII.

In sermone de exaltatione sanctæ crucis.

Habens Moyses virgam in manu, brachia in modum crucis erexit (*Exod. xvii.*) : sicque factum est, ut catervarum adversantium acies ligno et signo, hoc est, pleno crucis mysterio superaret. Hoc enim sacra testatur historia cum dicit : « Dum levaret manus Moyses, vincebat Israel : sin autem paululum remisisset, superabat Amalech (*Ibid.*). » Hoc plane factum non solum spiritualis intelligentiæ sacramentum, sed et virtutis nobis saluberrimum convectat exemplum. Nam dum crucem post Dominum tollimus; dum corda nostra cum manibus ad Dominum levamus, rectores tenebrarum protinus corruunt et in ima prostrati fractis viribus eliduntur. Si vero manus remittimus et obliiti cœlestium terrena sectamur, protinus hostis victor insequitur et nos amissa victoria persequentium gladiis obtruncamur. In omni sane spirituali certamine crucis debemus præferre vexillum, quod nimirum si visibiliter agentes attollimus, procul dubio victores existimus; alioquin si segniter vivendo deponimus, ad primos persequentium impetus necesse est enerviter concidamus. Unde et insignis ille militiæ spiritualis instructor Paulus ait : « Remissas manus et dissoluta genua erigite, et gressus rectos facite pedibus vestris, ne claudicans quis erret (*Hebr. xii.*). »

112 CAPUT XVIII.

In sermone synodali primo.

Sicut in monte Sinai Dominus Israeliticæ plebi per Moysen legis edicta proposuit; ita in sancta Ecclesia per ministerium sacerdotum idem legislator et judex Christiano populo vivendi mandata depromit; Sinai quippe interpretatur rubus sine tentatio. De rubo siquidem Dominus, ut Scriptura testatur, apparuit, et Moysi ad filios Israel deferre mandata præcepit (*Exod. iii.*). Et in Ecclesia Deus procul dubio cernitur, sicut eidem Moysi roganti quatenus sibi semetipsum ostenderet, pollicetur, dicens : « Ecce locus apud me, stabis supra petram; cumque transierit gloria mea, tunc videbis posteriora mea (*Exod. xxxiii.*). » Quod autem Sinai etiam tentatio dicitur, quid per hoc aliud debet intelligi, nisi quia in Ecclesia, ibi lex datur, ibi tentatio maligni spiritus aliquando pestilenter oboritur, ut ad violandam recti judicii regulam modo spes quæstus obrepât, modo rigorem justitiæ laus vel humanæ gratiæ favor emolliat; modo ad nocendum, iræ vel odii livor

impellat; modo metus a libertate recte iudicandi coram spici præ obscuritate non poterant, quasi nigra remanebant; at postquam apostolicæ prædicationis manus vaticinia obscura deterisit, quidquid lucis in eis latebat inclauit sensusque eorum mysticos in usum dedit, quia verba jam rebus esse exposita perspicue nuntiavit. Jure igitur præcipiuntur fieri et bases argenteæ et tabulæ deauratæ; quia videlicet apostolica præcepta prophetarum oraculis longe sunt clariora.

CAPUT XIX.

G. G.

« Ait Dominus filiis Israel : Altare de terra facietis mihi (*Exod. XX.*) » Altare scilicet de terra Domino facere est in nostri Redemptoris incarnatione sperare. Tunc quippe a Deo nostro munus accipitur, quando in hoc altari nostra humilitas, id est, super Dominicæ incarnationis fidem posuerit quidquid operatur. Altari ergo de terra oblatum munus imponimus, si actus nostros Dominicæ incarnationis fide solidamus. De quo altari per Isaiam dicitur : « In die illa erit altare Domini in medio terræ Ægypti, et titulus juxta terminum ejus domini, et erit in B signum et in testimonium Domino exercituum in terra Ægypti (*Isa. XIX.*) »

CAPUT XX.

In epistola ad canonicos Fanenses.

« Si autem lapideum altare mihi facies, non edificabitis illud de sectis lapidibus, si enim levaveris cultrum tuum super eum, polluetur (*Exod. XX.*) » Secti quippe lapides sunt, qui fraternæ societatis consortium respuunt; quod vivere cum fratribus et conversari concorditer nolunt. Tales autem Christus in suo non recipit corpore, quia a membrorum suorum sectos judicat unitate. De illis porro lapidibus altare est potius fabricandum, quibus Petrus dicit apostolus : « Et ipsi tanquam lapides vivi superædificamini in domos spirituales (*I Petr. II.*) » Cui videlicet domui ille fundamentum est, præter quod non potest aliud poni; ille summus qui factus est in caput anguli.

113 CAPUT XXI.

In sermone de S. Andrea apostolo.

« Facies, ait Dominus, bases argenteas, et tabulas deauratas desuper eriges (*Exod. XXVI.*) » Quid autem per bases argenteas, nisi prophetarum videtur ordo signari? Qui dum primi de sacramento Ecclesiæ sunt locuti, quasi quasdam bases eos aspicimus a fundamento consurgere et superposita fabricæ pondera sustinere. Quid vero per tabulas, nisi sancti figurantur apostoli, qui extensa per mundum prædicatione sunt amplissime dilatati? Apostolorum namque doctrina, quasi quibusdam basibus prophetiæ prædicationis innititur eorumque auctoritate ad status sui robur firmiter solidatur. Unde et conjunctæ binæ bases in singulis tabulis supponuntur, quia dum prophetæ sancti in verbis suis invicem de futuræ tunc Ecclesiæ sacramento concordant, subsequentes apostolos ædificantes ædificant, et cum a semetipsis in nullo dissentiant, illos in se robustius figunt. Nec immerito bases, quibus prophetæ signantur, ut ex argento debeant fundi, præcipitur. Argenti quippe claritas ex usu servatur, sine usu autem in nigredinem vertitur. Prophetarum quoque dicta, antequam apostolica prædicatione clarescerent, quia in usu spiritualis intelligentiæ non erant, dum con-

spici præ obscuritate non poterant, quasi nigra remanebant; at postquam apostolicæ prædicationis manus vaticinia obscura deterisit, quidquid lucis in eis latebat inclauit sensusque eorum mysticos in usum dedit, quia verba jam rebus esse exposita perspicue nuntiavit. Jure igitur præcipiuntur fieri et bases argenteæ et tabulæ deauratæ; quia videlicet apostolica præcepta prophetarum oraculis longe sunt clariora.

CAPUT XXII.

In sermone de S. Matthæo evangelista.

« Facies columnas quatuor et bases earum vestitas argento (*Exod. XXVII.*) » In argento enim quid aliud quam claritas divini sermonis accipitur? sicut scriptum est : « Eloquia Domini, eloquia casta, argentum igne examinatum, probatum terræ (*Psal. XI.*) » Bases ergo argento vestitæ quatuor columnas tabernaculi sustinent, quia prædicatorum Ecclesiæ divino eloquio decorati, ut in cunctis se exemplum præbeant, quatuor evangelistarum dicta et ore et operibus portant. Matthæus itaque primum obtinet locum, Joannes ultimum. Qui nimirum et in apostolico sunt culmine constituti, et ex his quæ scriperunt, non auditu duntaxat, sed visu potius atque contactu sunt præsentialiter informati, sicut unus eorum dicit : « Quod audivimus, quod vidimus, quod oculis nostris perspeximus, quod manus nostræ tractaverunt de Verbo vitæ (*I Joan. I.*) » Marcus autem et Lucas, qui evangelici catalogi medietullum sortiuntur, non quidem sunt apostoli; verumtamen præcipuorum apostolorum alter Petri, alter Pauli relationibus sunt edocti. Omnes tamen sancti evangelistæ unius auctoritatis, 114 unius sunt fidei, nec in aliquo dispare in texendis sincerissimæ lineis veritatis, ac per omnem suæ descriptionis articulum, inexpugnabile similiter erigunt propugnaculum adversus omnia quarumlibet hæreseon spicula præmunitum.

CAPUT XXIII.

In sermone de S. Bartholomæo.

Præceptum est ut in rationali, quod sacerdos ferebat in pectore, dum ingrederetur Sancta sanctorum, ponerentur duodecim lapides, terni per quaternos angulos inclusi auro, quia nimirum sancti apostoli per quadrifidum orbem de Trinitate, quæ Deus est, prædicarunt catholicæ fidei veritatem. Qui etiam lapides auro deferuntur inclusi, quia et beati apostoli in sapientiæ cælestis arcano perseverant inviolabiliter confirmati. Legitimum ergo est ut sacerdos, cum ingreditur sanctuarium, duodecim pretiosos lapides in rationali pectoris deferat, quatenus quisquis sacris altaribus appropinquat, apostolicæ sibi rectitudinis exempla proponat; ut quorum ministerio fungimur, eorum vitam, in quantum prævalet, imitemur; et quorum gerit officium, in eis sanctæ æmulationis studia defigat obtutum.

CAPUT XXIV.

In sermone de S. Eleuchadio.

« Arripiens Moyses vitulum aureum, quem fece-

runt, igne combussit, ad pulverem usque contrivit, A in sua, hoc est, diabolica tentaverat membra trans-
fluctibusque conspergens, Israeliticum ex eo populum
propinavit (*Exod. xxxii*). » Quid est enim per figu-
ram vitulus ille conflatus, nisi corpus diaboli, homi-
nes scilicet in omnibus perfidiæ simul et idololatriæ
errore decepti ac sub ipso suo pestifero capite, tan-
quam diversa membra sacrilega conspiratione con-
iuncti; super quos nimirum ille nequitiae spiritus
velut auctor presidens insolenter erigitur, et tanquam
caput per tyrannidem suo corpori dominatur? Au-
reus autem vitulus fuisse describitur, quia videtur
idololatriæ ritus velut a sapientibus institutus. Auro
quippe sapientia designatur, sicut per Salomonem
dicitur: « Thesaurus desiderabilis in ore sapientis
(*Prov. ii*). » Aureus itaque fuit vitulus, quia mundi
sapientes ante novæ gratiam fidei dæmoniacæ cultu-
ræ fuisse probantur auctores. De quibus nimirum
Apostolus: « Quia, cum cognovissent Deum, non
sicut Deum glorificaverunt aut gratias egerunt, sed
evanuerunt in cogitationibus suis et obscuratum est
insipiens cor eorum, dicentes enim se esse sapientes,
stulti facti sunt, et mutaverunt gloriam incorrupti-
bilis Dei in similitudinem imaginis corruptibilis homi-
nis, et volucrum, et quadrupedum et serpentium
(*Rom. i*). » Per hanc itaque vesanæ sapientiæ-vani-
tatem, poetæ, philosophi, magi, siderum rimatores
omniumque disciplinarum liberalium instructi peritia,
prodigiosa dæmoniorum solebant adorare figmen-
ta. In vitulo igitur significatum est totum corpus,
id est, omnis societas gentilium idololatriæ dedito-
rum. 115 Moyses itaque vitulum igne combussit,
quia Redemptor noster, quem ille signaverat, male
conspirata corda gentilium flamma suæ charitatis
accendit. Unde et ipse dicit: « Ignem veni mittere
in terram, et quid volo nisi ut accendatur? (*Luc.
xii*). » Et Propheta: « Non est, inquit, qui se ab-
scondat a calore ejus (*Psal. xviii*). » In mente ergo
gentilium repente divinus ignis ascenditur, ut in eis
irrationabilis idololatriæ forma solvatur. Totum
deinde corpus vituli hujus in pulverem comminuitur,
quia gentilis illa societas diabolica conspirationis in
unum arte conflata, ad adventum Christi quodam
velut malleo salutiferæ correptionis extensa atque a
rigoris sui duritia divini verbi est virtute contrita;
ad verbum siquidem veritatis salubriter comminuitur,
quæ male integra in superbæ suæ forma insensibiliter
stare videbatur. Deinde in aquam spargitur,
ut Israeliticus ex eo populus bibat. Comminutus denique
vitulus in aquam mittitur, quia humiliatus
gentilis populus, lavacro salutiferi fontis necesse est
abluatur. Quem protinus Israelitæ bibunt, quia sancti
predicatores Evangelii, qui vere Israelitæ sunt, quos
Dominicum corpus, quod est Ecclesia, transferunt
in sua membra suscipiendo, quasi bibendo conver-
tunt; quorum videlicet Israelitarum primo dictum
est: « Macta et manduca (*Act. x*). » quod tantum-
dem est ac si diceretur: Tere et bibe. Sic ille vi-
tulus per ignem zeli, et aciem verbi, aquaque
baptismatis ab eis potius absorptus est quos cona-
tus est absorbere; in eos ipse transfusus est quos

ferre.

CAPUT XXV.

In eodem sermone.

Veruntamen, quia Moyses non in hoc metam
ultionis fixit ut idolum duntaxat infringeret, sed in-
super addidit ut et viginti tria millia hominum tru-
cidaret, mystice docuit nequaquam sufficere, si ab
idololatriæ cultu vel pravitate vitæ quisquis conver-
tatur, nisi et propria vitia gladio spiritus mortificare
conetur. Unde et prædicator egregius: « Morti-
ficate, inquit, membra vestra quæ sunt super ter-
ram, fornicationem, immunditiam, luxuriam, concu-
piscientiam malam et avaritiam, quæ est dolorum
servitus (*Coloss. ii*; *Galat. v*). » Et notandum quia
B sicut hic vitia membra nostra esse dicuntur, ita et
illic qui perempti sunt cum interfectioribus suis pro-
pinqunitas necessitudine jungebatur; sicut per
Moysen dictum est: « Hæc dicit Dominus Deus
Israel: Ponat vir gladium super femur suum, ite et
redite de porta usque in portam per medium castro-
rum, et occidat unusquisque fratrem et amicum et pro-
ximum suum (*Exod. xxxii*). » Si quem ergo delectat in
arma consurgere, quisquis anhelat adversus hostium
cuneos dimicare, vertat manus in se et illic plures
inveniet adversarios obtruncandos. Unde videlicet
post victoriam non homicidæ sædum nomen incurral,
sed gloriosus potius triumphator appareat; unde
certe non sanctuarii mereatur excludi liminibus, sed
consecrans semetipsum Domino divinæ gratiæ bene-
C dictionibus augeatur; 116 sicut et illis dictum est:
« Consecratis, inquit, manus vestras Domino,
unusquisque in filio et fratre suo, ut detur vobis be-
nedictio (*Ibid.*). » Quod autem ii qui cæsi sunt viginti
tria millia fuisse referuntur, numerus trium millium
peremptorum triplicem formam indicat peccatorum.
Omne quippe peccatum, aut facto, aut verbo, aut
cogitatione committimus. Sed quoniam illic et dena-
rius numerus geminatur, datur intelligi quia sicut
Decalogum præceptorum culpa carnis simul et ani-
mæ servare contempsimus, sic etiam utriusque
vitia virtutum armis atterere et mortificare de-
bemus.

CAPUT XXVI.

In sermone, synodali I.

D « Ecce locus apud me est, et stabis supra petram,
et tunc videbis posteriora mea (*Exod. xxxiii*). » Quis
autem iste locus, ubi statim super petram Dominus
cernitur, nisi sancta intelligatur Ecclesia, ubi, dum
petræ fidei constanter innititur, simul cum Apostolo
gloriam Domini speculamur? Hæc est enim de qua
dicitur: « Super hanc petram ædificabo Ecclesiam
meam (*Matth. xvi*). »

CAPUT XXVII.

In epistola ad Damianum de scurrilitate vitanda.

« Fecit Moyses in tabernaculo septem lucernas
cum emunctoriis suis et vasa, ubi quæ emuncta sunt
extinguuntur, de auro purissimo (*Exod. xxxvii*). »
Septem lucernas in tabernaculo facimus, si in mente

nostra sancti Spiritus charismata ex divino munere componamus. Sed quia ipsis sanctis operibus, quibus per afflationem sancti Spiritus ardentis insistimus, quædam superflua se terrenæ corruptionis interserunt, cum lucernis etiam emunctoria necessario fiunt. Quid enim per emunctoria nisi districtio pœnitentiæ designatur? emunctorio namque quod supervacuum est in lucerna decerpitur et districtione pœnitentiæ humanæ pravitatis culpa deletur. Unde et Petrus quibusdam superflua perpetrantibus ait: « Pœnitementi igitur, ut deleantur peccata vestra (Act. II), » ac si aperte dicat: Emunctorium stringite, et excessus pravi operis amputate. Recte ergo cum lucernis et emunctoria fiunt, quia etsi per sancti Spiritus gratiam bonorum operum lumine resplendere contendimus, dum tamen humana corruptio superflua generat, pœnitentiæ remediis indigemus. Sed quoniam hæc ipsa superflua,

Aquæ disciplina pœnitentiæ resecat, necessarium est ut contriti cordis fletus exstinguat, non immerito Moyses præter lucernas et emunctoria, etiam vasa fecisse memoratur, ubi quæ emuncta sunt exstinguantur. Vasa autem nostra sunt corda, quæ lacrymarum semper et fletus debent esse inundatione repleta; in quibus nimirum vasis et oleum illud reconditur, de quo in Evangelio perhibetur quia: « Prudentes virginæ acceperunt oleum in vasis suis cum lampadibus (Matth. XXV). » Si ergo et hi qui claris operibus splendent adhuc tamen fletibus indigent, quid de me misero meisque similibus **117** sentiendum, qui tenebrosa multa comisimus, et bona quæ luceant non habemus? Quam uberimur lacrymarum rivis debemus **118** semper affluere, Bquam continuo mœrori necesse fuerat jugiter insudare?

Explicunt testimonia libri Exodi.

INCIPIUNT CAPITULA LIBRI LEVITICI.

1. Vitulum de armento masculum immaculatum offeret ante ostium tabernaculi testimonii.
2. Ut in omni sacrificio sal misceatur; fermentum vero, sive mel, nunquam.
3. Tollit sacerdos pugillum similæ, quæ conspersa est oleo, et totum thus, quod super similam positum est, adolebitque illud.
4. In altari Moyses tabernaculum fœderis frequenter intrabat et exibat.
5. Quod Nadab et Abiu, filii Aaron, obtulerunt ignem alienum coram Domino et divino sunt igne consumpti.
6. Quibus debeat Aaron vestibus indui quando ingreditur tabernaculum.
7. Pontifex offerat hircum viventem, et posita utraque manu super caput ejus, confiteatur omnes iniquitates filiorum Israel.
8. Omne animal, quod vel contritis, vel tuis, vel sectis testiculis est, non offeretis Domino.
9. Ut septem lucernæ jugiter ardeant in tabernaculo fœderis coram Domino.
10. Comeditis vetustissima veterum et vetera, novis supervenientibus, projicietis.

Explicunt capitula.

INCIPIUNT TESTIMONIA LIBRI LEVITICI.

CAPUT PRIMUM.

In sermone de inventione sanctæ crucis.

« Vitulum de armento masculum immaculatum offeret ante ostium tabernaculi testimonii (Levit. I). » Per vitulum namque, qui de armento offerri præcipitur, Redemptor noster, qui de patriarcharum descendit progenie, figuratur. Hic nimirum aratro crucis suæ terram carnis nostræ perdomuit et ex Spiritus sancti semine virtutum nos fruge ditavit (Isa. LIII). Hic vitulus sine macula, non in tabernaculo, sed ante ostium ejus a filiis Aaron offerebatur, quia et Dominus, qui sine peccato est, sub Anna et Caiapha extra portam est crucifixus. Ipse agnus, qui mundi peccata detersit (Joan. I). Ipse hædus, qui auctorem peccati diabolus crucis gladio jugulavit (Psal. III). Ipse columba, in cujus nimirum specie Spiritus sanctus super eum ad Jordanis fluentia descendit. Ipse etiam turtur, quia perpetuæ castitatis auctor existit, sicut sibi a sponsa dicitur: « Speciosæ genæ tuæ sicut turturis (Cant. I). »

CAPUT II.

In sermone virginum.

« Omnis oblatio, quæ offertur Domino, absque fermento fiet, nec quidquam fermenti et mellis ado-

Clebitur in sacrificio Domini (Levit. II). » Quisquis enim vel rapinam in opus pietatis impendere, vel vanæ gloriæ causa bonum videtur aliquod exercere, hic non azyam sinceritatis et veritatis, sed fermentum malitiæ atque nequitiae conatur offerre. Mellis quoque sacrificium Dominus non approbat, quia luxuriæ voluptatem omnemque carnalis illecebræ dulcedinem damnat. Sal autem omnibus præcipitur oblationibus adhiberi, ut quidquid Domino super aram devoti cordis offerimus, rationis semper atque intelligentiæ sapore condire studeamus. Ait enim: « Quidquid obtuleris sacrificii sale condies, nec auferes sal fœderis Dei tui de sacrificio tuo (Lev. II). » Et ut quod dicebat arctius inculcaret, et ne mens nostra fortassis aliquando insulsa desiperet, adhuc ingeminans dicit: « In omni oblatione tua offeres sal (Ibid.). » Hoc plane illud est sal de quo Apostolus ait: « In sapientia ambulate ad eos qui foris sunt, tempus redimentes; sermo vester semper in gratia sale sit conditus, ut sciatis quomodo oporteat vos unicuique respondere (Col. IV). » De hoc sale et Dominus ait: « Si sal infatuum fuerit, in quo condietur? » (Matth. V.) Et de quo loquens ad discipulos: « Vos estis, inquit, sal terræ (Ibid.). »

CAPUT III.

In sermone S. Donati.

« Tollet sacerdos pugillum similæ, quæ conspersa est oleo, et totum thus, quod super similam positum est, adolebitque illud in altari, in monumentum odoris suavissimi Domino (*Levit. vi.*) » Quid enim per similam nisi sancta electorum designatur Ecclesia? quæ nimirum dum convenientibus invicem credentium colligitur membris, quasi similia ex multis frumenti conspergitur **119** granis. Et sicut similia inter molam utramque conteritur ut a farinæ siliigine cantabrum separaretur, ita velut inter duas legis scilicet et Evangelii molas sancta Ecclesia stringitur, ut litteræ superficies a medulla spiritus discernatur. Quæ videlicet Ecclesia, ut revera spiritualis similia, dum per aquam Baptismatis adunata et oleo B chrismatis est conspersa, igne quoque sancti Spiritus solidata sit, juxta Apostolum: « Hostia Deo bene placens et perfecta (*Rom. xiii.*) » Thure autem, quod positum super similam dicitur, ejusdem Ecclesiæ oratio designatur, sicut in Apocalypsi Joannis ostenditur, cum dicit: Quia, « phialæ plenæ odoramentorum sunt orationes sanctorum (*Apoc. vi.*) »

CAPUT IV.

Ad Desiderium abbatem.

« Moyses tabernaculum foderis frequenter intrabat et exibat (*Exod. xxxiii.*) » Quid est enim quod ille crebro tabernaculum ingreditur et egreditur, nisi ut exemplum præbeat; quod is, qui intus in contemplationem rapitur, foris infirmantium negotiis frequenter urgetur. Intus Dei arcana considerat; foris onera carnalium portat. Qui de rebus quoque dubiis semper ad tabernaculum recurrit ac coram testamenti arca Dominum consulit, formam procul dubio rectoribus præbens, ut, cum foris ambigunt quid disponent, ad mentem semper quasi ad tabernaculum adeant, et velut coram testamenti arca Dominum consulant, si de iis in quibus dubitant apud semet ipsos intus sacri eloqui paginas requirunt. Unde et ipsa Veritas, per susceptionem nobis nostræ humilitatis ostensa, noctibus in monte orationibus vacat (*Luc. vi.*); die vero in urbibus per miraculorum signa coruscet; imitationis videlicet viam bonis rectoribus sternens, ut, si jam summa contemplanda appetunt, necessitatibus tamen infirmantium compatiendo misceantur, quia tunc ad alta charitas mirabiliter surgit, cum ad ima proximorum se misericorditer attrahit, et quo benigne descendit ad infima, valenter recurrit ad summa.

CAPUT V.

In epistola ad Cunibertum Taurinensem episcopum, de incontinentia clericorum.

« Arreptis Nadab et Abiu, filii Aaron, thuribus suis, posuerunt ignem et incensum desuper, offerentes coram Domino ignem alienum, quod eis præceptum non erat; egressusque est ignis a Domino et devoravit eos, et mortui sunt coram Domino (*Lev. x.*) » Quid est enim alienum ignem Domino sacerdo-

tes offerre, nisi ardore libidinis inflammatos sacrosanctis altaribus propinquare? Et cum Scriptura dicat: « Spiritum nolite extinguere (*I Thess. v.*); » isti, quantum in se, Spiritum sanctum, qui in eis ardere debebat, extinguunt, et alienum ignem offerunt, dum ad altare Domini flamma libidinis æstuantes accedunt; sed repente super eos ignis divini furoris **120** accenditur, quo terribiliter exuruntur, Scriptura testante, quæ dicit: « Et nunc ignis adversarios consumit (*Hebr. x.*) » Et certe legitimum est ut qui sordentes sacris altaribus appropinquant, gladio divinæ ultionis intereant; dicente ad Moysen Domino: « Docebatis filios Israel, ut caveant immunditiam; et non moriantur in sordibus suis, cum polluerint tabernaculum meum, quod est inter eos (*Lev. xv.*) »

CAPUT VI.

In sermone S. Georgii.

« Tunica, » inquit Dominus, « linea vestietur, feminalibus lineis verenda celabit, accingetur zona linea, cidarim lineam imponet capiti. Hæc enim vestimenta sunt sancta, quibus, cum lotus fuerit, induetur (*Lev. xvi.*) » Quisquis enim in tabernaculo Christi, quod est Ecclesia, semetipsum Deo sacrificare contendit, necesse est, ut postquam lavacro sacri fontis abluitur, diversis etiam virtutum vestibus induatur, sicut scriptum est: « Sacerdotes tui induantur justitia (*Psal. cxxxii.*) » quatenus qui in Christo per baptismum novus homo renascitur, non jam pelliceas tunicas, mortalitatis videlicet indices, vestiat, sed deposito veteri homine, novum induat, et in eo per mundæ conversationis studium innovatus vivat. Et notandum quod omnes illæ vestes lineæ describuntur. Linum quippe ad candorem cum labore perducitur, et virtutum vita non acquiritur sub torpore desidie, sed in laboriosæ potius exercitio disciplinæ.

CAPUT VII.

In sermone S. Bonifacii.

Pontifex viventem hircum hoc modo jubetur ex lege offerre ut, posita super eaput ejus utraque manu, confiteatur omnes iniquitates filiorum Israel et universa delicta atque peccata eorum, quæ impreans capiti ejus emittat illum in desertum (*Lev. xvi.*). Quid est autem hircum utrique manui pontificis subijci, nisi Filium hominis in similitudine carnis peccati venientem per voluntatem Dei (*Rom. viii.*), utriusque populi, Judaici videlicet et gentilis, persecutione gravari? Plane utriusque se voluit manibus subdere qui de jugo diaboli utrumque venerat populum liberare. Quid vero est quod, post confessionem atque imprecationem omnium iniquitatum filiorum Israel super capita ejus, hircus mittitur in desertum, nisi quia is qui peccata nostra portavit, qui legis maledicta sustinuit, protinus in desertum, ubi nonaginta novem reliquerat, ovem centesimam reportavit? (*Matth. xviii.*) Unde et Apostolus: « Ut nos, inquit, liberaret a maledicto, ipse factus est maledictum (*Gal. iii.*) »

CAPUT VIII.

Ad Cunibertum Taurinensem episcopum, de incontinentia clericorum.

« Omne animal quod vel contritis, vel tunsis, vel sectis ablatisque testiculis est, **121** non offeretis Domino (Lev. xxii). » Porro si tanto Deus odio habet sterilitatem in animalibus brutis, quæ sibi per sacerdotale ministerium offeruntur, quanto magis hanc aspernatur in sacerdotibus, qui sibi sacrificium offerunt, nimirum ut, sicut in illis fetus exigitur carnis, ita sacerdotes in alios propagines germinant castitatis?

CAPUT IX.

In sermone in cæna Domini.

« Præcipe filiis Israel, ait Dominus ad Moysen, ut offerant tibi oleum de olivis purissimum ac lucidum ad concinnandas lucernas jugiter extra velum testimonii in tabernaculo foederis; ponetque eas Aaron a vespere usque in mane coram Domino cultu ritumque perpetuo in generationibus vestris; super candelabrum mundissimum ponentur semper in conspectu Domini (Lev. xxiv). » Quid autem per septem lucernas in tabernaculo, nisi septem significantur Ecclesiæ in uno populo Christiano, in quibus nimirum oleum jubetur indesinenter ardere, quia in his sincera charitas, quæ per Spiritum sanctum datur, gemini debet amoris igne fervere, et claris atque conspicuis semper operibus coruscare? Sed cum una sit procul dubio catholica et universalis Ecclesia, sicut per Salomonem dicitur: « Una est columba

A mea, una genitricis suæ (Cant. vi), » quid est quod in sacris eloquiis septem esse referuntur Ecclesiæ, nisi quia, quæ **122** una est per unitatem fidei, septiformis est per totidem dona Spiritus sancti? Hæ sunt enim septem illæ mulieres quæ; juxta prophetæ vaticinium, acciperent virum unum (Isai. iv). Vir autem Ecclesiæ, Christus. Hoc plane sancti Spiritus oleo cuncta sacrarum Scripturarum pabula conduntur, ut animarum nostrarum viscera saginentur. Hoc oleum vitalibus epulis eloquii cælestis infusum sapit in faucibus animæ, cujus et stomachum recreat, et gustum percipientis obdulcat. Nam scriptum est: « Littera occidit, spiritus autem vivificat (II Cor. iii). » Unde sciendum est quia omnes sacrorum voluminum paginae sancti Spiritus oleo sunt conditæ.

CAPUT X.

In epistola ad Hildebrandum et Stephanum.

« Comeditis vetustissima veterum, et vetera novis supervenientibus projicietis (Levit. xxvi). » Vetustissimum quippe nobis est primos homines Domini in paradiso conspiciere; vetus autem, Israeliticum populum circumcisionis ac sacrificiorum ritum diversarumque caeremoniarum mandata servare. Tunc itaque vetustissima veterum mentis ore comedimus, cum, ad instar primi parentis, Dei speciem contemplamur. Vetera vero novis supervenientibus procul abjicimus, dum Evangelii gratia coruscante Mosaicæ legis observantiam non curamus.

Expliciunt testimonia libri Levitici.

INCIPIUNT CAPITULA LIBRI NUMERI.

1. Applica tribum Levi, et fac stare in conspectu Aaron, dabisque dono Levitas Aaron et filiis ejus.
2. Quod populus colligens manna frangebatur mola, sive terebat in mortario, et faciebat ex eo tortulas.
3. Congrega mihi septuaginta viros de senioribus Israel, quos tu nosti quod senes sint populi.
4. Pergentes exploratores usque ad torrentem Botri, absiderunt palmitem cum ura sua, quem portaverunt in vecte duo viri.
5. Item, unde supra.
6. Tollens Aaron thuribulum, cucurrit per mediam multitudinem, quam vastabat incendium.
7. Præcipe filiis Israel ut adducant ad te vaccam ruffam, ætate integram, sine macula, quæ non pertulerit jugum.
8. Aperi thesaurum tuum fontem aquæ vivæ, ut saturati, cesset murmuratio eorum.
9. Audite, rebelles et increduli. Num de petra hac vobis aquam poterimus ejicere?
10. Quod Dominus misit in populum serpentes propter murmur eorum.
11. Quod Israel misit nuntios ad Seon dicens: « Obsecro, transire mihi liceat per terram tuam.
12. Quod præcipua urbs regni Seon dicitur Eschbon.
13. Tolle cunctos principes populi, et suspenso eos in patibulo contra solem, ut avertatur furor meus Israel.
14. Quod tribus Levi ad repromissionis terram pervenerit, cæteris tribubus in deserto prostratis.
15. Quod Salphaat non filios, sed quinque tantum filias moriens dereliquit.
16. De octo festivitibus, quas per unumquemque anni circulum Dominus observari præcepit.
17. Armate ex vobis viros ad pugnam, qui possint ultionem Domini expetere de Madianitis.
18. Quod filii Israel venientes ad fontem Judicii, qui est Cades, interfecerunt omnes principes Amalech et Amorrhæos.
19. Quod Israel in quadraginta duobus mansionibus ad hæreditatis principium pervenerit.

Expliciunt capitula.

123-124 INCIPIUNT TESTIMONIA LIBRI NUMERI.

CAPUT PRIMUM.

In epistola ad Alexandrum papam, ut canonicis proprietatem tollat.

« Applica, inquit Dominus Moysi, tribum Levi,

PATROL. CXLV

C et fac stare in conspectu Aaron sacerdotis, ut ministrant ei. » Et infra: « Dabisque dono Levitas Aaron et filiis ejus, quibus traditi sunt a filiis Israel (Num. iii). » Aaron quippe et filios ejus quis

ambigat ius habuisse pontificum? Tribum vero Levi quis nesciat prætulisse ordinem clericorum? Levitæ ergo Aaron et filii ejus a filiis Israel dono traduntur, cum ex omni Christiano populo clericalis ordo in excubiis ecclesiasticis cultus assumitur et, ut assstant atque ministrent, suis pontificibus offeruntur. Sed quisquis servus est mammonæ, ritus abhorret ecclesiasticæ disciplinæ. Nec prætereundum est quod illic præsto subjungitur: « Ego, ait Dominus, tui Levitas a filiis Israel pro omni primogenito quod aperit vulvam in filiis Israel, eruntque Levitæ mei (Num. iii), » utliquo pateat clericorum ordinem Dei omnipotentis esse peculium, sicut et ipse Deus specialis est hæreditas clericorum. Sed cui Deus in hæreditate non sufficit, quid eum satiare possit ignorat, quia mentis ejus oculum furiosa cupiditas cæcat.

CAPUT II.

In sermone de cæna Domini.

« Circumbat populus, et colligens manna frangebatur mola, sive terebat in mortario, coquens in olla et faciens ex eo tortulas saporis quasi panis oleati (Num. xi). » Porro autem quasi per multa in cellario Domini dolia transitum habuimus, ut ad solum oleatum, velut olei vasculum, pervenire possemus. Manna denique, quo plebs vivebat Israelitica, sacrum designabat eloquium, quo nutritur et vegetatur religio Christiana. Quod utique veraciter oleatum est, quia mystica sancti Spiritus est unctione conspersum. Notandum vero quia idem manna, quod in libro Numeri dicitur oleatum, in Exodo legitur non olei, sed mellis potius habuisse saporem: « Gustus, inquit, ejus erat quasi similitudo eum melle (Exod. xvi). » Quidnam est, quod angelicus ille cibus prius dicitur mellis exhibuisse dulcedinem, et postmodum non mellis sed olei præbuisse suavitatem, nisi quod Redemptor noster, sacrarum omnium auctor et conditor Scripturarum, quem videlicet illud manna principaliter figurabat, et ante passionem velut mel dulcedinem exhibuit miraculorum, et post ascensionem suam tanquam oleum in discipulos suos effudit Spiritum sanctum? (Act. ii.) Nam quasi mellis videtur propinas dulcedinem, dum suavis atque virtutibus coruscavit; olei vero tunc suavitatem dedisse, cum in apostolos suos sancti Spiritus paracleti dona diffudit. Quem videlicet ordinem Moyses congrue tenuit, cum in Deuteronomio de petra, quæ et nihilominus manna erat, typice decantavit: « Suxerunt, inquit, mel de petra, et oleum de firma petra (Deut. xxxii). » De hoc mysticæ unctionis oleo sponsa ad sponsum dicit in Canticis: « Unguentum effusum nomen tuum (Cant. i). » Unguentum quidem effusum sponsi nomen asseritur, quia sicut a chrismate Christus, ita consequenter a Christo dicitur Christianus.

CAPUT III

In Libro Gratissimo.

« Congrega mihi, ait Dominus, septuaginta viros de senioribus Israel, quos tu nosti quod senes po-

puli sint ac magistri, et duces eos ad ostium tabernaculi fœderis, faciesque ibi stare tecum, ut descendam et loquar tibi, et auferam de spiritu tuo, tradamque eis (Num. xi). » Ubi notandum quod non ait, auferens de spiritu tuo, tradesque eis; sed potius, auferam et tradam, ut profecto ostenderet quia non homo homini Spiritum sanctum tradit, sed solus ipse est qui, prout vult, gratiæ suæ dona distribuât. Unde et paulo post subditur: « Descenditque Dominus per nubem, et locutus est ad eum, auferens de spiritu qui erat in Moysè, et dans septuaginta viris (Ibid.). » De spiritu autem Moysi viris dedisse Dominus dicitur, ut et ordinatores et ordinatos unum debere spiritum habere perspicuum doceatur, quatenus rectores Ecclesiæ nequaquam inter se diversa sentiant, unde schismata, quod absit! aut hæreses pestilenter emergant, sed unum omnes concorditer doceant atque in unitate spiritus unanimiter vivant. Porro autem, sicut septuaginta illi, quos Dominus post apostolos ordinavit (Luc. x), totidemque fere isti, quos cum Moysi sustentare populi onus voluit, typum prætendebant presbyterorum; ita nihilominus Moyses primum, et, post, apostoli dignitatem videntur obtinuisse pontificum; et, sicut neque illi ab apostolis neque isti a Moysè Spiritum sanctum accipere potuerunt, sic etiam de episcopis cæterisque ecclesiasticæ dignitatis ordinibus procul dubio sentiendum est: nimirum quia unus omnipotens Deus, qui eos per diversos ordinum gradus moderaminis sui dispensatione distinxit, solus etiam, prout ipse novit, Spiritus sui gratiam in unumquemque diffudit. Neque enim in illa Spiritus datione aliud sibi Moyses arrogare privilegium potuit quam quod illi vox divina præcepit, nimirum ut viros eligeret, eosque ducens ad ostium tabernaculi, cum eis staret; hæc est summa operis Moysi. Quid ergo sue virtutis in hoc Dei munere Moyses recognoscere potuit, cum insuper et duo ex his qui descripti fuerant, Scriptura teste, in castris positi et ad tabernaculum non venerunt, et tamen, eo nesciente, æque ut cæteri spiritum perceperunt? In eo sane quod de spiritu Moysi tolli dicitur atque **125** aliis dari, nullum Moyses dispendium sui spiritus pertulisse credendus est: velut ab ardente lucerna lumen quælibet materia mutuatur, nullo propter hoc lucerna proprii splendoris detrimento minuitur.

CAPUT IV.

In sermone secundo de S. Matthæo.

« Pergentes exploratores Israel usque ad torrentem botri abscederunt palmitem cum botro suo, quem portaverunt in vecte duo viri (Num. xiii). » Duo scilicet viri, duo sunt populi, Judæus et gentilis. Hi botrum posuerunt in vecte, quia Salvatorem suspenderunt in cruce. Sed præcessor quod portabat non aspicebat; qui sequebatur intuebatur. Et Judæorum populus, qui nos temporibus antecessit, Dominum, quem in prophetis et lege portaverat, dum obedientiæ vultum semper avertit, videre non potuit; gentilis autem, qui sequitur, tanquam præ oculis positum assidue contemplantur.

CAPUT V.

In sermone de nativitate S. Mariæ.

Hinc plane mediatorem Dei et hominum, hominem Christum Jesum, qui per semetipsum in Evangelio testatur : « Ego sum, iniquis, vitis vera (Joan. xv), » botrus ille signaverat quem de terra promissionis exploratores in phalanga ad filios Israel deferebant (Num. xiii). Duobus autem portitoribus hinc inde suppositis, altero videlicet præcedente, altero subsequente, botrus in medio ferebatur, quia Redemptor noster, dum a Patribus Veteris Testamenti venturus esse prædicatur, a Novi vero prædicatoribus jam venisse nuntiatur, quasi botrus in phalanga deferretur, ut ad capessendam supernæ repositionis terram mens fidelium accendatur. Phalanga quippe delata humeris portitorum, divina lex est imposita cervicibus hominum, cuius partes botrus ille medius continuavit; quia Salvator noster, « qui fecit utraq[ue] unum (Ephes. ii), » cum evangelica doctrina legis et prophetarum mandata conjunxit. Sed qui præcedebat, quod humeris portabat, oculis non videbat; qui autem sequebatur, onus suum semper intuebatur. Per illum ergo qui præcedebat, populus Judæorum : per illum vero qui sequebatur, non incongrue designatur multitudo gentium. Ille enim per sacræ Scripturæ paginas quasi in humeris Christum portavit, sed quia præsentem in carne, impediens infidelitatis suæ caligine, non cognovit, dorsum ei quodammodo in faciem misit; iste vero qui sequitur aspicit, quia gentilis populus Redemptorem suum, in quem fideliter credit, manifeste cognoscit. Potest etiam per repositionis terram non incongrue ipsum beatissimæ Dei Genitricis corpus intelligi, ex quo Redemptor noster velut singularis botrus voluit humanitus germinari, juxta illud quod scriptum est : « Veritas de terra orta est (Psal. lxxxiv). » Et bene caro beatissimæ Virginis terra repositionis est dicta, quæ longe ante paritura Salvatorem mundi a prophetis multifariam est promissa. **126** Quæ vere læc et mel manavit, dum Deum et hominem interemerata virginitate profudit. Unde et per Isaiam prophetam dicitur : « Ecce virgo in utero concipiet et pariet filium, et vocabitur nomen ejus Emmanuel; butyrum et mel comedet, ut sciat reprobare malum et eligere bonum (Isai. vii). »

CAPUT VI.

In epistola ad Hermisindum sanctimoniale.

« Tollens Aaron thuribulum, cucurrit per mediam multitudinem quam vastabat incendium, et, stans inter mortuos ac viventes, thymiama obtulit, siquæ desæviens plaga cessavit (Num. xvi). » Quem sane Aaron, nisi Redemptorem nostrum significabat? Ipse namque quoniam ad currendam viam quasi gigas exsultavit (Psal. xlviii), arrepto passionis suæ thuribulo, inter mortuos et viventes occurrit, et obiectu crucis suæ, in qua thymiama sacri corporis concrematum est, et Agnus ille cœlestis assatus est, vivos ac mortuos separavit, ignisque perniciem ab

A eis, quasi quidam interveniens murus, exclusit, ut vorax flamma deglutiat infideles quosque, de quibus scriptum est : « Nunc ignis adversarios consumit, et justi, qui fide vivunt, incendium damnationis evadunt (Hebr. x). » Quorum mortuorum atque viventium jam et ipsi latrones noscuntur fuisse primitiæ, inter quos Dominus crucifixus est, quorum alter electus, alter est merito perfidiæ reprobatus. Hoc itaque thymiama sacrificii salutaris atque singularis, quod in ara crucis oblatum est Deo Patri, mons ille fortitudinis inter mortuos viventesque portavit, cum odorem suæ notitiæ per fideles et infideles effudit. Unde est illud in Canticis : « Unguentum effusum nomen tuum (Cant. i). » Et Apostolus : « Deo autem gratias, qui semper triumphat nos in Christo Jesu, et odorem notitiæ suæ semper manifestat per nos in omni loco, quia Christi bonus odor sumus Deo in iis qui salvi fiunt et in eis qui pereunt; aliis quidem odor mortis in mortem, aliis odor vitæ in vitam (II Cor. ii). »

CAPUT VII.

In sermone de inventione sanctæ crucis.

« Præcipe filiis Israel ut adducant vaccam rufam, ætate integra, sine macula, quæ nunquam pertulit jugum (Num. xix). » Rufa nimirum vitula caro est Salvatoris, rosea scilicet sanguine passionis. Perfectæ quidem ætatis Dominus ad passionem venit; sed ejus collum jugum peccati cujuslibet non attrivit. Qui vitulam offerunt, immundi sunt; et qui Christum crucifigunt, unde mundus abluuit, ipsi damnabiliter inquinantur. Qui vero, cinerem colligens, extra castra projicit, mundus est; quia quicumque crucis Dominicæ passionisque mysterium per mundi latitudinem prædicant, a peccatorum se contagio per ædificationis fraternæ ministerium purgant.

127 CAPUT VIII.

In sermone de exaltatione sanctæ crucis.

« Aperi, Domine, thesaurum tuum, fontem aquæ vivæ, ut satiati, cesset murmuratio eorum (Num. xx). » Neque enim tam magnificis atque divinis verbis elementum describeret, ex cavernis videlicet terræ profluum ac deinceps in secessum cuniculos egerendum. Nunquid enim dignum fuit viles aquas appellare Dei thesaurum? Sed Dei thesaurum illum procul dubio nominat, de quo Apostolus dicit : « Quia in pectore Jesu sunt omnes thesauri sapientiæ et scientiæ absconditi (Coloss. ii). » Fontem etiam aquæ vivæ illum perhibet, de quo dicitur : « Qui biberit aquam quam ego dabo ei, fiet in eo fons aquæ salientis in vitam æternam (Joan. iv). » Alioquin quia rationis consequentia diceret : « Ut satiati, cesset murmuratio eorum, » cum posmodum idem populus murmurans dicat : « Cur eduxisti nos de Ægypto, ut moreremur in solitudine? Deest panis, non sunt aquæ (Exod. xv); » et alia multa, quæ prodigiosa dementia tumultuatus evomuit. Sed affectus tædio Moyses tam duræ ac seditiosæ multitudinis, adventum anxie flagitat Salvatoris : sicut

et tunc petierat, cum dicebat: « Obsecro, Domine, A mitte quem missurus es (Exod. iv). »

CAPUT IX.

In eodem sermone.

« Congregata multitudo ante petram, Moyses ait: Audite, rebelles et increduli, num de petra hac vobis aquam poterimus ejicere? » (Num. xx.) Tanquam diceret: Nos non valeamus quod supra humanitatis vires est facere, quia vos non acquiescitis quod huminum est adimplere. Nec signum possumus ex virtute divinitatis ostendere, quia vos nunquam desinitis Deo per rebellionis contumaciam contraire. Propter peccata namque populi, quod et ipse jam fecerat, quando videlicet in Cades largissimas aquas silicem percuteudo produxit, rursus se facere posse diffidit: atque ideo in re promissionis terram eundem populum, Domino prohibente, multatenus introduxit. « Sed petra illa, juxta Apostolum, Christus erat (I Cor. x). » Accedit igitur virga ad silicem, et haurienda populis aqua producit. Adhibetur crux Christo, et omnia corda credentium gratia sancti Spiritus rigantur. Hic est enim legis, de quo per Zachariam dicitur: « Super lapidem unum septem oculi sunt (Zach. iii). » Quod autem petram non credendo percussit, atque ideo ad promissam terram cum populo non pervenit, populum significat Judæorum, qui, profecto Christum Dei virtutem esse non credens, in feno suspendit, atque ideo in terram viventium intrare non meruit.

CAPUT X.

In eodem sermone.

« Murmurante aliquando populo adversus Moysen, ac dicente: Deest panis, 128 non sunt aquæ, anima nostra jam nauseat super cibo isto levissimo; tunc inmisit in eos Dominus ignitos serpentes. Cumque poenitentia ducti indulgentiam petere, ex præcepto Domini fecit Moyses serpentem æneum, et pro signo posuit; ad quem quicumque percussi fuerant aspicientes protinus sanabantur (Num. xxi). » Enimvero per consilium serpentis est homo delapsus in mortem; æs vero cæteris metallis durabilis invenitur. Æneus itaque serpens Dominum figuravit, qui infusum nobis venenum diabolicæ suggestionis abegit. Et apte æneus serpens, ut per serpentem mortuus, et per æs Dominus significaretur æternus. Qui enim ex humanitate crucis supplicium pertulit, ex divinitate perpetuus et impassibilis vivit. Porro autem serpens æneus similitudinem quideri serpentis habet, sed venenum serpentis non habet. Et Redemptor noster in similitudine quidem carnis peccati apparuit, sed peccati venenum in eo locum habere non potuit, quippe, « qui peccatum non fecit, nec dolus inventus est in ore ejus (I Petr. ii). » Nec prætereundum est quod congrue satis mansio illa, ubi hæc facta sunt, Salomona dicitur, quæ videlicet *imaguncula* interpretatur; quia illic nimirum, in ejus ænei serpentis forma, imago est nostri Salvatoris expressa. Unde et idem Salvator ait: « Sicut exaltavit Moyses serpentem in de-

serto, ita exaltari oportet filium hominis, ut omnis qui credit in illum non pereat, sed habeat vitam æternam (Joan. iii). » Recte ergo serpens æneus pro signo ponitur, et populus aspiciens a morsu serpentium liberatur, quia quicumque in Salvatore, qui in cruce suspensus est, ex desiderio imitationis intendunt, omne mox virus et lethiferos morsus veterosis serpentis evadunt. Et notandum quod serpens ille pro signo dicitur positus. Nam et Simeon ille justus, delato ad templum Domino, vaticinans ait: « Ecce positus est hic in ruinam et in resurrectionem multorum in Israel, et in signum cui contradicetur (Luc. ii). » In signum namque contradictionis Redemptor noster est positus, quia in cruce erat pro humani generis salute passurus. B Cui nimirum cruci omnis mundi sapientia contradixit, sed Regi per eam gloriæ triumphanti tandem devicia succubuit, sicut in Actibus apostolorum dicitur: « De secta autem hæc scimus quia ubique ei contradicetur (Act. xviii). »

CAPUT XI.

In sermone S. Christophori.

« Misit Israel nuntios ad Seon, dicens: Obsecro ut transire mihi liceat per terram tuam; non declinabimus in agros et vineas; non bibemus aquas ex puteis, via regia gradiemur donec transeamus terminos tuos (Num. xxi). » Qui concedere noluit ut transiret Israel per fines suos; quin potius, ut eadem sacra testatur historia, exercitu congregato, Seon egressus est obviam in desertum, et venit in Isaar C [Jasa] pugnavitque contra Israel, a quo percussus est in ore gladii, et possessa est terra ejus ab Israel. Sed quod tunc sub Moysse fuit historialiter factum, sub Christo quotidie fit per 129 spiritualis militiæ sacramentum. Hanc enim pugnam ille tum populus adumbrabat, quia nunc sancta Ecclesia jugiter contra diabolum dimicat. Seon quippe duplicem habet interpretationem. Dicitur enim *arbor infructuosa*, dicitur et *elatus*. Quis enim est iste elatus, quis est iste superbus, nisi reprobis ille spiritus, qui dicit: « In cælum conscendam, super astra cœli exaltabo solium meum; ascendam super altitudinem nubium, et similis ero Altissimo? » (Isai. xiv.) Quis, inquam, iste elatus est, nisi ille, de quo Scriptura dicit: « Quia ipse est rex super omnes filios superbiæ? » (Job xli.) Adeo ut, juxta Apostolum, « in templo Dei aliquando sedeat, ostendens se tanquam sit Deus (II Thess. ii). » Quod autem idem sit arbor infructuosa, expositione non indiget, dum ipse tanquam lignum aridum æternis sit ignibus deputatus. Hic itaque Seon rex est Amorrhæorum, qui et ipsi interpretantur *vel in amaritudinem adducentes*. Nam quicumque maligno spiritui per reprobam vitam subjacent ejusque ditionis legibus parent, loquentes quidem sunt, sed non sapientes. Perique sciunt amatorum mundi, dum in terrena sunt sapientia vacui, per leporem exterioris eloquentiæ sunt deserti. De quibus per Salomonem dicitur: « Omnis labor in ore hominis, sed anima ejus non implebitur.

tur (*Eccle. vi.*). » Sanctorum autem regnum non A
est in sermone, sed in virtute. Sed qui sunt elo-
quentes, iidem sunt et in amaritudinem adducetes,
quia, sicut sancti quique cœlestis eloqui mella di-
stillant, sic reprobi quilibet suis auditoribus virus
terrenæ versutiæ amaritudinemque propinant. Istis
enim in persona sanctæ Ecclesiæ dicitur: « Favus
distillans labia tua, sponsa (*Cant. iv.*). » Qui etiam
in figura ejusdem Ecclesiæ concinunt: « Quam
dulcia faucibus meis eloquia tua, super mel et favum
ori meo! » (*Psal. cxviii.*) De quorum etiam doctore
sponsa dicit in Canticis: « Guttur ejus dulcedines,
et totus concupiscentia (*Cant. v.*). » De illis autem
e contrario dicitur: « Quia linguis suis dolose age-
bant; venenum aspidum sub labiis eorum (*Psal.*
xix.). » Ubi mox sequitur: « Quorum os male-
dictione et amaritudine plenum est (*Ibid.*). »

Unde et vineam illam Dominus per prophetam
conqueritur in amaritudinem esse conversam
(*Isai. v.*; *Jer. ii.*); quæ nimirum illi, a quo dudum
perceperat terram lactis et mellis, postmodum ob-
tulit amaritudinem aceti simul et fellis (*Deut. xxxii.*).
Horum itaque loquentium, vel in amaritudinem
adductum, Seon rex est, qui elatus assertur,
quia vaniloquis et amarîs hujus mundi amatoribus
diabolus auctor superbix principatur. Unde et ipse
princeps mundi dicitur (*Joan. xii, xiv.*), illius vide-
licet de quo dicit Joannes: « Mundus in maligno
positus est (*I Joan. v.*). » Et Dominus promittit il-
lum discipulis Spiritum mittendum, quem hic men-
dus non potest accipere (*Joan. xiv.*). Dicit ergo
Israel ad Seon: « Transire nobis liceat per terram
tuam; non declinabimus in agros et vineas (*Num.*
xxi.). » Nos, plane nos sumus, qui per hunc mun-
dum ad terram eupimus transire videntium. Nos,
inquam, per terminos superbi regis humiliter in-
cedere volumus ad patriam divinæ promissionis.
Et quoniam Hebræus interpretatur *transiens*, nos
qui discipuli sumus illius « qui non habitavit, sed
pertransivit benefaciendo et sanando omnes oppres-
sos a diabolo, quoniam **130** Deus erat cum illo
(*Act. i.*), » nunquam nos habituros cum Seon rege
promittimus, sed via tantummodo regia processuros
nos esse spondemus. Sed quando nos regi Seon
ista promissimus? Quando cohabitationi ejus repu-
dium dedimus? quando divisionis æternæ fœdus
cum eo pacti sumus?

Recolamus itaque diem sacri baptismatis; ip-
sum novæ regenerationis exordium ad memoriam
reducamus, et ibi nos procul dubio renuntiasse dia-
bolo ac cunctis ejus pompis et operibus invenimus.
Commemoret unusquisque fidelium, cum primum
ad fontem lavacri salutaris accessit, cum signacula
fidei prima suscepit. Nonne, per catechismum sacer-
dotalis officii, his usus est verbis quibus se signifi-
caret lethiferas mundi hujus cupiditates abjicere,
ac diabolicæ societatis contubernium profiteretur a
se funditus adiccare? Et hoc est quod in historicæ
sermonibus adumbratur, quia non declinabit Israel,

neque in agrum regis Seon, neque in vineam, ne-
que de lacu ejus se pollicetur aliquo modo potatu-
rum. Per agrum scilicet, operis exercitium; per
vineam et lacum, vanarum artium intelligitur pocu-
lum, astrologiæ scilicet, magicæ, necromantiæ et
quidquid est quod vanum aliquid vel sacrilegum
dogmatizat contra catholicæ fidei pietatem. De
quibus utique pestilentibus poculis contra perversum
populum per Jeremiam Dominus conqueritur,
dicens: « Duo mala fecit populus meus; mihi dere-
liquerunt, fontem aquæ vivæ, et foderunt sibi cister-
nas dissipatas, quæ continere non valent aquas
(*Jer. ii.*). » De quibus et per Salomonem dicitur:
« Aquæ furtivæ dulciores sunt (*Prov. ix.*). » Habet
autem Israel fontes suos: « In ecclesiis, inquit,
B benedictio Deo Domino de fontibus Israel (*Psal.*
lxxvii.). » Superbi ergo Seon aquas respuat, hære-
ticorum dogmatem fluentem contemnat, et « hauri-
at aquas in gaudio de fontibus Salvatoris (*Isai.*
xi.). » Qui enim dirupit fontes et torrentes (*Psal.*
lxxiii.), hic in Evangelio dicit: « Qui biberit aquam
quam ego do, flumina de ventre ejus fluent aquæ
vivæ (*Joan. vi.*). » Sed et via regia, sicut est polli-
citus, gradiatur: « Via, inquit, regia gradiemur.
C Quæ est autem via regia, nisi illa quæ dicit: « Ego
sum via? » (*Joan. xiv.*) Qui etiam in ipso passionis
suæ articulo se regem perhibet, dum ait: « Tu dicis,
quia rex sum ego (*Joan. xviii.*). »

Promissus ergo superbo regi Seon ejus fluenta
non bibere, non in agros vel vineas declinare, re-
gia via nos incedere, hoc est, ad Christum per ip-
sum properantes, ab omnibus diaboli pompis et
operibus abstinere. Sed elatus ille Seon exercitum
colligit, et Israel per suos fines habere transitum
non permittit. Quis est autem populus ille quem
Seon congregat adversus Israel, nisi reprobi quique
qui persequuntur Ecclesiam? Ex his sunt tyranni,
duces et principes mundi, qui vel catholicis viris
per hæreticam pravitatem opponunt contradictionis
obstacula, vel sanctis martyribus moliuntur inferre
tormenta. Sed quid ad hæc facit Israel? Interroge-
mus historiam: « Venit, inquit, in Issar [Jasa], et
pugnavit contra eum (*Num. xxi.*). » A quo percus-
sus est Seon in ore gladii, et possessa est terra
ejus ab Arnon usque Laboch [Jeboc]. Ecce super-
bus, ecce elatus congressus est, sed contritus com-
misit et perdidit, in arma prosiluit et succubuit.
D Qui noluit **131** dare viam, perdidit vitam, et dum
contempsit anuere publicæ viæ transitum, amisit
proprium regalîs gloriæ principatum. Israel autem,
qui transitum non obtinuit, ad hæreditariæ posses-
sionis jura pervenit; et, cui transire non licuit, de
via patriam fecit.

Sed ubi, quæso, fratres mei, ubi hæc est per-
acta victoria? Felix scilicet locus, qui tantæ gloriæ
meruit videre triumphum! Ubi, inquam, superbum
regem obtinuit Israel? In Issaar. Issaar autem inter-
pretatur *mandati adimpletio*. Et nos, si ad hunc lo-
cum Deo duce pertingimus, diabolum procul dubio,

qui caput et origo est superbiae, superamus. Tunc enim diabolus vicinimus, cum Redemptoris nostri mandata complemus, quanquam quod est diabolus vincere, hoc ipsum sit divina mandata complere. Nam, dum carnis illecebras frangimus, dum pravis viscerum passionibus reluctamur, dum divinae passionis imperio subdimur, et non nostra vota sed illius jussa servamus, tunc absque dubio mundi principem et totius nequitiae debellamus auctorem. Tunc apostolica illa oratio completur in nobis, quando dicitur: « Deus autem pacis conterat Satanam sub pedibus vestris (*Rom. xvi.*) » Et illud nobis Dominus quod promisit impertit: « Ecce dedi vobis potestatem calcandi supra serpentes et scorpiones, et super omnem virtutem inimici, et nihil vobis nocebit (*Luc. x.*) » Sed cum Seon exprimat antiquum hostem, populus autem ejus quosque reprobos, vel Ecclesiae persecutores, qui armis ab Israel, hoc est, a sanctis predicatoribus sunt prostrati, quo mucrone perfolli, quo denique gladio sunt perempti? Sed audi Apostolum, spiritualis utique militiae ducem, et strenuum intestini praelii bellatorem: « Vivus est, inquit, sermo Dei, et efficax et penetrabilior omni gladio ancipiti, pertingens usque ad divisionem animae ac spiritus, compagum quoque ac medullarum, et discretor cogitationum et intentionum cordis (*Hebr. iv.*) » Hunc divisionis gladium evaginabat dux et auctor ille certaminum ac Dominus bellatorum, cum dicebat: « Nolite putare quia veni mittere pacem in terram; non enim veni pacem mittere, sed gladium (*Matth. x.*) » Audisti gladium dividentem; audi consequenter et ipsam divisionem: « Veni, inquit, separare hominem adversus patrem suum, et filiam adversus matrem suam, et nurum adversus socrum suam; et inimici hominis domestici ejus (*Ibid.*) » Hoc itaque gladio et Seon est peremptus, et omnis ejus exercitus communi cæde prostratus, quia nimirum gladio spiritus; quod est verbum Dei (*Ephes. vi.*) et diabolus corruit, et subjectus sibi populus ab infidelitatis suae vita defect.

Cum itaque Scriptura perhibeat quod illi in ore gladii sunt perempti, de istis non incongrue dici potest quoniam infecti sunt gladio origis. Et cum Dominus dicat « quia princeps mundi ejicietur foras (*Joan. xii.*) », mox ut Seon ejicitur, illico per omnem mundi latitudinem Israel, id est sancta Ecclesia, propagatur; mox enim ut cum principe sui infidelitatis extincta collabitur, fides triumphantis Ecclesiae dilatatur: et qui fuerant eatenus exsules, fiunt post victoriam possessores. Unde et eidem Ecclesiae per Isaia dicitur: « Populus autem tuus, omnes justii, in perpetuum **132** hereditabunt terram (*Isai. ix.*) ». De quo populo et postmodum dicit: « Et habitabunt, et plantabunt vineas, et comedent fructus earum (*Isai. lxxv.*) » Adhuc etiam idem propheta quod sancta debet Ecclesia per fines gentium dilatari manifeste denuntiat: « Dilata, inquit, locum tentorii tui, et pelles tabernaculorum tuorum extende;

ne parcas, longos fac fanioulos tuos, et clavos tuos consolida (*Isai. liv.*) » Cur autem hæc agere debeat, aperit, cum subjunxit: « Ad dexteram enim et ad lavam penetrabis, et semen tuum gentes hereditabit (*Ibid.*) » Omnis ergo terra Seon cecidit in hereditatem Israel, qui dum princeps mundi hujus gladio divini verbi confossus egreditur, sancta universalis Ecclesia per ejusdem mundi terminos dilatatur. Nec prætereundum arbitror esse quod dicitur quia possessa est terra ejus ab Arnon usque Laboch [*Jaboc*]. Arnon itaque, quæ est initium regni Seon, interpretatur *maledictiones eorum*. Omnis enim mundus, qui ante Salvatoris adventum sub diaboli premebatur imperio, maledictionis habebat originem, quia benedictionis ignorabat auctorem; de quo nimirum per Prophetam dicitur: « Benedictionem dabit qui legem dedit (*Psal. lxxxiii.*) » Unde et Apostolus ait: « Quicunque enim ex operibus legis sunt, sub maledicto sunt (*Gal. iii.*) » An non maledictionis habebamus initium, de quibus dicitur: « Eramus, inquit, natura filii iræ, sicut et cæteri (*Ephes. ii.*) » Finis autem regni illius est Laboch, quod interpretatur *luctamen*. Necesse est enim omnes qui volunt exire de regno diaboli et ejus fines evadere, temptationum ingruentium certamina tolerare. Quod si quisquam legitime certaverit, et viriliter oblectatus eviderit, jam non erit Laboch civitas Seon, sed civitas Israel; non scilicet qui in carne sit Israel, nec in manifesto Jadaeus, sed qui in Christo sit Israel, circumciscus corde, non carne.

CAPUT XII.

In epistola ad V. episcopum et ejus canonicos, de quinque sensibus corporis cohibendis.

Præcipua quidem urbs regni Seon vocatur Esebon, quæ nimirum *cogitationes* interpretatur; per quod datur intelligi quia maxima pars diaboliæ potestatis in cogitationibus regnat. Per Seon quippe nequitiae spiritus figuratur; sed Esebon ex ditione Seon in Israelitarum jura transferitur, cum cogitatio nostra, quæ superbiæ peste tumuerat, ad reprehensionis suæ judicium per gradum severæ humilitatis inclinatur, ut, quæ se dudum arroganter extulerat, jam sua judicans ac diligenter examinans, humiliter reprehendit. In Cades ergo, qui est *fontis judicii*, Amalecitas et Amorrhæos gladio vorante dejicimus; quia tunc vitiorum omnium barbariem sternimus, tunc potestates aereas invictissime debellamus, si et innocenter vivimus, et tamen reos nos ac peccatis obnoxios judicamus, dicentes cum Apostolo: « Si dixerimus quia peccatum non habemus, nosmetipsos seducimus, et veritas in nobis non est (*I Joan. i.*) » Et tunc Esebon, quam *cogitationes* interpretari diximus, in Israelitarum cogitur transire **133** dominium; cum mens nostra de superbia vel omni terrena concupiscentia transferatur in amorem regni cœlorum. Cogitationum quippe certamen nunquam Christi potest deesse militibus, quoniam operis nostri nos rectitudo non liberat, si pravis suis

cogitationibus mens armata virtutibus non resultat. A Sufficiebat quidem legis antiquæ cultoribus ut recta duntaxat extrinsecus agerent; nobis autem Evangelio terribiliter intonante præcipitur ut, dum operibus pravis exuimur, etiam cogitationibus pervigiles oblectemur. « Audistis, inquit, quia dictum est antiquis: Non mœchaberis. Ego autem dico vobis quia quicumque viderit mulierem ad concupiscendum eam, jam mœchatus est eam in corde suo (Matth. v.). » Hinc est quod Joannes Baptista, per quem lex vetus exprimitur, zonam pelliceam in lumbis habuisse perhibetur (Matth. iii.). Salvator noster, qui auctor est Evangelii, inter septem candelabra aurea visus est a Joanne vestitus podere et præcinctus ad mamillam zona aurea (Apoc. i.). Quid est ergo zona pellicea circa lumbos, nisi quod antiquis dictum est: « Non mœchaberis? » (Exod. xx.) Et quid est zona aurea ad mamillam, nisi quod Christianæ fidei cultoribus dicitur: « Qui viderit mulierem ad concupiscendum eam, jam mœchatus est eam in corde suo? » (Matth. v.) Hinc etiam per prophetam divina voce præcipitur: « Leva, Hierusalem, a malitia cor tuum. Usquequo morabuntur in te cogitationes noxiæ? » (Jer. iv.) Et alibi: « Attendi, inquit, et auscultavi, nemo quod bonum est loquitur (Jer. viii.). » Et Salomon ait: « Spiritus sanctus disciplinæ effugiet fictum, et aufert se a cogitationibus quæ sunt sine intellectu (Sap. i.). » Arripimus ergo gladium spiritus, et contra cogitationum nos infestantium cuneos infederabiliter dimicemus.

CAPUT XIII.

In eadem epistola.

Cum Israeliticus ille populus initiatus esset Beelphegor in deserto, et in scorta Moab turpiter corruisset, iratus furore Dominus adversus Israel dixit ad Moysen: « Tolle cunctos principes populi et suspende eos in patibulis contra solem, ut avertatur furor meus ab Israel (Num. xxv.). » Quid est quod populus in luxuriæ voraginem labitur, et in eorum prepositos vindicatur? Subditi delinquant, et principes in patibulis suspenduntur? Scilicet alius est qui peccat, alius ille qui vulpat. Cur hoc, nisi quia culpa subditorum in præpositorum redundat opprobrium, et quod ab omnibus erratur, negligentia pastoris ascribitur? Et vide quam formidolosa sit conditio presidium, ut non modo pro suis, sed et pro subditorum puniantur offensis. Arguit eos Moyses, quia lex Dei negligentia illos ac torporis accusat. Qui suspendit eos ad solem, quoniam ad examinandum producuntur, et arguuntur a luce: « Omnis enim, ut Dominus ait, qui mala agit, odit lucem, et non venit ad lucem, ut non arguantur opera ejus; qui autem facit veritatem, venit ad lucem (Joan. iii.). » Ad lucem quippe venit qui occulta sua per puræ confessionis aditum pndit.

134 CAPUT XIV.

In epistola ad Albertum, in qua de mansionibus Israelitarum scribit.

« Hic est numerus filiorum, qui descriptus est a Moyse et Eleazaro sacerdote, inter quos nullus fuit eorum qui antea numerati sunt a Moyse et Aaron in monte Sinai. Prædixerat enim Dominus quod omnes morerentur in solitudine (Num. xxvi.). » Quibus videlicet historiæ verbis patenter ostenditur quia, cæteris in deserto prostratis, ad repromissionis terram Levi tribus incolumis et illibata pervenit. Quisquis ergo se potuerit in sacerdotum vel levitarum ordine constituere, quisquis noluerit cum reliquis hominibus in terra sortem hæreditariæ portionis acquirere, sed solum cum tribu Levi contentus sit Dominum possidere, iste profecto in hujus mundi deserto non moritur; sed terram repromissionis ingredi vivus et incolumis promeretur. Qui ad promissiones ergo Patrum pervenire desiderat, hæreditatis in terra funiculum cum tribu Levi possidere contemnat. Nam qui se pro terrenis in terram dejicit, qui sese, ubi cum amaritudine Pascha celebrandum est ac velociter transeundum, diutius gaudere confidit, « Anima, inquit, habes multa bona reposta in annos multos, requiesce, comede, bibe, epulare (Luc. xxi.); » non sine causa meretur audire: « Stulte, hac nocte repetent animam tuam a te; quæ autem parasti, cujus erunt? » (Ibid.) Hic itaque non die, sed nocte perimitur, sicut primogenita Ægyptiorum. Nimirum qui non spernit Ægyptum, sed obsequium præbuit rectoribus tenebrarum, qui et ipsi nocte animam ejus repetunt, quoniam odit lucem, nec justitiæ consecutus est veritatem.

CAPUT XV.

In epistola ad V. episcopum et ejus canonicos, quæ est de quinque sensibus corporis cohibendis.

Quisquis per injunctæ predicationis officium ad pugnandum alios incitat, sed ipse non pugnatur, illi similis est qui buccinæ clangoribus obstrepit, sed congregari cominus non præsumit. Hic itaque non virilem generat sexum, dum sit pater ignavus. Quem profecto Salphaath ille signavit, qui non filium, sed quinque filias moriens dereliquit (Num. xxvii.). Salphaath siquidem interpretatur umbra in ore ejus. Quisquis enim fortia predicat, et enerviter vivit, ne turpis appareat, quasi sub foliis se honesti sermonis occultat; sub umbra se proprii sermonis abscondit, dum in campum certaminis per sui torporis ignaviam non procedit. Hic itaque, quantum ad se, non virilem, sed muliebrem sobolem, et hanc sub quinario numero generat, dum sequaces suos non ad robur spiritualis audaciæ, sed ad otium educat ignobilis vitæ. Quos utique dum non curat industria spiritualis pugnæ imbuere, cogit exterioribus negotiis quasi quinque corporis sensibus deservire.

135 CAPUT XVI.

In epistola ad V. episcopum et suos canonicos; quæ est de octo festivitatis Veteris Testamenti.

Octo præcipuas solemnitates per unumquemque anni circulum in lege veteri Dominus instituisse legitur. Quæ profecto festivitates et nobis sunt et illis pro temporum diversitate communes. Illorum quippe sunt per carnalis observantiæ ritum; nostræ quoque nihilominus sunt per spiritualis intelligentiæ sacramentum.

Prima siquidem eorum festivitas est iuge sacrificium, quod utique per continuos dies matutinis ac vespertinis horis jubetur offerri (*Num. xxviii*). Ille nimirum iugis sacrificii solemnitate Domino celebrat, qui in cælestis eloquii meditationibus assidue perseverat. Et quia mane lucis nostræ lex est et prophetæ; vesperum autem lucis hujus, quantum ad ordinem temporum, Evangelium est; sicut dicit Apostolus: « Nos, in quos fines sæculorum deveniunt (*I Cor. x*); » et ipse David: « Elevatio manuum mearum, sacrificium vespertinum (*Psal. cxi*). » Matutinum semper et vespertinum offert Domino sacrificium qui, semetipsum a sæcularibus negotiis mactans, versatur assidue in novarum ac veterum meditationibus Scripturarum. Sive matutinum ac vespertinum Domino sacrificium jugiter immolamus, cum et dignas ei gratiarum actiones de nostra redemptione referimus, ejusque terribile iudicium formidantes, jam quasi tribunalibus presidenti tremantes astamus.

Post iuge vero sacrificium, Sabbatum ponitur, videlicet ut ab omni operis servilis executione vacet. Christiano vero spirituale sabbatum agere est a laboriosa rerum temporalium cupiditate quiescere, solis orationum ac lectionum studiis insudare, sæcularium negotiorum pondus de mentis cervice projicere, ad contemplanda cælestia tota cordis intentione vacare, carnis oblectamenta contemnere, de sola spe cælestium spirituali jucunditate gaudere. De hoc enim dicit Apostolus: « Relinquitur ergo sabbatismus populo Dei (*Hebr. iv*). » Ille porro sabbatum Domini veraciter celebrat, qui sic ab his quæ mundi sunt operibus vacat, ut a spiritualibus tamen actibus non quiescat. Unde Veritas ait: « Aut non legis quia sacerdotes in templo sabbatum violant et sine crimine sunt? » (*Matth. xii*). Qui ergo ab actionum sæcularium laboribus cessat, et divinæ servitutis operibus vacat, ille Christianæ religionis sabbatum celebrat, iste non servile opus facit, quia se a peccati perpetratione custodit. « Qui enim facit peccatum, servus est peccati (*Joan. viii*). » Iste non in domo sua ignem accendit, quia omnes vitiorum fomes, et iræ et similitatis igniculos ex domicilio suæ mentis exstinguit, ab illo cavens igne de quo scriptum est: « Ite in lumine ignis vestri et in flamma quam accendistis (*Isai. l*). » Hic denique pondus in via non portat, quoniam incurvantium se iniquitatum ruderibus cor per poenitentiam levigat. De quibus per Prophetam dicitur: « Quo-

A niam iniquitates meæ superposuerunt caput meum, et sicut **136** onus grave gravatæ sunt super me (*Psal. xxxvii*). » Et paulo post: « Incurvatus sum et humiliatus sum usquequaque (*Ibid.*). » Iste præterea, in loco suo residens, longius non procedit, quia Christum sibi fundamentum ponit, in quo scilicet firmissimum suæ quietis habitaculum construit. Ipse quippe locus est, de quo scriptum est: « Filii servorum tuorum habitant ibi (*Psal. ci*). » Ipse fundamentum, de quo dicitur quia fundamentum aliud nemo potest ponere præter id quod positum est, Christum Jesum (*I Cor. iii*). »

Tertia vero festivitas est Neomeniæ, id est novæ lunæ. Tunc autem innovari luna dicitur cum soli conjungitur, ut ab eo ad concipiendum splendorem velut amissi luminis reparetur. « Sol justitiæ Christus. » Luna autem primo sancta universalis Ecclesia, deinde quæque fidelis est anima, ejus, qui splendor est gloriæ et figura substantiæ (*Hebr. i*), radiis illustrata. Cum ergo sancta quælibet anima Redemptori suo veraciter in amore conjungitur, cum ei denique velut in sponsali thalamo per oblectationis intimæ glutinum copulatur, tunc procul dubio solemnitate Neomeniæ celebrat, dum reformatam se a superno lumine fratrum suorum aspectibus repræsentat, sicut dicit Apostolus: « Qui adhæret Domino, unus spiritus est (*I Cor. vi*). » Nam si in his omnibus solum exterior ille solemnitatum ritus accipitur, non jam ex his utilitatis aliquid nobis videtur posse conferri, sed superstitiosa potius exigent ac frivola judicari. Hinc est quod Apostolus ait: « Nemo dijudicet vos in cibo aut potu, aut in parte diei festi, aut Neomenia, aut in Sabbato, quæ sunt umbra futurorum (*Col. ii*). » Quod ergo tunc erat umbra futurorum Judæo, nunc est exhibitio præsentium Christiano; et quod illis datum est sub exterioribus caeremoniis, nobis factum est instrumentum intelligentiæ spiritualis. Tunc enim Neomeniam, hoc est novæ lunæ colimus ortum, cum veterem deponimus hominem, et sanctæ conversationis induimus novitatem.

Quarto loco paschalis apud illos festivitas ponitur, in qua nunc apud nos « Agnus ille qui tollit peccata mundi (*Joan. i*). » pro totius sæculi salute mactatur. Nam « pascha nostrum immolatus est Christus (*I Cor. v*). » Huic continuatur festivitas, quæ dicitur Azymorum, in qua præcipitur ut a cunctis domibus abjiciatur omne fermentum; quam utique festivitatem, quæ videlicet una cum Pascha dicenda est, nos veraciter celebramus, si fermentum malitiæ et nequitiae de tabernaculo nostri cordis abjiciamus, et sinceritatis ac veritatis azyma custodimus (*Ibid.*). Cavendum est ergo ne sit in mentibus nostris adumbratio fuci, corruptela fermenti, caverna mendacii, sed potius in domo nostri pectoris vigeat et puritatis integritas et soliditas veritatis.

Post hanc, illa festivitas sequitur quæ dicitur Novorum, cum primitiæ scilicet de novis frugibus offeruntur. Dum enim ad maturitatem segetum per-

venitur, tunc, in perfectione honorum fructuum, A auctori honorum Deo festivas agitur. Nos quoque Novorum solemnia gerimus, si, prius agrum nostri cordis disciplinæ vomere proscindentes, virtutum germina spargimus, ut boni postmodum operis frumenta metamus. Unde per prophetam dicitur: « Novate

137 vobis novale, et nolite serere spicas (Jer. iv). » De bono scilicet agricola Salomon ait: « Qui operatur terram suam, inhabitabit acervum frugum, et qui operatur iustitiam, ipse exaltabitur (Eccli. xx). » De negligenti quoque operario idem dicit: « Per agrum hominis pigri transivi, et per vineam viri stulti, et ecce totum repleverunt urticæ; operuerunt superficiem ejus spinæ, et maceria lapidum destructa erat (Prov. xxiv). » Et iterum: « Præpara, inquit, foris opus tuum, et diligenter exerce agrum tuum, et postea ædifices domum tuam (Ibid.). » Sed quisquis interiori hominem suum de die in diem, secundum Apostoli sententiam, renovat, quisquis cor suum divini terroris ligonibus sulcat, iste non super spinas, sed super novalia seminat, ut centesimi proventus segetem metat. Unde dicit Apostolus: « Quia quis seminat in spiritu, de spiritu metet vitam æternam (Gal. vi). » Qui vero fructus et in hac vita de spiritu colliguntur, idem alibi diligenter enumerat, dicens: « Fructus autem Spiritus est charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas (Gal. v). » Quisquis igitur hos fructus intra suæ mentis horreum colligit, hic procul dubio solemnitatem Novorum salubriter colit.

Deinde sequitur festivas mensis septimi, quæ dicitur Clangoris, sive Tubarum. Sic enim inter dies septimus quisque dicitur Sabbatum; ita nihilominus et inter menses, qui septimus est, dicitur Sabbatum mensium, ut etiam Sabbatum sabbatorum. Quis est autem clangor ille tubarum, qui debeamus annua festa persolvere, nisi evangelica simul et apostolica doctrina, quæ, tanquam celeste tonitruum ac terribilis buccina, nos ad procinetum spiritualis militiæ provocat, atque ut pro castris Imperatoris æterni contra nequitie spiritus infœderabiliter dimicemus instigat? Quis est ergo qui tubarum sive clangoris festum legitime celebret, nisi qui Scripturas Veteris ac Novi Testamenti studet in armario suæ mentis includere, ac præcepta cœlestia tenaci semper memoriæ commendare? Hæc itaque festa celebrantibus rite per Prophetam dicitur: « Canite initio mensis tuba, in die insigni solemnitatibus vestræ (Psal. lxxx). »

Post hanc est et illa festivas quæ celebratur decima die mensis septimi, in qua videlicet animas suas Judæi præcipiuntur affligere. Nos etiam hanc rite solemnitatem colimus, cum carnem nostram maceratione castigamus inediæ, cum nosmetipsos reprimimus sub arcæ custodia disciplinæ, cum denique petulantes carnalium passionum illecebras crucifigimus, cum corpus nostrum pro Domino laboribus et ærumnis atermus, cum interiori hominem per compunctionis ac ætuum lamenta macta-

mus. Hanc igitur nobis hoc modo festivitatem celebrantibus repropitiatur ille quem proposuit Deus propitiatorem per fidem in sanguine suo.

Octava vero, quæ et ultima solemnitas est, dicitur *Scenopegia*, hoc est *tabernaculorum*, quæ videlicet quinto decimo die ejusdem septimi mensis incipit celebrari. Lætatur enim Deus in te, cum te quasi peregrinum cernit et exulem, et non in patriæ domibus, sed in exiliis tabernaculis conspicit habitantem. « Non enim hic habemus **138** manentem civitatem, sed futuram inquirimus (Hebr. xiii). » Cum enim hic cernimur per molem corporis, habitamus in cœlo per studium intentionis; cum, tanquam viatores quidam et advenæ, per despectum mentis presentia cuncta transcurrimus, ad supernam vero patriam anxius desideriorum gradibus festinamus, tunc a nobis spiritualiter *Scenopegia* colitur, quæ dudum apud illos per legitimi ritus caeremonias carnaliter agebatur. Hæc porro festivas quingentesimo die septimi mensis incipit, et, quia per octo dies colitur, decimo Kalendarum Octobris procul dubio terminatur. Dicitur enim in libro Numeri: « Quinta decima die mensis septimi, quæ vobis erit sancta et venerabilis, omne opus servile non facietis in ea, sed celebrabitis solemnitatem Domino septem diebus (Num. xxix). » Et aliquanto post subjicit: « Die octavo, qui est celeberrimus, omne opus servile non facietis in eo (Ibid.). »

CAPUT XVII.

In epistola ad V. episcopum et ejus canonicos, de quinque sensibus corporis.

« Arinate, inquit Moyses, ex vobis viros ad pugnam, qui possint ultionem Domini expetere de Madianitis. Cumque pugnassent contra Madianitas, ut sacra narrat historia, atque vicissent, omnes mares occiderunt et reges eorum, Evi, et Recem, et Sur, et Bur, et Rebe, quinque principes gentis (Num. xxxi). » Evi, plane *belluinus* sive *ferinus* interpretatur. Hunc itaque regem in nobis spirituali mucrone transfigimus, cum ferinos a nobis mores abscondimus, cum bestialis iracundiæ rabiæ a nostro pectore detruicamus. Nam cum Dominus dicat: « Beati mites, quoniam ipsi possidebunt terram (Matth. v), » quomodo poteris mansuetorum obtinere beatitudinem, nisi belluini spiritus in te cohibeas feritatem? Recem vero, sive, sicut in veteri translatione dicitur, Rocon, interpretatur *inanitas*. Et quid est aliud quidquid in mundo pro mundi concupiscentia geritur, nisi quod Scriptura loquitur: « Vanitas vanitatum, et omnia vanitas? » (Eccli. i). Vanitas siquidem efficit vanitates et ipsæ vanitates faciunt vanitatem, dum et mundas, qui transitorius est, homines, quos decipit, vanos efficit, et homines mundum, quem insane diligunt, in vanitatem vertant. Hunc ergo regem Dei miles perimit, verus Israelita concidit, si nil superflue, nil inaniter, vel quod ad rem non pertinet, gerat, sed graviter et rationabiliter divinæ legis implere mandata contendat. Tertius autem Madianitarum rex, Sur dicitur; quod profecto *murus*

sive *robustus*, vel etiam *angustia* interpretatur. Quid vere per murum sive robustum, nisi duræ mentis obstinatio vel pervicacia debet intelligi? Quod vero et angustia interpretari dicitur, neque hoc longius a vitio duritiæ separatur, quoniam quisquis ad dimittenda proximo debita durus et obstinatus est, angustia constringitur mentis, dum nulla dilatur amplitudine charitatis. De qua nimirum charitate per Prophetam dicitur: « Latum mandatum tuum nimis (*Psal. cxviii*). » Sive etiam hoc valeat intelligi, quia duritiam mentis sequitur angustia damnationis. Unde per **139** Salomonem dicitur: « Beatus vir qui semper est pavidus; qui autem mentis est duræ, corruet in malum (*Prov. xxxiii*). »

Quartus præterea Madianitarum rex Bar dicitur, quod *irritatio* interpretatur. Vides ergo quia nomina regum umbræ sunt et imagines vitiorum. Qui enim onera gravia per portas suas inferunt, profecto forinsecus obstrepentia, per sensuum suorum aditus, in pectorum suorum arcana transfundunt, Deum indubitanter irritant, quem videlicet his ad inferendam ultionis sententiam provocant. Unde scriptum est: « Simulatores et callidi provocant iram Dei (*Job xxxvi*). » Et de quibus sæpe ad Ezechielem dicitur: « Quia domus exasperans est (*Ezech. ii*); » et Psalmista: « Ut quid, Deus, impropavit inimicus, irritat adversarius nomen tuum in finem? » (*Psal. lxxiii*). Rebe vero, qui *ordinatus* dicitur, non aliter hic procedit, nisi ut per ironiam vel antiphrasim dictum intelligatur quatenus, qui ordinatus dicitur, e contrario inordinatus sit et confusus. Vitiosus enim quisque, etsi superficie tenuis quasi recte vivendi prætendat ordinem, confusæ tamen et inordinate cogitationis versat in corde caliginem. Per quinque ergo reges Madianitarum, quinque signantur corporis sensus; quia omne vitium quod regnat in corpore, ab istis quinque sensibus corporis pendet. Si ergo tunc a nobis extinguendi sunt et gladiis obruendi, cum adversum nos in bellum consurgunt, cum nos scandalizare non desinunt. An non istos reges exstingui et spiritus mucrone occidi præcipit Dominus, cum scandalizantem oculum erui, cum manum vel pedem jubet abscindi? « Melius est, inquit, cum uno oculo, vel debilem ad vitam ingredi, quam duos oculos, pedes ac manus habentem in inferna demergi (*Matth. xviii*). » Ilipane sunt reges Madianitarum; Madian autem interpretatur *de judicio*. Quicumque enim reges spiritu non reguntur, sed sensibus carnis obediunt, non ad misericordiam sed ad judicium se pertinere testantur, sicut de quolibet incredulo dicitur: « Qui autem non credit, jam judicatus est (*Joan. iii*). » At contra de eo qui verbum Salvatoris audit, dicitur: « Quia in judicium non venit, sed transit de morte in vitam (*Joan. v*). » Illud potius unicuique studendum est ut se in operibus sanctis exerceat, ut sese in omnibus purificare ac sanctificare contemnat. Hoc tantummodo semetipsum insuggillare et dijudicare non desinat. Nam qui semetipsum perfecte dijudicat, judicium non

expectat. Perfecte autem semetipsum dijudicare est et reprehendenda non agere, et quæ irreprehensibiliter acta sunt, timide retractare. Porro autem quisquis hoc agit, ille vere Madianitarum reges perimit, ille Amalecitarum principes sternit, et omnes a se vitiorum pestes excludit.

CAPUT XVIII.

In eadem epistola.

Hinc est quod eadem sacra testatur historia: « Quoniam egressi filii Israel venerunt ad Fontem iudicii, hoc est, Cades: et interfecerunt omnes principes Amalec et Amorrhæos, qui habitabant in Tharansum. » Cades autem *sanctificatio* interpretatur. In Cades **140** ergo, qui Fons est iudicii, Amalecitas simul et Amorrhæos spiritualiter interficimus, cum et vitam nostram piis operibus sanctificare satagimus, et tamen ipsi nos tanquam nocentes ac reprehensibiles iudicamus. Cum elaboramus semper irreprehensibiliter vivere, per sollicitudinem tamen districti-examinis opera nostra non desistimus accusare. Et notandum quoniam et Fons iudicii et Cades, qui sanctificatio dicitur, unus idemque locus est, quia nimirum justus quisque semetipsum, dum sancte vivit, accusat, et se dijudicando vel accusando magis magisque sanctificat. Hoc itaque modo vita sanctorum et in propriis cogitationibus reprehenditur, et tamen in operibus irreprehensibilis invenitur.

CAPUT XIX.

In epistola ad Hildebrandum.

« In quadraginta duabus mansionibus pervenerunt filii Israel, usque ad principium capiendæ hæreditatis (*Num. xxxiii*). » Principium vero capiendæ hæreditatis fuit ubi Ruben et Gad, et dimidia tribus Manasse, accipiant terram Galaad in possessionem. Porro autem, sicut illi ascenderunt per quadraginta duas mansiones, ita Salvator noster in Ægyptum mundi hujus descendit per totidem partes. Quod si jam intelligimus quantum sacramenti numerus isto contineat, humanæ scilicet ascensionis et divinæ descensionis, incipiamus jam per ea quæ descendit Christus ascendere, et primam eam nobis mansionem, quam ipse novissimam habuit, edificare. Si quis enim ad nos per loca quælibet veniat, ut mox rediens per loca non eadem ducat ubi desinit ille, nos iter incipimus; et ubi ille cœperat, nos finimus. Prima scilicet generatio Christi cœpit ab Abraham; ultima vero velut postrema mansio terminavit in Virginem. Et quoniam Abraham interpretatur *pater excelsus*, nos hoc iter incipimus a Virginis partu, ut, peragantes sequentia deinceps mansionum loca, postremo ad Deum, Patrem videlicet perveniamus excelsum. Partus ergo Virginis nobis ex Ægypto exire volentibus in primis occurrit, cum, Verbum Dei carnem factum in hunc mundum venisse credentes, relictis omnibus caducis et transitoriis, in illo loco requiescimus, in illo nostræ quietis et spei habitaculum collocamus. Post hæc jam si perficere, et ad singulos quosque fidei et virtutum gradus ascendere

nitimur, tandiu debemus immorari, donec valeant virtutes in consuetudinem verti. Et tunc non quasi transcurrere spiritualis vitæ deserta conspiciuntur, sed mansiones facere, vel etiam habitare in ipsis virtutum profectibus ju liceamur. Nam qui bonum opus non perseveraturus incipit, quasi viam properando transeunt; qui vero in ea quam semel arripuit permanet sanctitate, ibi quodammodo ædificat mansionem. Et notandum quia, cum ire et manere, ac, per hoc, iter et mansio a se sint penitus dissona, nec sibiinvicem congruant, utrumque tamen in illo Israelitico procinctu convenisse Scriptura confirmat, ut illi per desertum et iter habuisse dicantur, **141** et mansiones; quia nimirum nos, qui terram viventium intrare contendimus, et manere debemus per fixum professionis nostræ propositum, et ire semper per meliorandæ conversationis et cumulandi profectus augmentum.

In primis ergo proficiscuntur filii Israel de Ramese. Ramese, sicut nonnullis videtur, in nostra lingua *commotio turbida* vel *commotio tinea* dicitur. In quo datur intelligi quod omnia quæ mundi sunt, in commotionibus et perturbationibus constituta et corruptele, quam tinea designat, probantur obnoxia. In quibus utique non oportet animam residere, sed incunctanter exire. Quidam vero Ramese interpretari *commotionem* vel *tonitruum* putaverunt. Quod utique nobis aptari non incongrue poterit, quia, dum ad prædicationem evangelicæ tubæ commoti fuimus, velut ad tonitruum cœlestium nubium excitati, ex Ægypto mundi hujus eximus. Exierunt autem illi mense primo, quinta decima luna, in ipso scilicet plenilunio ac veris exordio. Et nos, cum summæ lucis radiis illustramur, cum in nobis bonæ voluntatis flores erumpunt, cum omnia renovantur, cum prava denique nostrorum cordium superni solis fomite recalescunt, tunc ex Ægypti tenebris egredi festinamus.

Secunda mansio fit in Sochot. Sochot autem interpretatur *tabernacula*. Primus igitur animæ profectus est ut a terrenis se commotionibus dividat, sibiique tanquam peregrinæ et incolæ non habitaculum figat, sed exilii tabernaculum struat, lugens cum propheta: « Heu me! quia incolatus meus prolongatus est (*Psal. cxix*). »

Deinde veniunt in Ethan, sive ut septuaginta interpretes dicunt, Butan, quæ est in extremis finibus solitudinis. Ethan, *fortitudinem* sonat. Qui ergo jam pro Deo peregrinantur in mundo, qui se incolas et exules recognoscunt, necesse est ut quanto magis se præbent in terrenis actibus debiles, tanto sint in humilitate ac patientia fortiores. Butan autem *vallis* interpretatur, quod ab eodem sensu nequaquam discrepat. Oportet enim ut quisquis ad terram viventium properat, ad perferenda tentationum jacula in humilitatis et patientiæ convalle persistat.

Unde profecti sunt in Phairoth, quæ respicit Beelphegor, et castrametati sunt autem Magdalum.

Phairoth interpretari dicitur *os nobilium*, per quod exprimitur lingua doctorum. In convalle quippe patientiæ constitutus, quo gravior vel persecutionum vel carnalium tentationum flagellis atteritur, eo magis necesse est ut ei ab ore nobilium, id est a sanctorum doctorum exhortationibus, succurratur. Si vero non Phairoth, sed Osirath, proferrendum est, ut alia testatur editio, sciendum est quod Irath *vici* interpretatur. Ad os ergo, hoc est, ad primum vici hujus venit ingressus; quod significat novæ conversationis initium. Unde non ad urbem, sed ad vicum veniunt; quia necesse est ut novitii quique interim se intra suburbanæ vitæ cohibeant modum, nec precipitanter adhuc audeant senatoriæ perfectionis attentare fastigium. Unde bene dicitur quoniam Airoth respicit Beelsephon. Beelsephon siquidem interpretatur *ascensio speculæ* **142** sive *turris*. A parvis enim ad magna conscenditur. Non enim hæc mansio fuit in ipsa specula, sed respiciebat speculum. Quia novitius quisque, etsi ad speculativam vitam jam per desiderium tendat, needum tamen ad speculativæ perfectionis culmen aspirat. Quamobrem illie apte subjungitur: « Et castrametati sunt ante Magdalum (*Num. xxxiii*). » Magdalum, *magnificentia* dicitur. Noviter enim quis ad Dei servitium veniens ascensionem speculæ et magnificentiam jam quidem in conspectu suo per intentionem tenet, sed per effectum virtutis nondum possidet; quia, licet spe contemplationis et perfectionis jam pascatur et nutriatur, needum tamen consummatæ munditiæ vel supernæ gratiæ nitore perfruitur. Ut, si Beelsephor interpretatur *dominus aquilonis*, sicut a quibusdam dicitur; quid per hunc aquilonis dominum, nisi antiquus hostis exprimitur, qui frigidis et ab amore Dei alienis cordibus principatur? Ante hunc ergo, id est contra hunc, castrametamur, cum adversus eum infederabili dimicatione confligimus.

Inde profecti per mare Rubrum venerunt in Mara, quæ interpretatur *amaritudo*. Rectus scilicet ordo est ut qui ad terram properant melle manantem, in deserto vitæ hujus laboris et tentationis amaritudinem hauriant, et per disciplinæ præsentis asperitatem perveniant ad remunerationis internæ dulcedinem. Unde dicit Apostolus: « Omnis, inquit, disciplina in præsentibus quidem non videtur esse gaudium, sed mœroris; post autem fructum pacatissimum exercitatis per eam reddet justitiæ (*Hebr. xii*). » In procinctu siquidem spiritualis militiæ constitutus, modo amara dulcibus, modo dulcia miscentur amaribus, ut per hæc experiatur humana confitio, et quid a se patiat infirmitatis, et quid a Deo debeat sperare virtutis. Sicut eidem populo dicitur: « Amixit te et cibavit te manna in deserto, quod nesciebant patres tui, donec dignosceretur quod esset in corde tuo (*Deut. viii*). »

Unde sequitur quia, profecti de Mara, venerunt in Elim, ubi duodecim erant fontes aquarum et septuaginta palmæ. Vides, post tentationis amaritudinem, ad quantam deveniunt ei dulcium pomorum

et aquarum profluentium amoenitatem. Per tentationis itaque pugnam perducuntur ad palmas, et per sitis intolerandæ penuriam ad irriguam veniunt aquarum viventium affluentiam. Animarum quippe medicus omnipotens Deus sic omnia ordinate dispensat, ut, tanquam melle pigmentis infuso, et tristibus læta et lætis tristitia misceat, quatenus mens infirma et aliquando percussa nunquam de prosperitate superbiat, et aliquando refota in adversitatibus non succumbat. Elim præterea interpretatur *aristes*, qui nimirum sunt gregum sequentium duces. Qui vero sunt duces rationalis gregis, hoc est populi Christiani, nisi sancti apostoli? Hi nimirum sunt duodecim fontes, ariditatem mentium doctrinæ cœlestis fluvioribus irrigantes. Verum quia non illos duodecim duntaxat apostolos Salvator noster elegit, sed et alios septuaginta constituit, idcirco non solum duodecim fontes, sed et septuaginta describuntur illic arbores fuisse palmarum. Nam et ipsi apostoli nominantur **143**, sicut et in B. Pauli verbis agnoscitur. Cum enim de resurrectione Salvatoris ageret: « Visus est, inquit, Cephæ, et post hæc illis undecim; deinde apparuit apostolis omnibus (*I Cor. xv*). » Ex quibus verbis manifeste colligitur quod, præter illos duodecim, et alii discipuli non inconvenienter apostoli nominentur.

Sed egressi de Elim, juxta mare Rubrum fixere tentoria. Nota quia non mare rursus ingrediuntur, sed juxta mare tabernaculum figunt, ut mare tantum et procellarum cumulos procul aspiciant, nequaquam tamen motus ejus aut impetus pertimescant. Nos etiam post tentationum fluctus, post undisoni maris formidolosa naufragia, eadem sæpemaqua quæ periculum ante oculos ponimus, ut jam, velut in litore constituti, dignas ereptori nostro Deo gratias referamus.

Profecti quoque de mari Rubro, applicuerunt in desertum Sin. Sin interpretatur *rubus* sive *tentatio*. Incipit ergo Christiano militi jam prosperitatis spes aridescere, colloctionis divinæ verba promittere. De rubo siquidem Dominus apparuit, et Moysi ad filios Israel perferre mandata præcepit (*Exod. iii*). Illic ergo tibi datur sperandæ clementiæ signum, ubi factum est Israeliticæ visitationis initium. Sed non otiose Sin etiam tentatio dicitur. Solet enim sapiens et in visionibus intervenire tentatio, dum nonnumquam spiritus iniquitatis transfiguratur se in angelum lucis (*I Cor. ii*). Et ideo subtiliter est agendum, ut discernantur genera visionum. Sicut et Jesu Nave, cum angelum cerneret, et tentationes aliquando hujusmodi visionibus inesse nullatenus dubitaret, protinus ab eo qui apparebat requisivit, dicens: « Noster es, an adversarium? » (*Jos. v*). Nam et per Apostolum discretio spirituum inter dona sancti Spiritus enumeratur (*I Cor. xii*). Quod autem Sin etiam *odium* interpretari dicitur, neque hoc quidem a spiritali exorbitat intellectu. Quisquis enim pervenit ad visionem vel allocutionem Dei, confestim concipit odium mundi.

Sed et inde progressi venerunt in Depthea, sive, ut alia translatio perhibet, Raphaca. Depthea denique *pulsatio* dicitur. Et nos, postquam pertingimus ad Ecclesiam, quam videlicet rubus ille significat, ubi Dei meretur homo colloquium, tibi visio conspicitur angelorum, tunc incipimus petere, quærere, ac regni cœlestis arcana pulsare; Domino præcipientem et pollicentem, qui ait: « Pulsate, et aperietur vobis (*Matth. vii*; *Luc. xi*). » Si vero Raphaca quis malit admittere, quæ *sanitas* dicitur, hoc nomen animæ jam dudum languidæ, sed jam per donum sanctæ Ecclesiæ languoris nexibus absolute convenienter aptatur. Hæc est enim anima cui dicitur: « Benedic, anima mea, Domino, et omnia interiora mea, nomini sancto ejus (*Psal. cii*). » Quem, quæso, Dominum? « Qui sanat, inquit, omnes languores tuos, qui redimit de interitu vitam tuam (*Ibid.*). » Languor scilicet animæ, vitia sunt; mors animæ, peccata criminalia sunt. « Peccatum enim, cum consummatum fuerit, generat mortem (*Enic. i*). »

Deinde veniunt in Halos. Halus interpretatur *labores* sive *fermentum*. Et certe sanitatem labores sequuntur; quoniam ad nil aliud sanitatem sancta anima debet concupiscere, nisi ut **144** labores pro Deo valeat pressurasque perferre. Ideo nempe socrus Petri de febre convaleuit, ut Domino per sedulitatis obsequium ministraret (*Matth. viii*). Ideo per Ananiam sanatus est Paulus, ut continuus postmodum laboribus insudaret. Hinc est quod eidem Ananiæ de illo dictum: « Ego enim ostendam illi quanta oporteat eum pro nomine meo pati (*Act. ix*). » Quod autem Halus etiam *fermentum* interpretari dicitur, et hinc nobis congruæ significationis intellectus offertur. Hoc est enim fermentum illud quod tollens mulier commiscuit in farinæ satis tribus, donec fermentaretur totum (*Math. xiii*), id est sanctum Evangelium. In hac siquidem solitudine populus murmuravit, et manna simul et coturnices accepit. Et cum non modo fermentum, sed et manna sacrum significet Evangelium, miro modo hæc simul in decima mansione conveniunt, ut post legis præmissæ Decalogum panis Evangelii succedere videatur.

Post hæc veniunt in Raphidin. Interpretatur itaque Raphidin *laus judicii*. Et certe satis congruit ut et labor antecedit laudem, et laus proveniat post laborem. Verum non cujuscunque rei, sed laus judicii, videlicet de rationis judicio prodeat; non laus quæ de superbiæ vanitate procedat: « Spiritualis enim homo judicat omnia, et a nemine judicatur (*I Cor. ii*). » Reperiuntur et aliæ horum nominum interpretationes. Sed si cuncta, quæ nobis in hac materia suggeruntur, amplectimur, jam non servabitur epistolaris ordo compendii, sed onerosi consurgeret enormitas libri. Israelitarum ergo mansiones succincte transcurramus, non ut earum scrutemur arcana cubacula, sed ut in earum nominibus tantquam exteriora parietum simpliciter ostendamus.

Deinde veniunt in desertum Sinai. Sin, quam su-

perius diximus, et Sinai unum non ambigitur esse desertum; sed Sin dicitur ipsa planities, Sinai vero mons est in eadem supereminens solitudine: in quo nimirum Dominus legis edicta promulgat, et Moyses tabernaculum fabricat (*Exod. xx, xxv et xxvi*). Et hoc aptissime congruit, ut, postquam rationabilis anima rectum ac per hoc laudabile cœperit habere iudicium, tunc in se Deo suo construat tabernaculum, et, digna jam Creatoris alloquio, cœlestium percipiat mysteria mandatorum.

Post hæc profecti sunt ad sepulcra concupiscentiæ, ubi scilicet pulcher ordo contextitur. Nam cum felix anima suo sit tabernaculum Creatori, cum, mandatis divinæ legis intenta, jam cœperit cœlestia contemplari, mox æstuantium vitiorum ardor exstinguitur; et omnis carnalis illecebræ concupiscentia sepelitur; ut non jam caro se adversus spiritum moveat, non adversus carnem spiritus concupiscat.

Inde transitur in Aseroth, quod interpretatur *atria perfecta*, vel *beatitudo*. Et, o quam pulcher ordo mysterii, quam decora series spiritualis incrementi, ut, postquam sepelieris concupiscentias carnis, præstopervenias ad atrium perfectionis et præmium beatitudinis! Felix anima quæ nullis jam visis carnis urgetur, quia mox ad beatitudinem percipiendæ remunerationis ingreditur!

Post hæc venerunt in Rethma, sive Pharam.

145 Rethma, ut opinamur, interpretatur *visio consummata*; Pharam vero, *visibile os*. In quibus quid aliud intelligitur, nisi ut sancta quælibet anima, post sepultas jam carnis concupiscentias, perducta jam ad atrium perfectionis, secunda de præmio beatitudinis, ad consummatam mox Dei visionem veniat, ejusque visibile os, hoc est presentem Dei speciem, cernat? « Nunc enim videmus eum, sicut dicit Apostolus, in speculo et in ænigmate, tunc autem facie ad faciem; et nunc cognosco ex parte, tunc autem cognoscam sicut et cognitus sum (*I Cor. xiii*). » Quæ tamen omnia quia sancti quilibet, in carne constituti, habere nequeunt pleniter in re, jam habent in spe; quam scilicet spem jam firmissimam tenent, quia Spiritum sanctum, qui eos in vitæ hujus laboribus roborat, pignus habent. Unde et illa interpretatio, qua Rethma sonitus sive *juniperus* dicitur, non incongrua judicatur. Ferunt enim lignum hoc ignem in se longo tempore conservare, adeo ut si prunæ ejus fuerint cineribus adoptæ, usque ad annum ignitæ perveniant. Quia ergo Spiritus sanctus, sicut legitur, scientiam habet vocis (*Sap. i*), et in apostolos missus est in specie ignis (*Act. ii*), hæc interpretatio, qua Rethma sonitus vel juniperus dicitur, aptissime Spiritui sancto convenire videtur.

Hinc itaque digressi, castrametati sunt in Rhemon Phares; quod apud nos *excelsa intercisio* dicitur. Nam cum animæ redeuntis ad Deum intellectus augeatur, mox ei datur perfecta notitia, qua scilicet excelsæ atque sublimiter novit et terrena a cœlestibus intercideret, et caduca quælibet ac transitoria a

A perpetuis separare. Si vero Rhemon Phares, ut alibi reperitur, *mali punici divisio* dicitur, per hoc procul dubio sancta designatur Ecclesia, quæ tanquam multa grana uno cortice contegit, dum omnem credentium turbam inseparabili catholicæ fidei unitate concludit.

Deinde transeunt in Lebna, quod interpretatur *dealbatio*. Non autem ignoramus dealbationem aliquando pro crimine poni, sicut dicuntur monumenta dealbata et paries dealbatus; sed hic illa dealbatio debet intelligi, de qua per Isaiam dicitur: « Si fuerint peccata vestra ut coccinum, quasi nix dealbabitur, et si fuerint rubra quasi vermiculus, ut lana alba erunt (*Isai. i*); » et in Psalmo: « Nive dealbabitur in Selson (*Psal. lxxvi*). » Et in Apocalypsi: « Capilli Jesu tanquam lana albi referuntur (*Apoc. i*). » Quapropter hic dealbatio convenienter intelligitur de veræ lucis splendore prodire et de summæ visionis claritate descendere. Quod si Lebna, ut quidam dicunt, in *laterem* vertitur, in quo videlicet opere Israeliticis in Ægypto populus cæctus est laborare, hoc datur intelligi quia, sicut illi post tam sublimia loca rursum in laterem veniunt, ita nos, quando in hujus mundi deserto peregrinamur, necessitate compellimur aliquando a summis ad ima descendere, et a spiritualibus ad terrenæ actionis opera transigere.

Post hæc veniunt in Ressa, quod *infrenos* vertitur, et non incongrue. Si enim post perfectionis cultum ad opera lutulenta descendimus, disciplinæ nexibus et pœnitentiæ loris infrenandi sumus, ne vagemur per abrupta præcipientes, sed cito redeamus ad consuetæ munditiæ **146** puritatem. Interpretatur etiam Ressa *visibilis* sive *laudabilis tentatio*. Quamvis enim mens cujuslibet justi viri jam ad alta proficiat, tentatione tamen adhuc in ima depimitur, ne per tumorem superbiæ de virtutibus extollatur. Stimulus enim tentationis ad custodiam adhibetur humilitatis. Unde dicit Apostolus: « Ne magnitudo revelationum extollat me, datus est mihi stimulus carnis meæ, angelus Satanæ, ut me colaphizet (*II Cor. xii*). » Hæc ergo tentatio visibilis est, quia manifesta; laudabilis, quia salutifera.

Inde progressi veniunt in Cœlatha, quod interpretatur *Ecclesia*; ut videlicet instabiles quique, qui se per vitiorum abrupta præcipienter impellunt, sacræ Scripturæ frenis in Ecclesiam retrahantur; sive, quod alia tenet editio, Machebat, quod est *principatus virgæ*. Quod utrumque potestatem videtur exprimere. Carni quippe, qui tentatur, necesse est ut præsidens spiritus principetur, ut, cum illa abiciat pugnam, iste quasi desuper intentet minaciter virgam, dum rigidi terroris adhibet disciplinam.

Exinde venit in montem Sepher sive Sephar, quod *tubicinatio* appellatur. Tuba, signum est belli. Equus enim Dei odoratur bellum, et cum audierit buccinam, dicit *vah*; et miles Christi, cum se persenserit vitiorum ingruentium tentatione vallatum, virtutum protinus arma corripiens, procedit ad bellum, et co-

minus in bella congregitur, ne, degeneri torpore solatus, ab adversariis facile perimatur, et tunc poterit gloriosius tuba canere, hoc est ad spirituale certamen et alios provocare.

Unde illic dicitur quia, inde profecti, venerunt in Harada, sive, quod alibi dicitur, in Charadath, quod in nostra lingua sonat *idoneus effectus*, ut ipse nimirum jam prædicator factus, merito valeat cum Apostolo dicere : « Quod idoneos nos fecit ministros Novi Testamenti (II Cor. iii). »

Sed et inde proficiscentes, veniunt in Macelot; quod interpretatur *ab initio*. Quisquis enim ad perfectionis summam contendit, omnium rerum contemplatur initium, dum cuncta viscerum suorum vota convertit ad Deum. Et dum cor ad Auctorem suum jugiter dirigit, a rerum omnium initio non recedit. Vel, si Maceloth, ut quidam sentiunt, dicatur esse *conventus*, per hoc Ecclesia intelligitur, in qua videlicet a cunctis fidelibus convenitur. Unde canitur : « Ecce quam bonum et quam jucundum habitare fratres in unum! » (Psal. cxxxii.).

Deinde venit in Thaath, vel sicut alibi legitur, in Caath, quod est *patientia vel confirmatio*. Quisquis enim desiderat terram viventium per præsentis vite labores ingredi, necesse est cum ad toleranda mundi pericula per patientiam confirmari. Vel si Thaath, ut a quibusdam dicitur, vertitur in *pavorem*, dicatur unicuique certanti, vel jam forte per divinam gratiam triumphanti : « Noli altum sapere, sed time (Rom. xi). »

Sed, inde profecti, veniunt in Thare, quod Græce quidem *exstasis* interpretatur, in nostra vero lingua dicitur *contemplatio*. Consequens est enim ut quisquis antea probatur per patientiam, proinde ad contemplationis perveniat gratiam; et qui prius in tribulatione deprimitur, 147 postmodum ad visionis intimæ lætitiæ sustollatur. Sin autem Thare, sicut quidam putant, *astutia* vel *malitia* debet intelligi, hoc ad Ecclesiarum præpositos non immerito videretur posse referri; ut ipsi suis auditoribus timent, qui in tentationum tribulatione laborant. Astutia enim et malitia illius cavenda est de quo dicitur : « Quoniam adversarius noster tanquam leo rugiens circuit, quærens quem devoret (I Petr. v). »

Deinde procedunt in Methca, vel, sicut alibi legitur, Maathica, quod interpretatur *mors aëra*. Nunquam tam perfecte diabolica cavetur astutia, quam si Christo commorimur, ut tanquam insensibiles ad hostis callidi tentamenta redeamus. Quam novam mortem contemplatio parit, quæ scilicet et mundum nobis et nos mundo mortuos efficit. Quod si Methca, ut quibusdam placet, in *dulcedinem* vertitur, quid mirum si de contemplatione ad dulcedinem venitur, cum ipsa contemplatio nihil aliud sit quam ineffabilis et immensa dulcedo?

Post hæc venit in Hesmona, quæ *festinatio* dicitur. Nam, postquam pertingimus ad dulcedinem contemplationis, moram non ferimus tarditatis. O quam moleste moram patiebatur ille qui dicebat :

A « Utinam dirumperes cœlos et descenderes, et liquefierent montes a facie tua! » (Isai. lxxv). Quam graviter hanc moram ferebat ille qui dicebat : « Cupio dissolvi et esse cum Christo (Philip. i). » multo magis melius! Sin autem a Senna dicatur quod *ossa* significat, hoc ad robur constantiæ pertinet, quod necesse est ut Christi amator habeat, ne per amorem nimium impatiens fiat.

Hinc jam transitur in Moseroth, quod significare putatur *excludens*. Anima quippe, quæ ad perfectum Sponsi sui amorem pervenit, tentationes a se callidi corruptoris excludit. Unde et Apostolus : « Nolite, inquit, locum dare diabolo (Ephes. iv). » Quod si Moseroth, juxta quosdam, interpretatur *vincula*, sanus per omnia et congruus intellectus elucet : B nimirum sancta quælibet anima, quæ cœlesti Sponso in amore conjungitur, necesse est ut ei assiduus Scripturarum meditationibus, quasi quibusdam vinculis insolubiliter connectatur. De quibus vinculis Christo per Isaiam dicitur : « Viri sublimes ad te transibunt, et tui erunt, et post te ambulabunt colligati vinculis (Isai. xlv). »

Unde non immerito jam venit in Banaeim, quod significat *fontes vel excolationes*, id est, ubi divinarum Scripturarum fontes anima bibit et excolat, hoc est subtiliter tractat ac ruminat. Excolat, inquam, cum illud evangelicum servat : « Ut ne unus quidem apex aut unum iota de lege prætereant, quin omnia fiant (Matth. v). » Si vero bene Jaacan, sicut quidam dicunt, transfertur in *filios* C *necessitatis* sive *stridoris*, hoc significat, quia quisquis divinis eloquiis eruditus est et affluenter instructus, necesse est ut post se et alios trahat ac filios gignat, quibus nimirum dum fletus et stridorem dentium minaciter objicit, quodammodo necessitatem eis ut ad Deum convertantur imponit. Ii sunt ergo filii necessitatis vel stridoris, de quibus propheticè canitur : « Afferte Domino, filii Dei, afferte Domino filios arietum (Psal. xxviii). »

Post hæc ascendunt in montem Gadgad, quod 148 interpretatur *nunius*, vel *accinctio*, vel certe *concisio*. Quibus enim verba Dei annuntiamus, eos procul dubio commonere debemus ut et se virtutum armis accingant, et invisibilium hostium spiritualibus gladiis terga concidant. Quod cum eos agere non segniter edocentur, cum eis simul ad montana conscendimus. Quod si Gadgad, ut quidam putant, *tentamenta* significat, datur intelligi quoniam his qui ad cœlestem patriam tendunt, tentationes deesse non possunt. Et sæpe tentatio virtutibus admiscetur, ut laborioso Christi militi merces uberior acquiratur.

Et quia per mala tentationum ad præmiorum bona transitur, congrue sequitur quoniam, inde profecti, venerunt in Jetebatha, sive, ut alibi legitur, Jatbatha, quod interpretatur *bonitas* sive *bonum*. Ergo per experientia tentationum ad bonitatem, quæ procul dubio Christus est, pervenitur.

Inde profecti sunt in Ebrona, quo l *transitus* appellatur. Animo quippe transeunda sunt omnia, et in eum solam debes obtutum mentis infingere, cum quo sine transitu valeas permanere.

Post hæc veniunt in Asiongaber, quod interpretatur *consilia viri*. Postquam enim nos in Christum omnino projicimus, postquam in eum omnem cordis nostri fiduciam collocamus, esse pueri sensibus ulterius non debemus, imitantes Apostolum, qui dicit : « Cum autem factus sum vir, evacuavi quæ erant parvuli (I Cor. xiii); » et iterum : « Nolite pueri effici sensibus (I Cor. xiv). »

Sed quoniam qui apponit scientiam, apponit dolorem, iterum veniunt in desertum Sin, quæ est Cades. Sin autem *tentationem* interpretari jamjam superius diximus. Sicut enim vas aureum vel argenteum sæpe malleus percutit, sæpe lima hinc inde poliando circumdat, ut clarius fiat; sic iterata tentatio constantis et non cedentis animæ rubiginem purgat. « Vas enim figuli probat fornax, et homines justos tentatio tribulationis (Eccli. xxvii). » Et quia Cades *fructificatio sancta* dicitur, vides quoniam tentationum sulcos sancta fructificatio subsequatur.

Sed et hinc applicuerunt in montem Hor, in extremis finibus Edom. Hor *montanus* interpretatur. Quisquis enim tentatus non labitur, sed de tentatione fructificat, consequens est ut ad montem, qui Christus est, victor ascendat. Hic est enim mons ille coagulatus, mons pinguis (Psal. lxxvii), de quo per Prophetam dicitur : « Erit in novissimis diebus C
preparatus mons domus Domini in vertice montium, et elevabitur super colles, et fluent ad eum omnes gentes (Isai. ii). » Hic mons dicitur montanus, quia ubi Christus, ibi et procul dubio Christianus : « Ubi sum, inquit, ego, illic et minister meus erit (Joan. xii). »

Deinde veniunt in Salmona, quod interpretatur *umbra portionis*. Et merito, postquam in montem, qui est Christus, ascendimus, vitiorum fugientes ardorem, sub defensionis ejus umbraculo residemus. De qua videlicet umbra per Jeremiam dicitur : « Spiritus oris nostri Christus Dominus captus est in peccatis nostris, cui diximus : In umbra tua vivemus in gentibus (Thren. iv). » Et Angelus ad Mariam : « Virtus, inquit, Altissimi obumbrabit tibi (Luc. i). » D
Salmona etiam, ut allicubi reperitur, *imaguncula* dicitur; quod utique 149 loco illi non absurde congruit, dum ibi æneus ille serpens appensus sit, qui crucifixi representat imaginem Salvatoris.

Fit præterea transitus in Phinon, quod interpretatur os, vel *oris parcimonia*. Et os quidem, quia, mox ut passionis Christi sacramenta cognoscimus, quod corde credimus, ore pronuntiamus, sicut scriptum est : « Credidi, propter quod locutus sum (Psal. cxx). » Et Apostolus : « Corde creditur ad justitiam, ore autem confessio fit ad salutem (Rom. x). » Oris vero parcimonia dicitur; quia, dum tam profunda redem-

ptionis humanæ mysteria penetrare non possumus, quasi ori nostro digitum superponimus, ut, divinitatis Christi celsitudinem majoribus relinquentes, de sola tantum ejus cruce tractemus, sicut dicit Apostolus : « Nihil judicavi me scire inter vos, nisi Christum Jesum, et hunc crucifixum (I Cor. ii). »

Post hæc profecti sunt in Oboth, quod utique vertitur in *magos* sive *pythones*. Propter quod datur intelligi quia post imaginem Dei, quæ in cordis ratione concipitur, post acceptam fidem, quæ oris confessione profertur, consurgunt adversum nos hæretici errore venenate perfidie dogmatizantes, tanquam pythones et magi malefica incantationum carmina conspergentes.

Hinc transitur in Gebarim, quæ est in finibus Moabiturum. Gebarim significat *acervos lapidum trans-euntium*. Isti porro sunt lapides vivi, sancti scilicet, ex quibus non modo Hierusalem superna construitur, sed et præsens Ecclesia tanquam margaritis coruscantibus adornatur. Qui merito transeuntes dicuntur, quia terrena qualibet ac transitoria mente calcant, atque ad celestia transire festinant. Si vero non Gebarim, sed Gai dicatur, quod alia testatur editio, et hoc ab intellectu transeuntium non aberrat. Gai siquidem interpretatur *chaos*. Dicit autem Abraham diviti : « Quia inter nos et vos chaos magnum firmatum est (Luc. xvi). » Ad illum ergo sancti semper transire desiderant, ut in ejus sinu, sicut et beatus ille Lazarus, feliciter requiescant.

Unde satis apte consequitur ut post chaos pythorum atque magorum, quod est tenebrosa calliditas hæreticorum, præsto veniant in Dibongad, quod significare dicitur *apiurum tentationum*. Apes enim ore mella ferunt, sed aculeis pungunt; sic et hæretici verbis quidem manifeste blandimenta prætendunt, sed quasi post se erroris aculeos contegunt. Primo distillant ore dulcedinem, sed postmodum spargunt aculeata falsitatis errorem. Unde Propheta conque-
ritur, dicens : « Circumdederunt me sicut apes, et exarserunt sicut ignis in pinis (Psal. cxvii). »

150 Inde profecti sunt in Helmondeblathaim, quod vertitur in *contemptum palatarum*, hoc est ficuum, sive *contemptus opprobrii*. Ficus autem deliciosus est fructus; per quod intelligitur necessarium esse ut qui jam donis celestibus appropriant, cuncta carnalis illecebræ blandimenta contemnant. Quod si contemptus opprobrii magis admittitur, per hoc jam indubitanter instruimur ut, si quando hæreticorum vel reproborum quorumlibet deonestamur injuriis, non turbemur. Per quod scilicet utrumque salubriter edocemur, ut nos nec inhonesti contemptus irrisio moveat, nec ulla terrenæ dulcedinis oblectamenta resolvant; quatenus de hoc mundo vageamus dicere cum Propheta : « Sicut tenebræ ejus, ita et lumen ejus (Psal. cxlviii). »

Inde commigrant ad montes Abarim contra Nafo. Abarim, *transitus*, Nabo *accessio* interpretatur; ubi scilicet anima quasi per omnes itineris mansiones, ita per cunctas fuerit progressa virtutes, quæ

jam ad culmen perfectionis ascendit, mente mox A transit ex hoc sæculo, et abscedit. Quæ nimirum et si adhuc manere videatur in mundo, in carne tamen, non secundum carnem ambulans, jam recessit e mundo. Sicut de Enoch dicitur : « Et non inveniebatur, quia transtulit illum Deus (Gen. v). » Ita quisque sanctitate perfectus, et mundo jam mortuus, pertransiit mundum, et habitat in regione virtutum.

Postrema vero mansio est in campestribus Moab, super Jordanem contra Jericho. Ad hoc enim tam longi itineris transitus agitur, ad hoc totus ærumnis ac laboribus per vastam hujus mundi solitudinem suspiratur, ut applicemus ad Jordanem, hoc est, accedamus ad inexhaustam celestis sapientiæ plenitudinem. Juxta quam peregrinationis nostræ taber-

na culmen construentes, ejus fluentis a cunctis nos Aegypti squaloribus properemus abluere, ut purificati terram repromissionis valeamus intrare, ut simus, sicut de sponsa in Canticis dicitur : « Oculi ejus sicut columbæ super rivos aquarum, quæ lacte sunt lotæ et resident juxta fluentia plenissima (Cant. v). » Et notandum quod perfectio ista non in montibus, sed in campestribus desinit, quoniam sancti quique quanto celsiori perfectione sunt præditi, tanto majori sunt humilitate fundati. Qui etiam contra Jericho mansiones ædificant, quoniam adversus mundum, qui per eam designatur, infœderabiliter pugnant. Quibus dicitur : « Si de mundo fuissetis, mundus, quod suum erat, diligeret ; sed quia de mundo non estis, propterea odit vos mundus (Joan. xv). »

Expliciunt testimonia libri Numeri.

151-152 INCIPIUNT CAPITULA LIBRI DEUTERONOMII.

1. Quod lex in monte Horeb data sit.
2. Ait Dominus Moysi : Vade, et dic populo : Revertimini in tentoria vestra ; tu vero hic sta mecum.
3. Ait Moyses populo : Dedit tibi Dominus cibum, manna, quod ignorabas tu et patres tui.
4. Non est, inquit Moyses, terra, quam ingredimini possidendam, similis terræ Aegypti, de qua existis, sed de caelo pluviam expectans.
5. Quod præcipit Dominus ut, appropinquante jam prælio, sacerdotes ante aciem staret, et exhortaretur populum.
6. Ut homo formidosus et corde pavido non egrederetur ad bellum ; sed revertatur in terram suam, ne alios pavere faciat.
7. Ut mulieri in bello captæ et in conjugium victoris electæ corporis superfluitas abscindatur.
8. Quod si filius odiosæ conjugis primogenitus fuerit, non possit dilectæ filius ei præferri, ut primogeniti locum teneat.
9. Ut si acceperit homo uxorem, et illa non invenerit gratiam ante oculos ejus, scribat ei libellum repudii, et dimittat eam de domo sua.
10. Ut si eum qui peccavit iudices dignum viderint plagis, prosternant, et coram se faciant verberari.
11. De justo pondere et æquali modio habendis.
12. Moyses de Aser : ferrum, inquit, et æs calceamentum ejus.

Expliciunt capitula.

INCIPIUNT TESTIMONIA LIBRI DEUTERONOMII.

CAPUT PRIMUM.

In epistola ad Alexandrum papam, ubi de insolentia malorum.

Mens humana, terrenis obtenebrata negotiis, frustra se in contemplationis culmen attollere nititur, dum actionum sæcularium merito quasi congestis lapidum ruderibus aggravatur. Sicut enim aluta, postquam per limosa luti fluentia transierit, non admittit arvinam, sic mens humana, nisi ab humore fuerit curæ sæcularis exsucca, non percipit supernæ pinguedinis gratiam. Pellis enim sicca pinguedinem combibit, humefacta repellit. Et humanum cor, donec curarum sæcularium madore turgescit, saginas internæ gratiæ non admittit. Unde et lex in monte Horeb data legitur (Exod. xx), quod videlicet *siccitas* interpretatur. Illa denique mens quæ per amorem spiritus in alta sustollitur, mens est in quo lex Domini irreprehensibilis, quæ procul dubio charitas est, divinitus promulgatur. Et hic mons veraciter est Horeb, qui *siccitas* dicitur, in quo videlicet omnium vitiorum humor excoquitur, et ad radios solis justitiæ cunctum libidinis atque carnalis illecebræ rheuma siccat. Hinc est quod vasa templi in ar-

B gillosa terra, quæ videlicet æquam sitienter imbibit, Hiram ad Salomonis imperium fabricavit (III Reg. vii) ; ex quibus nimirum vasis et illud est quod imbre celesti concupiscit impleri, dicens : « Anima mea sicut terra sine aqua tibi (Psal. cxli) ; » ad quod ideo æstuans clamat : « Sitiit anima mea ad Deum vivum : quando veniam et apparebo ante faciem Dei ? » (Psal. xli).

CAPUT II.

In epistola ad fratres Cluniacenses.

Caveant hi qui prodire fortassis adhuc in publicum concupiscunt ne, dum inania cernere liberis obtutibus inhiant, dextrum oculum, hoc est vim intimæ contemplationis, extinguant. Nec pruriat eorum gula cum illo carnali Israel porros, cepas et C allia (Num. xi), quarum videlicet herbarum vehemens acrimonia oculos turbat et ad lacrymas provocat, quia nimirum sæcularis actio, dum multis presuratum angustiis cingitur, dum laborum ingruentium crebra perturbatione vexatur, quibus gaudere promisit, sæpe flere compellit. Plane si laboris delectat exercitium, habet sancta quies laborem suum. Unde Dominus ad Moysen : « Vade, inquit, et dic

eis : Revertimini in tentoria vestra ; tu vero hic sta A
mecum, et loquar tibi omnia mandata, caerimonias
atque judicia (Deut. v.) : Cæteris quippe in carnis
suar tentorio delectabiliter quiescentibus, servus Dei
non residere jubetur, sed stare cum Domino, ut quo
remotius a mundi laboribus cessat, eo vigilantius
in divinis obsequiis ipse se sanctæ quietis fervore
exerceat.

CAPUT III.

In eadem epistola.

« Dedit tibi Dominus cibum manna, quod ignora-
bas tu et patres tui, ut ostenderet tibi quod non in
solo pane vivit homo, sed in omni verbo quod egredi-
tur ex ore Domini (Deut. viii.) : Matth. iv.; Luc. iv. »
ubi et præsto subiungit : « Vestimentum 153 tuum,
quo operiebaris, nequaquam vetustate defecit, et pes B
tuus non est subtritus, en quadragesimus annus
est : ut recogites in corde tuo, quia sicut erudit ho-
mo filium suum, sic Dominus Deus tuus erudit te,
ut custodias mandata Domini Dei tui, et ambules in
viis ejus, et timeas eum (Deut. viii.) » In quibus
verbis illud est solertius attendendum quod ait :
« Dedit tibi manna, ut ostenderet quod non in solo
pane vivit homo, sed in omni verbo, quod egreditur
ex ore Dei. » Ubi luce clarius constat quia illud
manna, quo illi carnaliter alebantur, hoc divini
verbi significabat pabulum, quo nunc in anima re-
creamur. Et notandum quod de hoc manna in libro
Exodi legitur : « Quod cum vidissent, inquit, filii
Israel, dixerunt ad invicem : Manhu? quod signifi-
cat : Quid est hoc? » (Exod. xvi.) Illi ergo manna,
id est quid est hoc, veraciter comedunt qui, dum
legunt, vel audiunt, divini verbi mysterium solerter
inquirunt, qui nimirum intra litteralis paleæ thecam
dulcem intelligentiæ spiritualis ambiunt enucleare
medullam. Hic certe quid est hoc veraciter vestio-
tur, qui assidue in Scriptura sacra solerti meditatio-
ne versatur.

CAPUT IV.

In sermone de S. Bartholomæo.

Moyses mystice de sancta dicit Ecclesia : « Non
est, inquit, terra, ad quam ingredimini possiden-
dam, similis terræ Ægypti, de qua existis, ubi jacto
semine in hortorum morem aquæ deducuntur irri-
guæ, sed de cælo pluvias expectans, quam Deus
suus invisit omni tempore (Deut. xi.) » Sæcularis
enim prudentia quasi coluber per humum serpit et
huc illucque lubrica varietate declinat, divina vero
sapientia de cælestibus intonat. Hortus etiam hic
sinistram habet significationem. Nam carnalis scien-
tiæ videtur designare lasciviam; sicut et illic, ubi
Achab petiit vineam Naboth : « Da mihi vineam tuam,
ut faciam mihi hortum olerum (III Reg. xxi.) »
Ille quippe in hortum conatur vineam vertere, qui
rigorem virtutis jucunda carnalis illecebræ vult
amœnitæ mutare. Et Psalmista reprobos oleri-
bus comparat, dicens : « Tanquam fenum veloci-
ter arcescent, et sicut olera herbarum cito cadent
(Psal. xxxvi.) »

PATROL. CXLV.

CAPUT V.

In sermone de S. Anastasio.

« Appropinquante, ait Dominus, jam prælio, sta-
bit sacerdos ante aciem, et sic loquetur ad popu-
lum : Audi, Israel : vos hodie contra inimicos ves-
tros pugnam committitis, non pertimescat cor ves-
trum, nolite metuere, nolite cedere, nec formidetis
eos, quia Dominus Deus vester in medio vestri est,
et pro vobis contra adversarios dimicabit, ut eruat
vos de periculo (Deut. xx.) » Et notandum quod sacer-
dos qui, imminente jam bello, concionatur, non alibi,
sed ante aciem stare præcipitur, ut videlicet eos
ad pugnam, quos adhortationibus provocat, ipse
quoque prævious antecedit, ne dum alios 154 ad
bellum impellere nititur, ipse degeneri torporis otio
per negligentiam resolvatur, sicut de quibusdam
magna quidem prædicantibus, sed desidiose viven-
tibus, per Prophetam dicitur : « Filii Ephrem in-
tendentes arcum et mittentes sagittas suas conversi
sunt in die belli (Psal. lxxvii.) »

CAPUT VI.

In sermone de S. Georgio.

« Homo formidolosus et corde pavido non egredi-
diatur ad bellum, sed vadat et corde revertatur ad terram
suam, ne pavere faciat corda fratrum suorum, si ut
et ipse perterritus est (Deut. xx.) » Quibus nimirum
verbis liquido perdoceatur quia pro defensione fidei
dimicare fortiter et idonee nequeunt qui adhuc nu-
dari terrenis opibus pertimescunt; tolerabilius enim
est ut domum quodammodo redeantes ignobili-
ter et imbelles vivant quam secum et alios a
triumphandi gloria per degeneris exempla timoris
avertant.

CAPUT VII.

In libro de perfectione monachorum.

Per Moysen lege decernitur ut mulieri in bello
captæ et in conjugium victoris electæ corporis cir-
cumfluitas abscondatur : « Quæ radet, inquit, cæsa-
riem et circumcidet ungues et deponet vestem in
qua capta est; sedensque in domo sua flebit patrem
et matrem uno mense, et postea intrabis ad illam dor-
miesque cum illa, et erit uxor tua (Deut. xxi.) » Mulieri
quippe cæsariem radimus, cum rationali disciplinæ
sensus superfluos amputamus. Ungues etiam circum-
cidimus, cum ab ea mortua quæque superstitionum
opera desecamus. Quæ etiam vestem deponere, in
qua est capta, præcipitur, ut superductam fabula-
rum et quorumlibet figmentorum exuat superficiem,
ac solidam veræ rationis exhibeat veritatem. Patrem
vero et matrem deslet, quia liberalium auctores ar-
tium mens nostra mortuos deputat et eos in errore
perisse compatiendo deplorat. Consuetudo autem
feminarum est per unumquemque mensem sui san-
guinis effusione purgari : post mensem itaque ad hanc
mulierem intrare præcipimur, ut artem cujuslibet
disciplinæ omni superstitionum contagio defæcatam
velut in conjugium sortiamur, quatenus jam Israe-
litica facta consequenter in Israelitæ conjugium
transeat et bene fecundam spiritualium operum so-
bolem reddat.

CAPUT VIII.

In epistola ad Bonifacium, quæ est de eo quod exteriori prudentiæ spiritualis sapientiæ debeat præferri.

« Si habuerit homo uxores duas, unam dilectam et alteram odiosam, genueritque ex eis liberos, et fuerit filius odiosæ primogenitus, volueritque substantiam inter filios dividere, non **155** poterit filium dilectæ facere primogenitum et præferre filio odiosæ, sed filium odiosæ agnoscat primogenitum, dabitque ei de his quæ habuerit cuncta duplicia; iste enim principium liberorum ejus et huic debentur primogenita (*Deut. xxi*). » Duæ scilicet hominis uxores sunt, virtus et voluptas, livoris et odii inter se invicem velut quadam zelotypia dissidentes; et voluptas quidem ad hanc vitam, virtus ad æternam pertinet gloriam. Illa plane dilecta est, quia virum suum, hoc est fragilem cujusque spiritum, maleuada jucunditate demulcet; ista vero dicitur odiosa, quia per arctam et angustam viam homines ire constituit et aspera semper ac dura proponit: sed filius odiosæ nobis primogenitus est, quia virtutem Conditor noster nobis originaliter indidit; voluptas autem et quælibet carnalis illecebra ex vicio nostræ pravitatis emersit. Sed quia non est istius temporis per singula verba hujus præcepti figuram enucleanter exponere, sufficiat hoc ad compendium dicere ut, si non possumus dilectam uxorem, quæ nobis procul dubio noxia est, a thalami nostri societate repellere, studeamus saltem quæ sobria est et honesta in primogeniti dignitate præferre, quatenus si nobis difficile est quantulumcunque saltem hujus vitæ dulcedinem non sentire, prærogetur tamen domini palma virtuti, relinquatur servitus voluptati; illius filius in primogeniti dignitate præcellat, istius autem filius in subsequela ordinis et sub disciplinæ semper reformatione supersistat. Vis fortassis addiscere quæ uxoris dilectæ sunt filii? Paulus inquiratur Apostolus: « Manifesta sunt, inquit, opera carnis, quæ sunt fornicatio, immunditia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessiones et his similia, quæ prædicæ vobis, sicut prædixi: quoniam qui talia agunt regnum Dei non consequentur (*Gal. v*). » Vis enim consequenter audire quæ sit soboles odiosæ? ausculta quod subdidit: « Fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas (*Ibid.*). » Hic ergo filius tanquam primogenitus duplicia debet habere substantiæ, videlicet ut fructus Spiritus corpus simul et animam regat atque utriusque substantiæ, interioris scilicet, et exterioris hominis jura possideat.

CAPUT IX.

In epistola ad Cincium præfectum.

« Si acceperit homo uxorem, et habuerit eam et non invenerit gratiam ante oculos ejus, propter

A aliquam fœditatem, scribat libellum repudii, et dabit in manu ejus et dimittet eam de domo sua (*Deut. xxiv*). » Hæc igitur uxor nostra, carnalis scilicet vita, utinam in oculis nostris gratiam nunquam prorsus inveniat, sed ejus abominabilis fœditas mentium nostrarum nares, ut dignum est, semper offendant. Quæ, libello repudii per legem penitentia semel accepto, sic a connubii nostri liminibus excludatur ut in **156** nostros denuo non revertatur amplexus. Unde et vir sapiens ait: « Averte faciem tuam a muliere compta, et non circumspicias speciem alienam (*Ecclesi. ix*); » quæ quoniam aliena dicitur, merito cum Agar, non uxor, sed concubina intelligitur. Agar enim peregrina, vel accola interpretatur. Et quia per Salomonem hæc eadem impudica mulier dicit: « Aspersi cubile meum myrrha, et aloë et cinnamomo (*Prov. vii*); » merito cum altera concubina Abraham poterit comparari. Cethura siquidem dicitur odorifera. Vita quippe carnalis spirat odoramenta mendacii. Unde et in Proverbiis dicitur: « Custodi te a muliere mala et a blanda lingua extraneæ; non concipiscat pulchritudinem ejus cor tuum (*Prov. vi*). » Hæc enim blanda lingua, videlicet carnalis vitæ, miseros homines dicere persuadet: « Venite, perfruamur bonis quæ sunt, et uiamur creatura tanquam in juventute celeriter; vino pretioso et unguento nos impleamus, et non prætereant nos flos temporis, » etc. (*Sap. ii*). At contra de muliere, quæ religiosas signat vitam, scriptum est: « Mulieris bonæ beatus vir, numerus enim annorum illius duplex; mulier fortis oblectat virum suum, et annos vitæ illius in pace implebit (*Ecclesi. xxi*). » Quomodo est numerus annorum hominis duplex, nisi quia et hic vivit in conversatione sancta et illic est victurus in gloria? Hæc plane duæ vitæ, spiritualis scilicet atque carnalis, quadam inter se invicem quasi zelotypia dissident et ad diversum vivendi finem corda hominum trahunt. Ista siquidem cohabet gulæ pruriginem, ne modum sobriæ refectionis excedat; illa ventres infurgitat et per immoderata ciborum oblectamenta relaxat. Ista suspiriis ac gemitibus pascitur; illa cachinnis et ineptis lusibus delectatur. Ista sursum spiritum erigit et in cœlestis desiderii arce suspendit; illa curis sæcularibus et opibus congerendis incumbit. Ista quidquid injuriarum, quidquid adversitatis ingeritur æquanimiter tolerat; illa graviore potius violentias accipit, judicia quæ tolerentur importat.

CAPUT X.

In epistola ad Petrum monachum.

« Si eum qui peccavit iudices dignum viderint plagis, prosternent et coram se facient verberari; » ubi et mox additur: « Pro mensura peccati erit et plagarum modus, ita ut quadragenarius numerum duntaxat non excedant, ne fœde laceratus ante oculos tuos obeat frater tuus (*Deut. xxv*). » Quod videlicet illi populo legale præceptum nobis est allegoriæ mysterium. Quadragenarius siquidem numerus humanæ vitæ significat cursum. Hinc est quod

Israel annis quadraginta graditur per desertum (*Num. xiv, xxxii*). Hinc Moyses (*Exod. xxiv*) et Elias (*III Reg. xix*), insuper et ipse Dominus (*Matth. iv*), tot diebus protraxere jejunium. Qui etiam sicut horis quadraginta in sepulcro mortuus jacuit, ita nihilominus post resurrectionem suam diebus totidem cum discipulis fuit, quatenus nos sua membra pius Magister edoceat, ut per capitis nostri vestigia gradientes et mortui mundo et velut peregrini hospitemur in sæculo. Mystice **157** quoque peccator in lege dum vapulare præcipitur, excedi quadragenarius plagarum numerus prohibetur, quia quisquis in hac vita perfectam egerit penitentiam, nullam postmodum pro suis excessibus sentiet pœnam.

CAPUT XI.

In sermone de S. Anastasio.

« Non habebis in sacco diversa pondera, majus et minus, nec erit in domo tua modius major et minor. Pondus habebis justum et verum, et modius æqualis et verus erit tibi (*Deut. xxv*). » Enimvero tunc in sacco diversa pondera non habemus, si intra secretum conscientie nostræ, non aliter nobis atque aliter aliis judicantes, easdem legalium præceptorum mensuras appendimus, nimirum ut nos aliis regulam districtæ severitatis indicare, nosmetipsos vero studeamus remissioris indulgentiæ lege tractare. De qua videlicet fraude et Salomon dicit : « Abominatio est Domino pondus duplex et statera dolosa (*Prov. xi*). » Necesse est ergo fruges verbi C nequaquam diversis, sed eisdem metiri ponderibus,

A ut quæ aliis agenda præcipimus, ipsi etiam vivis operibus efficaciter impleamus.

158 CAPUT XII.

In sermone de S. Bartholomæo.

Æs aliquando sanctis congruere reperitur apostolis, de quibus sub Aser specie per Moysen in Deuteronomio dicitur : « Ferrum et æs calceamentum ejus (*Deut. xxxiii*). » Calceamentum quippe in Scriptura sacra munimentum prædicationis accipitur, sicut scriptum est : « Calceati pedes in prædicatione Evangelii pacis (*Ephes. vi*). » Quia ergo per ferrum virtus, per æs autem perseverantia longanimitatis exprimitur, ferrum et æs apostolorum dicitur esse calceamentum, nec non et prædicatorum quorumlibet sanctorum. Per ferrum scilicet adversantia mala patienter tolerant; per æs vero bona proposita longanimitè servant. De quibus apostolis, sive apostolicis viris, prædicatoribus scilicet sanctis, ad eundem Aser cum præmissis : « Ascensor cœli auxiliator tuus ; illico subdidit : « Magnificentia ejus discurrunt nubes (*Deut. xxxiii*). » Quis enim est ascensor cœli, nisi Salvator noster, qui, postquam mortis imperium moriens perdidit, cœlum, angelis comitantibus et discipulis suspicientibus penetravit ? Hujus magnificentia nubes discurrunt, quia ejus auctoritate doctores sancti per mundum saluti feræ prædicationis imbrem pluunt. De quibus et propheta : « Qui sunt, inquit, isti qui ut nubes volant ? » (*Isa. lx*). Istæ nubes resolvuntur in aquam, cum terram cordis nostri doctrinæ suæ fluentis inebriant, ut eam ad proferenda pii operis germina fertilem reddant.

Explicunt testimonia libri Deuteronomii.

INCIPIUNT CAPITULA LIBRI JOSUE.

1. Quod aquæ Jordanis divisæ sunt dum Israel, Josue ducente, transiret.
2. Quod præcepit Dominus ut tollerent duodecim lapides de medio Jordanis, ubi sacerdotes steterant, et ponerent in medio castrorum.
3. Quod Josue Dominus præcepit ut transiret in Galgala cum populo et illic eos cultris lapideis circumcideret.
4. Quod præcepit Dominus ut arcam fœderis viri bellatores armati præcederent, et sacerdotes septem buccinæ clangenter et sic Jericho septem diebus circumirent.
5. Quod in Arca tria continebantur, urna aurea cum manna, et tabula testamenti, et virga Aaron.
6. Ait Josue ad populum : Vos autem cavete ne de facultatibus Jericho quidpiam contingatis.
7. Quod subversa Jericho domus Rahab meretricis, de qua funiculus coccineus dependebat, evasit.
8. Subversa Jericho Josue imprecatus est, dicens : Maledictus vir coram Domino, qui susciaverit et edificaverit Jericho in primogenito suo.
9. Quod Gabaonitæ pacis fœdus ab Israelitis fraudulenter extorserunt in terra Perezæi et Raphaim.
10. Dixit Josue filiis Joseph : Si populus multus es, ascende in silvam et succide tibi spatia ad habitandum.

Explicunt capitula.

INCIPIUNT TESTIMONIA LIBRI JOSUE.

159 CAPUT PRIMUM.

In secundo sermone de S. Joanne evangelista.

« Cum populus ingrederetur Jordanem, jubente Josue, aquæ superiores ad instar montis intumescabant, inferiores vero in mare Mortuum delabebantur (*Jos. iii*). » Quia profecto ex eis, qui baptizantur, alii in accepta cœlestis gratiæ dulcedine perseverant, alii in peccatorum amaritudinem defluere reprobe vivendo non cessant, et velut in maris mortui salsuginem corruunt, dum sapiendo terrena per prave vitæ declivia ad mortem tendunt. Nos autem

D non sic, dilectissimi, non sic, sed ad veram sapientiam animum transferentes, sic per Dei misericordiam in virtutum studeamus alta proficere, ut in vitiorum pudeat voraginem declinare. Sic perseveremus semper ad superna properare quo tendimus, ut divini amoris dulcedinem in nostris jugiter mentibus conservemus.

CAPUT II.

In eodem sermone.

« Elige, » inquit Dominus ad Josue, « duodecim viros, singulos per singulas tribus, et præcipe eis ut tol-

iant de medio alvei Jordanis, ubi fixerunt sacerdotes pedes, duodecim lapides durissimos quos ponetis in loco castrorum, ubi fixeritis hac nocte tentoria (Jos. iv). » Ut autem non omnia, licet plena mysteriis, verba discutiam, quid per hoc factum nobis innuitur, nisi ut postquam mystici Jordanis fluentia transimus, postquam de lavacri salutaris fonte conurgimus, durissimos duodecim lapides, id est firmissima apostolorum exempla, ad imitationem nobis proponere studeamus? Lapidem quippe ubi sacerdotes pedes fixerant, in loco castrorum ponimus, si in procinctu spiritualis militiæ positi, apostolorum vestigia constanter et firmiter teneamus. Nam juxta Salomonis sententiam: « Qui mollis et dissolutus est in opere suo, frater est sua opera dissipantis (Prov. xviii). » Nimirum qui in moribus suis molles ac fluidi sunt, more aquæ præcipientes ad ima defluunt; qui vero constantes ac firmi, in arcem quotidie virtutis exrescunt.

CAPUT III.

In sermone primo de S. Bartholomæo.

« Post hæc autem protinus Josue jubetur ut in Gulgala cum populo transeat atque illic eos cultris lapideis circumcidat (Jos. v). Petra, » ut ait Apostolus, « erat Christus (I Cor. x). » Per culellos ergo lapideos circumcidimur, dum per Christum a nobis omnes carnis et spiritus illecebras amputamus. Et hæc circumcisione, sicut illic dicitur, Ægyptiorum propulsamus opprobrium, quoniam deludentium nos elidimus petulantiam vitiorum. « Hodie, » inquit Dominus ad Josue, « abstuli opprobrium Ægypti a vobis (Jos. v). » Nec prætereundum 160 quod Gulgala *revelatio* interpretatur. Vita quippe carnalis oculis mentis excæcat, spiritualis illuminat: « Revela, inquit, oculus meus, et considerabo mirabilia de lege tua (Psal. cxviii). » Cum enim a suis homo vitiis circumciditur, ad divinæ legis consideranda mysteria mentis acies revelatur. In quo scilicet loco ab Israelitico populo Pascha celebratur et typice Agnus ille comeditur, qui tollit peccata mundi (Joan. i). Et nota ordinem rerum ac salutis humanæ perpende mysterium. Postquam de baptismo quasi de gurgite Jordanis eximus, apostolicæ virtutis et constantiæ lapides nobis in exempli testimonium constituimus, quos æmulationis studio contemplantes a pravitatis nostræ præputio circumcidimur, sicut dimota procul atque detersa caligine vitiorum, revelata facie spiritali, lætitiæ Pascha celebramus in luce virtutum. Illic primum populus de frugibus terræ comedit azymos panes; et manna, quo eatenus alii consueverant, ulterius non apparuit. Quia postquam panis ille vivus, qui de cælo descendit (Joan. vi), ex agro virginis uteri prodiit, postquam granum fructus cadens in terram, mortuum est, ac plurimos fructus attulit (Joan. xii), mox typicæ legis manna deficit. Terra quippe repromissionis venter est Virginis; de qua terra per Isaiam dicitur: « Rorate, celi, desuper, et nubes pluant Justum; aperiat terra et germinet Salvatorem (Isa. xlv). » Cum ergo ad

A hunc panem pervenitur, legis veteris ulterius manna non quæritur.

CAPUT IV.

In sermone de sancto Andrea.

« Præcepit Dominus Josue ut arcam fœderis viri bellatores armati præcederent, sacerdotes autem septem buccinis clangenter, sique per septem nihilominus dies Jericho mœnia circumirent. Septimo itaque die dum vociferatio populi clangentibus tubis admiscetur, Jericho protinus a fundamento collapsa subvertitur (Jos. vi). » Quid est autem quod ad capiendam urbem non gladius educitur, non tela vibrantur, non jaculum mittitur, non acies militaris cunei ad irruptionis impetum constipatur, sed tubis duntaxat sacerdotibus clangitur, et sic victoria non jam jure belli, sed virtute potius sacramenti de superatis hostibus obtinetur? Deliramenti sane videretur ineptia, si evidens non fuisset victoria subsequuta. Sed per Jericho, quæ dicitur *luna*, non incongrue mundus innuitur, qui sic per labentium momenta temporum tanquam per menstrua detrimenta finitur. Arca autem sancta erat Ecclesia; tubæ vero apostoli sunt, vel quique sancti doctores Ecclesiæ, quorum videlicet admonitionibus, dum pugnare semper contra carnis illecebras et antiqui hostis insidias nitimur, velut ad conflictus aciem et conserenda bella tubarum clangoribus incitantur. Quæ nimirum tubæ septem fuisse referuntur, quia prædicatores sancti septiformis Spiritus gratia sunt repleti. Septem quoque dierum vicissitudine omne 161 tempus nostræ mortalitatis evoluitur. Urbem ergo Jericho sacerdotes arcam ferentes et clangentes septem diebus circumunt, et muri ejus per arcæ præsentiam et tubarum sonitum cadunt; quia in hujus mortalitatis vitæ decursu, dum circumquaque per orbem terrarum sancta movetur et dilatatur Ecclesia, per sanctæ prædicationis instantiam omnis elati mundi superbia frangitur et cuncta infidelitatis obstacula subruuntur. Et notandum quod armati milites cum sacerdotibus ire jubentur, nimirum ut ii quibus non est injunctum promendi clangoris officium nequaquam se remotos intelligant a congregatione bellorum, quatenus et ii qui non prædicant contra occulti hostis insidias, armati nihilominus et circumspecti semper incendant. Hujus itaque belli duces ac principes sancti apostoli sunt, qui arcam fœderis Jerichontinis mœnibus cum tubarum clangore circumferunt, quia per totius mundi circulum, sanctæ prædicationis officio, Ecclesiæ sacramenta diffundunt. « In omnem enim terram exivit sonus eorum, et in fines orbis terræ verba eorum (Psal. xvi). » Evolutis autem sex diebus, septimo tandem die rex Jericho cum omni populo gladio devorante consumitur, quia in die novissimo diabolus, qui est rex superbiæ, cum omnibus suis sequacibus quasi quodam divinæ sententiæ gladio morti perpetuæ condemnatur. Tunc nempe fiet quod per Apostolum dicitur: « Quia, cum evacuaverit omnem principa-

tum, et omnem potestatem et virtutem, novissime **A** sunt Arius, Marcion, et Apelles atque perversorum hominum pestes; qui, dum philosophorum sectas in Ecclesiam conati sunt introducere, iram Dei quodammodo super castra Israel visi sunt provocare. Sed ii obruti sunt cum Achan sub acervo lapidum, quia oppressi sunt immanissimo pondere peccatorum. Nos autem, fratres charissimi, quia philosophia nostra Christus est et hic crucifixus, atque ideo magistros habemus non oratores, sed pisces, non versutos et eloquentes, sed mites ac simplices, despicimus sapientiam quæ cæcat, appetamus stultitiam quæ discentes illuminat. « Quia enim, » ut Apostolus ait, « non cognovit mundus per sapientiam Deum, placuit per stultitiam prædicationis salvos facere credentes (I Cor. i). »

CAPUT V.

In sermone de S. Bartholomæo.

Arca vero illa ex imputribilibus lignis Sethim mystica fuerat arte composita; auro quoque purissimo resplendebat, intus et extrinsecus inaurata. In ea quoque erat urna aurea, in qua manna servabatur, tabulæ nihilominus Testamenti, et virga Aaron quæ fronderat. Quid est autem urna aurea, nisi caro Christi munda, nitida, sincera, absque omni reatus contagione purissima, quæ reconditum habet manna, angelicum videlicet panem, hoc est, divinitatis eternæ dulcedinem? Duæ vero lapideæ tabulæ inviolabilem utriusque Testamenti signant firmitatem. Quid autem Aaron virga, nisi summi veri Pontificis nostri **B** salutare vexillum et vivificæ crucis exprimit sacramentum? Quæ etiam in eo quod germinasse perhibetur, præfiguravit sanctam crucem immortalis memorie viriditate vernantem. Hæc sunt sacramenta universalis Ecclesiæ, hæc etiam salutaris instructio cujuscunque fidelis animæ Christianæ. Quod enim arca per adumbratam prætendebat imaginem, hoc nunc Ecclesia, vel quæque mens iusti per efficacissimam et apertam possidet veritatem. Hæc beati apostoli mysticæ refectionis alimenta portabant, hæc tanquam panem parvulis exponendo frangebant. Nam postquam evangelicus ille sermo prorupit: Quoniam « aperuit illis sensum, ut intelligerent Scripturas (Luc. xxiv); » prophetica querela cessavit, qua dicitur: « Parvuli petierunt panem, et non erat qui frangeret eis (Thren. iv). » Hic est panis ille quotidianus, **162** fratres mei, quem nos Veritas docuit inhiantem expetere; hoc celestis sapientiæ pabulum, quod debemus jugiter esurire.

CAPUT VI.

In sermone de S. Andrea.

« Ait Josue ad populum: Vos autem cavete, ne de facultatibus Jericho quidpiam contingatis (Jos. vi). » Vetat et noster Jesus, verus utique Salvator, ut nemo ea quæ mundi sunt diligit: « Nolite, inquit, thesaurizare vobis thesauros in terra (Matth. vi); » et per apostolum suum: « Nolite diligere mundum, neque ea quæ in mundo sunt (I Joan. ii). » Non ergo ad exemplum infelicis Achan (Jos. vii) de anathemate Jericho aliquid defraudemus, ut videlicet nihil ex dissolutis mundanæ conversationis moribus disciplinis ecclesiasticis inferamus. Non auferamus pallium, ut post indumentum fidei cultum conversationum sæcularium nullatenus induamus; non argenti sicanos, ut qui æternum thesaurum in celo recondimus, nullam temporalem pecuniam per ambitionem in sudario reponamus; non denique regulam auream, ut in Ecclesiam Christi non accurata introducamus hæreticorum dogmata; non trutinata philosophorum acute disputantium studia, vel poetarum elaborata figmenta. Hæc est enim aurea illa regula, limato videlicet atque polito sermone directa, et velut aureo luculentæ faciendæ nitore vestita. Hanc autem regulam furati

C sunt Arius, Marcion, et Apelles atque perversorum hominum pestes; qui, dum philosophorum sectas in Ecclesiam conati sunt introducere, iram Dei quodammodo super castra Israel visi sunt provocare. Sed ii obruti sunt cum Achan sub acervo lapidum, quia oppressi sunt immanissimo pondere peccatorum. Nos autem, fratres charissimi, quia philosophia nostra Christus est et hic crucifixus, atque ideo magistros habemus non oratores, sed pisces, non versutos et eloquentes, sed mites ac simplices, despicimus sapientiam quæ cæcat, appetamus stultitiam quæ discentes illuminat. « Quia enim, » ut Apostolus ait, « non cognovit mundus per sapientiam Deum, placuit per stultitiam prædicationis salvos facere credentes (I Cor. i). »

CAPUT VII.

In eodem sermone.

« Concti autem habitantes Jericho gladio trucidante consumuntur; sola autem domus Raab meretricis evasit, quam videlicet funiculus coccineus in fenestra discrevit (Jos. vi). » Domus autem illa unicam præfiguratur Ecclesiam, quæ purificata est a turpitudine fornicationis per fenestram confessionis in sanguinis remissione. Hæc plane a communi pereuntis mundi liberatur excidio, quia in fenestra domus suæ coccineum ligat funiculum, dum in ore corporis sui portare non desinit passionis Dominicæ sacramentum: « Corde enim creditur ad justitiam, ore autem confessio fit ad salutem (Rom. x). » Porro autem funiculus ille ad domum erat ligatus, sed exterius videbatur, quia Dominicæ crucis fides in corde retinetur, **163** quæ oris confessione depromitur. Reliquis quidem pereuntibus, omnes qui in domo illa reperti sunt mortis evasere periculum; quia sicut intra Ecclesiam omnes salvantur electi, ita extra Ecclesiam nemo poterit salvus inveniri. Sed fortasse quaeritur quomodo et arca, quæ urbem circumiens obsidebat, et domus Raab, quæ ipsius mœnibus inhærebat, utraque nimirum res unam designet Ecclesiam, cum arca videlicet obsideat et expugnet, domus autem videatur obsessa? Sed hæc quæstio facile solvitur, si in membris Ecclesiæ, quæ sit diversitas, subtiliter attendatur. Ecclesia namque expugnat Ecclesiam, cum prædicatores, magistri et discipuli præsidentes et obtemperantes ex uno divinæ regenerationis fonte procedere, unum denique corpus Ecclesiæ tanquam diversa videantur membra complere. Cui nimirum Ecclesiæ per Psalmistam dicitur: « Pro patribus tuis nati sunt tibi filii (Psal. xlii); » ipsi sane apostoli, qui ad capiendam humanæ superbix Jericho tam valida, tam robusta fulminea prædicationum suarum jacula contorsere, unius ejusdemque Ecclesiæ et patres quodammodo videntur et filii, filii videlicet patriarcharum et prophetarum, patres vero subsequenter omnium deinceps electorum.

Hinc est enim quod Moysi divina voce præcipitur: « Ut et bases argenteas fundat, et tabulas inauratas desuper erigat (Exod. xxxvi). » Quid autem per bases argenteas, nisi prophetarum videtur ordo signari,

qui dum primi de sacramento Ecclesiæ sunt locuti, quasi quasdam bases eos aspicimus a fundamento consurgere et superposita fabricæ pondera sustinere? Quid vero per tabulas, nisi sancti figurantur apostoli, qui extensa per mundum prædicatione sunt amplissime dilatati? Apostolorum namque doctrina, quasi quibusdam basibus prophetice prædicationis innititur, eorumque auctoritate ad status sui robur firmiter solidatur. Unde et conjunctæ binæ bases in singulis tabulis supponuntur, quia, dum propheta sancti in verbis suis invicem de futuræ tunc Ecclesiæ sacramento concordant, subsequentes apostolos ædificantes ædificant; et cum a semetipsis in nullo dissentiant, illos in se robustius figunt. Nec immerito bases, quibus propheta signantur, ut ex argento debeant fundi præcipitur. Argenti quippe claritas ex usu servatur; sine usu autem in nigredinem vertitur. Prophetarum quoque dicta antequam apostolica prædicatione clarescerent, quia in usu spiritualis intelligentiæ non erant, dum conspici præ obscuritate non poterant, quasi nigra remanebant; at postquam apostolicæ prædicationis manus vaticinia obscura deterisit, quidquid lucis in eis latebat inclauit sensusque eorum mysticos in usum dedit, quia verba jam rebus esse exposita perspicue nuntiavit. Jure igitur præcipiuntur fieri et bases argenteæ et tabulæ deauratæ, quæ videlicet apostolica præcepta prophetarum oraculis longe sunt clariora.

Ut ergo ad superiora redeamus, non incongruum est si et arca, et domus meretricis, quæ obsidet, unam eandemque exprimere videantur Ecclesiam, cum ejusdem Ecclesiæ, sicut dictum est, diversa sint membra: alia videlicet per sanctæ prædicationis ambitum obsidentia; alia a suis infidelitatis vel pravitatis munimine salutaris doctrinæ jaculis **164** obruenda; alia jam domestica, alia adhuc per aversionem pravi operis aliena. Hunc in testimonium spiritualis pugnæ conflictum Isaia jam odoraverat, cum postquam Salvatoris adventum perspicue descripsisset, protinus addidit: « Et cor Ægypti tabesceat in medio ejus, et concurrere faciam Ægyptios adversus Ægyptios; et pugnabit vir contra fratrem suum, et vir contra amicum suum, et civitas adversus civitatem, regnum adversus regnum; et dirumpetur spiritus Ægypti in visceribus ejus (Isa. xix). » Cum igitur per apostolicæ prædicationis obsidionem, fratres charissimi, de pereuntis Jericho simus internecionibus eruti, imo de subversæ gentilitatis excidio divinitus liberati, non gravemur duces nostros subsequi quo præcedunt, non videatur onerosum quidquid nobis pro nostra salute præcipiunt.

CAPUT VIII.

In epistola ad B. Causidicum, ut exteriori prudentiæ spiritualis sapientia præferatur.

« Subversa vero Jericho, Josue imprecatus est, dicens: Maledictus vir coram Domino, qui suscitaverit et ædificaverit civitatem Jericho; in primogenito suo fundamenta illius jaciatur et in novissimo liberorum ponat portas ejus (Jos. vi). » Nam quia per

A Jericho, quæ in *lunam* vertitur, hæc vita signatur, ille civitatem Jericho in primogenito suo suscitatur qui bona presentis vitæ principaliter amat. Et quia Veritas in Evangelio præcipit: « Primum querite regnum Dei, et hæc omnia adjicientur vobis (Matth. vi); » merito maledictione damnatur quisquis ab hoc præcepto declinare convincitur, Propheta attestante, qui ait: « Maledicti, qui declinant a mandatis tuis (Psal. cxviii). » At contra ille portas Jericho ponit in novissimo liberorum, qui sic utitur temporalibus bonis ut hæc non cum amore possideat, sed ad cælestis gloriæ præmium medullitis inardescat. Qui cælestibus in amore suo terrena supponit, transitoria floccipendit. Hoc itaque faciens et odiosæ uxoris filium, juxta mandata legis, efficit primogenitum, et secundum Josue sententiam, portas Jericho in novissimo suscitatur liberorum. Quo contra Cain in primogenito suo Henoch condidit civitatem (Gen. iv), quia futuram non sperabat hereditatem; et quia se quasi in Jericho hujus sæculi præpropere dedicavit, elogium perpetuæ maledictionis incurrit. Unde scriptum est: « Hereditas, ad quam festinatur in principio, in novissimo benedictione carebit (Prov. xx). »

CAPUT IX.

In libro de perfectione Monachorum

Nonnulli namque, quod sine genitu dicere nequeo, sic ad novæ religionis transeunt ordinem ut tamen præteritæ vitæ nunquam deserant vetustatem. Hi nimirum Gabaonitæ sunt, non Israelitæ. Notum quippe est quod Gabaonitæ, mortis timore perterriti, ad C Israeliticum populum cum fraude et calliditate venerunt, ita ut se veteribus vestimentis induerent, **165** panes etiam siccos, utres, saccos, calceamenta atque omnia simul inveterata portarent. Quibus scilicet postquam impetrato fœdere vita donatur, consequenter etiam fraus patefacta cognoscitur. Quos Josue, comperto dolo, sub maledictione damnavit, et aquæ gestatores lignorumque cæsores perpetuo jure constituit (Jos. ix). Qui sunt autem Gabaonitæ, qui ad Israelitas mortis formidine transeunt, nisi ii qui ad servitutis divinæ militiam non perfectionis amore, sed tremefacti scelerum suorum immanitate confugiunt? Sed eorum nonnulli veste, non mente mutati, siccos panes ad esum portant, quia azyma adhuc sinceritatis et veritatis (I Cor. v) ignorant. Vetusitis vestibus continguntur, quia in veteri adhuc homine constituti novum induere nesciunt, qui secundum Deum creatus est in justitia et sanctitate veritatis (Ephes. iv). Postremo omnia videntur inveterata quæ gestant, quia in præteritæ vitæ vitiis perseverant, non obtemperantes præcipienti Apostolo: « Renovamini, inquit, spiritu mentis vestræ (Ibid.). » Nec illa eis sententia congruit, qua dicitur: « Vetera transierunt, et ecce facta sunt omnia nova (II Cor. v). » Ad novitatem quippe superficietenus venientes reipsa in vetustate persistunt, quia emendationem et novam conversationem in suis moribus non ostendunt. Tales itaque maledictione plectuntur, nec ad

sortiendam cum Israelitis hæreditatem aliquatenus A
admittuntur. Non enim ex illorum numero sunt,
quibus dicitur : « In hoc vocati estis, ut benedictio-
nem hæreditate possideatis (*I Petr. iii.*) » Aqua au-
tem insipida est et ligna dura. Ligna ergo cædere
et aquas vectare jubentur, quia gustus intelligentiæ
spiritualis ignari, duris atque insensibilibus exte-
rioris exercitii negotiis occupantur. Sic igitur ali-
quam quidem in exterioribus videntur utilitatem
Ecclesiæ serviendo conferre; sed quia serviliter
vivunt, hæreditatem inter Israelitas nequeunt pos-
sidere.

CAPUT X.

In epistola ad fratres Gamugni.

« Dixit Josue filiis Joseph : Si populus multus es, B
ascende in silvam et succide tibi spatia in terra
Pherезæi et Raphaim, quia angusta est tibi pos-
sessio montis Ephraim. Cumque tibi conquererentur
et dicerent : Non poterimus ad montana conscen-
dere, cum ferreis curribus utantur Chananæi qui
habitant in terra campestri. Respondit Josue : Po-
pulus multus es et magnæ fortitudinis, non habebis
sortem unam, sed transibis ad montem, et succides
tibi atque purgabis ad habitandum spatia; et po-
teris ultra procedere cum subverteris Chananæum,
quem dicis ferreos habere currus, et esse fortissi-
mum (*Jos. xvii.*) » Quæ nimirum multis indigentia
verbis exponerem fortassis, si non 166 mihi meta
compendii epistolaris obstaret; hoc tantum quasi
summotenus perstringendo sufficiat quia, cum Josue
præcipit populo silvarum condensa succidere, hoc
inuit quod noster Jesus, ejusdem scilicet nominis,
sequentibus se jubet male pullulantes silvescentium
vitiarum frutices extirpare. Hortatur ut non fœ-
dera, sed bellum contra Chananæos gerant, ut mon-
tana descendant, quatenus et vitiarum elaborent
debellare barbariem, et arduum virtutum festinent
obtinere cacumen. Porro autem, quod illi pusillani-
miter conqueruntur adversus eos qui ferreis uteban-
tur curribus se non posse consurgere, hoc est, quod
nos imbecilles et fragiles sæpe diffidimus, tanquam
ferreos currus, sic adversantes malignorum spiri-

tuum impetus sustinere. Nam cum petulantia gulæ,
vorago luxuriæ, omniumque vitiarum pestes, tan-
quam frementium Chananæorum acies, constipatis
adversum nos cuneis conglobantur, quid aliud quam
Chananæi nos ferreis curribus impetunt, et ne de
carnalis vitæ campestribus ad virtutum valeamus
excelsa descendere, salutis nobis aditus interclu-
dunt? Sed bonus militiæ nostræ dux imbecillitatem
nostram ad fortiter agendi constantiam erigit et
contra hostium impetus, ut in altiora progredia-
mur, impellit.

Sed quomodo de inimicis nostris triumphare pos-
sumus, qui semper in epulis, semper in pocu-
lerum affluentium volumus ingurgitatione jace-
re? De quibus utique Salomon ait : « Qui diligit
epulas, in egestate erit; qui amat vinum et pingua,
non ditabitur (*Prov. xxi.*) » Et iterum : « Luxuriosa
res vinum et tumultuosa ebrietas; qui his delectatur
non erit sapiens (*Prov. xx.*) » Ventrem namque vino
et escis assuescere, quid est aliud quam hostibus
animæ, ut ingrediantur, aditus aperire? Unde et
idem Salomon : « Qui delicate, inquit, a pueritia
nutrit servum, postea illum sentiet contumacem
(*Prov. xxix.*) » Bene hunc servum loris cohibebat
inediæ, qui dicebat : « Castigo corpus meum, et ser-
vituti subijcio (*I Cor. ix.*) » Adversus hunc servum
disputabat cum diceret : « Escæ ventri et venter
escis, Deus autem et hunc et illas destruet (*I Cor.*
vi.) » Hunc servum sub calcibus esse frenandum si-
gnificabat, cum diceret : « Multi enim ambulant quos
sæpe dicebam vobis, nunc autem et flens dico, ini-
micos crucis Christi; quorum finis interitus, et
quorum Deus venter est, et gloria in confusione
eorum (*Philip. ii.*) » Notandum autem et hic duo ter-
ribilia dici, et in inimicos crucis Christi tremendam
depromit idem Apostolus sententiam, dicens : « Si
quis non amat Dominum nostrum Jesum Christum,
sit anathema Maran Atha (*I Cor. xvi.*) » Qui vero
ventrem pro Deo veneratur, Deum quodammodo ne-
gare convincitur, ac per hoc duo hæc terrore plenissi-
ma unum videntur, videlicet, quod absit, et
Christi inimicum esse et unum Deum alium colere

Expliciunt testimonia libri Josue.

167-168 INCIPIUNT CAPITULA LIBRI JUDICUM.

1. Quod Adonibezzech manuum ac pedum summities, dum capitur, amputantur.
2. Erat Debora prophetes, uxor Lapidoth, quæ judicabat populum illo tempore.
3. Quod Gedeon præcipitur ut cum trecentis tantum, qui aquam manibus lambuerant, ad bellum contra Madianitas pergat.
4. De eo qui in castris Madian socio referebat se per somnium vidisse subcinericium panem hordei.
5. Quod melior est racemus Ephraim vindemiis Abiezer.
6. Abimelech, filius Jerobaal, occidit fratres suos septuaginta viros super lapidem unum.
7. Stetit Joathan in vertice montis Garizim, elevataque voce clamavit : Audite me, viri Sichem, ita ut audiat vos Deus.
8. Abimelech, audiens viros turris Sichimorum pariter conglobatos, ascendit in montem Selmon cum omni populo.
9. Quod dum Abimelech turrim, quæ erat in medio Thebes, amoto igne januis succendere coneretur, mulier molæ fragmentum desuper jaciens ejus capiti illisit.
10. Quod quidam de populo Ephraim olim venientes ad vada Jordanis, dum nescirent exprimere Sebboloth, Galaaditarum gladiis cæsi sunt.
11. Cepit Samson trecentas vulpes cadasque earum vinxit, adjunxit ad caudas faces et in medio ligatas succendit.
12. Quod Samson manducatum asini arripiens mille viros in ea Philisthinorum interfecit.
15. Quod Dominus interrogatus bis ad ineundum contra Benjamin prælium, dedit assensum, et tandem Israel Benjamin gladiis sternitur.

Expliciunt capitula.

INCIPIUNT TESTIMONIA LIBRI JUDICUM.

CAPUT PRIMUM.

In epistola ad V. abbatem.

« Fugiente Adonibezzech coram filiis Israel, persequentes comprehenderunt eum, cæsis summitatibus manuum ejus ac pedum (*Jud. i.*). » Adonibezzech nempe manuum ac pedum summitate præciditur, dum malignus inter sanctos viros spiritus et incendendi et operandi virtute privatur. Qui nimirum dum sua vulnera patitur, hæc eadem sese aliis intulisse gloriatur : « Septuaginta, inquit, reges, amputatis manuum ac pedum summitatibus, colligebant sub mensa mea ciborum reliquias; sicut feci, ita reddidit mihi Dominus (*Ibid.*). » Septuaginta scilicet reges, septuaginta sunt linguarum discrepantium nationes, quibus usque ad Salvatoris adventum antiquus hostis et recte gradiendi et bona faciendi prorsus abstulerat facultatem. Cui nimirum utrique gemino vulneri medetur animum medicus Paulus, cum dicit : « Remissas manus et dissoluta genua erigite, et gressus rectos facite pedibus vestris, ne claudicans quis erret, magis autem sanetur (*Hebr. xii.*). » Adonibezzech quippe dominus fulminis, vel dominus contentus vani interpretatur. Fulmen mox ut micare incipit, subito deficit. Per quod Judaicus potest intelligi populus, qui nimirum quodam quasi fulgore micant, cum dicerent : « Omnia quæ præcepit nobis Dominus et audiemus et faciemus (*Exod. xxiv.*) ; » sed mox deficiens lux ista cadebat, cum cervices suas tenebrosis demonibus inclinabant. Per id vero quod dicitur, contentus vani, gentilitas designatur, quæ contenta visibilibus idolis non curabat reverti ad misericordiam Creatoris, et dum veritatis ignorabat cultum, vanis insistebat cæremoniis idolorum. De quibus dicit Apostolus : « Quia Deum non glorificaverunt aut gratias egerunt, sed evanuerunt in cogitationibus suis (*Rom. i.*). » Horum igitur duorum populorum ex maxima parte dominatus est Adonibezzech, id est reprobis nequitie spiritus ; quia et iste quasi fulmen micare cepit et desiit, et ille dum vanitate demonum contentus exstitit, proprii Creatoris auxilium non quæsit.

CAPUT II.

In sermone de S. Cassiano.

« Erat autem Debora prophetes, uxor Lapidoth, quæ judicabat populum illo tempore, et sedebat sub palma, quæ nomine illius vocabatur, inter Rama et Bethel in monte Ephraim, ascendebantque ad eam filii Israel in omne iudicium (*Jud. iv.*). » Sed sic ad exitum celerius pervenitur, si, dum historia textitur, per partes interim exponatur. Per Deborah sane, quæ loquela, sive apis interpretatur, prophetia non inconvenienter accipitur. Apis quippe mellificat ; et de prophetia per Psalmistam dicitur : « Quam dulcia faucibus meis eloquia tua, Domine, super mel et favum ori meo ! » (*Psal. cxviii.*) Interim nolo vos lateat, dilectissimi, quia historia hæc, quam tractandam ex occasione suscepimus,

A pluribus indiget verbis, quia multis est repleta mysteriis ; sed eam idcirco sub brevitate contrahimus, ut dilectionem vestram prolixitatis tædio **169** non gravemus. Consideremus itaque ubi sedem habere prophetia describitur, videlicet sub palma, quia quos prophetica doctrina suis institutionibus erudit, ad palmam supernæ vocationis adducit, dumque per eam homines vivendi ordinem discunt, vitiorum rebellantium victores fiunt. Nec prætereundum quod inter Rama et Bethel sedes perhibetur : Rama siquidem, *excelsa* ; Bethel, *domus Dei*, sicut jam diximus, interpretatur. Recte igitur prophetia inter Rama et Bethel habitare describitur, quia quisquis prophetici studet invigilare doctrinis, quisquis sacrarum Scripturarum sincere vacat eloquiis, sic in domo Dei per desiderium mentis inhabitat ut non infima et momentanea, sed excelsa potius atque cælestia semper inquirat. Hæc vocavit ad se Barac. Porro Barac interpretatur *coruscatio*. Coruscatio autem habet quidem lucem, sed non diutius permanentem ; mox enim ut lucere incipit, illico deficit. Barac igitur iste Israelitici populi figuram tenet : qui primus omnium prophetis instructus oraculis aliquantulum quidem in accepta lege refulsit, sed brevi tempore coruscavit. In lege quippe, de qua dictum est : « Lucerna pedibus meis verbum tuum, Domine, et lumen semitis meis (*Psal. cxviii.*) », antiquus ille populus lucere cepit, sed desiit. Coruscum quasi claræ vite protulit, sed in lucidis operibus non permansit. Nam dum dicerent : « Omnia quæ præcepit nobis Dominus et audiemus et faciemus, » ecce quasi lux coruscationis exorta ; sed dum repente curvarent genua ante Baal, ecce coruscatio videbatur exstincta. Dixit ergo Debora ad Barac : « Præcepit tibi Dominus Israel : Tolle tecum decem millia pugnatorum et vade in montem Thabor : ego autem adducam ad te in locum torrentis Cison Sisaram principem exercitus Jabin, et currus ejus omnemque multitudinem, tradamque eos in manu tua (*Jud. iv.*). » Tanquam si per propheticam doctrinam priori populo Deus omnipotens dicat : Decem præcepta legis assume et virtutum culmen ascende, sicque reproborum principum ac totius iniquitatis auctorem, me tibi vires administrante, prosterne.

D Nec prætereundum quod princeps ille militiæ Sisara, qui perditioni proximæ erat obnoxius, ad torrentem Cison promittebatur antea deducendus. Quid enim per torrentem Cison, nisi baptismus debet intelligi ? Nam cum catechumenus lavacro sacri fontis immergitur, tanquam Sisara cum suo exercitu, sic nequissimus spiritus cum his quæ sibi militant vitiis omnibus necesse est perimatur. Respondit autem Barac ad Deborah : « Si veneris mecum, vadam ; si nolueris venire, non pergam (*Ibid.*). » Ac si carnalis ille Israel prophetiæ respondeat : Nisi, juxta litteras et quasi secundum muliebrem intel-

lectum, te mecum semper habuero, spirituale certamen aggredi non præsumo. Cui Dehora : « Ibo quidem tecum, sed tibi victoria non reputabitur, quia in manum mulieris tradetur Sisara (*Ibid.*). » Velut si vetustus ille populus audiat : Tecum quidem erit exterior, ut postulas, prophetia, sed spirituales ex antiquo hoste triumphum, non tu, sed sancta potius obtinebit Ecclesia. Illi certe, illi proveniet jure victoria, quæ in Scripturæ **170** mysteriis, dum spiritualis intelligentiæ medullam quærit, occidentis litteræ paleas magnopere non attendit. Commisso itaque bello, tandem fugit Sisara in domum Jabel, alienigenæ videlicet mulieris. Quæ profecto sitienti utrem lactis aperuit et potum dedit; deinde clavum in cerebrum ejus per tempus utrumque defixit, sieque in hominis specie perversorum hominum caput diabolum interfecit. Quid enim Jabel, quæ *ascensio* interpretatur, nisi sanctam designat Ecclesiam, per quam videlicet solam beatitudo cælestis ascenditur? Unde et Synagoga de eadem Ecclesia dicit in Canticis : « Quæ est ista, quæ ascendit de deserto, deliciis affluens, innixa super dilectum suum? » (*Cant. viii.*) Hæc mulier alienigena fuit, quia sancta Ecclesia de gentilitate processit. Hæc Israelitarum hostem prius lacte potavit, postea pilum capiti ejus infixit, quia humani generis inimicum, quem sancta prius Ecclesia carnaliter vivendo lactavit, postmodum spiritualiter conversando quodam acumine ac virtute crucis exstinxit. Nisi enim insatiabilis homicida perditionem humani generis inexplabili prorsus aviditate sitiret, de illo certe Scriptura non diceret : « Absorbebit fluvium, et non mirabitur; et habet fiduciam quod influat Jordanis in os ejus (*Job xl.*). » Lac vero fructus est carnis, et blandimenta carnalis significat voluptatis. Quandiu ergo gentilis populus juxta legem carnis voluptuose vixit, tanquam lac, ita vitæ suæ mollietate sitiendi mortem nostram diabolo propinavit. At postquam sub spiritus se disciplina constrinxit, invictæ mox crucis arma corripuit, hostemque salutis humanæ, quem dudum voluptatis lacte potaverat, nunc pœnitentiæ munitione præsidio, ligno transfixit. Sic itaque quem Israelitica plebs superare non potuit, peregrina mulier, hoc est gentilis Ecclesia, solo crucis signo prostravit.

CAPUT III.

In sermone de exaltatione S. crucis.

Hoc crucis nempe vexillum et Gedeon sibi suisque commilitonibus typice protulit, qui contra arma deseruit, inermis armatos invasit et ad debellandum Madianitarum multitudinem, dimissa multitudine, cum paucis venit. Divina siquidem sibi admonitione præceptum est (*Jud. vii.*) ut ad fluvium veniens omnes, quos flexis genibus aquas haurire conspiceret, a bellorum congressionibus amoveret. Factumque est et trecenti viri tantummodo, qui stantes manibus aquas hauserunt, remanserunt. Quid est autem quod Gedeon, trecentis contentus milibus, ad bella progreditur, nisi quia hic numerus in Tau

A littera, quæ videlicet crucis exprimit speciem, continetur? Cui profecto litteræ si super transversam lineam id adderetur quod in cruce superius eminet, non jam crucis species, sed potius ipsa crux esset. Quia igitur trecentenarium numerum Tau littera continet, quæ figuram crucis exhibet, non immerito in his trecentis Gedeonem sequentibus, illi omnes designati sunt quibus dicitur : « Si quis vult venire post me, abneget semetipsum, et tollat crucem suam quotidie et sequatur **171** me (*Luc. ix.*). » Qui nimirum sequentes Domihum tanto verius crucem tollunt quanto et ipsi acrius affliguntur, et erga delinquentes proximos vel egentes piæ compassionis incendio concremantur. Unde per Ezechielem dicitur : « Signa Tau super frontes vivorum gementium et dolentium super cunctis abominationibus, quæ fiunt in medio Hierusalem (*Ezech. ix.*). » Vel certe in his trecentis, qui Tau littera continentur, hoc exprimitur, quod ferrum hostium crucis ligno superetur.

CAPUT IV.

In sermone de sanctis virginibus.

« Cum Gedeon auscultandi gratia ad castra Madian, Domino præcipiente, dirigitur, Madianita quispiam, alter ad alterum vidisse se somnium confitetur. Videbatur, inquit, mihi quasi subcinericius panis ex hordeo volvi et in castra Madian descendere; cumque pervenisset ad tabernaculum, percussit illud atque subvertit, et terra funditus coæquavit. Respondit auditor : Non est hoc aliud nisi gladium Gedeonis filii Joas viri Israelitæ : tradidit enim Dominus in manus ejus Madian et omnia castra ejus (*Jud. vii.*). » Per Gedeon, qui, non circuitus, sed *circuiens in utero* dicitur, ille merito designatur qui, dum virginali clauderetur in alvo, totam mundi machinam suo circumdabat ac disponebat imperio. Per Madian autem, qui *de judicio* interpretatur, populus infidelis accipitur, de quo Dominus ait : « Qui non credit, jam judicatus est (*Joan. iii.*). » Porro autem usque ad Salvatoris adventum, more hordei, sub paleis litterarum, et legis præcepta et prophetarum tegebantur oracula; sed postquam ille veniens panes hordeaceos fregit, deditque discipulis ut turbis apponerent. Cujus etiam operis expositio est quod evangelista dicit : quoniam « aperuit illis sensum ut intelligerent Scripturas (*Luc. xxiv.*), » jam ex hordeo, quod brutis videbatur animalibus congruere, panem facere dignatus est animarum. Sicut enim hordeum inter molam utramque conteritur, ut a farinæ farragine cantabrum secernatur; ita velut inter duos, legis scilicet et Evangelii, lapides sanctæ Ecclesiæ doctrina commolitur, ut litteræ superficiei a medullis spiritus discernatur. Sed ut in his verbis non diutius immoremur, hæc hordei farina sacri baptismatis aqua conspersa, sive conflata, et sancti Spiritus igne percocta fit panis; qui videlicet Madian castra subvertit, quia cunctas infidelium machinas destruit. Hic panis, juxta veri illius interpretis conjecturam, Gedeonis est gladius, quia sicut Apostolus ait : « Gladius spiritus est verbum Dei (*Ephes. vi.*). »

Hoc sancti Spiritus gladio exercituum Christus suos armat milites; hoc etiam suas præcingit ac roborat bellatrices. Ex utroque siquidem sexu militiæ suæ cuneos instruit aciesque componit, quia viros ac feminas ad præmium beati certaminis indifferenter admittit.

172 CAPUT V.

In sermone de S. Matthæo.

« Nonne, » inquit Gedeon, « melius est racemus Ephraim vindemiis Abiezer? » (*Jud. viii.*) Nam quia Ephraim, quod *secunditatem* sonat, Ecclesiam exprimit, quid per racemum Ephraim, nisi Christum? quid per vindemias Abiezer, nisi Judaicorum multitudinem sacerdotum; sive etiam per racemum, parvus fidelium numerus primitivæ Ecclesiæ, per vindemiam vero multitudo intelligenda est Synagogæ? Melior est ergo racemus Ephraim vindemiis Abiezer; quia beatorum primitivæ Ecclesiæ, quæ usque in finem sæculi renascentium sobole secundatur; quam Synagoga, quæ paulatim quotidie defectura minuitur. Unde et per Isaïam dicitur: « Lauda, sterilis, quæ non paris; decanta laudem et hymnos, quæ non pariebas, quoniam multi filii desertæ magis quam ejus quæ habet virum; dilata locum tentorii tui et pelles tabernaculorum tuorum extende; ne parcas, longos fac funiculos tuos et clavos tuos consolida; ad dexteram enim et ad lævam penetrabis, et semen tuum gentes hæreditabit (*Isa. liv.*) » Hæc sane, cujus semen gentes hæreditat, Ecclesia est, quæ quotidie genus humanum per suos filios ad fidei unitatem vocat. Hæc est, de qua dicitur in psalmis: « Pro ea, quæ consequitur hæreditatem (*In tit. Psal. v.*) » Hæc est vinea quæ laudem decantare præcipitur; sicut et apud eundem prophetam alibi reperitur: « In illa die vinea meri cantabit ei: Ego Dominus, qui servo eam (*Isa. xxvii.*) » De hac vinea beatus quoque Matthæus Dominum dixisse commemorat: Quia « homo erat paterfamilias qui plantavit vineam, et sepem circumdedit ei, et fodit in ea torcular, et ædificavit turrim, et locavit eam agricolis et peregre profectus est (*Matth. xxi.*) » Hæc vinea ex illo prodiit botro, qui pedibus Judæorum atque gentium in crucis calcatus est prælo, ex quo pretiosi sanguinis unda profluxit, quæ mentes hominum male sobrias vino spiritualis gratiæ salubriter debriavit. De quo scilicet vino cum diversis linguis per Spiritum sanctum loquerentur apostoli, dictum est: « Musto pleni sunt isti (*Act. ii.*) »

CAPUT VI.

In epistola ad Petrum archipresbyterum de incontinentiæ clericorum.

« Abimelech filius Jeroboal, » quem Scriptura genitum refert de concubina (*Judic. viii.*) quam habuerat in Sichem, « occidit fratres suos filios Jeroboal, septuaginta viros super lapidem unum (*Judic. ix.*) » Quid enim per septuaginta viros, nisi prædicatorem Ecclesiæ libra signatur, de quibus ait Lucas evangelista: Quia « designavit Dominus septuaginta, et misit illos binos ante faciem suam in omnem civitatem et locum

A quo erat ipse venturus? » (*Luc. x.*) Hic etiam prædicantium ordo jam figurabatur in illis, de quibus ad Moysen Dominus ait: « Congrega mihi septuaginta viros de senioribus Israel, quos tu nosti quod senes populi sint et magistri, et duces eos ad ostium » (*Num. xi.*) » Quid vero per Abimelech, qui eorum frater erat, sed spurius, nisi luxuriosi atque carnales intelligendi sunt clerici, qui catholicorum sanctorumque pontificum et fratres quidem sunt per acceptum ecclesiasticum ordinem, et tamen spurii judicantur per degeneris vitæ et ignobilium operum pravitatem? Hi fratres suos occidunt, cum sanctorum Patrum judicia destruunt, cum sanctiones eorum atque decreta perverse vivendo confundunt. Et hæc interfecio fit super lapidem unum. B Lapis iste Salvatoris est Ecclesia, de qua per Zachariam dicitur: « Ecce ego adducam servum meum Orientem, quia ecce lapis, quem dedi coram Jesu; super lapidem unum septem oculi sunt (*Zach. iii.*) » Lapis iste utroque unus aptissime dicitur, ut unitas Ecclesiæ commendetur; de qua sponsus ait in Canticis: « Una est columba mea, una est genitricis suæ (*Cant. vi.*) » Quid sunt autem septem oculi super lapidem unum, salvo tamen, si est, altiori mysterio, nisi illi septuaginta viri, hoc est, doctores sancti in ecclesiasticæ pacis unitate conjuncti et septiformis sancti Spiritus charismatibus illustrati? Per hos enim oculos sancta videlicet Ecclesia per hos conspicit ubi recti operis pedem ponat ac per viam mandatorum Dei gradiens normam rectitudinis non offendant. Abimelech ergo manzer et spurius septuaginta legitimos fratres super unum lapidem perimit, quando pars clericorum ab ecclesiasticæ castitatis nobilitate degenerans, obscenæ se luxuriæ legibus subjicit, et dum sacros canones reprobandos judicat, eorum conditores, sanctos videlicet viros ac per hoc nobiles Gedeonis, id est, Salvatoris et Ecclesiæ filios impia quodammodo crudelitate trucidat. Quanquam non ignoremus non absurde significari posse per Jeroboal Christum; per Abimelech, Antichristum: qui nimirum sicut ille concubinæ, sic et iste est rejectæ filius Synagogæ; per septuaginta vero fratres, quos Abimelech occidisse narratur, septuaginta linguarum gentes, quas Antichristus in sæculi fine persequetur.

CAPUT VII.

In epistola ad Bonifacium episcopum de curialibus episcopis.

« Stetit Joathan in vertice montis Garizim, elevataque voce clamavit: Audite me, viri Sichem, ita audiat vos Deus: Ierunt ligna, ut ungerent super se regem, dixeruntque oliivæ: Impera nobis. Quæ respondit: Nunquid possum deserere pinguedinem meam, qua et dii utuntur et homines, et venire, ut inter ligna promovear? Dixeruntque ligna ad arborem ficum: Veni et super nos regnum accipe. Quæ respondit eis: Nunquid possum dulcedinem meam deserere fructusque suavissimos, et ire, ut inter cætera ligna promovear? Locuta sunt quoque

ligna et ad vitem : Veni et impera nobis. Quæ respondit : Num possum deserere vinum meum , quod lætificat Deum et homines , et inter cætera ligna promoveri ? » Deinde Scriptura subjungit : « Dixeruntque omnia ligna ad rhamnum : **174** Veni et impera nobis. Qui respondit eis : Si vere regem me vobis constituitis , venite et sub umbra mea requiescite (*Jud. ix.*) » Longum est , si dicamus Gedeonem typum tenere Salvatoris ; per plurimas ejus uxores , diversas debere nationes intelligi , quæ sibi cohæserere per fidem ; per septuaginta filios , totidem linguarum populos ; per concubinam , Synagagam ; per Abimelech , Antichristum , qui Synagogæ filius erit. Unde et in Apocalypsi his qui credituri sunt dicitur : « Qui dicunt se Judæos esse et non sunt , sed sunt synagoga Satanae (*Apoc. ii.*) » Et sicut ille peremit septuaginta fratres , sic iste persecutus est omnes , quæ sibi non consentient , nationes. His , inquam , omissis quæ longioris styli videntur egere tractatu , in quantum patitur epistolare compendium ita duntaxat cæptæ disputationi congruere videatur , prolixæ historiæ figuram succincte perstringimus. Quid ergo per Joathan , qui interpretatur *consummatus* , sive *perfectus* , nisi sanctum et doctum quempiam prædicatorem debemus accipere ? Hic in montem Garizim ascendit et voce magna clamavit. Prius ascendit et postmodum clamavit. Ante consurgit in montem et sic elevat vocem. Quia nisi doctor virtutum prius culmen ascendat , inaniter clamat ; sicut per Isaiam dicitur : « Super montem excelsum ascende , tu qui evangelizas Sion ; exalta in fortitudine vocem tuam , qui evangelizas Jerusalem (*Isa. xl.*) »

Per Garizim autem sancta designatur Ecclesia , quæ virtutum omnium est schola et celestium segementum ubertate fecunda. Hic est enim mons , qui dandis per Moysen benedictionibus deputatus est. Et Ecclesia mons benedictionis est , ejus filii per Apostolum dicitur : « In hoc vocati estis , ut benedictionem hæreditate possideatis (*I Petr. iii.*) » Hanc hæreditatem a vidua matre suscepimus , pro qua vir ejus mori dignatus est , de qua et per Psalmistam dicitur : « Viduum ejus benedicens benedicam (*Psal. cxxxi.*) » Et congrue Garizim , qui interpretatur *divisio* , vel *advena* , sanctam figurat Ecclesiam , quoniam Ecclesia gentium , quæ prius exstitit funditus a lege Dei divisa , in prima vocatione facta est advena jamque per incrementum gratiæ facta est omnino domestica. Unde jam firmiter radicatis et velut in urbe compositis Paulus ait : « Jam non estis hospites et advenæ , sed estis cives sanctorum et domestici Dei (*Ephes. ii.*) » Sed ut omittentes plurima quod propositum est transiliendo celeriter percurramus : Ligna silvæ sunt homines vani , et infructuosi ac flammis ulticibus merito suæ sterilitatis obnoxii. « Omnis enim arbor , quæ non facit fructum bonum , excidetur , et in ignem mittetur (*Matth. iii.*) » Quid per olivam vero , quæ et signum pacis ostendit oleique pinguedinem fundit , nisi illi designantur , qui Spiritus sancti pinguedine delibati evangelizando pacem re-

concilians homines Creatori ? « Quam , inquit , speciosi pedes evangelizantium pacem (*Rom. x.*) » Ficus autem sacræ legis imaginem tenet. Unde et in Evangelio dicitur quia « quidam paterfamilias plantavit vineam , in qua scilicet plantavit et ficum (*Matth. xxi.*) » Vineam quippe Domini Sabaoth domus est Israel (*Isa. v.*) ; in qua nimirum plantavit divitiarum Decalogum legis. Sed hæc ficus priorem populum quasi **175** grossos suos , aridos scilicet et inutiles protulit et abiecit ; novum vero Christianæ fidei germen ad maturitatem internæ pinguedinis suavitatemque perduxit. De quibus Jeremias ait : « Video quicquid bonas , bonas valde ; et malas , malas valde , quæ comedi non possunt , eo quod sint malæ (*Jer. xxiv.*) » Per ficus ergo illi possunt non inconvenienter intelligi qui sacræ Legis eruditione sint sufficienter instructi. Vitis etiam idipsum penè videtur significare quod ficus. Dicit enim Dominus : « Ego sum vitis vera , et vos palmites (*Joan. xv.*) » Et quia de palmitibus fiunt vites , quid mirum si et sancti doctores asserantur vites , ut quod Salvator mundi per naturam , hoc illi gloriantur habere per gratiam ? Qui nimirum dum triumphum Dominicæ passionis prædicare non cessant , quasi per doctrinæ suæ botros arentia corda nostra vino beati cruoris inebriant.

De hoc vino per Jacob super Salvatore nostro allegorice dicitur : « Lavabit in vino stolam suam et in sanguine pallium suum (*Gen. xlii.*) » Stola Christi fuit in apostolis , et cæteris credentibus Synagoga ; ejus etiam pallium gentilis est populus. De quibus sibi per prophetam dicitur : « Vivo ego , dicit Dominus , quia his omnibus velut ornameto vestieris (*Isa. xlii.*) » Hos itaque Christus in sanguine uvæ lavit , quem de semetipso contritus in prælo crucis expressit. Unde et Joannes ait : « Qui dilexit nos et lavit nos a peccatis nostris in sanguine suo (*Apoc. i.*) » Cum igitur oliva , ficus ac vitis , hoc est , spirituales viri lignis præesse silvestribus , id est , terrenis hominibus atque carnalibus nullatenus acquiescant , offert se rhamnus , et ab eis consumendus et eadem , vel pravæ conversationis exemplo , vel erronei dogmatis incendio consumpturus. Rhamnus enim spinis crebrescentibus horret ; per quem scilicet quilibet perversus innuitur qui sic peccatorum tanquam veriprium asperitate densatur. Unde et primo homini dictum est : « Terra tua spinas et tribulos germinabit tibi (*Gen. iii.*) » id est , corpus tuum aculeatis vitiorum punctionibus subiacebit. Et per prophetam Dominus : « Spinis , inquit , peccatorum suorum circumderunt me (*Thren. iii.*) » Lignis itaque potentibus regem , id est , pravis quibusque carnaliter eligentibus præsulem , rhamnus accedit in medium , quilibet videlicet reprobis , qui et ignem damnationis in se eorum pravitatibus augeat ; et eos perverse vivendo , vel docendo reciproca combustionem consumat. Unde et illic dicitur : « Egredietur ignis ex eo , ut consumat habitatores Sichem et oppidum Mello , egredieturque ignis de viris Sichem et de oppido Mello et devoret Abimelech (*Jud. ix.*) » Hæc

autem Joathas constitutus in vertice montis eloquitur; quia per sanctos in Ecclesia prædicatores addiscimus quomodo quibusque perversis ac reprobis vana petentibus resistamus.

CAPUT VIII.

In epistola ad Petrum archipresbyterum de incontinentia clericorum.

« Abimelech audiens viros turris Sichimorum pariter conglobatos, ascendit in montem Selmon cum omni suo populo et arrepta **176** securi præcidit arboris ramum, impositumque ferens humero dicit ad socios: Quod me videtis facere, cito facite. » Deinde sequitur: « Igitur certatim ramos de arboribus præcidentes, sequebantur ducem; quibus circumdantes præsidium succenderunt, atque ita factum est ut fumo et igne mille hominum necarentur, viri pariter et mulieres habitatores turris Sichem (*Jud. ix.*) » Non est hujus loci sacrae figuras historię solerter exponere; sufficit nobis, quantum ad propositum attinet, rem summotenus prælibare. Rami arborum sunt sententiolæ Scripturarum, quas dum impudici quique ad allegationis vias robur violenter inflectunt, fumo simul et igne numerosas hominum catervas extinguunt: fumo scilicet erroris et igne libidinis; ut deceptas male discentium mentes et luxurię flamma succendat, quæ de Sodoma et Gomorrha prodire visæ sunt post excidium. « Abraham, inquit Scriptura, consurgens mane, ubi steterat prius cum Domino, intuitus est Sodomam et Gomorrham et universam terram regionis illius; viditque ascendentem favillam de terra, quasi fornacis fumum (*Gen. xix.*). »

CAPUT IX.

In eadem epistola.

Porro autem dum et Thebes cum suis agminibus obsideret oppidum, eundem contra castitatem Abimelech videtur figurasse conflictum. « Erat autem turris excelsa, » ut Scriptura testatur, « in medio civitatis, ad quam confugerant viri simul ac mulieres, et omnes principes civitatis, clausa firmissime janua, et super turris tectum stantes per propugnacula (*Jud. ix.*) » Civitas, universalis Ecclesia; turris, castitatis est eminentia; ad quam confugerant viri simul ac mulieres, fortes scilicet et infirmi; principes etiam civitatis, ordo videlicet clericorum, qui tenet Ecclesię principatum. « Accedens itaque Abimelech juxta turrim cœpit instantius dimicare, et appropinquans ostio ignem conabatur apponere (*Ibid.*). » Hoc itaque modo clerici petulantes et infrunty, turri castitatis moliantur incendium, dum multos ad suę libidinis et æstuantis insanis cohortantur exemplum. Ignibus armati turrim castitatis impetunt, dum incesti castos flamma pestiferę persuasionis accendunt. Sed huic certamini qui finis imponitur? quos victorię titulos hæc pugna sortitur? « Ecce, inquit, mulier fragmentum molæ desuper jaciens illis capiti Abimelech et confregit cerebrum ejus. Qui vocavit cito armigerum suum, et ait ad eum: Evagina gladium tuum et

percutite me, ne forte dicatur quod a femina interfectus sum. Qui jussa perficiens, interfecit eum, (*Ibid.*). » Ut autem in his verbis non diutius immoremur, fragmen hoc molæ, quod Abimelech cerebrum fregit, nihil est aliud quam saxum illud quod Daniel sine manibus abscissum de monte conspexit (*Dan. ii.*); ipse videlicet Dominus, qui de se in Evangelio dicit: « Qui ceciderit super lapidem istum, confringetur; super quem vero ceciderit, conteret eum (*Math. xxi.*) » Mulier vero, de cujus manibus mittitur, sacra lex est, **177** quæ flagitiosis pudicitię contemptoribus repentinum Christi judicium comminatur. De quo per Jeremiam dicitur: « Nunquid non verba mea sunt quasi ignis, dicit Dominus, et quasi malleus conterens petram? » (*Jer. xliii.*) Armiger vero Abimelech, diabolus est, qui videlicet omnibus qui turrim castitatis oppugnant arma libidinis et acuta luxurię jacula subministrat. De quibus jaculis dicit Apostolus: « In omnibus sumentes scutum fidei, in quo possitis omnia tela nequissimi ignea extinguere (*Ephes. vi.*) » Et propheta: « Ibi, inquit, Assur cum armis suis (*Ezech. xxxii.*) » Quem ergo mulier fragmine molæ percussit, armiger ense peremit, quia castitatis adversarios, quibus Scriptura sacra judicii divinę animadversionis intentat, diabolus æternę mortis internecone trucidat; ut quibus fuerat minister in pugna eorumdem sit postmodum tortor in pœna, quæque illis contra pudicitiam arma suggererat, eadem exigentibus meritis in eorum tunc jugulum vertat.

CAPUT X.

In sermone de sancto Anthimo.

Quorundam plane fides est vana, flaccida, prætendens quidem in superficie similitudinem, non autem habens intrinsecus veritatem. Horum porro tenere figuram qui olim de populo Ephraim venientes ad vada Jordanis, dum nescirent exprinere sebboloth [schibbolleth], sed jebboloth [sibboleth] potius, tanquam peregrina lingua proferrent, Galaaditarum gladiis cæsi sunt (*Jud. xii.*) Quid enim per Jordanem, in quo Salvator noster baptizari dignatus est, nisi baptismus? Quid vero per sebboloth, quod interpretatur *spica*, nisi fides est intelligenda? sicut enim *spica* victum præbet hominibus, ita et de fide dicitur quia « justus ex fide vivit (*Habac. ii.*; *Rom. i.*) » Et sicut *spica* multa in suis aristis grana recondit, ita et symbolum nostrę confessionis plurima in se fidel semina colligit. Venientes itaque ad Jordanem Ephraei consulantur a Galaaditis quomodo spicam exprimant: venientes etiam ad baptismi lavacrum catechumeni inquirentur a sacerdotibus qualiter credant. Et quoniam Galaad interpretatur *acervus testimoni*, recte per Galaaditas sacerdotes Ecclesię intelliguntur qui prædicationibus suis opera divina testantur. Per Ephraim vero, quod *fecunditatem* sonat, illi designantur qui idcirco ad fidei perveniunt spicam ut proventum fecunditatis per boni operis segetem proferant. Sicut ergo ii qui ad Jordanem veniunt

spicam quidem intelligunt, sed, quia exprimere nesciunt, moriuntur: ita et qui fontem baptismatis expetunt, a vita funditus decidunt, nisi fidem ipsam, quam edocti sunt credere, studuerint etiam bonorum operum euuntiatione proferre. Ita nimirum alterum pendet ex altero ut semen fidei exurgere debeat in spicam operationis. Quod et Saluator noster evidenter ostendit. Nam cum præciperet discipulis, dicens: « Ite, docete omnes gentes, baptizantes eos in nomine Patris, et Filii, et Spiritus sancti; » protinus addidit: « Docentes eos servare omnia quæcunque mandavi **178** vobis (*Matth. xxviii*). » Ac si aperte dicat: Semen fidei in cordibus hominum serite, et mox mandatorum germinantium spicam qualiter operationis lingua exprimere debeant, edocete, ne solœcismum faciant in spica operis, qui se de monte Ephraim, hoc est de celsitudine esse testantur ecclesiasticæ fecunditatis. Quapropter, dilectissimi, caveamus ne fides nostra superducto nos solius professionis colore decipiat, et tanquam inanis spica, vacantibus culmis, absque dilectionis medulla follescat. Imitemur fidem martyrum, per quam vincentes regna terrarum adepti sunt præmia promissa cœlorum (*Hebr. xi*). Sit ergo fides nostra solida, sit vera, sit robusta, ut nunc eundo per fidem perveniamus ad speciem, videndo per ænigmatis specuum (*I Cor. xii*) quandoque perducamur ad ipsius summæ veritatis obtutum.

CAPUT XI.

In epistola ad Adelaidem comitissam, qua eam confederali episcopo propter incontinentiam clericorum.

Sicut vetus narrat historia: « Cepit Samson trecentas vulpes, caudasque earum adjunxit ad caudas, et faces ligavit in medio; quas igne succendens dimisit ut huc illucque discurrerent: quæ statim perrexerunt in segetes Philistinorum. Quibus succensis et comportatæ jam fruges, et adhuc stantes in stipula, concrematæ sunt in tantum ut vineas quoque et oliveta flamma consumeret (*Jud. xv*). » Hæc plane historia licet principaliter designet hæreticos, qui quasi trecentenario numero continentur, quia sanctæ Trinitatis fidem verbotenus confitentur, sed dum sub velamento orthodoxæ fidei in prima sermonis sui fronte se palliant, ignem pravæ doctrinæ in posterioribus, quo fruges omnium bonorum operum exurantur, occultant; quamvis, inquam, per has vulpes designentur hæretici, his tamen incontinentes clerici cum suis pellicibus possunt non inconvenienter aptari, qui quasi solutis pedibus gradiuntur, dum honestatis aliquando speciem simulare prætendunt; sed cum accensis facibus combinantur in caudis, quia quasi postposito, et, in quantum valent, occulti igne impudici conglutinantur amoris. Hæ itaque vulpeculæ, igne interveniente conjunctæ, et libidinis facibus combinatæ, omnia Philistinorum sata consumunt: quia spirituales fructus Ecclesiæ destruant, et quantum ad se, bona opera fidelis populi divinæ indignationis igne succedunt. De quo

A igne mystice per Psalmistam dicitur: « Tradidisti grandini jumenta eorum, et possessiones eorum igni (*Psal. lxxvii*). » Quoniam sicut boni sacerdotes Deo quorumlibet fidelium oblationes et vota commendant, ita plerumque qui sacris altaribus indigni sunt, horribiliter gravant. Quod autem mali sacerdotes vulpibus comparentur, Ezechiel quoque propheta testatur, dicens: « Quasi vulpes in desertis prophetæ tui erant, Israel (*Ezech. xiii*). »

179 CAPUT XII.

In sermone de sanctis virginibus.

Saluator noster, in hujus mundi campum potestates aereas debellaturus adveniens, non elegit rhetores et philosophos, sed simplices ac litteralis industriæ prorsus ignaros; quoniam, sicut ait Apostolus: « Quæ stulta sunt hujus mundi elegit Deus, ut confundat sapientes; et infirma, ut confundat fortia (*I Cor. i*). » Hoc namque illa Samson victoria bene figuravit, qua mandibulam asini fervefactam arripiens, mille Philistinorum viros occidit. Quid enim per mandibulam asini, quod utique simplex est animal, nisi imperita simplicium hominum ora signantur? Samson itaque non cum armis, non cum diversis telorum generibus, sed cum mandibula asini mille viros occidit, quia Redemptor noster, quem ille signabat, cum imperitiis et rudibus perfectum infidelium numerum a vita veteris erroris exstinxit. Quid autem mirum, si sanctos prædicatores per asini maxillam sacrum designet eloquium, cum et ipsum prædicationis verbum per hordeum quandoque denantiet, quod est utique pabulum jumentorum? Quod certe non modo per Evangelicos quinque panes agnoscitur (*Joan. vi*), sed per illud quoque quod ille, qui in castris Madian se somniasse perhibebat, socio referebat: « Videbatur, inquit, mihi quasi subcinericius panis ex hordeo volvi, et in Madian castra descendere: cumque **180** pervenisset ad tabernaculum, percussit illud atque subvertit (*Jud. vii*). »

CAPUT XIII.

In epistola ad canonicos Fanenses.

Qui alios ad rectitudinis viam debet instruere, valde cavendum est ne ipse, quod absit, in aliquo videatur errare. Hinc est quod Israeliticus populus ad ulciscendum scelus Benjamin [Belamin] zelo rectitudinis inflammatur, et tamen idem populus gladiis Benjamin ante prosternitur (*Jud. xx*). Quem enim non moveat quod Dominus bis interrogatus, bis ad ineundum contra Benjamin prælium dedit assensum, et tamen in primo certamine viginti duo millia de Israelitis, in secundo vero decem et octo millia ceciderunt? Quid igitur in his intelligendum est, quid sentiendum, nisi quia prius curandi sunt a tumore proprii vulneris qui ferire morbos alienæ gestiunt pravitatis, ut ipsi jam mundi per ultionem suimet veniant qui aliorum percutere prava festinant, sicut in Evangelio dicitur: « Qui sine peccato est vestrum prius in illam lapidem mittat? » (*Joan. viii*). Unde recte cum illi Dominum

consulentes dicunt : « Quis erit in exercitu nostro princeps certaminis contra Benjamin filios? Respondit : Judas sit dux vester (*Jud. xx.*) » Quia enim Judas *confessio* interpretatur, recte dux illius belli

A judex constituitur, ut nimirum prius per confessionem propria studeant errata corrigere, qui alii volunt errorem confitentibus subvenire.

Expliciant testimonia libri Judicum.

INCIPIUNT CAPITULA LIBRI PRIMI REGUM.

1. De Heli, qui florum peccata non digne corripuit.
2. Quod, dum cives Jabes Galaad fœdus ab Naa Ammonite, qui eam obsidebat, expeterent, Naas respondit in hoc se cum eis ferire fœdus, ut erueret omnium oculos dextros.
3. Filius unius anni erat Saul, cum regnare cœpisset : duobus autem annis regnavit super Israel.
4. Quod cum Saul regnare cœpit, faber ferrarius non inveniebatur in omni terra Israel.
5. De Merob et Michol, filiabus Saul, quas ille fœderavit David in uxores; sed una subtracta, alteram sibi David uxorem conjunxit.
6. Quod David, a facie regis Saul fugiens, coram Achis rege Geth se furere simulavit.
7. De Pythonissa quæ regi Saul bona pro malis reddens vitulum coxit et edulium preparavit.

Expliciant capitula.

INCIPIUNT TESTIMONIA LIBRI PRIMI REGUM.

181-182 CAPUT PRIMUM.

In epistola ad Nicolaum papam, de incontinentia episcoporum.

Heli, qui filiorum peccata cognovit, sed eos invectione qua digni erant acerrima non corripuit, eisdem filiis a Philistiim in bello peremptis, ipse quoque de sella retrorsum cecidit fractisque cervicibus expiravit. Quin et arca Domini ab hostibus capta est, et prius quidem quatuor millia, deinde triginta millia virorum sunt Philistæo trucidante prostrata. Et quidem redarguit, et quidem corripuit; sed lenitate et mansuetudine patris, non severitate vel auctoritate pontificis : « Quare, inquit, facitis res hujusmodi, quas ego audio, res pessimas ab omni populo? Nolite, filii mei; non est enim bona fama quam audio (*I Reg. ii.*) » Audierat enim, Scriptura testante, quia dormiebant cum mulieribus, quas observabant ad ostium tabernaculi. Porro quos inimicos Dei vidit in perniciem suam filios recognovit, et quos hostili ferire gladio debuit paternæ blanditiæ lenitate palpavit. Non sic ille fidelis in domo Domini famulus Moyses, magister videlicet ingenui Phinees. Stans enim in porta castrorum ait : « Si quis est Domini jungatur mihi; congregatique sunt ad eum omnes filii Levi, quibus ait : Hæc dicit Dominus Deus Israel : Ponat gladium vir super femur suum; ite et redite de porta usque ad portam castrorum, et occidat unusquisque fratrem, et proximum et amicum suum. Cæsis itaque viginti tribus millibus hominum, ait Moyses : Consecrastis manus vestras hodie Domino, unusquisque in filio et fratre suo, ut detur vobis benedictio (*Exod. xxxii.*) » Plane sicut benedictione digni sunt qui culpas corrigunt, ita nihilominus maledictioni obnoxii sunt qui peccantibus blandiuntur. Sicut per prophetam dicitur : « Maledictus, qui prohibet gladium suum a sanguine (*Jer. xlviii.*) » A sanguine quippe gladium suum prohibet qui se ab inferenda reprobis digna sententiæ animadversione coercet. Facti siquidem culpam habet, qui quod potest negligit emendare (*S. Gregor.*) Unde et præfato Heli, vir Dei, qui et Phinees fuisse putatur, ait : « Hæc

B dicit Dominus : Quare calce abjecitis victimam meam et munera mea, quæ præcepi, ut offerrentur in templo, et magis honorasti filios tuos quam me? » (*I Reg. ii.*) Si ergo Heli propter duos duntaxat filios, quos non ea qua digni erant invectione corripuit, cum eis simul et cum tot hominum multitudine periit, qua arbitramur dignos esse sententia qui in aula ecclesiastica et solis judicantium præsidet et super non ignotis pravorum hominum criminibus tacent; qui dum dehonestare homines in publico metuunt, ad contumeliam superni Judicis divinæ legis mandata confundunt, et dum perditis hominibus amittendi honoris officium servant, ipsum ecclesiasticæ dignitatis Auctorem crudeliter inhonorant? Unde et eidem Heli, qui Deum, suos filios honorando, contempserat, divina vox ait : « Quicunque glorificaverit me, glorificabo eum; qui autem contemnunt me erunt ignobiles. » Ubi mox subditur : « Ecce dies veniunt, et præcidam brachium tuum, et brachium domus patris tui (*I Reg. ii.*) » ac si aperte dicat : Quia ego per pastoralis officii dignitatem contra inimicos meos brachium tibi fortitudinis contuli, sed tu ad eorum ultionem illud exercere noluisti, jam brachium a te præcidam, id est, vigorem tibi sacerdotalis culminis auferam, ut qui manceps fueras ad pugnandum pro me, jam nec manum habeas ad tuendum te.

CAPUT II.

In epistola ad fratres Cluniacenses.

Fugiendus est mundus, qui tenebras parturit; petenda remotio, ubi tanquam in deserto verum lumen erumpit. Prorsus a nostra repellendus est amicitia, qui nimirum dum tenebrarum, in quibus semper est, caligines inserit, consentientibus sibi atque obedientibus lumen exstinguit; imo debemus ei semper infœderabile bellum, qui suorum oculos obruit amicorum. Hinc est quod sacra Regum historia narrante didicimus : Quia « cum Naas Ammonites ascenderet, ut Jabes Galaad cum suis agminibus expugnaret, omnes viri Jabes ad Naas una voce dixerunt : Habeto nos fœderatos et serviemus tibi. Quibus ille respondit : In hoc feriam vobiscum fœdus,

ut eam omnium vestrum oculos dextros, ponamque vos opprobrium universo Israeli. Dixeruntque ad eum seniores Jabes : Concede nobis septem dies, ut mittamus nuntios in universos terminos Israel; si non fuerit qui defendat nos, egrediemur ad te. Audiens hæc Saul exercitus multitudinem congregavit, arma corripuit et ex Ammonitis gravi admodum cæde percussis cum gloria triumphavit (*I Reg. xi*). » Quid itaque per Naas Ammonitem, superbum videlicet regem, nisi vel mundum Creatori suo rebellem, vel diabolum ejus intelligimus principem? De quo nimirum dicitur : Quia « ipse est rex super omnes filios superbæ (*Job xli*). » Et quia Naas *serpens* interpretatur, recte per hunc venenosus ille et lubricus anguis exprimitur. Quid vero per Jabes, quæ civitas erat Israelitica, nisi anima innuitur Christiana, ad videndum Deum per studium contemplationis intenta? Et quia Jabes interpretatur *exsiccata*, vel *siccata*, congrue per Jabes illa intelligitur anima, quæ supernæ gratiæ pinguedinem deserit, et in æstu concupiscentiæ carnalis arescit. Recedens quippe ab inhando divini muneris rore fit sicca, quem antea dum perciperet, vigeat salubriter irrigata, Domino per Isaiam dicente : « Effundam aquam super sitientem et fluentia super aridam (*Isa. xlii*). » Sed Naas cum Jabes fœdus aliter designatur inire, nisi oculum dextrum paciscatur erueri. Quia quisquis vel antiquo hosti in perversa suggestionem subternitur, vel mundi hujus inquietis actionibus implicatur, dum se tanquam superbo regi triptier fœderat, necesse **183** est ut dextrum oculum, hoc est, lumen contemplationis amittat, et sic opprobrium in Israel ponitur, quia dum a contemplationis arce ad terrena vel immunda quælibet exsequenda devolvitur, consequens est ut in Ecclesia probrosæ derisionis obtreactionibus mordeatur. Petunt autem illi septem dies inducias, et quia Deus septimo die requievisse a cunctis operibus legitur (*Gen. ii*), quid per septenarium numerum, nisi requies designatur? Istum numerum Saul inobediens ignoravit, cum per eum se Samuel præstolandum esse præcepit. « Septem, inquit, diebus expectabis, donec veniam ad te, et ostendam tibi quæ facias (*I Reg. x*). » Sed quia spirituale requiem vir reprobos sprevit, exagitant eum spiritus malus arripuit (*I Reg. xvi*). Per septenarium ergo dierum numerum ab iniquo rege Jabes civitas liberatur, quia quælibet anima, quam suadente diabolo mundus ad se conatur attrahere ac negotiorum sæcularium tenebris excæcare, illæsum contemplationis oculum servat, si omnino resistens in suæ quietis proposito perseverat, eamque Redemptor noster de tentatione, quam patitur, eripit, cum eam in remotionis suæ censura quiescere deprehendit. Unde illic scriptum est : « Cum venisset, inquit, dies crastinus, constituit Saul populum in tres partes, et ingressus est media castra in vigilia matutina et percussit Ammon usque dum incaleresceret dies (*I Reg. xi*). » Quid enim per Saul, qui *Christus Domini* dicebatur, nisi is, qui verus Rex est Israel, Dei homi-

A numque mediator innuitur? Quid est quod populum in tres constituit partes, nisi quia tres sunt principales animæ virtutes, fides scilicet, spes et charitas? In trifariis itaque bellatorum partibus victoria certaminis obtinetur, quia tribus his virtutibus, duce Christo, omnis diabolica tentatio vincitur. Porro nec ipse a mysterio vacat pugnatorum numerus, quem Scriptura pronuntiat. « Fuerunt, ait, filiorum Israel trecenta millia, virorum autem Juda triginta millia (*Ibid.*). » Millenarius autem atque denarius, quia perfecti sunt numeri, sanctorum perfectionem; trecenti vero, vel triginta, quia a tribus oriuntur, divinam significant Trinitatem. Quid itaque per trecenta millia, vel triginta millia bellatorum, nisi sancti doctores intelliguntur Ecclesiæ, qui et fide sunt orthodoxi et religiosi operibus consummati? Cum his ergo Saul hostiles regis Naas acies superat, quia cum doctoribus Ecclesiæ suæ Christus de veterinosi serpentis versuta machinatione triumphat. Nam cum eorum præcepta vel exempla subtiliter attenduntur, mox corda torpentia, quæ jam noxius tepor invaserat, recalescent et ab obtruncandas impugnantium vitiorum acies velut elato mucrone spiritus inflammatur. Unde et ipsi bellatores Israel et Juda nuntiis, qui ad se venerant, dicunt : « Sic dicetis viris, qui sunt in Jabes Galaad : Cras erit vobis salus, cum incaluerit sol. » Nam cum mens per desidiæ primitus tabefacta jam in se reversa ad Conditoris sui desiderium recalescit, cum torporem negligentiae deserit et frigus insensibilitatis pristinae flamma sancti amoris accendit, tunc velut incalcescente sole victoria de hostibus sumitur, et obsessa civitas de superbi regis manibus liberatur. Hinc est quod de Abraham scriptum est **184** quia « apparuit ei Dominus in convalle Mambre in ipso fervore diei (*Gen. xvi*). » Hinc est quod Loth, « Sol, inquit, ortus est super terram, et Loth ingressus est Segor (*Gen. xix*). » Recte igitur sive mundi, sive principis ejus amicitias designatur, et cum eis simul societatis fœdus habere contemnimus, ne, dum tenebris jungimur, luce privemur. Et notandum quod iniquus rex non duos inimicis erueri, sed unum duntaxat oculum flagitat, ut eos in Israel opprobrium ponat, quia sæpe malignus hostis consentienti sibi cuilibet reprobo homini potiore partem sanctitatis ac lucidi operis admittit : minorem vero artificiosa quadam suæ calliditatis industria derelinquit, ut in eo quod tollitur sit occasio damnationis, ut pereat; in eo vero quod remanet, de spe fiduciæ præsumatur, ut peccator ad pœnitentiam non recurat, sed ex ipsis sanctitatis amissæ reliquiis, quibus tanquam baculo transgressor innititur; ab his, qui eum cecidisse noverunt, infamia laceratur; sicque pii operis detrimentum dignæ fit irrisiois opprobrium.

CAPUT III.

In epistola ad Albericum, in qua ei super decem questionibus respondet.

« Filius unius anni erat Saul, cum regnare cœpisset; duobus autem annis regnavit super Israel

(I Reg. xiii.) » Hoc nonnulli intelligi sic arbitrantur, A quia regi Saul in exordio regni sui filius erat anniculus, qui teneram adhuc unius anni vagiebat infantiam, scilicet Isboseth, et hic duobus annis post mortem patris regnavit super Israel. Sed quoniam hic a doctioribus viris sensus exploditur, a nobis etiam alius inquiratur. Quod ita B. Hieronymus docet intelligi : Quoniam « sic erat innocens, tanquam puer unius anni cum regnare cœpit, et duobus annis in ejusdem innocentie simplicitate permansit. Sed qui tunc erat ex humilitate filius, postmodum per superbiam factus est servus. »

CAPUT IV.

In epistola ad Aliprandum; quæ est de correptione, quam sit utilis in sancti ordinis disciplina.

Spiritualis plane quisque conventus, si fraterni zeli frequenti correptione non utitur, Israeliticæ plebis mystica laborat inopia; quæ videlicet incipiente Saul regis imperio fabrum ferrarium non habebat. Dicit enim Scriptura : Quia « faber ferrarius non inveniebatur in omni terra Israel (I Reg. xiii.) » Porro sicut ferrum reliqua metalla fortiter edomat, ita correptionis malleus vitia delinquentium reprimat et quasi cudendo rigidæ mentis duritiam frangit. Hinc est quod de ipso fabrorum spiritualium principe per Isaiam dicitur : « Ecce ego creavi fabrum sufflantem in igne prunam et proferentem vas in opus suum (Isa. liv.) » De ferro quoque Ecclesiastes dicit : « Si retusum fuerit ferrum et hoc non ut prius, sed hebetatum erit, multo labore excutetur, et post industriam sequitur sapientia (Eccle. x.) » Sed Philistæi de terra Israel fabros 185 ferrarios tollunt, cum maligni spiritus falsæ pietatis obtentu zelum correptionis de fratrū labiis auferunt. Unde et illic subditur : « Caverant enim Philistæi, ne forte facerent Hebræi gladium aut lanceam (I Reg. xiii.) » Unde paulo post : « Retusæ itaque erant acies vomerum, et lignorum, et tridentium et securium usque ad stimulum corrigendum (Ibid.) » Dum Philistæi timent gladios, tollunt fabros, ut dum armorum fabricatura compescitur, non sit etiam qui cætera exercendi laboris utensilia fabricetur. Apostolo quippe testante : « Gladius spiritus est verbum Dei (Ephes. vi.) » Hunc gladium quia perversi timent spiritus, fabros de terra Israel auferunt, dum eos, qui redarguere delinquentium errata debuerant, a tenenda censura disciplina compescunt; et hæc negligentia dissolutione contingit ut in servorum Dei quibusque convenientibus, non modo sacræ prædicationis sermo cesset audiri, sed et honestarum artium exercitia desinant frequentari. Nam quia districta magisterii eos disciplina non reprimat, propriis voluntatibus dediti scribere nesciunt; artis honestæ manuum exercitia nulla condiscunt, cum Apostolus dicat : « Qui non laborat, non manducet (II Thess. iii.) » Quæ nimirum cum sibi sint necessaria, sæculares viros, vel etiam reprobos adeunt, quoniam hæc apud se reperire non possunt. Unde illic dicitur : « Descendebat ergo omnis Israel ad

Philistiim, ut exaceret unusquisque vomerem suum, et lignonem, et securim, et sarculum. » Israel ergo ad Philistæos non ascendit, sed descendit, ut utensilia suæ necessitatis exacuat, cum sancti ordinis viri ad sæcularium ima declinant, ut ab eis sibi commodum cujuslibet utilitatis acquirant. Vides ergo quia si de sacro conventu correptionum censura subtrahitur, disciplinæ vigor funditus enervatur et religio tota destruitur, quia dum unusquisque propriæ sequitur voluntatis arbitrium, ad sæcularia rediens, spiritualis observantiæ violat institutum. Unde quisquis est, cui regularis vitæ fervor inestual, correptiones libenter amplectitur, et tunc etiam, cum innocens est, suis reprehensionibus delectatur, non ut eum conscientia peccasse remordeat, sed quoniam hoc prodesse cæteris audientibus sperat, ut inde ipse innocens et mundus arguitur, alii, qui vel lapsi, vel lapsuri forte sunt, corrigantur.

CAPUT V.

In epistola ad Hermisindum, de eo quod ædificium humanæ superbiæ cito destruitur.

« Pactus quidem est Saul majorem filiam suam Merob David dare uxorem; sed cum tempus advenisset quod dari sibi debuisset, non ei data est, sed alii conjuncta est viro. Dilexit autem Michol filiam Saul alteram David eamque sibi uxorem conjunxit (I Reg. xviii.) » Merob quippe interpretatur de multitudine; Michol autem, a qua, vel ex omnibus. Et quid per Merob, nisi illa duntaxat infidelium turba signatur, quæ est de multitudine, quæ repellitur? « Multi enim sunt vocati, pauci vero electi (Matth. xx.) » Quid autem per Michol, nisi sancta figuratur Ecclesia, 186 a qua videlicet omnes oriuntur electi, vel quæ ex omnibus selectis electis, quæ licet filium non genuerit, huic tamen intelligentiæ ejus sterilitas non obsistit? Aliud quippe mysterium est, quia regi David est in conjugalitate conjuncta; aliud, quia perstitit infecunda; aliud, quia Christi Domini est sortita conjugium; aliud, quia fecunditatis non meruit donum, sed pertulit in Israel sterilitatis opprobrium. Hanc sane David superbi regis Saul sibi filiam junxit, dum fortis manu Jesus ac merito desiderabilis eam de superbi hujus mundi principis obsequio sustulit sibi que confederationis intimæ glutino cœnivit. Quam videlicet Michol, quæ sancta electorum est Ecclesia, superbus ille Saul, hoc est, malignus spiritus, ei Merob auferre minime valet, quia fidelis custos irrevocabili eam suæ dilectionis obstrinxit amplexibus; qui in Evangelio clamat : « Oves meæ vocem meam audiunt, et non peribunt in æternum, et non rapiet eas quisquam de manu mea (Joan. x.) »

CAPUT VI.

In sermone de S. Columba.

Cum Redemptor noster hujus mundi campum pugnaturus ingreditur, ad debellandas aeris hujus nequitias fortis præliator armatur; quia novum debebat instruere prælium, novum induit genus armorum,

videlicet ut quod infirmum est superponeret, et quod robustum est occultaret. Loricam siquidem imbecillæ carnis induit et insuperabilem divinitatis fortitudinem occultavit. Sic sic per carnem diabolus a secundo homine perditur, per carnem dudum primum hominem superavit, eademque sibi nunc ruinæ facta est causa quæ victoriæ fuerat de primo parente materia. Hoc per allegoriæ mysterium res illa præmonuit quod David a facie regis Saul fugiens in præsentia Achis regis Geth se furere simulavit. Dicit enim Scriptura : « Quia defluebat salivæ ejus in barbam (*I Reg. xxi*). » Sane quia barba viri est proprium, quid est per mysticum intellectum, nisi virtutis indicium? Quid ergo per salivas, quæ nimium fluidæ sunt et fluxæ, nisi carnis infirmitas? Quid vero per barbam nisi divinitatis innuitur fortitudo? Barba ergo salivis defluentibus operitur quia fragili carnis velamine divinitatis virtus induitur. Sed quod David dispensationis agebat industria, hoc a nescientibus putabatur insania. Unde Achis servis suis ait : « Vidistis hominem insanum, quare adduxistis eum ad me? an desunt nobis furiosi quod introduxistis istum, ut ureret me præsentem? (*Ibid.*) »

Nonne etiam vero David Redemptori nostro simile quid accidit, ut insanus ab insanientibus putaretur et miracula per dæmones agere a dæmoniacis dicebatur? Hinc est quod Marcus evangelista dicit : « Et cum vidissent sui, exierunt tenere eum; dicebant enim quoniam in furorem versus est (*Marc. iii*). » Quibus verbis protinus addidit : « Et Scribæ, qui ab Hierosolymis descenderant, dicebant : Quoniam Beelzebub habet, et quia in principe dæmoniorum ejecit dæmonia (*Ibid.*). » Porro autem, quia salivæ frequenter **187** ex infantium ore decurrunt, nonne velut infantilia videbantur verba, cum diceret : « Nisi manducaveritis carnem Filii hominis et biberitis ejus sanguinem, non habebitis vitam in vobis? (*Joan. vi*). » Quid audientes discipuli dicebant : « Durus est hic sermo, et quis potest eum audire? » Et sicut evangelista refert, « jam non cum illo ambulant (*Ibid.*). » Sed istæ salivæ barbam David tegebant, quia sub his infantilibus verbis virtus divina latebat. Factus est ergo Redemptor noster infirmus, ut nos fortes efficeret; visus est stultus, ut ad veram nos sapientiam revocaret. Unde dicit Apostolus : « Quia quod stultum est Dei sapientia est hominibus. » Et paulo superius : « Quia non cognovit mendus per sapientiam Deum, placuit Deo per stultitiam prædicationis salvos facere credentes (*I Cor. i*). » Nec indignum super Domino Salvatore nostro infirmitatem, vel stultitiam dici, cum etiam per leprosum, cum etiam per serpentem non indignatus sit mystice figurari.

CAPUT VII.

In epistola ad Desiderium abbatem, qua dicitur quod majori sit dignus honore qui dignitatem projicit quam qui in ea persistit.

Quem non ædificet atque ad perfectionem charitatis excitet, quem, inquam, non solum ad officio-

sum piæ humanitatis studium exercendum, verum etiam ad bona pro malis reddibendum, non provocet hoc quod de Pythonissa illa magnæ profecto laudis digna præconio legitur, quæ videlicet, ad imitationem Dei, Saul tam bene tractavit, non modo regio jam culmine desperatam, sed et in crastino Philistinorum gladii perimendum (*I Reg. xxvin*): et tanquam prudens, juxta Evangelium, serpens (*Math. x*), illi præstitit beneficium, a quo nullum se consequi posse sperabat emolumentum. Ille præterea, sicut ipsa conqueritur, omnes hariolos de terra Israel et magos erasit, ac per hoc eidem mulierculæ omnem quæstum solitæ divinationis ademit. Illa vitulum paschalem, qui sibi de consumpta vix paupertate supererat, coxit et azymos panes de perexigua farina commiscens illi, ut vinceretur, apposuit. Quod cum ille lugubris et contigua morte

188 perterritus sperneret ac cibum capere funditus recusaret, e contrario illa precibus obnixis et quibusdam velut argumentationibus incessabiliter insistebat, ut roganti talionem redderet. Et sicut illa jubenti paruerat, sic iste supplicantis precibus annueret : « Ecce, inquit, obedivit ancilla tua voci tuæ, et posui animam meam in manu tua, et audivi sermones tuos, quos locutus es ad me; nunc ergo audi et tu vocem ancillæ tuæ, et ponam coram te buccellam panis, ut comedens convalescas et possis iter facere (*I Reg. xxviii*). » Quis enim hoc coruscante faceret Evangelio, quod hæc mulier sub umbra legis egisse describitur, præsertim cum Vetus offerat instrumentum : « Diliges amicum tuum, et odio habebis inimicum tuum, » evangelica vero tuba terribiliter intonet : Quia « nec Pater vester dimittet vobis peccata vestra, si non remiseritis unusquisque fratri suo de cordibus vestris (*Math. vi; Marc. xi*). » Saul enim ita divinantibus et hariolis inimicus existit ut passim omnes interficeret, et vix eorum quispiam, nisi hæc duntaxat paupercula mulier, remansisset; hæc etiam, quæ supererat, tanta regie persecutionis erat immanitate constricta ut, dum nullatenus uti divinatione præsumeret, consuetum propriæ artis quæstum funditus amisisset. Hæc tamen idipsum quod remanserat reddens bona pro malis alacriter obtulit, et inimicum suum, velut Apostolo jam hæc præcipiente, cibavit (*Rom. xii*). Et hæc eo

D tempore laudabilis mulier fecit, cum illum nosset illico moriturum, atque ideo nec speraret jam placidum, nec paveret iratum. Argumentis utuntur homines, ut a propriis domibus hospitari volentes ejiciant, ut ad tabernas, vel emptoria vicina transmittant. Siquidem locus iste deprecatur, ille præfertur; hic per inclementiam annotinæ tempestatis ægra seges negare fertur agricolis victum; ille feracium frugum dicitur exuberasse proventus. Modo brevitatis commendatur iūneris, modo sol altiora cœli tenere spatia perhibetur. Hæc igitur accuratione verborum, nil aliud agit quam ut supervenientes aliud sibi providere compellantur hospitium. Hæc autem prudens et ingenua mulier rhetoricatur, ut ita loquar et

oratorum orationibus utitur, ut inimicus ejus, dum respuit ac resultat, ad edulium provocetur
Expliciuñ testimonia primi libri Regum.

189-190 INCIPIUNT CAPITULA LIBRI SECUNDI REGUM.

1. *De eo quod David imprecatus est, ut non deficiat de domo Joab fluxum seminis sustinens et leprosus tenens fusum.*
2. *Ista est lex Adam, ait David, Domine Deus.*
3. *Fecit autem David sibi nomen, cum reverteretur, capta Syria, in valle Salinarum cæsis duodecim millibus.*
4. *Qui erant Celeftai, et Phelethai.*
5. *De eo quod filii David sacerdotes fuisse dicuntur.*
6. *Quod Ammon filius Naas, nuntiis David ad consolandum eum super mortem patris directis, vestes acidas et barbas medias rasisit.*
7. *De pœnitentia David, quæ suscepta est; Saul vero, reprobata.*
8. *De eo quod David Rabath civitatem, quam Joab oppugnabat, victor obtinuit.*
9. *De eo quod David Absalon fugiens decem concubinas ad custodiendam domum reliquit.*
10. *Quod Absalon patrem persequens, concubinas quas pater domi reliquerat, consilio Achitophelis sedavit.*
11. *De eo quod Sobi, et Machir et Berzellai Galaadites obtulerunt David in castris Madian stratoria, et tape-
tia, et vasa et quæque ad cibos necessaria.*
12. *De eo quod dicitur plures fuisse quos consumpserat saltus de populo quam illi quos voraverat gladius.*
13. *Quod Berzellai Galaadites usque Jordanem cum rege David veniens et Hierusalem secum pergere recu-
savit.*
14. *Quod David decem concubinas, quas domi reliquerat, rediens in custodiam tradidit, nec est ultra
ingressus ad eas.*
15. *Unde supra.*
16. *De eo quod dicitur tertium bellum in Gob contra Philisthæos fuisse, in quo percussit Adeodatus filius sal-
tus polymilitarius Bethlehemites Goliath Gethæum.*
17. *David sedens in cathedra sapientissimus princeps inter tres; ipse quasi tenerrimus ligni vermiculus, qui
occingentos interfecit impetu uno.*
18. *Quod David aream Ornan Jebusæi et boves in holocaustum offerendo taxato pretio comparavit.*

Expliciuñ capitula.

INCIPIUNT TESTIMONIA LIBRI SECUNDI REGUM.

CAPUT PRIMUM.

In libro Gomorrhiano.

« Nec deficiat, ait David, de domo Joab Gomor-
 rhan sustinens (II Reg. iii). » Pro quo secunda transla-
 tio habet fluxum seminis sustinens et leprosus
 tenens fusum, et cadens gladio et indigens pane.
 Lepa quippe perfunditur qui gravis peccati labe
 sedatur, fusum vero tenere est virilis vitæ fortia
 facta relinquere et femineæ conversationis illece-
 brosam molliam exhibere. Gladio cadit qui furo-
 rem divinæ indignationis incurrit. Pane indiget,
 quem a perceptione Christi corporis proprii reatus
 pœna coercescit. « Ille est enim panis vivus, qui de cœlo
 descendit (Joan. vi). » Si ergo post fluxum seminis
 leprosus factus præcepto legis extra castra manere
 compelleris, cur adhuc in eisdem castris etiam ho-
 noris primum obtinere contendis? Nunquid non
 Ozias rex cum superbe adolere incensum super al-
 tare thymiamatis voluisset, postquam se plaga lepræ
 cœlitus percussus agnovit, non modo a sacerdotibus
 de templo expelli patienter tulit, sed et ipse celeriter
 egredi festinavit? Scriptum quippe est: « Cumque
 repressisset eum Azarias pontifex et omnes reliqui
 sacerdotes, viderunt lepram in fronte ejus, et festi-
 nato expulerunt eum. » Moxque subjungitur: « Sed
 et ipse perterritus, acceleravit egredi, eo quod sen-
 sisset illico plagam Domini (II Par. xxvi). » Si rex
 corporali lepra percussus a sacerdotibus ejici de
 templo non contempsit, tu leprosus in anima cur
 tot sanctorum Patrum judicio a sacris altaribus re-
 moveri non pateris? Si ipse, demisso regie digni-
 tatis imperio, habitare in domo privata usque ad

A obitum non erubuit, tu cur a sacerdotalis officii con-
 funderis arce descendere, ut in pœnitentiæ sepultura
 conclusus te inter vivos studeas quasi mortuum de-
 putare? Et ut ad illam Joab mysticam recurramus
 historiam, si ipse gladio corruisti, quomodo alium
 per sacerdotalem gratiam suscitabis? Si ipse, exi-
 gentibus meritis, indiges pane, id est, a Christi se-
 paratus es corpore, quo pacto alium poteris cœlestis
 mensæ dapibus satiare? Si tu Ozias lepra es percus-
 sus in fronte, hoc est, infamias nota dehonestaris in
 facie, quomodo alium poteris obducta perpetrati
 criminis oblivione purgare? Erubescat ergo tume-
 facta superbia, nec super se extolli inaniter appetat,
 quam infra se proprii reatus sarcina non mediocriter
 gravat.

B

191 CAPUT II.

In sermone de S. Matthæo.

Cum David per Nathan prophetam clementia di-
 vina promitteret ex ejus semine nasciturum qui suo
 sancto nomini construeret templum et Christum
 manifeste denuntians adjecisset: « Ego ero illi in
 patrem, et ipse erit mihi in filium (II Reg. vii); » mox-
 que Ecclesiam, quæ corpus est Christi, qualis esset
 futura, depromeret, dicens: « Et fidelis erit domus
 tua, et regnum tuum usque in æternum ante faciem
 meam, et thronus tuus erit firmus jugiter. » Ille
 gratias agens, inter cætera orationis sue verba sic
 ait: « Sed et parum visum est in conspectu tuo,
 Domine Deus meus, quia dilexisti me, nisi loquereris
 etiam de domo servi tui in longinquum; » moxque
 subjunxit: « Ista est enim lex Adam, Domine Deus
 (Ibid.). » Ac si perspicue dicat: Sicut in terreni mundi

C

hujus exordio Adam constituisti posteritatis securæ A parentem, atque ex hac radice totius humani generis decrevistis pullulare propaginem, ita nunc, cum mundum renovare disponis, me quasi novum Adam facis, dum Christum ex meo semine nasciturum, qui est auctor et caput Ecclesiæ, poll' eris. « Ista est, inquit, lex Adam; » quia sicut ille erat in filiis suis hunc mundum visibilem possessurus, ita et ego populo spiritualis in Christo pater efficior, cum illo, qui in cœlis est, perpetuo regnaturus. Sicut enim de costa illius formata est viventium mater Eva (Gen. ii), ita de latere Christi, qui ex me nasciturus est, victura perenniter egreditur Ecclesia. De hoc novo et spirituali mundo scriptum est: « Domini sunt cardines terræ, et posuit super eos orbem (I Reg. ii). » Orbis enim super terræ cardines ponitur, cum sancta Ecclesia tanquam super bases doctrinis evangelicis solidatur.

CAPUT III.

In epistola ad B., quæ est ut exteriori prudentiæ spiritualis prudentia præferatur.

« Fecit autem David sibi nomen, cum reverteretur, capta Syria, in valle Salinarum cæsis duodecim milibus (II Reg. viii). » Verus enim David Christus, fortis scilicet viribus et pulcher aspectu, in valle Salinarum duodecim millia hominum stravit, quia per apostolos suos de salsa, imo falsa hujus mundi sapientia triumphavit. Qui enim duodecim spiritualis prælii bellatores habuit, quasi totidem per eos hominum millia trucidavit, dum stulte sapientes a frivole sapientiæ vanitate convertit. Quorum videlicet bellatorum unus ad Corinthios dicit: « In carne enim ambulantes, non secundum carnem militamus; nam arma militiæ nostræ non carnalia sunt, sed potentia Dei, ad destructionem munitionum consilia corporis destruentes, et omnem altitudinem extolentem se adversus scientiam Dei, et in captivitatem redigentes omnem intellectum in obsequium Christi (II Cor. x). »

192 CAPUT IV.

In epistola ad Albericum, qua super decem questionibus respondet.

Quæris qui erant Cerethæi et Phlethæi, qui bellatores dicunt fuisse David? (II Reg. xv. 48.) Legitur in libro Numeri dixisse Dominum Moysi: « Congrega mihi septuaginta viros de senioribus Israel, quos tu nosti quod senes populi sint ac magistri, et duces eos ad ostium tabernaculi fœderis faciesque ibi stare tecum; et auferam de spiritu tuo tradamque eis, ut sustentent tecum onus populi et non tu solus graveris (Num. xi). » Ex istorum itaque stirpe dux processerunt cognationes, quarum una Cerethæi, altera dicebatur Phlethæi. Et Cerethæi quidem *dans judicium*, Phlethæi *puniens* interpretatur; ut quos illi adjudicare morti promulgando sententiam isti punirent irrogando vindictam.

CAPUT V.

In eadem epistola.

« Filii autem David sacerdotes erant (II Reg.

viii). » Cur filii David sacerdotes fuisse dicuntur; quia nullam cum filiis Aaron consanguinitatem, nisi sicut cæteræ tribus habuisse noscuntur? Sed sciendum quia dum sacerdotes venerabiles ac magistri constituuntur in populo, aliquando nomine sacerdotum designantur principes, vel doctores, sicut alibi reperitur: « Ira Jarites [Ira Jairites] erat sacerdos David (II Reg. xx). » id est, magister. Ita quoque eum dicitur: « Filii autem David erant sacerdotes, » sic intelligendum est ac si dicat: Quia magistri erant fratrum suorum, vel certe principes inter cæteros, sicut habet antiqua translatio. Nam ubi nova dicit editio: Filii David erant sacerdotes; in veteri legitur: Filii autem David principes erant aulae regiæ.

CAPUT VI.

In epistola ad Cluniacenses fratres.

« Faciam, inquit David, misericordiam cum Hanon filio Naas, sicut fecit pater ejus mecum misericordiam. Misit ergo David consolans eum per servos super patris interitu, » utque historiam compendiosa relatione succingam « tulit Hanon servos David, rasisque mediam partem barbæ eorum, et præcidit vestes eorum medias usque ad nates et dimisit eos (II Reg. x). » Quid enim per Hanon, nisi nequitia spiritus? quid per barbam, quæ virorum est propria, nisi sanctarum fortitudo virtutum? quid etiam per vestes, nisi sanctitatis intelligitur indumentum? Psalmista perhibente, qui ait: « Sacerdotes tui induantur justitiam (Psal. cxxi). » Hanon ergo fœdus amicitia reposcentibus, mediam barbæ partem radit, quia hostis antiquus aliquando fortiter operantis robur imminuit, sed postquam barbam rasit, etiam vestimenta præcidit, quia mox ut malignus spiritus interiorem adimit fortitudinem, consequenter etiam exteriorem conspicuæ conversationis exuit honestatem. Quid 193 est enim vestes hominum ad nates usque præcidere, nisi eos a superducto velamento justitiæ usque ad obsceni et inverecundi operis turpitudinem denudare?

CAPUT VII.

In epistola ad Marinum.

Cum David perpetrati reatus arguitur, mox ut in vocem confessionis erupit, dicens: « Peccavi Domino, » ex ore prophetæ protinus audit: « Dominus transtulit peccatum tuum, non morieris (II Reg. xii). » Et quia se occasio præbuit, hoc etiam te fraudari non patiar, quia nonnulli a pueris in religionis ordine constituti sola inobedientia superbiæ mista depereunt, cum in sæculo plurimi post immanium criminum perpetrata flagitia per humilitatis studium indulgentiam promerentur. Ecce enim David adulterium, homicidiumque commisit (II Reg. xi); Saul vero Samueli inobediens exstitit (I Reg. xii, xv). Sed quid, quod ille nullo interveniente, vel in puncto veniam meruit; alterum vero nec propria confessio, nec prophetæ tam lugubris et amara atque proluxa supplicatio reconciliavit. Plane si Scripturæ series utrobique discutiatur, copiosior

Saul quam David in verbis pœnitentiæ reperitur. A iste siquidem duntaxat id quod præmissum est : « Peccavi Domino (*II Reg. xii*) ; » ille autem ait : « Peccavi, inquit, quia prævaricatus sum sermones Domini, et verba tua, timens populum, et obediens voci eorum (*I Reg. xv*) ; » atque idipsum postmodum repetens, ait : « Peccavi. » Accessit autem et longanimis valde Samuelis oratio, de quo videlicet dicitur : « Contristatusque est Samuel et clamavit ad Dominum tota nocte illa (*Ibid.*) . » Sed divina voce responsum est : « Usquequo, ait, tu luges Saul, cum ego projecerim eum, ne regnet super Israel? » (*I Reg. xvi.*) Quid est ergo quod alterius pœnitentia pie suscepta, alterius autem sub districtæ severitatis est examine reprobata, nisi quod ille scelus inobedientiæ spiritu superbix parvipendens nequaquam pleno corde pœnituit ; hic autem paucæ quidem protulit, sed ejus viscera divini timoris gladio transfixa veri luctus amaritudo replevit? Hæc, quæso, considerare non negligat, qui cum inobedientie obediunt, de graviorum se immanitate criminum procaciter jactant. Quorum profecto nonnullos sæpe videmus ad agendæ confessionis judicium frequentare, solo se devote prosternere, tinnulis se et accuratis verbis magis facite quam humiliter accusare, atque ideo nunquam eorum mores ad idoneæ correctionis emolumenta procedere, quia videlicet cum Saul ore pœnitent, corde tument.

CAPUT VIII.

In epistola ad cardinales episcopos.

Sicut olim Romanorum consules ex diversis mundi partibus reportabant, peracta hostium cæde, victorias, sic isti nunc animas hominum de manu diaboli debent liberare captivas. Ad hos quippe victoriarum titulos, ad hos debent semper inhære triumphos, videlicet **194** ut antiquo prædoni animarum pereuntium manibus rapere, et Regi suo Christo signa gaudeant victricia reportare. Hunc porro conflictum David signavit, cum Rabbath civitatem victor obtinuit (*II Reg. xii*). Rabbath quippe multitudo, vel *grandis* interpretatur, quod non inconvenienter universitatem hujus mundi significare cognoscitur. David itaque Rabbath obtinuit civitatem, cum suis legibus Christus grandem et copiosam hujus mundi subdidit multitudinem. Coronam vero de capite regis illius David abstulit sibi, sicut Scriptura testatur, imposuit; quod tunc verus David Christus implevit, cum mundi sapientes, quibus quodammodo diabolus ornabatur, eripuit et in sui decoris et gloriæ diadema convertit. Multitudo quippe fidelium non modo Christi, sed et doctoris cujusque corona perhibetur, cujus prædicatione convertitur, sicut Paulus Philippensibus ait : « Itaque, fratres mei charissimi, gaudium meum et corona mea, sic state in Domino (*Philip. iv*). » Sed et prædam, juxta Scripturam, asportavit multam valde. Præda quippe de Rabbath tollitur, cum ex hoc mundo quique fideles atque devoti ad Dei omnipotentis obsequium convertuntur. Vos,

inquam, o sancti pontifices, vos potissimum hujusmodi debetis esse prædones, qui quotidie desudetis animas hominum de manibus reprobi possessoris eripere et triumphales Regi vestro David manubias reportare. Nec tamen sufficit, cum diabolo raptus, ad Deum quisque pia devotione convertitur, nisi mox etiam a status sui duritia quasi crebro sanctæ prædicationis malleo conteratur. Unde per Jeremiam : « Nunquid non verba mea sunt quasi ignis, dicit Dominus, et quasi malleus conterens petram? » (*Jer. xxiii.*) Verba quippe Domini quasi ignis sunt, quia frigus expellunt, calorem mentibus ingerunt; malleus autem sunt, quoniam obstinationis et perverciæ duritiam molliunt.

Congrue ergo sacra subnectit historia : « Populum quoque ejus adducens serravit, et circumegit super eos ferrata carpenta, divisitque cultris et transdixit in typum laterum (*II Reg. xii*). » Quid enim per ferrata carpenta, quod utique genus est curruum, nisi fortem atque inexpugnabilem quadrigam sanctorum evangelistarum, ac per hoc omnium divinarum Scripturarum intelligere debemus eloquium? Nam, prout alibi jam diximus : Vile quidem ferrum, tamen edomat omne metallum. Sicut ferum metallis omnibus dominatur, sic evangelica doctrina duras mentes emollire cognoscitur. Quid est ergo super captos homines ferrata carpenta circumagere, nisi sacra Scripturæ rotis humanarum mentium aream triturare, ut in eis sermo divinus et vitiorum reluctantium glebas obterat, et eas ad suscipiendas mandatorum celestium segetes complanare et exæquare contendat? Et quid est eos cultris dividere, nisi peccatorum hominum conscientias ad confessionem divini verbi prædicationibus aperire? De quo verbo dicit Apostolus : « Gladium spiritus, quod est verbum Dei (*Ephes. vi*) ; » tunc enim tantam spiritualibus cultris homo dividitur, cum ad detegendas animæ suæ plagas divini verbi gladio desecatur. Cur autem eos in typum laterum **195** transduxisse narratur, nisi quia lateres et terreni sunt et decocti? Tunc enim peccator in typum lateris vertitur, cum ad prædicationis vocem sancti Spiritus ardorem concipit et veraciter humiliatus terram se ac lutum esse perpendit. Sic itaque quisque conversus ac penitens in lateris formatu imaginem, cum et humiliatur ex suæ fragilitatis luto, et quasi rubescit, sive flammescit in amore divino, ut dum se terrenum pulverem pensat, cor suum ad referendas Deo gratias, qui se revocavit, accendat. Unde et Adam interpretatur *terra rubra*, ut ex primi parentis nomine quisque discat, vel quid originaliter sit, vel quid eum actualiter esse conveniat. Ad hos itaque sacerdotes Ecclesiarum, ad istas sancti pontifices debebant anhelare victorias, non sumptuosas epularum ferculis, non resolvi lenocinanti petulantia voluptatis. Post mundi quippe nascentis exordium, per mille ferme atque sexcentos annos humanum genus sine vini poculo et esu carniū vixit; nec tamen quispiam, quem Scri-

ptura commemoret, usque ad obitum languore con-
tabuit.

CAPUT IX.

*In epistola ad Albericum, qua ei super decem
questionibus respondet.*

« Egressus est autem rex David Hierusalem, fu-
giens Absalon, et dereliquit decem mulieres concu-
binas ad custodiendam domum (II Reg. xv, 16). »
David a facie Absalon fugiens decem concubinas in
domo relinquit, quas Absalon per incestum turpiter
foedat. Quia Redemptor noster, dum ejectus de civi-
tate Judaica in desertum gentium properat, relin-
quit in domo legis Judæos non viriliter incedentes,
sed muliebri conversatione viventes; qui nimirum
per decem concubinas non incongrue figurantur,
quia, dum enerviter legis præcepta custodiunt, non
castum matrimonii merentur ascendere thalamum,
sed absque fidei coherentes annulo sortiuntur pro
conjugio pellicatum. Quas Absalon lasciviens pol-
luit, quia malignus spiritus reprobas impiorum ani-
mas quasi prostituendo corrumpit, quia per exces-
sus diversorum scelerum cum talibus fornicatur, et
tanquam substrata sibi prostibula incestus violator
amplectitur, dum adulterinis eorum operibus dele-
ctatur.

CAPUT X.

*In epistola ad Desiderium abbatem quod majori sit
dignus honore qui dignitatem projicit quam qui in
ea persistit.*

Absalon siquidem interpretatur patris pax (II Reg.
iii), per quem designatur populus Judæorum, qui
usque ad mortem-persecutus est Christum. De quo po-
pulo per Isaia dicitur: « Filios genui et exaltavi, ipsi
autem spreverunt me (Isa. i); » qui patris pax jure
dicitur, quoniam in illo specialiter populo per legem
datam, per victimarum sacrificia, per tabernaculum
denique, sive templum Deus quievisse videtur.
Sicut 196 David: « Notus, inquit, in Judæa Deus,
in Israel magnum nomen ejus (Psal. lxxv). » Atque
ut iste populus patris pax esse videatur, audi quod
sequitur: « Et factus est in pace locus ejus (Ibid.). »
Sive per Absalon Judas traditor designatur, qui et
ipse patris pax non immerito dicitur, sicut ipse de
illo Christus in psalmo conqueritur, dicens: « Ete-
nim homo pacis meæ, in quo sperabam, qui edebat
panes meos, magnificavit adversum me supplantati-
onem (Psal. xl). » Nam et Christus non incongrue
pater asseritur, sicut Propheta testatur: « Vocabi-
tur, inquit, Deus fortis, pater futuri sæculi, prin-
ceps pacis (Isa. ix). » Iste ergo dicitur princeps
pacis et ille pax patris. Cui etiam, Judæ videlicet,
in ipso persecutionis articulo pacis osculum non
negavit (Matth. xxvi). Nec mirum si Judæ traditoris
speciem Absalon tenuit, quem non solum in perse-
cutione David, sed ipso quoque genere suæ mortis
expressit (II Reg. xviii). Ille siquidem quercui, dum
transire vellet, inhæsit; iste se laqueo, Scriptura
transiente, suspendit. Ut quoniam uterque redundans
viperae felle nequitiae et terra indignus erat et cælo,

A inter utrumque libratus et terram perderet et ad
cælum nullatenus aspiraret. Nam et Achitophel, qui
David persequi non dissimiliter voluit, exigentibus
meritis, idipsum genus mortis elegit (II Reg. xvi);
hic enim Absalon persequenti David consilium dedit
ut concubinas patris, quas dimiserat ad custodi-
endam domum, sacrilega permissione pollueret, ad
foedandum patrem novebras suas turpiter ince-
staret (II Reg. xvi). Quid autem per decem concubi-
nas David, nisi pars illa Judaicæ plebis exprimitur
quæ Christum verum, utique David fugientem, in
gentilitatis deserta non sequitur, quia legis se ha-
bere Decalogum gloriatur? Per numerum nempe
concubinarum, numerus exprimitur mandatorum;
concubinæ ergo, quæ non sequentes David, domum
servant, hi sunt qui in veteris legis custodia perse-
verant. Absalon ergo ad has David concubinas in-
greditur quia diabolus, qui in Absalon erat, per
excessus diversorum scelerum cum talibus fornicat-
ur. Et bene dicitur: Quia David eas dimiserat ad
custodiendam domum; provida quippe Redemptoris
nostri dispensatione divinitus agitur ut quasi ad
servandam domum legis Judæorum reliquiæ reser-
ventur; ut ipsi qui modo nostri sunt scriniari, et
libros cælestis eloquii in eadem in qua conditi sunt
lingua ubique terrarum ferant, quatenus ipsi qui
nobis inimici sunt, si quando scrupulus dubietatis
emersit, omne nobis ambiguum tollant. Unde per
Psalmistam dicitur: « Deus meus, ostende mihi
bona inter inimicos meos, ne occidas eos, ne quando
obliviscantur legis tuæ (Psal. lvm). » Hebraica
quippe lingua, quæ toto orbe dispergitur, multum
Christianæ fidei auctoritas adjuvatur. Unde et illic
aperte subjungitur: « Disperge illos in virtute tua,
et depones eos, protector noster, Domine (Ibid.). »

CAPUT XI.

In eadem epistola.

« Cumque venisset David in castra Madian,
Sobi filius Naas, et Machir filius Amichel, 197
et Berzellai Galaadites obtulerunt ei stratoria, et
tapetia, ac vasa feticilia, etc. » (II Reg. xvii). Ma-
dianitæ vero, qui præbuere regi David stratoria
et tapetia, quid aliud significant quam gentiles
conversos ad fidem? qui dum piis actibus inces-
santer insistant, quasi textrini operis linteamina
D præparant, in quibus utique Dominus suaviter re-
quiescat. Hæc enim sunt evangelica illa vestimenta,
quæ apostoli super asinam ponunt et Jesum sedere
desuper faciunt (Matth. xxi). Quod autem sequitur
« quia dederunt David etiam vasa feticilia, frumen-
tum et hordeum, farinam, et fabam, et lentem, et
frixum cicer, et mel, et butyrum, oves etiam et
pingues vitulos (II Reg. xvii); » plurimæ ciborum
species diversi sunt sanctorum hominum mores,
quibus nimirum David cum suis commilitonibus
pascitur; quia Redemptor noster cum sanctis suis
rectis justorum operibus velut esuriens epulatur.

CAPUT XII.

In epistola ad Albericum, in qua super decem questionibus respondet.

« Fuit autem ibi prelium dispersum super faciem terræ, et multo plures erant, quos consumperat saltus de populo, quam hi quos voraverat gladius (II Reg. xviii). » De qua sententia in libro Hebraicarum questionum hæc B. Hieronymi verba sunt : Saltum hunc, inquit, qui plures consumpsisse quam gladius vorasse legitur, bestias ferocissimas, quæ in saltu erant, Hebræi autem, a quibus plures consumpti quam a gladio vorati fuerint. Verum hic, ut dicitur, Hebræorum fuit intellectus. Nobis autem videtur quia vesani quique, et infructi, qui cum Absalon perduelliones existerant, Deo deserente cæcati, arbutis occurrentibus impingebant, atque ideo dicatur quia plures ceciderint saltu consuente perempti quam hi qui fuerint gladio trucidante vorati. Quod ita debere intelligi non ambigitur, si ipsa styli consequentia vel superficietenus attendatur. Nam postquam præmittit : « Multo plures erant quos saltus consumperat de populo quam hi quos voraverat gladius in die illa ; » præsto subjungit : « Accidit autem ut occurreret Absalon servis David sedens in mulo ; cumque ingressus fuisset mulus subter condensam quercum et magnam, adhæsit caput ejus quercui, et, illo suspenso inter cælum et terram, mulus cui insederat pertransiit (Ibid.). »

CAPUT XIII.

In epistola ad D. abbatem, quæ paulo supra.

« Berzellai Galaadites senex valde, id est, octogenarius, ut sacra testatur historia, descendens de Rogelim, transduxit regem David Jordanem ; cui rex : Veni, inquit, ut requiescas mecum in Hierusalem. Ille autem renuens, excusationem senectutis obtendit, et, relicto rege, mox ad propria repeditavit (II Reg. xix). » Sunt namque nonnulli qui regem David, hoc est Salvatorem nostrum sequentes, Jordanis fluentia transmittunt ; hoc est, vel baptismi suscipiunt **198** sacramentum, vel, quod secundum est lavacrum, arripiunt spirituale propositum. Nam quia in Jordane auctor baptismi Christus est baptizatus (Matth. iii), recte per eum intelligitur baptismus. Sed hi veste variata, non mente, habitum mutando, non animum, ad pristinos redeunt mores et sæculares repetunt actiones ; et quia nequeunt a negotiorum sæcularium perturbatione quiescere, nolunt in Hierusalem, hoc est in visione pacis habitare cum rege ; senes enim sunt, et inveterati, atque ideo nequeunt in novam de vetusta conversatione mutari. Nam et Jordanem transcuti et octogenarii sunt, quia et baptizati sunt et resurrectionem futuram, quæ per octonarium designatur numerum, credunt. Sed hi quanquam Regi humiliter et blande loquantur, Regem tamen deserunt et ad solite conversationis consuetudinem revertuntur. Quid est enim Regi blanda verba proferre, nisi sicut in Evangelio dicitur, se callide potius quam humiliter excusare ? « Rogo, inquit, te, habe me excusatum (Luc. xiv). »

A Dicebat enim Berzellai regi : Cur servus tuus sit oneri domino meo regi ? paululum procedam famulus tuus ab Jordane tecum, nec indigeo hac vicissitudine.

Cujus figuram tenent qui spirituali cuiquam viro seque ad altiora provocanti, quasi humiliter decantant : Peccatores quidem sumus tibi, pater, obtemperamus, sed districtioris instituti regulam servare non possumus ; infirmi sumus et fragiles, atque ideo melius iudicamus sub levi nos fascie inglorios utcumque vivere quam sub gravis sarcinæ pondere quasi fortes interire. Nam et quod idem Berzellai superius dixerat, ab istorum interioris hominis senio non discordat : « Quot sunt, inquit, dies annorum vitæ meæ, ut ascendam cum rege in Hierusalem ? » et adjecit : « Nunquid vigent sensus mei ad discernendum suave et amarum ? aut delectare potest servum tuum cibus, et potus ? vel audire possum vocem cantorum et cantatricum ? » (II Reg. xix.) Veraciter enim talium hominum sensus intrinsecus obtusi sunt, quia spiritualia mentis edulia, vel intimæ jubilationis organa non discernunt ; non enim eis sapit cibus ille cælestis, ad quem Propheta spirituales convivas invitat : « Gustate, inquit, et videte quoniam suavis est Dominus (Psal. xxxiii). » Nec illa fauces eorum mella discernunt, de quibus aiebat : « Quam dulcia faucibus meis eloquia tua, Domine, super mel et favum ori meo ! » (Psal. cxviii.) Necdum ad illud Sapientiæ discubere convivium, de quo in libro Proverbiorum dicitur : « Quia sapientia immolavit victimas suas, miscuit vinum et proposuit mensam suam. » Ubi et sequitur : « Misit ancillas suas ut vocarent ad arcem, et ad mœnia civitatis : Venite, comedite panem meum, et bibite vinum, quod miscui vobis (Prov. ix). » Hi voces etiam cantorum et cantatricum non audiunt, quia quæ sanctorum martyrum, quæ sanctorum virginum ante Deum jubeat modulatio nullatenus comprehendunt. Nam quia carnaliter conversantes ad Dominum contemplationis corda non elevant, cælestis harmoniæ modulos et mellifluas angelici concentus suavitates ignorant.

Unde non immerito senex ille Berzellai fuisse dicitur de Rogelim, quod interpretari dicitur *pedes*. Pedestres enim tales ambulant, et quoniam a terrenæ conversationis itinere se suspendere nesciunt, ad comprehendenda cælestis melodice cantica non assurgunt, nolunt enim nisi pedes semper incedere atque ideo nequeunt alta jubilationis intimæ gaudia penetrare. Et quoniam terreni actus, in quibus sparsi sunt, duros eos atque insensibiles reddunt, spiritualis lætitiæ contemplari subtilia nequeunt. Hinc est etiam quod ille Berzellai Galaadites asseritur, quod *acervus testimonii* interpretatur, et quoniam acervus ille testimonii, qui Galaad dicitur, a Laban et Jacob de lapidibus factus agnoscitur (Gen. xxxi), bene per hunc Galaaditen duri ac lapidei homines designantur, qui, dum ad amorem spiritualis vitæ eor non emolliunt, tanquam lapides facti in

peruacui sæcularium negotiorum vigore durescunt. A
Ad quam duritiam pertinet quod idem quoque Berze-
lai *ferrum meum* interpretari dicitur. Quid est
durius ferro? et quid obstinatius corde perverso?
« In malevolam enim animam nunquam introibit sa-
pientia (*Sap. 1.*) » Et congrue ferrum meum, quasi
de se quilibet homo durus et obstinatus dicit, quia
dum statuit in propria perseverare duritia, in con-
silia se nunquam projicit aliena, et quia rigidus et
inflexibilis ad cælestem Iherusalem cum David rege
non graditur, de via quam cæperat cum Berzellai,
ad terram Madian, hoc est, ad vitæ veteris primor-
dia revocatur.

CAPUT XIV.

In eadem epistola.

« Cumque venisset rex David in Iherusalem, tulit B
decem concubinas suas, quas reliquerat ad custo-
diendam domum et tradidit eas in custodiam; nec
est ingressus ad eas, sed erant clausæ usque ad
diem mortis suæ in viduitate viventes (*II Reg. xx.*)
Concubinæ suæ non sequentes David domum ser-
vant, hi sunt qui in veteris Legis custodia perseve-
rant. De quibus profecto concubinis dicitur: « Quia
de cætero non est David ingressus ad eas: sed erant
clausæ usque in diem mortis suæ in viduitate vive-
ntes. » Judæi plane nunc clausi sunt et in viduitate
vivunt quoniam ad virum sanctæ Ecclesiæ non acce-
dunt, nec ad eos cælestis ille Sponsus ingreditur,
quia tanquam mulierculis a diabolo prostitutis suum
præbere contubernium indignatur eisque, quia pol-
luti sunt per adulterium, repudiū dat libellum. Et C
hæ quæ non sequuntur virum merito concubinæ,
nec vocantur uxores, quia, totali fœdere ac nuptiali
copula prorsus indigne, non illam parient sobolem
quæ paternæ benedictionis possideat hæreditatem.
Nobis autem e contrario dicitur: « In hoc vocati
estis, ut benedictionem hæreditate possideatis (*I
Petr. iii.*) » Nam et idem dicit Apostolus: « Igitur
qui ex fide sunt, benedicentur cum fidei Abraham.
Quicumque autem ex operibus legis sunt, sub male-
dicto sunt (*Gal. iii.*) »

200 CAPUT XV.

*In epistola ad Albericum, in qua ei super decem
questionibus respondet.*

« David postmodum non est ingressus ad eas, sed
erant clausæ usque in diem mortis suæ in viduitate
viventes (*II Reg. xx.*) » Perdiderunt enim virum,
de quo per Isaiam dicitur: « Quoniam acceper-
unt septem mulieres virum unum (*Isa. iv.*) » De
quibus et per Salomonem dicitur: « Quia septin-
gentæ sunt reginæ (*III Reg. xi.*) » Acceperunt ita-
que septem, quæ amiserunt decem. Cælestem quip-
pe Sponsam sancta sibi confederavit Ecclesia septi-
formi scilicet et Spiritus dono repleta. Quem Sponsam
Synagoga, quæ Decalogi mandata perceperat, perdi-
dit viduæque permansit, quia dum in domo consue-
tius et legalium caeremoniarum immobiliter persti-
tit, cum rege David in deserta gentium exire con-
tempnit.

CAPUT XVI.

In eadem epistola.

« Tertium quoque fuit bellum in Gob contra Phi-
listæos, in quo percussit Adeodatus filius saltus po-
lilitarius Bethleemites Goliath Geheum (*II Reg.
xxi.*) » Quod nimirum facile valet intelligi. Nam Gob
interpretatur *lucus*. Et sicut periclitatur qui in lu-
cum leonum mittitur, sic David quasi leonis se den-
tibus tradidit, cum in rabiem Goliath se preliaturus
immersit. Idem David Adeodatus jure dicitur; quon-
iam a Deo est electus in regnum. Qui etiam filius
saltus vocatur, quia de pascuis saltuum, ubi oves
alebant, eductus agnoscitur. Nec sine causa idem
David polilitarius dicitur; quia mater ejus de ge-
nere Beselehel exstitit, qui tabernaculum fœderis in
deserto construxit, in quo etiam nonnulla polimita-
ria operatione contextuit. Bethleemites quoque non
incongrue dicitur, quia a Noemi duxit originem, et
de Bethleem fuerant tempore famis egressæ atque
ad eandem Bethleem suat, reflorescente postmo-
dum ubertate, reductæ. Quod autem Adeodatus cum
omnibus suis his adjectivis, ipse procul dubio sit Da-
vid, sequentia declarant, ubi dicitur: « Li quatuor
nati sunt de Arapha in Geth, et ceciderunt in ma-
num David et servorum ejus (*Ibid.*) » Sane quid
etiam per hæc mystice significetur exponerem, nisi
quod perspicuum est epistolæ mihi brevis prohi-
beret. Juxta mysticum scilicet intellectum, hæc
omnia referuntur ad Christum. Ipse enim Adeoda-
tus est, de quo per Isaiam dicitur: « Puer natus
est nobis, et filius datus est nobis (*Isa. ix.*) » Qui
filius saltus non incongrue dicitur, quoniam ex Ju-
dæis secundum carnem nasci dignatus est, qui dum
nullum fructum spiritualis germinis attulerant, vel-
ut agrestes arbores non in horto plantatæ, sed in
salu mate steriles exsisterunt. Unde legitur: « Vox
clamantis in deserto (*Isa. xl.*) » hoc est, infru-
ctuoso Judeorum populo. Polilitarius quoque Re-
demptor noster merito dicitur, quia velut textri-
ni operis studio vacat, dum et se suis fidelibus in-
duit et ex illis justitiæ vestimenta contextit. De suis
201 quippe vestibus per Apostolum dicitur: « Ut
exhiberet sibi gloriosam Ecclesiam, non habentem
maculam neque rugam (*Ephes. v.*) » Et per prophe-
tam: « Omnibus his velut ornameto vestieris
(*Isa. xlix.*) » De Christi vero fidelibus Psalmista
canit: « Sacerdotes tui induantur justitiam (*Psal.
cxxxii.*) » Et per Ezechielem Dominus improperat
animæ, quam spiritualibus indumentis decenter or-
navit, sed eum ipsa mœchia sordibus polluta dese-
ruit: « Vestivi te, inquit, discoloribus et calceavi te
hyacintho, et cinxi te bysso, et indui te subtilibus et
ornavi te ornameto. » Et paulo post: « Et vestita
es bysso, et polimito et multis coloribus (*Ezech.
xvi.*) » Quid ergo mirum, si Redemptor noster poli-
mitarius dicitur, qui virtutis decore polimito induit
animam quam sponsali jure sortitur? Ipse est enim
Dei sapientia, de qua per Salomonem dicitur:
« Quia quæsitivā lanam et linum, et operata est

consilio manuum suarum (*Prov. xxxi*). » Cujus A
 digiti apprehenderunt fusum, cujus omnes domestici
 vestiti sunt duplicibus, cujus etiam eadem stragula ves-
 tibus facta est in passione. Sed eadem byssus et
 regalis purpura indumentum illius est in resurre-
 ctione; qui etiam Bethlehemites jure vocatur, quia
 in Bethlehem de Virgine natus agnoscitur. Quod
 autem dicitur: « Quia tertium bellum fuit in Gob, »
 hoc intelligitur quia verus David Salvator Israel,
 ante legem et sub lege, ac postmodum in evangelica
 gratia fideles semper bellatores habuit, per quos
 contra Philisteos, id est, adversus malignos spiritus
 dimicavit. Ad hoc itaque tertium bellum David venit
 in Gob, qui interpretatur *lacus*, quia Redemptor
 noster dum velut forti armato fortior supervenit
 (*Luc. xi*), ipse per se etiam usque ad inferna descen-
 dit. Unde per Psalmistam dicit: « Posuerunt me in
 lacu inferiori, in tenebris et umbra mortis (*Psal.*
lxxxvii). » Illic percussit Goliath Getheum, quia
 dum electorum animas de gehennæ claustris eripuit,
 antiquum hostem, qui super eos tyrannidem exerce-
 bat, lethali vulnere sauciavit.

CAPUT XVII.

In sermone de virginibus.

« David sedens in cathedra, sapientissimus prin-
 ceptus inter tres. Ipse quasi tenerimus ligni vermicu-
 lus, qui octingentos interfecit impetu uno (*II Reg.*
xxiii). » Quid est quod David tam novæ, tam inauditæ
 præconio laudis attollitur? Quis est iste tam humilis
 tantique sublimis? Quis, inquam, est iste David ille
 debilis atque despectus ut vermiculi speciem gerat? C
 ita fortis et validus, ut uno impetu octingentos ho-
 mines interficiat? In palea nempe litteræ videtur
 esse ridiculum, si non in medulla spiritus lateat
 sacramentum. Quis ergo vermiculus iste, nisi ille
 qui per eundem David canit in psalmo: « Ego autem
 sum vermis, et non homo? » (*Psal. xxi*). Sicut enim
 vermis ex sola ligni materia gignitur, ita Christum
 absque virilis semine de solo virginali utero geni-
 tum fides catholica confitetur. Sed quamvis sit
 vermis tener et debilis, ligni vero duritia fortis ac
 solida, vermis tamen lignum vertit in cariem et ca-
 vernosum reddit et cavum. Ita Redemptor noster
 verus 202 utique manu fortis atque desiderabilis,
 qui semetipsum exinanivit, qui non habens speciem,
 neque decorem, invalidus ac despectus apparuit,
 humanum genus, unde ortus est, paulatim a suo
 rigore molivit, magnumque sibi in electis suis
 habitationis spatium procuravit. Hic itaque David
 sedet in cathedra, quia in paternæ majestatis gloria
 constitutus omnia judicat. Cui Pater ait: « Sede a
 dextris mei » (*Psal. cix*). » Sapientissimus est, quia
 ipsa Patris sapientia est. Sed quomodo David dicitur
 princeps inter tres, cum ille non inter alios quemlibet
 principatum, sed super omnes potius regalis sceptri te-
 neret imperium? Laus enim ista deprecat, non exaltat;
 deprimat, non attollit, cum ille non tam tribus inter-
 esset, quam omnibus superesset. Sed cum ab illo David
 videatur sententia ista dissidere, est cui valeat aq tis-

sime convenire. Beatus enim ac singularis ille
 homo, qui mystice dictus est vermis, mox ut a
 Verbo in unitate personæ suscipitur, in sancta Trin-
 tate non inæqualiter principatur. Princeps est ergo
 inter tres, quia unitus est Verbo, quæ est in sancta
 Trinitate persona. Hic octingentos interfecit impetu
 uno. Octonarius numerus ad resurrectionem, cente-
 narius pertinet ad perfectionem. David ergo uno
 impetu octingentos interfecit, quia Salvator noster
 omnes, qui vel perfectionem fidei appetunt, vel res-
 urrectionis gloriam concupiscunt, gladio sui spi-
 ritus interfecit, dum eos per incarnationis ac crucis
 suæ mysterium ab amore mundi hujus mortuos red-
 didit, et hoc uno operatus est impetu, id est, uno
 suo incarnationis adventu. « Semel enim pro pecca-
 tis nostris mortuus est, jam ultra non moritur »
 (*Rom. vi*). Annon ejus adventus jure vocatur im-
 petus, de quo Salomon ait: « Ecce iste venit saliens
 in montibus, transiliens colles? » (*Cant. ii*). Et
 David: « Exsultavit, inquit, ut gigas ad currendam
 viam? » (*Psal. xviii*). Qui enim currit, procul dubio
 impetum facit. Nam et Verbum Dei tanquam rivus
 aquarum viventium cum impetu venit, et sicut tor-
 rens cuncta doctrinarum ardentium inquinamenta
 subvertit. Unde et in Canticis canticorum dicitur:
 « Fons hortorum, puteus aquarum viventium, quæ
 fluunt impetu de Libano (*Cant. iv*). » Huic ergo
 Regi tam humili tamque sublimi, tam infirmo,
 sed ita fortissimo, gratias referamus qui idecirco
 fieri dignatus est vermis in ligno, ut nos constitueret
 cives in cælo. Ideo vetustum humani generis ini-
 micum in se permisit insurgere, ut ex eo postmo-
 dum non modo per viros, sed etiam per feminas
 triumpharet.

CAPUT XVIII.

In epistola ad Albericum in qua ei super decem questionibus respondet.

Quæris cur in Scripturis sacris sit ista diversitas, ut
 in libro Regum (*II Reg. xxiv*) legatur David redemisse
 aream Ornan Jebusæi, simul et boves qui offerendi
 erant in holocaustum, siclis argenti tantummodo
 quinquaginta; cum in Paralipomenon pro sola area
 dedisse narretur auri sexcentos siclos? (*I Paral. xxi*)
 Sed sciendum est procul dubio quia in libro Regum
 boves tantummodo quinquaginta siclis argenti com-
 parasse 203 David legitur, quanti vero aream com-
 paraverit, illic omnino siletur. Paralipomenon vero
 liber de bobus e contrario tacet, sed emptam
 sexcentis auri siclis aream perhibet. Quod facile
 pervidetur, si in utroque libro ipsa verborum series
 diligenter attenditur. Nam in libro Regum hic est
 ordo verborum: « Emit ergo David aream, et boves
 argenti siclis quinquaginta. » Ubi sic distinguendum
 est, ut prius Scriptura dicat: « Emit David aream, »
 nec exprimat quanti; 204 deinde sequatur: « Et
 boves argenti siclos quinquaginta. » In libro vero
 Paralipomenon ita legitur: « Dedit ergo David
 Ornan pro loco siclos auri justissimi ponderis sex-
 centos, et edificavit ibi altare Domino » Sic igitur

utraq;e sibi met Scriptura divisit, ut illa bonum, ista **A** tii mensura præsfigitur discrepant, sed Scripturæ solius areæ numeret pretium. Res igitur quibus pre- sanctæ sibi met invicem non repugnant.

Expliciunt testimonia libri secundi Regum.

INCIPIUNT TESTIMONIA LIBRI TERTII REGUM.

1. *De Abisag; Sunamite quæ regi David ministrabat, et cum eo dormiens senilia ejus membra fovebat, et tamen integra mansit.*
2. *Quod David, dum vivit, et Joab et Semei pepercit; moriens vero perdendos eos mandavit.*
3. *Quod dicitur Salomon quadraginta millia præsepia equorum curritum habuisse, duodecim millia equestrum.*
4. *Quod de eodem dicitur: quia locutus est tria millia parabolas, et fuerunt carmina ejus quinque millia; et disputasse etiam de lignis, et de jumentis, et volucris, et reptilibus, et piscibus.*
5. *Quod Salomon duns a dextra lævæque columnas in templi vestibulo statuit, quarum unam Jachim, alteram Booz vocavit.*
6. *Quod vasa templi Domini in campestri regione Jordani in argillosa terra fusa sunt inter Socho et Sarthan.*
7. *De eo quod cum sacerdotes exissent de sanctuario, nebula domus Dei repleta est, ita ut sacerdotes non possent prope stare propter nebulam.*
8. *Quod non esse dicitur argentum nec ullius pretii putari in tempore Salomonis.*
9. *Quod Salomoni fuerint uxores quasi reginæ septingentæ et concubinæ trecentæ.*
10. *De muliere Sareptana, ad quam Elias transmisus, invenit eam duo ligna colligentem, ut coqueret et sibi panem ac filio suo.*
11. *De eo quod, orante Elia, nebula parva quasi vestigium hominis de mari conscendens apparuit.*

Expliciunt capitula.

INCIPIUNT TESTIMONIA LIBRI TERTII REGUM.

CAPUT PRIMUM.

Ad. C. præfectum, ubi eum ad certamen provocat.

« Quæsierunt David regi servi sui adolescentulam speciosam in cunctis finibus Israel, et invenerunt Abisag Sunamitem, et adduxerunt ad regem; quæ dormiebat cum rege, et ministrabat ei, et non cognovit eam rex (*III Reg. i.*) » Quæ est autem hæc puella, quæ de cunctis finibus Israel tanquam singularis eligitur, et David regi, ut cum eo dormiat, et frigescentes artus calefaciat copulatur? Interroga Salomonem et ipse tibi puellæ hujus aperiet sacramentum: « Posside, inquit, sapientiam, posside intelligentiam (*Prov. iv.*) » Vis etiam audire virginis hujus amplexus? ait: « Ne derelinquas eam et apprehendat te; ama illam, exaltabit te; circumda illam, et glorificabit te; honora illam, et amplexabitur te (*Ibid.*). » Sapientiam ergo, hoc est, sanctam vitam amplectamini, uxorem ut ingenuam, et hæreditate condignam sobolem procreemus. Non enim ex hac uxore moritura nobis est successura posteritas, sed quæ perpetuo sit victura. Nam quod de corruptione nascitur, necesse est corrumpatur; at quod virginitas gignit interire non novit: nec est vitio corruptionis obnoxium quod ex incorruptione fuerit procreatum. Sed videamus interpretationem istorum nominum, ut valeamus comprehendere sacramentum. Abisag namque interpretatur *pater meus superfluus*, vel, *patris mei rugitus*. Hic superfluus, non superfluitatem, quasi non necessariam, sed abundantiorum Dei Patris significat gratiam; rugitus autem, vehementem sanctæ prædicationis indicat fremitum, ut leonem de tribu Juda, quasi per intonantem sanctæ prædicationis fremitum insonet, quisquis in Abisag, id est, religiosæ vitæ complexibus jacet. Sunamitis autem in nostra lin-

B gua, coccinea dicitur. Anima quippe sancta sicut **205** Dominici sanguinis mysterio rubet, ita nihilominus et igne sancti Spiritus fervet. Unde et in manu Phares coccinum alligatur, qui maceriam sub mystica duorum populorum sequestratione divisit. Et Raab meretrix, in typo Ecclesiæ, coccineum funiculum, ut domus sua, pereunte Jericho, salvaretur, appendit. Hinc etiam, et alibi de sanctis viris Scriptura commemorat: Hi sunt, qui venerunt de calore domus Raab. Et ipsa in Evangelio Veritas: « Ignem, inquit, veni mittere in terram (*Luc. xii.*): » qui videlicet ignis in discipulorum cordibus æstuans, eos dicere compellebat: « Nonne cor nostrum ardens erat in nobis, dum loqueretur in via, et aperiret nobis Scripturas? » (*Luc. xxiv.*) Hoc itaque mysticum et spiritale conjugium, et in Sunamite fervorem gratiæ concipit, et in Abisag sanctæ prædicationis sobolem parit; ut quem in cordis quisque visceribus portat, per oris officium parere non omitat; et quod concipit in corde per coccinum, pariat in ore per prædicationis sanctæ rugitum. Fervorem ergo divinæ charitatis in Sunamite concipimus, ut prædicationis rugitum Abisag quasi sobolem pariamus.

CAPUT II.

In epistola ad Althericum, ubi super decem quæstionibus tractat.

Ego sæpius, fateor, dubitavi cur David Joab et Semei, quibus iratus erat, dum adhuc viveret, clementer indulsit; moriens autem Salomoni sibi met in sceptrum regis succedenti perdendos esse mandavit. **D** « Tu, inquit, nosti quæ fecerit mihi Joab filius Sarviæ, quæ fecerit duobus principibus exercitus Israel, Abner filio Ner et Amasæ filio Jether, quos occidit et effudit sanguinem belli in pace. » Atque paulo post addidit: « Facies ergo juxta sapientiam tuam, et non deduces canitiem ejus pacifice ad inferos. »

De Semei quoque sic ait: « Habes et Semei apud te, A
filium Gera, filii Gemini de Baurim, qui maledixit
mihi maledictione pessima, quando ibam ad estra. »
Denique, quibusdam interpositis, addidit: « Ducisque
canos ejus cum sanguine in infernum (III Reg. 11). »
Quid est enim quod eos David moriens damnat qui-
bus vivendo pepercit, cum profecto rationis ordo
deposcat ut in perduelliones, vel quoslibet inimicos
vivens sententiam ultionis exeret, moriens autem
eis misericorditer inligeret? Sed sciendum est quia
per regnum David, qui tot persecutionibus et ærum-
nis attritus, tot adversitatibus et inopiis cum suis
commilitonibus est afflictus, hoc præsens sæculum
designatur, in quo cum suis membris Christus affli-
gitur multisque tribulationibus Ecclesia laceratur.
Regnum vero Salomonis, qui divitiis et gloria cun-
cta regali dignitate jura transcendit, omnia
principalis imperii fastigia superavit, futuræ vitæ
denuntiat gloriam, in qua Christus vere pacificus
æterna cum suis quiete perfruitur ac cœlestis con-
vivii dapibus solemni ter epulatur.

Unus igitur idemque Redemptor noster et nunc
David est, et tunc Salomon erit; quia et modo tan-
quam manu fortis per membra sua contra diabolum
pugnare non desinit, et tunc sopita 206 prorsus
omni carnis et spiritus controversia, cum corpore
suo, quod est Ecclesia, ut revera pacificus æterna
tranquillitate regnabit. Nunc in electis suis quasi
David calamitatum fascibus premitur, persecutionum
ac diversis adversitatum pressuris urgetur, tribula-
tionibus et ærumnis atteritur, postmodum tanquam
Salomon exuberanti divitiarum immortalium copia
potietur. David ergo vivens tolerat, quos in fine con-
demnat, quia iudex humani generis. Christus, quem
ille signabat, illis nunc misericorditer parcat quibus
in fine sæculi sententiam juste damnationis infligit.
David itaque misericordiam prorogat, Salomon ju-
stitiam judicat, quia unus idemque Redemptor no-
ster et nunc quasi David reproborum iniquitates
æquanimitè tolerat, et postmodum tanquam Salo-
mon, in gloria sua veniens, eos quasi vibrato judicii
sui mucrone trucidat. Hæc æternitas divini examinis
frequenter in eisdem sermonibus invenitur, sicut
illuc: « Misericordiam, inquit, et iudicium cantabo
tibi, Domine (Psal. c): » Et: « Misericordiam et
veritatem diligit Deus (Psal. lxxxix): Misericordia
et veritas obviaverunt sibi (Psal. lxxxiv). » Sic ita-
que dum misericordia veritati, quasi David præponi-
tur Salomoni; ut quos pie David per misericordiam
sustinet, Salomon per iudicium juste condemnet.
Et notandum quod per Joab, qui suis homicidium
manibus perpetravit, illi designantur qui mala faci-
unt; per Semei vero, qui regi tantummodo male-
dixerat, illi figurati sunt qui prava loquuntur. Nam
et hi qui nequiter agunt, et illi qui sermonibus re-
probis ac falsis insistant, in extremæ discussionis
examine procul dubio damnabuntur; sicut idem Da-
vid ait: « Odisti omnes qui operantur iniquitatem;
perdes eos qui loquuntur mendacium (Psal. v). »

CAPUT III.

In epistola ad Agnetem reginam.

« Et habebat Salomon quadraginta millia præsepia
equorum curilium et duodecim equestrium (III
Reg. iv). » Quid per quaternarium numerum, nisi
quadriga præstruit evangelistarum? Et quid per
duodenarium, nisi senatus exprimitur apostolorum?
Per doctrinam quippe evangelicam et apostolicam
venerat Dominus per omnem latitudinem orbis terra-
rum. « Currus enim Dei decem millibus multiplex,
millia letantium; Dominus in illis, in Sina in sancto
(Psal. lxxvii). » Nam quia Sina mandatum interpre-
tatur, constat in eis tantummodo vectari Dominum,
ubi sit cœlestium observatio mandatorum. Notandum
autem quia sicut David regnum, qui tot est pressu-
ris attritus, Dominum designat in mortalibus adhuc
vitæ stadio laborantem, sic Salomonis istius incom-
parabilis gloria præfiguratur, eundem Dominum post
mundi finem in paterni culminis majestate regnan-
tem. Et præcedebat sapientia Salomonis sapientiam
omnium Orientalium et Ægyptiorum, quia nimirum
Redemptor noster superat intellectum et angelorum
et hominum.

207 CAPUT IV.

In eadem epistola.

De illo quoque dicitur: « Quia locutus est tria
millia parabolas, et fuerunt carmina ejus quinque
millia; » ubi præsto subjungitur: « Quia disputavit
etiam super lignis a cedro quæ est in Libano usque
ad hyssopum quæ egreditur de pariete, et disseruit
de jumentis, et volucris, et reptilibus, et piscibus
(III Reg. iv). » Quæ videlicet Redemptori nostro
non ambigitur cuncta congruere, qui vacat hæc di-
ligenti consideratione tractare. Ipse mirum tria
millia parabolas est locutus, qui et per mystica præ-
cedentia facta et per allegorica prophetarum ora-
cula, vel etiam per coruscantis Evangelii documenta,
dum sub figurarum velamine pene cuncta disseruit,
quasi tria millia in verbis suis parabolas numeravit.
Unde et in Evangelio Matthæus ait: « Hæc omnia
locutus est Jesus in parabolis ad turbas, et sine pa-
rabolis non loquebatur eis (Matth. xiii). » Cujus
etiam carmina quinque millia sunt, quia chorus
virginum, quæ sub quinario numero describuntur
ante thronum ejus, sicut Joannes in Apocalypsi di-
cit: « Canticum novum jugiter modulatur (Apoc.
xiv). » Vel quia quinque sunt vulnera Domini
corporis, quibus per universum orbem triumphalis
ejus gloria prædicatur, sub eodem numero carmina
supputantur, sub quo tenentur et vulnera, per quæ
victoria singularis laudis æternæ gloriam promeretur.
Unde cum in Canticis dicitur: « Surge, amica mea,
sponsa mea, et veni, columba mea, in foraminibus
petræ et in caverna maceræ; » protinus additur:
« Ostende mihi faciem tuam; sonet vox tua in auri-
bus meis, quia vox tua dulcis (Cant. ii). »

Sane quia non hæc exacte tractamus, sed succe-
dite, celeriterque transcurramus, sufficiat dicere: Quia
cum petra sit Christus, foramina petræ procul dubio

sunt Domini corporis cicatrices. Sed cum post A huius petrae foramina, dulcis vox sponsae in sponsi auribus sonare praecipitur, quid aliud quam quinque vulneribus sub eodem quinario numero carmina laudum reddere pia quaelibet anima, vel sancta universalis Ecclesia, commonetur, ut ejusdem quodammodo numeri carmina referat quot per se suscepta vulnera non ignorat, illique cunctos sui corporis sensus dedicit, quem totidem pro se sauciaturum vulneribus videt? Quinque nimirum nostrorum sensuum vulnera, illis quinque Domini corporis cicatricibus sunt sanata. Quod autem Salomon super lignis a cedro, quae est in Libano, usque ad hyssopum, quae egreditur de pariete, disputasse dicitur; hic necessario ad spirituale remittitur intellectum, cum nullatenus stare valeat superficies litterarum. Hyssopus enim nequaquam de parietibus egredi, sed de saxosis cernitur montibus germinari. Paries itaque noster ipsa mortalitatis nostrae conditio est, quae nos a contemplatione Conditoris velut abdita domus obstatulum dividit, et in ima proclivius, declinare compellit. « Corpus enim quod corrumpitur, aggravat animam; et deprimit terrena inhabitatio sensum multa cogitantem (Sap. ix.) » Ex hoc ergo pariete 208 hyssopus egreditur, quia de fragilitate nostrae mortalitatis erumpit, quod semper necesse est ferro poenitentiae resecari. Hyssopo nimirum purificantur intima viscera, per quae non incongrue designatur confessio peccatorum. Disputavit igitur noster Salomon super lignis, hominibus videlicet intra germinantis Ecclesiae membra radicatis, a cedro quae est in Libano, usque ad hyssopum, quae egreditur de pariete, id est, ab ipsis eminentibus sanctis nitore justitiae candidatis usque ad peccatores et lapsos atque ad poenitentiae demum lamenta conversos. Hinc est quod sequitur: « Disseruit et de jumentis, » sanctorum scilicet adiutoribus, catholicis viris; « et de volucribus, » hominibus nimirum, per sancta desideria ad superna suspensis; « et de reptilibus et piscibus, » hoc est, de his qui pectus concupiscentiae per terram trahunt et qui per saecularium negotiorum fluentia vagantur.

CAPUT V.

In epistola ad Albericum, ubi dicitur de mansionibus Israelitarum.

« Statuit Salomon duas in vestibulo templi Domini columnas, unam a dextris, et alteram a sinistris: eam, quae a dextris erat, vocavit Jaehim, hoc est firmitas: et quae ad levam, Booz, hoc est, in robore (III Reg. vii; II Par. iii.) » Quid enim per columnam, quae a dextris est et vocatur firmitas, nisi dilectio Dei; et quae a sinistris est, et vocatur in robore, nisi dilectio proximi? Aliud est enim firmitas, hoc est, ipsum robur, aliud in robore, quoniam aliud est diligere ipsum Dominum, aliud diligere proximum in Deo. In dilectione quippe proximi mensura ponitur; Dominum vero diligere sine ulla prorsus mensura jubemur. In vestibulo ergo templi columnam, quae firmitas vocatur, erigimus, cum in hac

presenti Ecclesia, quae caelestis illius Ecclesiae vestibulum est, Dominum totis viribus firmiter et constanter amamus. Ipsa quippe dilectio, sicut Joannes evangelista perhibet, Deus est (I Joan. iv). Et de Deo Propheta psallit: « Deus meus, et fortitudo mea (Psal. xlii.) » Columnam vero, quae vocatur in robore in sinistra ejusdem vestibuli parte statuimus, cum proximum nostrum in Deo sicut nosmetipsos amamus. Ubi notandum quod Scriptura prosequitur: « Nec non et quasi catenulas in oraculo, et superposuit eas capitibus columnarum (II Par. iii.) » In nostrae quippe mentis oraculo capitibus columnarum catenulas superponimus, quibus scilicet utramque columnam sibi invicem connectamus, quia nec Deum sine proximo, nec proximum vere diligimus sine Deo.

CAPUT VI.

In epistola ad. A. P. P. ubi conqueritur de insolentia pravorum hominum.

De vasis, quae Hiran jussu Salomonis regis fecit in domo Domini scriptum est: « Quia in campestri regione Jordani fudit ea rex in argillosa terra inter Sohot et Sartan (III Reg. vii.) » 209 Sohot in tabernacula vertitur, Sartan vero interpretatur tribulatio eorum, sive demolitorum aut coangustantium. Quid igitur per Sohot, quod interpretari tabernacula diximus, nisi sanctos viros accipimus, qui videlicet dicunt: « Non habemus hic manentem civitatem, sed futuram inquirimus? (Hebr. xiii.) » Et Petrus: « Certus sum, inquit, quod velox est depositio tabernaculi mei (II Petr. i.) » Quid vero per Sartan, quae tribulatio eorum dicitur, nisi reproborum tribulantium nos persecutio designatur? Illi nimirum et demolitores et coangustantes sunt, quia dum demoliri atque destruere fidei nostrae vel boni operis aedificium tentant, duris injuriarum ac pressurarum nos calamitatibus coangustant. Vasa ergo templi, id est omnes electi funduntur in campestri regione Jordanis, id est in humilitate baptismi; inter Sohot et Sartan, id est inter justos atque perversos, ut et honorum forma proponatur illis ad imitandum rectae conversationis exemplum, et pravorum persecutio ad cumulum illis proficiat meritum. « Vasa quidem figuli probat fornax, et homines justos tentatio tribulationis (Eccli. xxvii.) »

D In arida ergo terra templa vasa funduntur, quia mens hominis ad suscipiendum supernae gratiae munus non est congrua, nisi prius ab omni carnalis illecebra fuerit humore siccata. Sicca quippe corda clarum harmoniae sonitum, humida reddunt obtusum. Tympanum quoque surdum sonat, si quilibet eum liquor humectat. Sic necesse est ut mens hominis a carnis voluptate sit arida, quatenus in Dei omnipotentis auribus ejus oratio sit arguta. Enimvero sicut oculus, dum solis se radiis objicit, videre frustra contendit, et cavos quidem orbes ac vacuas pupillis palpebras pandere nititur, sed splendorem quo perfunditur nullatenus intuetur, sic ad concupiscendam contemplationis lucem sese inaniter eri-

git, qui per secularis vitæ meritum aciem cordis amisit. Nam si quilibet ignotus cubiculum regis irrumpat eque præsens tanquam familiaris assistat, regis tamen alloquio non perfruitur, quia charus ei per anterioris notitiæ gratiam non habetur, ita nos infelices et miseri, quod quidem de meis similibus loquor, sæpe soli in angusta cellulæ remotione consistimus, solis divinæ majestatis obtutibus tremantes astamus, peccatis tamen obstantibus, vel intimi splendoris igniculum, vel compunctionis gratiam non meremur. Sic itaque velut ante regis videmur astare præsentiam, sed quia per vitæ rectitudinem sibi noti non sumus, collocutionis internæ dulcedinem non gustamus. Sed, o dulcedo melliflua, cum Dominus in servo, et servus delectatur in Domino! Unde Psalmista: « Suavis sit, inquit, ei laudatio mea; » ego vero delectabor in Domino (*Psal. ciii.*)

CAPUT VII.

In sermone de nativitate S. Mariæ.

« Factum est, cum exissent sacerdotes de sanctuario, nebula implebat domum Domini, et non poterant sacerdotes stare prope propter nebulam; impleverat enim gloria Domini domum Domini (*III Reg. viii.*) » « Quæ omnia, » sicut egregius prædicator **210** dicit, « in figura contingebant illis (*I Cor. x.*) » Gloria quippe Domini intelligitur Christus, cujus fide repletus est mundus; de qua gloria cum pro adorato vitulo deprecaretur Dominum Moyses ut parceret populo peccatori, respondit Dominus: « Propitius ero illi; verumtamen vivo ego, et vivit nomen meum, quia implebitur gloria mea omnis terra (*Num. xiv.*) » Quod autem nebula implevit domum Dei, et non poterant sacerdotes ministrare propter nebulam, hæc sententia superbos Judæorum pontifices ac doctores insinuat, qui dum incarnationis Christi sacramenta investigare despiciunt, debitum fidei suæ ministerium per erroris nebulam perdunt: ita enim eorum mentes infidelitatis caligo replevit, ut propriis exigentibus meritis non agnoscant cultum credulitatis. Ad illud ergo templum Dominus in nebula descendit, ut cæcam Judæicæ infidelitatis caliginem designaret. In hoc sic scriptum est: « In sole posuit tabernaculum suum (*Psal. xviii.*), ut sedentem in tenebris et umbra mortis illuminaret (*Luc. i.*) » Illi denique templo Deus omnipotens gloriam sui adventus contulit, sed nihil ex eo in sua natura suscepit. In beatissimæ autem Virginis uterum, non solum est dignatus descendere, sed ex eo etiam perfectam sibi substantiam nostræ mortalitatis unire. Quanto igitur nostri templi major est dignitas, tanto gloriosior ejus debet esse solemnitas. Illud siquidem corpus Christi, quod beatissima Virgo genuit, quod in gremio fovit, quod fasciis cinxit, quod materna cura nutriti, illud, inquam, absque ulla dubietate, non aliud nunc de sacro altari percipimus, et ejus sanguinem in sacramentum nostræ redemptionis haurimus. Hoc catholica fides habet, hoc sancta Ecclesia fideliter docet.

CAPUT VIII.

In epistola ad Agnetem reginam.

« Non erat argentum, nec ullius pretii putabatur in diebus Salomonis (*III Reg. x.*) » Quod nimirum quomodo juxta litteram stabit, ut credi valeat tempore Salomonis argentum vel penitus non fuisse, æo propter hoc omnino de terra deletum, vel nullius, vel exiis saltem pretii constituisse? Nam si nullius erat pretii, sicut dicitur, ergo mille talenta argenti, ne unius quidem ovi poterant appendio supputari; quod sane credi, quam frivolum, quam videatur ineptum ipse revinxit textus et ordo verborum, qui postquam præmittit: « Non erat argentum, nec ullius pretii putabatur in diebus Salomonis, » præsto subjungit: « Quia classis regis per mare cum classe Hiram semel per tres annos ibat Tharsis, deferens inde aurum et argentum. » Cur enim per tot marina discrimina metallum hoc classis illa deferret, quod pretium penitus non haberet? Et paulo post dicitur: « Quia offerebantur ei vasa aurea et argentea; » deinde subinfertur: « Egrediebatur quadriga ex Ægypto sexcentis siclis argenti et equis centum quinquaginta (*Ibid.*). » Non ergo pretio carebat argentum, quo vehicula redimebantur eorum, sed argento designatur claritas ecclesiasticæ prædicationis, de qua dicitur: « Eloquentia Domini eloquia casta, (*Psal. xi.*) » Argentum nullius, ut ita loquar, pretii **211** reputabimus, nec aliquateus erimus ejus indigi, postquam ad veri Salomonis regnum ex hac fuimus calamitate translati; non enim tunc prædicationis indigemus eloquio, ubi datur in decore suo regem gloriæ facie ad faciem cernere, quem ubique consuevimus ex ore prædicatoris audire. Sic per prophetam pollicetur Dominus, dicens: « Nemo dicet: Agnosco Dominum; omnes enim cognoscent me a maximo usque ad minimum, dicit Dominus (*Jer. xxx, 34.*) » Sed forte quis asserat Scripturæ verba nos ad nostrum intellectum violenter inflectere, et quod Salomon de se videtur asserere ad Salvatorem perhibeat specialiter per omnia pertinere. Dicit itaque objectionis assertor quia Salomons valeat ratione competere quod quasi de se dicit: « Dominus enim dedit mihi horum quæ sunt scientiam veram, ut sciam dispositionem orbis terrarum et virtutes elementorum, initium et consummationem et mediocritatem temporum, vicissitudinem, permutationes hominum, et quæcunque sunt absconsa et improvisa didici (*Sap. vii.*) » Nam, ut de cæteris interim si leamus, quomodo nosse potuit Salomon hominum cogitationes, cum ipse Deo alibi dicat: « Tu solus nosti corda omnium filiorum hominum? » (*II Par. vi.*) Sed et quis absconsa omnia et improvisa didicit, nisi Redemptor noster, in cujus preciosa sunt omnes thesauri sapientiæ et scientiæ absconditi (*Col. ii.*), qui profecto per humanitatem didicit quod per divinitatem naturaliter novit?

CAPUT IX.

In sermone de S. Anthimo.

Legitur quia « Salomoni fuerunt uxores quasi

reginæ septingentæ et concubinæ trecentæ (*III Reg. xi*). » Quid autem mihi cum gynæceo Salomonis? Sed, excussa palca verborum, invenitur in medulla mysterium. Quid enim per septingentas, quæ uxores simul et reginæ memorantur, nisi illæ intelliguntur animæ, quæ et septiformis habent gratiæ Spiritum et super resultantium vitiorum motus quasi regalem obtinent principatum? Quid autem per trecentas easdemque concubinas, nisi illæ animæ figurantur, quæ per solam S. Trinitatis habent thalamum quidem regis ingressæ sunt, sed castæ conversationis et quodammodo matronalis pudicitiae munditiam non habentes, dotalis uxorum tabulas non merentur? Hæ nimirum et Salomoni per commercium junctæ sunt, quia Salvatoris nostri veri pacifici sacramenta percipiunt, et tamen per degenerem lenocinantis vitæ torporem, nec habentes uni viro pudoris affectum, ad nuptialis fœderis dotalitium non assurgunt. Enimvero illæ animæ uxorio ac regali nomine dignæ sunt, quæ in solo cœlestis sponsi desiderio requiescunt, quæ infœderabiliter contra malignorum **212** spirituum tentamenta configunt. Sic de eodem Salomone Scriptura testatur, quia « alienigenas quoque tributarios fecit; de filiis autem Israel non constituit rex servire quemquam; sed erant viri bellatores, et ministri ejus, et principes, et duces, et præfecti curruum et equorum (*III Reg. ix*). » ubi patenter ostenditur quæ inter concubinas distantia sit et reginas; quid differat inter eos qui servi peccati duræ exactionis tributa persolvunt, et eos qui per sedata bella certaminum principatum infulus sortiuntur.

CAPUT X.

In sermone de inventione S. crucis.

« Ait Sareptana mulier ad Eliam, ad quam ille pascendus fuerat missus a Domino: En colligo duo ligna, ut ingrediar et faciam mihi et filio meo pau-

lulum farinæ atque olei quod habeo, ut comedamus et moriamur (*III Reg. xvi*). » Hæc mulier duo ligna colligebat, quibus posset inopem sibi cibum et filio providere; sed hujus viduæ farina et oleum ad proventus abundantiam benedicuntur, ut charitatis fructus et hilaritatis jam tunc in sacramento Ecclesiæ commendetur: « Hilarem enim datorem diligit Deus (*II Cor. ix*). » Vidua hæc sancta erat Ecclesia, de qua dicitur: « Viduam ejus benedicens benedicam (*Psal. cxxxi*). » Cui licebat cuicumque vellet mortuo viro conjungi, quia, desinente lege, mox Christo, qui finis legis est, ad justitiam omni credenti (*Rom. x*), meruit Ecclesia copulari. Illa cibum anhelabat, qui duobus esset lignis excocatus, et sancta Ecclesia panem de cœlo viventem esurit, qui in ara crucis est torridus.

CAPUT XI.

In sermone de inventione S. crucis.

« Ecce nubecula parva quasi vestigium hominis ascendebat de mari (*III Reg. xviii*). » Quia enim non quasi homo, sed quasi vestigium hominis dicitur, recte per hoc crux, quæ membris est apta Dominicis, designatur. Et bene crux vestigium hominis dicitur, quia per eam Deus homo transitum fecit, cum ad Patrem rediit. Sicut per Joannem dicitur: « Sciens Jesus quia venit ejus hora ut transeat ex hoc mundo ad Patrem (*Joan. xiii*). » Pascha quidem transitus dicitur. Et hic transitus per crucem factus est, sicut dicit Apostolus: « Pascha nostrum immolatus est Christus (*I Cor. v*). » Sicut ergo per Virginem descendit ad nostra, sic per crucem est reversus ad propria. Quod congruenter expressit illud factum sub Eliseo miraculum. Nam cum juxta Jordanem ligna cæderentur, repente securis ejusdam materiam succidentis in aquam cecidit (*IV Reg. vi*).

Expliciunt testimonia libri tertii Regum.

213-214 INCIPIUNT CAPITULA LIBRI QUARTI REGUM.

1. Quod Eliseus aquas Jericho salis admistione sanavit.
2. De eo quod Eliseus ascendenti ad Bethel pueri illudebant dicentes: Ascende, calve, ascende, calve.
3. Obsecro, inquit Naaman Eliseo, concede mihi servo tuo, ut tollam onus duorum burdonum de terra.
4. De eo quod dum Eliseus lignum in aquam misisset, securis, quæ ceciderat, ad manubrium rediit.
5. De eo quod Ezechias decem lineis per gradus horologii umbram reverti postulavit, ut esset sibi signum recuperandæ salutis.

Expliciunt capitula.

INCIPIUNT TESTIMONIA LIBRI QUARTI REGUM.

CAPUT PRIMUM.

In sermone de exaltatione S. Crucis.

Cum viri Jericho Eliseo conquererentur quod aquæ essent pessimæ, et terra sterilis: Afferte, inquit, mihi vas novum, et mittite in illud sal; deinde aquarum fonti sal illud immersit sicque aquas ab omni morte et sterilitate sanavit (*IV Reg. ii*). » Quod nimirum, ut totum brevi sermone concludam, nihil aliud insinuat, nisi quod Verbum caro fieret et habitaret in nobis (*Joan. i*). Quid enim aquæ nisi

Dmundani sunt populi? quid vas novum nisi corpus Dominicum, nulla scilicet prævaricationis iniquæ labe nigratum, nulla veteris hominis abusione detritum? Quid porro sal, nisi cœlestis est sapientia? Sapientia igitur Patris in corpus descendit humanum, et sic ad fertilitatem et vitalis intelligentiæ dulcedinem omnium convertit fidelium mentes. Quæ nimirum dulcedo tandiu latuit usque dum sal mergeretur in aquam, id est, usque dum ille penderet in cruce, qui dicit: « Salvum me fac, Deus, quo-

niam intraverunt aquæ usque ad animam meam **A** mysterium illa repromissionis terra, quæ lac et mel fluere dicitur. Lac enim **215** de carne fluit, mel de superioribus venit. Quia igitur in uno Mediatore Dei et hominum et humanitatis lac et mel divinitatis inesse cognoscitur, recte per terram lac et mel emanantem incarnationis ejus mysterium figuratur. Quod autem ex hac terra unus duorum burdonum petit, quid aliud quam duorum Apostolorum, Petri scilicet et Pauli, documenta deposcit? Unde et unus eorum dicit: « Qui operatus est Petro in apostolatuum circumcissionis, operatus est et mihi inter gentes (*Gal. ii*). » Et quia non modo apostolos, sed omnes prædicatores scientiam et operationem habere necesse est, duos in castellum, quod contra se erat, Dominus discipulos misit; atque, sicut Lucas testatur, in omnem civitatem et locum quo erat ipse venturus, geminos destinavit (*Luc. x*). Quod ergo Naaman in terra sancta duorum burdonum expetit sarcinam, super incarnationem Dominicam genus humanum apostolicam videtur efflagitare doctrinam, ut hi sagmari mundo terram invehant, ex qua ad offerenda sacrificia altare in conspectu Conditoris fiat. Unde filius Israel præcipit, dicens: « Altare de terra facietis mihi (*Exod. xx*). » Quod autem Naaman non ob aliud terram prophetæ poposcisset, nisi ut ex ea Domino altare construeret, in suis ipse verbis ostendit, cum illic præsto subjungit: « Non enim ultra faciet servus tuus holocaustum, et victimam diis alienis, nisi Domino (*IV Reg. v*). »

CAPUT IV.

In sermone de inventione S. Crucis.

Cum Eliseus ascenderet viam quæ ducit Bethel, pueri parvuli egressi de civitate illudebant ei, dicentes: « Ascende, calve, ascende, calve. Qui cum respexisset, vidit eos, et maledixit eis in nomine Domini. » Moxque Scriptura subjungit: « Quia egressi sunt duo ursi de saltu et laceraverunt ex eis quadraginta duos pueros (*IV Reg. ii*). » Sane quid per Eliseum, nisi Mediator Dei et hominum debet intelligi? Quid vero per Bethel, quæ domus Dei interpretatur, nisi beatitudo cælestis exprimitur? Per viam ergo quæ ducit Bethel, Redemptor noster ascendebat, quando passioni appropinquabat; sicut jam in ipsa sacrosancta et mystica cœna dicit discipulis: « Vado ad eum qui misit me (*Joan. xvi*). » Sed dum ascendit Bethel, id est, dum per sanctissimæ passionis suæ mysterium redire contendit ad Patrem, pueri parvi egressi de civitate illudunt ei, dicentes: « Ascende, calve, ascende, calve, » quia Judæi omni gravitatis et sapientiæ pondere vacui, illaque pueritia parvuli, de qua dicitur: « Maledictus puer centum annorum (*Isa. lxi*), » eum ad locum, qui dicitur Calvariæ, pertrahunt, atque adversus eum viperinis irrisioem et opprobriorum furis inardescunt. Calvariæ autem locus ille dicebatur a calvitiis amputatis, quia illic damnatitii decolari consueverant. Et notandum quia pueri egressi de civitate dicuntur, quoniam, sicut Apostolus ait: « Ut sanctificaret per suum sanguinem populum, extra portam passus est Dominus (*Hebr. xiii*). » Porro quod sequitur: « Quoniam egressi sunt duo ursi de saltu et dilaceraverunt ex eis quadraginta duos pueros, » per numerum puerorum, numerus signatur annorum; quadragesimo secundo quippe anno post Domini passionem, sicut historiæ tradunt, Titus et Vespasianus, duo reges, de silvis gentium tanquam duo feroces ursi de saltu ferarum, dilaceraverunt pueros, quia venientes ad excidium Hierusalem debellaverunt in furore Judæos.

CAPUT III.

In epistola ad Hildebrandum et Stephanum, ubi dicitur quomodo rationalis anima ad perfectionem veniat.

« Obsecro, inquit Naaman, concede mihi servo tuo, ut tollam onus duorum burdonum de terra (*IV Reg. v*). » Quid autem per allegoriam Naaman Syrus, nisi genus designat humanum? Sicut enim Naaman ante leprosus, mox ut septies aqua Jordanis abluitur, ab omni lepræ squalore purgatur; ita mundanus populus septem charismata illius columbæ percipiens, quæ super Dominum in Jordane descendit (*Math. iii*; *Marc. i*; *Luc. iii*; *Joan. i*), per sacri baptismatis lavacrum contagia deposuit peccatorum. Quid vero terra, quam Naaman postulat, nisi incarnationem significat Redemptoris? Hæc est per

« Cum filii prophetarum juxta Jordanem ligna cæderent, repente securis cujusdam materiam succidentis in aquam cecidit; tunc propheta lignum in aquam misit, et mox ferrum natavit atque ad manubrium rediit (*IV Reg. vi*). » Quid est autem securis, nisi sapientia Dei operata per corpus? quid ferrum, nisi divinitas? quid lignum, nisi humanitas? Et recte corpus Christi lignum dicitur, quod in ligno pependit. Securis igitur juxta Jordanem arbores succidebat, quia Dei sapientia juxta fluidum mortalitatis nostræ decursum, dignata est impios Judæos suæ prædicationis austeritate corripere et velut infructuosas arbores a statu rigidæ superbæ desecare. Unde et Joannes dicit: « Jam securis ad radicem arborum posita est. Omnis arbor quæ non facit fructum bonum excidetur et in ignem mittetur (*Math. iii*; *Luc. iii*). » Itaque dum ligna cæduntur, ferrum in aquas de manubrio cecidit, quia dum silvestres Judæorum mentes Veritas corripit, divinitas carnem tamen non deserens ad inferni profunda cum spiritu comitante descendit. Sed lignum in aquam mittitur et ferrum redit, quia corpus Domini, quod in ligno pependit, in sepulcro ponitur; deinde ex profundis inferni spiritu redeunte surrexit. Unde notandum est et diligentissime perpendendum quia ipse Redemptor noster ante per crucem transiit, et sic humanitatem suam in paternæ dexteræ gloriam sublimavit. Exemplum quippe nobis exhibuit,

ut unde caput præcessisse cognoscitur, per eandem A
viam et membra subsequētia gradiantur.

216 CAPUT V.

In sermone de S. Bonifacio.

« Petivit rex Ezechias ut umbra decem linearum gradibus reverteretur, quibus jam in horologio descenderat (IV Reg. xx). » Quid isti gradus illius horologii, in quo rex Ezechias umbram reverti decem lineis petiit, mystice innunt, nisi quia totidem Salvator noster gradibus ad nostræ mortalitatis ima descendit, cum ad redimendum genus humanum venit? Quasi quosdam enim gradus exhibuit, cum de cælo venit in uterum Virginis, de utero venit in præsepe, de præsepe transiit ad circumcisionem, de circumcisione ad templum, de templo ad baptismum, de baptismo ad crucem, de cruce ad mortem, de morte ad sepulcrum; postremo descendit ad infernum, ut inde sanctos erueret, quos ad cœlestem gloriam calcato mortis imperio revocaret. Plane ut nos post se currere faceret, istos pro nobis gradus manifestata per carnem Veritas ad nos descendendo disposuit; et quodammodo ejusdam mystici horologii sol justitiæ, Christus hæc ad nos se inclinando momenta distinxit. « Qui nimirum exsultavit ut gigas ad currendam viam (Psal. xvm); » ut nos ei ex corde diceremus: « Trahe me post te, curremus in odorem unguentorum tuorum (Cant. i). » Descendit itaque sol emensis jam decem gradibus horologii, sed per eosdem gradus iterum rediit; quod videlicet signum esset, per quod se rex Ezechias salutis pristinæ restituendum esse confideret. Enimvero nec genus humanum ad incolumitatem, quam amiserat, de sui languoris erogatione convaluit, cum diei lux vera Christus decem eos, quos enumeravimus, mystici horologii gradus ad occasum nostrum se humiliando percurrit, quamquam per umbram decem graduum et aliter supernæ dispensationis possumus intelligere sacramentum. Diversitates quippe temporum quasi quædam distinctiones sunt in ho-

rologio linearum. Soli namque justitiæ, Christo, primus ad nos descensionis gradus fuit de Deo in Angelum. Unde est quod per Isaiam dicitur: « Magni consilii Angelus (Isa. ix). » Et qui cum Jacob loquebatur Deus angelus nuncupatur. Hinc est quod per eundem Jacob dicitur: « Dixit angelus Domini ad me in somnis: Ego sum Dominus Bethel, ubi unxisti lapidem et votum vovisti mihi (Gen. xxxi); » nimirum ut idem ipse qui loquitur et Deus simul et angelus ostendatur. Secundus descensionis gradus fuit in patriarchis, per quos scilicet ipse Dominus unius Dei cultum ac veræ fidei fundamenta constituit. Tertius in promulgatione legis, quam et ipse prius audiente populo protulit, et postmodum in lapideis tabulis proprio digito exarante descripsit. Quartus in Jesu Nave, in quo, sicut nomine, sic et opere degens, in terram repromissionis populum introduxit. Quintus fuit gradus in iudicibus, per quos nimirum Israeliticam plebem et ipse regabat. Sextus in regibus Judæorum, quia in eis principaliter ipse regnabat. Septimus in prophetis, quia per eos ipse et annuntiatus est et locutus. Octavus in pontificibus, 217 in quibus ipse, qui summus est Pontifex, veri et æterni sui sacerdotii mysterium figuravit. Nonus autem gradus designatus est in homine. Decimus in passione. Per hos itaque decem gradus, quasi per umbram veteris testamenti, Sol justitiæ, Christus, in nostræ mortalitatis descendit occasum; et per eos iter post resurrectionem suam in cælum victor ascendit omnemque illam vetustæ legis umbram veritatis suæ ac novæ gratiæ radiis illustravit, obscura revelans, clausa reserans et omnia sub velamine litteræ tecta denudans. Et sicut tunc sol lineatim quidem ac morose processerat, repente autem ad ortus sui est reversus originem; sic nimirum, sic signaverat Redemptor noster ea quæ de incarnationis suæ mysterio per longa temporum intervalla in sola resurrectionis atque ascensionis suæ gloria subito patefecit.

Expliciunt testimonia de libro IV Regum.

DE LIBRO ESDRÆ.

In epistola ad Cunibertum, episcopum Taurinensem.

« Quod quidam sacerdotes quæsierunt scripturam genealogiæ suæ. Unde, cum non invenirent, ejecti sunt de sacerdotio. »

Pium enim est credere quia quisquis, nunc peccata propria recognoscens ac deserens, a suo se ministerio humiliter reprimit, in die iudicii eundem, quo se sponte privaverat, ordinem obtinebit. Quod in libro Esdræ significari videtur, ubi sacerdotum genealogia describitur. Ibi quippe sacra narrat historia quia « quidam sacerdotum quæsierunt scripturam genealogiæ suæ, et quoniam reperire non potuerunt, ejecti sunt de sacerdotio (I Esdr. ii). » Illi plane veraciter sacerdotes sunt qui sacerdotaliter vivunt. Hi sacerdotalis generis lineam servant qui vitam suam Domino sacrificium offerunt ac de sa-

cerdotali se prodire prosapia religiose tenentur, dum sanctorum sacerdotum imitantur exempla, quæ legunt, tunc in sacris eloquiis sacerdotum se filios recognoscunt. At hi qui carnaliter vivunt, et pravorum sequendo vestigia quasi de sæcularium generatione descendunt, merito de sacerdotum projiciuntur ordine, quorum se per vitam reprobam nequeunt filios invenire. Et notandum quod illie sequitur: « Dixit Athersatha eis ut non comederent de sanctis sanctorum, donec surgeret sacerdos Dei doctus atque perfectus (Ibid.). » In qua nimirum prohibitione quid aliud per allegoriæ mysterium debet intelligi, nisi ut is qui dignus est sacerdotio, percipiendis se sacramentis et sacerdotalis ordinis administratione comescat, donec Christus in iudicio, qui vere Sacerdos est doctus atque per-

lectus exsurgat? Sicut per Psalmistam dicitur: **A** gustaverunt nihilominus bonum Dei verbum virtutesque sæculi venturi et prolapsi sunt, rursus renovari ad pœnitentiam, rursum crucifigentes in semetipsis Filium Dei et ostentui habentes (*Hebr. vi.*). Ita plane videntur agere ac si Israelitarum quispiam, volens fornicari cum idolis, dicat: quia nequeo observare duram ac rigidam Dei legem, ad ritum transibo gentilem; tanquam recedens a lege, non sit debitor legi et hoc modo quanquam de servata lege non sit præmio dignus, ultioni tamen de contemptu non teneatur obnoxius. Sed audiamus quid talibus divina severitas in Deuteronomio dicat: « Cumque audierit quisquam verba juramenti hujus, benedicat sibi in corde suo dicens: Pax erit mihi et ambulabo in pravitate cordis mei, et assumat ebrius sipientem et Dominus ignoscat ei; sed tunc quam maxime fumus ejus fumet et zelus contra hominem illum, et sedent supra eum omnia maledicta, quæ scripta sunt in hoc volumine, et deleat nomen ejus sub caelo, et consumat eum in perditionem ex omnibus tribus Israel juxta maledictiones, quæ in libro legis hujus ac fœderis continentur (*Deut. xxix.*). Sed et Psalmista dicit, « Maledicti, qui declinant a mandatis tuis (*Psal. cxviii.*). » Et per Ezechielem Dominus ait: « Neque cogitatio mentis vestræ fiet dicentium: Erimus sicut gentes et sicut cognationes terræ, ut colamus ligna et lapides. Vivo ego, dicit Dominus Deus, quoniam in manu forti et brachio extento et in furore effuso regnabo super vos et educam vos de populis, et congregabo vos de terris in quibus dispersi estis, et subjiciam vos in sceptro meo (*Ezech. xx.*). »

219 DE LIBRO TOBIÆ.

Illud ad memoriam revoca, quod de Tobia viro justo Scriptura testatur: « Contigit, inquit, cum una die fatigatus a sepultura, veniens domum, jactasset se juxta parietem et obdormisset, atque ex nido hirundinum dormienti illi calida stercora inciderent super oculos ejus fieretque cæcus (*Tob. ii.*). » Fatigatus a sepultura, dum se velut effractis viribus projicit, lumen amittit. Illasum quippe cordis oculum servat, quisquis in bonis operibus infatigabilis perseverat, cum vero pusillanimitate frangitur, non immerito luce privatur. Hinc enim scriptum est: « Væ his qui perdidērunt sustinentiam (*Eccl. ii.*). » Hinc Paulus ait: « Vigilate, state in fide, viriliter agite (*I Cor. xvi.*). » Quid vero leviter volantes hirundines, nisi leves adulantem et blanda loquentium significant mores? qui dum blandiloqui sua suavitate demulcent, dum adulationis oleo caput audientis impinguant, interiores oculos, ne solita luce fruantur, excecant? « Corripiet me, inquit, justus in misericordia et increpabit me; oleum autem peccatoris non impinguet caput meum (*Psal. cxli.*). » Et tanquam stercus oculis ingeritur, dum lenocinantis eloquia quemlibet blanda verborum

perungunt a quibus scilicet hæc sæpe dicuntur: Vive, dum vivis, recrea corpus edulis, ne si se districtius atterat, tot oppressa laboribus caro fragilis mox succumbat; persona tua excellentioribus excolatur induviis, ut ejus, quam tenes, servetur genium dignitatis; agglomeretur lateribus tuis turba clientium, ut dum te commœtantium multitudo condecorat, honoris officio tunc vilesceat. Sed si nobis hæc diabolicæ malignitatis amaritudo detegitur, tentationis ingestæ caligines funditus evanescent. Unde et illic dicitur: « Tunc sumens Tobias de felle piscis linivit oculos patri suo, moxque cœpit albugo ex oculis ejus quasi membrana ovi egredi, statimque visum recepit (*Tob. xi.*). » Fel etenim piscis est malitia Behemot, qui caput est et initium totius iniquitatis. Cæcus itaque felle piscis oblituit et protinus cæcitas effugatur, quia cum amaritudo diabolicæ versutiae nostris oculis ostensa proponitur, tenebrarum mox caligo **220** propellitur, et lux interior, quæ velut eclipsim passa fuerat, reformatur. Et notandum quod dicitur quia prius albugo de oculis est illius egressa et sic lux illico reparata. Ille quippe in oculis gerit albuginem qui de se sanctitatis habet opinio-

nem. Quisquis ergo recuperare vult lucem amputet a se prius affectatæ æstimationis albuginem, ut se non abneget peccatorem, qui peccati vult evadere cæcitatem. « Beati mundo corde, quoniam ipsi

Deum videbunt (*Matth. v.*) » Isti sunt oculi, de quibus in Canticis dicitur: « Oculi tui columbarum, absque eo quod intrinsecus latet (*Cant. iv.*) »

DE LIBRO JOB.

Ex sermone de S. Georgio.

« Quis conclusit ostiis mare, quando erumpebat quasi de vulva procedens? » Et paulo post: « Circumdedit illud terminis meis, et posui vectem et ostia, et dixi: Usque huc venies et non procedes amplius, et hic confringes tumentes fluctus tuos (*Job xxxviii.*) » Enimvero recte per mare cor pravi hominis designatur; quod videlicet furore est turbidum, rixis amarum, elatione superbiæ tumidum, caligine malitiosæ fraudis obscurum. Separavit ergo tunc Deus mare et minaces fluctus ab inundatione terræ compescuit, ut terra virentes herbas et ligna pomifera germinaret ac deinde segitum fructus afferret. Separat etiam nunc ab electis

suis reproborum turbines persequentium et quasi furentes coercet impetus tempestatum; quod etsi furere usque ad infingenda corporibus tormenta concedit, ne tamen animas lædant invicta eos atque pervigili brachii sui protectione custodit, quodammodo dicens mari: « Hucusque venies, et non procedes amplius, et hic confringes tumentes fluctus tuos. » Ac si patenter dicat: Usque ad inferenda corporibus te tormenta relaxo; ne autem usque ad animam cumulis intumescitibus profluas, legis meæ tibi littus oppono, ut dum furori fluctuum tuorum littus objicitur, terra cordis ad proferenda fructuum germina libera relinquatur.

INCIPIUNT CAPITULA DE LIBRO PSALMORUM.

1. De impio exaltato et depresso.
2. De impiis positus sicut oves in inferno.
3. Deus meus, ostende mihi bona super inimicos meos; ne occidas eos, ne obliviscantur legis tuæ.
4. De holocaustis medullatis.
5. Non me demergat tempestas aquæ, etc.
6. De reproborum exaltatione.
7. Filii Ephrem intendentes arcum.
8. Montes excelsi cervis, petra refugium herinaciis.
9. De eo quod dicitur: Ego dixi in excessu mentis meæ: Omnis homo mendax.
10. De eo quod dicitur: Fiat manus tua, ut salvum me faciat.
11. Sicut unguentum in capite quod descendit, etc.
12. Non declines cor meum in verbum malum.

Expliciunt capitula.

221-222 INCIPIUNT TESTIMONIA LIBRI PSALMORUM.

CAPUT PRIMUM.

In epistola ad Desiderium abbatem, ubi super Dei omnipotentiam disputatur.

« Vidi impium superexaltatum, et elevatum super cedros Libani; transivi, et ecce non erat (*Psal. xxxvi.*) » Adhuc fortassis epulabatur ille splendide, fulciebatur cuneis obsequentium, ambiebatur agminibus bellatorum, quem Propheta superexaltatum et elevatum vidit; moxque ad contemplandum summa pertransiens, quem magnum aliquid forte crediderat, nihil esse cognovit tunc gestum. Tunc enim et cum divitiis intumescunt, cum se super alios arroganter extollunt, cum denique inferiores per tyrannidis violentiam opprimunt, tunc, inquam, eo verius nihil sunt, quo ab eo qui vere et summe est procul sunt.

CAPUT II.

In epistola ad Hermisindum.

« Sicut oves in inferno positi sunt, et mors depascet eos (*Psal. xlviii.*) » Oves habet Christus, quas ad amœna virentia caulis cœlestibus introducat; oves habet et ille leo rugiens, quas insatiabili cruentus ore deglutiat. Qui bene mors dicitur, quia, cum sit auctor mortis, ad inferendum nobis

C interitum crudeliter efferatur: unde Joannes: « Et ecce equus pallidus, et qui sedebat super eum, nomen illi Mors (*Apoc. vi.*) »

CAPUT III.

In epistola ad Desiderium abbatem, ubi dicit quod majori sit dignus honore qui dignitatem projicit quam qui in ea manet.

« Deus, Deus meus, ostende mihi bona super inimicos meos; ne occidas eos, ne obliviscantur legis tuæ (*Psal. lvm.*) » Provida quippe Redemptoris nostri dispensatione divinitus agitur, ut quasi ad servandam legis domum Judæorum reliquiæ reserventur; ut ipsi quodammodo nostri sint scriniarii et libros cœlestis eloquii in eadem, in qua conditi sunt lingua, ubique terrarum ferant, quatenus ipsi,

D qui nobis inimici sunt, si quando scrupulus dubitatis emergerit, omne nobis ambiguum tollant. Unde per Psalmistam dicitur: « Deus meus, ostende mihi bona inter inimicos meos, ne obliviscantur legis tuæ. » Hebraica quippe lingua, quæ toto orbe dispergitur, multum Christianæ fidei auctoritas adjuvatur. Nam nisi illud accederet testimonium quod apud nos scribitur, quodammodo putari posset esse figmentum. Sed cum illud testimonium adhibetur, il-

lico dubietas tollitur. Unde et illic apte subjungitur : A
« Disperge illos (Psal. LVIII) ; » dissemina per totum mundum eos qui superfuerint de populo Judæorum, ut ipsi de veteribus libris testimonium perhibeant novæ fidei veritati.

CAPUT IV.

In libro de contemptu sæculi.

« Holocausta medullata offeram tibi cum incenso et arietibus (Psal. LXXV). » David autem pro magno munere medullata se Deo sacrificia oblatum esse pollicetur, dicens : « Holocausta medullata offeram tibi cum incenso et arietibus. » Imprimis itaque sciendum quia nequaquam Deus hostiarum pelles, sed interiora potius viscerum cum ipsis quoque medullis in sacrificio sibi mandat offerri. Unde in ostendendo ipso sacrificiorum ritu, Moyses præcipit, dicens : « Subtracta pelle hostiæ artus in frusta concidat (Levit. 1). » Quisquis sane semper negotiorum sæcularium exercitia delectabiliter fudit, holocausti sui medullas cum visceribus subtrahit et solam victimæ pellem Deo, cui offerri prohibetur, adolere contendit. Qui vero suave Deo sacrificium offerre desiderat, recessus petat, interiora sectetur, animam suam integram illibatamque in propria virginitate custodiat, ne discurrendo per lupanaria sæculi immundis corruptoribus, prostibuli more, subternat. Ut ergo interni Sponsi conspectui placeat, non se fucis pompæ sæcularis obducatur, sed omnes mentis suæ sensus immortalis unguine castitatis obliniat, ne in mortem per incontinentiam corruens in fetore luxuriæ computrescat. In conclavi igitur sanctæ Ecclesiæ anima se pudica concludat, sicque in æterni Regis thalamo jugiter requiescat.

CAPUT V.

Ad Alexandrum papam, de canonicis.

« Non me demergat tempestas aquæ, neque absorbeat me puteus, neque urgeat super me puteus os suum (Psal. LXXVIII). » Cum peccat homo, quasi in puteum labitur; cum vero peccata defendit, os putei super eum, ne pateat egressus, urgetur. Corruit ergo in puteum homo, cum peccat; claudit vero sibi os putei, dum excusat. Ex hac porro defensione, vel excusatione crimen hæresis nascitur. Hæresis enim interpretatur *electio*, et dum quod elegit quis defendere nititur relicto veritatis tramite, quia per abrupta perversi dogmatis rapitur, in hæresim necesse est prolabatur. Hoc autem inter peccatorem et hæreticum distat, quia peccator est qui delinquit, hæreticus autem qui peccatum per prævum dogma defendit.

CAPUT VI.

Ad Desiderium abbatem, ubi de Dei omnipotentia disputatur.

« Dejecisti eos, dum allevarentur (Psal. LXXIX). » Dum de reproborum sese extollentium dejectione Propheta narraret, non ait : Postquam allevati sunt, dejecisti eos, Domine; sed, « dum allevarentur, » quia per hoc inanescunt, per 223 quod intumescent; inde corruunt, unde sublimis fiunt.

CAPUT VII.

In sermone de S. Anastasio.

De quibusdam magna prædicantibus, sed desidiöse viventibus, per Prophetam dicitur : « Filii Ephrem, intendentes arcum et mittentes sagittas suas, conversi sunt in die belli (Psal. LXXVII). » Qui enim adversus vitiatorum tentationes ad conflictum alios provocant, sed confingere ipsi sub ignobili desidæ languore detrectant, hi nimirum sagittas quidem dirigunt, sed post terga conversi consummatæ victoriæ titulos non merentur, nec eis prodest quod bene cœperant, quia non usque ad finem magnanimitè perseverant. Unde et de illis protinus sequitur : « Non custodierunt testamentum Dei, et in lege ejus noluerunt ambulare (Ibid.). » Ac si diceret : Susceperunt quidem testamentum, sed non custodierunt; posuerunt in lege pedem per initium, sed non tenuerunt perseverantiæ egressum. Quisquis ergo ad spirituale certamen alios provocat, quisquis ad fortiter agendum proximorum mentes instigat, debet utique vita concordare cum lingua, ne, dum aliis proponit excelsa, ipse contentus imis prematur inertia. Hinc est quod in lege præcipitur : « Non habebis in sacculo diversa pondera, majus et minus; nec erit in domo tua modius major et minor; pondus habebis justum, et modius æqualis et verus erit tibi (Deut. XXV). »

CAPUT VIII.

In epistola ad Blancam comitissam.

« Montes excelsi cervis, petra refugium herinacis (Psal. CMI). » Quid enim hoc loco per montes, nisi altæ Scripturarum intelligendæ sunt profunditates? Hi nimirum qui jam dare contemplationis saltus noverunt, altos sententiarum divinarum vertices quasi cacumina montana conscendunt, ad quæ profecto cacumina quia infirmi pertingere nequeunt, recte illic subditur : « Petra refugium herinacis : » quia videlicet invalidos quosque non intelligentia sublimis exercet, sed sola in Christo fides humiliter continet.

CAPUT IX.

Ad Desiderium abbatem, ubi excessum suum excusat.

« Ego dixi in excessu mentis meæ : Omnis homo mendax (Psal. CXV). » Cui nimirum responderi potest : Si omnis, et tu; falsaque jam erit sententia, quam mendax ipse protulisti. Si vero ipse non mendax, vera jam sententia non erit, quia, dum tu es verax, non omnis homo cognoscitur esse mendax. Verum ne ad instar gentiliū scripturarum, sacra quoque Scriptura calumniæ pateat, sed ipsa se propria potius auctoritate defendat, notandum est quod præmittitur : « Ego dixi in excessu mentis meæ. » Per excessum igitur mentis et semetipsum transit, cum de qualitate hominis definivit, ac si perspicue 224 dicat : De falsitate omnium hominum inde veram sententiam protuli, unde ego ipse super hominem fui. In tantum vero et ipse mendax, in quantum homo; in tantum autem omnino non mendax,

in quantum excessum mentis super hominem ad artificis Aaron unguentum in ora vestimenti ejus instillat, quia per beatos apostolos, consequenter et sanctos martyres ac deinceps totam simul Ecclesiam fluentum sancti Spiritus irrigat.

CAPUT X.

In sermone de S. Columba.

« Fiat manus tua, ut salvet me (*Psal. CXVIII.*), » ac si diceret : Fiat ille, per quem facta sunt omnia, ut dum ille creatur, creatura a reatus sui contagio liberetur.

CAPUT XI.

In sermone de S. Christophoro.

« Sicut unguentum in capite, quod descendit in barbam, barbam Aaron; quod descendit in oram vestimenti ejus (*Psal. CXXXII.*) » Unguentum scilicet in capite, Spiritus sanctus est in Salvatore, qui nimirum per Aaron mystice designatur, qui *mons fortitudinis* dicitur. Cum igitur Aaron mons sit fortitudinis, barba quoque signum est virilitatis. Hujus ergo Aaron barba sancti apostoli sunt, qui virilitatis suæ robore, quod de sancti Spiritus unctione conceperant, omnia furentium persecutorum bella vicerunt et mundi principem tanquam leonem adversus oves Christi immaniter rugientem cum gloria triumpharunt. Unde Petrus : « Cui resistite, inquit, fortes in fide (*I Petr. V.*) » Paulus etiam dicit : « Arma militiæ nostræ non carnalia, sed potentia Deo sunt, ad destructionem munitionum, consilia corporis destruentes et omnem multitudinem extolentem se adversum scientiam Dei, et in captivitatem redigentes omnem intellectum in obsequium Christi (*II Cor. X.*) » Ab hac ergo barba summi pon-

CAPUT XII.

In epistola ad Alexandrum papam, de auferenda proprietate canonicis.

Quantum ad nostræ intelligentiæ modulum, nullum in humano genere malum perniciosius est criminis quam defensio pravitatis. Unde David ait : « Non declines cor meum in verbum malum, ad excusandas excusationes in peccatis (*Psal. CXL.*) » Offensio quippe Dei meretur iram; excusatio provocat ad vindictam. Hoc plane vitium, sicut ex radice humani generis prodiit, quotidie pullulat et tanquam erumpentes arboris ramos germinare non cessat. Consultus enim Adam cur ex interdicto pomo comederit : « Mulier, inquit, quam dedisti mihi sociam, dedit mihi de ligno, et comedi (*Gen. III.*) » mulier etiam cur hoc fecerit, inquisita : « Serpens, ait, decepti me, et comedi (*Ibid.*) » Ac si **225** uterque in Conditorum oblique crimen intorqueat eumque, a quo redarguuntur, incessant dicentes : Non nobis, sed tibi procul dubio debet hic reatus ascribi, qui et conjugem viro junxisti et serpentem in paradiso inter homines **226** vivere decrevisti. Quorum utriusque tanquam primischolus ille discipulus erat, qui de Abel Domino requirenti respondit : « Nunquid custos fratris mei sum ego ? » (*Gen. IV.*)

Expliciunt testimonia de Psalterio.

INCIPIUNT CAPITULA DE LIBRO PROVERBIORUM.

1. De muliere, quæ dicitur aliena.
2. De muliere bona.
3. Sapientia immolavit victimas suas, miscuit vinum et proposuit mensam.
4. De utriusque mulieris differentia.
5. Diligenter exerce agrum tuum, ut postea ædifices domum tuam.
6. De malis prædicatoribus.
7. Sicut qui mittit lapidem in acervum Mercurii, ita qui tribuit insipienti honorem.
8. Sanguisugæ duæ sunt filię, dicentes : Affert, affert.

Expliciunt capitula.

INCIPIUNT TESTIMONIA PROVERBIORUM.

CAPUT PRIMUM.

In epistola ad Cincium præfectum.

« Prudentia servabit te, ut eruaris a muliere aliena, et ab extranea quæ molit sermones suos. » Et post pauca : « Omnes qui ingrediuntur ad eam non revertentur, nec apprehendent semitas vitæ (*Prov. II.*) » Quæ est autem meretrix, vel mulier aliena, cujus nobis prohibetur accessus, nisi vita sæcularis, vita carnalis atque terrena, in cujus miseri homines se oblectamenta projiciunt, in cujus se captiosa jucunditate resolvunt ac adulterinis in eam, ut ita fatear, amplexibus immergunt ?

CAPUT II.

In eadem epistola.

De bona vero muliere audi quid idem Salomon

dicat : « Sit vena tua benedicta, et lætare cum muliere adolescentiæ tuæ (*Prov. V.*) » Mulier enim adolescentiæ nostræ, sancta procul dubio est vita, cui scilicet ex tunc jam quasi per arrham et sponsionem conjuncti sumus, cum abrenuntiaturos nos diabolo et omnibus pompis ejus in baptismo promissimus. Ubi mox subditur : « Cerva charissima et gratissimus hinnulus, ubera ejus inebrient te omni tempore et in amore illius delectare jugiter (*Ibid.*) » Quid per cervam, quæ montium celsa conscendit, nisi sancta designatur Ecclesia, quæ sese in amore celestis patriæ attollit ? Quid cervæ istius ubera, nisi duo significant Testamenta ? His uberibus inebriamur, cum de sacræ Scripturæ fluentis infundimur et spiritualis sapientiæ potum sitientes hauri-

mus. In hac igitur muliere delectari præcipitur, ut eloquiorum coelestium pinguedine saginemur. Sequitur: « Quare seduceris, fili mi, ab aliena et foveris in sinu alterius? » (*Proverb. v.*) Ab aliena quippe muliere seducitur, qui carnalis vitæ illecebris delectatur. Nec immerito dicitur aliena, quæ nobis ex divinæ legis est sanctione prohibita. Rursus super utraque muliere loquitur, dicens: « Dic sapientiæ: Soror mea es, et prudentiam voca amicam tuam, et custodi te a muliere extranea et ab aliena, quæ verba sua dulcia fecit. » Moxque subjungit: « De fenestra domus meæ per cancellos prospexi, et video parvulos; considero vecordem juvenem, qui transit per plateas juxta angulum, et prope viam domus illius graditur (*Prov. vii.*) » Ubi notandum quia vita carnalis, quæ meretrix dicitur, non alios nisi parvulos et vecordes decipere posse perhibetur. Unde et alibi idem Salomon ait: « Multer stulta et clamosa, pleneque illecebris et nihil omnino sciens, sedit in foribus domus suæ super sellam in excelso urbis loco, et vocat transeuntes viam et pergentes in itinere suo: Quis est parvulus, declinet ad me, et vecordi locuta est (*Prov. ix.*) » Nam qui perfectus est vir et mentis sanæ nequaquam poterit carnalis illecebræ lenocinio decipi, vel quantumlibet ingruenti scaturientium passionum certamine superari. Illos enim duntaxat hæc mulier superat, de illis vita carnalis et terrena triumphat quos pravæ voluntatis intentio et terrenæ concupiscentiæ teter fumen obcæcat. Unde illic apte subjungitur: « In obscuro, advesperascente die, in noctis tenebris et caligine ecce mulier occurrit illi in ornatu meretricio, præparata ad capiendas animas (*Prov. vii.*) » Inebriat enim carnalis vita cor luxuriæ deditum et tanquam nocturna caligine reddit obscurum, dum interiores oculos non in cælum erigit, sed in terra defigit. Deinde subjicit: « Garrula, vaga et quietis **227** impatiens, nec valens in domo consistere pedibus suis; nunc foris, nunc in plateis, nunc juxta angulos insidians (*Ibid.*) » Hic porro carnalium hominum exprimit inconstantiam levitatis vitio subditam, gravitatis turpiter alienam. Quod autem subjungitur: « Intexui funibus, lectum meum stravi tapetibus pictis ex Ægypto (*Ibid.*) » Quid per hoc aliud innuitur, nisi quia delectatio carnis, in quam luxuriosus quisque ultro tanquam in cubile prosternitur, perplexis peccatorum vinculis obligatur? Quod autem lectus ille ex pictis ex Ægypto tapetibus sternitur, quid est aliud, nisi quia vita luxuriantium nequaquam fundamento solidæ veritatis innititur, sed mendacii fucis et adumbratis imaginibus coloratur? Quod autem meretrix ista dicit: « Veni, inebriemur uberibus, et mutuis fruamur amplexibus, donec illucescat dies; non est enim vir meus in domo sua, abiit via longissima (*Ibid.*); » tale est: Vir animæ cujusque fidelis Christus est, qui non est in domo sua, sed abiit via longissima, quando pollutam cujuslibet conscientiam cernit, atque ideo mox ab eo procul abscedit; deinde subdit: « Sacculum pecuniæ secum tulit, in die plenæ lunæ reversurus est (*Ibid.*) » Redemptor enim

A noster pecuniæ secum sacculum tulit, cum ascendens in cælum fidei nostræ secum lucra portavit. Qui reversurus est in die plenæ lunæ, id est in consummatione universalis Ecclesiæ; veniet enim Dominus ad judicium, cum expletus fuerit numerus electorum. Sed cum multa dicat de pestilentissima hujus mulieris astutia, quibus venatur animas hominum perditorum, quæ nos ob prolixitatem inserenda non ducimus, hoc in fine subjecit: « Multos, inquit, vulneratos deiecit et fortissimi quique interfecti sunt ab ea; viæ inferi domus ejus, penetrantes interiora mortis (*Ibid.*) »

CAPUT III.

In sermone de S. Bartholomæo.

Audiamus itaque per os Salomonis Sapientiam B nos ad mensam spiritualis alimonie claris vocibus invitantem: « Sapientia, inquit, immolavit victimas suas, miscuit vinum et proposuit mensam suam; misit ancillas suas, ut vocarent ad arcem et ad mœnia civitatis: Si quis est parvulus, veniat ad me. Venite, comedite panem meum et bibite vinum quod miscui vobis (*Prov. ix.*) » Christus enim, qui Sapientia Patris est, victimas immolavit, cum ad nostræ imitationis exemplum beatos martyres permisit occidi; miscuit vinum, quia propinavit credentibus Spiritum sanctum; proposuit mensam, quia coelestem paravit hominibus gloriam; misit ancillas suas, id est sanctos verbi ministros, qui se infirmos et fragiles asseverant. Quid ergo jam restat, nisi ut relicta fame sæculi properemus ad mensam Dei? Sed C ad hanc ingrediendi aditum reperire non possumus, nisi per sanctos apostolos, quibus claves commissæ sunt regni cælorum (*Math. xvi.*) Unde scriptum est: « Sapientia foris prædicat, in plateis dat vocem suam, in capite turbarum, clamitat in foribus portarum (*Prov. i.*) » Ipsi quoque **228** sunt caput turbarum foresque portarum, quia ipsi sunt populorum principes ac supremæ Hierusalem per sublimioris excellentiæ privilegium janitores.

CAPUT IV.

In epistola ad Cincium præfectum, super cohortatione ad castitatem.

Audi rursus sub mulierum specie, quid interspiritualem vitam distet atque carnalem: « Mulier, inquit, diligens corona est viro suo, et putredo in ossibus ejus quæ confusione res dignas gerit (*Prov. xii.*) » In hujus itaque mulieris ossibus est putredo, quia dum quilibet carnali vitæ conjunctus superare alios nititur, dum forte quid, quod ossa significant, agere gloriatur, foeda per populum fama diffunditur et quasi fetor olidæ putredinis exhalatur. De quibus utique mulieribus et alius Sapiens dicit: « Mulier si est tibi secundum animam tuam, ne projicias illam, et odibili non credas te in toto corde (*Eccli. vii.*) » Mulier quippe secundum animam est vita virtutum, conversatio sancta; mulier vero odibilis carnalis est vita, quæ certe odio est habenda, cui profecto si in toto corde nos credimus, necesse jam erit ut sicut Samson per Dalilam (*Jud. xvi.*) ita et nos per

istam in manus hostium incidamus. De qua videlicet animi muliere in Deuteronomio scriptum est : « Si acceperit homo uxorem, et habuerit eam et non invenerit gratiam ante oculos ejus propter aliquam fœditatem, scribat libellum repudii, et dabit in manu ejus et dimittat eam de domo sua (*Deut. XXIV.*) »

CAPUT V.

In epistola ad fratres Gamugni, ubi de transgressione suorum mandatorum agit.

Qui virtutum lapidibus festinat atrium sublime construere, prius eum necesse est inhorrescentia carnalium delectationum dumeta purgare. Unde recte per Salomonem dicitur : « Diligenter exerce agrum tuum, ut postea ædifices domum tuam (*Prov. XXIV.*) » Ille quippe bene domum mentis ædificat, qui prius agrum corporis spinis vitiorum purgat; alioquin si desideriorum passionumque carnalium sentes in carnis agro pullulare sinuntur, fame boni crescente tota intus virtutum structura collabitur. Hinc rursus ait : « Per agrum hominis pigri transivi et per vineam viri stulti, et ecce totum repleverant urticæ, operuerunt superficiem ejus spinæ et maceria lapidum destructa erat (*Ibid.*). » Quid enim ager, vel vinea pigri hominis, nisi caro cujuslibet otiosi in spiritualis agriculturæ laboribus desudare nolentis? Quid autem urticæ, nisi gulæ prurigines et carnales illecebræ? Quid denique spinæ sunt, nisi passionum carnalium punctiones? Quid postremo maceria lapidum, nisi charitate media cum permista coherentium structura virtutum? Ager ergo pigri et stulti hominis artificis spinisque repletur, cum caro cujuspiam otiose viventis non per disciplinam **229** continui laboris excolitur, sed in voluptatis atque lasciviæ mollietur desiderio et enutritur. Lapidum quoque materia labefacta diruitur, quia tota virtutum fabrica, velut impactis incontinentiæ arietibus dissipatur. « Princeps enim coquorum destruxit muros Hierusalem (*IV Reg. XXV.*) » Coquorum autem princeps jure asseritur venter, cui nimirum a coquis laborioso opere servitur. Quisquis ergo desiderat spiritualium segetum ubertate ditescere, desudet nunc agrum sui corporis disciplinæ ac continentiae vomere continuo labore sulcare, et, tanquam novalium suorum glebas, sarculo sapiente confringat, dum quidquid durum, dum quidquid infecundum **D** in se reprehenderit, jugis penitentiae contusionibus terat; nec desinat gulæ pruriens urticas atque inhorrescentes carnalium desideriorum vepres radicitus extirpare, quo uberes proventus spiritualium segetum valeant sui cordis rura proferre. Unde et idem Salomon ait : « Qui operatur terram suam saturabitur panibus; qui sectatur otium replebitur egestate (*Prov. XII.*) »

CAPUT VI.

In epistola ad Alexandrum papam de canonicis.

« Claudus pedibus et iniquitatem bibens qui mittit verba per nuntium stultum (*Prov. XXVI.*) » Quibus

ut carnaliter sapienti ac per hoc stulto cuiuslibet non committatur prædicationis officium? De sanctis enim prædicatoribus dicitur : « Quam speciosi pedes evangelizantium pacem, evangelizantium bona! » (*Isa. LI; Rom. X.*) Itaque quilibet ordinator Ecclesiæ, si dignos et idoneos in dignitate constituit, quasi pedibus rectis incedit. Per eos enim verbum spargendo circumquaque discurrit, et quod per semetipsum non valet agere, per illos satagit efficaciter adimplere. Sin autem carnales quosque ac reprobos ordinare præsumat, hic claudus pedibus ambulat. Qui etiam iniquitatem bibere dicitur, quia, dum verba sanctæ prædicationis per stultum nuntium mittit et, contra Apostolum, cito manus imponit (*I Tim. V.*), peccatis communicat alienis. Nam etsi prudenter quisque loquatur, si tamen non agit ipse quod loquitur, in spirituali claudus itinere non immerito judicatur. Unde et illic apte subjungitur : « Quomodo pulchras frustra habet claudus tibia, sic indecens est in ore stultorum parabola (*Prov. XXVI.*) » Pulchris plane innititur tibiis qui luculentis nitet claritate sermonis. Sed, dum sine bonis operibus accuratum depromit eloquium, velut sine gressu promovet recta crura verborum. Quasi pulchras ergo habet tibia ad videndum, sed non utiles ad gradiendum, qui, podagricis vitiorum laqueis innodatus, ipse quidem turpiter claudicat, dum alios ut agilitate gradiantur invitat. In istorum ergo stultorum ore indecens est parabola, quia, dum spiritualiter sonant et carnaliter viciantur, eorum vita cum labiis non concordat; quos nimirum honesta loquentes, sed inhoneste viventes, prædicatio recta non liberat, sed mordax conscientia vehementer accusat. Unde illic non incongrue subdit : « Quomodo si spina nascatur in manu temulenti, **230** sic parabola in ore stultorum (*Ibid.*). » Spina quippe in manu temulenti nascitur, cum illi qui hujus vite amore est ebrius reprehensionis in mente aculeus generatur. In ore itaque stultorum parabola quasi spina est, quia dum aliud loquuntur, aliud agunt, mens eorum in semetipsa aliquando redarguitur et quodam quasi spinæ pungentis aculeo perforatur; velut spina certe male vivens et bene dicentis conscientia pungit, dum in eo quod extrinsecus loquitur quodam pudoris atque formidinis stimulo intrinsecus sauciatur.

CAPUT VII.

In eadem epistola.

« Sicut qui mittit lapidem in acervum Mercurii, ita qui tribuit insipienti honorem (*Prov. XXVI.*) » Nam qui apud gentiles Mercurius deus Sacelli [*f.*, Lucelli], sive pecuniæ dicebatur, acervus Mercurii, cumulus atque congeries est nummorum. Et quia nummo regula monetalis imprimitur, quid per nummorum designatur acervum, nisi regularium ac veræ sanctitatis imaginem præferentium concio clericorum? Quid vero per lapidem, nisi duram, stolidam

et insensibilem illius mentem accepimus, qui dum A
Deum esse indubitata fide non credit, spem suam
in terrena qualibet possessione constituit? De quo
per Prophetam dicitur: « Dixit insipiens in corde
suo: Non est Deus (Psal. XIII). » Huic autem insi-
pienti tunc honor tribuitur; cum ad ecclesiastici
gradus apicem quispiam non Deo, sed pecuniæ de-
ditus promovetur. Sed sicut nummorum dissipatur
acervus, si desuper lapis immittitur, ita per in-
digni, sive lapidei pastoris accessum quasi constipa-
tus ordo destruitur regulariter gradientium et in
charitate obedientium clericorum; gravatur enim
mali pastoris umbraculo et, tanquam nummorum
coelestium cumulus, tartarei lapidis mole diruitur.
Stulto igitur et insipienti denegandus est honor
ecclesiasticus, ne sanctorum clericorum tanquam B
nummorum spiritualium mergatur acervus. De quo
videlicet stulto paulo superius idem Salomon ait:
« Claudus pedibus et iniquitatem bibens, qui mitti
verba per nuntium stultum (Prov. XXVI). »

Expliciunt testimonia de libro Proverbiorum.

INCIPIUNT CAPITULA DE ECCLESIASTE.

1. Quod omnia flumina intrant in mare et mare non redundat.
2. Muscæ morientes perdunt suavitatem unguenti.
3. De Spiritu potestatem habente.
4. De eo quod dicitur: Da partem septem, nec non et octo.
5. Finem loquendi omnes pariter audiamus.

Expliciunt capitula.

INCIPIUNT TESTIMONIA DE ECCLESIASTE.

CAPUT PRIMUM.

In libro GRATISSIMO.

« Omnia flumina intrant in mare et mare non re-
dundat; ad locum unde exeunt flumina revertuntur,
ut iterum fluant (Eccle. i). » Hunc excursus atque
recursum spiritualium fluminum mysticè Lucas
evangelista describit, cum ait: « Quia convocatus
Jesus duodecim apostolis, dedit illis virtutem et po-
testatem super omnia dæmonia, et ut languores
curent; et misit illos prædicare regnum Dei (Luc.
ix). » Ecce egressus fluminum; ac postmodum sub-
dit: « Et reversi apostoli narraverunt illi quæcunque
fecerunt (Ibid.). » Ecce reditum fluminum. Ad lo-
cum ergo unde exeunt flumina revertuntur, quia
electi quippe illi se debitores esse non ambigunt, a
quo videlicet hauserant omne quod spiritualiter D
fluit. Unde et Paulus ait: « Divisiones gratiarum
sunt, idem autem Dominus; et divisiones ministra-
tionum sunt, idem autem Dominus; et divisiones
operationum sunt, idem vero Deus, qui operatur om-
nia in omnibus (I Cor. xii). » Nempe cum primum
ponat Spiritum, deinde subjungat Dominum, pos-
tremo Deum, ostendit sanctam Trinitatem, unum
scilicet Deum omnium gratiarum esse indubitanter
auctorem. Ipse enim sua dona distribuit, qui sin-
gulorum merita et operum diversitates occulta pro-
visione discernit.

CAPUT VIII.

*In epistola ad Alexandrum papam, super insolentia
malorum hominum.*

« Sanguisugæ duæ sunt filiæ, dicentes: Affer, af-
fer (Prov. xxx). » Nam quo quisque immoderatus
vescitur, eo necesse est ut ad potum æstuantius
accendatur. Et dum congesta sibi moles fervescente
stomachi lebeate decoquitur, crebris necesse est
haustibus irrigetur. Sed cum cibus venter ac poti-
bus intumescat, consequens est ut, alterius utrin-
que meatibus, et fæces per podicem in cuniculos
egerat et humorem de genitali conceptaculo per
pudenda profundat. Sicut enim in torcularibus vi-
narium a vino, sic in ilibus stercus separatur a
viru. Sanguisugæ ergo, quæ edacitas est, duæ sunt
filiae, ebrietas et libido, quia dum una pestis delecta-
biliter 231 concipit, geminum necessario sobolem
parit; quæ nimirum dicunt: « Affer, affer, » quia,
232 cum sint insatiabiles, violentæ quoque sunt
exactrices.

C

CAPUT II.

G. G.

« Muscæ morientes perdunt suavitatem unguenti
(Eccle. x); » quia cogitationes superfluae, quæ assidue
in animo carnalia cogitante nascuntur atque
deficiunt, eam suavitatem, qua unusquisque intrin-
secus per Spiritum unctus est, perdunt. Unde cum
miro pietatis opere ad cor Veritas venit, prius ab eo
cogitationum carnalium æstus ejicit, et post in eo
virtutum dona disponit. Quod bene nobis innuitur,
ubi de Domino ad filiam principis resuscitandam
deducto in Evangelio dicitur: « Et cum ejecta esset
turba, intravit, et tenuit manum ejus et surrexit
puella (Matth. ix). » Foras ergo turba ejicitur, ut
puella suscitetur, quia nisi prius a secretioribus
cordis expellatur importuna sæcularium multitudo
curarum, anima, quæ intrinsecus jacet mortua, non
resurgit. Nam dum se per innumeras terrenorum de-
sideriorum cogitationes spargit, ad considerationem
sui sese nullatenus colligit. Nullus quippe sapien-
tiam, quæ Deus est, plene percipit, nisi qui ab
omni se abstrahere actionum carnalium fluctuatione
contendit. Unde alias dicitur: « Sapientia scribit
in tempore otii, et qui minoratur actu, ipse percipit
eam (Eccle. xxxviii). »

CAPUT III.

Ad Mainardum abbatem.

« Si spiritus potestatem habentis ascendit super
te, locum tuum ne dimiseris (Eccle. x). » Ac

aperte dicat: Si tentatoris spiritum in aliquo prævalere consideras, humilitatem poenitentiae non relinquant. Et alibi scriptum est: « Noli altum sapere, sed time (Rom. XI), » et ultimum in spiritualibus nuptiis accubitum pete.

CAPUT IV.

In epistola ad Bonifacium Causidicum, ut exteriori prudentiae spiritualis sapientia præferatur.

« Da parlem septem, nec non et octo (Eccle. XI). » Sic præsentem vitam, quæ per septenarium numerum designatur, excurre, ut jam in amore futurae, quæ per octonarium resurrectionis exprimit gloriam, totis studeas visceribus habitare. Illi perfunctoriam atque volaticam exhibe curam; in hac perseverantem atque perpetuam, sicut æterna est, indeficere illectionis fige sententiam.

233 CAPUT V.

In epistola ad Alexandrum papam, contra papam ne dijudicet.

« Finem loquendi pariter omnes audiamus: Deum time et mandata ejus observa, hoc est enim omnis homo (Eccle. XII). » Quis est autem finis loquendi, nisi ille, de quo dicit Apostolus: « Finis enim legis ad justitiam, Christus, omni credenti? » (Rom. X.) Finis quippe legis ad justitiam, Christus est, quia quicquid sive vetus, sive nova lex loquitur, ad illum sine dubitatione refertur. Ad justitiam vero non otiose dicitur quia divinæ legis sermo justificat et animam a sordibus mundat. Sicut discipulis Veritas ait: « Jam vos mundi estis propter sermonem quem locutus sum vobis (Joan. XV). » Deum C time, est cuncta quæ Deus prohibet exsecrando et abominando contemnere. Mandata illius observare, est omnia quæ præcipit operibus exercere. Ille ergo Deum time qui salagit cavere quod prohibet; ille mandata ejus observat qui studet implere quod imperat. « Deum ergo time et mandata illius observa; hoc est enim omnis homo. » Ac si perspicue dicat: Qui non studuerit cavere prohibita, qui neglexerit implere præcepta, quia ratione caret, vocabulum quidem hominis habet, sed hominis esse non habet, quia non veraciter utitur virtute nominis quo censetur. Ille nimirum se credat veraciter ho-

minem qui hominum recognoscit Auctorem; alioqui, « qui ignorat, ignorabitur (I Cor. XIV). » Quid autem sine his sit homo, perspicue definit Scriptura, cum dicit: « Stellæ non sunt mundæ in conspectu ejus, quanto magis homo putredo et filius hominis vermis? » (Job. XXV.)

Unde et Abraham cum ad summæ collocutionis culmen attollitur, cum divinæ 234 familiaritatis gratiam peculiariter promeretur, hujus humilitatis recordatione deprimitur, cum dicit: « Loquar ad Dominum meum cum sim pulvis et cinis (Gen. XVIII). » Nam et apud Græcos hæc teneri consuetudo perhibetur, ut cum imperator quis in dignitate creatur, mox ut imperialibus fuerit infulis redimitus, coronæ simul ac sceptri gloria decoratur, cum denique procerum vallatur obsequiis, cum excipitur modulantibus psallentium choris; quidam sibi præsto fit obviis, qui videlicet una manu vasculum plenum mortuorum ossibus ac pulveribus offerat, in alia vero stupam lini subtiliter pexam ac pilis pensilibus molliter demolitam, cui protinus ignis adhibetur et repente in ictu oculi flamma subito vorante consumitur: ut in altero debeat considerare quod est, in altero valeat videre quod habet. In cineribus siquidem se cinerem recognoscit, in stupa jam colligit in die judicii quam subito mundus ardebit, quatenus dum se simul ac sua tam vana, tam floccipendenda considerat, de imperialis culminis ascenso fastigio nullatenus insolescat; et dum possessor atque possessio subjacere communi omnium casui non ambigitur, jam quasi de singulari dignitatis apice, qui ad summam proventus est, non infletur. Pulchrum ergo mundanæ conditionis ordinem homo consideret, et dum suis usibus omnia cernit attribuit, non sibi, sed suo referat gratias Conditori; lenocinantem mundi gloriam sub judicii sui calcibus deprimat; virorem carnis aridum jam pulverem credat, diem suæ vocationis tanquam speculum suis semper obtutibus anteponat, districtum ultimæ discussionis iudicium contemiscat, quatenus dum nunc Creatoris sui legibus subditur qui inter creaturas, quæ terrenæ sunt, videtur insignis, in cælesti quoque gloria veraciter sit sublimis.

Explicunt testimonia de Ecclesiaste.

INCIPIUNT CAPITULA DE CANTICIS CANTICORUM.

1. De oleo effuso.
2. De nigredine sponsæ.
3. De fasciculo myrrhæ.
4. De lilio convallium.
5. De ordinata charitate.
6. De utraque vita.
7. De foraminibus petrarum.
8. De lectulo Salomonis.
9. De oculis columbarum.
10. De dentibus Ecclesiæ.
11. De duobus uberibus.
12. De pulchritudine amicæ.
13. De corona animæ, vel sanctæ Ecclesiæ.
14. De aquilone et austro.
15. De eo quod dicit Ecclesia: Ego dormio, et cor meum vigilat.
16. Quod dilectus dicitur candidus et rubicundus.
17. De sanctis doctoribus.
18. De ventre Christi eburneo.

19. De gutture Christi.

20. De malo punico.

235-236 21. De quadrigis Aminadab.

22. De umbilico Christi.

23. De comis capitis Christi.

24. De pulchritudine sponsæ.

25. De fructu crucis.

26. De arbore malo.

27. De signaculo cordis et brachii.

Explicunt capitula de Canticis canticorum.

INCIPIUNT TESTIMONIA DE CANTICIS CANTICORUM.

CAPUT PRIMUM.

Ex sermone in natali virginum.

« Oleum effusum nomen tuum (*Cant. 1.*) » Chrisma Græce, Latine dicitur *unctio*. A chrismate ergo Christus, et a Christo dicitur Christianus. Per oleum autem Spiritus sanctus debet intelligi, sicut per Psalmistam Salvatori nostro dicitur : « Unxit te Deus tuus oleo lætitiæ præ consortibus tuis (*Psal. XLIV.*) » Oleum ergo effusum est nomen Christi, quia in tot Spiritus sancti gratia propagatur quot sunt qui Christi vocabulum veraciter sortiuntur.

CAPUT II.

« Nigra sum, sed formosa, filiæ Hierusalem, sicut tabernacula Cedar, sicut pellis Salomonis (*Cant. 1.*) » Cedar interpretatur *tenebræ*; hi sunt infideles lucem fidei non habentes. Nigra sum, inquit, propter persecutionis æstum, propter adversa quæ patior a filiis tenebrarum; sed intrinsecus formosa sum, quia concupivit rex speciem meam, et omnis gloria mea ab intus. Formosa sum, inquit, sicut pellis, hoc est, tabernaculum Salomonis. Sicut enim tabernaculum ex mortuorum fit pellibus animalium, ita duntaxat illi sunt habitaculum Dei (*Ephes. II.*), qui Christo commortui, vitiis quoque carnisque concupiscentiis sunt extincti (*Gal. VI.*) Sequitur : « Nolite, inquit, me considerare quod fusca sim, quia decoloravit me sol, o filiæ Hierusalem (*Cant. 1.*) » Idem et fideles animæ, in illa jam cœlesti gloria per desiderium constitutæ : Nolite me considerare, quod fusca sim, id est, nolite desperare, vel nimis expavescere, quod me tribulationes opprimunt, quod persecutiones afficiunt, quod in hoc tempestatis procellarumque naufragio intumescentes me fluctus illidunt; quia decoloravit me sol, quoniam super me persecutionis æstus incanduit decoremque meæ venustatis ac pulchritudinis offuscavit. Ac si dicat : Nolite tam ea, quibus intrinsecus affligor, attendere, quam vernantem interioris venustatis speciem cogitare. Tale est, quod Apostolus dicit : « Nolite deficere in tribulationibus meis pro vobis, quæ est gloria vestra. Non enim condignæ sunt passiones hujus temporis ad futuram gloriam, quæ revelabitur in nobis (*Rom. VIII.*) » Hanc autem interiorem pulchritudinem exterioremque nigredinem breviter Jeremias comprehendit, dicens : « Candiores Nazaræi ejus nive, nitidiores lacte, rubicundiores ebore antiquo, sapphiro pulchriores (*Thren. IV.*) » Ecce pulchritudo; sed audi nigredinem, nam illico sequitur : « Deni-

Agata est super carbones facies eorum, et non sunt cogniti in plateis; adhæsit cutis eorum ossibus : aruit et facta est quasi lignum (*Ibid.*). » Sed aspicimus exteriorem nigredinem, aperiat ipsa, unde sit interior pulchritudo : « Indica mihi, inquit, quem diligit anima mea, ubi pascas, ubi cubes in meridie (*Cant. 1.*) » Ac si dicat : O sponse cœlestis, quem anima mea inenarrabiliter diligit, in quo per desiderium jugiter requiescit, quem ulnis intimæ dilectionis amplectitur, in quo totis visceribus delectatur; dic mihi ubi pascas; hoc est : Tu qui pastor bonus es, ubi oves tuas pascere facias; ipse etiam ubi cubes, id est ubi requiescas in æstu persecutionis et fervore tentationis nostræ, ubi scilicet, nisi in his, qui furenti vesaniæ cedere nesciunt, et grassantis malitiæ conatibus enerviter non succumbunt? Non ergo immerito formosam se sponsa ista dicebat, quia ille in ipso persecutionis articulo in ea delectabiliter quiescebat, qui serenitate vultus sui cuncta clarificat.

CAPUT III.

In sermone de SS. Flora et Lucilla.

« Fasciculus myrrhæ dilectus meus mihi : inter ubera mea commorabitur (*Cant. 1.*) » Myrrhæ plane species est amaritica, nimis amaritudinis, qua mortuorum cadavera condiuntur, ne facile computrescant. Hinc est quod et ipsius Sponsi corpus a Nicodemo et Joseph de cruce depositum myrrhæ et aloë conditur, et lenteis involutum sepulturæ committitur (*Joan. XIX.*) Quid ergo per myrrhæ fasciculum, nisi multiplex mortificatio designatur? Non enim dicit : Surculus myrrhæ, sed, fasciculus, inquit, myrrhæ dilectus meus mihi. Ac si dicat : Quia in omni mea conversatione me mortifico et nullis jam propriæ voluntatis operibus vivo, dilectus meus non mihi simplex factus est ramus, sed myrrhæ fasciculus. Unde et prædicator eximius : « Ego, inquit, stigmata Jesu in corpore meo porto (*Gal. VI.*) » Ad quam videlicet multiplicem mortificationem et nos secum hortatur, dicens : « Semper mortificationem Jesu in corpore nostro circumferentes, ut vita Jesu manifestetur in carne nostra mortali (*II Cor. IV.*) » Ab eo namque quod corpore nostro circumferimus, nullam corporis partem vacuum reservamus. Ille ergo mortificationem Jesu in corpore suo circumfert qui de se sibi nihil relinquit, **237** qui non sibi, sed Christo in omnibus vivit, cui certe se a voluntatibus propriis undique crucifi-

git. Hic itaque dilectus myrrhæ fasciculus fit, quia A in cunctis suis actionibus se velut exstinctum præbens, multiplicem quodammodo mortificationis Christi manipulum colligit. Ubi et apte subiungitur : « Inter ubera mea commorabitur. » Nemo dubitat inter ubera pectoris esse locum cordis. Dilectus ergo inter sponsæ ubera commorabitur, quia indeficiens ejus amor ac desiderium ex ejus memoria non delectur. Inter ubera mea commorabitur, tanquam diceret : Qui mihi fasciculus myrrhæ factus est per amaritudinem passionis, inter ubera mea jugiter commorabitur per dulcedinem cordis : et qui extrinsecus per exemplum susceptæ mortis exasperat, per infusam gratiam me intimæ suavitatis obdulcat.

CAPUT IV.

Ex sermone in natali virginum.

« Ego sum liliū convallium (*Cant. II*). » Liliū plane se Sponsus nominat propter niveum candorem mundissimæ castitatis. Liliū non montium, sed convallium, quia pius eligit mentes humilium, non scopulos inhabitat superborum.

CAPUT V.

« Introduxit me rex in cellam vinariam, ordinavit in me charitatem (*Cant. II*). » Non ait : Dedit quam non reperit, sed « ordinavit, » quam inordinatam invenit. Nonnulli namque in principali cordis sui loco habent uxores, filios, prædia vel honores : in secundo autem quodammodo Deum ponunt, dum eum minus diligunt. Hi nimirum videntur quidem habere charitatem, sed inordinatam ; nec illum servant ordinem charitatis quem Veritas ipsa disposuit, cum dicit : « Diliges Deum ex toto corde, hoc est maximum primumque mandatum, secundum autem simile est huic, ut diligas proximum (*Matth. XXII*). » Non ergo se jactet quis habere charitatem, si ordinata non est ; sicut nec etiam fidem, si sine operibus, ac per hoc otiosa est.

CAPUT VI.

« Læva ejus sub capite meo et dextera illius amplexabitur me (*Cant. II*). » Læva quippe subesse capiti dicitur, cum præsens vita a mente, quæ cogitationum caput est, despecta calcatur. Dextræ vero amplexibus stringitur, quia solius æternæ vitæ desiderii undique delectatur.

CAPUT VII.

« Surge, amica mea, sponsa mea, et veni, columba mea, in foraminibus petrae, et in caverna maceræ ; ostende mihi faciem tuam, sonet vox tua in auribus meis. Vox enim tua dulcis, et facies tua decora (*Cant. II*). » Anima quippe sancta jure Christi amica et sponsa vocatur ; quia illi per fidem dilectionemque conjungitur. Sed hæc sponsa quasi adhuc jacet, dum in mundanis actionibus implicatur ; tunc surgit, cum **238** ad procinctum divinæ servitutis erigitur. Ac si dicat : Quæ in sæculari vitæ mollietate jaces, jam surge, atque ad familiaris contubernium meæ contemplationis erige. « Columba mea, in foraminibus petrae. » Si, juxta Apostolum, « petra Christus est (*I Cor. X*), » foramina petrae vulnera sunt Redemptoris ;

quæ profecto non casu quinque sunt, lanceæ scilicet et clavorum ; sed quia nos fuëramus quinque sensuum vulneribus sauciati, per has quinque plagas salutis sumus perpetuæ restituti. Istæ siquidem portæ erant, per quas die Sabbati propheta ne inferrentur onera gravia prohibebat. In his ergo foraminibus Dei columba coëssit, quia sancta quælibet anima totam propriæ salutis spem in sui Redemptoris passionem constituit. Ibi velut ab accipitris incurso defenditur, quia a cunctis malignorum spirituum insidiis custoditur. Ibi plane nidificat, quia illic fetus bonorum operum coæservat. De hac petra per Psalmistam dicitur : « Montes excelsi cervis, petra refugium herinaciis (*Psal. CIII*). » Quod autem additur : « In caverna maceræ, » solent ex lapidibus maceræ fieri ad custodiam vinearum ; sicut per Isaiam dicitur : « Vineæ facta est dilecto in cornu in loco uberi, et maceria circumdedit et circumfodit eam (*Isa. V*). » Quid ergo per maceriam lapidum, nisi præsidium et excubias intelligimus angelorum, quibus videlicet anima in certamine posita, dum vallatur atque circumdatur, a cunctis adversantium spirituum tentationibus custoditur ? Porro quod sequitur : « Ostende mihi faciem tuam, » tunc anima cælesti sponso faciem suam ostendere dicitur, cum ejus speciem internis obtutibus quasi revelata facie contemplatur : « Sonet, inquit, vox tua in auribus meis : vox enim tua dulcis et facies tua decora. » O quam suave commercium ! imo quam inenarrabilis dulcedo in humanis visceribus oritur, cum Creator et creatura alternis in se invicem affectibus delectantur, sicut per Prophetam dicitur : « Suavis sit ei laudatio mea, ego vero delectabor in Domino ! » (*Psal. CIII*.)

CAPUT VIII.

« En lectulum Salomonis, sexaginta fortes ambiunt ex fortissimis Israel (*Cant. III*). » Fortes enim lectulum Salomonis ambiunt, dum intimam pacifice Redemptoris nostri requiem sancti quique indefessa desiderii sedulitate custodiunt.

CAPUT IX.

« Oculi tui columbarum, absque eo quod intrinsecus latet (*Cant. IV*). » Isti sunt oculi de quibus Dominus in Evangelio : « Beati, inquit, mundo corde, quoniam ipsi Deum videbunt (*Matth. V*). » Absque eo quod intrinsecus latet. Quia licet sancti doctores nunc Creatorem suum per contemplationis gratiam aspiciant, latet tamen adhuc magnum aliquid, ad quod in hac corruptibili carne humanæ mentis acies non aspirat. Ubi mox sequitur : « Capilli tui sicut greges caprarum, quæ ascenderunt de Galaad (*Cant. IV*). » Sicut enim per oculos, Ecclesiæ doctores intelliguntur, qui ad videnda in inferioribus membris summa, ac specialia sunt prælati, sic etiam per capillos gregesque caprarum designantur simplices et subjecti ; **239** qui nimirum, etsi præ simplicitate mystica quæque ac summa non penetrant, multitudine tamen et comparisonem sua sanctam Ecclesiam velut capilli caput exornant, quia plerumque pro peccato aufertur figura peccati. Galaad, *acervus est*

testimoniū. Per Galaad ergo Christum, cui sanctorum A vitate convertit, et pro correctis eorum moribus omnium multitudo perhibet testimonium. Per capillos vero; vel caprarum greges, multitudinem intelligimus subjectorum. Greges ergo caprarum ascendunt de monte Galaad, quia sanctorum omnium multitudo de Christo, quem sibimet faciunt fundamentum, consendere satagunt excelsa virtutum. Unde colligere possumus quia quantum distat inter oculos et capillos, tantum fere in contemplationis studio inter prælatos distare debeat et subjectos, quatenus eorum qui sibi sunt commissi, spiritualibus studiis sint intenti, et videant non modo sibi, sed et illis.

CAPUT X.

« Dentes tui sicut grex tonsarum, quæ ascenderunt de lavacro (*Cant. iv.*) » Porro dentes Ecclesiæ sancti noscuntur esse doctores; quorum primo dictum est: « Macta et manduca (*Act. x.*) » Ac si diceret: Ab eo quod sunt, gladio Spiritus, hoc est, verbo prædicationis occide et in corpus transfer Ecclesiæ. Dentes igitur sponsæ sunt doctores sancti, qui quoniam simplices per innocentiam sunt, et omnia relinquentes facultatum suarum velleribus sunt exuti, ac sacri baptismatis unda purificati, sicut grex tonsarum sunt, quæ ascenderunt de lavacro.

CAPUT XI.

« Duo ubera tua sicut duo hinnuli capræ gemelli (*Cant. iv.*) » Sicut enim duo ubera duo sunt Testamenta; ita duo hinnuli, duo populi sunt, Ecclesiæ filii, Judaicus scilicet et gentilis.

CAPUT XII.

Ex sermone in natali virginum.

« Tota pulchra es, amica mea; tota pulchra (*Cant. iv.*) » interius scilicet et exterius. Foris in perfectione clari operis, intrinsecus in munditia purissimæ cogitationis.

CAPUT XIII.

In sermone de SS. Flora et Lucilla.

« Coronaberis de vertice Sanir, de capite Amana et Hermon, de cubilibus leonum, de montibus pardorum (*Cant. iv.*) » Amana siquidem mons est Ciliciæ, qui et Taurus a compluribus appellatur. Sanir vero et Hermon, Judaicæ terræ montes sunt, in quibus leones et pardi habitare creduntur. Per hos ergo montes, reges et principes diversæque mundi hujus intelligendæ sunt potestates; quæ velut montes in superbiam se cacumen attollunt et malignis spiritibus tanquam pardis atque leonibus habitaculum ferunt. Perversi quippe spiritus, leones vocantur propter crudelitatem; 240 pardi autem, quia hoc animal varii coloris est, propter deceptionis ac fraudis multimodam varietatem. De his ergo montibus vel quæque fidelis anima, vel sancta coronatur Ecclesia, quando sæculi principes convertit ad fidem, vel ad sanctæ conversationis dirigit rectitudinem. Coronatur autem, vel quia pro apportato eorum lucro remuneratur a Christo, vel ab eisdem quibus antea premebatur, honoratur in sæculo. Coronatur, inquam, de cubilibus leonum et montibus pardorum, quando superbos quosque atque dolosos a sua pra-

CAPUT XIV.

Ex sermone in natali virginum.

« Surge, Aquilo, et veni, auster, perfla hortum meum, et fluent aromata illius (*Cant. iv.*) » Quid per Aquilonem, qui nimirum ventus est frigidus, nisi persecutionis asperitas? Quid per austri tempora, nisi male blandientium remissio designatur? Sed inter utriusque persecutionis genera, inter utraque maligni spiritus argumenta ecclesiastici horti fluere jubentur aromata, quia fortis animus inter hæc certamina deprehensus aperit quidquid virium, quidquid fidei, quidquid invictæ fortitudinis eatenus occultavit, et velut aromata foras profluunt, dum ad humanam notitiam virtutes prodent ac piæ opinionis odores longe lateque diffundunt.

CAPUT XV.

« Ego dormio, et cor meum vigilat. Vox dilecti mei pulsantis: Aperi, soror mea, amica mea, columba mea, immaculata mea, quia caput meum plenum est rore et cincinnati mei guttis noctium (*Cant. v.*) » Dicit Ecclesia: « Ego dormio, et cor meum vigilat, » quia videlicet sancta mens quo se a strepitu temporalis concupiscentiæ comprimit, eo verius interna cognoscit; et tanto ad intima vigilat, quanto se ab exteriori inquietudine solerter occultat. Dormit itaque sponsa a negotiis et concupiscentia sæculi, sed apertos atque pervigiles tenet oculos in æstu amoris Dei. Sed quia non est hoc tempus plenæ quietis, sed laboris potius atque certaminis, repente dilectus ostium pulsant, eamque ad prociunctum conserendi belli suis exhortationibus excitat: « Vox inquit, dilecti mei pulsantis. » Pulsat dilectus, cum fideles suos provocat Christus aut ad suarum incrementa virtutum, aut certe ad lucrandas animas proximorum. « Aperi mihi, soror mea. » Soror utique, quia regni mei mihi cohæres effecta, et in necessitudine mihi fraternæ adoptionis ascita. « Amica mea, » quia de jugo servitutis erepta cognovisti meæ veritatis arcana. « Columba mea, » quia fellis amaritudinis vacua, et Spiritus mei, qui in columba descendit, dono ditata. « Immaculata mea, » effusione mei sanguinis ab omni peccatorum tuorum labe purgata es. Aperi itaque mihi, hoc est, de quiete et otio dilectæ tibi contemplationis egredere, et ad perhibendum veritati meæ testimonium ferventissime te, et constanter impende, 241 « Quia caput meum plenum est rore, et cincinnati mei guttis noctium. » Caput Christi Deus est, ut dicit Apostolus (*I Cor. xi.*); cincinnati vero intimæ sanctorum cogitationes sunt; quæ non laxæ fluunt et dissolutæ, sed timoris et amoris Dei sunt vinculo colligatæ. Enimvero quid per rorem et guttas noctium, nisi tenebrosas et frigidas quorundam reproborum mentes accipimus? Caput ergo sponsi in reprobis plenum est rore, cum sæculares quique a Dei charitate torpescunt et per voluptatum suarum lasciviam defluunt, juxta id quod Dominus dicit.

« Abundabit iniquitas, et refrigescet charitas multo- **A**
rum (*Matth. XXIV.*) » Hujusmodi plane cum sanctos
Dei persequuntur et odiunt in illorum cordibus
quasi cincinnati sponsi guttis noctium pleni sunt;
cumque tales multiplicantur et Ecclesiam persecu-
tionibus aggravant, tunc Sponsus sponsam exhorta-
tur ut surgat et studio prævaricationis valenter in-
eistat. Et sponsa ad eum : « Exspoliavi me, inquit,
tunica mea, quomodo induum illam ? » (*Cant. v.*) Ac
si dicat : Exui me curis et occupationibus sæculi et
in solo me tuæ contemplationis amore constrinxi :
quomodo nunc discursionis iter arripiam ? quomodo
strepitus et luctamen obloquium feram ? Quod
autem tunica curas sollicitudinesque significet,
ostendit Dominus cum dicit : « Qui in tecto est, non
descendat tollere tunicam suam (*Matth. XXIV.*) » **B**
quod est aperte dicere : Qui sublimi contemplationis
arce subnititur nequaquam descendat, ut iterum
sæcularis negotii occupationibus implicetur. « Lavi
pedes meos, quomodo inquinabo illos ? » (*Cant. v.*)
Id est, gressus mei operis ab aspersione terreni pul-
veris dignis poenitentiae fletibus ablui, quo pacto jam
potero, nisi quibus assueta sum, cœlestia meditari ?
Verumtamen postponit contemplationis requiem et
ad fervorem obedientiæ intrinsecus accensa mox
perhibet, dicens : « Dilectus meus misit manum
suam per foramen et venter meus intremuit ad tac-
tum ejus (*Ibid.*) » Dilectus plane manum per for-
amen mittit et ventrem tangit, cum occulta Con-
ditor inspiratione cor visitat atque ad agonem
certaminis et sancti laboris inflamat. Nam quod **C**
venter cor significet, ostendit propheta cum dicit :
« Ventrem meum doleo (*Jer. IV.*) » ; quod profecto quid
esset aperit, cum subjungit : « Sensus cordis mei
dissipati sunt. Surrexi, ut aperirem dilecto meo
(*Cant. v.*) » Surgit, ut aperiat, quia promptissimo
animo humiliter obediens calcit propriam, ut totis
viribus voluntatem impleat mens sancta divinam.

CAPUT XVI.

In epistola ad Blancam et in sermone de SS. Flora
et Lucilla.

« Dilectus meus candidus et rubicundus, electus
ex millibus ; caput ejus aurum optimum (*Cant. v.*) »
Dilectus siquidem candidus virginitate, rubicundus
est passione. Candidus, quia dicit : « Ego lilium con-
vallium (*Cant. II.*) » ; rubicundus, de quo Joannes
dicit : « Quia lavit nos a peccatis nostris in sanguine
suo (*Apoc. I.*) » Electus ex millibus, quia ex omnium
sanctorum multitudine solus est, qui dignus fuit
audire : « Hic est Filius meus dilectus, in quo mihi
bene complacui (*Matth. III et XVII.*) » De quo et
Salomon : **242** « Virum, inquit, de mille unum re-
peri (*Eccle. VII.*) » Millenarius quippe numerus totius
humani generis est intelligenda perfectio, in quo
Salvator tanquam passer est unicus in ædificio :
« Caput ejus aurum optimum ; » quia « caput Chri-
sti Deus (*I Cor. XI.*) » ; qui nimirum sicut aurum me-
tallis, ita, licet incomparabiliter, omnibus supereminet
creaturis.

CAPUT XVII.

« Oculi ejus sicut columbæ super rivos aquarum,
quæ lacte sunt lotæ, et resident juxta fluentia ple-
nissima (*Cant. v.*) » Sancti quippe doctores Ecclesiæ
juxta fluentia plenissima resident Scripturarum, ex
quibus nimirum exuberantem ipsi veræ sapientiæ
gurgitem hauriunt, et auditoribus suis mysterii cœ-
lestis arcana transfundunt.

CAPUT XVIII.

In sermone de S. Joanne apostolo et evangelista.

« Venter ejus eburneus, distinctus sapphiris (*Cant. v.*) » In membris nempe humani corporis, vix ali-
quid ventris fragilius sive tenerius invenitur ; ideoque
per ventrem recte fragilitas in Christo assumptæ
humanitatis accipitur. Ebur autem os est ele-
phantis, quod videlicet animal fertur esse castissi-
mum frigidissimæque naturæ. Venter ergo sponsi
eburneus est, quia suscepta Redemptoris humanitas
ab omni peccatorum contagio casta prorsus et in-
violata permansit. Siquidem « peccatum non fecit,
nec dolus inventus est in ore ejus (*I Petr. II.*) »
Sapphirus autem lapis est sereni cœli colorem ha-
bens. Unde et in visione Domini dicitur : « Erat
sub pedibus ejus quasi opus lapidis sapphirinis, et
quasi cœlum cum serenum est (*Ezod. XXIV.*) » Per
sapphiros ergo opera divinitatis intelliguntur, quæ
in carne Dominus ostendebat. Venter ergo sponsi
distinctus erat sapphiris, quia Christi humanitas
divinis virtutibus refulgebat. Nec plenus esse sap-
phiris dicitur, sed distinctus ; ita videlicet ut inter
sapphiros candor eboris appareret, quia sic Dominus
ex parte assumpti hominis operabatur humana, ut
aliquando nihilominus ex parte deitatis ostenderet
et divina. Nam esurire, flere, postremo crucifigi et
mori, humanitatis erant opera ; miracula vero fa-
cere, et non solum alios, sed semetipsum etiam
a mortuis suscitare, evidentissima erat divinitatis
indicia.

CAPUT XIX.

« Guttur illius suavissimum (*Cant. v.*) » quia
suorum melliflua suavitate verborum mentes au-
dientium obdulcant. « Quam dulcia, inquit, fau-
cibus meis eloquia tua ; super mel et favum ori
meo ! » (*Psal. CXVIII.*) Totus etiam desiderabilis ; quia
in eo, testante Petro, « desiderant angeli prospicere **D**
(*I Petr. I.*) » ; vel quia humanitatis ejus omne my-
sterium, desiderium accendit in mentibus electo-
rum ; ut eos videlicet non modo resurrectionis glo-
ria provocet, sed ad imitationis exemplum ipsa
quoque ignominia passionis invitet. Desiderabilis
est, quia præclarus atque conspicuus est in singu-
lari nativitate, in vivifica morte, in gloriosa **243**
resurrectione, in triumphali ascensione ; deside-
rabilis est dum loquitur, dum mirabilia operatur.

CAPUT XX.

In homilia de nativitate B. virginis Mariæ.

« Descendi in hortum meum, ut viderem poma
convallium, et inspicerem si florisset vinea et ger-
minassent mala punica (*Cant. VI.*) » Malum quippe

punicum amaro quidem cortice tegitur, sed dulcis in ejus granulis suavitas occultatur. Sunt autem nonnulli, qui dum per afflictionis amaritudinem crucem Christi assidue patiuntur in corpore, dulcedine contemplationis intimæ reficiuntur in mente. Mala ergo sponsi vinea germinat, quia tales parere sancta Ecclesia nunquam cessat. De hac eadem vinea in eisdem Canticis sponsa ad sponsum loquitur, dicens : « Mane surgamus ad vineam, videamus si floruit vinea, si flores fructus parturiunt, si flouerunt mala punica (*Cant. vii.*) » Hujus vineæ ille vindemiator exstitit, qui in torculari passionis suæ pressus, mysticos nobis divini eloquii sensus aperuit, et vino nos evangelicæ gratiæ propinavit. De quo videlicet vino sponsæ voce ad sponsum iterum dicitur : « Guttur tuum sicut vinum optimum, B dignum dilecto meo ad potandum (*Ibid.*). »

CAPUT XXI.

In sermone de S. Marco evangelista.

« Nescivi; anima mea conturbavit me propter quadrigas Aminadab (*Cant. vi.*) » Vox est Synagogæ quæ, videns tantam sanctæ Ecclesiæ gratiam esse collatam, dolet se tardius recepisse fidem, eo quod Evangelii non agooverit veritatem. Aminadab autem abnepos Judæ fuisse cognoscitur; qui in genealogia Domini cum patribus numeratur. Interpretatur autem Aminadab *populi mei spontaneus*; ideoque non incongrue significat Christum, qui populi sui spontaneus fuit, quia, cum Deus esset, sponte factus est homo; qui enim non necessitate, sed sola bonitate nos condidit, propria nihilominus voluntate redemit. Unde et Jacobus ait : « Voluntarie genuit nos verbo veritatis (*Jac. i.*) » Spontaneus ergo factus est populi sui, quia quem a se humana pravitas repulit, sola voluntas divinæ gratiæ redonavit. Quadriga vero Aminadab Christi est Evangelium, concordissima quatuor evangelistarum diversitate compactum. Quam sane quadrigam Christus auriga disponit et quadridam mundi machinam agillima prædicationis celeritate percurrit, sicut per Psalmistam dicitur : « Qui emittit eloquium suum terræ, velociter currit sermo ejus (*Psal. cXLvii.*) » Videns ergo Synagoga repente gratiam Evangelicæ prædicationis erumpere cunctasque mundi provincias agiliter pervolare, subito turbata conqueritur quod sola in sua perfidia, conversis ad fidem gentibus, deseratur : D « Nescivi, inquiens, turbavit me anima mea propter quadrigas Aminadab. »

244 CAPUT XXII.

« Umbilicus tuus crater tornatilis nunquam indiget poculis (*Cant. vii.*) » Umbilicus autem fragilissima pars corporis est. Quid ergo per Ecclesiæ designatur umbilicum, nisi cœtus infirmorum atque debili-um? Quid vero per craterem, nisi prædicatorum intelligimus ordinem? Qui nimirum mentibus auditorum cœlestis doctrinæ vina propinant easque poculis sanctæ prædicationis inebriant. Umbilicus ergo Ecclesiæ crateri merito comparatur, quia plerumque debilis et infirmus quilibet vas doctrinæ cœle-

Astis efficitur, qui non indiget poculis, quia cœlestis eloquii non desinit irriguus esse fluentis. Unde bene crater hic tornatilis dicitur; torno siquidem quis facilius operatur. Expeditius enim sæpe atque inoffense in sancta prædicatione discurrunt, qui prædicationis gratiam non suo studio, sed divinitus acceperunt. Hanc prædicationis gratiam viris simplicibus, sive sanctis mulieribustribuendam illa Samson victoria figuravit, qua videlicet mandibulam asini fervefactus arripiens, mille Philistinorum viros occidit.

CAPUT XXIII.

« Comæ capitis tui, ut purpura regis juncta canalibus (*Cant. vii.*) » Sicut per caput intelligimus mentem, ita per comas capitis non inconvenienter accipimus cogitationes. Sicut enim capilli de vertice prodeunt, ita cogitationes ex mente procedunt. Purpureus vero color, quia sanguinis habet speciem, quid per mysterium, nisi Dominicam innuit passionem. Quid vero canales, nisi sanctorum significant mentes? Sicut enim in canalibus conchyliorum sanguis effunditur, ut in purpureum colorem lana vertatur, sic in sanctorum mentibus Dominicæ passionis cruor assidua meditatione recolitur, et ita quodammodo pia quælibet anima sanguine tingitur, ut æterni Regis purpuram imitetur. Hoc nimirum modo efficitur Salvatori nostro conformes, ut simus etiam merito postmodum cohæredes.

CAPUT XXIV.

C « Quam pulchra es et decora, charissima, in deliciis; statura tua assimilata est palmæ (*Cant. vii.*) » Mens quippe sancta charissima in deliciis dicitur, quia, dum persecutionibus attrita foris affligitur, piis æstuans desiderii suavitatis intimæ dulcedine recreatur. Cujus statura palmæ similis dicitur, quia sicut non vitiorum titillantium flatibus, ita nec persecutionum quarumlibet terroribus inclinat; dumque eam persequentium rabies, vel impactis minarum arietibus pulsata, illa fundamento invictæ fidei constanter innixa, revera stans et supereminens, insuperabilis perseverat. Nequaquam illi similis, cui per prophetam de malignis spiritibus dicitur : « Quia, » humiliaverunt te et dixerunt animæ tuæ : Incurvare ut transeam (*Isa. LI.*) » ; sed illud potius servans, quod filiis Israel Dominus ait : « Ego sum Dominus Deus, 245 qui eripui vos de ergastulo Ægyptiorum, ut incederetis recti. » Et quoniam palma solet manum ornare victricem, recte sancta et insuperabilis anima palmæ esse similis perhibetur, quia per omnem sui certaminis cursum peractæ victoriæ præmium meditat, atque idcirco floccipendit omne quod in infirmis tolerat, quia erecta velut palma, id quod in cœlestibus aspicit, firmiter sperat.

CAPUT XXV.

In sermone de inventionem S. Crucis.

« Dixi, inquit ad sponsam sponsus : Ascendam in palmam et apprehendam fructus ejus, et erunt ubera

tua, sicut botri vineæ; odores tui, sicut malorum; A guttur tuum, sicut vinum optimum (*Cant. vii.*) » Fructus nempe crucis omnes electi sunt. Ascendit igitur Dominus in palmam et apprehendit fructus ejus, quia mox ut in cruce pro nostra salute pependit, omnes electos ad semetipsum per amoris desiderium traxit. Et tunc sancta Ecclesia per duorum Testamentorum ubera spiritualis cœpit lætitiæ vina diffundere, atque odorem cœlestis concupiscentiæ humanarum mentium naribus inspirare; ut incitata ad sequendum, mens nostra sibi gratulans dicat: « Trahe me post te, curremus in odorem unguentorum tuorum (*Cant. i.*) »

CAPUT XXVI.

« Sub arbore malo suscitavi te (*Cant. viii.*) » Cum dilectæ suæ sponsus præmisisset: » Sub arbore B malo suscitavi te; » consequenter adjunxit: « Pone me ut signaculum super cor tuum, ut signaculum super brachium tuum (*Ibid.*); » ac si dicat: Quia ergo te in tantum dilexi, ut per mortem crucis te mortuam suscitarem, tu etiam me alterutrum dilige, meque interius non modo cogitationibus sed et operibus, velut integri atque perfecti amoris signaculum pone. Nam arborem malum debemus Dominicam crucem accipere; cui videlicet arbori ipsum alibi Christum comparat, dicens: « Sicut malus inter ligna silvarum, sic dilectus meus inter filios (*Cant. ii.*) » Arbor ergo mali crux est Christi, per quam suscitata est anima, a mortis scilicet æternæ vinculis absoluta. « Pone me, inquit, ut signaculum super cor tuum, ut signaculum super brachium tuum (*Cant. viii.*) » **246** Quid per cor, nisi cogitationem? C Quid per brachium, nisi operis debemus intelligere fortitudinem? Christum ergo tanquam signaculum cordi nostro debemus imprimere, ut nulla hæc valeat hostilis irruptio violare. Christum etiam operibus nostris debemus inculpere, ut, per omne quod agimus, crucifixi nos præceptoris discipulos demonstramus.

Explicunt testimonia de Canticis canticorum.

INCIPIUNT CAPITULA LIBRI SAPIENTIÆ.

1. Quod benignus est spiritus sapientiæ.
2. Dum medium silentium tenerent omnia.

Explicunt capitula.

247 INCIPIUNT TESTIMONIA LIBRI SAPIENTIÆ.

CAPUT PRIMUM.

In libro GRATISSIMO.

« Benignus est enim Spiritus sapientiæ, et non liberabit maledictum a labiis suis (*Sap. i.*) » Benignus namque Spiritus sanctus congrue dicitur, quia mala merentibus bona retribuit, et dignis supplicio gratiæ suæ munus impertit. Quis autem hoc loco maledicti nomine, nisi Redemptor noster debet intelligi, qui ut nos a maledictionis vinculo solveret, ipse non respuit maledictionibus subjacere? Unde et Paulus dicit: « Christus, inquit, nos redemit de maledicto legis, factus pro nobis maledictum, quia

CAPUT XXVII.

In epistola ad Blancam, et in sermone de sancto Cassiano.

« Pone me ut signaculum super cor tuum, ut signaculum super brachium tuum (*Cant. viii.*) » Sæpe nos ob rei memoriam, quam oblivioni tradere nolumus, digito nostro, vel brachio signum aliquod innodamus, ut, dum signum frequenter attenditur, res, quam interciderere potuisset oblivio, jugiter in memoria teneatur. Quisquis autem Christum quasi amat, sed operari bona dissimulat, jam quodammodo sponsum super cor signaculum posuit. Quisquis vero bonis operibus videtur intentus, sed a divini amoris torpet incendio frigidus, jam iste sanctitatis imaginem super brachium posuit, sed adhuc in corde Christi signaculum non expressit. Ut ergo sancta anima Christi caractere utrobique signetur, eum in corde suo signaculum ponat, ut amoris ejus facibus medullitis inardescat. Ponat etiam consequenter in brachio, ut piis operibus valenter insistat. Signaculum Paulus in corpore suo velut in brachio Jesu posuerat, cum dicebat: « Ego stigmata Jesu in corpore meo porto (*Gal. vi.*) » Signaculum super cor posuerat, cum alibi gratulabundus aiebat: « Mihi autem absit gloriari, nisi in cruce Domini nostri Jesu Christi, per quem mihi mundus crucifixus est et ego mundo (*Ibid.*) » Cujus sane stigmata expressa gerebat in corpore, ejus se signaculum habere gloriabatur in mente. Porro autem et ipse cœlestis Sponsus electum quemque suum sibi signaculum ponit eumque grata vice tanquam ne de memoria deleatur, attendit: juxta quod Zorobabel duci Judææ pollicetur, dicens: « In illa die suscipiam te, Zorobabel serve meus, et ponam te sicut signaculum in conspectu meo (*Agg. ii.*) » Et contra de quodam reprobo rege Dominus dicit: « Si fuerit Jechonias annulus dexter in manu mea, inde evellam eum (*Jer. xxii.*) »

D scriptum est: Maledictus omnis qui pendet in ligno (*Deut. xxi.*), ut in gentibus benedictio Abraham fieret in Christo Jesu, ut pollicitationem Spiritus accipiamus per fidem (*Gal. iii.*) » Benignus ergo Spiritus sanctus non liberavit maledictum a labiis suis, quia cuncta Dominicæ passionis mortisque supplicia, quæ de Christo per ora prophetarum ante prædixerat, congruo tempore per exhibitionem operum efficaciter adimplevit. Tunc enim quodammodo a suis eum labiis liberaret, si quod de illa prophetis enuntiaret oraculis, per rerum ordinem non implevisset. Ubi notandum quam profunde, quam mystice simul

congruat doctoris utriusque sententia. Quod enim A unus dixit quia Spiritus non liberabit maledictum a labiis suis, hoc est, quod alter asseruit, ut pollicitationem Spiritus accipiamus per fidem; atque ut ostendat vir sapiens, de quo maledicto loqueretur, præmissa sententia protinus addidit: « Quoniam renum illius testis est Deus, et cordis illius scrutator est verus et linguæ illius auditor (Sap. 1). » Quia enim Patris et Filii inseparabilis et coessentialis est unitas, renum Filii testis et cordis ejus scrutator jure Pater asseritur, cujus nimirum virtus et sapientia ipse Filius nulla ab eo creditur inæqualitate diversus, nulla probatur adjunctione semotus. Linguæ etiam illius auditor est, sicut ipse testatur: « Pater, inquit, gratias ago tibi, quoniam audisti me, ego autem sciebam, quia semper me audis (Joan. XI). » B Idcirco igitur spiritus non liberavit maledictum a labiis suis, quia Deus testis atque scrutator est cordis illius et linguæ auditor. Ac si patenter diceret: Ideo Dei Filius passionis supplicia pertulit, quia ipse Filius, cui cum Patre et eodem 248 Spiritu sancto una voluntas, una est providentia, id fieri pro humani generis salute decrevit. De quo nimirum Apostolus: « Qui dilexit me, inquit, tradidit semetipsum pro me (Gal. II). »

CAPUT II.

In sermone secundo de S. Bartholomæo apostolo.

« Dum medium silentium tenerent omnia et vox in suo cursu medium iter haberet, omnipotens sermo tuus, Domine, de cælo a regalibus sedibus venit (Sap. XVIII). » In adventu quippe Domini medium C silentium omnia continebant, quia jam prophetæ cessaverant, et nondum apostoli ad prædicandum

novæ fidei gratiam veniebant. In quodam plane mundus meditullio consistebat, dum et prophetarum nequaquam oracula superessent et apostolica nondum prædicatione coruscaret. Quid autem hic per vox intelligitur, nisi diabolus, qui auctor est tenebrarum? Qui nimirum quodammodo tunc ambulat, cum non facile valet implere quod optat; tunc vero currit, cum malitiæ suæ vota absque ullo contradictionis obstaculo perficit, et non jam viæ marginem, sed medium iter tenet, dum nihil sibi videt occurrere quod sui cursus impetum valeat retardare. Cum igitur sub tam noxio mundus silentio conticesceret, et hæc ad perdendos homines occasio diabolum vocaret, ille non modo medium iter habebat, sed et currebat, quia quidquid nequitiae suæ mente conceperat efficaciter adimplebat. Nam et cuncta jam Romanum occupabat imperium, et necesse erat eos, qui legem Dei eatenus saltem utcumque tenebant, jam subesse legibus paganorum. Sub hoc igitur peruentis mundi silentio sermo Domini a regalibus sedibus venit, quia de pectoribus apostolicis, quæ Regis æterni veraciter sedes sunt, verbum evangelicæ prædicationis erupit. Ipsi quippe regales sunt sedes quas Deus inhabitat, ipsi reges et Patres Ecclesiæ, sicut dicitur: « Omnis gloria ejus filiæ regum ab intus (Psal. XLIV). » Isti sane reges armati gladio spiritus, quod est verbum Dei (Ephes. VI), debellarunt principem mundi. De quo nimirum apostolorum gladio legitur: « Durus debellator in mediam exterminii terram prosilivit, gladius acutus insinulatum imperium tuum portans, et stans replevit omnia morte, et usque ad cælum attingebat stans in terra (Sap. XVIII). »

Expliciunt testimonia de libro Sapientiæ.

INCIPIIT CAPITULUM DE LIBRO ECCLESIASTICI.

CAPUT UNICUM.

In sermone secundo de S. Matthæo apostolo et evangelista.

« Legem mandavit Moyses in præceptis justitiarum, et hæreditatem domui Jacob et Israel promissiones (Eccli. XXIV). » Ut autem in his verbis D nondiutius immoremur, lex ista, quæ hæreditas promissionis dicitur sanctum est Evangelium, quod quidem antiquis Patribus est promissum, nobis autem hæreditario jure, Christo veniente, collatum; ubi præsto subjungitur: « Posuit David puero suo excitare regem ex ipso 249 fortissimum in throno honoris sedentem in sempiternum. Qui implet quasi Phison sapientiam, et sicut Tigris in diebus novorum; qui adimplet quasi Euphrates sensum; qui multiplicat quasi Jordanis in tempore messis; qui mittit disciplinam sicut lucem, et assistens quasi Geon in die vindemiæ (Ibid.). » Hæc itaque, fratres mei, tam lucide, tam aperte de Christo et sanctis evangelistis dicta sunt ut ad hoc insinuandum exponi non egeant, sed dum in sanctis ac mysticis verbis vindemiæ nomen auditis, qui ex temporis occasione terrenas vindemias præ manibus habetis, debet a circumstantibus ad interiora recurrere, et spiritualem vindemiam sanctam vestra prudentia cogitare. Ait enim in fine sententiæ: « Qui mittit disciplinam sicut 250 lucem, et assistens quasi Geon in die vindemiæ (Ibid.). » Quis est ille, qui mittit disciplinam sicut lucem, nisi is qui, post velatam faciem Moysi, pos sesso tenebris mundo, radiantem Evangelii sui ingerit claritatem? Assistit itaque quasi Geon, de quo et per Prophetam dicitur: « Dominus Deus noster fluvius gloriosus exsilien s in terram sitientem (Ibid.). » Quæ est autem vinea, cui quasi Geon assistit, et prædicationis suæ madioribus irrigare non desinit, nisi illa de qua per Prophetam dicitur: « Vineam autem Domini Sabaoth domus Israel est? » (Isa. V.) Hanc vineam de Ægypto vetustæ legis Domini transtulit, et ad terram Evangelii, quæ mel et lac manat, induxit.

Expliciunt testimonia de libro Ecclesiastici.

INCIPIUNT CAPITULA LIBRI ISAIAE PROPHETÆ.

1. De eo quod dicitur : Et conflabunt gladios suos in vomeres et lanceas suas in falces.
2. Quod dies Domini sit super omne superbum.
3. Quod Seraphim, senas alas habentes, volabant ante faciem Dei.
4. Lateres ceciderunt, sed quadris lapidibus ædificabimus.
5. Ponam super his, qui fuerunt de Moab, Leonem. Emitte Agnum, Domine, Dominatorem terræ, de petra deserti ad montem filiz Sion.
6. Quod visio omnium erit, sicut verba libri signati.
7. Glorificabit me bestia agri, dracones et struthiones, quia dedi in deserto aquas.
8. Propter scelus populi mei percussit eum, et dabit impium pro sepultura et divitem pro morte sua.
9. Quis est iste qui venit de Edom tinctis vestibus de Bosra ?
10. Nunquid ego, qui alios parere facio, ipse non pariam dicit Dominus ?

Expliciunt capitula.

INCIPIUNT TESTIMONIA.

CAPUT PRIMUM.

« Et conflabunt gladios suos in vomeres et lanceas suas in falces (Isa. II). » Impatientibus sane correptiones quasi gladii sunt, sed si volunt ut hi gladii vertantur in falces, hirsuta vitiorum suorum dumeta, quibus horrent, permutantur in messes. Unde propheta cum præmisisset de Salvatore nostro « quia iudicabit gentes et arguet populos multos, » protinus addidit : « Et conflabunt gladios suos in vomeres et lanceas suas in falces (Ibid.). » Nimirum congruus ordo, dum primo quidem peccator arguitur, deinde et gladii in vomeres et lanceæ conflantur in falces. Nam dum impatiens quispiam per disciplinam mitior factus tanquam planus ager increpationis cultro proscinditur, deinde suavi semine sanctæ prædicationis aspergitur, et sic demum fe-

B aggestum tumidæ cogitationis in alta 251 porrecti, sed frumento, quo valles abundant (Psal. LXIV), cunctisque spiritualium studiorum frugibus alieni. Jam vero turris excelsa et murus munitus illos insinuat qui, cum peccatores sint, in quadam se velut innocentia arce constituunt seseque defensionis clypeo contentes reprehensorum suorum jacula ad se pertingere non permittunt. Tharsis autem exploratio gaudii dicitur; quisquis enim in hoc sæculo, unde gaudere possit, explorat, huic superveniens dies Domini, quibus perpetualiter amarescat, mœroris atque tristitiæ molestias irrogat. Venit etiam dies Domini, non super omne quod pulchrum est, sed super omne quod visu pulchrum est, quia in die divini iudicii pondere premitur qui intrinsecus quidem vitiorum latenter ingruentium deformitate confunditur; foris autem quadam adumbratæ virtutis, vel potius honestatis pulchritudine palliatur.

CAPUT III.

Ad Oldericum, episcopum Firminum.

CAPUT II.

In epistola ad Blancam.

« Dies Domini super omnem superbum et excelsum, super omnem arrogantem et humiliabitur, et super omnes cedros Libani sublimes et erectas, et super omnes quercus Basan, et super omnes montes excelsos, et super omnes colles elevatos, et super omnem turrem excelsam, et super omnem murum munitum, et super omnes naves Tharsis et super omne quod pulchrum visu est (Isa. II). » Ex rebus insensibilibus dies divini iudicii dicitur imminere, sed per figuras rerum ratione carentium, stoliditas intelligitur hominum reprobatorum. Cedri quippe Libani sublimes et erectæ, potentes sunt hujus sæculi, per excellentiam quidem terrenæ sublimitatis elati, sed bonorum operum fructibus infecundi. Quercus autem fructus quidem proferunt, sed non quibus homo reficitur, sed unde sues aluntur. Sues autem immundi intelligendi sunt spiritus, qui spurcis sordentium hominum saginantur. Porro montes excelsi et colles elevati, superbi quique sunt, quasi per

C Quæcunque humana mens sano viget fulta consilio, si se subtiliter et solerter inquirat, vix in se suis facultatibus invenit, unde merito sperare præconium possit. Mortalis quippe conditio undique coarctata atque constricta, quid novit unde possit extolli? Quis enim sciat quid in æternitate fuerit, antequam Deus hunc corderet mundum? Sed cum ignoret quid fuerit ante mundi principium, novit forsitan quid post ejus terminum sit futurum, utrum scilicet in ministerio sui cursus ulterius astra deserviant, et utrumne, post ea quæ nunc sunt alia rursum elementa succedant. Unde et Seraphim illa, quæ Isaias propheta in conspectu Domini stare conspexit, senas alas habuisse describit: « Duabus, inquit, velabant faciem, et duabus velabant pedes, et duabus volabant (Isa. VI). » Velabant porro faciem, sives pedes, non suos, sed utique Dei. Et quid per faciem Dei, nisi mundi principium? quid per pedes, nisi ejusdem mundi finis debet intelligi? Alarum ergo seraphim et plures sunt quæ velant et paucae quæ volant, quia ex divinorum operum celsitudine cum perpaucæ ad nostram permittantur advolare notitiam, plurima in thesauris secretorum cœlestium servantur occulta. Nam quod

funditus ignoremus quid ante mundi principium fuerit et quid jam post consummationem jam sit futurum, idem perhibet Isaias : « Priora, inquit, annuntiate mihi et novissima quæ futura sunt, et dicam quia dii estis (*Isa. XL*). » De mediis autem pauca utcumque cognoscimus, quæ ex Scripturarum attestatione nobis panduntur. Porro autem et in his ipsis quantam notitiæ patiamur inopiam, qui sapientissimus inter homines exstitit, non erubuit confiteri. Ait enim Salomon : « Sunt justi et sapientes, quorum opera in manu Domini; et tamen nescit homo utrum amore an odio dignus sit, sed omnia in futurum servantur incerta (*Eccle. IX*). » Ubi notandum quia cum justos dicat et sapientes, qui nimirum debuerant subtilius nosse, ipsos etiam perhibet quæ futura sunt ignorare.

252 CAPUT IV.

In epistola ad Hermisindim, quod ædificium humanæ superbix cito destruitur.

Qui, contempta terrenæ conversationis concupiscentiæque structura spiritualis ædificii fabricam construunt, hi quasi lateres in lapidem vertunt; et non in arena mundanæ spei, sed in petra fidei, quæ Christus est, atria nunquam lapsura constituunt. Unde per Isaiam dicitur : « Lateres ceciderunt, sed quadris lapidibus ædificabimus; sycomoros succiderunt, sed cedros immutabimus (*Isa. IX*). » Lateribus quippe candentibus et lapidibus quadris ædificat quisquis vitiorum voluptatumque lasciviam districtioris vitæ rigore castigat, qui legem carnis lege spiritus superat, qui fortitudinem corporis animi virtute demutat. Unde rursus per Isaiam dicitur : « Qui confidunt in Domino mutabunt fortitudinem (*Isa. XL*). » Nam dum non assumunt, sed mutabunt, dixit, patenter innouit, aliam esse fortitudinem, quæ deponitur, aliam, quæ noviter inchoatur. Hinc electis per Psalmistam dicitur : « Viriliter agite et confortetur cor vestrum, omnes qui speratis in Domino (*Psal. XXX*). » Hinc Salomon ait : « En lectulum Salomonis sexaginta fortes ambiunt ex fortissimis Israel (*Cant. III*). »

CAPUT V.

In libro contra Judæos.

Isaias perhibens testimonium de Christo : « Ponam, inquit, super his qui fuerunt de Moab leonem, et reliquis terræ. Emitte Agnum, Domine, dominatorem terræ de petra deserti ad montem filiæ Sion (*Isa. XV, XVI*). » De hac enim gente Moabiturum egressus est Agnus immaculatus, qui tollit peccata mundi, qui dominatur in orbe terrarum. Nam qui leo propter fortitudinem dicitur, ipse agnus propter mansuetudinem perhibetur. Petra autem deserti Ruth intelligitur, quæ deserta prioris morte conjugis, Obed de Booz genuit (*Matth. I*); de quorum Christus stirpe descendit.

CAPUT VI.

In sermone de S. Luca evangelista.

« Et erit vobis visio omnium sicut verba libri signati, quem cum dederint scienti litteras, dicent :

A Lege istum; et respondet : Non possum; signatus est enim (*Isa. XXIX*). » Quis enim est liber ille signatus, nisi sanctum Evangelium mysticis figurarum sententiis obvolutum et ab humanæ mentis intelligentia procul arcana quadam profunditate remotum? Hic profecto liber ille est, de quo Joannes ait : « Vidi in dextra sedentis super thronum librum scriptum intus et foris, signatum sigillis septem (*Apoc. V*). » Quæ sunt autem sigilla, quibus liber evangelicus obsignatus dicitur, nisi septem illa sacramenta, quibus utique totus ordo Dominicæ dispensationis impletur, videlicet incarnatio Domini, 253 nativitas, passio, resurrectio, ad cælos ascensio, deinde judicium, postremo regnum? His itaque sigillis liber evangelicus ita signatus est, ut nisi eum Christus aperuisset, cuilibet omnino patere non posset. Unde subjungitur : « Ecce vicit leo de tribu Juda, radix David, aperire librum, et solvere septem signacula ejus (*Ibid.*). »

CAPUT VII.

In eadem epistola.

« Glorificabit me bestia agri, dracones et struthiones, quia dedi in deserto aquas, flumina in invio; ut darem potum populo meo, electo meo (*Isa. XLIII*). » Quid enim bestia designat agri, nisi gentilitatem utique rationis expertem? Quid per dracones, nisi maligni? Quid vero per struthiones, qui pennati sunt, sed volare nequeunt, nisi hypocritæ figurantur? Hæ ergo bestię Deum glorificant, dum Christus gentili populo, qui desertus erat et invius, C exuberantibus Evangelii verba propinat. Scyphus itaque evangelii prædicationis in Benjamin datus est Paulo, ut ipse desertum gentilitatis specialiter excolat et ariditatem ejus largo sanctæ prædicationis imbri perfundat. De quo scilicet imbre scriptum est : « Qui operit cælum nubibus et parat terræ pluviam (*Psal. CXLVI*). »

CAPUT VIII.

In epistola ad Albericum card., de decem quæstionibus.

Illud etiam Isaïæ, quod tibi petis exponi : « Propter scelus populi mei percussi eum, et dabit impium pro sepultura et divitem pro morte sua (*Isa. LI*). » ; ut nobis videtur tale est : Pater omnipotens Filium propter populi sui peccata percussit, quia illum, ut nostra peccata deleteret, crucis patibulum subire constituit. Ad hoc enim est Filius a Patre traditus, ut servus fieret absolutus, sicut et Apostolus : « Qui proprio, inquit, Filio non pepercit, sed pro nobis omnibus tradidit illum (*Rom. VIII*). » Ad hoc innocens vulneribus est percussus, ut peccator exsultet a suorum vulnerum livore sanatus. Sicut per eundem Isaiam dicitur : « Ipse autem vulneratus est propter iniquitates nostras, attritus est propter scelera nostra, cujus livore sanati sumus (*Isa. LIII*). » Sed Redemptor noster pro duobus populis, gentili videlicet et Judaico; pati dignatus est, quorum alter impius, alter dives merito dicebatur. Et gentilis quidem populus impius erat; quia idolis

serviens, pietatem divini cultus ignorabat. Hæc autem pietas Græce dicitur *θεοσιτία*. Judaicus vero populus dives exstiterat, quia dum Sabbata, circumcisionem, noementias omnesque cæremonias divinæ legis acceperit, tanquam copiosis thesauri celestis divitiis abundavit. Quibus exuberare divitiis Corinthios jam conversus Paulus exultabat, cum diceret : « Gratias ago Deo meo semper pro vobis in gratia Dei, quæ data est vobis in Christo Jesu, quia in omnibus divites facti estis in illo, **254** in omni verbo et in omni scientia, ita ut nihil vobis desit in ulla gratia (I Cor. 1). » Salvator ergo noster pro morte, quam in se suscepit, duos de morte resuscitatos Patri populos reddidit : Gentilem scilicet, qui dæmonibus olim impie serviebat, et Judaicum, qui, quamvis occidentem litteram tenens et vivificantem spiritum nesciens, divinæ tamen legis divitias possidebat.

CAPUT IX.

In homilia de nativitate S. Mariæ virginis.

« Quis est iste, qui venit de Edom, tinctis vestibus de Bosra? » Et paulo post : « Quare ergo rubrum est indumentum tuum, et vestimentum tuum sicut calcantium in torculari? » (Isai. LXIII.) Indumentum quippe Christi nihil est aliud, nisi corpus quod sumpsit ex domina et virgine Maria. Nec tamen aliud est vestimentum ejus atque aliud ipse. Nam nostrum quoque vestimentum caro dicitur, sed tamen ipsi nos sumus caro, qua vestimur. De quo vestimento per Joannem dicitur : « Habebat in vestimento et in femore suo scriptum : Rex regum et Dominus dominantium (Apoc. XIX). » Per femur quippe propagatio carnis fit. Qui ergo per propa-

nem generis humani in mundum nunc venit ex Virgine, et per incarnationis suæ mysterium, qui Rex esset et Dominus cunctis gentibus indicavit, in vestimento et femore scriptum habuit : « Rex regum et Dominus dominantium. » Unde enim mundo innotuit, ibi scientiam suæ majestatis inscripsit. Hoc autem indumentum rubrum prophetæ apparuit, quia Redemptor noster proprium pro redemptione nostra sanguinem fudit. Cui ipse respondit : « Torcular calcavi solus et de gentibus non est vir mecum (Isai. LXIII). » Solus enim torcular, in quo calcatus est, calcavit, quia sua potentia eam quam sustinuit passionem vicit. Nam qui usque ad mortem crucis patibulum pertulit, de morte ipsa cum gloria resurrexit. Bene autem dicitur : « Et de gentibus non est vir mecum (Ibid.). » quia ii, pro quibus pati venerat, passionis ejus esse participes debebant; qui pro eo, quod necdum crediderant, de ipsis in resurrectione conqueritur quorum vita in ejus morte querebatur.

CAPUT X.

In epistola ad Cunibertum episcopum Taurinensem, de incontinentia clericorum.

In pastoribus quidem inutilis esse castitas jure decernitur, quæ se sic exhibet sterilem, ut aliam non pariat castitatem, præsertim cum ipse Deus omnipotens per Isaiam : « Nunquid ego, qui alios parere facio, ipse non pariam, dicit Dominus? » (Isai. LXVI.) Ubi notandum quia dum, non alias, sed alios parere facio, dicat, virorum potius ac pastorum Ecclesiæ fetus expectat. Malus autem pastor cum eodem propheta potest lugendo cantare : « Non parturivi, et non peperit, et non enutrivit juvenes, nec ad incrementum perduxit virgines (Isai. XXXIII). »

Expliciunt testimonia Isaiæ.

255-256 INCIPIUNT CAPITULA JEREMIÆ.

1. De occisione, quam Dominus minatur Hierusalem, quia dereliquerunt eum.
2. Præcepit Dominus Jeremiæ, ut vadat ad Euphratem, et abscondat ibi in foramine petræ lumbare quo erat præcinctus.
3. De eo quod dicitur : Quod perdix fovit, quæ non peperit : fecit divitias, et non in judicio, in dimidio dierum suorum reliquit eas.
4. Quod Dominus ait per Jeremiã : Nunquid non verba mea sunt quasi ignis, dicit Dominus, et quasi malleus conterens petram?
5. Quod intulit Dominus habitatoribus Hierusalem gladium, et famem, et pestem : eo quod non audierint prophetas quos miserat ad eos.
6. Quod dum Jeremiã de puteo in quem projectus fuerat, levatur, funes et veteres pannos ad eum deponunt.
7. Maledictus qui prohibet gladium suum a sanguine.
8. Inebriavit me absinthio.
9. Ex ore Altissimi non exierunt nec bona, nec mala.
10. Filii Agar, qui exquisierunt prudentiam, quæ de terra est, viam sapientiæ.

Expliciunt capitula Jeremiæ.

INCIPIUNT TESTIMONIA.

CAPUT PRIMUM.

In epistola ad P. archiepiscopum, ubi loquitur de animæ egressione a corpore.

« Ecce ego convocabo omnes cognationes regnorum aquilonis, ait Dominus; et venient, et ponent unusquisque solium suum in introitu portarum Hierusalem, et super omnes muros ejus in circuitu, et super universas urbes Juda; et loquar judicia mea

ad eos super omni malitia eorum qui dereliquerunt me (Jer. 1). » Quæ profecto verba, si præter illos terrenæ Hierusalem cives ad alios non respicerent, nequaquam hodie in sancta Ecclesia reserarent. Quæ sunt igitur illæ cognationes regnorum aquilonis, nisi malignorum spirituum multitudines, in frigidis adeo mentibus superbe regnantes? Hi solium suum unusquisque in introitu portarum Hierusalem

ponunt, cum egredientem de corpore infelicem animam, circumposita, ne libera prodeat, obsidione custodiunt, ut eam secum nunc ad ignis supplicium pertrahant, in cujus antea frigida mente regnabant. O quam luctuosa, quam lugubris est sera et infructuosa illa pœnitentia, cum peccatrix anima jam incipiens carnis carcere, quo inclusa tenebatur, absolvi, respicit post se, dirigit oculos ante se! Videt post se velut angustissimum atque brevissimum stadium vitæ mortalis emensum, videt ante se interminabilem longitudinem seculorum. Perpendit quasi momentum temporis celeriter advoasse, quod vixit; contemplatur infinitam prolixitatem temporum instare quam incipit. Id enim brevissimum quod est, velut in puncto, transeurrit: huic autem viæ quam nunc ingreditur nullus omnino finis occurrit.

CAPUT II.

In epistola ad P. archipresbyterum, de incontinentia clericorum.

« Vade, inquit Dominus ad Jeremiam, et posside tibi lumbare lineum, et pones illud super lumbos tuos (*Jer. xiii*). » De quo et paulo post : « Surgens, inquit, vade ad Euphratem, et absconde illud ibi in foramine petræ. » Quod cum fecisset, et in Euphrate, sicut jussus fuerat, abscondisset, post plurimos dies ait Dominus ad eum : « Surge, et vade ad Euphratem, et tolle inde lumbare. Et abiit, inquit, ad Euphratem, et tulit lumbare de loco ubi absconderam illud; et ecce computruerat, ita ut nulli usui aptum esset. Et ait Dominus : Sic putrescere faciam superbiam Juda, et superbiam Hierusalem multam, populum istum pessimum, qui nolunt audire verba mea, et ambulat in pravitate cordis sui, et erunt sicut lumbare istud, quod nulli usui aptum est (*Ibid.*). » Quid hic Jeremiæ persona, nisi Dominum? Quid lumbare, nisi ordinem significat clericorum? Omnis Ecclesiæ vestis est Christi, de cujus sibi membris per prophetam dicitur : « Omnibus his velut ornamento vestieris (*Isai. xlix*). » Sed sicut lumbare intimum est humano corpori et arctius adhæret quam reliquæ vestes, ita clericalis ordo familiaris divinis agglutinatior obsequiis, quam cæteri homines; sicut illie de Israelitico populo divina vox ait : « Sicut enim adhæret lumbare ad lumbos viri, sic agglutinavi mihi omnem domum Israel, et omnem domum Juda, ut esset mihi in populum, et in nomen, et in laudem, et in gloriam; et non audierunt (*Jer. xiii*). » Quibus, quæso, tam apte, tam expresse, sicut clericis possunt ista congruere, qui nomen Dei, laudem et gloriam specialiter constitui sunt prædicare? Sicut enim Israel, et Juda peculiaris erat populus Deo inter omnes gentes terræ, ita nunc clerici specialiter adhærent **257** Christo præ cunctis membris Ecclesiæ. Isti nempe sunt lumbare lineum arctiori divino corpori familiaritate connexum. Linum siquidem laboriose pervenit ad candorem; et clerici modo litterarum studiis insudando, modo per intervalla tem-

porum quibusdam gradibus ascendo, difficile promoventur ad sacri ordinis dignitatem; aliquin si quis contentiosius astruat hoc juxta Scripturæ seriem historialiter factum, nec spiritualiter intelligendum; quomodo Jeremias potuit inter innumera-biles Assyriorum Chaldaeorumque nationes urbem Hierusalem constipatis agminibus obsidentem, lumbari præcinctus exire, idque in Euphrate qui tam longe decurrit abscondere? Postmodum quoque profligato diurni temporis cursu, quo pacto quasi securius rediit illudque putrefactum, sicut Scriptura testatur, invenit, cum Hierusalem videlicet fossa, vallo, castellis et tam crebra undique esset munitione circumdata? Nam cum aliquando idem propheta ad Anathoth viculum suum in tertio miliario ab urbe **B** situm conaretur exire, in porta protinus capitur, ad principes trahitur, graviter verberatur et tanquam transfuga, sive patriæ proditor in carcerem traditur (*Jer. xxxii*). Quia ergo non consequitur ut intelligatur historialiter factum, constat procul dubio typicæ figuræ non deesse mysterium. Bene ergo per lumbare lineum, juxta hæc quæ superius dicta sunt, chorus exprimitur clericorum. Quod autem hoc lumbare in Euphrate, hoc est in aquoso loco, et in foramine petræ, id est in obscuritate atque umbra poni jubetur, quid per hoc exprimitur nisi illa clericorum pars quæ sub voluptatis umbra et in fluxu luxuriæ commoratur? De quorum duce in libro Job Dominus dicit : *Sub umbra dormit, in secreto calami, et locis humentibus. Protegunt umbræ umbram ejus, circumdant eum salices torrentis* (*Job xl*); atque ut ostendat quantum cum suis familiaribus in habitatione luminis delectetur, protinus addidit : *Ecce absorbebit fluvium, et non mirabitur : habet enim fiduciam, quod influat Jordanis in os ejus.* Quod autem dicitur fuisse positum in foramine petræ, potest non inconvenienter intelligi intra septa Ecclesiæ. Quasi enim in foramine petræ clerici recluduntur, dum intra Ecclesiæ limina suis excubare ministeriis sedula frequentatione jubentur. Lumbare ergo in humenti loco positum putruit; quia de his qui in luxuriæ fluxibus immorantur, propheta testatur : *Computruerunt jumenta in stercore suo* (*Joel. i*). Jumenta quippe in stercore suo computrescunt, dum quique carnales ac sordidi vitam suam in luxuriæ fectore concludunt. Nulli enim usui aptum repertum est; quia et Dominus ait : *Nemo mitens manum suam ad aratrum, et respiciens retro, aptus est regno Dei* (*Luc. ix*). Ac si aperte dicat : Quisquis dictante sui ordinis regula pudicitiae semel arripit stivam, si postmodum per ardorem libidinis oculos reflectit ad Sodomam; quia jam montana desperat, regno Dei se prorsus inutilem factum esse demonstrat. At instar ergo lumbaris in humecto loco positi clerici computrescunt, dum humidus erapula et ebrietate ventres ingurgitant, dum illuvie se libidinis et cœ-nosæ luxuriæ fluentis inundant; sicque cunctis usibus redduntur inutiles; **258** quia quo magis videntur in carne virescere, eo deterius marcescentes

obsolescunt in squalentis animæ fœditate. De quibus A
in psalmo : « Corrupti sunt, inquit, et abominabiles
facti sunt in voluptatibus suis (Psal. xlv). »

CAPUT III.

In epistola ad P. abbatem.

« Perdix fovit quæ non peperit; fecit divitias, et
non in iudicio, in dimidio dierum suorum relinquet
eas, et in novissimo suo erit insipiens (Jer. xvn). »
Nempe salvo eo, ut de his qui alienos furantur
alumnos hoc possit intelligi, videtur tamen de totius
auctore nequitia principaliter dici. Diabolus enim
tanquam doctor in cathedra pestilentia super homi-
nes sibi magisterium usurpavit quos ipse non con-
didit, et errorem eos docendo quasi fovit quos
creando non peperit. Fecit itaque divitias, et non in
iudicio; quia dum rebus alieni juris discere voluit,
æquitatis iudicium temeravit; sed in dimidio dierum
suorum relinquet eos. Diabolus enim quasi adhuc
vivit, dum eum ultimi iudicii gladius necdum trans-
fodit. Nondum itaque mortuus suas divitias jam re-
linquit; quoniam ad Creatorem suum genus huma-
num ex maxima parte jam rediit. In novissimo au-
tem suo erit insipiens, quem, sicut Apostolus ait :
« Dominus Jesus interficiet spiritum oris sui, et de-
struet illustratione adventus sui (II Thess. ii). » Et
propheta : « Spiritu, inquit, labiorum suorum inter-
ficiet impium (Isai. xi). » Homo igitur magistrum
deserit abusivum et redit ad proprium, cum novum
damnat errorem et ad suæ revertitur conditionis
originem. Unde illic apte subiungitur : « Solum
gloriæ altitudinis a principio, locus sanctificationis C
nostræ, expectatio Israel (Jer. xvn). » Deus itaque,
qui est principium gloriæ, ipse est expectatio Israel;
quoniam a quo genus humanum prodit per condi-
tionis revertitur sacramentum. Qui ergo sedebat in
solio gloriæ altitudinis a principio et hominem elo-
cebat, ipse est expectatio Israel, ut in loco sancti-
ficationis nostræ, id est, in sancta Ecclesia eundem
hominem iterum doceat. Unde per Psalmistam di-
citur : « Reminiscentur et convertentur ad Domi-
num universi fines terræ, et adorabunt in conspectu
ejus omnes patriæ gentium (Psal. xxi). » Quisquis
ergo alienum tollit violata fide discipulum, Antichristi
procul dubio imitatur exemplum. Et sicut i le, quod
alumnus est, more perditionis amittit; sic iste, quod
usurpator est, æquitatis interveniente iudicio non
tenebit.

CAPUT IV.

In epistola ad cardinales episcopos.

Non sufficit, cum a diabolo raptus, ad Deum
quisque pia devotione convertitur, nisi mox etiam
a status sui doltia, quasi crebro sanctæ prædica-
tionis malleo conteratur. Unde per Jeremiam;
« Nunquid non verba mea sunt quasi ignis, dicit
Dominus, et quasi malleus conterens petram? »
(Jer. xxiii.) Verba quippe Domini quasi ignis sunt,
quia frigus expellunt, 259 calorem mentibus inge-
runt; malleus autem sunt, quoniam obstinationis et
pervicaciæ duritiam molliunt.

CAPUT V.

*In epistola ad P. archiepiscopum, super egressionem
animæ de corpore.*

« Ecce, ait Dominus, mittam in eos (in cives vi-
delicet Hierusalem) gladium, et famem, et pestem, et
erunt in maledictionem, et stuporem, et in sibiham,
et in opprobrium. » Cur sit hoc factum, aperit, cum
subiungit : « Eo quod non audierint, inquit, verba
mea, quæ misi ad eos per servos meos prophetas, de
nocte consurgens et mittens (Jer. xxix). » Quod au-
tem dicit, de nocte consurgens, mittendi sollicitu-
dinem indicat et velocitatem, ut non in verbi prædi-
catoribus, sed in auditoribus potius torpor desidiam
valeat inveniri. Cum itaque Deus omnipotens hu-
mano more hominibus loquens, de nocte consur-
rexisset se ac per hoc quasi somnum se interrupsisse
conqueritur; quod nobis opprobrium valet objicere,
si nobis in ultimo necessitatis periculo constitutis
velut hæc peremerito responderet : Ego propter vos,
cum essem Creator, factus sum creatura; ego pro-
pter vos irrisiones et opprobria pertuli, crucem
subii et cuncta quæ vobis debebantur tormenta per-
curri; vos tamen me non audistis et legis mæ cæ-
remonias et mandata sprevistis. Porro si illis im-
properabat servos a se missos, quanto terribilius
nobis improperabit senetipsam? Si illis somnum
improperabat interruptum, quanto magis nobis va-
let objicere, se pro nobis mortuam ac sepultam?
Non liberat Deus Judeos vallantium hostium obsi-
dione conclusos, quia destinatos ad se famulos con-
tempserunt : et quomodo Christianos audiet qui
missa per Filium evangelica præcepta spreverunt?
Nam qui non audit Deum, non audit a Deo. Unum
est quod mens ejusque fidelis debet assidue et so-
lenter attendere, et intra senetipsam sollicita semper
inquisitione versare : scilicet utrum placeat Deo
quod egit et an in ejus vita Deus vel operibus de-
lectetur. Quid enim prodest quidquid faciat homo si
hoc non placeat Deo? Sic de David dicitur : « Qua-
sivit sibi Deus virum juxta cor suum (I Reg. xiii;
Act. xiii). » Nam si nunc Conditor non delectatur in
homine, homo postmodum delectari non poterit in
Conditor. Unde legitur in vita Patrum : Quia cum
falsus quidam famosus et magni nominis solitarius
propinquaret ad exitum, tartareus ad eum spiritus
venit qui tridentem igneum in manibus attulit; et
ecce vox ad eum facta est : Sicut, inquit, anima ista
vel una hora me in se requiescere non permisit,
sic neque tu miserearis evellens eam. Tunc nequam
spiritus tridentem igneum cordi morientis infixit, et
animam ejus, sicut erat jussus, evulsit.

260 CAPUT VI.

*In epistola ad fratres Sarnicini, ubi ad patientiam
provocat.*

Duo sunt, quæ si vigilantiter attendimus, facile
violentorum quorumlibet insolentias injuriarumque
molestias superamus : præcepta videlicet et exem-
pla. Quia et Scripturæ sanctæ nos ad poenitentiam
cohortantur; et electi quique quidquid a furiosis

diaboli membris inferri potuit aequanimitate pertulerunt. Nam quod divinis admonitionibus et præcedentium exemplis adjuti, de profundo nobis illatæ tribulationis eripimur, recte Jeremia propheta de puteo prodeunte, signatur: « Projecerant quippe eum, sicut Scriptura testatur, in lacum, in quo non erat aqua, sed lutum; qui postmodum, ut levetur, funes ad eum, et panni veteres deponuntur (*Jer. xxxviii*). » Quid enim funibus, nisi præcepta Dominice figurantur? Quæ quia nos in mala operatione positos et convinciunt et eripiunt, quasi ligant et trahunt, coarctant et levant; sed ne ligatus his funibus dum trahitur, incidatur, simul etiam veteres panni deponuntur: quia ne divina præcepta nos terrent, antiquorum Patrum nos exempla confortant, ut ex eorum nos comparatione facere præsumamus quod ex nostra imbecillitate formidamus. Si ergo nos de hoc profundo tribulantis vitæ levare festinamus, ligemur funibus, id est, præceptis Dominicis astringamur. Intersint etiam panni veteres cum quibus melius teneantur funes, id est, præcedentium confortemur exemplis, ne infirmos nos ac timidos præcepta subtilia vulnerent, dum levant. Quasi quosdam pannos veteres Paulus apostolus subjungebat, cum ad sublevandos discipulos præceptis suis spiritualibus exempla veterum commendaret, dicens: « Justi ludibria, et verbera experti, insuper et vincula, et carceres; lapidati sunt, secti sunt, tentati sunt, in occisione gladii mortui sunt (*Hebr. xi*). » Et paulo post: « Habentes itaque tantam impositam nubem testimonii, deponentes omne pondus, et circumstans nos peccatum, per patientiam curramus ad propositum nobis certamen (*Hebr. xii*). » Et iterum: « Mementote præpositorum vestrorum, qui vobis locuti sunt verbum Dei, quorum intuentes exitum conversationis, imitamini fidem (*Hebr. xiii*). » Superius videlicet dum spiritualia præcepta loqueretur, quasi funes miserat; postmodum vero memorans exempla majorum, quasi veteres pannos adhibebat. Enimvero servus Dei tunc debet timere cum temporale quid percipit; tunc gaudere cum perdit: quia cui propositum est cælestia scandere, expeditius procul dubio vacuus, quam gradiatur onustus.

CAPUT VII.

In epistola ad N. papam, super incontinentia clericorum.

Sicut benedictione digni sunt qui culpas corrigunt; ita nihilominus maledictioni obnoxii sunt qui peccantibus blandiuntur, sicut per **261** prophetam dicitur: *Maledictus qui prohibet gladium suum a sanguine* (*Jer. xlviii*). A sanguine quippe gladium suum prohibet qui se ab inferenda reprobis dignæ sententiæ animadversione coercet. Facti siquidem culpam habet qui, quod potest, negligit emendare. Unde et præfatus Eli vir Dei, qui et Phinees fuisse putatur, ait: *Hæc dicit Dominus: Quare calce abiecasti victimam meam, e munera mea, quæ præcepi, ut offerren-*

tur in templo, et magis honorasti filios tuos quam me? (1 Reg. ii). Si ergo Eli propter duos duntaxat filios, quos non ea qua digni erant invectione corripuit, cum eis simul et cum tot hominum multitudine perii; qua arbitramur dignos esse sententia qui in aula ecclesiasticæ et solius judicantium præsidet, et super non ignotis pravorum hominum criminibus tacet? Qui dum dehonestare homines in publico metuunt, ad contumeliam superni judicis divine legis mandata confundunt.

CAPUT VIII.

In epistola ad Hermisindem.

Inebriavit me absynthio (*Thren. iii*). Ebrui quippe, quod tolerat, velut arreptitius pene vel mente captus ignorat. Quilibet ergo perversus dum mundi lucra phreneticè concupiscit, qui tot laboribus premitur, ea quæ patitur mala non sentit, quoniam ad cuncta debetacilliter ducitur in quibus penatiter fatigatur.

CAPUT IX.

In epistola ad Albericum card. super decem questionibus.

Postremo, quod quæris, illud Jeremiæ propheta quid sit: « Ex ore Altissimi non egredientur nec bona, nec mala (*Thren. iii*); » famosa questio est pene totius Ecclesiæ. A plurimis enim quæritur et celebris currit per ora multorum. Sed eo largiente: « Qui aperit librum, et solvit signacula ejus (*Apoc. v*), » hæc facile questio solvitur, si non ex nobis, sed ex illo confidentia præsumatur. Omnipotens Pater et innocentem filium impiorum manibus tradidit, et tamen a recto justitiæ tramite non recessit; quoniam inde justitiam reflorere constituit, unde illum ad tempus injustitiæ subjacere permisit. Sicut in libro Sapientiæ legitur: « Cum sis, inquit, justus, omnia disponis: ipsum quoque, qui non debet puniri, condemnas (*Sap. xii*). » Pater itaque filium mortem subire permisit, verumtamen ut eum perirent peremptoriis non præcepit; alioquin inculpabiles exstissent, dum ministerium impietatis ascriberent pietatis auctori. Potestatem ergo Deus Christi persecutoribus præbuit, sed **262** ut eum persequentes occiderent non mandavit. Unde illic præmittit propheta dicens: « Ut perverteret hominem in judicio suo, Dominus ignoravit. » Perverteret quippe Dominus in judicio hominem, si condemnari præciperet innocentem. Sed aliud est condemnare, aliud a condemnationis supplicio non eripere; aliud in conatus sacrilegos furentes impellere, aliud nequaquam accepti furoris insaniam refrenare. Unde illic non ignorando, sed reprobando subjungitur: « Quis est iste qui dixit, ut fieret Domino non jubente? » Domino dicit non jubente, non tamen prohibente. Non ergo persecutoribus Deus ut Salvatore nostrum crucifigerent jussit; quia nihil in eo, quod puniendum esset, invenit: non tamen ne crucifigeretur inhibuit, quia pro mundi salute passurum

nullatenus eum ex impiorum manibus liberavit. Unde **A** bene mox additur : « Ex ore Altissimi non egredientur nec bona, nec mala. » Bona quippe procederent, si eum de supplicio quod irrogabatur eriperet; mala vero, si crimen in eo quo suppliciis adjudicandus fuerit reperiret. In passione ergo Christi, ex ore Altissimi nec bona egrediuntur, nec mala; quia Patet eum nec ex potestate liberat, nec ex legis aequitate condemnat; quia licet non reperiat peccatorem, pro salute tamen mundi in passione positum non eripit innocentem; nullis videt peccatis obnoxium, nec tamen reddit impiorum manibus absolutum: ut dum subit innocens poenam, qui peccator est, revertatur ad veniam; et dum unus, qui non debet, solvit omnium debita, omnes qui sub originali viciosa cautionis fenore tenebantur astricti, rescissi chirographi reddantur legibus absoluti.

Expliciunt testimonia ex Jeremia.

263—264 INCIPIUNT CAPITULA DE LIBRIS PROPHETARUM.

1. Quod domus Israel versa est mihi in scoriā.
2. Ibi Assur, et sepulcra ejus.
3. Quod terra usque ad fenestras, et fenestræ clausæ.
4. Quod iudicium sedit, et libri aperti sunt.
5. Quod odio habuerunt in porta corripientem.
6. Adhuc quadraginta dies, et Ninive subvertetur.
7. Quod Domini sunt cardines terræ.
8. Quod Jesus indutus erat sordidis vestibus.
9. De lapide qui habet septem oculos.
10. De quadrigis evangelistarum.

Expliciunt capitula.

INCIPIUNT TESTIMONIA DE LIBRIS PROPHETARUM.

CAPUT PRIMUM.

In epistola ad V. episcopum.

« Omnis domus Israel mihi versa est in scoriā (Ezech. xxii). » Tunc enim domus Israel in scoriā vertitur, cum divina peccator animadversione percussus, vel in desperationis voraginem labitur vel contra justæ sapientis imperium per impatientiam effertur. At contra, quasi manente metallo scoria sub divinis percussibus avolat, cum quilibet poenitens superno verbere vapulans, et inhorrescentium a se vitiorum rubiginem projicit, et reforescentium candore virtutum ac resplendentis vitæ nitore clarescit.

CAPUT II.

In sermone de S. Stephano papa et martyre.

« Ibi Assur et sepulcra ejus (Ezech. xxxii). » Quid enim per Assur, superbum videlicet regem, nisi diabolus intelligitur : « Qui, juxta quod scriptum est, ipse est rex super omnes filios superbiæ? » (Job xli.) Quid sepulcra nisi mortuorum sunt habitacula? Tunc autem diabolus in mortem corruit cum ab auctore vitæ superbiendo recessit. Quisquis ergo nequitie spiritum, qui vere mortuus est, in sui cordis hospitio per pravam voluntatem habitare permittit, procul dubio de semetipso sepulcrum facit. Et necesse est ut cum ipso simul illic tormentorum supplicia perferat, cui semetipsum hic habitaculum per nequitiam perversi operis exhibebat.

CAPUT X.

In epistola ad Bonifacium ut exteriori prudentiæ spiritualis sapientiæ præferatur.

Sicut cœlestis sapientiā cœlestes facit et legitimos Ecclesiæ filios, ita terrena prudentiā terrenos reddit et spurios. De quibus per Baruch dicitur : « Filii quoque Agar, qui exquisierunt prudentiā, quæ de terra est; negotiatores terræ, et Theman, et fabulatores, et exquisitores prudentiæ, viam sapientiæ nescierunt, neque meminerunt semitarum ejus (Baruch iii). » Sacerdotem ergo prudentiā assequi cupientes et spiritualem sapientiā contemnentes filii sunt Agar, non Saræ; et maneres facti Israelitæ, jure censendi sunt non Israelitæ. Et quoniam Agar, advena interpretatur, ii non sunt sapientiæ filii, sed advenæ et peregrini. Nec ex illis sunt quibus aiebat **B** Apostolus : « Jam non estis hospites et advenæ, sed estis cives sanctorum, et domestici Dei (Ephes. ii). »

CAPUT III.

In sermone primo synodali.

« Terra usque ad fenestras, et fenestræ clausæ (Ezech. xli). » Ait Apostolus : « Templum Dei sanctum est, quod estis vos (I Cor. iii). » Hujus autem templi fenestræ sacerdotes sunt qui fidelium populo lumen sanctæ prædicationis infundunt. Sed cum terra usque ad fenestras aggeritur, clausis fenestris templum continuo tenebratur, et cum terrena negotia sacerdotes implicant, quasi fenestræ clausæ, templum quod amittit lumen obscuratur. Nos ergo necesse est, inquantum possumus, ab acibus vacare terrenis ut sacris jugiter invigilemus eloquiis. Sicut sponsa dicit in Canticis : « Oculi tui sicut columbæ super rivos aquarum, quæ lacte sunt lotæ, et residet juxta fluentia plenissima (Cant. v). »

CAPUT IV.

In epistola ad Blancam.

« Iudicium sedit, et libri aperti sunt (Dan. vii). » Qui nimirum libri ipsi intelligendi sunt sancti, quorum nunc meritum ab eis per custodiam humilitatis absconditur et tanquam volumen codicis ne legatur involvitur. Tunc autem ad eorum gloriam universorum oculis aperitur, ut in eis prævaricatores tanquam per digestæ scriptiōnis articulum legant divinæ legis mandata, quæ dum adviverent, servare contempserant. Illic jam compelluntur et legere qui hic per arrogantis fastum verba Dei dedignabantur audire.

Illic jugum Domini leve, et onus ejus suave (*Matth. xi*) mitibus et pat'entibus fuisse considerant, quod hic superbix suæ cervicibus intolerabile judicabant. Illic superbium omne confunditur, et quicquid elevatum fuerat sub tantæ majestatis indignatione curvatur. Unde per Isaiam dicitur: « Oculi sublimis hominis humilitati sunt, et incurvabitur altitudo virorum: exaltabitur **265** autem Dominus solus in die illa, quia dies Domini super omnem superbium et excelsum; super omnem arrogantem, et humiliabitur; et super omnes cedros Libani sublimes, et erectas, et super omnes quercus Basan, et super omnes colles elevatis, et super omnem turrim excelsam, et super omnem murum munitum, et super omnes naves Tharsis, et super omne, quod visu pulchrum est; et incurvabitur sublimitas hominum, et humiliabitur altitudo virorum, et elevabitur Dominus solus in die illa, et idola penitus conterentur; et introibunt in speluncas petrarum, et in voragines terræ a facie formidinis Domini et a gloria majestatis ejus, cum surrexerit percutere terram (*Isai. ii*). »

CAPUT V.

In epistola ad Honestum.

« Odio habuerunt in porta corripientem, et loquentem perfecte abominati sunt. » Quibus et paulo post ait: « Demos quadro lapide ædificabitis, et non habitabitis in eis (*Amos v*). » In porta quippe corripit qui ad hoc reprehensibilem quemque castigat, ut eum ad reditum patriæ cœlestis impellat. Sed is qui corripientem odit in domo a se ædificata non habitat; quia licet ædificium posterit boni operis, in eo tamen non merebitur habitare, quia per corruptionis portam dedignatus est introire; et qui noluit per angusti aditus asperitatem ingredi, interioris atrii non poterit amenitate potiri.

CAPUT VI.

In homilia de civitate B. Mariæ virginis.

« Adhuc quadraginta dies, et Ninive subvertetur (*Jon. iii*). » Quod quia tunc non legitur historialiter factum, expectatur adhuc spiritualiter adimplendum. Per Niiven quippe mundus iste designatur; per quadraginta vero dies, omnis status vitæ præsentis innuitur. Post quadraginta ergo dies Ninive subvertetur; quia post hujus mortalis vitæ decursum, completo videlicet electorum numero, mundus iste destruetur.

CAPUT VII.

In sermone I de S. Matthæo apostolo et evang.

« Domini sunt cardines terræ, et posuit super eos orbem (*I Reg. ii*). » Orbis enim super terræ cardines ponitur, cum sancta Ecclesia, tanquam super bases doctrinis evangelicis solidatur. De qua et alibi dicitur: « Fundamenta ejus in montibus sanctis (*Psal. lxxxvi*). » Qui enim illic cardines, hic appellati sunt montes. Evangelistarum plane numero congruit, et mundi situs, et temporum cursus; quia et quatuor mundi partes, et totidem sunt temporum diversitates. Non ergo mirum, si spiritualis mundus visibilis huic conferatur; **266** dum

nonnullas invicem habere similitudines uterque dignoscitur.

CAPUT VIII.

In epistola ad Mainardum abbatem.

« Jesus erat indutus vestibus sordidis, et stabat ante faciem angeli: Qui respondit et ait ad eos qui stabant coram se, dicens: Auferite vestimenta sordida ab eo. Et dixit ad eum: Ecce abstuli a te iniquitatem tuam, et indui te mutatoris. Et dixit: Ponite cidarim mundam super caput ejus (*Zach. iii*). » Quid enim per Jesum, sacerdotem videlicet magnum, nisi mediator Dei et hominum debet intelligi? Plane sicut per Zorobabel filium Salathiel, qui de regali Judæ stirpe processerat, et Jesum filium Josedech, qui jus sacerdotalis administrabat officii, Israeliticus populus per septuaginta annos jugum Babylonice captivitatis evasis, templumque Hierusalem quod dirutam fuerat rediviva novitate construxit; ita numerus electorum post hujus vitæ tempora quæ septenaria dierum repetitione decurrunt, per Jesum Christum, qui verus rex est et sacerdos, de servitute hujus mortalitatis eripitur, et in cœlesti Hierusalem templum Dei, quod est sancta Ecclesia, renovatur. De qua nimirum servitute dicit Apostolus: Nam « et ipsa creatura liberabitur a servitute corruptionis in libertatem gloriæ filiorum Dei (*Rom. viii*). » Tunc itaque Jesus in corpore suo, quod est Ecclesia, sordida vestimenta deponit; tunc honoris ac gloriæ regimen assumit, quia omnis electorum chorus a lugubri squalore temporalis tristitiæ liberatur, et immortalitatis stola in illo splendore sempiternæ felicitatis induitur. Quod etiam in psalmo dedicande domus apertissime canit Ecclesia: « Convertisti, inquit, plantum meum in gaudium mihi, conscidisti saccum meum et precinxisti me lætitia; ut cantet tibi gloria mea et non compungar (*Psal. cxix*). » Cidarim etiam munda in ejus capite ponitur, quia felicitatis æternæ gloria coronatur.

CAPUT IX.

In epistola ad cardinales episcopos; de dignitate Romanæ Ecclesiæ.

« Ecce lapis, quem dedi coram Jesu: super lapidem unum septem oculi sunt (*Zach. iii*). » Lapis autem iste, illa procul dubio petra est de qua verus Jesus Petro pollicetur, dicens: « Super hanc petram ædificabo Ecclesiam meam (*Matth. xvi*). » Septem igitur oculos habet hæc petra; quia totidem sancti Spiritus donis sancta præfulget Ecclesia: quibus nimirum velut candelabrum aureum inextinguibiliter rutilans ignorantie tenebras effugat, et ad contemplandum justitiæ Solem hominum mentes illustrat. De quo idem propheta: « Vidi, ait, et ecce candelabrum aureum totum, et lampas ejus super caput ipsius, et septem lucernæ ejus super illud (*Zach. iv*). » Quod utique sacramentum et B. Joannes in Apocalypsi se didicisse non tacuit, cui dictum **267** est: « Mysteriorum septem stellarum, quas

vidisti in dextera mea, et septem candelabra aurea (Apoc. 1). » Septem stellæ angeli sunt septem Ecclesiarum, et candelabra septem septem Ecclesiæ sunt.

CAPUT X.

In sermone II de S. Matthæo apost. et evang.

Porro quadrigæ illæ quas Zacharias propheta designat, cum dicit : « Et conversus sum, et vidi, et ecce quatuor quadrigæ egredientes de medio duorum montium, et erant montes ærei. » De quibus et paulo post dicit : « Isti sunt quatuor venti cœli, qui egrediuntur, ut stent coram dominatore omnis terræ (Zach. vi). » Et notandum quia non una quatuor evangelistarum quadriga dicitur; sed unusquisque eorum quadriga vocatur, quia et unus in quatuor, et quatuor sunt in uno; dum per eundem fidei intentionem quod scribitur a singulis re-

peritur in cunctis; et quod dicitur ab universis invenitur in singulis. Duo vero montes ærei, de quorum medio dicuntur egressi, duo sunt Testamenta, quæ ad instar æris durabilia sunt et sonora, quia usque ad finem sæculi non inveniunt terminum et per omnia mundi spatia tant tinnitum. « In omnem enim terram exivit sonus eorum, et in fines orbis terræ verba eorum (Psal. xviij). » Qui et ventis esse referuntur, quia de his scriptum est : « Ubi erat impetus spiritus, illuc gradiebantur (Ezech. 1). » Qui etiam egrediuntur ut stent coram Dominatore omnis terræ; quia quod sancti prædicatores ex fidelium fructificatione proficiunt, non sibi tribuunt, sed auctori a quo eorum omnia lucra procedunt. De quibus ad B. Job dicitur : « Nunquid immittes fulgura, et ibunt, et revertentia dicent tibi : Adsumus? » (Job xxxviii.)

Expliciunt testimonia de libris prophetarum.

INCIPIUNT

TESTIMONIA DE LIBRO MACHABÆORUM.

CAPUT PRIMUM.

« Cum in Persidem (inquit Scriptura) ducerentur patres nostri, sacerdotes qui tunc Dei cultores erant, acceptum ignem de altari occulte absconderunt in valle, ubi erat puteus altus et siccus, et in eo contutati sunt eum; ita ut omnibus ignotus esset locus. Cum præterissent autem multi anni, placuit Domino ut mitteretur Nehemias a rege Persidis. Hic misit nepotes sacerdotum illorum, qui absconderant, ad requirendum ignem; et, sicut narraverunt nobis, non invenerunt ignem, sed aquam crassam (II Machab. 1). » In quibus omnibus verbis illud unum specialiter attendendum est quod in alto et sicco vallis puteo prius ignis absconditur, et postmodum **268** non ignis, sed aqua crassa a requirentibus invenitur. Mens quippe sincera atque perfecta Domini intentione quærentis, non incongrue per puteum vallis altum designatur et siccum; quæ nimirum et a fluidis illecebrarum carnalium voluptatibus arida, et terrenæ concupiscentiæ ruderibus alte defossa, et in veræ humilitatis est convalle fundata. Huic itaque puteo sacrificii ignis immititur, cum in electi cujuslibet mente divini amoris flamma concipitur atque ad cœleste desiderium prius animus inflammatur. Sed hic ignis in aquam vertitur, quia ex igne divini amoris lacrymarum compunctio generatur. Et notandum quod non pura duntaxat aqua, sed crassa aqua narratur illic fuisse reperta. Quid enim crassa est aqua nisi lacrymarum compunctio divinæ gratiæ pinguedine saginata? Qua videlicet saginari pinguedine æstuebat Propheta, cum diceret : « Sicut adipe et pinguedine repleatur anima mea (Psal. lxi). » Et per alium prophetam hæc eadem promittitur crassitudo, cum ait : « Delictabitur in crassitudine anima vestra (Isai. lv). » Nec prætereundum quod abscondentes hunc ignem, con-

tutati quidem fuisse, non autem funditus exstinxisse referuntur. Quia nimirum ignis divini amoris, quem in anima nostri cordis accendimus, ut ex aromatibus bonorum operum suave Deo sacrificium offeramus, in ipso nostræ conversationis initio intus quidem debet occulte semper ardere, non autem foras se per vanæ gloriæ flammam expandere. Contutatur ergo sopitis flammis, non autem vi privatur ardoris; ut non prorsus intereat, sed sese postmodum mirabiliter ignis in aquam vertat. Hæc porro aqua, compunctio videlicet lacrymarum, non solum a peccatorum nos contagione purificat, sed etiam ut placeant ipsa Deo bonâ nostra commendat. Omnis namque operum sacrificium in conspectu superni Judicis suavius redditur, si contrite mentis lacrymis aspergatur. Unde illie apte subjungitur : « Et sacrificia, inquit, quæ imposita erant, jussit sacerdotes Nehemias aspergi aqua ipsa, et l'gua quæ erant superposita. » Protinus historiæ series addit : « Hoc ut factum est, tempus adfuit, quo sol refulsit, qui prius erat in nubilo; et accensus est ignis magnus, ita ut omnes mirarentur. » Audivimus antea, quia **D** aqua pro igne reperta est; nunc econtrario dicitur, quia per aspersionem aquæ ignis magnus accensus est. Ergo et ex igne aqua nascitur, et ex aqua ignis invicem procreatur. Quia videlicet et ex igne divini amoris gratia compunctionis oritur, et rursus ex compunctione lacrymarum desiderii cœlestis ardor augetur. Alterum siquidem pendet ex altero, et sibi met ipsum invicem præstat, dum et ex amore Dei lacrymarum compunctio profluit, et rursus per lacrymas ad amorem Dei mens nostra ferventius inardescit. In qua autem mente hujus alternitatis reciproca varietas agitur, ab omni procul dubio reatus nisi squalore purgatur. Unde illic non incongrue postremo subjungitur : « Appellavit autem Nehemias

hunc locum, Nephthar, quod interpretatur *purificatio*. » Locus itaque noster ubi sacrificium offertur, ubi aqua, nec non et ignis, ut dictum est, varietas alternatur, fidelis est anima; quæ profecto non incongrue purificatio dicitur; quia dum nunc superni amoris **269** igne decoquitur, nunc contriti cordis fletibus inundatur et velut secundi baptismi fluentis abluitur. Has autem successionum alternantium vicissitudines et mutationum spiritualium varietates Isais profunde perspexerat, cum dicebat: « Orietur, inquit, in tenebris lux tua, et tenebrae tuae erunt sicut merides, et requiem dabit tibi Dominus semper, et implebit splendoribus ossa tua, et animam tuam liberabit (*Isai. LVIII*). » Ecce ignis in puteo absconditus. Sed audi, ignis hic quomodo vertatur in aquam, protinus subdit: « Et eris quasi hortus irriguus, et sicut fons aquarum, cujus non deficient aquæ. » Postremo ut noveris, quia hæc rursus aqua in ignem convertitur, et per lacrymarum gratiam divini amoris ardor ferventius excitatur, paulo inferius addidit: « Tunc delectaberis super Domino, et sustollam te super altitudinem terræ. »

CAPUT II.

In epistola ad Albericum card.

Illud præterea, quod quaeris quid factum sit de arca Domini et tabernaculo fœderis quæ fabrefacta sunt in deserto; sicut hujus rei pene nil officit ignorantia, ita vix aliquid utilitatis probatur conferre notitia. Verumtamen, sicut Scripturæ tradit auctoritas, in monte Abarim, ubi Moyses sepultus agnoscitur, tabernaculum simul cum arca nec non et altare incensi reconditum Jeremiæ prophetae manibus invenitur. Quod evidenti declaratur indicio, si secundi libri Machabæorum diligenter attendatur exordium: « Erat, inquit, in ipsa Scriptura, quomodo tabernaculum et arcam jussit propheta, divino responso ad se facto, comitari secum, usquequo exiit in montem, in quem Moyses ascendit, et vidit Dei claritatem. Et veniens ibi Jeremias, invenit locum speluncæ, et tabernaculum, A et arcam, et altare incensi intulit illuc, et ostium obstruxit (*II Mach. II; Deut. xxxiv*). » Hæc igitur tria sacramenta, sicut dictum est, Jeremias in præfato Abarim monte recondidit. Si quid autem ex his aliud postmodum factum fuerit aut certe sic intacta permanserint, quia nusquam Scriptura commemorat, nostra quoque disquirere curiositas non præsumat.

Delicatus siquidem miles est qui ante vult triumphare quam arma conserere, prius triturare quam rura proscindere. Considerato nempe ordine Scripturarum, rite perpenditur nostrarum series actionum: prius enim lex, deinde iudicium, postremo subsequitur historia regum. Nunc sane nos expedit indicta nobis divinæ legis mandata servare; postea compellimur ante tribunal tremendi Iudicis rationem de nostris operibus reddere; postremo dabitur in illa supernæ claritatis gloria sine fine regnare. Teneat ergo ordinem qui vitare vult Babylonem. Ille nimirum vitæ suæ ordinem vivendo confundit qui ante vult ridere quam flere. Cum Salomon dicat: « Tempus flendi et tempus ridendi (*Eccle. III*). » Ille etiam recti ordinis lineam deserit qui creatis rebus Creatorem omnium in amore postponit. Sicut perverso homini divina voce dicitur: « Posuisti me post corpus tuum. » Dominum quippe **270** post corpus suum ponit qui magis studet utilitati, vel voluptati carnis suæ consulere quam Dei præcepta servare. Hinc est quod sponsa dicit in Canticis: « Ordinavit in me charitatem (*Cant. II*). » Nusquam certe præceptum in Veteris Testamenti caeremoniis invenitur ut mel sacrificiis misceatur. Per quod intelligitur, quia his, qui vitæ suæ Deo sacrificium offerunt, nullam Deus carnalem vult inesse dulcedinem, nihil in eis vivere quod ad carnalem pertineat voluptatem. Oleum autem frequenter immittitur, ut omnis nostræ operationis oblatio hilariter offeratur. « Hilarem enim datorem diligit Deus (*II Cor. IX*). » In omnibus etiam sal præcipitur admisceri ut omne boni operis sacrificium, rationis, discretionis ac cælestis sapientiæ sit sale conditum.

DE PETITIONIBUS LINCIDARII ET RESPONSIONIBUS EJUSDEM.

(*Opp. tom. III, opuscul. 3.*)

Quæst. 1. Si Christus non venit solvere legem, D lere, si Christus non venit legem solvere, sed implere, cur carne non circumciditur Christianus?

Respons. Imo jam se ideo Christianus minime circumcidit; quia quod circumcisione prophetabatur Christus implevit. Exspoliatio quippe vitæ carnalis, quæ in veteri lege fuerat figurata, in Christi jam cernitur resurrectione completa; et quod expectamus in nostra resurrectione futurum, jam in sacri baptismatis mysterio commendatur. Carnalis itaque circumcisio tanquam superflua jure contemnitur, cum jam spiritualis, propter quam significandam illa præcesserat, figuratur.

Quæst. 2. Cur omittit Christianus Sabbatum co-

Respons. A nobis Sabbatum ideo non servatur, quia quod tunc erat in figura præmissum, per exhibitionem rei jam videmus impletum. In Christo quippe verum spiritualis otii Sabbatum colimus, cum in eo solo spem ponimus, et sic in illo toto cordis amore ac devotione quiescimus, ut ab omni vitiorum servili opere ac terrenarum rerum ambitione cessamus. Ad quod Sabbatum celebrandum ipse nos provocat, dum clamat: « Venite, inquit, ad me, omnes qui laboratis et onerati estis, et ego relin- ciam vos. Tollite jugum meum super vos, et discite

a me, quia mitis sum et humilis corde, et inveniatis A requiem animabus vestris (*Matth. xi*). » Carnalis ergo Sabbati cultum supervacuum dicimus, cum jam illud verum et salutariter, propter quod institutum est, celebramus.

Quæst. 3. Si Christus non venit legem solvere, sed implere, cur Christianus negligit ciborum differentiam quæ in lege præcipitur observari?

Respons. Imo idcirco hæc a Christianis ciborum differentia non admittitur; quoniam a Christo quod per hanc figurabatur impletur. Immunditia quippe, quæ tunc cavebatur in cibis, nunc in moribus reprobat humanis. Sicut enim sancti quique ac iusti transferuntur in **271** corpus Christi; sic ab eo reprobi et iniqui tanquam cibi repelluntur immundi. Postquam ergo ipsa Veritas quæ signifi- B cabatur advenit; merito significationis umbra cessavit.

Quæst. 4. Si Christus non venit legem solvere, sed implere, cur et animalium carnibus sacrificium Deo Christianus non curat offerre?

Respons. Imo idcirco a Christianis huiusmodi sacrificii typice gerebatur; quia quidquid in illis hostiis typice gerebatur, totum in immolatione Agni, « qui tollit peccata mundi (*Joan. i*). » veraciter adimpletur; et quia omnia illa nil aliud salutis habebant, nisi ut ad hoc nostrum sacrificium unanimiter tenderent, hoc unum omnis caeremoniarum diversitas designaret, postquam hostia singularis illuxit, multiplex umbra quæ præcedebat evanuit. Quis enim nesciat eadem sacrificia potius ad hoc C inobediendi populo, ne cum idolis fornicaretur, imposita, quam Deo tanquam ipse desideraret oblata?

Quæst. 5. Si Christus non venit legem solvere, sed implere, cur Christianus azymam quam lex præcipit non observat?

Respons. Idcirco a Christianis visibilis illa et corporalis azyma floccipenditur; quoniam expurgato veteris vitæ fermento, nova conspersio spiritualiter adimpletur. Tunc enim erat legis scriptura præceptum, nunc est testimonium; et postquam id quod significabatur advenit, hoc quod significabat interiit.

Quæst. 6. Si Christus legem venit implere, cur Christianus paschalis agni sanguine Pascha non celebrat, cum hoc tantopere lex ipsa decernat?

Respons. Hic idipsum respondendum quod jam superius dictum est; quia postquam verus ille Agnus qui significabatur advenisse cognoscitur, ille qui significabat superfluum judicatur. Cujus utique sanguine non jam ligneas sive lapideas fores inungimus, sed interioris potius hominis viscera consingamus.

Quæst. 7. Si non solvit legem Christus, cur lege mandatum non celebrat neomeniam Christianus?

Respons. Propter hoc etiam Christianus celebrare contemnit; quoniam id totum, propter quod olim celebratum est, Christus implevit, novæ quippe

lunæ solemnitas novam designat in homine fieri creaturam, de qua dicit Apostolus: « Si qua igitur in Christo nova creatura, vetera transierunt, et ecce facta sunt omnia nova (*II Cor. v*). »

Quæst. 8. Si Christus non venit legem solvere, cur Christianus illa ablutionum baptismata quæ lex præcipit non observat?

Respons. Ideo hæc Christianæ non merentur observantiæ cultum, quia tunc umbræ fuerunt futurorum quorum nunc perspicuum possidemus effectum. « Consepulti enim sumus Christo per baptismum in morte; ut quomodo surrexit Christus a mortuis per gloriam Patris, sic et nos in novitate vitæ ambulemus (*Rom. vi*). »

Quæst. 9. Si lex a Christo impleta est, non soluta, quid rationis objicitur ut a Christianis scenopægiæ solemnitas non colatur?

Respons. Tabernaculum Dei societas est populi Christiani, et quoniam illud tabernaculum sanctam præfigurabat Ecclesiam, contemnitur signum postquam venit quod fuerat præsignatum. Nec enim diceretur tabernaculum testimonii, nisi **272** attestaretur alicui quæ declaranda erant suo tempore veritatis. Quod itaque tunc agebatur præcepto figuratum, nunc præsentialiter cernitur testimonio revelatum; et cum jam id quod figurabatur aspicitur, quod figurabat superfluum per omnia judicatur.

Quæst. 10. Si Christus legem solvere noluit, sed implere, quare Christianus septimum remissionis annum, vel etiam jubileum negligit observare?

Respons. Quoniam Veritas ac Sapientia Dei, quæ cum doceat angelos in cælo, homines etiam docere venit in terra. Quod prius jusserat carnaliter sub ænigmatis umbra servari, postmodum discipulis suis spiritualiter mandavit intelligi. Sic enim dies septimus feriatus esse præcipitur ut æterna per eum requies designetur. Sic et in anno septimo, sic et in Jubilæo, qui per annorum circulum septenario numero septies replicato et monade superaddita, in quinquagenarium ducitur, secunda quies perpetue beatitudinis intimatur. Incipiente quippe Jubilæo tubis canitur, omnesque ad possessiones proprias revertuntur. Quia, sicut dicit Apostolus: « Ipse Dominus in jussu, et in voce archangeli, et in tuba Dei descendet de cælo, canet enim tuba, et mortui resurgent incorrupti (*I Thess. iv*). » Ad possessiones autem suas unumquemque redire, est corpora sua protinus incorrupta recipere. Tunc revertetur Adam ad antiquam carnis suæ terram in qua primitus habitaverat; tunc Noe, Abraham, Moyses cunctisque propria possessio redditur, dum corpus illis incorruptibile reformatur. Redemptor itaque noster, qui « discipulis aperuit sensum, ut intelligerent mysteria Scripturarum (*Luc. xxiv*). » noluit Jubilæum, noluit septimum remissionis annum vel cæteras legalis ritus caeremonias carnaliter observari, postquam hæc omnia spiritualiter fecit intelligi: tunc enim mandata legalia veraciter adimplentur.

cum, juxta spiritualementem intelligentiam ad quam A scilicet, et imago rei, non ipsa res, cum carnaliter instituta sunt, fiunt. Nam tunc erant vacua, umbra servabantur.

DE MINITATIONIBUS ET PROMISSIONIBUS DEI.

(Opp. tom. III, opusc. 4.)

Nullatenus debuit immutari quod Papa concessit, quod decreto constituit (PET. DAM. tom. III, opusc. 4.) Quid miram si homines statuta mutant, quando omnipotens Deus ea quoque, quæ a semetipso constituuntur, immutat? Nam ex eo, quod promittit aliquando minuit, vel etiam totum subtrahit; aliquando mala minatur, et non infligit. Quid est quod Deus nunquam promissit, et minuit? Si non excidit, reminisci potes, quia dixit Dominus ad Noe: « Non permanebit spiritus meus in homine in æternum, quia caro est, eruntque dies illius centum viginti annorum (Gen. vi). » Sed cum Scriptura commemoret quingentorum tunc annorum exstitisse Noe, quando hæc sibi Dominus loquebatur; sexcentorum vero tunc jam esse cum cataclysmus erupit, liquido patet viginti annos de præscripti 273 numeri spatio fuisse subtractos. Vitæ itaque spatium quod humano generi Deus promissit imminuit, quia perversitatis eorum reatus excrevit. Judæ quoque per os patriarchæ promissit Spiritus sanctus, dicens: « Non auferetur sceptrum de Juda, et dux de femore ejus, donec veniat qui mittendus est: (Gen. xlix); » et tamen nec temporibus Judicum legimus viros de tribu Juda semper super Israel tenuisse ducatum; nec reges ex eadem tribu principatum tenuisse usque ad Christum reperiuntur adventum. Constat ergo quia sæpe Deus omnipotens quod homini promissit imminuit, quoniam homo quod Deo debuerat non implevit.

Ubi Deus promissit bonum aliquod, et non implevit? Recordare, quia dixit Dominus ad Josiam regem Juda: « Pro eo, inquit, quod vidisti verba voluminis, et perterritum est cor tuum, et humiliatus es coram Domino, auditis sermonibus contra locum istum et habitatores ejus; et scidisti vestimenta tua, et flevisisti coram me, ideoque colligam te ad patres tuos, et colligeris ad sepulcrum tuum in pace; » et tamen paulo post Scriptura dicit: « In diebus ejus ascendit Pharaon Nechao rex Egypti contra regem Assyriorum ad flumen Euphratem, et abiit Josias in occursum ejus, et occisus est in Mageddo, cum vidisset eum (IV Reg. xxii). » Ad Sedechiam quoque regem Juda per Jeremiam dicitur: Audi verbum Domini, Sedechia rex Juda: Hæc dicit Dominus ad te: « Non morieris in gladio, sed in pace morieris, sed secundum combustiones patrum tuorum, regum priorum, qui fuerunt ante te, sic comburent te; quia verbum hoc ego locutus sum, dicit Dominus (Jer. xxxiv). » Quod nimirum quomodo potuerit fieri, qui seriem scrutatur historię nunquam poterit invenire. Nam postquam a rege Babylonis semel est captus, Babyloniarumque translatus, ulterius nunquam

legitur ab ejus vinculis absolutus. Justo ergo judicio subtraxit Deus homini nonnunquam bona quæ promissit, cum rebellis homo illius servare mandata contempsit.

Prosequere etiam, quomodo Deus quod minatus est non infligit?

Nemo qui limen Ecclesiæ terit ignorat quia Jonas ad Niniven a Domino missus exclamavit, dicens: « Adhuc quadraginta dies, et Ninive subvertetur (Jon. iii). » Sed quia civitas illa ad Dominum toto est corde conversa, nequaquam juxta minacem Domini sententiam excidii est eversione deleta. Cum ergo Deus omnipotens non modo verax, sed et ipsa sit veritas, inviolato consilii sui manente proposito, exterioris judicii sui sæpe variat ordinem juxta humani, sive probi, sive improbi meriti qualitatem; quatenus et a pravitate correctus, quod Deus juste minatur, evadat: et prolapsus in culpam, nullatenus quæ pollicetur bona percipiat. Hinc est quod per Jeremiam dicit: « Bonas facite vias vestras et studia vestra, et audite vocem Domini Dei vestri, et pœnitelitis Dominum mali, quod locutus est adversum vos (Jer. xxv). » Hinc est quod ad Heli quoque per virum Dei Dominus ait: « Loquens locutus sum, ut domus tua, et domus patris tui ministraret in conspectu meo usque in sempiternum: nunc autem dicit Dominus: Absit hoc a me, sed quicumque 274 glorificaverit me, glorificabo eum: qui autem contemnant me, erunt ignobiles (I Reg. ii). »

Recte plane cuncta quæ proposueras perspicuis roborasti testimoniis Scripturarum, nunc autem de Domini mei regis injuria rationem redde.

Glorioso regi, nobis eligendo pontificem, absit ut nos intulissent injuriam; cum ad hoc nos necessitas impulerit, non rapina. Ad hoc, inquam, nos invitos attraxit imminens periculum civilis belli, non lædendi livor imperii.

Quid mihi omnia hæc? dum constet quia quidquid accideret, nullo pacto sancti papæ sententiam debuisti infringere; nulla ratione synodalis decreti mysterium licuit violare? Sicut enim Scriptura perhibet: « Melius est ut oriatur scandalum quam ut veritas relinquatur. » Nam si hoc bellum timuissent beati martyres, fierent procul dubio sanctæ militiæ desertores.

Non ignoras quod inter omnes sanctos martyres, Petrus et Paulus in apostolici senatus culmine possideant principatum. Eorum sunt nobis tenenda vestigia, eorum forma nostris est actibus imprimenda; sub eorum magistra debemus vivere disciplina.

Hoc utique clarum est.

Audi ergo Paulum de coepistolo suo Petro vera-

citer perhibentem : « Priusquam, ait, venirent quidam a Jacobo, cum gentibus edebat; cum autem venissent, subtrahabat se et segregabat, timens eos qui ex circumcisione erant (*Galat. ii.*) » Cernimus ergo Petrum non rigidum, sed discretum : timebat enim Judæos ne per occasionem gentium a fide recederent Christianorum; et ne perderet gregem perditum, boni pastoris est imitatus exemplum : « Factus est enim Judæis tanquam Judæus, ut Judæos lucrificaret; » sicut Christus apparuit in forma carnis peccati, ut a peccatis hominem liberaret; et cum legem Moysi non ambigeret abolendam, consulens tamen adhuc rudibus et infirmis fratribus, tenuit ad tempus umbram legis ut eos quandoque proveheret ad perfecte noscendam plenitudinem veritatis. In hoc ergo B. Petrus discretionis nobis regulam dedit, quatenus aliquando, ubi tamen non plurimum noceat, declinemus aliquantulum a tramite rectitudinis ut consulere valeamus infirmis.

Qui dicis, quod Petrus aliquando legem Judaicam tenuit; cur non etiam dicis quod in eadem Epistola legitur : Nimirum, quia « Paulus eum in faciem reprehendit? In faciem, inquit, ei restiti, quia reprehensibilis erat, eique dixi : Si tu cum sis Judæus, gentiliter, et non Judaice vivis, quomodo cogis gentes judaizare? »

Quod Petrus egit compassione misericordiæ, hoc Paulus arguit pro magisterio disciplinæ. Ille hoc fecit dispensative ut infirmis tolleretur scandalum; hoc iste corripuit ne indiscretus quilibet passim adduceret in exemplum. In Petro discamus, ut periculo sinus imminente discreti. In Pauli sermonibus instruamur, ut sanis rebus vita nostra mere deserviat rectitudini. Audi etiam consequenter et Paulum, discretionis auræ lineam nostris oculis opponentem, ejusdemque dispensativæ compassionis auctorem.

275 Sicut enim apostolicorum Actuum testatur historia : « Perambulabat Paulus Syriam et Ciliciam, confirmans Ecclesias, pervenitque in Derben et Lystram, et ecce discipulus quidam erat, nomine Timotheus, filius mulieris viduæ fidelis, patre autem gentili (*Act. xvi.*) » Hunc ergo, ut ad compendium veniamus, Apostolus circumcidit; quoniam Judæos, imo Judæis, qui in illis erant regionibus timuit. Cur itaque circumcidit fidelem hominem non Judæum, qui videlicet incircumcisus erat, sed natione gentilem? nisi ut discretionis studio deserviret, ne Judæi fideles in scandalum corruentes a fide recederent. Hoc etiam nunc ad memoriam redit; quoniam aliquando juxta morem Nazæreorum comam ex voto nutritiv; et postquam navigasset in Syriam, in Cenchris positus, caput juxta legis mandata totondit (*Act. xviii.*). Refert adhuc Lucas sacræ scriptor historie : « Cum venissemus, inquit, Hierosolymam, libenter susceperunt nos fratres; et sequenti die Jacobus et omnes seniores qui cum eo erant, Evangelio illius comprobato, dixerunt ei : Vides, frater, quot millia sunt in Judæa, qui credere in Christo, et ii omnes æmulatores legis. Audierunt autem de

te, quod dissensionem doceas a Moysæ eorum, qui per gentes sunt Judæorum, dicens : Non debere eos circumcidere filios suos, neque secundum consuetudinem ingredi. Quid ergo est? utique oportet convenire multitudinem; audierunt enim te supervenisse. Hoc ergo fac quod tibi dicimus : sunt nobis viri quatuor volum habentes super se; his assumptis, sanctifica te cum ipsis : et impende in eos, ut radant capita et sciant omnes, quia quæ de te audierunt, falsa sunt; sed ambulas et ipse custodiens legem. Tunc Paulus assumptis viris, posteriori die purificationis cum illis intravit in templum (*Act. xxi.*) »

Nulli liceat ignorare : Omne quod Domino consecratur, sive fuerit homo, sive animal, sive ager, vel quidquid semel fuerit consecratum, Sanctum sanctorum erit Domino, et ad jus pertinet sacerdotum; propter quod inexcusabilis erit omnis qui a Domino et Ecclesia civem petiit, aufert, vastat, invadit, vel eripit ut sacrilegus dijudicetur, et si emendare noluerit excommunicatur. Qui abstulerit aliquid patri, homicida particeps est. Pater noster sine dubio Deus est qui nos creavit; mater vero nostra sancta Ecclesia quæ nos in baptismo regeneravit. Ergo qui Christi pecuniam et Ecclesiam aufert, rapit aut fraudat, homicida est atque ante Dominum homicida deputatur. Qui enim res Ecclesiæ abstulerit, sacrilegium facit et ut sacrilegus judicandus est. Ut nos ergo contra malignos spiritus spiritualis certaminis aciem ponimus, summopere necesse **276** est ut per charitatem semper uniti atque constricti, et nunquam interrupti per discordiam inveniamur; quia quælibet bona in nobis opera fuerint, si charitas desit, per malum discordiæ locus aperitur in acie, unde ad feriendos nos valeat hostis intrare. Antiquus vero inimicus castitatem in nobis, si sine charitate fuerit, non timet; quia ipse nec premitur carne ut ejus luxuria dissolvatur. Abstinenciam non timet, quia ipse cibo non utitur, quia necessitate corporis non urgetur. Distributionem terrenarum rerum non timet, si eidem operi charitas desit; quia divitiarum subsidiis nec ipse eget. Valde autem in nobis charitatem veram, item amorem humilem, quem nobis vicissim impendimus, timet, et nimis concordie nostræ invidet; quia hanc nos tenemus in terra, quam ipse tenere nolens amisit in cælo. Bene ergo dicitur :

D « Terribilis ut castrorum acies ordinata; » quia electorum multitudinem eo maligni spiritus pertimescunt, quo eos per charitatis concordiam unitos contra se et conglobatos aspiciunt. Quanta autem sit concordie virtus, ostenditur, cum sine illa reliquæ virtutes, virtutes non esse monstrantur. Magna enim est virtus abstinentiæ; sed si quis ita ab alimentis absteineat, ut cæteros in cibo dijudicet, et alimenta eadem, quæ Deus creavit ad percipiendum, cum gratiarum actione fidelibus damnet; quid huic virtus abstinentiæ facta est, nisi laqueus culpæ? Unde Psalmista quoque nullam esse abstinentiam sine concordia designans, ait : « Laudate eum in tympano et choro. » In tympano enim corium siccum

resonat, in choro autem voces concorditer cantant. Quid ergo per tympanum nisi abstinentia? quid per chorum nisi charitatis concordia designatur? Qui itaque sic abstinentiam tenet ut concordiam deserat, laudat qui tem in tympano, sed non in choro. Quisquis vero vitæ suæ custodiam negligit, discutereque agit, quæ quæ loquitur, quæ cogitat, aut despicit, aut rescit, coram se ipse non ambulat; quia qualis sit in suis moribus vel actibus ignorat; nec sibi metipsi præsens est, quia semetipsum quotidie exquirere atque cognoscere sollicitus non est. Illi autem veraciter se antepōnit, sibi quæ præsens est qui se in suis

actibus tanquam alium attendit. Nam sicut multa peccata quæ committimus, sed ideo nobis gravia non videntur, quia privato nos amore diligentes clausis nobis oculis in nostra deceptione blandimur. Unde fit plerumque ut et nostra gravia leviter, et proximorum mala leviter graviter judicemus. Erunt homines semetipsos amantes; et scimus quia vehementer claudit oculum cordis amor privatus. Ex quo fit ut hoc quod nos agimus grave esse non æstimemus, et plerumque quod agitur a proximo, nimis nobis detestabile esse videatur.

Cætera desiderantur.

Lectori suo dominus CONSTANTINUS abbas Cajetanus.

Admonendum te putamus, lector optime, hujusmodi collectanea ex Operibus S. Petri-Damiani excerpta, magna cum diligentia a nobis fuisse conquisita. Sed tamen in Vetustis duntaxat Testamentum, eaque imperfecta, ut apparet, quæ nunc in lucem damus, fuisse inventa. Nam expositiones Novi Testamenti, quas etiam (ut vetus inscriptio indicat) idem auctor, sancti doctoris discipulus, compilavit, reperiri minime poterunt (65). Vale.

(65) Hæc nuper ab eminentissimo cardinale Maio edita recudimus supra, ad calcem tomæ seu partis III Operum S. Petri Damiani cum duobus aliis opuscu-

lis quibus carebat editio Cajetani. EDITOR PATROLOGIÆ.

INDEX RERUM NOTABILIMUM

QUÆ

IN DUOBUS ULTIMIS S. PETRI DAMIANI OPERUM TOMIS SEU PARTIBUS CONTINENTUR

Numeri arabici lectorem ad cifras crassiores textui intermistas revocant; numeri romani totum seu partem demonstrant.

A

Abatrum interpretatio et allegoria, 369, t. III.

Abbas quia ratione subditos castigare debet, 505, t. III. Humilitatem debet ostendere, ibid. Bona monasterii custodire, ibid. Adulationibus non nutrire, ibid. Et virtus patientiæ maxime necessaria, 531, t. III. Abbatum in præstolando summa difficultas, 459, t. III. Abbatum miserie 55, t. IV.

Abimelech cur clericos luxuriosos mystice adunbret, 563, t. III. Quid intelligatur per 70 viros, quos occidit Abimelech, ibid. Abimelech allegorice interpretatio alia, 588, t. III. In Abimelech Antichristus mystice qua ratione expressus, ibid.

Abraham ab accipiendis muneribus aversus, 515, t. III. Abrenuntiata repetentes monachi in gis necant, ibid. Absalon designat populum Judeorum Collect. V. T., 135, t. IV.

Abstinentia Caesaris Augusti quanta, 578, t. III. Abstinentia quorundam fratrum eremitum commendatur, 555, t. III. Abstinentia in rebus despicabilibus est gravissima, 556, t. III. Cujusdam abstinentia, 557, t. III.

Abundantia rerum necessariarum liberiores facit religiosos in virtutum comparatione, 528, t. III.

Adam idem quod terra rubra, 512, t. III. Adam cur terra rubra, ibid.

Adamantis natura, 651, t. III.

Adelbertus martyr episcopus Bohemiensis, 441, t. III.

Adraldis abbas monasterii Brenetensis, 595, t. III.

Adulatio in clericis simonia est, 465, t. III.

Adversa prævisa fortius excipiantur, 552, t. III.

Ætas requisita in consecrandis virginibus, 567, t. III.

Eternitas Dei, 621, t. III.

Affinitas qua ratione computanda, 188, t. III. In numerandis gradibus una debet abundare persona, 189, t. III.

Agricolæ laborantis melior status quam nobilis præfantis, 49, t. IV.

Albino et B. Petrus Damianus quantas difficultates simul passi, 798, t. III.

Albini Parisiensis episcopi intemperantia divinitus puniatur, 601, t. III.

Aliquando aliud est gradus, aliud generatio, 190, t. III. In generationibus supputandis quæ regula servanda, 105, t. III. Quomodo a transmigratione Babylonis ad Christum fuerint generationes quatuordecim, 191, t. III. S. Hieronymi mens super hac re, ibid. Item et S. Augustini, ibid. Ab eorum sententia quam modeste discedat B. doctor, ibid.

Allegoria ad 42 Hebræorum mansiones, 537, t. III.

Altare ædificatum a filiis Ruben et Gad in signum unitatis, 250, t. III. Altaris sacrificium a multis offertur, 227, t. III.

Ambrosii (S.) ordinatio, 70, t. III.

Amicitia fœdus quomodo violetur, 65, t. III.

Amore Dei ferventes secularibus negotiis se implicare non debent, 808, t. III. Ex amore Dei lacryme et ex lacrymis amor Dei nascitur, 501, t. III.

Anachoretarum origo, 531, t. III.

Ananias et Saphira sola corporum morte mulctati, 245, t. III.

Anathema juste timendum, 589, t. III.

Anatolius CP. post scelera primordia se dignum scis ordinibus ostendit, 109, t. III. Discrimen anachoretæ et eremite, ibid.

Andabatarum mos in pugnando, 62, t. III.

Angeli per totum mundum discurrunt in auxilium hominum, 478, t. III. Angeli custodis officium, ibid. et seq. Quantum abhorreat suis clientis sordes et peccata, 479, t. III. Comparatio pulchra, ibid. Angeli et demones mortuis adsunt, 74 et seq., t. III. Angelorum præsidium tentatis præsens, 771, t. III.

Anima egrediens, quibus dolorum anxietatibus coarctetur, 774, t. III. Anima ideo debet plangi, quia non plangit, 467, t. III. Anima depositis viis recit virtutibus Collect. V. T., 79, t. IV. Anima sicut et corpora nostra debent esse Spiritus sancti tenementum, 401, t. III. Anima rubigo rebus adversis purgatur, 640, t. III. Anima, mox quæ sit, 563, t. III. Anima languores qui sunt

ibid. Animarum vivaria quæ dicantur, 803, t. III. Animarum lucra sunt thesauri sacerdotum, 552, t. III. Animarum rectores, quam vigilantes esse debeant, 815 et seq., t. III. Animarum rectorum cur misera conditio, 456, t. III. Judicium quod de illis futurum est quodnam sit, 457, t. III.

Anselmus Lucensis episcopus, prudentia ac sanctitate clarus, 76 et seq., t. III.

Antichristi via quæ sit, 279, t. III. Antichristus in Abimelech mystice adumbratus, 588, t. III. Antichristus synagoga filius erit, 470, t. III.

Apollinarius hæresis improbatur, 6, t. III.

Apostolorum gesta defenda potius sunt quam scribenda, 254 et seq., t. III.

Apostoli ut monachi vivere, non ut canonici, 521, t. III. Apostoli in die Pentecostes esse acceperint, 90, t. III. Apostoli simul baptizati et consecrati, *ibid.* Apostoli per fontes duodecim in Elin mystice relati, 585, t. III. Apostoli et discipuli Christi quid figurent, 516, t. III. Eorumdem signatura, *ibid.* Apostoli sunt duces populi Christiani, 562, t. III.

Apostolorum penitentia, 291, t. III. Apostolorum cura in pauperes, 205, t. III. Apostolorum laudes, 29, t. IV.

Apostolica doctrina assimilatur frugibus, *Collect. V. T.*, 97, t. IV. Apostolicus senatus, 17, t. IV.

Aquilino ungue palpare quod, 445, t. III.

Arborum insulae Thalon rami nunquam foliis nudantur, 631, t. III.

Arca Domini et tabernaculum fœderis fabricata in deserto quo primum transportata, 645, t. III. Arca reposita fuit in monte Abiarum a Jeremia, *Collect. V. T.*, 269, t. IV.

Archiepiscopi Mediolanensis sponsio de abigenda synonia, 80, t. III. Ejus iurandorum et penitentia, 82, t. III.

Archiepiscopi dignitas et sollicitudo, 495, t. III.

Archiepiscopus medicus antiquissimus, 527, t. III.

Ardua tentanda et alta, et cur, 515, t. III.

Aretini mors repentina, 589, t. III.

Argumentum a similitudine egregium, 280, t. III.

Ariadus martyrio affectus, 85, t. III.

Ariani non denuo baptizandi, 118, t. III. Eorum hæresis, *ibid.* et seq.

Arsaldi episcopi terribile exemplum, 589, t. III.

Arsulphus Metensis episcopus, 452, t. III. Idem fuit Pippini pater, et Caroli Magni avus, 455, t. III.

Asbeston Arcadiæ lapis semel accensus non potest extinguigi, 650, t. III.

Aseroth interpretatio et allegoria, 567, t. III.

Asiongaber interpretatio in et allegoria, 567, t. III.

Assuetudinum vitia exserenda, 463, t. III.

Assur conatus diabolum, *Collect. V. T.*, 265, t. IV.

Athanasius (S.) episcopus Alexandrinus, 458, t. III.

Athanasius (S.) auctor Symboli, 215, t. III.

Auctoritas Romani pontificis, 655, t. III.

Auditus supplet videndi defectum, 585, t. III.

Augustini (S.) scriptoriam auctoritas quanta, 485, t. III.

Augustini (S.) ordinatio, 70, t. III.

Aurea (S.) virgo et martyr, 544, t. III.

Australopi natura, 807, t. III.

Avarii difficultas infelices syna, 201, t. III. Avarii poena, 202, t. III. Avarorum triplex genus, *ibid.* Avarus quidquid boni fecerit, donec erit avarus, amittit, 544, t. III. Avarus aut sua nimis amat, aut aliena desiderat, 545, t. III. Avarus usumque potius appellandus quam Christicola, 218, t. III.

Avaritia omnium malorum caput, *ibid.* Avaritia omnia scelera superat, 544, t. III. Quam sit Deo exsosa, *ibid.* Avaritia quid sit, *ibid.* Avaritiae effectus, 545 et seq., t. III. Avaritiae finis et intentio, 541, t. III. Exhortatio contra avaritiam, *ibid.*

B

Bala interpretatio et allegoria, 296, t. III.

Balaam, etsi impius, prævidit mundi redemptionem, 85, t. III. Simoniacus fuit, et tamen non amisit spiritum prophetie, *ibid.*

Banarim interpretatio et allegoria, 567, t. III.

Baptismus origo sacramentorum, 88, t. III. In baptismo et ordine Spiritus sanctus operatur, 89, t. III. Præcipuum Ecclesiæ sacramentum, 96, t. III. Quid in baptizatis et consecratis Dei gratia operetur, 89, t. III. Christus cum baptismo sacerdotium suscepit, 90, t. III. Cur rebaptizatio prohibetur, *ibid.* Apostoli simul baptizati, *ibid.* In baptismo Christi manifestatum est mysterium sancti spiritus Trinitatis, 16, t. III. In baptismo infantium alius pro eis respondet, 234, t. III. Unus pro alio supere potest, *ibid.*

Baptizandorum exsufflatio, 117, t. III.

Barucci eremitæ sanctitas, 600, t. III.

Basilia Parmensis SS. Gervasii et Protasii ubi sita, 654, t. III.

Basso Anciensi stupendum exemplum, 573, t. III.

Licet peccator sit, B. Virginis intercessione salvatur, *ibid.*

Beatitudinem in spe quoniam habeant in hac vita, 564, t. III.

Beda copulavit in ordinem Opera sancti Augustini, *Collect. V. T.*, in præfat. t. IV.

Benedicti (S.) regula ac Patrum Collationes eremitæ apprimè necessarie, 345, t. III.

Benedicti (S.) discretio, 295. Idem Spiritu sancto plenus, 570, t. III. Scopus regulæ ipsius, 292, t. III. S. Benedicti miracula, 40 et 41, t. IV.

Benedictinorum eremitarum regula ante S. Romualdum usui erat, 750, t. III.

Benedictio in sacra Scriptura quomodo accipitur, 527, t. III. Benedictione digni sunt qui culpas corrigunt *Collect. V. T.*, 260, t. IV. Benedictionis sacerdotalis effectus a quo procedat, 559 et seq., t. III.

Benedictus IX papa, 451, t. IV.

Benedicta Israëlii o populo concessa, 251, t. III.

Benoniis epitaphium, 52, t. IV.

Berardus marchio, 207, t. III.

Bigamus deest typus Christi et cur, *ibid.* Bigamus a sacerdotio omnino repellitur, et cur, 251, t. III. Traditio Ecclesiæ de bigamis et fornicariis, *ibid.*

Bona quæ ex quiete et dulcedine nascuntur, 287 et seq., t. III. Bona quibus in hac vita pauperes fruuntur, 20, t. III. Bona nostra in Dei dominium transferuntur, et quomodo, 245, t. III. Bona pauperum in hac vita quæ sint. Vide *Pauper*.

Boni malorum societate pervertuntur, 517, t. III.

Posuit Episcopus Arvernorum, 445, t. III.

Bonorum omnium thesaurus Christus, 251, t. III. Bonorum temporalium origo quæ sit, 207, t. III. Bonorum celestium dulcedo quanta, 251, t. III.

Rotus delatus ex terra promissionis Christum Deminon significat, *Collect. V. T.*, 125, t. IV.

C

Cadalio insana ambitio, 40, t. III. Cadalous apostolus Antichristi, 69, t. III.

Cades idem quod *Sim*, 568, t. III.

Cæsaris abstinencia, 578, t. III.

Cajphas cur simoniacus, 98, t. III.

Calephus spes ingens et expectatio, 315, t. III.

Camicula ante lectum B. Gregorii perempta, 456, t. III.

Canones apocryphi non benedicuntur, 157, t. III.

Canoniorum defensio frivola, 487, t. III. Canonici is dici nequit qui non est regularis, et cur, 514, t. III.

Canticum B. Virginis cur vespere canatur, 245, t. III. Canticum quod solæ virgines canunt, quodnam sit, 175 et seq., t. III.

Carbonum natura, 650, t. III.

Carnis prudentia superbiæ sapit, 237, t. III. Carnis macerati per scopos cur salutifera, 795, t. III. Caro delicatius nutrita, mortua magis fetet, 780, t. III.

Carpenta ferrati quid adumbrant, 551, t. III.

Casti plerique sunt tenaces, 53, t. IV.

Castitas præmium quodnam sit, 174, t. III.

Castoris natura, 808, t. III.

Castra Dei quæ sint, 515, t. III.

Causa Romana Ecclesiæ qualis, 52, t. III. Causæ episcoporum ad quem spectent, 525, t. III.

Ceceltha interpretatio et allegoria, 563, t. III.

Cerinthi hæresis, 61, t. III.

Childeorum elymon, 267, t. III.

Charadri figura cui similis, 814, t. III.

Charitas S. Pauli in suos perfecta, 65, t. III. Caritas erga defunctos laudatur, 326, t. III. Caritas studium commendatur, 309, t. III.

Cherubim figuram habent monachorum indumenta, 526, t. III.

Chorus monachorum est pulchra militiæ species, 507, t. III.

Christus passus est, ut ejus exemplum sequeremur, 741, t. III. Solus Christus crucifixus audiendus, *ibid.* Christi ad nos descendens pro quo gradus adumbrata, 589, t. III.

Christi vulnera sensuum nostrorum medicamenta, 509, t. III. Christi manus non augetur, 61, t. IV. Ejus adventus, ut fulgur, 62, t. IV. Idem assimilatur manui Moysi, *Collect. V. T.*, 102, t. IV. Idem significatur in Aaron, *Collect. V. T.*, 123, t. IV. Idem gloriæ homini, *Collect. V. T.*, 210, t. IV. In ejus adventu simul omnia continentur, *Collect. V. T.*, 251, t. IV. Idem cur torcular calcaverit solus, *Collect. V. T.*, 251, t. IV. Idem oculis

peccatum, 47, t. III. Ejus perfecta imitatio, 65, t. III. Ejus præceptum de maxilla offendenda percutienti, 67, t. III. Suscepit sacerdotium cum baptismo, 90, t. III. Ejusdem corpus in altari vivificatur virtute Spiritus sancti, 97, t. III.

Christus verus Dei Filius, 6, t. III. Verus Filius virginis, *ibid.* Mediator Dei et hominum, *ibid.* Quomodo solos Filios carnis suscepit et mortem subivit, 7, t. III. Declaratur exemplo animæ, *ibid.* Solis, *ibid.* Citharæ, *ibid.* Christus natus est, salva matris virginitate, *ibid.* In ipso est una persona ex duabus, et in duabus naturis, 8, t. III. Divina, et humana natura in Christo inconflata permanserunt, 9, t. III. Est verus Filius Dei, non nuncupativus, aut adoptivus, 11, t. III. In eo divina et humana natura se manifestavit, *ibid.* In ipso duplex nativitas, 12, t. III. In baptismo Christi manifestatum est mysterium sanctissimæ Trinitatis, 16, t. III. Christus quare mediator, 14, t. III. Summa rerum, quæ credende sunt, 16, t. III. Christus naturam suscepit humanam, non personam, 15, t. III. In Christi resurrectione omnes divine personæ concurrerunt, xvii, t. III. Christus est lapis angularis, 31, t. III. Christi mysteria a prophetis prædicta, 45, t. III. Incarnatio, *ibid.* Delatio ad Templum, 46, t. III. Deductio in Ægyptum, *ibid.* Reductio, *ibid.* Ingressus in Hierusalem, *ibid.* Vis in arguendo, et iustitia in iudicando, *ibid.* Baptismus in Jordane, *ibid.* Traditio Judæ, *ibid.* Venditio, *ibid.* Pretium, *ibid.* Profectio argenti, *ibid.* Judæorum damnatio, *ibid.* et seq. Vulnera, 47, t. III. Crucis patibulum, *ibid.* Vestimentum rum divisio, *ibid.* Sputa ac lancea, *ibid.* Descensus ad inferos, et Patrum liberatio, *ibid.* Potus felle, *ibid.* Resurrectio, *ibid.* Lex evangelica, *ibid.* Ascensus in celum, *ibid.*

Christum occidisse peccatum fuit omnium maximum, 49, t. III. Christus princeps pacis, 267, t. III. Christum quid reddat divitem, et pauperem, 251 et seq., t. III. Christum habere, ut signaculum super brachium, et super cor quid sit, 772, t. III. Christus Davidi assimilatus, 645, t. III et Collect. V. T., 201, t. IV. Christus est nobis David in via, in patria Salomon, 617, t. III. Christus petra est, 810, t. III. Christus miraculo scandalum tollit, 61, t. III. Christus factus pro nobis maledictum, 100, t. III. Christi quicquid vulnerum mysteria, 771, t. III. Christus in chadriquo cur expressus, 811, t. III. Christus est thesaurus bonorum omnium, 251, t. III. In eum nostra sollicitudo projicienda, *ibid.* Christi patientis potentia, 92, t. III. In Christo sunt omnes thesauri gratiæ, 87, t. III.

Cinici fumo sanguisuga faucibus adherere egerunt, 650, t. III.

Clastrum cur catulabulum celestium pecorum, 805 et seq., t. III.

Clerici luxu iosi cur ab Abimelech comparantur, 388, t. III. Clerici maneres ac spiritui qui dicantur, 507, t. III. Clerici qui sibi licere alicuius uxorem ducere, ex hæresi Nicolaitarum sunt, 410, t. III. Clerici pugnacis, insolentis et blasphemæ cades, 592, t. III. Clerici non habent proprietatem rerum quas possident, 512, t. III. Illorum habitatio cur sit juxta ecclesias, 515, t. III. Clericis intemperantibus melius a sacris ordinibus esse cessare, 405, t. III. Clericorum etymon, 486, t. III.

Cœlestibus terrenæ contentumantur, 514, t. III.

Cœli cum homine pulchra comparatio, 477 et seq., t. III.

Colloquium in cella quam peritiosum, 558, t. III. Pietas erga defunctos iohi exerceri solita, 559, t. III.

Columnarum duarum templi a Salomone constructi sensus, 570, t. III.

Communes non sunt ducende uxores, 595, t. III.

Commenta hominum differunt a sententiis per Spiritum sanctum prolatis, 598 et seq., t. III.

Communio vitæ unionem spiritus et rectitudinem parit, 448, t. III.

Comptatilitas necessitudo, 655, t. III.

Completorum in lecto nec silius est nec profectus, 591, t. III.

Concupitio nascitur de amore Dei, 502, t. III. Concionator. Quid in concionatore requiratur, 726, t. III.

Confessio ad horam primam, sive completorium, 550, t. III. Confessio s contentores moventur, 596, t. III.

Coniteri sua crimina eisdem, cum quibus lapsi sunt, perniciosis, 455, t. III.

Consanguine non sunt ducende uxores, 594, t. III.

Consanguinitas sex gradibus terminatur, 181, t. III. An inter quos est lex hereditaria successiones, nulla sint iura coniugii, 180, t. III. Legisperitum super hac re conclusio, 183, t. III. An quibus est ius hereditatis, sit et alius a generis, 182, t. III. An generationes quæ utrique ab uno proleunt, debeant simpliciter numerari, 181, t. III. Consanguinitatis gradus varie a variis usurpati, 173, t. III. Quot gradibus terminatur, 181, t. III. Error

quorundam de gradibus consanguinitatis, 179, t. III.

Consecrari de novo nōtas est, 129, t. III.

Consecrationis effectus ideæ nititur fundamento, 120, t. III.

Constantia in virtutum proposito, 510 et seq., t. III.

Constantini imperatoria pietas, 54, t. III. Ejusdem imperatoris edictum erga Rom. pontificem, 55, t. III.

Consuetudinis antiquæ necessitas aliquando excusat, et quando, 444 et seq., t. III.

Contemptori sæculi quid præstandum, 771, t. III.

Contemptus mundanæ gloriæ, 223, t. III.

Contumelia quomodo expiendæ, 515, t. III.

Conversionis religiosæ finis, 295, t. III.

Conversio. Cur conversionis initio Deus tentationes non permittit in suis, 773, t. III.

Conversus a SS. Andrea et Gregorio verberatus est, 455, t. III.

Cordis custodia et cogitationum ponderatio utilis, 515, t. III.

Corporis nostri vilitas ac fetor, 711, t. III. Corpus Christi sacrosanctum pollutis manibus tractans participes crucifigentium Christum est, 507, t. III.

Corruptionem amore sapientis est, stulti vero odisse, 755, t. III. Correlationes impatientibus sunt gladii, *ibid.* et seq. Viri ferventis est corruptionem sine culpa ad aliorum profectum amplexi, 751, t. III.

Corrigere prius decet se, quam alios, 518, t. III. In correctione moderatio servanda, 787, t. III.

Corruptum quod nascitur de corruptione, Collect. V. T., 201, t. IV.

Credenda quæ, 3 et 16, t. III.

Crocodilus cur mortem et tartarum referat, 811, t. III. Crux instrumentum nostræ salutis, 14, t. IV. In eius laudem præneticum carmen, 15, t. IV. Concederat celum terris, *ibid.*

Culpa subditorum in præpositos redundat, Collect. V. T., 155, t. IV.

Cultris dividi homines mystice quid sit, 552, t. III.

D

Dæmones Verrum qui dicantur, 268, t. III. Dæmones cur in vulturibus expressi, 594, t. III.

Dæmoniacus hominem necans liberator, 601, t. III.

Dæmonis impositum Eremitæ cuidam, 593, t. III.

Dæmonum illusiones, 659 et seq., t. III.

Damiani (S.) vaticinium de morte Cadalo admirabiliter impletum, 410, t. III. B. Damiani humilitas profunda, 552, t. III. Ejusdem urbana et modesta expostulatio, *ibid.* B. Damiani in scribendo fides ac religio, 221, t. III.

Damianus (B.) in latere montis Suavicini harem construxit, 555, t. III. Damianus monachus, frater S. dæoris, 579, t. III. Damianus legatus res suas subijcti iudicio se apostolicæ, 84, t. III.

Damna quæ a malignis spiritibus proveniunt, Collect. V. T., 88, t. IV.

Dannatorum supplicia, 782, t. III. Mors, *ibid.*

Daniel vir desideriorum, 456, t. III. S. Danielis missa, 24 et seq., t. IV.

David cur dicatur Aedodatus, filius saltus, Polyvaritarius, et Bethlehemitæ, 615, t. III. et Collect. V. T., 20 et 201, t. IV. David obtinuisse civitatem Rabbath quid sit, 551, t. III. Per David regnum præsens sæculum cur designatum, 647, t. III. David humilitas, 262, t. III. David cur peccatum remissum, non Saul, Collect. V. T., 195, t. IV. Idem figura Christi, Collect. V. T., 201 et seq., t. IV.

Decalatum S. Joannis Baptiste quomodo fuerit, 255, t. III. Delictuorum alimenta quæ sint, 580, t. III.

Deodatus Treverensis archiepiscopus, 454, t. III.

Depthica sive Raphael interpretatio et allegoria, 562 et seq., t. III.

Derelinquentibus sæculum quænam pacis tranquillitas datur, Collect. V. T., 109, t. IV.

Desperati cuiusdam terribile exemplum, 597, t. III.

Desperatio unde inducitur, 172, t. III.

Deus quem decrevit salvare continuo liberat, 1, t. IV.

Deus ac Judas quo discrimine Christum morti tradiderint, 67, t. III. Dei familiaris qualis esse debet, 551, t. III. Dei scientia et providentia rerum omnium simplex et distincta, 625, t. III. D o non est heri, vel cras, sed hodie semper, 624, t. III. Deus potest virginitati corruptæ carnem et meritum reparare, 618, t. III. Quomodo heri potest ut quod factum est non sit factum, 619, t. III. Nullum bonum nisi ab eo, 625 et seq., t. III. Odit sterilitatem in brutis, Collect. V. T., 20 et seq., t. IV. Ex ejus ore non egrediuntur nec bona nec mala, Collect. V. T., 261, t. IV.

Dei donum nulla ministrorum contagione polluitur, 101, t. III. De immundis non accipit sacrificium, 169, t. III. In ejus dominium transferuntur bona nostra per votum, 245, t. III. Per ingressum religionis fit portio monachi, et mo-

nachus illius, 246, t. III. Per divitias amittitur, 246 et seq., t. III. Vitat consortium, 247, t. III. In eum nostra sollicitudo projicienda, 251, t. III. In eundem fervor, et mortificatio, 286, t. III. Et serviendum amore, non timore poenae, 289, t. III. Ex ejus amore nascitur compunctio, 501, t. III. Eidem opera nostra lacrymis sunt gratiora, 502, t. III. Ejus familiaris qualis esse debeat, 551, t. III. Et odibilis suavor transfige, 565, t. III. Idem praesidet in sanctis doctoribus, 561, t. III.

Deum non posse vel nescire aliquid malum, quomodo intelligendum sit, 615, t. III. Deum etiam ulciscitur verba, 591, t. III. Cur Deus alios divites, alios pauperes esse velit, 199, t. III. Cur Deus quod promittit, interdum immittit, 57, t. III. Cur Deus quae promittit nonnullis, non tribuit, *ibid.* Quomodo, et cur Deus penas, quas minatur non infigit, 58, t. III. Deus omnia potest, sive faciat, sive non faciat, 627 et seq., t. III. Deum posse facta infecta reddere statuitur, 636, t. III. Dei localitas illocales, 622, t. III. Cur Deus non restituit virginitatem post lapsum, 617, t. III. Cur Deus alios juvenes, alios senes ad se vocat, 724, t. III. Cur per viros idiotas ac simplices mundum instituit, 725, t. III. Ad Deum accedentes, humanis disciplinis non indigent, 750, t. III.

Deus cujus vult miseretur, et quem vult indurat, 597, t. III. Deum timere, et ejus mandata servare quid sit, 480, t. III. Deus multa potest, quae non vult, 615, t. III. Deus fit portio hominum, et quomodo, 246, t. III. Deus examinat omnium actiones, 285, t. III. Deum dicere non omnipotentem, scandalosum est, 615, t. III. Deus reprobat animam secularibus implicari actibus cur permittit, electam vero a laboribus conservet liberam, 267, t. III.

Deus existit in omnibus rebus, et quo pacto, 622, t. III. Cur Deus non pellem, sed interiora sibi viscera jussit offerri, 261, t. III. Deus una notione omnia comprehendit, distincte tamen, 625, t. III. Non posse vel nescire Dei quomodo intelligendum, 616, t. III.

Diaboli technae ad prosternendum Christi militem, 270, t. III.

Devotio celeris in elemosyna requiritur, 200 et seq., t. III.

Diaboli interpretatio, 70, t. III. Diabolus incautos bonorum operum fructu privat, 809, t. III. Vulpes est species, et cur, 510, t. III. Cur diabolus novitius insidietur, 553, t. III.

Diaconus et monachus ealem penitentia molestantur a canonicis, 409, t. III.

Dialecticae uis in rebus divinis, 621, t. III. Dialecticae artis ignorantia perturbatur disciplina ecclesiastica, *ibid.*

Dibogad interpretatio et allegoria, 560 et seqq., t. III. Item quae 4, 5 et 7, 561, t. III.

Dilectio Dei cur frimida dicat, 570, t. III.

Diligentium patrum est filios corripere, 753, t. III.

Dinæ casus omnibus monachis sit exemplum ne vagentur, 265, t. III.

Diogenis Cynici absurda opinio, 685 et seq., t. III.

Discepi haereticis imputatur, 9, t. III.

Discendum est ab inferioribus, non modo a majoribus, 185, t. III.

Disciplinae humanae quomodo Deo consecrandae, 193, t. III.

Discretio cur necessaria, 551, t. III.

Dissidentia Christum expulit pauperem, fides vero divitem, 251 et seq., t. III.

Diversa naturae bona, 197, t. III.

Diversitas peccantium contra naturam, 149, t. III. Ejusdem peccati gravitas, *ibid.*

Dives dispensatoris sunt, non possessores divitiarum, 199, t. III. Cur alii divites, alii pauperes, *ibid.* Divitum injuste quæritur in pauperes, 205, t. III. Divitum commendatio, 200, t. III.

Divitiae appetuntur ad luxum, non ad indigentiam, 518, t. III. Nullum unum saepe afferunt, præter solum aspectum, *ibid.* Ex divitiis quomodo fructus capiantur, 545, t. III. Divitias relinques repentes a caelo accedunt, 218, t. III. Nemo potest Deum et divitias colere, *ibid.* Divitias appere quam periculosum, 546, t. III.

Domitico die non jejunandum, 525, t. III.

Domitius duodecim simul psalteria cum disciplina cantavit, et tertium decimum corripit, 781, t. III. Ejus iudicium de corporis flagellatione, 785 et seq., t. III.

Domitius patriarcha Gadenensis, 655, t. III.

Domini, vobis unum ab utroque Testamento descendit, 225 et seq., t. III. *Domini vobiscum* unde oritur sit, 125, t. III. Idem non mutatur, *ibid.* Item si pro singularitate non diu, multa alia necesse est ostenduntur, 125 et seq., t. III. Si idem recte inter duos proleitur, a quo etiam jure dicitur, 251 et seq., t. III. Ad unicum recte dicitur, 252, t. III.

Domus Israel quomodo vertitur in scoriam, *Collect. V. T.*, 102 et seq., t. IV.

Donatus et Hilarianus (SS), 37, t. IV. S. Donati miracula, 58, t. IV. Ejus laudes, *ibid.* Utriusque dissimilitudo, *ibid.*

E

Ebrietas spiritualis quid in anima faciat, 769, t. III. *Eboron* idem quod transitus, 567, t. III. Ejus allegoria, *ibid.*

Ecclesia a monachis non a canonicis fundata est, 521, t. III. Ecclesia Romana cur dicitur officina fabrilis, 84, t. III. Ecclesia non constrigitur temporum lege, nec servit sub elementis, 254, t. III. In Ecclesia recte alius supplet verba alterius, *ibid.* Ecclesia Christi castra Dei sunt, 515, t. III. Ecclesia Romana Christi auctoritate fundatur et fulguit, 52, t. III. Spiritus alius mater est regum, 56, t. III. S. Ecclesia Spiritus S. donis repleta, 648, t. III. Cur Ecclesia Hierosolymitana cum aliis non præcellat, cum ibi passus sit Christus, 610, t. III. Ecclesia est tabernaculum Dei, 515, t. III. Ecclesia Dei in tabernaculo Moysi demonstratur, 44, t. III. Item in urbe Hierusalem, *ibid.*

Ecclesia multiplex, et una, 225, t. III. Una in multis, et tota videtur in singulis, *ibid.* In omnibus una, et in singulis tota, *ibid.* Tota est unum corpus, 229, t. III. Respicit ad unitatis sacramentum, 252, t. III. Assimilatur Racheli, *Collect. V. T.*, 93, t. IV. Ejus umbilicus qualis, *Collect. V. T.*, 314, t. IV. S. Ecclesia quibus vestibus delectetur, 528, t. III.

Ecclesie unitas per Christum in Eucharistia, 228, t. III. Ecclesie Romanæ præstantia, 75, t. III. Item et dignitas, 77, t. III. Ejus jura frangere quam perniciosum, *ibid.* Ecclesie filii maiorem inter se habent unitatem, quam habuerunt filii Israël, 235, t. III.

Ecclesiasticae locutiones non subjacent grammaticæ regulis, 252, t. III. Ecclesiasticorum bonorum injusti possessores culpantur, 451, et seq., t. III.

Echidna natura, 588, t. III.

Electus quis quantum Deus amet, 779, t. III. Elemosyna plerumque diu finit prodest, 209, t. III. Maxime demonibus invisa, *ibid.* Elemosyna appellatur iustitia, 199, t. III. Elemosyna mutatur animas, 202, t. III. Elemosyna pauperibus data fructuosior est quam oblatio a sacerdote carnali celebrata, 582, t. III. Elemosyna Walderici martyris miraculo commendata, 2, 6, t. III. In elemosyna devotio celeris requiritur, 200, et seq., t. III. Avari difficultas in elemosyna, 201, t. III. Elemosynæ premium, *ibid.* Item et lorum, *ibid.* Elemosynæ regula, 204, t. III. Eadem bonorum temporalium affluentia, 207, t. III. Reputatur a Deo ut misericordia, 199, t. III. Elemosynam acceptam per manus pauperis Deus conservat in cælo, 199, t. III. Elemosynarius meretur orationem totius Ecclesie, 205, t. III. Elemosynarum quæ maxima, *ibid.* Motiva largiente elemosynæ, 201, t. III. Elemosynis parentum res filiorum crescit, *ibid.* Exemplum mulieris quæ defuncti viri animam elemosynis redimere conabatur, 581, t. III.

Elementum aquæ vires suas naturales reprimat. *Vide* Aqua.

Elisai propheta evangelicæ paupertas, 275, t. III. Libertas ejusdem et discretio, 272, t. III. Episcopatus ordinis sit alius a sacerdotio, 104, t. III. Episcopatus aliquando deponi potest, 422, t. III.

Episcopi officium, 57, t. IV. Ejusdem opera respondeant verbis, *ibid.* Idem sit acer in reprehendis vitiis, *Collect. V. T.*, 181, t. IV. Episcopi erroris nocens monachum ob inordinatum redire posse ad secularia, 561, t. III. Episcopi male ordinati consecrationis gratiam alii habent, sed sibi non habent, 121, t. III. Quid episcopi de sacerdotibus indignis constituere debeant, 509, t. III. In coarctandis clericorum flagitiis vigilantes esse decet, 565, et seq., t. III. Episcopo unum nequissimorum ordinatio cur rata, et valida, 106, t. III. Episcoporum malorum deploratio, 444, t. III. Episcoporum cause ad quem spectent, 553, t. III. Episcopi qui indignum promoveat, ejus se peccatis involvit, 505, t. III. Episcopus impudus, et simoniacus miraculorum effector, 111, t. III.

Equearum Cappadociae natura, 651, t. III.

Eremit origo, 551, t. III. Ejus auctores et professores, *ibid.*

Eremita in urbibus conversantes, amantes cur iudicandi, 791, t. III.

Eremiticae vitae laus, 256, t. III.

Eremitis præcipue necessaria quies, silentium et jejunium, 555, t. III. Eorum psalmodia, 557, t. 5. Jejunium, 542, t. III. Exercitii, 544, t. III. Eis necessaria collationes Patrum, 545, t. III. Discrimen inter Eremitam et Anachoretam, 552, t. III.

Eremitus mors est vitiorum, 258, t. III. Vita virtutum, *ibid.* Balneum animum, *ibid.* Scala Jacob, *ibid.* Conclabulum Dei, *ibid.* Habitaculum hominum et angelorum, *ibid.* Testis divini amoris, *ibid.* Dominice sepulture æmula, *ibid.* Spirituale habitaculum mira efficiens, 139, t. III. Speculum animarum, *ibid.* Thalamos nuptialis, *ibid.* Effugium mundi persequentis, 240, t. III. Castra demonibus terribilia, *ibid.* Viridarium animarum, *ibid.* Deus est inhabitator habitantis in eremo, *ibid.* Eremitus est schola celestis doctrine, 256, t. III. Paradisus deliciarum et virtutum, *ibid.* Caminus trium puerorum, 257, t. III. Fornax superni Regis, *ibid.* Apothea mercium celestium, *ibid.* Officina ubi anima restauratur, *ibid.* Militæ locus, et triumphus, *ibid.*

Esau unde dejectus a jure suo, 261, t. III.
Esculapii episcopi fastus et depositio, 519, t. III.
Esther humilitas quanta, 262, t. III.
Eliam sive *Buthan* interpretatio et allegoria, 530, t. III. Evangeliste conciliantur in crucifixione Christi, 214, t. III.

Eucharistia præcipuum Ecclesie sacramentum, 96, t. III. A multis offertur, 227, t. III. Eucharistiam frequenter suscipiens, demonibus est terribilis, 771, t. III.

Eucherius Lugdunensis episcopus, 524, t. III.
Eutychetis hæresis improbat, 9, t. III.
Evangelium per manna significatum, 563, t. III.

Ex ore Altissimi non egredientur nec bona nec mala, expositio, 616, t. III.

Excommunicati non habent jus ad electionem Pontificis, 68, t. III.

Excommunicatio canonum et pontificum eadem, 237, t. III. Excommunicatio Pontificum Romanorum cur formidanda, 595, t. III. Cum excommunicatis nulla habenda est conversatio, 275, t. III.

Excusatio in peccatis quantum malum, 483, t. III.

Exempla admirabilis penitentiae, 340, t. III. Exemplum viri pii et canonicarum horarum studiosi, 218, t. III.

Exercitii spiritualis studium, 337, t. III.

Expositio: *Læva ejus sub capite meo*, 607, t. III.

Expositio: *Ego dixi in excessu mentis mee: Omnis homo mendax*, 574, t. III.

F

Farnulphus Cisterciensis episcopus, 453, t. III.

Festi dies solennes cur a jejunio immunes, 524, t. III.

Festivitates quedam cur suo tempore non celebrantur, 253, t. II.
Festum S. Jacobi, et S. Petri ad Vincula, 255, t. III.
Fides imaginem legis quomodo teneat 470 *et seq.*, t. III.

Fidei necessitas, et præstantia, 2, t. III. Eadem o igo virtutum, 5, t. III. Fides cur petra, 714, t. III. Fides exuperit Christum divitem, et quomodo, 251, *et seq.*, t. III.

Fideles omnes quomodo unus sunt, 226, t. III.
Fili autem David erant sacerdotes quomodo exponatur, 645, t. III.

Filius unius anni erat *Saul* cum regnare cœpisset, etc., expositio, 641, *et seq.*, t. III.

Flagellatio purgatorii genus, 784, t. III.

Fossor, saxorum ruderibus per annum obrutus, vivit propter missæ sacrificium, 531, t. III.

Fructus laboris spiritualis, 296, t. III.

Futura pro præteritis sæpe ponit Scriptura, 625, t. III.

G

Gabaonitarum exemplum quinam imitari dicantur, 288, t. III.

Galad interpretatio et allegoria, 587, t. III.

Geharim interpretatio, et allegoria, 569, t. III.

Genobaldus Laudunensis episcopus, 444, t. III.

Gentilis regis evangelicum dictum, 209, t. III.

Gerardi elemosynarii exemplum, 206, t. III.

Gerardus episcopus Florentine ecclesie, 110, t. III.

Gersonis eremitæ pia exercitatio, 668, t. III.

Giezi a fide cur erraverit, 546, t. III.

Gloria celestis perfecta descriptio, 734, t. III.

Gondebertus Senonum archiepiscopus, 434, t. III.

Gothifredus dux, 209, t. III.

Græcorum consuetudo in imperatore creando, 480, t. III.

Exhortatio ad hominem, 481, t. III.

Grammaticam regulari discipline præferri a monacho vanum, 298, t. III.

Gregorii (S.) sententia de penitentia, 291, t. III.

Guido (S.) abbas Pomposianus, 512, t. III.

H

Hæresis Eutychetis improbat, 9, t. I. Hæresis origo, 484, t. III. Hæresis Nestorii improbat, 9, t. III.

Hæretici ut reconciliandi, 79, t. III.

Italus interpretatio et allegoria, 565, t. III.

Hierinacii natura, 809, t. III.

Hierusalem cur figura Ecclesie Dei, 44, t. III.

Hilariani (S.) miracula, 37, *et seq.*, t. IV.

Hildebrandi cardinalis abstinentia, 556, t. III.

Horarum significationis laudes, 507, t. III.

Humana mens implicata terrenis rebus non est apta contemplationi. *Collect. V. T.*, 151, t. IV.

Humane miserie conditiones, 47, t. IV.

Humbertus episcopus card., 602, t. III.

Humilitatis discipulus quis dicendus, 225, t. III.

Hydrus cur Salvatoris species, 811, t. III.

Hypocresis abominabile vitium, 251, t. III.

Hypocritæ ad quid vilioribus vestibus utuntur, 261, t. III.

I

Ignis natura, 630, t. III.

Illiteratorum oratio quænam esse debeat, 217, t. III.

Immundi hominis etiam bona opera Deo displicent, 170, t. III.

Confirmatur exemplo eremite, *ibid.* Immundorum manus cur plene sanguine, 169, t. III.

Imperatores Romani, qui violenta morte perire, 478, t. III.

Imperatorum assensus in electione Rom. pont. non est necessarius, 55, *et seq.*, t. III.

Romani imperatores, eorumque mors, 54, t. III.

Cur B. Gregorio electo assensum præbuit Mauricius imperator. *ibid.* Privilegium concessum Henrico imperatori in pontifice eligendo, 53, t. III.

Incepta non consummata perdunt, 285, t. III.

Incredulus dicitur, qui misericordiam non amat, 201, t. III.

Indumenta mollia perfectiones cur fastidiant, 262, t. III.

Inferni pœnæ atrocissima, 62, t. IV.

Inferi, mortisque meditatio extinguit incentiva libidinum, 175, t. III.

Infirmorum causa augetur interdum a rectitudine non nihil declinare, 59, t. III.

Ingratitudo hominis in Deum, 479, t. III.

Insidia hominum vitari possunt, non item dæmonum, 409, t. III.

Intentio potius scribentis, quam litteræ cortex attendendus, 572, t. III.

Israelitarum mansiones spiritualiter intelligendæ, 558, t. III.

Israelitæ quam viriliter contra carnem et sanguinem dimicaverint, 275, t. III.

Israelitico populo quæ beneficia concessa, 251, t. III.

Ivo B. Damiani magister, 728, t. III.

J

Jabutha interpretatio, 567, t. III.

Jejunii monasterii forma, 522, *et seq.*, t. III.

Ab eodem excipiuntur dies festi, 525, t. III.

Ejus regula, *ibid.*

Jejunii ad refectionis regula, 534, t. III.

Jejunium laudabile, 511, t. III.

Jejunium perfectum quale appellandum, 535, t. III.

Jejunium fastulorum, *ibid.*

*Jezreel*is eymon, 498, t. III.

Joab quid referat, quid *Semel*, 648, t. III.

Joannes (S.) evangelista a nuptiis vocatus, 686, t. III.

Joannes cur vitam contemplativam designat, 609, t. III.

Cur Joannes evang. quiete obdormivit, 291, t. III.

S. Joannes evangelista logotheta Verbi, 27, t. IV.

Dilectus præ cæteris a Domino, *ibid.*

Joannes prior monasterii Pontis Aveliani, 595, t. III.

Joanni de Anso a dæmone impositum, 595, t. III.

Joseph. Inter Joseph et B. Virginem verum matrimonium intercessit, 685, t. III.

Jube Domine benedicere, cur dicatur, 225, t. III.

Jubilei mysterium, 43, t. III.

Judæi qui in Christum male affecti, 539, t. III.

Judæi quod gravius peccatum perpetrarint, 48, t. III.

Christum occidisse peccatum fuit omnium maximum, 49, t. III.

Cum Judæis quæ ratione disputandum, 25, t. III.

Judex timeus Deum, 57 *et seq.*, t. IV.

Judices ne gratis quidem dona accipere possunt, 541, t. III.

Judicia Dei vere abyssus malæ, 601, t. III.

Judicii diæ occultæ singulorum patebunt, 61, t. IV.

Judicii christianæ memoria utilis contra tentationes, 773, t. III.

Sententiæ Scripturarum quæ die judicii, *ibid.* *et seq.* Judicium muneribus pervertitur, 542, t. III.

Juniperi virtus in fovendo diutissime igne, 564, t. III.

Juvenes in æstu carnis quibus animi se debeat defendere, 511, t. III.

Juventus ætas carnis pugnam patitur, *ibid.*

Juventus eremita, vir sanctus, 600, t. III.

Juventus maxime carnis pugnam patitur, *ibid.*

L

Laban finas vendit, et cur, 486, t. III. *Laban* interpretatio, 295, t. III.
 Laboris spiritualis fructus qui sint, 296, t. III.
 Lactrymæ animam purificant et fecundant, 299, t. III.
 Impetrant gratiam et docent, 300, t. III. Vitam produciunt, et cur, *ibid.* Steriles fecundant. *ibid.* Spen erigunt, 301, t. III. Gratia sunt Dei acribus, *ibid.* et seq. Earum dulcedo, 302, t. III. Dæmonem terrent ac fugant, *ibid.* Lactrymarum gratia ut acquiri queat, 352, t. III. Lactrymarum et contemplationis studium, 351, t. III. Lactrymarum verum ac falsum discrimen, 352, et seq. t. III. Lactrymis sacrificium operum nostrorum Deo fit gratius, 302, t. III. Ex illis amor Dei nascitur, *ibid.*
 Lambertus Florentinus episcopus, 434, t. III.
 Lamech significat primum parentem, *Collect. V. T.*, 85, et seq., t. III.
 Lamentatio flebilis super animam immunditæ sordibus cælitum, 165, t. III.
 Lanulphus clericus Mediolanensis, 695, t. III.
 Lapidis secti sunt, qui respuunt consortium aliorum, *Collect. V. T.*, 112, t. IV. Lapis cur Ecclesia, 586, t. III. Cur lapis unus dicatur, *ibid.*
 Laudes Dei non sunt cogitationibus fædis inquinandæ, 594, t. III. Laus nocturnæ officium, 651, t. III.
 Laurentius Sabiniensis episcopus, 444, t. III.
 Lebetes quomodo vaos homines referant, 501, t. III. *Lebra* interpretatio et allegoria, 561, t. III. In *lalerem* verti ur, 565, t. III.
 Legis divinæ finis, 62, t. III.
 Leo (B.) abbas Nonantulanus, 459, t. III. Miraculum ac ejus sepulcrum, 440, t. III.
 Leo et Fredericus archiepiscopus Ravennas, *ibid.*
 Leo ex Puteolano episcopo eremitæ, 601, t. III.
 Leo Sitræ monachus, 792, t. III.
 Leo eremita Præseus, 795, t. III. Ejus vita longæva, 794, t. III.
 Leonis IX epistola ad B. suetrem, 147, t. III. Ad eamdem responsio, 149, t. III.
 Leonis Præseus admirabile exemplum, 316, t. III. Ejus admiranda in psallendo attentio, *ibid.*
 Leonis inclusi cælestis sapientia, et sanctitas, 729, t. III.
 Leonis natura, 807, t. III.
 Leprosus osculo sanatus, et a quo, 581, t. III.
 Letaniæ. Error aliquorum in recitandis letaniis, 4, t. III.
 Levitator et sacerdotum ministrantur in veteri lege continenti quanta, 40, t. III. A quo instituti, *ibid.*
 Lex corporis humani legi divinæ contraria est, 599, t. III. Lex peccati opponitur legi Domini, *ibid.* Lex divina cur medicamentum plagarum, 716, t. III.
 Lia quomodo vitam activam referat, 255 et seq., t. III.
 Liberalis cujusdam viri in Deum exemplum, 207, t. III.
 Liberalitate liberalitas perit, 508 et seq. t. III.
 Libidinis dominor quis sit, 682, t. III.
 Librorum Scripturæ sacræ ordinis mysterium, 782, t. III.
 Lintulphus Gallensis episcopus, 455, t. III.
 Litterarum studia sine virtute sunt infecunda, 729, t. III.
 Localitas Dei illocalis, 622, t. III.
 Loco sacro honorem non dantis exemplum stupendum, 820, t. III.
 Locutiones ecclesiasticæ non subjacent grammaticæ regulis, 252, t. III. Ad unitatis sacramentum respicit Ecclesia, *ibid.*
 Lucidus Ficoelensis episcopus, 445, t. III.
 Luciferianorum hæreses, 540, t. III.
 Luciprandus Ven. eremita cælesti auxilio roboratur, ne ieiunium possit violare, 600, t. III.
 Luxuria divitis fovetur, 548, t. III. Luxuriæ effrax remedium, 780, t. III.
 Lycium natura, 441, t. III.

M

Magnetus natura, 650, t. III.
 Mainardi monachi boni sensus exemplum, 516, t. II.
 Mainfredi marchionis humilitas, et pietas erga pauperes, 200, t. III.
 Majoli abbatis Cluniacensis admiranda obedientia, 585, t. III.
 Majora tentanda, ut minora facilia reddantur, 515, t. III.
 Mala dicenda sunt potius non esse quam existere, 626,

t. III. Mala exigua largissima dona corrumpunt, 219, t. III.
 Maledictio in sacra Scriptura quomodo accipitur, 557, t. III.
 Mali valide conferunt sacramenta, 551, t. III. Malorum societas quantum bonos lædat, 257, t. III.
 Manna Evangelium cur figurat, 565, t. III.
 Mansiones Israelitarum quomodo intelligendæ, 558, t. III.
 Manus immundorum cur plenæ sanguine dicantur, 169, t. III.
 Mara interpretatio et allegoria, 561, t. III.
 Marchionissæ cujusdam in paupere est liberalitas, Dei liberalitate in filios multiplicatur, 206 et seq. t. III.
 Maria præbendam clerico sibi devoto ablata restitui jubet, 577, t. III. Maria in suæ festivitatis Assumptionis innumeros liberat a penis Purgatorii, 602, t. III. Ejus apud Deum auctoritas, et misericordia, *ibid.* Mariæ Virg. laudes, 17-18 et seq., t. IV. Ad eamdem oratio carminica pro tempore nubilo, 21, t. IV. Mariam laudanti gaudium auvatur, 604, t. III.
 Marini sacerdotis incontinentis miracula, 111, t. III.
 Marinus frater Damiani, ejus agrotatio et felix obitus, 579, t. III. B. Virgo illum in extremis laborantem invisit, *ibid.*
 Martinus (S.) episcopus Turonensis, 438, t. III.
 Martinus Storax monachus, 791, t. III. Serpentes duo cum eo familiariter commorantur, *ibid.*
 Martyrum vulnera quam gloriosa, 709, t. III. Martyrum opera cur imitanda, *ibid.*
 Matutinum cur nocte canatur, *Reg. Pet. Non.* 556, IV.
 Mediolanensis Ecclesiæ primordia, 77, t. III.
 Meditatio mortis et inferni exstinguit carnis motus, 171 et 549, t. III.
 Mens vertitur in illud quod cogitat, 550, t. III. Mens humana ita occupatur circa minima, si sit indigens, sicut erga multa, si dives, 249, t. III. Mentis evagationes, tenebræ et ariditas, quæ monacho secularibus impicito nascuntur, 255, t. III.
 Menses apud antiquos triginta dierum numerum continebant, 649, t. III.
 Mentiri quid sit, 51, t. III.
 Metcha interpretatio, et allegoria, 566, t. III.
 Milesius episcopus et martyr, 432, t. III.
 Militia religiosa quales milites requirit, 247, t. III.
 Militis transfugas pœna, 562, t. III.
 Minister Dei non potest donis Dei obistere, 102, t. III.
 Misericordie divinæ exempla, 175, t. III. Misericordiam non amans incredulus cur vocandus, 201, t. III.
 Missa de sancto Bartholomæo, 28, t. IV. Triginta Missarum solennia pro defunctis, 559, t. III.
 Moab interpretatio et allegoria, 569, et seq. t. III.
 Modestia in incessu, 512 et seq. t. III.
 Modus docendi in scholis, 658, t. III. Modus reconciliandi hæreticos, 79, t. III.
 Mola cur mundum referat, 268, t. III.
 Molibus vestiti mundo servant, non Deo, *ibid.* Sicut p etiosa vestis ad iram, ita humilis Deum ad indulgentiam provocat, 260, t. III.
 Monachi ad Vesperas dicunt tantum quatuor psalmos, 215, t. III. In Completorio tantum tres, *ibid.* Idem pecunias possidentes plus peccant quam Ananias et Saphira, 245, t. III. Eorum animam etiam parva pecunia immanner lædit, 249, t. III. Qualiter possint pervenire ad veras divitias, 250, t. III. Eos inquietos dæmon urget ad sui et aliorum ruinam, 252, t. III. Eorum pervagatio multis præbet occasionem perendi, *ibid.* Eorumdem discursu virtutes expellit, et vitiorum multitudinem introducit, 255, t. III. Monachi anima multa mala patitur cum ad inferiora revertitur, 255, t. III. Idem vagi et instabiles non valent filios spirituales Deo gignere, 269, t. III. Unde decipiuntur, 270, t. III. Eidem valde periculosum est sanctum deserere otium, 276, t. III. Monachus non debet se ingerere negotiis secularibus, 277, t. III. Debet mando vale dicere et sacræ lectioni vacare, 282, t. III.
 Monachi et canonici significatio, 514, t. III. Monachi discurrentes non monachi dicendi sunt, sed gyrovagi, 515, t. III. Monachi dum flagellis atteruntur, stolis abbis ornatu videntur, 600, t. III. Monachis in urbe morantibus arrogantia tumor obrepit, 790, t. III. Monachorum promissio, 556, t. III. Monachorum vestimenta ad imitationem seraphim celestium instituta sunt, 524, t. III. Monachorum quorumdam temeritas, 255, t. III. Inter Monachos vagos et stabiles quid distet, 265, t. III. Monachos pretiosis vestibus indui insanæ est, 259, t. III. Item rapiæ species, *ibid.* In quo differant ab hypocritis, *ibid.*

Monachus Cluniacensis ex inobediente obediens factus, leprosum osculo sanat, 581, t. III. Monachus medioctiter perfectus melior est viro seculari, etiam pio, 785, t. III. Monachus nequit Christum simul et pecunias possidere, 246, t. III. Perfecte renuntiantibus potestas judiciaria promittitur, *ibid.* Per divitias Deus amittitur, 247, t. III. Coelestis hospes fugit consortium, *ibid.* Monachus inquietus reliquit exercitium virtutum, exponiturque omnibus vitis, 255, t. III. Monachus unde bonus fiat, et unde malus, 269, t. III. Monachus saepe falsa carnalium promissione decipitur, 270, t. III. Monachus frigidus, vilis alga, 782, t. III. Fervidus vitis est fructuosa, *ibid.* Monachus ut dives fieri queat, 250, t. III.

Monasteria sunt animarum vivaria, 805, t. III. Monastici ordinis defluxus, 522, t. III. Monastici jejunii regula, *ibid.* et *seq.* Mons *Sepher*, sive *Sephar*, idem quod tubicinatio, 555, t. III.

Montes excelsi sunt altæ Scripturarum intelligentiæ, *Collect. V. T.*, 225, t. IV.

Montis Casini peregrinatio quanti facienda, 578, t. III. Montis Casini cenobium sacrasimium, 658, t. III.

Montis *Ilor* interpretatio, et allegoria, 568, t. III. Mors et tartarus per crocodilum cur expressa, 811, t. III. Mors horrenda cujusdam c. militis, 451, t. III. Mors damnatorum omnium teterima, 782, t. III. Mors cur nunc citius solito homines adoriatur, 280, t. III. Mortis dies terribilis, 59, t. IV. Eodem die adsunt demones in agone, *ibid.*

Mortuorum officium quotidie persolvens in coeleste regnum introducit, 604, t. III.

Moseroth interpretatio et allegoria, 567, t. III.

Moyses cur videator fuisse pontifex, 104, t. III. Quod de spiritu suo non per se Moyses, sed Deus dedit septuaginta viris, 105, t. III. Moyses jurisconsultus, et cur, 192, t. IV. Moyses monachicam normam tenuit, 512 et *seq.*, t. III. Moyses munera non accepit, 545, t. III. Moyses erga suos amor perfectus, 65, t. III.

Mundi hujus supplicia quæ sint, 279, t. III. Mundi mala, et peccata, 256, t. III. Cum mundanis quomodo, et cur conversandum, 287, t. III. Mundi hujus bona vana, 45, t. IV. Pugnenda, *Collect. V. T.*, 182, t. IV. Mundi actiones cur mutæ comparantur, 268, t. III. Mundi blandimenta quomodo extinguenda, 778, t. III. Mundi serviunt molibus vestri, non Deo, 259, t. III. Contra mundum clypeus fortis mortis imago, 774, t. III.

Munera perveniunt iudicium, 512, t. III. Munera Moysi exosa, 545, t. III. Munerum genera quot sint, 264 et *seq.*, t. III.

Mysterium sanctiss. Trinitatis explicatur, 5, t. III. Lucet in hominis creatione, 25, t. III. Manifestatur Abrahamo, *ibid.*

N

Nabo interpretatio et allegoria, 569, t. III. Naturæ bona diversa sunt, 197, t. III. Naturæ conditor, naturæ etiam est immutator, 629, t. III.

Nazarus et Celsus (SS.) Mediolani martyrio affecti, 77, t. III.

Nestorii hæresis, 9, t. III.

Nicæno (in) Symbolo quomodo dicatur Spiritus sanctus proprie a Patre procedere, 661, t. III.

Nicolaitæ ex Nicolaitarum hæresi qui dicendi sint, 410, t. III.

Nicolaus II. PP. pauperum pedes quotidie lavat, 210, t. III.

Nobiles qui in Religionibus, 289, t. III.

Nominis perpetuis premium castitatis, 174, t. III.

Nonus episcopus et martyr, 454, t. III.

Novæ hæresis, 118 et *s. q.*, t. III.

Novatiani non sunt deponendi, 118, t. III. Novatianorum hæreses, 540, t. III.

Novitiorum modestia in incessu quæ requisita, 512 et *seq.*, t. III.

Numeri quadragenarii mysteria, *Collect. V. T.*, 156, t. IV.

Nummola quis dicendus, 248, t. III.

Nuptiæ ad quid institutæ, 686, t. III. Pœna celebrantium nuptias quadagesimali tempore, 687, t. III. Nuptiæ secundæ cur non improbandæ, 251, t. III. Unus sponsus Ecclesiæ virginis, *ibid.*

Nuptiæ celibes quæ sint, 686, t. III. Nuptiarum celebrandarum tempus ex sacris canonibus, 683, t. III.

O

Obedientia cur anteponenda bonis operibus, 511, t. III. Obedientia mala quæ, 65 et *seq.*, t. III. Obedientia admittenda Majori Cluniacensis abbatis, 585, t. III. Obedientiæ

vis quanta, 584, t. III. Non obedire Deo an possit non esse malum, 60, t. III.

Obolus interpretatio et allegoria, 568, t. III.

Obtrectatio, virus animæ, 48, t. IV.

Octaviani Augusti laus et elogium. Vide *Augr. st.*

Oculi septem quid expriment, 386, t. III.

Odiū perdit animas, 44, t. IV.

Officium cujuslibet membri speciale est toti corpori commune, 228, t. III. Officium nocturnum, 276, t. III. Officium mortuorum quotidie persolvens in coeleste regnum introducit, 604, t. III. Olivæ symbolum, 470, t. III.

Oratio fervens quam efficax, 726, t. III. Oratio pro venia peccatorum, 550, t. III. Orationes et suffragia sunt alibi defunctorum, 550, t. III. In orationibus non corporalis sed spiritualis attendenda præsentia, 256, t. III.

Orationis efficacia quanta, 248, t. III.

Ordinatio episcoporum, licet nequissimorum, tamen rata est, 106, t. III.

Ordinis librorum Scripturæ sacræ mysterium, 785, t. III. Ordinis sacramentum ex quo pendeat, ut ratum sit. Vide *Sacramentum*.

Oris parsimonia transitus mystice est in Phinon, 568, t. III.

Osculi impudici penitentia quam gravis, 165, t. III.

Otium sanctum deserere quam periculosum, 276, t. III.

Otto II imperator, 456, t. III. Ottonis imperatoris lamentabilis interitus, 596, t. III.

Ozias cur d. catur genitus a Joram, 195, t. III.

P

Pactum inter Deum et monachos violari non debet, 246, t. III.

Palatium Romuli corruens quid referat, 651, t. III.

Palea calida et frigida est, 650, t. III.

Pandulphus et Joannes viri principes in inferno damnati, 456, t. III.

Papa mensura in eremo dari solita, 357, t. III. Exercitii spiritualis studium, *ibid.* Papa j. stus iudex, 45, t. IV.

Parentes legibus Dei resistentes, extranei reputandi sunt, 596, t. III. Parentum eleemosyna filiorum res crescit, 206, t. III.

Partes serviunt toti et opera partium attribuuntur toti, 228, t. III.

Pascalii computi auctores quinam fuerint, 651, t. III.

Patres (SS.) negant posse monachum ad sæculum redire, 564, t. III.

Pauli (S.) discipuli qui fuerint, *ibid.* B. Pauli basilica a Theodosio et Honorio ædificata, 55, t. III. S. Paulus propriam non habet cathedram, et cur, 610, t. III. Paulus præ cæteris omnibus privilegio admirabili est insignitus, 608, t. III. S. Paulus aliorum scandalum quatuorope vitare studuerit, 60, t. III. Paulus evangelica mysteria didicit, sed non ab hominibus, 609, t. III. Paulus cur B. Petrum reprehenderit, 758, t. III. Paulus qui in re similis Christo, 610, t. III.

Paulianistæ cur rebaptizandi, 121, t. III.

Pauperes in vestibus, quibus commendata, 547, t. III.

Paupertatis evangelicæ fructus, 250, t. III. Bona quibus in hac via fruuntur egeni, *ibid.*

Pauperum pedes lavare saluberrimum est, 209, t. III.

Abusus quorundam in pauperibus excipiendis, *ibid.*

Peccare in fide, et recedere a fide differunt, 119, t. III.

Peccare gravius nemo potest quam sacerdos, 586, t. III.

Peccata levia in quæ etiam justus quotidie labitur, *ibid.*

His justitia non amittitur, 212, t. III. Peccata episcopi non recte ordinati in promotoris caput reuolunt, 463, t. III. Peccata desperationem non inducunt, sed impietatem, 172, t. III. Peccati gravitas ex penitentia rite statuta cognoscitur, 163, t. III. Peccatorum contemptus mortem inferminatur sempiternam, 515, t. III. Peccatorum effectus, 211, t. III. Peccatum nullum impunum manet, 593, t. III.

Peccator resurgit ad majorem gratiam, 618, t. IV.

Peccatorum arma quæ sint, 781, t. III.

Pelluli inter canonicos quanta mala, 490, t. III.

Pellis colubri decotta dolore animum mitigat, 650, t. III.

Pennis hominum quæ sint, 815, t. III.

Pernigratio Casini montis quanti facienda, 575, t. III.

Perfecte renuntiantibus potestas judiciaria promittitur, 246, t. III.

Personarum coequalitas, 5, t. III. Earum coæternitas, 4, t. III. Earum proprietates, 5, t. III.

Pertinacis effectus, 484, t. III. Oppugnatur pertinacia verbis D. August., *ibid.* et *seq.*

Petri (S.) apostoli discretio in Judaeorum salute curanda, 59, t. III. S. Petrum tres etiam claves manu tenentem fuisse designatum vetustissima urbis monumenta docent, 74, t. III. Petrus cur a Paulo reprehensus, 60, t. III. Petrus cur vitam activam designat, 609, t. III. S. Petrus Apostolus cuiusdam apprensus eum a demonibus liberat, 598, t. III. S. Petrus princeps senatus apostolici, 25, t. IV. Quare se subtraheret a commercio gentium, *Collect. V. T.* 274, t. IV. Cur Petrus ad sinistram et Paulus ad dexteram in picturis collocentur, 605, t. III.

Petrus eremita in pavimento nudo semper pernoctans, 793, t. III.

Petrus sacerdos ex monacho Nonantulano eremita, 580, t. III.

Petro Damiani ob dimissos episcopatus quanta poenitentia iniuncta, 445, t. III.

Petrus (S.) Damiani compellat Cadalonum antipapam, 51 et 69, t. III. Ejus zelus pro Ecclesia Romana, 76, t. III. Ejus sermo ad Mediolanenses, 77, t. III. Subjicit res suas iudicio sedis apostolicæ, 84, t. III. Ejus allocutio ad episcopos, 135, t. III. Invehitur in Simoniacos, 158, t. III. Laudat suam patriam, 140, t. III. Impugnat apocryphos canones de poenitentia, 157 et seq., t. III. Invehitur in legisperitos, 185, t. III. Ejusdem in scribendo fides et religio, 220, t. III. Construit eremum, 555, t. III. Modestia, 575, t. III. Alter Hieronymus, t. IV, vi, in *princ.* Ejus Festus dies celebratur Ravennæ, 4, t. IV. Ejus Rhythmus Paschalis, 15, t. IV. Ejus epitaphium, 51, t. IV. Ejus stylus, *Collect. V. T.* 75, t. IV. Quare sæpe testimonia sacræ Scripturæ adhibuit, 74, *Collect. V. T.*, t. IV.

Phalaridis tyranni crudelitas, 575, t. III.

Phiala aurea quomodo mentem sancti sacerdotis adumbrat, 502, t. III.

Philo disertissimus Judaeorum, 521, t. III.

Philosophorum nullus tam insanus, ut Dei negaverit omnipotentiam, 621, t. III. Philosophorum lectio ad intelligentiam Scripturæ conducens, 572, t. III.

Phoenix nostri Salvatoris typus, 812, t. III.

Piæ marchionissæ in pauperes liberalitas, 207, t. III.

Pietas simulata molesta, 778, t. III. Pictalis opera munda, *Collect. V. T.*, 117 et seq., t. IV.

Pituiti nominis elymion, 594, t. III.

Plaga: cur Ægyptio inflicta, 714 et seq., t. III.

Poenæ clericorum incontinentium, 402, t. III. Eorumdem pravæ objectiones, et earum refutationes, 589, t. III.

Poenitentia recenter conversis quæ injungi debeat, 290, t. III.

Poenitentia centum annorum quomodo expleatur, 794, t. III.

Poenitentia unius anni quomodo expleatur, 524, t. III.

Poenitentia immundis statuta a canonicis qualis, 160, t. III.

Polychronius post mala principia optimum finem in sacerdotio habuit, 109, t. III.

Polypi natura, 810, t. III.

Pontifex Romanus est princeps Ecclesiæ, 85, t. III.

Pontificis anathema timendum, 589, t. III.

Pontificis Romani et regum unio Ecclesiæ universæ salutaris, 71 et seq., t. III.

Pontificis Romani electione non esse necessarium imperatorem esse, exemplis demonstratur, 55 et seq., t. III.

Pontificum Romanorum coronæ tres unde derivatæ, 74, t. III.

Pontificum Romanorum vita cur tam brevis, 474, t. III.

Populus Israel cur altare erexit, 250, t. III.

Similitudo declaratio de iohannari, *ibid.*

Porta Ezechielis clausa quid significet, 45, t. III.

Præceptum Christi de præbenda maxilla percutienti quomodo intelligendum, 67, t. III.

Prædestinationis finis unde acquiritur, 204, t. III.

Prædicatio fervens quam efficax, 725, t. III.

Prædicatio juvenat ad carnis vitam detergenda, 46, t. IV.

Prædicatio nunc inefficax quam olim, 274, t. III.

Prædicatio verbi Dei, prædicatio vilit, 275, t. III.

Prædicatio officium qui sint idonei, 492, t. III.

Prædicatores ad invicem concordēs, 50, t. IV.

Prædicatores mali qui, *Collect. V. T.*, 229, t. IV.

Mali prædicatores qui censeantur, 492, t. III.

Prædicator efficacis operibus quam verbis, 794, t. III.

Prælati doctrina exemplo confirmanda, 504, t. III.

Prælati subditos castigare debeat, 505, t. III.

Prælati munus obeunti quæ fugienda, quæve appetenda, 450, t. III.

Præsidendi arsi facile discitur, sed difficile impletur, 458, t. III.

Præterita pro futuris sæpe ponit Scriptura, 625, t. III.

Præces et sacrificia pro iis qui in Purgatorio cruciantur, 595 et seq., t. III.

Præces uniformiter dicendæ, sive a multis, sive a solitariis peragantur, 227, t. III.

Presbyter quanto major monacho in dignitate, tanto deterior est in peccato, 410, t. III.

Presbyteri debent

esse mundi, 55 et 57, t. IV. De presbytero qui in Vesuvio monte perit, 437, t. III. De alio presbytero qui in ejusdem montis flamma matris vocem lugentis recognovit, *ibid.*

Principia sinistra sæpe ad felices proveniunt exitus, 114, t. III.

Prior debet esse abbati fidelis, 506, t. III. In disciplina regulari sit potius rigidus quam abbas et cur, *ibid.*

Privilegium concessum Henrico imperatori in pontificie eligendo, 55, t. III.

Probatio ad religionem venientium cur exigatur, 571, t. III.

Professio, sive promissio servorum qualis, 556, t. III.

Professio religiosa cur dicatur secundus baptismus, 292, t. III.

Professio sacrae habitus, 778, t. III.

Promissa B. Petri Dam. quæ, 525 et 545, t. III.

Proposium monasticum, secundus baptismus, 570, t. III.

Prudentia carnis superbius sapit, 225, t. III.

Prudentia hujus mundi inimica Deo, *Collect. V. T.*, 87, t. IV.

Puer clausis foribus intrinsecus, *ibid.* Puerorum scholæ in monasteriis Benedictinis olim habebantur, 658, t. III.

Pugna cum demone et tentationibus laudanda, 516, t. III.

Pulmenta in diebus jejunii quæ præbeantur in eremo, 521, t. III.

Pyrus natura, 651, t. III. A quo dicatur, *ibid.*

Pyrobori natura, 808, t. III.

Q

Quadragesarius numerus significat humanæ vitæ cursum, *Collect. V. T.*, 156, t. IV.

Quadragesima duplex, 523, t. III.

Quadrangula duæ mansiones populi Israelitici, *Collect. V. T.*, 140 et seq., t. IV.

Questio de zelotypia muliere, 587, t. III.

Questiois egregia solutio, *ibid.* Questiones ex sacris litteris doctoribus sunt enodandæ, 641, t. III.

Querens frugiferæ impios quomodo significant, 777, t. III.

Querela monachorum de canonicis, 523, t. III.

Quies animi laboribus acquiritur, 235, t. III.

R

Rabbi civitatem obtentam a David, mystice quid signet, 551, t. III.

Rachel Ecclesiæ designat, 606, t. III.

Rachel quomodo vitam contemplativam adumbrat, 295, t. III.

Raimbalus Fesulanus episcopus, 110, t. III.

Ramense interpretatio et allegoria, 560, t. III.

Raphidim interpretatio et allegoria, 565, t. III.

Rebaptizatio cur prohibeatur, 90, t. III.

Eadem et re-consecratio est par crimen, 129, t. III.

Reactor animarum judicia, 457, t. III.

Redeunt ad sæcularem vitam in profundum malorum perveniunt, 562, t. III.

Reges et sacerdotes a Deo præ aliis illuminantur, 99, t. III.

Regum negotiis monachis nequaquam se ingerere debet, 277, t. III.

Regum et summi pontificis unio Ecclesiæ universæ salutaris, 71, t. III.

Regum peccata sæpe consiliariis ascribenda, 68, t. III.

Rex clarior quam servus, 44, t. IV.

Regis Scotia religio et charitas in Deum, 28, t. III.

Regnum Deo Patri tradi a Christo quid sit, 615, t. III.

Regnum et sacerdotium a Deo institutum, 98, t. III.

Regula S. Benedicti, 287, t. III.

Ejus scopus, 292, t. III.

Regulæ religiosæ communis et discretio, 295, t. III.

Religio quæ miles requirit, 247, t. III.

In religione melius est segner vivere quam in sæculi conversatione perire, 294, t. III.

In religione qui nobiles dicuntur, 289, t. III.

Religionem accedentes, nisi veterem vitam rejiciant, similes sunt Gabaonitis, *Collect. V. T.*, 164, t. IV.

Religionum fundatores sunt organum Spiritus sancti, 252, t. III.

Religiosi curis secularibus oppressi difficile valent sacris mysteriis digne assisere, 517, t. III.

Religiosi debent oblivisci mores sæculares, 299, t. III.

Religiosorum renuntiatio et debitum, 286, t. III.

Fervor in Deum et mortificatio, *ibid.* Religiosum habitum induentem decet veteres mores abjicere, 283, t. III.

Ut religiosus debeat mundo valedicere et sacre lectioni vacare, 282, t. III.

Remora Phares interpretatio et allegoria, 564, t. III.

Res adversæ prævisæ æquo animo feruntur, 553, t. III.

Res ex intentione attendendæ, 66, t. III.

Ressa interpretatio et allegoria, 565, t. III.

Rethuna sive Pharam interpretatio et allegoria, 564, t. III.

Roma beata corpore S. Petri, 25, t. IV.

Eadem obnoxia

fabribus, 45, t. IV. Eadem mundo præfuit donec legibus obediit, 50, t. IV.

Romana Ecclesia sedes apostolorum, 550, t. III. Romana Ecclesia spiritualis mater Regum, 56, t. III. Ejus præstantia et dignitas, *ibid.*

Romani pontificis et regis unio Ecclesie salutaris, 71 et seq., t. III. Idem est princeps Ecclesie, 85, t. III.

Romualdi discipline discretio, 512, t. III.

Rubus Moysis Ecclesiam exp'essit, 714, t. III.

Ruffini (S.) martyris hymni, 57, t. IV.

S

Sabbatum cur B. virginis dicatur, 579, t. III. Pia devotio B. Virginis officium recitandi, et missarum solemnitas ad ejus honorem singulis Sabbatis celebrandi, 577, t. III. Illo die jejunare laudabile est, 578, t. III. Cur non colitur a Christianis, 41, t. III et 270, *Collect. V. T.*, t. IV.

Sabellii hæresis confutatur, 5, t. III.

Sacerdos per unitatem fidei est tota Ecclesia, et ejus vicem gerit, 229, t. III. Sacerdos sacris altaribus appropinquans, ab omni peccato mundus esse debet, *ibid.* Majoribus cavendum est ne ad eos redundent vitia inferiorum, 506, t. III. Nullus gravior peccat quam presbyter malus vel imperitus, *ibid.* Ad quid dantur illis facultates Ecclesie, 507, t. III. Quis sit vere sacerdos, *ibid.* Qui t de indignis constitutendum, 509, t. III. Quam perniciose peccent, 510, t. III. Sacerdos immundus dum pro aliis intercedit, iram Dei in se provocat, 168, t. III.

Sacerdos non commisit stirpem generis sui vincto gentis suæ, exposita, 498, t. III. Nobilitas sacerdotum quæ sit, 498, t. III. Quid sit sanguine arietis immolati tangi extremum auriculæ, manus et pedis sacerdotis, 499, t. III. Mens sancti sacerdotis phiala est aurea, 502, t. III. Fili David qui ratione dicantur sacerdotes, 201, t. IV. Sacerdos exterius ministrat, Deus invisibiliter consecrat, 88, t. III. Sacerdos cur totius Ecclesie dicitur verbis, 229, t. III. Sacerdotum de sanctis egredi, quid sit, 496, t. III.

Sacerdotes mali similes canabiles lapideis, 101, t. III. Idem faciunt etiam miracula, 110, t. III. Indigni sacerdotis officium est ruina populi, 488, t. III. Sacerdotes ignari qui ratione leonum dentibus exponantur, 505 et seq., t. III. Sacerdotes cur vocantur angeli, 535, t. III. Sacerdotes ac reges dii sunt et Christi, 99, t. III. Sacerdotes Christi qui sint, 507, t. III. Sacerdotes lacerantes sacramenta blasphemant, 558, t. III. Sacerdoti vel nimia criminis suspicio est fugienda, 500, t. III. Sacerdotii dignitas, 97, t. III. Idem et regnum a Deo institutum, 98, t. III.

Sacerdotis uxor quæ sit, 497, t. III.

Sacerdotalis salutatio propter pacem, 256, t. III.

Sacerdotium quando a Christo susceptum, 90, t. III. Sacerdotium ignorantia multum nociva, 504, t. III. Sacerdotium incuria circa res sacras, 506, t. III. Sacerdotium aliud vitium, 505, t. III. Sacerdotum thesauri lucra sunt animarum, 552, t. III. Sacerdotum depositio, 125, t. III.

Sacramenta Ecclesie valide a malis administrantur, 556, t. III. An a Simoniacis suscipere liceat, 555, t. III. Sacramenta vana species, 129, t. III. In sacramentis ministri officium attendendum, non meritum, *ibid.* In sacramento vera Domini præsentia manifestata, 588, t. III. Sacramentorum effectus ministrorum peccatis non impeditur, 89, t. III. Sacramentorum Ecclesie tria præcipua, 96, t. III. Sacramentorum administratio monachis præ omnibus clericis licita fuit, 523, t. III. Probat sacrorum monachorum exemplis, *ibid.* Confirmatur eorumdem auctoritate, *ibid.* Item ex sacris conciliis, 524, t. III. Ex modo consecrandi, *ibid.* Et ex modo vestimentorum, *ibid.* Sacramentum ecclesiasticum in quomodo veratur in perniciem, 92, t. III. Sacramentum ecclesiasticum nonnullis veritur in perniciem, et quomodo, 92, t. III.

Sacrificiorum an iqui licet cur perire, 42, t. III.

Sæculares non sincere amant monachos, et cur, 613, t. III.

Sæculum futurum per regnum Salomonis cur designatum, 647, t. III. Sæculum præsens per regnum David designatum, 640, t. III.

Sagena pro navicula sæpius usurpata a S. doctore, 71, t. III.

Salamandræ natura, 650, t. III.

Salernitani principis miserandus exitus, 457, t. III.

Salis et chrismatis usus in baptismo, 116, t. III. Salis Agrigentinæ natura, 651, t. III.

Salmona idem cum umbra, 508, t. III.

Salom. a statuit duas columnas in templo, unam a dextris, alteram a sinistris, *Collect. V. T.*, 208, t. IV. Salomonis regnum cur regnum futurum signet, 647, t. III. Et fuisse reginas 700 et concubinas 500 quid sit, 618, t. III.

Salus cur dicatur plures consumpsisse quam gladius, 645, t. III.

Salus æterna solis obsequentibus debita, 257, t. III.

Salutatio fit et pluraliter et singulariter, 224, t. III.

Salvator per hydrium cur expressus, 811, t. III. Ante Salvatoris adventum genus humanum equus erat infernalis, 499, t. III.

Samson figura Salvatoris, *Collect. V. T.*, 179, t. IV.

Samuelis integritas, 512, t. III.

Sancti plurimi sine litteris illustres, 727, t. III. Sancti viri in singularum virtutum perfectione inæquales, 197 et seq., t. III. Eorum gesta veneranda potius quam imitanda sæpius sunt, 275, t. III. Sancti quanto perfectiones, tanto humiliores, 570, t. III. Sanctorum exempla cur proponuntur, 275, t. III. Sanctorum apparitio in ecclesia S. Cæcilie Romæ, 602, t. III. Sanctorum beatitudinem omnia servant, 786, t. III. Sanctorum vitæ libenter audiendæ, 784, t. III.

Sanctitatis indiscretæ pericula, 540, t. III.

Sanguisuga faucibus hærens qua ratione evanuat, 650, t. III.

Sapientia humana quod periculis subiacet, 728, t. III.

Sapientia celestis quæ estes facit, *Collect. V. T.*, 262, t. IV.

Cui Deus parum est, nihil illi satis est, 311, t. III. Sapientie nimia pericula, 510, t. III. Sapientie mundanæ contemptus, 22, t. III.

Sapientis est amare correptionem, stulti odisse, 755, t. III.

Sapientium peccata graviora et perniciosiora, 152, t. III.

Saul reprobis, et tamen propheta, 91, t. III. Saul tam innocens in principio sui regni, ut dicatur a Scriptura filius unius anni, *Collect. V. T.*, 184, t. IV. Saul superbi pœna, 710, t. III.

Saccharum ludus, 452, t. III.

Seminalia via sunt Antichristi, 279, t. III.

Schismatici sunt qui se a fraterna charitate divellunt, 515, t. III.

Scientiæ cupiditas quam perniciosius, 725, t. III.

Scripta sanctorum Patrum similia viridiora, *Collect. V. T.*, in *Præfati.*

Scriptores debent esse veraces, 57, t. IV.

Scriptura non subjacet mutabilitati, 224, t. III. Scripturæ verba interdum sunt iuxta solem accipienda, 66, t. III. Rex ex intentione attendendæ sunt, *ibid.*

Scripturæ cur in carpentis figuræ, 551, t. III.

Scripturæ sententiæ per ramos arborum mystice expressæ, et quomodo, 587, t. III. Scripturarum intelligentiæ studia philosophorum inservit, 572, t. III.

Scripturas litteraliter tantum intelligere quid sit, 557, t. III.

Sedis apostolicæ calamitas et ærumnæ, 445, t. III.

Seditionis Mediolanensis causa, 74 et seq., t. III.

Selenitis candor interior cum luna crescit, 651, t. III.

Scibus mors est certo propinqua, 575, t. III. Senum vitium in loquendo, 315, t. III.

Sententiam in melius mutare non est dede us, 69, t. III.

Seon significat dæmonem, *Collect. V. T.*, 129, t. IV.

Ejus urbs præcurva vocatur Esebon, hoc est cogitationes, *Collect. V. T.*, 132, t. IV.

Septem Dormientium (SS.) orationes pro missa, 51, t. IV.

Septem lucernæ candelabri significant septem dona Spiritus sancti, *Collect. V. T.*, 116, t. IV.

Septima generatio in pronepotibus non habetur, 187, t. III.

Seraphim cur velabant pedes Domini, *Collect. V. T.*, 251, t. IV.

Sergius (S.) Damascenus episcopus, 458, t. III.

Serice natura, 815, t. III.

Servandum Deo amore, non timore pœnæ, 289, t. III.

Servorum professio, 527, t. III.

Severini (S.) Coloniensis archiepiscopi purgatorium non impenitentie coærcata horarum canonicarum officia, 595, t. III.

Silentio et mansuetudine contumeliæ excipiendæ, 315, t. III.

Siloe nominis interpretatio, 595, t. III.

Simon Magus simoniæ auctor, 516, t. III. Simon simoniæ magister, 91, t. III.

Simoniacis bona ipsa nocent, 158 et seq., t. III. Contra Simoniacos sancti omnes irascuntur, 159, t. III.

Simoniacæ hæresis viguit usque ad tempus S. Petri Damiani, 123, t. III. Simoniacæ hæreses principes, 555, t. III.

Per Simoniacos sanctus Spiritus datus, 556, t. III. Simoniaci pœnam non evadunt, 91, t. III. Per eosdem Spiritus sanctus accipitur, *ibid.* Simoniaci sunt non solum qui peciscuntur, sed etiam qui pecuniam non pactam possulant, 516, t. III. Simoniacorum divina maledictio, et ultio, *ibid.*

Simonæ gravitas, *ibid.* Simonæ magistri qui fuerint, 91, t. III.
 Simplicitas sancta mundi philosophiæ præfertur, 132, t. III.
Sin interpretatio et allegoria, 562, t. III.
Sin et *Sinai* distinctio, *ibid.*
Sinai interpretatio, et allegoria, 563, t. III.
 Siricius pontifex Romanus, 165, t. III.
Sochot interpretatio et allegoria, 530, t. III.
 Sodoma peccantes in reprobum sensum labuntur, si post hoc vitium sacros ordines concupiscunt, 132, t. III.
 Vituperantur, 165, t. III.
 Solemnitates octo Dominus in lege veteri præcepit, *Collect. V. T.*, 155, t. IV.
 Solis comparatio cum Romano pontifice, 475, t. III.
 Solitarii adversus cogitationes tantum habent dicicare, 270, t. III. Solitarii possunt loqui et orare pluraliter, 226, t. III. Unus pro multis, et multi pro uno, 227 et seq., t. III. In hymnis, lectionibus, etc. *ibid.* et seq.
 Solutio Liæ habet fecunditatem et Rachelis pulchritudinem, 350, t. III. Designatur in muliere forti, 531, t. III. In Magdalena et Martha, *ibid.*
 Sonni victoria, 429, t. III.
 Sophiæ marchionissæ sepultura et ejus fetor intolerabilis, 779, t. III.
 Spectaculum Deo jucundum quod sit, 712, t. III.
 Spiritualis sapientia exteriori prudentiæ præfertur, *Collect. V. T.*, 105, t. IV.
 Spiritus sanctus per improbi ministerium dare potest sua charismata, 556, t. III. Spiritus sanctus super alios venit, in aliis hospitatur, 93, t. III. Spiritus propheticus in Saule; licet reprobum, descendit, 94, t. III. Spiritus sanctus cur benignus, 101, t. III. Spiritus sanctus, et unus, et multiplex est, 225, t. III. Solutio pluralis et multitudo singularis per Spiritum sanctum, 226, t. III. Spiritus sancti processio, 5, t. III. Ejus missio, 48, t. III. Idem in baptismo et ordine operatur, 89, t. III. Spiritus sancti et solis comparatio, 6, t. IV. Spiritus sanctus ad animam habet, ut eadem anima ad corpus, *ibid.* Spiritus sanctus recte oleum dicitur, *Collect. V. T.*, 224, t. IV. Spiritus sanctus indubitanter a Filio sicut et Patre procedit, 18, t. III. Spiritus sanctus a Patre simul et Filio procelere ut asseratur, 656 et seq., t. III. Quomodo nos doceat, 727, t. III.
 Sponsus quare lilium convallium et non montium, *Collect. V. T.*, 257, t. IV.
 Stephani cardinalis laudes, 64, t. III.
 Stephanus cardinalis presbyter, 375, t. III.
 Subditorum diversæ voluntates, 454, t. III.
 Sues mystice qui sint vel intelligantur, 777, t. III.
 Superbia sibi non aliis ruinam facit, 124, t. III. Superbia pœna, 592, t. III.
 Syllogismorum robur virtus divina sæpe dissolvit, 628, t. III.
 Sylvester lacrymarum inundatione delusus, 503, t. III.
 Symbolum cur recitetur in prima hora, 215, t. III.
 Synago. a Judæorum cur stola Christi, 471, t. III.
 Synodi negotia a Monachis cur non tractanda, 278, t. III. Synodus iniqua contra Romanam Ecclesiam, 64, t. III.

T

Tabernaculi divini ac spiritualis fabricandi ratio, 107, t. III.
 Tau littera significat numerum trecentessimum *Collect. V. T.*, 170, t. IV.
 Tedaldi episcopi terribile exemplum, 590, t. III.
 Templum et sacrificium antiquis cur perierunt, 44, t. III.
 Tempora perveritentium absurditas, 685, t. III. Res varia exigunt tempora, *ibid.*
 Tentatio virtutis admixta, et cur, 567, t. III. Tentationes inter psalmenum facile franguntur, 548, t. III. In tentationibus vigilantia efficax ratio ad illas vincendas, 775, t. III.
 Tentatis angelorum præsidium præsens, 771, t. III.
Terra rubra cur Adam expressus, 552, t. III.
 Terra lacte et melle manans mystice quiv, 771, t. III.
 Terrum cordis nostri excolere quid sit, 296 et seq., t. III.
 Tertia sexta et Nona ex Daniele acceptæ, 214, t. III.
 Testimonium ecclesiasticæ unitatis, 250, t. III.
Thaath interpretatio et allegoria, 565, t. III.
 Thaletis casus ridiculus, 652, t. III.
Thare interpretatio, et allegoria, 566, t. III.
 Thesaurus bonorum omnium quis dicatur, 251, t. III.
 Thesauri sacerdotum qui sint, 852, t. III.

Tigris. Per tigridem quid mystice intelligendum, 814, t. III.
 Trinitas. In Trinitate veneranda personarum quid fingendum, 4, t. III. Mysterium sanctissimæ Trinitatis explicatur, 5, t. III. Personarum coequalitas, *ibid.* Proprietates, 5, t. III. Coæternitas personarum, 4, t. III. Quomodo distinguantur personæ, 8, t. III. Trinitatis mysterium in hominis creatione elocet, 25, t. III. Declaratur in eversione turris Babel, *ibid.* Manifestatur Abrahamo, *ibid.* Item, et Loh, *ibid.*
 Turris Thæbes mystice quod, 588, t. III.
 Typum Marie prophetissæ assimilatur cruci, *Collect. V. T.*, 109, t. IV.

U

Ugo (S.) abbas Cluniacensis, 208, t. III.
 Uguzoni soror, 780, t. III.
 Una persona debet abundare in numerandis gradibus, 189, t. III.
 Unio animorum per quod tollitur, 511, t. III.
 Unitas ecclesiasticæ testimonium, 250, t. III.
 Urbani VIII laus, t. IV in princip.
 Ursicinus (S.) annuarum medicus, 85, t. IV.
 Uxorum contactu pollutis Ecclesiam ingredi religio, 651, t. III.

V

Vagatio multis fuit occasio percundi, 263, t. III. Vagatio multis monachis ruina existit, 265, t. III. Esau deiecit, 264, t. III. Jacob stabilitas exaltatur, *ibid.*
 Valerius episcopus Hipponeusi, 445, t. III.
 Vidorum hominum corda lebetibus comperata, 501, t. III.
 Vaticinium Damiani de morte Calalot admirabiliter impletum. Vide *Damianus*.
 Veltrensis Ecclesiæ canonicorum emendatio et profectus, 593, t. III.
 Veneti ducis uxor nimium delicata, denum toto corpore computruit, 780, t. III.
 Venter ac lingua cur reprimenda, 555, t. III.
 Verba consecrationis sacerdotalis, 524, t. III. Verba etiam ulciscitur Deus, 591, t. III.
 Verberare se unde natum, 599, t. III.
 Verbi incarnationem Pater et Spiritus sanctus operati sunt, 17, t. III. Verbum quomodo generatur a Patre, 10, t. III.
 Ver tas de terra orta est, et quomodo, 225, t. III.
 Ventumni demones qui dicantur, 268, t. III. Vide *Demon*.
 Vestes quibus S. Ecclesia delectatur quæ sint, 528 t. III. Quas vestes in sponsis suis Deus requirit, 548, et seq., t. III. Vestes monachorum ad quorum imitationem institutæ, 526, t. III. Vestibus splendidis indui quam perniciosum, et Deo odibile, 549, t. III. Vestium vitiatæ vulgaræ mercari apud eum, hypocrisis est, 261, t. III. Vestium sacerdotalium significatio, 255, t. III. Allegorica theoria in sacris vestibus, *ibid.* Quodquid pene in divinis offibus agitur, sub figuris mysticis disponitur, *ibid.*
 Vestiti molibus mundo s'vnuat non Deo, 259, t. III.
 Viduæ an velari possint, 508, t. III.
 Vigilantia et fortitudo quibus necessaria, 51, t. III. Vigilantia in tentationibus, 312, t. III.
 Vincentii (S.) laudes, 51, t. IV.
 Virgine post lapsum Deus reparare potest, 618, t. III.
 Virgines prudentes cur in quinque psalmis expressæ, 215, t. III. Virgo voti prævaricator, 565, t. III.
 Virtus et voluptas sunt duæ hominis uxores, *Collect. V. T.*, 155, t. IV. Virtutes inter una est eligenda, 198, t. III. Virtutes sunt hominum pennæ, et cur, 815, t. III. Ex perfecta virtutis unius acquisitione omnes acquiruntur, 198, t. III. Excusationes tepidorum in virtutibus comparandis.
 Visio horribilis enjusdam fratris, 590, t. III.
 Vita hominis labilis, 47, t. IV. Vita contemplativa in Joanne expressa, et cur, 609, t. III. Vita activa et contemplativa in cauto designata, 215, t. III. Vita activa et contemplativa mystice adumbrata, 295, t. III. Vita activa in Petro expressa, et cur, 609, t. III. Vitæ solitarie laudes, 550, t. III. Vitæ sanctorum libenter audiendæ, 784, t. III. Vitæ beatæ sanctus, 785, t. III. Vitalis (S.) laudes, 52, t. IV.
 Vita ut penitus extirpetur, amputandæ nec etiam occasiones, 808, et seq., t. III. Vita in omnia mortis meditatione debellatur, 549, t. III. Vita contra naturam gravitas, 130, t. III. Vitium hoc tenebras interiores inducit, 155, t. III. Post hoc vitium sacrum ordinem concupiscere in reprobum sensum lapsi sunt, 152, t. III. Vitium quando in hæresim vertitur, 76, t. III.
 Vitis symbolum, 470, t. III.

Vitulus ille contractus a Moyse est corpus diaboli. *Collect. V. T.*, 114, t. IV.
 Vivaria animalium sunt monasteria, 803, t. III.
 Volucres mystice quid expriment, 534, t. III. Volucres ex arbore nascentes, et ubi, 631, t. III.
 Voluntas Dei omnibus rebus causa est, ut existant, 616, t. III.
 Voluptates quo modo facile con.emni possunt, 514, t. III.
 Vitifragus infirmitate corripitur ut resipiscat, 597, t. III. Redivivus votum persolvit, 599, t. III.

W
 Walderici martyris elemosyna miraculo commendata 205, t. III.
 Vulnera Christi sunt sensuum nostrorum medicamenta, 709, t. III. Vulnera martyrum quid sint, *ibid.* Vulnerum Christi mysteria, 771, t. III.
 Valpes Samsonis significant hæreticos. *Collect. V. T.*, 178, t. IV.
 Z
 Zelfha interpretatio et allegoria, 296, t. III.
 Zonis pelliceis et aureis quid signetur, 500, t. III.

ORDO RERUM

QUÆ IN HOC TOMO CONTINENTUR.

SANCTUS PETRUS DAMIANUS S. E. R. CARDINALIS.

OPERUM TOMUS SEU PARS III.

OPUSCULA.

Cajetani epistola nuncupatoria.	11
Cajetani præfatio.	41
Corollaria quædam de vitæ laude ac sanctitate B. Petri Damiani.	16
Cajetanus Scipioni S. R. E. cardinali Burghesio.	19
OPUSCULUM PRIMUM. — De fide catholica ad Ambrosium.	20
CAPUT PRIMUM. — Quæ credenda sint.	21
CAP. II. — Hæresis Arii et Sabellii confutatur.	25
CAP. III. — De sacramento dominicæ Incarnationis.	24
CAP. IV. — Quomodo solus Filius carnem suscepit et mortem subivit.	25
CAP. V. — In Trinitate quomodo distinguantur personæ.	27
CAP. VI. — Quomodo Verbum a Patre generetur.	28
CAP. VII. — In Christo divina et humana natura sese manifestavit.	30
CAP. VIII. — Quare Spiritus sanctus natus non dicitur ex columba, in cuius specie apparuit.	31
CAP. IX. — Christus naturam suscepit humanam, non personam.	34
CAP. X. — Quod Spiritus sanctus indubitanter a Filio, sicut et a Patre procedit.	37
OPUSC. II. — Antilogus contra Judæos, ad Honestum virum clarissimum.	42
CAP. PRIMUM. — De Christo, qui est Filius Dei.	44
CAP. II. — De Christo, qui est lapis angularis.	49
CAP. III. — Refutantur Judæorum errores.	51
CAP. IV. — Confirmatur Christum verum esse Filium Dei.	55
OPUSC. III. — Dialogus inter Judæum requirentem et Christianum e contrario respondentem ad eundem Honestum.	57
OPUSC. IV. — Disceptatio synodalis inter regis advocatum et Romanæ ecclesiæ defensorem.	67
OPUSC. V. — Actus Mediolani, de privilegio Romanæ Ecclesiæ, ad Hildebrandum S. R. E. cardinalem archidiaconum.	89
OPUSC. VI. — Liber qui appellatur gratissimus ad Henricum archiepiscopum Ravennatem.	99
CAP. PRIMUM. — Quod Christus, et si per plures sua dona discernat, in ipso tamen omnis gratiæ plenitudo permaneat.	100
CAP. II. — Quod sacerdos exterior ministrat, sed Deus invisibiliter consecrat.	101
CAP. III. — Quod sicut unus est, qui baptizat; ita unus idem est, qui principaliter consecrat.	102
CAP. IV. — Quod Dominus cum baptismo simul et sacerdotii iura suscepit.	102
CAP. V. — Quod nulla sit causa, cum re baptizari quisque non audeat, cur debeatur iterum consecrari.	104
CAP. VI. — Quod ordinatio, si sit catholica, sit etiam rata.	105
CAP. VII. — Quod Balaam simoniacus fuit, et tamen prophetie spiritum non amisit.	106
CAP. VIII. — Quod reprobum Samlem cum satellitibus suis prophetice spiritus occupavit.	108

CAP. IX. — Quid doctores de baptismo et dominici corporis Eucharistia sentiant.	109
CAP. X. — Quod Spiritus sanctus non ex merito sacerdotum, sed ex ministerio datur.	112
CAP. XI. — Non mirum si Spiritus sanctus ab indignis accipitur, cum et Dei Filius sit ab indignis comprehensus.	115
CAP. XII. — Quod donum Dei nulla ministrorum contagione polluitur.	115
CAP. XIII. — Quod sive verbi, sive sacramenti minister, dei donis non possit obsistere.	116
CAP. XIV. — Quod de spiritu suo non per se Moyses, sed Deus dedit septuaginta viris.	117
CAP. XV. — Quod ii qui consecrandi accedunt, jam habeant Spiritum sanctum.	118
CAP. XVI. — De nequissimis episcopis, quorum tamen ordinatio rata fuerit.	120
CAP. XVII. — De Anatolio et Polychronio, qui post scelerata primordia bene conversi dignos se suis ordinibus ostenderunt.	125
CAP. XVIII. — Quod per indignos etiam sacerdotes sæpe exhibentur miracula.	124
CAP. XIX. — Quod sæpe sinistra principia ad felices proveniunt exitus.	128
CAP. XX. — Quod per simoniacum, ut Spiritus sanctus dari baptizando possit, consecrando non possit, ratio non admittit.	150
CAP. XXI. — Quod attendendum sit quid sumitur, non unde sumatur.	151
CAP. XXII. — Quod nec novitiani sint deponendi, nec ariani denuo baptizandi.	155
CAP. XXIII. — Quod consecrationis effectus fidei nitiuntur fundamento.	154
CAP. XXIV. — Quod male ordinati episcopi consecrationis gratiam alii habeant, sed sibi non habeant.	155
CAP. XXV. — Quod ab impiis sæpe hæreticis ordinatis, a suis non removeantur officia.	157
CAP. XXVI. — Quod ii etiam quos post damnationem suam ordinavit Acacius, honoribus non priventur.	158
CAP. XXVII. — Quod usque ad hoc tempus simoniacæ hæresis viguit.	158
CAP. XXVIII. — Hic manifeste probatur, quia per simoniacos Spiritus sanctus accipitur.	140
CAP. XXIX. — Quod qui promoti fuerant a simoniacis, miraculis coruscant.	141
CAP. XXX. — Quod rebaptizatio et reconsecratio per crimen est.	145
CAP. XXXI. — Quod sicut rebaptizari, ita et denuo consecrari quisque non potest.	145
CAP. XXXII. — Quod falsum sit, ut quilibet a simoniacis consecratus, a laico nihil differat.	146
CAP. XXXIII. — Quid Innocentius de reconsecratione censuit.	148
CAP. XXXIV. — Episcopos alloquitur, ut per eos summæ sedi discretio suggeratur.	149
CAP. XXXV. — Quid de his qui gratis a simoniacis sunt promoti tandem Leo papa statuerit.	150
CAP. XXXVI. — Ubi imperator Heinricus gloria dignæ laudis attollitur.	151
CAP. XXXVII. — Invehitur scriptor in simoniacos.	154
CAP. XXXVIII. — Ubi in Ravennatem pontificem pe-	

racti operis summa concluditur.	154
Cap. XXXIX. — Superiori opusculo superadditum.	155
Scholæ.	156
OPUSCULUM VII. — Liber Gomormanius, ad Leonem IX Rom. Pontificem.	159
Leonis IX epistola.	159
Præfatio.	161
Cap. I. — De diversitate peccantium contra naturam.	161
Cap. II. — Quod inordinata rectorum pietas lapsos ab ordine non compescat.	161
Cap. III. — Quod usibus immunditiæ dediti, nec ad ordinem proveli, nec persistere debeant jam promoti.	162
Cap. IV. — Si ecclesiastica necessitas poscat, utrum talibus hoc officium peragere liceat.	163
Cap. V. — Quod in reprobam sensum lapsi sunt, qui post hoc vitium habere locum ordinem concipiunt.	164
Cap. VI. — De spiritualibus patribus qui cum filiis suis inquinantur.	166
Cap. VII. — De illis qui eisdem, cum quibus lassi sunt, sua crimina confitentur.	167
Cap. VIII. — Quod sicut sacrilegus virginis violator, ita quoque filii spiritualis prostitorum jure sit deponendus.	168
Cap. IX. — Quod ejusdem criminis reus sit, et qui cum carnali vel baptismatis filia labitur.	168
Cap. X. — De apocryphis canonibus, in quibus quicumque confitentur, omnino decipiuntur.	169
Cap. XI. — Probabilis reprobatio supradictorum canonum.	169
Cap. XII. — Quod hæc ludibria jure a numero canonum excluduntur, quod certum habere non videantur auctorem.	172
Cap. XIII. — De iis qui fornicantur irrationabiliter, id est, qui miscentur pecoribus, aut cum masculis polluuntur.	172
Cap. XIV. — De his qui in pecudes, vel in masculos aut olim polluti sunt, aut hæcenus hoc vitio tabescent.	174
Cap. XV. — De clericis, vel monachis, si fuerint masculorum insectatores.	174
Cap. XVI. — Nefandæ turpitudinis digna vituperatio.	175
Cap. XVII. — Fletibus lamentatione super animam immunditiæ sordibus deditam.	177
Cap. XVIII. — Quod ideo anima debet plangi, quia non plangit.	179
Cap. XIX. — Quod ruina est populi officium sacerdotis indigni.	180
Cap. XX. — Quod de manibus immundorum nolit Deus accipere sacrificium.	181
Cap. XXI. — Quod nulla sanctitatis oblatio a Deo suscipitur quæ immunditiæ sordibus inquinatur.	182
Cap. XXII. — Quod omnes quatuor illi modi superius enumerati contra naturam sunt.	182
Cap. XXIII. — Exhortatio lapsi in peccato hominis, ut resurgat.	184
Cap. XXIV. — Quod ad elomandam libidinem satis prosit castitatis præmia contemplari.	186
Cap. XXV. — Ubi scriptor probabiliter se excusat.	187
Cap. XXVI. — Ubi ad dominum papam sermo reflectitur.	189
Scholæ.	190
OPUSCULUM VIII. — De parentele gradibus ad Joannem episcopum Cæsariensem et D. D. Archidiaconum Ravennatem.	192
Cap. I. — Quod inter quos est lex hereditariæ successionis, nulla sunt jura conjugii.	191
Cap. II. — Quod iuxta humani corporis sex gradibus consanguinitas terminetur.	193
Cap. III. — Cur Deus in principio unum solummodo creaverit hominem.	193
Cap. IV. — Quod quibus est us hereditatis est et affinitas generis.	194
Cap. V. — In legisperitos invehitur quos et de propriis legibus convenit.	195
Cap. VI. — Quod generationes, quæ utrinque ab uno prodeunt, debeant simpliciter numerari.	196
Cap. VII. — Ubi adversarios inevitabili argumentatione convincit.	197
Cap. VIII. — Quod septima generatio in pronepotibus non habetur.	199
Cap. IX. — Quod juxta præcedentis personæ gradum, communis debet affinitas computari.	200
Cap. X. — Quod in numerantis gradibus una debeat abundare persona.	200
Cap. XI. — Quod aliud sit aliquando gradus aliud generatio.	202
Cap. XII. — Excusatio longioris opusculi.	203

<i>Dissertatio vnicula de gradibus cognationis.</i>	204
Cap. I. — In generationibus supputandis quæ regula servanda.	205
Cap. II. — Quomodo a transmigratione Babylonis ad Christum fuerint generationes quatuordecim.	206
Cap. III. — Quomodo Ozias genitus a Joram dicitur.	207
OPUSCULUM IX. — De elemosyna ad Mainardum episcopum Urbinate.	207
Cap. PRIMUM. — Quod ex virtutibus una eligenda cui magis servimus.	209
Cap. II. — Elemosyna præmium quodnam sit.	212
Cap. III. — Quanam elemosyna major sit.	214
Cap. IV. — Quod qui elemosynam vel effectu, vel affectu non præstat, charus Deo esse non potest.	216
Cap. V. — Quod parentum elemosynis filiorum res crescit.	217
Cap. VI. — Quod bonorum temporalium affluentia ex elemosyna oritur.	218
Cap. VII. — Elemosyna defunctis prodest, demonibus injura.	220
Cap. VIII. — Laus elemosynæ.	222
OPUSCULUM X. — De horis canonicis, ad T... virum clarissimum.	221
Cap. PRIMUM. — Peccatorum effectus.	223
Cap. II. — Horæ canonicæ, quæ sunt?	225
Cap. III. — Cur in prima hora recitetur syncholum.	224
Cap. IV. — Cur a clericis quinque, a monachis quatuor psalmi dicantur.	226
Cap. V. — Cur tres psalmi a monachis dicantur.	226
Cap. VI. — Quod continua Ecclesiæ oratio esse debeat.	227
Cap. VII. — Mensuram refectionis excedentium poena.	228
Cap. VIII. — De viro quodam pio, et canonicorum horarum studioso.	229
Cap. IX. — Orationis efficacia quanta.	230
Cap. X. — Horarum B. Virginis efficacia quanta.	230
Scholæ.	231
OPUSCULUM XI. — Liber qui appellatur, Dominus vobiscum, ad Leonem eremitam.	231
Cap. PRIMUM. — Quod sanctasimilitudo mundi philosophis jure præferatur.	232
Cap. II. — Quare dicitur, Jube, Domine, benedicere.	235
Cap. III. — Unde ortum sit Dominus vobiscum.	234
Cap. IV. — Quod sicut alia scriptura non subjacet mutabilitati, ita et Dominus vobiscum.	234
Cap. V. — Quod sancta Ecclesia et una in multo, et tota videatur in singulis.	235
Cap. VI. — Item de unitate universalis Ecclesiæ.	235
Cap. VII. — Quod si Dominus vobiscum pro singularitate non dicitur, multa alia necesse est dimittantur.	236
Cap. VIII. — Quod sacrificium quod altaribus superponitur, a viris simul et mulieribus offeratur.	237
Cap. IX. — Quod officium membri cujuslibet speciale, toti corpori sit commune.	238
Cap. X. — Quod sacerdos, pars ecclesiastici corporis, totius Ecclesiæ convenienter utilis verbis.	238
Cap. XI. — Quod populus Israel ad ostendendam societatem altaris extruere congeriem.	240
Cap. XII. — Cur bigamus a sacerdote omnino repellitur, cum in fornicationem lapsus sæpe in ordinem revoletur.	240
Cap. XIII. — Quod si Dominus vobiscum inter duos recte profertur, a solo etiam jure dicitur.	241
Cap. XIV. — Quod populus Israel ecclesiastica inter se unitatis regulam tenuit.	242
Cap. XV. — Quod quædam festivitates non suo tempore celebrantur.	243
Cap. XVI. — Quod in Ecclesia recte alius supplet verba alterius.	244
Cap. XVII. — Quod quicquid pene in divinis officiis agitur, sub figuris mysticis disponatur.	245
Cap. XVIII. — Peracti opusculi brevis epilogus.	245
Cap. XIX. — Laus eremiticæ vitæ.	246
Cap. XX. — Clausula disputationis per apostropham ad Leonem eremitam.	251
OPUSCULUM XII. — Apologeticum de contemptu sæculi ad Albizonem eremitam et Petrum monachum.	251
Cap. PRIMUM. — Queritur de monastica disciplinæ apud.	251
Cap. II. — De monachis, qui ad ea, quæ reliquæ reverentur.	253
Cap. III. — Quod nimis peccaverunt Ananias et Saphira quam monachi qui pecunias habent.	255
Cap. IV. — Quod monachus nequeat Christum simul et pecunias possidere.	254
Cap. V. — Quod melius est retinere habita quam ab-	

jecta repetere	253	CAP. XVII. — De significatore horarum.	315
CAP. VI. — Quod avarus Nummicola verius quam Christiola nuncupetur.	256	CAP. XVIII. — De mensæ lectore.	316
CAP. VII. — Quod etiam parva pecunia monachi animam in vanior lædat.	257	CAP. XIX. — Quanta cellarium oporteat discretione pollere.	317
CAP. VIII. — Qualiter ad veras possit monachus divitias pervenire.	258	CAP. XX. — Admonitio puerorum.	318
CAP. IX. — De monachis assidue discurrentibus.	260	CAP. XXI. — Exhortatio juvenum vel adolescentium.	319
CAP. X. — Quid laici de monachis sæcularibus dicant.	260	CAP. XXII. — De novitiis.	321
CAP. XI. — Quod discursio monachi et virtutes expellat, et vitiorum multitudinem introducat.	261	CAP. XXIII. —	323
CAP. XII. — Quæ mala infelix anima monachi patitur, cum ad inferiora revertitur.	263	CAP. XXIV. — Ubi omnes in communi ad charitatis studium provocat.	326
CAP. XIII. — Quod is qui foras egreditur, cum excommunicatus communicare cogatur.	265	Scholia.	328
CAP. XIV. — Quod sicut ab excommunicatis, ita etiam ab excommunicandis oporteat declinare.	268	OPUSCULUM XIV. — De ordine eremitarum et facultatibus eremi fontis Avellani.	328
CAP. XV. — De monachis qui pretiosis vestibus delectantur.	267	OPUSCULUM XV. — De suæ congregationis institutis. Ad Stephanum monachum.	333
CAP. XVI. — Quod sicut pretiosa vestis ad iram, ita humilis Deum ad indulgentiam provocat.	268	CAPUT PRIMUM. — De solitaria vitæ laudibus.	336
CAP. XVII. — De his qui vilitate vestium vulgare mereantur applausum.	269	CAP. II. — De origine vitæ eremiticæ.	337
CAP. XVIII. — De vera humilitate David.	270	CAP. III. — De duplici eremitarum genere.	338
CAP. XIX. — Quod mollia indumenta minus perfecti fastidiant, perfectiones aliquando indifferenter admittant.	271	CAP. IV. — Qua diligentia resistendum carnis ac diaboli tentationibus.	338
CAP. XX. — Vagatio multis fuit occasio pereundi.	271	CAP. V. — De quiete, silentio et jejunio, eremitis præcipue necessariis.	339
CAP. XXI. — Quod Esau vagatio deiecit, Jacob stabilitas exaltavit.	272	CAP. VI. — Regula jejunii ac refectionis.	340
CAP. XXII. — In duobus his fratribus patet quid inter vagos monachos et stabiles distet.	274	CAP. VII. — De servorum disciplina.	342
CAP. XXIII. — Quod divina dispositio sicut bonis spirituale olum tribuit, sic et pravis diluendi in exteriora permittit.	275	CAP. VIII. — De panis mensura, et spiritualibus exercitiis.	343
CAP. XXIV. — De eremitis, qui in vagatione sunt positi.	277	CAP. IX. — De psalmodia.	343
CAP. XXV. — Quod cellam consuetudo dulcem, vagatio reddit horribilem.	278	CAP. X. — De silentii rigore.	344
CAP. XXVI. — Quod sæpe monachus falsa carnalium promissione decipitur.	279	CAP. XI. — De monasticæ institutionis observatione.	344
CAP. XXVII. — Ut monachus se a mundi implicatione custodiat.	280	CAP. XII. — De pietate erga defunctos.	345
CAP. XXVIII. — De libertate et discretione Efisei.	281	CAP. XIII. — Adhortatio.	345
CAP. XXIX. — Quod hoc tempore predicatio non sicut olim sit admodum fructuosa.	283	CAP. XIV. — De his qui arctiori vivendi genere se obstrinxerunt.	346
CAP. XXX. — Quod nunc omnium vitiorum monstra feratius vigeant.	285	CAP. XV. — De eremitarum jejunio.	347
CAP. XXXI. — Quod in synodo monachus ad episcoporum invidiam libere loqui non audeat.	286	CAP. XVI. — Discretio prælati in moderandis subditis.	348
CAP. XXXII. — Quod monachus se a mundo cohibeat, et Dei iudicium suis semper oculis anteponat.	287	CAP. XVII. — De somni ratione.	349
CAP. XXXIII. — His scriptor alloquitur venerabiles monachos Petrum et Albizonem.	289	CAP. XVIII. — De psalmodia privata ac publica, nec non aliis eremitarum exercitiis.	350
Scholia.	291	CAP. XIX. — De cogitationibus vanis et nocuis non suscipiendis vel expellendis.	352
OPUSCULUM XIII. — De perfectione monachorum ad O. abbatei Pommisium ejusque conventum.	291	CAP. XX. — De gulæ illecebris fugiendis.	352
CAP. PRIMUM. — De remissione fervoris sanctæ religionis.	291	CAP. XXI. — De vestium paupertate, et vilitate amanda.	353
CAP. II. — Quod nisi quisque studeat cœpta perficere, ad amorem Dei nequeat pervenire.	293	CAP. XXII. — De nihil pro certo definiendo, et de cogitationibus discernendis.	353
CAP. III. — Quod necesse sit terram nostri cordis excolere si de ampla volumus possessione gaudere.	294	CAP. XXIII. — Contra omnes tentationes, mortis sepulturaque memoriam multum prodesse.	355
CAP. IV. — De his qui Gabaonitarum imitantur exemplum.	295	CAP. XXIV. — Quomodo confiteri debeas.	356
CAP. V. — De his qui eorum tenent figuram, qui ad maledicendum constituti sunt in Siebal.	296	CAP. XXV. — De his quæ ad levandum pondus eremiticæ austeritatis valent.	357
CAP. VI. — De his qui dum perfectionem in sola conversione constituunt, conversis penitentiam non imponunt.	298	CAP. XXVI. — Quomodo lacrymarum gratia possit acquiri.	358
CAP. VII. — Quod melius est agere quod ex auctoritate præcipitur, quam quod misericorditer indulgetur.	301	CAP. XXVII. — De perseverando in eo vitæ modo, quem semel quis arripuerit.	359
CAP. VIII. — De vita activa et contemplativa, sub figura Læe et Rachelis.	305	CAP. XXVIII. — Qualis eligi et qualis esse debeat eremitarum prior.	360
CAP. IX. — De Zelfa et Bala.	304	CAP. XXIX. — De venientibus ex sæculo ad eremum.	361
CAP. X. — De his qui vagationibus dediti, ignorant spirituale conjugium.	305	CAP. XXX. — De his qui ex cœnobitica conversatione ad eremum accedunt.	362
CAP. XI. — De monachis qui grammaticam discere gestunt.	306	CAP. XXXI. — De patientiæ virtute, illi qui præest maxime necessaria.	363
CAP. XII. — De laude lacrymarum.	307	CAP. XXXII. — Non perfecta et consummata eremiticæ vitæ instituta, sed leviora quædam hujus conversationis principia in hac regula contineri.	364
CAP. XIII. — Quod ex amore Dei compunctio nascitur, et fursus ex compunctione divinus amor augetur.	309	OPUSCULUM XVI. — Rhetoricæ declamationis invecio in episcopum, monachos ad sæculum revocantem, ad Gisleherium episcopum Auxinacum.	366
CAP. XIV. — De Sylvestro lacrymarum inundatione decepto.	311	CAPUT PRIMUM. — Quod monacho ægrotanti non liceat ad sæculum reverti.	366
CAP. XV. — De diversis officiis monasterii; primo de albate.	313	CAP. II. — An ægrotus habitum religiosum inducere possit.	367
CAP. XVI. — De priore monasterii.	314	CAP. III. — Prælati perniciosi deplorandi.	369
		CAP. IV. — Quod sponte suscipitur, sine peccato non deseritur.	370
		CAP. V. — An filii a parentibus Deo dicati, habitum induti, in religione manere teneantur.	371
		CAP. VI. — Quæ ætas requiratur in consecrandis virginibus.	373
		CAP. VII. — An viduæ velari possint.	374
		CAP. VIII. — Confirmantur supra alba a.	375
		CAP. IX. — Probato ad religionem venientium cur exigatur.	377
		Scholia.	380

OPUSCULUM XVII. — De cœlibatu sacerdotum. — Ad Nicolaum secundum Romanum Pontificem.	580
CAPUT PRIMUM. — Quod Phineas idcirco fœdus æterni meruit sacerdoti, quia in zelum se extulit ultionis.	581
CAP. II. — Quod Heli ideo perit, quia illis peccantibus, male pios indoluit.	585
CAP. III. — Contra sacerdotem luxuriæ deditum.	584
CAP. IV. — Exhortatio ad summum Pontificem, ut in episcopos fornicarios canonicum exerceat vigorem.	586
OPUSCULUM XVIII. — Contra intemperantes clericos.	587
Dissertatio prima.	587
CAPUT PRIMUM. — Cur clerici debeant esse casti.	587
CAP. II. — Luxuriosi clerici cum Abimelech comparantur.	589
CAP. III. — Quam perniciosa sit clericorum intemperantia.	591
CAP. IV. — Clericorum pravæ objectiones, et earum refutatio.	592
CAP. V. — Citantur exempla sacræ scripturæ.	594
CAP. VI. — Adhortatio ad Petrum cardinalem.	596
Dissertatio secunda. — Contra clericorum intemperantiam.	598
CAPUT PRIMUM. — Hortatur labentem disciplinam ecclesiasticam et casitatem sublevare.	598
CAP. II. — Clerici cur a populo segregantur.	599
CAP. III. — Clericorum inæpta defensio.	602
CAP. IV. — Continentia sacerdotum et levitarum ministrantium in veteri lege, quanta.	604
CAP. V. — Quod clericis intemperantibus melius esset a sacris ordinibus cessare.	606
CAP. VI. — De duobus presbyteris incontinentibus.	608
CAP. VII. — Contra pellices clericorum scriptor invehitur.	610
CAP. VIII. — Quod is culpandus sit, qui negligit emendare quod potest.	613
Dissertatio tertia. — Contra clericos intemperantes.	616
CAPUT PRIMUM. — Hortatur Adelaidem clericorum incontinentium libidinem coercere.	616
CAP. II. — Quod concubine a templis sint arcende.	618
CAP. III. — Quod hæretici ac mali sacerdotes vulpibus sint similes.	619
CAP. IV. — Quod zelus ac pietas in iudice moderate esse debeant.	622
OPUSCULUM XIX. — De abdicatione episcopatus. — Ad Nicolaum II Rom. pont.	625
CAPUT PRIMUM. — Probatur exemplis posse dimitti episcopatum.	624
CAP. II. — Quid de dimittendo episcopatu B. Gregorius sentiat.	625
CAP. III. — Quod animæ gehennæ supplicii traditæ, dominicis diebus refrigerio potiuntur.	627
CAP. IV. — De monacho, qui damnatus in inferno, postea liberatus est.	629
CAP. V. — Quon episcopatus arduum sit munus.	630
CAP. VI. — De siaciniaco episcopo qui non poterat nominare Spiritum sanctum.	635
CAP. VII. — De Arnulpho Metensi episcopo.	635
CAP. VIII. — De converso qui a SS. Andrea et Gregorio verberatus est.	637
CAP. IX. — De Pandulpho et Joanne principibus in inferno damnatis.	638
CAP. X. — De presbytero qui in Vesuvio monte perit.	639
CAP. XI. — De tribus anis episcopis ecclesias suas itidem deserentibus.	641
OPUSCULUM XX. — Apologeticus ob dimissum episcopatum.	642
CAPUT PRIMUM. — Quod Petrus Damianus duorum episcopatum curam habuerit.	643
CAP. II. — Quod episcopatus deponi possit aliquando.	644
CAP. III. — Contra ecclesiastici pecuniæ dilapidatores.	645
CAP. IV. — Episcopi cuiusdam misericordiam in pauperum miraculo Deus remuneratur.	647
CAP. V. — Damianus ob ætatis gravitatem episcopatus labores refugit.	649
CAP. VI. — Quod servus Dei civitatem conflagranti prædicat, sibi ipsi vero non consult.	651
CAP. VII. — Quod res sit maxime ardua aliis præesse.	653
Scholia.	656
OPUSCULUM XXI. — De fuga dignitatum ecclesiasticarum.	656
CAPUT PRIMUM. — Quod animarum rectorum misera sit conditio.	657

CAP. II. — Quod præsendi ars facile discitur, sed difficile impletur.	658
CAP. III. — Quibus artibus dæmon impugnet eos qui se a prelatis abdicarunt.	661
OPUSCULUM XXII. — Contra clericos, aulicos, ut ad dignitates provehantur.	664
CAPUT PRIMUM. — De clericis obsequio sæcularium principum deditis.	664
CAP. II. — Quod adulatio in clericis sit Simonia.	665
CAP. III. — De episcopo quodam Bononiensi.	667
CAP. IV. — Quod peccata episcopi non recte ordinati in promotoris caput refuldunt.	668
OPUSCULUM XXIII. — De brevitate vitæ pontificum Romanorum et divina providentia.	671
CAPUT PRIMUM. — Cur Romanorum Pontificum vita brevis sit.	675
CAP. II. — Prædicantur divinæ bonitatis et beneficentiæ munera.	675
CAP. III. — Temporum varietates describuntur.	676
CAP. IV. — Quod angeli per totum mundum discurrent in auxilium hominum.	677
CAP. V. — Quod omnia homini serviant, etiam infirmis.	678
Scholia.	680
OPUSCULUM XXIV. — Contra clericos regulares proprietarios.	680
CAPUT PRIMUM. — Oppugnat verbis sancti Augustini peritiam clericorum.	681
CAP. II. — Idem facit verbis D. Hieronymi.	683
CAP. III. — Canoniconum defensio quam frivola.	684
CAP. IV. — Convincit rationibus.	685
CAP. V. — Quæ mala ex peculio oriantur inter canonicos.	687
CAP. VI. — Ad prædicationis officium qui sint idonei.	689
OPUSCULUM XXV. — De dignitate sacerdotii.	691
CAPUT PRIMUM. — Quid sit sacerdotem de sanctis egredi.	692
CAP. II. — Quod nobilitas sacerdotum sit vita sancta.	694
CAP. III. — Quod sacerdoti vel minima criminis suspicio sit fugienda.	695
OPUSCULUM XXVI. — Contra incontinentiam et incuriam clericorum.	697
CAPUT PRIMUM. — Quod imperiti non sunt ad sacerdotium promovendi.	699
CAP. II. — Quod nullus gravius peccat quam presbyter malus vel imperitus.	700
CAP. III. — Quis sit vere sacerdos.	701
CAP. IV. — Quod episcopi vigilantes esse debent in coercendis clericorum flagitiis.	702
OPUSCULUM XXVII. — De communi vita canonicorum ad clericos Fanensis ecclesiæ.	705
CAPUT PRIMUM. — Quod clerici non habent proprietatem rerum, quas possident.	705
CAP. II. — Quod is nequeat dici canonicus, qui non sit regularis.	706
CAP. III. — Quod monachi discurrantes, non monachi dicendi sunt, sed gyrovagii.	707
CAP. IV. — Quod boni malorum societate pervertuntur.	710
CAP. V. — Quod communio vitæ unionem spiritus et rectitudinem parit.	711
OPUSCULUM XXVIII. — Apologeticus monachorum adversus canonicos.	712
CAPUT PRIMUM. — Conquestio monachorum de canonicis.	713
CAP. II. — Quod sacramentorum administratio monachis præ omnibus clericis licita fuerit.	714
OPUSCULUM XXIX. — De vili vestitu ecclesiasticorum.	718
CAPUT PRIMUM. — Quibus vestibus sancta Ecclesia delectetur.	718
CAP. II. — Indui vestibus splendidi quam animæ perniciosius et Deo odibile.	720
CAP. III. — Dissuadet pretiosarum vestium appetitum.	721
OPUSCULUM XXX. — De sacramentis per improbos administratis.	723
CAPUT PRIMUM. — An Ecclesiæ sacramenta per malos conferri possint.	723
CAP. II. — Quod Spiritus sanctus per improbi ministerium dare potest suæ charismata.	726
CAP. III. — Quod qui sacerdotes lacerant, sacramenta blasphemant.	727
CAP. IV. — Cur Judæi in Christum male affecti.	729
OPUSCULUM XXXI. — Contra philargyriam et munerum cupiditatem.	729

- CAPUT PRIMUM.** — Quod iudices ne gratis quidem accipere possint dona. 531
- CAP. II.** — Quod fructus ex divitiis capitur, si dispensentur pauperibus. 532
- CAP. III.** — Quid sit avaritia. 533
- CAP. IV.** — Quam sit perniciosum divitias appetere. 534
- CAP. V.** — Quod Simoniaci sunt non solum qui faciscuntur, sed etiam qui pecuniam non pactam postulant. 535
- CAP. VI.** — Quod divitiæ non appetantur ad indigentiam, sed ad luxum. 537
- CAP. VII.** — Quod Romana Ecclesia sedes sit apostolorum. 540
- CAP. VIII.** — Epilogus et opusculi conclusio. 541
- Scholia. 542
- OPUSCULUM XXXII.** — De quadragesima et quadraginta diebus Hebræorum mansionibus. 544
- CAPUT PRIMUM.** — Quod in rebus displicabilibus gravior est abstinentia. 545
- CAP. II.** — Contra eos qui literaliter tantum sacram Scripturam intelligunt. 546
- CAP. III.** — Quod descensio Christi ad nos fuerit per quadraginta duo gradus. 547
- CAP. IV.** — Quod Apostoli sint duces populi Christiani. 550
- CAP. V.** — Quod languores animæ sint vitia, mors vero peccata criminalia. 551
- CAP. VI.** — Quod caro in tentatione subijcienda spiritui. 554
- CAP. VII.** — Quare tentatio virtuti admisceatur. 556
- CAP. VIII.** — Quod oris parcimonia transitus sit in Philosophiam. 557
- CAP. IX.** — Epilogi et opusculi conclusio. 559
- OPUSCULUM XXXIII.** — De bono suffragiorum et variis miraculis, præsertim B. Virginis. 559
- CAPUT PRIMUM.** — Quod somnis non sit credendum. 561
- CAP. II.** — Exemplum stupendum de Basso Anciensis. 562
- CAP. III.** — Virgo præbendam clerico sui devoto ablata restitui jubet. 564
- CAP. IV.** — Sabbatum cur B. Virginis sit dicatum. 565
- CAP. V.** — Quod orationes et suffragia sint alimenta defunctorum. 567
- CAP. VI.** — Exemplum mulieris, quæ defuncti viri animam elemosyna redimere conabatur. 568
- CAP. VII.** — Quod fructuosior est elemosyna pauperibus data, quam ablato a sacerdote carnali celebrata. 569
- CAP. VIII.** — Quod magna vis sit obediencie. 570
- OPUSCULUM XXXIV.** — De variis miraculosis narrationibus, addita simili disputatione de variis apparitionibus et miraculis. 572
- CAPUT PRIMUM.** — Terribile exemplum Arnaldi episcopi Aretini calicem Dominicum alienantis et ab Ecclesia subtrahentis. 573
- CAP. II.** — Aliud terribile exemplum Tetaldi episcopi. 574
- CAP. III.** — Aliud exemplum cuiusdam non dantis hominem loco sacro. 575
- CAP. IV.** — Clerici pugnacis, insolentis et blasphemæ cædes. 576
- CAP. V.** — Quod Deus nullum peccatum impunitum relinquit. 578
- CAP. VI.** — Quod Dei laudes fædis cogitationibus non sint inquinandæ. 579
- CAP. VII.** — Quod non sunt commatres ducendæ uxores. 580
- CAP. VIII.** — Terribile exemplum cuiusdam hominis desperati ac interficientis se ipsum. 582
- CAP. IX.** — Volitragus infirmitate corripitur, ut resipiscat. 582
- Disputatio de variis apparitionibus et miraculis.** 584
- CAPUT PRIMUM.** — Barucii eremitæ sanctitas. 584
- CAP. II.** — Parisiensis episcopi intemperantia divinitus punitur. 586
- CAP. III.** — B. Virgo Maria in suæ festivitatis assumptione innumerum liberat a penis purgatorum. 586
- CAP. IV.** — Sanctorum apparitio pulcherrima Romæ in ecclesia sanctæ Cæcilie. 587
- OPUSCULUM XXV.** — De picturis principum apostolorum. 589
- CAPUT PRIMUM.** — Cur Petrus ad sinistram et Paulus ad dextram in picturis collocetur. 589
- CAP. II.** — Pauli prærogative enarrantur. 591
- CAP. III.** — Paulus præ cæteris omnibus privilegio admirabili est insignitus. 592
- CAP. IV.** — Cur B. Paulus propriam non habeat cathedram. 594
- Scholia. 595
- OPUSCULUM XXXVI.** — De divina omnipotentia in repa- ratione corruptæ, et factis infectis reddendis. 595
- CAPUT PRIMUM.** — Quod Deus multa potest que non vult. 595
- CAP. II.** — Quod voluntas Dei omnibus rebus causa est ut existant. 599
- CAP. III.** — Quod absque dubio Deus port lapsam reparare virginem possit. 600
- CAP. IV.** — Quomodo possit fieri, ut quod factum est, non sit factum. 601
- CAP. V.** — De futuris contingentibus et philosophicæ usu in sacris disputationibus. 602
- CAP. VI.** — Quod Deus intra præsentem suæ sinum, omnia simul et tempora, et loca concludat. 604
- CAP. VII.** — De Dei simplici et una, distinctâ tamen omnium rerum scientia et providentia. 605
- CAP. VIII.** — De Dei æternitate. 607
- CAP. IX.** — Quod mala dicenda sunt potius non esse quam existere. 609
- CAP. X.** — Quod omnia Deus potest, sive faciat sive non faciat. 610
- CAP. XI.** — Quod naturæ conditor naturæ sit etiam immutator. 611
- CAP. XII.** — De palatio Romuli et philosopho corruptoribus. 614
- CAP. XIII.** — De his qui Dominum blasphemantes lepra perfuni sunt. 615
- CAP. XIV.** — De illo quem adulterio commisso, malignus spiritus interimit. 616
- CAP. XV.** — Concludit asserendum esse Deum posse facta infecta facere. 618
- CAP. XVI.** — Testatur charitatem suam erga fratres monasterii Casinensis, et virilem eorum virtutem commendat. 620
- CAP. XVII.** — De puero clausis foribus intronissio. 621
- OPUSCULUM XXXVII.** — De variis sacris questionibus, juncta alia ejusdem argumenti tractatione priorem consequente. 622
- Questio I. 623
- Dubitatio II. 623
- Dubitatio III. 624
- Dubitatio IV. 624
- Dubitatio V. 625
- Dubitatio VI. 626
- Dubitatio VII. 626
- Dubitatio VIII. 627
- Dubitatio IX. 627
- Dubitatio X. 628
- Argumentatio alia de variis sacris questionibus.** 630
- Dubitatio I. 630
- Dubitatio II. De die passionis et resurrectionis Christi. 632
- OPUSCULUM XXXVIII.** — Contra errorem Græcorum de processione Spiritus sancti. 633
- CAPUT PRIMUM.** — De auctoritate Romani Pontificis. 633
- CAP. II.** — Quæ sit origo Græcorum erroris. 635
- CAP. III.** — Quod Spiritus sanctus a Patre simul et Filio procedat. 635
- CAP. IV.** — Amovet dubitationem quæ nasci poterat. 638
- CAP. V.** — Amovet aliam dubitationem. 639
- CAP. VI.** — Aliam item amovet dubitationem. 640
- CAP. VII.** — Quomodo dicatur Spiritus sanctus a Patre proprie procedere, in Niceano symbolo. 641
- OPUSCULUM XXXIX.** — Contra sedentes tempore divini officii. 642
- CAPUT PRIMUM.** — De archiepiscopi Bisuntini magnificentia, et clericorum avaritia. 641
- CAP. II.** — Quod clericos, dum divina celebrantur officia, sedere, prava consuetudo est. 644
- CAP. III.** — Quod angeli contra homines in ecclesia sedentes indignantur. 645
- CAP. IV.** — Quod laici quoque in ecclesia inter divina officia sedere non debent. 647
- OPUSCULUM XL.** — De frenanda ira et similitudinibus extirpandis. 649
- CAPUT PRIMUM.** — Infirmitates a Deo cur mittantur. 649
- CAP. II.** — Quod per iram sapientia deperdat. 650
- CAP. III.** — Quod ira Spiritum sanctum excludat. 651
- CAP. IV.** — Exemplum presbyteri propter iracundiam diabolo mancipati. 653
- CAP. V.** — Quod ira hominem reddit amentem. 654
- CAP. VI.** — Prodigium quod contigit presbyterio Salernitano missam celebranti. 656
- CAP. VII.** — Votum solvere continens infeliciter perit. 656
- CAP. VIII.** — Viti condendi erregius artifex quod a Thærio imp. præmium reportaverit. 658

C. P. I. — Beatus Petrus Damianus ad iracundiam pro-	638
nus, quo modo moderetur.	
OPUSCULUM XLII. — De tempore celebrandi nuptias.	639
CAP. PRIMUM. — Tempus celebrandi nuptias ex sacris	
canonibus.	639
CAP. II. — Contra pervertentes tempora.	661
CAP. III. — Nuptiæ ad quid institutæ.	662
CAP. IV. — Pœna celebrationum nuptiis quadragesi-	
mali tempore.	664
Scholia.	665
OPUSCULUM XLIII. — De fide Deo obstricta non	661
lenda.	667
CAP. PRIMUM. — Quod nulla excusatione licet non implere	
votum.	667
CAP. II. — Arduinus damnatus, quod monasticum habi-	
tum, ut voverat, non suscepisset.	668
CAP. III. — Episcopus percussus in gutture, quod pau-	
perculæ porcum abstulisset, religioni se dedit.	669
CAP. IV. — Adamus Sempromensis Episcopus inopie	
moritur, quod religionis ingressum distulisset.	670
CAP. V. — Christi providentia erga eleemosynarum fa-	
rem.	671
CAP. VI. — Pambonis Romani furtum furto divinitus	
punitum.	672
CAP. VII. — Clericus luxuriosus cum pellice incendio	
perit.	672
Dissertatio de servanda fide Deo præstita.	674
CAP. I. — Quod Dei vota ac promissa violare nefassit.	674
CAP. II. — Quod qui vota non perficit, Deum videtur	
irridere.	675
CAP. III. — Bona opera fidem frangentium Deo minus	
placent.	676
CAP. IV. — Conciliorum decretis religiosæ vitæ propo-	
situm relinquentes damnantur.	678
OPUSCULUM XLIII. — De laude flagellorum et, ut lo-	
quantur, disciplinæ.	679
CAP. PRIMUM. — Dæmonis astutia quanta.	679
CAP. II. — Qui dicantur celari a facie Dei.	680
CAP. III. — Fabri dignum supplicium divino iudicio	
constitutum.	681
CAP. IV. — Terribilis iudicii comminatio.	682
CAP. V. — Quod Christi vulnera sunt sensuum nostro-	
rum medicamenta.	685
CAP. VI. — Corporis nostri vilitas ac fetor.	684
OPUSCULUM XLIV. — De decem Ægypti plagis atque	
Decalogo.	686
CAP. PRIMUM. — Quod divina lex sit medicamentum pla-	
garum.	687
CAP. II. — De divinæ legis promulgatione.	688
CAP. III. — De prima plaga.	689
CAP. IV. — De secunda plaga.	689
CAP. V. — De tertia plaga.	689
CAP. VI. — De quarta plaga.	691
CAP. VII. — De quinta plaga.	691
CAP. VIII. — De sexta plaga.	691
CAP. IX. — De septima plaga.	691
CAP. X. — De octava plaga.	692
CAP. XI. — De nona plaga.	692
CAP. XII. — De decima plaga.	695
CAP. XIII. — Divinorum præceptorum emolumenta et	
præconia.	694
OPUSCULUM XLV. — De sancta simplicitate scientiæ in-	
flanti anteposenda.	695
CAP. I. — Scientiæ cupiditas quam pernicioſa.	695
CAP. II. — Cur Deus alios juvenes, alios senes ad se	
vocet.	696
CAP. III. — Cur Deus per viros idiotas ac simplices	
mundum instituit.	697
CAP. IV. — Quid in concionatore requiratur.	697
CAP. V. — Quomodo Spiritus sanctus nos edoceat.	698
CAP. VI. — Quod humana sapientia multis periculis	
subiaceat.	699
CAP. VII. — De mundanæ sapientiæ effectibus.	700
CAP. VIII. — Quod ad Deum accedentes humanis disci-	
plinis non indigent.	701
OPUSCULUM XLVI. — De ferenda æquanimiter correp-	
ptione.	705
CAP. PRIMUM. — Correctiones æquo animo ferendum	
emolumenta.	704
CAP. II. — Quod sapientis est amare correctionem,	
stulti odire.	706
CAP. III. — Quod impatientibus correctiones sunt quasi	
gladii.	706
CAP. IV. — Quod in religiosis conveniſibus ad regula-	
rem disciplinam necessaria sit correctio.	707
CAP. V. — Cur beatus Paulus beatum Petrum repre-	
benderit.	708
CAP. VI. — An beatus Paulus peccaverit Petrum objur-	

gans.	710
OPUSCULUM XLVII. — De castitate et mediis eam tuendi.	710
CAP. PRIMUM. — Quod castitatis virtus junioribus didi-	
cilior sit.	711
CAP. II. — Quod frequens Eucharistiæ susceptio est	
præsidium Castitatis.	712
CAP. III. — Diabolus transfiguratur se in Angelum raris	
ut monachum decipiat.	715
CAP. IV. — Quod diabolus signo crucis cognoscitur.	715
CAP. V. — Christianæ charitatis exemplum.	714
CAP. VI. — Per unum opus bonum Dei pietas pecca-	
tores salvat.	715
OPUSCULUM XLVIII. — De spiritualibus deliciis.	715
CAP. PRIMUM. — De Jubilæo, ejusque mysteriis.	715
CAP. II. — Quid fuerit manna et quid significet.	717
CAP. III. — Quod in solo Deo est sanctorum spes et	
requies.	718
CAP. IV. — Quomodo Deus in nobis quiescat.	719
OPUSCULUM XLIX. — De perfecta monachi informa-	
tione.	721
CAP. PRIMUM. — Quæ cura tuendæ castitatis habenda sit.	721
CAP. II. — Quod sobrietas est castitatis præsidium.	722
CAP. III. — Quod mortis cogitatio turpes abigit motus.	725
CAP. IV. — Quod silentium est loquendi magister.	724
CAP. V. — Quod peccati remedium est confessio.	725
CAP. VI. — Cur Davidis confessio veniam meruit, non	
Saulis.	726
CAP. VII. — Exemplum Zeuxidis in pingenda Venere.	727
CAP. VIII. — Quod cordis duplicitas fugienda sit.	727
CAP. IX. — S. Romualdi consilium ut sobrietatem ser-	
venus, et hypocrisis fugiamus.	728
CAP. X. — Quod sermo de rebus sæcularibus monachos	
dedecet.	729
CAP. XI. — Quod Christiana nobilitas ex Christo, non	
ex avis petenda est.	750
OPUSCULUM L. — Institutio monialis ad Blancam ex	
comitis sanctimoniale.	51
CAP. PRIMUM. — Blancam angustias et paupertatem for-	
liter excipere hortatur.	751
CAP. II. — Quod aliquando justi ab injustis idcirco per-	
mittuntur affligi, ut statuatur ad Deum vel ex necessitate	
converti.	753
CAP. III. — Quod quisque contemptor sæculi ad hoc	
debet semper eniti, ut perveniat ad amorem Dei.	753
CAP. IV. — Exhortatio, ut in cœlestis sponsi semper	
amplexibus requiescat.	756
CAP. V. — Ad cautelam provocat, ut contra tentationis	
insidias sit semper accincta.	757
CAP. VI. — De anima, cum egreditur, quibus dolorem	
anxietatibus coarctetur.	757
CAP. VII. — Sententiæ Scripturarum de die iudicii.	759
CAP. VIII. — Hic admonetur ne sub pietatis specie ad	
sæculum revertatur.	742
CAP. IX. — De monacho, qui de eremo ad cœnobium	
rediens, per immunditiam lapsus interit.	712
CAP. X. — De sepultura Sophiæ marchionissæ, et ejus	
fetore intolerabili.	745
CAP. XI. — De Veneti ducis uxore, quæ prius nimium	
delicata, demum toto corpore compitruit.	744
CAP. XII. — De suppliciis damnatorum.	745
CAP. XIII. — Quod monachos frigidus viliſ aſa; mona-	
chus autem fervidus, vitis est fructuosa.	746
CAP. XIV. — Quod Dominicus duodecim simul psalteria	
cum disciplina cantavit, et tertium decimum cepit.	747
CAP. XV. — De Coelestis Hierusalem beatitudine sem-	
piterna.	748
OPUSCULUM LI. — De vita eremitica, et probatis ere-	
mitis.	748
CAP. PRIMUM. — Albizo et B. Petrus Damianus cum quanta	
sunt difficultate intra limen admissi.	751
CAP. II. — Rursus uterque quam inhoneste fuerint eli-	
minati.	752
CAP. III. — Quod monachis in urbe morantibus arro-	
gantibus tumor obrepit.	752
CAP. IV. — De abstinentia quorundam fratrum.	753
CAP. V. — De Martino Storaci.	753
CAP. VI. — De Leone Sitriæ, et aliis tribus monachis.	754
CAP. VII. — De Leone eremita Præzensi.	756
CAP. VIII. — De Dominico Loriatato.	756
CAP. IX. — De ratione disciplinæ.	757
CAP. X. — Tenendæ discretiſſionis admonitio necessaria.	759
CAP. XI. — De monacho Rumine enecato.	761
CAP. XII. — De monacho, qui diaboli patrocinium quæſivit.	761
CAP. XIII. — De patientia monachi excecato.	762
CAP. XIV. — Ubi scriptor ea quæ dicta sunt, humiliter	
satisfactione concludit.	765
OPUSCULUM LII. — De bono religiosi status et variorum	

- animantium tropologia. 763
 CAP. I. — Quod religiosi quasi oves sunt de lupi faucibus ereptae. 763
 CAP. II. — Quod monasteria vivaria sunt animarum. 766
 CAP. III. — De natura Leonis. 767
 CAP. IV. — De Anthalopo. 768
 CAP. V. — Quod feminarum aspectus est fugiendus. 769
 CAP. VI. — De herinaceo. 770
 CAP. VII. — De vulpecula. 770
 CAP. VIII. — De polygo. 771
 CAP. IX. — De hydro et crocodilo. 771
 CAP. X. — De charadrio. 772
 CAP. XI. — De phenice. 773
 CAP. XII. — De sarra sive serra. 774
 CAP. XIII. — De echino. 774
 CAP. XIV. — De tigride, et quid mystice per eum intelligendum. 774
 CAP. XV. — De pellicano et quid figuret. 774
 CAP. XVI. — De upupa, aquila et fulica. 776
 CAP. XVII. — De vulturibus et mustela. 777
 CAP. XVIII. — De ascida et alycone. 778
 CAP. XIX. — De columbis, ibide et hyæna. 779
 CAP. XX. — De panthera. 780
 CAP. XXI. — De salamandra, dorcade et lynce. 781
 CAP. XXII. — De natura serpentum. 781
 CAP. XXIII. — De onagro, elephante, unicorni, aquila et formica. 783
 CAP. XXIV. — De vipera, accipitre, serpente et ursæ. 784
 CAP. XXV. — De testitudine et variis animalium medicinis. 784
 CAP. XXVI. — De lupo et ove. 785
 CAP. XXVII. — De canloqui temeritate. 786
 CAP. XXVIII. — De canero et ostreo. 788
 CAP. XXIX. — De simia et quo pacto simia capi possit. 789
 CAP. XXX. — De ceto. 790
 CAP. XXXI. — Brevis opusculi conclusio. 791
 OPUSCULUM LIII. — De patientia in insectatione improborum. 791
 CAP. PRIMUM. — Quod patientia sit regina virtutum. 791
 CAP. II. — Quod ex tribulationibus nobis medicina præparetur. 792
 CAP. III. — Quod gaudendum sit in adversis, timendum in prosperis. 793
 CAP. IV. — Quod inter religiosos viros amicitia sine numeribus comparanda est. 795
 OPUSCULUM LIV. — De jejunio sabbati. 795
 CAP. PRIMUM. — Quod omnia serviant in hoc mundo ad usum hominibus. 795
 CAP. II. — Cur tres dies in hebdomada apud monachos jejunare institutum sit. 797
 CAP. III. — Miraculum quo jejunium sabbati approbatum est. 798
 CAP. IV. — Majorum negligentia exemplo etiam posteris nocet. 799
 CAP. V. — Quod vita nostra sabbatum est ultimæ resurrectionis. 800
 OPUSCULUM LV. — De celebrandis vigiliis. 800
 CAP. PRIMUM. — Cur in vigiliis assumptionis beate Virginis et B. Joannis Baptistæ natali jejunamus. 800
 CAP. II. — Aliquorum abusus in mulcenda voce, ut melius canant. 802
 CAP. III. — Cur in sabbato ex beati Silvestri sententia jejunandum. 803
 CAP. IV. — Cur in vigilia resurrectionis Domini Gloria in excelsis Deo canatur. 804
 CAP. V. — Quod sabbati jejunium cœlesti visione celebratum est. 804
 CAP. VI. — Quomodo B. Jacobus Apostolus mortuus sit. 806
 CAP. VII. — Cur B. Joannis Baptistæ decollatio vigiliam non habeat. 807
 OPUSCULUM LVI. — De fluxa mundi gloria et sæculi despectione. 807
 CAP. PRIMUM. — Agnetis Imperatricis cum regina Saba comparatio. 807
 CAP. II. — Christi et Saramonis sapientia comparatur. 810
 CAP. III. — Anovet objectionem. 811
 CAP. IV. — Quod per bona exempla corona gloriæ nobis contulatur. 812
 CAP. V. — Bona magnorum virorum et mulierum exempla quantum valeant. 815
 CAP. VI. — Quia animi puritate sanctorum reliquiæ venerande. 815
 CAP. VII. — Exempla regum ac ducum, qui mundi felicitatem infelicissimo exitu perdidit. 816
 CAP. VIII. — Exempla mulierum, quarum gaudia mors occupavit. 817
 CAP. IX. — Quod idem sit omnium mortalium initium ac finis. 818
 CAP. X. — Ad perseverantiam exhortando perorat. 819
 OPUSCULUM LVII. — De principis officio in coercionem improborum, addita alia ejusdem argumenti dissertatione. 819
 CAP. PRIMUM. — Quod justitiæ rigor regna conservet. 819
 CAP. II. — Quod iudex qui male agentes non punit, diabolus minister est. 821
 CAP. III. — Quod iniquos castigare est Deo sacrificium. 821
 CAP. IV. — Quod regum consilarii non solum pii, sed etiam prudentes esse debent. 823
 CAP. V. — Principis officium quodnam sit. 824
 Alia dissertatio. — De eodem p. iudicis officio in iniquis coercentis. 825
 CAP. PRIMUM. — Quod justitiæ rigor bonis ac malis utilis est. 826
 CAP. II. — Sacre scripturæ, ac SS. Patrum de plectendis iniquis concors sententia. 827
 CAP. III. — Hugonis ducis Tusciæ prudentia in renuntiando ducatu. 827
 CAP. IV. — Guiliæ matris Hugonis innocentia jucundo miraculo declaratur. 828
 CAP. V. — Hugonis ducis mors. 829
 OPUSCULUM LVIII. — De vera felicitate ac sapientia. 831
 CAP. PRIMUM. — Humana eloquentia quam parvi sit a viris sanctis. 831
 CAP. II. — Discrimen inter sapientiam spiritualem et terrenam. 832
 CAP. III. — Sapientiæ cœlestis et terrenæ prudentiæ effectus. 833
 CAP. IV. — Nostra studia sint ut soli Deo placeamus. 834
 CAP. V. — Seculares viri quomodo se habere debent in amore rerum terrenarum et spiritualium. 835
 CAP. VI. — Quod virtutis amor principatum tenere debet in corde. 836
 OPUSCULUM LIX. — De novissimis et Antichristo. 837
 CAP. PRIMUM. — De rebus novissimis loqui difficile est. 837
 CAP. II. — Novissima meditari quam utile sit. 838
 CAP. III. — A morte Antichristi, ad Christi Domini adventum, quot dies intererunt. 839
 CAP. IV. — Signa præcedentia iudicii diem ex S. Hieronymi sententia. 840
 OPUSCULUM LX. — Expositio mystica historiarum libri Genesios. 841
 CAP. PRIMUM. — Dixit Deus: Fiat lux, prima die. 841
 CAP. II. — De firmamento et divisione aquarum. 841
 CAP. III. — De aquarum congregatione in locum unum sub cœlo. 842
 CAP. IV. — De luminariis quarta die factis in firmamento cœli. 842
 CAP. V. — Quod quinta die pisces et aves creati sunt. 842
 CAP. VI. — De sexto die. 843
 CAP. VII. — Quod sabbato, consummatis omnibus, requievit Deus. 843
 CAP. VIII. — Immisit Dominus soporem in Adam. 845
 CAP. IX. — Quod, deambulante Domino in paradiso, Adam, quia nudus esset, se abscondit. 846
 CAP. X. — De Cain septuplum ultio dabitur, de Lamech septuagies septies. 846
 CAP. XI. — Fac tibi arcam de lignis lævigatis, et bitumine linies intrinsecus et extrinsecus. 847
 CAP. XII. — De mensura arce diluvii. 847
 CAP. XIII. — Quod cubitis quindecim altior fuit aqua diluvii super omnes montes. 848
 CAP. XIV. — Quod diluvium cœpit minui post centum et quinquaginta dies. 848
 CAP. XV. — Quod arca requievit mense septimo. 848
 CAP. XVI. — De corvo et columba ex arca dimissis. 848
 CAP. XVII. — Quod dimisit iterum Noe columbam ex arca. 848
 CAP. XVIII. — Venite, faciamus civitatem. 849
 CAP. XIX. — De quinque regibus Sodomæ et Gomorrhæ, qui a quatuor regibus interfecti sunt. 850
 CAP. XX. — Quod Abraham cum Deo sacrificavit, pecora divisit, aves non. 850
 CAP. XXI. — Abraham volucres descendentes super sacrificia abiegit. 850
 CAP. XXII. — Cum sol occurreret, sopor irrui super Abraham, et terror magnus invasit eum. 850
 CAP. XXIII. — Descendam, et videbo an clamorem qui venit ad me opere compleverint. 851
 CAP. XXIV. — Quod Sodomitæ, dum canerent ad angelos, v. olenter irrumpere, cæcitate percussi sunt. 851
 CAP. XXV. — Quod Abraham unicuique sibi filium sacrificandum Deo obtulit. 852
 CAP. XXVI. — De Lia et Rachel uxoris Jacob. 853
 CAP. XXVII. — De Bala et Zelpa. 854
 CAP. XXVIII. — Quod Rachel nomen filii sui Benjamin vocavit. 855
 CAP. XXIX. — Quod Ouan invenit aquas calidas in soli-

tudine, dum pasceret asinos patris sui.	856
Cap. XXX. — Descendit Judas in Thamna ad tendentes oves.	856
ALEXANDRI II DIPLOMA DE LEGATIONE S. PETRI DAMIANI IN GALLIAS.	857
DE ADVENTU PETRI DAMIANI AD CLUNIACENSEM ECCLESIAM.	858
ACTA SYNODI IN GALLIIS CELEBRATÆ A B. PETRO DAMIANO.	859
HYMNUS DE GLORIA PARADISI.	861

ADDITIO AD TOMUM III OPERUM S. PETRI DAMIANI.

De sequentibus opusculis Mai monitum.	865
DE GALLICA PROTECTIONE DOMNI PETRI DAMIANI ET EJUS ULTRAMONTANO ITINERE.	866
Cluniaci descriptio.	866
EXPOSITIO CANONIS MISSÆ SECUNDUM PETRUM DAMIANI.	880
TESTIMONIA NOVI TESTAMENTI ex operibus S. Petri Damiani excerpta.	892
Testimonia ex Evangelis.	892
Ex Actibus apolorum.	901
Ex Epistolis Joannis.	905
Ex Apocalypsi.	905
Ex Epistolis Pauli.	905
De fermentato an possit offerri.	909

OPERM TOMUS SEU PARS IV. — CARMINA ET PRECES.

Privilegium Pauli papæ V.	912
De festo die S. Petri Damiani domini Constantini Cajetani premonitio.	915
Testimonia insignia de laudabili S. Petri Damiani operum deligatione a domno Constantino Cajetano abbate præstita.	915
Constantini Cajetani epistola ad D. Franciscum et D. Antonium Ba herinos principes.	916
Cajetani epistolæ nuncupatoria ad Urbanum Papam VIII.	916
B. PETRI DAMIANI CARMINA SACRA ET PRECES.	917
I. — Oratio ad Deum Patrem.	917
II. — Oratio ad Deum Filium.	920
III. — Oratio ad Deum Spiritum sanctum.	922
IV. — Ad sanctam Trinitatem orationes.	924
V. — Secunda oratio.	924
VI. — Tertia oratio.	924
VII. — Idem orationes de sancta Trinitate.	925
VIII. — Alia.	925
IX. — Alia.	925
X. — Alia.	925
XI. — De annuntiatione Domini.	925
XII. — De nativitate Domini.	925
XIII. — De oblatione Domini.	925
XIV. — De baptismo Domini.	925
XV. — De transfiguratione Domini.	925
XVI. — Ubi pueri dicunt Hosanna.	925
XVII. — De cæna Domini.	925
XVIII. — De patena.	926
XIX. — Ubi Judas Dominum tradit.	926
XX. — Ubi Christus rogat Patrem.	926
XXI. — Dominus dicit discipulis suis : Vigilate	926
XXII et XXIII. — Orationes die Veneris sancto in crucis adoratione dicendæ.	926
XXIV. — In tertia genuflexione.	926
XXV. — De sancta cruce orationes aliæ.	926
XXVI. — Oratio.	927
XXVII. — Oratio.	927
XXVIII. — Oratio.	928
XXIX. — Oratio.	928
XXX. — Oratio.	929
XXXI. — Oratio.	929
XXXII. — Oratio.	929
XXXIII. — Oratio.	929
XXXIV. — Litaniae.	930
XXXV. — Hymnus de sancta cruce. — Ad nocturnum.	930
XXXVI. — Ad Laudes.	930
XXXVII. — Paratericum carmen de sancta cruce.	931
XXXVIII. — De sancta cruce.	931
XXXIX. — Item, de sancta cruce, duobus invicem in iis.	931
XL. — Rhythmus paschalis.	931
XLI. — De Ascensione Domini.	935
XLII. — Hymnus in ascensione Domini. — Ad Laudes.	935
XLIII. — Ubi Spiritus sanctus descendit super apostolos.	935
XLIV. — In annuntiatione beatissimæ virginis Mariæ.	935
— Hymnus. — Ad nocturnum.	935
XLV. — Ad Laudes.	934

XLVI. — In eadem annuntiatione beatissimæ virginis Mariæ. — Ad missam, præfatio.	934
XLVII. — In assumptione ipsius sanctissimæ Virginis. — Hymnus ad Vesperas.	934
XLVIII. — Ad honorem sanctæ Mariæ virginis. — Officium quotidianis diebus. — Ad Vesperas. — Hymnus	935
XLIX. — Lectiones ad Matutinum. — Lectio prima	935
I. —	—
LI. — Lectio secunda.	935
LII. — Hymnus ad Primam.	936
LIII. — Hymnus ad Tertiam.	936
LIV. — Hymnus ad Sextam.	936
LV. — Hymnus ad Nonam.	936
LVI. — Hymnus ad Completorium.	937
LVII. — Iste orationes dicantur per horas die.	937
LVIII. — Alia.	937
LIX. — Alia.	937
LX. — Alia.	937
LXI. — Rhythmus de S. Maria virgine.	937
LXII. — Rhythmus de eadem sanctissima Virgine.	939
LXIII. — Rhythmus super Salutatione angelica.	939
LXIV. — Ad eandem sanctissimam Virginem. — Versus contra tempus nubilosum.	940
LXV. — Paratericum carmen de eadem sanctissima Virgine.	940
LXVI. — Missa de S. Daniele propheta. — Oratio.	941
LXVII. — Alia oratio.	941
LXVIII. — Secreta.	941
LXIX. — Postcommunio.	941
LXX. — De S. Joanne Baptista.	941
LXXI. — De S. Petro apostolo.	941
LXXII. — De S. Petro apostolo Hymnus.	941
LXXIII. — De S. Paulo apostolo.	942
LXXIV. — De S. Paulo apostolo Hymnus.	942
LXXV. — De S. Andrea apostolo. — Hymnus.	942
LXXVI. — Divisio.	942
LXXVII. — De S. Joanne apostolo et evangelista. — Hymnus ad Vesperas.	942
LXXVIII. — Ad Nocturnum.	943
LXXIX. — Ad Laudes.	944
LXXX. — Missa in festo S. Bartholomæi. — Oratio.	944
LXXXI. — Alia oratio.	944
LXXXII. — Alia oratio.	944
LXXXIII. — Alia oratio.	944
LXXXIV. — Alia oratio.	944
LXXXV. — Alia oratio.	944
LXXXVI. — Missa in translatione S. Matthæi apostoli. — Oratio.	945
LXXXVII. — Alia oratio.	945
LXXXVIII. — Alia oratio.	945
LXXXIX. — Missa de S. Barnaba apostolo. — Oratio.	945
XC. — Secreta.	945
XCI. — Postcommunio.	945
XCII. — Oratio ad Vesperas.	945
XCIII. — Versus de gestis apostolorum.	945
XCIV. — Unde supra.	946
XCIV. — Rhythmus de S. Vincentio martyre.	947
XCVI. — De S. Vitale martyre. — Hymnus ad Laudes.	949
XCVII. — In festivitate S. Anthimi. — Hymnus.	949
XCVIII. — In solemnitate S. Ursini. — Hymnus.	950
XCIX. — Missa sanctorum septem dormientium. — Oratio.	950
C. — Secreta.	950
CI. — Postcommunio.	951
CII. — De S. Apollinare episcopo et martyre. — Ad Vesperas Responsorium.	951
CIII. — Hymnus ad Vesperas.	951
CIV. — Ad Nocturnum.	951
CV. — In natali S. Apollinaris. — Missa. Introitus.	952
CVI et CVII. — Oratio.	952
CVIII. — Alia oratio.	952
CIX. — Alia oratio.	952
CX. — Alia oratio.	952
CXI. — Hymnus in honorem S. Apollinaris.	952
CXII. — Verba Apollinaris ad vicarium deprecatoria.	953
CXIII. — Alia ejusdem verba deprecatoria.	953
CXIV. — Alia ejusdem verba deprecatoria.	953
CXV. — Verba Christi ad apostolos.	953
CXVI. — Oratio.	953
CXVII. — De S. Ruffino martyre. — Hymnus.	953
CXVIII. — Alius Hymnus in honorem S. Apollinaris.	954
CXIX. — De SS. Donato et Hilario. — Hymnus.	954
CXX. — Hymnus alius de eisdem.	955
CXXI. — De S. Donato episcopo et martyre sequentia.	955
CXXII. — De S. Fidele martyre. — Hymnus.	956
CXXIII. — De S. Gregorio papa. — Hymnus.	957
CXXIV. — De S. Benedicto abbate. — Hymnus ad Vesperas.	957

- CXXV. — Ad Nocturnum. 958
 CXXVI. — Ad Laudes. 958
 CXXVII. — Epitaphium Ludoici sancti presbyteri. 959
 CXXVIII. — In natali confessorum Pontificum. — Hymnus. 959
 CXXIX. — Ad Laudes. 959
 CXXX. — De omnibus sanctis. — Versus. 960
 CXXXI. — De annuntiatione Virginis. 9 0
 CXXXII. — De nativitate Domini. 960
 CXXXIII. — De cœna Domini. 961
 CXXXIV. — De baptismo Domini. 961
 CXXXV. — De S. Joanne Baptista. 961
 CXXXVI. — De oblatione Domini. 961
 CXXXVII. — Ubi pueri dicunt : Hosanna. 961
 CXXXVIII. — Transfiguratione Domini. 961
 CXXXIX. — Dominus diei discipulis suis. — Vigilatur. 961
 CXL. — Ubi Judas Dominum tradit. 961
 CXLI. — De pœna. 961
 CXLII. — Ubi Christus rogat Patrem. 961
 CXLIII. — De ascensione Domini. 961
 CXLIV. — Ubi Spiritus sanctus descendit super apostolos. 961
 CXLV. — De S. Petro. 961
 CXLVI. — De S. Paulo. 961
 CXLVII. — De illo qui moritur in odio. 961
 CXLVIII. — De illo qui placet duobus inimicis. 961
 CXLIX. — De Hildebrando. 961
 CL. — De eodem Hildebrando. 961
 CLI. — De illo qui omnia timet vel nihil timet. 961
 CLII. — De virga Moysi. 961
 CLIII. — De arca Noe. 961
 CLIV. — De illo qui prius conat et postea reposecit. 962
 CLV. — Dominus papa sine merem incipiebat, et mecum complere volebat; sicque mecum dicebat; sicut erat in principio; cum mecum non dixisset. — Gloria Patri. 962
 CLVI. — Illis hoc dicitur qui falsam pacem faciunt. 962
 CLVII. — Quod sæpe amicus videtur irasci, et inimicus fraudulentem blandi. 962
 CLVIII. — Ad papam Alexandrum admonitio. 962
 CLIX. — Hoc servus Dei facere debet. 962
 CLX. — Pransum dicimus. — Edent pauperes. — Silentium solventes dicimus: Pretiosa in conspectu Domini. 962
 CLXI. — De odio. 962
 CLXII. — Qui castratus est, non debet episcopari. 962
 CLXIII. — De Romanis febribus. 962
 CLXIV. — Quod qui ignorat legem vitiorum nequit evitare penam. 962
 CLXV. — De tridano jejunio. 962
 CLXVI. — Canalicus non pastor sed antiquo Draconi. 963
 CLXVII. — Cuidam fratri, cui jejunium et vigiliae in nauseam venerant. 963
 CLXVIII. — Quod quidam benefactis offenduntur, offensione placeantur. 963
 CLXIX. — De dente et lente. 963
 CLXX. — Quod carc sine prædicatione prorumpit in silvam vitiorum. 963
 CLXXI. — De baculo rectoris. 963
 CLXXII. — De Ecclesia Romana ab antipapa invasa lurtus. 963
 CLXXIII. — De miseria humanæ conditionis. 964
 CLXXIV. — De eo qui prædicat justum et dimittit in pium. 964
 CLXXV. — Laus elemosynæ. 964
 CLXXVI. — Avaro diviti. 964
 CLXXVII. — Viro superbo. 964
 CLXXVIII. — Livido obtrectatori. 963
 CLXXIX. — De duobus inimicis, ut ad pacem redeant. 963
 CLXXX. — Cur idem scriptum bis mittitur. 963
 CLXXXI. — De quibusdam antidotis. 963
 CLXXXII. — Quod qui sumit munus debet vicem redere. 966
 CLXXXIII. — Quibus benedictio de cochlearibus mittitur. 966
 CLXXXIV. — Pontificali dextera cochlearia mittuntur. 966
 CLXXXV. — Quibus benedictio de cochlearibus mittitur. 966
 CLXXXVI. — Amicum terret. 966
 CLXXXVII. — Ad inimicum. 966
 CLXXXVIII. — Discretio inter levem et gravem. 966
 CLXXXIX. — Quod melius sit agricolæ laboranti quam domino præfati. 966
 CXC. — De bis qui non se, sed alios carpunt. 966
 CXCI. — Quod esuriens et sitiens vile quod libet libenter sumit. 966
 CXCH. — De illo qui gloriatur in altitudine vocis. 966
 CXCHII. — De monachis, qui loricas induunt ad carnem. 966
 CXCHIV. — De Hildebrando, qui parvæ quidem staturæ, sed magnæ videtur esse prudentiæ. 966
 CXCXV. — De papa et Hildebrando. 967
 CXCXVI. — De Romano archidiacono, qui mihi medium piscem misit. 967
 CXCXVII. — Urbano gratulatur, qui Romæ factus est pauper episcopus. 967
 CXCXVIII. — De illo qui filium habet. 967
 CXCIX. — Ubi qui prædicant invicem non discordent. 967
 CC. — De stercore turdi fit viscus unde turdus ipse capitur. 967
 CCI. — Illi, cui ego prolixam misi epistolam, et ipse mihi parvam. 967
 CCII. — De Florentia, in qua papa Stephanus obiit, et Nicolaus papa ex eadem processit. 967
 CCIII. — De illo qui semetipsum sui jugat, ut reum recipiat. 967
 CCIV. — Quod Roma mundo præfuit, donec legibus obediit. 967
 CCV. — Quod plerique casti sint tenaces. 967
 CCVI. — De illo qui, nutritus Aretii Pomposiæ abbas fuit. 967
 CCVII. — De domno Umberto archiepiscopo, qui sedebat ad dexteram papæ, et ego ad sinistram. 967
 CCVIII. — Super sæcularibus elegidia. 967
 CCIX. — Contra Cuniacensem abbatem qui cum in Galliam duxit. 968
 CCX. — Versus pauperis. 968
 CCXI. — De tridano jejunio. 968
 CCXII. — Qui dicit quod vult, audit quod non vult. 968
 CCXIII. — Epitaphium Petri Damiani. 968
 CCXIV. — Bennois epitaphium. 968
 CCXV. — Quod vermis eris, et a verme voraberis. 969
 CCXVI. — Ad penitentiam provocat. 969
 CCXVII. — Versus de Simoniacis. 969
 CCXVIII. — Adversus Simoniacos Rhythmus. 969
 CCXIX. — Damiano exhortatio ut monachus fiat. 971
 CCXX. — Rhythmus penitentis monachi. 971
 CCXXI. — De abbatum miseria rhythmus. 972
 CCXXII. — De omnibus ordinibus omnium hominum in hoc sæculo viventium rubrica. 974
 CCXXIII. — In eos qui de regis ultione securi sunt, sed Christum evadere nequeunt — Rhythmus. 977
 COLLECTANEA IN VETUS TESTAMENTUM EX OPUSCULIS B. PETRI DAMIANI. 985
 Cajetani præfatio. 985
 Incipit liber Testim. Veteris ac Novi Testamenti. 987
 Incipit prologus. 987
 Incipiunt testimonia Libri Genesis. 991
 CAPUT PRIMUM. — In epistola ad Hildebrandum et Stephanum cardinales in qua docet qualiter rationalis anima ad perfectionem veniat. 991
 CAP. II. — In eadem epistola. 992
 CAP. III. — In eadem epistola. 993
 CAP. IV. — In eadem epistola. 993
 CAP. V. — In eadem epistola. 993
 CAP. VI. — In eadem epistola. 994
 CAP. VII. — In eadem epistola. 994
 CAP. VIII. — In sermone de S. Columba. 995
 CAP. IX. — In epistola ad Aripandrum, in qua hortatur ut Dei servus sæcularibus non studeat literis. 997
 CAP. X. — In sermone S. Lucæ. 997
 CAP. XI. — In libro de perfectione monachorum. 998
 CAP. XII. — In sermone de exaltatione sanctæ crucis. 998
 CAP. XIII. — In sermone de S. P. 999
 CAP. XIV. — In eodem sermone. 999
 CAP. XV. — In eodem sermone. 999
 CAP. XVI. — In libro de perfectione monachorum. 999
 CAP. XVII. — In sermone in Cœna Domini. 1000
 CAP. XVIII. — In epistola ad Hirmisindum sanctimoniam, in qua dicitur quod ædificium humanæ superbæ cito destruitur. 1000
 CAP. XIX. — In epistola ad Bonifacium Causidicum; ubi dicitur ut exteriori prudentiæ spiritualis sapientia præferatur. 1001
 CAP. XX. — In epistola ad Alexandrum Papam. 1001
 CAP. XXI. — In epistola ad Desiderium abbatem Casinensem. 1001
 CAP. XXII. — Ad Alexandrum papam: ubi conqueritur de insolentia pravorum hominum. 1002
 CAP. XXIII. — In epistola ad Leonem papam, ubi accusatus se esse conqueritur. 1003
 CAP. XXIV. — In libro Gormorhiano. 1005
 CAP. XXV. — In sermone de Inventione sanctæ crucis. 1005
 CAP. XXVI. — De Lia et Rachel in libro De perfectione monachorum. 1004
 CAP. XXVII. — De Bala et Zelpha, in eodem libro. 1005
 CAP. XXVIII. — In epistola ad Desiderium abbatem, ubi dicitur: cur Paulus ad dexteram, Petrus ad sinistram in pictura ponatur. 1006

Cap. XXIV. — Ad Desiderium abbatem, ut vacet studio contemplandi.	1007
Cap. XXX. — In sermone de S. Joanne Baptista.	1008
Cap. XXXI. — In sermone de S. Luca evangelista.	1010
Cap. XXXII. — In sermone de S. Vitale.	1011
Cap. XXXIII. — In sermone de inventione sanctæ crucis.	1012
Cap. XXXIV. — In sermone de S. Eleuchadio.	1012
Incipiunt capitula libri Exodi.	1012
Incipiunt testimonia libri Exodi.	1015
Cap. PRIMUM. — In epistola ad Hermisindem sanctimonialem, ubi dicitur quod ædificium humanæ superbici cito destruitur.	1015
Cap. II. — In epistola ad Hermisindem, ubi dicitur quod ædificium humanæ sapientiæ cito labatur.	1015
Cap. III. — In sermone de S. Columba.	1014
Cap. IV. — In eodem sermone.	1015
Cap. V. — In epistola ad Canonicos Fanenses.	1015
Cap. VI. — In epistola ad Bonifacium, ubi dicitur ut exteriori prudentiæ spiritualis sapientia præferatur.	1016
Cap. VII. — De decem plagis Ægypti, in epistola ad discipulum Joannem.	1016
Cap. VIII. — In sermone S. Eleuchadii.	1021
Cap. IX. — In sermone de inventione sanctæ crucis.	1021
Cap. X. — In epistola ad Blancam comitissam.	1021
Cap. XI. — In sermone de inventione sanctæ crucis.	1022
Cap. XII. — In eodem sermone.	1022
Cap. XIII. — In eodem sermone.	1022
Cap. XIV. — In sermone de S. Eleuchadio.	1025
Cap. XV. — In epistola ad fratres Cluniacenses.	1025
Cap. XVI. — In sermone de S. Eleuchadio.	1025
Cap. XVII. — In sermone de exaltatione sanctæ crucis.	1024
Cap. XVIII. — In sermone synodali primo.	1024
Cap. XIX. — G. G.	1025
Cap. XX. — In epistola ad canonicos Fanenses.	1025
Cap. XXI. — In sermone de S. Andrea apostolo.	1025
Cap. XXII. — In sermone de S. Matthæo evangelista.	1026
Cap. XXIII. — In sermone de S. Bartholomæo.	1026
Cap. XXIV. — In sermone de S. Eleuchadio.	1026
Cap. XXV. — In eodem sermone.	1028
Cap. XXVI. — In sermone synodali primo.	1028
Cap. XXVII. — In epistola ad Damianum de scurrilitate vitando.	1028
Incipiunt capitula libri Levitici.	1029
Incipiunt Testimonia libri Levitici.	1029
Cap. PRIMUM. — In sermone de inventione S. crucis.	1029
Cap. II. — In sermone virginum.	1029
Cap. III. — In sermone sancti Donati.	1051
Cap. IV. — Ad Desiderium abbatem.	1051
Cap. V. — In epistola ad Cunibertum Taurinensem episcopum, de incontinentia clericorum.	1051
Cap. VI. — In sermone S. Georgii.	1052
Cap. VII. — In sermone S. Bonifacii.	1052
Cap. VIII. — Ad Cunibertum Taurinensem episcopum, de incontinentia clericorum.	1055
Cap. IX. — In sermone in cena Domini.	1055
Cap. X. — In epistola ad Hildebrandum et Stephanum.	1054
Incipiunt capitula libri Numeri.	1054
Incipiunt testimonia libri Numeri.	1054
Cap. I. — In epistola ad Alexandrum papam, ut canonicis proprietatem tollat.	1054
Cap. II. — In sermone de cena Domini.	1055
Cap. III. — In libro gratis imo.	1055
Cap. IV. — In sermone secundo de S. Matthæo.	1056
Cap. V. — In sermone de nativitate S. Mariæ.	1057
Cap. VI. — In epistola ad Hermisindem sanctimonialem.	1057
Cap. VII. — In sermone de inventione S. Crucis.	1058
Cap. VIII. — In sermone de exaltatione S. Crucis.	1058
Cap. IX. — In eodem sermone.	1059
Cap. X. — In eodem sermone.	1059
Cap. XI. — In sermone S. Christophori.	1060
Cap. XII. — In epistola ad V. Episcopum et ejus canonicos, de quinque sensibus corporis cohibendis.	1064
Cap. XIII. — In eadem epistola.	1063
Cap. XIV. — In epistola ad Albertum, in qua de mansionibus Israelitarum scribit.	1065
Cap. XV. — In epistola ad V. Episcopum et ejus canonicos, quæ est de quinque sensibus corporis cohibendis.	1065
Cap. XVI. — In epistola ad V. Episcopum et suos canonicos, quæ est de octo festivitatibus Veteris Testamenti.	1067
Cap. XVII. — In epistola ad V. Episcopum et ejus canonicos, de quinque sensibus corporis.	1060
Cap. XVIII. — In eadem epistola.	1062
Cap. XIX. — In epistola ad Hildebrandum.	1062
Incipiunt capitula libri Deuteronomii.	1063
Incipiunt testimonia libri Deuteronomii.	1065
Cap. PRIMUM. — In epistola ad Alexandrum papam, ubi de insolentia malorum.	1065
Cap. II. — In epistola ad fratres Cluniacenses.	1064

Cap. III. — In eadem epistola.	1065
Cap. IV. — In sermone de S. Bartholomæo.	1065
Cap. V. — De S. Anastasio.	1066
Cap. VI. — In sermone de S. Georgio.	1066
Cap. VII. — In libro De perfectione monachorum.	1066
Cap. VIII. — In epistola ad Bonifacium quæ est de eo quod exteriori prudentiæ spiritualis sapientia præferatur.	1067
Cap. IX. — In epistola ad Cincium præfectum.	1067
Cap. X. — In epistola ad Petrum monachum.	1068
Cap. XI. — In sermone de S. Anastasio.	1069
Cap. XII. — In sermone de S. Bartholomæo.	1070
Incipiunt capitula libri Josue.	1070
Incipiunt Testimonia libri Josue.	1070
Cap. PRIMUM. — In secundo sermone de S. Joanne evangelista.	1070
Cap. II. — In eodem sermone.	1070
Cap. III. — In sermone primo de S. Bartholomæo.	1071
Cap. IV. — In sermone de sancto Andrea.	1072
Cap. V. — In sermone de S. Bartholomæo.	1075
Cap. VI. — In sermone de S. Andrea.	1075
Cap. VII. — In eodem sermone.	1074
Cap. VIII. — In epistola ad B. Causidicum, ut exteriori prudentiæ spiritualis sapientia præferatur.	1075
Cap. IX. — In libro de perfectione monachorum.	1076
Cap. X. — In epistola ad fratres Ganugni.	1077
Incipiunt capitula libri Judicum.	1078
Incipiunt Testimonia libri Judicum.	1079
Cap. PRIMUM. — In epistola ad V. abbatem.	1079
Cap. II. — In sermone de S. Cassiano.	1079
Cap. III. — In sermone de exaltatione S. Crucis.	1081
Cap. IV. — In sermone de sanctis virginibus.	1082
Cap. V. — In sermone de S. Matthæo.	1085
Cap. VI. — In epistola ad Petrum archiepiscopum de incontinentia clericorum.	1085
Cap. VII. — In epistola ad Bonifacium episcopum de curialibus episcopis.	1084
Cap. VIII. — In epistola ad Petrum archiepiscopum, de incontinentia clericorum.	1087
Cap. IX. — In eadem epistola.	1087
Cap. X. — In sermone de sancto Anthimo.	1088
Cap. XI. — In epistola ad Adelaidem comitissam, quæ eam confederat episcopum propter incontinentiam clericorum.	1089
Cap. XII. — In sermone de sanctis virginibus.	1090
Cap. XIII. — In epistola ad canonicos Fanenses.	1090
Incipiunt capitula libri primi Regum.	1090
Incipiunt testimonia libri primi Regum.	1091
Cap. PRIMUM. — In epistola ad Nicolaum papam, de incontinentia episcoporum.	1091
Cap. II. — In epistola ad fratres Cluniacenses.	1092
Cap. III. — In epistola ad Albericum, in qua ei super decem questionibus respondet.	1104
Cap. IV. — In epistola ad Alliprandum, quæ est de corruptione, quam sit utilis in sancti ordinis disciplina.	1095
Cap. V. — In epistola ad Hermisindem, de eo quod ædificium humanæ superbici cito destruitur.	1096
Cap. VI. — In sermone de S. Columba.	1096
Cap. VII. — In epistola ad Desiderium abbatem, quæ dicitur quod majori sit dignus honore qui dignitatem projicit quam qui in ea persistit.	1097
Incipiunt capitula libri secundi Regum.	1099
Incipiunt testimonia libri secundi Regum.	1099
Cap. PRIMUM. — In libro Gomorrhiano.	1099
Cap. II. — In sermone de S. Matthæo.	1100
Cap. III. — In epistola ad B. quæ est ut exteriori prudentiæ spiritualis prudentia præferatur.	1101
Cap. IV. — In epistola ad Albericum, quæ super decem questionibus respondet.	1114
Cap. V. — In eadem epistola.	1101
Cap. VI. — In epistola ad Cluniacenses fratres.	1102
Cap. VII. — In epistola ad Marinum.	1102
Cap. VIII. — In epistola ad cardinales episcopos.	1105
Cap. IX. — In epistola ad Albericum quæ ei super decem questionibus respondet.	1105
Cap. X. — In epistola ad Desiderium abbatem quæ ei majori sit dignus honore qui dignitatem projicit quam qui in ea persistit.	1105
Cap. XI. — In eadem epistola.	1106
Cap. XII. — In epistola ad Albericum, in qua super decem questionibus respondet.	1107
Cap. XIII. — In epistola ad D. abbatem, quæ paulo supra.	1107
Cap. XIV. — In eadem epistola.	1109
Cap. XV. — In epistola ad Albericum, in qua ei super decem questionibus respondet.	1109
Cap. XVI. — In eadem epistola.	1110
Cap. XVII. — In sermone de Virginibus.	1111
Cap. XVIII. — In epistola ad Albericum, in qua ei super decem questionibus respondet.	1112

Incipiunt capitula libri tertii Regum.	1115	CAP. XI. —	1147
Incipiunt testimonia libri tertii Regum.	1115	CAP. XII. — Ex sermone in natali virginum.	1147
CAP. PRIMUM. — Ad C. præfectum, ubi eum ad certamen provocat.	1115	CAP. XIII. — In sermone de SS. Flora et Lucilla.	1147
CAP. II. — In epistola ad Albericum, ubi super decem questionibus tractat.	1114	CAP. XIV. — Ex sermone in natali virginum.	1148
CAP. III. — In epistola ad Agnetem reginam.	1116	CAP. XV. —	1148
CAP. IV. — In eadem epistola.	1116	CAP. XVI. — In epistola ad Blancam et in sermone de SS. Flora et Lucilla.	1149
CAP. V. — In epistola ad Albericum, ubi dicitur de mansuionibus Israelitarum.	1117	CAP. XVII. —	1150
CAP. VI. — In epistola ad A. P. P. ubi conqueritur de insolentia pravorum hominum.	1118	CAP. XVIII. — In sermone de S. Joanne apostolo et evangelista.	1150
CAP. VII. — In sermone de nativitate S. Mariæ.	1119	CAP. XIX. —	1150
CAP. VIII. — In epistola ad Agnetem reginam.	1120	CAP. XX. — In homilia de nativitate B. Virginis Mariæ.	1150
CAP. IX. — In sermone de S. Anthimo.	1120	CAP. XXI. — In sermone de S. Marco evangelista.	1151
CAP. X. — In sermone de inventione S. crucis.	1122	CAP. XXII. —	1151
CAP. XI. — In sermone de inventione S. crucis.	1122	CAP. XXIII. —	1152
Incipiunt capitula libri quarti Regum.	1122	CAP. XXIV. —	1152
Incipiunt testimonia libri quarti Regum.	1122	CAP. XXV. — In sermone de inventione S. Crucis.	1153
CAP. PRIMUM. — In sermone de exaltatione S. crucis.	1122	CAP. XXVI. —	1153
CAP. II. — In sermone de S. Cassiano.	1123	CAP. XXVII. — In Epistola ad Blancam et in sermone de sancto Cassiano.	1154
CAP. III. — In epist. ad Hildebrandum et Stephanum, ubi dicitur quomodo rationalis anima ad perfectionem veniat.	1123	Incipiunt capitula libri Sapientie.	1155
CAP. IV. — In sermone de inventione S. crucis.	1124	Incipiunt testimonia libri Sapientie.	1155
CAP. V. — In sermone de S. Bonifacio.	1125	CAP. PRIMUM. — In libro Graissimo	1153
De libro Esdræ.	1125	CAP. II. — In sermone secundo de S. Bartholomæo apostolo.	1155
De libro Tobie.	1127	Incipit capitulum de libro Ecclesiastici.	1155
De libro Job.	1129	CAPUT UNICUM. — In sermone secundo de S. Matthæo apostolo et evangelista.	1155
Incipiunt capitula de libro Psalmorum.	1129	Incipiunt capitula libri Isaie prophetæ.	1157
Incipiunt testimonia libri Psalmorum.	1129	Incipiunt testimonia.	1157
CAP. PRIMUM. — In epistola ad Desiderium abbatem, ubi super Dei omnipotentiam disputatur.	1129	CAP. I. —	1157
CAP. II. — In epistola ad Hermisindum.	1129	CAP. II. — In epistola ad Blancam.	1157
CAP. III. — In epistola ad Desiderium abbatem, ubi dicitur quod majori sui dignus honore qui dignitatem projicit quam qui in ea manet.	1130	CAP. III. — Ad Oldericum, episcopum Firminum.	1158
CAP. IV. — In libro de contemptu seculi.	1151	CAP. IV. — In epistola ad Hermisindum, quod ædificium humane superbie cito destruitur.	1159
CAP. V. — Ad Alexandrum papam, de canonicis.	1151	CAP. V. — In libro contra Judeos.	1159
CAP. VI. — Ad Desiderium abbatem, ubi de Dei omnipotentia disputatur.	1151	CAP. VI. — In sermone de S. Luca evangelista.	1159
CAP. VII. — In sermone de S. Anastasio.	1152	CAP. VII. — In eadem epistola.	1160
CAP. VIII. — In epistola ad Blancam comitissam.	1152	CAP. VIII. — In epistola ad Albericum card., de decem questionibus.	1160
CAP. IX. — Ad Desiderium abbatem, ubi excessum suum excusat.	1152	CAP. IX. — In homilia de nativitate S. Mariæ virginis.	1161
CAP. X. — In sermone de S. Columba.	1153	CAP. X. — In epistola ad Cuthbertum episcopum Tannensem de incontinentia clericorum.	1162
CAP. XI. — In sermone de S. Christophoro.	1153	Incipiunt capitula Jeremie.	1161
CAP. XII. — In epistola ad Alexandrum papam, de auferenda proprietate canonicis.	1154	Incipiunt testimonia.	1161
Incipiunt capitula de libro Proverbiorum.	1154	CAP. PRIMUM. — In epistola ad P. archipresbyterum, ubi loquitur de animæ egressione a corpore.	1161
Incipiunt testimonia Proverbiorum.	1154	CAP. II. — In epistola ad P. archipresbyterum, de incontinentia clericorum.	1163
CAP. PRIMUM. — In epistola ad Cincium præfectum.	1155	CAP. III. — In epistola ad P. abbatem.	1163
CAP. II. — In eadem epistola.	1155	CAP. IV. — In epistola ad cardinales episcopos.	1163
CAP. III. — In sermone de S. Bartholomæo.	1156	CAP. V. — In epistola ad P. archipresbyterum, super egressione animæ de corpore.	1166
CAP. IV. — In epistola ad Cincium præfectum, super cohortatione ad castitatem.	1156	CAP. VI. — In epistola ad fratres Sauciaci, ubi ad patientiam provocat.	1166
CAP. V. — In epistola ad fratres Gamuguii, ubi de transgressione suorum mandatorum agit.	1157	CAP. VII. — In epistola ad N. papam, super incontinentia clericorum.	1167
CAP. VI. — In epist. ad Alexandrum papam de canonicis.	1157	CAP. VIII. — In epistola ad Hermisindum.	1168
CAP. VII. — In eadem epistola.	1158	CAP. IX. — In epistola ad Albericum card. super decem questionibus.	1168
CAP. VIII. — In epistola ad Alexandrum papam, super insolentia malorum hominum.	1160	CAP. X. — In epistola ad Bonifacium, ut exteriori prudentie spiritualis sapientia præferatur.	1169
Incipiunt capitula de Ecclesiaste.	1160	Incipiunt capitula de libris prophetarum.	1169
Incipiunt testimonia de Ecclesiaste.	1160	Incipiunt testimonia de libris prophetarum.	1169
CAP. PRIMUM. — In libro Graissimo.	1159	CAP. PRIMUM. — In epistola ad V. episcopum.	1169
CAP. II. — G. G.	1160	CAP. II. — In sermone de S. Stephano papa et martyre.	1169
CAP. III. — Ad Mainardum abbatem.	1160	CAP. III. — In sermone primo synodali.	1170
CAP. IV. — In epistola ad Bonitacium Casidicum, ut exteriori prudentie spiritualis sapientia præferatur.	1161	CAP. IV. — In epistola ad Blancam.	1170
CAP. V. — In epistola ad Alexandrum papam, contra papam ne judicet.	1161	CAP. V. — In epistola ad Honestum.	1171
Incipiunt capitula de Canticis canticorum.	1162	CAP. VI. — In homilia de nativitate B. Mariæ Virginis.	1171
Incipiunt testimonia de Canticis canticorum.	1163	CAP. VII. — In sermone I, de S. Matthæo apostolo et evang.	1171
CAP. PRIMUM. — Ex sermone in natali virginum.	1163	CAP. VIII. — In epistola ad Mainardum abbatem.	1172
CAP. II. —	1163	CAP. IX. — In epistola ad cardinales episcopos, de dignitate Romane Ecclesie.	1172
CAP. III. — In sermone de SS. Flora et Lucilla.	1164	CAP. X. — In sermone II de S. Matthæo apost. et evang.	1173
CAP. IV. — Ex sermone in natali virginum.	1165	Incipiunt testimonia de libro Machabeorum.	1173
CAP. V. —	1165	CAP. I. —	1173
CAP. VI. —	1165	CAP. II. — In epistola ad Albericum card.	1175
CAP. VII. —	1165	De petitionibus Lincidarii et responsionibus ejusdem.	1177 et 1178
CAP. VIII. —	1166	De minationibus et promissionibus Dei.	1179 et 1180
CAP. IX. —	1166		
CAP. X. —	1167		

Date Due

[illegible]

3 9031 01363826 7

77848

THIS BOOK MAY NOT BE
TAKEN FROM THIS ROOM

77848

Author Migne - Patrologia
Title LATINA - t. 145
S. PETRUS - t. 2

Migne

Boston College Library
Chestnut Hill 67, Mass.

Books may be kept for two weeks unless a
shorter period is specified.

If you cannot find what you want, inquire at
the circulation desk for assistance.



